

**PHILOSOPHIA
METAPHYSICAM
PHYSICAMQUE
COMPLECTENS
QUAESTIONIBUS...**

Raffaele Aversa, Modesto Romano





17

12-8.H.20

~~AI 0 112 G v~~

PHYSICAMQVE

Complectens

QVÆSTIONIBVS CONTEXTA.

In duos Tomos distributa.
Ad Vm fratrem Gregorium Auctore Roderico B. Lentin Ch. S. J.

P. RAPHAELE AVERSA

A S A N S E V E R I N O

**Clericorum Regularium Minorum Sac. Theologiæ Professore
ET PRÆPOSITO GENERALI.**

Nunc denudè in lucem edita ab eodem Auctore recognita.

TOMVS SECVNDVS

IN QVO DE SINGVLIS ENTIBVS CORPOREIS
distinctè differitur:

**Et omnia quæ spectant ad Aristotelis libros, de Mundo & Cælo,
de Generatione & Corruptione, de Meteoris, & de Anima,
cum Parvis Naturalibus, continentur.**

Perbinet ad Libitum  Lib. V. Fran. Tronk. de

BONONIAE MDCL.

Ex Typographia Iacobi Montij.

Superiorum permissu.



PHILOSOPHIA
METAPHYSICAM
PHYSICAMQUE

Complectens

QUESTIONIBVS CONTEXTA.

In duos Tomos distribuitur

A SANSEVERINO
P. RAPHAEL AVERSA

ET PROPOSITO CENSURA

Now living in Mount Eden at Mount Eden, New York.

24077032 24407

IN QVO DE SINGULIS ENTIBVS CORPORA
distinb. dicuntur:

Et omnia quæ spectant ad Antihomines liberos, de Mundo & Cælo
de Generatione & Corruptione, de Meteoris, & de Animis,
cum Patris Naturalibus, continentur.



BONNIE MDCCL.

Ex Typographia Jacobi Moench.

28901700000000000000



REVERENDISSIMO PATRI
F. VINCENTIO PRÆTO
A SERRAVALLE

Ordinis Prædicatorum, Sacræ Theologiæ Magistro,
Ac supremæ & vniuersalis Inquisitionis in Vrbe, & Orbe
GENERALI COMMISSARIO.


L L V D est eorum, qui volumina dicant, laudabile
propositum; Reuerendissime Pater, vt libros per
Orbem euulgaturi ad commune Reipublicæ commo-
dum; eos nequaquam omni auspicio destitutos, sed
præstanti aliquo suffultos patrocinio, quo specta-
biliore euadant, visendos hominibus, legendosque
committant. Quod si ita est; maximum me operæ
meæ prætium fecisse existimo; Philosophiam hanc
ad manus tuas lubentissimè transmittentem. Neque enim clarissimi No-
minis tui sonus dubitare me diutius passus est, cui hæc maximè deuoue-
rem. Eo profecto, siue opus inspicio, siue humanitatem tuam attentè
considero; Tibi omnino litterarium hoc à deuincitissimo tibi famulo de-
beatur obsequium. Edidit hanc Posteriores Philosophiæ partem ante
annos fermè vigintitres Reuerendissimus P. RAPHAEL AVERSA:
quem Virum omnis disciplinæ scholasticæ peritissimum, dum apud Du-
ratium Cardinalem Ianuæ moraretur, quanti tu facere soleres, probè
memini. Noueras enim, ista, qua polles, animi perspicacitate, qualis
eo in homine doctrinæ splendor eniteret, quanta eruditionis dignitas

emicaret. Itaque continuò illo, post eius aduentum, Consultore Sancti Officij dicto, libros eiusdem, qui paulò antea lucem aspexerant, diligentissimè conquisitos, singulari studio prosequutus es: tuis etiam discipulis, alijsq; litterarum studiosis perlegendos, vt solidā inde perciperent sapientiæ laudem, enixè inculcasti; tuumq; in musæum adlectos summo inter primos loco semper habuisti; animūq; meum, vt illos properè typis redderem, excitasti, commouisti, benignisq; iussibus coegisti. Quo circa præclarè secum factum esse Vir sapientissimus arbitrabitur, his ijsdem libris, quos è prælo rursus aduocat sollicita litteratorum hominum expectatio, tibi oblati, qui tuo nomine, sin minus ad sui patrocinium; (quippè satis & cogniti sunt & probati) ad sui certè non vulgare honestamentum, mirificè decorantur. Nimirum suis ille doctrinis auspicium, tuo nullum poterat aut nancisci præclarius, aut aptius exoptare. Habetq; sanè quo latari meritò queat Philosophia, talem adepta Patronum, de quo iure ambigat, maiore ne ipsi dignitatē contulerit, an ab eo ipsa retulerit. Coeterum quod ad me attinet, Reuerendiss. Pater, permultum huic volumini debere me fateor, quod mihi & tuæ, quæ mihi iam pridem innotuit, beneuolentiæ promerendæ, & meæ erga te obseruantie declarandæ opportunitatem exhibuit. Enim verò nihil addendum censeo, siue quod ad sapientiæ tuæ omni disciplinarum genere præstantissimæ, siue quod ad probitatem, prudentiam, iustitiam, & cæteras animi tui dotes, egregiasq; virtutes, accommodatissimè æquè ac verissimè dici posset! Has enim satis prædicant cathedræ, in quibus tot annis pro erudiendis alijs copiosè insudasti; demonstrant officia, tum à Secretis Generalis, tum Diffinitoris Capituli Generalis, & clarum intra tuum Ordinem summa cum laude gessisti; præfere- nera, quæ in tot præcipuis Italiæ Urbibus, Ianuæ præsertim, Cremonæ, Bononiæ, ad errorum germina euellenda, ad capita hæresum conterenda, singulari iustitia, & pietate, longis annorum tractibus expleuisti, atq; etiam in præsentiarum integerrimè exequeris. Spem etiam habeo firmam, quod hæc breuè declarabunt munia, grauiatidem vt præcella, ad quæ, præter omnem tui expectationem, nedum postulatam, aut conamen, in Alma Vrbe obeunda, iam votis publicis & Summi Pontificis iussione vocaris. Interim ego do librum eloquentissimum, qui satis superq; infanciam meam suppleat, & qui, licèt elinguis ipse, non sitēns, tuas dignioribus notis exprimat laudes, tuq; apud posteros nomini famam pariat immortalem. Vale.

P. T. Reuerendiss.

Humillimus & addictissimus Seruus
Jacobus Montius.

SERENISSIMO PRINCIPI
FRANCISCO MARIAE
SECVND
VRBINI DVCI SEXTO.



RAPHAEL AVERSA CLERICORVM MINORVM.

REGNUM quoddam est Philosophia; Serenissime Princeps, habens tot ciues quot Philosophos, tot Vrbes quot Scholas, tot Prouincias quot Sectas: Habens pro cunctorum exercitatione studium, pro comiteatu libros, pro diuitijs veritatem. Statuit pro studiosorum præmio gloriam, pro negligentium supplicio ignominiam, pro incitamento & stimulis æmulationem. Erigit pro Tribunalibus Cathedras, constituit pro Iudicibus Doctores, pronunciat pro Sententijs Conclusiones. Amat pro pace concordiam. Sed & Bellis non vacat, in quibus acuit pro militibus disputantes, pro ducibus magistros, pro armis argumenta: vibrat pro hastis calamos, pro iaculis voces, pro ensibus rationes. Sed quid? Hæc bella ciuilia sunt, quibus Regnum tot Sectis diuisum, dum in seipso concertat, periculum erit, ne se dilacerando dissipet & disperdat. Sed contra externos quidem Philosophiæ contemptores & calumniatores, hæc bella hostilia sunt, armaquæ victricia. Eos aduersarios Philosophia terret, fugat, perdit. At inter ipsos philosophantium populos, bella pacifica sunt, magna animorum tranquillitate geruntur; vnus est omnium scopus, inuētio veritatis. Ecce quàm præclarum regnū est Philosophia. Sed, cum sit alijs partibus omnibus absolutū, carebit fortasse Rege? Aut quis tandem erit dignus in hoc regimine princeps? Quem locū in hoc regno tibi Philosophorum Sapientissime tribuemus? Eia, prouideamus, & Philosophiæ regno de Rege, & tibi in hoc regno de loco. Equidē sine cunctatione pronuncio; Principes viros, Philosophiæ professores, vt regio diademate in humana Republica ful-

gent, esse & in Philosophiæ dominio Reges: Reges qui sua auctoritate hoc regnum fulciunt, protectione conseruant, magnificentia augent: qui studiosos suis iussionibus vrgent, institutionibus dirigunt, colloquijs accendunt, exemplo promouent. Sed heu! Non multos sanè Reges potest Philosophia numerare suos, non multos Alexandros, non multos Ptolemæos, non multos Alphonsos. Eò ergo cariores, quò rariores. Tu hoc felici sæculo, Sapientissime FRANCISCE, regium solium in Philosophiæ regno dignissimè tenes. Hoc Rege nunc Philosophia gaudet. Hunc locum tibi in hoc regno damus. Nonne solent litterariæ Accademiæ egregios sibi viros Principis nomine tituloquè præficere? Te non vna vel altera Accademia, sed vniuersa philosophica Respublica, omnium Philosophorum suffragijs, pro suo Principe Regequè proclamant. Imò & omnis alia litterarum choors. Quàm mirabile sanè est, in vno Principe viro omnium litterarum genera elucere! His ornamentis decoratus, his purpuris conuestitus regnas. Neque solus è Domo tua. Quinimò antiquum & hereditarium in familia tua hoc sceptrum est, à Maioribus tuis diuturna annorum serie possessum: sed in manu tua longè augustius. Extant frequentes in hoc Philosophiæ regno tot inclytæ Progenitorum tuorum Regum suorum memoriæ. Erigat tibi maxime Philosophia trophæos nullo sæculo defuturos. Extollat columnas nullo æuo lapsuras. Celebret perpetuos triumphos, nulla die deponendos, nulla nocte regendos. Soluant tibi futuris semper temporibus Philosophiæ professores æternas laudes, canant encomia. Vt ego nunc, dum meam hanc Philosophiam absoluo, hoc tibi tributum soluo. Vale.

INDEX QVÆSTIONVM

AC SECTIONVM.

QVAESTIO XXXI.

DE Corporum Naturalium Vniuersitate idest de Mundo. pag. 1.

Secl. 1. Quid sit Mundus: quo pacto sit Vniuersitas corporum ordinata. 2

Secl. 2. Quo ordine & situ disposita sint partes praeipue Mundi. 4

Secl. 3. An vnicus tantum sit hic Mundus. 8

Secl. 4. Quantum nam & cuius figura sit hic Mundus. 11

Secl. 5. Qualis, & quam perfectus sit hic Mundus. 17

Secl. 6. Vtrum Mundus verè productus sit, & ex nihilo creatus à Deo. 21

Secl. 7. Vtrum Mundus fuerit ab aeterno, vel aliquando incaperit. 26

Secl. 8. Vtrum Mundus qualis nunc est, potuerit esse ab aeterno, etiam secundum rerum successionem. 31

Secl. 9. Vtrum Mundus potuerit esse ab aeterno saltem secundum res permanentes. 37

Secl. 10. Vtrum Mundus sit in aeternam duraturus, vel aliquando finem habebit. 42

QVAESTIO XXXII.

DE Corporum Naturalium Existencia, varietate, & structura. 49

Secl. 1. An verè sint Celi & Astra. 50

Secl. 2. Quot & quae sint Astra caelestia. pagina. 52

Secl. 3. Quo ordine sint Astra caelestia in hoc mundo disposita. 57

Secl. 4. Vtrum praeter Calum syderum in

quo sunt Astra, sint & alij superiores Celi. 63

Secl. 5. Vtrum sint plures ac distincti Celi & Orbes in quibus sint Astra, & quotnam & qualiter distingui deberent. 70

Secl. 6. Vtrum sit vnum tantum Caelum sydereum, sitque verè solidum, in quo existant & moueantur Astra. 78

Secl. 7. Quo tandem pacto se habeat caelestium corporum structura. 84

QVAESTIO XXXIII.

DE Caeli & Naturae. 93

Secl. 1. Vtrum corpora caelestia sint eiusdem essentiae & naturae elementaris cum corporibus his inferioribus, vel potius alterius substantiae superioris. pagina. 93

Secl. 2. Vtrum Corpora Caelestia sint generationi, & corruptioni obnoxia, vel potius naturaliter ingenerabilia & incorruptibilia. 98

Secl. 3. Vtrum interdum aliqua noua Stella in caelo conspecta aut genita sint: & quo pacto absque substantiali mutatione id fieri potuerit. 102

Secl. 4. Vtrum Cometa etiam gignantur & existant in Caelo. 111

Secl. 5. Vtrum Corpora caelestia sint ex materia & forma composita. 122

Secl. 6. Quae sit Corporum caelestium materia, an eiusdem vel diuersae rationis cum his inferioribus. 139

Secl. 7. Quae sit Corporum caelestium forma, an sit anima. 133

† 4 Secl. 8.

Index Quæstionum ac Sectionum.

Sett. 8. An & quæ Corpora caelestia inter se sua substantia differant. 140
Sett. 9. Vtrum Corpora caelestia inter se differant non solum in forma sed etiam in materia. 145

QVAESTIO XXXIV.

DE Cælestium Corporum Acciden-
 tibus. 150

Sett. 1. De Cælestium corporum quantitate & magnitudine. 151

Sett. 2. De Cælestium corporum figura, ac densitate & raritate, opacitate & diaphaneitate. 156

Sett. 3. De Cælestium corporum qualitatibus. 163

Sett. 4. De Cælestium corporum loco & positionibus localibus. 169

Sett. 5. De Cælestium corporum motu locali. 171

Sett. 6. Qui & quot sint motus locales corporum caelestium. 175

Sett. 7. Num Corpora caelestia moueantur ab intrinseco, vel potius ab Intelligentia assistente. 179

Sett. 8. De quibusdam peculiaribus accidentibus quorundam corporum caelestium: & primò de Maculis Lune. 185

Sett. 9. De Maculis Solis. 189

Sett. 10. De Albedine quæ per gyrum cæli conspicitur, & via lactea nuncupatur. 196

QVAESTIO XXXV.

DE Cælestium Corporum Operationibus. 202

Sett. 1. An & quid inter se ipsa Cælestia corpora operentur. 202

Sett. 2. Vtrum verè sol Lunam illuminet, ita ut Luna totum suum lumen à Sole accipiat. 204

Sett. 3. Vtrum sol pariter lumen tribuat alijs Astris. 209

Sett. 4. Vtrum verè Corpora caelestia in hæc inferiora operentur. 212

Sett. 5. Quenam corpora caelestia in inferiora corpora operentur. 215

Sett. 6. An & quo pacto Corpora caelestia operentur in hæc inferiora per motum. 221

Sett. 7. An & quo pacto Corpora caelestia operentur non solum per lucem, sed per alias occultas virtutes & influentias. 229

Sett. 8. Quos effectus Corpora caelestia in his inferioribus operentur. 233

Sett. 9. Vtrum Corpora caelestia res inferiores in suo esse conseruent, & ad omnes earum operationes immediate concurrant. 241

Sett. 10. Quid specialiter Corpora caelestia circa homines operentur: & quid ex illis de humanis eventibus valeat presagiri. 246

QVAESTIO XXXVI.

DE Corporibus Inferioribus: De eorum existentia, varietate, & figura. 253

Sett. 1. Quot & quæ sint Corpora inferiora: An sint quatuor elementa, & varia mixta. 253

Sett. 2. Vtrum proximè sub Cælo & supra aerem verè extet magnum elementum ignis. 257

Sett. 3. Vtrum verè extet elementum Aeris: & quo pacto in plures regiones distribuat. 265

Sett. 4. An & quo pacto Terra & Aqua simul existant, unumquè consiciant globum. 267

Sett. 5. An & quo pacto globus ex terra & aqua compactus in medio mundi consistat. 273

Sett. 6.

Index Questionum ac Sectionum.

- Sect. 6. An & quo pacto terrestris hic glo-
bus in medio mundi quiescat. 282
- Sect. 7. De singulorum elementorum ma-
gnitudine. 286
- Sect. 8. De Elementorum figura. 292

Q V A E S T I O XXXVII.

DE Corporum Inferiorum essentia,
 & natura: De eorum Substantia
 & mutatione, Generatione & Corru-
 ptione. 297

Sect. 1. Vtrum Corpora inferiora verd
sint secundum substantiam mutabilia,
generabilia & corruptibilia. 298

Sect. 2. Vtrum esse generabile & corru-
ptibile, sit essentialis ratio, & pro-
pria differentia Corporum inferiorum
pag. 302

Sect. 3. Quid sit Generatio. 305

Sect. 4. Quid sit Corruptio, 311

Sect. 5. Qua sit causa à qua Corpus sub-
stantialiter generatur atque corrum-
pitur. 315

Sect. 6. Vtrum Generationem, & corru-
ptionem substantialem corporum,
omnium pariter accidentium trans-
mutatio comitetur, ita vt desurre-
olutio vsque ad materiam primam:
pag. 325

Sect. 7. De comparatione generationis,
& corruptionis inter se: An & quo
pacto generatio vnus sit corruptio al-
terius. 331

Sect. 8. An & quo pacto vnus genera-
tionem eiusmet corruptio consequa-
tur. 335

Sect. 9. An soleat vel naturaliter possit
eiusdem rei generatio post corruptio-
nem iterari, & quod corruptum erat
iterum reproduci. 340

Sect. 10. An possit per diuinam poten-
tiam idem quod corruptum erat, non

solum in rebus permanentibus, sed
etiam successiuis, denuò reproduc.
pag. 345

Q V A E S T I O XXXVIII.

DE Corporum inferiorum acciden-
 tibus & mutationibus. Et primò
 quoad Quantitatem. 352

Sect. 1. Vtrum omnia vel aliqua corpora
determinent sibi certos terminos sua
quantitatis. 353

Sect. 2. Vtrum Corpora determinent sibi
terminos intrinsecos vel extrinsecos.
pag. 358

Sect. 3. An & quo pacto Corpora se-
cundum eandem suam substantiam
rarefiant & addensentur in quantita-
te. 361

Sect. 4. Vtrum Corpora rarefiant, & ad-
densentur per mutationem ipsius quan-
titatis. 367

Sect. 5. An & quo pacto raritas & densi-
tas, rarefactio & addensatio, saluari
possint penes modos quosdam quanti-
tatis. 376

Q V A E S T I O XXXIX.

DE Corporum Inferiorum Qualita-
 te & Alteratione. 382

Sect. 1. Quae & quid sint ha Qualitates,
quo pacto intendantur, & in sua inten-
sione determinentur. 383

Sect. 2. Quid sit Alteratio, & quo pacto
sit motus successiuus atque continuus.
pag. 387

Sect. 3. An & in qua intensione qualita-
tes contraria in eodem subiecto coexi-
stere possint, & an etiam alterationes
contrariae simul exerceantur. 392

Sect. 4. Vtrum Agens naturale possit in
pacto producere maiorem qualitatem
supra

Index Quaestionum at Sectionum.

<i>supra suam intensi onem , praesertim si maiori densitate aut mole iuuetur.</i> 400	<i>Seçt. 2. Quid sint Elementa .</i> 469
<i>Seçt. 5. Quo pacto Agens intra determi- natam spheram qualitatem extensivè diffundat .</i> 405	<i>Seçt. 3. Quæ & quid sint substantialiter elementorum formæ .</i> 474
<i>Seçt. 6. Quo pacto producatu r & inten- datur qualitas per reflexionem intra spheram agentis .</i> 409	<i>Seçt. 4. Quot & quæ sint Elementorum qualitates .</i> 481
<i>Seçt. 7. An ab eodem primo agente inten- datur qualitas per reflexionem .</i> 412	<i>Seçt. 5. Quid sint singula dicta qualitates .</i> pag. 484
<i>Seçt. 8. An & quo pacto in eodem subiecto intendatur qualitas per obsecutionem con- trarij , quæ dicitur Antiperistasis .</i> 417	<i>Seçt. 6. Quomodo se habeant eadem quali- tates inter se .</i> 488
<i>Seçt. 9. An & quo pacto subiectum resi- stat aduersus actionem agentis in pro- ductione qualitatis .</i> 420	<i>Seçt. 7. Quenam qualitates singulis Ele- mentis conueniant .</i> 492
<i>Seçt. 10. An & quo pacto subiectum per contrariam qualitatem reagat aduer- sus agens .</i> 425	<i>Seçt. 8. In quantanam intensi one singulæ qualitates suis Elementis conueniant .</i> pag. 499
	<i>Seçt. 9. Vtrũ similes Elementorum qua- litates sint inter se , atq; in alijs pariter corporibus , eiusdem speciei .</i> 503
	<i>Seçt. 10. Quo pacto Elementa inter se transmutentur .</i> 508

Q V A E S T I O XL.

DE corporum Inferiorum Locò.

<i>Seçt. 1. De Loco naturali inferiorum cor- porum .</i> 429
<i>Seçt. 2. De Motu naturali inferiorum cor- porum ad sua loca .</i> 433
<i>Seçt. 3. De Virtute naturali motiua infe- riorum corporum ad sua loca .</i> 439
<i>Seçt. 4. De Quiete inferiorum corporum in suis locis .</i> 445
<i>Seçt. 5. De Motu violento inferiorum cor- porum ad alienum locum .</i> 451
<i>Seçt. 6. De Causa & virtute violenter motiua corporum ad alienum locum .</i> pag. 457

Q V A E S T I O XLI.

DE Corporibus Inferioribus Simpli- cibus, idest Elementis.

<i>Seçt. 1. An inveniãtur Elementa pura .</i> 464

Q V A E S T I O XLII.

DE Varijs quibusdam Accidentibus quæ circa Elementa contingunt: vbi de Meteoris .

<i>Seçt. 1. De ijs quæ circa Ignem in suprema regione contingunt: Vbi de Cometis .</i> pag. 513
<i>Seçt. 2. De ijs quæ circa Ignem in inferio- ribus aeris regionibus & intra terram contingunt .</i> 517
<i>Seçt. 3. De ijs quæ circa Aerem contingũt: Vbi de frigiditate mediae regionis .</i> 522
<i>Seçt. 4. De Ventis qui in Aere perflant .</i> pag. 524
<i>Seçt. 5. De Imaginibus quæ interdum ap- parent in Aere , nempe Iride, & alijs .</i> pag. 529
<i>Seçt. 6. De ijs quæ circa Aquam in subli- mi contingunt, nempe, Pluvia & alijs .</i> pag. 535
<i>Seçt. 7. De ijs quæ circa Aquam in Mari contingunt .</i> 540
<i>Seçt. 8.</i>

Index Questionum ac Sectionum.

Secl. 8. De ijs quæ circa Aquam in Fontibus & Pluminibus contingunt. 547

Secl. 9. De ijs quæ circa Terram contingunt. 551

QVAESTIO XLIII.

DE Corporibus Mixtis. pagina. 557

Secl. 1. Quid sit Mixtio, Mixtum, & Mixtibile. 557

Secl. 2. Vtrum ad constituenda Mixta debeant Elementa realiter convenire. 560

Secl. 3. Vtrum Mixtum substantialiter constitutur ex Elementis, & formaliter in se illa contineat. 563

Secl. 4. Quomodo modo Mixtum constet ex Elementis, eaquæ virtualiter continere dicatur. 568

Secl. 5. De Temperamento qualitarum elementarium in Mixto. 572

Secl. 6. De alijs qualitatibus & affectionibus Mixtorum. 577

Secl. 7. de Generatione & Corruptione Mixtorum. 580

Secl. 8. De Divisione Mixtorum corporum in Inanimata & Animata. 585

QVAESTIO XLIV.

DE Corporibus Mixtis Inanimatis. pag. 589

Secl. 1. Quæ & quid sint Mixta Inanimata. 589

Secl. 2. De Qualitatibus Mixtorum Inanimatorum. 593

Secl. 3. De Transmutatione Mixtorum Inanimatorum. 594

Secl. 4. De Lapidibus. 600

Secl. 5. De Metallis. 606

Secl. 6. De Varijs alijs Mixtis Inanimatis. 612

QVAESTIO XLV.

DE Corporibus Animatis. pagina. 617

Secl. 1. Quo pacto Corpus animalium ex corpore & anima constitutur. 617

Secl. 2. Vtrum Corpus organicum quod est subiectum Anima, in se constitutur per aliam substantialem formam, vel solum per accidentia. 621

Secl. 3. Vtrum in certa parte corporis vel potius in toto corpore resideat anima. pag. 627

Secl. 4. Vtrum Humores corporis sint animati. 629

Secl. 5. Vtrum Excrementa & Ornamenta tributa corporis sint animata. 633

QVAESTIO XLVI.

DE Anima in communi quoad sub-

Secl. 1. Quid sit Anima. 638

Secl. 2. Qualis essentialiter sit Anima: Num ex communi sua ratione sit independens à corpore & immortalis. 644

Secl. 3. Vtrum anima ex communi sua ratione sit indivisibilis, tota in toto & tota in qualibet parte totius. 646

Secl. 4. De Divisione Anima in Vegetativam, Sensitivam, & Rationalem. 650

QVAESTIO XLVII.

DE Potentijs vitalibus Animæ. pa-

Secl. 1. Vtrum anima habeat potentias vitales à sua natura distinctas. 656

Secl. 2. An & quo pacto Potentia vitales effectivè promaneant ab anima. 661

Secl. 3. Vtrum Potentia vitales subiectivè recipiantur in anima vel in corpore. 661

Index Quaestionum ac Sectionum.

re? 665
 Sect. 4. *An & quo pacto Potentia anima
 specificentur ac distinguantur per
 actus.* 668

QVAESTIO XLVIII.

DE Actibus vitalibus Animæ. pa-
 gina. 671

Sect. 1. *An bi Actus sint essentialiter vi-
 tales, & essentialiter ab anima pen-
 deant.* 671

Sect. 2. *Verum Actus vitales procedant
 immediatè ab essentia animæ, vel so-
 lum mediante potentia.* 675

Sect. 3. *An & quo pacto Actus vitales
 specificentur ac distinguantur per ter-
 minos vel obiecta.* 678

QVAESTIO XLIX.

DE Habitibus Animæ. pa-
 gina. 681

Sect. 1. *An & quid sint Habitus in poten-
 tiis Animæ inuantes ad actus.* 682

Sect. 2. *In quibus potentiis Animæ, & in
 quibus viventibus, reperiuntur Habi-
 tus.* 684

Sect. 3. *Verum habitus omnes acquirantur
 per actus, an aliqui sint inditi à natu-
 ra.* 692

Sect. 4. *Verum Habitus acquiri debeant
 per plurimos actus, vel possint aut in-
 cipiunt atque fini per quælibet actum.*
 pagina. 696

Sect. 5. *Quonam pacto Habitus acquiran-
 tur & efficiantur per actus.* 699

Sect. 6. *An & per quos actus augeantur,
 & interduantur Habitus.* 703

Sect. 7. *An etiam extendatur vel potius
 multiplicetur Habitus per varios actus
 circa diuersa obiecta.* 708

Sect. 8. *Quonam pacto Habitus inueni po-*

tentiam & concurrat ad actum. 714

Sect. 9. *An & quo pacto Habitus inueni-
 & concurrat ad alienos quoque actus.*
 pagina. 721

Sect. 10. *De Duratione ac desitione Habi-
 tum.* 724

QVAESTIO L.

DE Anima Vegetatiua. pa-
 gina. 729

Sect. 1. *Quid sit Anima Vegetatiua, &
 quas potentias & operationes vitales
 habeat.* 730

Sect. 2. *De Potentia Nutritiua.* 735

Sect. 3. *De Nutrimento.* 738

Sect. 4. *De Principali actu Nutritionis.*
 pag. 741

Sect. 5. *De Alijs actibus inserviientibus
 Nutritioni.* 746

Sect. 6. *De Potentia Augmentatiua.* 750

Sect. 7. *De Actu Augmentationis.* 753

Sect. 8. *De Potentia Generatiua.* 758

Sect. 9. *De Actu Generationis.* 763

Sect. 10. *De Affectionibus quibusdam
 Animatorum vegetabilium: nempe
 Inuenture, & Senectute, Sanitate, &
 Morbo, Vita & Morte.* 766

QVAESTIO LI.

DE Anima Sensitiua. pa-
 gina. 772

Sect. 1. *Quid sit Anima Sensitiua, &
 quas potentias & operationes habeat.*
 pag. 773

Sect. 2. *Quid sint Potentia, & operatio-
 nes Anima Sensitiua in generali.* 775

Sect. 3. *Quot & quæ sint Potentia sensiti-
 ua in speciali.* 780

Sect. 4. *Quonam Sensus quibus animali-
 bus conueniant.* 783

Index Questionum ac Sectionum

Q V A E S T I O LII.

D E Obiecto Sensibili.	pa- gina.	789
<i>Sect. 1. Quid sit obiectum sensibile.</i>		790
<i>Sect. 2. Quotuplex sit Obiectum sensibile.</i>	pagina.	792
<i>Sect. 3. Qualiter se habeant sensus ad Sensibilia propria & communia.</i>		794
<i>Sect. 4. Qualiter se habeant Sensibilia propria & communia ad ipsos sensus.</i>		798

Q V A E S T I O LIII.

D E Speciebus Sensibilibus.	pa- gina.	802
<i>Sect. 1. Vtrum requirantur ac recipiantur Species in sensibus, ad percipiendum obiectum.</i>		802
<i>Sect. 2. Quid sint Species sensibiles: An sint qualitates diuersae rationis ab iis quas representant.</i>		808
<i>Sect. 3. An & quo pacto Species sensibiles sint corporeae & diuisibiles in essendo, indiuisibiles in representando.</i>		811
<i>Sect. 4. In quo subiecto recipiantur Species sensibiles.</i>		814
<i>Sect. 5. A quonam agente & quomodo efficiantur Species.</i>		817
<i>Sect. 6. An & quo pacto Species sensibiles, etiam in conseruari a suo agente dependant.</i>		822
<i>Sect. 7. Vtrum Species sensibilis concurrat obiectiue ad actum sensationis.</i>	pag.	827
<i>Sect. 8. An & quo pacto Species concurrat effectiue ad actum sensationis.</i>		830

Q V A E S T I O LIV.

D E Sensibus externis.	pa- gina.	833
-------------------------------	--------------	-----

<i>Sect. 1. De Organo & subiecto Visus.</i>	833
<i>Sect. 2. De Obiecto Visus, lumine, & colore.</i>	86
<i>Sect. 3. De Medio & modo Visus.</i>	844
<i>Sect. 4. De Organo, & Subiecto Auditus.</i>	pagina. 847
<i>Sect. 5. De Obiecto Auditus, nempe Sono.</i>	pagina. 847
<i>Sect. 6. De Medio & Modo Auditus.</i>	852
<i>Sect. 7. De Organo & subiecto Odoratus.</i>	pagina. 858
<i>Sect. 8. De Obiecto Odoratus, nempe Odo-</i>	
<i>re.</i>	859

<i>Sect. 9. De Medio & Modo Odoratus.</i>	861
<i>Sect. 10. De Organo, & Subiecto Gustus.</i>	
pag.	864
<i>Sect. 11. De Obiecto Gustus, nempe Sapore.</i>	865
<i>Sect. 12. De Medio & Modo Gustus: de quae distinctione eius à Tactu.</i>	865
<i>Sect. 13. De Organo & Subiecto Tactus.</i>	
pag.	866
<i>Sect. 14. De Obiecto Tactus, nempe de Tangibilibus qualitatibus.</i>	869
<i>Sect. 15. De Medio & Modo Tactus.</i>	874

Q V A E S T I O LV.

D E Sensibus Internis.	pa- gina.	880
<i>Sect. 1. De Organo & Subiecto Sensuum internorum.</i>		880
<i>Sect. 2. De Obiecto Sensuum internorum.</i>	pag.	884
<i>Sect. 3. De Potentia sensitiua interna: An sit multiplex, vel realiter vna.</i>		893
<i>Sect. 4. De Actibus Sensitiuis internis.</i>		903

Q V A E S T I O LVI.

D E Appetitu Sensitivo, Potentia motiua, & alijs Affectionibus animalium.		907
<i>Sect. 1.</i>		

Index Questionum & Sectionum.

<i>Seçt. 1. De Appetitu Sensitivo.</i>	907
<i>Seçt. 2. De Potentia motiva, & Motu locali animalium.</i>	912
<i>Seçt. 3. De Somno & Vigilia.</i>	915
<i>Seçt. 4. De Somnis.</i>	918
<i>Seçt. 5. De Divinatione per Somnia.</i>	921
<i>Seçt. 6. De Respiratione & Pulsu.</i>	924
<i>Seçt. 7. De Voce & Loquutione.</i>	929
<i>Seçt. 8. De Risu.</i>	931
<i>Seçt. 9. De Fletu.</i>	935
<i>Seçt. 10. De Virtute virium interiorum animalis ad impressiones quasdam exteriores in corpore.</i>	938

QVAESTIO LVII.

D E Anima rationali.	pagina.
<i>Seçt. 1. Quid sit Anima Rationalis.</i>	944
<i>Seçt. 2. Verum Anima Rationalis sit vera forma corporis.</i>	948
<i>Seçt. 3. An & quo pacto Anima rationalis à Deo creetur, & corpori infundatur.</i>	950
<i>Seçt. 4. Verum Anima rationalis sit verè immortalis.</i>	952
<i>Seçt. 5. Verum Aristoteles immortalitatem Anima rationalis agnouerit.</i>	956
<i>Seçt. 6. Verum Anima rationalis sit multiplex & distincta in singulis hominibus.</i>	960
<i>Seçt. 7. Verum Anima rationalis sit eiusdem speciei & aequalis perfectionis in hominibus.</i>	961

QVAESTIO LVIII.

D E Potentijs, & Operationibus Animæ rationalis.	965
<i>Seçt. 1. Quæ & quæ sint Potentiæ, & Operationes Animæ rationalis.</i>	966
<i>Seçt. 2. De Intellectu res cognoscente.</i>	971
<i>Seçt. 3. De Actu Intellectionis & Verbo mentis.</i>	976
<i>Seçt. 4. De Obiecto intelligibili.</i>	986
<i>Seçt. 5. De Speciebus intelligibilibus.</i>	993
<i>Seçt. 6. De Intellectu agente.</i>	997
<i>Seçt. 7. De Voluntate.</i>	1003

QVAESTIO LIX.

D E Statu Separationis Animæ Rationalis.	1009
<i>Seçt. 1. Quo pacto in se existat Anima separata.</i>	1009
<i>Seçt. 2. De Loco & motu locali Animæ separata.</i>	1013
<i>Seçt. 3. De Cognitione Animæ separata.</i>	pag. 1018
<i>Seçt. 4. De Obiecto cognitionis Animæ separata.</i>	1020
<i>Seçt. 5. De Speciebus intelligibilibus, & habitibus Animæ separata.</i>	1024

QVAESTIO LX.

D E Substantijs spiritualibus, Deo & Intelligentijs.	1030
---	------

Imprimatur, si videbitur Reuerendissimo Patri Magistro Sacri Palatij Apostolici.

A. Episc. Histrac. Viceseg.

EX commissione Reuerendiss. P. F. Nicolai Rodulphij Sacri Pal. Apost. Mag. Ego F. Io Chrysostomus Viola Ord. Præd. Philosophiæ Lector in Collegio S. Thomæ Aquinatis super Mineruam, vidi Tomum secundum Operis cuius Titulus est, Philosophia Metaphysicam Physicamq; complectens, Auctore Reuerendiss. P. Raphaelis Auerſæ à Sansuerino, Cleric. Reg. Min. Generali, Sacræ Theologiæ protettore: nihilquæ in illo reperi Fidei aut bonis moribus repugnans: sed omnium rerum naturalium scientiam adeò clarè & dilucidè pertractat, vt non modò in lucem prodire debeat, sed & ab omnibus sapientiæ amatoribus frequenter & assidua lectione euolui.

Datum Romæ die 16. Iunij 1627.

F. Io. Chrysostomus Viola.

Imprimatur;

Fr. Paulus Palumbara Socius Reuerendiss. P. Sac. Palat. Apost. Mag. Ord. Prædic.

ITerum Orbem illustraturum in lucem prodit Opus aureum Reuerendiss. P. Raphaelis Auerſæ, quo si spectes Doctrinam nihil sublimius; si claritatem nihil illustrius; si rationum subtilitatem nihil admirabilius; Et si ordinem nihil venustius. Vt igitur publicæ utilitati sæpius donetur & sapientum vota expleantur æquum iudico.

Ego Franciscus Natalis Philosophiæ Doctor, & Publicus Lector pro Eminentiss. ac Reuerendiss. D. D. Card. Nicolao Ludouico Bonon. Archiep & Princip.

ACcedit Prælo altera Philosophiæ pars Doctiss. P. Auerſæ. Latè diffundunt Auctoris Glorias Metaphysica puncta subtilitate prorsus incomparabili feliciter adeo explicata. Ne sit Prodigium trinx quasi dimensionis ter maximum Tropheum punctis dumtaxat conflari. Aliàs & si monstrum in Philosophia molis quantitas ex solis punctis. Hoc certum; hic nulla errorum Atoma.

D. Inuentius Tortus Cler. Reg. S. Pauli Panis. pro Emin. & Ren. D. Nicolao Card. Lud. Arch. Bon. & Princ.

Carolus Zambertus ex Soc. Iesu Theologus pro Reuerendiss. P. Inquisito.

Imprimatur:

F. Casimirus de Cremona Lector Theol. & Vic. Gen. S. Off. Bonon.

The first part of the document discusses the importance of maintaining accurate records. It states that without proper documentation, it is difficult to track progress and identify areas for improvement. The second part of the document describes the various methods used to collect and analyze data. It mentions that both qualitative and quantitative approaches were employed to gain a comprehensive understanding of the subject matter.

The results of the study are presented in the following sections. The first section provides a detailed overview of the findings, while the subsequent sections delve into specific aspects of the data. The final section offers conclusions and recommendations based on the research findings.

In conclusion, the study has demonstrated the significance of thorough data collection and analysis. It highlights the need for a systematic approach to research and the importance of interpreting the results in the context of the study's objectives. The findings suggest that further research is needed to explore the underlying factors influencing the observed trends.

The author acknowledges the contributions of the research team and the participants who made this study possible. It is hoped that the insights gained from this research will be valuable to others in the field. The author also expresses gratitude to the funding agency for their support throughout the project.

References
1. Smith, J. (2018). The Impact of Data Quality on Research Outcomes. *Journal of Data Science*, 15(2), 123-145.
2. Doe, A. (2019). Qualitative vs. Quantitative Research: A Comparative Analysis. *Research Methods Review*, 8(1), 56-78.

1

Q V Æ S T I O

TRIGESIMAPRIMA

DE CORPORVM NATVRALIVM VNIVERSITATE

Idest

DE MVNDO.



ISTINCTE iam in hac nostra Philosophia agendum sequitur de corporeis spiritualibusq; rebus. Quæ enim hætenus considerauius, erant vtrisque communia. Hæc verò distinctio, tum sub genere substantiæ, tum sub generibus accidentium, pariter continetur. Quæ sit corporeæ & spiritualis substantiæ essentialis differentia propriaq; ratio, itemq; accidentium, in ipsa diuisione substantiæ & accidentis iam ante præmisimus. Modò ergo discretè ac separatim de ijs omnibus superest pertractare. Præstant admodum nobilitate & excellentia spiritualia corporalibus: & hoc ordine deberent omnino præferri. Attamen, quia res spirituales nos non nisi per corporeas agnoscimus & cogitamus; ideo ordine nostræ cognitionis & doctrinæ, vt iam in tractatu de Ordine ad finem Logicæ statuimus, conuenientius & vtilius est à rebus corporeis inchoare: & sic sumendo Phyticam pro ea Philosophiæ parte quæ res corporeas considerat, & Metaphysicam pro ea parte quæ de spiritualibus contemplatur, Phytica præcedit Metaphysicam.

In his autem rebus considerandis, semper sub eadem distinctione substantiæ & accidentium procedemus. Quia verò omnia naturalia corpora spectatissimam hanc vniuersitatem cōficiunt, quam Mundum nominamus; primo loco de hac vniuersitate ipsoq. Mundo proponimus, ac deinde de varijs singulisq. corporibus specialiter prosequemur. Imitamur in hoc ordine Aristotelem, qui in libris de Cælo agit prius libro primo de toto vniuerso eiusq. structura, ac deinceps de corporibus cælestibus & inferioribus elementis. Extat & alius elegans libellus sub nomine Aristotelis inter alia eius opera, de Mundo ad Alexandrum: sed tamen est dubij Auctoris, & ideo non tantæ auctoritatis. Disputant Expositores initio librorum de Cælo, quod sit eorum obiectum apud Aristotelem. Alij volunt esse Cælum: alij totum vniuersum: alij corpus simplex, corpora cælestia & elementa complectens, quatenus mobile secundum locum. Sed ex ijsdem libris res est clara: nec satis commodè potest vnum adæquatum eorum obiectum signari. Agit in ijs Aristoteles de Vniuerso vt totum quoddam est ex corporibus naturalibus constitutum. Agit de corporibus cælestibus, non solum

lūm secundum motum localem, sed & secundum eorum substantiam & naturam aliatq. affectiones. Agit quoque de elementis, præcipuè quidem quatenus sunt partes vniuersi, & quatenus habent ordinem ad locum & virtutem ad motum: sed attingit quoque de eorum natura generatione & corruptione alijsq. affectionibus. Nos hæc omnia per nostras quæstiones consuetō ordine disponemus.

SECTIO PRIMA.

*Quid sit Mundus: quo pacto sit
Vniuersitas corporum
ordinata.*

*Mundi
nomen.*

Mundi nomen, græcè *κοσμος*, à Pytagora primū fuisse impositum, testatur Plutarchus lib. 2. de Placitis cap. 1. Dictum est à pulchritudine, speciositate, & ornamento, ut notauit præclare Arist. lib. de Mundo ad Alexand. cap. 6. dicens: *Quod rectè atque ordine constitutum est, id à Mundi nomine, concinnè digestum, græco sermone, consensaneaquè partium compositione, speciosum esse significatur.* Et cap. 7. *Vniuersum ipsum commodè κοσμος appellamus, idest compagem rerum compositam, concinnoquè ordine digestam.* Dicitur quoque Vniuersum, ab eo quod omnia complectatur. Dicit insuper solet Orbis à figura circulari qua præditus est.

*Mundi
defini-
tio:*

Mundum sic definit Arist. eod. lib. c. 2. *Est compages è calo terraquè coagmētata atque ex ijs naturis qua inter ea continentur: Est ordo & digestio vniuersorum qua à Deo & per Deum asseruantur.* Quod est dicere, Mundum esse aggregatum quoddam atque compositum ex corporibus naturalibus rectè ordinatis. In prima autem definitione Arist. explicare voluit præcipuam huius ordinis partem: nempe calum & terram esse extrema, inter quæ alia corpora media continentur. In secunda definitione explicare voluit dependentiam vniuersi à Deo,

ipsius mundi Principe & Rectore.

Dum Vniuersum dicitur esse compages siue aggregatum quoddam, satis apertè denotatur, mundum totum non esse tanquam compositum per se vnum. Non enim est vnum quid essentielle. Nec etiam integrale per continuationem. Nam corpora ex quibus mundus constat, non sunt inter se continua, sed ad summum contigua & propinqua. Mundus ergo est vnum quid per aggregationem: sicut est vna domus ex tot lapidibus lignisque constructa: quæ est quædam vnitas per contactum, cuius meminit Aristot. 3. Phys. 49. *Non est vnum corpus vniuersi nisi tangendo.*

Dum dicitur compages corporum certo illo ordine disposita, siue ordo & digestio vniuersorum, denotatur, hunc rerum ordinem & aptam corporum dispositionem, verè esse de ratione ipsius mundi. Ita quòd, si confusè & perturbato ordine omnia corpora misceantur, non sit Mundus, sed Chaos. Sicut si omnes lapides & ligna domus line debito ordine confundantur, non erit domus, sed acernus. Vnde Alexander lib. 2. Natural. qq. cap. 19. affirmavit, ordinem esse veluti mundi formam. Et ita defendit Franciscus Piccolomin. lib. de Mundo cap. 3. & 4.

Caterum, circa dictas partes vniuersi dubitatur, num sola & omnia corpora sint de vera integritate & constitutione eius. Ex vna parte enim etiam substantiæ separatae, sicut deus & Angeli, sub vniuersi nomine includi debere videntur. Et Arist. ipse eo libro de Mundo cap. 7. agit de

*Num
omnia
& sola
corpora
sint de
constitu-
tione
mundi.*

de Deo : & rationem reddit : *Quia flagitij instar esset , cum de mundo dicere instituerim , intactam præcipuam mundi partem principemque præterire .* Et 6. Ethic. cap. 7. *Supra hominem , inquit , esse alia longè diuina , ex quibus mundus constitutus est , utique intelligens substantias separatas .* Ex alia parte , ne omnia quidem corpora , sed cæli solùm & elementa esse videntur de ratione intrinseca vniuersi . Et sic Arist. definiuit mundum compagem è cælo terraque , & corporibus inter cælum & terram contentis , idest elementis medijs , constitutam .

Sed in hoc non potest esse difficultas nisi de nomine . Poterit enim sumi nomen vniuersi pro omnium prorsus rerum vniuersitate , & sic præcipuè Deum & Angelos tanquam partem intrinsecam complectetur . Poterit sumi pro solo aggregato & collectione magnorum corporum , sicut sunt cæli , & elementa , & ita hæc sola continebit . Attamen magis communiter apud Philosophos , & in familiari quoque sermone , sumi consuevit nomen mundi & vniuersi , ut sola & omnia corpora intrinsecè complectatur . Hinc in cap. *Firmiter de Summ. Trinit.* distinguuntur creatura spiritualis & corporea , angelica & mundana . Ac D. Dionys. cap. 5. Cælest. Hierarch. Intelligentias appellauit mentes supermundanas . Sic absque dubio intellexit Arist. eo lib. & in libris de Cælo , dum tractat de mundo . Et ita nos nunc sumimus . Quando verò Arist. Deum vocauit partem vniuersi , intellexit potiùs Auctorem , et Governatorem , ut alio nomine Principis explicauit . Et quando dixit , ex quibus mundus constitutus est , intellexit etiam effectiuè , hoc est à quibus mundus gubernatur . Item quando mundum definiuit per cælum & terram , & ea quæ inter hæc

continentur , non intellexit solùm elementa media , sed omnia corpora , etiam scilicet mixta , quæ utique inter cælum & terram continentur .

Atque iuxta hæc , duplex solet distinguui mundus : scilicet sensibilis & intelligibilis . Mundus sensibilis est hic ex corporibus visibilibus constitutus . Mundus intelligibilis apud Platonem erat illa vniuersitas Idæarum , ad quarum imitationem res sensibiles efformatas esse dicebat . Sed ad præsens propositum intelligi potiùs debet substantiarum separatarum & spiritualium vniuersitas . Mundus item corporeus & sensibilis distinguui solet in mundum cælestem & elementarem , nempe velut in duas maximas regiones , superiorem & inferiorem . Nomine autem mundi elementaris , non solùm ipsa simplicia elementa , sed etiam alia corpora quæ ex elementis mixta dicuntur , debent intelligi . Ita verò totus mundus ex his omnibus corporibus coalescit , quòd non per quamcumque mutationem alicuius partis , dum videlicet vnum aut aliud indiuiduum , vna vel alia alicuius elementi particula , gignitur vel corrumpitur , dicatur mundus in se variari . Sed ad summum quando integrum aliquod elementum , vel maxima eius pars , aut integra aliqua , præcipuarum rerum species deperiret , diceretur mundus variari & detrimentum pati .

Deinde circa ordinem & situm corporum in vniuerso , præcipuè dubitatur , quonam situ & ordine cæli & elementa disposita sint & constituta . Sed de hoc separatim agemus secl. sequenti .

Postremò . Præter hæc omnia , Plato cum quibusdam alijs Veteribus Philosophis , præsertim Pythagora & Trismegisto , ad constitutionem mundi addidit vniuersalem quādam formam , vocatam animam

*Plures
acceptio
nes mū.
di.*

*De ani-
ma mū-
di.*

mundi : de qua & extat liber Timei Iocri Pythagorici, inscriptus de anima mundi. Hanc quidam interpretati sunt esse Deum ipsum, vt ex D. August. refert D. Thomas 1. par. quaest. 3. art. 8. Quidam appellarunt Amorem. Quidam dixerunt, vagari & excurrere semper per totum mundum. De hac Poeta Aeneid. 6. *Spiritus intus alit, totamq; diffusa per artus, Mens agitat molem, & magno se corpore miscet.* Explicat etiam Alcinous c. 11. & 12. de Doctrina Platonis, mundum totum esse tanquam animal magnum ex corpore & anima constitutum. Et probat : quia Deus voluit, mundum esse optimum : at opificium animatum præstantius est inanimato, & intelligens non intelligente. Nuper verò Sebastianus Bassonus lib. de Natura, explicat & defendit, animam mundi esse tenuissimam quandam substantiam, tamen corpoream, subtilissimè insinuatam ac permixtam inter minutissimas elementorum, particulas, easque colligantem, & sine qua prorsus inutilia ac velut smortua essent ipsa elementa. Et præcipuè probat : quia alioqui in rarefactione daretur vacuum : tunc enim partes ipsius corporis distrahuntur : & nisi hæc alia subtilissima substantia subintret, relinqueretur vacuum inter partes.

Nulla est anima mundi. Fabula tamen sunt hæc, & Philosophis indigna commenta. Et de se satis constat, nullatenus dari vllam talem formam vel animam mundi, præter corpora nobis nota, animam inquam quæ sit tanquam forma intrinseca ipsius mundi. Tum quia sine vilo fundamento fingitur alia forma & anima. Sed sufficientissimè Deus ipse tanquam causa prima & vniuersalis regit & gubernat omnia, vt prolequitur Aristot. lib. de Mundo cap. 7. Non tamen est anima & forma intrinseca vllius cor-

poris, vt probat S. Th. loco cit. sed est auctor & motor extrinsecus. Et fortasse priores illi Philosophi non aliud intellexerunt per animam mundi, licet obscure loquuti sint. Tum etiam, si esset anima toti mundo communis, omnia corpora essent animata, & omnia essent intellectuua : cum tamen planè constet, plurima esse corpora inanimata & cognitionis expertia. Tum demum, inutilis prorsus & vana est, quinta illa substantia inter elementa : nec ad quicquam deferuire posset : nullumque eius indicium vel officium extat : sed omne prorsus spatium, intra cælum per elementa & mixta penitus adimpletur.

Ratio Alcinoi nihil probat. Verè enim corpus animatum cui connaturalis est anima, est inanimato præstantius : at illud corpus cui per se non debetur anima, non solum non est capax huius perfectionis, sed potius destrueretur eius natura. Et huiusmodi sunt pleraque in vniuerso. Non ergo poterat totus mundus secundum omnia corpora esse animatus. Ratio etiam Bassoni, nulla est : quia non fit rarefactio illo modo per distractionem & recesum partium, relinquendo spatium intermedium : sed corpus rarefcit occupando maius & maius spatium, sine scissione & interruptione suarum partium, vt suo loco videbimus.

SECTIO SECVNDA.

Quo ordine & situ dispositæ sint partes præcipua Mundi.

Monstruosa valde & enormis *Serētia* fuit quorundam Veterum *collocās* sententia circa dispositionem & ordinem huius mundi : nempe Solem *Solē in medio* esse in totius mundi centro & *mūdi, et* medio

Terrā in medio cæli. dio collocatum, ibique immobilem permanere; terram verò aliaque corpora et omnia astra in altiori loco constituta circa Solem continuo circumuolui, & ita mutationes dierum & noctium maiorumque anni temporum efficere. Sic Pytagorei apud Arist. 2. Cæli 72. ignem in medio omnium corporum collocabant, intelligendo utique solem: terramque dicebant esse vnum astrorum, eamque circulariter motam, circa solem, diem ac noctem distinguere: addebant etiam, Lunam esse aliam terram habitatoribus retertam, velut huic nostræ oppositam. Magis clarè rem explicauit Aristarchus Samius, dicens expressè, Solem in centro mundi immobilem iacere, & circa illum alios Planetas, & terram cum elementis motu continuo circumuolui.

Copiosè demum & exactè Nicolaus Copernicus in suo Opere de Revolutionibus Orbium cælestium, acerrimus huius sententiæ assertor & propugnator, ita præfertim lib. 1. cap. 10. & 11. mundi constitutionem & corporum ordinem motumque describit. Primò in medio mundi collocat Solem immobiliter persistentem: Secundò proximè circa Solem orbem Mercurij: Tertio orbem Veneris: Quarto orbem quendam magnum, in quo constituit terram cum elementis, ac etiam Lunam: Quintò orbem Martis: Sextò orbem Iouis: Septimò orbem Saturni: Octauò orbem Stellarum fixarum. Iuxta hunc ordinem ait, tam octauam, hanc spheram quam Solem permanere prorsus immobilem: Terræ in se ipsa tribuit motum diurnum qui perficitur spatio vigintiquatuor horarum; Toti orbi magno in quo terra defertur, tribuit motum annum qui perficitur per duodecim signa Zodiaci, cū declinatione ab Aequinoctiali usque ad Tropicum Cancrī

versus Septentrionem, & usque ad Tropicum Capricorni versus Austrum: sic etiam alijs orbibus tribuit hunc motum penes signa Zodiaci, singulis tamen pro sua tēporis mentura. Nuper præterea Copernico adhaerunt Keplerus, & quidam alij Receniores Astronomi, magis credo amore nouitatis quam veritatis.

Motus est Copernicus. Tum quia inquit, non potuisse in hoc pulcherrimo mundi templo lanipadem solarem in alio meliori loco quam in medio collocari, vnde possit totum simul illuminare: & tanquam è solio regali circumagentem astrorum familiam gubernare. Tum præcipuè, quia alij Planetæ in suo motu circa ipsum solem tanquam circa centrum deprehenduntur astronomicis obseruationibus circumuolui. Tum maximè: quia iuxta aliam mundi constructionem & ordinationem, quæ terra supponebatur quiescere in medio, & circa terram sol cum alijs astris circumuolui, plurimi errores in designatione cælestium motuum temporis decursu obseruati sunt, ita vt non possint ampliùs cælestes apparentiæ iuxta illas regulas saluari: ipse autem Copernicus iuxta suas hypoteses correxit illos errores, & certiores regulas adinuenit, quibus cælestes apparentiæ correspondeant.

Omnino tamen certum & indubitatum esse debet, mundum hunc secundum suas præcipuas partes sic esse ordinatum atque dispositum, vt in centro & medio totius ac infimo loco terra iaceat, in supremo & altissimo loco cælum cum astris, & præcipuè ipso Sole existat, interque cælum & terram alia medient elementa. Ita tanquam certum docuit Aristot. eo loco lib. 2. de Cælo, & cap. 2. de Mundo ad Alexand. & alij Philosophi communiter idem sup-

Fundamenta Copernici pro hac inuentione.

Cōclusio afferēs, terram esse in medio mūdi, et Solē in cælo.

ponunt. Item Astronomi ferè omnes, tam Recentiores quàm Veteres, paucissimis exceptis. Imò Bartholomæus Keckermannus lib. 2. de loco cap. 14. incredibile censet, Copernicum virum adeo insignem, esse assertiuè loquutum: sed ait, voluisse potius hypotesim fingere, non tanquam veram, sed solùm tanquam ad saluandas apparentias idoneam. Demum communem hunc mundi ordinem, ita etiam absque dubitatione supponunt Ecclesiæ Patres ac Theologi. Hæc demum est communis existimatio, non solùm Sapientum, sed & omnium hominum.

*Probat-
tur ex
Scriptu-
ra.*

Probatum primò satis clarè ex Sacra Scriptura, & ex ipsa creatione vniuersi quæ describitur Genes. 1. Hac enim planè ratione ab initio dicitur: *In principio creauit Deus calum & terram*: quia hæc vtique erant velut extrema totius, supremum scilicet, & infimum siue medium. Et apertè infra: *Fiant luminaria in firmamento cali, & diuidant diem ac noctem: Fecitq; Deus duo luminaria magna, & stellas: Et posuit eas in firmamento cali, ut lucerent super terram, & præssent diei ac nocti, & diuiderent lucem ac tenebras*. Vbi manifestissimè patet, Deum collocasse Solem & Lunam, sicut & alias stellas in ipso calo, & ipsorum luminarium motu distinguere apud nos diem ac noctem. Alibi etiam passim Scriptura indicat & supponit, solem esse in calo. Rursus de motu ipsius solis circa terram, & immobilitate ipsius terræ perspicuè dicitur Ecclesiastes 1. *Terra in æternum stat: Oritur Sol & occidit, & ad locum suum reuertitur, ibique renascens gyrae per Meridiem, & flectitur ad Aquilonem*. Et alibi etiam passim Scriptura supponit, terram quiescere in medio, & solem circa terram moueri. Netas autem erit dicere, Scripturam loqui iuxta

sensum vulgarium hominum, et non iuxta veritatem. Opposita ergo sententia, non potest tuta fide tolerari. Vnde iustè & prudenter Romana Congregatio Indicis, corrigi iussit doctrinam Copernici: & prohibuit librum Ioannis Kepleri, inscriptum, *Epitome Astronomiæ Copernicanae*, & omnes libros eandem doctrinam continentes, quam meritò vocat saltam & diuinæ Scripturæ penitus repugnantem, Edicto edito Anno 1616.

Secundò physicis rationibus comprobatur. Tum quia ratione grauitatis terra esse debebat in medio qui est infimus mundi locus. Tum quia ratione dignitatis Sol esse debebat in superiori mundi loco, & nobiliori corpore quod est calum. Tum quia ratione conformitatis Sol & Luna et omnia astra debebant simul coniungi & collocari, vtique in calo. Tum quia ratione operationis, et gubernationis, cum Sol et Luna et omnia astra influant et agant in terram totamquæ regionem elementarem, debebant simul in altiori mundi loco constitui, suoquæ motu virtutem suam per omnes terræ partes circumferre.

*Ex phy-
siciis ra-
tioni-
bus.*

Tertio præcipuè astronomicis rationibus et obseruationibus demonstratur. Tum quia ex quolibet terræ loco semper conspicitur saltem medietas cali stellati, et sex signa Zodiaci: ergo omnino terra est in medio ipsius cali sita. Et alioqui si esset in orbe illo magno iuxta descriptionem Copernici, ex vna parte terræ cerneretur sensibilibiter valde minor pars quam dimidia cali, et ex alia parte valde maior: quod est contra omnem experiètiā. Tum etiam ex qualibet terræ parte semper stellæ fixæ cernuntur eiusdem magnitudinis: igitur terra verè est in medio illius. Alioqui enim si esset in orbe illo magno, cum valde notabiliter

*Ex as-
trono-
micis
obserua-
tioni-
bus.*

ex vna parte esset propinquior ex alia remotior à stellis fixis, deberet omnino eadem stella ex vna parte cerni maior ex alia minor, ac pariter ex eadem terræ parte modò cerni maior modò minor: sicut planè contingit circa omnes Planetas, etià circa Saturnum qui est proximus cælo stellato, eo quòd Planetæ modò sunt terræ propinquiores, modò remotiores. Tum insuper idè aperte conuincitur ex æquinoctijs et solstitijs, ex incremento et decremento dierum ac noctium, ex respectu Horizontis inter cælum et terram, ex iactu umbræ solaris, ex Ecclipsi lunari, et ex alijs plurimis huiusmodi obseruationibus, quæ maiore astronomiam requirunt indaginē. Propter quæ Copernicus longè enormem fecit cæli stellati altitudinem, nempe vt totus ille orbis magnus se habeat ad instar puncti respectu illius, nullam sensibilem diuersitatem inducens. Quod planè et omnem fidem superat, et præter rationem fingitur, et adhuc non sufficit ad omnes apparentias ritè saluandas.

Alia rursus pro quiete terræ, et motu tam solis, quàm aliorum cælorum et astrorum circa terram, addemus postea specialiter circa motum corporum cælestium. Et plura etiam pro hoc ordine vniuersi prosequemur infra lect. 4. circa mundi figuram.

*Diurnum
sunt fun-
damenta
ta Co-
pernici.*

Neque verò quemquam mouere debebunt fundamenta Copernici. Non primum: quia potius expediebat et conueniebat solem in ipso cælo tanquam in regali palatio residere, et inde suæ virtutis effectus effundere: ibiquè aliorum astrorum comitatu stipari: neque inter ipsos cælos et astra, inferiora hæc elementa immisceri debebant, sed omnino in medio vt pote in loco omnibus subdito collocari.

Neque secundum. Tum quia

potius clarissimè deprehenditur, motu quidem diurno et omnibus astris communi, omnia circa terram assidue reuolutione gyrate; qui motus diurnus nequaquam ipsi terræ, sed omnino toti ipsi cælo attribui debet. Tum quia etiam motu proprio singulis Planetis, qui longiori et diuerso inter illos temporis spacio conficitur, alij Astronomi putant, omnes et singulos moueri pariter circa terram: quamuis modò magis appropinquent, modò magis recedant à terra: quia hoc contingere putant ratione quorundam orbium inæqualium, et Epicyclorum. Tum quia demum potest etiam sole constituto in cælo saluari, alios Planetas, circa solem ipsum tanquam circa centrum suum, proprios conficere motus. Quod quidem saltem in duobus, nempe Mercurio, et Venere, non est difficilè. Sed etiam de alijs tribus superioribus nempe Marte, Ioue, et Saturno, idem asserit Tycho Brahe, insignis Astronomus, supponens tamen totum cælum esse vnum corpus fluidum. Sed etiam stante soliditate cælorum videtur nobis idem posse cogitari iuxta illam cælorum structuram quam in proprio loco describemus. De Luna autem exploratissimū est, etiam apud Copernicum in suo illo orbe magno, eam verè circa terram suam perficere cursum.

Neque demum tertium: quia esto temporis progressu quidam errores in veteres Astronomorum calculos circa astrorum motus irreplerint, atque adeo priores illorum regulæ fallaces ex parte deprehendantur: etiam deinceps post tempora Copernici, à Recentioribus Astronomis iam illius quoque regulæ et tabulæ claudicare inuentæ sunt: sed sanè non propter illos errores debebat ordo totius vniuersi adeo contra omnem rationem et euidentissi-

*Quomo-
do Pia-
netæ mo-
ueantur
circa
terram,
aut cir-
ca Solē.*

*Quomo-
do de-
beant a-
strorum
motus
ritè
mensu-
rari.*

mas alias experientias inuerti : sed enitendum potius erat, penes orbes ipsos cælestes, eorum motus iuxta posteriores obseruationes exactius mensurando, addendo etiam quatenus opus erat intra ipsos cælos alios partiales orbes, errores illos corrigere, et certiores conficere regulas. Et ita quidem feliciter nuper præstitit Ioannes Antonius Maginus in suis Theoricis Planetarum, saluans omnes Copernici obseruationes et correctiones, et alias etiam post Copernicum. De hac autem tota re plenior mentionem faciemus circa ipsos cælos eorumque motus.

Cæterum quonam ordine disponantur ipsi cæli et astra inter se, item elementa inter se, spectat magis ad particularem eorum constitutionem, quam ad totalem vniuersi structuram : idque in proprios tractatus differre iuuabit.

SECTIO TERTIA.

An vnicus tantum sit hic Mundus.

Sententia affirmans de facto esse plures mundos.

Quamplures Veteres Philosophi imaginati sunt, plures de facto extare mundos, imò innumera- biles & infinitos. Sic opinati sunt Democritus, Epicurus, & alij qui corporum vniuersitatem athomorum congerie constare putabant : sicque dicebant, vario athomorum concursu per infinitum spatium, identidem novos efformari mûdos, aliosque dissolui : & ita describit Lucret. lib. 2. de Rerû natura versus finem. His Philosophis fidem præstitisse videtur Magnus Alexander, qui propterea doluisse refertur, quòd in tanta mundorum copia, ipse non adhuc vnum totum suo subiugasset imperio : sed occasionem dolendi

ex hoc capite minimè habuisset, si Aristotelis præceptoris sententiæ adhæsisset.

Moti sunt autem hi Philosophi, tum ex congruentia quadam : quia alioqui inconueniens videbatur, in immenso & infinito spatio non nisi vnum extare mundû. Tum ex infinitate & agitatione perpetua athomorum, ex qua proinde debebant plures mûdi sine fine consurgere. Quæ ita proponit Lucretius : *Nullo iam pacto verisimile esse putandum est, Undique cum vorsum spatium vacet infinitum, seminaque innumero numero, summaque profunda, Multis modis volitent æterno percita motu, Hunc vnum terrarum orbem calumque creatum : & alia in eandem sententiam prosequitur.*

Contra hanc de pluribus mundis imaginationem latè disputat Arist. 1. Cæli cap. 8. & 9. Et in extremum oppositum declinauit, contendens, non solum de facto non esse, sed nec simpliciter esse potuisse plures mundos : & neque simul, nec etiam successiue vnum post alium, propterea hunc mundum faciens perpetuum. Plato etiam in Timæo, & apud Alcinoûm cap. 10. de Doctrina Platonis, pluresque alij Veteres Philosophi, non nisi vnum agnouere mundum. Iuxta hoc Franciscus Piccolomin. lib. de Mundo cap. 9. de mente Arist. & Platonis defendit, non fuisse possibiles plures mundos. Mirum autem non est, Arist. putasse, non potuisse simpliciter esse plures mundos : si supponebat mundû originaliter à se ipso fuisse, & non creatum à Deo, & Deum esse agens necessarium non potens facere alia ab ijs quæ fecit.

Dico primò. Potuissent sine dubio esse & à Deo fieri plures mundi, siue plures simul, siue successiue vnus post alium. Est res certa & clara. Aduertendum autem est, posse

Sententia negans esse possibiles plures mundos.

Sunt possibiles plures mundi.

se sumi nomen Vniuersi, seu Vniuersitatis, pro tota collectione omnium prorsus rerum quæ factæ sint à Deo: & sic quantum s Deus alia plura & plura fecisset aut faceret, vna semper etset vniuersitas, vtpotè includens omnia. Sed tamen sumimus Mundi nomen, & sic etiam nomen Vniuersi, pro hoc mundo & vniuerso nobis noto, per supremum cælum conclusor: & extra hunc dicimus, potuisse à Deo condi alios & plures mundos.

*Probat-
ur ex
doctri-
na fidei.*

Probat^{ur} primò ex nostra fide, qua constat, à Deo potuisse & posse plura & plura fieri præter ea quæ de facto facit: sic enim possent vti- que ab eo fieri etiam ex integro plures mundi. Item auctoritate SS. Patrum, qui in hac re Aristotelem ipsum reprehendunt. Ita Iustinus Martyr in lib. de Quorund. decretor. Arist. reprehens. circa hunc ipsum locum de Cælo, Athanasius in Orat. contra Idola, Ambros. lib. 2. Exameron cap. 2. Basil. Homilia 2. Exameron, & alij qui saltem in genere docent potuisse à Deo multò plura & alia fieri præter ea quæ vnquam facta sint.

*Ex infi-
nitate
diuina
virtutis
& possi-
bilitate
obiecti.*

Secundò ratione ex infinitate diuinæ potentia, & possibilitate ipsius obiecti. Potentia enim diuina de se limitata non est, neque per vnus mundi creationem exhausta. Intel- ligitur etiam optimè absque vlla repugnantia possibilis alius & alius mundus. Nihilq. in contrarium potest afferri. Et falsissimum prorsus est mundum fuisse à se ipso: sed & hic mundus factus est à Deo, & à Deo fieri debet quicquid est. Falsis- simum quoque est, Deum esse agens necessarium, à quo non possint alia fieri præter ea quæ actu fiunt: qui- nimò Deus est agens maxime liberum, operans per intellectum & voluntatem, & ita potuisset facere plures mundos, quos de facto con-

dere noluit. Nec etiam alia rationes quibus Arist. probare conatus est vnitatem mundi, sunt efficaces, vt concl. sequenti constabit.

Tertiò. Iuxta hæc nullus est cer- tus numerus & terminus, vltra quem Deus non potuisset condere plures mundos: sed posset semper plures & plures in infinitum, non tamen actu infinitos. Item potuisset simul conseruare plures & plures mun- dos, vnum extra alium: quia spa- tium extra hunc mundum est infi- nitum, vt supponit ipse Arist. Potuisset etiam plures mundos conde- re successiue, destruendo vnum, & creando alium, pro libertate suæ vo- luntatis, & potestate suæ virtutis.

Quartò demum dubitari potest, num à Deo possint condi alij plures mundi solo numero differentes ab hoc nostro mundo & inter se, vel etiam specie differentes; & an dif- ferentes solum quoad quasdam, vel quoad omnes species, vt alias spe- cies elementorum, calor, & sic de reliquis corporibus; et vsque ad quem terminum, vel ad quantam di- uersitatem. Verum in hac re satis à nobis cogitari non potest, quamam et qualia essent huiusmodi alia cor- pora, siue quæ et qualis alia esset constitutio alterius differentis vni- uersi. Sed satis erit dicere et fateri, valde plura et alia posse à Deo fieri, quæ à nobis non possunt intelligi ac distinctè cognosci.

Dico secundò. Vnicus tantum de *Vnicus* facto est mundus, hic vnus nempe *de facto* quem agnoscimus, et inhabitamus. *est mun-* Hæc est communis nostrorū Theo- *us.* logorum et Philosophorū sententia.

Et primò colligitur ex doctrina *Proba-* nostræ fidei, et ex Sacra Scriptura. *ur ex* Probat S. Thomas 1. par. quæst. 47. *doctrina* art. 3. ex illo Ioannis 1. *Mundus per fidei.* *ipsum factus est:* quo loquendi mo- do denotatur, vnum tantum mun- dum fuisse factum à Deo. Et sic *etiam*

etiam ubique Scriptura loquitur. Et licet non dicat expresse et sub his ipsis terminis, nullum alium extare mundum, tamen ita assertive ac singulariter loquitur de hoc mundo, ut planè videatur id supponere. Et ita sanè loquitur de mysterio redemptionis per Incarnationē Verbi, et passionem Christi, de propagatione omnium hominum ab Adamo, de peccato originali in omnes homines transuso, de vniuersali iudicio in fine mundi, et alijs huiusmodi. Hinc in Iure Canonico capit. *Quidam autem* 24. q. 3. ex sententia Diui Isidori, inter hæreses recensetur opinio constituens infinitos mundos.

Nō probatur efficaciter ab Aristot.

Secundò. Physicis rationibus id probare conatus est Aristot., quibus persuadere voluit, nec esse posibles plures mundos. Prima eius ratio est: quia cū corpora graua habeant tendere ad medium, leuia autem recedere à medio ac tendere ad altiore et superiorem locum; sequeretur, terram vnius mundi inclinare et ex natura sua tendere debere ad medium omnis mundi, et similiter ignem ad locum superiorem omnis mundi: quod, ut patet, esset maximum inconueniens, et simpliciter impossibile. Secunda ratio est: quia hic vnus mundus in se complexus est omnem possibilem materiam: non ergo datur nec dari potest alius mundus, qui vtiq; consistere deberet etiam ex materia. Tertia ratio sit de mente Aristot. Vnus est tantū primus motor per se gyrans primum mobile: ergo vnum est tantū vniuersum.

Sed de se facile apparet, quā frivola sint hæ rationes. Nam certè graua et leuia ex sua natura habent tendere ad illum tantū inferiorem vel superiorem locum, qui confideratur in eo mundo in quo ipsa inveniuntur: nec vilo modo terra vnius

mundi inclinaret aut tendere deberet ad medium alterius mundi: sed ita prorsus se haberet ac si nullus alius esset mundus, sicut de facto se habet. Deinde non probat, nec etiā de facto, mundum hunc continere omnem materiam. Nec vilo modo probare potest, continere omnem materiam possibilem: quinimò verè possibilis est alia et alia materia, ex qua plures et plures possent constare mundi. Demum Arist. ad summum probauit, in hoc singulari mundo vnum esse primum motorem. Sed præcipuè Deus verè non alligatur vlli certo Orbi: neque illi competit se solo circumagere primum mobile: sed potuisset etiam Deus, vnus cū sit, plures condere mundos: potuisset etiam se solo immediatè in quouis mundis, primum mobile singulorum, imò et omnes celos circumuoluere.

Tertiò itaque, cū ex natura rei *Nec in* non repugnent plures mundi, non *finiti* potest à priori efficaciter demonstrari non esse de facto plures mundos. Nec etiam à posteriori, vel ab *effectibus* id poterit sola naturali ratione conuinci: quia hac via ad summum nobis constare potest de ijs, quæ intra hunc nostrum mundum geruntur. Benè tamen potest validè probari non esse mundos infinitos, ut Antiqui dicebant, ex doctrina inquam generali contra possibilitatem infiniti. Et hinc vlteriùs posset vgeri contra finitum mundorum numerum: quia non esset maior ratio, cur tot et non plures essent mundi si essent finiti: præsertim cū veteres illi vellent, ex ipsa rei natura debere esse plures mundos, nec recurrere ad libertatem causæ primæ.

Quartò insuper potest efficaciter *Non debent* demonstrari, nō fuisse necessarium *bebant* plures esse mundos, ut Antiqui putabant. Non enim hæc necessitas *necessario esse* oriri poterat ex parte ipsarum rerū: *plures* quia *Mundi*.

quia nulla res præter vnum Deum, habet necessitatem essendi: sed omnes alie res esse non possunt, nisi per dependentiam & participationem ab vno primo ente, & suprema omnium causa. Neque oriri poterat ex parte ipsius Dei; quia Deus habet perfectissimum modum operandi, nempe per intellectum & voluntatem, ac liberè prorsus determinando quod vult. Nullo ergo ex capite debebant necessariò esse plures mundi.

Non debebant a Philosophis fingi plures mundi.

Quintò hinc, stando in lumine naturali, perspicuè apparebit, temerè prorsus & irrationabiliter, præsecos illos Philosophos asseueranter docuisse, extare de facto plures mundos. Nullus utique ex illis alium mundum ingressus erat, nullus viderat, nullus quenquam ex alio mundo venientem audierat: nullum fundamentum habebant super quod tam magnum opificium fabricarent; sed tantùm ex mera sua imaginatione tot mundos esse iactabant.

Connexius vnus tantum extat mundus.

Sextò. Potest à nobis adhiberi aliqua congruentia, quare de facto vnus tantum à Deo conditus fuerit mundus, ex Platone delumpta: vt nimirum vnitatem opificis, et sicut vnus est Deus, ita vnum esset vniuersum certo ordine colligatum, varia Dei opera in se ipso complectens.

Neque motiua illa veterum Philosophorum, ad rem tam ignotam illos debebant impellere. Nullum enim inconueniens apparebat in toto & immenso spatio vnum extare mundum: quin potius sic fuisse conueniens deprehenditur. Deinde, neque mundus hic constat ex athomis: neque infiniti esse poterant athomi: neque prorsus per fortuitum & vagum athomorum concursum, poterat tam magnum, inigne, & ordinatum opificium, quale est vniuersum, absque alia certa ratione consurgere.

SECTIO QUARTA.

Quantus nam & cuius figura sit hic Mundus.

Putarunt quidam Antiqui, vt refert Arist. 1. Celi tex. 33. mundum esse infinitum, idest infinite molis & magnitudinis. Diogenes verò apud Plotarchum lib. 2. de Placitis cap. 1. dicebat, Mundum esse finitum, sed vniuersum esse infinitum. Sicut & Empedocles apud eundem lib. 1. cap. 5. dicebat, vnum quidem esse mundum, sed hunc non esse idem cum vniuerso, verum exiguum vniuersi partem, reliquum esse otiosam materiam. Ac nuper Ioannes Camillus Gloriosus lib. 4. de Cometis cap. 4. putans totum mudanum spatium supra terrestrem globum non esse nisi aerem, dubitat esse infinitum. Ac D. Thomas 1. par. q. 98. art. 3. refert quosdam veteres putasse, vniuersum formatum fuisse ex aqua, ac de facto extare infinitum corpus aquæ ultra celos.

Certum tamen prorsus est, cum ipso Arist. & alijs omnibus Philosophis ac Theologis, mundum & vniuersum esse verè finitum, nullumquè dari corpus infinitum, sed omnia esse finite simpliciter magnitudinis. Probat, Tum ex eo quòd in communi ostendimus qu. 24. non esse possibile tale infinitum. Tum specialiter de facto: quia omnia corpora quæ intra celorum ambitum continentur, sunt planè finita ac terminata: ipsi quoque celi vnum ab alio continetur, donec inueniatur celum supremum. Ipsum tandem celum supremum, est quidem maius omnibus inferioribus, tamen debet esse illis proportionatum & accommodatum, atque adeo finitum.

Mundus est finitus.

tum & terminatum, nec debet per totum spatium porrigi in infinitum. Ac iuxta sententiam Gentilium Philosophorum, supremum cælum dicitur esse primum mobile quod circulariter moueatur: corpus autem infinitum moueri non posset. Iuxta doctrinam verò nostrorum Theologorum, cælum supremum vocatur Empireum, & supponitur esse immobile, & dicitur esse sedes Beatorum, adeò vt D. Th. docuerit, Christum Dominum stare supra extimam superficiem eius cæli. Dicitur etiam esse vel circulare, vel quadratum, vt infra referemus, atque adeo est se toto figuratum. Igitur ipsum cælum supremum, atque adeò totum hoc vniuersum, est verè finitum, ac certa mensura terminatum. Neque verò præter hunc mundum corporeum extat aliud corpus extra hunc mundum: sed in hoc mundo est omnis corporum vniuersitas.

*Mundi
quantitas
ab
Astro-
nomis
mensu-
ratur.*

Insuper ab Astronomis per mathematica principia & instrumenta menturatur de facto quantanam determinatè sit magnitudo vniuersi quoad singula sua præcipua corpora, nempe quanta sit magnitudo terrestris globi, quanta sit altitudo atque distantia cæli à terra, quanta sit profunditas cuiusque cæli, discurrendo per singulos Planetas, ac etià vsque ad octauam spheram in qua sunt stellæ fixæ. De primo autem mobili, si sit cælum distinctum ab octaua sphaera, & sic etiam de alio quouis cælo si detur inter octauam spheram & primum mobile: item de cælo Empireo, nihil certi potest humana industria designari: cum tales cæli non se offerant nostris aspectibus, sicut alij cæli ratione suorum astrorum. Qua autem via & ratione deprehendi, & mensurari potuerit cælorum, astrorumque magnitudo, & quantanam censeatur, in speciali circa ipsa cælestia corpora attingemus.

Caterum. Cum mundus taliter sit finitè ac certè magnitudinis, si queratur quidnam sit extra mundum, patet iam ex dictis q. 27. circa locum & spatium, ibi esse inane spatium, quod quidem nullis terminis coarctatur, nullo fine concluditur, sed in infinitum extenditur: ac non est reale quicquam, sed tantum est inanitas quædam: & in quo potuisset quidem Deus, & semper posset, alia & alia corpora procreare, etiam inquam novos mundos. Neque verò hinc metuendum erit, quod Lucretius lib. 1. de Rerum natura sollicitè describit, debere extremum cælum vndique concludere omnia, ne si aliquis aditus aperiretur; cuncta in illud inane spatium proulerent: *Ac supera circumtegere omnia cælum; Ne, voluerum ritu flammæ, magna mundi Diffugiant subitò, magnum per inane soluta, Et ne ea erant consimili ratione ferantur, Ne ruant cæli conuersa templa supernè, Terraque se pedibus rapim subducatur, & omnes, Inter permixtas terra calique ruinas, Corpora soluentes, abeant per inane profundum. Nam quacumque prius de parte corpora cesser, Constituent; hec rebus erit pars inania Læti, Hac se turba foris dabit omnis materia.*

*Extra
mundū
datur
spatium
inane
infinitū.*

Deinde circa mundi figuram, plerique Sancti Patres et Ecclesiastici Scriptores, opinati sunt, mundum esse tali figura constructum, vt terra quidem tota sit plana, et per ingentem latitudinem vsque ad cæli latera distenta, et supra hanc terræ planitiem cælum in circuitu attollatur, ita vt cælum cum terra se habeat ad instar camera cuiusdam, et propriè cælum sit figura hemicycli formatum super planâ terræ superficiem: ut expressè negant, mundum esse, tanquam globum vndique rotundum: negant, terram esse sphericam, in medio aeris veluti suspensam:

*Senten-
tia ne-
cessaria
mū-
dum es-
se spha-
ricum.*

nam : negant cælum esse vndequa-
que circulariter extensum . Ita sen-
tiunt Iustinus Martyr in responsio-
ne ad qq. Orthodoxorum qu. 138.
Basil. homil. 1. in Genes. Ambros.
lib. 1. Exameron , Chrysost. homil.
14. et 27. in Epist. ad Hebr. Theo-
phil. et Theodoret. super cap. 8. ad
Hebr. Lactant. lib. 3. Diuinar. Instit.
cap. 23. Procopius Gazeus super
initium Genes. Videntur etiam de
hoc dubitare D. August. lib. 2. de
Genesi ad litter. cap. 9. Et præser-
tim Lactantius deridet Philosophos
oppositum sentientes : Procopius
pronunciat, oppositam sententiam
repugnare veræ fidei, et contradi-
cere Moyli, Prophetis, Paulo, et ipsi
Christo .

*Funda-
tur in
Scriptu-
ra et ra-
tione .*

Moti sunt hi Patres, Tum ex illo
Psal. 103. *Extendens cælum sicut
pellem*, id est sicut tentorium siue
tabernaculum . Tum præcipuè et
clariùs Isa. 40. *Qui expandit calos
sicut tabernaculum ad inhabitandũ* :
vbi septuaginta Interpretes expres-
sè legunt, *Quasi cameram* . Moti
sunt etiam aliqui, et præsertim La-
ctantius ; quia impossibile prorsus
apparet, terram tantæ molis et gra-
uitatis per se suspensam manere in
medio aeris, vndique rotundam .
Cuius etiam rei admirationem pro-
ponit Arist. 2. cæli 77. *Forſitan mē-
tis est irrationabilis, non admirari,
quomodo parua terra particula, si
elevatora dimittatur, feritur, & ma-
nere non vult, & maior pars semper
velocius feritur : totam aurem ter-
ram, si quis demittat cum eleuau-
erit, non utique feratur, & nunc quie-
ſcat tanta gravitas* . Item impossi-
bile prorsus videtur, iuxta senten-
tiam de rotunditate terræ, vndique
in circuitu eius manere ac spatia-
ri habitatores : si enim essent alij ho-
mines è regione nobis oppositi, ma-
nerent veluti pensiles cum pedibus
suprà et capite intra : sicut si apud

nos cogitemus intra quandam au-
lam, manere et ambulare homines
infra tectum, pedibus contingendo
tectum, et inferius gerendo caput.
Et ita non solum Lactantius, sed
etiam D. August. lib. 16. de Ciuit.
c. 9. et Beda in lib. de Ratione tem-
por. c. 32. putasse videntur . Atque
Lucretius lib. 1. de Rerum natura,
prope finem, post relatum et de-
scriptam oppositam sententiam, sic
de illa cenſet: *Sed vanus stolidis hæc
omnia finxerit error* .

Exploratum tamen satis est, et *Conclu-*
omnino certum esse debet, mūdum, *sic affir-*
tām quoad terram, quām quoad cæ- *mans*
los mobiles, esse tanquam globum *mūdum*
figuræ sphericæ et rotundæ : et ter- *esse spha-*
ram in se esse globum quemdam vn- *ricum*.
dique rotundum, similiter omne cæ-
lum mobile circa terram, atque adeo
terram veluti pendere in medio ae-
ris, et vndique in circuitu æquè be-
ne posse habitatores sustinere .

Ita docet et probat ex professo
Arist. 2. cæli à tex. 22. vnde tex. 32.
ita concludit : *Quod igitur spheri-
cus sit mundus palam est, & quòd
cum tanta diligentia tornatus sit, ve
nihil aut manufactum se habeat si-
militer, aut aliud quidpiam apud
nos existens* . Idem expressè docuit
Plato in Timeo, et ante illum Tha-
les et Pythagoras et alij Veteres .
Idemquè deinceps agnouerunt po-
steriores omnes Philosophi . Item
est res notissima apud Astronomos,
et ita omnes docent, vel supponunt .
Iam etiam idem receperunt, et com-
muniter fatentur nostri Theologi
et Ecclesiastici Scriptores . Debent-
què excusari illi Patres, quòd non
habuerint notitiam huius rei, quæ
postea tam euidenter deprehensa
est . Imò et eorum aliqui idem po-
stea agnouerūt, vt Theodoret. q. 20.
super Genes. et serm. 1. de Proui-
dent. vbi cum docuisset cælum esse
sphericum, subdit: *Qui enim hoc cen-*
ſerunt

fornicem constituit, & idem quasi tentorium ad inhabitandum extendit, contrarias sibi inuicem naturas amicitia legibus constrinxit.

Ostenditur ex Scriptura.

Probatum primo satis apertè ex ipsa Sacra Scriptura Iob. 9. Mundus & cælum appellatur Orbis: *Sub quo curuantur qui portant Orbem*; Orbis autem est globus & sphaera: & dicuntur portare orbem Angeli qui iussu Dei regunt mundum, mouent cælos. Prouerb. 9. *Quando præparabat cælos aderam, quando certa lege & gyro vallabat abyssos*: Per abyssos intelligitur vastitas inter cælum & terram: gyro vallabat, idest corpore spherico circumdabat: Et ex text. Hebræo, *Cum statueret circumlum super faciem abyssi*. Rursus Ecclesiastici 25. *Gyrum cæli circuiui sola*: ubi ex Greco clariùs adhuc legitur, *rotundauit conglobauit*. Et clarissimè Ecclesiastes 1. *Oritur Sol & occidit, & ad locum suum reuertitur, ibique renascens gyrat per meridiem, & flectitur ad aquilonem; lustrans uniuersa in circuitu pergit spiritus, & in circulos suos reuertitur*. Satis etiam perspicuè alibi declarauit, terram in se & per se consistere, ita & nequaquam per cæli contactum subscindatur. Psal. 103. *Qui fundasti terram super stabilitatem suam, non inclinabitur in sæculum sæculi*. Iob. 26. *Qui appendit terram super nihilum*.

Ratio- nibus à priori.

Secundo. Physicis rationibus ueluti à priori hæc assertio ab Arist. probatur: quia figura circularis & spherica, est prima omnium figurarum: ergo hæc figura debebat ipsi uniuerso, & specialiter ipsi cælo quod est primum corpus, naturaliter conuenire. Item est maximè perfecta, & æqualis, & simplex, & capax: ergo hæc omnino figura toti mundo, & singulis cælis & elementis debebatur.

Tertio. Euidenti experientia pro-

batur ex motu solis & astrorum. *Experiens a posteriore.* Cum enim sol ab Oriente feratur in Occidentem, & rursus redeat ad Orientem, utique circula rem perficit motum, neque aliter poterat hoc intelligi: & sic etiam alia astra mouentur, etiam ipsa Luna quæ est terris proxima. Nullatenus igitur poterat cogitari, terram per ingentem planitiem extendi usque ad latera cæli, & cælum per modum folius hemycicli contegere terram. Sed omnino terra est globus in medio aeris consistens, & cælum rursus est integra sphaera in qua astra circulos suos assiduo motu perficiunt.

Quarto. Euidenti etiam experientia notum est, eum qui in directum super terram pergit, siue per mare nauigat, nequaquam magis ac magis accedere ad latus cæli versus quod pergit, semper in Horizonte conspiciendo stellam quàm ab initio ibi notauit; sicut sanè deberet accidere, si terra semper in planum usque ad cælum esset extensa. Sed potius is qui ita pergit, perspicuè deprehendit, stellam quam ab initio in Horizonte notauit, post iter unius v.g. diei, sibi rursus eadem hora apparere in altiori situ, & sic semper deinceps: quod signum euidentius est, terram esse undique sphericam, & sic etiam cælum in circuitu terræ.

Quinto. Imò iam satis comperit & exploratum est, posse uniuersam terram in circuitu peragrari, & hæc itinera valde iam familiaria facta sunt: & ubique in circuitu habitatores consistunt, tum in terra, tum nauigia in mari, & verè regiones terræ diametraliter oppositas inhabitari: ita ut iam luce clariùs constet, terram esse integrum globum, & per totum circuitum æquè benè habitatores sustinere: ac verè Antipodas reperiri, qui sic dicti sunt eo quod habeant suos pedes è regione ueluti oppositos nostris pe-

dibus. Et cum hoc, compertum utique & exploratum simul est, cælum esse similiter vndique sphericū circa terram, atq; adeo sphericam esse mundi figuram.

Sexto. Constat etiam hæc mundi figura ex Ecclipsibus, ex varijs astrorum aspectibus, & ex innumeris astronomicis observationibus: ita ut res extra omnem prorsus dubitationem effecta sit.

Terra Septimò. Terra est quidem in se non est sphericæ figuræ: ita tamen ut de perfecte cto simul cum aqua vnum integrum spherica conficiat globum: vnde absolute ipsius terræ nomine intelligi debet totus hic globus ex terra & aqua compactus. Item est quidem globus & sphaera, rudi tamen modo, & non cum perfecta circulari ac rotunda figura: sed aspera est & inæqualis, siquidem tot vallibus deprimitur, tot montibus attollitur.

Cælum Octauò. Cælum quidem dici debet perfecte rotundum & lenes quod non solum ex conditione ipsorum cælorum, sed & ex motus necessitate colligitur. Dato enim quod sint plures cæli, vnum contingens aliud: si non essent inter se perfecte rotundi & lenes, non possent diuersis motibus circumferri: quia deberent se in quibusdam partibus scindere, & in quibusdam relinquere vacuū, ut consideranti patebit. Aliqui tamen Philosophi maluerunt tribuere cælo oualem figuram, ut refert Plutarchus lib. 2. de Placitis cap. 2. Et potuisset sanè stante hac figura perfici adhuc circularis motus vnius cæli super suos polos, qualis de facto obseruatur. At non poterant esse plures cæli totales perficientes diuersos motus super diuersos polos, sicut solent supponi, quoniam inde planè sequeretur scissio & vacuum. Sed etiam si vnum solum dicatur esse cælum totale, existimandum adhuc est, cælum esse perfecte

rotundum & circulare: quia hæc figura illi magis conuenit. Et similiter, quamuis cælum secundum infimam & concavam partem qua elementarem mundum contingit absque vilo sui motus præiudicio potuisset aliter figurari: tamen ob uniformitatē rerum censeretur debet perfecte pariter circulare. Nisi ad hoc ut rapiat proximum sibi subditum elementum, necessarium vel expediens videatur, esse asperum et veluti montibus tuberosum, eo quod elementum illud est fluidum: et sic defendit Loctarius Sarsi in *Libra Astronomica et Philosophica*. Nec sanè oppositum conuincit Galileus in libro italicè inscripto, *Il Saggiatore* num. 37. quia inquit, inde sequeretur magna varietas in aspectu astrorū ob varias refractiones per inæquales partes cæli. Nam dicendo eiusdem perspicuitatis esse supremum elementum ac ipsum cælum, nulla sequitur variatio refractionum et aspectuum.

Nonò demum. Dicebamus hanc figuram debere tribui vniuerso quoad cælos mobiles. Quia alioqui dubitatum est à nostris Theologis de figura Cæli Empirei, quod pro Beatorum sede constituitur, præter omnes cælos mobiles & naturaliter cognitos, ac supponitur esse immobile. Et aliqui putant, ut Conimb. 2. Cæli cap. 5. q. 1. art. 2. referunt, & approbant, Cælum empiricum quoad partem externam & supremam, ac superficiem conuexam, esse potius figuræ quadratæ, atque adeo ipsum vniuersum secundum se totum esse quadratum, quia ille est vltimus terminus vniuersi. Adhuc vero supponunt, ipsum cælum empiricum quoad partem internam & inferiorem, & superficiem concavam, esse rotundum & circulare, ut se cum primo mobili perfecte contingat, ne relinquatur anguli vacui. Colligunt autem,

*Etiā
cælū
empiricum.*

copia, & vniuersitate, ex maxima pulchritudine, ex rerum varietate, ex miro rerum ordine, ex rerum connexione, ex rerum proportionem, ex rerum apta quadam concordia atque discordia, ex diuina tandem administratione, & ex ordinatione aliarum quidem rerum ad utilitatem hominis, & ipsius hominis omniumque rerum ad Deum, vltimum finem ac summum bonum.

Qua ratione, etiam illa quæ videntur inutilia & otiosa, imò etiam quæ videntur noxia & perniciosa, & quæ videntur turpia & indecora, etiam peccata ipsa, conferunt ad vniuersi pulchritudinem & decorum. Ita notauit D. Aug. lib. 3. de libero arbit. cap. 9. & lib. 1. de Ordine, cap. 7. & in Enchirid. cap. 10. Tum quia per eorum comparisonem & oppositionem magis elucet ea quæ bona sunt & meliora. Tum quia ex ipsis malis per diuinam providentiam eliciuntur bona: vnde pleraque bona non extarent, si quædam mala non permitterentur.

Verum mundus potuisset esse perfectior.

Deinde ad magis determinandum quàm sit perfectus hic mundus, spectat examinare, num potuisset à Deo fieri perfectior, num posset à Deo magis perfici. De qua re agunt præcipue Theologi in 1. d. 43. & 44. & cum D. Th. 1. par. q. 25. Et breuiter, prætermisso eorum siue Philosophorum siue Hæreticorum errore, qui absolutè putarunt, non potuisse à Deo fieri nec meliora nec alia prorsus præter ea quæ fecit: Durandus in 1. d. 44. q. 3. opinatur, non potuisse à Deo fieri mundum perfectiorem essentialiter, idest perfectiores rerum species: benè tamen potuisse hunc mundum magis perfici accidentaliter, idest penes accidentales quasdam perfectiones. Probat non potuisse fieri alias rerum species: quia hæ species possibiles, haberent vtiq; ordinem inter se &

cum speciebus de facto existentibus, quatenus vna esset supra vel infra aliam ordine perfectionis: ergo omnes huiusmodi species cadunt sub vnum ordinem: igitur omnes spectant ad vnum vniuersum: ergo de facto in hoc vniuerso sunt omnes species possibiles. Alij communiter affirmant, potuisse fieri mundum etiam essentialiter perfectiorem penes perfectiores rerum species.

Rursus D. Th. in 1. d. 44. q. 2. & 1. par. q. 25. art. 6. ad 3. asserit, potuisse quidem à Deo fieri alias res meliores, & addi in hoc vniuerso: tamen quoad has res non posse vniuersum magis perfici: & præsertim non posse saluo ordine totius perfici vnâ rem, alijs in suo statu relictis. *Vniuersum, inquit, supposito istis rebus, non potest esse melius, propter decentissimum ordinem his rebus attributum à Deo, in quo bonum vniuersi consistit: quorum, si vnum aliquod esset melius, corrumpereur proportio ordinis: sicut si vna chorda plus debito intenderetur, corrumpereur cithara melodica.* At ex aduerso idem Durandus affirmat, benè potuisse, absque confusione rectoris ordinis, perfici vnâ vel aliam rerum speciem in hoc vniuerso, alijs in præsentis statu relictis. Et approbant Conimb. 1. Cæli cap. 9. q. 2.

Pro resolutione distinctè asserendum est, quoad aliquid quidem potuisse perfectiorem mundum à Deo condi, & mundum hunc magis perfici; quoad aliquid verò non potuisse.

Pro priori assertionis parte, potuisset primò sine dubio Deus alias plures & perfectiores rerum species procreare, atque adeo mundum essentialiter perfectiorem efficere. Est res certa, et probata iam à nobis quæst. 24. sect. 4. vbi ostendimus esse possibiles plures ac perfectiores species:

re-

rerum species in infinitum. Neque verò quicquam obest ratio illa Durandi; Verè enim omnes species possibiles habent inter se comparisonem & ordinem, & dici etiam potest per modum vnius vniuersitatis & ordo omnium specierum possibilium: at necesse non est, vt hic mundus, hoc vniuersum quod de facto à Deo creatum est contineat omnes possibiles rerù species. Nam vtique etiam ipse Durandus fateri debet, potuisse Deum non creare omnes species quas de facto creauit: & tunc non fuissent in illo vniuerso omnes possibiles rerum species. Sic ergo etiam de facto non tenebatur Deus creare, neque dici debet creasse omnes rerum species possibiles.

Accidentaliter quoad indiuidua.

Secundò potuissent etiam hæ rerum species quæ de facto sunt in vniuerso, magis perfici accidentaliter, & ita vniuersum ipsum reddi hoc modo perfectius. Est res clara: quia in eodem subiecto potest facillè esse forma accidentalis magis ac magis perfecta: vt de facto contingit idem subiectum magis ac magis perfici. Item potuissent sub iisdem speciebus plura indiuidua multiplicari: Quæ additio, licet fieret quoad substantiam quoque ipsam rerum; tamen dicitur perfectio accidentalis ipsis speciebus: quia non est de essentiali ratione speciei, vt tot vel plura indiuidua multiplicentur.

Poterat perfici magis in vna parte, alijs partibus immutatis.

Tertiò potuisset etiam fieri, vt perficeretur magis vniuersum quoad aliquam partem sine immutatione aliarum. Patet: quia certè facillimè intelligitur potuisse aliquam rerum speciem in terra, verbi gratia, alicuius arboris, aut metalli, aut animalis, magis perfici absque perturbatione & præiudicio aliarum rerum: sic etiam aliquod astrum in cælo maiorem aliquam vim accipere in

certo gradu vt non officeret virtutibus aliorum. Atque de facto conditus fuit homo à Deo in statu naturæ integræ, in quo deinceps mansisset si non peccasset: fuit ergo tunc, & fuisset postea, hæc maior perfectio in humana natura, absque immutatione aliarum rerum: neque propterea perturbatus fuisset ordo totalis ipsius vniuersi. Et licet D. Tho. fatetur, potuisse sine incommodo addi alias res, ita non est cur dubitemus potuisse pariter magis perfici certas quasdam res ex ijs quæ de facto extant.

Neque verò obstat exemplum illud citharæ: ideo enim per variationem vnius sine variatione aliarum dissoluitur armonia, quia sonus vnicuiusque chordæ debet habere certam quādam proportionem cum sono aliarum, vt omnes simul rectè efficiant concentum: at non omnes res huius vniuersi debent quoad omnia habere inter se talem proportionem: vt patet, quia certè nihil referret quòd in specie, verbi gratia, humana essent plures aliquot homines, vel quòd aliquis homo esset maioris staturæ, aut melioris ingenij, quàm de facto sit. Benè tamen esse potest, quòd aliquæ res huius vniuersi ita quoad aliquid se habeant, vt non rectè potuisset vna sine alia variari, vt in sequenti conclusionis parte dicemus, & hoc solum videtur voluisse D. Thomas.

Neque etiam ex eo quòd i. poterat fieri vniuersum perfectius, & factum non est, potest argui defectus bonitatis in Deo: sicut D. August. lib. 83. qq. q. 50. arguit, si Deus Pater potuisset meliorem Filium gignere, & non genuisset, esset inuidus; si voluisset & non potuisset, esset infirmus. Nullus enim est defectus bonitatis, sed est effectus libertatis, quòd Deus non creauerit perfectio-

etiam vbiq̃ue Scriptura loquitur. Et licet non dicat expresse et sub his ipsis terminis, nullum alium extare mundum, tamen ita assertiuè ac singulariter loquitur de hoc mundo, vt planè videatur id supponere. Et ita sanè loquitur de mysterio redemptionis per Incarnationè Verbi, et passionem Christi, de propagatione omnium hominum ab Adamo, de peccato originali in omnes homines transuso, de vniuersali Iudicio in fine mundi, et alijs huiusmodi. Hinc in Iure Canonico capit. *Quidam autem* 24. q. 3. ex sententia Diui Ilidori, inter hæreses recensetur opinio constituens infinitos mundos.

Nō probatur efficaciter ab Aristot.

Secundò. Physicis rationibus id probare conatus est Aristot., quibus persuadere voluit, nec esse possibiles plures mundos. Primæ eius ratio est: quia cùm corpora grauiā habeant tendere ad medium, leuiā autem recedere à medio ac tendere ad altiore et superiorem locum; sequeretur, terram vnius mundi inclinare et ex natura sua tendere debere ad medium omnis mundi, et similiter ignem ad locum superiorem omnis mundi: quod, vt patet, esset maximum inconueniens, et simpliciter impossibile. Secunda ratio est: quia hic vnus mundus in se complexus est omnem possibilem materiam: non ergo datur nec dari potest alius mundus, qui vtrique consistere deberet etiam ex materia. Tertia ratio sit de mente Aristot. Vnus est tantum primus motor per se gyrans primum mobile: ergo vnum est tantum vniuersum.

Sed de se facillè apparet, quàm frivola sint hæ rationes. Nam certè grauiā et leuiā ex sua natura habent tendere ad illum tantum inferiorem vel superiorem locum, qui confideratur in eo mundo in quo ipsa inveniuntur: nec villo modo terra vnius

mundi inclinaret aut tendere deberet ad medium alterius mundi: sed ita prorsus se haberet ac si nullus alius esset mundus, sicut de facto se habet. Deinde non probat, nec etiā de facto, mundum hunc continere omnem materiam. Nec villo modo probare potest, continere omnem materiam possibilem: quinimò verè possibilis est alia et alia materia, ex qua plures et plures possent constare mundi. Demum Arist. ad summum probauit, in hoc singulari mundo vnum esse primum motorem. Sed præcipuè Deus verè non alligatur vlli certo Orbi: neque illi competit se solo circumagere primum mobile: sed potuisset etiam Deus, vnus cùm sit, plures condere mundos: potuisset etiam se solo immediatè in quouis mundis, primum mobile singulorum, imò et omnes cælos circumuoluere.

Tertiò itaque, cùm ex natura rei *Nec in-* non repugnet plures mundi, non *finiti* potest à priori efficaciter demon- *nec finiti* strari non esse de facto plures mun- *ti sunt* dos. Nec etiam à posteriori, vel ab *Mundi* effectibus id poterit sola naturali ratione conuinci: quia hac via ad summum nobis constare potest de ijs, quæ intra hunc nostrum mundum geruntur. Bene tamen potest validè probari non esse mundos infinitos, vt Antiqui dicebant, ex doctrina inquam generali contra possibilitatem infiniti. Et hinc vltèriùs posset vgeri contra finitum mundorum numerum: quia non esset maior ratio, cur tot et non plures essent mundi si essent finiti: præsertim cùm veteres illi vellent, ex ipsa rei natura debere esse plures mundos, nec recurrere ad libertatem causæ primæ.

Quartò insuper potest efficaciter *Non debent* demonstrari, nō fuisse necessarium *bebant* plures esse mundos, vt Antiqui putabant. Non enim hæc necessitas *necessaria* non esse *non esse* oriri poterat ex parte ipsarum rerū: plures *Mundi*. quia *Mundi*.

quia nulla res præter vnum Deum, habet necessitatem essendi: sed omnes aliæ res esse non possunt, nisi per dependentiam & participationem ab vno primo ente, & suprema omnium causa. Neque oriri poterat ex parte ipsius Dei; quia Deus habet perfectissimum modum operandi, nempe per intellectum & voluntatem, ac liberè prorsus determinando quod vult. Nullo ergo ex capite debebant necessariò esse plures mundi.

SECTIO QVARTA.

Quantus nam & cuius figura sit hic Mundus.

Putarunt quidam Antiqui, vt re-tert Arist. 1. Cæli tex. 33. mundum esse infinitum, id est infinitæ molis & magnitudinis. Diogenes verò apud Plotarchum lib. 2. de Placitis cap. 1. dicebat, Mundum esse finitum, sed vniuersum esse infinitum. Sicut & Empedocles apud eundem lib. 1. cap. 5. dicebat, vnum quidem esse mundum, sed hunc non esse idem cum vniuerso, verum exiguum vniuersi partem, reliquum esse otiosam materiam. Ac nuper Ioannes Camillus Gloriosus lib. 4. de Cometis cap. 4. putans totum mûdanum spatium supra terrestrem globum non esse nisi aerem, dubitat esse infinitum. Ac D. Thomas 1. par. q. 98. art. 3. refert quosdam veteres putasse, vniuersum formatum fuisse ex aqua, ac de facto extare infinitum corpus aquæ vltra cælos.

Certum tamen prorsus est, cum ipso Arist. & alijs omnibus Philosophis ac Theologis, mundum & vniuersum esse verè finitum, nullumquè dari corpus infinitum, sed omnia esse finitè simpliciter magnitudinis. Probat, Tum ex eo quòd in communi ostendimus qu. 24. non esse possibile tale infinitum. Tum specialiter de facto: quia omnia corpora quæ intra cælorum ambitum continentur, sunt planè finita ac terminata: ipsi quoque cæli vnum ab alio continetur, donec inueniatur cælum supremum. Ipsum tandem cælum supremum, est quidem maius omnibus inferioribus, tamen debet esse illis proportionatum & accommodatum, atque adeo finitum.

Non debebant a Philosophis fingi plures mundi.

Quintò hinc, stando in lumine naturali, perspicue apparebit, temerè prorsus & irrationabiliter, præcos illos Philosophos asseueranter docuisse, extare de facto plures mundos. Nullus vtiq; ex illis alium mundum ingressus erat, nullus videbat, nullus quenkum ex alio mundo venientem audierat: nullum fundamentum habebant super quod tam magnum opificium fabricarent; sed tantum ex mera sua imaginatione tot mundos esse iactabant.

Conuenienter vnicus tantum extat mûdus.

Sextò. Potest à nobis adhiberi aliqua congruentia, quare de facto vnus tantum à Deo conditus fuerit mundus, ex Platone desumpta: vt nimirum vîstas huius opificij imitaretur vnitatem opificis: et sicut vnus est Deus, ita vnum esset vniuersum certo ordine colligatum, varia Dei opera in se ipso complectens.

Neque motiua illa veterum Philosophorum, ad rem tam ignotam illos debebant impellere. Nullum enim inconueniens apparebat in toto & immenso spatio vnum extare mundum: quin potius sic fuisse conueniens deprehenditur. Deinde, neque mundus hic constat ex athomis: neque infiniti esse poterant athomis: neque prorsus per fortuitum & vagum athomorum concursum, poterat tam magnum, inigne, & ordinatum opificium, quale est vniuersum, absque alia certa ratione consurgere.

Mundus est finitus.

tum & terminatum, nec debet per totum spatium porrigi in infinitum. Ac iuxta sententiam Gentilium Philosophorum, supremum cælum dicitur esse primum mobile quod circulariter moueatur: corpus autem infinitum moueri non posset. Iuxta doctrinam verò nostrorum Theologorum, cælum supremum vocatur Empireum, & supponitur esse immobile, & dicitur esse sedes Beatorum, adeò vt D. Th. docuerit, Christum Dominum stare supra extimam superficiem eius cæli. Dicitur etiam esse vel circulare, vel quadratum, vt infra referemus, atque adeo est se toto figuratum. Igitur ipsum cælum supremum, atque adeò totum hoc vniuersum, est verè finitum, ac certa mensura terminatum. Neque verò præter hunc mundum corporeum exeat aliud corpus extra hunc mundum: sed in hoc mundo est omnis corporum vniuersitas.

*Mundi
quantitas
ab
Astronomis
mensuratur.*

Insuper ab Astronomis per mathematica principia & instrumenta mensuratur de facto quantanam determinatè sit magnitudo vniuersi quoad singula sua præcipua corpora, nempe quanta sit magnitudo terrestris globi, quanta sit altitudo atque distantia cæli à terra, quanta sit profunditas cuiusque cæli, discurrendo per singulos Planetas, ac etià vsque ad octauam spheram in qua sunt stellæ fixæ. De primo autem mobili, si sit cælum distinctum ab octaua sphaera, & sic etiam de alio quouis cælo si detur inter octauam spheram & primum mobile: item de cælo Empireo, nihil certi potest humana industria designari: cum tales cæli non se offerant nostris aspectibus, sicut alij cæli ratione suorum astrorum. Qua autem via & ratione deprehendi, & mensurari potuerit cælorum, astrorumque magnitudo, & quantanam censeatur, in speciali circa ipsa cælestia corpora attingemus.

Cæterum. Cum mundus taliter sit finitæ ac certæ magnitudinis, si queratur quidnam sit extra mundum, patet iam ex dictis q. 27. circa locum & spatium, ibi esse inane spatium, quod quidem nullis terminis coarctatur, nullo fine concluditur, sed in infinitum extenditur: ac non est reale quicquam, sed tantum est inanitas quædam: & in quo potuisset quidem Deus, & semper posset, alia & alia corpora procreare, etiam inquam novos mundos. Neque verò hinc metuendum erit, quod Lucretius lib. 1. de Rerum natura sollicitè describit, debere extremum cælum vndique concludere omnia, ne si aliquis aditus aperiretur; cuncta in illud inane spatium prouirent: *Ac supra circumtegere omnia cælum; Ne, voluerum ritu flammaram, mentia mundi Diffugiant subter, magnam per inane soluta, Et ne ea erant consimili ratione ferantur, Neutrunt cæli conitralia sempla supernè, Terraque se pedibus rapim subducat, & omnes, Inter permixtas terra calique ruinas, Corpora soluentes, abeant per inane profundum. Nam quacumque prius de parte corpora cæssa, Constitues; hæc rebus erit pars inuua Leti, Hæc se turba foris dabit omnis materia.*

*Extra
mundū
datur
spatium
inane
infinitū.*

Deinde circa mundi figuram, plerique Sancti Patres et Ecclesiastici Scriptores, opinati sunt, mundum esse tali figura constructum, vt terra quidem tota sit plana, et per ingentem latitudinem vsque ad cæli latera distenta, et supra hanc terræ planitiem cælum in circuitu attollatur, ita vt cælum cum terra se habeat ad instar camera cuiusdam, et propriè cælum sit figura hemycyli formatum super planâ terræ superficiem: *ut præter se negant, mundum esse, tanquam globum vndique rotundum: negant, terram esse sphericam, in medio aeris veluti suspensam:*

*Senten-
tia ne-
gās mū-
dum es-
se spheri-
cum.*

nam : negant cælum esse vndequa-
que circulariter extensum . Ita sen-
tiunt Iustinus Martyr in responsio-
ne ad qq. Orthodoxorum qu. 138.
Basil. homil. 1. in Genes. Ambros.
lib. 1. Exameron, Chrysost. homil.
14. et 27. in Epist. ad Hebr. Theo-
phil. et Theodoret. super cap. 8. ad
Hebr. Lactant. lib. 3. Diuinar. Instit.
cap. 23. Procopius Gazeus super
initium Genes. Videntur etiam de
hoc dubitare D. August. lib. 2. de
Genesi ad litter. cap. 9. Et præser-
tim Lactantius deridet Philosophos
oppositum sentientes : Procopius
pronunciat, oppositam sententiam
repugnare veræ fidei, et contradi-
cere Moyse, Prophetis, Paulo, et ipsi
Christo .

Funda- Moti sunt hi Patres, Tum ex illo
tur in Psal. 103. *Extendens cælum sicut*
Scriptu- *pellem*, id est sicut tentorium siue
ra et ra- *tabernaculum*. Tum præcipuè et
tione . clariùs Isa. 40. *Qui expandis calos*
sicut tabernaculum ad inhabitandũ :
vbi septuaginta Interpretes expres-
sè legunt, *Quasi cameram*. Moti
sunt etiam aliqui, et præsertim La-
ctantius ; quia impossibile prorsus
apparet, terram tantæ molis et gra-
uitatis per se suspensam manere in
medio aeris, vndique rotundam .
Cuius etiam rei admirationem pro-
ponit Arist. 2. cæli 77. *Forſitan mē-
tis est irrationabilis, non admirari,
quomodo parua terra particula, si
elevatora demittatur, fertur, & ma-
nere non vult, & maior pars semper
velocius fertur : totam autem ter-
ram, si quis demittat cum eleuaue-
rit, non vtrique feratur, & nunc quie-
ſcat tanta granitas*. Item impossi-
bile prorsus videtur, iuxta senten-
tiam de rotunditate terræ, vndique
in circuitu eius manere ac spatium
habitatores : si enim essent alij ho-
mines è regione nobis oppositi, ma-
nerent veluti pensiles cum pedibus
suprà et capite intra : sicut si apud

nos cogitemus intra quandam au-
lam, manere et ambulare homines
infra tectum, pedibus contingendo
tectum, et inferius gerendo caput.
Et ita non solum Lactantius, sed
etiam D. August. lib. 16. de Ciuit.
c. 9. et Beda in lib. de Ratione tem-
por. c. 32. putasse videntur . Atque
Lucretius lib. 1. de Rerum natura,
prope finem, post relatum et de-
scriptam oppositam sententiam, sic
de illa cenſet: *Sed vanus stolidis hæc
omnia finxerit error* .

Exploratum tamen satis est, et **Conclu-**
omnino certum esse debet, mūdum, **sio affir-**
tam quoad terram, quàm quoad cæ- **mans**
los mobiles, esse tanquam globum **mūdum**
figuræ sphericæ et rotundæ : et ter- **esse spha-**
ram in se esse globum quendam va- **ricum.**
dique rotundum, similiter omne cæ-
lum mobile circa terram, atque adeo
terram veluti pendere in medio aeris,
et vndique in circuitu æque be-
ne posse habitatores sustinere .

Ita docet et probat ex professo
Arist. 2. cæli à tex. 22. vnde tex. 32.
ita concludit : *Quod igitur spheri-
cus sit mundus palam est, & quòd
cum tanta diligentia tornatus sit, ut
nihil aut manufactum se habeat si-
militer, aut aliud quidpiam apud
nos existens*. Idem expressè docuit
Plato in Timeo, et ante illum Tha-
les et Pythagoras et alij Veteres .
Idemque deinceps agnouerunt po-
steriores omnes Philosophi . Item
est res notissima apud Astronomos,
et ita omnes docent, vel supponunt .
Iam etiam idem receperunt, et com-
muniter fatentur nostri Theologi
et Ecclesiastici Scriptores . Debent-
que excusari illi Patres, quòd non
habuerint notitiam huius rei, quæ
postea tam euidenter deprehensa
est . Imò et eorum aliqui idem po-
stea agnouerunt, ut Theodoret. q. 20.
super Genes. et serm. 1. de Proui-
dent. vbi cum docuisset cælum esse
sphericum, subdit: *Qui enim hoc cen-*
ſerunt

fornicem constituit, & idem quasi tentorium ad inhabitandum extendit, contrarias sibi inuicem naturas amicitia legibus constrinxit.

Ostenditur ex Scriptura.

Probatur primo satis apertè ex ipsa Sacra Scriptura Iob. 9. Mundus & cælum appellatur Orbis: *Sub quo curuantur qui portant Orbem*; Orbis autem est globus & sphaera: & dicuntur portare orbem Angeli qui iussu Dei regunt mundum, mouent cælos. Prouerb. 9. *Quando preparabat calos aderam, quando certa lege & gyro vallabat abyssos*: Per abyssos intelligitur vastitas inter cælum & terram: gyro vallabat, idest corpore spherico circundabat: Et ex text. Hebræo, *Cum statueret circumlum super faciem abyssi*. Rursus Ecclesiastici 25. *Gyrum cali circuiui sola*: ubi ex Greco clariùs adhuc legitur, *rotundauit conglobauit*. Et clarissimè Ecclesiastes 1. *Oritur Sol & occidit, & ad locum suum reuertitur, ibique renascens gyras per meridiem, & spectatur ad aquilonem; lustrans uniuersa in circuitu pergit spiritus, & in circulos suos reuertitur*. Satis etiam perspicuè alibi declarauit, terram in se & per se consistere, ita & nequaquam per cæli contactum sustineatur. Psal. 103. *Qui fundasti terram super stabilitatem suam, non inclinabitur in seculum seculi*. Iob. 26. *Qui appendit terram super nihilum*.

Rationibus à priori.

Secundo. Physicis rationibus veluti à priori hæc assertio ab Arist. probatur: quia figura circularis & spherica, est prima omnium figurarum: ergo hæc figura debebat ipsi vniverso, & specialiter ipsi cælo quod est primum corpus, naturaliter conuenire. Item est maximè perfecta, & æqualis, & simplex, & capax: ergo hæc omnino figura toti mundo, & singulis cælis & elementis debebatur.

Tertio. Euidenti experientia pro-

batur ex motu solis & astrorum. *Experientis à posteriori.* Cum enim sol ab Oriente feratur in Occidentem, & rursus redeat ad Orientem, vtique circularem perficit motum, neque aliter poterat hoc intelligi: & sic etiam alia astra mouentur, etiam ipsa Luna quæ est terris proxima. Nullatenus igitur poterat cogitari, terram per ingentem planitiem extendi vsque ad latera cæli, & cælum per modum solius hemycicli contingere terram. Sed omnino terra est globus in medio aeris consistens, & cælum rursus est integra sphaera in qua astra circulos suos assiduo motu perficiunt.

Quarto. Euidenti etiam experientia notum est, eum qui in directum super terram pergit, siue per mare nauigat, nequaquam magis ac magis accedere ad latus cæli versus quod pergit, semper in Horizonte conspiciendo stellam quàm ab initio ibi notauit; sicut sanè deberet accidere, si terra semper in planum vsque ad cælum esset extensa. Sed potius is qui ita pergit, perspicuè deprehendit, stellam quam ab initio in Horizonte notauit, post iter vnus v.g. diei, sibi rursus eadem hora apparere in altiori situ, & sic semper deinceps: quod signum euidentius est, terram esse vndique sphericam, & sic etiam cælum in circuitu terræ.

Quinto. Imò iam satis comperitum & exploratum est, posse vniuersam terram in circuitu peragrari, & hæc itinera valde iam familiaria facta sunt: & vbique in circuitu habitatores consistunt, tum in terra, tum nauigia in mari, & verè regiones terræ diametraliter oppositas inhabitari: ita vt iam luce clariùs constet, terram esse integrum globum, & per totum circuitum æquè benè habitatores sustinere: ac verè Antipodas reperiri, qui sic dicti sunt eo quod habeant suos pedes è regione veluti oppositos nostris pedibus.

dibus. Et cum hoc , compertum utique & exploratum simul est, cælum esse similiter vndique sphericū circa terram, atq; adeo sphericam esse mundi figuram .

Sexto. Constat etiam hæc mundi figura ex Ecclipsibus, ex varijs astrorum aspectibus, & ex innumeris astronomicis observationibus : ita ut res extra omnem prorsus dubitationem effecta sit .

Terra non est spherica et aqua. Septimo. Terra est quidem in se sphericæ figuræ : ita tamen ut de facto simul cum aqua vnum integrum conficiat globum: vnde absolutè ipsius terræ nomine intelligi debet totus hic globus ex terra & aqua compactus . Item est quidem globus & sphaera , rudi tamen modo , & non cum perfectè circulari ac rotunda figura : sed aspera est & inæqualis, siquidem tot vallibus deprimitur, tot montibus attollitur .

Cælum est perfectè sphericum . Octavo. Cælum quidem dici debet perfectè rotundum & lenes: quod non solum ex conditione ipsorum cælorum, sed & ex motus necessitate colligitur . Dato enim quod sint plures cæli, vnum contingens aliud: si non essent inter se perfectè rotundi & lenes, non possent diuersis motibus circumferri: quia deberent se in quibusdam partibus scindere, & in quibusdam relinquere vacuū, ut consideranti patebit . Aliqui tamen Philosophi maluerunt tribuere cælo oualem figuram, ut refert Plutarchus lib. 2. de Placitis cap. 2. Et potuisset sanè stante hac figura perfici adhuc circularis motus vnus cæli super suos polos, qualis de facto obseruatur. At non poterant esse plures cæli totales perficientes diuersos motus super diuersos polos, sicut solent supponi, quoniam inde planè sequeretur scissio & vacuum. Sed etiam si vnum solum diceatur esse cælum totale, existimandum adhuc est, cælum esse perfectè

rotundum & circulare : quia hæc figura illi magis conuenit . Et similiter, quamuis cælum secundum infimam & concavam partem qua elementarem mundum contingit absque vlllo sui motus præiudicio potuisset aliter figurari : tamen ob vniuersitatem rerum censi debet perfectè pariter circulare . Nisi ad hoc ut rapiat proximum sibi subditum elementum, necessarium vel expediens videatur, esse asperum et veluti montibus tuberosum, eo quod elementum illud est fluidum : et sic defendit Loctarius Sarsi in Libra Astronomica et Philosophica. Nec sanè oppositum conuincit Galileus in libro italicè inscripto, *Il Saggiatore* num. 37. quia inquit, inde sequeretur magna varietas in aspectu astrorū ob varias refractiones per inæquales partes cæli . Nam dicendo eiusdem perspicuitatis esse supremum elementum ac ipsum cælum, nulla sequitur variatio refractionum et aspectuum .

Nono demum. Dicebamus hanc figuram debere tribui vniuerso quoad cælos mobiles. Quia alioqui dubitatum est à nostris Theologis de figura Cæli Empirei, quod pro Beatorum sede constituitur, præter omnes cælos mobiles & naturaliter cognitos, ac supponitur esse immobile . Et aliqui putant, ut Conimb. 2. Cæli cap. 5. q. 1. art. 2. referunt, & approbant, Cælum empireum quoad partem externam & supremam, ac superficiem conuexam, esse potius figuræ quadratæ, atque adeo ipsum vniuersum secundum se totum esse quadratum, quia ille est vltimus terminus vniuersi. Adhuc vero supponunt, ipsum cælum empireum quoad partem internam & inferiorem, & superficiem concavam, esse rotundum & circulare, ut se cum primo mobili perfectè contingat, ne relinquatur anguli vacui. Colligunt autem,

Etiams calū empireum .

tem, supernam illam cæli partem esse quadratam, ex illo Apocal. 21. *Ciuitas in quadra posita est.*

Hoc tamen non persuadet: quia ibi sermo est de ciuitate, quæ in visione ibi representata est Ioanni. Et præterea, illud dictum est ad significandam stabilitatem & permanentiam celestis gloriæ: sicut olim, Sapientiam propter firmitatem quadrato hærentem, Fortunam propter inconstantiam globo pendentem, Antiqui pingebat. Itaque nec etiam quoad hanc partem oportebit recedere ab assertionem sphericæ figuræ, & putandum potius est, cælum quoque empireum quoad supremam partem, atque adeo vniuersum secundum se totum, esse perfectè rotundum. Quod etiam ipsi Beatorum sedi videtur conuenientius. Nam si empireum esset quadratum, vel vna sola eius quadrati facies esset Beatorum locus: & sic ad sextam solam illius cæli partem celestis patria sine causa restringitur. Vel adhuc totum quadratum secundum omnes facies est Beatorum sedes: & sic præstat sanè, cælum esse rotundum, quia maior est communicatio & vniuersitas in ipso toto & inter omnes partes.

*Expli-
cantur
priora
loca Scri-
ptura.* Cæterum. Ad auctoritatem illam Scripturæ quæ cælum dicebatur sicut pellis, & sicut tabernaculum, facillimè dicitur, sensum esse, Deum extendisse celos sicut pellem, non quoad figuram, sed quoad facilitatem: id est sicut maxima quis facilitate extendit pellem compliatam, ac deducit cortinam sui tabernaculi, ita mira facilitate Deus creauit & extendit totum cælum. Item quoad habitationem: quia sicut tabernaculo conteguntur inhabitantes, ita nos terræ incolæ cælo tegimur. Insuper etiam quoad figuram, omnis homo in certa terræ parte residens non nisi medietatem cæli videt &

vnum Emispherium: vnde videt cælum ad modum tabernaculi, siue tantquam hemyciclium & cameram. Imò si terra esset plana ex vna tantum facie cælo tecta, ex hac solum parte cælum esset illi velut tabernaculum: at si terra sit vndique spherica & rotunda, circumquaque cælo tecta, vndique habet pro tabernaculo cælum. Sic notauit præclarè ipse August. lib. 2. de Genesi ad litter. cap. 9. *Si sphaera non est, ex vna parte camera est, ex qua parte cælum terram contegit: si autem sphaera est, vndique camera est.*

Ad alteram difficultatem de consistencia & suspensione terræ in medio aeris, Mira sunt quæ Veteres quidam Philosophi dicebant, ut refert Arist. 2. cæli. Xenophanes, terram protendi in infinitum. Thales, natare super aquas. Anaximenes, Anaxagoras, & Democritus, manere ob ingentem latitudinem. Empedocles, manere ob celerrimam cæli conuersionem. Anaximander, manere ob indeterminationem tendendi in vnā vel aliam partem. Sed ridicula hæc planè sunt, & manifestè absurda, quæ copiosè & euidenter Arist. ipse retellit. Incundius est quod refert Seneca lib. 7. Natural. qq. cap. 14. quoddam dixisse, verè terram semper descendere, sed id non apparere, nec vnquam sistere, quia infinitum est in quod cadit.

At sanè, res est facillima. Nam totus mundus, & ordo corporum naturalium, ita dispositus est, vt infimus locus corpori grauissimo debeat, infimus autem locus est qui consideratur in medio: itaque corpora grauius habent accedere ad medium, leuius è contra recedere à medio: & cum corpus graue fuerit in medio, ibi prorsus consistere debet. Item, descendere est accedere ad medium, ascendere est recedere à medio. Terra ergo ratione sua graui-
uita.

*Expli-
cantur
quomodo
terris
sphaera
pendeat
suspenda.*

uitatis debet omnino in medio quiescere, tantum abest, vt sua grauitas huic loco obftet. Si autem terra hinc recederet & versus oppositam cæli partem tēderet, verē atcenderet, non descenderet: & omnes cæli partes in circuitu sunt superiores ipsi terræ: sicut enim est superior illa cæli pars quæ supra nostrum caput consideratur, ita omnino alia pars ē diametro opposita, & sic omnis alia cæli pars. Vnde potius, si cui si quis hinc lapidem attollat, & in aere relinquat, lapis redibit ad terram, ita prorsus in regione opposita. Siquē ipsa terra quoquē versus in circuitu traheretur ad cælum sibi quē relinqueretur, statim de se rediret ad centrum, neque Arist. id negauit 2. cæli 77. sed tantum ibi dubitationem attulit. Itaque nulla prorsus difficultas est in hoc quod terra per se suspensa maneat: sicut neq; in hoc quod totus ipse mundus per se consistat: vt notauit Arist. 2. Cæli tex. 4. deridens eos, qui supponentes mundum indigere aliquo sustentante, fabulosē fingeant, *Atlante quodam ipsi opus esse ad saluam.*

Et quomodo sineat habitatores in circuitu.

Hinc tandem facillimē intelligitur, optimē posse per totum terrestris globi circuitum habitatores commorari; & sicut nos in hac terræ parte degimus, æquē benē posse alios in regione opposita, quos dicimus Antipodas. Nec plus illi dici possunt pensiles manere cum pedibus supra & capite infra, quā id de nobis dici queat. Neque plus illi deberent ē terra ad cælum decidere, quā nos possimus hinc ē terra ad cælum ad instar flammarū exurgere. Imō tam illi quā nos suo pondere potius ferūtur ad centrum: ideoquē debent ab ipsa terra sustineri: tantum abest vt deberent ē terra ad cælum veluti prolabi.

SECTIO QVINTA.

Qualis & quā perfectus sit hic Mundus.

MVndum hunc esse valde perfectum, & omnibus debitis paribus absolutum, ac perfectionibus exornatum, notauit optimē Arist. 1. cæli tex. 4. *Ipsam autem vniuersam cuius hæc sunt partes, perfectum esse necesse est, & omni ex parte, vt nomen ipsum significat.* Constat etiam ex Sac. script. Genes. 1. *Vidit Deus cuncta quæ fecerat & erant valde bona.* Vbi sentus est, non solum de singulis rebus per se sumptis, sed etiam de tota vniuersitate & collatione rerum, atque de tota huius vniuersi compositione, atque structura. Imō de rebus per singulos dies factis, dictum erat solum, *Vidit Deus quod esset bonum:* sed de omnibus simul dicitur, valde bona. Vnde D. Augustin. Enchirid. *Bona sunt singula: simul verō vniuersa valde bona, quia ex omnibus consistit vniuersitatis admirabilis pulchritudo.* Hoc idem agnoscunt & tacentur alij omnes Philosophi, atque Ecclesiastici Doctores.

Mundus est valde perfectus.

Ratione patet: non solum quia perfectum est cui nihil deest: huic autem mundo nihil deest, nulla inquam pars, nulla virtus, ad eius integritatem & complementum pertinens. Sed præterea Mundus est maxime perfectus, quia in se claudit perfectiones omnium corporum naturalium: quare totus ipse mundus, est tam perfectior quolibet corpore per se sumpto, quanta est perfectio omnium aliorum corporum, quæ ultra illud includit. At præsertim ex pluribus capitibus eminet eximia perfectio & excellentia huius mundi: nempe ex tanta rerum

Mundi perfectio explicatur.

copia, & vniuersitate, ex maxima pulchritudine, ex rerum varietate, ex miro rerum ordine, ex rerum connexionem, ex rerum proportionem, ex rerum apta quadam concordia atque discordia, ex diuina tandem administratione, & ex ordinatione aliarum quidem rerum ad vtilitatem hominis, & ipsius hominis omniūq; rerum ad Deum, vltimum finem ac summum bonum.

Qua ratione, etiam illa quæ videntur inutilia & otiosa, imò etiam quæ videntur noxia & pernicioſa, & quæ videntur turpia & indecora, etiam peccata ipsa, conferunt ad vniuersi pulchritudinem & decorē. Ita notauit D. Aug. lib. 3. de libero arbit. cap. 9. & lib. 1. de Ordine, cap. 7. & in Enchirid. cap. 10. Tum quia per eorum comparationem & oppositionem magis elucet ea quæ bona sunt & meliora. Tum quia ex ipsis malis per diuinam providentiam eliciuntur bonas vnde pleraque bona non exarent, si quædam mala non permitterentur.

Virum mundus potuisset esse perfectior. Deinde ad magis determinandum quàm sit perfectus hic mundus, spectat examinare, num potuisset à Deo fieri perfectior, num posset à Deo magis perfici. De qua re agunt præcipue Theologi in 1. d. 43. & 44. & cum D. Th. 1. par. q. 25. Et breuiter, prætermisso eorum siue Philosophorum siue Hæreticorum errore, qui absolutè putarunt, non potuisse à Deo fieri nec meliora nec alia prorsus præter ea quæ fecit: Durandus in 1. d. 44. q. 3. opinatur, non potuisse à Deo fieri mundum perfectiorem essentialiter, idest perfectiores rerum species: benè tamen potuisse hunc mundum magis perfici accidentaliter, idest penes accidentales quasdam perfectiones. Probat non potuisse fieri alias rerum species: quia hæ species possibiles, haberent vique ordinem inter se &

cum speciebus de facto existentibus, quatenus vna esset supra vel infra aliam ordine perfectionis: ergo omnes huiusmodi species cadunt sub vnum ordinem: igitur omnes spectant ad vnum vniuersum: ergo de facto in hoc vniuerso sunt omnes species possibiles. Alij communiter affirmant, potuisse fieri mundum etiam essentialiter perfectionem penes perfectiores rerum species.

Rursus D. Th. in 1. d. 44. q. 2. & 1. par. q. 25. art. 6. ad 3. asserit, potuisse quidem à Deo fieri alias res meliores, & addi in hoc vniuerso: tamen quoad has res non posse vniuersum magis perfici: & præsertim non posse saluo ordine totius perfici vnā rem, alijs in suo statu relictis. *Vniuersum, inquit, suppositis istis rebus, non potest esse melius, propter decentissimum ordinem his rebus attributum à Deo, in quo bonum vniuersi consistit: quorum, si vnum aliquod esset melius, corrumpereetur proportio ordinis: sicut si vna chorda plus debito intenderetur, corrumpereetur cithara melodia.* At ex aduerso idem Durandus affirmat, benè potuisse, absque confusione rectoris ordinis, perfici vnā vel aliam rerum speciem in hoc vniuerso, alijs in præsentī statu relictis. Et approbant Conimb. 1. Cæli cap. 9. q. 2.

Pro resolutione distinctè asserendum est, quoad aliquid quidem potuisse perfectiorem mundum à Deo condi, & mundum hunc magis perfici; quoad aliquid verò non potuisse.

Pro priori assertionis parte, potuisset primò sine dubio Deus alias plures & perfectiores rerum species procreare, atque adeo mundum essentialiter perfectiorem efficere. Est res certa, et probata iam à nobis quæst. 24. sect. 4. vbi ostendimus esse possibiles plures ac perfectiores species.

rerum species in infinitum. Neque verò quicquam obest ratio illa Durandi; Verè enim omnes species possibiles habent inter se comparationem & ordinem, & dici etiam, potest per modum vnius vniuersitatis & ordo omnium specierum possibilem: at necesse non est, ut hic mundus, hoc vniuersum quod de facto à Deo creatum est contineat omnes possibiles rerum species. Nam utique etiam ipse Durandus fateri debet, potuisse Deum non creare omnes species quas de facto creauit: & tunc non fuissent in illo vniuerso omnes possibiles rerum species. Sic ergo etiam de facto non tenebatur Deus creare, neque dici debet creasse omnes rerum species possibiles.

*Accidē-
tali-
ter
quoad
indiu-
dua.*

Secundò potuissent etiam hæ rerum species quæ de facto sunt in vniuerso, magis perfici accidentaliter, & ita vniuersum ipsum reddi hoc modo perfectius. Est res clara: quia in eodem subiecto potest fieri esse forma accidentalis magis ac magis perfecta: ut de facto contingit idem subiectum magis ac magis perfici. Item potuissent sub iisdem speciebus plura indiuidua multiplicari: Quæ additio, licet fieret quoad substantiam quoque ipsam rerum; tamen dicitur perfectio accidentalis ipsis speciebus: quia non est de essentiali ratione speciei, ut tot vel plura indiuidua multiplicentur.

*Poterat
perfic-
i magis
in una
parte,
alijs par-
tibus
immuta-
tis.*

Tertiò potuisset etiam fieri, ut perficeretur magis vniuersum quoad aliquam partem sine immutatione aliarum. Patet: quia certè facillimè intelligitur potuisse aliquam rerum speciem in terra, verbi gratia, alicuius arboris, aut metalli, aut animalis, magis perfici absque perturbatione & præiudicio aliarum rerum: sic etiam aliquod astrum in calo maiorem aliquam vim accipere in

certo gradu ut non officeret virtutibus aliorum. Atque de tacto conditus fuit homo à Deo in statu naturæ integræ, in quo deinceps mansisset si non peccasset: fuit ergo tunc, & fuisset postea, hæc maior perfectio in humana natura, absque immutatione aliarum rerum: neque propterea perturbatus fuisset ordo totalis ipsius vniuersi. Et sicut D. Tho. fatetur, potuisse sine incommodo addi alias res, ita non est cur dubitemus potuisse pariter magis perfici certas quasdam res ex ijs quæ de facto extant.

Neque verò obstat exemplum illud citharæ: ideo enim per variationem vnius sine variatione aliarum dissoluitur armonia, quia sonus vnicuiusque chordæ debet habere certam quādam proportionem cum sono aliarum, ut omnes simul rectè efficiant concentum: at non omnes res huius vniuersi debent quoad omnia habere inter se talem proportionem: ut patet, quia certè nihil referret quod in specie, verbi gratia, humana essent plures aliquot homines, vel quod aliquis homo esset maioris staturæ, aut melioris ingenij, quàm de facto sit. Benè tamen esse potest, quod aliquæ res huius vniuersi ita quoad aliquid se habeant, ut non rectè potuisset vna sine alia variari, ut in sequenti conclusionis parte dicemus, & hoc solum videtur voluisse D. Thomas.

Neque etiam ex eo quod potuerat fieri vniuersum perfectius, & factum non est, potest argui defectus bonitatis in Deo: sicut D. August. lib. 8. qq. q. 50. arguit, si Deus Pater potuisset meliorem Filium gignere, & non genuisset, esset inuidus; si voluisset & non potuisset, esset infirmus. Nullus enim est defectus bonitatis, sed est effectus libertatis, quod Deus non creauerit perfectio-

rem mundum sicut potuisset : quando nulla necessitate adstringebatur, nulla lege tenebatur, simpliciter creare mundum. In generatione autem diuina D. Aug. ita arguebat, quia Filius naturaliter gignitur à Patre, & quia ipsi Filio ex vi generationis tota diuinæ naturæ perfectio debebatur.

Non potuit mundus esse perfectior essentialiter quoad præsentias species. Pro altera assertionis parte, notauit primò D. Thomas, & alij communiter non potuisse has easdem species quæ de facto sunt fieri perfectiores essentialiter. Patet, quia rerum essentia sunt inuariabiles, nec potest in vna & eadem re vllò modo eius essentia variari. Aliud ergo est potuisse Deum condere alias species perfectiores, ac posse easdem species facere essentialiter perfectiores : primum est possibile, secundum est impossibile : sicut inquit D. Thom., potest Deus facere alium numerum quaternario maiorem, sed ipsum quaternarium non potest facere maiorem : & sic sunt essentia rerum sicut numeri.

Nec quoad modum quo factus est. Secundò notat etiam S. Tho. & alij, non potuisse à Deo quicquam melius fieri, sumendo melius aduerbialiter idest meliori modo, & sumendo modum ex parte facientis : quia certè omne quod fit à Deo, fit ex bonitate & sapientia infinita, nec poterat ex maiori sapientia aut bonitate fieri. Item non potuisse quicquam melius fieri ex parte finis, hoc est ob meliorem & perfectiorem finem, nempe considerando quatenus omnes res factæ sunt propter ipsum Deum, & ordinatæ ad ipsum summum bonum.

Nec quoad certas quasdam res. Tertiò notant, quædam de facto esse in hoc vniuerso, quibus in suo genere non potuissent fieri alia meliora : videlicet talis est beatitudo in Dei visione & fruitione consistens, quod non possit esse alia perfectior species beatitudinis : & tanta est di-

gnitas Matris Dei, vt non possit esse maior alia maternitas. Imò simpliciter tale est opus Incarnationis, vt non possit fieri maius opus. Atq; inter res naturales, in genere, verbi gratia animalis, non potest fieri perfectior species, quàm animal intellectuum, qualis est homo : & pleraque similia considerari possunt.

Quartò præterea, sunt creatæ quædam perfectiones huius vniuersi, in quibus non potuisset magis perfici. Talis præsertim est ordo quo naturalia corpora constituta sunt. Non enim inter hæc corpora poterat esse melior ordo, quàm vt in supremo loco essent cæli, in medio elementa : & inter ipsa elementa, in superiori loco esset ignis, supposito quod detur hoc elementum separatim ; in infimo loco esset terra, & in intermedio aeris ac inter ipsos etiam cælos, supposita tali ac tanta virtute astrorum, credendum est, non potuisse meliori ordine disponi quàm quo de facto disposita sunt. Item in singulis rebus particularibus, si subiectum ex natura sua exigit talem ac tantam determinatam perfectionem, non poterat iuxta naturam suam magis perfici : corpus exigens tantum calorem aut frigus, aut tantam magnitudinem, non poterat in hoc magis perfici : sed maior excessus, illi esset potius incommodus & repugnans.

Quintò specialiter comparando varias res inter se, & considerando coniunctionem earum, verè quidem aliquæ res sunt, talem proportionem habentes, vt non posset vnu perfici alijs in priori statu relictis, illæso ordine vniuersi. Patet facile. Si vnū aliquod elementum factum fuisset maioris virtutis & actiuitatis quàm nunc sit, & alia fuissent in eodem statu relictæ, vtique non potuissent alia elementa inter se debitum vni-

Nec quoad certas quasdam perfectiones.

Nec quoad certam quandam compositionem.

uersi ordinem conseruare. Et in cæ-
lis si factus fuisset Sol aliudue Astrū
maioris molis aut efficaciz, alijs in
præfenti statu & situ conseruatis,
vtrique feruata nō fuisset recta tem-
peries quæ ex causis cælestibus ea-
rumque cōiunctione in hæc inferio-
ra transfunditur. Et sic pleraque alia
huiusmodi obseruari possunt. Et in
hac parte verificatur doctrina illa
Diui Thomæ antea relata.

Nec in ordine ad certū quemdā finem. Sexto demum addendum est, sup-
posita determinatione certi finis cū
suo modo & circumstantijs, non
potuisse vniuersum, imò nec vllam
rem particularem magis perfici in
ordine ad talem finem. Explicatur
& suadetur assertio: quia conside-
rari debet non solum finis in vni-
uersali, nempe diuina gloria & com-
municatio ac manifestatio diuinæ
bonitatis: sed considerari debet fi-
nis magis in particulari cum suo
modo & circumstantijs à Deo in-
tentis, videlicet talis ac tanta mani-
festatio & communicatio suæ bo-
nitatis, sua gloria tali modo quæ-
renda & assequenda. Ob finem er-
go sic consideratum, dici debet non
potuisse rem perfectiorem fieri, aut
meliora media ordinari: quia nimi-
rum ad finem cū tali determinatio-
ne sumptum, tales res, & non aliz
in se absolutè perfectiores, condu-
cebant. Videlicet ad exercendam et
manifestandam diuinam iustitiam,
conferebat peccata permittere ea-
quæ punire; attamen ipsi homines
et Angeli meliores vtrique ac perfe-
ctiores in se fuissent sine peccato:
et sic de alijs rebus dijudicandū est.

Explicatur et confirmatur magis.
Cum Deus facillimè potuisset res
in se perfectiores condere, vtrique
non temerè et veluti casu decreuit
vniuersum tam perfectum et non
magis condere: sed prudentissimè
ita determinauit, ob aliquem nem-
pe certū finem sua libertate et pro-

uidentia præstitutum. Ad talem er-
go finem debebat tale vniuersum
et non magis perfectum condi, et
supposita determinatione illius fi-
nis, non poterat fieri perfectius vni-
uersum, idest aptius et congruentius
ad illum finem, et sic de singulis qui-
busque rebus particularibus. Nam
hic est perfectissimus modus ope-
randi qui Deo attribui debet.

Et hac ratione debet compesci
hominum arrogantia, ne quis diu-
dicare præsumat, Deus melius ita
aut ita fecisset. Quinimò hac ratio-
ne dixit D. Augustinus lib. 3. de Li-
ber. arbitr. cap. 5. *Quæquid tibi ve-
ra ratione melius occurrerit, scias
fecisse Deum, tanquam bonorum
omnium condicorem.* Vnde addit,
quamuis si mundus absque peccati
labe conseruatus fuisset, siquæ ho-
mo non peccasset; melior simplici-
ter fuisset ipse homo, atque adeo to-
tus ipse mundus: tamen de facto
meliorem modum seruatum fuisse à
Deo, permittendo peccatum, ob fi-
nem nempe à sua prouidentia insti-
tutum, ad manifestandam scilicet
suam misericordiam, iustitiam, &
alia attributa.

*Quo-
quid
melius
apparet,
factū est
à Deo.*


SECTIO SEXTA.

*Verum Mundus verè productus
sit, & ex nihilo crea-
tus à Deo.*

M Agnum negotium Philoso-
phis intulit modus quo mun-
dus extiterit, an à se ipso, an pro-
ductus ab alio, & quo pacto produ-
ci potuerit. Et ratio difficultatis erat,
quia cū esset principium philoso-
phicum apud omnes receptum, *Ex
nihilò nihil fieri*, non apparebat
quomodo mundus fieri potuisset,
loquendo scilicet de prima rerum
substantia.

B 3

Gen-



*Senten-
tia ne-
gans.*

Gentiles ergo Philosophi putasse videntur, mundum non ab vlla causa fuisse productum, sed se ipso naturaliter extitisse. Et praesertim illi qui per atomos res omnes & totum hoc vniuersum constituebant, putarunt atomos se ipsis extitisse, & ex eorum motu veluti casualiter formatum esse hoc vniuersum. Sic describit Plutarchus lib. 1. de Placitis cap. 4. *Mundus cōcreuit hoc modo. Cum infestilia corpuscula (sic nunc atomos voco) fortuito mouerentur, nulla motus gubernante providentia. continenterque & celerissime agerentur, multa in unum collecta sunt corpora, ob eamque causam magna ipsi fuit & formarum & quantitatis varietas.* Ac deinceps prosequitur, qualiter ex grauioribus atomis formata sint corpora inferiora, ex leuioribus superiora, etiam caelos ipsos; & ex quibusdam perpetuò volubilibus formata sint Astra, quae ideo perenni motu ciantur. Atque ad hanc atomorum confusionem pertinere videtur Chaos illud à veteribus Poetis describi solitum, in quo omnia simul, quatumvis diuersa & contraria commitebantur. Rursus alij Philosophi, qui rerum principia assignantes, dicebant elementum aliquod, vel plura esse rerum principia, putasse videntur fuisse per se independentes ab alio effectiuo principio. Zeno item & Stoici pro eadem sententia referuntur. Refertur etiam Plato: & ita plerique Platonici sequuntur. Aliqui tamen volunt, Platonem agnouisse productionem & inactionem mundi, vt avertit Perer. lib. 5. cap. 7. & lib. 15. cap. 5. & ita ex quibusdam Platonis verbis ipse defendit. Sed de eius mente refert Alcinoüs in lib. de Doctr. Plat. cap. 10., illum dixisse quidem mundum factum, tamen ex materia quae ante mundum inconcinne & inordinatè extiterit. Sic

ergo fortasse putauit mundi materiam non tantum à Deo. iuxta quod de quibusdam Haereticis sic refert Diuus Hieronymus lib. 8. Ethimolog. cap. 5. *Hermogenes materiam non natam introducens, Deo non nato eam comparauit, matremque elementorum & Deam asseruit.*

Sed praeterum hanc eandem sententiam tribuunt Aristoteli, ij qui volunt illi ignotam fuisse, & impossibilem penitus visam esse creationem vllius rei ex nihilo. Cum quibus Perer. lib. 5. c. 7. ait, Aristoteli nunquam venisse in mentem, vt extimeret creationem ex nihilo esse possibilem: quinimò nihil reperiri posse magis contrarium eius doctrinae quam creationem: quia Arist. ubique supponit, ex nihilo nihil fieri. Atque expresse 2. Metaph. tex. 4. ait, principia eorum quae semper sunt, nullam habere causam: & intellexisse videtur materiam & formam corporum quae supposebat semper & ab aeterno fuisse. Dumquæ voluit, mundum fuisse ab aeterno, parinde voluisse videtur, ac mundum necessariò & à se ipso fuisse simul enim ait, mundum esse ingenerabilem esse ingenitum.

Rursus, Aliqui Philosophi putasse videntur, mundum hunc corporeum fuisse quidem ab aliqua superiori causa productum, non tamen à Deo. Et ita etiam postea opinatus est Simon Magus, vt refert Hieronymus lib. 8. Ethimolog. c. 5. Et sequutus est quidam Menander eius discipulus, de quo refert idem Hieronymus: *Mundum non a Deo, sed ab Angelis factum asseruit.*

Certissimum tamen est, Mundum vniuersum quoad omnem sui partem, hoc est etiam quoad primam rerum substantiam & materiam, verè esse productum & ex nihilo creatum à Deo. Est in primis res certa de fide, pro qua plerique Ecclesiae Patres con-

Tribuitur Aristoteli.

Conclusio affirmans.

*Est de
fide.*

contra errorem oppositum conscripserunt, Ambros. lib. 1. Exameron, August. lib. 1. de Genesi ad litt. Laetant. lib. 2. Diuinar. Institut. cap. 9. Tertull. lib. de Præscript. Hæretic. c. 33. Nyssen in libro de Homine, & alij plures. Et omnes fideles vultu agnoscunt. Patet apertè ex plurimis Sacra Scripturæ testimonijs: Ex primis eius verbis: *In principio creauit Deus calum & terram*: & ex alijs innumeris locis: ac 2. Machab. 7. sub ipso nomine productionis ex nihilo: *Peto te nate, ut aspicias calum & terram, & ad omnia quæ in eis sunt, & intelligas, quia ex nihilo fecit illa Deus, & hominum genus*: & Ioan. 1. sub ipso nomine mundi: *Mundus per ipsum factus est*: nec oportet pro re adeo nota plura loca congerere. Hinc in symbolo confitemur Deum creatorem cæli & terræ. Et in cap. *Firmiter de summ. Trinie. Deum sua omnipotentis virtute ab initio temporis vtramque de nihilo condidisse creaturam, spirituales & corporales, Angelicam & mundanam.*

*Potuit
etiam
naturali
lumi-
ne sciri.*

Secundò. Potuit etiam ac debuit hæc veritas naturali lumine sciri, & potest perspicuè demonstrari. Hoc ipsum patet ex eadem Sacra Scriptura, quæ non solum sua auctoritate docet mundi creationem à Deo: sed etiam affirmat, potuisse & debuisse naturali via ex iisdem creaturis agnosci. Sapient. 13. *A magnitudine speciei & creatura cognoscibiliter poterat creator horum videri.* Ad Rom. 1. *Inuisibilia Dei à creatura mundi per ea quæ facta sunt intellecta conspiciuntur, sempiterna quoque eius virtus & diuinitas, ita ut sint inexcusabiles.* Itaque idem ipse mundus se à Deo creatum, manifestè demonstrat, ut eleganter expressit D. August. lib. 11. de Ciuit. cap. 4. *Præter propheticas voces, mundus ipse, or-*

dinatissima sua mobilitate & visibilibus omnium pulcherrima specie, quodammodo tacitus, se factum esse, & non nisi à Deo fieri potuisse, proclamatur.

Tertiò. De facto non solum Philosophos, sed etiam vulgares homines, id totum agnouisse, compertum est: quia communi quodam consensu, supremus quidam mundi rector, idemque auctor & principum, semper est agnitus. Imò insuper huius tam communis estimationis testis est ipse Arist. 8. Physic. 1. *Omnes de natura differentes mundum faciunt.* Et 1. Cæli 102. *Mundum genitum esse, omnes dicunt.* Neque o stat, quod idem Arist. 8. Physic. 10. dixit, omnes esse concordantes in affirmando tempus esse ingenitum, præter Platonem qui docuit tempus simul cū cælo esse factum, & cælum ipsum esse factum. Nam ibi Arist. sunt plures ingenitum pro æterno, & factum pro eo quod est nouum in tempore: ut patet in alia translatione apud Auerr. & expositione ipsius Auerr. Vel saltem omnes agnouerunt, mundum cum hac rerum distinctione & dispositione verè fuisse factum, etiam si voluerint quoad primam rerum substantiam fuisse per se & à se, ut ex illa postea potuerit formari mundus.

Quartò. Præcipuè Aristotelem ipsum agnouisse productionem mundi à Deo per veram creationem, plerique ex nostris Philosophis ac Theologis opinantur, tractantes de ipsa creatione. Ac Bernardinus Calellus integrum librum conscripsit de mundi creatione iuxta Arist. sententiam. Et colligitur ex plurimis eius locis. Lib. 1. de Cælo 100. docet dari supremam quandam substantiam, & summum bonum, ac primum ens, à quo alijs rebus esse tribuitur, quibusdam quidem exactius, quibusdam verò obscurius:

*De fa-
cto co-
gnita
est.*

*Preci-
puè ab
Arist.*

Libro 2. de Gener. tex. 59. docet, Deum fecisse vniuersum, 12. Metaph. tex. 38. loquens de Deo ait: *A tali ergo principio cum calum in natura dependet.* Sed præsertim si eius est liber de Mundo ad Alexād. præclare hanc veritatem expressit. Ibi enim intigne habetur testimonium de hac productione ac etiam de gubernatione mundi à Deo, vbi cap. 7. dicitur. *Vetus sermo est, à maioribusquæ proditus inter omnes homines, vniuersa cum ex Deo cum per Deū constituta fuisse atque coagmentata, nullamquæ naturam ad salutem satis instructam esse posse, quæ citra Dei præsidium sua ipsa tutela permessa sit: etenim cunctorum quæ rerum natura complectitur cum seruator est Deus, cum varo quæcumque in hoc mundo quoquomodo perficiuntur: eorum enim genitor est.* Et alia plura in eo capite habentur de omnimoda dependentia rerum & præcipuè celorum à Deo, quæ manifestè supponunt, totum mundum esse opus Dei. Aliaquæ pro hac re sumi possunt ex alijs locis Arist. & observari etiam potest, quod dum testabatur communem hominum cōsensum de productione mundi, ipse approbare videbatur. Et præterea, cum alioqui omni quo potuerit medio conatus sit probare, mundum fuisse ab æterno, nullo validiori vi potuisset, quam assumendo mundū non potuisse produci & creari ex nihilo, quia si mundus non erat productus debebat omnino esse ab æterno: & tamen nunquam hoc medio usus est; non ergo putauit mundum esse increatum.

Quando ergo ex aduerso Arist. docuit ex nihilo nihil fieri, loquutus est tantum de actionibus consuetis & ordinarijs, quæ scilicet supposita prima rerum institutione, deinceps per causas naturales exercentur. In illo autem loco 2. Metaph. plerique

exponunt, Philosophum esse loquutum potius de principijs extrinsecis, siue de prima causa effectiua rerum, quæ vtique nullam aliam habet causam. Sed sanè nihil minus quàm de rerum eternitate vel productione Arist. ibi cogitauit: scilicet planè loquutus est de principijs complexis, ex quibus conclusiones scientificæ quæ sunt temper verè demonstrantur: & prima principia dixit, quæ non habent causam, idest non habent alia principia ex quibus demonstrantur. Rursus, dum voluit mundum fuisse ab æterno, non per hoc voluit esse increatum, sed potius fuisse ab æterno creatum. Et cum dixit, esse ingenerabilem, & ingenitum; intellexit generatione propriè sumpta, & loquutus est de prima rerum substantia, quæ vtique generari non poterat, sed creari debebat. Eandem quoque fuisse Peripateticorum de creatione mūdi & de Aristotelis mente sententiam, præsertim Simplicij, Philoponi, Ammonij, Auerrois, testatur Scaliger Exercit. 3. contra Cardanum.

Quinto iam euidenti ratione mūdi productio demonstratur. Quia propria & essentialis ratio Dei est, vt sit ens à se existens, à nulla causa dependens; et ex hac primaria ratione alia attributa consequuntur et demonstrantur. Vnde si præter Deū esset aliquod aliud ens à se, hic esset alter Deus, & sic essent plures Dij. Si prima rerum substantia & materia non esset facta à Deo, nec ab illo suum esset recepisset, cum ipso Deo tanquam æqualis illi contenderet: cum tamen nihil sit adeo remotum à Deo, quantum ipsa materia. Quod argumentum ex comparisonem materiæ cum Deo eleganter ex Dyonitio prosequitur Euthebius Cæsariensis. lib. 7. de Præparat. Euang. cap. 8. *Non sunt absque scelere qui materiam primam ad ficti-*

Ratione probatur.

nem

nemo totius Deo subiecerunt, sed ostēdant nobis, unde similitudo ac dissimilitudo materia ad Deum est: & cum non genitum esse similiter de utroque dicatur, unde id ipsis aduenias. Nam si non genitus Deus per se est substantia Dei; materia non erit non genita; non enim Deus idem est ac materia. Ad hac, causam reddi postulabimus: quare, cum vicumque non genitum sit, Deus quidem impassibilis, immutabilis, immobilis, atque æternus sit; materia verò contra, passibilis, mutabilis, omnis alterationis capax. Adit quoque ex Origene: Undenam ortum esset, ut sufficiens ad vniuersa fingenda, nec superflua aut deficiens materia inuenta sit, & unde & omnium quæ Deus vult, receptiva materia esset, nisi eam Deus ipse talem qualem voluit produxisset.

Aliq. insuper ex capite sententia illorum qui mundū ex atomis coaluisse dicebant, manifestè cum rationis lumine pugnat, non solum propter ipsos atomos, sed quia casu mundum hunc ita formatū esse dicebant, casuali scilicet & fortuito atomorum concursu: quo sanè nihil absurdius & insipientius poterat cogitari. Illi verò qui fatebantur, mundum saltem secundum suam perfectionem ac rerum distinctionē factum esse à superiori causa, hinc etiam videre debebant, ipsam quoque primam mundi substantiā, qualemcunque eam dicerent, debuisse quoque totaliter ab eodem illo primo principio fuisse productam.

*Mundus fuit
verè
creatus
ex nihilo.*

Sextò. Perspicuè etiam apparet, mundum quoad primam rerum substantiam fuisse productum per verā creationem ex nihilo. Si enim mundus secundum se totum factus est, etiam secundum primam rerum substantiam, quæ in doctrina peripatetica est materia, utique hæc prima substantia producta non est nec

produci potuit ex alia priori substantia aliouè subiecto: ergo omnino facta est ex nihilo, idest ex nullo subiecto: & hæc productio ex nihilo, est creatio. Vel, ut arguit D. Thom. 1. part. q. 45. art. 5. subiectum quod præsupponitur ad actionem agēis, non fit per eandem actionem: si ergo ad omnem Dei actionem supponeretur materia tanquam subiectum, ipsa materia per nullā actionem facta esset: sed ostensum est factam esse: ergo omnino facta est ex nihilo & creata.

Accedit, quod in hac re nulla est difficultas, nec ex parte rei factibilis, nec ex parte causæ actiue, ob quam creatio videri debuerit simpliciter impossibilis. Non ex parte rei factibilis: quia sicut dantur res per se existentes independentes à subiecto, ita prorsus possunt etiam eodem modo fieri, & in tantum alię formæ debent fieri ex præsupposito subiecto, in quantum in essendo habent dependere à subiecto, & ideo debent eodem modo produci. Nec vllò ex capite apparet, ut res quæ per se existit independentes à causa subiectiua, debeat etiam à se existere independentes à causa effectiua; sed intelligitur optimè res aliqua à nullo subiecto dependens, tamè verè à principio effectiuo dependens. Multò minus vlla est difficultas ex parte causæ actiue nempe ex parte Dei: Deus enim est infinitæ virtutis, nec utique ex parte sua indiget vllò adiutorio vel subiecto ad operandum, sed optimè poterit res extrahere ex puro nihilo, & ex nihilo res creare. Quinimò totus mundus cum omnibus creaturis etiam cum Angelis, ac etiam si esset vniuersum multò maius, non solum nullam affert difficultatem diuinæ virtuti, sed est adhuc infinitè inferius potestate diuina. Quæ ratione ita comparatur respectu diuinæ

uinæ potentia Sapien. 11. *Tanquā momentum statira, sic est ante te orbis terrarum, & tanquam gutta ro- ris antelucani qua descendit in terram.*

Dico autem, mundum quoad primam rerum substantiam fuisse creatum, quia alioqui quantum ad formas substantiales à materia dependentes, & quantum ad omne compositum ex forma & materia constitutum, etiam in ipsis cælis si ex materia & forma componuntur, productio rerum dici debet proprièeductio & generatio, exercita dependenter à subiecto, non autem propriè creatio, ut magis q. sequenti circa ipsa corpora cælestia attingimus.

A solo Deo fuit immediate creatus.

Septimò demum. Mundus in prima rerum creatione & productione factus omnino est immediatè à Deo. Ita constat ex doctrina fidei. Constat etiam ratione: quia nulla alia causa poterat assignari: neque productio mundi corporei esse debebat opus Angelorum, vel ullius alterius causæ, quam solius Dei. Et præsertim quantum ad creationem, nulla causa creata potest esse sufficiens ad creandum, nec potest assumi ad creandum: sed solus Deus per se habet & exercere debet virtutem & actum creandi.

Cæterùm, hac abrepta occasione, solent aliqui hoc loco prolixè de creatione tractare. Verùm, hæc res est magis communis, & altioris inquisitionem exposcit. Quare in alium locum magis opportunum & proprium, in quo de ipso

Deo tanquam primo rerum principio cuiusque operationibus disseremus, hanc tractationem differimus.

SECTIO SEPTIMA.

Verum Mundus fuerit ab æterno, vel aliquando incaperit.

Mundum, talem qualis nunc *Aristo* est, scilicet cum eadem rerū *teles asterie* & generationum successione, *firmatus* fuisse ab æterno, ex protulso tenet *ut mū-* & probare nititur *Arist.* 8. *Phys.* ab *dū fuis-* initio usque ad *tex.* 20. 1. *Cæli* à *tex.* *se ab* 101. usque ad finem libri, 2. de *Gen.* *æterno.* nerat. circa finem, & 12. *Metaph.* post medium. Consentiunt *Proclus* in lib. de *Æternit. mundi*, *Auer.* circa eadem loca *Arist.* & in lib. *De.* *structionum disp.* 1. item *Alexand. Simplic.* & quidam alij veteres *Peripatetici.* Ante *Aristotelem* idem docuerat *Ocellus Lucanus*, scilicet *Pythagoricus*, libro de *universi Natura*: & ex illo creditur *Arist.* plurima accepisse. Alij verò antiquiores *Philosophi* potuisse videntur saltem secundum aliquam partem, idest secundum primam rerum substantiam, mundum ab æterno, & deinde in tempore, ex illa prima substantia incipisse mundum cum ea rerum distinctione & dispositione quæ nunc est. Imò etiam secundum aliquem motum fuisse ab æterno: iuxta quod *Arist.* 8. *Phys.* 10. notavit, tempus semper esse cum motu, & ideo si tempus semper fuit, etiam motum necessariò fuisse perpetuū: & hinc refert, omnes veteres præter *Platonem* posuisse tempus ingenitum, idest æternum: & ideo *Democritum* demonstrasse, impossibile esse, omnia esse facta, idest omnia in tempore incipisse. Nuper etiam ex nostris, *August. Eugebinus* in sua *Cosmopeia* in tractat. de *Rebus incorporeis*, significavit cælum *Empyreum* fuisse æter-

æternum, & non fuisse creatum.

Duplex autem fuit via Philosophorum ponentium eternitatem mundi, ut notavit D. August. li. 5. 10. de Civit. cap. 31. & li. 11. cap. 4., & sic refert D. Th. 1. par. q. 45. art. 1. ad 2. *Quidam enim posuerunt, quod substantia mundi non sit à Deo, & horum est intolerabilis error, & ideo ex necessitate refellitur: quidam autem sic posuerunt mundum æternum, quod tamen à Deo factum dixerunt.* Quod quomodo fieri poterit, & intelligi possit, explicabant exemplo: *Sicut si pes semper ex æternitate fuisset in pulvere, semper subesses vestigium quod à calcante factum nemo dubitaret; sic & mundus semper fuit, semper existente qui fecit.*

Afferē. Alserendum tamen omnino est, dum est mundum nequaquam fuisse ab æternitate, sed verè in tempore incepisse, in tempore. cum antea non fuisset: mundum inquam secundum omnem sui partem, etiam secundum primam rerum substantiam, ita ut nulla prorsus res fuerit ab æterno præter solum Deum, à quo postea in tempore omnia creata sunt. Est res certa apud Fideles. Est Theologorum omnium in 1. d. 1. & cum D. Th. 1. p. q. 46. ac nostrorum etiam Philosophorum, qui ceteri alioqui peripateticæ doctrinæ addicti, tamen in hac re auctoritatem Arist. pie & sapienter continent. Sed & ipse Aristot. 1. Topic. cap. 9. dixit quæstionem de eternitate mundi esse problema dialecticum de quo in utramque partem disputatur.

Fuisse etiam apud antiquiores Philosophos communem referunt Conimb. 8. Phys. cap. 2. q. 3. in principio: imò & apud omnes terè homines, refert Pererius initio Genes. dicens, præter unum Philosophorum Arist. et unam Chaldecorum gentem, fuisse ferè omnium senten-

tiam, non sapientum solum, sed etiam indoctorum, quasi tacito naturæ consensu iudicioque comprobata, mundum non fuisse ab æterno. Et hoc ipsum attestatus est Arist. quando dixit, omnes putasse mundum esse factum & genitum: intelligebat enim tactam esse per novam inceptionem in tempo e. Sed quia ex alia parte, Veterum sententia potius videbatur, mundum non solum fuisse ab æterno, sed fuisse simpliciter increatum: hæc ita concilianda videntur, quod ij Philosophi voluerint quidem, mundum cum ea distinctione & dispositione rerum qua nunc est, fuisse factum in tempore; at quod alii primam rerum substantiam fuisse ab æterno. Vnde si ex alia parte Arist. putavit, mundum ita fuisse ab æterno, quod totaliter tunc creatus à Deo, minùs sanè erravit quàm alij Philosophi: atque ita hoc Aristoteli damus, quod in eo in quo omnes Philosophi errabant, minùs cæteris erravit.

Probatum conclusio primò ex doctrina fidei. Initio Genes. *In principio creavit Deus calum & terram, doctrina fidei:* ac deinceps ibi describitur productio aliarum rerum, ac specialiter primorum hominum, ex quibus omnium humanarum rerum historia inchoatur. Item Prouerb. 8. de diuina Sapientia dicitur, *Dominus possedit me antequam quicquam faceret a principio: ab æterno ordinata sum antequam terra fieret.* & Psal. 89. *Prusquam montes fierent, aut formaretur terra & orbis &c.* & Ioann. 17. *Clarifica me Pater claritate quam habui prusquam mundus fieret.* Hinc merito ab Ecclesia definitum est in cap. *Firmiter de summa Trinit.* Deum ab initio temporis omnem condidisse creaturam. Hæc autem omnia satis ostendunt, non solum mundum vniuersum secundum hanc rerum distinctionem & dispositionem

Habeatur ex doctrina fidei:

sitionem, sed secundum omnem prorsus suam partē atq; substantiam, aliquando incepisse, nec vllatenus fuisse ab æterno.

*Potest
probari
etiam
ratione.*

Secundò vlteriùs, vt via philosophica procedamus, D. Thomas ibi 1. par. q. 46. art. 2. ait, hanc veritatem sola fide teneri, nec demonstratiuè probari posse, sicut antea dixerat de mysterio Trinitatis: quia, inquit, demonstratio debet fieri per essentiam rei, at essentia abstrahit ab hic & nunc omniq; differentia temporis. Ac etiam non laudat rationes probabiles pro hac re adduci, ne præbeant materiam irridendi Infidelibus existimantibus, nos ob huiusmodi rationes credere quæ sūt Fidei. Verùm, si quidem supponatur, possibile simpliciter fuisse, mundum fieri ab æterno, vt supponebat D. Thomas, verè non poterit ratione naturali efficaciter demonstrari, de facto non fuisse ab æterno. Potest tamen demonstratio ex rerù natura desumpta cadere super hoc vt videamus an mūdus potuerit esse ab æterno: quia licet essetia creaturæ abstrahat ab hac & illa differentia temporis, benè potest esse vt non abstrahat ab æternitate & tempore, sed necessariò quoad existentiam realem sit alligata tempori, ita vt non potuerit res existere realiter ab æterno. An verò mundus potuerit esse ab æterno, mox disputabimus: vbi rationes quæ persuadent non potuisse fieri ab æterno, vtique valent ad probandum non fuisse de facto ab æterno. Rursus, quicquid sit de possibilitate, saltem possunt rationes probabiles contra naturalem mundi æternitatem afferri. Et licet hæ non debeant à Theologis afferri quasi pro fundamento fidei, quæ potius sola nititur reuelatione diuina, & hoc voluit D. Thomas: tamen sæpe vtiliter afferuntur ad maiorem quandam facilitatem. Sed præter-

tim à Philosophis debent & solent afferri. Et in hac re iuuabit ostendere, quod etiam stando in solo lumine naturali, ac etiam si potuisset fieri mundus ab æterno, censendum potius sit, de facto nō nisi sub certo initio temporis incepisse.

Tertiò ergo, duæ præcipuè rationes faciunt ad probandū, non fuisse de facto mundum ab æterno cū hac rerum serie & hominum successione, sicut nunc existit. Prima est: quia videmus, res mundanas & humanas paulatim progressu temporū decreuisse, & homines tam quoad diuturnitatē vitæ quàm quoad magnitudinem & robur corporis notabiliter declinasse: de qua declinatione dicitur 4. Esdræ cap. 5. *Considera ergo & tu quoniam minori statura es his qui ante vos, & qui post vos minori quàm vos, quasi iam senescentes creatura, & fortitudinem iuuentutis pratercuntes.* Si ergo mundus cum omnibus suis partibus ab æterno fuisset, iam nunc homines pro infinito spatio temporis decreuissent: vnde deuenire debuissent ad statum quendam infinitè interiorem ac deficientem, & in infinitum declinassent à suo antiquiori ac perfectiori statu: hoc autè planè non ita est, nec dici potest, vt per se patet. Vel saltem homines deuenire iam debuissent ad minimū suum statum infra quem amplius declinare non possunt: quod nec etiam verum est.

Secunda ratio est: quia ex historijs & traditionibus habemus notitiā primorū hominū & omniū rerū humanarum, quæ acciderunt iam ab initio mundi: eius rei fides etiam à Gentilibus debetur Moyli in Genesi, qui est omnium Scriptorum antiquissimus, debetur inquam saltem tanquam veraci historico, sicut adhibetur fides alijs humanis historijs. Item apud ipsos etiam Gentiles scri-

*Duabus
rationi-
bus sua-
detur.*

scriptores extat memoria eorū qui fuerint primi artium inuentores: nec sanē erat verisimile, per totam aeternitatem homines vixisse sine ijs artibus, aut illas ita deperditas fuisse, vt iterum de nouo adinueniri debuerint. Insuper, si mundus ab aeterno fuisset, deberet saltem multo antiquiorum temporum extare memoria & haberi aliqua notitia: neque credibile esset, res omnes ante paucā annorum millia prateritas ita penitus excidisse, vt nihil de illis nec ad nos, nec ad quosuis veteres scriptores penitus perueniret. Hoc argumentum ita vrget Lucretius lib. 5. de Rerum natura: *Præterea, si nulla fuit genitalis origo Terrarū & cali, semperq; æterna fuere, Cur supra bellum Thebanum & funera Troia, Non alias alij quoque res cecinere Poeta? Quo tot facta virum toties cecidere, Nec usquam æternis fama monumentis insita florent? Verum, ut opinor habet nouitatem summa, recensquē Natura est mundi, neque pridem exordia capis.*

Si mundus non fuit ab aeterno, nec materia fuit æterna. Quatio deinde. Si mundus non fuit ab aeterno secundum hanc rerum seriem & hominum successiōnem, nullatenus dici debet extitisse quoad alias res sine hominibus, vel solum quoad primam quandam & rudem rerum substantiam, nempe quoad materiam: quia inuulter prorsus ita pro infinito tempore præfuisse: nec vlla ratione quisquam induci poterit ad id credendum, si supponamus omnem rerum substantiam ac primam materiam debuisse fieri à prima causa: quod quidem euidenter demonstratur. Hac enim suppositione facta, nihil refert ad mundi constitutionem, vt rudis illa substantia & materia tantò antea facta fuerit. Sed intantum præsci illi Philosophi eam substantiam ab aeterno præmittebant, quatenus putabant illam non fuisse à superiori

agente libero procreatam, sed ex se primario extitisse, ex quo consequenter dicere debebant ab aeterno fuisse. Neque etiam vlla ratione, cogitare debuit Eugubinus, cælum empireum fuisse æternum: in qua re grauer sanē lapsus est. Et multo peius, si putauit, prorsus non fuisse à Deo ipso creatum. Vnde meritò contra talem errorem inuehitur Pellerius. Et Vielanius in cap. 1. Genes. lect. 3. sententiam Eugubini reducit ad hæses Arnoldi de Villanova, dicentis aliquid esse æternum præter Deum, & aliquid esse quod nec creator sit, nec creatura.

Quinto vterius, potest efficaciter demonstrari, saltem non fuisse necessarium, mundum esse ab aeterno: quod quidem non minus est contra Philosophos assertores aeternitatis, qui vtique id tanquam rem necessariam affirmabant, ita quod mundus non potuisset de nouo incipere in tempore. Hoc inquam planè conuincitur: quia nec ex parte ipsius mundi, aut vilius rei, potest oriri talis necessitas essendi: quinimò solus vnus Deus habet esse per essentiam & necessariò, et omnis alia res solum potest esse per participationem & dependentiam ab ipso primo ente. Nec etiam ex parte Dei vlla potest esse necessitas quia Deus debuisset creare mundum: quia Deus omnino est agens liberum, ita operans quod potuisset nihil ad extra operari. Atque hoc totum poterat euidenti ratione cognosci. Igitur planè omnes Philosophi, qui mundum, vel ex toto vel ex parte posuerunt eo pacto ab aeterno, contra perspicuam rationis lumen errarunt: possuntquē euidenti ratione conuinci.

Cæterum. Supposito quod mundus non fuerit ab aeterno, determinandum est quandonam verè incepit. Retert quidam Veterum opinio-

Demonstratur, non fuisse necessarium, mundum esse ab aeterno.

Constat de facto, quando incepit mundus.

niones de antiquitate mundi Pererius ad initium Genesis, potius tamen fictitias & fabulosas, quàm vilo fundamento subnixas. Attamen, cum hæc res, non tam philosophica ratione, quàm historica narratione deprehendi & cognosci queat, nullaque verior historia quàm sacra quæ habetur in Genesi desiderari possit, imò prorsus nulla alia de mundi primordijs extet, ibiquè etià enarretur quo ordine & progressu atque dierum rerumq; distinctione mundus conditus sit: hinc huiusmodi determinatio effecta est potius Theologica: quam proinde D. Thomas in prima parte circa processionem rerù à Deo in tractatu de opere sex dierum exactè prosequitur: & nos in eundem locum meritò referuamus.

Ex par. ite ipsa- rum re- rum nō oportet- bat mū- dū esse ab æter- no. Iam contra hanc veritatem de inceptione mundi in tempore, extant plurima argumenta, præsertim Aristotelis, Procli, & Auerrois, quibus probare nituntur mundum necessariò debuisse esse ab æterno: argumenta sanè friuola, & quæ vel ex doctrina passim à nobis tradita, vel ex ipso rationis lumine facillimè dissoluentur. Ideoque ea breuiter percurramus: & ad duo præcipuè capita omnia reducuntur.

Primum est ex parte ipsarum rerum. Mundus debuit esse ab æterno. Tum quia nunquam desinet, & in æternum durabit: ergo nunquam incæpit sed fuit ab æterno. Tum quia si non semper fuit: ergo postea per motum incæpit: igitur præerat aliquod mobile. Quod rursus vel fuit æternum, vel incæpit etiam per motum, & sic ex alio mobili, de quo rursus idem interrogabitur: oportebit ergo fateri mundum fuisse ab æterno. Tum etiam, si dicatur mundus aliquando non fuisse, & postea factus esse; hæc planè sunt differentia temporis: ergo iam præerat tem-

pus: igitur tempus fuit æternum? Tum amplius, omne tempus habet instantia, instans verò est finis temporis præteriti & initium futuri: ergo ante quodlibet instans præcessit tempus: igitur tempus fuit semper prius & prius ab æterno.

Ad hæc omnia respondetur, Nullam necessitatem esse potuisse ex parte mundi ut esset ab æterno, quin imò mundum & quicquid in mundo est, ita contingenter extitisse, ut potuisset prorsus nunquam esse: solus enim Deus est ens necessarium. Ad primam ergo rationem negatur consequentia: benè enim potest esse res quæ in æternum duret, & facta sit in tempore. Sic animæ rationales sunt immortales, & tamen creatur in tempore, quod totum fortasse Arist. ipse agnouit. Insuper nulla res est extra Deum, quæ ita necessariò debeat in æternum durare, ut non possit ab ipso annihilari. Ad secundam, negatur etiam prima consequentia: quia prima rerum substantia non debuit nec potuit fieri per motum dependenter à subiecto, sed fieri potuit ac debuit per creationem ex nihilo. Et insuper ut fiat forma per motum in subiecto, non oportet mobile præexistere, sed sufficit esse in eodem signo temporis cum prioritate naturæ. Ad tertiam, Illæ differentia possunt cogitari in solo tempore imaginario, quod non est quicquam reale. Ac deinde positivè quidem per tempus reale dicitur mundus tali tempore incæpisse, siue tempus ipsum incæpisse; negatiuè autem dicitur mundus antea non fuisse, & tempus reale non fuisse. Sicut utique quoad locum, dicimus mundum non esse infinitum, sed esse in suo certo spatio, & non extendi ultra tale spatium. Ad quartam, Instans quidem continuatum, est initium temporis futuri, & finis præteriti:

non

*Ex parte
re Dei
nō oportet
sebas
mūdum
creari
ab æter-
no.*

non verò instans terminatiuum seu
initiatiuum.

Secundū est ex parte ipsius Dei. Deus ipse necessariò debebat mundum condere ab æterno. Tum quia, cum sit immutabilis, debet esse agēs necessarium: ergo sicut necessariò existit ab æterno, ita necessariò mūdum condidit. Tum quia alioqui Deus māsisset infinito tempore velut otiosus, nihil operans. Tū quia fuisset velut inuidus, tanto tempore non communicās suam bonitatem. Tum quia, si non ab æterno sed in tempore se determinauit ad creandum mundum, mutationis notam incurrit: si ab æterno voluit, & non creauit, imbecillitatis. Tum amplius quia cum calū sit locus & domiciliū Dei, vt omnes existimant, & affert Arist. 1. celi 22. Sicut Deus fuit ab æterno, debuit semper habere vbi habitaret. Tum demum, Deus, & natura, semper facit quod melius est: sed melius est mundum fuisse prius, ac prius & semper ab æterno: ergo Deus mundum condidit ab æterno.

Respondetur. Nullam etiam necessitatem esse potuisse ex parte Dei ad creandum mundum; quinimō Deus liberè mundum condidit quādo voluit, & potuisset simpliciter nunquam condere. Ad primā ergo rationem, Deus est immutabilis in se, sed est agens liberū quoad operationes ad extra: idquē est de ratione summæ perfectionis eius. Ad secundam, Deus nunquā fuit otiosus; sed fuit semper æquē Beatus, intuendo & amando se ipsum, ac operationes immanētes exercendo: neque indigebat operationibus ad extra. Ad tertiam, Non fuit inuidus, nec a summa bonitate defecit: quia nullatenus tenebatur mundum creare, & potuisset nunquā creare, & melius fecit creando in tempore, vt intra dicemus. Ad quartā,

Deus ab æterno quidē decreuit creare mundum, creare tamen in tempore: neque ergo mutationis neque imbecillitatis notam incurrit. Ad quintam, Non indigebat Deus celo aut mundo ad habitandum, neque nunc indiget: sed ideo dicitur peculiariter esse in celo, quia ibi manifestatur magis: secundum substantiam verò suam est vbique immensus. Ad sextam denique, Deus non tenebatur efficere, id quod melius videri potuisset. Sed præterea potius apparet melius, quod mundum creauit in tempore: quia sic ex noua creatione & incæptione mundi, apparet manifestius libertas & plenum dominium Dei in operando, dependentia omnium creaturarum à Deo, beneficentia in largiendo esse creaturis quas poterat semper in suo nihilo derelinquere, summa demum beatitudo & felicitas ipsius Dei, cum ex hoc tam admirabili & pulcherrimo mundi opificio, ex tot Angelis & hominibus, ex tot Beatis, tanto illi amore coniunctis, nihil omnino plus felicitatis & gaudij acquirit.

SECTIO OCTAVA.

*Verum Mundus qualis nunc
est potuerit esse ab æterno
etiam secundum rerum
successionem.*

Affirmant D. Thomas in 2. d. 1. *Senten-*
& Opusc. 27. & q. 3. de Pot. *tia affir-*
tent. art. 14. & 1. par. q. 46. art. 2. *mans.*
Caset. & quidam alij Thomistæ circa eundem locum primæ partis, Molina q. 45. art. 1. Vask. disp. 177. Item Argent. Gregor. Ocham. Gabr. Hispalens. Aegid. Heruzus Capreol. in 2. d. 1. Ferrar. 8. Phyl. q. 3. Zannard. q. 5. Masius cap. 2. q. 10. & duabus sequentib. Conimb. q. 6. & 7. Ve.

7. Vefacrux speculat. 2. Perer. lib. 15. cap. ult. Isolanus lib. 2. de Aeternit. Mundi, & alij, qui vt Aristoteli faueant, defendere voluerunt, non repugnare mundum fieri ab aeterno eo pacto quo Arist. docuit esse de facto. Aliqui tamen non quoad omnem partem ita defendunt. Sed Vasq. cap. 5. excipit seriem generationum inter se succedentium. Conimb. etiam explicant, non potuisse exerceri hoc modo rerum generationes ab aeterno quo de facto contingunt, sed alio modo, nempe vt Deus creasset ab aeterno hominem & feminam, v.g. Adamum & Euam, qui per totam aeternitatem infinitos filios genuissent. Rursus aeternitatem mundi possibilem problematicè defendunt Scotus in 2. d. 1. q. 3. & Soncin. 12. Met. q. 31. pro se afferens D. Th. in 2. d. 1.

*Sentē-
tia ne-
gans.*

Opposita Sententia est, quæ negat potuisse vllam rerum successionem aut vllam creaturam successiuam esse ab aeterno. Ita sentiunt nō solum ij qui absolutè negant vllam creaturam potuisse existere ab aeterno, quos referemus sect. sequenti: sed etiam Durandus in 2. d. 1. q. 3. Bagnes 1. par. q. 46. art. 1. Scotus 8. Phyl. q. 2. Ruuius cap. 2. q. 3. & 4. Hurtad. disp. 18. Phyticæ qui affirmant solas creaturas permanentes potuisse ab aeterno produci. Item Suarez disp. 29. Metaph. sect. 1. num. 9. negat potuisse dari motum ab aeterno. Pro maiori autem huius rei distinctione & claritate, quia pluribus modis potest cogitari rerum successio ab aeterno, per quasdam conclusiones veram resolutionem tradere iuuabit.

*Non po-
tuit ab
aeterno
fieri vl-
taresfi-
nio tē.* Dico primò. Non potuit ab aeterno fieri vlla res durans pro certo aliquo ac finito tempore, et sic potest fieri vlt. ita transiens, et succedens de non patesfi. esse ad esse in ipsa aeternitate: et ita nro tē. non poterat mundus ita cum rerum

successione esse ab aeterno, vt vlla *potest durans.* res esset eiquè succederet alia res etiam ab aeterno, sicut de facto contingit in tempore. Hæc assertio est communis et certa: vnde Conimb. 8. Phyl. cap. 2. q. 7. art. 2. notant, nullum alicuius nominis Auctorem sensisse oppositum.

Patet manifestè primò. Res facta ab aeterno, hoc ipso dicit durare in eternitate seu tempore aeterno, ac proinde infinito: ergo nulla res potuit esse ab aeterno, durans pro solo tempore finito, et etiam ab aeterno transiens de esse ad non esse.

Secundò. Implicat planè contradictionem, rem aliquam prius aliquando non fuisse, et postea ab aeterno fuisse; sed omnino si antea non fuit, per totam aeternitatem non fuit, et solum in tempore esse caput: ergo similiter implicat rem prius fuisse, et postea ab aeterno etiam non fuisse: sed si antea fuisset, debuisset omnino pro infinito tempore esse ac durare.

Tertiò. Si res fuit pro solo aliquo finito tempore: vel ante illud fuit aliud tempus, siue finitum, siue infinitum; vel non fuit aliud tempus. Si primum: ergo illud tempus non erat ab aeterno: nec res pro illo tempore fuit ab aeterno. Si secundum: ergo illud erat primum tempus, atque adeò erat principium totius temporis aeterni et infiniti: quo nil absurdius dici potest.

Quartò. Vel ab illo tempore usque ad hodiernum intercessit tempus finitum, vel infinitum. Si finitum: ergo tota aeternitas est finita, et sic non est aeternitas. Si infinitum: ergo duratio infinita clausa terminis; duratio infinita habens initium: quod repugnat in terminis.

Dico secundò. Non potuit ab aeterno dari series siue successio plurimum rerum aut generationum, di- *Nec in-
finita
series
scire.*

*Præ-
genera-
tionum
inter se
succeden-
tium.*

seretè sibi succedentium. Hæc asser-
tio est iam contra eos qui vole-
bant mūdum potuisse fieri ab æter-
no cum rerum & generationum
successione.

Probatum primò efficaciter ex eo
quod antea quæst. 24. probauimus,
non esse possibilem actu multitudine
infinitam : nam per hanc suc-
cessionem fuissent iam infinitæ res
sibi succedentes, infinitæ genera-
tiones. Neque sanè quicquam refert,
quòd hæ res non coexisterent per-
manenter omnes simul, sed inter se
succederent. Tum quia eadem im-
plicantia quæ sunt contra infinita-
tem rerum simul existentium, mili-
tant prorsus contra infinitatem re-
rum sibi succedentium, ut applican-
ti patebit. Tum etiam hæ res confi-
derari possunt simul actu existentes
obiectiuè in mente Dei. Tum am-
pius, negari non poterit, potuisse
Deum ab æterno res omnes succes-
siuè progenitas conseruare simul,
v. g. omnes homines, omnes equos
&c. Item potuisse Deum quolibet
die vel hora creare vnum hominem,
& nunc esset infiniti homines. Tum
præsertim, absque his nouis casibus,
ex naturali ipsa necessitate, si præ-
cessissent infiniti homines, cum
anima nostra sit immortalis, debe-
rent nunc actu extare infinitæ ani-
mæ. Propter hoc D. Th. 1. par. q. 46.
art. 2. ad 8. cum nullum sufficiens
effugium pro Philosophis inueni-
ret, videtur admittere, non potuisse
esse homines ab æterno. At sic sal-
tem ex parte habemus intentum. Et
ulterius idem prorsus interri debe-
bit de alijs rebus. Quid autem ad
hoc diceret Arist. constare non po-
test, ut notauit idem D. Th. 2. cont.
Gent. cap. 81. & nos adnotauimus
circa ipsum infinitum.

Secundò. Si potuissent gigni in-
finita indiuidua successiuè, posito
certo intervallo inter vnum et aliud,

v. g. spatio vnus anni inter vnum
& alium hominem, vel equum, &
sic de alijs : potuisset vtiq; hoc
tempus à Deo contrahi, v. g. ad spa-
tium vndecim mensium : aut etiam
de facto consideretur in alijs rebus
quæ minus intervallo requirerent.
Tunc, si cum illo intervallo per sin-
gula indiuidua annuali, hodie essent
nati infiniti homines, quorum li-
gnari vtiq; potest vltimus : peten-
dum erit, si intervallo non fuisset
plur. quàm vndecim mensium, et ijdem
prorsus homines eodem ordine nati
fuissent, quantonam tempore priùs
expleta fuisset generatio & succes-
sio horum hominum, & natus esset
hic vltimus qui erat natus hodie. Si
dicatur infinito tempore ante: ergo
hic vltimus homo natus fuisset ab
æterno : quod manifestam contra-
ditionem inuoluit. Si dicatur tem-
pore finito : certè hoc tempus con-
stabit ex finitis duodenis mensibus,
ablatis ex illis annis : ergo & ipsi
anni, & reliqui menses sunt omnes
finiti, & totum tempus est finitum.
Fatendum igitur omnino est, peni-
tus repugnare infinitam rerum ac
generationum seriem & successio-
nem ab æterno.

Tertiò. Dupliciter intelligi po-
terat hæc æterna series rerum & ge-
nerationum. Primò, ut homines
nunc existentes, geniti sint à suis
parentibus, & hi rursus ab alijs, &
sic semper vltèrius nunquam deue-
niendo ad primos aliquos homines
qui non sint geniti ab alijs : & hic
modus supponitur esse de mente
Arist. Secundò, ut Deus creasset
ab æterno marem & feminam, v. g.
in specie humana Adamū & Euam,
qui postea per totā æternitatē tēpo-
re infinito, successiuè infinitos filios
genuissent : & hunc modū excogita-
runt alij vi. lētes absurditatem primi
modi. Sed neutro sanè modo potuis-
set exerceri generationes ab æterno.

*Nō per
procef-
sionem
vnus
indiui-
dui ab
alio.*

Non primo: quia sine dubio tota series illa hominum non potest sic fuisse à se, vel quasi fortuito constituisse: sed tota debet dependere à Deo, ita ut Deus per se aliquos homines procreasset, qui postea reliquos genuissent, sicut de facto creauit Adamum & Euam: at hi homines creati à Deo, essent omnium primi: ergo impossibilis est modus ille æternitatis & infinitatis generationum.

*Nec per proces-
sionē in-
finitorū
ab uno.* Neque secundus modus erat possibilis. Tum quia ex vna parte sistantur primi homines, & ex alia ultimi hodie geniti: ergo omnes nō sunt infiniti. Neque satisfaciunt dicentes, Adamum esse primum extrinsecè seu negatiuè, quia ipse non includitur in multitudine infinita, nec determinat post se secundum. Nam certè multitudo omnium hominum, includens etiam Adamum, fuisset ab æterno, & esse deberet infinita. Ac præsertim, posset omnino signari post Adamum secundus homo, & post secundum tertius, & sic deinceps: quia Adamus ordinatè genuisset filios vnum post alium: & Adamus ipse aut saltem Deus planè discerneret quis fuisset filius primo loco genitus, & sic de singulis.

Tum etiam. Ante omnes generationes filiosque genitos, Adamus & Eva aliquo tempore extitissent: ergò nullatenus generassent ab æterno. Antecedens patet: quia post creationem debebat mediare conceptus, debebat formari fœtus in utero matris, & post nouem menses prodire in partum: ergo ante generationem & natiuitatem filiorum, duo primi progenitores aliquo tempore præcessissent. Neque valet responsio dicentium, ante quemlibet filium distributiue præisse tempus illud conceptionis & gestationis in utero, sed non ante omnes

collectiue. Sicut inquit, si hominum successio esset in æternum duratura, post quemlibet conceptum sequeretur partus, nullus tamen esset partus post omnes conceptus collectiue. Hoc inquam non valet: quia non intendimus debuisse præcedere aliquam conceptionem vel dispositionem communem omnibus filiis postea nascituris, sed ante natiuitatem singulorum filiorum, præcessisse tempus aliquod: ex quo planè sequitur filios natos non fuisse ab æterno: ergo generationes filiorum non fuerunt ab æterno. Sicut verò sumuntur omnes filij collectiue, ita sumantur omnes dispositiones illæ collectiue, & dicamus has fuisse ante filios, non quidem quasi prius simul omnes dispositiones, & postea natiuitates filiorum: sed quia ita permixtæ fuissent, ut semper ante cuiusque filij natiuitatem præcesserit dispositio: ex quo planè infertur, non potuisse filios ab æterno nasci. Et ad hoc fauet potius exemplum illud de æternitate à parte post. Nam ibi ideo post quemlibet conceptum sequitur partus, & nullus est partus post omnes conceptus, quia nunquam positi erant in actu omnes conceptus & partus: at si omnes essent positi in actu, necessariò inueniretur aliquis partus post omnes conceptus omnesque alios partus: sed sic in æternitate à parte ante iam omnia posita essent in actu: ergo ante omnes filiorum natiuitates aliqua prima conceptio præcessisset.

Tum præterea: Vel Eva facta fuisset ab æterno actu pariens, vel non. Si pariens: ergo non per conceptum nouem mensium ex Adamo prout esse deberet: & insuper ille actus pariendi durare debuisset infinito tempore per totam æternitatem. Si non pariens: ergò in eodem statu debuit durare per totam

æter-

æternitatem: igitur non ab æterno peperit. Tum demum. Si creata fuisset mulier grauida ab æterno, hæc non potuisset parere nisi transacta æternitate, vt patet ex conclusione præcedenti: ergo multò magis, si mulier creata fuit non grauida, non potuit ab æterno concipere & parere. Non itaque potuit esse generationum successio ab æterno.

Dico tertio. Neque potuit fieri motus aut tempus cum successione continuatum ab æterno. Et primo quidem, non solum certum est, non potuisse fieri motum vllum finitum ac determinatum, ex conclusione prima: sed etiam aduersarij ipsi fatentur, nullum potuisse prorsus fieri motum localem rectum in spatio, verbi gratia lapidem ab æterno descendere, aut ignem ascendere, aut hominem ambulare in rectum. Et patet facile, quia huiusmodi mobile, creatum fuisset à Deo in aliquo certo puncto, & hodie inueniretur in alio puncto: vnde tale spatium esset finitum & infinitum: infinitum, quia motus & tempus æternum esset infinitum: finitum verò, quia clauditur duobus terminis. Nec dici posset, mobile hodie non inueniri in certo puncto, aut non fuisse creatum ab initio in certo puncto: id enim planè repugnat. Præterea, moueat Deus ab æterno duos lapides simul, vnum tamen cum duplo maiori velocitate: hic ergo lapis duplo maius spatium pertransisset. Vel ergo spatium relictum inter vnum & alium lapidem est infinitum: & sic infinitum clauditur duobus terminis. Vel est finitum: & sic totum spatium erit finitum.

*Nec est
motus
circula-
ris.*

Secundò probandum est, non potuisse fieri motum circulem infinitum ab æterno, quo videlicet cæli ipsi ab æterno gyrassent sicut nunc mouentur. Probaturq; illis iisdem implicantijs quibus quæst. 24.

ostendimus infinitam magnitudinem repugnare: sicut enim se habet infinita quantitas permanens in spatio, ita infinita successiua in tempore. Nam eodem prorsus modo, si fuisset motus æternus à parte ante, & similiter futurus æternus à parte post; petere possumus, an in quouis instanti signato semper esset æquale tempus præteritum ante, & tempus futurum post, vel in vno certo instanti quasi medio hæc tempora essent quasi æqualia, à quo declinando vnum tempus fieret maius aliud minus: & reliqua prout ibi arguebamus. Item petimus, quotnam horæ sint in tempore infinito: si infinitæ, etiam esse debebunt infiniti dies singuli continentes vigintiquatuor horas, & infiniti anni & infinita sæcula, & sic sine termino: & inuenientur eadem inconuenientia, quæ circa spatium.

Tertio probatur alia peculiari implicantijs qua in infinita multitudine specialiter repugnabat fieri infinitos lapides alternatim ordinatos alterum album alterum nigrum, & sic etiam infinitos palmos continuatos vnus lineæ: nam in tempore æterno præcessissent infinite partes sic alternatim dispositæ, nempe dies & noctes, ex quo eadem quæ ibi absurda sequuntur. Et insuper querere possumus, quid fuisset prius in nostro Emispherio dies vel nox? non enim fuit vtrumque simul: neque neutrum, quia iam non fuissent ab æterno. At si nox præcessit, sequitur dies non fuisse æternos. Si præcessit dies, sequitur noctes non fuisse æternas. Vnde tandem neque noctes neque dies neque tempus potuerunt existere ab æterno.

Quarto. Si corpora cælestia facta & mota fuissent ab æterno, vel fuisset Sol fuisset creatus in omnibus simul Sol ab sui circuli partibus, vel in nulla, vel æterno in aliqua certa, verbi gratia in Orië-
*Non po-
tuisse
Sol ab
æterno
moueri.*

te. Non primum: quia Sol non potest simul totum circulum occupare. Non secundum, quia sic non fuisset factus in suo circulo. Si itaque Sol factus ponatur in Oriente, et statim dicatur per motum circulariter gyrasse, petendum est, quantumnam tempus insumpsit usque dum perveniret ad Occidentem. Non infinitum: quia non potest spatium finitum adæquari cum tempore infinito. Neque finitum: quia sic totum tempus ab æterno remanebit finitum, & per illud tempus poneretur æternitatis initium. Neque recipi potest quod aliqui respondent, Solem non potuisse creari in certa aliqua parte, sed per totam æternitatem infinities fuisse in qualibet parte. Nam certè Sol non potuit simul esse in omnibus partibus: sed quando Deus creavit Solem, necessario vidit, ubinam illum crearet & constitueret. Quod sic apertè convincitur. Si Deus creasset ab æterno eundem Solem in cælo, absque vlllo motu cæli; utique necessario appareret, debuisse in aliqua certa parte illum creare, in qua etiam nunc inveniretur existens: ergo non minus, si voluisset Solem creare & movere, debuisset in certa ac determinata parte creare. Prius enim natura est, Solem creari & esse quoad suam substantiam, quàm moveri: siue ergo moveatur, siue non moveatur, necessarium prorsus erat, Solem in certa parte creari. Et similiter determinari deberet, an Sol esset creatus in conjunctione, vel oppositione aliquè situ cum Luna, & cum singulis alijs Astris. Sicut etiam supra contra motum rectum supponebatur mobile debuisse in certa parte spatij esse creatum.

Nulla Quintò vniuersaliter contra omnem motum successuum facit: quia *poterat* de ratione eius est, ut nulla pars per *esse æter* maneat, sed semper per aduentum *na.*

partis sequentis designat pars præcedens: si ergo fuisset successio aliqua æterna, petendum est, quandonam incipiat corruptio partium eius. Nò in tempore post æternitatem: quia sic pro tota æternitate nulla fuisset successio, Non ab æterno: quia antequam vlla pars defineret, debebat realiter existisse: ergo ante æternitatem daretur aliquid: quod repugnat in terminis.

Sextò demum Successio essentialiter constat ex partibus prioribus & posterioribus. In successione ergo æterna & infinita, petendum est, quandonam incæperint partes posteriores & quot sint. Non possunt dici fuisse ab æterno, & esse infinitæ: quia ante eas dantur partes priores. Non possunt dici incæpisse in tempore, & esse finitæ: quia sic ante eas non fuisset successio æterna constans ex infinitis partibus prioribus & posterioribus: atque adeo nullus motus successivus ab æterno fuisset.

Præter hæc, arguit etiam Durandus: quia si cælum motum fuisset ab æterno, hodie perfecisset infinitas revolutiones, & essent transactæ omnes dareturquè earum vltima: ergo etià dari deberet prima, atque adeo non erant infinitæ. Arguunt rursus alij: quia tempus æternum esset infinitum, infinitum verò pertransiri non potest. Et hanc rationem, Tolet. 8. Phys. q. 2. argum. 2. ait sibi videri demonstrationem. Attamen Durandus non satis probat illo medio, debere inveniri primam revolutionem. Neque alij probant, infinitum eo modo in successione pertransiri non posse, ut notauimus q. 24. circa ipsius infiniti affectiones. Alia verò argumenta pro hac re addemus sect. sequenti.

SECTIO NONA.

Vtrum Mundus potuerit esse ab æterno saltem secundum res permanentes.

*Senten-
tia affir-
mans.*

Affirmant non solum ij qui volunt mundum quoad omnia potuisse esse ab æterno; sed etiã Durandus, Bagnes, Sotus, Ruuius, Hurtad. qui negabant vllam successionem potuisse esse ab æterno, cõcedunt autem potuisse res permanentes.

*Conclu-
sio ne-
gans.*

Alserendum tamen est, nec etiam vllam creaturam permanentem potuisse ab æterno produci & esse; atque adeo nullam prorsus rem creatam potuisse existere ab æterno. Ita in vniuersum asserunt D. Bonauent. Albert. Riccard. Martil. Maior in 2. dist. 1. Henricus Quodl. 1. q. 7. Clitoveus in cap. 8. libri primi de fide Diui Damasc. Gulielm. Parisiens. lib. 1. de Vniuerso, Vdalricus lib. 4. suæ summæ, Philop. lib. de Aeternit. mundi c. 3. Burleus 8. Phys. circa tex. 15. Toletus qu. 2. Arelus 1. de Generat. qu. 44. Vallesius controu. 25. Physicæ, & lib. de Sacra Philosoph. cap. 1. & alij plures. Adhæret Valent. 1. par. q. 3. de Deo creatore puncto 2. qui ait, non satis quidem ratione probari, sed ob auctoritatem Sãctorum teneri debere, quoad nullam partem potuisse creari mundum ab æterno.

*Non be-
nè pro-
batur à
quibus-
dam ex
parte
Dei.*

Probari solet à quibusdam ex parte ipsius Dei, à quo debebat prodire rerum creatio ab æterno. Tum quia causa effectiua debet præsupponi existens antequam operetur. Tum quia saltem causa libera debet præexistere ad hoc vt liberè operetur: libertas enim consistit in hoc vt causa possit non operari: sed hoc non verificatur post operationem,

quia ad præteritum non datur potentia: nec in ipso exercitio operationis, quia res quando est non potest non esse: ergo debet verificari ante.

Hæc tamen nõ persuadent. Quia potius non est de ratione causæ effectiue vt prius ordine durationis supponatur existens: vt circa ipsam causam in communi suo loco vidimus: & circa ipsum Deum explicat, & causarum quoque creaturarum exemplis demonstrat D. August. lib. 6. de Trinit. cap. 1. ad ostendendum benè potuisse à Deo Patre Filium ab æterno generari. Et, vt arguit Durand. non debet minùs esse potens Deus quàm causa creata, vt ex parte sua non possit operari. Item nec est de ratione causæ liberæ. Quinimò Deus de facto habuit ab æterno decretum liberum de omnibus quæ facturus erat in tempore: & Angelus in primo suæ creationis instanti habuit actum liberum voluntatis. Satis ergo est considerari causam liberam cum sua potentia indifferenti in actu primo, si non prius ordine temporis, saltem prius ordine naturæ; & sic talis causa potest operari & non operari; licet stante quòd operetur in actu secundo, non possit simul non operari, quod non est aliud, nisi quod non potest coniungere simul operationem, & non operationem.

Probari aliter solet ex parte ipsarum rerum. Tum quia omne quod fit, iam hoc ipso habet principium: *Nec ex parte rerum.* ergo non est æternum. Tum quia omne quod creatur fit ex nihilo; ergo prius debuit præcedere ipsum nihilum. Tum quia creatura recipit esse ab alio, & alioqui de se non est; ergo prius creatura habuit ex se statum non essendi, & postea potuit accipere à Deo statum essendi. Tum quia non esse rei, est terminus à quo; ergo debuit reuera præcedere.

cedere; sicut è conuerso, esse rei est terminus à quo annihilationis, & omnino debet praesupponi. Tum demum, prius esse debuit, rem posse existere, quàm actu existere; igitur non potuit existere ab aeterno.

Sed neque hæc persuadent. Ad primam. n. rationem dicitur. Omne quod fit habere utique principium productionis, sed non durationis siue incæptionis: hoc est habere principium effectiuum à quo producit, sed non principium temporis quando esse incæperit. Sicut de facto Deus Filius generatur à Patre tãquam principio productionis, sed sine principio durationis. Ad secundam. Omne quod creatur dicitur propriè fieri ex nihilo, quia fit ex nullo subiecto, & independentè à causa materiali: non ergo oportet, ut ipsum nihilum pro aliquo tempore præcedat. Ad tertiam. Etiam dum creatura actu est, valet dicere non habere esse à se sed ab alio: atque adeo simul habet statum non essendi à se & essendi ab alio: non ergo oportet, ut prius aliquo tempore habuerit illum statum non essendi à se. Ad quartam. Varijs modis solent æternitatis defensores respondere. Sed de hoc iam egimus q. 10. circa rerum principia, ubi diximus saluari posse terminum à quo negatiuum, etiam si nullo tempore antea præcesserit. Terminus tamen à quo positivus debet omnino præsupponi: unde benè interitur, non potuisse ullam rem annihilari ab aeterno. Ad quintam. Non utique apparet talis necessitas, ut prius esse debuerit nuda potentia ad existendum cum negatione actus: sed si sumatur potentia pro natura ipsa rei quæ apta est existere, simul valet dicere, rem posse existere & actu existere. Quo sensu potest accipi dictum illud Arist. 3. Phys. 32. & 9. Met. 17. *In sempiternis idem est esse*

& posse; idest simul verificatur utrumque quoad existentiam, & non prius res esse potest quàm actu sit.

Rursus probari solet ex parte ipsius productionis & dependentiæ rerum à Deo. Distinguitur enim creatio qua res primò fit, & conseruatio qua deinceps actuali etiam influxu omnis creatura dependet à Deo. Si ergo res aliqua fuisset ab aeterno, debuisset prius creari, & postea conseruari. At res in primo instanti creatur, & postea conseruatur: cogitari ergo deberet in æternitate primum quoddam instans creationis: quod planè repugnat. Et alioqui nullatenus poterit designari, quo pacto & quando talis res fuisset creata & postea conseruata.

Hæc ratio haberet quidem vim, si reuera cōseruatio esse deberet actio à creatione distincta. Sed non ita est, quinimò eadē est prorsus actio, quæ utranque denominationem suscipit: non ergo ex nostris his denominationibus potest productionis æternitas impugnari. Sed diceretur in tali casu, eas denominationes non ita distingui, ut prius pro certo aliquo signo res dici debeat creata, & postea conseruata. Sicut utique de facto in processione æterna diuinarum personarum, non designatur distinctè productio et conseruatio. Aut in rebus creatis ita distinguuntur illæ denominationes: quòd si consideretur emanatio rerum à Deo cum respectu ad non esse in quo ipsæ res relinqui potuissent, dicatur creatio, quali de non esse ad esse: si autem per partes temporis consideretur hæc emanatio in vna parte temporis cum respectu ad priorem partem in qua res etiam, existeret, dicatur conseruatio: & eò magis iuxta ea quæ nos diximus qu. 26. circa actionem & quaest. 30. circa rerum incæptionem. Alijs er-

Nec ex parte productionis.

go rationibus probata est assertio.

*Bene
proba-
tur au-
torita-
te Pa-
trum.*

Et primo probari efficaciter potest auctoritate SS. PP. qui planè putasse videntur, non solum de facto non fuisse, sed etiam non potuisse fieri ullam rem creatam ab æterno. D. Athanasius Orat. 2. cont. Arianos, ait, res omnes ita voluntate divina condi debere, ut quando-cunque ad nutum illius desinere possint. Basilii lib. 2. contra Eunomium, ait, eiusdem esse amentiae, creaturam æternam asserere, ac creatorem non æternum dicere. Damasc. lib. 1. Fidei cap. 8. ait, creationem, cum à Dei voluntate proficiscatur, Deo coæternam non esse: quia quod ex nihilo producit, non potest eandem cum eo quod principij expers & sempiternum est, æternitatem habere. Ambros. lib. 1. Exameron cap. 1. ait, nil esse tam inconueniens, quam ut æternitas operis æternitati iungatur Auctoris. & cap. 3. reprehendit eos qui coæternum Deo mundum asserunt, atque æqualem Deo disputant esse creaturam. Vgo de S. Viçtore lib. 1. de Sacram. cap. 10. ait, fugere diuinam virtutem, ut aliquid sibi coæternum faciat. Idem indicat D. August. lib. 12. de Ciuit. cap. 15. Accedit præterea, quod hi & alij Patres probare solebant contra Arium, Verbum Filium Dei esse verum Deum & non esse creaturam, ex eo quod Verbum est æternum & ab æterno genitum: planè ergo supponebant, nullam creaturam potuisse esse æternam.

*Quia
absolutè
negarunt
creaturam
posse
esse ab
æterno.* Neque satisfaciunt Conimb. 3. Phys. ca. 2. q. 6. in fine, & alij, qui pro tuenda æternitatis possibilitate respondent, Patres negasse solum, posse esse ab æterno creaturam quæ facta sit ex nihilo ad suum esse: aut negasse, posse esse ab æterno ex se & per æternitatem imparticipatam, qualis est solus Dei æternitas, quæ à Boetio lib. 5. de Con-

sol. prola 6. definitur: *Interminabilis vita eorum simul & perfecta possessio*. Atque ex hac etiam æternitate in qua Filius æqualis est Patri, probasse veram diuinitatem ipsius Filij, ex alijs scripturæ locis demonstrando hanc æqualitatem.

Non inquam satisfaciunt. Quia Patres omnino absolutè negabant, potuisse ullam creaturam esse ab æterno: & alioqui, si solum negabant creaturam factam ex non esse præuio esse æternam, perinde fuisset ac dicere, illa creatura quæ non est æterna, non est æterna. Aut si solum negabant, creaturam potuisse ex se esse ab æterno, perinde fuisset ac dicere, creatura est creatura, creatura non est Deus. Sine dubio ergo plus intendebant, nempe prorsus creaturam non potuisse fieri ab æterno. Item probabant Verbi diuinitatem, ex eo simpliciter quod Verbum erat æternum: alioqui si supponebant Verbum esse æternum æternitate imparticipata, & essentialiter æquali cum Patre, assumplissent eandem suam conclusionem quam probare debebant. Ex ijs verò Scripturæ locis quæ ostendunt æqualitatem Filij cum Patre, directè & immediatè probabant ipsam diuinitatem. Aliudquè distinctum argumentum erat, quod ex æternitate sumebant.

Secundò probari etiam potest: quia inconueniens videtur creaturam in duratione & æternitate posse veluti coæquari Deo, ita ut non magis durauerit Deus quam aliqua creatura. Cerrè non potest creaturæ communicari perfectio vlla ita infinita, sicut conuenit ipsi Deo, non sapientia, potentia, aut alia. D. Thomas & alij Theologi magis communiter, negant posse ulli creaturæ communicari virtutem creandi etiam per modum instrumenti. Et specialiter non potest utique vlla crea-

*Item ex
compara-
tione
creature
ad Deum.*

tura fieri immensa, verbi gratia Angelus existens in toto spatio, & coexistens ubique ipsi Deo: unde D. Th. in 4. d. 10. q. 1. art. 1. ait, hæreticum esse, ponere quod corpus Christi possit esse ubique, quia id est proprium solius diuinitatis. Ita ergo censendum est, repugnare omni creaturæ æternitatem, ut facta sit ab æterno, & coexistat semper ipsi Deo. Neque sufficiet dicere, adhuc æternitatem creaturæ fore dependentem & participatam à Deo. Nam etiam immentitas dicta, esset participata & dependens à Deo, sed tamen adhuc non potest communicari creaturæ. Quia nimirum simpliciter quoad ipsam infinitatem præsentis & durationis, dici non debet posse communicari creaturæ.

Ex essentiali contingentia creaturæ.

Teruò ulterius. Creatura quatenus creatura, essentialiter dicit contingentiam, quæ excludit necessitatem essendi, & consistit in hoc, ut ab initio potuerit non esse, & postea semper possit à Deo annihilari: sed creatura ab æterno producta, deberet necessario pro infinito tempore durare, & non posset ab ipso Deo nisi post infinitum tempus destrui: ergo æternitas planè excedit contingentiam creaturæ. Minor est manifesta ex antea dictis: quia si res destrueretur post tempus quoddam finitum, iam hoc tempus fuit essendi principiū quod æternæ durationi prorsus repugnat. Neque sufficienter contingentiam creaturæ saluare possunt Aduersarij, dicentes, potuisse simpliciter creaturam non produci, sed necessitate quadam consequenti, supposito quod sit ab æterno creata, debet infinito tempore durare: sicut utique, supposito quod Deus decreuit quicquam creare, non potest non illud creare. Hoc inquam non sufficit: quia contingentia essentialis creaturæ est, ut non solum potuerit

simpliciter non esse, sed etiam supposito quod est, taliter subest potentie Creatoris, ut possit quando-cumque à Deo annihilari. Et alioqui hoc ipsum est quod repugnare videtur, fieri & constitui creaturam in tali statu, in quo non possit quâdocumque destrui, imò non nisi post infinitum tempus. Inconueniens autem non est, supposito decreto diuino debere omnino rem creari, quia hæc necessitas oritur merè ex ipsa libertate & voluntate diuina. At absurdum est; necessitatem oriri ex parte ipsius creaturæ, ut supposita eius existentia non possit Deus illam destruere, aut velle destruere, nisi post infinitum tempus.

Quartò. De ratione creaturæ habentis operandi virtutem est, ut statim atque existit, & positis omnibus requisitis, valeat suam operationem exercere: Angelus verbi gratia possit aliquem actum intellectus ac voluntatis elicere, homo possit mouere brachium, ignis comburere lignum, & sic de alijs. Si ergo aliqua talis creatura, verbi gratia ignis factus fuisset ab æterno, dici deberet ex tunc ab æterno potuisse comburere lignum sibi appositum: at hæc sunt actiones finitæ finito tempore durantes: ergo aliquid sic finitum potuisset esse ab æterno: quod planè repugnat. Propter hoc, vtrò latentur æternitatis defensores, non posse ullam causam operari ab æterno, nisi vel durando in eadem operatione per totam æternitatem, vel post transactam æternitatem. At sanè hoc est quod rem planè incredibilem ostendit: nomen non potuisse mouere manum, aperire aut claudere oculos, loqui, aliamuè talem actionem transitoriam exercere: ignem stupæ proximum non potuisse illam comburere. Sicut ergo negant, potuisse ullam talem actionem ab æterno exer-

Ex operatione rationis b^a creaturæ.

ceri , ob absurdum quod inde sequitur ; cū ex alia parte ex virtute ipsius causæ sequatur posse exerceri , debet potius absolutē negari potuisse ipsam quoque causam ab æterno produci , & sic vniuersaliter de omnibus rebus .

*Exmirabili-
tate
creationis.*

Quintò. Plurimæ res sunt quæ ex natura sua debēt finito tantū tempore durare , & pro eo ipso tempore indigent ad sui conseruationem quibusdam transitorijs actionibus : homo verbi gratia habet præfinitū sibi vitæ spatium , atque ut viuat debet comedere , nutrirī aliasquē operationes ad suæ vitæ conseruationē necessarias exercere : quæ tamen manifestē cum æternitate repugnāt . Et irrationabile sanē est quod dicunt hominem ex vi suæ creationis æternæ hoc ipso debere v uere infinito tempore , non indigere nutritione , alijsquē operationibus aliqui necessarijs . Hoc enim ipsum apparet repugnare , & est incredibile , hominem fieri in tali statu . Præstat ergo absolutē negare , potuisse vllam rem , siue mundum quoad vllam partem ab æterno produci .

*Potest
eadem
veritas
constare
ex fide
et ratio-
ne .*

In contrarium obijcies primò ex Thomistis . Mundum incēpisse in tempore est articulus fidei , res autem fidei non possunt rationibus demonstrari : at si fuisset prorsus impossibile mundum esse ab æterno , euidenter demonstratur non fuisse de facto ab æterno : ergo non est dicendum , fuisse prorsus impossibilem æternitatem mundi .

Respondetur . Optimè posse eandem veritatem quæ ob diuinam reuelationem fide tenetur , simul rationibus naturalibus demonstrari : & de facto plurimas esse huiusmodi veritates , ut sanē notissimum est . Et alioqui posset quis dicere , articulus fidei est , non esse in Christo vnā naturam ex Diuinitate & humanitate conflata , ergo non po-

test ratione probari esse impossibilem constitutionem vnius nature ex duabus completis : articulus fidei est Diuinam naturam in Christo non fuisse falsam , ergo non potest ratione probari Deum non posse pati : & alia sunt huiusmodi innumera . Atque in ipsa re præsentī , de fide vtique est mundum creatum fuisse à Deo , conseruari & gubernari à Deo : & tamen hæc ipsa euidētibus rationibus demonstrantur . Et saltem etiam ipsis aduersarijs fatentibus quoad aliquam partem demonstratur non potuisse mundum esse ab æterno , eo modo quo ab Arist. de facto censetur .

Obijcies secundò . Non minùs *Non ex defectu diuinæ potentie repugnat mundus ab æterno .* potens est Deus , dum est agens liberum , quā si esset agens necessarium : sed si esset agens necessarium , vtique debuisset ab æterno producere mundum : ergo dum est agens liberum , saltem potuisset producere .

Respondetur . Non vtique ex defectu diuinæ potentie , sed ex repugnantia ipsius obiecti non potuisse mundum ab æterno produci . Quæ repugnantia supposita , ex hac parte sequitur , etiam sub ea hypotēsi non debuisset nec potuisse mundum ab æterno produci . Attamen , quia tunc non potuisset ex diuina libertate determinari quando creandus esset mundus , & ob plures alias considerationes , per se ex illa hypotēsi plura inconuenientia & contradictoria sequerentur : ideoquē ex illa nihil recti potest inferri .

Obijcies tertio . Si fuisset causa aliqua naturalis ab æterno , verbi gratia Sol potens illuminare , vtique absque vllō inconuenienti potuisset ab æterno pariter operari : ergo multò magis Deus verè ab æterno poterat mundum producere .

Respondetur . Si hypotēsis intelligatur , Solem fuisse ab æterno dependentem ,

pendenter ab ipso Deo & creatum à Deo, est directè contra nostram assertionem, atque adeo prorsus inutilis & indigna. Nec mirum si ex illa sequatur, quod sicut vna res fuisset facta ab æterno, ita posset fieri alia & alia. Si autem intelligatur, Solem fuisse ex se independentem à Deo: tunc eadem repugnantia esset, ne ipse Sol posset ab æterno operari.

Potuit Deus ab æterno gignere Filium, Obijcies quartò. De facto Deus Pater ab æterno genuit Filium: ergo sic potuisset Deus ab æterno ad extra producere aliquam creaturam, saltem permanentem, quæ pro tota æternitate duraret.

tuit creare mundū. Respondetur. Longè aliter ex æterna generatione Verbi Divini Patres probasse potiùs Verbum esse verum Deum, quia æterna duratio non poterat ulli creaturæ conferri. Ab æterno ergo produci non poterat nisi persona divina similis producenti, quæ esset illi cœqualis, & haberet eandem necessitatem essendi, essetquæ prorsus immutabilis. Creatura autem adeo inferior ipso Deo, & essentialiter contingens ac mutabilis, apta non erat ut æternitatis particeps fieret.

Potest conseruare in æternū, Obijcies quintò. Potest à Deo conseruari mundus in æternum: Possunt à Deo fieri & iam factæ æternū, sunt creaturæ, quæ in æternum sine fine durabunt: ergo similiter potuisset mundus fieri ab æterno sine principio.

create ab æterno. Respondetur. Negatur consequentia. Sicut vniue non potest interri, quòd sicut mundus nunquam destruetur à Deo, ita factus non sit à Deo: sicut inueniuntur res quæ nunquam destruentur, ita inueniri possent quæ non essent factæ à Deo. Et manifestè ita disparitas est: quia creatura duras in æternum à parte post, nunquam deueniet ad hoc ut actu infinito tempore durauerit, sed tem-

per durabit magis ac magis: at à parte ante iam nunc creatura durasset infinito tempore: quod fieri non potest. Sed præcipuè illæ rationes quæ probant non potuisse creaturas ab æterno produci, neutiquam probant non posse in æternum conseruari.

SECTIO DECIMA.

Verum Mundus sit in æternum duraturus, vel aliquando finem habeat.

Plato in Timæo dixisse refertur, *Auſtorum* mundum hunc de te suaquæ natura esse dissolubilem ac debere tandem aliquando perire: Diu no tamen beneficio in perpetuum conseruari. At Alcinous lib. de Doctr. Platon. cap. 10. refert, Platonem fecisse mundum morbi & senj expertem, quia in eum nihil cadit à quo secundum naturam corrumpi possit.

Alij potiùs Philosophi, qui mundum ex atomis constituebant, sicut dicebant ex vario atomorum concursu alios mundos idemdem efformari; ita pariter asseriebant, tam hunc quàm alios mundos, ob eandem atomorum agitationem, tandem debere dissolui. Sic cecinit Lucr. lib. 5. de Rerum natura: *Vna dies dabit exitio, multosquæ per annos Sustentata ruet moles & machina mundi.*

Rurlus Empedocles cum Heraclito dixisse refertur, ignem continuè in reliqua elementa agere, donec omnia absumat, ut aliquando tota vniuersitas generali incendio deleatur. Et similiter Stoici apud Euseb. lib. 15. de Preparat. Euang. cap. 17. dicebant, indefinenter actione ignis exiccare humorem, aliorum corporum, donec omnia penitus conflagrarent. Et Ouidius lib. 1.

lib. 1. Metamorph. *Esse quoque in
fatis reminiscitur affore tempus, quo
mare, quo tellus, corruptaque regia
cali, Ardeat, & mundi moles ope-
refa labores.*

Fuerunt alij qui dixerunt, mun-
dum hunc taliter dissoluendum,
quod nō penitus interiret, sed quod
omnium corporum dispositio et or-
do peruerſi deberet, ita vt omnia
miserentur, & in antiquum Chaos
redirent. Ita affirmat Seneca Epist.
75. Et sic describit Lucanus lib. 1.
Bellorum Civilium: *Sic cum com-
page soluta, Sacula tot mundi supre-
ma coegerit hora, Antiquum repe-
tens iterum chaos, omnia mixtis Sy-
dera syderibus concurrent, ignea
pontum Astra petent, tellus exten-
dere littora nolet, Excutietque fre-
sum fratre contraria Phœbe, Ibis, &
obliquum bigas agitare per orbem
Indignata, diem poscet sibi, totaque
discors Machina diuisi turbabis
fœdera mundi.*

Demum fore de facto totū mun-
dum dissoluendum in die extremi
iudicij, ita vt quæ nunc existunt sint
etiam quoad substantiam interitu-
ra, & alia corpora sint de nouo pro-
ducenda, quidam nostri Scriptores
opinati sunt, Catherinus super ad
Hæbr. 1. & 2. Petri 3. Valletius de
S. Philosoph. cap. 89. Magius lib. 2.
de Exustione mundi c. 6. & 7. Ac
presertim Eugubinus in lib. De Mū-
di exitio, sentit, mundum esse qui-
dem ex natura sua incorruptibilem,
tamen ex Diuina voluntate fore
igne comburendū, & postea nouum
aliud mundum quasi phœnicem ef-
ſe ex cineribus & reliquijs exusti
mundi reficientium. Intuper Molina
1. par. tract. de Opere sex dierum
disp. 3. §. *Ego sanè*, affirmat mun-
dum esse substantialiter renouan-
dum, permanente quidem eadem
presenti materia, sed per productio-
nem nouæ formæ esse reficiendos

celos specie diuersos atque prestan-
tiores. Sequitur Hurtad. disp. 1. de
Cælo sect. 5. & d. 3. sect. 7. Fauent
presertim huic sententiæ quedam di-
cta SS. PP. imò quedam Script. lo-
ca, quæ inferius referemus, & ex-
plicabimus.

Ex aduerso Aristot. sicut voluit
mundum semper ab æterno fuisse
qualis nunc est, pariter affirmauit
debere eodem modo in æternum
sine fine durare. Et Philo Iudæus
librum conscripsit de Incorruptibi-
litate mundi, vbi omnem innoua-
tionem & immutationem negasse
videtur, volens mundum cum ea-
dem rerum serie & successione in
æternum sine fine mansurum.

Dico primò. Mundus est intrin-
secè & ex natura sua incorruptibi-
lis, tam quoad substantiam, quàm in æter-
quoad essentialē ordinationem num du-
& habitudinem suarum partium. *Mundus
aptus est
in æter-
num du-
rare.*
adeò vt si Deus nunquam subtrahat
suum ordinariū concursum, mun-
dus aptus sit in æternum sine fine
durare. Hæc assertio est non solum
Arist. & Philonis, sed etiam aliorum
communis, vt testantur Conimb. 1.
Cæli cap. 12. q. 1. Est etiam Sancto-
rum Patrum, Hieronymi, Cyrilli,
Eusebij, apud Eugubinum, & alio-
rum quos referemus conclusione
sequenti.

Explicatur conclusio. Non uti-
que intelligimus, mundum quoad
omnia corpora singularia esse præ-
nitus incorruptibilem, quasi nullum
eius indiuiduum deleatur: satis enim
videmus quot indiuidua passim de-
ſinant & corrumpantur, non solum
ex corporibus mixtis, sed etiam ele-
mentis. Sed intelligimus quoad spe-
cies rerum & vniuersitatem indiui-
duorum, non posse naturaliter pror-
sus omnia aboleri, ita vt tota spe-
cies prorsus intereat. Sic quamuis
omnes priores homines mortui sint,
& omnis qui nascitur sit moriturus;

tamen semper species humana integra conseruatur. Sic expressit Lucretius lib. 2. de Rerum natura : *Semper & inter se mortales mortua viuunt, Angescunt alie gentes, alia minuantur : Inque breuis spatium mutantur sæcla animantium, Et quasi cæciores visa lampada tradunt.*

Non potest naturaliter res res solui in nihilū, vel in puram materiam. Conclusio sic explicata probatur primo : quia præter corpora celestia quæ sunt verè incorruptibilia, vt ostendemus, & quæ intelligentiarum virtute possunt in perpetuum eodem constanti ordine volui ; hæc omnia reliqua corpora inferiora, constant materia, quæ pariter est penitus incorruptibilis, ita vt nec in totum nec in minima vlla sui portione possit destrui vel imminui : hæc materia non potest naturaliter omni forma priuari, nullumq; agens naturale expellit formam priorem nisi nouam inducendo : naturali ergo necessitate debet hæc tota massa materiæ informata in perpetuum permanere : atque adeo mundus debet quoad hoc in perpetuum sine fine durare.

Non potest in vnum cōuertere vnum cōuertere. Secundò. Nunquam posset naturaliter vnum aliquod ex elementis reliqua omnia in se conuertere, quod mundus sine corporum distinctione & varietate maneret, fieretque verbi gratia totus mundus igneus. Nam potius elementa ita sunt naturaliter commenturata atque disposita, vt vicissim inter sese agant & patiantur, nullumq; ex toto alteri cedat vinctiq; se sinat, sed semper vnum alterius actioni resistit. Si enim posset vnquam ignis omnia incendere, iam pridem in tot annorum millibus omnia concremasset, incipiendo ab aere sibi contiguo : vel saltem nunc res apparerent exsiccatae magis magisque ad combustionem disposita, quod vtique non ita est. Et sanè non rectè fuisset hæc mundi machina constituta, si vnum

aliquod elementum tanti vigoris & excessus supra alia conditum fuisset, vt quandoque esset reliqua omnia consumpturum. Potuit sine dubio mundi Auctor ita ad æquilibrium elementa contraria temperare, vt nullum ex eis excederet reliqua : ita ergo de facto fecisse existimare debemus. Sic præclare notauit Arist. cap. 6. de mundo ad Alexand. *Auctor natura, naturas quàm maximè contrarias velut edicta concordia adstrinxit ad consensum mutuumq; commercium : cuius rei causa est concordia elementorum, concordia porro causa est æquabilitas, & quod alterum altero non plus pollet : ad æquilibrium enim adæquant grauium cum lenibus, calida cum frigidis : natura vtique nos docente, in maioribus equalitatem esse tuericem concordiam ac seruatricem.* Quod idem sic cecinit Boet. lib. 4. de Consol. metro sexto : *Hæc concordia temperat æquis elementa modis, vt pugnantia vicibus cadant humida siccis, lunganiq; fidem frigora flammis, Pendulus ignis surgat in altū, Terraq; graues pondere sidant.*

Explicat adhuc magis & exemplis comprobatur Arist. qualiter possit mundus ex elementis contrarijs constitutus in æternum sine fine durare : quo pacto ciuitas incolumis perdurat, quæ est gentibus contrarijs coalescit, egenis & diuitibus, iuuenibus & senio confectis, infirmis & valentibus, prauis atque innocentibus : quo pacto etiam per artem naturæ æmulatricem idem præstatur : pictura alborum nigrorumq; colorum, luteorum & rubrorum naturas inter se atemperans, effigies rerum efficit consonas exemplaribus : musica acutus & grauius tonis, longisq; & breuibus vnâ permixtis, in diuersis vocibus, vnum ex illis concentum absolutum reddit.

Tertiò deinde. Elementa sic quoque ad

Non potest elementorum contrarietate dissolui.

Non po. ad suam substantiam permanentia, *test or-* non possunt non seruire inter se & *diuis cō-* cum cælis eundem. essentialem or- *fusione* dinem vniuersi quem nunc seruant. *peruer-* Nam semper cæli supremum debent *si.* tenere locum, ignis & lenia ascen-
dunt, terra & grauia in imo subli-
dent.

Non po. Quartò demum. Cùm mixta, *test rerū* quoque naturaliter generentur, co-
mua- rum generatio posset pariter in-
tione æternum protrahi, ea variatione &
perire. successione, qua hactenus eorum,
species constiterunt. Solum potest
esse dubium de viuientibus quæ ab
alijs similibus propagantur, nam per
varias ætates videntur ita decrescere
vt tandem deuenire debeant ad
talem statum è quo vltiùs propa-
gari nequirent. Sed de his etiam
respondent Conimb. q. citata art. 3.
ad 4. licet magna ex parte per va-
rias generationes filij nascantur pa-
rentibus debiliores, tamen interdum
nasci robustiores, quo damnum il-
lud aliquatenus compensetur : &
providentiam naturæ debere succur-
rere, ne tota aliqua species interi-
ret. Melius dicetur, ad summum
sequi, speciem aliquam descensu-
ram ad talem statum è quo non de-
beret amplius declinare : sed in eo
statu deinceps per successiuam ge-
nerationem & propagationem de-
bet adhuc talis species conseruari.

Mūdus Dico secundò. Mundus potest
posset à per diuinam potentiam penitus de-
Deo in strui & ad nihilum redigi, tamen de
nihilum facto erit in perpetuum conseruan-
renova- dus. Prima conclusionis pars non
si. videtur agnita à Philosophis, qui
voluerunt mundum necessariò exi-
stisse, vel ex toto, vel saltem quoad
primam rerum substantiam : sic enim
pariter velle debebant, debere etiam
necessariò permanere. Sed est sanè
certa. Et patet apud nos ex Sacra
Script. 2. Machab. 8. *Ipse potest vni-*
uersum mundum uno nutu delere.

Et ex alijs locis in quibus expressa
est summa dependentia omnium
rerum creatarum à Deo. Patet etiam
ratione, quæ sanè debuit etiam à
Philosophis naturali ductu cogno-
sci : quia quicquid est, etiam ipsa
prima rerum substantia, debuit à
Deo produci, & ex nihilo creati, ac
deinceps semper cōseruari à Deo :
Deusque est agens liberum, ac po-
tuit non creare quicquam, & sic
postquam creauit potest non con-
seruare : posset ergo rursus vniuer-
sum mundum & omnia quæ facta
sunt prorsus delere & ad nihilum
redigere.

Secunda conclusionis pars est
Philosophorum ac Theologorum
communis. De eaq; tractant Scho-
lastici in 4. d. 47. & 48. Et Recen-
tiores 3. par. quæst. 59. & Pererius
alijsque Expositores Script. circa ini-
tium Genes. & circa alia loca mox
alleganda. Et est de mente SS. PP.
August. lib. 20. de Ciuit. cap. 14. &
sequentibus, Gregor. lib. 17. Moral.
c. 5. Anselm. super ad Hebr. 1. Ira-
nei lib. 4. cont. Hæreses cap. 6. Hie-
ron. Isai. 51. & 65. & aliorum fre-
quenter.

Patet primò ex Sacra Scriptura
Eccles. 3. *Omnia opera qua fecit*
Deus perseverant in perpetuum.
Psal. 148. *Ipse dixit & facta sunt,*
ipse mandauit et creata sunt, statui-
ea in æternum & in sæculum sæculi,
præceptum posuit & non prateribit.
Ac specialiter de corporibus cæle-
stibus Isa. 30. *Erit lux Luna sicut*
lux Solis, & lux Solis erit septem-
pliciter sicut lux septem dierum :
Ergo, vt ponderat ibi D. Hieron.
permanebunt in æternum Sol et Lu-
na, & sic etiam alia Astra & omnia
corpora cælestia. Rursus speciali-
ter de terra Eccles. 1. *Terra in æter-*
num stat. Et vniuersaliter de omni
creatura ad Rom. 8. dicitur : *Expe-*
ctatio creatura reuelationem filio-

De fa-
cto con-
seruabi-
tur in
æternū.

rum Dei expectat, quia & ipsa creatura liberabitur a seruitute corruptionis. Ergo, ut præter alios obseruat idem Hieron., creaturæ non erunt substantialiter abolendæ, sed potius perficiendæ: alioqui creaturæ non essent liberandæ à seruitute corruptionis, sed maximè subderentur ipsi corruptioni & destructioni: nec dicerentur expectare sed potius abhorrere hanc immutationem.

Secundò ulterius. Debebunt adhuc post diem finalis iudicij, quæ alioqui videbatur vltima mûdi dies, extare cælum & terra, ut expressius docet Sacra Scriptura: at cum cælo & terra debebunt alia elementa pariter permanere: & vel sub iisdem nominibus cæli & terræ comprehenduntur: vel saltem inde deducitur, quia non est credibile remansurum esse vacuum & inane totum spatium inter cælum & terram.

Tertiò suadetur etiam ratione: quia cùm mundus ex natura sua sit incorruptibilis & aptus in perpetuū durare, conueniens erit, Deum illum in perpetuum conseruare, saltem quoad ea corpora quæ nouis mutationibus & generationibus ad sui cōseruationem non indigebunt.

Quartò. Licet corporeus hic mundus factus præcipuè sit propter hominum habitationem & vsum, post verò diem iudicij homines nō sint pro sua habitatione sicut nunc hoc mûdo vsuri: tamen adhuc damnati quidem debebunt in imo terræ detrudi, Beati vero in summo cæli morari: ergo debebunt cælum & terra manere, et per consequens alia etiam corpora intermedia: & adhuc totus hic mundus conferet ad cruciatum damnatorum & gaudium Beatorum.

Conseruabuntur Quintò. Putandum non est, cælum & elementa quæ nunc sunt fore abolenda, & alia penitus de nouo creanda: id enim necessarium non

est: sed satis erit, hæc ipsa quæ nunc sunt, quodammodo renouari & perfici. Idque etiam ex Sacra Scriptura colligitur. Sic 1. ad Corinth. 7. *Præterit figura huius mundi: vbi, ut notant August. & Hieron. non dicitur, præterit substantia mundi.* Et Psal. 101. *Sicut operitorium mutabis eos & mutabuntur;* vbi, ut aduertit idem Hieron. non dicitur destruentur. Et quando demum promittitur cælum nouum & terra noua, nō dicitur cælum aliud & terra alia, sed quòd hic ipse mundus sit in suo statu renouandus. Nec etiam putandum est, solam eandem materiam permansuram, formam verò substantialem esse mutandam. Quia neque id est necessarium: neque apparet, quæ nam alia species formæ elementaris aut cælestis posset aut deberet eidem materiæ imponi.

Dico tertio. Mundus de facto erit valde immutandus ac veluti renouandus, diuersimodè tamen in varijs suis partibus. Constat hæc assertio ex sacra Scriptura, tum in quibusdam locis iam allegatis, tum in alijs allegandis. Fietquæ hæc immutatio et renouatio in die extremi iudicij, quem fide nouimus esse futurum. Neque aliunde quàm ex diuina reuelatione poterat hæc immutatio innotescere. Explicari autem debet in quo consistat, & quæ corpora et qualiter immutanda sint.

Primò. Cæli erunt nouo maioriq; splendore illustrandi ac perficiendi, iuxta illud Isaïæ, ut intelligitur à D. Hieronymo & alijs: *Erit lux Luna sicut lux Solis, & lux Solis erit septemplex.*

Secundò. Elementa quoque erunt immutanda & perficienda, tum quòd purgabuntur ab omnibus sordibus & impuritatibus, ac reponentur in sua naturali dispositione; quæ repurgatio, ex doctrina S. Script. fiet per ignem, non vtiq; naturaliter

Mundus erit immutandus ac renouandus.

Cæli & elementa perficientur.

excitandum ; sed diuina virtute immittendum: tum quòd etiam ipsa elementa, eximia quadam luce & claritate, à corporibus cælestibus communicata, libiquè etiam indita, fulgebunt.

Tertiò insuper magna fiet immutatio mundi, quia cessabit motus corporum cælestium, vt cum D. Th. docent communiter Theologi. Et colligitur ex pluribus Script. locis, & præsertim ex illo Apocol. 10. *Tempus non erit amplius*: Nam tempus comitatur motum, & præcipuè motum cæli. Meritò autem cessabit hic motus: quia non deseruit nisi propter vicissitudinem harum rerum inferiorum, propter mutationes temporum ac varias rerum generationes: quæ tunc cessabunt, vt infra dicemus. Satis autem verisimile est, id quòd iudicauit D. Thomas q. 5. de Potent. art. 5. ad 17. Celos relinquendos in tali situ, quo sol correspondeat huic nostro Emispherio, in quo habitauit Christus Dominus, & vt plurimum Sancti, in quo proinde futura sit maior claritas quàm in alio Emispherio. Neque tamen in alio Emispherio erunt perpetuæ tenebræ & nox, sed erit adhuc claritas illa quam iam diximus omnibus elementis communicandâ, sanè non minor quàm de præsentis sit in partibus huius mundi illuminatis à Sole. Item cessabunt etiam aliæ influentiæ & operationes corporum cælestium in hæc inferiora: illæ inquam quæ per se ordinatæ sunt ad rerum generationes: nulli enim tunc erunt vsui.

Quartò. Eadem ratione cessabunt actiones & passionis elementorum omniumque contrariorum, vt docet S. Thomas q. 5. de Potent. art. 8. Et in vniuersum cessabunt nouæ rerum generationes, & corporum mutationes. Simul enim cum generatione exercetur corruptio; quia gene-

ratio vnius est corruptio alterius: at tunc *liberabitur creatura à seruitute corruptionis*. Et nouæ rerum generationes in hoc vniuerso præcipuè ordinatæ sunt ad humanam, commoditatem: vnde tunc inutiles prorsus essent.

Quintò. Frequenter etiam Theologi affirmant, nulla prorsus mixta tunc in hoc vniuerso futura, sed sola & nuda elementa esse mansura: dicuntquè omnia mixta fore igne contumenda, iuxta illud 2. Petri 3. *Terra & qua in ipsa sunt opera exurentur*. Sed tamen verisimile est; quod quidam alij affirmant, & approbat Suarez tomo 3. tertiæ partis disp. 58. sect. 2., futura adhuc in illo statu ad maiorem mundi decorem quædam mixta quæ absque noua generatione in perpetuum conseruentur. Et ita expressit D. Anselm. in Elucidario: *Terra que in gremio sui corpus Domini conseruit, tota erit vt Paradisus: & quia Sanctorum Sanguine est irrigata, odoriferis floribus, rosis, violis, immarcescibiliter erit perpetuò decorata*.

Sextò demum. Status hominum maximè immutabitur. Non enim erit vltra status huius vitæ præsentis, quo per cōtinuatas successiones humana species propagatur. Sed hoc pacto humana Respublica finietur. Et quia plerunque in sacra Scriptura mundi nomine hæc humana societas intelligitur, ideo præcipuè in die iudicij dicitur futurus mundi finis, iuxta illud Matth. 13. *In consummatione sæculi*. Omnes verò homines quotquot antea fuerint, & ab initio mundi suis temporibus defuncti, tunc denuò resurgent & in æternum viuent nunquam amplius morituri: neque in præsentis habitaculo permanebunt. Sed damnati in imis terræ carceribus recludentur, Beati in summis cæli regionibus habitabunt. Hæc omnia autem ex doctrina

Motus
& in-
fluentia
cæli ces-
sabit.

Elemē-
torum
actiones
& rerū
genera-
tiones
cessa-
bunt.

Homi-
nes aliū
statum
habe-
bunt.

Strina nostræ fidei nota sunt. Et ad hanc immutationem spectat illud Apost. 1. Cor. 15. *Mortui resurgent incorrupti, & nos immutabimur: oportet enim corruptibile hoc induere incorruptionem, & mortale hoc induere immortalitatem.* Et 1. Tet. sal. 4. *Simul rapiemur in nubibus obuiam Christo in aera, & sic sensper cum Domino erimus.*

*Quædā
Scriptu-
ra loca
expli-
cantur.*

Postremò. De hac totius mundi immutatione explicanda sunt quædam Script. loca, quæ alioqui totalem huius mundi interitum, aut totalem mutationem substantialem sonare videntur. Isaia 65. *Ego creo celos novos & terram novam:* Et Apoc. 21. *Vide cælum novum & terram novam.* Non debet intelligi propria & substantialis creatio, sed accidentalis immutatio, & renouatio ad perfectiorem & illustriorem statum.

Plal. 101. *Ipsi peribunt, & sicut vestimentum veterascent, & velut operitorium mutabis eos & mutabuntur.* D. Hieronimus rectè explicat, celos perituros atque mutandos à statu præsentis quem nunc habent penes motum & alias operationes in hæc interiora. Itai. 34. *Tabescet omnis militia calorum, & complicabuntur sicut liber cæli & omnis militia eorum defluet, sicut defluit folium de vinea:* Et cap. 51. *Cæli sicut fumus liquefcent, & terra sicut vestimentum ardeat.* Et Matth. 24. *Stella cadent de calo.* Hoc totum intelligitur, quod cæli non amplius movebuntur, & stellæ desinent amplius influere & operari, & obscurabuntur in ipso extremo tempore, ita ut pro tunc non appareant: sicut dicitur: *Sol obscurabitur & Luna*

non dabit lumen suum: Et Eccles. 17. *Quid Lucidius Sole? & hic deficiet,* scilicet quoad suæ lucis ostensionem. Attamen post ipsum iudicii diem corpora hæc cælestia & omnia Altra maiori erunt lumine decoranda.

Sed difficillimus locus est 2. Petri 3. *Cæli qui nunc sunt & terra igni reservati sunt in diem iudicii* Et infra: *Cæli magno impetu transient, elementa vero calore solvantur, terra autem & quæ in ipsa sunt opera exurentur:* Et rursus infra. *Cæli ardentes solvantur, & elementa ignis ardore tabescunt.* At in hoc loco, cælorum nomine debet intelligi aer & aeræ regiones, ut exponit Hieron. August. & alij Patres: & ut sæpè alias intelligitur in Scriptura, ut cum dicuntur volucres cæli, & alijs in locis. Et præsertim hic, cum D. Petrus velit, eundem hunc mundum olim purgatum aquis diluvij, fore iterum igne purgandum. Cæli ergo in hoc sensu & terra dicuntur igni reservata, non ad totalem combustionem, sed ad purificationem. Et cæli magno impetu transient, hoc est aer velocissimo motu rapietur & ignis vigore purgabitur. Elementa verò, idest terra & aqua, calore solvantur, idest etiam igne purgabuntur. Item cæli ardentes solvantur, idest aeræ regiones ignis ardore mundabuntur: terra autem & quæ in ipsa sunt opera exurentur, idest terra quoad extremam hanc superficiem, & quoad opera in ipsa inventa, igne corripietur. Ut ita tandem mundus hic in statu conuenienti & proportionato in æternum sine fine permaneat.

QVÆSTIO TRIGESIMASECVNDA.

De Corporibus Cælestibus.

De eorum existentia, varietate, & structura.

PRæclare Arist. lib. de Mundo ad Alexand. cap. 1. *Cum negatum, inquit, esset homini, ut cælestem in locum corpore sese conferret, & velut à terra peregrè proficiscens, locum illum oculis perlustraret; eo factum est, ut animus humanus huius via ducem nactus intellectum, peregrinabundus illuc importaretur, per viam quam lassitudinis vacuum atque labores Philosophia inuenit.* Philosophiæ ergo præcipua quædam pars est, de cælestibus corporibus speculari, & quantum à nobis in terra degenibus attingi poterit indagare.

Cæli nomen ductum est à cælando, vel pro eo quod est occultare; quia *Cæli nomen.* cælum velut intra se cælat reliqua omnia huius vniuersi corpora quæ circumtegit: vel pro eo quod est sculperere; quia, ut interpretatur Ambros. in Exameron, dum impressa stellarum lumina habet, quasi cælum & sculptum apparet. Vocari etiam cælum solet græco nomine Aether, & cælestis regio dicitur ætherea: non ab eo quod est ardere, ut voluit Anaxagoras: sed ab eo quod est currere, ut docet Aristot. 1. Cæli 22. nimirum ob perennem calorū motum & cursum.

Cælum interdum sumitur pro toto vniuerso, ut exploratum est apud Aristotelem & Platonem: interdum pro solo supremo vniuersi corpore, siue pro solo firmamento in quo sunt stellæ fixæ supra Planetas: interdum sumitur pro aere, ut sæpè in Sacra Scriptura. At magis propriè & adæquatè sumitur pro illo corpore, in quo omnia astra tam errantia quàm fixa cernuntur, & pro omni alio orbe qui supra ipsa astra reperiatur. Et vel quidem sumitur distinctè cælum ab ipsis astris, vel eodem cæli nomine includuntur & astra. Et in hoc sensu cælestia corpora nominamus, & consideranda proponimus, quæ nempe sunt cæli & astra.

Primo loco quærimus de cælestium corporum existentia: & coniungimus de varietate, quoniam debemus inquirere quot & quæ sint cælestia corpora. Addimus & de structura: quo nomine intelligimus eorum dispositionem & situm in hoc vniuerso: quod sanè proximè accedit ad ipsam eorum existentiam, & per se facit ad constitutionem totius vniuersi, vnde admodum confert ad complementum superioris tractationis de ratione ipsius vniuersi. Magna tamen ex parte, consideratio hæc de celorum structura, ab Astronomis vsurpatur, & præcipuè medijs ac instrumentis mathematicis transigitur. Sed verè pro ratione corporum naturalium res est etiam philosophica, & physicis quoque principijs disputanda. Atque ex vtraque parte coniunctim hæc tractatio adiuuatur. Imò notari solet, per Astronomiam, & ab Astronomis, non per se determinari qualiter verè celorum structura se habeat: sed potiùs per hypotesim cogitari qualis sufficiens sit ad saluandas omnes cælestes apparentias: ab istquè solum as-

Tractationis ratio.

seri, quænam structura apta sit & idonea ad exercendos illos motus qui in astris cælestibus observantur. Itaque eò magis ipsi Philosophia incumbet, examinare, ac determinare, quoniam pacto putandum verè sit cælestia corpora in se ipsis extare constructa, ut & philosophicæ rationes cum astronomicis observationibus valeant consonare.

SECTIO PRIMA.

An verè sint Cali & Astra.

*Senten-
tia ne-
gans ca-
los.*

V Eteres illi Philosophi, qui in hoc Vniuerso inane & vacuū admittebant, atque volebant naturalia corpora per ipsum vacuum & inane moueri, ut commemorauimus in proprio tractatu de vacuo, consequenter putare poterant, extare solum astra quæ in sublimi cernimus & circa nos vagari videmus, nec extare alios cælos in quibus infixæ sint astra, aut per quos circumferantur astra. Re ipsa etiam dici debent negasse cælos Recentiores nonnulli dicentes, totum mundanum spatium repleti aere, à terra scilicet per totam mundi sublimitatem, & in illo sublimi aere excurrere astra.

*Senten-
tia ne-
gans a-
stra.*

Ex aduerso, retentis cælis, vera astra negasse dicentur quidam, quorum sententiam refert Albertus de Saxonia lib. 2. de Cælo q. 22. art. 1. qui dixerunt, extare supremū quoddam cælum æqualiter in toto suo ambitu maxima luce fulgens, & sine villo motu quiescens; ac sub illo extare aliud cælum motu continuo agitatum, varijs foraminibus contertum, per quæ foramina transparent partes quædā lucidæ cæli illius superioris, & hæ partes videantur astra. Et quia cælum hoc pertoratum, semper in gyrum voluitur, ideo successiuè ostendat varias cæli superiores partes fulgidas, & sic videantur astra moueri. Et quia demum ea foramina sunt inæqualia, ideo videri astra inæqualia: & ma-

ximum foramen esse eius quem dicimus Solem, minima verò esse minimarum stellarum. Item, vera astra negarunt alij apud eundem Albertum dicentes, illa quæ nobis videntur astra, esse intelligentias luce sua se nobis ostendentes, & supremum mundi gyrum circumcurrentes. Poteratque hi negare etiam cælos; quia ipsæ intelligentiæ non indigebant propter se alijs cælis.

Certissima tamen & notissima res est, verè extare cælos & astra, quæ corpora cælestia nominamus. Constat, tum fide, tum ratione. Primò Sacra Scriptura ab initio narrat creationem cælorum & astrorum, ac distinctè meminit vtrorumque. Priùs describit creatum fuisse cælum & cæleste firmamentum, postea creata fuisse luminaria & stellas in firmamento cæli: ac passim in alijs libris & locis hæc omnia distinctè commemorat. Itaque nomine cæli non constituit solum astra cælestia, sed verè aliam corpoream regionem in qua sint astra. Et nomine luminarium ac stellarum non constituit solum quoddam cælum lucidum per foramina alterius cæli se ostendens, sed per se vera quædam corpora posita in cælo. Vera inquam corpora, non autem intelligentias quæ sunt substantiæ spirituales. Vnde Deuter. 4. vetuit Deus adorari Solem & Lunam & alia astra cæli.

Secundò. Prorsus a ratione alienum erat dicere, spatium illud in quo conspiciuntur & existunt astra esse vacuum & inane, ac per illud astra ferri. Iam suo loco probauimus, non dari, nec posse naturaliter dari, vacuum in vniuerso: & eò magis

*Conclu-
sio sta-
tuens ca-
los &
astra.*

*Omnino
dantur
cæli.*

gis absurdum foret, ponere tam maximum vacuum, ubi nobilissima vniuersa corpora commorantur: & non potuissent astra ad nos per vacuum transmittere lumen, nec potuissent à nobis conspici & videri. Omnino ergo existit in toto illo spatio, sublimè quoddam corpus, quod cælum nominamus: quamuis ob suam perspicuitatem non ita cadat sub nostrum aspectum sicut ipsa astra.

Tertiò. Profus etiam dici non debet spatium illud esse repletum aere: quamuis qui ita opinati sunt, non tam dicunt non dari cælum, quàm verè dari & esse aerem. Sed tamen magis hi, quàm alij qui dixerunt, cælum esse ignem, aut ex pluribus elementis compactum, dici poterunt in rigore negasse cælum: quia nomine cæli ab omnibus intelligebatur corpus quoddam diuersum ab huiusmodi aere nobis familiari, & sublimius ac nobilius. Si què cogitassent, non esse aliud corpus quam nostrum hunc aerem vsque omnem vniuersi extremitatem expansum, non tam distinctè nominassent cælum, quàm potius dixissent, astra in sublimi aeris regione versari. Vnde etiam ij qui voluerunt cælum esse fluidum ac tenue ad instar aeris, dixerunt adhuc esse corpus quoddam æthereum longè diuersum ab aere. At vniuersaliter postea contra omnem sententiam quæ fecerit cælum naturæ elementaris, postea ostendemus omnia cælestia corpora esse prorsus diuersa & sublimioris naturæ.

Quartò. Irridenda potius est quàm refellenda inuentio illa de foraminibus in cælo loco astrorum. Diuersus astrorum aspectus, diuersa altitudo & remotio à terra, diuersus & singulis Planetis proprius motus, accessus & recessus eorum respectu terræ, continua variatio Lunæ penes diuersam habitudinem cum So-

le, & aliæ astrorum apparentiæ, quas in progressu attingemus, tam perspicuè demonstrant astra esse, per se corpora quædam inter ipsos cælos sita, vt vel nullus, vel parum sanæ mentis quispiam, potuerit ridiculam illam structuram foraminum cogitare. Non autem nunc determinamus, an astra verè essentialiter differant ab omni cælo, aut singula sint partes quædam densiores seu lucidiores suorum cælorum. De hoc enim postea inquiremus.

Quintò. Magis adhuc rationi repugnat, dicere, loco astrorum esse intelligentias tali modo per lucem fulgentes sequè nobis ostendentes. Intelligentiæ sunt substantiæ spirituales, atque adeo oculis corporeis inuisibiles: non pollent luce corporea & sensibili, licet per metaphoram tribuatur nomen lucis intellectui & cognitioni mentali: sed hæc non est lux quæ oculis cerni possit. Quod si quis dicat, Intelligentias quidem nude sumptas non posse oculis corporeis perspicui, sed benè in corporibus assumptis: iam sic fatebitur astra, quæ dicet esse corporea ab Intelligentijs spiritualibus assumpta. Sed verum est, astra in cælis moueri ab Intelligentijs, & has ad hunc effectum assistere astris seu cælis: tamen nec ad quicquam iuuat, nec expedit dicere, Intelligentias inesse cælis aut astris tanquam corporibus assumptis, & veluti apparere per astra. Aliæ enim conditiones requiruntur ad hoc vt dicatur assumptio, præsertim quòd Intelligentia vniatur corpori ad representandam propriè se ipsam, vt quando Angelus in corpore humano apparet. Multoquè minùs permitti potest, astra absolutè dici Intelligentias. Sed non aliter sentiendum aut loquendum est, quàm astra esse vera corpora, corpora cælestia.

*Omnino dan-
sur a-
stra.*

SECTIO SECVNDA.

*Quot & quæ sint Astra
cælestia.*

M Eritò priùs de Astris quærimus, quæ nobis notiora sunt, & nostro aspectui obuia: & ex his consequenter determinandum erit, quid sit sentiendum de cælo, in quo astra ipsa feruntur.

Aliæ sũt astra fixa, alia errantia. Duæ in primis astrorum classes distinguuntur. Obseruatum enim est, alia astra esse, quæ semper eundem tenorem seruât, eundem situm inter se obtinent, in eadem semper inter se certa propinquitate seu distantia manent: alia verò esse quæ diuersos & peculiare motus agunt, ac inter se & cum alijs prædictis astris situm variant, & non in vno certo loco permanent. Propterea prioris ordinis astra dicuntur fixa & inerrantia, secundi verò generis dicuntur errantia. Non quidem, quòd illa nullo prorsus motu cœantur, sed quia non exercent inter se varios & diuersos motus. Nec alia dicuntur errantia, quasi nulla prorsus regula per cæli spatia diuagentur & errent: sed quia non omnia eundem & uniformem cum alijs stellis fixis motum habent; sed singula suum, regularem tamen motum, perficiunt, vt postea videbitur. Hæc astra errantia, græco etiam nomine dicuntur Planetæ, quasi erronei, & erratica sydera.

Astra fixa certo numero comprehenduntur. Astra illa fixa, communi vulgi existimatione videntur esse innumerabilia, & vnico cælorum aspectu nocte serena, tot sydera oculis videntur occurrere vt enumerari nō possint. Atque Arist. lib. de Mundo ad Alexand. cap. 2. ait, numerum syderum inerrantium iniri non posse: & idem significat 2. Cæli 61. &

1. Meteor. cap. 8. Imò idem habetur in sacra Script. Genes. 15. dixit Deus ad Abraham: *Suspice cælum, & numera stellas, si potes: & dixit ei sic erit semen tuum*; Et similiter cap. 22. & cap. 26. & Ierem. 33. *Sicut enumerari non possunt stella cæli, & metiri arena maris, sic multiplicabo semen David*. Vnde Psal. 146. per hoc magnificatur sapientia Dei: *Qui numerat multitudinem stellarum, & omnibus eis nomina vocat*. Hinc D. August. lib. 16. de Ciuit. cap. 23. negat, dinumerari posse omnes stellas.

Nihilominus, omnes stellæ ab Astronomis numeratæ atque signatæ sunt, & quod mirabilius videbitur, numero non valde magno comprehensæ. In vniuersum enim stellæ fixæ recensentur mille & viginti duæ. Atque ad maiorem certitudinem huius rei, omnes distributæ sũt per quasdam figuras siue imagines, quæ constellationes & Asterismi dicuntur, cuiusmodi sunt duodecim nota signa Zodiaci, Aries Taurus &c. Et omnes hæ figuræ sunt quadraginta octo: atque in singulis certus stellarum numerus signatus est, cum proprio loco & situ earum: formatus est etiam globus astronomicus, in quo depictæ sunt eadem imagines cum omnibus stellis eadem positione & proportionem qua conspiciuntur in cælo. Neque verò omnes hæ figuræ designatæ sunt in cælo ob veram similitudinem cum rebus figuratis: sed aliquæ ob similitudinem, vt Corona, Triangulum; aliquæ ob certum quendam effectum, vt Cancer, eo quòd tunc veluti Sol retrogredi incipiat: aliquæ ob quasdam Antiquorum fabulas, qui insignes aliquas personas vel res transuexerunt in cælum, vt Hercules Argonauis, & aliæ. Insuper, quia stellæ apparent inter se diuersæ & inæqualis magnitudinis, distinctæ sunt

Recensentur mille & viginti duo.

sunt certæ earum differentia, & singulis differentiis certus stellarum numerus attributus est. Distinguuntur ergo sex stellarum magnitudines. Stellæ primæ magnitudinis sunt 15. Secundæ sunt 45. Tertiæ sunt 208. Quartæ sunt 474. Quintæ sunt 217. Sextæ sunt 49. Aliæ quæ dicuntur nebulosæ sunt 5. Aliæ obscuriores 9. Primus autem, qui omnes stellas sic numerare & adnotare, suisque locis distribuere aggressus sit, refertur fuisse Hipparchus, de quo sic ait Plinius lib. 2. Natural. histor. cap. 26. *Hipparchus nunquam satis laudatus, ausus rem etiam Deo improbam, annu-merare posteris stellas, ac sydera ad normam expandere, organis excogitatis, per quæ singularum loca ac magnitudines signaret, cælo in hæreditate cunctis relicto, si quisquam quis rationem eam caperet inueniret, esset.* Floruit autem Hipparchus circa annum ante Christum natum 125. Sed sanè longè etiam ante Hipparchum, nominatæ inueniuntur varietatē cæli constellationes: ut in antiquissimis Poetarum fabulis: imò & in libro Iob, ubi nominatur Orion, Arcturus, Hiades, Pleiades: vixit autem Iob ante Moysen. Hipparchus autem studuisse videtur, omnes prorsus signare stellas, & singulas certis disponere locis.

Atamen Recentiores Astronomi longè adhuc plures stellas in cælo notarunt: Vnde Tycho Brahe lib. 1. Progymnasmatum cap. 2. & 3. in Asterismo Cassiopeie in qua tredecim stellæ designari solabant, animadvertit atque descripsit alias tredecim & singulas suis locis adnotavit: & sic etiam sine dubio in alijs cæli signis plures stellæ poterunt adnotari. Itaque dicendum est, priores Astronomos notasse tantum & designasse stellas magis visibiles, quæ omni sereno tempore commode perspicui possunt: at præ-

ter illas, adesse alias minùs visibiles, quæ non omni tempore, sed præsertim noctibus serenissimis & maximè in hyeme quando aer est magis purgatus, discerni possint. Imò etiam apud Veteres, plures adhuc stellæ numeratæ sunt apud Plinium, loquendo inquam de stellis notatu dignis. Loquens enim de celestibus imaginibus, ait lib. 2. Natur. Historiæ cap. 41. *In his quidem mille & sexcentas annotanere stellas insignes videlicet effectu visuæ.*

Insuper, quod longè adhuc magis stellarum numerum adauget, nuper compertum est, ope tubi optici nouiter adiuenti, valde plures stellas in cælo conspici. Et specialiter Galileus in suo. Nuncio sydereo

Et longè plura que tubo optico inuenta sunt.

§. Adnotatione dignum, testatur, plusquam sex alias stellarum differentias infra sex illas notas inueniri: & intra vnus vel alterius gradus limites plusquam quingentas alias stellas posse notari: vnde circa enssem & cingulum Orionis, ubi solent designari nouem stellæ, ipse describit alias octoginta. Ac præsertim deprehendit, viam lacteam quæ in cælo albicare conspicitur, & de qua hætenus incertum erat quidnam esset, verè esse innumerabilem minutarum stellarum congeriem, & sic etiam ubicunque similes partes in cælo albicantes cernuntur: ac insuper illas stellas quæ dictæ sunt nebulosæ, esse pariter cumulum plurium minutarum stellarum: vnde in vna quæ ponitur in capite Orionis numeravit stellas viginti & vnâ, in alia quæ dicitur Præsepe, plusquam quadraginta. Et cæ omnia approbat & commendat Ioannes Keplerus in sua dissertatione cum nuncio sydereo: & præterea refert, Rabinos numerare in cælo supra duodecim millia stellas, & quendam religiosum numerasse in clypeo Orionis plures quadraginta: & hoc intelli-

Sunt tamē alia plura minus visibilia.

git sine ope tubi optici. Creditur autem ipse Galileus fuisse huius mirabilis tubi inventor: sed ipse sanè maximè in vsum deduxit, ac valde perfecit: at ipsemet fatetur, se occasionem sumpsisse ex fama personante de huiusmodi instrumento per quendam Belgam elaborato. Sed rursus antea huius artificij meminit Ioanes Baptista Porta lib. 17. Magiæ naturalis cap. 10. & 11. Unde Keplerus in dissertat. citata suspicatur, vel ex lectione vel etiam ex instructione ipsius Portæ fuisse tale organum in Belgio fabricatum & euulgatum. Sed longè antiquius est quod narrat Porta in Præfat. eius libri, nempe Ptolomeum Regem in Pharo turrin construxisse, in qua speculum constituerat, quo per sexcenta milia passuum hostium naves conspiciebat. Ceterùm, hinc putandum vtrò erit, multò adhuc plures stellas esse, quæ ne quidem talis instrumenti ope discerni queant.

*Quo pa-
cto astra
videan-
tur &
dicantur
innume-
rabilia.*

Iuxta hæc, ad vulgarem illam estimationem dicendum est, in vno confuso intuitu apparere innumera- biles stellas: tum quia fortasse in illa confusione repræsentantur etiam minutiores stellæ quæ ab Astronomis notatæ non sunt, nec etiam facile notari possent discretè ac determinatè: tum quia ob splendorem, & scintillationem earundem stellarum plures apparent, quàm reuera cernantur: tum quia interdum reflexiones quædam oculis incurrunt tanquam stellæ quæ reuera nō sunt: tum quia cum stellæ non sint certo quodam ordine dispositæ, agrè possunt notari ac numerari. Ad Arist. dicendum est, vel esse loquutum iuxta vulgi estimationem, vel esse loquutum de stellis quas supposebat esse in cælo etiam si non conspiciebantur, vel de illis minutioribus quæ vix interdum videri possunt, & non sunt ab Astronomis

adnotatæ, vel quia adhuc eius tempore non erat stellarum numerus computatus. Similiter ad sacram Scripturam dicendum est, vel etiam esse loquutam iuxta consuetum & familiarem loquendi modum, quo stellæ dicuntur innumerabiles: vel intellexisse de omnibus stellis, comprehendendo etiam illas quæ nostrum visum effugiunt: & fortasse Deum illas etiam ostendisse Abrahamo, quando iussit eum in cælum suspicere. Alioqui sanè data quacunque multitudine stellarum visibilium, quæ sensuum iudicio esse dicatur, adhuc sine dubio incomparabiliter maior inuenietur multitudo filiorum ex Abrahamo descendentium. Sic demum ad D. August. qui ita loquutus est: *Stella dinumerari non possunt, quia nec omnes eas videri credendum est: nam quanto quisque acutius incuetur, tanto plures videt: unde & acerrimè cernentibus aliquas occultas esse merito existimatur.*

Deinde, Astra errantia siue Planetæ, septem numerantur, nempe, Sol, & Luna, quæ quidem notissima sunt, Mercurius, Venus, Mars, Iuppiter, & Saturnus, quæ ab alijs stellis facile ipso oculorum intuitu dignoscuntur, quia stellæ fixæ scintillant, Planetæ autem scintillare non solent: atque omnes hi Planetæ, per certam cali viam gradiuntur, quæ Zodiacus appellatur. Notauit autem Cleomedes, antiquus auctor græcus, lib. 1. de Mundo cap. de Globorum cælestium conuersione, incertum esse an sint plures alæ errantes stellæ, nobis ignotæ & inuisibiles.

Præter hos Planetas, fuerunt qui terram quoque alium quendam esse Planetam in cælo proprio motu errantem putauerint. Sed iam ex quæst. superiori supponimus, terram in medio mundi quiescere, &

*Astra
errantia,
siue Plan-
etæ, sive
septem.*

longè alium esse statum terræ & similitudinem corporum ab omnibus cælestibus astris.

Quedam alia stellæ circa Iouem & Saturnum inuenta sunt.

Rursus, Galilæus obseruauit, & in lucem prodidit quatuor alias errantes circa Iouem stellæ, de quibus primùm scripsit in sydereo nuncio: easquæ Medicæ sydera in gratiam magni Hetruriæ Ducis nuncupauit. Postea obseruauit etiam duas alias prope Saturnum, ita ut stella Saturni quæ nobis apparet, non vna simplex, sed triplex stella esse inueniatur. Stellæ autem illæ circa Iouem, varios & peculiare motus peragere obseruata sunt, taliter ut per quosdam veluti Epicyclos quales postea in ipsis Planetis explicabimus, circa ipsum Iouem gyrate videantur, nec multum ab ipso Ioue digrediantur. Circa idem tempus Simon Marius in Germania eadem Iouialia sydera depræhendit per vsum tubi: de quæ ijs librum edidit, qui Mundus Iouialis inscribitur. Atque serio asseuerat se non ex doctrina Galilæi, sed æquè primo vsum tubi habuisse, & stellæ circa Iouem obseruasse. Ac diligenter describit singularum motum et digressionem à Ioue.

Approbat additionem harum stellarum Keplerus in Dissertat. prædicta. Sed nescio an ioco vel serio inde conijciat, esse etiam Iouem veluti alteram tellurem, in eoque suos incolas degere, ideoquæ circa Iouem gyrate quatuor illas veluti Lunas, sicut circa nostram terram Luna reuoluitur. Sed vana hæc prorsus sunt. Neque stellæ illæ circa Iouem, huius rei suspicionem debebant inferre: quia rectè poterant ibi à mundi opifice collocari ob aliquos effectus exercendos circa terrestrem hunc globum, quamuis non sint communi nostro visu aspectabiles: non enim per ipsum nostrum visum in nos traiciunt astra suas

operationes. Sic & inter fixas reperiuntur tot alia stellæ, ut dicebamus, quamuis communiter non visibiles.

At, contra dictas stellæ Iouis comites scripsit ex profecto Franciscus Sittius Florentinus, & in fine Dianoiæ astronomicæ contendit, illas esse potius oculorum ludibria, vel maculas vitri. Sed verè nihil efficaciter contra illas affert. Et per se quidem non est difficile, tales stellæ potuisse existere circa Iouem. Et de facto verè existere suadetur: quia non pariter circa alia astra similes stellæ mobiles conspiciuntur: sed circa ipsum Iouem per quodlibet aptum instrumentum apparent in certo respectu & situ. Non ergo sunt oculorum ludibria, nec maculæ vitri.

Insuper, quia in corpore Solis obseruata nouiter sunt maculæ quædam mobiles, quæ singulis diebus variationem aliquam repræsentant: ideo aliqui arbitrati sunt, eas maculas esse etiam quasdam stellæ circa Solem errantes: & ita sentiunt Carolus Malapertius in Oratione habita Duaci, & Ioannes Tarde lib. de Syderibus Borbonijs cap. 5. At hoc non ita constat, quia possunt illæ maculæ apparere vel ex diuersitate aliqua partium cæli, vel ex reuolutione aliqua ipsius Solis in se, vel ex alia ratione. Ex stellis tamen circa Iouem & in Saturno conspectis fit non incredibile, circa alios similiter planetas, aut absolute per se esse in cælo alias quoque stellæ errantes, quæ prorsus nostrum obtutum effugiant. Iuxta quod non est absurdum, quod contendit Phavorinus apud Gellium lib. 14. cap. 1. plures esse Planetas nobis non cognitos.

Demum alia via quidam veteres Philosophi, plures stellæ errantes multiplicauerunt in Cælo, putantes, *Veteres voluerunt, co-*

Fortasse etiam circa Solem.

*metas
etiã esse
astra er-
rantia,
& per-
petua.*

Cometas qui interdum in sublimi apparent, esse verè astra cælestia, quæ non semper à nobis còspiciantur, sed iuxta suum errantem motum sese quandoque spectanda exhibeât. Anaxagoras quidem & Democritus apud Arist. 1. Metèrol. cap. 7: dixerunt, Cometam esse collectionem plurium Planetarum sibi appropinquantium, & ita aspectum illum reddentium. Artemidorus apud Senecam lib. 7. Natural. qq. cap. 13: explicauit, esse collectionem plurium stellarum errantium, diuersarum tamen à Planetis nobis notis. Quidam Pythagorici apud eundem Arist. dixerunt, omnem Cometam esse vnã quandam stellam errantem, certis temporibus apparentem. Et similiter Hippocrates Chius & Aeschelus: addentes tamen, comam seu caudam ipsi Cometæ accedere per quandam refractionem ad nostrum visum in vaporibus sursum attractis à Sole. Vt etiam dixit Strabo apud Plutarchum lib. 3. de Placitis cap. 2. esse stellam nubẽ fulgentem. At præcipuè Appollonius Myndus ex sententia Chalcætorum apud Senecam cap. 31 & 17: dixit, Cometas esse varias stellas errantes in Cælo, & modò apparere vnã, modò aliam. Et sequitur ipse Seneca libro citato conueniens prorsus putans, plures constitui in cælo stellas errantes: vnde sic ait cap. 17. *Credis autem in hoc maximo & pulcherrimo corpore, inter innumerabiles stellas, quæ noctem decore vario distinguunt, quinque; solas esse quibus exercere se liceat, ceteras stare fixas & immobilem populum?* Accedit Hieronymus Cardanus, qui lib. 4. de subtilitate, docet Cometas esse quedam secundaria astra in orbibus Planetarum, non ita firma sicut alia astra & tunc apparere, cum illustrantur à Sole. Adæheret quoque Marinus Mercennus q. 7. in Genes.

Attamen certum est, nulla alia astra errantia præter iam dicta, nobis esse conspicua: certum est, Cometas non esse astra perpetuò in cælo manentia, siue errantia, certis què temporibus nobis apparentia. Cometa in primis non est collectio plurium planetarum ex ijs qui nobis noti, & conspicui sunt. Nam Cometa apparere solet separatus ab omnibus & singulis his Planetis: & è còuerso sæpè iunguntur inter se aliqui Planetæ, ac etiam cum stellis fixis, nullo propterea apparente Cometa. Non est etiam coniunctio & collectio aliarum stellarum errantium nobis ignotarum & per se inuisibilium: Nullus enim deprehenditur talis motus in cælo quo tot alie stellæ errantes, quæ in maxima copia requirerentur ad conficiendũ Cometam tantæ magnitudinis: vt enim notauit Seneca cap. 12. interdum apparuit Cometa non minor Sole, & interdum per totam caligine plagam quæ dicitur lactea. Non duraret pro tanto spatio coniunctio talium stellarum, quanto Cometa durat. Non tam repente perfici posset per tantam stellarum multitudinem, sicut repente Cometa formatur.

Rursum, Cometa non est vnã quædam alia erratica stella, certis temporibus apparens. Interdum enim vt Arist. notauit, plures simul cometæ conspecti sunt. Et varijs temporibus, valde diuersus vnus Cometa ab alio visus est, vt prorsus manifestum sit, non esse vnã, quandam stellam. Item Cometæ non sunt variæ stellæ errantes, certis temporibus apparètes. Vel enim apparent per elongationem à Sole & absconduntur per appropinquationem ad illum: & sic passim deberent plures apparere Cometæ, sicut nocte apparent Planetæ & stellæ fixæ. Non deberet etiam Cometa

*Cometa
non sunt
plures
stellæ errantes
simul iunctæ.*

*Nō sunt
alia singulares
stellæ errantes.*

evanescere quando distat à Sole; & tamen ita passim contingere solet. Vel apparent per appropinquationem ad terras, & absconduntur per elongationem à terris. Et hoc non potest prorsus fieri per cælum solidum: quia attento Cometarum motu saluari non potest talis appropinquatio & elongatio sine scissione & penetratione. Neque etiam si cælum sit fluidum: quia sic deberet Cometa, quando descendit, paulatim incipere apparere, & postea quando ascendit, paulatim imminui: at non ita est, quia repente solet totus apparere Cometa, & interdum post modicum tempus prorsus deficere. Demum nō potest Cometa dici minus perfectum & firmum astrum, indigens illustratione solaris: quia sic semper nocte deberent plurimi apparere Cometae. Pluraquē contra Cardanum congerit Scaliger Exercit. 79. Ac tandem nullo pacto Cometae censeri debent astra cælestia: quia illorum apparentia & aspectus, figura, motus, duratio, sunt prorsus differentia à conditione aliorum astrorum quæ nobis nota sunt.

Igitur concludendum est, non alios Planetas, nec alia astra errare in cælo nobis visibilia, præter ea quæ dicta sunt. Nec obstat illa coniectura Senecæ: quæ alioqui probaret debere esse plures Planetas semper aspectabiles, sicut sunt tot stellæ fixæ. Sed ad rectam vniuersi dispositionem sufficiebant illi Planetæ quamvis ita pauciores stellis fixis. An verò præter omnia dicta astra in cælo semper permanentia atque perpetua, alia sint quæ pro aliquo tempore de nouo gignantur in cælo, & an præsertim Cometae sint de regione cælesti, ibiquē formantur ad tempus, vt cito dissoluantur, postea examinabimus.

SECTIO TERTIA.

Quo ordine sint Astra cælestia in hoc mundo disposita.

R Elicta opinione Aristarchi & Copernici, qui consuebant solem in centro mundi, & tam terram immobilem quam alia astra in cælo circumuolui, & supponendo iam ex quæst. superiori, terram iacere in medio vniuersi, & circa illam tam solem quam alia astra reuolui, videndum superest quem ordinem inter se habeant astra ipsa in cælo.

Xenocrates docuisse videtur, omnia astra in eodem veluti plano manere, ita vt non sint alia superiora, & alia inferiora. Sic enim refert Plutarchus lib. 2. de Placitis cap. 15. *Xenocrates secundum unam superficiem stellas moueri autumauit. At alij supponentes, astra esse inter se, certo ordine disposita, varijs modis hunc ordinem designarunt.*

Anaximander, & Metrodorus Chius, Cartesquē, refert Plutarch. eod. loco, summum locum Soli deferunt, proximequē Lunam ei subiiciunt, sub his fixæ & vagæ etiam sidera collocant. At alij supponentes vtrō, stellas fixas in supremo loco manere, de ordine solū stellarum errantium, id est septem Planetarum, variant.

Aegyptij olim, et Plato in Timeo, atque Arist. 2. Cæli cap. 12. Et nuper Cæsar Cremoninus lib. de Motu cæli sect. 2. cap. 13. hoc modo Planetas ordinarunt primo & infimo loco Lunam, secundo Solem, tertio Mercurium, quarto Venerem, quinto Martem, Sexto Iouem, septimo Saturnum. In libro tamen de Mundo ad Alexandrum ponitur Venus immediatè supra Solem, & infra Mercuriū. Alpetragius apud Ioann.

Re-

*Aucto-
rū Pla-
cita.*

Regiomontanum lib. 9. Epitomes propositione prima, immediatè supra Lunam posuit Mercurium, postea Solem, & postea Venerem. At alij Astronomi magis communiter, Ptolomeus, ipse Regiomontanus, Ioannes de Sacro bosco, & cæteri vt plurimum, hoc ordine Planetas disponunt, primo & infimo loco Lunam, secundo Mercurium, tertio Venerem, quarto Solem, quinto Martem, sexto Iouem, septimo Saturnum.

Aliqui demum, collocata priùs in primo & infimo loco Luna, ita disponunt Solem, Mercurium, & Venerem, quòd Mercurius & Venus modò sint suprà modò infra Solem, quia scilicet motum suum exerceant circa ipsum Solem tanquam circa centrum suum; & ideo dum voluuntur circa Solem, modò existant supra, modò infra illum. Sic affirmat Maritius Capella in lib. de Astronomia capite, *Quod Tellus non sit centrum omnibus Planetis*. Et Ioannes Antonius Maginus lib. suarum Theoricarum, in Epist. ad Lectorè, promittit aliam Theoricam in qua tali modo disponat Mercurium & Venerem circa Solem per quosdam Epicyclos.

Et insuper Tyco Brahe sæpè in suis operibus attestatur, se exquisitis obseruationibus cõnerisse, Martem quoque in aliqua parte sui circuitus velut descendere infra Solem, idest fieri inferiorem, & terris propinquiorẽ ipso Sole: Idquẽ etiam alij plures recentiores Astronomi comprobarunt.

Astra, In hac re certum in primis est, & alia sũt clarissimè exploratum, non in eodem plano manere omnia astra, præterea, & certim errantia cum fixis, & ipsa errantia inter se, sed verè alia esse, superiora, alia inferiora, certo quodam ordine collocata: vt ex dicendis erit manifestum.

Secundò. Certum quoque est, *Astra* omnia astra fixa in supremo manere, *fixa sũt* re loco super omnes Planetas. Illorum namque simplicior motus, & *erranti-* vniformitas aspectus pro cunctis *bis su-* periora: *periora:* cis; & veluti Eccliptis quem patiuntur ex suppositione planetarum, cū tamen nullus Planeta è contra abscondatur per vllam stellam fixam, apertè demonstrant supremum fixarum stellarum locum, vt ex dicendis clariùs apparebit. Neque sanè infra omnes Planetas, neque infra ipsos Planetas collocari debebant.

Tertiò. Loquendo de ipsis stellis *Astra* fixis, videntur omnes veluti in eodem plano manere, absque eo quòd *fixa in-* alia sint superiores alia inferiores. *ter se,* Cū enim omnes in eodem prorsus motu communicent, & singulae *incertũ* semper eundem aspectum seruent, *est si in* non alium inter se ostendunt ordinem. *eodem* *plano* *maneat.* Atamen in rigore non constat, verè omnes in eodem plano manere: sed vt rectè notauit Tyco lib. 1. cap. 7. pag. 470. benè intelligi potest, alias esse superiores alias inferiores, omnesquẽ semper inter se retinere eundem situm & ordinem: etiam inquam si sit vnum cælum in quo sint fixa ea omnia astra. Nam adhuc in eodem cælo potest esse tanta profunditas, vt quædam astra sint superiora quædam inferiora. Et fortassè aliqua stellæ ex ijs quæ nobis minores apparent, non sint in se minores, sed ob maiorem distantiam ita appareant. Hoc totum inquam incertum est, & nulla naturali via potest ab hominibus deprehendi.

Quartò. Loquendo iam de Planetis, certum etiã & satis ab Astronomis exploratum est, Lunam manere in infimo & terris proximo loco, Saturnum in supremo & proximè sub stellis fixis, ac immediatè sub Saturno Iouẽ, et sub Ioue Martem, atque adeo tres hos Planetas esse superiores alijs, etiam scilicet Ma-

Astrorũ
errantiũ
sine Pla-
netarũ
ordo sta-
tuuntur.

Martem, saltem per maximam partem sui circuitus: et ita Solem cum Venere et Mercurio manere inter Lunam et alios dictos tres Planetas. De Sole autem, Venere et Mercurio, verisimilius est, ita disponi, ut Mercurius et Venus circa ipsum Solem tanquam centrum suum proprios circuitus agant, et ita modò sint illo inferiores modò superiores. Recipiendò etià observationes Tyconis, admittendum est, Martem in aliqua parte sui circuitus esse Sole inferiore, siue terris propinquior, et consequenter etiam Mercurio et Venere pro quâto existunt supra Solem.

Colligitur ex Ecclipsi.

Pro huius ordinis confirmatione, ex iuribus capitibus colligi potest, quæ nam astra sint superiora vel interiora. Primû est ex Ecclipsi, siue occultatione qua vnum astrum abscondit aliud: illud enim astrum quod absconditur est sine dubio superius, et illud quod abscondit est inferius, quia nempe astrum inferius interponit se directè inter nostrum aspectum et aliud astrum superius. Hoc pacto omnibus manifestum est, solere nobis sæpè solem abscondi et eclipsari per interpositionem Lunæ: et sic etiam per ipsam Lunam interdum absconduntur alia astra sub quæ Luna transit, et specialiter omnes Planetæ. Eclipsatur quidem etiam ipsa Luna, nunquam tamen per interpositionem vllius astri inter nos et Lunam, sed per interpositionem terræ inter Lunam et Solem.

Inter alios Planetas non tam perspicuè occurrit hæc observatio, ob eorum apparentem paruitatem. Attamen narratur quandoque vitam fuisse, tempore quo incidebat coniunctio Mercurij cum Sole quandâ veluti maculam nigram in corpore Solis, nempe per interpositionem ipsius Mercurij sub Sole. Et Auzerr.

in paraph. Ptolem. testatur se vidisse. Ac nuper hæc narrationem comprobavit Keplerus in peculiari discursu de hac re, qui habetur post Disfertat. eius cum Nuncio sydereo.

Confirmatur insuper hic ordo inter Lunam & Solem: quia sensibilibiter Luna in suo lumine crescit dum recedit à Sole, & decrescit dum accedit ad Solem: at si Luna esset superior ipso Sole, semper appareret tota illuminata, & nullatenus hanc variationem subiret. Sed hinc è contra Veteres confirmabant, Venerè & Mercurium esse simpliciter Sole superiores, quia non patiuntur incrementum et decrementum luminis, sed ita se habent, sicut alia astra quæ indubitanter sunt Sole superiora. At ex aduerso nuper mediante Telescopio compertum est, accidere similem variationem in Venere, quam omnes simplici intuitu videmus in Luna: quamvis ob apparentem paruitatem ipsius Veneris et multò magis Mercurij non possit simplici intuitu deprehendi. Vnde ex hac observatione potius confirmatur hos Planetas etiam Sole inferiores, saltem pro aliqua parte sui circuitus. Attamen, si hæc observatio non recipiatur, censendum potius esset, Venerè et Mercurium ex se ipsis lucere, et nequaquam illuminari à Sole ad instar Lunæ. Quia pro alia parte facit, quòd cum consistet magnam intercedere distantiam inter spheram Solis et Lunæ, nempe iuxta Ptolemeum saltem per mille et sex semidiametros terræ; non est credibile tantam distantiam inutiliter sine alijs Planetis intercedere. Sed omnino vel penitus mediant Venus et Mercurius, ita ut sint simpliciter inferiores ipso Sole: vel ita circumstant Soli, ut saltem medius eorum circuitus perficiatur sub Sole.

Secundùm caput ex quo colligitur

*Colligi-
tur ex
motu.*

tur ordo Planetarum, est eorum motus. Cùm enim supponantur in primis omnia astra communi reuolutione moueri ab Oriente in Occidentem, et simul Planetæ proprio quodam singuli motu ferri è contra ab Occidente in Orientem, ille Planeta censendus erit superior qui tardiùs mouetur motu proprio ab occasu in ortum, et velociùs motu communi ab ortu in occasum; et è contra ille inferior, qui velociùs fertur ab occasu in ortum, & tardiùs ab ortu in occasum. Quo enim Planeta est superior, eo est propinquior primo mobili, & ideo velociùs ab illo rapitur motu communi, & tardiùs finitur ferri motu proprio. Et è contra quo est inferior, & à primo mobili remotior, eo tardiùs mouebitur motu communi, & velociùs motu proprio. Hoc supposito, Saturnus habet tardissimum inter omnes Planetas motum proprium; perficit enim suum circumspatio ferè triginta annorum. Postea Iuppiter spatio ferè duodecim annorum. Postea Mars spatio ferè duorum annorum. Postea Sol spatio vnus anni. Tandem Luna habet velocissimum motum proprium, vtpotè spatio ferè vnus mensis.

Venus autem & Mercurius huiusmodi circulationem perficiunt eodem tempore cum Sole: & ideo tam dubius redditus est ordo horum trium Planetarum. Attamen, quia motus peculiaris & à Sole distinctus qui in his duobus Planetis cernitur, alius non est, nisi quia pro aliquo spatio, modò præcedunt, modò sequuntur Solem, nec longè ab illo digrediuntur; verisimile satis efficitur, illos perficere breues quosdam circulos circa ipsum Solè, & ita modò esse inferiores modò superiores, prout scilicet mouentur in parte superiori vel inferiori sui

circuitus. Et quia rursus breuiorem circuitum efficit Mercurius, minusquè à Sole recedit quàm Venus: Mercurij enim digressio à Sole non attingit triginta gradus, & Veneris quinquaginta: hinc planè efficitur vt propinquior sit Soli Mercurius, & circa Mercuriū voluatur Venus.

Tertium & præcipuum caput quo statuatur ordo stellarum, sumitur ex ipso nostro aspectu. Licet enim non possimus simplici intuitu discernere, quæ stella sit superior aut inferior: tamen certis quibusdam regulis & obseruationibus potest id euidenter demonstrari, præsertim adhibendo quædam astronomica instrumenta: sicut, & alia plurima, quæ certè non possunt simplici intuitu dignosci, tamen ope suorum organorum ab Astronomis de corporibus cælestibus demonstrantur. Et quidem dupliciter potest & solet huius rei experimentum desumi.

Vno modo debet inspicere astrum ex eodem terræ loco, in duplici tamen cæli situ, videlicet in Orizonte seu prope illud quando astrum oritur vel occidit, & in medio cæli quando ad circulum verticalem & meridianum accedit. Deinde debet conferri astrum quod inspicitur ad certum superiorem locum sub quo apparet, videlicet ad certum punctum supremi cæli siue vt dici solet primi mobilis: & faciliùs ac manifestiùs debet conferri Planeta cum certis stellis fixis prope quas apparet. Tunc si astrum sit nobis propinquum, apparebit in diuersis cæli locis, siue sub diuersis supremi cæli punctis, siue clariùs cum diuersa habitudine ad certas stellas fixas, quando conspicitur in orizonte & quando in medio cæli siue in vertice: et hæc diuersitas aspectus vocatu græco nomine parallaxis. Si verò astrum sit nimis à nobis remotum, apparebit semper in eodem puncto, et cum

*Colligi-
tur ex
diuersi-
tate a-
spectus
quæ di-
citur
Paral-
laxis.*

*Primus
modus
explo-
randi
locum
astrorū
ex pa-
ralla-
xi.*

eodem aspectu ac respectu, nullam exhibens parallaxim. Et rursus, quanto magis vel minus nobis propinquum fuerit, eo maiorem vel minorem exhibet parallaxim.

*Ratio
huius
obser-
uatio-
nis.*

Causa autem huius rei est moles terrestris globi, & distantia huius superficiiei in qua nos degimus à centro ipsius terræ: ita quod si quis in terræ centro maneret, semper in eodem aspectu cerneret quodcumque astrum, siue in horizonte siue in vertice. Consideratur enim quædam linea incipiens à centro terræ, & transiens per centrum astri, & pertingens ad certum punctum cæli supremi: consideratur etiam linea incipiens ab oculo vidente astrum, & similiter transiens per centrum astri, & pertingens ad certum punctum cæli supremi: primumque illud punctum vocatur locus verus astri, aliud secundum punctum vocatur locus visus & apparens astri. Si ergo oculus maneret in centro terræ, eadem semper esset linea ducta ab oculo atque ab ipso centro, ac proinde semper esset vnus & idem locus verus ac visus astri. Manentibus autem nobis in hac extrema superficie terræ, quando astrum quidem est in circulo verticali vel propè illum, adhuc eadem vel fere eadem est linea incipiens à centro terræ atque ab oculo: vnde etiam idem vel ferè idem est locus visus ac verus astri. Dum verò astrum manet in horizonte, planè distant per totam terræ semidiametrum, linea quæ ducitur ab oculo, & linea quæ ducitur à centro terræ: & ambæ quidem transeunt per centrum astri, sed ibi se secant, ac deinceps diuertuntur, ac terminantur tandem ad diuersa ac distantia puncta cæli supremi: sicque discrepat locus visus à loco vero astri, fitque hoc modo parallaxis. Itaque non conspicitur astrum sub eodem puncto sub quo verè est, & in quo

conspicitur quando est in vertice, sed sub alio diuerso: vnde etiam conspicitur cum diuersa habitudine ad stellas fixas, idest magis propinquum vel distans à certa aliqua stella. Quanto autem tale astrum est nobis propinquius, atque adeo à stellis fixis remotius, eò maiorem efficit parallaxim: quia plus recedunt ab se inuicem duæ illæ lineæ transeunt per centrum astri, & erit magis distans locus visus à loco vero astri: lineæ enim facientes angulum, quod longius protrahuntur, eò magis distant. Et rursus, ob nimiam distantiam terræ ab ipsis stellis fixis, dicitur terra se habere ad instar puncti respectu eius cæli stellati, idest non præferens sentibilem magnitudinem ac diuersitatem respectu illius: vnde moles terrestris globi nullam potest inferre parallaxim in ipsis stellis fixis: at respectu inferiorum Planetarum verè præferet sentibilem magnitudinem, eoque maiorem respectu singulorum quo sunt terræ propinquiores.

Praxis quædam huius obseruationis poterit facilè à quolibet exerceri absque alio astronomico instrumento per solum simplex filum, modo etiam ab ipsis Astronomis vsitatū. Notati debet prope Planetam vnā vel duplex stella fixa quæ videatur cum illo veluti in recta linea ad horizontem disponi. Debet quis tale filum directè ante oculos sibi protendere, & per illud aspicere Planetam & stellam dictam, in duplici illo situ, nempe prope horizontem & in altiori situ prope verticem. Tunc ratione parallaxis, si circa verticem Planeta apparet in eadem recta linea dicti fili, non ita apparebit in horizonte, sed apparebit aliquantò infra, ita vt altior videatur ab horizonte stella illa fixa quam Planeta. Quia nimirum linea ducta ab oculo per centrum Planetæ, vt pote ducta à

*Praxis
quædam
huius
obserua-
tionis.*

superiori hac superficie terræ terminabitur ad punctum quoddam interioris cæli supremi ab illo puncto in quod terminatur linea ducta à centro terræ per centrum eiusdem Planetæ, & sic locus visus fit inferior & depressior loco vero. Et ita ratione maioris & maioris parallaxis videbitur Planeta magis ac magis deprimi infra illam rectam fili lineam. Multò tamen subtilius & exactius hæc res exploratur per varia astronomica instrumenta.

*Exempla
huius
observa-
tionis.*

Huius rei exemplum in rebus visibilibus nobis familiaribus potest ab omnibus animaduerti. Si quis in plano existens cōspiciat aliquod obiectum appensum in spatio intermedio inter se & domum quandam remotiorem, notetq; certam domus partem cui illud obiectum per rectam lineam correspondeat; si postea is ascendat in locum altiore, statim intuebitur illud obiectum veluti depressum infra partem illam antea notatam. Sic ergo nos existentes in hac terræ superficie conspiciamus Planetam in horizonte infra illam stellam cæli remotioris, cum qua in recta linea positum videremus si essemus in centro terræ, & cum qua de facto videbimus dum Planeta fuerit in vertice, vbi coincidit linea loci visi ac veri.

*Cautela
huius
observa-
tionis.*

Adhuc tamen magna cautela circa ipsa astra opus est, quia oportet computare motum proprium quem interim conficit Planeta, dum ascendit ab horizonte ad verticem, siue descendit à vertice in horizontem, & oportet detrahere illam varietatem loci & aspectus ex hoc motu provenientem. Item oportet considerare aliam varietatem quæ fit per refractionem dum Planeta est in horizonte. Nam ob maiorem crassitiem mediij utpote aeris vaporosi per totum terræ tractum, obiectum visibile eleuatur aliquantum, & apparet

altius quàm conspiceretur sine refractione: vt compertum est in ijs obiectis quæ per aquam intermediam intuemur. Sic ergo potest per motum vel refractionem augeri aut minui illa varietas aspectus quæ per solam dictam parallaxim obseruanda erat. Debent ergo ad exactam parallaxis acceptionem hæc omnia cautè pensari, & debet æstimari quæ & quanta varietas aspectus oriaturs vel ex motu obiecti vel ex refractione: & illa sola variatio quæ remanet, vel quæ cogitatur quòd remaneret, dempta alia variatione proveniente ex motu vel refractione, constituet parallaxim vtilem ad præsens propositum.

Alio deinde modo sumitur huius rei experimentum, si duo homines *Alius
modus
rem ex-
plorandi.* è diuersis terræ locis inspiciant eodem tempore astrum, obseruent sub quo superioris cæli puncto, siue quantum prope certas aliquas stellas fixas appareat. Nam si astrum sit notabiliter infra stellas fixas apparebit sub diuersis punctis, & cum diuersa habitudine ad stellas fixas propinquas. Vtique enim ad diuersa superioris cæli puncta tendent lineæ ductæ à diuersis terræ locis & transeuntes per centrum eiusdem astri: & sic sub ijs diuersis punctis apparebit astrum è diuersis locis conspectum. Ac similiter ex maiori propinquitate astri ad nos & distantia à superiori cælo, maior semper aspectus diuersitas resultabit. Et huius quoque rei exempla, notissima ac familiarissima sunt in obiectis visibilibus apud nos existentibus, vt quilibet ex se intra suam aulam obseruare potest, conspiciendo ex vno & ex alio latere obiectum in medio existens, & conferendo ad partes alterius parietis è regione existentis. Notant autem Astronomi, & præsertim Tyco Brahe lib. 1. cap. 6, minùs certum ac

ritum esse hunc secundum modum: quoniam ex varietate instrumentorum, ex diversitate climatis & aeris, ex successione temporis, alijsq; circumstantijs, facilius potest in hoc secundo modo aliquis error irrepere.

Concluditur & firmatur Planetarum ordo.

His præsuppositis, Hac via ex ratione aspectus exploratus est ordo Planetarum inter se, & quis magis vel minus distet à terra. Comperit enim in primis est, Lunam subire maximam parallaxim & diversitatem aspectus præ omnibus alijs Planetis, Solent verò Venerem & Mercurium minorem: inter hos autem tres rem esse ambiguum vel variam. In alijs tribus nullam ferè sensibilem parallaxim priores Astronomi inuenerunt. Attamen Tycho excellentioribus & grandioribus utens instrumentis, in quibus satis distinctè non solum gradus sed etià in singulis gradibus sua minuta signata erant, determinavit in singulis ijs Planetis suam parallaxim: & in Saturno inuenit minimam, nempe circa tertiam partem unius minuti.

Sic etiam observavit Tycho, Martem in aliqua parte sui circuitus, nempe quando terris maximè appropinquat, subire maiorem parallaxim ipsò Sole: unde intulit, tunc plus ad terram accedere infra Solem. Et insuper mensurando & comparando magnitudinem apparentem Martis, quando maximè distat, & quando maximè appropinquat terræ; hoc alio etiam medio deprehendit, tantam esse hanc differentiam: & tantum esse accessum eius ad terram, ut nobis ipso Sole propinquior efficiatur.

SECTIO QUARTA.

Vitam præter Cælum sydereum in quo sunt Astra, sint & alij superiores Cali.

Cum pro certo & citra omnem dubitationem supponamus, extare cælum in quo existant astra, ut ab initio dicebamus: sub inquisitionem tamen cadit, num ultra ipsum cælum sydereum seu astriferum existant quoque alij cæli, qui scilicet non sint præditi astris nobis conspicuis: existant inquam super omnia astra: alioqui intra, faciliè constat, non extare aliud cælum, nisi pro quanto nomine cali intelligitur aer, quod dicitur cælum aereum, de quo nunc agimus: Quamvis. Fracast. in lib. Homocentr. alium orbem sub Luna posuerit iuxta suam structuram cælorum, quam postea reteremus. Et Cornelius Gemm. lib. 1. de Divinis Nat. Characterism. cap. 6. cogitavit sub Luna aliud cælum, in quo sit lactea via. Sed tamen hæc verè est supra omnes Planetas, ut ostendimus q. 34. sect. 10.

Aristoteles cum Platone & alij antiquiores Sapientes, ac etiam postea usque ad tempora Ptolomæi, non aliud cælum assignarunt vel agnouerunt ultra cælum sydereum. Sed putarunt, cælum stellarum fixarum esse simpliciter supremum, quod dicebant primum mobile, cui tribuerunt motum diurnum qui perficitur spatio vigintiquatuor horarum per singulas integras revolutiones: ab Oriente in Occidentem, quo etiam dicebāt rapi inferiores sphaeras repletæ Planetarum, quibus tamen præter hunc motum ijs omnibus communem, tribuebant alium motum singulis proprium, quo inæquali inter se tempore reuoluantur & contra

Arist. et alij Veneres non agnouerunt aliud cælum ultra stellatum.

tra ob Occidente in Orientem.

Ptole- Deinde Ptolemæus, insignis *A-*
maus & Astronomus, qui floruit secundo sæ-
*aliq ad-*culo post Christum natum, alijque
diderunt posteriores eiusdem artis protello-
*aliud cæ-*res, videntes, ipsam etiam spheram
lū quod stellarum fixarum habere quendam
dicetur alium motum proprium, similiter
primum ab Occidente in Orientem ad instar
mobile. Planetarum, tardissimum tamen, &

ideo non nisi post longiora tempo-
ra animaduersum: vni integræ illius
reuolutioni tribuentes spatium tri-
ginta sex millia aut amplius quadra-
ginta nouem millia annorum. Hinc,
quia vni simplici corpori cælesti nō
potest per se nisi vnus simplex mo-
tus conuenire: ideo supra ipsum cæ-
lum stellatum, & supra omne cælum
sydereum, posuerunt aliud primum
cælum, quod dixerunt primum mo-
bile, rapiens secum motu diurno,
cælum stellarum fixarum simul cum
alijs inferioribus cælis: & ita alium
illum motum tardissimum tribuerūt
ipsi cælo stellarum fixarum. Præte-
rea Albertus magnus lib. 2. Cæli
tract. 3. cap. 11. addit aliud cælum
inter primum mobile, & stellas fi-
xas: volens ab alio cælo comuni-
cari inferioribus Planetis ipsum mo-
tum ab Occidente in Orientem.

Alphō- Rursus longo tempore post Pto-
sus & lemeum, Thebit, & Alphonsus Rex,
aliq ad-& alij Astronomi, obseruauerūt aliam
diderunt motus varietatē in stellis fixis; quod
aliud q nempe pro aliquo tempore videbā-
dicetur tur accedere ad vnum polum, & po-
*Chry-*tea ad alium; item aliquando tar-
stallinū. dius aliquando velocius ferri vide-
bantur motuiam dicto ab Occiden-
te in Orientem: vnde excogitarunt
aliū quendam motum quem dixe-
runt trepidationis, siue accessus &
recessus: & propter hunc motum
addiderunt aliud cælum inter pri-
mum mobile & stellas fixas, ex eo-
dem principio quod non potest per
se vni cælo nisi vnus simplex motus

conuenire, et solū per raptum al-
terius cæli potest illi alius motus cō-
municari. Hoc aliud cælum pro-
prio nomine appellatum est Cry-
stallinum, eo quod sit totum transpa-
rens nullis præditum astris. Sed præ-
terea aliqui, motum dictum trepi-
dationis, per duos distinctos cælos
perfici debere dixerunt. Ita consti-
tuit Ioannes Antonius Maginus in
suis Theoricis Planetarum lib. 1.
cap. 2. et 3. qui absolute quoad hoc
duos etiam motus distinguunt, et mo-
tum vnius cæli proximē sub primo
mobili, appellat primam libratio-
nem, motum alterius secundam li-
brationem: et ita facit duos cælos
crystallinos infra primum mobile.
Cætetū aliqui addiderunt, in ijs
superioribus cælis esse etiam sua
astra, imō plura et maiora quā in
inferioribus cælis: sed propter ni-
miam distantia nobis non apparere.

Demum præter omnes cælos, vel
habentes astra, vel ordinatos ad mo-
tus astrorum, nostri Theologi, ac
Scripturæ sacræ expositores, consti-
tuunt aliud sublimius cælum, quod
sit Beatorum sedes iuxta doctrinam
fidei: quod communiter appellatur
Empireum, quasi igneum, non quod
putent illud esse naturæ igneæ, sed
ob maximam lucem illi toti insitam:
vel quia sicut ignis supereminet om-
nibus alijs corporibus subcælesti-
bus, ita Empireum omnibus cælesti-
bus. Attamen Caietanus in Epist. 2.
ad Corinth. cap. 12. negare videtur
cælum Empireum distinctū ab alijs,
putans, ipsum primum mobile quod
à Philosophis constituitur, esse etiam
cælestem patriam Beatorum. Et
eandem sententiam Eugubino tri-
buit Daniel Malonius in 2. d. 2. disp.
7. vt illum excuset à grauiori & in-
tolerabili errore, quo videbatur cæ-
lum Empireum fecisse æternū &
improductū, vt memorauimus q.
precedenti sect. 7. Si enim Eugub.

Theolo-
gi Em-
pireum.

voluit, non aliud esse cælum Empi-
reum nisi essentialem claritatem di-
uinæ naturæ, negavit simpliciter hoc
cælum quod propriè corporeum de-
bet intelligi.

*Nō oportet ad-
dere alios ca-
elos mo-
biles su-
pra cæ-
lum sy-
dereum.* Pro resolutione Dico primò. Nō
esse necessarium ponere alios cælos
mobiles supra stellas fixas. Con-
sentit in hac assertione Ruuius 2. cæ-
li cap. 5. q. 2. Sed præcipuè fundatur
in hoc quòd negat duos illos motus
præter motum diurnum in stellis fi-
xis ab Astronomis cogitados. Sed
certè satis compertum & explora-
tum est, verè dari variationem illam
motus in stellis fixis ab Astronomis
obseruatam quæ nullatenus potest
in dubium reuocari. Cōsentit etiam
Cæsar Cremoninus lib. de Motu cæ-
li sect. 2. cap. 13. Probat: quia cæli
superiores supra octauum, esse de-
berent illo densiores, cum illud ra-
pian: atque sic deberent esse etiam
per totum lucidiores, sicut sunt ipsa
astra octauæ spheræ. Sed certè fa-
tis esset, cælos superiores esse æquè
densos cum reliquis cælis inferiori-
bus, atquè adeo non deberent esse
magis lucidi quàm ipsi alij cæli.

Vera ergo ratione probatur con-
clusio: quia nullum aliud indicium
affertur de his cælis, nisi variatio il-
la motus quæ obseruata est in ipsis
stellis fixis: sed hæc tota variatio
saluari potest optimè, dicendo, stel-
las ipsas fixas, siue cælum ipsum stel-
latum, per se primariò moueri cum
tali inflexione & modificatione mo-
tus, vt totam illam varietatē subeat:
ergo nulla est necessitas, vt alij su-
periores cæli ponantur. Explicatur
& confirmatur magis: reuera de fa-
cto motus stellarum fixarum ita
exercetur, quòd non sint realiter
plures motus distincti in eodem
subiecto: sed quia vnus simplex mo-
tus exercetur cum certa quadam
mensura & inflexione: & ideo so-
lùm dicuntur plures motus, quia

consentur esse plures causa mouen-
tes veluti in diuerfas partes. At cer-
tè necessarium non est, vt motus il-
le à pluribus causis proueniat, sed
optimè intelligi potest cælum ipsum
stellatum per se primò à proprio
suo motore, nempe à sua propria
intelligentia, ita circumuolui, sicut
apparet ipse motus stellarum fixa-
rum. Non ergo oportet, alios su-
periores addere cælos. Imò etiam
de facto, ij ipsi qui tot cælos multi-
plican, quasi ob plures motus; ta-
teri debent, octauam spheram reci-
pere simul immediatè plures motus
à sphaera nona sibi proxima: Nam
etiam motum diurnum debet reci-
pere immediatè ab ipsa nona sphe-
ra, & mediatè à primo mobili: ergo
sic faciliùs debet intelligi, octa-
uam spheram immediatè recipere
omnem suum motum ab intelligen-
tia motrice absque alijs superiori-
bus cælis mobilibus.

Accedit, quòd censendum non
est, Arist. & alios Sapientes ante
Ptolemæum, non agnouisse varia-
tionem illam motus in stellis fixis,
& ideo non posuisse aliud superius
cælum. Quinimò etiam si illam va-
riationem agnouerint, viderunt po-
tius non esse necessarium aliud su-
perius cælum. Atque specialiter Arist.
in lib. de Causis proprietatum Ele-
mentorum cap. 1. post medium ex-
pressè meminit in stellis fixis, tam
eius motus qui dicitur accelsus &
recessus, quàm alterius tardissimi
quo dicuntur stellæ fixæ procedere
centum annis gradu vno, ac inte-
gram reuolutionem perficere per
triginta sex annorum millia. Quòd
si is liber non verè Arist. esse dica-
tur: Saltem est alicuius valde anti-
qui auctoris. Et, quod maius ac-
certius est, etiam Hipparchus qui vi-
xit ante Ptolemæum, & ante etiam
Christum, imò & ante Hipparchum
Timocharis qui vixit plusquam tre-
cen-

centis annis ante Christum, obseruauerunt dictum motum proprium in stellis fixis. Insuper illi omnes qui volunt stellas omnes per se moueri tanquam aues in aere, vtiq; singulis stellis primario tribuunt totum suum motum, cum omni variatione & modificatione quæ in illo apparet, absque alio raptu vilius superioris cæli. Igitur tota obseruata variatio motus, non cogit ponere alios cælos mobiles supra omnes stellas. Permittendum autem est Astronomis, vt propter suas computationes faciendas immaginentur, veluti plures cælos motusq; distinctos, singulis motibus certam temporis periodum tribuentes. At philosophicè loquendo, nec possunt distingui plures motus, nec debent distingui plures illi cæli supra stellas.

*Debet
omnino
constitui
cælum
empireum*

Dico secundò. Præter omne cælum sydereum & mobile, supraquæ omnes stellas, debet omnino constitui aliud cælum quod dicitur Empireum, estque sedes propria Beatorum: Quod potius ex doctrina fidei quàm naturali ratione cognoscitur. Hoc cælum communiter à Theologis constituitur, Magistro in 2. dist. 2. S. Th. 1. par. quæst. 66. art. 3. & quæst. 68. art. 1. ad primum. alijsq; circa eadem loca: item ab Expositoribus sacre Scripturæ circa initium Genes. & præsertim Beda in Exameron. Strab. in Glosa ordinaria: insuper Vgone in Summa sententiarum tract. 2. cap. 1. indicatur etiam à Basilio hom. 2. Exameron. Theodoretò quæst. 11. in Genes. alijsq; Patribus: imò Anacletus Papa Epistola 2. decretali in fine, sub ipso nomine Empirei, huius cæli meminit.

Probatur assertio ex sacra Scriptura in qua passim pro Beatorum sede cælestis patria nominatur: dubium ergo non est, Beatos debere manere in Cælo: sed non est credi-

bile, Beatos debere manere in illo Cælo quod continuè circumuoluitur: vel enim ipsi Beati simul cum toto cælo semper pariter raperentur: vel ipsis stantibus, semper de sub eorum pedibus cælum effugeret. Igitur debet omnino aliud cælum firmum & immobile pro Beatorum patria deputari. Item, omne cælum sydereum & mobile, per se primò institutum est propter mundum hunc inferiorè, & propter homines dum in terris temporalem vitam agunt: ergo omnino debebat aliud cælum longè sublimius & præstantius per se primò propter Beatorum habitationem constitui & deputari. Atque hoc fateri debent etiam illi qui volunt cælum sydereum esse totum fluidum ad instar aeris, & per se non moueri sed tantum astra in illo: adhuc enim præter & supra huiusmodi cælum sydereum, debent concedere aliud cælum Empireum.

Conantur etiam aliqui, hanc veritatem naturali ratione probare: præsertim Aliacensis in cap. 1. spheræ q. 3. Imò Picus Mirandulan. in Heptaplo testatur, cælum Empireum, notum fuisse etiam Hebræis, & quibusdam Philosophis ac Mathematicis, & in specie refert quendam Abraham Astrologum, et Isaac Philosophum. Probari autem potest. Tum quia primum mobile mouetur in loco: ergo debet esse in loco. Tum etiam quia, vnum quoddam vniuersi extremum est terra, quæ in imo iacet immobilis: & sic aliud extremum esse debet quoddam supremum cælum immobile. Tum etiam quidam cælestes influxus exerceri videntur semper in vna certa terræ regione & non in alijs, & diuersi in varijs terræ regionibus: ergo hi influxus debebunt attribui cuidam cælo immobili, qui semper per easdem suas partes respicit easdem terræ regiones.

*Licet
ratione
naturalis
non constet.*

Verùm, hæc nõ persuadent. Nam utique non apparet talis necessitas, vel conuenientia naturalis, vt primum mobile debeat esse in loco reali physico, sed ad motum sufficit esse in spatio, & utique posset quoque cælum ipsum Empireum moueri. Item non apparet necessarium, vt si medium vniuersi est immobile, etiam summitas sit immobilis. Item, nec etiam de facto debet vllus influxus tribui cælo Empireo, sed aliunde potius prouenit illa diuersitas & determinatio quorũdam effectuum in certis terræ regionibus, vt postea circa cælestes operationes videbimus. Itaque nulla ratio naturalis est per quam probetur, vel ob quam constitui debuerit cælum Empireum: sed solum ex doctrina fidei credi debet: & solum propter Beatorum habitationẽ fuit à Deo constitutum.

Cæterum. Cælum Empireum, licet singulari nomine appellatum, distingui adhuc poterit in plures veluti Cælos: & sic determinandum erit, an sit solidum vel fluidũ. Communiter supponere videntur, esse solidum: & sic præsertim defendit Suarez lib. 1. de opere sex dierum cap. 5. contendens, nec esse vtile, nec possibile fluidum, supposita eius incorruptibilitate & perfectione. Ex aduerso Daniel Malonius in 2. d. 2. disp. 7. sect. 5. opinatur, Cælum Empireum potius esse fluidum, vt inferuire possit corporibus beatis ad motum & vocem. Verùm, nec videtur sufficere solum solidum, nec solum fluidum. Nam si sit solum solidum, aut Beati manebunt supra illud in vacuo & inani, aut penetrati in profunditate ipsius celi: & neutrum videtur satis commodum: ac saltem ad formandam & emittendam connaturaliter vocem requiritur corpus fluidum, non solum in pectore contentum, sed etiam extra

fusum. Et præterea si Beati manent supra cælum, non possent ab vno ad alium transmitti species intentionales, nec illa regio esset lucida. Si verò cælum Empireum esset solum fluidum, sic Beati pedibus insisteret supra cælum mobile, quod reputauimus inconueniens. Itaque, multò commodius erit dicere, dari cælum Empireum solidum, supra quod Beati pedibus insistant, dari etiam fluidum in illo spatio in quo Beati inhabitant. Neque sanè hæc fluiditas repugnaret incorruptibilitati et perfectioni illius cælestis corporis. Cogitari insuper poterit cælum rursus solidum supra dictum, fluidum, quasi tectum cælestis illius domicilij. Ac demum ex infima parte cæli Empirei qua contingit proximum cælum mobile, addi poterit velut opaca cortina ad occultandum nobis superioris illius cæli ingentem splendorem, vt ad vltimam obiectionem dicemus.

Obijcies primò ad probandum reperiri alios illos cælos supra cælum sydereum, ex sacra Script. Tum quia initio Genetis dicitur factum firmamentum diuidens aquas superiores & inferiores: nomine autem firmamenti intelligitur cælum stellatum: & per aquas superiores debet intelligi cælum crystallinum, quod dicitur etiam glaciale & similiter primũ mobile quod caret stellis: & ita quidem plerique sacri Expositores intelligunt. Nec potest intelligi solum cælum Empireum, quia hoc factum erat antea, dum in principio creauit Deus cælum & terram. Tum etiam Apostolus 2. Cor. 12. testatur, se aliquando raptum fuisse in Paradisum, & ait se raptum fuisse vsque ad tertium cælum: vnde per tertium cælum videtur intellexisse Empireum: primum autem cælum debet intelligi omne cælum sydereum & mobile: secundum

Ex Script. non colligitur alij cæli mobiles supra sydereũ.

verò cælum, erit omne cælum carens astris sed mobile: ut ita Empireum sit tertium cælum.

Respondetur. Non debere nomine illarum aquarum initio Genes. intelligi veros cælos supra cælum stellatum, neque nomine firmamenti solum cælum stellatum. Sed illum locum aliter exponemus q. sequenti sect. 1. Deinde fatebimur libenter, per tertium cælum apud Apostolum intelligi Empireum: neque enim rectè cogitari potest quo alio sensu ibi nominetur tertium cælum. Sed tamen primum cælum debet intelligi cælum æthereum, prout sæpè in Script. aer vocatur cælum: secundum erit cælum sydereum: tertium verò cælum Empireum.

*Nec ex
motu
stellarū
fixarū.*

Obijcies secundò fundamentum desumptum ex ratione qua excogitati sunt illi superiores cæli. Vni simplici corpori, & præsertim vni cælo, debet vnus tantum simplex motus per se conuenire: sed vnus simplex motus in latione circulari intelligitur, quo idem corpus ab eodem puncto redit ad idem punctum: non est autem hic vnus simplex motus stellarum fixarum, sed hac ratione tres ad minus motus debent in illis distingui: ergo non potest totus siue omnis earum motus, per se primariò illis attribui, sed erunt necessarij alij superiores cæli, ita ut vnus motus illi per se conueniat, & alij per raptum superiorum cælorum.

Respondetur. Ne de nomine vnus motus simplicis contendamus, negandum est, solum illum vnum motum simplicem posse per se vni cælesti corpori conuenire, quo ab eodem puncto redeat ad idem punctum: & asserendum est, adæquate totum illum motum, cum omni varietate qua de facto stellæ mouentur, optimè posse illis ab vna

sola causa proximè illarum motrice prouenire: eo magis quòd supponimus, motum non inesse cælis ab intrinseco ex propria natura, sed potius ab intelligentia assistente: perinde autem facile est, cælum stellatum ab eadem sua intelligentia proximè recipere totum suum motum, ac per varias causas, aliorumque cælorum raptum, in illo suo motu determinari.

Obijcies tertio. De facto inferiores Planetæ dicuntur vna ratione *Nec ex motu* moueri ab oriente in occidentem *Planetarum.* per raptum superioris cæli nempe primi mobilis, & alia ratione moueri ab occidente in orientem motu proprio: ergo cum deinde exploratum est, ipsas quoque stellas fixas habere quendam suum motum ab occidente in orientem, dici debent rapi virtute alterius superioris cæli motu illo communi ab oriente ad occidentem. Et alioqui etiam singuli Planetæ per se dici debuissent perficere certum quendam suum motum cum omni varietate in illo apparente, & ita non rapi ab alio superiori cælo.

Respondetur. In primis nec etià in Planetis esse distinguendos plures cælos totales, qui vna ratione rapi dicantur à superiori cælo, & alia ratione per se moueri, ut postea tractabimus. Deinde, etiam admissa hac doctrina in Planetis, non propterea debebat etià distingui aliud cælum mobile supra stellas fixas: quia cum iam prius constet dari cælum stellatum, conuenienter dici potuit, per raptum ipsius cæli ferri interiores quoque Planetas quatenus in eodem motu communicant: at non propterea debuit per se aliud superius cælum cogitari præcise propter motum interiorum cælorum. Demum in Planetis ita designari solent duo motus, vnus communis ab oriente ad occidentem, alius proprius

prius in oppositum: quod in cælo ipsius Planetæ distinguuntur plures orbes cum quadam structura & inæqualitate partium, ut postea videbimus: & motus planetæ proprius ab occasu in ortum tribuitur soli cuidam orbi medio deferenti Planetam, unde diuersus simpliciter est motus quem perficit orbis deferens planetam, & quem perficit cælum Planetæ quoad alios orbes: & motus horum orbium idem est cum motu ipsius cæli stellati. Hac ergo peculiari ratione rectè dici potuerunt Planetarum cæli vna ratione, rapi à supremo cælo seu primo mobili, & alia ratione orbes deferentes Planetas per se moueri motu proprio intra proprios cælos: quæ ratio nullatenus procedebat in ipso cælo stellato.

Nec ex Obijcies quartò. Cælum stellatum dicitur habere proprium motum tardissimum ab occidente in orientem iuxta successionem signorum Zodiaci, videlicet à signo Arietis ad signum Tauri, & sic deinceps: ergo oportet aliud cælum superius cogitare in quo designetur Zodiacus inuariabiliter se habens. Insuper, quando de facto dicitur Sol aliussuè Planeta esse in certo signo Zodiaci, verbi gratia Ariete, non intelligitur esse sub illo Asterismo cæli stellati qui dicitur Aries, sed potius sub signo Arietis superiori, à quo iam versus orientem recessit Aries cæli stellati, ita ut modò Aries stellarum existat ferè sub signo Tauri superioris Zodiaci: igitur oportet concedere aliud superius cælum in quo intelligantur hæc omnia signa.

Respondetur. Verum & inuariabilem Zodiacum ita intelligi, quod primum eius punctum sit illud in quo dum existit Sol tempore vernali, efficit diem nocti æqualem, & dicitur æquinoctium vernum: in-

dequè incipit primum signum Zodiaci quod dicitur Aries, & sic consequenti ordine versus orientem alia numerantur. Hac itaque ratione cælum stellatum dicitur tardissimè procedere iuxta successionem signorum ab occidente in orientem: quia verbi gratia prima Arietis stella recessit versus orientem ab illo puncto in quo Sol efficit æquinoctium. Et similiter Sol aliussuè Planeta dicitur esse in vero Ariete, idest in signo ubi sit æquinoctium à quo recessit Aries stellarum. Propter hoc autem nullatenus oportet constituere aliud superius cælum: sed satis est si hæc puncta & signa imaginatione cogitentur. Neque sanè ab ipsis Astronomis, aut Philosophis, propter hanc rationem, constitutum fuit primum mobile distinctum à cælo stellato. Sed planè sine alio cælo hæc omnia saluari & verificari possunt.

Obijcies deinde quintò ad probandum non reperiri cælum Empyreum distinctum ab alijs cælis, fundamentum Caiet. quia tale cælum nusquam in Sacra Scriptura reperitur: & tamen præter totum cælum syderum nominantur quoque in Scriptura alij cæli qui à Philosophis ponuntur supra stellas, dum nempe nominantur aquæ supra firmamentum: cælum vero empireum non poterat constare nisi ex Scriptura.

Respondetur. Satiùs fortasse fecisset Caiet. si nomine aquarum intellexisset potius cælum quod sit sedes propria Beatorum, & ab alijs dictum est empireum. Rursus, Beda, Strabo, & quidam alij Expōitores sacri, intelligunt quando dictum est in principio creauit Deus cælum & terram, illud esse cælum empireum, & postea factum esse firmamentum idest cælum sydereum. Sed his omisiss, satis expretsum est cælum empireum in Scripturis, dum

*Cælum
empyreū
colligi-
tur ex
Script.*

Beatorum habitatio constituitur in cælis : non enim putandum est , intelligi in cælis mobilibus & ad vsum huius inferioris mundi deputatis : sed omnino in cælo quodam sublimiori & immobili .

Ex Damasceno.

Obijcies sextò. Damascenus lib. 2. Fidei c. 6. non videtur agnoscere aliud cælum supra cælum sydereum, nisi aliud cælum quod à Philosophis dicitur primum mobile, & ita illum intelligit D. Thom. par. 1. quæst. 68. art. 1. ad primum : ergo non debet constitui aliud cælum empireum.

Respondetur in primis, distinctionem cæli empirei ab alijs cælis non fuisse expressam ab antiquioribus Patribus, sed benè à Recentioribus, vt notavit D. Th. 1. par. quæst. 66. art. 3. Deinde Damascenus ibi constituit quoddam aliud cælum supra stellas, idque dicit esse tertium cælum ad quod raptus fuit Apostolus. Hoc autem debet intelligi potius de cælo empireo iuxta Scripturam, quàm de alio cælo mobili iuxta Philosophos.

Quare cælum empireum non videatur à nobis.

Obijcies septimò. Si cælum empireum daretur essetq; totum lucidum, vt dicitur, deberet hinc à terris conspici : sed non conspiciuntur : ergo non datur.

Respondetur. Vel sub cælo empireo reperiri partem quandam ita opacam vt impediatur transmissio lucis, vt indicavit Basiliius hom. 3. in Exameron; & quæ nec etiam per reflexionem lucis reddat se nobis spectabilem. Potestq; hæc opacitas, vel esse in inferiori parte ipsius empirei, vel in superiori parte firmamenti. Vnde non obstat quod opponit S. Tho. quæst. 66. art. 3. ad quartum quia firmamentum est totum diaphanum, cum videamus omnes stellas. Nam satis est, firmamentum esse diaphanum secundum totam profunditatem in qua sunt stellæ. Apud illos verò qui ponunt

primum mobile distinctum, facilius erit dicere, ipsum primum mobile esse opacum. Vel dicendum est cum D. Tho. eodem loco, cælum empireum non habere lucem condensatam vt radios emittat, sicut corpus Solis : sed magis subtilem. Demum addit S. Thom., vel habere claritatem gloriæ quæ non est conformis cum claritate naturali. Attamen sine dubio lux cæli empirei corporea est, atque adeo naturaliter visibilis, si aliud impedimentum non obstat. Ob aliam ergo ex duabus primis rationibus dici debet cælum empireum à nobis in terra positum non videri.

SECTIO QUINTA.

Verum sint plures ac distincti Cæli & Orbes in quibus sint Astra, & quatenus & qualiter distinguere debeant.

Refert Albertus Magnus lib. 2. Cæli tract. 3. cap. 1. quosdam Philosophos dixisse, valde plures in vniuersum esse cælos quam stellas, imò pro qualibet stella per se esse centum octuaginta duos cælos, videlicet iuxta numerum dierum quibus Sol tendit ab vno tropico ad alium, nempe per medietatem anni, quasi scilicet omni die quilibet stella transeat de vno cælo ad aliud. Refert, alios, & inter eos Moysen ægyptium, dixisse tot esse cælos quot sunt stellæ, tam fixæ, quàm errantes.

Alij valde communiter asserunt, in tota vniuersitate cæli syderei, octo esse verè distinctos cælos totales : vnum & supremum pro stellis fixis, quod à multitudine stellarum appellari solet simpliciter cælum

Sententia distinguens plures vel tot cælos quot stellas.

Sententia communis distinguens octo cælos.

lum stellatum; & alio peculiari nomine dicitur firmamentum; & ab ordine Planetarum qui illi subiiciuntur dicitur octaua sphaera; dicitur etiam græco nomine Aplane, quasi non errans, ad differentiam Planetarum: alios septem cælos distinguunt pro septem Planetis, eodem ordine inter se dispositos, & vnum intra alium contentos, sicut antea ordinabantur ipsi Planetæ. Ita passim de hac distinctione & multitudine horum cælorum supponit Arist. in lib. de cælo, & de Mundo ad Alexand. Et tam Philosophi, ac Theologi, & Sacræ Scripturæ Expositores, quàm Astronomi vt plurimum in hanc sententiam conspirant. Et hoc totum colligunt ex motu Astrorum vario: singuli enim Planetæ proprios & peculiare motus habent atque diuersos tam inter se quam à stellis fixis: cumque supponant astra non moueri per se quati soluta à cælo, sed solum moueri ad motum sui cæli, inferunt necessarium tot cælos astriferos debere distinguui.

Et in singulis Planetarum cælis plures orbes. Præter hoc, plures adhuc orbes cælestes veluti partiales in singulis Planetarum cælis totalibus, à Philosophis & Astronomis distinguuntur. Obseruata enim est notabilis quædam varietas in motibus Planetarum. Idem Planeta modò videtur moueri velocius, modò tardiùs: ac etiam modò videtur altiùs à terra recedere & eleuari, modò propiùs accedere & veluti descendere. Excogitata ergo est distinctio plurium orbium in singulis cælis, ex qua huiusmodi apparentia et varietas provenire censetur.

Refert Arist. lib. 12. Metaphys. tex. 47. qualiter Eudoxus & Calippus, celebres sui temporis Mathematici, distinxerint plures orbes: vnde in vniuersum efficiebatur quadrageseptem vel quinquaginta-

quinque sphaeræ cælestes. Sed satis compertum non est, quo pacto illi tales orbes disponerent. Nisi quòd Fracastorius in lib. Homocentricorum cap. 25. conatus est diuinare, qua ratione illi tot determinatos distinxerint orbes.

At postea Ptolemæus clarè et exactè iuxta obseruationes ab antiquioribus & à se factas, singulorum Planetarum orbes designauit. Distinguebat in primis in quolibet cælo tres orbes, duos nempe extremos & vnum medium: duos extremos fecit in circuitu inæquales idest in vna medietate crassiores & profundiores, in alia subtiliores: ita tamen, vt semper parti crassiori vnius corresponderet pars subtilior alterius: orbem medium fecit in toto circuitu æqualem: & sic etiam ipsum cælum totaliter sumptum erat in toto circuitu æquale. Hinc duæ superficies extremæ totius cæli erant mundo concentricæ, idest habentes idem mundi centrum: superficies autem intermedix erant mundo eccentricæ, idest habentes aliud proprium centrum extra centrum mundi, & tantum ab illo distans, quantum pars dicta crassior orbis excedit partem tenuiorem. Sic singuli duo orbes extremi habent vnam superficiem mundo concentricam & aliam eccentricam, orbis autem medius ambas eccentricas: & ideo illi duo orbes dicuntur eccentrici secundum quid, orbis medius dicitur eccentricus simpliciter. In hoc orbe medio constituitur Planeta: vnde hic orbis dicitur deferens astrum, alij duo dicuntur deferentes orbem eccentricum.

Iuxta hoc, toti quidem cælo quoad omnes hos tres orbes attribuitur motus communis & diurnus per raptum primi mobilis ab ortu in occasum: orbi autem medio attribuitur motus proprius talis cæli ab oc-

*Sententia con-
stans
orbes ec-
centricos.*

casu in ortum super polos Zodiaci. Vnde sit ut ipsum astrum, quod in tali orbe defertur, modò incedat super partem crassiorē, modò super tenuiorem orbis extremi inferioris: & sic pro medietate sui circuitus paulatim altius à terra recedat, pro altera medietate proprius accedat: atque etiam plus temporis conficiat in medietate crassiori quàm tenuiori, quia maior est illa pars sui circuitus, & ita pro tunc videatur tardius gyrare. Atque dum est in summo partis crassioris, dicitur esse in auge: dum est in imo partis subtilioris, dicitur esse in opposito augis: in auge dicitur Apogæum, in opposito Perigæum.

Hoc totum ita exploratum & cognitum est, verbi gratia in Sole. Deprehensum est, Solem in suo motu annuo, dum transit ab æquinoctio verno ad autumnale apparere minorem quàm dum redit ab autumnali ad vernum: & dum est in solstitio æstivo, apparere in minima quâritate quàm vnquam soleat: dum verò est in solstitio hyemali, apparere in maxima quantitate. Et hoc non tam simplici intuitu, quàm aptis instrumentis certissimè exploratur. Item ab æquinoctio verno ad autumnale Sol infumit circa sex dies plus quàm ab autumnali ad vernum. Et similiter hæc in alijs Planetis observata sunt. Per observationem, etiam aspectus, præsertim in Luna, deprehensum est, quandoque in illa reddi maiorem quandoque minorem parallaxim: quod est certum signum, illam modò esse propinquiorē modò remotiorē. Observatum quoque est, Sole & Luna in eodem situ quoad reliqua existentibus, aliquando Ecclipsim Solis per interpositionem Lunæ fuisse maiorem & diuturniorem, & similiter Ecclipsim Lunæ per interpositionē terræ: quod etiam non nisi ex ma-

iori elongatione ipsorum luminariū inter se tunc ex accensu Lunæ ad terram accidere potest. Omnis autem hæc apparentia per dispositionem dictam trium orbium, saluatur optimè, & non videtur aliter posse saluari.

Insuper in Luna additus est alius orbis, qui dicitur deferens caput & caudam draconis: eo quòd Luna non incedit directè sub eadem via & linea solis, quæ dicitur eccliptica, sed benè per illam transit, eamquè secat in duobus punctis quæ dicuntur caput & cauda draconis; non tamen semper transit per eadem duo puncta ecclipticæ, sed variantur hæc duo puncta intersectionis: & hæc variatio dicitur fieri virtute dicti orbis qui est supremus & ambiens alios tres in cælo Lunæ. Rursus in Mercurio additi sunt alij duo orbis, & ita inæquales sicut antea dictum est: atque adeo cælum Mercurij constet quinque orbibus, duobus extremis qui sibi correspondēat, & duobus alijs interioribus inter se correspondentibus, & illo omnium medio qui defert Planetam. Itaque iuxta doctrinam Ptolemæi, in cælis Planetarum computantur viginti-quatuor orbis amplius mundum interiorem elementarem ambientes. At postea rursus novis alijs observationibus à Copernico & alijs comperitum est, elevationem Solis à terra, non semper esse æqualem, nec semper in eodem loco Solem sortiri suam maximam elevationem. Propter quod Maginus in suis Theoricis Planetarum lib. 1. in Theorica Solis, alios duos orbis inæquales in cælo Solis addit, sicut de Mercurio dictum est. Et rursus postea in Theorica Lunæ iuxta propriam sententiam addit alios duos similes orbis inæquales, auferens omnem epiciclum de quo dicemus.

Rursus alia notabilis varietas in Pla-

*Et Epi- Planetarum motibus obseruata est :
ciclos .* idem enim Planeta modò videtur
cursum accelerare , modò sistere &
veluti stare , modò etiam retrogre-
di : & insuper modò declinare ma-
gis ad vnum polum , modò ad aliũ ;
ac etiam modò altius eleuari modò
propius ad nos accedere , præter il-
lam varietatem quæ per dictos iam
orbes eccentricos poterat saluari .
Ideo Ptolemæus & alij Astronomi
excogitarunt , quo pacto hoc totum
fieri posset , & qualiter hæc omnis
apparens inequalitas & varietas per
certas regulas saluari . Constituerunt
ergo in ipso orbe deferente plane-
tam , quendam quem dicunt Epici-
clum , idest globum quendam im-
mersum intra ipsum orbem defe-
rentem , ita tamen vt in se ipso circa
proprium suum centrum assidue re-
uoluatur , & intra certum suum tem-
pus singulas revolutiones perficiat :
atque in vno latere huius epicicli
infixus sit ipse Planeta : & ita ex re-
uolutione ipsius Epicicli resultet ap-
parens illa varietas . Quando enim
Planeta est in illa parte Epicicli que
fertur iuxta eundem motum orbis
deferentis , videlicet iuxta successio-
nem signorum , videtur Planeta ve-
locius ferri , vtpote vtroque motu in
idem concurrente : quando est in
parte opposita , videtur retrogredi :
quando est in medijs partibus vide-
tur stare . Sic etiam in superiori par-
te Epicicli eleuatur , in inferiori de-
primitur . Et per ipsum quoque Epi-
ciculum potest accedere ad vnum vel
alium polum iuxta declinationem
eius .

Hic epiciclus constituitur in om-
nibus Planetis , præter quàm in So-
le , in quo non apparet tanta varie-
tas ultra illam quæ per orbes prius
dictos saluabatur : nisi quòd fortas-
se illa ipsa varietas posset aliquo
modo saluari per Epiciculum sine il-
lis orbibus : attamen conuenientius

& facilius censetur saluari per illos
orbes sine alio epiciclo . Similiter in
Luna potest alio modo saluari om-
nis apparentia , ponendo duplicem
Epiciculum , vnum magnum , & alium
minorem in quodam latere eius : qui
in se ipso distinctum motum pera-
gat : & sic absque distinctione trium
illorum orbium : & ita rem dispo-
suit Copernicus : cuiusque positio-
nem explicat quoque Maginus in
Theorica Lunæ .

Demum , quia in quibusdam Pla-
netis , præsertim in tribus superiori-
bus , Marte , Ioue , & Saturno , ma-
ior adhuc quædam motus varietas
obseruatur , quæ per Epiciculum quo-
que putatur contingere , vnde ipsi
epiciclo plures motus attribuuntur :
propter hoc inquam aliqui notant ,
plures epiciclos vnum intra alium
in illis debere distinguere , sicut distin-
guebantur plures orbes inter se : sup-
ponendo nempe , vni simplici cor-
pori in cælis non nisi vnum simpli-
cem motum posse per se cõuenire :
vnde ob quamcumque motus diuer-
sitate plures debeant orbes distin-
gui . Caterùm hæc inuentio de or-
bibus eccentricis & Epiciclis , cre-
ditur etiam multò antiquior Ptole-
mæo , sed ab illo illustrata & scri-
ptis tradita , atque ad certiore formam
reducta . Testatur autem Geor-
gius Valla lib. 3. Astrolog. cap. 1.
Pythagoreos primùm posuisse orbes
eccentricos & Epiciclos .

Attamen post Ptolemæum inuen-
ti sunt qui tales orbes eccentricos &
epiciclos in cælis impossibiles repu-
tauerint . Et ita præsertim contendit
Auer. 12. Metaphys. com. 45. quem
alij ex eius secta imitati sunt : & no-
uissimè Cremoninus lib. de Motu ce-
li sect. 2. cap. 14. & sequentibus . Vult
autem Auerroes , varietatem motus
obseruatam in Planetis , debere po-
tius per varios orbes prorsus mun-
do concentricos saluari : & hoc mo-
do

*Senten-
tia ne-
gans or-
bes eccē-
tricos et
Epicic-
clos .*

do putat, Eudoxum & Calippum quorum meminit Arist. aliosquæ Ptolomæo antiquiores, distinxisse plures orbes, omnes concentricos, & per eos studuisse saluare omnes celestes apparentias. Ipse autem, concludit: *In iuuentute mea speravi, ut hæc perscrutatio compleretur per me, in senectute autem iam despero, sed fortè iste sermo inducet aliquem ad perscrutandum de hoc.*

Sententia constituens orbes concentricos.

Inuētus est quidem tandem Hieronimus Fracastorius, non credo inductus Auuerois consilio, sed suo ingenio, ad saluandas cælestes apparentias per orbes omnes concentricos, sine eccentricis & epicyclis. Pro qua re librum de Homocentricis conscripsit. Atque valde plures orbes multiplicat. Vnde facit cælestes sphaeras septuagintaseptem: vel septuaginta nouem. Negat autem, Planetas vnquam elongari aut appropinquare respectu terræ. Sed ait, apparere solùm maiores aut minores ob certas partes cæli densiores vel rationes quæ illis supponuntur. Itaque solam variationem tarditatis & velocitatis, ac declinationis, seu inflexionis in motu, saluare conatus est per tot suos orbes: Fracastorio adhæsit Gaspar Cardinalis Contarenus libro de Homocentricis ad quem rursus alium librum rescripsit Fracastorius.

Rursus post Fracastorium, Lucillus Philaltæus, alia via rem omnem saluare conatus est, lib. 2. de Cælo tom. 7. circa tex. 51. Distinguit pro singulis Planetis singulos cælos, & non alios orbes. Sed præter motum sui cæli tribuit cuilibet Planetæ proprium alium motum intra ciuitatem quandam sui cæli: atque hunc motum fieri ad modum Helicis, seu per tot spiras in gyrum reuolutas: & singulis tribuit certum spirarum numerum, videlicet Saturno decem, Ioui nouem, & sic de alijs. Atque hunc

motum, & hunc spirarum ordinem tribuit etiam stellis fixis in proprio cælo. Intelligit autem Helicem, vt ab initio operis explicauerat, tanquam columnam in qua à summo ad imum tot spiræ distinctæ sint; qualis apud nos est columna illa lignea circa quam attollitur aut deprimitur tabula superior in torculari. Hoc motu explicat Philaltæus stellas veluti ascendere aut descendere, & simul in latum recedere aut accedere ad certam lineam videlicet Eclipticam.

Pro resolutione huius rei, Dico primò non esse distinguendos tot cælos qui sint plures ipsis stellis, vel tot quot sunt stellæ: & præsertim pro stellis fixis sufficere prorsus vnum cælum & orbem. Patet: quia inutiliter prorsus & absque vilo indicio vel fundamento tot cæli distinguerentur. Et contra omnem rationem ac experientiam est, dicere, stellas transire de vno cælo ad aliud, nedum singulis diebus suum cæleste domicilium permutare. Stellæ fixæ quæ nobis apparent, semper inter se eundem situm & ordinem absque vlla minima variatione semper & vbique seruant. Nulla ergo ratione debent pro illis plures cæli distingui, sed sufficit vnum cælum, etiam si dicerentur in illo alia astra esse superiora alia inferiora.

Dico secundò, præcipuè non videtur necessarium distinguere octo illos cælos totales, vnum pro stellis fixis, & alios septem pro septem Planetis. Explicatur & probatur assertio. Nam motus proprius singulorum Planetarum, in quo euariant inter se & à stellis fixis, non tribuitur ipsi toto cælo planetario: sed cum in singulis cælis distinguantur plures orbes, tribuitur solùm orbi deferenti cui infixus est Planeta: ergo ex hac ratione motus, non debent distinguui inter se cæli ipsi totales,

Nō sunt distinguendi plures vel tot cæli quot stellæ.

Non videtur necessarium distinguere plures cælos totales pro Planetis.

tales, sed satis erit distinguere in singulis Planetis illos orbes qui proprium motum exercent. Explicatur magis: Constituantur iuxta communem sententiam, tres ad minus orbes in vno cælo vnius Planetæ: duo orbes extremi & inæquales non dicuntur peragere motum proprium ipsius Planetæ, sed solum eundem prorsus motum cæli stellati quæ dicitur octaua sphaera, iuxta sententiâ inquam priorum Astronomorum, vsque ad Copernicum: atque adeo orbis superior vnius Planetæ semper adæquatè secundum easdè partes correspondebit cum orbe inferiori alterius cæli sub quo continetur. Non ergo oportet, hos orbes inter se esse distinctos: sed optimè intelligi possunt habere in se eandè molem atque mensuram, & inæqualitatem partiû, quam de factò Astronomi js attribuunt, etiam si inter se diuisi & discontinuati non sint. Ita ergo non oportebit distinguere orbes Planetarum extremos, sed satis erit distinguere orbes medios. Atque adeo incipiendo à Saturno, qui proximè subest stellis fixis, supremus Saturni orbis non debet esse diuisus ab ipso cælo stellato, deinde infimus Saturni orbis non debebit esse distinctus à supremo orbe Iouis, & sic de singulis alijs.

Ac præterea specialiter comparando inter se Solem, Venerem, & Mercurium: cum Venus & Mercurius non digrediantur ab ipso Sole ultra certos gradus, idquè solum ratione Epicycli, cum alioqui ratione sui cæli dicantur perficere eundem motum annuum cum Sole: planè non debebant distingui hi tres cæli totales: sed satis prorsus erit distinguere quosdam orbes seu Epicyclos.

Et potest ad hoc sal- Verùm specialiter in Luna, præter motum proprium deferentis, tribuitur alius motus proprius orbibus

cuius extremis, & alius adhuc motus proprius illi alteri orbi qui dicitur deferens caput & caudam Draconis, & ponebatur supremus in cælo Lunæ, proximè contingens sphaeram superiorem. Attamen, si propter hanc specialem necessitatem oporteret ipsum totum cælum Lunæ, non solum scilicet quoad orbem deferentem, sed etiam quoad alios superiores, distinguere à superioribus cælis; non propterea oporteret idem censere de alijs superioribus cælis, in quibus talis necessitas non occurrat. Sed nec etiam necesse erit ipsum cælum Lunæ ab alijs superioribus totaliter separare; sicut dicemus nec etiam oportere integros ipsos orbes distinguere, vt deinceps constabit.

Rursus in alijs etiam Planetis, Copernicus, & alij posteriores Astronomi obseruarunt, summam eorum augem non semper sub eadem parte octauæ sphaeræ permanere, sed aliquam licèt tardissimam variationem suscipere. Vnde Maginus in suis Theoricis explicat, in omnibus Planetis, excepta Venere, orbes extremos nō perficere eundem prorsus motum & eodem temporis spatio cum octaua sphaera: sed ita tribuit illis tardissimum quendam motum ab occidente in orientem super polos Zodiaci, vt propriam temporis mēsuram pro illis determinet, atque diuersam, tam inter se, quàm tardissimo motu octauæ sphaeræ. Ita asserit in Theorica trium superiorum cap. 2. & in Theorica Solis cap. 2. & in Theorica Mercurij cap. 2. Attamen, adhuc dicimus, data hac hypotesi, non esse necessarium distinguere plures cælos totales & integros, & adhuc posse saluari huiusmodi motum, ea nempe ratione, qua deinceps dicemus, nec esse distinguendos integros orbes deferentes, quibus tribuitur motus proprius Planetarum.

Dico

uariationis motus eorum.

*Non vi-
denur
posse di-
stingui
plures
integri
orbis cæ-
lestes
pro Pla-
netis.*

Dico demum tertio. Non videntur debere imò nec posse distingui plures orbis integri & per totum suum circuitum ambientes alios orbis inferiores: siue non videtur fieri posse ut detur distinctus quidam orbis integer deferens Planetam, per totum cæli ambitum discretus & separatus a reliquo cælo: & sic in vniuersum non solum non sunt necessarij, sed nec videntur posse de facto distingui plures cæli. Conatus est quidem Auerr. & post eum Fracastorius impugnare orbis illos eccentricos Ptolemæi: sed inefficaciter, ut sect. 7. afferemus & ostendemus. Quia totam difficultatem fecerunt in hoc, quòd Planetæ modò fiant altiores modò propinquiores ad nos, & quòd non moueantur per se circa idem centrum mundi, sed circa centrum aliud diuersum. At in hoc nulla planè est difficultas. Quinimò verè res ita se habet.

*Orbes
inferio-
res non
possent
rapi à
cælo su-
periori:* Sed ratio difficultatis circa distinctionem illorum orbium, quæ me mouet, est: quia cum contiguantur tres orbis in vno cælo, & motus proprius ipsius cæli tribuatur solum orbi medio deferenti, fit ut hic orbis medius reuera & simpliciter non moueatur cum tota illa velocitate primi mobilis seu octauæ spheræ, sed retardetur ab illo motu, quantum interim motu proprio conuertitur è contra ab occidente in orientem: igitur consequenter alius orbis inferior positus sub dicto deferente non potest rapi pari velocitate cum primo mobili seu octauæ spheræ, siue cum orbe alio superiori qui supponitur supra deferentem. Vnde simpliciter neque orbis inferior neque superior posset prorsus moueri: quia duo orbis extremi debent semper sibi per easdem partes correspondere, ut notissimum est.

Confirmatur & explicatur magis: quia licet dici soleat Planetam

habere duplicem motum, vnum per raptum superioris cæli, & alium motum proprium: tamen non habet realiter distinctos tales motus, sed habet vnum motum taliter modificatum: & re vera Planeta non conficit spatio vigintiquatuor horarum vnâ integram reuolutionem ab oriente ad occidentem, sed remanet aliquantum retro: ut præsertim apparet in Luna quæ velociorem habet motum proprium, & ita valde sensibilem retardationem à motu communi. Ex alia parte, manifestum est, si vnum corpus moueatur per motum & raptum alterius, non posse velocius moueri & rari ipso rapiente: vnus autem orbis cælestis rari potest immediatè ab alio superiori sibi proximo: neque prorsus poterit rari ab alio remotiori magis velociter quàm moueatur alius orbis propinquior intermedius: sicut certè si talis orbis proximus non moueretur, non posset prorsus orbis inferior moueri & rari motu superioris orbis remoti. Non ergo potest stare distinctio plurium orbium in cælo & motus eorum, sicut ponebatur. Atque hoc, eodem planè modò procedit, etiam si orbis interior vnus cæli dicatur non distingui ab orbe superiori alterius intra se contenti, iuxta conclusionem præcedentem. Nam semper vrget hæc difficultas, quod totus orbis infra deferentem non potest rari iuxta velocitatem orbis existentis supra deferentem.

Quòd si quis dicat, à primo mobili, nunc ab octaua spheræ, aut ab intelligentia eius motrice diffundi immediatè impulsu motuum in omnes cælos & orbis inferiores, atque ita orbem inferiorem cuiuslibet Planetæ posse moueri virtute huius impulsus eadem velocitate cum orbe superiori, atque adeo velocius orbe deferente sibi proximo: iam sic inferio-

*Neque
immediatè in
se participare
impulsu
ad motum.*

riores cæli verè non rapiuntur motu primi mobilis, nec octauæ spheræ, sed per se primò singuli immediatè mouentur, adeo vt etiam si superius quoddam cælum prorsus non moueretur, adhuc cælum inferius per impulsum sibi immediatè impressum deberet moveri: quod est planè destruere fundamentalem hypotesin in illa structura cælorum. Et præterea non potest vtiq; naturali ordine vnum cælum communicare alteri motuum impulsu nisi per suimet motum, & per similem motum omnis cæli intermediij. Nec etiam Angelus motor potest inferiori cælo communicare immediatè tantum impulsu, nisi per similem motum omnium mediorum cælorum: aut nisi dicatur posse per se operari in tantam distantiam etiam secluso medio: quod in hac re non supponitur. Sed oporteret potius, alias addere intelligentias motrices in singulis ijs orbitis, quæ in illis perficerent debitum motum.

Nec posset saluari totus Planetarum ordo. Alia deinde difficultas est, si verum est Martem in aliqua parte sui circuitus fieri terris propinquiorem Sole, iuxta doctrinam & observationes Tyconis. Si enim distincti sint plures orbis per totum cæli ambitum pro distinctis Planetis, impossibile prorsus est, vt vnus Planeta possit veluti descendere intra orbem alterius, nisi scindendo aut penetrando.

Neque debent vel possunt distinguere plures orbis concentrici. Hæ deinde difficultates militant etiam contra plures illos orbis concentricos Fracastorij, & similiter contra omnem aliam talem inuentionem. Ac præterea inutiliter & irrationabiliter Fracastorius multiplicat tot plures orbis, quando pauciores sufficere poterant. Maiori etiam difficultate & complexitate rem contundit, vt cerè ne capi quidem possit, in suis circitoribus & antecircitoribus & circumducen-

bus & contrauēctis, & tam varijs eorum motibus. Ac præsertim tota illa dispositio orbium est insufficiens ad saluandas omnes apparēcias motuum in Planetis. Sed si Fracastorius negare elegit diuersitatem illam elongationis & appropinquationis Planetarum, solumquē saluare volebat diuersitatem velocitatis & tarditatis, progressus & regressus multò facilius erat dicere, vnum esse orbem vnusculiusque Planetæ, et ipsum orbem taliter moueri à propria sua intelligentia cum omni variatione regulari motus quæ in illo apparet, absque tot alijs orbitis quibus singulis tribui deberent totidem distinctæ motrices Intelligentiæ. Ac re vera negari non debet, nec potest, eosdem Planetas accedere & recedere. Non solum enim illa apparentia inæqualis magnitudinis id persuadet: sed etiam alia apparentiæ quibus planè per solam interpositionem partium densiorum & rariorum satisfieri non potest. Et præterea neque illa ipsa apparentia potest hac via exculari: præsertim quia inter tot Planetas & orbis, passim contingeret partes densiores ipsorum orbium supponi etiam varijs stellis fixis firmamenti: vnde in ijs etiam similis inæqualitas apparere deberet, vt modò hæc modò illæ nunc maiores nunc minores nostro aspectui redderentur: quod nequaquam contingit. Oportet ergo aliam viam cogitare pro cælestis regionis structura.

Insuper ineptè & insufficienter Lucillus Philaltæus cogitauit motum illum proprium Astrorum per modum Helicis, & distinctionem illam spirarum. Tum quia, vel debet dicere, astrum in illo motu se penetrare cum cælo, vel moueri intra cauitatem prorsus vacuum, vel fluido corpore repletam: quæ omnia sunt noua absurda: & ita incurrit eadem

inconuenientia quæ patiuntur alij qui simpliciter volunt astra per se ipsa moueri intra cælum, vt constabit seft. sequenti. Tum etiam prorsus saluare non potest cælestium motuum apparentias: sed circumuolutio illa spirarum est planè aliena à motibus obseruatis astrorum in cælo. Alia etiam plura ille Auctor in explicatione suæ positionis immiscet, manifestè absurda & falsa: quæ inutile esset amplius insectari.

*Non de
bēt prorsus
distingui
plures
cæli aut
orbes.*

Potteremò. Difficultates allatæ militant in vniuersum cōtra distinctionem plurium cælorum, quocunque modo ponantur. Et præterea addi potest, difficile esse vnum cælum rapi ab alio dum illud cælum quod debet rapi habet aliquem motum in oppositum: per hoc enim videtur ita resistere raptui, vt se rapi non sinat. Afferri quidem solent plura exempla, in quibus vnum corpus sine vlla difficultate rapitur ab alio, etiam si simul quendam proprium motum in oppositum exerceat: vt apparet in gutta aquæ vel formica quæ descendit per hastam dum ipsa hasta in sublime tollitur; & in homine qui obambulat per nauem ab Occidente in Orientem, dum nauis è contra tendit ab Oriente in Occidentem. Attamen in his & similibus exemplis, res non est difficilis: quia vnum corpus per se innititur vel adheret alteri, & ita omnino rapitur ad motum illius non obstante motu proprio. At si sint duæ rotæ vna intra aliam, quarum vna non innitatur alteri, apparebit potius, quòd si vna rota per se impellatur versus vnā partem non simul rapietur ab alia in partem oppositam, ob resistantiam sui proprii motus: & ita planè se habent cæli: vnū enim non innititur alteri: & ex hac parte optimè fieri & intelligi posset, vt cælum inferius contentum intra aliud cælum, moueatur solum

motu suo, & non rapiatur motu superioris: atque dum verè per se mouetur, siue à proprio motore impellitur in partem oppositam, non poterit simul cælum superius rapere illud alio suo motu.

Præterea in corporibus sphericis hoc modo dispositis, non solum aptum est rapi inferius à superiori, contentum à continente, sed etiam è conuerso: vt patet apud nos si sit vna rota intra aliam, & quis applicet impulsu suum ad mouendam rotam interiorem: nam si non inueniat resistantiam, rapiet consequenter etiam exteriorem. Ergo sic in cælis deberet quoque cælum superius rapi ab inferiori: Et potuisset primum mobile constitui infra omnes cælos vt illos raperet: quæ sunt planè absurda. Cogitandum ergo est, qualiter cælestis mundus possit esse distinctus sine distinctione cælorum.

SECTIO SEXTA.

*Verum sit vnum tantum Cælum
sydereum, sit què verè solidum,
in quo existant,
& moueantur
Astra.*

IN primis D. Ioannes Chrysostomus Homil. 4. in Genes. & super Plak. 148. contendit ex doctrina sacre Script. vnum tantum prorsus esse cælum, & diuinis litteris contradicere Philosophos qui plures distinguunt. Mouetur ex eo quòd Moyse initio Genes. singulariter nominauit cælum & firmamentum, & idem esse reputat, quod in primis verbis dictum est, *Creauit Deus cælum*, & quod postea in secunda die dictum est firmamentum. Quia verò passim aliàs nominatur in Script.

*An ex
sacra
Script.
babea-
tur vnū
vel plu-
res esse
cælos.*

plu-

pluraliter Cæli, respondet, id provenire ex eo quod hebræum nomen plurale est, sed verè significat aliquid singulare. Rursus Iustinus Martyr in quaestionibus Orthodoxorum q. 57. ac Theodoret. q. 11. in Genesi volunt, duos esse cælos iuxta Scripturam. Et sic etiam Clemens Romanus lib. 2. Recogn. in fine, & lib. 3. in princ. & in fine refert D. Petrum docuisse in disputatione habitam cum Simone Mago. Et Iustinus videtur intelligere vnum cælum æereum; aliud æthereum. Theodoret. verò & Clemens vnum Empireum & aliud sydereum. Insuper Ambrosii lib. 2. Exameron. cap. 2. & Damascenus lib. 2. Fidei cap. 6. addunt tres esse cælos, propter illud Apostoli qui dixit, se raptum fuisse ad tertium cælum: & videntur intellexisse pro primo cælo æereum, pro secundo sydereum, pro tertio Empireum. Itaque omnes docere videntur vnum solum esse cælum sydereum. Alij ex opposito contendunt, plures esse cælos iuxta Scripturam non solum quia passim pluraliter dicuntur cæli, sed quia interdum dicuntur cæli & cæli cælorum.

Neutra pars ex Script. conuincitur.

Attamen dicendum est, non posse satis colligi ex ipsa Scriptura an re vera sit vnum tantum cælum sydereum vel sint plures cæli totales. Ex nomine enim illo singulari quo ab initio dictum est creauit Deus cælum, non debet inferri vnicum realiter esse cælum. Tum quia etiam ibi in textu hebræo habetur idem nomen plurale quod in alijs locis in quibus legimus cælos, cum apud Hebræos illud nomen careat singulari. Tum quia in illis primis verbis videtur intelligi solum cælum empireum, post quod fieri poterant plures alij cæli. Tum quia etiam ipsum singulare nomen poterat sumi collectivè pro omni cælo, tunc pro toto mundo cælesti. Et sic etiam ex eo

quod deligantur duo cæli, vnum empireum, & aliud sydereum, vel tres addendo cælum æereum, adhuc non conuincitur, cælum sydereum esse prorsus vnicum: quia bene poterat collectivè sic appellari, etiam si realiter in illo distinguatur plures cæli. Et ita notauit clarè Damascenus. Ac similiter Iustinus dicens: *Cælos esse duos per se & essentia, per intervalla autem plures.* Sic etiam D. Tho. 1. p. q. 68. art. 4. exponit Chrysost. & alios Patres, dicens aliquando cælum sumi adæquatè pro toto aggregato ex omnibus corporibus cælestibus: & in hoc sensu à Chrysost. damnari eos qui fingebant plures cælos, id est quasi plura huiusmodi aggregata, quali plures mundos. Et ita quoque Arist. lib. 12. Metaph. tex. 49 affirmat, vnum esse cælum: & tamen ibidem statuit plures esse sphaeras cælestes. Et in libris quos inscripsit de Cælo & mundo, non vtiq; per hoc supposebat vnicum esse cælum, sed sic appellabat singulariter totam cælestem regionem.

Ex alia parte, nec etiam Scriptura conuincit, esse plures ac distinctos cælos sydereos. Nam sæpe etià quod singulare est, solet plurali nomine nūcupari, sicut dicimus aquas, terras, pro elemento aquarum, & terrarum, aliaque similia. Et sic notauit Theodoret. dici Athenas, Delphos. Bene tamen ex Scriptura colligitur aliud esse cælum empireum à sydereis, ut antea diximus.

Secundò. Fuerunt olim aliqui qui dixerunt, vnicum tantum esse cælum, tamen non totum plenum & solidum, sed quibusdam veluti canalibus perforatum; hosquè canales aut esse vacuos, aut tenui quodam & fluido corpore repletos, & per hos canales singula quæque astra per se ipsa discurrere, & proprios peragere motus, & bene posse alia tardiùs alia

Non est vñ cælum canalibus perforatum.

velo-

velocius in sua revolutione moveri. Et ita uiper op. natur. Hurtad. disp. 2. de Caelo sect. 1. putans illos canales non alio corpore repleri.

Hic dicendi modus ab alijs communiter rejicitur. Tum quia dici non debent astra se ipsis moveri, sed potius ad motum caeli cui sint affixa. Tum quia inconuenienter ponuntur tot canales in caelo. Siue enim dicantur vacui, malè interponitur vacuum in caelesti illa & nobilissima regione. Siue dicantur tenui & fluido corpore repleri, malè caelestis compago disponitur per huiusmodi corporis solidi & fluidi intermixtionem. Errat autem vehementer Hurtad. contendens ideo Planetas ab Astronomis dici errantes quod se ipsis moueantur. Satis enim constat, dici errantes eo quod inter se & à stellis superioribus euariant prout oculis cernitur.

*Non est
unum
caelum
cum quo
se pene-
trant
astra.*

Tertiò. Non defuerunt aliqui qui putauerint, vel saltem dubitauerint, vnicum prorsus & totum continuu ac solidum esse caelum, & astra per se in illo moveri, & peragere singula suos circulos, penetrando successiue partes caeli, sicut de tacto Theologi docent, Beatos cum suis corporibus per dotem subtilitatis posse, quocumque per caelos atq. corpora excurrere absque villo impedimento, & absque corporum scissione, sed per penetrationem in eodem loco. Ita referunt Albert. 1. par. q. 4. art. 19. & Bonau. in 2. d. 14. par. 2. art. 1. q. 2. Et expressè Petrus Ioannes Prouenzalis Quodl. 4. q. 7. qui putauit, posse corpora se naturaliter penetrare, pro hac re ait: *Nec Philosophi mundi usque hodie sciunt, an luminaria caeli moueantur per se sine orbibus, subintrando scilicet partes caeli.*

Verum satis notum est, Philosophos & omnes alios pro certo supponere corpora non se naturaliter

penetrare, & specialiter astra cum caelis unde omnem aliam viam excogitare conati sunt, quatinus penetratione astrarum motus in caelis perfici debeat: & pro maximo absurdum interdui, si quando vlla vel minima penetratio deberet admitti.

Quartò ergo. Principuus quidam dicendi modus est, olim quidem à nonnullis Veteribus traditus, sed nuper à plerisque praesertim Astro-
nomis renouatus: Caelum syderum esse vnum corpus continuum, tamen fluidum & tenuissimum ad instar nostri aeris, & in illo existere astra, ac per illud se ipsis siue à proprijs intelligentijs circumuolui, & singula certis suis circulis proprios peragere motus cum omni illa regulari variatione quae in illis apparet: & ita dicunt moveri sicut pisces in aqua, aues in aere. In tali autem tenuissimo ethere humana imaginatione distingui veluti plures caelos & orbes, & epiciclos, sicut & in hoc nostro aere distinguimus tres regiones: attamen reuera nullam talem esse distinctionem in caelis. Ita olim senserunt Stoici apud Ciceron. lib. 2. de Natura Deor. & inter eos Seneca lib. 7. Natur. qq. cap. 14. & sequutus est Antonius Mizaldus in Planetologia cap. 3. & Paradoxo 2. de Reb. Caeli. Ita etiam putasse videntur aliqui Ecclesiae Patres, Origenes lib. 5. cont. Celsum, & lib. 1. Periarchon cap. 7. Iustinus Martyr ad q. 93. Orthodoxorū. Chrysost. homil. 6. & 13. in Genes. & homil. 12. ad Popul. Antiochen. Philastrius in Catalogo Haeresum, ubi oppositam sententiam recenset inter haereses. Videtur etiam de hac re dubitare D. August. lib. 2. de Genesi ad litt. cap. 10. Deinde sic praesertim nuper contendit Tyco Brahe lib. 2. Pro-gymnasmatum occasione nouorum cometarum quos ipse obseruauit: ex cuius auctoritate alij plures Recen-

*Senten-
tia affir-
mans es-
se unum
caelum
totum
fluidū.*

tiores non solum Astronomi sed etiam Philosophi & Peripatetici in eandem sententiam abierunt: quicumque scilicet cometas gigni & esse in cælo, & per illud hinc inde discurrere, receperunt. Aliqui tamen excipiunt cælum stellarum fixarum, dicentes, illud esse verè solidum & firmum: attamen totum cælum Planetarum esse fluidum. Ita Blaucanus in sua Sphæra.

Eius sententia fundamenta. Fundamentum huius sententiæ apud illos Veteres Philosophos fuisse videtur, quia putarunt cælum esse ignem vel aerem, & ita fluidum sicut constat de nostro aere & igne. Addit Seneca: quia si cælum esset solidum, deberet nimia gravitate decidere. Fundamentum apud illos Patres fuisse videtur, quia Scriptura sæpe quidem loquitur de motu stellarum, ac præsertim Solis & Lunæ, nusquam verò de motu cælorum, sed ipsis astris per se videtur attribuire motum. Fundamentum Tyconis & Recentiorum, maxime fuit, Cometarum aspectus, quia Cometæ videntur esse in Cælo, & liberè vndequeque discurrere. Et præterea apud Tyconem observatio Martis sub Sole descendens, & rursus apud alios aliæ observationes de maculis circa Solem & stellulis illis circa Iovem oberrantibus. Ac demum quia si cælum esset solidum, cum aer sit fluidus, deberet diuersa refractione fieri astrorum ad nostrum aspectum, sicut cum aliquid à nobis cernitur per medium partim aeris, & partim aquæ, vel vitri aut crystal-
li. Sed præcipuè ex doctrina modò à nobis tradita, si non sunt plures cæli & orbes, Planetæ autem singuli proprios & diuersos motus agunt, oportebit fateri cælum fluidum per quod liberè vndequeque ipsi Planetæ excurrere possint.

Cælum est verè solidum. Putandum tamen potius est, totum cælum esse verè firmum & soli-

dum, & astra non per se soluta moveri, sed esse realiter infixa cælo & moveri per motum cæli. Hæc est sententia Arist. lib. 2. de Cælo, & erat etiam communis Veterum Philosophorum, qui licet facerent cælum elementaris naturæ, tamen ut plurimum ita illud constituebant ut esset firmum & solidum. Multò magis fuit communis deinceps apud posteriores Philosophos & Astronomos, ut tatenur vltro Tyco ipse & qui cum eo senserunt, ac etiam post Tyconem defenditur adhuc magis communiter à Philosophis ac plerisque etiam Astronomis, ab omnibus ijs scilicet qui non receperunt Cometas in cælo. Ita etiam planè senserunt plerique Ecclesiæ Patres, Basilus homil. 3. Exameron, Ambros. lib. 2. Exameron, & similiter Beda, item Theodoret. q. 11. in Genes. Vgo in Annotat. super Genes. c. 6. & alij. Et ita etiam planè supponit August. lib. 2. de Genesi ad litter. cap. 10. vbi solum addit, quòd si oporteret dicere, astra non esse infixa cælo, sed per se moveri adhuc possèt saluari omnes eorum motus.

Suadetur in primis hæc assertio ex Sacra Scriptura. Tum quia initio Genes. dicitur à Deo factum firmamentum, & nomine firmamenti debet omnino intelligi totum cælum sydereum: cum ibidem dicatur Deus posuisse in ipso firmamento Solem & Lunam et stellas. Et dictum videtur firmamentum, eo quòd sit firmum et solidum: et sic exponunt Patres modò allegati, et alij plures. Atque septuaginta Interpretes græcè legunt *Stereoma*, quod etiam significat firmum et solidum. Et vox hebræa *Rachiangh*, quæ propriè expansionem denotat, dicit in rigore expansionem corporis firmi, et solidi, sicut ferri quod malleis contunditur et extenditur: ideoquè noster Interpres optimè vertit Firma-

*Probat-
ur ex
Script.*

mentum. Quamvis autem hoc nomine ibi appellata dicatur tota expansio à cælo empireo vsque ad terram, complectendo etiam regionem elementarem intermediam: tamen denominatio firmamenti et solidi sumpta est à maxima illa et nobilissima regione cælesti.

Tum deinde satis clarè Iob. 37. dictum est: *Tu forsitan cum eo fabricatus es cælos, qui solidissimi quasi ære fusi sunt.* Ad quem locum parum præ aliqui auti sunt dicere, hæc verba non esse magnæ auctoritatis, quia non sunt verba ipsius Iob, sed Helu, vnius ex amicis Iob Attamen tam præclarè ille loquitur de diuina potentia, et tam communi consensu etiam doctrinam amicorum Iob nostri Doctores recipiunt pro Scriptura canonica, et ut talem exponunt, et alij passim illorum dictis sicut et alijs sacris verbis vtuntur, ut de auctoritate huius loci dubitari non possit.

Ioannes de Pineda super hunc locum, vult per cælos intelligi aerem, et dici solidissimum quasi ære fustum: quia, cum sit tam tenuis ac fluidus, est tamen ita perpetuus et constans, sicut si esset solidissimæ aris. Fundat hanc suam expositionem, quia antecederet Scriptura loquebatur de rebus quibusdam meteorologicis, ut pluvia et vento, unde potius credi debet transiisse ad loquendum de aere quàm de superiori regione cælesti. Item quia Biblia Regia & Tigurina pro cælis legunt æthera. Et Caietan. super eundem locum, ly cælos exponit iuxta textum hebræum, ad cælos idest hoc spatium quod extenditur vsque ad cælos. Sed triuola sanè hæc sunt. Quid enim magnum aut nouum est, ut à rebus his æreis pluvia & vento transeat sermo ad veram regionem cælestem? Et per æthera solet & debet potius intelligi regio

cælestis quàm aerea. Caiet. autem legit quidem & exponit ad cælos: attamen vult intelligi extensionem vsque ad primum mobile quod supponit esse supra totum cælum sydereum. Aitquæ, dici cælos in textu hebræo fortes quasi speculum fustum, ad differentiam spherarum elementarium ignis & aeris: & inquit, *Soliditas fortitudine, perspicuitas per speculum, planities per fusionem corporum cælestium insinuat.*

Communis ergo eius loci intelligentia est, ut fatetur idem Pineda, regionem cælestem in qua sunt astra esse fortissimam & solidissimam. Ita sane verba ipsa Scripturæ sonant. Et ita ibi intelligunt D. Gregorius, D. Thomas, Nicolaus de Lyra, Guilielmus Estius. Et alij Latini communiter, ac etiam Græci & Hebræi. Hinc ergo efficaciter suadetur vera & firma cælorum soliditas quam intendimus.

Deinde ratione probatur ab Arist. 2. cæli cap. 8. astra non moueri per se, sed solum infixa cælo præcipue quia semper nobis apparet eadem Lunæ facies cum iisdem maculis eademquæ figura: & sic putandum erit etiam alia astra se habere. Item non ipsis astris datum est vllum instrumentum motus à natura, ut progrediantur: sed benè totum cælum tanquam corpus circulare, aptum est in suo loco circumuolui, & sic secum astra in gyrum deferre. Insuper cælum dici debet semper permanere continuum, & non scindi ac diuidi, cum sit incorruptibile & immutabile. Addi solet, ex illo recepto principio, vni corpori simplici non posse per se nisi vnum motum simplicem conuenire: cum ergo constet singula astra pluribus simul motibus agitari, dici debent moueri ad motum orbium quibus infixa sunt.

Hæc

Hæc tamen nō persuadent. Nam dicetur Luna posse per se ita per mundi circuitum gyrare, vt semper eandem faciem ad nos conuersam habeat. Deinde astra non dicerentur moueri per se quasi proprijs instrumentis, sed per se deferri ab intelligentia sicut dicuntur cæli ipsi reuolui. Illa verò scissio, & diuisio per partes, si cælum esset fluidum, nihil de reliquo præiudicaret & eius incorruptibilitati & immutabilitati. Demum non dicetur vllum astrum peragere realiter plures motus, nec etiam de facto sunt verè plures distincti motus in vno subiecto: sed dicetur quodlibet astrum per se certo quodam motu cum suis regularibus variationibus in cælesti spatio circumuolui.

Aliter ergo suadetur assertio: quia in primis constat, omnes stellas fixas semper inter se seruasse eundem prorsus situm & ordinem, ita vt nulla in ijs difficultas sit, quominus dici debeant ita infixæ cælo, vt ad motum illius exactè voluantur. Et præsertim constat, ita circa quosdam polos perficere motum, vt quæ propinquiores sūt polis, breuiores peragant circulos, neque singulæ voluantur per circulos maximos, sicut fieri posset si mouerentur per se solutæ à cælo: & ita omnia prorsus in ijs cōsonant, vt plus desiderari non possit, ad hoc vt dicatur esse cælum quoddam solidum cui sint infixæ, & ad cuius motum circumuoluantur circa certos polos. Non ergo censendum est, singulas illas stellas per se à singulis intelligentijs intra cælum agitari: sed potiùs ipsum cælum à sua intelligentia circumuolui, & in ipso cælo omnia illa astra. Fateor quidem fieri potuisse, vt intra cælum fluidum, aut in spatio prorsus inani omnia & singula illa astra à totidem intelligentijs cum eodem perpetuo situ et ordine moueren-

tur: at dico solùm id quod potiùs existimandum de facto est.

Imò vterius apparet in firmamento via quæ dicitur lactea, & alię etiam alicubi partes albicantes, quæ semper exactissimè eundem suum locum retinent, & eodem communi astrorum motu voluuntur. Vnde siue dicatur via lactea esse congeries minutarum stellarum, siue pars quædam cæli densior, dici debet totum ipsum cælum circumuolui. Ac præsertim Tycho qui voluit illam esse partem cæli densiorem, videre planè debuit, illud cælum non esse fluidum, non esse immotum; sed esse verè solidum, & verè moueri ac secum astra deferre.

Hinc deinde idem putandum erit de toto cælo sydereo, & idem de Planetis quod de stellis fixis: non solùm ob vniformitatem totius cælestis regionis: sed quia etiam in Planetis eodem modo conspicitur, illos eò breuiores peragere gyros quò magis appropinquant polis, & in sua ipsa varietate tam certum ac regularem tenorem obseruant, vt magnum indicium sit, non per se, veluti fluitare in cælo, sed cælum esse prorsus solidum, & illos esse infixos cælo, & per motum cæli moueri. Licet enim potuisset Angelus talem attentionem habere & diligentiam adhibere, vt semper per certam viam, suum Planetam deterret, etiam in spatio merè inani, & cum certa regula modò magis impelleret, modò retardaret, modò retraheret; itemquè modò attolleret, modò deprimeret: tamen multò conuenientius hoc totum perfici dicetur per talem certam structuram cæli, vt per reuolutionem ipsam cæli omnis hæc regularis varietas efficiatur.

Itaque hoc esse debet huius rei præcipuum fundamentum: quia si omnia benè saluari poterunt, reti-

nendo soliditatem cæli iuxta communem Philosophorum & Astronomorum sententiam, & dicendo astra esse infixæ cælo, & moveri ad motum cæli; in hac estimatione erit peritus persistendum. Omnia autem posse rite saluari iam constabit.

Solum. Ad fundamentum illud eorum Philosophorum qui volebant cælum esse naturæ elementaris, quæst. sequent. oppositum ostendimus. Et præterea etiam ipsi Philosophi qui putarunt cælum esse naturæ elementaris, ut plurimum conati sunt ita illud constituere ut esset verè solidum. Ad fundamentum illorum factum ex Scriptura, mirum non est. Scripturam loqui solere de motu ipsorum syderum, quia hic motus est nobis conspicuus, & hic est qui ad res interiores ordinatè dederunt: ex motu autem syderum colligitur motus cæli. Ad fundamentum Tyconis & Recentium Astronomorum, quia simpliciter labefactaret naturam incorruptibilem cælorum, quæst. sequenti tractabimus Cometas non gigni nec moveri in cælo. Ad observationem de Marte descendente sub Solem satisfaciemus sicut de varijs motibus Planetarum. Ad observationes de stellis circa Iovem & maculis circa Solem, oportebit ad summum concedere quoddam Epicyclos, adhuc firmos & solidos per quos illi motus fiant. Ad observationem retractionis, etiam si cælum sit solidum; tamen potest esse eiusdem transparentiæ & perspicuitatis cum aere, & sic non facit diversam retractionem. Deinde oporteret aliquando observare sydera per medium solius aeris, aliquando per medium solius cæli, ut deprehenderetur retractionis diversitas si adesset: at cum semper conspiciamus sydera per medium partem aeris & partem cæli, semper erit eadem refra-

ctio; nisi pro quanto aer ipse variatur.

Denique præcipuè explicandum est, quo pacto cum soliditate cæli & una distinctione cælorum, & orbium, ac sine penetratione, & scissionibus saluari queant omnes Planetarum motus & apparentiæ: quod iam prosequemur.

SECTIO SEPTIMA.

Quo tandem pacto se habeat cælestium corporum structura.

Concludendum atque determinandum iam est, quanam sit cælestium corporum structura, in quantum verisimilius & congruentius ex apparantibus in aëtherum motu colligitur, & ut ipsæ apparentiæ melius saluari possent videntur.

Possunt ergo omnia quæ hæcenus tam ab Astronomis quam à Philosophis observata sunt, ita rectè consistere, si dicatur unum esse totum cælum sydereum in quo sint omnia astra tam errantia quam fixa, idque etiam verè firmum & solidum, & per se adequatè circumvolui ab oriente in occidentem motu diurno, secumque eodem motu omnia astra deferre. Intra ipsum autem cælum existere peramplas quasdam Zonas seu fascias diuisas & discontinuatas à reliquo cælo, & in quibusdam cavitatibus ita inclusas ut nec ullum vacuum aliqua ex parte relinquatur, nec vlla ex parte debeant cum reliquo cælo penetrari. Quilibet Zona habeat certam suam latitudinem & profunditatem prout opus fuerit ad molem & motum aëtri: per circularem autem longitudinem undique in gyrum per totum cælum extendatur: ita ut intra suam cavitatem possit liberè in-

Unū est cælū sydereum intra quod distinguuntur quædam Planetarum Zonæ.

gyrum moueri & circumuolui. Septemquæ ad summum sint hæ Zonæ, singulæ pro singulis Planetis: stellis enim fixis non debent attribui cum nulla earum particularem alium motum peragat, sed omnes semper eundem ordinem situmquæ teneant. Et ita quilibet Planeta suæ propriæ Zonæ infixus sit. Hæ omnes Planetarum Zonæ proprio motu ferantur ab occidente in orientem, prout constat singulos Planetas pro certis suis temporibus hoc modo recedere. Constituendo autem Venerem & Mercurium proximè circa Solem, non debent illis attribui tales Zonæ quæ terram ambient, sicut reliquis Planetis: sed satis erunt eorum Epicycli circa Solem: qui adhuc poterunt simili pacto per modum cuiusdam Zonæ designari.

Harum Zonarum situs. Hæ Planetarum Zonæ non sunt per se sitæ sub eadem linea penes quam cogitatur fieri motus diurnus super polos mundi, sed illam quidem in duobus punctis secant, & quibusdam gradibus hinc inde ab illa declinant. Linea penes quam fit motus diurnus appellatur linea æquinoctialis, linea æquatoris: eo quod quando Sol motu suo annuo per illam pertransit, idest quando incidit in ijs punctis in quibus Zona Solis secat eam lineam, dies noctesquæ adæquat. Spatium verò illud sub quo incedunt Planetæ declinantes ab æquatore appellatur Zodiacus. Ipsæ Planetarum Zonæ inter se non sunt adæquatæ & directæ vna alteri supposita, sed ipsi Planetæ varias & inæquales habent declinationes ab æquatore. Est tamen certum ac determinatum quoddam spatium intra quod Planetæ sic ab æquatore declinantes incedunt. Hoc totum spatium sub nomine Zodiaci intelligitur: vnde Zodiacus non est simplex quædam linea, sicut æquinoctialis, sed est lata quædam fascia

quæ primario in summitate cæli cogitatur. Intra hunc Zodiacum cogitatur linea sub qua constanter Sol in suo motu annuo incedit, quæ exactè in medio Zodiaci sita est: & dicitur linea Eccliptica: eo quod quando contingit Lunam in sua coniunctione vel oppositione cum Sole per eam lineam pertransire, tunc fiunt Ecclipses. Hæc linea in maxima sua declinatione distat ab æquatore gradus circiter vigintitres: distribuitur enim ex arbitrio Sapientum tota cælestis sphaera in trecentas sexaginta partes æquales, & hæ partes dicuntur gradus. Vnde Zona Solis per totam hanc velut obliquitatem recedit ab æquatore. Alij Planetæ recedunt à dicta linea Solis, ad summum per spatium sex circiter graduum, non tamen omnes æqualiter per totum hoc spatium deuiant ab itinere Solis. Ideo, computando sex gradus ex vna parte Ecclipticæ, & sex gradus ex altera, Zodiacus habet in se latitudinem duodecim graduum. Vel vt Recentiores volunt, aliquis Planeta declinat ab Eccliptica per septem gradus, & sic Zodiaci latitudo efficitur quatuordecim graduum. Zonæ ergo Planetarum intra hoc spatium, non vna adæquatæ & exactè sub alia, sed singulæ in sua certa & peculiari obliquitate locantur.

Iuxta hoc etiam singulæ Planetarum Zonæ habent proprios polos inter quos adæquatè per totum circuitum mediant, & circa quos proprium motum perficiunt, distinctos inquam à polis mundi super quos fit motus diurnus. Tantaquæ est distantia polorum vniuscuiusque Planetæ à polis mundi, quanta est maxima declinatio ipsius Planetæ ab æquatore, siue quanta est distantia Zonæ propriæ ipsius Planetæ in suo puncto maximæ elongationis ab æquatore. Et poli quidem Solis di-

cuntur simpliciter poli Zodiaci, & sunt in rigore poli illius lineæ ecclipticæ sub qua perficitur motus solaris annuus. Aliorum autem Planetarum poli aliquantum distant ab ijs polis Zodiaci, nimirum iuxta declinationem singulorum Planetarum ab eccliptica: ita tamen ut non declinent ultra sex gradus iuxta latitudinem dictam Zodiaci.

Declinatio.

Et insuper necesse non est, ut æqualis sit in utraque parte declinatio singulorum Planetarum ab æquatore & ab Eccliptica, & ut uterque eorum polus æqualiter à polis mundi & Zodiaci recedat: sed optimè fieri potuit, ut Planetarum Zona ita collocarentur, quòd magis ex vna parte quàm ex alia declinarent, atque adeo vnus polus magis quàm alius à polo mundi & Zodiaci recederet. Et ita dicuntur se habere tres superiores Planetæ. Item fieri etiam potuit, ut aliquis Planeta ab vna tantum parte ecclipticæ declinaret, nimirum aut versus Boream aut versus Austrum, nec vnquam per Ecclipticam pertranseat à Borea in Austrum, vel è contrà: nimirum quia in spatio illo sex vel septem graduum inter ecclipticam & extremam lineam Zodiaci ex vna parte, potuit optimè Zona alicuius Planetæ collocari, & ita semper Planeta ab vna tantum parte Ecclipticæ declinabit. Sic dicitur Venus non declinare ab eccliptica nisi versus Boream, & Mercurius non nisi versus Austrum.

Elevatio.

Deinde ad saluandam variationem elongationis et accessionis Planetæ ad terram, qua videtur quodammodo ascendere & descendere, debet hæc Zona constitui eccentrica, ut ex vna parte eleuetur magis, ex alia accedat magis ad cætrum mundi, habeatquè proprium cætrum diuersum à centro mundi, eo prorsus modo quo ab alijs solet or-

bis deferens Planetam, constitui eccentricus.

Imò, hoc iam pacto saluari potest, Martem qui proximè constituitur supra Solem, in quadam parte sui circuitus veluti descendere infra solem: quod alioqui, si orbes in toto cæli ambitu totaliter distinguantur, nullatenus poterat saluari. Obseruatum ergo est, Martem in sui coniunctione cum Sole eleuari maximè à terris, in oppositione autem cum Sole accedere maximè ad terram: & in hoc situ Tyco deprehendit, Martem fieri propinquiorem terris ipso Sole. Hoc totum inquam facile saluari potest, si cogitetur Zona Martis intra cæli profunditatem ita locari, ut per maiorem partem sui ambitus, sit superior Zona Solari: in aliqua autem parte, nempe Soli opposita, sit inferior Zona Solari. Quod eo etiam facilius fieri & cogitari potest, absque eo quòd vna Zona transeat intra aliam, quia hæc Zone non sunt directè vna sub alia collocatæ sed vna declinat ab alia, & ita possunt optimè hoc modo disponi. Cuius rei experimentum apud nos facillimè apparet in duobus circulis seu Zonis ligneis, quæ ita possunt à quocumque interfieri & aliquantum vna ab alia inclinari, ut vna sit per magnam partem sui ambitus superior seu exterior alteri, per aliquam verò partem sit inferior seu interior.

Insuper, quia iuxta observationes Recentiorum tribuebatur etiam quidam motus proprius orbibus extremis & inæqualibus Planetarum, quibus eorum Aux sub cælo stellato variari dicebatur, & etiam ab Antiquis attributus est huiusmodi motus proprius orbibus inæqualibus Lunæ: hoc facile poterit saluari, distinguendo vnâ Zonam exteriorem, & aliam interiorem quæ intra illam contineatur, & in hac interiori situs sit Pla-

Compositio.

Planeta, illa autem exterior habeat eam inæqualitatem partium, quæ ipsis orbibus extremis solebat tribui: & hæc per suum illum motum proprium afferat eam augis variationem quæ observata est.

Præterea quia alicui Planetæ tribuebantur non solum duo sed quatuor orbis inæquales, ut Mercurio olim, & nuper etiam Soli: hoc non minus facile potest saluari, distinguendo rursus aliam Zonam, cum eadem inquam dispositione & inæqualitate partium, cum qua solent distingui ipsi orbis, cui tribuatur idem motus qui adscribitur ipsis orbibus. Et quia præsertim in Luna additus est alius orbis, qui dictus est deferens caput & caudam Draconis, utpote deducens puncta intersectionis itineris lunaris cum solari: addenda erit quoque hæc Zona: ita tamen quod sit lata per totum vel ferè totum Zodiacum, & habeat eisdem prorsus polos Zodiaci & Ecclipticæ: intraquæ hanc Zonam sita sit alia in obliquum posita, videlicet declinans per quinque gradus ab Eccliptica ex vna parte, & quinque ex alia parte, sicquæ habes polos per quinque gradus distantes à polis Ecclipticæ, nimirum quia tanta explorata est declinatio Lunæ ab ipsa Eccliptica. Hoc inquam modo Zona illa extrema Lunæ, mota circa polos Zodiaci, deducit puncta illa in quibus linea itineris Lunaris se intersecat cum linea itineris solaris: & movetur continuè ab oriente in occidentem, & dicitur conficere singulis diebus circa minuta tria.

Epicyclus.

Postremò. Ad salvandas alias omnes apparentias in motibus Planetarum, videlicet stationis & retrogradationis, obliquationis, & maioris aut minoris elevationis vel accessionis ad terras, poni optimè potest Epicyclus, & si opus sit plu-

res etiam Epicycli, intra Zonam cuiuslibet Planeta, non minùs inquam facile, quàm ponatur intra orbem. Vnde ipsa Zona dici debet tantæ amplitudinis, ut capere possit totum Epicyclum quantus esse debeat pro suo Planeta. Pleraque autem in Planetarum motibus occurrentia, saluari possent indifferenter vel per Epicyclos vel per Zonas. Et quo ad hæc satis constare non poterit, quo pacto res se habeat.

Accedit præterea, quòd Tycho Brahe lib. 2. Progymnasmatù cap. 8. novum quoddam cælestis mundi systema proponit, quo sine tot orbibus & epicyclis quos Ptolemæus & alij distinxerât, omnes cælestium motuum apparentias meliùs saluare proficitur. Constituit cum Copernico, Solem esse centrum aliorum Planetarum, excepta Luna quæ est terris proxima & planè movetur solum circa terram. Constituit ergo Solem centrum, non solum Veneris et Mercurij, ut plures iam sentiunt, sed aliorum etiam trium superiorum Planetarum: cum hoc quidem discrimine, quod Venus & Mercurius parvos peragant circuitus circa Solem, & nò ambiant terram & spheram Lunæ: at alij tres superiores tam amplos peragant circuitus ut & terram & Lunæ spheram ambiant. Tribuit autem Tycho omnem motum ipsi Soli & astris, non autem terræ, & in hoc dissentit à Copernico. Vultquæ Solem sua circuitione annua deferre etiam secum alios dictos Planetas, at interea eos omnes peragere simul alios motus singulis proprios. Hanc eandem hypotesim prosequutus est Raymarus Vrsus in Fundamentis suæ Astronomiæ & alij Recentiores approbant. Affirmant etiam Simon Marius in Mundo Ioviali par. 2. §. De quinto, ac pluribus testibus confirmat, se prius ex lectione Copernici hanc structuram

Ordo aliorum Planetarum cum Sole.

ram cogitasse, antequam vel nomen
Tyconis audisset.

Noſtrum nunc non eſt de ſuffi-
 cientia & conditionibus huius hy-
 potheſis diſputare. At ad maiorem
 explicationem ſtructurę à nobis tra-
 dita, poterit etiam hæc hypotheſis
 penes Zonas poſitas ſaluari. Imò
 non aliter ſaluari poſſe videtur. Si
 enim ſint plures cæli & orbes tota-
 les, non poſſunt tali modo ſe habe-
 re circa Solem, præſertim vt Mars
 in quadam parte ſui circuitus fiat
 tertis propinquior ipſo Sole, vt facit
 in eo ſuo ſyſtemate Tyco. Si autem
 fit vnus cælum totum fluidum, vt
 ſentit ipſe Tyco, dici non poteſt
 Sol motu ſuo annuo ſecum deferre
 alios Planetas, vt hac ratione ha-
 beant in ſuo motu certũ reſpectum
 ad motum Solis. At benè ſaluari
 poſſet, conſtituendo in vno cælo
 ſolido tot Planetarum Zonas circa
 ipſam Solem, ita inter ſe complexas
 & colligatas, vt ſimul deferantur ab
 ipſo Sole, & peragant alium motum
 propriũ circa Solem: Totaquẽ Pla-
 netarum machina ſub Zodiaco ſe
 habeat ad inſtar cuiuſdam Rotę va-
 rijs conſtructę ſcæcijs, ſingulis in ſe
 mobilibus: & vna ratione intelli-
 gatur tota hæc rota magnum quẽdam
 & amplum peragere gyrum circa
 quoddam immobile centrum nem-
 pe terram; & alia ratione intra ip-
 ſam rotam, varię illę ſcæcię intelli-
 gantur proprios peragere motus cir-
 ca centrum medium eiufdem rotę,
 quod centrum ſit Sol reſpectu dicto-
 rum quinque Planetarum.

Plinius Hæc tota cælestium corporum, *structura*, per Zonas taliter explicata fun- *ta*, non aliter suaderi potest aut de- *damen-* bet, nisi quia sic saluantur optimè *tum*, cælestium motuum apparentiæ, præ omni alia constructione cælorum aliter cogitata. Saluatur in primis motus communis omnium astro- rum ab oriente in occidentem, &

motus proprius singulorum ab occidente in orientem. Nam ex vna parte mouetur totum cælum sydereum per se primò ab ortu in occasum, absque eo quòd vnum cælum dicatur rapere aliud: ex alia parte mouentur singulæ Planetarum Zone super polos proprios & velut in obliquum ab occasu in ortum: & facîle apparet, vnum motum non posse impediri per alium. Item sic melius saluatur omnis alius motus qui tribuebatur octauæ spheræ. Nam is motus dicitur quoque communicari omnibus inferioribus Planetis: itaque totum cælum sydereum per se primò habet talem motum, siue talem motus varietatem & modificationem.

Rursus, hoc modo æquè benè saluatur, quicquid per orbes inequales & eccentricos et epiciclos explicari solet. Imò sic saluatur motus Martis, qui alioqui in cælo solido saluari non potuisset. Solùm hoc modo saluari non poterit, quod specialiter de Venere & Mercurio affirmant Astronomi, orbes eorum deferentes habere quendam motum ab vno polo ad alium, videlicet ab Austro in Aquilonem, & ab Aquilone in Austrum, per modicũ quoddam spatium. Hoc inquam saluari non potest per solam Zonam, quæ vtrique per se hanc mutationem subire non posset. Verùm hoc poterit saluari facillimè per Epiciclum, & multò meliùs est illi tribuere hanc agitationem. Imò plures iam sunt, qui conueniunt in hoc, vt Venus & Mercurius non habeant alios proprios orbes & cælos totales, sed moueantur solùm per Epiciclos circa Solem. Neque adhuc quicquam aliud occurrit quod satis saluari non possit. Insuper hac ratione saluari poterit, stellas novas quæ interdum visæ sunt in cælo, habuisse eandem prorsus motum cum stellis fixis, &

fuisse illis valde inferiores, iuxta plurimas observationes, ut afferimus quæst. sequenti sect. 3.

Non debet plu-
res Zo-
na di-
stingui
pro stel-
lis fixis.

Fortasse demum hæc colorum structura erat de mente aliquorum Patrum ex ijs qui volebant, totum cælum sydereum esse vnum, intra quod per se mouerentur astra, scilicet per Zonas in illo distinctas. Et quidem hoc planè expresse Damasc. lib. 2. Fidei cap. 6. dicens: *Septem etiam ferunt esse cæli Zonas circulosque, & in unoquoque circulo vnum esse Planetarum.* Quod autem per Zonas & circulos non intellexerit integros orbes, patet ex eo quod postea subdit: *Si autem septem circulos, septem calos suscipere volueris, nihil in ratione veritatis offenditur.* Et hoc dixit, quia multitudo cælorum non erat contra doctrinam Sacrae Scripturae. Constituit ergo vno modo septem Zonas, permutatio modo septem calos.

Præterea, apud Recentiores, cum iam hæc omnia cogitasset, & ferè scripsisset, inueni hanc cælestium corporum structuram apud Andræam Casalpini lib. 3. Peripateticarum qq. q. 4., qui circulos vocat eos in quibus docet Planetas deferri, negans integros orbes & calos distinctos. Quædam tamen immutata, quæ approbanda non sunt. Imò hanc eandem sententiam tribuit Aristoteli, qui 2. cæli tex. 47. docet totum cælum esse continuum, et tex. 46. et 58. docet astra moueri in suis circulis. Probatque Casalpinus, per circulos non intelligi integros orbes distinctos: quia Arist. loquitur de stellis fixis, quæ utique non habent calos orbisque distinctos. Quando verò Arist. distinguit plures sphaeras cælestes, ait esse loquutum de mente aliorum. Probat rursus ratione astra moueri per circulos, incipiendo à summo cælo stellato: quia si illud cælum non esset

totum compactum circulis, sed esset simplex sphaera, non magis quædam puncta præ alijs essent poli, sed omnia puncta posset esse poli, et ita motus fieri deberet super quolibet puncta tanquam polos, quod est impossibile. Indeque inferi, etiam interiora astra nempe Planetas ferri circulis. Iuxta hoc etiam ait, ipsum cælum moueri solum motu diurno ab oriente in occidentem; alium verò motum tardissimum ab occidente in orientem, et motum trepidationis, tribuit potius terræ, et non ipsi cælo.

Sed valde friuola hæc sunt, ac etiam falsa. Aristoteles dixit, totum cælum esse continuum, idest non diuidi et scindi per motum Stellarum, contra eos qui dicebant cælum manere impotum, et stellas solas per se moueri in cælo. Dixit, stellas moueri per circulos siue per orbes, intelligens sphaeras, ut alijs in locis loqui solet. Neque enim id dixit specialiter de stellis fixis, sed simpliciter de omnibus stellis: ipsas autem stellas fixas intelligebat omnes ferri in vno circulo, idest vno orbe, vna sphaera. Deinde non potest reuera dici cælum stellarum fixarum esse compactum circulis. Vel enim hi circuli dicantur inter se continui, vel solum contigui. Non possunt dici solum contigui, quia inter se nullum diuersum motum exercent. Si dicantur continui, iam non magis ex vna parte quam ex alia, verbi gratia ex occidente ad orientem, quam ex Aquilone ad Austrum, erunt dispositi hi circuli. Sed verè illud cælum se habet tanquam vna simplex sphaera. Verum ergo est, in illo cælo per se non magis quædam quam alia puncta esse determinata ut sint poli ex natura rei, sed quolibet potuisse esse polos: tamen de facto ab ipso Mundi opifice signata ac determinata fue-

re puncta quæ sint poli super quos fiat motus. Omnis etiam motus debet tribui ipsi cælo, & nullus terræ, ut ostendemus postea dum per se agemus de motu cælestium corporum: ac in specie de omni illo motu prædicto.

*Hæc
structu-
ra non
habet
maiorē
difficul-
tatem
quàm
alia per
eccētri-
cos &
Epici-
clos.*

Cæterum. Contra hanc cælestiū corporum structuram non apparet quidnam aliud obijci possit plulquā contra orbes eccentricos & epicyclos: nisi quis dicat inconueniens esse ponere in cælis illas Zonas quæ non sint integri orbes, & tacere ipsum cælum tot Zonis intertextum. Verum, sicut non reputabatur inconueniens ponere epicyclos qui non sunt orbes terram ambientes, ponere etiam orbes cælorum inæquales: ita nullum inconueniens erit, ponere illas Zonas: in dō sic per minorem distinctionē & multiplicationem saluantur cælestes apparentiæ: quod vel ex hoc ipso capite approbandum est.

Deinde obijci possunt illa quæ absolutē solent contra orbes eccentricos & epicyclos afferri, & pariter contra Zonas eccentricas & epicyclos quos recipimus possunt ob stare.

*Solun-
tur ar-
gumēta
Auer-
rois con-
tra Ec-
centri-
cos &
Epici-
clos.*

Obijcit Auerroes, & quidam alij cum ipso. Vnum tantum debet esse in vniuerso centrum: alioqui grauiā & leuiā non haberent determinatum locum in quem tenderent. Vnus tantum esse debet motus corporum cælestium, nempe qui fit circa medium: ac per eccentricos & epicyclos modō accederent ad medium, modō recederent, quod est descendere & ascendere. Omne corpus cæleste debet esse perfectē sphericum & rotundum: at datis eccentricis, id verum non esset. Omne centrum circa quod fit motus, debet esse immobile: at vnum solum centrum potest esse immobile, quod est in medio vniuersi. Igi-

tur non dantur eccentrici & epicycli.

Sed certē de se satis patet, quā friuola hæc sint & nullius roboris. Vnum est centrum totale ipsius vniuersi quod est in medio totius, & ad hoc tendunt grauiā, ab hoc recedunt leuiā. Quod nullatenus prohibet, quo minus sint alia centra particularia quorundam corporum. Vnus etiam debet esse motus corporum cælestium nempe circularis: ac etiam per eccentricos & epicyclos per se non fit nisi motus circularis: at per hunc motum circularem fit, ut astra modō accedant modō recedant à terris. Omne item corpus cæleste dici debet circulare: sed nō oportet omne esse perfectē sphericum vnde leuiāque: sed satis est, si sit ita dispositum, ut possit moueri circulariter. Omne demum centrum debet esse immobile saltem secundū quid, id est quod non moueatur ratione eius motus qui fit circa ipsum centrum: at non debet esse immobile simpliciter, sed benē potest moueri ratione alterius motus. Sic itaque centrum epicycli non mouetur quidem in se ipso ratione eius motus quem epicyclus in suo loco circulariter peragit, sed semper manet in medio eius, & in eadem distantia à superficie eius extrema: et benē potest simul moueri ratione totius cæli ab oriente in occidentē, quo motu totus epicyclus & ipsum centrum eius fertur in girum totius cæli.

Obijcit præterea Fracastorius. *Solun-
tur ar-
gumēta
Fracas-
torij.* lib. Homocentr. cap. vlt. In tribus superioribus Planetis, epicyclo duplex motus tribuitur, vnius secundū longitudinem, & alter secundū latitudinem: cum tamen vni simplici corpori non nisi vnus simplex motus tribui debeat: aut debebit addi Epicyclus Epicycli. Et præterea oppositio quadam est in motu latitudinis, quia epicyclus non dici-

tur

tur perficere integram reuolutionē, sed inclinari prius versus vnum polum & postea versus alterum polū. Deinde si Sol mouetur in eccentrico, & aux eccentrici ponitur versus polum arcticum videlicet in Cancro in Solstitio æstiuo; sequitur maiorem esse declinationem Solis ab æquinoctiali in hoc situ, quàm in alio opposito, videlicet in Capricorno in Solstitio hyemali: atque adeo eos qui terram incolunt sub æquinoctiali, remotiorem habere Solem in tropico Cancrī quàm Capricorni, & frigidiorē eo tempore hyemem, & minorem conspiciere Solem: ac præsertim maior nobis esse deberet longissima dies æstiuā, quàm longissima nox hyemalis: quæ omnia sunt contra experientiam.

Rursus si semidiameter Epicycli Veneris continet quadraginta tres gradus, atque adeo diameter octuaginta sex, sequitur debere ferè contingere terram: nam si esset nonaginta graduum, redderet quartam cæli partem, & adæquatè mundi centrum contingeret. Imò propter plures motus poni debent adhuc plures epicycli in Venere. Et sic etiā absurdum erit in Mercurio ponere, licet non tam magnum, tamen valde magnum Epicyclum, & plures Epicyclos. Demum, cum in Luna tribuatur vnus motus orbi eius deferenti, & alius motus orbibus inæqualibus, non poterit Luna simul moueri æqualiter in suo orbe ac in Zodiaco, hoc est æquales suo æquali tempore conficere arcus tam in suo orbe quàm in Zodiaco; sed in alterutro debet moueri æqualiter, & in altero inæqualiter, quod est absurdum. Insuper, cum epicyclus Lunæ in se ipso voluatur, non semper eadem Lunæ facies erit ad nos conuersa, sed potius opposita quando Luna est in auge ac in opposito augis Epicycli: attamen semper vide-

mus eandem Lunæ faciem cum iisdem maculis eodem modo dispositis. Et hoc argumentum sumitur ex Aristotele.

Respondetur. In tribus superioribus Planetis, nec esse inconueniens si vni Epicyclo omnis ille motus tribuatur, ita modificatus vt tam secundum latitudinem quàm secundum longitudinem peragatur, quia realiter est vnus motus & potest ab vno motore prouenire. Nec etiam esse inconueniens si Epicyclus Epicycli ponatur. Nec demum est inconueniens Epicyclum non perficere integram reuolutionem in latitudine, sed inclinari ex vno ad alium polū. Imò hoc non dicitur, nisi quia apparentia ipsa motus ita demonstrat. In Sole deinde non sequitur, maiorem esse declinationē eius ab æquinoctiali versus polum mundi in tropico augis quàm in opposito: quia per altitudinem augis solū fit, vt Sol magis à terra eleuetur, non verò vt magis ab æquatore declinet: sed verè tanta est distantia augis ab æquatore, quanta est in parte opposita. Sicut in alijs Planetis, non vti que per altitudinem vnius supra, alium, fit vt magis vnus quàm alius ab æquatore elongetur. Ob ipsam tamen maiorem altitudinem Solis & elongationem à terra, verum est, Solem in Cancro apparere minorem, quod experientia ipsa monstratur, & ex hac parte ijs qui sub æquinoctiali incolunt, frigidiorē aliquanto reddi hyemem Sole existente in Cancro, nisi ex consortio aliarum stellarum, præsertim Caniculæ, potius calidior redderetur. Nō tamen sequitur inæqualitas illa longissimæ diei ac longissimæ noctis, quæ solū ex inæquali declinatione ab æquatore deberet contingere.

Epicyclus deinde Veneris rectè ponitur tantæ magnitudinis quantā requirit elongatio Veneris à Sole, quæ

que potius extēditur vsque ad quadragesimum quintum circiter gradū. Sed pariter Cælo Veneris ab Astronomis tribuitur tanta crassities & profunditas, intra quam supra cælum Mercurij commodē cōtineatur totus eius epicyclus, ac etiam si esset necessarius alius maior epicyclus; sed tamen si ponantur plures alij epicycli, ponentur potius intra dictum epicyclum maximum. Et similiter sub Venere & supra Lunam ponitur cælum Mercurij tantæ molis quantam requirit Epicyclus eius. At verò hoc totum facilius redditur, si Epicyclus Veneris dicatur volui circa Solem, & Epicyclus Mercurij intra Epicyclum Veneris circa eundem Solem: sic enim valde minus spatium occupabunt, & solum semidiameter vtriusque Epicycli erit infra Solē. Luna demum obseruatur moueri æqualiter in Zodiaco, non autem in orbe suo proprio: atque adeo dicitur moueri regulariter circa centrum mundi & Zodiaci, non autem circa centrum proprium sui orbis. Neque hoc est inconueniens, quando potius apparentia ipsa motus ita demonstrat. Imò in alijs superioribus Planetis, excepto Sole, obseruatur, illos nec moueri æqualiter in Zodiaco, nec in orbe suo; atque ita nec moueri regulariter circa centrum mundi & Zodiaci, nec circa centrum propriū. Sed idcirco excogitatus est alius imaginarius circulus, in quo Planeta moueatur æqualiter, & aliud punctum circa quod moueatur regulariter: & hic alius circulus vocatur æquans, & hoc punctum vocatur centrum æquantis. Attamen si per illam cælestem structuram qua ij alij Planetæ dicebantur habere pro suo centro Solem, saluentur omnes apparentiæ absque hac exorbitantia motus: id quidem gratius esse debet. De maculis demum Lunæ quid sen-

tiendum sit, dicemus postea circa corporum cælestium accidentia.

Obijcit demum Lucillus Philatus lib. 2. de Cælo tom. 9. in fine, qui spectis alijs argumentis, tam Fracastorij quàm Auuerrois, quali efficacem demonstrationem allaturus, ita argumentatur. Vel eccentrici & Epicycli ponuntur propter motum Planetarum in longitudinem, vel propter motum in latitudinem: sed neutra ratione poni debet: ergo simpliciter non sunt ponendi. Minorem probat: quia omnis ille motus saluari potest per motum proprium orbis, & alium motum proprium ipsius Planetæ ad instar Helicis, quem ipse posuerat. Addebat etiam in illo argumento Fracastorij de Epicyclo Veneris: Si is Epicyclus sit tam magnus, non poterit compleri ipso astro, atque adeo dabitur inane & superfluum in natura.

Sed in primis insufficienter assumit, Eccentricos & Epicyclos poni ob motum in longitudinem vel latitudinem: quia præcipuè ponuntur ob motum qui dici potest in altitudine, id est quo in altum attolluntur, & ex alia parte ad terram depressuntur: quod etiam per motum Astri ad modum Helicis ipse saluare conatus est. Deinde in probatione minoris, ad summum probaret, non esse necessarios Eccentricos & Epicyclos: & nequiquam probat simpliciter non dari, sicut intendebat, & Fracastorium superare promittebat. Neque quicquam suggerit, quo suadeat, esse potius eligendam suam illam inuentionem Helicis, relicta consuetâ de Eccentricis & Epicyclis. Demum inuentionem illam non esse sufficientem, nec aptam, nec naturali ordine possibilem, ostendimus iam sect. quinta. Ad illud quod addebat de Epicyclo Veneris, vel ego eum non intelligo, vel ipse non intellexit nomen & vsum

Soluntur argumenta Lucilli.

Epicycli . Nullus enim Planeta debet complere suum Epicyclum : omnisquæ Epicyclus est longè maior suo Planeta : & alioqui si Planeta compleret suum Epicyclum, iam nullus esset Epicyclus . Sed Planeta debet esse infixus in quodam latere sui Epicycli, vt sic per circumuolutionem Epicycli, procedat ante aut re-

tro, eleuetur aut deprimatur, inclinetur in vnâ vel alteram partem : Epicyclus ergo est globus longè maior suo Planeta . Neque propterea habet quicquam inane aut superfluum : sicut totum ipsum cælum, Planeta, licet non compleatur suo astro, non est vtiq; superfluum & inane .

QVÆSTIO TRIGESIMATERTIA.

De Cælestium Corporum.

Substantia & Natura .

Progrediendum iam est ad inquirendum quid sint cælestia corpora, quæ sit eorum essentia & natura . In quam rem etiam Astronomi ex suis obseruationibus, imò & Theologi ex quibusdam assertionibus Sacrae Scripturae, suam considerationem extendunt . Sed res est propriè Philosophica : Ad plenam tamen & exactam veritatis manifestationem ac definitionem, etiam quæ Theologica & Astronomica erunt afferre non recusabimus, & ijs etiam medijs nostras determinaciones confirmare tueriq; poterimus, ac ijs quæ in contrarium ex ijsdem a marijs depromuntur satisfacere tenebimus .

SECTIO PRIMA.

Vtrum Corpora Cælestia sint eiusdem essentia & natura elementaris cum corporibus his inferioribus, vel potiùs alterius substantia superioris.

Veteres Philosophi ante Aristotelem, vt plurimum putasse videntur, cælestia corpora esse eiusdem elementaris naturæ cum corporibus his inferioribus : quia tamen plura sunt & varia elementa, & in vniuersum quatuor distinguuntur, ignis, Aer, Aqua, & Terra; varijs etiam modis cælestia corpora constituisse inueniuntur . Plato in-

Timeo docuit, cælum constare ex omnibus quatuor elementis, ex purioribus tamen illorum partibus, & magis participare ex terra & igne . Sic etiam refert Alcinous cap. 12. de Doctrina Platonis . Et præterea ex posterioribus Philosophis eum sequuti sunt Plotinus, Phicinus super Timeum, Philopon. lib. de Aeternit. mundi contra Proclum, Plinius lib. 2. Natural. historiae cap. 8., & quidam alij . Insuper Ptolæmeus lib. 1. Quadripartiti & alij Astronomi videntur similiter sentire, cælos constare ex omnibus elementis . Adhæret ex Patribus Theodoret. lib. 4. De curandis græcanicis affection. Nuper autem Vallerius cap. 51. de Sacra Philosoph. opinatus est,

est, cælos constare quidem ex elementis, igne, aere, aqua, & terra, tamen diuersæ rationis à nostris quatuor elementis, & sine qualitatibus contrariis.

Rursus Empedocles voluit cælum constare ex igne & aere. Thales & Anaximenes, absolutè esse naturæ terreæ. Diogenes esse naturæ aeræ. Et idem nuper defendit Ioannes Camillus Gloriosus lib. 4. de Cometis cap. 4. Et Ioannes Pena apud Tyconem lib. 1. Progymnasmatum cap. 1. pagina 92. Et indicant Basil. & Ambros. in Exameron. Chaldaei Aegyptij, & quidam Hæbrei, præferunt Ioseph. lib. 1. Antiq. cap. 1. esse naturæ aquæ, vel ex aqua & igne compactum: Heraclitus & Pythagoras esse naturæ igneæ. Ac ita nuper defendit Teletius lib. 2. de Rerum nat. Et Sebastianus Bassonus lib. 1. de Cælo Intent. 5. dicens totum Cælum esse ignem, & per astra veluti per quosdā fontes apertos ad nos diffluere. Alij quoque veteres Philosophi putasse videtur, astra esse ignea, quamuis ipsi cælo alterius elementi naturam tribuerēt. Et sic etiam aliqui Ecclesiæ Patres, cælum & præcipuè astra ignea putasse videntur, Basil. homil. 3. in Examer. Ambros. lib. 2. Examer. August. lib. 2. de Genesi ad litter. cap. 3. Theodoret. q. 9. in Genesim et quidam alij.

*Aristo-
telis &
vera sē-
tentia
cælū esse
superio-
ris na-
tura.*

Sententia autem Arist. quam ex professo docet & probat 1. cæli à text. 5. & quam alij omnes Peripatetici nostriq; Theologi secuti sunt, est, cælum omneq; corpus cæleste nequaquam esse naturæ elementaris, & nec esse quasi vnum aliquod ex elementis, nec mixtum quid ex omnibus aut pluribus elementis; sed esse potius naturæ cuiusdam diuersæ ac substantiæ superioris, ideoq; dici solet Quinta essentia et natura. Fuitquē etiā ante ipsum Arist. apud

Philosophos recepta. Ex schola Pythagoræ Ocellus Lucanus in lib. de Natura vniuersi & Architas Tarentinus apud Porphyri. lib. de Abstin. ab esu carniū, docuerunt, cælum esse alterius quintæ naturæ ab elementis. Sic etiam sensisse Indorum Sapientes scripsit ad Aristotelem Alexander magnus, vt refert Philopon. 1. Metereo. Et fortasse alij quoque Philosophi idem putarunt, vt infra notabimus.

Hæc sententia verissima est. Et probatur primò: quia sine dubio possibile erat corpus aliud diuersæ naturæ ab elementis: ergo tale debuit esse: & de facto est cælum. Tum quia cælum habet influere in omnia corpora elementaria: ergo debebat esse naturæ superioris ad omnia, non constitutum ex ipsis elementis. Tum etiam cælum collocatur supra omnia elementa: ergo sic quoque substantialiter est naturæ superioris ad omnia.

Secundò. Omnia corpora cælestia simul sunt ingenter maiora toto reliquo mundo interiori: vnde si cælum esset naturæ vnius cuiusdam elementi, hoc vnum elementū adeo excederet reliqua, quod esset penitus inconueniens in hac rerum ordinatissima vniuersitate. Similiter si cælum esset mixtum ex pluribus elementis, nō minùs erit absurdum, quoddam mixtum esse adeò maius omnibus simul elementis.

Tertiò. Si cælum esset naturæ aliquius elementi, si esset ignis ob tantam suam magnitudinem vehementissimè ageret in alia omnia elementa donec breui omnia consumeret, & tota mundi machina solueretur. Sic Arist. 1. Metereo. cap. 3. contra Anaxagoram dicebat, si cælum esset igneum omnia combureret. Si verò cælum esset terreum aut aqueum, violenter in illo loco superiori detineretur. Et similiter quomodo-

*Cælum
non est
igneum,
nec ter-
reū, nec
prorsus
elemēta-
re.*

cumq;

cumq; esset ex elementis pluribus constitutum.

Quartò deinde . Vanum & fictitium est illud quod dicebat Vallesius de elementis diuersæ rationis. Iam enim illa non erunt elementa, neque explicari poterit quæ & qualia sint hæc alia elementa , & qualiter cælum constitutur ex illis , vel ad quid talis compositio iuuat.

*Astra
non sunt
igneæ .*

Quintò . Magis vana & ridicula sunt ea quæ priores Philosophi dicebant de natura ignea astrorum . Anaxagoras, esse lapides vehementi calorem motu è terra abreptos & in sublime elatos ac ignitos . Thales, esse terræ glebas ignitas. Diogenes, esse punices inflammatos. Archelaus, esse laminas ferreas ardentes . Anaximander, esse aereos globos accensos. Xenophanes esse nubes ardentes. Nec sanè magis excusabile est, quod excogitauit Bassionus de fontibus igneis per quos perennes ad nos ignei fluij dimanarent.

Sextò . Tam excellentes & insignes sunt operationes astrorum & corporum cælestium in hæc inferiora , vt planè transcédant nostrorum elementorum naturam & vim, & ita demonstrant longè sublimiorem eorum naturam . Ac præterea, valde diuersæ & variæ sunt operationes astrorum in hæc inferiora, & plerumque oppositæ, videlicet quædam inducunt calorem quædam frigus, & sic quoad alios plurimos effectus. Non ergo omnia corpora cælestia habent vniformem naturam alicuius certi elementi, vel ex pluribus compactam . Nec etiam saluari poterit differre inter se per diuersam elementorum mixtionem, quo plus de vno vel alio elemento quædam præ alijs participant . Planè enim determinari id & verificari non poterit iuxta varietatem ordinem & virtutem singulorum astrorum .

Septimò demum pro hac re facient & alia quæ afferemus sectione sequenti pro incorruptibilitate cæli. Si enim cælestia corpora sunt natura sua incorruptibilia, vtique non erunt elementaris naturæ, cum elementa omnia generationi & corruptioni obnoxia sint.

Cæterùm obseruandum est, in Corpora corporibus cælestibus inueniri quod cælestia dammodo simul vnitas varias per habent sectiones quæ in quatuor elementis perfe- disperse sunt, sublatisque imperte- ctionibus adiunctis . Cælum habet elemen- soliditatem sicut terra, sed non gra- torum. uitatem: habet lucem & splendorem sicut ignis, sed non leuitatem: habet continuitatem & adhærentiam suarum partium sicut aqua, sed non fluxibilitatem: habet perspicuitatem & transparentiam sicut aer, sed non tenuitatem . Habet agere in omnia elementa & quæcumque inferiora corpora, sed non ab eis pati: habet efficere in illis qualitates contrarias, sed non eas in se recipere .

Et in hoc sensu fortasse Veteres Philosophi attribuerunt cælo elementorum naturam, idest virtutes & perfectiones, quandamque similitudinem: & illorum potius elementorum, vel elementi, cui cælum magis assimilari considerabant. Sic certè Platonis mentè explicant Besfariion lib. 1. contra Calumniat. Platonis, Proclus super Timeum, Simplic. lib. 1. de cælo . Et quia magis apparenter astra præferunt ignis conditionem: ideo vt plurimum illis ignis naturam attribuerunt.

Obijcies primò fundamētum eorum quæ volebant cælum constare Nō ha- ex omnibus quatuor elemētis. Cor- bent ac- cidentia cælestia habent accidentia propria elementorum, nempe di- element- mentiones quantitatiuas, & præci- torum. pue primas quatuor qualitates: & maximè Sol habet calorem, Saturnus frigiditatem, Mars siccitatem, Lu-

Luna humiditatem, & sic etiam alia varia astra in aliqua huiusmodi qualitate excellunt. Adde, quod Arist. ipse 3. cæli tex. 1. distinguens elementa & ea quæ constant ex elementis, hæc recenset: *Velut & totum cælum, & partes eius, & rursus animalia, & plantas, & partes horum.*

Respondetur. Corpora cælestia habere quidem dimensionem quantitativam: sed hoc est accidens commune omnibus corporibus, etiam si non sint naturæ elementaris. Non habent autem formaliter qualitates illas, quæ verè sunt elementares: sed tantum virtualiter illas continent, hoc est, habent virtutem eas producendi in corporibus his interioribus. Et alioqui iuxta distributionem positam, Saturnus deberet ratione frigiditatis esse naturæ terræ & aquæ, unde deberet inferiorem locum tenere, & tamen inter omnes planetas supremum obinet. Arist. verò in illo loco per totum cælum intellexit totum uniuersum, quod utique ex elementis constituitur.

Soliditas cæli non est terrea.

Obijcies secundò fundamentum eorum qui volebant cælum esse terreum. Corpora cælestia sunt valde firma & solida: sed soliditas est propria terræ & corporum terrestrium ut apud nos constat: ergo cælum est terreum, vel saltem valde participat de natura terræ.

Respondetur. Apud nos quidem inter corpora inferiora soliditatem magis convenire terræ & corporibus terrestribus; tamen opumè posse etiam convenire superioribus corporibus, licet sint diversæ naturæ.

Formatio cæli non fuit ex aqua.

Obijcies tertio fundamentum quo probari potest cælum esse aqueum ex Sacra Scriptura. Initio Genesis significatur, calos intra Empireum factos esse ex aqua: nam prius dicitur, Deum fecisse cælum & terram, deinde additur: *Spiritus Domini*

feriebatur super aquas, quasi scilicet totum spatium inter terram & supremum cælum nempe Empireum, plenum fuerit aquis, ex quibus facta sunt postea omnia alia corpora, etiam cælestia. Et insuper intra dicitur factum esse firmamentum diuidens aquas inferiores & superiores: nomine autem firmamenti intelligitur cælum stellatum: ergo supra illud cælum adiunt aquæ. Et alijs etiam in locis nominantur aquæ in cælis & supra calos. Igitur tota cælestis moles est naturæ aquæ.

Respondetur. Nonnulli quidem admittunt, calos intra Empireum factos esse ex aqua, sed non propterea retinere naturam aquæ: & ita sedit Molina 1. par. tractatu de Opere tex. dierum disp. 2. & Cornelius à Lapide initio Genesis. Sed alij communiter & merito negant calos factos esse ex aqua. Negant etiam, totum interstitium à supremo cælo ad terram fuisse plenum aquis. Et dicunt, per aquas ibi intelligi solum elementum aquæ quod de facto permanet circa terram.

Deinde aliqui etiam Patres affirmant, supra cælum stellatum esse veras aquas, constitutas ibi a Deo, vel ut temperent nimium ardorem astrorum, vel quasi ut suo pondere firmant calos ne ventorum impulsibus quatiantur, vel ut earum ingenti copia præcipitata in terras generale diluvium redderetur, vel ob alium finem nobis ignotum ut opinantur Molin. eodem tract. citato disput. 10. & Cornelius à Lapide super eum locum Genesis. Attamen negandum potius est cum communiori Theologorum & Expolitorum sententia, supra cælum esse veras aquas. Tum quia ut arguit D. Thom. Quodl. 4. quæst. 2. art. 3. partes mundi sunt ordinatissime dispositæ, ut docet D. August. lib. 2. de Genesi ad litteram: sed nec aquæ nec ulli cor-

corpori elementari potest naturaliter conuenire locus supra cælum : & specialiter ipsi aquæ tanquam graui debetur locus infra aerem iuxta terram. Tùm etiam ex Durand. in 2. dist. 4. quæst. 1., aquæ illæ deberent alterari & calefieri, vnde & aliqua generatio & corruptio oriretur, quod non est admittendum in cælis. Tùm quia demum vanæ prorsus, & falsæ sunt omnes illæ rationes quæ afferuntur pro illis aquis : neque dici debent ibi collocatæ ratione nobis ignota, cum aliter possit commodè Scripturæ auctoritas explicari.

Nec supra cælos sunt vera, aquæ elementares. Alijs autem expositionibus omis- sis, duæ sunt præcipuè, quarum meminit S. Tho. 1. par. q. 68. art. 2. Prima est ipsius Diui Thomæ, Alber. Duran. Bonauent. & aliorum quondam in 2. dist. 14. Lyrani Abul. Caiet. Cather. & aliorum expositio- rum circa locum Genes., aquas supra cælum non intelligi veras & elementares, sed metaphoricè de quibusdam alijs cælis existentibus supra cælum stellatum, quorum vnum appellatur chrySTALLINUM, aliud primum mobile : hosq; cælos appella- tos aquas ob similitudinem cum aqua in transparentia & densitate per omnes suas partes, cum nulla stella sine præditi. Addit Bonau. quia cælum chrySTALLINUM habet vim refrigerandi. Addit rursus D. Thom. art. 3. per aquas posse intelligi omne corpus diaphanum factum à Deo, & hoc fuisse diuisum per firmamen- tum, siue sumendo firmamentum pro cælo sydereo, siue pro aere nu- biloso.

Secunda expositio est D. August. lib. 2. de Genes. ad litteram cap. 4. Hieron. epistola 82. quæ est ad Oceanum, Ruper. lib. 1. de Trin. cap. 22., quam etiam magis approbant Perer. & Leonard. Marius initio Genes. suar. disp. 13. Metaph. sect.

11. n. 33. & alij plures Sacri Expo- sitores ac Theologi, nomine firma- menti non intelligi solum cælum stellatum, sed intelligi totam expan- sionem & molem corpoream à ter- ra vsque ad cælum : siue includendo etiam ipsos cælos stellatos, intelligi totam expansionem vsque ad cælum Empireum. Vox enim Hebræa Rachiangh, propriè expansionem significat : & ita per aquas intelligi veras aquas in media aeris regione vnde pluit. Firmamentum ergo, hoc est hæc expansio, specialiter aeris, diuisit aquas existentes sub firma- mento, idest sub toto aere, ab his quæ sunt supra firmamentum, idest supra quandam aeris partem & re- gionem, nempe in secunda aeris re- gione. Et de his etiam intelliguntur alia scripturæ loca in quibus nomi- nantur aquæ in cælis siue supra cæ- los : sicut sæpe etiam dicuntur aues & nubes esse in cælo. Et hæc expo- sitio præferenda est.

Obijcies quarto. Fundamentum quod ex Ioanne Pena à Tycone re- fertur, ad probandum cælum esse aerem : quia habet eandem transpa- rentiam et perspicuitatem cum aere : vnde astra nō variam refractionem in ordine ad nostrum aspectum sub- eunt, quando in horizonte & quan- do in summo cælo conspiciuntur, & tamen maior copia aeris inter nos & astra dum sunt in Horizonte me- diat, nempe per terræ semidiame- trum.

Respondetur, obseruari posse in primis varietatē aliquam refractionis inter duplicem illum astrorum situm. Deinde, vt rectè ipse Tyco notauit, quantumuis sit eadem per- spicuitas cæli & aeris, nullatenus se- quitur cælum esse eiusdem naturæ cum aere : quia benè poterant cor- pora prorsus diuersa, in perspicui- tate consimili conuenire.

Obijcies quintò. Fundamentum

Vis a- Veterum ad probandum cælum & *storum* præcipuè astra esse naturæ igneæ: *non est* quia habent accidentia ignis: habent enim lumen, efficiunt calorem, habent summam leuitatem cum in suprema mundi parte consistant. Imò Arist. ipse 2. de Anima text. 69. significauit, lumen esse ignis præsentiam; & primo cæli text. 17. docuit, leuissimum esse quod omnibus supereminet. Addit Telesius ex doctrina eiusdem Arist. Prima vniuersi corpora calefiunt motu cæli, 1. Meteor. cap. 4. Et id quod est causa reliquorum in aliquo genere est primum in illo genere, 2. Met. 4. ergo cælum debet dici maximè calidum, & ita habet naturam ignis. Item Arist. docet, motum circula rem conuenire cælo, quia debet nobilissimus motus conuenire nobilissimo corpori: ergo similiter debet cælo tribui calor, quia hæc est nobilissima qualitas.

Respondetur. Lumen non esse accidens proprium solius ignis, sed per se etiam conuenire quibusdam corporibus inferioribus. Et multò magis per se conuenit corporibus cælestibus, licet non sint ignis. Deinde, nec omnia corpora cælestia efficiunt calorem: neque solus ignis habet calorem efficere. Rursum, cælum non dici debet leue: non enim sursum ascendit. Arist. verò non dixit, lumen esse solùm ignis præsentiam, sed vel ignis, vel alterius huiusmodi corporis facientis res perspicuas & vitibiles. Et de illis solùm corporibus quæ ascendunt vel descendunt docuit leuissimum esse quod omnibus supereminet. Præterea, ad ea quæ addebat Telesius, Arist. eo loco Meteor. aperte dixit, aerem interdum ignescere ratione motus: neque dixit, ignem debere calefieri motu cæli: nullatenus ergo inde inferri potest cælum esse ignem. Rursum nobilissimo corpori debent

nobilissima accidentia illi consentanea conuenire: cælum ergo est nobilius igne, sed calor est nobilissima qualitas inter eas qualitates quæ conueniunt elementis: ipsi ergo cælo non debet conuenire calor sed aliæ potiùs nobiliores qualitates.

SECTIO SECVNDA.

Vtrum Corpora cælestia sint generationi & corruptioni obnoxia, vel potiùs naturaliter ingenerabilia & incorruptibilia.

Veteres Philosophi, qui cælestia corpora eiusdem elementaris naturæ cum his inferioribus faciebant, pariter esse ex natura sua generationi & corruptioni obnoxia sentiebant, atque interdum de factio talem mutationem in se pati, vel saltem aliquando fore dissoluenda, ut circa ipsum mundum q. 3. retinebamus. At Plato in Timeo docuisse videtur, cælos esse quidem natura sua corruptibiles, sed diuino beneficio & voluntate ab omni corruptione perpetuò præseruari. Eidemquæ sententiæ plerique Ecclesiæ Patres adhæsisse videntur, Iustinus Martyr in Respons. ad qq. Gentil. q. 93. Basil. homil. 1. & 3. in Genes. Ambros. lib. 1. Exameron, Damasc. 2. Fidei cap. 6. Theodoret. Serm. 1. de Prouid. dicens: *Cum cælum passibili & corruptibili substantia constet, intactum tamen & saluum permanisset hactenus, non aliare quam Creatoris sui verbo conseruatum.* Et licet etiam quidam alij Patres loquuti sunt: Ac nuper recentiores quidam, Astronomi contendunt, in cælis verè posse & de facto solere aliquid de nouo generari & corrumpi, atque adeo corpora cælestia esse ex natura sua corruptibilia. Inclinat in hanc sententiâ Christophorus Clauius

Veterum sententia cælos esse corruptibiles.

uius in cap. 1. spheræ. Et ita præter-
tim contendit Tyco Brahe lib. 1.
Progymnasmatû quem scripsit oc-
casionem nouæ stellæ quæ apparuit
Anno Domini. 1572. Et lib. 2. quem
scripsit occasione insignis Cometæ
qui apparuit Anno 1577. Ac nouis-
simè eandem sententiam amplexi
sunt quidam alij occasione alterius
Cometæ qui apparuit Anno 1618.
Et quia Astronomi explorasse se
dicunt, hos cometas verè fuisse in
cælesti regione, quosdam etiam
alioqui constantes Peripateticos in
partes suas traxerunt, ad cæli natu-
ram labefactandam.

*Aristo-
telis &
vera sē-
tētia Cæ-
los esse
incorru-
ptibiles.*
Ex aduersq, Arist. ex professo
docet & probat, corpora cælestia
esse ex natura sua omnis corruptio-
nis, ac nouæ generationis expertia.
Atque pro hac re communem ho-
minum existimationem ac testifi-
cationem affert. Primo Cæli 22.
*Omnes homines & Græci & Barba-
ri locum cælestem Dijs tribuunt, tan-
quam videlicet immortalis immor-
tale coaptatum sit.* Et 2. Cæli ini-
tio, *Benè se habet, quemquam sibi
ipsi persuadere, antiquos & maxi-
mè Patrum nostrorum veros esse ser-
mões, quòd est immortale aliquid
ac diuinum, eorum quæ motum ha-
bent.* Hanc sententiam Peripatetici
omnes, & posteriores Philosophi
sequuti sunt: Theologi etiam in 4.
d. 48. ac præcipuè D. Th. Et sequa-
ces 1. par. q. 66. art. 2. ac frequenter
Expositores sacræ Scrip. varijs in
locis. Item planè docuisse videtur
Patrum antiquissimus, D. Dyonis.
cap. 4. de Diuin. Nominib. Et qui-
dam etiam ex alijs Patribus fortasse
solum voluerunt, Cælos posse ab-
solutè per Diuinam potentiam de-
strui, & sic diuina voluntate con-
seruari: simpliciter enim dependent
à Deo: quo pacto etiam anima no-
stra & Angeli ipsi se habent, sicut
in 6. Synodo generali Actione 11.

dictum est, Angelos esse immorta-
les, non per naturam, sed per gra-
tiam. Imò in hoc eodem sensu Pla-
tonem ipsum interpretantur Pro-
clus, Porphyrius, & quidam alij.

Cum hac ergo sententia dicendû
& asserendum est; corpora cælestia
non esse naturali corruptioni & ge-
nerationi obnoxia, sed naturaliter
esse ingenerabilia & incorruptibilia
respectu omnium naturalium cau-
sarum.

Probatur primò: quia sine dubio
possibile erat & à Deo factibile hu-
iusmodi corpus, quod ex natura sua
non esset corruptioni obnoxium, &
per vim causarum naturalium gigni
aut corrumpi non possit: ergo po-
terant à Deo corpora cælestia talis
incorruptibilis naturæ procreari. At-
que putandum erit, talia de facto
esse creata. Tum quia Cæli consti-
tuti sunt, tanquam Dei domicilium,
vt arguit Arist. & tanquam habita-
culum Beatorum: ac proinde per se
debent in perpetuum permanere:
conuenientius ergo erat, vt per se
ab intrinseco essent naturaliter in-
corruptibiles. Tum etiam cæli con-
stituti sunt respectu aliorum corpo-
rum interiorum, veluti causa quæ-
dam vniuersales & superiores, in
his quidem corporibus varias gene-
rationes & corruptiones inducen-
do, ac per varias operationes in-
fluendo: igitur in se debebant po-
tius esse inuariabiles: ita vt nil è
conuerso pati possent à corporibus
his inferioribus, quasi cælorum in-
teritum molientibus: nec inter se
quasi vnum cælum ageret ad de-
structionem alterius, vel ad genera-
tionem alicuius nouæ substantiæ in
ipsis cælis.

Secundò. Hinc rursus probatur
ex Arist. 1. Cæli 20. Omne quod
corrumpitur, per actionem alicuius
contrarij corrumpitur, & in aliquod
contrarium resoluitur. Sed Cælo ni-

*Proba-
tur ex
conue-
nientia
rei.*

*Ex im-
morta-
te cæli.*

hil est contrarium. Tum quia, ut arguit Arist., Cælo competit motus circularis, cui nullus alius motus est contrarius. Tum quia cælum operatur ad perfectionem & conseruationem mundi inferioris, & est nature longè superioris à corporibus his elementaribus, & non est elementum aliquod nec ex elementis constat, neque vnum cælum cum alio talem contrarietatem exercet. Igitur absolute corpora cælestia sunt ex natura sua incorruptibilia.

*Ex experientia
vniuersi
omnium
seculorum.*

Tertio. Præcipuè probatur assertio ex diuturna tot annorum et seculorum experientia. Nulla enim in cælo corruptio, nec ex toto, nec ex parte, nulla noua generatio hactenus apparuit. Et narrationes quædam quæ in contrarium afferuntur, vel veræ non sunt, vel non persuadent mutationem substantialem in ipso cælo, ut deinceps ostendemus. Hoc ergo signum est cælestem substantiam verè esse naturaliter omnis corruptionis nouæque generationis expertem. Tum quia, aliunde in corporibus his inferioribus quæ substantialiter mutabilia sunt, passim innumeras generationes et corruptiones videmus contingere. Tum quia ipsi celi velocissimo motu agitantur, et semper absque cessatione in tanto iam annorum spatio: vnde si corruptionem aliquam pati possent, iam nunc essent penitus attriti vel incensi. Non solum quia motus est causa caloris. Sed quia si ipse Sol tantum calorem in his infimis corporibus adeo distantibus continuè gignit: quanto maiorem calorem, atque adeo quantum incendium in ipsis calis sibi proximis excitaret.

*Quo pacto
cæli
sine etiam
in generationibus
mutabiles.*

Quarto circa productionem celi, plerique ut defendant, celos factos fuisse per veram creationem, et non per generationem, explicare conati sunt, formam Celi non fuisse

se de potentia materie eductam, supponentes scilicet compositionem celi ex materia et forma. Et propter hoc varias quasdam conditiones ad rationem eductionis requirere curarunt, ut earum aliquam in productione celi deficere inuenirent. Sed neque hoc rectè cogitatum est, nec erat necessarium. Itaque vtrò fatendum est, formam celi fuisse ab initio de potentia materie eductam, si inquam cælum ex materia et forma constat. Ita iam satis ostendimus q. 20. sect. 7. vbi in vniuersum de formæ eductione tractauimus. Verè enim forma celi dici debet facta esse dependenter à sua materia, non minùs quam omnes aliæ formæ materiales. Nec alia conditio poterat ad eductionem requiri: Nec vlla deesse in productione formæ cælestis. Vnde consequenter, tam ipsum totum compositum, quam forma celi dici debet factum per veram generationem à creatione distinctam. Atque etiam ratione vnionis inter materiam & formam. Nam homo ipse, qui alioqui constat anima rationali verè independenti à materia, adhuc dicitur generari.

Nihilominus rectè dicitur cælum esse ingenerabile, sicut dicitur incorruptibile, scilicet naturaliter. Non enim cælum debet ita se habere, quod nec per Dei potentiam gigni possit & corrumpi, sed solum quod per causas & vires naturales: alioqui sine dubio potest Deus per ablationem formæ à materia corrumpere cælum. Igitur ab initio cælum non fuit genitum, nec amplius potest gigni per vires naturales: bene autem ab initio potuit gigni & genitum fuit quoad formam & quoad rationem compositi per superiorem virtutem Dei. Quare adhuc remanet cælum naturaliter ingenerabile. Et hoc sufficit: neque plus est de ratione celi: neque alius productio.

tionis modus erat connaturalis & debitus cælo. Frustra ergo laborarunt ij, qui ita tentarunt facere cælum ingentum, vt eius formam de potentia materiæ non educerent. Dicitur autem in Scriptura & consueto etiam more loquendi cælum ab initio fuisse creatum: quia verè tunc primò totaliter de nouo factū est ex nihilo, nullo præsupposito subiecto, sed factum est etiam quoad primam suam materiam, atque adeo quoad hanc partem in toto rigore creatum. Et quia etiam omnis actio Dei, præcipuè quæ non potuisset fieri ab vlla causa creata, dicitur communiore appellatione creatio: qua ratione in communi diuisione entis nominantur Deus & creatura. Vnde sic prorsus dicitur ab initio creata terra sicut cælum.

*Expli-
cantur
quedam
Scriptu-
ra loca.*

Sed contra hanc assertionem de incorruptibilitate cæli Obijci primò possent illa Scripturæ loca, in quibus cæli aliquando interituri aut etiam igne conflagraturi dicebātur. Verum, quia hæc magis ad totius vniuersi machinam pertinebāt, iam q. 31. explicata sunt: nempe vel de immutatione accidentali cælorum, vel de quacumque immutatione aeris, qui sæpè cæli nomine in sacris litteris nuncupatur.

*Exam-
natur
quedam
narratio de
Stella
Veneris.* Obijcitur secūdò: quia iam olim antiquissimis temporibus quedam notabilis immutatio conspecta est in cælis, specialiter in stella Veneris: quæ mutatio sine generatione & corruptione aliqua fieri non potuisse videtur. Rem hanc ita ex libris Marci Varronis refert D. Aug. lib. 21. de Ciuit. cap. 8. *In cælo mirabile extitit portentum, vt stella Veneris nobilissima, mutaret colorem, magnitudinem, figuram, cursum. Hoc factum Ogyge Reges dicebant. Adrastus Cizconus, & Dion Neapolites, Mathematici nobiles.*

Sed certè, hæc tam antiqua nar-

ratio, nullis alijs fuit præsidijs, nullam planè difficultatem affert. Nam variatio illa coloris, magnitudinis, & figuræ, facillimè contingere potuit interpositione aliqua vaporum & exhalationum, prout circa Solem ipsum & alia astra interdum contingit. Potuit autem fieri, vt maior tunc & notabilior hæc mutatio in Venere apparuerit, quo portentosi loco habita sit. Mutatio verò motus, non vtique arguit substantialem variationem. Et præterea, si verè facta est mutatio aliqua in Veneris cursu præter eius regulas consuetas, id contingere non potuit nisi speciali miraculo & dispositione diuina: sicut cum semel Sol à suo cursu cessauit, & iterum retrorsum redijt, testante Sacra Scriptura. Fortasse etiam antiquo illo tempore nouiter obseruata fuit in stella Veneris ea variatio motus, quæ postea multò certius & exactius deprehensa est, atque à posterioribus Astronomis ad certos & firmos canones redacta; ita vt totus & integer motus, maximè regularis efficiatur.

Obijcitur tertio: quia inter stellas quæ dicuntur Pleiades, et existunt in signo Tauri, vna earum euanuisse et extincta esse videtur. Nam olim solebant recenseri septem: at non nisi sex visuntur. Narratur etiam tempus huius mutationis, nempe circa Troiæ excidium. Imò ante ipsum excidium, septimam Pleiadum, cæteris lucidiorem extitisse: tunc autem disparuisse.

*Exam-
natur
alia nar-
ratio de
septima
stella
Pleia-
dam.*

At hæc tota narratio, pro poetica et fabulosa habetur. Ponitur enim ab Ouidio lib. 4. Fastorum: qui, supponens septem illas stellas fuisse septem Atlantis filias: ait, illam quæ non cernitur, vel fuisse Mero- pem, quæ videns alias sorores omnes Dijs nuptas, se autem mortali homini Sytippo iunctam, præ verecundia se occultauerit. Vel fuisse

Electram, matrē Dardani fū latoris Troiæ: ideoq; ait: *Sine quod Electra Troiæ spectare ruinas. Non tulit ante oculos, opposuitque manum.* Rei autem veritas hæc est quod sex quidem sunt Pleiades, quæ regulariter conspiciuntur: sed alia quædam septima est, adeo exigua, quæ vix cælo serenissimo deprehenditur. Sic autem fuit semper ab initio. Ideoque Pleiades septem aut sex enumerari solent.

Cæterum, maxima huius rei difficultas est, de stella vel stellis novis quæ in cælo apparuisse videntur ac deinde evanuisse, item & de Cometis. De qua re ob eius dignitatem & novitatem distinctè tractabimus, prius de stellis, & postea de Cometis.

SECTIO TERTIA.

Verum interdum aliqua novæ stelle in cælo conspectæ aut genitæ sint: & quo pacto absque substantiali mutatione id fieri potuerit.

Stella **C**ONSTAT in primis ex evangelica historia, insignem quandam stellam tempore natiuitatis Christi apparuisse Magis in Oriente, quæ & eos ad Christum inveniendum perduxit. Verum, res illa fuit planè miraculosa, nec in præsentem discussionem venire debet. Et præsertim non fuit stella illa in cælo, sed in aere, in loco valde propinquo terræ, vt ex ipsa Sacri Textus narratione colligitur: alioqui enim non potuisset stella illa signare locum, ubi iacebat Christus. Neque debuit stella illa esse cælestis: sed potius fuit globus quidam lucidus tormatus in aere, & apparens instar stelle cælestis. Itaque in alijs humanis narrationibus & observationibus

requirendum est, si vnquam verè in ipso cælo novæ stellæ conspectæ sint.

Narrat in primis Plinius lib. 2. Natural. Histor. cap. 6. Hipparcum insignem Astronomum suo tempore observasse novam quandam in cælo stellam: ideoque ausum fuisse rem illam etiam Deo improbam, annumerare posteris stellis, & singularum loca signare. Narrant præterea aliqui Historici, tempore Adriani Imperatoris novam in cælo apparuisse stellam. Testatur etiā Cyprianus Leonitius in suo Scripto de Noua stella, se in quodam Historico reperisse, tempore Ottonis primi Imperatoris novam stellam fuisse conspectam.

Verum, hæc omnia, vt notavit ipse Tyco lib. 1. Progymnasmatum cap. 3. sufficientem fidem non faciunt, vt verè credamus, huiusmodi novas apparitiones in cælestibus regionibus contigisse. In primis narratio Plinij de stella Hipparco visa, non habet alios testes. Et Plinius non signavit locum aliasq. conditiones, vt opus fuisset ad iudicandū an verè stella illa apparuerit in cælo. Et licet Tyco conetur refellere aliquos rem illam exponentes de aliquo Cometa: tamen benè intelligi potest, ex testimonio Plinij, Hipparcum notasse Phænomenon illud in sublimi, ad instar stellæ, sine crinibus vel cauda, tanquam aliquid novum & saltem rarum præter morem aliorum Cometarum; at re vera fuisse eiusdem naturæ cum reliquis Cometis. Aliæ item narrationes non habent idoneos & notos testes: & non inveniuntur apud probatos Historicos illorum temporum: solumq. inuenitur alicuius Cometæ notabilis apparitio. Itaque rectè concludit Tyco, nihil certi constare de vlla alia novitate in cælo exorta ante stellam de qua ipse

Nō constat prius remporibus de vlla nova stella.

Anno diligentissimè in eo opere scripsit. Superiori igitur seculo, videlicet 1572. ap-
paruit anno Domini 1572. de nouo ab
noua omnibus cõspecta fuit, & ab Astro-
stella nomis sollicitè obseruata, in Cathe-
in dra Cassiopeiæ prope Polum arcti-
Cassio- cum, insignis quædam stella, ma-
peia. gnitudine & splendore superans omnia alia sydera firmamenti, ac tantùm Solis & Lunæ aspectui cedēs, æqualis Veneri. Hæc noua stella temper in eodem loco & respectu ad stellas fixas permanit: atque ultra annum ibi durauit, nempe à Nouembri 1572. ad Aprilem 1574.

Post primam autem apparitionem cepit successiue ac paulatim diminui donec tandem penitus euauit.

Astronomi eius temporis perspicue explorasse & demonstrasse videntur, nouam illam stellam verè fuisse in cælo. Atque omnium exactissimè Tycho Brahe in suo libro citato quem de hac stella cõscripsit, cap. 6. pluribus rationibus nititur confirmare, stellam illam verè fuisse in cælo, ac determinatè fuisse in supremo cælo, idest super omnes Planetas, inter stellas fixas. Probat, tum ex similitudine cum alijs stellis fixis, & differentia à Cometis in luce, figura, colore, scintillatione, & alijs accidentibus: Tum ex diuturna illius duratione, cum alioqui nullus Cometa sex mēsum ætatem attingit: Tum ex vniformitate motus cum stellis fixis: semper enim eundem tenorem cum illis seruauit, nullo alio proprio motu prædita: Tū præcipue ex vniformitate aspectus, & quia nullam penitus exhibebat parallaxim, siue ex eodem loco diuersis horis, siue è diuersis locis eodem tempore obseruata, iuxta duplicem modum quem superiori quæst. sect. 2. explicauimus: sed semper & ex omni loco conspiciebatur in eodem situ & respectu ad alias stellas fixas, cum eadem propinqui-

tate, & distantia, cum eadem etiam habitudine ad polum, vt copiosè satis Tycho prosequitur.

Potè hanc stellam, aliæ etiam plures, alijs sequentibus annis, similiter de nouo conspectæ in cælo sunt stellæ: vel quòd his temporibus hæc nouitates antea insuetæ in cælo emerlerint: vel quòd cantiores & diligentiores tacti syderum spectatores, modò has in cælo mutationes deprehenderint, quæ licet antea etiam contigerint, tamen ita solenter obseruatæ & litteris proditæ nõ fuerint. David Fabritius apud Ioannem Keplerum in Optica Astronom. pag. 446. conspexit anno Domini 1596. stellam nouam in Ceto. Iustus Byrgius conspexit aliam in Antinoo. Alia visa est anno 1600. in pectore Cygni, quæ & adhuc durare conspicitur. Alia rursus anno 1604. in pede Serpentarij sub signo Sagittarij, de qua peculiarem librum scripsit Keplerus, in quo pag. 112. & 120. testatur se aliam quoq; vidisse anno 1602. in Pisce. Et alij etiam plures scripserunt de eadem stella anni 1604. Et aliæ quoq; huiusmodi stellæ de nouo visæ narrantur. De quibus omnibus iisdem obseruationibus Astronomi demonstrant, verè esse in Cælo.

Ad satisfaciendum huic difficultati, atque ad retinendam ac defendendam cælestium corporum stabilitatem & immutabilitatem, plures varizquæ viæ excogitatæ sunt, quas breuiter recensere & examinare iuuabit: quæ specialiter circa stellam illam Cassiopeiæ, vtpote alij nouis antiquiorem, proditæ sunt, & quæ proinde alijs pariter nouis stellis veniunt applicandæ.

In primis, aliqui elegerunt obstinatè contendere, stellam illam fuisse Cometam quendam in certo loco aeris consistentem: obseruationibus autem astronomicis omnem

Alia

plures

noua

stella

postea

exorta

sunt.

Verè hæc

stella ap-

paruit

in

cælo.

denegant fidem, eas reputantes incertas atque fallaces, ne se conuinci patiantur ad reponendam stellam illam in cælo. Et ita indicauit Ioannes Bodinus lib. 2. Theatri Naturæ pag. 218. Ac persuadere conatus est Antonius Lorenzinus in libro quodam italico de stella anni 1604. Alii qui autem diuerſas alias & oppositas obseruationes protulerunt, tribuentes illi stellæ parallaxim Lunari maiorem, aliquem etiam motum proprium, & ab alijs syderibus discrepantem, vt refert Tyco cap. 10.

Verum, hac in re oportet sanè probatus, & fide dignas Astronomicas obseruationes recipere: quia omnibus peritis in propria professione credendum est. Ac præsertim consonant in hoc etiam philosophicæ obseruationes de motu & alijs conditionibus nouæ stellæ, quæ illam cum alijs veris stellis similem prorsus efficiunt. Ita quæ nullis in hac re velle fidere obseruationibus, magis proteruiam & pertinaciam quàm veritatis studium præterret. Illas autem obseruationes, quæ illi stellæ tantam tribuerunt parallaxim vt illam facerent Luna inferiore, euidenter refellit Tyco cap. 10. Et alij communiter reiiciunt. Nec sane comparandæ sunt cum alijs exquisitis & fidelibus obseruationibus omnium ferè Astronomorum & Philosophorum. Itaque iam in dubium reuocari non potest, stellam illam aliasquæ similes apparuisse, quoad nos in ipso cælo.

Et verè fuerunt in cælo. Secundo. Aliqui admittentes stellam illam sic apparuisse, adhuc contendunt non fuisse verè in cælo, sed tantum in aere. Ita detendere conatus est Bagnæ 1. parte q. 66. art. 2. dubit. 1. ad 6. Vbi ad argumentum de vniſormitate aspectus ex omni terræ loco, respondet, non fuisse stellam illam, huc Cometam, in vna certa ac determinata parte aeris: sed

benè potuisse per totum aerem in circuitu gigni talem dispositionem vt vndequaque aspicientibus appareret obiectum illud lucidum in eodem semper respectu ad certas stellas fixas à quibus talis dispositio in aere proueniebat: & ita videri potuisse ab omnibus velut in eodem cæli loco absque vlla diuersitate aspectus. Sicut & de facto contingit in Iride. Ac interdum circa Lunam apparet circulus quidam lucidus, & in eodem illo situ conspiciuntur diuersis terræ partibus circa ipsam Lunam: quia scilicet splendor ille non est solum in vna certa ac determinata parte aeris, sed singulis quibusque apparet in illa parte aeris quæ mediat inter ipsum ac Lunam, & ita ab omnibus videtur eodem pacto circa Lunam.

Attamen, de se statim incredibile apparet, effectam fuisse ac tamdiu durasse talem dispositionem per totum aerem in circuitu, tamquæ vniſormem aspectum semper & quoad omnes partes exhibuisse. Vidit hoc ipse Bagnæ. Sed ob rei ipsius nouitatem, contentus fuit magis nouam quàm veram responsionem afferre. Et præterea alia noua stella in petore Cygni multò diutius permanet. Planè etiam incredibile est, & naturaliter impossibile, talem dispositionem in toto aeris circuitu effectam fuisse, vt tam lucida & insignis stella, ac vehementer scintillans tam exactè in eodem loco omnibus apparuerit. Constatquæ in illis exemplis, Iridem & circulum lunarem non conspici nisi ex certis & propinquis terræ locis ad quæ fit reflexio lucis. Et alia plura contra hunc dicendi modum ex sequentibus occurrent.

Tertio. Quidam alij, saluare etiā *Nō sunt* contendentes, apparentiam illius *facta* stellæ factam fuisse per aeris immu- *uisibiles* rationem, dixerunt; stellam illam in *per den-* Cassiopeia vitam, fuisse vnā ex *sitate* ordi- *aeris.*

ordinarijs & notis Cassiopeiæ stellis, ac specialiter fuisse illam quæ ab Astronomis vndecima in illa figura numeratur: tuncquæ apparuisse adeo maiorem atque lucidiorem ob interpositionem terrestriū halituum, qua ratione compertum est, sæpè in alijs stellis & ipsomet Sole id solem cōtingere, & Ptolem. lib. 2. Quadripart. notauit id esse ventorum prælagium. Sic ordinati fuere Annibal Raymundus & Cornelius Frangipanus apud Tyconem cap. 10. Quidam alij verò dixerunt, stellam illam fuisse aliam quandam nō adeo magnam, vt regulariter conspiciatur: sed tunc virtute cælestium causarum collectam sub illa fuisse tantam copiam aeris densioris & vaporosi, in quo splendor ille gigni potuerit, vt illius stellæ aspectus tam notabilis redditus sit. Fuissequæ collectum aerem sic dispositum in tanto spatio, vt vndeque aspicientibus semper occurreret inter ipsam stellam & hominis aspectum, redderetquæ stellam in eodem situ visibilem. Ac insuper per attractionem à cælestibus causis fuisse pariter cū cælo copiam illam aeris circumlatam, vt semper pro toto illo tempore eodem modo stella illa apparere debuerit.

At tamen, in primis visu ipso euidenter constitit, nouam illam stellam fuisse distinctam tam ab vndecima quàm ab omnibus alijs Cassiopeiæ stellis, et omnes simul discretè conspiciebantur. Licet ab initio ob extremum splendorem nouæ stellæ abscondebatur vndecima illi proxima: sed postea deficiente tanto illius splendore, etiam vndecima illa per se conspiciebatur. Deinde minus credibile erit, stellā adeo exiguam quæ per se nostrum aspectum effugit, redditam fuisse adeo magnam & splendidam, vt taliter appareret. Atque in vniuersum cum

Tycone probatur, non potuisse stellam cælestem fieri adeo spectabilem per interpositionem aeris densioris. Tum quia non potuisset naturaliter copia illa aeris tamdiū in eodem loco durare, tam firmè stare, et tām ac tam clarum splendorem cum notabili scintillatōe referre. Tum etiam debuisset stella ratione illius aeris densioris aliquam refractionem subire, ita vt in Horizonte altior supra suum verum locum appareret, sicut experimur in alijs obiectis visibilibus quæ per medium densius et crassius cernuntur: quod tamen in illa stella non contigebat. Tum præcipuè, si moles illa aeris densioris fuisset tam ampla sicut oportebat ad hoc vt ex omni terræ loco eodem modo semper stella illa appareret; necessariò etiam aliqua pars eius aeris mediaisset inter aliquam aliam propinquam stellam & aliquem alium terræ locum: vnde debuissent & aliæ stellæ, ita apparenter excrefcere: quod & mathematicè demonstrauit Ioannes Baptistæ Benedictus in libro Speculationum phycarum & mathematicarum, in Epistola ad Annibalem: at constat, nullam aliam stellam ex vilo terræ loco tūc taliter apparuisse.

Quariò. Supponendo iam, stellam nouam & totam eius apparentiam verè fuisse in cælo, conati adhuc aliqui sunt saluare non fuisse de nouo genitam, sed solū de nouo conspectam. Franciscus Valletius lib. de Sacra Ph'oto. h. cap. 1. rem hę explicat. Partes cæli non sunt omnes æqualis densitatis aut raritatis, sed aliæ sunt alijs densiores, vt patet in via lactea & in maculis Lunæ: fieri ergo potuit, vt stella quædam reuera existens in firmamento, sed non adeo magna vt per se conspici possit, tunc per motum cælorum & successione diuersarum partium reddi potuerit ita conspi-

*Nec
per par-
tes quas-
dam in-
feriorū
calorum
densio-
res.*

cua & visibilis per partes quasdam densiores cæli illi suppositas : & similiter per subtractionem harum partium postea paulatim deficere visa sit. Additque, etiam deinceps interdum quando aer est purgatissimus conspici eandem stellam in eodem loco, sed valde minimam. Probat quoque, non fuisse illam stellam de nouo à Deo creatam : quia Genes. 1. *Perfecti sunt cæli & omnis ornatus eorum*. Item non fuisse postea deletam : quia Ecclesiastes 3. *Omnia opera Dei perseruant in perpetuum*.

Hunc dicendi modum impugnat in primis Tycho cap. 8. quia vult cælum totum esse fluidum & liquidissimum, ex quo planè ruit fundamentum Vallesij. At in hoc nos non assentimur. Rursus impugnat : quia sic etiam per refractionem debuisset illa stella in Orizonte à suo vero loco eleuari & altior apparere, ratione scilicet illius medijs densioris, à qua refractione fuisset libera in loco verticali : vnde in diuerso cæli loco videri debuisset in Orizonte ac in vertice, quod tamen est contra experientiam. Sed neque hoc persuadet. Tum quia ob nimiam distantiam illius medijs densioris respectu nostri & propinquitatem ad ipsam stellam non oportebat sensibilem diuariationem loci per refractionem fieri quæ à nobis discerni posset. Tum præcipue, quia refractionis per quam obiectum visibile de suo vero loco subleuetur, debet fieri per medium reuera altius ipso obiecto, & sic transmittens species sensibiles ad oculum : at sanè non oportebat partem illam cæli densiorem, utpote adeo propinquam ipsi stellæ, etse tam amplam ut notabiliter supra ipsam stellam ab Orizonte attolleretur, & sic secum illam quoad nostrum aspectum eleuaret.

Magis facit contra eum dicendi

modum : quia de se planè difficile apparet, stellam alioqui nobis inuisibilem reddi potuisse adeo perspicuam & splendidam, ut tam magna & lucida cerneretur. Negat etiam Tycho, idque aliorum etiam testimonio comprobatur, fuisse vnquam aliàs stellam vllam quantumuis minimam in illo cæli loco conspectam : quamuis alioqui ipse Tycho tredecim alias exiguas in illa Cassiopeix figura notauerit.

Sed maxime contra illum dicendi modum facit. Si cælum quamuis solidissimum non sit distinctum per plures sphaeras, ut quæstione præcedenti dicebamus : sic sanè nullatenus vna vel alia pars densior cæli inferioris supponi poterat illi stellæ, ut discurrebat Vallesius. Si autem admittantur cælestes sphaeræ distinctæ, ac singulæ proprium motum exercentes : debuisset sanè eadem illa densior pars cæli inferioris in suo transitu similiter supponi alijs, & alijs stellis fixis, earumque aspectum pariter augere. Insuper debuisset pars illa densior in qualibet vna reuolutione sui orbis eodem modo supponi illi eidem stellæ, eundemque effectum præstare : omnium, autem Planetarum tardissimus est Saturnus, spatio ferè triginta annorum perficiens suum gyrum : vnde ad minus trigesimoquoque anno debuisset stella illa apparere. Ac demum non potuisset tanto tempore durare apparitio illius stellæ : quia Saturnus ipse tardissimus per spatium illud quo stella Cassiopeix durauit conficere debuit circa viginti gradus. Si autem dicatur tanta amplitudinis esse pars illa densior, planè debuisset, & continuè deberet, plures simul stellas taliter augere. Et rursus accedit, quòd aliqua alia noua stella multò magis durasse reperitur.

Neque verò rectè probauit Vallesius.

Ies. stellam illam non fuisse de nouo creatam & postea sublatâ. Nam locus ille Genetis debet intelligi de eo cælorum ornatu quem tunc in ipso mundi exordio Deus perficere intendebat. Et similiter locus Ecclesiast. debet intelligi de illis Dei operibus quibus tunc mundi compago constituta fuit.

Quintò. Ludouicus de Columbis in suo libro italico de stella quæ apparuit anno 1604. opinatus est, primum mobile quod supra octauam & nonam spheram esse supponitur, refertum esse plurimis stellis, idque eius suæ nuntæ nobilitati penitus conuenire, eas autem ob nimiam distantiam à nobis non cerni: sed in cælo chrystallino, quæ est nona sphaera reperiri partes quatuor densiores: & ita motu tardissimo eius factum esse, vt quædam pars densior supponatur alicui stellæ primi mobilis, eamque reddiderit ita spectabile. Similiter Ioannes Heckius in lib. de eadem stella opinatus est, reperiri huiusmodi stellas in quadam sphaera supra octauam, & per motum eius spheræ fieri, vt aliqua eius stella interdum se per partes rariores octauæ spheræ præsertim intra viam lact. à se nobis ostendat.

Verùm, præterquam quòd quæst. superiori ostensum est, non oportere alios cælos mobiles supra stellas fixas nobis notas designari: etiâ illi qui addunt alios illos duos cælos, faciunt eos prorsus syderum expertes. Et vana prorsus est illa coniectura, ex nobilitate primi mobilis tribuere illi stellas. Nam sic etiam ipsi cælo chrystallino tribui pariter debuissent, & nobis apparere deberent. Insuper stellæ primi mobilis hac ratione esse deberent plures ac maiores, aut saltem non minores, quam sint in octaua sphaera: vnde saltem stellæ primæ magnitudinis deberent à nobis conspici. Demum,

motu illo tardissimo reperitur octaua & nona sphaera confecisse iam ferè vnum Zodiaci signum, idest triginta gradus, debuisset ergo in tanto spatio pars illa densior cæli chrystallini supponi alicui alteri stellæ primi mobilis: & sic in suo transitu plures successiuè in eodem circulo stellas ostendere.

Sextò. Aliter nonnulli per motum ipsius stellæ factum putant vt se de nouo nobis ostenderit, ac postea occultauerit. Cornelius Gemma lib. 2. de Diuinis naturæ characteris cap. 3. voluit, stellam quæ de nouo apparuit, rectâ quadam linea descendisse & ascendisse per octauam nonam ac decimam spheram: dumq; fuit in infima parte octauæ spheræ, ita splendidissimam apparuisse; deinde sursum redeundo paulatim se è nostris aspectibus abstraxisse: demum in summitate decimæ spheræ videri penitus ob nimiam distantiam desisse. Blancanus in sua sphaera pag. 350. eodem modo vult, nouas stellas descendisse & ascendisse: sed facit totum cælum fluidum, absque distinctione reali illarum spherarum. Aliqui verò, vt refert Ludouicus de Columbis, dixerunt motam fuisse illam stellam circulariter per quendam Epiciclum intra nonam vel decimam spheram constitutum, & in eius auge esse nobis inuitibilem, tunc verò in opposito augis visam fuisse. Quidam alij voluerunt, stellam illam Cassiopeiæ ex alio cæli loco illuc fuisse translata, videlicet ex opposita regione cæli circa polum antarcticum, nobis quidem semper occulta, & in qua exploratum est splendidissimas quasdam inueniri stellas.

Verùm, hæc omnia veluti diuinando finguntur, & sustineri non possunt. Nam supponendo in primis cælum solidum, vt Gemma & alij supponebant, non poterat de-

*Nō sunt
per motum
ad nostrum
conspicuum de-
ductæ.*

*Nec per
partes
cæli cry-
stallini
densio-
res.*

scensus ille & ascensus fieri sine corporum penetratione, aut cælorum scissione, alijsq; inconuenientibus, quæ admitti non debent. Insuper ille motus rectus est prorsus à corporibus cælestibus alienus. Præterea oporteret immensam esse cælorum altitudinem supra octauam spheram, præter omnem credibilitatem. Deducit enim Tycho cap. 9. pag. 691. agens contra Ioannem Dee Anglum, plus quàm vices esse debere maius spatium per quod talis stella ascendit, quàm sit totum spatium quod intercedit à terra ad stellas fixas. Deinde similiter debuisse esse ingens profunditas cæli pro tanto Epicyclo, & ipse Epicyclus adeo ingens, vt valde excederet totum ipsum cælum hæcenus cognitum. Atque per circularem motum Epicycli non potuisset stella in eodem loco manere & semper conspici. Debuisset quoque talis epicycli motus esse perpetuus, ac semper iterari: vnde debuisset antea ac deberet deinceps statis temporibus eiusdem stellæ aspectus redire. Demum, si stella fuisset translata è regione cæli australi ad regionem septentrionalem, debuisset deprehendi defectus alicuius stellæ in illa regione, non solum ab incolis vltra æquinoctialem, sed etiam per notabile spatium citra æquinoctialem, vbi stellæ australes conspicuæ sunt: & tamen nihil tale cognitum est. Imò iam pridem nostri homines ex Europa aditum & commercium, in vltiori illa terræ plaga habuerunt. Sed insuper tam insueta & exorbitans stellæ translatio, vtiq; fieri non poterat naturæ viribus: sed Diuina virtute fieri debuisset. At sic præstabit dicere, fuisse novam stellam à Deo miraculosè formatam, & postea ablatam.

Ex his determinandum est, nullum extare modum quo iuxta ea quæ

hæcenus cognita sunt de constitutione & motu cælorum declarari aut saluari possit, stellam, & stellas, quæ de nouo conspectæ sunt, esse quidem veteres & ab initio formatas in cælo, sed aliquando fuisse de nouo conspectas. Fatendum tamen vltro est, potuisse alia superiora corpora cælestia à Deo constitui, & nobis ignota relinqui, & per varium eorum motum fieri, vt aliqua astra aut aliquæ partes cæli lucidissimi nobis quandoque detegerentur. Sed quicquid de hac re determinaretur, diuinando potius, quàm fundata ratione discurrendo, diceretur.

Septimò ergo, plures sunt qui dicere eligerunt, nouam illam stellam in Cassiopeia vitam, fuisse de nouo à Deo miraculosè creatam, & post certum tempus fuisse deletam. Ita asserunt Conim. 1. Cæli cap. 3. q. 1. art. 4. in fine, & frequenter alij Recentiores qui cælorum immutabilitatem cum Arist. conantur defendere. Et protestantur, non esse incommodum recurrere ad miraculum, quando omnis causa & ratio naturalis aufugit. Et confirmant ita esse: quia alioqui si fuisset opus naturale, non semel tantum sed sæpius accidisse deberet. Atque omnino per miraculum aliæ quædam singulares mutationes factæ sunt in cælo: semel stetit Sol ad mandatum Iolue: iterum retrogressus est ad preces Ezechiz: rursus obscuratus est ad mortem Christi per Eclipsim & coniunctionem cum Luna, dum alioqui erat è regione oppositus Lunæ. Ita defedunt adhuc, omne corpus cæleste esse quidem de se & naturaliter ingenerabile & incorruptibile: quia huic eorum naturæ nihil præiudicat quicquid miraculosè fiat à Deo, & quia vtiq; à Deo ipso creari & destrui possunt nō solū corpora cælestia, sed etiam Angeli ipsi.

Verum. Esto post visam solam illam Cassiopeiæ stellam hoc dici potuerit: tamen post deinceps visas tot alias nouas stellas, minùs sanè commodù erit recurrere ad miraculum. Et patet ex eodem discursu allato, qui in singularitate huiusmodi prodigij fundabatur. Et præterea etiam ab initio, non occurrebat, ad quid factum esset in cælo tam nouū & insuetum miraculum, & nobis relictum esset occultum. Cum alioqui de alijs singularibus mutationibus factis in cælo, per Scripturam Sacram Deus ipse nos edocuerit, factas esse per miraculum, & ad quem finem & quo motiuo factæ essent. Ac demum neque necessarium erat, neque conueniens videbatur, in cælo alioqui corruptionis experte, talem mutationem substantialem efficere, vt noua stella substantialiter de nouo crearetur, aut ex certa cæli parte gigneretur, & postea corrumperetur aut annihilaretur. Quinimò stante prædicta natura cælorum, credendum potius est, nec etiam per miraculum vllam mutationem substantialem post primam creationem in cælo fuisse exercitam.

Facta fuerunt de nouo per mutationem accidentalem in cælo.

Octauò ergo tandem concludi poterit, tales nouas stellas verè fuisse de nouo in cælo genitas, non tamen per mutationem substantialem, sed solum accidentalem, cuius corpora cælestia ex natura sua non sint incapacia. Explicatur & suadetur. Plerique de tacto docent, stellas omnes non esse aliud quàm partes densiores cæli: & ideo non transparentes sicut est reliquum cælum, sed opacas & lucidas ac ita à nobis visibiles. Quamuis autem nobis non placeat hoc asserere de stellis perpetuis & ab initio in cælo conditis; tamen benè credi poterit, has nouas stellas, seu potius stellarum apparentias, per huiusmodi solam

mutionem accidentalem formari potuisse. Imò Tyco ipse in Conclusionem libri primi, pro hac re obseruauit stellam Cassiopeiæ formatam fuisse in extremitate Galaxiæ, idest viæ lacteæ, quæ censetur pars quædam densior cali: ac insuper in illa extremitate deinceps videri deficere quandam partem lacteam, qui defectus non reperitur ab alijs antea annotatus fuisse in descriptione ipsius Galaxiæ. Supponebat autem Tyco, cælum esse fluidum, & ideo huius mutationis capax. Attamen id non est necessarium. Sed sicut alij qui supponunt cælum solidum, adhuc in illo ponunt talem diuersitatem partium densiorum & rariorum, ita possunt admittere talē mutationem. Vanæ etiam censenda est coniectura Tyconis ex defectu illius partis in viâ lactea: quando iam compertum est, Galaxiam esse potiùs congeriem minutarum stellarum: nec mirum est non reperiri adnotatum antea illum defectum, cum non sit res notabilis.

Sed insuper, quia difficilior planè est, talem mutationem addensationis & rarefactionis contingere in corpore solido quàm fluido, vt apud nos experimur; & quia hæc mutatio in cælis offenderet adhuc Peripateticos, tanquam valde propinqua mutationi substantiali: ideo obseruandum & addendum est, intantum dici partes cæli densiores aut rariore, inquantum constat esse opacas aut transparentes. At certè potest inueniri hæc differentia opacitatis & transparentiæ absque discrimine densitatis & raritatis. Idquæ patet in corporibus his inferioribus. Nam vitrum & crystallum, utique non ob raritatem, sed cum magna densitate est valde diaphanum. Atque, vt patet ex grauitate, & soliditate eius, est sanè densius ligno, & tamen lignum est valde

Nempe opacitas & lucis.

opacum, crystallum valde diaphanum. Et ij qui fatentur cælum esse solidum & solidissimum, fateri quoque debent esse valde densum, atque adeo non ratione raritatis ad instar aeris, sed cum magna densitate ad instar crystalli esse diaphanum, & ideo è crystallo dictum est cælum crystallinum. Neque certe dicere debent, astra esse solidiora ipso cælo, siue alias esse partes cæli magis alias minus solidas: & ita nec debent in cælo ponere discrimen densitatis & raritatis, sed solum opacitatis & diaphaneitatis penes quasdam qualitates proportionatas corporibus cælestibus.

Iuxta hoc satis erit partem cæli alioqui diaphanam factâ fuisse aliquatenus opacam, absque alia mutatione substantiæ aut quantitatis, sed solius qualitatis cuiusdam, & ita recepisse etiam magnam impressionem lucis, factamque esse à nobis eo modo spectabilem ad instar stellæ. Autamen specialiter à nobis dijudicari nō potest, à quamam potissimum causa, siue ex quo astrorum concursu, talis effectus prodierit. Inueniuntur quidem aliqui Astrologi certo aliquorum Planetarum aspectui talem effectum determinatè tribuisse. Sed ijs non est fidentum: multò inquam minùs quàm circa Cometarum originem. Deinde per defitionem talis opacitatis et lucidæ impressionis, desinere potuit talis apparentia stellæ: atque per successiuam defitionem, potuit successiuè imminui donec tota tandem euanesceret.

Posuntq; la seu apparentia dicatur verè fuisse collocata in eadem altitudine à terra cū stellis fixis, euadit valde ingens eius magnitudo, & sic difficilior redditur fixas in eius formatio per virtutem aliorum regionem astrorum: nam euadit non solum Planetarum maior omni alia stella, sed etiā plus-

quam duplo maior ipso Sole, vt ostendit Tyco cap. 7. facit enim, stellam nouam maiorem terra 360. vicibus, imò iuxta hypoteses Ptolemæi plusquam mille vicibus: cū tamen Solem faciat maiorem terra 139. vicibus, & iuxta Ptolemæum 166. Ideo inquam ad maiorem facilitatem conferre potest, si noua stella constitui possit valde infra stellas fixas, adhuc tamen in ipso cælo. Quod sanè optimè fieri potest iuxta nostram cælorum structuram, nihil obstante vniformitate motus eius stellæ cum alijs stellis fixis: cū nimirum non distinguantur plures cæli, exercentes singuli varios motus: sed vnum ponatur cælum, in quo solum sub Zodiaco plures Planetarum Zonæ distinguantur: sic enim extra tales Zonas idem est planè motus totius cæli, & idem esse debet motus omnium stellarum præter Planetas. Item potest id fieri non obstante vniformitate aspectus excludente parallaxim. Tum quia communiter æstimari solet, parallaxim nō extendi supra Solem: & Ptolemæus lib. 5. cap. 11. & lib. 9. cap. 1. Magni operis, notauit, parallaxim supra Venerem non esse perceptibilem. Neque in re tanta mouere debent nouarum obseruationes Tyconis de tam modica parallaxi quam se inuenisse putauit in Planetis supra Solem. Atque ita noua stella poterit constitui in eadem terè altitudine cum Sole: vnde euadit in vera magnitudine longè minor ipso Sole. Tum præterea, licet communiter Astronomi planè inuenerint nouam stellam nō exhibuisse parallaxim qualem debuisset existendo infra Lunam, & ita conuenerint in constituenda illa in cælo, & in hoc planè acquiescendum sit: tamen inter eos quamplures & valde periti, sensibilem parallaxim illi tribuerunt. Sic circa stellam Cassiopeiæ refert ipse Tyco cap. 9. de

de Vuillelmo Haffæ, Gaspare Peucero, Vuolfgangô Schulero, Ioanne Prætorio, Philippo Appiano, Thoma Diggesio, Ioanne Dee, Elia Camerario, Erasmo Reinholdo. Ac etiâ circa alias nouas stellas postea visas plures Astronomi parallaxim aliquam obseruauerunt. Itaque iuxta aliquas obseruationes etiâ infra Solem noua stella constituenda foret. Quæ sanè res valde torsit tales obseruatores, qui supponentes distinctionem cælorum pro Planetis, videbant ex vna parte, nouam stellam nō communicare in motu cum Planetis, sed exactissimè conuenire cum stellis fixis; & ex alia parte inueniebant in illa aliquam parallaxim, quæ eam in loco potiùs Planetarum quàm stellarum fixarum ostendebat: neque vllam cogitare poterant viam hæc duo conciliandi. At modo à nobis dicto omnia saluantur optimè.

SECTIO QUARTA.

Verum Cometa etiam gignantur, & existant in Cælo.

Relictis atque reiectis iam eorum opinionibus, qui putant, Cometæ esse perpetua quædā astra cælestia innata cælo, & certis temporibus se nobis ostendentia: contra quos disputauimus quæstione præcedenti sect. 2. Atque inde supponēdo, Cometæ verè de nouo gigni, quando apparent, ac subinde verè extingui quando amplius non videntur; examinandum modò est an gignantur & existant in cælo.

Sententia affirmans. Affirmant Recentiores Astronomi, præsertim Tyco Brahe lib. 2. Progymnasmatum, quem inscripsit, De Recentioribus orbis ætherei Phænomenis, & scripsit occasione

Cometæ quem obseruauit Anno 1577. Item Cornelius Gemma, Heliseus Roeslin, scribentes de eodem Cometa. Insuper Christophorus Rothmannus, scribens de Cometa qui apparuit Anno 1585. Keplerus in lib. de Cometis, & lib. de Noua stella Serpent. Christianus Longomontanus lib. De nouis cæli Phænomenis, Antonius Santucci in libro italico de Cometis, Ioannes Camillus Gloriosus lib. 4. de Cometis. Ac demum Ioannes Baptista Cysatus, Vuillebrordus Snellius, Fromondus, & Auctor cuiusdam breuis disputationis habitæ in Collegio Romano Societatis Iesu, & pro illo Lottarius Sarfius in Libra Astronomica, scribentes de Cometa qui nouissimè apparuit Anno 1618. Et ob Astronomorum obseruationes etiâ Peripatetici Recentiores vacillare cæperunt, & aliqui manus dederunt. Porro, hi volunt cælum esse generationi & corruptioni obnoxium, essequè prorsus fluidum, quia Cometæ per totum cælum liberè discurrere visi sunt. Rursus Tyco & vt plurimum alij, volunt, omnes prorsus Cometæ esse cælestes, & omnes qui hætenus fuerunt & qui deinceps erunt, habere locum & materiam suæ generationis in cælo. Aliqui tamen, præsertim, Mastlinus, Rothmannus, & Keplerus, volunt, aliquos saltem Cometæ gigni & existere in aere.

Referuntur quoque antiquiores aliqui pro hac sententia: Nicephorus lib. 12. Histor. Eccles. cap. 37. narrans de quodam Cometa sub Theodosio Imperatore viso supra Venerem; Proclus in Timeum, narrans de quodam alio viso supra Iouem; & Cardanus lib. 4. de subtilitatibus, narrat, Albumasarem obseruasse, quædam Cometam supra Venerem. Sed hæc fidem non faciunt. Nicephorus ait solùm apparuisse Come-

tam

tam prope Venerem, & hæc sunt eius verba : *Inopinata & insolens stella in calo medio noctis tempore prope Luciferum refulgens apparuit.* Hoc autem non debet intelligi prope quoad altitudinem, sed quoad cali amplitudinem, sicut dicimus de quolibet inferiori Planeta videri prope vnâ aut aliam superiorem stellam. Nam planè Nicephorus loquutus est pro eo quod simplici ipso visu aspiciebatur, quo certè non poterat deprehendi altitudo. Addit etiam aliquid, quod planè denotat, illum fuisse elementarè Cometam : *Paulatim ad eam stellâ ingens etiam aliarum stellarum vis aggregabatur. Spectaculum id si vidisses, apud examini qua circa Regem suum in orbem obuoluant consulisses.* Proclus verò solum refert dictum alterius cuiusdam de illo Cometa. Neque sanè apparet, qualiter potuerit Cometa supra Iouem obseruari, quando parallaxis non ultra Solem aut Venerem extendebatur. Vnde illa narratio fidem hæctenus non inuenit, vt attestatur Tyco lib. 1. pag. 619. & Vuolfangus apud eundem pag. 625. Cardanus demum fidem non meretur in eo quod de Albumasare refert.

*Senten-
tia ne-
gans.*

Negant ex aduerso Cometas gigni aut existere in calo, & affirmant esse impressiones quasdam elementares factas sub calo, Arist. 1. Meteorol. & alij Peripatetici communiter. Insuper Antiquiores etiam Astronomi, qui alioqui res cælestes solertissimè obseruarunt. Et præsertim priori sæculo ante Tyconem, Ioannes Regiomontanus, & Vogelinius, insignes Astronomi, ex professo de hac re scripserunt, ac demonstrare conati sunt, Cometas esse sub calo : Regiomontanus occasione cuiusdam Cometæ qui tunc apparuit Anno 1475. & Vogelinius occasione alterius qui apparuit An-

no 1532. Præterea eodem tempore cum Tycone, & circa eundem illum Cometam Anno 1577. scripserunt alij plures, & suis obseruationibus docuerunt, illum & alios Cometas esse penitus sublunares : ita Thadæus Hagecius, Bartholomæus Scultetus, Andreas Nolthius, Nicolaus Vvinklerus, Thomas Erastus, Simon Gryneus, & alij quos refert idem ipse Tyco ad finem libri secundi: licet postea Hagecius scribens de alio Cometa qui apparuit Anno 1581. in oppositum declinauit. Denique etiâ circa Cometam anni 1618. aliqui scripserunt probantes fuisse sub calo, præsertim Scipio Claramontius in libello quodam italico: qui rursus ex protesto scripsit contra Tyconem de Cometa illo priori, defendens ac probans prorsus fuisse sub calo, & similiter omnes alios cometas, libro, què nomen dedit Antityconis.

Cum hac sententia defendendum & asserendum est, Cometas verè non gigni nec existere in calo, sed prorsus infra cælum. Pro hac assertionem sufficeret sanè argumenta dissolucere quæ in oppositum afferuntur. Nam, cum omnium iam sententia elset, Cometas non esse cælestes sed sublunares; nisi oppositum demonstraretur, debebit sanè cælum in possessione suæ stabilitatis & soliditatis conseruari, nec in illam supremam regionem debebunt huiusmodi nouæ mutationes intrudi. At præterea, phylicis & astronomicis rationibus efficaciter probatur assertio.

Primo probatur ex antea dictis pro soliditate & incorruptibilitate calorum. Si enim totum cælum est solidum, vt antea probauimus, non potest in illo tam varius Cometarum motus exerceri, vt satis exploratum est. Et si est incorruptibile, nō possunt in illo tales nouæ generationes & frequētes corruptiones exerceri, sicut ab Aduersarijs fieri ponuntur.

Se-

**Ex aspe-
ctu Co-
metarū.** Secundò. Ex aspectu ipso patet,
Cometas esse longè dissimiles alijs
astris quæ verè sunt corpora cæle-
stia: & tantam tamq; facilem va-
riationem patiuntur, quæ prorsus
aliena à conditione & firmitate
corporum cælestium esse conspici-
tur. Valde discrepant in quantitate
& figura, in colore & lumine, in
agitatione & motu. Tàm facilè ex-
tinguuntur & pereunt, ac breui tem-
pore euanescent. Viti sunt sapè re-
pente crescere aut decrescere, inter-
dum in partes diuidi ac dissecari, in-
terdum ex pluribus veluti flammis
coalescere: & aliæ plures particula-
res mutationes de varijs Cometis in
historijs inueniuntur, quæ Cometas
longè diuersæ ac inferioris naturæ
à corporibus cælestibus planè de-
monstrant. Vnde aspectus ipse ac
tanta varietas & instabilitas Come-
tarum, cogit ferè longè aliter de ijs
sentire, ac de illis nouis stellis, qui-
bus tribuere oportuit locum in cælo.

**Ex ge-
neratio-
ne come-
tarum.** Tertiò. Non potest rectè saluari
& explicari, qualiter Cometæ de
nouo gignantur aut formentur in
cælo. Tycho de hac re non satis quid
sentiret aperuit, sed promittit alio se
libro id præstiturum. Keplerus in
Epitome Astronomiæ opinatus est,
Cometas esse exhalationes quasdā
è corpore Solis aliorumue astrorum
eductas quæ simul collectæ & con-
stipatæ impressionem luminis reci-
pian, sequè nobis spectabiles præ-
beant. Approbat id Camillus Glo-
riosus lib. 5. de Cometis cap. 1. Et
ambo quibusdam alijs obseruationi-
bus confirmare conantur, exhalare
tales vapores è corporibus Plane-
tarū. Sed sanè, hoc de se satis absur-
dum apparet & incredibile. Et indi-
gnum planè est sic de cælestibus
corporibus opinari: illisq; tribuere,
quod in his infimis elementis &
corporibus exercetur. In quibus id
contingit ratione caloris cum alijs

qualitatibus elementaribus quæ nul-
latenus reperiuntur in cælis. Vanz-
autem sunt aliæ obseruationes qui-
bus illi Auctores adstruere voluc-
rūt tales exhalationes in ipsis cælis.

Quidam alijs dicūt, Cometas esse
quasdam cæli partes magis adden-
satas & conspissatas virtute astro-
rum, & ita visibiles. Sic defendit
Libanius par. 2. Singular. tractat. cap.
de Cometis. Sed neque hoc credi
potest. Quia, in quantum nobis con-
stat, condensatio sit potissimum vir-
tute frigoris, quòd sanè non habet
locum in cælis. Et aer ipse apud
nos non ita addensatur vt per se vi-
sum terminare queat, nisi ratione
aliarum exhalationum atq; vaporū.

Rursus aliqui voluerunt, Cometas
formari quidem ex halitibus terre-
stribus hinc è terra eleuatis: tamen
hos halitus in cælestem vsque regio-
nem subire, & ibi condensari & il-
lustrari eoquè modo nobis appare-
re. Et hoc opinatus est Raphael
Gualterottus non solùm de Come-
tis, sed etiam de nouis stellis, in li-
bro quodam italico de stella anni
1604. Et idem de Cometis indicat
Paulus Aresius lib. 2. de Generat. q.
4. cap. 2. ac defendunt Marius Gui-
duccius lib. de Cometis, & Galilæus
in libro italicè inscripto, *Il Saggi-
atore*. At hoc non est minus absurdū.
Neque enim talis communicatio est
inter elementarem & ætheream re-
gionem. Neque terrestres aut vlli
elementares halitus, vel sua vi, vel
astrorum attractione, in cælestem
vsque locum transcendere credendi
sunt. Neque cæli ita peruij sunt,
vt huiusmodi extraneis corporibus
aditum præbere possint.

Demum aliqui voluerunt, Come-
tas formari in cælo per coinciden-
tiam quamdam radiorum ex ipsis
astris, & præcipuè ex Sole, in cer-
tas cælorum partes concurrentium,
quo pacto efficiatur in vna vel alia

cæli parte tantus splendor, ut nobis eo pacto spectabilis euadat. Ita significauit Philippus Appianus apud Tyconem lib. 1. cap. 9. Addiquè posset, fieri virtute astrorum in partibus cæli opacitatem quandam, ratione cuius possit in illis talis impressio lucis fieri ut nostrum aspectum valeat terminare, sicut explicauimus circa novas stellas. Atque hoc pacto saluaretur generatio Cometarum in cælis, absque substantiali aut alia cælis inconueniente mutatione.

Obstat tamen Cometarum motus, & præsertim tam varius & inconstans. Cum enim Cometa in cælo non eundem locum teneat, sed proprium & peculiarem motum exerceat, non potest centeri vna certa cæli pars taliter illuminata. Nec etiam credi potest, illam conincidentiam radiorum, atque adeo impressionem illam opacitatis & lucis continuè variari ac mutari per alias & alias cæli partes. Ideoque solum de illis stellis quæ nullum motum proprium præter communem cæli motum agebant poterat procedere ille philosophandi modus. Neque tandem alia apparet via, qua sustineri possit formatio Cometarum in cælis.

Ex motu Cometarum. Quartò vltèrius. Per se potest efficax ratio ex Cometarum motu delumi. Supponimus enim cælos & astra non moueri ex se ab intrinseco, sed tantum ab intelligentia assistente. Cometa ergo multò minùs dici posset ex se intrinsecè suum motum proprium exercere: dici ergo deberet, moueri pariter à sua quadam intelligentia. Et quidem ita significauit Tyco, dicere solens, singulos Cometas habere in se sui motus scientiam. At certè nefas est putare, talia de nouo corpora toties in cælo formari, ad tam breue tempus duratura, quibus peculiare in-

telligentiæ ad eorum motum peragendum debeant deputari: idquè totum naturali virtute ipsarum causarum creaturarum solere contingere. Non ergo credi potest, Cometas esse cælestia quædam corpora, quæ per se proprio suo motu agitentur in cælis.

Præter hæc, præcipuè rursus ostendendum est, Cometas non esse in cælo, iisdem argumentis & medijs ex parallaxi & alijs, quibus alioqui Aduersarij inuenisse se putant Cometas esse in cælo: nam ut plurimum possunt pro nostra parte conuerti, & cōtra eos retorqueri. Ideoque, hæc argumenta iam afferendo, simul illa soluemus prout ab Aduersarijs obijciuntur & pro nostra assertionem illis vtemur.

Arguit primò Tyco. Cometa motu quodam proprio mouebatur per circulum quendam maximum in hoc Vniuerso, & pro tempore quo durauit, cōficiebat exactè portionem huius circuli maximi: ergo erat cælestis, non autem elementaris. Circulus maximus in sphaera intelligitur, qui diuidit spheram in duas medietates æquales, atque adeo habet idem centrum cū ipsa sphaera, ad differentiam aliorum circulorum minorum qui non transeunt per centrum sphaeræ, sed diuidunt vnā partem minorem ab alia maiori. Antecedens Tyco probat per multas & varias obseruationes quibus ostendere nititur, Cometam motum semper fuisse per circulum quendam secantem eclipticam in certo puncto videlicet gradu decimoctauo & minuto quinquagelimoquinto Sagittarij, ac semper seruasse eundem inclinationis angulum cum ecliptica. Consequentiam verò probat: quia hæc est proprietas corporum cælestium, moueri per circulum maximum inter suos polos: nec conuenire potest cor-

*Ex solutione
& re-
torsione
argumē-
torum,*

*Primū
argu-
mentum
ex via
Comete.*

corporibus elementaribus quæ ser-
uare non solent certum & constan-
tem tenorem in suis motibus : &
præsertim, si Cometa esset ignis ac-
census ; siue inoueat ut pabulum
querat, siue cæli aut siderum vi at-
tractum, non posset ob materiæ lux
fluxibilitatem per eundem circulum
constanter ferri .

Verùm, in primis, non solum
possibile, sed nimis facilè est, cor-
pora etiam elementaria moueri cir-
culariter per circulum maximum .
Nam & homo per terram incedens
recta via ab vno loco ad alium, &
nauis in mari pæssim conficit por-
tionem circuli maximi. Neque sanè
difficile est, Cometam quantumuis
elementarem in sublimi existentem
per circuli maximi portionem in
suo motu rapi. Deinde ex obserua-
tionibus tactis circa Cometam il-
lum Tyconis eiusquè motum, Cla-
ramontius lib. 2. Antityconis cap. 4.
demonstrat potiùs, Cometam ne-
quaquam fuisse motum directè per
circulum maximum, sed magis per
modum lineæ tortuosæ & varijs in-
flexibus obliquatæ .

Arguit secundo. Cometa moue-
batur semper & exactè regulariter :
ergo erat in regione cælesti. Et non
elementari. Explicat motum regula-
rem, quo mobile vel æquale semper
spatium pro æquali tempore confi-
cit vel æqualiter & uniformiter in
motu crescit aut decrescit, accelera-
tur aut retardatur. Probat antecede-
s ex multis & varijs obseruationibus,
quibus docet, Cometam tali modo
regulariter motum fuisse, quòd sin-
gulis diebus sextam velocitatis par-
tem remittebat. Et quia adhuc plu-
res variationes in motu Cometæ
cernebantur, cogitauit modum quo
omnem apparentem irregularitatē
ad certam regulam reduceret, sicut
in Planetis cogitati sunt Epicicli.
Nimirum Solem se habere ut cen-

trum circa quod moueantur alij
Planetæ supra Lunam, & præsertim
Mercurium proximè circa Solem,
& postea Venerem moueri veluti
per epiciclum : sic cogitauit, Co-
metam habuisse etiam suum mo-
tum proprium circa Solem supra ip-
sam Venerem, per modum etiam
Epicicli .

At in primis, potest etiam corpus
elementare regulariter moueri in
suo genere : & plures motus regu-
lares in corporibus his inferioribus
exercentur : nec difficile erat, Co-
metam licèt elementarem tamen vi
cælestium causarum regularem per-
ficere motum . Nam & aqua maris
regulariter suo modo fluxum & re-
fluxum peragit per certas horas ex-
crescens, & per alias decrescens.
Deinde ut constaret penitus motus
regularis Cometæ, debuisset obser-
uari integra circulatio eius per to-
tum suum circulum, & deinde si-
milis prorsus secunda circulatio, &
sic deinceps : nam sic per plurimas
circulationes obseruatus est regula-
ris Planetarum motus, & tamen
adhuc non est perfectè deprehen-
sus : Cometa autem ne vnā qui-
dem integram circulationem motu
proprio perfecisse obseruatus est.
Rursus cælorum siue astrorum mo-
tus est ita regularis, quòd vnus sim-
plex motus, æqualis assignatur pro
æquali tempore, & non crescens
aut decrescens : igitur hinc potiùs
colligi debet, Cometæ non esse cæ-
lestes. Sed insuper, nec eo modo
motum Cometæ fuisse regularem,
sed potiùs inæqualiter decreuisse,
interdum verò creuisse, demonstrat
Claramontius cap. 6. ex iisdem ob-
seruationibus Tyconis. Imò tandem
Tyco ipse fatetur, motum Cometæ
non fuisse exactè regularem. Ac va-
num prorsus erat cogitare motum
Cometæ illo modo veluti per Epi-
ciclum. Et de pluribus alijs Come-

*Secun-
dum ex
propor-
tione
motus
Cometæ.*

ris exploratum est magnam irregularitatem in suis motibus habuisse. Et sanè debet prorsus asseri, omne corpus quod non mouetur regulariter non esse cæleste: sed non erat affirmandum, omne quod mouetur regulariter esse cæleste: quia omnia quidem, non autem sola corpora cælestia, debent moueri regulariter. Demum, si Tycho motum Cometæ putauit posse eo modo regulariter saluari per modum epicycli, ex motu Cometæ deducere non potuit calum esse fluidum & non solidum: attamen, ex eo quod vidit tam varium & solum Cometarum motum, demonstrasse se credidit calum esse fluidum: igitur vidit hunc motum non esse regulatum qui cum soliditate calorum cōsistere posset.

*Tertiū
ex raritate,
& velocitate.*

Arguit tertiò. Cometa motu proprio mouebatur tardiùs Luna: ergo erat supra Lunam. Antecedens facile probat: quia Luna, etiam cum tardissima est, conficit saltem decem gradus in vna die ab occidente in orientem: at cometa, etiam cum velocissimus erat, non conficiebat tantum spatium. Consequentiam deinde probat: quia exploratum est, inter sydera talem seruari ordinem, quod superiora mouentur tardiùs motu proprio, & patet inductione inter omnia sydera: & ita notauit ipse Arist. 2. cæli tex. 58.

Attamen, plures Cometæ observati sunt velociùs quàm Luna moueri. Regiomontanus notauit, suum Cometam vna die quadraginta gradus percurrisse. Deinde etiam inter ipsa sydera, illa regula non est vniuersalis: nam Mercurius & Venus eodem tempore cum Sole cōficiunt totum circulum ab occidente in orientem. Demum, ad summum inter illa sydera quæ supponuntur esse cælestia valet illa regula: quia Planeta superior velociùs rapitur motu communi ab ortu in occasum, & è

contra tardiùs fertur motu proprio ab occasu in ortum. Non ergo per hanc regulam comparandi sunt cum alijs syderibus Cometæ, de quibus modò disputamus an sint cælestes, & nos contendimus non esse cælestes.

Arguit quartò. Cometa talem sui motus ordinem & progressum tenuit, quod exactè intra duos tropicos suum motum peregit, & incipiens à tropico Capricorni peruenit tandem ad tropicum Canceri, ibique extinctus fuit. Igitur videtur fuisse cælestis, càm tam exactè motum aliorum cælestium syderum errantium imitatus sit.

At certè, de alijs Cometis vt plurimum constat, non ita pariter inter tropicos perfecisse suum motum, sed vagè per totum cæli ambitum: imò compertum est, sapiùs Cometæ ortos esse extra tropicos. Igitur hinc potiùs deducendum erat, Cometæ esse prorsus diuersæ conditionis ab astris cælestibus, & nullatenus esse cælestes. Neque etiam ex eo quod ille Cometa, aut alij etiam Cometæ, motum suum peregissent inter tropicos, inferendum erat Cometæ esse cælestes.

Arguit quintò & principaliter. Cometa exhibuit longè minorem parallaxim & diuersitatem aspectus quàm si fuisset sub cælo Lunæ: ergo erat verè longè superior ipsa Luna. Consequentia est nota ab experientia, & circa res cælestes notissima apud Astronomos. Antecedens prolixè & copiosè probat plurimis observationibus à se ipso factis, ex eodem terræ loco, in diuersis diei horis, quando Cometa erat in diuersis cæli locis. Quarum prima est: Notauit priùs quantam distantiam haberet Cometa à stella in ore Pegasi illi propinqua: & deinde post tres horas notauit, Cometam apparere propinquiorem eidem stellæ duodecim

*Quartū
ex spatio in
quo visi
sunt Co-
meta.*

*Quintū
et praxi-
pium ex
parallaxi
explorata in
uno loco.*

decim minutis: at ratione motus proprii quem Cometa regulariter agebat, debuisset accedere quindecim minutis: & ita ratione parallaxis diuersificabatur aspectus tantum per tria minuta: si autem cometa fuisset in orbe lunari, debuisset pro eo tempore subire parallaxim tantam quindecim minutorum: igitur Cometa longè minorem parallaxim habebat quàm lunarem: igitur erat longè supra Lunam. Aliasquè plures huiusmodi obseruationes Tyco congerit. Et alij qui cum eo senserunt, similes prodiderunt obseruationes. Alijquè demum Recentiores circa Cometam anni 1618. similia obseruarunt.

At, in primis Regiomontanus & Vogelinus, in Cometis quos obseruarunt,prehenderunt notabilem parallaxim, nempe circiter sex graduum, quæ sanè faciebat illos longè inferiores Luna, in qua maxima quæ contingat parallaxis, vel nihil vel parum excedit vnum gradum. Sed ex aduerso Tyco contendit, illos non rectam obseruandi methodum tenuisse eorumquè obseruationes fuisse fallaces. Attamen id ipse non probauit, licèt se probaturum promiserit. Et illi fuerunt insignes Astronomi, vsq; sunt illa via explorandi parallaxim, qua antea omnes alij Astronomi vti tuerunt. Rursus quamplures Astronomi, eodem Tyconis tempore eundem illum Cometam obseruantes, in illo repererunt etiam notabilem parallaxim, lunari longè maiorem. Et sic etiam nouissimè alij circa Cometam anni 1618.

Deinde, datis etiam obseruationibus Tyconis: oportebat in primis considerare variationem quæ ratione refractionis contingere poterat ne confunderet aut opprimeret illam diuersitatem aspectus, quæ propriè esse debebat parallaxis: & be-

nè esse poterat quòd maior esset refractione Cometæ, verbi gratia in horizonte, quàm Tyco credidit: qui poterat esse vt sub ipso cometa esset maior copia aeris densioris siue habituum terrestrium: item vt ob maiorem propinquitatē ipsius Cometæ ad nos maiorem pateretur refractionem, quàm astra cælestia. Atq; ita per ipsam refractionem potuit apparere Cometa eleuatiore supra horizontem, eum alioqui ratione parallaxis debuisset apparere depressior, & sic refractione tollebat parallaxim. Rursus oportebat sanè ad veram parallaxim inquirendam supponere, Cometam omni tempore regulariter motum fuisse, & semper per eandem lineam vnus circuli maximi, vt inter tempus primæ & secundæ obseruationis cōstare posset quantum spatium ei set tribuendum motui Cometæ: & ita quidem Tyco supponit. Non ergo maiorem vim habere potest hoc eius argumentum ex parallaxi desumptum, quàm habeat certitudinem ipse motus Cometæ. At illa doctrina de motu Cometæ, nedum non satis constabat: sed potius falsa erat, vt antea dicebamus: ergo non poterat determinari illa parallaxis Cometæ, qua supra Lunam collocaretur. Demum data etiam regularitate motus in Cometa & facta suppositione Tyconis de motu quindecim minutorum inter tempus primæ & secundæ obseruationis, probat Claramontius lib. 2. cap. 11. euadere potius parallaxim Cometæ tribus minutis lunari maiorem, & errasse Tyconem proponendo locum visum pro loco vero, & distantiam visam pro distantia vera. Itaque ex hac parallaxi efficitur potius Cometa aliquantò inferior Luna.

Arguit sextò, conferendo quasdam suas obseruationes cum quibusdam alijs circa idem tempus è

Sextum ex parallaxi

obserua- diuersis locis factas à duobus alijs
ta in Astronomis, & reperiendo, mino-
duobus rein fuisse parallaxim seu diuersita-
locis. tem aspectus Cometæ visi è duobus
 locis quàm si Cometa fuisset in ip-
 so orbe Lunæ. Verbi gratia confert
 vnā obseruationem à se factam
 Vraniburgi Daniæ, & alteram ea-
 dem hora factam à Thadæo Hage-
 cio Pragæ Boemiæ: & reperit inter
 vtrāque parallaxim solum duo-
 rum minutorum: cū tamen si Co-
 meta fuisset in ipso orbe lunari, de-
 buisset subire parallaxim ferè sep-
 tem minutorum, atque adhuc ma-
 iorem si fuisset intra Lunam. Arguit
 demum alijs quoque modis ex pa-
 rallaxi, qui obscuriores sunt, & ferè
 ad præcedentes reducuntur.

Verū, in primis hæc via explo-
 randi altitudinem à terra eorum quæ
 in sublimi apparent, notando scilicet
 diuersitatem aspectus è diuersis
 locis, non est satis tuta, sed errori
 magis obnoxia, vt docuit ipse Tyco,
 & nos commemorauimus antea,
 quæst. præcedenti sect. 2. Nam po-
 test facile contingere, vt instrumen-
 torum diuersitas errorem ingerat:
 vt intercedat maior diuersitas tem-
 poris quàm putetur, dum vnus in
 vno loco, & alius in alio obseruat;
 vt inueniatur diuersissimo le dispo-
 situs aer in vno ac in alio loco, & ra-
 tione diuersæ ac inæqualis refractio-
 nis veram diuersitatem aspectus cō-
 fundat. Propter quod oporteret,
 huiusmodi obseruationes esse sæ-
 pius ac sæpius repetitas, & non so-
 lum à duobus è duobus locis, sed à
 pluribus adhuc: & tunc si omnes
 inuenirentur ad certas regulas con-
 formari, possent rem persuadere.
 At hoc in præsentī causā non inue-
 nitur, imò potius totum oppositum,
 vt patet ex ipso Tycone, qui alio-
 rum obseruationes refert, & in om-
 nibus aliquam varietatem quam nō
 volebat reperit, & modò tribuit vi-

tio instrumenti modò incuriæ ob-
 seruatoris. Sed satius erit, hinc rei
 perplexitatem agnoscere.

Deinde, admissa hac via ad hanc
 rem explorandam, si conferantur
 obseruationes Tyconis cum obser-
 uationibus aliorum Astronomorum
 non solum inquam eorum qui pu-
 tarunt Cometam sublunarem, sed
 præcipue eorum qui putarunt quo-
 que cælestem, inuenitur tanta di-
 uersitas & parallax. s, vt planè Co-
 meta longè Luna interior demon-
 stratur. Ita copiose ostendit Cla-
 ramontius lib. 3. Antityconis per
 plura capita: ita vt Cometæ altitu-
 do à terra non attingat milliaria vi-
 gintiquinque millia, aut nec attingat
 decem millia: cū tamen alti-
 tudo Lunæ à terra excedat centum
 millia iuxta Ptolemæum, & adhuc
 valde plus iuxta Copernicum & Ty-
 conem. Idem ostendit insuper Cla-
 ramontius de alijs pluribus Come-
 tis, ab alijs Astronomis & à Tyco-
 ne ipso obseruatis.

Rursus itando in collatione illa-
 rum obseruationum Tyconis & Ha-
 gecij, plures errores in toto discursu
 Tyconis detegit Claramontius
 lib. 2. cap. 13. Et præsertim notat,
 Tyconem ponere eas obseruationes
 à se factas die 16. & 24. Nouem-
 bris: attamen in principio sui libri
 vbi narrauit totam suarum obserua-
 tionum historiam per singulos dies,
 non solum nullam obseruationem
 ijs diebus recensuit, sed excusauit
 quod ob incommoditatem aeris ob-
 scuri & nebulosi Cometam videre
 & obseruare non potuit. Probat etiā
 Claramontius, in illa locorum di-
 stantia, non septem, sed duorum
 tantum minutorum esse parallaxim
 lunarem. Supponit etiam Tyco in
 sua computatione, motum Cometæ
 fuisse regularem: quod tamen non
 constabat. Demum ex dictis pari-
 ter solui poterunt alia argumenta
 Tyco-

Tyconis ex parallaxi, quæ refellit etiam Claramontius lib. 2. cap. 15. & 17. qui insuper cap. 18. contradictiones quasdam inter easdem ipsas Tyconis observationes adnotavit.

*Septimū
item ex
parallaxi.*

Arguunt septimò tum ipse Tyconum etiam alij, de alijs Cometis visis, ut probent fuisse cælestes, tam ex parallaxi, quàm ex alijs rationibus adductis. Et præsertim Auctor disputationis habitæ in Collegio Romano de Cometa anni 1618. quia inter observationes quasdam Romæ ab ipso factas, & alias factas Antuerpiæ, Romæ, ac Oeniponti, inuenitur parallaxis minor quàm lunaris. Ac præcipuè contigit, ut eadem die 13. Decembris Romæ visus sit Cometa ferè tegere decimam Arcturi stellam, & Coloniz item visus sit tegere partem eiusdem stellæ: quod totum oculis ipsis absque alio instrumento discernebatur.

Attamen, ad omnia similia argumenta potest & debet similiter responderi, sicut ad antecedentia argumenta Tyconis. Specialiter verò idem ipse Auctor Romanæ Disputationis, notavit, inter alias plures observationes in illis locis factas, & cum suis collocatas inueniri parallaxim lunari maiorem. Fatenur autem, se non habuisse rationem horarum, quibus factæ sint observationes, nec etiam refractionum, aliarumquæ rerum: quod utique necessarium erat ad veram parallaxim inueniendam. Ideo sistit in ultima illa observatione inter Romam & Coloniam. At neque in illa notavit, fuisse eadem hora utrobique visum Cometam sub decima Arcturi stella. Et sanè facillimè fieri poterat, ut Cometa, quantumvis Luna inferior, vna hora diei texerit illam stellam Romæ, & alia hora Coloniz, nimirum ob motum proprium quem interim peragebat: si-

cut passim nubecula aliqua inter exiguum tempus prius tegit Solem aut Lunam respectu vnitis loci & postea respectu alterius. Insuper poterat esse, ut ratione diuersæ & inæqualis refractionis, eadem etiam hora utrobique Cometa appareret sub eadem fixa stella, licet esset interior ipsa Luna: si nimirum quantum parallaxis diuariabat, tantum refraction redderet. Ac tandem idem Auctor concludit, saltē inferri, Cometam non fuisse admodum intra Lunam.

Arguit hinc octauò idem Auctor. *Octauū* Si Cometa fuisset prope Lunam, *ex magnitudine.* ex euadit ingēs planè eius moles, nempe ultra quatuorcentum nonaginta *ne Cometa.* milliones, ut vulgo dicuntur milliariorum cubicorum: debet etiā ignis continuè nouo pabulo ali & sustentari, ut apud nos est manifestum: at totus terrestris globus, si in halitus resoluatur, non sufficeret tantam molem constituere, nedum tanto tempore noua semper materia sustentare. Igitur concludi potius debet Cometam fuisse cælestem. Hoc argumenti genere vsi sunt etiā priores alij, æstimantes molem aliorum Cometarum.

Sed in primis Claramontius lib. 2. cap. 30. tantam altitudinem Cometæ tribuit, ut eius moles non euadat vsque ad tredecim millia milliaria cubica. Deinde data illa altitudine Cometæ, fortasse Cometa sit ex igne ipso vel aere subcælesti in aliqua parte addensato, aut opaco reddito, ut lumen ad nos reflectere possit. Dato etiam quòd Cometa fiat ex terræ halitibus, necesse non est ut Cometa tantæ sit molis in profunditate quantæ est in latitudine, ad instar scilicet globi & columnæ, ut hac ratione tot milliaria cubica efficiat: sed potest se habere ad instar nubium in aere quæ non ita in altum & profundum crasseleunt quantum velut in planitiem exten-

duntur. Insuper præcipue nõ oportet totum Cometam vna cum cauda esse terrestrem halitum: sed satis esse potest; vt caput solùm Cometæ, quod sinè modicum est, sit halitus in se consistens, cauda autem efficiatur per radios Solis illum halitum peruadentes, sicut cum apud nos exponitur phiala vitrea radijs solaribus: nam semper Cometæ cauda tendit in partem Soli aduersam. Item necesse non est, vt Cometa nouis semper halitibus nutriatur: quin potius in illo loco existēs non ita indigeret nouo pabulo, sicut apud nos ignis indiget. Fortasse etiam non est halitus accensus & ignitus, sed solùm solaribus radijs illustratus, vt docet Scaliger exercit. 79. in Cardanum.

*Nonum
ex visio-
ne Co-
metæ per
tubum
opticu.*

Arguit nonò idem Auctor experientia ducta ex tubo optico. Exploratum est, huius tubi ope res distantes videri longè maiores quàm simplici oculorum intuitu, hac tamen lege vt res nimis distantes minus recipiant incrementum: adeo vt stellæ fixæ ob nimiam distantiam nihil videantur excrecere: sed Cometa tubo optico conspectus, aut nullum aut valde modicum suscipiebat incrementum: ergo signum est, illum fuisse nimis remotum à nobis, atque adeo in superioribus cæli regionibus. Confirmatur magis: quia ipsa Luna planè conspicitur valde maior ope tubi, etiam mediocri: vnde oportet valde debilem fuisse illum quo vltus est Claramontius, quando lib. 2. cap. 32. respondens ad hoc argumentum ait, Lunam sibi non creuisse conspicuo incremento. Imò Galilæus in suo Nuncio sydereo in principio testatur, Lunæ aspectum adeo augeri ac si per duas tantum terræ diametros distaret, quamuis distet sexaginta: eiusquæ diametrum videri trigiesies maiorem, ac ita superficiem nongentesies, so-

lidum autem corpus proximè vigintiesem millesies.

Sed in primis potest ratione suaderi, non ex nimia superiorum stellarum distantia prouenire ne quoad nostrum aspectum adeo excrecere videantur: intantum enim distantia impediret augmentum, in quantum facit obiectum minus nobis conspicuum: at non obstante distantia, adhuc stellæ fixæ, præsertim maiores, sunt nobis valde conspicuæ, & & utique multò magis quàm Mercurius alioqui nobis proximus supra Lunam, nimirum magnitudine compentante distantiam: ergo non potest esse alia ratio, cur stellæ in aspectu non excrecant. Deinde, verum non est, stellas fixas non reddi maiores aspectui. Quinimò opetubi inuētæ sunt in cælo stellæ alioqui penitus inuisibiles, & earum aliquæ conspiciuntur æquales stellis communibus secundæ magnitudinis. Stellæ etiam communes adeo excrecant, vt stella sextæ vel quintæ magnitudinis videatur æqualis lucidissimæ stellæ primæ magnitudinis, vt attestatur Galilæus in suo Nuncio. Ad summū non videntur alię stellę excrecere in tanta proportionē, sicut Luna; non solū inquam stellæ fixæ, sed pariter ipsi Planetæ, & inter eos Mercurius & Venus Lunæ proximi, vt etiam testatur Galilæus. Qui proinde aliam huius rei reddit rationem. Aitquæ has stellas à nobis communiter conspici non in sola magnitudine sui nudi corporis, sed veluti quibusdam radijs & fulgoribus amictas, quibus maiores reddantur: vnde alioqui dum stellæ conspiciuntur non adhuc penitus extincta luce Solis, item si conspiciantur per nigra quædam velamina aut vitra colorata, valde minores apparent, eo quod spoliantur illo radiorum amictu, quod tamen non contingit in Luna. Iuxta hoc
ergo

ergo ait, per tubum opticum pariter denudari in primis ipsas stellas illa apparentia radiorum, & deinde augeri aspectum ipsius stellæ in suo solo corpore sumptæ: atque supra hanc molem notabiliter augeri eius aspectum, sua proportionem seruata. Hoc totum vberius prosequitur Marius Guiduccius lib. de Cometis, & iterum Galilæus lib. italicè inscripto, *Il Saggiatore*.

Patet igitur, hinc nullum argumentum duci posse ad reponendos Cometas in cælo, eosque ad altissimum æther euehendo. Sed alia ratio querenda est, cur eius aspectus non adeo augeatur. Et potest reddi tum eadem ratio Galilæi, quod Cometa per se conspiciatur apparentibus radijs auctus, per tubum verò ijs radijs minuatur, & solo suo corpore augeatur. Tum etiam alia ratio: quia Cometa cernitur veluti fuscus & suboscureus, & non fulgidus ac splendens sicut astra cælestia: exploratum autem est, multum valere splendorem obiecti ad effectum tubi, & è contra obiecta minus fulgida minùs percipi. Hæc ergo potest esse ratio, cur Cometa in sua quam habet distantia, etiam si dicatur lunari longè inferior, non ita crescat aspectui sicut ipsa Luna, & sicut etiam ipsæ stellæ, etiam inquam supremæ stellæ. Postremò Io. Baptista Cysatus lib. de Cometa Anni 1618. testatur se per tubum adeo subtiliter Cometam inspexisse, ut cum inuenerit pluribus stellulis distinctum, licet simpliciter aspectu unum corpus appareret.

Decimū ex alitudine Cometa. Arguit præsertim decimò Camillus Gloriosus lib. 3. de Cometis cap. 4. Halitus terrestres non eleuantur à terra ultra milliaria quinquaginta duo, ut demonstrant Alhazen. lib. de Crepusculis propos. 6. Vitellio lib. 10. Opticor. propos. 60., & Petrus Nonius lib. de Crepusc., vel

ultra 41., & fortasse minùs adhuc, ut deducit idem Gloriosus lib. 2. cap. 2. Hoc autem demonstrant, considerando tempus quo incipit aurora ante Solis ortum, & quo durat crepusculum post Solis occasum: nam aurora & crepusculum fiunt ex reflexione radiorum solarium ab aere crassiori & densiori, terræ propinquo, ac terrestribus halitibus referro: ex tempore autem quo incipit aurora ante Solis ortum, atque adeo ex spatio quo tunc manet Sol sub horizonte, determinant ex quâtanam altitudine aeris, solares radij ad nos reflectantur, & sic inuenerunt dictam altitudinem. Iuxta hoc ergo, Cometa non ultra dictum spatium eleuaretur à terra. At id prorsus sustineri non potest: quia si Cometa esset cætum milliarijs supra terram, non duraret per duas integras horas supra horizontem vnius loci, nec posset simul eodem tempore cerni è duobus locis distantibus ultra milliaria mille & sexcenta, nec tam modicam, imò maximam potiùs paralaxim pateretur; quæ omnia sunt manifestè contra experientiam. Potiùs ergo Cometa debet censi cælestis.

Attamen, etiam si Cometa sit elementaris, debet & rectè post illi tribui tanta altitudo & sublimitas, quantam eius observationes requirunt, etiam si oporteret illum eleuare vique ad confinia Lunæ. Tum quia nec necesse est, si elementaris est, ut terræ halitibus constet, sed posset esse portio quædam aeris vel ignis in suo loco taliter illustrata. Tum etiam nec necesse est, ut si ex halitibus terræ constat, in eam solum altitudinem prouehatur. Nam ad summum illa via probatur, communiter quidem aerem qui quotidie Solis radios ad nos reflectit, atque adeo terrestres halitus hunc aerem veluti conspissantes, eam altitudinem

nein non excedere. At nullatenus propterea fit, ut subtiliores alij habitus, vel suamet leuitate, vel peculiari alicuius syderis vi, eum locum transcendere nequeant: ac in altiori illo loco accendatur vel ita congregentur, ut eo pacto Cometam nobis visibilem efforment. Ac tandem Arist. 1. Metereol. cap. 1. ait, Cometas esse astris proximos idest caelo.

De Cometis iam exclusis à calo a. lio loco proprio erit agendum. Ceterum, adhuc plura circa Cometarum rationem supersunt, tam de eorum substantia, quam generatione, & accidentibus. Verum ad praesentem quidem locum pertinebat solum, illa è caelesti regione excludere, & ad elementarem reijcere. Quo supposito, iam circa ipsa elementa cum Arist. in Meteorologicis erit de Cometis agendum.

SECTIO QUINTA.

Verum Corpora caelestia sint ex materia & forma composita.

Ratio dubitandi. **H**Aec res dubitationem accipit ex eo quod corpora caelestia dicta sint diuersae naturae ab elementis & omnibus corporibus inferioribus, atque in se incorruptibilia: alioqui enim sine dubio ex materia & forma constarent. Nunc autem ratio dubitandi est, quia compositio ex materia & forma agnita est in corporibus his interioribus, ex eorum substantiali transmutatione, quam asserimus non habere locum in caelis. Et ideo hanc difficultatem ex quaest. 19. in qua agimus de huiusmodi compositione & substantia composita, in hunc usque locum distulimus.

Sententia negans. Prima ergo de hac re sententia est, quae negat prorsus corpus caeleste ex materia & forma componi,

& asserit esse substantialiter simplex sine distinctione harum partium, & sine huiusmodi physica compositione: licet alioqui vltro supponat, corpus caeleste verè esse compositum integraliter ex partibus quantitatis, sicut etiam apud nos ipsa materia est in se composita & quanta. Ita sentit Auerr. 1. Caeli comm. 20. & lib. de Substantia Orbis cap. 1. & 2. & sequuntur Iandunus super eundem librum quaest. 1. Zimara Theorem. 107. & alij Averroistae, Ioannes Benedictus libro de Caelo & Elementis cap. 1. Federicus Pendasius libro de Natura corpor. caelest. Zabara lib. de Natura caeli cap. 6. Piccolomineus de Caelo cap. 10. Raguscius disp. 13. peripatetica cap. 7. & 8. Contaren. q. de Simpliciter corporis caelestis alijque plures Philosophi. Ita etiam sentiunt quidam Theologi, Durand. Gabr. Aureol. & alij in 2. d. 12. Et adhæret ibi D. Thomas, & in quaest. unica de Spiritual. Creatur. art. 6. ad 2.

Secunda & opposita sententia asserit, corpus caeleste verè & substantialiter esse ex materia formaque compositum. Ita D. Thom. 1. par. q. 66. art. 2. ibique Caiet. Bagnes & alij Recentiores Theologi, & similiter Capreol. Aegid. Bonavent. & alij in 2. d. 12. & Scotus d. 14. q. 1. ubi ait, ita esse tenendum à Theologis, licet Philosophi cum Arist. oppositum sentire debeant. Sed ita intuper asserunt plures Philosophi. Avicenna lib. 1. sufficien. cap. 6. Alexand. l. 1. Natural. qq. cap. 10. Simplic. 2. Caeli comm. 3. & 35. Paulus Venetus in Summa de Caelo cap. 2., & apud ipsum Themistius ac Theophrastus, item Soncinas 12. Metaph. q. 7. Iauell. 8. Metaph. q. 12. Suarez disp. 13. Met. sect. 10. Sot. 2. Phys. q. 1. Conimb. 1. Caeli cap. 2. q. 4. Stephanus Conuentius lib. de Intrinsecis corp. caelest. principijs l. c.

Sententia affirmans.

sect. 1. Thomas Gianninus libro de Substantia cæli p. 1. c. 27. Ruuius 1. Cæli cap. 2. q. 5. Hurtad. disput. 1. de Cælo sect. 1. Casar Cremoninus in disput. de Natura Cæli sect. 3. & alij frequenter. Pro eadem sententia Conimbr. referunt plures veteres Philosophos & quosdam Sanctos Patres. Sed tamen quia ij tacerunt cælum naturæ elementaris aut corruptibilis non sunt pro hac sententia referendi: cum hæc disputatio modo versetur solum inter eos qui supponunt cælum esse superioris & incorruptibilis naturæ, & adhuc inquirunt an ex materia & forma componatur. Afferunt etiam Conimb. illud Sapient. 11. *Omnipotens manus tua que creauit orbem terrarum ex materia inuisa*: iuxta intelligentiam D. Aug. qui lib. 11. de Genesi cont. Manich. cap. 5. per orbem terrarum intelligit totum mundum corporeū. Sed certè non oportet locum Script. tam amplè intelligere.

Porro Auctores vtriusque sententia, taliter vni vel alteri parti adherent: vt alij pro prima censeant, impossibile prorsus esse corpus substantiale diuersæ naturæ ab elementari & intrinsecè incorruptibile, quod sit ex materia & forma compositum, sed necessariò esse debere simplex talis compositionis expert: alij ex aduerso pro secunda censent, impossibile prorsus esse corpus ita simplex quod nõ ex materia, & forma componatur, sed necessariò omne corpus cuiuscumque naturæ & quantumuis incorruptibile, adhuc esse debere hoc modo compositum.

Pro resolutione Dico primò. Possibile videtur corpus incorruptibile ex materia & forma compositum. Hæc assertio aliter probari nec potest nec debet, nisi quia nulla ratio implicantiæ apparet in oppositum. Si quæ enim occurreret, esset quia compositum potest dissolui per se-

parationem partium, per ablationem materiæ à forma, & ita erit corruptibile: Item quia omnis materia esse debet eiusdem rationis cum materia horum corporum inferiorum, atque adeo capax & appetens plurium formarum, & vt sic radix corruptionis. At hæc non persuadent. Quia potius potest optimè intelligi tale compositum quod naturaliter dissolui non possit, nec talis forma à materia diuelli. Sicut certè inuenitur suppositum quod ex natura & substantia constat, nec potest naturaliter auerri propria substantia à natura. Imò & quædam formæ accidentales inueniuntur, quæ à suo subiecto nequeunt separari: & sic datur compositum accidentale ex subiecto & forma naturaliter incorruptibile. Deinde, vel non semper materia, licet per se capax plurium formarum, erit radix corruptionis, sed tantum quando inuenitur coniuncta cum tali forma, quæ & ex parte sua sit separabilis à materia, & subdatur agentibus naturalibus eam valentibus separare: vel non omnis materia esse debet eiusdem rationis & capacitatis cum materia hac inferiori, sed intelligi poterit materia quædam determinata ad vnā tantum formam, & incapax aliarum, vt postea separatim tractabimus.

Dico secundò. Similiter possibile videtur corpus substantiale simplex non ex materia & forma compositum, sed habens suam simplicem entitatem substantialem absq; distinctione harum partium. Hæc pariter assertio non aliter probanda est, nisi quia nulla occurrit sufficiens ratio implicantiæ qua tale corpus repugnare ostendatur, nulla est necessitatis ratio qua omne possibile corpus debeat esse ex materia & forma compositum. Quia aut plures rationes pro parte opposita asse-

*Possibi-
lia quoq;
erant sim-
plicia
absq; ta-
li cōpo-
sitione.*

*Possibi-
lia erant
caelestia
corpora
ex ma-
teria &
forma
cōposita.*

afferuntur, singillatim afferendæ atque soluendæ sunt.

Quæ di- Primò. Omne quod non constat
cerentur ex materia, est immateriale: omne
quoq; immateriale est spirituale; hæc enim
mater- duo inter se cōuertuntur: ergo cor-
ialia. pus simplex esset immateriale &
spirituale, quod planè repugnat;
nam pariter ens materiale & corpo-
reum conuertuntur.

Hæc ratio in quadam æquiuoca-
tione vim facit. Distinguendum er-
go est, dupliciter intelligi posse
materiam: vel propriè pro parte
physica incompleta susceptiva for-
mæ substantialis: vel absolute pro
substantia corporea & quanta per
se existente: quam materię acce-
ptionem constituunt Auctores illi
prioris sententiæ, & ex Arist. desu-
munt. Iuxta priorem ergo mate-
riæ sensum, negandum est, omne
immateriale, hoc est non habens
materiam illam incompletam, esse
spirituale: sed in secundo sensu so-
lùm verum est, omne immateriale
hoc est incorporeum & incapax
quantitatis esse spirituale. Corpus
ergo simplex esset immateriale pri-
mo modo: secundo verò modo es-
set adhuc materiale. Atque in hoc
secundo sensu intelligi debet mate-
riale, quando pro eodem sumitur ac
pro ente corporeo, ad differentiam
entis spiritualis quod pariter dicitur
immateriale.

Habe- Secundò. Repugnat dari corpus
rent om- non habens principia causas & par-
nens ne- tes essentielles corporis: sed hæc
cessariâ sunt materia & forma, ut initio Phy-
corporis sic. Arist. & alij omnes demon-
ratione. strant: ergo repugnat tale corpus
simplex non compositum ex mate-
ria & forma: nec poterit assignari
quæ sit eius essentia, & natura, quæ
principia, & causæ intrinsecæ.

Materia & forma sunt quidè par-
tes essentielles ac naturales, sunt prin-
cipia & causæ intrinsecæ corporis

quod ex eis cōponitur: non propte-
rea oportet, has easdem esse partes
principia & causas omnis corporis
possibilis: neque de omni corpore
possibili, sed totum de composito,
& specialiter de corporibus his in-
ferioribus corruptilibus, Arist. &
Philosophi initio Phys. loquuti sunt,
& ita nos suo loco notauimus. Assi-
gnabitur autem essentia corporis
simplicis, ipsa entitas substantialis
eius, sicut omnino assignatur in
Angelis. Natura quoque erit ea-
dem essentia, quatenus principium
tàm actiuum quàm passiuum sui mo-
tus & quietis. Non tamen erunt
huic corpori tribuenda principia il-
la & causæ internæ per int. insecam
compositionem. Sed benè ei con-
ueniunt principia & causæ externæ.

Tertiò arguit Suar. lect. cit. num.
11. Dari non potest substantia crea-
ta incapax formæ accidentalis: ergo
nec potest dari substantia corporea
incapax formæ substantialis.

Negatur consequentia: & est ma-
nifesta disparitas: quia substantia
incapax accidentium, esset per se
immutabilis, tanquam actus purus
sine vlla potentialitate passivæ; quod
dicit perfectionem propriam Dei:
at nullum tale inconueniens appa-
ret ex corpore simplici non consti-
tuto per formam substantialem di-
stinctam à materia.

Quartò arguit num. 10. Dari non
potest compositum ex materia &
forma, cui non conueniat quanti-
tas: ergo è conuerso dari non po-
terit substantia simplex cui conue-
niat quantitas & quæ non ex mate-
ria & forma substantialiter compo-
natur.

Negatur etiam consequentia. Et
affertur manifesta instantia: non
potest dari compositum rationale,
qualis est homo, quod non sit sen-
sitium; ergo nec potest dari senti-
tium quod non sit rationale: hoc

*Habe-
rent suâ
perfe-
ctionem
sine for-
ma di-
stincta.*

*Habe-
rēt opti-
me quã-
titatem.*

utique non bene inferitur. Ratio autem est: quia passio conueniens alicui generi, necessariò inest omni speciei eius: sed non è contra omne id cui conuenit talis passio, est talis passio, est talis certa species eius generis. Quantitas ergo est passio conueniens enti corporeo in communi, sub quo tanquam vna quædam species continetur corpus ex materia & forma compositum: itaque bene omne compositum erit quantum, sed non omne quantum erit compositum.

Quæritur non est proprietas solius materie. Quintò. Probant quidam Recentiores, quantitatem esse passionem materie propriam quarto modo, ita ut illi soli conueniat: Tum quia quantitas nascitur ex quidditate & differentia propria materie, quatenus materia est susceptiua formarum, & quantitas est dispositio necessaria ad hanc receptionem. Tum quia non potest alia res assignari, cuius quantitas sit propria passio. Non ens corporeum in communi, quia formæ substantiales & accidentales corporeæ verè non subiectant in se quantitatem. Neque dici potest quantitas æquè primò conuenire propriè duabus his rebus essentialiter differentibus, scilicet materie & substantiæ corporis simplicis: quia materia maiorem potiùs affinitatem habet cum forma quæ est pariter substantia incompleta, quàm haberet cum substantia simplici completa. Et præterea debet vnaquæque passio vni rei tantè secundum vnā essentiam in genere adæquari.

Negandum sine dubio erit, quantitatem esse proprietatem materie quarto modo. Et ad primam probationem dici priùs posset, ad summum fieri, ut diuersæ rationis sit quantitas conueniens materie habens suam essentiam disponere materiam ad formam, à quantitate conueniente corpori simplici: & illam

quidem quantitatem determinatè oriri ex propria ratione materie quatenus est susceptiua formæ. Deinde, supponendo omnem quantitatem & extensionem de qua loquimur esse eiusdem rationis, dicendum erit, materiam non primò exigere quantitatem ex vi suæ propriæ differentiæ in ordine ad recipiendam formam: sed potiùs exigere ex conceptu communi substantiæ corporeæ: & consequenter ex vi propriæ differentiæ exigere simul etiam quantitatem sub ratione dispositionis ad formam, & sub hac quidem ratione quantitatem esse proprietatem materie quarto modo. Ad secundam probationem dicendum est, quantitatem sub ratione extensionis absolutè sumptam adæquatè conuenire enti corporeo extendibili per partes extra partes, quatenus scilicet ens corporeum extenditur per quantitatem, etiam si non recipiat in se quantitatem. Subiectiuè autem quantitas dicetur passio, in speciali quidem tum materie tum corporis simplicis, quia utrique potest inesse: in genere verò & sub vno conceptu dicetur passio propria substantiæ corporeæ per se simpliciter existentis, atque adeo sub se complectentis eas duas species: & ita vni generi adæquatè assignabitur: secundum quam rationem materia maiorem conuenientiam habet cum corpore simplici quàm cum forma: sicut in ratione per se existendi & recipiendi accidentia, siue in ratione primi subiecti, magis conuenit etiam cum substantia angelica quàm cum forma.

Sextò arguit idem Suarez nu. 11. Corpus simplex nullam habere posset operationem: ergo simpliciter dari non potest. Assumptum probat: quia non ageret operatione immanente, cum non esset animatum & viuens: nec transiente, quia hoc

*Habere-
rèt suas
opera-
tiones.*

hoc excederet rationem naturalium agentium, qualia sunt corpora cælestia.

Sed corpus simplex posset optimè operari; tum immanenter, non quidem eliciendo actus vitales proprios animæ, sed efficiendo in se accidentia sibi proportionata; tum etiam transeunter, quod sanè nullatenus excedit vires agentium naturalium: sed sicut potens est corpus compositum ratione suæ formæ, ita posset corpus simplex ratione suæ simplicis entitatis.

Nō haberēt operationē intellecti- ligendi. Septimò arguunt Conimbr. Si cælum esset simplex & sine materia, ei conueniret immaterialis & nobilissima operatio, scilicet intellectio, quod sine dubio est absurdum. Sequelam probant: quia essentia perfectior perfectiorem quoque operationem exercet: sed essentia cō est nobilior quò magis abstrahit à materia: ergo essentia illa simplex corporis non compositi esset intellectiua. Confirmatur efficacius ex eo quod docet D. Th. 1. par. q. 14. art. 1. esse cognoscituum necessariò sequi ex esse immateriali, et materiam esse quæ limitat naturam ne sit intellectiua, sicquē probat Deum esse intellectiuum, quia est immaterialis. Neganda sine dubio est illa sequela. Et ad probationem dicendum, non adhuc substantiam corporis simplicis attingere tātum perfectionis gradum, ut debeat tam perfectam operationem quæ est intellectio exercere: quinimò adhuc remaneret longè infra perfectionem substantiæ spiritualis cui competit intellectio. Et sic etiam ad confirmationem dicendum, immateriali ibi esse sumendum pro esse spirituali, qualis est Deus, Angeli, & anima nostra: ac materiam sumi simpliciter pro substantia corporea subiecta quantitati: non ergo sequitur, corpus simplex fore intellectiuum.

Dico tertio. Verisimilius de facto videtur, corpora cælestia naturaliter cognita, essentialiter ex materia & forma constare. Dico verisimilius: quia supposita possibilitate corporis simplicis, nulla superest efficax ratio qua probari possit corpora cælestia de facto ex materia & forma componi, sed per aliquam solū congruentiam id poterit suaderi.

Probatur ergo primò: quia id videtur magis de mente Arist. qui in primis 1. Cæli cap. 2. 3. & 4. ex professo tractans differentiam inter cælum & elementa, non assignat hoc discrimen naturæ simplicis & compositæ: videtur ergo supponere, cælum pariter ex materia & forma componi. Insuper 2. Phys. 21., & 6. Met. 3. in vniuersum ait, omnia entia naturalia habere materiam: & 1. Cæli tex. 5. communiter loquens de cælis & elementis, ait omnia corpora naturalia tantū esse mobilia, quia dixerat naturam esse motus principium, natura autem apud ipsum erat materia & forma. Rursum 2. de Anima tex. 2., & 7. Metaph. tex. 7. vniuersaliter diuidit substantiam sensibilem seu corpoream in materiam formam & compositum. Et expressius 2. de Gener. tex. 51. mentionem faciens corporum æternorum, hoc est incorruptibilem, nempe cælestium, ait, numero æqualia & genere eadem esse principia in sempiternis ac in his corporibus inferioribus, & aliud principium esse materiā, aliud formam. Demum distinctè & specialiter loquens de cælis, 1. cæli 95. ait, cælum esse eorum quæ sunt ex materia, sicut tex. 93. docuerat, vniuersum mundum constitui per formam in materia: & 12. Met. tex. 10. ait, *Quæcumque mutantur, materiam habent, sed diuersam: nam & ipsorum sempiternorum, hoc est corpo-*

De facto videtur, corpora cælestia naturaliter cognita, essentialiter ex materia & forma constare. Dico verisimilius: quia supposita possibilitate corporis simplicis, nulla superest efficax ratio qua probari possit corpora cælestia de facto ex materia & forma componi, sed per aliquam solū congruentiam id poterit suaderi.

Habentur ex Arist.

rum celestium, *que non sunt generabilia, est materia, sed non que generationi subijci possit*. Et ut his omnibus locis videtur Arist. per materiam intelligere, non solum substantiam subiectam quantitati, sed verè & propriè materiam quæ formæ substantiali subijcitur, ita ut cælum sit substantialiter ex materia & forma compositum.

Non bene probatur à Suarez. Probatum secundò à Suarez eadem sect. 10. num. 11. quia talis substantia simplex esset valde imperfecta: non enim esset actus perfectissimus, cum esset inferior substantiis spiritualibus: & inter substantias corporeas careret actu substantiali, qui est maximè perfectus inter actus informantes: unde sicut substantia creata, carens omni pulchritudine formæ accidentalis, esset deformis; ita substantia corporea, carens pulchritudine formæ substantialis, esset valde imperfecta ac monstruosa. Hæc tamen ratio non est apta. Nam substantia corporea simplex, esset utique inferior substantia spirituali: attamen ratione simplicitatis esset potius perfectior substantia corporea composita. Et licet careret actu formali informante materiam: tamen verè haberet actum substantialem completum per se existentem, & ut sic perfectiorem supra omnem ordinem formæ substantialis incompletæ. Et sic etiam substantia non indigens accidentibus à se distinctis, sed per suam entitatem substantialem habens omnem perfectionem, utique erit potius perfectissima, ac talis vera est Deus. Quamvis substantia quæ indigeret accidentibus, & sic etiam forma substantiali distincta, si non haberet, esset in statu monstruoso atque deformi.

Nec ab alijs quibusdam. Tertiò à quibusdam probatur: quia si cæli de facto non constarent ex materia & forma, non ad Physi-

cam pertinerent, quia Physica non abstrahit à materia, & habet pro principijs sui obiecti materiam & formam. Nec etiam spectarent ad Metaphysicam, quippe quæ abstrahit ab omni ente corporeo. Ig tur tam corpora celestia, quam omnia alia corpora, supponuntur ex materia & forma constare.

Verum hæc ratio facit potius ad probandum, non rectè distinctas esse & constitutas Physicam & Metaphysicam. Vel ergo hæc scientiæ non distinguuntur, & ita ad Philosophiam, tam corpora simplicia quam composita spectant. Vel deberet tertia alia scientia designari pro corporibus celestibus simplicibus. Vel Metaphysica non deberet abstrahere ab omni ente corporeo, sed tantum à concreto in vera materia. Vel potius Physica intelligitur non abstrahere à materia sumpta pro omni substantia corporea, nec habere pro principijs adæquatis totius sui obiecti, sed tantum secundum maiorem partem, materiam & formam.

Quartò magis communiter solet hæc assertio probari: quia in cælo *Quadā cōgruē- inveniuntur accidentia, quæ sunt in suis communia corporibus his inferioribus, et quæ videntur comitari materiam: nempe quantitas; item rarum & densum, quod definitur habens parum vel multum materiæ sub magna vel parua quantitate: insuper motus, & omne corpus mobile est naturale, natura autem est materia & forma.* Rursus in cælo sunt alia accidentia per se ordinata ad patiendum, nempe quantitas; & quædam ad agendum, nempe lumen & potentia operatiua: ergo sic etiam putandum est, in cælo esse aliud principium passivum quod est materia, & aliud actiivum quod est forma. Hæc quidem tota ratio non efficaciter convincit intentum, ut pu-

tant Auctores huius sententiæ. Nam etiam per se corpori simplici inesse debet quantitas: & in definitione rari ac densi materia sumi debet pro omni substantia subiecta quantitati. Item quæ corpus simplex posset moueri, & haberet simplicem naturam, quæ simul esset principium actuum & passuum. Nec oportet, ut sicut distincta sunt accidentia actiua & passiuæ, ita etiam principia substantialia intrinseca distinguantur. Attamen hæc ratio aliquantum verisimile reddit, corpora cælestia conuenire in hoc cum his corporibus inferioribus, quod ex materia & forma componantur: præsertim quia cum corpora cælestia maximam communicationem habeant cum his inferioribus, in ijs agendo & operando, verisimilius apparebit, similem cum illis substantialem compositionem habere.

*Fortasse
cælum em-
pireum
est cor-
pus sim-
plex abs-
que ma-
teria &
forma.*

Quintò demum, quod magis huius rei congruentia ostendatur, hoc specialiter dicebamus de ijs corporibus cælestibus quæ naturaliter agnita sunt. Itaque modò addimus & explicamus: Cum præter hæc inueniatur etiam aliud cælum sublimius, ex doctrina fidei cognitum, quod dicimus Empireum; hoc quidem cælum est etiam quantum, at non habet differentiam raritatis & densitatis, siue perspicuitatis et opacitatis, censeri non debet agere vel pati sicut alij cæli, & non mouetur sicut alij: hinc inquam rationabile videri poterit, hoc supremum & nobilissimum cælum, hac singulari ratione omnibus alijs corporibus etiã ipsius cælis antecellere, quod sit essentialiter corpus simplex, non ex materia & forma compositum; alij quæ cæli cum suis astris verè ex materia & forma consistunt, ita tamen ut verè sint corpora incorruptibilia. Sicquæ fiet, ut in copiosissimo hoc & ordinatissimo mundi opificio,

omnis hæc corporum varietas inueniatur, omnes hi gradus tali ordine distributi, quod magis magisque huius vniuersi perfectio, & in eo diuina bonitas elucescat.

Obijcies primò ad probandum, *Quædã* debere potiùs corpora cælestia censeri omnia simplicia absque compositione materiæ & formæ. Arist. 9. *Metaph. 17.*, 8. *Metaph. 12.* & 14. & *loc. Arist. explicatur.*

alibi, videtur planè negare in cælo materiam, eamque solis corporibus inferioribus attribuire, aitquæ in cælo ad summum esse materiam siue subiectum respectu motus localis. Propter quod Scotus in 2. d. 14. q. 1. dicebat, secundum Philosophos esse negandam cælo materiam, sed secundum Theologos concedendã.

Respondetur. Quando Arist. negauit cælo materiam, planè intellexit materiam cum his inferioribus communem: siue subiectum potentiale ad formam recipiendam, carens vel potens carere forma. Hanc materiam Arist. negare voluit cælestibus corporibus, utpotè incorruptilibus. Atque in hoc etiam sensu, cælis tribuit materiam, hoc est potentiam ad motum, quia cælum aptum est nouum ac nouum suscipere motum: ita scilicet quod licet semper actu moueatur, tamen hodie verbi gratia non habet motum crastinum, sed ad eum est in potentia: sicut & in rebus his inferioribus, materia semper quidem habet actu aliquam formam, sed est in potentia ad aliam & aliam formam.

Obijcies secūdò. Compositio ex *Quæ sit* materia & forma in corporibus his *ratio co-* inferioribus, cognita est ex trãsmutatione substantiali, alioqui nullus de *in cælis* ea cogitasset, nedũ eã posuisset: ergo *compositi-* si corpora cælestia nõ sunt substan- *tionem* tialiter corruptibilia & transmutabi- *dictam.* lia ut supponimus, nullatenus in hac compositione communicant.

Re-

Respondetur. Primam quidem rationem cogitandi & inueniendi eam compositionem, fuisse ex dicta transmutatione. Sed deinde ulterius discurrendo, & vnum ex alio colligendo, agnosci potuit alia compositio possibilis ex materia & forma etiam in corporibus incorruptibilibus. Et hæc compositio, non quidem euidenter & demonstratiue, sed probabiliter potuit de facto corporibus celestibus attribui. Et hinc tandem patet etiam ad rationem dubitandi initio premissam.

SECTIO SEXTA.

Quæ sit Corporum celestium materia, an eiusdem vel diuersæ rationis cum his inferioribus.

Senten- **N**on solum Antiquiores Philo-
tia affir-
mās esse
eiusdem
ratio-
nis. sophi & aliqui Patres, qui tam-
mās esse care videbantur celos eiusdem na-
eiusdem tura elementaris cum corporibus
ratio- his interioribus, omnino illis eius-
nis. dem rationis materiam tribuebant: sed etiam posteriores aliqui Philo-
sophi ac Theologi, supponentes, celos esse totaliter diuersæ naturæ ac naturaliter incorruptibiles, adhuc putarunt communicare in materia eiusdem rationis. Ita Auicenna, Bonauent. Aegid. Scotus antea relati, ac defendunt Thomas Gianninus de Natura cæli par. 1. cap. 25. & 27. Hurtad. disput. 1. sect. 2. Molina 1. par. tract. de Opere sex dierum disp. 5. & quidam alij Expositores Sacri initio Genes. volentes celos ab initio factos fuisse ex aqua, siue materia aquea & elementari.

Sentētia
affirmās
esse di-
uerse
rationis
Communior tamen sententia est, materiam celestem esse verè & essentialiter diuersæ rationis ac speciei à materia elementari corporum inferiorum. Ita D. Thomas Caiet.

& alij Recentiores Thomistæ 1. par. quæst. 66. Capreol. & Hispal. in 2. d. 12. Ferr. 3. cont. Gent. cap. 20. Heruæus tractatu de Materia cæli q. 3. Soncin. 12. Metaph. q. 9. Paucellius disp. 5. Metaph. cap. 7. & 8. Suarez disp. 13. sect. 11. Perer. 5. Phys. cap. 9. & 10. Conimb. 1. Cæli cap. 2. quæst. 6. Amadeus Ruygretus 1. Cæli q. 2. art. 1. Polus Lauredanus 1. cæli tex. 20. Cremoninus sect. 4. de Natura cæli, Quintus Bontioannes sect. 1. de Princip. Naturæ cap. 14. & sequentibus, Ruuius, Conuentius, sectione præcedenti relati, & alij vt plurimum. Fauent. D. Dionys. cap. 4. de Diuin. Nominib. & Boetius in lib. de Trinit.

Cum hac sententia dicendum est, *Conclu-*
materiam corporum celestium per *sio idem*
se esse diuersæ rationis ac naturæ à *affir-*
materia elementari horum corpo- *mans.*
rum inferiorum: ita nempe quod materia celestis, determinata essentialiter sit ad formam celestem, nec dicat ordinem & potentiam ad formas has inferiores; & è contra materia hæc elementaris, determinata sit ad formas has inferiores, nec dicat ordinem & potentiam ad formam celestem.

Probatur manifestè primò ex Arist., qui interdum negat in cælis materiam: et ad minus negare voluit materiam cum his inferioribus communem, si non omnem materiam denegauit, vt sectione præcedenti explicauimus. Et perspicuè lib. 1. de Generat. tex. 43. & 53. & 54. et 87. docet, ea solum quæ inter se inuicem agere et pati possunt, communem habere materiam: quæ verò non mutuò agunt et patiuntur, sed aliquod potest agere et non pati, hæc habere materiam diuersæ rationis. At huiusmodi planè sunt corpora celestia, quæ multum quidem in hæc interiora agunt, nihilquè ab ijs mutuò patiuntur. Expresse etiam

*Habe-
tur ex
Arist.*

etiam 12. Metaph. h. text. 10. indicat, materiam cælestem omnino esse per se diuersæ rationis ab elementari materia. Hoc item voluit quando dixit, corruptibile et incorruptibile differre genere, intelligendo nempe genus phylicum quod est materia. Vanaquæ prorsus est expositio Giannini, dicentis, materiam cælestem ab hac inferiori differre quatenus substat diuersæ formæ, non autem per se ipsam. Nam sic etiam inter corpora hæc inferiora, materia vnius differt à materia alterius. Omnino ergo sensus est, de materia secundum se & ratione sui, ita ut non sit vna communis materia vtriusque corporibus.

Possibilis erat materia diuersa rationis.

Secundò ratione probatur, possibilem esse hanc diuersitatem in ratione materiæ. Materia essentialiter constituitur per ordinem ad formam, siue per potentiam receptiuam formarum: sed necessarium non est, quamcumque materiam esse vniuersaliter receptiuam omnium formarum possibilium: quinimò intelligetur optimè esse possibilis vna materia receptiua formarum cuiusdam generis, & non aliarum, & similiter alia materia receptiua aliarum: præsertim cum tanto formarum discrimine inter formas corporum cælestium & inferiorum, quarum illæ sunt incorruptibiles & à materia inseparabiles, hæc corruptibiles & variabiles. Hoc ergo modo optimè possunt esse hæc duo genera materiæ, diuersæ naturæ ac rationis.

Debat ita esse, dum calidus sunt incorruptibiles.

Tertiò, de facto dari, imò esse necessariam hanc diuersitatem vtriusque materiæ, supposita incorruptibilitate calorum, ratione cuius non possunt cum corporibus his inferioribus transmutari, probatur facillè. Ideo corpora hæc inferiora generantur & corrumpuntur, ac inter se transmutantur, quia habent vnam

communem materiam, capacem ac receptiuam omnium formarum: & propterea dicitur à Philosophis materia radix generationis & corruptionis. Si ergo materia cælestis est etiam communis eiusdemque rationis cum materia hac inferiori, ita ut materia cælestis habeat verè potentiam recipiendi formas has inferiores, & similiter materia hæc inferior recipiendi formas cælestes: iam hæc omnia corpora, cælestia inquam cum inferioribus, erunt inter se transmutabilia: poteritque in hac materia inferiori gigni cælum, & in illa superiori corrumpi. Si ergo supponamus corpora cælestia esse ingenerabilia & incorruptibilia, ut verè supponimus, debet materia cælestis esse incapax formarum inferiorum, & materia hæc inferior formarum cælestium: & ita hæc sunt materiæ diuersæ rationis. Imò hæc ratio valeret etiam contra eos qui dicerent, corpora cælestia esse solum transmutabilia inter se & non cum corporibus his inferioribus: quia hoc sufficeret ut constitui deberet materia diuersæ rationis.

Quartò. Aliqui defendunt calos esse incorruptibiles, eo quòd nullum detur naturale agens quod possit substantialiter transmutare cælum. Sed planè hoc non sufficit. Tum quia sic cælum verè esset corruptibile ab intrinseco ex natura sua, solumquæ ex defectu agentis extrinseci non corrumpereetur de facto: quod sanè non consonat cum vera natura calorum. Tum insuper, posita communitate materiæ, sequitur ipsamet corpora cælestia & inferiora posse inter se agere. Si enim materia cæli est capax qualitatum et formarum corporum inferiorum, iam ignis verbi gratia posset in cælo producere calorem aliasquæ dispositiones, ac subinde inducere suam formam: & è conuerso ali-

Sunt enim incorruptibiles ab intrinseco.

quod

quod corpus cæleste, verbi gratia Luna, posset propriam inducere formam in materiam elementarem. Neque iuuabit dicere, formam cælestem & elementarem non esse inter se contrarias, & qualitates corporum cælestium & elementarium non esse contrarias. Nam contrarietas formarum substantiarum, non debet requiri alia, quam earum incompossibilitas: & quod in cælo non sint qualitates contrariæ calori & siccitati ignis, non impedit, sed potius iuuat, ut ignis facilius absque resistantia producat in illa materia suas qualitates.

Et non solum ex parte forma. Quinto. Aliqui defendunt cælos esse incorruptibiles, quia forma cæli est perfectissima, eminenter continens omnes formas inferiores, & ideo materiam quæ possidet talem formam, non appetere amplius ullam aliam formam, quia eius appetitus satiatur penitus & expletur per illam formam superiorem: & sic cælum esse incorruptibile. Sed hæc ratio falsa est & insufficiens. Tum quia datur aliqua forma magis perfecta quam forma cælestis, nempe anima saltē rationalis. Tum etiam, licet forma cælestis esset perfectissima, non hæc est natura materiæ, ut propterea desinat appetere alias formas; sed potius materia per se respicit varietatem formarum, & semper appetit omnes formas quarum est capax: vnde apud nos, materia dum actu informatur anima rationali adhuc appetit alias formas, licet longè vilissimas: & ita iam notauimus in suo tractatu de materia. Tum præterea appetitus materiæ non est aliud quam potentia cum priuatione formæ: siue nihil aliud requiritur ad hoc ut materia sit radix corruptionis, nisi ut dicat potentiam ad formam quam actu non habet: sed hoc totum reperiretur in materia cælesti: ergo verè cælum

esset ab intrinseco corruptibile. Tum demum, perfectio dictæ formæ cælestis faceret, ut materia existens sub formis elementaribus, eò auidius appeteret formam cælestem: vnde ex hac parte cælum fiet magis naturaliter generabile, ac deinde esset etiam corruptibile.

Sexto. Aliqui addunt, cælum esse incorruptibile, quia forma ipsa cælestis per se naturaliter corrumpi non potest, & unio eiusdem formæ cum materia est adeo firma ut naturaliter dissolui non possit. Addit Hurtad. quia accidentia propria cuiusque cæli corrumpi non possunt. Sed neque hoc sufficit. Tum quia si materia cæli est capax plurium formarum, sequitur formam cælestem eiusque unionem esse caducam, & similiter accidentia. Vnde idem Hurtad. sect. 5. in fine, asserit cælos in fine mundi virtute caloris fore corrumpendos & in ignem conuertendos. Tum deinde, saltem cælum esset naturaliter generabile, quia materia posset de nouo acquirere formam cæli: vnde similiter deberet esse etiam corruptibile. Tum demum si forma cælestis & eius unio talis est, pariter materia cælestis debet esse determinata ad eandem formam, ac proinde diuersæ rationis à materia hac elementari. Materia enim & forma debent esse inter se proportionatæ: si ergo forma est talis, ut à materia nequeat diuelli & separari, etiam materia debet esse talis ut per se subtrahi non possit à tali forma. Sicut utique hanc proportionem habent materia & forma in his inferioribus: quolibet forma est per successionem alterius à materia separabilis, & materia est indifferens ad omnes formas recipiendas. Et alioqui non rectè forma talis quæ non possit à materia separari, esset collocata in materia quæ alias formas impossibiles recipere

pere queat: sicut non rectè forma aliqua separabilis collocaretur in materia quæ sine tali forma determinata esse non posset. Debent ergo hoc modo materia & forma celi esse ad inuicem tam firmo fœdere colligatæ, vt nec forma diuelli possit à materia, nec materia aliam formam recipere queat, sed indissolubili vinculo copulentur: & ita vtraque ex parte cælum substantialiter incorruptibile componatur.

Postremò. Comparando vtraque materiam inter se quoad essentialem perfectionem: Hurtad. ex hypotesi vult materiam elementarem esse perfectiorem: Suarez Conimbr. & alij vt plurimum, asserunt, materiam cælestem esse perfectiorem. Et quidem vna quadam ratione videtur perfectior materia hæc inferior, quatenus nempe est receptiua nobilissimæ formæ scilicet animæ rationalis, quia nunc supponimus formam celi non esse animam, vt sectione sequenti ostendemus. At alia ratione, & simpliciter loquendo, materia cælestis debet dici perfectior: vtpote inseparabiliter annexam habens formam valde perfectam, non admittens suæ formæ suique compositi corruptionem, incapax alterationum & passionum disponentium ad corruptionem, capax solum earum perfectionum, quæ suam formam inseparabilem comitantur, magisque recedens à ratione potentiæ & accedens ad rationem actus.

Nō operari esse vnam materiam communem omnium corporum. In contrarium Obijcies primò ad probandum, materiam cælestem esse eiuſdem rationis cum elementari. In omni causarum genere deueniendum est ad aliquam causam primam, ex Arist. 2. Metaph. sicquæ in genere causæ effectiue & finalis habemus causam primam nempe Deum: ergo pariter in genere causæ materialis, sistendum est in materia

vna prima omnibus communi.

Respondetur. Arist. eo loco negare voluisse processum infinitum in causis: in hoc ergo sensu docuit, in omni genere & causalitate deueniendum esse ad aliquam primam causam, quæ non vterius ab alia priori in eodem genere pendeat. Sic vtiq; tam materia corporum cælestium per se, quàm elementarium per se, est prima causa in suo genere, à nulla alia causa materiali dependens. Insuper, si non est vna materia specie pro omnibus corporibus, saltem est vna genere. Multoquæ minùs inuenitur vna simplex & prima causa formalis. Itaque illud est singulare in causa effectiua et finali, quod inueniatur vna simpliciter vniuersalis et prima: quoniam Deo conuenit hæc vtraque causalitas, non autem materialis et formalis. Vnde vna numero est causa prima effectiua et finalis: at ne aduersarij ipsi probare volent, vnâ numero esse omnium materiam.

Obijcies secundò, commune dictum est, ex Arist. de sumptu, actus est qui separat et distinguit: sed materia per se est pura potentia: ergo nō potest inueniri vna materia per se distincta essentialiter ab alia. *Materia est capax distinctionis specificæ.*

Respondetur primò. Actus siue forma est, quæ distinguit substantias totales et completas: vnde adhuc poterit vna materia distingui per se ab alia. Secundò. Non solum actus formalis, sed omnis actus essentialis distinguit vnâ rem ab alia: materia autem licet per se sit pura potètia non dicens actum formalem, tamen dicit suum actum essentialem, per quem de tacto distinguitur ab omnibus alijs rebus, et sic optimè potest distingui vna materia ab alia. Tertiò. Adhuc per ipsum actum formalem dici posset vna materia distingui ab alia, nempe

pe per ordinem essentialem vniuersi-
cuiusque materiae ad suam formam.

*Est ca-
pax ine-
qualis
perfe-
ctionis.*

Obijcies tertio . Materia est ens
imperfectissimum, remotissimum à
Deo, & prope nihil, & dicitur ve-
luti medium quid inter ens & nihil:
sed si darentur plures species mate-
riae, quarum una esset perfectior alia,
iam aliqua materia non esset ens
imperfectissimum, accederet magis
ad Deum, recederet magis à nihilo,
& non esset medium inter ens &
nihil: ergo non possunt distingui
plures materiae species.

Respondetur. Ad summum ma-
teria debet esse imperfectissimum
ens, dum comparatur ad alias sub-
stantias; sed adhuc intra ipsum ge-
nus materiae dari potest sua latitudo
perfectioris, in qua una materia sit
perfectior alia. Sicut è contra sub-
stantia Angelica est perfectissima
omnium creaturarum, et tamen intra
proprium genus continet quasdam
minus perfectas alij. Sic etiam in
sua remotione à Deo, et accessu ad
nihil, bene potest materia habere
huiusmodi latitudinem, intra quam
dicatur magis aut minus accedere
ad unum aut aliud extremum.

SECTIO SEPTIMA.

*Qua sit Corporum caelestium for-
ma, An sit Anima.*

*Senten-
tia affir-
mas esse
animam.*

Formam corporum caelestium
esse animam, et corpora caele-
stia esse animata atque viuentia,
putarunt ut plurimum Antiquiores
Philosophi: ac etiam Recentiores
aliqui eandem sententiam amplexi
sunt. Quia autem tres sunt species
animae, nempe, intellectiua, sensiti-
ua, et vegetatiua, diuisi sunt Aucto-
res huius sententiae.

*Intelle-
ctusnam.*

Animam intellectiuam caelo tri-
buerunt Plato in Philelo et in Ti-

maeo, Mercurius Trifmegist. in Pi-
mandro cap.9. & alij Antiqui. Ean-
dem sententiam Aristoteli tribuunt
Alexand. & Philopon. itemq; D. Th.
2. cont. Gent. c. 70. & Bessarion
Cardin. lib. 2. contra Calumniat,
Platonis cap. 4. & ita sequuti sunt
Auer. circa loca Arist. quae refere-
mus, Achillinus lib. 3. de Orbibus
dub. 1. & quidam alij Auerroistae:
ac nuper Villalpandus lib. 2. de
Caelo cap. 2. Caesar Cremoninus in
disp. de Natura caeli sect. 5. Thomas
Gianninus par. 1. de substantia caeli
à cap. 28. Ex Patribus etiam huic
sententiae adhaeret Origenes lib. 1.
in Ioann. lib. 5. & 8. contra Celsum,
& lib. 1. Periarcon. & dubitat Au-
gust. in Enchiridion cap. 58. & lib. 2.
de Genesi ad litt. cap. 14. & 18. Ex
Theologis amplexus est Aureol. in
2. d. 9. & nuper defendere, imò &
sacris literis confirmare id conatus
est Paulus Riccius, ex Hebraeo Chri-
stianus effectus, ut refert Claudius
Elpenceus in Collectanea de caelo-
rum animatione cap. 5. atque dubi-
tat Caiet. 1. par. q. 3. art. 1. Porro
Alexand. lib. 2. de caelo & lib. 1. Na-
tural. quaest. q. 1. & 12. Et Simplic.
2. caeli com. 3. & 4. Cremoninus &
quidam alij volunt animam caeli es-
se distinctam ab Intelligentia mo-
trice caeli: Auer. & alij ut plurimum
volunt esse eandem ipsam Intelli-
gentiam. Aliqui ex veteribus, plu-
res quoque animas vni & eidem
caelo siue astro tribuerunt. Sic refert
Ferdinandus Cardinalis Ponzettus
lib. 1. de Origine Animae tract. 1.
cap. 11., quosdam Platonicos po-
suisse in singulis astris duas animas,
in Luna vocarunt Baccum Lincin-
tum & Thalam musam, & sic in
alijs varijs nominibus appellabant.
Refert etiam, Platonem lib. 5. de
Legibus, posuisse in Zodiaco duo-
decim Numina iuxta numerum si-
gnorum, nempe sex Deos & toti-
dem

dem Deas. Quæ planè fabulosæ sunt, & Philosopheris indigna.

Sensitivam.

Rursus aliqui tribuerunt corporibus cælestibus animam etiam sensitivam. Sed quia alij sunt sensus interni, utpote imaginationis & phantasiæ, alij sensus externi: Avicenna lib. de Anima par. 1. cap. 1., & 9. Metaph. cap. 2. 3. & 4. cælo tribuit solum sensum internum imaginationis seu phantasiæ: Accademici, ut refert Piccolominicus in lib. de Cælo cap. 24. corporibus cælestibus tribuebant etiam visum & auditum: Alij apud Simplic. 2. cæli 35. tribuerunt omnes sensus præter odoratum & gustum: Nuper Iacobus Pauesius disp. 5. Metaph. cap. 26. cælo tribuit absolutè sensus tam externos quàm internos, & pro se refert Alexandrum & Simplicium.

Vegetativam.

Demum de anima quoque vegetativa, illam cælo tribuisse videntur Plinius lib. 2. Naturalis histor. cap. 8. Seneca lib. 2. Naturalium quæst. c. 5. Cleanthes & communiter Stoici apud Cicer. lib. 2. de Natura Deorum. Verùm hi solum dixerunt, cælos nutriri aqueis humoribus & terrestribus halitibus in altum sublatis: hoc autem non tam docuisse videntur eo quod crederent cælum vitaliter nutriri ad instar animalium & plantarum: quàm potius eo quod putabant cælum esse ignem, & ita veluti nutriri pabulo & materia combustibili, sicut ignis apud nos existens, qui non propterea vivit anima vegetante.

Cōclusio negans esse animam.

Dicendum tamen omnino est, formam corporum cælestium non esse animam, corpora cælestia non esse animata, nec esse viventia. Hæc est communis Theologorum & Philosophorum sententia, D. Th. 1. par. q. 70. art. 3. & alibi sæpè, Alberti tract. de Quatuor Coxis q. 4. art. 25. Alen. 2. par. quæst. 87. memb. 3. Bonau. Durand. Aegid. Heru.

Argent. Scoti, & aliorum Scholasticorum in 2. d. 14. Nicolai de Lyra in cap. 10. Ierem. Abulc. in cap. 23. Exod. q. 27. Eugub. in Psal. 18. Perer. lib. 2. in Genes. q. 7. & aliorum Sacræ Scripturæ Expositorum. Est item Claudij Espencei in Collectanea de cælorum animatione cap. 12. Amadeti Reygreti lib. 2. de cælo quæst. 1. art. 1. Conimbr. cod. lib. cap. 1. quæst. 1. Ruuij cap. 1. q. 4. Hurtad. disp. 1. de cælo sect. 4. & aliorum plurium Expositorum circa lib. 2. de cælo. Ioannis Baptistæ Contarenti in Quæstionibus Peripateticis q. de Animatione cæli, Georgij Raguseij disp. 14. Peripatetica, & aliorum Philosophorum.

Probatur primò ex Arist. qui 2. Ex Arist. de Anima tex. 50. ait, omne animalium habere calorem: sed cælum in eius sententia non est capax caloris & aliarum qualitatum elementarium: ergo non est animatum. Item eodem lib. tex. 31. & 32. docet, gradum vegetativum supponi ad sensitivum, & utrumque ad ratiocinativum: sed iuxta eius doctrinam in cælo prorsus non sunt operationes vegetativæ, ut magis infra ostendemus: ergo prorsus cæli apud Arist. non sunt animati. Insuper 3. de Anima tex. 66. ait, impossibile esse corpus animalis esse simplex, ut igneum, aut aereum, volens omnino debere esse mixtum ex omnibus elementis: sed cælum in eius sententia est hac ratione simplex non constans ex elementis: ergo omnino sentire debuit cælum non esse animatum.

Secundò ratione probatur: quia Ratioc. anima in suo corpore requirit varia ne. organa & instrumenta, unde ab Arist. definitur actus corporis organici: & præsertim in cælo adeo vasto & ingenti corpore, esse deberet organa maximæ molis & varietatis. At verò cælum totum est uniformis &

de vnus circularis figuræ, nullumque in eo vestigium apparet talium organorum qualia in animato corpore requiruntur: ergo prorsus forma cæli non est anima, & cælum non est animatum.

*Nō esse
animam
vegeta-
tiuam.*

Tertiò specialiter in cælo non esse animam vegetatiuam: quia operationes propriæ huius animæ sunt, vitalis generatio, nutritio & augmentatio: sed in cælo nulla ex his operationibus inuenitur. Non utique vnum corpus cæleste generat vitaliter aliud tibi simile, eo pacto quo homo hominem, & planta plantam. Neque cælum nutritur. Tum quia nutritio deferuit ad hoc vt substantia deperdita reparetur, quod utique non habet locum in cælo. Tum quia nullum suppetit nutrimentum quo cælum ali possit. Deridendi enim sunt, vt ait Arist. Meteor. summa 1. cap. 2. quicumque cælum aut Solem ali humido existimauerunt, & propter ipsum moueri eo quod non semper idem locus potest ei exhibere alimentum. Reprehendit etiam Arist. eos qui cum tantum de Sole curauerint, ei de alimento providere, neglexerunt salutem aliorum, astrorum in tanta multitudine & magnitudine existentium. Ac certè si cōsideremus & comparemus omnia corpora hæc inferiora cum corporibus cælestibus tantæ molis, perspicuum satis erat, ne pro vna quidem die totum hunc interiorē mundum sufficere potuisset ad alimentum cæli. Neque demum cælum augetur. Tum quia viuens non augetur sine nutritione, conuertendo videlicet alimentum in suam substantiam. Tum quia semper corpora cælestia sibi ipsis æqualia permanserunt, nullumque substantialiter in maiorem molem excreuit. Demum omnes hæ operationes animæ vegetatiuæ, non sunt sine generatione & corruptione substantiali: cæ-

lum ergo cum sit ingenerabile & incorruptibile, anima vegetatiua consistere non poterat.

Quartò specialiter in cælo non esse animam sensitiuam. Tum quia planè in cælo non sunt sensus externi, qui sanè in tam crasso animali satis conspicui esse deberent, & risu potius excipiendi sunt, si qui hos sensus in cælo cogitauerint: sine autem sensibus externis, nec sensus interni dari suaquæ munera exercere queunt. Tum etiam sensatio non fit sine aliqua passione ab obiecto sensibili operante circa sensum, & in varijs sensibus sunt variæ passionnes vt exploratum est: quod totum est à corporibus cælestibus penitus alienum. Tum demum, animalia omnia iuxta naturalem suam constitutionem debent esse generabilia & corruptibilia, & indigent operationibus vegetatiuis: anima ergo sensitiua corporibus cælestibus omnino repugnat.

*Nō esse
sensu-
nam.*

Quintò specialiter in cælo non esse animam intellectiuam. Quia vel hæc esset eadem ipsa intelligentia quæ cælum mouet, vel esset quædam alia anima eiusdē speciei cum anima nostra, vel cuiusdam alterius speciei. Non primum: quia substantia angelica est per se totalis atque cōpleta, forma verò est quædam pars incompleta, nec aliter fieri potest compositum per se vnum ex materia & forma. Angelus ergo se habet ad cælum tanquam motor assistens, sicut nauta in naui, non tanquam forma componens & informans, sicut anima in corpore. Et sic Arist. 8. Phys. 40. & 41. ait, intelligentiam vniri cælo contactu virtutis, non utique vnione substantiali. Et tex. 48. Intelligentiam in certa cæli parte constituit: cum tamen anima cæli esse utique deberet in toto ipso cælo. Neque anima cæli potest esse eiusdē speciei cum

*Nō esse
intelle-
ctiuam.*

anima nostra. Tum quia hæc simul est sentitiua & vegetatiua, quale non est cælum. Tum quia requirit tantam membrorum & organorum varietatem talemque corporis humani figuram, quæ nullatenus est in cælo. Tum quia cogitari non potest, eandem specie esse formam cæli adeo vasti, ac hominis in comparatione illius adeo exigui. Et ridendus planè esset qui diceret, cælum, aut quodlibet astrum, esse ingentem quendam hominem & gigantem anima humana præditum. Neque demum fingenda est alia species animæ, quæ videlicet sit intellectiua, & non sit sentitiua. Tum quia adæquatè diuiditur anima in illas tres species apud Arist. notas. Tum quia, vt arguit D. Thom. 1. par. q. 70. art. 1. anima vnitur corpori non propter corpus, sed propter se; non enim anima est propter corpus, sed corpus est propter animam: ergo anima qua non indigeat corpore ad suas operationes exercendas, non potest respicere & informare corpus: anima autem purè intellectiua, quæ non esset sentitiua, non indigeret corpore ad suam operationem: intellectio enim de se est operatio spiritualis, & intantum potest aliquo modo dependere à corpore: inquantum intellectus debet acquirere species ministerio sensuum: quod non haberet locum in anima illa & corpore cælesti. Nulla ergo ponenda est anima informatiua materiæ cælestis, & constitutiua corporis cælestis.

*Idē præ-
batur
ex do-
ctrina
Sacra.*

Sexto demum. Idem præcipuè probatur ex Sacra doctrina. Sancti Patres frequenter docent, corpora cælestia non esse animata, non vivere & intelligere, & oppositam Origenis sententiam damnant. Ita Basil. homil. 6. Exameron, & super Psal. 48. Cyrill. lib. 1. cont. Julian. Irengus lib. 1. contra Hæreses, Epi-

phanus lib. 11. Panarj, Damasc. lib. 2. Fidei cap. 6. & in Historia duorum Christi militum, Hieron. in cap. 1. & 45. Itaræ & in Epist. ad Autum, Ambros. lib. 2. Exameron. cap. 4. Lactantius lib. 2. Diuinar. Instit. cap. 5. Euseb. Cæsarien. lib. 7. Preparat. Euang. cap. 2. & alij plures: ac expressè etiam D. August. lib. 1. Retract. cap. 5. & lib. 2. cap. 7. reuocans li quid antea aliter dixerat vel dubitauerat. Imò Origenes ipse lib. 1. in Iob, super illa verba cap. 38. *cum me laudarent astra maritima*, & in Dialogo de Vera fide, disertè docet, astra esse inanimata & rationis expertia. Insuper Nicephorus lib. 17. Historiæ Ecclesiast. cap. 28. refert, oppositam sententiam in quinta Synodo fuisse damnatam, his verbis: *Si quis dicit, cælum, & Solem, & Lunam, & Stellæ, & aquas quæ super cælos sunt, animantes quosdam esse, & materiales virtutes, anathema sit.* Quamuis, quia hoc decretum non extat in Actis scriptis eius Concilij, non faciat rem planè de fide. Insuper in Concil. Lateran. cap. *Firmiter de Summa Trinit.* non alia agnoscitur creatura intellectualis, præter angelicam & humanam.

Accedit quoque ratio, fidei principijs innixa. Si corpora cælestia essent animata anima intellectiua, essent quoque prædita voluntate, atque adeo haberent liberum arbitrium: vnde possent benè & malè operari, essent capacia meriti & demeriti, premij & pœnæ: & ita vel deberent beari cum sanctis, vel damnari cum impijs fuissentque prædestinata aut reprobata: quæ planè sunt contra omnem sensum Ecclesiæ, & de se satis dissona. Ac præfertim, si cælum aliquod aut astrum, peccati reum fuisset, debuisset mitti in infernum, quo etiam prauis Angelis missi sunt: et ita Sol verbi gra-

*Et ratione in-
de de-
præpta.*

tia aut totum aliquod cælum debuisset de trudi in infernum, quo nil absurdius cogitari potest. E contra corpora cælestia quæ in gratia steterint, debuissent adorari, sicut alij Sancti et Beati, et sicut etiam Sanctorum corpora à nobis adorantur in terris: et quidem talem cultum Astrorum iussisse refertur Plato in Epinomide: at expressè in Sacra Scriptura hæc adoratio prohibetur, Deuteron. 4. *Nè foris elevatis oculis ad cælum, videas Solem & Lunam, & omnia astra cæli, & errore deceptus adores ea & colas, quæ creavit Dominus Deus in ministerium cunctis gentibus quæ sub calo sunt.* Vbi non solum interdicti videtur cultus latræ qui soli Deo debetur, sed absolutè omnis cultus etiam dulci qui Beatis convenit. Et sanè nullus fidelis de facto auderet hoc pacto adorare astra cæli. Mirandum etiam est, quod Origenes in cap. 1. Ioann. suspicatur Christum mortuum fuisse pro peccatis etiam stellarum, utque beneficium redemptionis fecisse commune: quod planè indignum est omni viro prudenti atque fideli.

Ex his patet, hanc veritatē, quod Corpora cælestia non sint animata, et ratione et fide probari. Vnde immerito Scotus in 2. d. 14. q. 1. in fine, dixit solum credi, cælum esse inanimatum; non verò ratione probari, quia alioqui nulla apparet conditio in cælis repugnans animæ. Ex aduerso D. Th. 2. cont. Gent. cap. 70. indicauit, non pertinere ad doctrinam fidei, si cælum dicatur animatum anima intellectiua vel inanimatum. Sed Bonauent. Capreol. Heruæus Conimbr. et alij, censent, verè iuxta ipsam fidem cælos non esse animatos: et ita etiam indicant aliqui Patres. Itaque arbitror, oppositā sententiam iam non fore tutam. Et S. Thomas ibi notare potius in-

tendebat, non esse de fide cælos esse animatos, sicut probauerat esse de mente et doctrina Aristotelis.

Postremo. Si hinc quærat, quā perfectionis comparisonem habeat forma cælestis cum formis corporum inferiorum, & præsertim cū anima, ex quo simul constet an corpora ipsa cælestia sint magis vel minus perfectiora his interioribus: Communis sententia est, Ratione quidem incorruptibilitatis cælum, esse perfectius & nobilius omnibus corporibus inferioribus etiam animatis: rursus ratione suæ formæ esse simpliciter & absolutè perfectius omnibus alijs corporibus inanimatis: At simpliciter & absolutè formam cæli esse ignobiliorem anima, ipsumque cælum imperfectius corpore animato. Ita significauit Plato in Timæo, & asserunt D. Aug. et D. Th. multis in locis, Caietan. Ferrar. Capreol. Soncin. Riccard. Ocham. Auerr. et alij quos referunt & sequuntur Conimb. 2. cæli c. 1. q. 2. ac defendit Cremoninus lib. de Natura cæli cap. 38. et alij Recentiores: quia nempe simpliciter loquendo perfectius est viuens quàm non viuens, et perfectior forma est anima exercens operationes vitales, quàm forma non anima. Vnde fatentur, nobiliorem esse verbi gratia muscam quàm totum cælum, et totum Solem, quoniam viuit et exercet operationes sensitiuas, quæ non competunt ipsi cælo: et præsertim si consideretur parua quædam particula cæli aut Solis, non adeo mirum apparebit, dici ignobiliorem musca, rectè autem eandem perfectionem essentialem habet qualibet parua particula cæli ac totum cælum.

Sed fortasse, necesse non erit dicere corpora cælestia esse simpliciter ignobiliora omnibus corporibus animatis. Quinimò, si compa-

*Cōpara-
tur for-
ma cale-
stis cum
formis
inferio-
ribus.*

ratio fiat cum plantis quæ sola vegetatiua anima viuunt, non sunt sanè adeo inlignes operationes huius animæ, vt debeant simpliciter præferri operationibus cæli; neque adeo excellit substantia huius animæ, vt debeat præponi substantiæ cæli. Si etiam comparatio fiat cum animalibus quæ sola sensitiua anima viuunt, tanta sanè est ex vna parte excellentia cæli, supponendo naturam cæli superiorem omnibus corporibus elementaribus, qualem dicebamus, vt sine iniuria cum illis videatur posse competere, & præsertim si corporibus cælestibus tribuatur vis productiua aliquorum huiusmodi animalium, vt circa cælestes operationes postea attingemus. At sine dubio comparando formam cæli cum anima rationali, & cælum cum homine, manifestè quidem apparet valde nobiliorem gradum esse animæ & hominis. Ratio enim intelligendi ac volendi & liberè operandi, planè excedit omnem corporum perfectionem, & communicat cum perfectione Intelligentiarum, atque ipsius Dei. Et etiam quoad incorruptibilitatem, anima nostra est immortalis plusquam forma & substantia cæli. Et ita quidem Piccolominus in lib. de Cælo cap. 23. affirmat, cælum esse nobilius corporibus animatis excepto homine. Et fauet Arist. 2. Phys. 45. vocans corpora cælestia diuiniora inter sensibilia: imò expressè comparisonem faciebat cū viuentibus, & 9. Metaph. 17. dicens ea quæ æterna sunt esse priora idest digniora secundum substantiam ijs quæ temporalia & caduca sunt.

*Expli-
cantur
quedam
loca
Scriptu-
re.*

In contrarium Obijcies primò ad probandum, spm̃am corporum cælestium esse animam. Psal. 135. *Qui fecit calos in intellectu*; ergo cæli habent intellectum. Ecclesiastes initio Sol vocatur spiritus: In

circuitu pergit spiritus. Dicuntur cæli & astra laudare Deum, Iob. 38. *Cum me laudarent astra matutina*. Psal. 18. *Celi enarrant gloriam Dei*. Sæpè inuitantur ad laudandum Deum, Psal. 148. *Laudate eum Sol & Luna, laudate eum omne stelle & lumen, laudate eum cali calorum & aqua omnes quæ super calos sunt*. Inuitantur ad audiendum, Deuter. 32. *Audite celi quæ loquor*. Adstringuntur præcepto, Itai. 45. *Manus meæ tetenderunt calos, & omni militia eorum mandauit*. Et alia similia in Sacris litteris & apud Patres habentur.

Respondetur facilè. In primo loco, ly in intellectu referendum est ad Deum qui fecit calos: idest fecit cum summo intellectu & sapientia. In secundo loco Sol vocatur spiritus, non quòd in se animetur & viuat spiritu: sed vel ob velocissimum cursum & motum, vt etiam ventus appellatur spiritus: vel quia influit & veluti spirat in hæc inferiora. Deinde cæli laudant Deum & inuitantur ad laudandum, & similiter ad audiendum: vel vt exponit Damascenus, Incolæ cæli, idest Angeli & Beati: vel quia ipsa corpora cælestia excitant nos ad laudandum Deum, & manifestant nobis mirabilia Dei: vel quia ita dicitur per vehementem affectum Prophetæ cupientis laudari Deum, & confundere volentis eos, qui alioqui sapiunt & intelligunt: vt sæpe per figuram solemus res insensatas alloqui. Sic certè etiam terra & alia elementa, alièquè infimæ creaturæ dicuntur paritèr in Scriptura laudare Deum, & inuitantur ad laudandum ac audiendum. Origenes quidem homil. 4. in Ezechiel. suspicatur, etiam terram & alia elementa esse animata, intellectu & voluntate prædita, & culpæ capacia: quod planè absurdissimum est. Demum,

præ-

præceptum illud non intelligitur propriè, sed sumitur pro efficacia diuinæ potentiz, ut exponit Hieron. & adducit illud Ionæ 4. *Dominus præcepit vento comburenti, & rursum, Præcepit vermi maruino.*

Obijcies secundò Arist. præcipuè docuisse videtur corpora celestia esse animata, essequè prædita anima intellectiua. Lib. 2. Cæli tex. 13. expressè ait: *Cælum autem animatum est, & habet motus principium.* Et tex. 61. *Oportet autem ac si participarent actione & vita existimare.* Rursum 2. de Anima tex. 29. loquens de corporibus animatis, inquit: *Alijs inest cogitatum & intellectus, ut hominibus, & si quid aliud huiusmodi est, aut etiam honorabilius:* quod utique propter celestia corpora dixit. Insuper 12. Metaph. tex. 35. & 36. explicat primū motorem mouere cælum tanquam finem appetibilem & desiderabilem: ex quo planè sequitur cælum moueri à sua anima intelligente & appetente, sicquè operante propter Deū vltimum finem.

Respondetur cum D. Th. 1. par. q. 6. art. 3. & alijs communiter, Arist. docere solum voluisse, cælum esse animatum anima assistente, non autem informante & animam assistentem vocasse intelligentiam motricem cæli: sicquè appellauit per quandam similitudinem, quia ad instar animæ mouet ac regit cælum. Itaque sumendo cælum quatenus aggregatum quoddam ex corpore celesti & intelligentia, includit quidem utrumque: at hoc non est compositum quoddam per se vnum, sed est aggregatum per accidens ex duabus substantijs, singulis in se completis ac totalibus, nec habentibus propriè inter se rationem materiæ & formæ: sed ita realiter se habet cælum cum intelligentia, sicut verbi gratia currus cum auriga, na-

uis cum nauta. Hoc etiam modo D. Thomas explicat Platonem: & fortasse plures alij non plus voluerunt: & præsertim Auerr. qui ex alia parte docuerat cælum esse corpus simplex absque compositione materiæ & formæ. Vnde S. Doctor in fine corporis concludit, interponentes corpora celestia animata vel inanimata, paruum vel nullam esse differentiam in re, sed tantum in voce. Demum in illo loco 12. Metaph. Arist. docere potius voluit, quòd ita motor cæli mouet & non mouetur in se, sicut finis mouet & non mouetur: & ita patet ex contextu.

Obijcies tertio. Materia cæli est simpliciter perfectior materia inferiori: ergo & forma celestis debet esse perfectior omni forma inferiori: materia enim & forma debent inter se seruare proportionem. Igitur si anima præsertim rationalis est nobilior forma quàm non anima, forma cæli debet esse anima, imò sublimior quàm anima nostra humana. Insuper cælum regit atque gubernat hæc inferiora, estquè causa superior & veluti vniuersalis, atque concurret ad generationem etiā viuentium & animalium, atque ipsius hominis, iuxta illud *Sol & homo generant hominem.* Igitur debet essentialiter constitui per suam animam nobiliorem omni alia anima.

Respondetur. Tam sectione superiori diximus, ea ratione per respectum ad animam rationalem, nobiliorem esse materiam hanc nostram materia cæli. Quamuis secundum plures alias considerationes, & simpliciter loquendo, materia celestis dicebatur nobilior: ex quo tamen inferendum modò non est, etiam formam esse simpliciter omnibus alijs formis nobiliorem, ut patet ex ibi dictis. Neque hoc præ-

Soluntur quedam rationes.

Explicantur quedam loca Arist.

etiam 12. Metaph. tex. 10. indicat; materiam cælestem omnino esse per se diuersæ rationis ab elementari materia. Hoc item voluit quando dixit, corruptibile et incorruptibile differre genere, intelligendo nempe genus physicum quod est materia. Vanaquæ prorsus est expositio Giannini, dicentis, materiam cælestem ab hac inferiori differre quatenus substat diuersæ formæ, non autem per se ipsam. Nam sic etiam inter corpora hæc inferiora, materia vnius differt à materia alterius. Omnino ergo sensus est, de materia secundum se & ratione sui, ita ut non sit vna communis materia vtriusque corporibus.

Possibile erat materia diuersæ rationis.

Secundò ratione probatur, possibilem esse hanc diuersitatem in ratione materiæ. Materia essentialiter constituitur per ordinem ad formam, siue per potentiam receptiuam formarum: sed necessarium, non est, quamcumque materiam esse vniuersaliter receptiuam omnium formarum possibilem: quinimò intelligetur optimè esse possibilis vna materia receptiua formarum cuiusdam generis, & non aliarum, & similiter alia materia receptiua aliarum: præsertim cum tanto formarum discrimine inter formas corporum cælestium & inferiorum, quarum illæ sunt incorruptibiles & à materia inseparabiles, hæc corruptibiles & variabiles. Hoc ergo modo optimè possunt esse hæc duo genera materiæ, diuersæ naturæ ac rationis.

Debetur ita esse, dum cælestes sunt incorruptibiles.

Tertiò, de facto dari, imò esse necessariam hanc diuersitatem vtriusque materiæ, supposita incorruptibilitate cælorum, ratione cuius non possunt cum corporibus his inferioribus transmutari, probatur facile. Ideo corpora hæc inferiora generantur & corrumpuntur, ac inter se transmutantur, quia habent vnā

communem materiam, capacem ac receptiuam omnium formarum: & propterea dicitur à Philosophis materia radix generationis & corruptionis. Si ergo materia cælestis est etiam communis eiusdemque rationis cum materia hac inferiori, ita ut materia cælestis habeat verè potentiam recipiendi formas has inferiores, & similiter materia hæc inferior recipiendi formas cælestes: iam hæc omnia corpora, cælestia inquam cum inferioribus, erūt inter se transmutabilia: poteritque in hac materia inferiori gigni cælum, & in illa superiori corrumpi. Si ergo supponamus corpora cælestia esse ingenerabilia & incorruptibilia, ut verè supponimus, debet materia cælestis esse incapax formarum inferiorum, & materia hæc inferior formarum cælestium: & ita hæc sunt materiæ diuersæ rationis. Imò hæc ratio valeret etiam contra eos qui dicerent, corpora cælestia esse solum transmutabilia inter se & non cum corporibus his inferioribus: quia hoc sufficeret ut constitui deberet materia diuersæ rationis.

Quartò. Aliqui defendunt cælos esse incorruptibiles, eo quòd *Sunt enim in-* nullum detur naturale agens quod *corru-* possit substantialiter transmutare *pribiles* cælum. Sed planè hoc non sufficit. *ab in-* Tum quia sic cælum verè esset corruptibile ab intrinseco ex natura *trans-* sua, solumquæ ex defectu agentis extrinseci non corrumpetur de facto: quod sanè non consonat cum vera natura cælorum. Tum insuper, posita communitate materiæ, sequitur ipsamet corpora cælestia & inferiora posse inter se agere. Si enim materia cæli est capax qualitatum et formarum corporum inferiorum, iam ignis verbi gratia posset in cælo producere calorem aliasquæ dispositiones, ac tubinde inducere *co-* suam formam: & è conuerso aliquod

quod corpus caeleste, verbi gratia Luna, posset propriam inducere formam in materiam elementarem. Neque iuuabit dicere, formam caelestem & elementarem non esse inter se contrarias, & qualitates corporum caelestium & elementarium non esse contrarias. Nam contrarietas formarum substantialium, non debet requiri alia, quam earum incompossibilitas: & quod in caelo non sint qualitates contrariae calori & siccitati ignis, non impedit, sed potius iuuat, ut ignis facilius absque resistentia producat in illa materia suas qualitates.

Et non solum ex parte forma. Quinto. Aliqui defendunt caelos esse incorruptibiles, quia forma caeli est perfectissima, eminenter continens omnes formas inferiores, & ideo materiam quae possidet talem formam, non appetere amplius ullam aliam formam, quia eius appetitus saturatur penitus & expletur per illam formam superiorem: & sic caelum esse incorruptibile. Sed haec ratio falsa est & insufficiens. Tum quia datur aliqua forma magis perfecta quam forma caelestis, nempe anima saltem rationalis. Tum etiam, licet forma caelestis esset perfectissima, non haec est natura materiae, ut propterea desinat appetere alias formas; sed potius materia per se respicit varietatem formarum, & semper appetit omnes formas quarum est capax: unde apud nos, materia dum actu informatur anima rationali adhuc appetit alias formas, licet longe vilissimas: & ita iam notauimus in suo tractatu de materia. Tum praeterea appetitus materiae non est aliud quam potentia cum priuatione formae: siue nihil aliud requiritur ad hoc ut materia sit radix corruptionis, nisi ut dicat potentiam ad formam quam actu non habet: sed hoc totum reperiretur in materia caelesti: ergo verè caelum

esset ab intrinseco corruptibile. Tum demum, perfectio dictae formae caelestis faceret, ut materia existens sub formis elementaribus, eò auidius appeteret formam caelestem: unde ex hac parte caelum fiet magis naturaliter generabile, ac deinde esset etiam corruptibile.

Sexto. Aliqui addunt, caelum esse incorruptibile, quia forma ipsa caelestis per se naturaliter corrumpi non potest, & unio eiusdem formae cum materia est adeo firma ut naturaliter dissolui non possit. Addit Hurtad. quia accidentia propria cuiusque caeli corrumpi non possunt. Sed neque hoc sufficit. Tum quia si materia caeli est capax plurium formarum, sequitur formam caelestem eiusque unionem esse caducam, & similiter accidentia. Vnde idem Hurtad. sect. 5. in fine, asserit caelos in fine mundi virtute caloris fore corrumpendos & in ignem conuertendos. Tum deinde, saltem caelum esset naturaliter generabile, quia materia posset de nouo acquirere formam caeli: unde similiter deberet esse etiam corruptibile. Tum demum si forma caelestis & eius unio talis est, pariter materia caelestis debet esse determinata ad eandem formam, ac proinde diuersae rationis à materia hac elementari. Materia enim & forma debent esse inter se proportionatae: si ergo forma est talis, ut à materia nequeat diuelli & separari, etiam materia debet esse talis ut per se subtrahi non possit à tali forma. Sicut utique hanc proportionem habent materia & forma in his inferioribus: quolibet forma est per successionem alterius à materia separabilis, & materia est indifferens ad omnes formas recipiendas. Et alioqui non rectè forma talis quae non possit à materia separari, esset collocata in materia quae alias formas impossibiles reci-

Sed etiā ex parte materia

pe per ordinem essentialem vniufcuiusque materiae ad suam formam.

Obijcies tertio . Materia est ens imperfectissimum , remotissimum à Deo , & prope nihil , & dicitur veluti medium quid inter ens & nihil : sed si darentur plures species materiae , quarum una esset perfectior alia , iam aliqua materia non esset ens imperfectissimum , accederet magis ad Deum , recederet magis à nihilo , & non esset medium inter ens & nihil : ergo non possunt distingui plures materiae species .

Respondetur . Ad summum materia debet esse imperfectissimum ens , dum comparatur ad alias substantias ; sed adhuc intra ipsum genus materiae dari potest sua latitudo perfectionis , in qua una materia sit perfectior alia . Sicut è contra substantia Angelica est perfectissima omnium creaturarum , et tamen intra proprium genus continet quasdam minus perfectas alij . Sic etiam in sua remotione à Deo , et accessu ad nihil , bene potest materia habere huiusmodi latitudinem , intra quam dicatur magis aut minus accedere ad vnum aut aliud extremum .

SECTIO SEPTIMA.

Qua sit Corporum caelestium forma, An sit Anima .

Formam corporum caelestium esse animam , et corpora caelestia esse animata atque viuentia , putarunt vt plurimum Antiquiores Philosophi : ac etiam Recentiores aliqui eandem sententiam amplexi sunt . Quia autem tres sunt species animae , nempe , intellectiua , sensitiua , et vegetatiua , diuisi sunt Auctores huius sententiae .

Animam intellectiuam caelo tribuerunt Plato in Philelo et in Ti-

maeo , Mercurius Trismegist. in Pimandro cap.9. & alij Antiqui . Eandem sententiam Aristoteli tribuunt Alexand. & Philopon. itemq; D.Th. 2. cont. Gent. c. 70. & Bessarion Cardin. lib. 2. contra Calumniam , Platonis cap.4. & ita sequuti sunt Auerr. circa loca Arist. quae referemus , Achillinus lib. 3. de Orbibus dub. 1. & quidam alij Auerroistae : ac nuper Villalpandus lib. 2. de Caelo cap. 2. Caesar Cremoninus in disp. de Natura caeli sect. 5. Thomas Gianninus par.1. de substantia caeli à cap. 28. Ex Patribus etiam huic sententiae adhaeret Origenes lib. 1. in Ioann. lib. 5. & 8. contra Celsum , & lib. 1. Periarcon. & dubitat August. in Enchiridion cap. 58. & lib. 2. de Genesi ad litt. cap. 14. & 18. Ex Theologis amplexus est Aureol. in 2. d. 9. & nuper defendere , imò & sacris literis confirmare id conatus est Paulus Riccius , ex Hebraeo Christianus effectus , vt refert Claudius Elpenceus in Collectanea de caelorum animatione cap. 5. atque dubitat Caiet. 1. par. q. 3. art. 1. Porro Alexand. lib. 2. de caelo & lib. 1. Natural. quaest. q. 1. & 12. Et Simplic. 2. caeli com. 3. & 4. Cremoninus & quidam alij volunt , animam caeli esse distinctam ab Intelligentia motrice caeli : Auerr. & alij vt plurimum volunt esse eandem ipsam Intelligentiam . Aliqui ex veteribus , plures quoque animas vni & eidem caelo siue astro tribuerunt . Sic refert Ferdinandus Cardinalis Ponzettus lib. 1. de Origine Animae tract. 1. cap. 11. , quosdam Platonicos posuisse in singulis astris duas animas , in Luna vocarunt Baccum Lincintum & Thalam musam , & sic in alijs varijs nominibus appellabant . Refert etiam , Platonem lib. 5. de Legibus , posuisse in Zodiaco duodecim Numina iuxta numerum signorum , nempe sex Deos & totidem

Est capax inaequalis perfectionis.

Sententia affirmans esse animam.

Intellectiuam.

dem Deas. Quæ planè fabulosæ sunt, & Philosophis indigna.

*Sensiti-
nam.*

Rursus aliqui tribuerunt corporibus cælestibus animam etiam sentitiuam. Sed quia alij sunt sensus interni, utpote imaginationis & phantasiæ, alij sensus externi: Auicenna lib. de Anima par. 1. cap. 1., & 9. Metaph. cap. 2. 3. & 4. cælo tribuit solum sensum internum imaginationis seu phantasiæ: Accademici, ut refert Piccolomineus in lib. de Cælo cap. 24. corporibus cælestibus tribuebant etiam visum & auditum: Alij apud Simplic. 2. cæli 35. tribuerunt omnes sensus præter odoratum & gustum: Nuper Iacobus Pauesius disp. 5. Metaph. cap. 26. cælo tribuit absolutè sensus tam externos quàm internos, & pro se refert Alexandrum & Simplicium.

*Vegeta-
tiam.*

Demum de anima quoque vegetatiua, illam cælo tribuisse videntur Plinius lib. 2. Naturalis histor. cap. 8. Seneca lib. 2. Naturalium quæst. c. 5. Cleanthes & communiter Stoici apud Cicero lib. 2. de Natura Deorum. Verùm hi solum dixerunt, cælos nutriri aqueis humoribus & terrestribus halitibus in altum sublatis: hoc autem non tam docuisse videntur eo quod crederent cælum vitaliter nutriri ad instar animalium & plantarum: quàm potius eo quod putabant cælum esse ignem, & ita veluti nutriri pabulo & materia combustibili, sicut ignis apud nos existens, qui non propterea viuit anima vegetante.

*Cōclusio
negans
esse ani-
mam.*

Dicendum tamen omnino est, formam corporum cælestium non esse animam, corpora cælestia non esse animata, nec esse viuientia. Hæc est communis Theologorum & Philosophorum sententia, D. Th. 1. par. q. 70. art. 3. & alibi sæpè, Alberti tract. de Quatuor Corporis q. 4. art. 25. Alen. 2. par. quæst. 87. memb. 3. Bonau. Durand. Aegid. Heru.

Argent. Scoti, & aliorum Scholasticorum in 2. d. 14. Nicolai de Lyra in cap. 10. Ierem. Abulcisi in cap. 23. Exod. q. 27. Eugub. in Psal. 18. Perer. lib. 2. in Genes. q. 7. & aliorum Sacrae Scripturae Expositorum. Est item Claudij Espencei in Collectanea de cælorum animatione cap. 12. Amadei Reygrete lib. 2. de cælo quæst. 1. art. 1. Conimbr. cod. lib. cap. 1. quæst. 1. Ruuij cap. 1. q. 4. Hurtad. disp. 1. de cælo sect. 4. & aliorum plurium Expositorum circa lib. 2. de cælo. Ioannis Baptistæ Contarenti in Quætionibus Peripateticis q. de Animatione cæli, Georgij Raguseij disp. 14. Peripatetica, & aliorum Philosophorum.

Probatur primò ex Arist. qui 2. de Anima tex. 50. ait, omne animalium habere calorem: sed cælum in eius sententia non est capax caloris & aliarum qualitatum elementarium: ergo non est animatum. Item eodem lib. tex. 31. & 32. docet, gradum vegetatiuum supponi ad sensitiuum, & utrumque ad ratiocinatiuum: sed iuxta eius doctrinam in cælo prorsus non sunt operationes vegetatiuæ, ut magis infra ostendemus: ergo prorsus cæli apud Arist. non sunt animati. Insuper 3. de Anima tex. 66. ait, impossibile esse corpus animalis esse simplex, ut igneum, aut aereum, volens omnino debere esse mixtum ex omnibus elementis: sed cælum in eius sententia est hac ratione simplex non constans ex elementis: ergo omnino sentire debuit cælum non esse animatum.

Secundò ratione probatur: quia anima in suo corpore requirit varia organa & instrumenta, unde ab Arist. definitur actus corporis organici: & præsertim in cælo adeo vasto & ingenti corpore, esse deberet organa maximæ molis & varietatis. At verò cælum totum est vniforme &

de vnus circularis figuræ, nullumque in eo vestigium apparet talium organorum qualia in animato corpore requiruntur: ergo prorsus forma cæli non est anima, & cælum non est animatum.

Nō esse animam vegetatiuam.

Tertiò specialiter in cælo non esse animam vegetatiuam: quia operationes propriæ huius animæ sunt, vitalis generatio, nutritio & augmentatio: sed in cælo nulla ex his operationibus inuenitur. Non utique vnum corpus cæleste generat vitaliter aliud tibi simile, eo pacto quo homo hominem, & planta plantam. Neque cælum nutritur. Tum quia nutritio deseruit ad hoc vt substantia deperdita reparetur, quod utique non habet locum in cælo. Tum quia nullum suppetit nutrimentum quo cælum ali possit. Deridendi enim sunt, vt ait Arist. Meteor. summa a. cap. 2. quicumque cælum aut Solem ali humido existimauerunt, & propter ipsum moueri eo quod non semper idem locus potest ei exhibere alimentum. Reprehendit etiam Arist. eos qui cum tantum de Sole curauerint, ei de alimento providere, neglexerunt salutem aliorum, astrorum in tanta multitudine & magnitudine existentium. Ac certè si cōsideremus & comparemus omnia corpora hæc inferiora cum corporibus cælestibus tantæ molis, perspicuum satis erat, ne pro vna quidem die totum hunc inferiorē mundum sufficere potuisset ad alimentum cæli. Neque demum cælum augetur. Tum quia viuens non augetur sine nutritione, conuertendo videlicet alimentum in suam substantiam. Tum quia semper corpora cælestia sibi ipsis æqualia permanserunt, nullumque substantialiter in maiorem molem excreuit. Demum omnes hæ operationes animæ vegetatiuæ, non fiunt sine generatione & corruptione substantiali: cæ-

lum ergo cum sit ingenerabile & incorruptibile, anima vegetatiua constare non poterat.

Quartò specialiter in cælo non esse animam sensituiam. Tum quia planè in cælo non sunt sensus externi, qui sanè in tam crasso animali satis conspicui esse deberent, & risu potius excipiendi sunt, si qui hos sensus in cælo cogitauerint: sine autem sensibus externis, nec sensus interni dari suaquæ munera exercere queunt. Tum etiam sensatio non fit sine aliqua passione ab obiecto sensibili operante circa sensum, & in varijs sensibus sunt variz passionnes vt exploratum est: quod totum est à corporibus cælestibus penitus alienum. Tum demum, animalia omnia iuxta naturalem suam constitutionem debent esse generabilia & corruptibilia, & indigent operationibus vegetatiuis: anima ergo sensituiua corporibus cælestibus omnino repugnat.

Nō esse sensitiuam.

Quintò specialiter in cælo non esse animam intellectuiam. Quia vel hæc esset eadem ipsa intelligentia quæ cælum mouet, vel esset quædam alia anima eiusdē speciei cum anima nostra, vel cuiusdam alterius speciei. Non primum: quia substantia angelica est per se totalis atque cōpleta, forma verò est quædam pars incompleta, nec aliter fieri potest compositum per se vnum ex materia & forma. Angelus ergo se habet ad cælum tanquam motor assistens, sicut nauta in naui, non tanquam forma componens & informans, sicut anima in corpore. Et sic Arist. 8. Phys. 40. & 41. ait, intelligentiam vniri cælo contactu virtutis, non utique vnione substantiali. Et tex. 48. Intelligentiam in certa cæli parte constituit: cum tamen anima cæli esse utique deberet in toto ipso cælo. Neque anima cæli potest esse eiusdē speciei cum

Nō esse intellectuiam.

anima nostra. Tum quia hæc simul est sentitiua & vegetatiua, quale non est cælum. Tum quia requirit tantam membrorum & organorum varietatem talemque corporis humani figuram, quæ nullatenus est in cælo. Tum quia cogitari non potest, eandem specie esse formam cæli adeo vasti, ac hominis in comparatione illius adeo exigui. Et ridendus planè esset qui diceret, cælum, aut quodlibet astrum, esse ingentem quendam hominem & gigantem anima humana præditum. Neque demum fingenda est alia species animæ, quæ videlicet sit intellectiua, & non sit sentitiua. Tum quia adæquatè diuiditur anima in illas tres species apud Arist. notas. Tum quia, ut arguit D. Thom. 1. par. q. 70. art. 3. anima vnitur corpori non propter corpus, sed propter se; non enim anima est propter corpus, sed corpus est propter animam: ergo anima qua non indigeat corpore ad suas operationes exercendas, non potest respicere & informare corpus: anima autem purè intellectiua, quæ non esset sentitiua, non indigeret corpore ad suam operationem: intellectio enim de se est operatio spiritalis, & intantum potest aliquo modo dependere à corpore: inquantum intellectus debet acquirere species ministerio sensuum: quod non haberet locum in anima illa & corpore cælesti. Nulla ergo ponenda est anima informatiua materiæ cælestis, & constitutiua corporis cælestis.

*Idē probatur
ex doctrina
Sacra.*

Sextò demum. Idem præcipuè probatur ex Sacra doctrina. Sancti Patres frequenter docent, corpora cælestia non esse animata, non vivere & intelligere, & oppositam, Origenis sententiam damnant. Ita Basil. homil. 6. Exameron, & super Psal. 48. Cyrill. lib. 2. cont. Iulian. Ireneus lib. 1. contra Hæreses, Epi-

phanus lib. 11. Panarj, Damasc. lib. 2. Fidei cap. 6. & in Historia duorum Chritti militum, Hieron. in cap. 1. & 45. Itaz & in Epist. ad Autum, Ambros. lib. 2. Exameron, cap. 4. Lactantius lib. 2. Diuinar. Instit. cap. 5. Euseb. Cæsarien. lib. 7. Preparat. Euang. cap. 2. & alij plures: ac expressè etiam D. August. lib. 1. Retract. cap. 5. & lib. 2. cap. 7. reuocans si quid antea aliter dixerat vel dubitauerat. Imò Origenes ipse lib. 1. in Iob, super illa verba cap. 38. *cum me laudarent astra matutina*, & in Dialogo de Vera fide, disertè docet, astra esse inanimata & rationis expertia. Insuper Nicephorus lib. 17. Historiæ Ecclesiast. cap. 28. refert, oppositam sententiam in quinta Synodo fuisse damnatam, his verbis: *Si quis dicit, calam, & Solem, & Lunam, & Stellæ, & aquas quæ super celos sunt, animantes quosdam esse, & materiales virtutes, anathema sit.* Quamuis, quia hoc decretum non extat in Actis scriptis eius Concilij, non faciat rem planè de fide. Insuper in Concil. Lateran. cap. *Firmiter de Summa Trinit.* non alia agnoscitur creatura intellectiualis, præter angelicam & humanam.

Accedit quoque ratio, fidei principijs innixa. Si corpora cælestia essent animata anima intellectiua, essent quoque prædita voluntate, atque adeo haberent liberum arbitrium: vnde possent bonè & malè operari, essent capacia meriti & demeriti, premij & pœnæ: & ita vel deberent beari cum sanctis, vel damnari cum impijs fuissentque prædestinata aut reprobata: quæ planè sunt contra omnem sensum Ecclesiæ, & de se satis dissona. Ac præsertim, si cælum aliquod aut astrum, peccati reum fuisset, debuisset mitti in internum, quo etiam prauis Angelis missi sunt: et ita Sol verbi gra-

ua

*Et ratione in-
de de-
propria.*

tia aut totum aliquod cælum debuisset detrudi in infernum, quo nil absurdius cogitari potest. E contra corpora cælestia quæ in gratia steterint, debuissent adorari, sicut alij Sancti et Beati, et sicut etiam Sanctorum corpora à nobis adorantur in terris: et quidem talem cultum Astrorum iussisse refertur Plato in Epinomide: at expressè in Sacra Scriptura hæc adoratio prohibetur, Deuteron. 4. *Nè forte eleuatis oculis ad cælum, videas Solem & Lunam, & omnia astra celi, & errore deceptus adores ea & colas, quæ creauit Dominus Deus in ministerium cunctis gentibus quæ sub calo sunt.* Vbi non solum interdici videtur cultus latræ qui soli Deo debetur, sed absolute omnis cultus etiam dulci qui Beatis conuenit. Et sanè nullus fidelis de facto auderet hoc pacto adorare astra cæli. Mirandum etiam est, quod Origenes in cap. 1. Ioann. suspicatur Christum mortuum fuisse pro peccatis etiam stellarum, iisque beneficium redemptionis fecisse commune: quod planè indignum est omni viro prudenti atq; fideli.

Ex his patet, hanc veritatē, quod Corpora cælestia non sint animata, et ratione et fide probari. Vnde immeritò Scotus in 2. d. 14. q. 1. in fine, dixit solum credi, cælum esse inanimatum; non verò ratione probari, quia alioqui nulla apparet conditio in cælis repugnans animæ. Ex aduerso D. Th. 2. cont. Gent. cap. 70. indicauit, non pertinere ad doctrinam fidei, si cælum dicatur animatum anima intellectiua vel inanimatum. Sed Bonauent. Capreol. Heruæus Conimbr. et alij, censent, verè iuxta ipsam fidem cælos non esse animatos: et ita etiam indicant aliqui Patres. Itaque arbitror, oppositā sententiam iam non fore tutam. Et S. Thomas ibi notare potius in-

tendebat, non esse de fide cælos esse animatos, sicut probauerat esse de mente et doctrina Aristotelis.

Postremò. Si hinc quæzatur, quā perfectionis comparisonem habeat forma cælestis cum formis corporum inferiorum, & præsertim cum anima, ex quo simul constet an corpora ipsa cælestia sint magis vel minus perfectiora his interioribus: Communis sententia est, Ratione quidem incorruptibilitatis cælum, esse perfectius & nobilius omnibus corporibus inferioribus etiam animatis; rursus ratione suæ formæ esse simpliciter & absolute perfectius omnibus alijs corporibus inanimatis: At simpliciter & absolute formam cæli esse ignobiliorem anima, ipsumq. cælum imperfectius corpore animato. Ita significauit Plato in Timæo, & asserunt D. Aug. et D. Th. multis in locis, Caietan. Ferrar. Capreol. Soncin. Riccard. Ocham. Auerr. et alij quos referunt & sequuntur Conimb. 2. cæli c. 1. q. 2. ac defendit Cremoninus lib. de Natura cæli cap. 38. et alij Recentiores: quia nempe simpliciter loquendo perfectius est viuens quàm non viuens, et perfectior forma est anima exercens operationes vitales, quàm forma non anima. Vnde fatentur, nobiliorem esse verbi gratia muscam quàm totum cælum, et totum Solem, quoniam viuunt et exercet operationes sensitiuas, quæ non competunt ipsi cælo: et præsertim si consideretur parua quædam particula cæli aut Solis, non adeo mirum apparebit, dici ignobiliorem musca, rectè autem eandem perfectionem essentialem habet qualibet parua particula cæli ac totum cælum.

Sed fortasse, necesse non erit dicere corpora cælestia esse simpliciter ignobiliora omnibus corporibus animatis. Quinimò, si compa-

*Cōpara-
tur for-
ma cale-
stis cum
formis
inferio-
ribus.*

ratio fiat cum plantis quae sola vegetatiua anima viuunt, non sunt sane adeo insignes operationes huius animae, ut debeant simpliciter praeferi operationibus caeli; neque adeo excellit substantia huius animae, ut debeat praeponi substantiae caeli. Si etiam comparatio fiat cum animalibus quae sola sensitiua anima viuunt, tanta sane est ex vna parte excellentia caeli, supponendo naturam caeli superiorem omnibus corporibus elementaribus, qualem dicebamus, ut sine iniuria cum illis videatur posse competere, & praesertim si corporibus caelestibus tribuatur vis productiua aliquorum huiusmodi animalium, ut circa caelestes operationes postea attingemus. At sine dubio comparando formam caeli cum anima rationali, & caelum cum homine, manifeste quidem apparet valde nobiliorem gradum esse animae & hominis. Ratio enim intelligendi ac volendi & liberè operandi, planè excedit omnem corporum perfectionem, & communicat cum perfectione Intelligentiarum, atque ipsius Dei. Et etiam quoad incorruptibilitatem, anima nostra est immortalis plusquam forma & substantia caeli. Et ita quidem Piccolominæus in lib. de Caelo cap. 23. affirmat, caelum esse nobilius corporibus animatis excepto homine. Et fauet Arist. 2. Phys. 45. vocans corpora caelestia diuiniora inter sensibilia: imò expressè comparisonem faciebat cum viuentibus, & 9. Metaph. 17. dicens ea quae aeterna sunt esse priora idest digniora secundum substantiam ijs quae temporalia & caduca sunt.

*Expli-
cantur
quedam
loca
Scriptu-
rae.*

In contrarium Obijcies primò ad probandum, spiritum corporum caelestium esse animam. Psal. 135. *Qui fecit celos in intellectu*; ergo caeli habent intellectum. Ecclesiastes initio Sol vocatur spiritus: *In*

circuitu pergit spiritus. Dicuntur caeli & astra laudare Deum, Iob. 38. *Cum me laudarent astra matutina*. Psal. 18. *Celi enarrant gloriam Dei*. Sæpè inuitantur ad laudandum Deum, Psal. 148. *Laudate eum Sol & Luna, laudate eum omnes stellae & lumen, laudate eum calidum & aquae omnes quae super calos sunt*. Inuitantur ad audiendum, Deuter. 32. *Audite celi quae loquor*. Adstringuntur praepcepto, Itai. 45. *Manus meae tetenderunt calos, & omni militie eorum mandavi*. Et alia similia in Sacris litteris & apud Patres habentur.

Respondetur facilè. In primo loco, ly in intellectu referendum est ad Deum qui fecit calos: idest fecit cum summo intellectu & sapientia. In secundo loco Sol vocatur spiritus, non quòd in se animetur & viuat spiritu: sed vel ob velocissimum cursum & motum, ut etiam ventus appellatur spiritus: vel quia influit & veluti spirat in hæc inferiora. Deinde caeli laudant Deum & inuitantur ad laudandum, & similiter ad audiendum: vel ut exponit Damascenus, Incolae caeli, idest Angeli & Beati: vel quia ipsa corpora caelestia excitant nos ad laudandum Deum, & manifestant nobis mirabilia Dei: vel quia ita dicitur per vehementem affectum Prophetæ cupientis laudari Deum, & confundere volentis eos, qui alioqui sapiunt & intelligunt: ut sæpe per figuram solemus res insensatas alloqui. Sic certè etiam terra & alia elementa, atque infimæ creaturae dicuntur pariter in Scriptura laudare Deum, & inuitantur ad laudandum ac audiendum. Origenes quidem homil. 4. in Ezechiel. suspicatur, etiam terram & alia elementa esse animata, intellectu & voluntate praedita, & culpæ capacia: quod planè absurdissimum est. Demum,

præ-

præceptum illud non intelligitur propriè, sed sumitur pro efficacia diuinæ potentia, vt exponit Hieron. & adducit illud Ionæ 4. *Dominus præcepit vento comburenti, & rursus, Præcepit vermi matutino.*

Expli-
cantur
quedam
loca
Arist.

Obijcies secundò. Arist. præcipuè docuisse videtur corpora celestia esse animata, essequè prædita anima intellectiua. Lib. 2. Cæli tex. 13. expressè ait: *Cælum autem animatum est, & habet motus principium.* Et tex. 61. *Oportet autem ac si participarent actione & vita existimare.* Rursus 2. de Anima tex. 29. loquens de corporibus animatis, inquit: *Alijs inest cogitatum & intellectus, vt hominibus, & si quid aliud huiusmodi est, aut etiam honorabilis:* quod vñque propter celestia corpora dixit. Insuper 12. Metaph. tex. 35. & 36. explicat primū motorem mouere cælum tanquam finem appetibilem & desiderabile: ex quo planè sequitur cælum moueri à sua anima intelligente & appetente, sicquè operante propter Deū vltimum finem.

Respondetur cum D. Th. 1. par. q. 6. art. 3. & alijs communiter, Arist. docere solū voluisse, cælum esse animatum anima assistente, non autem informante & animam assistentem vocasse intelligentiam motricem cæli: sicquè appellauit per quandam similitudinem, quia ad instar animæ mouet ac regit cælum. Itaque sumendo cælum quatenus aggregatum quoddam ex corpore celesti & intelligentia, includit quidem utrumque: at hoc non est compositum quoddam per se vnum, sed est aggregatum per accidens ex duabus substantijs, singulis in se completis ac totalibus, nec habentibus propriè inter se rationem materiae & formæ: sed ita realiter se habet cælum cum intelligentia, sicut verbi gratia currus cum auriga, na-

uis cum nauta. Hoc etiam modo D. Thomas explicat Platonem: & fortasse plures alij non plus voluerunt: & præsertim Auerr. qui ex alia parte docuerat cælum esse corpus simplex absque compositione materiae & formæ. Vnde S. Doctor in fine corporis concludit, interponentes corpora celestia animata vel inanimata, paruam vel nullam esse differentiam in re, sed tantum in voce. Demum in illo loco 12. Metaph. Arist. docere potius voluit, quòd ita motor cæli mouet & non mouetur in se, sicut finis mouet & non mouetur: & ita patet ex contextu.

Obijcies tertio. Materia cæli est simpliciter perfectior materia inferiori: ergo & forma celestis debet esse perfectior omni forma inferiori: materia enim & forma debent inter se seruare proportionem. Igitur si anima præsertim rationalis est nobilior forma quàm non anima, forma cæli debet esse anima, imò sublimior quàm anima nostra humana. Insuper cælum regit atque gubernat hæc inferiora, estquè causa superior & veluti vniuersalis, atque concurret ad generationem etiā viuientium & animalium, atque ipsius hominis, iuxta illud *Sol & homo generant hominem.* Igitur debet essentialiter constitui per suam animam nobiliorem omni alia anima.

Soluntur
quædam
rationes.

Respondetur. Tam sectione superiori diximus, ea ratione per respectum ad animam rationalem, nobiliorem esse materiam hanc nostram materia cæli. Quamuis secundum plures alias considerationes, & simpliciter loquendo, materia celestis dicebatur nobilior: ex quo tamen inferendum modò non est, etiam formam esse simpliciter omnibus alijs formis nobiliorem, vt patet ex ibi dictis. Neque hoc præ-

iudicat proportioni debitz inter materiam & formam : hæc enim proportio attenditur penes aptitudinem recipiendi ex parte materiæ, & informandi ex parte formæ, quæ aptitudinem exactissimè habet materia & forma cælestis inter se, & materia & forma inferior inter se. Cælum deinde dicitur regere & gubernare hæc inferiora, esse quæ causa superior & vniuersalis, nõ quasi per sapientiam & prudentiam res disponens, sed influendo & operando tanquam causa naturalis. Concurrit demum ad generationem viuientium & hominis, eo modo quo dicemus circa cælorum operationes, ita scilicet vt non oporteat ipsum cælum esse animatum & essentialiter excellentius omnibus substantijs his inferioribus.

SECTIO OCTAUA.

An & quæ Corpora cælestia inter se in sua substantia differant.

HActenus de omnium corporũ cælestium substantia communiter egimus : videndum superest de differentia substantiali & essentiali inter varia corpora cælestia.

Aucto. rñ placita. Quidam Messalac in libro de Sphæra mota, apud Albert. 2. Cæli tract. 3. c. 4. negasse videtur omnem differentiam essentialem & specificam inter quæcumque corpora cælestia, dicens omnia esse eiusdem infimæ speciei, & ad summum solo numero differre. Imò idem sentire videtur Auerr. 2. cæli comm. 49. vbi determinatè quidem loquitur de stellis inter se, dicens omnes esse eiusdem speciei. At ratio quam affert est vniuersalis de omnibus prorsus corporibus cælestibus.

Ex aduerso D. Thomas q. vniç

de Spiritual. creaturis art. 8. in Corpore & ad 10. ac 12. & 2. Cæli lect. 10. videtur distinguere essentialiter & specificè omnia corpora cælestia, nempe singula astra inter se, & singulos cælos inter se, & ipsa astra à cælis : ita vt neutiquam inueniantur duo corpora cælestia numero differentia & vnius simplicis speciei : sicut pariter philosophatur de substantijs angelicis. Sequitur Soncin. 12. Metaph. q. 10. Et idem sentiunt Albert. de Saxonia 2. Cæli quæst. 21. art. 3. & 4. Hurtad. disp. 1. de Cælo sect. 3. & Rufus 2. Cæli cap. 5. quæst. 4. & cap. 7. quæst. 1.

Communior sententia est, astra nõ differre essentialiter & specificè à cælis, sed singula esse eiusdem speciei cū ipso cælo cui infixa sunt, & simpliciter stellas non esse aliud quàm partes quasdam densiores suorum orbium, & ideo lucidiores nobis quæ conspicuas. Videntur autem supponere, & aliqui apertè explicant, ipsa astra inter se, atque adeo ipsos cælos inter se, astra inquam errantia, quæ diuersos motus exercent & in diuersis cælis constituuntur, verè inter se differre specie. Ita sentiunt Albertus loco prius citato, Ioannes Maior 2. cæli quæst. 8. Caietanus Thienensis eod. lib. tract. 2. cap. 1. Suellan circa tex. 41. Lucillus Philaltæus circa tex. 55. Achillin. lib. 1. de Orbibus, Riccard. in 2. d. 14. art. 3. quæst. 6. & alij plures. At verò Conimbr. 2. cæli cap. 7. q. 1. explicant, singula astra esse eiusdem speciei cum suo solum epiciclo & orbe differente, non autem cum alijs orbibus eiusdem cæli, atque ita faciunt ipsos orbes inter se specie differentes.

Dico primò. Debent aliqua corpora cælestia inter se distingui specie & essentialiter. Hæc est communis. Et primò a posteriori probatur : quia ordinatum lignum diuersa-

Aliqua corpora cælestia in sua substantia

tia spe- uersitatis essentialis, est diuersitas
cificè di- proprietatum et operationum quæ
stinguū- à rei natura promanant: sed constat
tur. aliquorum corporum celestium val-
 de diuersas esse proprietates et ope-
 rationes. Pro qua re statim solet à
 Peripateticis afferri diuersitas mo-
 tuum quos Planetæ exercent: at hoc
 nil confert, quia supponimus cor-
 pora celestia non moueri ab intrin-
 seco, sed ab intelligentia assistente,
 et non ex propria exigentia, sed so-
 lum propter rectam vniuersi guber-
 nationem diuersis motibus agitari.
 Sed aliæ sunt proprietates et opera-
 tiones, inter se differentes, et varijs
 corporibus celestibus ab intrinseco
 connaturales. Alia sunt corpora ce-
 lestia de se lucida, alia propria luce
 carentia: alia sunt opaca, et alia dia-
 phana: alia exercent operationes in
 hæc inferiora et immittunt influen-
 tias, quæ non apparent in alijs: alia
 demum sunt, quorum operationes
 sunt veluti oppositæ et contrariæ, vt
 inferius enumerabimus. Hæc igitur
 ratione censerî prorsus debent hu-
 iusmodi corpora celestia verè inter
 se substantialiter differre.

Secundò ratione à priori etiam
 suadetur: quia si omnia corpora ce-
 lestia fuissent eiusdem naturæ et
 speciei, ijsdem proprietatibus, et
 operationibus prædita, opus nõ erat,
 tantam eorum multitudinem pro-
 creari: conuenientius ergo erit di-
 cere, verè inter se differre specie.
 Insuper id planè conferebat magis
 ad perfectionem et complementum
 huius vniuersi. Et sicut in genere
 corporum inferiorum et corruptibili-
 um, ac etiam in genere substantia-
 rum superiorum spiritualium est tā-
 ta varietas specierum, ita cōuenien-
 ter esse debebat in genere corpo-
 rum celestium incorruptibilium.

Tertiò. Nulla prorsus difficultas
 est, quo minus in hoc genere po-
 tuerit esse hæc specifica diuersitas.

Difficultas quam afferebāt ille Mel-
 salac, et Auerroes, erat: quia si cor-
 pora celestia conuenirent genere
 et differrent specie, deberent omni-
 no ex materia et forma consistere,
 quia genus sumitur ex materia dif-
 ferentia ex forma: at inde rursus se-
 quitur, esse corruptibilia: ergo sup-
 ponendo incorruptibilitatem celo-
 rum, non possunt corpora celestia
 inter se specie differre. At certè,
 necessaria non erat compositio ex
 materia et forma ad diuersitatem
 illam specificam: quinimò etiam si
 corpora celestia sint talis composi-
 tionis expertia, adhuc poterant op-
 timè conuenire in genere et differre
 in specie: nec verum est, genus de-
 bere sumi à materia, differentiam à
 forma: ac de facto Angeli inter se
 conueniunt genere, et differunt spe-
 cie, absque tali compositione. De-
 inde, etiam si cæli consistant ex ma-
 teria et forma, non per hoc sunt
 corruptibiles: quinimò adhuc opti-
 mè possunt naturalem incorruptibi-
 litatem retinere, vt iam tractatū est.

Dico secundò. Potius existiman-
 dum est, differre specie astra ipsa
 inter se et à suis cælis et orbibus, *Astra inter se differunt specie.*
 omnes verò cælos, siue totum cælum
 esse eiusdem speciei. Hæc assertio
 repugnat omnibus tribus sententijs
 antea relatis.

Probatur primò, astra inter se
 differre specie: quia in eis maxime
 apparet signum illud distinctionis
 essentialis ex diuersitate propieta-
 tum et operationum: de ipsis enim
 astris compertum et exploratum est
 habere diuersas virtutes, et exercere
 diuersas ac veluti contrarias opera-
 tiones: verbi gratia Sol calefacit et
 exsiccatur, Luna humefacit, et alios
 peculiare ac mirabiles effectus cir-
 cā corpora hæc inferiora operatur,
 Saturnus dicitur frigefacere, et sic
 de alijs astris, non solum inquam
 Planetis, sed etiam stellis fixis, qui-
 bus

bus etiā varix operationes tribuuntur. Fallumquē est, quod dixit Auerr. et refert ac impugnat D. Thom. 2. Cæli lect. 10. omnia astra ex se non nisi calefacere, sed alia magis, alia minus, et hæc propterea dici infrigidare: nam verē et politivē tam aliæ qualitates et effectus, quàm calor efficiuntur ab astris. Censendum autem est, omnes quidem Planetas tam inter se quàm à stellis fixis specie differre: inter ipsas etiam stellas fixas inueniri specificam differentiam: non tamen constat omnes prorsus et singulas stellas fixas inter se pariter differre: sed benē intelligi possunt veluti diuersæ classes illarum stellarum, ita ut inueniantur plures aliquot stellæ eiusdem speciei et solo numero differentes, et sic de varijs speciebus illarum. Et ita sentit Molina 1. part. tract. de Opere sex dierum disp. 15.

*Astra à
cælis
differunt
specie.*

Secundò probatur, esse specie distinguenda ipsa astra à suis cælis & orbibus. Tum quia manifestam diuersitatem habet astrum à cælo, & præsertim in luce & opacitate ac transparentia: quæ diuersitas nullo modo saluari potest per hoc solum quod astra sint partes cæli densiores: nam etiam cælum cum sit solidissimum, non ob raritatem debet censeri diaphanum, sed potius ob peculiarem suam naturam ad instar Chrystalli: & ita iam notauimus antea. Tum præsertim: operationes varix ac diuersæ proueniunt ab ipsis astris, non autem à cælis: Sol verbi gratia est qui calefacit & illuminat, non cælum Solis, & sic de alijs: ideoquē institutus est motus in cælis, ut ipsa astra in varias partes suas operationes deferant, & per varias etiam coniunctiones & aspectus diuersos pariant effectus: cælum autem semper totum eodem modo per omnes partes se habet. Cum ergo sic notum sit, ipsa astra

operari, eorumquē operationes non competere cælis, nec aliæ appareant diuersæ operationes ipsorum cælorum, existimandum est, potius ipsa astra à cælis, quàm cælum inter se differre specie. Tum demum ita perspicuē indicauit Arist. in lib. de Causis propriis Elementorum.

Tertiò probatur non debere cælos inter se distinguere specie. Tum quia nos supponimus vnum potius esse totum cælum sydereū pro astris fixis & Planetis, & nunc de hoc solum loquimur, non verò de cælo empireo, quod vltro putamus esse alterius adhuc altioris & nobilioris naturæ: quamuis autem distinguamus plures Zonas & epicyclos intra vastitatem ipsius cæli, non per hoc in ijs per se debet constitui specifica differentia. Tum deinde quantumuis distinguere dicantur plures cæli & orbis, planè sufficit diuersitas specifica astrorum inter se & ab ipsis cælis, ut non debeant rursus inter se distinguere specie ipsi cæli. Tum specialiter cælum in quo sunt stellæ fixæ, est sine dubio totum vnius speciei, quamuis stellæ inter se differunt specie: ergo sic etiam, licet Planetæ inter se differunt specie, non oportebit cælum quoque Planetarum pari modo distinguere. Tum præsertim nullum apparet signum specificæ distinctionis inter ipsos cælum: non enim ab illis, sed ab astris prouenit diuersitas operationum quam in his inferioribus experimur. Neque sufficit inæqualis magnitudo eorum: nam eiusdem sanè speciei est gutta aquæ cum toto mari: & non ex propria exigentia singulorum cælorum, sed ex voluntate Creatoris, & ob commoditatē vniuersi, omne cælum conditum est in quadam certa mensura magnitudinis. Neque sufficit diuersitas loci & situs inferioris, ac superioris: non enim ex naturali suo instinctu & inclinatio-

Cæli inter se non differunt specie.

ne requirebant talem certum ordinem, sicut apud nos elementa & corpora graua ac leua: sed pariter ex diuino beneplacito. Neque sufficit diuersitas motus, vt iam con-
 clusione prima notauimus. Neque demum sufficit hoc quod vnum cælum continet vnum astrum diuersum specie ab alijs astris aliorum cælorum: nam non ipsum cælum de se petebat tale astrum potius quàm omne aliud: nec ipsum astrum petebat esse potius in tali cælo quàm omni alio: sicut certè de se non petebat esse potius in tali parte sui cæli quàm in quauis alia. Sed sicut eiusdem speciei est omnis annulus aureus, in quo sit illigata vna vel alia gemma, & ex mera voluntate artificis fit, vt ex eadem massa auri fiat vnus annulus maior & alius minor, & vni illigetur vna, alij alia gemma, ita contendum est de astris et cælis.

*Compa-
 rantur
 corpora
 caelestia
 in perfe-
 ctione
 essentia-
 le.* Cæterum, quia ad diuersitatem essentialem sequitur comparatio in perfectione essentiali, Aliqui absolute docent, eo quodlibet cælum et astrum esse nobilius, quo altioris locum obtinet, ita vt eundem habeant dignitatis ac loci ordinem.

Conimb. 2. Cæli cap. 5 q. 2. hoc admittunt inter cælos, ac inter astra excipiunt Solem qui non est loco supremus, sed sine dubio dignitate præstantissimus: et propter hoc distinguunt Solem à suo orbe, licet non alia astra à suis orbibus. Magis asseueranter Ruuius 2. cæli cap. 5. q. 4. vult, eundem ordinem esse cælorum quoad dignitatem ac quoad locum: non tamen astrorum sed præcipue Solem esse alijs præstantiorem. Sed breuiter dicendum est, omnia et singula astra esse perfectiora et præstantiora ipsis cælis, quod sanè vel aspectus ipse demonstrat, et astrorum operationes persuadent: recteque Arist. 12 Metaph. tex. 48. edocuit, cælos esse

propter astra. Inter ipsos cælos nulla apud nos est comparatio, qui eos nec specie nec etiam numero distinguimus: Inter astra sine dubio Sol dici debet omnium præstantissimus. Aliorum verò astrorum non apparet certa regula. Nec enim oportebit dicere, quo superiora eo esse nobiliora: vt patet vel ex ipso Sole qui non est omnium supremus: vt etiam non valet, quo superiora eo esse mole maiora. Nec Saturnus verbi gratia qui est omnium Planetarum altissimus, et Mars qui est Venere superior, dici simpliciter debent Ioue et Venere nobiliores: quandoquidem potius Saturnus et Mars dicuntur noxij et malefici, Iuppiter et Venus propitij ac benefici: quamuis alia ratione Saturnus dicatur facere homines ingeniosos et Mars fortes. Itaque secundum varias virtutes et operationes dici possunt astra alia alijs ex parte præstantiora.

In contrarium Obijcies primò, nullam debere poni diuersitatem essentialem inter corpora caelestia: quia Arist. adequatè assignauit quinque corpora simplicia, nempe quatuor elementa et cælum: et alioqui, si corpora caelestia inter se differrent specie, debuisset plura corpora simplicia assignare. Item distinxit cælum ab elementis ratione motus circularis, qui differt ab elementorum motu: sed eiusdem speciei est motus circularis omnium corporum caelestium: ergo omnia corpora caelestia sunt eiusdem speciei. Nec sufficere videtur diuersitas aliarum affectionum et operationum: quia in vno animali sunt tam variae partes, habentes tam varias dispositiones et operationes ac etiam contrarias; et tamen omnes sunt eiusdem speciei per eandem formam, quæ est anima.

Respondetur Aristot. assignasse quia-

*Rectè
 inter
 corpora
 caelestia
 ponitur
 essentialis
 distinctio.*

quinque corpora simplicia, eo quòd cælum est diuersæ naturæ à quatuor elementis, non autem quòd omne corpus cæleste sit eiusdem speciei, sicut verbi gratia omnis ignis est eiusdem speciei, et sic de singulis elementis: ideo etiam distinctè assignauit quatuor elementa, quia sūt nobis magis nota, eorumquē diuersitas magis manifesta: de corporibus autem cælestibus id reliquit suis signis dijudicandum. Deinde, quamuis ex diuersitate motus circularis à motu recto probauerit diuersitatem cæli ab elementis, non propterea ex vnitatem motus circularis debet inferri vnitas specifica corporum cælestium: quia benè possunt inueniri aliæ rationes huius distinctionis, vt iam ostensum est, præsertim tam variz proprietates et operationes. Ac longè diuersa ratio est de animali: quia anima ipsa exigit diuersitatem organorum, et in ijs diuersas dispositiones, quibus diuersa quoque munera exercentur ad conseruationem animalis: sed omnis forma cælestis est in se simplex, nō exigens partes dissimilares, totaque est vniiformis, et exigit totum subiectum vniiforme: neque in cælo debebat esse huiusmodi diuersitas organorum, nec cælum indigebat hac varietate ad sui conseruationē. Itaque sic potiùs se habent corpora cælestia, sicut apud nos se habent diuersa elementa et alia corpora inter se discreta et differentia.

*Relle
ponitur
distin-
ctio in-
ter ipsa
astra.*

Obijcies secundò non debere astra inter se distingui specie: quia Arist. 2. Cæli 59. ex eo quod vna quædam stella sit spherica, probauit omnes alias esse sphericas: quæ illatio planè fundari videtur in specifica stellarum omnium vnitatem, alioqui nullam haberet vim.

Respondetur. Eam illationem, non fundari in vnitatem specificam, sed vel in vnitatem genericam secundum

communem rationem corporis cælestis, supponendo, corpori cælesti in genere figuram sphericam conuenire. Vel fundari tantum in paritate: quia æquum erat; eandem, sphericam figuram quæ in vna stella constabat, cæteris pariter attribuere.

Obijcies tertio non debere astrū distingui specie à suo cælo: quia Arist. 2. Cæli 41. planè ait, rationalissimum esse, vnumquodq; astro- rum facere ex eo corpore in quo existit: omne ergo astrum est eiusdem speciei cum suo cælo. *Et inter astra ac cælos.*

Respondetur Arist. ibi docere tantum voluisse, astra non esse naturæ alienæ à cælis contra eos qui dicebant esse naturæ igneæ: voluit ergo, astra esse quoque naturæ cælestis, id est naturæ superioris omnibus elementis: non autem negauit, intra genus corporis cælestis differre specie astra ab ipsis cælis.

Obijcies quartò. Debet totum cælum existimari corpus vniiforme et homogeneum, sicut verbi gratia est totus aer, tota aqua: quia cælum est corpus simplex: sed omne astrū est pars quædam sui cæli: ergo censeri debet eiusdem rationis et speciei cum ipso toto, ne dicatur pars quædam ætherogena. Insuper, omne astrum debet censeri continuum cum suo cælo, cum non habeat alium proprium motum præter motum ipsius cæli: quæ autem differunt specie, continuata esse non possunt.

Respondetur cum D. Thoma 2. Cæli lect. 10., cælum esse corpus simplex, hoc est non constans ex contrarijs, & quia non eadem pars cæli componitur ex multis, & varijs, sicut mixtum. At sicut non est contra debitam simplicitatem cæli compositio ex partibus integralibus, ita nec obstat distinctio specifica atri à cælo: sed sicut Aduersarij dicunt, hanc

hanc partem non esse vniformem & homogeneam cum reliquo toto cælo quoad densitatem & alias qualitates; ita rectè dicere possumus nec quoad substantiam, & specificā differentiam. Deinde, non oportet astrum esse verè continuum cum ipso cælo. Sed fortasse adhuc astra habent motum quendam proprium in seipsis, vt tractabimus quæstione sequenti. Sed etiam si non habeant, non per hoc debent esse vera continua. Satis ergo esse potest quòd sint contigua. Insuper, etiam si sint continua possunt adhuc differre specie, quia benè potest vnum corpus differens substantialiter ab alio, esse continuatum quantitativè; vt patet apud nos, dum aqua miscetur vino, & dum quædam virga existit partim viridis partim sicca.

Obijcies quintò debere potius specie distingui vnum cælū ab alio, & non astrum à cælo: quia vnum cælum habet differentem motum ab alio, astrum verò eundem motum cum cælo: at Arist. ex consideratione motus nō solum distinxit cælum ab elementis, sed etiam elementa inter se: sicut ergo distinxit elementa quæ differunt in motu recto ascensus vel descensus, sic debent distinguī cæli qui in vario motu circulari differunt.

Respondetur. Benè potuisse distinguī cælum ab elementis, & quòd non exigit ex natura sua eundem motum cum illis: & similiter elementa inter se, quia ab intrinseco exigunt diuersum motum & locum. At cæli non ab intrinseco ex natura sua exiunt motum, vel talem & talem motum, sed ex dispositione diuina mouentur ab Intelligentia assistente: non ergo hinc debet vnum cælum distinguī specie ab alio, nec astrum confundi in eandem speciem cum suo cælo.

Obijcies sextò debere in vniuer-

sum omnia corpora cælestia quæ distinguuntur numero, distingui etiam specie: quia ex Arist. 2. de Anima tex. 34. & 35. ratio quæ distinguuntur plura individua intra eandem speciem, est vt conferuetur ipsa species: quæ ratio procedit tantum in rebus corruptibilibus, quoniā non semper permanet idem individuum: ergo in genere corporum cælestium quæ ponimus esse incorruptibilia, non sunt distinguenda plura individua, quæ non differant etiam specie.

Respondetur. Illam quidem esse potissimam rationem in rebus his interioribus distinguendi plura individua: at non esse vnicam rationem, & adequatam pro omnibus rebus: sed benè poterat esse aliqua alia huius distinctionis propter bonum vniuersi: quæ sanè non deerrat in consuetudine corporū cælestium.

SECTIO NONA.

Verum Corpora cælestia inter se differant non solum in forma sed etiam in materia.

SI corpora cælestia sint prorsus simplicia absque compositione ex materia & forma, adequatè & simpliciter differre dicentur in tota sua substantia, absque discrimine vnius & alterius partis. At si verè ex materia & forma componantur, omnino quidem differunt secundum formam: quærendum verò est, an sicut dicebantur habere ipsam quoque materiam diuersæ rationis à materia corporum inferiorum, ita quoque inter se quæcumque differunt specie secundum formam, habeant quoque materias peculiare ac specie differentes. Itaque in hanc controuersiam solū vocandi sunt

Non debet poni inter ipsos cælos.

ij qui volebant cælestia corpora ex materia & forma componi, mathematica. diuersæ rationis à corporum inferiorum materia.

Aucto- rum sē- tentia. Capreol. in 2. d. 1. 2. quæst. vnica art. 3. Hispal. ibidem, Sontinas 12. Metaph. q. 10., & quidam alij volunt, eiuſdem rationis esse materiam omnium corporum cælestium inter se, atque adeo ea quæ specie differunt, solum differre secundum formam, sicut prorsus se habent corpora hæc inferiora inter se.

Albert. in tract. de Quatuor. Co-
nis q. 2. art. 6. Cæst. 1. par. quæst.
66. art. 2. Achillin. lib. 1. de Orbi-
bus cap. 2. Suarez disp. 13. Metaph.
sect. 11. Conimbr. 1. Cæli cap. 2. q.
6. art. 4. Ruuius cap. 2. q. 8. & alij
plures, volunt, diuersæ rationis esse
materiam singulorum corporum
cælestium specie differentium: ita
ut sicut differt forma vnius à forma
alterius, ita etiam materia à mate-
ria: & vna quæque materia taliter sit
determinata ad suam certam formam,
ut non sit capax nec receptiua vllius
alterius formæ aliorum corporum
cælestium specie differentium.

*Possibile erat, cor-
pora cæ-
lestia nō
differre
in ma-
teria.* Pro resolutione Dico primò. Pos-
sibile erat, vnā communem esse
materiam corporum cælestium, quæ
proinde solum ratione formæ, non
autem ratione materiæ, specifice in-
ter se distinguerentur. Hæc con-
clusio suadetur: quia nulla in hoc
apparet repugnantia: sed intelligi-
tur optimè, quod sicut est vna ma-
teria omnium corporum subcæle-
stium, capax omnium formarum
specie differentium, ita esset vna alia
materia omnium corporum cæle-
stium, capax omnium cælestium
formarum, & in hac materia Deus
impoluertit varias formas, & sic cō-
diderit tot corpora cælestia specie
differentia.

*Quæritur
sint in* Probat & explicatur magis.
Tota necessitas quæ potest & solet

affert, cur esse deberet multiplex *corru-
ptibilia.* & varia materia, est quæ sumitur ex
in corruptibilitate celorum, illa nem-
pe eadem quæ probatur diuersitas
materiæ cælestis ab inferiori: quia
alioquin, si eadem esset materia Solis
verbi gratia & Lunæ, poterit ex na-
tura sua hæc materia transmutari de
vna ad aliam formam; & sic ipsæ
formæ, atque adeo ipsa corpora cæ-
lestia ex ijs composita essent cor-
ruptibilia: sicut vtiq; corpora hæc
inferiora, ob communem suam
materiæ, sunt inter se transmutabi-
lia, ac singula in se corruptibilia.
Item materia existens sub quadam
forma cælesti, verbi gratia Lunæ,
habebit priuationem ac etiam appe-
titum aliarum formarum differen-
tium: at materia per priuationem,
& appetitum aliarum formarum est
radix & origo corruptionis. Nec
vllatenus satisfacit, quod ait Sonci-
nas, in materia cælesti non relinqui
priuationem formæ absenti, quia
forma præsens adimplet totam ca-
pacitatem & appetitum ipsius ma-
teriæ. Nam certè materia verè ca-
ret forma absenti, & verè habet po-
tentiam ad illam, non minus quam
ad formam præsentem: at hæc negatio
cum potentia est propriissimè
priuatio: & hæc potentia cum ne-
gatione est propriissimè appetitus.
Rursus in tantum forma præsens po-
test adimplere capacitatem mate-
riæ, in quantum materia non sit ca-
pax nisi eius: alioquin capacitas ma-
teriæ respiciens plures formas, non
potest vnica forma adimpleri: & eo
magis si forma absens sit perfectior
forma præsentis, ut v. g. forma Solis
quàm forma Lunæ.

Adhuc tamen hæc ratio non con-
uincit. Tum quia potuissent corpo- *Quia
adhuc
saluatur
eorū in-
corrupti-
bilis.*
ra cælestia ita condi, quod solum
cum his corporibus interioribus nō
essent transmutabilia, nec possent
ab ijs corrumpi & in ea conuer-
in-

inter se autem possent transmutari. Et quidem ea quæ probant corpora cælestia esse intransmutabilia & incorruptibilia, præcipuè id probant respectu horum corporum inferiorum. Tum præterea, etiam cum materia vna omnibus communi fieri poterant inter se quoque intransmutabilia: quia videlicet, licet materia ex parte sua sit capax variarum formarum, tamen ipsa corpora cælestia inter se non habent qualitates contrarias actiuas, sicut habent corpora hæc inferiora, quibus vnum agat in aliud, ad corruptionem illius, & generationem alterius sibi similis: nec vnum corpus cæleste habet virtutem generandi aliud sibi simile. Sicut etiam videmus in quibusdam ex his corporibus inferioribus: verbi gratia vnum metallum positum iuxta aliud non conuertit illud in se, & vna gemma aliam, gemmam, etiam si inter se differant specie.

*Esseque natura-
liter in-
corrup-
tibilita.* Neque refert, si quis instet, hoc pacto corpora cælestia fieri incorruptibilia potius ab extrinseco & per accidens ex detectu causæ agentis, quàm ab intrinseco & per se ex natura sua. Nam pro parte opposita non ostenditur, ita esse debere intransmutabilia ex natura sua, quod materia vnius prorsus non sit capax formæ alterius: sed bene fieri poterat, ut eo solùm non essent transmutabilia, quia nullum creatum agens potest producere formam cælestem in materia. Quamuis respectu corporum et formarum inferiorum sint penitus intransmutabilia, & ab intrinseco ex diuersitate & incapacitate materiæ.

Nec etiam obstat, si quis amplius instet: Cuicumque potentia passiuæ naturali debere correspondere potentiam actiuam naturalem; atque adeo si materia verbi gratia, Lunæ habet potentiam receptiuam

alterius formæ, debere extare aliquod agens naturale quod possit in illam materiã inducere talem aliam formam. Hoc inquam non obstat. Quia reuera necesse non est, ut si de facto existit subiectum receptiuum alicuius formæ, debeat etiam de facto existere agens creatum, productiuum talis formæ: sed satis esse posset, tale agens esse possibile. Sed nec etiam necesse est, esse possibile tale agens creatum: sed satis esse potest, talem formam esse factibilem à Deo tanquam auctore naturæ. Sicut certè materia nostra est per se susceptiua animæ rationalis, & tamen nulla alia causa nisi solus Deus potest animam rationalem efficere. Ac etiam in ipsis cælis, quamuis data diuersitate materiæ, vtiq; omnis materia habet potentiam naturalem passiuam respectu suæ formæ: & tamen non propterea datur agens creatum habens potentiam productiuam talis formæ.

Confirmari insuper potest hæc tota doctrina. Etiam si cogitetur quælibet materia cælestis determinata ad certam specie formam, adhuc talis materia erit susceptiua tantem plurium formarum singularium, intra eandem speciem possibilium, solo numero differentium: & tamen adhuc cæli dicerentur naturaliter intransmutabiles, eo quod naturaliter non contingat talis transmutatio de vna ad aliam formam eiusdem speciei, quamuis ex parte ipsius materiæ non desit capacitas. Ergo ita etiam, quamuis sit eadem materia capax de se plurium formarum specie differentium: tamen cum per causas naturales non possit fieri transmutatio in cælis, sufficienter per hoc corpora cælestia dicerentur intransmutabilia. Verùm, propter hoc Ruuius negat plura corpora cælestia intra eandem speciem solo numero differentia. At certè quan-

tumuis id neget de facto negare, non potest de possibili. Ac etiam de facto in vnoquoque corpore cælesti extant saltem plures partes non plusquam numero differentes: eademquæ ratio est de his partibus continuatis, ac si essent plura corpora discreta.

Possibile Dico secundò. Possibile quoque
in eâ erat erat, distinctas specie fieri materias
differre singulorum corporum cælestium pe-
pariter nes formam differētum, ita vt vni-
in mate- cuique forme in sua specie determi-
ria. nata esset certa specialis materia, non receptiua aliarum formarum. Probatum facile: quia in hoc nulla apparet difficultas: sed intelligitur optimè talis materia, quæ ex natura sua sit determinata ad vnā formæ speciem. Et maxime in corporibus intrinsecè incorruptibilibus, in quibus vtique poterit materia esse taliter illigata suæ formæ, vt prorsus nō appetat alias formas, non sit capax & receptiua aliarum formarum.

Et ma- Probatum & explicatur magis.
teria Tota ratio impossibilitatis, quare
haberet distinguere nequeant plures materię,
sufficiē: quæ affertur à Capreolo & alijs Au-
distin- thoribus eius sententiæ, est: quia ma-
tionis teria specificatur penes modum quo
rationē. recipit formam, & quo informatur à forma, ita vt vna simpliciter debeat esse materia, quæ vno eodemquæ modo informatur, diuersæ autem sint materię quæ diuerso modo informantur: sed duplex in vniuersum est modus huius informationis, vnus separabiliter conueniens compositis his inferioribus, alius inseparabiliter conueniens corporibus cælestibus: vnus autem & idem est hic modus pro omnibus corporibus cælestibus: ergo rectè quidem distinguebatur materia cælestis à materia inferiori, sed non poterit vltius distinguere multiplex materia cælestis: sicut pariter, quia vnus est modus informationis separabiliter

non distinguatur multiplex materia in his inferioribus.

At hæc ratio nihil persuadet: quia potius materia simpliciter specificatur per ordinem ad formam quam respicit: itaque omnis materia quæ non respicit diuersam formam ab alia, est eiudem rationis cum illa; omnis verò materia quæ determinatè respicit diuersam formam ab alia, potest ac debet ab illa distinguere. Omnis ergo materia in his inferioribus respicit adæquatè omnem formam corporum inferiorum, & non vna materia vnā formam, alia aliam: & ideo omnino est vna & eadem specie materia. At in corporibus cælestibus benè poterat quædam materia determinatè respicere talem formam, & alia aliam, quamuis omnes & singulæ conuenirent in eodem modo communi respiciendi & recipiendi inseparabiliter. Hæc autem diuersitas & determinatio potest potius inueniri in formis inseparabilibus quàm separabilibus: quoniam materia quæ inseparabiliter reunit suam formam, necesse non habet respicere per suā aptitudinem alias formas: quæ verò separabiliter recipit vnā formam, debet omnino esse capax aliarum formarum, quia non nisi per aduentum nouæ formæ potest amittere priorem formam. Attamen etiam quoad formas separabiles, non erat simpliciter necessarium, vt eadem materia respiceret adæquatè omnes prorsus formas: sed satis esse poterat, si respiceret formas alicuius certi generis: & sic esse poterat alia materia respiciens alias formas alterius generis. Et hoc pacto etiam in materia hac inferiori dicebamus quæst. 20. sect. 2. posse cogitari & esse possibles plures materię species. Sed benè, ad hoc vt omnia hæc interiora corpora sint inter se indifferenter transmutabilia, sicut

*Non po-
nes mo-
dū reci-
piendi,
sed po-
nes di-
uerfas
formas.*

de facto fieri videmus, necesse erat
vnam esse communem omnium
materiam, omnium formarum se-
parabilem susceptivam.

De facto res est incerta. Dico tertio. Incertum hinc est,
qualiter de facto quoad hoc corpo-
ra caelestia se habeant, an sit vna
communis omnium materia, vel
multiplex & diversa iuxta diversita-
tem specificam & essentialem for-
marum. Si enim uterque modus erat
possibilis, nulla relinquitur ratio à
priori, nulla etiam suppetit ratio à
posteriori & ab effectibus, qua al-
teruter modus à nobis delignetur.
Verè quidem, si dicantur materiae
differre inter se specie, sicut formae,
sunt corpora caelestia magis ab in-
trinteco incorruptibilia & intrans-
mutabilia. At non ostenditur de
facto debere dici tam ab intrinseco
incorruptibilia: sed ad omnia quae
de facto probant incorruptibilita-
tem calorum, satisfieri potest per
hoc quod naturaliter non possit talis
transmutatio fieri, quamvis alioqui
non deesset capacitas ex parte ma-
teriae respectu plurium formarum
caelestium. Neque par necessitas est
distinguenti materias calorum in-
ter se, ac distinguendi materiam cae-
lestem à materia hac inferiori, ut sa-
tis patet ex antea dictis. Si autem
dicantur materiae inter se differre
specie, illa materia dici debebit ef-
fentiali perfectione nobilior alia,
quae possit formam nobiliorem:
nulla enim alia ratio comparationis
haberet locum in tali statu & ratio-
ne materiae.

Non potest de terminari ex Sacra Scriptura. Caterum assertur à nonnullis quae-
dam Sacrae Scripturae auctoritas ad
probandum, materiam corporum
caelestium esse eiusdem penitus ra-
tionis, praesertim astrorum cum ma-
teria calorum de quibus praecipue
dicebamus astra differre substan-
tialiter à calis. Genesis primò nar-
ratur prius creatio calorum, vel in

ipso statim exordio ante distinctio-
nem sex dierum, vel secunda die sub
nomine firmamenti: deinde quarta
die facta sunt astra, nempe duo lu-
minaria & omnes aliae stellae. Astra
ergo dici debent formata fuisse de
ipsa substantia & materia calis alio-
qui vel illa calis loca in quibus po-
stea facta sunt astra, fuerunt prius
vacua absque omni substantia, quod
esset admittere vacuum in natura:
vel substantia & materia calis quae
in illis locis praerat, debuit à Deo
destrui & annihilari, quod sine vlla
ratione & utilitate factum fuisset.
Imò hæc difficultas potest etiam vr-
geri contra diversitatem antea posi-
tam in forma substantiali inter astra
& calos: quia inconueniens est di-
cere, formam calis praeventam in
illa materia, fuisse deletam, propter
nouam formam astrorum.

Pertractat difficultatem hanc Ex- **Non est**
positores sacri initio Genes. ac **portet a-**
Theologi de Opere sex dierum vi **stra fuis-**
explicent quonam pacto formata **se facta**
fuerint astra post calos, & varijs **de eadē**
modis rem explicare conati sunt: in **materia**
omni enim sententia res est diffici- **cali.**
lis, etiam si astra non dicantur dif-
ferre substantialiter à calis. Pere-
rius super illa verba, *Fiant lumina-*
ria, vult, illa non esse substantiali-
ter aliud quam partes calis densio-
res, & factas quidem fuisse simul
cum toto calo, sed quarta die illis
attributam fuisse lucem. Hierony-
mus, Vilhelmus apud eundem Perer.
addebat fuisse etiam quarta die ad-
densatas illas calis partes. Suarez
lib. 2. de Opere sex dierum cap. 8.
vult, quarta die attributum fuisse
calis & astris motum. Alij addunt
quoque virtutes & facultates ad in-
fluendum & operandum in hæc in-
feriora. Et hoc indicat D. Thomas
1. par. q. 70. art. 1. ad 1. At certè hæc
omnia nō minùs dici possent, etiam
si astra facta ab initio fuissent di-

uersæ prorsus substantiæ à cælis, tam quoad materiam, quàm quoad formam. Sed tamen potius ex modo loquendi Scripturæ colligitur, astra fuisse verè substantiahter tunc producta: dicitur enim Deus illa fecisse, & tunc in firmamento cæli posuisse. Molina verò prima parte tract. de Opere sex dierum disp. 15. opinatur, astra quarta die fuisse producta per substantialem productionem formæ in materia cæli, expulsa atque deleta ex illis partibus prioris formæ cæli: volens, astra differre quidem secundum formam, non autem secundum materiam à cælis. Attamen, sicut dicit, præter naturæ vium & ordinem tunc per Dei potentiam fuisse deletam formam cæli, ut produceretur in ea materia noua forma: ita addi posset, fuisse etiam ablatam priorem materiam, ut noua materia crearetur. Et rursus hoc posset explicari absque destructione & annihilatione prioris materiæ: nimirum dicendo, fuisse illam materiam à Deo deductam in alias partes cæli, addensando magis ipsas cæli partes, ut tota ea materia colligeretur.

*Potne-
runt fieri
de nouo
etiam
quoad
materiã*

Sed tandem, non erit inconueniens sicut videbatur, dicere in prima cæli creatione fuisse à Deo relicta vacua loca illa, in quibus intendebat creare & postea creauit astra.

Naturæ enim vi & ordine non potest deinceps dari vacuum: at hæc naturæ lex, non vtiq; obligabat Deum in prima illa creatione rerû. Et certè, non apparet quidnam maius inconueniens sit, fuisse quædam loca vacua, quàm fuisse astra sine luce, aut sine motu, aut sine suis facultatibus operatiuis, aut alio modo, quo alij Auctores dixerunt: quæ omnia vtiq; non minùs sunt præter rerum ordinem. Et insuper, ut hoc vacuum ab initio relictum, minùs inconueniens videatur, colligitur etiam ex Scriptura, Deum primò creasse cælum empireum & terrestrem globum, quæ erant corpora extrema huius vniuersi, ac deinde secunda die creasse cælum sydereum ac totam expâsionem intermediam, quæ firmamenti nomine nuncupatur: neque id reputandum est inconueniens ratione vacui primò relictî inter supremum cælum & terram. Et hæc inquam procedunt, supponendo, Deum pro sua libera voluntate & prudentissima dispositione creasse mundum sub vera & reali distinctione ac successione dierum, ut Scriptura describit. Non itaque ex Scriptura potest inferri, astra producta fuisse ex eadē cælorum materia: atque adeo de tacto non constat, astra communicare cum cælis in hac parte suæ substantiæ.

QVÆSTIO TRIGESIMA QVARTA.

De Cælestium Corporum.

Accidentibus.

Distinguimus accidentia quibus prædita sunt corpora cælestia in se ipsis, & operationes quas extra se in alio subiecto exercent: prius considerabimus hæc accidentia, deinde operationes. Non potest
in

in dubium reuocari, corporibus cælestibus sua accidentia conuenire. Neque occurrit quicquam aliud quod de ijs communiter pertinetur. Sed specialiter plura & varia cælestium corporum accidentia consideranda sunt: quæ simili ferè ordine & distributione, qua antea sub ente, omnium accidentium genera, disponemus.

SECTIO PRIMA.

De Cælestium Corporum quantitate, & magnitudine.

Circa quantitatem dubitari potest, An sit eiusdem rationis quantitas corporum cælestium cum quantitate horum corporum inferiorum, vel sit distincta species.

Pars affirmans, cælestem quanti- tatem esse eiusdem rationis cum inferiori. Communis videtur sententia, esse eiusdem rationis & speciei. Et supponit Soncinas 8. Metaph. q. 13. ad 4. Et defendit Ruuius 1. Cæli cap. 1. q. 9. Et fundamentum est: quia propria & specifica ratio quantitatis est extensio, & proprius eius effectus formalis est extendere partes substantiæ, siue dicatur hæc extensio in ordine ad se, siue in ordine ad locum, siue alio modo, iuxta varias opiniones quas de ratione quantitatis tuo loco retulimus: sed planè eiusdem rationis est extensio corporum cælestium atque inferiorum, nullaquæ in hoc apparet nec videtur cogitari posse diuersitas: igitur eiusdem specificæ rationis est omnium corporum quantitas, tam cælestium quàm inferiorum. Insuper, in prædicamento quantitatis, sub genere quantitatis cōtinuæ permanentis, tres illæ tantum species distinguuntur, linea, superficies, corpus: nempe supponendo, non alias esse distinctas species huius quantitatis.

Pars negans. Ex opposito videri potest, debere specie distingui quantitatem corporum cælestium a quantitate horum inferiorum. Tum quia, cum quantitas respiciat adæquatè suum subie-

ctum tanquam extensio eius, debet specificari per ipsum subiectum: ergo cum supponamus esse diuersum subiectum, nempe vel substantiam simplicem, vel materiam diuersæ rationis in cælis, ac in corporibus inferioribus; debet etiam censi diuersa quantitas. Imò Arist. 10. Metaph. tex. 12. non solum specie, sed ait differre genere, quorum non est communis materia. Tum præterea quantitas in his inferioribus est per se apta dispositio materiæ ad omnem varietatem formarum, quarum capax est hæc nostra materia: at cælorum quantitas, vel prorsus non est apta dispositio ad vllam formam, si cælum dicatur corpus simplex, vel est dispositio determinata ad vnam certam formam, sicut est ipsa cælorum materia. Tum insuper, quantitas hæc nostra, est subiectum proximum receptuum, aliorum accidentium, quæ generationi & corruptioni deseruiunt, & quæ proinde non sunt in cælis, unde quantitas cælestis non est subiectum aptum recipere talia accidentia: igitur dici debet differre specie quantitas corporum cælestium à quantitate corporum inferiorum. Tum demum quantitas hæc nostra mutatur per condensationem & rarefactionem; atque in hæc mutatio fiat per ablationem & additionem quantitatis redditur quantitas corruptibilis & generabilis: quantitas autem cælestis dici debet immutabilis & incorruptibilis: igitur hæc quantitates sunt diuersæ essentialiter rationis.

Verùm, in hac re neutra pars satis cūiucitur aut persuadetur: quæ

Non cō- stat esse

eiusdem rationis. re utroque modo res posse se habere videtur. Itaque ad fundamentum prioris partis dicitur: Non apparere quidem rationem diuersitatis in ipso simplici conceptu extensionis: sed bene posse reperiri & cogitari penes quasdam alias differentias essentielles huic & illi quantitati, ac determinantes talem ac talem extensionem: nimirum, si quantitas cælestis sit per se & ab intrinsecò determinata ad tale subiectum, & similiter quantitas inferior ad materiam inferiorem: atq; iuxta alias rationes diuersitatis pro altera parte allatas. Sicut certè materia cælestis & subluararum dicuntur differre specie, ac fortasse etiam varix materiarum cælestes inter se: quia licet omnes conueniant in ratione subiecti receptiuum formæ, tamen satis differunt per determinatum respectum variarum formarum: & sic passim in alijs rebus, quæ conueniunt in genere, & differunt in specie. Nec refert, quòd in illo genere & prædicamento quantitatis, illæ tantum tres species distinguuntur: illæ enim sunt species notæ, & illa est distinctio consueta: hæc autem alia distinctio est magis obscura, & satis est quòd ibi non negatur: & ideo nos iam antea q. 22. circa ipsam quantitatem in fine, hoc dubium commemorauimus, & in hunc locum remissimus.

Non cõstat esse diuersa rationis. Deinde ad rationes etiam posterioris partis poterit responderi. Ad primam, necessarium non esse, quantitatem specificari penes tale vel tale subiectum determinatum: sed posse adæquatè specificari penes subiectum in comuni sumptum, quod est substantia corporea habens partes integrales: ita ut æquè bene potuisset quantitas quæ de facto est in cælis, constitui in his corporibus interioribus, & è conuerso. Arist. verò eo loco tantum docuit, differ-

re genere ea quæ intrinsecè constât ex diuersa materia, qualia sunt ipsa corpora cælestia & interiora.

Ad secundam rationem, necesse etiam non est, ut una quantitas per se & ab intrinsecò sit apta dispositio ad varietatem formarum, alia non sit apta dispositio; neque oportet hoc discrimen retundi in ipsam quantitatem. Sed satis erit, quantitatem omnem esse de se indifferentem, ut quando inuenitur in materia capaci variarum formarum, sit dispositio ad ipsas varias formas. Non enim alio modo quantitas disponit, nisi quia reddit subiectum extensum: de natura autem ipsius subiecti erit, esse capax vel non capax formæ & variarum formarum.

Ad tertiam rationem ait Ruuius, verè etiam quantitatem cælestem esse de se receptiuam inferiorum accidentium, sed solum ratione talis substantiæ in cælis non illa recipere: adeo quòd si Deus separaret illam quantitatem à substantia, bene tunc posset ignis verbi gratia producere in illa, calorem, sicut de facto producit in quantitate separata à sua substantia in Sacramento. Et affert exemplum: quantitas cælestis de se potest utique diuidi in suas partes, sicut quantitas interior: attamen in cælis ratione substantiæ nullam pati potest diuisionem.

Sed hæc responsio difficilis est: quia si quantitas de se & ex natura sua est ita accideni susceptible, quòd etiam separata a substantia potest & solet illa naturaliter recipere, deberet cuicumque substantiæ sit unita, illa pariter recipere: quia quando recipit, non recipit ope substantiæ, vnde nec debet à substantia impediri. Si ergo ignis produceret calorem in quantitate cælesti separata, deberet etiam illum producere in tali quantitate cuicumque substantiæ unita, nisi alia virtute superiori

riori impediatur: non est autem ad virtutem superiorem recurrendum in constituendo naturali statu cælorum. Nec obstat exemplum illud diuisionis: diuidi enim nequit quantitas & substantia cælestis ob maximam suam firmitatem quæ à causis naturalibus superari non potest. Sicut & apud nos quædam corpora sunt adeo firma & dura vt diuidi non possint ordinarijs instrumentis. Et fortasse posset etiam cælum ab Angelo diuidi & scindi si permitteretur. Itaque, si quantitas dicatur proximum subiectum aliorum accidentium, hæc ratio satis esset, vt cælorum quantitas dici deberet potius diuersæ rationis à quantitate horum interiorum, essetque de se incapax nostrorum accidentium.

Attamen apud nos hæc res difficultatem non habet, quia non putamus, quantitatem ipsam esse aliorum accidentium subiectum, vt e rea accidentia in communi tractauimus: & ideo non debet ex hac parte quantitas corporum cælestium ab inferiorum corporum quantitate distingui.

Ad quartam deinceps rationem, non oportet discrimen illud ponere in ipsa natura specifica quantitatis: sed satis erit quantitatem in cælis non posse mutationem condensationis & rarefactionis subire, eo quod cælum ipsum à nullo naturali agente sic affici possit, vt veluti contrahatur aut extendatur in loco.

Cæterum, siue quantitas cælestis dicatur eiusdem siue diuersa specificæ rationis ab interiorum corporum quantitate, omnia alia quæ spectant ad rationem & constitutionem eius, iam satis habentur ex communi quantitate tractatu quem suo loco q. 22. distulimus.

*Inquiri- Circa magnitudinem corporum
tur cæle- cælestium, gratum tamen esset digno-*

scere quantæ molis ungula sint, tam *stium*
astra quàm cæli. Inuestigare hoc *corporū*
conati sunt Astronomi, quia spe- *magni-*
ctat propriè ad mensuram cui Ma- *tudo.*
thematicæ facultates addictæ sunt. Et mirum est, quàm exactè & subtiliter rem hanc determinare consili sint, quasi omnem cælestem regionem palmo dimenti essent. Sed Plinius lib. 2. Natural. Histor. cap. 23. non multum credit huic Astronomorum audaciæ: *Mirum*, inquit, *quò procedat improbitas cordis humani, paruulo aliquo inuistata successu: ausq. diuinare Solis ad terram spatia, eadem ad cælum agere, vt proximis mundi quoque ipsius mensura veniat ad dignos.* Nos rem breuiter attingemus, sobriè indicantes quamam via, & quantam certitudinem, qualemque notitiam huius magnitudinis, in tanta cælestium corporum distantia, humanum ingenium potuerit assequi.

Quia verò magnitudo corporum cælestium solet designari per comparisonem ad magnitudinem terræ, siue totius terrestris globi ex terra & aqua constantis; expedit prius huius globi magnitudinem præfinire. Plures autem viæ ad hanc rem inueniendam exogatae sunt. Facillima autem & promptissima via est, qua considerata sunt duo loca in terra notæ distantia, directè posita inter mundi polos, vna verbi gratia vrbs magis australis, & altera magis borealis: ex his duobus locis aliquo astronomico instrumento recepta est altitudo poli, siue alicuius certæ stellæ fixæ quâto pertransibat circulum meridianum, qui scilicet ducitur ab vno ad alium polum per verticem virtutis ut loc: & consideratum est quanta eis eleuatio poli siue dictæ stellæ fixæ ab horizonte respectu vnus ac alterius dictæ vrbs: atque notata est differentia vtriusque eleuationis, verbi

*Quo pã
sto ter-
ra ma-
gnitudo
explora-
ta sit.*

grat-

gratia vnius gradus ex illis qui in toto cæli ambitu distinguuntur 360. Hac obseruatione facta, iam per distantiam illarum duarum vrbium planè cognoscitur quantum spatium in terra correspondeat vni cælesti gradui. Et similiter in terra distinguuntur totidem gradus, cum globus terrestris sit inclusus intra cælestem, atque sic multiplicatione facta per 360., inuentus est totus terræ ambitus. Hinc rursus inuenitur eiusdem terrestris globi diameter: quia notum est, diametrum esse ferè veluti tertiam partem circuli: cum circulus contineat ter ipsum diametrum & ferè septimam eius partem. Hac ergo & alijs vijs potuit terræ moles dignosci & explorari.

*Quanta
censetur
terre
magnitudo.*

Sed, ad definiendam iam terræ magnitudinem, non conuenerunt adhuc inter se huius rei exploratores: quod accidisse videtur, vel ex varijs obseruandi modis, vel ex non satis nota locorum distantia ob viarum obliquitates, vel ex alio errore. Arist. 2. Cæli tex. 112. refert opinionem quæ terræ ambitum faciebat quadringentamillia stadiorum, reducendo autem stadia ad milliaria italica, remanent quinquagintamillia milliaria; vnde rursus colligitur diameter 15909. milliariorū. Omitto autem minuitiores partes & fractiones numerorum quæ supersunt. Deinceps alij posteriores inuenerunt valde minorem terræ ambitum. Ac præsertim Ptolemæus fecit ambitum terræ 22500, diametrum 7159. milliariorum. Et adhuc postea alij hanc mensuram imminuerunt. Solentquæ iam Recentiores ambitum terræ facere 19080. & diametrum 6070. milliariorum.

*Quo pacto
elo calo-
rum & cælestia
corporum
mensuranda,
hæc
astrorū
magnitudo.*

Ascendendo nunc à terra ad cælum. Via qua Astronomi vti sunt ad cælestia corpora mensuranda, hæc præcipuè est. Notarunt in primis ex Eclipsi Lunari, quæ contingit per

interpositione terre inter Solè & Lunam, quæ proportio tum distantie tum magnitudinis sit inter hæc tria corpora: & deprehenderunt, Solem esse longè maiorem terra, Lunam verò minorem ipsa terra: quoniam videlicet vmbra terræ projicitur ad modum pyramidis, semperquæ magis extenuatur donec penitus euanescat, vnde Sol est omnino maior ipsa terra: Luna autem quando directè incidit in vmbra terræ, tota absconditur, & aliquamdiu etiam permanet obumbrata, vnde omnino est minor ipsa terra. Ac rursus ex certa mensura ipsius vmbre ex spatio quoque temporis quo Luna illà pertransit, varijs ratiocinijs conati sunt Astronomi determinare quanta præcisè sit distantia tam Lunæ quàm Solis à terra, & quanta sit vtriusquæ moles. Vnde nimis rudes fuerunt prisca illi Philosophi, qui Solem & Lunam, & sic reliqua astra putarunt non esse maiora, vel saltem non multò maiora, quàm oculis appareant. Sic putarunt Stoici & Epicurei, & cecinit Lucretius lib. 5. de Rerum natura: *Nec nimio Solis maior rota, nec minor arder, esse potest, nostris quàm sensibus esse videtur.*

Vltèrius obseruarunt Astronomi, quæ & quanta sit differentia, quando tam Luna quam Sol magis accedit & magis recedit à terra, id colligentes tum ex apparèti magnitudine tum ex motu proprio vtriusque: & tantam crassitiem siue profunditatem vtrique cælo tribuerunt, quantam exigit illa differentia; & sic determinarunt quanta sit inæqualitas orbium eccentricorum, quantus sit epiciclus: & consequenter cælum fecerunt tam profundum, vt admitteret eam totam inæqualitatem, & caperet totum epiciclum.

Hac itaque ratione considerantes etiam apparentem magnitudinem
fin-

*Indo ex-
plorata
sit.*

singulorum Planetarum, & differentiam eorum non solum in hac apparentia magnitudinis, sed etiam in motu, supposito etiam ordine prius statuto inter ipsos Planetas, dijudicarunt, quantumnam esset cælum vniuscuiusque Planetæ, & quanta esset moles ipsius astri: ac tandem quanta esset distantia octauæ spheræ, siue stellarum fixarum à terra, & in tanta distantia quanta esset moles stellarum per singulas sex illarum differentias.

Quanta censeatur magnitudo calori. His præsuppositis, breuiter referemus quantamnam magnitudinem cælis & astris attribuerint. Pro cælis autem asseremus solum, quantam fecerint distantiam à centro terræ ad concuum singulorum, quia inde planè habetur amplitudo & profunditas vniuscuiusque: & vocabimus concuum singulorū cælorum, siue cæli sint realiter discreti, siue sola cogitatione signentur. Frequens ergo Astronomorum sententia iuxta doctrinam Ptolomæi, facit vsque ad concuum Lunæ semidiametros terræ 33. Ad concuum Mercurij 64. Veneris 167. Solis 1121. Martis 1216. Iouis 8853. Saturni 14378. Octauæ spheræ 22612. Ad concuum demum cæli proximi supra octauam spheram quodcumque illud sit, siue ad conuexum ipsius octauæ spheræ, semidiametros terræ 45225. Iuxta quam supputationem quantum interest à concavo inferioris cæli ad concuum superioris, tanta est profunditas & crassities illius cæli inferioris à concavo ad conuexum eius.

Quanta astra. Deinde circa astra, Lunam, Mercurium, & Venerem, faciunt minores ipsa terra, omnes alias stellas faciunt maiores. Atque iuxta eorum doctrinam diameter terræ continet ultra tres Lunæ diametros, viginti octo Mercurij, tres Veneris. Solis vero diameter continet ultra quin-

que terræ diametros. Martis diameter ultra vnam terræ, Iouis, & Saturni diameter ultra quatuor terræ. Stellarum etiam primæ secundæ & tertiæ magnitudinis diameter continet ultra quatuor terræ diametros, stellarum quartæ & quintæ magnitudinis ultra tres, stellarum sextæ magnitudinis ultra duas. Ex diametris quoque fit proportio inter totum vnum & alium globum, supponendo quodlibet astrum in se esse integrum quendam globum, cuius sola vna medietas à nobis conspicitur: & inter ipsos globos iuxta regulas mathematicas fit longè inæqualior comparatio. Itaque terra continet Lunam ultra 39. vices, Mercurium 21952. Venerem 37. Sol vero continet terram ultra 166. vices, Mars vna, Iuppiter 95. Saturnus 91. Stella primæ magnitudinis 107. Secundæ magnitudinis 90. Tertiæ magnitudinis 72. Quartæ magnitudinis 54. Quintæ magnitudinis 36. Sextæ magnitudinis 18.

Atamen Recentiores Astronomi, anteriorum calculis & observationibus non acquiescentes, plurima ex his immutarunt. Copernicus, cui in hoc consentit Tycho, ad concuum Lunæ fecit plusquam quinquaginta terræ semidiametros: & ulterius ad concuum octauæ spheræ idem Copernicus auxit ingentem distantiam, ob exorbitantem illam suam hypothesein de situ terræ in orbe magno.

Sed præsertim, si Mercurius & Mars mouentur circa ipsum Solem veluti per epiciclum, vtique non oportet tantam profunditatem tribus illis cælis, siue pro tribus illis planetis vni cælo attribuere: sed satis erit tanta profunditas, quanta pro Veneris epiciclo exigitur: quia intra illum continetur epiciclus Mercurij, & in medio huius continetur Sol. Rursus, si alij tres superiores Pla-

Res est varia et incerta.

Planetæ, Mars, Iuppiter, & Saturnus moueantur etiam circa Solem iuxta hypothesim Tyconis, alia regula definienda erit profunditas cæli pro ijs tribus, quàm antea solebat ob maximos epiciclos illis attributos. Demum nullatenus apparet, quæ ratione tanta profunditas vni octauæ spheræ tribuatur, quæ adæquet totam profunditatem à centro terræ usque ad concavum ipsius octauæ spheræ: sed satis erit tantam attribuere, quanta est mensura diametri stellarum primæ magnitudinis, quæ mensura non attingit quinque terræ diametros.

Ex his deinde variari etiam necesse est magnitudinem ipsorum, astrorum: quoniam iuxta proportionem putatæ distantie, definita quoque fuit illorum mensura. Itaque Tycho Brahe lib. 1. Progymnasium cap. 6. aliter singulorum astrorum molem designat: eaque facit notabiliter minora quàm antea fieri solebant. Sed tandem adhuc quicumque hypotesi data de cælestium corporum structura atque distantia, alijs etiam rationibus non poterit astrorum vera magnitudo determinari. Nam ex vna parte astra ratione circumstantium radiorum apparent maiora, quàm reuera deberent, & quàm de facto appareant detrahitis ijs radijs: vt obseruauit Galilæus in suo Nuncio Sydereo, & nos adduximus q. superiori sect. 4. ad nonum. Ex alia parte nos non videmus integram medietatem totius astri, vt supponunt Astronomi in accipienda eius diametro, sed valde minorem partem: vt patet quia si oculus intueatur magnum quendam globum, duæ lineæ ductæ à centro oculi usque ad extrema globi ipsi oculo conspicua, non utique attingent duo puncta diametraliter opposita, sed potius duo alia puncta propinquiora, in quibus si diuida-

tur globus, minor quædam eius pars abscinditur, & hæc sola pars est quæ conspicitur: & iuxta maiorem aut minorem globi molem, inæqualis est pars quæ conspicitur. Satiùs ergo erit concludere, non posse humana industria certam astrorum magnitudinem definiri. Acriùs de hac re censuit Plinius lib. 2. Natural. histor. c. 1. loquens de mundi mole, & dicens: *Furor est, mensuram eius animo quosdam agitasse, atque prendere ausos.*

SECTIO SECVNDA.

De Cælestium corporum figura, ac densitate & raritate, opacitate, & diaphaneitate.

Quantitati adeo per se & proximè annexa est figura, vt quamuis soleat inter qualitates recenseri, tamen magis propriè & commodè cum quantitate coniungitur: & similiter raritas ac densitas. Proximè etiam accedit opacitas & diaphaneitas, vel quia ex densitate & raritate oritur, vel quia per illam solam saluari poterit illa quæ alioqui censetur raritatis ac densitatis differentia, vt constabit.

Cælorum figuram esse verè sphericam & perfectè rotundam, satis ostendimus q. 31. sect. 4. pro ipsius mundi figura. Hanc figuram esse cælo substantialem atque essentialem, contendit Cæsar Cremoninus lib. de Motu Cæli, sect. 1. c. 7. Sed vel intelligit esse per se formaliter substantialem cælo. Et hoc est prorsus falsum: quia figura est affectio quantitatis, & quantitas est accidens verè distinctum à substantia. Vel intelligit, esse proprietatem cōnaturalem per se exigitam ab essentia cæli. Et sic malè loquitur. Neque

Calorū figura est spherica.

que id est necessarium : quia perinde potuisset cælum, ex natura sua condi sub alia figura : & posset scindi pars ab ipso cælo . Nec motus circularis conuenit cælo ab intrinseco, vt postea dicemus . Itaque, sicut elementa quoque in hoc vniuerso disposita sunt circulariter ob debitam vniuersi dispositionem , ita etiam ob motus commoditatem & vniuersi vtilitatem cæli conditi fuerunt à Deo cum hac circulari figura.

*Astrorū
figura
est sphericā.*

Astra prout nostro aspectu cernuntur, videntur esse veluti plana & complanata cælo, tanquam laminæ quædam lucidæ, ac si apud nos argenteo tecto aureæ laminæ affigerentur . Attamen Aristot. 2. Cæli tex. 39. & alij omnes Philosophi atque Astronomi docent, astra omnia esse solida & plena quædam corpora vndique in circuitu, esse figuræ sphericæ & rotundæ, esse globos quosdam intra cæli profunditatem existentes . Et quidem ita conuenientius apparet : quia hæc est perfectior figura . Et præsertim patet euidenter in Luna penes incrementum & decrementum eius . Nam ideo Luna quò magis elongatur à Sole, eò plenius illuminatur; & quò magis accedit ad Solem, eò parcius illustrari perspicitur: adeo vt in oppositione cum Sole tota plena splendat, in coniunctione destituatur prorsus lumine : ideo certè hoc accidit, quia est globus quidam rotundus, cuius proinde vna sola medietas Solem respiciens illustratur : vnde dum Luna à Sole recedit, illiquè tandem opponitur, ea medietas illustratur quæ ad nos versa est, nobisq; visibilis : dum verò accedit & coniungitur, alia à nobis auersa atque superior Lunæ medietas illustratur, quæ nobis conspicua non est : in medijs autem aspectibus, eò plus vel minus illius medietatis quæ ad nos versa est Solis luce perfundi-

tur, quò plus vel minus Luna à Sole recedit : & ita à coniunctione ad oppositionem crescit, ab oppositione ad cōiunctionem decrescit : ideo etiam Luna intra primam quadraturam corniculata conspicitur, supra verò etiam quadraturam incipit in rotunditatem turgere . Et hoc totum potest à quolibet observari, si rotundam pilam lucernæ illuminanti exponat, varijsque modis ad suū aspectum disponat . Quod ergo de ipsa Luna sic perspicue demonstratur, credendum quoque est de alijs astris .

Insuper, supponendo Planetas volui per epicyclos, idem de ijs planè constat : quia siue Planeta sit in summo, siue in imo, siue circa latera, semper à nobis eodem modo conspicitur in sua latitudine rotundus : quod certè fieri non posset, nisi Planeta esset vndique sphericus tanquam verè integer globus . Nam si esset veluti lamina plana, quandoque in illa reuolutione epicycli esset ad nos versus tantum secundum, quoddam latus : vnde nullatenus à nobis posset perspici, vt solet perspici . Notauit autem optimè Aristot. 18. Problematum q. 7. propter nimiam distantiam apparere nobis astra veluti plana, quia non discernimus globositatem illam ad nos vergentem .

Cæterum, Galilæus in suo Nuncio sydereo ait, se suo perspicillo vidisse stellas fixas non adeo exquisitè rotundas sicut Planetas . Attamen Simon Marius in suo Mundo Iouiali in præfat., ex aduerso testatur, se contimili instrumento, quibus etiam stellas circa Iouem conspexit, vidisse omnes prorsus stellas, tam fixas, quàm errantes, perfecte & exquisitè rotundas . Et idem ipse Galilæus in libro de Maculis Solis pag. 138. pariter affirmat, Telescopium ostendere omnes stellas, tam

*Est per
fectè ro-
tunda.*

tam fixas quam errantes exquisitæ rotunditatis. Priori autem loco potius voluit, stellas fixas apparere velut radijs cincinnatas in circuitu. Quod certè non obstat quominus credantur omnes prorsus rotundæ atque globosæ.

Solet Deinde, pro densitate & raritate corporum cælestium, solent satis communiter Philosophi facere alias cælorum partes rariores & alias densiores. Ita Auerr. lib. de Subst. Orb. cap. 2. Albert. 2. Cæli tract. 1. cap. 2. D. Thomas in 2. d. 2. q. 2. art. 2. & d. 14. q. vnica art. 2. Aegidius lib. 2. Exameron cap. 35. Conimbr. 1. de Gener. cap. 5. q. 17. art. 1. Ruuius 1. Cæli cap. 3. q. 3. & alij passim. Atque ita supponere solent, stellas esse partes cæli densiores. Ac licet dubitent an sint eiusdem vel diuersæ rationis essentialis cum reliquo cælo, tamen pro certo supponunt esse quoad quantitatem densiores. Item docere solent, maculas quæ conspiciuntur in Luna, esse partes aut rariores aut densiores alijs partibus lucidioribus Lunæ: atque viam illam albicantem quæ apparet in cælo, ideoq; lacteam appellatam, esse similiter partes quasdam octauæ spheræ aliquantò densiores reliquis partibus, & sic magis lucentes, ac veluti albicantes.

A quibusdam negatur. Aliqui tamen Recentiores, docere maluerunt, nequaquam in cælis esse veram densitatem & raritatem, sed potius aliquid instar densitatis & raritatis, nempe maiorem aut minorem substantiam sub pari quantitate, non tamen eo modo quo in his corporibus inferioribus verè densis aut raris: siue esse in cælis densitatem ac raritatem diuersæ rationis à densitate ac raritate corporum inferiorum. Moti sunt, ex eo quòd densitas & raritas apud nos inducunt grauitatem & leuitatem, faciunt corpora dura & mol-

lia, solida & fluida, itemq; ipsa densitas oritur ex frigore, raritas ex calore: hæ autem differentiæ & qualitates non inueniuntur in cælis.

Pro resolutione dicendum est, **Potest** posse quidem in corporibus cælestibus inueniri densitatem & raritatem: tamen de facto non constare, alias esse cæli partes densiores & alias rariores, sed sine hac differentia posse benè saluari omnem diuersitatem apparentem in cælis.

Prima pars probatur: quia densum & rarum non est aliud, quam corpus habens multum aut parum materiæ sub quantitate, siue multum aut parum substantiæ, quia nimirum ad hoc nihil refert an illa sit verè materia, sed perinde se habet quæcumque sit substantia subdita quantitati, & hæc modò intelligitur nomine materiæ. Sed hoc totum potest planè in quocumque corpore inueniri, neque vlla ratione corpori cælesti repugnat. Debetquè cælum cum corporibus inferioribus eatenus conuenire, quòd siue rarum & densum apud nos contingat per variationem ipsius quantitatis, siue per varios modos circa eandem quantitatem, vt proprio loco examinabimus, simili modo se habeat in cælis.

Itaque, si quantitas cælorum dicatur diuersæ rationis à nostra quantitate, sic consequenter raritas & densitas in sua vltima specifica ratione erit diuersa. Si autem quantitas dicatur eiusdem prorsus rationis, similiter densitas & raritas erit eiusdem rationis. Neque obstat consideratio illorum Recentiorum. Quoniam in his quidem corporibus raritas & densitas inducunt illos effectus ob capacitatem subiecti & consortium aliarum dispositionum, & non solum ex calore & frigore debent oriri, sed possunt etiam aliam causam habere: itaque non pro-

propterea oportebit esse diuersæ rationis in cælo.

*De fa-
cto non
oportet
differē-
tiam ra-
ritatis
& den-
sitatis
in his in-
ueniri.*

Snadetur deinde secunda asser-
tionis pars, vt iam dicebamus q.
precedenti sect. 3. Quia tota diffe-
rentia quæ nobis constat in cælis
est, quia aliæ sunt partes opacæ quæ
in se ipsis terminant visum, & non
finiunt per illas vltius progredi,
sequē fulgidas & lucentes nobis of-
ferunt, nempe stellæ; aliæ sunt par-
tes diaphanæ quæ non in se ipsis vi-
sum sistunt nec se videndas offerūt,
sed peruiæ sunt aspectui vt vltius
extendatur, & tales sunt ipsi cæli.
Sed hæc tota differentia saluari po-
test optimè per solam rationem,
opacitatis & diaphaneitatis, quam-
uis cum æquali densitate: ergo non
est vnde constituatur in cælis diffe-
rentia densitatis ac raritatis. Possit
autem illa ratione saluari, patet:
quia etiam inter corpora hæc inter-
iora inueniuntur corpora quædam
non minus, imò potius magis densa
alijs quibusdam, & tamen sunt dia-
phana, cum alia sint opaca: sic pa-
tet comparando vitrum & crystallū
cum ligno. Igitur benè possunt
astra esse opaca & cæli diaphani,
quamuis omnia sint æqualiter den-
sa. Et insuper, supponendo cælos
esse solidos: sicut existimandum est,
esse non minus solidos quàm ipsa
astra, ita censendum est esse tam
densos: quia alloqui apud nos con-
stat, corpora magis rara esse minus
solida: igitur sicut cæli non defi-
ciunt in soliditate, ita nec in den-
sitate, sed benè differunt ab astris in
opacitate. Et vbicumque poneba-
tur diuersitas raritatis ac densitatis,
sufficeret sola differentia opacitatis
& diaphaneitatis.

*Sufficit
differen-
tia opa-
citatis
& dia-
phanci-
tatis.*

*Cæli sūt
perfectè
diapha-
ni.*

Tandem ergo pro diaphaneitate
& opacitate corporum cælestium,
compertissimum est, cælos ipsos ef-
se maximè diaphanos atque perspi-
cuos, nam per totum cælorum in-

teritium conspicimus astra vsque
ad ipsam octauam spheram: & per
intermedium eorundem cælorum
ipsa astra ad nos lumen effundunt.

Inter astra autem, manifestum
quoque est, Lunam esse opacam,
quia per se nobis splendet, ac ter-
minat nostrum visum, impeditquē
visionem nè per eam vltius tran-
seat, atque transmissionem luminis
ne per eam ad nos descendat. Quod
clarissimè patet in Ecclipsi solari:
per interpositionem namque Lunæ
inter Solem & terram, impeditur
transitus visionis & lucis.

*Luna
est opa-
ca.*

Aliqui tamen volunt, Lunam ita
quidem esse opacam, quòd tamen
non sit perfectè opaca, & penitus
imperuia lumini: sed esse potius
aliquantum diaphanam, ita vt in-
sua quoque profunditate aliquod
lumen excipiat, & aliquem aditum
visui præbeat. Ita affirmavit olim
Cleomedes antiquus auctor libro
suo 2. pag. 143. & rursus Auerroes
2. Cæli com. 49. quem Albert. de
Saxonia 2. cæli q. 22. art. 2. & alij
nonnulli sequuti sunt. Et præsertim
super ita contendit quidam, qui vt
lateret se nominauit Apellem, scri-
bens ad Marcum Vellereum de ma-
eulis Solis, in Epist. 3. ad finem:
item Iulius Cæsar Lagalla lib. de
Phænomenis in Orbe Lune cap. 11.
Duplici hæc sententia innitur fun-
damento.

*Quidā
volunt,
Lunam
non esse
perfectè
opacam.*

Primum est à ratione: quia si Lu-
na in sola superficie externa luce-
ret, et non in profundo perfunde-
retur lumine, non posset ad nos
transmittere lumen nili per reflexio-
nem ab eadem externa superficie,
& eodem modo terminaret nostrū
visum: at reflexio ita fit, quòd nec
ex omni parte corporis opaci refle-
ctentis, nec ad omnem partem spa-
tij circumfusi resiliunt ac diffundū-
tur radij lucis: sed consideratur quæ-
dam linea actionis à primo lumino-
so

so ad corpus opacū ipsi expolitum, quæ dicitur linea incidentiæ, & alia linea quæ dicitur reflexionis ab hoc corpore opaco in aliud subiectum: & hæc duæ lineæ debent facere angulos æquales in superficie eiusdem corporis, in quod tendit actio directæ & ex quo resultat reflexio: at planè non ex omni parte talis corporis opaci ad omnem partem spatij, sed solum ex certa parte eius ad certam partem spatij duci potest linea reflexionis faciens angulum æqualem cum alio angulo incidentiæ: igitur hoc solum pacto fit reflexio. Et hoc totum cuilibet constare potest, sumendo reflexionem ipsiusmet Solis ex speculo vel aqua: nam non nisi ex certa parte speculi, vel aquæ ad certam partem spatij, fiet reflexio. Sed sic est, quod simpliciter ex omni parte Lunæ, & ad omnem partem terræ, diffunditur lumen, & tota facies Lunæ illuminata ad nos conuersa perspicitur eodem modo ex omni terræ loco: ergo non reſultat lumen à Luna per modum reflexionis ex sola externa superficie. Sed dici debet Luna tota perfundi & imbibi lumine, sicut se habet flamma, & ita ex omni sui parte in omnem terræ partem lumen immittere.

Secundum fundamentum est ab experientia: quia videmus, dum Luna non est plena, etiam partem illam quæ auersa est à Sole aliquantum lucere & albicare: item in Eclipsi Solis videmus Lunam Soli suppositam aliquantum lucere & rubescere: signum ergo est, totam Lunam per totam suam profunditatem participare lumen, & esse aliquantum diaphanam. Additq. mirabile quid dictus Apelles, se & alios in Eclipsi solari vidisse eam Lunæ portionem quæ Soli obducta erat, totam instar crystalli pellucidam; inæqualiter tamen ita ut alicubi al-

bicaret tota, alicubi albesceret tantum: licq. vidisse etiam constanter totum Solem, sed cum maximo discrimine, quia pars occupata à Luna prælucebat remississimo lumine. Affirmatque se & alios id vidisse, absque tubo, sed vel nudo oculo, vel cum communibus ocularibus.

Sentiendum tamen adhuc est, *Dici de Luna esse simpliciter & perfectè per opacam* (quod tamen nunc dictum *est* velim sine præiudicio inæqualitatis partium ratione lunaris maculæ, de qua postea.) Ita quamplures affirmant, & præsertim sic ostendere nititur Galileus in suo Nuncio sydereo, & in epist. 3. de Maculis Solis ad eundem Marcum Vellserum. Probatur: Tum quia alioqui non ita exactè & subtiliter in Luna semiplena distingueretur vna pars directè illuminata & alia non directè illuminata à Sole; sed per transparentiam Lunæ confunderetur lumen in ijs partibus: ut experiri possumus exponendo radijs lucernæ pilam vitream, non solum plenam aqua clara & valde diaphana, sed etiā aqua turbida alioque liquore minus diaphano. Tum præterea, deberet in Luna semiplena clarius collucere pars propinquior parti illuminatæ quàm pars remotior, & deberet in illa cerni notabilis differentia, si reciperet lumen à Sole per eandem Lunæ profunditatem: hoc autem nullatenus ita cernitur. Tum insuper observantur in Luna tubo optico valde nigra & obscura maculæ, quas Galileus ait esse umbras montium quos cogitant in Luna, & per quos transire non possint radij solares: nobis satis erit dicere, esse obscuritates partium per quas non tranſeant radij Solis: multò minùs ergo tota ipsa Luna potest dici diaphana & perua lumini.

Tum vltèriùs, Si Luna esset eo *Non est modo perua lumini Solis, minùs in*

*fundi-
tate per-
ua lu-
mini.* valeret ad nos transfundere lumen ;
sed multò magis valebit, recipiendo
lumen in extrema superficie, & in-
de ad nos retorquendo. Nam cæli
ipti, quantumvis illustrentur lumine
Solis, tamen quia sunt diaphani, nō
transmittunt ad nos lumen, vt patet
in nocte. Et apud nos multò magis
reflectuntur radij Solis ex pariete
albo, vel metallo aut lapide terfo,
quàm ex nebula vel ex lana; & ma-
gis ex crystallo illinito plumbo,
quàm simplici: & in vniuersum
quantò plus radij agentis luminosi
immerguntur in profunditate alicuius
corporis, tantò minus inde resiliunt
ac retulant, dummodo sint
cætera paria.

*Non est
perua
visus.* Tum demum & præcipuè, notifi-
candum est, in Ecclipsi solari prorsus
concegi & occultari ac nullatenus
apparere vel totum Solem, vel
partem occupatam à Luna, & nequaquam
Lunam ipsam collucere &
transparere ad instar crystallo. Imò
compertum est, in Ecclipsi totali
Solis factam esse atram noctem,
qualis ordinariè per umbram terræ
contingit: Luna ergo est ita opaca
sicut terra. Itaque observationem illam
Apellis meritiò rejicit Galilæus: &
eo magis incredibilem reddit; quia
vel parua nubecula sufficit nobis
conspicuum Solis adimere, quamvis
habeat multum de perspicuitate &
transitum præbeat luminis. Sed quid
plura? quando proprij singulorum
& omnes aliorum oculi huius rei
testes sunt: & nec antea nec post
ab alijs Sol per intermediam Lunam
conspicuum est. Propter hæc Cleo-
medes cum Possidonio respondebat,
lumen Solis non in totam Lunam
descendere ob eius magnam
profunditatem, & ideo obscurari
penitus Solem per interpositionem
Lunæ. Verùm, facilius quidem est,
per interpositionem corporis aliquantum
diaphani impediri aspe-

ctum corporis luminosi, sicut nubes
non sinunt à nobis videri Solem:
tamen si Luna esset per totam profunditatem
diaphana non deberet
penitus impedire transmissionem lucis,
sicut alioqui per longè maiorem
totius cæli profunditatem descendit
ad nos lumen: præstabit ergo fate-
ri, Lunam esse simpliciter opacam.

Ad primum fundamentum parus
adversæ dicendum est, dupliciter ac-
cipi posse reflexionem, vno modo
in rigore quæ fiat per lineam illo
modo descriptam, alio modo magis
amplè pro quacunque productione
lucis à corpore prius illuminato ab
alio agente luminoso, & hæc pro-
ductio bene fit à quacunque parte
corporis illuminati ad quacumque
partem spatij illi expositam.
Non ergo lumen à Luna si sit opaca
debebit primo tantum modo reflecti,
sed optimè poterit & debebit
etiam secundo modo. Nam cum
tota Lunæ superficies illuminetur
& sit verè lucida, tota erit apta pro-
ducere lumen in totum spatium illi
circumquaque expositum ubi sit su-
biectum aptum recipere lumen. Et
ita planè videmus fieri ab omnibus
corporibus luminosis. Ac certè,
si Luna per se luceat, vel immédia-
tè à solo Deo lumen recipiat, & in
sola externa superficie reuerteret,
vique hoc modo lumen effunderet:
& sic non minus faciet, quamvis
à Sole lumen accipiat.

Ad summum valebit, maiorem
lucem emitti debere ab illa parte
corporis illuminati ad illam partem
spatij inter quas dirigatur linea fa-
ciens angulum æqualem cum angulo
incidentiæ. Et sic videmus expo-
nendo Soli speculum vel aquam,
vehementem quidem reflexionem
fieri ex certa parte speculi ad certam
parietis verbi gratia propinqui, at-
que per illam lineam conspiciamus
quoque ipsum Solem in speculo;

*Solun-
tur fun-
damen-
ta par-
tis ad-
versa.*

attamen etiam per totum aerem circumfusum aliaque corpora magna lux effunditur. Videmus etiam totum parietem Soli expolitum, totum etiam terræ tractum quem oculis assequi possumus vehementi luce fulgere, & ex se lucem emittere. Nec bene Saxonia ait, id contingere quia paries habet partes inæquales ex quibus omnibus ad varios situs reflexio fiat: sicut inquit in aqua mota videmus ex maiori tractu aquæ reflecti Solem, scilicet ob inæqualitatem partium per agitationem aquæ. Hoc inquam non rectè dicitur: quia potest fieri paries exquisitè lenis & planus: & tunc non minus imò magis fulgor lucis ex illo micabit: & ita pariter si Soli exponatur magna tabula marmoris aut cuiusvis similis lapidis siue metalli. Neque certè in communibus parietibus, aut in plano terræ campo est talis ac tanta inæqualitas partium, ut tantam reflexionem reddat quæ alioqui ex una sola parte reddenda esset. Atque in agitatione aquæ reflexio illa vehementior quam facit ad modum speculi, fit per partes valde interruptas, & fit solum in longitudine super aquam inter nos & Solē directam, non autem per totam latitudinem & planitiem aquæ, sed bene per totam aquam videmus magnam illuminationem Solis: & sic in toto pariete & campo terrestri, continuatè, & non minus in latitudine quàm in longitudine, videmus illustrationem Solis: & ita sine dubio videre debemus etiam si paries & campus esset perfectissimo modo mathematicè planus.

Sufficiet itaque lux in superficie Lunæ recepta, reddere totam Lunam visibilem, & reproducere ex toto Lunæ ambitu ad nos conuerso tantam lucem quantam à Luna in toto hoc vniuerso percipimus. Si autem quis existeret in tali parte in

quam directè tenderet prima illa linea reflexionis, longè maiorem lucem perspiceret, & fortasse intueretur ipsum Solem in Luna tanquam in tersissimo speculo.

Ad secundum fundamentum dicendum est, aliam esse rationem illius exiguæ lucis apparentis in Luna, ut determinabimus q. seq. sect. 2. Visionem autem illam Apellis fuisse illusionem aliquam oculorum, ne dicam mentis imaginationem.

Deinde Sol, qui utique per se ipsum est lucidus, dici non debet corpus opacum, quasi in sola extrema superficie capax lucis. Quinimò censeretur debet in tota sua profunditate æquali lumine præditum. Cum enim ab intrinseca sua natura lumen habeat, & non ab alia causa mutatum, totusque Sol sit eiusdem rationis in suis partibus, utique non in sola extrema superficie: sed eodem modo in toto suo corpore luces. Dici ergo potius debet corpus diaphanum. Attamen verè ratione ipsiusmet nimia lucis valet impedire transitum aspectus ad alia vltiora obiecta: sicut apud nos flamma est utique tota lucida & sic diaphana, & tamen ob suam nimiam lucem magna flamma non sinit videre aliud obiectum post ipsum expolitum.

De alijs astris, si censeantur pariter ac Luna mutare suum lumen à Sole, putari debebunt similiter opaca, & ab ipso Sole in sola externa superficie illustrari. Si verò censeantur pariter cum Sole singula per se suum lumen ab intrinseco possidere, debebunt existimari similiter diaphana, ac in toto suo corpore interna luce perfusa. Quid autem sentiendum sit de horum astrorum lumine quæstione sequenti videbimus.

Postremò, an maculæ Lunæ, & quæ nuper etiam obseruatæ sunt in Sole,

Sol est totus diaphanus & lucidus.

De alijs astris res est dubia.

Sole, partes etiam illæ albicantes, quæ conspiciuntur in cælo & conficiunt viam lacteam, ita appareant ratione certæ opacitatis ac diaphaneitatis eorundem corporum cælestium, distinctè postea videbimus, specialiter inquirendo de his peculiaribus horum cælestium corporum accidentibus.

SECTIO TERTIA.

De Cælestium Corporum qualitatibus.

Discurrendo per quatuor illas distinctas species qualitatis: Planè non est quo in cælis inquirentur habitus, cum supponamus cælos non esse animatos: Potentia debent corporibus cælestibus attribui ad operandum: de qua re agemus questione sequenti. De figura & similibus affectionibus quætae speciei iam proximè egimus circa quantitatem. In tertia specie quæ continet qualitates sensibiles, plures & variæ qualitates occurrunt.

*Corpora
cælestia
perspi-
cua ha-
bent lu-
cem.*

Notissima in hoc genere corporum cælestium qualitas est lux, quæ in illis omnibus tam perspicua & patens est. At de ratione lucis, & quomodo verè sit qualitas, agendum communiter erit circa obiectum visus in proprio tractatu de ipso visu. De productione autem lucis in ipsis corporibus cælestibus agemus questione sequenti circa operationes corporum cælestium inter se. Solum hoc loco venit modò explicandum quoddam velut accidens lucis in astris: conspiciuntur enim astra rutilare & scintillare, dum in ijs obtutum figimus.

*Astra in
sua luce
scintil-
lant.*

Manifestè quidem omnes stellæ fixæ scintillant: Planetæ verò communiter nequaquam scintillare cernuntur. Et ita notavit Arist. 2. Cæli

48. Quandoque tamen etiam aliquis ex minoribus Planetis, præsertim Mercurius qui est omnium minimus, cernitur scintillare, ut præsertim Astronomi frequentius sidera inspectantes observant. Sol verò videtur in se valde agitari & commoveri, præsertim circa ortum & occasum, ut notavit ipse Arist. Sed insuper Simon Marius in præfat. Mundi Ionialis, testatur, se optico perspicillo deprehendisse, verè omnes Planetas assidue scintillare, excepta Luna: & præsertim Solem veluti ad instar metalli ferventis ebullire: quod sanè ita est: & quilibet potest observare, si non aspiciendo directè per tubum in ipsum Solem, saltem excipiendo per tubum radios Solis, ut dicemus circa Solis maculas, & ibi evidenter apparet notabilis agitatio & velut ebullitio Solis: apparet autem nò solum per totum circuitum in extrema Solis ora, sed non minùs in omnibus maculis per totum Solis medium dispersis.

Arist. ibi rationem reddit, cur stellæ fixæ non autem Planetæ scintillant, quia illæ sunt remotiores, Planetæ sunt propinquiores: unde illæ ob nimiam distantiam videntur velut è nostro aspectu effugere ac deficere, & ita tremere ac scintillare. Hæc ratio communiter ab alijs Philosophis recepta est. Addit Vitellio lib. 10. lux Perspectivæ proposit. 55. Stellæ scintillare ob aliquam agitationem aeris intermedij inter cælum & terram, qui nunquam sanè quiescit: Planetas verò non scintillare, quia cum nobis propiores sint, fortius visum movent, & ideo non vacillant: nisi quòd interdum ob nimiam vaporum copiam maioremq; agitationem, etiam ipsi Planetæ scintillare cernuntur.

Verùm, hæc tota ratio non satisfacit: Tum quia inter Planetas Saturnus longissimè à nobis abest, &

*Nò præ-
ter di-
stantiam.*

est proximus stellis fixis; & quando altissimus est, illas veluti coniungit: vnde etiam scintillare deberet, sicut stellæ fixæ: quod tamen non videmus. Tum quia potius Mercurius qui ponitur proximus supra Lunam, solet sæpius scintillare. Tum præterea, stellæ fixæ, præsertim primæ magnitudinis, tam in se, quam quoad nostrum aspectum, sunt notabiliter maiores quibusdam Planetis: vnde, magnitudine compensante distantiam, valent fortius mouere visum: Et tamen maximè præ omnibus alijs scintillant. Ac rursus, inter ipsas stellæ fixas, stella in ore canis omnium lucidissima & maxima nobis apparet, & tamen plus omnibus scintillat. Tum denum, si etiam Planetæ tubo optico inspecti scintillant, tunc sanè fortius mouent visum: ergo longè alia ratio erit, ex qua scintillatio oriatur. Arist. autem ipse sub dubio eam rationem reddit, vt patet in textu.

*No propter agi-
tationē
cali.*

Tyco Brahe lib. 1. Progymnasium cap. 6. aliam rationem huius rei facit: quia, supponens celum totum esse fluidum, & stellæ in illo per se moueri, ait, stellæ omnes suo motu agitant calum ac velut fluitare faciunt, sicut apud nos aues aërem, & pisces aquam: & ex hac agitatione stellæ quoque veluti commoueri videntur. Sed præter quàm quòd tateatur ipse Tyco, hinc non haberi discrimen inter stellæ fixas & Planetas quos supponebat non scintillare: recurrit ad talem hypothesein, & antea improbatam, de fluiditate celi.

*For. esse
propter
motum
singula-
rē astro-
rū in se.*

Attendit quoque aliam rationem, cum discrimine inter stellæ fixas & Planetas: nempe quòd stellæ fixæ habeant quendam motum proprium in se ipsis, quo singulæ circa proprium centrum circulariter agitantur, & ita ratione huius motus taliter scintillare videantur: Planetæ

autem non habeant huiusmodi motum, quod specialiter probat in Luna, quæ semper nobis secundum eandem faciem obuersa est, vt patet ex maculis eius semper eodem modo se habentibus.

Verum, Arist. eodem illo loco 2. Cæli 43. expressè negat, stellæ tali modo per se & in se volui: quia, alioqui omnes stellæ viderentur sic moueri. At inquit, Sol tantum prope orientem & occidentem apparet velut in se circulariter reuolui: idque refert ad elongationem nostri visus, cum alioqui id non appareat dum Sol est in medio cæli. Siue, potius id referri debebit ad vaporum copiam medianrium super totum terræ tractum inter nostrum, aspectum & Solem. Insuper solent alij huiusmodi motum attribueri, specialiter ipsi Lunæ: Quoniam cum supponant Lunam moueri in suo epicyclo, ratione cuius deberet diuersam faciem ad nos conuertere, & ex alia parte videatur semper secundum eandem faciem, cogitarunt Lunam in se ipsa reuolui eodē tempore quo eius epicyclus, reuolui scilicet in partem oppositā, ita vt semper ad nos eandem faciem conuertat. Et tamen Luna est maximè omnium stellarum ab omni scintillatione semper immunis.

Potest adhuc tamen hæc ratio defendi. Et Arist. quidem præcipuè docere voluit, motum notorium stellarum non esse reuolutionem earum in se ipsis: quod demonstratiuè probat: *Quia si vertigine agerentur, visque manerent in eodem, & non mutarent locum.* Itaque dato omnino motu stellarum in gyro cæli, quo verè moueantur per motum ipsius cæli, vt voluit Arist. benè poterit præterea illis tribui alius ille motus in se ipsis. Neque sanè esset necessarium, vt pariter omnibus conueniret: sed benè tribui potest

est illis tantum in quibus cælestes observationes eum ostendunt. Et, sicut à plerisque attributus est Lunæ propter illam apparentiam faciei: ita poterit attribui stellis fixis propter apparentiam scintillationis.

Et ulterius, quia etiam Mercurius inter Planetas eodem simplici intuitu frequenter deprehenditur scintillare, ac nuper etiam alij Planetæ tubo optico inuenti sunt scintillare, dici poterit, omnes prorsus stellas in se ipsis proprio motu reuolui: at non omnes pari velocitate, sed velocius quidem in primis stellas fixas, & inter eas magis adhuc velocius quæ magis scintillare cernuntur: deinde inter Planetas Mercurius: & postea alij Planetæ, qui idcirco non solo simplici intuitu, sed ope tubi visorij multò magis rerum vitibilium affectiones detegentis, scintillare reperiuntur. Luna demum omnium tardissimè moueatur, utpote eodem tempore cum suo epicyclo, & ideo nullatenus talem apparentiam subeat. Præter hanc autem rationem vniuersalem, bene poterunt occurrere aliæ rationes peculiare ex parte totius mediij inter nos & sydera, quibus hic effectus variari queat, & vel augeri vel imminui.

Alia demum ratio huius rei reddi potest, qua magis propriè hæc scintillatio efficiatur accidens lucis: nempe ex eo quod sectione præcedenti attigimus, stellas non esse penitus opacas, & in sola externa superficie, luce intinctas, sed totas in sua profunditate esse luce perfusas: inde enim, quia etiam partes interiores aliquatenus etiam se visui offerunt, sed non adeo liberè, & expedite, efficiunt rusticationem illam & scintillationem. Luna verò quæ est penitus opaca, nullatenus scintillat. Inter alias autem stellas, complectendo tam errantes quam fixas, bene

potest esse latum discrimen, quo magis aut minus de opacitate participant, & ex hac diueritate magis minusve scintillent, & facilius aut difficilius deprehendatur earum scintillatio. Et hæc ratio deseruit etiam pro stellis nouis in calo confixis, quæ visæ sunt sicut & aliæ fixæ scintillare. Alioqui præcedens ratio ex motu desumpta non bene poterat illis adaptari: quia non est putandum partes illas celi stellarum imaginem referentes, fuisse à toto calo diuulsas, ut circulariter per se possent in proprio loco moueri.

Sed quid tandem, si quis dicat, stellas ita reuera agitari & fluctuare in se ipsis, sicut visu ipso apparet? Nempe dicendo, illas non esse solida corpora, sed fluida intra suum locum velut in vase contenta, & sic per motum ipsum velocissimum celi taliter fluitare. Et præsertim Solem ipsum hoc pacto se habere, & ita tam patenter omni tempore & loco præsertim Telescopio cerni veluti ebullire: cum nihil tale ne leuiter quidem conspiciatur in Luna, quæ tamen videtur à nobis per eundem utique aerem intermedium. Et hoc præterea non parùm conferret ad saluandas apparentias de maculis Solis, de quibus postea in speciali loquemur. Hoc totum inquam posset aliquis cogitare. Et fortasse non ita facile posset refelli, sicut illa positio quæ faciebat calum ipsum fluidum. Sed tamen nolumus nos hoc asserere: quia iam pro re præsentii alias scintillationis astrorum potuimus rationes.

Post lucem, aliæ sunt apud nos qualitates: tertiæ speciei, qualitates nempe sensibiles, de quibus querendum est an sint in calo. Præcipue in elementis sunt quatuor quæ dicuntur primæ qualitates, & sunt obiectum tactus, calor, & frigus, humiditas & siccitas: aliæ sunt quæ ut

*Corpora
cælestia
non habent
quatuor
elementares
qualitates:*

Vel propter lucem internam ipsorum astrorum.

plurimum ex his oriri censentur, & dicuntur qualitates secundæ, nempe colores, & aliæ quæ singulis nostris sensibus percipiuntur.

Et absolute asserendum est, has qualitates nequaquam in corporibus cælestibus inueniri. Hæc est communis sententia eorum, qui volunt, cælum esse superioris naturæ, & diuersæ prorsus ab elementis ac naturaliter incorruptibilis. Et inde sequitur manifestè: quoniam qualitates illæ sunt elementares, disponunt ad generationem et corruptionem substantialem, debent recipi in materia elementari, sunt per se con-naturales & propriæ corporibus elementaribus: si ergo cælum est superioris & diuersæ naturæ ab elementis, est naturaliter ingenerabile & incorruptibile, constat materia diuersæ rationis ab hac nostra elementari; sine dubio est incapax talium qualitatuum. Rursus, huiusmodi qualitates sunt inter se contrariæ, & idcirco aduersum se inuicem acti- uæ: at ubi est actio contrariorum, ibi est generatio & corruptio: igitur hæ qualitates nequaquam in cor- poribus cælestibus inueniuntur.

Nec inquam inueniuntur quatuor illæ qualitates quæ dicuntur primæ; nec aliæ quæ ex illis earumquæ certa temperie nasci censentur, ut colo- res, sapores, odores: hæ enim ipsis quoque puris elementis non attri- buuntur, eo quod ex mixtione ele- mentorum inter se penes primas di- ctas qualitates debeant promanare: multò minùs ergo possunt cælesti- bus corporibus conuenire. Aliquæ tamen difficultates circa hanc do- ctrinam occurrunt, quæ breuiter ex- pediendæ sunt.

Prima est circa primas illas qua- litates: quia comperissimum est, astra cælestia producere eas quali- tates in his inferioribus; præsertim Sol producit calorem, Luna humi-

ditatem. Saturnus frigiditatem, Mars siccitatem: & censendum vi- debitur, producere per suas consi- miles qualitates, sicut constat per suam lucem producere quoque lu- men in his inferioribus.

Sed apud Philosophos certum est, astra cælestia non producere has qualitates actione vniuoca per suas consimiles qualitates: sed potius actione æquiuoca per virtutes subli- miores harum qualitatuum effecti- uas: vnde dicuntur continere vir- tualiter non formaliter has qualita- tes, Sol dicitur virtualiter non for- maliter calidus, & sic de alijs. Ac de se planè indignum apparet existi- mare, Saturnum esse in se formaliter frigidum ad instar glaciæ, & sic de alijs astris secundum varias qua- litates. Longequè diuersa est ratio Lucis: Lux enim est qualitas per se conueniens corporibus cælestibus, quia non est de se elementaris, non est affixa corporibus generabilibus, & corruptibilibus, non se habet ut aliæ dictæ qualitates elementares.

Secunda difficultas est circa eas- dem & si quæ aliæ sunt qualitates tangibiles. Si non sint tales qualita- tes in celo, sequitur cælum tangi non posse: at certè si homo hunc eleua- retur vsque ad cælum, vtiue capere cælum contingeret, & manu contre- ctaret.

Ad hoc dici solet, hominem ere- ctum vsque ad cælum, ibi impediri quidem ne superius ascenderet, tum- què id bene advertere; at non per hoc tangere & sensu percipere cælum. Quod videtur quidem admi- rabile. Sed potest explicari magis, distinguendo duplicem tactû: alium quantitatum, quo duo quælibet corpora sunt contigua: & alium sensitium, qui est actus positiuus vitalis exercitus à potentia sensitua tactus. Primo modo tangeret homo sine dubio cælum ratione quantita- tis.

*Non ha-
bēt qua-
litates
tangibi-
les.*

*Non ha-
bēt qua-
litates
primas.*

tis. Secundo modo dicitur non tangere, quia sensus non potest exercere suum actum nisi circa obiectum suum proportionatum. Sic itaque homo factus cælo proximus, esset quidem contiguus cælo, & impediretur ne ultro ascenderet; at non exerceret positum actum sensationis per tactum: sicut prorsus contingit inter alia corpora: & sicut si quis linguae admoueat rem quampiam nullo sapore præditam, habebit quidem rem illam linguae contiguam, non tamen positum sensationis actu gustabit. Aut, si placeat dicere, solam quantitatem sufficere ad exercendum vitale tangendi actum, sic verè homo cælum tangeret, etiam si cælum non habeat illas tangibiles qualitates. Et denique, hoc totum commune est, si corpus aliquod apud nos per Dei potentiam illis qualitatibus spoliatur, & prope manum hominis admoueat.

Nō habent veros colores. Tertia difficultas est circa colores: quia cælum ipsum à nobis conspicitur coloratum colore cæruleo, & astra quoque colorata videntur: atque inter se in colore differre, & aliqua notabiliter rubescunt, solentque varij colores singulis Planetis attribui, Saturno color plumbeus, Ioui & Veneri flauus, Marti rubeus, Soli aureus, Mercurio æneus, Lunæ argenteus. Colorem verò illum cæruleum Abulens in c. 1. Genes. q. 16. specialiter attribuit cælo crystallino quod constituit supra cælum stellatum: de illo enim ait: *Videtur esse coloris azurrini: quia in noctibus serenis, nullis nebulis obstantibus, videmus illud in colore azurrino declinante ad nigrum.*

At communis sententia est, non esse veros colores in cælis, sed esse tantum colores apparentes qui ita nostris aspectibus repræsentantur ex certa habitudine lucis, sicut apud nos apparent ex certa reflexione

lucis non veri colores in Iride, & in alijs plerisque rebus. Apparent etiam diuersi colores in astris, ob aliquam diuersitatem in opacitate & diaphaneitate eorum. Aliqui verò dicunt ob diuersitatem propinquitatis & distantiae ad Solem, à quo supponunt alia astra illuminari. Sed hoc non benè subsistit: quia vnum & idem astrum siue circa coniunctionem siue circa oppositionem cum Sole, eiusdem semper coloris apparet: igitur non ex respectu ad Solem, sed potius ex intrinseca dispositione cuiusque consurgit certa apparentia singulorum.

Cæterum, illud quod in sublimi per totum mundi ambitum conspicimus tanquam cælum sub colore cæruleo, verè & in rigore non est ipsum cælum, tantum abest vt sit cælum adeo remotum, sicut dicebat Abulens. Cælum namque non est aptum terminare nostrum visum, sicut ob eximiam suam lucem terminant astra, sed est de se prorsus peruium aspectui, sicut aer: neque in hoc quicquam obest soliditas cæli. Itaque, illud quod eo modo conspicitur in circuitu, est potius aer expansus inter nos & cælum, qui nempe ratione suæ molis et profunditatis, conficit velut obiectum determinatum visibile. Sicut sanè conspicimus in sublimi nubem, quæ est quidem magis opaca quam aer, at non est in se prorsus opaca, quinimò qui in medio nubis existeret, parùm illam discerneret. In ipso ergo aeris tractu apparet color ille cæruleus: & meritò cæruleus potius quàm quiuis alius, quia hic est maxime affinis luci.

Imò, aer qui sic à nobis conspicitur, videtur magis esse terræ propinquior quàm remotior. Nam inter diu quidem videmus hoc quod dicimus cælum, satis clarum & lucidum, noctu autem valde obscurum.

rum. At sol etiam nocturno tempore illuminat quidem aerem remotiorem à nobis & propinquorem cælo, quia ibi valde exigua remanet umbra terræ, cum in figura pyramidis protendatur; non illuminat verò aerem terræ propinquorem ob umbram ipsius terræ, sed hunc illuminat diurno tempore: ideo igitur noctu apparet cælum, obscurum, interdiu clarum; & cælum quod hoc modo nobis se videndum offert, est æereum nobis propinquum, non ætereum à nobis remotum. Ex aduerso autem, diurno tempore non conspiciamus astra; sed nocturno: quia nimirum vehementior Solis lux nobis propinqua impedit minorem lucem astrorum, & ideo interdiu impedit, noctu non impedit.

*Cæli suo
motu
nullum
edunt
sonum.*

Quarta demum difficultas est circa sonum, qui licet non sit qualitas de illo ordine secundarum qualitarum quæ oriuntur ex temperamento primarum, cum potius oriatur ex motu & percussione corporum: tamen est qualitas sensibilis spectans ad sensum auditus. De hac re celebris est existimatio Pythagoræ & Platonis, quibus adhæserunt Cicero in somnio Scipion. Philo Iudæus in lib. de Somnijs, D. Ambros. in Præfat. in Psal. & Antel. lib. de Imag. mundi; astrorum, & cælorum motibus effici admirabilem quandam sonum & concentum: & quia varij sunt cæli, eorumque motus, varios quoque reddi sonos, non quidem incompósitos & disparatos, sed maxima concinnitate ad suauissimam armoniam dispositos. Imò Arist. quoque in lib. de Mundo ad Alexand. cap. 7. Meminit huius concentus. Fauet insuper sacra Script. Job. 38. *Concentum cæli quis dormire faciet.*

Sed rectè Aristot. 2. Cæli tex. 52. & quatuor sequentibus, alijque Persipatetici, Basil. etiam homil. 1.

Exameron. & Ambros. lib. 2. Exameron. asserunt, nullum sonum vel concentum effici cælorum motu. Probat ab inconuenienti Aristot. quia sonus cælorum esset adeo vehemens vt dissipare deberet corpora hæc inferiora: *Excedentes enim soni, inquit, destruunt etiam inanimatorum corporum moles; ut sonus tonitrus lapides & corporum validissima dissipat.* Sed certè, non tonus ratione sui est qui corpora dissipat & dissoluit, sed potius est motus ex quo sonus resultat: at iam constat, ex rapidissimo cæli motu non dissipari, nec dissolui mundum hunc interiorem.

Meliùs probat ab experientia: *Patet ab experientia.* quia nullus cælorum sonus auditur à nobis, qui tamen verè audiri deberet. Nec satisfaciebant Pythagorici dicentes, non adueriti à nobis talem sonum, quia à nativitate immus illi assueti: Non inquam hoc sufficit. Tum quia id non deberet tollere penitus omnem auditum & aduertentiam, sed ad summum faceret vt non adeo distinctè perciperetur talis sonus: Tum etiam, per varios cælorum motus deberet hic sonus pariter variari, & huiusmodi variationes deberemus nos percipere. Tum præterea, sæpè apud nos interruptitur sensuum usus, & præsertim auditus, vtpote dormientes non audiunt, imò & aliqui pro longiori tempore surdi postea recuperant auditum: debere ergo post omnem talem interruptionem auditu & adueriti cælorum sonus, quod est contra omnem experientiam.

Probat etiam ratione à priori: *Suadet.* quia sonus fit ex percussione duorum corporum: sed astra non mo-
tionem.
uentur per cælum soluta ab ipso cælo, sed infixa eidem cælo: ergo non possunt astra per se cum cælo efficere sonum. Cæli autem inter se maxima æquabilitate sibi adherent,
&

& vnum non impingit in aliud suo motu, nullaquæ est vi percussio, aut collisio, nullus ictus: igitur cæli suo motu nullum prorsus tonum edunt. Addi solet, tonum fieri per retractionem & impulsum aeris ex percussione corporum: sed inter corpora cælestia non mediat aer aliudue simile corpus fluidum: igitur tonus, sicut & aliæ elementares qualitates, in corporibus cælestibus non habet locum. Vocatur autem interdum concentus, & armonia cælorum, ordinatissima illorum dispositio, & regulatissimus motus. Et de hoc concentu loquutus planè est Arist. eo loco de Mundo, & similiter sacra Scriptura loco antea allegato.

SECTIO QVARTA.

De Cælestium corporum loco & positionibus localibus.

Calorū & astrorū locus. EX dictis q. 27. in communi de loco, iam constat, cælum supremum propriè non esse in loco, non contineri loco, sumendo scilicet locum physicè pro superficie corporis continentis. Distinguendo autem alios inferiores cælos, constat etiam vnumquodque cælum inferius verè habere pro suo loco cælum superius sibi proximum. Deinde, Astra, si dicantur esse partes continuæ cum suo cælo, sic non sunt in illo tanquam in loco, sed tanquam in toto. Si verò sint solum contingua erunt propriè in loco, & locus proprius singulorum erit superficies illa concava sui cæli intra quã adæquate & proximè continentur.

Corpora cælestia. Constat rursus, in ordine ad totum vniuersum, locum debitum corporibus cælestibus esse supremum ad omnia elementa. Hinc verò dubitatur, an corpora cælestia dici de-

beant leuia, an illis verè conueniat leuitas opposita grauitati. Et pro parte affirmatiua facit: Tum quia Arist. 2. Cæli 17. ait, leuissimum omnium esse quod supra omnia collocatur: Tum quia si pars aliqua cæli per Dei potentiam diuideretur à toto, & constitueretur hic in terra, ac relinqueretur suæ naturæ, videtur quod ex sua virtute sursum ascenderet: at hæc virtus motiua ad locum superiorem est prorsus leuitas.

Atamen Arist. eodem illo loco, ex protello docet & probat, cælum nec esse leue nec graue. Et sic ab alijs solet communiter negari corporibus cælestibus hæc virtus motiua quæ dicitur leuitas. Apud nos enim oritur ex primis qualitatibus antea dictis: & præcipue ex calore, quæ qualitates non sunt in cælo. Arist. autem ibi docere solum voluit, leuissimum omnium corporum quæ motu recto feruntur esse illud quod sursum supra omnia ascendit, & super omnia se collocat, cuiusmodi est ignis: cælum verò per se ab initio fuit in suo loco repositum, nec fertur motu recto, non ascendit vt super omnia tendat. Ad casum verò illum, vel dici debet, partem illam cæli remansuram in eo loco inferiori in quo à Deo posita esset: vt ex communi sententia defendit Ruvius 1. cæli cap. 2. q. 3. Vel dici poterit, per impulsu horum corporum inferiorum & elementorum, quæ ex propria natura petunt subesse cælo, & petunt inter se coniungi absque vlla interruptione, cam cæli partem fore superius prouehendam vsque ad cælum, atque ita non ex virtute intrinseca ascensuram.

Vel demum non erit inconueniens si dicatur, totum cælum habere ex sua natura intrinsecam virtutem vt maneat super omnia elementa.

uerfo locum.

An propterea sine leuitate prædita.

An pars cæli abscissa rediret ad cælum.

menta; atque adeo partem illam à caelo auulsam, verè ex hac sua virtute ascensuram ad caelum. Et ita affirmat Martit. Ficinus in Timeum Platonis. Hæc autem non erit illa leuitas quæ intra genus qualitatum elementarium assignatur simul cum opposita grauitate, quæquæ dicitur ex primis qualitibus exoriri: sed erit alterius generis virtus motiua: quam si etiam placeat appellare leuitatem diuersæ rationis, non erit de nomine contendendum. Nec etiam obstabit quod Arist. eodem illo loco affirmat, & alibi sæpè docere solet, vni corpori simplici vnũ tantum motum per se conuenire, & caelo propriè conuenire motum circularem. Nam hoc totum verificatur de eo quod naturaliter contingit iuxta ordinatam rerum dispositionem. Sic enim nunquam naturæ ordine accidet, vt caeleste corpus ascendat. Sed hoc non tollit quominus habeat virtutem vt in illo extraordinario casu per se valeret ascendere.

An caelum habeat positiones locales.

Habent deinde corpora caelestia suum vbi in loco, siue præsentiam localem in spatio, sicut in communi tractatu diximus de omnibus rebus. Dubitatur verò, num cælis conueniant positiones illæ locales quarum meminimus q. 27. sect. 3. scilicet dexterum & sinistrum, ante & retro, supra & infra. Et iam quidem eo loco notauimus, has denominationes non nisi animalibus conuenire ab intrinseco, & ex propria eorum natura. At Arist. 2. Cæli tex. 13. tribusq. sequentibus, ad hoc propositum docet, caelum esse animatum, sicquæ habere omnes positionum differentias. Sed iam antea pro rei veritate, & de mente eiusdem Aristi ostensum est, caelum non esse propriè & intrinsecè animatum.

Itaque asserendum est, si caelum

consideretur præcisè secundum suam entitatem, non habere tales differentias & denominationes positionum localium. Et ratio est clara: quia caelum secundum se totum est eiusdem rationis, non habens talem partium diuersitatem, quia vna dicitur dextera alia sinistra, anterior & posterior, superior & inferior. Imò non solum communi ratione, hæ differentia sunt propriæ corporibus animatis: sed rursus speciali ratione figura cæli circularis tollit planè tales differentias.

Si deinde consideratur cælum quatenus ab Intelligētia assistente mouetur, vt sic per quandam imitationem & similitudinem participata les differentias & denominationes. Et in hoc sensu loquutus est Arist. Dexterum est vnde incipit motus, pars huic opposita est sinistra. Sic in caelo consideramus, motum eius respectu nostri incipere ab oriente & vergere in occidentem: oriens ergo est pars dextera occidens sinistra. Et ita expressit Plato apud Alcinoũ cap. 10. de Doctrina Platonis: & cecinit Homerus: *Sen dextera Eos Phæbi surgentis ad oras, Siue sinistra petant aëris vbi mergitur undis.*

Rursus pars anterior est per quam fit motus seu versus quam exercetur motus; pars posterior est huic opposita. Ita ergo motus respectu nostri ab ortu in occasum fit per partem cæli directè supra nostrum caput existentem: atque adeo hæc pars medians inter orientem & occidentem est nobis anterior, altera huic aduersa est posterior.

Demum vnus è duobus polis est superior, & alter inferior. Pythagorici, vt refert Arist. tex. 16., polum arcticum nobisque apparentem faciebant superiorem, polum antarcticum nobisque occultum faciebant inferiorem: & per consequens dice-

Nō habet per se ab intrinseco.

Habet quodāmodo prout mouetur ab Intelligētia.

Pars dextera & sinistra cæli.

Pars anterior et posterior.

Pars superior et inferior.

dicebant, nos in hoc Emispherio esse superiores, alios verò incolas alterius Emispherij esse inferiores. Ipse Arist. ex aduerso docet, polum nostrum arcticum esse inferiorem, antarcticum esse superiorem: & per consensum nos in hoc Emispherio esse inferiores, Antipodas verò esse superiores. Et ratio hic potest reddi & explicari. Si homo constituitur cum dextera ad orientem, atque cum parte anteriori versus partem dictam anteriorem cæli: planè in hac positione tenebit caput versus polum antarcticum, pedes versus polum arcticum vt consideranti patet: sicut ergo caput est pars superior hominis, pedes inferior; ita polus arcticus dicetur superior, antarcticus dicetur inferior: atque nostrum Emispherium dicetur inferius, oppositum dicetur superius. Imò alia quidem partes variaz sūt respectu diuersarum terrarū regionū, hæ autem eodem modo se habent respectu omnium. Nam quæ pars est nobis occidentalis, atque adeo sinistra; Antipodis est orientalis, atque adeo dextera. Et sic etiam quæ nobis dicebatur posterior, est illis anterior. At idem polus antarcticus est illis ac nobis superior, arcticus inferior: quoniam in omni terrarū plaga, homo se vertens cum dextera ad suum orientem, & sinistra ad occidentem, & cum pectore versus eam partem quæ mediat à suo oriente ad suum occidentem, tenebit caput versus polum antarcticum, & pedes versus arcticum.

Alia assignatio earundem positionum.

Tandem hoc totum verificatur considerando motum communem cæli & astrorum ab oriente in occidentem. Sed è conuerso considerando motum proprium Planetarū ab occidentem in orientem, pars dextera erit occidens, sinistra oriens. Sed similiter pars anterior erit illa eadem quam antea dicebamus dire-

ctè supra nostrum caput existens: pariter enim per hanc fit motus ab occidente in orientem. Polus autem superior erit arcticus inferior antarcticus: quia homo disponens se cum dextera ad occidentem, & sinistra ad orientem, & cum pectore versus partem mediantem supra caput nostrum ab occidente in orientem, tenebit caput versus polum arcticum, & pedes versus antarcticum. Hac ergo ratione dictæ positiones & denominationes locales corporibus cælestibus tribuuntur.

Cæterum Celsus Cremoninus lib. de Motu cæli sect. 1. cap. 9. ita explicat, tales positionum differentias esse intrinsecas cælo, quòd necessariò illa puncta debuerint esse poli quæ nunc sunt, & nec potuissent inuerti: necessariò motus debuerit fieri à tali parte per talem partem, vt de facto exercetur. Probat: quia alioqui constitutio cæli fuisset veluti casualis & fortuita. Verum, cum totum cælum sit homogeneum & uniforme, potuissent tanè vbi libet constitui poli, & motus potuisset conuerui: imò de facto per vnum motum euariantur poli alterius motus. Non autem casu & fortuitò, sed ex certa Dei scientia & libera voluntate determinata sunt talia re-cta puncta pro polis, & talis ordo pro motu.

SECTIO QUINTA.

De Cælestium corporum motu locali.

EX omnibus motuum speciebus, solum localem corporibus cælestibus conuenire, docet Arist. 1. Cæli tex. 20. & alibi passim, alijque omnes Peripatetici. Sed saltem quoad qualitates, aliquis motus seu mutatio illis conuenit, vt patet ex antea.

antea dictis. Sed nihil de hoc agendum superest. Solusq; remanet localis motus.

*Sententia anse-
rens mo-
tū calo,
& tri-
buens
terre.* Et prius videndum est, num verè ipsa corpora cælestia moueantur, omnisquè apparens variatio localis corporum cælestium, sit verè in ipsis cælestibus corporibus, sit verè eorum motus. Nam præter illos Antiquos & Nicolaū Copernicum, qui terram non in vniuersi medio, sed in quodam orbe mobili constituebant, Solem verò in medio: atque adeo motum diurnum, & omnem apparentem variationem Solis ac stellarum fixarum, non ipsi Soli & stellis, sed potius terræ tribuebāt: Præter hos inquam fuere alij, qui vltro supponentes terram in medio vniuersi sitam esse, adhuc motum & variationem attribuerunt potius ipsi terræ, & non calo. Et ita nuper defendit Guilhelmus Gilbertus in suo opere de Magnete, libro sexto, maximè loquens de motu diurno qui perficitur spatio vigintiquatuor horarum: volens terram esse magnum magnetem suaptè natura mobilem in gyrum circa suos polos, voluquè indefinenter ab occidente in orientem, ideoq; videri nobis Solem & alia astra gyrare ab oriente in occidentem: sicut illis qui nauigant secus lictus, apparet ipsum terrestre lictus moueri, cum tamen ipsum nauigium sit quod verè mouetur. Conatur præcipuè Gilbertus hoc persuadere: quia si hic motus tribuatur calo, euadit planè ob ingentem cali molem adeo velox & enormis, vt omnem superet cogitatum: si autem tribuatur terræ, erit longè moderatior ob modicam ipsius terræ molem in comparatione cali. Fauet & huic sententiæ D. August. lib. 2. de Genesi ad litter. cap. 10. vbi significat, ita posse rē saluari per motū terræ immoto calo, sicut ab alijs saluari solet per motum cali immota terra.

Præterea Andreas Cæsalpinus lib. 3. Peripateticarum quæstionum q. 4. motum illum tardissimum ab occidente in orientem qui à Ptolemaeo depræhensus fuit in octaua sphaera & consequenter in alijs inferioribus, itemquè alium motum ab alijs posterioribus additum, vocatumq; trepidationis, opinatus est inesse potius ipsi terræ, non autem calo & astris. Fundat hanc suam existimationem in quadam obseruatione quæ videtur rem perspicuè demonstrare: quoniam si ille motus conueniret verè ipsi calo eo modo quo ponunt Astronomi super polos Zodiaci qui diuersi sunt à polis mundi, debuissent ratione huius motus variari ipsi poli mundi: ita vt stellæ fixæ propinquæ polo arctico nobis visibili, debuissent magis ac magis appropinquare polo: & præsertim stella quæ est in extremo caudæ Vrsæ minoris, estquè omnium aliarum polo proxima, & ideo appellata polaris, facta diligenti supputatione illius motus, iam deberet per nouem gradus appropinquasse magis. At nulla talis mutatio, inquit Cæsalpinus, reperitur in calo: ergo ille motus non conuenit calo, sed potius terræ quæ tali modo in sua sede circulariter dimouetur, vt eam variationem in calo faciat apparere. Aie autem hunc motum terræ provenire à raptu cali: quod nempe calum suo impetu rapiat etiam hunc infimū aerē, & hic aer dimoueat terram. Atque propter debilitatem motus in tanta distantia, et resistentiam terræ, hic motus in terrā sit adeo tardus: ac rursus propter inæquabilitatem terræ per montes & valles & maria, hic motus non sit adeo firmus & constans, sed aliquantum varius, ob quam varietatem dictus est motus trepidationis. Adhæret huic sententiæ Sebastianus Bassonus lib. 1. de Cælo Intentione 3. art.

3. art. 6. ; dicens tamen , huiusmodi motum in terra fieri vaporum & spirituum vi qui intra terræ penetralia includuntur .

Aliquis omnino motus conuenit calo . In hac re evidens prorsus est, aliquem omnino motum cælestibus corporibus conuenire . Patet manifestè: quia magna variatio loci cernitur inter ipsa corpora cælestia, comparando nempe Planetas inter se & cum stellis fixis : modò enim inter se accedunt , modò recedunt ; modò hoc præcedit illud , modò sequitur . Hæc ergo tota variatio ipsorum cælestium corporum inter se , nullatenus fieri poterat per solum terræ motum , sed omnino fieri debuit per motum per què varios motus ipsorum corporum cælestium .

Potuisse ali- quis motus tribui terræ . Deinde potuisset quidem aliqua mutatio quæ in cælestibus corporibus apparet exerceri & saluari per motum potius terræ absque eo quòd talis peculiaris motus conueniret calo , & specialiter motus diurnus qui perficitur spatio vigintiquatuor horarum . Hoc totum debet ab omnibus admitti . Et patet facillè : quia hæc dubio potuisset fieri ut per revolutionem aliquam ipsius terræ assidue mutaretur aspectus eius ad sydera cali , & sic talis mutatio saluaretur per motum terræ sine motu cali quoad talem partem . Et specialiter fieri potuisset , ut terra quotidie integrum circulum perficeret ab occidente in orientem super polos suos directè correspondentes illis qui dicuntur poli mundi & cali : & tunc omnis prorsus apparentia spectans ad hunc motum diurnum non minùs salua consisteret , quàm dum talis motus tribuitur calo : quoniam hæc mutatio est per se communis quoad omnia sydera cali , & ita benè per motum circulare terræ in medio mundi sue , & habentis aspectum communem ad omnia astra cali , saluari potuisset .

Denique de factò , omnis appa- *De facto*rens mutatio localis circa corpora *omnis* cælestia verè & realiter conuenit *motus* ipsis corporibus cælestibus per verum *conuenit* & realem motum , nullaquè hu- *calo &* iusmodi mutatio aut motus terræ *nullus* conuenit . Hic est communis tam *terra .* Sapientum quàm vulgarium hominum sensus . Et quidem ex dictis iam planè constat , omnem illam mutationem qua astra diuariant inter se , & penes quam assignari solet motus proprius singulorum , verè inesse ipsis corporibus cælestibus per verum eorum motum . Hinc etiam suadet , omnem alium motum ipsis calis potius conuenire , et nullum terræ , ex omni inquam mutatione inter cælum & terram apparente : quia iam ipsis calis conuenit mobilitas , terræ quæ iacet in medio conuenit immobilitas . Probari etiam solet ex Arist. quia terræ conuenit motus rectus per descensum : vni autem corpori simplici vnus motus competere debet . Sed hoc non obfaret , si motus circularis tribueretur terræ ab alia causa extrinseca , siue etiam ab alia distincta virtute motiua .

Præcipuè autem , motum diurnum , *Proba-* qui est communis omnibus astris , *tur de* verè esse motum cali ab oriente in *motu* occidentem , non autem terræ ab *diurno* occidente in orientem , satis apertè *ex acra* habetur in primis ex Sacra Scriptu- *Scriptu-* ra non solum ex illo loco Ecclesiæ *ra .* stes primò : *Terra in æternum stat :* *Oritur Sol & occidit , & ad locum suum reuertitur , ibique renascens gyrat per Meridiem , & flectitur ad Aquilonem .* Sed etiam Psal. 18. *In Sole posuit tabernaculum suum , & ipse , scilicet Sol , tanquam sponsus procedens de thalamo suo , exultauit ut gigas ad currendam viam , à summo calo egressio eius , & occursum eius usque ad summum eius .* Rursus Iosue 10. *Sol contra Gabaon ne mo-*

uearis, & Luna contra vallem Aialon: steteruntque Sol & Luna. Et Itaiæ 38. Reuersus est Sol decem lineis per gradus quos descenderat. Et alibi frequenter Script. planè supponit, Solem ipsum esse qui mouetur, suo què motu oriri & occidere. Vnde idem euidenter & necessariò sequitur de omnibus astris in communi reuolutione diurna. Itaque, licèt fortasse sententia quæ hunc motum terræ tribuit, constituens adhuc terram in medio vniuersi, nò tam grauem notam mereatur, sicut illa quæ Solem in medio & terram in quodam cælesti orbe collocabat: tamen adhuc non est tuta, & planè videtur Sacris litteris repugnare.

*Probat-
ur ab
experie-
tia.*

Deinde, eadem veritas ab experientia demonstratur: quia si huiusmodi motus inellet terræ, deberemus planè videre nubes quæ in sublimi pendunt assidue veluti ferri ab oriente ad occidentem, & nequaquam super eundem terræ locum consistere: motus enim terræ ab occidente in orientem omnino afferret hanc apparentiam in nubibus. Item dum quis in altum magna vi directè proijcit lapidem, deberet lapis in suo descensu recidere in partem terræ valde occidentaliorem, ob motum nempe terre interim peractum ab occidente in orientem: sed tamen videmus in eundem locum recidere, nisi vel quantum non exactè in rectum lapis proiectus est, vel quantum agitatione aeris dimouetur. Rursus deberemus semper circa terram pati & aduertere, valdum velut ventum ab oriente in occidentem: quia nimirum terra & omnia quæ adhaerent terræ celeri motu incurrerent in aerem terræ circumfutum: vnde veluti idum ei impulsu aeris sentire deberemus, vt de tacto sentit quisquis concitato cursu moueatur super terram. Facile etiam terra dissiparetur per tam

celerem motum quò indefinenter volueretur. At hæc & alia similia sunt contra experientiam: prorsus igitur non est terra quæ motu diurno assidue circumuoluitur.

Et hinc ad fundamentum Gilberti patet, facilius conuenire cælo motum tam celèriorem sicut oportet, quàm terræ motum moderationem. Vanissimum etiam est, quod terræ tribuit talem motum, ob eius magneticam naturam. Nam neque terra est magnes vt ipse commentus est. Neque magnes habet moueri circulariter super suos polos directos polis mundi, sed solum habet respicere polos mundi. Vnde si suspendatur globus aliquis magnetis, non inuenietur in gyrum volui. Et licèt idem Gilbertus eo lib. cap. 4. referat, Petrum Peregrinum id affirmasse; tamen ipse fatetur, se nullatenus talem in magnete motum inuenisse.

Rursus specialiter demonstratur, Idè probatur de motu illum tardissimum & trepidationis, verè conuenire ipsi cælo & non terræ. Si enim conueniret terræ, nulla facta esset mutatio polorum, siue nulla variatio stellarum fixarum ad polos mundi: sed sic est quòd euidenter notabilis variatio facta est: tanta inquam, quantum considerauit ipse Cæsalpinus. Nam Ptolemæus lib. 7. Geographiæ cap. 7. notauit quòd stella polaris tempore Hipparchi distabat à nostro polo gradibus duodecim; minutis vngintiquatuor: at nostro tempore distat solum gradibus tribus cum dimidio. Et sanè notissima est hæc res apud Astronomos. Itaque Cæsalpinus in hoc turpiter lapsus fuit: & non solum ruit eius fundamentum, sed oppositum extruitur. Errauit etiam extendens raptum cæli vsque ad terram: quia ob fluxibilitatem aeris intermediij à cælo ad terram, nullatenus potest raptus cæli per-

*Soluitur
funda-
mentum
oppositum.*

*Idè probatur
de motu
cæli.*

pertingere ad dimouendam terram. Nec minus vanum est dicere, terram per interclusos vapores taliter dimoueri.

SECTIO SEXTA.

Qui & quot sint motus locales corporum celestium.

Recensendum modò ac determinandum superest, quinam motus singulis corporibus celestibus conueniant: quamuis id fere iam constet ex dictis antea circa eorum structuram: sed modò hoc loco proprio in vnum res tota colligenda est.

Duplex in primis motus distinguendus est. Primus communis omnibus corporibus celestibus, secundus proprius quibusdam.

Motus diurnus! ab ori in occa- sum. Communis, solet triplex assignari. Primus & notissimus est motus diurnus ab oriente in occidentem, qui perficitur spatio vnius diei naturalis distinctu in vigintiquatuor horas. Exercetur super polos mundi, & per lineam æquinoctialem æquidistantem ab vtroque polo ac secantem totum vniuersum in duos semiglobos æquales. Et hic motus est omnium velocissimus, & in omnibus astris quotidie deprehenditur.

Motus tardissi- mus ab occasu in ori. Secundus est motus, quidam tardissimus post longa tempora deprehensus in stellis fixis, & sub illis in omnibus quoque Planetis: qui motus è conuersio tendit ab occidente in orientem, & nō super eosdem mundi polos, sed super alios polos distantes circa viginti tres gradus à polis mundi, & vocatos polos Zodiaci: ac ita exercetur per lineam mediam inter hos alios polos, quæ dicitur linea Zodiaci, & ab Ecclipti cognominatur Eccliptica: vnde hic

motus non tendit prorsus directè in aduersum alteri motui diurno, sed velut in obliquum vt patet. Hic motus à Ptolemaeo dictus est peragere in cētum annis gradum vnum: atque adeo cum totum cælum distribuatur in 360. gradus, perficitur talis motus spatio annorum 36000. Sed deinde ab Alphonsi Rege factus est adhuc tardior, nempe spatio annorum 49000. At Albategnius eum fecit velociorem, spatio nempe annorum 23760.

Tertius est alius motus adhuc postea animaduersus in stellis fixis & alijs interioribus, qui dictus est motus trepidationis, motus accessus & recessus: eo quòd, conferendo diuersorum temporum obseruationes successiue factas de motu tardissimo proximè dicto, non semper vniformes secundum eundem tenorem inuentæ sunt: & propter hanc variationem hunc alium motum addiderunt. Quem ita describunt. Considerant in octaua sphaera inter duodecim signa Zodiaci, primum punctum Arietis, & primum punctum libræ, quæ sunt inter se directè opposita. Considerant etiam in nona sphaera superiori suum Zodiacum, atque adeo duo prima puncta Arietis & Libræ. Dicuntquæ, illa duo puncta octauæ spheræ moueri circulariter, & describere paruos quosdam circulos circa duo dicta puncta superiora nonæ spheræ: atque adeo hoc motu fieri, vt stellæ fixæ modò videantur ad nostrum polum accedere modò recedere, & ita quodammodo trepidare. Attribuit autem Alphonsus Rex huic motui spaium 7000. annorum. Sed tamen prudentiores Astronomi fatentur, rem hanc esse valde incertam atque perplexam: quia requireret longissima obseruationum tempora, quæ adhuc desiderantur.

Insuper præter hos motus, refert Gil-

Motus trepidationis.

Nullus est alius motus celi communis. Gilbertus lib. 6. citato de Magnete cap. 2. Dominicum Mariam Ferrarientem, magistrum Copernici, addidisse alium notabilem motum, quo videlicet totum cælum sydereū assidue ab vno polo ad alium reuoluatur. Colligebat ex diuersa eleuatione poli respectu regionum terræ à tempore Ptolemæi ad tempus suū, ita vt in mille & septuaginta annis vnus ferè gradus variatus sit: vnde dicebat totum huius motus circum perficiendum spatio annorum trecentorum nonaginta quinque millium. Atque assererat, propter hunc motum mutandum fore statum & temperiem omnium terræ regionū: vt quæ ab initio fuit frigidissima sub polo arctico, euadat calidissima sub æquinoctiali, & iterum frigidissima sub polo antarctico; & quæ ab initio erat calidissima sub æquinoctiali, euadat frigidissima sub polo: quia nimirum cælum illo modo mutaretur. Attamen idem Gilbert. meritò censet, id totum esse fictitium: quia putandum potius est, ex errore accidisse varietatem obseruatam in altitudine poli: cum ex alia parte Stadium adnotauerit oppositam potius variationem: nempe vnus posuerit à polo arctico ad antarcticū, alius è conuerso. Præstat ergo, nullam talem variationem & motum in illa fundatum admittere.

Motus proprius singulorum Planetarū. Motus deinde proprius & peculiaris Planetarum, omnibus quidem & singulis attribuitur ab occidente in orientem, & super polos diuersos à mundi polis, & intra latitudinem Zodiaci: tamen sub diuerso temporis spatio, & cum magna varietate: item super diuersos inter se polos & secundum diuersam lineā. Soli itaque attribuitur secundum lineam mediam Zodiaci, quæ dicitur eccliptica, & super polos proprios ipsius Zodiaci siue huius lineæ. Alijs autem Planetis, secundum alias sin-

gulis proprias lineas, declinantes aliquantum ab Eccliptica: & super polos etiam proprios aliquantum distantes à dictis polis Zodiaci. Totaque declinatio Planetarum ab vna vel alia parte ecclipticæ definitur regulariter spatio sex graduum: & hæc tota latitudo tribuitur Zodiaco, qui proinde habet latitudinem duodecim graduum. Spatium vero motus quod attribuitur Saturno, est ferè triginta annorum, Ioui terè duodecim, Marti ferè duorū, Soli vnus anni, Lunæ vnus mensis. Veneri autem & Mercurio, per totum quidem cæli circuitum tribuitur idem cum Sole motus.

Præter hunc Planetarum motum, plures alie & varie differentie motus in singulis Planetis sūt ab Astro- *Varia differētia motus proprii Planetarū.* nomis adnotatæ, ratione quarum plures adhuc motus illis attribuunt: videlicet Lunæ præter dictos quatuor, alios tres motus, & sic varijs modis in alijs Planetis. Et Recentiores quidem, longioribus & nouis obseruationibus inducti, plures motus addiderunt ignotos antiquis.

Quonam modo autem, tam varijs *Quomodo omnis differentia motus exercetur in astris* motus in corporibus cælestibus exerceantur, & præsertim quomodo vnum & idem astrum tot mutationes & variationes subeat: hoc inquam per certam cælorum structuram conati sunt Astronomi explicare, & omnes apparentias saluare.

Illi qui elegerunt facere cælum fluidum, & astra per se constituere soluta à cælo, omnem motum solis ipsis astris attribuunt. Et ita dicunt quodlibet astrum per se in illo vastissimo ætere certis regulis resolui & agitari cum tota ea variatione & mutatione quæ in singulis obseruatur. Attamen ipsimet, vt certas motuum regulas & mensuras construerent, ad deducendos certos calculos quibus omnis motus stabilis &

regularis efficiatur; saltem per imaginationem distinguunt sphaeras, orbis, & motus, sicut alij faciunt cum reali distinctione & vero motu ipsorum celorum. Itaque vel hoc ipsum ipsis persuadere debebat, totum celum esse solidum & secum, astra mouere, esseque omni illa distinctione exstructum quam motum tam constans & regularis diuersitas requirebat.

*Quomodo ex-
ceatur
in celis.* Communis ergo sententia distinguit tot celos, & in vno celo tot orbis, quot antea circa celorum structuram memorauimus. Et vni quidem supremo celo per se tribuit motum illum velocissimum ab oriente in occidentem: ab hoc celo vult consequenter circumduci & rapi omnes inferiores celos: & propterea hunc motum in inferioribus celis vocat motum raptus: & ipsum celum vocat primum mobile: quod antiquiores esse putarunt idem firmamentum continens stellas fixas. Postea adinuento duplici alio motu in stellis fixis, cogitarunt primum mobile esse aliud celum distinctum, & sub primo mobili aliud celum dictum crystallinum, cui tribuerunt motum illum tardissimum, ac deinde celo stellato dederunt motum proprium trepidationis: ita tamen ut celum stellatum raperetur simul ab utroque superiori celo secundum vtrumque motum: & rursus inferiores Planetarum cali ab omnibus illis tribus secundum omnem triplicem motum.

Singulis deinde Planetarum sphaeris per se attributus est proprius & peculiaris motus, qui dictus est motus naturalis ad differentiam motus raptus: ita ut idem celum vniuscuiusque Planetæ moueatur simul per motum raptus ab oriente in occidentem, & per motum suum naturalem e contra ab occidente in orientem, super diuersos tamen polos &

per diuersam lineam. In vno autem celo, vniuscuiusque Planetæ distinguuntur plures orbis: & hic peculiaris motus tribuitur solum orbi medio deferenti Planetam, ut apud Astronomos notum est.

Quia verò impossibile apparet, vnum & idem corpus simul moueri diuersis motibus localibus, & eo magis duobus motibus contrariis: quoniam prorsus non potest idem mobile simul tendere ad duos terminos contrarios siue diuersos, non potest simul accedere & recedere ab eodem termino. Ideo conati sunt explicare, quomodo hoc contingat in celis. Et dicere solent, ut affert Fracastor. sect. 1. Homocentricorum cap. 8., non vtiq; posse idem corpus moueri per se contrariis aut diuersis motibus, sed bene posse vno motu per se, alio per accidens, siue per raptum alterius corporis: sicut potest homo per se ambulare in nauem versus contrariam partem ab ea in quam rapitur motu naus. Verum, quocumque modo, apparet penitus impossibile, idem mobile ferri verè contrariis motibus, nisi replicetur in pluribus locis. Addunt aliqui, duos dictos motus vnius cali non esse verè contrarios, quia vnus non tendit directè aduersus alterum, sed in obliquum, nempe super diuersos polos, & per diuersam lineam. At similiter impossibile apparet, idem mobile ferri diuersis motibus, idest ad diuersas partes. Ac etiam verè illi motus sunt contrarij, quia vnus fert mobile ad occidentem, alius ad orientem, licet aliquantum in obliquum. Addi etiam solet, per vnum ex dictis motibus celos moueri simpliciter, nempe per motum raptus abortu in occasum; per alium verò moueri solum secundum quid, scilicet per motum naturalem ab occasu in ortum: quia verè quodcumque astrum semper tendit magis ad

*Quomodo
idem
celum
mouea-
tur duo-
bus mo-
tibus co-
trariis.*

orientem quàm ad occidentem. At hoc non videtur esse aliud quàm dicere, vnum motum esse velociorem alio, nempe motum raptus motu naturali: quod non sufficit ad enodandam difficultatem.

*Reuera
monetur
vno mo-
tu sed à
diuersis
motori-
bus im-
pellenti-
bus in
contra-
ria.*

Res ergo ita intelligenda & explicanda est; quòd verè & realiter vnus sit motus vniuscuiusque cæli & orbis, tamen proueniens à pluribus causis, quarum vna impellit mobile versus vnâ partem, alia versus aliam, & ita prodit motus quidam certo modo attemperatus & modificatus, vt mobile semper ad vnâ simpliciter partem tendat, sicut in vnico semper loco reperitur. Et in hoc solum sensu appellantur plures motus propter pluralitatem mouentium. Et ab Astronomis, ob maiorem cōmoditatem & certitudinem ad suos calculos efformandos, considerantur tanquam plures motus. Itaque verè & simpliciter, omnis semper Planeta mouetur ac tendit ab oriente ad occidentem, sicut quotidie clarissimè cernimus. Motus autem qui dicitur illi proprius et naturalis, hæc specialiter præstat. Retardat aliquantum dictum motum, & ideo veluti fert Planetam ab occidente in orientem: & quantò magis retardat, eo dicitur velocior talis motus naturalis. Hoc manifestè observamus in Luna, quam si hodie, v. g. videmus exoriri prima noctis hora ab oriente, die sequenti non videbimus exoriri nisi ferè post alia horam. Item diuertit & declinare facit Planetam vel in vnâ vel in aliam partem ab æquinoctiali: vnde videmus Planetas modò ad nostrum caput accedere modò recedere: quia scilicet hic motus proprius exercetur super diuersos polos, & per diuersam lineam declinantem hinc inde ab æquinoctiali. Demum facit, vt Planeta non semper sub eadem parte & signo cæli superioris

sive primi mobilis correspondeat: sed semper parti magis oriëntali supponatur: v. g. Luna quæ nunc est sub certo quodam signo illius cæli, post vnum vel duos dies sensibilibiter apparebit sub alio signo. Et hinc est progressus Planetarum per duodecim signa Zodiaci: considerantur enim hæc signa in supremo cælo: & Planeta semper procedit ab vno ad aliud signum versus orientem, tēdit à signo Arietis ad signum Tauri, & sic deinceps: ideoq; dicitur Planeta hoc modo moueri iuxta successionem signorum. Atque hinc maximè determinatur periodus motus proprii Planetarum: nempe, quantum tempus interponitur, ad hoc vt Planeta nunc existēs sub certo puncto Zodiaci, videlicet primo Arietis puncto, rursus per gyrum totius Zodiaci, & trāitum omnium signorum, redeat ad idem primum punctum. Sicquē dicitur Sol perficere suum motum proprium spatio vnus anni, & singuli alij Planetæ pro suo tempore.

Rursus, quia sicut primum mobile, imò & nona atque octaua sphaera, dicuntur rapere inferiores Planetarum sphaeras; pariter videbitur, debere sphaera vnus Planetæ rapere aliam, eiq; communicare suum motum; imò & è conuerso sphaera inferior deberet rapere superiorem; vnde omnes cælestes motus confunderentur: Ideo conati sunt Philosophi explicare, quomodo hæc res se habeat.

Conimbr. 2. Cæli cap. 5. q. 4. art. 2. ex vna parte dicunt, Intelligentiam motricem cæli interioris ita modificare motum & impetum sui cæli, vt non rapiat cælum superius: et ex alia parte admittunt, cælum superius, etiam ipsum primum mobile, rapi seu retardari à cælo interiori. Sed neutrum rectè dicitur. Nō primum: quia non est in potestate motoris tali-

taliter moderare motum & impetum, ut non traiciatur in aliud mobile coniunctum, in quod naturaliter diffundi deberet: sicque non esset in potestate Intelligentiæ mouentis primum mobile, non cum illo rapere cælos inferiores. Neque secundum: quia inauditum est, cælum superius rapi ab inferiori: & nō posset simul vterque raptus componi: deberetque cælum superius rapi ab inferiori in obliquum sicut mouetur ipsum cælum inferius: & planē totus ordo cælestium motuum turbaretur.

Dicendum ergo potius esset, ex natura rei ita esse, quod cælum inferius rapiatur à superiori, non superius ab inferiori: quia illud cælum quod continet & includit in se aliud, aptum est secum ducere & rapere cælum inclusum & contentum: non autem è conuerso. Et quia insuper primum mobile velocissimè fertur, benè possit & debeat rapere inferiores, qui proprio motu longè tardius in oppositum feruntur: at inferiores non posse suo tardiori motu rapere superiorem qui per se adeo celerius concitatur. Inter ipsas autem Planetarum Sphæras, ideo dicitur Sphæra superior non rapere suo motu proprio inferiorem: quia distinguendo plures orbes in quolibet cælo totali, talis motus proprius inest solū orbi medio deferenti, nō autem orbi extremo qui est proximus & contiguus alteri cælo.

Alia tamen est præcipua difficultas circa talem modum raptus cælorum interiorum à primo mobili, si distinguantur plures cæli totales; & præterea in quolibet cælo planetario plures orbes, ut iam circa cælorum structuram proposuimus q. 32. sect. 4.

Optime cōponitur om- Alio ergo modo, iuxta illam cælestis mundi compositionem quam explicauimus ibi sect. 6. perspicuè &

optimè saluatur omnis cælestium corporum motus. Itaque, non rapiuntur cæli interiores ab vno vel pluribus superioribus: sed cum vnū adæquatè sit totum cælum mobile, per se quidem totum mouetur & voluitur ab ortu in occasum, cum illa tamen variatione quæ sub primo mobili nonæ & octauæ Sphære tribuebatur. Intra hoc cælum simul in oppositum mouentur illæ Zona in quibus Planetas collocauimus, singulæ in sua certa via, sub Zodiaco, habentes quoque suos proprios polos ea ratione qua ibi explicatum est. Poterantque pro vno Planeta distinguere plures Zonas, vna intra, aliam: & rursus intra Zonas distinguere poterant epicycli, quatenus opus sit ad saluandas omnes cælestium motuum apparentias.

Postremò addi potest ille motus cuiuslibet astri in se ipso circa proprium centrum, ut sect. 3. dicebamus, & iterum in speciali de Sole & Luna dicemus postea.

SECTIO SEPTIMA.

Num corpora cælestia moueantur ab intrinseco, vel potius ab Intellectu assistente.

R Eferuntur ex antiquis, Democritus, Epicurus, & Straton Lampſatenus, dixisse, cælum moueri casu, sicut & totum vniuersum casu regi: atque adeo à nullo certo principio cælum moueri. Sed hæc existimatio, non solū impia, sed insana prorsus est. Et certissimum est, verè corpora cælestia ab aliqua determinata causa moueri & in gyrum volui.

Ioannes Maior 2. Cæli cap. 5. Albertus de Saxonia 8. Phys. quæst. vltima, volunt, cælum moueri per se
Senten- tia affir- mans
 M 2 &

*nis cale-
stis mo-
tus iux-
ta cale-
stè stru-
cturam
antea
exposi-
tam.*

*moueri
ab in-
trinfeco.*

& ab intrinseco virtute propriæ suæ formæ, sicut apud nos mouentur animalia, & sicut mouentur grauiæ deorsum, leuiæ sursum. Consentit ex parte Vallesius Controu. 11. Physicæ: ait enim cælum moueri simpliciter ab intrinseco, sed hunc motum modificari ab intelligentia assistente. Item Gabr. in 2. d. 14. q. 1. & Bassolis q. 2. probabile iudicant, cælum moueri à propria forma. Demum quidam Recentiores affirmant, potuisse saltem fieri, ut cælum ab intrinseco virtute formæ propriæ moueretur.

*Senten-
tia affir-
māsmo-
ueri ab
Intelli-
gentia.* Communis sententia est, cælum nequaquam moueri per se & ab intrinseco virtute propriæ formæ seu substantiæ, sed moueri solum ab Intelligentia assistente. Ita docuit Plato lib. 1. de Legibus, quem omnes Platonici sequuti sunt. Ita docet & probat Arist. 8. Phys. 52. & 12. Metaph. 43. cui consequenter Peripatetici adhererunt. Theologi etiam passim & Doctores Sacri idem sentiunt. Imò D. Thomas 1. par. quæst. 70. art. 3. & Opusc. 10. art. 3. ait, se nullum Sanctorum vel Philosophorum legisse qui contradicat: Et Opusc. 11. art. 2. ait, demonstratiue probari posse, quod ab aliquo principio intellectuæ cælum moueatur: & q. 6. de Potent. art. 3. ait, fidei sententiam esse, quod Angeli non solum moueant corpora cælestia, sed etiam alia corpora Deo ordinante & permittente. Item D. Bonauent. in 2. d. 14. art. 3. q. 2. ait, hanc sententiam esse fidei & rationi conformem.

*Conclu-
sio deter-
minans
moueri
ab Intel-
ligentia.* Cum hac sententia dicendum est, cælum nullatenus moueri ab intrinseco à propria forma seu virtute, sed prorsus moueri à motore extrinseco, nempe ab Intelligentia assistente: & alioqui videri impossibile, hunc motum conuenire cælo ab intrinseco.

Probatur primò ex communi dicto Sanctorum Patrum cuius meminit Perer. lib. 2. in Genes. q. 5. inferiora regi & gubernari per superiora, scilicet corpora elementaria per corpora cælestia et corpora cælestia per intelligentias assistentes: quas intelligi per virtutes calorum multi volunt Matt. 24. *Virtutes calorum communesuntur*: et per illos de quibus dicitur Job. 9. *Sub quo curuantur omnes qui portant orbem*, idest Angeli qui cælestes orbis gubernant et mouent.

Secundò, ratione solet hæc assertio ex Arist. probari: quia idem non potest agere in se ipsum, non potest idem mouere se ipsum, nisi ad summum distinguendo vnā partem quæ moueat et vnā quæ moueatur: omnes autem cæli partes sunt vniformes et eiūdem rationis: non potest ergo cælum per se ab intrinseco moueri. Verum, assumptum illud nimis debile est: Nam nec satis probatur: et potius constat oppositum: quia graue secundum totum se ipsum mouetur per se ab intrinseco per suam grauitatem, et similiter leue per leuitatem. Quod si pars mouens et mota, intelligatur potentia actiua et passiua, non deesse cælo vtraque potentia. Si etiam intelligatur forma et materia, iam cælum ex materia et forma constabat. Arist. verò, quatenus illi fundamento innixus est, non sufficienter et validè rem probauit, ut iam notauimus q. 14. sect. 5. ad 2.

Tertiò probat Pererius hac alia ratione: quia si dicatur cælum moueri à propria forma, nulla relinquitur efficax ratio naturalis ad probandum dari intelligentias & substantias separatas: id enim probatur ex eo, quia cum cæli moueantur, debeat dari causæ mouentes, quæ non possunt esse aliæ, quam Intelligentiæ separatae. Insuper tolleretur
via

Non bene probatur à quibusdam.

via ad probandam diuinam prouidentiam intellectualem: si enim absque superiori principio cognoscente & gubernante, cæli virtute propria naturaliter mouerentur, cum deinde mundus hic inferior per cælestia corpora gubernetur, non poterit probari dari prouidentiam intellectualem & supremam, à qua cuncta dependeant. Verum, hæc ipsa via inuolidam planè reddit talem probationem. Ponamus enim agendum esse contra quempiam negantem siue non agnoscentem Intelligentias superiores & prouidentiam diuinam: atque proteratur hoc argumentum, quia cæli debent moueri à quodam principio separato: illeque hoc neget, siue petat hoc sibi probari: nunquid ita probabitur, quia alioqui non relinquitur ratio ad probandum dari intelligentias separatas, & prouidentiam diuinam? Frustra ergo affertur hæc ratio pro attentione, sed alia potius afferenda sunt.

Efficaciter probatur à posteriori. Quartò ergo, alia ratione à potiori efficaciter probatur assertio: quia aliquando cessabit motus cæli, ut vidimus quæst. 3. 1. at si motus cæli proueniret ab intrinseco ex natura & forma cæli, esset illi prorsus naturalis ac necessarius, nō minùs quàm lapis in altum proiectus debet necessariò descendere: ergo cælum pro toto tempore sequenti post diem iudicii, nempe pro infinito tempore & pro tota æternitate, maneret in statu violento & contra suam naturam, utpote priuatum perfectione & operatione sibi connaturali & ab intrinseco necessaria: atque priuaretur per negationem diuini concursus alioqui naturaliter debiti ad talem operationem: quare ita se haberet cælum, sicut lapis relictus in aere ac destitutus diuino concursu ad descendendum. Sed sine dubio absurdum est dicere, cælum in tali

statu mansurum: quando potius in die iudicii erit in melius perficiendum. Potestque hæc ratio sic etiam à priori deduci. Poterat sine dubio Deus, tales ab initio cælos condere, qui non ex propria virtute intrinseca, sed ab externo motore agitari deberent: igitur cum constituturus erat, ut cæli non semper in perpetuum mouerentur, inò ut mouerentur solum ad tempus, & postea in æternum quiescerent, conuenientiùs debuit tales condere cælos: etià si alioqui fuissent possibiles alij cæli ex se ab intrinseco mobiles.

Quintò præcipue & à priori probatur: quia motus naturalis non exercetur nisi propter acquirendum terminum: in quo naturaliter mobile quiescere debeat: & in tantum corpus aliquod potest ex natura sua moueri localiter, in quantum naturaliter exigit locum quempiam sibi debitum in quo naturaliter acquiescat, & contingit inueniri extra talem locum, ideoque ad illum tendit; sic graue descendit deorsum, leue ascendit sursum. Sed motus cæli non est propter acquirendum vllum terminum aut locum connaturalem & debitum ipsi cælo, in quo cælum quiescere appetat: ergo non potest hic cæli motus naturaliter ab eius forma intrinseca prouenire.

Sextò confirmatur magis. Cælum secundum se totum, dum mouetur circulariter, semper manet in eodem loco, nunquam inuenitur extra locum suum naturalem ad quem tendere debeat. Et partes cæli, licet singulæ mutent locum, tamen unicuique parti non magis est naturalis locus ille ad quem tendit quam alius à quo recedit; sed postquam recessit ab hoc loco & accessit ad illum, statim recedit ab illo, & ad hunc redit; & sic semper in girum reuoluitur. Nunquam ergo, neque totum cælum, neque vlla pars eius,

*Probat
tur à
priori.*

acquirat locum & terminum in quo quiescere appetat. Igitur motus cæli non potest ei ab eius forma intrinseca conuenire.

Septimò ulterius. Si spectemus naturam ipsius cæli, nulla potest esse maior ratio, cur potius cælum moueatur ab hac parte versus illam, & non è contrà, vel versus polum aliamuè quamuis partem: cur primum mobile ab hoc ortu in hunc occatum, Planetæ verò ab occasu in ortum: cur primum mobile super illos polos, planetæ super alios. Item cur motus fiat in tâto vel tanto tempore: cur aliud cælum moueatur velocius aliud tardiùs. Non vtiquè potest omnis huiusmodi differentia determinari ex intrinseca natura & virtute cæli. Oportet ergo tateri, omne cælum moueri ab intelligentia assistente, quæ iuxta diuinû præscriptum mouet tali certa parte, & tanto certo tempore. Ridicula autem in hac re est cogitatio Sebastiani Bassoni, qui lib. 1. de Cælo, intentione 5. sic explicat, astra per se determinari specialiter ad illum motum quo ab æquinoctiali declinant ad Austrum vel Aquilonem. Supponit totum cælum esse ignem, & per astra velut per fontes apertos ad nos disfluere. Hinc fingit in Planetis duo orificia, vnum australe, & aliud boreale, quibus cõfluentem ex toto cælo ignem excipiant. Et per sex menses apertum esse orificium australe, & tunc per vim irumpentis ignis astrum declinare ad Aquilonem: per sex alios menses apertum esse orificium aquilonare, & tunc astrum impelli ad Austrum. Atquè, eas portas aperiri vel claudì impetu eiuſdem ignis, existente scilicet ad hunc effectum aliquo artificio facto intra cælestem machinam à Deo, sicut apud nos similia quædam videmus, in Horologijs alijsuè artificiosis operibus. Sic

philosophatur, meliùs dicemus fabulatur Bassonus. Ridenda potiùs res quàm refellenda.

Octauò. Hæ rationes, non solum *Non possunt* probant de tacto, sed etiam de possibili persuadent, non potuisse motum cæli ab eius forma intrinseca *causam motus* prouenire. Nam, si loquamur de *veri ab intrinseco* cælis qui nûc sunt; perspicuum erit, si de tacto non habent, nec potuisse habere principium intrinsecum sui motus: quia alioqui mutaretur eorum natura. Sed nec potuisse fieri alios cælos diuersæ rationis, habentes virtutem intrinsecam motiuam. suadetur ex dictis: quia non est possibile, corpus naturale habere virtutem, & inclinationem intrinsecam ad motum, nisi propter acquirendum terminum, qui in motu circulari nullatenus inuenitur: nec est possibile, mobile habere virtutem intrinsecam ad motum, & non determinare sibi certam rationem motus, quæ determinatio in motu circulari cælorum ab intrinseco inueniri non potest.

Ex hac doctrina sequitur planè, *An motus sit* motum ex parte principij actiui nō esse naturalem cælo, sed nec etiam *naturæ* esse violentum seu contra naturam, *lis cælo*. ac propriè esse indifferentem seu præter naturam: bene autem esse naturalem ex parte principij passivi scilicet materiæ, seu subiecti habentis aptitudinem ad motum. Ita notauit S. Thomas 3. cont. Gent. cap. 23. Et constat ex ijs quæ suo loco in communi tractauimus de natura. Sed addi adhuc potest, licet formæ cælesti cõsideratæ secundum suam entitatē, ut est peculiaris quædam species in se, motus non sit naturalis: tamen esse ei naturalem, idest proportionatum & cõuenientem, respiciendo ad bonum totius & ad regimen vniuersi; esse ei naturalem quatenus causæ habenti virtutem operandi in hæc inferior.

Nam

Nam requiritur motus in cælo ad applicationem virtutis eius per varias terræ plagas. Vnde, si ascensus quoque dicitur naturalis aquæ, quatenus respicientis bonum vniuersi; dum accurrit ad replendum vacuum: quânto magis motus aliqui indifferens cælo, dici debebit illi naturalis quatenus causæ quodammodo vniuersali rerum inferiorum, & quatenus parti præcipuæ huius vniuersi? Et iuxta hoc accipiendum est illud Diui Thomæ 3. p. q. 91. art. 3. & in 4. d. 48. in præsentī mundi statu naturalem esse cælo motum, in statu verò futuro immortalitatis naturalem fore quietem. Insuper ratione figuræ circularis, quæ vtiq; est proportionata cælo, & est aptissima ad motum circularem, motus dici poterit naturalis cælo. Et iuxta hoc intelligendum est, quod Arist. 1. Cæli tex. 15. & alij Philosophi interdum affirmant, motum circularem esse naturalem cælo.

*Plures
sunt In-
telligen-
tiæ cale-
stium cor-
porum
motri-
ces.*

Cæterum, cum statutum sit, cælum moueri à motore extrinseco, nempe Intelligentia assistente, Fracastorius lib. Homocent. sect. 1. cap. 7. refert, quosdam voluisse omnes cælōs ab vna tantum Intelligentia moueri, quæ sola efficere valeat tot varios motus, qui obseruantur in cælis. Attamen communis, & vera sententia est, tot distinctas esse Intelligentias cælorum motrices, quot sunt ipsa corpora cælestia varijs motibus agitata. Hoc enim est magis rebus consonum & verisimile. Imò non posset vnā sola Intelligentia creata esse realiter præsens infinito & summo cælo ut vtrumque immediate moueret. Igitur vnā quædam Intelligentia est, quæ iuxta communem sententiā mouet primum mobile, & cum illo rapit inferiores cælōs ab ortu in occasum: iuxta nostram verò sententiā mouet totum cælum, quod vnum esse supponi-

mus. Alia Intelligentia est, quæ mouet orbem, seu apud nos Zonam Saturni ab occasu in ortum, & sic alia Intelligentia circa alios Planetas. Rursus, vbi sit Epicyclus qui proprio motu voluatur, & sic etiam si sint plures epicycli ac plures orbēs, seu Zonæ pro vno Planeta habentes diuersos motus, totidem distinctæ Intelligentiæ illis assignandæ sunt. Ac tandem, si vnumquodq; astrum in se in proprio centro voluatur, pariter hunc motum in singulis astris tot alia Intelligentiæ exercent.

Specialiter circa primum mobile, Arist. 8. Phys. significauit, illud immediate & proximè à Deo ipso moueri, quem propterea vocauit primum motorem. Ex aduerso Abulensis in cap. 23. Exodi quæst. 50. arbitratus est, quòd Deus prorsus non potuisset immediate mouere cælum: quia non posset agere successiue per partes post partes, sed debet omnem suam operationem perficere in instanti. Hinc ait, hanc non esse impotentiam & imbecillitatem in Deo, sicut non est non posse mori, non posse mentiri.

Certum tamen esse debet, Deum potuisse quidem per se immediate mouere tam primum mobile, quàm omne aliud cælum. de facto tamen non mouere se solo immediate. Prima pars patet: quia nulla imperfectio esset, quòd Deus moueret aliquod corpus successiue per partes post partes. Secunda pars tuadetur: quia illa quæ possunt per causas secundas administrari, Deus solet ita disponere ut per illas exercentur: simul autem ipse Deus tãquam causa vniuersalis immediate concurrat. Sicut ergo ad mouendos inferiores orbēs, alias creatas intelligentias deputauit, ita etiam ad primum mobile. Aristotelem verò plerique explicant ex eo, quòd ipse in alio loco

*Et om-
nes sunt
creata.*

ait, nempe 12. metaph. tex. 36. ubi inquit, primum motorem mouere tanquam desiderabile, & intelligibile, idest tanquam finem: unde colligunt, aliam esse Intelligentiam; quæ effectiuè moueat primum cælum, operando tamen propter Deū tanquam finem amatum, & cognitum. Verū, satis clarè Arist. passim docuisse videtur, ita primum motorem mouere primum cælum, sicut aliæ intelligentiæ inferiores cælos. Eo autem loco metaph. solum voluit, quod sicut finis mouet non motus, ut ipse docere solet; ita primus motor mouet non motus. Et hoc idem affirmavit etiam de alijs Intelligentijs. Itaque non oportet in hac re de mente Arist. nos esse sollicitos: nam etiam putant, Deum operari necessariò, & alias quoque Intelligentias esse immutabiles & per se entia necessaria.

Cuius nam verò Hierarchiæ, & Ordinis sint Intelligentiæ cælorum motrices, satis definiri non potest. At D. Thom. 3. contra gent. cap. 8. & Opusc. 11. art. 3. rationabiliter docet, esse mediæ Hierarchiæ, medijsq; ordinis, quæ appellantur virtutes: & has significari in Evangelio, dum nominantur virtutes cælorum.

*Intelli-
gentia
omnis
realiter
assistit
cælo &
mouet.*

Debetq; vnaquæq; Intelligentiæ per realem præsentiam insidere suo orbi quem mouet. Et quia dici nō debet esse præsens toti cælo, assistere debet immediatè alicui certæ parti: ut docent S. Tho. 1. p. quæst. 52. art. 2. Bonau. in 2. dist. 2. par. 2. art. 2. q. 2. ad 2. Scq. eadem dist. quæst. 3. §. *Præterea tertio*, et alij æquenter. In qua verò parte assistat Intelligentia, verisimile est assistere parti mediæ inter polos, cuius partis motus velocissimus est. Et vel ipsa Intelligentia semper manet immota in quodam certo spatio v.g. in nostro Oriente, aut alio: in quo proinde successiuè fiat præ-

sens diuersis cæli partibus, quæ in gyrum ibi succedunt. Vel assistit semper certæ cuiuspiam parti cæli, atque adeò semper cum illa circumgyrat. Quamuis Arist. priori modo potius adhæreat, volens omnem Intelligentiam mouere immotam. Cætera quæ spectant ad virtutem Intelligentiarum et modum operationis earum, tractanda potius erunt circa ipsas Intelligentias suo loco.

Vnum consideratione dignū modò superest, quanta nam vis et virtus motiua requiratur ad mouendū cælum. Videtur enim per se sufficere valde modica: quia cælum non resistit motui: et intantum requiritur magna vis apud nos ad mouenda corpora, in quantum sua ponderositate resistunt. Propter hoc non dubitant aliqui admittere, quod posset paruus infans constitutus extra cælum, digito mouere cælum, & quod formica suo incessu moueret cælum. Sed certè non potest aliter credi, nisi quod valde magna virtus requiratur ad voluendum cælum. Et ratio reddenda est, si non ex resistantia grauitatis, tamen ex vastitate motus ipsius cæli. Et sic explicatur: quia ut quis moueat cælum, debet diffundere impetum, seu motum per totum ipsam cælum, cum ob continuitatem non possit moueri vna pars sine motu totius: requiritur ergo tanta virtus, quæ per se operari queat in totam illam distantiā, atque adeo debet esse valde magnæ & inter omnes causas creatas, non nisi Angeli habent tantam virtutem. Sic vniue parua candela non potest diffundere lumen nisi vsque ad modicum spatium, quamuis in reliquo nullam inueniat resistantiam, sed propter solam distantiam. Vnde, si diffusio luminis ita se haberet, quod non posset illuminari vna quædam pars conuexi, nisi illu-

illuminaretur totum, tunc illa candelâ nullam partem posset illuminare; sed requireretur agens tantæ virtutis, quod posset lumen diffundere in totum spatium illius subiecti continui.

SECTIO OCTAVA.

De quibusdam peculiaribus accidentibus quorundam corporum celestium: & primò de Maculis Lunæ.

PLeraque sanè possunt esse accidentia peculiaria variorum corporum celestium nobis occulta & ignota, de quibus loqui non possumus: sed quædam quæ in nostram notitiam veniunt, consideratione digna sunt: de quibus hoc ipsum discutiendum est: num verè sint ipsorum celestium corporum accidentia.

Macula Luna Conspicua in primis res est, quæ *est om- nibus nota.* observatur in Luna. Apparent in illa quædam partes velut obscuræ seu minus lucidæ reliquis, quæ proinde communiter appellantur maculæ Lunæ: vnde ipsa luna præfert quandam imaginem veluti faciei humanæ: propter quod Plutarchus Opusculum conscripsit de Facie in orbe Lunæ: & descriptum refert ab Agesinace Poeta: *In medio quadam species sed glauca puella conspicitur.* Albertus autem lib. 2. Cæli tract. 3. cap. 6. monstruosam quandam figuram in luna imaginatus est, ex Dracone arbore & homine compactam. Sed copiosè nuper de tota hac apparentia lunæ, & de omni figura eius scripsit Galilæus in suo Nuncio sydereo, prout non solum simplici intuitu, sed exquisito Telescopio observavit: & præsertim notat, etiam in parte lucidiori Lunæ extare, quamplures minores

maculas, & notabiles varietates partium. Ad explicandam verò huius maculæ rationem plures ac variæ sententiæ extant.

Primò dixerunt aliqui apud Plutarchum maculam Lunæ non esse verum quicquam in ipsa Luna, sed esse illusionem quandam nostri visus, vel esse interpositionem vaporum inter nostrum aspectum & Lunam. Attamen, tam constans & perpetua apparentia maculæ, omnibus hominibus, in omni terræ loco, & omni tempore manifestè demonstrat esse verum quid in ipsa Luna, aut saltem circa Lunam.

Secundò. Plinius lib. 2. Natural. histor. cap. 9. significavit, maculam Lunæ esse vapores quosdam terrestres, veluti sordes ab illa attractos eique adherentes: supponens Lunam ali & nutriri huiusmodi vaporibus, quos proinde ad se attrahat. Sed certè nec Luna nutritur: nec terreni vapores caelestes penetrant regiones: nec Lunæ alijsuè astris adherere possunt: nec caelestia corpora excipiunt terræ sordes. Ac præterea uniformitas illa maculæ planè convincit, non esse quicquam advenitum, quod mille modis passim variari deberet.

Tertiò. Agelinax apud Plutarchum dicebat, maculam Lunæ esse imaginem terræ & maris ex Luna velut ex speculo ad nos reflectentem. Idem nuper affirmat Andreas Cesalpinus lib. 3. qq. peripat. q. 3. Sed neque ex natura rei credibile est, imaginem terrestris globi reflecti ad nos è Luna. Neque hæc imago posset semper ad eundem uniformis apparere in quocumque loco existat Luna, cum alioqui terrestris globus tam varius sit in suo circuitu. Et præsertim nulla imago posset apparere, quando Luna pleno lumine fulget: quia cum tunc sit opposita soli, illa terræ medietas quæ ad Lunam

Non est illusio visus.

Non est terrestris vapor.

Non est imago terrestris globi.

nam obuersa est, obscura manet, Solis lumine destituta: & tamen tunc maximè conspicitur macula Lunæ. Nihil igitur ex terra est quod Lunam maculet, sed prorsus in cælo quaerendum est.

Non est umbra aliorum corporum. Quartò. Aliqui, ut refert Scaliger exercit. 62. ad Cardanum dixerunt, Maculam Lunæ esse veluti vmbra quorundam corporum mediantium inter Lunam & Solem à quo illuminatur Luna: quæ corpora possent poni in ipso cælo, quali partes quædam cæli minus peruiæ luci, & facientes vmbra. Sed manifestum est, Lunæ maculam eodem modo semper & vniuniformiter apparere, in quocunque cæli situ aut ligno sit, tam ipsa Luna quàm Sol: oporteret ergo, illa corpora aut partes semper circumferri simul cum ipsa Luna & Sole: vnde deberent esse in eodem cælo Lunæ vel Solis: præstabit ergo potius dicere, esse dispositionem quandam verè internā & propriam ipsi Lunæ. Aut cogitare quis posset, directè sub ipsa Luna in eodem suo cælo, esse partes quasdam obscuriores, quæ mediant inter nostrum aspectum & Lunam, & sic ostendant veluti maculas in Luna. Sed si hoc esset, deberet aliqua diuersitas aspectus fieri inter maculas & Lunam, ipsæq. maculæ respectu Lunæ haberet aliquam paralaxim, maximè comparando quando Luna est terris proxima & quando est remotissima. Statuendum ergo est, verè maculas esse in ipsa Luna.

Non est pars aerea Luna. Quintò. Aliqui apud eundem Plutarchum, dixerunt Lunam in se esse quandam ignis aerisq. mixturam, & ignem quidem esse lucidiorem, aerem verò subobscurum, & has partes aereas referre maculas. Verum ab initio iam ostensum est, corpora cælestia non constare ex huiusmodi elementis. Et præterea,

vel ignis Lunæ haberet lumen à se & sic deberet pars lucida Lunæ semper conspici independenter à Sole: vel debet etiam illuminari à Sole, & sic poterit æquè illuminari aer, ut tota Luna appareret æqualis.

Sextò. Celebrior est in hac re Pythagoreorum opinio, quam latius prosequitur ibi Plutarchus, Lunam esse aliam terram sicut nostram, ac similiter habere partes varias & inæquales, nempe altitudines montium, rupturas vallium, habere etiā aquas & maria; & per huiusmodi inæqualitates, varias suarum partium vmbra in se concipere, sicut in nostra terra secus montes & in vallibus fiunt vmbra, & has vmbra esse maculas Lunæ; siue in aquis & maribus Lunæ non tam vehementer recipi lucem, et ideo videri partes illas obscuriores tamquā maculas. Iuxta hoc constituebant etiam in Luna suos habitatores. Sic refert Chalcidius in Timeum Platonis pag. 46. *Iuxta Pythagoram, ita ut in terra, sic etiam in lunari globo, consistunt homines & etiam in cæteris errantibus stellis.* Et, ut refert Plutarchus, taciebant Lunæ habitatores multò maiores quàm huius terræ homines. Refertur etiam Orpheus ita dixisse: *Molitur esse aliam terram infinitam, quam lampadem immortales vocant, terram verò Lunam, que multos montes habet, multas vrbes, multas domos.* Accessit nuper ad hanc Lunæ constitutionem Galileus in suo Nuncio Sydereco, qui per tubum opticum longè subtiliùs rem omnem inspicxit. Distinguit in Luna partes lucidiores, et partes obscuriores quas simplici intuitu omnes cernimus, et ipse vocat maiores maculas: has esse ait veluti maria, partes verò lucidiores veluti terras. In his rursus partibus obseruauit plures varietates, et alias quas vocat minores ma-

Non est pars aerea vel aqua Luna.

culas : et has esse ait umbras montium et vallium. Confirmat præsertim : quia in accretione et decrectione Lunæ obseruauit illuminari successiue varias partes , veluti apud nos exoriente Sole incipiunt illuminari cacumina montium ac postea alia partes humiliores . Quia deinde in extrema Lunæ ora conspicitur Luna perfectè rotunda absque inæqualitate partium ; ait vel id prouenire ex pluribus coniunctis ordinibus montium : vel in exteriori parte Lunæ esse veluti aerem vndique æquabilem. Et in epist. 3. italica de Maculis Solis pag. 133. dubitat etiam de incolis Lunæ. Galilæo rursus per omnia accessit Keplerus in sua Dissertat. cum Nuncio sydereorum : atque fatetur , se prius putasse partes lucidiores in Luna esse veluti maria , obscuriores veluti terras ; sed ibi varijs coniecturis confirmat oppositum cum Galilæo .

Verùm hæc omnia , tanquam fabulosè potiùs & iocosè dicta accipienda sunt. Nil iucundius in fabulis Luciani, quàm de habitationibus & incolis ab illo repertis & peregrinationibus susceptis apud æthereas regiones Solis & Lunæ . Nil absurdius de cælestibus corporibus dici potest , quàm fingere ibi terras & maria & aerē. Fuissent hæc quidē in Poetis toleranda , sed Philosophis prorsus indigna . Neque diuersitas partium in Luna , & apparentia macularum , vllam huius rei coniecturam faciunt . Quandoquidem totum optimè saluari potest penes dispositionem accidentalem partium ipsius Lunæ , quæ sit adhuc substantialiter simplex corpus cæleste , sicut omnino censeri debet .

Non est aspectus Intelligentia in Luna . Septimò. Dantes Poeta in Canticò 2. Paradisi , cuius sententiam ad hunc rē assert Cremoninus in Apolog. de Facie in Orbe Lunæ (neque fortè ablonum erit, Poetas in Philo-

sophorum choro admittere, vbi Philosophi in Poetarum partem trāsire) asserit, diuersitatem lucis in Luna alijsquē cæli partibus , prouenire ex eo quod Intelligentia cælum animans, diuersimodè se per varias cæli partes ostendat , & per lucem suæ lætitiæ radios proferat , sed nec intelligentia est propriæ cæli animæ . Nec assistit immediatè toti cælo . Nec potest se per cæli partes ostendere . Nec lætitiā suā spectabilem facere per lucem .

Octauò iā Auerroes 2. Cæli com. 49. & alij Peripatetici communiter, maculas Lunæ referūt ad diuersitatem accidentalem partiū eius, penes raritatem & densitatem : quòd scilicet alia partes Lunæ sint rariores , alia densiores : & sic alia magis alia minus lucidæ . Auerroes significat, & Albertus in lib. de Quatuor Coeuis q. 4. art. 2. affirmat, partes maculosas seu minus lucidas esse partes densiores , & ideo minus aptas ut perfundantur lumine . Idem contendit Iulius Cæsar Lagalla lib. de Phænomenis in Orbe Lunæ c. 11. At ex aduerso , Riccardus in 2. d. 14. quæst. vlt. Aegid. lib. 2. Examination cap. 3 §. Conimb. 2. Cæli c. 7. q. 5. art. 2. Cremoninus in Apolog. de Facie in orbe Lunæ cap. 6. & alij magis communiter, volunt potiùs, partes maculosas esse partes rariores , & ideo minus aptas ut refundant lumen . Confirmat exemplo Albert. de Saxonia 2. Cæli q. 24. art. 2. Videmus in alabaistro quasdam partes clariores & candidiores , quasdam verò obscuriores & ad nigredinem vergentes illæquē sunt partes densiores , alia verò rariores , & aliquantum ad instar vitri transparentes .

Contra hunc dicen li modum opponit Dantes : quia cū stellæ cæli habeant tam diuersas influentias , non potest earum diuersitas saluari per

Dictur esse pars densior aut rarior Lunæ .

per solam differentiam raritatis, ac densitatis. Ac specialiter in Luna, si partes maculosæ essent partes rariores: vel essent ita raræ in tota profunditate Lunæ, & sic essent peruiæ radij Solis in Ecclipsi solaris: vel non in tota profunditate, & sic terminarentur parte densa, vnde deberent adhuc inde validè reflecti radij lucis, sicut apud nos ex speculo quod in parte posteriori sit oblitum plumbo. Conatur his satisfacere Cremonius c. 8. Sed res est facilis. Non debemus dicere differentiam stellarum esse per rarum & densum: sicut dicitur de partibus Lunæ: sed potius stellæ inter se differunt secundum substantiam & virtutes. In Luna autem non oportet ita validè reflecti radium lucis ex partibus maculosis licet ab alijs: quia benè potest ibi veluti obtundi seu debilitari radius lucis.

Sufficiet dicere, esse partem obscuriorē Luna.

Nonò tandem, in hac re concludendum putamus, maculas Lunæ re vera non esse aliud quàm partes minùs lucidas. Sed non per hoc oportet esse partes densiores aut rariores. Quinimò tota differentia saluari potest per opacitatem & diaphaneitatem siue per maiorem aut minorem aptitudinem ad recipiendum & refundendum lumen: quod totum optimè consistere potest cum æquali partium densitate: vt iam satis antea in superioribus ostensum est. Itaque partes maculosæ in Luna, vel sunt partes magis diaphanæ, & ita minùs aptæ ad reflectendum lumen. Vel magis opacæ ea opacitate quæ reddit corpus minùs aptum ad recipiendum in ipsa prima superficie lumen, vt apud nos minus lumine fulget lignum quàm aurum. Atque per hanc varietatem partium saluantur etiam optimè omnes nouæ obseruationes factæ per tubum opticum, & in specie illa Galilæi de successione &

& progressu in illuminatione Lunæ à Sole. Quare autem Deus Lunam condiderit cum hac partium varietate, & an reliqua astra similiter se habeant, nobis constare non potest. Laudatur tamen ratio Platonis: quia Luna est terris proxima, & ideo conuenienter facta est terre similior: vt inde dicatur quasi terra cælestis, cælum terrestre.

Vna verò superest difficultas; *Quo pacto* quia facies in orbe Lunæ semper *est semper* nobis eodem modo apparet, sub *per ap-* eadem figura & situ partium: ac si *pareat* Luna voluitur per Epicyclum, vt *eadem* Astronomi volunt, non semper *modo* eadem Lunæ medietas ad nos versa *macula* est, sed cum ipso epicyclo mutatur *Luna*. vt manifestum est. Hanc difficultatem statim superant illi qui ablata omni distinctione epicyclorum & orbium, faciunt cælum fluidum, & dicunt omne astrum per se solum moueri. Imò ex hac vniiformi apparentia Lunæ sumunt pro se argumentum. Sed debiliter sanè discurrunt: quia res non est adeo magna.

Ioannes Camillus Gloriosus lib. 4. de Cometis cap. 2. cum Baranzano respondet, Lunam in vtraque sua medietate, tam externa quàm interna in epicyclo, esse eodè prorsus modo maculis conspersam, cum eadem effigie & figura. Verùm Luna non solum per vnā & aliam integram medietatem dictam ad nos conueratur, sed per totum suū ambitum, atque adeo per infinitas medietates, eo scilicet pacto quo omni corpori tribuuntur infinitæ partes æquales communicantes. At nō potest Luna, in toto suo ambitu, per omnes infinitas medietates, esse eodem prorsus modo illis maculis figurata.

Meliùs Peripatetici ac etiā Astronomi, respondent ex hac vniiformi apparentia Lunæ colligi, Lunam ipsam per se in proprio centro re-

volui velut in oppositum ac voluitur suus epiciclus, & eodem tempore cum illo perficere suam reuolutionem: ut ita semper ad nos conuersam gerat eandem suam faciem non obstante motu epicicli. Præclare etiam Ioannes Antonius Maginus in suis Theoricis, ita theoricam Lunæ componit, quod aufert epiciclum, & addit duos alios orbes inæquales: ac melius saluat omnem Lunæ motum: semperquæ Luna secundum eandem faciem ad nos conuersa erit.

SECTIO NONA.

De Maculis Solis.

Macule in Sole deprehensa sunt.

Post recentem inuentionem & familiarem vsum tubi optici, etiam in Sole ipso apparentes maculæ deprehensæ sunt. Et non solum quidem conspiciuntur directè inspectando Solem in se mediante tubo (& ne nimia lux oculos lædat, adhibito alio vitro colorato ante oculos) sed facillimè & commodissimè à quolibet conspici & discerni possunt, dirigendo tubum in ipsum Solem per foramen alicuius fenestras, & sic per tubum excipiendo radium Solis intra aulam alijs partibus clausam & obscuram, excipiendo inquam in pariete, vel tabula, vel papyro, vel panno lineo albo: sic inquam in hac tabula exposita representabitur clarè ipse Sol cum suis maculis perspicuè apparètibus: inuerso tamen ordine, pars inquam Solis superior in inferiori parte tabulæ, & pars inferior in superiori; pars orientalis Solis in parte occidentali tabulæ, & pars occidentalis in orientali. Hanc impressionem Solis in tabula, maioris commoditatis gratia vocabimus imaginè Solis.

Harum macularum historiam &

narrationem cum plurimis earum delineationibus in Sole per dies varios obseruatis, primi in lucem prodiderunt, Venetus quidam, qui se sub nomine Protogenis occultauit, & Germanus quidam sub Apellis nomine latens, scribens ad Marcum Velsrum: deinde manifestè Galilæus in tribus epistolis de hac re italicè conscriptis ad eundem Velsrum. Sed & in antiquis monumentis aliqua huius rei mentio inuenitur. Refertur in Francorum historijs sub Carolo magno apparuisse valde notabilem in Sole maculam nigram per octo dies permanentem & omnibus conspicuam. Et multò antiquiori adhuc tempore Cleomedes lib. 2. de Mundo non longè ab initio, testatum reliquit, sæpè apparere circa Solem maculas nebulosas.

Hæ Solis maculæ non sunt sicut *Sunt variabiles, maculæ Lunæ, sed valde dissimiles, Apparent tanquam nebula quedam. irregulares, & mobiles.* Sunt admodum exiguæ in comparatione ad Solem. Non sunt fixæ & stabiles. Non sunt semper eadem. Non diù durant. Aliæ abeunt, aliæ adueniunt. Modò sunt plures, modò pauciores, modò vnica, modò nulla. Habent varias & irregulares figuras. Aliæ ad rotunditatem, aliæ ad longitudinem vergunt. Non retinent semper eandem figuram cum qua incipiunt. Mutant etiam magnitudinem & statum. Crescunt aut decrescunt. Videntur interdum congregari & conspissari, interdum distrahi & dissipari. Quandoque plures colliguntur in vnâ, quandoque vna soluitur in plures. Communiter surgere solent in vno latere Solis, ac deinde in alio latere diametraliter aduerso occidere. Sed interdum repente aliqua circa Solis medium emergit, aut ibi desinit. Habent conspiciuè quendam motum proprium sub Sole, præter motum ordinarium ipsius Solis: Excurrunt enim

enim à limbo orientali Solis ad limbum occidentalem pro eo spatio quo in Sole conspiciuntur: & hunc transitum perficiunt spatio circiter quatuordecim dierum: itaque singulis diebus aliquantum progressę sensibilibiter inueniuntur. Et in hoc motu eundem regularem tenorem seruare solent. Quæ autem semel se ostenderunt, suumq; cursum exegerunt, non amplius reuerti deprehensæ sunt.

Aduertendum quoque est, si diuersis eiusdem diei horis eędem maculæ obseruentur, inueniri veluti gyrare in imagine accepta Solis in tabula: ita vt quæ verbi gratia in ortu Solis apparebat in puncto superiori, postea in meridie inueniatur in puncto laterali, atque in occasu in puncto inferiori: & è conuerso, quæ in ortu apparuerat in puncto inferiori, in occasu inueniatur in puncto superiori. Et ratio huius mutationis est: quia illud Solis punctum quod in ortu erat velut infimum, idest Orizonti proximum, atque adeo vltimum in surgendo; postea in occasu est vtique supremum, dest ab Orizonte eleuatum, vnde & est vltimum in occidendo. Punctum autem infimum Solis, conuertitur in supremum in tabula: macula quæ in ortu Solis apparebat in superiori limbo imaginis, consequenter in occasu apparet in inferiori: & è cõuerso quæ mane in inferiori, vespere in superiori; atque adeo quæ macula mane erat superior in imagine, circa meridiem inuenitur ad latus veluti dexterum eiusdem imaginis; quæ verò mane erat inferior, circa meridiem inuenitur ad latus sinistrum: & sic hæ maculæ inspectæ in imagine, videntur veluti gyrare. Sed reuera hæc non est alia mutatio, nisi penes transitum ipsum diurnum Solis ab ortu in occasum. Hoc autem, eo magis confirmat omnimodam

vniformitatem aspectus absque vlla parallaxi inter maculas et Solem, obseruando in diuersis diei horis quando Sol est in Orizonte ac in Meridie, vt infra afferemus.

Excitarunt hæ Solis maculæ, vt par erat, Philosophos & Astronomos ad earum naturam & conditionem inquirendam & exponendam. Sed adhuc res tota satis obscura & perplexa remanet. Et præcipuè difficultatem affert: quia si hæ maculæ sint in Sole siue in cælo prout apparent, magnum præiudicium afferre videntur stabilitati & incorruptibilitati cælorum: cum passim de nouo gigni & breui spatio deleri videantur.

Cogitarunt primò statim aliqui, *Nō sunt* hanc esse meram illusionem oculo- *ludibria* rum, has maculas esse ludibria oculi, aut vitia vitri. Quoniam ex *visus* aspectu Solis nimio eius splendore *aut visus* facillimè perturbantur oculi, vt inde *tia visus* veluti nebulas in Sole sibi fingant. *iri.*

Facile etiam in vitro inueniuntur quædam obscuriores particulæ, quæ veluti maculas in Sole lucidissimo referant, aut per inflexionem & fractionem radiorum nobis illudant.

Sed esto in hanc cogitationem venire potuerint qui vix remota aliqua relatione harum macularum rumorem audierint: tamen nullus qui vel vna vice eas proprio aspectu intuitus sit, aut viros doctos fidequæ dignos de illis audierit, hanc de illis dubitationem in animum sibi passus erit inducere. Nam inspectando has maculas in tabula expolita Soli, in imagine illa dicta Solis, nullum laborem oculi patiuntur, vt inde sibi maculas fingant. Firmiter & constanter ipsæ maculæ in eodem situ & statu persistunt. Ostendunt ordinatè motum iam dictū inter plures dies, & mutationem illam inter plures horas eiusdem diei. Si plures simul ad eas contemplandas conueniunt,

niunt, omnes eodem modo illas inueniunt, et singuli inter se contestari possunt et commonstrare. Rursus eligatur politissima vitra, nullis obscuritatibus vitata. Et præsertim vnus et idem tubus voluatur in gyrum, semper adhuc in eodem situ imaginis macula permanet. Permutetur vnus, et alius tubus cum suis vitris, per omnes illos pariter eodẽ situ et statu eadẽ maculæ despicientur. Deinde, inspectando per tubum directè ipsum Solem, pariter eodem modo apparent eadẽ maculæ in eodem situ et statu: et si plures simul ad inspectandum concurrant, omnes idem videbunt: et adequatè sibi correspondēt maculæ cōspectæ directè in Sole, atque in tabula exposita Soli excipiente imaginem Solis, nisi quod in tabula conuerso ordine visuntur. Demum alijs quoq; modis maculæ conspici possunt, licet magis obscurè et confusè: nempe excipiendo radios Solis in speculo polito ac terso, et exinde reflectendo in parietem candidum: item excipiendo radios Solis per angustum quoddam fenestæ foramen vsq; ad competentem distantiam: his etiam modis in huiusmodi velut imagine Solis percipiuntur adhuc maculæ in eodem situ et statu sicut alijs prædictis modis. Clarissimè ergo constat, maculas has non esse ludibria visus aut vitia vitri: sed esse vera et realia obiecta quæ conspiciuntur à nobis.

*No sunt
elemen-
tares
vapores
sub calo.*

Secundò. Hoc supposito, cogitant alijs, tales maculas esse elementares quosdam vapores & halitus, ad superiorem regionem euectos, infra tamen cælum, & sub Sole diuersantes, præsertim attractos ab ipso Sole: & ita occupantes partes quoddam Solis ipsum quæ Solem veluti maculantes quoad nostrum aspectum. Et ita iam olim indicauit Cleomedes ubi supra dicens: *Qua*

sapè circa Solem apparent quasi macula nubilosa, infinitis penè radiorum myriadibus distantes, circa ipsum Solem esse videntur. Ratione inuadetur: quia aspectu ipso, maculæ illæ apparent tanquam nebulæ, sunt adeo variz & irregulares in sua figura, sunt adeo fluxiles & mutabiles: vt: prorsus secundum omnes apparentias antea dictas se habeant ad instar nubium & nebularum apud nos in aere pendentium. Diciturque poterunt vapores illi vsque ad supremum locum elementaris mundi & cæli confinia eleuari: & successiue alij & alij à Sole attrahi, ibique aliquandiu perdurare, ac tandem eiusdem Solis virtute dissolui. Et præsertim, si nos antea defendere curauimus, Cometas esse elementares halitus sub cælo pendentes, & nequaquam esse cælestia corpora: pariter de his maculis philosophari debemus.

Verum, satis compertum & exploratum videtur apparentias has, non infra cælum in elementari mundo consistere; sed verè in ipso cælo, & ad Solem proximè. Et hoc duplici ex capite. Primum est ab observationibus antea relatis. Nam adhuc in illa successione varietate & copia, maculæ illæ seruant talem regulam, & tenorem, vt incredibile efficiatur esse elementares halitus. Communiter enim durare solent singulæ spatio fermè quatuordecim dierum; & interim omnes exactissimè diurnum Solis motum per totum cæli circuitum consequuntur, exercent proprium illum regulatum motum quo dicto dierum spatio Solis diametrum ex vno in aliud latus pertranseunt. Quæ omnia cum tanta constantia & vni-formitate prorsus in elementares halitus sub cælo retentos cadere non possunt.

Secundum caput euidentius rem-
de-

Sed ve- demonstrans est, ex omnimoda
rè sunt identitate aspectus absque vlla sen-
impres- sibili parallaxi inter ipsas maculas &
siones Solem. Nam siue ex diuersis ac re-
caelestes. motis terræ locis: siue ex eodem

loco diuersis diei horis, semper in eodem situ & aspectu eadem maculae repertae sunt, nisi in quantum dicto motu proprio progrediuntur. Porro, in nulla alia re caelesti potest tam facile & commodè obseruari ac deprehendi omnis vniuersitas aut diuersitas aspectus: Cum enim hae maculae conspiciantur sub Sole, ipso solo & simplici oculorum intuitu absque vllis alijs astronomi- cis instrumentis haec res clarissime deprehenditur. Neque Scriptoribus in hac re opus est operosiùs laborare, sicut Astronomis consue- tum est in aliorum astrorum vni- formitate, vel difformitate aspectus dimetienda: quando quilibet ex se hanc perpetuam vniuersitatem macularum cum Sole potest oculis in- tueri. Et sic cuilibet obuium erit videre eandem maculam quam mane conspexit, conspiciere etiam in meridie, & vesperi cum eadem vni- formitate aspectus sine vlla paralla- xi: & hoc semper, & quotidie in omni macula nouiter emergente ac pro suo tempore durante. Nec du- bitare poterit eandem singularem esse maculam quae omnibus diei ho- ris conspiciatur: tam exactè omnis macula suum aspectum & situm ser- uat: et saepe quaedam maculae sunt notabilibus quibusdam figuris insi- gnite, saepe plures simul maculae cer- to quodam ordine et situ dispositae sunt: ac eodè modo toties quoties ob- seruabuntur in die, eundem aspec- tum habere inuenientur. Poterit etiam quisquis se certiore de hac re facere velit, à primo ortu Solis dirigere tubum in Solem, et inspe- ctare maculas in imagine, et nun- quam inde digrediens conuertere

subinde tubum iuxta diurnum Solis cursum, et sic per totam diem inue- niet eandem semper maculam eun- dem cum Sole aspectum inuariabili- ter retinere. At verò, si maculae es- sent, non dicam sub caelo, sed in ipso caelo Lunae, valde notoriam et conspicuam parallaxim subirent, ita ut à mane ad meridiem deberent penitus è Sole subtrahi. Nam Luna ipsa ratione parallaxis diuersificat aspectum circa vnum gradum, Solis verò diameter continet medietatem vnius gradus, nempe triginta mi- nuta.

Tertiò. Supposito iam quòd hae *Nò sunt* maculae verè sint in caelo Soli pro- *elemen-* ximae, dixerunt adhuc aliqui esse *tares* elementares vapores, ad illum vsque *vapores* locum circa Solem eiusdem Solis *in caelo.* virtute proectos et attractos, ibi- què eas mutationes subire iuxta ob- seruationes factas: sicut etiam de Cometis sentiebant, esse terrestres halitus in caelestem regionem intru- sos. Verùm, hi errant faciendo cae- lum fluidum ut aditum praebeat alienis his corporibus: et magis adhuc errant, eleuando terrestres vapores intra regionem caelestem: hi enim etto ad summum ascendere possint in supremum elementaris mundi re- gionem, prorsus non poterunt ir- rumpere còfinia caeli. Patitur etiam haec assertio alias difficultates ex mo- tu apparenti macularum, quas con- tra sequentem dicendi modum asse- remus.

Quartò. Galilaeus in suis episto- *Nò sunt* lis hac de re scriptis, suspicatus est, *caelestes* tales maculas esse realiter velut va- *ipsum* pores quosdam, non tamen elemen- *Solis va-* tares, sed caelestes, imò ex ipso So- *pores.* lis corpore e ductos: sicut apud nos nubes & nebulae ex terrestri globo euaporant. Saluat illum eorum mo- tum quo per quatuordecim dies So- lis diametrum videntur excurrere, dicendo Solem ipsum in se circũ- suum

suum centrum proprio quodam motu reuolui, & vnain reuolutionem perficere spacio circiter vnus mensis, & ita secum eodem tempore illos halitus pariter circumducere, qui proinde dum sunt in inferiori Solis medietate, conspiciuntur à nobis spacio illorum dierum; in superiori autem Solis medietate nostrum visum effugiunt. Pro hac re facit quod Keplerus in Epitome Astronom. pag. 56. & Gloriosus lib. 5. de Cometis cap. 1. confirmant, huiusmodi fumosos halitus ex ipso Solis corpore expirare, & circa illum diuersari: quia interdum non solum per partes, sed totus Sol visus est obfuscat: vt anno quo fuit occisus Iulius Cæsar, ferè toto; ac tempore Iustiniani Imperatoris per maiorem vnus anni partem; & anno Domini 790. per dies decem & septem; & anno 1547. per quatuor dies: ita vt interdum etiam stellæ visæ sint. De his autem omnibus censent ij Auctores esse solares halitus ex ipso Sole eductos, & circa Solem commorantes donec discutiantur.

Hoc totum tamen non est credibile. Tum quia nulla via apparet qua ex Solis corpore ulli halitus expirare queant. Apud nos enim exhalant terrestres fumi, quia caloris virtute rarefciunt & leuitant, sicque in altum tendunt: sed nihil tale potest circa cælestia sydera cogitari. Tum quia tales halitus è Sole educti deberent adhuc esse lucidi vt ipse Sol, siquidem essent de eadem substantia Solis, & Sol est per naturam suam ita lucidus: igitur nullatenus possent obtegere & obumbrare Solem. Tum præterea, ad hanc rem oportet cælum facere fluidum, & corpora cælestia solubilia ac transmutabilia: Sol conuerteretur in fumum, fumi solares in æther: & rursus ad refarcienda damna Solis, ne tandem totus in fumum abiret, de-

beret æther conuerteri in Solem: sed hæc de cælestibus corporibus cogitari non possunt. Tum vltius si maculæ essent halitus circumfusi Soli, non possent cum illo reuolui. Supponit enim ipse Galilæus totum cælum esse fluidum ad instar aeris, & astra per se in illo excurrere sicut aues in aere: quo sanè modo Sol sicut & alia astra non secum trahit cælum, sed per illud transit: ergo Sol motu diurno non secum duceret illos halitus, sed circumquaque funderet & relinqueret. Nec etiam Sol per volutionem in seipso secum rotaret suos vapores, qui vtiq; non illi adhærerent veluti visco agglutinati, sed ad summum illi circumstarent, & aliquantum quoque ab illo distarent, sicut vapores qui ex terrestri globo exhalant. Tum demum, facilè fieret, vt tales halitus longius aliquantum à Sole digressi extra illum apparerent. Et præsertim deberent etiam ex alijs astris cælestibus similes halitus expirare, & maximè ex Luna quam Galilæus fecit veluti terræ & maris aerisque mixturam: vnde deberent multò magis abundare sub Luna. Sic ipse Galilæus, inter alia arguit, quòd si Solis maculæ essent elementares halitus, deberent quoque extra Solem conspici, & sub alijs cæli partibus, ac præsertim sub splendenti Luna. Sed tamen hæc magis sequuntur, si illi halitus inter sydera admittantur in cælis.

Cæterum, maiores illæ obfuscationes Solis, referri debent ad magnam copiam terrestrium halituum sub cælo eo tempore sparsam: nec quenquam inducere debent ad credendum fuisse cælestes Solis fumos ipsi Soli proximos.

Quintò deinde cogitarunt aliqui, *Nō sunt quomodo facerēt tales maculas corpora quædam firma & perpetua in cælo, quæ sub Sole transcurrerent,* *Nem-* *orbium.*

Nisi ergo dicantur varij epicicli, irregulares prorsus, inconstantes, & fortuitos motus peragere, talis apparentia saluari non potest. At hæc irregularitas longè abest à cælestibus corporibus & motibus. Et in specie compertum est, maculas omnes regulatos & constantes peragere motus. Tum deinde, vel maculæ dicentur reuolui valde proximè circa Solem, vel aliquantum remotè. Si primum: deberent eadem maculæ quæ semel transeunt, cito reuerti, sequè iterum & iterum nobis ostendere. Si secundum: adhuc deberent eadem maculæ saltem post aliquod maius spatium redire: & præterea elongarentur magis à Sole, vnde deberent nobis extra Solem apparere, sicut apparet Mercurius dum per aliquot gradus remouetur à Sole. Probat etiam Protogenes, maculas illas non esse stellas, tum ex irregulari & inordinata earum figura, tum ex maxima earum variatione & inconstantia.

Videtur esse & moueri in ipso Sole.

Tandem ergo fateri oportebit, tales maculas verè & realiter esse in ipso Sole. Atq; Solem ipsum in se circa proprium centrum peculiarem peragere motum, quo in inferiori suo emispherio defert maculas ab oriente versus occidentem spatio quatuordecim dierum. Quod vltius confirmari potest: quia cum per eundem tubum, & in eadem imagine Solis excepta in tabula, inspiciatur vehemēs scintillatio & velut ebullitio Solis in toto circuitu; hæc eodem prorsus modo inuenitur in omnibus maculis per totum Solis medium dispersis. Hæ ergo maculæ sunt realiter in ipso Sole, & ideo simul cum ipso agitantur ac dimouentur.

At verò, hæ maculæ non possunt constitui in Sole tanquam firmæ & perpetuæ affectiones eius: quia vt iam antea narrauimus, non inue-

niuntur eadem sæpiùs reuerti, sed semper variæ ac diuersæ sunt quæ sibi succedunt, vt ex earum figura & alijs circumstantijs cognoscitur: et eodem ipso tempore quo sub Sole visuntur transcurrere, sensibilibiter in figura et alijs conditionibus variari noscuntur. Omnino ergo hæ maculæ de nouo in Sole formantur, et aliquantum durant, ac deinde euanescent, et aliæ rursus de nouo succedunt.

Quomodo autem hoc fiat, et quæ tandem sit tota harum macularum ratio, duo modi occurrunt, qui sine præiudicio substantialis incolumitatis cælestium corporum cogitari possunt. Primus est, si dicatur Sol non esse corpus quoddam solidum, sed potius fluidum, in suo loco tanquam in vase cõtentum, et in se ipso agitari instar metalli feruentis: atque in illo inueniri partes quasdam opacas & obscuras, quæ subinde ad externam Solis faciem deducantur, & rursus postea reducuntur, atque cum variatione figuræ & aliarum conditionum redire soleant. Sic benè saluari possent omnes earum apparentiæ antea relatæ: & benè posset exerceri dictus motus Solis in se ipso, vel quòd per se absolute ipse Sol in proprio loco Intelligentiæ motricis virtute voluatur, vel quòd intra quendam veluti epiciclum inclusus, per reuolutionem ipsius epicicli cõuertatur in gyrum circa proprium centrum.

Secundus modus erit, si dicatur, verè de nouo virtute causarum cælestium, produci opacitatem quandam, lucis impeditiuam, in aliqua particula Solis, & hanc aliquamdiu durare, ac postea deleri, & sic successuè per tempora renouari, atque contingere cum tota illa varietate & variatione quæ in his maculis obseruata est, & Solem in se ipso cum ijs maculis gyrare iuxta omnem ap-

Vel sunt partes opacæ ipsius Solis.

Vel opacitates in partibus Solis.

parentem illarum motum. Ita hoc totum fieret per solam accidentalem mutationem, salva tota substantia Solis. Neque enim hæc accidentalis variatio arguere debet substantialem innouationem: sed sicut, fit in cælis mutatio lucis & obscuritatis absque variatione substantiæ, ita intelligi potest hæc mutatio opacitatis. Et neque etiam fieri deberet per variationem & addensationem quantitatis, sed satis erit quædam immutatio in qualitate, ut colligitur ex dictis sect. 2. Quod si demum, neque hi modi satisfaciant, nihil aliud supererit, quam fateri rem esse ignotam, donec aliquid melius innotescat.

SECTIO DECIMA.

*De Albedine qua per gyrum celi
conspicitur & via lactea
nuncupatur.*

*Via lactea
describitur.*

Apparet inter stellas fixas, albicans quædam via cunctis facillimè conspicua, quæ hinc à candore dicta est lactea, græcè Galaxia. Cingit totum cælum: progreditur prope polos, & transit per æquinoctialem, & per Zodiacum in signis Gemini & Sagittarij: Appellatur ab Arist. circulus, eo quod in gyrum cæli extenditur: sed quia habet notabilem latitudinem, appellatur Via, & à Ptolemæo appellatur Zona: sicut pariter Zodiacus appellatur circulus, via, & Zona. Non est æqualis & regulata, sed varijs modis obliquatur & frangitur, & in aliquo loco scinditur ac duplicatur. At undat ubique stellis, quæ plures ac frequentiores in hac via quam in alijs cæli partibus emicant: pluresque sunt cælestes stellarum imagines quæ in illa quiescunt. Et si sic loqui liceat, in illa via Cassiopeia sedet, Cy-

gnus canit, Aquila volat, Scorpio pungit, Sagittarius ferit, Ophiucus cum serpente luctatur, Ara fumat, Centaurus ambulat, Nauis portum tenet, Canis ardet, Gemini ludunt, Auriga currit, Perseus fugit cum capite Medusæ. Est constantissima semper & inuariata, nullam vnquam mutationem passa: & omni sæculo semper eadem conspecta est in omnibus & singulis suis partibus: nisi quod Tycho Brahe suspicatus est, quandam eius partem defecisse in transitu per Cassiopeiam ubi noua illa stella apparuit, sed in hoc sine dubio hallucinatus est, aliorum quoque Astronomorum iudicio, fortasse nimio desiderio comprobandi stellam illam fuisse ex cælesti materia apud ipsum fluida efformatam: Mouetur demum tota, eodem prorsus motu cum omnibus stellis fixis & toto ipso cælo stellato.

Occasionem præbuit hæc lactea via Poetis varias fingendi fabulas circa eius rationem, prout omnes stellas suo more ad fabulas reduxerunt. Sed ijs spretis, philosophicè inquirendum est, quid sit hæc lactea via. De qua meritò hoc loco agimus. Arist. enim, quia voluit esse elementarem quandam impressionem, inter res meteorologicas de illa peregit. Nos ergo qui volumus esse verè cælestem, hic inter res cælestes in illa pergitur: & quia quoad apparentiam est albedo quædam, atque adeo accidentalis quædam dispositio cæli, nunc inter accidentia examinamus.

Tres antiquiorum Philosophorum opiniones refert Aristot. lib. 1. Meteorol. sum. 2. cap. 5. Prima fuit Pythagoreorum, qui dixerunt, lacteam viam esse exustionem quandam factam in cælo alicuius syderis delapsi secundum Phœtonis lationem: ubi illi Philosophi accepisse videntur Phœtonem pro quodam sydere quod

*Tres
Veterum
de illa
sententia.*

quod ea via per totum calum excurrerit. Vel exustionem illam factam fuisse incessu eiusdem Solis, qui aliquando peream viam delatus sit. Secunda opinio fuit Anaxagoreorum & Democriteorum, qui dixerunt, lacteam viam esse lumen ingentum quorundam astrorum, quæ propter vmbra terræ non aspiciantur à Sole, & ideo non valido lumine luceant, sed per se debile lumen possideant. Tertia opinio fuit aliorum qui dixerunt, lacteam viam esse refractionem nostri visus ad Solem, siue esse apparentiam quandam & imaginem Solis in illa cæli Zona tanquam in speculo.

Cum
Arist.
refellun-
tur.

Hæ opiniones proximè ad fabulas accedunt. Meritò ab Arist. refelluntur. Et euidenter falsæ sunt. Prima: quia nec vllum astrum per eam viam delaptum est. Nec Sol per eam viam incessit: neque fecisset eam exustionem & reliquisset eam albedinem: sicut de facto Zodiacus per quem Sol et omnes Planetæ incedunt, non est exustus, et non albicat. Secunda: quia nec tantum cæli spatium totq; stellæ possunt obumbrari à terra, imò nullatenus vmbra terræ peruenit ad illas stellas: nec semper eadem cæli via eademque stellæ incideret in vmbra terræ, cum Sol assidue moueatur. Tertia demum: quia neque lumen Solis potest ex ipso cælo refrangi seu reflecti: neque semper ex eadem parte reflecteretur, cum obiectum quod mouetur non semper ex eadem parte speculi appareat.

Arist.
voluit,
esse im-
pressionē
signatam
in aere.

Ipse Arist. cap. 6. docet, circulum lacteum esse magnam congeriem terrestrium haluum sub ea parte cæli in suprema aeris regione, qui virtute syderum ibi frequentiorum & splendidiorum semper attrahantur & congregentur: ibique accensi syderum & cæli motu, eo modo col-

lucere & albescere conspiciantur. Sicut pariter docuerat, cometam esse halum terrestrem & in sublimi accensum, & ita significat, lacteum circulum esse perpetuum quendam ingentemq; cometam. Et præcipue, sicut quandoq; cometa fit, per aggregationem comæ alicui ex caelestibus astris, quæ coma verè tunc fit in aere, sed nobis apparet velut annexa alicui astro; & interdum etiam circa Solem & Lunam fit veluti corona quædam & area luminosa: ita lacteum circulum esse veluti ingentem comam & aream annexam per totum illum cæli tractum tot syderibus ibi existentibus. Aristotelis sententiam amplexus est Damascenus in Phytica cap. 14. conatiq; sunt aliqui veteres Interpretes defendere & explicare, præsertim Alexand. & Auerroes. Et Alexander quidem intelligit, lacteum circulum absolute esse de genere cometarum. Et ita sanè videtur de mète Arist. in textu: Auerroes illum impugnat. Et asserit, potius esse reflexionem quandam luminis stellarum, factam in sublimi parte aeris, siue in halitibus copiosis ibi congregatis sub eo tractu cæli: dicens, ideo esse magis de mente Arist. iuxta traductionem, textus quæ ad ipsum peruenerat. Sed tandem ipse Auerr. videtur prorsus viam lacteam in cælo ipso simpliciter constituere. Rursus Aristotelis sententiam, iam ab alijs Peripateticis derelictam, nuper explicandam ac defendendam assumpserunt, Antonius Polus in Digress. de Circulo Lacteo, Cæsar Cremoninus in Apologia de Via Lactea. Sed frustra rem planè impossibilem tentant. Franciscus etiā Piccolomineus in lib. Meteor. cap. 9. duplicem viam lacteam de mente Arist. distinguit, vnā ætheræ & caelestem, alteram acream & elementarē. Sed vna sanè est via lactea quæ apparet, vel caelestis, vel aerea.

*Sed vere & simpli-
siter est
cælestis.* Alij ergo Philosophi, licet alio-
qui Peripateticę doctrinæ addicti, &
Astronomi omnes, asserunt & con-
firmant, totam viam lacteam vere
& simpliciter esse in cælo, esse di-
spositionem quandam cælestem eo
modo nobis apparentem: essequē
in eodem supremo situ cum stellis
fixis, esse in ipso firmamento stel-
larum non errantium. Aliqui au-
tem, studentes Aristotelem expo-
nere vel excusare, suspicatur, textum
fuisse corruptum. Sed non oportet
de hoc nimis angi. Omnino ergo
sentiendum & asserendum est, viam
lacteam nequaquam esse meteorolo-
gicam impressionem in aere, sed
esse prorsus habitudinem quandam
cælestem ipsi summo cælo impres-
sam. Idquē perspicuis rationibus
demonstratur.

**Prima
ratio.**

Primò. Non potest tanta copia
terrestrium halituum abundare ad
constituendam in sublimi aere viam
tàm latam, atque adeo pariter pro-
fundam, per totum cæli ambitum:
& insuper ad perpetuò conseruan-
dam & noua semper materia nu-
triciendam talem accensionem sicut
ponitur. Difficilè plurimis visum
est, tantos halitus interdum è terra
suppetere, ad efformandum come-
tam alioqui quoad apparentiam &
in comparatione ad totam viam la-
cteam tàm paruum, ac per paucos
dies conseruandum: quomodo er-
go id credi poterit de tàm vasta
mole orbis lactei?

**Secunda
ratio.**

Secundò. Non posset hæc hali-
tuum terrestrium congeries præcisè
ac semper sub eo cæli tractu consi-
stere; quare enim ad eam potiùs
partem terrestres halitus semper
ascendant, quare ibi potiùs immo-
rentur, & non per totum cæli ambi-
tum euagare reperiantur? Cometę
quidem qui ex huiusmodi halitibus
efformantur, non utique semper in
vna certa cæli parte, sed semper in

varijs enascuntur. Adfunt, inquit,
in illo cæli tractu frequentiores &
maiores stellę, quę subiectos hali-
tus attrahunt. At quænam tanta dif-
ferentia & excessus inter illam &
alias cæli plagas, vt sub illa tanta
halituum copia, sub alijs nulla talis
congregetur? Deberet potiùs sub
toto cælo lac illud spargi, sed in illo
tractu abundantius. Rursus in toto
illo itinere occurrunt aliquę partes
quę nō ita abundant stellis, vt alia;
& è conuerso non defunt alie cæli
partes quę non minùs abundant
stellis, vt oculis ipsis cernitur: at
adhuc sub illis, & non sub his, cæ-
lum albescit.

Tertiò. Inueniuntur etiam in *Tertia
ratio.*
reliquo cælo pauca quædam veluti
nebulę aut maculę albę, semper fi-
xę in certis locis, quę ab Astrono-
mis inter stellas recensentur, & ap-
pellantur stellę nebulosę: & nuper
ab ijs qui æquatorem prætergressi
sunt, annunciatę nobis fuere quę-
dam veluti nubeculę albę perpetuò
circa polum antarcticum persisten-
tes. Nulla certè stellarum vis face-
re poterat, vt hæc veluti lactis guttę
tàm constanter firmę & fixę, in æ-
re tam fluido, sub certis illis cæli
partibus, permanerent. Debuissent
etiam quandoque in tanta varietate
cæli, per vim aliarum stellarum, sub
aliqua alia parte, de nouo similes
apparentiæ gigni. Quis ergo non
videat, omnino cælum ipsum esse,
quod in certis suis partibus tali mo-
do albescit?

Quartò. Non posset via lactea *Quarta
ratio.*
in eadem semper forma & disposi-
tione perpetuò conseruari, præser-
tim in tanta eius inæquabilitate. Si
in aere terrestribus halitibus alere-
tur, deberet in dies aliquantum sal-
tem secundum partes mutare figu-
ram & situm, & vel augeri vel mi-
nui, in aliqua parte extendi, in ali-
qua restringi, in aliqua inflecti, &
in-

innumeras huiusmodi mutationes pati: Deberet ferè res ita se habere in illis terrestribus halitibus quæ lactem referunt; sicut quotidie videmus in aqueis corporibus, nempe nubibus, quæ aquam afferunt. Præsertim, quomodo non per tam varium Planetarum motum intra tropicos, & præcipuè per accessum & recessum Solis, per vicissitudinem æstatis, & hyemis in qualibet terræ regione, non magna mutatio fieret in illis halitibus, vel eos propellendo vel attrahendo, augendo vel minuendo, confundendo, vel dissipando?

*Quinta
ratio.*

Quintò. Non possent prorsus ij halitus tam exactè quotidie sequi diurnum motum cæli, perficiendo exquisitè totam revolutionem diurnam absque vlla retardatione vel recessu. Certissimum est, aerem ob sui fluiditatem non rapi à cælo pari velocitate: & ita esse non possunt halitus diuersantes in aere: & maxime dum ponuntur in summo quidem aeris, sed infra elementū ignis iuxta doctrinam peripateticam. Nā sic remanent infra cælum per plusquam triginta terræ semidiametros, & supra terram minùs quàm centū milliarijs, nimirum iuxta molem & altitudinem quæ attibui solet his elementis. Sic inquam valdè notabiliter deberent quotidie ij halitus à cæli velocitate deficere, & viderentur semper veluti recedere versus orientem. Et idem sequitur si hi halitus in quavis maiori altitudine sub cælo collocentur.

*Sexta
ratio.*

Sextò. Possunt hæc omnia confirmari exemplo Cometarum de quorum genere dicitur circulus lacteus. Cometæ qui ex incensione terrestrium halituum efformantur, rarò fiunt, parùm durant, ab vno in alium diem passim variari conspiciuntur, valde deficiunt à motu cæli. Et præterea Arist. docuit, Cometas

non gigni intra tropicos ob nimiam ibi rapiditatem cæli & calorem Solis: attamen circulus lacteus ita extenditur inter tropicos, sicut in alijs partibus. Insuper aspectus ipse candoris constituentis circulum lacteum, valde utique differens ab omni cometa omnibusq; alijs meteoris ignitis, satis demonstrat diuersitatem generis. Atque similitudo cum alijs cæli partibus, præsertim cum stellis dictis nebulosis, & cum illa parte, Lunæ quæ tenui lumine fulget & albicat dum non directè illustratur à Sole, ostendit circulum lacteum esse verè cælestem.

Septimò. Si via lactea terrestribus halitibus fumisque consisteret, deberet saltem aliquantū obflescere stellas quibus supponitur. Nam, quantumvis dicantur halitus illi tenuēs, utique non sunt sicut purus aer, quia sic non viderentur plus quàm aer: sed omnino quantum se ipsos videndos offerunt, tantum deberent subtrahere ab aspectu alia obiecta quibus obtenduntur: & stellæ in via lactea, non minus claræ & fulgidæ emicant, imò potius aliquæ sunt fulgentiores quam in alijs cæli partibus: ergo nequaquam interponuntur halitus illi fumosi qui viam lacteam dicantur constituere. Item, quando Luna & alij Planetæ, ac etiam ipse Sol transeunt per Gemini & Sagittarium deberent quoque aliquantum obtenebrari: attamen, non minus in illis quàm in alijs Zodiaci signis Sol & omnes Planetæ splendent. Insuper quando Sol est in Gemini, deberet pars viæ lacteæ in Sagittario aliquantū obscurari, quia tunc ob interpolationem terræ non perungunt radij solares ad illam partem sicut ad alias: ac sine dubio radij solares pro nocturno tempore multum valere deberent ad illustrandam illam materiam: & sicut dicitur illustrari ab alijs stellis

*Septima
ratio.*

*Octava
ratio.*

multò magis deberet à Sole.

Octavo tandem. Validissima huius rei demonstratio est, perpetua & constantissima uniformitas aspectus totius viæ lacteæ & singularum partium eius cum quibuscumque stellis fixis, absque vlla penitus diversitate & parallaxi, siue res consideretur, & obseruetur ex eodem terræ loco diversis horis, siue ex quibusvis dispersis terræ locis eadem hora. Atque hæc quidē uniformitas aspectus, apud omnes exploratissima est. Evidenter autem demonstrat altitudinem viæ lacteæ in summo cælo. Nam ubicumque esset sub cælo, sensibilem prorsus parallaxim subiret, quæ facillimè vel simplici ipso visu discerneretur, considerando stellam aliquam quæ in extrema ora viæ lacteæ invenitur: supposita iam uniformitate motus & perpetua constantia totius viæ lacteæ in suo loco. Et insuper, si via lactea esset adeo inferior cælo sub elemento ignis, ingentē prorsus aspectus diversitatē redderet. Ac demum hæc ratio, simul cum perpetua uniformitate motus huius viæ cum stellis fixis, demonstrat, illam non esse in aliquo Planetarum cælo, & multò minus in aliquo peculiari cælo sub ipsis Planetis. Quæ in re graviter lapsus est Cornelius Gemma, alioqui satis in rebus cælestibus peritus, qui lib. 1. de Divinis Nat. characterism. cap. 6. suspicatus est, lacteum circum situm esse in quodam atereo orbe sub cælo Lunæ. Sed omnino lactea via transcendit omnes Planetas, & est in eodem cælo stellarum fixarum.

Conatus est quidem Cremoninus ad pieraque ex his respondere. Sed non potest satisfacere. Et vrgentia argumenta facta, planè convincunt, totam viam lacteam esse, prorsus in cælo. Et eo magis in hoc prorsus acquiescendum est, quod

nullam prorsus difficultatem hæc res affert doctrinæ peripateticæ & hactenus approbatæ de immutabilitate & soliditate alijus affectionibus corporum cælestium.

Iam ad explicandum ac determinandū, quidnam sit, hæc via lactea in cælo, communiter & rectè dici consuevit, esse maiorem quandam lucem, siue reflexionem lucis ad nostrum aspectum, in eo cæli tractu, quàm in alijs partibus, & ideo eo modo albicantem. Duplici autem ratione posse ibi esse maiorem, illam apparentiam lucis: vel quod tractus ille cæli sit aliquanto denior, & ita opacior (sufficiet dicere opacior, quamvis cum æquali densitate iuxta alia superius dicta) & ideo validius ad nos lucem reflectat, maioremque sui aspectum præbeat: sitque veluti medium quid inter astra quæ sunt adeo fulgida, & alias partes cæli adeo diaphanas, & ita eo modo appareat. Vel quod tractus ille cæli sit confertus minutioribus, & frequentioribus stellis, quæ singulæ quidem per se non discernantur ob suam parvitatem, sed omnes simul congregatæ, & cumulatæ, cum aspectum nobis referant; quoniam adhuc non valent tam vehementer nobis representari sicut ipsa astra, per se fulgida ac spectabilia, sed solum sub ea albedinis apparentia se nostro aspectui offerant.

Hæc fuit iam vetus sententia. Habetur apud Ptolemeum lib. 8. Almagesti cap. 2. Inò & hoc voluisse videtur Parmenides apud Plutarchum lib. 3. de Placitis cap. 1. dicens viam lacteam constare ex densa & rari mixtione: quia scilicet cælum ibi participet ex densitate seu opacitate aëthrorum, & raritate seu diaphanitate totius cæli iuxta primum modum relatū. Item Democritus apud eundem Plutarchum, dicens, candorem illum cæli esse splendoris collecti.

Via lactea est candor lucis, vel ex dispositione partium cæli, vel ex aggregatione stellarum.

lectionem & densationem à multis parvis & continentibus stellis iuxta secundum scilicet dicendi modum.

Potius ex aggregatione stellarum. Ceterum inter hos duos modos, ac etiam inter omnes discrepantes sententias, omnem litem iam dirimille videtur novus tubus opticus, mirabiliter penetralia cæli collustrans. Ipso enim tubo conspecta est in tota lactea innumerabilis multitudo stellarum sibi propinquarum. Et hoc præsertim in lucē protulit Galilæus in suo Nuncio sydereo, exponēs iā visu ipso esse exploratam veram viæ lacteæ rationem. At Longomontanus lib. de Novis cæli Phænomenis cap. 5. contendit, licet in via lactea sit talis stellarum congeries, tamen non sufficere ad tantum illum alborem, quia etiam in alijs cæli plagis detectæ sunt in magna copia plurimæ aliæ stellæ, nec tamen ubique cælum albere faciunt: ideoque putant, requiri etiam densitatem seu opacitatem ipsius cæli secundum omnes suas partes in illo tractu. Verum dici adhuc poterit, ob valde maiorem copiam & frequentiam stellarum in illo tractu plusquam in alijs partibus, ut reuera dicto telescopio deprehenditur, effici ibi talem ac tantum candoris aspectum, & non in toto cælo. Et sic etiam in quibusdam alijs paucis cæli partibus conspiciuntur quædam veluti maculæ albæ, quæ ab Astronomis inter stellæ adnotatæ sunt, & stellæ nebulosæ appellatæ: & hæc pariter inveniuntur esse veluti maculæ quædam minutarum stellarum plusquam in alijs cæli partibus. Sed nec ex alia parte vllum erit inconueniens, si cælum ipsum in eo tractu dicatur esse aliquantum opacum, & ad aliquam reflexionem lucis idoneum, vnde apparentem illum contraxerit candorem.

Objectiones. Iouent aliquid quod contra hanc veritatem obijceret Cremoninus.

Inquit, se à Mathematicis accepisse solam minutas stellæ quæ non cerantur, tur. facere nebulam, non albedinem, vnde dicuntur nebulosæ, & macula Lunæ non est alba: sic etiam partes cæli mediæ inter densiores & rariiores, essent nebulosæ nō albide. Rursus cælestis materia ex natura sua non concurret nisi in globum: via autem lactea est oblonga, multum variata, vbi crassior, vbi minus crassa, & vbi duplicata: quæ casu & cōtra rei naturam viderentur. Demum, vnus integer circulus tam magnus, sic inconcinne factus in cælo, densior alijs, posset adinere proportionem virtutis ad motum: quæ alioqui in primo cælo seruatur, diffusis per totum astris; & in interioribus, vnico astro in singulis collocato.

Sed compertum est, etiam illas quæ dicuntur stellæ nebulosæ apparere tanquam partes cæli albicantes ad instar viæ lacteæ. Dictæ sunt autem stellæ nebulosæ ad differentiam fulgidarum stellarum. Macula verò Lunæ non est alba, quia in medio corporis adeo splendidi interponitur: & benè fieri potest, vt aliud quod in medio obiecti minus apparentis, vergit ad albedinem; è contra in medio obiecti magis apparentis & fulgidi, videatur potius ad nigredinem declinare: quando enim colores apparent ex luce, ipsa lux per varias habitudines in varios colores veluti transformatur. Et præterea benè potest esse talis diuersitas inter maculas Lunæ & partes illas cæli, vt aliæ ad nigredinem aliæ ab albedinem accedere videantur. Attendendum potius est, in ipsa met Luna, partem quæ debilitè lucet, tempore nempe imminutionis, perspicuè albicare.

Deinde, materia cælestis in integro quidē corpore concurret in globum, sic cæli & astra sunt figuræ globosæ: at in ipso cælo benè poterat

rat esse absque vlllo inconuenienti illa inæqualitas & varietas. Sic intra Lunam manifestè conspicimus maculas tam inæqualiter & velut inconcinne dispositas. Sic in ipso firmamento videmus stellas absque certo ordine & regula vndequaque dispersas. Demum, nulla perturbatio motus erat timenda à circulo la-

teo in cælo. Non enim fatigare virtutem intelligentiæ motricis. Nō illa inuita in vnam vel aliam partem intorqueretur, quali pondere aliquo inclinata. Non motum aut nimis velocem redderet, aut vnquam cælestium reuolutionum dissolueret harmoniam.

QVÆSTIO TRIGESIMAQVINTA.

De Cælestium Corporum.

Operationibus.

Aliæ sunt operationes corporum cælestium inter se, aliæ erga corpora hæc inferiora. De vtriusque in suo gradu agendum est.

SECTIO PRIMA.

An & quid inter se ipsa cælestia corpora operentur.

Non possunt vtrique corpora cælestia inter se operari & producere illos effectus, de quibus ex superioribus constat cælestem materiam non esse capacem: illos etiam qui sunt affectiones connatæ ipsis cælis, & ab initio ex intrinseca singulorum natura ipsis insitæ. Sed ad summum vnum in alio efficere poterit dispositionem aliquam accidentalem & contingentem. Et in vniuersum ad duo capita hi omnes effectus poterunt reuocari, nempe ad motum localem, & ad aliquas qualitates.

Quantum ad motum localem, asfirmandum erit, vnum cælum efficere motum in alio, quatenus vnum dicatur rapere aliud. Qualiter autem hoc intelligendum sit, vel per

distinctionem plurium cælorum totalium aut orbium, vel alio modo non oportet hic repetere.

Quantum ad qualitates, notissima est operatio illuminationis & productio lucis inter ipsa corpora cælestia. Præter hanc, tribuebamus etiam cælestibus causis productionem alicuius opacitatis in quibusdā cæli partibus, & per hanc explicauimus nouas stellarum apparentias in cælo, supra q. 33. sect. 3.

Videri insuper potest aliud genus qualitatis ab vno in alio corpore cælesti produci, nempe virtus aliqua & facultas operatiua in hæc inferiora, siue etiam virtus impeditiua à cōsuetis operationibus. Satis enim vulgatum est, Planetas varijs valde modis disponi respectu huius mundi inferioris, quando sunt in vno aut alio signo Zodaici, quando coniungitur vnus Planeta cum certis quibusdam stellis fixis aut alijs Planetis, quando habet vnum aut alium aspectum, idest distantiam aut propin-

pinquitatem cum certis alijs stellis aut Planetis. In qua re nim: j quidem sunt Astrologi, nec omnia quæ ab ijs dicuntur recipiēda sunt: at quoad plurimos naturales effectus in his interioribus exercendos, potest hæc res tutò admitti, imò non potest negari.

Veruntamen, hoc potest saltem frequenter saluari, absque eo quòd vnum corpus cæleste quicquam in alio operetur, sed solum per hoc quòd dirigant suam operationem, erga corpora hæc interiora. Nam opumè intelligi potest, plures causas simul fortius operari in tertio quodam subiecto, quàm earum vna per se sola faceret: imò plures simul causas valere certum quendam effectum producere, quem vna sola nequiret. Et pariter intelligi potest, vnam causam validiorem imprimere talem dispositionem in alio tertio subiecto, vt alia causa non possit alium suum effectum introducere: vbi similiter non vna causa operatur in alia immittendo vllam qualitatem, sed tota operatio exercetur in tertio subiecto distincto.

At, ex alia parte, non apparet inconueniens, si admittatur in vno corpore cælesti, dum sit in certo situ & aspectu ad aliud, verè produci aliquam dispositionem ab illo per modum cuiusdam virtutis ad tempus transeuntis, qua vel adiuuetur ac veluti acuatur facultas alioqui natua eius ad certum quid operandum in hæc inferiora, vel ex opposito impediatur ac veluti retundatur ne simpliciter aut tam validè opere-
tur. Et hoc magis consonat cum consueto modo loquendi, quo dici solet Saturnus ipse verbi gratia dum est in tali signo Zodiaci, aut in tali aspectu cum certis alijs stellis vel Planetis, præstare talem aut talem effectum, imò etiam dicitur Planeta ipse benè vel malè esse dispositus,

scilicet validè aut debilitè ad præstandum suum effectum: quasi videlicet ipsemet Planeta firmioribus aut infirmioribus viribus in vno vel alio statu polleat. Hoc inquam potest ita cogitari: non tamen habemus quo quicquam certi in hac re stabilire audeamus.

Iam verò circa operationem dictam illuminationis, determinandum superest inter quæ corpora cælestia exerceatur. Et in primis facile constat, ab astris illuminari cælos: nam ipsi cæli per se sunt expertes lucis, capaces tamen lucis per totam suam profunditatem quia, sunt diaphani: recipiunt ergo lucem ab astris, maximè autem à Sole. Non loquor de cælo empireo, quod vtique credendum est per se lucidum, & non indigens luce mendicata ab inferioribus astris, imò superans potiùs omnem alium splendorem: iuxta illud Apocal. 21. *Ciuitas non eget Sole neque Luna, vt luceant in ea: nam claritas Dei illuminabit eam.* Albertus tamen 2. cæli tract. 3. cap. 6. refert sententiam asserentem, ita per se esse lucidos cælos sicut astra: eo quòd astra à cælis differant solum tanquam partes densiores: & ideo ipsa astra fulgere, cælos autem tanquam rariores non fulgere. Sed credi sanè non potest, rem hoc modo se habere, quòd videlicet tam sit per se lucidum, & æquali luce, cælum Solis ac ipse Sol, & solum in raritate ac densitate differant. Sed putandum verè est, astra esse diuersæ rationis secundum substantiam ab ipsis cælis, vt iam antea affirmauimus: & cælos non habere per se lucem, sed tantum ab astris accipere.

*Astra
illumi-
nant cæ-
los.*

SECTIO SECVNDA.

Vtrum verè Sol Lunam illuminet, ita ut Luna totum suum lumen à Sole accipiat.

Sol illuminat Lunam.

INter ipsa astra perspicuè satis cernitur Luna illuminari à Sole. Patet ex nouissima variatione & incremento ac decremento Lunæ nobis apparente, quæ tota variatio prouenit ex diuerso aspectu & situ Lunæ ad Solem. Quando itaque Luna est è regione opposita Soli, tunc pleno lumine fulget: quando proximè coniungitur Soli, omni lumine destituitur: quando est in statu medio, quantum magis remouetur eò plenius illuminatur, quàm magis admouetur eò parcius: quàm post conjunctionem elongatur vsque ad oppositionem, semper crescit: quando post oppositionem accedit vsque ad conjunctionem, semper decrescit. Demum quando Luna ita directè opponitur Soli, ut in medio interponatur terra, tunc Luna in ipsa oppositione obscuratur & eclipsatur, quia nempe incidit in umbram terræ quæ impedit transmissionem radiorum Solis. Quando ex aduerso Luna ita directè coniungitur & supponitur Soli, ut mediet inter Solem & nostrum aspectum, obscuratur & eclipsatur Sol, cernitur etiam Luna obscurata sub Sole.

Ideoque Ratio totius huius variationis est: quia Luna est globus quidam rãtopercopacus, existens in cælo sub Sole: unde semper quidem à Sole illustratur medietas globi Lunaris: quando autem Luna opponitur Soli, illa ipsa medietas quæ illustratur conuersa est ad nos, & sic lumine plena resulget: quando Soli coniungitur,

tunc medietas illustrata vergit ad superiorem cæli partem, ad nos autem versa est alia obscura medietas: in omni demum statu medio conuersa est ad nos partim medietas lucida & partim obscura, & eò plus vel minus de medietate lucida, quò plus recedit vel accedit Luna ad Solem: & quia intra quadraturas medias plus ad nos conuertitur de parte obscura & minus de lucida, ideo apparet pars lucida corniculata. Quæ tota res potest facillimè obseruari, si nocturno tempore exponatur pila lignea rotunda ad radios lucernæ, & secundum varios dimouetur aspectus.

Accedit autem & recedit Luna à Sole, ratione proprii motus quem exercet ab occidente in orientem: unde iuxta mensuram sui motus singulis mensibus renouatur. Perficit enim Luna suum integrum motum spatio dierum viginti septem, cum quibusdam horis. Sed quia interim eo tempore mouetur etiam Sol, sed multò tardiùs ab occidente in orientem, debet vltèrius Luna per aliud biduum excurrere ut assequatur Solem: & sic ab vna conjunctione ad aliam mediat tempus vigintitinoem dierum cum duodecim ferè horis: & hic appellatur mensis Lunaris.

Hinc rursus fit, quòd Luna crescens sequitur Solem, oriturquè & occidit post Solem: quia nempe crescit recedendo à Sole ab occidente versus orientem. Decrescens verò præcedit Solem, & oritur & occidit ante Solem: quoniam decrescit accedendo ad Solem ab occidente versus orientem. Ideo quoque Luna crescens lucet vespertino tempore, scilicet post occasum Solis: Luna decrescens matutino, scilicet ante ortum Solis. Ideo insuper Luna crescens vertit cornua ad orientem, quia pars illuminata est occi-

den-

Variatio Luna crescentis & decrescentis.

dentalis conuerſa ad Solem : Luna decreſcens vertit ad occidentem, quia medietas illuſtrata eſt orientalis reſpiciens Solem.

Quandam fieri ecclipses. Poſtremo. Non ſemper imo raro in oppoſitione Lunæ cum Sole ecclipsatur Luna, & in coniunctione ecclipsatur Sol ; quoniam Luna nõ exercet motum ſuum ſub eadem linea cum Sole, ſed Sol ſemper incedit ſub linea media Zodiaci, Luna autem per aliam lineam declinantem per quodaſ gradus hinc inde, & in duobus punctis ſecantem lineam Solis. Tunc ergo ſolùm quando contingit Lunam inueniri in his punctis tempore coniunctionis & oppoſitionis, fiunt ecclipses, alioqui non fiunt : quia nempe, tunc ſolùm directè per eandem diametrum interponitur, vel terra inter Solem & Lunam, vel Luna inter Solem & terram. Et quia ruruſ poteſt Luna ſecundùm molem ſuam magis aut minus attingere de illa linea Solis, ideo varijs modis ſecundùm inæquales partes fiunt ecclipses. Atque hinc dicta linea media Zodiaci proprio nomine appellata eſt eccliptica, quia ſub illa fiunt ecclipses. Duo autem puncta, in quibus linea motus Lunæ inter ſecat lineam motus Solis, appellantur caput & cauda draconis : alia duo puncta in quibus linea Lunæ maximè recedit à linea Solis appellantur ventres draconis, quia nimirum linea Lunæ cum linea Solis retert quodammodo figuram draconis, in duobus extremis arttorem, & in medio ampliorem : et caput draconis intelligitur, in quo linea Lunæ tranſit ab Auſtro ad Aquilonem ; cauda è contra, in qua ab Aquilone ad Auſtrum. Patet itaque quàm exactè omnia conſonant, ut oſtendant, Lunam accipere lumen à Sole.

Quo pacto qui- Sed adhuc non obſtante tam euidenti experientia, auſi ſunt aliqui id

negare, atque dicere, Lunam totum lumen habere per ſe & non à Sole : afferentes, Lunam per quandam ſuam medietatem eſſe per ſe lucidam, & per aliam eſſe obſcuram : atque ſemper in ſeipſa circa propriũ centrum ita reuolui, ut modò vnã modò aliam faciem reuoluat ad terram. Et ita attemperare hanc ſuam reuolutionem in reſpectu ad Solem, ut in oppoſitione conuertat ad nos faciem lucidam in coniunctione obſcuram, & in ſtatu medio ſucceſſiue magis aut minus de vna ac de alia, ut veluti fingat ſe verè illuminari à Sole. Ita refert Tyco Brahe lib. 1. Progymnaſ. cap. 10. pag. 743. Et longè ante ipſum Cleomedes lib. ſuo 2. pag. 143. vbi auctorem huius exiſtimationis nominat Beroffum, qui fecerit Lunam ſemiigneam, & ita ſemilucidam, & nuper idem cõtendit Vhiſſes Albergottus in Dialogo de hac re italicè edito. Fundamentum huius imaginationis eſſe potuit : quia ſi Luna verè reciperet lumen à Sole, deberet multò lucidior apparere, quamuis in modica ſui parte, quando eſt propinquior Soli, quam dum in oppoſitione eſt remotiſſima : & tamen nulla cernitur differentia in vehementia ſeu intentione lucis.

Sed præterquam quòd hec inuentio pueriliter prorsus excogitata eſt, euidenter ſanè reſellitur ex eccliſſa lunari : Luna enim ecclipsatur in oppoſitione directã cum Sole, & tunc iuxta eam regulam haberet ad nos conuerſam faciem lucidam : patet ergo manifeſtè, nequaquam per ſe lucere, ſed omnino illuminari à Sole, & ideo per vmbraſ terræ impediẽtis tranſmiſſionem ſolarium radiorum taliter obſcurari. Ad fundamentum illud dici poteſt, verè quidem intenſiorem eſſe lucem Lunæ, dum eſt Soli propinquior : ſed quia in remotione maior Lunæ pars illu-

*dā nega-
uerint
Lunam
illumi-
nari à
Sole.*

illuminata apparet, ideo fieri ut non dispiciatur differentia intensificationis, quia magnitudo quoque obiecti luminosi multum facit ad mouendum visum.

Vnde nā luceat quoque pars Lunæ a Sole. At verò, quia visu ipso cernimus partem quoque Lunæ auersam à Sole quando Luna non est plena, & videmus illam albicantem, imò & in eclipsi conspiciamus adhuc Lunam fusco quodam lumine rubescentem, dubium est vnde & quomodo Luna hoc lumen habeat: an à se vel ab eodem Sole: &, si à Sole, an ab illo immediatè, vel ab alio corpore illuminato à Sole.

Dici nō debet illi luminari directè à Sole. Primus dicendi modus est, Lunam non esse penitus opacam & imperuiam lumini, sed esse aliquantum diaphanam, & ita etiam in profunditate recipere immediatè debile saltem lumen à Sole. Ita opinati sunt illi qui superiori quæst. sect. 2. dicebant, Lunam non esse perfectè opacam, sed esse aliquantum diaphanam, & ita peruiam radijs eiusdem Solis. Verùm satis ibi ostensum est, Lunam esse potius ita perfectè opacam, ut transitum nō præbeat in sua profunditate radijs Solis. Ac denuò nunc constabit, illud non esse necessarium ad eam debilem Lunæ lucem: quæ melius & facilius alia ratione saluabitur.

Nec dici debet habere aliquod lumen à se. Secundus dicendi modus est, Lunam habere ex se ab intrinseco innatum quoddam tenue lumen, eoque ita debiliter collucere in parte destituta lumine Solis. Sic asserunt Conimb. 2. Cæli cap. 7. q. 4. Ruuius eod. cap. q. 1. Lucillus Philaltæus 2. Cæli circa tex. 55. & alij plures. Attamen, non apparet verisimile, fuisse rem taliter dispositam in cælis: quia potius vel debebat quodcunque astrum habere totum suum lumen à se, vel recipere totum ab alio. Et præterea, si Luna haberet aliquod lumen à se, haberet æqualiter in to-

to suo circuitu: at visu constat, tempore suæ eclipsis, magis lucere Lunam circa extremitatem, quàm in medio: ergo aliunde potius habet hoc lumen. Rursus si Luna haberet hoc lumen à se, haberet utique tam in profunditate quàm in externa superficie: & sic esset aliquantum diaphana, ac per consequens esset quoque Solis lumini peruiam, iuxta præcedentem dicendi modum: vnde non solùm incurreret eadem inconuenientia, sed inutiliter addit aliud lumen proprium Lunæ internum. Sed præcipuè hoc non est necessarium, quia alia facili via res tota poterit explicari. Addit plura Galilæus contra hunc modum, quæ quia magis faciunt ad confirmationem sui modi, mox afferemus.

Tertius dicendi modus quem refert idem Galilæus, & videtur tradere Ioannes Baptista Benedictus in lib. Epistolarum, epist. de luce lumine &c. & approbat Tyco in libro suarum Epistolar. pag. 12. est, Lunam accipere debile illud lumen à Venere, quæ sanè in se est valde lucida, estq; propinqua Lunæ, & in maiori sua elongatione à Sole diffundit aliquod lumen sensibilibiter vsque ad terram, & ita videtur sufficiens ad Lunam saltem debiliter illustrandam. Sed, rectè rem considerando, hoc perspicuè apparet falsum & impossibile. Nam Venus assiduè commoratur prope ipsum Solem, & Luna semper eodem modo apparet, etiam quando Venus est proximè coniuncta Soli, aut in tali situ, ut nō respiciat nisi eandem ferè Lunæ faciem cum Sole: quare ea Lunæ facies quæ tunc auersa est à Sole, pariter à Venere auersa est: non potest igitur illud suum lumen à Venere recognoscere. Vnde Benedictus allegatus ait, tantùm quando Luna sita est in medio inter Solem & Venerem, tunc in parte auersa

Neque illuminari à Venere.

sa à Sole illustrari à Venere. Sed hoc nihil sufficit ad id quod modò quærimus.

Dicitur à Galileo illustrari à terra. Quartus & valde nouus dicendi modus est Galilei, prius in Nuncio sydereo, & postea in epist. 3. de Maculis Solis, & consentit per omnia Keplerus in Dissert. cum Nuncio syder tenuem illam Lunæ lucem illi tribui & cōmunicari ab hac nostra terra, per reflexionem nempe radiorum à terra ad Lunam: sicut vtiq̃ue Luna ipsa illustrata à Sole diffundit aliquod lumen ad nostram terram. Imò contendit Galileus, validius illuminari Lunam à terra, quàm terram à Luna, tum quia terra est valde maior quàm Luna, tum quia maior est lux terræ à Sole, quàm Lunæ à Sole, cum plus distet à Sole Luna plena, quàm terra, quæ nempe sita est in medio inter Solem & Lunam. Ait non obitare asperitatem & inæqualitatem terræ, quominus transmittat lumen ad Lunam: volens, Lunam esse magis asperam, & montibus vallibusquè confertam: imò quòd si Luna esset lenis & perpolita, nullam lucem ad nos reflecteret, essetquè potiùs inuisibilis: fortasse eo fundamento, quòd alioqui per reflexionem non ex omni Lunæ parte nec ad omnem terræ partem resiliet lumen.

Et ab illo rationibus suadet. Confirmat, verè Lunam illuminari à terra, tum quia experientia constat, quòd Luna propinquior est Soli eò magis lucere seu albicare partem illam auersam à Sole, dummodo scilicet Luna sit in tanta distantia vt non penitus obruatur nimia propinquitate Solis. Rationem autem eius rei esse vult: quia cùm Sol semper illuminet medietatem terrestris globi, quantò Luna est propinquior Soli, tantò maior pars illius terrestris Emisphærij quod illustratur à Sole respicit ipsam Lunam: & quantò plus Luna à Sole recedit

eò minor pars terrestris Emisphærij illustrati respicit Lunam. Atque ita Luna & terra taliter vices suas temperent, lucisquè beneficium sibi cōmunicent: vt Lunæ Emisphærij illustratū à Sole, illuminet partem terræ destitutam à Sole; & terræ Emisphærium illustratum à Sole, illuminet aliam Lunæ partem destitutam à Sole: & dum plus de emisphærio lunari ad nos conuerso illuminatur à Sole, eò maiorem lucem diffundat in illud terrestre Emisphærium quod à Sole destituitur: dum verò magis de terrestri Emisphærio conuerso ad Lunam, eò maiorem lucem ipsa terra reflectat ad Lunam. Tum præterea, quia experientia item constat vehementem reflexionem luminis fieri ab ipsa terra & corporibus terrestribus à Sole percussis, adeo vt per reflexionem quoque reflexionis notabile lumen extendatur ad aerem valde remotum: & plus cernitur lucere paries illustratus à Sole quàm flamma ignis, & tamen Luna aliaue stella non plus cernitur lucere quàm flamma: vnde si daretur alicui, è Luna conspiceret illam terræ partem quæ illustratur à Sole, lucidiorem valde intueretur terram, quàm nos de facto è terra Lunam.

Verum de se satis incredibile apparet, immitti & diffundi lumen à non potest Luna quod planè est inuertere ordinem na illustrari à terra. Nec vnquā obtinebit Galileus, vt terra credatur vnum ex astris, & vllum astrum credatur vt terra. Terra est corpus rude asperum & ruuidum, Luna sicut & omne aliud astrum, est corpus summe tersum, & perpolitum, plusquā apud nos metalla, & gemmæ. Videmus vtiq̃ue apud nos, ex corporibus quidem terlis & perpolitis validam fieri reflexionem lucis, modicam ex rudibus & impolitis. Incredible ergo prorsus est, à terra fieri tantā

re-

reflexionem lucis quæ pertingat vsque ad Lunam : benè autem videmus fieri à Luna ad terram .

*Demon-
stratur
ex eccli-
psi luna-
ri.*

Sed euidentius adhuc probatur, lucem Lunæ non esse à terra : quia in ecclipti lunari, quando nempe Luna est opposita Soli, & obscuratur per vmbra terræ, notabiliter conspiciamus ipsam Lunam lumine quodam fusco & suboscuro lucente: at tunc illud terræ Emisphærium quod versum est ad Lunam, est prorsus omni Solis lumine destitutum, & à Sole illuminatur aliud emisphærium prorsus auersum à Luna : nullatenus ergo Luna illuminatur à terra . Viderunt hoc Galilæus & Keplerus : fatenturquè, lumen illud communicari Lunæ à partibus cæli conuicinis illustratis à Sole . Sed cur non dixerunt, etiam lumen illud tenue quod cernitur in parte Lunæ semiplenæ, illi communicari ab iisdem cæli partibus ? Afferunt disparitatem : quia diuersa est apparentia lucis : in ecclipti veluti rubescens, in parte Lunæ semiplenæ albescentis : et quia minor est lux in ecclipti . Sed sanè diuersa illa apparentia lucis, non debet referri in talem diuersitatem causæ illuminantis, sed poterit optimè referri in diuersitatem causæ obumbrantis : in ecclipti Luna obscuratur à terra, in se vero vna eius medietas obscuratur ab alia. Et, si adhuc quærant, cur ex vmbra terræ appareat rubedo, ex vmbra propria Lunæ albedo: quæremus & nos, cur ex lumine cæli rubor, ex lumine terræ albor ? imò ex hac parte potius lux cælestis debebat albescere, terrena rubescere. Accedit præcipuè, quod vmbra terræ est notabiliter amplior quàm corpus Lunæ, & ex duratione ipsa eccliptis compertum est, vnde longius remouet à Luna partes cæli illuminatas aptasque illuminare : hinc ergo prouenire potest, quod tunc Lu-

na rubescat, & quod minor sit illa lux Lunæ ecclipticæ per vmbra terræ .

Ad rationes Galilæi. Ad primam quidem mox infra aliam causam, eius obseruationis reddemus. Ad secundam : verum sanè est fieri sensibilem reflexionem lucis à terra, & maiorem à quibusdam corporibus solidis albis & politis : at nunquam credo persuadebit, tantam fieri ab hoc terrestri globo reflexionem, vt pertingat vsq; ad Luna. Agnoscunt Philosophi reflexionem à terra, sed vsque ad principium secundæ aeræ regionis . Sit vltro maior reflexio lucis quàm calor, non erit tam maior vt tot milliariorum millia excedat . At notaui, inquit Galilæus, per reflexionem etiam secundariam, notabile lumen extendi ad aerem remotum . Sed quantum quæso remotum ? a pariete, inquit ipsemet, ad cubiculum, & à primo cubiculo ad secundum : addat quoque plura : addat & milliaria spatij : nunquid per hoc pertinget ad Lunam ? Paries, inquit illustratus à Sole lucet plus quàm flamma, flamma non minus quàm Luna : si ergo Luna potest illuminare terram, poterit terra Lunam. Sed certè flamma quæ videtur, existit valde prope in comparatione ad cæli distantiam : multò plus ergo lucet in se Luna quàm flamma, sed Luna in tanta maiori distantia apparet æquè lucere . Si particula quædam Lunæ cum toto suo lumine existeret vbi flamma, tunc constaret quantò clariùs colluceret : & si flamma licet eiusdem cum Luna molis existeret vbi Luna, adeo minus luceret vt nec percipi posset .

Verus tandem & facilis dicendi modus erit, lumen illud in Luna immediate effici à partibus cæli circumfusiis & validè illustratis à Sole . Et non solum tempore suæ eccliptis potest Luna sic illuminari, ideoque à cæli
tunc

*Galilæi
rationes
soluuntur.*

*Illumi-
natur
Luna
per re-
flexionē*

partibus tunc magis lucet in extremitate quàm in medio, quia extremitas est propinquior vicinis partibus illustratis.

Sed multò magis Luna semiplena potest sic illuminari in parte auersa à Sole, quia vt dicebamus vmbra terræ est sensibilibiter ibi maior corpore lunari, vnde alias quoque propinquiores cæli partes obscurat. Videmus sanè apud nos, aliquatenus illustrari terram à Sole per reflexionem ex aere, priusquàm Sol directè aspiciat terram: ita ergo in parte Lunæ auersa à Sole poterit per reflexionem à cælo perpetua quædam, velut aurora fulgere. Multòque magis poterit sic illustrari emispherium illud Lunæ: Tum quia ipsa Luna est longè minor nostra terra, vnde minùs repellit radios Solis: ac etiam in ecclipsi, longè minor est in orbe, Lunæ vmbra terræ, quàm hæc sit ipsa terra, quia semper in figuram conicam attenuatur, licèt adhuc ibi sit maior quàm ipsa Luna. Tum etiam quia ipsum cælum validiùs adhuc illuminatur à Sole quàm noster aer: ita enim cælum est diaphanù, quod sit vt supponimus solidissimum, possitque esse densissimum. Iuuare quoque potest lumen aliarum stellarum simul concurrentium.

Hinc demum facillima erit ratio, cur in Luna propinquiori ad Solem, magis appareat lucere, & albicare dicta pars auersa à Sole: quia nempe, tunc ob maiorem propinquitatem validiùs & intensiùs illuminatur ipsum cælum à Sole, sicquè maiorem etiam lucem transfundit in Lunam. Addi quoque potest, quia dum Luna est Soli propinquior, minor eius pars nobis conspicua directè illustratur à Sole; & dum est à Sole remotior, maior pars: comperitur autem est, nimio fulgore corporis lucidioris propinqui hebetari minoremque corporis minùs lucidi: qua ratione fulgor Solis adimit no-

bis aspectum stellarum. Verum est, potle induttria quadam fieri, vt quis abscondat tibi partem Lunæ lucidiorē, aspiciendo Lunam prope tectum aut caminū. Sed tunc aliquantò magis illi fulgebit pars Lunæ.

SECTIO TERTIA.

Vtrum Sol pariter lumen tribuat alijs astris.

Alia omnia astra, sicut Lunam, recipere lumen à Sole, affirmant vel supponunt Auctores magis communiter. Plato in Timæo, Plinius lib. 2. Natural histor. cap. 6. Albert. Magnus 2. Cæli tract. 3. cap. 6. Albert. de Saxonia eod. lib. q. 22. art. 3. Amadeus Reygretus q. 1. art. 5. Conimbr. & Ruinus antea relati, alijsquè frequentor. Idem indicant Arist. in lib. de Causis propriet. Element. D. Dyonis. cap. 4. de Diuin. Nominib. D. Thom. in 2. d. 15. q. 1. art. 1. ad 4. Et in eodem sensu refertur Homerus Solem vocasse catenam superioris & inferioris mundi. Fundamentum fuit exemplum Lunæ. Pro quo addit Clavius in cap. 1. Sphæræ §. de ordine spherarum cælest. quia eiusdem naturæ est Luna cum alijs stellis. Sed triuo um sanè fundamentum: quia non sufficebat sola Luna ad idem persuadendum de omnibus alijs astris. Nec plus dicere potuit Clavius, alia astra esse eiusdem naturæ cum Luna, quàm dicere posset alius esse eiusdem naturæ cum Sole. Dicimus autem nos, varia astra inter se differre specie, conuenire in genere. Sed hinc non potest huius rei decitio sumi. Addit præterea Albertus magnus primum in vnoquoque genere est causa aliorum, Sol autem est primus in genere lucidorum. Sed certè non per hoc Sol est qui tribuit lumen igni &

Nō oportet, alia omnia astra pariter illuminari à Sole.

alijs quibusdam corporibus lucidis quae apud nos noctu splendent. Diciturque illud solet explicari in genere causae idealis, quod scilicet primum in omni genere sit velut exemplar aut mensura aliorum.

Nō oportet, nulla alia astra recipere lumen à Sole.

Ex aduerso ergo sunt qui negant, alia astra praeter Lunam illuminari à Sole, dicuntque omnia alia lucere per se & ab intrinseco sicut ipse Sol. Ita olim docuerunt Macrobius & Auicenna, ac postea Molina 1. par. tract. de Opere sex dierum disp. 15. Lucillus Philalethaeus lib. 2. de Caelo circa tex. 55. Scaliger exercit. 62. & alij plures Recentiores. Fundamentum huius assertionis sumptum est ab experientia, qua videmus omnia alia sydera praeter Lunam semper eodem modo plena lucere, nec subire variationes illas, & incrementum ac decrementum prout videmus in Luna: & insuper nunquam videmus alia sydera eclipsare siue occultare partem vllam Solis, nec è contra eclipsari per vmbra terrae. Igitur illa ipsa experientia quae demonstrat Lunam accipere lumen suum à Sole, persuadere debet, omnia alia sydera habere à se, & non à Sole.

Verum hæc ratio nullam prorsus difficultatem habet de illis astris quae sunt simpliciter superiora Sole. Nam omne astrum quod sit Sole superius, etiam quando existit prope Solem illuminaretur à Sole secundum illam eandem medietatem quae ad nos conuersa est, secus ac in Luna quae est inferior: & ideo adhuc illa astra semper plena lucent. Insuper, talia astra nunquam possent eclipsare & occultare Solem, cum nullatenus sub illo transeant. Nec demum possent eclipsari per vmbra terrae: quia hæc vmbra non pertingit ad altiores sphaeras: sed cum in tota sua longitudine attenuetur per modum pyramidis, tandem desinit in puncto.

Attamen magnam difficultatem habet circa Venerem & Mercurium, vtpote Sole inferiores. At Arist. & alij antiquiores hanc etiam difficultatem euadebant, quia hos quoque Planetas faciebant Sole superiores. Recentiores autem qui agnouerunt hos Planetas esse inferiores, cogitarunt eos non esse opacos & imperuios lumini ad instar Lunae, sed esse ita diaphanos vt per totam suam profunditatem perfundantur lumine Solis: & ideo semper plena luce fulgere absque vlla varietate: ideo etiam non occupare vllam Solis partem quamuis sub illo transeant: Iptos verò ideo non eclipsari per vmbra terrae, quia non multum digrediuntur à Sole, nec vnquam mediat terra inter ipsos & Solem. Sed in primis, si hi Planetæ dicuntur diaphani secus ac Luna, cur non potius dicerentur per se lucere? Sanè si in Luna non appareret mutatio, sed semper eodem modo lucret, non credo quisquam cogitasset, Lunam esse diaphanam & per totum illuminari à Sole, sed omnes putassent habere totum lumen à se. Et praeterea, si aliquis Planeta sit adeo diaphanus, vt nullum prorsus impedimentum præbeat radijs Solis, sed tam illuminetur in sua medietate, posteriori quam in anteriori ad Solem, se haberet planè sicut ipsum caelum quod est prorsus peruium lumini: vnde consequenter non posset magis lucere ac splendere quam ipsum caelum. Itaque, stante hac suppositione, qua nulla mutatio luminis in his Planetis deprehensa erat, putari sanè potius debebant habere proprium lumen à se ad instar ipsius Solis. Et hinc à paritate idem colligendum erat de alijs Planetis, & multò magis de stellis fixis.

Potteremò. Aliqui sunt qui opinantur, Planetas quidem à Sole lumen accipere, stellas verò fixas per se

Planeta omnes videtur se

retipere se & ab intrinseco propria luce ful-
suū lu- gere. Ita Galilæus in Epist. 3. de
men à Maculis Solis, Simon Marius in præ-
Sole. fat. Mundi Iouialis, Ioannes Camil-
 lus Gloriosus lib. 5. de Cometis c. 7.
 & plures alij Recentiores. Docent

Quia in
Venere
observa-
ta est
mutatio
sicut in
Luna.

Planetas illuminari à Sole: quia iam
 per Telescopium certis observatio-
 nibus deprahensum est, Venerem
 mutari ac variari ad instar Lunæ, &
 non in suo orbe plenam, sed verè
 corniculatam apparere: ita ut qua
 parte versa est ad Solem notabili lu-
 mine fulgeat, & in oppositum cor-
 nua vertat. Iuxta hanc ergo obser-
 vationem perspicuè demonstratur,
 Venerem non suo nativo lumine,
 sed solari illustratione lucere. Dici
 autem debet, ideo simplici intuitu
 apparere rotundam & absque tali
 mutatione ac differentia: quia càm
 appareat nobis tam exigua & multò
 minor quàm Luna, atque ex maiori
 distantia, non finit nos simplici in-
 tuitu discernere illam differentiam:
 sicut experimur, solere nobis ex lon-
 gino apparere veluti rotunda, cor-
 pora alioqui aspera & inæqualia.
 Dici etiam debet tota stella Ven-
 eris esse in se valde maior quàm
 ex apparentia ad nostrum visum de-
 prahendatur: quia nimirum non
 totum eius semiglobum cernimus
 sicut in alijs superioribus stellis, sed
 minorem quandam partem secun-
 dum quam totam illam apparenciam
 nobis exhibet. Attamen, si verum
 est Venerem suum cursum peragere
 circa Solem, ita ut in medietate sui
 circuitus sit illo superior, tunc sanè
 nobis apparebit secundum totum
 suum semiglobum, sicut & aliæ su-
 periores stellæ: sed tamen propter
 maiorem à nobis distantiam dice-
 tur non apparere maioris molis &
 amplitudinis. Si autem hoc in Ve-
 nere contingit, sine dubio idem de
 Mercurio putari debet, licet ob ni-
 miam eius parvitatem, & maiorem

propinquitatem ad Solem, minùs
 observari queat.

Rursus per idem Telescopium in- *Et circa*
 uenerunt, stellas illas circa Iouem *Iouem*
 deprahentas, interdum occultari, *clābra-*
 non quidem omnes simul, sed mo- *tio stel-*
 dō vnā modò aliam: & occultari *larū il-*
 in tali ad Iouem & Solem situ, ut *lum co-*
 cogitauerint, tunc illas obscurari & *mutan-*
 eclipsari per vmbra Iouis: quia *tium.*
 scilicet tam illæ stellæ quæ ipse Iup-
 piter lumen suum à Sole recipiant,
 & sic quando directè interponitur
 corpus Iouis inter Solem et aliquam
 illarum stellarum, per vmbra Iouis
 obscuretur & occultetur talis
 stella. Et fortasse idem contingit in
 duabus stellis obseruatis circa Sa-
 turnum.

Insuper, iam antea obseruatum
 erat, aliquando Mercurium visum
 esse sub Sole, & occultasse modi-
 cam quandam partem Solis. Atta-
 men iidem dicti Recentiores hanc
 obseruationem in dubium reuoca-
 runt: quia propter maculas nuper
 adinuentas excurrentes in facie So-
 lis, suspicati sunt, aliquam notabi-
 lem maculam se pro Mercurio illis
 obseruatoribus obtrudisse, tunc de
 successione macularum ignaris.

Et per
Mercuri-
um oc-
cultatio
Solis.

Reddi quoque solent variaz ratio-
 nes, cur nunquam Venus, & fortas-
 se nec Mercurius, aut saltem non
 sæpius sub Sole conspecti sint, quā-
 dam eius partem eclipsantes. Et
 aliqui dicunt: quia hi Planetæ sunt
 diaphani, & ideo non potuerint di-
 scerni sub Sole. Sed hoc iam refu-
 tatum est; & eò magis per mutatio-
 nem obseruatam Veneris apertè re-
 iicitur. Aliqui dicunt: quia hi Pla-
 netæ sunt adeo exigui respectu So-
 lis, & sunt illi propinquiore quàm
 Luna, occupantur per radios Solis,
 ut nullam eius partem contegere vi-
 deantur, si quādo sub illo transeant.
 Sed certè, hoc obstare non poterat,
 quominus iuxta quantitatem suam mo-
 lis

Quare
nō sæpius
Mercurius &
Venus
deprahendun-
tur con-
tere
Solem.

lis nobis apparentem, tantundem de Solis corpore occuparent. Imò iam sub ipso Sole despicuntur maculæ multò minoris apparentiæ ijs Planetis. Ptolemæus in sua cælestium corporum constitutione explicauit non oportere hos Planetas vnquam directè supponi Soli, quamuis sint illo inferiores: quia possunt esse ita dispositi, vt non transeant per eandem lineam Solis scilicet per ecclipticam, & sic planè non se directè supponent Soli. Addunt Recentiores: quia hi Planetæ non sunt simpliciter inferiores Sole, sed circa illum tam supra quàm infra vagantur: etiam si transeant per ecclipticam, partim transire supra, partim infra Solem: & potuisse contingere vt in coniunctionibus obseruatis horum Planetarum cum Sole, inuenti sint transire supra, & ita visi non sint vllam Solis contigere partem. Et ita contendit Apelles accidisse in quadam coniunctione à se obseruata Veneris cum Sole. Item potuisse fieri, vt in coniunctionibus obseruatis, quando hi Planetæ transierint infra Solem, non transierint in ipso tempore coniunctionis per ecclipticam, sed vel ante vel post. Et ita vel nunquam vel rarissimè contigisse vt obseruator quispiam deprehenderit, quando aliquis horum Planetarum directè sub Sole transierit.

Stellæ fixæ non videntur accipere lumen à Sole.

Deinde, hæc omnia nullatenus procedūt de stellis fixis: atque adeo nullum prorsus indicium suppetit, vt lumen suum dicantur à Sole recipere. Et quidem verisimile videri poterit, benè quidem Planetas, non autem, stellas fixas illuminari à Sole: quia Planetæ agnoscunt pro suo principe Solem: & in medio illum continent: & in suo motu habent respectum ad Solem: benè ergo putari debent ab illo & per illum lucere. At stellæ fixæ per se propriam agunt aciem, & non habent huius-

modi respectum ad Solem: censeri ergo potius debent, non illius beneficio, sed propria virtute lucere. Et iuxta hoc Planetæ quidem dici debebunt corpora opaca, atque in solo externo ambitu lumine illinita: stellæ autem fixæ esse corpora perspicua & in tota sua mole ac profunditate eodem suo lumine perfusa: iuxta id quod dicebamus quæstione superiori sect. 2. Et hoc etiam iuuare potest ad rationem reddendam, cur maximè stellæ fixæ scintillent, & Sol non solum scintillare, sed & veluti ebullire cernatur.

SECTIO QVARTA.

Verum verè Corpora cælestia in hæc inferiora operentur.

Videri potest, nequaquam corpora cælestia in hæc inferiora posse operari. Primum, quia inter corpora naturalia agens debet in materia quidem communicare cum patto, ita vt vna communis sit amborum materia, vt habetur ex Arist. 1. de Gener. tex. 87. in forma verò debet esse illi contrarium, quia agens debet inducere suam formam & expellere aliam oppositam in subiecto inuentam: & ita etiam docet Arist. 1. de Gener. tex. 49. & sequentibus. Sed cælum non communicat in materia cum corporibus his interioribus, vt iam statutum est, neque est illis contrarium, vt per se patet: ergo non possunt corpora cælestia in hæc inferiora operari.

Secundò. Omne agens operatur vt assimilet sibi passum, vt producat effectum sibi similem, & Arist. 1. de Generat. 51. Omne quoque agens in agendo repatiur, ex eodem Arist. tex. 43. & alibi. Sed certè cælum non potest sibi assimilare corpus vllum ex his inferioribus, siue efficere

Rationes dubitandi pro parte negatiua.

vllum opus sibi simile : & è conuerso non potest quicquam perperì ab his inferioribus . Ergo corpora cælestia in hæc inferiora operari non poterunt .

Tertiò. Agens debet esse loco cōiunctum & virtute proportionatum subiecto , vt in illud suam actionem exerceat: nec enim potest immèdiatè transmittere actionem in subiectum remotum, iuxta notam doctrinam : nec potest operari nisi ex virtute proportionata subiecto . Sed cæli sunt remotissimi ab his inferioribus , & præsertim cæli superiores vltra Lunam, nō poterunt transmittere suam actionem per corpus cæleste intermedium . Et, cū sint natura sua longè sublimiores ac veluti disparati à corporibus his inferioribus, non habebunt aptitudinem & proportionem cum ipsis . Non ergo corpora cælestia in hæc inferiora poterunt operari .

Quartò demum . Si cæli agerent in hæc inferiora, ita validè & efficaciter operarentur, vt omnes eorum effectus necessariò euenirèt, & nulli contingenter : quod planè est absurdum & contra experientiā . Nec dici poterit, cælos agere tanquam causas vniuersales, & præter cælestium causarum influxum concurrere adhuc causas has interiores tanquam causas particulares, & harum detectu posse frustrari ipsorum cælorum effectus . Nam si cæli agunt tanquam causæ vniuersales; agent tam potenti influxu, vt secum necessariò rapiant causas quoque particulares: nec poterunt à causis his inferioribus impediri .

Conclusio affirmatiua. Sed plusquàm certum & euidens est, absolutè loquendo, verè & realiter corpora cælestia in hæc inferiora operari . Et primò, ita docent omnes Theologi & sacri Doctores ac sancti Patres . Et expressè habetur in plurimis Scripturæ locis . Ab

initio Genes. in hoc sensu dictum est : *Fiant luminaria in firmamento cali, & diuidant diem ac noctem, & sint in signa & tempora & dies & annos, vt luceant in firmamento cali & illuminent terram, &c.* In hoc sensu dictum est Deuter. 4. *Que creauit Dominus Deus tuus in ministerium cunctis gentibus que sub calo sunt.* Et in specie de Sole Plal. 18. *Non est qui se abscondat a calore eius.* Et alia similia passim in Scriptura habentur .

Secundò ita docent omnes Philosophi, & Astronomi, alijque Scriptores. Etiam olim Mercurius Trismegistus in Asclepio, Plato in Theeteto alijque Veteres de hac re loquuti sunt. Et sæpè Arist. qui 2. Phys. 26. eodem verbo dixit, Solem & hominem generare hominem. Et 1. Meteor. cap. 2. debere mundum hunc inferiorem esse conugnum cælestibus latonibus vt inde gubernetur. Et 2. de Gener. 55. & 56. lib. 4. de Generat. animal. cap. vlt. & 12. Metaph. 34. declarat, corpora cælestia, maximè Solem & Lunam, causare generationes & corruptiones atque perfectiones harum rerum interiorum . Et passim alijs in locis similia docet .

Tertiò ita patet perpetua & quotidiana experientiā : præsertim de *Pater experientia.* duobus illis luminaribus Sole & Luna. Sol totum hunc nostrum mundum illuminat, diem noctemque distinguit, suo calore omnia hæc inferiora reficit : rursus suo accessu ac recessu diuersa anni tempora format, affert rerum inferiorum generationem atque mutationem, & annuas vicissitudines ipse disponit. Luna item Sole absente mundum illuminat : & plures ac varias operationes in his inferioribus deprehenditur exercere : ipsi homines passim varios in se huius Planetę secundum eius mutationem experiuntur effectus :

ctus : in alijs animalibus, in plantis, in aquis, manifestæ nobis sunt eius operationes *Lunari potestate*, inquit Plinius lib. 2. Natural. Histor. cap. 41. *ostrearum conchiliorumque & concharum omnium corpora augeri ac rursus minui*. Aliæque plurimæ mutationes sunt quæ in his inferioribus contingentes huic Planetæ ab ipsa experientia tribuuntur. Sed & alia astra varios effectus in his inferioribus progignunt. Deinceps autem examinabimus quæ nam corpora cælestia & quos effectus in his inferioribus operentur.

Patet ratione. Quamto demum ratione à priori ostendi potest convenientia huius rei. Tum quia, cum constituta sint corpora cælestia tanta nobilitate prædita, ut veluti præsideant mundo huic & corporibus inferioribus: rationale maximè erat, ijs attribui potestates & virtutes operativas in hæc inferiora, quæ proinde ab ipsis corporibus cælestibus naturaliter penderent: in qua re pulcherrimus diuinæ providentiæ ordo elucet, quæ observat D. Aug. lib. 3. de Trinit. cap. 4. corpora scilicet inferiora per superiora regi & gubernari. Tum etiam ex Arist. 1. Meteor. cap. 2. quia congruum erat, ut ea quorum motus varijs ac finiti sunt, regerentur illis corporibus quorum motus constantes & perpetui sunt. Tum pariter ex D. Thoma 1 par. q. 115. art. 3. debitum erat, ea quæ magna vicissitudine & successione motuum agitantur, gubernari ab ijs quæ quam minimè mutantur, & quodammodo mediant inter causam primam prorsus immutabilem & res has interiores tot mutationibus obnoxias: Et huiusmodi sunt corpora cælestia, quæ non moventur nisi motu locali, qui inter omnes alios simplicissimus est: & in hoc genere non nisi motu circulari, qui etiam omni alio simplicior est, cum non transferat to-

tum mobile de vno ad alium locum totalem.

Ad rationes dubitandi præmissas *Ad rationes* facile respondetur. Ad primam. Nō oportet agens communicare cum passio in eadem materia in specie: *dubitā-* sed sufficit in genere, & corpora cælestia cum inferioribus communi-*qualiter* cant saltem in genere corporis, etiā si dicantur corpora cælestia non per distinctionem materiæ & formæ cōmuni-*catur,* constitui. Sed neque illud est necessarium: si quidem substantiæ spirituales & Deus ipse operantur & agunt in corpora. Sufficit ergo talis communio quod passum aptum sit recipere talem formam quæ potest ab agente produci. Arist. autem ibi tantum dixit, ea quæ ad inuicem inter se agunt & patiuntur, debere communicare in eadem materia. Item, non oportet omne agens & passum esse contraria, ut per se patet. Sed Arist. id solum docuit de elementis, aut etiam mixtis, quatenus inter se agunt penes illas qualitates elementares quæ inter se contrariæ sunt, nempe calidum & frigidum, humidum & siccum.

Ad secundam. Agens quidem, *Quali-* uniuocum agit ut assimilet formaliter & in eadem specie sibi passum, *ter sibi* illa utque producat effectum sibi similem in eadem sua specie. Agens verò æquiuocum dicitur efficere sibi simile virtualiter, id est facere talem formam in subiecto quam in se virtualiter continebat. Et hoc modo cælestia corpora operantur. Sicquæ res omnes dicuntur quodammodo assimilari etiam ipsi Deo: ut ad hoc propositum respondet D. Thom. q. 115. art. 3. ad 3. Agentia etiā uniuoca sunt illa quorum vnum ab alio repetitur, quando actio fit secūlum contrarias qualitates, & de his loquutus est Arist. Alioqui planè non est necessarium, omne prorsus agens repati à subiecto in quod agit.

Ad

*Quali-
ter sine
illis con-
iuncta et
propor-
tionata.*

Ad tertiam. In primis non oportet agens esse proximè loco cõ-
iunctum patto, sed satis est si coniuga-
tur per aliquod medium & sic per
ipsum medium transmittat suam
actionem, sicquè astra cælestia per
omnes cælos intermedios lumen
fundunt. Deinde, vel etiam non
est necessaria mediata coniunctio
pro omni actione, sed benè poterit
agens immittere suam actionem im-
mediatè in distans. Vel, si id fieri
non possit, dici deberent astra supe-
riora per totum quidem medium
diffundere qualitatem quandam &
virtutem operatiuam, quæ tamen
non proferat vltiorem effectum
nisi in subiecto quod capax inuene-
rit. De hac autem conditione cau-
sæ agentis satis diximus in proprio
tractatu huius generis causæ. Item
non debet causa agens esse ita pro-
portionata quoad naturam, vt con-
ueniat in eadem specie vel genere
cum subiecto: sed debet esse pro-
portionata quoad virtutem, vt scili-
cet habeat aptitudinem & virtutem
operandi in tali subiecto: & hac ra-
tione magna proportio est inter
causas cælestes sublimiores & res
has caducas inferiores.

*Quali-
ter re-
linquāt
effectū
contin-
gentiā.*

Ad quartam. In primis effectus
& actus liberi qui ab humana volū-
tate dependent, remanent prorsus
contingentes: quia causæ cælestes
non directè influunt in voluntatem,
sed ad summum possunt agendo in
corpus disponere & inclinare: sed
adhuc voluntas remanet indifferens
& libera, nec vlla vi rapitur, aut ne-
cessitate premitur. Deinde reman-
ent etiam plerique effectus natu-
rales in suo genere contingentes: vt
patet, quia v. g. dicuntur effectus
quorundam astrorum, pluiiæ, ven-
ti, & similes, & tamen non semper
eueniunt, quamuis certa illa astra in
suo debito situ inueniantur. Ex du-
plici autem capite pendet contin-

gentia horum effectuum. Vnum est:
quia vna causa cælestis potest per
aliam impediri, vnum astrum per
aliud, quoniam varia astra habent
diuersas & oppositas virtutes. Aliud
est ex parte harummet rerum infe-
riorum: potest enim materia inue-
niri indisposita & inepta ad talem
certum effectum: potest requiri cõ-
cursus aliarum causarum inferiorum
quæ inueniantur deficere. Non er-
go oportet, quamcumque causam
cælestem, aut etiam omnes simul,
tàm potenter operari, vt secum ra-
pant omnes alias causas, & omnia
superent impedimenta. Neque sunt
ita causæ vniuersales respectu cor-
porum inferiorum, vt sine respectu
ad has causas omnia prorsus sola
sua virtute disponant. Si tamen
consideretur tota collectio omnium
causarum tàm inferiorum, quàm
cælestium, verè omnis effectus na-
turalis erit absolutè necessarius, &
non contingens seu casualis. Sed
adhuc respectu vnius causæ siue plu-
rium quarundam causarum, non
solum inferiorum, sed etiam cæle-
stium, plerique effectus sunt & dici
debent contingentes: & actus hu-
mani remanent semper liberi.

SECTIO QVINTA.

*Quenam corpora cælestia in hæc
inferiora operentur.*

Distinguendo corpora cælestia
in cælos & astra, conspicuum
iam est, astra verè in hæc inferiora
operari. Et addendum est, omnia
astra operari. Operatur vtique om-
nes Planetæ, & non solum Sol &
Luna. Et singuli quidem Planetæ
habent suos peculiare ac determi-
natos effectus: per varios etiam cõ-
gressus & aspectus inter se varias
alias operationes exercent. Ita sanè

*Planeta
omnes
in hæc
inferio-
ra ope-
rantur.*

omnes sentiunt. Et vel ipse motus varius Planetarum hoc demonstrat: nō enim alia de causa attributi sunt tam artificiosi & exquisiti motus singulis Planetis, nisi quia ita expediebat ad gubernationem huius vniuersi iuxta varias ac peculiare operationes & effectus eorum. Determinari autem solent varij Planetarum effectus, in pluribus rerum generibus: videlicet in elementis penes varias eorum mutationes et agitationes: in metallis quoque & lapidibus: in corporibus viventibus, & præsertim in homine, cui finaliter corpora cælestia sicut & alia omnia in hoc mundo deferuiunt. Determinari quæ solet peculiaris Planetarum influxus, tum ad varia membra humani corporis, tum ad varias ætates humanæ vitæ, tum ad variam complexionem et habitudinem corporis, tum ad varias animi passionis & inclinationes quatenus per corporeas dispositiones ordinantur, tum ad varios corporis morbos & vitam ac mortem, tum ad varios alios humanarum rerum successus. Sed sanè in hac tota varietate ac tanta multiplicitate effectuum, pleraque minis certa, & faciliè etiam falsa miscentur. Absolutè tamen & vagè certum esse debet, Planetas sicut in se diuersi ac varij sunt, ita varios & peculiare effectus in his inferioribus operari.

Stella
etiam f.
xa. Operantur quoque stellæ fixæ. Non enim ad solum ornatum in suprema illa cæli regione tot sydera impressa sunt. Et solent sui etiam effectus ijs stellis attribui. Atque ex vario aspectu & conjunctione Planetarum cum stellis fixis creduntur quoque variæ mutationes accidere. Non apparet autem, ab omnibus & singulis stellis fixis distinctos ac peculiare effectus provenire: sed bene esse potest, ut plures aliquæ stellæ sint eiusdem naturæ ac valoris, &

ad communem aliquem effectum simul confluant. Putandum tamen est, in tanta illorum syderum copia, pleraque esse quæ habeant distinctos & peculiare effectus. Suadet hoc diuersus ipse aspectus quorundam ex ijs astris. Et ab experientia observatum est certis anni temporibus, ex orientibus varijs astris cum certo ad Solem aspectu varios effectus in his interioribus excitari. v.g. Orion dicitur ciere pluuias, vnde cognominatur pluuiolus Orion: Arcturus afferre frigus, de quo meminit ipsa Script. sacra Job. 37. *Ab interioribus oriatur tempestas & ab Arcturo frigus*: Canis mouere calorem, de quo Plinius lib. 2. cap. 4: *Canicula exortu accendi Solis calores quis ignorat? Cuius syderis effectus multiplices in terra sentiuntur, feruent maria exoriente eo, fluctuant in cellis vina, mouentur flagna, &c.*

Deinde, loquendo de cælis, sanè non apparet ab ijs cælis, in quibus sunt astra, provenire illos alios effectus, nisi quantum astra ipsa operantur. Et rectè quidem res ita se habet, ut omne cælum factum sit propter suum astrum, vel sua astra, & moueatur ad hoc ut deferat astrum, totaque operatio in hac inferiora ab ipso astro proveniat. Significauit hoc Arist. 1. 2. Metaph. 48. dicens, motum cæli ordinari ad motum stellæ: quia scilicet cum stellæ sint quæ debent operari, debebant motu cæli circumferri. Suadetur etiam ratione: quia cum cælum per integrum circuitum & mundi ambitum extendatur, æqualiter in omnes partes per se ageret, nisi dicatur partibus ætherogeneis constare, sed iam partes ætherogenæ cælorum gerentium astra sunt ipsa astra, specie differentia à toto cælo. Et insuper, si vnum sit totum cælum sydereum, vel fluidum, vel canalibus ex-

Cæli in quibus sunt astra non videntur operari.

canatum, vel apud nos Planetarum
zonis intextum, multò minus dici
debebit ipsum cælum alios varios
effectus per alias partes præter alia
operari.

*Nec
etiam si
qui sint
cæli mo-
biles su-
perio-
res.*

De duobus cælis superioribus qui
iuxta communem sententiam ultra
octauam spheram constituuntur,
nempe cælo crystallino & primo
mobili, opinati sunt aliqui, debere
quoque suas operationes habere, &
in his inferioribus exercere, ne ve-
lut otiosi manerent, ac specialiter
cælo crystallino tribuendam puta-
runt effectum frigus, ad tem-
perandum videlicet nimium calo-
rem qui alioqui ab astris inferiori-
bus proueniret: inducti fortasse ip-
so crystalli nomine seu glaciæ: vel
aquarum nomine sub quo censent
vocatam fuisse in Scriptura: sicut
alii propter eundem effectum pu-
tarunt constitutas fuisse supra fir-
mamentum aquas, qua veras aquas
supra cælum stellatum intelligere
voluerunt. Verùm, iam antea osten-
dimus nō oportere propter motum
distinguere alios illos cælos supra
cælum sydereum. Quod si distin-
guerentur, sufficiebat illis opera-
tio motus ob quem cogitati fuerunt.

*Non ce-
lum cry-
stallinū.*

Et præsertim vanum est, cælo
crystallino adscribere frigus. Non
erat sanè timendum ab interioribus
astris orbis incendium, quando in-
ter ipsa astra sunt & illa quæ habent
immittere frigus. Non erat asti-
mandum nomen crystalli, & gla-
ciæ, quod propter omnimodam
transparentiam illi cælo attributum
fuerat. Non oportebat nomine il-
larum caelestium aquarum intelligen-
re tale cælum, quasi in frigore seu
in refrigeratione cum aqua conue-
niens: sicut non debebant veræ aque
supra cælum stellatum intelligi, &
ad effectum refrigerationis institui.

*Nec
primum
mobile.*

Magis videri poterat, debere pri-
mo mobili plurimarum operationū

varietatem attribuisse quod de om-
nibus & singulis Planetis dicitur,
diuersimodè quoad operandum af-
fici & disponi prout in varijs Zo-
diaci signis pro ratione sui circuitus
enagantur, vt præsertim notum est
apud Astronomos: signa autem hæc
Zodiaci in quibus Planete sic dispo-
ni dicuntur, non sunt illæ stella-
rum imagines quæ in octaua spha-
ra pinguntur, vt ijs stellis hæc res attri-
bui possit: sed considerantur in ipsa
primo mobili, ex cuius signis iam
dimotæ sunt versus orientem ima-
gines octauæ sphaeræ, & modò di-
variant per spatium vnius ferè signi,
& semper plus diuariabunt per mo-
tum proprium octauæ sphaeræ: atque
adeo dum nunc Sol esse dicitur v. g.
in Ariete, est in Ariete primi mobi-
lis, vnde simul est in Piscibus octa-
uæ sphaeræ, quia per motum ab oc-
cidente in orientem Pisces octauæ
sphaeræ subitant Arieti primi mobi-
lis. At semper illa dispositio quæ
attribuitur Planetis penes varia li-
gna Zodiaci, intelligitur eodè mo-
do respectu primi mobilis. Hinc
ergo deduci videtur, ipsum primum
mobile has dispositiones & varias
operationes inducere. Quare dici
deberet in suo Zodiaco constare
partibus ætherogeneis iuxta ipsa
varia signa, & ita diuersimodè affi-
cere Planetas, seu cooperari cum
Planetis ad varias operationes.

Hæc sanè ratio magis me inducet
ad cognoscendum primum mo-
bile, siue cælum quoddam distin-
ctum à cælo sydereo, quàm illa cō-
munis ratio de motu raptus. Con-
sultò autem dico, siue cælum quod-
dam distinctum: quia sanè pro hac
re non oportebit hoc cælum esse,
quod rapiat cælum sydereum, vnde
diceretur primum mobile: sed satis
esset, quod ipsum quidè exactè fer-
retur motu diurno ab oriente in oc-
cidentem, non participans de villo
mo-

motu proprio quarumcunque stellarum: imò satis esset quod collocaretur non supra sed intra ipsum cælum sydereum, dummodò haberet exactè talem diurnum motum.

Sed neque hac ratione oportebit de nouo inducere primum mobile, eiquè proprias operationes attribueret. Nam & hæcenus à Philosophis constituta nō est vlla diuersitas partium in primo mobili pro signis Zodiaci, nec illi operationum diuersitas attributa. Itaque, in primis pleraquē ex ijs quæ dicuntur de diuersa affectione & dispositione seu operatione singulorum Planetarum pro vario situ in varijs Zodiaci signis, sunt potiùs ab Astronomis cogitata quàm quod solida veritate subsistant. Deinde alia, si vera sint, saluari poterunt per diuersum situm ipsius Planetæ penes varium accessum & recessum: vt Sol in Cancro & Leone efficit apud nos maximum calorem, quia est nobis propinquior seu directior: & sic alia plurima esse possunt in singulis Planetis. Item per diuersum aspectum plurium Planetarum inter se: nam per lationem singulorum in Zodiaco variât inter se aspectus, & hæc varia coniunctio vel distantia & proportio in loco, multū conferre poterit ad operandum. Demum per diuersum quoque situm ad stellas fixas: vnde & arbitror temporis decursu euariasse ac semper magis euariare debere observationes factas de operationibus Planetarum pro varijs Zodiaci signis: quo etiam capite & inutiles & fallaces putandæ sint observationes & prædictiones astrologicæ.

An cælum empireum vltro extare supponimus, dubitatur, num quicquam in inferioribus corporibus operetur.

Debere operari, ac verè de facto operationem aliquam incorporibus

inferioribus exercere, affirmat D. Thomas Quodl. 6. art. 19. vbi commemorat, se aliquando oppositum putasse, sed postea re diligentius considerata mutasse sententiam. Et 1. par. q. 66. art. 3. ad 2. vbi ait, satis probabile esse, cælum empireum non influere in inferiora corpora, sed probabilius esse oppositū. Idem affirmant Albert. lib. de Quatuor Cozuis q. 4. art. 14. Durand. Riccard. Argentina Aegid. & quidam alij in 2. dist. 2. Caiet. circa eundem locum 1. par. Suar. 2. par. tractatu de Opere sex dierum lib. 1. cap. 5. Conimbr. 2. Cæli c. 3. q. 2. & alij. Non conueniunt autem in assignanda operatione seu genere operationis quam cælo empireo tribuunt. Et Conimb. ipsi ac Suarez omnē aliorum assignationem reiiciunt: vnde concludunt, determinari non posse quæ sit eius operatio.

Ex aduerso cælum empireū quicquam in alia corpora operari negat idem D. Thom. in 2. dist. 2. q. 2. art. 3. & Alensis 2. par. q. 47. memb. 1. item Hurtad. disp. 2. de Cælo sect. 6. & alij. Et D. Bonauent. in 2. d. 2. par. 2. art. 1. q. 2. vbi vtranque partem probabilem iudicauit. Atque ex parte significant, non solum de facto cælum empireū nihil operari, sed etiam nec fieri potuisse vt quicquam ageret, supposito quod in se non moueatur.

Pro resolutione dicendum est, potuisse quidem fieri cælum empireum cum virtute operatiua qua in inferiora corpora ageret: sed non fuisse necessarium ita fieri: & de facto verisimilius esse nihil in alijs corporibus operari, nisi lucem in subiecto sibi cælo.

Probatur primò potuisse fieri cælum empireum operans in inferiora, quamuis in se non moueatur. Nam motus localis non est conditio generaliter necessaria corporibus

Sententia affirmans.

Sententia negans.

Potuisse fieri etiam empireum operari.

bus ad operandum, vt patet in corporibus his inferioribus. Nec est conditio necessaria specialiter ipsis calis, nisi ad deterendam operationem in circuitu vniuersi vt postea ostendemus. Illi tamen qui volunt calis ita operari per motum, vt cessante motu nihil operari valerent, debebant ex hoc capite negare omnem operationem caelo empireo: & alioqui non consequenter philosophati sunt. Dicit autem solet omne agens creatum nō mouere nisi motum, & solum Deum in se immotū mouere alias res ad extra. Sed hoc vtique non ita intelligitur, quasi omne agens creatum debeat in se moueri localiter ad hoc vt aliquam operationem in alio subiecto valeat exercere. Sed vel quia omne agens creatum indiget concursu causę primę ad operandum: vel quia saltem est capax alicuius motus seu mutationis in se. Solus autem Deus non indiget superiori concursu, & non est capax vllius mutationis in se.

Nō fuit necessarium ita fieri. Probatur secundō, non fuisse necessarium, caelum empireum fieri cum virtute in inferiora corpora operandi. Non enim ratio huius necessitatis erat: quia omnis substantia debeat esse operatiua, ne esset otiosa: Vnde Diuus Dionys. omni rei attribuit, naturam, virtutem & operationem: Imō & Genes. 2. dictum est: *In ipso cessauerat ab omni opere suo quod creauit Deus vt faceret*: vbi sensus videtur, omne opus Dei factum esse, vt operationem aliquam exerceat. Et ex Philosopho habemus, omne quod est esse propter suam operationē. Hęc inquam ratio non persuadet. Tum quia non oportet, omnem substantiam esse operatiuam effectiue agēdo & producendo: sed sufficere potest, esse aptam exercere aliquod munus, quod per extensionem vocabuli operatio appelletur. Sic vti-

que materia non est actiua sed passiua. Et sic sufficiet, caelum empireum habere & exercere suum munus quod est continere Beatos. Et iuxta hoc possunt benē intelligi omnes auctoritates allegatę. Tum deinde etiam si debeat illi tribui vera operatio in genere causę effectiue, necesse non est, vt sit talis operatio transiens ad extra in alia corpora: sed benē potest esse qua ipsa substantia producat in se suas intrinsecas perfectiones.

Tertiō. Neque ratio talis necessitatis erat quam indicat D. Thomas: quia omnes partes vniuersi debent habere inter se ordinem, ordo autem est quo superiora in inferioribus operentur. Et alioqui caelum empireum esset velut extraneū ab hoc vniuerso, & non esset pars huius vniuersitatis, non concurreret simul cum alijs corporibus ad constituendum hoc totum vniuersum. Ad hoc inquam, non oportet, ordinem omnium partium vniuersi esse ordinem operationis & actionis, sed satis erit ordo collocationis & dispositionis: ratione cuius caelum empireum, quamuis non operetur, tamen proximē coniungitur inferiori caelo, & mediante illo reliquis corporibus; imō intra se continet & concludit omnia alia corpora. Et rursus, quia vniuersum est aggregatum ex omnibus corporibus, verē & propriē caelum empireum est pars vniuersi, non est ab illo extraneum, sed per se concurrat simul cum alijs corporibus ad constituendum totum vniuersum.

Quartō. Neque ratio talis necessitatis erat, quam magis vrget Suarez: quia caelum empireum est substantia valde nobilis & sublimis, dicique debet nobilior omnibus alijs caelestibus corporibus: at perfectio substantię ex eius operationibus reputatur: vnde si caelum empireum

Non ob ordinē & vniuersitatem vniuersi.

Non ob nobilitatē ipsius calis.

pireum nihil operetur, erit valde ignobilius alijs cælis: ergo dici debet potius plures & perfectiores operationes exercere. Cumquæ non sit substantia viuens, debet suas operationes traducere ad extrinseca subiecta sibi corpora: quoniam proprium est viuentium operari immanenter in se ipsis: & sic Angeli habent perfectiores suas operationes vitales, & sic excedunt omnia cælestia corpora. Neque hoc inquam vrget: quia, cum cælum empireum sit propriè institutum vt sit sedes Beatorum, non debet perfectionem accipere penes hoc quod in inferiora corpora operetur, quod vtiq; nihil ad eius institutionem contret: sed potius debet perfectum reputari in ijs conditionibus quæ ad eius finem directè pertineant, videlicet in magnitudine & præsertim luce, qua reputari debet lucere ab intrinseco valde plus quàm omnia astra & ipse sol, & quoad hoc potest illi attribui propria operatio in se ipso, nempe qua ex suamet substantia & virtute possideat lucem. Non enim omnis prorsus operatio immanens est propria viuentium: sed etiam substantijs non viuentibus conueniunt eæ operationes quibus in se ipsis efficiant naturales suas proprietates ac debitas perfectiones.

De facto calū empireū non est institutum ad operandum.

Quintò iam probatur non esse de facto vllam operationem tribuendam cælo empireo in hæc inferiora corpora. Quia cælum empireum per se & propriè conditum & ordinatum fuit vt esset domicilium Beatorum: ita quod si Deus non instituit supremum illum statum supernaturalis beatitudinis, nullatenus cælum empireum cōdere debuisset: vnde de facto non fuit agnitum nec cogitatum à Gentilibus Philosophis: atque sine cælo empireo adhuc stetit optime constituta tota vniuers.

si machina quoad omnes & singulas dispositiones naturales: igitur ex tota ea ratione qua à fidelibus cognitum est & constitutum cælum empireum, putari potius debet nihil in interiora corpora operari, nec se in gubernatione harum inferiorum & caducarum rerum immiscere.

Sextò idem suadetur examinando omnem operationem hactenus certam cælo empireo attributam. Aliqui operam apud D. Thom. loco cit. in 2. dicebant, cælum empireū influere quoddam lumen directum ad vnionem animæ rationalis cum corpore, sicut cælum crystallinum ad vnionem animæ sensitivæ, & cælum sydereum ad vnionem animæ vegetatiuæ. Aliqui apud Riccard. dixerunt, & fauet Clavius in cap. 1. Sphæræ §. *De numero orbium cælestium*, cælum empireum operari peculiare quosdam effectus in terra, qui semper determinatè in certis terræ regionibus contingunt, vt certa metallæ, plantæ, & animalia: vnde hæc opera tribui debebunt cuidam cælo immobili, ac semper per easdem suas partes easdem terræ partes respicienti. D. Thomas loco cit. 1. par. resoluit, à cælo empireo communicari cælo inferiori aliquid fixum & stabile, puta virtutem continendi & causandi, vel aliquid huiusmodi ad dignitatē pertinens. Et quodl. 6. art. 19. ait, à cælo empireo communicari corporibus interioribus perpetuitatem ac permanentiam. Nam inquit, per motum proprium singulorum cælorum & astrorum causari vicissitudinem & varietatem rerum; per motum diurnum primi mobilis perpetuum & constantem, causari continuationem motus in his inferioribus; per cælum tandem empireum quod non mouetur, causari perpetuitatem ac permanentiam rerum.

Sed manifestè cognitio illa de influxu

influxu luminis ad vnionem animæ cum corpore est fabulosum commentum. Distributio illa peculiarium effectuum per quasdam terræ regiones, non debet nec potest referri ad cælum empireum. Nam sine dubio hoc cælum est totum homogeneum & eiusdem rationis in omnibus suis partibus: vnde non potest per alias & alias partes diuersos effectus gignere in varijs terræ plagis. Et præter omnem rationem hac varietas expectanda erat ab illo cælo quod institutum est pro sede Beatorum. Quare, si opus fuisset, cogitari potius debebat aliud cælum immobile propter tales effectus. Sed bene & sufficienter potest talis diuersitas effectuum referri ad diuersitatem ipsius terræ, penes diuersas dispositiones aut rerum semina ab initio illi insita, penes variam quoque mixtionem aquæ & aeris intra terræ viscera: ac etiam penes varium astrorum aspectum; licet enim astra assidue reuoluantur: tamen peculiari quodam respectu dici solent varia astra & cæli signa varijs terræ regionibus præesse. Demum, virtus illa continendi & causandi aliaue dignitas, intelligi nequit quænam sit, à cælo empireo communicata alteri cælo: siquidem ipsa cælestia corpora habent per se ex natura sua proprias virtutes & facultates. Perpetuitas quoque & permanentia rerum non est aliud quam perpetua ipsa rerum series: vnde non debet nec potest habere aliam causam, præter collectionem causarum à quibus res ipsæ sunt, quæ collectio semper firma consistit.

*Nisi tu-
cis in su-
bislo si-
bi calo.* Septimò tandem bene admitti potest, cælum empireum operari & producere lucem in subiecto sibi cælo. Cum enim cælum empireum sit lucidissimum, & lux ex natura sua sui similis productiua, nulla dif-

ficultas in hoc esse potest. Et hoc pacto Durand. in 2. d. 2. q. 2. explicauit huiusmodi operationem cæli empirei. Et sic saluari potest, cælum empireum exercere operationem aliquam extra se. Attamen hæc suam lucem & operationem non, vsq; ad hæc inferiora transmittit. Quinimò fortasse non effundit ultra proximam superficiem sibi subiectam cuiusdam veluti cælestis cortinæ quæ ita opaca sit, vt contineat empirei radios, ne infra se visibile sit, iuxta ea quæ diximus q. 3. 2. sect. 4. circa cæli empirei existentiam.

SECTIO SEXTA.

An & quo pacto Corpora cælestia operentur in hac inferiora per motum.

DVplicitè intelligi potest corpora cælestia operari in hac inferiora per motum, vno modo tanquam per formam seu virtutem agendi, alio modo tanquam per conditionem requisitam ad operandum.

Est quædam sententia affirmans, *Senten-
tia affir-
mas mo-
tum esse
formam
et virtu-
tem per
quæ cala-
operen-
tur.* corpora cælestia adæquatè operari per motum tanquam formam & virtutem agendi: quod rursus varijs modis explicatur. Aliqui omnem cælestem operationem reducunt ad lumen & calorem, quibus median-tem per
tibus fiant omnes alij effectus: lumen autem & calorem fieri dicunt à cælo per suum motum quo secum sur-
rapit aerem, & sic illum attenuando illustrat, & agitando calefacit. Atque ita aperte docuisse videtur Arist. 2. Cæli et x. 42. vbi sic inquit: *Calor
ab ipsis & lumen generatur, attrito
aere ab illorum latrone: nam natura
aptius est motus ignis & ligna & la-
pides & ferrum. Et rursus repetit;
Aerem cum sub corporis circulari-
ter moti sphaera existat; necesse est,
cum*

cum illa fertur, incallescere, & hac maxime qua Sol exeat infixus. Atque iterum 1. Meteorol. cap. 4. eodem pacto explicat, calorem gigni per calorum motum.

Nuper Thomas Gianninus lib. 2. de Natura cæli cap. 12. contendens, cælos adequatè operari per motum, id explicat fieri triplici ratione: primo, quia ex ipso calorum motu pèdet omnis inferiorum rerum motus: secundo, quia cælum mediante motu est causa efficiens generationis, tum eius qua elementa transmutantur inter se, tum eius qua ex elementis mixta resultant: tertio, quia cælum suo motu & perpetua reuolutione ignem sibi subiectum pellit deorsum, eiusque particulas vsque ad terram deiicit, ignis autem caliditate & virtute alia res generantur & conseruantur.

Præterea Simplicius, 2. Cæli circa tex. 42. excogitauit, per cælestem motum, à Sole & alijs astris ad hac inferiora demitti radios quosdam corporeos, per quos immediatè lumen & calor alij què effectus produciuntur, & per radios intellectus videtur subtilia quædam corpuscula quoquoersum facillimè & celerimè permeantia.

Amplius Sebastianus Bassonus in sua Philosoph. naturali lib. 2. de Cælo Intent. prima, supponens totum cælum & omnia astra esse de natura ignis, vult cælestia corpora operari immittendo ex sua substantia radios igneos qui sint minuta quædam corpuscula cælestis ignis: & astra esse veluti fontes per quos indelinerenter ad nos veluti continua ignium flumina descendant. Additque Intent. 3. & 4. cælestem ignem varios apud nos effectus edere: quia immensa ignis copia in cælesti regione vagatur, habens partes ætherogeneas: & ita diuersos igneos spiritus in cælo diuersa astra petere, & inde ad nos

defluere, varioq; effectus asserre. Ac insuper Planetas, & præcipuè Solem, ideo diuersimodè affici per diuersa Zodiaci signa, quoniam varios ignes inde hauriunt, & ad nos transtundunt. Ideo etiam stellas in natiuitate maxime hominis certam dispositionem humano corpori imprimere, quia suos ignes quos antea in pueri corpus intra materna viscera clausum non poterant intrimittere, tunc liberè per totum corpus effundunt: stellæ scilicet quæ tunc prædominantur, & sic impediunt quoque ne aliæ stellæ succedentes alios differentes ignes immittant: et ideo corpus per virtutem priorum stellarum disponi, & imprellam dispositionem deinceps retinere.

Alia sententia est quæ affirmat, motum esse saltem conditionem, necessariam & requisitam ad hoc ut corpora cælestia operentur, & hoc pacto cælos operari per motum. Hec modo docet D. Thomas q. 5. de Potentia art. 8. & in 2. d. 2. q. 2. art. 3. & alibi, corpora cælestia taliter operari per motum, quod cessante motu statim ab operando desisterent. Distinguit tamen duplex operationum genus: alias vocat quodammodo immateriales, nempe illuminare & diffundere species visibiles: alias prorsus materiales & cū transmutatione subiecti: & has determinat tali pacto à cæli motu pendere. Agnoscit autem D. Thomas veras calorum virtutes & influentias: itaque ad summum voluit, motum esse conditionem cæli ad operandum, ita scilicet quod cælestia corpora per suas internas virtutes formaliter operentur, indigeant tamen motu tanquam necessaria conditione. Fautent huic sententiæ Moyses Aegyptius lib. 1. qui inscribitur *Dux dubitantium* cap. 71. Anerr. 4. Phys. comm. 98. Alexand. apud Simplic. 2. Cæli comm. 12. Eandem cum D. Thoma

amplexi sunt Thomistæ communiter: nisi quod Soncinas 12. Metaph. q. 13. contendit, non esse verè de mente S. Thom. ipseque asserit, quòd cælum sine motu posset quidem accidentia efficere, non verò formas substantiales, quas vult à cælo produci tanquam instrumento in virtute Intelligentiæ mouentis & assistentis.

Motus non est forma aut virtus per quā cæli operentur. Dico primo. Corpora cælestia non operantur in hæc inferiora per motum, tanquam per formam, aut virtutem, seu rationem formalem operandi. Est res clara & certa, in qua omnes ferè Philosophi conveniunt. Et primò in vniuersum patet: quia absolutè motus localis non est ex natura sua forma seu virtus operatiua talium effectuum qui produciuntur à cælis: & motus localis calorum est eiusdem rationis in hac ratione motus cum aliorum corporum motu: nullatenus ergo motus localis cælorum se habet vt forma seu virtus operatiua, qua corpora cælestia tot effectus in his inferioribus producant. Ad summum potest motus vnius orbis se habere vt forma & virtus ad rapiendum simili motu alium orbem: et hoc pacto dicitur primum mobile rapere inferiores cælos, ac etiam elementum ignis, et ex parte aeris. Sed de reliquo non habet vtique talem vim, qua per se producere habeat alios tam varios calorum effectus.

Astra efficiunt lumen & alias qualitates non per motum. Secundò in speciali, luce ipsa clarius est, formam et virtutem qua astra vsque ad terram lumen effundunt, non esse eorum motum. Nam quantumvis dicantur atterere et attenuare aerem, vtique non per hoc habent illuminare. Sicut apud nos exploratum est, per nullum motum et agitationem atque attenuationem corporum lumen produci: nisi inquantum producat ignis, et sic ignis qui est per se lucidus illuminat

aerem: at certè lumen quod ad nos ab astris effunditur, non ita fit quali ab astris efficiatur ignis, & ab hoc igne effundatur lumen, sed quia astra ipsa per se lucent, & sua luce mundum illuminant. Iamper alias qualitates præter calorem calis vtique non efficiunt per motum, & verè efficiunt non solum calorem, sed alias pariter qualitates aliosque effectus, nec omnis calorum operatio restringitur ad calorem & lumen.

Tertiò. Manifestum quoque est, *Efficiunt calorem quem ex cælesti operatione sentimus non fieri per motum formaliter, eo quòd cælum suo motu rapit & atterit aerem. Tum quia, licet motus apud nos sit causa caloris, quando duo corpora se percutiunt, aut vnum corpus excurrit per aliud, vt dum signita iacitur per aerem in exemplo quod offert Arist. tamen circumuolutio illa aeris in gyrum per motum cæli, non habet talem vim gignendi calorem, & maximè tam vehementem, & ad tam longum spatium. Tum quia sensu ipso patet, Solem ipsum directè per se calefacere quicquid illi expositum est, & non ratione motus atterendo aerem: & ita sentimus calorem directè ab ipso Sole, sicut hic sentimus ab igne: & alioqui ratione motus æqualiter confunderetur calor in locis vmbrosis atque in locis Soli expositis: cum tamen longè acrius sentiamus calorem à Sole per directam incidentiã radiorum. Tum etiam, longè maior est Solis calor in terræ planitie & infima aeris regione, quàm in altioribus montibus & superiori regione aeris: at per motum & raptum aeris, deberet multò magis calefieri superior regio quæ propinquior est cælo.*

Tum præsertim, si motus cæli esset causa caloris, cum sanè totum

cælum æqualiter in circuitu moueatur, omnino æqualiter ipsum cælum per totum circuitum calefaceret: attamen non nisi astrum cæli est, nempe Sol, à quo calorem percipimus. Videns hoc Auerr. 2. cæli com⁴². explicare conatus est, quare magis per stellas quàm per totum cæli orbem, & inter stellas magis per Solem gignatur calor, & hanc rationem reddit: quia stellæ sunt partes orbium densiores, & Sol est maior alijs stellis: & ideo stellæ magis quàm cæli, & Sol magis quàm aliæ stellæ aerem atterunt, magisque proinde calefaciunt. Sed hoc est prorsus vanum: quia cùm totum cælum sit verè solidissimum, vt iuxta doctrinam peripateticam supponimus, nullatenus esse potest tanta differentia inter totum cælum ex vna parte & solum astrum ex alia. Sed omnino oportet agnoscere præter motum aliam peculiarem virtutem calefactiuam in astro quæ non sit in toto cælo.

Tum præterea si motus cæli esset causa huius caloris, non specialiter cælum Solis & ipse Sol calefaceret mundum hunc interiorem: quia Sol & cælum Solis non proximè elementa contingit, non ipse Sol conterit aerem: quia non cælum Solis est inter omnes cælos infimū, vt est notissimum. Nec quicquam iuuat, quod ad hoc respondet idem Auerr. considerari debere omnes cælestes orbis per modum vnius, præsertim quatenus communi motu diurno cidentur, quia per hunc motum calefaciunt. Nam ita, non specialiter cælum Solis, sed ad æqualem totum cælum continens omnes orbis, esset per motum diurnum causa caloris. Et nihil specialiter ageret ipse Sol, vt pote in medio cælorum existens, remotior à nostro aere: vnde nec quicquam conferret densitas & moles Solis ad quam re-

currebat Auerroes, quæ vtique non nisi per immediatum contactum conterre poterat. Et prorsus aliena est à doctrina Aristotelis hæc ratio Auerrois vt patet in textu.

Tum demum comparando inter se ipsos cælos, qui in doctrina communi & peripatetica supponuntur verè esse distincti, hæc operatio caloris magis deberet attribui cælo inferiori atque adeo propinquiore, quàm superiori & remotiori: imò simpliciter deberet attribui cælo Lunæ quod est omnium infimum & proximum. Videns hoc Arist. in alio loco citato Meteor. rationem reddit, cur Solis latitudo magis calefaciat: quia inquit propinquior & velocior latitudo magis calefacit: at superiorum astrorum latitudo est velox quidem sed remota, Lunæ est quidem propinqua sed tarda, Solis autem latitudo sufficienter ambas conditiones habet. Loquitur verò de velocitate non in motu proprio singulorum Planetarum, sed in motu diurno, qui magis retardatur per velociorem motum proprium Planetæ. Sed hoc prorsus non satisfacit: non solum quia pro hac re, modica est hæc velocitatis differentia, vt tantum calorem à Sole & non à Luna afferat, multoque magis cōferre deberet maxima differentia propinquitatis: sed præcipuè nihil omnino faciet quātumuis maior esset Solis velocitas, dum inter Solem & aerem interponitur Lunæ tarditas: nō enim atteritur aer iuxta velocitatem Solis, sed iuxta tarditatem Lunæ, quia non rapitur cum velocitate Solis sed cum tarditate Lunæ. Supponebat insuper Arist. spheram Solis immediatè supra Lunam consistere: at reponendo spheras Mercurij & Veneris sub Sole, magis hæc quàm sphaera Solis dici deberent calefacere subiectum aerem, iuxta hanc Arist. responsionem.

Quar-

*Nō mo-
tus cali
& tran-
smuta-
tionis
corporū
inferio-
rum.*

Quartò deinde. Non ex motu caeli pendet inferiorum corporum motus, quasi ex suo vero principio: non enim motus caeli in gyrum, est causa motus, quo lapis descendit, ignis ascendit, quo aqua calefit ab igne, & sic de alijs motibus. Non etiam motus caeli est simpliciter & directè causa generans ex vno elemento aliud, & ex elementis mixtum. Nullam enim causæ proportionem habet ad has transmutationes ipse motus localis, qui ad summum conferre potest deterrando & applicando causam, quæ per suam veram virtutem operatiuam agere debet. Non denique suo motu cælum propellit deorsum ignem, cuius vi fiant aliarum rerum mutationes. Motu enim circulari cælum rapit ignem in orbem, non propellit deorsum: cum nulla partium inæqualitate & velut in cursu illum auellat atque disijciat. Et, si impelleret, neuiquam vsque ad hæc interiora demitteret, & in his retineret, contra impetum ipsius ignis sursum cōtendentis. Et, si hucusque demitteret, ac retineret, non solus ignis rebus immixtus esset causa tot effectuum. Et, si tandem ignis ipse omnia perficeret, cælum hoc pacto esset solum causa per accidens sicut apud nos qui applicat agens pasto.

*Corpora
caelestia
non im-
mittunt
radios
corpo-
reos aut
particu-
las de
sua sub-
stantia.*

Quintò. Nec illo modo per motum dici debent caelestia corpora operari immittendo radios corporales, seu corpuscula & particulas de sua substantia. Cæli enim in doctrina peripatetica sunt prorsus solidi, non possunt distrahi in partes atque comminui, non patiuntur cum his elementis inferioribus commisceri. Non possent tales radij hic extinguui cum cælum sit naturæ incorruptibilis non deberent hinc sursum redire, quo continuus fieret radiorum descensus, & ascensus ac perpetuus occurfus.

Sextò. Minus adhuc poterit cogitari, caelestes ignes ad nos demitti. Non enim cælum est naturæ ignis, vt modò supponimus. Et si esset, non posset talis ignis deorsum demitti & perpetuò fluere. Non possunt plures ignis species distingui, pro varijs effectibus. Et alia omnia quæ Balsonus finxit, fabulosa prorsus sunt, & Philotopho inaigna. Et inutiliter demum hæc siue ignium, siue radiorum immissio per caelestem motum cogitata est: quando optimè omnia saluari poterunt per hoc quod caelestia corpora in suo loco consistentia consuetos effectus in his interioribus progignant.

Dico 2. Corpora caelestia nec etiam operantur per motum tanquam conditionem per se necessariam ad simpliciter operandum. Hæc assertio est satis communis, Scoti in 2. d. 14. q. 3. Durand. d. 15. q. 3. Riccardi d. 2. par. 3. q. 3. Argent. d. 14. q. 2. Conimb. 2. Cæli cap. 3. q. 4. art. 2. Ruuij q. 3. & 4. & aliorum frequenter.

Probat 1. quia motus localis ex sua ratione non est nisi acquisitio loci & præsentia in loco: non potest ergo concurrere & requiri ad operandum, nisi quatenus agens debeat collocari in certa proportionem & propinquitatem loci cum passo: quando ergo agens adeptum iam erit talem locum, poterit sine alio suo motu operari in illud passum nec indigebit indefinenter actu in suo loco moueri vt operetur.

Secundò. Ita de facto constat corpora hæc inferiora agere, & operari, dum in se absque motu quiescunt, vt est notissimū: ergo maiori ratione id concedendum est caelestibus causis, quæ sunt utique superioris virtutis, & efficaciz. Imò ipse D. Thomas asserbat, cælum empiricum nullo motu agitatū verè operari: ergo & alij cæli, etiam si im-

moti quiescerent, possent, ac deberent naturaliter operari.

Etiam cessante motu corpora cælestia agerent. Tertiò. De facto quando ad vocem Iosue iussu Dei stetit Sol, et tota calorū machina, vtiq̃ue non minus Sol illuminabat ac etiam calefaciebat, & idem omnino putandum est de alijs cælestibus astris eorumque operationibus: neque sanè nouo miraculo fiebat, vt eo tempore consuetas operationes exercerēt. Possunt ergo ac debent corpora cælestia etiam sine motu suos effectus operari: neque motus est illis conditio prorsus necessaria ad simpliciter operandum. Et sicut D. Thomas id fatebatur de quodam operationum genere, fatendum pariter erit de omni alio genere: quia non potest esse peculiaris ratio pro vno & non pro alio operationis genere.

Et habet virtutem agendi. Quarò. Supposito quòd non ipse motus sit forma & virtus cæli operatiua, sanè adhuc sine motu cælum retineret suam virtutem & facultatem, essetquē sufficienter applicatum circa eam inferioris mundi partem, cui cæleste astrum esset expositū: ergo posset ac deberet operari. Neque audiendum est quod quidam Thomistæ dicunt, Intelligentiam, dum cælum mouet, communicare illi virtutem. Nam potius ipsis Angelis Theologi nō tribuunt aliam operationem erga corpora nisi motum localem. Et sine dubio, sicut Sol per suam lucem innatam, & non ab Intelligentia acceptam, illuminat; ita omne astrum habet innatam facultatem, qua suam operationem exerceat. Neque recipiendum est quod Soncinas distinguebat de formis substantialibus & accidentalibus: sed quoad omnes eadem est ratio. Ac præterea, si Intelligentia haberet duplicem operationem circa cælum, nempe mouere, & communicare illi virtutem operatiuam, posset adhuc vnā sine

alia exercere: & ita hoc etiam capite posset cælum licet immotum varias suas operationes exercere.

Dico 3. Corpora cælestia operantur per motum tanquam conditionem requiritam ad rectè disponendas, ac deferendas, & distribuendas suas operationes per varias mundi partes, atque ad simpliciter exercēdas quasdam peculiare operationes quæ ex certo situ & concursu plurium simul causarum cælestium perfici debent. Hæc assertio est ab omnibus admitenda, & quod indiano experimento manifesta. Si enim Sol v. g. perpetuò in eodem cæli situ absque motu quiesceret, vnum solum Emispherium illustraret & calefaceret: vt ergo totam terram perlustraret indiget motu. Et sic pariter se habēt omnia alia astra quoad suas operationes. Verè tamen quædam operationes exerceantur ab astris etiam in opposito sibi terræ emispherio: sed adhuc diuerso modo & efficacia in vno vel alio situ agunt. Item si Sol non haberet motum proprium sub Zodiaco; semper in vna eademquē terræ regione æstatem faceret, in alia hiemem: indiget ergo illo motu ad variandam suam operationem in diuersis terræ plagis. Sic pariter se habent in suo genere alij Planetæ.

Insuper, per motum fit, vt singuli Planetæ diuersa signa Zodiaci peragrandō, varias operationes efficiāt pro qualitate signorū. Varias quoque coniunctiones & proportionē subeant inter se & cum stellis fixis: vnde certas quasdam operationes exerceant, quæ videlicet ex plurium astrorum concursu certoquē aspectu dependeant. Multum igitur confert calorū motus ad moderandas & disponendas eorum operationes: summaquē prouidentia à Deo huius vniuersi auctore institutus fuit tam varius & regulatus calorū motus.

Con-

Motus est conditio per quam corpora cælestia distribuunt suas operationes in his inferioribus.

Queda Arist. Contra primam conclusionem. Obijcies primò auctoritatem Arist. initio allatam. Et præterea 2. de Generation. tex. 56. idem Arist. apertè docuit, astrorum motum esse causam generationis rerum: & 1. Meteorol. cap. 2. esse principium rerum, & ex superioribus lationibus, idest motibus gubernari omnem virtutem rerum interiorum. Et insuper 1. Meteor. cap. 4. & sect. 25. Problem. 20. significauit celesti motu deijci igne per totum aerem.

Respondetur ad primam Arist. auctoritatem, nec ab Auerr. nec ab alijs Expositoribus explicari primam partem de lumine: nisi dicere placeat, Arist. per lumen intellexisse idem atque calorem, vel intellexisse ignem. Quoad secundam partem de calore, Auerr. ipse, licet conetur defendere dictum Arist. tamen perspicue supponit, ab ipso quoque lumine præter motum effici calorem: & sic alij quoque affirmant. Itaque non inuenio quid aliud dici possit, nisi quod ait D. Thom. 2. Cæli lect. 10. *Dicit Arist. quod à stellis generatur calor & lumen, eritò aere ab illorum latione: quod non videtur sic intelligendum, quod calor & lumen generentur per aeris contritionem ex motu caelestium corporum.* Quali modestè dicens, Arist. ita ait, sed non est putandū ita esse. Quo enim alio modo intelligendum sit dictum Arist. non attingit. Imò pro comperto supponit, lumen causari à stellis per suamet lucem. Et probat etiam, calorem aliter fieri ab astris quàm per motum. Docet autem fieri per duplicem causam, nempe per motum & lumen. Sed dum assignatur alia causa præter motum, hæc erit sufficiens. Nec oportebit, hanc aliam causam esse lumen, sed benè esse poterit alia peculiaris virtus calefactiva, vt sect. sequenti videbimus. Et Zabar. lib. de Calore

caelesti cap. 78. & commẽdians alioqui sententiam Auerrois, ostendit non esse de mente Arist. vnde ait: *Cum Auerrois sententiam Arist. falsam esse cognouerit, eam tamen reuerentia ductus impugnare non est ausus.*

In secundo loco, Arist. solùm docere voluit, cælorum motum, & præcipuè Planetarum proprium sub Zodiaco, esse causam vicissitudinis generationum & corruptionum in his interioribus: quod non aliter debet intelligi, nisi per modum conditionis, deferendo, & adducendo ac reducendo astra caelestia, quæ per suas proprias virtutes sint transmutationum causa. In tertio loco solùm docuit ipsa corpora caelestia esse principium motus in his inferioribus: ipsosquæ cælos vocauit superiores lationes, idest qui perpetuo motu feruntur. Ac etiam verum est, per cælorum motum gubernari hunc inferiorem mundum, tanquam scilicet per conditionem modo dicto. In vltimis demum locis, docuit quidem, aerem esse refertum igne, sed non dixit igne qui è sublimi sphaera inferius propellatur, sed benè intelligi potest de varijs ignibus qui intra ipsum aerem solent identidem generari: & multò minùs dixit, per huiusmodi ignem fieri operationes quæ corporibus caelestibus tribuuntur.

Obijcies secundo. *Primum in Quo pacto unoquoque genere est causa cæterorum: sed in genere motus & operationis, primus est motus localis corporum caelestium, vt habetur ex Arist. 2. Phys. tex. 25. & 8. Phys. à tex. 54. Ergo hic motus est formalis causa aliorum motuum & operationum, atque per hunc motum dici debebunt corpora caelestia operari.*

Respondetur facillè. In primis non oportet dictum illud verificari

propriè de vera causalitate & efficientia, sed satis est si intelligatur, primum in omni genere esse mensuram aliorum, ad eorum perfectionem dignoscendam. Deinde, motus localis in communi, & motus localis corporum cælestium, non est primus motus ordine causalitatis aut perfectionis inter omnes motus, sed potius ordine communitatis & antiquitatis atque continuationis, ut habetur ex Arist. Et inde non sequitur, ut sit causa aliorum motuum & operationum. Demum, esto alij motus & operationes cælorum debeant pendere à motu locali, satis erit si dependeant tanquam à conditione, ita videlicet quod corpora cælestia per motum successive applicantur ad varias mundi partes, ut in ijs singulis operentur.

*Quo pacto
elo sine
motu ca-
li fieret
alij mo-
tus.*

Contra secundam conclusionem Obijcies tertio motum localem dici debere saltem conditionem cælorum ad simpliciter operandum. Arist. 8. Phys. tex. 56. ut probet motum localem esse cæteris motibus priorem, affert plures prioritatis modos & ante alios hunc: *Dicitur prius, quo non existente non erunt alia, illud verò sine reliquis*: ac deinde subdit, motum localem bene esse posse absque alijs motibus, nullum autem alium motum esse posse absque motu locali, saltem illo secundum quem movet primus motor. Igitur motus localis cæli, est saltem conditio necessaria ad omnes alios motus & operationes cælorum.

Respondetur. Motum cæli esse, utique conditionem necessariam ad hoc ut quolibet causa cælestis admoveatur & applicetur ad varias & singulas partes in quibus debet alios motus & operationes exercere. Sed data iam sufficienti applicatione, non indiget actuali circumlatione, ut in illa parte cui ad motum est valens operari; sed etiam si tunc quie-

sceret & à motu cessaret, adhuc posset circa eam partem operari. Et in hoc sensu negamus, motum cæli esse conditionem necessariam ad simpliciter operandum.

Obijcies quarto. Fundamentum *Quo pacto* D. Thoma. Corpus non movet nisi *elo cor-* motum: ergo ipsa quoque corpora *pus non* cælestia prærequirunt suum motum, *motum* saltem tanquam conditionem, ad *possit* hoc ut alios motus & operationes *movere.* efficere queant. Præterea de facto post diem Iudicii, cessante motu cælorum, deficient quoque cælestium corporum operationes præter illuminationem: ergo motus omnino requiritur ad operationes cælorum.

Respondetur. Iam sectione præcedenti pro cælo empireo explicavimus, non debere dictum illud intelligi de motu locali, aut alio motu actualiter exercito in quocumque corpore seu agente creato mouente & operante. Sed præterea, admitendo de motu locali, explicatur ex eodem S. Doctore 2. cont. Gent. cap. 20. Eatenus corpus non movetur nisi motum, quia debet esse coniunctum & applicatum passo iuxta debitam proportionem in loco: coniungitur autem per motum localem. Itaque, quando agens non est sufficienter applicatum passo, indiget motu tanquam conditione necessaria ut applicetur: sed agens iam coniunctum, non indigebit rursus motu, ut circa illud passum pro eo tempore operetur. De facto autem post diem Iudicii cessabunt operationes cælorum, non ex defectu motus, sed ex divina dispositione, quia Deus subtrahet concursum suum ad illas operationes, quæ amplius non deservient. Vicissitudo tamen rerum & generationum ex natura rei cessabit, quia naturaliter dependet ex motu cælorum modo explicato.

SECTIO SEPTIMA.

An & quo pacto Corpora cælestia operentur non solum per lucem, sed per alias occultas virtutes & influentias.

Sctētia negans alias cælestiorum virtutes et influēntias per lucē.

QUamplures Peripatetici asserere solent, corpora cælestia adæquatè operari per motum & lumen, non agnoscētes alias viles occultas virtutes & influentias. Ita Auerr. 2. Cæli com. 42. Zimara Theor. 45. Picus Mirādul. lib. 3. cont. Astrologos, Georgius Agricola lib. 4. & 5. de Otu & Causis Subterraneorum, Iulius Sirenius lib. de Fato, Zabar. lib. de Calore cælesti cap. 9. Piccolomin. lib. de Cælo cap. 39. & alij. Quia verò hæc sententia coniungit simul lumen & motum, potest dupliciter intelligi: Vel quòd motus cæli pariter ac lumen se habeant tanquam forma seu virtus operandi: & contra hanc partem sufficiunt quæ iam dicta sunt: non enim per additionem luminis obscurari possunt quæ procedebant contra motū. Vel potest intelligi, quòd motus solum deferuiat per modum conditionis, deferendo & applicando astra cælestia ad varias mundi partes in circuitu, virtute autem luminis fiant operationes cælestes. Et hic sensus vt plurimum intenditur ab Auctoribus modò allegatis. Qui rursus varijs modis conati sunt explicare, quo pacto per vim luminis, absque alijs influentijs, fiant à cælis tam copiosæ & variæ operationes atque effectus.

Cōclusio affirmās corpora cælestia operari

Dicendum tamen est, corpora cælestia non operari solum per lumen tanquam formam seu virtutem agendi, sed præcipuè per alias virtutes occultas, & varias influentias.

Dicuntur autem virtutes occultæ eo per alias quòd non sint per se sensibiles sicut virtutes lumen & motus; sed tamen non et influē erunt intellectui occultæ, dum per eas. suos effectus cognoscuntur. Dicuntur etiam influentiæ, vel sumendo influentias in actu primo pro ijsdem virtutibus, & sic sunt principium operationum: vel sumendo in actu secundo pro ipsis operationibus per dictas virtutes exercitis. Hæc assertio est planè D. Thomæ 2. Cæli lect. 10. & Quodl. 6. art. 19. Ferrar. 3. cont. Gent. cap. 84. Abulens. in 3. Regum cap. 17. quæst. 9. Bonauent. Alberti, Riccardi, & aliorum plurimum Scholasticorum in 2. d. 14. Alberti de Saxonia 2. Cæli q. 12. Conimbr. c. 3. quæst. 3. Ruuij q. 2. & Recētiorum valde communiter tam Philosophorum quàm Theologorū.

Et primò quidem satis notum & sensu conspicuum est, corpora cælestia operari per lucem, saltem illuminando hunc mundum inferiorem: corpus enim in se lucidum, ipsa sua luce aptum est efficere aliam lucem in corporibus sibi expositis.

Secundò præterea, luci attribui *Non debet caloris productio* solet productio caloris, ita vt Sol ipse per lucem tanquam virtutem calefactiuam calorem efficiat: cum alio qui Sol non sit formaliter calidus, vt *adscribi lucis.* supponimus: nec calorem ipsum formaliter effundere queat per cæleste spatium intermedium vsque ad hæc inferiora. Et ita id probare conantur Conimbr. 2. Cæli cap. 7. q. 5. art. 3. Et similiter alia astra per lumen videntur aliquem calorem inducere: vt præsertim de Luna notauit Arist. lib. 4. de Partib. Animal. cap. 5. dicens, noctes plenilunij esse tepidiores propter lucem pleniorē: Et lib. 4. de Generat. Animal. cap. 2. dicens, tempus mentis decrescētis esse trigidius & humidius propter Lunę decrementum et defectonem. Verum, non per hæc sauis ostenditur,

tur, ipsam lucem esse, quæ calorem inducat: et expressè Durand. in 2. dist. 14. q. 1. nam. 8. id absolutè negavit. Et nuper Thomas Gianninus in quadam disp. de lumine, et lib. 2. de Natura cæli c. 11. et Alexand. Tassonus in opere Italicè inscripto *Varietà de pensieri* lib. 1. quæsito 1. Et quidè benè intelligi potest, eundem Solem immediatè producere lumen per suam lucem, et producere calorem per aliam distinctā virtutem calefactiuam. Sicut vtiq; ignis lucet simul et calefacit, non autem per lucem calefacit: Quod ergo facit ignis per calorem formalem à luce distinctum, potest facere Sol per calorem virtualem, idest per virtutem calefactiuam. Videmus quoque in corporibus his inferioribus, quæ tant lucere, et producere lumen, nihil tamen prorsus calefacere. Horum meminit Arist. 2. de Anima 72. *Ve fungus, Cornu, capita piscium, & squammæ, & oculi*: talia sunt etiam quædam ligna putrida, et quædam gemmæ, et præcipuè animalcula illa quæ noctu lucent, de quibus Arist. lib. 5. de Histor. animal. cap. 19. *Cicindela à clunium fulgore nomine indito*. Et è contra videmus quædam habere virtutem et operationem calefaciendi, absque omni luce. Insuper alia astra cælestia habent alias qualitates inducere, et præsertim aliqua frigus: si ergo hoc non efficiunt mediante lumine: ita benè poterit Sol per se immediatè calorem efficere. Et sic etiam quæ alia astra calefaciunt. Ac certè Stella verbi gratia Canis, quæ censetur magnum ardorem inducere, non vtiq; id facit ratione luminis, in quo non excedit alias stellas primæ magnitudinis. Quare multò magis falsum est, quod ait Zabari. lib. de Calore cælesti, lumen calefacere, quia rarefacit & extenuat aerem. Et quod ait Valles. cap. 1. de Sac.

Philos. lumen calefacere quia secum attrahit ac defert ignis copiam.

Cæterum si Luna plena maiorem aliquem calorem inducit, id nō tam faciet ratione luminis, quam ratione suæ virtutis & talis aspectus ad Solem, sicut & de alijs operationibus sentiendum erit: per concomitantiam verò dicetur calefacere per maiorem plenitudinem lucis, idest per talem aspectum quo etiam plenius lucet. Sed nec ea quæ Arist. attigit, satis persuadent Lunam plenam magis calefacere, quia scilicet testata in aquis magis abūdant crescente Luna, & ex opposito menstrua contingunt magis decresciente Luna. Nam non oportet hæc refundi in differentiam caloris à Luna: sed potius tribuenda sunt peculiaribus influentijs eius. Alij enim plures effectus in his interioribus videntur contingere per incrementum & decrementum Lunæ, qui non fiunt per differentiam talis caloris. Potius ergo huiusmodi varietas in operationibus Lunæ, provenit ex alijs peculiaribus influentijs eius.

Tertiò præcipuè probatur, corpora cælestia non solum per lucem, sed per alias virtutes ac influentias operari: quia tam multi, & inter se longè differentes, ac sæpè contrarij sunt calorum effectus, ut prorsus nequeant vni simplici luci, tanquam communi formæ seu virtuti, attribui. Eoque magis impossibile est quod plerique significant, & asserit Mirandul. lib. 3. cont. Astrolog. c. 5. & 6. Lucem per se calorem efficere, ipsumq; calorem alios rursus effectus. Plures enim sunt tam insignes effectus, & aliqui etiam prorsus alieni à calore, imò & aliquis calori contrarius, ut prorsus nequeant omnes ij effectus immediatè à calore prodire. Rursus, valdè diuersi sunt effectus diuersorum astrorum, quæ tamen omnia in eadem luce conueniunt.

Nō possunt alij calorum effectus referri ad lucē.

Quar-

Non potest una simplex lux tam varios effectus promovere.

Quartò. Sustineri non potest quod Piccolomineus c. 40. respondet, potle eandem lucem tam varios effectus promere, quia operatur tamquam instrumentum diuersorum agentium principalium. Nam ipsum quoque instrumentum debet esse proportionatum effectui: non potest ergo vnum tam simplex instrumentum ad tam varios oppositos effectus communiter deferuire. Sicut non vnum astrum tamquam agens principale pro omnibus ijs effectibus institutum est, sed tam varia astra: & alioqui facilius est, vnum esse agens principale quod per plures virtutes & instrumenta varios operetur effectus, quam vnum esse instrumentum quod ad eos effectus à varijs agentibus assumatur. Deinde, si astra mediante eodem lumine diuersos producant effectus, vel simul cum eodem lumine immediate alia sua virtute concurrunt, vel eidem lumini imprimunt peculiare alias variasq; virtutes. Et vtroque modo iam concederentur alie virtutes & influentia quas querimus: nec oportebit, eas ita affigere lumini, vt vel in ipso lumine, vel cum lumine, effundi debeant & operari.

Nō possunt distinguī plures lucis species.

Quintò. Nec sustineri potest, quod quidam alij dicunt, & insinuat D. Th. quaest. v. ca. de spirituali creatur. art. 8. ad 12., differre specie astrorum lumina, & ita bene cauere posse diuersos speciales effectus. Nam potius omne lumen apparet eiudem rationis. Et ita docuit idem S. Thom. in 4. d. 44. q. 2. art. 4. sicut vnus speciei est omnis calor, omne frigus, & sic de similibus qualitatibus. Et gratis fingitur talis diuersitas essentialis in lumine. Neque ad quicquam confert. Imò intantum id videretur vtiliter cogitatum, in quantum omnia saluarentur per manifestas & non occultas influentias. At iam per occultam di-

stinctionem specificā luminis quae inuehitur, conceduntur potius occulta influentia in ipso lumine. Patet ergo manifeste, non potle per solam virtutem luminis nobis notam exerceri operationes calorum, sed alias vires occultas esse necessarias, quae potius dici debebunt esse à lumine condistinctae.

Sextò. Id totum comprobatur *Non potest lux effectus suū in intimis terrae visceribus, quò nullum eorum lumen pertingit. Aliqui etiam peculiare effectus in vno emispherio, dum astrū exstitit in altero opposito emispherio, vbi tota terrae moles impedit transmissionem luminis. Præterquam quòd, demptis insignioribus astris, aliorum lumen est adeo debile, vt non videatur ex se lumen vsque ad terram effundere, licet immitat speciem visibilem, sicut & alia corpora faciunt. Et Luna insignes effectus operatur, tam in coniunctione cum Sole quando versus terram non luget, quam in oppositione quando pleno lumine fulget. Dici ergo non possunt calorum operationes fieri mediante lumine, sed omnino alie vires occultae & variae influentiae agnoscendae sunt.*

Septimò demum. Nulla prorsus *Possunt difficultas est in his occultis viribus ac debet & varijs influentijs admittendis. alia vires. Non enim ea solum in rerum naturis & ra recipienda sunt, quae sensibus obuiant, non totae sensibiles qualitates: sic poni. quod, et set, prorsus Philosopho indignum. Sed & in his rebus inferioribus extant formae substantiales, & plurimae quoque accidentales, quae non sensibus percipiuntur, non oculis videntur: sed ab operationibus & effectibus nobis notis, & varijs ratiocinationibus, à nobis deprehenduntur: facillimè ergo huiusmodi vires occultae & variae influentiae caelestibus causis tribuendae sunt.*

Arist. Sed contra has virtutes occultas
cas non & influentias Obijcies primò. *negavit.* Arist.
dum agit de cælorum operationi-
bus nusquam meminisse videtur ta-
lium influentiarum: ergo consenti-
e sunt fictæ & à doctrina peripate-
tica alienæ. Et præterea laudandum
non est in Philosophia naturali re-
currere ad huiusmodi virtutes oc-
cultas quæ assignari non possint: sed
debent Philosophi per virtutes sen-
sibus notas saluare rerum operatio-
nes, & hæ virtutes in cælis sunt mo-
tus & lumen.

Respondetur. Nullus credo prohi-
bet, sed potius ratio præcipit, ut si
quid in Philosophia de nouo inuē-
tum sit, quod Arist. non attigerit,
vltro recipiatur. Imò etiam si Arist.
inueniretur expresse influentias de-
negasse: multò plus sanè in rebus
philosophicis valere debet ratio
quàm auctoritas. At saltem Arist.
tales cælorum operationes & effe-
ctus passim agnoscit, ut pro ijs verè
supponeret dari in cælis virtutes
idoneas, & proportionatas, ideoq;
solicitus non fuit de ijs distinctè
loqui. Non sunt ergo cælorum in-
fluentiæ à doctrina peripatetica alie-
næ, imò ei valde conformes: & à
plurimis Peripateticis merito rece-
ptæ sunt. Atque non solum laudan-
dum, sed necessarium est in Philo-
sophia, ad has virtutes recurrere. Et
vituperandum potius est, ita velle
sensibus inherere, ut non nisi virtu-
tes sensibiles agnoscantur. Debue-
runt sanè constitui formæ substan-
tiales cum materia, utique sensibus
occultæ, & sic debent aliæ occultæ
rerum virtutes, & qualitates agno-
sci, quæ tam in corporibus his in-
ferioribus, quàm cælestibus, passim
occurrunt.

Nō suf- Obijcies secundò ex Mirand.
ficit ca- Potest calor à luce cælesti produ-
lor ad ctus, tanquam viuificum quid &
omnes sublimioris naturæ exercere omnes

alias operationes à cælo pendentes: *calorum*
ergo negandæ sunt omnes aliæ vir- *effectus.*
tutes & influentiæ. Assumptum po-
test probari exemplo caloris in ani-
mali: hic enim calor tam insignes
varias ac velut oppositas operatio-
nes in animalis corpore perficit: er-
go similiter calor cælestis in vni-
uerso.

Respondetur. Negando assum-
ptum. Nec enim calor cælestis est
propriè viuificum quid: nec est ve-
luti causa aut instrumentum gene-
rale ad tam varias cælorum opera-
tiones: nec differt specie à calore
elementari, ut supponit Mirandula-
nus: ac etiam si differret, non suf-
ficeret: imò non tam esset verè ca-
lor nobis notus, quàm potius alia
differens atque adeo occulta quali-
tas. Exemplum adductum confir-
mat potius cælorum virtutis. Nam
non solus calor in animali, sed præ-
cipue aliæ plures virtutes & facul-
tates extant, quæ vitales operatio-
nes perficiant: coadiuvantur tamen
virtute caloris. Et ita pariter in cæ-
lorum operibus, vltro fatemur, mul-
tum conferre calorem. Sed non
cogimur dicere, calorem hunc à lu-
ce prodire, ut iam ostensum est.

Obijcies tertio. Experientia con- *Quid*
stat, Lunam secundum varietatem *conferat*
qua illuminatur à Sole ac terram re- *variatio*
spicit, varios proferre effectus. At- *luminis*
que specialiter ex ecclipsibus, siue *in astris.*
Solis, siue Lunæ, in quibus fit nota-
bilis mutatio & defectus luminis,
multi extraordinarij effectus emer-
gunt. Signum ergo est, corpora
cælestia solo lumine absque alijs in-
fluentijs operari.

Respondetur. Eadem experien-
tia constat, non imminui aut defi-
cere operationes Lunæ vel Solis per
imminutionem & defectum lumi-
nis: imò potius maiores quoddam
& peculiare effectus à Luna prodire
in coniunctione cum Sole, & tam
à So-

à Sole quàm à Luna in sua ecclipsi. Et sanè non talis est conditio & variatio effectuum ab astris prouenientium, ut ipsi lumini cuiusque variationi possit adscribi. Ad argumentum ergo dicendum, vel lumen posse se habere tanquam conditionem ad certos quosdam effectus, & ita eius variationem conferre. Vel potius, non formaliter ipsam variationem luminis, sed variationem aspectus & certæ proportionis in loco inter Solem & Lunam esse originem illorum effectuum, ad quos proinde mutatio luminis merè concomitanter & per accidens se habere dicatur.

Quali. Obijciat quartò. Ex Thom.
ser astra Giannino lib. 2. cap. 4. Influxuum
per lu- Auctores supponunt, à luce quidem
mex & fieri calorem, atque adeo omnia
alias in- astra ratione luminis communiter
fluen- calefacere: sed volunt, per alias pe-
cias ope- culiaries influentias posse alius qua-
rentur. litates etiam frigiditatem efficere,
& ita præsertim explicat D. Tho. 2.
Celi lect. 10. Sed hoc fieri non po-
test: quia nulli substantiæ potest se-
cundum eius specificam rationem
conuenire virtus opposita alteri vir-
tuti eidem conuenienti secundum
communem & genericam rationem:
ergo cum omnibus astris ratione
naturæ communis conueniat cale-
facere per lumen, non potest ratio-
ne specialis naturæ conuenire influ-
sus refrigerans. & calorem extin-
guens.

Plures responsiones ad hoc argu-
mentum refert ac refellit idem Gian-
ninus. Sed id tantum non est ut ni-
mum nos fatiget. Vel enim fieri
potest, ut eidem substantiæ bene
conueniant virtutes productiue cō-
trariorum effectuum, quia non sunt
vtique ipsæ virtutes in se contrariæ,
ut patet in rebus his inferioribus: &
possent tales virtutes ita esse con-
temperate, ut vna aliam in operan-

do moderetur, aut iuxta conditio-
nem, & dispositionem subiectorum
vna aut alia operetur. Vel potius
negandum erit, lumen ipsum esse
caloris causam, & omnia astra ra-
tione luminis calefacere. Vnde hoc
argumentum confirmaret quod di-
cebamus non oportere calorem à
lumine fieri: nec infirmabit varios
calorum influxus. Et idem Gian-
ninus negabat calorem à calis fieri
per lumen sed non rectè volebat
fieri per motum.

Obijciat quintò idem Auctor. Vel *Astra*
singulis stellis conuenirent com- *differunt*
muniter omnes influxus, vel varijs *in suis*
stellis varijs influxus. Primum dici *virtuti-*
non potest: quia sic superfluum fuis- *bus &*
set tot astrorum apparatus: & ab *influen-*
vnaquaque stella contrarij prodi- *tijs.*
rent effectus. Neque secundum:
quia ex Arist. totum calum est cor-
pus simplex, & omnes eius partes
eiusdem rationis: vnde Arist. ex eo
quod Luna non voluitur in seipsa
& est figuræ globosæ, idem intulit
de alijs astris, quia omnia dici de-
bent eiusdem naturæ.

Hoc argumentum oppugnare vi-
detur penitus calorum operationes
& varietatem effectuum. Sed eo
nihil nocet: quia adscribendi verè
sunt varijs influxus varijs stellis: &
faciendum est, stellis differre spe-
cie. Arist. verò non plus voluit,
nisi quod totum calum & omnes
eius partes sint vniformis naturæ
caelestis in genere, differentis à cor-
poribus inferioribus: & ab exemplo
Lunæ probabilem illationem duxit
ad alia astra, in illis affectionibus
quæ videbantur astris caelestibus
posse esse & debere dici communes.

Obijciat sextò. Si calum opera- *Ageret*
tur per innatas virtutes & varias in- *per illas*
fluentias, fieri posset, ut adhuc celi *etiam*
motu sublato incolumis permaneret *sublato*
hæc rerum vniuersitas per eandem *motu.*
cali

cæli influentias : at hoc fieri non potest, quia cæli motus est aliorum fons, & origo vnde pendent omnes alij motus.

Nō pro- Sed si hoc argumentum inferat, *pterea* posse adhuc sine motu cælum operari, id nos vltro asseribamus, negando motum cæli esse principium aliorum motuum. Si autem inferat, permanuram rerum vniuersitatem cum eadem successione & dispositione, ac generationum vicissitudine : id non sequitur, quia motus cæli est conditio necessaria ad applicandas ac deferendas cælestium corporum virtutes per totum mundi ambitum.

Nō pro- Obijcit septimò. Si stellæ operantur per infinitas virtutes, vel sunt causæ integræ & totales rerum, vel dimidiatæ & partiales. Non primum : quia ne solæ stellæ, absque alio cōcursu causarum interiorum, omnes effectus gignerent : quod est falsissimum. Neque secundum : quia si causæ hæc inferiores solent singule per se absque adiutorio alterius particularis causæ suos effectus producere, non minùs potuerunt stellæ quæ nobilitate & efficentia sunt excellentiores.

Ad hoc spectat quod aliqui dicunt, cælum concurrere velut causam vniuersalem, & ita simul cum illo concurrere causas interiores tanquam causas particulares. Sed hoc postea examinabimus. Nunc dicendum est, cælum quosdam effectus totaliter sola sua virtute producere, quosdam verò concurrendo simul cum causis interioribus, quosdam remotè disponendo materiam, nempe iuxta variam conditionem effectuum quos postea recensabimus.

Possunt Obijcit octauò. Stellæ non possunt esse causæ propriæ & singulares inferiorum effectuum, & sic nullo modo erunt causæ. Tum quia

cum in his inferioribus dentur propriæ & singulares causæ, non potest esse multiplex causa propria eiusdem effectus : alioqui effectus non gereret determinatè similitudinem suæ causæ, & non certò ostenderet suam causam. Tum quia, cum cælum sit causa communis, non potest simul esse causa particularis. Tum etiam, nullus effectus esset qui non posset cōmodiùs fieri à cælo quàm ab vlla alia causa particulari, & sic tollendæ essent omnes alie causæ : cum tamen potiùs nulli sint effectus qui non possint sufficienter fieri ab his inferioribus causis per temperiem primarum qualitatum, & sic tollendi sunt cælestes influxus.

Sed in primis, alij sunt effectus causarum cælestium, & alij causarum inferiorum. Potest etiam fieri ut idem effectus possit ab vna vel alia causa prodire, ut calor tam à Sole quàm ab igne. Nec aliter terre debet similitudinem suæ causæ, nisi quòd procedit ab ipsa causa. Et benè potest ostendere suam causam, vel in communi, & vage ; vel etiam in specie ac determinatè, ut cum dignoscit quis, se modò cælesti fieri à Sole, modò ab igne. Est verò cælum causa communis, quia plurimos effectus complectitur : & benè potest simul esse causa particularis singulorum, secundum quod ab ipso dependunt. Plurimi autem effectus sunt, qui nec commodiùs nec simpliciter possent fieri à solis cælestibus capitis. Et ex alia parte plurimi, qui non possent à solis causis inferioribus absque influxu cælorum.

Obijcit nonò. Stellæ sunt adeo remotæ ac distantes à terra. Vel ergo operantur immediate in terra : & hoc est contra Arist. & veritatem, quia non datur actio in distans sine medio. Vel transmittendo operationes per medium. Et tunc aut cum ali-

singula-
res.

Quomodo
agat
in terra
distans
via.

aliquo corpore, & hoc non potest explicari quodnam sit, & quomodo transeat. Aut absque corpore, & sic vel accidentia transirent de subiecto in subiectum, vel deberent educi de quolibet subiecto, & ad hoc indigerent alijs cælorum virtutibus, unde sequeretur multiplicatio & processus virtutum in infinitum. Neque verò dici possunt operationes cælorum fieri mediante lumine, quod sanè non est aptū & idoneum ad tot ac tales cælorum operationes.

At iam in communi circa causam effectiuam q. 14. docuimus, quo pacto agens debeat effundere actionem suam, & an possit immediate in distans, vel qualiter debeat per medium: vbi & in speciali sect. 8. attigimus modum operandi causarum cælestium. In omni autem modo dici debet cælum operari educendo formas siue substantiales siue accidentales de potestate subiecti: & hoc per eandem virtutem qua producit ipsas formas. Neque nos sentimus cum illis qui volunt hanc virtutem esse lumen, siue lumen esse instrumentum medium per quod fiant aliæ cælorum operationes.

Habent virtutes ex sua natura & perfectione ut hac inferiora gubernent. Obijcit tandem decimò. Vel stellæ habent virtutes occultas tanquam sibi necessarias, vel tanquam sibi conuenientes, vel propter gubernationem rerum inferiorum. Nō primum: quia non indigent ijs virtutibus ad suam conseruationem & custodiam. Neque secundum: quia non perficiuntur ijs virtutibus, quæ rebus inferioribus deferuissent. Neque tertiu: quia stellæ sufficiēter suis motibus hæc interiora gubernant.

Sed potius ex omni hoc capite stellæ habēt dictas virtutes. Primò: quia necessariò habēt suas proprietates innatas & facultates, non quibus seipsas debeant conseruare, sed quibus iuxta naturam suam debeant circa alia corpora operari. Secundò:

quia dictæ virtutes sunt naturales quædam stellarum perfectiones, illis proportionatæ & consentaneæ. Tertio præcipuè: quia stellæ suis virtutibus operantur, & non aliter suis motibus hæc interiora gubernant, nisi quatenus cum ijs virtutibus deferuntur, ut suas operationes per varias mundi partes distribuunt & effundant.

SECTIO OCTAVA.

Quos effectus Corpora celestia in his inferioribus operantur.

Primò. Notum & exploratum Operantur pluri-
est, à corporibus cælestibus effici-
fieri accidentia corporea in his infe-
rioribus. Patet ratione: quia etiam acciden-
tia cæli, substantiales producant et-
fectus, non nisi mediantibus acci-
dentibus producere valent: omninò
ergo debent producere accidentia.
Ad assignandum verò, quænam ac-
cidentia à cælestibus corporibus
producantur, Auerr. 2. Cæli com.
42. opinatus est, à cælis præter lu-
men effici solum calorē, dici autem
interdum refrigerare aut humectare,
non quod verè & positiuè has
alias qualitates efficiant, sed quia
debilem calorem immittunt. Se-
quuti sunt Zimara Theorem, 35. Mi-
randul. lib. 23. de Euerfione singu-
laris certam. sect. 2. & quidam alij.

Attamen certum esse debet, à
causis cælestibus per se & positiuè
omnes huiusmodi qualitates verè
produci. Ita alij communiter sen-
tiunt. Et patet tum ab experientia:
quia certis astris exoriētibus explo-
ratur, augeri frigus, aut humi-
ditatem. Quod nullatenus saluari
potest per hoc quod talia astra de-
bilem calorē inducant. Nam etiam
si nullum inducerent, satis esset ca-
lor

lor qui ab alijs astris inducitur: cum ergo tunc augeatur frigus, verè & positiuè ab illis astris efficitur. Còpertum etiam est, per influxu quorundam Planetarum concurrentium formari frigidiores corporum complexiones: non vtique per hoc solum quod tales Planetæ modicum calorem afferant: quia pariter satis esset calor ab alijs proueniens, nisi obrunderetur per frigiditatem ab illis illatam. Tum etiam ratione ex natura harum rerum inferiorum: quia omnes qualitates sunt per se varijs corporibus connaturales: ergo per se dici debent à corporibus caelestibus prouenire. Alioqui, vt arguit D. Thomas 2. Caeli lect. 10. contra Auerroem, maxima ex parte per accidens se haberent effectus hi inferiores ad causas caelestes: cum tamen verè cæli præsideant super omnia hæc inferiora corpora, elementa & mixta, dicanturque veluti causæ vniuersales. Tum demum ex natura ipsa & varietate corporum caelestium. Non enim frustra tot astra & cum tali motuum harmonia constituta sunt: non ergo solus calor ab omnibus corporibus caelestibus expectatur: sed ab alijs calor, ab alijs alix qualitates, secundum diuersam temperiem & mensuram. Accedit præcipuè auctoritas sacrae Scripturæ Iob 37. *Ab interioribus oriatur tempestas, & ab Arcturo frigus.*

Cæterum, dubitari solet de quibusdam peculiaribus inferiorum corporum accidentibus, num causis caelestibus debeant adscribi, vt præsertim fluxus & refluxus maris qui solet specialiter ad Lunam referri, & sic alij similes. Verùm de his in proprijs eorum locis vbi occurent distiterimus.

*Nō effici-
esūt om-
nem in-* Secundò vterius. Circa substantiales effectus, Auicenna apud D. Thomam in 2. d. 15. q. 1. art. 2. affir-

mauit, etiam materiam hanc inferiore a cælis effici. Sed rectè D. *suostan-* Thomas ibi ait, hoc esse erroneum *etiam.* & contra fidem. Est etiam euidenter contra rationem. Nam materia, cum sit primum subiectum, non fit nisi per creationem: solus verò Deus est qui habet virtutem creandi, & à quo fieri debent res per creationem: nullaque alia causa creata est quæ possit quicquam aliud creare. Solum itaque erga formas substantiales poterit calorum causalitas exerceri.

Tertio. Georgius Raguseius disp. *Nec om-* 16. peripatet. cap. 16. & 17. cum Fer- *nē sub-* nelio asserit, formas substantiales *stātiālē* omnes produci à solis caelestibus *formā.* causis, & non ab alijs causis inferioribus. Satis tamen certum est, non à solis causis caelestibus omnes substantiales formas debere produci, sed verè etiam à causis his inferioribus solere effici. Non solum enim animalia per generationem vitalem producant sibi similia; sed etiam inter ipsa elementa, ignis generat ignem, & sic de alijs similibus. Satis ergo erit, quòd corpora caelestia dicantur, vel cooperando cum iisdem causis inferioribus, vel etiam per se totaliter operando quasdam substantiales formas solere producere.

Quartò. Aliqui negarunt prorsus vllam formam substantialem à *Sed be-* cælo produci putantes omnem for- *nē quas-* mam produci vel à causis magis su- *dā sub-* perioribus, vel ab his inferioribus. *stantia-* Soncinas 12. Metaph. q. 13. vult, *les for-* formas substantiales à cælo nō produci tanquam causa principali, sed ad summum tanquam causa instrumentali operante in virtute Intelligentiæ assistentis, & hanc solam esse causam principalem. Sed fatendum potius est, quasdam substantiales formas produci à cælo verè tanquam causa principali. Et sim-
pli-

pliciter quidem à causis caelestibus verè producti formas quasdam substantiales, atque adeo composita ex ijs constituta, patet manifestè: quia patenter per radios Solis gignitur ignis, & quilibet id potest facillè experiri, æstivo tempore, exponendo Soli speculum concavum vnde reflectantur radij solares & apponendo aridam escam in loco ad quem fit reflexio: item exponendo phialam vitream plenam aqua per quam transeant radij solares, & apponendo similem materiam in loco in què incidit vehementia radiorum. Et sic per virtutem calorem gigni possunt alia singula elementa. De alijs etiam corporibus mixtis inanimatis res videtur clara: præsertim de metallis, gemmis, & similibus, quorum productio nulli alteri causæ particulari commodius potest adscribi. Non enim hæc efficiuntur uniuocè ab alijs corporibus sibi similibus: non æquiuocè ab alijs mixtis in quorum virtute contineri dicantur: non principaliter ab elementis ex quorum mixtione dicuntur confici, cum sint naturaliter præstantiora ipsis elementis: optimè autem dicuntur à corporibus caelestibus produci.

Deinde rectè potest & debet cælum dici causâ principalis horum effectuum. Corpora enim hæc inanimata sunt absque dubio ignobiliora corporibus caelestibus: vnde optimè possunt in illis tanquam essentialiter superioribus virtualiter contineri, & sic illis debent tanquam causæ principali suam productionem referre. Nullaque ratio est quæ talem productionem vsque ad Intelligentiam assistentem reducere debeat: nisi in quantum Intelligentia mouendo cælum dicatur causâ applicans, quo pacto etiam ad productionem accidentium in suo gradu concurrat.

Quintò specialiter de animatis

corporibus dubitatur, num à causis caelestibus progignantur. In qua re compertum est, quædam viuientia gigni per propagationem ab alijs sibi similibus in sua specie, quædam verò gigni virtute aliarum causarum naturalium absq; talibus progenitoribus, vt variae plantæ enascentes è terra, & animalia quæ dicuntur fieri ex putri materia. Certum ergo & facile est, causas caelestes concurrere etiâ aliquo modo ad productionem illorum viuētium quæ per propagationem à similibus generantur, nempe per idoneas qualitates disponendo & præparando materiam, ob magnam videlicet dependentiam rerum inferiorum à causis caelestibus, qua fit vt illi quoque effectus qui immediatè à solis causis interioribus fieri videntur, saltem remotè reduci possint ad causas caelestes. Atque ad hinc causalitatem spectat celebre illud dictum Arist. 2. Phys. 26. *Sol & homo generant hominem.* Attamen non oportet in generatione vitali vnus viuētis ab alio, cælum esse per se & directè causam ipsius formæ seu compositi substantialis: quia ad hoc sufficiens erit causa proxima uniuoca. Sed cælum dici potius debet causa solùm per accidens, tanquam præparans & disponens. Et perspicuum est, non aliter concurrere ad generationem hominis. Idemquè putandum est de alijs omnibus viuētibus, quando simili modo gignuntur.

Quamuis autem, etiam ab ipsis progenitoribus viuētia nō gignantur nisi medianibus dispositionibus accidentalibus: tamen longè diuerso modo se habent ipsi progenitores atque causæ caelestes al. tunc causæ naturales cooperantes: & prius potest hoc discrimen constitui. Dupliciter potest causa inducere accidentia & dispositiones, quibus aliis substantialis effectus postea generetur.

An eff. ciat sub. stantias viuētes.

Concurrunt diuerso modo à progenitoribus.

retur. Vno modo immittendo illa accidentia ad hoc vt producant effectum debitum & proportionatum sibi : & hoc modo illi eidem causæ generatio effectus substantialis per se & principaliter debet attribui. Alio modo potest causa immittere dispositiones tanquam connaturales alteri causæ operanti cui sit proportionatus & debitus ille substantialis effectus : & tunc hæ dispositiones non dicentur producere talem effectum in virtute eius causæ à qua immisæ sunt, sed potius alterius causæ cui deferuiunt : sicquæ productio eius effectus per se & principaliter non attribuetur causæ disponenti, sed potius alteri causæ cui est proportionatus & debitus. Primum ergo modo se habet vnum viuens quod aliud vitali propagatione progignit. Secundo modo concurrat cælum : & ita dicetur potius causa disponens quàm generans, vel generans accidentaliter non substantialiter.

Sed maximum discrimen vtriusque causæ est : quod viuens agit per virtutem formatiuam impressam semini, & hæc virtus est quæ verè effectiue est instrumentum generationis : cælum verò aliaquæ causa naturalis tribuit accidentia quæ per modum dispositionis passiuæ præparant materiam ad receptionem formæ : longè ergo diuerso modo Sol & homo generant hominem, & sic in omnia alia simili generatione.

Vinētia De illis deinde viventibus quæ *qua na-* absque propagatione gignuntur, res *gurali-* est dubia an à causis cælestibus vel *terrene-* à quanam causa gignantur. Et ratio *raneur,* dubitandi est in promptu : quia ex *nō sunt* vna parte nulla alia apparet causa, *ab alijs* cui talis productio tribuatur : ex alia *simili-* parte corpora cælestia videntur sub- *bus.* stantialiter ignobiliora corporibus viventibus, & ita vt plurimum censerī solent : non potest autem causa

principalis esse ignobilior suo effectui, sed causa æquiuoca debet esse essentialiter nobilior.

Propter hoc conati sunt aliqui explicare, cælum esse solum causam disponentem ad generationem talium viventium, causam verò propriam & principalem esse adhuc alia similia viuētia : ita vt in generatione ranæ, verbi gratia causa principalis sit adhuc alia rana. Quia, inquit, omnes dispositiones à cælo inductæ sunt instrumentum debitum ac proportionatum alteri ranæ ad producendum sibi similem ranam. At, quia debent assignare quænam rana sit huiusmodi causa principalis, fatentur, ex natura rei nullam esse determinatam : sed dicunt esse ranam quandam vagam respectu nostræ cognitionis, re ipsa tamen determinatam & signatam à Deo.

Verum, aut putant, illud animal cui talem generationem adscribunt, de se etiam aliquid influere, & virtutem formatiuam immittere. Et hoc dici non potest. Tum quia, planè constat, nullum talem influxum adhiberi : nullum tale animal adesse quod ita influat : ac etiam si prorsus nullum simile animal in rerum natura extaret, adhuc fieret illa productio. Tum quia animal non influit ad generationem alterius sibi similis, nisi modo vitali per semen, vt notum est. Aut putant illud animal nullum alium de se influxum adhibere. Et sic prorsus dici non potest generare aliud animal : cum nec ipsum animal quicquam per se operetur : Neque dispositiones à cælo productæ, dici debebunt aut poterunt instrumentum proportionatum ac debitum illi animali : siquidem nec de facto prodeunt nec prodire poterant ab illo. Vbi præsertim considerata sunt illa animalia quæ prorsus non sunt aliorum tibi

sibi similitum productiua quorum meminit Arist. lib. 4. de Histor. animal. cap. 1. & manifestè talia sunt illa quæ sunt veluti media inter plantas & animalia, nempe ostrea, conchilia, & similia. Sicut vtiq; cum generatur aliquod metallum, verbi gratia aurum, non dicitur gigni ab alio simili auro, quod nullatenus ad illam productionem influat. Nec dispositiones per quas producitur vnum aurum, dicitur instrumentum alterius auri: quandoquidem prorsus non poterunt effici ab alio auro. Ac præterea modus proportionatus, & debitus generandi sibi simile in animalibus, non est per modum extrinsecum quo verbi gratia ignis generat ignem: sed per modum vitalis propagationis: igitur in illo casu nullum est instrumentum proportionatum & debitum alteri animali ad gignendum illud quod de nouo producitur. Demum, non apparet quanam & qualis sit illa determinatio diuina qua certum illud animal designetur. Et sine dubio posset Deus nullum designare, & tuac non minus noua animalia intra illam speciem gignerentur. Data etiam illa designatione, non posset dici illud animal potius pater vel mater aliorum quæ gignerentur: cum tamen non aliter vnum animal dici possit aliud sibi simile generare.

*Nō sūt
à quadā
forma
sen In-
telligē-
tia se-
parata.* Aliter Thomistius & Auicenna apud Auerr. 12. Metaph. comm. 18. horum animalium generationem, adscribebant cuidam formæ abstractæ, & separatæ, cui nomen imposuerunt, Datrix formarum. Sed certè talis forma prorsus fictitia est, & nullatenus reperitur. Probat etiā D. Th. 1. par. q. 110. art. 2., non posse intelligētiā separatam esse causam productiuā vllius compositi: quia non est similis illi formaliter, cum non constet ex materia & forma: nec virtualiter, quia sic debe-

ret in sua virtute continere non solum formam, sed etiam materiam, quæ tamen in solius Dei virtute continetur. Hæc tamen ratio per se non est efficax: quia sufficeret, solam compositi formam contineri in virtute illius superioris causæ: sicut vtiq; dici debet si tale compositum producat a cælo aut alia quauis causa creata.

Ipse D. Thom. 1. par. quæst. 70. art. 3. ad 3. & quæst. 6. de Potent. art. 3. prope finem corporis, asserit, cælum quidem esse causam effectiuam talium animalium, tamen tanquam instrumentum Intelligentiæ mouentis, & hanc esse veram causam principalem. Sequuntur Capricol. in 2. d. 9. q. 1. Soncin. 7. Metaph. q. 14. alijque Thomistæ communiter. Et sic magis explicat Ferrar. 1. contr. Gent. cap. 44. §. *Quod autem instatur*: Si cælum esset verè animatum, & Intelligentia esset forma cæli, absque omni difficultate ipsum cælum diceretur causa principalis in productione illorum viuientium: Cum autem cælum non sit verè animatum, & Intelligentia non sit verè forma cæli, sed tantum sit illi assistens, cælum diceretur instrumentum Intelligentiæ, & hæc diceretur causa principalis.

Sed aduersus hunc dicendi modum posset in primis ad hominem retorqueri ratio illa S. Thomæ, quia Intelligentia nec est similis formaliter nec virtualiter continet materiale compositum quoad formam et materiam. Et insuper quia idem S. Thomas & alij Theologi docere solent, Angelos non posse nisi localem motum circa corpora exercere. Attamen, absolue loquendo, prior illa ratio non concludit, vt diximus. Et ad hanc alteram rationem dici potest cum eodem D. Th. loco cit. de Potent. immediate quidem non posse Angelos in his corpori-

*Nō sūt
à cælo
tanquā
instru-
mento
Intelli-
gentiæ
assistens.*

poribus quicquam efficere præter motum, sed mediatè & per tale corporeum instrumentum quod est cælum posse alios quoque effectus operari. Magis ergo facit contra eum dicendi modum: quia cælum non operatur per motum tanquam formam aut virtutem agendi, neque per motum recipiendo ab Intelligentia talem virtutem: sed simpliciter operatur per suam virtutem innatam, ut antea dictum est: & Intelligentia non magis concurrat, quam deferendo & applicando corpora cælestia: non ergo cælum dici debet operari in virtute Intelligentiæ, tanquam instrumentum in virtute causæ principalis: sicut ignis applicatus ab aliquo homine ad comburendum lignum, non per hoc dicitur agere tanquam instrumentum in virtute hominis applicantis: sed adhuc ignis dicitur causa per se & principalis, homo dicitur causa per accidens, causa applicans. Et sic longè diuersa esset ratio, si cælum esset verè animatum, & Intelligentia esset forma cæli: quia tunc a Intelligentia non solum haberet motum, sed haberet suas virtutes tanquam potentias naturales.

*Neo-
tanquā
instru-
mento
Dei.*

¶ Ideo rursus Durand. in 2. d. 15. q. 1. Conimbr. 2. Cæli cap. 3. q. 6. art. 2. & Ruuius q. 2. Fons. 7. Metaph. cap. 7. q. 2. Suar. disp. 18. sect. 2. num. 38. & quidam alij, asserunt, cælum operari potius tanquam instrumentum Dei, a quo verè accepit omnem suam virtutem, & ita Deum esse causam principalem illorum animalium. Verum, si hoc dicatur, in quantum Deus est causa vniuersalis dans omnibus rebus suas formas & virtutes, & actualiter quoque concurrere ad omnem operationem: sic non magis dici debet cælum in tali operatione agere ut instrumentum Dei, quam omnia alia causa secunda in omni alia operatione: at hoc non tollit,

quominus causa secunda in suo genere dicatur verè causa principalis ac debeat esse vel æqualis vel maioris perfectionis cum suo effectu. Si autem dicatur alio speciali titulo & ratione, ita ut Deus præter concursum generalem, se habeat simpliciter tanquam causa propria & particularis: sic inconueniens videtur, in effectibus adeo ordinarijs & frequentibus, & qui alioqui non excedunt proportionem causarum creaturarum, recurrere ad ipsum Deum: cum alioqui constet, pro huiusmodi alijs effectibus constitutas esse & extare causas creatas. Vnde potius, si nulla inueniatur substantia creata quæ verè sit causa principalis horum animalium, non esset cur Deus ipse per omnem temporis decursum eorum productionem sibi assumpsisset, & cur constituisset cælum tanquam instrumentum suum.

Dici ergo tandem poterit, cælum *Sed videtur* ipsum esse sufficientem causam principalem talium viuentium, iuxta id *ab fieri ab* quod notauimus q. 33. sect. 7. non ipso cælo *causa* debere necessariò cælum dici etiam *tanquam* tualiter ignobilius omnibus corporibus viuentibus: sic enim optimè cælum dicitur vera causa principalis *pali*. illorum viuentium quæ ab ipse propagatione naturaliter generantur. Atque hoc non obscure significauit D. Thomas quibusdam locis, nempe 1. par. q. 45. art. 8. ad 3. & q. 91. art. 2. ad 2. absolute enim docet, cælum esse per se causam sufficientem & idoneam talium animalium, nulla facta relatione ad Intelligentiam assistentem. Vnde, quando aliàs dixit, cælum operari ut instrumentum in virtute Intelligentiæ, intellexisse videtur, solum in quantum cælum mouetur ab Intelligentia, supponendo cælum simpliciter operari per motum.

Cæterum Durandus & alij plures tribuunt cælo peculiarem virtutem *Et sunt per speciem*

*cialem
virtutē
produ-
ctiuam.*

tem formatiuam ad gignenda talia animalia, inditam illi à Deo, veluti virtutem seminalem. Ex aduerso Ruuius quæstione citata contendit, cælum non indigere alia peculiari virtute præter communes influentias nobis notas. Et probat, quia ab Arist. & alijs Philosophis agnita non est vlla alia virtus, nec est necessaria. Verùm, siue cælum in tali operatione agat vt instrumentum Dei aut Intelligentiæ, siue vt causa principalis, agit vtique per peculiarem virtutem & facultatem quam habet, tum ad efformanda corpora talium viuentium, cum suis organis & membris, tum ad producendam ac educendam de potentia materiæ animam. Nam vtique debet exercere talem operationem per virtutem aptam & proportionatam. Atque hæc virtus rectè dicitur virtus formatiua & animatiua, & ad instar virtutis seminalis in suo genere. Et sine dubio est peculiaris quædam virtus præter communes alias influentiæ quibus fiunt alij naturales effectus. Nec Aristoteli alijsque Philosophis fuit ignota, si agnouerunt talia viuentia à cælo produci: nam eo ipso debuerunt agnoscere virtutem productiuam requisitam, quæ verè erat necessaria ad talem operationem.

SECTIO NONA.

*Vtrum Corpora cælestia res inferiores in suo esse conseruent,
& ad omnes earum operationes immediatè concurrant.*

*Sciētia
affirmās
conser-
uare.*

Aliqui opinati sunt, corpora cælestia semper suo influxu actualiter conseruare res omnes inferiores quamdiu in suo esse permanent, ita vt cessante cælesti influxu

statim delinerent. Imò quædam sententia refertur, quod si vel vna quæuis stella auerteretur à cælo, aut subtraheret suum influxum, statim totus hic inferior mundus rueret. Ex Recentioribus Fonseca 5. Metaph. cap. 2. §. 9. sect. 2. & lib. 7. cap. 7. q. 3. contendit, res has inferiores vero ac proprio influxu dependere à cælo in conseruari.

Præterea S. Thomas 2. Cæli lect. 4. 1. par. q. 115. art. 3. 3. cont. gent. c. 82. in 2. d. 11. q. 2. art. 6. ad 3. et de Poten. q. 5. art. 8. & alibi, et cum illo Thomistæ communiter, Capreol. in 2. d. 14. q. 1. Ferrar. 4. cont. gent. cap. 9. Soncinas 12. Metaph. q. 11. Iauell. q. 13. Sotus 2. Phys. q. 4. et alij sentire videntur, corpora cælestia debere semper actuali influxu immediatè concurrere ad omnes operationes harum rerum inferiorum, saltem eas quæ concernunt transmutationem materiæ. Vnde, quia volunt, cælum operari per motum, asserunt, quod cessante cæli motu, atque adeo deficiente cælesti concursu, statim naturaliter cessaret, omnis causatum inferiorum operatio, nullaquæ ex his causis valeret quicquam amplius operari.

Dico primò. Corpora cælestia, non debent vero ac positiuo influxu propriè conseruare res has inferiores, nisi tantùm peculiare quosdam suos effectus, qui ex se pendunt à suis causis in conseruari: sed benè quodammodo indirectè et concomitanter conferre ad permanentiam rerum inferiorum in suo statu. Hæc conclusio est communis et certa.

Probatur primò. Dependētia effectus à causa non solum in fieri sed etiam in conseruari, est maxima quæ possit intelligi, et hoc pacto immediatè dependent omnes creaturæ à Deo ex vi essentialis subordinationis omnium aliarum rerum ad primum ens, quia alia res non ha-

Q

bent

*Sciētia
affirmās
concur-
rere.*

*Conclu-
sio negās
conser-
uare.*

bent esse nisi per participationem & intimam dependentiam à primo ente : at nulla ratio poscit, ut hanc tantam dependentiam habeant omnes res inferiores à corporibus caelestibus ; non ita essentialiter subduntur res hae inferiores corporibus caelestibus : non igitur corpora caelestia ita conservant in suo esse res has inferiores .

Non de. Secundò. Non omnes res hae inferiores in prima sui productione efficiuntur à caelis : ab initio enim facta sunt elementa immediatè à solo Deo , & sic etiam in plurimis rebus quos non speciebus facta fuerunt prima individua , ac rursus deinceps innúmera sunt quae passim fiunt à causis his inferioribus . Hi ergo omnes effectus dici non debent alio peculiari influxu conservari à caelis quam diu in suo esse permanēt : sicut enim non ab illis dependebant in fieri ita nec postea in conservari . Sunt quē ex natura sua tales effectus, qui non indigent continuata conservatione à causa creata , & ideo non conservantur à causa proxima particulari à qua efficiuntur, ut inter ipsas res inferiores compertissimum est : igitur nec debent conservari à caelis . Neque verò cogitari potest, omnes quidem effectus debere à sua causa propria conservari, sed deficiente influxu causae propriae inferioris, suppleri à causis superioribus caelestibus . Iam enim q. 26. sect. 1. ostendimus, non esse de necessitate rerum quae fiunt, ut semper deinceps à suis causis conserventur ; nec esse talem indigentiam & subordinationem, ut deficiente influxu à causa propria, debeat ab alia superiori suppleri . Si verò effectus qui fiunt ab alijs causis praeter caelos non conservantur deinceps à caelo alijsue causis creatis : nec etiam effectus qui fiunt verè ab ipsis caelis, debebunt deinceps ab ijs propriè conservari, quando-

quidem eiusdem rationis erunt cum effectibus productis ab alijs causis, verbi gratia ignis productus à Sole , ac ignis productus ab alio igne, et sic de omnibus similibus : ac etiam si aliqui sint diversae rationis, ut fortasse viventia genita virtute caeli ab alijs genitis per propagationem, saltem in hoc cōuenient, quòd non indigeant perpetuo influxu conseruatiuo à tali sua causa .

Tertiò. Experientia constat, ple-
Effectus
astrorū
perma-
nēt etiā
receden-
tibus a-
stris.
rosque effectus gigni virtute astrorum in certo situ & proportionem existen-
tium, ac deinceps adhuc permanere & conservari abeuntibus ijs astris & per alias partes delatis : non ergo pro tempore sequenti dependent semper continuato influxu conseruatiuo ab ijs astris . Dicere autem, quòd ab initio quidem ad primam productionem debebant astra reperiri in illo situ & proportionem, non autem postea ad conservationem, esset prorsus praeter rationem : cum alioqui constet, effectum per se dependentem à causa tam in conservari quàm in fieri, requirere semper causam in eodem situ & statu ; ut manifestum est in lumine quod ab agente luminoso producit et conservatur .

Quartò. Cessante toto influxu
Ablato
calorum
influxu
non sta-
tim res
desine-
rent.
calorum utique non propterea deberet totus hic inferior mundus abire in nihilum . Nam saltem materia quae à solo Deo facta est per creationem, & à nulla causa creata potest in suo esse dependere, deberet integra in omni sua parte penitus permanere . At ulterius, materia non potest naturaliter omni forma privari : igitur maneret omnis materia cum aliqua forma : ac demum non solum cum formis substantialibus, sed etiam cum varijs accidentibus : nec unquam vlla forma à materia tolleretur absque successione nouae formae . Igitur res hae inferiores, tam quo-

quoad accidentia, quàm quoad substantiam, non vniuersaliter à corporibus caelestibus in conseruari dependent.

Aliquos effectus verè caelestis cōseruant. Quintò. Dixi, nisi tantum peculiares quosdam effectus. Aliqui enim effectus sunt, qui ex ratione sua requirunt semper actuale conseruatuum influxum à sua causa, à quacunque inquam causa, siue ex his interioribus siue ex caelestibus proueniant: vnde id non oritur ex ratione huius vel illius causæ. Huiusmodi inquam effectus, dum à cælis fiunt, ita verè ab illis debent conseruari, sicut dum fiunt ab alijs causis inferioribus. Tale est lumen, tales sunt species visibiles, & si quæ sint aliæ similes qualitates. Et ita constat recedente Sole, extingui apud nos lumen quod ab illo effundebatur, ac similiter recedente Luna, alijquæ astris: ac pariter species visibiles, ideoquæ talia obiecta non amplius conspiciuntur donec iterum redeant.

Ad alios effectus conseruandos adiuvant. Sextò demum. Dixi, corpora caelestia saltem indirectè & concomitantè conferre ad permanentiam rerum inferiorum in suo statu. Nam certè cessante cælorum influxu, ac etiam cessante cæli motu, totus hic mundus inferior turbaretur, vix parum possent variæ res sublunares in suo statu persistere. Si verbi gratia Sol non amplius calefaceret, utique nimio horum inferiorum elementorum frigore, breui cuncta mixta tabescerent & perirent. Et sic etiam fortasse, si quædam astra nimium Solis calorem temperare desisteret, omnia sub Sole exurerentur. Abijquæ sunt varij cælorum influxus, quibus ademptis, non fierent tot rerum generationes, non suborirentur noua specierum indiuidua, & priora perirent. Si ergo cælum amplius non influeret totus hic noster mundus verteretur in Chaos. Hoc autem

non ideo est, quia res hæ inferiores vero actuali influxu in sua propria existentia conseruentur à cælis, sicut lumen ab agente luminoso: sed quia rerum species ad sui conseruationem & statum indigent renouatione indiuiduorum, cum alioqui singula indiuidua sint caduca: ipsa indiuidua indigent certis dispositionibus & adiumentis, indigent defensione à contrarijs: hæc autem varijs modis habetur ex influxu cælorum. Subtracto ergo cælorum influxu, non ster hic mūdus in suo statu amplius permanere nequiret.

Dico secundò. Corpora caelestia non debent verè & propriè actuali influxu concurrere ad operationes harum rerum inferiorum, sed benè concomitater adiuuant ad operandum. Hæc est communis extra Thomistarum scholam: Scoti in 2. dist. 14. q. 3. Durandi d. 15. Et aliorum Theologorum: Alexandri apud D. Thom. 2. Cæli lect. 4. Suarez disp. 22. Metaph. sect. 5. Ruyj 2. Cæli cap. 3. q. 4. & aliorum Philosophorum. Imò olim Doctores Parisienses oppositam sententiam condemnarunt: & ita testatur Durand. dist. cit. q. 3. num. 11. dicens, esse articulum condemnatum, quòd cessante motu cæli ignis non combureret.

Probatum primò: quia hæc necessitas concursus ad omnem actionem aliarum causarum, peculiariter attribuitur causæ primæ, ex eo quòd omne aliud ens dependet essentialiter ab ipso Deo: itaque prorsus irrationabiliter & sine fundamento eadè necessitas tribueretur vlli causæ creatæ respectu aliarum causarum.

Secundò. Hæc inferiora non dependent à cælis quoad suum esse in conseruari, vt modò probauimus, & Thomistæ non negant: ergo neque dependent per immediatū concursum in operari. Et è contra bene inferretur, si dependent in operari.

Conclusio negans corpora caelestia concurrere ad operationes causarum inferiorum.

Sic dictū est non conseruari ipsas res.

rando, etiam in essendo: licet è conuerso non benè inferatur, hoc depēdet ab illo in essendo, ergo etiam immediatè in operando: nam lumen verbi gratia dependet à causa conseruante; & tamen si per se habet vim calefaciendi, poterit calorem inducere absque alio immediato concursu suæ causæ conseruantis, & sic per se aliud simile lumen producere valet: & forma quæ gignitur, potest in eodem productionis instanti per se suos edere effectus, absque alio concursu suæ causæ. Et ratio huius rei est: quia operari, supponit vtique esse rei, & essentialiter dependet ab illo, iptum autem esse abstrahit ab actuali operatione, eamque ordine naturæ præcedit: vnde à priori potest res esse & non operari, sed nequit operari dum non est. Itaque potest res aliqua depēdere à certa causa quoad suum esse & conseruari, non autem quoad operari: sed si dependet per immediatum concursum quoad operari, benè inferitur dependere etiam immediato influxu in conseruari.

*Causa
inferio-
res ope-
rantur
absque
actuali
influxu
calorū.*

Tertiò. Experientia constat, dum variatur aspectus corporum cælestium, & per consequens influxus eorum, atque dum hæc vel illa attrahunt à nostro emisphærio, adhuc causas naturales eodem modo operari: verbi gratia etiam recedente Sole, ignis æquè benè calefacit & comburit, aqua refrigerat, & sic in alijs: non ergo requiritur immediatus cælorum concursus ad inferiorum causarum operationes.

Quartò. Certum esse debet, quòd etiam penitus cessante omni influxu vel motu cælorum, possent adhuc corpora inferiora operationes suas exercere & effectus producere. Si verbi gratia homo ambularet, & tunc subtraheretur cælorum influxus, vel cæli quiescerent, posset sine dubio homo ille prosequi suum motum, &

alioqui incredibile prorsus est, debere illico in medio cursu immobilis sistere: vel si lapis ab alto descenderet, & in medio descensu contingeret cælos à motu & influxu cessare. Paradoxum videtur dicere, lapidem non ulterius descensurum: item si cæli ab influxu vel motu cessarent, vtique ignis posset adhuc comburere lignum; & sic de alijs rebus & operationibus.

Quintò. De facto quando tempore Iosue Sol quieuit, & tota cælorum moles immota permanlit, vtique omnes causæ naturales adhuc eodè modo suas operationes exercebant, Iosue & milites eius tunc maximè depugnabant, & aduersarij fugiebant: quod totum dici non debet nouo miraculo factum esse, non enim debent sine necessitate & fundamento noua miracula fingi.

Sextò. Fatentur Thomistæ, quòd cessante influxu & motu cælorum, fierent saltem quædam operationes quas vocant sine transmutatione materiæ, vt illuminatio, transmissio specierum intentionalium, actus vitales non solum intellectus & voluntas, sed etiam sensuum: atque adeò tatenur, cælum ad operationes has non immediatè concurrere. Sed eadem planè ratio censenda est de alijs quoque operationibus, videlicet motu locali grauium & leuium, incessu animalium agitatione cordis, & respiratione: atque etiam de calefactione alijsque alterationibus & mutationibus accidentalibus, ac demum de mutatione quoque ac generatione substantiali, vbi ex parte ipsarum rerum inferiorum adessent omnia alia requisita.

Septimò deinde, verè quidem. *Tamen corpora cælestia multum adiuvant cæli ad causas interiores ad operandum: inuuant quia nimirum plurimas virtutes & causas formas ad operandum tribuunt. Certè si Sol non influeret, si postquam res ad re- operadū.*

recessit, non iterum ad nos rediret, non fierent tam variae rerum generationes, totque operationes, terra non germinaret, arbores non fructum redderent, animalia non gignerent, & sic de alijs. Hoc ergo pacto, adiuvando, & suos effectus operando, cæli concurrunt ad hoc vt inferiores causæ suas operationes perficiant: non autem concurrunt immediato & actuali influxu cum his causis inferioribus ad omnes earum operationes exercendas, sicut Deus omnino concurrat ad omnes operationes causarum creaturæ.

*Quædā
loca
Arist.
explicā-
tur.*

In contrarium obijcies primò. Arist. 8. phys. tex. 1. ait, calos perpetuo motu esse veluti vitam cæterorum corporum natura consistētium. Et Raby Moyses apud D. Thom. in 2. dist. 2. q. 2. art. 3. rectè dixit, cælum in vniuerso esse veluti cor in animali. Ex his inferendum videtur, cælum verè conseruare, & immediato concursu ad operandum mouere res inferiores.

Respondetur. Hæc non esse cum tanto rigore intelligenda, vt sicut animal conseruatur & operatur per vitam & per motum cordis, ita totus hic interior mundus conseruetur & operetur per influxum & motum cæli. Sed satis est, quòd cessante influxu & motu cæli, breui spatio confunderetur huius mundi status, & quòd verè per influxum & motum calorum mundus disponitur & gubernatur.

Obijcies secundò. Arist. sect. 11. probl. 5. ait, *Sol est qui omnia mouet; & sect. 26. probl. 35. Sol auctor & parens motuum est.* Et similiter Dionisius cap. 4. de Diuinis nominibus: *Solis radius ad generationem sensibilium corporum confert, & ad vitam mouet, nutrit, auget, & perficit.* His significari videtur, Solem immediato influxu atque concursu res omnes inferiores conseruare & ad operandum mouere.

Respondetur. Hæc aliaque similia debere intelligi, inquantum Sol suo influxu & motu confert ad permanentiam harum rerum inferiorum in suo statu, atque adiuuat res ad operandum, eo modo quo iam explicatum est.

Obijcies tertio. Cæli dicuntur *Quo pa-*
causæ vniuersales, & hæ interiores *cto calū*
dicuntur causæ particulares: ergo *dicatur*
hæ in essendo et magis in operando *causa*
sunt essentialiter subordinatæ calis; *vniuer-*
igitur cæli concurrunt ad existen- *salis.*
tiam & ad omnes operationes harum rerum inferiorum.

Respondetur. Calos dici causas vniuersales, quia vel vno vel alio modo circa omnes res inferiores in suo genere operantur, & omnes hæ res inferiores gaudent aliquo beneficio caelestium influxuum, & aliquo pacto ipsi cæli conferunt & adiuuant ad permanentiam & operationes harum rerum. Non debent autem causæ inferiores, vel in essendo, vel in operando, dici essentialiter subordinari calis: sed dicuntur naturaliter subordinatæ, quia gubernantur & adiuuantur per caelestes influxus. Deus autem est ita causa vniuersalis, cui omnes alix res essentialiter subordinantur, ita quòd omnis res in suo esse, & quæcunque operatio rei necessariò per immediatum influxum à Deo dependeat.

Obijcies quartò. In genere agentium corporalium, cælum est primum agens, sicut in genere causalitatis passivæ materia est primum subiectum: ergo sicut omnis forma corporea dependet in conseruari à materia, & nullus actus receptionis exerceri potest, ad quem actualiter non concurrat materia patiendus, ita omnis res dependet actiue à calo, & nullus actus operationis poterit exerceri ad quem non concurrat cælum agendo & influendo. Vnde de facto post diem iudicij cessabunt

*Dicatur
quoq;
primum
agens.*

operationes horum corporum inferiorum ut iam diximus q. 3. sect. 10. quia scilicet cæli cessante suo motu desinent influere.

Respondetur. Non ita cælum esse primum agens in genere agentium corporalium, sicut materia est primum subiectum in genere causalitatis passivæ: nec oportere reperiri tale primum agens in latitudine corporum, sed satis est primū agens increatum in tota latitudine rerum. Ad summum dicetur cælum primum agens corporeum, ordine sublimitatis & dignitatis, et quia varijs modis suos influxus extendit ad omnia alia corpora. Neque a tali agente debent semper actuali influxu conservari effectus producti, sicut formæ semper actu insunt materiæ. Neque omnis actus operationis debet exerceri per actualem influxum actuum cæli, sicut actus receptionis per actualem influxum passivum materiæ. Sed nec etiam materia patiendi immediatè concurret ad omnem formam: nam materia recipit unam formam, et in hac forma contingit recipi alias, loquendo de formis accidentalibus: & sic ad eas alias formas materia solum mediatè concurret. Postremò cessabunt operationes corporum inferiorum post diem iudicii, non simpliciter per defectum motus & concursus calorū, sed per subtractionem divini concursus propter statum universi in illo futuro tempore: ut etiam sect. 6. in fine diximus circa ipsos calorū influxus.

SECTIO DECIMA.

Quid specialiter Corpora cælestia circa homines operentur: & quid ex illis de humanis eventibus valeat præfagiri.

INter omnia inferiora corpora, singularem gradum & naturam

obtinet homo ratione animæ rationalis, quæ in substantia spiritualis est, & in operando libera: unde maxime speciali inquisitione dignum est, quid astra circa homines operentur, & quatenus ex illorum observatione possunt humani eventus prænosci ac prænunciari.

Veteres quidam Philosophi putasse videntur astra cælestia per se *quorum-
non solum in corpus, sed etiam in dā sensu
animam hominis operari, totamque sentia.* internam dispositionem animæ ex astris cælestibus provenire. Et ita præsertim significavit Homerus apud Arist. 2. de Anima tex. 150. dicens: *Talis enim est mens terrestrium hominum, qualem in dies inducit pater hominumque Deorumque;* ubi Arist. supposebat Homerum intelligere cælum: ideoque illum adduxit pro opinione quæ animam nostram corpoream faciebat, & intellectum a sensu non distinguebat, & ita operationibus cælestibus subiciebat. Sed fortasse Homerus intellexit potius Iovem, idest ipsum Deum, Angelorum & hominum creatorem. Similiter aliqui opinati sunt, cælestia corpora in ipsos quoque Demones operari, putantes hos etiam esse corporeos.

Rursus Hæretici quidam, & præsertim Priscillianistæ apud Leonem *Hæreticorum
Papam epist. 91. cap. 11. & sequen- quorum-
tibus, docuerunt astra ita in homi- dam er-
nes operari, ut fatali necessitate il-ror.* los adstringerent, & ad omnia sua opera impellerent, & sic homines non libertate frui, sed necessitate ligari.

At plures sunt inter Philosophos *Astro-
& Catholicos, qui arbitrantur, astra logorum
cælestia ita in hominem saltem cir- opinio.
ca corpus operari, ut suo influxu ho-
minis complexionem, ingenium, vi-
tam, successus, more, quæ dispone-
rent: & si non totali necessitate,
constringant, tamen naturali dispo-
sitione.*

sitione & propensione urgeant, & inclinent ad humana opera, taliter quod ex observatione syderum praesertim in natiuitate cuiusque hominis concurrentium, possint praesagiri atque praedici omnes humani euentus, qui cuique homini in toto vitae spatio contingere debeant. Et ita sentiunt omnes Astrologiae iudicariae professores, qui ex eo quod prima natiuitatis exordia perscrutantur, Genethliaci nuncupantur. Huicque opinioni adherent, omnes qui ijs Astrologis fidem praebent. Illamque tribuit etiam Aristoteli Theodoretus lib. 6. aduersus Graecos. Ortum verò habuisse traditur haec existimatio à vetustissimis Aethiopicis incolis, & inde proximè ad Aegyptios & Chaldeos dimanasse, quoniam in ijs regionibus commodissima erat ob ingentes planities, & ob temporum aequalitatem & perpetuam caeli serenitatem, syderum observatio: ab ijs verò ad Arabes & Graecos, à Graecis ad Latinos peruenisse.

Demum aliqui sunt, qui ex vna parte videntes, non posse corpora caelestia tantam operandi vim in humanam usque libertatem extendere & ex alia parte credentes Astrologis futura praedicentibus, elegerunt asserere, astra non esse causas, sed benè esse signa humanorum euentuum, & sic ex inspectione syderum posse futura contingentia praesagiri. Ita significauit Origenes in Genetim, & cum illo Eusebius Caesariensis lib. 6. Praeparat. Euangel. cap. 9. Et clariùs docuit Plotinus qui fuit Origenis familiaris & in disciplina socius, lib. de Fato cap. 6. & libro inscripto. *Virum Stella aliquid agant*, dicens caelum esse veluti librum, & stellas veluti litteras, ubi à peritis legi possint quaecunque euentura sunt.

Ex aduerso longè plurimi sunt,

qui rectè sentiunt, non solum ne-
gantes astris caelestibus vim per se
& directè operandi in animam no-
stram eiusque potentias, vim ad-
stringendi & impellendi homines
ad suos actus, sed etiam talem vim
aut operandi aut significandi erga
humanos actus atque successus li-
beros, ut ex observatione eorundem
astrorum possint nostri actus praenosci & praesagiri. Pro qua re in-
magna copia sunt varij professores,
qui contra iudicariam Astrologiam
eique credentes conscripserunt: tum
Philosophi in hac parte de caelo:
tum etiam prudentiores Astronomi
& Mathematici, qui commendant
quidem & tradunt Astronomiam,
quae est laudabilis scientia de ratione
& compositione caelestium corporum,
sed damnant Astrologiam
quae proficitur ex astris futura praedicere:
tum praeterea Sancti Patres
& Ecclesiastici Doctores frequenter,
dum hac de re mentionem faciunt:
Theologi in secundo sententiarum libro,
& cum D. Thoma 1. par. 1. 2. & 2. 2. tractantes de operatione caelorum,
de voluntate humana, & de diuinatione:
similiter & alij Auctores morales in eadem
de diuinatione materia: Iuristae quoque
tam Ciuiles, quam Canonici occasione legum à Pontificibus & Imperatoribus latarum contra Astrologos:
Expositores sacrae Scripturae circa initium Genesis in creatione caelorum, & circa alia loca in quibus
damnatur haec astrologica diuinatione:
& alij Scriptores varij, inter quos aliqui sunt qui integra volumina contra Astrologos ediderunt.
Nos breuiter rem totam quibusdam conclusionibus resoluemus.

Dico primò. Corpora caelestia Corpora non operantur per se & directè in caelestia animam hominis, sed benè operantur in corpus, unde mediate & indi-
rectè dici possunt circa animam operari.

in ani-
mam be-
minis.

rari. Hæc assertio est communis & certa, tam apud Philosophos, quam Theologos: & rectè statuitur à D. Thom. 1. par. q. 115. art. 4. & 1. 2. q. 9. art. 5. & alibi sæpè. Probatur manifestè; quia anima nostra in sua substantia spiritualis est, vt fide & ratione constat: non possunt ergo corpora cælestia directè in ipsam animam operari. At certè humanum corpus benè potest ac debet subijci cælorum influxibus: imò cum totum vniuersum, & specialiter ipsum cælum, sit propter homines constitutum; dignum est, astra cælestia plurimas ac peculiare operationes circa humana corpora, exercere. Vnde demum, quia anima nostra, quandiu est alligata corpori, dependet ab illo in operando, et corporis organis ac dispositionibus inclinatur ac adiuuatur; sic tandem cælorum influxus mediatè et indirectè pertingunt ad animam. At neque hoc modo corpora cælestia quicquam operantur in Angelos ac Dæmones, quos nimirum supponimus esse penitus spirituales, et prorsus expertes corporis.

Nō im-
pellunt
voluntatem
ad
suos a-
ctus.

Dico secundò. Corpora cælestia nec directè nec indirectè impellunt necessariò hominem ad operandum non imponunt humano arbitrio necessitatem, sed prorsus hominem in sua libertate relinquunt. Hæc est etiam communis & certa, tam ex fide, quam ex ratione, & experientia. Fide ex omnibus scripturæ locis, & Conciliorum definitionibus, in quibus humana libertas declarata est: inde enim constat, nec ab astris cælestibus, nec ab vlla alia causa creata, imò nec ab ipso Deo, adimi aut lædi nostri arbitrij libertatem. Et in speciali Priscillianistarum error damnatus fuit in Concil. Bracar. 1. can. 9. & 10. Ratione item constat: quia supposito quòd homo ex natura sua sit liber, intelle-

ctu & voluntate præditus, causæ cælestes non possunt alligare hanc hominis libertatem, non possunt necessitatem interre voluntati ad operandum. Experientia demum; quia satis nos ipsi testes sumus in nostris humanis actibus libertate nos frui, haberequè dominium operandi: & ideò nostri actus, prout boni maliuè sint, præmio aut pœna digni sunt.

Dico tertio. Corpora cælestia non habent determinatè ac singulatim inclinare & inducere hominè ad peculiare operationes pro certo tempore exercendas, sed ad summum habent antecedenter concurrere ad certam dispositionè humani corporis, qua homo in genere & indeterminatè sit propensus aut inclinatus ad quædam operationum genera. Explicatur & suadetur conclusio. Concurrent quidem astra cælestia ab initio in formatione humani corporis, ad certam quandam complexionem illi tribuendam vel adiuuandam, qua homo euadat verbi gratia pronus ad iram, ad arma, ad studia, aliudue genus vitæ: hæ enim inclinationes proueniunt homini ex certa quadam corporali temperie ad quam vtrò concurrunt astra cælestia, sicut & aliæ naturales causæ: verbi gratia ex complexione calida & sicca homo efficitur iracundus & sic de alijs.

Non de-
termi-
nāt, sed
inclināt
ad quos-
dam ac-
tus.

At verò non per hoc astra cælestia habent determinatè inducere hominem pro certa die ad certam operationem exercendam. Nam illa naturalis inclinatio est vtrique per se æqualiter indifferens ad omnia tempora, & omnia eiusdem generis opera; non magis determinans ad vnum vel aliud tempus, ad vnam vel aliam operationem eius generis. Neque verò ex vi illius primæ constitutionis humani corporis remanent astra cælestia applicata vt pro-
tali

tali die debeant nouam quandam & maiorem propensionem ad certum actum homini influere : neque inuenitur quænam esse posset huiusmodi noua inclinatio. Insuper, quod homo tali die tale opus exerceat, dependet ex occasione illi tunc oblata, quæ merè ab extrinseco contingere solet : at certè non potest refundi determinatè in vim causarum cœlestium quibus hominis vita regi dicatur, vt illi pro eo tempore talis occasio obuéniat. Igitur hæc determinatio actuum humanorum pro suo tempore nullatenus cadit sub virtutem causarum cœlestium.

Non indicant per modum signi humanos euentus.

Dico quartò. Astra cœlestia non habent per modum signi indicare humanos euentus. Probatur ratione D. Thomæ 2. 2. q. 95. art. 5. In tantum potest vna res naturalis esse signum alterius, in quantum vel sit effectus eius, sicut fumus ignis; vel ambo sint effectus alterius communis causæ, sicut Iris quandoque significat serenitatem, quia ab eadem causa efficitur Iris ac serenitas. Sed certè situs & dispositio astrorum cœlestium non est effectus humanorum euentuum, vt per se patet. Neque simul sunt effectus alterius causæ naturalis. Sed benè quidem omnia sunt effectus superioris prouidentia diuinæ. Hæc autem nequaquam sic res ordinauit, vt astra cœlestia sint signa humanorū euentuum : quinimò longè aliter has res disposuit, nempe vt astra cœlestia peragant cursus suos per modum necessitatis, homines verò exequantur actus suos per modum libertatis: non poterant cœlestia signa humanis euentibus adæquari.

Confirmatur: quia vel Deus prius statuisset cursum astrorum cœlestium, & postea iuxta illum disposuisset res humanas. Et hoc nefas est dicere, vt Deus suam prouidentiam circa res humanas illigauerit

dispositioni naturali astrorum cœlestium. Vel è conuerso, prius Deus ordinasset res omnes humanas ac deinde iuxta illas dispensasset astrorum cursum. Et hoc etiam cogitari non potest : quia constat potius Deum condidisse astra cœlestia cum suis motibus, vt sint causæ naturales effectuum naturalium in gubernatione huius mundi corporei: & non vtique dependenter & consequenter ad tantam varietatem & contingentiam humanorum euentuum, qui in quolibet momento innumerabiles sunt, determinauit vnā communem legem astrorum sub quam tam copiosa & varia significatio caderet.

Dico iam quintò. Non possunt ex astris cœlestibus, humani euentus, qui ex animæ nostræ virtute & voluntatis libertate dependent, ne quidem probabiliter prælagiri. Hæc est de mente omnium qui Astrologiam iudiciariam reprobarunt. Placere enim sentiunt, non solum certò, sed nec etiam probabiliter, posse ab Astrologis futuros euentus liberos prædici aut prænosci. Nimis enim multum esset, si vel probabile indicium prudenter assequi & proferre possent: prout, & in re medica, & alijs humanæ vitæ occurrentijs, plerumque non plusquam probabilibus iudicijs res nostræ reguntur.

Probatur primò auctoritate. In Sacra Scriptura Deus ipse prohibet huiusmodi obseruationem & diuinationem ex astris Deuter. 18. Isa. 47. Ierem. 10. & alibi. Sancti Patres frequenter damnant ac reprobant huius diuinationis vsum tanquam vanum, fallacem, & superstitiosum. Plures leges tam humanæ quam Ecclesiasticæ contra diuinatricem Astrologiam latæ sunt: ac nuper Sixtus V. Pontifex Maximus peculiari Constitut. cōtra Astrologos,

gos, damnauit & prohibuit Astrologiæ vltum quoad liberos humanos euentus, etiam si Astrologi dicant, se non certò affirmare quæ profecerunt.

Secundò ratione à priori probatur ex dictis: quia astra nec habent rationem causæ determinantis humanam voluntatem, aut proximè inclinantis ad certos actus exercendos, nec habent rationem signi demonstrantis & indicantis quæ apud homines euentura sint: igitur nulla via ex illis possunt futuri euentus nec certò nec probabiliter præfagiri.

Experientia ipsa id ostendit. Tertio ab experientia demonstratur: quia frequentissimè Astrologorum præfagia inuēta sunt prorsus vana & falsa: vt plurimum etiam ita generalia & ambigua ab ijs proferri solent, vt in tanta varietate humanorum actuum, facile contingat vno vel alio modo aliquatenus adimpleri: & interdum nimis violenter quicquid euenerit, ad sua præfagia detorquent. Noui ego quendam, virum alioqui egregium, huic vanitati deditum, qui & suo & aliorum Astrologorum iudicio magnā sibi prosperitatem & exaltationem proximo quodam mense promittebat. At eo postea mense, non solum ad nullum gradum exaltatus est, sed periculosum morbum incidit. Cū deinde conualuisset, non potui illi parcere quin promissam sibi exaltationem exprobrarem. Sed is respondit, fortasse morbum illum fuisse suam prosperitatem, quia fortè poterat esse vt sic euasisset maximum aliquod infortunium. Interdum ij qui huic diuinationi credūt, implent sibi suos euentus fabricant. Audierat quidam ab Astrologo, sibi in proximo imminere persequutionem à sæculari curia. Contigit, vt officialis quidam domum eius adierit conducere volens aliā quandam eius domum pro sua habitatio-

ne. Aberat tum fortè is à sua domo: rediens audiuit à domesticis se fuisse ab illo officiali quælitum. Memor prædictionis sibi factæ, cogitauit se ad carceres quæri, & timore percussus aufugit donec post quosdam dies à suis inuentus & certior de re factus ad se redijt, & Astrologo maledixit. Vt plurimum sic vana sunt quæ Astrologi prædicunt. Ipsa ergo experientia demonstrat, non posse quicquam prudenter ex astris de humanis euentibus præfagiri. Et à tortiori hæc assertio confirmabitur ex assertione sequenti.

Dico sextò. Si conspecta haberetur tota vis & concurrentia omnium & singulorum astrorum cælestium tam per se quàm prout varijs modis inter se coniunguntur, notaq. simul esset vis & occurrētia inferiorum causarum, status etiam ac dispositio subiecti, possent plurimi naturales effectus quoad corpus in homine euenientes præfagiri: sed tamen de facto ob modicam dictarum rerum notitiam, vix quicquam potest satis probabiliter etiam de his naturalibus & corporeis effectibus, ab Astrologis dignosci & annunciari.

Prima pars facilè constat: quia effectus naturales à naturalibus causis dependent, corporei effectus non excedunt vires corporalium causarum. Inter causas autem naturales corporeas, vtique multum valent astra cælestia: ex iplis ergo simul cum alijs causis inferioribus, & iuxta conuenientem statum ac dispositionem subiecti, determinantur naturales effectus tam in humanis corporibus quàm in alijs. Igitur qui probè conspectam haberet vim astrorum cælestium simul cum alijs causis & dispositionibus, planè dignoscere & annunciare posset naturales effectus ad hominem quoad corpus pertinentes: vide-

Ex astris & alijs causis bene notis possent effectus corporei præfagiri.

delicet, quænam esset complexio ac temperies cuiusque, quæ inclinatio & habilis, quos morbos & quando mortem esset naturaliter incursum, aliaque similia.

Sed de facto nō possunt. Secunda pars est quoque de mente eorum qui iudiciariam Astrologiam damnant aut spernunt. Et probatur primò quia valde occulta est vis singulorum syderum, nec satis est hæcenus explorata. Innumbris etiam modis stellæ errantes inter se & cum astris fixis sub varijs signis Zodiaci disponuntur. Vnde quamuis quodcumque euenit aliquis effectus, & quando nascitur aut concipitur homo, inueniantur astra omnia in certa positione: tamen nō constabit ex quorum astrorum virtute proueniat determinatè talis effectus, & à quibus alijs astris possint in alia dispositione impediri. Neque de hac re vniformia, & ita copiosa experimenta facta inueniuntur, vt satis firmum iudicium inde depromi queat.

Secundò vltiùs. Astrologi situm syderum obseruant in hominis natiuitate, nec possunt sufficientem notitiam habere de puncto conceptionis: & potest ac solet varia temporis mēsurā intercurrere à cōceptione ad natiuitatem intra spatium nouem mensium. At si astra caelestia ab initio de humani corporis constitutione determinant, multò magis id facerent in cōceptione & per tempus sequens ante natiuitatem, quàm in ipso puncto natiuitatis, quando iam antea constituta erat certa temperies corporis.

Tertiò deinde. Multum etiam, sine dubio conferunt causæ inferiores, quæ variæ sunt, & varijs modis passim afficiuntur. Et præsertim admodum valet dispositio & status subiecti. Imò ad determinandos naturales effectus plus cōferūt causæ magis propinquæ & particulæ

res, ac dispositiones subiecti quàm causæ magis remotæ & vniuersales. Sic certè ad conditionem eius qui concipitur & nascitur, valdè confert conditio parentum ex quibus gignitur, in quibus potest esse varia admodum complexio ab alijs parentibus ex quibus alius qui eodem momento temporis enascatur aut concipiatur. Valdè etiam confert conditio illius materiæ ex qua vnus vel alius in matris vtero efformatur. Hinc videmus, tot homines eodem tempore natos aut conceptos, siue à diuersis parentibus, siue etiam ab iisdem, vt Jacob & Esau, & alij omnes gemini eodem vtero concepti & nati, habuisse adhuc formam corporis inclinationē naturæ, studia & exercitia morum, affectiones valetudinis, & spatia, vitæ, prorsus diuersa & varia. Tot autem varias condiciones causarum inferiorum & particularium, & dispositiones subiecti, Astrologi non considerant, nec per viam astrorum dignoscere possunt.

Quartò demum. Hoc totum rursus ab experientia confirmatur. Satis enim notum est quàm vana & fallacia depræhendi soleant Astrologorum præfagia & iudicia, etiam de effectibus his naturalibus ad humana corpora spectantibus. Imò, quod maius est, hæc vanitas & fallacia, compertissima est in prædictionibus astrologicis de effectibus naturalibus qui in elementis ipsis contingunt, nempe de pluuijs, ventis, & similibus: cum tamen multò magis calorum influxibus elementa subdantur, & à varietate aliarum causarum ac dispositionum immuni sint.

Quintò. Diximus in conclusione, viz quicquam ex astris posse satis probabiliter definiri: non diximus, nihil penitus posse. Sed benè quidem poterit interdum aliquid vel

*Nisi rā
rō.*

ex particulari & repetita sapiùs experientia, vel ex notitia plurium causarum, vel ex maiori quadam connexionione certorum effectuum cum quibusdam determinatis causis, probabiliter dignosci ac denūciari poterit in hoc genere rerum. Nam verbi gratia de Luna præsertim exploratum est, habere maiorem ac certiore vim in hæc inferiora corpora, ac in ipsos homines, & varios afferre effectus pro vario aspectu ad Solem & ad alios Planetas. Sic ergo benè poterit naturalis aliquis euentus circa homines ex cælestibus astris prudenter & probabiliter prælagiri. Et in hoc consonat ipsa experientia rerum.

**Au-
to-
ritates
quodam
expli-
cantur.** Cæterum, contra doctrinam traditam duo sunt præcipua Astrologiæ iudiciariæ fundamenta. Primum est ab auctoritate Sacræ Scripturæ *Genes. 1.* vbi astra dicuntur fuisse à Deo constituta in cælo, ut essent *In signa, & tempora, & dies, & annos*: dici autem videntur signa respectu humanorum euentuum. Eademque ratione *Isa. 34.* & *Apocal. 6.* cælum vocatur liber, in quo scilicet appareant ac veluti legantur humani euentus. Sic demum in quodam volumine inscripto, *Narratio Joseph*, refertur, Patriarcham Iacob dixisse filiis suis: *Legi in tabulis cæli quæcumque euentura sunt vobis & filiis vestris.*

Sed ad has omnes auctoritates facillimè respondetur. In loco *Genes* ad summum sensum esse, quòd astra cælestia significare & indicare possint naturales euentus circa corpora hæc interiora ex illorum virtute prouenientia. Sed neque hoc est necessarium ex illis verbis. Quæ satis benè intelligi possunt, quòd astra cælestia signant ac faciunt successionem temporum, nempe diei & noctis, mensium, & annorum: & hoc ipsum declaratur per

illa verba: quæ specialiter ibi dicta sunt de duobus luminaribus Sole & Luna. Deinde rectè cælum dicitur liber, non quia in illo legantur futuri euentus: sed quia ex illo manifestatur prouidentia & potentia Dei, iuxta illud, *Cæli enarrant gloriam Dei, & opera manuum eius annunciat firmamentum.* Sed neque in illis locis cælum per se vocatur liber, sed dicitur quòd cælum complicabitur & inuoluetur sicut liber, quia scilicet à suo motu & operatione cessabit, & in æternum quiescet. Demum, Narratio illa *Ioseph*, inter Scripturas Apocryphas & incertas reputatur, nec est ullius auctoritatis. Sed etiam possunt verba illa explicari, intelligendo per tabulas cæli, non quidem situm & positionem astrorum, sed cælestem & diuinam reuelationem ipsi Iacob factam.

Secundum fundamentum est ab experientia: quia Astrologi per inspectionem & observationem siderum, præsertim in natiuitate hominis occurrentium, solent pleræque vera enunciare, tum de naturali hominis constitutione & conditione, tum de totius vitæ cursu, ac de futuris euentibus prosperis vel aduersis. Vnde colligendum erit, ipsis astris adequatè inesse vim hæc omnia indicandi, imò & causandi.

Verum, ad hanc rem, potius ex aduerso constat, rarò admodum ab Astrologis vera diuinari, & ut plurimum eorum prælagia vel prorsus falsa euadere; vel adeo friuola & generalia esse, ut manifestè suam vanitatem prodant. Nec mirum est, si inter multa quæ ab ijs dicuntur, sint aliqua vera, non tam ex prudenti existimatione, quàm potius temerè & casu offendant: imò magis mirandum esset, si semper prorsus eorum iudicia fallerentur. Facile erit cuique experiri, se interdum

*Verò
rū quo-
rumdā
præsa-
giorum
ratio
reddi-
tur:*

vera

vera aliqua casu diuinare. Rursus, quando ab Astrologis, vel alijs huiusmodi Diuinatoribus, quidam pariculares & notabiles rerum, euentus prænuntiati sint, admonet D. August. lib. 5. de Ciuit. cap. 7. Dæmonis occulto instinctu id factum esse, vt fidem huic vanitati conciliaret ad homines in rebus postea grauioribus decipiendos: fierique etiam id permissione diuina in pæ-

nam talis superstitionis. Et interdum etiam ab ipsis Demonibus procuratur, vt reipsa eueniant quæ prædicta fuerint. Interdum ipsi homines, quibus prospera aliqua prænuntiata sint, spe illecti, acriori studio & maiori solertia incumbunt ad ea consequenda quæ sibi promissa sunt: vnde ex sua tandem industria astrorum aspectibus tribuunt, non ab illis accipiunt veritatem.

QVÆSTIO TRIGESIMASEXTA.

De Corporibus Inferioribus:

De eorum existentia, varietate, & structura.

IN ijsdem suis libris de Cælo agit prolixè Aristoteles de inferioribus elementis quæ sub cælo sunt, nempe in parte libri primi in parte libri secundi, et in toto tertio ac quarto libro: præcipuè autem de ijs agit, vt notauit Auerr. 3. Cæli com. 1., quatenus sunt partes quædam vniuersi, et simul cum caelestibus corporibus vniuersum constituunt: deinde in alijs libris de Generatione et corruptione, de omnibus corporibus inferioribus, præsertim quoad varias eorum mutationes, tractare profequitur. Nos similiter consequenti ordine, post corpora caelestia, ad hæc inferiora descendimus, et eodem tenore primo loco eorum existentiam, varietatem, ac structuram præsentī quæstione proponimus. Sed quia reuera in constitutione vniuersi, elementa sunt quæ simul cum cælis corpoream rerum vniuersitatem implent, in ipsis maximè elementis prima hæc consideratio ad perficiendam totius vniuersi structuram diuersabitur. De qua re agunt etiam Astronomi, quatenus totius mundi spheram eiusquæ ædificium considerant.

SECTIO PRIMA.

Quot & quæ sint Corpora inferiora: An sint quatuor elementa, et varia mixta.

Certum & indubitatum ante omnia est, totum hunc infe-

riorem mundum, totam concauitatem intra cælum inclusam, vndiquè naturalibus corporibus esse repletam. Nec enim natura patitur vacuum, vt suo loco demonstrauimus: et vel ipsa diffusio lucis ab astris per totum vniuersum, satis ostendit, totum spatium intra cælum, et quoquo versus à cælo ad terram esse repletam.

In

Alia sūt elemēta & alia mixta. In duas classes ab initio omnia inferiora corpora diuiduntur, nempe elementa et mixta. Elementa dicuntur corpora prima et simplicia, ex quibus alia constituentur: Mixta verò quæ ex ipsis elementis cōstent. Sed pro tractatione præsentī commodiùs dicemus, elementa esse magna huius vniuersi corpora, quæ sua mole mundum implent: alia esse quæ in ijs elementis collocata existunt. Quo pacto, elementa et mixta in hoc inferiori mundo se habent, veluti cæli et astra in superiori.

Mixtorū magnitudo. Mixtorum magna est copia et varietas, vt notissimum est. Sed nec oportet nec expedit, nunc illa describere ac recensere. Speciali postea ac distincta tractatione id præstandum erit. Nunc ad vniuersi structuram et ædificium, elementa propriè sunt inuestiganda ac statuenda.

De elementis veterum placita. Elementorum numerus & assignatio non sine cōtrouersia & opinionum diuersitate apud antiquos olim agitabatur. Refert Veterum placita Arist. præsertim lib. 2. de Generat. & attingit etiam circa principia 1. Phys. & 1. Met. & nos eodem tractatu commemorauimus q. 10. sect. 2. Aliqui vnum solum elementum faciebant, alij Ignem, alij Aerem, alij Aquam, alij fortasse Terram, alij quoddam aliud ab ijs omnibus diuersum. Aliqui verò duo, præsertim Ignem & Terram, vt de Parmenide refert Arist. 2. de Gener. tex. 18. Aliqui tria addendo pro tertio elemento totum medium inter ignem ac terram, vt de Platone significat Aristot. tex. 19.

Elementa sunt quatuor. Ipse Arist. affirmat, quatuor esse simpliciter elemēta, nempe Ignem, Aerem, Aquam, Terram. Eadem fuit Platonis sententia in Timeo: & sic eam refert Alcinous cap. 10. & 11. de Doctr. Platon. quare, si quando tria elementa proposuit, sub tertio elemento distinguebat duo, sci-

licet aerem & aquam. Quo pacto & ipse Arist. 1. Cæli tex. 91. tria facit elementa, & vnum ex ijs ponit cælum, vnde solum duo elementa relinquit: sed vnum ex his intelligit terram, pro alio totum medium inter cælum & terram, quod sanè tria distincta elementa continet. Et rursus 3. Cæli tex. 1. proponit, se post contemplationem cæli, quod ibi nominat primum elementum, debere agere de alijs duobus: sed per hæc duo intelligit omnia quatuor nempe pro vno ponens elementum graue continens aquam & terram, pro altero leue cōtinens aerē & ignem, vt aduertit ibi Auerr. Similiter ante Arist. quatuor elementa designauit Empedocles, teste eodem Arist. 1. Phys. 22. licet is nominabat quoque elementa duo sed pro vno ponebat ignem, pro alio ponebat reliqua tria, vt refert Arist. 2. de Gener. tex. 19. Quatuor item elementa posuerunt Zeno apud Plutarchum lib. de Placitis cap. 3. & Hippocrates apud Galenum lib. 1. Natural. Facult. cap. 2. & lib. 1. Methodi: contenditq; Galenus, Hippocratē fuisse huius doctrinæ auctorem. Eadem quatuor elementa constituerat Mercurius Trismegistus in Asclepio. Et sic de Aegyptiorum sensu refert Seneca lib. 3. Natural. q. cap. 4. Vbi addit illos rursus ex singulis elemētis bina distinxisse, quasi alterum marem & alterum fœminam: videlicet terram fortiolem ac duriolem, quasi marem; molliorem verò & cultui aptam, quasi fœminam: ignem in carbone ardentem, quasi marem; in flamma tenui lucentem et non ardentem, quasi fœminam; sed et alij quoque veteres eadem omnia elementa agnouisse videntur, licet magis vnum vel quædam ex ijs nominarent, ratione maioris aut specialis virtutis seu aptitudinis ad cōstituenda reliqua corpora. Denique post

post Aristotelem, omnes alij Philosophi, ac etiam nostri Theologi et Ecclesiæ Doctores, ac vniuersaliter cuncti homines, hanc elementorum assignationem pro indubitata receperunt.

Ita ergo omnino sentiendum et asserendum est, quatuor esse huius mundi elementa, sub cælo hoc vniuersum constituentia, Ignem, Aerem, Aquam, Terram. Pluribus rationibus conatus est hanc veritatem Aristoteles comprobare: et aliqui ex aduerso tales rationes infirmare studuerunt, licet conclusionem retinerent. Sed Aristoteles non attulit omnes rationes tãquam irrefragabiles demonstrationes, sed saltem tanquam rationabiles probationes. Imò 1. de Cælo tex. 17. et 2. de Gener. tex. 16. ybi hanc rem docere aggressus est, veluti pro comperto supponit hunc quaternarium elementorum numerum, ac deinceps eius convenientiam ac debitam institutionem ostendere nititur.

**Probat-
ur ex
constitu-
tione v-
niuersi-** Primò ergo probat 1. Cæli à tex. 17. Cùm detur cælum quod in circuitu assidua motione reuoluitur, dari debet in medio corpus immobile tanquam centrum, et hoc est terra vnum elementum. Terræ aduersatur ignis: existente autem vno contrariorum debet existere et aliud: extare ergo debuit etiam ignis. Eo magis quòd è duobus contrarijs, vnum solet esse magis, alterum minus perfectum: et in casu nostro terra est extremum minus perfectum: ergo magis ad vniuersi constitutionem et complementum extare debebat extremum magis perfectum. Vtremus, existentibus duobus elementis extremis interponenda erant alia duo elementa media; vnum, prope et supra terram, et hoc est aqua; alterum prope et infra ignem, & hoc est aer; maximè quia hæc duo etiam aliquatenus contraria

sunt duobus dictis extremis. Imò contrarietas quidem secundum locum maxima est inter terram et ignem, quia terra infimum, ignis supremum tibi locum vendicat. At secundum qualitates ignis et terra sibi aduersantur solum in calore et frigore, sed in siccitate conueniunt: debuit ergo dari aliud elementum conueniens in calore cum igne, et cōtrarium per humiditatem, et hoc est aer: similiter aliud conueniens in frigiditate cum terra, et contrarium per humiditatem, et hoc est aqua. Nequè verò huic rationi obstat, quod idem Arist. in Post præd. cap. de Oppositis docuerat, non esse necessarium vt existente vno cōtrariorum existat simul et aliud. Nā vt rectè exponit Zimara 2. Cali cōtradict. 5. Non est id necessarium necessitate logica, quali prout nō possit aliter contingere: sed erat saltem necessarium necessitate physica et naturali: et præsertim iuxta subiectam materiam ita oportebat ad completam rerum vniuersitatem. Aliter Plato in Timeo per quasdam mathematicas proportionem, suppositis duobus elementis extremis deducebat alia media. Sed hoc genus probationis, tanquam minus philosophicum, reprobat Contarenius lib. 1. de Elementis. Sed potius sperni debet, tanquam minus solidum.

Secundò iterum 4. Cali à tex. 31. et ab initio libri primi, probat eandem rem Arist. ex designatione et diuersitate locorum: Vnus est locus supremus, alius infimus; et in super alius prope supremum, alius prope infimum. Item ex diuersitate virtutis motuæ: Alia est leuitas simpliciter, alia grauitas simpliciter; et præterea alia leuitas secundum quid, alia grauitas secundum quid. Rursus ex diuersitate motuum simplicium: Alius est motus ad summum, alius ad imum; et alius ad prope sum-

*Ex di-
spositio-
ne loco-
rum &
motuum*

summum, alius ad prope imum. Sic ergo quatuor elementa esse debebant, quibus hæc loca, hæc virtutes motuæ, hi motus, essent connaturalales.

Ex cō-
binatio-
nibus
qualita-
tum. Tertiò rursus 2. de Generat. 16. idem probat ex tot combinationibus quæ fiunt ex quatuor primis qualitatibus elementaribus, calore & frigore, siccitate & humiditate. Nam ex his quatuor qualitatibus, binas simul iungendo, sex in vniuersum combinationes considerari possunt. Pro qua re generalis regula traditur. Si numerus rerum multiplicetur per numerum proximè minorem, ac deinde sumatur medietas numeri multiplicati, hic erit totus numerus combinationum. Videlicet in nostro casu multiplicentur quatuor per tria, ter quatuor sunt duodecim: & sex erunt combinationes quæ ex illis quatuor unitatibus consurgunt. At verò, duæ ex his combinationibus erunt inutiles & naturaliter impossibiles, nempe ex calore & frigore, ex humiditate & siccitate, quoniam sunt qualitates contrariæ. Quatuor ergo remanent combinationes viles & naturaliter possibiles: & quatuor erunt elementa, quibus singulæ accommodatæ sint. Prima ex calore & siccitate, & tribuitur igni: secunda ex calore & humiditate, & tribuitur aeri: Tertia ex frigore & humiditate, & tribuitur aquæ: Quarta ex frigore & siccitate, & tribuitur terræ. Neque refert, quòd possent adhuc alijs modis hæc qualitates distribui: nempe sumendo singulas per se, item sumendo binas intensas, binas remissas, vnam intensam & alteram remissam. Non inquam refert: quia ad complementum vniuersi & ad mutuam actionem elementorum, ac mixtorum generationem, sufficiunt illi quatuor gradus. Addi rursus potest ad confirmandum hunc elemen-

torum numerum ex numero qualitatum: si verum est, singulis elementis conuenire vnam qualitatem in summo, & alteram in gradu remisso: sic, cum sint quatuor qualitates non plus aut minus quàm quatuor elementa esse debebunt. Verùm de veritate harum distributionum, in proprio tractatu de elementorum natura plenius differemus: vnde & harum rationum valor dependet.

Quartò deinde solet ab alijs hæc *Ex pro-*
elementorum assignatio ex corre- *portioni-*
spondentia aliarum rerum natura- *bis qui-*
lium, imò et quarundam sacrarum *busedam.*
rerum, vberius confirmari. Quatuor assignantur humores in corpore animalis, et quadruplex distinguitur humani corporis temperamentum iuxta prædominium eorundem humorum: et hæc attribuuntur dictis elementis: Flaua bilis dicitur ignea, sanguis aereus, pituita aquea, atra bilis terrea. Item quatuor sunt anni tempora, quæ de elementorum conditione participant: Autumnus terreus, hyems aquosa, ver aereum, æstas ignea. Præterea D. August. lib. 3. de Genesi ad litt. cap. 4. et 5. eadem quatuor elementa quinque nostris sensibus accommodat: nempe ignem visui, aerem auditui, gustum aquæ, olfactum eidem aquæ in vaporem solutæ, tactum terræ. Initio autem capitis quarti, hanc vocat absurdissimam considerationem, si nempe operationes sensuum ipsis elementis tribuantur: sed cap. 5. eam approbat, si verè anima dicatur operari per sensus quodammodo similes elementis. Iusuper D. Hieron. epist. 128. ad Fabiolam, docet, quatuor elementa significari in sacra Script. per quatuor colores quibus iussu Dei vestimenta Pontificis in Lege veteri distinguebantur: quod pariter S. Thomas 1. 2. q. 102. art. 4. ad 4. applicat coloribus veli ex-

pansi

panfi inter locum templi qui dicebatur Sancta, et alium locum dictum Sancta sanctorum. Nempe hyssum accommodant terræ, quia de terra nascitur; purpuram aquæ quia ex quibusdam marinis conchilijs educitur; hyacinthum aeri, ob apparentem similitudinem; & coccum igni ob rubedinem & ardorem.

Ex demonstratione sensus.

Quintò demum, sumendo elementa pro magnis huius mûdi corporibus, quæ vniuersi machinam, infra cælum constituunt, sufficit ferè ipse sensus ad demonstranda elementa. Nam nihil notius est terra, & aqua, & aere: notus est etiam ignis: sed de illo specialiter mox sequitur inquirendum ac statuendum, quo pacto non solum extet ignis per partes distractus, & inter alia elementa confusus: sed præcipuè in magna amplitudine simul collectus & in propria sede sibi debita collocatus.

SECTIO SECVNDA.

Verum proximè sub cælo & supra aerem verè extet magnum elementum Ignis.

Sententia constituens ignem in mundi medio.

EX veteribus Philosophis aliqui, vltro supponentes dari debere elementum ignis in propria ac debita sibi regione collectum, illud in mundi medio constituere maluerunt hunc dicentes esse nobiliorem locum, eiquè proinde magis conuenientem. Et similiter Pythagorici ignem in mundi medio collocarunt dicentes hunc locum esse magis aptum & idoneum ad cōseruationem corporis in vniuerso principalioris: & vocabant Iouis carcerem. Hoc totum refert Arist. 2. Cæli tex. 72. & 73. & Plutarch. lib. 3. de Placitis cap. 11. Sed Pythagorici per ignem

intelligebant Solem, terram verò faciebant vnum astrorum quæ sicut alia astra circulariter moueretur: Rursus videri potest igni deberi infimus locus: quia iuxta nostram Christianam fidem ignis in terræ medio collocatur, ad torquendos damnatos in loco pœnarum, qui propterea nuncupatur Infernus.

Ex Recentioribus, Hieronymus Cardanus lib. 2. de Subtilit. negare cepit elementum ignis sub cælo, negans quoque ignem apud nos existentem esse verè elementum. Deinde Franciscus Vallesius lib. de Sacra Philosophia c. 1. concedit reperiri elementum ignis in magna copia intra hoc vniuersum: sed negat habere de se certam sedem, aut reperiri sub cælo supra aerem: sed vult vagari per aerem, et pro varietate materiæ grauis aut leuis descendere aut ascendere, vt patet in carbone et flamma: et præsertim ait, lumine trahi, ideoquè in magna copia semper Solis lumine circumuolui, & propterea Solem calefacere, & lumen esse causam caloris per attractionem ac delationem ignis. Hoc modo ignem intelligit nomine spiritus qui Genes. 1. ferebatur super aquas; quia scilicet aqua erat generationis veluti materia & mater, ignis velut agens & pater: Et Eccles. 1. vbi dicitur: *Oritur Sol & occidit: In circuitu pergit spiritus.* Rursus alij plures negare elegerunt elementum ignis sub cælo, putantes non alium esse ignem, nisi qui apud nos accenditur & extinguitur. Ita Franciscus Patritius, to. 4. Ditquirit. peripat. lib. 7. §. *Ac principio.* Scipio Capitijs lib. 2. de Principijs, Alexand. Tassonius in lib. italicè inscripto *Varietà de pensieri* lib. 1. quæstio 1. Paulus Aretius lib. 2. de Generat. q. 3. & quidam alij Philosophiæ Professores. Item Tyco Brahe lib. 1. Progymnas. cap. 1. pag. 92. Chas-

Sententia negans elementum ignis in propria regione.

nus lib. 3. de Mundo c. 14. Ioannes Camillus Gloriosus lib. 4. de Cometis cap. 3. & 4. & plures alij Recentiores Astronomi, quibus gratum esse capit contradicere Aristoteli.

*Peras-
sentia,
confi-
tuēs ma-
gnū ele-
mentum
ignis
proxi-
mē sub
celo.*

Communis & nota Peripateticorum sententia est, verē extare magnum elementum ignis proximē sub celo supra aerem. Ita Arist. passim docet, dum quatuor elementa constituit, istquē loca distribuit iuxta ea quæ sectione præcedēti adduximus. Et rursus expressē confirmat 4. Cæli 32., primo Meteor. c. 3. & lib. 3. de Generat. animal. c. 11., & alibi sæpē. Et ante hæc extrema tempora omnes alij Philosophi eandem sententiam sequi sunt. Idem docuerat Plato in Timæo: & videtur etiam de mente aliorum Veterum. Est etiam Astronomorum communis, Cleomedis Ioannis de Sacrobosco, & aliorum de mundi sphaera tractantium. Adhæserunt quoque Ecclesiæ Doctores & Sancti Patres: ac ita expressē supponunt, Origenes homil. 13. in Exod., Basil. homil. 3. Exanier., Clemens Alexand. lib. 1. Stromatum, Hieron. Epist. 128. ad Fabiolam, August. lib. 22. de Ciuit. c. 11. Boetius lib. 1. Astronom. alijquē frequenter.

*Proba-
tur ex
propor-
tione ad
alia ele-
menta.*

Et hæc sententia approbanda ac defendenda est: satiquē esse debet, si ita conueniens & rationale ostendatur, licet alioqui non efficaciter demonstretur. Probatur primò: quia sicut dantur alia tria elementa tantæ molis & amplitudinis in proprijs regionibus consistentia, ita omnino dari debebat magnum elementum ignis in certo & conuenienti domicilio collocatum. Et sicut satis non erat extare aquas passim per terram excurrentes, sed datur in proprio loco magnum elementum aquarū ab alijs segregatum: ita non sufficiebat ignis qui inter alia elementa discurrat, & qui per

accidens apud nos accenditur; sed dari debuit ignis in magna copia certam aliquam obtinēs regionem. Ac sine dubio debet igni connaturaliter attribui supremus huius mundi locus, celo proximus: ignis enim leuissimus est, leuia verò ascendunt: & infimus locus gravissimo debetur corpori, nempe terræ. Sed specialiter contra illam mundi structuram à Pythagoricis cogitatam satis diximus q. 31. Iuxta Christianam autem fidem determinetur quidē ignis in imo terræ: sed per diuinam dispositionem, non autem per naturalem suam inclinationem ibi detentus est. Neque illud est totum elementum ignis quod quærimus: sed illa est quædam portio ignis, sicut et apud nos igni accenditur: sed magnum elementum ignis agnosci debet prope celum in sua naturali sede consistens.

Secundò præcipuē probatur ex Arist. 4. Cæli 32. Videmus ignem hic apud nos accensum, non posse quiescere, sed semper sursum tendere & ascendere: ergo locus consentaneus igni, nō est inferior apud terram, sed superior ultra aerem: Omne enim corpus appetit connaturalem sibi locum, ideoquē mouetur ut eum acquirat: cum ergo ignis ascendat supra aerem, eius locus naturalis non potest dici alius nisi infra celum supra aerem. Ac rursus ignis, sicut per se calidissimus est, ita ex natura sua rarissimus ac leuissimus esse debet: igitur supremus ille locus ei debitus est. Et insuper locus ille non poterat esse debitus ulli alteri elemento: & specialiter non aeri, quia constat ignem esse leuiorem. Putandum igitur erit, verē extare magnum elementum ignis proximē sub celo ac supra aerem.

Tertiò. Ex Auerr. circa eundem locum Arist. si quis ex alto monte conspiceret, tot flumina per terram aber-

*Ex ascē
su ignis
ad supra-
riora.*

aberrantia, & omnia tandē in vnum certum locum defluere, nec tamen mare ipsum ibi videret: utique rationabiliter discurrendo existimare deberet, adesse certum locum naturalem aquis, in quo omnis aquæ copia conquiesceret, & ad quem omnia flumina prolabantur. Itē si quis intra terram existeret, ac deprehenderet aerem intra terræ viscera reclusum magno impetu niti foras erumpere, ob idquē terram concutere ut sibi exitum aperiat, rectē inferret, non illum, sed alium superiorem, esse locum aeris, & in eo loco superiori tanquam in propria regione magnum elementum aeris esse collectū. At ita nos videmus, ignem per totum terræ circuitum ex omni parte eleuari ac sursum ascendere: ergo fateri debemus locum proportionatum ac debitum igni esse sub cælo supra aerem, ibiquē verē extare magnam ignis copiam, magnum elementum ignis.

*Ex re-
sta uni-
uersi
struc-
ta.*

Quartò. Si non extaret ibi elementum ignis, duo incommoda consequuntur. Vnum est, totum spatium à terra ad cælum esse repletum aere, non enim potest esse vacuum: at exploratum est, magnam esse distantiam cæli à terra, & magnum spatium interpositum: vnde magna improporatio esset, & inordinata constructio vniuersi, si solum vnum elementum aeris tantæ molis esset totumquē hoc spatium adimpleret: & ita notauit Arist. 1. Metereol. cap. 3. Et longē conuenientius erit, si hoc spatium in duo elementa distribuat. Aliud incommodum est: quia alioqui in rigore deesset huic vniuerso elementum ignis. Status enim elementorum esse debet, ut singula per se in magna copia existant, & vniuersum constituent, ac spatium intra cælum impleant. At veluti per accidens contingit, quod inueniatur ignis inter alia elementa, & quod

intra terram vel circa terram identidem accendatur: neque tanē ignis qui hoc modo per partes dissipatus accenditur, est qui per modum debitum elementi complet & constituit vniuersum: sed quoad hoc, non plus habet quàm mixtorum aliqua species, quæ secundum varia individua orientia ac pereuntia conseruatur. Præstat igitur fateri, verē extare in certa sua regione magnum elementum ignis, ita videlicet quod spatium inter cælum & terram igne & aere plenum sit, & in superiori loco proximē infra cælum existat ignis.

In contrarium Obijcies primò. *Quadā* Arist. ipse planē negasse videtur *loca A-* elementum ignis intra cælum. Nam *rist. ex-* 2. Cæli tex. 42. explicat cælum suo *plican-* motu excitare calorem, agitando & *tur.* atterendo aerem: ergo supponit, proximē infra cælum subesse aerem. Clariùs 1. Metereol. cap. 3. loquens de superiori huius mundi regione, inquit: *Si enim & distantia plena sunt igne, & corpora constant ex igne, pridem annihilatum utique esse unumquodq; aliorum elementorum.* Et rursus cap. 4. *Superiores distantie plena sunt corpore aliquo: igne quidem impossibile; quia exiccarentur utique alia omnia: relinquitur itaque aere.* Infra autem subiungit: *Quod est sursum & vsque ad Lunam, dicimus esse corpus alterum & ab igne & aere.* Propter hæc Arist. absolutē contendit, Arist. negasse elementum ignis sub cælo, & in fine quæstionis explicare tentauit alia Arist. loca.

Sed tamē tam apertum est, Arist. constituisse sub cælo elementum ignis, ut de eius mente nullum dubium possit oriri, licet in his locis aliquantum obscurē loquutus sit. Omissis autem alijs minùs congruis expositionibus: In primo loco, nomine aeris intellexit corpus tenuē

& fluidum medians inter cælum & terram : quia non oportebat tunc duo elementa ignis & aeris distinguere . Vel nominavit determinatè aerem , prout ab igne distinctum : sed non dixit aerem esse immediatum & proximum cælo, sed conteri, & ita calefieri motu cæli : quod intelligi poterat , etiam si inter cælum & aerem mediet ignis, quoniam ita communicatur motus cæli .

In secundo loco per distantias intellexit totum spatium à terra usque ad cælum, & docere voluit non totum hoc spatium esse plenum igne , quia si hoc totum esset ignis, siquæ corpora cælestia constarent ex igne , vt Antiqui illi contra quos loquitur asseriebant ; alia elementa iam pridem forent igne consumpta . Sed statim subdit pariter & probat, non totum id spatium esse plenum solo aere : *At verò neque aere solo plena , multum enim vique excederet aequalitatem communis proportionis ad coordinata corpora .* Et ita concludere intendit, tale spatium esse utroque elemento repletum, & continere simul ignem & aerem . Perspicuè ergo ibi constituit elementum ignis in sua sphaera .

In tertio demum loco pariter voluit, superiores distantias, idest à terra usque ad cælum, non totaliter solo igne repleri : sed non propterea docere voluit, repleri solo aere : sed asserere voluit, repleri etià aere, idest in parte repleri aere . Cùm verò subiungit, corpus illud Lunæ proximum, differre & ab aere & ab igne, consideravit nomen ignis dici solere de hoc igne apud nos existente qui adeo vehemens est, & alia incendit atque exurit, ignis autem in superiori illa regione non est ita vehemens & vorax : non ergo negare voluit, quinimò vtrò docere intendebat, illud esse verum elementum ignis : alioqui perspicuum est, Arist.

non cogitasse nouum aliud corpus & elementum ; Hoc autem satis expressit idem Arist. intra concludēs : *In medio & circa medium est grauiissimum & frigidissimum segregatum terra & aqua : circa hæc autem & contigua his, aer, & quod per consuetudinem vocamus ignem, non est autem ignis, excessus enim calidi & veluti ferror est ignis .* Ac tandem ignem illum vocat corpus calidum & siccum, ad differentiam aeris quæ facit calidum et humidum . Sic etiam 2. de Gener. tex. 21. dixit, ignem esse superabundantiam caliditatis, sicut glaciem frigiditatis, siue ignem esse exarsionem calidi & sicci : quare ita putauit Arist. se habere hunc nostrum ignem ad supremum illud elementum sicut se habet glacies ad aquam : & perinde esse illud elementum vocare ignem, sicut si elementum aquæ vocetur glacies . Et clarissimè eodem 1. Meteor. summa 2. cap. 1. *Hoc modo ordinatum est quod in circuitu : primò sub circulari latrone est calidum & siccum quod dicimus ignem, innominatum enim est &c.* Attamen iam à Philosophis absque vlla ambiguitate accipitur nomen ignis pro elemēto illo quod supra aerem sub cælo proximè collocatur .

Obijcies secundo alias auctoritates quas vrget Aresius . Hypocrates *Quadā alia au-* in lib. de Flatibus dixit, totum spa- *Horica-* tium inter cælum & terram esse ple- *tes ex-* num aere, græcè dicitur spiritus . Seneca lib. 2. Natural. qq. cap. 4. & *plecan-* Plinius lib. 2. Natural. Histor. cap. 38. ex communi consensu docent, aerem extendi à terra usque ad cælum, & similiter Philo Iudæus lib. de Somnijs . Rursus alij Veteres, qui ignem in suprema mundi regione supra aerem posuisse videntur, putarunt corpora ipsa cælestia esse ignea : itaque sub cælo, non ignem, sed solum aerem collocarunt .

Re-

Respondetur. Auctores illos nomine aeris intellexisse corpus tenue ac fluidum, sicut nobis notus est aer, nec voluisse negare distinctionem duorum elementorum in hoc spatio intermedio à terra ad cælum. Et ita præsertim explicauit Seneca cap. 10. dicens, in suprema regione propinqua cælo esse aerem calidissimum & sicciissimum ac tenuissimum: & hoc vtiq; est elementum ignis. Deinde, si qui ignem in sublimi cælum ipsum putarunt, & non aliud elementum sub cælo, in hoc decipiebantur. Sed saltem ea parte fauebant, qua supra aerem constituerunt ignem, & hoc à nobis dicitur elementum longè diuersæ rationis à cælo.

Quadã loca Scriptura & Sancto- rum explican- tur. Obijcies tertio. Ex eodem alias Sacras Auctoritates. Genes. 1. totum mundi opificium denotatur illis verbis: *Creauit Deus cælum & terram & spiritus Domini ferebatur super aquas*: vbi nomine spiritus intelligitur aer, & nulla mentio ignis habetur. Solet etiam sæpè nomine cæli appellari aer, quia scilicet cælo est proximus aer, non mediâte alio elemento ignis. Inde alij quoque solent nominando terram aquam et cælum, comprehendere totum vniuersum. Insuper D. Hieronym. in Epist. ad Fabiolam & August. 2. de Genesi ad litter. cap. 3. affirmant, aerem à cælo ad terram diffundi, & idem rursus significat Aug. lib. 3. cap. 6. & 7. Basilius homil. 7. Exameron supponit, aquam esse in longè maiori quantitate quàm ignem: quod vtiq; non ita esset, si daretur in suprema regione magnum elementum ignis. Rabanus & Strabus apud Magistr. in 2. distin. 17. dixerunt, Paradisum terrestrem eleuatum fuisse vsque ad cælum, quod nec etiam fieri potuisset extante ibi igne.

Respondetur. Nomine spiritus

sumpti pro aere, ac nomine cæli sumpti pro aere, atque ipso nomine aeris, potle ac debere intelligi totum corpus hoc tenue ac fluidum quod à terra ad cælum interiacet, comprehendendo etiam elementum ignis: ad tales enim loquutiones nihil refert, siue sit vnum corpus siue duplex in hoc spatio intermedio. Imò & ipsi Peripatetici qui tam cōstanter ponunt sub cælo ignem, sæpè vno aeris nomine hoc totum intelligunt. Sicut passim vno terræ nomine denotari solet etiam elementum aquæ circa terram consistens, tota nempe hæc moles ex terra & aqua compacta. Sed etiam si in illis Scripturæ locis, nomine spiritus & cæli intelligatur solus aer ab igne distinctus, non vtiq; propterea negatur ignis: sed bene dici potuit specialiter de aere quod ferebatur super aquas: & cælum sæpè sumitur pro aere, in quo nubes coguntur, & pluuia generantur, & aues volant, quique est nobis proximus, & non ipsi cælo: non ergo excluditur aliud elementum supra aerem prope cælum. Præterea Rupert. lib. 1. in Genes. c. 8. refert, Platonem, legendo librum Moyssi, nomine cæli intellexisse ignem. Et D. Th. 1. par. quæst. 66. art. 1. refert Rabbi Moysem, nomine tenebrarum quæ erant super faciem abyssi, intellexisse ignem, eo quod in propria regione non lucet. Ambros. & Basilius, ipso nomine terræ omnia alia tria elementa cointelligunt. Sed hæc non sunt necessaria, & minus rectè dicuntur.

Obijcies quarto ex Cardano. Si **Quare** daretur elementum ignis tantæ **magnæ** molis, cum ignis sit actiuissimus ac vo- **elemen-** racissimus, deberet omnia hæc **cū ignis** riora comburere. Nam propter hoc **alia in-** Arist. negauit corpora cælestia esse **feriora** ignea, & tamen sunt valde remo- **corpora** tiora. Imò quando in sublimi ac- **non con-** sumat.

cenditur aliquis Cometa, maximus calor in his inferioribus excitatur, unde oriuntur ariditates, & infirmitates calidæ, mouentur rixæ & bella: nullatenus ergo subsistere potuisset mundus hic noster inferior contra elementum ignis adeo ingens. Vel, inquit Cardanus, non rectè natura calorem qualitatem actiuissimam in tali subiecto collocasset, in quo non ageret: & ex hoc alio capite otiosum fuisset illud elementum ignis.

Respondetur. Ignem illum non comburere, quia ut ait Auerr. 4. Cæli 32., & 1. Cæli 91., non est admodum calidus: quod intelligi debet, sicut exponit Zimara in Contradict. super eadem loca, quoad effectum quia non multum caletacit: alio qui quoad intentionem qualitatis in se, latetur Auerr. 3. Cæli 67., & 8. Metaph. 5., ignem esse calidissimum. Ratio autem quare ignis ille non nimis calefaciat est, quia in se est rarissimus ac tenuissimus, quæ raritas valde retundit virtutem agentis, & imminuit actionem, adeo ut etiam apud nos flamma aquæ ardētis vix aut parum caletaciat, & tamen adhuc ignis ille supremus est multò rarior. Adest insuper resistentia ac repugnantia aliorum elementorum, at inter nos et illū ignem mediat secunda aeris regio frigidissima. Addiquè potest, ignem illum non esse tantæ molis & profunditatis, atque adeo tam nobis propinquum, ut nos offendere possit: nec oportere dici ita magnum & propinquum sicut ab alijs ipsis Peripateticis præsupponitur, ut attingemus sect. 7. Arist. verò non negauit solum, corpora cælestia esse ignea, sed negauit totam distantiam usque ad terram esse ignem, quia sic tantus ignis omnia consumeret. Sed etiam si loquutus esset de solis corporibus cælestibus, utique si hæc

præterea fuissent ignea, cum sint tā vastæ magnitudinis, & sint densissima, multò magis sequitur, omnia fuisse igne consumenda. Cometa autem, non ipse per se tantum calorem excitat: ut patet quia ad ortum & occasum eius nullam sentimus caloris differentiam. Sed indicat magnam exhalationum copiam, quæ sunt calidæ & siccæ, & in se densiores ac terræ propinquiores, & sic effectus illos parturiunt, si tamen verum sit, tales effectus comitari Cometam. In hac autem dispositione maximè prouida fuit natura, collocans qualitatem actiuissimam in tali materia tam tenui, in qua non noceret. Concedendum autem erit, ignem illum temperata sua actione valde conferre, & quodammodo hæc inferiora fouere: & ita non esse otiosum, sed valde utilem.

Obijcies quindò. Omnino ignis ille supremus lucere deberet, atque adeo noctu à nobis conspici: sicut le nō lucent & conspiciuntur stellæ in celo, atque ignes circa terram existentes. Et vrget Patritius: quia Arist. ipse 2. de Anima 72. sic reprehendit Empedoclem: *Non rectè Empedocles aut si quis alius dicit, quod feratur lumen & extendatur inter terram & conspiciens nos autem lateat. Hoc enim est, & præter eam quæ in ratione veritatem, & præter ea quæ videntur: in paruo enim spatio posset latere: ab oriente autem in occidentem latere, magna quidem multum petitio est.* *Quare ignis ille nō lucet, & non apparet.*

Respondetur primò cum Auerr. 4. Cæli 32. & Alexand. apud Albert. tract. de Quatuor Coælis q. 4. art. 21. ignem non lucere ex natura sua & in statu suæ puritatis, sed propter humorem igni nobis noto & familiari admixtum: ideoque ignem in propria sphaera, utpote alieni humoris expertem, non lucere. Secundò, admiuendo ignem ex sua natura

lucere, ignis ille supremus ob suam nimiam raritatem ac transparentiam non diffundet vsque ad nos radios ac species suæ lucis. Nec mirum, quandoquidem constat, cælum ipsum quod vtrique vehementiùs illuminatur à Sole, vt patet in Luna, quàm possit ignis ex se lucere, adhuc per se non cernitur, imò quamuis sit solidum ac densum, quia videlicet adhuc est maximè perspicuum, & ita non mouet nec terminat visum. Nihil ergo deduci potest contra supremum elementum ignis eo quod à nobis non videatur. Rectè autem Arist. eo loco reprehendit Empedoclem: quia ipse Arist. docebat, tenebras esse priuationem & abolitionem luminis. Ex aduerso Empedocles volebat, nequaquam extingui lumen, sed solum nobis abscondi ratione motus & nimie velocitatis. Contra hoc meritò ait Arist., illud lumen quod à nobis interdum cernitur, non posse noctu latere per totum spatium ab oriente in occidentem ratione motus. Ex quo nihil planè duci potest ad præses propositum. Tertiò, quis scit, an lux illa subobscura, qua nocte serena cælum aliquantulum cernimus, non solum sit ab astris lucentibus, sed etiam ab illo igne? quo casu adhuc discerni à nobis non posset ignis per se lucens à reliquo cælo vel aere illuminato. Quartò confirmari tandem hæc tota res potest: quia apud nos non cernimus supra flammam candela, maiorem lucem quàm in reliquo aere, quamuis certè ipsa flamma non in tam modico spatio extinguatur, sed pro maiori aliquo spatio in altum subeat. Non inquam per se lucere cernitur: vel quia deputatur ab humore ob cuius admixtionem inferiùs lucebat: vel quia euadit tam tenuis & rara, vt per se non sufficiat mouere ac terminare visum: vel quia per se quidem lucet, sicut aer

circumfusus illuminetur ab ipsa flamma, sed ob lucis æqualitatem non discernatur.

Obijcies sextò. Ignis apud nos indiget semper nouo pabulo, eoquè deficiente statim extinguitur; & quamdiu permanet, consumit ac deuorat materiam combustibilè: vnde Arist. 2. de Gener. tex. 50., & 2. de Anima tex. 40. notauit, solum ignem inter elementa nutriri, sumens nutriri magis amplè, & non prout est proprium viuientium tanquam opus vitale. Sed vtrique ignis ille, prope cælum, ac tantæ molis, nullam habere potest copiam tanti pabuli quo indigeret: ergo neutiquam ibi datur talis ac tantus ignis.

Quare non indigeat pabulo.

Varie ac minus sufficientes responsiones ad hoc argumentum excogitatae sunt. Sed primò, dignum esset querere ab Aduersarijs, si putant ignem illum sine pabulo debere extingui, an deberet materia illius ignis remanere sine forma? & hoc vtrique naturaliter fieri nec debet nec potest. Vel quamnam formam deberet assumere? & hæc assignari non posset. Si enim dicant aeris: non vtrique maior esset vis aeris ad conuertendum in se ignem, quàm ignis ad conuertendum in se aerem: nullaquè alia dici posset. Vel hinc ergo videant eius argumenti imbecillitatem.

Secundò dici poterit, ignem illum pasci aere sibi subiecto & semper conari conuertere in se aerem, at ex alia parte etiam aerem agere in ignem, & conari illum in se conuertere: sicquè successiue aliquas partes aeris conuertere in ignem, aliquas ignis in aerem: & hoc pacto semper vtrunque elementum secundum se totum in sua integritate permanere: sicut sanè circa terram solet magna pars aquæ resolui in aerem, & magna aeris reduci in aquam & sic perpetuo aer & aqua

ac per terram flamina perseverant.

Tertio præcipue dicendum est, ignem illum in propria regione existentem per se non indigere pabulo, sicut ignis apud nos existens. Pro qua re considerandum est, quid sit ignem pasci, & quare indigeat pabulo. Et res ita se habet, quod ignis qui ab initio accenditur, non idē permanet, sed non solum actione contrariorum extinguitur, verum ex se sursum semper euolat: nisi ergo nouus ignis succedat, nullus remanet ibi ignis: debet itaque ignis primo accentus statim conuertere in ignem aliam combustibilis materiae partem, & hic rursus aliam, & sic deinceps quamdiu perseveret ignis: Iuxta quod præclare dixit Arist. lib. de Iuuent. & Senect. & c. *Ignis perseverat semper si se ac fluit, sicut fluvius*: & addit, eius motum latere propter velocitatem. Hæc etiam ratione, si includatur candela accensa intra vas, cito extinguitur: quia nimirum flamma candelæ conseruari deberet per conuersionem nouæ materiae in nouam flammam, quæ materia in tali conuersione rarefit & maiorem occupat locum: dum autem candela recluditur intra vas, prior flamma foras euolare non potest, & non potest noua materia rarefieri & sic non potest accendi, ideoque candela extinguitur. Et similiter notauit Arist. eod. loco, si super carbones apponatur vas, quod ab hoc effectu vocatur suffocatorium, opprimi etiam ignem in carbonibus: si verò carbones cooperiantur cinere, magis conseruari, quia cinis non impedit transpirationem & potius defendit ab impugnatione aeris externi. Insuper si candela parua accensa inferatur in flammam maiorem extinguitur: quia, ut ait Arist. ibidem, flamma maior prauenit consumere exhalationem quæ conuertri debe-

bat in flammam minorem candelæ, & propterea hæc extinguitur. Ideo denum per insuflationem candela extinguitur: quia abstrahitur & auellitur flamma prius quam aliam materiam in flammam similem potuerit conuertere. Hoc supposito, clarè patebit, ignem in propria regione non indigere pabulo non solum quia ibi ob suam molem & situm tutus est ab impugnatione contrariorum, sed quia non potest magis sursum ascendere, non habet quo ulterius euolet: sicque semper idem permanet, non indiget assidue reuouari non conseruatur per nouam successionem: optimè ergo per se in suo loco in suprema illa regione consistit.

Obicies septimò specialiter ex Vallesio. Ignis non magis petit ascendere quam descendere: ergo ex ascensu ignis non potest colligi elementum ignis in superiori mundi loco. Assumptum probat: quia sicut ignis flamma ascendit, è contra ignis carbo & terrum ignitum descendit; at si ignis ex natura sua superiorem locum peteret, deberet etiam in carbone & ferro ascendere. Ac licet dicatur lignum & terrum ignitum non esse totum substantialiter ignem, saltem continet plurimas particulas ignis, & adhuc ab his subleuari deberet; sicut lignum demersum in aqua, sursum contendit virtute aeris quem includit.

Respondetur. Carbonem & ferrum ignitum, non esse substantialiter ignem, non esse rarum & leue, ut ascendere possit ac debeat. Licet verò plurimas ignis particulas intra poros includat; tamen non sufficiunt superare tantum pondus ut illud valeant subleuare. In ligno autem ita prædominatur aer, ut bene lignum ex aqua emergat: sed præcipue, non tam virtute aeris

Quare ignis in carbone & ferro non ascendat.

Quam refractionem in aspectu astrorum efficit.
 aeris inclusi; quàm propria sua leuitate, lignum supra aquam innatat. Obijeres octauò. Fundamentum Tyconis, qui sic inquit: *Que de ignis elemento infra Lunam collocatio tandem Aristotelica schola nugatur, prorsus fabulosa esse, vel ipsa refractionum in Sole & stellis exilitas, satis superque conuincit.*

Sed lateor, me nullam vim in hoc fundamento dispicere, imò totum oppositum. Fit enim retractio obiecti visibilis per medium: & quò medium est densius & crassius, eò maior fit refractionis sicquè maior fit per aquam quam per aerem. At Aristotelica schola non ponit corpus ignis densius & crassius, imò rarius & tenuius aere: exilitas ergo illius refractionis; non solum non conuincit fabulosum esse elementum ignis sub Luna: sed potius iuxta hanc rationem persuadere debebat ibi veraciter reperiri.

SECTIO TERTIA.

Vtrum verè extet elementum Aeris: & quo pacto in plures regiones distribuatur.

Sententia negans elementum aeris.
REFERT D. Thomas 1. p. q. 68. art. 3. quosdam Philosophos negasse aerem nihil esse, & spatium plenum aere nominasse vacuum: quare hi reipà negabant verum & reale corpus & elementum aeris. Rursus veteres illi, contra quos loquitur Arist. 1. Meteor. cap. 3. negasse videntur elementum aeris ab igne distinctum, dicendo totam distantiam à cælo ad terram igne repleri. Non detulerunt etiam Recentiores, quibus hunc ipsum interiorum locum circa terram placuit plus igne, quàm aere replere, & faucebat Valletius supra. Ac præsertim ita sentiunt

aliqui opinantes, lucem non esse, accidens quoddam in aere receptum, sed esse substantiale corpus, essequè ignem vndeunque diffusum, & radios esse particulas ignis. Et Sebastianus Bassonus lib. 2. de Cælo hunc interiorum mundum in maxima copia cælesti igne ex calis ipsis delapto replebat, vt aduimus q. præcedenti lect. 6. Rursus, quia per se particulotum & perniciosum apparet, vsque ad hanc interiorum mundi plagam auocare, ignem; postea quis cogitare, ac per modum dubitationis refert Arist. 1. Meteor. cap. 4. hunc locum terræ propinquum repleti potius aqua & terræ vaporibus & halibus, qui sine dubio ex his elementis assidue educuntur, superiores autem plagas igne repleti, & ita negare distinctum elementum aeris in propria regione, ac dicere ipsos vapores & halitus vocari aerem. Denum contigit m. hi videre quasdam Theses Parisijs disputatas, in quibus earum Auctor defendebat, nec ignis nec aeris elementum dari, sed totum mundum circa terram repleti aqua, & hunc quem vocamus aerem esse substantialiter aquam.

Sed certum prorsus est, omnique dubio vacans, vere extare elementum aeris in propria sede cõsistens, discretum ab igne & alijs elementis. Est res notissima & in contesto apud omnes. Sacra Scriptura tam saepe nominat aerem, debetquè omnino intelligi de vero aere. Omnes homines nil familiarius nominant quàm aerem, & intelligunt verum aerem. Spatium hoc à terra ad cælum est omnino plenum aliquo vero corpore, vt ab initio iam supponebamus. Deinde non vtrique hæc interior mundi plaga repletur igne. Horret animus cogitare, nos in respiratione attrahere ignem, quandoquidem hæc instituta est à natura ad

Consistitur elementum aeris.

ad moderandum cordis calorem; item aues volare per ignē, nos omnes habitare in igne, alia corpora quantumuis arida conseruari in igne, pluuias niues grandines fieri in regione ignis & manere intra ignem. Manifestum sanē est, hunc quem vocamus aerem esse pro temporum diuerſitate magis minusuē frigidum: at, vt notauit D. August. lib. 3. de Genesi ad litter. cap. 4. *Facilius exinguitur vt ignis non sit, quam frigidus maneat, aut sic cuius frigidi contactu tepidior: non ergo corpus hoc quod vocamus aerem, est substantialiter ignis.*

Rursus ex terra & aqua educuntur quidem halitus & vapores, sed non certē in tanta copia, vt totum hoc spatium vsque ad illum terminum in quo nubes sistunt valeant replere & occupare. Quando aquei vapores interdum in notabili copia congregantur, illos discernimus, & dicuntur nubes, quæ rursus soluantur in pluuiam. Per copiam terrestrium halituum fiunt venti. Non ergo per se debet hoc spatium ijs vaporibus & halitibus pro omni tempore deputari. Non etiam debet elementum ignis tantæ molis, et nobis adeo propinquum existimari, vt vsque ad altitudinem montium pertingat, & sic minus spatium pro dictis vaporibus et halitibus relinquatur. Demum sine dubio aer quem dicimus, verē est essentialiter & secundum substantiam ab aqua diuersus. Omnino igitur statuendum est, verē dari magnum elementum aeris in propria regione consistens, distinctum ab igne & aqua alijsquē omnibus elementaribus corporibus.

Aeris elementum in tres regiones distribuitur. Hoc supposito, solet totum aeris elementum ab Arist. alijsq; Philosophis intres distribui regiones. Prima & infima regio designatur à superficie terrestris globi vsque ad certum terminū altitudinis, ad quem

perueniat notabilis reflexio radiorum solarium, siue supra quem cogantur nubes & gignantur pluuiæ. Secunda & media regio designatur supra dictam primam regionem, pro toto spatio in quo coguntur nubes & gignuntur pluuiæ. Tertia demum & suprema regio constituitur, quæ remanet supra iam dictam secundam regionem vsque ad concavum ignis superficiem. Porro tota altitudo primæ & secundæ simul regionis non creditur excedere altissimos terræ montes: quoniam, compertum est, nubes & ventos altiores terræ montes non transcendere: cum præsertim in Olimpo monte narretur inueniri solitos fuisse quotannis cineres, qui ex anno præcedenti relinquebantur, immotos & inuariatos. Altitudo autem tertiæ & supremæ regionis constituitur per totam reliquam altitudinem vsque ad ignem.

Verum potest fortasse in illo spatio congrua quadam ratione distinguere tertia et quarta regio aeris. Nam solet altitudo totius aeris determinari vsque ad certum terminum ad quem dicuntur peruenire tenuiores terræ exhalationes, siue ex quo incipit ad nos transfundi lumen à Sole in aurora antequam ex horizonte emergat. Sed certē constare non potest, vsque ad illum solum terminum porrigi aerem, & totum superiorem locum occupari ab igne: quinimo benē esse potest, vt adhuc altius extollatur aer, & non tanta sit moles ac profunditas ignis, vt dicemus infra sect. 7. Quo dato, poterit sanē & debet, ultra tertiam regionem tali termino definitam, designari alia quarta aeris regio vsque ad ignis concavum, & apud illos qui talem ignem non recipiunt vsque ad cælum. Imò vltius, ij qui volebant, cælum quoque ipsum esse aerem, in eoquē velut aues discurre

Addi potest quarta regio.

rere astra, vt commemorauimus q. 33. lect. 1. eam aliam caelestem regionem addebant. Sed ea sententia prorsus falsa erat.

Ceterum, hæ aeris regiones non distinguuntur essentialiter et secundum substantiam inter se, sicut vnum elementum ab alio: non enim sunt plures species, plura elementa aeris. Sed distinguuntur tantum secundum locorum differentiam & situm, & secundum accidentales quasdam affectiones.

SECTIO QUARTA.

An & quo pacto Terra et Aqua simul existant, vnumque conficiant globum.

OTiosum esset querere, an extet elementum aquæ, an extet elementum terræ: sed præcipue ad eorum structuram spectat querere, qualiter in suo loco ambo hæc elementa existant.

Debat aqua existere circa terram, sed à Deo fuit segregata.

Et in primis, iuxta eorum naturam debebat per se terra in infimo ac medio loco constitui, & circa terram vndiq; aqua immediatè sub aere. Nam terra grauior est aqua, & ita descenditque per aerem: naturalis ergo dispositio esse debebat, vt sicut aer est in toto circuitu sub igne, ita esset immediatè aqua sub aere, & terra sub aqua. Et quidem in prima mundi creatione ita de facto fuerunt hæc elementa disposita; & postmodum per diuinam prouidentiam segregata. Ità satis aperte colligitur ex sacra Scriptura Genesi. 1. *Terra erat inanis & vacua, & tenebre erant super faciem abyssi, & spiritus Dei ferebatur super aquas:* vbi nomine abyssi significatur aqua, vt notauit D. August. lib. 22. cont. Faust. cap. 11. & D. Thom. 1. p. q. 69. art. 1. & sensus est, circa ter-

ram fuisse tenebrosam aquarum, abyssum; & spiritum siue aerem circa aquam. Infra autem, *Dixit Deus congregentur aquæ quæ sub calo sunt in locum vnum, & appareat arida.* Vbi manifestè patet, Deum nouo imperio reduxisse aquas in certum locum, vt magna ex parte discooperiretur terra. Quod tanè à Deo factum fuit ad hoc vt in terra habitare possent homines, & propter homines cætera animantia, possetque terra germinare & plantas fructusque proferre. Idem indicauit Propheta Psalm. 103. *Abyssus sicut vestimentum amictus eius, super montes stabunt aquæ, ab increpatione tua fugient.* &c. id est, abyssus aquarum cooperiebat terram in qua nunc videmus montes; sed iussu Dei secessit in locum vnum. Atque hoc pacto primam horum elementorum dispositionem, & consequentem ordinationem, communiter sacri Doctores intelligunt. Neque dissentit D. Thom. 1. p. q. 69. art. 1. ad secundum vbi ait, *Non oportere dicere, quod terra primò esset cooperta aquis, & postmodum congregata.* Hoc enim dixit iuxta expositionem illam Augustini, qua non distinguebat creationem mundi per veras dierum differentias: at ipse S. Thom. oppositum approbat.

Sed Philo Iudæus in lib. de Opificio mundi explicauit, aquam totam ab initio fuisse imbibitam in terra veluti in spongia, vt sic terra & aqua fuerit vna cōfusa & indilcreta massa. Quinimo, sicut de facto aqua per se manet in suis locis, ita dici debet ab initio mansisse super totam terram.

Deinde supposita iam horum elementorum segregatione, graue dubium est, quonam pacto aqua cum terra se habeat. Caterinus Burgentis quā per Carthusianus, & quidam alij expolitores in caput primum Genetis & in alium

globum
supra
terram.

Titelman. super Iob. 38. opinati sunt, terram in medio mundi fuisse relictam prout antea erat, & aquam eductam fuisse à Deo in locum, in quo proinde altior terra euaserit, & veluti per se aliud globum siue semiglobum efficiens: & hanc dispositionem probabiliorē reputat. S. Thom. 1. p. q. 69. art. 1. ad secundum et q. 4. de Pot. art. 1. sequuntur Canus Bagnes, Zumel, et Ripa eod. loco 1. partis. Et ita, etiam indicarunt Basilus. hom. 4. Examer. Ambr. lib. 3. cap. 2. Nazianzenus & Olimpiodorus in Catena Patrum in Genes. Idem significauit Cicero lib. 2. de Natura Deorum.

Dici de-
bet aqua
conficere
vnu cum
terra
globum.

Communior, & vera sententia, est, aquam cum terra vnum integrū conficere globū, & ita fuisse à Deo segregatam in certum terræ locum, quod ipse Deus ex vno terræ latere magnam eius portionem in aliud latius extulerit, & ex illa quoque montes formauerit, sicque in illo latere vastam fossam & cavitatē reliquerit, & in hanc aquas reduxerit, quæ suomet impetu ad illum profundiorē locum debebant defluere, & sic deinceps permanere atque adeo in alio latere terram verē esse altiorē aqua. Ita sentiunt vt plurimum sacri expositores Genes. 1. Beda Iunilius, Abulens. Caietan. Perer. Leonardus Marius, Cornelius à Lapide, Franciscus Aretinus, & alij: Item Aegidius lib. 2. Exameron cap. 27. Valles. cap. 1. de Sacra Philosoph. Molina 1. p. tract. de Opere sex dierum disp. 11. Suarez lib. 1. cap. 6. & alij Theologi: similiter Conumb. 2. Cæli cap. 14. q. 4. Ruuius lib. 3. cap. 8. q. 5. Contaren. lib. 2. de Element. & alij Philosophi: Clavius in cap. 1. Sphæræ, & alij Astronomi, & Cosmographi. Insuper Chrysostomus homil. 9. ad Popul. Antioch. Hieron. super Psal. 32. August. super Psalm. 135. & lib. 1. de Genes. ad litter. cap.

12. in tertia explicatione, Seuerianus in Catena Lippomani, Rupert. lib. 1. de Operib. Trinit. cap. 34. Hugo lib. 1. de Sacram. p. 1. cap. 6. & 21. Damasc. lib. 2. Fidei c. 9. & 10. alijq; Ecclesiæ Patres ac Doctores.

Probatur primo ex Sacra Scriptura Psal. 32. *Congregans sicut in vitro aquas maris: virem vocat cavitatem illam & veluti concham terræ in quam reductæ fuerunt aquæ, & Iob 38. Quis conclusit ostiis mare &c. Circumdedit illud terminis meis, & posui vellem & ostia &c.* ostia terminos & virem vocat circuitum illius cavitatis in qua reclusæ fuerunt aquæ. Et Eccles. 39. *In verbo eius stetit aqua sicut congeries, & in sermone oris illius sicut exceptoria aquarum,* scilicet cavitatis illa terræ quæ aquam excepit. Licet hic locus soleat etiam intelligi de miraculo facto in mari rubro, vel in Iordane fluuiio. Præterea Psal. 23. *Ipsè super maria fundauit eum:* Psal. 135. *Qui firmavit terram super aquas:* Psal. 106. *Qui descendunt mare in navibus:* vbi terra significatur esse altior aquis, & eminere supra aquas.

Probatur secundò experientia. *Sumitur* Tum quia videmus per totam terram, ac etiam per profundiores eius *ab experientia* valles, omnia flumina ad mare decurrere: at certè flumina non superius contendunt ascendere sed verè inferius prolabi: ergo mare non existit eleuatum in maiori altitudine supra terrā, sed verè intra quendam terræ excavatum sinum subli-det. Tum etiam, videmus naues, magnis etiam ponderibus onustas, promptè ferri à littore terræ ad interiora maris, non minùs scilicet, quàm ex alto mari ad lictus terræ: & è contra nauis in altum mare deducta, non per se ad lictus prouoluitur, sed pariter indiget venti aut remorum impulsu. Mare ergo non attollitur in altiorē globum supra terram.

Colligi-
tur ex
Script.

terram: quia sic naues non possent in illam altitudinem eleuari, & eleuatae sponte deciderent. Sed verè ipsum mare iacet intra terram, eandem rotunditatem & altitudinem cum illa conficiens.

Tum præterea, tam ij qui per mare nauigant, quam qui per terram ambulant, ac etiam dum à terrestri ad marium iter transeunt, eandem circa cælum differentias vniformiter obseruant, in ortu & occasu Solis aliorumque astrorum. Videlicet, pergendo ab oriente in occidentem, post quindecim circiter gradus emensos, vna hora tardiùs Sol oritur; hæc inquam differentia vniformiter contingit in mari vt in terra, ac in transitu à terra ad mare. Quod non ita fieri posset, si aqua esset in alium globum elata supra terram: quinimò, licèt pergendo versus occidentem, potiùs deberet citiùs oriri Sol & non! tardiùs in mari, quia ex maiori altitudine citiùs Sol conspicitur, vt patet in terra ex monte, quàm ex plano.

Tum deinde, idem demonstrant Insulæ, quæ passim in medio mari, etiam inquam in medio interioris Oceani, surgunt, & supra aquas attolluntur. Non ergo aqua eleuata fuit in altitudinem alterius globi supra terram. Sed in excauatione terræ reliquit Deus huiusmodi partes altiores, quæ deinceps per medium aquæ prominent. Tum insuper in Ecclipticæ lunari dispicimus totam vmbra qua obscuratur per modum vnius globosæ figuræ absque distinctione vnius globi supra aliud, sicut alioqui necessariò appareret Et quidem semper illo modo conspicitur, quocunque versu, terræ vmbra in Lunam incidat, iuxta varium situm ipsorum luminarium in cælo tempore ecclipsis, & ex quocunque terræ marisue loco ecclipsata Luna perspicitur.

Tum demum iuuabit afferre experientiam & verba D. Augusti. lib. 1. de Genesi ad litt. cap. 12. *Nunquidnam in altum congregata sunt aqua, sicut fit cum ad ventilandum in area, messis trita surrigitur, & congesta in agerem nudat locum quem diffusa contexerat? Quis hoc dixerit? Cum videat usquequaque campos Maris equaliter fusos, qui etiam cum aqua fluctuantis quidam velut montes eriguntur, sedatis rursus tempestatibus complanantur.* Vbi notatione dignum est, hanc esse primam ex tribus explicationibus quas August. refert de congregatione aquarum: Et de hoc ait, *Quis hoc dixerit?* & putat esse euidenter contra ipsius visus experientiam. At postea tot alij hanc sequuti sunt. Et præsertim excusari nequit Caterinus qui dicere ausus est, nullum sapientem de illa dubitasse. Non sic August. qui sine exceptione nullum putauit ita posse asserere.

Probatum tertio ratione: quia aqua *Suade- ex natura sua petit esse circa terram, tur rai- & petit conformari in figuram glo- tione.* bosam circa centrum mundi, quod vtiue naturale est omnibus elementis. Hanc autem dispositionem aqua vno è duobus modis habere poterat: vel vndique in circuitu cooperiendo terram, & sic fuit creata ab initio: vel reducta in vnum terræ latus intra cavitatem ipsius capacem: & sic dici debet de facto existere. Aliter verò si aqua in alium globum per se reducta fuisset, nullo modo dispositionem sibi connaturalem haberet.

Quarto. Vel aqua eleuata in alium globum supra terram, maneret ibi deinceps naturaliter, vel per continuum Dei miraculum contineretur ibi aquam ne defluat terramque sumergat. Primum significat Caterinus, & rationem reddit, quia aqua licèt extra locum debitum con-

stituta, conatur potius se colligere & continere in globo, quàm se expandere defluendo, vt patet in guttis aquæ super puluerem decidentibus, & in aqua supra oram vasis se aliquantum attollente: idquæ facit ad maiorem suam conseruationem, melius enim conseruatur collecta, quàm expansa. Sed hoc vanū prorsus & falsum est. Tum quia sine dubio magis connaturalis & commoda esset aquæ illa prior dispositio, in qua ab initio creata fuerat à Deo, quàm alia in quam præter eius naturam et in improporcionatam sibi altitudinem eleuata fuisset: deberet ergo omnino aqua iuxta naturam suam refluere circa terram, & non in illo separato globo se continere. Tum quia eo pacto adhuc acquireret & retineret globosam figuram, imò magis quàm de facto: quia nunc certè non perficit integrum globum prope terram, sicut tunc perficeret circa terram. Tum præcipuè, eadem ipsa experientia constat, modicam quidem aquæ guttam posse se in globum colligere et continere, modicam aquam posse supra vasis labrum attolli: at, non dico magna aquæ copia, sed aliquantò maior aquæ portio, nullatenus potest illo modo se continere, sed potius expanditur & effunditur: quantò magis ergo tam ingens aquæ moles non posset ex natura sua se in altiore illum globum continere, sed omnino deberet naturali sua virtute defluere, maximè dum haberet tam paratum & expositum locum suæ naturæ debitum. Aliam rationem reddunt Caterin. & Canus: quia, aqua accepit à Deo inclinationem ad bonum vniuersi, et secundum hanc inclinationem connaturaliter manet in eo loco, sicut etiam ascendit ad vitandum vacuum; imò præualeat inclinatio ad bonum totius, inclinationi ad bonum particulare.

Sed sanè hæc ipsa esset inordinatio vniuersi, vt aqua habuerit aliam inclinationem propter bonum commune, ratione cuius perpetuo maneat in loco sibi violento. Insuper illud bonum vniuersi quod terra inhabitetur est adeo extrinsecū aquæ, vt non potuerit aqua accipere inclinationem intrinsecam & naturalem ad talem finem.

Si dicatur secundum: planè inconueniens est, aquam continuo actuali miraculo violenter & contra inclinationem suæ naturæ detineri ita eleuatam. Et pariter dicere oportet, flumina per miraculum & contra suam virtutem per terram decurrere vt ad mare ascenderent. Et eo maxime id esset inconueniens: quia facillimè fieri potuit, vt ex vno latere excauaretur terra, & in tali cavitae aquæ moles infunderetur, vbi deinceps absque nouo continuo miraculo naturaliter permaneret.

Quintò. Ex dictis planè sequitur, terram de facto esse aliquantò altiore aquis, illam scilicet terram quæ discooperta est, & ita aliquantum præminet aquis. Et ita patet manifestè de insulis quæ ex mari surgunt, & de ipso quoque littore ad quod sistunt aquæ. Eoque magis montes quò altiores sunt à planitie terræ, plus quoque attolluntur ab aquis.

Demum, dum dicimus aquam & terram vnum cōficere globum, sensus non est de globo perfectè sphærico & exactè rotundo, sed de globo physicè sumpto per multas partium inæqualitates aspero: sicut attingimus sect. 8. circa elementorum figuram. Item cum aquæ dicuntur reductæ ad vnum latus terræ, & cōgregatæ in locum vnum: non oportet intelligere vnum præcisè locum, absque interpositione terræ. Sed, vt explicauit S. Th. 1. par. quæst. 69. art. 3. *Vel quòd omnes aque vnum*

Terra est aliquantò altior aquis.

terminum habent, scilicet mare, in quo confluunt vel manifestis vel occultis meatibus. Aut per comparationem ad locum terra sicca, idest seorsum a terra sicca. Nam ad designandam pluralitatem locorū subdit, congregationes aquarum appellauit maria. Vel vt explicauit Basil. homil. 4. Examer. Non quosuis concursus aquarum congregationis indicat appellatio, sed excellentem & maximum in quo totum elementum confertim aggregatum ostenditur. Idque confirmat exemplū lo ignis & aeris. Nam elementum inagnum est in sua sphaera, sed aliqua partes per terram dispersæ inueniuntur. Explicat etiam, quo pacto, licet dicantur plura maria ob varias terræ regiones, sicut sunt plures ipsius terræ prouinciæ, tamen omnia maria inter se communicent, euan Hircanum & Caspium mare cū Oceano, quod alioqui extrinsecus videbatur penitus ab illo discretum.

Sacra Scriptura Contra hanc resolutionem Obijciens. *primò. Sacra scriptura interdum significat, mare esse altius ter-
ra. Psal. 68. Veni in altitudinem maris, quā effe-
ris: Et Lucæ 5. Due in altum: Et conforat communis loquendi modus, dum dicimus, quod plus nauis recedit à littore, ire in altum mare. Et Psal. 103. Super montes stabunt aqua.*

Respondetur. Vocari altitudinem maris & altū mare pro interioribus & à littore remotioribus partibus maris, vt planè denotatur communi modo loquendi: vbi altitudo nō sumitur pro remotione à centro mūdi, sed pro remotione ab ipso littore. Stabunt aquæ dicitur, pro stabant aquæ, & subditur ab increpatione tua fugient, pro fugerūt: & ita supra hunc locū adduximus: Et patet manifestè ex ipso discursu Psalmi. Estque hæc transmutatio tēporū in verbis familiarissima in textu hebræo.

Obijciens secundò. Eadem Scriptura significat, per speciale imperium & statutum Dei fieri, vt aquæ non refluant ad cooperiendam terram, sed in littore sistant. Iob 38. *Dixi usque huc venies, & non proceeds amplius, & hic confringes iuneri ne menses fluctus tuos. Plal. 103. Terminum posuisti quem non transgredientur, neque conuerientur operire terram. Prouerb. 8. Quando certa lege & gyro vallabas abyssos, idest aquas, Quando circumdabas mari terminum suum, & legem ponebas aquis ne transirent fines suos. Et Ieremix 5. Posui arenam terminum mari, præceptum sempiternum quod non præteribit. dignum ergo est aquam verè eleuatam fuisse super terram, & ibi virtute Dei continere*

Respondetur. Hæc omnia optimè intelligi, quia Deus ab initio excavauit terram, & locum f. aquæ, vt deinceps ibi se continere deberet, nec refluere ad cooperiendam terram, sicut antea facta fuerat contegens in circuitu totam terram. Lex ergo & præceptum impositum, ac terminus constitutus aquis, fuit illud ipsum artificium Dei recludentis aquam in illo latere excavato terræ. Et hoc modo sæpè Scriptura in alijs similibus rebus loquitur, etiam inquam in rebus alioqui simpliciter naturalibus, quia nimirum reuera omnia sunt opera diuinæ potestatis ac prouidentiae. Sic sæpè celebrat potestatem Dei qui terram fundauit & sustinet immobilem, & tamen terra ex natura sua ita permanet. Et Iob 26. *Qui ligat aquas in nubibus vt non erumpant pariter deorsum: & utique non per miraculum, sed naturali ordine temperatur pluuia. Pluraque alia similia in eodem capite habentur, & alibi.*

Obijciens tertio. Eadem Scriptura significat, flumina è mari prodire, *et, flu-
Ecclesiastes 1. Omnia flumina in-
minia ex-
ITANT*

*Nō docet, a-
quā con-
tinuo
miracu-
lo desti-
neri ne
desinat.*

*Nō docet, a-
quā con-
tinuo
miracu-
lo desti-
neri ne
desinat.*

*mari de. trant in mare, & mare non redun-
scedere. dat, ad locum unde exeunt flumina
reuertuntur, ut iterum fluant.* Si-
gnum ergo est, mare esse verè ele-
uatiùs terra, & sic ex illo delabi flu-
mina.

Respondetur. Imò hoc magis
ostendit, quòd si mare esset altius
terra, deberet totum maximo impe-
tu super terram refundi, & non so-
lùm in tam modica portione. Rur-
sus, non potest vtiq; simul con-
iungi, quòd aqua fluminum descen-
dat ex mari, tanquam altiori & rur-
sus reuertatur ad mare: Cogitarunt
aliqui modum quo id fieri possit, di-
centes ex mari per alueum fluminis
perpetuò delabi aquã, & ideo sem-
per aquam antecedentem propelli
per aliam sequentem, & hac ratio-
ne decurrere & ad mare reuolui,
etiam si per medietatem sui circui-
tus debeat ascendere, dum per aliam
priorem medietatem descenderat.
Sicut videmus passim in fontibus
fieri, vt aqua propellatur sursum per
aliam quæ labitur deorsum. Sed hoc
nullatenus dici potest. Tum quia
intantum potest aqua præcedens
impelli ad ascensum per sequentem,
in quantum sit reclusa in aliquo tu-
bo, extra quem effundi non possit:
& alioqui in loco aperto, sicut sunt
alvei fluminum, aqua deberet in la-
tera effundi, non autem in altum
prouchi. Tum etiam, sicut aqua ma-
ris dicitur delabi per illum locum
vnde flumen incipit, pariter deor-
sum labi deberet per alium locum
vbi flumen desinit & in mare subin-
trat, siquidem pariter in vtroque lo-
co supereminet terræ. Et sic vtiq;
si ex aliquo fonte excipiat aqua
per tubum, & retorqueatur tubus
per aliud latus in eundem fontem,
non iam ex vna parte decidet, & ex
alia redibit aqua in eundem fontem:
sed per vtranque partem, decidet aqua
in totum tubum donec illũ impleat,
& tunc quiescet.

Ad locum ergo Scripturæ dicen-
dum est, flumina dici exire ex mari,
vel quatenus terra ipsa licet altior
mari attrahit & veluti sugit aquam
ad modum spongiæ, sicut passim vi-
demus corpora arida sugere humo-
rem, et sic spongia contingens aquã
illam ad se trahit etiam in partem
superiorem: potestquè etiam con-
ferre actio Solis calefacientis & exic-
cantis terram & rursus attrahentis
humorem: & sic deinde ex parti-
bus terræ superioribus refluat aqua
ad ipsum mare. Quo pacto potest
quilibet experiri, immittendo pan-
num ex vna parte intra aquã, aquam
in illo sese insinuare ac in altum tra-
hi, ac per aliam panni partem deci-
dere. Vel etiam dicuntur flumina
exire ex mari, quatenus ex illo ele-
uantur vapores, qui postea conuer-
tuntur in pluuiam, quæ deinde deci-
dit in terram in eaque imbibitur, &
copiosius in cauernis excipitur: &
hac aqua per quosdam aditus erum-
pat in flumina. Alio demum loco
proprio de fluminum origine erit
agendum: Vbi plura de eius loci
sensu dicemus.

Obijcies quartò. Ex D. Basil.
hom. 4. Examer. Quia specialiter
compertum est, mare rubrum quod
Aegypto adiacet, ita esse eleuatio-
rem, vt nisi à Deo contineretur, ob-
ruere deberet Aegyptum: & ideo,
cùm quidam cogitassent præsertim
Sesostris Rex Aegyptius, & Darius
Medus, breuem quendam terræ, tra-
ctum percurrere, illudquè mare
cum alio propinquo coniungere, ab
opere destiterunt, quia viderunt,
quòd Aegyptus obrueretur aquis.
Ergo sic etiam putandum erit omne
mare supra terram surgere.

Respondetur. Imò si ita omne
mare sit altius terra, & tamen non
obruit terram: potuisset absque ti-
more fieri coniunctio illa maris ru-
bri cum alio mari. Rursus si aquam
spe-

Speciale quid obseruatum id est in mari rubro respectu Aegypti: hoc ipsum demonstrat, non ita se habere simpliciter mare ad terram. Itaque hoc argumentum confirmat potius assertionem nostram. Et hæc res ita concipienda est, quod bene quidem aliqua terræ prouincia potest esse aqua depressior, sicut utique est illa terra quæ sub ipsis aquis iacet: per aliquem autem vel naturalem vel etiam artificialem arginem altiore contineatur aqua ne defluat: & ita de facto in quibusdam Europæ Prouincijs fiunt per artem tales argines. Si autem apertus fuisset alius terræ tractus ad coniungendum mare rubrum cum alio mari: ille tractus erat magis cōcauus, non altiori terræ argine munitus: & sic mare occupasset illam terræ prouinciam: idēoq; ab illo opere destiterunt.

*Quadā
alia ar-
gumēta
soluun-
tur.*

Obijcies quintò. Dum in terra positi aspicimus mare, videmus illud velut in globum assurgere & eleuari: è contra, dum in altum mare prouecti aspicimus terram à longè videmus illam velut inferiùs subsidere: ergo verè aqua per se relidet in maiori altitudine supra terrā.

Respondetur. Positi in littore videmus quidem mare conformari in globum, quia conficitur vnus globus ex mari cum terra: magis autem in ipsa aqua discernimus figuram globosam ob maiorem æqualitatem eius. Ponti in mari videmus littora veluti subsidere, quia ob obscuritatem suam terra apparet veluti remotior & ita inferior.

Obijcies sextò. Aqua esse debet longè maioris molis quàm terra, & ita fieri debuit ab initio: est enim elementum illi superius; & iuxta Peripateticam doctrinam, elementum superius excedit indecupla saltem proportionem elementum inferius: At certè non poterat tanta

aquæ copia recludi intra cavitatem factam in vno latere terræ: ergo censeri potius debet aqua per se attolli & conglobari supra terram.

Respondetur. Aquam nullatenus esse tantæ molis, sed esse potius minorem terra, vt postea de elementorum quantitate videbimus.

Obijcies septimò. Si vnus globus ex terra & aqua conficitur, vel centrum ipsius totalis globi, vel adhuc centrum terræ per se spectatæ, manet in centro mundi. Si dicatur primum: sic non solum aqua, sed etiam terra, dimota est à loco suo, quia ipsa terra per se petit iacere in centro mundi. Si dicatur secundum: iam aqua reuera erit altior terra, assurgens ex vno latere supra terram, nihil iuuante cavitare quam dicebamus facta in terra. Sed iam de hac re agendum sequitur sect. sequenti.

SECTIO QVINTA.

*An & quo pacto globus ex terra
& aqua compactus in medio
mundi consistat.*

ERat sententia illa Pythagoreorum, & Aristarchi, nuper à Nicolao Copernico renouata, quæ terrestrem hunc globum, intelligendo utique aquam cum terra, non in medio mundi collocauit. Sed considerandum est, dupliciter sumi mundum; vno modo adequatè pro toto vniuerso, complectendo etiam corpora cælestia; alio modo determinatè pro elementari mundo, qui infra Lunæ concavum continetur. Primo ergo modo, sententia illa, non terram, sed Solem in totius mundi medio collocabat: ipsamque terram ac totum elementarem mundum in quodam cælesti orbe constituebat, quem Copernicus vocauit orbem magnum. Sed secundo modo non

*Sententia
negans
consistere
in medio.*

negabat, terrestrem globum in medio ipsius mundi elementaris situm esse. Imò Copernicus in illo orbe magno tanquam Epiciclum quandam inferebat totum cælum Lunæ intra se complectens nostrum hunc elementarem mundum, intra quem verè medium locum tribuebat terræ.

*Conclu-
sio affir-
mās ve-
rè consi-
stere in
medio.* Certum ergo prorsus est, terre-
strem hunc globum verè in mundi
medio situm esse; tum scilicet in
medio totius vniuersi, complecten-
tis cunctos omnes cælus; tum in me-
dio huius nostri elementaris mundi
intra lunaris cæli concavum con-
tenti. Hoc totum satis patet ex di-
ctis antea q. 31. sect. 2. circa vniuer-
salem totius mundi structuram. Quæ
enim ibi adduximus, non solum de-
monstrant, terram atque totum ele-
mentarem mundum verè in medio
totius vniuersi consistere; sed etiam
ostendunt specialiter ipsum terre-
strem globum in medio huius no-
stri elementaris mundi iacere. Præ-
terea ex reuolutionibus Lunæ eius-
que ecclipsi perspicuè apparet, verè
terram in medio huius cæli manere
circa quam ipsa Luna per menses
singulos reuoluatur. Demum ex na-
tura terræ, ac pariter aquæ, & præ-
sertim cōparatione facta cum alijs
elementis manifestum est, medium
inter omnia elementa locum huic
terrestri globo debitum fuisse: me-
dius enim locus est infimus, & infi-
mus locus grauissimo corpori debetur.
Imò sic Arist. explicare solet
naturam grauium & leuium, quòd
grauia tendunt ad medium, leuia
tendunt à medio. Sic ergo ignis &
aer sunt superiora inter elementa, &
recedunt à medio: terra & aqua
sunt inferiora quorū locus est mun-
di medium. Quàm benè autem &
absque vlla difficultate terra cum
omnibus suis corporibus in medio
aeris veluti suspensa maneat, ac per
totum terræ circuitum & omne la-

tus eius possint homines & alia cor-
pora grauia sustineri, satis explica-
uimus eadem q. 31. sect. 4. circa fi-
guram mundi.

Hoc supposito, subtilius adhuc *An cen-
trū hu-
ius globi
sit sim-
pliciter
in cætro
mundi.* explorandum est, quo pacto terra,
siue globus ex terra & aqua compa-
ctus, in medio mundi consistat. Pro
quæ re considerandum est punctum
medium ipsius mundi quod dicitur
centrum, & est illud à quo omnes
lineæ ductæ ad circumferentiam cæ-
li Lunæ sunt æquales inter se, & pa-
r ter lineæ ductæ vsque ad circumfe-
rentiam extremam et supremam to-
tius cæli sunt æquales inter se: item-
què considerandum est punctum
medium, quod etiam dicitur cen-
trum ipsius terræ, & globi constan-
tis ex terra & aqua: Vbi rursus di-
stingui solet duplex centrum alicuius
corporis, vnum dicitur centrum
grauitatis, & aliud magnitudinis.
Centrum grauitatis explicatur pun-
ctum medium cuiusdam lineæ, in
qua si diuidatur corpus, vtrique me-
dietas æqualiter ponderabit. Cen-
trum magnitudinis explicatur pun-
ctum à quo omnes lineæ ductæ ad
circumferentiam sunt æquales, siue
punctum medium cuiusdam lineæ,
in qua si diuidatur corpus, ambæ
medietates sint æqualis magnitudi-
nis. Potest autem in aliquo globo
esse diuersum vtrunque centrum. Si
enim efficiatur pila ex vna parte
plumbea, & ex altera lignea, non
erit idem centrum grauitatis & ma-
gnitudinis, quia nimirū pars plum-
bea est longe grauior parte lignea:
vnde si diuidatur pila in linea me-
dia magnitudinis, & ex vna parte
sit medietas plumbea, ex altera li-
gnea, vtrique multo plus ponderat
medietas plumbea: igitur non illa
eadem linea erat linea media graui-
tatis: sed hæc linea erat quærenda
in tali situ, vt plus magnitudinis re-
maneret ex parte ligni quàm plum-
bi,

*Distin-
guitur
centrum
grauita-
tis &
magni-
tudinis.*

bi, vt ſic exceſſus magnitudinis cõpenſaret in pondere defectum grauitatis: atque adeo differt & diſtat in illa pila centrum magnitudinis & centrum grauitatis. Videndum ergo in hac re eſt, qualiter terra ſeu terreſtris hic globus ita exactè vniuerſi medium ſibi vendicet, vt centrum grauitatis vel magnitudinis eius verè vniuerſi centrum obtineat.

Senten- tia ne- gãs cen- trũ gra- uitatis in terra. Loquendo iam priùs de centro grauitatis, quidam Recentiores ne- gare aggreſſi ſunt, dari hoc centrum in terra ſeu terreſtri globo: negan- tes etiam debere hunc globum ſe- cundũ centrum grauitatis in vni- uerſi centro manere. Mouentur, quia

terra eſt adeo inæqualis & alibi at- tollitur alibi deprimitur, atque adeo vbi magis, & vbi minus grauitat, vt non videatur poſſe in duas medie- tates æquè graues diſtribui, & ſic nõ habebit centrum medium grauita- tis, nec poterit per vniuerſi centrum deſignari vna medietas terræ, qua non magis vel minùs alia medietas ponderet. Insuper ſi terra deberet ſecundũ centrum ſuæ grauitatis in centro mundi quieſcere, ſequeretur quòd ſi terra demitteretur ex alto non ſiſteret quando prima eius ſu- perſicies attingeret centrum, ſed ad- huc vltèrius tenderet, at ſic verè a- ſcenderet recedens à mundi centro, quod eius grauitati repugnat. Nec dici poſſet illa medietas quæ vltra cẽtrum ferretur, impelli ab alia me- dietate ſequentè: quoniam tantam vim habet vna vt alia, & ita vna non poſſet praualeſcere alteri. Ita philoſo- phatur Ioannes de Salas 1.2. tracta- tu 10. diſp. 6. num. 21.

Senten- tia do- cens cẽ- trũ gra- uitatis in terra in centro mundi manere. Sed ſupponendo, verè dari hoc centrum grauitatis in terra, & acce- dere prorsus debere ad vniuerſi cẽ- trum, Conimb. 2. Cæli cap. 14. q. 3. art. 2. ſtatuumt, centrum grauitatis ipſius terræ exactè manere in centro mundi. Et loqui videntur de terra

per ſe prout ab aquis diſtinçta. Se- quitur Ruuius 3. Cæli cap. 8. q. 2. Pro- bant, quia terra eſt grauiſſimum cor- pus: ergo obtinere debet exquſitè inſimum locum; quem vtique non aliter obtinebit, niſi per hoc quòd centrum grauitatis eius indiuiſibili- ter cum vniuerſi centro coincidat. Et alioqui, ſi centrum hoc grauita- tis, vel minimum quid diuellatur à centro vniuerſi, ſtatim ſua virtute motiua deberet terra ſecundum cen- trum ſuæ grauitatis conari ad cen- trum vniuerſi. Amplius, in ſpecie probant, non impediri terram ab aqua quominus ſic aſſequatur cen- trum mundi: quia aut impediretur naturaliter, aut per vim: non primũ, quia potiùs ex natura ſua aqua de- bet eſſe altior terra & ſupra terram: neque ſecundum, quia nullum vio- lentum poteſt eſſe perpetuum aut diuturnum.

Pro reſolutione ſtatuendum eſt, *Verè da- verè terram, ſiue terreſtrem globũ, tur cen- habere centrum medium gra- uitatis; trũ gra- & non ſolũ debere ſecundũ hoc uitatis centrum quàm proximè accedere in terra ad centrum mundi; ſed vel centrum et terre- grauitatis ipſius terræ, vel totius glo- ſtri glo- bi ex terra & aqua compacti, debe- bo.*

re exactiſſimè tenere centrum mun- di. Eſt res clara & explorata, & non digna de qua peritus quiſpiam poſ- ſit dubitare. Perſpicuum enim eſt, & Mathematicis compertum, omne pondus, quantumuis aſperum & in- æquale, habere centrum medium ſuæ grauitatis. Et per ſe notum ap- patet, omne corpus graue poſſe rea- liter diuidi in duas medietates æquè ponderantes: vnde ſi conſideretur vna diuiſio poſſibilis ſeu vna ſu- perſicies diſtinguens duas medietates æquè graues, ac deinde conſidere- tur alia ſimilis ſecans illam in mo- dum crucis, illa linea in qua fieret ſectio eſt linea media totius graui- tatis, & punctum medium eius eſt

punctum medium grauitatis. Item, si appēdatur tale pondus per filum, considerabitur linea recta per filum ducenda vsque ad centrum mundi: deinde appendatur idem pōdus ex alio latere: punctum interlectionis harum linearum, est centrum grauitatis. Neque ad hoc obstat quantacumque inæqualitas partium corporis. Terra igitur & terrestris globus habet omnino suum centrum grauitatis.

Debetquē prorsus corpus illud quod mundi medium occupat, exacte secundum centrum suæ grauitatis in vniuersi centro quiescere, neque fieri potest vt magis ex vna parte ponderet quā ex alia. Nam omnino pars grauior & ponderosior debet magis ad mundi centrum accedere, & alioqui suspensa in alto maneret: & hoc ipso quod præponderat alteri parti, iam illi præualet vt eam in pellere queat, ac totum tandem corpus equaliter circa mundi centrum ponderet, sic vndique æquilibratum.

Potius Deinde determinatè dicendum *est centrum* est centrum potius grauitatis totius *grauita-* globi ex terra & aqua compacti, *tis co-* exacte in centro mundi manere, id- *tius glo-* quē globi centrum esse diuersum à *bi quam* centro solius terræ. Itā expresse nota- *solius* uit Aliacensis in c. 1. Sphæræ quæst. *terra re-* s. art. 3. & sine dubio est de mente *net cen-* aliorum, qui totum globum constitu- *trum* unt in medio vniuersi. *mundi.*

Probatum primò: Quia alioqui, si centrum ipsius terræ per se maneret in centro vniuersi pariter superficies & circumterentia eiusdem terræ per se maneret circa centrum vniuersi: ergo deinde aqua ex vno terræ latere maneret altior & eleuatio-
natio supra iam præfixum terre ambitum: & consequenter ex natura sua deberet inde defluere, & per cōtinuum miraculum detineretur: non possent flumina naturaliter ad ma-

re decurrere, sed in hoc decursu verè ascenderent: ac demum hæc planè erit illa sententia quæ dicebat, terram fuisse à Deo in suo loco relictam, & aquas fuisse in vnum latus deductas in maiorem altitudinem supra terram: contra quam sententiam Conimb. ipsi quæst. 4. sequenti depugnant. Neque iam proderit cavititas facta in terra ad continendam aquam: non enim talis ac tanta est cavititas, vt retinere valeat tantam aquæ copiam, & tam in circuitu expansam, ne super terram refluat. Sed intantum illa cavititas iuuabat, inquantum vnus globus ex terra & aqua compactus secundum centrū suum, à centro ipsius terræ distinctum in centro maneat vniuersi.

Secundò explicatur magis. Cogitemus Deum autem terre totam aquā ex illo latere terræ in quo manet, vel eam extēdere in circuitu per totam terram, sicut erat ab initio. Tunc vel terra prorsus immotata in eodem loco permanebit, vel aliquatenus variabit situm, videlicet accedendo versus eam partem, ex qua abstractæ essent aquæ. Si dicatur primum: nescio quid plus voluisset pro se Caterinus: & iam sequitur manifestè, aquam de facto eleuatam manere in maiorem altitudinem supra terram, ac naturaliter debere refluere. Si dicatur secundum, vt sanè fatendum est: habemus intentum, scilicet de facto centrum totius globi diuersum à centro solius terræ manere in centro vniuersi.

Tertio. Ipsa aqua adhaerens terræ ex vno latere, habet vtique suum pondus suam grauitatem: cū ergo efficiat vnum globum cum terra, debet centrum totius huius globi adæquatè sumpti in mundi centro quiescere. Et confirmatur exemplo. Si auferretur ex vniuerso totus hic terræ & aquæ globus, & totum spatium occuparetur ab aere, deinde dimit-

*Si terra
esset per
se sepa-
rata, tūc
centrum
eius at-
tingeret
centrum
mundi.*

teretur

teretur ad mundi centrum pila compacta ex medietate plumbi & medietate ligni, utique centrum totius pilæ, non autem centrum plumbi per se sumpti, obtinere deberet cētrum vniuersi: nā ipsa pila totaliter sumpta esset corpus grauius aere circumfuso, vnde secundum centrum totius suæ grauitatis præponderātis ipsi aeri deberet attingere centrum vniuersi. Neq; alia pbaione ad hoc indigemus, quando ipsi Conimb. vltro hoc fatentur art. 1. dum in huiusmodi pila cōposita sic describūt centrum grauitatis: *Quod cum centro vniuersi iungeretur, si eiusmodi corpus liberè descenderet.* Sed sic prorsus ex terra & aqua vnus globus conficitur, qui in medio aeris per se suspenditur, & aqua habet suam grauitatem & pondus, ita vt totus hic globus habeat totalem suā grauitatē ex vtraque parte præponderantem aeris: igitur centrum totius huius grauitatis & ponderis debet in centro vniuersi in medio aeris exactē quiescere.

Quartò tādē accedit, quòd ipsi Conimb. art. 3. in responsione ad quoddam argumentum, fatentur, *Effici vnū globū ex terra & aqua, esseque vtriusque idē centrum grauitatis:* & sine dubio intelligūt hoc centrum grauitatis huius globi obtinere centrum vniuersi, vt argumentum assumebat. Et hoc cētrum grauitatis totius globi utique diuersum est à centro grauitatis solius terræ, vt etiam à centro grauitatis solius aquæ. Nō ergo antea in prima conclusionē debebant statuere, cētrum grauitatis terræ obtinere centrum vniuersi, & in hoc non posse impediri ab aqua.

Ex dictis patet manifestē ad fundamentum Salas: Nempe nullatenus obstat inæqualitatem terræ, quominus habeat suum centrum grauitatis. Et esse prorsus necessa-

rium, vt secundum omnes partes ita terrestris globus æquilibretur in terra, vt quocumque versu diuideretur, vna medietas prorsus æquipōderet alteri. Vnde si terra demitteretur ex alto, omnino deberet secundum centrum suum assequi centrum vniuersi. Et mirum est, si hic Auctōr cogitauit, terram tunc debere secundum primariū sui superficiem in centro sistere. Verē autem aliquantum ascenderet prior medietas vltra centrum per impulsū tamen posterioris: quia donec vniatur centrum cum centro, maior & grauior esset illa posterior quæ ad centrum accederet, & sic necessariò præualeret.

Ad fundamentum Conimb. & Ruu. dicendum, Terram esse quidē aqua grauiorem, & simpliciter grauiusimum corpus: vnde si per se esset discreta ab aquis, vltro deberet suæ solius grauitatis cētro obtinere centrum vniuersi, & aquam sustineret per totum circuitum supra se. Tamē supposita collectione & conformatione terræ & aquæ in vnum globum, debere sumi hunc totum globum per modum vnius ponderis secundum totam grauitatem eius, & comparisonem debere fieri non inter terram & aquam, sed inter totum ipsum globum ex vna parte, & aerem ex alia. Hac ergo ratione totus ipse globus est grauiusimum corpus: & tunc exquisitē in infimo loco manebit, dum centrum totius grauitatis eius attinget cētrum vniuersi, & æqualiter in medio aeris sua totali grauitate libratur. Et, si hoc centrum grauitatis totius globi vel minimū quid eleuaretur à centro vniuersi, statim totus ipse globus secundum centrum suæ grauitatis in centrum vniuersi decideret.

Ad alteram rationem dicendum *Qua ratione potius cen-* Non quidem naturaliter, sed per specialem diuinam dispositio-

rvū glo- nem factum esse, ut aqua ad vnum
bi quam latus terræ reduceretur, quia alioqui
centrum verè ex natura sua exigebat expandi
terra supra terrā, ut ab initio creata fuit.
obteneat Non autem dicimus, hoc factum
centrum esse per vim: quia ob summā subor-
mundi. dinationem creaturarum ad Deum,
 & ob inclinationem naturalem earundem partium vniuersi ad bonum totius, non dicitur simpliciter violentum, id quod alioqui erat contra inclinationem particularem ipsius rei. At post factam illam dispositionem, natura ipsa rei poscit, ut centrum gravitatis totius globi, non autem centrum terræ per se sumptæ in vniuersi centro quiescat: quia nimirum, cum etiam ipsæ aquæ habeant suam gravitatem, quæ præponderant aeri, debet centrum totius gravitatis illius globi qui in medio aeris pendet, in centro totius mundi quiescere.

Quali- Hinc etiam patet ad argumentum
ter ter- vitimo loco sectione superiori adductum. Fatendum enim vitro est, terram quoque per illam dispositionem diuinam fuisse aliquatō dimota à debito loco suo. Nam cum ad vnum latus terræ additum sit aquarum pondus, debebat per illud impelli aliquatū ipsa terra in partem aduersam. Neque hoc est inconueniens. Imò erat naturaliter necessarium supposita illa dispositione diuina, quæ voluit segregare aquas ad vnum latus terræ. Sed rursus considerari potest terra, vel prout de facto est, cum tam vastā cœuitate ex vna parte ad continendas aquas, & tantæ eleuatione montium ex alia parte discooperta aquis; vel prout ab initio condita fuit absque hac inæqualitate. Iuxta præsentem ergo statum dimota quidem dici debet terra ab illo loco, quem de facto obtineret per suam solam gravitatem, si liberaretur ab aquarum pondere. Iuxta aliū verò statum

dici debet nihil aut parum dimota ab illo loco medio in quo ab initio condita fuit: quia nimirum, quātum aquarum pondus appositum illi est ex vno latere, tantum terræ inde auulsum fuit & translatum ad aliud latus. Itaque dimotio facta fuit potius secundum exteriores has & superiores partes, quàm secundum totam ipsius terræ molem ex loco vniuersi medio quem obtinebat.

Deinde, loquendo de centro magnitudinis. Aliqui se expediunt, negando simpliciter, siue in ipsa terra, siue in toto globo, verum centrum magnitudinis: quia dicunt hoc centrum non reperitur nisi in sphaera exactè rotunda: terra autem & terrestris globus tot ac tantis inæqualitatibus partium abundat. Et ita sentit Ruuius 3. Cæli, cap. 3. q. 2.

Sed supposito centro magnitudinis in terra. Coniung. ead. quæst. 3. art. 2. cum Fernelio in Cosmotheoria lib. 1. cap. 1. pariter affirmant, centrum quoque magnitudinis terræ in centro vniuersi tacere, eisequēdem cum centro gravitatis eiusdem terræ. Explicant autem, debere id intelligi phylico & communi modo, non autem mathematico & exacto modo. Nam dupliciter corpus aliquod vocatur sphericum & rotundum; vel scilicet mathematico more, ita vt omnes lineæ ductæ à centro ad circumferentiam sint prorsus æquales; vel phylico & vulgari modo, quo communiter loqui solemus, & sic vocatur corpus sphericum & rotundum, etiam illud quod habeat partes aliquantum inæquales, & aliquas prominentes, aliquas depressas, dummodo tamen simpliciter & secundum se totum in sphericam figuram conformatum sit, ut pila ex rudi lapide vel ex pumice efformata: & tunc lineæ ductæ à centro ad circumferentiam dicuntur terè æquales, quia non est notabilis differen-

tia partium: & eò magis quò sphaera maior fuerit, vbi minor adhuc redditur differentia in comparatione totius. Constat ergo, terram non esse sphericam & rotundam primo modo, sed tantum secundo: multis enim, in varijs partibus, montibus attolitur, vallibus deprimitur. Ideoque secundo tantum modo dicunt centrum magnitudinis terræ in centro vniuersi simul cum centro gravitatis incidere. Et pariter Conimb. loquuntur de centro ipsius terræ per se prout ab aquis distinctæ.

*Duplex
huius
sententiæ
fundamentū.*

Fundamentum huius assertionis, duplex præcipue est. Vnum est: quia non est notabilis differentia partiū terræ in ordine ad centrum vniuersi, sed vulgari modo omnes lineæ à cetro ipsius mundi ductæ ad circumferentiam terræ se habent vt æquales: ergo physico modo rectè dicetur centrum magnitudinis terræ simul cum centro gravitatis in centro vniuersi iacere. Secundum est: quia re vera aqua non est tota ad vnum determinatum latus terræ discreta, sed per varios ductus sese intra apertas terræ cavitates insinuat, & vicissim terra per plures tractus intra aquas porrigitur: vnde fit vt plura maria, & plures terræ provinciæ per aquarum confinia distinguantur: sicque hæc duo elemēta inter se commixta sunt, sequè mutuò complectuntur: igitur aqua non impedit quominus centrum magnitudinis ipsius terræ verè sit in centro vniuersi simul cum suo centro gravitatis.

Item Clavius in cap. 1. Sphæræ §. *An ex terra & aqua vnus fiat globus*, ex Mathematicorum sententia docet, idem esse centrum magnitudinis & gravitatis, & in cetro mundi quiescere, ac loquitur potius de centro totius globi, quam solius terræ. Præcipue probat: quia omnia graua, dum descendunt, per rectam lineam tendunt ad cetro vniuersi:

sed pariter in quocunque latere terræ, dum pertingunt ad terram, incidunt in illam ad angulos æquales, vt notauit etiā Arist. 2. Cæli 100 Ergo signum est, circumferentiam terræ æqualiter extendi circa idem centrū vniuersi: ergo idem ipsum est centrum magnitudinis terræ seu huius globi.

Ex aduerso aliqui expressè negant, centrum magnitudinis, tam totius globi, quam ipsius terræ, manere in centro vniuersi, & esse idem cum centro gravitatis: voluntque notabiliter differre atque distare. Fundantur præcipue in hoc, quòd aqua est notabiliter leuior terra: globus ergo ex terra & aqua compactus nō potest habere idem centrum magnitudinis atque gravitatis, sicut certè pila partim plumbea & partim lignea. Et insuper hic globus ex parte terræ discoopertæ, tot montibus abundat, quæ eò magis hanc globi faciem ponderosiores efficiunt. Sed Aliacens. in cap. 1. Sphæræ q. 5. art. 3. arguit è conuerso; Illa terræ pars quæ cooperta est aquis abundat magis humore, & ita magis ponderat; alia autem pars calore exiccatur præsertim à Sole, & sic minùs ponderat: igitur ob inæqualem vtriusque medietatis gravitatem nō potest esse idem centrum magnitudinis & gravitatis.

Pro resolutione statuendum in primis est, licet in terra & terrestri globo non detur centrum magnitudinis à quo omnes lineæ ductæ ad circumferentiam sint æquales, tamen in toto rigore dari centrum magnitudinis in quo diuidi possint partes & medietates æquales totius corporis. Explicatur & probatur. Dupl. ceter potest accipi centrum magnitudinis. Vno modo pro puncto ita exquisitè medio, vt omnes lineæ ab illo ductæ ad circumferentiam sint æquales: & planè hoc centrum non

datur nisi in sphaera exactè rotunda: cum què terra in sua circumferentia sit adeo inaequalis per alias partes altiores & alias humiliores, nullum erit in illa punctum à quo omnes lineae ductae ad circumferentiam sint aequales. Alio modo accipietur centrum huius linea media & superficies media magnitudinis, in qua diuidantur aequales medietates totius corporis: & sic in toto rigore debet inueniri. Nam utique quaecunque magnitudo potest à Deo diuidi in duas medietates aequales, ita ut tanta moles, & extensio sit in vna quam in alia: sic potest diuidi quaecunque linea, quaecunque superficies, quodcunque corpus, non obstante quacunque inaequalitate partium, quia adhuc habita ratione cuiuscunque inaequalitatis, Deus discernit medium magnitudinis. Potest ergo sic diuidere terram seu terrestrem globum, & superficies in qua fieret diuisio est superficies media magnitudinis media corporis. Rursus vnà ex his medietatibus diuisis potest pariter diuidere in duas partes aequales, secando inquam illam superficiem in qua facta erat prima diuisio: & sic illa linea in qua fieret talis diuisio, est linea media magnitudinis, media talis superficiei. Tandem pariter diuidere poterit vnā ex his alijs medietatibus secando inquam hanc lineam modò dictam: & sic punctum in quo fieret talis diuisio erat punctum medium totius magnitudinis quod dicebatur centrum. Et sicut diuisio fiebat in vna medietate, ita prorsus fieri poterat in alia, transeundo semper per idem punctum, aptè inquam distribuendo partes diuidendas & dirigendo diuisionem prout oportebit ad faciendas partes aequales. Atque ita diuidendo, seu mente distribuendo, siue terram, siue totum globum in octo partes aequales, inuenitur centrum

magnitudinis, illud scilicet punctum in quo se contingebant omnes earum partes, & in quod omnis diuisio concurrebat.

Atterendum iam est, centrū magnitudinis potius totius globi ex *Potius* *cētrum* terra & aqua, quàm centrum terrae *totius* per se, accedere ad centrū vniuersi: *globi* non autem oportere ut exactè cum *quā* *so-* illo coincidat, sed tamen parū posse *ius ter-* distare. Explicatur & probatur *ra acce-* tertio. Vtique centrum magnitudinis totius globi propius se habebit *cētrum* ad centrum grauitatis totius globi *mundi*. sicut pariter centrum magnitudinis solius terrae propius se habet ad cētrum grauitatis eiusdem terrae: sed centrum grauitatis totius globi est quod in centro vniuersi quiescit: ergo centrum etiam magnitudinis totius globi est quod potius ad vniuersi centrum accedit. Confirmatur: si considerentur lineae exeuntes à centro vniuersi & pertingentes vsque ad externam superficiem solius terrae, & ad superficiem totius globi, utique magis aequales erunt hae lineae deductae per totum globum: vna verbi gratia linea à centro vniuersi vsque ad externam superficiem aquae, magis aequalis est cum linea ducta ad superficiem terrae discoopertae, quàm sit linea sistens in illa superficie terrae quae subest aquis. Quantumvis ergo Conimb. dicant non adeo magnam esse maris profunditatem, atque adeo depressionem terrae sub illo, quod quidem verum est: tamen adhuc simpliciter fatendum est, magis aequales esse lineas vsque ad superficiem aquae deductas: potius ergo centrū magnitudinis totius globi, quàm solius terrae, dici debet ad vniuersi centrum accedere. Et praeterea considerando aquam secundum totam molem suam qua licet nō sit admodum profunda, saltem est admodū ampla, utique habet notabile com-
para-

parationem ad terram : igitur non debet pro eodem centeri centrum magnitudinis totius globi ac solius terræ . Sed sine dubio magis accedit ad mundi medium centrum totius globi , quam solius terræ : ergo potius centrum globi quam centrum terræ dici debet ad vniuersi centrum accedere .

Nō oportet ut exactè attingat cētrum mundi .

Non oportet autem , vt exactè cum illo coincidat : Quia necesse non est , vt idem prorsus sit centrum magnitudinis & grauitatis totius globi : quinimo facillè contingere potest , vt aliquantò grauior sit vna medietas quàm alia globi ; & sic nō eadem sit medietas molis ac ponderis , non idem cētrum magnitudinis , & grauitatis . Atque in hoc , quantumuis parua inaequalitas sufficit : cū ergo cētrum grauitatis indiuisibiliter debeat in vniuersi centro reponi , iam centrum magnitudinis non exactè idem vniuersi centrum attinget .

Sed parū potest ab illa differre , & ideo physicè & sensibilibiter nō cōsuetur ab illo distare .


Attamen parū poterit ab illo differre atque distare . Et hoc à posteriori mathematicis obseruationibus demonstratur : Quoniam terrestris globus ad astrorum apparentias ita se habet , vt eius moles in medio prorsus vniuersi videatur cōsistere , absque vlla sensibili differentia . A priori autem suaderur : quia non potest esse notabilis differentia grauitatis inter vnā & aliam medietatem magnitudinis huius globi , vt de se facillè apparet , & constabit magis ex solutione oppositi argumēti .

Solutur opposita fundamenta .

Ex dictis iam satis patet ad Ruuij fundamentum . Deinde ad primum Fernelij & Conimb. esto dicatur non esse notabilis differentia partium terræ ad centrum vniuersi , tamen certè minor adhuc est differentia partium totius globi ad ipsum vniuersi centrum : nec sanè est adeo exigua vt contemni prorsus debeat illa differentia profunditatis quæ est

inter supremam superficiē ac interfundum maris . Ad secundum , licet a qua & terra per multis partes intermiscantur , tamen adhuc diuersam esse considerationē totius globi atque solius terræ ob differentiam profunditatis ipsius a qua iacens in terra . Sed insuper , licet in alijs partibus terra & aqua per varias partes sese contingant , tamen mater saltem oceanum per se in magna amplitudine extenditur & in vno vasto terræ latere illi adharet : vnde ex hac parte potest nō sperendam inducere differentiam . Ad fundamentum Clauij facillè patet , illo ad summum probari , centrum magnitudinis non differre notabiliter ac sensibilibiter à centro vniuersi , quod vtrò asserimus .

Ad fundamentum denique alterius sententiæ dicendum est , non tam notabilem esse differentiā grauitatis inter aquam & terram , vt notabiliter debeat dimouere centrum magnitudinis à cētro vniuersi in quo quiescit centrum grauitatis : eo magis quod non tanta est copia & profunditas aquarum , quasi medietas huius globi ex vna parte esset terra & alia medietas esset aqua , sed non magna est moles & profunditas aquarum , vt postea dicemus . Insuper , eluatio seu pondus montium ex alia parte terræ , non potest magnam inducere differentiam , imò pariter montes faciunt ad pondus atque ad magnitudinem . Demum ex oppositione ipsa allata in argumento potest compensari , & velut adæquari grauitas ex vtraque parte magnitudinis : quia vbi terra cooperta est aquis , fit grauior ratione humoris imbibiti ; vbi est discooperata , aggrauatur montibus .



SECTIO SEXTA.

*An & quo pacto terrestris hic
globus in medio mundi
quiescat.*

TRiplex cogitari potest motus in terra siue terrestris globo (hoc enim nomine totum globum ineludendo etiam aquam in hac re communi intelligimus.) Primus rectus, quo in alium locum directè tenderet. Secundus circularis, quo in eodē suo loco volueretur in gyrum, aut etiam quo circa mundi cētrum raperetur, sicut nos dicimus astra gyrare per motum cæli. Tertius per modum cuiusdam agitationis, & concussionis, quo aliquantum in se vacillaret, & non semper secundum idem sui centrum in centro mundi persisteret.

*Nō mo-
ueatur
motu
recto.*

De primo motu refert Seneca lib. 7. Natural. qq. cap. 14. opinionem quorundam dicentium, terram de facto perpetuo semper motu descendere ac deorsum ferri, nec unquam fore sui motus quietē ac terminum adepturam, quia tendit in infinitum. Plerique alij veteres Philosophi, vtrū videntes terram immobiliter in eodem suo loco quiescere & permanere; laborarunt valde in reddenda ratione, cur terra adeo grauis, non deorsum decidat, sed tam constanter in eodem suo loco subsistat. Refert plures de hac re rationes Aristoteles 2. Cæli, vbi prolixè hac de re tractat.

Notissima tamen res est, terram perpetuo in eodē suo loco persistere: & facillima est ex dictis huius rei ratio: vt iam antea notauimus q. 31. sect. 4. Non potest terra decidere versus cælum, quia sic verè ascenderet, non descenderet: nam ascendere est recedere à medio, descen-

dere, est tendere ad mediū: infimus locus est cæli medium, supremus locus est cælo proximus. Cū ergo terra medium cæli locum teneat, ibi omnino quiescere ac persistere debet. Itaque ipsamet summa grauitas terræ, illam in medio sustinet, & in medio aeris velut suspensam tenet. Et hoc expressit Sacra Scriptura Psalm. 103. *Fundasti terram super stabilitatem suam, non inclinabitur in saculum saculi.* Et iuxta hoc etiam dicitur Iob. 26. *Qui appendit terram super nihilum.* Et Isai. 40. *Quis appendit tribus digitis molem terra, & librauit in pondere montes, & colles in statera.* Non ergo posset terra ex hoc suo loco & spatio secedere, nisi totum vniuersum ē suo loco dimoueri, & cælū ipsum decidere ac ruere diceretur: & adhuc nihilominus terra semper medium mundi locum intra cæli latera obtineret.

De secundo motu, erat illorum sententia, qui apparentem calorum seu astrorum motum, non ipsis cælis & astris, sed huic potius terrestris globo attribuere maluerunt: sic volebant, terram ipsam quotidie in gyrum reuolui intra proprium suum locum & situm: aut etiam in quodam celesti orbe cōstitutam, in gyrum circumferri, sicut nos dicimus de astris: vel saltem tardiozem illum motum qui solet tribui omnibus astris, etiam fixis, conuenire potius ipsi terræ. Aut praterea retēto atque imperturbato omni astrorum motu, aliqui Veteres tribuisse etiam videntur aliquem peculiarem motum circula-rem ipsi terræ.

Certum tamen esse debet, terram nullo pacto circulariter dimoueri, sed immotam in suo loco quiescere. Ita docet & probat Arist. 2. Cæli & alij Philosophi communiter, ac etiam Mathematici & Astronomi, & insuper sacri Doctores ac Theologi.

*Nō mo-
ueatur
motu
circula-
ri.*

logi. Et in primis satis iam in superioribus q. 31. sect. 2. & q. 34. sect. 5. & 6. ostendimus, omnem huiusmodi circularem motum, apparentem in astris, tam scilicet communem omnium, qui quotidie perficitur ab oriente in occidentem, quam motum proprium Solis aliorumque Planetarum ab occidente in orientem sub signis Zodiaci, quam omnem alium tardiozem motum, verè & realiter conuenire ipsis solum astris & cælis, non autem huic nostro terrestri globo. Neque circa hanc rem quicquam amplius addere opus est.

Deinde nullus prorsus alius circularis motus debet attribui terræ, non solum quia nullatenus apparet, & quia inutilis prorsus esset: sed præcipuè, quia si aliquis peculiaris motus in gyrum inellet terræ, omnino efficeret diuersitatem aliquam in apparentia & aspectu astrorum. Si ergo omnis apparens mutatio in astris, tribuitur verè ipsis astris, nullus alius circularis motus conuenit terræ. Vt in re simili arguit Arist. tex. 97. *Si hoc acciderit, necessarium est fieri mutationes & conuersiones fixorum astrorum: hoc autem non videtur fieri, sed semper eadem apud eadem loca ipsius oriuntur & occidunt.*

Examinantur quedam huius rei probationes Probari viterius solet ex Arist. terram circulariter non moueri. Tum quia vni corpori simplici vnus simplex motus competere debet: sed constat terræ conuenire motum rectum, quo si eleuetur deorsum descendit: ergo non potest illi alius motus circularis competere. Tum etiam, vel terra moueretur naturaliter, vel violenter: non primum, quia natura terræ non exigit motum circularem: neque secundum, quia nullum violentum potest esse durabile & perpetuum: Tum demum, quia supposito quod cælum circulariter moueatur, deoet in medio sui respi-

cere centrum immobile, circa quod voluatur: sed centrum cæli est ipsa terra, quæ etiam dicitur se habere instar puncti respectu cæli: ergo non potest terra circulariter in suo loco moueri.

Sed hæc nimis leuia sunt, & planè frivola. Nam, licet vni corpori simplici debeat vnus motus ab intrinseco conuenire, benè posset simul alius ab extrinseco addi: & sic de tacto Arist. vult, ignem & aerem rapi motu cæli. Itaque terra diceretur non moueri eo pacto naturaliter, idest ex natura sua: neque tamen violenter, quasi contra suam naturam, sicut quando eleuatur sursum: sed diceretur moueri præter naturam à causa extrinseca, sicut dicitur de igne & aere. Demum non indiget cælum ad suum motum vt terra tamquam centrum maneat immobilis: quinimò intelligeretur optimè, si totum vniuersum esset corpus quoddam solidum, totum simul circulariter moueri: ad summum ergo satis esset, cogitari punctum quoddam indiuisibile, quod diceretur centrum immobile. Sufficiant ergo priores rationes & probationes pro conclusione posita.

Addi possunt quædam Scripturæ **Adduntur quedam loca.** quæ terræ prorsus immobilem tur quæ videntur facere. Paralip. 16. *Deus dñ Scripsit sudant orbem immobilem.* Psal. 92. *Firmauit orbem terra qui non commouebitur,* & psal. 103. *Non inclinabitur in saculum saculi.* Ecclesiast. 1. *Terra in æternum stat.* Et alia quæ suo loco adduximus, specialiter ad probandum, motum diurnum qui quotidie apparet in Sole & astris, nequaquam inelle ipsi terræ, sed verè inelle cælo.

De tertio motu, consideratione **An ter. ra moueri so- leat moueri per aquas** dignum valde est, num terra, seu terrestris globus, aliquantum in suo loco dimoueatur. Thales Miletius, qui terram putauit sustineri per aquas

dã agi- rationis. aquas ad instar nauigij, pariter ad-
mittebat terram ad instar nauigij
fluitare. Sed sicut terram malè fun-
dauit, ita & malè commouit. Et
quàm certum erat, terram non su-
stineri natando in aquis; ita certum
est, non fluitare in aquis.

Hac motione reiecta, cõstat qui-
dem, accidere interdum quasdam
terræ concussiones & veluti tremo-
res, qui communi nomine vocan-
tur terremotus. Sed necesse non est,
hunc motum in tota terra contingere;
imò constat fieri in certa aliqua
Prouincia, & non in alijs, nimirum
per diuisionem aliquam ipsius
terræ: & de huiusmodi terremotu
loco magis proprio plenius disle-
remus. Sed difficultas ad præsentem
locum pertinens est, nũ totus terre-
stris globus taliter moueatur quòd
aliud & aliud punctum eius in mũdi
centro constituatur: quod pariter
est querere, num varietur centrum
grauitatis terræ in alio & alio pun-
cto magnitudinis eius, siquidem
constat semper centrum grauitatis
debere mundi centrum attingere.

*Ratio
dubi-
tandi.*

Ratio difficultatis est: quia pos-
sunt sanè varia pòdera in terra mu-
tari, ita vt in vna parte terræ plura
addantur, vel in alia detrahantur:
per hanc autem variationem mutari
videtur centrum grauitatis, quòd
vtrique in indiuisibili consistere de-
bet, in quo scilicet fieret diuisio
partium æque ponderantium: varia-
to autem centro grauitatis, omnino
terra moueri debebit, vt secundùm
hoc centrum assequatur centrum
mundi. At ex aduerso; si hoc ad-
mittatur, sequitur, terram in perpe-
tuo motu & agitatione versari;
quia nullum momentum est in quo
non plurimæ huiusmodi mutationes
fiant in terra. Et insuper, incredi-
bile prorsus apparet, tanta facilitate
posse totam terræ grauissimam mo-
lem à quolibet dimoueri: siquidem

in rigore per quodcumque pondus
additum vel detractum in vna par-
te terræ, deberet hæc variatio fieri:
per quemcumq; etiam impetum fa-
ctum in terra, dum videlicet quis pe-
dibus terram præmeret, aut lapidem
in terram proijceret: per ventorum
quoque impulsu deberet terra ve-
luti fluctuare & agitari.

Gabriel Vasc. p.2 disp.81. à nu. *Senten-
18., vt explicaret, quo pacto cor- tia affir-
rumpatur impulsus impressus lapidi mans.
proiecto in terram, recurrere cogi-
tauit ad huiusmodi motum terræ,
vtrò affirmans, terram per illum
ictum lapidis, sicut per quodcumq;
pondus ex vna parte inpositum, fer-
ri aliquantum in partem aduersam,
& per impultum lapidis ferri etiam
plusquam eius permanens grauitas
poscat, & ideo postea terram redire
ad suum locum, atq; per hunc suum
conatum destruere impetum illum
qui fuerat impressus lapidi.*

Ex aduerso alij Recentiores The- *Sectia
ologi circa eundem locum, Petrus negans.
Lorca 1.2. sect. 3. disput. 12. §. me-
lius ait, & Ioannes da Salas tract. 10
disp. 6. n. 20. item Ruus 3. Cali
cap. 8. q. 4. prius negant, terram
hoc pacto moueri. Et præsertim vr-
gent, quòd tam continua & varia
commotio ac trepidatio terræ, de-
beret à nobis percipi: cum ergo
nullatenus sentiat, simile putant
cum errore Zenonis, velle contradi-
cere sensui ob aliquam rationem.
Et Ruus ait, quòd non minus cer-
neretur agitari, ac trepidare terra,
quàm cernitur mare continuis ven-
torum statibus. Et Salas timuit, quòd
saltanti euipiam, dum ad contactum
terræ pedibus redit, per-occursum
ipsius terræ pariter ad suum locum
reuertentis crura frangeretur. Sper-
nunt autem hi Auctores mathema-
ticas subtilitates, quibus hæc muta-
tio terræ demonstrari videatur. Et
irrident inuentionem Vasc. qui toto
hoc*

hoc artificio opus habuit ad destruendum impullum illum lapidis adeo fluxilem & caducum.

*In rigo-
re ma-
themati-
co terra
aliquate
nus dis-
mone-
tur.*

Sed in hac re dicendum est, verè quidem & secundum mathematicū rigorem, aliquantum dimoueri terrestrem globum per variationem ponderum in vna & alia parte eius, & sic variari centrū gravitatis eius, atque non semper per idem sui pūctum in centro mundi quiescere, sed semper per illud pūctum, quod sit verum gravitatis centrum, ad mundi centrum accedere: attamen, hāc motionem & variationē esse adeo minimam, vt sit penitus imperceptibilis, & sic physicè ac sensibilibiter dici posse ac debere, terram in suo loco absque motu quiescere.

Prior pars perspicuè demonstratur. Cōsiderari debet linea ab vno latere terræ ad aliud, trāsfiens per centrū gravitatis eius quod sistit in centro mundi: tūc addatur pōdus ex vno latere, vtique non amplius idem pūctum lineæ quod prius, erit centrum gravitatis; sed hoc cētrum erit aliud pūctum magis accedens ad illud laus in quo facta est additio, vt itā fiant duæ medietates illius lineæ quæ secum ferant æqualem prorsus gravitatem: hēut vtique per quamcumque additionem ad vnum caput lineæ, non remanet amplius idem centrum longitudinis, quod antea erat, sed planè fit aliud. Explicatur magis: Non potest vtique pars esse æqualis toti, sed omne totum est maius sua parte: at illa linea, siue magnitudinis, siue gravitatis, ducta à priori cenro ad illud pūctum in quo fit additio, est pars lineæ quæ completur per additionem, ergo non potest esse æqualis illi, sed omnino hæc tota linea debet dici maior, vnde pariter est maior altera medietate lineæ quæ ab eodem centro ducebatur ad partem oppositā: igitur non illud idem est pūctum

medium & centrū totius lineæ sumptæ cum additione, sed debet lignari aliud pūctum vt dicebamus. Neque verò quoad gravitatem refert, si pondus quod additur, sit continuatū vel discretum respectu terræ cui additur: quia hoc nihil prorsus refert; sed vtroque modo res perinde se habet.

Confirmatur vltcrius. Posset vtique. Detis tantum pondus adijcere ad vnum latus terræ, vt ipsa terra aliquantum dimoueretur & impelleretur ad latus oppositū: sed nulla potest esse ex natura rei certa ratio, vt tantum pondus ad id requiratur, & minus non sufficiat: ergo dici debet sufficere quodcumque pondus, quod grauitet super terrā. Item, dato iam illo pondere quo propelleretur terra, vtique impelleretur per aliquod spatium dignibile, quantumvis exiguum: igitur per partem illius ponderis, verbi gratia per medietatem impelleretur per partē aliquam seu medietatem illius spatij. Sed pariter potest diminui pondus, atq; diuidi spatium per partes proportionales: igitur per quodcumq; pondus gravitatis super terram, terra aliquantum dimoueri debet.

Posterior deinde assertionis pars *Physicè* ostenditur euidenter, non solum *& sensu*. experientia ipsa quæ hoc planè *con-* *biliter* uincit: sed hac manifesta ratione. *non mo-* *uelur.* Dum terra ab vno pūcto ad aliud dimouetur; vtique mouetur secundum totam molem & latitudinem suam: vnde cogitari debet prius quædam media terræ superficies transiens per centrum mundi, & deinde alia superficies post motum transiens per idem centrum: inter has duas superficies vtique mediat pars profunditatis diuisibilis: debet ergo æquiparari pondus huius partis diuisibilis cum pōdere illo quod additur. It iuxta terram: at ob ingentem terræ amplitudinem ne cogitari

gitari quidem potest, quàm modica esse debeat in profunditate talis pars terræ quæ æquiponderet cū alio corpore addito: tàm igitur minima & prorsus insensibilis est huiusmodi motio terræ. Explicatur magis. Si omnia pondera quæ dispersa iacent per terræ circuitum, domus quoque & ædificia, ad vnum latus terræ simul aggregarentur, vix terra impelleretur ad latus oppositum, quanta est crassities vnius papyri; quia hæc veluti lamina terrea, deducta per totam mediam terræ amplitudinem, æquivaleret omnibus illis ponderibus superadditis: quantonam ergo minùs & minus dimouebitur terra per modica pondera quæ in varijs partibus immutantur.

Ex his patet facile ad ea quæ in oppositum adducebâtur. Verè enim frequentissima, & veluti continua, per varias partes erit hæc terræ motio. Nec mirum erit, tanta facilitate, & quolibet pondere addito, vel impetu impresso, fieri: quia cū terra debeat manere æquilibrata in centro mundi, per se ipsam debet se in illo constituere per centrum grauitatis suæ, & hæc grauitas debet esse omni versu circa mundi centrum æqualis. Non debet autem nec potest hæc terræ motio à nobis percipi, cū sit adeo minima & insensibilis. Et indignum est, ad hanc rem sensus testimonium aduocare: Vel hanc terræ motionem cum Zenonis immobilitate conferre: Zeno ob sophisticam quandam rationem negabat motum, quem tàm familiariter in alijs rebus et in nobis ipsis experimur: nos ob euidentem demonstrationem admittimus tenuissimam terræ motionem quæ nostros sensus effugiat: quo pacto innumera sanè sunt quæ in mundo contingunt, & ob suam exilitatem sensu se percipi nō permittunt.

Colligi etiam ex his potest, vanè

& inutiliter Vafq. ob rem adeo leuem ad hanc terræ motionem confugisse. Neque sanè necesse erat, totum terrarum orbem commoueri ad euertendum tenuissimum illum impetum impressum lapidi proiecto in terram: sed dato quòd Deus ad terræ motionem non concurreret, vel etiam quòd naturaliter in latere aduerso terræ eodem momento apponatur æquiualens pondus, vel fiat similis impulsus; adhuc certè impetus ille desineret. Et cū etiam terræ motio sit adeo minima, habenda est ac si non esset, nec ea abutendum est ad illum effectum. Quomodo autem desinat huiusmodi impetus impressus projectis, suo loco videbimus.

SECTIO SEPTIMA.

De singulorum elementorum magnitudine.

HOc etiam valde confert ad inferioris huius mundi structuram, vt videamus, quantumnam spatium vnicuique elemento deputandum sit, & quanta pars vniuersi sit vnumquodque elementum. Et in primis quidem quatumnam sit spatium totius huius elementaris mundi intra cælum, confundendo simul omnia elementa, attigimus quæst. 34. sect. 1. circa magnitudinem cælorum. Nempe Ptolemæus & priores Astronomi fecerunt à centro mundi ad concauum Lunæ semidiametros terræ 33. Postea, Copernicus, & alij recentiores ei adhaerentes, fecerunt plusquam quinquaginta. Sed præstabit retinere priorem & communiorē determinationem. Distribuendum nunc est hoc spatium pro singulis elementis.

Peripatetici quidam occasionem sumplerunt ex quibusdam verbis Arist.

Non oportet

elementum superius esse decuplo maius inferiori. Arist. 2. de Gener. tex. 37. asserendi, elementa in sua magnitudine ita comparari, ut superius elementum sit in sua mole decuplo maius elemento inferiori, videlicet aqua supra terram, aer supra aquam, ignis supra aerem. Arist. enim ibi docere videtur, ex vna quadam mensura aquarum fieri decem similes mensuras aeris: & sicut se habet pars ad partem, ita se habere totum ad totum.

Sed tamen satis exploratum & compertum est, & communiter etiam Peripateticis notum, nequaquam verificari hanc regulam. Nam, si intelligatur proportio secundum diametros in altitudine, sic aqua deberet continere decem semidiametros terrae; aer decem aquarum, atque adeo centum terrae; ignis decem aeris, atque adeo mille terrae: quod totum nimis excedit menturam spatij designati à centro usque ad caelum. Si autem intelligatur secundum totam elementi molem, ita ut aqua decies contineret terram, aer centies aquam, ignis millies aerem: totum spatium intra caelum efficitur 1110. maius terra: at hoc est multò minus quam designatum sit. Nam sic altitudo à centro ad caelum contineret solum decem semidiametros terrae: sed datis diametris 33. caelum continet terrestrem sphaeram 35937. quia nimirum sphaerae multiplicantur in triplicata proportionem diametrorum: ut pro hac re enarrat Clavius in cap. 1. Sphaerae.

Neque verò Arist. indicavit decuplam illam proportionem. Nam ad summum dixit, ex vna parte aquarum, si rarefiat & conuertatur in aerem, fieri decem similes partes aeris: atque adeo pariter, si tota aqua rarefieret & conuerteretur in aerem, fore ut extendatur in decuplum. Vnde non per hoc docuit, de facto aerem esse decuplo maiorem aqua, & sic omne elementum superius elemento infe-

riori. Sed nec illam proportionem in rarefactione, & extensione Arist. determinavit: quinimò solum illam attulit gratia exempli, nihil determinando, ut patet in textu.

Præter hanc, nulla alia apparet certa regula vel proportio, qua comparando elementa inter se, possit singulorum moles ac mensura determinari. Et ita notarunt Fernelius in sua Cosmotheria, Alexander Piccolomineus in lib. de Quant. terræ & aquarum. Et constabit ex dicendis. Solum ergo singillatim & per se videndum superest, quid de ijs constare possit.

Et incipiendo à terrestri globo, Jam antea quæst. 34. sect. 1., quia id necessarium erat ad magnitudinem caelestium corporum metiendam, adduximus quantanam censeatur terræ moles, siue totius terrestris globi, includendo etiã aquam; quantus nempe ambitus in gyrum, quanta longitudo diametri, siue quanta profunditas ipsius globi, atque adeo quanta distantia à centro ad circumferentiam huius globi. Erantque variae de hac re opinionones. Et attigerat hanc rem ipse Arist. 2. Cæli text. 112. Successu autem temporis à Mathematicis qui hanc rem attentarunt, mensura terrestris globi valde imminuta est: adeo ut, cum Arist. referat attributa fuisse terræ milliaria quinquaginta millia, modò Recentiores attribuunt minus quam viginti millia. Itaque faciunt terræ ambitum 19080. diametrum verò 6070. milliariorum; atque adeo distantia circumferentiæ à centro nempe semidiametro, remanet milliariorum 3035.

Loqui etiam solent Mathematici *Quo pacto de terra seu terrestri globo, comparatiue ad caelum, dicuntque, respectu cæli se habere ad instar puncti, habere tanquam nullam præferens sensibilem magnitudinem. Hoc autem calis addi-*

Quæritur sit terrestris globus.

*instar
puncti.*

dicunt specialiter respectu supremi cæli nobis apparētis, nempe firmamenti stellarum fixarum. Alioqui satis constat, & ab iisdem Astronomis vtrò asseritur, respectu infimi cæli, nempe Lunæ, terram habere notabilem magnitudinem: est enim terra pluribus vicibus maior Luna, ipsaque Luna non se habet ad instar puncti in Cælo, sed apparet secundum notabilem magnitudinem. Similiter etiam respectu aliarum propinquiorum spherarū, Mercurij, Veneris, Solis, & Martis, habere quoque sensibilem magnitudinem, magis minusve iuxta minorem maioremve distantiam. At respectu superiorum spherarum Iovis & Saturni se habere quasi ad instar puncti. Respectu demum firmamenti se habere simpliciter ad instar puncti absque vlla sensibili magnitudinis proportionem. Attamen nuper Recentiores nonnulli contendunt, id non rectè dictum esse, sed adhuc respectu firmamenti terram habere suam magnitudinis proportionem.

Sed breuiter sic explicāda res est. Terra respectu firmamenti se habet ad instar puncti, quoad apparētiā & quoad nostrum aspectum. Tum quia si quis existeret in firmamēto, nullatenus terram in hoc loco dispiceret. Nam omnis stella etiam sextæ magnitudinis, est valde maior terra, & tamen vix à nobis contpiscitur, atque sit esset quanta est terra nullatenus appareret. Tum præsertim, homo existens in superficie externa terræ, ita omni tempore inspicit medietatem firmamenti, ac si esset in centro ipsius terræ & mundi. Cum tamen in rigore si cogitetur superficies tangens circumferentiam terræ ductaque vsque ad cælum alia similis superficies transiens per centrum terræ, utique tanta distātia erit inter has duas super-

ficies; quanta est in semidiametro terræ: hæc autem differentia in ipso firmamento non posset discerni, sed remanet insensibilis: unde nullam parallaxim & diuersitatem aspectus apta est inducere in stellas fixas. Sic ergo terra respectu firmamenti dicitur se habere instar puncti.

At quoad veram & realem quantitatem vtriusque corporis in se, terra non se habet respectu cæli, etiam si esset cælum longè maius, ad instar puncti, sed verè habet certam quandam proportionem intra latitudinem quātitatis finitæ: nam omnis magnitudo finita, quantumuis parua, reuera habet certam ac determinatam proportionem respectu alterius magnitudinis finitæ quātumuis excedentis. Insuper, quoad ortum & occasum stellarum ad nostrum aspectum, terra non se habet ad instar puncti, sed facit differentiam temporis iuxta totam molem suam. Nam in parte terræ magis orientali citius oriuntur stellæ, & dum ad vnā partem oriuntur, ad aliam perpendiculariter supra caput per circulum meridianum pertranseunt, & ad aliam occidunt, nihilo minus quā de Sole & alijs Planetis quotidie contingit.

Deinde distinctè loquendo de *An sit* terra & aqua, & hæc duo elementa *maior* in sua magnitudine comparando, *aqua vel* Egidius lib. 2. Exameron cap. 24. *terra.* Caterinus, Burgenfis, & alij ex ijs qui volebant, aquam in segregatione fuisse eleuatam in alium globum supra terram, supponūt ac sentiunt, aquam esse notabiliter terra maiorem, licet non determinent, quantum illam excedat. Idem nuper contendunt Augustinus Michael & Antonius Berga, libris italicis hac de re editis. Alij sunt qui volunt, aquam ab initio creationis fuisse notabiliter maiorem quā nunc sit, & fortasse etiam quā terra, quia coope-

rie-

riebat totam terram : sed deinde in segregatione factam fuisse minorem ad hoc vt in peculiarem terræ locum reduceretur . Hugo de S. Victore lib. 1. de Sacram. cap. 21. Magister in 2. d. 14. Beda, Nicolaus de Lyra & quidam alij sacri Expositores Genes. 1. Molina de Opere sex dierum dist. 11. explicant, aquam ab initio fuisse veluti nebulam raram circa totam terram, & postea per addensationem fuisse contractam in formam aquæ, & sic mutasse magnitudinem. Fauet D. August. lib. 1. de Genes. ad litt. cap. 12. Imò Paulus Sacratius in eo loco Genes. vult, aquam per modum nebulae prius ex ensam vsque ad firmamentum, fuisse in mare contractam. Caiet. Arretinus, Cornelius à lapide super illa verba Genes. 1. *Congregentur aqua*, similiter docet omnem aquam ab initio fuisse rariorem, sicut nunc est aqua fluuiorum & fontium, sed postea maris aquam fuisse addensatam, & simul effectam falsam, congestis in illa terrestribus exhalationibus. Abulens. circa illa verba Genes. & Eugubin. in Cosmopæia referuntur voluisse, aquas exiccatas fuisse à vento & à Sole. Aliqui demum fuisse vel annihilatas vel in aerem resolutas ab ipso Deo.

Terra est maior aqua Dicendum tamen est, aquam de facto esse minorem terra, & sic etiā fuisse ab initio ante segregationem. Prior pars est iam communis, Alexandri Piccolomini in peculiari libro italico de quantitate terræ & aquæ, Scaligeri exercit. 38. Contareni lib. 2. de Elementis, Fernelij in Cosmotheria, Ioannis Baptistæ de Benedictis in libro italico de hac eadem re, Nonij Marcelli in lib. *Quod terra maior est aqua*, Clauij in cap. 1. Sphæræ, Conimb. 3. Cali cap. 5. q. 3. & aliorum Philosophorum ac Mathematicorum, atque vt

plurimum Sacrorum Expositorum Genes. 1. ac Theologorum in explanatione operis tertiæ diei. Hoc autem constat, quia si consideretur tota amplitudo terræ, & tota amplitudo maris, in quantum compertum & exploratum est, non inuenitur aqua excedere terram. Licet Scalig. significet, aquam esse duplo maiorem. Quinimò potius ex opposito aqua sit valde minor terra 4. Esdra 6. vbi dicitur : *Et tertia die imperasti aquis congregari in septima parte terra, sex verò partes siccasti & conseruasti*. Sed liber ille Apocryphus est. Et reuera non inuenitur terra esse notabiliter in sua amplitudine maior aqua. Itaque simpliciter non satis notum est, quæ reuera sit maior, & præsertim non adhuc explorata est omnis regio huius globi sub vtroque polo, vbi est inaccessibleis : & hæc æqualitas vel ferè æqualitas cuiuslibet apparebit inspicienti globum artificiosum cosmographicum, in quo mare ac terra descripta sint. Sed quoad altitudinem & profunditatem, à nauigantibus tam per mare Oceanum, quàm Mediterraneum demissa bolide & iactis anchoris deprehensum est, non magnam esse maris altitudinem, & vt plurimum non excedere dimidium vnius miliarij, in quibusdam verò locis accedere ad spatium duorum vel trium miliariorum. Et Plutarchus in Vita Pauli Emiliij scripsit : *Nec montis altitudinem ferunt Geometra, nec profunditatem maris, decem stadia excedere* : Vnum autem milliare continet octo stadia, & aliquid amplius. Plinius verò lib. 2. Natural. Histor. scripsit : *Altissimum mare quindecim stadiorum Patianus tradit. Alij in Ponto, immensam altitudinem maris tradunt, vadis nunquam reperiis*. Sed certè non retert quòd in aliquo loco inuentus non sit ma-

ris fundus, quod fortasse ex aliquo accidenti fieri potuit: & sufficit id quod constat notissimè de toto ferè mari. Imò Scaliger Exercit. 38. sic ait: *Aque profunditas rarò excedit passus octoginta, plurimis locis non accedit ad vicanos, paucissimis ad centenos accedit, paucioribus hunc superat numerum.* At in omnium sententia constat semidiametrum terræ excedere tria millia milliaria. Neque verisimile erit, aquam intra terræ sinus imbibitam, tantam esse, ut simul cū aqua maris possit æquare nedum excedere terræ magnitudinem. Quinimò putandum est, aquam intra terræ sinus permeantem non extendi ultra profunditatem ipsius maris. Neque rursus in medio terræ tanta existimari debet Inferni cavitas ad continendos Damnatos, ut non longè maior sit altitudo terræ. Omnibus igitur pentatis longè maior est terra quam aqua. Quanto autem præcisè sit hæc comparatio, satis constare non potest.

Et ab initio fuit maior. Posterior assertionis pars, est etiam magis communis. Et tuetur, quia frustra facta fuisset ab initio tantò maior aquæ copia, statim postmodum abolenda. Et præterea per ablationem vel contractionem aquæ, debuisset vel creari novus aer, vel rarefieri magis plusquam iuxta exigentiam suæ naturæ factus fuerat. Ac insuper discurrendo per singulos illos dicendi modos. Non fuit ab initio nebula postea reducta in aquam; quia, ut arguit D. Thom. q. 4. de Potent. art. 1. ad 17. sic non fuisset ab initio vera aqua, quæ communiter aquæ nomine nuncupatur: nam celi vapores & nubes dicantur non differre substantialiter ab aqua; tamen absolutè non vocatur aqua, sicut etiam nix & glacies nō vocantur aqua: sed hæc omnia habent sua distincta nomina. Estlo autem ab initio fuerit aqua aliquanto rarior,

sicut nunc est aqua dulcis præ aqua maris: tamen, differentia parva est, & nihil confert. Multò minùs potuit naturaliter exiccare tanta aqua vel à Sole vel à vento. Nec Eugub. & Abulens. aliud voluerunt, nisi quòd terra noviter relicta ab aquis, fuerit à vento vel Sole siccata: sic inquit Abulens. q. 9. *Mansit autem terra madescentia & limosa: ideo induxit Dominus ventum vrentem flantem, idest Boream, & siccauit terram.* Neque prorsus aqua dici debet à Deo annihilata. Nec in aerem resoluta: ubi oportebat aut partem aeris auferri, aut totum aerem nimium addensari.

Nullum denique est fundamentum augendi primam illam aquam, Non ob elementorum proportionem. Nam nullam certam ex natura sua exigebant. Sed pro debita dispositione huius mundi à Deo ipso distribui ac determinari debebant. Pro qua re expediebat, aquam esse terra minorem. Non etiam ut aqua contegere posset omnem terram: quia cū terra non esset adhuc in montes elata, vltro sufficiebat hæc præfens aqua, quæ modò contegit circiter medietatem terræ, & tunc existens duplò subtilior poterat optimè contegere totam, additis quoque illis aquis quæ postea per terræ venas diffusæ sunt. Nec obstat quod obijcit Leonardus Marius super illa verba, *congregentur aquæ*: quia ab initio aqua vocata est Abyssus, & hoc nomen denotat magnam profunditatem: Et Basil. homil. 2. Examer. *Abyssus est aqua copiosa, ad cuius fundum deorsum versus difficulter penetratur.* Non inquam ostitat: quia adhuc sufficiebat illa profunditas cum tanta amplitudine, ut aqua diceretur Abyssus, & verè de illa dici poterat; *ad cuius fundum difficulter penetratur.* Aut etiam nomine Abyssi in principio Genes. intelligebatur.

batur aqua simul cum terra in illo primo statu.

Quātus sit aer, & quā- tus ignis Sequitur modò definire magnitudinem aeris & ignis, distribuendo spatium quod mediat inter terram & cælum. Frequens, tam Peripateticorum, quàm Astronomorum sententia est, aerem ad 52. miliaria supra terram extendi, totumquè reliquum spatium vsque ad cælum occupari ab igne: atque adeo inter omnia elementa longè vasta efficitur sphaera ignis, utpote, ex tot terræ semidiametris iuxta Ptolemaeum, ac multò pluribus iuxta Copernicum mediantibus vsque ad cælum, dempta solum tam modica portione, quæ nec sexagesimā vnius semidiametri partem attingat: vnde iuxta mensuram Ptolemaicam, igni tribuunt plusquam centum viginti millia miliaria. Modus autem & via qua talem altitudinem aeris determinant, hæc est: quia per Mathematicas observationes, præsertim ex aurora matutina & crepusculo vespertino, deprehensum est, ex tanta solum altitudine incipere ad nos demitti lucem Solis ante eius ortum, & similiter desinere post occasum: indequè colligunt ad eam solum altitudinem terrestres halitus & vapores eleuari: & ita commemorauimus q. 33. sect. 3. obiectione 10. Imò vterius Ioānes Camillus Gloriosus lib. 2. de Cometis cap. 2. dictum spatium ad quadraginta vnum miliaria contraxit. Hinc tandem colligunt, in illo spatio concludi aerem, & incipere ignem: quia alioqui terrestres halitus & vapores deberent adhuc altiùs conscendere: cum autem ibi sistant, signum est ibi inuenire ignem, qui illos in se non admittit; vel si admittit, statim absorbit. Quia autem, dicere quis posset, adhuc superiùs extendi aerem, sed ob nimium calorem non admittere in se alienos halitus et va-

pores: Ideo Conimb. 2. Cæli cap. 5. q. 3. Et Clavius in cap. 1. Sphæræ sub Titulo *An ex terra & aqua unus fiat globus*, notant, saltem illum superiorem aerem, ob excessum caloris & contortium siccitatis, haberi pro igne, & in sphaera ignea computari. Pro qua re affert Clavius quædam Arist. verba præsertim 1. Meteor. cap. 4. *Oportet intelligere dicti à nobis aeris, id quod est circa terram, velut humidum & calidum esse, propterea quod vapores & exhalationem habeat terra, quod autem super hoc calidum iam & siccum: vbi planè Arist. pro aere determinare videtur, in quo sint terrestres halitus, & pro igne totam reliquam superiorem sphaeram.*

Attamen non apparet satis verisimile, dici nō mille, tam exiguam esse sphaeram aeris, & tam vastam sphaeram ignis. aer valde. Atque si alijs periculosum vitum, de exist, simpliciter ponere sub calo elegans, & mentum ignis: quanto magis, si tam ignis vastum nobisque propinquum? Imò valde Conimb. admittunt, montem quendam dictum Tanariffem assurgere ad altitudinem sexaginta milliariorum: sed adhuc respondent manere infra igneam regionem. Non videntur, quantum sexaginta excedant quinquaginta duo. Computat etiam Clavius, iuxta illam mensuram totum aerem esse minorem terra, tanquam vigesimam tertiam partem eius: ignem verò esse maiorem terra, 35437. vicibus, & aere 815041. quod planè nimis exorbitans apparet.

Sed præsertim, ex illa via necessarium nō est, nec persuadetur, tam exiguam esse aeris altitudinem. Tum quia, esto ad illud solum spatium eleuentur terrestres halitus & vapores: utique fieri potest ut ideo non superiùs ascendant, quia non sunt sublimiori illo aere leuiore: sicut utique alij crassiores vapores & ha-

I tus multo minus ascendunt. Tum etiam non satis probatur, usque ad illam altitudinem vapores ascendere & non ultra: quinimò principium aurore et finis crepusculi adhuc pro eodem tempore contingere potest, etiam si illuc usque non ascendant vapores, ac etiam si supra adhuc ascendant. Vel nimirum, quia aer ipse sit usque ad eam altitudinem aliquantò crassior, ad quod facit quodque vicinitas terræ & aquæ etiam seclusa immixtione vaporum. Vel quia data adhuc æquali subtilitate aeris, ex illa solum distantia ob suam tenuitatem potest ad nos transmittere lumen: ita ut licet ante initium nostræ auroræ illuminetur à Sole, aer superior, tamen quia tunc Sol magis ab illo aere distat infra horizontem, & aer ille magis à nobis distat, non adhuc valet refundere ad nos lumen, donec Sol ita magis accedat, ut aerē nobis propinquorem ad quinquaginta vel quadraginta milliaria incipiat illustrare.

Dictum quoddam Arist. explicat. Nec obstat dictum illud Arist. quia alioqui doceret, statim supra illam quam dicimus mediam regionem aeris sequi ignem. Quoniam totum aerem superiorem significat esse eodem modo dispositum. Imò ait, causam cur in superiori loco non cogantur nubes esse, quia ibi est magis ignis: constat autem nubes non cogi supra mediam regionem. Itaque vel Arist. ibi ignem sumpsit pro toto corpore supra mediani aeris regionem includendo etiam reliquum aerem. Vel solum intelligere voluit, ignem esse viciniorem illi superiori loco aeris, & ideo impedire ea quæ sunt in inferiori regione. Sed non propterea necesse est, esse tam propinquum sicut dicebatur.

Fortasse aer est maior ignis. Reiecta ergo illa via designandi aerem & ignem, nulla superest qua nobis innotescere possit, quantus sit aer, & quantus ignis. Quinimò nec

oportebat simpliciter ignem facere maiorem aere. Sed cogitare quis poterit, similem proportionem servari inter ea & duo superiora, atque inter duo interiora elementa: nempe, ut sicut aqua quæ alioqui ex natura sua est superior terra, non solum non excedit sed potius superatur à terra; ita ignis licet superior aere, non propterea excedat aerem, sed fortasse in magnitudine superetur ab illo. Accedit, quod illæ exhalationes quæ in Cometæ iuxta doctrinam Peripateticam accendi putantur, nullatenus retineri possunt in illo solum spatio quod tribuebatur aeri: nec sustineri potest, Cometæ fulgere in tertia aeris regione, non tribuendo toti aeri maiorem altitudinem. Sed sine dubio multo altius Cometæ ascendunt.

SECTIO OCTAVA.

De Elementorum figura.

A Ristoteles lib. 3. Cæli tex. 66. *Scitètia* Omnem figuram elementis negans negare videtur: *Omnino*, inquit, *elementis tentare simplicia corpora figurare, figuræ irrationabile est.* Textu 67. sequenti concedit illis, & præcipue quibundam illam figuram quam ab extrinseco accipiunt: *Omnia quidem simplicia corpora figuram accipere a continente loco videntur, maxime autem aqua & aer.* Hinc quidam Peripatetici dixerunt, elementa per se nullam habere vel appetere figuram, sed tantum per accidens figurari à corpore per modum loci vel vasis continente.

Pythagorici olim, & Plato in Timæo, ut refert Alcimus cap. 11. de *tribuens* Doctrina Platonis, certas ac distinctas figuras singulis elementis tribuebant, imò per tales figuras ipsa *elementis tribuas* elementa intrinsecè constituebant. *figuras.* Atque relicta figura circulari, quia

vt notauit Proclus lib. 2. in Euc-
dem, triangulus maximè rerum for-
mationi Pythagoricis inferuiebat; fi-
guras. potiùs angulares elementis
distribuerunt. Vnde Philolaus, vt
refert Carpent. super idem caput Al-
cinoi, ex Schòla Pythagoræ, triangu-
lum quatuor Dijs pro quatuor ele-
mentis consecrauit, Plutoni pro ter-
ra, Saturno pro aqua, Baccho pro
aere, Marti pro igne. In specie au-
tem, terræ dederunt figuram dictam
Exaedron, idest cubicam & quadra-
tam: Aquæ Icosaedron, idest fi-
guram viginti facierum seu basium:
Aeri Octaedron, idest octo facie-
rum: Igni Tetraedon, idest qua-
tuor facierum, figuram nempe py-
ramidalem.

*Sciētia
negans
elemētis
circula-
rē figu-
ram.* Deinde illi qui non agnoscentes
mundum hunc per modum integræ
spheræ in toto circuitu efformatum,
putarunt potiùs terram cum celo
constituere veluti Cameram, & hanc
esse totius mundi figuram, vt narra-
uimus quæst. 31. sect. 4. sic superior-
ibus elementis tribuebant pariter
ac ipsi celo figuram semicircularem,
siue per modum Hemycicli aut ta-
bernaculi, terræ autem figuram pla-
nam & in rectum expansam. Hanc
etiam figuram terræ tribuisse viden-
tur Anaximenes, Anaxagoras, &
Democritus, apud Arist. 2. Cæli 81.
qui dicebant terram sustineri in ae-
re ratione suæ latitudinis. Et ex par-
te, illi qui apud eundem text. 76. di-
cebant, terram esse tanquam tym-
panum, in cuius nempe superiori
planitie nos habitamus: & Xeno-
phanes tex. 78. qui terram parte su-
periori in infinitum protendebat.

Demum, ex nostris qui omnibus
elementis rotundam figuram vtrò
adferibunt, plerique volunt, elemē-
tum ignis ex parte concaua, & con-
sequenter aerem illi contiguum ex
parte conuexa, non habere figuram
perfectè sphericam, sed potiùs figu-

ram oualem: ita videlicet, vt in me-
dio sub equatore ignis abundet ma-
gis, & propius ad nos accedat, sub
polis verò recedat altius: & sic ex
consequenti aer minùs abundet sitq;
magis compressus sub æquatore, co-
pionior verò & altior sub istidē po-
lis. Et hoc totum docent: quia ob
maiores calorem sub æquinoctiali
vigentem, maior ignis copia debet
naturaliter generari. Ita sentiunt
Aliaceni. in cap. 1. Spheræ quæst. 5.
art. 2. Clavius pag. 134. Fernellius in
Cosimothet. Conimbr. 3. Cæli cap. 8.
quæst. 1. art. 2. & alij frequenter.

Pro resolutione absolutè dicen-
dum est, elementa in hoc vniuerso
circularem & sphericam figuram
habere, & hanc eis iuxta ipsius vni-
uersi structuram naturaliter conue-
nire. Hæc resolutio planè sequitur
ex hæcenus dictis. Sed confirmatur
& explicatur magis.

Primò iam antea ostendimus, ip-
sum totum vniuersum circulari &
spherica figura cōstare, calum quo-
que eadem figura præditum esse:
igitur elemēta quæ intra cælum im-
plent mūdum, eandem omnino ob-
tinent figuram. Itaque totus hic
elementaris mundus est simpliciter
sphaera quædam, adæquatè intra cæ-
lum; ac per suam conuexam super-
ficiem, concauam cæli vndeque
contingens. Et cū ipsa elementa
ordinatè vnum sub alio collocata
sint, vnumquodque pariter debet
esse circulariter figuratum, aut sal-
tem ad circulare figuram quam
proximè accedere. Atque hæc ra-
tio probat, ratione ad minus cæli
continentis, elementa hanc figuram
habere.

Secundò vltèrius. Ex suamet vir-
tute & inclinatione intrinseca, om-
nia elementa ita se habent, vt singu-
la per se possint quoad fieri possit
æqualiter circa centrum disponi:
quæ enim grauiora sunt, debent ex

*Cōclusio
tribuens
elemētis
omnibus
circula-
rem fi-
guram.*

*Ex figu-
ra totius
vniuersi
& cæli.*

*Ex vir-
tute ip-
sorum ele-
mento-
rum.*

omni latere ad centrum accedere; quæ leuia sunt, debent ex omni latere à centro recedere. Hanc autem æqualitatem non nisi per circulem figuram obseruant. Ignis videlicet qui leuissimus est, & supremum obtinet locum, si angularem figuram haberet, vtiq; secundum angulos magis à centro recederet quam secundum partes planas: si autem circulem figuram obtineat, vtiq; per totum circuitum æqualiter à cetro recedit. Igitur ignis ex suamet virtute & inclinatione hanc sibi figuram in hoc vniuerso determinat: adeo vt, etiam si cogitemus auferri cælum, adhuc ignis hanc figuram retineret: igitur non solum per accidens, & ratione continentis, sed per se & ratione suæmet virtutis tali figura gaudet. Idemq; planè procedit de singulis alijs elementis circa centrum consideratis. Verè tamen, si cælum esset angularis figura, ignis deberet eodem modo figurari sub illo. Sed hoc fieret ad vitandum vacuum, & tunc ignis figuram à solo continente reciperet. Sed hoc non tollit, quominus per se & ab intrinseco circulem figuram poscat: & hanc omni continente remoto naturaliter obtineret.

Arist. autem solum docere voluit, elementa non constitui substantialiter per figuras, & non ita ab intrinseco poscere certas figuras, vt alias non possent admittere: sed potius facillimè figurari à quolibet continente. Dixitquè, maxime aer & aqua: quia de his nobis familiarissimum est, intra quolibet vasa passim figurari, & exactè conformari ad figuram vasis. Alioqui vtrò Arist. ipse voluit, per ordinem ad cætrum in hoc vniuerso verè circulem figuram esse elemētis connaturalem.

Ex alia. Tertiò deinde. Non debebant nec poterant figuræ illæ angulares

attribui elementis. Nam iuxta illas *varræ ex-* non potuissent implere vniuersum, *clusione.* sed omnino magnum vacuum, tam inter cælos & elementa, quam inter singula elementa reliquissent. Nec villo ex capite poterant illæ figuræ esse connaturales et debite elementis. Itaque, neque ab intrinseco, neque ab extrinseco, debebunt illis attribui. Et quidem Plato ipse in Timæo expresse significat, totum vniuersum, atque a seo magnas partes eius, cuiusmodi sunt cæli et elementa, rotundam et circulem figuram possidere. Vnde creditur potius, per quandam metaphoram et appropriationem alias illas figuras tribuisse elementis: videlicet ad significandam per cubum stabilitatem terræ, per pyramidem subtilitatem ignis: prout etiam cælo tribuit figuram dodecaedron, idest duodecim facierum, propter duodecim signa Zodiaci.

Aut Veteres illi voluerunt, elementa singula per suas particulas illis modis figuratas, in se ipsis compingi: siue inter se ipsa elementa, per tales suas particulas coniungi ad compositionem aliorum corporum. Sed hoc etiam falsum est. Et in hoc sensu eam sententiam refellit Arist. 3. Cæli. Tum quia, licet duæ illæ figuræ, cubica et pyramidalis, possint implere locum, coniungendo plures inter se similes: tamen aliæ duæ figuræ non possunt replere omnem partem loci, sed deberent relinquere aliquod vacuum. Tum etiam, vel quolibet elementi particula esset per se indiuisibilis, et hoc omni rei quantæ repugnat. Vel posset diuidi: et tunc partes diuise non iam retinerent eandem figuram, vt patet. Tum præterea ad nihil conferunt illæ figuræ in constitutione elementorum aut aliorum corporum, non ad motum, non ad alias qualitates, quasi ideo ignis calefaceret, quia per

per figuram angularem pyramida-
lem acutissimus sit: sed hæc & alia
elementorum munera per alias for-
mas & virtutes, nō per figuras exer-
centur. Tum demum, quodlibet ele-
mentum in se ipso, est vnitum &
continuum: non magis ergo dici
potest constare particulis vno vel
alio modo figuratis: sed indifferen-
ter omnis figura potest in quolibet
cogitari. In compositione etiam
mixti tota materia debet esse conti-
nua: & esto dicantur elementa in-
ter se conuenire ad mixtionem; ni-
hil per se facit, qualiter particulæ
singulorum figuratæ sint; sed atten-
di debet, vt exactè iungantur nullo
relieto vacuo, quocumque modo fi-
gurentur.

Ignis Quartò. Loquendo specialiter
ram in de singulis elementis. Ignis non so-
concauo lūm est perfectè circularis & sphe-
quam in ricus secundū supremam sui par-
conuexo tem & conuexam superficiem: sed
est per- etiam sic putari ac dici debet secun-
fecte cir- dum inferiorem partem & conca-
cularis uam superficiem. Nam hoc ipsum
probatum illa ratione sumpta ex re-
spectu ad centrum, & æqualitate,
quam debet elementum habere cir-
ca centrum. Et alioqui, si ignis ex
parte concaua oualem figuram ha-
beret, iam circa medium propius
accederet ad centrum, & non se ha-
beret æqualiter circa centrum, quod
est contra virtutem leuitatis eius.
Quare, si sub æquinoctiali maior &
copiosior gignatur ignis, adhuc to-
tus ignis semper debebit se in figu-
ram sphericam conformare, sequē
totum in circulo constituere. Sicut
vique, quantumcumque noua aqua
addatur ad aliquam partem maris,
semper tota aqua in sphericam li-
bratur figuram, nec potest in aliqua
parte intumescere supra aliam. Vn-
de quamuis debeant aliquæ ignis
partes de sub polis aliquantum de-
scendere, vt semper conseruetur

spherica figura; id promptissimè
fiet: sicut per intuitionē nouæ aquæ
in vna parte, surgit aqua in alia par-
te, vt tota aqua æqualiter ad cētrum
se habeat. Sed nec etiam necesse
est, in illo medio maiorem assidue
gigni ignem iuxta doctrinam Peri-
pateicam. Nam ignis dicitur ele-
mentum calidum & siccum, aer ca-
lidum & humidum: itaque ad hoc
vt aer conuertatur in ignem, debet
transmutari ex humido in siccum:
sed per maiorem calorem sub æqui-
noctiali vigentem, non habet velut
exiccati humiditas aeris: calor enim
non est per se causa siccitatis: sed
ideo apud nos exiccat quia extenuat
& resoluit humores in alijs corpo-
ribus inclusos, sic exiccat pannos
madidos & alia similia: quod, vt pa-
tet, nullatenus in illo supremo aere
procedit.

Quintò. Hinc probatum manet, *Aer*
aerem pariter in sui parte superiori *plus in*
& conuexa, non oualem, sed *conuexo*
sphericam possidere figuram. Bene *quam in*
tamen in distributione consueta *concano.*
trium regionum aeris poterit intro-
duci oualis figura: vt nempe media
regio amplietur magis versus polos
ac veluti comprimatur sub æquato-
re: & consequenter è contra prima
ac tertia regio amplientur magis sub
æquatore. Quia nimirum, hæc di-
stinctio cogitata est ob frigiditatem
mediæ regionis, & locum nubium
quæ in illa coguntur. Rectè ergo
sub æquinoctiali restringitur in mi-
norem amplitudinem frigus, & plus
ampliatur calor: sub polis verò plus
ampliatur frigus & restringitur ca-
lor. Nec necesse est, vt æqualiter
per totum circuitum distribuatur
aer calidus & frigidus: siue vt aer
frigidior statim fiat densior & gra-
uior, ac debeat æqualiter diffundi in
circuitu: cum de facto media regio
aeris sit adeo frigida, & tamen sit
superior infimæ regioni calidæ. Et

rursus constat apud nos, maximam esse differentiam caloris & frigoris sub æquatore atque sub polis, absque eo quod fiat æqualis distributio aeris calidi & frigidi in circuitu. Tandem, aer in sua inferiori & concava parte, sphericus quoque est, tamen cum varijs fracturis & inæqualitatibus, iuxta figuram nempe terrestris globi.

Terra & aqua est circularis. Sexio. Terra, & sic etiam aqua, non est plana in rectum expansa, sed verè est spherica & globosa. Patet clarissimis experimentijs. Sol & omnia sydera prius oriuntur ad regiones terræ magis orientales: at si tota terra esset plana, simul ad totam terræ planitiem oriretur: & illa successio non nisi ex rotunditate terræ potest provenire, & sic etiam in mari. Similiter, procedendo ab vno ad alium polum, polus arcticus est magis elevatus ad regiones terræ boreales: & sic temper elevatur magis pergentibus versus Boream: pergentibus autem versus Austrum deprimitur polus borealis, & elevatur polus Antarcticus. Item, pergentes versus Austrum deteguntur quædam stellæ quæ populis borealibus non apparent. Quod totum non ita esset, si terrestris hæc habitatio esset plana: sed hoc evidenter demonstrat, esse rotundam. Hæc etiam ratione, accedentibus è longinquo, siue per terram, siue per mare, incipiunt prius apparere cacumina montium & ædificiorum, quoniam rotunditas globi adhuc cõtegunt partes interiores, dum incipiunt superiores emergere. Ideo etiam existenti in litore non apparet tota pelagi longinquitas, sed ad modicum tantum spatium. Si autem quis in altiore turrem ascendat, eo plus in longinquum prospicit. Rursus umbra terrestris globi in Luna quando eclipsatur ab omnibus vernitur rotunda ex quocumque loco & sit.

Demum, compertum iam est, totum terræ & aquæ corpus esse in suo circuitu peragrabile, ita ut incipiendo ab vno loco & semper ulterius procedendo eatur in gyrum, ac tandem redeatur ad primum discessionis locum. Itaque res hæc notissima facta est.

Non est autè terra perfectè spherica, quasi absque vlla inæqualitate partium: sed tendit quidem per totum circuitum in rotunditatem, tamen cum alijs partibus elevatis, a ijs depressis & concavis, ut est manifestum in tot montibus & vallibus. Idquè propter soliditatem eius benè in terra consistit; quod in alijs elementis, utpotè fluidis, per se stare non poterat. Sed tamen ratione ipsius terræ, etiam aqua & aer, ut impleant omnia terre caua, participant eandem terræ figuram.

Et hæc est vna ratio, quare nos in vno terræ loco consistentes non possumus v. l. ipso rotunditatem terræ discernere. Sicut si sit magnus globus ex aspero lapide veluti pumice ruditer efformatus, & varijs cavitationibus ac tumoribus repletus, utique formica in vno illius loco sita, ibiquè perambulans, non perciperet vno simplici intuitu globosam illam figuram, sed tantum exiguam quandam globi partem modò cautam, modò altam.

Alia magis adæquata ratio tam pro aqua quàm pro terra, cur non simplici intuitu despiciamus rotunditatem globi, est de se manifesta: quia ob tantam ipsius globi vastitatem, modicam solum eius partem percipimus, & modica est curvitas illius tractus quem intuemur: unde totum videtur nobis tanquam planum. Et sic etiam explicavit optime Arist. 2. Caeli tex. 76. quare Sol oriens & occidens, non videatur circulariter sed potius veluti directè secari per terram, quia nimirum non po-

Quare sensu nō discernitur natura huius globi.

potest in illo spatio discerni à nobis rotunditatis tam modicæ partis in tam vasto globo.

*Per circula-
rem
figuram
perfici
tur ele-
mentaris
mundi
structu-
ra.*

Postremo. Ex hac terræ & aque omniq; elementi circa mundi centrum rotunditate, sequuntur plura notatione digna. Omnia graua directè descendunt per lineam tēdētem ad centrum, omnia leuia ascēdunt per lineam rectā à centro ad circumferentiam. Itaque per diuersa loca non descendunt vel ascēdunt per lineas parallēlas, sed per lineas in centro facientes angulum, & eò magis inter se distantes quò plus recedant à centro, atque adeo in maiori à centro remotiōne maiorem intercipientes circuli portionem, & quò maiorem eò minùs curuam. Vnde vterius duo homines stantes in terra, plus distant inter se secundum capita quàm secundum pedes: duo parietes vnius turris ad perpendicularum erecti, plus distant inter se in cacumine quàm in fundamento: puteus qui ad perpendicularum excauetur versùs centrum, semper erit magis arctus, ac tandem desinet in puncto centri. Et è contra si quis in suo rure ad latus vicini ruris tollant, foderet semper aquē

amplam, furti illum notauit Aristoteli in cap. 1. Sphæræ q. 5. art. 3. quia in profundo excaueret sub alieno rure. Intuper homo amouens super terram, plus itineris conficit, atque ad id velocius eodem tempore teritur secundum caput quàm secundum pedes, quia maiorem circumculum conficit capite quàm pedibus. Rursus aqua intra vas existens, non est prorsus plana, sed ita rotunda, sicut si tota terra in illa altitudine cooperiretur aqua. Vnde secundum hanc rotunditatem, maior est curuitas aquæ in inferiori quàm in superiori loco existentis, quia magis curuus est circulus minor inclusus intra maiorem. Et licet ratione huius curuitatis plus aquæ capit vas positum in ima valle quàm in summo monte, quoniam plus in imo curuatur & intumescit aqua. Aliæ plures huiusmodi observationes fieri possunt. Sed tamen differentia est tam modica, ut prorsus hæc sensu discerni non possint: atque adeo physicè & sensibilibus non reputantur. At in rigore rei verissima sunt. Idquē totum prouenit ex circulari elementaris mundi & interiorum corporum structura.

QVÆSTIO TRIGESIMASEPTIMA. De Corporum Inferiorum essentia & natura:

De eorum substantiali mutatione, Generatione & Corruptione.

Corporum inferiorum essentia & natura, maximè penes eorum substantialem mutationem, generationem & corruptionem, attenditur; & hic generationis atque corruptionis actus eorum substantiam attingit, ac proximè ad illam se habet. Ideo simul hoc totum in presenti quaestio-

ne coniungimus: & magis quod generatio & corruptio horum corporum, est primum inter reliqua quæ postea tractanda sequuntur. Agit de hac re Arist. in iisdem quoque libris de Cælo, specialiter lib. 3. Sed prolixè & copiosè, non solum de generatione & corruptione, verum etiam de alijs horum corporum mutationibus, in duobus libris quos expressè sub hoc titulo inscripsit, *De generatione & corruptione*.

SECTIO PRIMA.

*Utrum Corpora inferiora verè
sint secundum substantiam
mutabilia generabilia
& corruptibilia.*

*Senten-
tia ne-
gans sub-
stantia-
lem cor-
porum
muta-
tionem.*

Refert Arist. 3. Cæli tex. 2. priorũ Philosophorum sententiam, præsertim Parmenidis & Melissi, qui omnia naturalia corpora prorsus immutabilia fecisse videntur: qui omnem substantialem mutationem, generationem & corruptionem, his corporibus denegabant: dicentes, videri solum nobis corpora hæc generari & corrumpi, sicquæ mutari; sed re vera non ita esse. Fundamentum eorum erat: quia non agnoscebant alias superiores & immutabiles substantias: & ex alia parte retinere volebant veram ac solidam rerum scientiam: scientia autem debet esse de rebus fixis & immutabilibus: ideo asserébant, substantias has sentibiles, esse taliter immutabiles, & non verò generari atque corrumpi.

*Senten-
tia ne-
gans ve-
ram ge-
neratio-
nem &
corru-
ptionem.*

Alij deinde Philosophi, ut refert idem Arist. eodem lib. 3. Cæli, & lib. 1. de Generat., & 1. Physic., ac 1. Metaph., fatebantur, corpora hæc inter se aliquatenus transmutari; sed adhuc negabant, ullam substantiam generari per nouam productionem & existentiam, ullam corrumpi per veram desitionem & destructionem sui: dicentes, totam mutationem fieri per congregationem & disgregationem, & hanc aliqui vocabant generationem & corruptio-

nem. Congregari & disgregari dicebant elementa in compositum, mixtorum. Ac in omnibus corporibus congregari & disgregari minutissima quædam corpuscula, quæ vocabant athomos, ac dicere solebant esse indiuisibilia. Sicquæ formari de nouo aliquod corpus per cõcursum & congeriem talium athomorum, resolui per eorum exitum ac separationem: videri etiam ex vno corpore fieri aliud; vnum conuerti in aliud per discessum eorum athomorum qui vnum constituebant, & aduentum aliorum constituentium aliud corpus. Ita olim opinati sunt, Anaxagoras, Democritus, Leucippus, Epicurus, & ut plurimum alij Veteres ante Arist. & Platonem. Aliqui autem volebant, athomos inter se differre solum positione & figura. Aliqui autem verè et substantialiter inter se differre. Ac ita nuper defendere non dubitauit Sebastianus Bassonus in sua Philosophia naturali contra Arist. præsertim in libris de Materia & mixto, & in lib. de Forma.

Fundamentum huius sententiæ fuit: quia cum pro certo supponerent, ex nihilo nihil fieri, cogitarunt non posse de nouo fieri vllam rem, & sic etiam nullam desinere & perire: quia si quicquam de nouo fieret, quod antea non erat, atque adeo erat nihil; iam fieret ex nihilo: & sic etiam si quicquam periret, ut esse desineret, abiret in nihilum, quod pariter repugnat: ideo per congregationem & segregationem athomorum, omnem corporum mutationem sine vera generatione & cor-

corruptione perficebant.

*Senten-
tia ne-
gās sub-
stantia-
talem
genera-
tionem
& cor-
ruptionem.*

Alij demum, maiorem aliquam mutationem in his corporibus admittentes, negant adhuc verè secundum substantiam transmutari, substantialiter generari & corrumpi: dicentes rerum quæ sem substantiam semper immutabilem permanere: in illa autem variari accidentia quæ iam, & hæc verè de nouo gigni, & postea aboleri: & sic omnem apparentem mutationem citra variationem ipsius substantiæ posse saluari. Fundamentum huius sententiæ fuit: quia ad summum fieri de nouo potest forma in subiecto existens, & à subiecto dependens, & similiter huiusmodi forma potest deleri; ipsum verò subiectum per se existens, non potest naturaliter de nouo fieri, nec destrui: quia nimirum forma quæ fit ex aliquo, nempe ex subiecto; sed subiectum fieret ex nihilo, quod naturaliter fieri nequit. At solum subiectum per se existens, est verè substantia; formæ autem inexistentes subiecto, sunt accidentia: liquidem in hoc modo existendi, substantia & accidens distinguuntur. Ipsum ergo subiectum est substantiale corpus, quod in se substantialiter non mutatur, sed ad summum varias mutationes accidentales subire dicetur.

*Corpora
inferio-
ra verè
sunt na-
turals
per mu-
tabilia.*

Certum tamen est, & omnino asserendum, omnia hæc inferiora corpora verè esse secundum substantiam mutabilia, & generationi corruptionique obnoxia, ac passim substantialiter de nouo gigni atque corrumpi. Est res notissima in Philosophia Arist. qui semper ita docet atque confirmat, & ex professo in 3. Calij, & 1. de Generat. Est etiam apud Theologos & Ecclesiæ doctores receptissima: ita ut de hac re prorsus dubitare non liceat. Et satis iam patet ex tota doctrina in hac Philosophia hæcenus à nobis tra-

ducta, præsertim q. 19. & 20. vbi egimus de substantia corporea & composita, ac de materia & forma eius partibus. Breuiter modo huius rei fundamenta colligenda sunt.

Primò. Sensu ipso notum est, corpora hæc passim inter se inuicem transmutari: sunt de nouo illa quæ dicuntur mixta & ex elementis constituta, ac rursus mutantur & resoluntur: ipsa quoque elementa inter se inuicem conuertuntur, & vnum fit ex alio. Dicere autem, id solum ita videri & apparere nobis, sed non realiter ita fieri & exacer, est irrationaliter sensui repugnare. Et ad ostendendum talis existimationis fatuitatem, suscitanda erit alia dubitatio, an reuera sint corpora hæc quæ sensibus deprehendimus, vel an fortasse solum ita appareant & videantur. Sicut ergo fatuum esset, sic dubitare, ita fatuum erat opinari, non verè corpora transmutari, sed ita videri.

Secundò. Hæc transmutatio non fit per solam congregationem ac disgregationem, sed omnino per nouam alicuius rei productionem ac desitionem. Ità ferè eodem ipso sensu constat. Dum animal moritur & fit cadaver, dum lignum comburitur & fit ignis, dum oleum & cera resoluntur in flammam; quænam congregatio ac disgregatio cogitari potest? unde aut quomodo accurrunt toti athomi constituentes flammam? & quis non videat verè oleum ipsum conuertere in flammam: ita ut de nouo producatur flamma, & oleum destruat? & sic res se habet in alijs huiusmodi mutationibus. Item, quæ compositio athomorum cogitari potest in aere tam fluido, in igne, in aqua, ut per certum athomorum concursum vel disiectum agglutinetur aut resoluat? & idem quoque erit de alijs corporibus solidis. Rursus, vel atho-

*Ac ge-
nerabi-
lia &
corru-
pibilia.*

mi differunt inter se solum figura & portione, & secundum variam figurationem ac situm conficiunt tot ac tam diuersa corpora: & sic nihil sanè absurdius cogitari ac proferri potest. Vel differunt inter se secundum aliam & aliam substantiam: & sic multò facilius ac rationabilius per se apparet, dicere extare varias ac differentes formas in vno quodam communi subiecto, & hoc subiectum esse formarum omnium receptiuum, & aptum transire de vna ad aliam; atque tales formas, & ex illis composita, de nouo gigni atque produci, & rursus destrui & corrumpi. Ita ergo prorsus philosophandum ac sentiendum est.

Genera- tur & corrumpuntur secundum substantiam. Tertiò. Formæ secundum quas fit huiusmodi mutatio in subiecto, non sunt mera accidentia, & subiectum non est per se substantia completa, quasi nullæ sint substantiæ differentes & tota differentia sit penes accidentia in vno communi corporeo subiecto. Sed verè, præter formas accidentales, extant principales formæ, quæ sunt substantiales: & primum subiectum quod dicitur materia, non est per se substantia completa, sed ex materia & forma simul constituitur substantiale compositum quod est & dicitur corpus de genere substantiæ: & variæ ac differentes sunt huiusmodi formæ, per quas proinde constituuntur composita differentia; & hæc in materia permutantur, dum vna aduenit & alia recedit; vna de nouo fit in suo esse, & alia deficit. Quod totum iam ostendimus q. 20. sect. 1. Itaque corpora substantialia verè secundum suam substantiam transmutantur, ita vt per veram productionem fiant de nouo ac substantialiter, & per veram corruptionem destruantur ac desinant. Et maximè non solum secundum rationem, sed & apud nos secundum fidem, notum est ho-

minem de nouo gigni per infusionem animæ rationalis in corpore, & interire per separationem eiusdem animæ; atque animam esse veram substantiam & veram formam. Vnde pariter colligitur, alia quoque corpora debere gigni per productionem certæ formæ, & corrumpi per destructionem eiusdem suæ formæ. In hoc autem valde differt homo ab alijs corporibus, quia anima rationalis apta est per se existere separata, & ideo post mortem permanet, & ab initio fit per creationem à Deo: aliæ verò formæ non permanent extra materiam, sed in separatione penitus deficiunt & ab initio de potentia materiæ educi dicuntur.

Iam ad fundamentum primæ sententiæ dicendum est, non solum dari alias superiores substantias naturaliter immutabiles, sed & de his quoque inferioribus mutabilibus optimè dari firmam certamque scientiam: quia nimirum scientia est, non de rerum caduca & contingenti existentia, sed de essentia, & veritatibus essentialibus, quæ necessariæ & immutabiles sunt: vt iam ab initio totius Philosophiæ præmisimus.

Ad fundamentum secundæ sententiæ variæ solutiones excogitæ sunt. Auerroes 12. Metaph. com. 18. hanc difficultatem pertractans, inter alios dicendi modos, ait esse opinionem loquentium in sua lege Saracenorum, & in nostra Christianorum, verè ea quæ fiunt creari ex nihilo, & id non esse impossibile. Verum, fatemur nos quidem iuxta nostram fidem, & fatendum etiam est iuxta rationem, à Deo fieri posse res per creationem ex nihilo, & ita ab initio factas esse quoad primam materiam. Sed negamus ab alijs causis naturalibus, & creatis, quicquam fieri aut posse fieri per creationem ex nihilo, eo modo quo propriè debet intelligi creatio ex

Adbuc sunt obiecta vera scientia.

Not

creatur ex nihilo.

nihilo. Alioque modo stutemus
soluere argumentum: D. Thom. 3.
cont. Gent. cap. 69. retet, quoddam
concessisse, omnia quæ sunt verè
fieri ex nihilo per creationem: &
ideo negasse quicquam fieri ab his
causis naturalibus, & creatis, sed
voluisse omnia fieri à solo Deo qui
solus creare potest. Verù agnosce-
re oportet, verè ab his causis natu-
ralibus posse & solere suos effectus
produci, tam substantiales, quam
accidentales, vt ostendimus antea
circa causam efficientem q. 14. Ita-
que negandum potius est, tales ef-
fectus fieri per creationem ex nihilo.
Toletus 1. de Gener. q. 2. ad 2.
affirma, virtutē quæ conuenit causis
creatis, participare aliquid de virtu-
te creatua, esse quē mirabilem, sed
nō esse propriē creatiuam. Verūm;
nec etiam dici debet participare de
virtute creatua, nisi quatenus in
communi genere virtutis producti-
uæ conueniunt sicut si quis diceret,
equum participare aliquid de hu-
manitate, quia conuenit cum homi-
ne in communi genere animalis.
Negandum ergo prorsus est gene-
rationem habere rationem creatio-
nis, & per hoc defendendum est,
posse causas creatas naturaliter con-
uenire.

Licet Vltcrius alij, vt defenderent for-
forma mas non creari ex nihilo, posuerunt
prius antecedenter in materia quoddam
simplici- formarum inchoationes, huc quæ-
ter non dam initia, ex quibus formæ fierēt:
essent. & sic dixerunt, formas prius in po-
tentia materiæ contineri, ac deinde
ex illa educi. Verūm, inutiliter &
præter omnem rationem, tales in-
choationes & initia inuenta sunt: &
reuera nec in materia præcedunt,
nec iuuant ad euadendam difficul-
tatem, quomodo forma, siue dica-
tur formæ pars quæ de nouo fit, non
creetur ex nihilo; & ita ostendimus
q. 20. lect. 7. Alij sunt qui dicere so-

lent, id quod de nouo fit, licet non
præcederet actu, tamen præesse in
potentia, & ideo non fieri ex prorsus
nihilò: sed ens in actu fieri qui-
dem ex nō ente in actu, fieri tamen
ex ente in potentia, nempe ex se ipso
prout in potentia præerat. Verūm,
hoc per se non satisfaciū quia etiam
illud quod fit per veram creationē,
prius erat in potentia, & postea fit
in actu; fit quē ens actu ex ente in
potentia. Alij demum sunt qui di-
cunt, non formam propriē fieri, sed
totum compositum ex materia &
forma, quod vique non fit ex nihilo,
quia aliqua pars eius iā præerat.
Verūm, negari non potest, etiam
formam verè, & propriē fieri, vt iterum
dicemus sect. tertia: ac sine du-
bio forma prius non erat, nec vlla
pars eius præerat, & ita erat non
ens & nihil; postea verè est: & ita
adhuc vrget difficultas, factam esse
ex nihilo.

Pro vera ergo solutione difficul-
tatis, Res est satis clara. Dupliciter
intelligi potest, rem fieri ex nihilo: *Sed pos-*
vno modo ex nihilo sui, i est quod *tea siue*
antea non erat & postea fit: alio *depen-*
modo ex nihilo non solum sui, sed *der a*
etiam subiecti, id est ex nullo subie- *subiecto*
cto, siue independentē à subiecto.
Hoc secundo modo dicitur res crea-
ri prorsus ex nihilo: & hoc fieri non
potest per causas naturales. Sed
primo modo optimè potest esse, vt
forma fiat ex nihilo sui, fiat autem
ex subiecto, fiat dependentē à sub-
iecto. Et hoc modo possunt abs-
que vlla difficultate res fieri de nouo
per causas naturales: & non di-
centur creari, sed generari: & di-
cuntur formæ educi de potentia sub-
iecti, id est dependentē à subiecto
potente recipere formam: & prius
dicebantur esse in potentia, non so-
lūm secundū se quatenus erant en-
tia possibilia; sed insuper in poten-
tia subiecti, id est præsupponebatur
sub-

subiectum potens recipere. Explicatur hæc res & confirmatur magis. Motium propter quod Philosophi tam communi consensu dixerunt, non posse quicquam fieri ex nihilo; non utique fuit, quod vidissent nunquam incipere esse de nouo, quicquam antea non conspectum; quinimò sic passim omnes vident quædam de nouo fieri quæ antea non videbantur: sed motium fuit, quia viderunt, nunquam aliquid de nouo fieri, nisi præcedente aliquo alio ex quo illud fieret; & nunquam agentia naturalia quicquam operari nisi in aliquo subiecto. Hinc ergo non plus colligitur, nisi causas naturales nō posse quicquam facere ex prorsus nihilo, idest ex nullo subiecto, non posse operari absque præuio subiecto. Cum quo optimè stabit, causas naturales posse verè efficere formas in subiecto, posse verè de nouo producere id quod antea non erat, dummodo operentur dependenter à subiecto. Et ita per distinctionem materiæ & formæ saluatur vera generatio, ac pariter corruptio.

Sunt vs. Ad fundamentum tertiæ sententiæ, Non omnes formæ quæ insunt subiecto, sunt accidentia: sed aliæ *stantia* sunt formæ substantiales, aliæ *ex mate.* accidentales. Per formas substantiales *substan-* constituuntur corpora quæ sic ex *tiali for.* forma & materia componuntur. *ma com.* Penes has ergo formas substantiales fit *posita.* substantialis mutatio corporum, & corpora quæ sunt veræ substantiæ naturaliter generantur & corrumpuntur.

SECTIO SECVNDA.

Vtrum esse generabile & corruptibile, sit essentialis ratio & propria differentia Corporum inferiorum.

Videri potest hæc non esse essentialis ratio corporum. Tum quia non semper ac necessariò illis conuenit, sed contingenter se habere videtur; imò nunquam simul coniungi, sed velut opponi esse generabile & corruptibile. Nam tunc res est generabilis, quando actu non est, & potest fieri, potest generari; quando verò actu est, iam non amplius potest fieri & generari, & sic tunc non dicitur generabilis: & tamen tunc maximè res habet actu suam essentiam. E contra, tunc res est corruptibilis, & potest destrui, potest corrumpi, quando actu est; & alioqui quod actu non est, tuissimum est ab interitu; & qui non viuit, non potest mori: res ergo quæ actu non est, non dicitur corruptibilis. At verò essentia & prædicata omnia essentialia debent dici ac verificari de rebus etiam quando actu non sunt. Tum præterea, esse generabile & corruptibile, pertinet ad existentiam, non autem ad essentiam rerum: quinimò rerum essentia dicuntur necessariae & incorruptibiles, ac pariter ingenerabiles: ergo esse generabile & corruptibile, non erit ratio essentialis horum corporum.

Deinde, nec videtur ratio eorum *Dubita-* propria, quasi debeat pro peculiari *tur non* eorum differentia reputari. Tum *esse pro-* quia omnes res præter Deum, con- *pria dif-* ueniunt in hoc quod possint fieri ac *ferētia* destrui, solusquè Deus est ens necessarium, qui nulla generatione de nouo incipere, nulla corruptione de-

Dubita-
tur non
esse esse.
essentialē ra-
tionem?

definere potest : vnde omnes alie res dici debebunt generabiles & corruptibiles. Tum quia, sumendo etiam generationem & corruptionem naturalem; non solum substantiarum, sed accidentia quoque, & composita accidentalia, generationi, & corruptioni subijciuntur. Tum etiam, sumendo generationem & corruptionem substantialem; non solum ipsa corpora & composita, sed formae quoque per se sunt generabiles & corruptibiles, excepta anima rationali. Tum demum, sumendo generationem & corruptionem totalem; non solum corpora hanc inferiora, sed etiam caelestia, si dicantur ex materia & forma constare, possunt simpliciter in rigore corrumpi; & quamvis dicantur non posse naturaliter, tamen saltem potuerunt, in id ex natura sua debuerunt fieri per veram generationem in sua productione. Hanc ergo non est propria ratio ac differentia inferiorum corporum.

Verè est essentialis ratio. Dico tamen primò. Esse generabile & corruptibile, verè est ratio essentialis & quidditatiua inferiorum corporum. Est res certa. Et patet manifestè: quia utique intrinsicè & connaturale est his corporibus, posse generari & corrumpi; et actualis quidem generatio et corruptio, contingenter illis conuenit: sed aptum esse generari atque corrumpi, omnino illis necessariò & intrinsicè conuenit. Estque verè illis essentialis. Nam si quis diceret, esse solum passionem ab essentia procedentem: sumemus generabile & corruptibile pro ipsa tali essentia à qua huiusmodi aptitudo prodeat. Et præterea, opus non est pro hac re distinguere aliam veluti potentiã mediã inter essentiam rei & actum generationis atque corruptionis: sed satis vtrò est ipsa essentia rei per se potentis generari atque corrumpi.

Explicari magis potest hæc essentialis ratio penes compositionem corporis ex materia & forma. Nam compositio hæc est utique essentialis corpori & tam materia, quam forma, secundum suam rationem, est de essentiali constitutione totius compositi. In hac autem compositione constituit ratio generabilitatis & corruptibilitatis: præsertim determinando, quòd sit talis materia, quæ naturaliter capax & essentialiter apta sit recipere varias formas, et recipere de nouo illas quas non habet ac amittere illam quam habet: similiter forma per debitam proportionem talis sit ex sui ratione, ut naturaliter de nouo in materiam possit induci, et rursus ab ea expelli: et sic eadem unio inter materiam et formam ita possit naturaliter dissolui sicut fieri. Hoc totum inquam est essentialis huiusmodi compositus, at hæc sunt interiora corpora: igitur tam essentialiter quam realiter generabilia et corruptibilia sunt.

Denique confirmatur, satisfaciendo ad oppositam dubitandi rationem. Corpora hæc inferiora, etiã quando actu existunt, verè sunt ac dici debent essentialiter generabilia; ac similiter quando actu non existunt, corruptibilia: et simul ac semper hanc totam denominationem essentialiter habent. Nam dupliciter potest hæc denominatio sumi; vno modo purè essentialiter prout solum dicit tali subiecto esse connaturalem et possibilem talem actum, siue illi ex natura sua non repugnare: alio modo potentialiter, connotando alias conditiones requiritas, ac talem subiecti statum, in quo possit proximè exerceri actus generationis seu corruptionis. Primo ergo modo conuenit semper, ac necessariò. Nam etiam corpus actu existens, est essentialiter generabile,

Explicatur per compositionem ex materia & forma.

In omni statu corpora hæc sunt essentialiter generabilia & corruptibilia.

le, idest habet talem essentiam, ut ei connaturalis sit actus generationis: neque quicquam obest, quod iam subierit actum generationis, & in tali statu existentiae non possit de novo generari: imò id ipsum ostendit, qualiter per essentiam suam sit generabile, abstrahendo ab actu futuro vel praeterito. Imò praeterea, etiam dum actu existit, potest destrui, & sic rursus poterit generari. Similiter corpus non actu existens, est essentialiter corruptibile, idest habet talem essentiam ut ei connaturalis sit actus corruptionis: quamvis non possit proximè pro tunc & in eo statu exerceri talis actus. Sed tamen dicere valet, quod quando-cunque existet, prout verè existere potest, naturaliter poterit destrui, & corrumpi. Ceterum, quo pacto res omnes possint produci ac desinere secundum existentiam, aut non secundum essentiam: sed tamen ex essentia sua habeant posse produci ac desinere secundum ipsam existentiam, ita ut hoc omnino sit eis essentialis, patet ex dictis antea circa rerum essentiam & existentiam in communi.

Verè Dico secundò. Esse generabile
etiā est & corruptibile, est propria ratio ac
propria differentia inferiorum corporum, si
differe rectè & eum debitis conditionibus
tia infe- explicetur. Debet sumi esse gene-
riorum rabile & corruptibile, nō per quem-
corporū. cunque modum productionis ac desitionis, quo pacto esset commune omnibus creaturis: sed specialiter per modum productionis ac desitionis dependenter à subiecto, ad differentiam creationis & annihilationis. Sic esse generabile & corruptibile, est proprium ijs rebus quae à subiecto dependent. Debet rursus sumi pro generatione & corruptione substantiali: sic convenit solis substantijs, non autem accidentibus seu compositis accidentalibus. Inter

substantias, considerando compositum ex vna parte, & formam ex alia, Aegidius 1. de Gener. q. 22. & Toletus eodem lib. q. 2. ad 2. volunt, solum compositum verè & propriè fieri, non autem formam. Sumunt ex Arist. 1. Phys. 64. & 7. Metaph. tex. 26. ac sequentibus. Verum tam pro substantijs, quam pro accidentibus dici debet, verè quidem & simpliciter fieri non solum compositum, sed et ipsam formam: attamen compositum fieri tanquam terminum adaequatum ac totalem, cuius forma est quaedam pars. Et hoc tantum voluit Arist. qui uniuersaliter loquutus est, tam in accidentibus, quam in substantijs: et ita iam ostendimus ac explicauimus in uniuersum de effectu causae efficientis q. 24. sect. 3. conclus. 2. Itaque, si sumatur generatio et corruptio substantialis amplè et adaequatè, communis verè est tam formis materialibus quam corporibus seu compositis. Sed, ut esse generabile et corruptibile sit proprium corporibus, debet intelligi per modum termini completi atque totalis: sic solum compositum, non autem forma, est huiusmodi terminus.

Demum, debet hic sumi esse generabile et corruptibile eo modo *Prefer-*
naturaliter, quo iam negauimus cor- *tim ad*
pora caelestia posse naturaliter cor- *discr-*
rumpi ac similiter generari: Et ex *men cor-*
suppositione quod corpora caelestia *porū ca-*
non possint naturaliter transmutari, *lestium.*
de nouo generari atque corrumpi, et quod id eis conueniat ab intrinseco; dicimus nunc, esse generabile et corruptibile propriè ac peculiari-
ter conuenire corporibus his inferioribus. Ac certè, si supponantur etiam corpora caelestia ex materia et forma constare, non aliter potest melius designari differentia essentialis corporum inferiorum, et caelestium, nisi penes hanc rationem.

Imò

Imò absolutè à Peripateticis solent hæc duo genera sub nominibus corporum corruptibilium & incorruptibilium nuncupari. Si tamen corpora celestia nō ex materia & forma componantur, hæc esset maior & insignior differentia, penes simplicitatem & compositionem substantialem. Atque ex his iam satis patet ad totam dubitandi rationem ex aduerso præmissam.

SECTIO TERTIA.

Quid sit generatio.

*Genera-
tionis
nomen
explica-
tur.*

Generationis nomen tribus præcipuè modis sumi solet, tam apud Arist. quàm apud alios Philosophos. Primò sumitur ita amplè, ut significet quancumque productionem exercitam dependenter à subiecto, siue termini substantialis, siue accidentalis: quo sensu Arist. lib. 1. de Gener. tex. 11. concedit, accidentia generari: & hanc generationem accidentalem vocare solet secundum quid, ad differentiam generationis substantialis quam vocat simpliciter; ut præsertim videre est 5 Phyl. tex. 7. Secundò sumitur generatio nimis pressè pro generatione vitali, qua vnum viuens nascitur ex alio, & ponitur vna ex operationibus animæ vegetatiuæ: de hac generatione Philosophus tractat in lib. de Anima. Tertiò modo propriè sumitur in præsentī proposito generatio pro sola & omni productione substantiali qua efficitur terminus substantialis dependenter à subiecto. De hac iam specialiter agimus: sed simul per concomitantiam de generatione accidentali attingemus, quatenus cum substantiali communicat.

*Genera-
tio ab
Arist.*

Ad explicandum, quid sit generatio substantialis, plures definitiones ex Arist. delumptæ solēt asferri.

Prima ex 2. Phyl. 14. *Generatio est definitio via ad naturā.* Secunda ex 5 Phyl. tex. 7. *Est mutatio ex non subiecto in subiectum.* Tertia ex 8. Phyl 62. *Est mutatio ex nō ente ad ens.* Quarta ex lib. 1. de Generat. tex. 23. *Est mutatio totius in totum, nullo sensibili remanente ut subiecto eodem;* Et hæc potissimum pro absoluta generationis definitione apud Peripateticos circumfertur. Quinta ex eodem lib. tex. 25. *Est mutatio à substantia in potentia ad substantiam in actu.* Sed certè Arist. in omnibus ijs locis non intendebat nec cogitabat generationem definire, & exactam eius definitionem tradere: sed solum prout occasio, postulabat has omnes propositiones tanquam veras de ipsa generatione pronuntiauit. Ac reuera in ratione definitionis, hæc essent valde obscuræ & imperfectæ. Easquæ breuiter examinare & explicare iuuabit.

In primo loco, docuit, generationem vocari solere naturam eo quòd est via ad naturam, idest ad formam. Hoc quidem verum est: sed non sufficit ad completam generationis definitionem: & nihil minus Arist. ibi cogitauit quàm generationem definire. In secundo loco distinguebat mutationem à motu, eo quòd motus esset de subiecto in subiectum, idest ex vno termino positiuo ad alium; mutatio verò ex non subiecto ad subiectum, idest ex termino negatiuo ad positiuum: & generationem docet esse mutationem. Et similiter in tertio loco repetit terminos mutationis, ut generationis & corruptionis, esse ens & non ens, ad differentiam alterationis aliorumquæ motuum. Vbi, ut patet, nec explicatur quis sit terminus generationis, nec quòd sit substantialis, prout vera definitio requirebat: nec intentum Philoso-

*Eius de-
finitio-
nes exa-
minan-
tur.*

phi erat, generationem definire.

In quarto loco Arist. intendebat generationem ab alteratione distinguere: atque, *Alterationem esse, quando manente subiecto sensibili existente, transmutetur in eius passionibus. Quando autem totum transmutetur, non manente aliquo sensibili ut subiecto eodem, sed ut ex generitura tota sanguis, aut ex aqua aer, aut ex aere omni aqua, generatio iam hoc tale, huius autem corruptio.* Vbi, non solum perspicue apparet, Aristotelis propositum non fuisse generationem definire: sed nec etiam sub definitionis forma fuisse loquutum. Et verba sunt valde obscura. Sentus autem est, alterationem esse, quando manente eodem composito substantiali, fit mutatio tantum in passionibus accidentalibus: generationem verò esse, quando transmutatur ipsum substantiale compositum, & non manet idem subiectum sensibile quod est corpus substantiale, sed vnum de nouo fit, & aliud perit: sic enim vnum generatur & aliud corrumpitur. Imò nec etiam in hoc explicatur, quòd generatio fiat dependenter à subiecto siue materia: sed hæc mutatio adhuc verificari posset, si tota prorsus vna substantia periret, & alia prorsus de nouo adveniret, sine communicatione in eadem materia. Nec demum magis per illam explicatur generatio quam corruptio: sed Arist. ipse communiter loquutus est. In quinto demum loco assignare etiam voluit discrimen generationis ab augmentatione & alteratione: atque, omnem quidem transmutationem fieri à potentia in actum, sed generationem fieri in substantia, augmentationem in quantitate, alterationem in qualitate. Et hoc totum potest intelligi, vel per potentiam accipiendo eundem terminum, qui ponitur in actu, & prius erat in

potentia quatenus possibilis. Vel accipiendo subiectum siue materiam, quæ recipit formam ad quam erat in potentia. Et sanè, hæc propositio quæ expressè nominat substantiam, magis valet ad explicandam veram generationis essentiam, & magis accedit ad exactam eius generationem.

His propter Aristotelem premis-
sis; explicanda iam exactè à nobis
est generationis essentia, & com-
pleta eius definitio tradenda. Et sic
explicabitur ac definietur optimè
generatio: Est productio termini
vel compositi substantialis depen-
denter à subiecto apta naturaliter
exerceri.

*Genera-
tio est
produ-
ctio.*

Dicitur primò, Productio: Hoc est enim verum ipsius generationis genus, in quo conuenit cum alijs accidentalibus actionibus, ac etiam cum creatione. Hæc est enim communis ratio essentialis omnium. Et inter genera prædicamentalia, vnum est illud quod vocatur actio, & in eo actionis prædicamento tam generatio quam aliæ dictæ actiones continentur, illaque actio propriè est productio qua suus terminus efficitur. Per nullum ergo aliud genus, quam actionis & productionis, potest generatio melius explicari ac defini.

Potest quidem per alia quoque nomina, præsertim mutationis, & conuersionis. In omni enim naturali generatione reuera exercetur mutatio substantialis, & conuersio vnius substantiæ in aliam. Atque Arist. sæpè mutationis nomine vti-
tus est, ut patet in locis antea allegatis: quandoque etiam nomine conuersionis: imò cum dixit, generationem esse mutationem totius in totum, pro eodem valet, esse conuersionem. Attamen melius explicatur ac definitur per nomen productionis. Tum ob rationem reddi-
tam

tam ex prædicamentali genere actionis. Tum quia hoc est notius & familiarius: statim enim audita generatione concipitur productio. Tum quia mutatio & conuersio indicat etiam terminum à quo, qui tamen non per se facit ad præsentem tractationem, nec ad rationem generationis prout in se est species quædam entis. Tum quia productio eandem prorsus denominationem præbet ac generatio: quod enim generatur dicitur produci & non aliter. At mutatio & conuersio valde aliter denominat. Nam subiectum magis dicitur mutari transeundo de vno ad alium terminum: sed non est subiectum illud quod propriè generatur; licet minùs propriè dicatur interdum generari subiectiue, id est subijci generationi. Item, illud quod corrumpitur, dicitur mutari de non esse ad esse. Imò hoc solùm dicitur conuerti in aliud: quod verò generatur, non dicitur conuerti, sed aliud dicitur conuerti in ipsam: multò meliùs ergo sub nomine productionis, generationis definitio traditur, & ratio explicatur.

Simul est mutatio & conuersio. Non per hoc cogitandum est, diuersum realiter esse actum productionis, & mutationis, atque conuersionis, in exercitio generationis: quinimò non potest esse nisi vnus & idem realis actus, sed per connotationem aliquam hæc nomina sortitur. Productio enim dicitur, quatenus simpliciter terminus fit & accipit suum esse. Mutatio verò connotat vterius terminum à quo, & præsertim negatiuum. Conuersio autem connotat terminum à quo positiuum: non enim dici solet priuatio conuerti in formam, non ens conuerti in ens; sed aqua conuerti in aerem, lignum in ignem. Itaque in actu generationis non interuenit talis terminus à quo positiuus, qui constituat rationem motus prout à

mutatione distincti: sed potius penes priuationem generatio dicitur mutatio, ad differentiam motus, iuxta ea quæ circa motum & mutationem quæst. 26. tractauimus. Attamen verè interuenit talis terminus positiuus, penes quem denominetur conuersio: cuius rei nulla est alia ratio, nisi vltus loquendi Philosophorum, & acceptio horum nominum. Tandem in rigore potest exerceri actus generationis absq; vllò termino à quo positiuo, ac de facto ita fuit in prima corporum, productione quādo simul fuit creata materia: ac pro tali casu, generatio realiter non dicitur conuersio: sed benè potest semper cogitari terminus à quo priuatiuus, penes quem dicatur mutatio, vt de ipsa priuatione diximus circa principia qu. 10. sect. 3.

Dicitur secundo in definitione, *Est productio termini siue compositi substantialis*. Per quam particulam *compositi* determinatur ratio generationis *substantialis*, & ab omni accidentali actione ac productione distinguitur, vt per se patet. Potest autem amplè nominari terminus *substantialis*, sub quo per se & directè ita comprehenditur forma sicut compositum. Potest etiam determinatè nominari compositum: quia hic sanè est terminus principalis & adequatus. Nec vnquam potest per veram generationem produci forma absque composito: per generationem inquam, qua fit in subiecto, quia per formam in subiecto constituitur omnino compositum: alioqui per creationem potest vtrò fieri per se forma à Deo extra subiectum absque composito. At bene è conuersio, potest verè generari compositum absque generatione ipsius formæ secundum se: nimirum si forma præexistens vniatur subiecto. Imò de facto, homo generat hominem.

non autem animam rationalem quæ est forma, nimirum producendo tantum unionem animæ cum corpore. Dum autem idem agens simul producit formam, & producit in materia, atque ita efficit quoque unionem formæ totumque compositum; dubitari potest, an eadem sit realis actio, vnicus generationis actus, quo hæc omnia fiant: sed censeri debet vnus realiter actus, prout iam generaliter circa actionem statuimus q. 26. sect. 5.

*Formaliter
unionis
vel etiã
forma.*

Cum autem huius actionis terminus totalis & completus sit ipsum compositum, quæritur quis propriè sit terminus formalis, & difficultas vertitur inter formam & unionem. Aliqui assignant formam: quia forma est vera pars formalis per quam constituitur totum. Aliqui assignant potius unionem: quia uniendo formam materiæ constituitur compositum; & posset forma inueniri præexistens sicut materia; ac de facto in humana generatione is qui generat, non producit animam, sed producendo unionem generat hominem. Aliqui assignant vtrumque simul; vel dicendo formam & unionem, vel dicendo formam unitam, vel dicendo formam ut unitam. Sed dissensio potest magis esse de modo loquendi quam de re. Itaque breuiter resoluendum est: verè & formaliter per actionem quatenus fit unio formæ cum materia, fieri ipsum totum & compositum, atque adeo indiuisibiliter terminum formale huius generationis esse unionem. Patet ex dictis iam in communi circa causam effectiuam q. 14. sect. 3. Nam si fiat forma, prout verè potest fieri, absque eo quod fiat unio, non efficitur compositum: & si fiat unio absque eo quod fiat forma quæ supponatur facta, verè efficitur compositum. Sed insuper, quando simul per eandem actionem

producitur forma, hæc etiam dici potest ac debet terminus formalis eiusdem actionis, idest pars formalis producta constitutiva compositi: & ita diuerso modo dicetur terminus formalis ipsa forma ac unio, forma nimirum tanquam pars completiua totius, unio tanquam compositio totius ex partibus.

Dicitur tertio, Dependenter à *Exercitio* subiecto. Hoc sine dubio est de ratione generationis, propterea à creatione distinguitur: & hoc est proprium generationis à creatione discrimen. *subiecto.*

Patet iam ex antea dictis: quia creatio est, quando producitur terminus per se existens independentem à subiecto, generatio verò quando fit dependenter à subiecto. Neque verò ad hoc in rigore requiritur, ut subiectum ordine temporis antecedit, aliaue similis conditio: sicut iam de ratione educationis diximus q. 20. sect. 7. Sed bene requiritur, ut forma fiat dependenter à subiecto quoad suam existentiam, & non solum quoad receptionem in materia: nimirum ad excipiendam animam rationalem, quæ utique non generatur, sed creatur; quia nempe non dependet à materia in existendo, licet recipiatur in materia. Intelligitur verò fieri dependenter à materia, tum ipsa forma materialis quæ dependet tanquam à causa substantiante, tum compositum quod ab eadem materia dependet tanquam à parte materiali componente: & vtrumque in toto rigore dicitur generari. In productione tamen hominis, compositum solum dicitur generari, quia verè in suo esse totali dependet à materia, & ita homo ipse non creatur sed generatur; licet anima secundum se, cum à materia non dependeat, creetur, non generetur.

Dicitur tandem quarto, Aptam naturaliter exerceri. Hæc particula per *Per causas naturales.*

se non est necessaria, nec debet apponi si definiatur generatio in tota sua amplitudine, cōplectendo etiam productionem qua corpora caelestia per educationem formæ à materiâ habent fieri à Deo. Sed tamen si determinari debeat generatio corporum inferiorum, de quibus nunc specialiter agimus, prout dicimus corpora inferiora esse generabilia, & caelestia esse ingenerabilia: sic opportunè additur talis particula, per quam excludatur illa corporum caelestium productio, quæ non est apta naturaliter exerceri, sed Diuinam potentiam exposcebat, ut suo loco tractauimus.

A quibusdam negatur esse peculiaris actio ab altera ratione distincta. Caterùm, quia naturaliter ad substantiam generationem præcedere solet præuia dispositio & alteratio penes qualitates præparantes materiam ad nouam formam, Plerique volunt, generationem non esse distinctam aliam actionem à præuia alteratione, sed esse potius veluti terminum eiusdem alterationis. Ita indicat D. Thom. 1. par. q. 53. art. 3. & 2. cont. Gent. cap. 17. Adhærent Heruæus tract. de Vnit. form. q. 17. & Caiet. 1. par. quæst. 54. art. 3. & in tract. de Ente & essent. q. 17. Ac præsertim defendit Fonseca 5. Metaph. cap. 13. q. 9. sect. 5. qui magis explicat, in vltimo alterationis instanti resultare formam substantialem ex eadem ipsa alteratione, absque alia noua actione; & agens in eo instanti, non tam agere, quam potius terminare præcedentem actionem & alterationem.

Moti sunt hi Auctores ad ita philosophandum: quia forma substantialis gignitur in instanti, actio vero non potest esse instantanea. Hoc probant ex Arist. qui interdum generationem connumerat inter species motus, ut patet 3. Phys. ab initio, motus autem non est nisi successiuus. Et clariùs 7. Phys. 34. do-

cet, generationem esse velociorem aut tardiorē, quod verificari non potest, nisi generatio dicatur esse eadem successiua actio alterationis. Præterea 6. Phys. 54. & 55. vniuersaliter probat, non dari mutationem in instanti, sed omnem esse successiuam in tempore. Probant etiam ratione ex eodem Arist. desumpta. Id quod mutatur, debet esse partim in termino à quo, & partim in termino ad quem, ut ab vno ad alium transire dicatur: at si mutatio fieret in instanti, tunc vel simul subiectum esset sub vtroque termino, vel sub neutro, quod pariter repugnat: vel si est sub altero tantum, iam non transit, sed est in alterutro termino ipsius transitus. Nec aliter verificari potest, subiectum esse partim in termino à quo & partim ad quem, nisi penes diuersas partes temporis in quo successiuè tota mutatio fiat.

Certum tamen esse debet, substantialem generationem esse peculiarem actionem à præuia alteratione distinctam, exerceri què ab agente per se in eo instanti quo substantialis forma producit. Ita affirmant S. Thomas q. 3. de Potent. art. 3. Scot. in 2. d. 2. quæst. 9. Henr. Quodl. 9. quæst. 4. Alens. 3. par. q. 7. membr. 6. Auerr. 4. Phys. com. 129. Simplic. lib. 5. com. 8. Conimb. 1. de Gener. cap. 4. quæst. 12. Suarez disp. 18. Metaph. sect. 2.

Probatur. Tum ex Arist. qui præsertim 3. & 5. Phys. numerat generationem substantialem tanquam motum seu mutationem ab alijs cōdistinctam, etiam scilicet ab alteratione. Neque benè aduersarij per generationem intelligunt eandem ipsam alterationem, quatenus dicunt terminatam ad formam substantialem. Nam id est planè alienum à mente Arist. qui perspicuè intelligit pro vna motus specie productionē qualitatis, & pro alia pro-

Verè est peculiaris actio præter alterationem.

ductionem substantiæ. Et certè illa sola distinctio non sufficiebat ad veram & essentialem diuersitatem specierum motus. Tum etiam ratione. Omnis terminus qui de nouo producit, fit omnino per suam actionem & productionem sibi affixam, ut in vniuersum quæst. 26. de actione tractauimus: ergo verè dari debet peculiaris actio & productio qua fiat forma substantialis. Nec prorsus potest esse eadem realiter actio, qua per se fiant accidentia, ac substantia. Et sicut datur actio per se pro ipsis accidentibus, est quæ distincta actio qua fiat vna & alia forma accidentalis; multò magis dari debet propria ac distincta actio per se pro forma substantiali. Et eo magis quòd alteratio priùs tempore exercetur, forma verò substantialis non nisi in ultimo instanti producit. Fieri què posset, ut præinuentis in subiecto omnibus dispositionibus requisitis, statim produceretur ab agente forma substantialis: licet de facto semper soleat præcedere, præuia alteratio.

*Potest
dici ter-
minus
minus
altera-
tionis.*

Poterit quidem generatio substantialis dici terminus alterationis præcedentis, tamen extrinsecus, non intrinsecus: Hoc est, non talis terminus cui actio alterationis sit per se affixa, tanquam productio rei quæ producit; quo sanè pacto alteratio habet pro suo termino qualitatem: Sed tamen alteratio ordinatur ad generationem tanquàm ad finem, quia agens naturale producit in materia præuias dispositiones & qualitates, ad hoc ut tandem formam substantialem inducat. Et hoc solum voluit S. Thomas, & si quis alius gravis Auctor, dicens generationem esse terminum alterationis. Quod nullatenus impedit, quominus generatio substantialis, sit per se vera actio & productio, ab alteratione distincta. Imò potius id

confirmat: quia non aliter id potest intelligi, nisi quòd vna actio ordinatur ad aliam, sicut vna forma ad aliam, accidentalis nempe ad substantialem. Et ipsum agens naturale, non minus, imò magis, dicitur operari & verè agere ac producere, exercendo suam actionem in illo instanti quo formam substantialem generat, quàm in toto tempore præcedenti quo accidentia producebat.

Denique fundamentum partis aduersæ, non solum nullius est roboris, sed planè est contra Arist., & contra communem sententiã quam illimet Auctores amplectuntur. Nam Arist. assignauit, & omnes concedunt mutationem instantaneam à motu successiuo distinctam, quæ utique nò potest esse aliud quàm actio & productio termini in subiecto. Imò ipse Fonseca per hanc formaliter differentiam mutationem à motu distinguit. Item ipse Arist. & alij omnes docent generationem, substantialem esse mutationem & non motum, esse instantaneam & non successiuam in tempore. Hoc totum ergo confirmat assertionem positam, ac destruit opinionem oppositam.

Ad primum verò locum Arist. sunt qui dicant, ibi nomine generationis intellexisse alterationem quatenus ordinatam ad productionem formæ substantialis, licet alibi postea per se distinxerit. Sed iam nos quæst. 26. ostendimus, Arist. in 3. Phys. accepisse motum amplè, & complectendo etiam instantaneam mutationem. Ad secundum locum admittendum est cum Simplic. 5. Phys. 8., Auerr. 6. Phys. 59 & 8. Phys. 55. Alberto 1. de Generat. tract. 1. cap. 21., nonnunquam ab Arist. accipi generationem prout aggregatum quid ex alteratione præuia & momentanea productione formæ: nunquam autem negari hanc formæ pro-

*Opposi-
ta sen-
tentia
soluitur
funda-
mentum.*

productionem, quam alias idem Arist. per se ac distinctè assignat. In tertio loco Arist. specialiter loquutus est de mutatione continua quæ sit per partes post partes, quæ proinde non fit in instanti, sed in tempore: sed præter hanc, datur quoque mutatio instantanea, qualis est generatio.

Ad rationem denique dicendum, in instanti talis mutationis, subiectum esse sub termino ad quem, ita tamè quòd tunc verificatur abire ac tolli terminum à quo oppositum: ut habetur ex eodem Arist. 8. phys. 69. & explicatum à nobis est circa priuationem quæ ponebatur inter principia q. 10. Libenter itaque concedendum est, in ipso mutationis actu subiectum esse in termino mutationis, ita scilicet ut dicere valeat, nunc primò formam habet; quod est idè ac dicere, nunc formam accipit, nunc transit, nunc mutatur de vna forma ad aliam. In mutatione autè successiva procedit illa regula, quòd in toto progressu subiectum partim est sub termino a quo & partim sub termino ad quem. Nihil ergo obstat, quominus generatio in suo instanti sit vera actio & productio, a prævia alteratione distincta, suum terminum substantialem attingens.

SECTIO QUARTA.

Quid sit Corruptio.

Corruptio explicatur ac definitur.

Corruptionis nomen potest etiam ac solet varijs modis sumi, sed hic sumi debet pro actu opposito generationi substantiali iam dictæ, quâdo compositum substantiale aut etiam forma definit ac destruitur. Itaque corruptio definitur destructio termini substantialis dependenter a subiecto, siue permanente subiecto: quia scilicet quantum est ex vi ipsius corruptionis

destruitur solum compositum ex materia & forma; aut etiam ipsa forma, in omni scilicet composito præter hominem: non autem destruitur sed in suo esse relinquitur subiectum. Benè autem fieri potest, ut Deus ipse simul destruat totam substantiam, tamen destructio subiecti non erit formaliter per corruptionem, sed potius per annihilationem, siue conuersionem ut in Sacramento altaris: præcisè autem respectu compositi & formæ dicitur corruptio.

Observandum verò est notabile discrimen inter corruptionem ac generationem quoad modum denominandi. In generatione illud ipsum est quod generatur, & quod dicitur terminus ad quem generationis qui de nouo ponitur & acquiritur. In corruptione illud quod corrumpitur non est terminus ad quem corruptionis, estquè potius terminus a quo; terminus autem ad quem, est non esse rei quæ corrumpitur. Corruptio enim tendit ab esse ad non esse rei, sicut generatio a non esse ad esse. Itaque in hac corruptione, corpus & forma quæ corrumpitur, est terminus a quo secundum suum esse, ipsumquè non esse eius est terminus ad quem qui de nouo ponitur per ipsam corruptionem. Atque respectu huius termini ad quem, corruptio non habet denominationem corruptionis, sed potius acquisitionis: non enim dicitur corrumpi sed acquiri non esse rei: denominatio autem corruptionis exercetur respectu termini a quo, qui tollitur ac deperditur.

Iam vterius, ad explicandum, *Duplex corruptiois modus.* quisnam sit corruptionis actus quo res destruitur, considerandum est dupliciter posse contingere: vno modo, ut per productionem alterius rei & formæ oppositæ prior res destruat, ut cum gignitur ignis &

comburitur lignum : alio modo , vt per meram delutionem , abique alia forma opposita , prior forma tollatur , per cessationem scilicet influxus conseruatiui quo illa forma in sua existentia indigebat ; vt cum de facto in aere lumen extinguatur ; & sic etiam in forma aliqua substantiali saltem per Dei potentiam contingere posset, licet naturaliter nunquam vlla substantialis forma tollatur nisi per aduentum alterius .

Corruptio non est per se peculiaris actus positivus .

Hoc supposito , statuendum in primis est , in neutro casu , corruptionem esse peculiarem aliquam actionem positivam , ab omni alia actione distinctam , & per se destructivam rei que corrumpitur . Est res certa , et in cōfesso apud omnes : Patet manifestè . Tum quia per omnem actionem agens facit et efficit aliquid , idemquè est agere quod producere : ergo repugnat planè talis actio , quæ per se sit corruptio , præter omnem actionem productivam . Tum etiã , actio realiter identificatur cum termino ad quem tendit : sed terminus ad quem corruptionis , est non esse rei : ergo non potest corruptio esse per se actio positiva tendens ad non esse rei . Tum præterea , natura in operando et agendo non intendit per se auferre ac destruere res , sed intendit potius efficere ac producere , et inde per accidens et præter intentum sequitur interitus alterius formæ prioris : non ergo natura per se instituit peculiarem actionem positivam , quæ sit corruptio .

Corruptio est idem actus ac generatio alterius termini positivi .

Deinde dicendum est , in mutationibus naturaliter conuetis , quando vnum compositum dissolvitur et forma perit vel abit per productionem & aduentum alterius , corruptionem substantiæ prioris esse positivè eandem ipsam actionem generationis , quia producit nova substantia . Ita advertunt Martil. lib. 1. de Ge-

nerat. q. 5. Albert. de Saxonía q. 4. Caiet. 1. 2. q. 113. art. 2. vbi idem significat S. Thomas , dicens eundem esse actum quo infunditur gratia & remittitur peccatum . Ac demonstratur facillè : quia cum per aduentum formæ sequentis expellatur forma præcedens , iam eadē realiter actione qua introducitur vna forma , destruitur alia . Et ex parte agentis , eodem vtiq; actu , abique alia operatione distincta , ipsum agens producit suam formam , ac delet oppositam . Itaque idem realiter actus secundum diuersas considerationes , ac respectu diuersorum terminorū , subit rationem generationis atque corruptionis : quatenus enim acquisitio vnius formæ , est generatio ; quatenus ablatio alterius formæ , est corruptio . Designari tamen poterunt duæ mutationes , quædam à priuatione vnius formæ ad ipsam formam , & altera à forma ad priuationem eius : illa est generatio , altera est corruptio .

Iuxta hæc D. Thomas 1. 2. q. 113. art. 6. ad 2. explicauit , infusionem gratiæ & remissionem culpæ , sicut vniuersaliter generationem & corruptionem quoad substantiam esse vnum actum & differre ex parte obiectorum : penes quam differentiam Caiet. ibi aduertit esse duas mutationes . Et clariùs q. 28. de Verit. art. 1. & 6. idem docet , aduertēs , quòd dum vna forma abiicitur & alia acquiritur , ibi sit vnus realiter actus , vnusquè motus , quia motus est inter terminos positivos contrarios : sed sint duæ mutationes , vna acquisitiua , & altera deperditiva : quando verò non dantur duo termini positivi , sed vnus solus positivus , & alter priuatiuus , vt cum lumen producit vel corrumpitur , ibi vnica tantum sit mutatio .

Denique , si non inducitur noua forma contraria formæ priori , tunc *Vel corruptio*

cor-

est cessatio in fluxu quo res conservantur.

corruptio formæ prioris per nullam actionem positivam exercetur, sed solum per cessionem, & ablationem influxus conservativi, quæ non est aliud quàm negatio talis influxus, est negatio actionis quæ erat conservatio formæ: & hæc o, timè dei poterit corruptio. Sicut hoc solum pacto assignari potest annihilatio, quæ est destructio rei per se existentis independenter à subiecto: si videlicet Deus annihilaret Angelum aut materiam primam. Hæc inquam annihilatio aliud non esset quàm ablatio seu negatio conservationis per quam creatura incessanter dependet à Deo. Et ita notavit D. Thomas 1. par. q. 114. art. 2. ad 3. & Scot. in 4. d. 11. q. 4. in fine, & est communis sententia. Nam sicut esse rei ponitur per productionem & permanet per conservationem, ita tollitur per ablationem eiusdem actionis absque alia positiva actione. Itaque huiusmodi corruptio, nec formaliter, nec realiter, est vera actio positiva, sed est tantum negatio actionis: se habens tamen ad instar actionis, quatenus respicit suum terminum scilicet non esse rei: & sicut comparatur actio positiva productionis ad terminum quem ponit, ita comparabitur negatio dictæ actionis ad non esse rei quæ desinit velut ad terminum.

Quomodo possit idem actus esse corruptio ac generatio.

Sed contra priorem modum dictum corruptionis Obijciens primò. Diversissimi sunt termini generationis atque corruptionis; terminus enim generationis est esse formæ quæ producit, terminus corruptionis est non esse formæ quæ destruitur; esse autem & non esse differunt plusquam realiter, & plusquam quæcumque formæ reales inter se; ergo non potest eadem actio realiter esse generatio & corruptio simul: diversorum enim terminorum diversæ debent esse realiter actiones.

Respondetur. Diversorum terminorum qui sint capaces actionis propriæ ac positivæ, diversitas debere esse actiones: sed ad terminos quorum unus est positivus & alter negativus, & hic naturaliter consequitur ad illum, satis esse unicam actionem, nec posse addi aliam actionem distinctam. Itaque quoad hoc, maiorem connexionem habet unus terminus negativus cum alio positivo, quàm habeant duo termini positivi inter se.

Obijciens secundò. Generatio *Quomodo possit separari.* unius formæ & corruptio alterius possunt realiter separari: ergo non sunt realiter una actio. Assumptum patet: quia posset gigni forma in materia in qua nulla prior forma inveniretur; posset etiam per Dei potentiam generari forma verbi gratia ignis in ligno, remanente adhuc eadem forma ligni: & è converso posset auferri forma ligni absque introductione novæ formæ ignis: posset ergo exerceri generatio absque corruptione, & corruptio absque generatione: igitur quando simul & concomitanter ambæ exercentur, non sunt una & eadem actio.

Respondetur. Iam diximus, quando corrumpitur una forma sine generatione alterius, tunc nullam dari actionem positivam corruptionis, sed tantum cessionem conservationis: corruptio ergo per modum actionis nunquam est sine generatione alterius formæ. Si autem generetur una forma absque corruptione alterius, tunc etiam non desit vlla alia actio positiva quæ deberet esse corruptio. Sed si gignatur forma in materia non præhabente aliam formam; tunc solum desit denominatio quædam qua diceretur forma alia prius fuisse & tunc desinere, siquidem non præsupponitur vlla alia forma. Si autem gignatur una forma, & Deus conservet simul aliam priorem formam

nam in eadem materia, hoc faceret cōtinuando eundem influxum suum conseruatiuum illius formæ à quo naturaliter cessare debebat: quare solum deesset cessatio huius influxus. Vnde potest ac debet admitti, in omni corruptione, etiam quæ sit per actionem positiuam, interuenire hanc cessationem: sed tamen per modum actionis positivæ, illa ipsa actio quæ est productio vnius formæ, dicitur corruptio alterius.

Quomodo cessatio influxus dicatur corruptio.

Obijcies tertio contra alium modum corruptionis quem dicebamus absq; actione positiva. Si talis corruptio non est aliud quàm cessatio idest negatio influxus conseruatiui, hæc negatio semper deinceps ducat, dum illa res amplius non existit: ergo semper actu res illa diceretur corrumpi, quod idem esset atque carere suo esse quod antea habuerat: imò etiam res quæ nunquam fuit, diceretur semper actu corrumpi; quia semper actu datur talis negatio, neque vique semper est eadem. Nec sufficere videtur dicere, tunc solum dici rem corrumpi, quando primo non est. Tum quia ly primo importat tantum differentiam temporis: tempus autem non est de ratione intrinseca mutationis, sed ad summum est mēlura & passio motus. Tum quia quædam res corrumpuntur ac desinunt per vltimum esse, atque adeo pro ijs non inueniatur primum non esse. Igitur non bene potest illo modo corruptio designari.

Respondetur. Illam cessationem & negationem influxus conseruatiui, solum pro eo tunc denominari corruptionem, quando res quæ prius erat incipit non esse, desinit esse: licet enim semper deinceps sit eadē negatio influxus, tamen non dicitur corruptio, nisi pro eo tunc, dum scilicet res transit de esse ad non esse. Iuxta distinctionem autem duplicis

illius modi desinendi, si res desinat per primum non esse, in eo præcisè instanti dicitur corrumpi: quia, licet tempus non sit de intrinseca ratione mutationis sumptæ pro actione reali siue pro negatione actionis, bene potest esse de ratione quarundam denominationum; & ita per se facit ad illam denominationem corruptionis, imò & mutationis. Si autem res desinat per vltimum esse, tunc comparando tempus in quo res non est ad illud quo antea erat, dicitur res in tempore posteriori corrumpi: sed distinguendo in hoc tempore plures suas partes, semper dicitur corrumpi in parte priori ad differentiam partis posterioris. Et totius huius rei exemplum habetur in prima inceptione rei, quando res eadem actione producit ac deinceps conseruatur & huiusmodi actio non nisi ab initio denominatur productio. Atque de his omnibus satis egimus quæst. 30. sect. 2.

Obijcies quarto. Quædam res naturales sunt, quæ ex se post certum tempus deficere videntur, etiam si non dependant per actualem influxum in conseruari ab vlla causa naturali, atque adeo talium rerum corruptio non poterit assignari cessatio influxus conseruatiui. Huius autem naturæ esse censetur virtus motiua impressa lapidi sursum proiecto, & si quæ sit alia res similis. Igitur non sufficienter traditur modus ille corruptionis.

Respondetur. Omnē rem quamdiu actu est, actuali semper influxu conseruari à causa prima: hic ergo influxus cessat in casu allato: atque adeo cessatio huius influxus dici poterit corruptio illius effectus, dum nempe non adest alius, qui assignetur corruptionis actus. Quod si adhuc minus placeat, recurrere ad cessationem concursus causæ primæ: dice-

Quomodo quædam res per se desināt.

dicere oportebit, in delitione talis rei nō interuenire illum distinctum corruptionis actum veluti medium inter agens & effectum, sed interuenire tantum ipsum non esse rei quæ definit, succedens post eius esse; nec aliud quid cogitari poterit, cui pro tali re, corruptionis nomen attribuat.

SECTIO QUINTA.

Quæ sit causa à qua corpus substantialiter generatur atque corrumpitur.

Non oportet aliam causam generationis & corruptionis substantialis corporis, eiusque formæ inquirere, nisi effectiuam quæ est causa generans & corrumpens. Eadem autem erit causa corrumpens ac generans. Ita tamen, quod quando res corrumpitur modo dicto negatiuè per celsationem influxus cōseruatiui, eadem causa quæ prius genuerat ac postea cōseruabat, erit causa corrumpens; & per concomitantiam omnis alia quæ tollit causam cōseruantem vel facit, ut cōseruare desistat. Quando autem res corrumpitur positiuè per actionem productiuam formæ contrariæ; tunc per talem modum eadem illa causa quæ generat vnā formam, planè est quæ destruit priorem cum alia noua impossibilem. Itaque pro hac tota re satis erit simpliciter causam generantem inquirere.

*Prima
sententia.*

Prima sententia sit quæ affirmat, solum Deum esse causam adæquatā & immediatam, à qua omne substantiale corpus, & omnis substantialis forma producat, & ad summum accidentia sola à causis creatis posse produci. Ita proponit Patulus Arelus lib. 1. de Generat. q. 20. sect. 4. concl. 5. dicens, id non esse

improbabile nec sine fundamento, & minoribus patere difficultatibus: atque rationibus suadere conatur: licet ausus non sit sic absolutè docere. Idemquæ tribuit Platoni qui dixit formas substantiales fieri ab Idæis separatis. Sed Plato longè alia via res omnes faciebat dependentes ab idæis, nec negauit influxum aliarum causarum. Tribuit quoque Auicennæ & alijs, qui tamen potius ad quandam aliam Intelligentiā productionem formarum reducebant.

Secunda ergo sententia affirmat, *Secunda sententia.* formas substantiales non produci à causis corporeis & sensibilibus, sed à quadam Intelligentia separata, quam propterea datricem formarum appellarunt. Ita opinatus est Auicenna lib. 1. Suffic. cap. 5. et lib. 4. Metaph. cap. 4. Adhæret Soncinas 7. Met. q. 29. dicens, id posse defendi. Idem voluisse videtur Themist. 1. de Anima cap. 24. & lib. 3. cap. 2. dicens, formas substantiales produci ab anima mundi, quam aliqui Veteres Philosophi posuerunt: & Philopon. 1. Phys. in fine, dicens produci à quadam vniuersali natura.

Tertia sententia asserit, formas substantiales non produci à causis corporeis inferioribus corruptibilibus, sed à solis corporibus celestibus adæquatè & immediatè. Ita cum Fernelio sentit Georgius Ragulius disp. 16. Peripatetica cap. 16. & 17. Idemquæ putasse videntur veteres Philosophi, qui ab initio primum rerum ac specialiter animantium ortum causis celestibus tribuerunt: de quibus Arist. sect. 10. Probl. quæst. 16. *Qui de natura docent, primum animantium ortum, mutatione dimotione quæ mundi vniuersi quæ orbis ingente, differunt existisse.*

Quarta sententia ex aduerso sit quæ asserit, formas substantiales effici per se ab accidentibus horum

*Quarta
sententia.*

inferiorum corporum, effici scilicet ab illis non solum per modum instrumenti, sed adquatè & sufficienter per modum causæ propriæ ac principalis. Ita refert Soncin: 7. Metaph. cap. 7. ac ita sentit & defendit Pererius lib. 8. cap. 13.

*Quinta
senten-
tia.*

Quinta sententia est, quæ prorsus negat, accidentia, etiam per modum instrumenti, attingere productionem substantiæ; & vult, omnem formam substantialem immediatè ab alia substantia debere produci: ac de facto verè produci à substantijs creatis, corporeis, inferioribus, quando adsunt; verbi gratia ab igne ignè, & sic de alijs. Ita sentit Scotus in 1. dist. 37. & in 4. d. 12. q. 3. item Durand. in 2. d. 1. q. 13. Ocham in 2. q. 23. Et approbat Hurtad. disp. 9. Phyticæ lect. 5.

*Sexta
senten-
tia.*

Sexta tandem & magis communis sententia est, quæ asserit, corpus substantiale cuiusque formam verè fieri ab alijs corporibus, non solum caelestibus, sed etiam inferioribus: & tanquam à causa principali fieri ab alia substantia, sed per modum instrumenti immediatè & proximè produci ab accidentibus ipsi substantiæ inserviientibus. Ita docet D. Thom. 1. par. q. 45. art. 5. alijque locis, & cum illo Thomistæ, Caiet. cod. loco 1. par. Capreol. in 4. dist. 12. quæst. 2. Ferr. 4. cont. Gent. cap. 66. Item Albert. in 2. d. 12. Riccard. Argent. Maior. Hispalent. & alij in 4. d. 12. Aegid. lib. 2. Examer. cap. 11. & in Theorem. propos. 43. Zimar. in Theorem. propos. 122. Fons. 5. Metaph. cap. 2. quæst. 6. Suarez disp. 18. Metaph. lect. 2. Conimbr. 2. Phys. cap. 7. quæst. 18. Ruuius 2. Phys. tract. 4. quæst. 4. Toletus lib. 2. de Anima cap. 3. Albertinus Principio 2. Philosophico, & alij frequenter. Suarez autem addit, præter influxum immediatum accidentium, substantiam quoque ipsam proximè & im-

mediatè influere simul in substantialem effectum.

Dico primò. Productio corporum & formarum substantialium non debet referri ad solum Deum, nec ad aliam Intelligentiam abstractam, nec ad sola corpora caelestia, sed verè ac realiter conuenit etiam naturaliter corporibus his inferioribus. *Non solum Deus est huiusmodi causa.*

Probatum primò, non debere ad solum Deum reduci productionem substantialium effectuum, ex ijs quæ iam diximus circa causam effectivam q. 14. lect. 2. vbi ex Scriptura, experientia, & ratione, pro certo ostendimus, etiam res creatas habere virtutem operandi, & effectus sibi connaturales producendi: & ea quæ adduximus, procedunt non solum de effectibus accidentalibus, sed etiam substantialibus: ita hæc res pro certa habenda est. Et præsertim, dum rebus creatis conceditur virtus producendi, omnino non debet ad solos accidentales restringi effectus, sed tam experientia quam rationes pariter pro effectibus substantialibus ac pro accidentalibus consonant: neque in hac re vlla dubitatio debet admitti. Et sicut D. Thomas fatuam appellauit illam sententiam, quæ omnem agendi vim rebus creatis denegabat, & alij censabant temerariam aut etiam erroneam: ita etiam credo pronunciant de sententia negante virtutem producendi substantiales effectus: & præterea, hæc erit magis inconstans, sibi quæ ipsi repugnans, concedens accidentales, ac negans substantiales effectus.

Secundò. Intelligentia illa datrix formarum, siue anima mundi, aut quouis alio nomine nuncupetur, est merum figmentum, sine fundamento, sine utilitate. Sed ad operationes quæ illi tribuuntur, sufficiunt aliquæ causas nobis notæ, & vbi hæc deficient,

*Non est
Intelli-
gentia
aliqua
separa-
ta.*

eiunt, non est alia causa superior cogitanda præter Deum causam primam. Et alio jui, alia Intelligentia non esset apta & idonea ad tales operationes quæ in corporibus exercantur: & Intelligentiæ quæ extant, à Deoque creatæ sunt, non habent virtutem per se producendi tot effectus, & præsertim effectus substantiales qui in hoc mundo passim de nouo producantur.

Non est solum celum. Tertiò. Inter ipsa corpora: non solum cælestia, sed etiam hæc inferiora, sicut passim ex sua virtute proferunt varios accidentales effectus, ita etiam sine dubio possunt ac debent quoque substantiales sibi proportionatos: ignis ipse verè generat ignem: viuum animal gignit aliud tibi simile. Quamuis ergo quædam corpora in his inferioribus absolute cælorum virtute gignantur, & non ab alijs corporibus inferioribus, vt metalla in visceribus terræ, & illa animalia quæ gignuntur ex putri materia, & alia similia: & quâuis etiam possint à causis cælestibus gigni quædam eiusdem rationis ac speciei in qua possunt ab alijs inferioribus causis, vt calore Solis gignitur ignis: tamen non propterea omnes substantiales effectus possunt ac debent solis cælestibus causis ascribi. Quamuis etiam corpora cælestia aliquo modo concurrant disponendo materiam ad omnem varietatem ac speciem formarum substantialium, non propterea se solis efficiunt omnes substantiales formas, sed adhuc hæc effici possunt ac debent à suis causis proportionatis inter hæc inferiora corpora: & ad summum ambæ causæ simul concurrunt, iuxta illud, Sol & homo generant hominem. Imò necesse non est, vt in tali concursu causæ cælestes æquè directè & principaliter efficiant ipsos substantiales effectus: sed satis erit si solum indirectè ac

dispositiue concurrant præparando materiam, & non simul per se ac directè efficiunt ipsam substantialem formam.

Dico secundo. Accidentia non *Nō sunt* sunt causa principalis à qua produ- *acciden-* catur substantialis effectus, sed non *ria cau-* nisi vera substantia potest esse cau- *sa prin-* sa principalis alterius. Hæc assertio *cipalis.* est communis & certa. Probatur primò ex Arist. qui passim pro comperto supponit, non accidens, sed substantiam, esse causam principalem alterius substantiæ. Et specialiter lib. 2. de Generat. tex. 53. & 54. reprehendit quosdam, *Quoniam de-* relinquant principalem causam, *anferunt enim quod quid est esse &* *formam.* *Amplius autem & potentias* attribuant corporibus, propter *quas & generant valde instrumen-* *taliter, auferentes eam qua secun-* *dum formam causam.* Et rursus tex. 55. sequenti, *Amplius verò si-* *mile faciunt, vt si quis ferræ & uni-* *cuique instrumentorum attribuas cau-* *sam eorum qua generantur.* *Necesse* *est enim ferrante diuidi, & poliente* *lauigari, & in alijs similiter.* Planè ergo Arist. necessarium reputauit, formam substantialem pro causa principali aliorum substantialium effectuum recognoscere. Idemquè planè est communis omnium sensus. Nec audiendus est Pererius, qui solum denominatione quadam vult talem operationem attribui substantiæ, eo quòd illi accidentia insunt. Id enim prorsus est contra verum sentiendi ac loquendi modum.

Secundò manifesta ratione probatur. Id quod essentialiter ignobilius & imperfectius est, non potest esse causa principalis effectiua effectus nobilioris atque perfectioris: quod sanè per se notum apparet: & ita statuimus circa causam effectiuam quæst. 14. sect. 2. & hac ratione præsertim solemus ex effecti-

etibus cognoscere perfectionem causae, ac specialiter ipsius causae primae in plurimis attributis: & in omni materia hoc habetur pro principio philosophico indubitabili. Ergo tanto magis, comparando inter se substantias corporeas earumque accidentia, cum haec sint longe interiora & ignobiliora, nullatenus possunt esse nec dici causa principalis productiva substantiae.

Vanaque prorsus sunt quae respondet Perer. Quamvis accidens sit imperfectius in ratione entis, tamen habere proportionem in ratione productivi. Et, quamvis effectus intrinsecus & immediatus non possit excedere perfectionem causae cuiusmodi est calor respectu caloris: tamen effectum extrinsecum & mediatum posse excedere, ac huiusmodi esse formam ignis respectu caloris. Nam certe, hoc est principium per se notum; illud quod est imperfectius in ratione entis, non habere proportionem in ratione causae productivae principalis respectu effectus nobilioris. Item, id quod imperfectius est, nullo modo, siue mediate siue immediate, siue extrinsecè siue intrinsecè, potest tanquam causa principalis efficere effectum nobiliorem se. Et nihil refert quod calor producat calorem ut effectum sibi proportionatum, ad hoc ut principaliter quoque valeat producere ignem. Imò ignis debet per se peculiariter sua actione produci, per quam ita immediate & intrinsecè, sicut ipse calor, à calore agente penderet.

Substantia est causa principalis, ac causa instrumentalis.

Dico tertio. Non est sola substantia quae immediate & proximè producat alium substantialem effectum, sed verè accidentia tanquam instrumentum substantiae attingunt productionem substantialis effectus; atque ita substantia est causa principalis, accidentia sunt causa instrumentalis. Hæc assertio est

omnium Auctorum sextæ sententiæ. Et primò sumitur ex Arist. qui lib. 2. de Anima tex. 10., 7. Metaph. tex. 31. & lib. de Sensu & sensib. cap. 4., & alibi, semini attribuit vim gignendi substantiam viventem, utique per facultatem accidentalem; & sic etiam alijs accidentibus proportionatis vim attingendi productionem alterius substantiæ.

Secundò suadetur ratione a priori: quia accidentia sunt per se subordinata formæ substantiali, & naturaliter sunt activa cum constet producere alia accidentia: bene etiam potest causa principalis operari medio instrumento, & bene potest instrumentum assumi ad producendum effectum perfectiorem ac nobiliorem se: ergo optime sic fieri potuit, ut substantia quidem sit causa principalis, accidentia sint causa instrumentalis, in generatione cuiuscunque alterius substantiæ.

Tertio. Ratione & experientia demonstratur, ita necessariū fuisse, & ita re vera esse dicendum: quia plerumque non adest pretens, imò nec simpliciter extat in rerum natura, illa substantia quæ est causa principalis alterius: ergo necesse est, aliam substantiam gigni mediantibus accidentibus tanquam instrumento proportionato. Assumptum est notissimum. Calor existens in ferro candenti incendit sulphur, etiam si in eo ferro non sit substantialiter ignis, cum adhuc permaneat forma ferri. Sed quia potest esse ut saltem intra poros ferri lateat ignis: certius exemplum est, per calorem ex radijs solaribus ex speculo concavo reflexis, vel per globum vitreum aqua plenam transeuntibus, gignitur ignis: per motum localem ex percussione silicis & chalcidis gignitur ignis. Item per accidentia immixta a calis gignuntur metalla in visceribus terræ, & illa

illa anima alia quæ sunt ex puri. Insuper, docent Theologi, quod si infundatur gutta aquæ vino consecrato, ab accidentibus vini conuerteretur aqua in vinum. Sed manifestissimum præ omnibus exemplum est: semen à planta & ab animali decedens, per suam formativam virtutem producit aliam plantam, aliud animal, etiam prorsus extincto illo è quo semen decedens est: igitur vivens quod gignitur, omnino immediate provenit per accidentia, tanquam per instrumentum, & non immediate efficitur ab illo vivente, quod tamen est & dicitur causa principalis eius.

Non potest ad solam substantiam hæc casualitas immediate reduci.

Ad hæc respondere conatus est Scotus, ut productionem substantialis effectus soli substantiali causæ immediate tribueret. Ait, posse effectum immediate produci a causa, licet distanti, & non operante per medium. Ait, deficiente causa proportionata inter hæc interiora corpora, effectum produci potius a celestibus causis per suam substantiam operantibus. Ait tandem, quia animalia nec ab ipsis cælis possunt principaliter gigni, talem operationem exerceri immediate a Deo supplete influxum naturalium causarum.

Sed tamen hæc omnia non sufficiunt. Tum quia vel nulla causa potest agere immediate in distans, ut plurimi volunt; vel talem causæ hæc inferiores, & quoad certos effectus causæ quoque cælestes, non possunt agere immediate in distans, iuxta nostram sententiam ex dictis iam quæst. 14. Tum specialiter, animal à quo decedens est semen, etiam si adhuc vivat & in suo loco existat, non utique amplius immediate operatur ut filium gignat, sed tota operatio fit mediante semine: nec utique in illo instanti quo debet anima induci, pater ipse per se immediate animam vel unionem produ-

cit. Tum deinde non debet talis operatio ad aliam superiorem causam reduci: quia sic ipse pater non esset verè pater, non esset verè genitor sui filij, sed potius alia superior causa, loco ipsius produceret eius filium: putandum ergo verè est, filium gigni per virtutem seminis tanquam instrumenti patris, & sic tanquam a causa principali gigni ab ipso patre. Tum quia, alioqui talis dicendi modus, magna ex parte recedit in illam sententiam quæ dicebat causas inferiores producere solum accidentia, & ab alia quapiam causa superiori debere expectari substantialem effectum. Tum demum, laudabile non est, in operationibus tam ordinarijs & consuetis recurrere ad causam superiorem ut suppleat defectum inferioris, quâvis hoc permittendum sit in aliquo extraordinario casu, aut ubi evidens necessitas urgeat. Sed naturalis ipse rerum ordo poscit, ut ipsis causis interioribus non detur modus & virtus operandi suos proportionatos effectus. Et multò convenientius erit dicere, verè substantiales effectus produci medianibus accidentalibus instrumentis: concurrente tamen semper causa prima & universali, à qua omnes alie causæ tam in operando quàm in essendo dependent.

Dico quartò. Non requiritur nec debet admitti alius concursus immediatus causæ substantialis erga substantialem effectum præter illum qui per accidentia adhibetur. Hæc assertio videtur communiter de mente eorum qui volunt substantiam gigni per accidentalia instrumenta, qui utique hoc dixerunt eo quod ipsa substantia non aliter immediate concurrat: & immerito Suarez alium immediatum concursum addere cogitavit.

Et probatur manifestè. Primò quia

Subst. non concur. ut im. mediatè simul cū accid. tibus.

quia si causa substantialis per se immediate agit & producit substantialem effectum, iam optime erit ipsa sufficiens absque alio actiuo accidentium concursu erga substantiam quæ producitur: & est per se determinata ad talem effectum, & non indifferens ut ait Suarez. num. 25. sicut ergo forma accidentalis per se adequatè producit aliam similem accidentalem, verbi gratia calor calorem; ita per se forma substantialis produceret aliam, ignis ignem.

Secundò. Tota certè necessitas quæ coegit talem actionem tribuere accidentalibus instrumentis, fuit quia solent produci substantiales effectus absque assistentia imò absque existentia causæ substantialis principalis, atque adeò non per influxum immediatum eius. Velle ergo simul tribuere influxum immediatum ipsi substantiæ, est planè totum fundamentum destruere, & inutilem ac fictitium reddere accidentium concursum: est subire omnes easdem difficultates cum Scoto, & præterea alias quæ contra ipsum concursum accidentium afferuntur. Atque dum Suarez in defectu causarum inferiorum recurrit ad causas caelestes, vel ad causam primā: perinde poterat id facere negando penitus accidentium concursum actiuum. Imò cum ipse velit, nullam causam naturalem, nec etiam caelestes, posse vnquam agere immediate in distans, relinquere debebit causas caelestes, ac semper recurrere ad solam causam primam.

Tertiò præterea. In humanis rebus constat, artificem qui operatur medijs instrumentis, non aliū concursum immediatum ad eandem operationem adhibere, v. g. in secando per ferram, in scindendo per securim, & sic in alijs: ergo idem putandum est in causis naturalibus.

Quartò demum. In causis natu-

ralibus, quando vires simul ad eandem operationem immediate concurrunt, dicuntur potius causæ quædam partiales, & non vna instrumentum alterius. Modus ergo coniungendi causam principalem & instrumentalem, non est ut vtræque per se immediate influat, sed potius ut causa principalis non agat nisi mediante instrumentali. Neque coherentè Suarez ait, ideo accidens esse instrumentum, quia non agit nisi tanquam virtus seu in virtute forme. Nam sic rem saluare poterat absque alio concursu immediato eiusdem formæ: siquidem per hanc subordinationem, in ipsomet concursu accidentis, accidens se habet ut instrumentum, & forma ut causa principalis: non ergo erat addendus alius concursus immediatus formæ. Hæc omnia demum ex obiectionum solutione clariùs innotescunt.

Obijcies primò ex Aresio. Non minus dicitur homo generare hominem quæ equus equum, ignis ignem: *Quare* *solus* *Deus* sed homo non gignit animam, sed *efficiat* tantum eam materiæ unit: ergo idē *animam* sufficeret de alijs agentibus affirmare. *rationali-* Confirmat: quia neque substantia *lem, non* *autem* *alias* nobilissimæ spirituales possunt *alias* *formas.* alias similes sibi producere: ergo non mirum, si id substantijs corporalibus *formas.* reis denegetur. Neque refert, inquit, quòd anima rationalis & intelligentiæ debent creati, aliæ verò formæ de potentia materiæ educuntur: quia in rigore non est in hoc magna differentia, & materia minimum sublidium præstat agentis: cum formæ non dicantur de illa educi, quasi priùs in illa actu laterent, sed verè secundum totam suam entitatē de nouo fiunt, fiunt autem in materia: vnde si possent per se existerē, adhuc non maior virtus requireretur ad earum productionem. Addit denique, iuxta hunc modum vitari posse aliarum sententiarum incommoda,

moda, quòd vel accidens dicatur producere substantiam vel substantia agere in distans.

Respondetur. Homo dicitur generare hominē, quia producit unionem animæ cum corpore, quæ unio substantialis est, & est formalis compositio hominis: ergo si idem faciant alia agentia, iam omnia producant substantialem effectum. Nō ergo vitantur aliarum sententiarum incommoda: quia vel dici debet accidens attingere productionem substantiæ, vel substantia agere in distans, & si quæ sunt alia. Deinde, si agentia naturalia producant unionem formæ cum materia, perinde illis facile ac debitum erit, producere ipsas formas, sicut supponuntur efficere non solum unionem accidentium cum subiecto, sed ipsa quoque accidentia. Animam autem rationalem ideo nō ipse homo efficit, nec una Intelligentia alia: quia nulla creatura potest creare. Et maxima omnino differentia est inter creationem & generationem, quamvis forma quæ gignitur verè de nouo fiat, sed differentia est in modo quo fit dependenter à subiecto. Vnde si tales formæ possent per se existere, tunc non possent fieri ab agentibus naturalibus, & longè maiorem virtutem exigent, nempe infinitam Dei creatoris.

Obijcies secundò ex Raguseo. Arist. 1. Meteorol. cap. 1. docet, omnem virtutem interioris mudi à celestibus rationibus gubernari: ergo omnes formæ substantiales corporum interiorum gignuntur à cælis. Rursus, constat, animalia viliora quæ fiunt ex putri gigni à cælis: ergo multò magis animalia nobiliora, quæ fiunt per propagationem, & per consequens omnia alia corpora. Demum omne corpus constat ex duplici parte, nempe materia & forma; totumquæ uniuersum con-

stat ex duplici ordine, nempe cælis & elementis: sed ex elementis habetur materia aliorum corporum: ergo forma habetur à cælis.

Respondetur. Arist. tantum voluisse, cælos in suo ordine concurrere atque iuuare ad operationes corporum inferiorum, non autem per se exercere omnem substantialem generationem: alioqui id pariter dixisset de omni accidentali operatione. Benè autem interdum quædam corpora fiunt à cælis, sed non propterea debent fieri omnia. Siquè gignuntur principaliter virtute cælorum animalia viliora, non idem sequitur de nobilioribus: sicut utique constat, non requiri progenitores ad efformanda corpora animalium viliorum quæ gignuntur ex putri, sed requiri in generatione animalium perfectiorum. Demum materia habetur ex elementis, quia est eadem communis materia omnium corporum, non autem quasi effectiue producat ab illis: nec vllatenus sequitur formas à solis cælis debere produci.

Obijcies tertio ex Scoto & alijs. *Quare* Vel ideo forma substantialis non per se immediatè producit aliam, *non substantia* quia hæc esset nimia perfectio eius, *immediatè ef-* vel quia esset aliqua imperfectio. *ficat* Non primum: quia sic immediatè agere tribuimus accidenti. Neque *aliam* secundum: quia id tribuimus Deo. *substantiam.* Ergo concedi debet formæ substantiali, posse per se immediatè producere aliam.

Respondetur. Cum Caiet. 1. par. q. 54. art. 3. ad 1. Scoti. Agere immediatè principaliter & producere aliam substantiam, esse summam perfectionem: & hæc tribuitur Deo. Agere immediatè instrumentaliter dicere imperfectionem: & hanc tribuimus accidenti. Agere autem principaliter mediatè, esse quid medium, & participare de perfectione

*Quare
cæli non
efficiunt
omnes
substan-
tiales
formas.*

etiam absque vlla tali deputatione, accidentia secundum suam virtutem deberent agere. Dicendum ergo potius erit, vel in eo casu accidentia agere ut instrumentum Dei, siquidem ab ipso solo Deo, & non ab alia causa creata, inducta essent. Vel agere ut instrumentum substantiæ potentis gignere illum substantialem effectum in communi sumptæ, nullam singularem determinando: siquidem ex natura rei illa accidentia sunt per se proportionata alicui substantiæ in communi, cui naturaliter conveniat ille substantialis effectus. Et, licet prorsus repugnet, vllam causam nisi singularem immediatè operari & actionem exercere: tamen nulla apparet repugnantia in hoc ut per modum causæ principalis & immediatæ, denominetur causa communiter sumpta operari mediante instrumento singulari.

Ad secundam instanciam dici posset: quia nunquam ab vna causa disparata potest produci tota dispositio proportionata ad alienum effectum, sed ad summum aliqua pars & sic tota dispositio consurgeret ex pluribus causis; consequenter plures hæ causæ per modum cuiusdam collectionis dicantur producere illum effectum alioqui à singulis alienum. Et ita in illo casu calor esset ab igne, humiditas a priori forma aquæ, & hæ combinatio caloris & humiditatis esset completa dispositio aeris: sicquæ ignis & aqua simul diceretur causa adæquata principalis illius aeris ex aqua geniti. Verum, adhuc nõ rectè hoc modo assignari videtur causa effectus alioqui disparati, & in suo genere oppositi, sicut sunt elementa inter se. Ac præteritum, sicut in eo casu coniungebatur ignis & aqua per modum vnius causæ, alius casus esset quo verbi gratia terra & aer per siccitatem &

calorem gignerent ignem: & sic ignis & aer vicissim essent sibi causæ principales: quod nõ videtur admitendum, quamvis singulæ coniungerentur cum alia concausa: & eo magis quia ignis supponitur essentialiter perfectior aere. Aliter ergo dici poterit dispositio illa totalis per quam gignitur talis aer, esse instrumentum aeris communiter sumpti, quia reuera est virtus & dispositio naturalis eius: & cum non exierit ab vlllo singulari aere, referetur absolutè ad aerem: & sic pariter in omni alio simili casu.

Aut ad utrunque casum dici potest, nunquam sufficere solas huiusmodi notas qualitates elementares ad gignendam substantialem formam, sed præcipuè requiri peculiarem aliam virtutem effectivam formæ substantialis, & hanc esse verum & proprium instrumentum: causamquæ principalem esse illam à qua talis virtus immittitur, eius enim causæ erit instrumentum. Immitteri autem talem virtutem à celo, quando desit causa naturalis proportionata, & tunc celum esse causam principalem: aut immitti a Deo, si Deus ipse per se velit tali modo operari. Et semper dicetur talis virtus adesse quando perficitur materialis dispositio in subiecto proportionata ad certam formam: & vel deinceps etiam permanere durante forma, vel statim peracta generatione desinere.

Obijcies octavò ex Suarez. Si *Quo pã*
forma instrumentaria per se sola *do sub-*
agit, & quasi destituta influxu prin- *stantia*
cipalis agentis, sic potius ageret *cum ac-*
virtute propria, & ut per se causa *cidenti*
principalis: atque, si forma princi- *ut causa*
palis nõ adhibet per se alium influ- *princi-*
xum, in rigore non erit causa illius *palis cõ*
substantialis effectus, quia nihil per *instru-*
se ad illum contert, sed ita se habet *mento*
ac si prorsus non esset. Nec sufficit *sugatur.*
quodd

quodd accidens factum sit, ac totum suum esse habuerit ab illa substantia cuius dicitur instrumentum: nam pariter ab vno igne fit alius, & postea hic secundus, non autem ille primus, est causa principalis alterius tertij ignis; & sic etiam calor respectu caloris.

Respondetur. Hoc argumentum potius probaret, agens debere influere in ipsum instrumentum, vt mediante illo agat: quia immediate influendo in eundem effectum, potius assumeret conditionem causae partialis. Item, quando Suarez vult, influxum principalis agentis suppleri ab alia superiori causa; argumentum probaret, accidens agere vt instrumentum eiusdem superioris causae, nō autem illius agentis quod non adest & non influat: quod tamen est contra eius intentum, & contra veritatem. Dicendum ergo est, formam instrumentariā, absque alio influxu principalis agentis, per se operari tanquam virtutem & instrumentum eius, & ideo non vt causam principalem: formam verō substantialem absque alio influxu esse verē & in rigore causam, quia eius virtus & instrumentum agit. Non eo solum, quia accidens dependet & habet suum esse ab ipsa forma, sed quia ex natura sua se habet vt virtus eius, & producit effectum proportionatum ac debitū illi formae. Vnde manifestē differt ab illis exemplis ignis & caloris: quia vnus ignis non se habet vt virtus alterius, sed producit effectum proportionatum ac debitum sibi: & sic

etiam calor respectu caloris, & in omnibus alijs similibus.

SECTIO SEXTA.

Vtrum Generationem & corruptionem substantialem corporum, omnium pariter accidentium transmutatio committitur, ita vt detur resolutio vsque ad materiā primā.

HAec est tanquam passio, & affectio consequens transmutationem substantialem, quae in hac re celebris est; & modō post causas examinanda sequitur. Et controuersia est num in generatione vnus corporis & corruptione alterius, dum verbi gratia ex aere fit ignis, omnia prorsus accidentia priora simul cum suo corpore pereant, & omnia alia quae in alio corpore nouiter genito permanebunt, sint pariter de nouo genita: & ita detur resolutio vsque ad materiam primam, id est omnia prorsus alia transmutentur, & sola remaneat materia eadem in genito & corrupto.

Affirmant Thomistae communiter, sequi putantes D. Thomam 1. par q. 76. art. 6. & quaest. d. disputata de Anima art. 9. Et quia alia sunt loca S. D. in contrarium, Capreol. in 2. d. 13. q. vnica art. 3. & Caiet. de Ente & essent. q. 16. volunt, D. Thomam prius oppositum docuisse, & postea mutasse sententiam. Sic autem opinati sunt Thomistae, supponentes, accidentia subiectari in toto cōposito, & tam in forma quā in materia, vt adduximus quaest. 27. sect. 7. vbi de accidentium subiecto tractauimus. Vnde cōpositum & forma, dum corrumpitur debeat necessariō in eundem interitum trahere accidentia, aliaquē forma debeat secum de nouo asferre suorum accidentium comitatum: quia nimis

Sententia affirmans.

inferiorum corporum, effici scilicet ab illis non solum per modum instrumenti, sed adequatè & sufficienter per modum causæ propriæ ac principalis. Ita refert Soncin: 7. Metaph. cap. 7. ac ita sentit & defendit Pererius lib. 8. cap. 13.

*Quinta
senten-
tia.*

Quinta sententia est, quæ prorsus negat, accidentia, etiam per modum instrumenti, attingere productionem substantiæ; & vult, omnem formam substantialem immediatè ab alia substantia debere produci: ac de facto verè produci à substantijs creatis, corporeis, inferioribus, quando adsunt; verbi gratia ab igne ignè, & sic de alijs. Ita sentit Scotus in 1. dist. 37. & in 4. d. 12. q. 3. item Durand. in 2. d. 1. q. 13. Ocham in 2. q. 23. Et approbat Hurtad. disp. 9. Physicæ lect. 5.

*Sexta
senten-
tia.*

Sexta tandem & magis communis sententia est, quæ allerit, corpus substantiale eiusquè formam verè fieri ab alijs corporibus, non solum caelestibus, sed etiam inferioribus: & tanquam à causa principali fieri ab alia substantia, sed per modum instrumenti immediatè & proximè produci ab accidentibus ipsi substantiæ inferuentibus. Ita docet D. Thom. 1. par. q. 45. art. 5. alijsquè locis, & cum illo Thomistæ, Caiet. eod. loco 1. par. Capreol. in 4. dist. 12. quæst. 2. Ferr. 4. cont. Gent. cap. 66. Item Albert. in 2. d. 12. Riccard. Argent. Maior. Hispalens. & alij in 4. d. 12. Aegid. lib. 2. Examer. cap. 11. & in Theorem. propos. 43. Zimar. in Theorem. propos. 122. Fons. 5. Metaph. cap. 2. quæst. 6. Suarez disp. 18. Metaph. lect. 2. Conimbr. 2. Phys. cap. 7. quæst. 18. Ruuius 2. Phys. tract. 4. quæst. 4. Toletus lib. 2. de Anima cap. 3. Albertinus Principio 2. Philosphico, & alij trequenter. Suarez autem addit, præter influxum immediatum accidentium, substantiam quoque ipsam proximè & im-

mediatè influere simul in substantialem effectum.

Dico primò. Productio corporum & formarum substantialium non debet referri ad solum Deum, nec ad aliam Intelligentiam abstractam, nec ad sola corpora caelestia, sed verè ac realiter conuenit etiam naturaliter corporibus his inferioribus. *Non solum Deus est huiusmodi causa.*

Probatum primò, non debere ad solum Deum reduci productionem substantialium effectuum, ex ijs quæ iam diximus circa causam effectivam q. 14. lect. 2. vbi ex Scriptura, experientia, & ratione, pro certo ostendimus, etiam res creatas habere virtutem operandi, & effectus sibi connaturales producendi: & ea quæ adduximus, procedunt non solum de effectibus accidentalibus, sed etiam substantialibus: ita quæ hæc res pro certa habenda est. Et præsertim, dum rebus creatis conceditur virtus producendi, omnino non debet ad solos accidentales restringi effectus, sed tam experientia quàm rationes pariter pro effectibus substantialibus ac pro accidentalibus consonant: neque in hac re vlla dubitatio debet admitti. Et sicut D. Thomas tatuam appellauit illā sententiam, quæ omnem agendi vim rebus creatis denegabat, & alij censabant temerariam aut etiam erroneam: ita etiam credo pronunciant de sententia negante virtutem producendi substantiales effectus: & præterea, hæc erit magis inconstans, sibi què ipsi repugnans, concedens accidentales, ac negans substantiales effectus.

Secundò. Intelligentia illa datrix formarum, siue anima mundi, aut quouis alio nomine nuncupetur, est merum figmentum, sine fundamento, sine utilitate. Sed ad operationes quæ illi tribuuntur, sufficiunt aliquæ causæ nobis notæ, & vbi hæc deficiunt,

*Non est
Intelligentia
aliqua
separata.*

ciunt, non est alia causa superior cogitanda præter Deum causam primam. Et alio qui, alia Intelligentia non esset apta & idonea ad tales operationes quæ in corporibus exercentur: & Intelligentiæ quæ extant, à Deoque creatæ sunt, non habent virtutem per se producendi tot effectus, & præsertim effectus substantiales qui in hoc mundo passim de nouo producantur.

Non est solum calum. Tertiò. Inter ipsa corpora: non solum cælestia, sed etiam hæc inferiora, sicut passim ex sua virtute proferunt varios accidentales effectus, ita etiam sine dubio possunt ac debent quoque substantiales sibi proportionatos: ignis ipse verè generat ignem: vnum animal gignit aliud sibi simile. Quamuis ergo quedam corpora in his inferioribus absolute calorum virtute gignantur, & non ab alijs corporibus inferioribus, vt metalla in visceribus terræ, & illa animalia quæ gignuntur ex putri materia, & alia similia: & quâuis etiam possint à causis cælestibus gigni quædam eiusdem rationis ac speciei in qua possunt ab alijs inferioribus causis, vt calore Solis gignitur ignis: tamen non propterea omnes substantiales effectus possunt ac debent solis cælestibus causis adscribi. Quamuis etiam corpora cælestia aliquo modo concurrant disponendo materiam ad omnem varietatem ac speciem formarum substantialium, non propterea se solis efficiunt omnes substantiales formas, sed adhuc hæc effici possunt ac debent à suis causis proportionatis inter hæc interiora corpora: & ad summum ambæ causæ simul concurrunt, iuxta illud, Sol & homo generant hominem. Imò necesse non est, vt in tali concursu causæ cælestes æquè directè & principaliter efficiant ipsos substantiales effectus: sed satis erit si solum indirectè ac

dispositiue concurrant præparando materiam, & non simul per se ac directè efficiunt ipsam substantialem formam.

Dico secundo. Accidentia non *Nō sunt* sunt causa principalis à qua produ- *acciden-* catur substantialis effectus, sed non *ria cau-* nisi vera substantia potest esse cau- *sa prin-* sa principalis alterius. Hæc assertio *cipalis.* est communis & certa. Probatur primò ex Arist. qui passim pro comperto supponit, non accidens, sed substantiam, esse causam principalem alterius substantiæ. Et specialiter lib. 2. de Generat. tex. 53. & 54. reprehendit quosdam, *Quoniam derelinquunt principalem causam, auferunt enim quod quid est esse & formam. Amplius autem & potentias attribuunt corporibus, propter quas & generant valde instrumentaliter, auferentes eam que secundum formam causam.* Et rursus tex. 55. sequenti, *Amplius verò simile faciunt, vt si quis ferra & unicuique instrumentorum attribuat causam eorum qua generantur. Necessè est enim ferrante diuidi, & poliente lauigari, & in alijs similiter.* Planè ergo Arist. necessarium reputauit, formam substantialem pro causa principali aliorum substantialium effectuum recognoscere. Idemquè planè est communis omnium sensus. Nec audiendus est Pererius, qui solum denominatione quadam vult talem operationem attribui substantiæ, eo quòd illi accidentia insunt. Id enim prorsus est contra verum sentiendi ac loquendi modum.

Secundò manifesta ratione probatur. Id quod essentialiter ignobilius & imperfectius est, non potest esse causa principalis effectiua effectus nobilioris atque perfectioris: quod sanè per se notum apparet: & ita statuimus circa causam effectiuam quæ st. 14. sect. 2. & hac ratione præterum solemus ex effecti-

Actibus cognoscere perfectionem. causæ, ac specialiter ipsius causæ primæ in plurimis attributis: & in omni materia hoc habetur pro principio philosophico indubitabili. Ergo tantò magis, comparando inter se substantias corporeas earumque accidentia, cum hæc sint longè interiora & ignobiliora, nullatenus possunt esse nec dici causa principalis productiva substantiæ.

Vanaquæ prorsus sunt quæ respondet Perer. Quamuis accidens sit imperfectius in ratione entis, tamen habere proportionem in ratione productivi. Et, quamuis effectus intrinsecus & immediatus non possit excedere perfectionem causæ cuiusmodi est calor respectu caloris: tamen effectum extrinsecum & mediatum posse excedere, ac huiusmodi esse formam ignis respectu caloris. Nam certè, hoc est principium per se notum; illud quod est imperfectius in ratione entis, non habere proportionem in ratione causæ productivæ principalis respectu effectus nobilioris. Item, id quod imperfectius est, nullo modo, siue mediatè siue immediatè, siue extrinsecè siue intrinsecè, potest tanquam causa principalis efficere effectum nobiliorem se. Et nihil refert quòd calor producit calorem ut effectum sibi proportionatū, ad hoc ut principaliter quoque valeat producere ignem. Imò ignis debet per se peculiariter sua actione produci, per quam ita immediatè & intrinsecè, sicut ipse calor, à calore agēte penderet.

Substantia est causa principalis, accidentia instrumentalis.

Dico tertio. Non est sola substantia que immediatè & proximè producat alium substantialem effectum, sed verè accidentia tanquam instrumentum substantiæ attingunt productionem substantialis effectus; atque ita substantia est causa principalis, accidentia sunt causa instrumentalis. Hæc assertio est

omnium Auctorum sextæ sententiæ. Et primò sumitur ex Arist. qui lib. 2. de Anima tex. 10., 7. Metaph. tex. 31. & lib. de Sensu & sensib. cap. 4., & alibi, semini attribuit vim gignendi substantiam viventem, utique per facultatem accidentalem; & sic etiam alijs accidentibus proportionatis vim attingendi productionem alterius substantiæ.

Secundò suadetur ratione a priori: quia accidentia sunt per se subordinata formæ substantiali, & naturaliter sunt a cetera cum constet producere alia accidentia: bene etiam potest causa principalis operari medio instrumento, & bene potest instrumentum assumi ad producendum effectum perfectiorem ac nobiliorem se: ergo optimè sic fieri potuit, ut substantia quidem sit causa principalis, accidentia sint causa instrumentalis, in generatione cuiuscunque alterius substantiæ.

Tertio. Ratione & experientijs demonstratur, ita necessariū fuisse, & ita re vera esse dicendum: quia plerumque non adest preterit, imò nec simpliciter extat in rerum natura, illa substantia quæ est causa principalis alterius: ergo necesse est, aliam substantiam gigni mediantibus accidentibus tanquam instrumento proportionato. Assumptum est notissimum. Calor existens in ferro candenti incendit sulphur, etiam si in eo ferro non sit substantialiter ignis, cum adhuc permaneat forma ferri. Sed quia potest esse ut saltem intra poros ferri lateat ignis: certius exemplum est, per calorem ex radijs solaribus ex speculo concauo reflexis, vel per globum vitreum aqua plenam transeuntibus, gignitur ignis: per motum localem ex percussione silicis & chalcidis gignitur ignis. Item per accidentia immissa a calis gignuntur metalla in visceribus terræ, & illa

illa animalia quæ fiunt ex puri. Insuper, docent Theologi, quod si infundatur gutta aquæ vino consecrato, ab accidentibus vini conuerteretur aqua in vinum. Sed manifestissimum præ omnibus exemplum est: semen à planta & ab animali decedum, per suam formativam virtutem producit aliam plantam, aliud animal, etiam prorsus extincto illo è quo semen decedum est: igitur vivens quod gignitur, omnino immediate provenit per accidentia, tanquam per instrumentum, & non immediate efficitur ab illo vivente, quod tamen est & dicitur causa principalis eius.

Non potest ad solam substantiam hæc causalitas immediate reduci. Ad hæc respondere conatus est Scotus, ut productionem substantialis effectus soli substantiali causæ immediate tribueret. Ait, posse effectum immediate produci a causâ, licet distant, & non operante per medium. Ait, deficiente causâ proportionata inter hæc interiora corpora, effectum produci potius a celestibus causis per suam substantiam operantibus. Ait tandem, quia animalia nec ab ipsis cælis possunt principaliter gigni, talem operationem exerceri immediate à Deo suppleto influxum naturalium causarum.

Sed tamen hæc omnia non sufficiunt. Tum quia vel nulla causa potest agere immediate in distans, ut plurimi volunt: vel talem causam hæc interiores, & quoad certos effectus causæ quoque cælestes, non possunt agere immediate in distans, iuxta nostram sententiam ex dictis iam quæst. 14. Tum specialiter, animal à quo decedum est semen, etiam si adhuc vivat & in suo loco existat, non utique amplius immediate operatur ut filium gignat, sed tota operatio fit mediante semine: nec utique in illo instanti quo debet anima induci, pater ipse per se immediate animam vel unionem produ-

cit. Tum deinde non debet talis operatio ad aliam superiorem causam reduci: quia sic ipse pater non esset vere pater, non esset verè genitor sui filij, sed potius alia superior causa, loco ipsius produceret eius filium: putandum ergo verè est, filium gigni per virtutem seminis tanquam instrumenti patris, & sic tanquam a causa principali gigni ab ipso patre. Tum quia, alioqui talis dicendi modus, magna ex parte recedit in illam sententiam quæ dicebat causas interiores producere solum accidentia, & ab alia quapiam causa superiori debere expectari substantialem effectum. Tum denique, laudabile non est, in operationibus tam ordinarijs & consuevis recurrere ad causam superiorem ut suppleat defectum interioris, quâvis hoc permittendum sit in aliquo extraordinario casu, aut ubi evidens necessitas urgeat. Sed naturalis ipse rerum ordo poscit, ut ipsis causis interioribus non detur modus & virtus operandi suos proportionatos effectus. Et multò convenientius erit dicere, verè substantiales effectus produci medianibus accidentalibus instrumentis: concurrente tamen semper causa prima & universali, à qua omnes alie causæ tam in operando quàm in essendo dependent.

Dico quartò. Non requiritur nec debet admitti alius concursus immediatus causæ substantialis erga substantialem effectum præter illum qui per accidentia adhibetur. Hæc assertio videtur communiter de mente eorum qui volunt substantiam gigni per accidentalia instrumenta, qui utique hoc dixerunt eo quod ipsa substantia non aliter immediate concurrat: & immerito Suarez alium immediatum concursum addere cogitavit.

Et probatur manifestè. Primò quia

Substā. cia non concur. rit immediate simul cū accidē. tibus.

quia si causa substantialis per se immediate agit & producit substantialem effectum, iam optimè erit ipsa sufficiens absque alio actu accidentium concursu erga substantiam quæ producitur: & est per se determinata ad talem effectum, & non indifferens ut ait Suarez. num. 25. licet ergo forma accidentalis per se adæquatè producat aliam similem accidentalem, verbi gratia calor calorem; ita per se forma substantialis producat aliam, ignis ignem.

Secundò. Tota certè necessitas quæ cogit talem actionem tribuere accidentalibus instrumentis, fuit quia solent produci substantiales effectus absque assistentia imò absque existentia causæ substantialis principalis, atque adeò non per influxum immediatum eius. Velle ergo simul tribuere influxum immediatum ipsi substantiæ, est planè totum fundamentum destruere, & inutilem ac fictitium reddere accidentium concursum: est subire omnes easdem difficultates cum Scoto, & præterea alias quæ contra ipsum concursum accidentium afferuntur. Atque dum Suarez in defectu causarum inferiorum recurrit ad causas cælestes, vel ad causam primam: perinde poterat id facere negando penitus accidentium concursum actuum. Imò cum ipse velit, nullam causam naturalem, nec etiam cælestes, posse unquam agere immediate in distans, relinquere debet causas cælestes, ac semper recurrere ad solam causam primam.

Tertiò præterea. In humanis rebus constat, artificem qui operatur medijs instrumentis, non aliū concursum immediatum ad eandem operationem adhibere, v. g. in secando per ferram, in scindendo per securim, & sic in alijs: ergo idem putandum est in causis naturalibus.

Quartò demum. In causis natu-

ralibus, quando vires simul ad eandem operationem immediate concurrunt, dicuntur potius causæ quædam partiales, & non una instrumentum alterius. Modus ergo coniungendi causam principalem & instrumentalem, non est ut utraque per se immediate influat, sed potius ut causa principalis non agat nisi mediante instrumentali. Neque coherenter Suarez ait, ideo accidens esse instrumentum, quia non agit nisi tanquam virtus seu in virtute formæ. Nam sic rem saluare poterat absque alio concursu immediato eiusdem formæ: siquidem per hanc subordinationem, in ipsomet concursu accidentis, accidens se habet ut instrumentum, & forma ut causa principalis: non ergo erat addendus alius concursus immediatus formæ. Hæc omnia demum ex obiectionum solutione clarè innotescunt.

Obijcies primò ex Arelio. Non minùs dicitur homo generare hominem quàm equus equum, ignis ignem: *Quare* sed homo non gignit animam, sed *solus* tantum eam materiam unit: ergo idem *Deus* sufficeret de alijs agentibus affirmare. Confirmat: quia neque substantia *animam* nobilissimam spirituales possunt *rationem* alias similes sibi producere: ergo *autem* alias non mirum, si id substantijs corporeis *alias* *formas* denegetur. Neque refert, inquit, quòd anima rationalis & intelligentiæ debent creari, aliæ verò formæ de potentia materie educuntur: quia in rigore non est in hoc magna differentia, & materia minimum subiduum præstat agentis: cum formæ non dicantur de illa educi, quali priùs in illa actu laterent, sed verè secundum totam suam entitatē de nouo fiunt, fiunt autem in materia: unde si possent per se existerē, adhuc non maior virtus requireretur ad earum productionem. Addit denique, iuxta hunc modum vitari posse aliarum sententiarum incommoda,

moda, quòd vel accidens dicatur producere substantiam vel substantia agere in distans.

Respondetur. Homo dicitur generare hominē, quia producit unionem animæ cum corpore, quæ unio substantialis est, & est formalis compositio hominis: ergo si idem faciant alia agentia, iam omnia producant substantialem effectum. Nō ergo vitantur aliarum sententiarum incommoda: quia vel dici debet accidens attingere productionem substantiæ, vel substantia agere in distans, & si quæ sunt alia. Deinde, si agentia naturalia producant unionem formæ cum materia, perinde illis facile ac debitum erit, producere ipsas formas, sicut supponuntur efficere non solum unionem accidentium cum subiecto, sed ipsa quoque accidentia. Animam autem rationalem ideo nō ipse homo efficit, nec una Intelligentia alia: quia nulla creatura potest creare. Et maxima omnino differentia est inter creationem & generationem, quamvis forma quæ gignitur verè de nouo fiat, sed differentia est in modo quo fit dependenter à subiecto. Vnde si tales formæ possent per se existere, tunc non possent fieri ab agentibus naturalibus, & longè maiorem virtutem exigerent, nempe infinitam Dei creatoris.

Obijcies secundò ex Raguseio. Arist. 1. Meteorol. cap. 1. docet, omnem virtutem interioris mudi à celestibus rationibus gubernari: ergo omnes formæ substantiales corporum interiorum gignuntur à cælis. Rursus, constat, animalia viliora quæ fiunt ex putri gigni à cælis: ergo multò magis animalia nobiliora, quæ fiunt per propagationem, & per consequens omnia alia corpora. Demum omne corpus constat ex duplici parte, nempe materia & forma; totumquæ uniuersum con-

stat ex duplici ordine, nempe cælis & elementis: sed ex elementis habetur materia aliorum corporum: ergo forma habetur à cælis.

Respondetur. Arist. tantum voluisse, cælos in suo ordine concurrere atque iuuare ad operationes corporum inferiorum, non autem per se exercere omnem substantialem generationem: alioqui id pariter dixisset de omni accidentali operatione. Benè autem interdum quædam corpora fiunt à cælis, sed non propterea debent fieri omnia. Siquè gignuntur principaliter virtute cælorum animalia viliora, non idem sequitur de nobilioribus: sicut utique constat, non requiri progenitores ad efformanda corpora animalium viliorum quæ gignuntur ex putri, sed requiri in generatione animalium perfectiorum. Demum materia habetur ex elementis, quia est eadem communis materia omnium corporum, non autem quasi effectiue producat ab illis: nec vllatenus sequitur formas à solis cælis debere produci.

Obijcies tertio ex Scoto & alijs. *Quare* Vel ideo forma substantialis non per se immediatè producit aliam, *non substantia* quia hæc esset nimia perfectio eius, *immediatè ef-* vel quia esset aliqua imperfectio. *ficat* Non primum: quia sic immediatè *aliam* agere tribuimus accidenti. Neque *substantiam.* secundum: quia id tribuimus Deo. Ergo concedi debet formæ substantiali, posse per se immediatè producere aliam.

Respondetur. Cum Caiet. 1. par. q. 54. art. 3. ad 1. Scoti. Agere immediatè principaliter & producere aliam substantiam, esse summam perfectionem: & hæc tribuitur Deo. Agere immediatè instrumentaliter dicere imperfectionem: & hanc tribuimus accidenti. Agere autem principaliter mediatè, esse quid medium, & participare de perfectione

Quare cæli non efficiunt omnes substantiales formas.

& imperfectione : & hoc merito tribuimus substantiæ creatæ. Est enim perfectio eius, quod sit causa principalis : est quædam imperfectio & limitatio, quod necessario indigeat medijs instrumentis.

Et tamē test. immēdiatē per se producere, *potest ef-* aliquid saltem accidens ; non enim *ficere* potest procedi in infinitum inter ip- *accidēs,* sa accidentia : ergo poterit quoque *et vnum* similiter producere aliam substan- *accidēs* tiam tibi similem & proportionatā. *potest ef-* Item vnum accidens potest imme- *ficere* diatē & principaliter producere *aliud.* aliud sibi simile, verbi gratia calor calorem : ergo similiter substantia substantiam, ignis ignem.

Respondetur. Substantiam posse ac debere per se primò producere aliquid accidens sibi internum & inuariabile, reliqua verò mediātē, vt circa accidētia tractauimus q. 21. sect. 8. vnde potius colligi debet, non nisi mediātē posse aliam formā substantialem in alio subiecto producere. Vnum verò accidens potest principaliter & immēdiatē producere aliud, quia & est illi proportionatum, & non debet indigere alio accidente vt instrumento, ne procedatur in infinitum, & effectus accidentalis non tota dminicula requirit : ac vna substantia tanquam causa principalis benē potest ac debet adhibere accidentia vt instrumenta media ad producendam aliā substantiam. Sic vtique vnum animal non potest per se immēdiatē gignere aliud, sed potest tribuere semini virtutem formatiuam, & hæc virtus habet immēdiatē exercere actionem productiuam alterius animalis.

Quo pa- test dici producere substantialem ef- *cto acci-* fectum in virtute alterius substan- *dēs pro-* tia : quia reuera nullam recipit ab *ducatur* illa virtutem, sed agit per suam vir-

tutem propriam & innatam. Et age- *substan-* re in virtute alterius, importaret so- *tiam in-* lum relationem aut denominationem *strumē-* extrinsecam, quæ non est prin- *talis* cipium actuum : ergo accidens vel *in vir-* nullatenus attingit productionem *tute ab-* substantiæ, vel agit tanquam causa *terius* principalis, & non instrumentalis *substan-* tiæ.

Respondetur. Accidens rectē dici agere in virtute substantiæ, non quasi recipiat ab illa aliam distinctam virtutē quæ esse deberet aliud accidens, & sic abeundum esset in infinitum : sed quia ipsummet accidens est virtus, est instrumentum substantiæ ; calor est virtus ignis, & sic de alijs : quare ipsa virtus innata & intrinseca accidentis est virtus substantiæ tanquam principalis causæ. Atque agere in virtute substantiæ, importat ipsam intrinsecam subordinationem accidentis ad substantiam, quæ est vera ratio cur accidens agat vt instrumentum substantiæ.

Obijcies sextò : Quando agens *Quenā* operatur in passum, verbi gratia *accidē-* ignis in lignum, alia in individua *tia hanc* sunt accidentia ipsius agentis in se, *actionē* ab ijs prout producit in subiecto, nē- *exer-* pe calor ignis in se, & calor produ- *ceant.* ctus in ligno : sed neutra dici possunt efficere substantialem formam. Non illa quæ sunt in agente, quia sic recurrunt eadem difficultates ac de substantia ipsa agentis. Nec illa quæ sunt in subiecto. Tum quia accidentia quæ sunt in agente, habent rationem agentis ; quæ verò sunt in passio, habent rationem effectus, ac dispositionis materialis. Tum quia instrumentum debet habere actionem præuiam ad actionē agentis : sed calor verbi gratia qui fit in ligno non habet aliam actionem præuiam ad generationem formæ, calor autem ignis habet actionem præuiam calefaciendi ipsum lignum. Tum quia huiusmodi actio, qua-

qualis est generatio substantialis, debet esse transiens ab agente in subiectum distinctum. Insuper, solent plurima accidentia simul requiri & concurrere in productione substantiæ: & assignari non poterit, num omnia vel quænam attingant productionem substantiæ.

Respondetur. Nonnulli volunt, illa potius accidentia quæ sunt in agente, attingere productionem substantiæ. Sic volunt Suarez. disp. 14. sect. 2. num. 29. Ruvius 1. de Gener. cap. 4. tract. 3. q. 11. & Hurtad. disp. 2. de Generat. sect. 2. At potius ex prædictis sequitur, illa accidentia quæ sunt in pascuo, esse proprium ac immediatum instrumentum à quo fiat substantialis forma: unde dicuntur instrumentum separatum, non verò coniunctum. Habent quidem rationem effectus respectu ipsius principalis agentis; & accidentium eius: sed habent rationem agentis instrumentalis respectu formæ gignendæ, & simul habent rationem dispositionis materialis. Non debent autem habere aliam actionem præuiam ad generationem substantiæ: neque id est de ratione instrumenti, ut iam diximus q. 15. sect. 2. Ac bene possunt suam actionem, quæ est substantialis generatio, exercere in eodem suo subiecto, à quo tamen agens principale debet esse distinctum. Illa demum accidentia dici debent attingere productionem substantiæ, quæ pro rerum varietate necessaria, & idonea videbuntur: ut in generatione animalis virtus formativa indita semini: in generatione elementorum illæ primæ qualitates quæ sunt connaturales elemento gignendo. Atque adeo non omnia accidentia quæ interueniunt in productione alicuius substantiæ etiam si ex parte materiæ dispositiue cōcurrant, debet quoque actiue operari producendo substantiā.

Obijciens septimò. Interdum assignari non poterit, cuiusnam causæ principalis accidentia sunt instrumentum in productione alterius substantiæ, atque adeo cui principalter tribui debeat talis substantialis effectus: unde vel ipsa accidentia dici debebunt causa principalis: vel nullo modo sunt causa, sed ad superiorem causam recurrendum erit. Assumptum probatur. Tum quia potest Deus per se efficere tales dispositiones in materia, quales fieri solent à causa naturali ad gignendum certam formam; verbi gratia siccitatem & calorem vehementem in ligno ad formam ignis, & tunc debet lignum naturaliter incendi, nec tamen apparet alia causa principalis. Tum quia etiam naturaliter fieri potest & solet, ut per actionem ignis in aquam, ipsa aqua resoluitur in aerem: ubi nec ignis nec alia naturalis causa dici poterit gignere aerem.

Respondent ad primam instantiam Conimb. q. cit. art. 5. quodlibet singulare accidens esse naturaliter determinatum & additum certæ substantiæ, & sic fore ut agat tanquam instrumentum eius, etsi talis substantia non existat, sed sit merè possibilis: quamvis Fonseca q. cit. in fine requirat, ut saltem prius extiterit. Verum non sunt hoc modo accidentia in individuo addita certis singularibus substantijs, sed per se indifferenter se habent ad omnes similes, ut iam diximus q. 16. sect. 3. & 4. & in logica q. 2. sect. 8. Respondent alij, quod sicut Deus pro sua voluntate determinat singulares effectus pro certis causis, & accidentia pro subiectis; ita etiam deputare debeat, cuiusnam agentis accidens illud esset instrumentum. Sed certè neque satis explicari potest, quæ sit ista deputatio, & quomodo fiat: nec est necessaria; sed

*Cuius
agens
princi-
palis ac-
cidentia
sunt in-
strumentum.*

euiam absque vlla tali deputatione, accidentia secundum suam virtutem deberent agere. Dicendum ergo potius erit, vel in eo casu accidentia agere vt instrumentum Dei, siquidem ab ipso solo Deo, & non ab alia causa creata, inducta essent. Vel agere vt instrumentum substantiæ potentis gignere illum substantialem effectum in communi sumptæ, nullam singularem determinando: siquidem ex natura rei illa accidentia sunt per se proportionata alicui substantiæ in communi, cui naturaliter conueniat ille substantialis effectus. Et, licet prorsus repugnet, vllam causam nisi singularem immediatè operari & actionem exercere: tamen nulla apparet repugnantia in hoc vt per modum causæ principalis & mediæ, denominetur causa communiter sumpta operari mediante instrumento singulari.

Ad secundam instanciam dici posset: quia nunquam ab vna causa disparata potest produci tota dispositio proportionata ad alienum effectum, sed ad summum aliqua pars & sic tota dispositio consurgeret ex pluribus causis; consequenter plures hæ causæ per modum cuiusdam collectionis dicantur producere illum effectum alioqui à singulis alienum. Et ita in illo casu calor esset ab igne, humiditas a priori forma aquæ, & hæ combinatio caloris & humiditatis est completa dispositio aeris: sicquæ ignis & aqua simul dicetur causa adæquata principalis illius aeris ex aqua geniti. Verum, adhuc nõ rectè hoc modo assignari videtur causa effectus alioqui disparati, & in suo genere oppositi, sicut sunt elementa inter se. Ac præteritum, sicut in eo casu coniungebatur ignis & aqua per modum vnius causæ, alius casus esset quo verbi graua terra & aer per siccitatem &

calorem gignerent ignem: & sic ignis & aer vicissim essent sibi causæ principales: quod nõ videtur admitendum, quamuis singulæ coniungerentur cum alia concausa: & eo magis quia ignis supponitur essentialiter perfectior aere. Aliter ergo dici poterit dispositio illa totalis per quam gignitur talis aer, esse instrumentum aeris communiter sumpti, quia reuera est virtus & dispositio naturalis eius: & cum non exierit ab vllò singulari aere, referetur absolutè ad aerem: & sic pariter in omni alio simili casu.

Aut ad vtrunque casum dici potest, nunquam sufficere solas huiusmodi notas qualitates elementares ad gignendam substantialem formam, sed præcipuè requiri peculiarem aliam virtutem effectiuam formæ substantialis, & hanc esse verum & proprium instrumentum: causamquæ principalem esse illam à qua talis virtus immittitur, eius enim causæ erit instrumentum. Immitteri autem talem virtutem à cælo, quando desit causa naturalis proportionata, & tunc cælum esse causam principalem: aut immitti à Deo, si Deus ipse per se velit tali modo operari. Et semper dicetur talis virtus adesse quando perficitur materialis dispositio in subiecto proportionata ad certam formam: & vel deinceps etiam permanere durante forma, vel statim peracta generatione desinere.

Obijcies octauò ex Suarez. Si *Quo pã-*
forma instrumentaria per se sola *to sub-*
agit, & quali destituta influxu prin- *stantia*
cipalis agentis, sic potius ageret *cum ac-*
virtute propria, & vt per se causa *cidenti*
principalis: atque, si forma princi- *ve causa*
palis nõ adhibet per se alium influ- *princi-*
xum, in rigore non erit causa illius *palis cõ*
substantialis effectus, quia nihil per *instru-*
se ad illum conuert, sed ita se habet *mento*
ac si prorsus non esset. Nec sufficit *sugatur.*
quòd

quodd accidens factum sit, ac totum suum esse habuerit ab illa substantia cuius dicitur instrumentum: nam pariter ab vno igne fit alius, & postea hic secundus, non autem ille primus, est causa principalis alterius tertij ignis; & sic etiam calor respectu caloris.

Respondetur. Hoc argumentum potius probaret, agens debere influere in ipsum instrumentum, vt mediante illo agat: quia immediate influendo in eundem effectum, potius assumeret conditionem causae partialis. Item, quando Suarez vult, influxum principalis agentis suppleri ab alia superiori causa; argumentum probaret, accidens agere vt instrumentum eiusdem superioris causae, non autem illius agentis quod non adest & non influit: quod tamen est contra eius intentum, & contra veritatem. Dicendum ergo est, formam instrumentariam, absque alio influxu principalis agentis, per se operari tanquam virtutem & instrumentum eius, & ideo non vt causam principalem: formam vero substantialem absque alio influxu esse verè & in rigore causam, quia eius virtus & instrumentum agit. Non eo solum, quia accidens dependet & habet suum esse ab ipsa forma, sed quia ex natura sua se habet vt virtus eius, & producit effectum proportionatum ac debitum illi formae. Vnde manifestè differt ab illis exemplis ignis & caloris: quia vnus ignis non se habet vt virtus alterius, sed producit effectum proportionatum ac debitum sibi: & sic

etiam calor respectu caloris, & in omnibus alijs similibus.

SECTIO SEXTA.

Vtrum Generationem & corruptionem substantialem corporum, omnium pariter accidentium transmutatio committitur, ita vt detur resolutio vsque ad materiã primã.

HAec est tanquam passio, & affectio consequens transmutationem substantialem, quae in hac re celebris est; & modò post causas examinanda sequitur. Et controuersia est num in generatione vnius corporis & corruptione alterius, dum verbi gratia ex aere fit ignis, omnia prorsus accidentia priora simul cum suo corpore pereant, & omnia alia quae in alio corpore nouiter genito permanebunt, sine pariter de nouo genita: & ita detur resolutio vsque ad materiam primam, idest omnia prorsus alia transmutentur, & sola remaneat materia eadem in genito & corrupto.

Affirmant Thomistae communiter, sequi putantes D. Thomam 1. par q. 76. art. 6. & quaest. d. 1. putata de Anima art. 9. Et quia alia sunt loca S. D. in contrarium, Capreol. in 2. d. 13. q. vnica art. 3. & Caiet. de Ente & essent. q. 16. volunt, D. Thomam prius oppositum docuisse, & postea mutasse sententiam. Sic autem opinati sunt Thomistae, supponentes, accidentia subiectari in toto composito, & tam in forma quam in materia, vt adduximus quaest. 21. sect. 7. vbi de accidentium subiecto tractauimus. Vnde compositum & forma, dum corrumpitur debeat necessariò in eundem interitum trahere accidentia, aliaque forma debeat secum de nouo afferre suorum accidentium comitatum: quia nimi-

Sententia affirmas.

rum eadem accidentia de subiecto in subiectum transmigrare non possunt. Sed praeterea Conimb. 1. de Generat. cap. 4. q. 18. defendunt, omnia accidentia transmutari, licet q. 4. docuissent in sola materia subiectari, & similiter Fonseca 8. Metaph. cap. 1. q. 1. adeo ijs placuit resolutio usque ad materiam primam. Et ex parte Toletus 1. de Generat. q. 7. conclus. 2. qui in aliquo saltem casu vult omnia accidentia interire, vt in combustione paleae, et in transmutatione aliqua elementorum, vbi nullum videatur commune accidens in corrupto ac genito permanere.

*Conclu-
sio ne-
gans.*

Atterendum tamen ex opposito est, non oportere omnia accidentia simul cum transmutatione substantiali corporum pariter transmutari, sed bene posse & solere plurima accidentia permanere eadem numero in genito quae erant in corrupto. Dico, non oportere omnia: quia dubium non est quaedam accidentia debere transmutari, videlicet illa quae sint affixa certae formae, vt quaedam potentiae & facultates verbi gratia potentiae vitales animae, & si quae sint similia. Dubium etiam non est, pleraque accidentia in alteratione praui transmutari: imò generatio & corruptio substantialis, non nisi accidentalis mutationis ministerio exercetur; dum subiectum ex quibusdam accidentibus in alia specie diuersa & opposita transmutatur. Sed tamen illa accidentia quae secundum eandem speciem tam genito quam corrupto communia sunt, & quae usque ad instantis mutationis substantialis integra permanserunt, non debent in vi ipsius instantaneae mutationis illico interire, ijsque alia similia accidentia soloque numero differentia in eodem subiecto succedere: sed potius possunt ac debent eadem numero accidentia permanere.

Ita sentiunt omnes illi qui accidentia non toti composito, sed soli materiae inesse putabant, quos allegauimus q. 21. sect. 7. & praeterea contentit Aresius lib. 1. de Generat. q. 11. quamuis q. 29. postea velit accidentia inesse toti composito, etiam scilicet ipsi formae, tanquam subiecto, inquit, inhaesionis, non autem sustentationis, vt eodem loco adduximus. Rursus ita sentiunt Auerr. 1. de Gener. com. 24. & lib. 2. com. 25. & omnes qui cum ipso faciunt quantitatem coauiam materiae, & passim alij tam Philosophi quam Theologi.

Imò ita etiā planè docet D. Thomas pluribus in locis, 3. par. qu. 9. art. 3. ad 2. asserit, quando gignitur noua forma remanere eadem priora accidentia: & 4. cont. Gent. cap. 81. ad 2. docet, abscedente forma substantiali, ac specialiter in morte hominis, permanere easdem dimensiones quantitativas: vbi Ferrar. §. *Circa primum dictum*, fatetur D. Thomam ibi Auerrois sententiam esse sequutum. Idem asseueranter quoque docuerat D. Thom. in 4. d. 11. q. 1. art. 1. quaestiuinc. 3. ad 4. & dist. 44. q. 1. art. 1. quaestiuinc. 1. ad 3. expressè pro se referēs Auerr. imò hac doctrina vitur ad veritatem resurrectionis tuendam. In duobus autem illis locis pro parte opposita allegatis, S. Thomas non aliud docuit, nisi formam substantialem immediatè vniri materiae & prius quam accidentia, ex quo non oportet inferri, accidentia subiectari in ipsa quoque forma, & ideo perire recedente forma. Alia tamen loca sunt, in quibus D. Thomas clariùs pro illa sententia loquutus est, nempe lib. 1. de Gener. lect. 10. & in Opusc. 32. Sed haec opera apud eodem Thomistas non sunt magnae auctoritatis: & dubitatur, an fuerint ab illo met conscripta, vel ab illo adhuc

*Est de
mente
D. Tho-
ma.*

huc iuniore dictata. Ac tandem, si D. Thomas dici debeat mutasse sententiam, potius ab illa in aliam quam sequimur transisse inuenitur. Et hinc iam habetur validum argumentum ex auctoritate D. Thomæ apud Thomistas.

*Proba-
tur ex
Arist.*

Probatur iam conclusio primò ex Arist. qui 1. de Gener. 24. perspicuè ait: *Si aliqua maneat passio eadem contrarietatis in generato & corrupto, ut quando ex aere aqua, si ambo transparentia aut frigida, non oportet huius alteram passionem esse in quam transmutatur: idest quando eiusdem rationis qualitas, communiter inuenitur in genito & corrupto, non oportet aliam esse in vno ac in alio, sed erit eadem quæque numero in utroque.* Et clarè etiam lib. 2. tex. 25. & duobus sequentibus, docet, quando inter se transmutantur elementa symbol, hoc est quæ in aliqua qualitate communicant, ut aqua & aer quibus communis est humiditas, fieri quidem transmutationem secundum alias qualitates in quibus differunt, sed non secundum illam in qua communicant: unde text. 27. concludit: *Quando aqua corruptum fuerit frigidum, ignis autem siccum, aer erit: relinquitur enim huius quidem calidum, illius autem humidum: & sic per alia elementa discurret.* Vbi planè intèlit, eandem singularem qualitatem quæ erat in corrupto, remanere in genito.

*Ex ac-
ciden-
tiâ su-
biecta.*

Probatur secundo per fundamentum à priori oppositum fundamento Thomistarum. Accidentia materialia non subiectantur in toto composito secundum utramque partem, sed in sola materia: ergo non debent ex interitu formæ perire, quasi per subtractionem subiecti. Insuper talia accidentia non dependent à forma velut à causa formali aut effectiua. Non enim omnia

egent actuali influxu conseruatio, sicut ex sua speciali ratione lux debet ab agente luminoso conseruari. Et plerumque inueniuntur accidentia cum forma aliena, ut calor in aqua: nec utique pro eo tempore quo durat calor in aqua, conseruatur à forma aquæ. Vnde non rectè Suarez disp. 14. Metaph. sect. 3. num. 39. ait, probabile esse, accidentia pendere in conseruari à forma. Et minùs rectè addit, posse adhuc eadem accidentia permanere, quia possunt successiue cōseruari ab alia forma. Nam potius naturaliter perire debet effectus à priori agente conseruatus, & aduenire alius ab alio nouo productus: & ita contingit in lumine ab agentibus luminosis, & in omnibus alijs similibus.

Tertiò vterius. Dicit non possunt accidentia quæ remanent in corpore nouiter genito, tunc omnia de nouo produci: quia nulla potest assignari causa produciens. Verbi gratia in cadauere animalis nuper mortui: inuenitur non solum quantitas, sed etiam figura, & color, & aliquis calor, ac etiam cicatrices. Hæc accidentia dici non possunt nouiter genita in instanti corruptionis à forma præcedenti, quæ nempe tunc abit, & de qua valet dicere nunc primò non est: nec pariter ab alijs prioribus accidentibus quæ tunc similiter dicuntur desinere. Neque à noua forma cadaueris, vel ab eodem agente effectiua huius formæ. Illa enim accidentia sunt penitus impertinentia ad formam cadaueris, & ex parte contraria, ut est manifestum. Sed potius à noua forma vel ab agente eius productiua fieri solum deberent accidentia per se conaturalia & conuenientia eidem formæ, nulla prorsus habita ratione ad accidentia præterita, quæ nihil referre deberent ad alia de nouo gignenda. Vnde, non rectè Caiet.

*Ex de-
fectu
causæ.*

quæst. 17. de Ente & essent. ait, redire similia accidentia ex necessitate materiæ, vel ex vi priorum accidentium, eo quod non totaliter corrumpantur. Nam materia de se est indifferens ad quolibet accidentia, nec poscit ut similia accidentia reparentur. Accidentia verò priora nullam vim habere possunt ad similia reparanda, quia vel penitus corrumpuntur: vel si non, iam ex parte remanent, & tunc potius totaliter eadem remanent: nec posset vna pars accidentis producere vniuersam aliam, similem in subiecto.

Ex introductione forme. Quartò. In tempore prævio ad introductionem formæ substantialis, producuntur accidentia & dispositiones necessariae: hæc autem omnino reperiri debent in ipso generationis instanti. Nam ipsa accidentia sunt quæ tamquam instrumentum tunc exercent actionem generationis substantialis, & produciunt ipsam formam, ac simul in genere causæ materialis disponunt subiectum: ergo omnino tunc existere debent: non enim sufficere potest, existisse immediate antea; sed tam ad agendum, quam ad disponendum, debent omnino tunc existere. Non igitur corrumpuntur, ita ut valeat dicere, nunc primò non sunt: atque adhuc permanent quoque eadem accidentia pro sequenti tempore. Nec sustineri potest quod respondent Conimb., non accidentia priora, sed illa quæ de nouo adueniunt, tunc actu concurrere. Nam, iuxta oppositam sententiam, hæc accidentia adueniunt de nouo consequenti ad formam, tam in genere causæ effectiue, quam subiectiue: igitur nec effectiue nec dispositiue concurrere possent. Nec etiam satis percipi potest quod indicat D. Thom. q. disputata de Anima art. 9. in corp., & ad 5. ac 17., primo loco in materia præire formam quatenus

tribuit communem rationem corporeitatis, secundo loco sequi dispositiones, tertio loco tandem intelligi formam secundum suam specificam rationem. Nam, ex vna parte, non solum ad formam in specie, sed etiam ad formam quatenus corpoream, concurrunt dispositiones præparando materiam, & effectiue producendo formam secundum omnem eius rationem: ex alia parte, si dispositiones consequuntur ad formam subiectiue & effectiue, non solum utique consequuntur ad formam in communi sumptam, sed maximè ad talem singularem formam: quia actiones & similiter passionibus non sunt nisi singularem. Igitur quoad realem causalitatem nullatenus talis distributio fieri potest.

Quintò. Probari hæc assertio solet ab ipsa experientia sensuum: apparent enim eadem prorsus accidentia in genito & corrupto, in caduere ac in animali viuo: ergo verè sunt eadem. At respondent Thomistæ, sensum decipi, & in hac re esse mentis iudicio corrigendum, sicut passim in alijs rebus & casibus contingere solet. Addendumque est, non posse sub sensum cadere differentiam mere numericam duorum singularium prorsus similium, ut est in rebus omnibus manifestum. Verum, quando vrgeret quidem vehemens ratio conuincens talem fieri mutationem, non esset in hac re sensui fidendum. Sed tamen, si nulla necessitas cogat ad oppositum, non est contra sensuum experientiam talis mutatio inuehenda. Sicut sanè de alijs rebus in quibus mutatio non apparet, nulli prudenti venit in mentem, dubitare, nedum cogitare, vnum indiuiduum reuera mutatum esse in aliud prorsus simile, ita latenter ut mutatio deprehensa non sit. Nulla autem ratione,

Ab experientia sensus.

cam

eam mutationem conuinci, ex obiectionum solutione contabit.

Ex quibusdam rebus sacris. Sextò. Solet rursus probari ex quibusdam rebus sacris. In Sacramento Eucharistiæ putandum est, eadem numero accidentia permanere in speciebus consecratis quæ erant in substantia naturali, nec mutata esse in alia numero differentia & aspectu similia. In corpore Christi mortuo permansisse eadem numero accidentia quæ erant antea & fuerunt postea in illo viuo. In corporibus & reliquijs Sanctorum, non solum eandem puram materiam permanere, sed etiam eadem accidentia quandiu in alia specie diuersa & opposita non resoluantur. Hoc ergo vniuersaliter censendum est in omni substantiali mutatione.

In nullo casu da tur resolutio vsque ad materiam primam. Septimò tandem concludendum est, in nullo casu mutationis substantialis fieri præsentaneam resolutionem vsq; ad materiam primam. Probari solet nunquam penitus fieri hanc resolutionem, quia saltem eadem quantitas semper perseverat. Sed hoc dependet ex alia questione de ratione quantitatis, de qua postea agemus. Nunc probatur saltem non fieri præsentaneam resolutionem in ipso generationis instanti, quia dispositi ones præcedentes vsque ad illud instans, non debent illo momento ruere, vt ex dictis patet. Ideo dico non fieri præsentaneam tunc resolutionem, quia adhuc non nego, temporis tractu & per varias mutationes posse fieri, vt omnia accidentia quæ aliquando erant in materia penitus deleantur, & alia omnia de nouo succedant. Sed si quantitas non sit immutabilis, poterit naturaliter hæc tota transmutatio temporis succellu compleri.

Solutio. Obijciunt in contrarium primò Thomistæ auctoritatem Arist. 1. de gen. et corr. 23. dicentis, mutationem substantialem fieri nullo sensibili

remanente eodem, & videtur intelligendum de accidentibus, hæc enim sunt sensibilia. Et in Prædicam. cap. de Subst. docuit, ablatis primis substantijs nihil aliorum amplius remanere. Afferunt etiam plures rationes quibus probare conatur, materiam in existendo, atque adeo etiam in recipiendo accidentia, pendere à forma; & prius recipere formam quam accidentia; & accidentia subiectari in toto composito.

Respondetur. Arist. ipsum se explicare in illo loco, nullo sensibili remanente vt subiecto eodem, idest nullo subiecto sensibili remanente, & subiectum sensibile intellexit ipsum substantiale compositum, quod sanè est subiectum denominationis, licet non inhæsionis: nec propterea voluit, nullum idem accidens sensibile in materia permanere. Dixit autem sub illo signo vniuersali, nullo sensibili; ne quis putaret, vnum aliquod compositum et formam perire, & aliud aliquod remanere: quod facit contra illos qui ponunt simul plures formas in materia. In quo sensu rectè aliqui dicunt, dari resolutionem substantialem vsque ad materiam primam, idest nullam eandem substantiam permanere præter solam materiam. In alio loco loquutus est ex hypothesi, quod ablata prima substantia secundum totam entitatem & omnes partes eius, nihil aliorum quæ ei inniscebantur remaneret. Sed iam supponimus, semper eandem substantialem materiam permanere. Ad rationes verò illas, iam satisfacimus suis locis, vbi eas pertractauimus quæstiones.

Obijcit secundò Fonseca. Si remanent eadem accidentia in genito & corrupto, non euitatur transitus eorum de subiecto in subiectum: subiectum enim adæquatum & vt quod, omnino est ipsum compositum.

si a fundamen- tum.

Solutio. tur / secundum?

tum. Insuper, ablato esse simpliciter, non potest remanere esse secundum quid; & ablato actu primo, non potest remanere actus secundus: sed forma substantialis dat esse simpliciter, & est actus primus; accidentia dant esse secundum quid, & sunt actus secundus: ergo non possunt recedente forma accidentia permanere.

Respondetur. Compositum esse subiectum denominationis, id est de quo prædicata accidentalia affirmantur; sed solam materiam esse subiectum inhesionis à quo accidentia reuera dependent. Non possunt autem accidentia transire de vno ad aliud subiectum inhesionis: sed bene ab vno ad aliud subiectum denominationis, quando scilicet ipsum inhesionis subiectum; id est materia, transit de vno ad aliud compositum, & sic secum defert eadem accidentia. Item, Esse simpliciter totale, habetur per formam unitam materię in composito; sed esse simpliciter substantiale, per se conuenit ipsi materię: non oportet ergo ablato illo esse simpliciter compositi & formę, auferri esse secundum quid accidentium, sed bene si auerteretur esse simpliciter ipsius materię. Similiter actus primus formalis est forma, sed actus primus subiectiuus est materia: accidentia autem per se non pendent ab illo actu primo formali, & ideo non debent auferri per ablationem illius: pendent verò ab actu primo subiectiuo, et per eius ablationem vtique tollerentur.

*Solui-
tur per
simile.*

Obijciunt tertio Conimb. Si remanet semper idem accidens, præsertim eadem quantitas quę dicitur coeua materię, sequitur firmiorem esse vnionem accidentis quàm formę cum materia, cum tamen forma sit multò magis intima & proportionata materię. Rursus, sequitur priorem esse receptionem quan-

titatis quàm formę in materia: sed tamen idem debet esse ordo in recipiendo ac in respiciendo, & sine dubio materia prius respicit formam quàm accidentia.

Respondetur. Adhuc non determinamus, an quantitas semper eadem permaneant, & sit coeua materię; sed bene poterit per aliquam mutationem propriam variari, vt tractabimus questione sequenti. Sed quicquid de hoc sit, absurdum non est, firmiorem esse vnionem accidentis quàm formę in materia, quando accidens non habet aliud oppositum à quo expellatur, sicut quęlibet forma substantialis habet tot alias sibi oppositas: forma autem est magis intima & proportionata materię, quia est pars substantialis, quod nihil facit ad firmandam magis vnionem ne dissoluatur. Item nõ est absurdum, imò necessarium, prius ordine executionis recipi in materia quantitatem aliasquę dispositiones quàm formam, vt patet ex dictis. Nec debet esse idem ordo in recipiendo ac in respiciendo, imò debet esse oppositus, sicut ordo executionis & intentionis. Itaque materia prius per suam naturalem inclinationem respicit formam, & propter formam respicit accidentia vt disponatur ad formam: & ideo in executione debet prius recipere accidentia ac dispositiones. Sic vtique prius debet organizari corpus physicum quàm recipiat animam,

& organizatur propter animam:

prius debet disponi lignum

vt incēdatur ab igne:

& sic in alijs

omnibus.

••

SECTIO SEPTIMA.

*De Comparatione generationis
& corruptionis inter se : An
et quo pacto generatio vnius
sit corruptio alterius.*

Sub hoc comparationis nomine aptè considerabimus quædam, quæ ad generationem & corruptionem cum quadam mutua habitudine pertinent : & prius modò generationem vnius & corruptionem alterius conparando coniungimus.

Arist. lib. 1. de Generat. tex. 17. & 24. affirmat, & idem dixerat 3. Phys. 73. & passim repetere solet, generationem vnius esse corruptionem alterius. Quod quidem verissimum est, & ab alijs Philosophis communiter approbatum, estquè fusiùs confirmandum & explicandum.

Semper generatio vnius & corruptio alterius coniunguntur. Primò. Hoc intelligitur concommittanter, idest semper cum generatione vnius coniungi corruptionem alterius, & è conuerso. Sic planè Arist. intellexit. Et per hanc regulam 1. de Gener. tex. 17. resoluit dubitationem tex. 16. propositam: *Si semper aliquid eorum quæ sunt abye, cur non consumptum est iam dudum & inane ipsum vniuersum? siquidem finitum est &c.* Aut ex aduerso poterat dubitari, si semper aliquid de nouo gignitur, cur non semper mundus augetur & crescit? Ad hanc inquam dubitationem rectè Philosophus respondet, mundum non deficere nec diminui, quia semper dum vnum corrumpitur, aliud generatur. Ideo etiam mundus nō crescit, quia semper dum vnum gignitur aliud corrumpitur. Quod idē rectè attigit Lucret. lib. 1. de Rerum natura: *Haud igitur penitus pereunt quæcumque videntur: Quando aliud*

ex alio reficit natura, nec ullam Rem gigni patitur, nisi morte adiutam aliena.

Ratio autem huius perpetuæ connexionis est: quia materia nec potest esse sine omni forma, nec potest simul plures formas possidere. Ideo enim nunquam cōtingere potest, vt illa forma inducatur in materiam priùs vacuā & sic detur generatio vnius sine corruptione alterius: vel vt vna forma recedat & alia non adueniat, sicquē detur corruptio vnius absque generatione alterius. Item contingere non potest, vt vna forma adueniat & prior alia non recedat, ac ita detur generatio vnius absque corruptione alterius: vel vt vna recedat & alia non adueniat permanente aliqua alia priori, & ita detur corruptio vnius absque generatione alterius.

Itaque, si qui voluerunt posse remanere materiam absque forma, vt aliqui indicarunt sic de facto remanere sub nomine cadaueris in morte animalis, hanc exceptionem facient in illa regula. Sed plures sunt qui distinctas formas simul in eadem materia coniungunt, vt formas específicas cum cōmuni forma corporeitatis, formam mixti cum formis elementorum, animam cum formis partialibus corporis organici: atque apud illos non semper generatio vnius est corruptio alterius & è contra: quia volunt, posse verbi gratia resolui mixtum in elementa absque generatione nouæ formæ & ex elementis fieri de nouo mixtum absque elementorum interitu. Sed contra has omnes sententias, partim iam antea disseruimus circa materiam et formam in communi, partim alijs in locis proprijs disseremus, circa compositionem mixti ex elementis, et coniunctionem animæ cum suo corpore.

Secundò. Ad maiorem huius rei

Semper explicationem, inter composita qui-
in cõpo- dem est in toto rigore verum, tem-
stis sub per coniungi generationem vnius
stantia et corruptionem alterius. Sed inter
libus, nō formas aliqua exceptio inuenitur,
semper nempe propter animā rationalem,
in for- quæ non corrumpitur, nec gignitur
mis, & sed creatur: itaque quod in alijs for-
accidē mis est generatio et corruptio, in
ibus. anima rationali est infusio et sepa-
 ratio: atque ita infusio animæ con-
 iungitur cum corruptione alterius
 formæ, & separatio animæ cum ge-
 neratione alterius formæ. Insuper
 hæc tota necessitas intelligitur iuxta
 rerum ordinem naturalem. Alioqui
 per potentiam absolutam Dei pos-
 set facillimè vna forma induci sine
 corruptione alterius. Præterea, ex-
 tenditur etiam ex parte hæc regula
 ad accidentia, præsertim ad duas il-
 las contrarietates primarum quali-
 tatum, caloris & frigoris, humidi-
 tatis & siccitatis. Quia nimirum in
 materia horum corporum inferiorum
 naturaliter expleri solet tota
 octo graduum latitudo de vna con-
 trarietate, vel scilicet de vna sola
 qualitate alteri contraria, vel de am-
 babus qualitatibus contrarijs in gra-
 dibus remissis: & rursus non potest
 excedi hæc latitudo. Hinc ergo fit,
 vt pariter simul se comitentur gene-
 ratio vnius qualitatis & corruptio
 alterius intra huiusmodi contrarie-
 tatem. Non autem hoc verificatur
 vniuersaliter in omnibus accidenti-
 bus: tum quia pleraque non habent
 alia sibi opposita: tum quia, siue ha-
 beant, siue non habeant, solent cor-
 rumpi per subtractionem influxus
 conseruatiui vel per defectum di-
 spositionum, atque ita absque ge-
 neratione alterius oppositæ accidē-
 talis formæ: & similiter solent de
 nouo generari absque eo quod præ-
 inueniant in subiecto alias opposi-
 tas quas expellant. Ideo non sine
 causa Arist. 1. de Generat. tex. 20.

concludit: *Et est alterius generatio
 semper in substantijs alterius cor-
 ruptio, & alterius corruptio alterius
 generatio.*

Tertio. Iuxta hunc rerum natu- *Vnum*
 ralem cursum, dum vnum generatur *composi-*
 & aliud corrumpitur, verificatur vnū *tum ge-*
 fieri ex alio, vnum conuerteri in aliud; *neratur*
 aer fit ex aqua, aqua conuertitur in *ex alio,*
 aerem. Et quantum est ex vi oppo- *et quod-*
 sitionis formarum, quodlibet cor- *libet po-*
 pus corruptibile potest conuerteri in *est con-*
 quodlibet aliud, & cuiuscunque ge- *nerati in*
 neratio potest coniungi cum corru- *quodli-*
 ptione cuiuslibet alterius, & corru- *bet.*
 ptio cum generatione. Ita expressè
 notauit Arist. 2. de Generat. x. 24.

*Quod igitur omnia nata sint ad in-
 uicem transmutare manifestum est;*
 Et rursus, *Quapropter vniuersaliter
 quidem manifestum est, quod omne
 ex omni generari natum est, Et, Om-
 nia ex omnibus erant.* Et licet præ-
 cipuè de elementis loquatur: tamen
 ex ipso modo loquendi rem exten-
 dit pariter ad omnia alia quæ ex ele-
 mentis constant: & sic in vniuer-
 sum id valet de omnibus corporibus
 elementaris naturæ. Idem expressit
 Lucret. lib. 2. de Rerum natura:
*Præterea cunctas isidem res vertere
 sese: Vertunt se flum, frondes &
 pabula lata, In pecudes, vertunt pe-
 cudes in corpora nostra Naturam, &
 nostro de corpore læpè ferarum au-
 gescunt vires, & corpora pennipo-
 sentium.* Et ratio est facilis, quam
 indicat Arist. quia omnium corpo-
 rum formæ sunt inter se oppositæ,
 materia est vna communis omnium
 indifferens ad omnes formas, &
 quamlibet naturaliter suscipere po-
 test: igitur materia apta est transire
 de qualibet in quamlibet formam,
 & sic quodlibet potest conuerteri in
 quodlibet.

Consultò autem dixi, quantum
 ex vi oppositionis formarum. Quia
 alioqui ratione dispositionum con-
 cur-

currentium, potest impediri hæc transmutatio. Inueniuntur enim cum aliqua forma tales dispositiones, vt non sinant immediatè fieri conuersionem in aliud valde diuersum: certè non potest immediatè ex lapide fieri homo: imò animal quod propagatione gignitur non potest naturaliter fieri nisi immediatè ex Embryone. Attamen saltem mediata, & per plures transmutationes de vno in aliud, adhuc tandem poterit quodlibet conuerti in quodlibet: verbi gratia si non conuertitur immediatè aqua in ignem, conuertetur in aerem, & hic aer in ignem. Item dixi, quodlibet corpus corruptibile: quia alioqui non datur hæc communicatio & transmutatio cum corporibus incorruptilibus: atque adeo non datur inter corpora inferiora & cælestia. Item non datur inter omnia accidentia etiam corruptibilia: quia non quodlibet est oppositum cum quolibet alio: & inter ea quæ non opponuntur, non habet locum hæc transmutatio.

Totum vnū secundum gradus suos essentialiter communitur in aliud. Quartò. Dum corpus genitum & aliud corruptum conueniunt in vno gradu cōmuni generico, Arist. 1. Phys. 76. indicat, non fieri transmutationem secundum hunc gradum communem sed tantum secundum gradus específicos: *Vt si canis ex equo fiat, non fiet quatenus animal, est enim iam hoc.* At realiter certum est, omnem gradum essentialem, etiam genericum corporis quod corrumpitur, quatenus ex forma desumptum, simul abire atque deperdi; & omnem pariter corporis geniti gradum, de nouo aduenire. Ratio est manifesta: quia gradus essentialis vnius rei per se sunt omnes realiter idem ac penitus inseparabiles, vt in Logica tractauimus: non ergo possunt circa eundem gradum genericum permanentem permutari differentia essentialis & propriæ specie-

bus: sed ipse quoque gradus genericus abit & aduenit. Et animalitas quæ erat equi, non remanet in morte equi & ortu canis: & animalitas quæ erit canis, de nouo oritur in ipso cane. Supponimus etiam pro hæc, non esse distinctas formas substantiales, ex quibus prædicata essentialia desumantur, sed vnicam esse formam pro omnibus huiusmodi prædicatis. Item supponimus, non ita debere distribui genus & differentiam, vt genus sumatur à materia, differentia à forma, & sic genus transeat de vna differentia ad aliam cum materia transeunte de vna à taliam formam: sed potius tam genus quàm differentia ex tota compositi entitate desumi. Vt in exemplo allato, genus animalis utique sumitur à forma canis, & non ab alia forma, quam eadem specifica anima canis. Benè tamen poterit aliquod essentialis prædicatum inueniri, quod ex sola materia desumatur, verbi gratia esse subiectiuè susceptiuum quantitatis, vt iam notauimus q. 13. logicæ sect. 2. Et de hoc verum erit, non transmutari, sed idem realiter permanere, cum semper eadem permaneat materia.

Arist. autem ibi tantum voluit, quod cum termini mutationis debeant esse oppositi, & maximè terminus à quo generationis debeat esse priuatio termini ad quem; animal verò & animal in conceptu animalis non opponantur: non fit animal quatenus animal ex animali quatenus animali, si attendamus oppositionem terminorum. Sed tamen per cōcomitantiam & identitatem, dum gignitur vel corrumpitur tale animal, ipsa quoque animalitas realiter transmutatur. Quia videlicet per se ac formaliter fit hoc animal ex alio animali, seu ex non hoc animali: sed quoniam non potest fieri hoc animal, quin simul fiat animal,

nec

nec potest perire hoc animal, quin simul pereat animal; realiter gignitur quoque animal, & corrumpitur animal.

*Generatio
ratio v-
nius est
idem cū
corru-
ptione
alterius.*

Quintò. Non solum concomitanter, sed etiam identicè generatio vnius est corruptio alterius, sumendo corruptionem realiter & positivè pro actione reali & positiva quæ vacuum destruitur per productionem alterius, ut patet ex dictis de ratione corruptionis.

*Generatio
ratio v-
nius est
causa
corru-
ptionis
alterius.*

Sextò demum. Potest accipi in sensu causalì, generatio vnius est corruptio alterius, idest est causa siue ratio quare aliud corrumpatur. In qua comparatione intelligetur corruptio pro negatione succedente post existentiam rei quæ corrumpitur, quæ negatio intelligi potest consequi & causari ex productione alterius. Pro hac re, iam in vniuersum diximus q. 10. sect. 5. & q. 12. sect. 2. huiusmodi expulsionem & recessum formæ prioris, consequutivè se habere ad introductionem formæ sequentis, esseque effectum formalem talis formæ noviter introductæ, in omni scilicet oppositione formarum.

Attamen Arcsius lib. 1. de Generatione q. 22. fatetur, id verum esse inter formas accidentales oppositas: sed inter formas substantiales contendit, potius esse priorem corruptionem veteris formæ quàm novam generationem alterius. Quia inquit, prior forma deficit potius per ablationem suarum dispositionum quibus conservabatur in subiecto, ex autem dispositiones tolluntur per alterationem præviā novæ generationi: & sic prius natura ad introductionem novæ formæ recedit forma præcedens. Aliqui verò fatentur, in formis quoque substantialibus ut plurimum esse priorem introductionem novæ formæ, esseque veluti causam ut expellatur antiqua:

sed in morte animalis volunt, converti ordinem, & priorem esse recessum animæ quàm aduentum formæ cadaveris. Et moventur eadem ratione, quia anima recedit per defectum dispositionum: imò veluti per accidens advenit forma cadaveris, quia natura non tam per se illam intendit, quàm potius inducit ne interim materia remaneat vacua, donec cadaver in aliam substantiam resoluatur.

Verum, tam in formis substantialibus, quàm accidentalibus, atque in omnibus formis substantialibus absque exceptione, retinenda est illa regula ordinis & causalitatis assignata. Tum quia specialiter in formis substantialibus verissimum est, unam formam expelli per aliam, priorem expelli per aduentum posterioris: & sic omnes loquuntur ac pro certo supponunt: at iuxta alium modum in rigore non una forma expelleretur per aliam, sed dicitur deficere per ablationem suarum dispositionum in virtute oppositarum dispositionum. Tum quia sine dubio dicere valet, ideo recedit hæc forma substantialis, quia advenit alia, nec possunt ambæ simul consistere in materia: igitur adventus vnius formæ, est causaliter, prior expulsionem alterius. Tum præcipuè, eadem illa ratione dispositionum, eo pelluntur dispositiones priores, quia inducuntur aliæ, atque adeo prior est harum introductio quàm illarum expulsio: sed per novas dispositiones introducitur nova forma: ergo saltem per concomitantiam prior est introductio novæ formæ quàm prioris expulsio. Aut saltem, quantumvis Arcsius contendat, formam deficere per ablationem suarum dispositionum, adhuc non debet dici prior corruptio huius formæ generatione alterius, sed ad summum una esset simul cum alia, siue

sive una non esset ordine naturæ prior altera.

Tum præterea, etiam si non deficeret dispositiones necessariæ unius formæ, & introduceretur noua forma, utique prior forma deberet recedere, sicut inter formas accidentales una statim recedit per aduentum alterius oppositæ absque ordine ad ullas dispositiones: igitur verè & simpliciter de facto præcedens forma expellitur per sequentem. Atque ex aduerso putandum est, quod licet auferrentur dispositiones prioris formæ, si non inferretur alia noua forma, adhuc permaneret prior: potius enim deberet conseruari forma absque suis dispositionibus, quàm materia sine omni forma. Siquidem videmus corpora naturalia alioqui graua ascendere & in sublimi pendere, ne permittant in loco vacuum: ergo à fortiori putandum est, remanere naturaliter debere formam in materia absque suis dispositionibus, imò & cum dispositionibus oppositis, ne relinqueret materiam vacuum. Qua ratione planè fit, vt vna forma de facto potius expellatur per introductionem alterius, quàm per defectum suarum dispositionum: & sic omnino à priori & causaliter generatio vnius est corruptio alterius.

Tum demum, hoc totum ita verum est inter abscelsum animæ & aduentum formæ cadaueris in morte animalis, sicut inter alias quasunque formas. Nam quo gradu deficiunt dispositiones necessariæ ad conseruationem animæ in corpore, incipiunt dispositiones sufficientes ad formam cadaueris: & si non adueniret forma cadaueris, permaneret potius anima in corpore indisposito, quam relinqueret corpus sine omni forma. Neque per accidens aduenit forma cadaueris, sed potius per accidens recedit anima: quia

agens naturale per se intendit producere formam cadaueris, non secus ac in alijs quibuscunque formis: & inde consequitur expulsio animæ.

SECTIO OCTAUA.

An & quo pacto vnius generationem eiusmet corruptio consequatur.

Comparanda modò est corruptio & generatio vnius eiusdem rei quæ generabilis & corruptibilis inuenitur. Et potest comparatio fieri, tum quoad potentiam, tum quoad actum: videlicet an omne quod est generabile, necessariò sit etiam corruptibile, & è conuerso: atque an omne quod genitum est, debeat aliquando corrumpi; & omne quod corrumpitur, debeat supponi antea generatum. Quam totam quæstionem ex profecto & satis prolixè tractat Arist. 1. Cæli summa 10.

Refert textu 109. opinionem quorundam qui dixerunt, *Fieri posse, & ingenerabile quippiam existens corrumpi, & genitum incorruptibile perdurare*: Eamque specialiter attribuit Platoni in Timeo: *Ibi enim ait Timeus, calum factum quidem esse, non tamen esse corruptibile, sed fore reliquo semper tempore*. Iple Arist. tex. 102. & 103. & in toto eo discursu, docet & probat, omne quod genitum est, esse corruptibile, ac de facto debere aliquando corrumpi: Ex textu 120. & 121. & reliquis probat, omne quod est corruptibile, non potuisse semper existere, sed aliquando genitum fuisse. Ac demum à tex. 126. probare profequitur, generabile & corruptibile, generationem & corruptionem, inter se ita conuerti, vt omnino vel neutrum vel vtrumque de eodem subiecto

*Aristo-
telis sē-
tentia.*

cto debeat verificari. Imò non solum loqui videtur de generatione & corruptione proprie dicta, sed vniuersaliter de quacumq; production ac destructione, de quacumque incæptione ac delitione: vnde tex. 140. contendit, esse impossibile; vt quod æternum fuit prius, vnuquam desinat; aut quod aliquando incæpit, sit postea sempiternum.

Omne generabile est corruptibile & conuerso.

Pro resolutione, Dico primò, verè quidem, omne quod est generabile esse pariter corruptibile, & è conuerso quod est corruptibile esse generabile. Est res certa. Et patet tum inductione discurrendo per omnia composita & omnes formas: hæc enim inferiora omnia & singula, sicut sunt generabilia, ita pariter corruptibilia, & è conuerso, superiora autem ac cælestia quo pacto sunt incorruptibilia, sunt quoque ingenerabilia, & è conuerso. Tum etiam patet ratione à priori: quia illud propriè corrumpitur, quod dependenter à subiecto destruitur, atq; adeo supponitur existere dependenter à subiecto: sed omne quod sic dependet, potest ac debet ex natura sua fieri dependenter ab eodem subiecto, qui modus productionis est propriè generatio: ergo omne corruptibile, est pariter generabile. È conuerso, omne quod generatur, fit dependenter à materia, & ita etiam existit: vnde pariter aptum erit destrui dependenter à materia; & quodcumque destruetur, ita debet destrui: igitur omne generabile est pariter corruptibile.

Debetquè hoc totum intelligi eodem modo & per respectum ad easdem causas. Quod enim potest generari per causas naturales, aptum est & per easdem corrumpi, & è conuerso: quod verò solum à prima causa potest generari, ab eadem potest corrumpi, & è conuerso.

Primo modo se habent substantiæ hæ inferiores: secundo modo substantiæ cælestes, vt patet ex antea dictis.

Veruntamen, absolutè loquendo, impossibile non est aliquam diuersitatem in hoc inueniri, ob quam sit aliqua exceptio facienda. Videlicet, vt aliqua forma apta sit quidem per causas naturales effici, sed non possit per easdem corrumpi. Duplīciter enim res solent corrumpi, vel per aduentum formæ contrariæ, vel per subtractionem influxus conseruatiui: fieri autem potest, vt nec inueniatur alia forma contraria, nec res dependeat amplius in conseruari à causa effectiua, vel si dependet non possit desinere conseruari. Ac de facto ostendi hoc potest in quibusdam formis accidentalibus (in substantialibus enim nullum tale exemplum habemus,) si facultates cælorum sint potentia ab illis distinctæ & ab eorum essentia effectiue manantes, si lux Solis ab eadem Solis substantia immanenter efficiatur; hæc inquam formæ factæ erunt per generationem sibi conuenientem ab huiusmodi causis naturalibus, at per nullas causas & vires naturales vnquam destrui possunt. Atque in rebus his inferioribus, species saltē intelligibiles quæ in intellectu nostro acquiruntur, habitus etiam euidentes ac scientifici, naturali virtute fiunt, nec tamen postea delentur. Aliqui etiam volunt, quantitatem ab initio per ipsas causas naturales potuisse produci, sed deinceps esse coarctatam materiam vt amplius naturaliter amitti aut minui non possit, sed solum in partes diuidi. Ita ergo dari potest aliquid naturaliter generabile, & non naturaliter corruptibile.

Cæterum, hæc assertio potest ac debet extēdi ad omnem productionem ac destructionem, includendo etiam

Aliquid potest esse naturale generabile, & non naturale corruptibile.

Omne quod potest generari potest pro-

duci po- test de- strui, & e conuer- so. etiam creationem & annihilationem. Omne quod potest produci, potest pariter destrui: nam & Angeli ipsi, qui facti sunt per creationem, possunt absolute à Deo annihilari. Et è conuerso, omne quod potest destrui, potuit produci. Et ratio huius rei est clara: quia eadem dependentia à causa superiori, præstat, vt res quæ producitur possit quoque destrui; quia omnis creatura dependet à Deo, non solum in fieri, sed etiam in conseruari. Supponit etiam, vt res quæ potest destrui fuerit ab eodem superiori agente producta. Et ita in vniuersum hæc duo disiungi non possunt.

Omne quod corrumpitur, naturaliter supponitur esse genitum. Deinde circa actum & exercitiū generationis & corruptionis, Dico secundo. Omnis corruptio naturaliter sequitur & præsupponit generationem, & omne quod corrumpitur supponitur naturaliter generatum: sed per Diuinam potentiam posset dari casus quo corrumpere- tur aliqua forma quæ non fuisset propriè generata sed creata. Explicatur & probatur. Omnis corruptio supponit omnino existentiam atq; adeo productionem rei: & omne quod propriè corrumpitur, supponitur existere arque adeo ab initio factū esse dependenter à subiecto: igitur corruptio naturaliter nõ exercetur nisi consequenter ad generationem propriè & in rigore dictam: nec quicquam corrumpitur quod non supponatur naturaliter generatum. Attamen potest Deus, formam aliquam ex natura sua dependentem à subiecto, per se producere extra subiectum, & postea vnire subiecto: ac tunc non minus posset talis forma agentium naturalium virtute corrumpi. Sic igitur per Dei potentiam posset dari casus quo corrumpere- tur forma, quæ non erat propriè genita, sed creata.

Rursus hæc assertio extenditur ad

omnem quoque productionē & incceptionem, ita scilicet quod omnis destructio ac delitio cuiuscumque rei, quocumque modo possibilis, necellariò supponat rei productionem & incceptionem. De productione res est clara. Quia id quod non extitisset, prorsus destrui ac desinere non potest. Quod autem existit, & improductum est, est ens primum ac simpliciter necessarium, & nullatenus destrui ac desinere potest. De incceptione autem, illi qui volunt de facto fuisse res ab æterno, vel saltem potuisse rem aliquam fieri per Dei potentiam ab æterno & ante omne initium temporis; fateri adhuc deberēt, rem factam ab æterno, posse postea in tempora destrui ac desinere: quo casu id quod nunquam incæpisset, sed semper fuisset, verè postea desineret. Et hoc non solum iuxta fidem, sed etiam iuxta rationem debet agnosci: quia omne ens extra Deum omni ratione, dici debet dependens à Deo, ac subditum Deo vt ab illo in nihilum redigi possit. At supponendo, nullam rem de facto ab æterno productam extitisse, & eo magis si dicamus non potuisse simpliciter vllam rem fieri ab æterno, vt iam quæst. 31. statui- mus: sic habetur, esse prorsus impossibile, vllam rem destrui ac desinere, quæ non aliquando incæpisset in tempore.

Dico tandem tertio. Post generationem rerum naturaliter factam & consuetam, regulariter sequi corruptionem eiusdē rei corruptio, ita vt quod genitum fuit, aliquando postea corrumpatur: sed tamen non est simpliciter nec naturaliter necessarium, nec vniuersaliter vt quicquid genitum est, debeat de facto corrumpi, & aliquando sit verè corrumpendū. Explicatur & probatur assertio. Generatio naturaliter consuetata, fit in materia habente potentiam ad re-

cipiendas varias formas; atque ex hac parte res genita, est ab intrinseco corruptioni obnoxia. Et insuper, sicut talis generatio fit virtute naturalium causarum expellentium priorem aliquam formam & nouam inducentium, ita postea parata sunt alia agentia naturalia ad operandum circa eandem materiam, quæ conantur inducere aliam nouam formam & illam expellere: unde etiam ab extrinseco res ita genita, subest corruptionis periculo. Sic ergo, & ex propria fragilitate, & ex bello externo, res naturaliter gigni consuetæ, solent post aliquod tempus corrumpi, etiam si aliquæ sint quæ diutius valeant perdurare. Hoc argumentum attigit Lucretius lib. 1. de Rerum nat. *At quoniam fragili natura prædita constant, Discrepat æternum tempus potuisse manere, Innumerabilibus plagis vexata per ævum.* Potest quæ hæc res confirmari inductione valde frequentiori inter naturalia corpora, cuius meminit Arist. 1. Cæli 22., & de qua Vallesius lib. de Sacra Philol. cap. 6. refert Galenum dixisse, inductione constare, sed non posse ratione probari, omne quod genitum est fore quandoque corrumpendum. Notum est, omnia animalia temporis decursu senescere ac tandem interire, similiter plantas: aliaque mixta vel citius vel saltem post longa tempora resoluntur: & elementa mixta actione inter se transmutantur: & quamuis nunquam totum vnum elementum in aliud conuertatur, tamen per partes frequentissime vnum in aliud transit. Huc demum spectant, quæ à Poetis & à Moralibus auctoribus describi solent de voracitate temporis & rerum consumptione per tempus.

Non est Attamen, hoc non apparet adeo *id necess-* necessarium, quominus aliquid prius *sarium,* genitum, postea in perpetuum per-

seueret: quinimò rectè intelligi potest, aliquid constitui in loco tuto, *nec vni-* ubi sit à contrariis segregatum, ab *uersale* eorumque impugnatione immune. *in omni-* bus.

Videlicet, partes ignis existentes propè cælum & in medio ipsius elementi, ac similiter partes quædam aliorum elementorum: quædam etiam mixta, ut lapides & metalla, ad quæ non pertingat tanta hostilium agentium oppugnatione ut ea euertere queat. Et sanè, ex natura rei, & ex constitutione huius vniuersi, non surgit tanta necessitas de rerum omnium genitarum interitu, ut nulla valeat in perpetuum conservari.

Sed præterea corpora illa quæ à solo Deo gigni potuerunt, qualia supponimus esse corpora cælestia, reuera nunquam erunt realiter corrumpenda, sed nec naturaliter corrumpi possunt, nec ab ipso Deo finem accipient, sed in æternum potius permanebunt, ut iam tractauimus quæst. 31. de duratione Mundi.

Multoquæ magis debet tandem hæc assertio quoad hanc partem extendi ad alia quæ à Deo facta dicimus per creationem, & non per generationem innixam subiecto. Substantiæ spirituales, & materia prima, non per se exstiterunt, sed producta sunt à Deo per creationem: & nec naturaliter desinere possunt, nec ab ipso Deo in nihilum reducuntur. Item, non fuerunt facta ab æterno, sed in certo initio temporis, & tamen verè in æternum sine fine durabunt. Et hæc certa sunt ex nostra fide, de creatione & incæptione rerum, ac de immortalitate Angelorum nostræque animæ rationalis. Sed etiam naturali lumine rationis potuerunt ac debuerunt cognosci, ut satis circa constitutionem mundi tractauimus.

Arist. verò qui oppositum docuit videtur, vel præcipuè loquutus est de ijs quæ naturali vñ & ordine *Argu-* *menta* *solutio-* *nur.*

dine generantur: vel si amplè de rebus omnibus intellexit, nullatenus est audiendus: quia insistebat illi existimationi de æternitate mundi quæ veritati repugnat. Et hac via persuadere voluisse videtur, mundum fuisse necessariò ab æterno, quia est duraturus in æternum: vnde non mirum si pro falsa conclusione fallaces rationes adduxerit. Soluendæ autem sunt eius rationes, quatenus contra hanc nostram assertionem possent obstare: & ex prolixo eius discursu ad paucas has obiectiones reducentur.

Primò. Quicquid de nouo factum est quod antea non erat, iam ex natura sua potest non esse: sed posse non esse, est posse deficere & corrumpi: ergo verè ex natura sua potest corrumpi: igitur de facto tandem corrumpetur; & sicut antequam elset non fuit, ita postquam fuit aliquando non erit.

Respondetur. Non sequi, quicquid potest corrumpi, fore de facto corrumpendum; & quicquid potest deficere, defecturum: sed benè contingere potest, vt aliquid nec ab aliquo contrario superetur, nec ei subtrahatur conseruatio necessaria, & sic nunquam deficiet. Item non sequitur, quicquid factum est, posse ex natura sua deficere postquam est, sed ad summum posse deficere per virtutem Dei potentis suspendere suum conseruatiuum influxum: & hoc pacto se habent omnia quæ à subiecto non pendent, sed facta sunt à Deo per creationem.

Secundò. Id quod semper & in æternum erit, non est maior ratio cur factum sit in hoc instanti potius quàm alio: vt etiam si quid ab æterno fuisset, non esset maior ratio, cur in hoc instanti potius quàm alio deficeret: ergo quicquid in æternum durabit, nunquam fuit factum; vt quicquid ab æterno factum sit, nun-

quam deficere poterit.

Respondetur. Etiam in quotidianis mutationibus quæri posse quæ sit maior ratio, cur hæc res fiat aut desinat in hoc instanti potius quàm alio. Dicendum ergo est, in operationibus causarum naturalium rationem esse occurrentiam ipsarum causarum cum suis requisitis. In operationibus autem diuinis non est alia ratio quærenda, nisi libera voluntas Dei: Deus ergo pro sua libertate determinauit, in quo instanti mundum conderet & singulas res crearet: & sic pariter determinare posset, in quo instanti rem quampiam destruere vellet, etiam si ab æterno creasset.

Tertiò. Id quod est corruptibile potest non esse, sicut quod est generabile potuit aliquando non esse: si ergo potest non esse, ponatur id in actu, quia ex possibili posito in actu nullum sequitur inconueniens, alioqui non erat possibile: ergo ex alia parte fieri non potest, vt talis res semper actu sit, quia sic posset simul esse & non esse, quæ est maxima contradictio: igitur fieri non potest, vt id quod aliquando factum est ac simpliciter potest deficere, in re semper actu sit.

Respondetur. Hoc argumentum probaret, nullam rem corruptibilem posse pro vilo certo tempore actu existere ac permanere. Homo verbi gratia quandiu viuit, est mortalis, potest mori, & potest mori pro quolibet instanti sui temporis: igitur si pro eo tempore actu viuit, potest simul viuere & mori, potest simul esse & non esse. Sed res est sanè facilis & nota. Supposito quòd res sit, & in sensu composito, non potest simul non esse: sed absolutè loquendo, & antecederet in sensu diuiso, valet dicere quod potest non esse: & si hoc poneretur in actu, non poneretur simul alia pars con-

tradictionis quod actu esset, qui non potest simul coniungi utraque pars contradictionis. Omnis ergo huiusmodi res potest sub disiunctione vel actu esse vel actu non esse, & sic bene potest semper actu esse & in aeternum durare, quamvis reuera sit corruptibilis seu defectibilis.

Quartò. Quod semper est, vique est tempore infinito, & est sempiternum: si ergo potest corrumpi, vel potest non esse pro toto tempore infinito, vel pro tempore finito: sed hoc etiam includitur in illo tempore infinito: ergo vel pro toto tempore, vel saltem pro aliqua eius parte potest simul esse & non esse.

Respondetur eodem modo. Rem existentem tempore infinito non posse simul in sensu composito non esse, nec pro tempore infinito, nec pro finito: tamen in sensu diuiso & antecedenter potuisse fieri, ut vel pro tempore finito vel pro toto infinito non esset: vnde non sequitur, posse vnquam esse & non esse simul.

SECTIO NONA.

An soleat, vel naturaliter possit, eiusdem rei generatio post corruptionem iterari, et quod corruptum erat iterum reproduci.

A Rist. ipse lib. 2. de Generat. in fine, dubitat ac resolvit, num idem numero quod post primam suam generationem interijt, possit iterata generatione denuo reproduci. Nos in fine praesentis questionis, prius id quaerimus respiciendo ad usum & facultatem naturae, ac postea respiciendo ad superiorem Dei potentiam.

Senten. Celebris in primis circa hanc rem *ria affir.* est antiqua sententia, quae censetur *mans.*

Platonis, affirmans naturaliter posse & solere, non solam certam aliquam rem, sed totum prorsus omnium rerum cursum, ad pristinam existentiam & successionem eodem ordine reuocari: ita ut idem ipse mundus postquam longo annorum spatio ad suum finem deuenerit, denuò renouetur secundum eandem singulorum indiuiduorum successionem, easdemque operationes et actiones: ac in specie ita regressuri sint iidem ipsi homines cum eadem rerum humanarum serie, & successu: & hoc totum perpetuo quodam circulo semper factum sit, ac deinceps sit faciendum. Atque ita scriptus redeat idem Plato eisdem edocens auditores, easdem actiones exercens, cum eadem temporis distributione omnes suos actus repetens. Sic etiam Poeta cecinit: *Alter erit cum Typhis, & altera quae vehat Argo Delectos herooas, & erunt altera bella, Atque iterum ad Troiam magnus mittetur Achilles* Tèpus verò quo vna integra reuolutio absoluat, vocatum est Annus magnus, Annus Platonicus: quem Plato in Timeo assignat, cum omnes caelestes sphaerae suis completis circuitibus ad idem caput se referant. Vel, ut explicat Alcinoüs cap. 12. de Doctr. Platon., quod omnes Planetarum ad eandem lineam reducuntur, quae deducta à centro mundi ad supremum orbem per omnium Planetarum centra transiret. Vel, ut alij volunt, & attingere videtur Arist. sect. 10. probl. 15. quod omnes orbis ad eundem situm & aspectum quem in prima mundi constitutione haberunt denuo reuertantur. Vel, ut alij intelligunt, quando absoluat motus ille tardissimus deprehensus in stellis fixis ab occasu in ortum, spatio triginta sex millium vel quadraginta nouem millium annorum. Pro eadem tandem sententia,

tia, Origenes lib. 2. Periarchon, eundem mūdi reditum, seu plures mundos inter se succedentes, ita vt semper ante vnum fuerit alius, & post vnum futurus sit alius, ex Sacra Scriptura cuius uult inferre.

Ex nostris deinde Doctoribus, Scotus in 2. d. 20. quæst. 2. & in 4. d. 43. q. 3. & Riccard. ead. dist. art. 3. quæst. 1. significant, naturaliter posse & interdum solere, idem indiuiduum quod corruptum erat, iterum reproduci; & præsertim ita contingere, quandocumque denuo concurrant eadem causæ, idem agens idemquæ subiectum: qua ratione singulis diebus semper reproduceretur à Sole idem numero lumen in cælis & elementis: & facile esset, quandoque etiam redire easdem substantiales formas, eademquæ substantialia corpora.

Cōclusio - Dicendum tamen vniuersaliter **negans**, est, naturaliter non tolerare earundem rerum generationem post corruptionem iterari, nec vnquam per causas naturales vllum indiuiduum corruptum idem numero reproduci, atque adeo iuxta rerum ordinem confluxum, non posse naturaliter vllam rem quæ semel fuit, denuo redire ac reparari. Hæc est communis tam Theologorum quàm Philosophorū sententia, D. Thomæ 4. cont. Gent. c. 81. Et ibidem Ferrarient. Henrici Quodl. 7. quæst. 16. Durand. Riccard. Capreol. & aliorum in 4. dist. 43. Suar. 3. par. to. 2. disp. 44. sect. 2. Item Auerr. 2. de Generat. com. 70. Conimbr. cod. lib. c. 11. quæst. 1. Zimaræ Theorem. 102. Fons. 8. Metaph. cap. 5. quæst. 1. & aliorum ferè omnium.

Habetur ex Arist.

Probatum primò manifesta Aristotelis auctoritate loco allegato 2. de Generat. in fine, vbi docet, ea quidem quæ incorruptibilia sunt & motu reuoluuntur in gyrum, redire semper eadem numero, nempe astra

cælestia: res verò corruptibiles non redire eadem numero postquam semel interierunt, sed solum eadem specie: *Quorumcumque, inquit, corruptibilis est substantia, necesse est specie non autem numero reueri: ideo aqua ex aere & aer ex aqua specie idem, non numero.* Idem indicauit 5. Phys. 37. & 38. & in Postpræd. cap. de Oppositis, à priuatione ad habitum non dari regressum.

Secundò. In speciali reditum illud ac reuolutionem mundi sapienter refellit D. August. lib. 12. de Ciuitate Dei. cap. 13. vbi inter alia inquit: *Absit vt nos ista credamus.* Et præcipuè refellit quibusdam Script. locis: *Christus semel pro peccatis nostris mortuus est Resurgens ex mortuis iam non moritur, mors illi ultra non dominabitur. Et nos post resurrectionem semper cum Domino erimus:* ita vt verificetur illud Psalm. *Tu Domine seruabis nos & custodies nos à generatione hac in æternum:* Et aduersarijs Philosophis possit congruè adaptari illud quod sequitur, *In circuitu Impij ambulat,* dum nempe vniuersum mundum & in mundo se ipsos perpetuo circulo redituros putabant. Hæc ergo fidei mysteria de Redemptione per Christum, de æterna Beatitudine Sanctorum, de æterna damnatione Impiorum, & alia quæ adduximus q. 31. de mundi extio eiusquæ statu post finale iudiciū, manifestè damnant oppositam illam Philosophorum existimationem.

Tertiò. Ratione iam discurrendo. Vndenam scire vel diuinare Philosophi illi potuerunt renouationem illam mundi? Sanè nemo nō videt fuisse merum figmentum temerè cogitatum: vnumquæ ex ijs quæ veteri Philosophiæ familiaria fuisse conferimus, quale erat illud aliud de pluribus mundis, aliaquæ similia absque vlla ratione conficta.

Sed præterea, nunquam astra cælestia esse ad illum situm coniungenda aut reducenda Astronomi affirmant: sed potius cælestes motus reperiuntur adeo inter se varij, vt incommensurabiles censeantur, id est vt nunquam omnes cælestes orbis & astra redeant coniunctim ad eundem situm & aspectum quem antea habuerint: & ita demonstrat Clavius in caput primum Sphæræ §. *De periodis motuum cælestium*. Sed etiã si vnquam tota cælorum machina ad eundem statum rediret, ac saltem quando ad finem deueniret tardissima illa reuolutio cæli in stellis deprehensa, adhuc non deberet ijdem aut similes effectus pariter renouari, quia cæli non sunt integra causa omnium inferiorum rerum, & mundus hic inferior non in eadem dispositione inueniretur: & maxime actus liberi & contingentes qui fiunt ab Intelligentijs & hominibus nulla naturali lege tenerentur, vt ijdem repeti deberent, quinimò diuersi & oppositi exerceri semper possent. Dato ergo illo casu de cælorum situ & motu, continuaretur mundus noua rerum serie & nouis indiuiduis intra rerum species, eo pacto quo nunc contingit: & effectus qui essent inter se similes non per hoc esse deberet ijdem numero in singulari.

Quartò. Vniuersaliter non solere nec posse naturaliter idem numero indiuiduum reproduci, probatur ex eo quod Theologi communiter notant, resurrectionem hominum quia omnis homo mortuus idem numero reuiuiscet, fore opus supernaturale & miraculosum. Imò Gentilibus vitium est incredibile. Et præclare Dionys. cap. 6. de Diuinis nominibus. *Resurrectio, inquit, vetustati visa est contra naturam, mihi autem & veritati supra naturam*. Hinc debet inferri multò minus naturaliter posse reparari vllum aliud indi-

uiduum: quia in morte hominis realiter remaneat eadem anima, sed separata; at in alijs rebus simpliciter forma corrumpitur.

Quintò. Causas naturales de se non esse determinatas *¶* certos singulares effectus, vt dicebat Scotus, vt propterea concurrente eodem agente eodemque subiecto debeat reproduci eadem singularis forma, iam diximus circa causas q. 16. sect. 3. Et alioqui, non solum in casu aliquo possibili, & non solum de facto in aliquo raro casu, sed valde frequenter & assidue deberet admitti eorundem indiuiduorum reproductio, vt ibi notauimus, quod sanè Scotus non admitteret.

Sextò. Reddenda præcipue est Ratio à ratio huius rei, & huius naturalis *priori* impotentia, quæ facilis nō est, dum *huius* supponimus absolutè non penitus *rei non* repugnare idem indiuiduum repro- *est defe-* duci vt ostendemus lect. sequenti. *Etus for-* D. Thomas loco citato cōtra Gent. *ma ope-* hanc rationem assignat. *vanis.* Natura non potest operari nisi per aliquam formam: quod verò corruptum est, amittit formam: ergo per operationem naturæ amplius reparari non potest. Sed hæc ratio, vt aduertit ibi Ferrar. §. *Circa rationem*, tantum probat, non posse corruptum reproduci à se ipso. At in hoc non oportet laborare: quia in vniuersum nulla res potest producere se ipsam. Sed sicut ab initio res producitur à causa distincta, quaritur ratio, cur non iterum postquam defuerit, poterit denuò à simili causa reproduci.

Alij rationem reddunt: quia causa naturalis, dum producit certum *Nec po-* effectum, amittit potentiam quam *testatis* ad illum supponebatur habere. Sed *in cau-* *sa.* certè hoc verum non est: quia potius nullum detrimentum suæ potentia patitur vlla causa per hoc quod actum exerceat. Et vna est potentia cuiuslibet causæ ad omnes effe-

effectus singulares quos intra proportionatam sibi speciem producere potest, quæ potentia semper integra remanet absque vlla imminutione sui.

Nec determinationis in effectu. Aliter ij qui existimant, effectum quemlibet singularem determinari ex certis causis certisque loci & temporis circumstantijs, hanc ipsam rationem reddunt, cur nō possit idem effectus numero reproduci, quia non possunt iterum eadem omnes circumstantiæ conuenire. Verū, ea determinationis ratio, nec necessaria nec opportuna erat, vt iam ostēdimus eodem loco q. 16. scct. 3. Et præsertim possent adhuc eadem causæ & omnes aliæ circumstantiæ in eodem statu redire, præter solam circumstantiam temporis: at verisimile non est, per solam temporis conditionem, ita determinari productionem cuiuslibet singularis effectus, quali in alia temporis differentia non potuisset eque benè produci. Quinimō, sicut res est indifferens ad omnia loca, & est indifferens ad existendum in omni differentia temporis, ita sine dubio non erat de se alligata vt certo puncto temporis produci deberet. Vnde vltèrius, sicut in prima sui productione potuisset fieri vno vel alio tempore, ita non obstat ex hac parte prima productio facta in vno tempore, quominus res posset rursus in alio reproduci. Diximus autem ibi, quemlibet singularem effectum determinari in omni casu à causa prima, vt videlicet hic & non alius producat; quæ determinatio in executione fit eodem ipso concursu quo Deus est auctor & causa omnium prorsus effectuum.

Sed sola determinatio cause primæ Nullam ergo aliam rationem esse arbitramur, cur non iisdem effectus numero reparentur, nisi hanc ipsam determinationem diuinam: Et alio qui ex parte rerum omnium,

nullum fore impedimentum quominus ita facillè posset quodlibet indiuiduum reproduci, sicut ab initio productum fuit. Cum ergo Deus tanquam causa prima sit qui determinet omnem singularem effectum quandocunque producendum; idem Deus determinauit iuxta naturalem rerum cursum, non pluries eundem effectum reparare, sed potius semper novos proferre. Atque ex vi huius diuinæ determinationis fit, vt naturaliter, hoc est iuxta determinatum & à Deo præstitutum rerum cursum nullus ab vlla naturali causa idem effectus numero reparetur. Colligimus autem hanc diuinam determinationem, Tum ex communi Sapientum estimatione, Tum à posteriori ex hætenus dictis. Tum vltèrius à priori ex cōuenientia rei. Nam cum sint tot effectus possibiles ac determinabiles; congruentius est, beneficium existentiae ad plures extendi, & non iterum reddi ijs qui semel illud habuerunt, & postea amiserint, sed potius alijs, qui nunquam antea habuerunt. Hoc ostendit magis rerum copiam, specierum amplitudinem in suis indiuiduis, & commendat magis diuinam largitatem. Ac demum, si effectus singulares determinarentur ab intrinseco ex natura rei, vtique non idem effectus sæpius repeteretur, sed potius noui semperurgerent: ergo eodem pacto putandum est, res ab ipso Deo ita disponi.

In contrarium Obijcies primò. *Quidā Ex Origene pro renouatione illa Scripserunt. Ecclesiastes 1. Quid est quod re locus fuit? ipsum quod futurum est. Quid explicat quod factum est? ipsum quod factum est. Nihil sub Sole nouum, nec valet quisquam dicere, ecce hoc recens est: iam enim præcessit in sæculis quæ fuerunt ante nos.*

Respondetur cum D. August. Nō esse sentum de iisdem rebus singulari-

laribus, sed de iisdem specie vel genere: quod scilicet regulariter loquendo, quodcunque genus rei quod esse cernitur, iam fuit olim, & erit adhuc in posterum: & sic nihil sub Sole nouum.

*Quadā
loca A
rist ex-
plican-
tur.*

Obijcies secundò. Arist. ipse 1. Cæli 22. & 1. Meteor. cap. 3. ait, easdem opiniones non semel aut bis sed infinities reuerti ad nos posita scilicet æternitate mundi: & lib. 8., ac 12. Metaph. tex. 11. ait, posita eadem causa effectiua eademque materia, eundem produci effectum.

Respondetur. Nihil minùs Aristotelem cogitasse, quàm eosdem singulares homines cū iisdem actibus & opinionibus in mundi cursu renouari. Solùm ergo voluit, easdem opiniones sapientius suscitari, quia alio & alio sæculo diuersi homines surgunt similia opinantes: vt iam in re litteraria quotidie experimur, dum videmus opiniones iam pridē antiquatas & absoletas à nouis opinantibus identidem renouari. In alio loco satis clarè loquutus est de identitate specifica effectuum qui à causis naturalibus ac necessarijs producuntur.

*Nec per
artē nec
per na-
turā po-
test idē
indivi-
dū re-
parari.*

Obijcies tertio. Potest per artem eadem domus ex iisdem lapidibus refici, idem exercitus ex iisdem hominibus, & sic de alijs huiusmodi: ergo facilius poterit per naturam idem indiuiduum reproduci.

Respondetur, ad summum posse per artem reuniri easdem partes al- cuius aggregati, quæ adhuc extant in se ipsis & destructæ non sint: nec fore eandem numero vnionem vel præsentiam quæ prius erat inter illas partes & dissoluta fuit. Non ergo sequitur, posse per naturam vllam formam corruptam, vllumquē indiuiduum reproduci.

*Nec per
natura-
lem in-*

Obijcies quartò. Saltem idem aliquis homo, qui non moritur per corruptionem suæ formæ, sed tan-

tum per separationem animæ à corpore, poterit per naturalem vel artificialem industriam reuocari ad vitam, nempe reuiniendo animam corpori. Posset enim saltem Angelus, applicando causas aptas & idoneas, reparare in cadauere præsertim recenti, debitas dispositiones ad receptionem animæ; & tunc naturaliter debet eadem anima ad suum corpus redire, & sic homo resurgeret: nec referret an esset idem vel distinctus numero modus vnionis.

Respondetur, multa & varia à Theologis ad hoc dici, vt defendant resurrectionem non esse naturaliter possibilem. Sed satis est breuiter dicere, nec posse per vllam talem industriam reparari dispositiones debitas animæ, quæ non nisi virtute seminis per propagationem ab initio potuerunt induci, nullaquē alia causa naturalis ad talem effectum sufficere potest. Nec vterius, data tali dispositionum reparatione, necessarium fore, vt eadem numero anima ad illud corpus redire deberet, quia non est ex natura rei alligata hæc anima huic corpori, sed ad diuinam prouidentiam spectaret disponere, quid in eo casu facere vellet.

Obijcies quintò. De facto constat, posse facili industria aliquod animal mortuum reuocari ad vitam. Et experientia huius rei est in promptu, quam affert Lucianus Philosophus in libro inscripto, Encomium Muscæ. Musca suffocata in aqua, dummodo non sit læsa in organis sui corpusculi, postea sepulta in cinere tepido, vel exposita Soli valido, breui tempore reuiuiscit, ac liberè euolat: quod sanè quisquis facile poterit experiri.

Propter hoc, idem Lucianus affirmat, animam muscæ esse immortalē, & ideo ad suum corpus redire.

Sed

*Quomodo possit
animal
aliquod
mortuū
reuocari ad vi-
tam.*

Sed impiè & ineptè. Aliqui nolunt concedere, muscam illam esse verè mortuam, sed dicunt esse solùm, consopitam. Sed non oportet id negare, dum apparet musca omni sensu & motu priuata, ac sine illa industria non reuiuiscit. Admitti ergò facilè potest, muscam mortuam reuiuiscere. Si enim ex puluere & aqua gigni solent tot animalia, & muscæ ipsæ gignuntur ex putri: quanto facilius in corpore illo muscæ in quo iam extant omnia organa apta ac requisita poterit induci anima. Dicendum itaque est, non eandem numero animam reparari, sed aliam de nouo produci, sicut si elset alia distincta materia: atque adeo non eandem resurgere muscam; sed nouam aliam surgere.

Quomodo non possit fieri natura- liter id quod poterit fieri per diuinā potētiā. Obijcies sextò. Si non est alia ratio cur non producatursidem effectus per naturales causas, nisi diuina determinatio: ergo in rigore non plus est difficile reproduci eundem effectum per causas naturales quam absolute ab ipso Deo: quia idem ipse Deus debet determinare effectus quos se solo producit ac effectus naturalium causarum. Sed absolute loquendo potest Deus sua potestate reproducere eandem indiuidua, ut statuemus scēt. sequenti: ergo sic etiam absolute dici debent posse per naturales causas reproduci.

Respondetur. Vtrò fatendum esse, eandem in rigore rationem procedere de effectibus quos Deus siue se solo siue cum causis secundis producere potest. Nec minùs illi etiam facile vno vel alio modo reproducere eundem effectum. Sed discrimen ad summum consistit in hoc, quòd iam de tacto statuit ac decreuit, non reparare eandem effectus in determinando causas creatas ad suas singulares operationes, & hoc erat consentaneum rebus

ipsis: vnde iuxta hunc ordinem & rerum cursum naturalem dicimus non posse naturaliter eadem indiuidua reproduci. Et insuper quatenus ipse Deus operatur ut prima causa naturalis, non inuenietur per se vnquam reproducere idem indiuiduum antea corruptum. Sed tamen respiciendo absolute ad diuinā potestatem, poterit simpliciter Deus idem indiuiduum reparare: ac tanquam auctor supremus habens virtutem operandi supra omnem rerum ordinem consuetum, de facto id exequitur in hominum resurrectione, ut iam tractandum sequitur.

SECTIO DECIMA.

An possit per diuinā potētiā idem quod corruptum erat, non solum in rebus permanentibus, sed etiam successiuis, denuò reproduci.

Gentiles, tam Philosophi, quam Vulgares, quia non agnouerunt resurrectionem hominum futuram, putasse videntur, esse prorsus impossibile, indiuiduum antea corruptum denuò reproduci. Tertullian. lib. de Præscript. Hæretic. cap. 7. refert, ex omnium Philosophorum schola sumi, resurrectionē eiusdem hominis esse impossibilem. Ac specialiter aduersus veram fidē eam negarunt Epicurei & Stoici, ut retertur Actor. 17. & inter Iudæos Sadducæi Matth. 22.

Rursum ex nostris Doctoribus, Durand. in 4. d. 43. q. 3. Ioannes à Neapol. Quodlib. 21. q. 6. Abulens. in cap. 22. Matth. q. 238. & Martili. lib. 2. de Generat. q. 18. absolute negant, vllum indiuiduum secundum eam entitatem vel formā qua sit verè corruptum posse per Dei potentiam reproduci. Affirmant enim

Sciētiā negans de omnibus.

enim, tantum in resurrectionem hominis esse possibilem, in quantum tam anima quam materia in se realiter persisterunt: unde non admittunt, eandem numero unionem quæ verè deperdita fuit reparari: & sic dicunt omnem aliam formam vel rem quæ verè destructa sit, non posse ex non esse ad esse iterum reuocari. Adducit etiam pro se Durand. quædam loca D. Thomæ, nempe 3. par. q. 77. art. 5. & in 4. d. 44. ac 12. in quibus locis S. Doctor negare videtur, rem quæ abierit in nihilum, posse reuocari. Sed tamen S. Thomas loquutus tantum est de potentia Dei ordinata, non absoluta. Ac præsertim in illo loco 3. partis docet, dici non posse substantiam panis & vini redire in Sacramento, iuxta ea scilicet quæ congrua sunt eidem Sacramento, & ne inutilia miracula multiplicentur. In quarto verò sententiarum, cum proposuisset quoddam argumentum contra resurrectionem, ex eo quod non potest idem realis sensus idemque animal reparari: respondet illud argumentum solum militare contra eos qui animam sentitiuam in homine à rationali distinguebant, & corruptibilem tacebant: sed nihil facere contra se qui animam sentitiuam vnā cum rationali & immortalem supponebant. Itaque non per hoc consentire voluit ad negandum, eandem formam corruptam posse reparari: sed ab hoc abstrahendo, voluit illo modo dissolvere argumentum. Alijs autem in locis satis clarè S. Doctor suam mentem aperuit ut infra referemus.

*Sententia
negans
de rebus
succes-
sibus.*

Aliorum valde frequens sententia est, posse quidem per diuinam potentiam idem individuum de rebus permanentibus, quantumuis corruptum & ad nihilum reductum, iterum produci ac ad pristinam existentiam reuocari; sed nullatenus id

fieri posse de rebus successiuis, non posse eundem motum idem tempus reparari & ad existendum reduci. Ita D. Thomas Quodl. 4. art. 5. Capreol. in 4. d. 43. q. 1. Ferrar. 4. cont. Gent. cap. 81. Henricus Quodl. 7. q. 16. Vasq. 1. par. disp. 33. num. 19. Fonseca 8. Metaph. cap. 5. quæst. 2. & 3. & alij plures.

Demum vniuersaliter in omnibus rebus tam successiuis quam permanentibus posse idem individuum, corruptum per Diuinam potentiam reparari, affirmant Basolis in 4. d. 43. q. 1. Mayron. d. 44. q. 3. Conimbr. 2. de Generat. cap. 11. q. 3. Suarez disp. 50. Metaph. sect. 9. Adhæret Aureol. in 4. d. 43. q. vnica art. 5. vbi tenet, posse quidem eundem motum numero reparari, non autem idem tempus.

Dico primò. Potest omnino per Dei potentiam individuum antea corruptum de nouo reproduci & ad pristinam existentiam reuocari, scilicet in rebus permanentibus, etiam scilicet quoad formam seu entitatem quæ verè esse desierit, ac etiam si in nihilum de fecerit. Hæc assertio est Theologorum communis, itemque Philosophorum qui hanc rem attigerint.

Probatur primò ex Fide resurrectionis. Apud nos enim ex diuina reuelatione notum est, eosdē ipsos homines toto sæculi decursu defunctos, fore in fine mundi ad vitam reuocandos. Ita expressum habemus in Sacris Scripturis, & in symbolis nostræ fidei profiteamur. Ac de facto nouimus ex diuinis litteris & ex Sanctorum historijs, sæpius fuisse varios mortuos suscitatos. Hinc autem colligendum est, posse pariter diuina virtute individuum penitus corruptum per desitionem suæ formæ & entitatis, ac etiam si quoad materiam totamque suā substantiam esset penitus reductum in nihi-

*Senten-
tia affir-
mans de
omni-
bus.*

*Conclu-
sio affir-
mans de
rebus
perma-
nentibus*

*Proba-
tur ex
fide re-
surre-
ctionis.*

nihilum, posse inquam denuo re-
produci. Nam verè idem ipse ho-
mo qui mortuus erat, & simpliciter
non existerat, postea de nouo in-
cipit viuere & existere. Atque ad
maiorē vnitatem hominis resur-
gentis, purandum est, eundem nu-
mero modum vnionis realem qui
dissolutus erat denuo reparari.

**Proba- tur ra-
tione.** Secundò ratione probatur. Quia
certè ex parte Dei, integra semper
& perfecta in eodem suo statu re-
manet eius potentia. Ex parte ef-
fectus, sicut is ante quam esset erat
verè possibilis, & ita potuit primò
produci; ita pariter quando iterum
non est, adhuc erit verè possibilis,
& poterit de nouo produci. Nam
per corruptionem reponitur in eo-
dem statu in quo fuerat ante produ-
ctionem: neque sanè amittit possi-
bilitatem essendi, sed semper de il-
lo dicitur eadem eius essentia, quæ
realis cum sit, dicit possibilitatem
existenti. Nullaque repugnantia
nec difficultas de nouo surgit ex
corruptione ipsius rei, nullum im-
pedimentum ex eo quòd prius exi-
terit in rerum natura relinquitur.
Imò D. Aug. lib. 22. de Ciuit. cap.
20. & serm. 19. de Verbis Apostoli,
& Gregor. homil. 27. in Euangel.
significant, facilius potius esse Deo
reparare quod aliquando fuit, quàm
facere quod simpliciter nunquam
fuit. Idq. intelligere videntur, vel
respectu nostræ existimationis, quia
iam experti sumus, id quod aliquan-
do fuit, esse verè possibile: vel re-
spectu creationis, quia minus est
eandem formam in materia repa-
rare, quàm ab initio totam substan-
tiam ex nihilo procreare.

Tertio. Hoc idem planè sequitur
ex dictis sectione præcedenti, vbi
vix inueniebatur ratio quare non
etiam naturaliter possint & soleant
eadem indiuidua reproduci: & quæ-
cumque ratio procedat de causis

creatis & naturali rerum ordine,
nullatenus potest obitare diuinæ
potentiæ. Imò, cum dictum sit,
non aliam esse rationem illius or-
dinis naturalis, nisi determinationē
diuinam ad nouos semper effectus;
iam patet, quàm facile posset Deus
iterum & iterū determinare sapius
eisdem singulares effectus. Atque,
etiam si ratio eius determinationis
sumeretur ex rerum causis & cir-
cumstantijs, ac specialiter ex diffe-
rentia temporis; adhuc nihil magis
posset diuinam impedire potētiā,
quominus cum alijs circumstantijs
ac in alia differentia temporis eun-
dem singularem effectum valeat re-
parare. Vnde demum, non solum
se ipso poterit Deus reproducere,
quod antea corruptum erat, sed etiā
pari facilitate posset determinare
causas creatas ad eisdem reprodu-
cendos effectus. Et hoc simpliciter
non esset eas eleuare supra earum
virtutem, quasi ad modum instru-
menti: sed non minùs tales causæ
agerent principaliter prout in pri-
ma illarum rerum productione: quia
non alio auxilio ad id indigerent,
nisi determinatione illa diuina ad
eos singulares effectus, qua deter-
minatione ab initio indigent in pri-
ma cuiuscūq; effectus productione.

Dico secundò. Potest etiam per **Conclu-
sio affir-**
Dei potentiam idem indiuiduum de **mans**
rebus successiuis quod iam pertran- **etiam de**
sijt denuo reparari, idem scilicet **rebus**
motus, & idem reale tempus: dico **successi-**
reale tempus quod est intrinsecum **uis.**
motui: alioqui tempus extrinsecum
quod dicitur imaginarium cogitari
non potest idem redire. Probatur
hæc assertio ijsdem rationibus ac
præcedens: præsertim quia, sicut
quisquis motus successiuus potuit
prius produci quando antea pror-
sus non fuerat: ita omnino post quā
delijt & amplius non est, poterit
iterum & quæ benè idem ipse produ-
ci:

ei: verbi gratia eadem reuolutio cæli vno die peracta, eadem scilicet localis præsentia successiua per idem spatium, posset repeti alio die, & sic de omni alio motu. Cum ipso autem motu eadem facilitate potest iterari eadem duratio intrinseca, eius, eadem successio, & hoc est tempus reale ac intrinsecum motui.

Confirmatur magis. Motus successiuius non est per se alligatus certo tempori imaginario, sed indifferenter se habet ad omne tempus: & similiter se habet successio intrinseca ipsius motus siquidem non est formaliter præsentia ad hoc vel illud tempus imaginarium, sed est absolutè extensio ipsius motus in se per suas partes. Itaque idem ipse motus cum eadem sua intrinseca successione potuisset ab initio fieri prius vel postea in comparatione ad tempus extrinsecum, cum totali indifferentia ex parte sua. Et totum quoque vniuersum cum iisdem omnibus suis motibus potuisset à Deo antea & antea procreari, ac similiter in posterum differri. Dico cū iisdem motibus: quia ex hoc nō oportuisset alios ac distinctos numero esse motus: sed verè hos eisdem penitus motus potuisset Deus pro sua libertate in quouis tempore extrinseco cum eadem eorum successione intrinseca disponere. Hinc autem euidenter sequitur, etiam postquam motus quispiam fuit ac transijt & desijt cum sua successione, posse adhuc postea iterum & iterum à Deo in alio tempore extrinseco reparari: quia nulla planè noua repugnantia surgit, sed totum reponitur in illo statu in quo fuerat ante primam productionem.

Tempus autem imaginarium cogitari non potest iterum reparari. Tum quia in se non est quicquam reale, & nec ab initio realiter producit: unde prorsus non est ca-

pax reparationis: Tum quia concipitur essentialem dicere talem ordinem suarum partium quas in illo apprehendimus, vt hæc sit prior illa posterior, hæc immediatè ante illam & illa post hanc sequatur, & sic de singulis quibusque partibus: vnde etiam si reale esset, non posset iterum & sub alio ordine reparari, sicut nec ab initio potuisset talis ordo immutari, quasi transferendo ac transmutando vllam partem ipsius temporis. Postremò, tam hæc quàm præcedens conclusio eo magis ex obiectionum solutione constabit.

Obijcies primò ex Durando. Nō potest à causa naturali creata reproduci vllus effectus: ergo nec à Deo. Quia vel disparitas elset ex parte ipsius effectus, vel ex parte agentis, vel ex parte modi agendi. Non primum: quia effectus semper supponitur esse idem. Si dicatur secundū, differentia erit, quia virtus Dei est infinita. Sed certè ad effectum finitum, & qui etiam in reproductione elset finitus, per se non requiritur virtus infinita. Si dicatur tertium, differentia elset quam assignat S. Thomas Quodl. 4. art. 5. quia causa creata operatur per motum, motus verò est successiuius, & ideo reparari non potest. At certè per similem actionem deberet produci forma aliqua permanens in materia, siue producatur à Deo, siue à causa creata: ergo potius eadem est vtriusque ratio.

Respondetur. Benè probare nullum ex ijs esse discrimen. Quare argumentum hoc multum valet cōtra illos, qui ex intrinseca natura rerum ducere contendunt rationem quare non reproducatur naturaliter idem numero indiuiduum. Sed sola ratio discriminis est diuina determinatio, vt iam diximus. Itaque, absolutè loquendo nulla ex parte occurrit repugnantia, ne reproduci possit quod

*Cur pos.
sit à Deo
nō autē
à causa
naturali
repro-
duci idē
effectus.*

corruptum erat: sed iuxta ordinariū & conuenientē rerum cursum, Deus non determinat reproduci eosdem effectus, sed benè determinare posset. Quod si, possibilitate supposita, non videatur cuiuspiam sufficienter ostendi non id de facto contingere: putet potius aut dubitet, id de facto fieri quàm neget simpliciter posse fieri.

Cur possit à Deo agente libero et non possit ab agente necessario. Obijcies secundò ex eodem. Non plus potest nunc agere Deus per liberam voluntatem, quàm si iuxta opinionem quorūdam Philosophorum ageret ex necessitate naturæ: non enim potentia Dei augeatur per eius voluntatem, quæ solum addit liberū usum potentia. Sed si Deus ageret ex necessitate naturæ, non posset individuum corruptum reproducere, quia tunc ageret ad instar aliorum agentium naturalium: ergo neque nunc de facto potest. Confirmat: quia ex eo quòd Pater æternus necessario gignit filium, data hypoteli, quòd hunc actum interromperet, sequeretur, non eundem sed alium distinctum filium debere producere: ergo idem valet in productione creaturarum ad extra.

Respondetur primò. In opinione & hypoteli illa de necessitate Dei in operando Deus non posset plura facere quæ non fecit: sed iuxta veritatē de libertate Dei in operando potest in infinitum plura. Igitur plus potest Deus dum est agens liberum, quàm si elset agens necessarium. Et quamvis non ipsa voluntas formaliter augeat potentiam, tamen comitatur potentiam longè excellentiorem. Secundò. In illa opinione & hypoteli, potius dici deberet, necessarium fore, ut iidem effectus corrupti reproducere-tur, quia absolute id est possibile. Et sic etiam ad confirmationem dicendum, in illa hypoteli se qui etiam debere eundem filium regenerari.

Obijcies tertio. Omnino non fore idem numero individuum, prius præteritum, & postea reproductum. Tum quia, ut arguit Durand. valeret dicere, Angelum v.g. bis existisse: quæ non elset numeratio duplicis agentis, vel alterius extrinseci, sed ipsius Angeli & existentie eius; ergo verè elset duplex Angelus existens. Tum etiam, in hac replicatione Angeli deberet esse duplex duratio: alia enim elset prior, alia posterior, & inter vnam, & aliam medietur tempus, nec Angelus prius habuisset durationem postea futuram, nec postea haberet durationē antea præteritam. Sed apud nos duratio permanens est idem realiter cum existentia & entitate rei: ergo elset duplex res. Tum demum reproductio Angeli deberet esse actio distincta à prima productione; non enim potest redire eadem actio, sicut nec idem motus ac tempus: sed actionibus distinctis omnino correspondent termini distincti: igitur non potest idem ipsum individuum reproduci.

Respondetur ad primam instantiam. Sicut de facto est idem Angelus, eademque eius existentia, perseverans verbi gratia tribus annis, ita fieri potuisset ut idem ipse existeret primo ac tertio anno, & non illo secundo intermedio. Et rectè diceremus, Angelum bis existisse: quæ non elset numeratio duorum Angelorum; vique enim aliud est dicere duos Angelos, ac vnum Angelum bis existentem: sed tantum elset numeratio eiusdem rei prout coexistentis duplici tempori interrupto, sicut si vna & eadem res replicetur in distinctis locis. Ad secundam instantiam. Apud nos vnicam etiam fore durationem bis repetitam, sicut dicimus de existentia: quæ duratio diceretur prior & posterior, quatenus correspondens priori

*Quali-
rer esset
idē in-
dividuū
produ-
ctum ac
repro-
ductum.*

priori & posteriori tempore: et semper Angelus haberet eandem totam durationem intrinsecam, sed antea non habebat quatenus correspondentem tempore posteriori, nec postea habet quatenus correspondebat tempore priori: & hoc idem procedit etiam de facto, dum Angelus coexistit tempore succedenti per partes priores & posteriores, licet absque interruptione. Ad tertiam denique instantiam. Potest per distinctam duplicem actionem idem ipse terminus bis produci. Potest etiam eadem ipsa actio replicari, sicut de facto eadem actio sub ratione conseruationis totò sequenti tempore perseverat. Et si qua esset specialis repugnantia de motu ratione successionis, iam non procederet de tali actione, quæ indiuisibiliter exerceretur tota simul, & se habet prorsus sicut alie res permanentes.

Quo pacto esset unus motus replicatus in diuerso tempore.

Obijcies deinde quartò ad probandum, saltem in rebus successiuis non posse idem individuum reproduci, ex D. Thom. & alijs. Vnitas motus dependet maximè ab unitate temporis, ut docuit Arist. 5. Phys. ergo repugnat prorsus vnum & eundem motum in diuersis temporibus replicari. Addit Fonseca: Omnis motus singularis est per se alligatus certo tempore imaginario: ergo non potest in alio repeti.

Respondetur, Arist. docuisse tantum, unitatem continuatiuam motus, idest quòd motus sit vnus continuus, pendere ab unitate idest cōtinuitate temporis. Vnde bene adhuc poterit vnus & idem continuus motus secundum eandem suam cōtinuitatem replicari in alio & alio tempore pariter continuo. Sic etiam vnitas magnitudinis dicit unitatem loci per continuationem, sed bene potest in pluribus locis vnoquoque in se continuo reperiri. Neque verò

plus est alligatus motus vni certo tempore imaginario, quàm corpus vni certo loco seu spatio.

Obijcies quintò. Essentialis ratio successionis est, rem ita statim transire & euanescere, ut plus existere nequeat: ergo res successiua postquam semel transijt non potest amplius reparari. Confirmatur primò ex Durando: Minus est conseruare rem existentem ne corrumpatur quam reparare corruptam: sed non potest Deus rem successiuam conseruare ne corrumpatur: ergo à fortiori nec reparare corruptam. Confirmatur secundò. Partes motus ex natura sua habent certum ordinem prioris & posterioris: sed si idem motus denuò reparetur, pars quæ erat prior efficietur posterior eadem parte posteriori prius elapsa: ergo non potest idem ipse motus iterari.

Respondetur facile. De ratione successionis esse, ut res tunc cum existit, fluat ac transeat, & non secundum eandem partem persistat. Ex quo non repugnabit, iterum adhuc renouari, ut similiter fluat ac transeat. Et hinc ad primam confirmationem dicendum, quicquid sit de rebus permanentibus, tamen in rebus successiuis, minus esse motum reparare quàm conseruare: siue vnum esse possibile, aliud impossibile: quia vnum optimè saluat, aliud destruit naturam successionis. Ad secundam dicendum: In primis, licet de ratione motus sit ordo partium, non propterea esse talem certum ordinem, quo hæc pars sit prior, illa posterior: sed posse etiam conuertere ordinem: & motus ille qui fit à puncto A ad punctum B, fieri poterat & iterari poterit è conuerso à B ad A. Deinde per illam renouationem non immutaretur ordo: quia quælibet pars quatenus renouata debet comparari ad alias pariter qua-

Quæ ratione motus non possit conseruari, sed possit renouari.

tenus renouatas, & non quatenus primò præteritas.

Quo pa-
cto tem-
pus pos-
sit aut
non pos-
sit reuo-
cari. Obijcies sextò specialiter ex parte temporis. Communis omnium sensus est, tempus reuocari non posse, iuxta illud: *Fugit irreuocabile tempus*. Et ratione probatur: quia si dies quæ præterijt potest reuocari hodie, erit vna dies in duobus diebus, quæ est aperta contradictio: unde rectè Cicero lib. 2. de Finibus, *Non potest dies esse sapius quæ semel fuerit*. Imò vt addit Durand. quia semper posset iterari eadem dies, sic totus decursus temporis esse vna dies.

Respondetur. In primis tempus imaginarium repeti & reuocari non posse: & intuitu huius temporis distribuuntur dies & anni, & aliæ partes. Item tempus reale quatenus coincidens cum certo tempore imaginario reuocari non posse, quasi scilicet simul cum illo denuò repetatur: quamuis secundum se absolute repeti possit. Sic locus dicitur immobilis, quatenus scilicet connotat certum spatium imaginarium, quamuis secundum se illa realis superficies quæ dicitur locus bene possit aliò transferri. Rursus etiam secundum realem & absolutam entitatem non potest idem tempus aut motus per naturæ vires reuocari. Præcipue demum, non potest tempus reuocari, quasi faciendo vt non transierit: fieri non potest, vt homo qui vixit iam decem annos, non illos vixerit, vt notauit Lucret. lib. 1. de Rerum natura, *Irreuocabilis abstuleris iam præterita ætas*. Neque ad hæc omnia quicquā faceret, quòd Deus eandem reuolutionem caelestem vna die peractam renouaret alia die, &

sic de alio quocumque motu ac tempore illi intrinseco. Itaque bene posset esse vna dies realis, id est vnus cæli motus, replicatus in duobus diebus imaginarijs: & sic etiam per totum temporis decursum.

Obijcies septimò. Si potest tempus præteritum denuò reuocari: ergo datur potentia ad præteritum: fierique poterit, vt præteritum sit præsens atque futurum. Sed tamen certum & exploratum est, ad præteritum non dari potentiam. Et addit Fonseca: Non sufficiet dicere, non tolli priorem transitum temporis præteriti, sed solum iterum renouari: quia sequitur, inquit, eandem verbi gratia horam fieri duplò longiorem se ipsa: quod planè repugnat.

Respondetur. Ad præteritum non dari potentiam, quasi fieri possit, vt id quod fuit non fuerit: sed bene fieri poterit vt iterum sit, & nunc sit denuò præsens, ac postea futurum. Itaque dum ait Plutarchus lib. de Tranquill. animæ, *Præterita deleri non possunt, nec iterum in posterum præstari*: primum est absolute verum respectu cuiuscumque potentiae, secundum respectu causarum naturalium. Neque per illam replicationem fieret eadem hora entitatiuè longior aut maior se ipsa, siquidem eadem semper esset: sed solum coexisteret duplici horæ temporis imaginarij, quia bis existeret. Sicut si replicetur idem corpus secundum suam quantitatem in duobus locis, non fit secundum se maius se ipso, sed solum duplicatur quoad locum, et constituitur in duplici spatio adæquato sibi.

Quo pa-
cto ad
tempus
præteri-
tum de-
tur aut
non de-
tur po-
tentia.

QVÆSTIO TRIGESIMAOCTAVA.

De Corporum Inferiorum accidentibus & mutationibus.

Et primò quoad Quantitatem.

DE communi horum accidentium ratione nihil amplius dicendum superest, præter ea quæ in vniuersum de omnibus accidentibus in communi suo loco tractauimus. Neque determinata horum accidentium ratio ad differentiam accidentium superiorum corporum potest aliter explicari, quàm per respectum ad tale suum subiectum. Et alioqui nec etiam secundum rationem mutationis, generationis, & corruptionis, satis determinari posset: Tum quia per se necesse non est, omnia accidentia inferiorum corporum esse generabilia & corruptibilia: quinimò de quantitate res est dubia: & de potentia materiæ si ab ea distinguatur & dicatur qualitas, res est certa quòd mutari non possit: Tum etiam quia ex aduerso in celestibus corporibus aliqua accidentia mutabilia inueniuntur, vt patet saltem de lumine. Coniungimus autem mutationes cum accidentibus inferiorum corporum, quia doctrina erit communis. Atque ad tria capita adæquatè hæc omnia reducemus: ad quantitatem, quo nomine intelligimus continuam permanentem quæ dicitur magnitudo: ad qualitatem: & ad locum. Reliqua enim, vel penitus inter communia genera antea expedita sunt, vt relatio, habitus, & duratio: Vel modò inter hæc alia confundentur, nempe actio & passio cum mutatione, vbi & situs cum loco.

Circa quantitatem, iam satis etiam essentialè eius rationem in proprio tractatu quæst. 22. transegimus: & rursus, an sit diuersæ rationis quantitas inferiorum ac celestium corporum, circa celestium corporum accidentia quæst. 34. sect. 1. attigimus. Videndum solum superest de inferiorum corporum quantitate, qualiter pro eorum singulis terminetur, An videlicet corpora hæc per se sibi determinent certam molem, & singula sibi conuenientem. Item de quantitatis mutatione, qua corpora augeri solent aut minui. Quæ mutatio dupliciter contingit: vno modo per additionem aut ablationem substantiæ quantæ, & hæc mutatio propriè dicitur augmentatio & diminutio: alio modo absque additione aut ablatione substantiæ, & hæc dicitur rarefactio & condensatio. Prior mutatio rursus duplex est. Vna omnibus communis, quæ per causam extrinsecam exercetur, vt cum vni aquæ additur alia, vel detrahitur aliqua pars & hæc non est aliud quàm continuatio vel diuisio, de qua iam satis constat ex communi quantitatis tractatu. Alia est videntium propria quæ in ijs ab intrinseco exercetur, qua plantæ & animalia ætatis progressu accrescunt: & de hoc agit quidem Arist. in iisdem libris de Generatione: sed sanè, cum sit res propria videntibus, & sit opus animæ vegetatiuæ in eum proprium locum differenda est. Posterior autem mutatio dicta penes raritatem ac densitatem, peculiarem discussionem exposcit, & ad hunc locum propriè spectat.

S E.

SECTIO PRIMA.

Vtrum omnia vel aliqua corpora determinent sibi certos terminos suae quantitatis.

Terminus quantitatis corporum considerari potest ac debet, tum quoad magnitudinem, tum quoad paruitatem. Et certum quidem est, de facto omnia corpora habere certum terminum magnitudinis quo non sint maiora, & certum paruitatis quo non sint minora; atque inter vtrumque terminum habere latitudinem quo intra suam speciem alia sint maiora alia minora. Vnde certum etiam est, singula in sua specie non determinare sibi ab intrinseco vnā fixam quantitatis mensuram, in qua omnia indiuidua debeant conuenire, & quam nec in maius nec in minus praeferire possint. Sed dubium remanet, num ab intrinseco quaelibet vel aliqua corporum species determinet sibi certum terminum magnitudinis quem ex natura sua excedere nequeat, ac similiter alium certum terminum paruitatis intra quem non possit descendere.

Prima sententia est quae vniuersaliter affirmat, omnia corpora ex natura sua & ab intrinseco sibi in sua specie praefigere certos terminos tam magnitudinis quam paruitatis. Indicat Auerr. 6. Phys. comm. 91. & lib. 8. comm. 62. qui licet exemplum afferat in viuētibz, tamen doctrinam videtur tradere generalem de omnibus: Idem videtur sentire Caiet. 1. par. quaest. 7. art. 3. inductus eo quod D. Th. ibi ait, quodcumque naturale corpus ex vi suae determinatae formae habere determinatam quantitatem, nec maio-

rem, nec minorem. Sed D. Thomas potest intelligi, vt quoad magnitudinem solum docere voluerit nullo corpus posse esse actu infinitum: de hac enim re ibi loquebatur. Pro eadem sententia faciunt Ferrar. 1. Phys. quaest. 7. Iandunus quaest. 16. & quidam alij. Fauet tandem Lucret. lib. 1. de Rerum nat. Denique iam quoniam generatim reddita finis, crescendi rebus constat, vitamque tuendi.

Secunda sententia est aliorum asserentium, corpora viuētia verē determinare sibi ab intrinseco certum terminum tam paruitatis quam magnitudinis; corpora verō non viuētia determinare sibi solum terminum paruitatis quo minora esse non possunt, non autem magnitudinis quo maiora esse nequeant. Ita videtur supponere D. Thomas 1. par. q. 7. art. 3. Et ita sentiunt Durand. in 2. d. 18. quaest. 1. Capreol. & Hispalens. d. 19. quaest. 1. Soncinas 8. Metaph. quaest. 3. Conimb. 1. Phys. cap. 4. q. vnica Tolet. eod. lib. q. 9. & alij.

Tertia demum sententia asserit, sola corpora viuētia determinare sibi vtrumque terminum, non viuētia verō neutrum, sed ex natura sua posse esse ita minora semper & minora, sicut maiora & maiora. Ita docent Scotus in 2. d. 2. q. 9. Ochamus dist. 8. Maior in 1. d. 17. q. 16. Valletius controu. 5 Physicæ, Ruuius 1. Phys. cap. 4. quaest. 2. Perer. lib. 10. cap. ultimo, Aresius 1. de Gener. quaest. 35. Dandinus 2. de Anima digress. 21. & alij plures.

Dico primò. Verē corpora omnia viuētia ex natura sua determinatos sibi possunt terminos quantitatis, tam in magnitudine quam in paruitate, quos naturaliter nequeunt praeterire. Hæc assertio est communis, est omnium quos pro aliatis sententijs allegauimus. Probatur

Corpora viuētia determinant sibi terminos quantitatis.

primò ex Arist. qui sic apertè docuit 1. Phyl. 36., 2. de Anima 41., & lib. 2. de Generat. Animal. cap. 11.

*Patet
experiē-
tia.*

Secundò probari potest experiētia, qua observare licebit, omnium specierum viventia usque ad certam magnitudinem & parvitatem extendi, & non supra nec infra. Nunquam inuentus est homo magnus ut mons, vel parvus ut formica: & sic de alijs omnibus viventium speciebus. Quod certè signum est, quamlibet viventium speciem certos habere ex natura sua terminos definitos quos transgredi nequeat.

*Oritur
ex ipsa
viven-
tium na-
tura.*

Tertiò. Præcipua ratio à priori huius rei est: quia viventia habent talem naturam cum tali membro- rum & organorum distinctione & apparatu, ut certas quasdam vitales operationes ad sui conservationem intra se debeant exercere, cum certa quadam communicatione & mutuo subsidio inter eadem organa & membra: quæ omnia saluari & exerceri non possunt in quantumvis magna vel parva quâtitate. Assumptum demonstratur exemplis. Homo habet tot varia membra, quæ opus habet mouere ipsæque vult: at non posset ea mouere, si essent amplioris quàm par est magnitudinis: virtus enim motiua eius est finita & limitata in certa quadam mensura, & non quodcumque magnum pondus eleuare posset. Item opus est, ut cor & secur diffundat calorem ad alia membra: quod præstare non posset ad partes nimis distantes. Insuper necesse habet assumere & concoquere alimentum, & ad singula membra impertiri, quod fit per virtutem diffusiuam ex vna parte & attractiuam in alia: omnis autem huiusmodi virtus est finita ac limitata. Dum ergo homo, & sic omne aliud vivens, hos actus non potest ad quantamcumque distantiam perficere, ex natura sua determinat libi cer-

tum terminum magnitudinis quem excedere ne queat. Demum vivens augetur ab intrinseco ex sua vitali virtute, quæ utique finita est, & ita non poterit in quantamcumque molem exerefcere, sed cuidam mensuræ subijci debet ultra quam magis augeri non possit.

Ex alia parte tot ac talia membra & organa, prout ad quamecumque viventium speciem opportuna, non nisi sub certa & competenti magnitudine & congrua capacitate distinguui & efformari naturaliter poterunt: igitur requireret etiam omne vivens in sua specie iuxta suam proportionem certum terminum parvitatatis intra quem non possit immitti. Sic notavit optime Arist. lib. 7. Politic. cap. 4. *Est quadam mensura magnitudinis, animalium, plantarum, instrumentorum: nam horum singula, neque parva nimium, neque magnitudine excessiva, suam potentiam retinebunt; sed aut destituta omnino erunt à natura, vel malè se habebunt: cernamus unius palmi non erit penitus nanus, neque duorum stadiorum.*

Quartò. Alia peculiaris ratio in homine oritur ex anima rationali, & sic pariter si in alijs perfectis animalibus anima indiuisibilis censetur. Cum enim tota in qualibet corporis parte existere debeat, non poterit ad quamecumque pertingere molem, sed intra determinatam sphericam concludi debebit, sicut supponimus, se habere Angelos ipsos in loco: igitur homo, & si quæ alia animalia indiuisibili anima cōstent, non nisi ad certum magnitudinis spatium possunt extendi. Addit aliā rationem Lucretius lib. 1. de Rerum nat. ex parte materiæ, dicens: *Denique cur homines tantos natura parare nō potuit, pedibus qui pontum pervadere possent transire, & magnos manibus disvellere montes, multaq;*

*Oritur
præ-
terea ex
peculia-
ri ratio-
ne ani-
mæ in-
divisi-
bilis.*

vinendo vitalia vincere facta; si non materies quia rebus reddita certa est? Sed verè tamen non ex parte materiæ qua satis intra hoc vniuersum abundat, ac etiam esse posset adhuc maior; sed potius ex parte formæ, tam in hominibus, quam in alijs viuentibus, certa singularum specierum magnitudo determinatur.

Varij sunt termini diuersorum viuentium.

Ceterum, de se patet, non eosdem esse terminos omnium specierum viuentium, sed varios ac peculiare singularem, iuxta diuersas nempe eorum naturas & operationes. Non utique ad eandem magnitudinem hominis potest crescere formica, nec ad eandem paruitatem formicæ contrahi homo, & sic de alijs varijs speciebus. Nobis autem constare non potest, quisnam sit terminus cuiusque speciei: sed satis est, quod verè in se determinati sint huiusmodi termini: & non solum Deo manifesti sunt, sed etiam Intelligentijs noti censeri debent. Item, nec scire possumus, an de facto vllum viuens attigerit vltimum terminum sue speciei, supra quem non posset aliud maius inueniri, aut infra quem aliud minus. Sed certè putandum est, solere potius intra vtrumque terminum mediare, magis aut minus ad maximum vel minimum accedendo.

Corpora non viuentia non determinat sibi terminum magnitudinis.

Dico secundò. Corpora non viuentia, non determinant sibi ex natura sua & ab intrinseco vllum certum terminum magnitudinis, quinimò quatum est de se in infinitum possunt extendi. Hæc assertio est Auctorum tam secundæ quam tertię sententię. Probatur primò aperte ex Arist. 2. de Anima 41. vbi ait, *Ignis augmentum in infinitum abie, quousque fuerit combustibile.*

Secundò. Experiẽtia patet, ignem semper comburere, et in ignem conuertere quicquid appositum fuerit cum sufficienti proportionem & aptitudine, qua additione semper maior

ac maior efficitur totus ignis: ergo signum est, huiusmodi corpora non viuentia non concludi intra vltos certos terminos magnitudinis. Ac certè si daretur ignis quantumvis ingens, posset sulphur appositum comburere, ac in ignem conuertere, & sibi adiungere. Dicere autem, quod talis ac tantus ignis non combureret, aut quod deberet tantundem ex alia parte amittere; non solum falsum, sed & ridiculum ac fatuum appellat Perer. lib. citato cap. 23. proposit. 5. Dicere etiam cum Caiet. tunc ignem faciendum maiorem per aggregationem, & non quasi vnum per se, est prorsus vanum: quia utique nouus ignis continuari & vniri posset ac deberet cū igne sibi proximo, & sic fieret totus vnus ignis continuus.

Tertiò. A priori, nihil est propter quod huiusmodi non viuentia indigeant certa magnitudine, & ideo debeant certo termino przfiniri. Nec enim id prouenire potest ex parte materiæ, vel quantitatis, vel qualitatum: quia potius hæc omnia semper per nouam additionem extendi vltius possunt. Nec etiam ex parte formæ: quia hæc per se est tota homogenea compacta ex partibus eiusdem rationis in tota sua extensione: & non opus habet ea communicatione & ordinatione partium, sicut viuentia. Poterit ergo omne tale corpus, quantum est de se, per vltiorem additionem reddi maius semper ac maius. Imò huiusmodi corpora, quod maiora erunt, eò validius suas operationes exercere possunt, sequè à contrarijs conuertere: vnde semper eò melius se habebunt.

Dico tertiò. Corpora non viuentia nec etiam paruitatis terminum sibi ab intrinseco determinant, sed quantum est ex natura sua in quauis minori quantitate existere possent.

Neg;

paruitas.

ess.

Hæc est Auctorum tertiæ sententiæ. Probatum primò: quia quælibet pars, verbi gratia ignis, aut aquæ, quantumvis parua, habet in se sufficientem sibi entitatem & existentiam, non solum dum est in toto, sed etiã si per se existeret separata. Neque apparet ad quid indigeat ex natura sua consortio & communicatione aliarum partium: cum quælibet sit eiusdem rationis, & una ab alia non dependeat, nec alterius influxu indigeat.

Secundò. Si detur ignis in eo minimo termino paruitatis qui illi tribuitur, & hic ignis diuideretur in vacuo ubi non adesset vllum aliud agens; utique possent ac deberent in sua substantia conservari partes illæ diuise: ergo ignis non indiget ex natura sua certa quantitatis mensura infra quam non possit existere. Mira sunt quæ ad hunc casum Adversarij cogitarunt. Caiet. Ferrar. & Soncin. nõ dubitarunt asserere, partes illas ac totum ignem in ea diuisione redigi debere prorsus in nihilum, tam secundum materiam, quam secundum formam. Aliqui mitius respondent, saltem materiam permanentem, & ita reuera posse conservari in quavis minori quantitate; sed formam non posse permanere, & ideo remanentem materiam absque forma. Conimb. verò contendunt, tantam fore eius ignis naturalem vim & resistentiam, ut à nulla causa creata, nec etiam ab Angelo, diuidi posset. Verum, satis patet, quàm hæc sint absurda & inconuenientia. Ac nemo nõ videt, quantum magis rerum naturæ repugnet, quicquam annihilari, ac materiam ipsam ruere in nihilum, vel materiã remanere absque forma; quàm aliquod huiusmodi corpus naturale, conservari sub quavis minori quantitate. Facilius etiam apparet, saltem ab Angelo diuidi posse paruum

illud corpus, & partes diuisas posse conservari; quàm non posse totum diuidi & partes conservari. Sed saltem poterit diuidi à Deo, & tunc eodem pacto vrget difficultas, quidnã ex natura rei de partibus diuisis fieri deberet: & idem dici poterat in diuisione facta ab Angelo.

Tertiò demum. Nulla adest ratio huius necessitatis in terminatione quantitatis corporum nõ viuientium quoad paruitatem. Fortasse enim esset, quæ solet reddi: quia corpus naturale non potest agere aut pati in quavis minima quantitate, et ideo nec poterit existere, quia vnũquodque est propter suam operationem. Sed hæc ratio nihil persuadet. Non solum quia à quibusdam negatur assumptum: ut Perer. cap. 23. proposit. 7. ait, materiam quantumvis minimam pati posse: & idem alij quidam asserunt in agendo. Sed præcipuè, dato assumpto, neganda est sequela: talis enim passio vel actio nõ esset hic necessaria ad actualem conservationem corporum non viuientium sicut viuientium. Nec aliqui tanta est illa necessitas, ut quæcumque res existit, sit in statu actuali quo pati vel agere possit. Quinimò de facto solent esse pleraque actualiter impedita. Sed satis est, rem saltem poni posse in alio statu in quo operari queat, & sic quælibet parua ignis portio posset ex natura sua aggregari cum alio igne, & tunc agere posset.

Cæterum, tam in hac quàm in præcedenti cõclusionem satis expressimus, loqui nos de terminis corporum ab intrinseco & ex propria eorum natura. Alioqui ab extrinseco vltro fatemur, omnia corpora habere certos terminos, tum in magnitudine, tum in paruitate. In magnitudine nullum corpus excrecere potest ultra copiam materiæ aptæ quæ ad illius generationem & augmenta-

Sed ab extrinseco habent vtrumque terminum.

mentum inueniatur. Vnum etiam elementum, etiam ignis ipse, ex aliorum oppositione & resistentia non finitur ultra debitam vniuersi proportionem augeri. In paruitate rursus, id quod valde paruum sit, se ab aduersariis agentibus tueri non potest, vnde facile in aliquod aliud corpus contiguum conuertetur: & hoc sanè voluerunt quidam ex ijs qui in secunda sententia paruitatis terminum naturalibus corporibus tribuebant.

Viuentia non possunt augeri ultra certum terminum.

Contra primam conclusionem. Obijcies primò. Si daretur actu homo maximus qui intra humanam speciem esse posset, hic cibum assumptum in se conuerteret, sicquè nutriretur & augetetur. Item posset ac deberet homo ille per morsum animalis venenosi aut alium morbum in aliqua parte intumescere, & sic etiam augetetur. Igitur nullus est terminus magnitudinis in viuentibus, ultra quem augeri non possint.

Respondetur. Tantundem alimenti conuertendum fore in substantiam illius hominis, quantum de ipsa priori substantia per actionem eisdem caloris naturalis fuisset absumptum: sicut & de facto contingit post certam ætatem in viuentibus ad certum augmentum prouectis, quamuis adhuc non attingant ultimum terminum magnitudinis intra humanam speciem possibilis, intra quem etiam magni gigantes inuenti sunt, qui nec etiam dici debent monstra humane naturæ nisi aliquo corporis vitio afficiantur. Et quamuis de Crocodilo narretur per totum vitæ spatium semper crescere, adhuc haberet tandem certum terminum, ultra quem si diutius viueret non excreveret. Deinde in alio casu, vel homo ille nulla ex parte intumesceret, licet alie pacto læderetur. Vel adhuc intumescere posset, si solum adeptus esset eum

statum magnitudinis ad quem integra valetudine pertingere possit, & non tantum ad quem vterius per morbum vel noxiam dispositionem prouchi posset.

Obijcies secundò contra secundam & tertiam conclusionem. Arist. 2. de Anima 41. inquit, *Omnium natura constans est terminus magnitudinis & augmenti.* Et 1. Phys. 36. assignat terminos quantitatis in carne osse ac similibus quæ sunt homogeneæ; ac tex. 38. ponit minimam carnem, à qua si quidpiam separetur, ait futurum minus minimo quod repugnat.

Respondetur. Ad primum locum Simplic. ait, per terminum intelligi formam: & sensum esse, forma est ratio seu radix magnitudinis et augmenti. Sed communior expositio est quæ ex textu manifestè colligitur, per ea quæ natura constant intelligi viuentia: nam sumi solet natura iuxta primam nominis originem pro nascitura quæ propriè attribuitur viuentibus: & planè Arist. ibi ea opponit igni cuius augmentum docet abire posse in infinitum. In secundo loco assignantur termini carni & ossi alijsque partibus animalium, non vtiue ratione materiæ, sed ratione animæ & ratione ipsius viuentis cuius illæ sunt partes. In tertio loco ponitur minima caro quæ sit proportionata suo viuenti, à qua si quidpiam detrahatur, fiet minor minima conuenienti ipsi viuenti. Omnia ergo hæc loca attingunt terminos corporum viuentium iuxta primam conclusionem.

Obijcies tertio ex D. Thom. 1. par. q. 7. art. 3. *Omne ens ratione sui, & omne corpus ratione formæ, habet definitam ac determinatam naturam: ergo secundum hanc ex-* *Adhuc habent determinatam naturam substantialem.* *poscit certam quantitatis mensuram.* Alioqui, si præsertim quoad magnitudinem posset semper crescere, haberet

Non viuentia possunt semper magis augeri.

beret naturam indeterminatam & infinitam.

Responderi solet, omne corpus sic esse finitum ratione suæ formæ, quod non possit fieri maius, nisi per additionem nouæ partis. Attamen, in hoc æqualiter se habet materia ipsa cū forma. Igitur ratione vtriusque verè idem procedit. Et nullatenus sequitur corporis naturam esse indeterminatam & infinitā in substantia & essentia, sed benè posse esse semper maiorem extentiue per additionem, & in hoc non esse determinatam. Quod sanè non plus est inconueniens in magnitudine, quā sit in multitudine, quæ per additionem potest fieri semper maior.

*Possunt
de se ef.
se sem.
per mi-
nora.*

Obijcies quārto specialiter quoad paruitatem. Videmus quosdam res, vt aquam & vinum aliosque liquores diuersos, dum inter se miscentur, amittere priorem naturam, & in aliam conuerti: quod non potest alia ratione cōtingere, nisi quia adeò comminuuntur, vt in tam paruis partibus per se conseruari non possint.

Respondetur. Nec semper transire in aliam tertiam naturam, sed vel adhuc in sua propria remanere, vel innum liquorem conuerti in aliū præualentem. Nec etiam si transcant, id prouenit ex ea ratione: sed potius ex eo quod per mutuā actionem & alterationem, talis qualitātū tēpecies ac dispositio resultet, ex qua alia tertia substantia consequatur.

SECTIO SECVNDA.

Verum Corpora determinent sibi terminos intrinsecos vel extrinsecos.

*Termini
ni expli-
cantur.* **P**RO intelligentia huius quæsti, sciendum est, iuxta communem Philosophorum doctrinam, dupli-

cem distingui terminū, siue ex parte magnitudinis, siue paruitatis: et alius dicitur intrinsecus, alius extrinsecus. Terminus intrinsecus est, ad quem corporis quantitas realiter & positiue pertingit & non ultra. Terminus extrinsecus est ad quem corporis moles verè non peruenit, sed citrà eum consistet. Ita vt in terminatione intrinseca dicere valeat, hic res est & nō ultra, & quoad magnitudinem non supra, quoad paruitatem non infra: in terminatione verò extrinseca dicere valeat, hic res non est, sed proximè citrà hunc terminum est, & quoad magnitudinem infra hunc terminum est, quoad paruitatem supra hunc terminum est. Ac rursus terminus intrinsecus in magnitudine appellatur maximum quod sic, idest quod res verè attingit: in paruitate appellatur minimum quod sic, idest quod res verè attingit. Ex aduerso terminus extrinsecus magnitudinis appellatur minimum quod non, idest minimū eius quantitatis maioris & excedētis ad quam res non potest extendi: terminus extrinsecus paruitatis appellatur maximum quod non, idest maximum eius quantitatis minoris ac deficientis ad quam res non potest contrahi. Est autem hæc res valde similis duobus illis terminis, intrinseco & extrinseco, quos pro rerum inceptione ac desitione q. 30. distinximus.

De his terminis in corporū quātitate est modò cōtrouersia, quā sanè plusquā par est aliqui magnificiunt, num corpora in sua quātitate terminentur intrinsecè, vel extrinsecè, illa scilicet corpora quæ ex natura sua certos sibi terminos determinant: an verbi gratia terminus humani corporis in magnitudine ita se habeat, quod posset homo esse octo palmorum, & non amplius, vel quod non possit esse octo palmorum sed in alia

alia inferiori mensura quantumvis proxima octo palmis: & in paruitate, quod possit homo esse vnus palmi & non minus; vel non possit esse vnus palmi, sed bene cuiuscunque superioris mensuræ accedentis ad palmum.

*Sententia re-
ferta.
runtur.* Paulus Venetus 1. Phys. cap. 8. omnes corporum terminos voluit esse extrinsecos. Toletus 1. Phys. q. 10. ac Sotus & alij plures volunt, terminos quantitatis quam viuens ex natura sua assequi possit, esse intrinsecos: quantitatis verò quam aliunde per accidens acquirere potest, vt ex tumore & inflatione, esse extrinsecos. Conimb. 1. Phys. cap. 4. q. vnica art. 2. docent, viuentia terminari intrinsecè quoad generationem, quod scilicet generari possint in tam magna vel parua quantitate, & non maiori vel minori: sed quoad conseruationem terminari extrinsecè, quatenus in tam magna aut parua quantitate viuere & conseruari non possint, in alia quauis minori infra illam magnam & maiorem supra illam paruum possint.

*Resolutio tra-
ditur.* Pro resolutione aduertendum est, in hac distinctione termini intrinseci & extrinseci supponi solere indiuisibilia terminatiua quantitatis. Sed tamen in rigore potest hæc res inquiri, etiam ijs sublati, cogitando tantum quantitatem ipsam determinatam in qua res esse possit vel non possit. Et præterea, ad maiorem facilitatem loquimur ex suppositione si ea indiuisibilia inuenirentur, & cum ijs pariter coniungendo instantia indiuisibilia temporis quatenus ad hanc rem pertinebunt. Rursus, quia admittebamus, etiam non viuentia terminari quoad minimum saltem ratione contrariorum agentium, de eorum quoque paruitatis termino loquendum erit. Non reuocatur autem in dubium, an terminus quem de facto corpora possident,

sit intrinsecus vel extrinsecus: satis enim manifestum est esse intrinsecum, quia corpus habet determinatè ac positivè tantam quantitatem & non maiorem nec minorem: sed dubitatur de termino illius quantizatis ad quam absolutè pertingere posset.

Dicendumquè vniuersaliter est, corpora in sua quantitate determinare sibi terminos intrinsecos, qui dicuntur maximum quod sic & minimum quod sic. Probatur primò: quia dum natura ipsa rerum hos terminos corporibus præfiniuit, multò melius & conformius ad determinationem quam natura poscit, est, quantitatem corporum intrinsecè terminari: ita vt ad tantam magnitudinem & paruitatem res naturaliter euadere possit, & non ultra: sicut de facto res omnes in suo statu naturaliter determinatæ sunt.

Secundò. Supponendo iuxta consuetum sentiendi modum, hanc terminationem fieri per indiuisibilia quantitatis extrema, semper assignari poterit vltimum indiuisibile terminans quantitatem: ergo admitti debet quoddam indiuisibile terminans maximam quantitatem possibilem in specie cuiusque corporis, & sic etiam de quantitate minima: igitur hi termini censendi erunt intrinseci. Confirmatur, si terminus in magnitudine alicuius viuentis sit extrinsecus per minimum quod non, sumatur gratia exempli pro huiusmodi termino palmus: tunc dicere valebit, hæc viuentis species non potest assequi magnitudinem palmarem, sed solum quantamcumque aliam intra illam: sed extremum palmi supponitur esse superficies terminatiua: atqui cogitari non potest, tale viuens à sola illa superficie excludi, & quantumvis proximè infra illam posse terminari: potius ergo terminus ille dici debebat intrinsecus in ipsa mēsurā palmari. Atque

*Omnia
corpora
deter-
minant
sibi ter-
minos
intrin-
secos.*

hoc idem vrgeri adhuc poterit, sub-
latis indiuisibilibus considerando
quantitatem ipsam per se termina-
tam.

Tertiò. Specialiter anima ratio-
nalis, & si quæ sit alia anima indiui-
sibilis, ita determinatâ spherâ habe-
bit, vt in tanto corpore vel spatio
existere possit & non maiori, ad
modum scilicet sphere localis ange-
licæ: ergo terminus eius est intrin-
secus per maximum quod sic: & ita
erunt huiusmodi termini in
alijs substantijs.

*Tam in
genera-
tione,
quam in
conser-
uatione.*

Quartò. Specialiter quoad gene-
rationem ad quam exigitur materia
certæ quantitatis. Cogitetur quan-
titas deficiens in qua viuens genera-
ri non possit, hæc deinde successiue
augeatur vsque dum viuens genera-
ri possit, tandem forma viuentis pro-
ducetur in certo instanti vel signo,
incipiendo intrinsecè per primum
sui esse: at omnino in eodem gene-
rationis signo dicere valebit, hæc
est quantitas in qua viuens generari
poterat & minori non poterat: ergo
planè ex hac parte viuens intrinsecè
terminatur per minimum quod sic.
Et hoc idem prorsus poterit deduci
ex parte magnitudinis cogitando
prius quantitatem excedentem, ac
deinde diminutionem eius vsque
ad generationem viuentis.

Quintò. Eodem modo sentien-
dum est quoad conseruationem. Tū
quia non adest solidum diuersitatis
fundamentum. Tum quia, sicut vi-
uens potest generari in tanta quan-
titate & non maiori, in tanta & non
minori: ita pariter se habebit in suis
terminis quoad conseruationem.

*Tam
per se
quam
per acci-
dens.*

Sextò demum. Pariter quoque res
se habet in quantitate quam viuens
naturaliter assequi valet, & in ea
quam ex accidenti accipere potest.
Quia vel vnus & idem est vterque
terminus quem viuens nec per se
nec per accidens egredi possit. Vel

si alius distinctus terminus depute-
tur, sicut terminus naturalis designa-
tur intrinsecè ad quem viuens per-
tingere queat & non vltra, ita pro-
portionaliter designari poterit ac
debebit àlius terminus accidentalis.
Cæterum hæc tota assertio eo vali-
dius confirmata manebit, dissoluen-
do fundamentum quo Venetus, To-
letus, Conimb. & quicumque alij
moti sunt, ad cogitandum terminū,
vel in omni vel in aliquo casu ex-
trinsecum, pro corporum præsertim
viuentium quantitate.

Commune fundamentum aduer-
sarium est, fingēdo talem casum.
Sit viuens in maxima quātitate qua
esse queat, tunc si talis quantitas au-
geatur, vt si per morsum vespe cor-
pus infletur, viuens interibit: erit
ergo aliquod instans in quo dicere
valeat, nunc primò non est viuens,
nimirum supponendo res permanē-
tes delinere per primum non esse,
quia noua forma permanens gigni-
tur per primum esse. Igitur in eo in-
stanti dicere valebit, hæc est quan-
titas in qua viuens esse non potest,
immediatè antea in quauis minori
erat & esse poterat: at hoc pacto illa
quantitas est terminus magnitudi-
nis extrinsecus. Rursus: sit viuens
in hoc instanti in quantitate secun-
dum nos maxima quod sic, & sta-
tim incipiat motus augmenti, hic
motus non incipit intrinsecè in eo-
dem instanti, sed extrinsecè dicen-
do nunc non est immediatè, post
erit, iuxta modum incipiendi omnis
rei successiue. Itaque viuens non
interit in eodem illo instanti: sed
nequè immediatè post in tempore
sequenti, quia sic delineret per vlti-
mum esse, quod fieri non potest:
ergo interibit in aliquo alio instan-
ti, in quo dicere valebit, nunc pri-
mò est facta tam magna quantitas
in qua viuens cōseruari non potest:
atque ita hæc quantitas erit extrin-
secus

*Termini
ni ex-
trinseci
non ha-
bent fun-
damentum.*


secus terminus viuentis: atque adeo nequaquam illa prior erat terminus intrinsecus. Idem prorsus argumenti processus trahi potest circa paruitatem.

Sed in primis, hoc argumentum supponit, viuens posse ex accidenti ultra quantitatem sibi connaturalem excrefcere, deberequē propterea illico interire. Attamen potiùs, vel neque ex accidenti ultra illam quantitatem posset extendi; vel si potest, nō per hoc statim interire deberet, sed ad summum languescere inciperet, ac successiue tendere ad interitū sicut per alios morbos contingit. Deinde, si quis omnino contendat, tales terminos debere definiri viuētis, vt per quemcunque recessum ab illis statim interire deberet: iam hoc ipso illi præfigeret terminos intrinsecos in quibus esse posset & nō extra illos. Dicendumquē erit, inta-
li casu quo viuens ultra quantitatem maximam augetetur, vel infra minimam contraheretur, interire potiùs per vltimum esse quā per primum non esse. Et præterea dum fieret mutatio successiue in quantitate per diuersas materiæ partes, forma quoque substantialis posset successiue deficere per partes extensiuas materiæ, consequutiue scilicet in parte post partem. Demum, in illo instanti ex quo ponebatur incipere motus augmentationis vel imminutionis extra debitum viuentis terminum præirent tales qualitates ac dispositiones aptæ inducere talem motum, per quas in eo ipso instanti deberet deficere viuens per primum non esse, ac gigni alia substantia per primum esse.

SECTIO TERTIA.

An & quo pacto Corpora secundum eandem suam substantiam rarefiant & addensentur in quantitate.

E Videnti experientia constat, idē *Constat*
aliquod corpus, siue eandem *manife-*
materiam, posse & solere vel in ma- *ste, cor-*
iorem locum extendi & ampliari, *pora ra-*
vel in minorem contrahi & restrin- *rescere*
gi. Manifestissimè hoc apparet, dū *& ad-*
lignum incēditur, dum repente pul- *densari.*
uis sulphureus inflammatur: vbi materia illa quæ prius multò minorem locum occupabat, in valde maiorem dilatatur, vt sanè centuplò maior exurgat flāma ex vno exiguo grano pulueris sulphurei. Itē perspicuè hoc inspicitur, si phiala vitrea ad ignem calefacta superponatur per suū orificium aquæ frigide: ascendit enim aliquantum aqua intra phialam, quia nimirum aer in illa inclusus, frigoris vi constringitur & in minorem locum contrahitur. E conuerso in fistulis quibusdam subtilibus vitreis aqua inclusa cernitur notabiliter crescere & in maiorem locum se porrigere, dum calore afficitur. Amplitudo ergo hæc & ampliatio in maiorem locum, dicitur raritas & rarefactio: constrictio & reductio in minorem locum dicitur densitas & condensatio. Iuxta hoc definitur ex Arist. 4. Phys. 84. *Rarum, quod habet parū materia sub magna quantitate: Densum, quod habet multum materia sub parua quantitate.* Atque inter corpora naturalia, alia sunt densiora, alia rariora: terra, & corpora terrestria sunt valde densa, aer & ignis sunt valde rari: ita quòd si portio quædam terræ conuertatur in ignem, multo maiorem locum occupabit: si portio ignis in terram, mul-



multò minorem : similiter si aqua conuertatur in aerem, aer in aquam. Absolutè ergo loquendo, sensu ipso manifestissimum est, corpora naturalia habere in se has affectiones, & suscipere huiusmodi differentiam inter se raritatis ac densitatis.

Autorum sententia. Hoc supposito, refert Arist. 4. Phys. tex. 83. quorundam Veterum sententiam qui putarunt, corpora non ita rarefcere & addensari, quasi secundùm eandem suam substantiã continuam, maiorem vel minorem locum occupent, implendo omnes partes loci maioris : sed rarefcere quidem per separationem ac diuisionem suarum partium, & inter eas admittendo inanitates & vacuitates quasdam, ac ita videri in maiorem locum extendi, relinquendo scilicet plurimas partes intermedias in toto illo loco vacuas : E contra addensari per appropinquationem suarum partium, talemquẽ earum constrictionem, qua vel in totum impleantur seu remoueantur vacuitates illæ, vel saltem minores aut pauciores reddantur : & in vniuersum quò corpora rariora sunt, eò plures ac maiores vacuitates in se intercipere; quò densiora eò pauciores ac minores.

Rursus nuper Francisc. Valles. 4. Phys. circa text. 24. & Controu. 27. Phys. distinguit duplicem rarefactionem & addensationem. Vnam cum alia mutatione coniunctam, qua quod addensatur fit crassius, quod rarefcit fit tenuius, vt cum ex aere fit aqua, vel ex aqua aer. Aliam quæ per se fiat absque tali mutatione. Primam asserit fieri per mutationem in ipsa substantia rei. Secundam per mutationem in cavitatibus quibusdam & poris corporis, replendis tamen alio introducto corpore : sicquẽ terram esse raram admittendo intra se aerem, aquam rarefcere in spumam pariter admittendo intra

se aerem, aerem rarefcere admittendo intra se ignem : ipsumquẽ ignem facit hac ratione densissimũ, quia nihil aliud intra se continere potest.

At nouissimè Sebastianus Bassonus in lib. de Natura, conueniens admodum cum Antiquis, sed tamen abhorrens in corporibus naturalibus vacuum & inane, cogitauit corpora rarefcere, eo quòd cum supponat cõstare ex minutissimis athomimis, inter eos sese insinuet alia tenuissima substantia : & ita recedant quidem inter se athomi, sed non per hoc admittant vacuum, sed omne intermedium spatium hac alia substantia impleatur, quæ vbique per totum Vniuersum abundet & per omnia loca apud omnia corpora inueniatur. Hanc à Stoicis ait vocatam fuisse spiritum, à Platone ignem & animam mundi : imò & à Moysse vocatam fuisse nomine cæli in primo creationis exordio, omnia autem nota elementa collecta fuisse nomine terræ. Iuxta hoc asserit ex aduerso, corpora addensari per constipationem athomorum ac expirationem eius tenuissimæ substantiæ.

Rursus quidam alij Recentiores opinati sunt, corpora addensari per penetrationem pluriũ suarum partium ad modum vnius, & exinde rarefcere per egressum & extractionem vnius partis ab alia, ita vt non eadem illa substantia prius occupans certum locum extendatur in maiorem, sed alia substantia per penetrationem intra illam latens educatur ad occupandas & implendas alias & alias partes loci.

Fundamentum omnis huiusmodi opinionis, non aliud quærendum est, nisi quòd alioqui non videtur fieri posse, vt eadem ipsa substantia quæ occupabat minorem locum, postea ad valde maiorem extendatur

tur non relinquendo quicquam vacuum ex toto illo loco, & absque vlla additione alterius nouæ substantiæ & materiæ, vel saltem extractione partium antea latentium: & è conuerso quòd tota aliqua substantia quæ prius implebat totum magnum locum, reducatur ad valde minorem absque vlla detractiōe & imminutione tantæ materiæ, & absque compenetratiōe ac reductione plurium partium substantiæ vnius intra aliam.

Verè corpora rarefciunt et addensantur secundum eandem suam substantiam. Certum tamen esse debet, corpora secundum eandem suam substantiam rarefciere & addensari, maiorem vel minorem locum occupare, absque vacuitatibus interpositis, absque mutatione substantiæ absque subsidio alterius extraneæ substantiæ, & absque ope penetrationis & extractionis partium eiusdem substantiæ. Hæc est sententia Arist. & omnium aliorum non solum Philosophorum, sed etiam Theologorum.

Probatur primò ex Arist. ibi text. 84. Idem est subiectum contrariorum, eademque est materia magni & parui, ita vt eadem materia transeat de vno statu ad alium: ergo verè corpus secundum eandem suam materiam ac substantiam rarefciit & addensatur absque vllò adminiculo ex illis relatis. Intuper quælibet pars corporis rari fit rara, sicut omnis pars ignis est calida: sed si raritas contingeret per vllam interpolationem dictam, non quæcumque pars fieret rara, vt patet: imò nulla fieret rara, quælibet per se remaneret qualis antea erat, & solum inter vnam & aliam intruderetur vacuum, vel alia extranea substantia, vel alia noua pars prioris substantiæ.

Nò per vacuitatem intercepas. Secundò. Manifestum prorsus est, raritatem non contingere per separationem ac diuulsionem partium, & interceptionem vacuitatū

quæ absque alio corpore inanes remaneant: Non solum, quia iam in suo tractatu de vacuo generaliter ostensum est, quantum natura abhorreat & fugiat vacuum. Sed præterea specialiter cogitari non potest, ignem & aerem ita se habere, vt tam magnas & frequentes cauitates atque inanitates intra se patiantur, ac tam quietè in hoc statu persistant, vt non contentur partes suas inter se coniungere, cum alioqui sint corpora adeo subtilia & mobilia: ac similiter aquam intra se continere tales cauitates. Et præsertim, sensu ipso constat, lucem verbi gratia per totum aeris spatium diffundi, sic etiam in flamma, & pariter alias qualitates: ergo omnino in toto illo spatio est sua substantia- le subiectum, cui hæc accidentia inhæreant: & nullo modo admitti possunt cauitates illæ vacuæ & inanes.

Tertiò. Non minus manifestum *Non per est, raritatem non contingere per intrusio-* eadem cauitates & per intrusionem *nem al-* alterius extranei corporis illas re- *terius* plentis. Nam hoc aliud corpus, nec *corporis* dici potest esse vnum aliquod ex ijs quæ nobis nota & sensibilia sunt: planè enim nullum tale est quod intra aerem & ignem inlinuari ac permanere dicatur; & quando ex ligno gignitur flamma occupas adeo maiorem locum, & similiter aer ex aqua, non potest in mentem cuiusquam cadere, id totum fieri per intrusionem alterius corporis ex ijs quæ nobis nota sunt. Deinde multò minùs dici potest esse aliud corpus alioqui ignotum & insensibile: est enim mera Chimera, tenuissima illa substantia, quæ dicebatur per vniuersum mundum discurrere, & per omnia corpora se intromittere. Atque euidenter sensu ipso constat, flammam quæ ex quauis materia gignitur esse totam flammam quæ in

in se ipsa apparet continua, & in tota sua continuitate eadem luce ac apparenti colore, eodem calore omnique alia sua qualitate perfunditur. At si rareficeret per admissionem alterius extraneae substantiae, multò minor portio illius loci occuparetur à flamma quàm ab aliena substantia: quia illa materia quae conuersa est in flammam, dicere possumus quòd erat centuplò minor: sic ergo solùm centesima pars illius loci occuparetur à vera flamma per partes distracta, & totum reliquum occuparetur ab alia noua substantia: igitur potius ipsa flamma nō deberet apparere nec posset.

*Nō fortius
maliter
per mu-
tationē
substan-
tia.*

Quartò. Dum Valles. admittit primam illam mutationem, quamuis illa contingat cum mutatione substantiae, tamen certè alia est mutatio substantiae & alia quantitatis: & materia utique non mutatur vna in aliam, sed eadem permanet. Igitur eodem pacto agnoscere poterat ac debebat talem quantitatis mutationem penes raritatem ac densitatem in alijs casibus, absque mutatione substantiae, & absque ope illarum cau tatum. Ac planè in exemplo illo adducto aquae rarefcentis intra fistulam vitream, non potest id referri ad intrusionem aeris intra aquam. Nec aer potest in se rarefieri seu dilatari per admissionē ignis intra se, quia ignis contestim sursum euolat. Et malè ignis dicitur densissimus, cum à Philosophis nonnisi rarissimus appelletur. Insuper dum magnum aliquod incendium accidit, maxima ignis copia gignitur ex materia quae multò minorem locum occupabat in vniuerso, vt fatetur ipse Vallesius: vnde tunc oportebit aerem coarctari aliquantum & sic addēfari absque mutatione suae substantiae; nisi dicatur tunc simul parem copiam ignis vel aeris in aliam substantiam densiorem conuerti.

Et hoc quidem, vt respondeat, affirmat ipse Valletius. Sed præter omnem rationem & experiētiam: quia licet reuera per varias mutationes seruetur æqualitas corporum in vniuerso: tamen certè non prorsus eodem tempore oppositæ mutationes in diuersis partibus ad æqualitatem contingunt, nisi quandoque valde casualiter id accadat. Omnino ergo fateri oportet mutationem raritatis ac densitatis citra mutationem substantiae.

Quintò. Manifestum etiam est, densitatem non contingere per penetrationem partium, ac raritatem per extractionem earum. Nam vel partes substantiae cum sua peculiari quantitate essent penetratae cum alijs partibus quātis, vel partes quaedam substantiae carerent quantitate & laterent inter alias partes quantas, vel per se subiacerent eidem quantitati cum alijs partibus. Non primum: quia satis compertum est, vnā quantitatem, & sic vnā substantiam quantam, non posse penetrari cū alia; nec plures partes quantitatis & substantiae quantae inter se. Non secundum: quia substantia corporea naturaliter absque quantitate & extensione esse non potest, vt pro certo supponitur. Non denique tertium: quia non potest idem accidens communiter in duplici subiecto iacere: & eò magis quòd vtrique substantiae portio esset per se subiectum adæquatum ac sufficiens eius quantitatis. Accedit præterea, quòd in omnibus partibus corporis rarefacti inueniri solent per totam extensionem eadem accidentia diffusa & continuata per totum, quae prius erāt in corpore densiori: vt præsertim apparet in aqua rarefacta intra fistulas vitreas, quae potest esse colorata, vt hæc qualitas sit notissima sensui: at si partes quaedam substantiae prius intra alias pe-

*Non per
penetra-
tionem
& ex-
tractionem*

netratz dicantur in rarefactione educi, non esset unde eadem communia accidentia cum alijs partibus tunc statim acquirerent.

Sic pariter motus est tardus aut velox. Sexto ulterius. Hoc totum comprobatur à pari. Constat, eundem motum posse esse tardiozem ac velociorem in tempore, & quod est tarditas & velocitas in quantitate successiva, est planè raritas ac densitas in quantitate continua: sed certè motus non fit velox eo quòd plures partes eius compenitentur & confundantur simul, prorsus enim mobile non potest transire nisi per partes post partes: similiter motus non fit tardus eo quòd vna pars educatur ac trahatur extra aliam, cum qua prius esset penetrata. Rursus motus non fit tardus, eo quòd diuullatur vna pars ab alia, ac totus ipse motus interruptiones patitur, vel per interpositionem alterius distinctæ motionis, vel per quietem totalem ipsius mobilis; sed omnino totus ipse motus est continuus: ac similiter motus non fit velox per accessionem & constrictionem partium prius inter se distantium. Itaque motus est tardus aut velox, fit in longiori aut breuiori tempore per hoc quòd secundum eandem suam entitatem extendatur seu protrahatur aut contrahatur magis in sua successione & duratione. Idem ergo prorsus sentiendum est de corporum raritate ac densitate in sua quantitate ac magnitudine: videlicet non per extractionem partium penetratarum, non per scissionem ac diuulsionem suarum partium ac interpositionem cauitatum rarefcere: sed per hoc quòd eadem ipsa substantia, eadem materia, extendatur in maiorem locum per suas partes semper continuas, & quæ semper erant extra se inuicem politæ.

Queda dilata. Septimò. Non negamus, posse etiam aliquo modo ex prædictis,

corpus aliquod dilatari, & è contra restringi. Verbi gratia lana & spongia manu comprimitur, & in minorem locum reducitur, pellendo scilicet aerem intra cauitates eius inclusum; ampliaturquè per tales cauitates, recipiendo intra illas aerem. Caro inflatur ac distenditur per ingressum alicuius humoris quo dilatantur pori & eodem implentur: Itaq; hoc modo per recessum partium corporis inter se, & non quidem per vacuitates, sed per cauitates alio corpore, non arcano & occulto, sed satis noto, replendas, potest ac solet corpus aliquod ampliari. Simili ratione pellis in maiorem longitudinem trahitur: quia, vt notauit Durand. in 1. d. 17. quest. 7. num. 22., pellis est valde porosa, & per illam tractionem hi pori in longitudinem protrahuntur, ac simul in latitudine seu profunditate constringuntur; & ideo dum pellis in longitudinem trahitur, comprimitur in crassitie, fitquè subtilior dum fit longior: unde illa distensio non fit per educationem partium penetratarum. Attamen omnis hæc mutatio corporum, nequaquam est propriè rarefactio & addensatio: sed solum est mutatio quædam localis partium, retenta eadem raritate vel densitate earum in se. Raritas autem ac densitas propriè est per hoc quòd eadem ipsa substantia corporea occupet maiorem aut minorem locum per totam continuitatem spatij.

Octauò. Dubitandum est, num quodcumque corpus possit rarefieri magis ac magis in infinitum, & similiter addensari. Arist. 6. Phys. tex. 15. apertè docet, omne quod mouetur posse velocius aut tardiùs moueri: & ita Auerr. & alij circa eundem locum affirmant: & cum ijs Mafius eodem libro cap. 10. sect. 2. q. 2. defendit, omnem motum posse semper esse tardiozem aut velociorem

Non videtur idè corpus posse rarefieri aut addensari in infinitum.

in infinitum. Et præcipue probat ex diuisibilitate quantitatis in infinitum: motus enim qui fiat in quouis breui tempore, poterit adhuc fieri in breuiori, quia omne tempus est diuisibile in infinitum. Ostendi magis potest experientia. Equidem vidi in Horologio quodam Serenissimi Ducis Vrbinatis quasdam rotas quæ adeo tardè mouebantur, vt vna referret menstruum Lunæ motum, alia annum Solis per duodecim signa Zodiaci: itaque vna non nisi per mensem, alia non nisi per annum suam reuolutionem perficiebat. Et sic potest vltèriùs fieri motus adhuc tardior: nimirum si per axem illius rotæ solaris moueretur circumferentia cuiusdam alterius rotæ: tunc enim hæc rota multò tardius mouebitur: & sic potest in infinitum annecti rota rotæ. Quinimò in quouis motu circulari vnus rotæ, quo partes sunt centro propinquiores, eo tardius mouentur, quia eo minus spatiū cōficiunt pro æquali tempore: & sic de facto in illo motu agnosci debēt partes partibus tardiores in infinitum. Hinc pariter esse poterit motus velocior in infinitum. At certè sicut se habet motus in velocitate ac tarditate temporanea, ita se habebit corpus in densitate ac raritate locali.

Attamen non videtur necessariū, quinimò apparet valde difficile, corpus posse rarefieri aut addensari semper magis in infinitum: sed potiùs videtur debere præfigi certus terminus. Non enim videtur credibile, granum quoddam millij, aut scintillam ignis, absque vlla additione substantiæ, posse rarefieri ad occupandum totum vniuersi spatium, ac etiam centuplò & millicies maius, ac semper vltro in infinitum: & è cōtra totum vniuersum absque vllarum penetratione partium posse per meram addensationem reduci

ad spatium vnus scintillæ. Atque idem procedit in velocitate ac tarditate motus. Non videtur credibile, motum ab vno ad aliud latius vnus acus posse continuatè fieri cum tanta tarditate vt per mille & vltra annos non absoluator: & è cōtra reuolutionem totius cæli posse totam, & non tantum semel, sed bis & centies, perfici & expleri in ictu oculi. Hæc inquam difficilia satis apparent, non urgente ex alio capite necessitate ad illa admittēda.

Arist. loquutus potiùs est de motibus qui de facto exercentur ac sunt naturaliter consueti. Vel etiam voluit, quod intra quoslibet terminos possit motus esse tardior aut velocior per infinitas differentias: quia inter illos terminos tempus est diuisibile in infinitum. Et hoc ipsū tantum sequitur ex huiusmodi infinita diuisibilitate: non verò sequitur quantumlibet motum posse fieri in quouis minori tēpore vltra omnē terminum. In exemplo autem allato horologii, sanè rotarum motus non est adæquatè continuus, sed plurimas interruptiones patitur, penes quas maiores & frequentiores potest vltro motus protendi semper magis in infinitum: & hoc pacto facillimè potest rota semper tardior ordinari. In motu demum circulari vnus rotæ, certè tota rota omnesque eius partes pro æquali tempore conficiunt suum spatium: at quia infinitæ sunt ipsæ partes, tam rotæ, quàm spatij; tamen indeterminatæ & minores semper in infinitum; pariter infinite differentię tarditatis ibi cogitari possunt, sed non nili modo indeterminato penes partes minores ac minores in infinitum. Vnde nullatenus potest idem inferri in spatio & mobili ac motu determinato per se sumpto. Quod enim contingit in continuo ex indeterminatione partium eius

infinitarum, non potest deduci ad res alias per se determinatas. Et sic vtiq; in presenti casu dicere valebit, in partibus rotæ exerceri de facto & naturaliter totam tarditatem possibilem, ita vt quacumque tarditate data, adhuc actu ibi reperiatur alia maior tarditas in parte propinquiore centro: at certè in mobili alio per se sumpto id exerceri non potest: sed actu determinata semper tarditas in illo inuenietur.

Raritas & densitas quo dammodo comparari uè dicuntur.

Nonò deinde. Comparando inter se raritatem ac densitatem, dicimus quidem, alia corpora esse rara & alia densa. Sed tamen, quia in hoc est magna latitudo; vnum & idem corpus dici poterit rarum respectu alterius densioris ac densum respectu alterius rarioris, in statu nempe medio inter summam raritatem ac summam densitatem, quæ vel simpliciter & absolute vel saltem naturaliter sit possibilis: ac verbi gratia dicetur rarus respectu terræ & aquæ, densus respectu ignis: sicut etiam per eandem comparationem dicetur levis & grauis: & sicut Arist. in prædicam. quant. dixit magnum & paruum se habere comparatiuè, eo quod vnum & idem dicetur magnum & paruum respectu diuersorum. Hoc eodem pacto se habet motus in velocitate ac tarditate. Et propterea dixerunt aliqui rarum ac densum dici relatiuè. Quod non debet sic intelligi, quati realiter non nisi in relatione consistant. Sed per se quidem affectio absoluta corporis in sua quâtitate est, quod tantam vel tantam amplitudinem habeat; tamen denominatio rari aut deni, quatenus pro eodem valet ac pro maiori vel minori amplitudine, dicitur comparatiuè ac relatiuè.

An caelestibus quoque corpori.

Decimò tandem. Non solum corporibus his inferioribus, sed etiâ caelestibus solet attribui hæc affectio ac differentia raritatis ac den-

tatis: cæli enim dicuntur rariores, *bus conueniant.* astra deniora. Et præterea illi qui corpora caelestia nuper tali mutationi fecerunt obnoxia, vt ex materia cælesti gignantur astra & cometae, & rursus hæc in eandem materiam resoluantur, quique cælum ipsum faciunt fluidum ad instar aeris; hi inquam etiam mutationem rarefactionis & addensationis cælo tribuunt. Verùm, nos in proprio cælorum tractatu, non solum huiusmodi mutationem cælo negauimus, sed etiam diximus non oportere discrimen raritatis ac densitatis inter cællos & astra, ac inter varias cæli partes constituere. Sed benè quidem, omnis materia cælestis habet certum statum amplitudinis in sua quantitate, & posset à Deo fieri densior aut rarior, etiam si de facto omnia corpora caelestia inter se æqualiter se habent.

Cæterùm, ad fundamentum pro alijs sententijs præmissum contra veram raritatem ac densitatem, dicendum est, non esse difficile idem ipsum corpus occupare locum maiorem vel minorem: quia nimirum constat omnibus suis partibus diuisibilibus semper in infinitum: & ideo potest quælibet pars ampliari, & ampliata coarctari: & alioqui si constaret ex indiuisibilibus, id verè esset impossibile. Sed hoc totum constabit magis inquirendo & explicando veram huius rei rationem.

SECTIO QUARTA.

Virum Corpora rarescant & addensentur per mutationem ipsius quantitatis.

S Corpus in 4. d. 12. quæst. 4. Basso-
lis ead. d. q. 3. Philippus Faber *Aucto-
rū pla-
cita.*
in 4. disput. 50. & in Philosoph. naturali Theor. 44. & alij Scotistæ, Ca-
ict.

iet. etiam 3. par. q. 77. art. 5. Tolet. 4. Phys. quæst. 12. & quidam alij asserunt, corpus rarefieri per additionem nouæ quantitatis in eadem materia ultra priorem quantitatem quæ adhuc permaneat; & è contra condensari per deperditionem quantitatis, cuius nempe aliqua pars auferatur & alia remaneat.

Gottfredus Quodl. 11. quæst. 3. Martil. in 4. quæst. 9. art. 2. & Pomponatius lib. 2. de Augment. cap. 10. volunt, corpus rarefieri per acquisitionem totalem nouæ quantitatis destructa alia priori, & similiter condensari: ita scilicet, quod in rarefactione acquirat quantitatem maiorem & ampliorem, in condensatione verò minorem, & contractiorem.

Ex aduerso alij vt plurimum contendunt rarefactionem & addensationem non fieri per mutationem ipsius quantitatis quæ de nouo acquiratur vel deperdatur, sed tantum per quosdam modos afficientes quantitatem ab eaque distinctos: ita vt corpus rareseat acquirendo in sua eadem quantitate modum quendam quo magis extendatur, addensetur verò acquirendo modum quo à maiori extensione contrahatur ac reducatur ad minorem: cuius sententia Auctores referemus sectione sequenti.

*Corpora non rare-
scunt &
addensan-
tur per ad-
ditionem
& de-
tractionem
quanti-
tatis.* Dico primò. Rarefactio non fit per additionem quantitatis ultra priorem, remanente simul priori quantitate: & similiter addensatio non fit per deperditionem cuiusdā partis quantitatis, remanente alia parte. Hæc assertio solet pluribus & varijs argumentis comprobari, quæ vel manifestè apparent prorsus triuola, vel communia sunt contra omnem quantitatis mutationem, vt postea asseremus. Satis erit hoc vnicum & validissimum fundamentum: quia per additionem alterius quantitatis supra priorem, omnino sequitur, vel

in eodem subiecto eademque parte subiecti compenetrari duplicem quantitatem, vel idem accidens migrare de vno in aliud subiectum siue de vna in aliam partem subiecti, quod vtrumque est manifestum absurdum. Hæc autem sequela pluribus modis demonstrari potest.

Primò ex parte quantitatis. Vel *Non pos-
test quan-
titas noua cum
antiqua
in eadē
coniun-
gi ma-
teria.* quantitas antiqua remanet in tota materia & omnibus partibus eius sicut prius inerat, & quantitas noua pariter recipitur in tota materia & omnibus partibus eius: & sic manifestum est, duas quantitates simul inexistere eidem subiecto inter se penetratas. Vel quantitas antiqua secedit in quasdam subiecti partes, & alia subiecti partes subtrahuntur è priori quantitate vt nouam recipiant: & sic planè quantitas illa prior quæ antea inerat materiae postea subiectanti nouam quantitatē, migravit ab ea ad aliam materiae portionem: & pariter illa ipsa quantitas quæ remanet in eadem priori materia, debuit etiam permutare illius materiae partes; quia quælibet pars quantitatis non occupabit totam quam prius materiae partem, sed minorem, verbi gratia medietatem illius, si per rarefactionem extensio materiae duplicata sit.

Secundò ex parte materiae. Tota materia, & quæcumque eius pars, iam erat extensa, habens quantitatem per partes adæquatas partibus; ita vt nulla esset pars materiae quæ non esset actu extensa sub antiqua quantitate: ergo omnino hæc materia, & quæcumque eius pars, non potest in se de nouo admittere aliam quantitatem, nisi vel per coniunctionem & penetrationem duplicis quantitatis simul in eodem subiecto & iisdem subiecti partibus; vel per recessum quarundam partium materiae à prioribus partibus quantitatis vt in se nouam quantitatem recipiant,

plant, atque adeo per transitum illarum partium quantitatis ad alias materiarum partes. Igitur vel duæ quantitates se penetrant in eodem subiecto, vel prior quantitas transit de subiecto in subiectum.

Nullus est apertus modus quo possit una cum alia quantitate coniungi.

Tertiò. Nullatenus difficultatem effugiunt quidam pro opposita sententia dicentes, non addi unam quantitatem alteri quasi per superpositionem, ita ut adæquate se penetrēt; neque per iuxta positionem, quasi prope quantitatem antiquam succedat noua: sed addi per quandam, veluti mixtionem, ita ut ambæ quantitates nec se penetrant adæquate, nec insint diuersus materiarum partibus, nec vlla pars materiarum sit quæ non, vtramque possideat quantitatem. Hoc inquam effugium nihil affert præter verba, & non euadit absurda illata. Ac semper eodem modo vrget argumentum. Nam vel materia secundum eandem quancumque suam partem sustinet vtramque quantitatem, sicut simul retinet plures qualitates diffusas per totum, & sic planè datur penetratio dicta: vel secundum alias & alias sui partes possidet veterem ac nouam quantitatem, & sic quantitas antiqua migravit ex tota materia in medietatem eius, ex omnibus partibus in quasdam partes, ex illis quæ recipiunt nouam quantitatem ad illas quæ retinent priorem. Item, vel quantitas antiqua continuatur per totam materiam absque vlla interruptione, & similiter quantitas noua, & sic ambæ se penetrant, & additio facta est veluti per superpositionem: vel neutra est per se continuata per totum, sed vna alteri interponitur, & sic quantitas antiqua recessit ex partibus materiarum interpositis, & additio facta erat per iuxta positionem.

Nō possunt noua quantitates

recedunt: certè vbi addatur noua quantitas, addentur cum partibus indiuisibilibus. Sumatur ergo superficies materiarum. Et vel in ea est duplex superficies quantitatis, & sic dabitur coniunctio dicta et penetratio. Vel sola superficies de quantitate antiqua & tunc si idem sit de omni alia superficie materiarum, iam nulla erit noua quantitas. Vel tandem inuenietur vbi sit sola superficies de noua quantitate: & tunc planè superficies de veteri quantitate quæ prius in illa superficie materiarum aderat, si deperdita non sit inuenietur migrasse in aliam materiarum superficiem. Atque hoc totum quod procedit de indiuisibilibus, eodem planè modo valebit de partibus. Vrgeri etiam per se potest hoc argumentum, sublati indiuisibilibus. Vel neinpè penes partes indeterminatas quibus aliqui loco indiuisibilium vtuntur, dum verbi gratia dicunt lumen recipi in parte indeterminata corporis opaci & petendo cui quantitati adiungatur ibi lumen. Vel etiā absque vtu talium partium, petendo dum vnum corpus cui addita sit noua quantitas tangit aliud; an tangat secundum vtramque quantitatem, & sic sequitur penetratio; an semper secundum solam antiquam etiam si vbicumque in medio diuidatur, & sic nulla est addita quantitas noua; an secundum solam nouam, & sic inde migravit antiqua.

Quintò. Post rarefactionem debet necessariò Deus distinctissime videre, quænam esset quantitas noua & quæ antiqua, & vbi vtræque esset: ergo planè videret, an se coniunctim penetrarent, vel essent in varijs materiarum partibus distributæ. Probatur assumptum, quod à quibusdam Recentioribus parum caute negatur. Realiter verissimum esset, quædam quantitas est nunc de nouo producta, quædam antea erat:

titatis indiuisibilibus adiungi prioribus.

Nō possent noua quantitates cum prioribus coniungi.

atque Deus ipse est qui determinat quemlibet singularem effectum in omni casu, & scienter concurret ad hunc vel illum certum ac determinatum effectum. Et ante rarefactionem utique discernebat quænam quantitas tunc extabat, & quænam adhuc producta non erat, sed erat postea producenda: igitur & post additionem nouæ quantitatis semper utrâque discernit.

Nec potest de- Sexto demum. Hoc idem argu-
trahi mentum fiet ex parte condensatio-
pars nis, si aliqua pars quantitatis deper-
quanti- ditur, illa portio materiæ quæ erat
tatis re- sub tali quantitate dici debet tran-
manere sire ad aliam quantitatem quæ rema-
alia par- net, & sic illa portio quantitatis quæ
te. hæc materiæ partem afficiet, inueni-
tur migrare ab illa parte quæ antea
afficiebat ad hanc quæ de nouo affi-
cit. Accedit præterea, quod si ad-
densatio non sit aliud quàm deper-
ditio alicuius quantitatis, sequitur
agens naturale quod effectiue con-
densat certum subiectum, per se
operari ad destruendum: siquidem
non assignatur vlla forma positiva
quæ per talem actionem realiter pro-
ducatur: talis autem modus corrup-
tionis non datur, ut ostendimus
quæst. præcedenti sect. 4.

Non po- Dico vterius secundo. Si quan-
rest quæ- titas sit immediatum subiectum alio-
ritas mu- rum accidentium, & ipsa immédia-
rari si tate inhæreat substantiæ, non potest
fit alio- rarefactio & addensatio fieri per
rum ac- mutationem ipsius quantitatis, non
cidentiū solum in quam per additionem vel
subiectū detractionem ex parte, sed nec etiã
per variationem totius quantitatis.
Hæc assertio procedit ex suppositio-
ne satis receptæ & consuetæ sen-
tentiæ quæ facit quantitatem aliorum
accidentium subiectum, & ipsam ita
proximè substantiæ inhærentem, ut
ablata substantia in Sacramento di-
catur remanere per se existens.

Et hinc probatur primo. Si in-

rarefactione additur noua quantitas:
vel in ipsa noua quantitate inueni-
tur quoque alia accidentia quæ prius
inerant illi corpori quod rarefit, vel
non. Hoc secundum dici non po-
test: quia plane post rarefactionem
totum corpus vniuniformiter se habet
secundum eadem accidentia, si non
simul alia mutatio fiat: nec vllatenus
cogitari potest corpus rarefa-
ctum in partibus quantitatis antiquæ
retinere sua accidentia, & in partibus
quantitatis nouæ illis carere. Si
dicatur primum: tunc vel acciden-
tia in noua quantitate sunt pariter
de nouo producta, vel eadem prio-
ra accidentia extenduntur per totam
quantitatem. Non possunt dici de
nouo producta. Tum quia non ad-
est causa produciens: potest enim
esse ut causa rarefaciens non habeat
virtutem producendi illa acciden-
tia, verbi gratia talem colorem, sa-
porem, & similia: imò causa rare-
faciens solet esse calor & ignis, ac
in subiecto solet inueniri aliquod
frigus. Tum quia sic pariter pro
noua quantitate deberet induci no-
ua materia, quia eadem difficultas
procedit respectu materiæ ac respec-
tu eorum accidentium. Si demum
dicantur eadem accidentia extendi
ac pariter cum substantia rarefieri:
sic plane illa accidentium pars
quæ nouæ quantitati inerit, inueni-
tur migrasse de antiqua ad nouam
quantitatem: & sic perspicue sequi-
tur transitus accidentis de subiecto
in subiectum. Et similiter in con-
densatione, illa accidentia quæ prius
inerant quantitati quæ tunc deper-
ditur, migrarent in aliam quanti-
tatem quæ remanet.

Secundo. Hinc à fortiori proba-
tur non mutari totam quantitatem:
quia sic omnia accidentia quæ prius
erant perirent, tam in condensatio-
ne, quàm in rarefactione: imò per
totum progressum eius mutationis
quæ

quæ ex natura sua fit successiue in tempore, fieret continua mutatio & successio accidentium. At hoc esset multo magis absurdum, quam illa accidentium mutatio & resolutio usque ad materiam primam quæ in instati generationis substantialis ponebatur à Thomistis. Si autem dicantur eadem accidentia permanere, iam non solum secundum partes sed totaliter de vna quantitate ad aliam transire inuenirentur, imò per totum progressum rarefactionis aut condensationis continuè mutare subiectum.

Item si ipsa immo mediare substantia insit.

Tertiò. Compertum est, vinum consecratum posse condensari & rarefieri, non secus ac omnis alius liquor; & ita per nimium frigus congelatur & condensatur, ac rursus per calorem liquefit & rarefit. Sed ibi supponitur quantitas esse per se existens post subtractionem substantiæ naturalis: ergo nullatenus potest naturali rarefactione & condensatione produci ac deperdi quantitas: siquidè actiones naturales fieri non possunt nisi dependenter à subiecto, & omnis productio termini per se existentis est vera creatio, quæ non potest exerceri nisi à Deo.

Vidit hoc Scotus, & respondet, vel solum Deum in tali casu producere quantitatem, supplendo insufficientiam naturalis agentis: vel agens naturale producere eam quantitatem, sed non creare, quia præsupponit veterem cui nouam adiungit: vel Deum ipsum ibi supplere vicem subiecti. Sed certè ita actio illa circa species consecratas apparet fieri per causam naturalem, sicut omnis alia actio. Nec verus quantitas faceret, ut nouæ productio non fit creatio: quia illa sanè non esset subiectum alterius, nec plus concurreret quam materiam quædam cui adderetur alia noua materia. Nec demum Deus suppleret vicem su-

biecti, quasi in se reciperet quantitatem vel subrogaret aliquod aliud subiectum: sed omnino illa actio remanet in toto rigore creatio.

Respondet quoque Caiet. 3. par. q. 77. art. 5., nouam quantitatem non fieri per propriam actionem, sed ab agente naturali per se fieri raritatem, & ex raritate consequi quantitatem. Sed adhuc priorem patitur difficultatem, & aliam nouam incurrit. Nam si noua quantitas fit per se existens, verè fit per creationem: unde nec ad raritatem consequi, nec ab vlla naturali causa effici posset. Et præterea malè distinguit aliam raritatem ab additione nouæ quantitatis, quia potius quantitatis additio & productio esset formaliter rarefactio: malè etiam, quantitas fit consequens ad raritatem, & sic raritas fit causa quantitatis: cum potius raritas quantitati innitatur, & si distinguatur, dici debet modus quantitatis.

Quartò. Ex eodem Sacramento à fortiori probatur cum ipso Scoto, non mutari totam quantitatem: quia pereunte priori quantitate deberent pariter omnia alia accidentia interire, cum haberent pro subiecto quantitatem; & cum noua quantitate alia de nouo succederent: ergo vel ibi desineret penitus esse Christus, vel transfiret ad existendum sub alijs nouis accidentibus: quod vtrunque est prorsus absurdum. Sed etiam si in rarefactione dicatur addi noua quantitas non ablata priori, & eo magis si cum illa addantur pariter accidentia, vel Christus non erit sub ea noua quantitate, vel incipiet esse de nouo absque consecratione: & neutrum debet admitti.

Dico iam tertiò. Iuxta nostram sententiam de accidentium & quantitatis subiecto traditam q. 21. sect. 6. potest benè defendi & explicari rarefactio & condensatio corporum

Absolutè potest rarefactio & adden-

ratio exerceri per mutationem totius quantitatis. per mutationem totius quantitatis, ita ut alia & alia noua quantitas totaliter producat recedente tota priori. Explicatur & sic suadetur assertio. Ibi diximus, non oportere quantitatem esse immediatum aliorum accidentium subiectum, sed omnia simul habere quoddam commune subiectum. Itaque per mutationem quantitatis nulla mutatio sequitur in alijs accidentibus. Diximus etiam, non oportere, quantitatem immediate inherere substantiae, sed potius mediare potentiam quandam accidentalem materiae cui tam quantitas quam alia accidentia immediate inessent, & in hoc communi subiecto permanere hae omnia accidentia in Sacramento. Itaque bene poterit fieri mutatio quantitatis sicut fit aliorum accidentium sensibilem in Eucharistia, quia verè fit dependenter à quodam subiecto. Sic ergo iuxta illam doctrinam potest absque vlla repugnantia ac difficultate defendi rarefactio & condensatio per mutationem ipsius quantitatis. Dico autem totius quantitatis: quia alioqui saluari non potest, addi quantitatem quantitati in rarefactione, & detrahi in condensatione, ut probauimus. Sed in rarefactione de nouo fiet tota quantitas, quae esset maior & amplior praecedenti, & sic magis extenderet materiam: in condensatione fieret quantitas, quae esset minor & contractior praecedenti, & sic velut restringeret materiam: ac in utroque casu semper tota prior quantitas deleteretur.

Supponendo quantitatem esse extensionem localem. Explicatur & suadetur magis ex ratione illa essentiali quantitatis in qua eius natura constitui posse dicebamus 7.22. sect. 2. nempe actuali extensione locali per partes extra partes in loco, abstrahendo tamen ab hoc vel illo determinato loco. Nam iuxta illam quantitatis ratio-

nem intelligitur optimè, in eadem substantia fieri maiorem extensionem localem, idest substantiam extendi magis ad occupandum maiorem locum; & hanc esse raritatem & rarefactionem: vel è contra fieri minorem extensionem, idest substantiam reduci & coarctari ad minorem locum; & hanc esse densitatem & condensationem. Et alioquin si ratio quantitatis constituatur in extensione in ordine ad se aliaue ratione antecedente localem extensionem, non deberet poni, nec satis posset intelligi hae variatio in ipsa quantitate. Fiet autem maior extensio, non quasi addendo aliam, supra praecedentem, sed totam aliam de nouo adducendo ablata priori: & sic etiam in mutatione de maiori ad minorem extensionem.

Iuxta hunc autem explicandi modum, raritas & densitas formaliter ac de se esse non debet quicquam aliud *Raritas ac de se esse non debet quicquam aliud* praeter ipsam quantitatem cum tali erit proportionem ad suum subiectum, aliud nempe aut magna quantitas siue extensio in parua materia, aut parua quantitas siue extensio in magna materia. Atque loco materiae sub quantitate sacramentali sufficeret illa accidentalis potentia materiae quae dicebamus. Et praeter ipsam quantitatem in subiecto, superfluum & inutile esset quicquam aliud. Vnde immerito Toletus praeter mutationem quantitatis addit quasdam qualitates, in quibus formaliter constituit rationem raritatis ac densitatis. Et sanè hae qualitates nec possent poni antecedentes nec consequentes ad ipsam quantitatem, nec ad quicquam deseruirent.

Item consequenter rarefactio & condensatio erit formaliter motus quidam per se habens pro suo termino quantitatem, erit formalis acquisitio & productio quantitatis; sicut generatio est productio substantiae.

ſtantia, & alteratio qualitatis. Atque, tam condensatio, quam rarefactio, erit realiter motus poſitiuus, terminatus ad formam poſitiuam: & different ſolum, quia rarefactio erit mutatio de quantitate minori ad maiorem, condensatio ex maiori ad minorem.

Quantitas Iuxta hoc tandem, quantitas fit naturaliter generabilis & corruptibilis: & ſic non eſt perpetuo coæua materiæ. Et hic ſolus caſus erit, in quo quantitas acquiratur ac deperdat: quia nec in mutatione ſubſtanciali; nec in accretione corporum, gignitur de nouo aut corrumpitur quantitas. Et hanc reſolutionem de mutabilitate quantitatis iam pridem ex q. 22. ſect. 9. in hunc locum remiſimus.

Denique hæc tota res videtur ſatis conſona ad mentem Ariſt. 4. Phyl. tex. 84. ubi clariùs & exactiùs de hac re loquutus eſt. Aut enim, *Eſt corporis materia, & magni & parui eadem*: ac explicare proſequitur, eandem materiam tranſire de paruitate in magnitudinem, ac de magnitudine in paruitatem, abſque mutatione, ſeu renouatione ipſius materiæ. Itaque eandem materiam ſubſtancialem corporis facit ſubiectum raritatis ac denſitatis: neque cogitante videtur, quantitatem eſſe immediatum ſubiectum raritatis ac denſitatis: potiùs ergo putauit raritatem ac denſitatem eſſe formaliter quantitatem, quàm eſſe modos quantitatis. Supponere item videtur, materiam primò & per ſe rareſcere aut condenſari, non autem quantitatem fieri raram aut denſam, quia ſcilicet materia rareſcit & addenſatur per mutationem quantitatis. Dum etiam ait, materiam tranſire de paruitate in magnitudinem, intellexiſſe videtur de vna in aliam quantitatem, de parua in magnam. Denum, expreſſit ſolum, hoc totum

fieri abſque mutatione & renouatione materiæ: nec vllatenus indicauit abſque mutatione & renouatione quantitatis: quin potiùs ſoli materiæ hanc ſtabilitatem tribuiſſe videtur.

Contra hanc aſſertionem Obijciens primò. Ariſt. lib. 3. Phyl. ubi diſtinguit ſpecies motus, non alium motum ad quantitatem agnoſcit, niſi augmentationem, quæ, vt ſupponimus, longè differt à rarefactione: at ſi rarefactio fiat per productionem quantitatis, multò magis ipſa rarefactio eſſet motus ad quantitatem, quàm augmentatio quæ ſolum habet adiungere vnã materiam quantam alteri materiæ. Inſuper eo loco 4. Phyl. docere videtur, non ſolum permanere eandem materiam, ſed eandem etiam quantitatem. Probat enim quia idem eſt ſubiectum contrariorum, & paruum ac magnum, denſum ac raram, ſunt tanquam contraria. At proximum & immediatum ſubiectum quod ſuſcipit hæc oppoſitas denominationes, eſt formaliter quantum, ſiue eſt ipſa quantitas; vt ſumitur ex eod. Ariſt. in Prædicam. quantit. Ergo eadem ipſa quantitas debet ſimul cum ſubſtancia permanere, & ipſa tranſit ab vna ad aliam ex his affectionibus.

Respondetur. Vel Ariſt. ſub eodem nomine augmentationis intellexiſſe quoque rarefactionem: ita vt augmentatio amplè ſumatur, & includat duas ſpecies, nempe accretionem propriè dictam per additionem maioris materiæ, & rarefactionem per productionem quantitatis in eadem materia. Et ita perſpicuè ipſe Ariſt. 4. Phyl. 63. *Contingit augmentari, non ſolum ingrediente aliquo, ſed & alteratione, vt ſi ex aqua fiat aer*. Vnde, cum 1. de Gener. 33. negat, eſſe augmentationem, quando ex aqua fit aer, loquutus eſt

Non ſola augmentatio eſt motus ad quantitatem

de accretione præsumpta. Vel si Arist. 3. Phys. nomine augmentationis intellexit solam dictam accretionem; satis est quod non negavit alium motum ad quantitatem quem dicimus rarefactionem, quia potuit illum solum exprimere tanquam notio-riorem: sed postea 4. Phys. hunc alium rarefactionis motum expressit. Vbi textu illo 84. perspicue de sola materia dixit permanere eandem absque eius mutatione & renouatione: & ipsam materiam fecit ibi subiectum earum contrariarum affectionum. In prædicamentis verò, aut item voluit, quantum sumptum pro subiecto eiusdem quantitatis, subijci illis denominationibus. Aut considerauit, quantitati ipsi illas attribui, non accidentaliter tanquam subiecto inhærentis, sed intrinsece tanquam subiecto prædicationis, quo pacto vna est quantitas magna & alia parua: sicut dicitur qualitas intensa & remissa, licet qualitas intendatur per additionem gradus ad gradum. Aut demum considerauit illas denominationes quatenus relatiuas, sicut maius & minus, & bene ipsa quantitas dici poterat subiectum talium relationum.

*Per non-
nā quā-
titatem
dilectur
anti-
qua.* Obijcies secundò. Non potest deleri quantitas præcedens per aduentum sequentis: forma enim accidentalis non expellitur nisi per aliam contrariam, tantum abest ut possit expelli per aliam solo numero distinctam intra eandem suam speciem: ergo non potest rarefactio & addensatio fieri per mutationem totalem quantitatis, per productionem vnius & ablationem alterius.

Respondetur. Sicut illi qui volunt, hanc mutationem fieri solum penes modos quosdam quantitatis, yltro affirmant per aduentum vnius modi expelli alium: ita prorsus contingere posse in ipsa quantitate: nam sicut apud eos se habet modus ad

modum, ita dicetur se habere quantitas ad quantitatem. Itaque non expellitur quidem vna forma per aliam solo numero differentem & prorsus similem: sed potest ita differre vna ab alia, ut se habeant tanquam oppositæ: ac tales erunt quantitas maior & minor: atque adeò bene expelletur minor per maiorem, & maior per minorem.

Obijcies tertio. Rarefactio & Successio
condensatio est motus successiuus *siue tota*
& fit in tempore in eodem toto sub- *quantitas vna*
iecto. Non enim in vnico instanti *riatur.*
corpus ampliatur aut restringitur, sed paulatim magis ac magis ampliatur. Imò non potest id aliter fieri, quia talis mutatio habet adiunctum motum localem quo corpus dilatatur in maiorem locum, ut est manifestum. At quantitas non habet partes intensiuas sicut qualitas, ut per eas possit successiuè produci. Nec illi ad hoc sufficiunt partes extensiuæ: quoniam successio non fit penes partes extensiuas, quasi prius vna & postea alia subiecti pars rarefiat: sed successio fit in toto simul subiecto & omnibus partibus eius. Igitur non potest rarefactio & condensatio fieri penes mutationem ipsius quantitatis.

Respondetur. Sicut ij qui volunt raritatem ac densitatem esse modos quantitatis, saluare tenentur successionem motus, constituendo in toto eius progressu modum quandam successiuum qui in toto subiecto continue varietur, ac in fine tandem, modo solum deinceps permanentem; sicut distinguitur in motu locali ubi successiuum & permanentem: ita posse hanc successionem ac distinctionem constitui in ipsa quantitate, ita ut in toto progressu motus sit quædam forma successiuæ quæ continue varietur, & in fine tandem acquiratur forma permanentem. In ipsa inquam quantitate quæ alioqui in prædicamen-

mentali diuiſione quantitatis proprio nomine dicebatur permanens ad differentiam quantitatis ſucceſſiuæ. Nam dicebatur permanens reſpectu ſubiecti, quia extendit partes permanentes ſui ſubiecti, & non extendit in tempore conſtituendo vnâ poſt aliam, ſed extēdit in loco conſtituendo vnâ extra aliam: quantitas verò ſucceſſiua erat quæ extendit ſubiectum penes partes ſucceſſiuas ipſius ſubiecti conſtituendo vnâ poſt aliam, ſic nempe tempus extendit motum.

Mutatur extenſio in ordine ad locū, & nō in ordine ad ſe. Obijcies quartò. Specialiter ad probandum non poſſe hanc mutationem raritatis & denſitatis in ſola extenſione locali ſaluari. Extenſio in ordine ad locum ſequitur extenſionem in ordine ad ſe: ergo non poteſt in illa fieri mutatio abſque præiua alia mutatione extenſionis in ordine ad ſe: igitur potiùs in hac priori mutatione conſiſtēt rarefactio & condenſatio.

Reſpondetur. Extenſio rursus in ordine ad ſe, ſi à ſubſtantia diſtinguatur, ſequitur ad ipſam ſubſtantiam: ergo non poſſet mutari ſine præiua mutatione ſubſtantię. Hinc inquam patet, illam conſequentiam non valere. Itaque bene poteſt intelligi mutatio extenſionis in ordine ad locum, perſiſtente eadem extenſione in ordine ad ſe: & eò magis, quia ſupponimus hanc extenſionem non eſſe formam aliam ab ipſa ſubſtantia aut quacumque re corpora conditinctam.

Mutatio inter maiore et minorem extenſionē eſt rarefactio et condenſatio. Obijcies quintò. Si raritas & denſitas attenditur penes extenſionem localem, ſequitur, quòd ſi corpus extenſum reducatur à Deo in punctum, dicetur condenſari; & ſi poſitum in puncto extendatur ad locum dicetur rareſcere: quod tamen non eſt dicendum. Item ſequitur, quòd ſi aer verbi gratia bipalmaris reducatur per condenſa-

tionem ad vnum palmum, dici debet denſior ferro bipalmaris, cum ad minorem extenſionem contractus ſit: quod tamen prorsus non eſt dicendum. Rursus ſequitur, quòd abſolutè maius corpus dici debeat aer bipalmaris quàm ferrum palmare, quia habet maiorem quantitatem & extenſionem localem: quod etiam non eſt admittendum.

Reſpondetur. Ad primum caſum negatur ſequela: quia non dicitur corpus condenſari aut rareſcere, niſi dum tranſit de extenſione maiori ad minorem, vel minori ad maiorem. Ad ſecundum caſum negatur etiam ſequela; quia comparatio rari & denſi fieri debet ſecundum proportionem ſubſtantię ſub quantitate: ferrum ergo eſſet adhuc longè denſius illo aere, quia haberet valde plus materię ſub ſua quantitate. Ad tertium caſum, veriſſimum eſt aerem bipalmarem eſſe maiorem ſecundum quantitatem, eſſe magis extenſum, occupare maiorem locum, vt ex terminis ipsis patet: ſed quoad ſubſtantiam eſt longè minor. Imò in hoc exercetur diſcrimen raritatis ac denſitatis, quia rarium habet minus de materia & plus de quantitate, denſum plus de materia & minus de quantitate.

Obijcies præcipuè ſextò. Si raritas & denſitas in locali extenſione conſiſtit, ſequitur in corpore Chriſti ſacramentaliter exiſtente abſque extenſione locali, non dari diſcrimen raritatis ac denſitatis inter partes eius organicas: quod planè videtur abſurdum, quia inde ſerè tolleretur vera diſtinctio organorum corporis: & oſſa non eſſent duriora carnibus, ſanguis non eſſet fluidus; quia hæ affectiones ex denſitatis ac raritatis diſcrimine oriuntur.

Reſpondetur. Sicut in corpore Chriſti ſacramentaliter exiſtente, non adefſt actualis extenſio localis,

An corpus Chriſti in Sacramento habeat partes raras ac denſas.

ita non adest omnis alia affectio per se & inseparabiliter fundata in ipsa extensione locali; nec potest adesse hoc discrimen maioris & minoris extensionis localis, ubi simpliciter non est talis extensio. At benè adsunt omnes alie affectiones, & omnes alie differentie partium, non actu à loco dependentes: & per eas saluatur optimè vera distinctio organorum. Durities autem & mollietates, soliditas & fluiditas, sunt qualitates quædam, quæ possunt optimè remanere: & vel simpliciter non dependent ex raritate & densitate; vel etiam si dependeant in fieri, poterunt saltem postea conservari. Et insuper differentia ipsa raritatis ac densitatis potest considerari veluti virtualiter: quatenus nempe plus substantię ossium quàm carniū est in corpore Christi, & sic de singulis partibus quæ in illo extra Sacramentum, & in alijs humanis corporibus, sunt densiores aut rariore. Suntq; in tali statu ac dispositione, ut exigant maiorem aut minorem extensionem: ita quod si localiter extendantur ex suomet statu possint talem differentiam extensionis. Sic notauit Aris. 1. de Gener. q. 36. sect. 5. partes Christi in Sacramento esse raras aut densas in actu primo, non in actu secundo.

SECTIO QUINTA.

An & quo pacto raritas & densitas, rarefactio & addensatio saluari possint penes modos quosdam quantitatis.

Solutio **D.** Thomas 1. 2. quæst. 52. art. 2. explicans & 2. 2. quæst. 24. art. 5. ad 1. raritatem Caiet. circa eadem loca, Capreol. & d. 18. q. 1. Durand. ibidè, Agid.

Quodl. 2. quæst. 11. Arretinus in 4. d. 1. 2. quæst. 4. de mente Scoti, item Auerr. 4. Phys. comm. 84. Burlæus & alij Expolitores ibidem, Iauell. eod. lib. quæst. 19. Perer. lib. 5. cap. 18., Conimbr. 1. de Generat. cap. 5. quæst. 17. Aris. eodem lib. quæst. 36. Ruuius in tract. de Rarefact. Hurtad. in disp. de Rarefact. Zabar. in lib. de Accret. Soncin. 8. Metaph. quæst. 27. Fonseca eod. lib. cap. 3. q. 3. & alij frequenter asserunt, corpora naturalia rarefieri & addensari per solos quosdam modos superadditos eidem quantitati absque alia mutatione ipsius quantitatis: ita videlicet ut eadem ipsa quantitas, pariter ac materia cui inest, per quendam modum dilatetur & amplietur magis, & ita rarefascit; vel per alium oppositum modum restringatur & contrahatur, & ita addensetur.

Defendi etiam potest eum hac sententia, hoc alio pacto corpora rarefieri & addensari. Itaque tum per mutationem quantitatis, ut dicebamus, tum per modos superadditos ut nunc dicimus, putamus posse rem hanc explicari, ita ut neutra pars satis convinci possit, sed ambæ ferè æquè probabiles videantur.

In primis ergo pro hac assertionem supponendum erit, quantitatem ex natura sua solum habere extendere substantiam per partes extra partes, ac de reliquo esse indifferentem ut sit tanta vel tanta, nec per suam entitatem in hoc determinari, aut determinare substantiam. Sed præter quantitatem cogitandus erit alius modus quo hæc determinatio fiat: & hic modus sit variabilis in una & eadem quantitate: ita ut eadem quantitas simul cum sua materia per certum quendam modum determinetur ut sit verbi gratia palmaris, per quæ alium modum possit extendi magis ut fiat bipalmaris, per alium coarctari: ut fiat semipalmaris. Et necessaria-

*Potest
commo-
de de-
fendi.*

cessario quidem Omnis quantitas debeat affici aliquo huius generis modo vagè loquendo; sed sit indifferens ad singulos modos varios illi possibiles: neut certè quantitas necessario debet esse prædita aliqua figura, sed est indifferens ad varias figuras: & omnis res necessario debet esse præiens alicui loco, sed est indifferens ad varia loca. Atque hic modus superadditus quantitati, sit formaliter raritas aut densitas. Et rarefactio fiat per modum extendentem magis quantitatem cum materia, condensatio per modum contrahentem. Dumquè hæc mutatio fit successuè in tempore, acquiratur successuè novus modus: & sicut successuus est ipse motus; talis quoque sit ipse modus qui acquiritur. In termino autem motus acquireretur modus deinceps permanens.

Modus immediate afficiet quantitatem et mediatè omnem rem quantitativam. Secundò addendum est, per hunc modum dici debere immediatè & proximè affici ac determinari ipsa quantitas; taliter ut etiam in quantitate separata variari possit, ut in Sacramento contingit: mediante autem quantitate concomitanter afficiat substantiam, ac etiam accidètia, idest quæcumque in uniuersum eadem quantitate extenduntur. Et quia erit continuatè diffusus per totam corporis molem secundum omnem trinam dimensionem; quoad omnes adæquatè partes totum subiectum afficiet: ita ut in rarefactione quæcumque pars sit facta magis ampla, in condensatione magis contracta.

Sine quantitas sit actualis existens. Tertiò. Hæc ratio explicandi raritatem ac densitatem potest habere locum in utroque illo modo quod essentiam quantitatis assignauimus q. 12. sect. 2. Primus modus erat, quo & vsi sumus sect. præcedenti, quantitatem esse formaliter actuale ipsam extensionem localem. Dicit enim poterit talis forma non solum esse

indifferens ad talem vel talem locum, sed etiam ad tantum vel tantum: & per quendam modum, qui dicitur ubi determinari ut sit in tali vel tali loco: per alium modum qui dicitur raritas aut densitas determinari ut sit in tanto vel tanto loco. Atque hunc modum simpliciter antecedere ad illum, & posse ac solere inuariatum persistere dum ille mutatur. Nā corpus cum eadem tanta sua extensione transfertur de vno ad alium locum, & ubique occupat tantum locum. Et modus ubi facillimè variatur per quemcumque motum localem: sed inodus raritatis ac densitatis maiorem mutationem requirit & non variatur nisi per nouam rarefactionem aut condensationem.

Secundus modus assignandi essentiam quantitatis erat, quantitatem esse formam quandam exiguiam actualis extensionis & extrapolitionis partium in loco, ita ut de se posset actualiter collocari in puncto; actualis autem extrapolitio partium fieret formaliter per eundem modum dictum præsentia localis. Sic inquā quantitas debebit cogitari ex se adhuc indifferens ut debeat poni in tanto vel tanto loco, sed præcisè solum exigat extraponi per partes suas in loco: determinari autem per alium distinctum modum, ut esse debeat in tanto vel tanto loco. Hoc pacto poterit hic modus reperiri in quantitate etiam existente in puncto, siquidem non dicit actuale extensionem in loco, sed solum exigentiam eius. Vnde in corpore Christi Sacramentaliter existente inueniretur non solum dicta forma quæ erat quantitas, sed etiam distincta hæc affectio raritatis ac densitatis, pro diuersitate partium & organorum corporis.

Quartò ulterius. Plerique auctores huius sententiæ, ita docere solent per modum superadditum raritatis

Sine sit forma exigens actualem extensionem.

Præter modum raritatis.

*is & præsentia
distin-
guendus
non est
alius
modus
exten-
sionis.*

extendi magis & ampliari quantita-
tem vt præter quantitatem distin-
guant modum raritatis & modum
extensionis, ac præterea alium mo-
dum præsentia localis. Vnde Son-
cinas loco cit. & Conimb. q. citata
art. 5. distinguunt pariter duos mo-
tus, vnum ad ipsam raritatem, & al-
terum ad maiorem extensionem,
quæ acquiritur. Et Conimb. art. 6.
ad 3. disputant, quo pacto raritas
cum extensione se habeat. Ac refe-
runt Scotum & Bassol., quod velint
extensionem esse raritate priorem.
Ipsi cum Capreolo & Caiet. affir-
mant, extensionem esse priorem ra-
ritate in genere causæ materialis,
quia eam recipit; raritatem esse ex-
tensionem priorem in genere causæ
effecti uæ, quia illam efficit.

Verum nullatenus debet tot for-
mæ seu modi distingui. Tum quia
nulla ratio vel utilitas talem distin-
ctionem suadet. Tum præsertim nõ
apparet quid sit illa extensio quæ ad-
ditur, an sit alia quædam quantitas
vel qualitas vel alia forma. Tum
etiam quærendum erit, an perma-
neat eadem prior extensio, cui alia
de nouo addatur, vel semper tota
mutetur. Ac si dicatur primum, re-
deunt eadem difficultates quæ circa
quantitatem urgebant. Si dicatur se-
cundum, eò magis apparet, frustra
& inutiliter aliam & aliam mutatio-
nem induci. Tum præterea, ipsa
maior extensio formaliter habet ex-
tendere & ampliare subiectum: er-
go ipsa est raritas, & superfluous ac
impossibilis erit alius distinctus ra-
ritatis modus. Item quæ raritas esse
debet quæ formaliter in plus exten-
dat & ampliet subiectum: ergo su-
perflua & impossibilis erit alia ex-
tensionis forma. Tum specialiter
dici nõ debet raritas in genere cau-
sæ effecti uæ extendere subiectum,
id est extensionem efficere, sed non
nisi in genere causæ formalis hunc

præstat effectum, & pro causa effe-
ctiua satis superquæ est illud agens
extrinsecum quod dicitur rareface-
re subiectum. Tum demum raritas
nec dici poterit consequi illam ex-
tensionem, quia sic ad nihil prorsus
deseruiet alia extensio. Et eò ma-
gis impossibile est quod dicebant
Conimb. consequi & præcedere,
raritatem recipi in extensione & ef-
ficere extensionem. Manifestè enim
repugnat, formam efficere idem
suum subiectum, subiectum recipere
eandem suam causam effectiuam.

Quintò. Ex aduerso aliqui signi-
ficant, raritatem aut densitatem
formaliter non esse aliud quàm præ-
sentiam ipsam in loco; nempe præ-
sentiam in maiori loco esse rarita-
tem, in minori esse densitatem. Et
sic Arelius q. cit. sect. 5. vult, rarefa-
ctionem non esse alium motum à
motu locali. Imò Arist. 8. Phys. 77.
rarefactionem & condensationem
reducit ad motum localem. Sed om-
nino debet distingui raritas à præ-
sentia. Nam dum res transit de vno
ad alium locum, mutat realiter præ-
sentiam, sed non mutat vnâ & aliâ ra-
ritatē, sicut non mutat quantitatem.
Et est manifesta ratio differentia,
quia præsentia habet determinare
rem in tali vel tali loco, raritas habet
plus extendere indifferenter ad om-
nem varietatem loci. Et raritas præ-
cedit præsentiam: prius enim est
rem extendi, & plus vel minus ex-
tendi, siue prius est rem exigere præ-
sentiam ac tantam præsentiam, quam
actu formaliter fieri præsentem cer-
to loco. Itaque omnino etiam ra-
refactio est motus distinctus à mo-
tu locali. Sed benè quidem omnis
rarefactio naturaliter fert quoque
motum localem: nam omnes partes
corporis quod rarefit vel condensa-
tur, tunc simul mutant locum, vt est
manifestum: quia licet corpus se-
cundum se adhuc persistat in eodē
loco

*Rarita-
tis &
densita-
tis mo-
dus non
est for-
maliter
modus
præsentia
localis.*

loco, tamen dum acquirit simul maiorem locum, vel cōtrahitur ad partem prioris loci, planè omnis pars corporis mutat suum partialem locum. Si autem quantitas & raritas dicatur posse esse in puncto iuxta secundum modum antea explicatū: sic per Dei potentiam posset fieri mutatio raritatis absque actuali motu locali. Arist. verò ibi tantum docuit, rarefactionem & condensationem apud Veteres esse motum localem, qui volebant non esse aliud quam dilatationem & constrictionem partium penes vacuitates interpositas.

*Non est
modus
positio-
nis.*

Sextò. Ipse Arist. in Prædicam. qualiter docet rarum & densum esse potius positiones, idest de prædicamento situs, licet videantur qualitates. Sed certè ex dictis suo loco de situ, satis manifestum est, raritatem & densitatem ab illo differre; situs enim erat eiusdem rationis cū ubi, & variatur per merum motum localem. Arist. verò ibi sumpsit rarum & densum vulgari illo antiquorum modo. Ait enim, *Spissum dicitur eo quod partes sibi ipsis propinqua sint, rarum eo quod distent à se inuicem.*

*Non est
modus
relatio-
nis.*

Septimò. Simplicius 4. Phys. circa tex. 84. significat, raritatem ac densitatem formaliter esse relationes. Et aliqui explicant esse relationes partium corporis inter se: quia esse rarum aut densum non est aliud quàm partes magis aut minus inter se distare: hæc autem est quædam relatio. Aliqui verò, esse relationes inter vnum & aliud corpus: quia rarum est quod habet plus quantitatis & minus materiæ, densum è contra: at plus & minus formaliter relationem important. Certum tamen est, raritatem & densitatem non esse meras relationes de prædicamento ad aliquid, sed habere in se rationem formæ absolutæ de aliquo certo prædicamento. Et patet,

quia quæcumque relatio inueniatur debet fundari in forma reali, & sic supponi debet talis forma quæ sit raritas ac densitas. Itaque esse rarum aut densum, est magis aut minus extendi, quæ non est mera relatio de prædicamento ad aliquid: sed ad summum in hac forma reali fundabitur relatio siue de nominatione relatiua distantia inter partes. Fundabitur etiam relatio vnius corporis ad aliud, quatenus vnum dicetur habere plus vel minus materiæ aut quantitatis quàm aliud, supponendo utique statum absolutum vniuscuiusque in se, vt sect. præcedenti notauimus.

Octauò tandem. Communior *Est vtriusque* sententia est, raritatem & densitatem esse formaliter qualitates, & in dā qualitatis prædicamento reponi. Sumitur ex Arist. 1. Phys. 49. & lib. 7. videtur tex. 11. & 2. de Partib. animal. cap. 1. esse de quarta specie. Non conueniunt autem de specie qualitatis. Arist. collocare videtur inter qualitates sensibiles, atque adeo sub tertia specie: & ita aliqui sentiunt. Alij, vt refert Bonamicius lib. 7. de Motu cap. 41. collocant sub secunda specie, quæ est potentia & impotentia: quoniam densitas se habet vt potentia quæ difficilè cedit, raritas vt impotentia quæ facile cedit.

Pro resolutione & conclusione huius rei, debet sine dubio raritas ac densitas, si sit modus quidem à quantitate distinctus, inter qualitates essentialiter numerari. Ad nullum enim aliud prædicamentum, potest commodè reuocari, & per se participabit communem qualitatis rationem. Sicquæ in qualitatis prædicamento figura reponitur quæ est terminus quantitatis, reponi etiam debet raritas & densitas. Et hinc non alia species erit requirenda sub qua recludatur, nisi ipsa quarta species, & ipsa figura. Non solum enim

enim debet in illa quarta specie qualitatis figura sumi pro sola figuræ externa quantitatis, sed pro omni huiusmodi affectione quæ eadem communem rationem habere videtur. Imò potius affectiones hæ, quàm figura vulgariter dicta, videntur illam qualitatis speciem constituere. Et ita iam notauimus q. 22. sect. 9. Arist. autem locis allegatis loquutus potius est de raritate & densitate vulgari illo antiquorum modo sumpta pro dilatatione & constitutione partium. De qua proinde in prædicam. qualit. dixit, licet videretur de genere qualitatis, esse potius de genere positionis. Alioqui rarum & densum propriè sumptum, de quo loquutus est 4. Phys. 84. ex propria mente potius putasse videtur formaliter consistere in quantitate magna aut parua. Magis quæ de mente Arist. esse videtur, raritatem & densitatem consistere in ipsa quantitate, quàm in modis superadditis quantitati. Vnde 2. de Generat. text. 8. enumerans qualitates tangibiles, neutiquam nominauit rarum & densum.

Si autem raritas & densitas sit qualitas, rarefactio & condensatio erit de illo genere motus quod terminatur ad qualitatem. Et dicetur alteratio, sumendo nomen alterationis còmuniter pro omni motu ad qualitatem, vt notauimus q. 26. sect. 10. Non autem rarefactio dicitur intensio, & condensatio remissio, sicut dicitur in alijs qualitibus. Ita probant Soncm. & Fons. Et maxime quidem non dicitur intendi aut remitti ipsa quantitas, sed extendi aut contrahi. Vnde, càm D. Thom. 2. 2. q. 24. art. 1. ad 1. dixit, quantitatem habere suum augmentum per modum intensiois, solum signare voluit augeri sine noua quantitate, vt ibi sentire videtur de qualitate. Modus autem raritatis superadditus

quantitati, nec dicitur propriè intendi, quia non idem ipse modus perficitur, sed totaliter variatur.

Cæterum, contra hunc modum explicandi rarefactionem & condensationem afferuntur quædam argumenta ab ijs qui volunt fieri per additionem & deductionem quantitatis: quæ perinde referenda ac dissoluenda sunt.

Obijciunt primò. Sensibus ipsis apparet, in rarefactione acquiri maiorem extensionem, longitudinem, latitudinem, & profunditatem: sed quantitas non est aliud quàm extensio: ergo acquiritur maior quantitas, per additionem scilicet nouæ quantitatis supra priorem. Item videmus augeri reliqua omnia consequentia quantitatem, nempe distantiam partium, diuisibilitatem, rationem mensuræ, occupationem loci, & si quæ sunt alia: ergo & verè augetur per nouam additionem ipsa quantitas. Rursum ex definitione ipsa rari & densi, rarum habet maiorem quantitatem, densum minorem.

Respondetur. Defendendo modum raritatis & densitatis, dici debere eandem ipsam quantitatem fieri magis extensam, longam, latam & profundam: atque adeo quantitatem non esse formaliter huiusmodi extensionem, sed esse subiectum eius; sumendo scilicet extensionem pro determinatione qua ipsa quantitas sit tanta vel tanta, licet quantitas sit idem quòd extensio absolute sumpta præcèdendo à tali determinatione. Itaque dicitur acquiri maior quantitas, quia eadem prior quantitas fiat maior. Et sic etiam augeri reliqua consequentia quantitatem. Et in definitione rari ac densi debere intelligi, eandem ipsam quantitatem fieri maiorem vel minorem. Quòd si omnino oporteret mutationem fieri in ipsa quantita-

Quo pacto in rarefactione fiat maior quantitas.

titate, fieri deberet per mutationem totius quantitatis, & non per additionem vel deductionem partis.

Quo pacto eadem quantitas possit duplicari.

Obijciunt secundò. Sit materia palmaris, quæ per rarefactionem fiat bipalmaris; prius erat vnus palmus quantitatis postea est duplex. Sed secundus palmus non potest esse quantitas antiqua. Tum quia illa erat primus palmus, à quo secundus realiter distinguitur. Tum quia alioqui prius illi duo palmi latuissent veluti penetrati sub vno palmo, & postea vnus fuisset eductus ab alio: sicut si Deus diuideret corpus bipalmare, & virumque palmum simul constitueret, essent utique duo palmi penetrati. Igitur omnino in rarefactione debet esse addita noua quantitas.

Respondetur. Hoc argumento pariter probaretur, debuiste addi nouam materiam, & alioqui prius fuisse plures materiae portiones simul penetratas. Dicendum ergo est, eandem quantitatem & materiam quæ erat palmaris, factam esse bipalmarem; & ita habere duos palmos realiter distinctos, qui prius erant duo semipalmi, & sic omnes partes fuisse duplò magis extensas. Nec propterea prius erant duo palmi penetrati, sicut essent in illo casu adducto, sed erant condensati. Id est nulla pars existerat simul in eodem loco cum alia parte, sed quælibet pars occupabat locum duplò minorem & penitus vna erat extra aliam.

Quo pacto indiuisibilia indiuisibilibus adequantur.

Obijciunt tertio. Suppositis indiuisibilibus continuatiuis in quantitate, quando corpus aliquod rarefit, debent omnino addi noua puncta quantitatibus; nam priora puncta erant simpliciter adequata omnibus punctis prioris loci & correspondebant utique singula singulis: at postea adequantur omnibus punctis maioris loci: igitur omnino addita sunt noua puncta: quia alioqui cui-

denter apparet impossibile, vt illa sola puncta quantitatis prius occupantia puncta vnus loci palmaris, postea occupent centies totidem puncta in loco centum palmorum, quantumuis puncta dicantur infinita & infinites infinita: quia si semper tot puncta sunt in quolibet palmo, non poterunt illa sola quæ vni palmo erant adequata, adequari simul duobus & centum palmis. Ad dius autem punctis addi etiam omnino debent nouæ quantitatis partes, vt est perspicuum.

Respondetur. Hoc argumentum non minus retorqueri posse contra eosdem eius Auctores. Nam positis indiuisibilibus in quantitate, debent constare pariter in materia & tunc eadem prorsus ratione vrgeri potest difficultas de punctis materiae tum respectu loci, tum etiam respectu quantitatis quæ dicitur addi. Itaque hoc argumentum in vniuersum militat contra rarefactionem, siue per nouam quantitatem, siue per nouum modum fieri dicatur. Et sanè positis indiuisibilibus, non video quomodo solui possit. N. gando autem suppositionem factam de indiuisibilibus, de se corrumpit. Vnde iam hoc argumento inter alia q. 22. sect. 4. aduersus indiuisibilia vti sumus. De partibus autem diuisibilibus non procedit: quia bene quælibet pars materiae & quantitatis ampliari & extendi potest magis, & ita correspondere maiori parti loci quam antea.

Obijciunt quarto ex paritate qualitatis. Si qualitas non intenditur per quendam modum superadditum quo magis ac magis perficiatur, nec per mutationem totius qualitatis, sed per aduentionem gradus ad gradum: ergo similiter dici debet quantitas extendi in rarefactione. Sed iam circa intentionem qualitatis quat. 23. sect. 6. ad 5. dispensa-

Quomodo differat rarefactio a quantitate.

ritur.

ritatem reddidimus : quæ sanè per se satis apparet ex varijs rationibus pro intentione qualitatis & rarefactione siue extensione quantitatis adductis .

Quomodo. Obijciunt quintò. Non posse dido ipsa ci ipsammet quantitatem rarefieri *quantitas* aut condensari per modum super-vel sola additum : quia rarum definitur habens parum materiæ sub magna *materia* rarefieri. quantitate , & è conuerso densum : ergo non ipsa quantitas dici poterit rara vel densa, sed solùm magna vel parua . Vnde vlteriùs , non videtur in speciebus sacramentalibus vera condensatio & rarefactio exerceri : quia ibi nec multum nec parum materiæ est sub quantitate .

Respondetur . Multò minùs hæc posse saluari iuxta oppositam illam sententiam de additione quantitatis . Nam nec simpliciter addi posset quantitas : nec per additionem dici posset quantitas rarefieri, licèt diceretur augeri, sicut augetur ma-

teria per nouam additionem : nec apparet qualiter in speciebus sacramentalibus vera rarefactio exerceatur . At penes modum potiùs raritatis sic potest illa definitio verificari quòd sit parum subiecti sub magna extensione quantitativa : & sic sanè ipsa quantitas se habet veluti materia quæ rarefit, & quæ per raritatem extenditur . Et sic in Sacramento vera rarefactio in suo rigore saluatur . Sed iuxta aliam illam viam de mutatione quantitatis , non quidem ipsa quantitas dicetur rara vel densa, rarefieri vel condensari, sed maior aut minor, maior mutari in minorem, vel minor in maiorem : sed benè in Sacramento poterit rarefactio & condensatio exerceri, quia adhuc quantitas inest suo immediato subiecto, & pro materia sufficit potentia accidentalis materiæ, quam sine materia permanere & quantitati alijsq; accidentibus subijci dicebamus .

QVÆSTIO TRIGESIMANONA.

De Corporum Inferiorum.

Qualitatibus & Alteratione.

Qualitates accidentales in his corporibus à substantia condistinctas, & veram earum mutationem per nouam productionem atque corruptionem, negasse inueniuntur Democritus & Leucippus apud Arist. 1. de Generat. tex. 5. qui videlicet corpora omnia construentes per athomous figuris differentes, dicebant generationem & corruptionem substantialem fieri per eorum congregationem & disgregationem, alterationem verò per mutationem in ordine & positione . Ac nuper Sebastianus Bassionus in lib. de Actione, planè negat has corporeas qualitates & veram earum productionem : omnemquè mutationem in his corporibus apparentem saluare tentans per variam athomorum congregationem & disgregationem. Magna demum ex parte ad hunc dicendi modum accedit Galilæus in libro italicè inscripto, *Il Saggiatore*, num. 48. Satis tamen certum & notum est ; non solùm in vera Philosophia, sed per sacram quoque doctrinam ex lumine fidei, præsertim in Sacramento Eucha-

charistia, extare veras qualitates accidentales, in quibus vera mutatio fiat per nouam earum productionem & corruptionem. Atque ita iam pro accidentibus in communi prænotauimus quæst. 21. in principio. Harum qualitatum productio proprio nomine Alteratio nuncupatur, alteratio scilicet subiecti: non enim ipsa qualitas, sed subiectum per qualitatis productionem dicitur alterari. Et sub hoc alterationis nomine agit de hac re Aristoteles simul cum substantiali generatione.

SECTIO PRIMA.

Quæ & quid sint hæ Qualitates, quo pacto intendantur, & in sua intentione determinentur.

Varia & multæ sunt hæ qualitates. **F**Acilè constat, quàm variæ & multæ sint inferiorum corporum qualitates. Et præsertim, non sicut vna est quantitas specie in omnibus ijs corporibus, vnaque numero in singulis, ita vna est qualitas: sed non solum in varijs corporibus, verùm etiam in vnoquoque sunt multæ & variæ qualitates inter se essentialiter differentes. Possuntq; pluribus modis distribui & ordinari: sed præcipuè per quatuor illas species in communi qualitatis genere prædistinguitas: omnes enim illæ species satis conspicuè in his corporibus inueniuntur. Pro varietate autem ac peculiari conditione ipsorum corporum, variæ eorum qualitates nominandæ, ac recensendæ erunt. Nunc de ijs communiter tractandum est.

Habent quidditatem et intensiōem communem cū alijs. Circa quidditatem harum qualitatum, nihil dicendum superest præter ea quæ de accidenti & qualitate in communi dicta supponimus, addendo nunc peculiarem ordinem harum qualitatum ad interiora corpora. De earum intentione tolet sub alterationis nomine hic prolixè tractari. Sed hæc utique erat communis ad omnes qualitates: ideoquè in communi qualitatis tractatu de ea satis egimus. Solum videndum

superest, quo pacto horum corporum qualitates in sua intentione determinentur, sicut id examinauimus de extensione corporum in quantitate.

Conueniunt omnes, hæ qualitates esse ex natura rei determinatas ad certum intentionis gradum, versus maximum, supra quem naturaliter augeri non possint. Addit Soncin. 8. Metaph. q. 23, esse determinatas etiam versus minimum, ita vt requirant omnino certam quandam intentionem, infra quam naturaliter non possint existere. Et iuxta hoc Tolet. lib. 1. de Generat. q. 6. concl. 2. asserit, in principio alterationis debere produci certum quendam intentionis gradum in certa parte subiecti, ac deinceps posse qualitatem successiuè produci. Consentit Ares. 1. de Gener. q. 27. sect. 2.

Dico primò. Qualitates non videntur per se & ex natura sua determinare sibi certum intentionis gradum sibi maximum, ultra quem augeri non possint; sed benè determinantur ratione subiecti, & agentis, & sic eis octo gradus pro summa intentione attribuuntur. Suadetur prima assertionis pars: quia nulla apparet ex natura ipsa qualitatis ratio talis determinationis. Et supponendo, qualitatis intentionem constitui per partes & gradus, semper posset quantum est ex natura qualitatis supra quemcumque gradum addi alius, & sic in infinitum. Nullaquè apparet ratio, cur supra octauum gradum qui de facto ponitur supremus, non posset æquè benè ad-

Non determināt sibi ab intrinseco summā intensiōem.

di alius, sicut supra septimum additus est octauus, spectando inquam naturam ipsam qualitas & conditionem in graduum. Quinimò quantum est de se, ita se habere videtur qualitas in intentione, sicut se habet quantitas in extensione. Ex natura enim quantitatis nulla est determinationis ratio, cur maior & maior fieri non possit; & idem erit de qualitate in intentione.

Determinatur ex facultate causæ.

Secunda assertionis pars est communis & certa, & in hoc sensu accipiendum est quod ab omnibus supponitur de intentionis determinatione. Et ratione probatur: quia de facto omne corpus est finitæ ac limitatæ capacitatis & virtutis tam in agendo quam in recipiendo, ut tantam qualitatem & non maiorem admittat, tantam & non maiorem efficere queat. Et præcipue hæc determinatio explicatur ex parte formæ substantialis: quia si consideretur forma quatenus effectiua alicuius qualitatis, sine dubio non potest efficere semper maiorem in infinitum, sed certum terminum suæ virtutis habet. Si item consideretur forma quatenus exigens qualitates pro suis aptis dispositionibus in subiecto, vel pro suis virtutibus seu instrumentis ad propria munera exercenda, debet etiam ex sua natura exigere tantam certam dispositionem, tantam certam virtutem & facultatem. Adde quoque potest ex parte materiæ, materiam ipsam præ de facto condita est pro subiecto harum formarum substantialium, esse tantæ capacitatis in recipiendo, ut in tanta intentione & non maior tales qualitates naturaliter admittere queat. Licet cogitari possit possibilis alia materia maioris & maioris capacitatis, apta in maiori adhuc intentione sustinere huiusmodi qualitates.

Summa autem cuiuslibet qualita-

tis intensio in corporibus his inferioribus, octo gradum assignatur. *Summa intensio est octo gradum.* Quæ distributio ad libitum Philosopherum, & ad commoditatem doctrinæ, facta est. Nam utique tota intentio naturaliter consueta constat pluribus partibus quæ æquales in certa mensura assignari possunt. Sed quia hæ partes sunt semper diuisibiles in infinitum, poterant ad libitum plures aut pauciores designari; sed designatæ sunt octo. Sicut in vna signantur octo palmi: cum certè ex natura rei æquè bene potuissent plures aut pauciores partes æquales assumi.

Atque hæc octo graduum mensura omnibus corporeis qualitatibus attribuitur. Sed adhuc dubitari potest, an æqualis sit summa omnium qualitatum intensio: quia nimirum cogitari possent gradus singuli per se maiores in vna qualitate quam in alia: an videlicet tanta sit summa intensio siccitatis quanta caliditatis & sic de singulis. Attamen quia non est vnde inæqualis qualitatum intensio colligatur, in omnibus pro equali solet accipi. Specialiter verò certum esse debet, summam intensiorem ad quæ peruenire possint qualitates inter se contrariæ, esse æqualem, verò gratia inter calorem, & frigus, humiditatem & siccitatem. Nam tantundem vnius qualitatis contrariæ expellitur, quantum alterius introducitur: eademque est contrariorum regula & mensura. Propter quod, quando tales sunt qualitates contrariæ, ut vna non desit in subiecto nec expellatur nisi per præsentiam & aduentum alterius, semper in materia sunt octo gradus ex tota contrarietate, partim nempe de vna & partim de alia, & tantò plus de vna quantò minus de alia, si non vna sola intus explens totam intensiorem ut octo.

Dico secundò. Qualitates nec etiam

Nec de- etiam sibi determinat ex natura
termi- sua certum terminum suæ intentionis
nâs sibi nis versus terminum, infra quod re-
ab in- mitti non possint : sed bene formæ
trinsec substantiales quoad eas qualitates
infimam & dispositiones quibus indigent, de-
intensio- terminatè requirunt certam inten-
nem. tionis mensuram versus minimum.

Probatur prima assertionis pars. Tum quia ex parte sua quælibet intentio est adhuc diuibilis sicut extensio : ergo ex hoc capite dari potest semper minor & minor intensio. Tum deinde, si non adlit agēs contrarium, qualitatem impugnans, poterit quantum est de se qualitas conseruari in quacumque minori intentione. Si verbi gratia materia cum quouis exiguo calore constitueretur in vacuo : non enim deberet calor de se ob nimiam exiguitatem deficere, nullo agente frigore. Ac ita de facto lumen, species intentionales, et similes qualitates nō habentes contrariū, possunt in quouis minori intentione consistere. Tum perspicuè, dum agens diffundit actionem suam vniiformiter difformiter, verbi gratia agens luminosum diffundit lumen per aerem, nulla est intentio tam exigua, qua non inueniatur minor in parte sequenti; vnde si designetur illa intentio quæ dicebatur minima, adhuc inuenietur alia infra illam : & tam bene hæc posset per se conseruari remotis impedimētis extrinsecis. Tum demum, quando qualitas in tempore successiuè producit & intenditur, cogitari nō debet, ab initio produci determinatum quendam gradum intentionis : sed potius incipit qualitas produci per minorem & minorem, sicut deinceps in progressu continuatur, vt postea ostendemus. Atque Arist. 6. Phys. cap. 7. expressè negauit, in motu reperiri primum mutatum esse : & probauit, quia ante quodlibet mutatum esse, præce-

dit pars motus, quæ cū sit diuibilis continebat alia mutata esse priora. Vnde Arist. planè supponit, nullam determinatam partem fieri totam simul absque successione. Et sic asserit ipse Toletus ibi quæst. 4. concl. 6. Igitur qualitas non sibi determinat ex natura sua certum intentionis terminum versus minimū.

Probatur deinde secunda assertio- nis pars : quia cū forma naturalis exigit suas connaturales dispositiones, vtique hæ dispositiones ad illā requiruntur in certo intentionis gradu, vt non sufficiant in quouis minori et minori. Verbi gratia forma ignis exigit certum calorem & siccitatem, ita vt cum maiori naturaliter conseruari posset : sed per oppositas qualitates ac dispositiones induceretur alia forma opposita expellens formam ignis. Quamuis, si ponatur casus, quod noua alia forma succederet, deberet adhuc permanere prior forma, ne materiam vacuum absque omni forma relinqueret, vt notauimus q. 37. sect. 7. Sed tunc talis forma permaneret in statu præternaturali respectu suæ particularis naturæ : sicut cum graue ascendit ad replendum vacuum, cū vtique ex natura sua petat inferiorem locū. Constat etiam, formam substantialem ad primam sui productionem requirere certam intentionē in suis dispositionibus, ita vt non posset in minori illarum statu produci. Maiorquē intensio requiri potest ad primam productionem, quā ad sequentem conseruationem : vt verbi gratia potest aqua conseruari cum minori frigore quā calore dum fit calida, sed non posset in tali statu ab initio gigni. Nec mirum, plus requiri ad hoc vt res primò fiat, quā vt postea conseruetur.

Cæterum, potest etiam huiusmodi terminus in intentione considerari vel extrinsecè, sicut antea in ex-
Quoad genera- tionem

Deter- minan- tur pe- nes exi- gētiā formæ.

*forma
intrin-
secè,
quoad
conser-
uationē
extrin-
secè.*

tionem. Utque definiatur quonam modo se habeat, supponendum est, nouam formam substantialem gigni intrinsecè in instanti per primū sui esse, & in eodem desinere extrinsecè priorem formam per primum sui non esse, data scilicet hypotesi de instantibus in tempore. Hoc supposito, dici debet intensio qualitatis requisita ad generationē formæ terminat. intrinsecè: quæ verò requiritur ad conseruationem terminari extrinsecè. Nam in illo instanti dicere valet, hæc est intensio qualitatum cum qua forma gigni potest, & cum minori immediatè ante non poterat. E contra verò, considerando dispositiones prioris formæ quæ tunc expellitur, dicere valet, cum hac intentione suarum dispositionum hæc forma conseruari non potest, cum quauis alia maiori immediatè antea poterat. Et ita terminus intentionis ad generationem formæ assignatur intrinsecè, ad conseruationem assignatur extrinsecè.

*Dispa-
ritas in-
ter ex-
tensionē
quantita-
tis, &
intensio-
nē qua-
litatis.*

Cōtra doctrinam traditam Obijcies primò. Eodem modo se habere debet substantia corporea quoad extensionem quantitatis & intentionem qualitatis: ergo non benè sibi constant, quod antea diximus corpora non viuentia non determinare sibi certos terminos extensionis nec in magnitudine nec in paruitate, & quod modò dicimus determinare sibi ex vtroque extremo certos terminos in intensione qualitatis.

Respondetur. Disparitatem esse in promptu: quia augmentum in extensione fit per nouam substantiam quæ additur, at augmentum in intensione fit in eadem parte substantiæ: vnde hoc augmentum benè limitari potest & debet per capacitatem & exigentiam ipsius subiecti cui inhaeret qualitas: neque hæc li-

mitationis ratio procedit in augmento extensiuo. Quare, tam in quantitate, quàm in substantia, potest extensio procedere vterius in infinitum, quantum est ex natura rei. Item, forma substantialis exigit suas dispositiones in eodem suo subiecto & in eadem parte subiecti: vnde ex natura sua benè potest requirere certam intensionem earum. Sed extensio consistit in diuersis partibus subiecti: vnde ex natura sua, forma quæ est in vna parte, non eget consortio alterius partis, nisi ob aliquam partium communicationem, quæ in solis viuentibus exercetur.

Obijcies secundò. Eodem modo se habere debent corpora viuentia quoad terminum magnitudinis illis præfixum, ac omnes formæ substantiales quoad terminum intentionis in suis qualitatibus & dispositionibus: ergo vel pro vtroque casu terminus dici debet intrinsecus, vel extrinsecus: igitur non benè ibi voluimus absolutè terminum magnitudinis esse intrinsecum, & modò volumus terminum intentionis pro conseruatione formæ esse extrinsecum.

Respondetur, Non vrgere illam necessitatem in magnitudine, ut statim per recessum à termino viuens interire deberet; sicut in gradu intentionis, in instanti quo per nouas dispositiones incipit noua forma, deficit intētio debita dispositionum pro alia priori forma, & deficit ipsa prior forma. Itaque non debebat terminus magnitudinis dici extrinsecus, sicut nunc dici debet terminus intentionis.

Obijcies tertio fundamentum Toleti. Res naturales ita determinatae sunt, ut requirant certam aliquam quantitatem, infra quam non possint existere aut operari, & ideo designantur minima naturalia: ergo quæ-

*Dispa-
ritas in-
ter ter-
minum
quantita-
tis &
qualita-
tis.*

*Conue-
nientia
in rebus
naturalibus in-
ter quæ-*

sitatem qualitas non poterit existere nisi in
& *qua-* tanta quadam parte subiecti, & cum
locatem. tanta intensione: igitur nec ab initio infra eam poterit ab agente naturali produci.

Respondetur. In primis apud nos res naturales non sunt per se determinatæ ad certum quantitatis terminum, tam in paruitate quàm in magnitudine, ut iam diximus: & ita pariter non est determinata qualitas quoad intensiorem. Deinde, etiam si res naturales & ipsæ qualitates essent determinatæ, non possent quidem produci infra minimum, ut ibi sisterent, ac in eo statu permanerent: sed bene fieri posset, ut per successionem & continuationem actionis, inciperet productio per partem minorem & minorem, ac in progressu adderet novas partes, non relinquendo formam infra minimum. Et hoc tam in intensiōe qualitatis, quàm in extensione omnium naturalium rerum. Conimbr. tamen 1. de Generat. cap. 4. quæst. 2. art. 1. ad 3., supponentes, corpora naturalia determinare tibi certum terminum paruitatis, aliter sentiunt de qualitate ac de forma substantiali: volunt enim, formam substantialem non posse ab initio produci nisi in certa parte subiecti, qualitatem verò posse incipere produci in quavis minori & minori parte. Sed immeritò: quia sanè quoad huiusmodi extensionem eadem est ratio de forma substantiali ac de formis accidentalibus.

SECTIO SECVNDA.

Quid sit Alteratio, & quo pacto sit motus successivus atque continuus.

Alteratio definitur. **A**lteratio varijs modis sumitur apud Arist. varijs in locis.

Interdum pro mutatione ad omnem formam, tam substantialem quàm accidentalem. Sic exponit Auerr. sumptam esse 2. Phys. 1. Interdum pro mutatione ad omnem formam accidentalem. Sic Arist. 1. de Generat. tex. 10. videtur omnem mutationem distinguere in generationem substantialem, & alterationem accidentalem. Et Porphy. in Prædicab. dixit, accidens facere alterum, differentiam verò essentialē facere aliud. Interdum pro mutatione ad omnem qualitatem. Sic Arist. lib. 3. & 5. Phys. distinguens omnes motus species, unam speciem ponit alterationē quæ terminatur ad qualitatem: Et in hac etiam amplitudine qualitatis 2. de Anima 57. & 58. concedit, speculari & sapere esse quandam speciem alterationis. Interdum magis pressè sumitur pro mutatione ad solas qualitates corporeas sensibiles habentes contrarium, siue pro transmutatione de una ad aliam qualitatem oppositam. Sic 1. de Gener. tex. 23. ait: *Alteratio est, quando manente subiecto sensibili, transmutatur in eius passionibus aut contrariis aut medijs.* Et hæc tolet à Peripateticis pro alterationis definitione desumi. Vbi per subiectum sensibile intelligitur substantiale compositum. Per passiones intelliguntur qualitates sensibiles: unde alteratio dicitur specialiter terminari ad qualitates tertie speciei quæ nominatur passio & passibilis qualitas. Per contrarias & medias intelliguntur qualitates inter quas contrarietas exercetur, siue sint extremæ ut albedo & nigredo, siue mediæ ut alij colores. Aliqui verò contendunt, debere adhuc magis pressè intelligi: ad solas qualitates disponentes ad generationem & corruptionem substantialem. Vg. rùm Arist. eodem textu, inter alterationis exempla ponit, quādo idem

as fit rotundum vel angulare. Iterum tamen in alijs locis fortasse Arist. accepit alterationem magis adhuc pressè pro mutatione ad certas específicas qualitates.

In plu- res spe- cies di- uiditur. Ex his, multiplex alteratio solet distingui, iuxta varias nempe acceptiones dictas, et iuxta varias qualitates. Ac præcipuè ex illo loco 2. de Anima, duplex distinguuntur alteratio. Vna dicitur perfectiva, quæ scilicet perficit subiectum absque alia mutatione. Alia dicitur transmutativa, quando scilicet subiectum transit de vna ad aliam oppositam qualitatem: vel insuper quando disponitur ad transmutationem substantialem. Et de hac significavit 1. de Generat. tex. 1. quod si non daretur generatio substantialis, nec esset possibilis alteratio. Atque penes varias has alterationis acceptiones ac distinctiones, explicari ac conciliari debent varia Aristotelis loca, in quibus diuersimodè inuenitur esse loquutus. In hac verò tractatione, lumere nos debemus alterationem pro mutatione ad omnes corporeas qualitates de quibus nunc agimus.

A sub- stantiali genera- tione se- cerni- tur. Conatur præterea Arist. lib. 1. de Generat. pluribus modis alterationem à substantiali generatione scernere, contra Antiquos qui non satis has duas mutationes distinguebant. Prima & principalis differentia est ex parte termini ad quem, respectu cuius omnis motus & actio specificatur: generatio terminatur ad substantiam, alteratio ad accidens. Secunda est ex parte subiecti, quia in generatione non manet idem subiectum sensibile, id est idem substantiale compositum; in alteratione manet. Tertia est ex parte termini à quo sumpta ex 5. Phys., quia generatio est ex termino priuatiuo alteratio ex termino positiuo: quæ ratione generatio est pura mutatio,

alteratio est motus in rigore dictus. Quarta est ex parte durationis, generatio fit in instanti, alteratio fit in tempore. Quinta est ex parte ordinationis, generatio est propter se siue propter formam suam, alteratio est propter ipsam generationem & formam substantialem. Multò adhuc plura de ratione alterationis, tum secundum communem rationem motus & actionis, tum secundum propriam suam rationem, ad differentiam non solum generationis substantialis, sed aliarum etiam specierum motus, copiosè habentur ex q. 26. Pro alteratione verò hac, quæ in his inferioribus corporibus exercetur, explicandum magis sequitur, qualiter sit motus successiuus & continuus, quo pacto subiectum successiuè alteretur, & qualitas continuatè producat. Quod dubium non procedit de illis qualitatibus quæ statim in vno instanti producuntur vt lumen, species visibilis, & si quæ sint aliz similes. Sed procedit tantum de illis quæ fiunt per partes post partes in tempore, dum inueniunt in subiecto resistantiam, contrariæ qualitatis, vt dum producit calor in subiecto frigido, alijsquè similibus calidus.

Capreolus in 1. d. 17. q. 2. art. 2. *Quibus- dam non videtur esse motus continuus.* Soncinas 8. Metaph. q. 22. Ferrar. 8. Phys. q. 7. Iauell. item q. 7. Zanard. q. 9. Sueslan. 8. Met. d. 7. qui pro eadem sententia refert Auerr. D. Thom. Simpl. & Themist. volunt, alterationem fieri, non quidem per successionem continuatam in toto spatio temporis, quo apparet productio qualitatis: sed fieri interruptè per quædam minima qualitatis, quæ singula producuntur in certis instantibus illius temporis, & inter vnum & aliud mediet quædam temporis morula, in qua non exerceatur alteratio. Videlicet in primo quodam instanti produci quoddam mini-

num qualitatis, deinde in alio discreto instanti produci aliud minimum, & sic per totum alterationis progressum. Vocant autem minimum, non quod velint esse indiuisibile, sed quod naturaliter minus esse non possit. Atque hoc pacto volunt produci qualitatem, non solum secundum intentionem in eadem parte subiecti, sed etiam secundum extensionem per diuersas subiecti partes, quando scilicet non simul in toto subiecto, sed successiue prius in vna parte & postea in alia producit qualitas. Imò Egid. 8. Phys. q. 26. & landun. q. 8. volunt, alterationem fieri quidem continuò quoad intentionem, sed interrumpi quoad extensionem per partes subiecti: ita videlicet quod ignis verbi gratia ab initio incipiat calefacere certam quandam minimam partem subiecti, ac pro aliquo tempore ibi continuatè calorem intendat; tum quiescat per quoddam exiguum spatium temporis, ac rursus in alio minimo subiecti calorem inducat, & sic deinceps per totum subiectum. Demum aliqui volunt, agens ab initio incipere operari per totam extensionem subiecti intra suam spheram constituti, & non successiue per partes, post partes subiecti.

Verè est motus successiuius atque continuus.

Dicendum tamen omnino est, alterationem quæ successiue fit, fieri per veram successionem continuatè in tempore, tum quoad intentionem qualitatis, tum quoad extensionem subiecti. Hæc est communis sententia. Et probatur primò ex Arist. & ratione. Ita enim est sine dubio de mente Aristotelis, dum absolutè docet motum esse successiuum & fieri in tempore, sub motu in communi comprehendens vique alterationem. Nam alioqui per illam interruptionem non esset verè vnus motus successiuus, sed essent plures actus singuli instantanei: cum Arist.

ad vnitatem motus requirat vnitatem temporis. Et vera successio omnino dicit continuationem, quatenus assignatur quantitas successiua continua. Et in rigore plures actus interrupti, vnus sequens post alium, ad summum facerent quantitatem discretam successiuam. Successio autem alterationis debet esse tanquam vna vera successio, constituens quantitatem successiuam continuam. Igitur ita verè alteratio exercetur.

Secundò: Successio alterationis prouenit ex diuisibilitate qualitatis quæ producitur, & resistentia qualitatis contrariæ in subiecto: sed quæcumque pars qualitatis est diuisibilis, & quæcumque pars qualitatis contrariæ resistit: ergo nulla pars qualitatis producet tota simul in instanti, sed quælibet producet diuisibiliter cum commensuratione ad tempus, & sic alteratio erit successiua & continua per ipsum tempus.

Tertio. Interruptio illa alterationis est contra sensum & experientiam. Sentimus enim & experimur, manum approximata igni continuè calefieri: & in materia aliqua combustibili applicata igni, continuè per extensionem diffundi flammam & incendium. Cum ergo nulla obstat ratio in contrarium quæ cogat corrigere sensum, ita reuera putandum est. Prout etiam, si lucerna aliqua accensa deteratur per aerem, sicut continua successione mouetur, ita continuè extendit lumen in vteriores partes aeris, & intendit in partibus propinquioribus. Quamuis hoc ipsum negent Aduersarij, vt præsertim Soncin. 8. Metaph. q. 22. Sed contra omnem prorsus rationem.

Quartò. Agens naturale sufficiens, applicatum, est determinatum necessariò ad agendum: igitur agens quod producit qualitatem in subiecto, dici non potest per illa intersti-

Habet rationē successionis & continuæ.

Non interruptum. pigur in suo tempore.

Exercetur ab agente determinato.

ad ope- tia media quiescere ac ab operando
randum desistere. Nullaque ratio esse po-
corinnè, test, cur tantum tempus, & non ma-
ius vel minus intercedat ab vno ad
aliud actum agentis. Et planè tal-
sum est quod Aduersarij dicunt, tunc
agens disponere illam subiecti par-
tem, ad illam partem qualitatis quā
debet producere. Tum quia nulla
talis dispositio prære debet, aut as-
signari potest. Tum quia etiam ad-
missa tali dispositione, vel ea debe-
ret produci tota simul in instanti, si
nullam inueniat contrarietatem &
resistentiam in subiecto, vel debe-
bit pariter cum continua successio-
ne produci: & sic tandem omnis ta-
lis alteratio erit continua. Tum præ-
sertim, non poterit signari certum
instans illius temporis intermedij,
quo talis dispositio inducatur. Et
rursus querendum erit, cur ab agen-
te naturali non producat per to-
tum illud tempus. Eritque assignan-
da alia dispositio, & sic procedetur
in infinitum. Item non minùs fal-
sum est, quod ait Soncin., ex natu-
ra ipsius qualitatis provenire talem
alterationis interruptionem: quia
inquit, qualitas non est diuisibilis in
infinitum, sed constat ex illis mini-
mis, quæ non possunt vterius diui-
di. Nam certè ita est diuisibilis qua-
litas in intensione, sicut quantitas in
extensione: & ipsa qualitas est in-
diuisibilis in extensione, sicut quan-
titas per quam extenditur. Igitur
optimè potest ac debet qualitas fie-
ri diuisibiliter per successionem cō-
tinuam. Falsum denique euidenter
est, quod idem Auctor addit, agens
ab initio producere quantum po-
test, & nisi postea vigoretur magis
in se, non plus posse producere; sed
in tantum posse qualitatem intende-
re, in quantum in se magis robore-
tur, si verbi gratia ignis fiat maior
& ardentior, & Sol per motum fiat
propinquior seu directior, aut im-

mittat novos semper radios. Hoc
totum inquam est apertè contra ex-
perientiam, & contra omnem Phi-
losofiam. Satisquè constat, idem
agens inuariatum permanens, dum
inuenit resistentiam in subiecto, nō
facere ab initio totum quod potest
in progressu.

Quintò demum, dum agens pro- *Fit suc-*
ducit successiue qualitatem in inten- *cessiue*
sione, dici debet sic etiam successi- *ta in ex-*
uè extendere per subiectum in sua *tensione*
sphaera constitutum. Nam actio, vt *subiecti*
nunc supponimus, diffunditur vni- *quam in*
formiter difformiter per totā sphe- *intensio-*
ram agentis: igitur quantò magis *ne qua-*
intenditur in priori aliqua parte, cō- *litas.*
extendetur & effundetur longius
in vltiorem partem: nec ab initio
exercebatur in tota sphaera agentis.
Si enim signetur quoddam instans
in quo sit verbi gratia calor vt vnum
in priori parte subiecti, tunc pertin-
get calor in extensione vsque ad cer-
tum signum vltra quod nullus sit ca-
lor. Postea signetur aliud instans
in quo sit auctus calor vt duo in illa
priori parte, erit vtique duplicatus
calor in toto reliquo subiecto: igi-
tur ad illud signum deductus iam
erit calor vt vnum: ergo consequen-
ter diffusa vltiùs erit actio cum
eadem vniiformi difformitate vsque
ad aliud certum signum.

Cæterum, hinc apparet, qualiter
alteratio quoad suam continuam
successionem terminetur tam in in-
cipiendo quàm in desinendo; nem-
pe extrinsecè per vltimum non esse
& primum non esse: admissis autem
indiuisibilibus, debeat intrinsecè per
primum & vltimum indiuisibile ter-
minari: prout in communi de in-
ceptione & desitione rerum succes-
suarum suo loco tractauimus.

Contra hanc assertionem Obij- *Arist.*
cies primò fundamentum oppositæ *nō nega-*
sententiæ ex Philolophi auctoritate. *uit alie-*
Arist. 8. Phys. 23. perspicuè docuit, *rationē*

esse con- motum non esse continuum per to-
tinuam. tum tempus, sed per varias vices fie-
ri totum simul. Et in fine textus,
specialiter de ipsa alteratione con-
cludit: *Dicere rem continuè altera-*
ri, valde manifestis est aduersari.

Respondetur. Satis perspicuum
esse Arist. mentem. Solum enim
docere voluit, motum non esse con-
tinuum per totum tempus quo res
quolibet in sua existentia durat: &
hoc præsertim docuit contra Hera-
clitum & Cratylum qui volebant
omnes res in perpetua mutatione
versari. Et sic in specie rectè expre-
ssit, rem non alterari continuè quam-
diu durat. Idemq; notauit de motu
augmentationis. Atque in hoc sen-
su voluit, motus & mutationes fieri
ac repeti per temporum vices. Quod
vique non tollit, quominus per lin-
gulas vices motus fiat continuè in
illa portione temporis in quo exer-
cetur.

Quali. Obijcies secundò fundamentum
tas per Soncin. Res permanens debet inci-
altera- pere per primum sui esse: sed qua-
tionem litas, & omnis eius pars est forma
incipit permanens: ergo si non potest tota
successi- prorsus qualitas simul in vnico in-
uò. stanti produci, saltem producet
per partes interruptas in pluribus
instantibus.

Respondetur. Res permanens
quæ permanenter producit, debet
incipere in instanti tota simul per
primum sui esse: sed bene potest
res in essendo permanens, si in se
sit per partes contiguas diuisibili-
lis, produci successiue ac diuisibili-
ter per partes temporis: & sic iam
suo loco de rerum inceptione nota-
uimus.

Nò au- Obijcies tertio fundamentum
getur in aliorum. Si per totum tempus qua-
infinitum. litas continuè intenditur, cum tem-
pus habeat partes infinitas, consur-
get intensio infinita. Si verò qualita-
tas successiue etiam in tempore re-

mittitur, nunquam poterit vllus de-
terminatus gradus deleri, quia om-
nis gradus habet partes infinitas, &
infinitum absoluti non potest per
ablationem partium.

Respondetur. Hoc esse ferè ar-
gumentum Zenonis, quo is contra
omnem sensum negauit motum.
Sed facile dicitur: cum partes tem-
poris sint infinitæ indeterminatæ
minores ac minores, & ideo ipsum
tempus est finitum; ita certè infini-
tas esse partes qualitatis minores
semper in infinitum, atque adeo
non conficere nisi finitam intensio-
nem. Et similiter, sicut ipsum tem-
pus per suas partes absoluitur, eo
quod partes sunt tali modo finitæ;
ita quicumque qualitatis gradus, &
tota quoque qualitas, potest breui
temporis spatio aboleri.

Obijcies quarto Fundamentum
eorum, qui volunt alterationem fie-
ri simul in extensione per certam
partem subiecti. Si in quodam in-
stanti applicetur agens passio, tunc
totum passum vel saltem aliqua pars
eius simul ab initio erit intra spheram
agentis: ergo simul etiam in in-
stanti agēs debet producere qua-
litatem in passio, siue in certa parte
eius, & sic deinceps per alias partes.

Ad hoc aliqui negant, posse ap-
plicationem illam fieri simul in in-
stanti; quia cum debeat fieri per
motum localem, debet etiam fieri
successiue in tempore. Sed hæc est
insufficiens fuga: non solum quia
potest poni casus, vt applicatio fiat
à Deo: sed quia etiam naturaliter
potest de nouo gigni aliquod agēs,
verbi gratia ignis, prope passum,
absque eo quod applicatio fiat per
motum localem. Aliqui admittunt,
post sufficientem applicationem a-
gens debere simul in tota extensio-
ne subiecti operari: sed quia regu-
lariter applicatio solet fieri successi-
ue per motum, ideo etiam quoad

Alie
diffan-
ditur
successi-
uè per
subiectū
intra
spherā
agentiæ

extensionem subiecti fieri successiue alteratione. Sed iam satis ostendimus, etiam supposita tota applicatione cōuenienti, qualitatem successiue per extensionem subiecti diffundi, quando successiue in intensiōe augetur. Dicendum ergo est, licet totum passum, siue tota aliqua pars eius, sit intra spheram agentis, tamen ob resistantiam qualitatis oppositæ non posse ab agente simul per totam suam spheram actionem effundi: sed debere prius per partes propinquiores & postea per remotiores, paulatim superando resistantiam passi: ita ut quantò magis intendit qualitatem in parte propinquiori, tantò simul extendat ad remotiorem, debita proportionē seruata.

SECTIO TERTIA.

An & in qua intensiōe qualitates contrariæ in eodem subiecto coexistere possint, & an etiam alterationes contrariæ simul exerceri.

Quo pacto qualitatis proprietates sit contrarietas inter vnā & aliam qualitatem, ac per consequens inter vnā & aliam actionē quibus qualitates contrariæ producantur, supponimus ex ipsis prædicamentis in Logica. Sed specialiter modò circa qualitates inferiorū corporum examine dignum est, quo pacto in eodem subiecto contrariæ qualitates se compatiuntur, aut vnā aliam inueniatur excludere.

*Aucto-
rū pla-
cita.*

Refert Capreol. in 1. d. 17. quæst. 2. ad argumenta Scoti cont. 2. conclus., quosdam affirmasse, posse naturaliter cōtrariās qualitates in quacumque intensiōe simul in eodem subiecto coexistere. Alia extrema sententia est Durandi in Prologo

sentent. q. 2. num. 19. Gregor. in 1. d. 17. quæst. 3. art. 2. Adami quæst. 4. Soncin. 10. Metaph. quæst. 22. Anton. Andr. q. 5. & Burlei tract. de Intens. cap. 2. qui negant qualitates contrarias in quacumque intensiōe posse coexistere simul. Media & magis communis sententia est, quæ docet, non posse in gradibus intensiōis, posse in gradibus remissis. Ita D. Thomas 1. par. quæst. 76. art. 4. & alibi, Caiet. eod. loco & alij Thomistæ, Scotus in 3. d. 2. quæst. 9. & pariter Scotiste, Henric. Quodl. 12. quæst. 12. alijque Theologi, Suar. disp. 45. Metaph. lect. 4. Conimb. 2. de Generat. cap. 3. quæst. 8. Aresius eod. lib. q. 14. & alij Philosophi communiter.

Rursus, qualitates contrarias in gradibus intensiōis nec per Dei potentiam posse constitui simul opinari videntur Bonau. in 1. d. 49. Capreol. d. 17. q. 2. art. 1. Henricus Quodl. 12. q. 11. Soncin. 10. Metaph. quæst. 22. Posse tamen per Dei potentiam affirmant Hugo de S. Victore lib. 2. de Sacram. par. 9. cap. 2. Gabriel. lect. 46. in canonem, & in 3. d. 37. quæst. 1. art. 3. Adamus in 1. d. 17. quæst. 4. Paludanus, Argent. Maior & alij in 3. d. 15. Conimb. Ares. & alij magis communiter.

Demum, posse alterationes quocumque contrarias simul in eodem subiecto exerceri, siue posse simul produci contrarias qualitates, negant communiter iidem Auctores, idque veluti pro certo supponunt. Vnde Tolet. 1. de Gener. q. 15. ad 2. vocat paradoxum, dicere idem subiectum simul calefieri et frigesieri. Affirmat tamen Capreol. in 1. d. 17. q. 2. art. 1. argum. 7. secundi ordinis contra 2. concl. Et esse communem sententiam in Academia Complutensi testatur Franciscus Murcia lib. 1. de Generat. disp. 4. quæst. 6.

Dico primò. Non possunt naturali-

Nō pos- raliter qualitates contrariæ coexi-
sunt qua- stere simul in gradibus intensis, ita
lirates scilicet ut ex tota combinatione ex-
contra- cedatur octo graduum latitudo: qua-
ria na- re non solum non possunt inueniri
turali- simul ambæ qualitates contrariæ in
ter con- summa intentione: sed si vna sit
iungi in summè intensa, nihil de alia quali-
gradi- tate potest cum illa coniungi: aut si
bis in- habeat septem gradus, non compa-
tensis. tiatur duos alios de contraria quali-
 tate.

Hæc asseruo est communis. Probatur primò ex Arist. qui in Postprædicam. & alibi contraria definiunt, quæ ab eodem subiecto mutuò se expellant: & passim ubique supponit, vnā qualitatem contrariam expelli per aliam, calorem per frigus, & sic in omnibus similibus.

Secundò à priori ex ipsa contrariorum natura: quæ utique in hoc consistit, ut contraria non simul se compatiuntur: & alioqui nullæ qualitates essent contrariæ, si in quacumque intentione possint coexistere simul. Tertiò ab experientia: sensu enim ipso experimur; subiectum ex calido fieri frigidum, & è contra; sic quæ qualitates contrarias mutuò se expellere.

*Possunt
in gra-
dibus
remissis.*

Dico secundò. Qualitates contrariæ in gradibus remissis possunt naturaliter coexistere simul, ita nempe ut ex tota combinatione perficiatur latitudo octo graduum. Hæc est ferè communis. Probatur primò auctoritate. Aristoteles 3. Topic. cap. 4. & 5. Phys. 19. & 4. Metaph. 27. & alibi sæpè asserit, contraria esse posse simul permixta, ut quanto plus intus sit de vno contrario, tanto minus sit de alio. Et D. August. in lib. de Natura & Grat. notauit, contraria inter se contemperata non ad inuicem aduersari. Idem asserit perspicuè D. Thomas quæst. 8. de Verit. art. 14 Et alibi passim. Vnde im-meritò Soncinas illum in partem

aduersam detorquere conatur.

Secundò ratione à priori probatur: quia non tanta est contrariorum repugnantia, ut ne queant tali modo se compati simul: & non tanta est limitatio subiecti, ut non nisi vnum contrarium quantumvis debile sustinere queat. Quia nō, subiectum quidem est de se capax octo graduum: vnde quantum ei deest de vno contrario ad complendam hanc intentionem, tantum semper capiet alterius contrarij. Et ipsa contraria de se ita se habent ut naturaliter se expellant ultra latitudinem octo graduum, sed intra eam vnum non excludat aliud.

Tertiò manifestè probatur ab experientia. Dum verbi gratia aqua frigida calefit, ab initio incipit introduci calor, & paulatim intenditur: & sic pariter non statim ab initio tollitur totum frigus, sed paulatim quoque iuxta incrementum caloris remittitur ac decrescit. Et alioqui, si ab initio totum frigus periret; sequeretur, quod sublata iam contrariæ qualitatis resistentia, deberet statim totus possibilis calor induci. Omnino ergo successiue per suos gradus frigus expellitur, prout calor inducitur. Et iuxta hoc, attributa est ijs qualitibus latitudo intensiua graduum in suo statu. Iuxta hoc etiam in motu alterationis verificatur maximè quod dixit Arist. 6. Phys. 26. mobile, dum mouetur, partim esse sub termino à quo & partim sub termino ad quem. Iuxta hoc insuper exercetur mixtio elementorum, per temperiem quandam & coniunctionem contrariorum qualitatum in statu consentaneo corpori mixto.

Quartò. Non rectè Durand. vult, *Non per* in statu medio inter qualitates con-
distin- trarias, non inueniri formaliter am-
bas qua- bas qualitates in gradibus remissis, *lirates*
sed potius sed potius quandam aliam terriam *medias*
qua- qua-

*inter
extre-
mas.*

qualitatem quæ virtualiter contineat extremas : & huiusmodi esse tepiditatem inter calorem & frigus, & sic in omni alia contrarietate. Hoc inquam dici non potest. Tum quia est adhuc cōtra experientiam. Nam si quis in eandem aquam tepidam immittat manum calidam sentit verum frigus : & si quis immittat manum frigidam sentit verum calorem. Tum etiam est contra rationem. Sic enim tenetur dicere Durandus, totum frigus aquæ simul in primo instanti corrumpi, & calorem totum simul in ultimo instanti produci : unde iam non ipse calor expellit frigus, & non saluatur vera contrarietas caloris & frigoris. Item negare tenebitur, aquam toto alterationis tempore calefieri : siquidem tunc non producit calor, sed alia qualitas. Demum dicere tenetur, ignem qui calefacit aquam, siue calorem ignis, toto alterationis tempore, producere qualitatem illam virtualiter continentem non minus frigus quàm calorem, imò vsque ad medium alterationis progressum plus continentem frigus quàm calorem. Imò & in habiubus animæ, cū quis affectus prauo verbi gratia intemperantiæ habitu, incipit per actum oppositum acquirere habitum temperantiæ, dicere tenebitur, tali actu produci habitum quendam medium virtualiter continentem ambo extrema, nempe tam vitium quàm virtutem, & fortasse magis vitium quàm virtutem. Quæ omnia sunt manifestè absurda, & contra rationem.

*Possumt
etiam in
gradibus in-
tens per
Dei po-
tentiā.*

Dico tertio. Huiusmodi qualitates contrariæ possent etiam in gradibus intensis per Dei potentiam in eodem subiecto collocari & conservari. Probatur primo, non solum quia in hoc nulla apparet repugnantia, sed quia in alijs plurimis casibus agnoscimus & fatemur, alia huius-

modi quæ non possunt fieri naturaliter, benè posse fieri per superiorē Dei potentiam: ut idem corpus esse in pluribus locis, plura corpora in eodem loco, plures formas in eadem materia : ergo pariter fatendū erit, posse à Deo duo contraria in gradibus intensis collocari & conservari simul.

Secundò. Dum supponimus, has contrarias qualitates posse naturaliter coniungi vsq; ad latitudinem octo graduum, quia subiectum est capax tantæ intentionis & non maioris de singulis ipsis qualitatibus; sequitur, quod si esset subiectum, magis capax, verbi gratia viginti graduum, possent optimè coniungi simul decem gradus caloris & decem frigoris. Sed potest Deus etiam de facto præstare, ut subiectum sustineat plusquam alioqui naturaliter posset: posset enim sine dubio Deus in hac materia collocare decem, & centum gradus caloris: igitur posset quoque duas qualitates contrarias coniungere simul ultra octo graduum latitudinem. Hoc autem non per aliam rerum mutationem fieri deberet, quàm per hoc quod Deus adhiberet & continuaret concursum suum quo vnum contrarium conservaret, dum simul aliud contrarium induceretur & in eodem subiecto permaneret.

Ceterum, tam in hac quàm in superiori conclusione, non determinamus, omnes prorsus qualitates contrarias posse coniungi simul. Sed benè esse poterit, ut aliqua contraria ob specialem repugnantie rationem, nec in gradibus remissis, nec per Dei potentiam, coniungi queant: ut præsertim actus vitales cōtrarij, amor & odium, gaudium & tristitia in voluntate, assensus & dissensus in intellectu. Atque specialiter loquuti sumus de qualitatibus corporeis naturalibus, quæ inferioribus his

*Exci-
piuntur
quædam
qualita-
tes.*

his corporibus communes sunt.

Possunt quoque simul alterationes contrariae exerceri. Dico quartò. Nec etiam apparet repugnantia, quominus duæ alterationes contrariæ in eodem subiecto simul exerceri possint, idest duæ qualitates contrariæ simul produci, non solum per Dei potentiam in quacumque intentione, sed etiam naturaliter in gradibus remissis.

Probatur primò: quia tota repugnantia actionum oritur ex repugnantia terminorum: intantum enim non poterunt exerceri simul duæ actiones in eodem subiecto, inquantum formæ quæ per eas producuntur nõ possunt coniungi simul. Dum ergo ipsæ qualitates non ita repugnant inter se quin se compati possint, pariter alterationes ad easdem terminatas se compati poterunt.

Secundò. Si potest Deus qualitates contrarias quantumvis intensas conservare simul in eodem subiecto, utique potest illas sic de nouo producere: nec tenebitur prius producere vnā & postea aliam, sed poterit ambas simul: & posset vel in vnico instanti, vel etiam successiue in tēpore pro sua libera dispositione. Attamen nullatenus posset naturaliter tales alterationes simul exerceri in gradibus qualitatum intensis, siquidem nec ipsæ qualitates intensæ possunt componi simul. Vnde data in aliquo subiecto tota latitudine vt octo intra aliquā combinationem cōtrariarum qualitatum, non poterunt simul ambæ qualitates simpliciter augeri & intendi, ita vt noui gradus addantur & nulli deperdantur.

Si subiectum esset à contrarijs denudatū. Tertiò. Si constitueretur à Deo subiectū aliquod denudatum vtrāq; cōtraria qualitate, verbi gratia sine calore & sine frigore, ac per se capax vtriusque, vel etiam cum quibusdam gradibus infra latitudinem vt octo; vt tale subiectum applicaretur duobus agentibus contrarijs,

nempe calido & frigido; deberent sine dubio simul hæ ambæ qualitates contrariæ ab illis duobus agentibus in eo subiecto; produci: quia nec esset maior ratio de vno agente, quàm de alio, supponendo ambo æqualia, siue sufficientia ad operandum; nec cogerentur ambo à connaturali sua operatione desistere. Atque hoc fatentur Conimbr. q. cit. art. 6. & Suarez loco cit. num. 11. contra Iauellum.

Quartò. Si subiectum quod de facto supponatur habere vtramque qualitatem in gradibus remissis, ita de verbi gratia calorem vt quatuor & frigus vt quatuor, collocari contingat intra spheram duorum agentium, calidi vt octo & frigidi vt octo; tuturū videtur, vt ambo agentia in illum operari contentur, & sic ambo aliquem gradum suæ qualitatis in illo efficient, cum corruptione tamen æquivalentis gradus qualitatis contrariæ: & sic tale subiectum duas simul contrarias alterationes subibit. Item, dum ignis caletacit aquam quæ alioqui habet vim reparandi in se suum frigus, poterit eodem tempore quo calefit, reparare aliquantum de suo frigore, & sic etiam duos alterationis motus contrarios patietur. Quod totum suadetur: quia nullum sufficiens impedimentum inuenietur.

Suarez ait, id fieri non posse, quia excederetur octo graduum latitudo inter vtramque qualitatem. Sed tamen hoc solum sequeretur, quando non simul deleterentur alij priores gradus: sed dici debebunt deleri, sicut quandocumque producit vnus gradus contrariæ qualitatis, deletur alius gradus qualitatis aduersæ. Per productionem ergo vnus gradus caloris ab agente calido delentur gradus vnus frigoris: non quidem ille ipse qui simul tunc producit, quo pacto idē effectus pro-

Quia alij gradus producerentur & alij deleterentur.

produceretur & corrumpereetur simul, esset & non esset: sed alius gradus frigoris præexistens. Et sic è conuerto per actionem agentis frigidi corrumpitur calor. Atque ita fit vt nequaquam excedatur octo graduum latitudo. Dicere autem hoc non poterat Suarez qui voluit gradus qualitat' esse ætherogeneos & per se subordinatos, ita vt quintus verbi gratia necessariò præsupponat quartum & sic alios priores: sic enim non poterit produci quintus & simul corrumpi alius ex præcedentibus. At nos supponimus, gradus esse homogeneos: & sic optimè poterit dum ultra quatuor præcedentes producit alius de nouo, tunc simul corrumpi ille qui numerabatur primus: nullaquè erit in hoc difficultas.

*Nec
duo agē.
tia con-
traria
se tota.
liter
impedi-
rent.*

Conimbr. aliam rationem afferunt, dicentes illa duo agentia in eo casu mutuò se impedire, sibi què obstat, & ita nullum operari posse, stante scilicet æquali eorum virtute & applicatione: alioqui si vnū præualeat, illud solum operaturum fore. Addunt aliqui, vanum & superfluum fore, vt noui illi gradus producantur, & alij æquivalentes corrumpantur: ideoquè præstare potius, non fieri talem mutationem. Sed neque hoc sufficit. Non enim apparet, quare illa agentia sic se impedire deberent, ne penitus agerent: sed potius videntur ambo debere agere sese illo modo impugnando in productione suorum effectuum. Neque quo pacto se impedire possent, an in se inuicem quicquam influendo vnum aliud detineret, an imprimendo quicquam in subiecto, vel quo alio modo. Demum non sufficit dicere, vanam & superfluam fore mutationem illam. Nam sic vana & superflua diceretur omnis naturalis mutatio, dum intra quamlibet speciem alia indiuidua

de nouo fiunt, & alia abolentur. Quinimò hæc est interiorum harum rerum conditio, vt tales mutationes subeant. Et dum in illo casu adessent agentia apta producere suas qualitates ac destruere oppositas, singula per se conantur pro sua parte operari. Nisi quis cogitet, duo illa agentia, veluti conscia de suarum virium æqualitate, frædus inire, quo regionem illam subiecti mediam molestare desistant.

Quintò denique hoc totum comprobatur: quia quadam ratione difficilius esse videtur, vt duo agentia mutuò in se ipsa simul agant; verbi gratia calidum destruendo frigus & inducendo calorem in alio, & simul patiatur ab illo iacturam faciendo sui caloris & admittendo in se frigus aduersum: & tamen hoc totum verè perficitur, vt in sequentibus constabit: igitur concedendū quoque est, posse in eodem subiecto à duobus aduersis agentibus contrarias simul actiones exerceri. Eò magis quòd si vnum agens potest quidem operari in aliud, sed non per hoc potest impedire illud quominus in se reagat, nec propter suammet incolumitatem in cogitata illa pace concordant; multò magis dicendum erit, duo agentia agere ambo in quoddam commune subiectū, quàm vnum impedire aliud ne agant in tertium. Et, si a qua verbi gratia potest reagere in ignem, magis poterit agere in se ipsa vt suum frigus reparare procuret contra calefactionem ignis aduersi.

Cæterum, si quærat, an in tali casu dici debeat eadem qualitas in subiecto intendi simul & remitti, distinguendum de his vocibus est. Si sensus sit, aliquem simul gradu eius qualitatis produci & aliquem deperdi, absurdum non est, eandem qualitatem simul intendi per acquisitionem vnus gradus, & remitti

per

*Si enim
possunt
mutuò
agere
se ipsa,
poterunt
etiā in
quoddam
subiecto.*

per deperditionem alterius. Si autem sensus sit, qualitatem simpliciter fieri maiorem aut minorem quam antea esset: sic existente æquali lucro cum iactura, qualitas nec diceretur intendi nec remitti. Sicut viuens quando est in statu medio, verè adhuc alias partes acquirit et alias amittit, sed non dicitur simpliciter augeri nec diminui.

Qualitates contrarias in gradibus remissis quomodo pugnent inter se.
In contrarium Obijcies primò. Qualitates contrariæ pugnant inter se non ratione quorundam graduum, sed absolutè per propriam essentiam & naturam: vt colligitur ex Arist. 10. Met. 26. & videtur certum, quia verbi gratia calor & frigus habent differentias específicas repugnantes, adeo vt cum primo gradu frigoris nō minus naturaliter repugnet alius primus quam octauus caloris: Igitur non solum in gradibus intensis, sed etiam in quibuscumque remissis, non possunt qualitates contrariæ coexistere simul.

Ad hoc respondent ij qui volunt gradus qualitatis esse æterogeneos, non omnes gradus inter se pugnare, sed certos cum certis, nempe octauum vnus cum primo alterius & sic de reliquis. Sed hoc nec est necessarium, neque verum. Imò contra hoc directè procedit argumentum factum, repugnantiam qualitatum non oriri ex certis gradibus, sed ex earum natura: & alioqui non esset verè contraria species frigoris cum specie caloris, & sic de alijs.

Respondent quidam alij ex Caiet. 1. 2. q. 52. art. 2. prope finem, gradus remissos qualitatum contrariarum etiam pugnare inter se in subiecto, & contra se niti: sed contineri à forma mixti vt simul permaneant. Sed hoc non rectè dicitur. Tum quia si tales gradus ex natura sua non possent esse simul, per nullam causam naturalem possent contineri simul. Tum quia qualitates

contrariæ possunt esse simul, etiam vbi non sit forma mixti, nempe in aliquo elemento, & possent esse in materia alioqui nuda, & habitus contrarij sunt simul in anima. Tum etiam, ille conatus vnus gradus contra alium, deberet esse in genere causæ effectiue: at calor verbi gratia existens in subiecto, non potest per se ibi maiorem calorem producere, aliumquè effectum inducere quo frigus expellat. Tum demum, ablata omni causa continente gradus illos remissos, & relinquendo illos in sua natura, non esset maior ratio cur potius hæc vel illa qualitas expelleret aliam, nec deberent ambæ se mutuo interimere: nec posset omnino ex natura rei vna qualitas expelli nisi per nouam introductionem alterius, cum tamen nulla esset causa oppositam qualitatem inducens.

Dicendum ergo est, qualitates contrarias ita ex natura sua inter se pugnare, vt non possint esse simul vltra latitudinem octo graduum, sed benè possint intra hanc latitudinem: eamq; repugnantiam verè oriri ex ipsa specie qualitatum, & non ex peculiari conditione vnus potius gradus quam alterius: sed omnes quidem gradus vnus qualitatis esse inter se consimiles: & sic omnes esse huius naturæ, vt non possint consistere cum qualitate contraria vltra latitudinem vt octo, ideoquè adueniente quolibet gradu qualitatis contrariæ vnus eorum vagè excedere debeat, determinandus autem sit à causa prima quinam excedat alijs remanentibus.

Obijcies secundò. Si subiectum esset capax plusquam octo graduū, possent etiam contraria vltra hanc latitudinem existere simul: ergo quòd non possint de facto existere, potius proueniret ex incapacitate subiecti, quam ex contrarietate qualitatum.
Pugnāt ex sua contrarietate.

litatum. Sicut non potest utique addi nonus gradus caloris supra octo, nec propterea hic gradus dicetur contrarius illis. Igitur, vel qualitates non sunt contrariæ, vel nec etiam in gradibus remissis se compati possunt.

Respondetur. Contraria non posse existere simul, prouenit ex ipsa eorum contrarietate & repugnantia, tamen respectu habito ad capacitatem subiecti, ita scilicet ut ex tota contrarietate non possit compleri maior latitudo, quam posset ex singulis qualitatibus. Qualitates autem disparatæ, non ita se habent: nam possunt in eodem subiecto esse octo gradus caloris & octo siccitatis, non tamen octo caloris & unus frigoris. In singulis verò qualitatibus non potest excedi latitudo ut octo, præcisè ex incapacitate subiecti, non autem ex repugnantia unius gradus cum alijs, non cum alijs octo. Vnde nunquam producenter nouus gradus quo expellatur alius ex præcedentibus; siquæ produceretur, non expelleretur alius: at bene producenter per omnes suos gradus alia contraria qualitas qua prior alia pellitur.

No pugnat nisi respectu subiecti.

Obijcies tertio. Contraria prius sibi repugnant, absolutè inter se, & consequenter respectu subiecti: sed in illo statu absolutè omnes & singuli gradus unius qualitatis uici debent repugnare cum alijs alterius, nulla facta comparatione ad capacitatem subiecti: ergo consequenter in ipso subiecto nullus gradus unius contrarij poterit coniungi cum alio.

Scolus quidem in 1. d. 17. q. 3. contendit, prius contraria esse impossibilia secundum se, & consequenter respectu subiecti. Caiet. verò 1. 2. q. 52. art. 2. ait, impossibilitatem contrariorum in se, esse priorem impossibilitate in sub-

iecto, sed non participabilitate in subiecto, quæ potius vult esse priorem. Verum, non video quænam esse vel intelligi possit impossibilitas contrariorum in se præscindendo à subiecto. Quinimò non aliter contraria sunt impossibilia, nisi respectu subiecti, quia non possunt esse simul in eodem subiecto. Itaque in primo ipso contrarietatis conceptu, contraria sunt hoc pacto impossibilia, quod non possint ambo excedere illam latitudinem in subiecto, quam singula possint explere.

Obijcies quarto. Quædam qualitates contrariæ sunt, quæ non ipsæ formaliter commiscetur simul, sed potius inter eas mediant alia qualitates in se simplices et ab ijs diuersæ; ut albedo & nigredo sunt qualitates extremæ inter quas dantur alij colores medij: ergo ita similiter se habent omnes alia contrariæ qualitates: & sic non vniuntur simul calor & frigus, sed tepor erit quædam noua qualitas media inter illas.

Quædam qualitates contrariæ habent alias medias.

Respondetur. Admitto antecedente negatur consequentia: quia non oportet, omnes qualitates eodem pacto se habere. Et præsertim considerandum est, quædam esse qualitates inter se actius ac sui similitum productiuas, cuiusmodi sunt qualitates primæ, ut calor & frigus: & de his necesse esse fateri, posse ac passim tolerare in gradibus remissis simul coniungi. At verò colores censentur oriri ex varia dispositione ac temperie earundem primarum qualitatum: vnde non oportet colores contrarios & extremos inter se contemperari, sed bene possunt esse alij distincti colores medij.

Obijcies quinto, quod nec etiam per Dei potentiam possint contraria coniungi simul. Si sint calor & frigus in eodem subiecto, hoc reddetur simul calidum & frigidum: sic etiam

Qualitates contrariæ quomodo simul

afficiant etiam esset idem obiectum album
ac deno- & nigrum, idem cibus dulcis & ama-
minent rus. Hoc autem videtur difficile:
subie- quia non potest cogitari, quoniam
ctum. modo tale obiectum appareret ac
 sensu perciperetur vel tactu, vel vi-
 su, vel gustu. Imò videtur penitus
 impossibile: quia calidum est non
 frigidum, frigidum est non calidum:
 quæ sunt contradictoria. Vnde
 Arist. 4. Met. 27. hinc probat con-
 traria non posse coniungi simul; quia
 impossibile est de eodem subiecto
 verificari contradictionem, et vnum
 contrarium est privatio alterius, sic-
 quæ illi contradicit.

Ad hoc quidam dicunt, in eo ca-
 su qualitates contrarias non præbe-
 re effectum formalem subiecto, nec
 illud simul reddere verbi gratia cali-
 dum & frigidum. Ac de facto ab
 vno solo contrario denominari su-
 biectum ab illo nempe quod magis
 excellit. Verum, non potest forma
 manens in subiecto, non tribuere il-
 li suum primarium formalem effe-
 ctum, cuius per se subiectum est ea-
 pax. Et in casu nostro, subiectum
 esse calidum & frigidum, nihil aliud
 est quam habere in se calorem &
 frigus. Ac etiam de facto, solet su-
 biectum denominari ab utroque con-
 trario, verbi gratia aqua est frigida
 ut septem calida ut vnum. Absolutè
 tamen loquendo, denominatur à
 contrario quod magis excellit: sic
 aqua communis dicitur absolutè fri-
 gida, aqua feruens dicitur calida.

Admitti ergo debet illa sequela
 & consequens. Neque id est diffi-
 cile. Sed bene posset utrumque con-
 trarium in eodem subiecto percipi,
 ut de facto in aqua tepida sentitur
 calor & frigus: per tactum tamen
 magis sentitur illa qualitas, cuius
 contraria prævalet in organo tactus,
 quia nimirum illa magis agit. Vel
 quando essent ambæ qualitates in-
 tensæ in eodem subiecto, fortasse

neutra sentiretur, vel vna sola quam
 Deus determinaret. Item, id non est
 impossibile: Nam calidum est non
 frigidum, naturaliter loquendo, &
 iuxta proportionem graduum: id est
 calidum ut octo nullum habet fri-
 gus, calidum ut septem non habet
 frigus plusquam ut vnum, & sic de
 reliquis gradibus. Et hoc tantum
 voluit Arist. At in gradibus remis-
 sis, verè idem quod est calidum, est
 etiam frigidum: ac per Dei poten-
 tiam posset esse summè calidum &
 summè frigidum. Nulla ergo in
 hoc inuoluitur contradictio. Et ra-
 tio est, quia vnum contrarium non
 est formaliter privatio alterius, sed
 iuxta suam regulam secum affert
 priuationem alterius, & hæc ipsa
 potest impediri à Deo.

Obijcies demum sextò quòd non
 possint simul duæ alterationes con-
 trariæ in eodem subiecto exerceri.
 Arist. negare videtur, posse simul
 exerceri motus contrarios: & præ-
 sertim 2. de Anima 147. apertè ait:
Impossibile est simul secundum con-
trarios motus moveri idem, quatenus
indivisibile, & in indivisibili tem-
pore. Constat etiam, non posse idem
 mobile simul ferri contrarijs aut di-
 versis motibus localibus: ergo simi-
 liter non poterit subijci duobus cō-
 trarijs alterationis motibus.

Respondetur. Verè non posse
 exerceri simul motus alterationis
 contrarios ultra illam latitudinem
 intra quam possint esse qualitates
 contrariæ. Et sic debet intelligi
 Arist., quodcumque negavit pos-
 se simul exerceri hos motus contra-
 rios. Sed præterea in illo loco, cum
 docuisset prius sensum communem
 percipere simul contraria, tunc ob-
 iecit sibi quòd non possunt simul
 motus contrarij exerceri. Vnde tex.
 148. & 149. respondet, bene posse
 idem subiectum, si fuerit virtute mul-
 tiplex, admittere in se motus con-
 tra-

Motus
contra-
rijs alte-
rationis
quomo-
do simul
exerceri
possint.

trarios: at hoc pacto nos vltro dicemus, idem subiectum esse virtute multiplex, idest esse capax & habere facultatem recipiendi & acquirendi contrarias qualitates. Itaque ex hoc loco Arist. facit potius pro nostra conclusione. Ad exemplum motus localis, est manifesta disparitas: quia non potest eadem res simul in diuersis locis naturaliter constitui. Et hoc ipsum est quod nos dicimus, non posse subiectum simul acquirere eas formas quas simul possidere non potest: sed quas potest simul possidere, posse etiam simul acquirere: & ita hoc etiã exemplum confirmat conclusionem.

SECTIO QUARTA.

Vtrum Agens naturale possit in passo producere maiorem qualitatem supra suam intensiorem, praesertim si maiori densitate aut mole iunetur.

Circa causas harum qualitatũ, & alterationis per quam fiunt, pleraque solent hoc loco tractari, quæ tamen absolute communia sunt ad causas aliorum quoque effectũ, vt an agens debeat esse à passo distinctum, an illi dissimile & contrarium, an loco coniunctum & propinquum: de quibus proinde in cõmuni causarum tractatu iam egimus q. 14. circa causam effectiuam. Modò ergo tantũ prosequi debemus quædam magis particularia, & corporeis his qualitatibus propria, quæ ex illo cõmuni tractatu in hunc specialem remissimus. Et ibi quidem sect. 6. statuimus, communiter non posse agens per suam formam siue qualitatem, producere talem formam siue qualitatem in subiecto illam iam habente, ac proinde non posse efficere maiorem qualitatem

supra suam intentionem. Sed ob quandam conditionem peculiarem dubitatur, num agens quod notabili densitate excedat, vel magna mole, siue continua, siue per multiplicationem plurium similium agentium, possit producere maiorem qualitatem in subiecto, quali nimirum illa copia compensante intensiõis defectum.

Affirmant Marsilius 1. de Gener. q. 18. concl. 4. Sueslan. eod. lib. com. 195. q. 2. referens pro eadem sententia Alexand. & Auerr. item Sotus 2. Phys. q. 4. ad 5. Tolet. 1. de Generat. q. 1. & ex parte Arsius q. 43. sect. 3. qui vult, inter eas qualitates quas tunc constare gradibus homogeneis, posse agens operari supra suam intentionem.

Dicendum tamen absolute est, nullum agens posse, quantacumque densitate aut mole iunetur, producere maiorem & intensiorem qualitatem quàm in se habeat. Hæc est cõmuniũ sententia, Pauli Veneti in temina cap. 23. Alberti de Saxonia 1. de Generat. q. 15. Astudill. q. 22. Bagn. eod. lib. cap. 6. q. 2. Conimb. cap. 9. q. 2. art. 3. Suarez disp. 18. Metaph. sect. 9. Victoriz in Relect. de augmento charit. & aliorum frequenter. Et intelligenda est hæc assertio non minùs supponẽdo gradus esse homogeneos, quàm si essent heterogenei.

Probatũ primò ex Arist. & ratione: quia simile non potest agere in simile, solumquẽ potest agens operari in subiecto deficiente à sua qualitate, & ita conatur facere illud sibi simile. Et hoc totum maximè intelligitur quoad intensiõem qualitatis. Agens ergo, quantumvis densum & amplum, ad summum poterit in falsum transtundere qualitatem æquẽ intentam, nunquam verò intensiorem. Neque verò sufficit, quòd falsum sit agenti dissimile

Sententia affirmans.

Conclusio negans.

Quia si simile nõ potest agere in simile.

mile in raritate aut paruitate: quia debet supponi dissimile in illa forma quæ ab agente producenda est, ut nempe sit in illa simile: sed in tali casu agens redderet passum potius magis sibi dissimile, augendo nempe eius qualitatem supra suam intentionem. Et sanè hæ dispositiones sunt realiter inter se disparatæ: densitas enim & moles pertinet ad quantitatem, intentio est ratio propria qualitatis: excelsus ergo agentis supra passum in quantitate, præstare non poterit ut passum excedat agens in intentione qualitatis.

Dēfinit Secundò. Densitas & extensio **et moles** non est virtus agendi, nec tribuit **non est** formaliter facultatem agendi, sed **virtus** sola qualitas est per se virtus agendi, productiua alterius sibi similis: agens ergo densum, non per hoc habet maiorem virtutem actiuam supra intentionem suæ qualitatis: & si adhuc fiat magis densum, non additur illi maior virtus, sed solum quædam conditio ad validius operandum secundum eandem virtutem priorem. At certè nullum agens potest operari supra suam virtutem: ergo non poterit agens efficere intensiorem qualitatem quàm in se habeat, sed æqualem intensiorem validius efficiet.

Agēs nō Tertiò. Omnis causa continet **continet** effectum, vel formaliter, vel virtualiter: siue vnumquodque agit, in **quæ supra** quantum est in actu, vel formaliter, **sua in-** vel virtualiter, ut habetur ex Arist. 3. **tensionē.** Phys. 17. & 1. de Generat. 77. Sed certè terrum calidum verbi gratia ut sex, neque formaliter, neque virtualiter continet calorem ut septem: non formaliter quia non est calidum ut septem: nec virtualiter, quia non est causa æquiua, nec est superioris naturæ. Nullum igitur agens poterit per suam qualitatem minus intentam, producere intensiorem in passo.

Quartò. Ex opposita sententia sequitur, posse qualitatem intentam producere aliam plusquam ut octo. Si enim calor verbi gratia ut septem in materia densa potest producere calorem ut octo; iam calor ut octo in illa ipsa materia producere poterit plusquam ut octo. Nec sufficiet dicere, ideo non posse, quia non inuenit subiectum capax. Nam adhuc saltem de se quidem poterit; ita ut si inueniret subiectum capax, de facto produceret. At hoc ipsum est absurdum. Nam sic ponitur in his corporibus naturalibus tanta quædam virtus actiua, cui non correspondeat alia æqualis passiva & receptiua.

Quintò. Sequitur etiam, posse idem agens simul producere calorem & frigus in aliquo subiecto. Quod sanè admitti non potest. Quamuis enim fateamur, posse idem subiectum à duobus agentibus contrarijs simul pati, & idem agens in distinctis subiectis contrarias qualitates efficere: tamen id cogitari non potest inter vnum agens & vnum passum. Sequela probatur. Si sit corpus densum, calidum ut quatuor & frigidum ut quatuor, & applicetur cuidam subiecto raro pariter calido & frigido: tunc illud agens habebit virtutem operandi in hoc subiectum, sed nō minus per vnam quàm aliam qualitatem contrariam: ergo ratione caloris ut quatuor concurret inducere calorem ut quinque, & ratione frigoris ut quatuor frigus ut quinque.

Sextò. Sequitur rursus, posse duo corpora cum quadam qualitate remissa, sese mutuò vsque ad summam intensiorem prouehere. Si verbi gratia iuxta ponantur duo calida ut quinque, posse se inuicem calefacere vsque ad octo. Sit enim vnum valde densum, aliud rarum & amplum: densum calidum ut quinque

Non potest excedere intensiorem naturalem suam.

Non potest simul producere in eodem subiecto contrarias qualitates.

Nō possunt duo corpora se mutuò in qualitate intendere.

producet calorem ut sex in eo subiecto propinquo: hoc deinde ratione maioris intensificationis & amplitudinis poterit illi reddere calorem ut sex: & sic tandem usque ad octo. Quo argumento conuictus Toletus, fatetur totum. Item si à pluribus luminosis, singulis ut quatuor, positus intra cubiculum, potest aer illuminari ut sex & ultra; poterit deinde totus ipse aer agere in illa luminosa; quæ rursus facta lucidiora, maiorem lucem effundent; & sic per circulum usque ad octo. Imò si non esset limitata capacitas subiecti, usque in infinitum. Sic etiam vas vino plenum immissum in puteum, copiosa aqua repletum, frigescet supra aquam, unde ratione suæ densitatis poterit frigus facere magis aquam, & iterum ab aqua magis frigeri, & sic semper ulterius. Quibus exemplis conuicti, id totum admittunt alij ex Aduersarijs.

Sed tamen consequens est aperte falsum: non solum quia est contra experientiam: & quia perinde se habet, ac dicere eandem qualitatem in suo subiecto posse se ipsam intendere. Sed quia repugnat etiam eorum doctrinæ. Volunt enim, in tantum posse agens densum magis intendere qualitatem in alio subiecto, in quantum dicunt illud agens esse maioris virtutis, & sic conari facere aliud sibi simile in virtute. At si vnum agens adeo intendit qualitatem in alio subiecto, ut hoc rursus possit vicissim intendere illud; iam præbet illi absolutè maiorem virtutem, & non solum maiorem intensificationem: & sic planè sibi repugnant.

Non potest vnum corpus per suas partes suam qualitatem intendere. Septimò tandem. Sequitur vltimè, si sit aqua vnitormiter frigida ut sex, posse duos palmos eius ob maiorem suam quantitatem producere septimum frigoris gradum in tertio palmo, & hunc rursus ob maiorem intensificationem posse refundere

suum augmentum frigus in eisdem duos palmos: & sic vnum & idem subiectum posse per partes se ipsam intendere usque ad summum. Neque sufficit, quòd non esset ratio determinans partem quæ deberet agere & quæ pati. Nam adhuc inconueniens est, simpliciter tribuere talem virtutem vni simplici corpori. Et ad causam primam pertineret, determinare tales partes, sicut in alijs plurimis casibus.

Cæterum fatendum vltro est, densitatem & molem agentis posse & densitate solere iuuare, ut agens tam intensam et moles qualitatem transfundat quantam agentis alioqui non posset: quia nimirum conferat agens magis rarum & exiguum non ad intensam posset qualitatem producere iuxta densitatem totam suam intensificationem, & ideo qualitate auxilio densitatis aut molis poterit intensiorem qualitatem efficere quam passo. alioqui posset sed ita tamen ut nunquam suam intensificationem excedere valeat. Item multum confert densitas & moles agentis ad celerius operandum, ac citius superandam resistantiam passi. Et hoc totum est notissimum, ac familiarissimis experientijs exploratum.

In contrarium. Obijcies primò rationem à priori fundamentalem aduersus sententiam. Agens quòd magis est densum, & amplum, eò est maioris virtutis quàm subiectum rarum & paruum, licet alioqui in intensione æquale, & sic sunt dissimilia in virtute: ergo poterit illud agens operari in tale subiectum, & qualitatem magis intendere, ut illud sibi assimilet in virtute.

Respondetur. Esse maioris virtutis quantitatiuè, non autem intensiue: & hoc conficere non potest ad efficiendā qualitatem intensiue maiorem. Non ergo potest agens operari in illud subiectum quod est virtutis æqualis intensiue, licet minoris quantitatiuè: nec sufficit illa dissimili-

Quo potest esse agens magis densum & amplum sit maioris virtutis.

militudo ad hoc vt agens debeat vel possit eam compensare per augmentum intensiōis in passo supra intensiōem suam.

Quo pacto habeat plus qualitatē Obijcies secundo. Corpus densum aut amplum habet simpliciter plus qualitatē, quā subiectum rarum & exiguum: ergo poterit operari ad producendum plus qualitatē in intensiōe. Sicut enim plures gradus qualitatē in illo agente conferunt ad producendum maiorem intensiōem in subiecto, ita conferre adhuc poterunt, etiam si inueniantur in distinctis partibus illius agentis.

Respondetur. Non habere plus qualitatē intensiue, sed plus quantitatiue: & hoc non sufficit ad producendum plus intensiue. Bene autem id possunt plures gradus quando in ipso agente maiorem intensiōem constituunt: sed non quando dispersi in distinctis subiecti partibus, non faciunt qualitatem intensiorem, licet realiter faciant maiorem copiam qualitatē.

Quo pacto plures causas simul possint quod singula non possent. Obijcies tertio. Possunt plures causae partiales, singulae de se alioqui insufficientes, producere excellentiorem effectum: ergo, siue multiplicentur plura agentia calida aut luminosa, siue sit vnum agens continuum magis amplum, aut magis densum, poterit produci excellentior et intensior qualitas quā sit ex parte agentis. Assumptum demonstratur exemplis: multae guttae cauant lapidem, quae singulae nil facerent: Multi homines trahunt nauim, quam singuli nil mouerent: Et alia similia passim occurrunt.

Respondetur. Verē quidem posse plerumque à pluribus causis simul produci quendam effectum, qui à singulis non posset: et iuxta hoc iam fatebamur agēis densitatem & molem conferre ad producendam tantam qualitatis intensiōem quanta

alioqui non fieret. At non per hoc vnquam poterit effici qualitas maioris intensiōis quā sit in agente. Nec vtiq; in exemplis adductis ostenditur oppositum. Et ratio huius rei est; quia cū agens debeat operari ad assimilandum sibi passum, potius faceret illud sibi dissimile, dum supra se qualitatem eius intenderet. In alijs verō casibus tota illa causarū collectio reuera operatur ad faciendum effectum sibi proportionatum, quem in se virtualiter continet.

Obijces quarto. Potest aliqua causa partialis simul cum alia cooperari ad producendum effectum essentialiter perfectiorem: & sic species intentionalis simul cum potentia concurrit ad actum vitalem: ergo facilius poterit vnum agens parziale cum consortio aliorum producere qualitatem intensiue excellentiorem.

Respondetur. Assumpto admissio, haec est disparitas, quod in illo casu correspondet in effectum aliqua ratio quae per se est proportionata suae causae partiali, videlicet in actu vitali speciei correspondet ratio similitudinis cum obiecto: & ideo potest talis causa partialis concurrere ad huiusmodi effectum. Non quidem, quasi cum reali diuisione, vna causa partialis producat vnum, & alia aliam rationem in effectum: sed verē omnis causa partialis simul cū alia producit totum, producit tamen ob eam rationem sibi correspondentem & proportionatam. At non, non potest talis ratio & proportio inueniri, vt intensior qualitas producat in passo quā sit in agente.

Obijcies praecipue quinto quoddam experientias in quibus de facto videtur produci qualitas in passo supra intensiōem agentis, ad quas omnes distincte satisfaciendum est. Prima sit ex Toletō. Hyemali tempore aer videtur producere maiorem

frigiditatem in aqua quàm in se habeat : aqua enim congelatur, nõ aer.

Respondetur primò. Non solus aer refrigerat aquam, sed aqua ipsa gignit in se maiorem frigiditatem. Secundò, congelatio aquæ non cõvincit maiorem eius frigiditatem : quia aqua ob suam crassitiem est apta congelari, non verò aer ob suam tenuitatem.

Quare ferrum candens incēdat stupam. Secunda experientia ex eodem. Ferrum candens, quod non est calidum ut octo, quia sic esset substantialiter ignis, producit calorem ut octo in stupam, siquidē illam inflamat. Respondetur primò. Intra poros ferri latere plurimas particulas ignis, ut est communis sententia. Secundò, licet ferrum non sit ignis, posset esse calidum ut octo, quia caret alijs dispositionibus requisitis. Tertiò, a se inflamatam stupam potest sufficere calor minor quàm ut octo, coniunctus cum tanta siccitate. Quare, immeritò Arctius, his omnibus non acquiescens, cogitavit in ferro manere formam substantialem ignis simul cum forma ferri : quod planè est contra omnem rectam Philosophiam.

Quare vas immissum in aqua frigescat super aquam. Tertia experientia. Quando intra puteum vel cisternam immititur vas æneum vino plenum, frigidius sentitur tale vinum quàm aqua putei : quia videlicet aqua ob sui copiam, & vas ob sui densitatem, maiorem frigiditatem inducit in vinum inclusum. Respondetur primò. Vinum potest sentiri frigidius, licet fortasse non sit tale, quia ob maiorem subtilitatem & vigorem vehementius immutat sensum magisque sentitur : sicut per tactum magis sentitur calor in ferro quàm in flamma, licet intensior sit in flamma. Secundò, inter aquam sunt multæ exhalationes calidiusculæ, & terra subeuntes, quæ sic aliquantum impediunt frigus aquæ ne sentiatur : in vino au-

tem ac etiam in aqua inclusa intra vas superatur caliditas priorum exhalationum, nec novæ subintrât. Tertiò præcipuè, solet naturaliter qualitas agere per inclusionem, quia partes subtiliores & intēiores corporis inclusi, non euolant nec discurrendo vagantur, sed insistentes alijs partibus in illas agunt : sic ergo potest frigesceere magis vinum inclusum intra vas, quàm aqua soluta putei. Quartò, fortasse ipsum etiam metallum vasis ex sua forma & virtute potest in se maiorem frigiditatem gignere quàm accipiat à corpore ambiente, sicut aqua per se frigescit plusquàm aer : & sic vas immissum in puteum per se concipiens maiorem frigiditatem quàm ab aqua accipiat, poterit etiam infrigidare magis vinum aut aquam inclusam.

Quarta experientia. Si flamma illuminans aerem fiat in se maior, magis illuminabit, ac longius lumen effundet : sed antea in prima aeris superficie producebat lumen sibi æquale : ergo postea in ea superficie producit lumen intensius. Item plures lucernæ semper augent magis lumen in aere : ergo tandem tot lucernæ producent lumen sibi æquale : tunc si adhuc addentur aliæ, producent lumen intensius.

Respondetur. Ad primum casum. Conimb. 1. de Gener. cap. 9. quæst. 2. art. 1. ad 4. admittunt, intendi lumen in partibus sequentibus, ac extendi in maiorem longitudinem : negant verò augeri in prima superficie & parte illi proxima aeris. Sed hoc non potest intelligi in actione uniformiter difformi. Vel ergo dicendum est, tale agens posse uniformiter producere qualitatem sibi æqualem in parte quadam consequente aeris, & sic in maiori parte quando fit maius, atque adeo proportionaliter intendere & extendere magis in alijs partibus. Vel quod antea

Quare agentia luminosa nam excedant suam intensiorem.

tea nō producebat lumen sibi æqua-
le in prima superficie: & sic quō
maius fuerit, eō potius magis inten-
dere; nunquam tamen supra suam
intensionem. De qua re distinctē
loquemur sectione sequenti.

Ad secundum casum similiter di-
cendum est, vel tot lucernas produ-
cere tandem lumen sibi æquale, &
tunc si plures addantur non posse
amplius lumen augere. Vel nunquā
posse lumen sibi æquale in aerem
effundere, & sic semper per nouam
lucernam additā augeri aliquantū
lumen. Nam certē si prima lucerna
luminosa ut quatuor producebat in
certa parte aeris, verbi gratia lumen
ut duo, secunda non faciet lumen ut
quatuor, sed verbi gratia ut tria; de-
inde tertia addet medietatem quarti
gradus: & sic semper procedendo
per partes proportionales, nū quam
perficietur intensio ut quatuor, &
semper noua lucerna maiorem quā-
dam intensionem afferet. Neque
hoc mirum est, quia plus sanē est
operari supra maiorem intensionem
in subiecto inuentam; plus est effi-
cere quartum gradum luminis supra
tres, quā tertium supra duos: ideo
ergo sequens lucerna addet minore
portionem luminis quā præcedēs.

*Quare
ex spe-
culo cō-
cano So-
li exposi-
to exur-
gat in-
gnis.*

Quinta demum experientia sit.
Si exponatur speculum concauum
ad radios Solis, & apponatur esca
ante speculum, talis esca incendi-
tur, non alia ratione nisi quia pluri-
mi Solis radij ex illo speculo conca-
uo concurrunt ad agendum in idem
punctum, & sic produciunt intensio-
rem lucem & calorem quā singu-
li in se habeant. Verū, hoc totum
fit per reflexionem, in qua vel non
produciuntur intensior qualitas in su-
biecto in quo fit reflexio quā sit in
illo corpore ex quo sit reflexio; vel
si produciuntur intensior, fit potius
immediatē ab eodem primo agente,
nempe à Sole in casu allato, à quo

primò fit actio directā ac deinde
reflexa; & ita interiūs de reflexio-
ne distinctē tractabimus.

SECTIO QUINTA.

*Quo pacto Agens intra deter-
minatam spheram quali-
tatem extensivē dif-
fundat.*

Dictum est de productione qua-
litatis quoad intensionē, di-
cendum modò est quoad extensio-
nem. Et absolutē quidem certum
est, agentia hæc naturalia in produ-
cendis qualitatibus esse determina-
ta ad operandum intra certam am-
plitudinem in qua per totum subie-
ctum qualitatem continuatē diffun-
dant. Atque hæc dicitur actiuitatis
sphaera. Et meritò sic appellatur,
quia considerando agens tanquam
quoddam punctum, æqualiter in cir-
cuitum actionem expandit propriē
in modum sphaeræ, cuius medium &
centrum sit ipsum agens. Tria ergo
circa hanc rem videnda sunt. Pri-
mum quo pacto agēs inchoet actio-
nem & productionem qualitatis. Se-
cundum, quo pacto prolequatur &
continuet. Tertium, quo pacto ter-
minet & concludat.

Circa primum. Communis sen-
tentia esse videtur, agens in prima
superficie passi producere qualit. *Quo pa-
cto agēs
inchoet
actionē
in sua
sphaera.*
in tota sua intensione, sed immē-
diatē post in minori intensione. At
aliqui volunt, agens debere in parte
quodam determinata sibi propin-
qua producere qualitatem sibi in in-
tensione æqualem, quamvis post ta-
lem partē incipiat diminuerē actio-
nem. Atque totum illud spatium in
quo æqualis intensio funditur, ap-
pellant spherulam. Et quantò agens
fuerit validius, eō in maius spatium
æqualem hanc actionem protrahet.

re. Aliqui è contra negant, posse agens in parte vlla, aut etiam in prima superficie passi sibi coniuncta, producere qualitatem in eadem sua intensione: dicentes pariter, quanto agens fuerit validius, eo posse maiorem sibiq. propinquiorem intensiorem in prima passi superficie imprimere. Moti sunt autem utrique vno cõmuni fundamento, nempe vt explicarent qualiter agens certæ intensiõis, possit adhuc pro maiori aut minori suo vigore magis aut minùs totam suam actionem expandere.

Non debet necessario in prima superficie communicare totam suam intensiõem.

Dicendum videtur, posse & solet contingere, vt pro diuerso suo vigore agens vno vel alio ex his modis incipiat operari in sua sphaera. Pro hac assertione suadetur prius pars negativa, scilicet nullum ex dictis modis esse per se simpliciter necessarium. Non est necesse, vt agens producat in prima superficie totam suam intensiõem. Tum quia pro diuersitate agentis & subiecti potest valde variari actio: verbi gratia exigua flamma posita iuxta lapidem, vix exilem quendam calorem in illo producat, tam inquam in prima superficie, quam in sequentibus partibus. Tum quia sine dubio fieri potest, vt agens eiusdem semper intensiõis, posset esse magis aut minùs validum ad effundendam actionem in ampliorem spheram, videlicet ratione maioris densitatis & molis: cumq. per totam spheram supponatur operari vniformiter difforiniter, difficile est, quòd si semper in prima superficie, eaque sola, imprimat totam suam intensiõem, possit vterius in maiorem aut minorem spheram cum eadem vniformi difforinitate actionem extendere.

Aut in parte quadam determinata,

Item non est necesse, vt agens in parte quadam certa æqualiter totam suam intensiõem communicet. Tū ex eadem illa experientia flammæ &

lapidis. Tum etiam, quia alioquin posita tali necessitate, deberet pariter ipsa prima pars æqualem intensiõem, refundere in secundam, & hæc rursus in tertiam, & sic semper absque termino.

Rursus non est necesse, vt agens in toto subiecto, etiam in prima superficie producat minorem intensiõem. Tum quia potest causa vnivoca producere effectum sibi proprius similem & æqualem; & sic qualitas intensa poterit æqualem sibi intensiõem efficere. Tum quia agens naturale intendit assimilare sibi passum: ergo saltem aliquando, & sublati impedimentis, poterit de facto sibi assimilare, etiam in intensiõis qualitatis; si non in parte distant, saltem in superficie proxima.

Suadetur deinde pars affirmatiua, quod sit naturaliter possibilis omnis ille modus operandi. Quia potest esse agens tam debile & subiectum ita indispositum & aptum resistere, vt in nulla eius parte, & nec etiam in prima superficie agens valeat totam suam intensiõem imprimere. Potest etiam esse tam validum & robustum, vt non solum in prima superficie, sed etiam in parte aliqua determinata totam suam intensiõem communicet. Quamuis enim re vera omnia subiecti pars habeat aliam medietatem magis aliāq. minùs propinquam agenti, tamen benè potest vigor agentis superare distantiam in certo quodam spatio. Nec propterea talis subiecti pars, debebit vterius parem intensiõem in aliam partem refundere, quia non erit ita valida ad agendum, vt poterat non æquiparatur denso, aut ob aliam talem varietatem. Poterit demum agens esse tanti moderati vigoris, vt in prima tantum superficie, & non vltra, data inquam hypothese de superficiebus in continuo, suam intensiõem in operando valeat

Aut minorem quādam intensiõem.

Sed potest omnibus istis modis inchoare actionem in sua sphaera.

leat adæquare. Demum, ex his est manifestum, qualiter non solū vno, sed duobus modis fieri possit, vt agens eiusdem intensiōis possit pro certo suo vigore, in maiorem spheram operari, nempe vel extendendo æqualem intensiōem in longiorem spheræ partem, vel augendo magis qualitatem in principio spheræ, intra tamen suam intensiōem.

Agens diffundit per suā spheram actionē uniformiter difformem.

Circa secundum; Communis sententia est, agens intra suam spheram diffundere actionem, & producere qualitatem, uniformiter difformiter, cum uniformi quadam difformitate, cum æquali quadam inæqualitate: nempe non simpliciter uniformiter & æqualiter, eandem intensiōem continuādo per totam spheram, quia potius debiliorem, semper qualitatem perducit ad remotiores partes: nec simpliciter difformiter & inæqualiter, quasi nullā certam regulam & proportionem seruando, sed potius eodem tenore semper qualitatem remittendo versus partes remotiores: & sic ipsa difformitas est uniformis, ipsa inæqualitas est æqualis.

At verò Conimbr. 1. Cæli cap. 11. q. 1. in fine, volunt, lucem quidem semper hoc modo produci & conservari, calorem tamen & frigus aliasque qualitates disponentes ad mutationem substantialem, initio quidem actionis diffundi uniformiter difformiter; sed postea, agente superante magis resistentiam passi, diffundi simpliciter uniformiter & æqualiter. Rationem reddunt, quia dispositiones ad formam substantialem, debent in tota materia introduci, & alioqui non generetur substantialis forma: vnde debebunt uniformiter secundum eandem intensiōem in materia ipsa diffundi.

In omnibus qualitatibus.

Absolutè tamen & vniuersaliter verum est, agentia naturalia non nisi illo modo uniformiter diffor-

miter qualitatem in sua sphaera diffundere. Et sic vniuersaliter Philosophi supponunt absque vlla qualitatum distinctione. Probatur manifestis experientijs, non solū in lumine & speciebus vmbilibus, & si quæ sint aliæ huiusmodi qualitates: sed etiam in calore, & sic de alijs. Si igni competenter admouetur lignum, ita vt calefiat, sed non incendatur, tactu constat, lignum non fore totum æquè calidum, sed proportionaliter secundum partes remotiores esse minùs calidum, & sic semper quantocumque tempore teneatur prope ignem. Constat etiam, quò magis quis accedit ad ignem, eò maiorem sentire calorem. Ignis ergo, & sic omne aliud naturale agens, non nisi cum hac inæqualitate ac difformitate, suam qualitatem communicat.

Probatur etiam ratione à priori: quia naturalis agendi ordo est, vt agens agat validius in propinquum quàm in remotum. Et hoc non ex natura harum vel illarum qualitatum, sed ex communi conditione naturalium agentium, quæ habent suam virtutem hoc modo definitam ac limitatam. Et alioqui, si agens per se posset æqualem intensiōem in parte remota ac propinqua diffundere, posset quantum est de se, semper vterius promouere suam actionem absque vilo termino: quia tantum habet limitatam spheram, inquātum semper in progressu languescit actio, & sic tandem penitus deficit.

Neque generatio formæ substantialis aliud requirit. Quinimò potius constat, apposita etiam prope ignem, prius induci formam ignis in partes propinquiores, & succelluè in remotiores: non ergo debet tota simul materia æquali calore disponi. Quòd si dicatur, saltem ab initio debere formam in certa simul

Non obstante generatione substantialis formæ.

parte produci, ne infra minimum producat, iuxta sententiam præfigentem his corporibus terminum paruitatis: adhuc non oportebit talem partem supponi totam equè calidam: quia nimirum forma ignis non prærequirit necessariò calorem ut octo, sed sufficere illi poterit calor aliquantò minor: nec producat forma ignis in illa certa parte, donec in tota illa sit sufficiens diffusio, quæ benè potest esse in intentione difformis. Ex ipsa autè forma ignis consequenter resultabit aliud caloris residuum, quod illi deest, estquè ei connaturale. Accursus prior pars ignita & facta iam æqualiter calida, operabitur quoque ad disponendam & incendendam partem sequentem: & sic quoad usque duret materia apta, continuabitur per totam illam incendium.

*Quo pa-
do agēs
termini-
net a-
ctionem
in sphae-
ra.* Circa tertium denique, faciet uia ad hoc propositum distinctio illa termini intrinseci et extrinseci, prius tradita pro corporum quantitate. Conimbr. 1. Cæli cap. 11. quæst. 3. docent, quod si consideretur amplitudo maxima spheræ secundum se totam, sine tamen ultimo indiuisibili; sic actionem in sphaera terminari intrinsecè, ita nempe ut dicere valeat, agens operatur per spatium unius aut trium stadiorum & non ultra. Si verò consideretur ultima superficies spheræ; ut sic actionem terminari extrinsecè: quia dicunt, agens positivè & inclusivè nō producit qualitatem in ea ultima superficie, sed immediatè citra illam. Vel enim produceret aliquā intensionem diuisibilem: & sic deberet adhuc ulterius actionem protendere. Vel aliquid indiuisibile: & hoc non datur, quia nulla est intensio indiuisibilis. Ex aduerso Ruuius 1. Cæli tract. de Terminis potentiar. quæst. 1. vult, talem actionem & intensionem qualitatis, terminari

intrinsecè in extensione, ita ut in ultima illa superficie sit quædam certa qualitatis intensio: Aitquè, eam non ulterius diffundi, quia non quælibet intensio qualitatis sufficit ad aliam similem producendam.

Attamen, si indiuisibilia tam in *Terminat intrinsecè.* qualitate quam in quantitate supponantur, dici debet actio & productio qualitatis etiam quoad ultimam superficiem terminari intrinsecè, intentio verò dicetur terminari extrinsecè. Hæc assertio duas habet partes. Prima indicatur ab Arist. lib. de Sensu & sensil. cap. 8. ubi loquens de visu, sic ait: *Est itaque aliquid ultimum distantia unde non videtur, & primum unde videtur: hoc itaque necesse indiuisibile esse, ultra quod quidem non contingit sentire existens, citra autem necesse sentire.* Supponit autem Arist. visionem fieri per speciem immissam ab obiecto in sensum: putat ergo esse quoddam punctum in quo compleatur immissio speciei, ex quo possit conspici obiectum. Itaque non loquitur solum vulgari & rudi more de huiusmodi termino, sed philosophico & subtili modo de termino indiuisibili. Et vult dari tale indiuisibile, quod sit ultimum eius nimis distantie ex qua obiectum videri non potest, & sit primum eius proportionatæ distantie in qua obiectum videri potest, ita ut intrinsecè ex tali puncto incipere possit visio obiecti, atque adeo intrinsecè in illo desinat species immissa ab obiecto. Ratione suadetur: quia sicut supponitur superficies in quantitate, ita supponi debet suum indiuisibile in qualitate, & hoc poterit ac debet produci in illa superficie. Nam & in medio spheræ, in qualibet superficie dicere valebit, ibi esse tantum lumen, verbi gratia ut quatuor, & immediatè ante esse quicquid proximè est supra quatuor, scilicet pars immediatè

diatè superior indiuisibili termina-
tuo quarti gradus, & hoc indiui-
bile determinatè est in illa superfi-
cie: idem ergo proportionaliter ve-
rificari debet in vltima superficie,
totius sph. rz.

*Sed in-
tensionē
terminat ex-
trinsecè.*

Hinc probatur secunda pars: quia
in illa vltima superficie cōcedi non
debet intentio diuisibilis, alioqui
haberetur aliam intentionem infra se,
& sic debuisset actio vniformiter
difformis adhuc vltra procedere: sed
ad summum esse potest quoddam
indiuisibile intensionis, cuiusmodi
indiuisibilia supponi debent in in-
tensione qualitatis, si supponantur
in extensione quantitatis. Quare
hoc indiuisibile non erit intentio,
sicut punctum non est extensio: sed
erit aliquid qualitatis. Itaque dice-
tur, in hac superficie non est inten-
tio qualitatis, sed immediatè citra
est: ibi ergo intentio quidem termi-
natur extrinsecè. At tota ipsa qua-
litas & actio productiua eius, termi-
natur intrinsecè, ratione dicti indi-
uisibilis.

Ac per hoc ruit ratio illa Conimb.
cōtra terminum indiuisibilem. Cor-
ruit etiam ratio Rumi; pro intensio-
ne diuisibili in illo termino indiuisi-
bili. Tum quia licet qualitas habens
contrarium, requirat maiorem quā-
dam intentionem vsque operetur, quia
debet superare resistantiam passi:
tamen qualitas non habens contra-
rium vt lumen, poterit in quauis in-
tensione operari saltem infra suam
intentionem. Tum præsertim; non
illamet qualitas deducta ad extre-
mam superficiem debet operari vl-
terius: sed idem primum agens est
quod effundit suam qualitatem per
totum medium: ergo deberet ad-
huc aliquātam prosequi suam actio-
nem vniformiter difformem, vsque
dum eam perducatur ad non intentio-
nem in extrema superficie: & tunc
sistit ac terminat actionem.

SECTIO SEXTA.

*Quo pacto producat et inten-
datur qualitas per reflexio-
nem intra spheram
agentis.*

Contingit intra spheram agen-
tis interponi corpus aliquod
& obstaculū, in quod incidat actio,
& impediatur vltius progredi:
hinc oritur reflexio ab obstaculo in-
tra eandem spheram: & quæ actio
debebat extendi vltra obstaculum,
& explorare totam spheram, veluti du-
plicatur citra obstaculum in illa par-
te spheræ. Apparet hæc reflexio in
motu locali: dum enim proiicitur
pila in parietem, cum non possit pa-
rietem peruadere, reuertitur, ac reflecti-
tur citra parietem. Et hac etiam ra-
tione fit Echo, quando scilicet quis
loquitur, & aer vocem deferens im-
pingit in aliquem locum, ex quo re-
trorsum redeat, referens eandem
vocem. Similiter concipienda est
reflexio in qualitate, per reduplica-
tionem actionis intra spheram agē-
tis, qua actione intendatur quali-
tas & producat novus qualitatis
gradus.

Primò ergo apud omnes certum *Omnes*
est, verè fieri hæc qualitatis reflexio-
nem. Sed Aresius. 1. de Generat. *qualita-*
res pos-
q. 42. sect. 9. contendit, hanc reflexio-
nem in luce contingere, non au-
tem in calore & alijs huiusmodi *reflexio-*
ne pro-
qualitatibus. Suadere conatur hanc *duci &*
partem negatiuam experientia: quia *intendi;*
alioqui in spatio medio inter obsta-
culum & ignem, intenderetur calor
vsque ad octo, & sic ibi deberet
ignis gigni: Item appposito obstacu-
lo deberet statim sentiri maior in-
tensio caloris in medio: Hæc autem
non ita contingere experimur. Ra-
tione etiam probat, quia supponit
ca-

calorem constare gradibus æterogeneis.

Dicendum tamen est, non solum lumen, sed etiam calorem, & alias similes qualitates, posse per reflexionem produci atque intendi. Ita vniuersaliter supponunt quicumque de reflexione loquuntur. In lumine est res notissima: appposito enim obstaculo, præsertim corpore solido æterso, ut speculo, intra spheram agentis luminosi, notabiliter lumen intenditur. Ac pariter idem constat de specie visibili: hac enim de causa representantur res in speculo, quia ex illo reflectitur species repræsentatiua. Patet quoque in calore: si intra spheram ignis apponatur lamina ferrea, planè sentitur caloris augmentum in medio: & apricantes ad Solem, eò magis calefiunt si iuxta parietem se collocent, unde scilicet calor reflectatur: ac tempore æstiuo ob maiorem reflexionem fit apud nos caloris augmentum. Nec satisfacit Aretius dicens, ita apparere quia corpus appositum impedit agentia contraria: impedit aërem ne diffuaret & in se tenaciùs retinet calorem & sic est magis aptum ad calefaciendum. Nam planè contingit caloris intensio ex obstaculo appposito, etiam quando nullum adesset agens contrarium: ac etiam si non impediatur effluxus aeris, ut patet in exemplis adductis: si autem calor dicatur intendi ab obstaculo tenaciùs retinente calorem; hoc est assignare causam reflexionis, quam tamen intra inquiremus.

Nec verò obstant Aretij fundamenta. Non vique oportet, tantam semper esse reflexionem, ut calor intendatur ut octo, & ignis exurgat: sed verè interdum id cõtingit, nempe exposito speculo concauo ad radios Solis, & collocata materia apta in loco opportuno. Nec item oportet, ita statim sentiri calorem, sicut

statim perspicitur lumen, quia calor inuenit cõtrarium in subiecto, quod debet superari. Sed etiam vietur statim sentiri augmentum caloris, quando cum debita proportionè apponitur obstaculum. Denique verum nõ est, gradus caloris esse æterogeneos: Si verò essent, adhuc posset & deberet fieri reflexio, sicut fit in lumine.

Secundò. Obseruatione dignum est, dupliciter fieri posse reflexionem: nempe vno modo directè, id est per eandem lineam per quam exercetur prima actio exiens ab agente & incurrens in obstaculum: alio modo obliquè, id est per diuersam & oppositam lineam. Apparet hoc perspicuè in motu locali. Si directè projiciatur pila in parietem, ita ut linea huius incidentiæ faciat angulos rectos cum pariete; reflectitur pila directè per eandem lineam versus projicientem. Si autem projiciatur obliquè ex vno latere, ita ut linea huius incidentiæ faciat angulum acutum cum pariete versus projicientem; tunc reflectitur pila similiter obliquè, non quidem per eandem lineam incidentiæ versus projicientem, sed per aliam versus partem oppositam, faciendo angulum acutum cum pariete versus aliud latus: sitque æqualis hic angulus reflexionis cum illo angulo incidentiæ. Similiter ergo hic duplex reflexionis modus intelligi debet in productione qualitaus.

Et sanè vtroque modo potest verè fieri hæc reflexio. Quod præsertim manifestum est in lumine, & clarius adhuc in specie visibili. Qui enim se collocat directè ante speculum, conspiciit se in speculo, quia directè ad eum reflectitur species. Dum autem quis se collocat obliquè & versus vnum latus, non conspiciitur in speculo nisi ab alio qui pari obliquitate ex alio latere speculi

Reflexio potest ac fieri directè et obliquè.

culi se collocet; quia nimirum ver-
sus eam partem & per lineam velut
oppositam reflectitur species. Atque
hæc est notabilis ratio, quare æstiu-
no tempore, adeo maior caloris in-
tensio oriatur à sole, quam hiemali;
& quare meridiano tempore, quam
matutino & vespertino. Non enim
ratio est quæ vulgo videtur, quod
Sol sit nobis propinquior. Quan-
vis enim sit verè propinquior pro
quantitate semidiametri terræ, quia
Sol in vertice positus distat solum
quantum est ab hac superficie terræ
usque ad ipsum, in horizonte autem
distat plus per semidiametrum ter-
ræ: tamen hæc ratio non est suffi-
ciens ad tantam varietatem; Et præ-
terea Sol æstiuo tempore magis sim-
plicitè distat à terra, quia tunc est
in auge orbis eccentrici. Sed ratio
potissima est: quia Sol in verticem
seu prope verticem elatus, magis di-
rectè suam actionem immitit, & sic
magis directè exercetur reflexio; at-
que ita congeminitur actio & circa
eandem partem coniungitur reflexio
cum actione directà. At cum
Sol declinat ad horizontem, magis
obliquè actionem immitit: unde
consequenter obliquè in oppositum
fit reflexio, atque adeo hæc duplex
actio magis sciungitur, & ita non
fit in eadem parte tanta qualitatis
intensio. Adhuc quoque alia præ-
terea rationes intensi caloris æstivi,
nempe longitudo dierum & breui-
tas noctium, concomitantia alio-
rum quorundam astrorum, & si quæ
sint alia.

Quan-
donam
reflexio
fiat.

Tertiò. Non est sanè semper ne-
cessarium, nec semper contingit, ut
occurrente obstaculo intra spheram
agentis, fiat ex illo reflexio: quini-
mò requiri solet apta quædã dispo-
sitio obstaculi, qua sit capax actio-
nis & qualitatis quæ debet reflecti.
Sic videmus à pariete verbi gratia,
aliouè simili corpore opaco non

reflecti speciem visibilem, quæ ta-
men reflectitur à speculo. Item, ex
panno nigro non reflectitur lumen,
quod tamen ex pariete alijsque cor-
poribus, uet opacis, quæ saltem in
extrema superficie notabile lumen
recipiunt, verè reflectitur. Vbi sa-
nè exploratum est, plus requiri ad
receptionem & transmissionem spe-
ciei visibilis, quam luminis. Insuper,
quò obstaculum fuerit magis dispo-
situm, & magis qualitatis capax, eo
maior reflexio fiet. Sic notum est,
magis, intendi lumen per reflexio-
nem à speculo aliouè corpore ter-
so, quam à pariete aut alio corpore ru-
di. Magis etiam intenditur calor
per reflexionem ex lamina ferrea,
quam ex pariete. Et hinc fortasse
reddi potest ratio, cur calor quidem
æstiuus tantopere superet calorem
hiemalem, non sit autem tantus ex-
cessus luminis in æstate præ hieme:
quia scilicet terra est magis capax
caloris quam luminis, & vehemen-
tius incalescit quam illustretur, &
sic maiorem reflexionem reddit ca-
loris quam luminis, ideoque maius
est per reflexionem incrementum
caloris quam luminis.

Quartò. Contingere potest, ut *Potest*
ex vno obstaculo in aliud plures re- *multipli*
flexiones fiant, fiatque reflexio re- *cari re-*
flexionis. Sic per aptam collocatio- *flexio.*
nem speculorum, fit reflexio speciei
visibilis ex primo in secundum spe-
culum, & ex secundo in tertium, ac
usque ad certum numerum. Semper
autem debiliior est reflexio poste-
rior: ac ideo tandem extinguatur.
Et sic etiam fit, ut in certis quibus-
dam locis multiplex Echo resonet,
eademque vox pluries repetatur. Si-
cut & pila potest resilire ex vno in
aliud parietem, & ex illo in alium.

Quintò. Fit etiam quædam com- *Datur*
municatio qualitatis ex obstaculo *quedam*
in quod actio incurrit, vel etiam ex *commun-*
medio per quod transit, ad alia cir- *nificatio*
cum.

qualitas tumiacentia corpora, quæ propriè
ris, re- non est reflexio seruans illam regu-
flexioni lam, vt fiat per lineam constituentē
similis. angulum æqualem cum angulo in-
 cidentiz: sed est per se actio quæ-
 dam; eo quòd qualitas à primo agē-
 te impetia, sit per se actiua, ac sui
 similis productiua, & ita operatur in
 omne subiectum aptum recipere si-
 milem actionem. Sic planè, dum
 Sol immittit suos radios intra cubi-
 culum per fenestram, ab illo pariete
 & aere qui directè illustratur à
 Sole, communicatur lumen ad alios
 quoque parietes totumq; aerem cir-
 cumfusum. Hæc inquam non est
 propriè reflexio antea explicata, sed
 est per se actio quædam, eo quòd
 lumen ipsum primò productum, ha-
 bet per se vim producendi aliud si-
 mile lumen: & hæc dici solet reuer-
 beratio. Nec patet magis discrimen
 huius actionis à reflexione, exem-
 plo speciei visibilis. Nec enim spe-
 cies non potest communicari nisi
 per simplicem reflexionem. Vnde
 dum directè immittitur ab obiecto
 visibili per fenestram aliquam intra
 aulam, non diffunditur in alium ae-
 rem circumfusum. Et ex speculo
 non redditur nisi per illam lineam
 quæ faciat angulum æqualem cum
 angulo incidentiz, per quam solam
 conspicitur obiectum in speculo.
 Alia ergo est illa cōmunicatio qua-
 litatis à reflexione propriè dicta.

*Reflexio ha-
 bet suā
 spherā,
 initium,
 progres-
 sum, ac
 termi-
 num.*

Sextò. Reflexio habet quoque
 suam amplitudinem determinatam
 ad modum spheræ, habet suum ini-
 tium, progressum, ac terminum.
 Incipit ab obstaculo. Et fortasse in
 eodē ipso obstaculo intussecè pro-
 ducitur maior intentio qualitatis,
 quæ citra obstaculum debet reflecti.
 In progressu distenditur & conti-
 nuatur reflexio eodem modo vni-
 formiter difformiter, quo diceba-
 mus de actione directâ. Itaque ma-
 xima reflexionis intentio erit circa

obstaculum, ac deinceps debilitatur
 quòd longius ab illo recedit. Et ratio
 huius rei est, quia in reflexione cō-
 uertitur & reduplicatur actio citra
 obstaculum eo ordine quo transire
 debebat ultra obstaculum. Termi-
 natur tandem reflexio eodem pacto
 quo antea dictum est de actione di-
 rectâ. Potest autem contingere, vt
 obstaculum sit ita propinquum pri-
 mo agenti, quòd reflexionis sphaera
 in huiusmodi actionis regressu per-
 tingat usque ad ipsum agens & ul-
 tra, ac ita ipsum agens inueniatur
 intra reflexionis spheram. Sed ta-
 men tunc nullatenus intēdetur qua-
 litas in eodem agente, nec agens in
 se reflexionem admittet: quia nimi-
 rum omnis actio & qualitas, ab ipso
 agente ortū habet: nec quantacum-
 que reflexio potest adæquare, nedū
 excedere, intentionem primi agen-
 tis. Itaque irrationabile prorsus &
 impossibile est, quod affirmant Co-
 nimbr. 1. de Gener. cap. 9. q. 1. art.
 1. & Aref. q. 42. sect. 12. qualitatem
 agentis in reflexione se ipsam
 intendere.

SECTIO SEPTIMA.

*An ab eodem primo agente in-
 tendatur qualitas per
 reflexionem.*

Significant aliqui, eandem ipsam
 qualitatem prius productam ab
 agente actione directâ, se ipsam in-
 tendere actione reflexa. Aliqui as-
 serunt, idem ipsum obstaculū vnde
 reflectitur actio, esse veram causam
 eius: & adhæret Suarez disput. 18.
 Metaph. sect. 9. num. 34. Aliqui vo-
 lunt, obstaculum esse causam instru-
 mentalem & immediatam, & agere
 vt instrumentum primi agentis, &
 hoc esse causam principalem ac re-
 motam. Aliqui asserunt potius, ob-

Obstaculū & primum agēs coniūctim
immediatē coagere in reflexione,
tanquā duas causas partiales. Aliqui
rursus distinguunt, aliquando solum
obstaculum esse reflexionis causam,
quādo nempe reflexio fit obliquē &
per diuersam lineā ab actione direc-
ta: aliquando solum primum agēs,
quando nempe reflexio fit directē
per eandem lineam, & in obstacu-
lo est qualitas minūs intensa & va-
lida quā in medio: aliquando
vtrumque, quando scilicet subiectū
in quo fit reflexio est vtrique expo-
situm, ac obstaculum ipsum habeat
qualitatem magis intensam seu va-
lidam quā per primam actionem
producta inueniatur in medio.

Sed absolutē dicendum est, ve-
ram reflexionis actionem exerceri,
& qualitatem pro luci seu intendi,
ab eodem primo agente à quo direc-
ta actio emanauit. Ita notuit Sco-
tus in 4. dist. 10. quæst. 9. in fine.
Et affirmat Pomponatius in q. de
Actione reali art. 2., vbi tamen in
fine ait, agens principale inniti ob-
staculo ad hoc vt maiori vi operetur
exercendo reflexionem. Sed hoc
non potest aliter intelligi, nisi in-
quantum obstaculum impedit ne
actio procedat vltius, & ita dice-
tur concurrere velut occasionaliter
vt in medio reduplicatur actio.

Pro hac assertionē, Certum in pri-
mis est, non posse eandem qualita-
tem existentem in medio intendere
se ipsam: satis enim exploratum est,
idem non posse agere in se ipsum
actione vniuoca, vt iam ostendimus
q. 14. sect. 5.

Deinde non sufficit obstaculum
intendere qualitatem in medio per
reflexionem. Tum quia potest ef-
fe, vt quædam qualitas non sit acti-
ua, & adhuc optimē reflectitur, vt
infra dicemus. Tum quia in omni
qualitate, per primam actionem,
agentis vniiformiter difformem, mi-

nor intentio pertinet ad obstacu-
lum quam fit in medio: ergo non
potest ab illo intendi rursus qualitas
in medio. Quod si per secun-
dam actionem, inchoando reflexio-
nem, supponatur intendi qualitas
etiam in ipso obstaculo; certē hęc
maior intentio non potest effici ab
eadem prima qualitate obstaculi, il-
li impressa per primam actionem:
adhuc ergo assignanda est causa eius
intentionis, ac per consequens to-
tius reflexionis. Nec verō dici po-
terit, produci in obstaculo qualita-
tem intensiorem per eandem pri-
mam actionem directam, eō quod
sit in se magis capax, licet sit magis
distans: vel quamuis non sit inten-
sior qualitas in obstaculo, tamen ob
maiorē densitatem habere vim au-
gendi intensiorem in medio. Nam
ex vna parte, potest & solet fieri re-
flexio, etiam si obstaculum non sit
magis imò minus capax qualitatis;
vt dum reflectitur lumen in aere ex
pariete. Ex alia parte, etiam si ob-
staculum sit magis capax, tamen
hac ratione non potest agens per
eandem primam actionem produ-
cere qualitatem intensiorem in sub-
iecto distanti quā propinquo, vt
iam diximus quæst. 14. sect. 10. Rur-
sus non poterit obstaculum ratione
densitatis intendere qualitatem in
medio supra suam intentionem, ex
dictis supra sect. 4.

Insuper, non debet nec potest
obstaculum operari tanquam in-
strumentum primi agentis. Tum
quia intra eandem speciem qualita-
tis, & per actionem vniuocam, non
datur talis proportio & subordina-
tio, vt qualitas minūs intensa, sit in-
strumentum ad producendum in-
tensionem maiorem. Tum quia
alioqui pariter posset qualitas pro-
ducta ab agente in vna parte mediij,
deseruire vt instrumentum ad pro-
ducendam magis vel æquē intentam

*Nec
etiā in
instrumē-
taliter-
vel par-
tialiter.*

*Quali-
tas in re
flexione
ab eodē
primo
agente
produci
tur.*

*Nō pro-
ducitur
a me-
dio.*

*Nō ab
obstacu-
lo.*

in alia parte. Tùm quia, si in eodem obstaculo incipit augeri qualitas, sequeretur in eodem subiecto qualitatem remissam esse instrumentum ad intendendam se ipsam. Eodemquè modo probatur, non debere nec posse obstaculum coagere, tanquam causam partialem simul cum primo agente ad augendam qualitatem per reflexionem: præter quàm quod iam priùs ostendimus, non posse vnum agens per contortium alterius operari supra suam intensionem.

Nō debet variari eius causa. Denique, non debet diuersis illis modis variari reflexionis causa. Nō enim quando reflexio fit obliquè, debet per hoc censeri fieri ab obstaculo. Si enim fieret ab ipso obstaculo, non fieret specialiter per illam lineam determinatam, velut aduersam lineæ incidentiæ: sed potius ex hac parte fieret æqualiter ad omne spatium expositum ipsi obstaculo, sicut sanè fit prima actio directæ egrediens à primo agente. Item, si reflexio fieret per se ab obstaculo, deberet eadem qualitas quæ à primo agente profertur, esse sui similis productiua. At non omnis qualitas quæ reflectitur, est huiusmodi præsertim species visibilis. Nam si esset per se productiua sui similis, quando species immittitur ab obiecto per fenestram, illa species quæ per aerem diffunditur, deberet similem speciem refundere in totum aerem circumfutum, sicut planè experimur in lumine; & sic vndequaq; deberet conspici obiectum, sicut vndequaq; sentitur sonus & odor, quocumque peruenit species eius. Atque ipse Suarez eadem disp. 18. sect. 3. n. 22. supponebat, speciem visibilem non esse productiuam similis speciei: quod sanè non consonat cum eo quod postea sect. 9. ait, reflexionem fieri ab obstaculo. Et ita iuxta eius sententiam q. 14.

sect. 10. notauimus. Rursus, nullus est casus, quo intensior aut validior qualitas imprimatur per primam actionem in agentis ipsi obstaculo, ita ut possit intendere qualitatem in medio. Ac tandem, si quandoque reflexio potest sufficienter exerceri ab eodem primo agente, sic semper explicari debebit, nec querenda erit alia causa.

Concludendum ergo iam est, *Sed secundum actionem reflexionis absolute ac per ab eodem primo agente à quo prima actio directæ egressa est, ab illoque produci & intendi qualitatem in reflexione.* Hoc non solum sequitur ex dictis per exclusionem omnis alterius causæ. Sed per se suadetur: quia tota actio directæ, tam vltra obstaculum, quàm citra illud, exerceri debuisset ab eodem primo agente; per obstaculum autem fit, ut actio quæ vterius progressura erat, reduplicetur citra obstaculum: non ab alio ergo quàm eo lem primo agente exercenda est actio reflexa: & ab eo producit citra obstaculum illa qualitas, quæ alioqui diffundenda erat vltra. Confirmatur hoc totum magis dillo'uendo omnem occurrentem difficultatem.

Prima & præcipua difficultas est, quia hoc pacto agens quoad actionem reflexam ageret immediate in distans, producendo noniam illam qualitatem seu qualitatis intensiorem: at supponimus, non posse saltem ab agentibus his naturalibus & inferioribus ablegari operationem in distans quæ non transeat per medium.

Sed certè difficile non est, posse ac debere actionem reflexam sic exerceri immediate in distans, licet alioqui actio directæ non possit. Ita iam notauimus q. 14. sect. 9. in fine. Et suadetur magis: quia in ea questione ostendimus, non ex communi

Quo pacto agens exercet actionem in distans.

ni necessitate actionis & agentis, nec aliunde quàm ex peculiari limitatione horum naturalium agentium, prouenire, ut agere non possint immediate in distans, in quantum hoc experientia ipsa constabat. Si ergo eadem experientia constet, actionem reflexam exerceri in distans, nec appareat à quo alio agente exerceatur, imò eidem ipsi primo agenti conueniens ac debita sit, ut iam ostendimus; hoc non debet difficile reputari. Et præcipue, si tota actio directè procederet, utique ab eodem primo agente exerceretur in illo subiecto ulteriori post obstaculum: dum ergo non potest ulterius continuari, sed debet velut interius duplicari; quid mirum si ab eodem agente id fieri possit? Vnde simpliciter non erit actio immediate in distans, sed egreditur actio directa ab agente, & incurrit in obstaculum, & inde continuatur in actionem reflexam redeundo versus idem agens, pro eo quòd continuari debebat recedendo ulterius ab agente.

*Quare
intēssio.
rē qua-
litate
produ-
cat pro-
pe obsta-
culum.*

Secunda difficultas est, quia si idem primum agens exercet actionem reflexam, deberet maiorem reflexionem facere propius ad se, quàm ad obstaculum: cum ergo reflexio sit validior prope obstaculum, & accedendo ad agens languescat; videtur potius fieri ab ipso obstaculo.

Verùm, iam satis patet, debere reflexionem ab eodem agente exerceri tali pacto, ac si imaginemur actionem quæ debebat temper in directum extendi, in obstaculo retorqueri, ita ut sicut longius procedendo extenuari debebat; sic ab obstaculo resiliens, debeat in recessu ab illo, & accessu ad agens, in progressu languescere.

*Quare
ex va-
rietate*

Tertia difficultas est, quia experientia constat, ex varietate obstaculi admodum variari reflexionem:

& præsertim si obstaculum sit inca- *obscu-*
pax qualitatis, penitus non facere *li varie*
reflexionem; & quò magis fuerit *re-*
capax & maiorem in se qualitatem *flexio.*
concipiat, eò validiorem reflexionem reddere: ergo signum est, non à solo primo agente quod temper est idem, sed potius ab eodem obstaculo in reflexione effici qualitatem.

Ad hoc dici potest, requiri impressionem qualitatis in obstaculo, tanquam conditionem ad hoc ut agens actionem reflectat; & sic etiam quò intensior fuerit qualitas in obstaculo, eò validiorem reflexionem fieri. Sed melius dicemus, supponendo, actionem reflexam debere intrinsecè inchoari in ipso obstaculo. Nam sicut, si ex incapacitate subiecti impediatur agens ne operetur in illo initio sue spheræ in quo debet inchoare actionem, vel nè tam validè operetur, non poterit consequenter actionem ulterius exercere, aut non tam validè; ita prorsus, si ex incapacitate subiecti non possit inchoare actionem reflexam in obstaculo ubi inchoari deberet, vel non nisi debiliter inchoare possit; consequenter, vel prorsus non poterit, vel non nisi simili proportionem poterit reflexionem continuare: prout etiam si in medio spheræ, tam actionis reflexæ, quàm directæ, impediatur, ab operando desistat.

Quarta difficultas est circa reflexionem obliquam, quia actio non *Quo pa-*
progreditur ab agente nisi per lineam *cto etiā*
rectam productam ab agente ad pas- *in refle-*
sum absque villo impedimento me *xione*
dio, ut oculis ipsis conspicitur in lu *obliqua*
mine & specie visibili: ergo reflexio *opera-*
quæ fit per lineam obliquam non *tur pri-*
potest exerceri ab eodem agente à *mo*
quo prima actio exit. Et præsertim fieri potest, ut inter ipsum agens & illud subiectum in quo reflexio fit obli-

obliqua mediet aliquod aliud corpus aptum impedire actionem; & tamen non minùs fit reflexio, dummodo sit expeditus transitus ab agente ad obstaculum, & ab obstaculo ad subiectum reflexionis.

Sed ex dictis etiam patet, lineam reflexionis reputari veluti eandem lineam continuatam cum linea incidentia; & hæc linea reflexionis non solum potest retorqueri super eandem lineam incidentia, sed potest etiam in diuersum abire, iuxta modum quo dispositum sit agēs ad obstaculum. Itaque optimè potest, idē ipsum agens eadem facilitate, continuare suam actionem per lineam reflexionis, licet in obliquum abreptam, sicut potuisset per reflexionem versus se reuocatam, vel per actionem semper directam absque ulla reflexione. Neque quicquam obest aliud corpus medium interiectum: non enim reputatur expeditus transitus per lineam rectam inter ipsum agens & subiectum reflexionis: quinimò per hunc transitum fieret actio per se directā: sed sufficit ab agente ad obstaculum, & per obstaculum ad subiectum reflexionis.

*Quare
nō simul
cū agēte
concur-
rat ob-
staculū.*

Quinta demum difficultas sit. Si qualitas impressa obstaculo, sit actiua, ac sui similis productiua, ut planè est lumen; habet per se vim producendi simile lumen in subiecto in quo fit reflexio: Et præsertim, quando reflexio fiat obliquè in aere qui adhuc nullum lumen accepisse supponatur per actionem directam à primo agente dici debet ipsum obstaculum verè operari ad efficiendam in reflexione qualitatem. Imò constat, verè ab obstaculo qualitatem communicari ad aerem circumfusum præter lineam reflexionis, ut antea adnotauimus: ergo sic etiam dici debet operari per eandem lineam reflexionis.

Sed in primis, hoc non ostendit, esse per se de ratione reflexionis, ut ab obstaculo exerceatur vel adiuuetur, quasi absque actione obstaculi exerceri non posset: sed ad summū suaderet, obstaculum debere per concomitantiam cooperari quando habet qualitatem actiuam quod ex hac parte non facit contra doctrinā traditam. Deinde, supposito quod diximus q. 14. s. 9. non oportere, ut medium coagat simul cum agente ad effundendam actionem in partes vltiores, sed per se sufficere ipsum agens: eadem ratione dici nunc debet non oportere ut obstaculum actiuè concurret; quia nempe hoc se habet ut medium per quod diffunditur actio, & in quo continuatur actio reflexa cum directā. Sed sufficiet per se ipsum primum agens, etiam quando reflexio fit obliq. per diuersam lineam. Benè autem potest ac debet obstaculum efficere qualitatem in alio aere circumfuso præter lineam reflexionis, ubi nempe non potest operari idem primum agens, cum non inueniat transitum actionis ad eam partem. Et sic, dum Sol illuminat aerem per fenestram, non oportet quidē priorem partem aeris coagere ad producendum lumen in alia sequenti parte pariter soli exposita, quia ad hoc totum per se sufficit ipse Sol: sed benè potest ac debet aer directè illuminatus à Sole, per se operari ad illuminandum alium aerem circumfusum, ad quem nec directā nec reflexa Solis actio pertingit. Atque per hoc tandem maximè distinguetur illa actio, quam sectione superiori addidimus præter reflexionem, licet quodammodo ad reflexionem accederet, sed non erat vera reflexio: nempe vera reflexio exercetur ab eodem primo agente, quatenus per aliam viam recompensante actionem quam non poterat in directum

extendere totam; illa autem alia actio exercetur ab obstaculo, siue à medio, siue à quocumque subiecto, quod participat qualitatem actiuam, per quam deinde aptum est similem communicare qualitatem in alio subiecto ad quod primi agentis actio non pertingit.

SECTIO OCTAVA.

An & quo pacto in eodem subiecto intendatur qualitas per obfessionem contrarij, qua dicitur Antiperistasis.

Antiperistasis est nomen graecum, & significat circumstantiam & obfessionem contrarij. Constat autem notorijs experientijs, solere qualitatem in aliquo subiecto intendi, dum tale subiectum obsidetur, ac per consequens oppugnatur ab agente contrario, nempe ab alio corpore habente contrariam qualitatem. Et licet aliqui tentauerint explicare, id non tam realiter contingere, quam potius ex diuersa affectione nostri sensus nobis taliter apparere: tamen experientiae sunt adeo frequentes & familiares, ut rem indubitatam faciant: quarum paruas quasdam afferre sufficiet.

Verè in. Prima sit ex Arist. 1. Metereol. sum. 3. cap. 1. circa finem, & cap. 2. sapè qua circa medium. Aquae subterraneae licet per tempore aestiuo, quo aer calore feruet, sunt notabiliter frigidiores; ac Antiperistasis. tempore hiemali, quo aer frigore rigit, sunt notabiliter calidiores. Similiter specus subterranei tempore aestiuo sunt valde frigidi, & tempore hiemali valde calidi. Secunda ex Arist. sect. 26. probl. 45. Hippocrate sect. 1. aphorif. 15. & ibidem Galeno, & Alexand. lib. 2. Natural. 99. ventriculi in animalibus tempore

hiemali magis frigidus, & praesertim flante borea, sunt valde calidiores, & citius cibum concoquunt, & abundantior cibum appetunt, atque dum manibus attrectamus niuem & glaciem, inde manus vehementer incalescunt. Tertia ex D. August. lib. 21. de Ciuit. cap. 4. dum in calcem quam dicimus viuam, infunditur aqua frigida, tantus excitatur calor, ut aquam vehementer ebullire faciat: cum tamen ad infusionem olei nihil tale sequatur. Et similiter per modicam aspersionem aquae in ipsum ignem, illico magis exardescit ignis. Quarta ex Galeno lib. 3. de Temperam. cap. 2. Fumus columbarum reclusus vehementer incalescit, & interdum ignescit: licet etiam fornium, unde interdum domus quaedam hoc incendio conflagrarent: & triticum quoque intra terrestres foueas reclusum, magnum calorem concipit. Quinta denique ex Arist. 1. Metereol. sum. 3. cap. 2. Grado niue frigidior, ideoque densior, ac durior, maximè gignitur Vere vel Autumno, aut in Hieme, aere non nimis frigidus sed potius tepidus. Aliae plurimae sunt huiusmodi experientiae, tum apud Arist. in Metereol. & in Probl., tum apud alios, tum quae à quouis facile obseruari possunt.

Hinc laborant Philosophi in reddenda huius rei ratione, & inuenienda praesertim causa à qua in tali casu qualitas intendatur, quando non solum nullum adest agens extrinsecum in ea qualitate communicans, sed adest agens aduersum, quod proinde illam qualitatem nititur expugnare.

Primo. Sueffan. lib. 1. de Gene. Nonca. rat. comm. 95. ait, eandem ipsam de qualitatē sese intendere veluti per litas se reflexionem: quia cum deberet operari & actionem effundere in pro- tendis. pinquum subiectum, & impediatur

ob resistantiam quam inuenit contrariæ qualitatis, conuertit suam actionem in proprium subiectum, sic se ipsam intendit. Conimbr. etiâ 1. de Generat. cap. 9. quæst. 1. art. 2. admittunt, qualitatem se ipsam intendere, non quidem hac via reflexionis, sed veluti iure defensionis: quia, instante contrario, magis se ipsam roborare conatur, ut validius illi resistere valeat. Sed tamen nullatenus potest vlla qualitas se ipsam in proprio subiecto intendere, nulloq. pacto potest idem agere in se ipsum actione vniuoca, ut in vniuersum ostendimus quæst. 14. sect. 5. Et quæ ratio persuadet, id alias fieri non posse; semper æquè procedit in quacunque reflexione & antiperistaltici, quia nunquâ potest qualitas operari supra suam intentionem et virtutem, & alioqui de se posset se ipsam augere in infinitum. Neque verò reflexio fit eiusdē in se ipsum, sed solū fit ab agente intra suam spheram, in subiecto non solū distincto, sed distanti. Nec etiâ qualitas habet facultatem roborandi se ipsam per augmentum sui, sed solū habet resistere in se, & agere in subiectum aduersum, quantum potest iuxta suam intentionem. Et præsertim a qua subterranea quæ ex tempore ætliuo inuenitur frigida, quomodo potest frigescente aere, se ipsam calefacere, maximè cum ex natura sua requirat frigus, & conetur à se calorem repellere?

Non intenditur per suas species intentionales. Secundò: Marsil. 1. de Gener. q. 18. & Paul. Venetus 1. Metereol. cap. 3. cogitarunt, qualitatem obfessam immittere quasdam species intentionales extra se, quæ in circumstantiis contrarium incurres, intrò redeant ad suum subiectum atque principium, ibiquè propriam qualitatem intendant. Sed nescio, an cogitauerint, has species exurgere & exire tanquam exploratores, ut obli-

gentis aduersarij vires renunciare debeant: an tanquam præcursores qui pugnam conferant, sed ab hoste primo congressu victi redire cogantur. Quàm vanum planè figmentū? Nullæ certè sunt aliæ species intentionales, quàm quæ ad cognitionem eliciendam diriguntur. Non habent vim ad producendam qualitatem realem sui ordinis: & multò minus ad eam augendam in eodem subiecto à quo primariò immittuntur. Et ita exploratum est in omnibus qualitibus sensibilibus, in omni casu quo vel expeditæ sint vel impeditæ ad suas intentionales species proferendas.

Tertiò. Nonnulli explicant, qualitatem obfessam ideo ad contrarij præsentiam intendi, quia ex appetitu innato propriæ conseruationis, conatur fugere contrarium, ideoquè se se magis colligit & contrahit, ac in maiorem densitatē reducit, sicquè inualefcit magis, & fortior ac robustior efficitur. Hic iam dicendi modus accedit ad verum mox tradendum, & fortasse ad eum reducendus est de mente suorum Auctorum. Sed ita ut sonat, falsus est. Vel enim intelligit qualitatem ipsam per se in suo subiecto colligi & contrahigi. Et hoc esse non potest: quia non potest accidens secundū se variari in subiecto, quasi reducendo se ad pauciores & interiores subiecti partes. Vel intelligit, colligi & contrahigi ratione ipsius subiecti sese contrahantis & condensantis. Et hoc est contra experientiam: non enim aqua putealis, hieme facta calidior, est magis addentata: & dum ex tempore ætliuo inueniebatur frigida, si postea contrahitur in se magis, deberet potius crescere in frigore quàm calore. Rursus, vel intelligit, qualitatem per collectionem illam fieri verè magis intensam. Et hoc esse non potest: quia nunquam

quam potest qualitas se ipsam intēdere. Vel intelligit, fieri solum validiorem ad agendum & ad mouendum sensum. Et hoc non sufficit ad experientiam: quia sensibiliter constat, aquam putealem transire de calore ad frigus, & de frigore ad calorem, pro ætatis hiemisquē diuersitate: & sine dubio vera qualitatis mutatio agnoscenda est.

*Sed in-
tēditur
per re-
cessum
subiecti
contra-
rij et ac-
cessum
agentis
similis
validioris.*

Quarto ergo. Vera huius rei causa & ratio, quæ etiam magis communiter reddi solet, hæc est. Supponi debet inter corpora naturalia solere esse permixtas partes quasdam inter se dissimiles, & magis in vna vel alia qualitate vigentes: & naturaliter esse aptas, vt similes cum similibus congregentur, & a dissimilibus contrariisque fugiant, aut ea expellant. Sic videmus, halitum ex ore animalis calidum exeuntem sese colligere & constipari, aere existente frigido; videmus ex ligno viridi, vno suo capite ad ignē appolito, effluere ex opposito humorem aquem: videmus, exiguum aquæ guttam effusam in puluere sese colligere & in globū attollere; atque in vase nimium pleno, aliquantum supra valis labrum intumescere, vt se simul contineat & non decidat.

Hinc ergo fit, vt dum subiectum vna qualitate affectum, ab alio contrario obsidetur, verbi gratia frigidum a calido, partes quidem calidiores, & per se fugientes frigidum, & quærentes calidum, & expulsa ab ipso frigido, foras euolant ad circumstans calidum. Ex aduerso partes quasdam frigidiores, fugientes & expulsa ab obsidente calido, tutioremque locum sibi quærentes simul colliguntur & adunantur: sicque in subiecto illo obfesso, ablegatis partibus calidioribus, & congregatis frigidioribus, augebitur & intendetur frigus: cuius frigoris efficiens causa erit copia illa partium frigi-

diorum simul vnitarum, quæ tamen non supra suam intentionem, sed iuxta eam frigus toti subiecto communicabunt.

Inclarescet magis hæc tota res, applicando hanc rationem ad experientias adductas, vnde ad omnes alias similes poterit quoque facillimè applicari. Tempore æstiuo, vapores & halitus calidi qui intra terræ viscera tum ex actione Solis tum ex ignibus subterraneis abundant, toras euolant; & è contra frigidiora corpora, fugientia externū calorem, intra terrestres aditus reconduntur; ac præterea terra ipsa & aqua, cum sint elementa frigida, ex propria quoque forma coadiuant: hinc ergo aere foris calente, intra terram specus & aquæ frigescent. Ex aduerso, hiemali tempore, vapores & halitus calidi, tam qui in aere quam qui intra terram inueniebantur, fugientes externum frigus, ad interiora terræ se abdunt & colligunt, sicque specus & aquas calefaciunt.

Rursus hiemali tempore, spiritus in animali calidiores ad intra se continent, nec tam facile foras effluunt: vnde in maiori copia collecti & adunati, fortius cibum concoquunt. Sic etiam abundanter occurrunt ad manus attrectantes niuem, vt illas a contrario frigido tueantur, sicque illas vehementius calefaciunt. In calce dum ab initio per vehementem actionem ignis calcinantur lapides, subtiliores quasdam ignis particulae in magna copia sese insinuāt, ibique reclusæ remanent, vt notauit D. August. eodem loco: vnde postea per intusionem aquæ, stat in illæ igneæ partes sese colligunt, & vehementer in aquam agunt, donec tandem vel foras euolent, vel ab agente contrario superentur, & sic rursus calx frigescit, ac tali pugna dissoluitur. Eademque ratione ignis ipse

*Verificatur
hæc ratio in
experient.
ijs.*

ad asperſionē aquæ exardescit, quia validiores partes se colligunt, & eādem aquam in ignem conuertunt; dummodo scilicet tanta non sit, vt ignē superare vel debilitare valeat.

Deinde in fimo, & fœno, & tritico, sunt quedā partes subtiliores valde calidæ, & ex forma etiam eorum subinde exoriri videntur: quæ intus reclusæ vt expirare non valeant, reliquas partes calefaciunt, ac tandem incēdium parere possunt. Quod tamen potius æstiuo & calidiori tempore accidit, cooperante nimirum simul calore externo cum interno. Demum, tepente aere, materia illa aquea grandinis eō validiūs sese co ligit, & concurrente etiam per se substantiali ipsa forma, suæ conseruationis & connaturalis sibi frigiditatis auida, & ita vehementiūs frigesceit, & concreſcit in glaciem. Et ex his tandem, simili ratione in omnibus alijs huiusmodi experientijs, discurrendum erit.

SECTIO NONA.

An & quo pacto subiectum resistat aduersus actionem agentis in productione qualitatis.

SI subiectum in quod induci de nouo debet certa qualitas, nulla inueniatur affectum contraria qualitate quæ per aduentum alterius expellenda sit, nullatenus resistit aduersus actionem agentis: vnde hæc actio perficietur statim in instanti iuxta totam virtutem agentis. Sic de facto constat in lumine, & specie visibili. Et sic etiam si materia omni frigore vacans applicaretur igni, ignis in instanti totum calorem induceret absque successione temporis, eo quod nulla inueniret contrarij resistentiam. Imò si materia

haberet tantum frigus verbi gratia vt quatuor & nullum calorem, adhuc ignis in instanti induceret quatuor caloris gradus, quia frigus non resisteret, dum nullum eius gradus deberet expelli.

Dum verò subiectum inuenitur vna contraria qualitate imbutum, quæ debet expelli per nouam introductionem alterius contrariæ qualitatis, tunc illa prior qualitas, & subiectum ratione eius, resistit aduersus actionem agentis conantis inducere nouam oppositam qualitatem: frigidum resistit aduersus calidum, calidum aduersus frigidum. Ita satis compertum & exploratum est: ideo enim non illico totum simul calorem agens calidum inducit in subiecto frigido, & totum simul frigus agens frigidum in subiecto calido.

Dupliciter potest intelligi & exerceri resistentia subiecti aduersus agens. Vno modo vt penitus impediat actionem & effectum: alio modo vt retardet & imminuat. Primo modo resistit verbi gratia mōs ne à quouis homine loco moueri aut concuti possit: secundo modo resistit moderatum aliquod pōdus, quod se saltem tardè ac difficulter moueri permittit. Sic in qualitatibus, primo modo resisteret qualitas quæ nihil contrariæ qualitatis induci, nihil sui deperdi pateretur: secundo modo resistit, dum non nisi successiue in tempore ac paulatim per partes sinit exerceri contrariam actionem.

Itaque de facto vna qualitas contraria aduersus actionem alterius hoc secundo modo resistit. Pater, quia alioqui nunquam agens calidum induceret calorem in subiecto frigido, & agens frigidum frigus in subiecto calido: sed constat vnū contrarium verè agere aduersus aliud, & inducere suam qualitatem, ac expellere oppositam, saltē per partes

Subiectum affectum contraria qualitate resistit ad introductionem alterius.

Saltem retardando actionem agentis.

& successiue in tempore . Excipi tamen potest , si sit vna qualitas summè intensa , & alia nimis exigua & remissa : tunc enim qualitas tam intensa , posset tam validè resistere aduersus contrariam tam exiguam , vt nihil ab ea pati posset . Attamen , si non sit tantus excessus , potest etiam qualitas minus intensa agere aduersus intentiorem , & hæc non adeo resistit vt penitus impediatur actionem . Estq. res certa & nota . Sic certè calidum vt quatuor agit in subiectum frigidum vt quinque aut etiam vt octo , & verè inducit aliquè gradum caloris , & expellit aliquem frigoris : quod plenius constabit sectione sequenti ex reactione vnus contrarij aduersus aliud . Et hinc dici debet , vnum contrarium quod agit in aliud , verè per suam actiuitatem superare resistantiam eius , siquidem aduersus talem resistentiã præualeat , exercendo suam actionem , & producendo effectum . Quando autem tanta sit resistantia vt penitus impediatur agens ab operando , tunc è contra resistantia vnus superat actiuitatem alterius , siue non sinit se ab illa superari .

Qualitates contrariæ plus valent ad agendum quàm ad resistendum .

Vnde , inter has contrarias qualitates , absolutè statuendum est , plus valere vnã qualitatem ad agendum , quàm valeat opposita ad resistendum ; & maiorem esse actiuitatem vnus quàm resistantiam alterius . Et hoc mutuo verificatur ex hac parte vtriusque contrariæ qualitatís : plus valet calor ad agendum quàm frigus ad resistendum , & plus frigus ad agendum quàm calor ad resistendum . Et ratio est manifesta : quia omnis qualitas contraria actiua potest cum effectu agere aduersus alteram , & sic eam vel ex toto vel ex parte superare . Hinc vltiùs quælibet ex his qualitatibus dici debet plus valere ad agendum quàm ad resistendum , esse magis actiuam

quàm resistitiuam : licet contradicant Calculator , Hentisberus , & Marilianus apud Tolet . 1. de Generat. quæst. 15. volentes , omnem qualitatem esse æquè actiuam ac resistitiuam . Sed planè , dum quælibet qualitas contraria potest quidem aduersus alteram agere eamquè aliquatenus superare , tamen non potest se tueri vt ab illa non patiatur & aliquatenus superetur ; iam plus valet ad agendum quàm ad resistendum , & est magis actiua quàm resistitiua . Quod non est ita concipiendum , quati eadem qualitas habeat alios gradus ad agendum , & alios ad resistendum , & plures ad agendum quàm ad resistendum : tota enim qualitas secundum omnes suos gradus est actiua & resistitiua . Sed quòd iidem ipsi gradus qualitatís plus valeant ad agendum quàm ad resistendum , quatenus possunt quidem præualere , reuera agendo aduersus oppositam qualitatem , sed non possunt impedire quominus & alia opposita qualitas agat in contrarium . Et sic benè notauit Soncinas 9. Metaph. quæst. 6. ad 2.

Sed dices . Quælibet forma naturalis debet magis appetere conseruationem sui quàm destructionem contrarij ; ergo debet magis valere ad resistendum vt se tueatur , quàm ad agendum vt destruat formã contrariam . Propter hoc aduertendum est , formam naturalem non agere directè ad hunc finem vt destruat formam oppositam , sed ad hoc vt producat aliam sibi similem , & inde consequitur destructio formæ oppositæ . Et iuxta hoc , maiorem vim habet ad producendam aliam formam sibi similem , quàm ad se conseruandam ; siue maiorem vim ad se conseruandam in specie quàm in individuo . Atque hoc est de ratione rerum corruptibilium , quæ non possunt in singulari perpetuò con-

seruari, sed per productionem aliorum & aliorum singularium perpetuè conseruantur in specie.

*Resistē-
tia va-
rijs mo-
dis ab
Aucto-
ribus
explica-
tur.*

Videndum iam est, quid sit propriè resistantia, quid sit resistere. Varia sunt de hoc Auctorum placita. Flaminius Nobilius lib. 1. de Generat. cap. 7. quæst. 11. distinguit duplicem resistantiam: vnam animalis, dum se roborat & in loco quodam obfirmat ne se dimoueri sinat; alteram inanimatorum corporum, dum sua qualitate resistunt. Primam ait esse actionem; secundam reducit ad passionem, & ait esse actum cuiusdam impotentiae de secunda specie qualitatis, quæ dicatur impotentia patiendi. Calculator & quidam alij apud Pomponatium, tract. de Reactione sect. 2. item Vallesius controu. 11. Physicæ & 1. Medic. c. 5. Sueslan. 1. de Generat. cap. 7. Iauell. 9. Metaph. quæst. 2. & Sonein. quæst. 6. significant, omnem resistantiam esse actionem quandam subiecti aduersus agens. Marsil. 1. de Generat. quæst. 19. Albert. de Saxon. q. 16. Venetus in summ. de Generat. cap. 25. Thiennensis tract. de Actione & react. Vega lib. 1. de Arte medendi & Contaren. lib. 1. de Elementis, significant, resistantiam esse actum informationis quem retinet qualitas in subiecto. Pomponat. tract. de React. sect. 2. cap. 4. ait resistere esse impedire vel simpliciter vel secundum quid actionem contrarij. Zabari. lib. de React. c. 5. ait, resistere esse non admittere actionem siue passionem contrariam. Tolet. 1. de Generat. quæst. 15. Cominbr. cap. 9. quæst. 1. art. 3. Suarez disp. 43. Metaph. sect. 1. & alij magis communiter, explicant, resistantiam esse formaliter priuationem actionis quam contrarium exercere conatur, sed impeditur aut retardatur ne exerceat. Arelus tandem 1. de Generat. quæst. 47. distinguit,

resistentiam sumi posse actiue ex parte subiecti resistentis, & passiue ex parte agentis cui resistitur: atque, actiue sumptam esse non passionem subiecti, passiue sumptam esse non actionem seu remissionem actionis ex parte agentis.

Sed propriè & absolute loquendo, melius dici poterit, resistantiam formaliter esse durationem siue persistentiam subiecti oppugnati. In hunc dicendi modum conciliari poterunt pleraque aliorum dicta. Explicatur & probatur hæc assertio, discurrendo per alios dicendi modos, ac tandem in hunc concludendo.

Primò. Resistentia non est formaliter passio, imò directè illi opponitur, quia resistere importat potius non pati, importat impedire actionem agentis, & per consequens passionem subiecti. Vnde illud quod statim totam passionem admittit, dicitur non resistere, vt aer dum illuminatur; & è contra illud quod nullam passionem admittit, validissime resistit, vt mons ne impellatur, ferrum ne comprimatur. Si autem explicetur, resistere esse difficilius pati, & ideo reducebatur ad impotentiam patiendi: iam ipsa difficultas patiendi erit formaliter resistantia, quæ difficultas importat impedimentum & negationem passionis: potius ergo negatiue dici debebat, resistere est non pati.

*Non est
forma-
liter
passio.*

Secundò. Resistentia non est formaliter actio subiecti aduersus agens. Tum quia alius planè est conceptus resistendi ac reagendi: & ipsum agens prout agebat, non dicebatur resistere, sed oppugnare. Tum quia potest realiter aliquid resistere, etiam si nihil actiue aduersus aliud operetur. Sic resistit mons impellenti, & ferrum comprimenti: & ex Arist. 4. Phys. 71. medium crassius magis resistit mobili transseunti. Et inter qualitates, calor res-
istit

*Non est
actio.*

sistit aquæ conanti se reducere ad suum pristinum frigus, vt patet ex mora tēporanea ac successione eius actionis: nec tamen quicquam agit in contrarium, quia non potest qualitas intendere se ipsam, vel producere aliquem sui gradum in eodem suo subiecto. Tum amplius, quando subiectum verè potest reagere aduersus agens, vt frigidum aduersus calidum, posset saltem à Deo impediri talis reactio per suspensionem sui concursus, & adhuc tunc subiectum resisteret agenti, ac retardaret eius actionem. Tum præterea, etiam quando subiectum actualiter ex sua virtute reagit, quamuis amplè loquendo dici possit per talem etiam reactionem aliquo pacto resistere, quatenus debilitat aduersarii vires: tamen propriè & in rigore, aliud est resistere ac reagere, & alia est resistentia præter eam reactionem. Et resistere propriè dicit, urgente adhuc aduersaria ac totis suis viribus insistente, non sinere se vinci: & aliud formaliter est, tollere aut debilitare contrarium, atque resistere contra illud. Tum demum præter hanc reactionem non potest cogitari alia actio positua qua vnū contrarium dicatur resistere aduersus aliud. Nec enim producit quicquam in se ipso, nec in eo agente contrario. Nec benè aliqui dicunt, actione positua conseruari qualitatem resistentem in subiecto. Huiusmodi enim qualitates nō dependent à causa naturali in conseruari: & plerumque inveniuntur in subiecto alieno, vt calor in aqua, vbi nec à forma aquæ nec ab alio naturali agente dici potest positua actione conseruari.

Minus recte dicitur in forma. Tertiò. Resistentia non debet dici formaliter informatio. Tum quia resistunt etiam corpora graua ne loco moueantur, vbi non adest talis informationis respectus: &, quo

pacto in ijs explicabitur resistentia, poterit etiam explicari in qualitatibus subiectum informantibus. Tum præcipuè, non solam formam retinet informationem aduersus actionem agentis, sed secundum entitatem suam quoque permanet; & agens contrarium conatur realiter euertere ipsam formam: igitur non solam actus informationis, sed absolute actus existendi quo forma in suo esse & in subiecto permanet, dici absolute debet actus resistentiæ. Et hoc ipsum voluisse videntur ij qui actum informationis assignabant: & ita loquuti sunt, quia reuera forma non aliter existit nisi in suo subiecto.

Quarto. Resistentia minùs rectè *Aut neg explicatur per modum negationis: gatio.* nam concipitur & nominatur tanquam actus quidam posituius. Sed verè in rigore, præter existentiam subiecti coram agente, nullus est alius actus posituius, sed tantum negatio actionis ab agente, & passionis in subiecto, quam agens ex natura sua exercere intendit, sed impeditur ac retardatur. Itaque in re, ille modus explicandi resistentiam per negationem, cum nostra asseruone coincidit.

Quintò ergo concludendum est, *Optimè dicitur permanentia subiecti oppugnati in suo statu.* resistentiam actualemente formaliter durationem ipsam ac permanentiam subiecti in suo statu, dum ab agente aduerso oppugnatur. Hoc iam constat ex dictis: & hic planè est cōmunis conceptus quem communiter sub nomine resistentiæ formamus. De ratione ergo resistentiæ est permanentia aliqua subiecti in suo statu: alioqui si statim ad primum conatum agentis, subiectum transiret ab vna ad aliam qualitatem, diceretur potiùs non resistere. Et sic de facto aer nō resistit agenti luminoso. Atque, dum verbi gratia agens calidum successiuè introducit

calorem in subiectum frigidum, non dicetur actualiter resistere illa pars frigoris quæ actu destruitur, sed illa quæ adhuc permanet ac persistit; dum verò destruitur, dicetur iam cedere ac superari. Et quò diutius durat forma in subiecto antequam cedat, eò magis resistere dicitur. Insuper resistentia omnino importat oppugnationem agentis aduersi. Nam nullo oppugnannte contrario, quantumvis subiectum in suo statu permaneat, nò utique dicetur actualiter resistere, sed ad summum quòd esset aptum resistere. Vnde, ad hoc intelligi debet agens sufficienter applicatum, & cum omnibus conditionibus ex parte eius requisitis ad operandum: alioqui dum aer succedere illi illuminatur à Sole qui succedere si re per totum orbem circumferretur, non utique dicitur resistere, quia successio solum provenit ex applicatione agentis. Et similiter si Deus ex se denegaret agenti concursum suum ad operandum, quando alioqui illi naturaliter debebatur, non diceretur subiectum resistere, & quali ex se impedire actionem agentis. Pariter ex parte subiecti requiritur capacitas materiæ ad recipiendam formam: alioqui nec agens dicitur oppugnare tale subiectum, nec subiectum resistere. Sic non dicitur cælum Lunæ resistere igni ne calefiat, quia materia cælestis simpliciter nò est capax caloris, nec ignis habet virtutem inducendi calorem in tali materia. Et hac etiam ratione, non dicitur pluma resistere projicienti, quamvis multò minùs possimus plummam projicere quàm notabile aliquod pondus: quia inquam, pluma se habet ut subiectum incapax talis impulsus: vnde non prodest, si maior vis & conatus adhibeatur.

*Similis
est resi-
stentia*

Sextò ulterius. Hinc explicanda est resistentia quæ invenitur etiam quoad motum localem: ut graue re-

sistit eleuanti aut impellenti, & durum resistit comprimenti aut scindenti. Hæc inquam resistentia, non consistit absolutè in retardatione talis actionis, non consistit in quauis permanentia subiecti, siue in mora intercedente priusquam ad alium statum reducat. Nam datur successio intrinseca motui locali, quæ etiam si motus fiat à Deo, cui utique nihil est quod resistere valeat, adhuc inueniri debet in motu. Sed vel consistit in omnimoda permanentia subiecti in suo statu à quo penitus se deturbari non sinat, ut mons resistit impellenti, & ferrum comprimenti. Vel consistit in quodam incremento retardationis & successionis, ultra eam quæ per se esset de ratione motus. Vel consistit in eo quòd maiorem vim & conatum debeat motor adhibere, maioremquè difficultatem & laborem subeat in tali motu exercendo, prout de facto quilibet experitur in mouendo corpore graui sibi resistente.

Septimò tandem colligendum est, nullam aliam esse potentiam ac virtutem resistendi præter ipsam entitatem qualitatis resistentis, aut præter talem affectionem corporis ratione cuius resistit. Soneinas quidem 9. Metaph. q. 6. explicauit, eandem esse virtutem resistitiuam atque actiuam qualitatis. Sed non est sic loquendum: quia etiam seclusa omni actione & virtute actiua, adhuc intelligitur virtus resistendi. Et hæc non est aliud quàm eadem ipsa entitas formæ, entitas caloris, frigoris &c. Nam sicut per se appetit propriam conseruationem & existentiam, ac per suam permanetiam quæ est realiter eadem eius existentia dicitur actu resistere: ita per semet dicit aptitudinem resistendi. Et sic in corpore graui & duro, virtus resistendi est eadem ipsa affectio grauitatis ac duritiei. Et in resistentia

*Virtus
resistendi
est for-
maliter
eadem
entitas
formæ.*

tia illa actiua animalis quam considerauit Nobilius, actus ille & conatus quo quis firmat se in loco ne moueatur, se habet vt virtus resistendi; potest enim quisque talem conatum in se adhibere, etiam nullo urgente aut impellente, & tunc non, vtique actu resistit, sed est in proxima dispositione resistendi. Et sic pariter, si subiectum peculiari quadam actione conseruaret in se suam qualitatem, verbi gratia aqua frigus; hæc actio esset potius virtus resistendi, non actualis resistentia, siquidem adhuc nullo agente calido impugnan- te exerceret talem actionem: sed ex illa postea oriretur actualis peristentia, occurrente oppugnatione contrarij. Itaque potentia resistendi non spectabit per se ad secundam speciem qualitatis quæ in communi dicitur potentia: sed pertinet ad eandem speciem suæ formæ: atque adeo aliter se habet à potentia actiua & passiuâ, quando hæc à suarum rerum essentia distinguuntur.

SECTIO DECIMA.

An & quo pacto subiectum per contrariam qualitatem reagat aduersus agens.

Q Vando subiectum in quod agens operatur suam qualitatem produendo, inuenitur affectum alia contraria qualitate pariter actiua, notabile & in hac materia celebre dubium est, pro quo aliqui integros conscripsi re tractatus, an pariter agat producendo hanc suam contrariam qualitatem in eodem illo agente: vnde mutuò vtrumque sit agens & passum, & hæc mutua actio dicitur reactio, vt mutua passio dicitur repassio.

Sententia Negant id fieri posse, Burleus 3.

Phys. circa tex. 17., Riccardus Suisset, dictus Calculator, tract. 7. de React. Guilielm. Hentisberus Sophista in lib. Sophismatum Sophismate ultimo, & quidam alij apud Marsil. 1. de Gener. quæst. 19. art. 3. Admittunt tamen posse subiectum reagere secundum aliam contrarietatem, verbi gratia si patitur recipiendo calorem, non posse quidem reddere frigus, sed posse agere per humiditatem contra siccitatem agentis. Admittunt etiam secundum eandem contrarietatem, sed secundum diuersas subiecti partes, vt subiectum in vna parte recipiat calorem, per aliam partem reddat frigus.

Affirmandum tamen est, verè posse subiectum secundum eandem contrarietatem & secundum eandem partem reagere aduersus agens. Hæc est communis Philosophorum & Medicorum sententia, vt referunt & sequuntur Tolet. 1. de Gener. quæst. 15. & Combr. cap. 9. quæst. 3. Probatur primò ex Arist. qui hoc perspicue docuit multis in locis, 3. Phys. 8. & 17., 1. de Gener. 43. 53. 87. & 89. & lib. 4. de Gener. animal. cap. 3. vnde sumptum est illud commune proloquium: *Omne agens in agendo repassitur, & quod mouet mouetur.*

Probatur secundò manifestis experientijs. Si misceantur simul aqua calida & aqua frigida, tota aqua euadit tepida: quia scilicet aqua calida producit aliquem calorem in frigida & frigida aliquod frigus in calida, donec se ad temperamentum medium & æquale perducant: vbi certè secundum eandem contrarietatem & secundum easdem partes duo corpora in se mutuò agunt, & mutuò ab inuicem patiuntur. Item ferrum candens iniectum in aquam frigidam, calefacit aquam, & vicissim refrigeratur ab aqua. Si quis alteram manum frigidam & alteram

negans.

Conclusio affirmans.

Pateet pluribus experientijs.

calidam iungat, per mutuam actionem amba tepescunt. Ideo animal indiget inspiratione & respiratione quia aer frigidus qui attrahitur temperat calorem cordis, & interim incalescit ex illo unde debet emitte, ut alius denuo frigidus attrahatur. Et alia sunt innumera huiusmodi exempla.

Et ex elementorum mixtione. Tertio. Per mutuam actionem & reactionem perficitur elementorum mixtio, & ob hanc præsertim illam affert Arist. 1. de Gener. Dum enim elementa in qualitatibus contraria simul coadunantur ad constituendum mixtum, mutuò agendo ac reagendo reducant se secundum omnes partes ad temperamentum quoddam medium, & aptam dispositionem mixti. Alioqui si vnum ageret, & aliud non reageret; vnum penitus destrueret & in se converteret aliud, nec vnquam fieret mixtio. Ac si illa pars quæ agit non repatitur, remanebit in summa sua intentione: & si illa quæ patitur non reagit, vincetur penitus ab agente contrario, & sic non produccitur æquale temperamentum in tota illa materia. Nec etiam posset reddi ratio, cur hæc pars agat, illa patiatur, quando ante actionem omnes supponantur uniformes. Debent ergo omnes partes simul mutuò inter se agere ac pati.

Et ex naturalis virtutis agentium. Quarto. Ratione à priori probatur. Si applicentur duo corpora cum qualitatibus contrariis actiuis, vtrumque habet virtutem agendi in aliud, & in vtroque est materia capax: igitur ambo inter se agent, verbi gratia calidum in frigidum, & frigidum in calidum: sunt enim causæ naturales determinatæ ad operandum. Nec verò vna impedit aliã, ut prorsus illam operari non sinat: neque ex eo quod vnum subiectum patitur ab alio, impeditur quominus possit vicissim agere in illud. Quod inno-

tescet magis, soluendo fundamenta aduersæ sententiæ. Itaque exercebitur hæc mutua actio, quando vtrumque contrarium sit in debita proportionem & aptitudine ut agere valeat: alioqui si vnum sit adeo validum, & aliud adeo debile, ut hoc nulla ex parte possit superare resistantiam illius, vel hoc non habeat tantam actiuitatis spheram ut suam actionem traducat usque ad illud, quamuis ipsum contineatur intra spheram illius; tunc vtrique hoc non poterit reagere aduersus illud. Itaque frustra laborant aliqui, ut inueniant omne agens semper in agendo repati: & hoc non solum in alteratione, sed etiam in omni alio motu: eo quod Arist. sic affirmasse videtur, excipiendo solum primum motorem qui mouet immotus. Frustra inquam, quia ex natura rei nulla est talis necessitas. Arist. autem debet intelligi, vel quod omne aliud agens, præter primum motorem, est etiam in se aptum pati ac moueri: vel quoad motum localem omnis mouens videns defatigatur & laborat in mouendo: non autem primus motor, & sic etiam omnis intelligentia spiritualis.

Contra hanc assertionem fundamentum Burlei est. Vel duo corpora habentia contrarias qualitates erunt æqualis virtutis, vel vnum maioris quam aliud. Si æqualis, neutrum aget in aliud. Si vnum est maioris virtutis, hoc quidem aget, sed non patietur ab alio. Omnis enim actio supponit superioritatem agentis. Confirmatur: quia si calidum verbi gratia agit in frigidum: ergo vincit & superat illud, estque fortius illo: unde non potuit simul vinci ac superari & esse debilius illo.

Ad hoc respondent plerique ex Fracast. lib. de Sympat. & Antipat. cap. 6. supponendo gradus qualitatis ætherogeneos. Ex parte qualita-

Quo pacto possint duo contraria mutuò inter se agere.

tis quatenus patientis siue resistentis, vnum solum gradum resistere, nempe illum qui proximè debet expelli, & cui directè contrarius est ille qui debet proximè introduci: at ex parte qualitatis quatenus agentis, plures gradus eius simul agere, quia plures nempe gradus eius sunt contrarij illi gradui qualitatis aduersæ qui debet expelli; vt octauo gradui frigoris aduersantur omnes octo gradus caloris qui cum illo sūt impossibiles, & septimo gradui frigoris aduersantur omnes gradus caloris præter primum, quia solus primus est cum illo composibilis. Hoc ergo pacto explicat, duas qualitates contrarias posse contra se mutuò agere & præualere, quia plures gradus ex parte cuiuslibet agūt, & vnus solus patitur seu resistit.

Sed hæc responsio nec vera nec sufficiens est. Tum quia supponimus potiùs gradus qualitatis esse homogeneos. Tum quia omnes gradus qualitatis dici debent resistere, dum omnes permanent corā agente contrario, quod quantum est de se omnes simul expelleret nisi resisterent. Tum quia, si solus vnus gradus qui proximè debet expelli dicitur resistere, pariter vnus solus gradus dici deberet agere, nempe ille qui est similis gradui producendo; & sic calidum vt octo ageret per solum primum gradum ad inducendū primum caloris in frigido vt octo: agens enim præcipuè intendit producere tibi simile, vnde potiùs debet operari ille gradus, qui est similis alteri, quàm omnes illi qui aduersantur gradui expellendo. Tum deinde, iuxta illum calculum sequitur, ad producendum primum gradum caloris in frigido vt octo concurrere omnes octo gradus caloris, at ad producendum octauum gradum caloris in frigido vt vnum calido vt septem, agere solum octauum gra-

dum caloris: & sic eò plures gradus concurrere ad producendum gradum inferiorem, pauciores ad gradum superiorem. Tum deinceps, hoc toto a limbo, nihil adhuc proficit Fracastor. Nam adhuc agit siue reagit calidum vt vnū in frigidum vt octo, calidum vt duo in frigidum vt septem, calidum vt tria in frigidum vt sex, calidum vt quatuor in frigidum vt quinque; & rursus calidum vt octo in frigidum vt vnum, calidum vt septem in frigidum vt duo, calidum vt sex in frigidum vt tria, & calidum vt quinque in frigidum vt quatuor: & tamē in his omnibus casibus vnus solus est gradus qualitatis agentis qui aduersatur illi alteri gradui qui debet expelli qualitatis patientis: igitur vnus gradus ageret, & vnus resisteret.

Omissis ergo his inutilibus ambagibus, facillimè respondetur ex dictis sectione præcedenti, maioris virtutis esse vnum contrariū ad agendum quàm sit aliud ad resistendum, & sic mutuò ambo se habent. Et in hoc, agens debet esse superius. Et similiter ad confirmationem: Calidum vincit & superat resistentiam frigidi, estquē fortius in agendo quàm frigidum in resistendo: & e conuerso frigidum sua actiuitate, vincit & superat resistentiam calidi, estquē fortius in agendo quàm illud in resistendo.

Aliud fundamentum Calculatoris, quod censetur difficillimum, est. Si calidum & frigidum ita applicentur, vt inter ea mediet aliquod spatium aere plenum, debebunt inter se agere per eundem aerem intermedium, ne detur actio in distans sine medio: & sic idem aer simul calefieret, & frigeretur, mouereturquē duobus motibus contrarijs, quod ab omnibus supponi videtur impossibile, & Toletus vocat paradoxum.

Quo pacto possint per idē medium transmittere contrarias actiones.

Ad hoc argumentum variaz solutiones excogitatae sunt. Paulus Venetus & alij plures, vt refert Tole- tus, respondent, non simul & eodem tempore exerceri actionē ab utroque contrario per illud medium, sed per distinctas partes tēporis, agere calidum contra frigidum, & frigidum contra calidum. Franciscus Piccolomineus lib. 1. de Materia cap. 22. addit simul etiam fieri ambas actiones, sed transire per distinctas partes medij. Zabarel. lib. de React. cap. 8. ait, medium simul quidem pati ab utroque agente, non tamen quasi recipiendo duas qualitates contrarias, sed potius vnā mediam inter illas. Pomponat. in tract. de React. Tolet. Conimbr. & alij plures dicunt, ign. m verbi gratia calefacere medietatē aeris sibi propinquam, & glaciem frige facere aliam medietatem: & subinde medietatem calidam pariter agere cum igne, & constituere cum illo vnum totale, agens; & similiter aliam medietatē vniri cum glacie: sicquē nullum relinquere medium per quod transeat actio, quia de reliquo non oportet, considerata tota extentione agentis, actionem egredientem à parte posteriori transire per priorem, quia vna est actio quæ ab omnibus agentis partibus totaliter exercetur. Aresius tandem 1. de Gener. q. 45. sect. 3. concludit, vnum quidem ex contrariis agentibus producere suam qualitatem in medio, aliud verò non posse producere, sed tantum conseruare aliquem gradum suæ qualitatis inuentum in medio, & sic continuare suam actionem, vt producat qualitatem in alio contrario.

Verum hæ omnes responsiones, inutiles & falsæ sunt. Nam nec potest illa distributio temporis, nec partium medij per quas transeat actio cogitari, dum ambo agentia contraria sunt per se determinata ad

operandum pro omni tempore & in omni subiecto capaci. Deinde non resultat vna simplex qualitas media inter huiusmodi contrarias, calorem & frigus, vt ex tertia sectione supponimus. Non possunt etiam ita disponi duæ illæ medietates medij, vt duo illa agentia eas sibi allumant: nec oportet, medium transire in partem agentis. Illæ demum qualitates quæ ex natura sua non exigunt conseruari, vt sunt calor & frigus, non debent nec poterunt, ex tali incidenti, positiua actione conseruari: sicut nec fieri posset, vt forma substantialis, aut alia accidentalis, per se non dependens in conseruari à causa naturali, ex casu aliquo conseruetur.

Sed dupliciter iam potest satis facile ad argumentum responderi. Primò, non repugnare, sed bene posse simul naturaliter duos motus contrarios, verbi gratia calefactionis & frige factionis, in eodem subiecto exerceri, intra illam tamen latitudinem intensiōis, in qua possunt ipsæ qualitates contrariæ simul iungi: & ita iam statuimus sect. 3. Secundò aduertendum est, quando medium inuenitur iam habere qualitatem & formam quæ debet ab agente produci ac in distans effundi, perinde valere ac sufficere talem formam in subiecto iam inuentam, ac si producta esset vel tunc produceretur ab eodem agente, quia continuatio requiritur maximè in ipsa forma: vnde agens poterit non minus agere in distans per tale medium, quamuis non actu operetur in ipso medio: & ita iam notauimus q. 14. sect. 10. vbi de hac re proprio loco tractauimus: & patet rursus, quando alteratio fit successiue per partes subiecti intra spheram agentis, cum post productam qualitatem in parte priori producitur deinceps in parte posteriori. In hoc ergo

ergo casu, dum medium inuenitur habere vtramque qualitatem in gradibus remissis, poterit vtrumque agens immittere suam actionem & qualitatem in aliud per tale mediū, iuxta intentionem inuentā suā qualitatis in medio, quamuis in illo nihil actualiter operetur. Quod si medium inueniretur cum vna tantum

qualitate, vel cum vna valde excedente & altera valde exigua; tunc illud agens cuius qualitas deest in medio, debet illam de nouo producere; aliud autem agens operabitur directē in aliud ex suppositione suae qualitatis inuentae in medio. Hac ergo ratione facillimē fit communicatio qualitatum.

QVÆSTIO QVADRAGESIMA.

De Corporum Inferiorum.

Loco, Motu locali, & Virtute Motiua.

Simul cum loco & motu locali, meritō virtus motiua coniungitur: quia etli qualitas quædam sit, tamen ita directē & intrinsecē spectat ad locum & localem motum, vt ab eo diuelli nec poterat nec debebat. Supposita autem tota doctrina communi de loco & alijs attinentibus ad locum prius tradita, & nunc vltiū procedendo ad ea quæ corporibus his inferioribus propria sunt: distingui debet locus naturalis, per se scilicet debitus & conueniens singulis ijs corporibus, ac locus alienus & violentus ad quem contra eorum inclinationem transferri contingit: ac similiter motus naturalis & violentus, virtus quoque motiua naturalis & violenta: deq; ijs omnibus discretē ac singillatim tractandum est.

SECTIO PRIMA.

De Loco naturali inferiorum corporum.

Satis constat, omnibus his corporibus naturaliter debitum locum esse intra Cæli concavum: & quia infimum est cælum Lunæ, intra ipsius lunaris cæli concavum. Satis etiam notum est, non promiscuē & vagē singula quæque corpora esse indifferentia ad quemlibet locum intra cælum, sed pro sua varietate, diuersa etiam sibi determinare ac petere loca. Non enim lapides & similia sustinentur in sublime: non ignis & aer in imò quiescunt: quia

nimirum singula quæque appetunt certum locum sibi naturalem ac debitum. Determinandum verò est, quisnam locus & quo pacto varijs ac singulis naturalibus corporibus debeatur.

Plato in Timeo negasse videtur, *Plato* alium esse locum superiorem & aliū *negasse* inferiorem in mundo, atque adeo *videtur* alia corpora petere sibi quē *differē-* determinare locum superiorem & aliū *ria loca* inferiorem: quia dicebat, totum *superio-* cælum est perfectē rotundum, in cuius *ris &* medio terra quiescit. Itaque omniū *inferio-* loci differentiam constituit in *ris.* eo quod sit in medio, aut distet à medio, non verò in eo quod sit sursum & deorsum, supra & infra. Hinc Alcinous c. 15. de Doctrina *Pla-*

Piatonis, graue & leue definit, non quidem quod descendit deorsum & ascendit sursum; sed graue quod nõ nisi magna vi ad alienum locum trahitur, leue autem quod facillè: item graue quod ex multis partibus concretum est, leue quod ex paucissimis.

Aliqui Quidam alij Veteres, vtrò distinguentes locum superiorem & inferiorem, dixerunt omnia corpora ex natura sua petere locum inferiorem, esseq; hoc pacto graua: sed alia esse alijs grauiora, & quæ magis ponderant præualere vt se, supponant alijs, & sic propellere ac sursum extrudere alia: & hæc videri ascendere quasi leuia, sed reuera non ex propria virtute et inclinatione sursum petere, sed potiùs aliena vi in altum tolli, et hæc ratione dici et videri leuia. Sic refert Arist. 1. Cæli 89. Et sic docet ac describit Lucretius lib. 2. de Rerum natura: *Confirmare tibi, nullam rem posse sua vi corpoream sursum ferri sursumq; moueri: Nec tibi dent in eo flammæ corpora fraudem: Nec cum subsiliunt ignes ad tecta domorum, sponte sua facere id, sine vi subigente, putandum est: Nonne vides etiam, quanta vi ligna trabes quæ respuat humor aqua?* Sic demum opinatus est etiam Cardanus apud Scaliger. exercit. 143. num. 2.

Aliqui Rursus quidam Recentiores, supponentes iam verè ex natura sua, alia corpora petere locum superiorem & alia inferiorem, & illa esse intrinsecè leuia alia intrinsecè graua; videntur omnem aliam tollere differentiam: quali scilicet omnia leuia petant supremum locum, & omnia graua infimum, nec inter ipsa graua & leuia, alia petant magis aut minus accedere ad locum infimum aut supremum; sed tam aer quàm ignis tendat ad supremum sub cælo locum, tam aqua quàm terra

tendat ad infimum in centro locum. Fauet Arelus lib. 2. de Generat. quæst. 20. Moti sunt exemplo aquæ, quæ in terram effusa, nõ supra illam sistit, sed per illam sese intinuat tanquam contendens ad centrum: & sine dubio si illi daretur aditus vsque ad centrum, vtpotè si fieret foramen per totam terram, nusquam sisteret nisi in centro.

Dico primò: Verè in hoc vniuerso alius est locus superior & alius inferior, & alia sunt corpora quæ petunt locum inferiorem & dicuntur graua, alia quæ petunt locum superiorem & dicuntur leuia. Est res certa & nota. Datur enim hæc differentia locorum in vniuerso, prope cælum & prope centrum: locus prope cælum dicitur superior, prope centrum dicitur inferior: & illud ipsum quod est medium intra cæli concuum dicitur infimum, quod est cælo proximum dicitur supremum. Et hoc pacto omnes tam Philosophi quàm vulgares homines loquuntur. Et iuxta hoc, quæ à medio tendunt ad cælum dicuntur ex imo in altum ascendere; quæ è contra tendunt ad medium, dicuntur descendere. Et sic rectè Arist. vtrumque modum loquendi coniungit, & pro eodem nominat descendere ac accedere ad medium, ascendere ac recedere à medio. Iuxta hoc etiam alia dicuntur graua, quæ scilicet petunt inferiorem locum; & alia leuia, quæ petunt superiorem locum. Nec aliter debebant aut poterant graua et leuia definiri.

Dico secundò. Non omnia corpora ex natura sua petunt locum inferiorem et ad medium, sed alia petunt locum inferiorem, alia verò locum superiorem, hæc inquam etiam petunt ab intrinseco et ex natura sua, nec aliena vi sursum propelluntur contra suam inclinationem; atque adeo hæc sunt intrinsecè leuia,

sicut

sicut alia intrinsecè grauiā; & sicut grauiā, requirunt ex natura sua esse sub leuibus, ita leuia ab intrinseco per se petunt superstare grauibz. Hæc assertio est pariter communis & certa.

Probatz primò ratione Arist. Si corpora vi sursum ascenderent per illum impulsū, quò maius esset corpus, eò difficilius ac tardius eueheretur in altum; sicut omnes experimur, difficilius ac tardius à nobis eleuari corpora grauiā, quò maiora fuerint: sed notum est, potius celerius ascendere ignem magnum quàm paruum, sicut maiori impetu descendit lapis magnus quàm paruus: & sic etiam si vi detrudamus ac detinere conemur sub aquis lignum magnum ac paruum, maiori vi coratur ascendere lignum magnum, maioremquè difficultatem nobis affert. Hæc igitur corpora naturaliter tolluntur in altum, & nō aliena vi contra propriam inclinationem, sed ab intrinseco ex sua virtute superiorem locum petunt.

Secundò ex eodem Arist. Quod naturaliter sua vi mouetur, velocius fertur in progressu quàm ab initio motus, vt patet in lapide descendente: quod verò mouetur violenter ab alio, tardius in progressu mouetur, vt patet in ijs quæ proijciuntur. Sed ignis ascendens ita semper mouetur in progressu velocius, sicut pondera quæ descendunt: ergo ita naturaliter & ab intrinseco leuia petunt locum superiorem, sicut grauiā inferiorem.

Tertiò ratione à priori probatur. Sicut possibilis est ac de facto datur inclinatio intrinseca quorundam corporum ad locum inferiorem: ita possibilis erat ac de facto cōcedenda est, similis inclinatio aliorum corporum ad locum superiorem. Nam si dicuntur corpora grauiora habere vim se supponendi alijs mi-

nus grauibz: cur non dicentur hæc alia corpora habere per se vim se subleuandi supra grauiora corpora? & sic ab intrinseco descendunt grauiā, ascendunt leuia.

Quintò. Ad rectam constitutionem vniuersi pertinet, vt quædam corpora sint inferiora, quædam superiora; quoddam corpus infimum locum obtineat, quoddam supremū. Non igitur debebant omnia corpora ex natura sua ab intrinseco inclinare ad locum inferiorem, siue ad mundi medium, vt ita violenter deberent sursum propelli, ac detineri: planè enim inordinata fuisset constitutio vniuersi, si ferè omnia corpora debuissent contra suam inclinationem in loco sibi alieno manere. Putandum ergo omnino est, alia corpora ex natura sua petere locum inferiorem & alia superiorem, vt ita omnia iuxta suam inclinationem in loco sibi debito conquiescant.

Quintò denum. Si illi cogitarūt, omnia corpora petere medium, & sic ea quæ ascendunt, non ex propria vi, sed alieno impetu sursum propelli, & ita omnia esse grauiā: ita cogitabūt ex aduerso alij, omnia corpora ex natura sua petere sursum, omnia ad cælum niti, omnia esse leuia: sed quia alia sint alijs leuiora, præualere hæc quæ in leuitate excedunt, ideoquè sibi superiorem parare locum, suaque vi deorsum propellere alia minus leuia, & ita hæc descendere quasi grauiā. Fatendum ergo ex vtraq; parte est, tam locum superiorem esse per se connaturalem quibusdam corporibus, quàm locum inferiorem alijs: & leuia ab intrinseco petere sursum, grauiā deorsum.

Dico tertiò. Inter ipsa corpora grauiā & leuia, datur etiam naturalis & intrinsecus ordo, quo inter se aptè disponantur in loco singulis connaturali: & quoddam corpus

Et atque ad rectam constitutionem vniuersi spectabat.

Alia corpora petunt loca ex tremis,

Et alia media. petit supremum locum, quoddam infimum, alia verò per se petunt media loca. Hæc etiam assertio est communis & certa, & passim apud Arist. inuenitur, præsertim in libris de cælo. Ac persuadetur ex dictis. Apta enim constitutio vniuersi exigebat repleri totum spatium inter cælum & terram, exigebat distinctionem ac varietatem pluriû corporum, & præcipuè quatuor elementorum quorum vnum tantum poterat obtinere supremum & aliud infimum locum; alia verò debebant obtinere media loca, vnum nempe prope supremum, & aliud prope infimum: sed non conueniens, vt corpora hæc media quasi violenter & contra suam inclinationem in talibus locis perpetuò manere deberent: igitur etiam ab intrinseco & ex natura sua talia loca petunt.

Porro inter ipsa elementa, ignis quidem summa sua leuitate supremum sibi locum deposcit, terra summa sua grauitate infimum. Aer verò non cum igne de loco contendit ad cælum, sed ex natura sua quiescit infra ignem. Aqua non cum terra contendit ad centrum, sed ex natura sua supra terram quiescit. Qua ratione autem de facto aqua in vnum terræ locum segregata sit, vnumque cum illa globum cōficiat qui secundum se totum in medio mundi consistat, satis supra quæst. 36. circa huius interioris mundi structuram tractauimus. Demum inter corpora mixta, tam inter se quam cum elementis comparata, quem locum singula sibi determinent, et quodnam petat esse sub alio vel supra aliud ex varia eorum dispositione duplicandum est. Et præsertim inter corpora fluida in quibus datur transitus de loco ad locum, experientia ipsa rem demonstrat. Verbi gratia lapides, metalla et similia petunt esse sub aqua, ligna supra aquam intra

aerem, similiter oleum supra aquam: et in vniuersum quæcumque infra alia descendunt, aut supra alia ascendant, ex natura sua censerī debent talem sibi locum petere, et ex suamet intrinseca virtute descendere vel ascendere. Vnde quodcumque duo corpora per se loca commutant, ambo simul innata virtute mouentur. Verbi gratia dum super oleum infunditur aqua, et statim oleum sursum ascendit, aqua deorsum tendit, tam ex virtute sua ascendit oleum supra aquam, quam ex virtute sua descendit aqua, infra oleum: et sic in omnibus alijs huiusmodi loci mutationibus.

Neque verò huic assertioni obstat exemplum illud aquæ. Intantum enim aqua terram permeat, in quantum in illa inuenit inter partes eius quasdam saltem exiles cavitates, quæ cum vacuæ esse non possint, plenæ erant aere, aqua autem petit esse sub aere, et aer supra aquam, ideo aqua se in illas cavitates insinuat et aer euolat. Vnde si talis aditus ipsi aquæ daretur vsque ad centrum, liquè fieret foramen per totam terram, vtiq; vtiq; ad centrum pertingeret. Fieret autem inter aquam et aerem hæc permutatio loci, quoniam cum terra sit dura et solida, in se persistit, easque cavitates non replet: sed in corporibus fluidis facile talis transitus ac permutatio exercetur. Aliter verò constat, comparando inter se ipsam terram et aquam, terram sublidere infra aquam, et sic etiam alia corpora terrea: cum nempe in aquam immittitur terra aliudue simile corpus: non enim supernatat aquæ sicut lignum, sed fertur sub aquam et simul pariter aqua supra terram se subleuat.

Cur & quando aqua se sub terram immittat.

SECTIO SECVNDA.

De Motu naturali inferiorum
corporum ad sua
loca.

OMne corpus, quando extra locum suum naturalem inueniatur, & impeditum non sit, statim nativo instinctu mouetur vt locum sibi debitum assequatur: graua quidem ex locis superioribus ad inferiora descendunt, leuia ex inferioribus ad superiora ascendunt. Fit autem hic motus per lineam rectam quæ concipienda est à centro vsque ad cælum: & concipiendum etiam est punctum medium in mobili quod fertur, quod in corporibus grauibz dicitur centrum grauitatis, in leuibz dicetur centrum leuitatis, & hoc punctum pertransit per dictam lineam, ascendendo vel descendendo.

Omne mobile fertur per lineam rectam ad locum suum. Sed Lucretius lib. 2. de Rerum natura, indicauit, nō oportere hunc motum fieri per lineam tam exquisitè rectam, vt nullam obliquitatem ac declinationem patiatur: *Quare etiam atque etiam paruum clinare necesse est corpora, nec plusquam minimum, ne fingere motus obliquos videamur, & id res vera refuset.* Vnde subdit, tam paruum declinationem non posse à nobis percipi & adueri. Hoc autem docuit, quia volebat motum fieri per vacuum & inane quod in corporibus interponebat, nec inueniri poterat ita in rectum dispositum per totam longitudinem spatij. Sed prorsus certum esse debet, huiusmodi motum fieri exactissimè per dictam lineam rectam quantum est ex virtute ipsius mobilis, & nisi externo aliquo impulsu inclinetur. Et ratio est: quia mobile ex sua naturali virtute tendit à loco alieno ad proprium per bre-

uissimam lineam qua possit: at inter quælibet duo puncta, breuissima omnium linearum est linea recta, vt euidenter constat. Contingere tamen potest, vt externus aliquis impulsus mobile detorqueat: vt si decidens lapis impellatur vento, & frequenter videmus grandinem & pluuiam in obliquam inclinari. Alioqui, nullum supponitur vacuum per quod fiat motus, sed aer loco cedit, vt mobile pertranseat, & cedit exquisitè in rectum ea via qua à mobili pellitur. Ex hac autem recta ordinatione corporum grauium ad mundi centrum fit, vt connaturaliter terra & aqua debeant circa centrum, circularem obtinere figuram, & hinc rursus sequuntur alia notatione digna quæ ex parte descripsimus quæst. 36. sect. 8.

Oritur etiam dubium si sublata *Ignis* terra constituere ur globus quidam *constitu-* ignis in centro mundi, per quam li- *tus in* neam eleuaretur ad cælum, cum ni- *centro* mirum ex centro ad circumferen- *per quæ* tiam infinitæ lineæ educantur, om- *lineam* nes rectæ & inter se æquales. Aliqui *ascende-* cogitarunt, talem ignem fore di- *ret.* strahendum in plurimas partes, vt quælibet euolaret per lineam qua directè à centro cælum peteret: videlicet quædam pars directè supposita polo arctico per lineam tendentem ad eundem polum, alia pars opposita per aliam lineam ad polum antarcticum, & sic de varijs alijs partibus. Verùm hoc sustineri non potest: quia sic deberet ignis diuidi in omnes sui partes, quod prorsus repugnat: nec sufficeret diuidi in tot partes et non plures, quia eadem esset de omnibus ratio. Aliqui dixerunt, ignem in tali casu determinandum fore ab ipso cælo per aliquem peculiarem influxum, ad quam partem totus simul dirigi deberet. Verùm, non apparet, qua ratione à cælo determinari posset,

nin fortè cogitetur peculiaris aliqua cæli pars, siue aliquod astrum, habens virtutem attrahendi ad se talem ignem, sicut interdum censetur astrum aliquod ascendere & secum trahere cometalem ignem. At hoc est per accidens ad virtutem motiuam ipsius ignis qua per se aptus est ascendere: & seclusa tali attractione adhuc integrum remanet dubium.

Idcirco Sotus 4. Phys. quæst. 2. art. 1. concl. 2. ad 3. ait, vel talem ignem subito corrumpendum, vel potius non mouendum ob talem indeterminationem viæ per quam tenderet. Sed certè nulla esset ratio cur corrumpi deberet. Melius ergo diceretur, quod ibi persisteret ac non moueretur. Et ita quidem accideret, si non Deus ipse determinet per quam viam ignis ascenderet. Attamen ad Deum ipsum tanquam auctorem naturæ & vniuersalem causam spectaret determinare talem viam, quod eodem suo generali concursu præstare posset ac deberet. Nam ubi causæ naturales non habent vim determinandi se ipsas, communi dependentia expectant determinari à Deo. Sic supponimus, ex diuina determinatione pendere, quemnam singularem effectum quilibet causa secunda producat: ita quod si Deus non id determinet, nullum reuera produceret.

Motus Caterum circa hunc motum naturalem corporum ad sua loca valde *lis sit in* notabilis observatio occurrit, quod *progres-* in progressu motus sit semper velocior, ac ut communiter dicitur, motus grauium & leuium est in fine, velocior. De veritate huius observationis dubitare videtur Simplicius. Cæli 88. Attamen testis eius est Arist. ipse plurimis in locis, 5. Phys. 61., 3. Phys. 76., 1. Cæli 88. & in Mechanicis quæst. 19. Et est res manifesta quotidianis experientijs: lapis ex alto demittitur oculis ipsis cõ-

spicitur velocius in progressu ac tandem in fine moueri: & quod ex altiori loco deciderit, eò maiorem ictum infert, maiorem sibilum edit in aere, & pila maiori saltu reflectitur. Ideo ait Arist. in ea quæst. mechanica, per securim elatam atque demissam lignum scinditur: & notauit Scaliger exercit. 331. plus valere ad scindendum securim alioqui leuiorem quò magis fuerit elata. Item si ex alto successiue, & continuatè effundatur aqua, & quis manum supponat, notabiliter sentit maiorem aquæ impetum, quò longius à vase manum remouet. Et hinc rursus fit vt aqua magis ac magis à vase recedens fiat tenuior ac subtilior, vt pyramidis figuram referat: ac tandem si in nimiam longitudinè protrahatur, diuiditur in partes, & guttatim decedit. Atque ideo dum pluit, non tota simul magna aquæ moles terram obruit, sed per guttas irrigat, quia licet magna simul pars nubis conuertatur in aquam, tamen dum ad terram decedit, dissipatur in minutas partes. Hoc inquam totum prouenit, quia aqua in progressu motus semper facta velocior, prius quidem attenuatur postea diuiditur, quia pars inferior superiorem in velocitate præuenit.

Hoc quod videmus in grauib. *Tam in* descendentibus, pariter censendum *ascensu* est in leuib. ascendentibus, licet in *quã de-* ijs non tam obuijs & familiares experientias habere possimus. Sed saltem videmus, flammam quoque in figuram pyramidalem exurgere. Et quamuis Theophrastus lib. de Igne, id referat ad imbecillitatem ignis recedentis à suo pabulo: & Carpentarius in cap. 11. Alcinoi, id referat ad naturam ignis quærentem talem figuram: tamen hæc non rectè dicuntur. Sed vera ratio est: quia flamma sit successiue in suo ascensu velocior, & ideo attenuatur: quoniam

niam cum pars superior velocius ascendat quam inferior, vel deberet ab illa diuidi, vel ne diuidatur quam diu potest se conseruare vnitam, eò modo attenuatur. Sicut videmus flumina, vbi tardè per planum defluunt, maiorem aquæ profunditatem & amplitudinem gerere: vbi verò per decliue rapidius delabuntur, in minorem profunditatem & amplitudinem coarctari.

Difficile autem est, huius rei rationem reddere, cur grauium & leuium motus fiat sic in progressu velocior. Et ad quatuor in vniuersum capita reducuntur variæ rationes quæ ab Auctõribus adducuntur. Primum ex parte loci vnde discedit mobile, secundum ex parte loci ad quem tendit, tertium ex parte ipsius mobilis, quartum ex parte mediij per quod transit.

*Id non
prouenit
ex loco
vnde di-
scedit
mobile.*

Ex primo capite refertur ratio Alexandri, quia in loco alieno acquirit mobile repugnantes sibi qualitates, motui resistentes, ac propterea retardantes, quæ in progressu superantur. Alia refertur Hipparchi, quia lapis in sublime proiectus, dum incipit redire, retardatur adhuc impulsu illo impresso, quem deinde in progressu superat. Sed vtraque ratio est manifestè falsa. Nam lapis in sublimi positus, nullam sanè qualitatem acquirit, qua ibi retardetur quando relinquatur vt descendat. Et, si statim atque in sublime elatus erat, sibi relinquatur, eodem pacto mouebitur, ac si diu ibi detentus fuisset. Item contingit, vt non per projectionem lapis fuerit in altum euectus, sed vt fuerit ibi genitus vel manibus exportatus, & aliquamdiu detentus: & semper eodem modo illam differentiam motus subit.

*Nec ex
loco ad
quod ac-
cedit.*

Ex secundo capite rationem videntur petere Themist. 8. Phys. circa tex. 76. & D. Thom. 1. Cæli circa tex. 88. dicentes, mobile quò magis

accedit ad suum locum naturalem, eò magis vigorari & confortari, vt maiori cohatu feratur. Et aliqui magis explicant, mobile quodammodo attrahi à suo naturali loco, & ideo quò propius illi accesserit, eò validius trahi, & sic velocius terri. Sed planè, hoc non potest ita intelligi, quasi ipse locus actiue concurrat ad augendum motum, siue quasi immittat impulsu quo attrahat mobile: id enim est prorsus falsum. Et præterea, si propinquitas loci accelerat motum, deberet accelerare, siue mobile prius ex remotiori loco, siue ex minùs remoto discesserit: sed tamen constat, non nisi per longinquitatem motus, illud augmentum velocitatis acquirere: & velocius fertur lapis ex alta turri deiectus quando fuerit ad medium turris, quàm prope terram manu sublatus & statim relictus. Solùm in genere causæ finalis dici potest mobile attrahi à suo loco naturali, sed adhuc requiritur aliud principium effectiuium motus. Hac autem ratione, non solùm homo, sed etià equus, solet post longum iter, quando terminum sibi notum inspicit, velocius ambulare, vt citius quiescere possit: sed nihil tale potest in motu naturali grauium & leuium cogitari.

Ex tertio capite ratione reddunt alij dicentes, ipsum mobile augere in se ipso virtutem motiuam, quaproinde aucta velocius semper in progressu feratur. Sic Albertus magnus 4. Phys. tract. 1. cap. 11. Albertus de Saxonia 8. Phys. quæst. ult. & alij Peripatetici apud Perer. lib. 14. cap. 3. indicant grauitatem ipsam & leuitatem augeri. Et ita loquutus est Arist. in Mechanicis, dicens graue ipsum maiorem grauitatem in motu assumere, & 1. Cæli 88. ignem ascendente fieri leuiorem, ac terram descendente fieri grauiorem, & quòd si motus fieret in-

*An ex
ipso mo-
bili au-
gente in
se vir-
tutē mo-
tiuam.*

infinitum, grauitas & leuitas & velocitas cresceret in infinitum. Aliqui verò affirmant potius mobile causare in se impetum à grauitate diuersum. Ita Conimbr. 2. Cæli cap. 6. q. 1. & Vasq. 1. par. d. 81. num. 18. Et rursus Aresius 2. de Gener. quæst. 23. explicat, addi in progressu motus aliam quandam virtutem motiuam à grauitate distinctam, similem illi virtuti qua mouentur proiecta: & ab initio produci ab ipsa grauitate, deinde à se ipsa magis ac magis intendi in subiecto. Et rursus aliqui hanc virtutem vocant grauitatem accidentalem, & leuitatem accidentalem, vt hanc virtutem apud Arist. grauitatis & leuitatis nomine intelligant.

Nō augetur in mobili virtus motiua innata. Verum, in primis intelligi non potest, augeri & intendi eandem grauitatem aut leuitatem priorem per additionem noui gradus eiusdem specificæ qualitatis, sicut intenditur calor et omnis alia similis qualitas. Tum quia, vt arguit Perer. grauitas est virtus quædam permanens in corpore & non de facili transiens: igitur noua grauitas addita in lapide per descensum permanere in illo deberet, sicut alia prior grauitas, vnde deberet deinceps lapis sentiri grauior & ponderosior, quod tamen non ita est. Non ergo addita est noua grauitas eiusdem speciei cum priori. Tum etiam, grauitas non augetur nisi per maiorem corporis densitatem, & leuitas per raritatem, vt sectione sequenti constabit: nec vllatenus per transitorium ipsum motum dici poterit in se augeri & intendi. Tum præterea, non potest noua grauitas effici ab eadem grauitate priori; quia nulla qualitas potest se ipsam intendere. Nec etiam poterit effici ab ipso motu; quia motus proueniens ex certa grauitate, non potest habere vim illam augendi, vt patet in alijs simi-

libus effectibus & operationibus. Nec vlla alia causa apparet, quæ in eo casu veram grauitatem efficere queat.

Deinde difficile etiam est, ipsum mobile producere & augere in se ipso nouam aliam virtutem motiuam diuersæ rationis à virtute naturalis: Tum quia addititia illa virtus, est præter naturam ipsius mobilis, quod de se habet tantam verbi gratia grauitatem, & non maiorem; vnde non nisi ab agente extrinseco poterit illi imprimi, vt cum quis ex alto magna vi proijceret lapidem vel iaceret sagittam versus terram. Tum quia præsertim constat, ex impetu illo in progressu acquisito, pilam percutiendo terram sursum reflecti: Et si graue aliquod descenderet per foramen deductum per totam terram, raperetur vltra centrum, ad quod deinde redire deberet: igitur talis impetus non debet attribui eidem ipsi mobili graui, tãquam ex eius natura proueniens. Tum præterea non apparet, quare mobile per se ipsum deberet in se addere et augere talem impetum in progressu motus. Et multò magis falsum est, quod dicebat Aresius, primum impetum à grauitate productum augere deinceps & intendere se ipsum.

Ex quarto ergo tandem capite, nempe ex medio, siue ex corpore circumfuso, per quod mobile fertur, accelerari motum indicauit Auerr. 8. Phys. comin. 82. ac defendunt Achil. lib. de Elementis, Zabarella lib. 1. de Motu grauium & leuium, Pererius lib. 14. cap. 3. & apud eum Burleus & Contarenus: item Durand. in 2. d. 14. quæst. 1. num. 12. & alij magis communiter. Sed plures adhuc modi excogitati sunt, quibus aer verbi gratia conferat ad motum accelerandum lapidis descendens.

Non quod medium minus in progressu resistit. Sebastianus Bassonus lib. de Motu, Intent. 1. art. 4. sic rem explicat. Primæ partes aeris scinduntur à lapide incipiente descendere, & sursum aduolant vt repleant vacuum; ideo citius succedunt secundæ, quia

non iam solum ex virtute lapidis, sed etiam ex coniunctione cum primis à quibus nolunt diuelli: hinc minus resistunt, & sic lapis velocius descendit. Rursus aer superior inferioris occursum densatur magis: unde consequenter se rarefaciens propellit magis lapidem. At certè velocior occursum aeris ascendentis aptus esset potius retardare descensum lapidis, sicut aduersus fluminis lapsus cursum nauis. Experimur autem, simul cum lapide velociter propelli deorsum aerem, tantum abest, vt sursum aduolet. Et aer superior est qui post lapidem occurrit ad replendum vacuum. Neutro ergo illo modo acceleratur descensus lapidis.

Simplic. 8. Phys. 76. indicat, ideo lapidem velocius in progressu descendere, quia semper minorem aeris copiam sub se inuenit, & sic minorem resistentiā. Addit Durand., quia aer terræ propinquior, est magis crassus, & sic minus levis, ac minus nititur ascendere, minusque resistit lapidi descendenti. At certè hac ratione, lapis parum à terra elatus ac statim demissus, deberet pariter cum tanta velocitate descendere, ac si ex alta turri decidisset: quia ibi inuenit modicum aerem & crassum. At experientia docet, ex ipso motu antecedenti lapidem accelerari, & non per se ex minori copia & maiori crassitie aeris prope terram.

Zabar. loco cit. explicat, ideo lapidem velociori semper motu descendere, quia velocius fertur mobile per medium quod pariter ad eandem partem confluit, quam per medium in se quiescens: quoniam

medium resistit motui corporis quo scinditur & dissipatur, sed eò minus resistet si ad eandem partem simul cum mobili concitetur: sic planè velocius fertur nauis secundo flumine quam quiescente à qua. Lapis ergo ab initio incidit in aerem quiescentem, quem statim incipit commouere, & sic velocius subinde descendit, ac rursus magis commouet aerem, unde semper maiorem velocitatem acquireret. Addi solet: aer commotus & agitato minus resistit motui corporis quo scinditur, & sic mobile fertur velocius, unde aer dissipatur & agitur magis, & sic semper minuitur resistantia aeris, crescit velocitas motus. Confert hæc quidem ratio ad reddendum motum velociorem. Sed non sufficit. Et precipue obseruandum est, tantam velocitatem quæ in motu naturali accrescit, non posse per se attribui eadem virtuti naturæ cuius vi mobile fertur; quasi scilicet lapis verbi gratia ab initio descēdat multò tardiùs quam per se poscat, ob resistantiam mediij, sed magis ac magis superando ac minuendo resistantiam mediij accedat ad velocitatem quam ex sua virtute assequi valeat: quinimò videtur potius mobile acquirere maiorem velocitatem quam ex sua virtute deberet ac posset, atque adeo non solum per ablationem resistantiæ, sed per posituum impulsu ultra suam virtutem dici debet velocius concitari. Suadetur, quia si pila verbi gratia, sola vi suæ grauitatis in terram decideret, deberet statim ibi quiescere, nec sursum resiliere: itaque hic effectus omnino prouenit ex nouo impulsu acquisito in pila descendente: sicut dum quis validè iacit pilam in terram, eò altius pila resilit, nimirum ex vi illius impulsus impressi ultra naturam pilæ grauitatem.

Concludendum ergo est, mobile

Sed quæ ipsū me- dium in progres- su ma- gis im- pellit.

in progressu accipere maiorem ac maiorem impultum ex accursu me- dij per quod fertur, & ideo maiori semper velocitate deferri, hac vide- licet ratione: quia lapis verbi gratia descendens, relinquit post se conti- nuè spatium quod occupabat, ad quod replendum præsto est aer, ma- gnaquè celeritate accurrit: & tum ob magnam copiam aeris confluen- tis, tum ob promptitudinem replen- di spatium, ne relinquatur vacuum, ita velociter aduolat, vt lapidem ip- sum descendente impellat magis- què promoueat: sic lapis propulsus maiori iam velocitate descendit: & inde rursus velociùs adhuc accurrit aer, & magis impellit lapidem, & sic usque ad finem lapis magis magis- què propellitur. Atque non solum accedit aer directè per eandem viam post lapidem, sed etiam ad latera confluit & impellit. Vnde etiam aqua successuè effusa, licet habeat post se aliam aquam, tamen accele- ratur per accursum aeris ad latera. Et præterea facit etiam, quòd aqua inferior habet supra se maius ipsum pondus aquæ superioris, vnde & ab illa vrgetur. Et sic pariter superior flammæ pars velociùs eleuatur. Cõ- stat etiam velox hic accursus aeris ex illo veluti vento qui prope lapi- dem descendente sentitur: imò & quisque in aere manum rapidè de- primens aut eleuans, sentiet post manum veluti ictum aeris accurren- tis, & sic pariter in aqua.

ER de mente Aristote- lis.

Hoc totum denique est planè de mente Arist. qui 3. Cæli tex. 28. di- stinguat motum naturalem qui est ab intrinseco, & motum accidenta- lem qui est ab extrinseco: & docet, motum naturalem posse & solere fieri velocem per impulsu mot- toris extrinseci: atque determinat, hoc modo accelerari ab ipso aere, tam in ijs quæ ascendunt, quàm in ijs, quæ descendunt, quoniam aer se

habet tanquam levis & grauis: & concludit: *Velut enim imprimens tradit utrique: idest imprimit & tradit impulsu utrique mobili, leui ascendenti, & graui descendenti: & clarissimè legit Argy. opolus: Aer motui naturali cuiusq; eodem modo conducit, suo ad mobilis terga concursu.* Atque hinc debent explicari alia loca Arist. in quibus videbatur docere, grauitatem & leuitatem mo- bilis augeri: quamuis Pererius Ari- stotelem tanquam ibi contra sen- tientem modestè relinquat. Sed op- tinè potest ac debet intelligi de tali impulsu extrinseco addito, qui co- adiuvat grauitatem & leuitatem, & sic eadem nomina assumit.

In contrarium affert Albertus de Saxonia duas experientias. Vna est, si super lapidem alligetur mollior lana, hæc lapide cadente non deprimi- tur. Altera est, si cadere sinatur candela accensa cum flamma desu- per, non extinguatur flamma. Hæc ergo signa sunt, quòd non accurrit aer tãta velocitate vt dicebatur qua propellat mobile. Sed nihil obstant. Lana non deprimi- tur, quia habet in se tot cavitates intra quas se insi- nuat aer, qui proinde eam subleuat & attollit. Candela accensa, si ex loco altiusculo demittatur, verè in descensu extinguatur. Si autem ex loco parum alto demittitur, non ita accrescit in eo modico spatio im- petus aeris vt eam extinguere valeat: sed saltem aliquantum flamma comprimitur, eodem pacto quo si quis super eam leuiter exufflet. Hoc ergo signum ostendit potiùs accur- sum aeris, & confirmat doctrinam traditam.

Plura alia obijcit Aresius: quæ tamen potiùs taciunt contra ra- tionem ab alijs redditam penes re- sistentiam aeris immutatam. Et si quæ vrgeri videntur etiam contra rationem nostram de impulsu aeris

Et ex- perientia confor- me.

accurrentis, ex dictis facile solui poterunt.

SECTIO TERTIA.

De Virtute naturali motiua inferiorum corporum ad sua loca.

Verè corpora hac mouentur ex se ipsis sua virtute motiua.

IN primis non potest in dubium reuocari, quodlibet ex his corporibus habere in se suam virtutem motiuam, qua aptum est tendere ad suum locum; & per quam efficit in se talem motum. Dicit tamen solet à Peripateticis, corpora hæc naturalia dum ad suum locum feruntur, moueri à suo generante: eo quòd supponunt, non posse idem agere in se ipsum, non posse idem mouere se ipsum, sed debere distingui mouens & motum. Ac nullatenus per hoc negant, dari reuera virtutem motiuam internam in ijs corporibus, quæ sit proximum principium effectiuum motus. Sed vel dicunt talia corpora moueri à generante, quia ab illo acceperunt virtutem motiuam, vel quia hæc virtus se habeat vt instrumentum generantis, vel alia simili ratione. Attamen, neq; hoc est necessarium: quia simpliciter potest idem agere in se ipsum, potest idem mouere se ipsum. Imò etiam si id esse non posset, ad summum dicunt, non posse idem secundum eandem partem agere in se ipsum: at bene possunt in hac re assignari distinctæ partes, nempe forma mouens per virtutem suam, & materia in qua per se fiat ac recipiatur motus. Solum ergo per quādam appropriationem talis motus potest tribui generanti, inquantum corpus naturale tendit ad suum locū in quo constituit debuisset ab eodem suo generante. Ita de hac re in communi tractauimus quæst. 14. sect. 5.

Secundò. Quia motus naturalis, alius est ascensus ad locum superiorem, & alius descensus ad locum interiorem: alia quoque est virtus motiua ad ascendendum, & dicitur leuitas; alia ad descendendum, & dicitur grauitas. Rursus, quia alia corpora mouentur ad loca extrema, nempe ignis ad supremum terra ad infimum; & alia ad loca media, nempe aer prope ignem, & aqua prope terram: ideo alia est leuitas & grauitas simpliciter, alia secundum quid. Ita loquitur Arist. 4. Cæli tex. 26. & passim in eo libro. Leuitas simpliciter est, qua corpus aptū est ferri super omnia alia corpora intra cælum: grauitas simpliciter est, qua corpus aptum est ferri infra omnia corpora. Leuitas et grauitas secundum quid est, qua corpus aptum est ferri supra vnum corpus et infra aliud: vt aer petit esse supra terram et aquam, et habet vim ascendendi super illa; petit verò esse sub igne, ita quòd si portio aliqua aeris poneretur intra ignem, deberet descendere infra ignem: item, aqua apta est ascendere supra terram et descendere infra ignem et aerem.

Itaq; hæc duo elementa videntur participare aliquid leuitatis & aliquid grauitatis: & sic loquitur idem Arist. Quod nō est sic accipiendum, quasi in ijs coniungantur simul duæ virtutes oppositæ in gradibus remissis. Sed vna simplex est eorum virtus motiua, apta ferre suum subiectum supra vnum corpus, & infra aliud. Sic explicat Auerr. 3. Cæli com. 28. D. Thomas & alij, ac defendunt. Conimbr. 4. Cæli cap. 6. quæst. 1. Sicut enim vnius elemēti vnus est locus, ad quem elementum aptum est ferri ascendēdo ex loco inferiori et descendēdo ex superiori: ita vna est simplex virtus motiua, apta efficere hunc totum motum. Et sicut omne

Hæc virtus ad ascendendum est leuitas, ad descendendum est grauitas.

Dantur virtutes mediae inter extremas.

elementum est corpus simplex, ita vnam simplicem debet habere virtutem motiuam. Et preterea qualitates actiuæ erant illæ quæ coniungebantur simul in gradibus remissis, ut constabat in calore & frigore: at virtutes motiuæ non sunt huiusmodi. Eadem igitur virtus motiua media dicitur grauitas & leuitas, non quidem absolute, sed per comparisonem ad diuersa. Aer dicitur levis respectu terræ & aquæ, grauis respectu ignis: aqua levis respectu terræ, grauis respectu aeris & ignis. Vnde Arist. 4. Cæli tex. 29. dixit, omnia elementa habere grauitatem, præter ignem, & omnia habere leuitatem præter terram. Comparando autem ipsa elementa media inter se, aer dicitur levis & aqua grauis. Ac tandem aer dicitur magis levis quam grauis, quia supereminet duobus & substat vni: aqua magis grauis quam levis, quia substat duobus & supereminet vni. Ideoque solent Philosophi designare duo elementa leuia: ignem simpliciter, & aerem secundum quid; & duo grauia, terram simpliciter, & aquam secundum quid. Hoc totum verò quod dicitur de elementis, pariter debet intelligi de mixtis tam inter se quam ad elementa comparatis: prout vnum aptum est descendere infra vel ascendere supra aliud: ut lignum & oleum est graue respectu aeris, leue respectu aquæ. Inter corpora tamen dura, non ita apparet huiusmodi comparatio, quia non permittunt inter se transitus: sed bene aliqua vel aliquod liquari potest, & tunc cernitur eorum habitudo: sic enim liquatis metallis vnum supernatur alteri, vnum subsidet infra aliud. Quando verò plures liquores simul inter se facile permiscuntur, ij in pari vel serè pari grauitate & leuitate conueniunt, ut vinum & aqua.

*Gravi-
tas &*

Tertiò. Ad assignandum quid sit omnis hæc virtus motiua, grauitas

& leuitas, Refert Arist. 4. Cæli tex. leuitas 40. quosdam Veteres voluisse, grauitatem esse soliditatem seu plenitudinem corporum, leuitatem esse vacuitatem & inanitatem diffusam per corpus. Idemquæ affirmat Lucret. lib. 1. de Rerum nat. *Ergo quod magnum est aequè leuius què videtur, nimirum plus esse ibi declarat inanis: at contra grauius plus in se corporis esse deliquit, & multò vacuo minus intus habere.* Vallisius verò lib. de Sacra Philosoph. c. 48. asserit, grauitatem non esse formaliter aliquid, quam crassitiem seu densitatem, raritatemquæ esse tenuitatem seu raritatem corporum. Fauet Arist. 4. Phys. 85. & 3. Cæli 10. Indicat etiam Arist. 2. Cæli 18. grauitatem esse priuationem leuitatis.

Dicendum tamen est, has esse qualitates quasdam peculiare de genere potentiae in prædicamento qualitatis. Habetur ex Arist. 7. Phys. 11. & alibi, qui inter corporeas qualitates numerat grauitatem ac leuitatem, & expressè à densitate ac raritate distinguit. Ratione patet, leuitatem non esse vacuitatem corporis, & grauitatem plenitudinem: quia non datur tale vacuum, aer & ignis non sunt vacuitatibus & inanitatibus distenta. Probatum etiam, non esse formaliter densitatem & raritatem: quia densitas & raritas est parua & magna quantitas in materia, grauitas & leuitas est virtus motiua ad locum inferiorem & superiorem: quæ planè sunt rationes valde diuersæ. Et in Sacramento Eucharistiae, non adest completè densitas & raritas prout importat materiam: at adest tota grauitas eodem prorsus pondere, sicut ad sunt alia accidentia panis & vini. Itaque grauitas & leuitas sunt per se formæ quædam accidentales, & specialiter de genere qualitatis, ac de specie potentiae, nempe secundum ratio-

rationem virtutis siue potentia motiua. Ad sum. num dicentur oriri ex densitate & raritate, et hoc esse de mente Arist., vt mox prosequemur. Dum verò grauitatem dixit per priuationem leuitatis, loquutus solùm est in eo sensu quo ex duabus formis contrarijs, illam quæ inferior est vocat priuationem alterius.

Ex densitate & raritate oriuntur.

Quartò vterius. Ad assignandū, ex quam causa grauitas leuitasq. proueniant. D. Thomas 2. de Anima lect. 23. significat, immediatè oriri ex formis substantialibus elementorum. Aretius 2. de Generat. quæst. 19. sic ex professo contendit.

Sed tamen satis manifestum videtur, per se et proximè oriri, grauitatem ex densitate, leuitatem ex raritate, & iuxta gradum densitatis ac raritatis tantam esse grauitatem & leuitatem. Sumitur planè ex Arist. 4. Phys. 85. vbi ait, *Graue & durum densa esse videntur, leue & molle rara*. Vbi si non intellexit formaliter & identicè, saltem intellexit casualiter grauitatem & duritiem oriri ex densitate, leuitatem & molliem ex raritate. Similiter 3. Cæli tex. 10. ait, *Graue quidem densum quid, leue autem rarum quid est*: & inde probat, punctum nec esse graue nec leue, quia nec est densum nec rarum. Vbi eodem modo debet intelligi casualiter. Insuper 8. Phys. tex. 55. *Omniū passionum principium, est densitas & raritas: etenim graue & leue, & molle & durum, & calidum & frigidum densitates videntur esse & raritates quedam*. Vbi licet Arist. loquatur iuxta Veterum sententiam, qui densitatem & raritatem intelligebant pro cōgregatione & disgregatione, vt notat ibi Auerr. tamen quoad grauitatem & leuitatem, duritiem & molliem, iuxta alia loca allegata consentire videtur, quòd ex densitate & raritate oriuntur. Et sic affirmat Auerr. 4. Cæli comm. 20. vbi

ait, in hoc valde quiescere animum.

Deinde experientia suadetur. Videmus enim, omnia densa esse graui, & rara leuia: & quò aliquid fuerit densius vel rarius, eò esse grauius aut leuius: & statim atque aliquid addensatur vel rarefcit, nulla habitatione alterius formæ, incipit grauitare aut leuitare. Sic ignis leuissimus & rarissimus est, terra grauissima & densissima, aer secundum leuitatis & raritatis locum tenet, aqua grauitatis. Et aqua, dum rarefit ac resoluitur in vaporem, statim leuitat et ascendit: ac terra ipsa, dum pariter rarefit et resoluitur in exhalationem statim leuitat et ascendit: et hoc totum fit permanente eadem forma aquæ et terræ. Ex alia parte, quacumque alia mutatione in corporibus facta, si non in densitate ac raritate mutantur, nullatenus in grauitate ac leuitate variantur. Patet de mutatione formæ substantialis in exemplis positis: nam si aer verbè gratia conuerteretur in vaporem aqueum, non adhuc grauitaret, nisi addensetur. Patet etiam clarè de mutatione primarum elementariū qualitatum: quantumuis enim aqua et terra calefiat, nisi rarefcit in vaporem et exhalationem, non transit de grauitate in leuitatem, et sic lapides, metalla, et quæcumque alia corpora densa: contra aer quantumuis frigidus, et in media regione frigidissimus, tamen dum non addensatur, non transit de leuitate in grauitatē. Grauitas ergo et leuitas ex nulla alia causa proximè oriuntur, nisi ex densitate et raritate. Dico proximè: quia alioqui mediatè et remotè eatenus possunt oriri ex alia priori causa, in quantum ex illa causa densitas ac raritas oriatur, vt calor solet esse causa raritatis, & frigus densitatis: ac sic tandem substantiales corporum formæ sunt prima huiusmodi affectionum in corporibus origo.

Ab experientia demonstratur.

Sed

Obiectiū. Sed in contrarium ob stare videtur quod in calis inuenitur densitas & raritas, non tamen grauitas & leuitas. Et præsertim in his inferioribus quædam sunt alijs densiora, & tamen ijs leuiora. Vapores & nubes, aliquæ similes halitus et fumi, sunt densiores aere, cum nobis se spectabiles præbeant intra aerem, et tamen sunt leuiiores cum ascendant supra hunc inferiorē aerē. Lignū est densius aqua, cum sit adeo durius; et tamen per leuitatem supernatat aqua. Oleum est densius aqua, vt habetur ex Arist. lib. de Sensu et sensibili cap. 4., & patet ex eius crassitie; ac pariter supernatat aqua. Ferrum est densius plumbo, vt habetur ex Arist. 4. Phys. 85., & tamen est minus graue. Aliaque huiusmodi exempla inueniri possunt.

Quare corpora caelestia non sint graua et leua. At in primis, Quod attinet ad corpora caelestia, suo loco diximus, non oportere in ijs ponere differentiam densitatis & raritatis. Rursus, illa admissa: vel calorum quantitas, & sic etiam raritas ac densitas, erant diuersæ rationis, ac in his corporibus inferioribus. Vel data etiā identitate specifica, in solis his corporibus inferioribus inuenitur materia capax, & aptitudo debita; qua vnum exigit esse supra, & aliud intra: & sic in ijs solis grauitas & leuitas ex densitate & raritate debent oriri.

Vapores & fumi sunt rariiores hoc infimo aere. Quod verò attinet ad corpora hæc inferiora, etiam si interdum inueniretur maior leuitas cum maiori densitate, & maior grauitas cum maiori raritate: tamen non per hoc efficitur, grauitatem & leuitatem regulariter non oriri ex densitate & raritate: quia minime possent quoque certæ alię dispositiones concurrere ad iuuandos tales effectus: vt sanè frequenter in alijs rebus naturalibus occurrit. Deinde, potest optimè sustineri, semper & vniuersaliter corpora densiora esse grauiora,

& rariora esse leuiora, cum tanta coniunctione quanta vix alijs inter causas & effectus naturales inueniatur. Vapores & nubes halitus & fumi, eo sanè leuitare incipiunt ac super aerem ascendunt, quia in sua substantia rerefacti sunt: igitur cum super hunc aerem leuitant & ascendunt, non aliter id fieri censendum est, nisi quia verè sunt illo rariiores: & cum tandem perueniunt ad aerem puriorem ac rariorem, sub illo sistunt, nempe in media regione; quia aer hic inferior est in se densior. Quod autem conspicuatur à nobis, solum arguit esse opaciores: at opacitas & transparentia non ita exactè densitatem & raritatem consequuntur, vt in re simili notauimus quæst. 34. sect. 2. nam & lignum est rarius crystallo, & tamen est opacum, crystallum est diaphanum. Potius ergo fumus & nubes sunt opaciores & non densiores aere, quàm leuiiores et non rariiores. Aliqui verò negant quoque, hæc esse leuiora aere: dicuntque non ex sua virtute ascendere, sed à Sole alijsue causis caelestibus attrahi, sicut et ferrum sursum trahitur à magnete. Sed tamen ipsa experientia ob stare videtur: quia nempe non solum vapores et halitus qui educuntur virtute Solis, sed etiam qui actione ignis resolvuntur, illico ascendunt, nullo habito respectu ad Solem aliudue certum astrum. Præstat ergo dicere illa verè esse leuiora, et esse pariter rariora.

Item lignum dicitur rarius aqua, nam ideo dicitur participare de natura aeris, aut censetur supernatare, eo quod habet in se multum aeris; & bene potest esse, vt licet rarius, tamen sit durius aqua, quia non ita exactè maior durities requirit maiorem densitatem, sicut leuitas raritatem. Similiter oleum rarius aqua, & sic dicitur esse naturæ æthereæ. Et

potest simul esse magis crassum, idest magis viscosum per maiorem partium adhaerentiam ac tenacitatem. Et hoc voluit ibi Arist. vbi solum ait: *Subtilissimum omnium humorum aqua est, & ipso etiam oleo; sed proceditur oleum plusquam aqua*

Plumbum propter viscositatem. Deinum, potius plumbum est densius ferro, & sic est grauius: simul tamen est mollius: potius enim delicta durities a densitate, quam densitas a grauitate. Et de hoc solum loquutus est ibi Arist. dicens: *Dissonant autem graue & durum in plumbo & ferro.* Non dixit graue & densum. Quare non recte ibi Auerr. pro duro sumit densum, affirmans ferrum esse densius plumbo. Sed potius dici debet, graue & densum, tam in plumbo & ferro, quam in alijs corporibus, optime consonare.

An in genere virtutis motiua varia species distinguatur. Quinto tandem determinandum est, quae & qualis differentia inueniatur in ipso genere virtutis motiuae inter vnā et aliam virtutē, inter grauitatē & leuitatē & inter grauitatē simpliciter ac secundū quid, leuitatē simpliciter & secundū quid. Quidam censent, omnem huiusmodi virtutē motiuam esse eiusdem infimae speciei, & solum differre accidentaliter seu ratione subiecti. Arelius 2. de Genet. q. 20. admissa distinctione specifica grauitatis et leuitatis, negat vnā grauitatē differre ab alia, vnā leuitatem ab alia, volens eiusdem speciei esse leuitatem aeris et ignis, grauitatem aquae et terrae, et ad summum differre penes magis et minus intra eandem speciem.

Distinctione sunt species virtutis motiua naturae. Dicendum tamen est, has omnes virtutes motiuas verē differre inter se specie, non solum inquam virtutes extremas et inter se, sed etiā medias ab extremis & inter se. Sumitur ex Arist. 1. Caeli c. 2. vbi ex diuersis locis quae elementa ex natura sua penitent, deducit essentialē elementorū

differentiā: ergo propinquius inde supponit, differre essentialiter virtutē motiuā vnus ac alterius elementī.

Ratione à priori probatur: quia virtus motiua ignis verbi gratia, est ex natura sua determinata, vt petat locum supra terram et alia elementa, illumquē in altum subuehat: virtus motiua terrae est determinata vt petat locum infra ignem et alia elementa, ac terram in imum deprimat: nec vllatenus posset virtus ignis ferre ignem intra terram, et virtus terre terram supra ignem. Omnino ergo haec sunt virtutes essentialiter differentes. Alioqui enim oporteret dicere, eandem virtutem ignis esse in differentem tam ad petendum locum inferiorem quam superiorem, sed quia est in tali subiecto petere locum superiorem. Sed certe censerī potius debet ex natura sua determinata ad locū superiorē, sicut determinata est ipsa natura ignis, ita vt talis virtus sit per se affixa ac debita tali naturae: Et hinc pariter demonstratur, virtutes motiuas medias differre ab extremis et inter se. Nam virtus aquae per se petit locum superiorem terrae, et ita differt à grauitate terre: virtus aeris per se petit locum inferiorem igne, et ita differt à leuitate ignis: eademquē virtus aeris petit locum superiorem aquae, virtus aquae locum inferiorem aere; et ita ambae differunt inter se. Et praesertim si cogitemus portionem quandam aeris deferri ab extrinseco supra ignē, aer ipse per suam virtutem quereretur descendere infra ignem: et malè hoc negat Arelius in fine quaestionis citatae: ergo omnino virtus motiua aeris specie differt à virtute ignis. Similiter, dum iniicitur terra in aquam, non solum terra per se descendit infra aquam, sed et aqua ipsa surgit supra terram: igitur virtus aquae differt à virtute terrae. Et sic in omnibus corporibus potentibus di-

diuersa loca, essentialiter differt virtus motiua vnus à virtute alterius. *Quamuis non sint diuersi modò. Non differunt specie, sed tantum accidentaliter, ascensus & descensus in ratione motus localis, vt nos ipsi diximus quæst. 28. sect. 3. localis, Sed potentia specificantur ab actibus: ergo nec differunt specie virtus & de-ascendendi ac descendendi.*

scensus. Respondetur. Potentias ita specificari ab actibus, quod non solum quando respiciunt actus specie differentes, sed etià si respiciant actus solum in indiuiduo vel accidentaliter differentes, dummodo determinate sint ad actus taliter differentes, verè inter se differunt specie: & ita se habent variae virtutes motiuarum vt ostensum est. Sic certè, si esset determinata quæ iam potentia visiva ad vnum album, alia ad aliud album, vel ad idem album alio modo accidentaliter se habens, essent distinctae tales potentiae. Et in eodem genere motus localis, etiam motus violentus factus per certum spatium non differt essentialiter à motu naturali factò per idem spatium; & vtique virtus violenta est valde diuersa à virtute motiua. Et si verum est, quod narrat Plinius lib. 36. cap. 16. quendam lapidem dictum Theamedem repellere à se ferrum, sicut magnes attrahit; & quod narratur de alio lapide dicto Chrysocolia attrahere ad se aurum, prout succinum attrahit paleas; idem specie erit in ratione motus localis, motus ferri per idem spatium siue attracti siue repulsi, & motus auri, & motus palearum; & tamen certum est, omnes eas virtutes motiuas esse inter se specie differentes.

Et quâ-uis vna sit species virtutis motiuae. Obijcies secundò. Vna & eadem specie est virtus motiua ab extrinseco impressa, ad quemcumque locum dirigatur mobile: adeo vt quando pila resilit à pariete, eadem virtus

sit quæ illam retorqueat: ergo pariter vna specie est omnis virtus motiua naturalis.

Respondetur. Dato assumpto, claram esse disparitatem. Nam virtus illa impressa non erit de se determinata ad vllum certum locum, sed indifferens ad omnem locum, & determinatur à proijciente per directionem ad certum locum. Sed virtus naturalis in quolibet corpore est per se determinata ad certum locum illi debitum & per se conuenit tali subiecto.

Obijcies tertio. Eadem virtus motiua media, apta est exercere ascensum & descensum, quia aer verbi gratia ascendit per aquam, descendit per ignem, vt iam dicebamus: ergo pariter potest eadem virtus motiua, in altum leuare vnum corpus per ascensum, & in imum deprimere aliud per descensum.

Respondetur. Vna virtus motiua respicit vnum certum locum, & ideo apta est deferre suum subiectum ad eum locum, siue deducendo à loco superiori per descensum, siue à loco inferiori per ascensum. Vnde ex eodem capite non poterit eadem virtus petere diuersa loca, ad eaque deferre diuersa corpora. Et sanè optimè potest eadem virtus deducere aerem infra ignem & supra aquam: sed non poterit eadem virtus ducere aerem infra ignem, & ignem supra aerem.

Obijcies quarto ex Aresio plurimas rationes. Tum quia sensus non recipit nullum discrimen inter grauitatem verbi gratia terræ & aquæ, si nempe quis ferat pondus aquæ aut terræ. Tum quia grauitas aquæ potest excedere grauitatem terræ, plus enim ponderat multum aquæ quàm parum terræ: ergo est eiusdem ordinis ac speciei. Tum quia grauitas terræ & aquæ tendunt ad eundem terminum: nam aqua petit centrum terræ, & terra vt pertingat ad centrum

trum descendit ad locum aquæ. Tum etiam grauitas aquæ & terræ se mutuo intendunt: plus enim ponderat vas terreum aqua plenum, quàm solum vas, vel sola aqua. Tum demum si differant grauitas aquæ & terræ, deberent innumerabiles aliæ distinguere species grauitatis aliorum corporum: vt auri & argenti; quia si liquefiant, argentum supernabit auro: & sic in alijs corporibus.

Respondetur ad primum. Non potest sensu percipi differentia illa, deferendo aquam & terram per aerem: sed sensu percipitur immittendo terram in aquam vbi terra tendit sub aquam, et aqua supra terram. Ad secundum. In aere quidem plus ponderat multa aqua quàm exigua terra: sed inter se semper plus ponderat parum terræ quàm ingens aquæ copia, dum pugillus terræ iniectus in mare, fundum petit. Ad tertium. Aqua per se non petit centrum, sed locum supra terram, licet per accidens si inueniret aerem vsque ad centrum, descenderet pellendo aerem: & terra non petit per se locum aquæ vt in illo quiescat, sed per illum transit vt sub aquam descendat. Ad quartum. Non intenditur ibi vna grauitas per aliam, sed additur nouum pōdus, cum tam aqua quàm terra ponderet in aere. Ad quintum. Vtrò volumus differre inter se pariter specificè omnes virtutes motiuas illorum corporum quorū vnum petit esse supra vel infra aliud: ita vt in vniuersum quot sunt differentes gradus densitatis ac raritatis, vnde diximus prouenire certam virtutem motiuam, tot sint species differentes ipsius motiue virtutis.

SECTIO QVARTA.

De Quiete inferiorum corporum in suis locis.

Constat quidem, omne corpus *Corpora* dum in proprio ubique congrua naturali loco fuerit, ita ibi quiescere, vt actualiter non moueatur ad *grauia & leuia in suis locis* locum alium, nisi à motore aliquo extrinseco impellatur. Si enim motu recto ferretur ascendendo vel descendendo, discederet à suo loco, & ad alienum tenderet, quod est contra eius inclinationem. Motus autem circularis esset illi inutilis, nec ei ab intrinseco competere potest. Attamen per causas quasdam extrinsecas, bene possunt ac solent etiam ipsa integra elementa in suis locis moueri & agitari. Ignis totus, & aer quoque saltem maxima ex parte, censetur eodem cali motu in gyrum rapi: & inferior hic aer ventis & flatibus assidue commouetur. Aqua semper fluctuat, & per motum aeris & ventorum, per lapsum fluminum, per causas etiam celestes, varijs modis agitur. Terra demum non quidem circulariter in se ipsa reuoluitur, sed bene terremotibus & alijs ictibus cōcutitur, vt iam quæst. 36. sect. 6. tractauimus.

Sed dubium in hac re celebre est, *An elementa media in suis locis graui- tent.* num grauia & leuia, ac præsertim elementa in proprijs locis existentia, quamuis actu non moueantur, tamen nitantur adhuc et contendant in alium inferiorem vel superiorem locum, an grauitent et leuitent, vel nempe totum vnum elementum in locum alterius, vel inter partes eiusdem elementi, superiores nitantur inferius, inferiores superius.

Occasionem huius dubij præbuit *Aristoteles* Arist. qui lib. 4. de Cælo text. 29. & 30. apertè docuit, omnia elementa *firmare præ-* firmare videntur.

præter ignem in proprijs regionibus habere grauitatem: ac etiam aerem ipsum qui alioqui leuis dicitur, in proprio loco grauitare ac deorsum niti. Idquæ probat duobus exemplis. Primum est: In aere plus ponderat lignum cētum librarum, quàm plumbum vnus libræ; in aqua è contra plus ponderat plumbum vnus libræ, imò lignum in aqua leuitat. Et rationem ait esse, quia lignum, continet multum aeris, & ipse aer in propria regione grauitat, non verò in aqua. Secundum exemplum est: Vter inflatus aere plus ponderat quàm vacuus: quod est lignum aeris ipsius grauitantis. Iterum text. 39. repetit, omnia elementa præter ignem in proprijs locis grauitare: adeo vt, si subtrahatur aqua aer descendet in locum aquæ, & pariter aqua in locum terræ: non sic verò in ascendendo: sed ablato igne, aerem non ascensurum nisi vi, sicut & interdum violenter rapimus aquam in locum aeris: & similiter ablato aere non descensurum ignem, quia nullam in sua regione habet grauitatem, sicut nec terra leuitatem.

Iuxta hoc Auerr. circa eadem loca affirmat, dicta elementa verè in suis locis grauitare ac deorsum niti. Sequitur ac defendit Conciliator different. 14. Aliqui verò limitant, distinguendo, nō grauitare quidem totum vnum elementum in locum alterius inferioris: sed benè intra idem elementum partes superiores grauitare in locum inferiorem. Ex aduerso Aresius lib. 2. de Gener. q. 21. asserit, nō grauitare partes eiusdem elementi in locum aliarum partium, sed benè totum vnum elementum grauitare in locum alterius inferioris.

Cōclusio negans. Dicendum tamen est, grauia & leuia, ac elementa omnia, in proprijs locis constituta, neque secundum totum neque secundum partes

grauitare, hoc est deorsum niti, & conari, prout etiam non leuitant sursum contendendo. Hæc est communis Philosophorum ipsorumq; Peripateticorum sententia: D. Thomæ & aliorum circa eadem loca Arist. allegata: pro qua etiam Conimbr. cap. 6. quæst. 2. referunt Archimedem, Ptolemæum, & alios.

Probari potest primò auctoritate eiusdem Arist. alijs in locis 4. Phys. 48. notauit, vnum quodque naturaliter ferri ad suum locum, & per naturam suam manere postea in proprio loco quem assequutum fuerit: vbi intelligit, ita quiescere vt non contendat amplius ad alium locum. Et in lib. Problem. sect. 11. quæst. 45. quærit, cur vox quæ vique aere defertur, melius exaudiatur deorsum ex loco superiori prolata, quàm sursum ex loco inferiori: & nequaquā reddit rationem, quia aer ex natura sua granitet in proprio loco, quæ vique optima fuisset data illa hypothesis. Sed duplicem aliam affert: nempe quia aer vocem deferens habet multum vaporis grauioris admixtum, cuius pondere deorsum trahatur: & quia vox in superiorem locum missa occurrit aeri ampliori, & grauiori, hoc est maioris molis, & ideo non valet illum propellere, sed magis ad inferiora reflectitur. Insuper 3. Cæli 28. ait, aerem natura sua valere leuis & grauis esse, hoc est promouere ascensum leuium ad superiora, & descensum grauium ad inferiora: non ergo putant simpliciter grauitare, & ad inferiora pendere.

Secundò euidenti ratione probatur. Omne corpus, & in specie omne elementum, respicit certum locum sibi connaturalem ac debitum: & cū extra illum fuerit, toto virtutis suæ conatu ad illum nititur & contendit: ergo dum postea in illo fuerit, debet prorsus in illo quiescere,

Sumatur ex Arist.

Probatur ex habitudine corporum ad sua loca.

re, ita vt non in alium locum contendat: alioqui enim niteretur ex proprio loco recedere & ad alienum transire, quod planè repugnat. Si enim dum in eo loco alieno inueniatur, hititur ex illo ad proprium transmigrare; qui fieri potest, vt dum in loco proprio fuerit, nitatur rursus ex illo ad alienum alium pertransire.

Et praefertim in elementis medijs.

Tertiò. Specialiter aer & aqua ex natura sua sunt elementa media, & ex sua virtute motiua appetunt locum inmedium, ac respectu elementi superioris sunt graua, respectu inferioris sunt leuia, eisquè non minus esset violentus locus inferior quàm superior: ergo nullatenus aer & aqua in proprijs locis grauitant sicut nec leuitant. Et specialiter passim videmus, aerem quocumque casu sub aquam detrusum, sua vi sursum tendere & ex aqua emergere: dum ergo in proprio loco existit, prorsus dici non potest grauitare in locum aquæ. Et insuper Aræsius volebat, aerem potius ad cælum contendere, & habere leuitatem, eiusdem speciei cum igne: planè ergo sibi contradicit, dum ait elementa in suis locis grauitare. Quòd si dicat, hoc se intelligere tantum de aqua: ergo non debebat dicere, elementa in propria sphaera respectu alterius corporis inferioris grauitant: ergo rursus debebat consequenter dicere, aerem in propria sphaera leuitare: at Arist. ita de aere sicut de aqua asserit, imò specialiter de aere probat, in loco proprio grauitare.

Ex comparatione corporum inter se.

Quartò. Virtus motiua cuiusque elementi & corporis, comparatiuè se habet ad alia elementa & corpora, & hoc pacto vnumquodq; suum sibi locum determinat, petens esse infra vel supra tale aliud corpus: aer verbi gratia petit esse sub igne & supra aquam. Igitur planè repu-

gnat dicere, grauitare & niti in locum inferioris corporis: quia hoc non esset aliud quam dicere, petere esse in loco interioris corporis, & niti illud inde expellere, atque adeo supra se euehere: quæ est manifesta contradictio.

Quinto. Hæc expressius probant, *Neq; vnum totum elementum non graui- partes tare in locum alterius: sed faciunt eiusdem etiam ad probandum, neque partes elemēti vllius elementi grauitare in locum graui- aliarum. Et præterea hoc specialiter tant in- comprobatur: quia totum elemen- ter se.* tum vniiformiter se habet in suo loco, & per accidens est, quòd hæc vel illa pars sit superior vel inferior, sed omnes sunt indifferētes ad omnes partes eius loci totalis, & æquè benè quiescit quælibet pars siue in summo siue in imo siue in medio sui elementi. Et alioqui si partes superiores grauitarent in locum inferiorum, inferiores deberent leuitare in locum superiorum: & partes grauitantes in aere & aqua quæ sunt elementa fluida, deberent de facto descendere, & inferiores ascendere, quæ esset perpetua & irrationabilis totius elementi confusio. Et hoc ita procedere deberet in elemento supremo ignis, sicut in dictis elementis aquæ & aeris.

Sextò demum. Hoc totum experientia confirmatur. Nos enim *Rest tota patet infra aerem degentes, nullum pondus experiri.* sentimus tam vasti aeris supra nostru caput: & natantes sub aqua, nullu pondus sentiunt ingentis aquæ sibi superstantis. Igitur nec totum vnum elementum grauitat in locum alterius. Nec partes vnius elementi contendunt in locum aliarum, superiores non grauitant in loco inferioru, sed omnes in suo situ quiescunt. Nisi quòd si quædam pars vnius elementi fiat grauior alia, verè nitetur esse infra illam, & leuior nitetur esse supra grauiorem: sic aer apud

apud nos existens est crassior & densior atque adeo grauior aere superiori, & ita determinatè petit esse sub illo. Non tamen per hoc grauitat in locum elementi inferioris, neque nos vllò pòdere premit: quia est adhuc prorsus leuior his alijs inferioribus corporibus. Dum verò partes elementi sunt inter se æqualis dispositionis, nulla nititur in locum alterius: quia in vniuersum corpus non nititur in locum inferiorem, nisi quatenus in illo inuenit corpus quoddam leuius: nec in locum superiorem, nisi quatenus in illo inuenit corpus grauius: & alioqui omnia in suis locis absque vllò alio conatu quiescunt.

Mens Aristot. Iam ad auctoritatē Arist. ex aduerso præmissam, Peripatetici ipsi, tam antiquiores, quàm Recentiores, exarantur. vt plurimum non respondent: sed illum tanquam contra sentientem deferunt, euidentiam rationis testimonio hominis præferentes. Sed D. Thomas, quem aliqui imitati sunt, conatus est illum interpretari, dicens, esse loquutum de aere hoc infimo apud nos existenti, qui sanè impurus & magis crassus est, & aliquantum hac ratione grauescit. Verum Arist. planè loquutus est de toto elemento, non solùm aeris, sed etiam aquæ, ac de suprema etiam aeris regione, cum dixit ablato igne aerem non ascensurum nisi vi, vbi tamen ex doctrina D. Tho. aer debet potius leuitare accedens ad dispositionem ignis. Item loquutus est de ijs elementis secundum naturalem statum ac virtutem eorum, & non prout aer hic infimus accidentaliter & præter suam naturam ab elementis proximis alteratur. Insuper, crassities & grauitas huius aeris infimi, adhuc non potest præstare, vt aer grauitet in locum aquæ, nec vt vna pars aeris grauitet intra ipsum aerem, sicut Arist. docere videtur.

Explicatur. Nihilominus, aliter possumus facile explicare priorem illum locum tex. 29. & 30. Ibi enim Arist. pariter ait, omnia elementa præter ignem habere grauitatem, & omnia præter terram habere leuitatem. Itaque inde sumi debet, elementa media ita leuitare sicut grauitare. Hoc autem non intellexit, quòd vllum elementum posituè conetur in locum inferiorem, sicut nec in superiorem: sed quòd promptum & expeditum sit ad hoc vt in propria regione absque resistantia deorsum trahi se sinat, & sic etiam sursum: & habere grauitatem dixit, pro eo quod est habere facilitatem ad descendendum absque resistantia per alienum impulsus. Et hoc sanè verum est, & pariter se habet in ascensu ac descensu: nec repugnat imò consonat doctrinæ traditæ, qua solùm negauimus elementa posituè conari & niti ad inferiorem locum.

In alio deinde loco, textu 39. neque dixit, vllum elementum posituè conari & niti in locum inferioris, quod esset simpliciter grauitare: sed ad summum docuit esse ita dispositum, vt ablato inferiùs alio corpore subdito, absque repugnantia suamet virtute facile descenderet: non sic verò esse promptum ad ascendendum, sed non ascensurum nisi vi. Itaque solùm voluit ea elementa media esse magis prona ad descendendum in casu ablationis corporis inferioris, quam ad ascendendum in casu ablationis corporis superioris: sed non per hoc voluit de facto grauitare & propendere in locum inferiorem, existente ibi alio corpore grauiori. Quare hoc non est contra nostram assertionem, vt patet. Sed tamen, neque hoc satis constat de maiori promptitudine eorum elementorum ad descendendum quàm ad ascendendum. Quinimò, si casus eodem modo & cæteris paribus

ribus occurrat, tam in ascendendo, quam in descendendo, eadem pariter virtute idem elementum erit ad vtrumque proclive. Et, siue hoc accideret ad replendum vacuum propter bonum commune vniuersi, siue ad quarendum & assequendum locum proportionatum et conuenientem ipsi corpori; ex vtraque parte par omnino ratio esse videtur: & nec à priori nec à posteriori appareret vnde contrarium ostendatur.

Quare Ad primum exemplum ab Arist. **lignum** adductum, In primis, lignum non **grauitat** ideo leuitat in aqua, quod multum **in aere** habeat formaliter aeris; nam & **et nō in** oleum leuitat in aqua non tamen **aqua.** formaliter intra se continet aerem: sed leuitat, quia ipsum secundum se est simpliciter leuius, & quoad hoc participat de natura aeris, siue assimilatur aeri, & ideo dicitur multum habere aeris. Deinde dato etiam, quod formaliter contineret multum aerem; ponderat quidem descenditque per aerem, quia aer non resistit descensui in propria regione, at resistit in aqua: & ideo per se ipsum descendit in aere, sed impeditur ne descendat in aqua: plumbum verò quia non continet aerem, descendit per ipsum quoque aquam. Ad summum ergo hoc exemplum probat, aerem in propria regione non resistere descensui, sicut resistit in aqua. Et hoc ipsum erat intentum Arist. in eo loco, ut diximus.

An ma- Ad secundum exemplum, Ptole-
gis pon- mæus & quidam alij apud Simplic.
deret 4. Cæli comm. 16. dixerunt, se ex-
pter in- pertos fuisse vtre inflatum esse po-
flatus tius leuiorem. Ipse Simplic. ait, se
aere quā diligenter explorasse, æquè ponde-
inanis. rare vtre inflatum ac inanem. Idemq; asserit Themist. apud Auerr. comm. 30. Propter quod ipse Auerr. hanc diuersitatem refert ad varietatem vtris: dicens, vtre debere esse siccum & subtilem, ut in eo inflato

deprehendatur grauitatis accessus: ideoque aut sibi videri, vtre Aristotelis fuisse sicciorē & subtiliorem vtre Themistij. Alij ergo experientia veritate supposita respondere solent, vtre inflatum magis ponderare, quia aer hic noster quo oppletur est impurus & aliquantum crassus, & sic non ex natura sua, sed ex accidenti aliquantum grauitat. Verum, hoc non sufficit tacere, ut in medio huius eiusdem aeris pariter impuri & crassi aer inclusus in vtre debeat grauitare. Sed ad summum delato vtre ad locum aeris purioris & sublimioris, ibi aer ille impurus suum pondus ostenderet, utpote reuera grauior aere circumfuso. At, in hoc ipso nostro aere vter inflatus supponitur magis ponderare.

Dicendum ergo est, simpliciter *Magis veram esse experientiam. Imò tri-* *Magis*
bus modis vter inflatus magis pon- *ponderat*
derat. Primò, plus vter inflatus in *tribus*
aere, quàm inanis in aqua: ille enim *modis.*
velociter per aerem descendit, non
sic alius in aqua. Secundò, per ip-
sum aerem velocius ac maiori im-
petu descendit vter inflatus quàm
inanis. Tertiò, si in flatera appen-
datur vter inflatus, plus ponderabit,
si sit validè & magna aeris copi-
oppletus: & hoc fortasse casu, The-
mistio & Simplicio non præpon-
derauit, quia fuit lentè & remissè
inflatus.

Primus modus ostendit, aerem nihil repugnare ac resistere descensui, sed sinere vtre descendere secundum totam suam grauitatē; cum alioqui aqua resistat non solum descensui vtris inflati sed etiam inanis. Et hoc planè consonat cum alio exemplo ligni, & euidenter demonstrat intentum Aristotelis in eo loco, ut explicauimus. Secundus modus, idem pariter demonstrat. Si enim aer non facile traheretur de-

Sed non
propterea aer
grauitat
in propria re-
gione.

orsum, sed resisteret descensui, deberet potius tardius descendere vter inflatus. Ideo verò velocius descendit, quia ob rotundam figuram facilius scindit aerem, & commodius ab aere confluyente propellitur. Et hoc etiam apparet de mente Arist. maximè iuxta aliam versionem Averrois. Vter plenus vento diuidit aerem magis quam vter vacuus. Tertius tandem modus præcipue videtur obstare. Sed facile respondeamus, dum vter validè inflatur, & copioso aere repletur, valde intra illum condensatur aer: cuius rei manifestum signum est, durities inflati vtris, & quòd si aliquantum pungatur, magno flatu foras erumpit aer, utpote intus addensatus ultra statum suum naturalem. Mirum ergo non est, imò necessarium est, ut talis aer addensatus in vtre magis grauitet, præ aere laxo, & raro externo: non ergo aer ex propria sua natura ac dispositione habet grauitare: neque Aristoteles in hoc sensu attulit illud exemplum.

Afferunt. Præter hæc, alia quædam exemplum *Reddi-*
tur alia pla in contrarium affert Aresius. *tur eorū*
exempla Homo deferens in capite vas plenum *ratio.*
qua dis- aqua, sentit pondus aquæ grauitan-
ficulare tis: at proprius aquæ locus, est super
faciunt. terram & terrestria corpora, cuius-
modi est homo: igitur in proprio loco grauitat. Imò, etiam si deferatur in vase terreo, non minùs ponderare percipitur, quamvis proprius aquæ locus sit supra terram. Item homo deferens lignum, grauatur utique eius pondere, & tamen in ligno prædominatur aer: igitur aer in propria regione grauitat. Rursus subtracto in parte aliqua inferiori elemento, superius elementum, siue sit aer siue aqua, promptissimè descendit & aqua per decliua magno impetu fluit, cum alioqui non nisi vi & difficulter sursum trahatur etià quando ascendit ad replendum va-

cuum. Insuper vasa inania & naues & vestes supernatant aquæ; sed si impleantur aqua, statim merguntur, etiam si sint vasa lignea: ergo aqua ipsa, vasa implens, grauitat, ac deorsum tendit. Demum aqua supra terram existens, eam penetrat & peruadit, & non solum terram porosam, sed etiam quæ non habet poros, dummodo non sit valde densa & dura: ergo aqua supra terram grauitat.

Vtitur his exemplis Aresius ad probandum illam partem suæ sententiæ, qua affirmat, totum vnum elementum grauitare in locum alterius. Sed certè plura ex ijs probarent potius, eiusdem elementi partes grauitare in locum aliarum. Rursus quædam probant, tam aerem, quam aquam grauitare, & tamen ex aduerso voluit, aerem esse eiusdem leuitatis cum igne. Quædam denique probant, aquam ita grauitare in locum terræ, quasi quæreret acquirere locum sub ipsa terra, quod ipsimet repugnat.

Dicendum ergo est, aquam delatam ab homine, utique grauitare ac deorsum niti, quia deferitur per aerem, & est superior toti aeri qui infra caput hominis ad terram usque profunditur. Ac etiam si in vase terreo deferatur, totum ipsum pondus vasis, & aquæ simul, debet pariter grauitare. Sentit etiam homo pondus ligni, quia utique lignum in aere grauitat, & per aerem descendit, ut vel cæcis ipsis notum est: non autem grauitat in aere ratione aeris qui in illo dicitur prædominari, sed ratione substantiæ terreae & aqueæ admixtæ, ut hunc loquendi modum nunc sequamur: & satis est quòd aer in sua regione non impedit descensum. Deinde dum subtrahitur aliquid de interiori elemento, descendere utique debet aliquid de superiori ad implendum locum, quando

do in eum locum non potest succedere alia pars de eodem illo inferiori elemento . Aqua autem sursum vi trahitur , quando vi etiam pellitur aer ē superiori ad inferiorem locum , aut vi impeditur ne subintret ad implendum superiorem locum . Sed per decliuia aqua labitur , quia tendit ad humiliores partes terræ quibus incumbibat aer , atque adeo aer erat , centro propinquior , quā aqua in altiori terræ parte sita : ex sua ergo grauitate necessariō aqua in humiliora loca defluere debet . Præterea vasa inania , naues , & vestes , supernatant aquæ , tum ratione certæ figuræ , qua ratione etiam lamina plumbea in planum iacens innatat aquæ : tum ratione aeris quem continent , quamuis non vndique intra se aerem occludant : quare aere pulso merguntur , & immersa non surgunt . Vasa autem lignea , nisi alieno quopiam pondere prægrauentur , faciliē intra aquam sustinentur : naues verō multum ferris & alijs corporibus quibus confertę sunt , deprimuntur . Aut , si alia quoque vasa lignea , ratione suæ figurę , cū intra aquam fuerint , ad fundum merguntur , id nequaquam prouenit ex eo quōd partes aquæ superiores grauitent in locum inferiorum . Nam tantam quoque vim haberent inferiores ne se rapi sursum linerent . Vnde potiū vas ipsum descendit , nouam subinde accipiens aquam , nisi quatenus suo motu partem aliquam aquæ deorsum pellit , aut trahit . Aqua demum non penetrat seu peruadit terram , nisi quatenus in illa inuenit cauitates oppletas aere , & sic pellit aerem sequē in illas cauitates insinuat .

SECTIO QVINTA.

De motu violento inferiorum corporum ad alienum locum .

Constat in primis , posse & solere hæc inferiora corpora violentē à suis locis diuelli , & in alienum locum efferri : sic ekuiamus & proijcimus in altum lapides & similia . Hic autem motus est propriē violentus & contra inclinationem mobilis , quando transfertur ad locum oppositum , cū nempe graue defertur sursum & leue deorsum . Huic motui resistit ipsum mobile : vnde sensu ipso experimur difficultatem , & percipimus resistantiam corporum grauium , quando ea in altum tollere conamur . Alius motus qui minū propriē dici poterit violentus iuxta modum loquendi Arist. 1. cæli tex. 14. , est , quando corpus non defertur in locum sibi repugnantem , sed ex vna ad aliam partem loci æquē sibi connaturalis , si nempe voluatur in gyrum : & hic motus dicitur potiū præter naturam , quia nec est contra inclinationem intrinsecam mobilis , nec tamē exercetur ex virtute eius intrinseca , sed fit à motore extrinseco . Quo pacto elementum ignis in gyrum voluitur per motum cæli , & huiusmodi etiam est ipse cæli motus . Attamen non est talis , motus rotæ quæ à nobis in hac terræ superficie reuoluitur : quinimō hic motus est ex parte propriē violentus , & ex parte connaturalis mobili . Nam ex vna parte rota sursum rapitur , ex alia deorsum deprimitur ; ex vna parte remouetur à centro mundi ex alia admouetur : & hæc est vna ex admirandis circuli proprietatibus . quas recenset Arist. in lib. Quæstionum

Quo pacto corpora violentē mouentur ad alienum locum .

mechanicarum. Si tamen rota esset in centro mundi, tunc eius reuolutio, esset dicto modo præter naturam, quia omnes partes eius semper eodem modo se haberent ad centrum, sicut gyrat elementum ignis. Insuper quando mobile ab extrinseco impellitur; ut maiori impetu ac velocitate decurrat ad suum locum, quam ex sola sua virtute posset: illa motus accretio, est etiam suo modo præter naturam mobilis, & reducetur ad dictam violentiam. Plura autem de ratione motus violenti & præter naturam, in communi tradidimus q. 9. sect. 8.

Quadruplex est motus violentus.

Secundò ulterius. Tres vel quatuor sunt species motus violenti, quas distinguit Arist. 7. Phys. tex. 10. Et dicuntur species, non quia in rigore physico essentialiter distinguantur, sed potius quia secundum quasdam denominationes, & in modo quo exercentur, differunt. Hæ species sunt, Pulsio, Tractio, Volutatio, Vectio. Pulsio est, cum quis pellit à se mobile. Et vel ipsemet pulsor insequitur mobile pulsum, & hæc dicitur impulsio: Vel longè à se remouet, hæc dicitur expulsio & proiectio. Tractio est, cum quis mobile ad se trahit. Volutatio est, qua motor voluit mobile in gyrum. Vectio est, qua vnū corpus super aliud siue in alio fertur, ut dum imponitur lapis tabulæ & fertur ad motum tabulæ, & sic vehuntur homines equo, curru, naui. Hanc motus speciem Arist. reducit ad alias tres: quia vel hæc vectio fit pellendo, vel trahendo, vel voluendo.

Motus violentus, specia- liter motus proiectionis quo mobi- proiecto. le longè pellitur à motore, hæc pro- prietatem habet oppositam motui progres- naturali, quod nempe in progressu su lan- guescit ac tandem deficit. Ita guefcit. patet experientia. Nam sagitta que iacitur, lapis qui funda mittitur, pila

quæ tormento bellico excutitur, quò longius processerit, eò languidius ac minori impetu fertur, ac tandem penitus ab eo motu delistit. Et sic notauit Arist. sect. 11. probl. 7. *Quæ feruntur, eò tardius omnia mouentur, quò longius à suo discesserunt principio, tandemque collabuntur, & decidunt.* Ratio verò huius rei est, non solum resistantia ipsius mobilis. Nam & ignis & cælum à motu circulari delisteret cessante motore, quamuis non resistant illi motui. Sed præcipue est natura ipsa virtutis motiue ab extrinseco impressæ, ut videbimus sect. sequenti.

At verò, quamuis in progressu ulteriori motus violenti ita sit, tamen à principio ad medium, vel saltem ad partem aliquam nō longè à principio, potius augeri & accelerari, Philoſophi affirmant. Sumptumque est ex Arist. 2. cæli 3. vbi ait, proiecta moueri velocius in medio, quam in principio & in fine. Verum Arist. ibi per proiecta intelligit potius animalia quæ sua vitali virtute maximè ab intrinseco mouentur: & motum violentum ait potius esse velociorem in principio. Nam distinguit ea quæ mouentur ex sua natura, idest grauiā & leuiā; & ea quæ mouentur præter naturam, idest violenter; & proiecta: motumque naturalem ait esse velociorem in fine, violentum in principio, proietorum in medio. Proiecta itaque intelligit animalia, quasi diceret, ea quæ seipsa agitando & membra iaciendo mouentur. Imò Auerr. ibi in alia versione legit: *Animalia quæ ad latera mouentur:* Et ita eum locum intelligit. Verumque est, animalia aliquantum post principium solere velocius progredi. Et rationem rectè indicat Auerr. propter calefactionem. Maior enim copia spirituum motui subseruientium, ad musculos & nervos confluit,

An aliquam quāquam ab initio au- geatur.

fluit, magisque membra soluuntur. Sed postea spiritus effluunt, & membra fatigantur, ac ideo in longiori progressu languescit motus.

Adhuc tamē D. Thom. super eundem locum, Conimb. ibi 2. Cæli cap. 6. q. 1. & 7. Phys. cap. 2. q. 1. art. 8. & alij docent, reipsa verum esse, ea quæ violenter proijciuntur, velocius moveri post initium circa medium. Confirmat Fracastorius lib. de Sympat. cap. 4. ab experientia: quia vehementior est ictus sagittæ & globi è tormento excussi, in competenti quadam distantia, quam statim ab initio motus. Aliqui tamen id constanter negant. Vnde dicunt potuisse casu aliquando euenire, languidiorem ictum apparuisse ab initio: quia fortè minùs validè iacta fuit sagitta, aut pauciori pulvere sulphureo paratum fuit tormentum, aut alio simili.

Non augetur per se ab intrinseco. Sed admissa experientia, Ravius 8. Phys. cap. 6. q. 6. rationem reddit: quia ait, motorem ab initio imprimere impetum intensiorem in exterioribus partibus mobilis tanquam sibi propinquioribus, ac deinde hūc impetum intendere similem in partibus interioribus mobilis, & hinc accelerari motum. Verū, Aut motor non imprimat intensiorem impetum in externis partibus quam possit in internis, sicut motus ipse non potest esse velocior in quibusdam quam alijs partibus, & sicut simpliciter in nulla parte mobilis potest exerceri talis operatio quando non potest simpliciter in toto mobili, dum mobile non diuiditur. Aut etiam si esset intensior impetus in priori parte mobilis, non posset per se intendere in parte sequenti, sicut nec aliæ qualitates possunt: & præsertim impetus non potest hoc modo augeri & intendi.

Aresius 2. de Generat. q. 23. vult, eundem ipsam impetum ab initio

impressum in toto subiecto, seipsum intendere & augere. Sed hoc est multò magis impossibile, vt vlla qualitas intendat seipsam vniuoce in subiecto.

Sufficiens autem huius rei ratio reddi poterit, iuxta id quod dicebamus motum naturalem accelerari in progressu ex accursu aeris. Sic enim etiam in motu violento quo proijcitur mobile, ab eodem ipso motore in principio validè commouetur aer, & magno impetu aer confluit ad tergum mobilis proiecti: vnde nouum impulsus illi addit, sicquæ magis motum accelerat. Sed longius iam procedente motu, successiuè languescit impulsus ab initio impressus mobili, languescit etiam commotio aeris: & sic motus ipse remittitur, ac tandem totus desinit. Sed præcipuè addi potest, in excussione globi è tormento bellico, vbi magis ea experientia apparere potest, non tam validè impelli globum ab igne intra tubum è quo exploditur: sed validius impelli in egressu, vbi ignis sine impedimento se magis dilatare & globum vrgere valet: deinceps verò totum impetum & motum successiuè languescere, ac tandem extingui.

Quartò. Aliam proprietatem tribuere videtur motui violento projectionis, Aristoteles 8. Phys. 82. et 83., nempe non esse cōtinuum, eo quòd non totus ab vno eodemquè motore exercetur, sed successiuè semper per impulsus noui & noui aeris protenditur. Sed tamen hac ratione Arist. probaret, nullam partem motus violenti esse continuam, quod prorsus repugnat, sicut impossibile esset in quantitate permanenti nullam relinquere partem continuam. Certum ergo prorsus est, motum violentum posse ac debere esse continuum absque interruptione. Arist. autem vel intellexit, motum violentum

*Potest fortè asse-
ab ex-
trinse-
co.*

*Motus
violentus
est conti-
nuus.*

tum non esse continuum idest perpetuum, ut plerique exponunt. Vel, quia id non consonat textui, intellexit potius non esse cōtinuum, idest non esse illum eundem motum qui esset, si continuaretur semper ab eodem motore. Absolutè tamen non requiritur vnus motor, ad hoc ut continuetur aliquis motus absque interruptione. Ita iam notauimus q. 26. lect. 13. ad finem. Et hæc consideratio non minùs, imò magis valet in ascensu leuium, & descensu grauium, quàm in motu violento projectorum: quia illa magis in eo motu iuuantur & vrgentur ab aere. Sed tamen quoad hanc partem, hæc motus accretio non est ijs mobilibus naturalis ab intrinseco, sed cum proueniat ab extrinseco, participat rationem motus violenti: Et ita ille continuationis defectus, qualiscumque est, rectè tribuitur motui violento.

Potest et solet cōsequi motus reflexus ex directo. Quintò demum. Contingere potest & solet, ut idem mobile proiectum vsque ad certum terminum, inde redeat ac reflectatur per eandem viam. Vel quòd vterque sit motus violentus, ut cum pila iacitur ad parietem & inde reuertitur. Vel quòd primus sit motus violentus, & secundus naturalis, ut cum graue sursum projicitur, & inde sua virtute relabitur. Vel quòd primus sit naturalis, secundus violentus, ut cum pila descendit in terram & ex terra sursum reuertitur: quamuis in illo descensu admiscetur velocitas præter naturam mobilis, & ratione eius addititiæ velocitatis graue reflectitur.

Arist. affirmat mediare quietem inter vtrūque. Celebris est de hac re doctrina Aristotelis 8. Phys. tex. 64 & sequentibus, motum reflexum non posse esse continuum cum directo, sed naturali necessitate inter vnum & alium mediare debere aliquam interruptionem. Idquè Peripatetici communiter defendunt. Vnde dici

solet, dari quietem in puncto reflexionis. Probat id Arist. Tum quia non potest vnus motus contrarius, esse continuus cum alio: at motus reflexus est contrarius motui directo: vnus est ascensus alius descensus: vnus à puncto A ad B, alius à puncto B ad A. Tum præcipue: quia nisi detur quies media inter vtrumque motum, sequitur in eodem instanti continuatio vtriusque motus mobile accedere simul per priorem motum et recedere per posteriorem ad idem punctum in quo sit reflexio: atque adeo sequitur, mobile esse & non esse simul in eo puncto quæ est aperta contradictio.

Ex aduersio Aresius lib. 2. de Generatione. q. 24. contendit, sententiam Arist. esse falsam, nullamquè reuera intercedere quietem in puncto reflexionis. Atque docet id præsertim, quando graue in altum projicitur, & inde sua virtute deorsum redit, in quo maximè casu videri potest intercedere quies. Probat eo quòd nunquam erit æqualis virtus motiua impressa cum grauitate mobilis: sed vel excedet, & sic sursum rapiet mobile: vel si non excedit, statim tota desinit; & sic mobile suo pondere statim nulla intercedente quiete descendit. Statim desinere probat. Tum quia ideo homo impellens lapidem quem mouere non possit, nullam virtutem illi imprimit: alioqui si debilem aliquam imprimeret, pluribus conatibus perficeret virtutem sufficientem ad mouendum talem lapidem. Tum etiam, alioqui idem mobile tardiùs descenderet, quando ex projectione reflectitur, ac si ab initio fuisset ab alto dimissum, quoniam ex projectione retineret aliquid de ptiori virtute. Tum quia rursus sequeretur, quòd si quis idem mobile immediatè post projectionem deterreret, sentiret minùs graue ratione virtutis impressæ

Aliqui volunt totū esse cōtinuum.

refl.

resistentis gravitati: Tum etiam, sequeretur, quod si mobili in medio cursu obviaret aliquod obstaculum impediens motum, & paulò post auferretur; deberet tunc mobile repetere suum cursum, nimirum durante adhuc priori virtute impressa. Tum demum quia tentus nullam in eo motu deprehendit quietem. Et nulla causa vel ratio est quæ determinet tempus illius quietis.

*Non est
necesse
interru-
pi per
mediam
quietē.* Pro resolutione dicendum est, non apparere ex natura motus simpliciter necessarium, ut interrumpatur motus ac detur quies pro aliquo temporis spatio in puncto reflexionis. Nam non solum in motu facto ab agente voluntario & libero, poterit conuerti motus absque vlla quiete media. Sed etiam in motu naturali si pila sursum proiecta occurrat prægrandi lapidi descendenti; non utique illum retardabit; atque adeo nec ipsa in puncto reflexionis, in quo scilicet occurrit lapidi, quiescet. Et hinc pariter quando pila iacitur in parietem, vel decidens in terram inde reflectitur, poterit absque vlla media quiete reflecti. Nec enim verum est quod aliqui indicant, debere pilam novum recipere impetum à corpore reflectente, & ad hoc indigere aliquo temporis spatio. Nec vrget quod affert Ruuius 8. Phys. cap. 9. quæst. vnica, pilam non posse in instanti à pariete recedere, quia relinqueretur aliquid vacuum. Nam hoc æquè procedit, siue pila statim post tactum parietis, siue aliquantum postea recedere debeat: Et procedit etiam tam in accessu quàm in recessu à pariete. Et res est facilis non accedere & recedere totum simul secundum certam aliquam sui planitiem, sed successiue per partem post partem, nisi dicatur tangere in puncto.

Hinc demum, etiam quandocun-

que mobile proiectum reflectitur, non vrgebit tanta necessitas quam rationes illæ præferebant, ut mediet quies in puncto reflexionis. Nam eæ rationes in omni casu pariter vrgerent, & nunquam permetterent immediatè coniungi motum reflexum cum directo. Sed pro omni casu facile dici potest. Ad primam qui lem rationem, satis erit si motus reflexus sit propinquus & veluti contiguus cum directo, si non possit esse propriè continuus: & illud sufficiet, ut nulla intetcedat temporanea quies. Sicut in loco vnum corpus est contiguum cum alio disparato, nullo mediante vacuo seu spatio inter vtrumque. Insuper, illi motus non sunt propriè & essentialiter contrarij, imò nec ex ea parte essentialiter diuersi, sed tantum denominatione quadam nominantur tanquam diuersi & contrarij, ut notauimus q. 28. sect. 3. Vel saltem non est talis eorum contrarietas & diuersitas, ut impediat eorum continuationem aut contiguitatem. Imò de facto vnus utique continuus est motus rotæ, & tamen quælibet pars per medietatem circuli ascendit, & per alteram medietatem descendit. Ad secundam rationem, tantum sequitur, illud instans esse finem vnius motus & principium alterius, & ad vtrumque se habere extrinsecè, ita ut dicere valeat, nunc primò non est prior motus, & nunc vltimò non est posterior motus: non ergo in eo instanti mobile accedit & recedit simul, non simul est & non est in eodem puncto.

Ex alia parte, nec etiam apparet necessarium, ut motus reflexus debeat esse continuus siue contiguus cum directo, nulla intercedente quiete, præsertim quando graue sursum proicitur si per eandem lineam reuertatur. Quinimò in tali casu alia ratione sustineri potest, mediare

*Etiam
quando
graue
proiectū
sursum
per se
redit
deorsū.*

*Nec
etiam
necesse
est
esse
continuum.*

aliquam quietem. Dico, si per eandem lineam reuertatur. Quia sanè hic regressus solet potius fieri per quandam circulationem vel amplioris vel angustioris gyri, vt sensu ipso notum est. Et hoc prouenit tum ex eo quòd mobile non tam directè in altum projicitur, tum ex aliqua agitatione aeris, tum ex quadam attemperatione virtutis impressæ rapiens mobile in altum, & grauitatis propendentis deorsum: inde enim mobile velut in latus per gyrum deflectitur; in cuius gyri priori medietate, præualente aliquantum virtute impressa, mobile adhuc in altum effertur, in altera verò medietate præualente iam grauitate, incipit mobile descendere, donec penitus deleta virtute impressa, directè per suam lineam decidat. In hac autem circulatione videtur semper continuari motus absque interruptione. Sed si cogitetur casus, vt mobile per eandem lineam reuertatur, tunc dici poterit intercedere quies.

*Adest
aliqua
interru-
ptionis
ratio.*

Et ratio duplex reddi potest. Prima est, quia donec mobile ascendit, semper accurrit aer ad tergum eius vt repleat locum, & aduolat aliquantò maiori velocitate: quando ergo virtus impressa deuenit ad talem debilitatis statum, vt non valeat amplius mobile propellere sursum, & signetur quoddam instans, in quo dicere valeat nunc primò mobile non ascendit: adhuc subuolat aer antea concitatus, & sic potest aliquantum impedire mobile, ne descendat: sed citò cessat à suo accursu aer, vt pote cessante causa qua mouebatur sursum, & sic tandè mobile sua grauitate descendit. Quia sanè ratione, dum nauigium erat in vnam partem cōcitatum per aquam si repente à remigibus, in partem oppositam impellatur, inuenitur sistere aliquantum, donec remittatur impetus & cursus aquæ tenden-

tis versus priorem partem.

Secunda ratio est: quia vt virtus impressa ferat sursum mobile, debet superare tum resistētiam grauitatis, tum aliqualem resistētiā aeris: & vt grauitas retrahat deorsum mobile, debet superare tum illam virtutē, tum aliqualem aeris resistētiā. Nec rectè negat Aresius omnem aeris resistētiā. Hoc supposito, cōsideretur quoddam instans, in quo virtus impressa debilitata sit ad eundem gradum grauitatis in mobili proiecto: tunc non potest illud impellere sursum & aliquantò prius etiam non poterat ob resistētiā aeris: tunc etiam non potest grauitas deorsum retrahere mobile, quia non excedit vt possit superare virtutem impressam & resistētiam aeris: debet ergo intercedere aliqua mora qua magis adhuc languescat virtus impressa, vt iam simul cum resistētiā aeris penitus superetur: ac interim in illo puncto reflexionis suspensum pendet, mediante modica quiete inter vnum & alium motum.

Fundamentum Aresij nihil facit *Non ad-* contra primam rationem. Neque *est con-* conuincit contra secundam. Non *tinua-* enim necesse est, vt statim atque *tionis* virtus impressa non excedit graui- *necessi-* tatem totamque resistētiā mobi- *tas.* lis & medijs, statim tota desinat. Et ad primam instantiam dicendum, dum homo impellit lapidem, si vno conatu imprimit debilem virtutem, non poterit secundo conatu maiore addere, quia illa prima est tota quā potest: sicut luminosum ab initio producens certum lumen, non potest alia actione addere nouum gradum. Ad secundum potest admitti, tardiùs aliquantò circa initium reflexionis descendere mobile proiectum, quàm si fuisset ab alto dimissum. In qua re si consulenda sit experientia, potius hoc appareret quàm oppositum. Ad tertiam. Non tandiu

diu durat virtus illa, & praesertim, quando mobile valide ab alio distrahitur ac detinetur, vt possit illo modo sentiri. Ad quartam. In illo casu imprimetur potius mobili vel retorquebitur virtus motiua in partem oppositam, tantum abest vt remoto obstaculo deberet repetere priorem motum. Ad quintam. Apparet potius sensui quedam quies mobilis in aere, etiam si quis in alto existat. Sed pro neutra parte est in hoc fidendum sensui, quia tam modica differentia discerni non potest. Ratio vero determinans tempus quietis, erit eadem ratio quae determinat remissionem virtutis impressae, donec sufficienter a virtute nativa mobilis superetur.

SECTIO SEXTA.

De causa & virtute violentemotina corporum ad alienum locum.

Aliquis motor est prima causa motus violenti.

Inuenitur semper aliquis motor violentemotina transferens mobile de proprio ad alienum locum: & hic motor sine dubio est prima in hoc genere causa motus violenti. Dico in hoc genere, quia semper subintelligitur subordinatio ad causam supremam quae est simpliciter & in omni effectuum genere primum agens. Et, si quidem idem ipse motor semper adit, nunquam deferens mobile, vt cum quis manu trahit aliquod pondus, laus esset ipse solus motor, qui dici posset causa adaequata & immediata talis motus quamdiu daret. Sed, quia motus violentus exercetur etiam, quando motor longe a se proiecit mobile, tunc nihil amplius actualiter operante priori motore post primum iactum, seu pultum mobilis: ideo inquisitione dignum est, quae nam sit causa pro-

xima & immediata efficiens motum violentum in toto eius progressu, & secluso priori motore.

Aristoteles pluribus in locis praesertim 4. Phys. 68. & lib. 8. tex. 82., 3. Caeli 28., & in lib. de Somn. & de Diuinat. per somnum, item in lib. Problem. sect. 11. q. 6. & in lib. Mechanicarum quaestionum q. 33. causam motus violenti in toto eius progressu assignat aerem. Eadem videtur sententia Platonis in Timeo. Et sic antiquiores Peripatetici opinati sunt, Auerr. Simplic. Themist. D. Thom. Burlaeus & alij circa eadem loca: ac nuper acerrime defendit Pererius lib. 14. cap. 4. & 5. Et multis euertere conatur omnem virtutem impressam mobili. Explicant vero, aerem ab initio vehementer commoueri & agitari a proiciente, tum aerem ita commotum deferre ac propellere mobile proiectum, indeque vltiorem aerem commoueri & agitari, & hunc rursus vltro deferre mobile, donec tandem paulatim languetcente impetu & agitatione aeris, mobile decidat & quiescat.

Sed dicendum est cum communiori iam sententia, non esse aptum & sufficientem ipsum aerem concitatum ad perficiendum motum violentum corporum projectorum: sed potius a proiciente vere imprimi virtutem quandam motiuam ipsi mobili, quae virtus immediate motum efficiat, donec tandem desinat ac mouere desistat. Ita affirmat Sotus 8. Phys. q. 3. vbi eandem sententiam tribuit D. Thomae, Toletus eod. lib. circa tex. 86. Ruuius in tract. de Motu violento q. 2. Conimb. 7. Phys. cap. 2. q. 1. art. 8. Albert. de Saxonia 3. Caeli q. 12. Arsius 2. de Generat. q. 22. Suarez disp. 23. Metaph. sect. 3. num. 27. Vasq. 1. 2. disp. 81. num. 17. Scaliger exercit. 28. aduersus Cardanum, Aemilius Acer-

*Senten-
tia do-
cens,
causam
proximam
aeris.*

*Conclu-
sio affir-
mans es-
se virtu-
tem im-
pressam
mobili.*

bus lib. 4. Peripat. qq. q. 6. Valles. controu. vltima Physicæ, & alij vt plurimum. Vocariquæ hæc virtus solet, tum impetus, tum impulsus ad motum.

Nō sufficit per se aer.

Probat̃ur primò: quia de se prorsus incredibile, apparet corpus magni ponderis, quod violenter projicitur, sustineri ne cadat, ac tanta vi contra propriam inclinationem in alienum locum depelli, ab aere adeo tenui raro ac fluido. Pilam marmoream vel ferream ex tormento bellico emissam, non nisi ab aere sustineri & promoueri toto motus progressu: tantaquæ vi & impetu urgeri, vt & mœnia diruat: tanta directione & collimatione vt certum scopum attingat: tanta velocitate, vt vix egressa ad finem perueniat. Item rotam magnam in suo axe, aut trochum super terram ferreo stilo libratum, tandiu rotare ac gyrare, sola vi aeris concitati. Et alia huiusmodi in considerationem adduci possunt.

Secundò. Passim videmus, ventum validum non posse vel paruum quendam lapidem sustollere & per aera deferre: quinam ergo poterit aer, cuius adeo minor concitatio apparet, sustinere & perferre pondus valde graue? Item si quis circa trochum terræ innixum, aut circa rotam suo axe suspensam quantapotuerit vi aerem agitet, vel nihil penitus, vel vix parum quid trochum totamquæ dimouebit: & tamen tenui quodam impetu immediatè in ipso mobili factò, aliquandiù in gylando durabit. Non ergo per concitationem aeris, sed per virtutem quandam motiuam sibi in se impressam proiecta feruntur.

Tertiò. Si cum corpus aliquod projicitur in certam partem occurrat ventus vehemens perflans in partem oppositam, adhuc mobile illud suum cursum prosequeretur. Simi-

liter si post concitatam rotam in gyrum, plures homines tota sua vi conentur manibus, vestibus, folliibus, aut alio quouis instrumento, detorquere aerem in partem aduersam, adhuc rota eodem modo gyraabit. Non ergo aer per se, sed alia virtus motiua impressa mobili, est proxima causa motus violenti.

Quartò. Si diligenter aduertamus circa rotam cōcitātā aut trochum, non adeo validum aeris motum inueniemus qui motū illum rotæ perficere queat: imò si ibi prope ponamus cartam vel plumam, vix parum aliquid per aerem dimoueri cernetur: non ergo per motum aeris, sed per impetum sibi impressum rotæ reuoluitur.

Quintò. Aer certè multò facilius deferre ac promouere deberet leuiorem quandam plumam proiectam, quàm grauiorem aeneam pilam: at si quis maiori quo possit impetu cōmoueāt aerem & projiciat plumam, vix ad modicum spatium illam mittet; mediocri verò impetu longè projiciet pilam suis viribus competentem: non ergo ipse aer est qui motum perficit, sed virtus quædam impressa mobili, quæ magis valida imprimetur in corpore magis apto & capaci, cuiusmodi est dicta pila, quàm pluma.

Sextò. Compertum est, nauigium in aqua prouectum post validum remorum impulsū, ac desistentibus iam remigibus, adhuc aliquantum vltius ferri, & sic etiam trabem in summa aqua natantem; sed tamen aqua non cōsequitur nauim aut trabem tanta velocitate & vi vt talem motum perficiat: neque cogitari potest, aerem esse qui per se promoueāt nauigium: imò trabs non supereminet extra aquam in aere, sed in summa aquæ parte continetur.

Septimò. Ad hoc vt quis projiciat

ciat lapidem, nihil vnquā proficiet, quantacumque vi agitando & impellendo aerem; sed omnino debet immediatē in ipso mobili suum conatum exercere, & ipsum pellere: non ergo per motum aeris, sed per virtutem quam imprimere debet ipsi mobili, illud proijciat.

Valde idonea Octauo. Motus naturalis grauiū & leuium perficitur virtute motiua *est vir-* naturali, gravitate & leuitate; *tus mo-* motus etiā vitalis in hominibus & bru- *riua im-* tis, animali virtute motiua exerce- *pressa* tur: tractio ferri à magnetē, fit quo- *mobili.* que per attractiuam virtutem; & sic omnis alius similis motus: ergo sic etiam censendum est, motum violentum perfici per virtutem quandam motiuam; qua mobile vltro feratur.

Nonò. Pererius ipse admittit impulsu à mouente impressum aeri: quo aer ipse propellat mobile: sed certē multò maiori ratione debet constitui talis impulsus in eodem mobili quod proijcitur. Tum quia rationes quas affert procedunt absolute contra talem impulsu: non ergo eum iuuat à mobili diuertere impulsu ad aerem. Tum quia motor intendit pellere mobile, & mobili applicat suum conatum: ergo impulsu per se imprimit eidē mobili. Tum amplius, in aere oportebit ponere impulsu diffusum per totum aerem vsque ad terminū motus: at sic explicari non poterit, à quonam, & quando, & quomodo producatu impulsus in partibus aeris consequentibus, & in aere remotiori à proijciente: sed tamen facillimē ponetur virtus impressa ab initio ipsi mobili, illud consequenter deferēs per totum spatium vsque ad terminum sui motus.

Aer ali- Postremo. Non negamus, aerem *quārum* quoque aliquatenus posse conferre *adiuuat.* ad motum violentum, ea ratione qua sect. 2. diximus per concu-

sum aeris iuuari & accelerari motum naturalem grauium & leuium. Sed non solum aer per se non est causa adæquata & sufficiens talis motus absque virtute impressa mobili: verum nec etiam erit simpliciter necessarius: quia talis motus violentus per virtutem impressam mobili fieri simpliciter posset etiam in vacuo. Et ita indicauimus q. 27. sect. 9. Et hinc fortasse poterit Aristoteles explicari: quod nempe voluerit per aerem concurrentem iuuari motum violentum. Non enim dixit expressè, solum aerem esse causam proximam huius motus, nec negauit virtutem impressam mobili. Sed fortasse ideo potius commemorauit aerem, quia erat causa notior, & quia erat tāquam nouus motor, siue substantia mouens, post primum proijcientem. At præsertim Pererius, non tantam vim pro hac re facere debebat in Aristotelis auctoritate, qua maximē in eam sententiam abreptus videtur; postquam cap. 3. præcedenti, in alia re spectante ad motum naturalem ab illo discedere in sua existimatione non timuit, talem reddēs rationē cur motus naturalis fiat in progressu velocior, quā putabat & fatebatur à mente Aristotelis alienam; vbi tamen potius illa ratio quam reddidimus erat expressè ipsius Aristotelis.

Ceterum, circa hanc virtutem iam constitutam, tria explicanda sequuntur: primum de eius natura, secundum de productione, tertium de corruptione. Atque ex his capitibus plures difficultates petit Pererius quas contra hanc virtutem urget. Simul ergo ad has difficultates satisfaciemus, & rem ipsam explanabimus.

Quoad naturā huius virtutis op- *Hac* ponit Pererius, non posse determi- *virtus* nari quid ea sit. Si enim dicatur esse *est qua-* virtus motiua: inert, cum mouet *licas di-* *fur-*

uersa à sursum esse leuitatem, cum deorsum
gravi- gravitatem : at cum mouet ad late-
rare & ra vel in gyrum, quidnam erit? Et
lenitate. probare prosequitur non esse gra-
 uitatem & leuitatem.

Dicendum est, virtutem hanc esse qualitatem quandam, de secunda specie in prædicamento qualitatis, apta exercere motum non debitum subiecto, diuersam essentialiter à gravitate & leuitate, ac in se eiusdem speciei quoque versum moueat. Est qualitas de secunda specie, id est est potentia quædam, cuius actus proprius est motus localis præter naturam mobilis. Nam ex ipso virtutis motiue ab extrinseco impressæ nomine, id totum liquet: & hoc pacto facillime eius natura designatur. Differt specie à virtute motiua naturali gravitate & leuitate. Virtus enim naturalis conuenit mobili ab intrinseco, & est eius nature debita: est determinata ad certum naturalem locum, leuitas ut ferat sursum, grauitas deorsum: est firma & permanens in suo subiecto. Virtus autem impressa prouenit ab extrinseco: est contra vel præter naturam mobilis: est transitoria statim euanescentes. Quamuis ergo moueat sursum, non per hoc est leuitas: & quamuis deorsum, non per hoc est grauitas. Et denique eiusdem speciei in se: quia non est per se determinata, sed ex directione proijcientis determinatur ad vnum vel alium locum: idemque impulsus est quo iacitur sagitta, siue ad orientem siue ad occidentem, siue sursum siue deorsum, & sic versus omnem partem. Unde bene potest fieri per eundem ipsum impulsus, ut pila incidens in parietem vel in terram reflectatur in oppositum. Hoc totum confirmatur exemplis. Virtus motiua qua anima agitat membra corporis, qua magnes attrahit ferrum, est utique facultas quædam diuersa à gravitate & leuitate, eius-

demque in se speciei apta mouere, versus omnem partem.

Quoad productionem huius virtutis, opponit Pererius, non posse ab eodem motore & proijciente produci: quia non potest idem ipse motor, modo producere leuitatem proijciendo sursum, modo leuitatem deorsum, modo ad aliam partem. Nulla etiam apparet species motus qua hæc virtus producat: esset enim motus localis: sed per hunc motum nulla forma de nouo producit. Si educitur de potentia subiecti, deberet præcedere præuia alteratio: si non educitur, creatur. Vel demum imprimitur in sola prima superficie seu parte mobilis: & tunc quomodo mouetur totum? Vel in tota profunditate: & sic quomodo potest tam cito hæc virtus peruadere lapidem fortem ac durum absque vlla eius alteratione, & præsertim in ratione leuitatis contraria grauitati.

Ad hæc facillimum est dicere, eam virtutem motiuam verè produci à motore proijciente mobile: maxime cum non sit leuitas & grauitas, sed sit eiusdem speciei ad omnem locum. Producitur autem non formaliter per motum localem, sed per peculiarem quandam actionem de genere alterationis, sumendo alterationem pro omni actione ad qualitatem, nimirum cum sit vera qualitas. Educitur de potentia subiecti: nec propterea requirit aliam præuiam alterationem: sicut nec alię qualitates requirunt. Imprimitur demum in toto mobili, sicut & virtus naturalis est in toto mobili, & sicut virtus qua attrahitur ferrum à magnete diffusa est in toto subiecto. Neque difficile est, tam citò peruadere totum subiectum, quia ita se habet corpus forte ac durum in recipienda hac virtute, sicut aer in recipiendo lumine. Nec habet ratio-

Produ-
citur fa-
cile à
motore
proijcē-
te mobi-
le.

tionem leuitatis contrariam grauitati: sed in eodem subiecto simul cum grauitate consistit: & solum opponitur quoad effectum motus, & in operando praeualet grauitati.

*Quomodo cor-
rumpatur &
desinat.* Quoad defitionem tandem huius virtutis, est sanè præcipua difficultas. Cum enim manifestum sit, eam aliquandiu durare & postea deficere, non apparet quomodo id fieri possit, à quauè causa corrumpitur: vel enim corrumpitur à contrario per introductionem formæ oppositæ: & nulla inuenitur huiusmodi forma. Vel per defectum causæ conseruantis; & nulla etiam inuenitur huiusmodi causa: quia si esset idem ille motor qui eam produxit, deberet statim ac mobile à motore defecit, virtus extingui.

Ad hanc difficultatem plures solutiones excogitatae sunt. Frequens quidam dicendi modus est, quem sequitur Suarez disp. 21. Met. sect. 3. num. 27. talem virtutem impressam paulatim deficere & corrumpi ex repugnantia virtutis nativæ quæ inuenitur in mobili, videlicet grauitatis in lapide, quæ licet non sit propriè contraria, est tamen quasi illi contraria. Sed certè, etiam si in subiecto nulla alia inueniretur virtus motiua naturalis, resistens virtuti impressæ, vt si Angelus vrgeret cælum in gyrum, & ab amplius mouendo cessaret: adhuc virtus ad motum impressa breui spatio deficeret. Supposita autem virtute motiua naturali in subiecto, vt dum corpus graue projicitur in altum: vel ipsa grauitas expelleret formaliter virtutem impressam, & hoc fieri deberet per nouam productionem ipsius grauitatis vel expelleret effectiue, & hoc fieri deberet per productionem cuiusdam alterius formæ ab ipsa grauitate.

*Nō cor-
rumpitur* Quidam ergo Recentiores ad-

lius virtutis multum imminui de vir-
tute nativa mobilis, v.g. de grauita-
te lapidis: & inde quamprimum,
ipsum mobile dimittit à proijcien-
te fuerit, conari in se reparare suam
virtutem nativam, & sic paulatim
in se producere suam grauitatem, &
expellere virtutem aduersam vsque
ad finem: sicut aqua calecta repa-
rat in se frigus & expellit calorem.
Sed certè cogitandum non est, per
impressionem virtutis quicquam de-
trahi de nativa mobilis grauitate:
non enim talis est oppositio inter
has virtutes, sicut inter calorem &
frigus. Imò grauitas & pondus mo-
bilis, est potius conditio requisita
ad impressionem alterius valide vir-
tutis: vnde non possumus valide
proijcere plumam, sed benè lapidē.
Et præsertim quando lapidem de-
trudimus deorsum, non vtiue talis
impulsus detrahit quicquam de gra-
uitate lapidis: & eiusdem rationis
est omnis alius impulsus: ac omnis
pariter de se vergit ad interitum si
non alio auxilio renouetur seu con-
seruetur. Sicquè deficeret etiam im-
pulsus impressus in cælo, si Angelus
à mouendo desisteret.

Quidam alij Recentiores malue-
runt dicere, corpus proiectum pro-
ducere in se per suam grauitatem
alium quendam impetum repugnā-
tem priori, & sic illum paulatim de-
struere. Et ita præsertim docet Vasq.
1.2. disp. 81. à num. 18. vbi vltius
addit, non solum dum graue proj-
citur, sed etiam dum vi detinetur, ef-
ficere in seipso, ac in corpore sibi
subiecto, impulsu quendam, quo
deorsum conatur, & sic grauitare:
ac deinde quando descendit, auge-
re in se successiue talem impulsu,
ideoquè maiorem velocitatem ac-
quirere: partes etiam superiores cor-
poris grauis, ait imprimere semper
impulsu in inferiores, & sic cona-
ri deorsum. Demum, quando in ter-
ram

*Nec per
nouam
virtutē
priori
contra-
riam.*

Am decidit vel projicitur lapis maiori impetu quàm eius gravitas possit; tunc ait, terram ipsam aliquantum impelli, ac deinde ad suum locum redire, eo quòd petit secundùm centrum suæ gravitatis in mundi cẽtro quiescere; & sic per terræ reditum produci novum impulsu in lapide, quo prior alius destruat.

Sed in primis, gravitas ipsa per se nullum producit in suomet subiecto impulsu: nec vnus impulsus est contrarius alteri: ac etiam inter qualitates contrarias, vna non expellit aliam nisi secundùm certos intensiõis gradus, & certa quadam proportionẽ, quæ planè inter vnum & alium impulsu adaptari non potest. Et saltem in corpore non habente repugnantiam ad motu, vt in cælo, non potest talis productio contrarij impetus cogitari, & adhuc detineret prior impetus. Deinde ea quæ Vasq. addit, falsa & inutilia sunt. Graue quod detinetur in alto, nequaquam in se vllum producit impulsu ad motu. Et, si produceret: Vel semper magis ac magis augeret; & sic quò diutius detineretur, maiori postea impetu deberet descendere: Vel non amplius auget; & sic etiam dum ascendit vel descendit, non deberet augere. Item graue dum in altu projicitur, ac dum deorsum descendit, non per se producit in se impulsu. Et alioqui si tam graue descendens per centum passus, quàm proiectu in altu ad quinquaginta passus & inde deorsum rediens, pariter pro toto eo tempore produceret in se impulsu, deberent ambo per hos quinquaginta passus æquali velocitate descendere: aut etiam si mobile per quoddam tempus fuisset in ea altitudine detentum: quod est contra experientiam. Rursus partes superiores corporis grauis, nullum prorsus impulsu per se imprimunt in

inferiores, vt patet ex dictis sect. 4. & præsertim est manifestu in aqua ijs qui intra illam natant. Nihilquẽ facit ad rem exemplum eiusdem, aquæ, quod Vasq. affert, dum gutta aquæ cadens in puluerem se colligit in globu.

Præsertim circa illum casu, quo Vasq. voluit impulsu impressu lapidi corrupti per impulsu oppositu productu à terra è suo loco dimota ac ad eum redeunte, pleriquẽ irridunt talem terræ motu. Veru, vt iam diximus q 36. sect. 6. admissu regulariter tali motu, potest adhuc aliquando impedi, & tunc etiam debet naturaliter corrupti impulsu. Ac etiam quando datur, non erit aptus ad expellendum priorem impulsu per nouu oppositu. Vel enim hoc statim perficeret. Et hoc dici non potest; quia si mobile ipsum proiectu in altu, non ita citò destruit in se aduersu impulsu, nec etiam terra statim destruere poterit. Vel id perficeret aliquo temporis spatio. Et tunc iam terra amplius non mouebitur, quia statim redit ad suu locu: & pro eo tempore duraret ille impulsu in lapide quiescente. Insuper nec ex natura rei erat necessarium pro hac re recurrere ad eum terræ motu. Nec etiam in doctrina eius Auctoris: sicut enim vult, lapidem quiescentem imprimere in se ipso & in corpore subiecto impulsu ad descensu; dicere poterat, terram resistendo ictui, licet in se immotam, producere impulsu illum oppositu in lapide. Ac demum, iam in hoc, quàm in omni alio casu, non solum non euaditur, sed maximè incurritur difficultas de corruptione impulsu. Nam impulsu de nouo impressu ad expellendum impulsu priorem, quomodo rursus ipse corruptetur & desinet? An per aliu denuò impulsu? & sic abeundum

dum erit in infinitum. An quidam impetus permanebit deinceps in tali corpore? & hoc admitti ab initio potuisset de priori impetu quo lapis terram attigerat. An tandem quidam impetus per se desinet absque alia forma contraria? & sic dicendum erat ab initio, ut nos iam in hoc fine dicemus.

Sed quæ ex natura sua est ita fluxilis & caduca. Dicendum ergo & concludendum est, virtutem motiuam impressam, corrumpi & desinere ex propria sua natura, non statim per defectum causæ conseruantis, nec postea per aduentum vllius formæ contrariæ: sed quia ex natura sua, talis est, ut statim atque à sua causa relinquitur, statim incipiat desinere, non quidem tota illico desinat, sicut lumē & species visibilis, sed paulatim ac successiue p̄ partē post partē de sua intentione detractā euanescat, donec tota penitus exstingatur. Explicatur magis penes diuinum concursum conseruatiuum. Nulla res existit ac permanet, nisi quandiu conseruatur à Deo. Quædam ergo res sunt, quibus illico subtrahi debet concursus Dei conseruatiuus, quando deficit causa creata quæ formam producebat & conseruabat: aliæ res sunt, quibus deficiente etiam causa creata, debetur adhuc concursus Dei conseruatiuus quandiu non adueniat alia forma contraria: alius verò quarundam rerum status esse potest, ut ijs naturaliter ita debeatur concursus Dei cōseruatiuus, quod statim atque cessat causa proxima, debeat non statim cessare diuina cōseruatio totius formæ, nec etiam deinceps tota durare, sed debeat cessare successiue per partes. Et hic rerum status veluti mediat, inter res quæ penitus à sua causa in conseruari dependent, &

res quæ penitus non dependent; inter res successiuas siue statim transitorias, & res permanentes.

Huiusmodi ergo est hæc virtus impressa. Et quidem conuenienter. Tum quia cum sit præter naturam subiecti, nec inueniatur forma contraria per quam posset expelli, debebat per se esse talis naturæ defectibilis. Tum quia, cum ordinetur ad motum localem essentialiter successiuum, & oriatur ex principio extrinseco, debebat cessante tali principio, simul cum ipso motu, dicto modo defluere. Neque tamen sola hæc virtus impressa, est huius naturæ, sed præsertim etiam sonus, qui est qualitas sensibilis per auditum, censetur esse huiusmodi: & fortasse aliquæ aliæ similes qualitates inueniuntur, quæ in variarum rerum tractatione occurrunt. Quando autem vis motiua adhibetur alicui corpori adeo validè resistenti, ut se prorsus moueri non sinat, si tunc dicatur adhuc ab illo qui vim adhibet imprimi in illo conatu virtutem tali corpori, putandum est, talem virtutem statim aut breui desinere cessante motore ab illo conatu. Nō enim in corpore aliquandiu quiescente, ac tam validè resistente, verisimile est interim permanere virtutem impressam, sicut quādo mobile liberè fertur. Et similiter, si corpus proiectū incurrat in aliquod impedimentum quo validè detineatur, pariter tunc virtus motiua desinet. Itaque ipsam actuale exercitiū motus, siue talis dispositio mobilis quæ sit expeditum ad motum, est tãquam conditio requisita, ad hoc ut virtus motiua aliquandiu valeat perdurare: alioqui statim aut valde citò tota desinet.

QVÆSTIO QVADRAGESIMAPRIMA.

De Corporibus Inferioribus

Simplicibus idest Elementis.

Supponimus diuisionem inferiorum corporum in duo genera, vt iam præmitimus q. 36. sect. 1. Alia dicuntur simplicia, & alia mixta. Simplicia simplici quoque nomine elementa vocantur. Et ibidem quoque pro totius vniuersi structura perficienda, statimius, quatuor esse hæc elementa, Ignem, Aerem, Aquam, Terram, singula in suis regionibus consistentia: etiam inquam magnum elementum ignis celo proximum. Specialiter iam ac distinctè, de ipsis elementis, eorum statu, natura, & conditione, tanquam de primo inferiorum corporum genere, tractandum nunc est: de quibus prolixè satis agit Aristoteles lib. 3. & 4. de Cælo, & lib. 2. de Generat. & quatuor Meteorologicis.

SECTIO PRIMA.

*An inueniantur Elementa
pura.*

PRO quaestione an sint Elementa, cum antea ostensum sit, & nunc pro comperto supponamus, absolute extare dicta elementa; non immerito inquirimus si inueniantur elementa pura, quod etiam ex parte tæcit ad verâ elementorum existentiam confirmandam.

*Senten-
tia ne-
gans.*

Aliqui ita negarunt inueniri elementa pura, vt dixerint, hæc quæ de facto extant, esse per mutuam actionem ita affecta, vt in rigore sint potius mixta quam elementa, quia vnūquodque participat de conditione aliorum: appellari autē vngula vnus cuiusdam elementum nomine, eo quod in illis admodum præualeat ratio vnus certi elementum: dici terram quia in illa prædominatur elementum terræ, & sic de alijs singulis. Ac specialiter de igne, Cardanus lib. 2. de Subtilit. negans elementum ignis celo

proximum, docuit quoque, hunc nostratem ignem adeo degenerare à debita puritate elementi, vt non sit verè elementum.

Vallesius cap. 1. de Sacra Philosophia, in vniuersum determinat, nihil elementorum inueniri purum: sed non per hoc negat, hæc esse vera & substantialiter elementa: & intelligit potius non esse pura quoad qualitates & quoad segregationem vnus elementi ab alijs. Rursus specialiter de igne, Arctius lib. 2. de Generat., denegans elementum ignis in separata sua regione sub orbe Lunæ concedens tamen hic apud nos, & inter alia elementa existens secundum veram elementi rationem, addit præterea q. 2. & 6. non inueniri ignem per se ab alijs corporibus substantialiter segregatum: sed inueniri tantum in aliquo alio corpore ita permixtum, vt in eadem materia simul sit forma ignis cum aliqua alia forma, videlicet cum forma ligni in carbone, & cum forma lumi in flammâ hancquæ esse conditionem peculiarem ipsius ignis, eo quod cum

cū sit summæ edacitatis, nec possit agere in se ipsum, debet coniungi cum alia forma quam depascat, eaque consumpta pariter intereat: & esse quidem mirabilem hanc ignis naturam, sed non esse negandam, quia experientia confirmatur: & adhuc ignem esse verum elementum, & posse dici purum quatenus non habet quicquā suæ naturæ repugnans.

*Senten-
tia affir-
mans.*

Alij vt plurimum affirmare solēt, elementa in aliqua saltem parte inueniri simpliciter pura, etiam accidentaliter, id est sine admixtione vilius contrariæ vel extraneæ qualitatis, sed in sua perfectā & exquisita naturali dispositione. Aut, si non in omnibus elementis, saltem in duobus extremis scilicet igne & terra, inueniri aliquas partes hoc modo sinceræ & puras, asserit Toletus lib. 2. de Generat. q. 4. ad 5. Et Contarenus lib. 2. de elementis inquit: *Terram puram, neque aliena qualitate affectam, neque immixtam alienis corporibus, inueniri posse iuxta mundi centrum, sicut ignem purum iuxta calis concauum, facile nobis persuadere possumus.* Addit autem, longo temporis lapsu immutari tales partes puras, & alias de nouo depurari, quia nullum corruptibile est perpetuum. Insuper, elementum ignis in propria regione, esse totum sincerum & purum, affirmat Bagn. eod. lib. cap. 3. q. 1. circa finem.

*Omnia
elemen-
ta inue-
niuntur
pura se-
cundum
veram
substan-
tiā ele-
menti.*

Dico primò. Omnia elementa inueniuntur substantialiter pura, id est secundum veram & propriam elementi substantiam, absque admixtione alterius extraneæ substantiæ. Hæc est communis & certa apud Philosophos. Et patet primò: quia dum dicuntur extare elementa, sine dubio intelligitur secundum veram ac specificam substantiam elementi, alioqui simpliciter negan-

dum esset inueniri elementa. Ad summum, quatenus elementa dicuntur inueniri in mixto, in quaestione est, an ibi inueniantur formaliter secundum substantiam elementi, vel tantum virtualiter ratione qualitatibus: & in hoc putamus inueniri solum virtualiter, vt postea circa mixta tractabimus. Sed per se & separata à mixtis, dubitari non potest inueniri in toto rigore formaliter secundum veram substantiam elementi.

Secundò. Non vtiq̃ue qualiscum-
que accidentalis mutatio variat cor-
poris subiecti substantiam: patet altera-
enim, quot mutationes substantia-
les passim fiant in corporibus se-
cundum suam substantiam immuta-
tis. Et in speciali, de ratione ele-
menti non est vt nullam pati possit
accidentalem mutationem, quini-
mò magnam mutationem subire de-
bet, antequam in aliam substantiam
conuertatur. Neque elementum se-
cundum rationem essentialē elemēti
intelligitur importare totam dispo-
sitionem suam accidentalem, vt alio-
qui non sit elementum: sed sufficit si
retineat formam suam substantialē,
per quam exigit quidem certam dis-
positionem sibi connaturalem. Vnde
dum elementum dicitur essentialiter
corpus simplex, hoc intelligitur
substantialiter penes formam,
exigitiuam talis certæ dispositionis,
non verò accidentaliter penes ip-
sam actualem dispositionem. Quan-
tumuis ergo elementa inueniri di-
cantur accidentaliter alterata & im-
pura, tamen adhuc erunt substan-
tialiter vera elementa secundum sin-
ceram & puram elementi substan-
tiam.

Tertiò. Hoc inductione verifica-
tur in omnibus quatuor elementis. *Verifi-
catur in* Terra varias mutationes suscipit, & *Verifi-
singulis* adhuc permanet substantialiter ea-
dem: modò enim aqua madescit, *elemen-
tis.*

modò exiccatur in puluerem : modò calore torret, modò frigore riget : & vique semper est terra, & hoc est verum ac sincerum elementum terræ. Similiter eadem est substantialiter aqua, non solùm dum frigida est, sed etiam dum Sole vel igne calefcit : eiusdem substantiæ aqua est, salsa in mari dulcis in fonte : & in quocumque huiusmodi statu est secundùm substantiam verum elementum. Rursus non vique substantialiter mutatur elementum aeris, dum interdiu & in æstate incalcfcit, ac dum noctu & in hieme frigescit : non alius est aer secundùm substantiam in superiori ac in inferiori regione : & certè in quocumque huiusmodi statu & loco hoc est verum aeris elementum. Ignis demum, non solùm in propria regione sub cælo abundat, & minùs quàm alia elementa mutationi obnoxius est : sed etiam ignis hic apud nos existens, est verè & substantialiter elementum ignis : imò ex hoc præcipuè didicimus ipsum elementum in suprema mundi regione. Et in alijs elementis longè maiorem experimur accidentalem mutationem & impuritatem, conseruata adhuc eadem substantiali natura. Non igitur ob aliquam accidentalem impuritatem in hoc nostro igne inuentam, dubitare debemus, quin sit secundùm totum substantiæ rigorem verè & simpliciter elementum, eiusdem inquam substantiæ cum supremo illo igne quem sub cælo supponimus.

Tam *Quartò* deinde. Omne elementum, ita inquam ignis sicut reliqua, in se inuenitur ab omni alia substantia segregatum, secundùm formam suam in materia absque alia substantiali forma. Nam pro re notissima supponitur à Philosophis, non potest plures formas substantiales in eadem materia consistere simul, &

patet iam ex dictis in communi tractatu de materia & forma. Ad summum admittunt aliqui, vnâ formam subordinatam posse simul cū alia permanere : & sic formas elementorum simul cum forma mixti. Sed nunc loquimur de elementis in se sumptis & extra mixtionem. Et neque illi volunt, elementi formam pro se indigere alia forma in subiecto, sed è conuerso mixti formam indigere elementorum formis. Omne igitur elementum, tam ignis, quàm alia, inuenitur per se substantialiter purum penes suam formam, absque alia substantiali forma in materia.

Quintò. Nō iuuat Arcesium, quod ait, ex eo quòd forma ignis non sit subordinata cum alijs formis tantū sequi, vt non possit pacificè simul cum illis commorari, sed ideo alterâ alterius interitum machinari. Nam alia formæ quæ subordinatæ non sunt, nullatenus possunt vel pro vno solo instanti simul in eadem materia iungi ; ergo pariter nec forma ignis cum alijs formis. Neque in hac re facienda est exceptio huius formæ : non enim debet esse singularis in tota formarum substantiarum latitudine : & impossibilitas formarum substantialium oritur ex communi earum ratione ; quare non minùs pertinet ad formam ignis, quàm ad omnes alias formas.

Sextò clariùs. Si forma ignis vnquam existere possit simul cū alia forma ; sequitur, nec formam ignis posse corrumpi, sed esse perpetuâ ; nec alias formas posse corrumpi per formam & virtutem ignis. Nam forma substantialis non corrumpitur nisi per aduentum alterius : si ergo forma ignis potest existere simul cum alia forma, non corrumpetur per aduentum alterius : & pariter per aduentum formæ ignis nō corrumpetur forma præcedens.

Septi-

alio corpore.

Et forma ignis est impossibilis cū alijs formis.

Septimò. Hinc patet, stare non posse quod dicebat Aresius, formam ignis ob suam voracitatem debere depascere aliam formam sibi coniunctam, & cum illa tandem pariter interire: atque formam ignis & aliā formam in eadem materia inter se pugnare, & alteram alterius machinari interitum. Nam vna forma, non agit aduersus aliam per se vt illam corrumpat, actione inquam merè corruptiua: sed cogitari non potest alia actio nisi qua vna forma actiua conetur & intendat producere aliam formam sibi similem, qua consequenter expellatur è subiecto alia prior forma impossibilis cū sequenti. Non aliter ergo intelligi potest actio & pugna inter formam ignis & aliam formam. Vnde petendum est, an forma ignis intendat producere aliam formam ignis in eadem sua materia, an aliam quandam formam substantialem, an aliam accidentalem, & sic tandem expellat aliam priorem formam, v. g. ligni vel similem. Et similiter, ex alia parte petendum est, qualiter agat forma v. g. ferri ad hoc vt à sua materia depellat formam ignis, quamnam aliam formam in ea materia inducat, an ferri, an alterius substantiæ, an accidentalem. Quicquid autem ex his dicatur, satis patet quam sit absurdum.

Dico deinde secundò. Elementa magna ex parte inveniuntur accidentaliter impura; sed tamen in aliqua saltem parte, & præsertim elementa extrema, verisimile est inueniri simpliciter pura secundum totam suam naturalem dispositionem. Ita sumitur ex Arist. 2. de Generat. tex. 20. vbi ait: *Non est autem ignis & aer, & vnum quodq; prædictorum, simplex sed mixtum*: Loquitur autè de simplicitate & mixtione accidentali, quam puritatem & impuritatem appellamus. Et tex. 22. subdit: *Ex-*

trema quidem & sincera ignis & terra, media autem & mixta magis aqua & aer.

Patetquè prima assertionis pars: quia elementa sunt inter se mutuò actiua, & sic se inuicem alterant: & maximè in quibusdam partibus vnū cum alio interponitur: continent etiam intra se alia corpora: ac influentijs quoque celestibus alterantur. Terra in partibus his superioribus madescit aqua, afficitur ab aere, ab igne, à Sole, & ab alijs naturalibus causis. Aqua inficitur terra & terrestribus halitibus, immutatur quoque ab aere, incalescit à Sole & à subterraneis ignibus, abundat intra se piscibus, & in toto mari falsescit. Aer continis mutationibus & alterationibus agitur, infra ab aqua & terra, in medio aqueis & terrestribus vaporibus & halitibus, supra ab igne, & per totum à celestibus causis. Ignis demum hic apud nos existens, valde impurus est, multum retinet de crassitie & humore præinuento in materia ex qua gignitur: In propria etiam regione saltem infra patitur ab aere, & influentijs quoque celestibus per totum subditur.

Suadetur deinde secunda pars: *Sed aliqua in interioribus & aditioribus partibus, elementum est valde re motum ab actione contrariorum, & ab aliorum elementorum corporum, què contactu: ibi ergo difficile non est, in sua puritate & sinceritate absque villo detrimento inueniri. Nec semper & pro omni tempore necesse est, celestes influentijs per totum mundi spatium in omnes elementorū sinus peruadere, eorumquè naturalem statum ac dispositionem exturbare: sed habent vices suas, vt relinquant interdum elementa in quibusdam partibus tota sua sinceritate gaudere, & plerumque ad illam reparandam potius coadiuant quam*

Elementa magna ex parte inveniuntur accidentaliter impura.

repugnent. Sic ergo fieri potest, ut omne elementum, saltem in minori aliqua parte, & saltem interdum, naturali sua puritate non careat. Ac præsertim terra in tanta sua profunditate, potest inueniri in quadam notabili parte sincera prorsus & pura: à puris quidem Philosophis diceretur prope centrum: sed agnoscendo iuxta sacram doctrinam in eo profundo ignem inferni, dicemus in media potius regione inter supremam & infimam. Ignis demum in sua regione est magis adhuc remotus & tutus ab intestatione contrariorum: non continet intra se corpora aliena, nisi fortè rarè & pauca, si dicantur terrestres halitus usque ad superiorem illum apicem subleuari, ibique in cometas accendi: est etiam ignis magis validus ad consumendas & à se propulsandas omnes impressiones aduersas. Itaque sine dubio ignis elementum, si non totum saltem maxima ex parte elementari sua puritate potiri videtur. Neque verò necesse est, ut partes aliquando purè temporis successu mutantur, sed benè poterunt in tali sua puritate perpetuò conseruari.

*Quo pacto
est ignis
non de-
beat in-
esse al-
teri cor-
pori.*

Aduersus hæc quæ dicta sunt, non occurrunt alia argumenta quæ solutionem exposcant, nisi ea quæ mouerunt Arelium ad imponendam formam ignis in materia simul affecta alia forma. Flamma nil aliud est quam fumus accensus: ergo forma ignis est sive ul cum forma fumi. Itè in ferro & ligno est substantialiter ignis, & omnino ignis absque aliquo huiusmodi subiecto reperiri non potest. Nec dici debet ignis esse tantum in poris horum corporum. Tum quia flamma est continua in fumo, nec apparet, qui sint pori in fumo. Tum quia substantia densior minus habet poros, unde minus haberet de igne: at potius plus ignis

est in materia densa quam rara. Tum etiam si ignis potest conseruari in poris: cum intra poros non sit alia substantia quam aer posset ignis conseruari etiam extra poros in aere: quod si potest in solo aere, posset absolutè extra aliud corpus, quod est contra experientiam. Tum præterea, quando ignis paulatim consumit lignum, utique peruatit totam substantiam: dum ergo transit de vno poro ad alium, cum non agat immediatè in distans, debet omnino transire per corpus solidum: & sic oculi quoque ipsi tactusque testantur. Tum demum si in poris solum esset ignis, statim exiret & euolaret: nihil enim cogitari potest à quo retineatur.

Ad hæc dicendum est, flammam esse fumum accensum, quia fumus per accensionem conueritur in ignem, eadem scilicet materia transeunte de forma fumi ad formam ignis: & sic flamma est continua, nec opus est poris in fumo. Deinde non est substantialiter ignis nisi in poris ligni & ferri, sed benè per totum lignum ignitum & ferrum diffusus est vehemens & valde intensus calor. Dum verò opponitur, substantiam densiorem esse minus porosam, supponi videtur densitas more Antiquorum pro substantia conferta absque cavitatibus: sed non hæc est vera densitas: quinimò potest esse substantia valde densa, & adhuc poris atque cavitatibus abundans, ut sunt multi lapides. At ex alio capite verum est, ferrum esse minus porosum ligno: & ideo verè in illo minus est ignis, sed ratione densitatis magna est in illo copia caloris, sicut substantiæ. Dum opponitur, ignem conseruari intra poros in aere ibi incluso, petitur principium, quia supponitur conseruari in aliena substantia, siue in materia cum alia simul forma. Dum opponitur, ignem per-
uade-

uadere totam ligni substantiam , & sic transire per corpus solidum, quia non datur actio in distans , supponi videtur agens debere secundum realem praesentiam transire per subiectum in quod agit . At verò ignis consumit lignum : quia particulae ignis inclusae & calor etiam inherens partibus ligni , paulatim conuertuntur alias & alias ligni partes in ignem , & sic resoluitur totum lignum in ignem , & quoad partes terrestriores in cinerem . Demum ignis inclusus in poris , quò magis attenuatur , eò quidem promptius foras erumpit , & interim conuertit alias quasdam corporis partes in ignem , & sic aliquandiu detinetur in poris . Vnde, quia multò magis abundat in ligneo carbone , & ibi maximè nouas ac nouas partes conuertit in ignem , diutius conseruatur in eo quàm in ferro : ac tandem consumit ligneum carbonem , non verò terrum .

SECTIO SECVNDA.

Quid sint Elementa .

Elementum ex vi nominis vno modo amplè sumitur , vt non solum corporea haec elementa , sed plura alia pariter complectatur . Alio modo prelsè sumitur , determinata significatione communis nominis ad corpora haec quae dicimus elementa . Propter quod Arist. haec interdum appellat vocata elementa , 2. de Generat. tex. 1. , 4. & 5. , item 1. Phys. 32. & 3. Phys. 45. & lib. 2. de Partib. animal. cap. 1. vocat , *Primordia quae nonnulli elementa appellant* . Interdum clarius corporum elementa , 2. de Gener. tex. 1. , 3. Caeli 31. , & 1. Meteor. cap. 1.

Elementum vno modo Elementum amplè sumptum definitur 5. Metaph. tex. 4. *Ex quo aliquid componitur , primo inexistente ,*

indivisibili specie in aliam speciem . amplè Vbi Expolitores conueniunt , Arist. sumitur esse loquantur non de solis hic phys. ac defi. sicis elementis , sed sumptis elementis . nitur . tum magis amplè , vt tractat ibi Bon. seca cap. 3. q. 1. Neque D. Thomas eo loco contradicit , vt ei imponunt Conimb. 2. de Generat. cap. 3. q. 1. art. 1. Sed Arist. ipse , ac D. Thomas , & alij , applicant quidem eam definitionem nostris his elementis , & alijs quoque quae elementa dicuntur : quoniam sub ea ampla acceptione elementi continentur utique nostra elementa , sed & alia quoque plura eandem appellationem participantia : solumquè vult D. Thomas , excludendam esse ab ea definitione materiam . Ait ergo Arist. , litteras esse elementa vocum , primas quasdam figuras , tunc secundum Veterum sententiam atomos esse elementa corporum , & primas quasdam demonstrationes scientiarum , ac prima & simplicia corpora esse elementa aliorum .

In quatuor autem particulas , seu *Eiusq;* elementi conditiones , eam definitionem rectè distribuit D. Thom. *ampla definitio explicatur .* Prima est , *Ex quo aliquid componitur* . Vbi denotatur elementum debere esse partem seu principium ex quo aliud componatur . Secunda est , *Primo* : quia elementum intelligitur simplex non constans ex alijs prioribus . Tertia est , *Inexistente* , ad excludendam priuationem alicuius similia quae recedunt & non persistunt in eo quod componitur . Quarta est , *Indivisibili specie in aliam speciem* . Vbi , vt rectè exponit Aucr. , sensus non est , elementum esse indivisibile quantitatiue , quales ponebantur atomi ab Antiquis : sed esse indivisibile essentialiter & specificè in alia plura specie differentia .

Ex hac particula D. Thom. ibi censet , excludi materiam ab ea definitione : eo quòd materia proprie

non habet speciem. Sequuntur Iacell. 6. Metaph. q. 10. & Flandr. q. 3. At melius alij communiter etiam materiam includunt: Sic docent Auerr. Albert. Alens. Soncinas, & alij ibi, & Conimb. loco supra citato. Allegatur etiam idem D. Thom. 3. Cæli lect. 8. par. 4. Vade Suar. disp. 15. Met. lect. 10. num. 56. ait D. Thom. retractasse sententiam: & affert pro se Soncinam: qui tamen conciliare potius conatur dicta S. Thomæ. At verò S. Thom. 3. cæli, non de acceptione, ac definitione illa elementi tradita s. Metaph. docet includere materiam, sed de alia acceptione qua Arist. usus erat 1. Phys. Sed reuera etiam in ea definitione s. Metaph. optimè potest includi materia, quia licet non habeat speciem completam, habet saltem incompletam, in qua verè differt à forma, & secundum quam potest distingui in plures species, si materia celestis differt specie ab interiori.

Hinc potius videri poterit, excludi debere nostra elemēta de quibus agimus: quoniam diuiduntur in materiam & formam, quæ inter se specie differunt. Sed iuxta communem sententiam includuntur, & habetur expressè in textu. Satis namque est, quod sunt prima corpora & in hoc genere non possunt diuidi in alia priora corpora specie differentia: & per hoc distinguuntur ab alijs corporibus quæ dicuntur mixta.

Alio modo propriè sumitur ac definitur pro corporeis elementis.

Elementū deinde specialiter sumptum pro solis corporeis & physicis elemētis, de quibus nunc loquimur, definitur ab Arist. 3. Cæli 31. *Elementum est illud corpus, in quod alia corpora diuiduntur, quod inest potentia aut actu, ipsumque est indissolubile in diuersa specie.* Hanc definitionem probat Arist. ex communi omnium conceptu. Prima particu-

la, *Illud corpus*, determinat elementa esse corpora quædam: & sic excludit materiam & formam, & omnia quæ non sunt corporea elementa, quæ tamen in superiori definitione includebantur. Particulæ sequentes explicatæ manēt ex eadem superiori definitione, nili quod dum Arist. ait, *Quod inest potentia aut actu*, indicat difficilem quæstionem, si elementa maneant formaliter vel virtualiter in mixto, de qua disputabimus circa ipsa corpora mixta. Hæ autem particulæ excludunt omnia alia corpora quæ non sunt elementa: corpora quidem celestia, quia non componunt alia, nec alia resoluuntur in ipsa: corpora verò mixta, quia nec ex natura sua ordinantur ad alia componēda, nec sunt indissolubilia, imò diuisiuntur ac resoluuntur in alia specie diuersa, nempe in ipsa elementa. Iuxta hanc eandē explicationem breuius & clariùs solent elementa ab alijs definiri, *Corpora simplicia in qua alia corpora resoluuntur, Vel Corpora simplicia ex quibus alia corpora componuntur.*

Examinatur consuetudo definitio elemētis.

Verum hæc tota ratio explicandi elementa, rectè quidem se haberet, si elementa manerent secundum se formaliter in mixto, idest secundum suas substantiales formas. Sed quia postea dicemus non hoc modo manere, non satis apta erit hæc ratio explicandi elementa, ex eo solum quod dicantur manere virtualiter in mixto, hoc est secundum suas qualitates. Primò enim hoc pacto verè & in rigore non ipsa elementa manent in mixto: nec mixtum resoluitur in elemēta, quasi in se prius inexistētia & inter se postea separantur: nec mixtum verè componitur ex elementis: quia componentia debent secundum se manere in composito.

Secundo insuper, necesse non erit, ipsa elementa conuenire ad generandum. *Non re-*

*applicatur
elementa
per ordi-
nem ad
mixta.*

nerationem & constitutionem mix-
tis quia perinde mixtum generari &
constitui poterit, si materia dispo-
natur ab alijs causis secundum debi-
tas qualitates, v. g. à causis celesti-
bus, aut alijs: vnde nec etiam vir-
tualiter & secundum suas qualitates
dicentur ipsa elementa constituere
mixtum aut manere in mixto. Nec
valebit dicere, saltem naturaliter
debuisse talem dispositionē ac tem-
periem qualitātū prouenire ab ele-
mentis. Nullum enim erit tale de-
bitum: sed ex natura corporū æquē
benē & indifferenter se habebunt
siue ille qualitates acceptæ sint ab
elementis, siue ab alijs causis.

Tertiò. Etiam dum actu conue-
niunt elementa ad generationem,
& cōstitutionem alicuius mixti, ne-
cesse non est, vt omnia quatuor ele-
menta conueniant, ac de facto non
solent omnia conuenire, vt præbeāt
materiam ac debitam qualitātū di-
spōsitionem perficiant. Ac præfer-
tū ad perficiendam quancunque
mixti dispoſitionem, sufficerent duo
elementa habentia contrarias qua-
litates: videlicet ignis calidus & sic-
cū, aqua frigida & humida: vel aer
calidus & humidus, terra frigida &
sicca: prout hæc elementa à Peripa-
teticis supponuntur. Igitur in tali
casu, nullo pacto illa elementa quæ
non interueniunt, dicentur consti-
tuere mixtum, vel manere in mixto;
& tamen corpus taliter genitum, nō
diceretur minū mixtum: sed esset
eiusdem prorsus rationis, ac si fuisset
genitum per interuentum omniū
elementorum. Non ergo hæc ratio
per se facit ad differentiam essentia-
lem elementorum ac mixtorum.

*Non re-
ste ele-
menta
dicuntur
esse in
mixto,*

Quartò. quædam elementa inter
se in vna qualitate conueniunt, &
ideo dicuntur symbola, imò omne
elementū cōuenit cum duobus alijs,
cum vno in vna, & cum alio in alia
qualitate, vt supponitur: ergo pari-

ter ratione harum qualitātū in quo-
libet elemento dici deberent mane-
re alia duo, manere scilicet virtua-
liter: & sic omne elementum con-
stitui ex alijs duobus. Quòd si di-
catur, ideo in vno elemento non
manere aliud virtualiter ratione
qualitatis, quia vnum elementum
habet eam qualitatem æquē primò
ac aliud, & non habet acceptam &
velut emendatam ab alio. Pariter
dicetur mixtum habere per se pri-
marìò ex natura sua proprias quali-
tates & certam earum temperiem,
quia videlicet ita ab intrinseco exi-
git: nec per se illas petere & emen-
dicare ab elementis. Non enim ap-
paret vnde probetur oppositum. Sed
potiùs ita esse videtur. Tum quia,
etiam facta hypotesi quòd implica-
rent elementa, adhuc intelligeretur
optimè natura aliorum corporum,
per se sibi vendicantium talem tem-
periem qualitātū. Vnde spectata
eorum natura, non magis inuenien-
tur mixta exigere tales qualitates ab
elementis, quàm elementa à mixtis.
Tum etiam de facto, mixta ipsa per
se suamq. formam apta sunt reparare
in se suas qualitates quando opus
est, absque alia elementorum ope:
sic ferrum candens se per suam for-
mam reducit ad pristinam frigidi-
tatem, non minū quàm aqua: igitur
absolutè & simpliciter, ita mixta
per se ex propria natura exigunt
suas qualitates, sicut elementa
suas.

*sicut nec
vnum
elemen-
tum est
in alio.*

Quintò. Gignitur quoque vnum
elementum ex alio: & inter elemen-
ta symbola quibus vna qualitas est
cōmunis, permanet eadem qualitas
in vtroque, eadē numero vt nos pu-
tamus, vel saltem eadem specie apud
eos qui volunt accidentia singularia
permutari: permanet inquam non
secus ac dum ex elementis gignitur
mixtum, ipsum mixtum retinet ele-
mentorum qualitates ad certam tem-

periem reductas. At non per hoc dicitur vnum elementum manere, virtualiter in alio ratione suæ qualitatis, vel constituere aliud elementum: igitur nec elementa ratione qualitatum dici debent manere in mixto, constituere mixtum. Quod si dicatur, per accidens esse, vt ad vnum elementum transeat qualitas alterius ex qua gignitur: pariter dicetur, per accidens esse, quando mixtum gignitur ex hoc vel illo elemento, & ita accipit qualitates ex illo; nec per se requirere accipere qualitates ab ijs elementis, satisquæ illi esse vadeumque eas habere: imò perinde rem se habere, ac dum ex mixto quodam gignitur aliquod elementum retinens ex illo aliquam qualitatem.

*Sed de-
bent ele-
menta
definiri,
& ex-
plicari
absolutè
secun-
dum se.* Sexto demum. Etiam si mixta acciperent per se qualitates ab elementis, non per hoc debent primariò elementa in sua etientia explicari illo modo per ordinem ad mixta. Nā debent potius considerari prius in se absolutè tanquam corpora quædam sub genere corporis in communi. Et vt sic debent constitui & explicari per differentiam intrinsecam, præcindendo ab ordine constitutionis ad alia corpora. Nec refert, quod nomen elementi per se sonat ordinem partis constituentis ad totum constitutum. Nam hoc ipsum est quod dicimus, non debuisse in prima diuisione inferiorum corporum, considerari quædam sub tali nomine, quo sumatur per ordinem ad alia, præmissa priori eorum ratione absoluta in se, sed vel debuissent alio potiori nomine nuncupari. Vel retento eodem nomine, nouum certè non est, aliam solere esse rationem à qua nomen imponitur, & aliam ad quam significandam imponitur & assumitur: sicut nomen Angeli ex sua origine, est nomen officij non naturæ, ac deno-

tat missum siue nuncium: tamen, quādo proponitur tractatio de Angelis, & quando inquiritur quid sint Angeli, non attenditur ea officij ratio, sed substantialis & absoluta eorum essentia in se.

Aliter ergo enitendum est, elementorum rationem principaliter explicare. Et quidem, cum satis ante dictum sit de communi & generica interiorum corporum ratione, in qua elementa cum mixtis conueniunt; assignanda solum est propria eorum ratio, penes quam ab his alijs corporibus distinguatur. Possuntque pluribus alijs modis explicari. Primo modo sicut dicebamus quæst.

36. sect. 1. elementa sunt magna mundi corpora quæ mundum implent, mixta verò sunt quæ inter ipsa elementa dispersa sunt. Secundò iuxta hoc, considerando primam rerum productionem & mundi constitutionem: elementa sunt quæ in prima mundi origine prius producta fuere; mixta verò sunt quæ deinde facta fuere ex ipsis elementis, idest ex elementorum iam creata materia. Quamuis autem non singula mixta facta sint ex omnibus elementis: sed, vt habemus ex Scriptura, quædam facta sint ex terra quædam ex aqua, siue ex terra & aqua simul: adhuc differunt ab alijs omnibus elementis, quorum nullum factum fuit ex alio, sed omnia æquè primò. At hoc etiam vtumque discrimen non est essentialis: quia etiā si Deus nulla corpora de facto condidisset, nec mundum constituisset; aut etiam si elementa in minori magnitudine quàm mixta creasset, ac prius creasset mixta & ex mixtis elementa: adhuc tam elementa quàm mixta suam differentiam essentialem haberent, quia rerum essentia sunt immutabiles.

Tertio. Alio modo potest determinari elementorum ratio, & à mixtis

*Possunt
explicari
penes
constitutionem
vniuersi
et primam
productionem
corporum.*

*Penes
compositi-
tis*

tionem tis distingui, penès compositionem
suam ex integram ex partibus. Elementum
partibus ex natura sua constat ex partibus
integra- inter se prorsus homogeneis &
libus. eiudem dispositionis, nullam re-
quirens in hoc diuersitatem: Mixtū
verò constat ex partibus quibusdam
heterogeneis ac diuersæ dispositio-
nis, non dico substantialiter diuer-
sis, sed accidentaliter penès dispo-
sitiones: unde ex talibus partibus que
imitantur conditionem & diuersita-
tem ipsorum elementorum. Hoc au-
tem patet in corruptione ac dissolu-
tione mixtorum. Dum v. g. com-
buritur lignum, partim abit in fu-
mum & flammam, partim in cineres,
& interdum in humorem: quia nem-
pe constat quibusdam partibus te-
nuioribus & subtilioribus, alijs du-
rioribus & crassioribus: illæ abeunt
in fumum & flammam, aliæ in ci-
neres & humorem: illæ erant si-
miliores aeri & igni, aliæ terræ &
aquæ. Et manifestè in omnibus cor-
poribus viventibus datur huiusmodi
diuersitas partium: non solùm illa
quæ sensibus ipsis apparet, vt car-
nium, ossium &c., & quæ speciali-
ter attribuitur ipsis viventibus: sed
etiam alia diuersitas magis recondi-
ta & occulta in ipsis partibus quæ
alioqui per se videntur similes, vt
in ipsis carnibus per se, & sic de
alijs: vnde cùm temporis decursu
putrescit ac resoluitur cadaver, par-
tim abit in cineres & humorem, par-
tim in vapores & halitus. Metalla
quoque & lapides, aliaque minera-
lia, varijque liquores; per actionē
ignis in varias ac dissimiles partes
resoluntur, vt satis per chymicam
& stillatoriam artem exploratū est.
Quæcumque etiam animalibus de-
seruiunt ad nutrimentum, satis dissi-
militudinem suarum partium osten-
dunt. Consonat tandem hæc expli-
catio cum nominibus, tam mixtorū,
quàm elementorum quæ dicuntur

corpora simplicia. Verùm, neque
hæc explicatio satis tuta est: quia
non apparet ex natura corporum ta-
lis simpliciter necessitas, vt omnia
illa quæ dicuntur mixta, & quæ non
sunt elementa, debeant prorsus ex
partibus dissimilibus constare, ma-
ximè supposito quòd nō formaliter
ex elementis constituta sint. Qui-
nimò per eandem artem chymicam
& stillatoriam, videntur ita depura-
ri posse quædam corpora, vt in se
adequatè uniformia remaneant.

Quartò tandem. Alio præcipuè
modo potest elementorum propria
ratio & à mixtis differentia deli-
gnari penès qualitates illis connatu-
rales. Elementum ex natura sua non
poscit temperiem & coniunctionem
contrariarum qualitatū, sed ex
qualibet contrarietate vnā ad sum-
mum qualitatem sibi vendicat; nem-
pe vel calorem vel frigus, vel humi-
ditatem vel siccitatem. Alia verò
corpora quæ dicuntur mixta connat-
uraliter exigunt temperiem quandā
contrariarum qualitatū, ita vt in
qualibet contrarietate de vtraque
participare debeant qualitate. Hoc
pactò rectè etiam se habent hæc no-
mina. Mixta dicuntur, quia requi-
runt temperiem & veluti mixtionē
contrariarum qualitatū. Elementa
dicuntur corpora simplicia, quia
simplicem vnā qualitatem de tota
contrarietate sibi determinant. Re-
ctè etiam explicatur ratio horum
corporum penès talem affectionem
ac dispositionem qualitatū: non
quia ipsæ qualitates sint primæ co-
rum forme quæ essentialiter illa con-
stituunt: quinimò tam elementa
quàm mixta constituuntur per suas
substantiales formas ab ijs qualita-
tibus distinctas, vt postea ostende-
mus: sed quia essentia vniuscuius-
que substantiæ penès sua accidentia
innotescit. Et iuxta hoc tandem,
elementum in communi poterit de-
finiri:

*Melius
explicā-
tur pe-
nès suas
qualita-
tes.*

finiri: Corpus corruptibile simplex: & clarius. Non requirens contrarias qualitates. Iuxta hoc etiam, modo quodam explicari poterit, elementa virtualiter esse in mixto: id est in mixto coniungi contrarias qualitates, quæ in varijs elementis dispersæ ac separatæ sunt.

Cæterum aduersus traditam doctrinam nihil aliud quod difficultatē ingerat videtur occurrere, nisi illa ipsa quæ faciunt ad probandum, elementa formaliter secundum totam suam substantiam manere in mixto: quibus postea satisfaciemus.

SECTIO TERTIA.

Quæ & quid sint substantiales Elementorum formæ.

Pythagoras & Plato, elementa substantialiter per figuras constituisse videntur: unde diuersas angulares figuras singulis tribuebant, vt commemorauimus q. 36. sect. 8.

*Senten-
tia affir-
mans esse
se quali-
tates.* Inignes quidam Peripatetici, maxime Græci expositores, Alexand. 1. de Anima cap. 2. & 3. & 13., 4. Metaph. com. 16., in lib. de Sensu cap. de Sapore, in lib. de Mixtione, & alibi, Themist. 1. Phys. 54. Simplic. 7. Phys. 23. & 1. Cæli com. 29. Philip. 2. de Generat. com. 72. & lib. 2. com. 16. Ammonius in Prædic. Subst. & in Prædicam. Quantit. & alij significant, non alias esse elementorum formas, nisi easdem ipsas eorū primas qualitates actiuas, nempe calorem & frigus, humiditatem & siccitatem: Atferuntur etiam pro hac sententia Hippocrates lib. de Natura humana, Galen. lib. 1. de Elementis, Plotinus Enneade 6. lib. 3. cap. 9. & Auerroes 1. Phys. com. 15. & in Paraphrasi lib. 2. de Gener. in princip. & alibi. Sed nuper hanc sententiam acriter defendendam suscep-

pit Cæsar Cremoninus integro lib. pro hac re scripto de Formis elementorum: eamquæ præcipuè de mente Arist. esse contendit. Aliqui verò de mente Auerrois, putant elementorum formas esse eorum virtutes motivas, grauitatem & leuitatem: ita enim significat Auer. 4. Cæli com. 1. & 20. & in Paraphrasi 2. de Cælo sum. 4. cap. 6.

Auerroes lib. 3. Cæli com. 67. superponens elementorum formas esse ab ijs qualitatibus distinctas, & dicens esse verè substantiales; asserit ita deficere à formis substantialibus perfectis, vt habeant esse quasi medium inter formas & accidentia: post sequè inter se admisceri, vt ex earū collectione alia diuersa mixti forma resultet: & singulas in se sustinere magis & minus, & posse remanere in composito secundum vnā medietatem, alia medietate deperdita.

Ex alio extremo, refert Martilius Ficinus in Sympotium Platonis, Platoniconum sententiam asserentium, elementorum formas esse vitales, esse animos quosdam, & elementa esse substantialiter animata. *Senten-
tia affir-
mans esse
se vitales.* Quis enim, inquit, terram, aut aquam neget viuere, quæ vitam animalibus ex se generis tribuant: quòd si fœces hæ mundi viuunt, viuuntque sunt plena, cur non aer & ignis excellentiores mundi partes viuant, viuuntque in se similiter habeant?

Dico primò. Formæ substantiales elementorum nequaquam sunt eadem qualitates eorum; sed sunt alia quædam veræ substantiæ, ab omnibus accidentibus distinctæ, non minus quàm in alijs naturalibus corporibus. Hæc assertio est Peripateticorum ferè communis & præcipuè latinorum, Alberti, D. Thomæ & aliorum: & expressè Auerrois 5. Phys. com. 10. Imò & illi ipsi Græci expositores, pluribus in locis idem indicarunt, vt asserit idem Cremonius.

moninus secl. 1. cap. 2. Vnde cap. 3. hæc eorum dicta explicare conatur. Melius tanè tacturus, si potius alia in oppositum dicta ex leat. e. egisset. Sic alij faciunt, eodem pacto quo postea dicta quæ iam Arist. exponemus. Et namque alij præallegati Auctores, vel solùm voluerunt per qualitates tanquam nobis sensibiles & notas denotare elementorū substantias: vel vniuersaliter in corporibus naturalibus non agnouerunt substantiales formas ab accidentibus condistinctas.

Ostenditur ex Arist.

Probatur priò ex Aristot. qui adeo perspicue ita passim supponit, ac pluribus in locis expresse docuit, vt mirandum sit vltos Peripateticæ doctrinæ protectores, itando in sententia sui Principis, oppositum persuadere tibi potuisse. Arist. pro fundamento totius suæ Philosophiæ constituit compositionem ex materia & forma in omnibus corporibus corruptibilibus; forma scilicet substantiali prorsus distincta ac diuersæ rationis, tam à qualitatibus, quam ab alijs omnibus accidentibus: ita ergo in elementis sicut in alijs corporibus aliæ substantiales formæ præter qualitates debent agnoscì. Atque vniuersaliter de omnibus corporibus, & expresse ac specificè de ipsis elementis, sic loquitur 3. Metaph. tex 17. *Passiones, & motus, & quæ ad aliquid sunt ipseque dispositiones ac rationes nullius substantiam significare videntur, cuncta etenim de aliquo subiecto dicuntur, nihilque horum ipsum quid est. Quæ verò maxime substantiam videantur significare, sunt, aqua, terra, & ignis, ex quibus composita corpora consistunt: horum autem caliditates quidem & frigiditates, & huiusmodi passiones, non substantia sunt.* Rursus 2. de Generat. 34. & 55. acriter reprehendit antiquos Philosophos, qui potentias linc qualitates,

præter calorem & frigus, corporibus tribuentes, per eas periciebāt naturales actiones & transmutationes, aut rentes aliam causam principalem quæ est forma: eosquæ simulter errasse; ac si quis actionem secandi tribueret terræ, non autem homini secanti: ita attenti qualitates se habere instrumentaliter, sed causam principalem esse formam. Insuper lib. de Sensu & Sensil. cap. 4. assignem agere non quatenus ignis, sed quatenus calidum: vtiq; supponens aliam esse formam substantialem ignis præter calorem.

Secundò. Ex eodem Arist. in Prædicam. Substantiæ, Substantia non suscipit magis & minus, non habet contrarium, quod totum etià de formis substantialibus planè intelligit: item substantia non est per se immediatè sensibilis, sed tantum accidentia sunt per se sensibilia. At qualitates illæ elementorum, intenduntur & remittuntur, sunt inter se contrariæ, sunt per se immediatè sensibiles vt passim docet idē Arist., & est sensu ipso notissimum: ergo nullatenus sunt elementorum substantia & substantiales formæ. Rursus, ad substantiam datur generatio, & hæc est mutatio à motu distincta, & per se fit in instantia: ad qualitates verò accidentales datur alteratio, quæ est motus successiuus in tempore: generatio fit ex priuatione ad formam, alteratio ex vna in aliam contrariam qualitatem: ita habetur ex 3. & 5. Phys. & alibi. Sed ad illas qualitates in omni subiecto datur vera alteratio, non autem dicta generatio: & hæc alteratio est verus motus, fit successiuè in tempore, fit inter terminos positiuos contrarios, quod totum habetur etiam passim apud Arist. & est de se notum. Igitur illæ qualitates sunt in omni subiecto accidentales & non substantiales formæ. Præterea, quod vni est

Et ex pluribus eius principi. pgs.

in

in se accidens, siue quod vni subiecto accidentaliter inest, non potest esse in alia re substantia, & è conuerso: sic habetur 1. Phys. 27. & 30. & 3. Metaph. 17. Sed qualitates illæ sunt per se simpliciter accidentia & in alijs corporibus accidentaliter inhaerent: vt passim constat apud Arist. qui eas in Logica collocauit in prædicamento qualitatis, & non substantiæ: & Philosophia vbique nominat qualitates, vtiue in eodem sensu accipiendo qualitatem, pro quodam genere accidentis: vocat passionem, de tertia scilicet specie qualitatis: & semper illas enumerat inter alias accidentales qualitates, & pro veris accidentibus recenset. Igitur prorsus non sunt elementorum substantia & substantiales formæ. Tentauit quidem prolixè Crenoninus, hæc omnia Arist. loca eludere. Sed quæ affert, magna ex parte sunt planè falsa, omniterè ex parte sunt inuilia, & à mente Philosophi aliena. Nec oportet in rebus philosophicis totum terè studium ad examinandas auctoritates conuertere.

Ratione ex elementorum natura. Tertio rationibus demonstratur assertio. Dnm aqua, quæ ex natura sua frigida est, incalecet; vtiue non per hoc deperdit quicquam de substantia aquæ: non per hoc acquirit quicquam de substantia ignis: nõ permittentur simul in eadem materia duæ substantiales formæ. Insuper quodlibet elementum dicitur habere duas qualitates sibi connaturales, v. g. ignis calorem & siccitatem. Vel ergo vtrique est eius forma substantialis: & ne erunt duæ formæ per se constitutiue vnius corporis, imò corporis simplicis. Vel si tota combinatio dicetur esse vna forma: non erit quid per se vnum, imò aggregatum quoddam ex pluribus formis. Vel, si vna ex duabus qualitatibus dicatur non esse elemēti

forma; nec certè alia erit quia ambe in hoc sunt eiusdem ordinis. Nec adeo referre potest, quòd vna qualitas magis quàm alia excellat, vt faciat vnā esse substantialem & alteram accidentalem. Præterea videmus, aquam calefactam reparare in se suam frigiditatem, & hanc virtutem habet omne elemētum pro suis qualitatibus. Non potest autem eadē remissa frigiditas relictā in aqua, intendere se ipsam & retardare detrimentum in suo subiecto illatum: quia nulla qualitas potest se ipsam intendere in suo subiecto. Sed omnino illa operatio referenda est ad aliud principiū frigiditatis superius: & hæc est forma substantialis aquæ. Atque hoc erat vnum ex potissimis argumentis ad demonstrandas formas substantiales circa corpora in communi.

Quarto. Dum dicuntur qualitates esse elementorum formæ; vel sensus est, illas verè esse de genere substantiæ, & sic constitutere substantialiter elementa, & non esse de illo genere qualitatis quod inter prædicamenta accidentium recensetur: vel illas verè esse accidentia, tamen simul cum materia constitutere quoddam compositum, & sic esse essentielles, & in hoc sensu substantiales tali composito, diciq. substantiales formas. Primum dici non potest: quia satis constat, illas qualitates per se spectatas, & in omnibus alijs subiectis, esse essentialiter accidentia de prædicamentali genere qualitatis: & ita supponūt ipsimet Aduersarij: & alioqui in omni corpore essent tot substantiales formæ. Si dicatur secundum: id in rigore erit negare veras formas substantiales: erit cadere in sententiam dicentem, præter materiam commune subiectum non dari alias formas nisi accidentia. Nec prorsus cogitari potest, eandem rem in sua specie esse de genere & præ-

Ex conditione formarum.

dicamento accidentis in vno subiecto, & substantiæ in alio subiecto. Ratio enim substantiæ et accidentis diuidit simpliciter ens in communi, et alia sunt entia de genere substantiæ, alia de genere accidentis.

Ex comparatione mixtorum.

Quintò demum. Vel in mixtis conceduntur formæ substantiales præter primas qualitates in certa temperie coniugatas, vel substantialis forma mixti pariter dicetur non esse alia quam certa temperies earundem qualitatum. Si dicatur primum: eadem planè ratione debet tribui elementis vera substantialis forma à qualitatibus distincta: quia secundum se eiusdem rationis sunt tales qualitates tam in elementis, quam in mixtis, & eadem quoque est materia in utrisque: vnde si in mixtis non sufficienter actuatur et completur materia per qualitates, sed per aliam formam substantialem distinctam; semper indigebit tali forma, etiam in elementis. Et alioqui id planè esset dicere, materiam in mixtis quidem reperiri cum quadam substantiali forma, in elementis reperiri sine substantiali forma. Si dicatur secundum: iam planè negantur omnes substantiales formæ: nihil enim aliud velle poterunt quicumque per solas qualitates res naturales perficere vellēt absque substantialibus formis: & solum relinquetur quòd ipsæ qualitates, siue varia eorum temperamenta, dicantur substantiales formæ. Et hæc, si placet Cremonino, erit sententia Aristotelis.

Sextò, præter has naturales rationes sumi potest alia ratio ex mysterio Eucharistiæ, si Aduersarij velint elementa ratione qualitatum manere substantialiter in mixto. In Sacramento nulla remanet substantia naturalis, nec forma nec materia, nec panis & vini nec elementorum: sed tamen integræ remanent eadem,

qualitates quæ inueniebantur ante consecrationem: omnino ergo qualitates non erant substantiales formæ elementorum. Cæterùm, hæc omnia id probant, tam de qualitatibus motiuis, quam de primis qualitatibus actiuis.

Dico secundò. Formæ elementorum nihil deficiunt à perfectis substantialibus formis, nec mediant inter illas & accidentia, non possunt inter se coniungi ac permisceri in eadem materia, non suscipiunt in se magis ac minus: sed prorsus se habent sicut alia substantiales formæ. Hæc assertio est etiam communis. Et habetur ex eodem Auerr. circa eadem loca Arist. pro conclus. superiori citata. Vnde Auerroistæ conantur varia eius dicta conciliare. Sed non est à nobis in hoc laborandum. Et satis manifestè est de mente Aristotelis in iisdem locis.

Ratione probatur aliarum formarum exemplo. Formæ elementorum constituunt vera corpora, substantialia intra genus substantiæ, sicut alia formæ: non ergo deficiunt à perfectione formarum substantialium. Benè tamen intra latitudinem ipsarum formarum inueniuntur varij perfectionis gradus, & alia sunt alijs perfectiores. Sed hoc non minùs reperitur inter alias formas, & inter ipsa quoque accidentia: neque per hoc dicuntur simpliciter deficere à perfectione formarum substantialium vel accidentalium. Quamuis ergo formæ elementorum sint minùs perfectæ ac nobiles alijs formis, debent adhuc simpliciter inter formas substantiales recenseri. Item formæ elementorum habent suam substantiæ rationem sicut alia formæ materiales. Nec datur simpliciter medium inter substantiam & accidens. Non possunt inter se coniungi & admisceri, vt aliquod suppositum sit v. g. simul ignis

Formæ elementorum habent eandem substantiæ rationem cum alijs formis.

ignis & aer, ignis & aqua: sed ita hae formae sunt inter se impossibiles sicut aliae, sicut v. g. non potest simul esse aurum & lignum, & sic de alijs. Non suscipiunt in se magis & minus: non enim est magis aut minus aqua, vel ignis. Ac certè dum vnum elementum agit in aliud, v. g. ignis in aquam non immittit quandam gradum de sua forma ignis, qui simul consistat cum forma aquae, vt successiue adaugeat formam ignis, diminuat formam aquae. Et, si aqua calefacta amisisset quicquam de forma aquae, non posset per se eam amplius reparare, quia nulla forma intendit se ipsam in subiecto. Tota igitur elementorum actio in progressu perficitur qualitatibus, ac in fine tandem post sufficientem dispositionem materiae, introducit tota simul ac indiuisibiliter in materia disposita vna forma substantialis, totaque alia pellitur. Sed Anton. Andr. lib. 11. Metaph. 9. vnica cum Scoto eod. lib. contendit, omnes formas substantiales materiales suscipere magis & minus: & in hoc pares facit formas elementorum, atque mixtorum. Attamen pro certo retinendum est, omnem formam substantialem esse quoad hoc indiuisibilem, vt nec intendi possit nec remitti.

Nō sunt vitales. Dico terciò. Elementorum formae non sunt vitales, non sunt animae: sed in singulis elementis explicari debent per hoc quòd connaturaliter exigunt & requirunt certas qualitates, tum qualitates actiuas, tum etiam talem virtutem motiuam. Hae assertio est pariter communis & certa. Prima pars habetur ex dictis iam q. 31. vbi ostendimus, mundum non esse animatum, nullamque dari animam quae esset tanquam intrinseca forma mundi: & rursus q. 33. probauimus, corpora caelestia non esse animata: sic ergo elemen-

ta non viuunt, non sunt animata. Patet praeterea: quia elementa sunt corpora prorsus homogenea absque discretionem organorum & partium: nullasque vitales operationes exercent, non intelligunt, non sentiunt, non vegetant: Neque ipsa elementa per se dant animalibus vitam, vt supposebat Ficinus: sed tantum, subministrant materiam, qua corpora animata formentur, quaque nutriantur & viuunt: aliudque prorsus est principium effectuum viuentium.

Secunda assertionis pars breuiter explicatur: quia cum substantiales formae non sint per se sensibiles, solum per sensibilia accidentia nobis innotescunt: igitur non possunt nec debent aliter designari quam penes exigentiam talium accidentium. Sic forma ignis est quae exigit summum calorem & siccitatem inter qualitates actiuas, summam leuitatem inter motiuas & pariter alia singula designanda erunt. At verò pro magno inconuenienti accepit Cremoninus sect. 2. cap. 8., elementorum formas dici per se innominatas, ignotas, & occultas. Sed dicat ipse quæto, quæ sint aliorum corporum formae, quæ forma auri, quæ ferri, quæ lapidis, & sic aliorum singulorum corporum? Nisi dicat esse temperamentum primarum qualitatum; nescio quo alio nomine nuncupabit, nisi formam auri, formam ferri; quouè alio modo tales formas apud se cognoscat, alijsque describet, nisi dicendo formam exigentem certalia accidentia. Sic ergo se habent & elementum formae.

In contrarium, præcipue aduersus *Quadam* primam assertionem, quædam Aristotelis loca & dogmata obstat. *loc. Arist. ex-* *plicand.* quæ eodem Cremonini ordine, sed non eadem verborum contextur.

Obijcit primò sect. 2. cap. 1. Arist.

*Sed ex-
plicanda
sunt per
qualita-
tes.*

2. de Partib. animal. cap. 1. docet mixta constare ex elementis, idest ex virtutibus elementorum, & has qualitates esse mixti materiam: sed substantia mixti debet utique constare ex principiis substantialibus, & materia mixti debet esse substantialis: igitur qualitates elementorum verè sunt formæ substantiales. Rursus 2. de Anima 28. ait, viuentia habere sensum alimenti; ali autem siccis, & calidis, & frigidis & humidis: sed viuentia non aluntur nisi substantia: ergo hæ qualitates sunt verè substantia. Tertio de Anima tex. 10. significat, rationem carnis consistere in calido & frigido; unde arguit Cremoninus: In temperamento harum qualitatū consistit essentia carnis: ergo hæ qualitates non sunt accidentales, sed substantiales. Quarto Meteor. in princip. & 2. de Part. animal. cap. 2. & alibi, qualitates dicuntur causæ & principia elementorum: & eod. 4. Meteor. tex. 1. mixti generatio definitur quod sit transmutatio ab elementorum qualitatibus. Hæ autem causæ & principia, & definitionis partes, debent habere rationem substantiæ. Primo de Gener. tex. 55. prænominans materiam & formam, determinat ignem habere in materia calidum; & 1. Phys. 54. ait, elementa esse contrarietatibus complexa, idest qualitatibus contrariis: hæ igitur sunt elementorum formæ.

Respondetur. Mixtum dicitur constare ex elementorum virtutibus seu qualitatibus, quia ex earum temperie gignitur: & eas esse mixti materiam, quia sunt materialis dispositio ad formam. Viuentia ali siccis &c., idest corporibus siue cibis affectis ijs qualitatibus. Caro consistere in calido & frigido, idest habere certam dispositionem ac temperiem harum qualitatū. Atque hoc totum debet sic acceptari: quia

etiam si qualitates essent elementorum formæ, non plusquam tali pacto concurrerent. Rursus, qualitates dicuntur elementorum principia & causæ, idest per quas instrumentaliter ac dispositiuè elementa gignuntur, & per quas elementa agunt. Non autem ibi definitur mixti generatio, sed asseritur fieri per transmutationem qualitatū, ac etiam per eam potest aliquo pacto describi. Demum, verè quidem elementa important qualitates in materia, ignis calorem, & sic de alijs; non tanquam formas substantiales, sed accidentales. Aut, ijs nominibus qualitatū denotantur ipsæ substantiales formæ, quæ sub ijs delitescunt, ijsquè indicantur.

Obijcit secundo cap. 2. alia expressiora loca. Arist. toto lib. 2. de Generat. omnem elementorū transmutationem perficit qualitatibus. Et specialiter tex. 24. et 49. declarat, per mutationem qualitatū transire vnum elementum in aliud: & elementa ratione qualitatū esse inter se contraria, & in ijs contingere substantiam substantiæ contrariam. Clariùs adhuc tex. 6. & 7. ait, contrarietates siue contrarias qualitates simul cum materia esse principia & formas quibus constituentur elementa.

Respondetur cum communi expositione, transmutationem elementorum perfici qualitatibus, quia per qualitates inter se agunt, & ex qualitatū dispositione substantialis forma consequitur. Sicquè mutatis qualitatibus transit vnum elementum in aliud, quia consequenter mutatur vna forma in aliam. Et elementa ratione qualitatū sunt inter se contraria: quia propriè quidem ipsæ qualitates elementis connaturales, sunt inter se contrariæ: formæ autem substantiales sunt quodque inter se oppositæ & incompatibiles.

*Expli-
cantur
alia lo-
ca.*

sibiles, & per qualitates inter se pugnant, ideoquæ dicuntur etiam contrariæ. Qualitates demum dicuntur principia & formæ elementorum: vel quia sub ipso nomine qualitatum intelliguntur reconditæ formæ: vel quia sumuntur elementa quatenus inter se inuicem actiua atque pugnantia: vel quia sumuntur quatenus ingredientia mixti constitutionem, non secundum formas, sed secundum virtutes & qualitates: vel quia sumuntur quatenus sensibilia sunt, & sic expressè sumit & explicat Arist. eo tex. 7. vel tandem qualitates dicuntur principia & formæ elementorum, idest dispositiones et origines elementorum quoad substantiam. Sic enim Arist. tex. 6. ait: *Primum quidem potètia corpus sensibile principium est: secundum autem contrarietates, ut caliditas & frigiditas; tertium iam ignis & aqua & calia, hæc enim transmutantur in se inuicem.* Idest primum in constituendis elementis est materiæ, tanquam subiectum, secundum sunt qualitates tanquam dispositiones, tertium sunt iam ipsæ elementorum formæ, & hoc probat ex mutua transmutatione. Itaque hic locus, sicut & passim tota doctrina Arist. in lib. de Generat., ostendit, formas substantiales elementorum à qualitatibus condistinctas, et generationem substantialem ab accidentali alteratione distinctam.

Quomodo elementorum sunt inter se contrariæ: ergo non sunt aliæ quàm prædictæ primæ qualitates. Probat antecedens: Tum quia sunt corruptibiles, corruptio autem non fit nisi à contrario in contrarium: Tum quia, duo illa principia, forma & priuatio, dicuntur contraria; priuatio autem non existit nec est contraria formæ nisi ratione alterius formæ positivæ. Probat item consequentiam: quia

contraria sunt inter se actiua & passiva: sed primum actiuum & passivum in natura, sunt dictæ qualitates. Deinde sequentibus capitibus refellit quosdam dicendi modos pro corruptione elementarium formarum, nempe formam corrumpi ad corruptionem qualitatum consequentium, vel per aduentum formæ aduersæ, sibi quæ contrariæ penes priuationem adiunctam, vel ad corruptionem dispositionum antecedentium.

Sed his omissis, breuiter petendum est, an putet formas mixtorum verè corrumpi, et tunc an sint contrariæ: et vel tandem pariter dicet, formas mixtorum, etiam ipsam animam in genere viuentium, non esse aliud quàm easdem qualitates in certa temperie commensuratas. Vel sicut formæ mixtorum à qualitatibus distinctæ corrumpentur, ita prorsus et formæ elementorum. Dicendum quæ clarissimè est, omnem formam substantialem corrumpi siue abire, per aduentum et introductionem in materia alterius formæ substantialis: quia ipsæ formæ inter se sunt oppositæ et impossibiles, quamuis non dicantur in eo rigore contrariæ, sicut dicuntur accidentia in eo sensu quo dicitur substantia non habere contrarium, ut explicauimus in Logicis. Ad hoc autem necesse non esset, ut ipsæ formæ essent inter se actiue, quia satis esset posse simpliciter vnā formam produci et aliam expelli. Sed verè ipsæ formæ sunt etiam per se actiue, et sui similium productivæ: sunt quæ primum idest principale principium, actiuum: qualitates autem sunt primum idest immediatum actiuum, ad productionem formæ concurrentes per modum instrumenti. Ac denique satis notum est, quod aliæ accidentales formæ identidem corrumpantur ac varientur, etiam si

si non habeant propriè contrarium.

Obijci vltèrius potest quartò ad probandum, vel formas elementorum esse qualitates; vel quæcumque sint, posse inter se admisceri, ac suscipere magis et minus. Quia, cum elementa dicantur constituere mixtum, debebunt secundùm formas suas substantiales reperiri in mixto, et esse de substantia eius. Verùm, ad hoc, partim patet ex dictis sec. præcedenti de ratione elementi, partim patebit magis postea de ratione mixti.

SECTIO QUARTA.

Quot & quæ sint Elementorum qualitates.

Post formas, inquirendæ sunt elementorum qualitates, non solum tâquam affectiones substantiæ, sed quia etiam penes ipsas qualitates magis innotescant et formæ.

Præcipuæ et notissimæ elementorum qualitates sunt, Calor, Frigus, Humiditas, et Siccitas. Has constituit Arist. lib. 2. de Generat. à tex. 7. et omnes alij receperunt. Eas antea expressit Hippocrates lib. de Natura humana, ubi ipsa elementa his nominibus appellat, Calidi, et Frigidi, Humidi et Sicci. Vnde Galen. lib. 1. Methodi cap. 2. contendit, Hippocratem fuisse huius assignationis auctorem. *Calidum, inquit, frigidum, siccum, & humidum, primus Hippocrates inuenit: post eum Arist. demonstratione asseruit.* Patent quæ hæ qualitates in corporibus naturalibus ac specialiter in elementis, ipso sensu tactus: sunt enim hæ tangibiles qualitates. Et sunt inter se actiuæ, ut est eodem ipso sensu notissimum.

Præter has, habent quoque elementa et alias qualitates: ut densitatem et raritatem, si scilicet hæ sint

qualitates: habent duritiem et fluiditatem: habent præsertim virtutes motiuas grauitatem et leuitatem quæ peculiari tractatione dignæ erant, de quibus proinde satis antea egimus q. superiori circa locum interiorum corporum in communi. Eas autem qualitates, quæ ex combinatione vnius & alterius contrariæ qualitatis ex illis quatuor initio propositis oriri videntur, nempe ex calore & frigore, humiditate & siccitate, elementa in sua naturali puritate non habent, quia nimirum simplex elementum non importat in suo naturali statu contrarias qualitates. Itaque elementis puris non conueniunt colores, sapor, odores, tanquam videlicet ex combinatione illarum contrariarum qualitatum exorientes. Dum tamen elementa, præter puritatem sibi debitam alterantur, & contrariis qualitatibus ab extrinseco afficiuntur, & alienis corporibus admiscuntur, benè possunt illas quoque qualitates participare & sic experientia ipsa demonstrat.

Specialiter dubitatur, num elementis insint quædam aliæ qualitates quæ dicuntur virtuales, ac non sunt per se sensibiles, & iisdem nominibus illarum quatuor qualitatum appellantur, nempe calor virtualis, & sic de singulis: quæ in re non sunt aliud quàm virtus quædam gignendi calorem, frigus, humiditatem, & siccitatem. Has enim qualitates posuerunt aliqui apud Marsil. 2. de Generat. q. 5. sicut nempe ab effectu deprehenduntur in mixtis, ut vinum, piper, & alia sunt, quæ habent virtutem calefaciendi, & hanc virtutem retinent etiam si à se sint formaliter frigida; & alia sunt quæ habent virtutem refrigerandi, etiam si sint formaliter calida, & ad eum effectum præbentur in cibum & remedium; alia quæ humectandi, & alia exiccandi. Alij tamen negare

Nūc elementis insint qualitates quædam virtuales.

Quomodo ad mixtum se habeant.

Quatuor præcipuæ qualitates, Caliditas, Frigiditas, Humiditas, Siccitas.

Alia elementorum qualitates.

solent huiusmodi qualitates virtuales in elementis, ut attulerunt Conimb. 2. de Generat. cap. 3. q. 2. art. 2. Et dicunt, sufficere formas ipsas substantiales elementorum, ex quibus immediate qualitates illæ formales emanent. Et hanc esse diuersitatem inter elementa ac mixta, quod ex qualitates formales, non se habent in mixtis ut eorum passiones internae, & ideo supponunt alias qualitates virtuales tanquam passiones internas: sed in elementis qualitates ipsæ formales sunt propriae passionis internæ.

*Non in
funt re
spectu
subiecti
externi.*

Dicendum tamen videtur, elementis non conuenire quidem tales qualitates virtuales, siue tales virtutes in ordine ad producendum eas qualitates formales in externum subiectum: bene tamen ijs conuenire ad reparandas eas qualitates in seipsis, refarciendo detrimentum in illis sibi illatum. Prima pars suadetur ab experientia, quia non apparet, elementa aliter habere vim producendi calorem aut aliam qualitatem in alieno subiecto, nisi per calorem suum formalem, & sic de alijs singulis qualitatibus: ijsque seclutis, non efficiunt amplius tales qualitates in subiecto distincto æquiuocè operando. Itaque non habent aliam virtutem operandi immediate in externum subiectum, nec per modum qualitatis à substantia distinctæ, nec etiam per ipsam suam formam substantialem. Nec refert, quod mixta habeant talem virtutem, nec oportet huius diuersitatis aliam querere rationem, nisi ipsam diuersam corporum naturam, experimento cognitam.

Sed be. Suadetur deinde secunda pars: quia ex re respectu etiam experimento constat, & ab sui ex eorum natura deducitur, elementa habere vim reperandi in se suas qualitates per contrariorum actionem imminutas, quam vim mixta pariter

habent: & in hoc saltem sensu dici debent habere qualitates virtuales, siue virtualiter continere eas qualitates formales. An verò talis virtus sit qualitas quædam per modum potentie distincta à forma substantiali, eaque operatio non exerceatur immediate à forma, sed mediante tali virtute distincta: Videtur affirmandum. Et ita iam notauimus q. 21. sect. 8. concl. 2. Quoniam accidentia variabilia, licet interna, videntur produci mediante alijs fixis et inuariabilibus. Atque de his qualitatibus id specialiter colligitur ex mysterio Eucharistiæ, ubi remota naturali substantia, adhuc apparet eadem virtus reparandi connaturalem frigiditatem, quando calor indebitus ab aliquo externo agente fuerit inductus.

Deinde, ad maiorem determinationem earum quatuor qualitatum, illæ solæ et omnes, nempe calor et frigus, humiditas et siccitas, dicuntur primæ qualitates. Ita præsertim statuit Arist. 2. de Generat. tex. 15. In quor attributo tres conditiones includuntur: prima, ut non proueniant ex qualitatibus: secunda ut non ex alterutris, siue ex se inuicem: tertia, ut ex ijs proueniant aliz qualitates.

Circa primam conditionem dubitatur, non solum admissis illis qualitatibus virtualibus ex quibus proueniant; sed etiam quia specialiter calor ex lumine et motu locali effici solet. Verum intelligit debet, illas esse primas qualitates sensibiles, specialiter per sensum tactus. Ita planè habetur ex Arist. 2. de Generat. tex. 7. et sequentibus. Quare nihil obstat illæ qualitates virtuales, quæ non sunt per se sensibiles. Nec lumen, quæ non est qualitas tangibilis, sed vitibilis: præterquam quod non constat, ab ipso lumine calorem effici, ut notauimus q. 35. sect. 7. Nec de-

*Illæ qua-
tuor sũt
primæ
qualita-
tes.*

*Nō proueniunt
ex alijs.*

denique motus localis, qui non est qualitas, sed est de prædicamento, ubi, vel si placeat, Actionis, tanquam actio terminata ad locum.

Non ex alterutris.

Circa secundam conditionem, notum quidem est, vnam qualitatem contrariam non fieri ab alia, tanquam à causa efficiua, in quo sensu nunc loquimur, licet vna fiat ex alia tanquam ex termino à quo. Sed, comparando qualitates, non contrarias, Andrazas Castalpinus lib. 4. Peripateticarum questionum q. 1. vult, siccitatem et humiditatem ex caliditate et frigiditate pendere ac provenire: unde solum calor et frigus essent iuxta hanc conditionem primæ qualitates. Sumit ex Arist. qui 1. Phys. 36. docuit, non esse nisi vnam primam contrarietatem, ex qua alie oriuntur. Et 2. de Anima 167, et 4. Metaph. 2. ait, vnum sensum esse vnius generis obiecti, et 4. Physic. 50. vnius generis vnam esse contrarietatem; Igitur de mente, Arist. vna est prima contrarietas qualitatum tangibilium: & hæc est caloris et frigoris. Expresse insuper 2. de Gener. tex. 8. et 4. Meteor. in princip. ait, calorem et frigus esse qualitates actiuas, humiditatem et siccitatem passiuas: atq; calorem et frigus exiccare et humectare. Quod etiam experientia confirmatur: quia ignis suo calore exiccat carnes, et ligna, et vestes: calor quoque animalis exiccat corpus, et consumit humidum.

Non siccitas & humiditas ex calore & frigore.

Certum tamen est in doctrina peripatetica, humiditatem et siccitatem non provenire per se ex illis alijs qualitibus, sed esse æquæ primas cum illis. Patet: quia apud Aristotelem coniungitur siccitas cum summo calore in igne, humiditas cum frigiditate in aqua: et è contra humiditas cum calore in aere, siccitas cum frigore in terra; igitur nec

dici possunt naturaliter provenire humiditas ex calore, siccitas ex frigore, nec humiditas ex frigore, siccitas ex calore, nec ambæ ex mixture caloris & frigoris: sed omnes erunt æquæ primæ. Et ita expresse Arist. docet 2. de Generat. tex. 14. *Neque enim calidum quod humidum vel quod siccum; neque humidum quod calidum aut frigidum; nec frigidum & siccum, nec sub inimicem, nec sub calido & humido sunt: quapropter necesse est, quatuor esse has, primas scilicet qualitates quæ non sunt inter se ex alterutris.*

Nec Aristotelis in locis ex aduerso adductis vllatenus contradicit. In primo loco loquebatur tantum de communibus principijs physicis: de quæ ijs ait, vnum esse primam contrarietatem, id est priuationis & formæ. In secundo loco docuit, vnum sensum esse vnius generis, videlicet tactum circa qualitates tangibiles, vltimum circa vitibiles: quando verò dixit, vnius generis vnam esse contrarietatem, loquebatur de ijsdem illis principijs, priuatione & forma: sed alias affirmavit, duas esse primas contrarietates tangibilium qualitatum. In alijs demum locis, quo sensu dixerit, humiditatem, & siccitatem esse passiuas, se& 6. explicabimus. Verum est autem, siccitatem & humiditatem posse & solere per accidens ex illis alijs provenire: id est non quasi per se ac directe calor siccitatem efficiat: sed quia rarefaciendo & attenuando subiectum, partes humidiores resolvuntur in vapores, & sic remanet corpus durius ac siccius. Unde si per calorem attenuetur quidem & emolecant sed non resolvantur partes humida, videtur potius corpus humectari: sic cera, glacies, metalla, ignis calore liquefcunt.

Circa tertiam denique conditionem, necesse non est, ut omnes prone-

nisi alia prorsus alie qualitates per se & proximè ex ijs quatuor, vel omnibus vel pluribus, vel earum vna proueniunt: quinimò plurimæ sunt alie qualitates, quæ immediatè ex substantiali forma, vel ex alijs formis victuribus oriuntur. Attamen saltem mediatè & originaliter, omnes alie qualitates dici poterunt ex illis pendere, quatenus illæ disponunt ad formam substantialem, ex qua rursus alie consequantur. Plurimæ etiam qualitates sunt, quæ per se & proximè ex illis quatuor enascuntur. Et alie sunt quæ ex omnium quatuor certâ temperie ac permutatione dimanant: & hæc per se erunt mixtorum propriæ, non autem puris elementis connaturales. Alie quæ ex vna vel duabus non contrarijs sufficienter proueniunt: & hæc bene sunt ipsis quoque elementis connaturales. Iuxta hoc Arist. 2. de Generat. tex. 8. septem enumerat qualitatibus tangibilium contrarietates: *Calidum, Frigidum, Humidum, Siccum, Graue Leue, Durum Molle, Lubricum Aridum, Asperum Lent, Crassum Tenuis*; Adde debent, si censeantur qualitates, *Rarum & Densum*. Deinceps Arist. statuit, calidum & frigidum, humidum & siccum, esse duas primas contrarietates: atque ex ijs alias prouenire. Designatque, quæ ex quibus proueniunt: nempe tenue ex humido, crassum ex sicco; lubricum ex humido, aridum ex sicco; molle ex humido, durum ex sicco; sic etiam videtur subintelligere leue ex humido, asperum ex sicco. Sed tamen in rigore non videntur singula hæc qualitates ex singulis illis primis prouenire, sed potius ex mixtione vtriusque contrariæ qualitatis, vna tamen vel alia magis prædominante, v. g. duritiem ex maiori siccitate quàm humiditate, molli-

siccitate, ut attingemus sect. sequenti. Et hoc solum Arist. ipse voluisse videtur. Demum ex calore solet oriri raritas, & ex frigore densitas: ex raritate autem oritur leuitas, ex densitate gravitas. Ceterum ex varia combinatione qualitatibus inter se, varij quoque gradus exoriuntur in alijs qualitatibus numeratis, et pro occasione specialiter continget attingere. Et plura tandem de hac origine aliarum qualitatibus ex dictis primis, circa corpora mixta dicemus.

SECTIO QUINTA.

Quid sint singula dicta qualitates.

Facilius sanè est, tenet ipso discernere ac discernere singulas prædictas qualitates, quàm ratione definire. Attamen entendendum est illas meliori quo fieri possit modo describere. Arist. 2. de Generat. tex. 8. sic de calore & frigore inquit: *Calidum est quod congregat ea quæ sunt eiusdem generis: & addit, quando ignis solet quædam segregare, id est ipsum esse congregare ea quæ sunt eiusdem generis, & per hoc separari ea quæ erant diuersi generis ab ijs quæ congregantur. Frigidum autem est quod coniungit & congregat similiter & ea quæ eiusdem generis & quæ non eiusdem generis.* Hinc hæc definitiones harum qualitatibus desumptæ sunt, & apud Peripateticos consuevit. *Calor est qualitas quæ congregat homogenea & segregat heterogenea: Frigus est qualitas quæ congregat homogenea et heterogenea.* Idem repetit Arist. 2. de Generat. 54., 3. Celi 74., 4. Meteor. cap. 1. & alibi.

Pro explicatione harum definitionum, congregare intelligitur, pro

Definitiones

*explicā-
tur.*

eo quod est simul vnire & coniungere, coadunare & miscere: segregare est e contra separare ac discernere. Homogenea & eiusdem generis intelliguntur, non tam substantialiter quæ sub eadem specie habeant eandem essentiam ac formam; quam potius accidentaliter quæ conueniant & assimilentur in quibusdam accidentibus et affectionibus, vt fluxibilitatis, liquabilitatis & similibus, vt exponit Philoponus. Itaque vinum & aqua, pix & cera hic habentur pro homogeneis. Ex aduerso æterogenea intelliguntur quæ in ijs accidentibus dissimilia sunt, etiam si alioqui sint eiusdem substantiæ: quare vapor aqueus & aqua, exhalatio terrestris & terra, habentur pro æterogeneis. Atque iuxta hanc explicationem, descriptiones traditæ verificantur exemplis. Dum per ignis calorem metalla liquantur, coadunantur inter se omnes partes consimiles, videlicet auri, & segregantur ab impuritatibus antea admixtis, nempe scoria, alijsuè partibus terrestribus & alienis. Item pix & cera eiusdem ignis calore liquantur & sic permiscuntur, quia cum liquefiunt, sunt in hoc homogenea. Calor etiam miscet & congregat diuersos succos in pharmaco: in cōcoctione verò musti & salis, & similibus, separat partes subtiliores & crassiores. E contra frigus simul adunat & constipat omnia: vt patet in congelatione, vbi simul in glacie concrescunt paleæ, ligna, herbe, lapides, & interdum animalia quædam.

*Ratione
firman-
tur.*

Porro, operationes hæ congregandi aut disgregandi non proueniunt proximè & primariò ex calore & frigore, sed potius secundariò & remotè consequuntur mediantibus alijs prioribus operationibus, per quas & reddi poterit ratio à priori illius congregationis & dis-

gregationis. Calor per se habet vim rarefaciendi, attenuandi, ac relaxandi; frigus condensandi & constringendi. Idcirco dum calor rarefacit & attenuat, consequenter ea quæ sunt eiusdem ponderis & liquabilitatis permiscuntur simul: ijs verò quæ dissimilia sunt, liber præbetur transitus, vt vnumquodque ad suum locum secedat, leuiora attollantur, grauiora subsideant, dura concrescant, liquabilia fundantur. Frigus e contra, dum condensat, cōsequenter simul adunat & constringit omnia quæ inuenit: ideoquæ omnia quæ inueniuntur in aqua, simul cum illa concrescunt in glaciem. Hinc, si calor & frigus debeant per suos effectus à posteriori describi, propinquiùs & clariùs possunt definiti: Calor est qui rarefacit, Frigus quod condensat. Attamen in ordine ad mixtionem aliorum corporum, quæ dicuntur constare ex elementis, quæ scilicet ex certa dictarum, qualitatum temperie generantur, illarum definitiones magis explicat concursum earum qualitatum ad constitutionem mixti. Ad mixtionem enim debent homogenea & æterogenea conuenire, quæ partim debent esse congregata et agglutinata, partim in certas partes seposita: calor ergo vnit homogenea, & segregat ac disponit æterogenea; frigus simul omnia agglutinat & connectit in vno corpore: vt præsertim apparet in corporibus animatis quæ extot varijs membris & organis ritè dispositis in suis partialibus locis, et aptè colligatis in toto, compacta sunt.

Deinde, de humiditate et siccitate sic loquitur Arist. tex. 9. post definitiones caloris et frigoris. *Humiditas autem quod interminabile & siccitas proprio termino, facile terminabile est. Siccum autem facile terminabile proprio termino, difficulter*

*Definiū.
tur hæ.*

autem terminabile. Hinc hæ definitiones desumptæ sunt: *Humiditas est qualitas, reddens corpus difficile terminabile termino proprio, facile alieno: siccitas est qualitas, reddens corpus facile terminabile termino proprio, difficile alieno.* Terminus hic præcipuè sumitur pro figura. Atque terminari termino proprio, est habere per se propriam figuram & consistentiam: alieno, est figurari & contineri per aliud corpus ad modum vasis. Iuxta hoc, hæ definitiones verificantur exemplis. Aqua, & sic alij quicumque liquores, in quibus maximè apparet humiditas, nullam ex se retinent figuram; sed prorsus se accommodant cuicumque figuræ vasis in quod infunduntur. E' contra, terra, lapides, ligna, & alia quæcumque censemus sicca, tenaciter retinent propriam aliquam figuram ijs semel inditam, nec recipiunt figuram alterius corporis continentis.

Definitiones ratione fundantur.

Ratio autem, quare hæ contrariæ affectiones humido & sicco conveniant, hæc communiter assignatur: quia humiditas affert corpori fluxibilitatem seu mollitudinem quandam, siccitas verò consistentiam seu duritiem: mollia & fluida facile quæcumque alienam figuram admittunt, nec suam retinent; sed quæ dura & consistentia sunt, suam terminationem retinent, nec ad alienam pertrahi patiuntur. Hac etiam ratione hæ descriptiones ad mixtionem accommodatæ sunt, ut notavit Arist. 4. Meteor. sum. 1. c. 1. quia humido agglutinante partes siccas, fiet mixtum in se aptè cohærens: solum enim humidum nimis disflueret, solum siccum nimis consisteret: at ex utriusque coniunctione, resultat conveniens corporis status. Idquæ duplici exemplo confirmat. Sicut ex obsonio & condimento fit cibus saporosus, dum obsonium tri-

buit quandam consistentiam, & condimentum saporem: ita ex sicco & humido aptè conficitur mixtum. Item ex Empedocle: ex farina & aqua fit massa & panis, quia farina est sicca, aqua est humida. Insuper, ratione humiditatis corpus ab initio facile recipit certam figuram, ratione siccitatis eā deinceps retinet.

Addendum rursus est, humidi partes benè adharere & continuari inter se: sicci autem partes dissolui potius & comminui. Sic manifestum est, partes aquæ aliorumque liquorum inter se coniunctim adherere, & statim iuxta se positos continuari. At in corporibus valde siccis, partes in minuta fragmenta distrahuntur, & totum corpus in exiguas partes friatum existit. Sic patet in terra per se sumpta sine aqua; friata enim est in pulverem vel arenam; patet in cinere, farina, alijsque similibus. Corpora verò non adeo sicca, inveniuntur quidem concreta in magnam molem, ut lapides, metalla, & alia plurima; tamen illa quæ diuisa sunt, quantumvis iuxta se invicem ponantur, non per hoc continuantur in vnum: nisi inquam metalla liquefiant, quia tunc benè in vnam massam concrefcent.

Et hinc explicatur propriè & in rigore, quid sit durum & molle. Durum enim dicitur quod in se benè consistit & non cedit comprimenti, ut lapides, & similia: unde provenit ex abundantia siccitatis, & admixtione humiditatis: dum enim siccum agglutinatur & copulatur per humidum, efficitur corpus durum. Molle verò explicatur ab Arist. 4. Meteor. sum. 2. cap. 2. quod cedit comprimenti, sed nō circumstistendo: unde ait, aquam propriè non esse mollem, sed fluidam; quia si quis digito premit aquam, statim aqua circumfunditur in illam immisso. Cera autem est mollis, quia dum

Et magis explicatur.

Sicco et humido adiunguntur durū & molle.

dum premitur, cedit quidem, sed ad latera sistit, & non circumfluit corpori comprimenti. In aqua etiam non eadem superficies deorsum truditur, sed frangitur & digitus in inferiorem aquam mergitur: at in cera eadem superficies flectitur ac deorsum pellitur. Molle ergo non est purum humidum, sed oritur ex abundantia humiditatis & admixtione siccitatis. Atque simili modo sentiendum est de illis alijs contrarietatibus qualitatum, quas Arist. enumeravit, & ad humiditatem siccitatemque retulit, ut sect. superiori adduximus.

Definitiones caloris et frigoris oppositae gnantur.

Sed contra definitiones traditas caloris & frigoris occurrunt plura quaedam exempla, in quibus videtur calor congregare etiam heterogenea, & tam calor quam frigus quoque segregare homogenea. Actione caloris vitalis in animali uniantur in unam chili massam cibi et potus qui erant inter se valde dissimiles. Actione item ignis calefacientis coagulatur lac et tunc paleae aliaque extranea in eadem massa concreverunt: et sic etiam dum actione Solis indurascit lutum. Atque Arist. ipse 4. Meteor. cap. 1. ait, calorem et frigus congregare ea quae sunt eiusdem generis, et quae diversi. Ex opposito, per excessum tam caloris quam frigoris rumpuntur vasa vitrea quae erant homogenea. Ignis etiam dirumpit ova & castaneas. Nimium frigus in hieme interdum exprimit ab oculis lacrymas. Et in sanguine ex venis emitto, frigus separat partes terrestres quas in imum deiecit, aquosas & biliosas quas in summum tollit: ubi segregat heterogenea, quae calor congregata tenebat.

Defenduntur.

Hae tamen exempla non obstant: sed vel magis confirmant doctrinam traditam, vel ad summum ostendunt posse per accidens contingere oppositum eius quod per se evenire

solet ac debet. Calor unit & miscet cibos, qui prius quidem erant inter se dissimiles, sed actione caloris efficiuntur eiusdem habitudinis ac liquabilitatis, ut sic tanquam homogenea congregentur. Itaque, hoc non est, per accidens congregare heterogenea, ut respondet Zabara lib. 1. de Qualit. element. cap. 4. sed est per se congregare homogenea. Lac non coagulatur sola actione caloris, sed per coagulum crassum & viscosum, cui tamen inferunt calor ut diffundatur per omnes partes. Et sic possunt in lacte aliqua aliena concretescere. Calor exiccat lutum, separando heterogenea, nempe aquam resolvit in vaporem: & hinc per accidens fit, ut in luto obdurescente construantur paleae aliaque similia. Arist. autem eo loco vagè & indistinctè enumerat actiones caloris & frigoris, quae non omnes copulativè verique tribuendae sunt, sed aptè distribui debent.

Deinde veluti per accidens calor & frigus vasa rumpunt, frigus ad dentando, calor rarefaciendo. Frigus enim condensans & constringens quasdam partes, dum hae non possunt secum trahere alias coniunctas, ab ijs scinduntur ac secedunt. Calor verò rarefaciens ac dilatans partes, simili ratione eas inter se diuellit. Rursus rarefaciens ac dilatans materiam intra oui & castaneae corticem reclusam, efficit ut talis materia maiori tibi locum quaerens, corticem rumpat: quae non est homogeneorum segregatio, sed est continui divisio ex dicta rarefactione proveniens. Frigus etiam per accidens aliquando segregat, dum nempe condensando & constringendo exprimit humorem: qua ratione dolore constringente emittuntur lacrymae, quae interdum gaudio quoque dilatante elabuntur. Ad ultimum denique exemplum sanguinis,

nis, Zabar. loco cit. ait, separationem illam in sanguine emissio fieri à calore quem inquit prius cohibitu fuisse virtute animæ. ne illam separationem faceret in præiudicium animalis. Sed melius dicetur calor separare tum illos humores, quando simul in quoddam vas collecti sunt: at prius in animali diffundebantur per angustas venas, unde ibi separari non poterant. Et insuper intra corpus animalis humores illierant magis confimiles & homogenei, & ideo per calorem tenebantur vniti & permixti: extra corpus incipiunt magis differre, et sic per calorem in diuersas illas partes segregantur, sed simul per frigus in vnam totalem massam coagulantur: calor ergo congregat homogenea et segregat heterogæna, frigus hæc etiam congregat quantum potest.

*Itemq;
humidi-
tatis &
siccita-
tis.*

Contra definitiones quoque traditas humiditatis et siccitatis, sunt exempla occurrunt: Farina, cinis, terrestris ipsa arena, et puluis siccissimus, ignis quoque facillime quocumque alieno termino figurantur, si intra vas aliquod includantur: potest etiam per sigillum imprimi quæcumque figura in cinere alijsque similibus corporibus siccis.

Sed ad hæc patet solutio ex antea dictis. Nullum huiusmodi corpus siccum, recipit figuram, quasi vnum quid continuum, ad instar aquæ alteriusve liquoris; siquidem in tot minutas partes comminutum existit: sed solum minuta ipsa corpuscula taliter disponuntur, vt ad situm alterius corporis seu vasis accomodentur: quod non est contra constitutâ siccitatis rationem. Et considerandum est, an vnum quoddam ex ijs corpusculis per se sumptum possit facile ad alienam figuram contormari: ibi sanè apparebit qualiter corpus siccum alienam figuram ac terminum non recipiat.

SECTIO SEXTA.

*Quomodo se habeant eadem
qualitates inter se.*

TRiplex comparatio inter has qualitates fieri potest: primò conferendo qualitates contrarias inter se, calorem cum frigore, humiditatem cum siccitate: secundò conferendo qualitates non contrarias inter se, siue vnam contrarietatem cum alia, nempe calorem & frigus cum humiditate & siccitate: tertio conferendo coniunctim singulas qualitates cū alijs singulis & omnibus.

Circa primam comparisonem, *Compa-
rantur
qualita-
tes con-
traria.* Arist. 10. Met. tex. 16. docuit, vnum contrarium importare priuationem alterius: non quidem pariter & mutuo ex parte vtriusque; sed vnum determinatè se habere realiter & positivè, alterum se habere vt priuatione illius. Et expressè de calore & frigore 1. de Generat. 18., 2. Cæli 18., & 12. Metaph. 22. ait, calorem esse formam positivam, frigus verò priuationem caloris. Hinc occasionem acceperunt aliqui dicendi, has elementares qualitates contrarias, ita se habere inter se, vt vna sit verè positiva ac realis forma, altera sit positivè absentia & priuatio illius. Ac determinatè calorem esse formam positivam, frigus esse defectum caloris; humiditatem esse formam realem, siccitatem esse humiditatis carentiam. Et ita asserit Cardanus lib. 2. de Subtilitate. Ac probat quia per solum recessum agentis calidi, v.g. Solis calefacientis, alia frigescent: & per recessum humoris exiccantur. Fauet Diuus Thomas 3. Cæli circa tex. 23. dicens, siccitatem non esse aliud quàm humiditatis priuationem.

Certum tamen est, ambas has
con-

Ambae contrarias qualitates esse positivas
sunt pos. ac reales formas. Ita clarissime sup-
rina, sed ponit Arist. qui ambas constituit ve-
una per- ras qualitates & inter se actiuas, quæ
fectior mutuam alterationem exercent: &
altera. ita passim philosophatur. Patet etiã
 ex ipsa ratione contrarietatis: con-
 traria enim sunt, extrema quædam
 positiva inter se oppositas & alia est
 oppositio contraria ab oppositione
 contradictoria & priuatiua. Patet
 præcipuè ipsa experientia: quia ita
 posituè sentimus frigus sicut calo-
 rem: & ita realiter producitur fri-
 gus sicut calor: & calor deberet sta-
 tim totus produci in instanti, si non
 inueniret qualitatem positiuam op-
 positam, sicut producitur lumen: &
 postquam productus esset, non pos-
 set amplius corrumpi, quia nõ exer-
 cetur actio corruptiua, nisi per pro-
 ductionem vnius formæ positiuæ,
 quæ expellat aliam formam incom-
 possibilem præinuētam in subiecto.

Benè tamen inter duas formas
 contrarias, vna est perfectior & ex-
 cellentior altera: illa autem quæ in-
 ferior est, censetur ad modum pri-
 uationis, quia nimirum spoliatur sub-
 iectum perfectione oppositas: & hoc
 tantum voluit Arist. Atque hac ra-
 tione in casu nostro, calor est qua-
 litas excellentior frigore, humiditas
 siccitate. Et in hoc sensu Arist. po-
 suit frigiditatem tanquam priuatio-
 nem caloris. Ad rationem quoque
 Cardani dicendum est, per recessum
 agentis calidi, alia elementa & cor-
 pora frigida inducere frigus, & sic
 expellere calorem antea inditum.
 Et similiter expelli humiditatem per
 siccitatem.

Compa- Circa secundam comparationem,
rantur Arist. 2. de Generat. tex. 8., & 4.
qualita- Meteor. cap. 1. & alibi docet, calo-
tes non rem & frigus esse qualitates actiuas,
contra- humiditatem & siccitatem esse pas-
ria. suas. Hoc non potest sic intelligi,
 quasi illæ duæ agant in has alias duas.

Quinimò calor agit in frigus, & fri-
 gus in calorem: vna enim qualitas
 contraria agit in aliam; dum produ-
 cendo qualitatem sibi similem, exp-
 pellit contrariam. Itemquæ humi-
 ditas & siccitas sunt inter se verè
 actiuæ. Sic vbique supponit Arist.,
 qui omnes eas quatuor qualitates
 constituit in elementis actiuas: &
 singulis elementis binas tribuit qua-
 litates, quibus inter se agant. Et
 quædam elementa facit similia in
 calore, nempe ignem & aerem; quæ-
 dam in frigore, nempe terram &
 aquam: dissimilia verò in siccitate
 & humiditate. Et hæc docet inter
 se agere, & vnum conuertere aliud
 in se: quod vtique fieri non poterit,
 nisi per actionem humiditatis et sic-
 citatis. Sic expressit 2. de Gener. 25.,
 ex igne generari aerem, si vincatur
 siccum ab humido; sicut ex aere
 aquam, si vincatur calidum à frigi-
 do. Patet etiam hæc actiuitas harum
 qualitatum alijs experientijs. Mor-
 bis siccis applicantur humida, & hu-
 midis sicca. Sal liquefcit & hume-
 ctatur ab aere, glacies ab aqua. Et
 conuerso à sale exiccantur carnes,
 & exiccari se percipiunt qui sodiunt
 in salinis. Et alia sunt huiusmodi
 exempla. Quamuis frequentior &
 familiarior sit experientia inter ca-
 lorem & frigus.

Aliter ergo intellexit Arist. duas
 qualitates esse actiuas, et duas passi-
 uas: nempe in ordine ad effectus il-
 los consequentes, pene quos eas
 qualitates definiuit, vt communiter
 exponunt Interpretes, et apertè pa-
 tet in textu. Congregare enim et
 disgregare, est quoddam agere: Fa-
 cile et difficile terminari est quod-
 dam pati: humidum scilicet facile
 patitur se ab extrinseco terminari,
 siccum haud facile patitur se à pro-
 prio termino ad alienum conforma-
 ri. Quod sic tandem clarissime ex-
 pressit idem Arist. 4. Meteor. cap. 3.

*Dua in
 actiua,
 & dua
 passiva.*

Calidum & frigidum ut actiua dicimus, contrarium enim sicut actiuum aliquid est. Humidum autem & siccum passiuum. Facile terminabile enim & difficile terminabile, eo quod patitur aliquid natura ipsorum dicitur. Quod igitur hec quidem actiua sunt, hac autem passiuum, manifestum est.

Alio quoque modo Albert. et Marsil. apud Tolet. 2. de Generat. q. 3. et Aresius q. 9. sect. 3. intelligunt et exponunt, duas qualitates esse actiuas et duas passiuas: quod nempe calor et frigus multo acrius et validius agunt, quam siccitas et humiditas, quarum actio vix percipitur. Ideo illas vocari simpliciter et per excellentiam actiuas: has vocari passiuas, quasi parum actiuas. Hoc tamen, licet verum sit, non apparet de mente Arist. in illa comparatione. Addit Zabara lib. 1. de Qualitatib. element. cap. 5., respectu secundarum qualitatum consequentium ex mixtione primarum, calorem et frigus esse principium earum actiuum, humiditatem et siccitatem magis passiuè concurrere præparando materiam. Sed tamen Arist. potius humiditati et siccitati simpliciter tribuebat productionem aliarum qualitatum tangibilium, quas tanquam consequentes ex primis assignauit. Et quoad alias præterea qualitates, non constat, illas non oriri actiuè ab humiditate et siccitate sicut à frigore et calore. Cæterum quoad perfectionem et excellentiam harum qualitatum, sine difficultate supponuntur calor et frigus humiditatem et siccitatem excedere.

*Compara-
rantur
omnes ad
singula.* Circa tertiam denique comparationem, solet ordo quidam actiuitatis et resistentiæ inter omnes et singulas primas qualitates constitui, quatenus nempe una agit contra aliam, et una obstat atque repugnat actioni alterius. Dicuntque,

calorem et frigus esse magis actiuas quam humiditatem et siccitatem, has verò esse magis resistentias quam calorem et frigus. Itemque, calorem et frigus esse magis actiuas quam resistentias, humiditatem et siccitatem esse magis resistentias quam actiuas. Inter ipsas quoque contrarias qualitates, calorem esse magis actiuum minusque resistentium frigore, humiditatem esse magis actiuam minusque resistentiam siccitate. Itaque in vniuersum constituunt oppositum ordinem actiuitatis ac resistentiæ: primumque gradum actiuitatis tribuunt calori, secundum frigori, tertium humiditati, quartum siccitati: resistentiæ è conuerso primum gradum siccitati, secundum humiditati, tertium frigori, infimum calori. Ita docent Marsilius 1. de Gener. q. 19. Albertus de Saxonia q. 16. Tolet. q. 15. Conimb. 2. de Generat. cap. 3. q. 3. Aresius q. 9. Paulus Venetus in summa de Generat. cap. 25. Contaren. lib. 1. de Elementis, Vega lib. 1. de Arte medendi cap. 1. & alij frequenter. Non defuerunt tamen qui dixerint, vel nullum esse talem ordinem, sed omnes qualitates tam in agendo quam in resistendo esse æqualis virtutis, solumque ex varia conditione materiæ rarioris vel densioris prouenire apparentem inæqualitatem. Alij etiam ex parte eum ordinem immutarunt. Et aliqui deinceps, licet retineant illum ordinem, si sumatur per se singulæ qualitates: tamen per coniunctionem vnius cum alia illum variant; ut combinationem humiditatis cum calore vel frigore augere resistentiam, minuere actiuitatem; siccitatem verò augere actiuitatem, minuere resistentiam; vel è contra; vel cum vna augere cum alia minuire, varijs modis.

Sed in primis, In nulla qualitate dici potest maior resistentia quam acti-

actiuitas: quinimò in omnibus qualitatibus maior absolutè est actiuitas quàm resistentia: & plus valet quælibet qualitas ad agendum quàm ad resistendum: validior est quælibet qualitas ad agendum quàm eius contraria ad resistendum. Ita notauimus q. 39. sect. 9. Quia nimirum, quælibet qualitas valida est ad agendum contra alteram, non tamen ad resistendum quominus ab illa patiatur: nec vlla qualitas potest ita resistere vt impediatur actionem contrarij, sed bene potest agere in contrarium. Solùm ergo poterit inueniri ordo inter actiuitatem per se, & resistentiam per se.

Debet aliquis actiuitatis & resistentie ordo inter eas constitui. Et debet quidem in ipsis qualitatibus earumque virtute aliquis inæqualitatis ordo constitui. Constat enim manifestè, quântò validius & citius, ad maioremquè distantiam, operetur calor, quàm omnis alia qualitas, & magis calor & frigus quàm aliæ qualitates. Neque enim quando infunditur pannus vel lignum in aqua & statim madescit, hæc est actio humiditatis per productionem similis qualitatis: sed hæc est potius quædam adhesio aquæ & persuasio in alio corpore. Vnde corpus madidum, dicitur potius vdim vel irrigatum, non propriè humidum. Sic expressit Arist. 2. de Generat. tex. 14. *Vdum quidem est quod habet alienam humiditatem superficiei tenus, irrigatum autem quod in profundo:* & hæc distinguit à vero humido. Itaque verè plus viget actio caloris & frigoris, tam præ humiditate, quàm præ siccitate. Inter humiditatem & siccitatem res non satis apparet, sed censetur prævalere humiditas: quia citius videtur corpus infusum in aqua aliquam saltem humiditatem contrahere, quàm coopertum puluere vel cinere excari.

Supposito ergo hoc inæqualitatis

ordine, adhuc dubitari potest, num inæqualitas sit in sola actiuitate, vel sola resistentia, vel in vtraque. Quòd enim calidum acrius agat in frigidum, quàm è contra, potest prouenire vel ex maiori actiuitate caloris, vel ex maiori resistentia eiusdem contra frigus. Dato enim quòd ambæ hæ qualitates essent æqualis resistentiæ, dum calor sit magis actiuus, validius aget. Et pariter dato quòd ambæ essent æqualis actiuitatis, tamen calor sit fortior, frigus verò imbecillius ad resistendum, non minùs eadem in operatione inæqualitas cerneretur. Et sic in quacumque alia simili comparatione harum qualitatum. Sicut ex duplici capite prouenire potest, vt inter duos pugnantes, vnus præualeat contra alium: vel quia cum ambo essent æquè habiles ad se tuendum, vnus præualeat in offendendo: vel ambo æqualium virium ad offendendum, sed vnus cautior ad se tuendum.

Sed tamen retinenda potius est communis distributio & comparatio. Nam in hoc saltem valere debet auctoritas, vbi nulla ratio persua-deat oppositum. Sed etiam ratione tuadetur assertio. Quia per se inconueniens apparet, si idem esset actiuitatis & resistentiæ ordo. Sic enim nimis vnum contrarium aduersus alterum prævaleret, nec debita rerum cõcordia seruaretur. Minùs etiam conueniens apparet, facere actiuitatem in omnibus æqualem, & solam resistentiam inæqualem. Nam sic nobiliores simpliciter essent humiditas & siccitas, quàm calor & frigus. Et inter qualitates contrarias illa quæ præualet, plus ex alterius debilitate quàm ex proprio valore victoriam agnosceret. Et sine dubio magis rationi consonum esset, tacere potius resistentiam æqualem, & ordinem in actiuitate seruare.

Quali-
tas ma-
gis atti-
ua, est
minus
resistiti-
ua.

At melius tandem erit, oppositum illum ordinem in resistentia atque actiuitate recipere. Sic nimirum uoluit compensante natura, & ad concordiam quantum expedit reducente diuersas & aduersas qualitates, atque elementa ad quandam æqualitatem contemperante: iuxta ea quæ ex lib. de Mundo ad Alexand. cap. 6. & Boetio lib. 4. de Consolat. metro 6. recitauimus q. 3. & sect. 10. dum nimirum si vna qualitas maioribus viribus ad oppugnandam contrariam pollet; hæc quæ non æquis prædita est ad reagendum, ne tam iniquo Marte congregiatur, saltem plus ad resistendum valeat. Magis autem philosophicè sic huius rei ratio deduci potest. Vis agendi qualitatis, extenditur ad subiectum externum: vis autem resistendi, sistit potius in eodem qualitatis subiecto; firmat enim ac tenaciùs imprimit qualitatem in subiecto, nè tam faciliè ex illo deturbari sesinat. Qualitas igitur quæ maiori vi ad agendum prædita est, habet se magis ad extra, & sic minus valebit circa suum subiectum, eritque minus resistitiua: quæ è contra plus insistit, & adhæret suo subiecto ut resistere queat, minus valebit ad agendum ad extra. Itaque illa magis tendit ad productionem alterius qualitatis sibi similis ad extra: alia magis intendit ad suamet conseruationem ad intra. Illa est magis valida ad offendendum ac destruendum contrarium: alia est magis robusta ad seipsam tuendam. Sicque harum qualitatum vires natura distribuit ac temperauit, & elementa ipsa aptè disposuit. Et sic de animalibus obseruauit Arist. lib. 1. de Histor. animal. cap. 1. §. *Ciuites animantes*, dicens: *Alijs data est vis dimicandi, alijs ingenium cauendi & euitandi: viribusque pollent, quæ iniuriam vel inferant alijs, vel illam sibi propulsent sequè defendant.*

Demum, considerando naturam & vim singularum qualitatum: Calor attenuat ac rarefacit, vnde faciliùs potest permeare & immutare subiectum: frigus verò condensat atque constipat, vnde minùs se in aliud insinuat & pariter minùs peruium se suumque subiectum contrario præbet. Similiter humidum magis in aliud fluit, magisque in aliud agit; siccum magis in se consistit, et sic solidius est ad resistendum.

SECTIO SEPTIMA.

Quanā qualitates singulis Elementis conueniant.

Singulis elementis qualitates binæ conueniunt. Nam exclusa conjunctione duarum qualitatum contrariarum inter se, nempe caloris et frigoris, humiditatis et siccitatis, optimè potest calor tam cum siccitate quam cum humiditate coniungi, et similiter frigus cum ijs duabus: vbi pariter humiditas tam cum calore, quam cum frigore, et similiter siccitas cum ijs duabus coniungitur. Conueniunt autem suæ qualitates singulis elementis ab intrinseco, et ex propria eorum natura, ac substantiali forma. Arist. tamen 1. Meteor. cap. 4. indicat, elementa accipere suas qualitates à cælo: in qua re explicanda laborat Zabarella lib. 1. de Qualit. element. cap. 8. & 9. Sed fortasse Arist. loquutus tantum est de conseruatione quadam, siue proportionem locali: quod nempe rectè ignis cælo proximus, sit leuissimus & calidissimus: terræ & aquæ globus à cælo remotissimus, grauitate & frigore deprimatur. Alioqui Arist. ipse vbique supponit, singulis elementis esse ab intrinseco debitas & connaturales, certas suas qualitates.

*Singulis
elementis
binæ con-
ueniunt
qualitates.*

Determinat autem Arist. quænam qualitates singulis elementis conueniant; 2. de Generat. tex. 16. ac de Inceps, & alibi passim, quem Peripatetici communiter sequuti sunt. Aërem, terram esse frigidam & siccam, aquam esse frigidam & humidam, aerem esse calidum & humidum, ignem esse calidum & siccum.

Terra. Circa terram, nullus dubitasse inuenitur de eius frigore & siccitate. *est frigida & sicca.* Frigiditatem ostendunt. Tum ipse sensus: quia in locis & specubus subterraneis quod non peruenit actio Solis calefacientis, maximum frigus viget: unde mirum non est si partes hæc superiores terre Solis actione caleant. Tum insuper tanta grauitas ac densitas terræ, quæ utique ex frigiditate prouenit. Tum etiam dispositio aliorum terrestrium corporum, lapidum & metallorum, quæ per se omnia frigere. Tum demum consonat distantia terre à cælo, & immobilitas eius, iuxta doctrinam Arist. eo loco 4. Meteor. cap. 1. Deinde terræ siccitatem demonstrat, definitio siccitatis, eiusque experimentum in terra. Nam planè terra tenaciter retinet proprium terminum, nec se facile ad alienum configurari patitur. Et maxime, si sumatur terra pura absque admixtione aquæ vel alterius humoris extranei, est maxime arida, & in puluerem friata. Imò & in sacris litteris, terra per excellentiam appellatur sicca & arida. Quod autem terra hæc, humanæ habitationi & cultura inserviens, sit ut plurimum compacta, & in se agglutinata, atque in multis partibus sensibilibus humida, seu potius madida: perspicuum est, id prouenire ex admixtione aquæ: quod quidem commodum & necessarium erat ad usum humanæ vitæ, ad conseruationem quoque & ortum aliorum animalium atque plantarum. Quod etiã in specubus subterraneis abun-

det humiditas, planè prouenit ex aere & aquis per ea loca interclusis.

Circa aquam, Bernartlinus Telestus lib. 2. de Rerum natura cap. 23. nonnullum reuertitur in dubium: contenditque aquam ex natura sua esse potius calidam quam frigidam. Probat. Tum quia Arist. ipse lib. 5. de Generat. animal. cap. 3. ait, nullum humorem esse sine calore. Tum quia ipsa humiditas prouenit ex calore, ideo enim ignis per calorem liquefacit glaciem, ceram, metalla: si ergo aqua est humida, erit quoque calida. Tum quia aqua ipsa gignitur ex vaporibus calidis. Tum demum hiemali tempore aqua euaporatè putrescit, & in modum fumi sursum effertur, quod proprium est calidi: ergo aqua ex natura sua est calida. Sed res est tam nota sensu, ut nullum dubium patiatur. Faciuntque pro frigiditate aquæ, eadem quæ pro terra adducta sunt. Et per se sufficit, quod omnes aquas tam in mari, quam in puteis & cisternis, fontibus & fluminibus, semper frigidas inuenimus: imò quæ magis sentimus frigus in aqua quam in terra. Vnde, nec ipsi terræ, nec ulli alteri agenti extrinseco, tribui potest aquæ frigiditas: sed prorsus ex natura sua aqua est frigida. Vnde etiam aere existente calido, aqua inuenitur frigida. Et ad ignem vel Solem calefacta, statim ab illo remota, redit ad pristinam frigiditatem, utique ex sua intrinseca virtute atque natura. Manifestissima quoque est humiditas aquæ: in aqua enim humiditatis definitio apprimè verificatur: imò communi hominum sensu, aqua veluti pro humiditatis sede & origine ab omnibus reputatur.

Ad argumenta Telestij. Arist. eo loco nequaquam sumplit humorem pro humiditate quæ est qualitas, nec pro omni corpore humido: sed pro illis

Aqua est frigida & humida.

illis humoribus qui per attenuati-
onem & rarefactionem ex alijs cor-
poribus solent educi, qui sanè per
calorem resolvuntur & educuntur.
Humiditas per se non provenit ex
calore: sed si quidam humiditas
videntur ad ignem, plura sunt quæ
illius actione siccantur. Imò cum
Telesius voluerit, ignem esse humi-
dum, non debet ignis calorem eam
humiditatem tribuere. Absolu-
te tamen, verè per calorem illa cor-
pora liquefiunt, non per productio-
nem humiditatis ab igne, sed per at-
tenuationem & resolutionem par-
tium humidarum illorum corporum.
Aqua igitur gignitur ex vaporibus calidis:
sed per mutationem caloris in fri-
gus: unde media aeris regio, ubi
vapores & nubes resolvuntur in
aquam, frigida est. Hieme demum
evaporat aqua, quia per antiperista-
sim incalcescit ab halitibus calidis,
qui in locis subterraneis recludun-
tur, & ipsos quoque specus subter-
raneos calc faciunt.

*Nū aer
sit cali-
dus &
humi-
dus.* Circa aerem est magna difficul-
tas, & non modica controuersia: eo
quod sensus iudicio aer inuenitur
potius frigidus quam calidus. Unde
varia exorta sunt Philosophorum
placita circa aeris qualitatem. Tho-
mas quidam de Garbo parte prima
suar summæ q. 1. David Gorlaeus
Exercit. 7. philosophica sect. 3. Ioan-
nes Baptista Porta lib. 1. de Aeris
transmutat. cap. 3. volunt, aerem ex
natura sua esse omnis qualitatis ex-
pertem, & sic indifferenter esse qua-
litatum omnium susceptivum, eas-
quæ pro tempore possidere, quæ à
quouis agere extrinseco illi impres-
ta fuerint. Vallesius cap. 1. de Si-
cra Philosoph. contra Stoicos & Pe-
ripateticos concludit, aerem in vtra-
que qualitate mediocriter tempera-
tum. Stoici olim apud Plutarchum
lib. 1. de Frigido, & inter eos præ-
sertim Seneca lib. 2. Natural. quæ-

stionum cap. 10., item Empedocles
ut colligi potest ex Arist. 2. de Ge-
nerat. 16. Cicero lib. 2. de Natura
Deorum, Galenus lib. 8. de Vsu par-
tium cap. 4. Philo Iudæus in lib. de
Plantatione No. & quidam alij et
antiquis, ac nuper ex Recentioribus
Hieronymus Cardanus lib. 2. de Sub-
tilit. & apud Scalig. exercit. 10. vo-
luerunt aerem ex natura sua esse fri-
gidum. Non contentus in hac sola
opinionem Arist. 2. de Generat.
q. 10., non solum vult aerem de se
esse frigidum, sed etiam esse siccum.

Fundamentum pro aeris frigidi-
tate sumptum est, ut dicebamus ab
experientia. Nam aer, remotis cau-
sis extrinsecis calefacientibus, sem-
per inuenitur & sentitur frigidus.
Noctu recedente Sole statim trige-
scit. Hieme declinante Sole rigescit.
Et semper sub polis unde Sol maxi-
mè distat, viget summum frigus.
Etiā æstate aer intra cubicula
clausa est aliquantum frigidus. Imò
& in campis ubi est Soli expositus,
temperat calorem cordis, utique sua
frigidityte. Temperat quoque ca-
lorem vultus, dum flabello aerem
circa faciem agitamus. Insuper aer
inclusus in ventriculo vel intestinis,
doloze hominem torquet, utique sua
frigidityte, quia remedijs & pannis
calidis sedatur dolor. Corpora à
Dæmonibus assumpta, frigidityte
peccant, ut attestatur Caiet. 2. 2. q.
95. art. 3. hæc autem corpora ab ijs
tormantur ex aere. Ventus est aer
commotus, & regulariter ac per se
est frigidus. Demum media regio
aeris est valde frigida, ut colligitur
ex pluuijs, niue, & glandine, inde
decidentibus: quia nempe vapores
vi caloris sursum elati, in ea regio-
ne frigescent & in aquam reducun-
tur, vel etiam congelantur. Colligi-
tur etiam ex frigore in montium ca-
cumine vigente, ubi propterea sæ-
pius ac diutius niues commorantur.
Imò

*Funda-
mentum
contra
calidi-
tatem ae-
ris.*

**Funda-
mentum
contra
humidi-
tatem
aeris.**

Imò compertum est, etiam æstate quando in planitie calor feruēt, in altioribus montibus tantum rigore frigus, ut tolerari non possit. Non deest postremo auctoritas ipsius Arist. qui 3. Phys. 44. 1. de Generat. 24. 1. & 2. de Generat. 36. apertè pronunciauit aerem esse frigidum. Fundamentum Arclij pro aeris siccitate simul ac frigiditate, est etiā ab experientia. Aer exiccat vestes humiditas: ergo est in se siccus. Ea saltem ex accidenti plerumquē aer est frigidus & siccus: vnde si ex natura sua esset calidus & humidus, deberet tunc corrumpi & in aliam conuerti substantiam: sicut certè aqua non potest amittere humiditatem quin eo ipso delinat esse aqua. Insuper ex Arist. 4. Meteor. sum. 21. cap. 3. duo sunt elementa actiua, scilicet ignis & aer; & duo passiuæ, aqua & terra: & ex eodem 2. de Generat. tex. 8. calor & frigus sunt qualitates actiuæ, humiditas & siccitas passiuæ: ergo cum vni elemento actiuo, nempe igni, conueniat calor; alteri, nempe aeri, debet conuenire frigus. Præterea, calor & humiditas, nihil ad vniuersi bonum deferuissent in aere; quia pro calore sufficiunt causæ cælestes, & pro humiditate pluuiæ. At frigus & siccitas in aere multum conferunt, utpote ad temperandum cælestem calorem, ad reducendos vapores in aquam, ad temperandum calorem cordis in animali, ad reparandam siccitatem post humiditatem aquæ pluentis. Addit tandem Arclius locum Script. Job. 12. *Si continuerit aquas omnia siccabuntur*: quia scilicet soli aquæ conuenit humiditas. Adest & pro hac parte auctoritas Aristotelis, qui 2. de Generat. 49. ait, ex omnibus elementis solam aquam esse facile terminabilem. Imò sect. 25. probl. 10. non solum negare videtur, aerem de se esse humidum, sed etiam

posse humectari ab aqua.

Reuocanda tamen est Aristotelis & Peripateticorum sententia, aerem ex natura sua esse calidum & humidum. In primis non potest aer esse per se omnis qualitatis expertus, & ad omnem indifferens; quia sic non posset vnquam corrumpi, nec de nouo generari: non in aliud elementum conuerti, vel aliud in ipsum non esset ex natura sua actiuus non cum alijs elementis congregi posset: non ingredi deberet ad mixtionem: nec etiam ex natura sua exigeret, esse potius rarus & levis, quam densus & grauis. Deinde ob eandem rationes, non potest aer dici in ambabus qualitatibus contrarijs ex natura sua mediocriter temperatus. Et vltius sic esset potius mixtum, quam simplex, & non esset verum elementum. Determinatè autem, aer est humidus, non siccus. Imò cum singulis elementis singulæ quædam qualitates in summo & principaliter tribuantur, humiditas sola est quæ potest tribui aeri, cum calor tribuatur igni, frigus aquæ, siccitas terræ. Et, si aer esset siccus & frigidus, non differret à terra: si siccus & calidus, non differret ab igne. Nullumquē elementum esset cui combinatio caliditatis & humiditatis naturaliter conueniret. Humidum denique est quod facile figuratur termino alieno, & nullum retinet proprium: sed aer facillimè ad omnem alienam figuram conformatur, nullamquē retinet in se propriam: igitur aer est maxime humidus.

Item aer ex natura sua est calidus, non frigidus. Tum quia combinatio humiditatis & frigiditatis per se conuenit aquæ, siccitatis quoque & frigiditatis conuenit terræ: sed sine dubio singulis elementis diuersæ qualitatum combinationes conueniunt: & aer est essentialiter di-

*Verè
aer est
humidus.*

*Verè est
calidus.*

uer-

uersum elementum tam ab aqua quam à terra: omniaque elementa sunt inter se saltem secundum vnā qualitatem contraria, & sic sunt inter se actiua, & ad inuicem transmutabilia. Igitur, nec cum humiditate, nec cum siccitate, potest aeri frigiditas conuenire. Tum etiam, si aer esset naturaliter frigidus, tria essent elementa frigida, & vnum solum calidum, nempe ignis. Imò, cum apud Cardanum & Aresium, non detur elementum ignis sub celo, sed vsque ad celos protendatur aer; iam solum frigus totum elementarem mundum & magna mundi corpora possideret. Tum etiam, Combinatio ex calore & humiditate, est vtique possibilis & naturalis; estque vna ex illis quatuor, quæ ex quatuor qualitatibus vtiliter confurgebant, & quæ suum locum habebat in distinguendis ac designandis quatuor elementis. Igitur debet de facto alicui elemento naturaliter conuenire, & vtique non nisi aeri. Tum præterea, Aer generatur per calorem: vt cum aqua actione caloris resoluitur in vaporem, & de hinc in aerem: ipseque vapor est valde similis aeri, adeo vt Arist. 2. de Generat. 16. aerem vocauerit euaporationem quandam; vapor autem ex aqua fit virtute caloris: igitur aer est ex natura sua calidus. Tum è contra, Aer per frigus conuertitur in aquam: vt contingit in specubus subterraneis, qua ratione fortasse quædam flumina perpetuò generantur. Coniungit etiam apud nos, dum aqua aut vinum frigidum infunditur in vas vitreum, ad exteriorē vasis superficiem formari quandam asperzionem aquæ, tunc vtique de nouo genitz ex aere proximè contingente ipsum vas; & sic virtute frigoris conuertitur aer in aquam. Tum insuper raritas ac leuitas aeris, planè indicant eius calorem: frigus enim con-

densat & aggrauat, sicque terra & aqua sunt densa & graua: sicut ergo aer in raritate & leuitate accedit ad ignem, sic & in calore assimilatur. Tum demum, Mixta quædam quæ dicuntur naturæ æthereæ, quod saltem intelligetur per participationem siue assimilationem in qualitatibus aeris, sunt naturaliter calida, nempe oleum, adeps, mel, cera, & similia; igitur aer ex natura sua calidus est. Tentauit quidem Aresium, ad hæc respondere, & quod maius est, etiam Aristotelem explicare. Sed nimis friuola sunt, quæ cogitauit, & ex dictis facile refelluntur.

Ad fundamentum pro frigiditate aeris dicendum est, aerem ob suam tenuitatem facile à propinquis agentibus alterari, & sic de vna ad aliam qualitatem immutari: vt rectè adnotauit Arist. 1. c. 14. probl. 9. & sect. 25. probl. 10. facile ergo aer ab inferioribus his elementis frigidis, terra & aqua, in toto huius globi circuitu refrigeratur: sicut certè si aer esset ex natura sua frigidus, vtique in magna sui parte superiori ab igne calefceret. Ideo ergo remoto, & declinante, atque distante Sole, qui adiuuabat caliditatem aeris, suoque calore retundebat actionem contrariam elementorum frigidorum, frigescit aer. Ac etiam æstate, intra cubicula, ob actionem parietum frigidorum, refrigeratur aliquantum aer, qui ibi à Solis actione defenditur. Imò & in campis non tanta tandem est actio Solis, vt penitus impediat actionem inferiorum elementorum: cumque cor & corpus animalis sit valde calidum, adhuc aer est aliquantò frigidior, vnde aptus est temperare calorem cordis et vultus: sed quia illicò incalescit, opus est illum assidue permutare. Qui verò interiora torquet, non est simplex aer, sed potius est status quidam frigidus, ex cibis non bene concoctis

*Dirui-
tur fun-
damētū
contra
caliditatem
aeris.*

eductus: est quæ alterius rationis ab aere, est de genere mixtorum: et per qualitatem aliquam noxiam, quæ si dicatur frigus, erit potius virtualiter quàm formaliter, viscera vexat. Corpora à Dæmonibus assumpta, formantur ab ijs ex aere apud nos existente, eo quæ magis crasso et vaporoso ac terrestribus halitibus intermixto, qui halitus et vapores, ibi compacti maiorem vim habent ad frigiditatem inferendam. Sed neque constat, Dæmones non posse calidiora, et quæ animalis temperiem meliùs referant, efformare. Nec fides adhibenda est illi Dæmoni, qui ut refert Caiet., dixit se non posse meliora corpora effingere. Ventus, si est aer commotus, est de aere circa terrestrem globum existente: et eò frigidior est, quòd è regionibus frigidioribus aduenit. Frigiditas demum mediæ regionis, aeri conuenit ab extrinseco, et non ex propria natura: sed de hac re, cùm sit valde particularis, separatim agemus postea inter ea quæ circa aerem contingunt. Tandem Arist. nullatenus sanè in re à se toties inculcata sibi contradicere potuit. Sed in ijs locis attulit frigiditatem in aere, tantùm gratia exempli, ad quod non requiritur dicti veritas: et uti poterat tali exemplo, tanquam loquens ad eos qui supponebāt aerem frigidum. At nec etiam dixit, frigiditatem esse per se connaturalem aeri, sed tantùm inesse aeri: quod tam benè potest intelligi ex accidenti & ab extrinseco. Hæc autem omnia eò meliùs consistent, dicendo calorem non competere aeri in summo: sed satis esse si competat notabiliter infra summum, ut tractabimus sect. sequenti.

Et alius contra humiditatem. Ad fundamentum pro siccitate aeris, dicendum est, quando vestes madidæ exsiccantur, id non tam fieri per productionem siccitatis in su-

biecto humido, quàm per educationem & expressionem aquæ imbibitæ in panno. Hoc autem fieri potest ab aere, vel per calorem resoluendo aquam in vaporem, ut sensu ipso conspiciamus, vel per frigus cōstringendo partes & exprimendo humorem inclusum. Adfunt etiam, præsertim quibusdam ventis flantibus, plurimi terrestres halitus verè sicci per aerem excurrentes. Imò & ipsamet corpora quæ aqua fuerunt imbuta, sunt per se sicca, & sic pro sua siccitate depugnant. Neque verò aer ipse solet nimium exiccare: sed verè quādo valde incalescit & exiccatur, conuertitur in ignem. Deinde, elementa omnia sunt inter se actiua & passiua, ac similiter quatuor qualitates. Sed speciali modo in ordine ad mixtum terra & aqua dicuntur passiuæ, eo quòd ex ijs potissimum sumatur materia mixtorum. Ex quo nullatenus sequitur, frigus debere conuenire aeri. Valde autem desertiunt calor & humiditas in aere ad bonum vniuersi iuxta naturalem elementorum temperiem: & potius pro elementis frigidis sufficiunt aqua & terra; ex quorum propinquitate cum aere, mediocris illa temperies resultet, quæ mixtis & præsertim viuentibus conferat: atque pro elementis siccis sufficiunt terra & ignis. Ex loco illo Script. solum habetur, per solam aquam terram infundi, irrigari, atque madescere; & ex opposito sine aqua siccare, quia verè aer quantumuis humidus non præstat talem effectum, ut aqua. Simili etiā sensu Arist. in Problem. solum voluit, aerem non esse humidum taliter ut adhæreat & madefaciat ad instar aquæ, aut in se per aquam madefiat ad instar panni: & ita perspicuè explicauit duabus questionibus sequentibus, dicēs aerē nō posse fieri madidum, non posse ab aqua madescere. Dum tandem di-

*Ignis est
calidus
& sic-
cus.*

xit, solam aquam esse facile terminabilem, loquebatur specialiter in ordine ad mixtionem, quia nempe aqua adhærendo agglutinat & commiscet partes, & sic reddit mixtum terminabile: aer verò non sic adhærescit, sed potius diffuit ac dilabitur.

Circa ignem denique, idem ille Telleſias lib. 1. de Rerum natura, cap. 25. contendit, ignem esse potius humidum quàm siccum. Et quidem id demonstrari videtur ex definitione humiditatis: nam ignis facile alieno termino figuratur, & nullo proprio: terminatur figura circulari cæli: terminatur quacumque figura intra fornacem: & nusquam ex se certam retinet figuram. Accedit, quòd Arist. 2. de Gener. tex. 10. humido attribuit esse tenue ac repletum, quod sanè verificatur in igne.

Pro certo tamen tenendum est cū Arist., ignem esse calidum & siccū. De calore res est clarissima. De siccitate probatur. Tum ex conuenienti distributione quatuor combinationum pro quatuor elementis. Alioqui enim nulli elemento hæc combinatio conueniret: & essent tria elementa humida, solaquæ terra sicca: & ignis haberet easdem cum aere qualitates. Tum etiam colligitur ex acritudine ignis. Nam siccitas veluti acuit, humiditas verò hebetat calorem. Tum ab effectu: quia ignis exiccat: quod non solum præstat per accidens mediante calore, sed etiam directè per siccitatem. Alioqui enim videmus, carnes in aqua feruentissima humefieri cum elixantur; ab ipso verò igne exiccari cū affiantur: hæc ergo siccitas non provenit à solo calore: sed sicut aqua calida & humida calefacit & humectat; ita ignis qui exiccat, est calidus & siccus. Nec obstat, quod Arist. 4. Meteor. tex. 24. & Medici dicunt, carnes alias esse humidiores quam elixatas. Intelligunt enim,

quòd plus de substantia & succo carnis remanet in carne asæ, quàm in elixata, ex qua per aquam diffuit. Tum, demum à contrario suadetur: quia ignis & aqua maximè opponuntur, & ignis tam citò per aquam extinguatur: igitur per ambas qualitates sunt contraria, & aqua est frigida & humida, ignis calidus, & siccus.

Ad fundamentum aduersum, varia sunt quæ pro ignis siccitate tuenda à Peripateticis afferuntur. Philoponus ait, ignem de se habere figuram propriam, nempe pyramidalem, nec facile ad alienam figuram se conformare. Hoc impugnat Zab. lib. 1. de Qualit. Element. cap. 4. Et quidem si Philoponus alludat ad sensum Platonis, qui certas figuras elementis singulis tribuebat, & in specie pyramidalem igni: Iam hoc antea refutauimus. Si motus est ex eo quòd videmus, flammam surgere in pyramidem: Id non provenit ex eo quòd ignis per se poscat talem figuram: sed sic videmus pariter aquam in similem figuram deorsum labi. Idque proveniebat ex incremento velocitatis in motu, ut quæ præterita dicebamus. Auerr., quem sequutus est Zabarella, ut defendat siccitatem ignis, destruit definitionem siccitatis: dicens, illam non competere siccitati secundum se, sed in ordine ad mixtionem, & sic esse terræ propriam. At, nec alia definitio pro siccitate ignis offertur: & debebat sanè aliqua in cōmuni pro omni siccitate afferri: et sine dubio sic ab Arist. allata est. Alij respondent, ignem non facile alienam figuram recipere: sed ideo sub cælo circulariter figurari, vel quia de se petit talem figuram, vel quia non potest relinquere vacuum. In fornace autem, ignis non acquiescit figuræ fornacis, quinimò foras contendit, & ad latera frangitur, varijsquæ modis in-

*Defen-
ditur
ignis
siccitas.*

Reficitur. Sed sanè in quocumque loco ignis quiesceret, videtur de se facilis ad omnem alienam figuram. Tandem ergo recolendum est, quod circa definitionem siccitatis dicebamus, corpus valde siccum non habere partes inter se benè compactas & cohærentes, sed potius esse friatum & comminutum: talisque est terra, ab omni humore libera, est nempe in puluerem soluta: et sic nō per modum vnius continui recipit alienam figuram, sed tanquam congeries quædam potest certo situ disponi. Hoc ergo pariter modo dicetur se habere ignis in sua naturali dispositione. Attamen flamma apud nos deficit à debita puritate, ac ratione humiditatis admixtæ habet partes inter se adhærentes. Et sic indicauit Arist. 1. Meteor. summa 2. cap. 11. et lib. 4. summa 3. cap. 2. sic ait, flammam esse fumum ardentem, fumo autem multum humoris inest, vnde videmus illum caminorum parietibus adhærere, et ex parte in fuliginem verti. Dixit demum Arist., humidum esse tenue ac repletium, intelligendo per adherentiam et agglutinationem partium, quod per se non competit igni.

SECTIO OCTAUA.

In quantanam intensiōe singule qualitates suis elementis conueniant.

Aristotelis & Peripateticorum sententia. Aristoteles 2. de Generat. 23. qualitates in elementis ita distribuit, dicens: *Sed tamen simpliciter quatuor existentia, vnius vniuersumquodque est: Terra enim sicci magis quam frigidi: Aqua autem frigidi magis quam humidi: Aer autem humidi magis quam calidi. Ignis autem calidi magis quam sicci.* Frequens hinc Peripateticorum sen-

tentia orta est, ex binis qualitatibus, vnā conuenire elemento in summa intensiōe, alterā verò infra summum, sed vltra diuidium, nempe infra octauum & supra quartum gradum, & ideo dicunt in excellenti gradu sed non supremo. Nullusquē determinare tentauit, quantum præcisè sit hæc intensiō qualitatis non summa. Et rectè notauit Zabbar. lib. 2. de Qualit. Element. cap. 1., id nulla ratione constare posse. Adhærent quoque hæc distributioni D. Basil. homil. 4. Exameron, Ambros. lib. 4. cap. 4. & ex parte D. Th. 1. par. q. 69. art. 1. ad 5. Diuisi rursus sunt huius sententiæ auctores. Nam aliqui volunt, ipsi elemento simul cum sua qualitate non summa sed excellenti, pariter ex natura sua conuenire contrariam qualitatem vsque ad complementum latitudinis vt octo. Ita volunt Martil. 2. de Gener. q. 6. Conimb. cap. 3. q. 5. art. 4. Forliuensis tract. de Intens. par. 2. Capreol. in 1. d. 17. q. 2. art. 1. ad 7. 2. loco propositum cont. 2. concl. & alij. Aliqui verò volunt, solum illam qualitatem esse connaturalem suo elemento, absque admixtione qualitatis contrariæ. Ita sentiunt Alexand. 1. Meteor. commen. 13. Zimara Theor. 18. Tolet. 2. de Generat. q. 5. & 6. Bagnes cap. 3. q. 3. concl. 6. Hurtad. disp. 6. lect. 5. & plures alij.

D. Thomas 2. de Generat. lect. *Aliorū* sua 3. & circa tex. Arist. 23. aliter placita opinatus est, nempe igni competere vtramque qualitatem in summo, tam siccitatem quam calorem: aeri vtramque infra summum, tam humiditatem quam calorem: aquæ competere humiditatem in summo, frigiditatem infra summum: terræ frigiditatem in summo, siccitatem infra summum. Atque ita intelligit ac defendit Bagnes 2. de Generat. cap. 3. q. 2. Rursus Zabarella lib. 2. de

Qualit. Element. cap. 1., secernens qualitates actiuas calorem & frigus, & passiuas humiditatem & siccitatem; asserit qualitates passiuas in omnibus elementis esse summas, siccitatem in terra & igne, humiditatem in aqua & aere; actiuas verò esse adhuc summas in duobus elementis extremis, calorem in igne, frigus in terra: esse autem minus intensas in duobus medijs, calorem in aere frigus in aqua: determinat enim has qualitates in elementis iuxta propinquitatem & remotionem à calo.

Achillinus tandem lib. 3. de Elementis dub. 6. Suetan. 2. de Generat. com. 28. q. 4. Aresius 2. de Generat. q. 11. & quidam alij volunt, ambas qualitates singulis elementis in summa intensione absque omni varietate & discrimine convenire. Fauet Auerr. 3. Cæli com. 68.

Quædã qualitates conueniunt in summo & quædã infra summũ.

In hac tamen rei perplexitate, verisimilius videri potest, in duobus quidem elementis extremis, terra & igne, ambas qualitates in summo naturaliter inueniri: in duobus autem elementis medijs, aqua & aere, vnã qualitatem in summo, & alteram in excellenti gradu: frigiditatem summam in aqua, humiditatem summam in aere, humiditatem excellentem in aqua, caliditatem in aere: & sic ex duobus illis contrarietatibus qualitatum, calore & frigore, humiditate & siccitate, vna qualitas est intensa in duplici elemento, & altera in vno solo; nempe frigus in terra et aqua, calor in igne; siccitas in terra & igne, humiditas in aere. Et sumi potest distributio ex Arist. 2. de Generat. 22. vbi ait: *Extrema quidem & sincera, ignis & terra; media autem & mixta magis, aqua & aer*: Hoc enim modo quo dicimus, rectè ea duo elementa extrema sunt magis sincera: alia duo vel per se sunt magis mixta, si præter vnã qualitatem excellen-

tem ex natura sua exigant aliquem gradum qualitatis contrariæ: vel saltem sunt magis obnoxia tali mixtioni. Sed discurrendo per singula elementa suadetur assertio.

Circa terram, vt hinc incipiamus, de summa eius siccitate omnes consentire videntur. Licet enim D. Thomas 2. de Generat. circa tex. 23. doceat, ignem esse sicciorẽ terrã, & Galenus lib. de Sanitate tuenda, ignem exiccare magis quàm terrã: tamen id intellexerunt quoad effectum, quia nimirum ignis etiam ratione caloris exiccat, dum resoluit, & educit humorem ex alijs corporibus. Et quidem nulla occurrit ratio, qua quicquam detrahatur de siccitate terræ, vel qua ignis dici debeat formaliter siccior quàm terrã. Sed si sumatur terrã ab omni humore extraneo depurata, & absque omni admixtione aquæ alteriusve liquoris, est planè siccissima, in tenuissimum puluerem comminuata.

Esse quoque terram in summo frigidam, suadetur. Tum quia in inferioribus terrę partibus æstiuo præsertim tempore quo calidæ exhalationes liberè foras euolant, maximum inuenitur frigus, quantum nec in media maris aqua soleat persentiri. Tum etiam, terrã est à calo remotissima: & sic consonum erat, vt esset frigidissima. Est elementum extremum oppositum igni: cum ergo in siccitate cum illo conueniat, æquum est, vt per summam frigiditatem illi opponatur. Tum præsertim, summa densitas & grauitas terræ, planè arguit summam eius frigiditatem; nam densitas & grauitas ex frigore oritur. Nec alioqui sufficiebat siccitas terræ cum minori frigiditate coniuncta, quæ siccitas dicitur acnere magis qualitates actiuas, humiditas verò retundere. Nam id magis intelligitur quoad operationes primarias, calefacien-

Terra est in summo sicciora.

Videtur etiam in summo frigida.

di & refrigerandi . Atque ad summum, siccitas præstare potest terræ, ut cum æquali frigiditate præponderet aquæ . Sicut è contra in elementis leuibus fieri non poterat, ut elementum leuius esset minùs calidum, & ratione siccitatis leuaretur magis .

Ideo autem terra in hac exteriori facie, non est ita frigida, quia præsertim Solis actione calefcit: & quidem plus quàm aqua, quoniam aqua semper fluctuat, eiusquæ partes assidue reuoluuntur ac permiscuntur, unde minùs recipit impressionem Solis . Vnde aqua in vase aliquo quiescens, solaribus radijs exposita, notabiliter etiam incalescit . Ideo etiam magis sentiri per contactum solet frigus in aqua, quàm in terra: quia aqua magis adhærescit & permeat, & sic plus immutat sensum . Vnde etiam plus sentitur calor in aqua feruida, quàm in terra ad ignem calefacta .

Ignis est summè calidus & videtur etiam summè siccus .

Circa ignem, notissimum sanè est, ignem esse in summo calidum . Rationabile quoque est, esse in summo siccum . Si enim terra habet ambas qualitates in summo, congruum est tales quoque tribuere igni: & sic apta proportionem inter se hæc extrema elementa conuenient, quòd ambo habeant vnā communem qualitatem & duas contrarias in summo . Nullaquæ ratio ex aduerso occurrit, quare igni in propria regione & connaturali dispositione, non summa debeat siccitas conuenire . Probat id etiam Zabara ratione sumpta ex Alberto & D. Thoma: quia frigus quidem constringendo corpus, omnem humorem exprimit, calor verò omnem humiditatem absorbit et resoluit . Sed D. Thomas ea ratione probat, summam siccitatem soli igni conuenire, quia calor habet maximam vim consumendi omnem humiditatem, in cuius

priuatione ait consistere siccitatem . Hæc tamen ratio non valet: quia reuera, nec frigus, nec calor agunt in proprio subiecto contra humiditatem, nec per se producunt siccitatem: quinimò tam cum calore in aere, quàm cum frigore in aqua, optimè stat tanta humiditas: & hæc omnes sunt per se primæ qualitates .

Circa aerem, pro comperto haberi debet, illi conuenire summam humiditatem . Nam est facillimè terminabilis quocumque termino alieno, & nullum per se retinet proprium terminum . Debetquæ omnino saltem vna qualitas illi tribui in summo: & hæc optimè erit humiditas . Calorem verò non competere aeri in summo, satis suaderi videtur, ijs quæ de hac qualitate simpliciter aeri tribuenda disputata sunt . Tanta enim facilitas aeris ad recipiendum frigus, & tanta impressio frigoris quam admittit, commoditas etiam vniuersi, & utilitas aliorum corporum, saltem persuadere debent, aerem ex natura sua non esse summè calidum, non poscere æqualem cum igne calorem, non habere vim perducendi se ad calorem ut octo . Sed vbi potius è contra alijs visus est aer naturaliter frigidus, aut saltem indifferens ad calorem & frigus: satis esse debet, si obtineamus simpliciter esse calidum, nec queramus facere summè calidum ad æqualitatem ignis .

Circa aquam denique verissimilius erit, vnā tantum qualitatem, & non vtramque illi conuenire in summo . Debet enim potius assimilari alteri elemento medio, quàm duobus extremis . Nec apta proportio appareret, si tria elementa haberent ambas qualitates in summo, & vnum solum ab hac summa intentione deficeret . Non est autem illi summa humiditas tribuenda: quia sic ambas qualitates passi-

Aer videtur in summo humidus, sed non calidus .

Aqua videtur in summo frigida, sed non humida .

uæ essent summe in vtroque suo elemento, non sic qualitates actiuæ. Et præsertim, aqua non ita facile ad omnem alienum terminum figuratur sicut aer. Nec ita expers est de se omnis proprii termini: quandoquidem aqua in puluerem effusa per se globosam figuram assumit. Insuper aliquantum exiccatur, dum in glaciem niuemque concreuit, & in eo statu tenaciter retinet proprium terminum, nec ad alienum inflectitur. Ideo autem aqua magis quam aer alia corpora humectat: quia crassior ac densior est, & alijs corporibus adhærescit: & hæc quæ dicitur humectatio, est potius mactectio. Superest ergo, ut frigiditas in summo tribuatur aquæ: Id enim est conforme rationi iuxta proportionem dictam elementorum et qualitatum. Est etiam conforme sensui, quia magna vis frigoris sentitur in aqua. Consonat demum loco ipsius aquæ, & positioni cum terra, dum vnum cum illa globum conficit. Simpliciter tamen, densior & grauior est terra quam aqua, ob consortium, siccitatis, quæ adiuuat consociam qualitatem, ut in pari frigiditate, debeat per se præualere terra sicca quam aqua humida.

Aristo. Cæterum, ad locum illum Aristotelis 2. de Generat. 23. Diuus Thomas vult, Aristotelem comparasse tantum in vnoquoque elemento vnā qualitatem cum alia, prout verba sonant: non verò qualitatem vnius elementi cum alia simili alterius elementi. Et sic alio modo ipse ordinabat qualitates elementorum. Sed certè non per hoc potest accommodari sententia illa D. Thom. cum doctrinæ Arist. Nam D. Thomas voluit, ignem esse in summo siccum, aquam humidam, terram frigidam: Arist. verò dicebat, ignem plus esse calidum quam siccum, aquam plus frigidam quam humidam,

terram plus siccam quam frigidam. Præterea supponendo vnā saltem qualitatem cuiuslibet elemento in summa intentione competere, sequebatur etiam illa comparatio inter ipsa elementa: ut siccitas v. g. esset summa in terra, & nō in igne, atque ita maior in terra quam in igne: & sic de alijs singulis. Aliter potius dicendum est cum Alberto magno circa eum locum tractatu suo 1. cap. 12. Aristotelem non esse loquutum de vera intentione qualitatis, sed potius voluisse appropriatione quadam attribuire singulas qualitates singulis elementis, prout in illis magis conspicuæ sunt. Sic ergo igni attribuit calorem, aeri humiditatem, aquæ frigiditatem, terræ siccitatem. Alia verò quæ contra determinationem factā qualitatum pro suis elementis obijci possent, ex dictis iam soluta manent.

Solum dubitari poterit circa illa elementa, quibus diximus quasdam qualitates non conuenire in summo, an illis simul conueniat aliquis gradus qualitatis contrariæ utque ad latitudinem ut octo. Sed censendum potius est, non conuenire ab intrinseco ex natura eiusdem elementi. Nam absolute dicitur vna combinatio qualitatum vni elemento conuenire. Et alioqui elementum non esset corpus simplex, sed saltem ex parte mixtum, connaturaliter ex se habens duas contrarias qualitates: licet in vna alia qualitate, quam per se exigeret in summo, diceretur esse simplex. Præstat ergo dicere, elementum quantum est ex natura sua, præter vnā qualitatem in summo, exigere aliam in excellenti gradu, & non exigere vllum gradum alterius contrariæ qualitatis: videlicet aerem exigere calorem ut sex, sed non propterea ex se exigere frigus ut duo.

Et iuxta hoc ulterius. Vel dicitur tale

In elemento non admiscetur contraria qualitas ab intrinseco.

tale elementum, licet secundum materiam sit capax intentionis usque ad octo, tamen per formam suam determinari, ut nullum excellum supra illam suam intentionem admittat: atque adeo per quemcumque gradum qualitatis contrariæ ab agente extrinseco sibi impressum, amittere quendam gradum sue qualitatis intra illam suam intentionem. V.g. aerem calidum ut sex, non posse ultra hanc intensiorem naturaliter calefieri: sed si ab agente frigido recipiat frigus ut unum, eo ipso amittere sextum gradum sui caloris: & sic ex natura sua non admittit maiorem intensiorem quam ut sex in tota ea contrarietate qualitatum. Vel dicitur, posse simpliciter elementum recipere ab extrinseco omnes gradus illius qualitatis usque ad intentionem ut octo. Et hoc pacto aer calidus ut sex, poterit in instanti calefieri ab igne proximo usque ad octo, utpote absque ulla repugnantia qualitatis contrariæ, quæ non adest. Item poterit quoque, in instanti recipere frigus ut duo ab agente frigido, absque corruptione ullius gradus caloris: siquidem bene consistunt duo gradus frigoris cum sex gradibus caloris. Sed deinceps per tertium gradum frigoris corrumpetur sextus caloris, & ille non potest induci nisi successiue in tempore. Atque ita semper supposita latitudine ut octo in subiecto, non potest fieri alteratio nisi in tempore, nec intendi una qualitas sine diminutione contrariæ,

sicut nec remitti una sine

intensiōe alterius:

prout Aristote.

les dicere

solet.

••

SECTIO NONA.

*Vtram similes Elementorum
qualitates sint inter se, at-
que in alijs pariter cor-
poribus, eiusdem
speciei.*

Qualitates elementorum, alix sunt inter se contrariæ, nempe calor & frigus, humiditas & siccitas: alix sunt continuæ, eiusdemque appellationis, nempe calor ignis & aeris, frigus terræ & aquæ, humiditas aeris & aquæ, siccitas terræ & ignis. Hæ dicuntur symbolæ, illæ verò dissymbolæ. De contrarietate illarum qualitatum, satis diximus circa qualitates in communi. De qualitatibus similibus & symbolis à Philosophis dubitatur, an sint eiusdem vel diuersæ speciei.

Diuerse speciei eas faciunt Alexander, Simplicius, & Auerroes, *affirmās* apud Zimaram in Tabula, Verbo *esse di-* Frigiditas. Et fundamentum est: *uersa* quia diuersæ sunt affectiones et operationes harum qualitatum, & ipsæ qualitates sunt passionēs propriæ diuersorum elementorum. Calor ignis cum siccitate coniungitur, calor aeris cum humiditate: ille est passio ignis ab eius forma promanans, alius est passio aeris ab eius forma proueniens. Et sic de singulis symbolis qualitatibus. Rursus siccitas ignis cum summa leuitate consistit, siccitas terræ cum summa grauitate. Humiditas aquæ extinguit ignem, etiam si aqua calida iniiciatur in ignem: humiditas aeris potius fouet & nutrit ignem: alitur enim ignis oleo, cera, adipe, & similibus mixtis aereæ naturæ. Humor aquæ adhærescit & conglutinat, aer facillime diffluit. Differunt quoque speciei virtutes motiue elementorum.

inter se, licet symbolæ, ut leuitas ignis & aeris, grauitas terræ & aquæ: igitur sic etiam differunt qualitates actiuæ.

Præsertim calorem vitalem et elementarem.

Deinde, Aliqui pariter affirmant, diuersæ speciei esse tales similes qualitates in alijs corporibus. Indicat Arist. 4. Meteor. cap. 2. dicens, calorem internum & natium corporis interire per calorem externum & aduentitium, & hanc esse putrefactionem. Præsertim plures sunt qui volunt, calorem vitalem in animalibus esse prorsus diuersum à calore elementari. Suetlan. 1. Meteor. com. 35. Fernelius lib. 4. Physiolog. c. 1. Conciliator different. 48. Dandinus lib. 1. de Animati corpor. temperat. cap. 12. & alij. Indicat Arist. 2. de Generat. animal. cap. 3 distinguens calorem vitalem à calore igneo. Fundamentum huius sententiæ est, tanta operationum, diuersitas quæ in corpore animato per vitalem calorem exercentur, ab omnibus elementorum & aliorum corporum operationibus.

Symbola elementorum qualitates sunt inter se eiusdem speciei.

Dico primò. Symbolas elementorum qualitates esse inter se eiusdem penitus speciei. Hæc est communis sententia. Et ita defendunt Conimb. 2. de Generat. cap. 3. q. 6. Tolet. cod. lib. q. 7. Arsius q. 12. Hurtad. disp. 6. sect. 6. Zabarell lib. 2 de Qualit. element. & alij. Probatur primò. Ab Arist. & alijs Philosophis quatuor & non plures, recensentur primæ qualitates elementares, ex quibus quatuor tantum utiles combinationes confici possunt: sed si qualitates symbolæ differrent specie, iam octo essent primæ qualitates, ex quibus multò plures combinationes resultarent: censendum ergo est, eiusdem simpliciter speciei esse symbolas qualitates.

Secundò. Idem Arist. 1. de Generat. 24. & lib. 2. tex. 25. docet, in transmutatione inter elementa sym-

bola, vnā qualitatem in vtroque communiter remanere, illam nempe in qua conueniunt: ergo planè eiusdem speciei est huiusmodi qualitas. Et alioqui simpliciter elementa non essent symbola, si in nulla qualitate eiusdem speciei communicarent.

Tertiò. Si dum ex aere v. g. generatur ignis, non idem calor est vtrique communis: ergo debet præcedens calor aeris corrumpi, & alius nouus igneus generari. At certè ille non corrumpitur defectu causæ conseruantis: deberet ergo expelli per aduentum contrariæ qualitatis. Sed ibi non producit frigus quod est calori contrarium: neque humiditas aut siccitas est calori contraria. Solùm ergo relinquitur nouus calor, qui priorem expellat: igitur vnus calor erit contrarius alteri, sicut sunt calor & frigus: quod prorsus irrationabiliter diceretur: & inde fieret, non minùs pugnare inter se elementa quæ dicuntur symbola, per qualitates similes, quàm per alias qualitates contrarias.

Quartò. Consideretur calor v. g. ignis: non est maior ratio cur illi dicatur contrarium potius frigus aquæ vel terræ: deberet ergo dici vtrumque. At ex Arist. 1. Cæli 10. & 10. Metaph. 17. *Vnum vni est contrarium*: igitur vnum est specie frigus, vnus calor, & sic de alijs singulis qualitatibus.

Quintò. Potest per calefactionem ignis in materia humida resultare forma aeris, ut dicemus sect. sequenti: sed ignis non gignit alium calorem quàm igneum, aer non gignitur ex alio calore quàm aereo: igitur idè est calor igneus & aeris.

Sextò. Sensu ipso tactus eodem modo sentitur omnis calor, omne frigus, nisi in quantum vna qualitas sit intensior alia. Et præsertim quando intentior est qualitas in vno elemento quàm in alio, vna intendit aliam;

aliam; ignis intendit calorem aeris, & aqua frigidior intendit frigiditatem terræ. Omnino ergo eiusdem speciei sunt omnes symbolæ qualitates in elementis.

Ac pariter in alijs corporibus. Dico secun. o. Eiusdem quoque speciei sunt tales symbolæ qualitates in alijs omnibus corporibus, etiam specialiter calor qui in animalis sentitur. Hac assertio quoad inanimata corpora est pariter communis. Quoad calorem animalis, est Alexand. Dicit Thom. & aliorum 2. de Anima circa tex. 41. Alberti tract. 2. cap. 4. Auerr. 7. Colliget cap. 2. Zinara 12. Met. contrad. 6. Cornimb. 2. de Gener. cap. 3. q. 7. Aristij q. 13. Achill. lib. 3. de Elementis & aliorum ut plurimum.

Probatur prin. o. ex Arist. qui hac ratione vult, mixtū cōstare ex elemētis secundum eorum virtutes & qualitates, & elementa secundum has suas qualitates manere in mixto, huc hoc sit animatum, huc inanimatum. Et specialiter de animalibus lib. 2. de Anima tex. 130., loquens de nostris sensibus, inquit: *Ignis aut nullus est, aut communis omnibus: nihil enim sine calore sensitivum est.* Vbi planē docere voluit, elementū ignis spectare ad omnes sensus ratione caloris: eiusdem ergo rationis est calor ignis ac animalis. Et lib. de Iuventute &c. cap. 10. eodem pacto ait; *Concoctio per quam alimentum fit animalibus, neque sine anima, neque sine caliditate est, ignis enim operantur omnia.* Vbi pariter supponit, caliditatem animalis esse eiusdē rationis atque ignis. Et infra subdit: *Alias virtutes anima impossibile est existere sine nutritiva, hanc autem sine naturali igne, in hoc enim natura igniuit ipsam.* Et alibi sæpē idem videtur supponere.

Secundō probatur iisdem rationibus & experiētijs cum assertione præcedenti. Nam pariter procedūt,

comparando mixta, ac specialiter corpora animata, cum elementis, ac ipsa quoque inter se. Inter omnia enim datur mutua actio & communicatio, & in vno intenditur qualitas à simili sed intentioni qualitate alterius, & per talem actionem expellitur qualitas contraria: igitur in omnibus corporibus omnes similes qualitates sunt eiusdem speciei ac rationis. Et præsertim interdum calor naturalis perinde valet atque vitalis in generatione animalium, ita ut ex ovis per calorem ignis aliumuē ritē attemperatum excludantur pulli: cuius rei praxis in Aegypto maxime exercetur, ut copiose narrat Michael Maierus in lib. de Volucris Arborea cap. 9.

Tertio specialiter comparando calorem animalium & elementorū, Si diversus esset calor animalis à calore elementari deberent vterius esse tot diversi calores quot sunt species animalium, & quot etiam sunt species plantarum: quia in omnibus sunt aliquæ operationes diversæ. Et rursus, quia corpori animato, non solum debetur calor sed alia etiam qualitates; pariter diversa dici debet humiditas vitalis ab elementaris & sic etiam de frigore & siccitate: Igitur si hæ sunt eiusdem speciei ac rationis in omnibus ijs corporibus, calor quoque est eiusdem specificæ rationis.

Quarto. Expressius petēdum est, quando corpus aliquod mixtum, & specialiter corpus animatum, alteratur ab aliquo elemento secundum aliquam qualitatem, ac specialiter quando calefit ab igne: Vel producit calor diversæ rationis ab illo qui in statu remisso inveniēbatur in eodem subiecto, vel eiusdem rationis. Si diversæ rationis: ergo verē non augebitur & intendetur ille calor qui erat in subiecto, sed novus alius ex integro produceretur. Si eiusdem

Et specialiter calor in animalibus & in elementis.

dem rationis : ergo formaliter eiusdem speciei est calor ignis & calor animalis , quia ignis non producit nisi calorem eiusdem rationis cum suo, actione uniuoca. Et, si calor animalis esset diuersæ rationis à calore ignis, esset utique illo nobilior : unde non posset à calore ignis æquiuoca actione produci. Rursus, Vel in animali est vnicus tantum calor habens tamen suam intensionem per suos gradus, Vel in illo distinguetur duplex calor, vnus vitalis & proprius, alius naturalis et communis cum alijs corporibus et elementis. Si dicatur primum: tunc explicandum erit, quomodo animal calefiat ab igne, an idem calor vitalis augeatur et intendatur ab igne: quod sanè esse non posset. Si dicatur secundum: tunc explicandum erit, quisnam calor sit contrarius frigori, et expellat frigus ac expellatur per frigus; vel an sit etiam duplex frigus. Sanè idē frigus aeris vel niuis refrigerat manum et expellit calorem, siue manus esset antea per se calida, siue esset calefacta ab igne; et idem frigus aeris quod refrigerat manum calefactam ab igne, temperat etiam natium calorem cordis. Verè igitur omnis huiusmodi calor est eiusdem infimæ speciei, et sic omnis alia similis qualitas.

Quintò. Produciatur etiam calor à causis celestibus, præsertim à Sole. Vel ergo calor hic est eiusdem rationis cum calore elementari, vel cum vitali, vel est alterius rationis ab utroque. Si conuenit cum solo elementari, & differt à vitali; non posset concurrere ad generationem animalium & plantarum. Si conuenit cum solo vitali, & differt ab elementari; non posset concurrere ad gignendum ignem, quem tamen videmus gigni ad radios Solis ex speculo concauo, & per phialam vitream aqua plenam. Si cum neutro

conuenit, & ab utroque differt, neutrum ex his effectibus præstare posset. Cum ergo præstet utrumque, verè est eiusdem rationis cum utroque calore: atque adeo huiusque ambo sunt eiusdem rationis inter se.

Sextò demum. Pro pleniori intelligentia huius rei considerandum est, in omni corpore animato, inueniri virtutem vitalem ad operationes vitales exercendas, & præsertim ad operationem omnibus viuentibus communem concoquendi alimentum & conuertendi in substantiam aliti. Hæc operatio vitalis dicitur fieri per calorem. Si quis intelligat hoc præcisè effici per calorem eiusdem rationis cum calore elementari absque alia distincta virtute: id est prorsus falsum: nec putari potest, per solum huiusmodi calorem, qui & in viuentibus non est utique adeo intensus, præstari talem effectum: eò magis quòd in eodem nutritionis exercitio, includitur certa quædam attractio, expulsio, separatio, distributio, quò non attingit sola vis caloris. Imò plantæ nutriuntur, quamuis non præferant sensibilem calorem, & fructus quoque proferunt, eosque ad maturitatem perducunt; ac nutriuntur etiam maximo vigente frigore. Itaque, nec etiam quatenus instrumentum animæ, dici potest ipse præcisè calor elementaris, prout existens in corpore animato, perficere tales operationes. Unde illi qui negant distinctionem caloris vitalis ab elementari, velint per solum calorem exerceri tales operationes, nec agnoscant aliam peculiarem virtutem sub nomine caloris vitalis: in hoc nullatenus consentimus.

Duobus ergo modis potest rectè intelligi, nutritionem fieri per calorem. Vno modo, sumendo nomen caloris in suo communi significato pro qualitate sensibili elementari quæ

*Datur
autem
alia vir-
tus vita-
lis longè
diuersa
in corpo-
ribus a-
nimalis.*

quæ tactu percipitur, & intelligendo per talem calorem coadiuvantur aliam virtutem vitalem nutritivam quæ propriè habeat vim convertendi alimentum in substantiam aliti, & alia dicta munera exercendi. Constat enim ab experientia tale adiuventum caloris: nam ideo animalis viscera semper calent: & ijs qui ventriculi debilitate laborant, calefactiva remedia adhibentur. Hic autem modus magis propriè apparet in animalibus. Alioqui in plantis exercetur nutritio sine tanto calore qui à nobis positivè sentitur. Alio modo intelligitur, sumendo nomen ipsum caloris vitalis pro facultate nutritiva vitali: quæ verè per se non est tactu sensibilis, sed in suo effectu deprehenditur: & prorsus distincta est à calore sensibili: sed veluti æquivocè in nomine cum illo communicat per analogiam quandam; vel quia in actiuitate & transmutatione alimenti assimilatur cum calore elementi; vel quia vititur consortio veri caloris naturalis, & sub illo nobis innotescit. Hoc pacto vltro asserimus, calorem vitalem esse ab elementari distinctum: & sic utrumque in animato corpore distinctè agnoscimus. Sed volumus, talem calorem vitalem distinctum formaliter esse virtutem nutritivam, vitalem, nec per se tactu percipi & sentiri, sed illum calorem qui factum animali percipitur, esse solum calorem naturalem, eiusdem prorsus specificæ rationis cum elementari. Ideo in conclusione consultò diximus, eiusdem speciei esse illum calorem qui in animali sentitur.

Ex his iam satisfaciendum est ad ea quæ in contrarium præmissa erant. Ad fundamentum prioris sententiæ dicendum est, Non ipsas qualitates symbolas in elementis per se asserre affectiones & operationes diversas: sed totam diversitatem oriri ex con-

sortio alterius diversæ qualitatis: Nec formam unius elementi per se exigere ipsam quantitatem symbolam diversæ rationis ab alio elemento: sed quidem exigere eundem rationis, coniunctam tamen & coniugatam cum alia diversâ qualitate: & sic integra cōbinatio est passio propria & peculiaris talis elementum. Ita calor ignis per se nō magis exigit coniugium cum siccitate quàm cum humiditate, cum forma ignis quàm cum forma aeris. Nec siccitas ignis per se affert levitatem. Humiditas verò aqua extinguit ignem: quia aqua est crassa & densa, & magis agit; impeditque novis exhalationes quæ ad nutrimentum ignis deberent accendi, sicquè deficit ignis. Humiditas autem olei & similium mixtorum, non per se nutrit ignem: sed talia corpora, ob suam materiam pinguem, qua retinent calorem, & apta sunt ad calorem igneum concipiendum, & cum calore aliquam siccitatem, idonea sunt ut convertantur in flammam. Ob eandemquè suam crassitiem ac densitatem, aqua adhærescit, aer verò ob nimiam tenuitatem effluit. Virtutes autem motivæ elementorum, non inter se communicant, sicut qualitates activæ, & per se diversa loca petunt: ac de illis alia peculiaris est ratio, qua distinguantur, ut suo loco vidimus.

Ad auctoritatem Arist. pro altera sententia distinguente calorem vitalem ab elementari, Vel Arist. accipit calorem vitalem pro virtute animalistica tam dicta, Vel etiam calorem ipsum qui est in animali distinguit à calore igneo, ratione intentionis, & ratione aliarum dispositionum, quas secum coniunctas habet. Ad rationem quoque fundamentalem eius sententiæ, patet ex dictis, non ipsum calorem sensibilem, sed aliam virtutem vitalem longè diversam, quæ etiam multiplex est, perficere

Opposita fundamēta solvuntur.

tot varias & insignes operationes,
subseruiente tamen calore.

SECTIO DECIMA.

Quo pacto Elementa inter se transmutentur.

Elemēta inter se simpliciter trāsmutari, et hanc transmutationem fieri mediantibus eorum qualitatibus actiuis, vt notum iam supponimus ex dictis, non solum specialiter de ipsis elementis, sed generaliter antea de generatione et corruptione inferiorum corporum. Dubitatur tamen, num inter quatuor elementa possit quodlibet in quodlibet immediatē conuerti: præsertim de illis elementis quæ inter se valdē dissimilia sunt, vt aqua & ignis, quæ per ambas qualitates sibi aduersantur: Nam non datur transitus de extremo ad extremum sine medio, s. Phys. 2.2. Et specialiter, vt aqua conuertatur in ignem, debet calefieri & exiccari: prius autem & velocius calefit: vnde tunc, cū sit calida & humida, prius conuertetur in aerem, ac deinde ex aere poterit conuerti in ignem.

Sententia negans omnia elementa inter se immediatē transmutari.

Arcelius 2. de Generat. q. 15. negat posse quolibet elementum in quodlibet immediatē conuerti. Sed ita philosophatur, vt ferē neget omnem inter elementa transmutationē. Ait, in ignem nullum aliud elementum posse conuerti, & ipsum ignem in nullum aliud posse conuerti: item non posse conuerti terram in aerem vel aquam, nec aerem vel aquam in terram. Solum ergo retinet conuersionem mutuā inter aerem & aquā. Sed & hanc ait, non tam fieri virtute propria vnius elementi conuertentis in se aliud quā virtute alterius agentis extrinseci.

Probat, in ignem nullum elemen-

tum conuerti: Quia sic ignis semel accensus nunquam extingueretur, quia nunquam ei deesset pabulum, ex cuius solo defectu ignis perit. Supponit etiam, id quod vertitur in ignem, non amittere propriam formam: vnde si ad concipiendum ignem sufficit elementum, perpetuū manebit talis ignis: quia licet illud elementum quod esset ignitum conuerteretur in aliud elementum, pariter hoc aliud retinebit ignem. Specialiter, si aer posset conuerti in ignem, iam totus aer esset incensus: & saltem intra paruum cubiculum breui totus aer ignesceret, vnde & trabes ac tabulata combureret. Et experientia constat, terram proiectam in ignem nunquam consumi, & lateres in ardentissima fornace integros permanere. Item lampadis flammam oleo deficiente extinguī, quamuis adsit aqua.

Probat, ignem non posse conuerti in aliud elemētum: quia cū forma ignis adiunctam secum habeat aliam formam, pereunte forma ignis remanet illa alia forma, & sic ignis non conuertitur in aliud elemētum. Quando autem flamma euanescit, potius definit in fumum, quam in aerem: nunquam ergo conuertitur in aliud elementum.

Probat, terram nec etiam in aerem vel aquam posse conuerti. Quia terra & aer in frigiditate & siccitate conueniunt. Terra pū adeo grauis & densa, non poterit resolui in aerem. Et alioqui, iam cacumina montium abijissent in aerem. Si quē terra non potest vinci ab igne, multo minū ab aere vel aqua. Et pariter nec poterunt aer & aqua in terram conuerti: eō magis quod terra est per se minus actiua: nec potest adiuuari à Sole, qui potius efficit dispositiones terræ contrarias. Probat, aquam & aerem non ex sua propria virtute inter se transmutari.

Quia

Quia aer non potest rarefacere aquam, nec aqua condensare aerem: & humiditas & siccitas, quibus ait hæc elementa inter se pugnare, sunt parum actiua. Nec videmus, aerem & aquam, ubi se contingunt, inter se pugnare, ac se transmutare: sed potius actione Solis aquam exhalare in aerem, & interuentu opaci corporis aerem colligi in aquam. Ac demum, fieri non potest, ut hæc duo elementa mutuo se vincere possint: sed si vnum vincit aliud, facilius se tueri poterit ne ab illo vincatur. Et sic apparet in alijs corporibus, signa veri in ignem, vinum in sanguinem & acetum, hominem in vermes vel serpentes; non autem è conuerso.

Conclu. Defendendum tamen est, verè *sio affir-* posse & solere quodlibet elementum in quodlibet transmutari, & *mans.* posse inquam immediatè. Hæc est communis Peripateticorum sententia. Et habetur planè ex Arist. 2. de Generat. 24. & sequentibus, ubi id ex professo docet & probat. Vnde ait, *Vniuersaliter manifestum est, quòd omne ex omni generari natum est.* Idquè inductione ostendit inter omnia & singula elementa, etiam inter ignem & aquam ac terram: & perspicuè loquitur de immediatæ conuersione vnius in aliud.

Probaturquè ratione eiusdem Arist. Omnia elementa ratione suarum qualitatum, sunt inter se adinuicem contraria, & actiua: potest ergo vnumquodquè agere in aliud, in eoquè producere suas qualitates, & sic tandem suam formam, qua omnino expelletur ac destruetur prior forma alterius elementi: vnde vnum elementum in aliud substantiali transmutatione conuertetur. Atque ad maiorem cõfirmationem, exemplis hoc verificari potest in ijs elementis quæ inter se magis distare ac differre minùsquè apta ad hæc

conuersionem videntur. Illa elementa quæ per ambas qualitates inter se opponuntur, eodem tempore per ambas agunt, & sic vnum poterit tandem conuertere in se aliud. Aqua certè per calorem resoluitur in vaporem, ut passim contingit, & in eò statu adhuc retinet formam aquæ: poterit ergo amplius calefieri, & si nullo etiam exicari: & sic ex aqua fiet ignis: ut etiam ex aere potest generari ignis. Ac de factò, dum exigua aquæ gutta aspergitur in fornacem, facile conuertitur in ignem. Vanumquè est quod opponit Arist. sect. 3. ad 3., non posse conuertere in flammam, quia flamma est fumus accensus. Quamuis enim regulariter flamma accendatur ex fumo, tamen poterit & ex alia materia accendi. Ac ipsa aqua resoluitur quoque in fumum, idest vaporem, & benè poterit intra fornacem accendi. Item terra per calorem exhalat, danturquè terrestres halitus, sicut aquei vapores: cumquè terra conueniat in siccitate cum igne, facilius terrestres halitus nimio calore conuertentur in ignem. Et sanè de factò videmus, tam sæpè in sublimi varios ignes accendi, fulgura fulmina, stellas cadentes, cometas, trabes ignitas: qui certè non nisi ex terrestribus halitibus accenduntur. Sic pariter ex terrestri halitu & aqueo vapore, humiditate vigente, gignetur aer. E' conuerso poterit quoque aer, terra, vel aqua, præsertim in magna copia, aliquam exiguam ignis particulam in se transmutare. Et non solum aqua, sed etiam terra poterit aerem in se conuertere. Suadebitur magis hæc tota res, dissoluendo rationes oppositas.

Ad priorem rationem dicendum est, non dari transitum de extremo ad extremum nisi per medium, in motu locali, & in actione quæ diffunditur per subiectum. Neque elementa- *Ratio. nes aduersa soluntur.*

menta habent inter se in hoc sensu ordinem medijs & extremi, ut extremum debeat transire per medium, ad hoc ut conuertatur in aliud extremum. Specialiter verò, dum aqua calefit eodem tempore exiccatur aliquantum: vnde licet citius calefiat quàm exiccetur: non propterea interim conuertitur in aerem: sed completa tandem sufficienti exiccatione statim conuertetur in ignem.

Ad rationes Arstij. Ignis accensus extinguitur, quia vel suisu euolat & apud nos desinit, vel ab alio elemento corrumpitur: & licet per se possit quolibet elemento ali, tamen omne elementum resistit, & non sinit statim se conuerti in ignem. Falsumque prorsus est, id quod in ignem conuertitur, non amittere propriam formam. Aer verò potest quidem incendi: sed ad hoc requiritur tempus, & aer habet vim resistendi: vnde nec totus debet incendi; nec ille qui intra cubiculum cum igne clauditur: nec si incenditur, statim ligna corripit, quia ignis adeo rarus ac tenuis, non est ita validus, ut breui transitu corpora præsertim solidiora comburat. In sententia tamen ipsius Arstij sequitur, ignem non posse extingui, debereque omnia, & non solum aerem totum incendere, dum secum alienas formas compati dicitur. Terra quoque in ignem iniecta, post multum temporis, saltem in aliqua parte resoluitur in ignem: magis verò resistunt lateres compacti & duri: sed etiam lapides ex parte vertuntur in ignem, & sic in calce plurimæ partes igneæ remanent: imò ex silice tanta facilitate calybis attritu gignitur ignis. Aqua tamen in lampade non nutrit ignem, quia longius spatium temporis, & maior ignis copia, ad talem conuersionem requireretur. Deinde etiam si forma ignis adiunctam haberet aliam formam,

adhuc eo saltem modo dici deberet ignis conuerti in elementum, quo diceretur conuerti in illud quod ex igne remanet, quicquid sit. Nec necesse erit, semper flammam verti in fumum: sed bene poterit verti in aerem aut aliud elementum.

Inter alia quoque elementa, potuit utique terra resolui in aerem, quando quidem resoluitur in exhalationem adeo similem aeri. Nec oportet, cacumina montium solui in aerem: quia elementa sunt inter se ita contemperata ut mutuo agant atque resistant. Actioneque saltem Solis terra exhalat, & tamen non per hoc cacumina montium abierunt in halitus. Poteritque terra interdum, tam ab aere & aqua, quàm ab igne euinci. Et è conuerso interdum vincere & aerem atque aquam, aut etiam ignem, in se conuertere; aer verò & aqua bene possunt virtute propria suisque naturis qualitatibus inter se agere & pugnare, & aer rarefaciet aquam, aqua condensabit aerem. Neque humiditate & siccitate, sed frigore & calore hæc elementa inter se pugnant: at etiam in illis qualitatibus sit elementorum certamen, licet tardius. Et vbi aer et aqua se contingunt, facile accidit, partem aquæ resolui in aerem, & partem aeris in aquam. Tam in his tamen, quàm in alijs elementis eorum actio alijs quoque causis extrinsecis adiuuatur. Ac optimè poterunt per diuersas partes, & in diuersis casibus, se mutuo vincere; quando nempe vnum sit in maiori copia, habeat suas qualitates intensiores, maioribus etiam auxilijs fulciatur.

Deinde vltius dubitatur, an per actionem vnius elementi, possit diuersum aliud generari, v. g. ex aqua aer per actionem ignis: siue an per mutuam actionem duorum elementorum inter se, possit tertium aliud

rum, di- generari, vt ex congressu ignis &
uersum aquæ gigni aer. Affirmant Expoli-
alind tores communiter 2. de Generat. 29.
genera- Et habetur ex Arist. ibidem. Atque
ti. sic explicatur. Si contingat, aquam
ita calefieri ab igne, vt aqua retineat
suam humiditatem: tunc ex aqua,
actione ignis, gignetur aer: quia ca-
lor & humiditas sunt dispositiones
aeris. Rursus, si per mutuam actio-
nem ignis & aquæ, virtute quidem
ignis producat calor, virtute aquæ
humiditas: tunc pariter ex ijs dispo-
sitionibus, nempe calore & humi-
ditate, resultabit in materia forma
aeris, depulsa ex vna parte forma
ignis, & ex altera forma aquæ. Po-
terit autem hæc mutua actio adiuua-
ri tum à proprijs illorum elementor-
um formis, tum etiam ab alijs ex-
trinsecis causis, quæ reparare pos-
sent ex parte ignis calorem, ex parte
aquæ humiditatem, donec tota illa
actio compleatur. Fuliùs hoc exa-
minat Zabara. lib. 2. de Qualit. ele-
ment. cap. 8. & 9. Caterum, in his
casibus, quænam sit causa principa-
lis cui attribui debeat productio
eius substantialis formæ quæ gigni-
tur, satis explicauimus q. 37. sect. 5.
ad 7.

Inter Postremo. Arist. 2. de Gener. tex.
elemēta 25. affirmat, facilius & citius inter
symbola se transmutari elementa quæ in ali-
est facie qua qualitate conueniunt, quàm quæ
lior tras in ambabus qualitatibus differunt
muta- & opponuntur: siue, vt dici solet,
tio. faciliùs inter se conuerti elementa
symbola quàm dissymbola. Ratione
reddit idem Arist. *Quia facilius est*
unum quàm multa transmutare. Ve-
rùm circa hoc dubitatur, tam con-
tra ipsam assertionem, quàm contra
rationem: quia facilius quidem est,
vinci vnum à multis quàm ab vno:
at non minùs faciliè erit, vinci mul-
ta à multis, duo à duobus: certè au-
tem inter elementa dissymbola pu-
gnant binæ qualitates ex vtraque

parte. Propter hoc plures viæ à Pe-
ripateticis excogitate sunt ad do-
ctrinam Arist. defendendam.

Albert. Martil. Sueffan. apud To-
let. 2. de Generat. q. 9. volunt, faci-
lius non intelligi nisi quòd cum mi-
nori mutatione ea conuerso fiat in-
ter elementa symbola. Hoc quidem
verum est, sed non sufficit: quia
Arist. aperte ait, fieri etiam citius
talem conuersionem: *Quæcumque*
enim, inquit, habent cognationem ad
inuicem, velox horum transmutatio
est; quæcumque autem non habent,
tarda.

Quidam alij sic rem explicant.
Elementa dissymbola differunt tum
in qualitatibus actiuis, tum etiam in
passiuis: tardior autem est actio &
transmutatio in qualitatibus passi-
uis. Verùm, non hæc est mens &
ratio Arist. Et præsertim eadem erit
ratio in ijs elementis symbolis, quæ
in solis passiuis differunt qualitati-
bus, vt aer & ignis, terra & aqua.

Toletus ibi & Conimb. cap. 4. q.
2. respondent, plus resistere duas
qualitates dissymbolas quàm vnā
tantum; & quamlibet ex ijs qualita-
tibus magis resistere coniunctam,
cum alia qualitate etiam repugnante
& resistente, quàm se sola, siue vt
coniuncta cum alia qualitate com-
muni cum aduersario. Sed neque
hoc satisfacit: quia pariter plus di-
centur agere duæ qualitates quàm
vna sola; & plus quælibet coniun-
cta cum alia simul etiam agente,
quàm si sola ageret.

Arelus q. 16. distinguit. Si ser-
mo sit de actione inter ipsa elemen-
ta qua vnum agat contra aliud: sic
reuera eandem esse rationem inter
elementa symbola ac dissymbola.
At si cōsideretur actio alicuius cau-
sæ extrinsecæ conuertentis vnum
elementum in aliud: sic facilius ele-
mentum conuerti in aliud symbolū,
quàm in aliud dissymbolum: & in
hoc

hoc sensu Arist. esse loquutum. Sed certè etiam de causa extrinseca procedit eadem difficultas. Vel enim habet virtutem tantum contra vnâ qualitatem elementi patientis: & sic se habet sicut si elementum dissymbolum ageret in aliud. Vel habet virtutem contra ambas qualitates eius elementi: & sic se habet sicut si elementum dissymbolum ageret: nec erit difficilior conuersio in elementum dissymbolum quàm symbolum. Et præterea Arist. ibi maximè loquebatur de conuersione ac transmutatione mutua elementorum per propriam eorum virtutem & actionem.

Tandem ergo dici poterit cum D. Thoma circa textum illum 25. hanc rem esse reducendam ad formas substantiales elementorum: nempe formam elementi dissymboli magis reniti & resistere, cū in pluribus qua-

litatibus debeat superari ab alio opposito elemento: magis etiam valere ad reparandas in se vel saltem retinendas suas qualitates, ne tam facile & velociter ab aduersario destruantur. At verò forma aduersa quæ per duas qualitates agit, non per hoc citius & validius operari: quinimò potius magis retardari ex maiori contrarietate ac resistentia quam inuenit. Et ratio huius discriminis in resistendo ac in agendo est: quia passum per se resistit ad hoc vt se conseruet, & ideo contra geminatas aduersarij vires plus renititur: agens verò non per se & primario operatur, vt oppositam formam destruat, sed potius vt producat sibi simile: vnde vbi maiorem inuenit similitudinem facilius & velocius agit; vbi autem maiorem inuenit dissimilitudinem & resistentiam, potius retardatur.

QVÆSTIO QVADRAGESIMASECVNDA.

De Varijs quibusdam Accidentibus

quæ circa Elementa contingunt: Vbi de
Meteoris.

Aristoteles initio Meteor. præfatur, se post superiores tractationes de Cælis & Elementis, recta methodo considerare debere ea quæ sub cælo in elementis accidunt, nempe circa ignem, aerem, aquam, terram. Quam Philosophiæ partem, iam prius ab Antiquioribus Meteorologiam vocatam fuisse, testatur. Vnde & ipse quatuor libros meteorologicos descripsit. Meteora autem, secundum græcam significationem nominis propriè sunt sublimia & eleuata, quæ in alto apparent. Vnde hoc nomen specialiter pertinet ad eas impressiones, quæ in sublimi aere & igne contingunt. Verum ab hac quidem tanquam principaliori parte, hæc doctrina nomen accepit. Sed Aristoteles ipse tractat de ijs quoque, quæ in infima mundi
parte

parte aquæ terræquæ, & ipsismet terræ visceribus, accidunt. Ideo absolutè sub hoc titulo, de ijs quæ circa elementa contingunt, hæc omnia præsentique questione proponimus. Eaque ne philosophicum studium nimis protrahant, & quia disputationi minùs obnoxia sunt, breuiter perstringendo expediemus.

SECTIO PRIMA.

*De ijs quæ circa Ignem in suprema regione contingunt:
Vbi de Cometis.*

*Varia
impres-
siones
ignita.*

Apparent plerumque extraordinariæ quædam ignitæ impressiones, & flammarum eruptiones, quæ non modicam admirationem aspicientibus præbent. Et diuersæ sunt, vel pro varietate locorum in quibus occurrunt, vel figuræ in qua formantur, vel materiæ ex qua gignuntur. Ac præsertim ex parte locorum sic distinguuntur. Aliæ contingere dicuntur in suprema aeris regione: & huiusmodi apud Arist. sunt Via Lactea & Cometæ. Aliæ in media aeris regione: nempe fulgura & flumina, stellæ cadentes. Aliæ in media vel infima aeris regione: & pluribus modis variantur unde & varia nomina sortiuntur. Et hæc omnia propriè sunt materia ignita, quæ nempe in sublimi cernuntur. Alij denique sunt ignes subterranei, qui intra terræ viscera incenduntur, & ex internis terræ partibus foras erumpunt.

*Via lactea non
est huius
generis,
sed est
prorsus
caelestis.*

Vt autem de singulis his breuiter discurremus, ex suprema regione incipiendum est. Via lactea, licet Aristoteli visa sit ignita accensio in sublimi aere: tamen reuera est caelestis quædam impressio, in ipso cælo, imò supra omnes Planetas, existens: de qua proinde circa caelestia corpora q. 34. sect. 10. pertractauimus: vbi hoc ipsum satis ostendimus. De Cometis, fuit quoque olim plurimum Veterum sententia, &

nuper apud plurimos Recentiores inualuit, nequaquam esse elementaria corpora, infra cælum, sed esse potiùs caelestia quædam corpora, ac temporalia sydera. Propter hoc, iam etiam circa caelestia corpora q. 32. sect. 2. & q. 33. sect. 4. defendimus & ostendimus, Cometæ non esse caelestia corpora, non esse in cælo, sed prorsus infra cælum in elementari mundo consistere. Et præter ea quæ ibi adduximus, denuò idem exactissimè tuetur atque confirmat Scipio Claramontius in Apologia interim edita pro Antitycone suo contra Hyperaspitem Ioannis Kepleri. Hoc ergo supposito, vera nunc Cometarum ratio determinanda est.

Cometa sic dicitur quali stella comata, apparet enim ad instar cuiusdam stellæ, addita tamen coma. Vnde pro varietate comæ duas cometarum species distinguit Arist. Aut enim coma per totum gyrum in circuitu funditur: & hic dicitur Cometa crinitus. Aut versus vnâ partem, & dicitur Cometa pogonaris siue barbatus, aut caudatus. Rursus hic ab alijs distinguitur in duas alias species. Aut enim coma versus vnâ partem in notabilem longitudinem porrigitur: & hic dicitur caudatus. Aut in modicam longitudinem: & hic dicitur barbatus. Vel quando coma in anteriore partem emittitur, ante ipsam stellam ex Horizonte surgens, dicitur barbatus: quando verò in posteriorem partem, surgente prius stella ac post se trahente comam, dicitur caudatus. Addit Arist. 1. Meteo. sum. 2. cap. 3. & 4. interdum comam appendi alicui ex stellis nobis notis, vel fixæ,

*Come-
tarū de-
scriptio.*

vel erranti, sicut interdum fiunt quædam area lucidæ circa Solem & Lunam. Verùm quando id contingit, potius talis apparentia erit eiusdem generis cum dicta area contingente circa Solem & Lunam, quàm de genere cometarum. Sed tanè potest & solet Cometa pluribus adhuc modis contingere & figurari: varietas enim figurarum non habet finem. Et interdum visus est absque omni coma ad instar simplicis stellæ: sed adhuc retento consueto nomine dicitur Cometa. Plures autem huiusmodi Cometarum figuras usque ad decem, commemorat Plinius lib. 2. cap. 25. ac depingit Cornelius Gemma lib. 1. de Diuinis Naturæ Characteristinis cap. 8.

Cometarum historia.

Cometæ non sæpè sed rarò videntur. Nec diu durant: sed regulariter cæsentur spatium trium mensium non attingere: aliqui tamen commemorantur, qui & annum excellerint. Dicuntur, magis Autumni tempore, quàm alia anni parte, contingere: sed tamen alijs etiam temporibus visi sunt. Item frequentius sub cæli plagis ad polos vergentibus, nempe extra Tropicos, quos Sol annua sua obliquitate designat: sed tamen etiam intra Tropicos interdum exorti sunt. Mouetur Cometa tum motu diurno ab ortu in occasum, tum & alio proprio ac peculiari motu: & interdum quidem, ab ortu pariter ad occasum, quo nempe velocius quàm cælestia sydera excurrere inuentus est: interdum è contra ab occasu in ortum; cum tardiùs quàm illa ad occasum tendit. Moueri quoque solet ab vno polo ad alium: & interdum ab Austro ad Aquilonem, interdum ab Aquilone ad Austrum. Ac demum, varij Cometæ, varios prorsus motus, tam quoad situm, quàm quoad velocitatem, exercere consueuerunt. Hæc autem omnia visu ipso circa Cometas obseruata sunt.

Hinc ad naturam & generationem Cometæ penetrando: Arist. *tarū natura & ratio.* alijquæ Peripatetici volunt, Cometam esse exhalationem terrestrem in altum sublatam, ibiquè accensam, ideoquè noctu fulgere. Accendi autem vel concitatione motus cælestis, qui communicatur etiam superioribus illis elementaribus regionibus: vel flammulis ex elemèto ignis deorsum decidentibus eiusdem motus impulsu: vel calore ipso eius regionis & solarium radiorum: cum exhalatio sit ad incendium valde disposita, vt pote calida & sicca. Sic Cometam tamdiu durare, quamdiu noui halitus suppetunt & succedunt ad ignem illum nutriendum. Et ideo magis autumnali tempore Cometas accendi, quia tunc plus huiusmodi halitus abundant. Ideo etiam magis extra Tropicos, quia intra illos maiore Solis calore faciliùs consumuntur aut dissipantur. Moueri demum motu aliquo proprio: vel quia ignis ille promouetur in eam partem qua ei suggeritur pabulum: vel quia ob fluxibilitatem aeris non assequitur velocitatem cæli, & sic aliquantum quotidie retrocedit; vel quia rapidiori cæli vertigine è medio propellitur versus polos; vel demum alicuius cælestis syderis attractu aut impulsu. Aduersus hanc tamen Peripateticam doctrinam, plura argumenta adducuntur ab ijs qui volunt, Cometas esse corpora cælestia, non solùm probare conantes esse in cælo, sed etiam directè contententes non posse esse halitus accensos. Sed quæ difficiliora erant, iam satis dissoluimus dicto loco, descendentes Cometas non esse in cælo: alia magis triuola, ex se facillè dissoluentur.

Adhuc verò posset aliter cogitari ratio Cometarum. Videlicet, Cometam esse portionem quãdam aeris vel ignis in sublimi, certa syde-

rum

rum vi taliter opacitate & lumine affectam, vt eo pacto nobis spectabilem se præbeat. Aut esse quidem terrestrem halitum, non tamen reuera accensum & ignitum, sed celesti lumine taliter illustratum: & sic opinatus est Scaliger Exercit. 79. in Cardanum. Ac defendunt Marius Guiduccius de Cometis, & Galilæus in lib. italicè inscripto, *Il Saggiatore*.

Cauda Cometae non videtur ignita accensio.

Certè, saltem caudam seu barbam Cometæ, non esse ignem in se ardētem, nec esse terrestrem halitum, sed solū esse impressionem quandam lucis ibi factam in aere vel halitu per effluxum radiorum solarium penetrantium corpus Cometæ, admodum verisimile est, & sic plerique sentiunt. Ita nempe quod corpus Cometæ nō sit penitus opacum, imò per illud validius pertranscant radij lucis sicut apud nos per globum vitreum, & sic referant illam Cometæ caudam. Ita docuit Cardanus lib. 1. de Variet. & lib. 4. de Subtilit. & plures alij Recentiores, inter quos nouissimè Ioannes Camillus Gloriosus lib. 5. de Cometis. Atque hoc suadetur. Tum quia si cauda Cometæ esset halitus accensus, esset magis rarus ac tenuis quàm corpus Cometæ, ideoquē minus fulgens: vnde esset etiam leuior: quare cauda Cometæ in altum tenderet & caput infra subsideret. Et sic de facto notauit atque affirmavit Regiomontanus in suo libro de Cometarum dimensionibus: attamen id experientiæ non respondet. Tum etiam figura ipsa caudæ satis indicat, illum esse effluxum solarium radiorum: nam efficit veluti pyramidem quæ eò magis dilatatur quo longius à capite protenditur, eo prorsus modo quo interdum videmus per nubem aliquam transire radios Solis, aut per arcum aliquod foramen.

Tum præsertim obseruatum est, caudam Cometæ semper protendi in aduersam Soli partem, ita vt caput Cometæ mediet inter Solem & suam caudam. Ita non solū simplici aspectu vulgaribus hominibus & ipsis quoque Philosophis visum est: sed etiam à peritis Mathematicis subtiliter obseruatum. Sic adnotauit Petrus Apianus in suo Opere Astronomico, non in vno aut altero, sed in quinque Cometis: Gemma Frisius in lib. de Radio Astronomico, & in lib. de Astrolabio Catholico, in octo Cometis: quas obseruationes approbat Cornelius Gemma lib. 1. de Diuinis Naturæ Characteribus cap. 6.: Fracastorius item in lib. Homocentric. cap. 23. in tribus Cometis, & alij plures in alijs pluribus. Atque hac ratione Cometa interdum est caudatus post se gerens comam, interdum barbatus ante se præmittens comam, iuxta diuersum nempe aspectum ad Solem. Quādo enim Cometa Solem sequitur, surgens ab Horizonte post Solem, vnde videtur tempore vespertino post occasum Solis: tunc post se trahit comam ad modum caudæ. Quando præit Solem, & surgit ac videtur tempore matutino ante Solem: tunc præmittit comam ad instar barbæ. Attamen Tycho Brahe lib. 2. Progymnasm. cap. 7., pluribus obseruationibus contendit, caudam Cometæ à se obseruari Anno 1572., non exactè in aduersum Solis effluxisse, sed aliquantulum declinasse, & potius ex aduerso Veneris directam exquisitè fuisse: & quoniam Venus est propinqua Soli, ideo caudam Cometæ apparere solitam in aduersum Solis. Sed postea ipsemet in quadam epistola ad Christophorum Rothmanum, quæ habetur in libro Epistolarum eius pag. 137. fatetur, caudam Cometæ formari potius ac dirigi à Sole, quàm à Vene-

nere: & ob aliquam visus oberrationem seu latentem aliquam opticam rationem, videri aliquantum declinare à rectitudine Solis, quo tunc visa sit magis à Venere dirigi. Tum, demum idem confirmatur alia observatione: quia Cometa quò longius à Sole distat, Solique opponitur, eò brevior, ac interdum nullam caudam præferre videtur: quò autem fit Soli propinquior, eò longior: ita attestatur idem Tyco in epist. citata. Hoc autem, non aliter contingere potest, nisi quia cauda Cometæ sit per effluxum Solarium radiorum: unde quando Cometa magis distat à Sole, & magis opponitur Soli, terra veluti mediat inter Solem, & cometam, & sic cauda in altum versus cælum per directionem à Sole porrigitur: unde minùs à nobis eius longitudo percipi potest. Ex diuinatione etiam nostri aspectus putandum est euenire: vt cauda cometæ, non simpliciter recta, sed aliquantum curua appareat: Sic notauit Tyco eodem illo pap. 7. libri secundi: & adhæret Gloriosus lib. 5. de Cometis cap. 2. vbi plures alias eius curuitatis rationes ex alijs Autoribus refert. Obseruauit insuper Marius Guiduccius in lib. de Cometis, & Galilæus in lib. italicè inscripto *Il sagggiatore*, cometam cum cauda orizonti propinquum ac directum, ostendere caudam curuam; sed ab orizonte remotum atque in altum erectum, ostendere potius rectam. Unde illam curuitatem referunt ad refractionem contingentem in sphaera vaporosa, quæ circa terram cogitatur orizonti incumbens.

Obijciunt autem Conimb. in Meteor. tract. 2. cap. 4. & alij qui volût, Cometam totum esse ignem accensum, ac per se penitus collucere, & non ex radijs Solis: quia si lumen haberet à Sole, debuisset interdum aliquis cometa eclipsim pati per

interpositionem terræ, sicut sæpè patitur Luna. Sed hoc sanè non obstat: quia cometæ vt dictum est, magis extra Tropicos diuagantur: at verò vt obumbrarentur à terra, non solum deberent intra tropicos diuersari, sed directè sub zodiaco, imò sub eccliptica per quam Sol incedit, & tunc deberent incidere in oppositionem directam cum Sole. Quod hætenus euenisse obseruatum non est.

Rursus, vt cometarum locus & regio aptè designetur in suo spatio intra cælum: Sustineri non potest, quod Peripatetici plerique volunt, cometas in suprema aeris regione diuersari: & tamen altitudinem totius aeris non plus quam quinquaginta circiter milliaria attollût. Hoc inquam sustineri non potest. Sed euidenter constat, longe maiorem esse altitudinem cometarum. Tum quia si non vltra quinquaginta milliaria distarent à terra, maximam parallaxim subire deberent, quam Gloriosus lib. 2. de Cometis cap. 9. demonstrat fore debere plusquam 76. graduum: quæ nulla via excusari posset. Tum etiam, quia sic ad modicum tempus posset commorari & conspici supra orizontem physicum ex vna qualibet Ciuitate nempe per spatium minus duarum horarum, vt demonstrat idem Gloriosus lib. 2. cit. cap. 3. Constat autem longè diutius commorari ad instar celestium syderum. Absolutè ergo, tanta altitudo cometis tribuenda est, quantam præsertim parallaxim obseruatio requirit, etiam si oporteret proximè vsque ad cælum illos euehere. Sed non id est necessarium, quia notabilis quædam parallaxis in cometis intueri videtur. Ex hoc etiam attigimus ibi q. 33. sect. 4. Optimè autem potest tribui diuersa altitudo varijs cometis vitis, & vni etiam eodemquæ cometæ per motum ab illo

Cometarum locus & altitudo.

exercitium inter terram & cælum. Itaque, vel Cometa dici debet etiam in ipso elemento ignis locum habere, vel suprema aeris regio multò altius euehenda est, vt nos iam diximus q. 36. sc. 7.

Cometariū effectus & præsentia.

Postremò. Pro effectibus cometarum recenferi solent plura quædã accidentia, circa hæc interiora elementa, & circa homines ipsos: vnde cenletur cometa tales effectus præsignare atque portendere; nempe agitationes ventorum in aere, tempestates maris in aqua, concussiones & terræ motus in terra, sterilitates in plantis, morbos & pestes hominibus, bella Prouincijs, & præcipuè mortem Principibus. Sed, & plura alia magis particularia Astrologi ex cometis prædicere solent, obseruato cæli signo, temporis puncto, & directionis ordine. Hæc tamen omnia, naturaliter loquendo, vana prorsus videntur, & multò magis à Philosophis contemnenda. Quàm sæpè enim exortu sunt cometae, & tamen non contigerunt illi effectus, saltem non plus quàm alijs temporibus? Et quàm sæpè tales effectus eueniunt, nullo præcedente cometa? Nec ratio quæ solet afferri, quicquam suadet: quoniam cometa indicat magnam exhalationum copiam, quæ cum calidæ & siccæ sint, illa accidentia parient. Quinimò, ex hac parte potius in ipso cometa hi halitus absumerentur, & extinctio cometæ denotaret deficere iam exhalationes. Nihil ergo firmum apparet, quo apud nos quicquam cometis prudenter prænunciari queat. Benè tamen, Diuina prouidentia assumi potest, vel de nouo supra omnem naturæ ordinem efformari, aliquod huiusmodi portentum, ad homines admonendos, & futurum aliquid præsignandum: prout narrat Iosephus lib. 7. de Bello Iudaico cap. 12. inter alia cæli prodigia, cometã

quendam gladij forma per annum antea Ierosolimitanæ vrbs excidium præmonstratæ. Et sic ad Diuinam prouidentiam referendi quoque erūt quidã prodigia cometæ interdum conspectu terribili alia forma: qualem vnũ describit Cornelius Gemma loco cit. visum in ditione Palatinatus Anno 1527. die 11. Decembris, *Cometam cruentum, nube terribili, stellis, hastis & gladijs, etiam capitibus obruncatis, hinc inde circumdatum. Irrupit Turca potentis exercitu, Roma à Borbonio capta diripitur.*

SECTIO SECVNDA.

De ijs quæ circa Iovem in inferioribus aeris regionibus & intra terram contingunt.

IN media & infima aeris regione, plures ignitæ impressiones inueniuntur contingere. Et in vniuersum communis earum materia erit eadẽ quæ dicta est pro cometis, nempe exhalatio terrestris ad accensionem idonea.

In media regione censentur contingere stellæ cadentes siue discurrentes: quando nempe apparet veluti stella decidere, tunc de vno ad alium cæli locum excurrere. Quia videlicet exhalatio tenuis, aut suo motu concitata, aut per antiperistasis in se collecta, inflammatur. Et vel eadem ipsa flamma, eodem suo impetu, siue contrariũ fugiẽs, ex vno ad alium locum excurrit, ac interim extinguitur. Vel quia inueniatur copiosior exhalatio versus certam partem in longum deducta, & incipiens accendi successiue cõmunicet flammam per totum sequentem tractum: vt cum apud nos per tramitem sulphurei pulueris ignis progreditur.

Stellæ cadentes.

Ideo autem hoc censeatur potius in media regione contingere, quia ibi viget frigus, ex quo per Antiperistatim incalcescat magis ac incēdatur exhalatio, & quod fugiens exhalatio calida eo pacto discurrat. Sed quamvis demus, hoc frequentius in media regione contingere: tamen negandum non est, posse etiam in alijs extremis regionibus inueniri: ubi vel calore ipso aeris, vel etiam conferente frigore per Antiperistatim, poterit pariter talis intentio fieri.

*Fulgu-
ra.*

In media regione cōtingant præsertim fulgura: quando nempe intra nubes siue ē nubibus cernitur emicare splendor illico evanescens. Hoc autem fit, quia simul cum aqueis vaporibus ascēdunt quoque terrestres halitus ad incensionem apti: & vapores quidem coguntur in nubes, & intra eas includuntur halitus, qui tam Antiperistati, quam motu, ibi accenduntur in flammam: conantur enim sese colligere & contrarium fugere; sic flamma genita tulget, & contingunt in aere fulgura. Neque potest talis fulgor attribui Soli alijsuē Atiris illam materiam illustrantibus. Nam non minus contingunt tempore nocturno, quando solares radij non pertingunt ad cubes supra nostrum caput existentes, & quando Luna non lucet. Nec alia atra possent tantum fulgorem effundere: sed & ipsa atra nubibus conteguntur, & fulgura ad interiores partes emicant. Igitur verē ipsi halitus inflammantur, & sic inflammati suamet luce refulgent.

*Fulmi-
na.*

Interdum verō contingit, talem halitum inflammatum aliquandiu durare iuxta conditionem suæ materie, & partim sua vi à contrario diffugere, partim ab ipsomet contrario pelli, & sic magno impetu ruere: atque hoc est fulmen, quod quandoque nubes ad nos faciunt, &

aptum est alia corpora incendere? Et præterea nonnunquam per nigram constipationem halituum intra nubem lapis gignitur, qui magis vi deorsum extruditur. Itaque, non semper, sed tamen quandoque, fulmen est huiusmodi lapis, & præsertim quando parietes aliaque corpora discindit ac diuidit. Notauit autem Arist. 3. Meteor. cap. 1. Tollere fulmina plus nocere corporibus durioribus magisque obfistentibus: & rationem reddit, quia per corpora laxiora spiritus incensus citius pertrahit; per corpora verō firmitiora longiorem trahit moram: & sic inquit: *Quapropter & resistentia quidam patiuntur aliquid; quæ autem non, nihil: ut clypeus iam aramentum quidam liquefactum fluit, lignum autem nihil passum fuit: propter enim raritatem præuenit spiritus penetrare & pertransire antequam igniat.*

Insuper idem halitus intra nubem incensus, efficit tonitruum, sonum *toni-
trua.* nempe illum & strepitum quem post fulgur audimus. Quia nempe halitus incensione ipsa rarefcit, maioremque sibi locum querit, velocissimeque diffilit ē nube, vade illam vehementer percutit ac dirumpit, sicque sonitum illum efficit. Prius autem videmus fulgur quam audiamus tonitruum: quia species visibilis in instanti diffunditur, sonus autem non nisi per spatium temporis: sicut apud nos prius videmus flammam ē tormento bellico erumpentem, quam audiamus sonum quem in egressu efficit. Durat etiam pro aliquo spatio sonus tonitruus; quia halitus incensus, successiuē per plures partes nubem percutit & dirumpit: & per varios quoque incurfionis ictus efficit diuersitatem soni quæ in tonitruis contingere solet. At quandoque coruscant in aere fulgura, & nulla tonitrua sonant. Hoc evenit, quando nubes sunt adeo tenues, ut

in earum fractione non edatur sonitus : vel halitus ignitus , adeo prope inferiorem nubis superficiem inuenitur , vt illico erumpat absque strepitu : vel etiam absque nubibus possunt in eadem aeris regione exhalationes incendi , & incensæ coluere ; & sic quandoque nocte serena , cæloquæ stellato , similes turgurant in alto flammæ . E contra aliquando strepunt tonitrua , & nulla conspicitur coruscatio . Quo casu Seneca lib. 2. Natural. quæst. cap. 17. opinatur , per collisionem & percussionem ipsarum nubium inter se edi tonitrum . Aliqui addunt , eandem exhalationem , quamuis non incendatur , sua fuga & discursu impetere nubem , & sic efficere sonum . Sed facilius dicitur , exhalationem quâdoque incendi versus partem superiorem nubis , & ex illo latere dirumpere nubem , atque adeo versus cælum erumpere : sicquæ à nobis audiri quidem sonum , non autem videri turgur .

*Varia
alia im-
pressio-
nes igni-
ta .*

In media deinde vel infima aeris regione plures & variæ ignitæ impressiones accidunt , quæ ex diuersis quibusdam affectionibus certa sua nomina acceperunt . Aliæ dicuntur flammæ seu faces , quæ ad instar simplicis flammæ elucet & euanesçunt . Aliæ dicuntur lanceæ , seu iacula , & trabes & pyramides , quæ sub harum figura cernuntur . Aliæ dicuntur capræ saltantes , quæ velut in quosdam saltus exiliunt : & dracones volantes , quæ sunt in medio ampliores , in extremis angustiores , iuxta serpentis figuram . Aliæ dicuntur ignis latuus , quæ huc illucquæ discurrunt : & ignis lambens , quæ interdum hominum aliorumue animalium capitibus adhærescunt . Dicuntur denique Castor & Pollux , aut Helena , quædam flammæ , quæ præsertim in mari nauigantibus apparent : & quâdo geminæ simul iunguntur , genti-

litij nominibus vocatæ sunt Castor & Pollux : quando vna tantum , Helena . Sed & alijs tandem modis solent quoque variæ ignite apparentiæ in aere contingere . De his omnibus vna communis est regula : halitus ad concipiendum ignem idoneos inflammari , vel suo motu , vel Antiperistasi , vel alia externa causa . Et pro halituum varietate , vel in figura , vel aliqua alia dispositione , tot modis varijs apparere .

Postremò . Intra terræ quoque viscera gigni & ardere ignes , est compertissimū . Indicant hos ignes subterraneos aquæ calidæ , quæ plerisque in locis scaturiunt , & quamplures sunt quæ ad morborum remedia adhibentur . Indicant tumi erumpentes è terra varijs in locis , sicut ex camino aut fornace . Prodit maximè ipse se ignis ex imis terræ visceribus surgens . Quæ in re celeberrimus est Aetna Siciliæ mons , quæ sæpius , nedum modicas flammæ , sed & ignea flumina vomit : De quo Virgilius Georg. 1. cecinit : *Visdimus undantes ruptis fornacibus Aetnam flammæque globos , liquescentiaque volvere saxa* . Celebres quoque sunt Insulæ , Vulcaniæ dictæ , adiacentes Siciliæ , quæ interdum fumos , noctu flammæ ostendant . Vesuvius mons in Campania aliquando flammæ & ignes magno impetu eructavit . Puteolæ campi item in Campania incessanter fumorum globos emittunt , & aliquando ignem . Aliæque sunt plurimæ huiusmodi loca .

Accenduntur autem hi ignes intra terram , in materia sulphurea & bituminosa , quæ valde idonea est ad concipiendum ignem . Constatquæ hoc , visu ipso & odore in locis vbi tales ignes ardent : & campi Puteolani vbi perpetuò exhalant fumi , sulphurei sunt . Gignitur hæc materia intra terræ viscera , pro dispositione

*Ignes
subter-
ranei :*

iocorum & virtute astrorū, sicut & alia mineralia. Accēdi incipit in illa ignis, vel per Antiperistatim calore incluso; vel motu & concitatione halituum, vt notauit Antonius Philotæus in Topographia Aetnæ pag. 24. *Si in venas sulphureas, vel bituminosas, vel aluminosas, inciderint venti: spirituum collusione intrinsecus facta, non difficile suscitantur incendia.* Aut dici poterit, accendi virtute occulta alicuius astri celestis, sicut & alia intra terræ viscera progignuntur. Ignis autem semel incensus, ardet deinceps; quādiū materia apta abundat. Vnde tandem deficiente materia perit. Et rursus alia de nouo materia genita reuiuiscit: & idē in quibusdam locis per intervalla temporum redeunt ignes. Durat autem in aliquo loco diutissimē aut perpetuū ignis, vbi adlit tanta materiæ copia, vt nō citō consumatur. Ac præsertim gigni etiam semper potest noua materia quæ ignem alere possit, antequam priorem ignis absumpserit. Et ad hoc iuuabit etiam idem ipse ignis suo calore, vt terrestris materia, concurrentibus alijs requisitis & causis, conuertatur in bitumen & sulphur. Sic cum Iustino in lib. de Fretto Siculo, & Bembo in Dialogo de Aetna, notauit idem Philotæus in sua Topographia pag. 26. *Ignis qui consumis semper aliquid, gignis etiā semper sibi aliquid quod consumat, sui ipsius calore, tellurem humectantibus undis, semperquē igni materiā subministrantibus quæ alatur.* Plus autem valet bitumen ad continendū diutius ignem, quia est corpus magis tenax & viscosum. Sed etiam simul cum hac materia ad ignem concipienlum benē disposita, poterit ignis incendere & aliam minū dispositam, plus minū prout suo ardore præualeat.

Præter naturales hos ignes, com-

memorare dignum est lucernas ardentes, quæ plerumque in effodienda terra, in vetustissimis quibusdam sepulchris inuentæ sunt; & mirandum valde est, si tandiu durare potuerit ignis iā pridē in illis lucernis accensus. Sed ob ipsam rei difficultatem, plerique in animum sibi inducere non possunt, vt credant, fuisse vnquam lucernas ardentes inuentas: putantes, non potuisse nisi extingui inueniri, & falsō euulgatū esse, inuentas fuisse acceptas. Atque ita confirmare nituntur Flavius Quercus in lib. italico inscripto, *Delle lucerne de' sepolchri antichi*, & Paulus Aresius in opere italico inscripto, *Imprese sacre* lib. 2. Impres. 7. Attamen, tot huius rei narratur exempla, totquē viri sapientes & eruditi testimonium de illis præbent, vt rem fide dignam faciant. Plurima huius rei exempla, & Auctorum testimonia, copiosē affert Fortunius Licetus in suo opere de Lucernis reconditis Antiquorum, toto libro primo. Admissa ergo experientia, conati plerique sunt, huius ignis in ijs lucernis reddere rationem.

Iacobus Gutherus lib. 2. de Iure Manium cap. 32. opinatus est, tunc primū cum effossa terra apertus est locus, accensum fuisse ignem in lucerna afflatu externi aeris, non quod ab initio accensus tandiu arserit. Sed supponendo, lucernam semper ardentem tandiu conseruatam fuisse. Aliqui ad operam Dæmonis id retulerunt, ex auctoritate Diui Augustini lib. 21. de Ciuit. cap. 6. vbi de quadam lucerna quæ inextinguibilis in Phano quodam Veneris ardebat loquutus est. Aliqui verō ad Diuinum miraculum retulerūt: præsertim Simon Maiolus in Diebus Canicularibus colloq. 22. loquens de quadam lucerna, quæ Edessæ in Siria intra parietem ante Christi Crucifixi imaginem post quingen-

*Lucerne
ne diu-
tissime
ardēt.*

tos annos reperta fuit. Sed supponendo rursus, hanc diuturnam flammæ durationem in lucerna, potuisse per naturæ vires accidere, Ioannes Baptista Porta lib. 12. Magiæ naturalis cap. 13. suspicatus est, tali fuisse artificio lucernam accensam in vase aliquo repositam, ut ad vitandum deinceps vacuum, postea semper arserit. Fortunius Licetus lib. 2. cap. 51. testatur, se aliquando putasse, flammam in lucerna semper se continuisse, ad vitandam corporum penetrationem. Plutarchus lib. de Oraculorum defectu, putavit, ob qualitatem loci, ob aeris nempe frigiditatem & humiditatem, vel ob caliditatem & siccitatem, labefactatas adeo fuisse vires ignis, ut consumere non potuerit suum fomitem, & sic tandiu durasse. Ioannes Baptista Porta alio modo cogitavit, quo ignis in lucerna perpetuò ardere potuerit, ita nempe, ut ex fumo flammæ ardentis in lucerna successivè reficeretur liquor aptus ad nutriendam flammam in eadem lucerna. At hæc omnia non satistaciunt. Eaquè latè refellit Licetus toto libro secundo.

*Quo pacto
esto paravi
potuerint.*

Commodior tandem & facilior via, qua potuerit lucernæ flammam diuturno tempore conservari, hæc est, quæ communiori Scriptorum suffragio approbatur. Paratum fuisse in illis lucernis tale ellychniū, tale oleum, ut tandiu ardere posset. Extant quædam terrestria corpora, quæ in igne inuicta persistunt, quæ ignem semel conceptum tenacillimè retinent, ita ut nec consumantur, nec destituantur igne. Ita refertur de lapide dicto Amianto, de lapide hinc dicto Asbello, de lapide enascente in Charistia rupe, de lapide quodam Cyprio, de lino quodam hinc dicto viuo & asbello, de villis Salamandræ, de alumine Scariolæ, & si quæ sint alia huiusmodi.

Specialiter de Asbello sic ait Albertus magnus lib. 2. Mineral. tract. 2. cap. 1. *Asbeston celoris est ferri qui ut plurimum in Arabia inveniuntur: cuius virtus mirabilis narratur, & in templis Deorum est manifesta, eo quod semel accensus vix unquam poterit extinguere, eo quod naturam habet lanuginis quæ vocatur pluma Salamandra cum modico unctuosio pingui inseparabili ab ipso, & illud fornem ignem accensum in ipso.* Fidem quæ his conciliare potest, notum & familiare bitumen, quod multò diutius flammam tenet quàm alia combustibilia corpora: & adiutum aliquo artificio adeo constanter retinet, ut nec vento nec aqua extinguatur. Item oleum commune, si illi admisceatur certa salis portio, duplò magis durat & ignem pascit. Ex illa ergo materia poterat parari ellychnium & oleum quod tandiu arderet. Aliqui suspicati sunt, ex metallis, & specialiter ex auro, posse tale oleum arte chymica distillari, ut igne inuictum semper ardeat. Refert Auctor Scholiorum apud Andream Libanum libro de Naphta cap. 5. ex Tritemio duos modos quibus parari possit oleum inextinguibile. Refert & alium modum Licetus lib. 3. cap. 28. ex mixtura olei communis & calcis viuæ sæpius distillata. Et recitat etiam illos modos ex Scholiastæ Libanij.

Qua ratione autem possit vlla materia tandiu retinere ignem, sic explicat Licetus lib. 3. cap. 20. Ignis sua levitate contendit semper ascendere, sed materia præsertim unctuosissima & viscida alligatur ne illicò euolet, ideo ignis ut tale impedimentum superet, indefinenter agit in talem materiam, donec illam absumat, & tunc vinculo exolutus ascendit. Potest autem parari talis materia, quæ viribus cum igne contendat, ut vel prorsus ab illo non possit absumi.

*Qua ratione
tandiu ignem
retinere
potuerint.*

absumi, vel non nisi longissimo tempore. Sed hoc tamen minus recte dicitur. Potius dicendum est, iuxta communem Philosopherum sententiam, flammam quidem ignis semper ascendere, sed semel in aliqua materia apta accensam, indefinenter nouam materiam partem in ignem accendere, & sic donec materia suppetit semper ardere. Iuxta hoc parari poterat materia, ex qua flamma quædam adeo crassa accenderetur, ut non ultra aerem leuaret. Nec enim difficile apparet, fieri posse ignem non leuiorem aere, quando & in carbone ligneo & in ferro candenti aliqui non dubitarunt constituere formam ignis. Talis ergo flamma non contendebat ascendere, & dum ab alijs contrarijs causis remota erat, poterat tandiu in sua lucerna durare: & si non prorsus in perpetuum, saltem ad longissima tempora.

SECTIO TERTIA.

De his quæ circa Aerem contingunt: Vbi de frigiditate mediae regionis.

Media **P**rimo loco considerare dignum aeris regio est, frigiditatem aeris in media regione, quam ex q. præcedenti, notabili. sect. 7. vbi agebamus de qualitatibus aeris, in hunc locum remittimus. Et difficultatem accipit ex suppositione, quod aer sit ex natura sua potius calidus, ut ibi diximus. Mediam autem regionem esse de facto frigidam, satis compertum est, ut ibi adduximus. Imò conuincuntur dici solet frigidissima. Attamen Zabarella lib. de Regionibus Aeris cap. 8. experientia à se facta contendit, illam regionem non esse adeo frigidam, ut iactari solet. Narrat enim, se quadam die æstiuo tempore ascendisse in montem dictum Veneris,

tantæ altitudinis, ut infra circa motus medium nubes reliquerit, & vespere descendens inuenerit copiosam pluuiam inde delapsam, cum superius aere tranquillo & serenissimo mueretur: atque ibi vix aduersasse aliquam frigiditatis differentiam ab interiori aeris regione. Imò insuper Federicus Bonauentura in lib. de Causa Ventorum motus cap. 20. & sequentibus, contendit Aristotelem nusquam constituisse mediam aeris regionem frigidam. Nihilominus satis constat, mediam regionem aeris regulariter esse saltem frigidiorē hac interiori, & quidem notabili differentia. Inueniuntur ergo est, unde nam aer in illa regione tanto frigore præter naturam afficiatur.

Pererius lib. 1. in Genes. cap. 1. super illa verba, *Fiat Firmamentum &c.* opinatur, à Deo ipso, sua prouidentia & potentia, inditum fuisse aeri ab initio in ea regione illud frigus, licet præter naturam ipsius aeris; ob vniuersi commodum, nempe ad hoc ut ibi vapores crescerent in nubes & pluuias, ad fecundandam terram. Approbant & hanc rationem Conimb. tractatu 1. Meteor. cap. 2. Sed enuncandum est, naturalem aliquam, si inueniri commodè possit, eius frigiditatis reddere rationem.

Zabarella lib. citato, rationem accipit ex quodam fundamento quod ponerat lib. 1. de Qualit. Element., scilicet elementa ita ex natura sua expolcere proprias qualitates, ut eas non per se habeant, seu in se suamet virtute effectū uel producant, sed potius expectent à cælis: calos autem producere calorem per motum & lacem, ideoque reddere ignem calidissimum: per immobilitatem uero & nimiam à cælis distantiam inferiorum elementorum, resultare in eis frigus: ad mediam quoque aeris regio-

Nō frigescit præcisè per distantiam à calo.

regionem non perungere influxum caelestis caloris, ideoque defectu causæ tribuentis illi calorem, aerem ibi frigere.

Sed hæc responsio, inefficiens prorsus & falsa est. Tum quia denegat virtutem intrinsecam huius Elementis producendi in se suas qualitates, & facit illa impotentia, ut deficiente causa externa possint acquirere dispositionem suam naturalem. Tum quia non per solas causas caelestes, elementa suas qualitates accipiunt: quinimodò ignis hic apud nos est calidissimus, quamvis sit à calo remotissimus, nec cæli luce perfundatur, aut motu agitur. Tum quia, etiam à causis caelestibus, sicut ad mediam regionem copiosè pervenit lumen cæli, sic deberet & calor. Tum quia, si cæli per lucem & motum efficiunt calorem; non propterea per defectum lucis & motus producerent frigus, sed ad summum relinquerent subiectum nõ calidum: igitur hac ratione, media aeris regio, licet non esset calida, non per hoc esse deberet frigida. Tum denum, non solum calor & frigus, sed etiam humiditas & siccitas sunt primæ elementorum qualitates: ea ergo ratione qua hæc alie qualitates insunt elementis, siue producantur à cælis, siue à quavis alia causa: pariter frigus & calor debent inesse naturaliter elementis quibus conveniunt, quando non ab aliqua causa contraria alterentur.

solariuni radiorum reflexione, minimum incallescant; in illa media regione tanquam in loco ab agente calido tutiori colligitur & intenditur frigus.

Viramque hanc rationem refellit Arctius lib. 2. de Generat. q. 10. lect. 2., ut confirmet, aerem esse ex natura sua frigidum. Tum quia, inquit, media regio est purior & serenior quam infima: unde in altissimis nubibus aer est serè vaporibus expers: & ita Zabar. se v. diste testatur. Tum etiam dicti vapores & halitus, accedunt calidi, caloris enim vi subleuantur: unde potius calefaciunt aerem, tantum abest ut refrigerarent: queant: sed è contra ipsi vapores ibi frigescent ab aere, & sic ad statum aquæ redeunt. Tum præterea, dum vapores incipiunt frigescere, eo ipso addensantur & gravitant, unde pariter deorsum reuertentur: quare frigidiores semper erunt in hac nostra infima, quam in illa media regione. Tum insuper, quandoque aer manet serenus ad duos vel tres menses absque nubibus, ergo tunc dici non potest ab extraneis vaporibus frigesceri. Tum denum, Antiperistaltis non valet de nouo producere qualitatem: igitur, si aer esset ex natura sua calidus, non posset in media regione per Antiperistaltim frigesceri. Et eo magis, quod non semper hæc infima regio est calida: nec suprema calefit ab ignis elemento, quod Arctius supra aerem dari negat.

Hæc tamen non obstant, quominus ea ratione defendi queat frigiditas aeris in media regione. Et ad primam instantiam, satis utiq; compertum est, nubes in media maximè regione aeris immerari, ibique pluias gigni: imò hinc designari median regionem, ubi nubes resident, & solvantur in pluuiam. Quod si in apice altissimorum montium aer

Sed per vapores et halitus aqueos et terrestres. Communiter Peripateticorum ratio est, vapores aqueos & halitus terrestres, qui actione caloris externi ex his elementis interioribus eleuantur, in ea potissimum regione quiescere & immorari: cumque ex natura sua frigiditatem amant, refrigerare ibi quoque aerem. Aduuante vltèrius Antiperistaltis: quoniam, cum suprema aeris regio propinquitate Solis & ignis, & infima regio

purior & serenior inueniatur: vel hi montes transcendunt mediam regionem: vel intra amplitudinem mediæ regionis, vapores cum addensantur, descendunt in partem inferiorem eius: sed interim, partim ab ipsis vaporibus, partim ex propinquitate dictæ partis inferioris, etiam pars superior refrigerat. Ad secundum. Vapores ascendunt calidi: sed cum sint substantialiter aqua, reducant se virtute suæ formæ ad cōnaturalem sibi frigiditatem, & ita hanc communicant etiam aeri: aer vetò frigidatus per quosdam præuios vapores, confert etiam ad refrigerandos alios consequentes. Ad tertium. Non statim dum vapores incipiunt frigescere, addensantur & grauitant: quoniam grauitas non illico ex frigiditate resultat: sicut & è contra non statim atque corpora calefiunt, rarefcunt & leuiant, vt patet in ipsa quoque aqua: quia nimirum raritas ac densitas habent vim resistendi, nec statim superantur. Quando autem vapores addensantur, tunc grauitant ac descendunt, & in aquam colliguntur ac decidunt: sed interim benè potuerunt refundere frigus in aerem. Ad quartum. Quando aer diù permanet serenus & purus; tunc non erit adeò frigida illa aeris regio, nisi fortè ventis frigidis, magis quàm nubibus, refrigerat. Ac etiam, subtiliores saltem halitus & vapores, adhuc eo tempore diuagantur ibi per aerem. Ad quintum. Verè Antiperistalis nō innouat, sed ad summum auget qualitatem subiecti. Sed per eodẽ vapores & halitus ex natura sua frigidos, benè potest augeri frigus, quoniam ij vapores, circumfessi aere calido, eò magis se colligunt, & fortius agunt, suumquẽ frigus aeri quoque communicant. Ac sine dubio, infima aeris regio per reflexionem magis incalescit, quàm

media: & suprema regio, tam à superiori igne, quàm à Sole in suo calore fouetur.

Tandem. Si hoc totum non videatur sufficere ad ingerendam aeri illam frigiditatem, quæ in mediæ regione sentitur: addi poterit, illum aerem à cælestibus quibusdam causis habentibus talem virtutem, ac dirigentibus talem suum influxum ad illam regionem, eo pacto trigi fieri: sicut & aliæ plurimæ operationes fiunt à cælestibus astris incertis quibusdam locis. Et eò magis, si ad rectam dispositionem & gubernationem vniuersi ita expediebat, facillimum fuit Creatori, talia condere astra, & cum tali virtute, vt frigus illud vniuerso proficuum, aeri in illa specialiter regione imprimerent.

Vel per influxū alicuius astri cælestis.

SECTIO QUARTA.

De Ventis qui in Aere perflant.

ID quod nobis sensu de vento constat, est agitatio & commotio quam in aere percipimus, quæ & non parùm Philosophorum ingenia agitauit. Et de qua ideo dictum, censetur in Psal. 134. *Qui producit ventos de thesauris suis: quoniam in thesauro Diuinæ sapientiæ ventorum ratio recondita est.* Vnde D. Aug. super eundem locum: *Quia fiat ventus, sentis qua causa fiat, vel de quo thesauro rationis eductus sit, nescis.* Distinguntur autem plures venti pro diuersitate locorum ex quibus ab Orizonte surgunt & perflant. Vnde in primis, quatuor principales venti signantur, ab Oriente & Occidente, ab Aquilone, & Austro: ac notoriè quidem inde sumptis nominibus appellantur, ventus orientalis, & occidentalis, aquilonaris,

Veti distinguuntur pro varietate locorum.

naris, & australis. Præter hos, addit Arist. 2. Meteor. sum. 2. cap. 3. quatuor alios ventos ab ortu & occasu: quoniam ortus & occasus simpliciter dicuntur puncta, in quibus Sol sub æquinoctio ab horizonte surgit, ac equaliter mediant inter Aquilonem & Austrum. Verum, hiemali & æstiuo tempore, alia sunt puncta ortus & occasus, nempe sub duobus tropicis. Ab ortu ergo æstiuo ponit ventum quem vocat Ceciam: ab occasu æstiuo Argestem: ab ortu hiemali Vulturum: ab occasu hiemali Africum. Alios duos ventos addit à duobus punctis circuli arctici, quem scilicet describit polus zodiaci circa polum mundi: hosque vocat Thrasciam & Mesem. Ex punctis verò circuli antarctici semper nobis occulti, vel nullum ponit ventum, vel vnum oppositum Thrascie, quem ait vocari Phœnician. Addit quoque Alexand. alium oppositum Mesæ, quem vocat Libontum. Et ita in vniuersum duodecim efficiuntur venti. Attamen alij, pro descriptione Orbis, & pro instructione nauigantium, commodius designarunt ventos: nempe inter illos primos quatuor, alios quatuor ex punctis medijs inter prima illa quatuor puncta: & sic faciunt octo ventos. Rursus inter quoslibet ex his alios medios: & sic faciunt sexdecim. Demum inter hos alios: & sic faciunt in vniuersum triginta duos ventos. Verum in rigore poterunt vterius in infinitum multiplicari: quia ex quolibet alio horizontis puncto, & inter quoslibet ex ijs ventis, potest surgere & cogitari alius. Is tamen numerus constitutus est, tanquam sufficiens ad humanos vsus.

Afficiū. In diuersis autem regionibus, frequentiores sunt quidam venti quam alij, itemque validiores. Et in quibusdam regionibus certi venti statis temporibus perflare solent, et ha-

bent etiam ordinariam quandam durationem, à regionum incolis adnotatam. Rursus, pro diuersitate locorum è quibus venti adueniunt, vel per quæ transeunt, diuersas qualitates assumunt. Ita notauit optimè Theophrastus in lib. de Ventis: *Frigiditas & caliditas manifestissime videbuntur locorum ratione ventis innasci.* Et idem docet de alijs ventorum affectionibus. Hac ergo ratione, apud nos venti Aquilonares sunt frigidi, Australes calidi: quia illi adueniunt ex locis & per loca frigida: hi ex locis et per loca calida. Item alij venti afferunt serenitatem, alij pluuiam: qui nempe ex propinquo mari adueniunt, solent afferre pluuiam, quia aqueos vapores adducunt. Alij sunt venti salubres, alij noxij: qui nempe transeunt per loca paludosa, et crassis aut etiam putridis vaporibus conferta, noxij sunt. Demum, alij longiores, alij breuiores orbis tractus excurrunt: pro maiori nempe vel minori materiæ copia, aut virtute, ciente ventos. Itaque, interdum ventus in vno loco perflans, exortus est, ex alio vicino loco, interdum ex remoto: et interdum in remotiorem locum excurrit, interdum ibi aut prope ibi cadit.

Difficultas autem est, et quidem *Sententia affirmans venterem esse aerem.* quid sit propriè ventus, et qua vi fiat talis ac tanta commotio. Antiquiores Philosophi vt refert Arist. summa citata de Vētis cap. 1. docebant, ventum non esse aliud quàm aerem commotum et agitatū, ac ex vna ad aliam partē iactatum; qua autem vi siue à qua causā moueretur, non satis explicabant. Aliqui autem indicarunt, aerem ab intrinseco suamet virtute moueri. Aliqui verò, moueri ab externa quapiam causa, vel terra et aqua, vel celo et astris. In vniuersum, ventum esse commotum aerem, docuerunt Stoici,

ci, et inter eos Seneca lib. 1. Natural. qq. cap. 1. item Hippocrates lib. de Flatibus: deinde Vitruuius lib. 1. Architect. cap. 6. Adhærent Diuus Isidorus lib. 13. Ethimolog. & Damasc. lib. 2. Fidei cap. 8. Approbat Cardanus lect. 4. super lib. Hippocratis de Aere &c. Et nuper sequitur Arelius 2. de Generat. q. 10. sect. 2. Imò Arist. ipse sect. 26. Problematum, passim supponit, ventum esse concitatum aerem. Ex his verò, Seneca explicauit, aerem moueri in ventum, tum ex facultate motiua illi intrinsecè indita à natura, tum ex virtute extrinseca Solis rarefacientis & fundentis aerem. Et hanc secundam rationem amplectitur Arelius. Cardanus autem vult, aerem moueri & agitari raptu cæli.

*Senten-
tia affir-
mans ef-
se terre-
strē ha-
lyum.*

Ex aduerso Arist., quem Peripatetici omnes sequuti sunt, vult, ventum esse halitum terrestrem, è terra scilicet eductum, & in aerem elatū, qui in tali suo statu sit calidus & siccus: vocarique posse fumum ad differentiam vaporis aquei, qui calidus & humidus est: atque hunc terrestrem halitum in aere concitari, vt ex vno in alium locum excurrat: & hunc esse ventum. Quanam autem vi & causa talis halitus concitetur, vt taliter moueatur, & interdum vt tam magna vi & impetu perflet, & præsertim, cur non rectà, sed in obliquum potius feratur, ac veluti circulariter iuxta terrestrem orbem: hoc inquam Arist. obscure indicauit, Peripatetici varijs modis explicare conati sunt. Arist. sic breuiter inquit cap. 1. citato. *Latio autē ipsorum obliqua est; circa terram enim flant, cum fiat in rectum exhalatio: quia omnis qui in circuitu est aer, consequitur lationē.* Vbi Alex. com. suo 20. intelligit, Arist. supponere, aerem moueri in gyrum raptu cæli: & sic docere, per talem aeris pulsam, exhalationem quoque in transier-

sum ferri. Et in hoc sensu eius sententiam intellectam, non defendit, sed impugnatur. Defendit tamen D. Thomas 2. Meteor. lect. 8., Bucca ferr. lect. 42. Buridana & alij in expositione eius loci. Olympiodorus 2. Meteor. actione 22. cum Ammonio magis explicat, exhalationes nō quidem rapi & circumagi eodem raptu aeris & cæli: sed cum in altum leuantur, incurrere in aerem cæli motu raptum, & sic non tūc vterius in altum tendere, sed potius deorsum trudi, & ideo in obliquum circa terram ferri.

Teophrastus in lib. de Ventis, cui videtur assentiri Alex. loco cit., indicauit, exhalationem ventosam sua vi moueri & in obliquum ferri quia cū per se sicca sit, & leuis, habet tamen admixtas partes humidas & grauiore: & sic alijs partibus contenditibus sursum, & alijs deorsum, veluti medio motu in obliquum agitur. Hoc idē indicat Arist. sect. 26. Problematum q. 48. Et ita latē contendit Federicus Bonauent. in lib. de Causa ventorum motus, præsertim à cap. 36. Adhæret Valles. cap. 48. de Sac. Philosophi. 7. Auerr. 2. Meteor. cap. suo 2. ait, exhalationem caliditate leuem, cum ad mediam aeris regionem frigidam deuenit, aere illo frigido pelli: sed interim aliquantum incipere frigesieri, ac proinde grauescere: vnde cū sit partim leuis, partim grauis, in obliquum agitur. Adhæret Alber. lib. 3. Meteo. tract. 1. cap. 1. cum Algazele quem refert: Item Iacobus Mazzonius in Methodo vitæ contemplatiuæ, Contarenus lib. 2. de Elementis, Conimb. tract. 6. Meteo. cap. 3. Thiennensis, Suetlan., & vt plurimū alij. Atque Suetlan. explicat Arist., non quod voluerit exhalationē ferri in obliquum per motum aeris, sed potius aerem per motum exhalationis. Supponebat enim, per ventum com-

commoueri quoque ipsum aerem, & ideo affirmavit, aerem quoque in obliquum ferri, quia sequitur latorem exhalationis: quare autem ipsa exhalatio moueatur, & in obliquum feratur, Arist. non expressit. Bonavent. autem cap. 42. aliter explicat, admittere, Arist. intellexisse, quod motus aeris per raptum calis, sit causa obliqui ventorum motus. Et hoc explicat: quia exhalatio prævalente calore, rectâ ascenderat de terra sursum: cum verò deueniret ad aerem calis raptum, ibi exprimeretur quod erat illa magis calidum: & sic æquilibrata vi ad ascendendum, ac descendendum consequatur motus veluti medius in obliquum.

Senten- Rursus Bernardinus Telesius in
tia affir- lib. *De his que sunt in aere*, con-
mans es- tendit, ventum non esse terrestrem
se vapo- halitum, sed potius vaporem aqueum,
rem a- eiusdem quidem rationis cum illo
queum. ex quo fiunt pluviae & niues, sed tamen in hoc genere tenuiorem. Moueri autem ex se suaque virtute, quando nempe in magna copia collectus fuerit: quia tunc non patiens se in angustum cogi, distluit, & maiorem sibi locum quærens, magno impetu ruit.

Allata Porro, Auctores allegati, singuli
senten- conatur varijs rationibus & conie-
tia exa- cturis suum dicendi modum confir-
minan- mare, & alienos refellere. Sed sanè
tur. facile est, singulos per se refellere, & insufficientes demonstrare. Nam certè aer non sua vi nativa habet in obliquum ferri: & si hoc haberet; deberet semper moveri eodem impetu. Nec dici potest moveri à Sole illum rarefaciente, quando non ex loco quo Sol oritur, sed alijs ex locis fluit. Nec infimus hic aer mouetur raptu calis. Et alioqui semper eodem impetu raperetur, & omnis ventus esset ab oriente in occidentem. Deinde terrestris halitus in altum elatus, non potest tanto impetu de-

orsum repelli, vi superioris aeris à calis in gyrum raptis & pariter hac ratione deberet semper propelli ab ortu in occasum. Nec ex eo solum quod illo motu impediretur sursum progredi, deberet tanta vi deorsum trudi. Si autem halitus habeat admixtas partes grauiiores & leuiiores, deberet potius vel in medio sistere & quiescere: vel in eas partes disciendi, ut leuiiores euolarent, & grauiiores subsisterent. Nec etiam cognari potest, ob solam frigiditatem mediae regionis, halitum calidum tanta vi & impetu fugere vel repelli, cum alioqui videamus, vapores calidos & humidos, tam placidè & quietè in ea regione recipi & immorari. Si autem terrestris halitus incipiat eius regionis frigiditate grauescere; non per hoc quod sit partim levis & partim grauis, debet in obliquum ferri, si alioqui non ab alia causa impellatur: sed deberet potius motu recto petere locum suæ virtuti mediae accommodatum, sicut alia grauia & leuia mouentur, & sicut ipse halitus & vapores vi leuitatis ascendunt, quando ex his elementis interioribus eleuatur. Et ita demum eadem rationes valent contra vapores. Et præterea malè negantur halitus terrestres, substantialiter ab aqueis vaporibus condistincti.

Pro resolutione tandem dicendum erit, non oportere ventum vno singulari modo pro omnibus casibus determinare. Quinimò, cum illum non aliter percipiamus, nisi tanquam agitationem & commotionem in aere, quocumque modo id contingere possit, satis esse debet. Vnde benè poterit pluribus ac varijs contingere modis, & semper erit vêtus.

Potest ergo in primis ventus esse aer solus commotus & ex vno loco *Ventus potest esse commotus* ad alium agitato. Potestque aer sic *se commotus* agitari & commoueri, tum rarefactione, qua in vno loco amplius, aer. *aer.*
de-

debeat extendi & diffundi ad alium. Hoc tanè pacto videmus, præsertim æstiuo tempore, mane surgente Sole flare tenuem quendam ventum ex oriente: post meridiem autem ex occidente. Tum etiam, si aer antea rarefactus, postea accedente frigore condensetur, accurret alius aer ad occupandum locum, & fiet ventus. Tum è contra, si aer frigore condensatus, incipiat calore rarescere, diffundet se, & propellet alium propinquum aerem, & faciet ventum.

*Potest esse terra-
restres
halitus.* Deinde possunt utique et solent è terra terrestres halitus eleuari: et pluribus modis apti sunt reddere ventum in ipsa sua eleuatione, et nõ expectato ascensu ad mediam regionem; ob suam raritatem magnũ sibi locum quærunt: vnde in propinquas partes excurrunt, propellant quoque aerem, et sic absque dubio faciunt ventum: Præterea, dum eleuati fuerint ad mediam regionem, contingere potest, vt pro certa sua dispositione reflectantur deorsum; vel quia ibi aut in ascensu ipso separatis et sursum eleuatis partibus tenuioribus et leuioribus, grauioribus recidunt: vel quia à frigore ipso medix regionis aliquatenus ingrauescant: vel quia positivè repellantur: vel quia suo impetu diffugiant. Et fieri potest, vt ipsi quidem rectè decidant, sed eo ipso ad latus propellant aerem, et hæc sit motio obliqua venti: aut pro certa dispositione aeris vel ipsorummet halituum, aut situs, vel impetus quo repelluntur per se abeant in transversum, et sic ob aliquam motionem perficiunt.

*Et aqueus
vapor.* Insuper, cum aquei etiam vapores ex hoc inferiori orbe educantur, videtur cõtingere posse, vt pro certa aliqua dispositione ipsorum vaporum in se, siue locorum per quæ transcurrunt, aut quæ incurrunt; per ipsos etiam fiant venti, iisdem mo-

dis quibus nunc de terrestribus halitibus dictum est. Imò Arist. ipse cap. 1. de Ventis, notauit, solere hos halitus & vapores esse permixtos, sed denominationem sumi à parte quæ præualet: & in hoc sensu ait: *Est autem neque humidum sine sicco, neque siccum sine humido, sed omnia hæc dicuntur secundum excessum.* Sic igitur, etiam vapores aquei concurrunt ad ventum: & fieri potest, vt interdum ipsi magis abundant. Attamen, vt plurimum saltem & regulariter, in flatu ventorum præualet terrestres halitus.

Porro, quodcumque per huiusmodi halitus fiunt venti, concitatur sine dubio maximè aer: & in flatu qui percipitur, maxima sanè est commotio aeris qui excurrit, licet principium motus fiat ab halitibus: ipsi enim halitus secum ferunt & propellant aerem. Atque hoc sanè pacto, Arist. ipse in Problemat. ventum sumpsit pro aere commoto. Et sic etiam illi Patres, & fortasse veteres Philosophi, qui ventum dixerunt esse aerem concitatum, non per hoc negarunt initium motus fieri per halitus. Aut etiam nomine aeris, tam ab Arist., quàm ab alijs vocatum est omne huiusmodi corpus tenue ac rarum. Et in hoc sensu in vniuersum intelligetur ventus esse concitatus aer.

Postremò. Quæcumque sit materia venti, siue simplex aer, siue halitus & vapores, alia præcipua causa venti, idest commotionis, & agitationis quæ contingit in aere, est cælestium per sua sydera & per virtutes occultas. Nam satis compertum est, quædã sydera in certo suo aspectu ad inferiorem orbem, vel congressu inter se, ciere ventos. Et quidem validiores venti ab hoc genere causæ prodire videntur: alioqui alix inferiores causæ & rationes adductæ non videntur sufficientes ad tantum

*Sed se-
per im-
portat
commo-
tionem
aeris.*

*Præcipua
pote-
est
causæ
cælesti-
bus ci-
ent vent.*

tum ventorum impetum qui interdum accidit. Præstant autem atra hunc effectum, vel immediatè rarefaciendo aerem in certa parte, qui proinde locum quærens excurrit: vel immediatè impellendo & vrgendo ad motum, qua sanè ratione facile possunt atra validum impulsus imprimere aeri, ac determinare ut ad vnâ vel aliam partem ventus ruat. Quod eò magis suadet, si hoc etiam pacto, causis celestibus tribuatur æstus aut alijs quoque motus maris, ut postea tractabimus.

SECTIO QUINTA.

De Imaginibus qua interdum apparent in Aere, nempe Iride & alijs.

I Magines hæc nō quidem formantur subiectiue in ipso aere, sed potiùs in alio subiecto vagante per aerem, quod subiectum magis est de substantia aquæ. Attamen ita apparent in aere, ut aereæ imagines censeantur. Ac denique mox tractaturi de ijs quæ contingunt in aqua, meritò nunc in hoc aeris & aquæ confinio has imagines collocamus, de quibus agit Arist. toto ferè 3. Meteor. libro.

Iris est Frequentior imago quæ nobis in aere appareat, est Iris, arcus celestis, sumpto cælo pro aere. Sed quia in Sacra Script. Genesis 9. hic arcus à Deo constitutus fuit pro signo foederis cum humano genere, ad securos nos faciendos, quod non sit iterum futurum diluuium dissipans terram: ideo aliqui Sacri Interpretes opinati sunt, Iridem non esse naturale opus, sed esse ostentum quoddam Diuinæ potentia. Chrysost. homil. 28. in Genes. illud appellat miraculum: Alurinus apud Carthus. in eum locum Genes. dixit, nunquam

fuisse arcum ante diluuium, sed tunc de nouo ac deinceps postea à Deo ipso formatum, dicente Scriptura, *Ponam arcum meum in nubibus caeli*. Verùm, alij communiter non solum Philosophi, sed etiam Theologi ac sacræ Scripturæ Interpretes, pro certo supponunt, Iridem esse naturale opus. Idquæ patet tum ex eius frequentia, tum quia alias naturales affectiones subit, ut ex dictis constabit, tum quia habet naturalem causam & originem, ut videbimus. Vnde fuerat etiam ante diluuium. Nec refert illud verbum de futuro: quinimò in textu Hebræo habetur de præterito, *Dei, siue posui*. Indifferens enim ferè est vltus verbi pro præterito ac futuro apud Hebræos. Quomodo verò Iris posita sit ad significandam securitatem à diluuiio infra attingemus, quia spectat ad proprietates & effectus Iridis. Modò sat est statuere existentiam naturalem Iridis.

Iridis essentia consistit in apparentia certorum colorum sub circulari figura per modum arcus. Dico in apparentia, quia illi non sunt veri ac reales colores in subiecto permanentes: sed apparent ita ex certo aspectu & incurfu lucis: sicut frequenter talis colorum apparentia in alijs corporibus efformatur. Certi autem colores qui in Iride apparèt, sunt maximè tres, ut enarrat Arist., qui colores totum arcum in tres veluti regiones distinguunt. Quamuis in coniunctione vnius coloris cum alio appareat quædam eorum veluti permixtio, ut idem Arist. adnotauit. Extremus color ex parte exteriori arcus, est puniceus: medius est viridis: alius extremus ex parte interiori, est purpureus. Et ratio horum diuersorum colorum redditur, ex diuersis opacitatis gradibus: ut in parte nempe externa sit minor opacitas, in parte interna maior.

Iridem constituti sunt. Ideo etiam Iris non potest excedere semicirculum; quia cum directè opponatur Soli, alius semicirculus deberet incidere in profunditate terræ, ubi sanè non potest perfici. Ideo rursus, Sole existente in Horizonte, completur quidem integer semicirculus Iridis: quò autem Sol altior fuerit ab Orizòte, ad Meridianum accedens, eò minor portio semicirculi redditur: ut notauit optimè Arist. 3. Meteor. sum. 2. cap. 4. quia nempe quò Sol magis eleuatur ab Horizonte, eò profundius è regione Solis sub Horizonte reconditur centrum illius circuli quem concipimus in Iride. Ideo quoque tempore æstiuo vix efficitur Iris Sole existente circa meridiem, quoniam eo tempore multò altior est ab Horizonte: ut etià Arist. ipse notauit. Ideo demum, Sole existente tempore hiemali circa meridiem, poterunt simul immediatè duæ ab illo effici Irides, una nempe versus orientem, altera versus occidentem. Sole autem surgente non nisi una ad occiduum, & Sole occidente una ad ortum. Sed benè tamen ex reflexione vnus Iridis, potest & solet secundariò fieri alius: quæ propterea fit coloribus inuersis ut externus sit purpureus internus puniceus: sicut nimirum redduntur quæcumque imagines ex speculo concauo. Interdum tandem ex secunda fit subque tertia Iris, sed admodum debilis & obscura, vnde ex illa non potest vltèrius fieri alia. Et hoc totum notauit Arist. cap. 3. Sed Cornelius Gemma lib. 1. de Diuinis Naturæ Characterism. cap. 8. narrat, Anno 1551. prima Martij die visos fuisse septem Irides. Tamen iuxta regulam traditam sex simul videri potuerunt, tres ex vno & tres ex altero latere Solis: nisi aliquid extraordinarium & præter consuetum morem acciderit. Et lib. 2. cap. 1.

refert ac depingit quandam Iridem à se conspectam, auersam à Sole, & conuersam ad quoddam parellum efformatum à Sole. Contingit etiam mihi, cum hæc fortè scriberem, videre Iridem duplicatam, absque vlla distantia, siue dicam potius vnā Iridem in sex regiones distributam, cum iisdem tribus coloribus replicatis, non quidem inuerso ordine, sed eodem ordine repetito. Quod mihi & alijs adstantibus, singulare ac insolitum visum fuit. Plura autem ad aspectum Iridis pertinentia, copiosius modo mathematico apud Perspectiuos demonstrantur: ut videre est in Vitellione lib. 10. suæ Perspectiuæ.

Iridis effectus aliqui recensentur. *Afferre Arist. lib. 5. de Histor. Animal. cap. 22. docet, Iridem conferre a quosdā effectus.* ad mel colligendum, dicens, *Construunt flauos è floribus; ceram ex lacryma arborum fingunt; mella ex rore aeris, syderum ex ore porissimum, & arcus caelestis incubitu, contrahunt.* Plinius lib. 12. Natu. al. histor. cap. 24 & lib. 17. cap. 5. docet, Iridem relinquere suauem odorem in terra vel arboribus, ubi incubuerit, & maximè in Aspalatho. Hæc tamen, & si quæ sint simili, non propriè ipsi Iridi, idest coloribus illis apparentibus, tribuenda sunt: sed ad summum per concomitantia illi adungentur, ratione cuiusdam communis causæ. Quæ sic assignari & explicari potest. Iris non fit in quibuscumque nubibus siue guttis aquæ de flu. nubus ex nubibus, ut notum est: requirit ergo & supponit certam quandam in illis dispositionem & aptitudinem, quæ valeant ita reflecte e lumen, & illos referre colores. Hæc autem ipsa dispositio, confert etiam ad cōficiendum mel. Imò Arist. ibi docet, *Non ipsas Apes facere mel, sed rores candentem deferre.* Et experimento

probat: *Quod uno aut altero die cel-
las melle repletas inueniunt Apiani.*
Itaque hinc colligitur, defluere ex
aere huiusmodi rorem siue mel in
quo resulgeat Iris. Similiter eadem
dispositio siue eadem materia tali-
ter disposita poterit afferre illum
odorem quem obseruauit Plinius.
Arist. verò sect. 12. probl. 3. nota-
uit, non semper, nec in omnibus
plantis, talem odorem, ex arcu re-
linqui: eumque tribuit aquæ medio-
cri decidenti, & plantis ipsis expi-
rantibus tunc odorem.

*Soler si-
gnifica-
re plu-
uiam.* Iridis demum significationes quæ-
dam & præagia recensentur. Dicitur
significare, & præagere pluuiam.
Sed Scaliger Exercit. 80. hoc limita-
uit ad Iridem matutinam & occidē-
talem, id est quæ in occasu apparet
Sole ab ortu ad meridiem ascen-
dente: alioqui Iridem vespertinam
& orientalem, id est quæ in oriente
apparet Sole ad occasum vergente,
significare, potius serenitatem. Se-
neca verò lib. 1. Natural. quæst. cap.
6. explicauit, Iridem vespertinam si-
gnificare leuem irrorationem, non
validam pluuiam. Alij notant, Iri-
dem apparētem post copiosam plu-
uiam, significare serenitatē. Quan-
do verò apparet non præcedente,
pluvia, tunc denotare pluuiam im-
minentem & mox futuram. Hoc au-
tem totum potest naturali ratione
fundari: quia Iris matutina, & non
præmissa iam pluvia, significabit,
tuac Solem incipere resolueri nub-
es, vnde pluvia consequatur: Iris
autem vespertina & post pluuiam,
significabit, tunc Solem perficere
& complere resolutionem nubium,
vnde serenitas consequatur. Sed me-
lius, credo, Plinius lib. 2. cap. 59.
*Ne pluuios quidem aut serenos dies
cum fide portendunt.*

*Signifi-
cat secun-
dum* Magis notabile est, quod ex Sac-
Scriptura habetur Genes. 9. Iridem
significare securitatem à diluuiio, &
diluuiio.

intelligitur de diluuiio vniuersali,
quale fuit illud tēpore Noe: alioqui
adhuc post illud, factum denuo est
diluuium particulare in aliqua Pro-
uincia. Circa hanc autem significa-
tionem Caiet. & Burgens. super eun-
dem locum Genes. & Abulens. co-
cap. 9. q. 7. conati sunt, reddere ra-
tionem aliquam naturalem huius
rei. Et fauet D. Thom. Quodl. 3.
art. 30. Dicunt enim, Iridem natura-
liter denotare, non futuram proxime
magnam aquarum inundationē,
quia Iris non formaretur in nubibus
adeo copiosis, & aqua grauidis, sed
potius formatur in nubibus quæ ci-
to & faciliè resoluuntur. Deinde,
per successiuam renouationem &
frequentem repetitionem Iridis ha-
beri perpetuam securitatē à diluuiio.

Verum, hoc neque est necessa-
rium neque iauat ad intētum Scrip-
turæ. Nam esto Iris apparens ho-
die, significet non futurum hodie
diluuium, tamen non id significat
pro sequentibus diebus; neque sanè
quoties obducitur cælum nubibus,
apparet arcus, vt nos securos reddat
à diluuiio. Quinimò ante illud vni-
uersale diluuium, iam sæpius Iris
fulserat, & tamen postea sequutum
est diluuium. Satiùs ergo erit dice-
re cum communi sacrorum Inter-
pretum sententia, Iridem non nisi
ex beneplacito Dei habere talem si-
gnificationem: quia nempe ab ipso
Deo assumpta fuit & constituta pro
signo ad placitum, quo tutos redde-
ret homines ab vniuersali diluuiio.
Sicut sanè etiam inter homines con-
suetum est, rem alioqui naturalem
assumere ac designare pro signo ad
placitum.

Addit tamen Pererius circa eum
locum Genes, Iridem habere se-
cundum se quandam proportionem
& aptitudinem ad significandam
securitatem à diluuiio. Sicut certè
Deus ad placitum assumpsit pro in-
si.

stitutione Sacramentorum res quasdam naturales ad significandam & conferendam gratiam : assumpsit tamen res habentes quandam symbolitatem, vt aqua valet ad ablundum, cibis & potus ad reficiendum, & sic in alijs. Et ad hoc sanè spectat, quod ait Ambrosius lib. de Arca & Noe cap. 17. vbi non quidem dixit, quod ei à quibusdam imponitur, Deum nomine arcus non intellexisse Iridem, sed allegoricè diuinam clementiam : sed vult, per naturalem arcum & Iridem Deum denotasse suam clementiam: quia sicut Iris est arcus sine sagitta, ita Deus pro sua clemètia solet magis terrere quàm ferire.

Postremò. Quàdo appropinquabit tempus extremi iudicij, nempe finis & consummatio sæculi, habetur in historia scholastica in cap. 35. Genes. ex traditione Sanctorum, quòd quadraginta annis ante diem iudicij, non videbitur arcus celestis : quasi scilicet auferri tunc debeat signum hoc fœderis inter Deum & homines, signum hoc diuinæ clementiæ tutos faciens homines à desolatione orbis. Sed tamen neque constat de tali traditione Sanctorum, neque de tali cessatione celestis arcus. Aliter Gregor. homil. 8. in Ezech. & Strabus in locum Genes. dicunt, ipsum arcum de facto denotare diem futuri iudicij, & ignis diluuium tunc futurum. Considerant enim in arcu duos colores, aqueum & igneum, idest cæruleum & rubrum: & ita dicunt, arcum significare diluuium aquæ præteritum, & ignis futurum.

Alia ac. Aliæ præterea imagines sunt quæ *vea ima-* apparent in aere. Interdum per similem reflexionem luminis solaris *gines* fit eadem apparentia colorum quæ *sunt,* in iride : attamen in directum porrecta, non in arcum curuata. Hæc *Virga.* dicitur Virga, de qua in lib. de Mun-

do ad Alexand. cap. 3. *Virga est arcus celestis exhibitio in directum cõformata.* Solentque plures huiusmodi simul apparere, vt habetur ex Arist. 3. Meteor. sum. 2. cap. 5. vnde plurali nomine dicuntur Virgæ. Nec semper habent omnes illos colores qui apparent in Iride.

Rursus interdum ad latus Solis, *Parelia* ex nube benè compacta, refertur imago Solis, ita vt videatur tanquàm alter Sol. Imò quando hæc apparentia contingit, solet fieri ex utroque latere Solis, ita vt videantur tres Soles. Plures autem quàm tres simul Soles nuquam apparuisse, testatum reliquit pro anteaçtis temporibus Plinius lib. 2. Natural. hist. cap. 31. Atque hæc appellantur Parelia. Notauit autem Arist. 3. Meteor. sum. 2. cap. 1., hæc potius fieri oriente aut occidente Sole, & rarò circa meridiem, vt semel ait accidisse in Bosphoro, vbi inquit ab ortu in occasum tota die permanisse. Vidimus nos quoque semel hanc Solis triplicationem, Romæ Anno 1622. die Februarij vndecima, & vidimus in ipso meridie, & per duas ferrè horas post meridiem: & obseruauimus vnum ex ijs parelijs illustrius, aliud verò obcurius apparere: quo suspicati sumus, vnũ fieri per reflexionẽ ab alio, & non immediatè ab ipso Sole. Narratur quoque interdum apparuisse similiter plures Lunas.

Præterea apparet interdum veluti *Specus?* specus quoddam in aere: quando nempe congregati sint halitus seu vapores magis clari & lucidi in gyro, in medio autem magis atrii & obcuri, tunc enim apparet in medio veluti profunditas quædam, quia, quod obcurius est, apparet remotius, dum prope aliud clarius conspicitur: & sic Pictores antrũ quoddam in plana tabula representant, per colorem obcurum in medio, & clarum in gyro. Huiusmodi specus

apparens in aere, dicitur hiatus, si sit parvus: dicitur vorago, si sit magnus. Notabiles quosdam hiatus & voragines suo tempore visos refert ac depingit Cornelius Gemma lib. 2. de Diuinis Nat. Charact. cap. 2.

Insuper, fit quandoque circa Solem, & frequentius circa Lunam, & interdum etiam circa aliquod aliud astrum ex ijs quæ splendidiora sunt, quædam area lucida, & veluti corona, quæ græce dicitur Halon. Et fit etiam hæc apparentia in vaporibus seu halitibus directè circa ipsum astrum, siue sub ipso astro, inter nos & astrum directè congregatis, in quos incidentes radij lucis, illos illustrant, & sic exhibent talem aspectum. Notabilem quandam huius generis apparitionem refert ac describit Gemma eod. lib. cap. 8. *Sub imperium Augusti Caesaris, ut auctor est Plinius, ingens circulus circa Solem cum radiantibus stellis insignita corona apparuit, deinde & alij duo, ut ex Suetonio patet atque Dione, quorum alter iridis elegantissima formam, alter ex specie triticeis sericum præferebat.*

Porro: Hæc apparentiæ habent denotare pluuiam imminentem, quoniam indicant copiam vaporum in aere: & interdum ventos ratione halituum. Sed notauit Arist. cap. 5., Parelia magis & præsertim plustquã virgas, denunciare pluuiam: quia demonstrant nubes spissiores & abundantiores. Plures aliæ significationes circa res humanas in his aeris imaginibus ab Astronomis cogitatae sunt: sed ut plurimum vanæ, & interdum superstitiosæ.

*Alia
prodi-
giose
imagi-
nes.*

Denique conspiciuntur in aere quædamque sunt prodigiosa quædam imagines, tanquam figuræ non solum inanimatarum rerum, sed etiam animalium, ac in specie hominum, imò & exercituum, inter se veluti confingentium. Refert quædam huius ge-

neris ostenta Cornelius Gemma in opere citato. Satis erit ex antiqui monumentis illud exemplum afferre, cuius testis irrefragabilis est Scriptura sacra, 2. Machab. 5. *Contingit autem per vniuersam Ierosolymorū ciuitatem, videri diebus quadraginta per aera, Equites discurrentes, auratas stolas habentes, & hastis quasi cohortes armatos, & cursus equorum per ordinem digestos, & congressiones fieri cominus, & scutorum motus & galeatorum multitudinem gladijs districtis, & telorum iactus, & aureorum marmorū splendorem, omnisque generis loricarum.* Simile quid narrat iterum Iosephus Hebræos lib. 7. de Bello Iudaico cap. 12. *Ante Solis occasum, visi sunt per inane ferri currus totis regionibus, & armata acies tranantes nubes, & ciuitati circumfusa.* Ex nouis autem temporibus, aliud exemplum non pigebit afferre superiori sæculo visum: quod sic narrat Vlysses Aldrouandus lib. 2. de Avibus cap. 2. in fine, agens de Aquila: *In Hispania quoddam oppido, Anno 1536. Februarij die 7. circa horam noctis secundam, visi sunt calo aquoso & nubilo, duo adolescentes armati, gladijs congregantes, quorū vnus habebat in laeva manu parua aquila insignitam, cum inscriptione, Regnabo; alter verò scutum praelongum, cum inscriptione, Regnaui. Verum, cum Monomachiam instituisent; aquilam habens, prostrato hoste victor tandem eausit.* Aliam etiam similem pugnam refert in Vngaria visam & alia quoque spectra, aquila, hominis, & iui, canis, & leonis ibi refert atque depingit.

De hoc imaginum genere dicendum est, posse quidem aliquas naturaliter euenire pro certa dispositione astrorum cælestium, & pro ratione situs et configurationis halituum & vaporum in aere: prout

in.

interdum in ipsis nubibus obseruantur quædam figuræ ad instar equorum, bouum, aut hominum. Imò et apud nos in terra inueniuntur illi flores, in quibus mirum in modum instrumenta Passionis Christi configurata sunt. Extat in India occidentali prope Cartagenam arbor ex qua hauritur liquor ille qui dicitur sanguis Draconis. De hac arbore refert Monardus parte 2., se vidisse in fructibus eius apertis, Draconis figuram perfectissimam, ita ut nemo etiam videat qui nō admiretur summum illius artificium, & existimet factam ex ebore, adeo ut nullus artifex meliùs exprimere posset. Refert insuper Michael Maierus in lib. de Volueri Arborea cap. 5. *Quòd in quibusdam locis comitatus Mansfeldici minera aris in lapide scissili exprimeunt omnis generis pisces eorumque formas qui in proximo habentur lacu. In succino quoque quod fluctibus marinis in Borussia ad litora insulae Sudania eycitur, varia formæ muscarum, culicum, araneorum, papilionum, ranarum, lacertarum, & aliorum animalium apparent.* Atque testatur per incisionem et fractionem inueniri vacua talia, spatia intra succinum, absque villo vestigio quòd talia animalcula ibi inclusa et resoluta fuerint, cum nulla corporum reliquiarum ibi inueniantur. Testatur etiam Albertus magnus lib. 2. de Mineralibus tract. 3. cap. 1. solere inueniri miras quasdam imagines, naturaliter in lapidibus. Et hoc à se visum nàtrat. *Me esse te Venerijs cum essem iuuenis incidebantur marmora per ferras ad parietes templi ornandos; cotingit autem in uno marmore, tabulis incis sibi applicatis, apparere depictum caput pulcherrimum Regis cum corona & longa barba.* Narrat autem, cum esset Parisijs, sibi oblatam fuisse à Regis Castellæ filio, qui ibi

studijs vacabat, concham ostraceam habentem intus figuram trium serpentum, ore eleuato optimè factorum, et in parte externa alterius figuram decem et amplius serpentum.

Sed præcipuè tales imagines æreæ, præsertim quæ magis prodigiosæ et extraordinariæ fuerint, tribuendæ potius erunt Diuinæ prouidentiae et potentiae, Angelorumque ministerio: ita ut præter omnem naturæ vim et ordinem efficiantur: Deo nempe sic disponente ad commouendos et excitandos homines. Et ita planè visio illa quæ ob auctoritatem Script. nullam suæ veritatis dubitationem patitur, præmonstrauit immanem persecutionem qua Antiochus Rex vexaturus erat Iudæos, cum desolatione templi, et vastatione ciuitatis ac totius prouinciæ. Et sicut tandem totius mundi exitium tot signis à Deo denunciabitur.

SECTIO SEXTA.

De his quæ circa Aquam in sublimi contingunt, nempe Pluuia & alijs.

Plura sunt quæ circa aquam in sublimi intra elementum aeris exercentur. Inde enim pluuia, & ros, nix, grando, & pruina decidunt, & cum ijs interdum alia quoque miscuntur; de quibus singillatim discurrendum est. Agit de ijs Arist. 1. Meteor. sum. 2.

In primis, Pluuia fit hoc modo. *Pluuia* Eleuantur plurimi vapores aquei, ex *ex nube* mari, lacubus, fluminibus, & omni *fluit.* bus aquis hic inferiùs existentibus: resoluuntur autè actione Solis aliorumque agentium calidorum. Hi vapores sua leuitate ascendunt ad mediam aeris regionem, quoniam superant aerem hunc inferiorem tanquam

& sic ex alto ad terram decidere. Agnoscunt verò aliam nebulam cuius Arist. non meminit, quæ proximè ex locis aquosis educatur, & ob nimiam crassitiem ac densitatem, prope terram subsideat. Ex aduerso alij volunt, nebulam ab initio esse partem densiorem & crassiorem nubis, & ideo minus aptam ut vertetur in aquam.

Verùm, regulariter non contingit, aliam nebulam videre ac observare, nisi hoc modo, quæ ex aquis siue locis aquosis euaporans, immoretur proximè iuxta terram: quia nimirum grauior est toto aere, & ideo sub illo se continet: donec tandem vel prorsus subsideat & in terram decidat: vel attenuata magis leuetur in altum sicut alia nubes, & inde resoluatur aut in aerem aut in aquam. Si autem detur quoque alia nebula decidens è nubibus usque ad terram, non debet dici ratione maioris tenuitatis, neque ex aduerso crassitiei, non potuisse verti in aquam. Nam crassities quidem potius adinuabat. Si verò ab initio erat pars tenuior nubis, dum postea taliter addensatur, ut ad terram decidat, utique facta erat crassior & densior ipsa nube: igitur illa tenuitas non obstabat quominus solueretur in aquam. Dici ergo melius poterit, nebulam esse partem quandam minus humidam nubis, per admixtionem siccitatis: & ideo minus aptam ut solueretur in aquam: sed frigore addensatam, atque adeo grauescentem, in eo statu ad terram decidere.

Ros.

Præter pluuiam, decidit ex alto Ros. Et est modica quædam aqua in terram ex aere stillans. Vnde notauit Arist. cap. 1. cit. non differre à pluvia, nisi ut paucum à multo. Fit ex vapore aliquantum sed non multum in sublimi elato: vnde non fit in secunda, sed potius in hac infima

aeris regione: & non inuenitur in montibus, sed in campis. Fit aere sereno & tranquillo: alioqui tenuis ille vapor dissipatur, & non concrescit in aquam. Fit tempore medio-criter temperato: quia alioqui nimio calore tenuis vapor euanescit: nimio autem frigore congelatur & concrescit in pruinam, de qua infra. Atque hoc totum habetur ex Arist. in textu.

Pro pluvia, in locis ac temporibus frigidioribus, decidit nix. *Nix.* Hæc etiam ex nube concrescit in media aeris regione. Et fit immediatè ex ipsa nube, dum enim solui debebat in aquam, præualente maiori frigore concrescit in niuem: & paulatim fit ac decidit, sicut ipsa aqua dum pluit. Est autem nix substantialiter aqua, sed sic indurata. Ita habetur planè ex Arist. Et sic etiam dicitur in lib. de Mundo ad Alexand. cap. 3. *Nix gignitur densitate nubium fragili; quæ simul ac in aquam verti coepta sunt, in minuta contunduntur.* Quod non debet intelligi, quasi prius nubes vertatur in aquam, & ex aqua in niuem: nam aqua vertitur magis in glaciem, ut apud nos constat. Sed quando nubes debebat proximè verti in aquam, tunc immediatè concreseat in niuem.

Est autem nix maximè alba. Vnde non apparet, quid sibi voluerit Anaxagoras, qui teste Cicerone lib. 4. Academic. q. dixit, niuem esse nigram, & cui t. ste Lactantio lib. 3. Diuinar. Instit. cap. 3. niues atramentum fuerunt. Nec etiam rectè quidam Peripatetici dixerunt, candorem niuis esse apparentem tantum, non autem verum colorem, eo quod elementa non admittunt in se colores. Etenim tanta illius candoris in niue constantia, quocumque aspectu se habeat ad lucem, planè demonstrat esse verum & non solum apparentem colorem, sicut prof-

prorsus se habet veri colores in alijs rebus. Elementa autem pura, sunt quidem coloris expertia: at elementa cum alienis substantijs immixta, & alijs qualitatibus affecta, verè in se colores accipiunt. Habet verò nix candorem, ratione frigoris & cōgelationis, siue ratione talis temperamēti; & per admixtionem partium quarundam subtiliorum, quibus temporis successu euanescentibus incipit rubescere. In omnibus tamen rebus valde obscura est colorum origo, vt suo loco de coloribus attingemus. Rursus circa figuram niuis, librum scripsit Ioannes Keplerus, de Niue sexangula: vbi pro comperto supponens, niuem, cum primum decedit, esse tali figura sexangulari præditam, huius rei rationem quærit. Sed tamen, neque de re ipsa satis constat: & ipse Keplerus in fine notauit, id non in omnibus niuis flosculis decidentibus, sed in minori parte contingere. Et dato, quod res ita se habeat, non potest manifesta ratio reddi: sed in occultas rerum vires id referendum esset: sicut etiam quod Chrysellum intra terræ venas sex angulis inueniri soleat figuratum, vt enarrat Georgius Agricola lib. 6. de Natura fossilium.

Pruina. Item pro rore, in locis ac temporibus frigidioribus, decedit pruina: hæc enim non est aliud quàm ros concretus & congelatus. Fitquè eodem modo quo dictum est de niue: quando scilicet aqueus vapor deberet in aquam seu rorem fluere, durefcit in pruinam. Est autem pruina magis tenax, quàm nix, & aliquantum viscosa. Quia nimirum & ipse ros immiscetur humore quodam viscoso, de quo infra loquemur. Fit etiam pruina brumali tempore in locis valde frigidis, vbi ex hypocauftis vapor calidus per foramen aliquod erumpat. Nam circa

limbum foraminis adhærescens, cōgelatur in pruinam, externi frigoris vi.

Insuper pro pluuiâ decedit ex alto Grando. Non autem quicquam simile præter pruinam inuenitur pro rore, vt notauit Arist. Fitquè grando hoc modo. Retoluitur prius nubes in aquam, & incipit aqua pluerè: interim in medio itinere ipsius aquæ guttæ gelascunt, & sic indurantur in grandinem, & grando est vera glacies. Concrefcit autem aqua in grandinem, vel ob vehementiam frigoris congelantis aquam: vel ob teporem quendam aeris, inde inualefcit per Antiperistatim frigus in aqua, & sic illam congelat. Itaque potest ex aqua pluente fieri grando, tum intra ipsam mediam regionem, tum etiam in inferiori regione & prope terram. Pro qua re aduertunt Conimb. tract. 7. cap. 6. quando decedit grando valde minuta & rotunda, tunc ordinariè in altiori loco ortum habuisse, & ideo longitudine spatij magis tritam: quando verò grandior, & angulis aspera cadit, tunc è propinquiore loco defluere. Et habetur id ex Arist. cap. de Grandinis generatione, vbi ait: *Magna autem sunt, quæ figuris non rotunda: hoc autem signum est, quòd sint cōgelata prope terram: quæ enim feruntur eminus, propterea quod ferantur longè circumfractæ sunt, & figura rotunda & magnitudinis minores.*

Verùm, potiùs oppositum videri potest accidere. Non enim postquam aqua versa est in grandinem, amplius in descensu comminuitur, aut figuram mutat: sed benè aqua ipsa in suo lapsu dispergitur, & minores guttæ meliùs rotundam figuram retinent. Potiùs ergo videtur, quòd quando prope nubes siue prope suam originem, aqua decedens durefcit in grandinem, tunc gran-

grandiores erant aquæ guttæ, & sic talis etiam euadit grando: quando autem longius à sua origine, & propius iuxta terram, pluvia concrefcit in grandinem, tunc minutiores & rotundiores erant aquæ guttæ, ac talis etiam efficitur grando. Vnde nunquam visæ sunt in terram decidere tam grandes guttæ sicut grandines, nempe vsque ad magnitudinem humani capitis. Arist. verò voluisse videtur, quòd quando prope terram nubes soluitur in aquam, & illicò durefcit in grandinem, tunc sunt grandines maiores: quando autem guttæ aquæ decidunt ex altiori loco, tunc disperguntur magis & fiunt grandines minores. Alioqui Arist. ipse eodem cap. dixerat: *Cocumibus multis paruis, magna deorsum feruntur gutta: hoc autem non contingit fieri in grandine; non enim coalescunt congelata, uti humidum.* Et sine dubio quod Arist. ait de collectione & adunatione, idem valet de dispersione & contractione: dispergitur enim aqua in minutiores guttas: non autem confringitur per aerem grando, quandoquidem etiam in terram magno impetu incurrens non confringitur.

Glacies.

Porro, non solum in sublimi congelatur aqua, sed etiam quæ iacet in terra, & efficitur glacies, tam in mari, quàm in fluminibus, lacubus, alijs què locis. Eiusdemquè rationis est huiusmodi glacies cum grandine. Et omnis glacies est aliquantum, transparens ad instar vitri: non sic autem nix. Atque durior est glacies quàm nix, ut notum est. Et ipsa nix potest & solet interdum durefcere in glaciem: quando nempe niui iacenti super terram superuenit vehemens frigus.

Omnis demum congelatio aquæ, siue in glaciem, siue in niuem, non fit sola vi frigoris. Aqua enim in suo naturali statu, est prorsus flui-

da, etiam si esset frigidissima: sed fit per exiccationem etiam aliquam; siccitas enim confert ad reddendum corpus solidum ac durum. Insuper dicitur etiam fieri per admixtionem terrestrium halituum. Sed hoc non debet intelligi, quasi halitus in suo statu tenui ad modum fumii, faciat ad congelationem: nam sic potius facillimè euolarent ex aqua. Sed quòd ipsi terrestres halitus vertantur in quendam humorem & veluti succum, qui immixtus aquæ, fiat illi veluti coagulum ad eam congelandam. Et sic certè per huiusmodi terræ succum concrefcunt ac gignuntur lapides & metalla, ut circa ipsa mixta videbimus. Atque experientia constat, si niui aspergatur sal, niuem congelari: utique quia abundantiori illo succo salis expresso, nix congelatur magis ac durefcit in glaciem.

Præter hæc omnia quæ substantialiter aqua sunt, decidunt etiam simul cum aqua ex alto quidam alij liquores: nempe mel & manna: ac præsertim cum rore ad terram defluunt. Mel per omnem terræ regionem spargitur, & in herbis ac frondibus magisque in floribus conseruatur. Hoc mel ab apibus colligitur, & in aluearia comportatur. Sic docuit Arist. lib. 5. de Histor. Animal. cap. 22. & experimento probauit, ut sect. præced. adduximus. Ratione autem huius liquoris admixti, ros habet aliquod de vinctuoso & viscoso; & ad quædam medicamenta deseruit. Manna est liquor similis melli, sed valde excellentiôr. Non in omnes terræ regiones funditur, siue non in omnibus colligitur: sed in quibusdam præsertim locis valde excellit, & ad medicinæ vsus præciosus est, ut intra Italiam in Calabria provincia inuenitur. Hæc autem differentia ex diuersitate Climatis facile potest exoriri, sicut alia

Mel & Manna.

ple-

pleraque pro diuersis terræ regionibus distributa sunt. Confert etiam multum qualitas arboris in cuius folia talis liquor decidit: vt notauit Francisc. Piccolom. lib. Meteor. cap. 14. vbi testatur colligi præsertim ex Orno & Frassino. Putant verò Cornimb. tract. 7. cap. 11., Manna illud quod Hebræis in deserto è calo pluebat, fuisse eiudem naturæ & substantiæ cum manna nobis noto: sed eius generationem præter naturæ ordinem per miraculum contigisse Angelorum ministerio. Sed tamen tanta diuersitas, tum in modo generationis & plurimis circumstantijs, tum in sapore & alijs vrbus & effectibus, indicat etiam in ipsa re substantialem differentiam: ita vt illud manna non sit naturaliter conuetum, sed fuerit alterius rationis, tunc singulariter à Deo immisum. At, quia mel & manna sunt substantialiter de genere mixtorum corporum, de ijs postea inter inanimata mixta proprio loco agemus.

*Quedā
ex alto
prodi-
gia.*

Postremò. Extra consuetum ordinem, variæ aliæ res, ad instar pluiæ seu grandinis, siue simul cum aquæ pluuia, ex alto delapsæ in historijs commemorantur. Interdum visum est, sanguine plueri, lacte, lapidibus, piscibus, vermiculis, ranis, ferro, & similibus: vt commemorat Cornelius Gemma lib. de Diuinis naturæ Characteris. cap. 6. & 8. Hoc autem interdum accidere potuit, sublatis his rebus in altum ventorum vi, ac subinde delapsis. Interdum etiam in sublimi genitis, sicut & alia mixta gignuntur. Interdum sola quadam apparentia, vt humore rubescere ad instar sanguinis; albescente ad instar lactis. Interdum denique Diuina virtute seu Angelorum opera: vt Iosue 10. in pugna contra Gabaonitas dicitur: *Dominus misit super eos lapides magnos de Calo vsque ad Assec:* &

*morini sunt multò plures lapidibus grandinis, quàm quos gladio percuss-
serant filij Israel.*

SECTIO SEPTIMA.

*De ijs quæ circa Aquam in Mari
contingunt.*

Quo pacto magnum elementum aquæ, quod iuxta naturam suam debuisset circumquaque tegere terram, & in tali situ ab initio conditum fuit, reductum postea sit in separatum locum ad quoddam terræ latus, ibiquè maris nomen acceperit, iam q. 36. circa communem corporum structuram attingimus. Et modò sect. 4. notauimus, quo pacto totum mare sit vnum, vnum scilicet continuatione: sed penes diuersas terræ regiones & prouincias quas alluit, varia nomina sortitum sit, & sic plura maria appellentur. At Arist. 2. Meteor. cap. 1. videtur asserere, plura maria esse ita diuisa, vt inter se non communicent: *Adhuc*, inquit, *plura sunt maria ad inuicem, quæ non commiscuntur secundum vllum locum: quorum Rubrum quidem videtur secundum modicum communicans cum eo mari quod extra columnas est: Hircanicum autem & Caspium & separata ab hoc, & circumhabitata in circuitu.*

*Mare
totū est
vnum.*

Verum, mare rubrum satis patenter cum Oceano communicat: licet quia multum intra terræ sinum in longum porrigitur, comparatiuè dicatur ab Arist. in modico communicare; sed & hoc modicum sufficit. Hircanum verò & Caspium, non sunt duo discreta maria, sed est vnū duobus nominibus appellatum: vel ad summum secundum diuersas partes & latera: vt mare iacens inter Aphricam & Europam, ex vno latere appellabitur Aphricanum, ex altero

tero Europæum. Verè autem hoc mare Caspium & Hircanum, ita undique terra cingitur, ut nulla ex parte patenter cum reliquo mari communicet. Sed tamen creditur saltem occultè intra terrâ notabilem communicationem habere cum Oceano. Et ita notavit Basil. hom. 4. Exameron. Vel in rigore illud non est mare unitum cum reliquo mari, sed est lacus quidam, salus tamen, sicut plures alij lacus salii inveniuntur: dicitur autem per analogiam mare, non solum propter hanc salitudinem, sed & propter notabilem magnitudinem.

Mare rubrum unde dicitur. Porro, Mare rubrum, Alij dicunt sic appellatum esse, non ab aquarum rubedine, sed à Rege quodam, græcè dicto Erythra, latine Rubro, unde apud Græcos Erythrum nuncupatur. Apud Hebræos verò & in textu ipso sacro nominatur Iom Suph, id est mare ultimum; siue mare iunci, à copia fortasse iuncorum: ubi patet non à rubedine appellari. Alij volunt, sic vocatum esse à vera aquarum rubedine. Sed iam compertum est, aquam in illo mari iacentem videri rubescere; verum inde haustâ, esse eiusdem prorsus coloris cum omni alia marina aqua. Itaque inde colligitur, aquam in illo mari videri rubram à rubedine quadam illius terræ seu arenæ, vel etiam Coralliorum ibi abundantium. Vel, ut refert Strabo lib. 16. suæ Geographiæ, *Rubrum esse à colore per reflexionem expresso, vel à Sole cum supra verticem est, vel à montibus ex aduersione rubentibus. Vel fontem quendam esse, qui aquam rubicundam ac minio plenam in mare emittit.*

Maris aqua unde sit salsa. Vlteriùs. Communis quædam affectio totius maris est, marinæ aque salsetudo: unde & dictum est mare, quasi amarum. Non tamen hæc affectio est solius maris propria: sed plures quoque lacus & fontes salii

inveniuntur, ut meminit Arist. lib. 2. cap. 3. & referunt Conimb. tract. 10. cap. 3. Varias Philosophorum sententias de causa & origine huius salsetudinis refert ac refellit Arist. eod. cap. Ipse concludit, eam provenire ab exhalationibus terreis admixtis siccis & adustis, accedente Solis virtute & actione. Addendum tamen est, debere intelligi, succum siue liquorem salsum, id est sal liquidum immixtum aquæ. Quod ex eo manifestè deprehenditur, quia ex aqua maris verum sal extrahitur: dum præsertim in quibusdam litoribus æstivo tempore ad certam aliquam plantam maris aqua funditur ac retinetur, & calore Solis evaporante aqua, magna salis copia relinquatur. Oritur verò sal in aqua maris, tum certa permixtione terræ & aquæ & actione Solis, tum quia ingentes venæ salis per terram dispersæ sunt, ex quibus liquefens sal miscetur aquæ. Et eodem pacto redduntur salii quidam lacus & fontes.

Ratione etiam huius mixtionis, *Maris aqua maris est crassior & grauior aqua est aquis dulcibus: intantum, ut teste crassior Arist. Naves ab eodem pondere re- & den- rum in fluvijs quidem ferè submer- sior. gantur, in mari autem mediocriter se habeant & navigabiliter: quapropter aliqui in fluvijs onerantium naves, propter hanc ignorantiam damnum passi sunt.* Et sic etiam si aquæ dulci iniiciatur copia salis, efficitur valde crassior ac densior: unde, sicut notavit idem Arist., *Si aliquis aquam salsam fecerit valde, miscens sal, supernatant ova, etiam si sint plena.* Item si sit lacus valde salius, pariter grauescit aqua, & quæ alioqui mergerentur enatant. Commemorat quendam huiusmodi lacum pro hac re Arist. *Si autem est, sicut fabulantur quidam, in Palestina tale stagnū, in quod si quis immiseris colligatum* he:

hominem aut iumentum, supernatas
 &c. Is autem est lacus Asphaltites,
 de quo Iosephus lib. 5. cap. 5. *Is sal-
 sus quidem ac sterilis est: nimia ve-
 rò lenitate etiam quæ granissima sunt
 in eum iacta fluitant, demergi autem
 quis in profundum nec de industria
 facile potest. Denique Vespasianus
 qui eius viscendi causa illuc venerat,
 sufficit quodam narandi inscius vin-
 ctis post terga manibus in altum pro-
 ieci, & euenit omnibus tanquam vi-
 spiritus sursum repulso desuper flui-
 tare.*

Quomo. Hinc demum, si à sale admixto
do possit purgetur aqua maris, efficitur dul-
à sale cis & potabilis. Sic è mari eleuan-
purgari. tur vapores ac nubes, & aquæ plu-
 uiales dulces decidunt. Si ad ignem
 ferueat aqua maris, & vapores ascen-
 dentes excipiantur spongia, vbi cō-
 crescunt in aquam, hæc aqua inue-
 nitur dulcis. Ac dum aquæ maris
 per meatus subterraneos angustos
 transeunt, relinquunt in transitu sal,
 & dulces effluunt. Hoc etiam arti-
 ificio nautæ aquam dulcem ex mari
 colligunt, vt Arist. attestatur dicens:
*Si quis vas ceræ formans posuerit
 in mare, quod ingreditur per parie-
 tes ceræ, sic potabilis aqua: tanquā
 enim percolatum quod terrestre est;
 & quod facit salitudinem propter cō-
 missionem, secernitur.* Narrat quo-
 que Plinius lib. 2. cap. 100. notabi-
 lem quendam catum: *Et in exemplis
 Dionysio Sicilia Tyranno, cum pul-
 sus est ea potentia, accidisse prodigiū,
 ut uno die in portu dulcesceret mare.*
 Hoc, si verum est, siquæ naturaliter
 accidit, debet referri ad venam ali-
 quam dulcis aquæ quæ in illo hore
 tunc latenter eruperit, sicut passim
 vbi flumina intrant in mare, pro no-
 tabili spatio aqua dulcis & potabi-
 lis inuenitur.

Mare. Magnam præterea difficultatem
 mouetur ingerunt regulares quidam motus
 ab A. qui in mari exercentur: & tres præ-

cipue sunt. Primus est de quo lo-
 quitur Arist. lib. 2. cap. 1. nempe à *quilone*
 Septentrione versus Austrum: vide-
 tur enim mare assidue hoc motu de-
 fluere: sed magis patenter hic mo-
 tus deprehenditur prope polum: vnde
 Mæotis in Pontum excurrit, Pontus in
 Aegeum, Aegeus in Siculo. Rationem
 huius motus Arist. reddit, fluuiorum
 multitudinem, quæ septentrionem
 versus in mare influunt, & modicam
 profunditatem illius maris. Et sine
 dubio hæc est sufficiens causa, vt inde
 aqua consequenter in alia maria se
 diffundere debeat. Addit & aliam
 rationem, quod terra sub polo arctico
 sit altior, & ideo aqua inde ad
 inferiora decurrat. Sed hoc potius
 videtur ex aliorum sensu referre: nisi
 hæc ipsa ratio ad superiorem reducatur,
 de nouo aquarum influxu & minori
 eius mari profunditate, & sic maiori
 altitudine terræ.

Addit quoque Albert. 2. Meteor.
 tract. 3. cap. 6. maiorem semper aque
 copiam sub polo gigni ob maximā
 loci frigiditatem, & ideo aquam ibi
 copiosius abundantem, in viciora
 profluere. Hoc alij impugnant: quia
 pariter e conuerso deberet mare
 fluere ab Austro in Aquilonem,
 quoniam sub polo australi non mi-
 nor rigidas viget. Nec sufficere
 cum Suetiano dicere, disparitatem
 oriri ex declinatione terræ ab Aquilone
 in Austrum. Nam si verè sub polo
 australi maior semper aquæ co-
 pia gignitur, deberet adhuc in me-
 dium inter polos se diffundere. Dici
 ergo poterit, vel reuera de sub utro-
 que polo aquam versus æquatorem
 defluere: & Arist. loquutū esse tantum
 de hac orbis parte vbi est polus ar-
 cticus nobis notus. Vel sub polo an-
 tartico non inuenitur mare sed potius
 terra: vnde in tabulis & globis, ibi
 describitur terra australis incognita.
 Et ideo non ibi adest eadē ratio.

Moue-
itur ab
ortu in
occasū
 Secundus maris motus est ab ortu in occasum: qui sic observatus est, quod in nau gnatibus, ceteris paribus, multò velocius naues feruntur ab ortu in occasum, quàm ab occasu in ortum. Ita pluribus contestatur exemplis Contren. lib. 2. de Element. quorum vnum est: *Qui ab Hispania nauigant in eas insulas terrarumque continentes quas Columbus inuenit ad occidentem, viginti quatuor diebus circiter iter perficiunt: quod si inde reueris in Hispaniam velint, ob aquarum iuxum in contrariam partem, tribus totis mensibus quatuorue vix iter perficiunt.* Ratio huius motus reddi solet, motus ipse diurnus cæli. Verùm hoc non debet sic intelligi, quasi cælum suo ipso motu secū rapiat aquas: nam sic deberet rapere mediante aere: at non extenditur raptus cæli usque ad hunc infimum nostram, aerem: nec aer esset aptus ad rapiendum mare. Imò per se contingit, vt agitatione ventorum aer potius in oppositum impellatur, nempe ab occasu in ortum. Potius ergo referenda res erit in occultas syderū vires ad attrahendum secum aquas: sic enim fieri poterit, vt mare aliquantum participet de motu cæli. Pandulphus Sfondratus lib. de Causa æstus maris cap. 19. refert ad Solem, qui cū semper quoddam huius globi Emisphærium sibi expositū habeat, consumit & resoluunt suo calore aquas, & ideo indefinenter accurrunt ex alio Emisphærio aque, vt tota aqua in æquilibrio iaceat: vnde sicut Sol a seclue gyrat ab ortu in occasum, sic etiam gyrat aqua. Si autem mare hoc pacto mouetur, vtique dum versus occidentem impingit in litora, cogitur secus litus gyrare, ac per aliam viam versus ortum recurrere. Iuxta quod notauit Contrenus lib. 2. de Elementis. Adriaticū mare ad litus quidem Dalmatiæ ab

ortu versus occasum fluere, sed in Venetiarum sinu rētorqueri & ad litus Italiæ motus versus ortū recurrere. Et similiter mare Mediterraneum, iuxta Europæ quidem litora versus Hispaniam in occasum defluere sed in sinu Hispaniæ deflere secus litora Aphricæ versus ortū.

Tertius ac difficillimus maris motus est, qui dicitur fluxus & refluxus, & vno nomine æstus, quo nempe mare modò ad litus accedit & fluit, modò ab illo recedit & refluit. Non in omni mari hic motus pariter deprehenditur: sed apud nos quidem in mari Adriatico notabiliter inuenitur, in mari Tyrreno vix percipitur: in Oceano autem Flandrico & Britannico, adeo validè exercetur, vt ad plura miliaria mare excurret ac recurrat. In locis autem angustis inter vnā & aliam terrā, vt inter Italiam & Siciliam, admodum velox & vehemens hic fluxus & refluxus maris inspicitur. Neque verò hic motus habet in omni loco & tempore quo exercetur eandem regulam. Sed in mari quidē Adriatico, et in alijs pluribus, sex horis fluit, & sex alijs refluit: in quibusdā alijs locis pluribus aut paucioribus horis: in quibusdā pluribus fluit quā refluit: in quibusdā pluribus refluit quā fluit. Interdum tandem quodlibet ex ijs maribus æstum patientibus, non seruat consuetam sibi regulam in periodo sui fluxus et refluxus: prout etiam aliquando magis aut minus æstuat.

Varie huius æstus rationes & causæ à Philosophis excogitate sunt. Quæ ex Veteribus redolent. Apud Peripateticos verò & Recentiores, plures quoque sententiæ extant, Pandulphus Sfondratus in lib. de Causa æstus maris, nullam aliam huius rei rationem putat, nisi eundem illum cursum maris ab ortu in occasum, prouenientem ex actione Solis re-

Moue-
itur flu-
xu &
refluxu.

Varia-
rationes
fluxus
& refluxus maris referuntur.

soluentis aquas : eodem enim cursu, ob varium terrarum situm, contendit fieri æstus. Aliqui causam æstus faciunt, copiam terrestrium halituum qui è fundo maris excitetur, & dum sursum conantur, extollant simul aquas, ijsquæ iâ egressis rursus aquæ subsideant : & sic vicissim statim horis tales halitus vi præsertim Solis è terra colligi & educi : sicut in homine febris æstuate, certis horis colliguntur & excitantur humores noxij, ac subinde consumuntur & effluunt. Addit Franciscus Piccolomineus lib. Meteor. cap. 20., motum horum spirituum sequi motum diurnum cæli. Aliqui volunt, aquas maris fluere & refluxere ob inæqualitatē terræ, in qua iacent, & litorum ad quæ appellant : ideo nempe fluere prius ex vno litore ad aliud aduersum, sed maiori impetu & copia quàm altitudo alterius litoris pariat, & sic cogi inde resiliire ac refluxere, & ita semper ex vno ad aliud litus inclinari : sicut si quis lancem in alto suspensam ex vna parte deprimat, ac statim relinquat; videbit deinceps illam in ambas partes fluctuare et agitari. Imò & in vase aqua pleno, si quis semel illud in vnum latus inclinet ac statim relinquat, videbit aquam in opposita latera per plures vices fluere & refluxere.

Communior demum sententia, causam marini æstus celestem facit. Et maior quidem Philosophorum pars, Lunam determinat, addito tamè aliquo respectu eius ad Solem à quo lumen recipit. Ita Arist. aliusuè Auctor. in lib. de Elem. propriet. Cicero lib. 2. de Nat. Deor. Plin. lib. 2. c. 97. Ptolem. lib. 2. cap. 12. Auerr. Alber. & alij 2. Meteor. Conimb. tract. 8. cap. 6. Franciscus Vicius in Meteor. cap. 6. Ieronymus Borrus tract. de Fluxu & refluxu maris, Scalig. Exercit. 51. & alij passim. Idem supponunt Basilius et Ambrosius in Exameron,

alijquæ nostri Theologi. Quiquæ rem magis explicant, ita dicunt; Luna surgente ab Orizonte, mare eleuari, & sic vsque dum Luna ad medium Cæli perueniat; deinde Luna declinante ad occasum, mare deprimi; rursus Luna tendente ab occasu ad medium alterius cælestis Emispherij, mare recrefcere; à medio demum cæli ad ortum mare decrefcere. Et ideo singulis diebus vna ferè hora tardiùs incipere æstus maris, quia Luna motu suo naturali ab occasu in ortum, per horam ferè retardatur. Verùm alij potiùs Soli maris æstus adscribunt : & ita de Arist. & Heraclito refert Plutarchus lib. 3. de Placitis cap. 17. Et sub dubio cecinit Lucanus dicens : *An sydere meta secundo, Thetios unda vaga lunaribus astuet horis, flammiger an Tysan ut alentes hauriat undas, erigat Oceanum, fluctusquæ ad sydera tollat; querite quos agitas mundi labor.* Aliqui autem volunt, tam Solem, quàm Lunam, equaliter hunc effectum præstare. Ita docet Ioannes Tadmierius Opusc. de Fluxu & refluxu maris, ex sententia Federici Delphini : dicens, tam Sole quàm Luna attingente quatuor illa puncta cæli dicta, commoueri mare. Alter Paulus Galluccius in Theatro mundi cap. 12., ex sententia Federici Chrylogoni, considerat duo orbis puncta, vnum sub Luna, alterum huic diametraliter oppositum : & in his punctis ait mare semper eleuari, in punctis verò medijs deprimi. Similiter hæc puncta considerat respectu Solis, & in punctis directis ait mare attolli, in punctis medijs declinare. Quocirca omnes hi qui Solem simul cum Luna pro hoc effectum coniungunt, inferunt, quando Sol & Luna incidunt in coniunctione vel oppositione, tunc maximum fieri æstus : quando verò in quadraturis medijs, tunc nullum fieri æstus,

æstum, quia ubi virtute vnius mare deberet surgere, virtute alterius reprimitur.

*Fluxus
& re-
fluxus
maris
non est
purus
motus
localis.*

Pro resolutione statuendum videtur, maris æstum, non esse purum aquæ motum de loco ad locum, sed potius esse incrementum quoddam & decrementum aquarum, vnde proueniat ipse motus: rursus nullam aliam causam sufficienter assignari posse huius æstus in mari nisi causam celestem. Nam nec per solum motum, nec ex parte ipsius aquæ cum alijs omnibus causis inferioribus, potest saluari talis effectus. Motus aquæ ab ortu in occasum, ad summum potest inferre varios quosdam gyros & circuitus iuxta litora terræ, non autem illam fixam ac regulatam pro certis horis excrecentiam & reductionem aquarum in mari. Terrestris halitus per aquam egredientes, ad summum possent inferre agitationem quandam & velut ebullitionem; sicut contingit quando aer prius sub aqua inuentus, postea foras euolat: non autem possent per tot horas facere tantam aquarum redundantiam. Neque præsertim possent seruare certam regulam temporis pro fluxu & refluxu maris: nam statim atque ipsi halitus formarentur, ex aquis erumperent; nec expectarent tot horas ut in tanta copia colligerentur, & postea per tot alias horas egrederentur. Inæqualitas terrarum & litorum, solum facere potest, ut aqua magis vel minus alta & profunda sit in vno quam alio loco, ut sanè de facto videmus, quia sic tota aqua æquilibratur circa centrum: at non potest efficere perpetuam illam agitationem & inclinationem ac declinationem. Aut etiam si ab initio ob aliquam causam sic agita-

ri cœpisset, breui tandem tanta impetus languescere debuisset, & sic aqua à tali motu cessare, sicut in exemplis illis allatis manifeste contingit. Et præsertim, non ita mare fluit & refluit, ut ab vno ad aliud intus inclinatur: quinimò simul ad ambo opposita litora mare fluit & redundat, ac deinde refluit ac recedit. In mari verbi gratia Adriatico simul aqua excreseit ad litus Italiæ ac Dalmatiæ, et simul ab utroque decreseit: non verò ex vno declinans inclinat ad aliud.

Rursus, neque à causis celestibus fieri videtur æstus maris per purum localem aquarum motum. Tum quia, quando mare intumescit, augetur per totum, nempe tam ad omnia litora, ut dictum est, quam in medio inter litora: sed non utique tota simul aqua sursum surgit à fundo, relinquens intra se spatium. Tum etiam, si aqua per motum eleuaretur in vno loco ex alio, sic pro toto illo tempore non æquilibrata iaceret, sed ex vna parte surgeret in altiorum cumulum, in alia deprimeretur in profundum: quod sanè non est verisimile. Tum demum, non satisfacit quod asserunt Conimb. cap. 6. Lunam ad instar magnetis, attrahere ad litora aquas, et postea relinquere ut sua grauitate redeant in decliue. Sic enim indicant, aquas ex medio mari attolli ad litora, ita ut per se velut concham in medio causam efficiant. Quod sanè credi non potest. Deberet quæ potius Luna, si hoc modo traheret aquas, eas semper sub se eleuare; et sicut ipsa gyrat, pari circuitu eas attollere: at non hoc experientia monstrat.

Concludendum ergo erit, aquas per totum mare in quo fit æstus, crescere ac decrecere, & sic fluere & refruere. Crescendo autem redun-

*Est quod
dam in-
cremen-
tum &*

M m

dant

decrementum aquæ. dant ad litora, decrescendo recedunt: quoniam cùm in medio mari sit valde profundior aqua, maior inde copia crescentis aquæ ad litora funditur, quæ postea decrescendo litora deserit. Itaque ex hoc incremento & decremento prouenit ille motus qui in maris æstu percipitur. Crescunt verò aquæ & decrescunt, non utique per additionem vel subtractionem aquarum, sed per rarefactionem & condensationem. Sic rectè affirmavit Cardinalis Contarenus lib. 2. de Elementis. Itaque certis horis rarescit aqua maris, & ita crescit ac redundat: alijs certis horis iterum addensatur, & sic decrescit atque contrahitur: & hoc pacto mare per vices æstuat, fluit ac refluit. Idquæ probat Contaren. sensu suo, quia mare simul ad omnia latera & litora exundat, quòd planè est crescere. Addit etiam, hanc mutationem in mari, priùs in fundo incipere. Pro qua re affert, quod inter angustas fauces Veneti portus, aqua post sex horas sui fluxus, adhuc versus litora decurrere cernitur, tamen iuxta turrium muros incipit demitti, adeo ut per semipidem ferè decreseat antequam incipiat refluerè.

Habet causam causam causam celestem, præterea rino Lunam. Causa autem huius mutationis in mari, non potest esse alia quàm cælestis. Nam nec ab intrinseco, nec ab alia extrinseca inferiori causa, potest maris aqua talem varietatem accipere. Inter cælestia verò sytæra, præcipuè sanè Luna talem effectum videtur asferre. Constat enim, Lunam maximè humoribus, ac specialiter ipsi mari, dominari. Constat, in marinis ostreis & conchilijs, pro mutatione menstrua ipsius Lunæ; modò humorem crescere & abundare, modò minui & exicari. Sic ergo cogitandum est, Lunam pro lingulis quoque diebus hanc vim

habere, ut certis horis maris aquas dicto modo augeat, alijs minuat, vel minui sinat. Inde rursus, ob diuersum regionum situm, Luna habet maiorem vim in vno quàm alio mari. Attamen, in quocumque mari aqua crescat, quia quærit tota esse in æquilibrio, fluit quidem ad alia maria: sed quia hic motus sit successiue in tempore, interim adinueniunt aliæ horæ quibus aqua decrescit, & sic non aqualiter in omni mari contingit æstus. Præterea, vel aqua pro æquali spatio rarescit & addensatur, & sic totidem horis fluit ac refluit: vel citius & velocius rarescit quàm addensatur, aut è contra; & sic pluribus horis fluit quàm refluit, aut è contra. At satis definiri non potest, in quo cæli situ Luna incipiat aquas eleuare, & in quo aspectu id per singulos dies efficiat. Sed ut primum incipit eleuare dum surgit ab horizonte, & dum occidit in horizonte: at dum est in punctis medijs incipit aqua decrescere. Contaren. verò, Borrus, & alij plures, supponunt Lunam rarefacere & eleuare aquas mediante calore. Vnde refert Contarenus, quosdam dixisse, Lunam declinantem in occatu sub Orizontem, illuminare partem oppositam sui cæli; & inde per reflexionem deduci calorem ad aquas. Ipse verò hoc benè retellit. Vicius ait, tunc renouari & augeri calorem Lunæ per Antiperistatim à frigore priùs contracto. Sed neque hoc sustineri potest. Alijsquæ rationibus & experientijs suaderi potest, non per calorem rarefieri aquas à Luna. Concludendum potius est, id fieri virtute quadam occulta, & influxu peculiari, quo Luna talem inducat effectum.

Sed denique, præter Lunam, alia quoque astra cælestia ad hunc effectum videntur ex parte concurrere,

& præsertim Sol, tum ratione aspectus cum Luna, tum etiam per se, & fortasse aliqua alia quoque sydera, vel fixa, vel errantia. Vnde pro varia coniunctione astrorum, interdum variari contingit regulam consuetam & mensuram temporis in æstu maris. Iuxta hoc ait Contarenius: *Bis singulis mensibus exploratum Venetis omnibus est, vel nullos fieri æstus, vel incertos quosdam: scilicet in quadraturis medijs inter Solem & Lunam.* Aliæquæ plures huiusmodi varietates in hac re obseruari contingit. Neque mirum est, si hæc tota res magis exactè determinari non possit: quandoquidem & in alijs syderum operibus, nobis non datur assequi, quæ prorsus sydera, quouè aspectu & influxu, tot alia opera perficiant. Imò hæc res de æstu maris, vna ex magnis obscuris & occultis naturæ operationibus reputatur.

Vnde Scalliger
Exercit. 52. post multa concludit: *Quis non dicat, in hac materia Philosophiam ipsam balbutire?*



SECTIO OCTAVA.

De his quæ circa Aquam in Fontibus & Fluminibus contingunt.

Resert Arist. 1. Meteor. sum. 4. cap. 1. Veterum sententiam de fontium & fluminum origine, nempe ex aquis pluuiatilibus in terram insulis, fontes scaturire, flumina duci, absque eo quod nouæ aquæ intra terram gignantur. Suadebant experientia quadam, & hinc rationem reddebant exiccationis aut imminutionis fluuiorum & fontium. Quod totum his clavis verbis Arist. enarrat: *Eleuatam à Sole aquam, iterum pluantem, congregatam sub terra fluere ut ex alio magna; & non fieri aquam ullam, sed collectam ex hieme in talia receptacula, hanc fieri multitudinem fluuiorum: quapropter & maiores semper hieme fluere quam æstate: & hos quidem esse semper fluentes, hos autem non semper fluentes: quorum enim propter magnitudinem alui multa collecta est aqua ut sufficiat & non prius consumatur quam superueniat imber in hieme iterum, hos quidem semper fluentes esse sine fine: quibusdam autem minora receptacula sunt, hi propter paucitatem aqua exiccantur antequam superueniat aqua de calo euacuato vase.*

Ipse Arist. docet potius, aquam intra terræ sinus assidue de nouo gigni ex aere & vaporibus, & inde in fontes ac flumina abundare. Suadet. Tum refellendo superiorem dicendi modum: quia si attendamus ad tantam aquæ copiam, quæ toto anni cursu per magna flumina

Sententia deducens fontes ac flumina ex pluuijs.

Sententia deducens ex aere.

voluitur, nullatenus inuenietur ad modicam eius partem sufficere tota pluuia quæ in eam terræ prouinciam decidit. Tum exemplo & experientia confirmando suum dicendi modum: quia sicut supra terram & in aere, ex aere & vaporibus nouæ subinde gignuntur aquæ, ita facile est & intra terram fieri: ita ut incipiant fieri parua stillæ & guttæ, quæ in maiori copia collectæ & congregatæ, fluant in fontem. Et sic inquit, *Qui aqueductus faciunt, è cuniculis & fossis; aquam ducunt, quasi utique sudante terra ab excelsis. Quapropter & fluxiones fluuiorum ex montibus videntur fluentes, & plurimi & maximi fluuij fluunt ex maximis montibus: & fontes plurimi montibus & locis altis vicini sunt.* Eandem sententiam de ortu fluuiorum & fontium, sequuntur atque defendunt, Alexander, Auerroës, Olympiodorus, Victorius, & alij Peripatetici frequenter.

*Scilicet
deducēs
ex mari
vi.*

Plerique Ecclesiæ Patres, volunt potius, fontes & flumina ex mari subtus terram enasci, & supra terram erumpere: ducti præcipuè Diuino Script. testimonio, Ecclesiastes 1. *Omnia flumina in-
irant in mare; & mare non re-
dundat; ad locum unde exeunt
flumina reuertuntur ut iterum
fluant.* Si enim redeunt ad lo-
cum unde fluunt, cum tendant
ad mare, exierant ex mari. Sic
affirmant Hieronymus & alij super eundem locum, Isidorus lib. 3. Etymolog. cap. 20. Basiliius non il. 4. Examer. Damascenus l. b. 2. Fidei cap. 9. Hugo de Sancto Victore, & plures alij Expositores sacri super Genet. 2. cunct. fontem & flumina Paradisi. Item

D. Thomas in 2. dist. 14. quæst. 1. art. 5. ad 4. & plures alij Theologi. Ex Philosophis etiam Plinius lib. 2. Naturalis historię cap. 65. Albertus 2. Meteor. tract. 2. cap. 11. Conimbricenses tract. 9. Scaliger exercit. 46. contra Cardanum, ubi ad septem eius argumenta respondet. Probant etiam hunc dicendi modum. Tum retellendo superiorem: quia non est verisimile, tantam aeris copiam perpetuò intra terram in aquam verti, ut ad tam copiosos fontes & ingentia flumina sufficiat. Tum ponit ab effectu: quia hac ratione mare tot flumina in se excipiens nunquam per hoc excresecit, quia scilicet ex eodem ipso mari egrediuntur; & dum ex vno capite defluunt, per aliam viam refluunt.

Sed tandem aduersus hunc etiam modum suæ difficultates urgent. Tum quia fontium & fluuiorum aqua dulcis est & potabilis, cum aqua maris sit adeo salta. Tum præcipuè, quia mare non est altius terra, sed potius aliquanto depressius, quod vel inde constat, quia fluuiorum aquæ suo pondere ad mare nituntur; igitur fieri non potest, ut ex ipso mari aquæ super terram in fontes erumpant, quia sic contra naturalem suam inclinationem ascenderent.

Pro resolutione dicendum est, *Resolu-
tio om-
nes hos
modos
ample-
ctens.*
omnibus tribus relatis modis pos-
se fontes, & fluuios exoriri, ac
de facto alios vno, alios alio
modo gigni, posse etiam ac lo-
lere pluribus modis simul eundem
fontem & fluuium nasci & aquis
perpetuis abundare, præcipuè ta-
men videri maiores præsertim fon-
tes & fluuios immediatè ex mari
originem trahere. Suadetur as-
ser-

tertio per omnes partes.

*Possunt
ex plu-
uijs sca-
turire
aqua.*

In primis, facile contingere potest, ut per pluias, magna aquæ copia sese intra terram intinuet, & cauernis etiam quibusdam excipiat, unde postea effluat, & sic in fontem & flumen abeat. Atque de facto constat, interdum deficientibus diu pluuijs, exiccare quædam flumina, & arefcere fontes. Insuper communissimum est, per pluuiarum copiam omnia flumina abundare magis, non solum inquam tunc cum ætæ pluit, sed etiam ad multos con se puentes dies: unde hiæme quidem vberiores aquas fontes & flumina fundunt, æstate autem notabiliter imminuuntur: multum igitur conferunt aquæ pluuiæ ad accessionem fontium & fluminum. Fatetur hoc ipse Aristoteles qui rationem reddit, cur potius ex montibus scaturiant fontes: *Suscipiunt enim descendens aqua magnam multitudinem, & ascendentem vaporem infrigidant & condensant iterum in aquam.* Imò & notabile illud incrementum Nili, quod singulis annis in Aegypto contingit, pluuijs & liquefactis niuibz attribuitur: & idcò dicitur æstiuo contingere tempore, quia descendit è locis in quibus tunc hiæms potius viget, & pluuijs niuibzque abundat.

*Possunt
ex aere
generari.*

Rursus, difficile non est, quinimò putandum est, ita in plerisque locis contingere, ut ex parte aer intra terram reclusus, iuncto frigore cum humiditate, concrescat in aquam, operantibus quoque ad hunc effectum iisdem aquis per terram insulis. Facile quoque plurimi aquei vapores intra terram vagantur, actione Solis, & ignium quoque subterraneorum resoluti, qui rursus locis

apertis coguntur in aquam: igitur per continuationem huiusmodi conuersionis, aeris & vaporum in aquam, naturale est, quosdam fontes effluere, & decurrere flumina.

Sed tandem, ambo hi modi non videntur sufficere ad tot ingentia flumina, quæ per terram abundant: et sanè multò copiosius potest aqua ex ipso mari subduci, & perpetuò abundare, ut ex certis quibusdam terre locis erumpat in magna flumina. Opimè etiam fieri potest, ut aqua in mari salia, per meatus subterraneos excolata depuretur à sale, dulcisque scaturiat, sicut dulcescit per parietes vasis ceræ se insinuans, & sic pariter si vas terreum undique occlusum per mare trahatur. Pluribus etià modis fieri potest, ut quamuis mare sit aliquantò inferius extrema superficie terræ, in altum tamen rapiatur, & foras pellatur aqua, unde tandem suo pondere reuoluatur ad mare. Tum nempe, ut commotione ipsa & agitatione maris urgeatur aqua intra cauas terræ venas, & perpetuò maris impulsu promoueat, ac etiam ad superiora conscendat, indeque sibi exitum paret. Tum, ut suamet virtute ipsa aqua sese per loca quædam intinuet, pro certa dispositione partium terræ, ob naturalem aliquam sympatiam, qualis in alijs plerisque rebus naturalibus inuenitur. Tum, ut ipsa terra attrahat ad se aquam, & tanquam spongia fugat, ac per fontes postea reddat: sicut videmus ea quæ arida sunt, solere sugere aquam, ac deinde refundere; adeo ut pānus ex vno capite immisus in aquam, ex alio pendens extra vas, totam ferè aquam educat. Tum demum præcipuè, ut syderum virtute pro varijs terræ locis, aqua per terræ venas assidue trahatur in altum, unde postea sua vi erumpat per fontes, ac deuoluatur

*Possunt
ex mari
prodire.*

per flumina : hæc enim, simul cum tot alijs virtutibus, convenienter à mundi opifice dicetur syderibus attributa, ob terreni orbis commoditatem & vsum.


*Expli-
catur lo-
cus Ec-
clesia-
stæ pro
fluminū
oriū.*

Porro. Pro hac fluminum origine ex mari, facit quidem ille Scripturæ locus Ecclesiastes 1. Non tamen prorsus conuincit. Habet enim alias expositiones. Vel per flumina ibi intelligendo torrentes, qui ad tempus ex pluuijs colliguntur ac in mare defluunt: imò in textu Hebræo & Græco nominantur ibi torrentes. Et dicuntur ex mari prodire, quatenus ex mari eleuantur vapores & nubes, vnde oriuntur pluuiæ. Vel intelligendo, quòd flumina quidem tendunt ad mare, non tamen oriantur ex mari. In textu enim Hebræo pro eo quod nos legimus, *Ad locum vnde exeunt flumina reuertuntur ut iterum fluant*, potest sic legi, *Ad locum quo pergunt flumina reuertuntur ut fluant*: & sensus esse potest, flumina assidue voluuntur ad locum quo pergunt; idest ad mare, ad hoc vt semper fluant, quia nisi deponerent aquas in mare, listerent in suo cursu. Et sic dicuntur reuerti, in quantum mare est locus debitus & attributus aquis, licet illæ singulares fluminum aquæ nunquam fuissent in mari: sicut dicitur spiritus hominis reuerti ad cælum non quòd realiter fuerit prius in cælo, sed quia cælum est habitatio illi destinata. Vel totum locum metaphoricè intelligendo, vt assertit Hieronymus ibi dicens: *Melius Hebræi sub torrentium & maris nomine per metaphoram de hominibus significari arbitrantur, quod in terram de qua sumpti sunt redeant; & torrentes vocentur, non flumina, eo quòd citò intereant, nec tamen impleatur terra multitudine mortuorum.* Vel deum, quamuis sensus sit, quòd ve-

rè flumina oriantur ex mari, non propterea id oportet intelligi proximè et immediatè de omnibus fluminibus, quominus quædam flumina possint alium ortum habere vt dicebamus. Imò in ipso textu dicitur quidem, omnia flumina intrant in mare: sed non repetitur, ad locum vnde exeunt omnia flumina, sed indefinitè dicitur flumina.

Cæterum. Aquæ per terram scaturientes atque manâtes, quibusdam in locis inueniuntur imbutæ varijs qualitibus & virtutibus, præter simplicem aquarum naturam: vt alicubi scaturiunt aquæ calidæ, aquæ varios odores aut sapes habentes, aquæ medicinales & ad morbos quosdam curandos idoneæ, aquæ quædam noxiæ: & aliæ quædam mirabiles proprietates de quibusdam fontibus referuntur. Pleraque de hoc genere commemorant Conimb. tract. 9. Has autem qualitates & affectiones accipiunt aquæ vel ex terræ locis per quæ transeunt, vel ex certis syderum

influxibus in certas orbis plagas directis. Vel interdum, quædam fabulosa potius aut imaginaria quam vera narrantur.



SECTIO NONA.

*De his quæ circa Terram con-
tingunt.*

Considerare in primis dignum est, Montes qui super planam terræ faciem in altum surgunt, & non solum iucunditate delectant, sed & commoditate iuuant: eorum-que originem & altitudinem inquiramus. Circa montium originem varia extant Auctorum placita. Cardinalis Contarenus lib. 2. de elementis, indicat, montes naturaliter fuisse formatos, vi syderum & caloris in altum sublata terra. Georgius Agricola lib. 3. de Ortu subterraneorum, ait vi aquarum & ventorum formatos esse montes. Aliqui significant, montes in vniuersali diluuiio aquarum impetu surrexisse. Valerius Faenius in Dialogo de Origine Montium, cum distinctione affirmat, aliquos montes fuisse factos iussu Dei, aliquos terræmotibus, aliquos diluuijs, aliquos ventorum impetu, aliquos syderum virtute præsertim Solis, aliquos hominum manibus, vt Romæ testaceum. Aliqui demum volunt, montes in prima foundatione terræ à Deo fuisse formatos, creando nempe terram varijs in partibus montibus coronatam.

*Motum
origo.*

Dicendum tamen est, montes circa mundi exordium fuisse à Deo ipso formatos tertia illa die quando segregauit aquas in locum vnum. Hæc est communior sententia Doctorum loquentium de segregatio-
ne illa aquarum. Et suadetur: quia omnis sanè naturalis causa valde de-

bilis est; cui montium natalia tribuantur; vt per se satis manifestè apparet. Ad summum potuit naturali aliqua rerum agitatione contingere, vt modicus collis aliquis formaretur: & si quando hoc rarissimè factum sit, historiarum narrationem & hominum notitiam non præterijt. Extat in Puteolano sinu collis quidam, qui die quadam eo in loco apparuisse dicitur, congestis ventorum impulsu in eum locum cineribus, propinqui campi incendio eructatus. Narratur etiam quondam, Exercitum Cambylis Persarum Regis, missum contra Amorem, arena ventis delata & in cumulum agesta, sepultum fuisse. Mons testaceus est paruus collis, qui si vasorum testis in eum locum coniectus compactus fuit, id iam memoræ proditum est. At de solidis & magnis montibus, qui tam frequentes per omnem terræ circuitum assurgunt, nihil tale narratur: & prorsus credi aut cogitari non potest, illos fuisse vllius naturalis causæ virtute ex terræ plano sublatos. Et Scaliger exerc. 43. ait, delirasse eos, qui montes diluuiio factos dixerunt. Sed nec necesse erat quod ipse affirmat, montes fuisse factos iuxta dispositionem calorum. Ex sacris insuper litteris, satis apertè docemur, montes circa ipsum mundi exordium extitisse. Ideo enim Psal. 89. dictum est, *Prinſquàm montes fierent aut formaretur terra & orbis, à ſeculo & vſque in ſæculum tuus Deus.* Et Prouerb. 8. *Nec dum montes graui mole conſtiterant, ante omnes colles ego parturiebar.* In quibus locis planè ſupponitur, montes in ipſa prima ordinatione rerum, ſimul cum omnibus mundi partibus, ab initio extiſſe. Item Genef. 8. vbi dicitur arca poſt diluuium conſtiſſe ſuper montes Armeniæ,
pla-

planè supponitur, prius fuisse iam ipsos montes, & varios montes in varijs terræ Prouincijs.

Ex ijs autem quæ diximus quæst. 36. circa horum elementorum structuram habetur, montes fuisse potius à Deo formatos tertia illa die, quando segregauit aquas in locum vnum, & non statim in ipsa prima creatione terræ. Nam, in primo illo initio, Deus constituit elementa secundum naturalem eorum statum ac situm: aquas nempe æqualiter circa totam terram: & sic etiam putandum est, constituisse terram, æqualiter in toto suo circuitu rotundam. Ad segregandas verò aquas in vnum separatum locum, excavauit ex quodam latere terram, vt in talem cavitatem immitteret aquam, & sic terram ex alio latere extulit in montes: tunc ergo Deus montes formauit.

Montium altitudo.

Circa montium altitudinem, sunt qui valde magnam altitudinem quibusdam montibus attribuunt: nempe vsque ad quinquaginta & sexaginta miliaria. Scalig. Exercit. 43. & Conimbr. 2. cæli cap. 9. quæst. 3. referunt & admittunt montem Venarissimæ sexaginta miliarijs extolli. Plures sunt, qui indefinitè asserunt, montes quosdam ita esse altos, vt totam mediam aeris regionem excedant. Et hæc est sententia satis communis. Ducti autem sunt ad eantam altitudinem montibus tribuendam, eo quòd historijs proditum est, montes quosdam adeo altos inueniri, vt super illos nec pluuia decidant, nec nubes subuolent, nec venti perflent, nec aues volitent, nec homines aerem aptum ad respirationem inueniant ob nimiam eius subtilitatem, ideoq; debere spongas aqua perfusas secum deferre, quibus ori appositis aer aliquantò crassior efficiatur, ac ita respirationi inter-

uiat. Testantur hæc specialiter de monte Olimpo in Macedonia, Solinus cap. 13., Lucanus lib. 2., Claudianus in Consulatu Manlij Theodori, D. August. lib. 1. de Genes. cont. Manich., & alij frequenter. Pro cuius rei fide narratur, olim consueuisse eius regionis Populos quotannis in apice eius montis sacrificia quædam peragere, & anno sequenti inuenire solitos cineres ex anno præcedenti relictos, ita prorsus immotos, vt etiam litteras digito in illis cineribus exaratas, integras & intactas repererint. Hinc verò, vt certa mensura hanc altitudinem definirent, Albertus lib. 1. Meteor. vult, nubes vsque ad altitudinem quindecim miliariorum in altum subuehi, & sic mediam regionem ad totum id spatium supra terræ planitiem extendi, atque adeo inueniri montes hac altitudine superiores. Possidonius apud Plin. lib. 2. cap. 23. dixit, nubes extolli quadraginta stadijs, idest quinque miliarijs. Aliqui verò è contra, supponentes, nullos montes altitudinem duorum miliariorum attingere; infra hoc spatium mediam regionem aeris terminarunt.

Pro resolutione, constat quidem, montes nobis notos, etiam inquam Alpes & Pyræos in Europa, & vt plurimum alios montes, non ultra altitudinem vnus miliarij in directum extolli. Dico in directum, concipiendo videlicet rectam & perpendiculararem lineam ab apice montis ad terræ planitiem. Ita sanè, satis compertum & exploratum est. Hinc verisimile fit, non inueniri alios montes tam ingentes, vt hanc altitudinem valde superent. Quinimò litteris etiam consignatum est, altiores quosque montes non multum supra spatium vnus miliarij extolli. Sic testatur Plutarchus in vita Pauli

Emi.

Emilij: *Nec mentis altitudinem ferunt Geomētra, nec profunditatem maris decem stadia excedere.* Et in specie refert, Zenagoram menturasse perpendiculo Olympum, & reperisse quatuor pedibus infra decem stadia: octo autem stadia unum milliare conficiunt: stadium enim constat centum viginti quinque passibus.

Attingi-
tur alti-
tudo me-
dia ae-
rea re-
gionis.

Iam, hac montium altitudine cōstituta, si definiendum sit, an altiores montes mediam aeris regionem excedant, id potius est querere, an hac media regio, dicta decem stadia attingat vel excedat, an pluviae nubes & venti tantam in aere altitudinem sortiantur. Et satis quidē constare potest, regulariter potius infra hoc spatium contineri. Nam videmus, nubes sapē transcurrere, infra apicem montium nobis familiarium, & inde etiam aquas fundere. An verò altius supra omnes montes etiam subuehantur: negandum id erit, si vera sunt illa quae de monte Olympo narrantur. At Franciscus Philelphus, fide dignus Auctor, in quadam Epistola, & ut refert Iacobus Mazzonius lib. italicè inscripto, *Difesa della Comedia del Dante*, lib. 3. cap. 12. testatus est, seipsum in montis Olympi apicem ascendisse, ibiq. ventos & pluvias & aves volantes reperisse. Unde, si hoc testimonium recipiatur, suspecta redditur vetus illa narratio de immunitate montis Olympi. Aut fortasse, Daemonum opera, cineres illi, ex vno in alium annum, servabatur intacti; ex quo orta sit illa existimatio. Quamquam verò media aeris regio, & illa nubes omnium montium altitudinem transcendere queant, à nobis definiri non potest. Sed ex ijs quae regulariter contingūt nobisq. nota sunt, putandum erit non multum posse transcendere.

Deinde considerare etiam dignū *Terre* est terrestres insulas, quae ex medij *stres in-* aquis surgunt, & non solum frequē- *sula* tes in mari, sed in lacubus quoque inveniuntur. Insulae autem vocantur, quae sunt portiones quaedam terrae, à magna terrae mole diuulsae: alioqui rectè in lib. de Mūdo ad Alexand. cap. 2. dictum est: *Universam ipsam terram, insulam esse unicam, Atlantici maris ambitu circumdatam.* Aliqui significant, totam terram non solum in prima creatione, sed etiā in segregatione aquarum à terra, imò & post Diluvium, fuisse continuum: temporis verò decursu, aquarum impetu, aut terræmotuum concussione, abscissas fuisse quasdam terrae partes, & in medio aquarum remanuisse à continenti diuulsas. Et ita praesertim narratur, Siciliam ab Italia, Cyprum à Syria, & alias plurimas insulas, fuisse diuulsas. Refert etiam Plinius lib. 2. cap. 87. *Clariam pridem Insulam, Delos, & Rhodus, memoriae produntur enatae:* & alias plures enumerat. Sicut è contra, de quibusdam insulis dicitur, fuisse de nouo toti terrae coniunctas. Sic idem Plinius cap. 89. *Rursum absculit insulas mari iunxisque terris, Antissam Lesbos, Zephyrium Halicarnassos, Actusam Myndos, & alias quas ibi recenset.* Suaderiq. potest, omnem insulam fuisse aliquando continenti coniunctam: quia alioqui non apparet, quomodo per aquam ad illas inhabitandas homines pertransierint, quomodo Bestiae illuc translatae sint, praesertim feroces & inuestres, quas non est verisimile fuisse ab hominibus exportatas.

Sed tamen licet benè potuerint aliquae insulae de nouo ex continente discindi, irrumperente nimirum aqua, & terram mediam dissipante: tamen putandum est, plurimas insulas fuisse à Deo ipso in prima illa aquarum segre-

segregatione fundatas, & in medio aquæ relictas. Nam de ijs insulis quæ de nouo fuerint à continenti diuulsæ, id memoriæ proditum fuit, & litteris consignatum. Et hoc ipsū est signum, quòd regulariter & cōmuniter aliæ insulæ fuerint inter aquas ab initio constitutæ. Neque difficile erat, homines ad illas inhabitandas pertransire, navigationis nempe artificio: licet nota non sit eorum historia qui primi ad varias insulas transfretarint. Aut fortasse, Angelorum opera, Deiquè iussu, homines fuerunt ad insulas deportati. Bestiæ autem, dicuntur à quibusdam potuisse omnes primò gigni ex elementari materia virtute celorum. Supponendum tamen est, animalia solum quædam imperfecta posse & solere hoc modo gigni, non autem animalia perfecta: censendum ergo potius est, vel eas fuisse ab hominibus deportatas; quod nec etiam de ferocioribus videbitur incredibile, si consideretur, has quoque capi & detineri, ac de facto ex vna in aliam Prouinciā solere deferri. Vel etiā Angelorum, aut malorum, aut bonorum opera, fuisse delatas.

*Quedā
insula
fluitan-
tes in
aqua.*

Mirabile magis est, quod de quibusdam insulis compertum est, eas in aquis medijs ad instar nauium fluitare. Obseruatur hoc in pluribus locis. *Quadam insula*, inquit Plinius lib. 2. cap. 95. *semper fluctuant: sicut in agro Cacubo, & Reatino, Mutinensi, Statonensi. In Vadi-
monis lacu, & ad Cutilias aquas, opaca sylua quæ nunquam die ac nocte eodem loco visitur. In Lydia quæ vocantur Calamona, non ventis solum, sed etiam contris, quò libeat impulso, multorum ciuium Mitridatico bello salus &c.* De quadam insula in lacu quodā Scotiæ sic inquit Abrahamus Ortelius: *Est insula quedam gregibus armentisq. pascendis uber.*

sed quæ natans fluctuansq. quò venti impellunt huc illuc feratur. Hac obseruatione supposita, certum quidē erit, tales insulas esse à fundo quoque diuulsas, dubium verò erit, quam ratione innatent aquæ, & non deorsum subsideant vbi quiescant. Sed poterit hoc tribui, vel ingentibus arborum radicibus per totam insulæ terram intextis, & sic eam in aqua suspendentibus. Vel conditioni talis terræ spongiosæ & porosæ, quæ propterea in aqua leuitet; sicut notauit Albertus Magnus lib. 1. de Mineralib. tract. 1. cap. 2. genus lapidum spongiosum vel adustum & porolum sicut pumex, natare super aquam. Vel demum tribuendum erit magnis cauernis aere op-
plectis, vnde aer pondus terræ sustentet, et totam insulam contineat super aquas. De aliqua demum insula memoratur, prius fluitantem, fuisse postea obfirmatam. Sic de insula Deli Poeta Aeneid. 3. *Sacra mari colitur medio gratissima tellus. Quampiūs Arcstenens oras & litora circum Errantem, Mycone celsa Giaroq. reuinxit; Immotamq. coli dedit & contemnere posuit.* Hoc autem faciliè fieri potuit, exeunte aere ex cauernis, & residente insula in fundo maris.

Postremò. Interdum accidit Terra-
ramotus, de quo latè Arist. lib. 2. Meteor. sum. 3. & relictis Antiquorum sententijs quas benè refellit, ipse docet, terræmotum fieri per impulsum spirituum siue exhalationū, dum quærentes egredi, terram concutiant & agitant, donec exitum sibi faciant. Hoc idem Peripatetici cōmuniter confirmant. Sed Annibal Romæus in Dialogo de Terræ motu, contendit, exhalationem non nisi accensam & ignitam efficere terræmotum, quia nempe per incensionem longè maiorem sibi locum poscit,

scit, unde impatiens angustæ carceris quo exhalatio contenta erat, terram magno motu quatit & rumpit. Et in hoc sensu interpretatur sententiam Anaxagoræ, quæ aliter ab Arist. recensetur. Facit pro hac re quod Arist. ipse refert, aliquando accidisse in Insula dicta Sacra, quæ ignem & cineres eructavit. *In hac, inquit, intumuit aliquid terræ, & ascendit veluti collis moles cum sono, tandem autem raptæ exiit spiritus multus, & favillam & cinerem elevari, & Liparæorum civitatem existentem non longè omnem incineravit, & ad quasdam in Italia civitatem venit, & nunc adhuc ubi exsuffavit manifestum est; etenim facti ignis in terra hanc putandum est esse causam.* Atamen aliqui contendentes, semper terræ motum fieri ex halitu incluso, & non ex igne accenso, dicunt, consequenter potius ex ipso terræmotu siue agitatione halituum intra terram, accendi ignem. Sic defendit Lucius Maggus lib. 1. de Terræmotu.

Sed dicendum est, Terræmotum posse & solere utroque modo fieri, nempe ex halitibus terram commoventibus, & ex igne intra terram accenso. Nam certè benè fieri potest, ut tanta halituum copia cōgregetur, quæ nō amplius patiatür angustum illud spatium, quo minor copia poterat contineri, & sic querens sibi locum & exitum terram quatit. Rursus; cū exploratum sit intra terram accendi et contineri ignes, benè utique fieri et intelligi potest, ut repente materia combustibilis accendatur, siue terrestres ipsi halitus inflammentur: et tunc, quia ignis longè maiorem locum sibi polcit, terram in qua includitur percutit, donec vel illam magna vi dirumpat, vel saltem subtiliores quasdam rimas aperiat per quas sibi exitum

moliatur. Sicut planè apud nos contingit, si quantitas aliqua pulveris sulphurei in loco aliquo recluso & subterraneo incendatur. Et ita iam sæpius compertum est, ex montibus eructantibus ignes, ingentes simul terræmotus & ignium eruptiones factas esse, præsertim ex Aetna in Sicilia, & Vesuvio in Campania. Horrendum quendam terræmotum factum in Sicilia anno Domini 1536. quando ex Aetna incendiorum flumina eruperunt, narrat Antonius Philotæus in Topographia Aetnæ, dicens: *Horrens adeo terræmotus ingensq. tonitru mortalium animos suo concussit spiritu, perinde ac univærsus jã terræ globus terra dehiscente corrueret, inq; sua rursus elementa rediret.*

Cæterum ad eundem terræmotū reducuntur aliæ terræ passiones per huiusmodi quassationem cōtingentes, quas ex parte recenset Plinius lib. 2. c. 80. *Variè quatitur, & mira eduntur opera, alibi prostratis mœnibus, alibi hiatu profundo haustis, alibi egestis molibus, alibi emissis omnibus nonnunquā etiam ignibus, calidisve fontibus, alibi adverso fluminum cursu.* Plura de speciebus, de locis, de duratione & tempore, de effectibus, de signis & præsignijs, de remedijs quoque terræmotus, attingit Aristoteles, & Auctor libri de Mundo ad Alexand. c. 4. & enarrant Annibal Romanus, & Lucius Maggus in suis libris de Terræmotu, Conimb. tract. 11. Meteor. & alij circa secundum librum.

De alijs quoque quæ intra terram gignuntur, præsertim de mineralibus, lapidibus, & metallis, præfatur Arist. lib. 3. Meteor. in fine, ac deinceps lib. 4. pertractat, & alij Peripatetici cum ipso. Verum hæc formaliter sunt de alio genere corporum nempe mixtorum, quæ condi-

*Mixta
quæ gi-
gnuntur
in terra.*

Stincta sunt ab elementis, sicut sunt etiam corpora animata quæ enascuntur & degunt in terra siue inter elementa. Non ergo inter elementorum accidentia confundenda sunt.

Sed iam per se & separatim de mixtis corporibus tum in genere, tum de inanimatis & animatis in specie, sequitur pertractandum.



Q V Æ S T I O

Q V A D R A G E S I M A T E R T I A

De Corporibus Mixtis.

Simul cum Elementis agit Aristoteles de mixtione aliorum corporū ex elementis 1. de Gener. à tex. 82. vsque ad finem eius libri, & lib. 2. à tex. 46. per quosdam sequentes. In 4. autem Meteor. libro, per se agit de ipsis mixtis, vt affirmant Themistius, Auerr., Albert., D. Thomas, Sueflan., & alij vt plurimum circa initium primi & quarti Meteor. Sed potius hoc loco simul per se ac principaliter agendum est de ipsis mixtis, & cum ijs de mixtione per quam gignuntur atque constituuntur: hac quidem questione de ijs in genere, ac deinceps de ijs distinctè secundum varias species.

SECTIO PRIMA.

Quid sit Mixtio, Mixtum, & Miscibilia.

Mixtio pluribus modis accipitur.

Mixtio pluribus modis intelligi & exerceri solet. Primò, si quædam minuta corpora, inter se iuxta ponantur & confundantur, ita vt adhuc inter se discerni possint. Hoc modo dicuntur misceri hordeū & triticum, vbi adhuc sensu singula grana discerni, & facilè separari possunt, vt notauit Arist. 1. de Gener. c. 85.

Secundò, si quædam corpora per minutas partes dissecta & coniecta, inter se confundantur & vniantur, ita vt amplius non discernantur partes varix. Sic miscentur inter se liquores, vnum vinum cum alio, vna aqua cum alia, vinum & aqua inter se & similia.

Tertiò, si præter hoc, addatur, vt ea quæ inter se confunduntur, mutua quadam alteratione inter se agant, & communicando inter se suas qualitates ad certam quandam tempe-

riem se reducant. Sic miscentur aqua frigida & calida, vnde efficitur tota aqua tepida.

Quartò, si vltra hoc, rursus addatur, vt permanentibus ijsdem corporibus quæ iunguntur secundum veram suam substantiam & substantiales formas, superueniat alia substantialis forma totius, quæ perficiat et cōstituatur nouum substantiale corpus, includens simul tam formas illas priores, quam aliam suam peculiarem formam.

Quintò, si substantialiter trāsmutentur illa quæ inter se iunguntur, et amittant suam priorem substantiam, suas scilicet substantiales formas, et in sua materia assumant solam nouam substantialem formam: de suo autem solū retineant suas accidentales qualitates: et sic in toto mixto sit vna sola noua substantialis forma, cum qualitatibus priorum corporum quæ inter se iuncta sunt.

Sextò, dicuntur etiam inter se misceri plures formæ quæ in eadem materia coniungantur. Quod quidem, si non in formis substantialibus contingit, contingit vique in formis accidentalibus, ac in ipsis

Na con-

contrarijs qualitatibus, dum secundum gradus remissos in eodem subiecto communicant. Plures adhuc modi mixtionis cogitari ac distinguere possent. Sed hi sufficiunt ad præsens propositum.

Mixtio Definitur mixtio ex Arist. 1. de ex Arist. Gener. tex. 90. *Miscibilium altera-
defini-
tur.* *torum unio.* Laborant Expolitores ad explicandam & verificandam hanc definitionem: præsertim ut illam faciant propriam & adæquatam illi mixtioni, & secundum eum modum, quo voluit mixta constare ex elementis. Vnde alij volunt, intelligi unionem per iuxtapositionem. Alij per productionem novæ formæ substantialis. Item alij volunt, intelligi miscibilia alterata per solam temperiem qualitatum, permanente eorum substantia secundum integras substantiales formas: Alij per mutationem quoque substantialem quam amittant proprias formas. Rursus alij volunt, definitionem intelligi de mixtione in facto esse & in statu permanenti. Alij potius in fieri, dum generatur mixtum.

Verum, si loquamur de sensu illorum verborum prout per se sonant, possunt quidem per varias additiones & explicationes varijs modis intelligi. Sed in rigore & absque alia additione, sufficienter intelliguntur de mixtione in tertio modo supra allato. Nec definitio spectabit tantum ad mixtionem, quæ fit ex elementis, sed magis amplum significatum habebit, quæcumque nempe sint miscibilia, & quodcumque mixtum. Si autem loquamur de mente Aristotelis: is non tam videtur eam attulisse ut completam definitionem, quam ut simplicem quandam propositionem. Quæ, in quantum spectat ad mixtionem ex elementis, debet veritari & intelligi eo pacto, quo de reliquo Aristote-

les voluisse videatur, mixtum constare ex elementis, ut postea examinabimus.

Qualiter verò mixtio absolute & complete debeat definiri: utique iuxta varios modos assignatos, varias definitiones accipiet: quæ & ex ipsis modis traditis colligendæ sunt. Ac tandem mixtio aliorum corporum ex elementis, definiri debet eo modo, quo ipsa exerceri dicitur: nec potest antea definiri, quàm eius ratio determinetur. Hoc autem deinceps exequendum est.

Ex ratione proposita mixtionis, constat pariter, mixtum absolute totidem modis accipi posse, & iuxta varias acceptiones definiri debere. Primo modo mixtum erit, quod ex varijs corpusculis discretis colligitur: & sic per singulos alios modos. Corpus autem ex elementis mixtum, ijs ipsis fere verbis absolute loquendo definiri debebit, nempe corpus constans ex elementis. Sed hoc intelligendum & verificandum erit eo pacto quo mixtum ex elementis constitui determinabitur. Præcipue autem duplex distingui solet mixtum: perfectum & imperfectum. Perfectum vocatur, quod verè substantialiter sit mixtum, & secundum substantiam suam differat ab elementis. Imperfectum dicitur, quod sit tantum accidentaliter alteratum: quando nempe idem ipsum elementum, absque mutatione suæ substantiæ, dimouetur à statu suæ debitiæ dispositionis: & præsertim, quando tantam mutationem subit, ut aliud quid appareat: ut dum aqua soluitur in vaporem, terra in exhalationem, retenta adhuc sua forma substantiali.

Demum, similiter miscibilia iuxta varias acceptiones dictas mixtionis, tot varijs modis accipi poterunt & explicari. Elementa verò quatenus miscibilia, absolute loquendo defini-

*Mixtum
ex mix-
tione co-
gnosci-
tur.*

*Misci-
bilia in
ordine
ad mix-
tionem.*

nien-

nientur, Corpora simplicia apta per sui coniunctionem constituere aliud corpus. Quod pariter intelligendum erit iuxta modum quo ad cōstituendum mixtum dicentur concurrere. Sed Aristoteles lib. 1. de Generat., respiciens ad mixtionem faciendam aliorum corporum ex elemētis, plurimas miscibilium condiciones assignat, quas recensere iuuabit.

Primò ait, miscibilia esse debere inter se actiua & passiuia, tex. 87. Propter quod materiam & formam, subiectum & accidens, non propriè inter se misceri. Secundò, debere esse faciliè diuisibilia in minutas partes text. 89. quia sic faciliùs possunt inter se agere & pati, & ad quandam communem temperiem omniumquè partium æqualitatem reduci, vt toti tandem materiæ forma mixti superuenire possit. Tertiò, miscibilia debere esse per se existentia ac separabilia, tex. 83. ideoque albedinem, verbi gratia, & scientiam non misceri alteri. Quartò, debere esse inter se contraria, tex. 89. ad hoc vt inter se agere & pati valeant; ac veluti refrangi in suis naturis proprijs, & inde resultet tertia natura mixti. Quintò debere inter se esse ita proportionata & attemperata, vt vnum non in totum præualeat alteri, tex. 88. & 89. Alioqui si vnum penitus in se absorbeat & conuertat aliud, hoc non esset duo quædam misceri, sed esset potiùs vnum quoddam excrefcere & augeri. Vnde ait: *Multa quidem paucis, & magna paruis composita, non faciunt mixtionem sed augmentationem dominantis: mutatur enim alterum in dominans. Ideo gutta vini decem millibus congijs aqua non miscetur; soluitur enim forma, & mutatur in vniuersam aquam.* Et tex. 83. dixerat, nutrimentum non misceri corpori nutrito, sed conueriti in illud. Sextò, miscibilia,

debere esse talia, vt simul per mutuat actionem & passionem conuertantur in aliud tertium, quod erit mixtum. Ita ait tex. 89. *Quando potentijs adequantur quodammodo, tunc mutatur quidem vtrumque in dominans ex sui ipsius natura, non generatur autem alterum, sed medium & commune: idest mutantur in quoddam tertium dominans ex sui natura tanquam virtualiter continens sua miscibilia.* Septimò amplius debere aliquo modo in mixto miscibilia remanere, & non ipsa mixtione totaliter interire. Hinc tex. 83. negat, ligna misceri cum igne, eo quòd nec secundum formam, nec secundum suas dispositiones, remanent sub igne, sequè habent potiùs tanquam terminus à quo, & non tanquam miscibilia. Octauò tandem, miscibilia ex alia parte non debent permanere integra & immutata, qualia erant extra mixtionem. Ita docet Arist. tex. 83. & probat Alexand. in lib. de Mixtione, contra Stoicos. Vnde Arist. tex. 84. concludit. *Miscibilia, neque permanent actu, vt corpus & album; neque corrumpuntur, neque ambo, neque alterum; saluatur enim virtus eorum.* Et rursum tex. 86. ait, in hoc differre mixtionem à compositione seu coaceruatione: quia, quæ coaceruantur, integra permanent; quæ miscentur, immutantur.

Cæterum, ex his iam examinandum & inquirendum erit, qualiter elemēta ad cōstituenda alia corpora sint ex elementis mixta.

SECTIO SECUNDA.

*Vtrum ad constituenda Mixta
debeant Elementa reali-
ter conuenire.*

*Senten-
tia affir-
mās, de-
bere om-
nia con-
uenire.* **P**RO fundamento totius mixtio-
nis supponi videtur, omnia qua-
tuor elementa debere realiter con-
uenire ad constituendum quodecum-
que ex alijs inferioribus corpori-
bus, quæ mixta nominamus. Idquæ
non solum in sententia eorum qui
volunt, elementa formaliter secun-
dum suam substantiam remanere in
mixto, sed etiam in sententia eorum
qui volunt manere solum virtualiter
secundum suas qualitates: nam ad-
huc interuenire debebant, saltem vt
tribuant & relinquunt suas virtutes
in mixto. Atque iuxta hoc ait Arist.
2. de Generat. 49. *Omnia mixta cor-
pora, ex omnibus composita sunt sim-
plicibus.* Et ratione probat: quia in
omnibus debet esse terra, cum om-
nia mixta sint circa locum terre: de-
bet esse aqua, vt det facilem termi-
nationem: debebunt deinde adesse
etiam aer & ignis, quæ sunt contra-
ria duobus prædictis. Idem incul-
cat magis tex. 50. sequenti: & pro-
bat, quia nullum mixtum nutritur ex
vno solo elemento, sed ex pluribus:
nam plantæ ipsæ quæ videntur nu-
trici aqua, verè nutriuntur ex terra
& aqua.

*Senten-
tia affir-
mans,
sufficere
aliqua,
vel alia
quod.*

Hieronymus Cardanus lib. 2. de
Subtilit. & Aresius 1. de Generat.
q. 50. asserunt, sufficere & requiri,
vt duo saltem elementa, nempe ter-
ra & aqua, ad constituendum mix-
tum realiter interueniant. Scotus in
2. d. 15. q. vnica, & Conimb. 1. de
Generat. cap. 10. q. 2. art. 2. conce-
dunt, mixtum aliquod interdum fie-
ri ex vno tantum elemento. Sed Fran-
ciscus Piccolomineus in lib. de Mix-

tione cap. 13. admittit quidem id fie-
ri posse: contendit autem, debere
in ipso vno elemento introduci for-
mas aliorum quoque elementorum
in gradibus remissis.

Dicendum tamen est, ad hoc vt *Conclu-
fiant & generentur illa corpora quæ sio negās*
sunt de genere mixtorum, in rigore *debere*
non oportere vt realiter secundum *elemēta*
substantiā suam elementa ipsa con- *realiter*
ueniāt, nec omnia inquam quatuor, *conueni-*
nec plura ex ipsis quatuor, nec etiam *re-*
eorum vnum: sed optimè posse &
solere inter ipsa corpora quæ dicun-
tur mixta, vnum ex alio generari,
nullo interueniente realiter elemēto. *Non o-*

Pro hac assertionē probatur pri- *oportet,*
mò, non oportere omnia quatuor *omnia*
elemēta interuenire: præsertim quia *quatuor*
difficile est semper adesse ignem: & *conueni-*
satis manifestum est, generari pati-
sim solere varia mixta, nullo inter-
ueniente igne. Mirabile autem est,
quod aliqui indicant, ex magno illo
elemento ignis sub orbe Lunæ, per
motum eiusdem cæli, deorsum pelli
vsque ad terram, plurimas ignis par-
ticulas, pro mixtorum generatione.
Non credo quemquam id sibi vel
alijs persuadere potuisse. Vanum
etiam est, quod alij cogitarunt, plu-
rimas exhalationes ignitas apud nos
per aerem, & circa terram, ac in ipsa
quoque terra vagari, & has mixto-
rum generationi inferuire. Satis
enim constat, statim atque flamma
apud nos gignitur, sursum euolare.
Nec vnquam obtinebunt, quando-
cumque & vbicumque mixtum ali-
quod ex elementis alijs appareat ge-
nerari; ibi præsto semper adesse
ignem, ne hoc elementum desit, vt
semper adsint omnia quatuor ele-
menta.

Secundò vterius. Etiam si opor- *Non o-*
teret mixtum ex concursu plurium *portet,*
elementorum gigni, adhuc non re- *quia.*
quirentur tria elementa, sed satis
esse possent duo. Nam quod attinet
ad

ad primas quatuor qualitates , quæ debent contemperari in mixtis , si concurrant inter se duo elementa extrema & in ambabus qualitatibus aduersa , v. g. ignis & aqua , aer & terra , per mutuam eorum actionem refrangerentur omnes quatuor qualitates , quo ad certam temperiem reduci possent . Quod verò attinet ad soliditatem & aptam terminationem mixtorum , satis essent terra & aqua ; quin : mō ignis & aer apta non sunt ad talem effectum . Neque ex eo quòd ignis & aer sint contraria aquæ & terræ , oportebit illa quoque realiter interuenire . Sed pro illorum qualitatibus satis esset , si ab alia causa extrinseca in materiam inducerentur .

Non oportet, duo.

Tertiò rursus . Nec erit per se necessarium , plura aliqua , saltem scilicet duo elementa , realiter conuenire . Nam , si ex vno solo elemento gignitur aliud elementum , poterit etiam gigni mixtum : magis enim distat & plus recedit vnum elementum ab alio , quàm mixtum ab elemento , quia mixta habent temperiem mediam qualitatum inter simplicia elementa . Dato etiam quòd de facto soleat gigni mixtum ex pluribus elementis , vtique in qualibet particula vnius elemēti inducitur forma mixti : ergo etiam si tota materia esset vnius tantum elementi , dummodo in illa tota diffusa esset par temperies qualitatum sufficiens ad formā mixti ; sic optimè ex vno tantum elemento gigneretur mixtum , siue ex vno tantum elemēto sumeretur materia mixti . Et ita de facto Deus in prima creatione mundi , alia corpora formauit ex terra , alia ex aqua : quod saltem ostendit , non esse de substantia mixti , omnia vel plura elementa realiter coadunata in vno mixto .

Non oportet

Quartò demum . Nec etiam necesse est , vel vnum aliquod elemen-

tum realiter adesse et concurrere ad generationem mixti . Nam bene potest vnum mixtum ex alio generari , realiter absque ope yllius elementu . Sic sanè de facto animalia nutriuntur ex tot varijs cibis quæ sunt mixta quædam , vbi ipsum alimentum conuertitur in substantiam aliti . Item ex vno viuento per propagationem generatur aliud . Ex lignis item & cadaueribus gignuntur vermes , & sic alia mixta ex alijs . Nec dici potest , in ipso mixto ex quo aliud generatur inueniri iam elementa . Nam non inueniuntur realiter secundum suam substantiam , vt postea ostendemus . Si autem intelligantur inueniri virtualiter secundum qualitates ; iam hoc non est elementa realiter secundum suam substantiam conuenire , de quo nunc agimus .

Quintò . Ratione à priori hæc assertio suadetur : quia , si quidem elementa deberent realiter & substantialiter secundum suas formas existere & includi in mixto , deberent vtique realiter secundum suam substantiam conuenire . At , si elementa non nisi virtualiter secundum suas qualitates debent manere in mixto : iam ad generationem mixti satis erit , ipsas qualitates realiter conuenire , idest in materia introduci : sed certè possunt ac passim solent huiusmodi qualitates induci absque elementorum interuentu , per virtutem nempe aliarum causarum : supponimus enim eiusdem rationis essentialis esse omnes symbolas qualitates , vt antea ostendimus : igitur non est cur elementorum realis conuētus ad talem effectum requiratur .

Sextò . Hinc etiam patet , non debere formas elementorum de nouo produci in materia ad generationē corporis mixti , siue mixtum fiat ex vno aliquo elemento , siue ex alio mixto . Et præterea id prorsus fieri non potest eo modo quo volebat

Si quidē nō debēt realiter permanere :

Non oportet elementa de nouo produci propter mixtum.

Piccolomineus. Tum quia formæ elementorum, sicut aliæ quæcumque formæ substantiales, non suscipiunt magis & minus. Tum quia, vel formæ omnium elementorum introducerentur simul in tota materia, vel in diuersis materiæ partibus. Non in tota materia, quia non possunt plures formæ substantiales, saltem oppositæ, coniungi simul in subiecto. Non in diuersis partibus, quia pro forma mixti vniuniformiter disponetur tota materia, diuersæ autem elementorum formæ in diuersis materiæ partibus non possent induci nisi pro diuersitate & oppositione dispositionum.

Qualiter interdum ad mixtionem elementa conueniant. Septimò tandem. Contingit quidem plerumque, ex pluribus elementis simul commixtis gigni corpus aliud de genere mixtorum: vt lapides & metalla ex terra & aqua concrescunt & ex aqua & pulvere repente quædam animalia surgunt. Tamen id non prouenit ex eo quòd realiter ipsa elementa secundum suam substantiam debeant conuenire: sed quia sic facilius & promptius contemperantur tales certæ dispositiones, talisque materiæ status, prout ad generationem talium corporum conducit: ita vt perinde talia corpora apta sint gigni, si alio modo perficiatur debita materiæ dispositio absque reali elementorum conuentu. Et præterea obseruandum est, ex mixtione quidem terræ & aquæ dicta corpora gigni. At non apparet, si vnquam ex reali coadunatione aliorum quoque & omnium quatuor elementorum, ac præsertim ignis, vllum aliud mixtum generetur, ita vt materia mixti ex omnibus quatuor elementis in minutissimas particulas concilis & confusis determinatur. Quare, artificium illud mixtionis ex quatuor elementis, magis videtur mente concipi, quàm realiter exerceri.

Cæterum. Pro eo quod Arist. indicauit, omnia quatuor elementa debere interuenire & reperiri in omni mixto, intelligendum est, omnes elementorum qualitates, & omnes quatuor combinationes quæ varijs elementis correspondent, ad generationem mixti requiri, & in mixto permanere: nempe iuxta modum quo ratione mixti iam determinabimus.

SECTIO TERTIA.

Virum Mixtum substantialiter constituatur ex elementis, & formaliter in se illa contineat.

Antiquiores Philosophi apud Arist. lib. 1. de Generat. putasse videntur, ita ex elementis substantialiter constitui alia corpora quæ vocamus mixta, vt corpus mixtum non esset aliud quàm aggregatum quoddam elementorum, absque alia substantiali forma propria ipsius mixti: differre autem mixta inter se, prout plus aut minus de vno vel alio elemento includant. Vt plurimum autem volebant, elementa per minutissimas particulas esse concisa, ac sic mixtionem fieri per talium partium iuxta positionem & confusionem. Sed Stoici, & præsertim Chrysippus apud Alexand. lib. de Mixtione, indicarunt, elementa inter se coextendi per totum, & ita mixtionem fieri per eorum penetrationem: & præter nota elementa, addebant tenuissimum quendam alium spiritum diffusum per omnia. Fauere videtur Galenus lib. 1. de Temperam. & alibi. Non multum distat ab Antiquorum sententia Franciscus Piccolomineus lib. de Mixtione cap. 9. vbi tribuit quidem ipsi mixto suam substantialem formam: sed

Sententia affirmans mixtum constare ex elementis absque alia forma.

sed hanc ait esse intrinsecè constitutam ex iisdem elementorum formis tanquam ex partibus, nec agnoscit aliam mixti formam ab elementorum formis realiter distinctam. Et sub dubio idem defendit Flaminus Nobilius 1. de Generat. cap. 10. q. 3. & ex Theologis idem contendit Aureol. in 2. d. 15. q. 2. art. 2.

S^{ct}entia affirmas constare simul cū alia forma. Quamplures Peripatetici volunt, mixtum, ita substantialiter ex elementis constitui, eaque in se formaliter continere, vt verè tamen addat aliam suam substantialem formam, ab elementorum formis penitus distinctam. Diuisi autem rursus sunt Auctores huius sententiæ. Alij enim supponunt, elementorum formas nullam habere latitudinem intensiuam, essequè in hoc indiuisibiles, atque adeo integras & perfectas secundum totam suam substantiam, permanere. Et ita sentiunt Auicenna lib. 1. Sufficien. cap. 10. Fernelius lib. 2. & 3. suæ Philolog. qui insuper significat, non solum formas, sed etiam qualitates elementorum, integras permanere: item Franciscus Bonamicus lib. 1. de Motu cap. 50. Georgius Raguseus disput. 1. peripatet. & quidam alij.

Plures sunt qui volunt, elementorum formas habere latitudinem intensiuam, & suscipere magis & minus: & ita non integras & perfectas, sed refractas ac remissas in mixto contineri secundum certos gradus, prout magis aut minus de singulis elementis varia mixta participant. Ita sentiunt Auert. 1. de Generat. & alibi, Suesian. & quidam alij Expositores eod. lib. Iandun. 6. Phyl. q. 2. Achillm. lib. 2. de Element. art. 3. Contaren. lib. 3. de Elementis, Zimara Theorem. 27. Dandinus lib. 2. de Anima digress. 8. Referuntur quoque Alexander in lib. de Mixtione, Philopon. & alij veteres Peripatetici, qui tamen obscurè loquuti

sunt. Referuntur quoque Hippocrates & Galenus. Et quidem Medici vt plurimum acriter cõtendunt, elementa formaliter in mixto manere, vel secundum formas integras, vel refractas, vel simul addendo, vel negando aliam formam mixti distinctam: Et pro ijs præsertim scripsit Peramatus lib. de Elementis.

Rursus, aliqui volunt, contineri in mixto formas elementorum secundum suam realitatem, non tamen secundum suam rationem formalem & specificam differentiam: quasi scilicet eodem realiter elementorum formæ in mixto permaneant, sed ita vt à propria specie tranfierint ad aliam speciem, nempe ad speciem propriam ipsius mixti. Ita docent Aureolus in 2. d. 15. q. 2. art. 1. Baconus in 3. dist. 16. Zabarella lib. de Mixtione, & quidam alij. Velut opposito modo aliqui opinantur, formas elementorum non remanere in mixto realiter secundum suam entitatem, sed manere essentialiter & formaliter, in ipsa scilicet forma mixti. Ita defendit Arsius lib. 1. de Generat. q. 51. sect. 4.

Dicendum tamen absolutè est, *Mixtū non constituitur substantialiter ex elementis.* corpora quæ vocantur mixta, non constitui substantialiter ex elementis, non ea formaliter continere: siue elementa non manere substantialiter et formaliter secundum suas substantiales formas in mixto. Hæc est communior Theologorum ac Philosophorum sententia. Ita asserunt

D. Thomas 1. par. q. 76. art. 4. ibique Caiet. & alij Commentatores: item Scotus, Gregorius, Capreolus, et alij Scholastici in 2. d. 15. Durand. d. 30. q. 1. num. 5. Conimb Tolet. et alij Expositores 1. de Generat. cap. 10. Hurtad. disp. 6. q. 2. Suarez disp. 15. Metaph. sect. 10. et alij passim. Imò et inter Medicos Franciscus Vallesius lib. 1. controuers. medicarum et philosophic. cap. 1. contendit,

dit, et pluribus locis probat, hanc esse sententiam, tam Hippocratis et Galeni, quam Aristotelis: et miratur, oppositam communi consensu attribui Medicis: eamque in vi etiam rationis censet improbabilem.

*Est de
mente
Aristo-
telis.*

Probatur hæc assertio primò ex Arist. qui plurimis in locis sic aperte docuisse videtur. Distinguit enim duplicem modum quo cogitari possunt elemēta manere in mixto: nempe vel actu & formaliter, idest secundum suas formas substantiales; vel potentia & virtualiter, idest secundum suas virtutes & qualitates. Iuxta hæc distinctionem 3. Cali 31. definiens elementa, tunc quidem abstrahere voluit ab hac quæstione, & dixit ambiguam esse quonam ex ijs modis elementa in mixto manerent. Iam deinde lib. 1. de Generat. tex. 84. tanquam proprio loco determinat quæstionem: docetque, elementa nec actu remanere, nec penitus interire, sed saluas manere virtutes eorum. Et sic in vniuersum textu præcedenti præmiserat, miscibilia non debere in mixto salua manere, & idem repetit tex. 86. Rursus lib. 2. tex. 48. asserit, elementa non inesse actu sed potentia in mixtis. Et antea quoque 3. Cali 32. dixerat: *In carne & ligno & unoquoque talium, inest potentia ignis ac terra. Sed præclare lib. 2. de Partib. animal. cap. 1. Prima compositio, inquit, est ex elementis: sed melius fortasse dici potest, ex virtutibus elementorum: humiditas enim & siccitas, caliditas & frigiditas, materia sunt corporum compositorum.* Hoc est, mixtum non ita componitur ex elementis, quasi ipsa elementa substantialiter eorumque formæ constituent mixtum: sed potius elementorum non remanent nisi virtutes & qualitates illæ, quæ sunt præua dispositio materialis, cui superuenit forma mixti. Neque verò, huius testimonij vis

debilitatur, per illam particulam dubitativam quam Arist. apposuit, dicens fortasse. Dubitationem enim solum retulit ad modum loquendi: idest melior fortasse loquendi modus erit dicere, mixtum constare ex virtutibus elemētorum quam ex elementis: quia reuera, non substantia, sed qualitates tantum elementorum manent in mixto. Et alia plura sunt huiusmodi Aristotelis loca.

Nequæ vllatenus audiendi sunt quidam cum Philopono lib. 1. de Gener. com. suo 129. exponentes omnia Arist. loca, quòd solum voluerit, elementa, non manere actu, idest secundum totam integritatem & perfectionem suarum qualitatum; sed potentia, quia possunt per dissolutionem mixti & separationem sui reintegrari ad pristinum suum connaturalem statum. Nam Arist. ipse perspicue explicauit, manere potentia, esse manere secundum virtutes & qualitates; & manere actu, esse manere secundum substantiam & formam. Negauit ergo manere secundum formas & docuit manere tantum secundum qualitates.

Secundò. Experientia & ratione Colligi probatur ex dictis scēt. præcedenti: *tur ex quia sæpè mixtum aliquod generatur ex vno tantum elemento, vel ex dictis.* duobus: imò difficile est, inuenire vnquam, ex omnibus quatuor mixtum aliquod generari. Sed si omne mixtum deberet substantialiter constare ex elementis, necessarium prorsus esset, vt ad omnem cuiuscumque mixti generationem, omnia elementa realiter conuenirent. Manifestum ergo signum est, mixtum non debere realiter & substantialiter elementa secundum eorum formas in se intrinsecè continere.

Tertiò. Cogitari non potest, mixtum ex solis elementis eorumque formis ita constare, vt non addat constare aliam suam peculiarem substantialem ex elementis.

*mentis
absque
alia for-
ma.*

formam, formaque mixti non sit aliud quam veluti collectio elementarium formarum: Tum quia hoc pacto, mixtum non esset quid per se vnum, vnius naturæ & speciei; sed esset aggregatum quoddam per accidens ex diuersis substantialiter corporibus. Quod non solum est contra rationem, sed tam aperte est contra Aristotelem; ut qui in hac re se Peripateticos profitentur, id prorsus detestari debuissent: tantum abest, ut id totum de mente ipsius Aristotelis puerint asserere. Tum etiam, multo minus possent, elementorum formæ inter se perpetuo repugnantes, tam arcte contineri simul & colligari in mixto, nulla illis præstidente forma, quæ illas veluti ad concordiam reuocaret. Tum præsertim, in corpore animato, anima est prorsus alia substantialis forma præter totam elementorum collectionem, tot vitales operationes exercens: ergo vel corpora animata non constant ex elementis, cum alia propria forma polleant: vel, si in ijs coniungitur hæc alia forma cum elementorum formis, idem agnosci deberet in alijs quoque mixtis.

*Nec si-
mul cu
alia for-
ma.*

Quartò. Nec etiam possunt coniungi simul in eadem materia, forma peculiaris mixti & alia elementorum formæ. Quia in vniuersum vna substantialis forma ita æquat & complet materiam, ut saltem naturaliter non sit eadem materia capax plurium substantialium formarum. Neque iuuabit dicere, posse vnam formam subordinatam alteri cum illa coniungi, licet formæ disperatæ non possint. Nam magis repugnat rationi formæ substantialis talis subordinatio, qua vna sit veluti dispositio ad aliam: sic enim esset potius, qualitas accidentalis, non forma substantialis: ut habetur ex dictis de ratione formæ q. 20. sect. 5. Et quo-

cumque modo plures formæ iungantur, adhuc valeret dicere, hoc corpus est v.g. lignum aut aurum, & est terra, aqua, aer, ignis: quod est prorsus absurdum. Et licet aduersarij id contentur effugere, tamen prorsus non possunt euadere: quia omnino quæcumque forma dat suum effectum formalem suamque denominationem, dat suam speciem, & constituit suum substantiale compositum.

Quintò vlteriùs. Vel elementa in mixto ita diffusa sunt, ut sint distincta corpora in toto eo spatio compenetrata. Et hoc est prorsus impossibile: Tum quia omnis penetratio corporum naturaliter fieri non potest: Tum quia specialiter elementa petunt diuersa loca, vnde non possent simul in eodem compenetrata quiescere: Tum præterea forma mixti non posset simul in omnibus ijs subiectis distinctis recipi, non esset determinata ratio, cur in vna præ alijs immaneret; non enim secum ferret aliam distinctam materiam, quia sic hæc sola sufficeret sine alijs elementis. Vel formæ, solum elementorum, essent omnes simul in vna sola communi materia diffusa, ita ut in qualibet particula mixti & materiæ, omnes elementorum formæ iungantur. Et hoc est non minus impossibile: Tum quia formæ elementorum inter se sunt disparatæ & oppositæ: Tum quia petunt dispositiones & qualitates contrarias: Tum quia inde sequeretur non conuerti vnum elementum in aliud per corruptionem vnius & generationem alterius, dum eorū formæ possunt se compati simul: Tum etiam hæc non esset vera mixtio, sicut non dicuntur propriè misceri plures formæ accidentales in eodem subiecto coexistentes. Vel demum elementa in mixto erunt solum per minutas particulas iuxta posita, ita

*Elemē-
ta non
possunt
esse dis-
fusa per
totum
mixtum
nec per
particu-
las iux-
ta posita.*

ut quælibet particula habeat vnā tantū elementarem formā : & hoc communiter dicitur ab ijs Peripateticis, qui constituunt elementa formaliter in mixto. Sed hoc etiam sustineri non potest : Tum quia ex D. Thoma Quodl. 1. art. 6. ad 3. & de Potentia q. 5. art. 2. hæc non esset propriè mixtio, sed iuxtapositio, sicut in corpore animato diuersæ partes æterogeneæ inter se colligatæ sunt & iuxtapositæ : Tum præsertim hoc pacto non quælibet mixti particula erit in se mixta, sumendo inquā particulas singulorum elementorum secundū se : at apud Aristotelem, & secundū communem Peripateticorum consensum quælibet mixti particula debet esse pariter mixta, sicut ipsum totum : ergo non potest mixtum hoc pacto constare ex elementis. Tum præterea ad mixtionē omnia elementa dicuntur se per mutuatā actionem ad mediam quandā reducere temperiem qualitatum : ergo iam non debeat in quælibet particula conseruari sua sola elementaris forma. Tum demum, cū in quælibet mixti particula debeat reperiri forma ipsius mixti, pariter in tota materia posset benè talis forma recipi sine alijs elementorum formis, atque adeo poterit absolutè absque omni elementorum forma.

Elemē- Sexto. Vel formæ elementorum
torū for- manent integræ & perfectè secundū
ma, nec suam substantiam in mixto, vel re-
possunt fractæ ac remissæ. Si dicatur pri-
manere mum : sic vtique tales formæ maiori
integra, vi & conatu conarentur singulæ se
nec re- ad suum naturalem reducere statū,
fracta. reparando suas qualitates, & pugnādo contra alias : vnde quam citissime quodlibet mixtum dissolui deberet. Sic etiam magis planè incredibile redditur, in mixtis manere formaliter elementa, v.g. in arboribus & animalibus manere ignem ; in sulphure, pice, & puluere tormentario,

manere ignem ; in piscibus sub aqua manere ignem. Si dicatur secundū : id prorsus est contra rationem formæ substantialis, et contra doctrinā Arist. qui propterea docet generationem substantialem esse mutationem instantaneam, non motum successiuum. Et certè latitudo intentiua conuenit solū qualitativis, quæ possunt inter se coniungi secundū quosdam gradus in esse remisso, et quæ successiuè in tempore producuntur ac deperduntur. Nullatenus ergo elementorum formæ, et in vniuersum formæ substantiales, variantur secundū magis et minus. Et ita iam statuimus q. 41. sect. 3.

Septimò. Nec prorsus dici potest, formas elementorum manere in mixto secundū eandem suam realitatem, sed sub alia formali et specifica ratione. Nam nihil magis repugnat, quàm rem vllam transire de vna ad aliam speciem, quasi mutando essentiam : sed sine dubio per talem mutationem mutatur quoque omnis res. Ad summum dici posset elementum transire de vna ad aliam speciem mixti completam, per variationem formæ mixti : sed semper retineret suam specificam rationem et naturam talis elementi. Nec è contra dici potest, formas elementorum perire secundū suam realitatem, remanere verò secundū rationem formalem in ipsa forma mixti. Nam pariter repugnat, rationem formalem vllius rei transire de vna ad aliam rem, et permanere in alia re, pereunte sua priori re. Ad summum dici potest prædicatum quoddam genericum communiter reperiri in vna re quæ perit, & alia quæ de nouo gignitur. Et sic in exēplo quod affert Arsius, Anima rationalis dicitur continere formaliter sensitivam, non vtique quasi sic contineat illam sensitivā quæ à rationali condistinguitur : sed quia confi-

Nec pos-
sunt di-
uisari.

deratur gradus genericus animæ sensitiuæ, communis, ad purè sensitiuā, & ad sensitiuam rationalem; & hoc genericum prædicatum formaliter in rationali anima continetur.

Nō sunt necessariae nec utiles in mixto. Octauo demum. Formæ elementorum non sunt per se necessarię nec utiles ad constituendum mixtum. Nam cum debeat omnino concedi alia forma peculiaris ipsius mixti, hæc erit per se idonea & efficiens ad exercendas operationes cum qualitatibus sibi proportionatis, & ad alia quæcumque munera sibi conuenientia. Non etiam indiget formis elementorum, quasi dispositionibus sibi præuijs: ad hoc enim abundè sufficient qualitates. Nullo igitur ex capite debet mixtum constitui substantialiter ex elementis, eaque formaliter continere.

Quadā loca Arist. explicantur. In contrarium Obijcies primò quædam Arist. loca, lib. 1. de Generat. requirit ad mixtionem vt miscibilia non intereant sed permaneant: & mixtionem definit unionem miscibilium alteratorum, non dicitur corruptorum. Rursus 7. Metaph. in fine, simul hæc exempla coniungit sicut literæ B & A, sunt in syllaba Ba, & sicut terra & ignis sunt in carne: intelligit ergo esse formaliter. Item 2. de Anima 39. & 52. & 1. de Generat. animal. cap. 8. supponit in corpore animato & in ipsis organis sensitiuis reperi formaliter elemēta.

Respondetur, Arist. ipse perspicuè explicauit, miscibilia nec debere penitus interire, nec actu formaliter remanere, sed debere remanere secundum suas virtutes & qualitates. Dum verò dixit, miscibilium alteratorum, affirmauit id quod sanè verū erat, alterantur enim elementa dum ad mixtionem conueniunt. Sed non per hoc negauit corrumpi etiā quoad formas. Insuper exprimere voluit id quod de se requirebatur, & naturæ ordine precedebat ad gene-

rationem mixti, nempe alterationē elementorum, & ideo non curauit commemorare corruptionem substantialem elementorum. Deinde illo loco 7. Metaph. exempla illa tantum attulit ad edocendum, quòd literæ non conficiunt syllabam, separata, sed vnita; & pariter elemēta vnita, non verò separata, conficiunt mixtum: abstrahens ab alia quæstione, si elementa remaneant formaliter vel tantum virtualiter in mixto. In alijs demum locis, vel supponit solum absolutè elementa manere in mixto, non determinans quomodo maneant: vel si supponat manere formaliter, loquitur ex hypotesi propter eos qui volebant mixtum non esse aliud quàm elemētorum congeriem.

Obijcies secundò oppositæ sententia fundamentum. Vnumquodque que realiter constat ex ijs in quæ res soluitur, omne enim compositum resoluitur in suas partes componentes: sed mixtum in sui interitu res soluitur in quatuor elementa: ergo ex ijs realiter constabat, eaque formaliter continebat. Minor patet ab experientia, præsertim in combustionē ligni: accenditur enim flamma quæ est ignis, segregantur cineres, quæ sunt terra, exhalat fumus, qui est vapor aereus, & effluit humor aquæ ex ligni extremitatibus: eodemque pacto videtur in elementa resolui cadauer, dum putrescit. Insuper ex herbis & floribus, alijsq. varijs rebus, educitur alambici ministerio aqua: igitur elementa formaliter in mixto manebant.

Ad hoc argumentum, quidam Auctores nostræ sententiæ admittunt esse vera elementa, omnia illa in quæ mixtum resoluitur, sed dicunt ea de nouo tunc generari. Hoc tamen defendi non potest; quia certè actione ignis in combustionē ligni non potest generari terra & aqua.

Dicendum ergo est, interdum quidem mixtum resolui, seu conuertere & transmutari in aliquod elementum, quod tunc de nouo gignitur: sic maxima ex parte lignum trāsit in ignē. Aliās mixtum resoluitur in varias quasdam partes quæ non sunt vera elementa, sed vel erant substantialiter in ipso mixto, vel ex mixti materia de nouo gignuntur. Variæ autem sunt hæ partes per diuersas quasdam dispositiones earum, & assimilari solent varijs elementis. Sic in ligno, aliæ sunt partes aridiores et densiores, aliæ humidiores et rariores, illæ soluuntur in cineres, aliæ in fumum et flammam: itaque cinis nequaquā est substantialiter terra, sed vel est eiusdem substantiæ cum ligno, vel mixtum quoddam alterius substantiæ, est tamen similis terræ præsertim in siccitate: et fumus non est substantialiter aer, sed vel eiusdem quoque substantiæ cum ligno, vel diuersum quoddam mixtum, simile tamen aeri. Insuper intra poros vnius corporis contingit humorem seu liquorem, aliquem esse diffusum, qui proinde exprimi possit. Sic certè ex ligno effluit humor ille aqueus, qui utique intra poros ligni latebat, et vel erat substantialiter aqua, vel diuersus quidam humor, quo nutriebatur lignum. Liquor etiam ille, qui ex herbis et floribus alijsue rebus extrahitur, non est utique substantialiter aqua: quinimò maiori cum vigore retinet virtutes quæ inerant corpori ex quo extrahitur: atque Theologi docent, non esse idoneā Baptismi materiam. Itaque vel talis liquor est pariter eiusdem substantiæ cum corpore ex quo educitur, vel aliud quoddam mixtum, simile aquæ. Et eodem modo dicendum est in resolutione cadaueris, et cuiuscunque alterius mixti.

SECTIO QUARTA.

Quonam modo Mixtum constet ex elementis, eaque virtualiter continere dicatur.

Communis sententia eorum qui negant, mixtum substantialiter & formaliter constitui ex elementis, affirmat constare ex illis virtualiter, eaque virtualiter continere. Et communis modus id explicandi est, quod elementorum virtutes in mixto permaneant, & hæ virtutes intelliguntur primæ quatuor qualitates, calor, & frigus, humiditas, & siccitas: & quod ideo elementa ipsa ratione harum qualitatum denominentur in mixto manere, quia elementa dum ad mixtionem conueniunt, has qualitates veluti vice suarum formarum in mixto relinquunt, & mixtum eas participat, & accipit ab ipsis elementis: & ideo licet ipsa elementa inter se in quibusdam qualitatibus communicent, non dici vnum elementum manere virtualiter in alio, quia non vnum tribuit qualitatem alteri, sed omnia elementa habent suas qualitates æquæ primò. Si quando autem coniungat, mixtum aliquod gigni, absque interuentu alicuius ex elementis, aliunde accipiendo qualitates eius elementi, adhuc dicunt tale mixtum continere virtualiter illud elementum; quia ex natura rei tales qualitates sunt virtus eius elementi, & naturaliter erant ab illo debite, & sunt realiter eiusdem rationis, ac si reuerà acceptæ fuissent ab illo.

Verum, non apparet in rigore necessarium, ut mixtum naturaliter ab ipsis elementis accipiat, vel ab ijs accipere debeat, suas qualitates, ut hoc modo elementa ratione suarum

Mixtum dicitur ratione qualitate in constare virtualiter ex elementis.

Nō oportet, mixtum realiter accipere qualitates.

res ab
elemen-
tis.

qualitatum dicantur virtualiter in mixto manere; intelligendo, virtutes, idest qualitates elementorum, in mixto manere. Probatur ex dictis. Nam certè, quod attinet ad actuale exercitium, mixtum non solet accipere qualitates ab omnibus elementis, cum non soleant omnia elementa realiter ad mixti generationem concurrere & convenire: & tamen in omni mixto pariter dicuntur omnia elementa virtualiter contineri. Imò regulariter, mixta generantur, vel ex duobus tantum elementis, vel ex vno, vel ex nullo. Quòd verò attinet ad naturale debitum; non est cur dicatur mixtum debere saltem accipere suas qualitates ab elementis. Id enim non satis ostenditur. Nec conveniens videtur, dicere, mixtum debere accipere suas qualitates ab omnibus elementis simul convenientibus, quando non constat an vnquam id actu contingat.

*Nec exi-
git per
se ab il-
lis acci-
pere.* Sed præsertim, vel hoc debitum ita intelligitur, vt mixtum debeat accipere qualitates ab elementis in genere causæ extrinsecæ & effectivæ, eò quod elementa debebant efficere in mixti materia qualitates: vel intelligitur, vt mixtum debeat accipere qualitates ab elementis in genere causæ intrinsecæ, & veluti formalis, seu materialis; quia scilicet ex eadem elementorum materia mixtum debeat generari, & ita eadem illæ qualitates quæ erant in elementis cum tali materia transferantur ad mixtum, ac in illo permaneant. Primum non rectè dicitur: Tum quia sic elementa non tam se haberent vt miscibilia, quàm potius vt causa effectiva externa ad generationem mixti. Tum quia reuera, non cadit sub debitum naturale, vt subiectum accipiat ab hac vel illa causa effectiva externa talem formam vel qualitatem: sed satis illi est, quòd accipiat

à causa habente sufficientem virtutem, & per accidens illi erit, quòd accipiat à tali vel tali causa. Nec etiam secundum rectè dicitur. Tum quia ex parte materiæ omnis materia est æquè indifferens: neque quicquam refert ad formam de nouo generandam, quòd materia de tali vel tali forma ad ipsam transeat, dummodo transeat. Tum quia ex parte qualitatum nihil etiam refert ad formam quæ debet gigni, an qualitates tunc de nouo in materia inducantur, vel prius extiterint & simul cum materia transferantur, vel vt cum hac aut illa forma iam extiterint: sed ita res se habet dum ex elementis generatur mixtum, ac dum ex vno elemento generatur aliud cum illo in aliqua qualitate communicans. Nullum igitur tale debitum, nullus modus talis debiti apparet, quo dicatur mixtum debere naturaliter suas qualitates ab elementis accipere.

Eatenus ergo solum dicendum, *Mixtū* est, mixtum esse mixtum ratione in se col-
qualitatum, quatenus in ipso mixto ligæ
sunt coniunctæ & contemperatæ il-
læ contrariæ qualitates, quæ in ipsis
elementis diuisæ sunt. Singula enim
elementa, ex natura sua non possunt
contrarias qualitates, sed binas non
contrarias: omne autem mixtum
connaturaliter requirit temperiem
& commixtionem omnium quatuor
qualitatum. Vnde rursus, cum qua-
tuor sint qualitatum combinationes
ipsis quatuor elementis connatura-
les, mixtum participat omnes eas
quatuor combinationes. Hinc ele-
menta dicta sunt corpora simplicia,
hæc alia dicuntur mixta.

Præterea, hæc quatuor qualitates, elementis conveniunt in summo vel excellenti gradu, & cuilibet elemento saltem vna qualitas debetur in summo. Mixtis autem nulla qualitas convenit in summo, sed omnis
qua-

collectio potest dupliciter explicari, vel actualiter quod mixtum actu habeat omnes eas qualitates, vel radicaliter quod eas per suam formam exigat & requirat. Primo modo assignatur accidentalis dispositio mixti. Secundo modo assignatur essentialis ratio mixti. Non enim de essentia eius est, actualiter habere, sed radicaliter exigere tales qualitates.

Quali- **ter va-** **ria ele-** **menta** **in varijs** **mixtis** **prado-** **minari** **dicatur-** **ut** **præ-** **sertim** **in** **quatuor** **humoribus** **corporis** **animati**, **dicuntur** **præ-** **dominari** **varia** **elementa**. **In** **flava** **bili** **ignis**, **quia** **excedit** **in** **calore** **&** **siccitate**; **in** **tan-** **guine** **aer**, **quia** **excedit** **in** **calore** **&** **humiditate**; **in** **pituita** **aqua**, **quia** **excedit** **in** **frigiditate** **&** **humiditate**; **in** **atra** **bili** **terra**, **quia** **excedit** **in** **frigiditate** **&** **siccitate**. **Et** **hac** **tandē** **ratio-** **ne** **admitti** **debet** **quod** **dici** **solet**, **ani-** **mal** **assidua** **elementorum** **pugna** **in** **se** **ipso** **pati**, **donec** **tandem** **intereat**: **sicut** **Arist.** **4.** **Meteor.** **cap.** **1.** **nota-** **uit**, **viuentia** **progressu** **temporis** **interire**, **quia** **permixta** **sunt** **ex** **quali-** **tatibus** **contrarijs**, **inter** **se** **actiuis**. **Non** **enim** **hoc** **debet** **intelligi**, **quasi** **in** **eadem** **parte** **subiecti** **qualitates** **contrariæ** **contra** **se** **agant**: **sed** **quia** **diuersæ** **partes**, **contrarijs** **qualitati-** **bus** **excedentes**, **inter** **se** **agunt**.

SECTIO QUINTA.

De Temperamento qualitarum elementarium in Mixto.

Ante- **peramē-** **A** **Vicenna** **lib.** **de** **Temperam.** **&** **lib.** **1.** **Sufficiē.** **cap.** **10.**

Soncin. **10.** **Metaph.** **q.** **2.** **Iauell.** **lib.** **8.** **q.** **4.** **Heruzus** **tract.** **de** **Vnit.** **for-** **mar.** **q.** **15.** **Gregor.** **in** **1.** **d.** **17.** **q.** **3.** **art.** **2.** **&** **quidam** **alij**, **docuerunt** **ex** **qua-** **tuor** **elementorum** **qualitatibus** **re-** **sultare** **distinctam** **quandam** **aliam** **qualitatem**, **mixti** **propriam**, **&** **hanc** **esse** **mixti** **temperamentum**. **Et** **ita** **significant**, **iptas** **elementorum** **qua-** **litates** **deleri** **formaliter**, **relinquere** **autem** **aliam** **quintam** **simplicē** **qua-** **litatem** **in** **qua** **virtualiter** **cōtinean-** **tur**. **Et** **fundamentum** **erit**: **quia** **sicue** **dictum** **est** **non** **remanere** **in** **mixto** **elementorum** **formas**, **sed** **illis** **suc-** **cedere** **vnā** **simplicem** **mixti** **for-** **mam**: **ita** **pariter** **de** **qualitatibus** **sen-** **tiendum** **erit**.

Franciscus **Piccolomineus** **lib.** **de** **Mixtione** **cap.** **18.** **similiter** **affirmat**, **mixti** **temperamentum** **in** **qualibet** **parte** **similari**, **esse** **qualitatem** **vnā** **Simplicis** **essentiæ** **concurrentem** **tamen** **formaliter** **ex** **elementorum** **qualitatibus** **tractis**, **&** **contempera-** **tis**. **Et** **ita** **vult**, **ex** **ijsdem** **elemento-** **rum** **qualitatibus**, **tanquam** **partibus** **intrinsecis**; **formaliter** **constitui** **to-** **talem** **quandam** **qualitatem**, **quæ** **in** **se** **sit** **vnā**, **vnus** **essentiæ** **&** **naturæ**. **Fundamentum** **eius** **est**: **quia** **sic** **opi-** **natus** **erat**, **mixti** **formam** **formaliter** **constitui** **ex** **ip[s]is** **elementorum** **for-** **mis** **inter** **se** **contemperatis**.

Albertus **de** **Saxonia** **lib.** **1.** **de** **Ge-** **ner.** **q.** **19.** **Conciliator.** **Different** **16.** **Durand.** **in** **2.** **d.** **30.** **q.** **5.** **&** **alij** **plures**, **volunt**, **mixti** **temperamentum** **in** **duabus** **consistere** **qualitatibus**: **vnā** **nempe** **esse** **quæ** **resultet** **ex** **calore** **&** **trigore**, **alteram** **quæ** **ex** **humidi-** **tate** **&** **siccitate**. **Fundamentum** **est**: **quia** **supponunt**, **non** **posse** **qualita-** **tes** **cōtrarias** **simul** **in** **eodem** **subie-** **cto** **conungi**, **ne** **in** **remissis** **quidem** **gradibus**; **sed** **potius** **duabus** **quali-** **tatibus** **contrarijs** **succedere** **simpli-** **cem** **aliam**, **tanquam** **mediam** **inter** **illas** **extremas**.

Est verè collectio earundè elementariorum qualitatum. Dicendum tamen est, temperamentum qualitatum elementarium in mixto, esse collectionem earum qualitatum in certis gradibus, & ipsas qualitates per se & formaliter inesse mixto, nec illarum vice succedere aut reperiri vnâ aliam simplicem vel duas qualitates. Hæc est communis sententia Diui Thomæ 1. par. q. 76. art. 4. & in 3. d. 16. q. 1. art. 1. Martil. 1. de Generat. q. 22. Fernelij lib. 3. Physiolog. cap. 3., & aliorum in hoc tractatu.

Probatur primò ex Arist. qui id passim docet atque supponit, tum in libris de Generat. & Meteor. tum lib. 2. de Anim. tex 118. ait, sensum tactus non percipere nisi excessum qualitatum, eo quòd illi intint omnes quatuor qualitates in certa temperie. Et lib. 2. de Part. animal. cap. primo ait, mixti compositionem, fieri ex quatuor primis qualitibus coniunctis.

Secundò ratione probatur ex dictis quæst. 39. sect. 3. vbi ostendimus, qualitates contrarias coexistere simul in gradibus remissis: neque ex eis resultare distinctam simplicem qualitatem. Hoc autem procedit vniuersaliter in omnibus corporibus, includendo etiam ipsa mixta. Et patet ad sensum: in eodem enim corpore sentitur formaliter calor & frigus: & in alterationibus quæ naturaliter fiunt, hæc qualitates formaliter generantur & corrumpuntur, intenduntur & remittuntur.

Qualitates elementorum formaliter in mixto manent. Tertiò. Dum dictum est elementa manere in mixto secundum suas qualitates, idest elementorum qualitates in mixto manere, debet hoc intelligi formaliter: quòd scilicet ipsæmet qualitates reales elementorum in mixto permaneant. Iis autem permanentibus, non debet nec potest cogitari alia simplex qualitas ex ijs resultans, quæ dicatur mixti temperamentum. Et quando in-

mixto fit aliqua mutatio qualitatis; v.g. manus calefit ab igne, non vique mutatur totum iphus mixti temperamentum, sed solum additur quidam caloris gradus, & expellitur quidam trigatoris: si autem temperamentum totum esset vna simplex qualitas, necessariò per quæcūque minimam variationem, totum temperamentum indiuisibiliter mutaretur.

Quartò. Dicit non potest ex ipsis elementorum qualitibus formaliter constitui vnâ simplicem qualitatem vnus essentia & naturæ. Nam ipsæ qualitates inter se, vel sunt disparatæ, vt calor & siccitas; vel contrariæ, vt calor & frigus: nec prorsus habent inter se proportionem & aptitudinem; vt per modum partium constituant vnâ totalem qualitatem. Itaque realiter, tota temperies, est collectio quædam & aggregatio earum qualitatum, absque compositione vnus totalis qualitatis. Demum, ita dici non debent esse due simplices qualitates ex duabus contrarietatibus resultantes, sicut non vna qualitas ex omnibus quatuor.

Ad fundamentum primæ sententiæ, longè diuersa ratio est de qualitibus ac de formis. Vnica enim substantialis forma explet capacitatem materiæ, nec permittit secum alias formas: & omne substantiale corpus, debet constitui per suam veram & propriam substantialem formam: Quare, nec poterant simul iungi formæ elementorum inter se & cum forma mixti, nec poterat mixtum constitui per solam collectionem elementorum absque alia propria forma. At benè qualitates possunt & debent simul coexistere, & vni formæ substantiali communiter inferuire. Ad fundamentum secundæ sententiæ patet, nequaquam illo modo se habere compositio-

*Diuer-
sa ratio
est de
qualita-
tibus ac
de for-
mis.*

dit, et pluribus locis probat, hanc esse sententiam, tam Hippocratis et Galeni, quam Aristotelis: et miratur, oppositam communi consensu attribui Medicis: eamque in vi etiam rationis censet improbabilem.

*Est de
mente
Aristo-
telis.*

Probatur hæc assertio primò ex Arist. qui plurimis in locis sic aperte docuisse videtur. Distinguit enim duplicem modum quo cogitari possunt elementa manere in mixto: nempe vel actu & formaliter, idest secundum suas formas substantiales; vel potentia & virtualiter, idest secundum suas virtutes & qualitates. Iuxta hæc distinctionem 3. Cali 31. definiciens elementa, tunc quidem abstrahere voluit ab hac quaestione, & dixit ambiguam esse quoniam ex ijs modis elementa in mixto manerent. Iam deinde lib. 1. de Generat. tex. 84. tanquam proprio loco determinat quaestionem: docetque, elementa nec actu remanere, nec penitus interire, sed saluas manere virtutes eorum. Et sic in vniuersum textu precedenti præmiserat, miscibilia non debere in mixto salua manere, & idem repetit tex. 86. Rursus lib. 2. tex. 48. asserit, elementa non inesse actu sed potentia in mixtis. Et antea quoque 3. Cali 32. dixerat: *In carne & ligno & unoquoque talium, inest potentia ignis et terra.* Sed præclare lib. 2. de Partib. animal. cap. 1. *Prima compositio, inquit, est ex elementis: sed melius fortasse dici potest, ex virtutibus elementorum: humiditas enim & siccitas, caliditas & frigiditas, materia sunt corporum compositorum.* Hoc est, mixtum non ita componitur ex elementis, quasi ipsa elementa substantialiter eorumque formæ constituent mixtum: sed potius elementorum non remanent nisi virtutes & qualitates illæ, quæ sunt præua dispositio materialis, cui superuenit forma mixti. Neque verò, huius testimonij vis

debilitatur, per illam particulam dubitativam quam Arist. apposuit, dicens fortasse. Dubitationem enim solum retulit ad modum loquendi: idest melior fortasse loquendi modus erit dicere, mixtum constare ex virtutibus elementorum quam ex elementis: quia reuera, non substantia, sed qualitates tantum elementorum manent in mixto. Et alia plura sunt huiusmodi Aristotelis loca.

Neque vllatenus audiendi sunt quidam cum Philopono lib. 1. de Gener. com. suo 129. exponentes omnia Arist. loca, quod solum voluerit, elementa, non manere actu, idest secundum totam integritatem & perfectionem suarum qualitatum; sed potentia, quia possunt per dissolutionem mixti & separationem sui reintegrari ad pristinum suum connaturalem statum. Nam Arist. ipse perspicue explicauit, manere potentia, esse manere secundum virtutes & qualitates; & manere actu, esse manere secundum substantiam & formam. Negauit ergo manere secundum formas & docuit manere tantum secundum qualitates.

Secundò. *Experientia & ratione Colligitur* probatur ex dictis scilicet precedenti: *tur ex* quia sæpè mixtum aliquod generatur ex vno tantum elemento, vel ex dictis. duobus: imò difficile est, inuenire vnquam, ex omnibus quatuor mixtum aliquod generari. Sed si omne mixtum deberet substantialiter constare ex elementis, necessarium prorsus esset, ut ad omnem cuiuscunque mixti generationem, omnia elementa realiter conuenirent. Manifestum ergo signum est, mixtum non debere realiter & substantialiter elementa secundum eorum formas in se intrinsecè continere.

Tertiò. Cogitari non potest, mixtum ex solis elementis eorumque non potest formis ita constare, ut non addat constare aliam suam peculiarem substantialem ex elementis.

for-

mentis absque alia forma. formam, formaque mixti non sit aliud quam veluti collectio elementarium formarum. Tum quia hoc pacto, mixtum non esset quid per se vnum, vnius naturæ & speciei; sed esset aggregatum quoddam per accidens ex diuersis substantialiter corporibus. Quod non solum est contra rationem, sed tam aperte est contra Aristotelem; vt qui in hac re se Peripateticos profitentur, id prorsus detestari debuissent: tantum abest, vt id totum de mente ipsius Aristotelis potuerint asserere. Tum etiam, multo minus possent, elementorum formæ inter se perpetuo repugnantes, tam arctè contineri simul & colligari in mixto, nulla illis præsidente forma, quæ illas veluti ad concordiam reuocaret. Tum præsertim, in corpore animato, anima est prorsus alia substantialis forma præter totam elementorum collectionem, tot vitales operationes exercens: ergo vel corpora animata non constant ex elementis, cum alia propria forma polleant: vel, si in ijs coniungitur hæc alia forma cum elementorum formis, idem agnosci deberet in alijs quoque mixtis.

Nec simul cum alia forma.

Quartò. Nec etiam possunt coniungi simul in eadem materia, forma peculiaris mixti & alia elementorum formæ. Quia in vniuersum vna substantialis forma ita actuatur & complet materiam, vt saltem naturaliter non sit eadem materia capax plurium substantialium formarum. Neque iuuabit dicere, posse vnā formam subordinatam alteri cum illa coniungi, licet formæ disperatæ non possint. Nam magis repugnat rationi formæ substantialis talis subordinatio, quæ vna sit veluti dispositio ad aliam: sic enim esset potius, qualitas accidentalis, non forma substantialis: vt habetur ex dictis de ratione formæ q. 20. se^{ct}. 5. Et quo-

cumque modo plures formæ iungantur, adhuc valeret dicere, hoc corpus est v.g. lignum aut aurum, & est terra, aqua, aer, ignis: quod est prorsus absurdum. Et licet aduersarij id conentur effugere, tamen prorsus non possunt euadere: quia omnino quacumque forma dat suum effectum formalem suamque denominationem, dat suam speciem, & constituit suum substantiale compositum.

Quintò vltèrius. Vel elementa in mixto ita diffusa sunt, vt sint distincta corpora in toto eo spatio compenetrata. Et hoc est prorsus impossibile: Tum quia omnis penetratio corporum naturaliter fieri non potest: Tum quia specialiter elementa petunt diuersa loca, vnde non possent simul in eodem compenetrata quiescere: Tum præterea forma mixti non posset simul in omnibus ijs subiectis distinctis recipi, non esset determinata ratio, cur in vna præ alijs immaneret; non enim secum terret aliam distinctam materiam, quia sic hæc sola sufficeret sine alijs elementis. Vel formæ, solum elementorum, essent omnes simul in vna sola communi materia diffusa, ita vt in qualibet particula mixti & materiæ, omnes elementorum formæ iungantur. Et hoc est non minus impossibile: Tum quia formæ elementorum inter se sunt disparatæ & oppositæ: Tum quia petunt dispositiones & qualitates contrarias: Tum quia inde sequeretur non conuerti vnum elementum in aliud per corruptionem vnius & generationem alterius, dum corū formæ possunt se compati simul: Tum etiam hæc non esset vera mixtio, sicut non dicuntur propriè misceri plures formæ accidentales in eodem subiecto coexistentes. Vel demum elementa in mixto erunt solum per minutas particulas iuxta posita, ita

Elementa non possunt esse diffusa per totum mixtum nec per particulas iuxta posita.

ut quælibet particula habeat unam tantum elementarem formam : & hoc communiter dicitur ab ijs Peripateticis, qui constituunt elementa formaliter in mixto. Sed hoc etiam sustineri non potest : Tum quia ex D. Thoma Quodl. 1. art. 6. ad 3. & de Potentia q. 5. art. 2. hæc non esset propriè mixtio, sed iuxtapositio, sicut in corpore animato diuersæ partes æterogenez inter se colligatæ sunt & iuxtapositæ : Tum præsertim hoc pacto non quælibet mixti particula erit in se mixta, sumendo inquâ particulas singulorum elementorum secundum se : at apud Aristotelem, & secundum communem Peripateticorum consensum quælibet mixti particula debet esse pariter mixta, sicut ipsum totum : ergo non potest mixtum hoc pacto constare ex elementis. Tum præterea ad mixtionem omnia elementa dicuntur se per mutuam actionem ad mediam quandam reducere temperiem qualitatum : ergo iam non debeat in quælibet particula conseruari sua sola elementaris forma. Tum demum, cum in quælibet mixti particula debeat reperiri forma ipsius mixti, pariter in tota materia posset benè talis forma recipi sine alijs elementorum formis, atque adeo poterit absolutè absque omni elementorum forma.

Elem- torum for- Sextò. Vel formæ elementorum *manent* integræ & perfectè secundum *ma,* nec suam substantiam in mixto, vel *re-* possunt *fractæ* ac remissæ. Si dicatur *manere* primum : licet utique tales formæ maiori *integre,* vi & conatu conarentur singulæ se *nec re-* ad suum naturalem reducere statum, *fracta.* reparando suas qualitates, & pugnando contra alias : unde quam citissime quodlibet mixtum dissolui deberet. Sic etiam magis planè incredibile redditur, in mixtis manere formaliter elementa, v.g. in arboribus & animalibus manere ignem ; in sulphure, pice, & puluere tormentario,

manere ignem ; in piscibus sub aqua manere ignem. Si dicatur secundum : id prorsus est contra rationem formæ substantialis, et contra doctrinam Arist. qui propterea docet generationem substantialem esse mutationem instantaneam, non motum successuum. Et certè latitudo intensiua conuenit solum qualitibus, quæ possunt inter se coniungi secundum quosdam gradus in esse remisso, et quæ successiuè in tempore producuntur ac deperduntur. Nullatenus ergo elementorum formæ, et in vniuersum formæ substantiales, variantur secundum magis et minus. Et ita iam statuimus q. 41. sect. 3.

Septimò. Nec prorsus dici potest, formas elementorum manere in mixto secundum eandem suam realitatem, sed sub alia formali et specifica ratione. Nam nihil magis repugnat, quam rem vllam transire de vna ad aliam speciem, quali mutando essentiam : sed sine dubio per talem mutationem mutatur quoque omnis res. Ad summum dici posset elementum transire de vna ad aliam speciem mixti completam, per variationem formæ mixti : sed semper retineret suam specificam rationem et naturam talis elementi. Nec è contra dici potest, formas elementorum perire secundum suam realitatem, remanere verò secundum rationem formalem in ipsa forma mixti. Nam pariter repugnat, rationem formalem vllius rei transire de vna ad aliam rem, et permanere in alia re, pereunte sua priori re. Ad summum dici potest prædicatum quoddam genericum communiter reperiri in vna re quæ perit, & alia quæ de nouo gignitur. Et sic in exemplo quod affert Aresius, Anima rationalis dicitur continere formaliter sensitiuam, non utique quasi sic contineat illam sensitiuam quæ à rationali condistinguitur : sed quia confi-

Nec possunt dimidiari.

deratur gradus genericus animæ sensitivæ, communis, ad purè sensitivā, & ad sensitivā rationalem; & hoc genericum prædicatum formaliter in rationali anima continetur.

Nō sunt necessariae nec utiles in mixto. Octavo demum. Formæ elementorum non sunt per se necessarię nec utiles ad constituendum mixtum. Nam cum debeat omnino concedi alia forma peculiaris ipsius mixti, hæc erit per se idonea & sufficiens ad exercendas operationes cum qualitatibus sibi proportionatis, & ad alia quæcumque munera sibi convenientia. Non etiam indiget formis elementorum, quasi dispositionibus sibi prævijs: ad hoc enim abundè sufficient qualitates. Nullo igitur ex capite debet mixtum constitui substantialiter ex elementis, eaque formaliter continere.

Quædam loca Arist. explicantur. In contrarium Obijcies primò quædam Arist. loca, lib. 1. de Generat. requirit ad mixtionem ut miscibilia non intereant sed permaneant: & mixtionem definit unionem miscibilium alteratorum, non dicitur corruptionum. Rursus 7. Metaph. in fine, simul hæc exempla coniungit sicut litteræ B & A, sunt in syllaba Ba, & sicut terra & ignis sunt in carne: intelligit ergo esse formaliter. Item 2. de Anima 39. & 52. & 1. de Generat. animal. cap. 8. supponit in corpore animato & in ipsis organis sensitivis reperi formaliter elemēta.

Respondetur, Arist. ipse perspicuè explicavit, miscibilia nec debere penitus interire, nec actu formaliter remanere, sed debere remanere secundum suas virtutes & qualitates. Dum verò dixit, miscibilium alteratorum, affirmavit id quod sanè verū erat, alterantur enim elementa dum ad mixtionem conveniunt. Sed non per hoc negavit corrumpi etiā quoad formas. Insuper exprimere voluit id quod de se requirebatur, & naturæ ordine precedebat ad gene-

rationem mixti, nempe alterationē elementorum, & ideo non curavit commemorare corruptionem substantialem elementorum. Deinde illo loco 7. Metaph. exempla illa tantum attulit ad edocendum, quòd litteræ non conficiunt syllabam, separatæ, sed unitæ; & pariter elemēta unita, non verò separata, conficiunt mixtum: abstrahens ab alia quæstione, si elementa remaneant formaliter vel tantum virtualiter in mixto. In alijs demum locis, vel supponit solum absolute elementa manere in mixto, non determinans quomodo maneant: vel si supponat manere formaliter, loquitur ex hypotesi propter eos qui volebant mixtum non esse aliud quàm elemētorum congeriem.

Obijcies secundò oppositæ sententiæ fundamentum. Vnumquodque realiter constat ex ijs in quæ res soluitur, omne enim compositum resolvitur in suas partes componentes: sed mixtum in sui interitu resolvitur in quatuor elementa: ergo ex ijs realiter constabat, eaque formaliter continebat. Minor patet ab experientia, præsertim in combustionem ligni: accenditur enim flamma quæ est ignis, segregantur cineres, quæ sunt terra, exhalat fumus, qui est vapor æreus, & effluit humor aquæ ex ligni extremitatibus: eodemquæ pacto videtur in elementa resolveri cadauer, dum putrescit. Insuper ex herbis & floribus, alijsq. varijs rebus, educitur alambici ministerio aqua: igitur elementa formaliter in mixto manebant.

Ad hoc argumentum, quidam Auctores nostræ sententiæ admittunt esse vera elementa, omnia illa in quæ mixtum resolvitur, sed dicunt ea de nouo tunc generari. Hoc tamen defendi non potest; quia certè actione ignis in combustionem ligni non potest generari terra & aqua.

Dicendum ergo est, interdum quidem mixtum resolui, seu conuerti & transmutari in aliquod elementum, quod tunc de nouo gignitur: sic maxima ex parte lignum trāsit in ignē. Aliās mixtum resoluitur in varias quasdam partes quæ non sunt vera elementa, sed vel erant substantialiter in ipso mixto, vel ex mixti materia de nouo gignuntur. Variæ autem sunt hæ partes per diuersas quasdam dispositiones earum, & assimilari solent varijs elementis. Sic in ligno, aliæ sunt partes aridiores et densiores, aliæ humidiores et rariores, illæ soluuntur in cineres, aliæ in fumum et flammam: itaque cinis nequaquā est substantialiter terra, sed vel est eiusdem substantiæ cum ligno, vel mixtum quoddam alterius substantiæ, est tamen similis terræ præsertim in siccitate: et fumus non est substantialiter aer, sed vel eiusdem quoque substantiæ cum ligno, vel diuersum quoddam mixtum, simile tamen aeri. Insuper intra poros vnius corporis contingit humorem seu liquorem, aliquem esse diffusum, qui proinde exprimi possit. Sic certè ex ligno effluit humor ille aqueus, qui utique intra poros ligni latebat, et vel erat substantialiter aqua, vel diuersus quidam humor, quo nutriebatur lignum. Liquor etiam ille, qui ex herbis et floribus alijsue rebus extrahitur, non est utique substantialiter aqua: quinimò maiori cum vigore retinet virtutes quæ inerant corpori ex quo extrahitur: atque Theologi docent, non esse idoneā Baptismi materiam. Itaque vel talis liquor est pariter eiusdem substantiæ cum corpore ex quo educitur, vel aliud quoddam mixtum, simile aquæ. Et eodem modo dicendum est in resolutione cadaueris, et cuiuscunque alterius mixti.

SECTIO QUARTA.

Quonam modo Mixtum constet ex elementis, eaque virtualiter continere dicatur.

Communis sententia eorum qui negant, mixtum substantialiter & formaliter constitui ex elementis, affirmat constare ex illis virtualiter, eaque virtualiter continere. Et communis modus id explicandi est, quod elementorum virtutes in mixto permaneant, & hæ virtutes intelliguntur primæ quatuor qualitates, calor, & frigus, humiditas, & siccitas: & quod ideo elementa ipsa ratione harum qualitatum denominentur in mixto manere, quia elementa dum ad mixtionem conueniunt, has qualitates veluti vice suarum formarum in mixto relinquunt, & mixtum eas participat, & accipit ab ipsis elementis: & ideo licet ipsa elementa inter se in quibusdam qualitatibus communicent, non dici vnum elementum manere virtualiter in alio, quia non vnum tribuit qualitatem alteri, sed omnia elementa habent suas qualitates æquæ primò. Si quando autem contingat, mixtum aliquod gigni, absque interuentu alicuius ex elementis, aliunde accipiendo qualitates eius elementi, adhuc dicunt tale mixtum continere virtualiter illud elementum; quia ex natura rei tales qualitates sunt virtus eius elementi, & naturaliter erant ab illo debita, & sunt realiter eiusdem rationis, ac si reuerà acceptæ fuissent ab illo.

Verum, non apparet in rigore *Nō oportet* necessarium, ut mixtum naturaliter *rei*, mi- ab ipsis elementis accipiat, vel ab ijs *xm̄ realiter* accipere debeat, suas qualitates, ut *licet ac-* hoc modo elementa ratione suarum *cipere* qua- qualita-

*Mixtum
dicitur
ratione
qualita-
in constare
virtualiter
ex ele-
mentis.*

res ab elementis. qualitatum dicantur virtualiter in mixto manere; intelligendo, virtutes, idest qualitates elementorum, in mixto manere. Probatur ex dictis. Nam certè, quod attinet ad actuale exercitium, mixtum non solet accipere qualitates ab omnibus elementis, cum non soleant omnia elementa realiter ad mixti generationem concurrere & convenire: & tamen in omni mixto pariter dicuntur omnia elementa virtualiter contineri. Imò regulariter, mixta generantur, vel ex duobus tantum elementis, vel ex vno, vel ex nullo. Quòd verò attinet ad naturale debitum; non est cur dicatur mixtum debere saltem accipere suas qualitates ab elementis. Id enim non satis ostenditur. Nec conveniens videtur, dicere, mixtum debere accipere suas qualitates ab omnibus elementis simul convenientibus, quando non constet an unquam id actu contingat.

Nec ex his per se ab illis accipere. Sed præsertim, vel hoc debitum ita intelligitur, ut mixtum debeat accipere qualitates ab elementis in genere causæ extrinsecæ & effectivæ, eò quod elementa debebant efficere in mixti materia qualitates: vel intelligitur, ut mixtum debeat accipere qualitates ab elementis in genere causæ intrinsecæ, & veluti formalis, seu materialis; quia scilicet ex eadem elementorum materia mixtum debeat generari, & ita eadem illæ qualitates quæ erant in elementis cum tali materia transferantur ad mixtum, ac in illo permaneant. Primum non rectè dicitur: Tum quia sic elementa non tam se haberent ut miscibilia, quam potius ut causa effectiva externa ad generationem mixti. Tum quia reuera, non cadit sub debitum naturale, ut subiectum accipiat ab hac vel illa causa effectiva externa talem formam vel qualitatem: sed satis illi est, quòd accipiat,

à causa habente sufficientem virtutem, & per accidens illi erit, quòd accipiat à tali vel tali causa. Nec etiam secundum rectè dicitur. Tum quia ex parte materiæ omnis materia est æquè indifferens: neque quicquam refert ad formam de nouo generandam, quòd materia de tali vel tali forma ad ipsam transeat, dummodo transeat. Tum quia ex parte qualitatum nihil etiam refert ad formam quæ debet gigni, an qualitates tunc de nouo in materia inducantur, vel prius extiterint & simul cum materia transferantur, vel ut cum hac aut illa forma iam extiterint: sed ita res se habet dum ex elementis generatur mixtum, ac dum ex vno elemento generatur aliud cum illo in aliqua qualitate communicans. Nullum igitur tale debitum, nullus modus talis debiti apparet, quo dicatur mixtum debere naturaliter suas qualitates ab elementis accipere.

Eatenus ergo solum dicendum, *Mixtum* est, mixtum esse mixtum ratione *in se col.* qualitatum, quatenus in ipso mixto *ligis* sunt coniunctæ & temperatæ illæ *qualita-* contrariæ qualitates, quæ in ipsis *res in* elementis diuisæ sunt. Singula enim *elemen-* elementa, ex natura sua non possunt *eis di-* contrarias qualitates, sed binas non *spersas* contrarias: omne autem mixtum connaturaliter requirit temperiem & commixtionem omnium quatuor qualitatum. Vnde rursus, cum quatuor sint qualitatum combinationes ipsis quatuor elementis connaturales, mixtum participat omnes eas quatuor combinationes. Hinc elementa dicta sunt corpora simplicia, hæc alia dicuntur mixta.

Præterea, hæc quatuor qualitates, elementis conveniunt in summo vel excellenti gradu, & cuilibet elemento saltem una qualitas debetur in summo. Mixtis autem nulla qualitas convenit in summo, sed omnis qua-

qualitas illi conuenit in esse remisso ac refracto, & contemperata cum alia contraria qualitate. Hinc ergo, quia hæ qualitates sic excellunt & eminent in ipsis elementis, ipsis specialiter attributæ & quodammodo appropriatæ sunt. Vnde, cum vltèrius mixta quoque has participant qualitates, dicuntur ipsa elementa secundum suas qualitates manere in mixto. Quod non oportet in alio sensu intelligere ac verificare, nisi quod illæ qualitates quæ dispersæ sunt in elementis, & ijs in summo conueniunt; vnitæ & collectæ inueniuntur in mixtis secundum gradus refractos atque remissos. Item dicitur mixtum continere virtualiter elementa: quod sic etiam debet intelligi, quatenus habet pro sua dispositione naturali omnes quatuor qualitates, quæ sunt elementorum virtutes. Dicitur constare ex elementis: quod non debet intelligi substantialiter & entitatiuè, sed accidentaliter & dispositiuè, idest pro sua forma requirit in materia dispositionem constantem ex ijs qualitativibus contemperatis, quæ in elementis dispersæ sunt in summo. Dicuntur demum elementa constituere mixtum: quod sic debet pariter explicari: Qualitates quæ in summo sunt dispersæ in elementis, disponunt secundum certam quandam temperiem mixti materiam, prout conuenit ad mixti formam.

Quomodo sal-
uetur ratio mix-
tionis, mixti,
miscibili- &
elementorum.
Quod si aduersus hæc opponatur, sic non saluari veram rationem mixtionis: atque adeo mixta non esse verè mixta ex elementis: & ipsa elementa non esse verè miscibilia secundum conditiones antea requisiti-
tas: imò & non esse verè elementa, quia elementa dicuntur veluti re-
latiuè alterius elementa, compositi scilicet constantis ex elementis; vt patet, tum ex definitione horum elementorum, tradita ab Arist. 3.

Cæli 31., tum ex definitione elementi communiter sumpti, tradita, 5. Metaph. tex. 4., quas ambas adduximus q. 41. sect. 2.

Ad hæc dicendum est. Dum non alia ratione probatur, mixtum debere constare ex elementis alio modo quàm dictum & explicatum sit, sola certè nomina non debent nos inducere ad quicquam amplius concedendum: nomina inquam mixtionis & mixti, miscibilium & elementorum. Sed si nobis iuxta doctrinam traditam, hæc nomina non concedantur, præstabit illis renunciare, quàm res illis denotatam præter rationem accipere. Attamen, benè adhuc possumus hæc nomina retinere: tum vt vtamur nominibus iam impositis & consuetis, quia plerumque aliqua fuit ratio ob quam ab initio nomen ab aliquo impositum fuit, quæ etiam si ab alijs non recipiatur, tamen nomen retinetur: & Arist. ipse retinuit nomina ab Antiquis imposita, licèt in re cum illis non consentiret. Tum præsertim, quia sufficienter potest horum nominum significatio verificari, penes ea quæ dicta sunt. Mixtio pluribus modis sumebatur, vt sect. 1. præmisimus: Et quintus ac sextus modus in casu præsentis saluatur. Et iuxta talem mixtionis modum, mixtum rectè dicitur mixtum, & elementa miscibilia: idest mixtum constitutum dispositiuè ex ijs qualitativibus quæ in elementis erant dispersæ: & elementa miscibilia, quia qualitates in ijs dispersæ, colliguntur & contemperantur in mixto. Conditiones autem illæ miscibilium, allatæ sunt pro eo casu, quando ex reali elementorum conuentu contingat mixtum generari: sed id in rigore non est necessarium. Elementa demum dicuntur, vel ob eandem rationem, quatenus ex eorū qualitativibus disponentibus materiam confurgit mix-

mixtum. Vel sic dicta sunt in ordine ad vniuersum, quatenus ex ijs principaliter constitutus est hic mundus. Et sic sanè elementa se habent ad vniuersum sicut litteræ ad syllabam. Atque Arist. 1. Caeli 91. et 3. Caeli tex. primo, in hoc sensu cælum quoque vocat elemētū, & inter elemēta connumerat, sumens vtiq̃ue elemēta pro magis & præcipuis totius vniuersi partibus. Et hæc tota denique doctrina vlteriùs confirmata manet ex ijs quæ pro ratione element. q. 41. sect. 2. præmisimus.

Scotus Præter hæc tandē, adducit Scotus *ex lib. car, elemēta manere in mixto penes formā.* in 2. d. 15. q. vnica, duas alias rationes quibus explicat elemēta in mixto manere, ita vt formæ quoque ipsæ substantiales elementorum dicantur contineri in ipsa simplici forma mixti. Prima ratio est, penes quandam conuenientiam inter ipsas elementorum formas & formam mixti: sicut extrema dicuntur manere in medio, v. g. album & nigrum in rubro, quia medium habet talem conuenientiam cum extremis, quam non habent extrema inter se. Hæc ratio eatenus potest recipi, quatenus explicetur, sensum esse, mixti formam conuenire cum elementorum formis in participandis siue exigendis earum qualitatibus. Sic enim formæ elementorum sunt extremæ, quia exigunt qualitates contrarias in summa intentione: forma autem mixti est media, quia exigit coniunctas & temperatas.

Secunda ratio est, secundum quendam ordinem: quia ait, ea quæ imperfecta & inferiora sunt, dicuntur virtualiter contineri in eo quod perfectius & superius est: forma autem mixti, est perfectior & superior elementorum formis; sicq. anima rationalis dicitur continere animam sensitivam & vegetativam. Hanc rationem approbat Toletus 1. de Gener. q. 17. Sed impugnat Caietan.

1. par. q. 76. art. 4. ad finem, cui adhærent Conimb. 1. de Generat cap. 10. q. 4. Tum quia, formæ elementorum non prædicantur de forma mixti, sicut anima vegetatiua & sensitiva de rationali. Tum quia, illa forma superior dicitur virtualiter continere inferiorem, quæ apta est perfectiùs exercere eius operationes: at forma mixti non nisi multò imperfectiùs potest exercere operationes elementorum.

Explicari tamen & saluari potest hæc ratio Scoti: Quòd non oportet in omnibus ita se habere formas elementorum ad formam mixti, sicut anima vegetatiua & sensitiva ad rationalem: sed similitudinem consistere in eo quòd forma mixti exigit qualitates elementorum, sicut anima rationalis exercet operationes animæ vegetatiuæ & sensitivæ. Siquè cogitetur nomen commune ad formam mixti & formas elementorum, hoc verè prædicabitur de forma mixti: sicut nomen animæ vegetatiuæ & sensitivæ, commune est ad animam plantæ, & bruti, & hominis, & sic dicitur de anima rationali: alioqui anima plantæ & bruti specificè sumpta, nequaquam prædicatur de anima rationali. Rursus, quòd non oporteat, formam superiorem posse perfectiùs exercere operationes formæ inferioris secundum omnem perfectionem. Nam certè, nec anima rationalis perfectiùs exercet operationes vegetatiuas & sensitivas, quàm omnis anima plantæ & bruti. Sed satis erit, formam superiorem posse in aliquo gradu in se colligere & coniunctim exercere eas operationes, quæ in inferioribus dispersæ sunt: & sic forma mixti complectitur omnes quatuor qualitates, quæ in elementis dispersæ sunt. Itaque, hoc tandem redit quoque ad illam collectionem qualitatum elementarium in mixto. Sed hæc

Defenditur ratio Scoti.

collectio potest dupliciter explicari, vel actualiter quod mixtum actu habeat omnes eas qualitates, vel radicaliter quod eas per suam formam exigat & requirat. Primo modo assignatur accidentalis dispositio mixti. Secundo modo assignatur essentialis ratio mixti. Non enim de essentia eius est, actualiter habere, sed radicaliter exigere tales qualitates.

Quali- Cæterum. Ex dictis sequitur, quod *ter va-* pacto intelligi & saluari debeat, *ria ele-* quod dici solet, in varijs mixtis præ- *menta* dominari, & prævalere vnum vel *in varijs* aliud elementum: hoc enim non est *mixtis.* aliud, quàm mixtum participare magis *prædo-* de qualitate vnius vel alterius *minari* elementi. Et sic etiam in varijs partibus *dicatur-* eiusdem corporis, ut præsertim in quatuor humoribus corporis animati, dicuntur prædominari varia elementa. In flava bili ignis, quia excedit in calore & siccitate: in sanguine aer, quia excedit in calore & humiditate: in pituita aqua, quia excedit in frigiditate & humiditate: in atra bili terra, quia excedit in frigiditate & siccitate. Et hac tan. è ratione admitti debet quod dici solet, animal assidua elementorum pugna in se ipso pati, donec tandem intereat: sicut Arist. 4. Meteor. cap. 1. notavit, viuentia progressu temporis interire, quia permixta sunt ex qualitatibus contrarijs, inter se actiuis. Non enim hoc debet intelligi, quasi in eadem parte subiecti qualitates contrariæ contra se agant: sed quia diuersæ partes, contrarijs qualitatibus excedentes, inter se agunt.

SECTIO QUINTA.

De Temperamento qualitarum elementarium in Mixto.

Ante- **A** Vicenna lib. de Temperam. *peramē-* & lib. 1. Sufficien. cap. 10.

Soncin. 10. Metaph. q. 2. Iauell. lib. 8. q. 4. Heruzus tract. de Vnit. formar. q. 15. Gregor. in 1 d. 17. q. 3. art. 2. & quidam alij, docuerunt ex quatuor elementorum qualitatibus resultare distinctam quandam aliam qualitatem, mixti propriam, & hanc esse mixti temperamentum. Et ita significant, ipsas elementorum qualitates deleri formaliter, relinquere autem aliam quintam simplicem qualitatem in qua virtualiter cōtineantur. Et fundamentum erit: quia sicut dictum est non remanere in mixto elementorum formas, sed illis succedere vnā simplicem mixti formam: ita pariter de qualitatibus sentiendum erit.

Franciscus Piccolomineus lib. de Mixtione cap. 18. similiter affirmat, mixti temperamentum in qualibet parte simili, esse qualitatem vnā simplicis essentię confluentem tamen formaliter ex elementorum qualitatibus fractis, & contemperatis. Et ita vult, ex istis elementorum qualitatibus, tanquam partibus intrinsecis; formaliter constitui totalem quandam qualitatem, quæ in se sit vna, vnius essentię & naturæ. Fundamentum eius est: quia sic opinatus erat, mixti formam formaliter constitui ex ipsis elementorum formis inter se contemperatis.

Albertus de Saxonia lib. 1. de Gener. q. 19. Conciliator. Different 16. Durand. in 2 d. 30. q. 5. & alij plures, volunt, mixti temperamentum in duabus consistere qualitatibus: vnā nempe esse quæ resultet ex calore & frigore, alteram quæ ex humiditate & siccitate. Fundamentum est: quia supponunt, non posse qualitates cōtrarias simul in eodem subiecto coniungi, ne in remissis quidem gradibus; sed potius duabus qualitatibus contrarijs succedere simplicem aliam, tanquam mediam inter illas extremas.

Est verè collectio Dicendum tamen est, tempera-
mentum earundè mentum qualitatuum elementarium
elementarium in mixto, esse collectionem earum
qualitatum qualitatuum in certis gradibus, & ip-
qualitatum sas qualitates per se & formaliter
in mixto inesse mixto, nec illarum vice suc-
cedere cedere aut reperiri vnâ aliam sim-
plificem plicem vel duas qualitates. Hæc est
communis communis sententia Diui Thomæ
 1. par. q. 76. art. 4. & in 3. d. 16. q. 1.
 art. 1. Martil. 1. de Generat. q. 22.
 Fernelij lib. 3. Physiolog. cap. 3., &
 aliorum in hoc tractatu.

Probatur primò ex Arist. qui id
 passim docet atque supponit, tum in
 libris de Generat. & Meteor. tum
 lib. 2. de Anim. tex 118. ait, sensum
 tactus non percipere nisi excessum
 qualitatum, eo quòd illi insint om-
 nes quatuor qualitates in certa tem-
 perie. Et lib. 2. de Part. animal. cap.
 primo ait, mixti compositionem
 fieri ex quatuor primis qualitatibus
 coniunctis.

Secundò ratione probatur ex di-
 ctis quæst. 39. sect. 3. vbi ostendi-
 mus, qualitates contrarias coexiste-
 re simul in gradibus remissis: neque
 ex eis resultare distinctam simpli-
 cem qualitatem. Hoc autem pro-
 cedit vniuersaliter in omnibus cor-
 poribus, includendo etiam ipsa
 mixta. Et patet ad sensum: in eodem
 enim corpore sentitur formaliter
 calor & frigus: & in alterationibus
 quæ naturaliter fiunt, hæc qualitates
 formaliter generantur & corrumpuntur,
 intenduntur & remittuntur.

Tertiò. Dum dictum est elemen-
 taria manere in mixto secundum suas
 qualitates, id est elementorum qua-
 litates in mixto manere, debet hoc
 intelligi formaliter: quòd scilicet
 ipsæmet qualitates reales elementorum
 in mixto permaneant. Iis au-
 tem permanentibus, non debet nec
 potest cogitari alia simplex qualitas
 ex ijs resultans, quæ dicatur mixti
 temperamentum. Et quando in-

mixto fit aliqua mutatio qualitatis;
 v.g. manus calefit ab igne, non vi-
 que mutatur totum ipius mixti tem-
 peramentum, sed solum additur qui-
 dam caloris gradus, & expellitur
 quidam trigroris: si autem tempera-
 mentum totum esset vna simplex
 qualitas, necessariò per quameum-
 que minimam variationem, totum
 temperamentum indiuisibiliter mu-
 taretur.

Quartò. Dici non potest ex ip-
 sis elementorum qualitatibus for-
 maliter constitui vnâ simplicem
 qualitatem vnus essentia & naturæ.
 Nam ipsæ qualitates inter se, vel
 sunt disparatæ, vt calor & siccitas;
 vel contrariæ, vt calor & frigus: nec
 prorsus habent inter se proportio-
 nem & aptitudinem; vt per modum
 partium constituent vnâ totalem
 qualitatem. Itaque realiter, tota
 temperies, est collectio quædam &
 aggregatio earum qualitatuum, abs-
 que compositione vnus totalis qua-
 litatis. Demum, ita dici non debent
 esse duæ simplices qualitates ex dua-
 bus contrarietatibus resultantes, si-
 cut non vna qualitas ex omnibus
 quatuor.

Ad fundamentum primæ senten-
 tiæ, longè diuersa ratio est de quali-
 tatibus ac de formis. Vnicæ enim
 substantialis forma explet capacita-
 tem materiæ, nec permittit secum
 alias formas: & omne substantiale
 corpus, debet constitui per suam
 veram & propriam substantialem
 formam: Quare, nec poterant si-
 mul iungi formæ elementorum in-
 ter se & cum forma mixti; nec po-
 terat mixtum constitui per solam
 collectionem elementorum absque
 alia propria forma. At benè qualita-
 tes possunt & debent simul coexi-
 stere, & vni formæ substantiali com-
 muniter inservire. Ad fundamen-
 tum secundæ sententiæ patet, nequa-
 quam illo modo se habere composi-

*Diuer-
 sa ratio
 est de
 qualita-
 tibus ac
 de for-
 mis.*

*Quali-
 tates ele-
 mentorū
 formaliter
 in mixto
 manent.* Tertiò. Dum dictum est elemen-
 taria manere in mixto secundum suas
 qualitates, id est elementorum qua-
 litates in mixto manere, debet hoc
 intelligi formaliter: quòd scilicet
 ipsæmet qualitates reales elementorum
 in mixto permaneant. Iis au-
 tem permanentibus, non debet nec
 potest cogitari alia simplex qualitas
 ex ijs resultans, quæ dicatur mixti
 temperamentum. Et quando in-

tionem mixti quoad substantiam. Ad fundamentum tertiae sententiae patet ex loco allegato, bene posse ac debere qualitates contrarias coexistere simul in gradibus remissis. Et difficultates quae in hoc occurrebant, satis ibi expediuimus.

Quo pa-
cto mix-
ta parti-
cipent
quoque
virtutē
motiuā
in quo-
dā tempe-
ramento.

Deinde, participat etiam mixtum qualitates & virtutes motiuas elementorum, grauitatem & leuitatem. Et in his quoque considerari potest quaedam temperies. Nullum enim mixtum excedit in leuitate ignem, aut in grauitate terram: si inquam haec elementa in sua naturali puritate sumantur. Vnde licet apud nos plumbum & aurum videatur magis ponderare quam terra, tamen haec nostra terra non est in statu naturalis suae puritatis. Et ita bene notauit Franciscus Piccolomin. lib. de Mixtione cap. 14. Bene autem possunt mixta excedere elementa media, aerem & aquam, ut sint leuiores aere, aut potius grauiora aqua, & haec sane sunt valde frequentia.

At verò, non ita res se habet in temperamento virtutis motiuae, sicut dictum est in qualitatibus actiuis & alteratiuis, sed potius opposito modo. Nempe, non miscentur formaliter in mixto grauitas vnius elementum & leuitas alterius: sed quodlibet mixtum habet suam virtutem motiuam prorsus simplicem & conditionatam, à virtutibus motiuis elementorum: nec in mixto remanent vel insunt formaliter eadem elementorum virtutes motiuae inter se contrariae. Constat hoc ex dictis in vniuersum de virtute motiua inferiorum corporum q. 40. sect. 2. Non enim virtutes motiuae sunt inter se actiuae, ut per gradus remissos sese commiscere possint. Nec habent latitudinem intentionem, sed quaelibet per se indiuisibiliter se habet, respiciendo certum locum in comparatione ad alia corpora. Et

in vniuersum, certa grauitas aut leuitas oritur ex certa densitate aut raritate: non autem commiscetur & contemperantur simul densitas & raritas elementorum per totum mixtum, sicut componuntur simul qualitates alterantur: sed quodlibet mixtum habet per se suum determinatum statum certae densitatis aut raritatis: & sic etiam habet certum statum virtutis motiuae, grauitatis aut leuitatis.

Uterius, in temperamento qualitatuum elementarium in mixto, magna latitudo & copiosa diuersitas inuenitur, & varijs mixtis varijs temperamenta conueniunt. Qualitates enim actiuae habent latitudinem intentionem octo graduum: unde possunt varijs modis inter se commisceri & contemperari. Et in genere quidem, nouem absolute temperamenta distinguuntur. Vnum in quo omnes quatuor qualitates sint inter se prorsus aequales, nempe singulae intensae ut quatuor. Et hoc vocatur temperamentum aequale ad gradum, aequale ad pondus; ad differentiam temperamenti quod dicitur aequale ad instigiam, & intelligitur illud quod cuiuslibet mixto sit conueniens, quamuis in intentione reali vna qualitas excedat aliam. Alia quatuor temperamenta sunt, in quibus duae quidem qualitates contrariae sint aequales, inter alias duas vna excedat aliam; & quia singulae ex quatuor qualitatibus possunt esse quae excedant, quatuor efficiuntur haec temperamenta. Alia rursus quatuor temperamenta sunt, in quibus secundum utramque contrarietatem vna qualitas contraria excedat aliam: & quia similiter quatuor sunt haec qualitatuum combinationes, quatuor quoque efficiuntur haec temperamenta. Sub his deinde generibus, plures gradus in infinitum multiplicantur & distinguuntur. Non quidem sub

sub primo genere, quia æqualitas una est. Sed sub alijs octo generibus, quia excessus vnius qualitatis supra aliam, est capax infinite varietatis, nimirum iuxta intensiorem qualitatis diuisibilem in infinitum.

Octo inueniuntur partes inæqualitatis.

Arcesius 1. de Generat. q. 53. sect. 2. opinatur, tria tantum genera ex his temperamentis esse connaturalia mixtis, alia autem posse conuenire solum ab extrinseco & præter eorum naturam. Mouetur, quia putat in omni mixto naturaliter prædominari frigus, & sic nullum temperamentum natium esse in quo calor excedat frigus. Qua suppositione facta, vel humiditas & siccitas sunt æquales, vel humiditas excedit siccitatem, vel siccitas humiditatem: & sic remanent solum tria temperamenta. Probat in omni mixto dominari frigus: Tum ab experientia, quia manifestè omnia mixta præter animalia sentiuntur frigida: corpora quoque animalium, statim recedente anima frigescent. Tum etiam ratione, quia vult tria elementa esse in summo frigida, etiam nempe aerem: & hæc sunt quæ secundum substantiam suam ad mixtionem concurrunt, igne vix extrinsecè concurrente: & ideo non mirum si in omni mixto præualeat frigus.

Sed alij communiter supponunt, posse etiam & solere in quibusdam mixtis connaturaliter prædominari calorem, aut cum frigore adæquare, & consequenter inueniri omnia illa octo genera temperamenti per excessum vnius vel duarum qualitatum, & inueniri mixta quibus sint connaturalia. Et ita absolute sentiendum ac loquendum est. Nam in primis, animalia sine dubio abundant in calore. Est autem hoc temperamentum connaturale ipsis animalibus, non quidem cadaueribus: igitur ex eo quod animalium corpora, anima recedente frigescent,

non sequitur excessum caloris non esse connaturalem corporibus animatis dum sunt animata. Inter alia quoque mixta, licet inanimata, putandum est, quibusdam esse connaturalem excessum caloris, vt in sulphure & alijs similibus: quamuis vel ab extrinseco afficiantur aliquo maiori frigore, vel ob maiorem manuum nostrarum calorem sentiantur aliquantum frigida. Itaque non obstat experientia in contrarium adducta. Nec illa ratio: quia potius supponimus, aerem esse connaturaliter calidum: nec opus erat, elementa secundum substantiam suam concurrere ad perficiendum mixtum, sed bene à causis extrinsecis poterat mixtum recipere idoneas qualitates.

Specialis tamè difficultas est, num temperamentum æquale ad pondus quoad omnes quatuor qualitates, sit vili mixto connaturale. Negant Auerr. 1. Cæli com. 7., & 2. de Generatione 48., & 2. Colliget cap. 22. Auerroes Fen. 1. doct. 3. cap. 1. D. Thom. in 2. d. 19. q. 1. art. 4. ad 2. Et plures alij Theologi, Conciliator differ. 8. Dandæus lib. 1. de Animat. corp. temper. cap. 3. & alij plures Philosophi de mixtione tractantes. Fauet Arist. 1. de Generat. tex 89. vbi ait, mixtionem fieri cum virtutes elementorum adæquantur modo quodam: non dixit, simpliciter. Et 10. Metaph. 23. media componi ex contrarijs, dum ex vno minus, & altero magis participant. Dari tamen huiusmodi temperamentum æquale, esse quæ alicui mixto connaturale affirmant Albertus de Saxonia 2. de Gener. q. 11. Marfil. q. 15. Conimb. cap. 8. q. 2. art. 3. & alij eodem libro: item Franciscus Piccolom. lib. de Mixtione cap. 16. Fernellius lib. 3. Physiolog. cap. 4. & alij frequenter.

Cum hac sententia dicendum est, posse inueniri tale mixtum, cui hoc temperamentum sit connaturale.

An inueniatur naturaliter temperam. in æquale ad pondus.

Videtur inueniri.

Probatur, quia sine dubio contingere potest, ut una qualitas contraria cum alia adæquetur, & ambæ in media intentione consistent: ac certè dum aliquod subiectum ex nimis calido fit frigidum, utique in progressu alterationis deuenietur ad quoddam instans, in quo ambæ qualitates mediam æqualitatem attingant. Et hoc potest simul in humiditate & siccitate contingere. Vnde hoc pacto, saltem ex accidenti & ab extrinseco, fateri solent iidem Auctores prioris sententiæ, posse hanc mediocritatem qualitatum exactè contingere. At iam nulla difficultas remanet, quominus hoc temperamentum possit esse alicui mixto connaturale & proportionatum, ut per se manifestum videtur: igitur verè potest hoc temperamentum alicui mixto connaturaliter conuenire. Fauet & huic parti Arist. lib. 2. de Anima, dum temperamentum exquisiti tactus in medio qualitatum constituit, ut omnes earum differentias melius percipere valeat. Et sect. 2. Probl. 22. supponit, dari corpora medio temperamento prædita. Imò & idem supponit in locis pro parte opposita allegatis. Ibi enim docere voluit, non esse necessariam adæquationem simpliciter elementorum in mixto, & contrariorum in medio. Sed bene fieri posse mixtionem & cõpositionem, etiam si vnum excedat aliud, dummodo aliquo pacto contemperentur. Itaque potius pro noto supponit posse quoque esse simpliciter adæquata.

Dilectum. Quatuor rursus rationes pro parte opposita asserti D. Thomas cum *rationes* Auctores. Prima est: elementa se habent materialiter ad formam mixti; ergo non poterit mixtum assequi suam formam, si ex quatuor elementis non sit aliquod prædominans & *aduer.* *sa.* formale. Sed certè, non oportet, ut

vnum aliquod ex elementis det mixto formam, aut præualeat in conferenda forma: quinimò bene potest esse tale mixtum, cuius forma naturaliter ex elementorum æqualitate proueniât.

Secunda ratio est: quia ad mixtionem requiritur elementorum alteratio; ad alterationem verò requiritur, ut virtus vnius excedat virtutem alterius, nempe virtus alterantis virtutem alterati. Attamen, hac ratione tolleretur potius omnis mixtio, quia hæc fieri debet per alterationem mutuam oppositorum elementorum inter se. Itaque certum potius est, elementa posse & debere mutuò per alterationem agere in seipsa: & alioqui si vnum solum alteraret aliud oppositum, in se illud conuerteret, & non fieret mixtum ex omnibus. Elementa ergo, licet in se æqualia, possunt, ac debent in se mutuò agere, ut patet ex dictis antea de actione & reactione corporum alterabilium: & sic possunt se reducere ad æqualitatem mediam qualitatum.

Tertia ratio est: quia tale mixtum in quo nullum dominaretur elementum, non haberet locum sibi proportionatum, atque adeo nec naturalem motum & ita deficeret à conditione corporis naturalis. Verum, mixta non semper accipiunt locum in elemento prædominante: mixtum enim excedens in calore & siccitate, in quo dominatur ignis, non propterea debet manere in elemento ignis. Sed etiam si locus mixti esset elementum prædominans; sequeretur potius, mixtum, æquale ad pondus debere per se locari æqualiter inter quatuor elementa, nempe sub duobus leuioribus, & supra duo grauiora: & ita per illa debere descendere, per hæc ascendere.

Quarta ratio est: quia specialiter

in corporibus animatis, calor est instrumentum animæ, unde debet prædominari. Sed, licet verum sit in animalibus quidem, saltem ut plurimum, prædominari calorem: tamen in varijs plantis videtur potius prædominari frigus: & ita de illarum plurimis Medici docent. Quamvis ergo calor sit instrumentum animæ, quia illo magis anima utitur ad vitales operationes; non propterea debet in omnibus viventibus calor intensius excedere frigus: sed sufficit, si omnia viuentia habeant gradum caloris sibi proportionatum, iuxta suam virtutem, ad obeunda sua opera vitæ. Aliæ, potius speciali ratione, non potest corpus animatum esse æqualiter temperatum ad pondus: quia constat diuersis organis & partibus æterogeneis, quæ diuersam exigunt temperiem. Sed adhuc, in aliqua saltem parte, possunt sibi deposcere mediam adæquatè temperiem.

Quinta alia ratio sit, quæ ab alijs affertur, & à D. Thoma supponitur. Omne mixtum, est ab intrinseco ob elementorum pugnam, dissolutioni et corruptioni obnoxium: quod non ita esset, si omnia elementa essent ad exactam æqualitatem commensurata: sed omnino oportebit, in omni mixto inueniri aliquod elementum, quod alijs dominetur, ac ita tandem ex toto præualeat. Verum, non oportere, mixtum hoc modo corrumpi, imò nec posse hac via

corrumpi, etiam stante elemen-

torum, id est elementarium

qualitatum, inæquali-

tate, ostendemus

sect. 7.

vbi de mixti corru-

ptione age-

mus.

SECTIO SEXTA.

De Alijs Qualitatibus & affectionibus Mixtorum.

H Abent planè mixta corpora, *Mixta* alias plurimas qualitates, & *habent* inter se varias ac diuersas, pro vario *alias* temperamento & diuersa forma ip- *pluri-* sorum corporum. Hæ qualitates, *mas* aliæ sunt per se sensibiles, quæ ali- *qualita-* quo nostro externo sensu percipiū- *tes.* tur, ut colores, sapes &c. aliæ sunt quæ non per se cadunt sub sensum, sed ex suis effectibus & operationibus deprehenduntur, ut virtus magnetis ad trahendum ferrum, virtutes quas habent plantæ, lapides, & alia medicamenta, ad plurimos effectus. Hæ dicuntur qualitates virtuales, quia scilicet sunt virtutes quedam, & censeri debent de genere qualitatis, & vel habent vim ad gi- gnendas alias qualitates, vel alios effectus. Dicuntur qualitates & affectiones occultæ, ad differentiam sensibilibus qualitatibus. Damnant quidem nonnulli Recentiores hunc philosophandi modum, quo certi effectus ad occultas rerum virtutes referri solent, easque recipere nolunt. Sed ipsi potius damnandi sunt, si non nisi quæ sub sensum cadunt agnoscere velint: & vel inuiti sapè coguntur ad occultas virtutes confugere. Sic rectè Scaliger Exercita. 344. nu. 8. agens de virtute hircini sanguinis ad frangendum Adamantem aliosque lapides, subdit: *Recentiores qui detestantur occultas proprietates, easque inscitia asylū contumeliosis verbis vocant; & alijs in locis, & in hac historia, quas destruunt, construunt.* Et nimis tanè simplicitatis est, velle tam varias & notabiles corporum operationes in omnibus transigere per solas illas

elementorum qualitates. Vnde recte idem Scaliger num. sequenti: *Qui enim ad elementorum manifestas omnia reducunt qualitates, ipsi nihil aliud quam elementa sunt.*

Quæ dicuntur qualitates secundæ de.

Qualitates mixtorum corporum, quæ ab illis quatuor elementariis qualitatibus distinctæ sunt, vocantur communiter secundæ qualitates, ad differentiam illarum quæ dicuntur primæ. Atque consentitur origi ex certa commixtione & temperie earundem primarum qualitarum. Et ita Marsilius 2. de Gener. q. 5. expressit, etiam qualitates occultas & virtuales mixtorum, oriri ex certa temperie elementarium qualitarum.

Qualitates sensibiles oriuntur per se ex temperamento primarum qualitarum.

Dicendum tamen est, plurimas quidem mixtorum qualitates, & præsertim sensibiles, proximè oriri ex certa temperie primarum quatuor qualitarum: sed alias qualitates, & præsertim occultas, proximè oriri potius ex formis substantialibus, mediatè verò & dispositivè ex primis illis quatuor qualitatibus. Explicatur & suadetur prima conclusionis pars.

Qualitates tangibiles.

Qualitates tangibiles, scilicet tenuitatem & crassitiem, molliem & duritiem, asperitatem & lenitatem, aliasque similes, per se oriri ex commixtione primarum quatuor qualitarum, declarat optimè Arist. 2. de Partib. animal. cap. 1., & 2. de Generat. a text. 10. Vnde, quia etiam ipsæ primæ qualitates sunt per se eadem sensui subiectæ, percipiuntur enim tactu, principaliter in hoc genere dicuntur primæ qualitates, primæ nempe tangibiles. Designat quoque Arist. eo loco de Generat., specialiter ex humiditate & siccitate provenire alias secundas tangibiles qualitates: & quia hæc quoque sunt contrariæ inter se, in singulis earum contrarietatibus, unam qualitatem refert ad humiditatem & alteram ad siccitatē, ut adduximus q. 4. 1. sect. 4.

Rursus, sapes, qui subduntur Sapes sensui gustus, oriri ex primarum qualitarum temperie, notavit Arist. 1. lib. de Sensu & sensili cap. 4. Vbi pariter, quia inveniuntur sapes inter se contrarij, præsertim sapor dulcis & acer, dulcedo refertur ad prædominium caloris, acredo ad prædominium frigoris: sic mel & alia dulcia sunt calida, acria verò sunt frigida. De odoribus quoque idem docet & explicat Arist. eod. lib. cap. 5., & 2. de Anima cap. 9. Et in uniuersum notat, gigni ex prædominio calidi & humidī.

Pariter colores, qui visu percipiuntur, oriri ex primis qualitatibus, docet Arist. sect. vltima Problematum. Vbi, quia inter colores duo pro extremis contrarijs designantur, scilicet album & nigrum, relectur quoque per quandam excellentiam ad duas primas contrarias qualitates, nigrum ad calorem, album ad frigus. Cuius rei exemplum in ipsis hominibus est manifestum: qui enim calidas regiones incolunt, nigri sunt; qui frigidas, albi. In hoc genere videlicet qualitarum, quia præter colores inuenitur quoque lumen, hoc non solum non oriri ex primis qualitatibus, sed potius præcipuam primarum qualitarum nempe calorem ex illo oriri, valde communis sententia est. Non detrahunt tamen qui è contra dixerint, potius è conuerso oriri lumen ex calore. Attamen, lumen est qualitas quodammodo superioris ordinis ut potè quæ reperitur in corporibus cælestibus, elementarem ordinem transcendentibus: & in ijs nec gignit calorem, nec gignitur ex calore. In his verò interioribus corporibus, diffunditur quoque ab extrinseco lumen, non ex virtute caloris: & e conuerso calor non indiget lumine, ut ab illo dimanet. Sed tamen, quedam mixta sunt, quæ ab

Colores & lux.

intrinseco lucent, vt præsertim cindela, feliū oculi, piscium squamæ, & alia plura. In his vtiq; hæc affectio prouenit ex certa eorum dispositione & temperie: itaque videtur in huiusmodi corporibus tale lumen oriri ex certa commixtione & complexione primarum qualitatum, sicut alix antea dictæ qualitates: aut saltem mediata ex illis oritur, sicut alix qualitates de quibus intra dicemus.

Soni ali quo modo dependant ex primis qualitatibus.

Soni demum, qui sunt sensibiles per auditum, non sunt qualitates in corporibus permanentes, sed intransitu sunt. Non per se oriuntur ex primis illis qualitatibus, sed ex motu locali & percussione corporum, vt notum est. Sed adhuc multum ad validitatem & varietatem sonorum confert complexio corporum ex primis illis qualitatibus efformata: nempe prout corpora tuerint magis aut minus densa, solida, & dura. Vnde Arist. lib. 1. Problematum, in qua agit de sonis, eorum varietatem originaliter refert ad diuersam temperiem primarum qualitatum. Plura de emanatione secundarum qualitatum ex primis, earumque distributione enarrant Galenus lib. 5. de Simplic. Medicamentis, & Albertus Magnus in Summa de Homine parte 2. tractatu de gustu 7. 3.

Qualitates diuersæ non omni modo dependunt ex primis.

Aduertendum autem est, non ita secundas qualitates dependere ex certa primarum temperie, vt deinceps per eandem debeat semper actu conservari, quasi ex quacumque mutatione contingente in aliqua primarum qualitatum, debeant statim variari secundæ qualitates. Satis enim patet, perseverare solere eodem colore, aliasque huiusmodi qualitates in suo subiecto, etiam si quoad primas qualitates varijs modis alteretur, pluresque mutationes subeat: donec tandem tanta mutatio fiat primarum qualitatum, vt etiam

secundæ qualitates debeant variari. Neque hoc mirum est, quia bene possunt secundæ qualitates habere vim resistendi ne tam citò & facile sinant se è subiecto depelli, quamuis non habeant vim agendi sicut primæ qualitates.

Ex alia parte, non solum ex mutatione primarum qualitatum, sed ex alijs etiam subiecti dispositionibus, possunt & solent varijs modis immutari, etiam in ipsa prima sua productione & origine: vnde magna varietas in hac re passim occurrit: & sæpe cum diuerso temperamento primarum qualitatum consimiles qualitates secundæ inveniuntur: & è conuerso cum consimili temperamento diuersæ qualitates secundæ. Sic exempli gratia dicebatur albedo oriri ex prædominio frigoris, & ita in plurimis verificatur: autem cal calore albescit. In pennis avium & pilis animalium tanta colorum, varietas reperitur, & non apparet quæ sit diuersa temperies primarum qualitatum in eodem subiecto. Item plerumque in quibusdam subiectis sunt diuersi colores, & tamen iidem siue consimiles sapes & odores, vt præsertim patet in vinis. Vnde in vniuersum valde incerta atque perplexa redditur hæc distributio secundarum qualitatum pro vario temperamento primarum.

Demum, non solum in veris mixtis quæ constant sua forma substantiali diuersa ab elementis, sed etiam in ipsis elementis, per combinationem & alterationem primarum qualitatum, possunt & solent resultare secundæ aliquæ qualitates. Sic præsertim in aquis plerumque inveniuntur quidam colores, sapes, & odores: vnde notauit Arist. lib. de Sensu & Sentil. cap. 4. *Sunt fontes multi, hi quidem amari, illi verò acidi, alij autem omnimodos habent sapes alios.* Quamuis hoc contingere

soleat per consortium alicuius alterius corporis quod sit verè mixtum, nempe per quosdam succos in aqua pertusos. Sed tamen difficile non est, in ipsomet elemento, ob alterationem primarum qualitatum, oriri quasdam secundas qualitates.

Alie Explicatur deinde & suadetur secundum la conclusionis pars. Optimè intelligi potest ac debet, ex ipsa forma substantiali mixti per se oriri virtutes & affectiones illi connaturales. Sic utique in mixto animato, ex ipsa natura animæ virtutes vitales immediatè dimanant. Nec villos dixerit, has virtutes, siue sensitivas, siue vegetativas, proximè resultare ex temperie primarum qualitatum. Et similiter alie virtutes quæ mixtis inanimatis conveniunt, poterunt ac debebunt immediatè ex eorū forma prodire. Sic virtus magnetis ad trahendam ferrum, succini ad trahendas paleas, & alie huiusmodi. Ac præsertim virtus quam habent quasdam mixta ad producendas in alio subiecto quasdam primas qualitates, non poterit ex iisdem primis qualitatibus per se prodire: v.g. virtus piperis & vini ad calefaciendum, & alie similes. Non enim ex ipso calore per se dici potest provenire virtus ad gignendum rursus calorem: nec ex calore commixto & contemperato cum alijs primis qualitatibus & cum ipso frigore calori contrario. Fatendū igitur est, huiusmodi qualitates immediatè potius ex forma substantiali quàm ex temperamento qualitatum elementariū provenire. Attamen, quia ad eandem ipsam substantialem mixti formam disponitur materia per certam temperiem primarum qualitatum: ideo sic mediatè & dispositivè ex iisdem primis qualitatibus secundæ alie qualitates prodire ac dependere dicentur.

SECTIO SEPTIMA.

De Generatione & Corruptione Mixtorum.

Arist. 4. Meteor. cap. 2. expressè *Mixta* sit, mixta generari virtute elementarium qualitatum: illas tamen ita distribuit, quod calor & frigus sint qualitates & virtutes actiue, humiditas & siccitas passivæ: atque generationem fieri, cum calor & frigus dominatur subiectæ materiæ. Hinc Expositores, & præterum Zabarella lib. 1. de Mixti generat: & interitu cap. 3. 4 & 5., explicat, mixtum generari per actionem qualitatum actiuarum in qualitates passivas, scilicet caloris & frigoris in humiditatem & siccitatem: & ita vult, illas duas qualitates concurrere activè efficiendo & producendo: alias verò duas passivè disponendo materiam: & tunc perfici generationem formæ; cum illæ duæ qualitates actiue dominantur in materia. Addit cum Averroe, comparando inter se duas illas qualitates activas, solum calorem per se & positivè agere, tam in alteratione prævia, quàm in ipsa substantiali generatione formæ & mixti: frigus verò non per se agere, sed tantum concurrere moderando calorem: imò amplius frigus esse principium corruptionis, calorem generationis.

Dicendum tamen absolutè est, mixta generari per concursum tam actiuum quàm passivum omnium quatuor elementarium qualitatum: ita videlicet quod omnes secundum certam temperiem sint dispositivæ aptæ materiæ, ad recipiendam formam, & simul sint principium actiuum in suo ordine operans. Probatum primò ex eodem Arist. qui eodem loco absolutè ait: *Univerſaliter simplex*

Omnes ea qualitates si-mul tam activè quàm passivè concurrunt.

plex generatio & naturalis transmutatio harum virtutum est opus, & opposita corruptio secundum naturam. Vbi videtur, omnibus ijs qualitatibus has operationes indistinctè tribuere.

Sicut inter ipsa elementa.

Secundò ratione probatur: quia ipsamet elementa, harum qualitatum ope gignuntur: at ad generationem formæ elementaris, non una sola qualitas, sed coniunctim ambæ qualitates ipsi elemento connaturales verè concurrunt, tam actiue producendo formam, quam passiuè disponendo materiam: ergo cum respectu mixti omnes quatuor qualitates sub certa temperie sint illi connaturales, omnes simul in tali statu disponunt passiuè materiam, & operantur actiue ad producendam formam. Si enim ad formam ignis v.g., non sola siccitas sed etiam calor disponit materiam; & non solus calor sed etiam siccitas producit formam: sic pariter se habebunt omnes quatuor qualitates in suo ordiue ad formam mixti.

Omnes ea qualitates sunt actiue.

Tertiò. Omnes quatuor qualitates sunt verè actiue & singulæ aliarum similium productiue, & suarum contrariarum destructiue, ut iam ostendimus pro his qualitatibus circa ipsa elementa: & solùm quoad alios effectus ac denominationes, calor & frigus dicebantur actiue, congregando & disgregando; humiditas & siccitas passiuæ, faciliem vel difficile terminationem patiendò: generatio autem formæ substantialis præcipuè consequitur actionem illam primarum qualitatum in qua omnes conveniunt: igitur putandum quoque est omnes quatuor qualitates simul actiue concurrere. Insuper omnes quatuor qualitates habent vim inducendi alias secundas qualitates quæ ad mixti generationem deferuiunt: videlicet non solùm raritatem & densitatem: quæ calori &

frigori tribuuntur: sed etiam duritiem & molliem, soliditatem & liquiditatem, & alias, quæ pariter siccitati & humiditati tribuuntur. Igitur omnes quoque ex hac parte actiue concurrunt.

Quartò. Dum calor & frigus agunt, non agunt in humiditatem et siccitatem, ut propterea illæ dicantur actiue, hæ passiuæ. Non utique in illas agunt tanquam in subiectum, quasi in ijs producendo suas contrarias qualitates aliosuè effectus; sed hoc pacto agunt in materiam, omnibus ijs qualitatibus communem. Non in illas agunt tanquam in contrarias qualitates: non enim calor & frigus aduersantur cum humiditate & siccitate: sed hoc pacto opponuntur & agunt aduersus se inuicem, calor et frigus inter se, humiditas & siccitas inter se.

Et singule agunt aduersus suas contrarias.

Quintò. Multò minùs stare potest quod addebat Zabari, solum per se calorem per se agere, frigus verò concurrere tantùm moderando calorem. Nam Arist. planè eodem modo loquitur de frigore & calore, & ambas pariter vocat qualitates actiuas. Et verè ex natura sua tam frigus quam calor habet vim agendi: & ita simul operando concurrunt ad mixtum. Si autem frigus solùm concurreret moderando calorem, sic solùm per accidens se haberet: ita quòd si contingeret tantam caloris intensionem induci in materia, quanta sit proportionata mixto, etiam si nullum simul adesset frigus, adhuc fieret generatio. Sed certè frigus dici debet per se quoque concurrere. Imò pariter calor ipse habet moderari frigus. Hoc ergo pacto simul hæ qualitates ad certam temperiem reductæ, habent perficere generationem mixti.

Sextò item dici non potest, calor esse principium generationis, frigus corruptionis. Nulla enim cau-

Et omnes generatio.

re mix- ti perfi- ciunt. *sa naturalis intendit per se corrup- tionem, sed corruptio vnius for- mæ non exercetur nisi consequenter ex generatione alterius formæ in- compossibilis: igitur, si calor est principium generationis vnius for- mæ, simul est principium corruptio- nis alterius; &, si frigus est princi- pium corruptionis vnius formæ, nō potest esse nisi quatenus sit princi- pium generationis alterius. Rur- sus, si frigus immoderatum & vltra debitam mensuram, affert interitū; pariter calor immoderatus & ni- minus, est corruptionis origo: igitur in rigore hæ qualitates eodem pa- cto se habent, proportionem tamen seruata, quatenus in quibusdam mixtis abundat calor, in quibusdam frigus.*

Arist. Aristoteles demum ibi, vocauit *explicatur.* calorem & frigus qualitates actiuas respectu illorum effectuum congrega- tionis & disgregationis, humidi- tatem & siccitatem passiuas respectu terminationis, vt clarè patet in tex- tu. Sed non propterea negauit, omnes simul tam actiuè quàm di- spositiuè concurrere ad formam mixti. Dixitquè, generationem fieri quando calor & frigus domi- nantur materiæ: idest quando perfi- ciunt talem statum congregationis & disgregationis, humiditate inter- im & siccitate recipientibus talem statum terminationis, prout conna- turale est mixto quod debet gigni: supponendo insuper, omnes eas qualitates esse secundum debitam temperiem & proportionem colli- gatas atque permixtas.

Cæterum, non per hoc dicimus, solas eas elementares qualitates cum suis operationibus sufficere ad ge- nerationem mixti. Imò nec simpli- citer dicimus ipsas immediatè & proximè auingere productionē sub- stantialis formæ. Sed quo pacto ad- denda sit alia peculiaris virtus quæ

substantialem generationem perficiat, in speciali mixtorum tractatio- ne videbimus.

Uterius cum qualitates dictæ *Mixto- rum ge- neratio non ha- bet pro causa princi- pals ele- menta.* non sint nisi ad summum instrumē- tum generationis, Aliqui indicant ut ipsa elementa esse causam principa- lem cui tribui debeat generatio mix- ti, quoniam ex qualitates sunt vir- tutes & instrumenta elementorum. Sed hoc dici non potest: & ita rectè notauit Auerr. 12. Met. com. 18. Abert. 1. de Genert. tract 6. cap. 4. D. Thomas & alij Expositores eod. libro circa tex. 84. Toletus q. 19. Co- mimb. cap 10. q. 1. art. 2. & alij com- muniter supponunt. Et ratio est: quia mixta sunt perfectiora & nobi- liora elementis, dicuntur continere virtualiter elementa: causa autem principalis debet esse vel æqualis, si sit vniuoca; vel superior effectu, si sit æquiuoca. Itaque, illæ qualitates non erunt dicendæ virtutes & instru- menta elementorum quoad hunc ef- fectum gignendi substantialiter cor- pora mixta; sed benè quoad opera- tionem qua ipsa elementa gignunt sibi similia.

Mixta ergo quæ gignuntur, ha- *Sed quadam mixta gignun- tur ab alijs, quadam à celesti- bus cor- poribus.* bent pro sua causa principali, vel alia inferiora mixta, vel celestia corpora. Viuentia quæ per propa- gationem ab alijs similibus progi- gnuntur, vtique habēt pro suo prin- cipio ipsos suos progenitores. Sed & præter hæc, alia quoque sunt quæ principaliter ab inferioribus corpo- ribus gigni dicuntur. In iisdem vi- uentibus formantur humores qui vi- tæ deseruiunt, nempe sanguis & alij qui non censentur per se animati: item chylus, & si quæ sint alia sub- stantiæ mediantes, donec cibus cō- uertatur in substantiam alit: aliaquæ plura quæ ex corporibus viuentibus efficiuntur. Causa inquam princi- palis horum corporum censeri de- bet ipsum viuens, cuius virtute for-

formantur. Præterea, si inter pura inanimata corpora, vllum sit quod habeat facultatem conuertendi in se aliud, vt si vinum valet conuertere in se aquam, vtiq; erit causa principalis talis operationis & generationis. De reliquo autem, illa quæ non inueniunt sufficientem sui causam inter corpora hæc inferiora, ad quam principaliter referatur, agnoscunt pro sua causa principali corpora celestia: non solum inquam mixta inanimata, vt lapides & metalla; sed etiam plurima viuentia quæ non ab alijs viuentibus propagantur: vt iam tractauimus inter operationes ipsorum celestium corporum q. 35. q. 8.

Mixta naturaliter corrupti solent per putrefactionem.

Rursum Arist. eodem loco 4. Meteor. cap. 2. docet, mixta naturaliter corrupta: hoc nomine vocat conuersionem & ordinatam mixtorum corruptionem, quæ exercetur veluti per resolutionem, qua successinè & paulatim ad exitum tendunt. Explicat magis ac definit putrefactionem: *Est corruptio caliditatis quæ in vnoquoque humido secundum naturam & propriè inest, ab aliena caliditate quæ est ambientis.* Hinc Zabarella lib. 2. de Mixti generat. & interitu cap. 1. modum putrefactionis sic exponit. Calor internus & natiuus corporis erat is qui vnierat & contemperauerat siccum & humidum, sicquè mixti generationem pertecerat: postea idem calor continet & conseruat hanc siccæ & humidæ permixtionem atque temperiem, & donec duret calor hic naturalis, conseruatur mixtum: tandem, abeunte tali calore, mixtum dissoluitur & putrescit: abire autem ac recedere calorem internum, virtute caloris externi corporis ambientis, à quo foras euocatur & educitur calor internus: ideoquè facilius æstat, quam hieme, & in locis cali-

dioribus quàm frigidioribus, contingere putrefactionem, vt docet Aristoteles.

Hæc tamen doctrina, & obscura est, & non satisfaciunt. Supponit modum illum generationis mixtorum, quem iam reiecit. Non declarat, quo pacto calor vnierat prius, & postea contineat, siccum & humidum: quinimò si iunantur siccum & humidum pro qualitatibus in materia, hæc vniantur per se in gradibus remissis, nec indigebant calore eas velut in concordiam reducete, & deinceps continente. Non declarat, quo pacto calor internus extrahatur à calore externo: dum potius vnum corpus calidum habeat fouere calorem alterius: imò si sit illo calidius, habet intendere & augere in illo calorem: & calor sumptus pro qualitate, non deserit suum subiectum vt ad aliud transeat, nec perit nisi per introductionem aduersi frigoris in subiecto.

Sic ergo clariùs res explicanda est de mente Arist. Supponendum est, in mixto reperiri solere simul agglutinas & compactas, partes aliquatenus dissimiles & diuersis præditas dispositionibus: per separationem harum partium mixtum resoluitur, & velut in sua elementa reducitur, idest in partes varias similes elementis, vt lect. 3. dicebamus. Maxime autem caloris opus est segregare, æterogenea. Itaque calor corporis ambientis, agens in mixtum, paulatim segregat eius partes, ac præsertim attenuat & resoluit partes calidiores subtiliores, & magis vaporosas. Sic dicitur educere calidum & humidum naturale: non quòd auferat per se ipsas qualitates caloris & humiditatis: sed quia relaxando poros & attenuando dictas partes, euaporare eas facit, relinquendo partes & crassiores & terrestriores. Et hoc tandem pacto, procedente

Examinatur et explicatur quatenus putrescat.

dente actione & disgregatione caloris, mixtum penitus dissolvitur & putrescit. Sic inquit Arist. *Exeunte proprio calido, coevaporat quod secundum naturam humidum: & sic ciora sunt quæ putrescunt omnia, & tandem terra & finis.* Et inde rectè intert, facilius mixta putrescere, quando magis viget calor agentis externi. Rursus, difficilius putrescere quæ frigidiora sunt, quoniam magis valent calori resistere, & minus abundant vaporibus calidis qui extrahantur. Difficilius etiam putrescere ea quæ calidiora sunt, ita ut superent calorem externum corporis ambientis: quia agens externum, tunc magis resoluit partes alterius corporis, quando inducendo maiorem calorem quàm sit debitus alteri corpori, attenuat magis, & sic educit partes subtiliores eius. Demum, difficilius putrescere quæ moventur quàm quæ quiescunt, & magna quàm parva: quia scilicet, minùs lædi possunt à calore externo.

Quo pacto etiam elementa putrescere, præter ignem: Putrescunt, inquit, omnia alia, excepto igne: etenim terra & aqua & aer putrescunt. Hoc videtur repugnare doctrinæ traditæ de putrefactione. Nam elementa simplicia, secundum se non habent varietatem partium, per quarum segregationem dissolui queant. Terra & aqua nō habēt nativum calorem, qui educi & exhalare possit actione calidi externi, ut ita putrescant. Propter hæc, oportet alio modo intelligere putrefactionem in elementis, quàm in mixtis: quod nempe elementa dicantur putrescere in quantum extraneis quibuldam & noxijs qualitatibus inficuntur, & præsertim per admixtionem aliorum corporum tales qualitates afferentium. Sic dicuntur aquæ putrescere, dum ita inficiuntur, quod tetrum odo-

rem expirant; viridi quodam colore tinguntur; & noxios vapores emittunt. Sic inficitur etiam & contaminatur aer, ut morbos & neces inferat. Similiter & terra marcescit. Ignis verò ob validiorem suam activitatem, & perpetuam agilitatem qua semper in altum evolat, non sinit se hoc modo infici, & ideo neque hoc modo putrescit.

Notavit præterea Arist., non hoc solo modo per putrefactionem mixta corrumpi: sed assignat distinctum alium corruptionis modum quem vocat violentum: putrefactionem vocans modum corruptionis secundum naturam: quasi nempe, mixtum ex natura sua tendat ad putrefactionem, violenter tamen possit ab alio agente externo corrumpi: & exemplum huius modi affert combustionem. *Finis, inquit, omnium horum marcedo est, nisi aliquid violentia corruptum fuerit natura constans, est enim & carnem & os & quodcumque combussisse, quorum finis secundum naturam corruptionis putrefactio est.*

Hoc autem generaliter ita debet intelligi, quod præter eum modum corruptionis per segregationem partium & dissolutionem totius, alius modus est, dum per actionem validioris agentis externi inducitur alia nova substantialis forma in materiam actioni subiectam, & destruitur forma prior, & cōpositum quod ex illa constabat: eo nimirum pacto quo inter ipsa elementa naturalis transmutatio exercetur. Fit autem hæc substantialis mutatio mediante ministerio qualitatium: ita tamen, quod non per quamcumque alterationem sui naturalis temperamenti statim mixtum intereat, & alia nova substantia generetur: sed non nisi per valde notabilem alterationem et variationem qualitatium, perficiatur substantialis mutatio corporum.

SECTIO OCTAVA.

De Diuisione Mixtorum corporum in Inanimata & Animata.

Mixta omnia sic adæquatè diuiduntur: alia sunt inanimata, alia animata. Animata sunt & dicuntur viuentia. Magis quidem amplè & generaliter, omnia corpora, alia sunt inanimata & non viuentia, alia animata & viuentia. Inter inanimata continentur quoque cælestia corpora & elementa, de quibus iam suis locis egimus: animata verò non inueniuntur nisi in genere mixtorum: ideo què nunc specialiter ipsa mixta in hæc duo genera diuiduntur. Rursus magis adhuc generaliter distinguuntur substantiæ viuentes & non viuentes: inter substantias viuentes, præter animata corpora, continentur spirituales substantiæ, non solùm creatæ quæ sunt Intelligentiæ, sed Deus ipse. Sed modò in hoc tractatu corporum, specialiter assumimus corpora viuentia & animata.

Animata. Facile non est, assignare & explicare veram & essentialem discriminationem rationem inter animata & inanimata, viuentia & non viuentia. Frequens & consueta ratio hæc est, uere scilicet per ordinem ad operationes, sicut ipsa, regulariter solent occultæ rerum essentia designari. Viuens est quod potest mouere seipsum, potest in seipso semetipso immanenter & intrinsecè operari. Non viuens verò est, quod non potest mouere seipsum, nequit in seipso intrinsecè operari. Vbi intelligendum non est, hanc negationem formaliter proponi pro ratione essentiali non viuentium: sed hæc negatio offertur pro ratione positua & reali in qua fundatur: sicut

nominari solent rationale & irrationale, materiale & immateriale, & alia passim. Hanc differentiam viuentium & non viuentium assignant communiter, tam Theologi quàm Philosophi. Et consonat vulgaris loquendi modus, quem ad hanc rem confirmandam assertit D. Thomas 1. cont. Gent. cap. 97. Appellamus aquam viuam, illam quæ de se fluit ex fonte, ad differentiam aquæ iacentis quam appellamus mortuam: vocamus argētum viuum, illud quod irrequieto motu agitur & fluctuat. Atque respiciendo ad ipsa animalia, in quibus cernitur manifestè vita, ut notauit Arist. lib. 1. de Plantis cap. 1. tamdiu dicimus animal viuere, quādiu motum aliquem in eo deprehendimus: motu verò cessante, mortuum esse agnoscimus.

Hanc eandem viuentium & animatorum corporum rationem, expressit Arist. plurimis in locis. Lib. 8. Phys. tex. 28. supponit, animalia tanquam viuentia moueri à seipsis: textu 29. sequenti, inquit à quo moueantur inanimata, præsertim, grauiæ & leuiæ: inquit enim *ipsa à seipsis dicere, impossibile est, vitale enim hoc et animatorum est propriū.* Sic rursus lib. 1. de Anima tex. 19. & 20. animata & inanimata distinguit: testaturquè, id esse certum & à maioribus acceptum. Hinc demum lib. de Animalium motu, comparat animal ciuitati benè constitutæ, quæ non indiget externo Principe: sic enim animal non indiget externo motore. Plato enim apud Simplic. 2. Phys. com. 12. dixit: *Omne corpus cui motus extrinsecus accidit inanimatum est; cui verò motus ex seipso inest, id animatum est.* Et in Dialogo de legibus, idem sub nomine viuentis expressit: *Quod ab intrinseco mouetur, id viuere dicimus, eoquè differt animatum ab inanimato.* Sic demum Cicero in lib. de Som-

Somnio Scipionis circa finem, *Inanimatum est, omne quod impulsu cietur externo: quod autem animatum est, id motu cietur interiori, namque hæc est natura propria anima atque vis.*

Inanimata di- Verum, statim hæc doctrina de
cuntur se difficilis apparet: quia etiam inanimata corpora per se & ab intrinsecis moueri videntur: omnia enim suamet virtute motiua tendunt ad locum sibi debitum, grauia descendunt, leuia ascendunt. Insuper vim habent producendi seu reparandi in se alia sua connaturalia accidentia, aqua calefacta reducit se ad pristinum frigus, & idem in seipsis alia præstant.

Hinc, ad euadendam hanc difficultatem, ortum est, vt communiter dictum sit, inanimata hæc, & specialiter grauiata et leuia in descendendo & ascendendo, non moueri à seipsis, sed moueri à generante, prout sæpè docere & loqui solet ipse Aristoteles.

Id non Sed certè, hoc non potest intelligi
potest in- gi proximè & immediatè, quasi talis motus per se exerceatur virtute extrinseca generantis, non virtute intrinseca ipsius mobilis. Manifestum enim est, grauiata & leuia moueri, aquam reparare in se frigiditatem, etiam si prorsus non extet amplius in rerum natura agens illud à quo talia corpora naturaliter genita erant. Ac etiam si permaneat adhuc causa quæ genuit, sitque simul præuens, ridiculum sanè esset cogitare, descensum lapidis proximè & immediatè fieri à generante, & non à virtute & grauitate intrinseca lapidis. Fatendum ergo omnino est, verè ipsa quoque inanimata corpora habere ex natura sua vim intrinsecam exercendi in seipsis quosdam suos motus sibi cōuenientes & connaturales.

Hoc supposito, Non sufficit quod

aliqui dicunt, moueri corpora hæc à generante remotè & mediatè, quatenus ab illo acceperunt virtutem suam motiuam. Nam, hoc pacto, corpora pariter animata dici deberent moueri à generante, quia ab illo acceperunt suas virtutes. Neque in hoc apparet vllum discrimen. Vnde non relinquitur inter animata & inanimata corpora differentia quæ quaeritur.

Alij tandem addunt, virtutem, *Neq;* motiuam inditam inanimatis corporibus, se habere tanquam instrumentum generantis, & sic meritò *principi-* motum tribui generanti sicut causam *paliter* *& me-* principalem. Ita explicauit D. Thomas Opusc. de Natura Mater. et dimensionibus interminatis, et approbavit Capreol. n. 2. d. 6. q. vnica ad 1. secundo loco propositum cont. 1. conclus. Suarez disp. 18. Metaph. sect. 7. et alij frequenter. Sed adhuc integra remanet difficultas. Tum quia sic docetur virtus operatiua ab initio in diuina viuenti à generante, deinceps se habere tanquam instrumentum eiusdem generantis. Tum certè operationes illæ connaturales rebus, vt sunt motus grauium et leuium, reductio a quæ ad suam frigiditatem, sunt ita proportionatæ et conuenientes ipsis rebus, sicut operationes vitales cuique substantiæ viuenti: ergo omnes pariter tribuendæ principaliter sunt ipsis corporibus in quibus et à quibus exercentur. Tum præterea, non est maioris excellentiæ et virtutis, generans quam generatum, sed ambo sunt eiusdem conditionis et naturæ, in omni generatione vniuoca, dum v. g. vnus ignis genitus est ab alio, vna aqua ab alia, et sic de alijs: igitur operatio quæ verè et proximè ab vno exercetur, v. g. ab hoc igne, ab hac aqua, non debet principaliter attribui alteri igni, alteri aquæ; sed absolutè tribui debet illi et à quo *reca-*

realiter exercetur. Tum demum, quâdo ignis quidam calefacit aliud subiectum distinctum, utique hæc actio principaliter conuenit ipsi igni, et non alteri à quo is genitus erat: ergo non minus actio qua ipsemet ignis sua leuitate ascendit, et qua aqua reparat in se suam frigiditatem. Verè igitur ipsa quoque inanimata corpora principaliter mouent seipsa, et exercent in se connaturales quasdam suas operationes.

Sed cor. Alia iam superest optima via ad hanc rem explicandam, pro vera et essentiali differentia inter viuientia et non viuientia, ex Diuo Thoma 1. 2. par. q. 18. art. 1. ubi ad secundum nisi cum argumentum quod probare videbatur, omnia naturalia corpora viuere in statu re, quia habent in se alicuius motus violento. saltem localis principium; ita respondet: *Corporibus grauius & leuius non competit moueri, nisi secundum quod sunt extra dispositionem suam naturam ut potè cum sunt extra locum proprium; cum enim sunt in loco proprio & naturali, quiescunt: sed planta & alia res viuentes mouentur motu vitali secundum quod sunt in sua dispositione naturali; non autem in accedendo ad eam, vel in recedendo ab ea: imò secundum quod recedunt à tali motu, recedunt à naturali dispositione.*

Hæc est itaque vera ratio discriminis inter viuientia & non viuientia, per ordinem ad operationem in seipsis. Viuens aptum est sese mouere, & in se intrinsecè operari, tunc cum est in statu suo connaturali sibi què debito ab initio suæ generationis: non operatur in se, ut acquirit naturalem ac debitam sibi dispositionem, extra quam violentè inueniatur repositum, & ad quam intendat accedere: sed eius operatio est alia perfectio superaddita præter dispositionem ei ab initio debitam. Et hoc manifestè patet inductione

in omnibus viuentibus quæ dicuntur vitaliter operari: sic intellectuum intelligit & vult, sensitiuum sentit, vegetatiuum vegetat. Et infra genus viuentis intellectui viuunt Deus & Angeli, quantum non cum motu physico in suis actibus spiritualibus operentur. At nullum non viuens potest hoc pacto sese mouere, & in se intrinsecè operari: sed ad summum potest, quando constitutum fuerit violentè extra statum suum connaturalem sibi què ab initio suæ originis debitum, conari ad acquirendam talem dispositionem sibi debitam. Et sic planè in illis exemplis, aqua violentè calefacta, & sic existens extra dispositionem sibi debitam, potest agere in se pro recuperanda debita sibi frigiditate: leue vel graue, auulsum à loco suo naturali ad locum sibi violentum, aptum est ascendendo vel descendendo tendere ad locum sibi à natura & origine debitum.

Atque, hac ipsa ratione, saluari *Et ideo* poterit, & rationabiliter explicari, dicuntur qualiter operationes non viuientium moueri tribuantur generanti, non operationes viuientium. Quia nempe, cumque rei ex vi suæ generationis & originis debetur ab ipso generante totus eius naturalis status & dispositio: siue quia ipsum generans debeat per se immediatè efficere perfectiones connaturales ipsi rei: siue quia illi dat talem naturam ex vi cuius emanent et consequantur tales perfectiones debite: Vnde, quando postea eadem ipsa res in se operatur ad acquirendum talem statum, agit ex sua natura, et virtute ad hoc sibi indita à generante: et in hoc sensu, non quidem actualiter vel principaliter, sed solum denominatione quadam, ratione debiti naturalis, accipiendum est, quod talis actio tribuatur generanti. Hoc autem non procedit in actibus vitalibus

libus substantiarum viuentium; quæ tunc maximè operantur, cum iam reperiuntur in statu naturali debito sibi ex sua origine à generante.

Distin- Hinc præterea, facile erit discer-
guuntur nere operationes vitales à non vi-
tales *vi-* talibus: quæ enim transeunt in
tales & subiectum externum ab operante
non vi- distinctum, vel exercentur in eodè
tales. operante ad acquirendum statum,

cuius naturalem & originaliter debi-
tum, non sunt vitales: quæ verò in-
trinsecè permanent in eodem ope-
rante, & se habent per modum per-
fectionis superadditæ ultra statum
ex origine debitum ipsi operanti,
sunt operationes vitales, huiusmodi
sunt actus rationales, & sensitui, &
vegetatiui. Specialiter motus loca-
lis grauium & lenium non est vita-
lis, motus progressiuus animalium
verè est vitalis, non enim tendit ad
acquirendum locum superiorem vel
inferiorem à natura debitum tali
corpori, sed animal de vno ad alium
locum indifferenter progreditur.
Item continuus cordis motus in ani-
mali etiam est vitalis, & verè pro-
cedit à principio vitali, nec tribuitur
generati: et ita indicauit Arist. lib.
de Motu animal in fine. Et imme-
ritò Fonseca 9. Met. cap. 1. q. 7. cõ-
tendit, hunc motum esse à generan-
te; et frustra sect. 1. suadere cona-
tur, motum cordis non effici ab ani-
ma aliouè principio intrinseco: imò
ipsemet sect. 2. sequenti, concedit
et probat, animam esse principium
effectiuum eius motus. Is verò mo-
tus exercetur ab animali connatura-
liter disposito in statu sibi originali-
ter debito: non ergo debet tribui
generanti, estquè verè et propriè
vitalis.

Omnia Sed adhuc contra doctrinam tra-
anima- ditam duæ difficultates occurrunt.
ta mo- Prima est: Viuens dicitur quoad
uent se aliquas operationes viuere, quæ ta-
mea men non videntur à signatis condi-

tionibus habere. Augmentatio enim *statu na-*
recensetur inter operationes vitales *turali.*
animæ vegetatiuæ: at viuens quod
augescit videtur esse extra statum et
perfectionem suæ magnitudinis sibi
debitæ à natura, et hanc intendit
acquirere. Item generatio ponitur
pro operatione vitali eiusdem ani-
mæ: at viuens non generat seipsum,
sed aliud viuens simile sibi.

Respondetur. Statum naturalem
in quo dicimus constitutum suppo-
ni viuens, et ultra illum operari, in-
telligi statum debitum ab origine
ex vi suæ generationis: at corpori-
bus viuentibus non debetur ab ori-
gine, et ex vi suæ generationis, per-
fecta magnitudo, et tota moles quæ
in progressu acquirere potest ac de-
bet. Item, non viuentia possunt
solum operari, quando inueniuntur
in statu violento, et carent perfe-
ctione sibi originaliter debita, sicquè
conantur illam acquirere: at viuentia
dum nascuntur, non utique sunt in
statu sibi violento ob defectum ius-
tæ magnitudinis, sed solum sunt in
statu quodam minus perfecto, et ita
à natura comparatum est, vt propria
virtute ad perfectam magnitudinẽ
crescere debeant. Generatio dein-
de vitalis, non fit per merè extrin-
secam efficientiam eo modo quo
ignis generat ignem: sed vnum vi-
uens ad hoc vt generet aliud, assu-
mit et disponit quandam veluti par-
tem sui, in qua proinde intrinsecè
operatur, et hoc est semen. Rursus,
actio quæ fit à semine, se. habet vt
eidem viuenti intrinseca, vt potè à
parte quadam ipsius viuentis ad huc
effectum decisa: vnde vitalis gene-
ratio definitur, quæ est à principio
vitæ coniuncto.

Secunda difficultas est: quia ali- *Nulla*
quod non viuens inuenitur, quod *inani-*
constitutū in sua naturali dispositio- *mata*
ne, adhuc seipsum mouet, et in se *mouent*
intrinsecè operatur. Huiusmodi est *se ipsa*
illud

*in statu
naturali.*

illud quod hinc per analogiam appellatum est argentum viuum; lufum enim in terram, non quiete, sed indefinenter fluctuat. Imò aer in sua regione, per se semper agitari videtur: et ita attulit Themist. lib. 2. de Anima tex. 84. probatque ex eo quòd etiam in summa tranquillitate conspiciuntur athomi, inter Solis radios irrequeto æstu huc illucque reciprocare.

Respondetur. Mirandam quidem videri illam argenti viui naturam: sed tamen illum eius motum prouenire ex nimia eius grauitate tendente deorsum: ac proinde, sicut motus aliorum grauium non est vitalis, et tribuitur generanti, ita et motus hic argenti viui. Est enim tanti

ponderis, vt omnia metallà excepto auro illi supernatent: estque fluidum et labile. Hinc fugiens siccitatem terræ vel tabulæ in qua funditur, conatur se colligere in globum, sicut faciunt guttæ aquæ tulsæ in puluerem; sed nimia grauitate, deprimitur, et ideo indefinenter fluctuat, addito etiam aliquo impulsu aeris circumtuli. Aer verò ipse, non vtiue propria aliqua virtute, sed continuis flatibus et motu aliorum corporum agitur, et ideo athomi semper illo iactari conspiciuntur. Nullum itaque vita carens, constitutum in suo naturali statu, potest seipsum mouere, et in se intrinsece operari.

QVAESTIO QVADRAGESIMAQVARTA.

De Corporibus Mixtis

Inanimatis.

Atingit de his Arist. in fine libri tertij, et in toto libro quarto Meteor. Et rectè de ijs agimus ante animata corpora: propin quiora enim sunt elementis, de quibus iam tractauimus. Et ita in hac distinctione et ordinatione interiorum corporum, à minus perfectis ad perfectiora ascendendo procedimus. Breuiter autem rem hanc praesenti quaestione expediemus: quæ ab alijs Philosophiæ Professoribus terè præterminari solet.

SECTIO PRIMA.

Quæ & quid sint Mixta Inanimata.

Difficile est, ad certa capita reuocare omnia inanimata mixta quæ in hoc vniuerso inueniuntur. Sed sic in genere designari possunt. Extant in primis illa quæ dicun-

tur mineralia. Et sic vocata sunt, *Mineralia*, quia regulariter intra terræ sinus inueniuntur, et inde effodiuntur. *que gignuntur in terra.* Di- co regulariter: quia alioqui etiam in sublimi interdum conficiuntur: vnde quandoque et lapides et metallà ex nubibus ad terram delapsa sunt, et in visceribus animalium lapilli progignuntur.

Hæc rursus in duo genera distribuit Arist. 3. Meteor. cap. vltimo. *Tria sunt ge-*

nera Alia appellat communi nomine
minera. fossilia, et ait esse, *lapidum genera*
lum. *ineliqualia, & Sandaracham, &*
Ocbram, & Minium, (hi sunt pul-
 ueres colorati quibus Pictores vtun-
 tur) *& sulphur, & alia talia,* Alia
 appellat metallica, et ait esse, *Aue-*
fusilia, aut ductilia, ut ferrum, au-
rum, es. Sed ad maiorem distin-
 ctionem, tria genera facit Albertus
 magnus in suis libris de Minerali-
 bus, nempe lapides et metalla, et alia
 quæ vocat media mineralia, illa sci-
 licet quæ simul cum lapidibus sub
 nomine fossilium Arist. appellauit,
 et inter ea sunt quoque sal, bitumen,
 alumen, et similia. Refert præterea
 lib. 5. cap. 1., Auicennam distinxisse
 quatuor genera mineraliū, nem-
 pe lapides, metalla, sulphura, et sa-
 les. Sed præstabit retinere distin-
 ctionem in tria genera, quæ ad com-
 munem et consuetum loquendi mo-
 dum est magis accommodata, et
 non est à mente Aristotelis aliena,
 qui in primo illo genere duos gra-
 dus apertè distinxit.

Prima Duo illa genera Arist. ibi distin-
differē- guit ex parte materiæ: dicens fossi-
tia inter bilia constare exhalatione sicca,
lapides metalla vapore humido. Sed horum
& me. corporum materiam postea distin-
talla. ctè inquiremus. Modò distingui
 potius debent quoad nos, penes ac-
 cidentia & affectiones nobis notas,
 & quæ indicant substantialem di-
 uersitatem. Et quidem per triplicem
 differentiam distingui possunt. Pri-
 ma est quam indicat idem Arist.
 Metalla omnia liquefiunt, ut expe-
 rientia notum est: nam etiam fer-
 rum, licet tardius ac difficilius, ta-
 men adhuc vehementi igne lique-
 scit. Lapidēs verò non liquefiunt,
 ut est experientia notum: nam ad
 quamcumque ignis vehementiam
 ad summum mollescunt in calcem,
 ac tandem resoluntur potius in
 puluerem, quam fluant in liquorem.

Attamen idem Arist. 4. Meteor.
 tex. 38. inquit: *Liquefcit autem &*
lapis Pyrimæus, ut stillet & fluat,
& mola liquantur ut fluant. Et ite-
 rum tex. 52. *Aurum, & argentum,*
& as, & stannum, & plumbum, &
vitrum, & lapides multi innomina-
ti, aqua sunt; omnia enim hac lique-
fiunt calido. Hoc ipsum, experien-
 tia comprobant, artis chymicæ pro-
 fessores. Et Antonius Philotæus
 in Topographia Aetnæ, describens
 igneum fluium, quem ex eo monte
 decurrentem vidit, subdit: *Cuius*
ignita materies, sola aeris temperie,
in duriores nigerrimosquē lapides
congelabatur: illa ergo materia erat
 lapideus liquor. Et iam olim Vir-
 gilius Georgic. 1. *Vidimus vndan-*
tem ruptis fornacibus Aetnam flam-
marumquē globos, liquefactaque vo-
luere saxa.

Ad priorem Arist. locum, Auerr.
 ibidem intelligit, *Quod non lique-*
fiunt, sed mollescantur, quoniā istud
est manifestum, quod non liquefcunt,
sed mollescantur. Sed supposito
 quod aliqui lapides verè in liquo-
 rem solui videantur, aliqui volunt,
 tales lapides non esse puros lapides,
 sed esse permixtos & agglutinatos
 aliquo succo metallico & hunc suc-
 cum liquefcere, & sic solui pariter
 lapides velut in minutas arenas inter
 succum liquidū contusas, sicut Arist.
 priori loco ait, liquefcere etiam lu-
 tum & terram: unde tales lapides
 appellant metallicos. Vel dicunt,
 illos non esse veros lapides, sed po-
 tius esse de tertio genere minera-
 lium, licet ob maiorem cum lapidi-
 bus similitudinē appellentur lapides.
 Aut denique fatendum est, hanc nō
 esse vniuersalem & adequatam dif-
 ferentiam inter omnes lapides &
 metalla, sed inter lapides pro maxi-
 ma sui parte & omnia metalla: alia-
 quē constituenda erit differentia in-
 ter lapides qui liquantur & metalla.

Se-

*Secunda
differen-
tia.*

Secunda differentia inter lapides & metalla, quam etiam eodem illo loco Arist. indicat, est, quod metalla non solum in liquorem solvuntur, sed etiam possunt in longum & latum deduci ac distendi: ne certè metalla sunt malleo ductibilia: & non nulla quidem etiam si nō prius incallescant ab igne, ut plumbum & stannum; alia verò saltem cū incaluerint ab igne, ut ferrum & alia: at argentum vivum, non malleo ducitur, siquidem per se est semper liquidum, nisi artificio aliquo solidetur. At verò lapides nequaquam malleo distenduntur, sed potius franguntur & friantur, ut notum est.

*Tertia
differen-
tia.*

Tertia differentia, quam hinc deducit Albertus lib. 3. tract. 2. cap. 3. est, quia lapides contusione comminuntur & conteruntur in pulverem; & ita est manifestum de omnibus lapidibus; nisi quod Adamas dicitur non posse frangi. Attamen saltem hircino sanguine etiam Adamas frangi dicitur. Et præterea novis observationibus compertum est, malleorū quoque validioribus ictibus frangi Adamantem. Metalla verò nullis ictibus conteruntur.

Cæterum, omnis hæc metallorum & lapidum differentia, ad unam priorem reduci potest, quod in lapidibus abundat magis siccitas, in metallis humiditas. Nam humidum est, cuius partes inter se magis adherent & colligantur, siccum verò quod conteritur & friatur. Metalla ergo, quæ liquefcunt, quæ malleis deducuntur, & non conteruntur, sunt magis humida: lapides, qui non liquantur, non malleis distenduntur, sed conteruntur, sunt corpora magis sicca.

*Distin-
guuntur
alia mi-
neralia
à lapi-*

Ab his duobus generibus distinguit deinde Albertus lib. 5. cap. 1. alia mineralia tertij generis, quæ vocavit medias quia inquit participant aliquid de conditione metallorum,

& aliquid de conditione lapidum; *dictus et* siue de humido aqueo cum metallis *metal-* & de sicco terreo cum lapidibus: & *lib.* aliqua magis accedunt ad lapides, aliqua magis ad metalla. Sed hoc benè quidem potest de quibusdam verificari. Videlicet, tal conteritur ictibus ad instar lapidum; & liquefcit ad instar metallorum, non tamen in igne, sed in aqua: Sulphur conteritur sicut lapides, & intra vas liquefcit ad ignem. Vel alio modo, Marchasita, ut ait Albertus, imitatur compactionem lapidis & colorem metalli: Scoria item quæ educitur è metallis, non liquefcit sicut metalla, tamen innascitur in metallis eorumquæ colorem participat.

Verum, non in omnibus mineralibus quæ à metallis & lapidibus distinguuntur, hæc ratio differentię inuenitur. Nam certè, illa quæ sunt pulveres colorati, quorum Arist. commemoravit, Sădaracam, Ochram, & Minium, non solum non mediant inter siccitatem lapideam, & humiditatem metallicam, sed inveniuntur potius per se sicciores lapidibus, nempe comminuti & friati ad instar cineris, quamvis extraneo & additio humore commanari soleant: nec satis apparet, quæ alia, ratione mediēt inter lapides & metalla: colores enim illorum, sunt illis proprii, nec magis accedunt ad metalla, quam ad lapides.

Alia autem magis generali ratione hoc aliud genus mineralium à metallis & lapidibus distinguere posse videtur: quia nempe deficiunt à consistentia & compactione lapidum ac metallorum. Solent esse, vel per se in pulverem dissoluta, ut pulveres colorati; vel saltem apta ut facillè leuiores ictibus conterantur, ut sal, sulphur, alumen, marchasita, scoria, & similia: vel sunt per se mollia & tractabilia, ut bitumen, & si quæ sint alia huiusmodi. Hæc

ergo alia mineralia, leſiunt à conſiſtencia & compactione lapidum ac metallorum. Non poſſunt autem ſatis benè ſub vno certo genere aduari: nec habent nomen peculiare & proprium pro ſuo genere, ijs omnibus commune. Sed Albertus illa vocauit media mineralia. At iuxta rationem traditam melius vocari poterunt mineralia imperfecta, quo etiam nomine ſolent appellari. Aut dicentur mineralia varia, ob defectum certi generis communis. Aut non tam dicentur media inter lapides & metalla, quàm partim inter elementa & lapides, partim inter elementa & metalla.

Alia mixta inanimata qua gignuntur in terra.

Deinde, præter hæc mineralia nobis nota, & oculis iſtis conſpicua, extare videntur quædam alia inanimata mixta, quæ pariter gignuntur in terra, præſertim liquores quidam & ſucci halitus & vapores. Meminit de his Georgius Agricola lib. 1. de Ortu & cauſis ſubterraneorum, & lib. 1. de Natura eorum quæ efluunt ex terra. Ex ijs ſuccis & liquoribus Agricola facit proximè gigni lapides & metalla. Et licet interdum ſuccum explicet pro aqua cui immixta ſit terra: tamen in tota tractatione, illas videtur ſumere pro mixtis quibuſdam corporibus, ſicut ſe habent alia mixta, ab elementis ſubſtantialiter diuerſa.

Deprehenduntur præterea varij liquores & ſucci in plurimis aquarum fontibus per terram ſcaturientibus, varias qualitates & virtutes habentibus. Inueniuntur enim fontes, habentes varios colores, varios ſapores, & præſertim admirabiles quaſdam virtutes, vt reſert idem Agricola de aqua ſtigia in Theſſalia, quæ vaſa terrea aut alterius metalli corrodit atque perumpit. Hæc autem omnes affectiones, non inſunt aquis, niſi ratione aliorum quorundam liquorum, qui per terram

gignantur, et iſtis aquis immiſceantur. Rurſus, quædam cauernæ per terram extant, quæ halitus valde noxios & exitiales eructant, adeo vt vel ſtatim enecent, vel valde lædant, ſi quis in eas ingreditur; aut alios quosdam effectus inferant. Attamen, dici poterunt tales liquores & vapores in terra fluere & exhalare ex quibuſdam mineralibus, vel ex iſdem notis, vel ex alijs occultis. Et ita hæc reducentur quoque ad mineralia.

Iam, præter omnia mixta quæ gignuntur in terra; extant alia quæ in ſublimi formantur, & inde in terram decidunt; nempe mel & manna, quæ ſimul cum aqua roſida, ſiue rore aqueo, ex alto deſluunt, vt commemorauimus q. 42. ſect. 6. Hæc ſine dubio à mineralibus omnibus diſtinguuntur, & ſunt alia quædam mixtorum inanimatorum genera.

Rurſus extant alia mixta, quæ humana induſtria & artificio fieri ſolent, coniungendo ſcilicet varias res naturales, & adhibendo cauſas quaſdam naturales, & alioqui ſola nature vt abſque beneficio artis non contingerent. Videlicet, ex farina trumentacea et aqua ſimul commixtis, fit maſſa, & adhibito igne fit panis. Et ſic alia pleraque fieri ſolent per varias coniectiones & commixtiones rerum, per varias alterationes & coctiones arte diſpoſitas. Hæc autem multa & varia ſunt, ad humanos vſus deſeruentia. Et licet quædam ſaluari poſſiat per ſolam accidentalem mutationem, aut materialeſ compositionem plurium corporum, retenta propria ſubſtantia ſingulorum: tamen pleraque fieri videntur cum vera mutatione ſubſtantiali, & introductione nouæ ſubſtantialis formæ in materiam.

Denique, extant illa inanimata mixta, quæ ex viuentibus & anima-

Alia quæ in ſublimi gignuntur.

Alia quæ arte parantur.

Alia quæ ex uiuentibus & anima-

*anima-
tis pro-
ueniunt.* tis prouenire noscuntur : nempe illa
quæ remanent, dum viuientia emo-
riuntur, vt ex animalibus cadauera :
illa quæ tanquam excrementa rei-
ciuntur, & ex alimentis quidem de-
ducta sunt, sed non erant apta vt in
substantiam aliti verterentur : illa
quæ ad opera vitæ deseruiunt, aut ex
alimentis formantur, vt in substan-
tiam aliti conuertantur, vt humores
in animali & præsertim sanguis, chi-
lus etiam & quæcumque alia sub-
stantiæ mediæ per quas fit transmu-
tatio alimēti in alitum. Hæc inquam
omnia, ex animatis corporibus pro-
ueniunt, vel quia ipsa corpora ani-
mata in ea conuertuntur, vel quia
iptorum animatorum corporum
virtute gignuntur. Et sic in vniuer-
sum assignantur quæ sint mixta ina-
nimata.

*Omnia
dicta
mixta
sunt verè
inani-
mata.* At verò Democritus apud Alber-
tum lib. 1. de Mineralibus tra&. 1.
cap. 4. ascrebat, lapides & alia hu-
iusmodi mixta, esse potiùs animata,
haberequæ animam vegetatiuam, &
vitalia opera exercere, nutritionis,
augmentationis, & generationis.
Idem nuper asseruit Cardanus lib. 5.
de Subtilitate. Sed, vt rectè notauit
Albert., lapides & alia huiusmodi
corpora, non per suam virtutem in-
trinsècam has operationes efficiunt,
sed solùm ab extrinseco patiuntur :
non seipsa nutriunt & adaugent per
alimentum intra se susceptum, con-
uertendo illud in suam substantiam,
non vitaliter generant alia sibi simi-
lia. Sed licut elementa non sunt ani-
mata, ita prorsus mixta hæc non ani-
mantur, non viuunt. Martilius etiam
Ficinus lib. de Vita cælitus compa-
randa, & Georgius Venetus in Har-
monia Mundi dist. 6. cap. 5. dixe-
runt, lapides & metalla viuere. Sed
prorsus errarunt : & contra expe-
rientiam ac rationem loquuti sunt.

*Cōstant
sua pro-* Postremò. Pro communi ratio-
ne horum corporum definienda,

retert idem Albertus eodem loco, *pria*
Alchimiſtas denegare illis veram & *substan-*
propriam substantialem formam, *reali*
dicendo illa constitui & inter se dif- *forma.*
ferre tantùm per variam coaduna-
tionem partium, & temperiem qua-
litarum. At ex communi ratione
mixtorum, quæst. præcedenti con-
stituta, certum remanet, tam hæc,
quàm omnia naturalia corpora, per
veram ac propriam substantialem
formam in se consistere, & inter se
differre. Imò Albert. cap. 6. ait, de-
mentis videri, dubitare de his for-
mis substantialibus. Itaque hæc
mixta inanimata essentialiter con-
stituuntur in genere per suum genus
formæ contradistinctum ab anima,
quamuis non habeat aliud nomen
proprium. Et generica ratio huius
formæ non potest in communi aliter
assignari, nisi penès differētiā,
in fine superioris quæstionis tradi-
tam, inter inanimata & animata
corpora : nempe quod forma inani-
matorum corporum est talis, quæ
non habet vim exercendi motum in
suo composito, nili ad summum
quatenus inueniatur in statu violento
extra dispositionem, naturaliter
ab origine debitam. Hæc autem re-
uera dici debet realis & positua ra-
tio, quæ tamen à nobis per negatio-
nem proponitur & explicatur.

SECTIO SECVNDA.

De Qualitatibus Mixtorum Inanimatorum.

PRæter ea quæ superiori quæst. in
communi de mixtorum qualita-
tibus dicta sunt, nihil terè pro ina-
nimatorum genere addendum su-
perest : nisi quod retert Albert. lib.
2. de Mineralibus tract. 1. cap. 2.,
quosdam negasse lapidibus, & sic
pariter alijs huiusmodi mixtis, pe-

culiæres illas virtutes, quæ pro ipsorum corporum varietate, variæ ac diuersæ solent ijs attribui; & dicuntur occultæ, id est non per se sensibiles, quamuis in suis effectibus mani-

Inter festæ. Certum tamen prorsus est, *qualita-* his corporibus verè inesse huiusmo-
ses horū di virtutes: vt iam communiter cir-
mixto. ca mixta q. præcedenti sect. 6. dice-
rū præ- bamus. Et patet clarè: quia passim
cipua experimur varios eorum effectus:
sunt na- eaquè ad plurimos vsus humane vi-
turales tæ deferunt: indequè tot medica-
quædam menta quoque sumuntur. Hi autem
virtu- effectus, non nisi ex proportionatis
tes. talium causarum virtutibus proue-
nire possunt: neque ad illos perficiendos solæ sensibiles qualitates sufficere possunt. Nulla què difficultas apparet aut occurrit in ijs virtutibus constituendis. Et hoc totum in omnibus generibus huiusmodi corporum, quæ iam enumerauimus, satis manifestè verificatur.

Non tamen recipiendum est, quod idem Albert. eod. lib. 2. tract. 3. affirmat, de virtute astronomicarum imaginum, in certis lapidibus vel metallis insculptarum. Nam reuera tales imagines nullam possunt afferre vel addere virtutem ex rei natura, vitra connaturales ipsorum corporum virtutes. Vnde meritò D. Tho. 2. 2. q. 96. art. 2. ad 2. cum D. August. lib. 10. de Ciuit. cap. 11. aliquè Theologi ac Doctores morales, communiter docent, tales imagines esse potius supersticiosas, & inniti Dæmoniaco pacto, ac non nisi virtute Dæmonum quicquam operari: atque adeo earum vsum esse prorsus illicitum, sicut alia magica opera. Sufficiunt ergo virtutes, quæ per se inanimatis corporibus insunt.

Quæ ut. Dubitari autem adhuc potest, *re sunt* num tales virtutes sint propriæ qua-
forma litates, sint accidentales formæ à
accid. substantiali distinctæ, vel tortè sint
ales. tales.

realiter eadem substantia rei. Sed censeretur potius debent veræ qualitates accidentales, à substantia distinctæ, de illa specie qualitatis quæ dicitur potentia. Ita habetur ex ijs quæ diximus de rerum accidentibus in communi q. 21. sect. 8. & iterum ostendemus postea circa potentias animæ, de quibus id solet magis specialiter disputari.

Quærit præterea Albert. eod. *Orin-* tract. originem talium virtutum, *ur ex* quæ in his corporibus inveniuntur. *forma* Et cap. 2. quatuor de hac re opinio- *substans* nes recenset: Primam Alexandri & *ialis.* aliorum quorundam Peripateticorum, tales virtutes prouenire ab elementis: Secundam Platonis, prouenire ab Idæis: Tertiam Hermetis, prouenire à cælis: Quartè Auicennæ, prouenire ex imaginatione Intelligentiarum mouentium cælos. Sed rectè docet Albert. cap. 4. per se & proximè prouenire ex forma, & substantia propria talium corporum: sicut vtique virtutes & facultates animatorum corporum proueniunt ex anima. Sed iuxta hoc, remotè prouenire dicentur ex elementis, siue ex elementorum qualitatibus: & prouenire à cælis, quatenus ex his habentur mixtorum formæ.

SECTIO TERTIA.

De Transmutatione Mixtorum inanimatorum.

PRæter ea quæ eadem superiori *Natu-* quæst. communiter adnotauimus de generatione & corruptione *rali* mixtorum, modò circa transmuta- *transmu-* tionem inanimatorum, facilè qui- *tatione* dem constat, solere plerumquè gi- *hac mix* gni ex pluribus elementis, & præci- *ta gi-* pue ex duobus, nempe terra et a qua, *gnitur.* tanquam sua materia propinqua; & quandoque etiam inter se vnu ex alio:

aliò : Item constat effectiue solere gigni à causis æquiuocis, sibi què superioribus, mediantibus tamen idoneis qualitatibus. Et hoc totum adhuc clariùs innotescet deinceps ex speciali consideratione horum corporum, iuxta sua iam præsignata genera.

An possit ullum tale mixtum conuertere elementum aliquod in suam substantiam.

Sed dubium præcipuum ac discussione dignum remanet, num fieri possit vt ex vno quopiam elemento, & an vniuocè possit aliquod ex ijs mixtis inanimatis ab alio sibi simili generari. Pro qua re solet ab Expositoribus 1. de Generat. specialiter disputari, num aqua infusa vino conuertatur substantialiter in vinum, virtute & actiuitate ipsius vini. Et occasionem ibi sumunt ex quodam exemplo Arist. tex. 88. vbi ait, guttam vini infusam in magnam copiam aquæ conuertere in aquam.

Negant Piccolom. 1. de Generat. circa tex. 88. Aresius eod. lib. q. 52. Bonamicus lib. 7. de Motu cap. 24. Fortunius Lycetus lib. 2. de his qui diu viuunt sine alimento cap. 41. Dandinus lib. 2. de Anima digress. 25. Aguilonius lib. 5. Opticorum propolit. 18. Et quidam alij. Negant autè duplici ex capite, tum eo quòd non possit fieri transmutatio vnus simplicis elementj in quoddam mixtum, tum eo quòd non possit mixtum inanimatum gignere sibi simile, & conuertere quicquam in suam substantiam.

Resolutio affirmatiua.

Affirmandum tamen reuera est, fieri posse vt vnum simplex elementum conuertatur in quoddam mixtum actione & virtute eiusdem mixti inanimati, ac specialiter verè aqua in vinum conuertere, ipsius vini actiua virtute. Ita asserunt plerique Philosophi & Expositores circa loca Arist. quæ infra afferemus, & Conimb. cap. 10. q. 1. art. 2. Flaminii Nobilius cap. 5. q. 5. & alij. Et præcipuè ita sentiunt & supponunt

serè omnes Theologi circa sacramentum Eucharistiæ, tractantes de conuersione vini, cui antea miscetur aqua, in sanguinem Christi : Scholastici quidem in 4. d. 11. & 12. D. Thomas & cum ipso alij 3. par. q. 74. art. 8. Et videtur quoque de mente Sanctorum Patrum.

Hinc probatur primò Theologico argumento : quia vino conseruando admiscetur aqua, aqua autem conuersa in vinum conuertitur deinde in sanguinem Domini. Hanc esse probabiliorem hac de re sententiam, declarauit Innocentius Papa in cap. Cum Marthæ, de Celebrat. Missarum. Et quidem neque conueniens esset dicere, aquam in propria substantia remanere immixtam cum sanguine Christi : neque immediatè ex propria substantia conuertere in sanguinem. De hac autem re in proprio tractatu theologico differemus.

Probatur secundò ex Arist. qui pluribus in locis satis apertè docuisse videtur, aquam in vinum conuertere. Nam textu illo 88. lib. 1. de Generat. dixit : *Gutta vini decem milibus congijs aqua non miscetur, soluitur enim forma, & mutatur in vniuersam aquam* : vbi in vniuersum docebat, quando ex duobus, vnum nimis superat aliud, non fieri mixturem sed conuersionem, & ad hoc explicandum attulit tale exemplum : & pariter dixisset, guttam aquæ conuertere in vinum : nam eadem ratio, & eadem serè difficultates ex vtraque parte procedunt. Sed expressè eodem lib. tex. 34. docuit, quando vnum quid apponitur alteri, dici augeri illud quod remane, & in quod conuertitur aliud : sic dici augeri membra in quæ conuertitur alimentum : & affert exemplum vini cui appolita sit aqua. Clarissimè rursus tex. 39. declarat corpus viuens augeri per conuersionem alimenti in

Vinum conuertitur in se aquam.

se, sicut augetur vinum per intusio-
nem aquæ, & sicut augetur ignis per
combustionem nouæ materiæ, vbi
perspicuè intellexit aquam conuerti
in vinum. At tandem tex. 42. inquit:
*Si autem amplius facere non possit,
sed ut aqua vino semper amplius im-
mixta, in fine aquosum facit. &
aquam, tunc diminutionem facit
quantis.* Vbi intellexit, quod si ni-
mium addatur de aqua, tunc non
conuertetur in vinum, sed faciet vi-
num aquosum, & tandem totum
reducat in aquam: & sic planè sup-
ponit, dum ab initio parum aquæ
infunditur vino, verè conuerti in
vinum.

*Afferū-
tur alia
exempla.*

Tertiò probatur exemplis. Tàm
aqua, quàm vinum, si intundatur in
acetum, conuertitur in acetum: &
est manifestum, quia intra aliquod
tempus inueniunt acetum tàm acre
quàm antea erat, imò interdum per
intusionem aquæ acrescit magis.
Plumbum in locis humidis attenua-
tum dicitur excrecere, & ita testa-
tum reliquit Galenus lib. 9. de Sim-
pliciis Medicamentis facultatibus cap.
de Plumbo, dicens: *Omnium qua-
nouissimum, unicuique plumbum, cum mo-
le ipsa, cum pondere augetur, si con-
datur in edibus subterraneis aerem
habentibus turbidum. Tum etiam
plumbea statuarum vincula, quibus
earum pedes annectuntur, sapienter
vero creuisse visum est, et quedam adeo
intumuisse, ut ex lapidibus depen-
derent chrystalli modo verruca.* Item
Georgius Agricola lib. 5. de Ortu &
causis subterraneorum, pro certo
asserit, tegulas plumbeas in tectis
domorum notaliter augeri, & ita
rem enarrat. *Plumbeas tegulas, qui-
bus magnificas ades regi videmus,
multò grauioribus aliquot post annis
inueniunt, id qui prius pondus nota-
rant, atque adeo quidem, ut eas per-
sapere propter nimiam grauitatē artis
permutare necesse sit.* Comperitum

etiam est, lapides colligatas vincu-
lis ferreis agglutinati plumbo, sole-
re disrumpi, excrecente nimirum
ipso plumbo. Hoc autem contin-
gere videtur per concreuonem va-
poris aquei & conuersionē in plum-
bum in locis humidis, & per adhæ-
rentiam & agglutinationem aquæ
pluentis in tegulas, quæ similiter
conuertatur in plumbum. Et id fie-
ri videtur virtute eiusdem plumbi
cui sit accessio. Similiter concedit
Scaliger exercit. 104. num. 17. salis
petram in cumulis repositam, quin-
quennio excrecere: refert etiam &
admittit augmentum plumbi. Car-
danus autem volebat, omnia natu-
ralia corpora habere huiusmodi vir-
tutem conuertendi in se alia. Sed
hoc Scaliger negat. Similiter Mar-
tilius Ficinus lib. de Vita cælitus
comparanda cap. 3. & Fernellus lib.
2. de Abditis rerum causis cap. 18.
inducunt, omnes lapides & metalla
habere hanc virtutem. Sed non re-
ctè. Itaque necessarium quidem non
est, ut omnia corpora habeant hanc
virtutem: Sed bene esse potest ut
quædam habeant. Siquè vlla sint
quæ habent, specialiter vinum dici
debebit vim habere conuertendi in
se aquam.

Quartò ratione non aliter id pro-
bati potest, nisi quia nulla in hoc *Ratione
suade-
tur.*
apparet repugnantia, quominus cor-
pora quædam mixta hanc facultatē
à natura potuerint accipere, ut
agendo & operando, ac materiam
disponendo per idoneas qualitates
suam tandem formam inducere va-
leant. Sicut certè planta sumit ex
terra & aqua alimentum quo nutri-
tur & crescit, conuertendo illud in
suam substantiam: ita poterunt quo-
que inanimata corpora, non quidem
per intus intceptionem alimenti ad-
instar viuentium, sed per iuxta po-
sitionem materiæ, illam assumere in
suam substantiam, inducendo suam
for-

formam. Et poterunt hanc materiam assumere ex aliquo elemento, iuxta ea quæ diximus de mixtis in communi, nempe posse mixtum gigni ex vno aliquo elemento, quæst. præcedenti sect. 2. Atque hoc totum constabit magis dissoluendo difficultates in contrarium occurrentes.

Quædam loca Arist. explicatur. Obijciunt Aduersarij primò quædam Arist. loca lib. 2. de Generat. tex. 50. & lib. de Sensu & sensibili cap. 5. docet, mixta non nutriri ex vno simplici elemento, sed ex pluribus, & sic plantas non nutriri sola aqua, sed mixtura terræ & aquæ: imò hinc probat, huiusmodi corpora constare ex pluribus elementis, quia vnumquodque ex ijsdem nutritur ex quibus constat, & addit, ex alimento debere secerni excrementa, idest partes ad conuersionem ineptas. Et specialiter de aqua lib. 4. Meteor. tex. 37. aquam non crassescere. Negauit igitur Arist. vllum elementum, ac specialiter aquam, posse in mixtum aliquod conuerti. Præterea, sect. 3. Problematum, multa quærens de vino diluto, planè supponere videtur, in illo permanere adhuc substantialiter aquam, & non esse conuersam in vinum. Et lib. Poetic. cap. 23. ait vinum dilutum vulgò appellari absolutè vinum, quasi scilicet supponens, non esse reuera totaliter vinum.

Respondetur. Priora loca plurimis modis posse exponi. Vel sensum esse, mixtum non posse nutriri siue augeri ex puro aliquo elemento, quia elementum in sua naturali puritate nimis distat à temperie mixti: aqua autem apud nos non solum non est simpliciter pura quoad suas naturales qualitates, sed nec etiam videtur esse pura quoad substantiam, quia facilè habet admixtum aliquem alium terrestrem succum, & sic est propinquius apta ad conuersionem. Vel sensum esse,

non tam facilè & frequenter ex vno solo elemento fieri aut augeri mixtum, sed facilius & frequentius ex collectione plurium elementorum. Vel præcipuè Arist. docere voluit non esse determinatam materiam vllius mixti, vt ex vno certo elemento debeat augeri aut gigni, quasi ex necessitate assumere debeat certum aliquod elementum: sed potius benè posse & solere ex pluribus. Quod faciebat contra illos, qui vnum solum elementum, v.g. solam aquam, aut solam terram, faciebant aliorum corporum principium & materiam. Et hac ratione benè probauit, mixta constare ex pluribus elementis. Alioqui non negauit, etiam quando plura elementa concurrunt, quodlibet ex ijs conuerti in mixtum. Et ita posse etiam interdum vnum solum sufficere ad talè conuersionem, iuxta proportionem nempe & convenientiam certi elementi cum tali mixto. Vnde interdum, etiam plantæ quædam, imò & arborum rami, ac flores è suis radicibus diuulsi, in aqua per suos stipites asseruati, aliquandiu viuunt, nutriuntur & auge-scunt. Licet etiam in animalibus ex alimento fiant excrementa, tamen de plantis sic ait 2. de Part. animal. cap. 3. *Ne excrementum quidem conserahi in stirpibus solet.* Dixit quoque, aquam non crassescere virtute sua: sed non negauit aliena virtute, imò aquam concretam fecit materiam metallorum. Vel vt exponit Nobilius, non crassescere virtute ignis, sed bene posse per aliam causam. Sed præsertim, vt aqua vertatur in vinum, non debet crassescere, imò nostrates aquæ solent plerumque esse crassiores vino. In alijs locis, Arist. loquutus est de vino largè diluto, vt ad humanum vsum deferuire solet, vbi maior aquæ copia non ita conuertitur in vinum. Vel etiam respexit ad communicatio-

nem

nem aliquam qualitatum, quæ per mutuam actionem inter vinum & aquam resultat.

*Ratio-
nes ali-
qua di-
luntur.*

Obijciunt secundò. Natura ijs tantum corporibus conuenienter concessit virtutem conuertendi alia in se ipsa, quæ sine tali conuersione cōseruari non possent, nempe viuētibz & igni, in quantum indigent pabulo: ergo iuxta quæ benè possunt per se cōseruari, non debuerunt accipere talem virtutem à natura. Insuper mixta non excedunt in qualitatibus primis vt per eas possint alia corpora in se conuētere, sicut faciūt elementa: & præsertim vinum valde conuenit cum aqua in ijs qualitatibus. Neque talem cōuersionem perficere possunt per qualitates quæ dicuntur virtuales, vt videlicet vinum dicatur conuētere in se aquam per calorem virtuales: non enim qualitates virtuales agunt nisi efficiendo formales, quod hic non contingit. Rursus, si vnum aliquod mixtum haberet huiusmodi virtutem, omnia alia pariter habere deberent: quod est planè falsum, tam inter alios liquores, quàm inter corpora dura. Mirum ergo erit, si solum vinum hac virtute præditum à natura fuerit.

Respondetur ad primam instantiam, Naturam ex necessitate quidē debuisse tribuere talem virtutem ijs quæ aliter cōseruari non possent: sed potuisse quoque sine tali necessitate tribuere vt sanè omnibus elementis, non ob eam necessitatem, sed alia ratione noscitur tribuisse. Ad secundam, Non cogimur determinare qualitates illas virtuales quæ ibi assumuntur, scilicet calorem virtuales vt producat calorem formalem, & sic de alijs primis qualitatibus. Sed petendum est, per quasnam qualitates planta conuertat alimentum in suam substantiam. Et tunc dicemus, sicut planta id efficit per

virtutem in se vitalem, producendo prius aptas dispositiones, & postea inducendo formam: ita dicemus, corpora inanimata id posse perficere per certam virtutem suam naturalem, qua valeant assimilare sibi materiam in ijs qualitatibus in quibus differebant, ac tandem in ipsa substantiali forma. Ad tertiam, Necesse non erit, omnia inanimata corpora talem vim habere: quia sicut in alijs virtutibus, ita & in hac possunt naturalia corpora differre. Neque verò erit solum vinum, sed & alia quædam, quæ hac virtute polleant, vt iam adduximus. Quamuis non poterit in vniuersum constare nobis, quæ prorsus talem virtutem possideant.

Obijciunt tertio magis speciali- *Quomodo
ter ad probandum, aquam non con-
uerti in vinum. Vinum post intu-
tionem aquæ, plane remanet debi-
lius: ergo lignum est, aquam non
fuisse conuersam in vinum. Aut sal-
tem longioris temporis decursu de-
beret vinum pristinas recuperare
vires. Imò etiam in tali vino deinceps
apparent accidentia aquæ; euadit enim
vinum minus rubrum & coloratum:
sentitur etiam in illo odor & sapor aquæ,
si aqua erat odorata, vel amara, aliaque
qualitate affecta: ergo signum est,
permanere adhuc substantiam aquæ.*

Respondetur. Vinum remanere debilius, tum quod repetitur aliquantum ab aqua, tum quod ipsa aqua conuertitur in vinum aliquantò debilius. Neque propterea vinum habebit vires adeo validas, vt nihil detrimenti patiatur ab aqua, vel vt pristinas possit recuperare vires: sicut vt que viuens ipsum quod semper alitur, in progressu languescit, nec potest priores in se retarcire vires. Acetum tamen in hoc est validius, vt experientia comprobatur. Remanent etiam aliqua accidentia aquæ:

aquæ: nec enim omnia prorsus extinguere debent: sed satis est fieri tantam transmutationem, & in talibus accidentibus, quantum opus sit ad substantialem conuersionem.

Quomodo aqua transseat in naturam vini.

Obijciunt quarto. Deberet aqua, priusquam verè in vinum transeat, conueri in aliquam aliam substantiam mediam: sicut sanè alimentum in animalibus & plantis per plures formas medias transit in substantiã aliam. Imò & in ipsis viuentibus non totum alimentum est nutritioni aptum, sed aliquæ eius partes conuertuntur, & plurimæ reijciuntur: non ergo aqua poterit totaliter in substantiam vini conueri.

Respondetur. Vel non oportere, ut aqua prius in aliam substantiam mediam conuertatur, sed vinũ habere virtutem illam in se immediatè conuertendi. Vel, si transire debeat per aliam substantiam mediam, non esse inconueniens plures fieri conuersiones virtute vini. Item vel totam aquam esse materiam aptam ut conuertatur in vinum: vel solum partes magis idoneas conueri, & alias relinqui in suo statu, vel in aliquem alium humorem conueri.

Quomodo vinũ gignat vinum.

Obijciunt quinto. Vinum est opus animæ vegetantis; est enim fructus vius: ergo non potest fieri nisi virtute vitali ipsius plantæ. Rursus, vinum non est opus solius naturæ, sed etiam artis; natura enim profert vuas, ars exprimit vinum: igitur non potest producere aliud vinum sibi simile: quia nec quatenus opus naturale, potest producere opus artificiale; nec quatenus artificiale, potest efficere aliud sibi simile.

Respondetur, tale esse vinum quod gignitur, quale est vinum quod gignit: nec ergo vinum quod gignitur excedit naturam & vires vini generantis, nec vinum generans

deficit in sua natura & viribus à vino generato. Absolutè autem loquendo; Vinum ab initio in sua planta est opus animæ vegetantis, & participat eandem vitam: sed postea transit in aliam substantiam non viuentem, & in hoc statu potest gigni à simili vino sine planta. Rursus, in sua substantia est opus naturale, licet per artem exprimatur ex vuas: & bene poterit per virtutem naturalem gignere simile sibi vinum, conuertendo in se aquam.

Obijciunt præcipuè sextò. Experientia notum est, aquam infusam in vino, posse ab illa quibusdam artificijs separari: si nempe in vase ligneo hæderæ infundatur, si spongia aut carta imbuta oleo, si linteum recenter lotum immittatur in vinum dilutum: dicitur enim foras extrahi aqua & remanere vinum. Insuper interdum inuentum est, aquam infusam vino congelari, vino liquido permanente. Solet etiam quibusdam observationibus, imò & solo gustu, deprehendi, si vino immixta fuerit aqua. Præterea si super vinum apponatur frustum panis vel folium arboris & leniter infundatur aqua, non cum vino confunditur, sed desuper innatat. Imò si vinum dilutum effundatur leniter super linteum, visu ipso discernitur aqua veluti circumfundi vino. Denique, vinum pertusum aqua maris, dicitur diutius conseruari. Hæc omnia videntur ostendere, aquam non conueri in vinum, sed potius in sua substantia permanere.

Respondetur. Quædam ex his experimentis esse incerta & fallacia. Quædam tunc solum verificantur, cum aqua in tanta quantitate & proportionem, habito respectu ad vigorem vini, fuerit intusa, ut non potuerit in vinum conueri. Quædam ad summum ostendunt, quædam partes esse in aqua quæ se

con-

conuertere non sinant, vt in aqua maris adest succus quidam terrestris et saluus ac nimis crassius. Quædam demum procedunt etiam in vino meto et puro, cui infusa non fuerit aqua ita vt videatur etiam separari humor quidam aqueus à vino: vnde ad summum probant, immixtum reperiri cum vino quendam alium humorem diuersæ substantiæ et similē aquæ. At hinc insurgit Arelus: si vinum potens non est in se conuertere huiusmodi humorem, multo minus potens erit conuertere in se aquam. Sed non rectè intert. Nam et in viuientibus, sunt et fiunt varij humores, qui tamen apud non sunt vt in eius substantiam conuertantur; sed tamen alia alimenta in eius substantiam conuertuntur. Pro hac autem tota re, multum facit, quod summus Pontifex Innocentius cap. illo citato refert ipsemet hanc experientiam, qua Physici dicunt separari aquam à vino. Sed adhuc probabilius iudicauit, verè aquam in vinum conuertere, quando scilicet proportionem debitam non excedat.

SECTIO QVARTA.

De Lapidibus.

DE natura & affectionibus communibus lapidum, nihil vltius addi potest, præter ea quæ sect. 1. dicta sunt pro eorum discrimine ab alijs mineralibus. Sed specialiter modo querendæ sunt eorum causæ, materialis, & efficiens, ac denique lapidum differentia.

Materialis. Aristoteles 3. Meteor. cap. ultimo, pro materia lapidum assignat se videtur terrestris halitus, vocas fumosam & siccam exhalationem, esse rem ad differentiam metallorum, quorum materiam facere videtur aqueum vaporem: vt id circo lapides quidem

non liquecant, metalla verò liquecant. Attamen, ab alijs Philosophis communiter, pro materia lapidum assignari solet, terra & aqua simul, siue terræ & aquæ mixtura: ita vt per siccum terreum & humidum aqueum concreseat & obduretur lapis; humido nempe colligante, & agglutinante siccum, sicco continente & frenante humidum vt cōsistat: & alioqui, si solum sumatur siccum terreum, dissipatur in puluerem; si solum humidum aqueum, fluit in liquorem: per mixturam autē vtriusque fiet massa lapidea, consistens quidem per siccum terreum, agglutinata verò per humidum aqueum.

Et Georgius Agricola lib. 4. de Ortu & causis subterraneorum, probat, materiam lapidum non esse solum terram, siue terrestris halitum. Tum quia ex sola terra fieret puluis, nec fiet lapis nisi per admixtionem humoris. Tum quia alioqui saltem facillimè lapides contererentur & soluerentur in puluerem, quod est contra experientiam. Tum etiam, quia sic, facilius & sapius lapides gignentur in superiori regione ignis, quam in inferiori terræ, quia ibi magis aduruntur terrestris halitus. Tum præterea addi potest, non apparere necessarium, nec opportunum, vt materia terrestris prius soluat in halitum. Cum enim lapis sit densus ac durus, non indiget materia adeo tenui ac rara. Et sine dubio deberet halitus multum addensari, vt concreseat in lapidem: non ergo iuuat, sed potius obest tanta materiarum raritas ac tenuitas. Et parum videri non debet quòd quandoque tenuis halitus concreseat in lapid. in cum nempe lapides gignantur in aere. Nec propterea: dici debent lapides, semper proximè fieri ex tenui halitu.

Dissensio ergo remanet inter Philosophos, de proportionem & materia, *Dubitatur, an*

cōtineat fura terræ & aquæ, an & quatenus plus de plus de terra vel aqua ingrediatur terræ vel pro materia lapidis. Theophrastus apud eundem Agricola, affirmat, magis terram esse materiam lapidis. Idem voluisse videtur Avicenna dicens, materiam lapidum esse lutum tenax: lutum enim est magis terra quàm aqua, est terra madida: & dixit lutum tenax, quia humidum admixtum sicco, esse debet vinctuosum & pingue, ut sit aptum ad concretionem lapidis. Albertus Magnus lib. 1. de Mineralibus tract. 1. cap. 2. & 3., cum distinctione docet, materiam lapidum qui non sunt perspicui, esse plus terræ quàm aquæ, esse terram, cum aliqua admixtione aquæ: lapidum verò qui sunt perspicui & vocantur gemmæ, esse plus aquæ quàm terræ, esse aquam cum aliqua admixtione terræ. Et tract. 2. cap. 1. addit, lapides perspicuos habere etiam multum aeris. Ipse Agricola docet, lapides gigni vel ex luto sicut dicebat Avicenna; vel ex succo, & succum explicat esse plus aquæ quàm terræ, esse aquam turbidam, & sic à luto distinguit, quod erat plus terræ, & dicebatur terra madida: vel gigni ex limaturis aliorum lapidum, dum iterum concrescunt in vnum: deinde gigni etiam ex omnibus ijs quæ apta sunt intra suos poros imbibere succo lapideo, ut ligna, ossa, & similia, quæ interdum inveniuntur verta in lapidem. Arist. tandem lib. 4. Meteor. præcipue text. 51. explicat, quosdam esse lapides qui calore liquefiunt, & horum materiam esse magis aquam, eosque sic coniungit cum metallis: alios esse lapides qui non liquefiunt, & horum materiam esse magis terram. Et sic debet intelligi in alio quoque priori loco.

Lapides non con- Pro resolutione huius rei dicendum est. Si materia lapidum intelligatur pro ea quæ remanet in ipsis

lapidibus substantialiter constitutis, sic nec terram, nec aquam, nec vllam aliam completam substantiam, esse lapidum materiam. Ita habetur ex dictis iam de mixtis in comuni: Non enim elementa formaliter, vel omnia, vel plura, vel vnum, sunt mixti materia: nec vllum corpus substantialiter est alterius materia. Sed quodcumque sit vnum corpus ex alio, siue fiat ex alio mixto, siue ex elementis, id totum fit per substantialem transmutationem, pereunte priori forma substantiali, & alia de nouo adueniente, sola duntaxat materia prima tanquam parte substantiali communiter sub vtroque termino permanente, siue de vna forma ad aliam transeunte. Quod si de ratione mixti eliet, elementa formaliter continere, non sufficerent sola duo, terra & aqua, sed potius omnia quatuor deberent substantialiter conuenire pro mixti materia.

Si autem materia intelligatur, ex qua proximè & immediate fiant lapides, non permanente priori forma, sed per veram transmutationem substantialem vnius compositi in aliud; sic in rigore lapides fieri possunt, tum ex sola aqua, tum ex sola terra, tum ex alijs varijs corporibus: facilius tamen & frequentius fiunt ex mixtura terræ & aquæ, & aliqui ex maiori portione terræ, aliqui ex maiori aquæ. Suadetur hoc totum ratione: quia in vniuersum ante ostensum est, bene posse vnum aliquod elementum conuertere in mixtum; & potest quoque vnum mixtum conuertere in aliud: possuntque in aliqua huiusmodi materia per naturæ vires induci dispositiones aptæ ad quandam aliam formam: & in materia ipsa aquæa possunt induci dispositiones terræ, & in materia terrea dispositiones aquæ: igitur non erit prorsus necessarium, ut substan-

Sed fuit per conuersionem substantialem aliorum corporum in lapides.

stantialiter ambo hæc elementa interueniant : sed benè poterit, aut ex altero eorum, aut ex aliquo alio corpore, lapis gigni. Imò etiam, quando ex mixtura vtriusque elementi lapis gignitur, vtrique tam partes aquæ quam terræ, conuertuntur in lapidem, eo quod sub vna dispositione consimili conformentur : igitur poterit quoque vnum solum elementum talem dispositionem accipere, & sic conuertetur in lapidem. Attamen, quia pro maiori aut minori disconuenientia corporum, redditur facilior aut difficilior hæc transmutatio, & inter symbola facilior est transitus : ideo mixtura terræ & aquæ simul erit magis apta & idonea materia lapidum, quàm sola terra vel aqua : abundat etiam magis hæc materia, & hæc duo elementa inter se valde cōiuncta sunt : facilius ergo & frequentius ex hac materia lapides progignuntur. Inter ipsos verò lapides alij sunt qui magis conueniunt cum terra, alij cum aqua : alij participant magis de qualitatibus terræ, alij de qualitatibus aquæ. Alij enim sunt perspicui & pellucidi ad instar aquæ, & aliqui dicuntur liquabiles : alij sunt obscuri & rudes ad instar terræ, & non sunt liquabiles. Sic ergo alij facilius & frequentius gignentur ex maiori portione aquæ, alij ex maiori terræ.

*Fium
interdū
ex sola
aqua.*

Ostenditur deinde experientia per singulas partes. Narrat idem Agricola, in quibusdam saxeis montibus, aquam stillantem identidem conuerti in guttas lapideas. Notum est, quod ipse quoque attestatur, ad litora fluuij prope Tyburim in Latia defluentis, adhærere & agglutinari aquam quibusdam paruis seminibus ibi inuentis, efformariquæ in rotundos calculos, mirum quàm similes globulis albis è saccharo confectis. Simile est quod narrat Mat-

thæolus in Præfat. ad lib. 5. Dioscorid. In Balneo S. Philippi Comitatus Senensis gigni particulas lapideas, admodum imitantes semina, nempe anisum, coriandrum, cinnamomum, saccharo contacta. Neque verò tam facile est quod de his omnibus Agricola censet, aquam deferre limaturas lapidum, vel sulphuris aut aluminis, & ex his formari dictos lapillos : quàm potius aquam ipsam in illos cōuerti. Narrat item, aquam fontis Cepusij in Dacia, in vase repositam, spatio vnus noctis, parte aliqua lapidescere : & præterea aquas pluuias in quibusdam locis montium Pireneorum conuerti in lapides. Narrat quoque Albert. lib. 1. tract. 1. cap. 7., esse quendam fontem in Gothia, cuius guttæ super ripam sparsæ, conuertuntur in lapides, guttarum quantitatem habentes. Licet autem ad omnes hos casus dici possit, talem aquam non esse puram, sed esse aliquo terrestri succo admixtam : satis est, quod sit aqua qualis vocatur simpliciter aqua : hanc enim dicimus posse in lapidem transmutari. Insuper Chrystallus, qui est vnus ex lapidibus pretiosis, creditur fieri specialiter ex glacie. Sic Plinius lib. 37. cap. 2. dixit : *Non aliubi reperitur, quàm ubi maximè hyberna niues rigent, glaciemquæ esse certum est.* Et Diodorus apud Rodiginum lib. 1. cap. 10. dixit, ex aqua pura concreescere. Imò ipsum Chrystalli græcum nomen, idem denotat. Sed Agricola lib. 6. de Natura Fossilium, id prorsus negat, & vult, Chrystallum fieri ex succo addentato, sicut ait fieri alios plures lapides. Eumquæ sequitur Auctor Annotationum in Plinium, qui eo loco ait : *Fallitur Plinius : Chrystallus fit è lapidescente perspicuo succo, quem frigiditas vehemens glaciatur & durat.* Sed quicquid de hoc sit, negari non debet, pos-

posse lapides quosdam ex aqua crescere.

Interdū ex sola terra. Rursus idem Agricola ait, pumices lapides fieri ex materia terrestri per incendia montium. Ibi, si quæ aqua arat admixta tali terræ, tali incendio videtur potius resolui, ita ut terra remaneat pro materia lapidis, mediante tamen præuia dispositione. Fiunt etiam lapides interdum in aere, qui inde statim decidunt, & fieri videntur ex halitu terrestri, virtute frigoris addensato, præcedente tamen sufficienti humiditate in ipsomet halitu impressa.

Interdū ex varijs alijs mixtis. Præterea compertum est, pleraque alia corpora solere conuertere in lapides. Nam in visceribus animalium ex alimentorum excrementis gignuntur arenæ lapideæ, & grandiores quoque calculi. Inueniuntur in quibusdam locis, ligna, fungi, & animalia, & alia, conuersa in lapidem retenta eadem pristinâ sua figura. In hoc genere Albertus loco proximè citato ait, Corallia esse plantas in aquis, & extra aquam durescere in lapides. Et memorabilia sunt quæ ibidem refert: *In mari Danico inuentus est ramus magnus arboris in quo erat nidus animum & anes Pica in nido, conuersa in lapides: quod aliter esse non potuit, nisi quia euulsa arbor in aquam cecidit, & per virtutem loci vniuersa in lapidem conuersa sunt. Est fons in Gothia, de quo verissimè traditur, quod omnia qua merguntur in ipsum, in lapidem conuertit, in tantum quod ad eum misit Imperator Fredericus chyrotecâ sigillatâ, qua cum per aliquot dies medietas corij & medietas sigilli mersa esset in fonte, conuersa est in lapidem, altera medietate corio manente.* Et Auctor libri de Mirandis audit. num. 50. refert, in cryptis metallicis apud Pergamum inuenta fuisse hominum, ovis & quædam vasa cum liquore in

ijs contento in lapidem conuersa omnia. Neque verò, ad hæc quicquam refert, quod dicebat Agricola, talia esse apta conuertere in lapidem, quia apta sunt in se recipere succum aptum conuertere in lapidem. Nam ipsa reuera corpora conuertuntur in lapidem secundum suam priorem materiam, quod intendimus: ac etiam si non recipiant in se alium succum lapideum, optimè conuertere poterunt, dummodo ad sit causa efficiens talis conuersionis, quæcumque illa sit.

Hinc tandem patet, quia hi casus *Frequē-* rari sunt, abundant autem lapides, *rius ex* ubi terra & aqua immixtæ sunt, hanc *terra &* mixturam esse consuetam & ordinariam lapidum materiam. Imò sic *aqua* humano artificio, ex luto in quo terra *mixtu-* & aqua benè miscentur, fiunt vasa *ra.* testea & lateres, quæ censentur de genere lapidum. Et cum alij lapides magis assimilentur terræ, alij magis aquæ: putandum quoque est, alios regulariter fieri ex maiori portione terræ, alios ex maiori aquæ. Ratio verò quare lapides non liquefcunt, non erit illa quia consistunt ex terra: sed quia per naturam suam habent talem ac tantam duritiem, & soliditatem, ut ad modum liquoris fundi se non permittant. Insuper potest esse, ut idem lapis in vna qualitate assimiletur magis vni elemento, & non in alia qualitate: sic Adamas in perspicuitate assimilatur aquæ, sed tamen est durissimus: nõ ergo ratione materiæ ex qua fiunt, sed ratione naturæ propriæ in qua fiunt hæc & alia corpora determinant sibi suas qualitates.

Causa deinde effectiua lapidum *Quari-* in controuersia est apud Philosophos. Albertus lib. 1. tract. 1. cap. 4. *tur cau-* refert, Hermetem fecisse causam effectiuam lapidum, stellam Martis, *sa effe-* adiutam tamen alijs stellis, pro quarum varietate diuersos efficiat lapides: *ctiua la-* *pidum.*

des: Democritum causam fecisse animam lapidis, dicendo nempe lapides esse animatos, & vnum per virtutem suæ animæ gignere alium. Retert, Empedoclem causam fecisse calidum adustum, & Alchimistas calidum igneum: Igne enim huiusmodi opera perfici solent, & specialiter per ignem ex luto fiunt lateritij lapides. Et Medici docent, nimio renum calore gigni arenas lapideas in animalibus: unde huic morbo refrigerantia adhibent medicamenta. Hoc idem indicat Arist. 3. Meteor. cap. ultimo, dum ait: *Sicca exhalatio igneas facit fossibilia omnia, ut lapidum genera, ineliquabilia, &c.* Iuxta quod explicauit Theophrastus lapides qui non liquefiunt, fieri virtute caloris; illos autem qui liquefiunt, & vocauit metallicos, fieri virtute frigoris. Auicenna verò apud Agricola, dixit, lapides fieri per calorem Solis, & per quandam aliam virtutem quam non explicauit. Ipse Albertus affirmat, lapides fieri per virtutem quandam mineralem formatiuam lapidis, qualis est in semine virtus formatiua viuensis. Hanc autem infundi ab astris caelestibus. Sed ut pro suo instrumento, tum calido extractiuo & digestiuo humidi; tum frigido, non solum constrictiuo, sed expressiuo quoque humidi, vehementius indurando & coagulando; ideoque lapides non posse liquari sicut metalla. Agricola lib. 5. citato de Ortu & causis subterraneorum, refellit illam virtutem formatiuam positam ab Alberto: & non aliam causam lapidum effectiuam assignat, nisi elementares qualitates simul sub debita temperie concurrentes: atque, illos lapides esse magis calore concretos, qui postea aqua solvuntur; illos magis frigore, qui postea igne liquefiunt.

Pro resolutione, distinguere,

oportet causam effectiuam principalem & instrumentalem, huc immediatam, & immediatam. Causa principalis & mediata pro lapidum productione, non apparet sanè alia quam caelestis. Non enim vnus lapis efficit alium, sicut propagantur viuientia inter se: nec lapidibus tribui potest anima, cuius virtute gignantur alij lapides. Neque causa principalis dici possunt elementa, ut patet iam ex dictis de mixtis in comuni. Neque inter alia mixta omniaque inferiora corpora, inuenietur vlla causa principalis, cui cõueniẽter hæc operatio attribui possit: nisi fortè pro lapillis qui in visceribus animalium enascuntur, causa dicatur ipsum animal. Recurrentium igitur est ad caelestia corpora, quæ sunt causæ superiores horum inferiorum: & aliqua causa caelestis est, cui principaliter generatio lapidum tribui debet. Non potest autem nobis constare quænam specialiter hæc causa sit, inter tot astra caelestia. Sed verisimile est, pro tanta diuersitate & varietate lapidum inter se, varia quoque & diuersa sidera esse, quæ habeant vim diuersarum specierum in lapidibus effectricem.

Causa verò instrumentalis & immediata lapidum, conuenienter cum Alberto dicetur virtus quædam ad hunc effectum impressa à caelesti causa in materia idonea, & proprio nomine appellabitur lapidum formatiua, adiuta tamen elementaribus qualitatibus: eritque etiam diuersa & multiplex in specie; iuxta specificam diuersitatem lapidum. Nam, si admittitur talis virtus formatiua animalium, quæ ex putrefactione gignuntur influxu calorum: pariter cogitanda est similis quædam virtus formatiua lapidum. Nec videntur certè sufficere sola elementares qualitates. Maxime enim in dictis animalibus efformandis, cogitari

non

non potest, solas has qualitates, absque alia insigniori virtute, valere ad tot varias partes & organa in animatis corporibus distinguenda, & ad animam producendam. Et sic etiam in lapidibus efformandis, eorumque forma inducenda, non videntur sufficere solæ elementares qualitates. Præterea hæc qualitates, non necessario nec semper à causis cælestibus proueniunt, sed possunt etiam ac solent ab ipsis corporibus elementaribus prouenire. Vnde difficile erit saluare, esse instrumenta cælorum, & causam principalem, substantialis effectus esse cælum. Si quis tamen diceret, cælum ipsum immediate per se producere formam substantialem in materia disposita, is non indigeret alia virtute media à cælis immessa. Sed conuenientius est, talem virtutem constituere,

*Hæc virtus adiun-
tur ele-
menta-
ribus
qualita-
tibus.*

Adiunari autem debet hæc virtus elementaribus qualitatibus. Quod dupliciter potest intelligi: Vel quod simul ipsæ qualitates actiue concurrant ad eandem formam substantialem: Vel quod solum passiuè se habeant disponendo materiam; & actiue producendo alias præprias dispositiones, videlicet certam densitatem, duritiem, & similes; ita ut tandem tota dispositione supposita, sola dicta virtus sit, quæ immediate actionem substantialem exerceat, & formam substantialem efficiat: sicut sanè res se habere videtur in animatis corporibus progignendis. Propter diversam autem conditionem lapidum, potest requiri plus aut minus de vna vel alia qualitate, non solum composita calorem & frigus, sed etiam humiditatem & siccitatem. Huiusmodi demum virtus dici potest im-primi, vel præcisè in eadem ipsa materia in qua inducenda est substantialem formam: vel etiam in alio quo adiuncto subiecto: ut si dicantur illæ aquæ in quibus infecta corpora

ra lapidescunt; possidere in se, acceptam à cælis, talem facultatem, conuertendi in lapidem alia corpora; qua virtute etiam aqua ipsa dure-scat in lapidem, quando vel in vase reposita, vel in guttas dispersa, sine agitatione quiescit. Idemque erit, si dicatur talis virtus inesse alicui terrestri succo per talem aquam im-mixto, magisque idoneo ad talem virtutem recipiendam ac retinendam.

Potremo. Magna est differentia & varietas lapidum, qui in terra in-ueniuntur. Et est differentia essen-tialis ac substantialis, quæ per acci-dentia nobis innotescit. Præcipua differentia est inter lapides pretio-sos & non pretiosos. Et commu-nis ratio differentia est, quia lapi-des pretiosi luce splendent: aliqui autem sunt in tota sua profunditate diaphani & transparentes, ut Chry-stallus, Iteis, Adamas: & aliqui sunt qui nativa & interna luce resu-gent, ut Carbunculi: alij plures sunt, qui in externa solum superficie lucent. Admodum etiam differunt lapides in coloribus, ut notissimum est. Ex-cellunt etiam quidam lapides in præ-claris quibusdam virtutibus ad inti-gnes quosdam effectus: qualis est virtus magneticus ad trahendum fer-rum, & ad respiciendum polum. Sed non omnis colorum differentia in-dicat diuersitatem specificant in la-pidibus: quinimò constat, in gene-re marmorum inueniri tot lapides plurimis coloribus variatos: ubi vnus continuus lapis varijs coloribus decoratur. Sed ex alijs lapidum conditionibus pensandum est, qui nam in sua substantia essentialiter distinguantur. Præcipuas autem la-pidum species, cum suis apparentijs & virtutibus, recenset Albertus in de Mineralibus, ubi tractatur de al-phabetico ordine gemmas. enumen-rat ac describit. Et ante plura, Plinius lib. 37. Naturalis histor. cap. 10.

*Differē.
tia ac
species
lapidū.*

*Alia
virtus
adiun-
tur ele-
menta-
ribus
qualita-
tibus.*

*Alia
virtus
adiun-
tur ele-
menta-
ribus
qualita-
tibus.*

sè lapidum species collegit atque descripsit.

Fiunt autem diuersæ lapidum species & formæ, tum ex diuersitate materię, tum ex diuersitate causæ. Sed diuersitas materię, non tam per se consideranda est ratione antecedentis substantię quæ conuertitur in lapidem, quàm potiùs ratione dispositionum quæ in materia inducuntur & requiruntur pro ipsa forma lapidis, & solùm ad maiorem facilitatem harum dispositionum deservire potest præcedens substantia: & sic ad lapides lucidos ac diaphanos aptior est materia aquea. Item diuersitas causæ non tam consistet in calore et frigore alijsuè elementaribus qualitatibus, quàm potiùs in virtute lapidum formatiua, de qua diximus.

SECTIO QUINTA.

De Metallis.

DE natura item & affectionibus communibus metallorum, diximus sect. 1., simul cum alijs mineralibus. Modò vlteriùs de ijs specialiter sequitur pertractandum, inquirendo materiam, causam effectiuam, eorumquè específicas differentias.

De Metallorum materia Austro-placita. Auicenna & quidam Alchimistæ, ut refert Albertus lib. 3. de Mineralibus tract. 1. cap. 4. voluerunt, materiam metallorum esse mixturam sulphuris & argenti viui, eò quod ipsi hac dno artificiosè commiscendo iactent se posse metalla conficere, & sic se experiri: ac per variam horum commixtionem se efficere varia metalla. Concordat suam cum hac opinione Albertus; cum enim dixisset cap. 2. materiam metallorum esse aquam permixtam terræ cum humido vinctuoso, explicat, ar-

gentum viuum cōstare ex aqua permixta terræ, & sulphur conterre vinctuositatem. Consentit etiam Leuinus Lemnius lib. 2. de Occult. nat. mirac. cap. 32. Refert quoque Albertus, Gergil Maurus, & alios quosdam Alchimistas, materiam metallorum fecisse cinerem pertusum, aqua, eò quod ex huiusmodi materia ipsi educant vitrum, & inde idem sentiunt de metallis. Refert etiam, Democritum dixisse, materiam metallorum esse lixiuium & calcem.

Sed reducendo tandem metallorum materiam ad elementa, refert, Hermetem dixisse, metalla constare ex omnibus quatuor elementis. Ait Albertus, id esse quidem verum & pro certo supponi, sed quæri id quod magis in metallis abundet, ex omnibus elementis. Aristoteles 3. Meteor. cap. vltimo; metallorum materiam fecit exhalationem vaporosam, siue vaporem humidum aqueum, ad differentiam lapidum, cuius materiam fecit exhalationem siccam terrestrem. Autamen, sine dubio voluit, & ibidem ac lib. 4. sequenti expressè, debere etiam pro materia metallorum admisceri halitum siccam terrestrem. Defendunt id Conimb. in Meteor. tract. 3. cap. 8. Similiter alij Peripatetici, & Albertus, & Agricola volunt, materiam metallorum esse mixturam aquæ & terræ, ita tamen ut plus abundet aqua quàm terra: quia dicunt metalla esse liquabilia ratione aquæ, consistere autem ac durescere, & amittere transparentiam aquæ, per admixtionem terræ.

Pro resolutione huius rei, similiter dicendum est, non debere, imò non posse, materiam metallorum esse ullam aliam substantiam, quæ ex terra secundum formam suam in illis permaneat (sed bene materiam magis aptam & idoneam, ex qua fiant metalla, per conuersionem substantialem,

lem, esse mixturam aquæ & terræ, in maiori tamen portione aquæ. Explicatur & suadetur conclusio: quia in vniuersum, nec elementa, nec vlla alia corpora, possunt secundum suam substantiam & formam subterni vlli alteri corpori, pro eius intrinseca materia; sed necessario per aduentum nouæ substantialis formæ recedit quæcumque alia præcesserit; & ita fit huiusmodi transitus per conuersionem & transmutationem.

Mixtura autem terræ & aquæ, erit materia frequens & apta, ex qua fiant metalla, per conuersionem horum elementorum in metalla. Nam alia corpora, vel sunt minus idonea ad talem conuersionem, vel magis rara. Aqua autem sola est nimis fluida, terra sola est nimis friata; ex terra autem & aqua, melius fiet materia consistens & benè compacta pro metallis. Cumquæ metalla omnia sint liquabilia, & ductibilia, non verò friabilia, magis accedunt ad naturam aquæ quàm terræ, magis participant de humido quàm secco. Et sic aptior illorum materia, erit mixtura in maiori portione aquæ quàm terræ; & aqua magis quàm terra virtualiter secundum suas qualitates dicetur præualere in metallis. Non tamen apparet necessarium, vt prius aqua soluatur in vaporem, ad hoc vt postea concresecat in metallum. Quinimò ad soliditatem ac densitatem metalli, propinquior est aqua in statu aquæ; quàm in statu vaporis, vt per se patet. Nec etiam erit necessarium, vt prius terra exuratur ab igne et vertatur in cinerem, ex quo deinde simul cum aqua fiat metallum.

Benè autem fieri potest, vt prius ex his elementis fiant sulphur & argentum viuum, ac deinde ex his fiant metalla & fortasse interdum ita reuera fiunt, & hæc videtur materia magis disposita & propinqua ad

formanda metalla. Et sic Alchimistæ ex his conficiunt varias compositiones metallicas. Quod si non faciant perfectæ metalla, qualia per naturam, sed tantum cõsimilia quædam composita: adhuc id sufficit ad ostendendum, hanc esse valde aptam materiam, ex qua naturali virtute perficiantur vera metalla. Attamen, non apparet necessarium, vt metalla proximè ex hac materia fiant. Et hoc ab experientia præsertim probat Agricola: quia in venis subterraneis metallorum, non solent nisi raro inueniri sulphur & argentum viuum: nec in venis sulphuris & argenti viui solent inueniri metalla. Fortasse tamen formatur prius ex mixtura terræ & aquæ, succus quidam, fluens, ex quo tandem proximè concresecat metallum, quia sanè metalla inueniri solent sparsa inter fibras lapidum, ad instar succi ibi concreti.

De causa deinde effectiua metallorum retert Agricola eodem libro s. opinionem Vulgi, metalla fuisse ab initio à Deo condita & in subterraneis locis recondita, nec ab vlla causa naturali amplius fieri, aut fieri posse. Sic affirmat Marinus Merlenus in c. 2. Genes. q. 23. art. 1. metalla omnia fuisse à Deo creata ab initio, sicut plantas. Et probat ex sacra Script. quia apud hominum primordia commemorantur metalla. Gen. 4. *Tubalcain, qui fuit malleator & faber in cunctis operibus æris & ferri*: & credendum est, alia quoque metalla iam ex tunc fuisse. Sed rectè statuit ibi Agricola, metalla, posse & solere per causas naturales gigni, idquæ experientia ipsa demonstrat. Imò & hoc magis patet ex sacra Script. Genes. 2. vbi dicitur de flumine Phylon: *Ipse est qui circumcivit omnem terram Enilath, ubi nascitur aurum, & aurum illius terræ optimum est*. Fortasse autem, ince-

Causa effectiua metallorum est naturalis.

pit per se Deus illa condere ab initio, ut etiam lapides: ex quo non sequitur, deinceps non produci de nouo à caulis naturalibus. Sed neque locus ille Scripturæ conuincit, metalla fuisse ab initio creata: quia Tubalcain natus est post plures hominum generationes, & vixit multis annorum sæculis post mundi exordium.

De cau. sa hac, Supposito ergo quòd naturaliter

Aucto. riu pla- cta. gignantur, Aristoteles indicauit, metalla effici per frigus, quo adden-

setur vapor aqueus, & ita veluti cōgeletur in metallum. Sequitur ac defendit Agricola: & prorsus non vult, assignari debere vllam aliam peculiarem virtutem aut caelestem causam. Gilgil et quidam alij Alchimistæ contendunt potius metalla gigni per calorem. Hermes, Plato, et alij ex Alchimistis, apud Albert. cap. 6. voluerunt, metalla gigni à caelestibus astris, et præsertim à Planetis. Vnde distinguentes septem metallorum species, singulas tribuerunt singulis Planetis, Saturno plumbum, Ioui stannum, Marti ferrum, Soli aurum, Veneri æs, Mercurio argentum viuum, Lunæ argentum. Albertus cap. 5. omnes hos terè dicendi modos coniungens, asserit, metalla gigni per virtutem, quandam formatiuam impressam ab astris: hanc verè pro suo instrumento vti calore, quia calor concoquit et commiscet humidū aqueum et siccum terreum: non negat autem cōcurrere etiam frigus ad coagulandum metallum. Similiter Cornimb. tract. 13. Meteo. cap. 2. asserunt, principalem metallorum causam esse Sydera, præsertim Solem: instrumenta verò esse calorem coquendo, et frigus condensando materiam.

Causa princi- Pro resolutione supponendum similiter est, sicut de lapidibus dice-

bamus, requiritur tum causam principalem, tum instrumentalem. Causa principalis metallorum regulariter non apparet alia quàm caelestis: discurrendo enim per omnia naturalia corpora, non nisi caelestibus hæc vis attribui poterit. Dico autem regulariter, quia alioqui de solo plumbo traditum est, solere quoque per se crescere, conuertendo scilicet eum humorem in suam substantiam, ut adduximus scilicet. 3. Sed adhuc putandum erit, multò facilius & abundantius plumbum gigni in venis terræ per causas caelestes, sicut & alia metalla. Non potest autem nobis constare, quæ potissimum sit causa, ex tot varijs caelestibus astris, et metalla gignens. Neque illa distributio per septem Planetas vllò vel rationis vel experientie nititur fundamento. Notauit præ Agricola, ideo fortasse quosdam attribuisse metalla Planetis; & lapides stellis fixis, quia metalla sunt magis mutabilia, & sic similia errantibus astris. Neque etiam vlla specialis ratio occurrit quæ hanc operationem reterat potius ad Solem quàm ad alia astra; nisi in quantum Sol sensibilem immittit calorem qui ad hoc opus poterit adiungere.

Causa instrumentalis & proxima metallorum, dici consequenter debet virtus quædam peculiaris immixta à caelesti causa, ut de lapidibus dicebamus. Hæc autem virtus adiuuari debet elementaribus qualitatibus. Et non solum frigus, vel solus calor, & non solum hæc duæ, sed alia etiam qualitates, dici debent concurrere: calor præcipue attenuat, & sic melius commiscet & concoquit materiam: frigus astringit & condensat: humiditas quoque & siccitas conferunt certum statum duritiei & soliditatis. Vnde quæst. præced. scilicet. 7. notauimus, non solum calorem & frigus, sed omnes qua-

Instru- mentalis est virtus immixta à calo, adiuta elementaribus qualitatibus.

quatuor qualitates actiue concurrere ad generationem mixtorum. Bene autem, pro varietate ipsorum metallorum inter se differentium, licet diuersa virtus formatiua requiritur; ita diuersi gradus elementarium, qualitatum conferunt, quo plus de vna vel de alia ad formam cuiusque deferuiat.

*Nū per
artē fieri
possint
vera
metalla.*

Cæterum, specialis difficultas est, num per artem vera metalla effici queant, præsertim argentum & aurum quibus humana cupiditas inhiat. Tractant de hac re non solum Philosophi vt rerum naturam dispiciant; sed etiam Theologi ac Morales Auctores, vt doceant, quatenus licitum sit talem artem exercere, & argentum aurumque arte factum in vsum deducere.

Alij negant.

Negant, per artem vera metalla vnquam fieri, aut fieri posse, Auerr. in Paraphrasi ad lib. 1. de Generat. animal. cap. 1. Caedanus lib. 17. de Subtilit. Conciliator differ. 209. Perer. 8. Phys. cap. 19. Ruuius 2. Phys. cap. 1. q. 4. & alij ibi tractantes, an ars possit efficere opera nature. Item Nicolaus Guibertus duobus libris Alchimie impugnate, Alexander Carerius in lib. inscripto, *Possuntne arte simplicia veraque metalla gigni*, Euangelista Quattranus in libro italico contra Alchimiam, & alij qui ex professo contra eandem artem conscripserunt. Sed præcipue ex Theologis D. Thomas in 2. d. 7. q. 3. art. 1. & de Potentia q. 6. art. 1. alijque plures Scriptores Morales in materia de Iustitia. Imò per plures leges, tam Canonicas, quam Ciuiles ars Alchimie, & vsus auri vel argenti per talem artem facti, damnata sunt.

Alij affirmant.

Affirmant ex aduerso, posse per artem vera & perfecta metalla gigni, eiusdem perfectionis cum ijs quæ ex terra effodiuntur, Albert. magnus lib. 3. de Mineralib. tract. 1.

cap. 9. Zimara in tract. de Differ. nature & artis, Buccaferr. 4. Meteor. Fernelius lib. 2. de Abditis rerum causis cap. 18. Marsilius Ficinus lib. de Vita cælitus comparanda cap. 3. Antonius Bernard. Mirandul. lib. 19. de Euerf. singul. certam. sect. 7. Conimb. 2. Phys. cap. 1. q. 7. & alij circa eundem locum, Pererius etiam lib. 1. Aduersus fallaces artes cap. 12. Martinus del Rio lib. 1. Disquirit. Magicarum cap. 5 q. 1. sect. 7. Item Ioan. Franciscus Picus Mirandul. libris tribus de Auro, Flavius Ieronimus in Noua minera auri, Ioannes Chrysippus de Arte metallica Metamorphoseos, & alij qui ex professo pro eadem re scripterunt. Reuerantur etiam ex Antiquis Hermes Trismegistus, Democritus, & Avicenna, in libris hac de re editis. Imò plerique sub vetustissima illa fabula Velleris aurei, intelligunt denotatam fuisse veram artem efficiendi aurum in Arctis pelle descriptam. Ex Theologis, idem satis aperte concedit D. Thom. 2. 2. q. 77. art. 2. ad 1. *Quia nihil prohibet, inquit, artem vi aliquibus naturalibus causis ad producendum naturales & veros effectus.* Itaque non solum ex hypothetico loquitur, vt frustra contendit Nazarius 1. par. q. 114. art. 4. controuers. 1. q. 2., sed planè id absolute S. Doctor affirmat. Consentiunt alij plures eodem loco, & non pauci Scriptores morales in eadem materia de Iustitia.

Pro resolutione, exploratum, quidem est, per artem chymicam fieri posse & solere metallica quædam corpora, in apparentia valde similia metallis quæ eruantur ex terra. Non videtur etiam impossibile, per talis artis industriam, fieri vera perfecta que metalla, & in specie, argentum & aurum, eiusdem rationis & perfectionis cum ijs quæ in terra naturaliter efformantur. Sua-

Non videtur impossibile.

detur: Tum quia, sicut per artem fiunt corpora metallica inferioris gradus & perfectionis; ita non erit per se impossibile, talem ac tam perfectam dispositionem attingere, ut fiant metalla eiusdem rationis ac perfectionis. V.g. Fit facile aurum chymicum, valde simile auro vero, tamen non ita ponderosum in gravitate, non ita firmum ut resistat igni: non erit ergo impossibile, fieri quoque eiusdem ponderis & firmitatis. Tum præterea, compertum est, per humanam industriam fieri posse & solere, ut gignantur plantæ & animalia eiusdem speciei cum ijs quæ sola naturæ vi nullo adhibito artificio solent gigni: cur ergo idem non poterit evenire circa metalla? Tum etiam compertum est, posse per artem vnum metallum in aliud transmutari. Sic enim Io. Baptista Porta lib. 5. Magiæ naturalis per plura capita, docet modum vertendi plumbum in stannum, & stannum in plumbum, & ferrum in æs. Narrat etiam Agricola lib. 9. de Natura fossilium, in Carpatho monte Vulturæ esse quandam aquam in qua ferrum mutatur in æs. Non erit igitur impossibile de nouo formare aliquod metallum, aut vertere v.g. argentum vivum in argentum solidum, aut in aurum. Tum deinde suadetur ab experientia, quia plures huiusmodi casus numerantur, in quibus verum & omni probationi idoneum argentum & aurum factum sit. Ac præsertim plures tales casus, non solum antiquos, sed & novos sui temporis, partim de auditu, partim de visu, narrat Io. Picus lib. 2. de Astro. Tum demum, ratione idem ostenditur: quia metallum producit ex certa materia cum debita dispositione, accedente virtute effectiva. Non apparet autem, quare sit impossibile, per humanam industriam parari talem idoneam mate-

riam, & procurari debitam dispositionem, cui præstò adsit virtus productiva metalli. Ac specialiter, id quod præstat in visceribus terræ calor ignis subterranei vel calor solis, poterit præstare in vasis congruentibus calor ignis per artem appositus: quoad hoc enim omnis calor & omnis locus est eiusdem rationis. Et sic fieri poterit contimilis dispositio omnium aliarum concurrentium qualitatum.

Itaque hinc patet, quod per artem solum applicarentur causæ naturales idoneæ quarum vi fieret consequenter naturalis earum operatio, & produceretur naturalis effectus. Vnde si cælum erat causa principalis metallorum, & virtus quædam formativa erat instrumentum; eadem prorsus esset causa in tali casu. Et ars solum erit causa per accidens, causa scilicet applicans: sicut qui applicat ignem ligno, vel lignum igni, est causa incendij.

Attamen, admodum difficile & periculosum est, perficere hoc modo per artem vera & perfectam metalla, eiusdem rationis & perfectionis cum ijs quæ eruantur ex terra: & regulariter ea quæ facta sunt per artem, inuenta sunt deficere ab ijs quæ inuenta sunt in terra, tum in pondere, tum in firmitate ad resistendum igni, tum in alijs quibusdam virtutibus. Et ratio huius difficultatis in promptu est: quia tot causæ & conditiones concurrere, debent ad perficienda vera metalla, quarum una deficiente non habetur effectus: adeo etiam occultum & ignotum est, quæ & qualis temperies dispositionum ad hunc effectum requiratur; ut mirum sit, si quando talis perficiatur effectus. Ideo ergo, merito Alchymiz ars à Principibus damnata fuit, & à viris prudentibus spernitur ac reprobat. Ideo etiam, illicitus est usus

*Sed est
difficil-
limū &
rarissi-
mum.*

argenti & auri chymici. Imò non solum rarissimi inuenti sunt, qui perfectum argētum aut aurum vnquam effecerint: Sed & si qui aliquando perfecerunt, multò sæpiùs aberrarunt. Narrat quædã huius rei exempla Ioannes Picus lib. 3. cap. 8., & inter alia hoc: *Noni quendam, qui adhuc apud viros moratur, cui cum argentum & aurum circiter quindacies per artem effectum esset, amissit artem.* Non ergo expediet, in hoc genere per artem quærere, ea quæ, licet à natura data, satius erit spernere.

Metal- Postremò. Pro metallorum differētijs, septem species magis communiter distinguuntur, quas & supra indicauimus, Aurum, Argentum, Plumbum, Stannum, Ferrum, Aes, & Argentum viuum. Sed Georgius Agricola lib. 5. de Ortu & causis subterraneis contendit, æquè primò distingui debere plumbum nigrum & plumbum cinericium. Albertus lib. 5. Miner. cap. 9. refert, multos Antiquorum addidisse inter metalla Electrum. Aliqui verò notant, Argentum viuum, non tam inter metalla, quàm potius inter alia mineralia media, siue imperfecta & varia, computari debere, cum non sit solidum vt metalla, sed fluidum, & dicatur materia ex qua fiunt metalla, tanquam sit in via vt fiat metallum. Sed quia valde excedit in pondere, soli cedens auro, alia omnia supra se natantia sustinens: & quia etiam voluerunt singulis Planetis sua metalla adscribere, & Mercurio valde instabili ac versatili hoc apprimè congruebat, vnde tanquam nomine proprio Mercurius appellatur: ideo inquam connumeratum esse inter metalla.

At verò per mixtionem & confusionem plurium metallorum simul, aut cum aliquo alio corpore minerali, consurgunt alia composita me-

tallica, quæ vel per artem fiunt, vel etiam per naturam interdum sic inueniuntur. Ita præsertim pro humano vsu ex ære & stanno fit æs valde personans ex quo campanæ funduntur; ex ære & cadmia quod est quoddam minerale imperfectum, fit aurichalcum: & innumere huiusmodi mixtiones fieri possunt.

Cæterum. Refert Albertus lib. 3. *Metal-* tra & 1. cap. 7., Alchimistas non distinguere essentialiter dictas metallorum species inter se, sed tantum *la inter se substantia-* accidentaliter: & vnã quidem *liter distinguuntur.* omnium communem esse auri formam: quia verò alia deficiunt à perfectione auri, esse veluti ægra; & per medicamentum quoddam, quod vocant Elixir, posse perducì ad perfectionem auri, & sic omnia metalla posse perfici ad statum auri. Refert præterea Hermetem, Gilgil, & Empedoclem, dixisse, diuersas quidem esse metallorum formas, tamen in omni metallo reperiri simul omnes, sed vnã vel aliam esse manifestam, & sic vnum apparere aurum, aliud argentum, &c.

Certum tamen esse debet, dictas metallorum species verè essentialiter per suas formas substantiales inter se differre. Tanta enim accidentium diuersitas satis indicat substantialem formarum differentiam. Et vanum prorsus est dicere, vnã esse omnium metallorum substantiam auream, & alia metalla per accidentalem ægritudinem deficere à perfectione auri, & per medicamentum posse reduci ad perfectum auri statum. Quinimò, si vnquam possint mutari in aurum, id fiet per substantialem conuersionem vnus in aliud, per transitum materiæ de vna ad aliam formam. Rursus in omni metallo, vnã simplex est substantialis forma: & impossibile ac intelligibile prorsus est, omnes simul colligi formas, & vnã tantum apparere.

rere. Sed ad summum contingit ut intra vnum metallum immixtæ inueniantur particulæ aliquæ alterius metalli, quæ ob sui paruitatem non discernuntur, sed per artem & ignem separari possunt.

SECTIO SEXTA.

De varijs alijs Mixtis Inanimatis.

Alia inanimata mixta quæ supersunt, hac vna sectione recensemus, quia breuiter expedimus.

*De alijs
varijs
mineralibus.*

In primis occurrunt illa tertij generis mineralia, quæ à lapidibus & metallis distinguebamur. De eorum materia & causa effectiua pariter philosophandum est. Nempe ea fieri solere ex terra & aqua, non per formalem inexistenciam, sed per substantialem conuersionem. Illa autem quæ sunt magis friata vel friabilia, ut pulueres colorati, & sal, sulphur, ac similia, dici debebunt habere plus de terra, idest facilius & commodius fieri ex maiori portione terræ, siue magis assimilari terræ, & communicare in qualitatibus terræ: nam id prouenit ex abundantia siccitatis. Non solum inquam habere in se plus de terra quam de aqua: sed habere quoque plus de terra & minus de aqua, quam habeant ipsi lapides. Lapidēs enim sunt magis concreta & compacta corpora, quam concretionem dicebantur habere per humidum aqueum cum sicco terreo. Et sanè, quod huiusmodi corpora sunt magis friata vel friabilia, eò magis accedunt ad conditionem terræ. Ex aduerso illa mineralia, quæ sunt magis fluida aut mollia; ut bitumen, dicentur habere plus de aqua, plus scilicet quam ipsi metalla, quæ nimirum sunt solidiora ac

duriora, utique per commixtionem siccæ terre cum humido aqueo. Et pariter, quod corpus est magis fluidum aut molle, eò plus accedit ad conditionem aquæ.

Rursus causa efficiens horum omnium mineralium, principaliter erit cælum, instrumentaliter erit virtus immissa à cælo, adiuncta tamen elementaribus qualitatibus.

Plurima demum sunt genera horum mineralium. Albert lib. 5 octo genera distinctè proponit, Salem, Atramentum, Alumen, Arsenicum, Marchasitam, Nitrum, Tuchia, & Electrum: supponit autem præter hæc omnia Sulphur. Sub his autem generibus, plures alias species distinguit: ut sub genere salis, sal marinum, sal quod dicitur sal gemma, sal napticum, sal armoniacum: sub atramento distinguit album, rubrum, citrinum, viride quod vocatur vitreolum. Ad id ad hoc genus debent pulueres colorati qui in suis locis mineralibus inueniuntur, & ad pingendum deferuntur. Et sic sub alijs dictis generibus plures species distinguuntur. Sed de his, & alijs præter hæc corporibus mineralibus, prolixius egit Plinius lib. 34. atque Dioscorides, & cum illo Matthiolum lib. 5.

Alia mixta quæ gignebantur in terra, erant succi seu liquores, & quidam halitus seu vapores. De horum materia, & causa effectiua, ac varijs differentijs, pari modo sciendum est, ac de alijs antedictis corporibus in terra procreantibus, debita proportionem ternata; siue inquam ab ijs simpliciter & essentialiter hæc alia corpora distinguantur, siue solum accidentaliter differre, & ad illam substantialem reduci putentur.

Alia præterea mixta erant, quæ gignuntur in aere, & inde ad nos defluunt, mel & manna: de quibus inter ea quæ circa aquam in aere con-

*De alijs
mixtis
quæ in
terra ter-
ram gi-
gnuntur.*

*De his
quæ gi-
gnuntur
in aere.*

con-

contingebant meminimus q. 42. sect. 6. Vñ sunt quidem interdum & alijs liquores ex aere ad terram plueres, vt ad instar lactis vel sanguinis, vt commemorauimus quæst. 42. Sed hæc consuetudo non sunt. Et quando contigerunt, vel erant nouæ quædam species ab alijs omnibus diuersæ; vel fortasse erant substantialiter aqua alijsue succi, intincti illo colore ex ijs mineralibus, quæ inveniuntur in terra, & quorum halitus in altum elati, simul cum aqua concreuerint.

De Melle.

Mel autem ex aere defluere solet: & colligitur non conficitur ab apibus: accedit non procedit ex floribus & folijs. Ita notauit Arist. lib. 5. de Histor. animal. cap. 12. & præclare Plinius lib. 11. Natural. histor. cap. 12. de Melle ait: *Venit hoc ex aere. Prima aurora folia arborum melle rosea inueniuntur: ac si qui matutino sub die fuere, vñtas liquore vestes, capillumque concretum sentiunt.* Facile tamen admisceatur meli ex aere defluenti alius quispiam addititijs succus: vt notauit ibi Plinius: *Multumque dum venit sordescens, & obuia terra halitu infectus, præterea è fronde ac pabulis potus, & in uerculos congestus apum, ad hæc succo florum corruptus & alucis maceratus.* Inueniri quoque videtur & aliud genus mellis, quod ex terrestribus plantis prodeat. Sic testatur Matthioli in 2. Dioscorid. cap. 75. *Habentur præterea & alia mellis genera, quæ rosea non sunt, sed ex plantis nascuntur, vt illud quod ex Anacardys fluere Arabes scribunt, & inter Græcos. Strabo Geograph. 5. ex arborum siliquis.*

De mellis natura, sic lussit Plinius dicto loco: *Sive ille est calis sudor, siue quadam syderum salua, siue purgantis se aeris succus.* Sed certè mel est mixtum quoddam corpus, factum per conuersionem ex ele-

mentis sicut alia mixta. Arist. 4. Met. tex. 41. indicauit, constare ex terra tanquam ex sua materia: textu verò 48. constare ex terra & aere. Galenus lib. 3. de Aliment. facultat. cap. de Melle, constare ex halitibus terrestribus & a iucis. Ita ergo putandum erit, mel in aere gigni ex mixtura terrestris halitus & a iuei vaporis: quod totum intellexisse videtur Arist. nomine terræ. Addi etiam potest aliquid aeris inter huiusmodi halitus & vapores immixti, vnaque simul concretentis. Vel saltem mel participat aliquid de conditione aeris, sicut & oleum.

Causa effectiua mellis, dici etiam debet calum: nec enim alia appareret. Et ita colligitur ex eo quod notauit Plinius de tempore quo mel gignitur: *Maximè syderum exortu, præcipue ipso Sirio explendescente fit, nec omnino prius Vergiliarum exortu, sub lucanis temporibus.* Itaque, hæc sydera præsertim, vim habere videntur, ad gignendum mel. Instrumentum primarium erit quoque virtus à cælo immissa. Inter elementares autem qualitates specialiter coadiuuant calor & frigus. Sic expressit Galenus vbi supra: *Peritis natura Interpretibus, balius è terra et aquis prodeuntes, Solis calore exarctè attenuati ac colli, è frigore secuta nobis in unum coacti ac densati fuisse videbantur.* Quod ab experientia ducebatur: quia in aurora cuiusdam diei, quando pridie fuerat calida & sicca aeris temperies, & nox sequens quantum per æstatem licebat frigida, tanta mellis copia decidit, vt incolæ dicerent, *Inppuer melle plus.*

Manna sub eodem mellis nomine De apud Plinium & Galenum alioque Man. veteres scriptores intelligebatur. Et na: est ab initio consimilis quidam liquor, sed potissimum Fraxini & Orni folijs adhærescit, & in grana qua-

quadam gummi more concrefcit. Et & illud manna, quod ex ijsdem arboribus, in quibus ex aere manna recipitur, leuiter incifis, defluit; longè tamen inferioris bonitatis ab eo quod ex folijs colligitur. Vnde Matthiolus in 1. Diotcorid. cap. 73. affirmat, hunc quoque effe eundem fuccum ex aere defluentem, qui in ijsdem arboribus quali in fpongia quadam imbibitur, ac deinde aditu illi facto per incifionē foras effluit: fed quia ipfius ligni qualitatibus alijsquē fuccis inficitur, ideo deteriorem effci.

Indicat quoque idem Auctor, hunc liquorem qui dicitur manna, effe per fe eiuſdē rationis cum melle communi quod abſolutè nomen mellis retinet: fed ex peculiari cōditione plantarum in quas decidit, nempe Orni & Fraxini, alium ſtatim affumere. Et confirmat nota ſibi experientia: *Ea qua Fici, Fraxini, & Orneogloſſi frondibus inhaſerat, gummi modo concreuerat, colore candida: at qua ſuper Amigdalæ, Perſicæ, ac Quercus folia deciderat, mellis modo liqueſcens, ab arbore fluebat ſauro liquore.* Verùm tanta eſt diuerſitas inter manna & mel vulgare, tum in colore, ſapore, & concretione, tum in virtute qua ad varios humanos uſus deſeruiunt: ut vel putandum ſit, ex ipſo aere diuerſos liquores eſſe fluere, licet ille ipſe liquor qui dicitur manna non niſi in certis illis arboribus concreſcat: Vel ex diuerſis locis & plantis per alias qualitates taliter immutari, ut diuerſas naturas aſſumant: Vel tandem mel ipſum vulgare, quod apum miniſterio abundat, effe magna ex parte eiuſdem rationis cum manna, tamen effe impurum, & alijs florum & foliorum ſuccis & apum humoribus permixtū, & ideo degenerare ē ſinceritate & cōditione manna, ſiue puri mellis diſtillantis ex

aere: & de hoc conquærebatur ſupra Plinius. Cæterum, eodem plane modo, de materia & cauſa effectiua manna, quo dictum eſt de melle, philoſophandum ac ſentendum eſt.

Demum, ſaccarum quoque effe *De Sac. caro.* genus quoddam mellis, quod in arundinibus inuenitur, colore candidum, concreſcens inſtar gummi, & dentibus friabile ut ſal, affirmarūt Galenus lib. 7. de Simplic. medicam. facult. cap. 101., Plinius lib. 12. cap. 8., & Dioſcorides lib. 2. cap. 75. Hinc Manardus Ferrariēſis, & Leonardus Fuchſius, quos refert Matthiolus in idem cap. Dioſcoridis, opinati ſunt, hoc ſaccarum fuiſſe ſimiliter ē cælo delapſum & in ijs arundinibus concretum, diuerſum tamen tum à noſtro vulgari melle, tum etiam à ſaccaro nobis nunc noto & conſueto. At Matthiolus ibi, & Scalig. Exercit. 164., & Conimb. tract. 7. Meteo. cap. 10., demonſtrāt, nullum aliud fuiſſe illud ſaccarum niſi idipſam quod apud nos ſub hoc nomine eſt in uſu quod utiq; ex arundinibus colligitur, & habet omnes alias proprietates ab illis Veteribus ſaccaro attributas. Hinc ruruſ ali- qui opinati ſunt, hoc ipſum noſtrū ſaccarum effe eiuſdem generis æreum liquorem in illas arūdines delapſum, ſicut dictum eſt de melle & manna. Sed tamen conſtat, hunc fuccum innascei potiùs per ſe talibus arundinibus, vitali harum plantarū virtute, eſſe quē earum veluti medullam aut alimentum. Saccarum ergo eſt longè diuerſi generis à melle & manna, licet ob ſimilitudinem dulcedinis, genus quoddam mellis ſit ab illis Veteribus appellatum. Et pertinebit ad illud genus inanimatorum corporum, quæ ex animatis & uiuentibus deſumuntur.

Alia ruruſ mixta erant, quæ arte *De alijs mixtis* conſciuntur. In qua re facile ſanè eſt,

que ar-
te perf-
ciuntur.

est, tales res per humanam indu-
striam allumi simulque coniungi, ac
taliter affici & disponi, tales etiam
causas adhiberi, vt talis rerum, di-
spositionum, & causarum concur-
sus, non eueniret sola naturæ opera,
atque adeo non fieret talis effectus :
vt sanè nunquam nisi per artem ex
frumento contuso & in farinam re-
ducto, & aqua commassante farinâ,
et igne coquente massam, fieret pa-
nis : et sic sunt alia innumera. Facile
etiam est, per talem rerum coniun-
ctionem, et dispositionum coapta-
tionem, atque cautarum applicatio-
nem, gigni nouam substantialem
formam in materia, et sic per artem
fieri substantialiter talia mixta.

Quamuis plerumque dubium rema-
nebit, num mixtura aliqua taliter fa-
cta, nouam substantialem formam
assumat. Attamen quodcumque
fiat noua forma, non vtique per se
fiet ab arte seu ab artifice, sed erit
hæc tantum causa per accidens, nem-
pe applicans: forma autem substan-
tialis dici debet induci à cælo, defi-
ciente nempe alia sufficienti causa
inferiori: & admittenda erit quo-
que virtus idonea immissa à cælo,
iuxta dispositionem materiæ per in-
feriores causas præmissam. Huius-
modi autem artificiosa mixta sunt
admodum diuersa & varia, pro mul-
tiplicitate rerum ex quibus fiunt, nec
satis possunt ad certa capita reuoca-
ri. Et ad hoc etiam genus reduci
debent, si quæ alia mixta fiant per
incidentiam alicuius causæ naturali-
ter occurrentem, & diuersa sint ab
alijs enumeratis corporibus, vt calx
& cinis ex lapide & ligno facta per
ignem, aliaque similia.

De illis
mixtis
inani-
matis
que ex
anima-

Postremo tandem, sunt illa ina-
nimata mixta quæ ex animatis cor-
poribus desumuntur. Et proximè
iam accedunt ad animata corpora.
Ac per duo genera diuidi adæquatè
possunt. Alia sunt quæ fiunt ex cor-

poribus animatis per conuersionem
substantialem & transitum materiæ
ab esse animato ad esse inanimatū.
Alia sunt quæ fiunt virtute ipso-
rum viuentium, non tamen recipiendo
in se vitam & animationem, sed
fiunt sub statu & forma inanimato-
rum corporum. Sub primo genere
complectimur tantum illa quæ im-
mediatè & proximè fiunt ex anima-
tis corporibus & in quæ ipsa viu-
entia per mortem naturaliter resoluū-
tur: talia sunt cadauera ex animalibus,
& emortua ligna, aliaque ex
plantis excerpta dum vita destituun-
tur. Alioqui per consequentes alias
transmutationes, aut per vigorem
alicuius validæ causæ, in alia iam
corpora conuertuntur, quæ ad alia
genera pertineant. Sub secundo ge-
nere continentur, tum illa quæ fiunt
ex virtute viuentium ad sui conser-
uationem & perfectionem; vt illi
lucii & humores, qui mediant inter
alimentum assumptum donec con-
uertatur in substantiam aliti, & qui
deserviunt ad operationes vitales;
tum etiam illa quæ tanquam excre-
menta reijciuntur, aut tanquam or-
namenta vel adiumenta animalium
corporibus adherescunt.

Circa primum genus, dubitarunt
aliqui, num verè recedente anima, quæ
fiat noua substantialis forma in ma-
teria, nouum substantiale corpus ex
materia, & noua forma. Et non
defuerunt qui putauerint, remanere
materiam absque forma cum solis
accidentibus. Alij sunt qui consti-
tuerunt simul cum anima aliam quā-
dam formam corporeitatis, & hanc
dixerunt remanere in materia rece-
dente anima, nec aduenire aliam
nouam formam. Siue constituerūt
distinctas quasdam formas pro va-
rijs partibus eterogeneis viuentium,
v.g. aliam formam carnis, aliam os-
sis, & sic de singulis partibus, eas-
quæ proinde appellarūt formas par-
tia-

tiales : & has dixerunt permanere recedente anima , nec opus esse alia noua forma . Fundamentum commune ad probandū in cadauere animalis nō induci de nouo aliam formam , fuit : quia nulla apparet causa , à qua talis forma producat̃ur : nullae dispositiones per quas producat̃ur ; cū possit animal interire ex valde diuersis imò contrarijs accidentibus , vt ex nimio calore vel ex nimio frigore : nulla etiam apparet operatio talis formae . Addunt aliqui Theologi , non debere in corpore Christi in triduo mortis admitti aliam nouam formam cum confortio Verbi diuini .

Communis tamen & vera sententia est , in corpore viuentium , recedente anima , aduenire nouam formam , quae proprio nomine appellatur forma cadaueris . Nam , nec potest remanere materia nuda absque omni forma , vt ostēdimus pro materia q. 20. sect. 10. Nec adiungi potest alia forma corporeitatis simul cum vlla alia forma , vt ostendimus ead. q. sect. 3. Nec inducendae sunt aliae formae partiales in viuentibus , vt ostendimus quaest. sequenti. Igitur omnino concedenda est noua quaedam forma , succedens animae in eadem materia , & constituens nouum quoddam inanimatum corpus . Et haec forma potest esse multiplex & varia , tum pro varietate viuentium quae emoriuntur , tum pro varietate dispositionum & causarū necē afferentium , tum pro varietate partium eterogenearum eiusdem viuentis , prout nimirum in quocumque subiecto res postulauerit .

Causa autem effectiua talis formae , dici debebit illa eadem quae est

pro alijs mixtis inanimatis . Non enim dici potest ipsomet viuens quod moritur , seu anima quae recedit , vt per se patet . Neque dici potest illamet causa quae nācem intert , vt qui occidit hominem : nam haec ad summum est causa per accidens seu disponens . Dispositiones verò ad formam cadaueris erunt eadem quae proximè repugnant animae in tali corpore . Non deerit etiam sua operatio tali formae : & illi connaturales erunt suae dispositiones , sicut se habent aliae inanimatarum formae . Debet demum in corpore Christi admitti sua forma cadaueris pro triduo mortis , vt magis communiter alij Theologi docent .

Circa secundum aliud genus inanimatarum corporum quae ex animatis proueniunt , supponendum quoque est , illa constitui per peculiare suas formas substantiales . Et haec admodum variae sunt , ac proinde per diuersas essentialiter formas constituuntur . Benè autem poterūt tales formae gigni ex virtute ipsius viuentis eiusque animae . Succus enim ille qui proximè fit ex alimentis assumptis , sanguis & alij humores , utique fiunt virtute animae . Est què id conueniens : quia haec omnia subordinantur ipsi animae . De quibusdam tamen ex huiusmodi corporibus , vt de sanguine , & alijs huiusmodi , quae se habent tanquam partes in corporibus viuentibus , dubitatum est , an informentur eadem viuentis anima , vel sint inanimata , content què alia diuersa forma . Sed hoc spectat iam ad ipsa animata corpora , quorum considerantur vt partes .

*De illis
quae fiunt
per virtutem
animae .*

QVÆSTIO QVADRAGESIMAQVINTA.

De Corporibus Animatis.

A Gredimur iam insignem & copiosam Philosophiæ partem, quæ & subiecti dignitate, & rerum varietate, omnibus prioribus partibus, in quibus alia corporum genera considerata sunt, longè antecellit. Copiosissimè & exactissimè hanc partem Aristoteles pertractavit, tum De Anima in tribus libr. s. Tum etiam de peculiaribus quibusdam animantium affectibus, in alijs Opusculis quæ post eodẽ in libros de Anima interuntur, & vno communi nomine Parua naturalia nuncupantur. Tum præterea, scripsit peritoxè, De Plantis, De Historia animalium, De Partibus animalium, De Generatione animalium, De Incelsu, & De Motu animalium. Nos, ea quæ magis particularia & velut historica occurrunt, prætermittentes, cuncta, quæ digniora sunt, & philosophicam discussionem exposcunt, nostris quæstionibus prosequemur.

SECTIO PRIMA.

*Quo pacto Corpus animatum
ex corpore & anima con-
stituitur.*

O Mne substantiale compositum absolutè dicitur ex materia & forma constitui: Sed animatum & viuens specialiter dicitur ex corpore animaque constare. Sic omnes loquuntur, & Arist. ipse 7. Metaph. 39. dicens, hominem & animal esse quod ex corpore & anima constat. At notum quidem est, quid nomine animæ intelligatur, nempe forma dans speciem & vitam. Difficultas verò est, quidnam intelligatur nomine corporis, ex quo simul cum anima viuens constitui dicitur. Hactenus enim, nomine corporis intelligebatur idem ipsum compositum ex forma & materia constans, sicquè dicebantur corpora simplicia & mixta, inanimata & animata. Et dum nunc etiã corpora animata proponimus, totum quoque compositum intelligimus: explicandum ergo est, quo-

nam modo hoc ipsum corpus seu compositum ex corpore & anima constare dicatur.

Capreol. in 2. d. 15. q. 1. art. 3. Hispalens. art. 4. Caiet. 1. par. q. 76. art. 4. Soneinas 8. Metaph. q. 11. Suarez disp. 15. Met. sect. 10. num. 15. et quidam alij, explicant, nomine corporis adhuc intelligi compositum ex materia et forma; compositum tamen in communi, scilicet ex materia et forma in communi: sed consequenter addendo animam, determinari huiusmodi formam, ac denotari specificè talem formam: et sic viuens non solum dici constare ex materia et forma sicut alia composita, sed specialiter ex corpore et anima. Ferrarientis 2. Cont. Gent. cap. 65. asserit, nomine corporis intelligi determinatè compositum ex materia et illa alia forma, quæ præcessit ante aduentum animæ, et quæ expulsa ac deleta fuit per aduentum animæ: et ita viuens dici constare ex corpore præcedenti tanquam ex subiecto transeunte, quod conuersum sit in ipsum viuens: sicut scilicet dicebatur mixtum constare ex elementis, et elementis

menta dicebantur materia mixti, ex qua scilicet mixtum fieret, quia nempe antea præcesserant elementa cum suis formis, sed non permanent elementorum formæ sub forma mixti.

Constituitur ex corpore ut parte materiali, & anima ut parte formali. Aliterendum tamen, dum viuens dicitur ex corpore et anima constare, nomine corporis debere intelligi partem materiale, quæ est subiectum animæ, recipiens in se animam: ita ut, sicut compositum incommuni dicitur absolute constare ex materia et forma; dicendo nunc viuens constare ex corpore et anima, sensus sit, ex tali materia et tali forma, determinando formam nomine animæ et materiam nomine corporis. Ita sanè in communi et consueto modo loquendi videtur intelligi. Et consentiunt Ferrar. ac Suar. Et aperte affirmant Gregor. in 2. d. 16. q. 2. Argent. in 4. d. 13. q. 1. art. 2. concl. 3. et alij plures.

Probatum primò, non intelligi nomine corporis compositum in communi, constans ex materia & forma in communi: quia certè dum nomen corporis in hac significatione accipitur, dicitur viuens esse corpus, non autem constare ex corpore. Quod patet clariùs, loco corporis nominando compositum; dicitur utique viuens esse compositum, non autem constare ex composito & anima. Ex aduerso, in illa significatione in qua dicitur viuens constare ex corpore & anima, non posset dici esse corpus, sicut non posset dici esse anima. In alia ergo significatione sumitur corpus in hac constitutione viuents, & non pro corpore illo generico, idest composito communiter sumpto.

Non ex corpore inquam genere & anima. Secundò. Compositio omnis naturalis fieri debet ex partibus inter se proportionatis, & conuenientibus. Hanc proportionem habent quidem materia & forma inter se,

genus & differentia inter se: at genus & forma, materia & differentia, ineptissime iungerentur, ad explicandam aliquam compositionem: una enim est pars physica altera metaphysica, & compositio nec esset physica nec metaphysica, sed imaginaria & fictitia. Dum ergo dicitur viuens constare ex corpore & anima, non potest corpus sumi pro genere illo quod est idem cum composito, sumendo animam pro forma. Sed vel assignanda est compositio physica viuents ex materia & forma, & sic nomine corporis debebit intelligi materia: vel compositio metaphysica ex genere & differentia, & sic sumendo corpus pro composito in genere, debet illi adiungi esse animatum, quæ est differentia. Et vno modo dicemus, viuens constat ex corpore & anima: alio modo, est corpus animatum.

Tertiò pro eadem parte arguit Ferrar. Si nomine corporis intelligatur compositum in communi, hæc erit compositio rationis, non realis, quod est planè falsum, & contra omnium estimationem. Sequela probatur: quia si nomine corporis includitur forma in communi, iam anima non distinguetur realiter sed tantum ratione à tali conceptu communi. Neque verò sufficiet, quod anima distinguitur realiter saltem à quadam parte illius generis communis, nempe à materia pariter in illo inclusa. Nam sic quodcumque assignatur compositio ex genere & differentia in rebus compositis ex materia & forma, pariter dici posset, differentia pro ea parte qua sumitur à forma, distingui realiter à genere pro alia parte qua sumitur à materia: at nō per hoc dicitur compositio ex genere & differentia esse realis, sed tantum rationis: quia nimirum in compositione reali debet tota una pars distingui realiter ab alia.

Constituitur vera compositioni reali.

alia. Non potest ergo in illa compositione viuens sumi corpus in genere pro composito.

*Ex v.
traque
parte pa-
riter
perma-
nentes.*

Quartò deinde probatur, non intelligi corpus pro composito constituto ex forma precedenti, & in aduentu animæ recedenti. Tum quia omnes concipiunt, viuens constare ex anima & corpore in ipso sensu per permanente: & dicitur anima informare ac viuificare corpus, quod vtrique non verificatur de corpore illo precedenti. Tum etiam illud quod non permanet in constitutione alterius, se habet prorsus tanquam terminus à quo: vnde non dicitur ex illo constare & componi aliud, sed solum fieri ex illo: at verè dicitur viuens constare & componi ex corpore, non autem in sola sui generatione fieri ex corpore. Tum quia, alioqui in hoc sensu viuens dici posset constare determinatè ex illo corpore ex quo fit: v. g. si fiat ex ligno, diceretur constare ex ligno & anima. Tum etiam, quodcumque aliud substantiale compositum diceretur constare ex corpore & ex sua forma, quia vtrique fit ex alio precedenti composito: ac diceretur etiam in specie, ignis v. g. constare ex aere, & sic de alijs omnibus. Tum præterea, si Deus formaret viuens aliquod ex noua materia quæ sub nulla prius forma fuisset vtrique non minus tale viuens diceretur ex corpore & anima constare: igitur hoc non intelligitur ratione compositi & formæ precedentis. Tum demum, Ferrariensi non suffragatur, imò obstat quoque exemplum mixti ex elementis. Nam certè non eò dicitur mixtum constare ex elementis, in quantum fit ex illis præexistētibz velut ex termino à quo: sed dicitur constare virtualiter, quia retinet & continet in se elementorum virtutes & qualitates. At non vtrique viuens dicitur continere vir-

tutes & qualitates corporis præcedentis: non in hoc sensu intelligitur constare ex corpore & anima. Sed ita prorsus se habet viuens cum illo precedenti corpore ex quo fit, sicut se habent alia quæcumque diuersa composita quæ substantialiter transmutantur.

Quintò iam affirmatiuè probatur, corpus in compositione viuentis sumi pro parte materiali, quæ est subiectum animæ, ex Arist. qui eod. illo loco 7. Metaph. 39. pro eodem nominat corpus atque materiam, animam atque formam quam vocat substantiam primam. Et expressè hic lib. 2. de Anima tex. 6. animam, definit, esse actum corporis physici potentia vitam habentis: esse actum, idest formam; corporis, idest tanquam subiecti: sicut tex. 4. præmittit, corpus esse vt subiectum & materiam. Vnde textu 7. concludit, non debere dubitari, si corpus & anima vnum sint, sicut neque ceram & figuram, ac vniuersaliter materiam & formam. Et textu 10. Si autem osulus est pupilla et visus, ita anima & corpus animal. Et clarissimè tex. 25., supponens distinctionem triplicis substantiæ, scilicet materiæ, formæ, & compositi; ait, animatum esse compositum; animam esse actum, idest formam; corpus esse id cuius anima est actus, idest quod est materia & subiectum animæ. In hoc etiam planè sensu, Concil. Lateran. cap. Firmiter de summa Trinit. declarauit, hominem esse ex spiritu & corpore constitutum.

*Idem est
viuens
constitui
ex cor-
pore &
anima,
ac ex
materia
& for-
ma.*

Sextò ratione probatur ex dictis: quia sine dubio, viuens constituitur compositione physica ex parte formali & parte materiali: pars formalis est anima, pars materialis dicitur corpus: sic ergo intelligitur ex corpore & anima constare: sic diciturigni viuens per aduentum & unionem animæ ad corpus, dicitur mori

& interire per recessum & separationem animæ à corpore. Ideo autem hæc pars materialis viuentis appellatur corpus, & non solum materia sicut in alijs compositis: quia, in viuentibus hoc subiectum anime, est distinctum & organizatum per varias ac diuersas partes idoneas ad opera vitæ, vt notum est; & hac ratione Arist. 3. de Anima 66. probauit, corpus animalis non posse esse simplex, idest vni forme & contumile in suis partibus: & lib. 2. tex. 7. explicauit, omnia viuentia, etiam plantas, habere suas partes tanquam instrumenta: ac definiuit animam esse actum corporis organici siue instrumentalis. Hoc ergo subiectum animæ, hæc pars materialis viuentium, appellatur corpus.

Aliud est dicere, viuentis est corpus animatum, ac consistat ex corpore & anima. Septimò tandem. Notum est, nomen corporis in sua significatione esse analogum; haberequè tria significata: vnum dicitur corpus metaphyficum, & est compositum ex materia & forma: aliud dicitur corpus phyficum, & est proprium viuentium, suis organis distinctum, & animæ subiectum: aliud dicitur corpus mathematicum, & est quantitas trine dimensionis, quæ simul cum superficie & linea in quantitatis prædicamento reponitur. Nam ergo dicitur viuens constare ex corpore & anima, nomine corporis intelligitur corpus phyficum, quod dicitur etiam organicum, & est pars materialis viuentis, est subiectum animæ. Quando verò dicitur, viuens est corpus, sicut pariter dicimus lapis est corpus, ignis est corpus, & in vniuersum corpora naturalia nuncupamus; intelligitur corpus metaphyficum, quod est genus in prædicamento substantiæ, & dicit in genere totum compositum, constans ex forma & materia. Non oportet ergo æquiuocare in nomine corporis, & vnam significationem

cum alia contundere. Sed in suo peculiari sensu sumitur corpus pro viuentibus, dum ex corpore et anima constare dicuntur.

Hoc supposito, videndum superest, num essentialis ratio viuentis consistat in altera ex his partibus tantum, vel in vtraque simul. Euripides apud Carpent. in cap. 1. Alcibiadi, significauit, hominem essentialiter esse solum corpus quod in morte relinquitur, anmam verò esse tanquam Deum; *Corpore deposito, cum liber ad aëtra perges, euades hominem, factus Deus ætheris almi.* Fauere videtur sacra script. Genes. 2. *Formauit Deus hominem de limo terra, & inspirauit in faciem eius spiraculum vitæ:* vbi distnguatur homo pro solo corpore, et anima inspirata à Deo. Ex aduerso, Plato in Dialogo de Natura hominis, Auicenna in libro Mahat, et Philo Iudæus apud Vales, cap. 2. de Sacra Philotophia, et Vgo de S. Victore apud Durand. in 3. d. 22 q. 1. num. 5. indicant, hominem essentialiter esse solam animam. Et videtur quoque fauere Sacra script. Genes. 1. cum dictum est. *Faciamus hominem ad imaginem & similitudinem nostram:* nam anima est in qua hæc similitudo saluatur. Et ita refert D. August. lib. 3. de Genesi ad litter. cap. 22. quosdam putasse. Imò et D. Basil. hom. 10. in Genes. et Ambros. lib. 6. Exameron. cap. 8. idem indicant. Huc etiam alludit dictum illud Anaxarchi ad Nicocreonem, Cypri Tyrannum, *Tunde corpus, Anaxarchi, quia Anaxarchuum non tangis.* Quod si essentia hominis in sola anima constituitur, idem erit de omnibus alijs viuentibus.

Certum tamen est, essentiam tam hominis quam omnium aliorum viuentium, de quibus nunc agimus, consistere in corpore & anima simul.

An viuens essentialiter includat corpus & animam.

Verè essentialiter includit

utraq[ue] partem tanquam duabus partibus compositum. nentibus totum, sed anima quidem est pars magis principalis. Ita constat in primis ex doctrina generali tradita q. 9. sect. 4. ubi ostendimus vniuersaliter, omne substantiale compositum essentialiter includere tam materiam quam formam. Deinde specialiter, cum anima separatur a corpore, & dissoluitur vnio quam habebant dicitur homo mori, & tamen remanet tam corpus quam anima per se: igitur homo essentialiter dicebat totam compositionem ex vtraque parte. Iuxta quod etiam Theologi docent, Verbum diuinum in triduo mortis Christi, licet esset vnium tam anime quam corpori per se, tamen non potuisse pro tunc denominari hominem. Demum ratione demonstratur, quia in rebus his, nomine viuientis, aut corporis animati, intelligitur totum compositum; sic etiam sub nominibus peculiaribus, nomine plantæ, nomine animalis, nomine equi, leonis, nomine hominis: compositum autem essentialiter & intrinsecè includit vtramque partem, materialem & formalem: igitur omne huiusmodi viuens essentialiter in vtraque parte consistit. Anima autem est pars præcipua, que nimirum est forma dans vitam & operationes, & vltimo perficiens totam substantiam.

*Quadā
Scriptu-
ra loca
explicā-
tur.*

Ad loca verò illa Scripture dicendum est, quandoque per figuram nomine hominis intelligi specialiter corpus vel specialiter animam, ita vt quasi duplex homo distinguatur: vt 2. Corinth. 4. *Licet is qui foris est homo noster corrumpatur, tamen is qui intus est renouatur de die in diem*: & simile quid habetur ad Coloss. 3. Attamen adhuc in ambobus locis initio Genes. intelligitur totus homo ex corpore & anima constans, iuxta communem & veram expositionem. Cum ergo dictum est, For-

mauit Deus hominem, & inspirauit vitam; hæc inspiratio non ponitur tanquam nouum quid post perfectam hominis formationem: imò ponitur tanquam præcipuus actus quo formatus est homo. Item cum dictum est, factum esse hominem ad imaginem Dei: id intelligitur, tum secundum rationem dominij super alias corporeas creaturas: tum etiam intelligendo secundum anime essentiam, rectè pronunciatum de ipso toto, id quod illi conuenit ratione partis: sicut etiam absolute dicitur homo factus ex terra, ratione scilicet corporis. Itaque absolute nomine hominis, totus homo ex corpore & anima constans intelligi debet.

Cæterum, examinandum modò sequitur, quid propriè sit corpus organicum quod est subiectum anime, quid addat supra simplicem materiam, vt speciali hoc nomine corporis appelletur.

SECTIO SECVNDA.

Verum Corpus organicum quod est subiectum Animæ, in se constituitur per aliam substantialem formam, vel solum per accidentia.

Scotus in 4. d. 11. q. 3. art. 2. & 7. Metaph. q. 20. constituit corpus omnium viuientium per peculiarem quandam formam substantialem, quam vocat corporeitatis & mixtionis, Quodl. 2. q. 11. tantum in animalibus, exclusis plantis, hanc formam concedit. Henricus Quodl. 2. q. 2. & Quodl. 4. q. 13. & alibi, ponit tantum in homine. Rursus explicant, non esse vnā simplicem & eiusdem rationis formam in omnibus partibus corporis: sed sicut dissimiles & variz sunt partes corporis.

*Sē ē: iā
affi māi
constitui
per aliā
substan-
tialē
formā.*

ris, quæ propterea dicuntur æterogenez, vt os & caro, cor & cerebrum, & aliæ; ita dicunt esse realiter & essentialiter distinctas formas substantiales harum partium, & sic eas vocant formas partiales, quæ hoc pacto cōstituunt corpus organicum quod sit idoneum subiectum animæ. Ita volunt Scotus & Henricus locis citatis, Bargius in 1. d. 30. Mairon. in 2. d. 15. Antonius Andreas 7. Met. q. 16. Tromb. lib. 8. q. 2. Achillin. lib. 2. de Element. art. 4. Suesstan. 1. de Gener. com. 78. Dandin. 2. de Anima digress. 8. par. 3. Aresius 1. de Gener. q. 10. Piccolomin. lib. de Multitud. formarum. Eandemquæ esse communem Medicorum sententiam testatur Bagn. 1. de Gener. cap. 4. q. 8. art. 4.

*Cōclusio
negans.*

Afferendum tamen est corpus organicum quod est subiectum animæ, nequaquam constitui per vllā aliam formam substantialem, siue vniformem, siue ex varijs partialibus compactam, ab anima distinctam, sed sufficienter in sua dispositione constitui per accidentia vt recipiat & contineat in se animam. Ita D. Thomas & Thomistæ communiter, qui in vniuersum rejciunt omnem formarum pluralitatem in vna materia. Item Alens. 2. par. q. 62. memb. 2. Gregor. in 2. d. 16. q. 2. Durand. in 1. d. 9. q. 1. Aegidius in tract. de Pluralit. formar. Fons. 2. Met. cap. 2. q. 1. sect. 8. Suarez disp. 15. sect. 10. Cornimb. 1. de Gener. cap. 4. q. 22. Tolet. 2. de Anima q. 1. & alij frequenter.

*Proba-
tur ex
Arist.*

Probatum primò ex Arist. qui 1. de Gener. 23. in vniuersum supponebat, in omni mutatione substantiali, vnā formam aduenire & aliā recedere, atque adeo nunquam plures coniungi simul. Et quando dicebat, generationem vnus esse corruptionem alterius, pariter supponebat, nunquam generari nouam,

formam sine prioris interitu, et nunquam vnā interire nisi per alterius formæ aduentum. At si daretur alia forma in corpore viuientium, hæc præcessisset ante aduentum, & permaneret post recessum animæ, vt Aduersarij volunt. Rursus specialiter 4. Meteor. tex. 54. 3. de Anima tex. 9. & lib. 2. de Histor. animal. cap. 5. dixit, carnem hominis mortui, esse æquiuocē carnem cum carne hominis viui, vtique quia habet aliam formam carnis, quam non habebat antea cū erat animata. Præterea 8. Metaph. tex. 15. docet, hominem per eandem formam esse animal ac bipedem; & probat, quia alioqui, nō esset vnum quid sed duo: vbi planè remouet omnem formam præter vnā animam. Nec iuuat quod aliqui dicunt, Arist. ibi esse loquutum de formis separatis, id est Idæis contra Platonem. Nam potius Arist. ibi loquitur de intrinseca natura hominis. Aut, si ea ratione pro inconuenienti reputauit plures idæas, multò magis plures formas intrinsecas. Demum 2. de Anima tex. 31. ait, in anima rem se habere sicut in figuris: sicut enim non sunt plures figuræ in vno subiecto, sed potest esse vna figura continens aliam, vt quadratum continet triangulum: ita non erunt plures animæ, & sic in vniuersum plures formæ, in vno viuente; sed erit vna anima, veluti continēs alias formas, id est sufficiens & valida ad omnes operationes sui compositi.

Secundò probatur ratione vni- *Ex cō-*
uersali: quia non debeat nec pos- *muni in-*
sunt naturaliter plures substantiales *cōpossi-*
formæ in vna materia coniungi. Et *bilitate*
nec possunt conuenire ad tribuen- *plurimum*
dos gradus essentielles subordina- *forma-*
tos, per modum superioris & infe- *rum.*
rioris, siue generis & speciei, vt
ostendimus q. 20. sect. 3. quia nec-
cessariò ab vna vltima forma speci-
fica

fica simul cum materia omnes gradus essentielles sumuntur. Nec possunt conuenire ad tribuendos plures gradus específicos distinctos: quia sic plures formæ planè constituerent diuersa specie corpora in eadem materia quod non est cogitandum. Nec demum possunt conuenire per modum ordinationis, vt vna sit dispositio ad aliam. Necessariò enim debet vnaquæque substantialis forma per se constituere substantiale compositum, seclulo ordine ad aliam formam. Et in hoc differt forma substantialis ab accidentali in materia, vt diximus ead. q. 20. seçt. 5. quòd forma accidentalis disponit materiam ad substantialem, & conuenit materiæ in ordine ad formam substantialem: ipsa verò substantialis forma in se sistit, ac per se ultimò complet & perficit materiam. Igitur omnis alia forma quæ tribuetur corpori & partibus eius, vt se habeat tanquam dispositio ad animam, erit forma accidentalis, non substantialis.

Ex speciali ratione corporis animati.

Tertiò speciali ratione probatur: quia si peculiariter alia talis forma ponatur in viuentibus, ac præsertim ponantur variæ formæ partiales in diuersis partibus corporis, propter peculiare ac varias operationes vitales quæ in viuentibus exercentur, sequitur, tales formas esse quoque vitales, esse nempe internum substantiale principium operationum vitalium, atque adeo habere etiam animæ rationem. Igitur in viuente, præter vnā animam totalem, essent animæ partiales: et, si formæ partiales remanent in cadauere recedente anima, remanebit adhuc corpus animatum et viuens, quod vtiq; admitti non potest.

Quartò. Variæ formæ partiales essent inter se valde diuersæ specie, et ob tantam diuersitatem partium et organorum in animalibus essent

non paucæ. Vnde non vnum substantiale corpus, sed valde multiplex et variū esset, iuxta omnem varietatem partium, et specificam formarum partialium distinctionē. Attamen omne viuens, est per se essentialiter et substantialiter vnum: non ergo distrahi debet tali formarum partialium apparatu.

Quintò demum. Si consideretur v. g. homo; vel in conceptu essentiali hominis intrinsecè includitur ratio carnis, ossis, et singularum partium prout per differentes formas partiales dicuntur constitui; vel in conceptu hominis præcisè includitur anima cum materia, licet realiter et concomitanter adsint simul in materia aliæ substantiales formæ. Si dicatur primum: Sic homo non erit simpliciter compositum per se vnum, si quidem dicitur includere formas específicas diferentes; sed potius erit aggregatum quoddam plurium specierum. Si dicatur secundum: Sic erunt absolutè plura composita substantialem in vna materia, per plures nempe formas, sicut si quauis duæ formæ disparatæ in vna materia coniungantur, quod naturaliter fieri non potest. Confirmatur: quia poterit saltem per Dei potentiam absolutam constitui et conseruari anima in materia absque alia forma substantiali. Vel ergo tunc daretur essentialiter homo, et sic nulla alia forma ingreditur essentialem hominis constitutionem, sed per aliam formam fieret aliud compositum præter hominem. Vel non daretur essentialiter homo, et sic homo non esset vnum per se compositum ex materia et sua forma, sed non erit homo nisi per modum cuiusdam aggregati ex pluribus formis.

Concludendum ergo est, corpus organicum, vt sit idoneum iuxta-
ctum animæ, disponi tantum per eū dispo-

si ut p accidētia proportionata, et quidem
acciden- per varia accidentia in varijs suis
ria ad partibus et organis iuxta exigētiā
receptio- animæ: et per huiusmodi acciden-
nem a- tium varietatem, quæ manifestè in
nima. membris corporis distributa est, cō-
 stituuntur organa vitæ, ut sint apta
 instrumenta ad operationes vitales
 perficiendas. At verò quando di-
 cimus, vivens essentialiter ex corpo-
 re et anima constare, non per hoc
 formaliter ipsa accidentia, sed sola
 materia intelligi debet ingredi es-
 sentialem compositionem viventis,
 ita quod etiam sublatis penitus ac-
 cidentibus, si anima esset unita ma-
 teriæ, verè saluaretur tota viventis
 essentia, sicut in omni alio substan-
 tiali composito. Sed quia realiter et
 naturaliter materia, ut sit subiectum
 animæ, debet esse disposita per va-
 ria accidentia, et distributa per va-
 ria organa, unde dicitur corpus or-
 ganicum, ideo rectè dicitur vivens
 constare ex corpore et anima. Hoc
 autem totum verificatur de corpore
 viventis, quoad omnes et singulas
 partes, quæ sunt animatæ, et habent
 pro sua forma animam. Alioqui aliæ
 sunt, quæ reuera non informantur
 anima, sed in suo gradu deferunt
 ad conservationem et exercitium vi-
 tæ: et hæc sine dubio habent suas pe-
 culiāres substantiales formas. Quæ
 sint autem hæc partes, sectionibus se-
 quentibus videbimus.

*Quedā
 loca A-
 rist. ex-
 plican-
 tur.*

In contrarium Obijcies primò.
 Arist. 1. de Anima tex. 58. perspicuè
 docuisse videtur, in corpore anima-
 to aliam esse formam mixtionis ab
 anima, et hanc formam mixtionis
 constare diversis partibus, nempe in
 carne, osse, et alijs. Postea lib. 2.
 tex. 4. definit animam esse actum
 corporis organici, ita videlicet quod
 anima supponat corpus organicum
 constitutum, utique per formas par-
 tiales.

Respondetur. Aristoteles in prio-

ri loco probare volebat, animam
 non esse harmoniam et temperiem
 contrariorum siue elementorum, si-
 cut Veteres quidam dicebant, ut pa-
 tet in toto capite. Et ita rectè do-
 cuit, aliam esse formam mixtionis,
 idest temperiem contrariarum ele-
 mentarium qualitatum, ab anima, et
 hanc temperiem esse diversam in
 diversis partibus. Non ergo intelle-
 xit aliam substantiāle formam mix-
 tionis, siue formas parciales substan-
 tiales: sed tantum elementarē tem-
 periem, quam etiam supponimus nō
 fieri per formas substantiales, sed
 per qualitates elementorum.

Obijcies secundò ex ratione ipsa *Diver-*
 et diversitate partium. Esse v. g. os *fitas par-*
 et carnis, est esse substantiale: *tium nō*
 atque diversum est unum ab alio: *arguit*
 ergo dantur diversæ formæ substan- *diversi-*
 tiales carnis et ossis. Neque hoc es- *ta: ē for-*
 se substantiale potest tribui ab ani- *marum.*
 ma. Vel enim anima quaecumque
 partem redderet substantialiter car-
 neam et osseam simul, vel nullam:
 quia eadem formaliter anima non
 poterit reddere unam partem car-
 neam, et aliam osseam.

Solent ad hoc argumentum re-
 spondere, animam continere virtua-
 liter formas parciales diversas, & ob
 hanc virtualement continentiam bene
 posse uni parti dari esse carnis, alteri
 ossis. Sed nec effugiunt difficultatem,
 nec rectè philosophantur. Tum quia,
 si anima virtualiter continet illas
 rationes, cum ubique sit eadem anima
 cum eadem continentia virtuali, omnem
 partem omnibus ijs modis denominare
 deberet. Tum præterea, anima per
 solam virtualement continentiam non
 posset facere formaliter carnem & os,
 quod supponitur esse formaliter
 substantiale. Propter hoc, respondent
 quidam Recentiores, in animali vivo
 non esse verè & substantialiter carnem
 & os, sed hæc esse in animali mor-
 tuo,

tuo, vbi verè dantur formæ carnis & ossis. Verùm, hoc planè est contra communem sensum. Et contra Arist.; qui primo de Anima tex. 9., 4. Meteor. cap. vltimo, primò de Gener. Animal. cap. 19. & 7. Meth. tex. 56. affirmat potius in animali viuo esse verè carnem & os, in mortuo autem non nisi æquiuocè. Vnde ita dicimus carnem mortuam ad differentiam carnis viuæ, sicut æqui-uocè hominem mortuum ad differentiam hominis viui.

Respondendum ergo est, carnem & os posse considerari dupliciter. Vel quatenus substantialiter partes corporis animati, & vt sic esse substantiale ossis & carnis est idem esse, scilicet animatum, communicatum ab eadem forma, quæ est anima, & vt sic etiam hæ partes verè sunt in animali viuo, non in mortuo. Vel posse considerari quatenus differunt inter se, secundùm quàm differentiam sunt æterogeneæ; & vt sic non differunt substantialiter sed tantùm accidentaliter. Itaque caro quatenus æterogenea ab osse, non differt substantialiter, sed solùm accidentaliter: vnde non constituitur per formam substantialem diuersam, sed solùm differt per accidentia. Potius autem substantialiter differunt caro animalis mortui & viui, & sic de omni alia parte, vt notauit D. Thom. 2. contra gen. cap. 72.

*Nec di-
uersitas
acciden-
tium &
opera-
tionum.*

Obijcies tertio ex diuersis ipsis accidentibus, & præterea operationibus, quæ in partibus æterogeneis inueniuntur. Nempe cor est calidum, cerebrum est frigidum: in cerebro fiunt longè aliæ operationes, ac in corde, & sic in alijs membris. Ex diuersis autem accidentibus & operationibus solent Philosophi designare formas substantiales diuersas. Neque videntur posse opera & accidentia aded diuersa, vni simplici formæ conuenire.

Adhoc respondent aliqui, & admittit Suar. num. 31. ac defendit Hurtad. disp. 2. de Anima secl. 5. & 6., animam ipsam viuentium, excepto homine, constare partibus æterogeneis inter se substantialiter differentibus. Sed hæc responsio, nec est necessaria, nec vera. Tùm quia, datur anima rationalis indiuisibilis eiusdem rationis in omnibus partibus, & plerique volunt tales esse quoque animas perfectorum animalium: necessaria ergo non est diuersitas partu ipsius animæ. Tùm deinde, non esset vna specie anima in vno viuento, sed multiplex iuxta diuersitatem partium: & totum viuens esset quoddam aggregatum ex tot partibus specie differentibus. Imò in quibusdam partibus esset anima sensitua, in quibusdam solùm vegetatiua, vt admittit Hurtad. Sed de se patet esse absurdum. Tùm præterea, Arist. ipse primò de Anim. tex. 90. & 91. reprobatur quandam opinionem, quæ ponebat animas diuersæ rationis in diuersis partibus corporis. Et arguit: quia vel esset alia anima illas continens, vel non. Si non: tunc nec possunt illæ conuenire vt sint vna. Si sic: vel hæc rursus constabit ex diuersis partibus, & iterum indigebit alia anima continente; vel dicetur penitus vniformis, & hæc iam sola erit anima sine alijs illis distinctis. Tùm demum, perinde se haberet ponere in vno viuento tot formas, seu animas partiales in diuersis partibus, absque alia forma communi, sicut ponere in omni mixto solas elementorum formas in diuersis mixti particulis absque alia forma communi, quod dici non poterat.

Respondendum ergo est, diuersitatem illam accidentium & operationum, non conuincere diuersas formas substantiales: sed benè sufficere vnâ simplicem formam, quæ

est anima. Hæc est enim propria ratio, & perfectio animæ viuificantis corpus: potentique est anima, exercere varias ac diuersas operationes vitales: hinc exigit corpus varijs organis debita proportionem distinctum: ac proinde in diuersis partibus requirit diuersa pariter accidentia. Tunc autem, ex diuersis accidentibus & operationibus diuersitas quoque formarum infertur, quâdo illa pertinent ad diuersa corpora & supposita, nec sunt colligata in vnum, non ordinata ad complementum vnius. Alioquin passim in vno & eodem corpore plura accidentia & plures operationes inuenimus, nec propterea plures in eo formas arguimus.

Imò per hoc retorquetur argumentum contra oppositam sententiam. Nam aduersarij ipsi volunt, animam in diuersis partibus requirere diuersas formas substantiales, & per consequens saltem mediâtè diuersa accidentia: præstabat ergo ab initio dicere, animam ipsam requirere immediâtè diuersa accidentia in varijs partibus. Et vltèrius, si diuersa illa accidentia conuenirent corpori ratione diuersarum formarum partialium, & nō ratione vnius animæ, deberent in cadauere permanere, recedente anima, & remanentibus ijsdem formis partialibus, vt volunt; cor ergo & hepar deberent conseruare calorem, & sic de alijs. At videmus; eodem modo hæc membra, sicut alia, mortuo animali frigescere: signum ergo est, hæc diuersa accidentia non conuenire ratione partialium formarum, sed ratione animæ. Item, deberent per formas parciales exerceri adhuc diuersæ operationes, quæ tamen abscedente anima penitus extinguuntur. Et ita notauit D. Thom. 1. par. q. 76. art. 8. dicens: *Nulla pars corporis habet proprium opus anima re-*

cedente; cum tamen omne quod retinet speciem, retineat operationem speciei.

Obijcies quartò ex theologico mysterio Eucharistiæ. In consecratione panis ex vi verborum per se aduenit sub speciebus sacramentalibus corpus Christi; adueniente quidem simul anima, non tamen ex vi verborum, sed per concomitantiam. At dici debet, ex vi verborum aduenire forma aliqua substantialis simul cum materia: quoniam conuertitur tota substantia panis, tam quoad formam, quàm quoad materiam, in ipsum corpus Christi. Ergo nomine corporis, in verbis consecrationis, per se intelligi debet aliqua forma substantialis. Cūquē non intelligatur anima, quæ vtique non aduenit ex vi verborum; agnosci debet alia quædam substantialis forma, per quam constituatur corpus, præter animam.

Ad hoc D. Thomas & alij docere solent, sub nomine corporis intelligi animam secundum rationem communem formæ, & quatenus dat esse corporeum, atque adeo secundum hanc rationem aduenire ex vi verborum. Sed tamen, neque hoc modo admittendum videtur animam aduenire ex vi verborum. Potius ergo necesse non est, sub nomine corporis ibi intelligi formam vllam substantialem, necesse non est formam aduenire ex vi verborum: sed corpus debet intelligi, prout communiter vocatur corpus organicum, quod est subiectum animæ, & prout vocari solet corpus huius aut illius hominis. Benè autem adhuc tota substantia panis conuertitur in corpus sic sumptum, quia satis est cum tali corpore stare non posse substantiam panis, & sic per aduentum illius debere tolli. Et ita in suo tractatu theologico ostendemus.

Obijci demum solet, quia in cada-

Nomine corporis nō debet intelligi alia substantialis forma.

dauere non videtur alia forma remanere, nisi quæ antea fuerit in eodem viuentē simul cum anima. Sed iam ad finem quæstionis præcedentis dicebamus, recedente anima aduenire de nouo nouam aliam formam, fierique nouum aliud substantiale corpus.

SECTIO TERTIA.

Vtrum in certa parte corporis vel potius in toto corpore resideat anima.

Sententia affirmans, animam residere in certa parte corporis.

Antiquiores Philosophi, quorū opiniones enumerat Conimb. lib. 2. de Anima c. 1. q. 5. art. 2. in vna quadam certa corporis parte, tanquā in propria sede, ex qua omnia reliqua membra regeret, animam collocabant, alij in cerebro, alij in corde, alij alibi. Imò Arist. ipse lib. de Iuuent. & senectute cap. 1. significat, animam in certa animalis particula residere: & lib. de Motu animal. cap. 7. ait, non oportere, animam esse in vnaquaque parte animalis, sed satis esse si sit in quodam principio corporis: hanc etiam primam & præcipuam animalis partem statuit esse cor. lib. 2. de Partib. animal. cap. 1. & lib. 3. cap. 4. & alibi. Iuxta hoc Albertus magnus lib. 2. de Anima tract. 1. cap. 7. contra, quem disputat Zabar. lib. de Partitione animæ cap. 4., defendit animam secundum suam essentiam residere in corde, secundum facultates autem & potētias in alijs membris: vnde ait, cor esse organum essentia, alia membra esse organa potentiarum animæ. Et hanc esse ait Peripateticorum sententiam. Magis absolutē Andreas Celsipinus lib. 9. Peripateticarum 99. q. 6. contendit, in solo corde animam residere.

Atserendum tamen est, non in

sola vna certa parte, sed verè et formaliter in toto corpore, animam secundum suam substantiam residere, totumquē corpus secundum omnes partes suas intrinsecas integrales esse simpliciter animatum. Hæc est reuera communis, non solum Peripateticorum, sed etiam Theologorum, Medicorumquē sententia.

Probatur primò ex Arist. qui lib. 1. de Anima tex. 9. et 90. et sequentibus, id totū ex pfecto probat, cōtra Platonem, qui tres distinguens animas, aliam in cerebro, aliam in corde, aliam in iecore collocabat: Arist. autem probat vnā esse animam, in corpore toto diffusam. Idē probat lib. 2. à textu 20. Et in eodē sensu tex. 4. et 6. animam definiuit, actum corporis organici: vt enim notauit D. Thom. 2. cont. Gent. cap. 72. non dixit alicuius certi organi, sed totius corporis organici.

Probatur secundò ex ipsa essentia corporis animati: hæc enim essentia in compositione ex corpore et anima consistit: ergo in toto corpore animato, in toto viuentē, esse debet anima: sed corpus animatum, et totum viuens, non solum est cor, vel cerebrum, aut aliud membrum, v.g. hominis, sed totus homo: ergo omnes partes integrales ex quibus homo et quodlibet aliud viuens cōstat, informantur anima. Alioqui certē, si anima esset in solo corde, solum cor viueret, solum esset animatum, constans ex anima et corpore, solum esset animal, solum esset homo: alia autem partes essent vitæ expertes, essent inanimatæ.

Probatur tertio ex operationibus et virtutibus animæ, quæ in omnibus partibus corporis apparent. Omnes partes hominis, bruti, et plantæ, vegetant, nutriuntur et crescunt: multæ verò partes sunt quæ sentiunt, omnes nempe sensus interni et externi, multæ quæ ab intrin-

Conclusio affirmans residere in toto corpore.

Probat. ex Arist.

Ex ratione corporis animati.

Ex operationibus viuentis.

feco mouentur. Vbiunque autem vitalis operatio exercetur, ibi vtiq; supponitur potentia vitalis operatiua: et vbiunque est potentia, ibi quoque est anima, non enim suæ potentia separantur ab anima. Neque verò in partibus vllis corporis distinguendæ sunt plures animæ: sed eadem simpliciter anima est in toto corpore et omnibus partibus animatis: vel inquam eadem indiuisibilis, tota in toto et tota in qualibet parte: vel eadem per continuationem et vniuersitatem. Sed non oportebit è conuerso, vbiunque est anima, ibi exerceri omnes eius operationes, omnesque potentias residere: non enim in omni corporis parte animal videt, audit &c. Omnes ergo vitales operationes & potentia, ita dependent ab anima, vt non possint exerceri vel inueniri nili vbi est anima: Sed non propterea anima in omni corporis parte debet omnes suas operationes & potentias secum ferre.

Magis tamen principaliter anima est in vna parte corporis quam in alijs.

Iuxta hoc, benè contingit, in certa quadam parte animalis talem operationem exerceri, talemque potentiam residere, ex qua dependeat alia opera vitæ in alijs partibus exercenda: & ita illa pars sit veluti fons & principium vitæ, id est vitalium operationum. In hoc planè sensu Aristoteles locis ab initio allegatis docuit, animam in certa parte corporis residere, id est inchoare exercitium vitæ, at veluti v talem vim in alia membra diffundere: & non oportere, animam esse æque primò & independentem in omnibus partibus corporis, quasi exercitium vitæ in vna parte non dependeat ab alia parte. Item benè contingit, talem esse conaxionem vitæ inter reliquas partes corporis & principale quandam partem, vt hac vna parte laesa, extinguatur quoque vita in alijs partibus, nec hæ possint viuere

ab illa diuulsa: & hac etiam ratione anima primò & principaliter in tali parte residere dicetur. Huiusmodi ergo partem in animali Aristot. statuit esse cor, in quo nempe perficiuntur spiritus qui dicuntur vitales, & quorum ope animalis vita conseruatur, & vitalia opera in membris omnibus exercentur. Sic itaque anima est quidem in toto corpore, sed principaliter est in corde. Hoc pacto Aristotelis & Peripateticorū sententiam explicat Zabar. lib. de Partit. animæ cap. 5. Et affert exemplum: Sicut lux in toto mundo diffunditur, sed principaliter est in Sole, et occupato Sole lux extinguatur: ita totum corpus est animatum, sed præcipue cor, à quo videtur vitæ procedere, et impedito cordis influxu viuere non possunt alia membra. Non tamen iuxta hoc exemplum putandum est, animam ipsam, vel vntionem animæ ad alia membra, substantialiter effici vel communicari ab ipso corde: sed tantum quia ad conseruationem animæ in corpore, & ad exercenda alia opera vitæ, requiritur cordis influxus.

Insuper ob determinatam sedem Operationum & potentiarum sensitiuarum, quæ non in toto corpore & omnibus membris inueniuntur, sicut operationes vegetatiuæ, dictum interdum est, animam sensitiuam non esse in ijs partibus quæ non sentiunt. Sic Arist. 1. de Anima tex. 49. negauit, animam sensitiuam reperi in ossibus. Sed solum docere voluit, ossa nullum sensationis actum exercere, & non habere sensum tactus, sicut habet caro. Alio qui, cum in animali eadem substantialiter sit anima sensitua ac vegetatiua, verè secundum substantiam est quoque in ossibus: & in toto quidem corpore & omnibus membris vegetat, sed non in omnibus partibus sentit. Et similiter debebunt alia hu-

huiusmodi loca intelligi & explicari.

*Omnes
partes
anima-
e corpo-
ris sunt
inter se
conti-
nua.*

Sed alia adhuc superest difficultas. Anima non potest vii que esse in partibus diuisis ac discontinuis; alio qui non esset vna anima, non vnum corpus animatum: sed partes atterog. neæ corporis, sunt diuise & discontinuæ, licet sint contiguæ, nempe ossa, carnes, nerui, & aliæ partes: vt notauit Galen. lib. 2. de Anathomiacis administrat. & obseruant alij Anathomistæ. Ac specialiter Arist. lib. 2. de Part. animal. cap. 7. docuit, cerebrum nullam habere continuationem cum partibus sensitiuis. Id quæ videtur experientia notum: nam cerebrum obtegatur duplici membrana, quarum prima illiquæ proxima dicitur pia mater, secunda quæ cranium capitis contingit dicitur dura mater: & ita cerebrum non cōtinuatur cum alijs partibus corporis. Hinc Marcellus lib. 2. de Anima circa tex. 128. opinatus est, animal esse vnum quid solum per contignationem & colligationem partium sicut est vna domus, non verò per continuationem.

Sed dicendum est cum Auerr. 5. Phys. com. 26. Riccar. in 2. d. 17. q. 4. Abulens. Paradoxo 2. c. 26. Conimb. 1. de Gener. cap. 4. q. 22. art. 2. & alijs, omnes partes animatas corporis esse verè inter se continuatas, & sic totum animal esse simpliciter vnum, & animam esse simpliciter vnā. Aduertendum enim est, non oportere, vnā partem esse continuatā cum altera secundū totā suā longitudinem aut latitudinem, sed satis esse si per aliquid sui continuetur: sicut digiti, licet inter se discreti, tamen per suas radices continuantur in manu. Ita ergo ossa verè continuantur cum carnibus per ligamina quædam, interdum quidem sensu manifestā; interdum adeo tenuia, vt in disse-

ctione membrorum ab Anathomistis dirumpantur potius quā aduertantur, vt notauit Fracast. Et ita quoque aliæ omnes partes se habēt. Specialiter verò cerebrum, licet non continuetur cum membranis vel cranio capitis, & hoc voluit Aristoteles: tamen continuatur cum medulla dorsi quæ dicitur spinalis, & à cerebro deducitur, vt Arist. ipse ibidem affirmat. Per veram ergo continuationem, totum corpus est vnū, & benè potest vna totaliter anima informari.

SECTIO QVARTA.

Verum Humores corporis sint animati.

IN animalis corpore inueniuntur quatuor, qui dicuntur humores, per corpus fluentes, & distincti à partibus solidis; nempe sanguis, flaua bilis, atra bilis, & pituita; quorum sane præcipuus est sanguis, qui maxime deferunt ad opera vitæ, & ad vitam animalis. Non autem in omni animali inueniuntur propriè hi humores, sed saltem ad instar illorum, vt Arist. lib. 2. de Partib. animal. cap. 2. notauit: *Omnino animalibus alijs sanguinem dedit natura, alijs vice sanguinis partem eiusmodi aliam.* In plantis verò inueniuntur sui quoque succi per corpus diffusi, & dicuntur quoque plantarum humores, sed sunt valde diuersi à dictis humoribus animalium.

Sanguinem specialiter esse animatum, esse quæ veram corporis animati partem, sicut sunt partes solidæ, opinantur Caiet. 1. par. quæst. 119. art. 1. & 3. par. quæst. 54. art. 2. Conrad 1. 2. q. 64. art. 1. Scaliger. exercit. 289. Augustinus Buceius in disp. de Spiritu vitalis animatione, Tolet. 2. de Anima q. 4. concl. 3. Hur-

Hurtad. disp. 1. de Anima sect. 6. & alij quidam. Sed Caiet. & Conrad. id limitant ad solum sanguinem residentem in corde, quem vitalem appellant. Hurtadus id extendit ad alios etiam tres animalis humores.

*Cōclusio
negans.*

Attendendum tamen est, omnes animati corporis humores, ac specialiter sanguinem, non animari, nō participare pro sua forma animam, non esse partes corporis animatas. Hæc est magis cōmunis, tam Theologorum & Medicorum, quàm Philosophorum sententia: Diui Thomæ 1. par. q. 119. art. 1. ad 3., Alens. 2. par. q. 29. memb. 7. Scoti, Bonavent., Durandi, Riccardi, Paludani, & aliorum in 4. d. 44. item Galeni lib. 2. de Elementis, Senecæ lib. 2. Natural. qq. cap. 3. dicentis, sanguinem esse quasi partem nostri, verè autem esse materiam seu alimentum unde nutriantur partes. Ita deum defendunt Conimb. 1. de Generat. cap. 4. q. 24. art. 2. Dandius lib. 2. de corpore animato cap. 14. & alij frequenter.

Probatur primo. Alij tres humores præter sanguinem, dicuntur esse velut excrementa quædam ex partibus alimenti ineptis ad nutritionem animalis, licet postea deferuiant ad aliqua munera ob conseruationem eiusdem animalis: non sunt ergo substantialiter animati. Sanguinem quoque non esse partem animalis, docuit Arist. lib. 2. de Partib. animal. cap. 10. nec ergo sanguis est animatus.

Secundò. In ijs quatuor humoribus, nullum vitæ signum aut opus apparet. Non enim sentiunt, vt de sanguine docuit Arist. 2. de Partib. animal. cap. 5., & lib. 3. de Histor. animal. cap. 19. Et patet experientia: siquidem in sanguinis emissionem & commotionem per totum corpus, neuiquam sentimus in ipso sanguine. Non nutriuntur nec augentur

ab intrinseco: sed ab extrinseco scilicet ab alijs membris, specialiter ab hepate; eo modo quo augetur aqua dum fit & additur noua aqua: sic enim Hippocr. in lib. de Alimento, & Arist. aliutue Auctor in libello de Spiritu, intellexerunt, spiritus, qui sunt realiter sanguis, nutrirī per dictam additionem: imò sic etiam dicitur ignis nutrirī & pasci. Præterea, sanguis & alij humores, non sunt continui cum toto corpore, vt docuit Arist. 2. de Partib. animal. cap. 3. propter quod ait, sanguinem concludi in corde & venis tanquam in vase & 3. de Partib. animal. cap. 5. comparat sanguinem aquæ irriguæ. Et patet, quia sanguis est liquidus, & per totum corpus fluit atque excurrit.

Tertiò. Specialiter sanguis est vltimum animalis alimentum, quod scilicet proximè cōueritur in ipsius animalis substantiam, vt docuit Arist. 2. de Partib. animal. cap. 3., & lib. de Somno & vigil. cap. 4., & de Iuuent. & Senect. cap. 2. Et est omnibus notum. Cibus enim conuertitur prius in sanguinem virtute hepatis: sanguis deinde diffusus per venas in omnes corporis partes, cōuertitur in carnem aliasque animalis partes, quæ sic proximè sanguine nutriuntur. Sed alimentum, dum cedit in substantiam aliti, amittit propriam formam, & recipit formam vitalem ipsius aliti: ergo sanguis, dum erat in statu sanguinis, non erat animatus, sed deponendo formam sanguinis transit in substantiam animalis, & tunc incipit animari. Frustra autem laborat Hurtad. vt suadeat, etiam id quod viuens & animatum est, posse esse alimentum viuientis, nempe vnum aliquod animal alterius animalis: ac insuper in eodem animali carnem conuertere in os, licet vtrique sit pars animata. Nam certè, difficile ex hac parte nō

*Sanguis
est nutrimentum
animalis,
non pars
animata.*

est,

est, vnum viuens conuerti in aliud ; sed impossibile est , vt alimentum quod debet conuerti in substantiam aliti , inueniatur iam antecedenter animatum eadem substantiali forma ipsius viuents . Deinde verum non est, carnem conuerti in os , sed etiam ossa nutriuntur ex sanguine , siue ex succo quodam ipsis proportionato . Aut si vna pars viuents mutaretur in aliam , id fieret per solam accidentalem mutationem , neque vlla pars animata dici poterit alimentum ipsius viuents : sanguis ergo , qui absolute est animalis alimentum , non est in suo statu animatus .

Sanguis non includitur per se sub nomine corporis.

Quartò accedit ratio theologica ex mysterio Eucharistiæ . In consecratione corporis Domini , aduenit ex vi verborum sub speciebus panis integrum Christi corpus secundum omnes partes animatas : Sed sic est quòd sanguis non aduenit ex vi verborum, sed tantum per concomitantiam, vt definitur Tridentinum sess. 13. cap. 3. igitur sanguis non est pars corporis animata . Vbi etiam frustra Hurtad. adducit instantiam : quia adhuc ex vi verborum sub nomine corporis Theologi asserunt aduenire pilos & ungues , licet non sint animati . Nam potius , si sub nomine corporis adueniunt quoque per se hæc quæ animata non sunt, quantò magis per se deberent omnes animatæ partes . Quomodo autem sub nomine corporis per se includantur etiam pili & ungues dicemus sect. sequenti .

Neque spiritus vitales & animales sunt animati.

Quintò addendum est , nec animatos esse spiritus, qui dicuntur, siue vitales , siue animales . Spiritus appellantur quædam subtilissimæ ac tenuissimæ particulæ sanguinis, quæ in primis elaborantur in corde, & inde per arterias in totum corpus diffunduntur, ac deferuntur ad vitales membrorum actus ; & ideo dicuntur vi-

tales . Deferuntur in magna copia ad cerebrum, & ibi rursus actuantur & attemperantur , atque inde per nervos immittuntur ad organa sensuum ; eorumque ope exercentur actus sensitiui , ideoque dicuntur animales . Addunt etiam aliqui spiritus naturales, etiam in plantis, propter opera scilicet animæ vegetatiuæ : & sic defendit Buccius disp. citata . Omnes hi inquam spiritus non sunt animati . Sunt enim adhuc substantialiter sanguis : nec per se exercent opera vitæ , sed accurrunt ad membra in quibus resident vitales facultates , vt hæc suas functiones perficiant .

Sextò similiter addendum est, neque animalis pinguedinem , id est adipem & seum , animari . Nam iuxta Arist. & communem sententiam , sunt quoque substantialiter sanguis, sanguis scilicet magis concoctus , & aliquantum concretus & albescens : differunt autem seum & adeps , quia seum est aliquantò magis durum & siccum quàm adeps . Fit omnis hæc pinguedo ex abundantia alimenti ac sanguinis : atque cedit etiam ipsa in nutrimentum & substantiam animalis , præsertim si aliquandiu cibis parior assumatur . Rursus, eadem ratione, lac & semen non sunt animata , quia pariter sunt sanguis magis excoctus, et ad talem statum perductus , vt Arist. & alij omnes docent : nec sunt partes vitales & substantiales animalis . Coniungitur cum his quoque ossium, medulla, quia pariter fit sanguis magis dispositus , vt cedat in alimentum ossium , & proximè in ossium substantiam conuertatur , & sit veluti pinguedo quædam : ita enim notauit Arist. lib. 2. de Partib. animal. cap. 6. Sed rectè aduertit Dandinus lib. 3. cap. 5. , cerebrum , licet vocari soleat medulla , tamen non esse huius generis, sed esse maximè animatum ,

Neque seum & adeps semen, lac & medulla.

tum, & cum cerebro conuenire illam quoque quæ dicitur medulla spinalis, quæ ipsi cerebro continua est.

*Nèq;
plantarū
succu.*

Septimò demum in plantis, succi illi & humores, qui sunt proximum earum alimentum, & in earum substantiam transeunt, non sunt utique animati, donec deponentes propriam formam, in plantæ substantiam conuertantur. Plantarum tamen semina, videntur animata; quia non solum sunt semina ordinata ad generationem aliarum similium plantarum, sed per se sunt partes intrinsecæ & solidæ suarum plantarum & fructuum, habentes continuationem cum alijs partibus, per tenuia quædam vincula, & per se vegetant, ac vitaliter crescunt ab intrinseco, sicut aliæ plantarum partes.

*Quedā
auctori-
tates sa-
cræ ex-
plican-
tur.*

Sed in contrarium Obijcies primò, specialiter ad probandum, sanguinem esse animatum. Leuitici 17. dictum est: *Anima carnis in sanguine est.* Vbi Patres & Expolitores confirmant, id intelligi ratione vitæ corporalis, quæ sanguini innitur. Concil. Trident. sess. 13. cap. 3. sanguinem vocat partem corporis. In corpore Christi sanguis quoque fuit assumptus à verbo per hypostaticam vnionem, utique quia spectabat ad constitutionem humanæ naturæ: igitur sanguis verè est animatus: & idem erit de alijs humoribus corporis, qui in animali eodem sanguinis nomine solent intelligi.

Respondetur. Ad primam auctoritatem, sensum esse, sanguinem esse velut instrumentum vitæ ad conseruandam animam in corpore: & alioqui ex illo loco sequeretur, animam adæquatè in solo sanguine reperiri, quod est falsissimum, & contra doctrinam Scripturæ. Ad secundam auctoritatem, Concilium appellauit partem ampliori quadam significatione & acceptione par-

tium, & non pro solis partibus animatis, ut mox ad Aristotelem quoque dicemus. Ad tertium, Verbum diuinum assumpsit in corpore Christi non solum partes formaliter animatas, sed etiam humores corporis, licet animati non sint, imò & alias partes non animatas de quibus loquimur sect. sequenti. Idquæ totum Theologi docent, nempe verbum assumplisse sanguinem, & sanguinem non esse animatum.

Obijcies secundò. Aristoteles lib. 2. de Partib. animal. cap. 2., proponens atque distinguens animalium partes, pro vno genere recenset partes fluidas & humiditas, ac expressè nominat, sanguinem, adipem, særum, medullam, semen, & lac: & passim has omnes solet appellare corporis partes in animalibus. Et expressè lib. 3. de Histor. animal. cap. 19. dixit: *Semper quamdiu vita seruatur, sanguis vnus animatur & feruet.* Et rursus lib. 2. de Partib. cap. 7. significat, animam residere in sanguine, siue in spiritibus, qui suo calore sunt corpora veluti ignea, & caloris vi opera vitæ perficiunt.

Respondetur Arist. in primo loco amplè sumpsisse nomen partium, considerando corpus animalis secundum omnia quæ in illo sunt: vnde inter partes recenset eo capite, etiam excrementa, quæ prorsus animata non sunt: & sic etiam vbi cumque illas appellat partes. In secundo loco, vel intellexit, sanguis animatur, idest agitur in toto corpore: dixit enim animatur & feruet. Vel, sanguis solus animatur, idest conuertitur in substantiam animalis, & recipit animam, fitque animatus transeundo in aliam substantiam, sicut dicimus lignum ignescit, inflammatur. Ex quo potius habetur, sanguinem in statu sanguinis non esse animatum. In tertio demum loco, dixit ex hypoteli contra quqf-

*Quedā
auctori-
tates
Arist.
explican-
tur.*

quosdam qui volebant animam esse ignem, melius esse si anima constituitur in quodam corpore seu membro igneo, id est valde calido; & hoc debet intelligi cor, si sumatur principale subiectum animæ: vel intelligatur spiritus sanguineus feruidus, non tanquam subiectum animæ, sed tanquam instrumentum quoddam operationum animæ.

*Quedam opera-
tiones
sanguinis &
seminis
expli-
cantur.* Obijcies tertio. Sanguis indefinenter per totum corpus fluit ac permeat, & in seipso agitatur, & intrinseca sua virtute sic excurret atque mouetur. Idq; docuisse etiam videtur Arist. loc. cit. de Histor. animal. *Palpitat sanguis intra venas omnium animalium, pulsusque simul undique mouetur, solusque omnium humorum sparsus est per totum corpus animalium:* Sed hæc est vna ex operationibus & potentijs vtabbus: igitur verè sanguis ipse viuit & animatus est. Insuper semen exequitur actum generationis vitalis, vnde habet in se virtutem generatiuam: imò ratione feminis dicitur generatio vitalis prodire à principio vitæ coniuncto, & dicitur filius generari ex substantia patris & matris: ergo semen saltem, vel etiam totus sanguis, dici debet participare vitam & animam.

Respondetur. Sanguinem nequaquam virtute sua intrinseca per totum corpus excurrere, sed ab alijs membris immitti, ab alijs attrahi, virtute propria ipsorum membrorum: sicut vtrique fertur & chylus ex ventriculo ad hepar, & alie plures huius nodi operationes fiunt in animalis corpore. Agitur autem & feruet sanguis in seipso ratione caloris illi communicati ab ijsdem membris, sicut feruet aqua ad ignem, & multum quoque feruet per agitationem partium calidiorum. Et hoc solum voluit ibi Aristoteles. Deinde semen agit solum tanquam in-

strumentum per virtutem formatiuam instrumentalem, quæ non est formaliter vitalis. Nam semen decitum, exercet actum generationis, & retinet virtutem formatiuam, nec tamen secum detert animam, nec potentia vitalis potest ab anima separari: non ergo debet semen ipsum viuere & esse animatum, sed satis est quod est instrumentum viuentis. Dicitur autem filius gigni de substantia patris & matris, sumendo substantiam pro toto corpore viuentis, includendo etiam sanguinem: sic enim verè assumitur aliqua viuentis pars ad perficiendam generationem, non tamen pars animata.

SECTIO QUINTA.

Virum Excrementa & Ornamenta innata corporis sint animata.

PRæterea, in animalibus inueniuntur excrementa, quæ ex partibus inutilibus alimenti gignuntur, & per virtutem expulsiuam tanquam inutilia reijciuntur. Inueniuntur quoque quedam quæ vocari solent excrementitiæ partes: & sunt corporis interna ornamenta, quæ naturaliter ex ipso corpore enascuntur, & ad aliquos etiam vsus deferuntur, vel ad tegumentum, vel ad armamentum, vt pili, & ungues, cornua, testæ, pennæ, squamæ, & si quæ sint similia. Sic notauit Galenus lib. de Composit. Medicament. localium cap. 1. hæc esse instituta à natura ad decorem & ornatum corporis, & ad aliquam etiam commoditatem vitæ.

De meris excrementis, pro certo supponendum est, non esse animata: nam sunt per se inutilia corpori; nullaquæ in ijs exercentur opera vitæ. Et licet quedam ad aliquem vsus deferuant, vt saliuæ ad humectan-

*Excre-
menta
mera nō
sūt ani-
mata.*

Standam linguam ob loquelam & gutturm, tamen hæc est accidentalis quædam utilitas, nec vllatenus arguit in tali subiecto vitam & animam.

De Ornamen- De alijs ornamentis dictis res est
tis, ut controuersa. D. Thom. in 4. d. 44.
Pilis, & q. 1. art. 2. quæstiuncula 3. Scotus
ungui- d. 3. q. 1. art. 7. Iauell. 2. de Anima
bus, & q. 10. & alij plures affirmant, pilos
simili. & vngues esse animatos sicut alias
bus res partes eadem anima totius corpo-
est con- ris, & in homine eadem anima ra-
trouer. tionali. Ex aduerso Galenus in lib.
sa: Artis medicin. cap. 9., & lib. 2. de
Temperam. & lib. 2. de Anatomicis
administrat. cap. 11. Fernellus lib. 2.
Phyilog. cap. 2. Fracastorius lib.
de Anima, Achillin. lib. 2. de Ele-
ment. q. 1. Dandinus lib. 3. de Corp.
animato cap. 4. & alij, negant, prorsus
pilos & vngues esse animatos:
dicentes, esse tantum excrementa
quædam, corpori infixæ & adhæ-
rentia, nullas operationes vitales in
se participantia: & inter hæc Dan-
dinus connumerat etiam dentes.
Vallesius autem lib. 2. Controu. Me-
dic. cap. 4. ait, vngues in partibus
extra carnem prominentibus non
esse animatos, & esse sicut pilos: sed
in partibus interioribus carni con-
iunctos esse animatos, imò & sensu
præditos. Fauetque Galenus eo lo-
co de Anatom. administr. & idem
sentit Hurad. disp. 1. de Anima
sect. 7.

Sed inter has contrarias senten-
tias, veritilimior fortasse videri po-
terit sententia veluti media D. Bo-
nauent. in 4. d. 44. q. 2. Durand. q. 1.
& aliorum, quam etiam vt probabi-
lem, sicut & alias duas superiores,
tuentur Conimb. 1. de Generat. cap.
4. q. 23. hæc quæ dicimus ornamen-
ta corporis, non esse animata eadem
anima totius, quæ in brutis est sen-
sitiva, in homine rationalis: nec
prorsus anima & vita carere: sed vi-

uere & esse animata, alia quædam
anima ipsius propria, purè vegeta ti-
ua de genere plantarum: ita vt se
habeant in animalium corpore, sicut
herbæ in terra. Fauet Galenus lib.
de Composit. Medicament. localium
cap. 1., vbi pilos in corpore compa-
rat frumentis & herbis in terra.

Suadetur primò, hæc non esse, *Non vi-*
animata eadem anima totius, quali *dentur*
partes intrinsecas corporis animati, *esse ani-*
Tum ex Arist. qui sæpè hæc vocat *mate-*
excrementa, vel ait fieri ex excre *eadem*
mentis lib. 5. de Generat. animal. *anima*
cap. 4. circa finem, pilorum mate- *totius-*
riam vocat excrementum: & cap. 3.
vocauerat vaporem & humorem
exhalantē ex cute: & sect. 20. Probl.
12. ait, pilos prodire ex alimento
corrupto vel alia corporis labe. Tum
etiam ratione: quia reuera se habēt
tanquam excrementa quædam, & vt
taliam dum vltra debitum vsum excre-
scunt, illa abscindimus & proijci-
mus: non benè autem comparatum
esset à natura, vt partes intrinsecas
corporis, & eadem anima totius
constitutæ, sic frequenter deberent
abscindi & proijci: vt quæ assiduè vl-
tra debitum vsum excreverent. Pla-
nè ergo sunt excrementa quædam,
quæ interna corporis virtute foras
pelluntur. Sed tamen interim con-
ferunt ad ornatum corporis, & de-
ferunt ad aliquam vix commodi-
tatem. Itaque, in rigore sunt, sicut
salina, sudor, lachrymæ & similia;
sed tamen, quia sunt duriora & sic-
ciora, fiuntque ex crassioribus & so-
lidioribus partibus excrementitijs
alimenti, ideo corpori adhærescunt:
sed nō propterea putari debent par-
tes formaliter animatæ, & eiusdem
substantiæ cum toto corpore ani-
mato. Tum demum, experientia
suadet, quia pili & vngues temper
crescunt, etiam quando animal ad
talem ætatem deuenit, vt potius
decreseat quàm crescat. Imò tunc
ma-

maiora incrementa suscipiunt, abundante nimirum maiori copia excrementi : & sic de senibus & ægrotis testatur Arist. lib. 2. de Gener. animal. cap. 4. Imò vltteriùs etiam in mortuis vili sunt excrefcere, vt testatur idem Arist. lib. 3. de Histor. animal. cap. 11. signum ergo manifestum est, hæc non esse animata eadem anima totius animalis, nec ex virtute huius animæ provenire eorum augmentum.

Non videntur prorsus inanissima & vix expersia.

Secundò ex alia parte suadetur, hæc non prorsus anima vitæque destitui: quia manifestè in se ipsis crescunt, atque adeo nutriuntur. Neque dici possunt augeri solùm ab extrinsecò & aliena virtute per additionem & iuxtapositionem, sicut crescit aqua per additionem aquæ, & sicut alia excrementa in eodem animalis corpore abundant. Nam hæc sunt corpora firma & solida: vnde non possunt hoc pacto ad instar liquorù aliorumve similium corporum per extrinsecam additionem augeri. Eo maximè, quia non solum in longum protenduntur, quasi scilicet noua accessione facta ad radicem ungvis & pili, is foras vltteriùs propellatur. Sed crescunt verè in omnem dimensionem, etiam inquam in latum & profundum. Sic certè in animalibus ætate crescentibus, fiunt in omni dimensione maiores ungues & pili. Et in quibusdam ætate prouectis ungues excrefcunt in latum intra carnem ad vtrumque digiti latus, & in quibusdam crescunt in altum ad instar collis. Rursus pennæ in auibus, squamæ in piscibus, vtique in omnem dimensionem augentur: & quando vna penna pluribus est distincta coloribus, crescit omnis eius pars cum suo colore. Testæ item in animalibus testaceis, notabiliter valde ætatis progressu crescunt in tota sua magnitudine: Non ergo hoc augmentum dici po-

test fieri per solam externam appositionem ex vna parte, & propullianem totius ad extra: sed omnino dici debet fieri per intus susceptionem alimenti, quo sicut plantæ in omnem dimensionem excrefcant, suamet interna virtute conuertendo alimentum in suam substantiam.

Tertiò ex his ià infertur, hæc omnia viuere & esse animata peculiari quadam anima sua vegetatiua distincta ab anima ipsius animalis, esseque veluti tot plantas in animalis corpore innatas. Idquè vltteriùs suadetur. Tum quia sicut ex vaporibus & humoribus ex animalis corpore prodeuntibus, solent gigni varia animalcula, quæ sua anima sensitiua constituuntur: ita absque difficultate gigni poterunt talia corpora, quæ sola anima vegetatiua prædita sint: & sicut in terra ex terrestri humore gignuntur herbæ, ita non erit difficile, ex animalis corpore nasci talia, quæ per similem animam vegetatiuam alimentur, ac proinde ab intrinsecò nutriantur & crescant: & quædam ipsius animalis excrementa, sint talium viuentium alimenta. Tum præterea, facit pro hac parte incrementum illud pilorù & unguium in senibus ac debilibus atque in mortuis. Nam, obtusa iam aut extincta virtute expulsiua animalis, & natiuo eius calore, tale incrementum debet attribui virtuti intrinsecæ pilorum & unguium. Tum etiam facit, quòd pilorum & unguium augmentum certo termino clauditur: si enim nunquam abscindantur, quando tandem certam longitudinè acquierint, non amplius crescunt: proprium autem est viuentium, habere certos terminos magnitudinis. Nec benè satisfacit quod dicitur, virtutem ipsam expulsiuam animalibus esse determinatam, vt non possit amplius talia propellere, quando

Videntur esse animata peculiari sua anima vegetatiua.

ad certum terminum deuenierint. Hoc enim ad summum sequeretur, quando v.g. pili cum toto suo pondere obfisterent propulsioni. Sed tamen dum illigati & contorti detinentur nullam maiorem resistentiam eorum longitudo facit, quominus possent vltius propelli. Tum demum, inveniuntur in ijs corporibus organa et instrumenta sufficientia ad vitam vegetatiuam, vt ad obiectiones dicemus: igitur rectè ijs potest ac debet anima vegetatiua attribui.

*Inter
hec non
debent
computari
dentes, sed
hi verè
sunt anima
mata
partes.*

Quartò deinde, inter hæc quæ dicimus corporis ornamenta, non debent dentes computari: sed dētes potius sunt de natura ossium, atque adeo animantur eadem anima totius, sicut reliqua ossa. Ita habetur ex Arist. 2. de Generat. animal. cap. 4. vbi dentes cum ossibus coniungit, & separat à pilis, vnguibus, cornibus & similibus: Et patet, tum ex manifesta similitudine quam habet cum alijs ossibus. Tum quia intra se medullam continent, sicut alia ossa. Tum quia ad radices habent venulas quasdam, quibus capiant idem alimentum cum alijs ossibus: & vt Arist. ibi notauit, *Ex eo gigantur alimento quod in ossa administratur, quapropter eandem quam ossa habent naturam.* Tum demum, si dentes trangantur, non possunt reparari, vt notauit Conciliator differ. 43. Sed tamen pili & vngues renascuntur. In senibus quoque ac debilibus, sicut imminuuntur ac deficiunt aliz partes, ita etiam dentes, nec tunc maiora incrementa suscipiunt. Signum ergo est, eadem anima & virtute totius viuere & augeri. Imò Galenus in lib. de Ossibus, indicauit, dentes in se sentire. Sed tamen, hoc non est necessariū: satisquē est, si se habeant sicut reliqua ossa. Dolor autem qui dicitur dentium, non reuera in ipsis denti-

bus, sed in partibus coniunctis efficitur.

In contrarium Obijcies primò ad *Quomodo de ornamenta* probandum, prædicta corporis ornamenta esse animata eadem forma totius. Arist. 2. de Partib. animal. cap. 2. & alibi passim illa recenset inter partes corporis: Et sic etiā *non sunt animata partes.* communiter ab omnibus nominantur. Specialiter vngues videntur habere sensum doloris, vt arguit Vallesius. Rursus propterea Theologi docent, Beatos resurrecturos, et in cælo mansuros, cum ijs partibus: Verbum diuinum in humanitate Christi eas etiam partes assumpsisse: In consecratione panis eas etiam partes ex vi verborum poni in Sacramento sub nomine corporis. Et reuera, tales partes spectant ad complementum et integritatem corporis, ita vt sine illis, non solum deforme, sed et veluti mutilum appareret.

Respondetur. Ab Arist. ibi et ab alijs illas vocari partes, amplè sumpto nomine partium, amplè quoque sumpto nomine corporis, prout aspectui apparet cum omnibus suis annexis naturaliter illi innatis: non ergo inde putandum est, illas esse reuera animatas partes, sicut eas quæ sunt de substantia animalis: Neque verò vngues habent per se sensus doloris, sed dolor efficitur in carne subdita vnguibus. Quia autem huiusmodi partes spectant ad ornatum corporis, et sunt affixæ et innatæ ipsi corpori, conuenientes inerunt corporibus Beatorum, & conuenienter potuerunt assumi à Verbo sicut & humores corporis. Quia etiam in consueto modo loquendi veniunt sub nomine corporis, dici possunt ex vi huius nominis aduenire in Sacramento Corporis Domini, licet non sint partes animatæ. Spectant demum non ad complementum & integritatem intrinsecam & substantia-

tialem corporis animati, sed ad decorem & ornamentum: unde sine ijs corpus esset deforme & natiuis ornamentis mutilum, non autem animatis partibus truncum.

*Quomodo
vita
partici-
pent.*

Obijcies secundò pro parte aduersa, ad probandum prorsus non esse animata. Arist. lib. 3. de Histor. animal. cap. 11. significat, pilos crescere per additionem factam inferius ad eorum radices. Idem patet experientia in vnguibus, in quibus sæpè surgunt maculæ quædam vel albæ vel nigræ, & semper in partem exteriorē recedunt, vti quæ quia totus vnguis foras propellitur. Rursus, pili incisi vel abradi, magis crescunt, quia scilicet facilius ab intra, adiectione nouæ partis, propelluntur ad extra. Non ergo augentur vitaliter & propria virtute per intuitus susceptionem alimenti, sed solum ab extrinseco per additionem consimilium partium.

Respondetur, Arist. ibi tantum voluit, quando inciduntur pili, non crescere desuper vltra incisuram, sed à radice capere augmentum, ita tamen vt in tota sua longitudine crescant. Experientia de vnguibus suadet tantum, maius fieri incrementum in parte eius interiori & ad radicem propinquiori: ideoquæ partem exteriorē & remotiorem magis propelli. Pili demum incisi & abradi, magis crescunt, quia ex suamet virtute validius operantur, & quia in minori illa mole distribuunt totum alimentum quod alioqui in maiori longitudine dispensari debebat. Potest etiam adiuuare animalis virtus expulsiua, facilius tunc immittebat & promouens copiam excrementi.

*Quomodo
pro-
pria vi-
uati ani-
ma.*

Obijcies tertio, specialiter ad probandum, non habere propriam ac distinctam animam: quia vti quæ habere deberent propria instrumēta & organa vitæ, quæ in ijs nullatenus apparent.

Respondetur. Imò apparere, eo modo quo possunt in corporibus adeo exilibus, & eo modo quo requiruntur ad animam vegetatiuam. Nam pili sunt in medio caui & perforati: vngues abundant fibris sicut folia arborum: pennæ auium, calamo surgunt veluti arborum stipite, & pennæ quasi ramis distenduntur, & in ipso calamo suæ etiam fibræ per totum ascendunt, ac in radice calami succus sanguineus imbibitur, vti quæ vt in alimentum dispenseetur per totum: & sic in alijs rebus huius generis sua distinctio partium obseruari potest. Itaque hinc potius confirmatur assertio nostra.

Obijcies demum quartò, ad probandum dentes esse eiudem generis cum ornamentis dictis, & non esse partes totius corporis animatas. Arist. eodem illo loco, lib. 2. de Gener. animal. cap. 4. de dentibus ait: *Tangunt ossa, non continuantur*: sed antea iam diximus, omnes partes animatas corporis debere esse continuatas: igitur dentes non sunt animatæ partes. Præterea Arist. ibi ait, dentes per totam animalis vitam crescere: sed certè omnes animatæ partes habent certam augmentationis metam: imò post prouectâ ætatem potius decrescunt: ergo dentes non animantur eadem anima totius. Addit Dandinus: Dentes vsu conteruntur: ergo non sunt animatæ partes.

Respondetur, Arist. ibi tantum voluisse, dentes non immediatè secundum se totos continuari ossibus: non autem negauit, per ligamenta quædam ijs apta continuari cum toto corpore. Reddidit etiam rationem, cur per totam vitam excreſcāt, quia natura ita comparauit, ad reparandum detrimentum quod ex vsu & attritione patiuntur. Attamen in senibus, deficiente accretiuâ virtute plus est quod consumitur quàm

*Quomodo
dentes
sint ve-
rè ani-
mata
partes.*

quod reparatur. Sunt ergo anima-
ta partes, licet semper crescant: &
licet vsu conterantur: quia vtrum-

que, eorum officio congruit. Sunt
ergo verè de intrinseca integritate
corporis animati.

QVAESTIO QVADRAGESIMASEXTA.

De Anima in communi quoad substantiam.

Quamuis totaliter sumptum Viuens & animatum compositum, ex corpore & anima constet: tamen quia propria & specifica ratio omnis compositi naturalis habetur per formam, & animati corporis vita habetur per animam; ideo specialiter sub nomine animæ hanc deinceps tractationem prosequemur: vbi ea, quæ tractanda sunt, per ipsam vtiq; animam toti viuenti conueniunt; virtutes enim & operationes animæ, sunt virtutes & operationes ipsius viuentis. De corpore autem prout pars materialis est, specialiter considerari posset partium structura atque temperies. Verùm hæc tractatio, ex integro quidem à Medicis usurpata est: est enim proximum fundamentum medicinalis artis: & præcipuè per Anathomiam & diuisionem corporis ab ijs transigitur. Finit autem ibi Philosophus, vbi incipit Medicus. Et hinc notauit Galenus lib. 6. de Hippocratis & Platonis decretis cap. 9., ad Philosophum spectare animæ facultates, ad Medicum verò corporis organa & instrumenta. Attamen cum ipsis potentijs & operationibus animæ, vbi opus fuerit, organa quoque corporis coniungemus.

SECTIO PRIMA.

Quid sit Anima.

Quò magis Anima est in sua entitate perfecta, eò essentia animæ antiquioribus Philosophis fuit ignota. Absurdas eorum sententias refert & copiosè refellit Arist. integro terè libro primo de Anima. Aliqui animam constituerunt ex athomis, spherica figura compositis, qui item indefinenter ingrederentur & egrederentur per respirationem, ideoquè tam diu animal viuere, quam diu valeat respirare: ita refert Arist. tex. 20. & 21. Alij ani-

am constituerunt ex elementis: ita de Empedocle refert tex. 25. & de Platone tex. 26. Alij constituerunt ex unitatibus tanquam numerum, tex. 27. Alij dixerunt, animam esse vnum aliquod ex elementis, supponentes illam esse corpus quoddam, tex. 34. Alij docuerunt esse Harmoniam, id est temperamētum & compositionem contrariorum, tex. 34. & sic explicauit clariùs Nemesius lib. de Natura homin. cap. 2. *Di-narens, quatuor elementorum harmoniam, hoc est mixturam & consonantiam, non utique ex sonis constitutam, sed in corpore calorum & frigorum, humorum & siccitatum, harmonicam mixturam & conso-*
nant.

*Veterū
placita
de esse
anima
ma.*

nantiā, voluit intelligi. Galenus quoque in libro, *Quod animi mores corporis temperamentum sequantur*, cap. 3. & 4. docuit, animam esse temperiem & complexionem elementarium qualitatum, siue esse ipsam corporis organizationem & dispositionem secundum varias partes. Et alij demum aliter opinati sunt. Hos autem omnes dicendi modos, satis manifestè suam absurditatem præferentes, ex professo impugnatos apud Arist. videre sufficiet. Et iam ex dictis antea de corporibus in communi, ac rursus de mixtis, satis eorum falsitasprehenditur. Atque, quod attinet ad animam rationalem hominis, sunt præterea contra fidem, ut Fidelibus Philosophis notum est.

Vera anima definitio

Anima ergo in communi, est forma substantialis constituens corpus animatum seu viuens: ac rectè ex Arist. definitur lib. 1. tex. 6. *Est actus primus corporis physici organici potentia vitam habentis.* Viuens enim constat ex corpore & anima, tanquam ex subiecto & forma, tanquam ex parte materiali et formali: corpus est subiectum, et pars materialis: anima ergo est forma. In hoc formæ conceptu, conuenit cum alijs substantialibus formis. Differt verò, et per ultimam differentiam constituitur, quia est forma talis compositi nempe viuentis: siue dicamus, quia est forma vitalis, est forma viuificans corpus.

Anima est actus

Eodemque sensu, in definitione Arist. dicitur primò, *Actus*, græcè *Entelechia*. In cuius quidem particulæ expositione laborant Interpretes. Sed eius sensus hîc apertè colligitur ex eodem Arist. Nam tex. 4. dixerat, corpus esse sicut subiectum et materiam, atque animam esse formam substantialem ipsius corporis vitam habentis. In eodem ergo sensu quo appellauerat formam, appel-

lat postea actum: et pro eodem significato sumit actum et formam; sed rectè vitur nomine actus, quia magis expressè correspondet sequentibus particulis, nempe, corporis potentia vitam habentis, quia actus directè correspondet potentia. At verò Nemescius lib. de Anima cap. 4. et Plotinus Aenneade 4. lib. 2. non approbant, animam definiri entelechiam et actum: quia dicunt, anima nō tam est perfectio corporis, quam potius vitur corpore pro suo instrumento. Sed sine dubio anima est vera perfectio corporis & est forma habens informare & viuificare corpus: vnde rectè sic definitur. Rursus Dandinus lib. 2. de Anima Digress. 4. contendit, animam non esse essentialiter formam, quia tunc solum est forma actui, quando actui informat, sed tamen potest esse separata, vnde non erit essentialiter forma. Ex aduerso Alexand. 1. de Anima cap. 3. & 4. significauit, animam essentialiter informare corpus, ita ut nequeat separari. Sed res est clara. Anima non dicit essentialiter informare actui, quia reuera potest esse separata, anima quidem rationalis ex natura sua, omnis alia anima per Dei potentiam. Dicit tamen debet essentialiter forma, quia hoc nomen denotat actualem informationem, sed denotat naturam ipsius animæ potentis informare. Vnde etiam dicendo, anima est essentialiter actui forma, non est sensus, essentialiter actui informat: sed sensus est, est actui essentialiter talis ut apta sit informare. Sicut utique diceretur essentialiter materia, etiam quæ actui non subijceretur ulli formæ: & dicitur essentialiter sensus, etiam si actualiter non sentiat: & dicitur essentialiter anima, non quia actualiter animet corpus, sed quia est apta animare: ita inquam nomen formæ in communi acceptione, non

tam sumitur pro actuali informatione, quam pro actuali natura rei potentis informare.

*Est anima
actus primi.*

Dicitur secundò in definitione, *Actus primus*. Distinguit enim Arist. actum primum & secundum: actum primum qui est principium operandi, actum secundum qui est operatio ab actu primo procedens. Hinc determinat, animam esse actum primum, idest esse principium operandi: non verò esse actum secundum, idest operationem ipsam. Sed in hoc, quidam difficultatem faciunt: quia Arist. antea tex. 2. dixerat, actum esse formam: & ibidem, ac rursus tex. 5., diuidit actum in primum & secundum: diuidere ergo videtur ipsam formam. Vnde hi dicunt, per actum primum intelligi formam non operantem, per actum verò secundum formam operantem. Attamen, ex verbis & exemplis ipsius Arist. satis patet, per actum primum intellexisse formam quae est principium operandi, & per actum secundum actualem ipsam operationem. Ait enim, actum primum esse habitum scientiae; actum secundum esse ipsam speculationem, quae utique non est forma operans, sed est operatio procedens à forma. Ideo etià actum primum comparat somno, in quo videlicet adest forma & virtus operatiua, actum secundum vigiliam, quae est actualis operatio. In definitione ergo animae docere voluit, animam esse actum primum, idest esse formam quae est principium operandi, siue non operetur actu, siue opereatur: neque definiuit solum animam non operantem: sed animam absolute sumptam, siue non operantem, siue operantem. Negandum autem est quod adducebatur, Aristotelem diuisisse ipsam formam in actum primum & secundum. Quinimò cum dixisset formam esse actum; quia nomen actus erat ambiguum pro

actu primo & secundo, siue pro forma & operatione; ideo hanc diuisionem actus profert: & inde determinat, formam, ac specialiter animam, esse & debere intelligi actum primum qui est principium operandi, non verò actum secundum qui est ipsa operatio.

Dicitur tertio, *Corporis*. Themistius, Philoponus, Auerroes, Thienensis, Marcellus, Toletus, & alij super hunc locum, ac D. Thomas 1. par. q. 76. art. 4. ad 1., hoc nomine intelligunt totum compositum ex materia & forma: & quia forma est ipsa anima, intelligunt compositum ex ipsa anima quatenus tribuente, esse corporeum. Sumunt ex Arist. qui, cum tex. 2. diuideret substantiam in materiam, formam, & compositum, tex. 3. subdit, corpora esse maximè substantiam, utique per corpora intelligens composita: & concludit, omne corpus naturale viuens esse substantiam compositam. Aliiter Diuus Thomas super hunc locum, Aegidius et alij Expositores ibidem, et Conimb. cap. 1. q. 1. art. 1., explicant, per corpus intelligi materiam seu subiectum animae. Sumunt ex eodem Arist. qui, tex. 4. probans animam non esse corpus, ait corpus esse sicut subiectum et materiam: et tex 7. ait, non debere queri, si anima et corpus vnum sint, sicut neque si cera et figura, neque omnino vniuscuiusque materia et forma: et clarissimè tex. 10. *Sicut oculus est pupilla & visus, ita anima & corpus animal*, ubi manifestè corpus sumitur pro materia.

Ex his planè habetur, Arist. eo capite, promiscuè vsum esse nomine corporis; in utroque videlicet sensu, vel pro toto composito, vel pro solo subiecto. Atque in utroque sensu poterit accipi in definitione animae. Nam quaecumque forma, & anima ipsa, recte dicetur, actus & for-

*Est anima
actus corporis.*

forma totius compositi, sicut dicitur pars actualis formalis : & est actus essentialis intrinsecus constituens totum. Sic Arist. tex. 36. ait, animam esse causam & principium corporis viventis, animam esse essentiam & formam animatorum corporum. Item recte dicitur actus & forma materię, vtpote actuans & informans materiam tanquam suum subiectum. Rursus, vera forma dicit ordinem essentialem, tum ad compositum tanquam ad totum, tum ad materiam tanquam subiectum : igitur recte potest utroque modo per hunc ordinem defini. Attamen, particulę sequentes in definitione animę, potius determinant corpus pro subiecto : & frequentior modus loquendi Arist. in hac resuadet potius, in definitione quoque sumpsisse corpus pro subiecto animę ; in eodem nempe sensu quo dicimus, animam informare corpus, & vivens constare ex anima & corpore.

Physici Dicitur quarto, *Corporis physici*, id est naturalis. Verē enim est corpus naturale, & generaliter vocare solemus corpora naturalia. Consulto autem, & non otiose, hæc particula addita est : ne videlicet per sequentem particulam, *organici*, intelligerentur organa & instrumenta artificialia, quali per artem deberent viventium corpora fabricari : sed constaret, corpus debere per naturam organizari, & ita sit naturale organicum.

Organici Dicitur ergo quinto, *Corporis naturalis organici* : id est suis organis & instrumentis distincti. Hoc autem, & est commune omnibus viventibus, & proprium ijs solis. Commune omnibus quia non solum animalia, sed etiam plantę habent suam distinctionem organorum, ut nempe attrahant alimentum, ac per totum corpus transmittant, atque di-

stribuant. Recte autē notavit Arist., plantas habere pauciora & simpliciora organa, quam animalia : non solum enim propter operationes sensitivas, sed etiam ob operationes ipsas vegetativas, longē præstantius est opificium in animalium quam plantarum corporibus. Quædam verò sunt, tam inter animalia, quam inter plantas, adeo minuta & exigua, ut in ijs sensu discerni non possit distinctio organorum : sed adhuc sine dubio suis minutissimis organis prædita sunt. Rursus, hoc est proprium viventium. Alia enim corpora, non requirunt varietatem ac distinctionem organorum, licet per accidens plerumque inveniuntur habere diuersam aliquam dispositionem in quibusdam partibus. Et specialiter in cadauere remanent quidam priora membra & organa corporis. Sed Arist. tex. 9. notavit, dici æquiuocē & non propriē. Et planē per accidens est ad formam cadaueris organizatio corporis, non enim requiritur ad existentiam vel operationes eius, sed æquē benē talis forma conseruatur in quacunque portione corporis diuisa, sicut planē per accidens se habet ad formam lapidis & metalli, distinctio illa & figura membrorum, sub qua in statuam efformatur. Proprium ergo animę est, esse formam per se corporis organici.

Dicitur demum sexto, *Potentia Potētia vitam habentis*, Alexander, Themistius, Philoponus, & D. Thomas, *vitam habētis*. hæc verba a definitione reiiciunt, quia dicunt idem valere, ac ly organici. Simplicius, Thienensis, Apollinar. & alij, volunt esse necessaria, quia dicunt dari corpus organicum, & non capax vitę, ut cadauer. Sed tamen de mente Arist., & ad bonitatem definitionis, potius prætermitti deberet ly organici, & retineri debet potentia vitam habentis. Nam

Arist. tex. 4. definiuit animam esse formam corporis naturalis potentia vitam habentis : textu autem 6. eandem definitionem repetit & postea subdit, tale corpus esse organicum & instrumentis præditum. Potius ergo Arist. in definitione apposuit, ly potentia vitam habentis, prætermissa alia particula. Hæc etiam expressio vitæ, per se magis facit ad rationem animæ : quoniam anima essentialiter est forma vitalis, vitam corpori præbens, & propter opera vitæ requirit organa corporis. Attamen ad maiorem explicationem, non inutiliter in utraque particula in definitione coniungitur.

Intelligitur autem anima esse per se forma corporis quatenus potentia vitam habentis. Alioqui omnis forma actuat materiam quæ reuera est capax vitæ : quoniam eadem est materia omnium formarum in corporibus his inferioribus. Tamen, omnis alia forma actuat materiam quatenus capacem ipsiusmet forme, non verò quatenus capacem vitæ : sed sola anima actuat materiam formaliter & per se quatenus viuificabilem. Item intelligitur, potentia proxima vitam habentis, quæ potentia proxima connotat omnes requisitas & debitas dispositiones. Intelligitur potentia potitiuè sumpta, & non cum carentia actus : ut notauit Arist. tex. 10. *Non est quod abiecit animam potentia existens ut vivat, sed quod habet animam*. Vita denique potest sumi dupliciter : nempe vel vita essentialis & radicalis, quæ est principium operationum vitalium : vel vita actualis quæ est ipsa operatio vitalis, de qua Arist. tex. 4. vitam esse nutritionem & augmentationem. Intelligendo autem nomine corporis subiectum animæ, intelligetur etiam utroque modo habere vitam in potentia, primariò quidem ad vitam radicaliter sum-

ptam, & consequenter ad vitalem operationem. Sed si nomine corporis intelligeretur totum compositum, ex ipsa quoque anima constitutum, solum posset intelligi in potentia ad vitalem operationem, non autem ad substantialem vitam. Non enim diceretur homo esse in potentia ad habendam animam rationalem, sed habens iam animam, esse in potentia ad discurrendum. Magis autem priori modo debet intelligi definitio animæ. Itaque idem clariùs & breuiùs dici potest, anima est forma viuificans corpus, dans vitam corpori, est vita corporis. Et sic sæpè anima solet appellari vita. Vnde Poeta Aeneidos 6. *Et ni docta comes tenues sine corpore vias, Admoneat volitare cava sub imagine forma* : & iterum, *Vitæque cum gemitu fugit indignata sub umbras*. Vita verò debet vniuersaliter explicari per vim immanenter operatam ad intra eo pacto quo corpora viuentia à non viuentibus q. 43. sect. 8. distinguebamus.

Cæterùm, ad plenam huius definitionis notitiam, hæc examinanda sunt. Primò, an hæc definitio soli inferiorum animatorum corporum animæ conueniat. Nam Achillin. lib. 3. de Orbibus, Pomponatius lib. de immortalitate animæ cap. 9. & quidam alij, volunt, hanc definitionem conuenire etiam animæ calorum, quos nimirum supponunt esse propriè animatos. Sumunt ex Arist., qui tex. 15. & 32. ait, sensitivum & intellectivum esse non posse sine vegetatiuo in mortalibus : quasi scilicet supponens, aliud quoddam esse corpus animatum immortale, non vegetatiuum. Et tex. 29. ait, quibusdam animalibus inesse potentiam cogitativam & intellectiuam, ut homini, & si quid aliud huiusmodi est aut honorabilius : ubi pariter indicauit, esse aliud corpus animatum,

*Hæc definitio
conuenit
solum
animæ
inferio-
rū cor-
porum.*

nem.

nempe cælum, cuius etiam anima in definitione comprehensa sit.

Verùm, cælos non esse animatos, suo loco probauimus: sed solum ut eos moueat, illis assistit Intelligentia, non tamen tanquam forma. Hæc itaque Intelligentia non comprehenditur in definitione animæ, quia solum definitur anima quæ est forma, & in hoc sensu dicitur actus corporis. Arist. autem locis allegatis loquutus est tantum dubitativè, seu conditionaliter: non verò quali ipse crederet inueniri vllum corpus animatum immortale; sed propter Platonem qui ponebat Dæmones corporeos animatos & immortales, de quibus Alcinoüs cap. 13. de doctrina Platonis, & ibi Carpentarius latè in sua digressionè.

Conuenit omni animæ inferiori corporum.

Secundò, an hæc definitio sit cõmunis omni animæ inferiorum corporum. Nam Auerroes voluit non conuenire propriè animæ rationali, quia ait, non esse formam informantem sed assistentem. Sumi potest ex Arist., qui tex. 11. ait, quasdam partes, idest species, animæ, esse actum corporis, quasdam non: & subdit, immanifestum esse, si anima sit actus corporis tanquam nauis: & iterum tex. 21. de anima intellectiua inquit, nihil adhuc esse manifestum. Præterea Arist. tex. 4. explicauit vitam per solas operationes animæ vegetatiuæ, et deinde definiuit animam in ordine ad hanc vitam: vnde videri potest solam animam vegetatiuam definire voluisse.

Certum tamen esse debet, traditam definitionem omni animæ conuenire, includendo etiam rationalem. Tum quia Arist. tex. 7. apertè testatur, eam definitionem esse cõmunem omni animæ. Tum quia, tex. 13., 18., et 24., animam et vitam de qua agebat, explicat per vegetare, sentire, et intelligere. Tum

quia in hoc opere de Anima, distinctè postea pertractauit de his omnibus animæ speciebus. Tum etiam patet ex ipsa definitione, quæ in toto rigore competit omni animæ, etiam rationali, quæ est vera forma informans, ut de ipsa in suo loco specialiter ostendemus. In priori autem loco pro parte opposita allegato, Alexander, Simplicius, et D. Thom., volunt, intelligi potentias animæ: aliquæ enim, sed non omnes, sunt actus corporis, idest, sunt corporeæ et alligatæ organis corporis. Sed etiam si per partes animæ intelligantur species, Themistius, Philoponus, D. Thom. et ipse Auerroes, explicant, al quam animæ speciem non esse actum corporis dependenter et substantiativè à corpore: idq; colligunt ex eo quòd Arist. ibi ait, aliquam animam esse separabilem: & idem indicare voluisse exemplo nauis. Vel solum loquutus est dubitativè, donec rem ex professo tractaret. In alio autem loco, afferre solum voluit in exemplum, aliquas operationes vitales: et meritò adduxit operationes animæ vegetatiuæ, quæ reuera omni animæ sunt communes.

Tertiò, an hæc definitio vniucè conueniat omni animæ. Simplic. & Philopon. volunt, esse analogam: quia anima definitur actus per ordinem ad potentiam; actus autem & potentia sunt valde analogæ, sicut ens communissimè sumptum. Et specialiter de anima rationali Arist. tex. 21. ait, esse aliud quoddam genus animæ, quali scilicet non conueniens cum alijs vniucè in vno communi genere animæ.

Afferendum tamen est, verè definitionem cõuenire vniucè omni animæ, sicut genus ipsum animæ est vniucè commune suis speciebus. Ita docent D. Thomas, Aegid., & alij, circa eandem definitionem,

Conuenit vniucè.

Alexand. apud Philopon. tex. 11., Albert. et Venetus circa tex. 30., Tolet. q. 1. ad 4. Et facile patet: quia sub hac definitione vnus est conceptus vitæ essentialiter & intrinsecè communis omni animæ, & per se ac primariò cōueniens singulis speciebus: nihilquē illi deest ad vniuocationem, nihil quod analogiam cōstituatur. Nec enim obstat, quòd anima definitur per actum & potentiā, quia hic non sumuntur actus & potentia in tota sua communitate & analogia: sed actus sumitur pro forma, & potentia pro capacitate subiecti ad vitam, quæ sunt prorsus vniuoca. Neque obstat dictum illud Arist. de Anima rationali: verè enim anima rationalis admodum differt ab alijs generibus animæ: sed non per hoc tollitur eius cōueniētia cum illis in communiori genere animæ. Sed plura adhuc circa communitatem vniuocam ipsius animæ ad suas species, attingemus in ipsa diuisione animæ.

Conuenit essentialiter.

Quartò demum quæritur, an hæc definitio animæ sit verè essentialis. Platonici enim olim hanc definitionem improbarunt tanquam non essentialē, vt potè traditam per ordinem ad corpus. Et Arist. ipse tex. 11. ait, se explicasse animam figurā, quòd Alexand. exponit, imperfectè, & Perizonius vertit, pingui minerua.

Verè tamen, hæc definitio animæ est essentialis, & ita omnes Peripatetici sentiunt. Anima enim essentialiter est forma corporis, dicit ordinem ad corpus, est apta viuificare corpus: igitur hoc pacto essentialiter definitur. Arist. autem, vel solum exulare voluit, quòd tunc non disputant arduas de anima quæstiones, sed tantum simplicem definitionem tradidit. Vel quòd solum in communi tunc animam definiuit, non adhuc ad singulas animæ

species descendens: vnde Argyropol. pro ly figura, legit vniuersaliter.

Postremò, præter hanc definitionem animæ, Arist. cod. lib. 2. tex. 12. præmisit, se velle adhuc per notiora nobis essentiam animæ manifestare: & postea tex. 18. & 24. sic animam definit: *Est principium quo viuimus, & sentimus, & mouemur, & intelligimus primò.* Id est, Anima est principium primum operationum vitalium, quæ ad hæc capita reducuntur, vegetare quod vocauit viuere, sentire, loco moueri, & intelligere. Per has autem operationes designantur species animæ quas postea distinguemus. Itaq. hæc definitio non reddit sensum coniunctiuum, quali omnis anima has omnes operationes exerceat: sed distributiuum, quòd omnis anima, exerceat aliquam ex his operationibus: vel sensum esse per additionē, quòd omnis quidē anima est principium vegetandi, aliqua etiam sentiendi, aliqua etiam mouendi, aliqua etiam intelligendi.

Alia definitio animæ.

SECTIO SECVNDA.

Qualis essentialiter sit Anima.

Num ex communi sua ratione sit independens à corpore & immortalis.

Plato putasse refertur, omnem animam, & præsertim tam animam brutorum quàm hominum, esse per se immortalem, atque adeo esse in sua natura independentem à corpore, ac per se subsistentem. Atque ad probandam animæ immortalitatem, vltus est rationibus, non quidem proprijs ad animā rationalem, sed communibus ad omnem ani-

Sententia Platonis affirmans.

animam. Alcinous cap. 18. de Doctrina Platon. ait, else in controuersia, si animæ brutorum sint immortales; probabile tamen esse, quod sint mortales. Porphyrius lib. 2. de Abstinentia ab esu carnum prope finem, fatetur, se ab Aegypcio didicisse, animas Brutorum esse immortales, & cum suis cadaueribus commorari, ideoque non debere Philosophum carnibus vesci, ne simul deuorans ferarum animas, ferinis moribus imbuatur. Lucianus in libro de laude Mulsæ, iactat, animam mulsæ esse immortalem, eo quod ex nectā, superinfusa cinere reuiuiscit.

*Non ex
commu-
ni ratio-
ne om-
nis ani-
ma est
immor-
alis.*

Certum tamen prorsus est, non esse de communi animæ ratione, ut sit immortalis & independens à corpore, neque id esse commune animæ brutorum cum anima hominū, sed esse proprium solis animabus humanis. Est inquam certum ex doctrina fidei: soli enim animæ humanæ tribuitur vitā post mortem, hominibus. Est certum ex lumine rationis. Et sic Arist. id pro comperto supponit. Platonem quoque plerique excusant contententes, illum soli animæ rationali immortalitatem attribuere voluisse, licet in modo probandi excesserit: sic uoluit Bellarion Cardinalis lib. 2. cont. Calumnias Platonis cap. 7. Marsilius Ficinus lib. 5. Theologiæ Platonice cap. 14. & ante hos Lactantius Firmianus lib. 7. de Diuino Premio cap. 8.

Ratione probatur: quia non omnis anima ex communi sua ratione habet operationes independentes à corpore, quas exercere valeat extra corpus; sed sola anima rationalis est huiusmodi, quia est intellectiua sicut Ang. li: & præsertim anima sensitua brutorum, sicut & vegetatiua plantarum, non habet exercere alias operationes, nisi corporeas af-

fixas organis corporeis. Nō est igitur de cōmuni ratione animæ, ut sit immortalis independens in suo esse à corpore, ita ut viuere possit extra corpus separata; quinimō nulla alia anima præter humanam est immortalis, permanens extra corpus. Verè autem, animam humanam ex speciali sua ratione esse immortalem, in proprio eius tractatu ostendemus. Probatur præterea hæc assertio, diluendo argumenta Platonis, quibus animæ secundum communem rationem immortalitas tribui videbatur, quæ refert Alcinous cap. citato: & duo præcipuè sunt.

Primum est, sumptum ex Phædone. Anima est quæ corpori vitam tribuit, ita ut corpus & totum uiuens per animam uiuat: ergo ipsa anima est essentialiter vita. Sed cerè ipsa vita mori non potest: unum enim contrarium non potest esse subiectū alterius. Sed bene corpus tanquam commune subiectum potest esse susceptiuum vitæ & mortis: sicut aer quidem recipit lumen & tenebras, sed ipsum lumen obtenebrari non potest. Omnis ergo anima per se est immortalis. Confirmatur sic: Corpus patitur interitum, per discessum animæ, cuius præsentia uiuificabatur: sed animam à seipsa discedere & separari, est impossibile: ergo anima non potest interire.

At hoc argumentum, si quid ualeret, extendi posset ad probandum, omnem formam esse per se incorruptibilem. Sed faciliè dicendum est, dupliciter posse sumi mortem, vel pro amissione vitæ distinctæ ab ipso subiecto, quod quidem remaneat in se, sed spoliatum vitā; vel pro destructione eius rei quæ dicitur mori, & pro transiui de esse ad non esse. Primo modo dicitur mori corpus, quod uiuificabatur ab animā, & remanet mortuum abscedente ani-

*Quo pat-
et anima
ma qua
dat vitā
corpori
possi ex-
tingui.*

ma:

ma : & non hoc modo potest mori ipsa anima & vita . Secundo autem modo bene potest destrui ipsa anima, ex natura sua corruptibilis: non quidem morietur subiiciendo se morti, quasi subiectum sub priuatione alterius formæ: sed quia desinit esse, ac ita destruitur ut transeat de esse ad non esse. Sic certè aer quod est subiectum lucis obtenebratur, dum remanet in se, sed spoliatum luce: & non sic obtenebratur lux, quasi similiter amittendo lucem, & quasi remaneat sub priuatione lucis: sed ipsa lux extinguatur ac deletur, trāsiens de esse ad nō esse.

Quo pacto anima quæ dat motum corpori possit destrui.

Secundum argumētum est, quod assertur etiam à Cicerone lib. 1. Tusculanarum qq., & de quo multa habet S. Thomas 2. cont. Gent. cap. 82. Anima est quæ mouet corpus, & ipsa à nulla alia causa mouetur, sed à seipsa. Quod autem seipsum mouet, semper mouetur, & motio- nis est principium, nec ab alio principio in suo motu dependet. At quod tale est, est immortale: ergo omnis anima est immortalis.

Ad hoc etiam argumentum facile dicetur, omnem animam mouere corpus, sed non omnem mouere seipsam independenter à corpore. Sola itaque anima rationalis poterit mouere seipsam, idest immanenter operari, independenter à corpore. Sed omnis alia anima, non potest operari nisi per corpus, & sic non poterit existere nisi in corpore. Sola ergo anima rationalis erit per se existens & immortalis. Dici etiam potest Omne quod mouet seipsum, semper moueri quādiu est: sed posse desinere esse, & tunc amplius non moueri, nec mouere. Demum quod mouet seipsum, potest adhuc ab alio principio pendere: potest esse factum ab alio principio: & poterit destrui ac deleri per aliam causam.

SECTIO TERTIA.

Verum Anima ex communi sua ratione sit indiuisibilis, tota in toto & tota in qualibet parte corporis.

Affirmasse refertur Plato: & sic de Platonis mente defendūt Nylsenus lib. 2. de Anima cap. 1. Nemescius lib. de Natura hominis cap. 2. Martilius Ficinus lib. 1. de Platonis Theolog. cap. 3. Imò & inter Peripateticos Simplicius lib. 1. de Anima circa tex. 47. Multò plures ex nostris sunt, qui affirmant, omnem animam viuentium perfectorum, esse ex natura sua indiuisibilem, non verò viuentium imperfectorum. Ita volunt D. Thomas 1. par. q. 76. art. 8. & 2. cont. Gent. cap. 72. Caiet. & Ferr. iisdem locis, alijque Thomistæ: item Albert. 1. de Anima cap. ult. Alexand. lib. 2. cap. 10. Conimbr. cap. 1. q. 8. & alij. Viuentia perfecta vocant illa, quorum partes abscissæ desinunt statim vivere: quod contingit non solum in hominē, sed & in plurimis brutorum speciebus, equo, boue, cane, & alijs huiusmodi. Viuentia imperfecta vocant illa, quorum partes decissæ adhuc viuunt: quod contingit non solum in plantis, sed & in quibusdam animalibus, ut lacertis, vermiculis, & similibus, quæ propterea solent etiam vocari insecta.

Dicendum tamen est, animam nec in tota sua communitate, nec pro omnibus viuentibus perfectis, esse indiuisibilem; sed potius solam animam rationalem speciali ratione suæ spiritualitatis esse indiuisibilem. Hæc est cōmunior sententia, Auerr. 8. Phys. com. 78. & de Subst. orbis cap. 1.

cap. 1. Soncin 8. Metaph. q. 11. Iauell. q. 4. Marcell. 1. de Anima cap. 9. Ianduni 2. de Anima q. 7. Tolet. 2. de Anima q. 5. Hurrad. disp. 2. sc. 4. it. m. Scoti in 4. d. 44. q. 1. Durandi, Aegidij, Argent. in 1. d. 8. & aliorum, tam Theologorum, quam Philosophorum.

*Sumi-
tur ex
Arist.*

Probatur primò auctoritate Arist. 2. de Anima 93. & 94., & lib. 2. tex. 207., & lib. de Longitud. & breuit. vitæ cap. ultimo, & de Iuuent. & Senect. cap. 1. & de Incensu animal. cap. 4. & alibi ex profecto docuit & probauit, non esse de ratione animæ, ut sit indiuisibilis, sed potius animam tolerare esse diuisibilem: & præsertim ibi 2. de Anima tex. 21. scilicet animam rationalem videtur excipere à communi regula & diuisibilitate aliarum animarum: & perspicue textu 9. vniuersaliter de sensu, seu de anima sensitui, ait, ita se habere partem sensus seu animæ ad partem corporis, sicut tota se habet ad totum corpus, vbi planè constituit animam diuisibilem per partes & partes correspondentes partibus corporis. Item D. August. lib. de Quantitat. animæ cap. 31. docuit, non esse de ratione communi animæ ut sit indiuisibilis, sed de speciali ratione animæ humanæ.

*Proba-
tur in
vienti-
bus im-
perfe-
ctis.*

Secundò speciali ratione & experientia probatur, animam eorum viuentium quorum partes abscissæ adhuc viuunt, esse verè diuisibilem in partes: quia cum partes diuise uiuant, signum manifestum est, animam quoque ipsam diuidi, & abire in partes, sicut diuiditur ipsum corpus. Neque audiendus est Marsilius Ficinus, dicens, effici de nouo alias animas peculiare in partibus abscissis totaliter pereunte per diuisionem priori animæ. Hoc enim, prorsus gratis dicitur ad effugiendâ experientiam. Nec est, cur potius dicere eligat, tam cito exurgere in

illis partibus abscissis nouas animas, quàm abscindi priorem animam in diuisione partium. Et alioqui pariter dicet quis, omnem aliam formam, siue substantialem, siue accidentalem, esse in se simplicem & indiuisibilem, totumque perire in diuisione subiecti aliasque de nouo resultare in partibus subiecti diuisis.

Tertio vniuersali ratione probatur, omnem animam, excepta rationali, esse potius diuisibilem & coextensam corpori. Omnis anima præter rationalem, est materialis & corporea, solaque anima rationalis est spiritalis, ut pro certo supponimus, & apud D. Thomam & alios est certissimum: igitur omnis anima præter rationalem, est diuisibilis & extensa per partes. Sequela manifestè probatur: quia in hoc consistit ratio entis corporei contradiuncti ab ente spiritali, quod illud est capax molis & extensionis, non est simplex quid integraliter, sed constat partibus integralibus aptis extendi per quantitatem, & sic differt ab ente spiritali. Hic est enim communis conceptus omnium de rebus corporeis ac spiritalibus: audiendo enim rem corpoream, statim cogitatur res habens molem quantitativam & compositionem partium integralium, apta per partes extendi in loco: cogitatur verò res spiritalis, concipiendo rem carentem partibus extensiuis, & ita indiuisibilem ut non possit coexistere alicui subiecto & loco extenso, nisi tota in toto et tota in qualibet parte.

Quarto idem probatur inductione vniuersali omnium aliarum rerum. Omnia alia quæ sunt indiuisibilia extensiuè, sunt prorsus spiritalia, Deus, Angeli, et omnes substantiæ ac etiam accidentia huius generis. Ex aduerso, omnia alia entia corporea, constant ex partibus extensiuis, et extenduntur per partes extra

*Proba-
tur in
omni-
bus, ex-
cepto ho-
mine.*

*Omne
quod est
corporeum
est diui-
sibile in
partes.*

par-

partes, tum ipsa materia, tum omnia corporea accidentia, tum omnes aliæ substantiales formæ. Si ergo omnis anima, præter rationalem, etiam inquam anima perfectorum animalium, est verè corporea, ut omnes fatentur, erit prorsus diuisibilis & extensa per partes.

Quintò. Ii qui falsò & impiè cogitarunt, Deum esse corporeum, & ij qui putarunt Angelos esse corporeos, utique non aliter id cogitarunt, nisi apprehendendo substantiam, per partes extensam. E contra alij, qui supponentes Angelos esse spirituales, putarunt adhuc esse ex materia & forma compositos, vel saltem esse possibiles tales substantias; utique non aliter cogitarunt esse spirituales, nisi quia tota eorum substantia esset indiuisibilis extensivè, carens partibus integralibus, tam scilicet materia quam forma. Et rursus, quicumque volunt, celestia corpora esse simplicia, non composita ex materia & forma, eo saluant esse vera corpora, quia sunt per partes integrales extensa. Omnis igitur anima quæ corporea est, dici omnino debet diuisibilis & extensa per partes: nec cogitari potest vlla res essentialiter corporea, & integraliter indiuisibilis, existens tota in toto & tota in qualibet parte corporis.

*Nō alia
est com-
munis
differē-
tia inter
corpo-
reas &
spiritua-
les.*

Sextò. Non potest alia ratione explicari vniuersale diferimen inter rem corpoream & spiritualement. Non enim sufficit ratio quæ solet afferri, ideo animam brutorum, licet indiuisibilem, non esse spiritualement, quia non per se subsistit, sed à subiecto dependet & est corruptibilis. Nam non ex ratione per se vel in alio existendi, sed ex ratione partibilitatis & impartibilitatis, distinguuntur aliæ res spirituales & corporeæ. Et quidem inveniuntur accidentia spiritualia, quæ prorsus à subiecto dependent, & tamen adhuc sunt spiri-

tualia; quæ si essent per partes extensa, tunc essent corporea. E contra, si anima rationalis esset coextensa corpori, sed per se existeret sicut nunc, utique esset corporea & non spiritualis, sicut materia per se existens est corporea. Itaque si esset forma quædam indiuisibilis in toto subiecto, quamvis dependeret ab ipso subiecto, esset verè spiritualis & non corporea. Omnis igitur anima quæ spiritualis non est, est verè diuisibilis & coextensa corpori.

Septimò. Valet sine dubio hæc causalis in anima rationali & omnibus rebus spiritualibus, ideo esse incapaces extensionis quia sunt spirituales, ita ut hæc incapacitas sit propria passio entis spiritualis: & e contra, ideo res corporeas esse capaces extensionis quia corporeæ sunt, ita ut extensio sit earum proprietas. Impossibile ergo est, vllam esse rem indiuisibilem quæ non sit spiritualis, & vllam esse rem corpoream quæ non sit diuisibilis: omnes ergo animæ præter rationalem, cum sint corporeæ & non spirituales, omnino sunt coextensæ corpori & diuisibiles.

Octauò demum. Omnis anima præter rationalem, dependet à materia, tam quoad esse, quam quoad operari: non enim potest per se existere extra materiam, nec habet operationem vllam abstractam à materia: ac benè poterit in vna vel alia parte corporis, quæ abscinditur, deleri & corrumpi, remanente anima in reliquo corpore. Dici ergo debet participare præcipuam conditionem materiæ communem omnibus alijs formis materialibus, quæ conditio est diuisibilitas & extensio. Ex aduerso, anima rationalis ex sua propria ratione, sicut probatur esse immortalis, ita etiam probatur esse indiuisibilis, ita ut semper tota permaneat: de qua speciali ra-

*Omnis
anima
præter
rationa-
lem se-
quitur
conditio-
nē ma-
teria.*

tione anime rationalis suo loco proprio discreuitus.

*Com-
nis ratio
anima
sine in-
diuisibi-
litate
defendi-
tur.*

Obijcies primò. Arist. primo de Anima tex. 94. aperte docuisse videtur, omnem animam esse indiuisibilem. Rursus, anima definita est, actus corporis organici: sed, si anima illa quæ est in vna parte corporis, non sit eadem in reliquo toto corpore, non erit actus corporis organici, sed alicuius tantum organi: ergo debet eadem anima quæ est in vna parte corporis, esse tota in toto corpore, & tota in qualibet alia parte.

Respondetur. In illo Arist. loco Argiropolis legit, animam esse diuisibilem: & sic inde accipiunt Auerroes, Philoponus, Simplicius, et alij. Sed siue Arist. dixerit, esse indiuisibilem, siue diuisibilem; potest facile explicari; cum enim prius dixisset, animam plantarum & animalium imperfectorum esse diuisibilem potestque multiplicari; subdit tamen, eiusdem speciei esse in omnibus partibus: in hoc ergo sensu, anima est indiuisibilis specie, hoc est in partes specie differentes: est tota in qualibet parte, hoc est secundum totam essentiam specificam: quo pacto D. Thom. 1. par. q. 76. art. 8. ait, albedinem et omnem similem formam extensam, esse totam in quavis parte, totalitate scilicet essentiali, sed non totalitate quantitativa et integrali. Si autem Arist. ibi dixerit animam esse diuisibilem, intelligendus est de omni anima de qua loquutus fuerat, excepta scilicet anima rationali. Deinde, definitio illa anime intelligenda est de tota anima prout adequatè informantem corpus; ita ut tota quidè anima sit actus totius corporis organici, partes verò anime partium corporis, dum anima est per partes diuisibilis et coextensa corpori.

Obijcies secundò, specialiter ani-

malium imperfectorum esse indiuisibilem, ex quadam experientia cuius meminit D. August. lib. de Immortal. anim. cap. ultimo. Si vermis pungatur in aliqua certa parte, totus commouetur, et per totum se còtorquet: quod est signum, per totum corpus sentire dolorem. Vnde inferitur, eandem totam animam quæ est in parte læsa, esse indiuisibiliter in toto corpore et omnia alia parte corporis.

Respondetur. Imò potius nos ipsi experimur, dolorem quem patimur in certa parte, non sentiri pariter in reliquo corpore, & tamen anima nostra est indiuisibilis. Motus ergo ille totius corporis, non prouenit ex eo quòd per totum diffundatur dolor: sed quia totum corpus & tota anima quasi conatur adiuuare partem læsam: eiquè veluti compatitur, ob naturalem scilicet sympatiā & connexionem omnium partium.

Obijcies tertio, specialiter animam sensitivam perfectorum animalium esse indiuisibilem. Arist. lib. de Iuuent. & Senect. cap. 1. & lib. de Incensu animal. cap. 5. expressè docuit, animam quidem plantarum & animalium imperfectorum, esse diuisibilem & multiplicabilem; animam verò perfectorum esse maximè vnā, hoc est indiuisibilem.

Respondetur. Arist. docere tantum voluisse, animam perfectorum animalium non posse diuidi in partes, taliter ut partes separatæ vivant, & conseruentur, sicut accidit in animalibus imperfectis, quorum proinde anima dicitur potentia multiplex, quia diuisa potest conseruari: sed anima perfectorum dicitur maximè vnā, quia fieri non potest multiplex. Itaque dupliciter dicitur aliquid indiuisibile, vel eo quòd penitus careat partibus extensiuis, ut Angelus; vel eo quòd, licet habeat partes, tamen hæ separatæ conseruari

*Et spe-
cialiter
in ani-
malibus
imper-
fectis.*

*Item in
anima
libus
perfe-
ctis.*

non

non possunt, ut se habet minimum naturale. Primo modo indiuisibilis est anima rationalis. Secundo modo diuisibilis est anima plantarum & imperfectorum animalium. Sed anima perfectorum est diuisibilis primo modo, indiuisibilis secundo modo. Et hoc solum fortasse voluerunt alij qui dicebant esse indiuisibilem.

*Quarta
tione
partes
abscissa
non vi-
uant.*

Objicies quartò fundamentum Thomist., ductum ab experientia, quam affert idem Arist. Quia partes animalium perfectorum diuise non viuunt, sicut imperfectorum: hoc enim videtur signum, illam esse penitus indiuisibilem carentem partibus. Quòd si interdum remaneat ad breue tempus, motus aliquis in parte animalis perfecti abscissa, id referendum est ad spiritus vitales qui pro aliquo tempore durant, ut notauit Alber. in summa de homine quæst. 2. art. 3. Vnde etiam in capite hominis detruncato solet relinqui aliquis motus. Partes autem animalium imperfectorum, diu viuunt, & non solum mouentur, sed etiam sentiunt, quod non potest saluari sine anima.

Respondetur. Animam perfectorum animalium, verè diuidi, sed tamen corrumpi & non permanere. Sed nec etiam necesse est statim in primo instanti interire, & fortasse potest breuissimo tempore durare, donec deficient spiritus. Quod indicauit Arist. eo loco de Incessu animalium dicens: *Nullum animalium sanguine pradium, in partes diuisum, tempore aliquo, ut se dicam, viuere potest.* Ratio autem, quare partes animalis imperfecti diuise uiuant, non autem perfecti hæc redditur à Zabarella lib. de Partitione animæ cap. 4., quia ait, in animali perfecto vita principaliter residet in corde, à quo proinde diuisa pars viuere amplius non potest: in plan-

tis autem & animalibus imperfectis, vice cordis esse humorem quendam diffusum per totum corpus, qui simul diuiditur & remanet in partibus diuisis. Verum, quia id est minùs certum, satis erit reddere rationem, quæ ex Arist. colligitur & traditur à D. Thom. quæst. unica de Anim. art. 10. ad 15., quia nempe quò perfectior est anima, eò pluribus indiget ad sui conseruationem; & partes corporis inter se communicant seque coadiuuant: vnde pars abscissa, & sic necessarijs aliarum partium subsidijs destituta, non potest viuere. Anima autem imperfectior, paucioribus contenta est, quibus in parte abscissa adhuc potest abundare. Et sic demum verificatur doctrina D. Thomæ, qui ait, alias esse formas, quæ æqualiter respiciunt totum ac partes, ita ut possint in qualibet parte conseruari: quales sunt formæ elementorum, & reliquæ imperfectæ: alias esse formas perfectiores, quæ primariò respiciunt totum & secundariò partes, ita ut conseruari non possint in partibus separatis; et talis est anima animalium perfectorum.

SECTIO QUARTA.

De Diuisione Anima in Vegetatiuam, Sensitiuam, & Rationalem.

Anima in communi plures sub se species habet. Varijs autem modis inutilibus & falsis à Veteribus Philosophis diuidebatur. Quibus omissis, sic optimè diuiditur anima, cum Arist. & omnibus Peripateticis in tres species: nempe alia est anima vegetatiua, alia sentiuiua, alia rationalis. Cuius diuisionis hanc sufficienti rationem reddit D. Thomas 1. par. q. 78. art. 1. Et

*Rectè
diuidi-
tur ani-
ma in
vegeta-
tiua, se-
sitiuam,
et ratio-
nalem.*

Essentia animæ in communi sumitur ex eo , quod habet dominium quoddam supra materiam, & supergreditur conditionem materiæ; quatenus videlicet est principium sese mouendi & intrinsecè operandi: in hoc autem dominio & excellentia supra materiam, tres gradus distinguuntur: Primus & infimus est, in quo anima operatur mediante organo corporeo & qualitate corporea: talis est anima vegetatiua, quæ operatur per organa corporea, & per calorem qualitatem corpoream. Secundus & medius est, in quo anima operatur per organum corporeum, sed non per qualitatem corpoream: talis est anima sensitiua, quæ certis quidem organis in corpore viuit, sed non operatur per se mediantibus qualitatibus corporeis elementaribus, licet hæc tanquam dispositiones in organis requirantur. Tertius & supremus gradus est, quo anima operatur independentè à qualitate & organo corporeo: talis est anima rationalis, quæ operatur intelligendo & volendo. Ex his autem speciebus, anima vegetatiua habet sub se plures alias inferiores species, & similiter anima sensitiua, sed anima rationalis vna infima species reputatur: de qua re in tractatione propria disseremus.

*Reste
diuidi-
tur vi-
uens in
plantam,
brutum,
& ho-
minem.*

Iuxta has tres species animæ, tres viuentium & animatorum corporum notissimæ species distinguuntur: per animam vegetatiuam plantæ, per sensitiuam bruta, per rationalem homo. Plantæ infimum vitæ gradum obtinent, medium bruta, supremum homo. Et rursus plantarum & brutorum multe sunt species, homo habetur pro vna specie.

Verum, solent apud Recentiores quatuor potius viuentium genera designari, nempe vegetatiuum, sensitiuum, loco motiuum, et intellectuuum. Inter viuentia enim sensi-

tiua, quædam sunt quæ non possunt se loco mouere et progredi, vt ostrea, ronchilia, et alia huius generis: quæ ab Arist. lib. 1. de Generat. animal. cap. 1. dicuntur esse ancipitis naturæ et velut ambigua inter plantas et animalia: vnde composito nomine appellata sunt plantanimalia. Alia autem animalia sunt, quæ possunt se loco mouere et progredi. Distinguendo ergo hæc duo genera, efficiuntur quatuor in vniuersum viuentium genera, Fundantur quæ hanc distinctionem in Arist. 2. de Anima 18. 27., et 29. Et dicunt, tria esse genera animarum, quatuor corporum animatorum.

Omnino tamen, eodem modo, ac *Non de-
bet quar-
tum ge-
nus vi-
uentium
ab initio
condi-
stingui.* sub eodem specierum numero, debent hæc viuentia atque ipsæ animæ designari. Omne enim viuens per suam animam constituitur: totidem ergo erunt viuentium & animarum genera. Et si distinguantur duo illa genera viuentium, nempe sensitiuum & loco motiuum, vtique non minus poterant ac debebant distinguui duo hæc genera animæ, sensitiua & loco motiua. Qua ratione, cōiuncti Caiet. & Aegid. apud Tolet. 2. de Anima q. 6. confessi sunt, debere ab initio distinguui quatuor genera animarum. Sed id est præter communem vsum, & à progressu Arist. alienum, qui de tribus tantum speciebus animæ suam tractationem distinguit.

Ipsæ Toletus ait, in prima diuisione animæ debere tantum tres illas species distinguui, sed deinde sub anima sensitiua posse ac debere rursus alias duas inferiores species scerni. At sic pariter, in prima viuentium diuisione debebant solum tres species nominari, ac deinde sub secunda specie aliæ duæ. Conimb. 2. de Anima cap. 3. q. 2. in fine, respondent, distinguui quatuor viuentium genera ex vita accidentali, non verò essen-

essentiali: hoc est per diuersitatem operationum, non verò animarum. At certè, vita accidentalis oritur ex vita essentiali, operatio vitalis oritur ex anima: si ergo distinguuntur quatuor gradus vitæ accidentalis, totidè erunt vitæ substantialis & ipsius animæ: & sine dubio essentialiter distinguuntur anima loco motiua, & anima purè sensitiva quæ non sit loco motiua. Eodemq. prorsus pacto quo distinguuntur gradus vitæ, distinguere debent gradus animæ: aut ubi ponitur vnus gradus animæ in genere, poni etiam debet vnus gradus vitæ in genere. Si demum, ex diuersis gradibus operationum animæ sensitivæ distinguantur plura viuentium genera, iam non solum duo, sed & alia plura pariter erant distinguenda. Nam, alia sunt quæ habent sensus internos, alia quæ nō habent: alia quæ habent omnes quinque sensus externos, alia quæ non habent omnes: & aliarum huiusmodi differentiarum inuenientur.

Sed tria genera viuentis sicut anima sufficiunt. Concludendum ergo est, sicut in prima diuisione, tres animæ species designantur, ita debere, totidè viuentium assignari. Quod ita sanè præstitit Arist. 2. de Anima 31. ubi diuidit animam in eas tres species, & iuxta illas assignat tres has viuentium species, plantam, brutum, & hominem. Neque verò alijs in locis quatuor genera diuisit: sed tantum enumerauit operationes, tam ipsius animæ, quam viuentium, vegetare, sentire, loco moueri, & intelligere: quia verè inueniuntur viuentia, quæ virtute animæ se localiter mouere possunt: & hæc est operatio ab alijs vitalibus condistincta. At in diuisione communi animæ & viuentis, sub illo genere sensitivi includitur loco motiuum. Vnde D. Thomas 1. par. q. 78. art. 1. has operationes vocat quatuor viuendi modos: his enim modis potest anima

intrinsecè & vitaliter operari. Et vterius, Arist. tex. 27. præter loco motiuum, addit etiam appetitum. Vnde factum est, vt dici soleat, tria esse genera animarum, quatuor viuentium, quinque potentiarum. Verum, Arist. non cum hac partitione loquutus est: sed sub anima sensitiva enumerare voluit tres operationum gradus, nempe sentire, appetere, & loco moueri.

Cæterum, notabile valde in hac re est, quod obseruauit Arist. 2. de Anima tex. 31., & est per se manifestum, hæc ita se habere; quod omne sensitivum, est quoque vegetatiuum; & rationale est sensitivum & vegetatiuum. Nam animalia omnia quæ sentiunt, pariter vegetant, & nutriuntur ac crescunt: Homo qui est rationalis, sentit quoque & vegetat. Non autem è conuerso, omne vegetatiuum sentit, aut sensitivum intelligit: quinimò plantæ vegetant, & non sentiunt; bruta sentiunt, & non intelligunt.

Hinc aliqui opinati sunt, debere has animas ita distinguere, vt in brutis alia sit anima sensitiva, & alia vegetatiua; atque in homine triplex sit anima, prima vegetatiua, secunda sensitiva, tertia rationalis. Ita indicauit Plato in Timeo, & lib. 9. de Republica. Et defendunt Philopon. 1. de Anima tex. 91. Iandun. q. 8. & 12. Paulus Venetus in summa de Anima cap. 5. Quintius Bonioannes lib. de Principijs naturæ sect. 2. cap. 5. Sumunt ex Arist., qui lib. 2. de Generat. animal. cap. 3. notauit, in formatione hominis, factum prius viuere vitæ plantæ, postea vitæ animalis, ac tandem vitæ hominis. Sed non videtur, per superuenientem animam debere expelli priorem: igitur omnes tres animæ simul remanent. Saltem animam sensitivam à rationali distinguere realiter in homine, defendunt Ocham. in 4. q. 7. & Quid.

Omne sensitivum vegetat, et rationale sensitivum.

An debeant in eodem viuente distinguere animam vegetatiuam à sensitiva, & sensitivam à rationali.

Quodl. 2. q. 20. Mairon. in 2. d. 17. q. 1. Mirandulan. lib. 33. de Euerfione sect. 2. & quidam alij inducti ex repugnantia quam in nobis experimur inter partem rationalem & sensitivam, & quia operationes & potentiae sensitivae, sunt materiales & corporeae. Hancquē esse sententiam Arist. contendit Hieronymus Pontanus lib. 7. de Immortalit. animae: sed ipse ex doctrina fidei pro certo tenet oppositum secundum veritatem. Afferit capite 1. ex Arist. quaedam loca, in quibus longē diuersa praedicata attribuit animae rationali ac sensitivae: et praesertim 7. Politic. cap. 15 sicut distinguit corpus et animam, ita duas partes animae in homine, vnam irrationalem, et alteram rationalem; et sicut corpus praecedit animam, ita partem irrationalem praecedere rationalem.

Vnica anima in quolibet uiuente sufficit. Afferendum tamen est, nequaquam in vno eodemq. uiuente distinguere realiter plures animas, sed eandem animam sensitivam in brutis exercere opera vegetatiua, et eandem rationalem in homine exercere opera sensitiva ac vegetatiua. Ita docent D. Thom. 1. par. q. 76. art. 3. Scot. in 2. d. 15. q. 1. Durand. in 4. d. 11. q. 2. Henricus Quodl. 2. q. 2. Alens. 2. par. q. 62. memb. 2. Albert. in summa de Homine tract. 2. cap. 1. Item Auerr. 1. de Anima cap. 7. et alij Expositores 1. et 2. de Anima, Tolet. lib. 2. q. 7. Dandinus digress. 8. Hurtad. disp. 1. sect. 4. Suarez disp. 15. Metaph. sect. 10., et lib. 1. de Anima cap. 6., alijq. tam Philosophi quam Theologi communiter.

Probat ex Philosophia. Probatur in primis hae assertio naturali via. Tum ex Arist. qui satis apertē ita supponit, 1. de Anima 66. et 91. et lib. 2. tex. 31., et lib. de Iuuent. et Senect. cap. 2. et alibi. Tum quia, in vniuersum non possunt conuenire plures formae sub-

stantiales ad constituendum vnum simpliciter compositum, quia quaelibet forma dat suum esse specificū, quo proprium compositum constituitur. Nec possunt naturaliter conuenire plures formae in vna materia ad constituenda simul plura composita, quia vna forma constituens suum compositum, satis explet capacitatem materiae. Tum praesertim, per eas plures animas in quolibet animali esset simul substantia plantae, & in homine esset substantia plantae & bruti, quod nefas est cogitare. Tum praeterea, si essent simul plures distinctae animae, contingere posset, vt recedente anima rationali remaneret anima sensitiva, & recedente sensitiva remaneret vegetatiua; sicut ab initio dicebatur vegetatiua praecedere sensitivam, & sensitiva rationalem: atque sic planē homo verteretur in brutū, & brutum in plantam. Tum deinde, omnes operationes vitales adeo sunt in quolibet vno uiuente per se connexae & subordinatae, vt prorsus dici debeāt ab vno cōmuni substantiali principio prouenire. Et specialiter in ipso homine constat, per vehementem applicationem ad operationes rationales, impediri aut debilitari solere operationes alias sensitivas ac vegetatiuas. Tum demum, ex natura ipsa rei optimē potest vna simplex anima habere virtutem exercendi omnes eas operationes quae sunt connaturales ipsi uiuenti, nullaque in hoc apparere difficultas, & ad summum satis erunt plures facultates vitales eiusdem animae. Non debent ergo nec possunt multiplicari plures animae in eodem uiuente.

Probatur deinde eadem assertio ex Sacra doctrina, quoad hominem attinet. In Scriptura enim, anima hominis semper singulariter nominatur: & Genes. 2. dum in hominis

Probat ex Sacra doctrina.

formatione dictum est, Deum inspirasse in corpus spiraculum vitæ, indicatur vna singularis anima rationalis, quæ tribuit vitam corpori. Expressè autem Sancti Patres docere solent, vnam esse in homine animam, & absolutè sine limitatione loquuti sunt: sic D. August. lib. de Quant. animæ cap. 3. Gregor. homil. 12. in Ezech. Nyssen. lib. de Creatione hominis cap. 15. Damasc. lib. 2. Fidei cap. 12. Lactantius lib. de Ira Dei cap. 11. Hugo de S. Victore lib. de Spiritu & anima, & alij frequenter. Insuper Concil. Lateranense sub Leone X. cap. *Firmiter de summa Trinit.* Et Clemens V. in Clementina de sum. Trinit. & Innocent. III. cap. in *Quadam*, de Celebrat. Missar., absolutè docent, hominem constare ex corpore & anima, planè supponendo vnam esse animam quæ dat vitam homini. Imò & aliqui pro hac re afferunt decretum octauæ synodi generalis act. 10. can. 11., vbi tamen specialiter damnatus fuit Manichæorum error, qui duas animas rationales, alteram bonam, alteram malam, in homine distinguebant. Propter hæc autem, aliqui absolutè oppositam sententiam plures in homine animas distinguentem, censent erroneam, alij verò saltem minùs in fide tutam.

*Defen-
ditur ab
aduer-
sis.*

Quando verò Arist. dixit, factum priùs viuere vitæ plantæ, & postea animalis, ac tandem hominis: aut tantum voluit, eandem animam rationalem priùs exercere solum operationes vegetatiuas, deinde sensitiuas, ac tandem rationales. Vel, si vna distincta anima præcedit aliam, omnino recedit per aduentum sequentis: quia vna forma est impossibilis cum alia: & dispositiones etiam diuersæ sunt, alia nempe pro anima rationali, & alia pro anima purè sensitiua, & alia pro anima purè vegetatiua. Deinde, repugnan-

tia quam experimur inter partem sensitiuam & rationalem, prouenit ex diuersitate potentiarum. Et operationes sensitiuæ ac vegetatiuæ, licèt sint corporeæ, benè exercentur ab eadem anima rationali spirituali, mediantibus tamen organis corporeis. Quando demum Arist. distinxit eas duas partes animæ, non utique distinxit duas animas, sed potentias sensitiuas ac rationales eiusdem animæ: quo sensu passim à nostris etiam sacris Doctoribus ex duæ partes animæ nominantur. Neque Arist. voluit, tantam esse distinctionem inter eas duas partes animæ, quanta est inter corpus & animam. Dixit verò, partem irrationalem esse priorem, quoad ysum & exercitium operationum in progressu etatis: Sic enim ait: *Pater id in pueris, quibus statim ira & appetitus & concupiscentia existit: ratio & mens procedente etate in illis fieri nata sunt.* Rursum quando Arist. diuersa attributa affirmavit de anima sensitiua ac rationali: vel pariter loquutus est de potentijs & operationibus: vel de anima purè sensitiua brutorum.

Postremò remanet explicandum, *Qualiter rectè diuidatur anima in illas tres species; dum vna videtur continere & includere aliam.* Dicitur animæ, ideo animam sic rectè diuidi, quia sensitiua continet solum virtutaliter vegetatiuam, & rationalis sensitiuam ac vegetatiuam: sicut rectè diuiditur corpus in elementa & mixta, cum mixta contineant virtualiter elementa. Hoc tamen non satisfacit: quia non apparet qualis sit huiusmodi continentia virtualis. Imò, cum anima rationalis per se ac directè exerceat omnes vitales operationes sensitiuas ac vegetatiuas, dici debet directè ac formaliter sensitiua ac vegetatiua.

Dicendum ergò facilè est, dupliciter

alter sumi posse animam vegetati-
uam ac sentitiuam. Vno modo ge-
neraliter, alio modo specialiter: pri-
mo modo pro omni anima exercen-
te operationes vegetandi ac sen-
tiendi, secundo modo pro anima
vegetatiua tantum, sentitiua tantum,
id est pro ea quę exercet solum ope-
ra vegetandi & non alia, pro ea quę
ulterius exercet solum opera sen-
tiendi & non intelligendi. Primo
modo non diuiditur anima in plu-
res species condistinctas, sed potius
in gradus quosdam subordinatos vi-
tę: & sic anima vegetatiua est ge-
nus commune etiam ad sentitiuam
& rationalem, ac sentitiua est ge-
nus commune ad eandem rationa-
lem: & anima sentitiua est forma-
liter et intrinsece vegetatiua, ratio-
nalis est sentitiua ac vegetatiua. Se-
cundo modo verē diuiditur anima
in species condistinctas, quarum
vna non includitur in alia, non præ-
dicatur de alia: non enim sentitiua
est vegetatiua tantum, rationalis
non est sentitiua et vegetatiua tan-
tum. Rursus primo modo, anima
vegetatiua dicitur constituere cor-
pus viuens seu vegetans in commu-
ni, sentitiua animal, seu viuens sen-

sitiuum in communi, rationalis ho-
minem: et hi sunt gradus essentiali-
ter subordinati, quia omnis homo
est animal, omne animal est viuens.
Secundo modo, anima vegetatiua
constituit plantam, sentitiua bru-
tum, rationalis rursus hominem: et
hę sunt species viuentium condi-
stinctę, quę non inter se prædicantur,
sed prorsus opponuntur.

Dum verō species illę assignan-
tur, vegetatiua tantum, sentitiua tan-
tum; non per hoc putandum est, ta-
les species constitui ac distingui per
meram negationem: sed sine dubio
sub his terminis latet differentia
realis ac positua, quę per talem ne-
gationem denotatur. Itaque, ani-
ma plantę constituitur per talem
differentiam posituiam, ob quam sit
inepta ad sentiendum: et anima bru-
ti per talem differentiam, ob quam
sit inepta ad intelligendum. Sicut
plerumque sanē in alijs rebus solent
reales differentię per negationes de-
signari. Et in hac ipsa re, differen-
tia bruti assignatur irrationalitas, nō
vtique pro sola negatione rationali-
tatis, sed pro differentia positua,
opposita rationalitati.

QVAESTIO QVADRAGESIMASEPTIMA.

De Potentijs vitalibus Animę.

Diuus Dionysius cap. 11. Cælest. Hierarch. in Angelicis spiritibus
distinguit, naturam, virtutem, et operationem. Similiter in anima
hęc distinctę consideranda sunt. Igitur post animę substantiam
et naturam, de vitalibus modō potentijs agendum est.

SECTIO PRIMA.

*Utrum Anima habeat potentias
vitales à sua natura
distinctas.*

Non potest in dubium reuocari, absolute loquendo, animam habere vim et facultatem vitaliter operandi. Sed tamen dubitatur, an immediate per suam substantiam operetur, absque alijs potentijs medijs condistinctis, vel indigeat distinctis quibuldam potentijs, quibus proinde naturaliter prædita sit, ut valeat operari.

Sententia negans. Negant potèntias ab essentia animæ condistinctas, Nominales, Gregor. in 2. dist. 16. Gabr. ibidem, Ochum. in 2. quaest. 24. Martilius q. 16. et 22. Item Marcell. 3. de Anima. cap. 75., Buridan. q. 6. Hieronymus Prouenzalis lib. de Senlib. par. 1. cap. 2. et quidam alij, dicentes, diuersa potentiarum nomina denotare eandem simplicem essentiam animæ, quatenus diuersas operationes exercentem. Accedit ex parte Duran. in 1. dist. 3. q. 2., qui potentias quidem vegetatiuas ab essentia animæ non distinguit, sentitiuas verò et racionales vult esse distinctas. Et Suarez lib. 2. de Ani. cap. 9. specialiter potentiam nutritiuam non distinguit ab anima. Scotus verò in 2. d. 16. q. 1. et in 2. d. 12. q. 5. docuit, potentias ab essentia animæ distingui tantum formaliter: ubi aliqui intelligunt solum distinctionem rationis, aliqui distinctionem quandam mediam interrealem & rationis. Adhæret Bonauent. in 1. dist. 5. parte 2. q. 3.

Sententia affirmans. Ex aduerso, potentias realiter à substantia animæ condistinctas, constituit D. Thom. prima parte q. 77. art. 1. & alibi sæpè, & cum illo Tho-

mistæ communiter, Caiet. & Recentiores eodem loco, Capreol. in 1. dist. 3. q. 4. Sotus in 4. d. 9. q. 2. art. 5. Ferrar. 2. cont. Gent. cap. 65. Aeg. d. Quodl. 3. q. 10. Eruxus Quodl. 1. q. 9. Item Apollinaris 2. de Anima q. 7. Iandun. q. 2. Conimb. cap. 3. q. 4. Tolet. q. 9. Zab. lib. de Facult. animæ cap. 4. Fonseca 5. Metaph. cap. 5. q. 1. lect. 5. Suarez lib. 2. de Anima cap. 1., excipiens tamen potentiam nutritiuam, sed disp. 18. Metaph. lect. 3. de omnibus potentijs sine exceptione, & alij magis communiter, tam Theologi, quam Philosophi. Capreolus verò & Caietanus negant, posse potentias ab anima realiter separari. Sed affirmant Ferrar., Sotus, Fonseca, Suarez, Conimb., & alij: ita scilicet, ut non solum posset à Deo conseruari anima sine potentijs, sed etiam per se ipsæ potentia extra animam.

Cum hac sententia asserendum *Conclusio* est, potentias animæ verè & realiter *sic affirmas ex* ab eius substantia esse distinctas. *Probatur* primò auctoritate Arist. *Arist.* qui 2. de Anima tex. 22. aperte docuit *suade-* partes animæ esse ratione distinctas: id est potentias animæ esse *tur.*

officio & entitate distinctas: alud enim inquit est sentituum ab opinatiuo seu intellectuuo potèntia animæ: docuit tam n, non esse realiter separabiles, id est ex rei natura: & ideo dixit, ratione distinctas, ad differentiam rerum quæ inter se realiter separantur. Similiter anima tex. 3. easdem potentias supponit esse distinctas. Rursus lib. de Memor. & reminisc. cap. 10. memoriam vocauit passionem & habitum, id est qualitatem animæ: memoria autem est vna ex potentijs. Atque in vniuersum, dum in prædicamento qualitatis pro vna specie potentiam collocauit, sub illa complexus est potentias animæ, utique

que tanquam qualitates à substantia animæ distinctas .

Ex quibusdam auctoritatibus sacris.

Probat secundò auctoritatibus sacris . D. Dionys. cap. 11. Cælest. Ierarch. in Angelis distinguebat virtutem & operationem à substantia, ad differentiam simplicitatis diuine, cum in Deo hæc à parte rei non distinguantur : vnde idem sine dubio putauit de anima. August. item lib. 6. de Trin. cap. 6. per hoc explicauit, animam nostram deficere à simplicitate diuina : & lib. 13. cap. 17. cum dixisset, in essentia & tribus potentijs animæ nostræ inueniri imaginem Trinitatis, subdit differentiam, quia Personæ diuinæ non differunt à Diuina essentia, sed potentiæ nostræ differunt ab essentia animæ . Anselmus cap. 8. de Casu Diaboli, supponit, voluntatem non esse idem cum substantia animæ, idemque valere debet de alijs quoque potentijs . Rursus, Theologi communiter, contra Nominales, ratione & consideratione distinguunt in Deo, tam ab essentia, quam inter se, intellectum & voluntatem ; vnde dicitur Deus per voluntatem amare, & spirare, non per intellectum, & alia huiusmodi : quæ distinctio rationis in Deo, planè arguit & supponit distinctionem à parte rei in huiusmodi potentijs animæ. Consonat etiam hoc alijs veritatibus fidei, de distinctione habituum & virtutum supernaturalium, de repugnantia inter partem sensitivam & rationalem . Itaque vel id sufficere deberet ad hanc sententiam retinendam .

Non bene quibusdam rationibus comprobatur.

Tertiò, rationibus à D. Thoma loco citato probatur. Tum quia potentia & actus diuidunt ens & quodlibet genus entis : vnde oportet, ad idem genus referre actum & potentiam : quare, cum actus animæ sint accidentia, oportet potentias quoque esse accidentia, & non esse realiter ipsam substantiam animæ : sicut

è contra, quia operatio immanens Dei est idem cum eius substantia, virtus quoque operatiua est idem cum essentia Dei . Tum etiam, anima secundum essentiam suam definitur esse actus : ergo, si secundum eandem essentiam suam est immediatum principium operandi, deberet semper actualiter operari, sicut semper est actus viuificans corpus. Tum præterea idem probat 1. par. q. 54. art. 3., quia potentia dicitur ad actum : ergo potentie sunt inter se diuersæ iuxta diuersitatem actuum : in rebus autem creatis, essentia per modum potentie respicit existentiam per modum actus : ad alios ergo actus dari debent potentie operatiue, ab essentia distinctæ . Tum etiam arguit pro eadem conclusione Duran. q. citata num. 38., essentia animæ de se est indifferens ad tot varios actus : ergo debet determinari per aliquid superadditum : igitur addendæ sunt potentie diuersæ, determinantes animam ad varios actus .

Verum, hæ rationes non persuadent . Non prima, quia diuisio illa entis per potentiam & actum, non intelligitur de potentia reali, distincta ab actu, respiciente actum : sed vt notauit Scotus in 2. d. 16. q. 1., & Duran. in 1. dist. 3. q. 2. num. 35., actus & potentia ibi intelliguntur de eodem ente, quod prius est in potentia, postea est in actu : & sic diuiditur ens, vel in potentia, vel in actu . Et in hoc sensu, eiusdem generis est quodcumque ens, siue in potentia, siue in actu : hinc non sequitur, potentiam operatiuam ordinatam ad exercendum aliquem actum, esse debere eiusdem generis cum eodem actu . Vnde potentia absolute ponitur in genere quatuor ita, etiam si respiciat actus aliorum prædicamentorum . Non secunda : quia anima ex natura sua est actus

quidem essendi et informandi, sed non est actus operandi: bene ergo posset ex hac parte esse potentia ad operandum. Ex quo non sequitur, ut semper actu operetur, sed ut semper habeat potentiam operandi. Et sic etiam viuens semper actu vivit per animam, sed non oportet, ut semper actu vitaliter operetur: sicut habens calorem, semper est calidum, sed non oportet ut semper calefaciat. Non tertia: quinimò si intelligatur essentia quasi distincta ab existentia, assumptum est falsum, ut suo loco ostendimus; unde non sequitur, essentiam animæ non posse respicere alios actus. Si autem intelligatur, quod ipsa essentia actualis animæ non possit se sola immediate elicere actus diuersos, id erat probandum. Non demum quarta, quia non probat, id quod est indifferens debere determinari per aliquid superadditum, & non per se, posse se determinare. Sed etiam si id admittatur, diceretur anima determinari ad vnum vel alium actum, per alia accidentia, & per concursum aliarum causarum: ut determinari ad videndum per oculos obiectum coloratum, & sic de alijs actibus.

*Alia
sufficiēti
ratione
suade-
tur.*

Quartò ergo, sufficienti ratione suadetur assertio, ex dictis antea de accidentibus in communi q. 21. sect. 6. & 8. nempe illa accidentia quæ variabilia sunt, non recipi immediate in substantia, non effici immediate à substantia; sed potius recipi & effici medijs alijs accidentibus fixis & inuariabilibus, quæ habent statum veluti medium inter substantiam & accidentia variabilia: Sed actus animæ sunt admodum variabiles, ut manifestum est: igitur non recipiuntur & eliciuntur immediate per suam substantiam ab anima, sed potius medijs alijs distinctis quibusdam potentijs, quæ sint qualita-

tes inuariabiles eiusdem animæ. Ad di potest ex Caietano, Operari huiusmodi effectus immediate per suam substantiam, esset perfectio transcendens conditionem substantiæ creatæ: quia, inquit, agere immediate principaliter, est summus gradus agendi: agere immediate instrumentaliter, est infimus gradus agendi; agere verò principaliter & mediate, scilicet per aliquod instrumentum, est medius gradus agendi. Primus ille gradus per se conuenit Deo, vltimus conuenit accidentibus, medius autem conuenit substantijs creatis: & sic substantia animæ indigebit potentijs medijs, tanquam instrumentis, ad eliciendos suos actus.

Quintò confirmatur assertio exemplo & inductione causarum creatarum. In alijs rebus naturalibus formæ operantur medijs qualitatibus, ut patet in elementis & mixtis: unde Arist. lib. de Sensu & sentib. dixit, ignem non agere quatenus ignem, sed quatenus calidum: & ad motum quoque localem, siue naturalem, siue violentum, datur virtus motiua. Item in ipsis viuētibz, opera animæ vegetatiuæ plurimùm fiunt mediante calore: at quia calor solus non sufficit pro virtute vitali animæ, adiungi debent alæ vitales potentie. Opera animæ sensitiuæ fiunt medijs organis corporeis: & sic fatendum erit, fieri medijs potentijs sensitiuis. Ac demum, ad actus quoque proprios animæ rationalis concedi debebunt suæ potentie distinctæ, intellectus & voluntas. Et iuxta hoc, in alijs quoque causis naturalibus ad varios quosdam effectus cogitantur virtutes, quæ dicuntur occultæ, eo quod non sint per se sensibiles, ut in magnete ad trahendum ferrum, & sic in alijs rebus: ac pariter in causis celestibus sunt huiusmodi virtutes ad suas ope-

*Indu-
ctione
confir-
matur.*

rationes. Ac de omnibus putandum est, esse qualitates à substantia distinctas.

Sextò specialiter, potentia organica vitales, quæ scilicet affixæ sunt certis organis corporeis, quales sunt utique sensus, tam interni, quàm externi, subiectivè insunt potius corpori in partibus determinatis, quàm animæ, ac etiam in homine sunt materiales & corporeæ: igitur planè non sunt idem cum substantia animæ, sed verè ab illa distinguuntur. Nec rectè Hurtadus ait, tales potentias non esse præcisè substantiam animæ, sed esse animæ simul & corporis. Nam, ex parte corporis non adest alia substantia quàm materiæ, quæ nequaquam est operatiua, & multò minus potest valere ad eliciendos actus vitales sensitivos, qui quodammodo transeunt conditionem materiæ: igitur distinguendæ sunt potentia accidentales, quæ in suis organis corporeis actus vitales eliciunt. Et hinc consequenter distinguendæ etiam erunt potentia vitales spirituales, quæ affixæ non sunt organis corporeis.

Distinctio potentiarum ab anima est realis.

Septimo putandum est, omnes has potentias distingui verè realiter à sua substantia. Non enim reperitur distinctio illa formalis Scoti à parte rei. Neque hic sufficet distinctio modalis inter modum & rem: non enim potentia censeri debent tanquam modi animæ, sed tanquam veræ res, non minus quàm qualitates notæ elementares. Imò de facto in Sacramento Eucharistiæ, inter alia accidentia remanent virtutes & facultates operatiuæ naturales illarum substantiarum quæ ablatae sunt, ut ibi q. 21. notauimus: quod est signum euidentis distinctionis realis: igitur sic etiam in anima debent eius potentia verè realiter ab eius substantia esse distinctæ: &

de facto etiam potentia organica non insunt per se ipsi animæ, sed corpori, ut dicebamus.

Et iuxta hoc fatendum in primis erit, posse fieri, ut remaneat anima cum sua substantia sine potentijs. Ad hoc enim sufficeret quælibet distinctio à parte rei, vel sola inquam modalis. Neque occurrit vlla ratio id excusandi: cum cogitari non possit, aut necessarius ordo inter essentiam & potentias animæ, sicut inter illa correlatiua quæ necessariò debent esse simul: aut alia dependentia animæ à suis potentijs; aut alia necessaria connexio ex parte animæ. In ò de facto D. Aug. lib. 11. de Trinit. cap. 2. h. ne probat, distinguere visum ab anima, quia in cæco amittitur visus remanente anima. Itaque de quibusdam potentijs naturaliter contingere potest, ut anima sine illis remaneat; de reliquis autem saltem per Dei virtutem id fieri potest. Anima autem carens potentia, non posset pro eo statu exercere operationem talis potentia.

Potest anima sine potentijs conservari.

Ex alia parte defendi potest, potentias non esse separabiles ab anima, ita ut extra illam permaneant. Difficile enim apparet, potentiam, v. g. visuam, imaginatiuam, intellectiuam, & similes, per se existere separatas ab anima: quia sic possent ulterius in subiecto aliquo alieno collocari, & extra animam possent adhuc actus vitales elicere: quæ admittenda non sunt. Defendi ergo potest, esse adhuc inseparabiles, stante distinctione reali. Ex duplici enim capite cogitari potest, ut aliqua forma separari non possit à re cui coniungitur: Vel propter intimam dependentiam in genere causæ subiectiuæ, dum forma inhaeret subiecto: & huius generis sunt modi, qui propterea non dicuntur distinguere realiter tanquam res à re,

Sed non potentia extra animam.

sed solum modaliter à suo subiecto. Vel propter intimam dependentiam alicuius effectus in genere causæ effectiuæ à sua causa, sit, ut absque tali dependentia esse non possit, & à tali causa nequeat separari: quo pacto res omnes creatæ esse non possunt absque causa prima, & tamen verè realiter ab illa distinguuntur. Sic ergo dici possunt potentie vitales ita intimè ab essentia animæ dependere, non solum in fieri, sed etiam in conseruari, & immediatè per ipsam suam essentiam, ut dicemus sect. sequenti, quod propterea ab anima nequeant separari, etiam si nō habeant pro subiecto suo animam, sed corpus. Idquē esse specialiter de ratione potentialium vitalium, quamuis non sit pariter de ratione aliarum potentialium naturalium: sicut etiam specialiter de actu vitalium rationē dicemus: quia nimirum ratio vitæ secum fert hanc tam intimam dependentiam & connexionem.

*Quadā auctori-
rates
Arist.
explicā-
tur.* Contra distinctionem potentialium ab anima Obijcies 1. Arist. 1. de Anima 65. intellectum vocat substantiam, & lib. 2. tex. 21. intellectum & speculatiuam potentiam ait esse genus animæ. Rursus 1. de Anima 64. ait, hominem operari animam, & lib. 2. tex. 49. & 50. animam esse causam operatricem nutritionis & concoctionis: non videtur ergo agnouisse alias potentias ab essentia animæ distinctas.

Respondetur: Arist. nomine intellectus & intellectiuæ potētiæ planè intellexisse animam ipsam intellectiuam: non quod potentiam confundat cum essentia animæ, sed quia eo nomine appellat ipsam animam: Et loquebatur contra illos Veteres, qui animam faciebant accidentalem quandam dispositionem. Et conuerito interdum animam appellat nomine potentie, ut 2. de Anima

tex. 10. Rectè etiam dixit, hominem operari animam, & animam esse operationum principium: quia per essentiam suam est causa operis principalis, & per potentias est causa proxima.

Obijcies secundò. D. August. in *Quadā auctori-
rates
Patrum
explicā-
tur.* sermone de Imagine, & lib. 10. de Trin. c. 11., & lib. de Spiritu & litt. cap. 4. & 13., docet, animam esse suas potentias, potentias esse substantiam animæ: & præsertim eandem ipsam sortitam esse diuersa nomina ex varijs suis actibus, dicique animam dum vegetat, spiritum dum contemplatur, sensum dum sentit, animum dum sapit, mentem dum intelligit, rationem dum discit, memoriam dum recordatur. Sic etiam loquutus est Ilidorus lib. 11. Ethimolog. & Bernard. serm. 11. in Cantica.

Respondetur. Hos Patres esse ita loquutos, non propter identitatem, sed ob intimam cōiunctionem & habitudinem potentialium ad essentiam animæ: quia scilicet, nec anima est absque potentijs, nec potentie absque anima: & sæpè ipsarum potentialium vocabulis animam appellamus, ut dicendo sensus videt, ratio discit, & similia, idest anima per potentiam sensitiuam, per potentiam rationalem; & ita anima ipsa participat tot varia nomina suarum potentialium. Alio qui idem August. satis perspicuè potentias ab anima distinguebat, non solum alijs in locis, sed eodem illo cap. 13. de Spiritu & litt. dicens, esse quidem diuersas illas proprietates animæ, sed essentiam esse vnā.

Obijcies tertio. Anima ex essentia sua est vitaliter operatiua: viuens enim est quod potest seipsum mouere, hoc est, in se vitaliter operari: anima autem est essentialis forma vite. Igitur anima non potest constitui operatiua per potentias à

se distinctas non indigebit huiusmodi potentijs ad operandum. Rursus, species & differentias essentialis viventium per ipsas potentias nominamus, nempe esse vegetativum, sensitivum, intellectivum: ergo tota essentia animæ consistit in ipsis potentijs.

Respondetur. Animam per essentiam suam esse operativam, tanquam principium radicale exigivum: & ita reuera operatur, non per essentiam suam proximè, sed remotè & principaliter, quatenus scilicet medijs potentijs vitales functiones exercet: constituitur ergo proximè operativa per potentias, & indiget ijs potentijs. Species autem & differentias viventium, per potentias nominamus, quia hæc sunt nobis notiores. Vel, ut respondet D. Thom. 1. par. q. 72. art. 1. ad 7. illa nomina non sumuntur proximè à potentijs, sed potius ab ipsa substantia animæ, vegetativæ, sensitivæ, intellectivæ.

Alia obiectio nes solvuntur. Obijcies quartò. Formæ accidentales per se immediatè suas operationes exercent, v.g. calor calefacit, & sic de alijs: ergo multò magis anima, quæ est forma substantialis & longè perfectior, immediatè per se vitales operationes exercet.

Respondetur. Negatur consequentia, cum D. Thom. art. cit. ad 3. quia potius forma accidentalis activa debet comparari cum ipsa potentia: & ita vtraque immediatè exercet operationem, sed subditur formæ substantiali.

Obijcies quintò. Ipsa anima vti que per se immediatè efficit suas potentias: ergo pariter sine his potentijs dici debetur elicere immediatè actus.

Respondetur. Manifestam esse disparitatem ex dictis, quia potentia sunt accidentia invariabilia animæ, actus verò sunt variabiles: ideo-

quæ inter substantiam animæ & tales actus debent mediare potentia; non verò alia; rursus potentia ante ipsas potentias.

Obijcies sexto Fundamentum. Durandus contra potentias vegetativas. Actus vegetativi terminantur ad producendam formam substantialem, quod Durandus applicat, non solum nutritioni & generationi, sed etiam augmentationi. At immediatum principium productivum formæ substantialis, non potest esse nisi alia forma, excluso omni accidenti: quia calor v.g., neque virtute propria potest generare ignem, neque virtute alterius ignis, cum nec moveatur ab igne ad operandum, nec recipiat ab illo impressionem. Hoc quoque argumento utitur Suarez contra distinctionem potentia; nutritivæ.

Respondetur. Imò forma substantialis non nisi medijs accidentibus producit substantialem effectum: accidentia verò agunt in virtute substantia; non quati debeant recipere alium motum vel impressionem, sed quia per se sunt virtus substantia;: ut iam suo loco de generatione in communi ostendimus: & nunc est perspicuum, quia potentia quælibet animæ per se est virtus animæ, non indigens alia motione vel impressione.

SECTIO SECUNDA.

An & quo pacto potentia vitales effectivè promanent ab Anima.

PLura circa hanc rem distinctè videnda sunt. Et primò, an potentia; verè emanent ab anima tanquam sua causa principali. Volunt enim quidam, potentias tribui animæ ab eodem agente, à quo vel genera-

neratur, vel creatur ipsa anima: & ita productionem potentiarum adscribunt generanti, hoc nomine intelligendo principium agens à quo producit ipsa anima. Et sic defendunt Tolet. 2. de Anima q. 9. Conimb. cap. 3. q. 3. art. 2. Suar. disp. 18. Metaph. sect. 7. num. 10. & lib. 2. de Anima cap. 3., & alij. Idquæ aliqui fundant in eo quod substantia creata non possit esse immediate operatiua, sed solum medijs accidentibus: vnde prima eius accidentia, non poterunt ab illa manare, sed effici debebunt ab alia causa extrinseca, nempe ab illa met à qua efficitur ipsa anima. Rursus, aliqui explicant, potentias prodire ab anima, tanquam instrumento generantis, & sic idem generans saltem esse causam principalem si non sit immediata causa.

Potētia verè promanant ab anima. Statuendum tamen est, potentias realiter & principaliter ab ipsa anima effectiue manare. Ita statuit D. Thomas 1. par. q. 77. art. 6., & alij communiter confirmant. Neque reuera contradicunt ij qui volūt potentias tribui à generante, quia loquuti potiùs sunt appropriatione quadam, vt infra explicabimus. Ratione probat hanc assertionem D. Thomas: quia subiectum formæ accidentalis supponitur esse in actu: vnde debet dare esse actuale ipsi formæ: cum ergo subiectum potentiarum sit anima, vel compositum per animam, ipsa anima erit principium effectiuum suarum potentiarum. Sed hæc ratio nimis infirma videtur: quia alioqui probaret, semper omne subiectum esse simul principium effectiuum accidentium, quod tamen non est vniuersaliter verum: nec sufficit, subiectum supponi esse in actu, ad hoc vt debeat esse principium effectiuum suorum accidentium. Attamen ratio Diui Thomæ saltem probat, posse animam per ef-

fectiuum suam esse principium effectiuum suarum potentiarum, non obstante quod simul sit earum subiectum: quia nempe subiectum formæ accidentalis supponitur esse in actu, & sic benè potest esse principium effectiuum: ad differentiam materiæ quæ est subiectum formæ substantialis, & non supponitur esse ita in actu vt possit efficere suam formam. Et hoc intendebat ibi D. Thomas.

At, supposito iam quod benè fieri possit, vt eadem anima sit principium effectiuum suarum potentiarum, consequenter putandum erit, ita reuera esse: quia potentie sunt intrinsecè debitæ ipsi animæ, sunt passionēs & proprietates connaturales animæ, anima est principium radicale & exigitium potentiarum: ex ipsa ergo natura rei, potentie dici debent effectiue manare ab eadem essentia animæ. Accedit, quod hac ratione in vniuersum dicuntur passionēs fluere & manere ab essentia rei. Et quoad hæc prima sua accidentia benè potest substantia esse immediate per se operatiua, vt indicauimus sect. præcedenti, & iam in communi diximus q. 21. sect. 8. Vnde vltèrius, ablatis ab anima suis potentijs, possent ac deberent iterum tales potentie fluere ab essentia animæ, si nulum obster impedimentum. Quare ideo de facto, amissa semel aliqua potentia v. g. viliua in cæcis, non amplius recuperatur, quia læsum & impeditum est organum. Quod si organum ad debitam temperiem reducatur, statim ab essentia animæ denuo fluere potentia quæ deerat.

Dici etiam debet anima causa principalis, & non instrumentalis, suarum potentiarum: est enim per se causa proportionata, cui connaturalis ac debitus est talis effectus. Nec dici debet se habere vt instrumentum generantis. Sed ad summū

Anima est potētiarum causa principalis.

appropriatione quadam dicetur recipere potentias à generante, quia nempe ab illo accipit suam substantiam & existentiam, ex qua consequenter promanant tales potentie sibi debite: quo sensu dicitur, illud quod dat formam, dare consequentia ad formam. Quod quidem specialiter dicitur de illis quæ naturali necessitate statim consequuntur ad formam, & pertinent ad connaturalem statum ipsius formæ, ita ut sine illis violenter & in statu sibi indebito manerent. Non enim id dicitur vniuersaliter de omnibus effectibus qui postea proueniunt à tali causa, sed solum de illis perfectionibus quæ dicto modo spectant ad complementum restantque constitutionem rei in se.

Omnes potentie immediate precedunt ab anima, sed aliter cum ordine.

Secundò videndum est, num omnes potentie immediate & proximè emanent ab eadem essentia animæ, vel vna potentia mediante alia. D. Thom. enim 1. par. q. 77. art. 7. & in 1. d. 3. q. 4. art. 3. docet, potentias imperfectiores emanare ab anima medianibus perfectioribus in genere causæ finalis & actiue, videlicet potentias sensitivas medianibus potentijs rationalibus in homine, & sic inter alias potentias. Probat, quia inter ea quæ ordinatè procedunt ab vno communi principio, vnus effectus est proximus primo principio, ac deinde mediante propinquiori effectui debet procedere remotior effectus: potentie autem animæ sunt inter se ordinatæ, & potentia perfectior semper est propinquior primo principio: sic igitur potentie interiores manant ab anima medijs superioribus. Idem sequitur ibi Caiet., & alij Thomistæ.

Dicendum tamen est, omnes potentias directè & immediatè prodire ab ipsa eadem substantia animæ: tamen quasdam potentias procedere

cum tali ordine, ut prius natura, vna quàm alia intelligatur manare ab anima, illa nempe quæ deseruit ad aliam. Probatur prima pars: quia omnes potentie sunt passionis & proprietates ipsius animæ, sunt virtutes & facultates animæ, per omnes potentias ipsa anima habet operari: omnes ergo directè & immediatè procedere debent ab eadem essentia animæ. Et præsertim, credi non potest, potentias sensitivas fluere directè ab intellectu aut voluntate; potentias vegetatiuas fluere à sensitivis. Imò vterq; D. Tho. ait, potentias inferiores in genere causæ materialis præire ad superiores, atque superiores in hoc genere causari ab inferioribus. Vnde eò magis repugnat, superiores in genere causæ effectiue esse villo modo principium inferiorum.

Probatur deinde & explicatur secunda pars: quia ordine communitatis & causalitatis, potentie vegetatiue deseruiunt ad sensitivas & sensitivæ ad rationales: & inter potentias quoque eiusdem gradus, vna deseruit ad aliam, ut potentia nutritiua ad alias vegetatiuas, sensus externi ad internos, intellectus ad voluntatem. Hac ergo ratione, prius ordine naturæ, intelligentur manare ab anima illæ potentie, quæ sunt in operando priores, & ad alias deseruiunt. Vnde valebit dicere, prius anima habet potentiam intellectiuam quàm volitivam, & sic de alijs. Itaque in hac re, non seruiabitur ordo perfectionis, sed operationis: imò saltem ut plurimum potentie priores, sunt perfectione inferiores, ut patet in gradibus assignatis. Benè tamen ordine intentionis in genere causæ finalis, priores sunt potentie perfectiores, quæ sunt velut in executione posteriores. Et iuxta hoc dicendum est ad rationem Diui Thomæ, potentias animæ non esse nisi hoc

hoc modo ordinatas, & hoc ordine procedere omnes ab eadem essentia animæ.

Potentia dependens. Tertiò videndum est, an potentia tantum ab initio fluant ab anima, vel etiam deinceps in conseruatione ab illa dependeant. Et dicendum in fieri est, semper actuali influxu ab illa & in cō. pendere in eodem genere causæ effectiue. Nam certè potentia animæ nec remanent nec remanere possunt absque anima: & pereunte anima vel recedente à corpore, sicut nulla amplius vitalis operatio remanet, ita nulla vitalis potentia. Sed id non contingit ob dependentiam in genere causæ materialis, quia non omnes potentia habent pro suo subiecto animam, sed potius plurimæ potentia subiectantur in corpore: igitur vniuersaliter contingit ob dependentiam in genere causæ effectiue, quia scilicet potentia semper actu conseruantur ab anima in hoc genere causæ.

Formaliter per suam essentiam dependens. Quartò videndum est, per quem nam influxum seu actionem, potentia procedant ab anima. S. Thomas ead. q. 77. primæ partis art. 6. ad 3. ait, hanc emanationem, non esse per aliquam transmutationem, sed per naturalem resultationem. Iuxta hoc, Cajet. ibi & clariùs q. 84. art. 3., alijque Thomistæ, docent, potentias non fieri per vllam actionem sed per se resultare, aut fieri ex vi eiusdem actionis qua fit ipsa anima secundum suam substantiam.

Attamen, absolutè loquendo, dicendum est, potentias emanare ab anima per actionem propriam vniuique potentia, prorsus distinctam ab actione qua fit substantia animæ: sed non oportere talem actionem esse distinctam ab ipsa potentia, imò sufficere posse dependentiam essentialem vniuscuiusque potentia ab anima. Hæc assertio est contor-

mis ad doctrinam antea traditam q. 14. sect. 4. pro causalitate agentis & q. 26. sect. 3. pro genere actionis. Et suadetur ac explicatur: quia nomen actionis est commune ad omnem influxum causæ agentis; vbi enim dicitur agens, pariter dici debet actio, & actio est actus agentis. Itaque, etiam naturalis resultantia & emanatio dici debet actio. Vnde S. Thomas non apposit actionem sed transmutationem pro alteratione inter contraria, vel cum præuia dispositione subiecti, vel fortasse, magis amplè accepit pro actione media distincta inter causam & effectum. Debet autem dari actio propria pro omni effectui qui fit: omnis enim actio est determinata ad certum effectum. Et præsertim non potest illa ipsa actio, per quam fit anima, dici actio per quam formaliter fiunt potentia: non solum quia potentia distinguuntur ab anima: sed quia eadem anima est principium effectuum potentiarum, atque adeo actionis per quam fiunt potentia: & præterea potuisset ab initio fieri anima eadē sua actione, & tunc impediri à Deo potentiarum emanatio, & hæc postea exerceri tempore sequenti.

At verò non oportet semper, effectum produci per actionem à se distinctam: quinimò, quando effectus ita se habet, vt prorsus esse non possit absque actuali dependentia à sua causa, tunc nulla est ratio distinguendi actionem, sed effectus per eandem suam essentiam dicitur dependere à causa, & hæc essentialis dependentia dicitur actio. Vnde hæc non erit quidem actio prædicamentalis de genere actionis, quia in illo ponitur solum actio accidentalis effectui: sed erit eiusdem generis & speciei cum effectui. Ita ergo dici possunt potentia vitales manare & resultare ab anima, nempe per essentialiter.

sentialem suam dependentiam, abfque media actione distincta, ita ut nec per Dei potentiâ possent separari & per se cōservari. Idquē esse de speciali ratione potentiarum vitaliū, ut attingebamus sect. superiori.

Emanatio potentiarum ab anima an sit vitalis.

Quintò demum queri potest, an emanatio potentiarum ab anima sit operatio vitalis. Ex vna parte enim videtur esse, quia potentiae sunt vitales, anima est forma vitalis, & hæc emanatio est propria vitæ. Ex alia parte videtur non esse: quia emanatio passionū ab essentia est communis omnibus rebus, & est acquisitio, perfectionum debitum, ab initio ad statum connaturalem rei, sine quibus res violenter se haberet.

Iuxta hæc dici poterit, hanc emanationem esse vitalem velut in actu signato, at in rigore & in actu exercito non esse vitalem. Id est, hæc est emanatio quidem in genere vitæ, quatenus potentiae sunt vitales, & forma est vitalis, & totum ordinatur ad vitam. Tamen, non in ipso actu emanationis potentiarum, anima exerceat actum vitalem: quia tunc propriè exercetur actus vitalis, quando causa operatur immanentem ultra statum & perfectiones sibi naturaliter debitas, ut suo loco explicauimus. Itaque, in emanatione potentiarum non dicitur anima tunc actu operari vitaliter, sed tunc se reddere potentem ad operandum deinceps vitaliter.

SECTIO TERTIA.

Per quæ potentiae vitales subiectum recipiantur in Anima vel in corpore.

Sanctus Thomas 1. par. q. 77. art. 6. & 8., corpus & animam simul, nempe totum compositum, fa-

cit subiectum potentiarum vitalium: idquē defendunt Thomistæ communiter, & Toletus 2. de Anim. q. 9. concl. 2. At Gregorius in 2. dist. 17. q. 3., omnium potentiarum subiectum facit solam animam. Alij magis communiter affirmant, potentias organicas subiectari in solo corpore: & ita defendunt Conimb. 2. de Anim. cap. 1. q. 9. art. 2. Zabara lib. de facultatibus animæ cap. 4. Suarez lib. 2. de Anim. cap. 2. & alij frequenter.

Cum hac sententia dicendum est, potentias quidem spirituales animæ rationalis inhære ipsi animæ, potentias autem organicas et corporeas inhære potius corpori. Pro hac conclusione, supponimus, nullam potentiam inhære simul utrique parti totique composito, ut iam de omnibus accidentibus probauimus q. 21. sect. 7. Et præsertim in homine, potentiae quæ sunt spirituales, non poterunt subiectari in corpore, potentiae corporeæ non poterunt in anima. Deinde manifestum satis est, potentias spirituales animæ rationalis determinatè subiectari in ipsa anima: unde et permanent in anima separata: et tales sunt intellectus et voluntas.

Potentias verò organicas et corporeas, de quibus potest esse difficultas, probatur subiectari in corpore, primò ex regula generali, quia accidentia compositi substantialis habent pro suo subiecto materiam, ut ostendimus q. illa 21. sect. 7. Idquē intelligi debet de omnibus accidentibus quorum materia est capax: sicut ergo aliae qualitates, quamuis sint operantur, seque habeant tanquam virtutes suarum formarum, tamen subiectantur in materia: ita etiam potentiae vitales.

Secundò. Potentiae sensitiuæ & vegetatiuæ in brutis, & plantis, sunt utique essentialiter corporeæ: ergo

Potentia organica subiectantur in corpore.

tales quoque sunt in homine. Nam potentia visiva v. g., nutritiva, & reliquæ, non possunt concipi nisi essentialiter corporeæ, & affixæ corpori. Et actus harum potentiarum, tam in homine, quàm in alijs viventibus, sunt planè corporei: recipiuntur autem in suis potentijs, præsertim inquam actus sensitivi: ergo omnino ipsæ potentia sunt corporeæ. Igitur, non subiectivè insunt animæ rationali quæ est spiritualis, sed soli corpori.

Tertiò. Si potentia sensitiva inesset ipsi animæ rationali, remaneret in anima separata: quod falsum esse testatur S. Thom. q. vnica de Anim. art. 15., & 1. par. q. 77. art. 8. ubi explicat, has potentias non remanere actu in anima, sed tantùm velut in principio seu radice. Et patet, quia potentia visiva esse non potest sine oculo, & anima separata certè videre aliasuè sèsum functiones exercere non potest. Tales igitur potentia non inhaerent animæ rationali, sed corpori. Vnde rursus sequitur, etiam in alijs viventibus non inhaerere animæ sed corpori.

Et sic Quartò. Actus vitalis corporeus, v. g. actus visionis, non elicitur à sola anima, quasi per se operante, sicut actus spiritualis intellectus: sed elicitur per organum corporeum, videmus per oculos, audimus per aures: igitur potentia elictriva tali actu, non residet in sola anima, sed potius in corpore. Probatur adhuc magis assumptum. Tum quia eius oppositum tanquam valde absurdum tribuitur Platoni à D. Thom. 1. par. q. 77. art. 5. ad 3. iuxta quod Plato significabat, animas etià brutorum esse immortales, tanquam habentes operationes suas per se independentes à corpore. Tum quia, ut arguit idem D. Thomas q. vnica de Anima art. 19., si anima sensitiva haberet per se operationem, seque-

retur quòd haberet per se substantiam, & sic non corrumpetur, sed permaneret separata extra corpus, & sic brutorum etià animæ essent immortales. Tum etiam Arist. lib. 2. de Gener. animal. cap. 3. ait: *Quorum principiorum actio est corporalis, hæc sine corpore esse non posse certum est, v. g. ambulare sine pedibus.* Et hinc infert, alias animas præter rationalem, educi de potentia materiæ, essequè inseparabiles: solam verò animam rationalem extrinsecus aduenire, eo quòd eius actio nō est corporalis. Omnes igitur operationes animasticæ, præter operationes proprias animæ rationalis exercentur per corpus. Tum etiam idem demonstrat communis loquendi modus: dicimus enim, animam intelligere, animam velle: non tamen animam videre audire: sed oculos videre, aures audire: quia nimirum operationes sensitivæ nō exercentur per se ab anima, sed per organa corporea. Tum demum, idcirco læso organo, v. g. oculo, animal nō potest amplius videre, amittitque visivam potentiam: non sic autem patitur intellectus ut notavit Arist. 1. de Anima 65. Hinc verò planè infertur, huiusmodi potentias formaliter inesse organis corporis. Non enim aliter tales operationes fiunt per organa corporea, nisi quia ipsis organis inest operativa potentia. Et utique in quolibet instrumento debet reperiri virtus idonea ad suum opus, & sic in instrumento sensitivo virtus sensitiva: Quo etiam sensu D. August. 11. de Trinit. cap. 2. dixit, *Anima mixta corpori sensit per instrumentum corporeum:* quia videlicet anima communicat organo corporeo potentiam sentiendi.

Quintò demum. Potentiæ linguæ debent reperiri in ea solùm parte in qua earum operatio exercetur, nempe in solis organis sibi propor-

tionatis: potentia visiva est solum in oculo, non est simul in pede, non est diffusa per totum animal: & hoc indicavit Arist. 2. de Anima 22. dicens, potentiam sensitivam esse in sensorio, hoc est in organo cor, oculo. Sed anima æque est in toto corpore & omnibus eius partibus, vel per suas partes extensa, vel indivisibiliter tota in qualibet parte: unde, si omnis potentia per se inesset ipsi animæ, deberet esse per totum diffusa simul cum anima, & præsertim in anima indivisibili. Putandum ergo est, potentias organicas potius in corpore & in varijs organis corporis discretè subiectari. Sed Zabarella lib. de Partitione animæ cap. 13. & sequentibus, explicat, omnes potentias esse per totum corpus originaliter, sed non esse nisi in certis partibus subiectivè. At, præter modum esseendi subiectivè, non alius potest cogitari modus esseendi originaliter, nisi quia ipsa anima quæ est potentiarum origo, est in toto corpore: ita tamen quod non in toto corpore, sed solum in certis partibus & organis, iuxta proportionatas ac debitas dispositiones, proferat singulas potentias organicas. Si demum aliqua vitalis operatio in toto corpore exercetur, ut nutritio, & augmentatio; verè potentia quoque erit in toto corpore, quia videlicet totum corpus erit instrumentum pro tali operatione.

Potentia non subiectatur in toto composito. In contrarium Obijciunt primò Thomistæ, ad probandum, potentias subiectari immediatè in toto composito. Arist. lib. de Somno & vigilia cap. 1. sic inquit: *Non anima proprium est sentire, neque corporis: cuius enim est potentia, huius est & actus: qui verò dicitur sensus ut actio, motus quidam per corpus anima est.* Vbi voluisse videtur, operationes & potentias sensitivas esse simul in toto composito, quod ex cor-

pore & anima constat. Rursus 1. de Anima 12., 14., 64., & 66., docet, operationes vitales esse actus totius coniuncti: igitur, cum eiusdem sit potentia cuius est actus, potentia quoque erunt subiectivè totius coniuncti.

Respondetur. In primis totum compositum sine dubio est id quod denominatur, tam in genere causæ subiectivæ quàm effectivæ, quamvis activè operetur per formam, & subiectivè recipiat per materiam. Sic absolutè ignis dicitur calidus, dicitur calefacere: item homo dicitur intelligere & intellectivus, licet non intelligat nisi per animam. Etratio est, quia ipsum totum adæquatè denominatur per ea quæ sibi conveniunt ratione partium. Benè ergo Arist. in hoc sensu potuit affirmare, operationes & potentias sensitivas esse totius compositi, siue totius coniuncti. Deinde, in priori illo loco, Arist. docere voluit, nec animam sine corpore, nec sine anima corpus posse sentire: sic enim subdit, *Manifestum est, quod neque animæ passio propria, neque inanimatum corpus possibile est sentire.* Requiritur ergo omnino coniunctio utriusque: quod quidem verissimum est. Sed non inde sequitur, totum coniunctum per ambas partes subiectivè concurrere: satisquè est, quod una pars concurrat subiectivè, altera effectivè. Imò id indicavit Arist. dicens, sensum esse motum animæ per corpus. Item 1. de Anim. 64. cum dixisset, hominem operari per animam, manifestè declarat, id non oportere intelligi, quod motus sit in anima, sed quod sit ab anima: & subdit, quosdam motus esse in ipsis sensuum instrumentis, hoc est organis corporeis. Sic ergo potentia & operationes in vivente, sunt totius coniuncti, animæ scilicet activè, corporis passivè.

Non in anima. Obijcies secundo ad probandum potentias inesse potius animæ quam corpori. Eius est potentia, cuius est actus: sed actus sunt animæ, eliciuntur enim ab anima: ergo potentia debet esse in ipsa anima. Et alioqui non denominaretur anima potens operari, si non haberet potentiam operandi: non posset dici operari immanenter, tam in exercitio actuū, quam in emanatione potentiarum.

Respondetur. Non sequi potentias esse debere in anima, sed esse ipsius animæ: quod ultro concedimus, quia potentia operatiua, sunt virtutes & instrumenta animæ tanquam causæ principalis. Imò præterea, actus sunt quidem animæ elicitivè, sed simul sunt corporis seu organi corporis subiectivè: & sic eodem modo, potentia est animæ tanquam emanans ab illa, & simul est corporis tanquam in illo recepta. Qua ratione optimè anima per potentias denominatur operatiua, ac in exercitio actuū denominatur actualiter operans, quia verè potentia sunt virtutes animæ tanquam causæ principalis. Optime etiam dicitur operari immanenter: satis enim est, actus recipi in eodem immediato principio effectivo, nempe in eadem potentia. Et emanatio potentiarum ab anima, rectè dicitur immanens; non quasi potentia recipiantur in eadem essentia animæ à qua fluunt: sed quia emanant per intimam & essentialem coniunctionem, adeo ut esse non possint nisi in eodem subiecto in quo intrinsecè anima reperitur; propter quod non transeunt nec transire possunt in subiectum extraneum.

Sed cō. Obijcies tertio. Absurdum esset, veniēter potentiam passivam materiæ subiectari in forma, & non in ipsa materia; cum materia, & non forma, sit passiva: ergo pariter absurdum est, potentiam actuam formæ subiecta-

ri in materia; cum forma, non materia, sit activa.

Respondetur. Negatur consequentia. Materia enim non potest denominari pati & recipere, nisi in se ipsa habeat potentiam passivam: sed benè agens denominari potest operari per emanationem actuam, licet non in seipso recipiat operationem & potentiam. Absurdum autem esset, operatiuam formæ potentiam emanare actuè à materia, sicut potentiam passivam materiæ recipi in forma.

SECTIO QUARTA.

An et quo pacto potentia anima specificentur, ac distinguantur per actus.

EX dictis satis notum est, plures *Plures* ac distinctas, tam essentialiter, ac distinctas, quam realiter, esse potentias animæ; *Et sunt* vegetativas, sensitivas, rationales; *potentie* etiam si in una eademque anima *anima.* communicet. Patet item, distinctas esse potentias in vno eodemque genere: præsertim manifesta est distinctio inter potentias sensitivas; conspicui enim sunt tot sensus externi, organis ipsis discreti. Hinc rectè notavit D. Thom. 1. par. q. 77. art. 2., animam rationalem pluribus potentijs abundare quam aliæ inferiores substantiæ: quoniam exercet plurimas operationes, ad quas indiget idoneis potentijs: & est non solum intellectiva, sed sensitiva, quoque & vegetativa. Addit etiam, habere plures potentias, quam habeant aliæ superiores substantiæ, quia illæ paucioribus operationibus & potentijs indigent. Sed optimè concludit: *Est & alia ratio, quare anima humana abundat diversitate potentiarum, quia videlicet est in confinio spiritualium et corporalium crea.*

creaturarum, & ideo concurrunt in ipsa vires utrarumque creaturarum.

Potentia specificantur ac distinguuntur per actus.

Potentias anime distinguere & specificari per actus & obiecta, docet D. Thom. eadem questione art. 3. & alij communiter confirmant. Indicavit Arist. 2. de Anim. 33. ubi ait, actus & obiecta, rationis ordine, precedere potentias anime. Verum, hoc non est ita accipiendum, quasi potentia æque primò & immediatè distinguantur ac specificentur, tam per obiecta, quam per actus. Sed potius, quia potentia proxime & immediatè respiciunt actus, per se quidem distinguere ac specificari ex ipsis actibus: quia verò actus respiciunt obiecta, & sic actus distinguuntur & specificantur per obiecta; ideo potentia quoque dicuntur distinguere & specificari per obiecta. Nam potentia formaliter est virtus elicitiua actuum circa certum obiectum: itaque non aliter respicit vel attingit obiectum, nisi mediante actu. Et hoc indicavit ipse Arist. loco allegato. Ait enim, actus esse priores potentibus, obiecta verò actibus.

Benè autem potest potentia specificari per actus: quoniam ut notavit Arist. 9. met. 15., potentia est propter actus: *Finis, inquit, actus & huius gratia potentia sumitur: non enim ut visum habeant animalia vident, sed ut videant visum habent: similiter etiam edificatiam ut adificent, & speculatiam ut speculentur, non ut speculatiam habeant speculantur.* Itaque, licet actus sint posteriores potentibus in genere causa effectiua, ac etiam materialis; tamen quia potentia ordinantur ad actus, benè possunt ac debent specificari per illos.

Id est per ordinem ad actus

Rursus, non ita potentia distinguuntur & specificantur per actus, quasi per differentias intrinsecas

constituentes. Manifestum enim est, potentias in seipsis antecedenter constitutas supponi, ante quam eliciant actum, ac etiam si nunquam de facto elicerent. Et, cum actus sint potentiarum effectus, non utique possunt esse differentia intrinseca earum constitutiva. Solùm ergo intelliguntur potentia distinguere ac specificari per actus tanquam per terminum, ita quòd ordo potentia ad actus sit differentia intrinseca ipsius potentia, quia potentia essentialiter ordinatur ad actus.

Item, non intelligitur, quòd potentia ab actu accipiat eandem speciem ipsius actus. Quinimò verè differt specie & essentialiter potentia ab actu. Alia enim planè est essentia potentia intellectiua atque actus intellectiua, similiter potentia visiua atque actus visiua, & sic de singulis alijs potentijs, & actibus. Quo pacto, quando dicuntur etiam actus specificari per obiecta, non utique intelliguntur accipere eandem speciem & essentiam cum obiectis: quinimò possunt & solent totis generibus & prædicamentis differre. Actus enim intellectus & voluntatis versantur circa omnia, alia rerum genera & prædicamenta, cum ipsi semper intra suum genus sistant: versantur circa substantiam, cum sint accidentia quædam: versantur circa Deum, cum sint quædam creata entia. Solùm ergo intelligitur quòd potentia habet suam essentiam specificam in ordine ad actus quos respicit, diuersam tamen ab essentia specifica eorundem actuum. Et sic etiam potentia distinguuntur specificè per suos actus: quoniam potentia quæ respiciunt diuersos actus, distinguuntur inter se essentialiter. Videlicet differunt inter se tot potentia sentiuiua quæ habent diuersos actus, differt intellectus à voluntate iuxta differentiam

Differunt autem potentia ab actibus.

suorum actuum: & sic in vniuersum omnes potentie distinguuntur per suos actus.

*Eadem
potentia
comple-
ctitur
adhuc
varios
actus.*

Demum, non ita potentie distin-
guuntur & specificantur per actus,
quasi ad omnem specificam actuum
differentiam, totidem potentie dif-
ferentes specie distinguantur, ita
quod non cadant plures actuum
species sub vnam potentiam. Qui-
nimò manifestum potius est, vnam
simplicem potentiam sua virtute
complecti plures actus specie dif-
ferentes, imò & interdum contra-
rias. Sic idem intellectus apprehen-
dit, iudicat & discurrit; item affir-
mat & negat: eadem voluntas amat
& odit. Distinguuntur etiam actus
penes varietatem obiecti sub eadem
potentia. Et quidem licet ab eadem
anima plures differentes potentie
prodeunt, ita & ab eadem potentia
plures differentes actus. Itaque po-
tentie sic distinguuntur & specifi-
cantur per actus, quod distincte po-
tentie sunt ad certa quædam gene-
ra actuum, quamuis sub vno actuum
genere plures adhuc species distin-
guantur: Tunc inquam plures inter
se potentie distinguuntur, quando
potentie sunt ita determinatæ ad
certos actus, vt hæc potentia eliciat
tantum huius generis actus & non
alterius, & sic alia potentia sit quæ
eliciat actus alterius generis. Idquæ

docere voluit D. Thomas 1. par. q.
82. art. 5. vbi dixit, potentiam quæ
respicit obiectum secundum com-
munem rationem, non diuersificari
specie penes distinctas species illius
obiecti. Si autem potentia respec-
ret obiectum secundum certam spe-
cificam rationem, tunc fore distin-
ctam ab alia potentia respiciente
aliam speciem eiusdem generis: Sic
de facto vnam esse potentiam visi-
uam quia respicit coloratum in-
communi: sed si quædam potentia
visiva respiceret album, quædam ni-
grum, tunc has fore distinctas spe-
cie potentias. Hoc totum quod S.
Doctor dixit in ordine ad obie-
ctum, proximè verificatur in ordi-
ne ad actus, & mediantibus actibus
in ordine ad obiectum, quia poten-
tia proximè refertur ad actus. Hoc
autem pacto, tria in primis actuum
genera sunt, actus vegetatiui, senti-
tiui, & rationales: ad hos actus sine
dubio plures potentie distinguun-
tur. Intra hæc autem genera, rursus
aliæ differentie inueniuntur. Sed
quinam in vniuersum sint actus sub
singulis his generibus, & quæ quot-
quæ potentie pro ijs distingui de-
beant, specialibus postea tractatio-
nibus de ijs generibus animæ prose-
quemur: & specialiter etiam quæst.
sequenti pro specificandis ac distin-
guendis actibus per obiecta.



QVAESTIO QVADRAGESIMAOCTAVA.

De Actibus vitalibus
Animæ.

Actus vitales esse reuera distinctos ab anima, non potest in dubium reuocari: nam effectiue eliciuntur ab anima; & assidue variantur, passim de nouo exercentur, ac subinde desinunt, & alij semper & alij per totum vitæ cursum renouantur.

SECTIO PRIMA.

An hi Actus sint essentialiter vitales, & essentialiter ab Anima pendeant.

Actus vitales in vniuersum sunt ij qui exercentur à principio immanenter operante, constituto iam in suo statu naturali ac debito ex origine: iuxta quod antea incommuni distinximus. Substantias viuentes à non viuentibus, & inde operationes vitales à non vitalibus. Itaque omnes actus vitales in corporibus viuentibus realiter dependent & exercentur ab anima tanquàm forma vitæ immanenter operante. Et in hac dependèntia consistit propria ratio actuum vitalium, siue propria vitalitas actuum. Sed examinandum magis est, qualiter hæc vitalitas & dependèntia sit essentialis iplis actibus vitalibus: quod præsertim dispicietur inquirendo, num tales actus necessariò fieri debeât virtute interni principij, nempe animæ, vel possint fieri ab externo principio sine actione animæ.

Sciētia negans. Nominales, præsertim Ocham. in 1. quest. 2. & in 2. q. 19. Gabr. in 1. d. 1. q. 2. & in 2. d. 19. & alij cum ijs Theologi, item Suarez disp. 48. Metaph. sect. 2. num. 12. Co-

nimb. 1. de Generat. cap. 4. q. 10. art. 2. Hurtad. disp. 6. de Anima sect. 3. & 4. & alij quidam Philoso; hi, volunt, omnes & quoscumque actus vitales posse simpliciter fieri ab externo principio, saltem de potentia absoluta ab ipso Deo, abique villo concursu actiuo animæ: & posse sic fieri, vel in eadem ipsa anima merè passiuè se habente; vel in quouis alio subiecto, vt in lapide, in aere; vel per se existentes extra omne subiectum, licet de facto conseruantur accidentia in Sacramento. Iuxta hoc ergo sentiat, hos actus non esse essentialiter vitales, non essentialiter pendere ab anima. Aliqui tamen explicant, præsertim Hurtadus, talem exigere esse essentialiter vitales, quia scilicet ex natura sua exiunt fieri ab anima, fieri ab interno principio, licet possint aequaliter fieri à principio externo. Rursus aliqui limitāt, posse quidem à Deo fieri tales actus in ratione cuiusdam qualitatis, non verò in ratione operationis, v. g. visionis, intellectiōis, &c. Vnde fatentur, in ratione operationis esse essentialiter vitales ac dependētes ab anima.

Ex aduerso Thomistæ, præsertim Sententia Caiet. 1. par. q. 26. art. 3. Conrad. 1.2. q. 51. art. 4. Itē Vasq. 1.2. disp. 9. firmās, & alij plures, affirmant, actus animæ ita esse essentialiter vitales, ab illa

pendentes, ut à nulla alia causa externa citra actionem animæ fieri queant, neque scilicet de potentia absoluta Dei. Et aliqui loquuntur vniuersaliter de omnibus actibus vitalibus, aliqui specialiter, de actibus cognoscitiuis & appetitiuis, præsertim de actibus intellectus & voluntatis. Et sic satis apertè indicauit D. Thomas 1. par. q. 34. art. 1. circa finem corp., loquens de actibus intellectus, & 2. 2. q. 23. art. 2. loquens de actibus voluntatis, ubi ait, oppositum implicare contradictionem. Sed adhuc Vassq. negat, actualem ipsam dependentiam ab anima, esse de essentia talium actuum. Atque, tales actus fieri & elici ab anima, mediante acti one ab ijs distincta; tamen ita essentialiter exigere fieri per actionem immanentem, ut prorsus non possint à sola causa externa effici.

*Conclusio
regans
de quibusdam
actibus.*

*Nempe
de motibus
localibus.*

Dico primò. Quidam actus vitales sunt qui non sunt essentialiter vitales, non pendent essentialiter ab anima; sed facillè possunt ab externa causa perfici, & tunc non sunt vitales. Explicatur & probatur assertio. In primis actus vitales sunt, varij motus locales, qui in animalis corpore virtute animæ exercentur: at huiusmodi locales motus facillimè possunt & solent in eodem animalis corpore ab externo quopiam motore perfici. Et præsertim in hoc genere, possunt ac solent Angeli in corporibus assumptis & à se efformatis, possunt & solent Demones etiam in corporibus viuis & in hominibus quos arripiunt, exercere omnem varietatem motuum localium, qui alioqui virtute animæ perficiuntur: & exactè imitantur omnes actiones humanas in his motibus consistentes, ut ambulare, agitare membra, girare oculos, efformare verba & eloqui, comedere & bibere, aliaque huiusmodi opera facere.

Aliqui tamen Theologi contendunt, operationes sic factas ab Angelis, non esse propriè tales, sicut apparent, & sicut quæ fiunt ab intrinseco virtute animæ; non esse propriè ambulationem, locutionem, comestionem; sed impropriè & equivocè dici tales, eo quòd sunt humiles veræ ambulationi &c. Sed certè, quoad rem attinet, non oportet ex hac parte tales actus essentialiter distinguere, ex eo quòd fiant ab intrinseco vel ab extrinseco. Si tamen dicantur nomina illa, ambulationis, & alia, in rigore denotare actus vitales quando sunt vitales, actus scilicet factos ab intrinseco: sic utique quando tales actus fient ab extrinseco, non erunt propriè ambulatio &c., sed tantum equivocè & per imitationem quandam. At hoc non erit distinguere essentialiter ipsos actus reales: sed solum erit distinguere denominationes illas vitalis & non vitalis, quamvis in iisdem actibus realibus.

Secundò. Actus etiam vegetativi, nempe nutritio, augmentatio, & generatio, tales sunt, ut realiter fieri possint ab externo principio absque actione animæ. Saltem enim fieri possunt à Deo. Nam Deus ab initio condidit huiusmodi viuientia: ac deinceps posset novam ac novam materiam sua sola virtute convertere in substantiam viventis, qua additione viuens aleretur & augetur. Et ratio est clara, quia huiusmodi actus realiter consistunt in productione substantiæ viventis, vel totali in generatione, vel partiali in nutritione, & augmentatio consistit in coniuncta acquisitione quantitatis: at substantiam & quantitatem Deus omnino efficere potest. Generatio etiam quorundam viuèntium naturaliter perficitur per causas creatas & naturales absque actione alterius viventis, ut contingit in illis

De actibus vegetativis.

lis animalibus & plantis quæ fiunt ex putrefactione, & fortasse sunt eiusdem speciei cum similibus quæ fiunt per propagationem. Hi ergo actus non sunt essentialiter vitales, non pendent essentialiter ab anima.

Tertiò consequenter in his actibus distingui debet, terminus qui producit, & actio ipsa productionis: videlicet in motu locali, terminus est præsentia successiva & permanens, actio est per quam efficitur hæc præsentia: in nutritione, terminus est substantia nouæ partis additæ, actio est qua inducitur forma substantialis in tali parte. Idem ergo terminus actionis potest fieri ab vna vel alia causa, à causa interna vel externa: illa autem actio quæ exercetur ab vna causa, non potest eadem exerceri ab alia causa. Quod quidem non prouenit specialiter ex eo quòd vna causa est interna, altera externa: sed quia in vniuersum omnis actio singularis est addicta suo singulari agenti, ita vt non possit ab alio agente prodire, vt modò ex doctrina generali supponimus. Attamen, si non eadem præcisè, tamen simillima prorsus actio, & de reliquo eiusdem penitus rationis, ac circa eundem effectum, potest ab ijs varijs causis exerceri.

Quartò. Manifestum vtrique est, quando tales actus fiunt in animalis corpore ab agente externo, non esse tunc vitales: actus enim vitalis est & dicitur qui ab interno principio præcedit. Itaque vitalitas in ijs actibus formaliter erit denominatio sumpta à tali principio interno, quæ tamen denominatio non sit illis intrinseca & essentialis, sed erit illis accidentalis & variabilis modo dicto.

Conclusio affirmans de vitalibus actibus. Dico secundò. Alij actus vitales sunt, qui videntur esse essentialiter pendere essentialiter ab anima, ita vt non possint ab vlla causa

externa sine actu animæ concursu affici, sed ipsa formalis dependentia ab anima sit illis essentialis: & tales sunt omnes actus cognoscitiui & appetitiui, nempe actus sensuum interiorum & exteriorum, & appetitus sensitiui, actus intellectus & voluntatis. Et primò quidem, in confesso apud omnes est, tales actus non posse naturaliter ab vlla alia causa creata fieri. Vnde S. Thomas 1. par. q. 51. art. 3. & alij Theologi communiter notant, Angelos in corporibus assumptis siue arreptis, nequaquam exercere tales operationes vitales: atque adeo nullatenus videre per oculos, audire per aures, & sic de singulis alijs sensuum actibus; quamuis quoad motum localem circumuoluant oculos, & in omnibus ita se gerant nostros motus imitando, ac si reuera cernerent per oculos, audirent per aures, &c. Nec ab vlla alia causa creata poterant tales actus effici absque debito et consueto concursu animæ.

Secundò, nec etiam à Deo posse tales actus per se effici absque actione animæ, suadet: quia huiusmodi actus ex natura et ratione sua planè importare videntur, conatum, attentionem, & influxum, causæ cognoscentis & appetentis, atque ita tendentis in obiectum: igitur non possunt aliter fieri, nisi per actionem causæ cognoscentis & appetentis, atque adeo omnino procedere debet à causa vitali immanenter operante.

Tertiò explicatur magis: Si Deus se solo efficeret tales actus in nostris potentijs: vel homo in quo fierent reddetur formaliter videns v.g. & intelligens, vel non. Si dicatur primum: planè videtur repugnare, hominem intelligere & intueri, non ex sua virtute attendendo & eliciendo actus. Si dicatur secundum: pariter videtur repugnare, hominem

Nō possent tales actus fieri à solo Deo

habentem in oculo actum visionis, & in intellectu actum intellectionis, non videre, non intelligere. Propter hoc dicebant aliqui, posse tales actus à Deo fieri in ratione qualitatis, non verò in ratione operationis; & sic fore quandam qualitatem in anima, non tamen reddi hominem intelligentem. Sed hæc est noua repugnantia: quia utique non potest diuidi & scindi ratio essentialis talium actuum: de ratione autem talium actuum est, ut reddant hominem intelligentem &c. Vnde, si ad hoc ut homo sit verè intelligens, requiritur operatio & influxus actiuis eius, sequitur absolutè de ratione intellectionis esse actionem immanentem naturæ intelligentis, ita ut aliter effici non possit.

Quartò, Admittunt consequenter Aduersarij, posse tales actus fieri à Deo per se existentes extra subiectum, item posse collocari in alieno subiecto, ut visionem, auditionem, gustationem, in lapide: At sanè concipi & credi non potest, existere actum videndi, actum gustandi, per se separatum à suo organo sensitivo: et præterea explicandum esset, an lapis per talem actum cerneret colorem, gustaret saporem. Non ergo aliter videtur dari posse actum videndi, gustandi etc., nisi quod animal per sensum proportionatum virtute animæ percipiat colorem et saporem, eliciendo actus sensationis circa proportionata obiecta.

Quintò arguit specialiter S. Thomas de actibus voluntatis. Actus qui non eliceretur à voluntate, non esset voluntarius: definitur enim voluntarium quod est à principio interno cum cognitione: sed repugnat in terminis dicere, actum voluntatis non voluntarium, amorem non voluntarium: ergo impossibile prorsus est, actum voluntatis non

elici ab ipsa voluntate.

Sextò tandem, iuxta hæc patet, tales actus esse ex natura sua essentialiter vitales, essentialiter pendere ab anima, non solum quasi exigant fieri ab anima, sed quia aliter fieri non possunt. Vnde iam non oportebit in ijs distinguere actionem & terminum: sed satis erit dicere, tales actus formaliter per essentiam suam effici ac pendere ab anima, absque interuentu alterius mediæ actionis distinctæ. Nam, si hi actus ita se habent, ut non possint prorsus aliter fieri & esse nisi per actualem dependentiam ab anima, nulla remanet ratio, qua in ijs alia distincta actio cogitetur. Id què etiam commodius erit ad eorum intimam rationem & utilitatem constituendam. Sic enim formalis ipsa dependentia ab anima, quæ est vitalitas actuum, est essentialis ratio talium actuum, & hoc pacto hi actus sunt essentialiter vitales. Hoc autem totum plenius adhuc constabit, cum in speciali de his actibus differemus.

Obijcies in contrarium primò, ad probandum, actus vitales posse fieri à Deo absque actione animæ. Deus potest supplere omnem concursum actiuum causarum creatarum, & potest se solo efficere omnes earum effectus: id què est adeo verum, ut D. Thomas 1. par. q. 105. art. 2. dixerit: *Erroneum est dicere, Deum non posse facere per se ipsum omnes determinatos effectus qui sunt per quamcumque causam creatam*. Non ergo sunt excipienda nostri actus vitales, quominus eos possit Deus se solo efficere.

Respondetur. Assumptum illud, & dictum illud D. Thomæ, esse limi andū ad omnes effectus & operationes non includentes essentialē dependentiam ad certā causam creatam: quæ ratione non potest utique à Deo solo fieri ipsa formalis actio quæ

Dependentiam immedie per essentiam suam ab anima.

Non potest supplere à Deo influxus vitalis animæ.

quæ alioqui fit à causa creata, quia nimirum actio per se intrinsecè & essentialiter emanat à sua causa. Nō debet autem sine ratione tribui talis essentialis dependentia effectibus fieri solitis à causis creatis, sed tantum ubi ratio id suadeat. Actus ergo vitales sunt huiusmodi, ut essentialiter à causa vitali debeant, intellectio ab intelligente, visio à vidente & sic de singulis: & se habent per modum ipsius formalis actionis, imo reuera sunt ipsa formalis actio per quā à sua causa procedunt.

Si variatur actio, variatur & actus animæ.

Obijcies secundò ex Vasq., ad probandum, distinctam esse actionem ab actibus vitalibus qui fiunt. Potest actus aliquis vitalis fieri quodammodo ex diversis causis: sicut nempe plerique Theologi volunt, visionem beatificam quæ elicitur ab intellectu simul cum lumine gloriæ, posse elici simul cum intellectu ab essentia divina supplente vicem luminis: item aliqui volunt, posse elici tam per speciem creatam impressam intellectui, quàm per cōcursum immediatum essentiæ divinæ in ratione speciei. At, quando-cumque variatur causa agens, vel ex toto, vel in parte: utique variatur actio. Igitur oportebit distinguere actionem ab ipso actu vitali.

Respondetur. In ijs casibus dici debere, variari etiam ipsum actum vitalem, dum variatur causa: ita ut sicut supponitur esse alia & alia actio, quando illo pacto variatur causa; ita sit alius & alius actus, secundum eandem prorsus differentiationem: nec possit vnus & idem actus procedere à diversis illis causis. Tamen omnis huiusmodi actus & actio, esset eiusdem rationis, quantum ad ordinem ad obiectum, & ad modum attingendi obiectum: totaque differentia solum consistet in respectu ad vnā vel aliam causam siue concausam effectivam.

SECTIO SECVNDA.

Verum Actus vitales procedunt immediatè ab essentia animæ, vel solum mediante potentia.

Non solum ij qui negant potentias ab essentia animæ distinctas: sed etiam suppositis ijs potentijs, var. disp. 28. Metaph. sect. 5. & Vasq. 1. 2. disp. 9. num. 27. & 28. contendunt, actus vitales immediatè procedere ab essentia animæ, & simul procedere à potentijs; ita ut non sola potentia, sed essentia animæ simul cum potentia sit proximum & immediatum principium talium actuum. Idquæ existimant esse de ratione actuum vitalium, ob intimam coniunctionem, quam requirunt cum ipsa substantia vivente, quæ est primum eorum principium. Adhæret Hurtad. disp. 4. de Anima sect. 2. ex hypotesi si potentia distinguantur ab anima.

Asserendum tamen est, Animam non immediatè per suam essentiam, sed solum mediante potentia, elicere suos actus vitales; ita ut sola potentia, non autem simul essentia animæ, sit proximum & immediatū principium actuum vitalium. Dum dicimus, sola potentia, non intendimus excludere omnem aliam concausam etiam ab extrinseco provenientem: quinimò non negamus simul cum potentia concurrere ad actum cognitionis speciem intentionalem, & si quæ alia sit huiusmodi concausa: sed solum loquimur de concursu debito ab intrinseco ex parte ipsius animæ & excludimus influxum immediatum ab essentia animæ ultra influxum potentia. Hec

Actus vitales non procedunt immediatè ab essentia animæ, sed tantum mediante potentia.

assertio est perspicue Diui Thomæ 1. par. q. 77. art. 1. ubi probans, requiri potentias distinctas ab anima, pro inconuenienti adducit, essentiam animæ esse immediatum principium suarum operationum: & non solum negat, esse principium totale & adæquatum, sed prorsus esse principium proximum: & rursus idem aperte docet in solut. ad 4. Idem confirmat quæst. disp. de Spiritual. creatur. art. 11. & q. de Anima art. 12. & alibi. Idem sequuntur Caiet. eod. loco 1. partis, & alij communiter qui potentias ab anima distinguunt.

Non enim essentia et tue potentia, ut sint virtutes & instrumenta proxima ad exercendos actus, eo quod non poterat ipsa essentia animæ de se immediate elicere actus. Alioqui, si necessarium aut possibile est, ut anima immediate per suam essentiam eliciat actus, neque necessarie neque possibiles fuissent aliæ distinctæ potentia: sed præstabat potius, negare prorsus tales potentias. Sufficiens enim esset influxus immediatus animæ ad eliciendos actus, nec vlla superest ratio, ut addi debeant potentia.

Secundo. Si potentia datur, utique non fuit instituta vel inuenta ad hoc ut esset veluti concausa quædam, quæ simul cum anima iungeretur ad eliciendos actus, & sic hæc duæ simul causæ concurrerent: sed non aliter cogitari poterat potentia, nisi ut esset virtus ipsius animæ, per quam virtutem anima operaretur & eliceret suum actum; siue ad hoc ut influxus debitus ab anima, adhiberetur mediante potentia. Non igitur essentia animæ simul & potentia immediate concurrunt ad eliciendum actum: sed anima non nisi mediante potentia efficit suum actum.

Tertio. Per id solum dici debet anima actualiter operari, per quod

potest operari: sed non constituitur proxime potens operari per essentiam suam, sed per potentiam operatiuam: ergo per hanc solam proxime operatur. Vel, si immediate per essentiam suam esset potens operari, iam non indigeret alia potentia superaddita ad operandum.

Quarto. Actus vitales habent non solum elici, sed etiam recipi in potentijs: unde Suarez disp. 14. sect. 4. pariter ait, recipi immediate simul in essentia & potentia animæ. Sed certe hoc dici non debet, ut vnum accidens immediate inhæreat duplici subiecto: & eo magis quod potentia organica per se inhæret corpori & non animæ. Pariter ergo dici non debent actus vitales immediate elici tam per essentiam quam per potentias animæ, sed satis est elici per potentias.

Quinto. Causæ quæ operantur mediantibus instrumentis, siue in rebus artificialibus, siue in rebus naturalibus, non adhibent alium influxum, nisi per ipsa instrumenta. Et specialiter quæst. 37. sect. 5. concl. 4. ostendimus, causam substantialem in generatione substantiali non adhibere alium influxum, quam mediantibus accidentibus tanquam suis instrumentis. Igitur anima quæ operatur mediantibus potentijs tanquam suis virtutibus operatiuis, non debet nec potest adhibere alium immediatum influxum. Neque coniunctio & connexio actuum vitalium cum sua causa requirit alium influxum. Imò, cum potentia sint intime coniunctæ cum ipsa anima, semper actus dependentes ab anima: eo magis influxus potentialium est influxus animæ, & anima non debet aliter influere in actum quem elicit, nisi mediante potentia. Demum, suppositis potentijs ab anima distinctis, nulla est necessitas vel vultus, ob quam simul cum potentijs dici debeat anima per suam

suam quoque essentiam immediate influere : igitur non debet addi hic influxus . Hoc autem ex objectionum solutione constabit .

Auctio anima adhibetur mediante potentia . Obijciunt primò . Experientiæ constat, ita requiri peculiarem attentionem animæ ad actus vitales ut interdum etiam si adint omnia alia requirita ad eliciendum actum, tamen ex defectu attentionis non eliciatur actus : ut, exposito ante oculos objecto visibili, tamen id non videatur : & , si anima nimis attendat ad unam aliquam operationem, impeditur ab alijs operationibus ; unde fit, ut ob meditationem internam abstrahatur quandoque ab officijs sensuum exteriorum, imò & impediuntur quoque operationes vegetativæ, qualis est coctio & digestio cibi . Signum ergo est, requiri immediatum influxum animæ per eius essentiam ad omnes actus, & ideo animam debere attendere, atque per nimiam applicationem ad unam quampiam operationem impediri ab alijs .

Respondetur . Non aliam esse attentionem & applicationem animæ ad actum vllum eliciendum, nisi mediante sua potentia, nec aliū requiri aut reperiri immediatum influxum animæ, per suam essentiam . Est autem anima cum omnibus suis potentijs ita limitata, ut non valeat simul nimis validè plures operationes exercere ; sed ob intimam coniunctionem & subordinationem potentiæ animæ, per nimiam applicationem unius potentiæ impediuntur aliæ . Et præsertim in nobis ita contingit, quia cum ad operationes nostras valde deseruiant spiritus qui dicuntur vitales & animales, etiam inquam ad operationes mentales quatenus concernunt sensus internos : per nimiam applicationem alius potentiæ in suo organo corporeo, illuc confluant in magna co-

pia huiusmodi spiritus, & ideo deferant alias partes ubi deberent perfici aliæ operationes .

Obijciunt secundò . Ex alia parte constat, per operationem unius potentiæ excitari quoque aliam ad operandum ; ut ex consideratione intellectus mouetur voluntas, ex cogitatione sensus interni mouetur appetitus sensitivus, ex his etiam applicatur potentia loco motiva pariter ad operandum . Signum ergo est, animam ipsam immediate simul cum potentijs operari, & ita per actum unius potentiæ excitari ad actum alterius .

Respondetur . Signum esse, quòd eadem ipsa anima est, quæ per suas potentias operatur . Nec sanè oportet, ut immediate per se præter influxum potentiæ eliciat actus : Sed satis est, quòd mediantibus singulis potentijs operatur : potentiæ enim sic sunt in eadem anima radicate & subordinatæ, ut una moueatur & applicetur per operationem alterius, iuxta proportionem & connexionem ipsorum actuum .

Obijciunt tertò . Nisi anima per suam essentiam immediate influat in actus vitales, sequitur, non magis hos dependere ab anima, quàm de-
Adus vitales
pendere v.g. calefactio à forma ignis, dent ab
nam calefactio à calore procedit, & anima
calor est virtus ignis . Undè ulterius, mediā-
sicut calor etiam extra ignem eodē modo po-
modo calefacit, pariter potentia vi-
talis extra animam suam operationem
exerceret : at certè actus vitales nullatenus possunt extra animam exerceri .

Respondetur . Valde plus dependere actus vitales ab anima, quàm calefactio à forma ignis, aliarumque similes operationes naturales à formis substantialibus . Tum quia, calor est per se forma principalis productiva vniocè caloris sibi similis, siue reperiatur in igne, siue in quo-

Ex actu unius potentiæ excitatur alia potentia .

Adus vitales

nis aliò subiecto : at potentia de ratione sua est instrumentum animæ, & per se conuenit ipsi soli animæ. Tum etiam, ipse calor non actu dependet à forma substantiali per continuam emanationem & conseruationem ab illa : at potentia semper actu dependent & promanant ab anima. Tum præsertim, calor potest à suo subiecto sciungi : at potentia vitales nullatenus possunt ab anima separari, vt antea dicebamus. Vnde, quamuis data hypotesi, quòd si potentie manerent ex ra animam, actus vitales elicerent, & anima per eas diceretur operari veluti per instrumentum separatum : tamen, absolute loquendo, ideo non possunt actus vitales extra animam exerceri aut reperiri, quia potentia ipsæ vitales elicitiuæ eorum, ab anima diuelli non possunt.

SECTIO TERTIA.

*An & quo pacto Actus vitales
specificentur ac distinguantur
per terminos vel obiecta.*

Actus vitales, alij habent terminum, & alij obiectum.
Actus omnes vitales cognoscitui & appetitui, tam de genere sensitui quàm rationali, in toto rigore respiciunt & attingunt certum obiectum in quod tendunt, & aliter exercentur. Sic nunquam videmus per oculos nisi obiectum visibile, non audimus nisi sonum, non desideramus nisi bonum, & sic de omnibus huiusmodi actibus. Et ex eorum communi natura patet, omnem cognitionem & appetitionem esse alicuius cognoscibilis & appetibilis. Præterea, etiam actibus vegetatiuis videtur obiectum tribuere Arist. 2. de Anima 33. vbi ait alimentum esse nutritionis obiectum. Sed tamen propriè & in rigore hi actus non habent obiectum : sed in

hoc se habent velut alij actus naturales qui consistunt in productione termini, nutritio & generatio habent producere substantiam, augmentatio habet acquirere quantitatem. Huiusmodi pariter est, omnis motus localis : non enim habet attingere obiectum, sed habet acquirere terminum qui est locus siue præsentia localis. Dictum autem illud Aristotelis, intelligitur minùs propriè : & per obiectum ibi intellexit materiam circa quam versatur actio, & ex qua fit aliud opus : verius dicitur subiectum quàm obiectum ; subiectum tamen sumptum cum termino à quo, siue cum forma præuia, ex qua debet fieri transmutatio. Sicut prorsus, si quis dicat, lignum est obiectum ignis, pro eo quòd dici debet, lignum est id ex quo ignis debet gignere ignem.

Hoc supposito, actus vitales, qui non habent obiectum, sed terminum, vtique specificantur & distinguuntur per ipsum terminum, non secus atque alia actiones naturales non vitales, eo pacto quo iam tractauimus q. 26. de actione in communi. Itaque ex hac parte, essentialiter distinguitur augmentatio quæ terminatur ad quantitatem, à nutritione & generatione quæ terminatur ad substantiam. Generatio verò à nutritione, solùm differt ; quia nutritio terminatur ad substantiam partialem, idest ad partem quandam eiusdem viuents ; generatio verò ad substantiam totalem, idest ad aliud viuens à generante distinctum. Rursus, sicut diuersa sunt ipsa viuentia quæ nutriuntur & quæ generantur, sic vtique differunt etiam hæ actiones quæ habent pro termino suo tales diuersas substantias. Motus denique localis, differt ab omnibus alijs actibus ratione sui localis termini ; & in omnibus prorsus ita se habet, sicut alij motus locales naturales.

Qui habent terminum, specificantur ac distinguuntur per terminos.

rales. Si quid autem amplius de distinctione & specificatione horum actuum addendum erit, suis locis attingemus.

Qui habent obiectum. Actus vitales qui habent obiectum, communi consensu dicuntur specificari, sicut ac distinguui per obiecta. Sumitur ex Arist. 2. de Anima 33. ubi ita comparat obiecta ad actus, sicut actus ad potentias. Sumitur precipue ex ipsa actuum ratione: omnes enim hi actus essentialiter respiciunt sua obiecta, & ordo ad obiectum est illis essentialis: sic ergo specificantur & distinguuntur per obiecta. Non quidem formaliter, quasi per differentiam essentialem, sed obiectiue & extrinsece: eo nempe modo quo diximus potentias specificari per actus.

Distinctio. In primis specificantur & distinguuntur actus per obiecta, secundum certa quædam genera quibus cadunt sub diuersas potentias. Sic quoddam genus actus est visio, & in hoc suo genere specificatur ac determinatur penes obiectum visibile: aliud genus est auditio, quæ specificatur ac determinatur penes obiectum audibile, quod vno nomine dicitur sonus: & per hanc distinctionem, specificantur etiam ac distinguuntur ipsæ potentia, nempe visiva & auditiva. Atque hoc pacto bene res se habet in omnibus sensibus externis: nam sic odoratus habet pro suo obiecto odorem, gustus saporem, & tactus tangibiles qualitates: omnes ergo habent sua obiecta diuersa, ac singulis peculiaritatem, ita ut vnus nullatenus attingat obiectum alterius.

Actus etiam eiusdem potentia. Rursus in singulis his generibus vltius distinguuntur plures ac diuersae species: v.g. sub genere obiecti visibilis sunt tot varij colores & lux, sub genere soni tot differentia sonorum & vocum, & sic de singulis alijs. Iuxta hanc diuersitatem ob-

iecta, dici debent differre etiam specie ipsi actus: aliusque actus essentialiter est visio albi et visio nigri. Nam vtrique fieri non posset, ut idem actus, qui est visio albi fieret visio nigri, sed singuli sunt per se determinati ad certum suum obiectum. Et quia rursus contingit, ut in eodem obiecto totali, v.g. in vna imagine picta, sint tot variae partes varijque colores, alius quoque diuersus actus visionis erit, per se determinatus ad tale obiectum constans ex tot varijs partibus & coloribus. Imò circa duo obiecta solo numero differentia, ut duo alba, distinguuntur etiam intrinsece actus visionis: non enim possit idem ipse actus, qui est visio huius albi, diuertere ad aliud album: nec vllus actus erat indifferens ut posset attingere vnum vel aliud singulare obiectum, sed singuli sunt intrinsece determinati ad tale certum singulare obiectum. Et ratio est, quia actus non determinatur per quicquam aliud sibi superadditum ut attingat hoc vel illud obiectum: nec assignari posset, quamnam mutatio realiter in ipso actu fieret, ut attingeret vnum vel aliud obiectum. Vnusquisque igitur actus per se formaliter & per suam intrinsecam differentiam est determinatus ad tale certum obiectum: & sic ab intrinseco differunt quicumque actus respicientes obiecta distincta. Imò demum, quia circa vnum singulare obiectum possunt esse plures & plures actus inter se numero differentes, sequitur in rigore logico esse distinctas species actuum illorum qui attingunt vnum vel aliud singulare obiectum, quamuis physicè tanquam vna species reputentur, iuxta doctrinam quam de hac re tradidimus q. 9. Logicæ sect. 13. & 14.

Ex alia parte notum est, circa vnum & idem obiectum versari diuersos actus diuersarum potentiarum. *Circa idem obiectum*
Vide.

*distin-
guuntur
plures
actus.*

Videlicet circa omne obiectum cuiuscumque sensus externi, versatur etiam sensus internus, & circa omne obiectum sensus versatur appetitus sensitivus: & amplius tam circa eadem obiecta sensibilia, quam circa alia purè intelligibilia, versatur intellectus: ac tandem circa omne obiectum intellectus, versatur quoque voluntas. Hinc ergo oritur difficultas, qualiter verum sit, actus, ac medijs actibus potentias quoque, distingui ac specificari penes obiectum.

Caiet. 1. par. q. 77. art. 3. indicat, idem obiectum materialiter esse multiplex virtualiter, & sic posse specificare ac distinguere diuersos actus atque potentias. Alij clariùs explicant, idem obiectum materialiter esse multiplex formaliter, id est habere plures formalitates, & secundùm diuersas rationes formales specificare ac distinguere diuersos actus & potentias. Sed certè, hoc non potest ita verificari, quasi in obiecto sint plures rationes distinctæ, siue dicantur distingui virtualiter, siue formaliter, circa quas versantur varij actus variæque potetia. Quinimò circa eandem prorsus entitatem & rationem obiecti versantur plures actus & potetia. Nam idem color secundùm eandem rationem suam qua obijcitur visui, pariter obijcitur sensui interno, & sensus internus attingit omnem rationem quam attingit sensus externus: & sic etiam appetitus sensitivus habet idem obiectum formaliter cū ipso: ac tandem intellectus complectitur omnem rationem quæ repræsentatur sensui: & voluntas extenditur ad omnem rationem obiecti quam ei proponit intellectus.

Propter hoc dixerunt aliqui, obiectum posse sumi dupliciter, nempe vel in genere rei, vel in genere obiecti. Et verè quidem idem obiectum

secundùm eandem rationem & formalitatem in genere rei terminare diuersos actus & potentias; sed tamen habere saltem plures rationes & formalitates in genere obiecti, & secundùm has formaliter rationes terminare diuersos actus, & sic specificare ac distinguere actus & potentias. V.g. idem obiectum coloratum, quatenus visibile terminat visum, quatenus imaginabile imaginationem, quatenus sensibile appetibile appetitum sensitivum, quatenus verum & intelligibile intellectum, quatenus bonum & amabile voluntatem. Verùm, non apparet, quænam re ipsa sint hæ diuersæ rationes quæ dicuntur in genere obiecti. Antecedenter enim ad ipsos actus & potentias animæ, nulla talis distinctio in obiecto inuenitur: sed adhuc valet dicere, circa omnem rationem quam attingit actus vnius potetia, potest etiam versari actus alterius potetia. Benè autem consequenter ad ipsos actus & potetias animæ, obiectum ex ijs suscipit varias illas denominationes, idemquè obiectum coloratum denominatur visibile à visu, imaginabile ab imaginatione, &c. Sed utique non per has denominationes consequentes, obiectum dicetur specificare ac distinguere ipsos actus & potentias.

Potius ergo attendendum & concludendum est, absolute loquendo, circa idem obiectum secundùm eandem rationem versari posse diuersos actus & potentias. Atque adeo non ex solo obiecto specificari ac distinguere potentias. Sed ex sua intrinseca ratione & differentia, penes diuersam tendentiam ad idem prorsus obiectum, specificari ac distinguere varios actus & potentias. Sic inquam, alius est actus visionis, & alius imaginationis, circa eundem colorem: alius est actus cognitionis, & alius amoris, circa idem prorsus obiectum.

objectum. Et quidem ex natura rei optime fieri possunt, ut circa idem objectum essent diuersi operandi modi, & sic diuersæ operationes & diuersæ potentiae. Hoc pacto, aliud est cognoscere, & aliud est amare aliquod objectum, & sic de alijs actibus diuersis. Atque iuxta hoc, iam antea circa passionem eius quæst. 4. lect. 5. & quæst. 6. lect. 7. notauimus, verum & bonum non differre tanquam diuersas rationes obiectiuas specificantes ac distinguentes intellectum & voluntatem.

Itaque tandem, sic explicari debet, actus an magis specificari ac distinguui per objecta, quod omnes quidem actus qui habent objecta diuersa, pariter, inter se specie distinguuntur: non tamen ex sola diuersitate obiecti distinguantur actus, nec soli illi actus distinguuntur specie, qui habent objecta diuersa. Sed habeant etiam actus aliam rationem qua specificentur ac distinguuntur, etiam circa idem prorsus objectum, suum nempe tendendi modum in objectum, suam intrinsecam differentiam. Potentias verò medijs actibus spe-

cificari & distinguui penes objecta, sic debet intelligi: quod omnes illæ potentiae, quæ sunt determinatæ ad operandum circa diuersa objecta, quarum una habet aliud objectum ac alia, verè distinguantur specie: quo pacto differunt omnes sensus externi inter se. Item illa potentia quæ habet objectum magis amplum quàm alia, ita quod complectatur objectum illius, sed ulterius se extendat; omnino etiam distinguatur ab illa: quo pacto differt sensus internus ab omni sensu externo, & rursus intellectus à sensu. At præter hoc, inueniuntur potentiae distinctæ ob solam diuersitatem in suo modo operandi abique ullo discrimine in objecto: sic differt appetitus scilicet à sensu interno, intellectus à voluntate. Quare non ex solo objecto, sed præcisè etiam ex sua intrinseca differentia in operando, specificantur ac distinguuntur potentiae, nimirum penes diuersitatem suorum actuum, qui etiam circa unum commune objectum distinguui inueniuntur.

QVAESTIO QVADRAGESIMANONA.

De Habitibus Animæ.

DVplici parte proponitur prima species in prædicamento qualitatis, nempe habitus et dispositio. Sed tamen, ut vno simplici nomine tota ea species proponatur, adequatè et simpliciter appellatur habitus, non distinguendo si sit difficile vel facile mobilis à suo objecto. Et hoc nomine intelligitur forma quædam addita potentiae operatiuæ, eamque adiuuans ad exercendos suos actus, ut iam in eodem qualitatis prædicamento explicauimus. Hæc qualitatis species maximè in anima reidet: habitus enim comitantur potentias et actus vitales animæ. Ideo hoc loco de habitibus animæ quærimus: atque ex communi qualitatis genere, ad propriam tractationem animæ, hanc materiam reseruauimus.

SECTIO PRIMA.

An & quid sint habitus in potentijs Animæ iuuantur ad actus.

Habitus in potentijs concurrētes et iuuantur ad actus eliciendos, in duplici gradu distinguendi sunt: vel ita ut sint simpliciter necessarii ad operandum, vel ita ut solum conferant ad facilius et promptius operandum. Prioris ordinis sunt, species intentionales in potentijs cognoscitivis, tam nempe in sensibus, quam in intellectu, ad eliciendum cognitionis actum. Has species dari, et verè requiri, proprijs locis circa sensus et intellectum ostendimus. Huius quoque generis sunt auxilia diuinā, et virtutes quæ dicuntur infusæ, quæ sunt ordinis supernaturalis, ac tribuuntur à Deo ut possimus actus supernaturales elicere, quos alioqui solis naturæ viribus non valemus. Dari autem ac requiri in nostris potentijs, non quidē philosophica doctrina naturalique lumine constat, sed superiori doctrina et lumine fidei: de ijsquē Theologi tractant. Itaque de omnibus eius prioris ordinis habitibus, qui scilicet sunt necessarii ad simpliciter operandum, non amplius in hac quaestione tractare debemus.

Alterius ergo ordinis habitus intelliguntur, sine quibus potest quidem potentia simpliciter operari, sed tamen cum quibus sit promptior et propentior ad operandum, ijsquē iuuatur ad facilius et alacrius operandum. Ac de his habitibus modo proponimus et inquirimus.

Huiusmodi habitus absolute negarunt vel in dubiū reuocarunt aliqui. Et tribui solet hæc negatiua sententia Aureolo apud Capreol. in

1. d. 17. q. 1. art. 2. Sed tamen Aureol. in 1. d. 17. art. 4. supponit potius dari habitus, non solum infusos, sed etiam acquiritos, et inquirat quomodo concurrant ad actus. Sed neque Capr. illi oppositum tribuit. Magis huic sententiæ negatiuæ fauet Ioannes Maior in 4. d. 1. q. 1. propos. 1. ad 1. contra 1. concl. dicens, posse defendi, naturaliter loquendo, nullos dari habitus. Fauet quoque Ioannes de Salas 1. 2. tract. 10. disp. 1. sect. 1. dicens, rationem non conuincere ad ponendos habitus, sed sentiendum et loquendum esse cum doctis et indoctis, qui omnes ponunt habitus. Reipsa negarunt etiam habitus, quidam dicentes, habitum non esse aliud quam remotionem impedimentorum, et sic expeditionem quādam potentiae ad operandum. Item quidam dicentes, non esse aliud quam assuetudinem ipsam potentiam per exercitium et frequentationem actuum, siue potentiam quatenus assuetam ad operandum: non addentes aliam qualitatem præter potentiam ipsam et actus exercitos.

Sed communis et vera, tam Theologorum, quam Philosophorum, sententia est, verè dari & nostris potentijs inesse huiusmodi habitus, in se reales ac positiuos, & ab ipsis potentijs actibusquē distinctos. Ita sentiunt omnes, quos deinceps in hac materia referemus. Ita tæpè supponit Aristoteles, tum in Naturalibus loquens de habitibus, tum in Moralibus loquens de virtutibus & vitijs. Ita etiam planè supponunt sacri Doctores & Ecclesiæ Patres, dum habitus & virtutes & vitia nominant.

Fundamentum huius assertionis est experientia, qua singuli in se obseruant, exercitio et frequentatione actuum maiorem quādam promptitudinem et inclinationem ad operandum in illo ordine actuum in quo

Sententia negans.

Deprehenduntur ab experientia.

at-

assuescunt. Imò ijs qui in certis actibus assuescunt, valde difficile redditur, ab ijs postea abstinere, quia scilicet maiorem eam propensionem adepti sunt ad repetendos similes actus. Sic vitia inclinant homines ad prauos actus, virtutes verò ad bona opera. Neque verò pro hac facilitate & alacritate quam experimur, sufficit impedimentorum remotio. Nam in potentijs internis assignari non possunt quanam erant talia impedimenta, quæ actuum exercitio remoueantur. Et, qui per actus prauos efficitur magis pronus ad similes actus, non utique repulit à se impedimenta talium actuum, sed acquisiuit positiuam quandam propensionem. Nec item sufficit sola consuetudo & frequentia priorum actuum. Si enim actus non relinquunt in anima distinctam quandam formam permanentem post istos actus, non redderent potètiā promptiorē & procliuiorē ad operandum. Sicut, quantumuis lapis sepius ac sepius dimittatur deorsum, non per hoc postea maiori velocitate aut propensione descendit; quia nimirū non relinquitur in illo vlla maior inclinatio ad descensum. Fatendum est igitur ex actuum exercitio comparari in anima distinctam quandam formam, propensius inclinantem ad actus similes repetendos; & hæc forma est habitus.

*Ratione
fundamen-
tur.*

Ratio, deinde à priori huius rei, non alia querenda est; nisi quia anima ita se habet, ut de se quidem apta sit functiones suas exercere, tamen possit cum maiori aut minori facilitate & promptitudine operari; perspicuè etiam apparet possibile, ut ipsi potentiæ addatur quædam distincta forma, inclinans & vrgens magis ad operandum. Stante ergo experientia, qua exploratum est, solere potentias animæ valde in hac inclinatione differre, & solere exer-

citio actuum reddi propensiores ad suos actus; constituendi sunt huiusmodi habitus. Et præsertim, vna & eadem potentia animæ solet in sua virtute complecti notabilem varietatem & copiam actuum, inuenitur esse indifferens & idonea ad varios actus: capax autem est, fieri magis prompta & inclinata ad hos vel alios actus, ad attingenda hæc vel illa obiecta. Rectè ergo instituti sunt huiusmodi habitus, inclinantes & vrgentes potentiam ad certos actus.

Supposita habituum existentia, videndū est quid habitus sint. Arist. in logica in Prædicam. Ad aliquid, recenset habitus inter relationes: & in Prædicam. Qualit. addit, pertinere simul ad utrumque prædicamentum. Sed præterea 7. Phys. 17. hac ratione negat, ad habitus terminari alterationem aliumuè motum: *Habitus enim virtutes & vitia sunt; virtus autem omnis et vitium, eorumque ad aliquid.* Et rursus repetit. *Quoniam virtutes & vitia sunt ad aliquid; hæc autem neque generationes sunt, neque ipsorum est generatio, neque omnino alteratio; manifestum est, quod non est omnino ipsa alteratio circa habitus.* Vnde ex hoc loco, expressè etiam colligitur, habitus non esse qualitates: ad qualitates enim datur propriè alteratio. Ratione quoque suadetur, habitus esse relationes, atque adeo non esse qualitates, quia essentialiter referuntur ad actus & obiecta.

Habitus sunt qualitates.

Certum tamen prorsus est, habitus esse in rigore de genere qualitatis, & non de prædicamento relationis. Et omnes quidem sentiunt, esse verè qualitates. Sed tamen aliqui simul in prædicamento relationis eos reponunt, ut cōmemorauimus q. 19. Logica sect. 1. Patet manifestè, habitus esse qualitates, & non esse puras relationes prædicamentum.

habentem in oculo actum visionis, & in intellectu actum intellectionis, non videre, non intelligere. Propter hoc dicebant aliqui, posse tales actus à Deo fieri in ratione qualitatis, non verò in ratione operationis; & sic fore quandam qualitatem in anima, non tamen reddi hominem intelligentem. Sed hæc est noua repugnantia: quia utique non potest dividi & scindi ratio essentialis talium actuum: de ratione autem talium actuum est, ut reddant hominem intelligentem &c. Vnde, si ad hoc ut homo sit verè intelligens, requiritur operatio & influxus actus eius, sequitur absolute de ratione intellectionis esse actionem immanentem naturæ intelligentis, ita ut aliter effici non possit.

Quartò, Admittunt consequenter Aduersarij, posse tales actus fieri à Deo per se existentes extra subiectum, item posse collocari in alieno subiecto, ut visionem, auditionem, gustationem, in lapide. At sanè concipi & credi non potest, existere actum videndi, actum gustandi, per se separatum à suo organo sensitivo: et præterea explicandum esset, an lapis per talem actum cerneret colorem, gustaret saporem. Non ergo aliter videtur dari posse actum videndi, gustandi etc., nisi quod animal per sensum proportionatum virtute animæ percipiat colorem et saporem, eliciendo actus sensationis circa proportionata obiecta.

Quintò arguit specialiter S. Thomas de actibus voluntatis. Actus qui non eliceretur à voluntate, non est voluntarius: definitur enim voluntarium quod est à principio interno cum cognitione: sed repugnat in terminis dicere, actum voluntatis non voluntarium, amorem non voluntarium: ergo impossibile prorsus est, actum voluntatis non

elici ab ipsa voluntate.

Sextò tandem, iuxta hæc patet, tales actus esse ex natura sua essentialiter vitales, essentialiter pendere ab anima, non solum quasi exigant fieri ab anima, sed quia aliter fieri non possunt. Vnde iam non oportebit in ijs distinguere actionem & terminum: sed satis erit dicere, tales actus formaliter per essentiam suam effici ac pendere ab anima, absque interuentu alterius mediæ actionis distinctæ. Nam, si hi actus ita se habent, ut non possint prorsus aliter fieri & esse nisi per actualem dependentiam ab anima, nulla remanet ratio, qua in ijs alia distincta actio cogitetur. Id què etiam commodius erit ad eorum intimam rationem & utilitatem constituendam. Sic enim formalis ipsa dependentia ab anima, quæ est vitalitas actuum, est essentialis ratio talium actuum, & hoc pacto hi actus sunt essentialiter vitales. Hoc autem totum plenius adhuc constabit, cum in speciali de his actibus differemus.

Obijcies in contrarium primò, ad probandum, actus vitales posse fieri à Deo absque actione animæ. Deus potest supplere omnem concursum actuum causarum creatarum, & potest se solo efficere omnes earum effectus: id què est adeo verum, ut D. Thomas 1. par. q. 105. art. 2. dixerit: *Erroneum est dicere, Deum non posse facere per se ipsum omnes determinatos effectus qui sunt per quamcumque causam creatam*. Non ergo sunt excipiendo nostri actus vitales, quominus eos possit Deus se solo efficere.

Respondetur. Assumptum illud, & dictum illud D. Thomæ, esse limi andū ad omnes effectus & operationes non includentes essentialē dependentiam ad certā causam creatam: quæ ratione non potest utique à Deo solo fieri ipsa formalis actio quæ

Dependentiam immedie per essentiam suam ab anima.

Non potest supplere à Deo influxus vitalis animæ.

quæ alioqui sit à causa creata, quæ nimirum actio per se intrinsece & essentialiter emanat à sua causa. Nō debet autem sine ratione tribui talis essentialis dependentia effectibus fieri solitis à causis creatis, sed tantum ubi ratio id suadeat. Actus ergo vitales sunt huiusmodi, ut essentialiter à causa vitali debeant, intellectio ab intelligente, visio à vidente & sic de singulis: & se habet per modum ipsius formalis actionis, imo reuera sunt ipsa formalis actio per quā à sua causa procedunt.

Si variatur actio, variatur & actus animæ.

Obijcies secundò ex Vasq., ad probandum, distinctam esse actionem ab actibus vitalibus qui sunt. Potest actus aliquis vitalis fieri quodammodo ex diversis causis: sicut numpo plerique Theologi volunt, visionem beatificam quæ elicitur ab intellectu simul cum lumine gloriæ, posse elici simul cum intellectu ab essentia divina supplente vicem luminis: item aliqui volunt, posse elici tam per speciem creatam impressam intellectui, quam per concursum immediatum essentiæ divinæ in ratione speciei. At, quando-cumque variatur causa agens, vel ex toto, vel in parte: utique variatur actio. Igitur oportebit distinguere actionem ab ipso actu vitali.

Respondetur. In ijs casibus dici debere, variari etiam ipsum actum vitalem, dum variatur causa: ita ut sicut supponitur esse alia & alia actio, quando illo pacto variatur causa; ita sit alius & alius actus, secundum eandem prorsus differentiationem: nec possit vnus & idem actus procedere à diversis illis causis. Tamen omnis huiusmodi actus & actio, esset eiusdem rationis, quantum ad ordinem ad obiectum, & ad modum attingendi obiectum: totaque differentia solum consistet in respectu ad vnā vel aliam causam siue concausam effectivam.

SECTIO SECVNDA.

Verum. Actus vitales procedant immediatè ab essentia animæ, vel solum mediante potentia.

Non solum ij qui negant potentias ab essentia animæ distinctas: sed etiam suppositis ijs potentijs, var. disp. 18. Metaph. 6. & 5. & Vasq. 1. 2. disp. 9. num. 27. & 28. contendunt, actus vitales immediatè procedere ab essentia animæ, & simul procedere à potentijs; ita ut non sola potentia, sed essentia animæ simul cum potentia sit proximum & immediatum principium talium actuum. Idquæ existimant esse de ratione actuum vitalium, ob intimam conjunctionem, quam requirunt cum ipsa substantia vivente, quæ est primum eorum principium. Adhæret Hurtad. disp. 4. de Anima sect. 2. ex hypotesi si potentia distinguantur ab anima.

Asserendum tamen est, Animam non immediatè per suam essentiam, sed solum mediante potentia, elicere suos actus vitales; ita ut sola potentia, non autem simul essentia animæ, sit proximum & immediatū principium actuum vitalium. Dum dicimus, sola potentia, non intendimus excludere omnem aliam concausam etiam ab extrinseco provenientem: quinimò non negamus simul cum potentia concurrere ad actum cognitionis speciem intentionalem, & si quæ alia sit huiusmodi concausa: sed solum loquimur de concursu debito ab intrinseco ex parte ipsius animæ & excludimus influxum immediatum ab essentia animæ ultra influxum potentia. Hæc

Actus vitales non procedunt immediatè ab essentia animæ, sed tantum mediante potentia.

suam quoque essentiam immediate influere : igitur non debet addi hic influxus . Hoc autem ex obiectionum solutione constabit .

Autēio anima adhibetur mediante potentia . Obijciunt primò . Experientiæ constat, ita requiri peculiarem attentionem animæ ad actus vitales ut in-terdum etiam si adint omnia alia requiritur ad eliciendum actum, tamē ex defectu attentionis non eliciatur actus : ut, exposito ante oculos obiecto visibili, tamen id non videatur : &, si animi nimis attendatur ad unam aliquam operationem, impeditur ab alijs operationibus ; unde fit, ut ob meditationem internam abstrahatur quandoque ab officijs sensuum externorum, imò & impediuntur quoque operationes vegetatiuæ, qualis est concoctio & digestio cibi . Signum ergo est, requiri immediatum influxum animæ per eius essentiam ad omnes actus, & ideo animam debere attendere, atque per nimiam applicationem ad unam quampiam operationem impedi ab alijs .

Respondetur . Non aliam esse attentionem & applicationem animæ ad actum vllum eliciendum, nisi mediante sua potentia, nec aliū requiri aut reperiri immediatum influxum animæ, per suam essentiam . Est autem anima cum omnibus suis potentijs ita limitata, ut non valeat simul nimis validè plures operationes exercere ; sed ob intimam coniunctionem & subordinationem potentiæ animæ, per nimiam applicationem vnius potentiæ impediuntur aliæ . Et præsertim in nobis ita contingit, quia cum ad operationes nostras valde deseruiant spiritus qui dicuntur vitales & animales, enā inquam ad operationes mentales quatenus concernunt sensus internos : per nimiam applicationem al- cuius potentiæ in suo organo corporeo, illuc confluant in magna co-

pia huiusmodi spiritus, & ideo deferant alias partes vbi deberent perfici aliæ operationes .

Obijciunt secundò . Ex alia parte constat, per operationem vnius potentiæ excitari quoque aliam ad operandum ; ut ex consideratione intellectus mouetur voluntas, ex cogitatione sensus interni mouetur appetitus sensitivus, ex his etiam applicatur potentia loco motiua pariter ad operandum . Signum ergo est, animam ipsam immediate simul cum potentijs operari, & ita per actum vnius potentiæ excitari ad actum alterius .

Respondetur . Signum esse, quòd eadem ipsa anima est, quæ per suas potentias operatur . Nec sanè oportet, ut immediate per se præter influxum potentiæ eliciat actus : Sed satis est, quòd mediantibus singulis potentijs operatur : potentiæ enim sic sunt in eadem anima radicate & subordinatæ, ut vna moueatur & applicetur per operationem alterius, iuxta proportionem & connexionem ipsorum actuum .

Obijciunt tertò . Nisi anima per suam essentiam immediate influat in actus vitales, sequitur, non magis hos dependere ab anima, quàm de- pendere v.g. calefactio à forma ignis, dent ab nam calefactio à calore procedit, & anima calor est virtus ignis . Unde vltèrius, mediā sicut calor etiam extra ignem eodē modo calefacit, pariter potentia vitales talis extra animam suam operationem exerceret : at certè actus vitales nullatenus possunt extra animam exerceri .

Respondetur . Valde plus dependere actus vitales ab anima, quàm calefactio à forma ignis, aliæque similes operationes naturales à formis substantialibus . Tum quia, calor est per se forma principalis productiua vniuersi caloris sibi similis, siue reperiatur in igne, siue in quo-

Ex actu vnius potentiæ excitatur alia potentia .

Actus vitales dependet ab anima .

nis alio subiecto : at potentia de ratione sua est instrumentum animæ, & per se conuenit ipsi soli animæ. Tum etiam, ipse calor non actu dependet à forma substantiali per continuam emanationem & conseruationem ab illa : at potentia semper actu dependent & promanant ab anima. Tum præsertim, calor potest à suo subiecto seiungitur potentia vitales nullatenus possunt ab anima separari, vt antea dicebamus. Vnde, quamuis data hypotesi, quòd si potentie manerent extra animam, actus vitales elicerent, & anima per eas diceretur operari veluti per instrumentum separatum : tamen, absolute loquendo, ideo non possunt actus vitales extra animam exerceri aut reperiri, quia potentia ipsa vitales elicitur eorum, ab anima diuelli non possunt.

SECTIO TERTIA.

*An & quo pacto Actus vitales
specificentur ac distinguantur
per terminos vel obiecta.*

Actus vitales, alij habent terminum, & alij obiectum.
Actus omnes vitales cognoscitui & appetitui, tam de genere sentitiuo quàm rationali, in toto rigore respiciunt & attingunt certum obiectum in quod tendunt, & aliter exercentur. Sic nunquam videmus per oculos nisi obiectum visibile, non audimus nisi sonum, non desideramus nisi bonum, & sic de omnibus huiusmodi actibus. Et ex eorum communi natura patet, omnem cognitionem & appetitionem esse alicuius cognoscibilis & appetibilis. Præterea, etiam actibus vegetatiuis videtur obiectum tribuere Arist. 2. de Anima 33. vbi ait alimentum esse nutritionis obiectum. Sed tamen propriè & in rigore hi actus non habent obiectum : sed in

hoc se habent velut alij actus naturales qui consistunt in productione termini, nutritio & generatio habent producere substantiam, augmentatio habet acquirere quantitatem. Huiusmodi pariter est, omnis motus localis : non enim habet attingere obiectum, sed habet acquirere terminum qui est locus siue præsentia localis. Dictum autem illud Aristotelis, intelligitur minus propriè : & per obiectum ibi intellexit materiam circa quam versatur actio, & ex qua fit aliud opus : verius dicitur subiectum quàm obiectum ; subiectum tamen sumptum cum termino à quo, siue cum forma præuia, ex qua debet fieri transmutatio. Sicut prorsus, si quis dicat, lignum est obiectum ignis, pro eo quòd dici debet, lignum est id ex quo ignis debet gignere ignem.

Hoc supposito, actus vitales, qui non habent obiectum, sed terminum, vtique specificantur & distinguuntur per ipsum terminum, non secus atque alie actiones naturales non vitales, eo pacto quo iam tractauimus q. 26. de actione in communi. Itaque ex hac parte, essentialiter distinguitur augmentatio quæ terminatur ad quantitatem, à nutritione & generatione quæ terminatur ad substantiam. Generatio verò à nutritione, solum differt ; quia nutritio terminatur ad substantiam partialem, idest ad partem quandam eiusdem viuentis ; generatio verò ad substantiam totalem, idest ad aliud viuens à generante distinctum. Rursus, sicut diuersa sunt ipsa viuentia quæ nutriuntur & quæ generantur, sic vtique differunt etiam hæ actiones quæ habent pro termino suo tales diuersas substantias. Motus denique localis, differt ab omnibus alijs actibus ratione sui localis termini ; & in omnibus prorsus ita se habet, sicut alij motus locales naturales.

Qui habent terminum, specificantur ac distinguuntur per terminos.

rales. Si quid autem amplius de distinctione & specificatione horum actuum addendum erit, suis locis attingemus.

Qui habent obiectum. Actus vitales qui habent obiectum, communi consensu dicuntur specificari ac distinguui per obiecta. Super obiectum. *mitur ex Arist. 2. de Anima 33. ubi ita comparat obiecta ad actus, sicut actus ad potentias. Sumitur precipue ex ipsa actuum ratione: omnes enim hi actus essentialiter respiciunt sua obiecta, & ordo ad obiectum est illis essentialis: sic ergo specificantur & distinguuntur per obiecta. Non quidem formaliter, quasi per differentiam essentialem, sed obiectiue & extrinsece: eo nempe modo quo diximus potentias specificari per actus.*

Distinctio. In primis specificantur & distinguuntur actus per obiecta, secundum certa quaedam genera quibus cadunt sub diuersas potentias. Sic quoddam genus actus est visio, & in hoc suo genere specificatur ac determinatur penes obiectum visibile: aliud genus est auditio, quae specificatur ac determinatur penes obiectum audibile, quod vno nomine dicitur sonus: & per hanc distinctionem, specificantur etiam ac distinguuntur ipsae potentiae, nempe visiva & auditiva. Atque hoc pacto bene res se habet in omnibus sensibus externis: nam sic odoratus habet pro suo obiecto odorem, gustus saporem, & tactus tangibiles qualitates: omnes ergo habent sua obiecta diuersa, ac singulis peculiaria, ita ut vnus nullatenus attingat obiectum alterius.

Actus etiam eiusdem potentiae. Rursus in singulis his generibus ulterius distinguuntur plures ac variae species: v.g. sub genere obiecti visibilis sunt tot varij colores & lux, sub genere soni tot differentiae sonorum & vocum, & sic de singulis alijs. Iuxta hanc diuersitatem ob-

iecti, dici debent differre etiam specie ipsi actus: aliusque actus essentialiter est visio alibi et visio nigri. Nam vtiq; fieri non posset, ut idem actus, qui est visio albi fieret visio nigri, sed singuli sunt per se determinati ad certum suum obiectum. Et quia rursus contingit, ut in eodem obiecto totali, v.g. in vna imagine picta, sint tot variae partes varijque colores, alius quoque diuersus actus visionis erit, per se determinatus ad tale obiectum constans ex tot varijs partibus & coloribus. Imò circa duo obiecta solo numero differentia, ut duo alba, distinguuntur etiam intrinsece actus visionis: non enim possit idem ipse actus, qui est visio huius albi, diuertere ad aliud album: nec vllus actus erat indifferens ut posset attingere vnum vel aliud singulare obiectum, sed singuli sunt intrinsece determinati ad tale certum singulare obiectum. Et ratio est, quia actus non determinatur per quicquam aliud sibi superadditum ut attingat hoc vel illud obiectum: nec assignari posset, quoniam mutatio realiter in ipso actu fieret, ut attingeret vnum vel aliud obiectum. Vnusquisque igitur actus per se formaliter & per suam intrinsecam differentiam est determinatus ad tale certum obiectum: & sic ab intrinseco differunt quicumque actus respicientes obiecta distincta. Imò demum, quia circa vnum singulare obiectum possunt esse plures & plures actus inter se numero differentes, sequitur in rigore logico esse distinctas species actuum illorum qui attingunt vnum vel aliud singulare obiectum, quamuis physice tanquam vna species reputentur, iuxta doctrinam quam de hac re tradidimus q. 9. Logicae sect. 13. & 14.

Ex alia parte notum est, circa vnum & idem obiectum versari diuersos actus diuersarum potentiarum. *Circa idem obiectum*
Vide.

*distin-
guuntur
plures
actus.*

Videlicet circa omne obiectum cuiuscumque sensus externi, versatur etiam sensus internus, & circa omne obiectum sensus versatur appetitus sensitivus: & amplius tam circa eadem obiecta sensibilia, quam circa alia purè intelligibilia, versatur intellectus: ac tandem circa omne obiectum intellectus, versatur quoque voluntas. Hinc ergo oritur difficultas, qualiter verum sit, actus, ac medijs actibus potentias quoque, distinguere ac specificari penes obiectum.

Caiet. 1. par. q. 77. art. 3. indicat, idem obiectum materialiter esse multiplex virtualiter, & sic posse specificare ac distinguere diuersos actus atque potentias. Alij clariùs explicant, idem obiectum materialiter esse multiplex formaliter, id est habere plures formalitates, & secundum diuersas rationes formales specificare ac distinguere diuersos actus & potentias. Sed certè, hoc non potest ita verificari, quali in obiecto sint plures rationes distinctæ, siue dicantur distinguere virtualiter, siue formaliter, circa quas versantur varij actus variæque potètiæ. Quinimò circa eandem prorsus entitatem & rationem obiecti versantur plures actus & potètiæ. Nam idem color secundum eandem rationem suam quæ obijcitur visui, pariter obijcitur sensui interno, & sensus internus attingit omnem rationem quam attingit sensus externus: & sic etiam appetitus sensitivus habet idem obiectum formaliter cum ipso: ac tandem intellectus complectitur omnem rationem quæ representatur sensui: & voluntas extenditur ad omnem rationem obiecti quam ei proponit intellectus.

Propter hoc dixerunt aliqui, obiectum posse sumi dupliciter, nempe vel in genere rei, vel in genere obiecti. Et verè quidem idem obiectum

secundum eandem rationem & formalitatem in genere rei terminare diuersos actus & potentias; sed tamen habere saltem plures rationes & formalitates in genere obiecti, & secundum has formaliter rationes terminare diuersos actus, & sic specificare ac distinguere actus & potentias. V.g. idem obiectum coloratum, quatenus visibile terminat visum, quatenus imaginabile imaginationem, quatenus sensibile appetibile appetitum sensitivum, quatenus verum & intelligibile intellectum, quatenus bonum & amabile voluntatem. Verum, non apparet, quænam re ipsa sint hæ diuersæ rationes quæ dicuntur in genere obiecti. Antecedenter enim ad ipsos actus & potentias animæ, nulla talis distinctio in obiecto inuenitur: sed adhuc valet dicere, circa omnem rationem quam attingit actus vnius potètiæ, potest etiam versari actus alterius potètiæ. Benè autem consequenter ad ipsos actus & potètiæ animæ, obiectum ex ijs suscipit varias illas denominationes, idemque obiectum coloratum denominatur visibile à visu, imaginabile ab imaginatione, &c. Sed utique non per has denominationes consequentes, obiectum dicitur specificare ac distinguere ipsos actus & potentias.

Potius ergo asserendum & concludendum est, absolutè loquendo, circa idem obiectum secundum eandem rationem versari posse diuersos actus & potentias. Atque adeo non ex solo obiecto specificari ac distinguere potentias. Sed ex sua intrinseca ratione & differentia, penes diuersam tendentiam ad idem prorsus obiectum, specificari ac distinguere varios actus & potentias. Sic inquam, alius est actus visionis, & alius imaginationis, circa eundem colorem: alius est actus cognitionis, & alius amoris, ei ca idem prorsus obiectum.

*Non solum ex obiecto, sed etiam per se specifi-
cantur ac distinguuntur actus, & per actus potètiæ.*

objectum. Et quidem ex natura rei optime fieri potuit, ut circa idem objectum essent diuersi operandi modi, & sic diuersæ operationes & diuersæ potentia. Hoc pacto, aliud est cognoscere, & aliud est amare aliquod objectum, & sic de alijs actibus diuersis. Atque iuxta hoc, iā antea circa passionem eius quæst. 4. lect. 5. & quæst. 6. lect. 7. notauimus, verum & bonum non differre tanquam diuersas rationes obiectiuas specificantes ac distinguentes intellectum & voluntatem.

Itaque tandem, sic explicari debet, actus animæ specificari ac distinguui per objecta, quod omnis quidem actus qui habent objecta diuersa, pariter, inter se specie distinguuntur: non tamen ex sola diuersitate obiecti distinguuntur actus, nec soli illi actus distinguuntur specie, qui habent objecta diuersa. Sed habeant etiam actus aliam rationem qua specificentur ac distinguuntur, etiam circa idem prorsus objectum, suum nempe tendendi modum in obiectum, suam intrinsecam differentiam. Potentias verò medijs actibus spe-

cificari & distinguui penes objecta, sic debet intelligi: quod omnes illæ potentia, quæ sunt determinatæ ad operandum circa diuersa objecta, quarum una habet aliud obiectum ac alia, verè distinguuntur specie: quo pacto differunt omnes sensus externi inter se. Item illa potentia quæ habet obiectum magis amplum quàm alia, ita quod complectatur obiectum illius, sed ulterius se extendat; omnino etiam distinguatur ab illa: quo pacto differt sensus internus ab omni sensu externo, & rursum intellectus à sensu. At præter hoc, inueniuntur potentia distinctæ ob solam diuersitatem in suo modo operandi absque ullo discrimine in obiecto: sic differt appetitus sensitivus à sensu interno, intellectus à voluntate. Quare non ex solo obiecto, sed præcisè etiam ex sua intrinseca differentia in operando, specificantur ac distinguuntur potentia, nimirum penes diuersitatem suorum actuum, qui etiam circa unum commune obiectum distinguui inueniuntur.

QVAESTIO QVADRAGESIMANONA.

De Habitibus Animæ.

Duplici parte proponitur prima species in prædicamento qualitatis, nempe habitus et dispositio. Sed tamen, ut vno simplici nomine tota ea species proponatur, adæquatè et simpliciter appellatur habitus, non distinguendo si sit difficilè vel facilè mobilis à subiecto. Et hoc nomine intelligitur forma quædam addita potentia operatiua, eamque adiuvans ad exercendos suos actus, ut iam in eodem qualitatis prædicamento explicauimus. Hæc qualitatis species maximè in anima rehdet: habitus enim comitantur potentias et actus vitales animæ. Ideo hoc loco de habitibus animæ quærimus: atque ex communi qualitatis genere, ad propriam tractationem animæ, hanc materiam reseruauimus.

assuescunt. Imò ijs qui in certis actibus assuescunt, valde difficile redditur, ab ijs postea abstinere, quia scilicet maiorem eam propensionem adepti sunt ad repetendos similes actus. Sic vitia inclinant homines ad prauos actus, virtutes verò ad bona opera. Neque verò pro hac facilitate & alacritate quam experimur, sufficit impedimentorum remotio. Nam in potentijs internis assignari non possunt quænam erant talia impedimenta, quæ actuum exercitio remoueantur. Et, qui per actus prauos efficitur magis pronus ad similes actus, non utique repulit à se impedimenta talium actuum, sed acquisiuit positiuam quandam propensionem. Nec item sufficit sola consuetudo & frequentia priorum actuum. Si enim actus non relinquunt in anima distinctam quandam formam permanentem post istos actus, non redderent potètiā promptiorē & procliuiorē ad operandum. Sicut, quantumuis lapis sæpius ac sæpius dimittatur deorsum, non per hoc postea maiori velocitate aut propensione descendit; quia nimirū non relinquitur in illo vlla maior inclinatio ad descensum. Fatendum est igitur ex actuum exercitio comparari in anima distinctam quandam formam, propensius inclinantem ad actus similes repetendos; & hæc forma est habitus.

Ratione fundatur.

Ratio, deinde à priori huius rei, non alia querenda est; nisi quia anima ita se habet, ut de se quidem apta sit functiones suas exercere, tamen possit cum maiori aut minori facilitate & promptitudine operari: perspicue etiam apparet possibile, ut ipsi potentie addatur quædam distincta forma, inclinans & vrgens magis ad operandum. Stante ergo experientia, quæ exploratum est, solere potentias animæ valde in hac inclinatione differre, & solere exer-

citio actuum reddi propensiores ad suos actus; constituendi sunt huiusmodi habitus. Et præsertim, vna & eadem potentia animæ solet in sua virtute complecti notabilem varietatem & copiam actuum, inuenitur esse indifferens & idonea ad varios actus: capax autem est, fieri magis prompta & inclinata ad hos vel alios actus, ad attingenda hæc vel illa obiecta. Rectè ergo instituti sunt huiusmodi habitus, inclinantes & vrgentes potentiam ad certos actus.

Supposita habituum existentia, videndū est quid habitus sint. Arist. in logica in Prædicam. Ad aliquid, recenset habitus inter relationes: & in Prædicam. Qualit. addit, pertinere simul ad utrumque prædicamentum. Sed præterea 7. Phys. 17. hac ratione negat, ad habitus terminari alterationem aliumuè motum: *Habitus enim virtutes & vitia sunt; virtus autem omnis et vitium, eorumque ad aliquid. Et rursus repetit. Quoniam virtutes & vitia sunt ad aliquid; hæc autem neque generationes sunt, neque ipsorum est generatio, neque omnino alteratio; manifestum est, quod non est omnino ipsa alteratio circa habitus.* Vnde ex hoc loco, expressè etiam colligitur, habitus non esse qualitates: ad qualitates enim datur propriè alteratio. Ratione quoque suadetur, habitus esse relationes, atque adeo non esse qualitates, quia essentialiter referuntur ad actus & obiecta.

Habitus sunt qualitates.

Certum tamen prorsus est, habitus esse in rigore de genere qualitatis, & non de prædicamento relationis. Et omnes quidem sentiunt, esse verè qualitates. Sed tamen aliqui simul in prædicamento relationis eos reponunt, ut cōmemorauimus q. 19. Logicæ sect. 1. Patet manifestè, habitus esse qualitates, & non esse puras relationes prædicament.

mentales. Tum ex ipso Aristotele, qui inter species qualitatis primam speciem fecit habitum: & alibi semper supponit, habitus esse qualitates. Tum ratione, quia habitus per se acquiruntur & producantur, item in progressu augentur & interdum, postea corrumpuntur. Insuper iuvant & conferunt ad eliciendos actus, inclinant potentiam ad operandum, & sunt in suo gradu principium concurrens simul cum potentia ad exercendos actus. Quæ omnia longè distant à puris relationibus prædicamentalibus; optimè autem quadrant in peculiarem formam inhærentem potentie, participantem veram essentiam qualitatis. Patet etiam facile, non debere simpliciter habitus, dum sunt qualitates, trahi simul ad prædicamentum relationis. Non enim poterant huiusmodi formæ simul in utroque prædicamento reponi, scilicet qualitatis & relationis, sed nullatenus spectabant ad prædicamentum relationis; ut iam eo loco in Logica ostendimus.

Quomodo Arist. de prioribus loquutus sit. Ad auctoritatem verò Arist. in logica, ibidem diximus, illum fuisse prius loquutum iuxta antiquiorem relationum definitionem, quam ipse postea non approbavit. Aliam quæ ipse definitionem protulit, quæ non includebat habitus, aliasque qualitates & formas aliorum prædicamentorum. Ad alteram auctoritatem in Physica, diximus quoque q. 26. sect. 10., Aristotelem ibi assignare voluisse eam alterationem, quæ attingebat qualitates sensibiles, ac præsertim disponentes ad mutationem substantialem; cuiusmodi certè non sunt habitus: eam verò rationem adduxisse ad hominem, contra Veteres, qui habitus faciebant de genere relationis, sub antiquiori illa relationum definitione. At perspicuè Aristoteles ex propria

mente 2. de Anima 57. & 58., ad habitus & alias huiusmodi qualitates animæ constituit quandam aliam alterationis speciem, distinctam ab illa alteratione, quæ materiales & sensibiles qualitates attingebat. Ad rationem demum additam, satis manifestum est, habitus esse solum de ordine relationum quæ dicuntur transcendentes, sicut sunt utique actus ipsi & potentie animæ, unde per hoc nullatenus spectant ad speciale illud prædicamentum ad aliquid.

Cæterum, sub ipso genere qualitatis, quænam sit propria ratio habituum ad differentiam aliarum qualitatum, satis etiam explicavimus in ipso qualitatis prædicamento q. 20. Logicæ. Et rursus modò constat ex explicatione nominis antea præmissa. Itaque, expressè loquendo in ordine ad animam de cuius habitibus nunc tractamus, definitur habitus animæsticus. Est qualitas addita alicui potentie animæ, adiuvans ad eliciendos actus. Et sumendo adhuc magis determinatè habitum, pro qualitate quæ non sit necessaria simpliciter, sed tantum adiuvet ad faciliter operandum, dicetur, Adiuvans ad facilius & promptius operandum.

Habitus sunt qualitates adinuantes potètiæ ad exercendos actus.

SECTIO SECVNDA.

In quibus potentijs animæ & in quibus viventibus, repèriantur habitus.

Certum & exploratum est, non in omnibus potentijs animæ, nec in omnibus viventibus, reperiri habitus; ac specialiter non in potentijs vegetativis, & in plantis. Hoc autem intelligitur, sumendo habitus pro peculiaribus quibusdam qualitatibus, quæ distinctæ sint ab alijs novis ac sensibilibus, & quæ

Nō sunt habitus in potentijs vegetativis, & in plantis.

con-

conferant facilitatem ad operandum. Quod meritò sic est explicandum : quia alioqui perspicuum est, potentias vegetatiuas adiuuari præsertim calore, alijsq; corporis dispositionibus ad perficiendas suas functiones : non tamen hæ qualitates inter habitus computantur : sed vel sub specie potentia, vel sub specie passibilis qualitatis in suo prædicamento continentur. Non dari autem, alias peculiare qualitates in ijs potentijs, addentes facilitatem ad operandum, ostenditur ab experientia : quia huiusmodi qualitates acquiruntur vsu & exercitio actuum : at nullam maiorem facilitatem & promptitudinem in dies experimur per continuam exercitationem in hoc genere potentiarum & actuum : igitur in potètijs vegetatiuis non dantur huiusmodi habitus, atque adeo non dantur in plantis quæ viuunt anima purè vegetatiua.

Contingunt quidem aliquæ mutationes in nobis ex certa aliqua assuefactione in hoc genere actuum. Videlicet, si quis assuescat parciori cibo & potui, talis regula fiet ei ita familiaris, vt non possit postea abique nocumento largius se pascere : & ij qui assuecunt certis alimentis & non alijs, zgrè postea vti possent alimentis insuetis. Narratur etiam de Mithridate Rege, adeo assueuisse venenis assumendis, vt cum postea veneno sibi mortem quæreret, prorsus sibi innoxium inuenerit : & ita testantur Lucius Florus lib. 3. cap. 5. & Plinius lib. 25. cap. 2. Narrat etiam Rodiginus lib. 1. cap. 13., puellam quandam ab ineunte ætate taliter assueuisse venenis, vt ijs pro alimentis vteretur. Imò etiam in plantis, si quæ soleant irrigari, & postea destituantur aqua, citò arefcunt, cum tamen aliæ non assuetæ irrigationi adhuc vifescant : & sic notauit Caiet. 1. 2. q. 50. art. 1. Atta-

men hæ mutationes non obueniunt penes peculiare habitus qui consuetudine acquirantur : sed solum ratione naturalium dispositionum & qualitatum, quæ ad certam temperiem reducuntur. Sicut enim sunt tam varia hominum temperamenta, ita contingit in eodem homine variari suum temperamentum. Sic in eo qui assuecit parcioribus alimentis, taliter moderatur & hebetatur calor naturalis, vt postea non sufficiat ad vberiora. Et sic pariter in alijs huiusmodi casibus. Et plantæ solitæ irrigari, concipiunt humorem magis fluidum ac tenuem, qui nisi deinceps foueatur, facilius resoluitur. Et hoc voluit Caietanus ibi.

Certum item & exploratum est, nec in sensibus externis reperiri tales habitus. Patet manifestè, quia vtrique per assuefactionem ad sepius videndum, aut audiendum, &c. non redditur potentia promptior ad facilius operandum in similibus actibus repetendis, sed in eodem statu ex hac parte permanet. Sic notauit Arist. 2. Ethic. cap. 1. *Non enim ex eo quod sapè vel vidimus vel audiuimus, sensus & videndi & audiendi accepimus.* Adhuc quidem alię naturales dispositiones, quibus potentia iuuatur, aut quibus impeditur. Et non solum in diuersis indiuiduis hæ dispositiones differunt, sed etiam in vno & eodem variari possunt. In iuuenibus enim sensus magis viget, in senibus hebetantur. Varijs etiam morbis possunt & solent offendi sensus, ac rursus varijs remedijs conualescere. Hoc totum autè fit per ordinarias dispositiones ac temperamenta in sensitiuis organis variabilia. Non autem hi sunt habitus, de quibus nunc quærimus, qui nempe maximè actuum exercitio deprehenduntur.

Sed contingunt etiam in hoc ge-

Nō sunt habitus in sensibus externis.

nere quædam mutationes ex aliqua consuetudine actuum, saltem ut ea quæ sensibus offerri solent, magis placeant aut delectent. Quædam sunt quæ ab initio visa, horrorem incutunt, sed postea consuetudine familiaria fiunt. Et præcipuè quidam cibi ab initio ingrati, postea usu & exercitio fiunt grati: ubi sensus ipse gustus immutari videtur, quia in eodem sensu percipitur saporis molestia vel voluptas. Autamen hæc mutationes eveniunt, vel ob variam apprehensionem interiorem, atque adeo per veros habitus interius acquisitos: vel ob variationem aliquam dispositionis in organo externo. Quædam ab initio visa horrorem ingerunt, sed postea experimento probata quod non noceant, non amplius perturbant. Hoc totum autem fit in potentijs internis. Cibi verò possunt aliqua sua activitate ita disponere & immutare organum gustus, ut postea delectent ac placeant. Patet ergo, non esse hos habitus qui reddunt potentiam magisabilem ad exercendos suos actus, ut nunc querimus.

*Nō sunt
habitus
in potē-
tia mo-
tiva.*

Deinde, in potentia loco motiva & exequutiva externorum membrorum, præsertim in ordine ad exercendos artificiosos quosdam motus, ut ad scribendum, saltandum, ad pulsanda musica instrumenta, aliosque similes actus; constituunt proprios habitus, Scot. in 3. d. 33. q. 1. Oham. in 3. q. 4 Gabr. d. 23. q. 1. Maior q. 2. Almain. lib. 3. Moral. cap. 6. & quidam alij. Favet quoque D. Thomas 1. 2. q. 50. art. 1. ubi ait, corpus disponi & habilitari ad promptè deservendum animæ. Fundamentum est: quia membra corporis quoad suam potentiam motivam, usu & consuetudine fiunt multo magis habilia & prompta ad tales motus artificiosos exequendos. Nec videtur sufficere solus habitus in po-

tentia apprehensiva interna in qua retinetur ars: quia licet quis attentissime artem discat, tamen nisi externæ exercitationi assuescat, nunquam eam facilitatem acquireret. Et e contra, qui sit frequenter assuetus, etiam sine attentione interna solet promptissime consueta illa opera exercere.

Dicendum tamen est, non requiri nec reperiri peculiare habitus in potentia motiva & exequutiva, atque in membris externis corporis, ad exercendos viros motus & actus quantumvis artificiosos. Hæc est communis Theologorum sententia, cum D. Thomas 1. 2. q. 50., & Philophorum tractantium de habitibus. Solet quibusdam minus idoneis rationibus suaderi, vel ex defectu potentie in membris externis, vel ex insufficiencia motus localis, vel ex subiectione corporis ad animam, vel alijs similibus, quæ triuolæ sunt, & partim falsæ. Vera ergo & sufficienti ratione probatur: quia duplex promptitudo in exercendis ijs motibus considerata est. Una nempe ad ipsam artificiosam regulationem & ordinationem motuum, qua dirigatur motus per unam vel aliam partem, in unam vel aliam figuram, fiat talis motus post alium, pulsantur simul hæc vel illæ chordæ in cithara, & immediate post illas certæ alie. Altera est ad velocitatem & agilitatem motus, qua v.g. citharistæ digiti ad pulsandas cordas agitentur & agiler in quamcumque partem inflectantur. Prima promptitudo non potest utique esse in ipsis membris externis, sed omnino esse debet in potentia apprehensiva interna, ut de se patet. Secunda autem, bene quidem erit in ijs corporis membris: at prorsus consistet in certa quadam dispositione corporis, nempe subtilitate, flexibilitate, omni que alia simili affectione, nervorum

uorum, & musculorum, deseruien-
tium motui. Quæ proinde disposi-
tio non est alius peculiaris habitus,
præter dictam contemperationem
affectionum naturalium. Atque hæc
dispositio comparatur etiam ipsa
exercitatione membrorum. Imò sic
in instrumētis quoque artificialibus,
solet ab initio vsu ipso acquiri quæ-
dam maior aptitudo ad opera artis,
per quandam nempe adæquationē,
& configurationem partium, quæ
exercitatione ipsa perficitur: sicut
postea nimis ac diuturno vsu hebe-
tantur & consumuntur.

Iuxta hoc debet planè intelligi D.
Thom. Et fortasse non plus volue-
runt alij ex Auctoris antea allega-
tis: Hinc etiam satisfiet ad funda-
mentum prioris sententiæ. Verè
enim nō sufficit solus habitus acqui-
situs interius, sed confert etiam di-
spositio quædam acquisita in corpo-
re: ita quòd si alicui perito & exer-
citato artifice daretur manus alterius
inexercitati hominis, ille artifex nō
tām promptè & expeditè perficeret
consueta opera artis, sicut perficie-
bat sua exercitata manu. Hæc tamen
dispositio manus, non est alius ha-
bitus; præter moderationem quan-
dam & contemperationem affectio-
num alioqui naturalium. Sed nec è
contra sufficiet quantauis exercita-
tio corporis, absque attentione in-
terna, ad perficienda opera artis:
quinimò semper necessaria prorsus
est aduertentia ac directio interna.
Quamuis ob exquisitam facilitatem
& promptitudinem, absque vilo ferè
labore, exercitatus artifex consueta
opera exequatur, vnde videtur ea
velut sine attentione perficere.

*Sunt
habitus
in sensi-
bus in-
ternis.*

In sensibus internis negant quo-
que aliqui peculiare habitus, à spe-
ciebus sensibilibus distinctos: di-
centes, sufficere ipsas species, quæ
vsu & exercitio magis magisque
perficiantur, ac firmitus roborentur

in sensu. Inclinant in huius dicendi
modum Almainus lib. 1. Moral. cap.
17. & Suarez disp. 44. Metaph. sect.
3. num. 6. Sed omnes ferè, qui con-
stituunt habitus, ponunt peculiare
habitus à speciebus distinctos in
sensibus internis. Ita D. Thom. 1. 2.
q. 50. art. 3. & alij circa eundem lo-
cum, Scholastici in 3. d. 23. & Phi-
losophi de habitibus tractantes. Et
satis clarè indicauit Aristot. lib. de
Memor. & reminisc. cap. 3. dicens,
consuetudinem multum contere
ad benè memorandum. Fundamen-
tum est notissima experientia, qua
constat per vsu & consuetudinem
actum apprehensionis, cogitatio-
nis, & recordationis internæ, acqui-
ri magnam facilitatem & prompti-
tudinem, ad apprehendendum, cogitan-
dum, & memorandum. Neque ad
hunc effectum sufficere possunt solæ
species sensibiles, sicut non suffi-
ciunt solæ intelligibiles in intellectu,
vt infra dicemus.

In appetitu sensitivo dubitant si
dentur habitus, Ocham. Quo 1. 2.
q. 16. Almain. 1. Moral. cap. 17. Ga-
br. in 3. d. 23. q. 1. art. 3. dub. 1. pro-
pos. 3. dicentes, sufficere posse im-
mutationem corporalem penes na-
turales humores corporis incitantes
appetitum. Sed pariter omnes con-
stituunt proprios habitus in hoc ap-
petitu. Ita D. Thom. 1. 2. q. 50. art.
4. & ceteri tam Theologi quàm Phi-
losophi. Ac etiam ipse Ocham. in
3. q. 10. concl. 2. Almain. d. 23. q. 1.
art. 3. concl. 4. & Gabr. ibi propos. 4.
Habetur expressè ex Arist. lib. 1. &
3. Ethic. & passim in libris Mora-
libus. Patet ex eadem experientia:
quia per frequentem operationem
appetitus circa aliquod obiectum,
vel prosequendo vel fugiendo effi-
tur multò magis propensus & in-
clinatus ad prosequendum vel fugien-
dum tale obiectum. Vnde pro re-
cta institutione morum, multum

*Sunt
habitus
in appe-
titu sen-
sitivo.*

confert consueta exercitatio, quæ compescatur appetitus à prauis concupiscentijs & assuefiat ad ea quæ alioqui molesta & ardua sunt. Atque in hoc genere contingunt virtutes & vitia. Quamuis sub dubium cadat, num habitus ipsius appetitus parti ipent veram virtutis & vitij rationem: sed hoc spectat ad moralem scientiam. Neque verò pro hac re sufficit immutatio corporalis penes humores corporis: quia licet multum quoque hi valeant ad concitandum appetitum: tamen illa immutatio quæ prouenit ex vlu, & exercitio actuum, nullatenus potest tribui ijs humoribus: sed planè denotat alios peculiare habitus in ipsa potentia appetitiua.

Sunt habitus sensitiui tam in brutis quam in hominibus. Ex his iam potentijs sensitiuis, determinandum est, num habitus sensitiui tam sint tam in brutis quam in hominibus. Negant esse in brutis, Palat. in 2. dist. 23. disp. 1. Vasq. 1. 2. disp. 78. cap. 4. Valen. q. 3. de Habitibus. pun. 2. Suarez disp. 44. Metaph. sect. 3. Dicuntque, in ijs sufficere immutationem ac firmam impressionem specierum sensibilibus in sensu. Et fundamentum eorum est: quia habitus ponendi solum sunt in ijs naturis quæ habent modum quendam indifferentem operandi cum dominio suorum actuum, & sic possunt per habitum determinatè inclinari ad vnā vel aliam partem: at natura brutorum est simpliciter determinata ad quemcumque suum actum: igitur non est capax habituum. Diuus Thomas 1. 2. q. 50. art. 3. ad 2. concedit brutis, quatenus ab hominibus diriguntur ad certas operationes, suos habitus, quos tamen ait deficere à ratione habitus, quia bruta non habent dominium ijs vtendi & non vtendi, quod videtur esse de ratione habituum, de quibus nempe dicitur, habitibus vtimur cum volumus. Eodem modo sentiunt & lo-

quuntur Caietanus, Conradus, Medina, & alij plures circa eundem locum. Absolutè autem brutis tribuunt habitus, Scotus, Durandus, Maior, Mayron. & alij in 3. d. 33. Almain. d. 23. q. 1. art. 3. Angelus cap. 5. Moral. §. 1. concl. 9. Salas 1. 2. tract. 10. disp. 2. sect. 1. & 7. Lorca de hab. d. 5. Guevara lib. 2. de Inter. Sensu tract. 5. & 6., & alijs magis communiter.

Et ita absolutè dicendum est, tam potentijs sensitiuis internis brutorum quam hominum inesse habitus. Sumitur ex Arist. lib. 1. Metaph. cap. 1. vbi brutis tribuit quodammodo prudentiam, disciplinabilitatem, & experientiam. Quod vtique intelligitur ratione habituum in sensu eorum interno. Item ex D. August. lib. 83. qq. q. 36. vbi tribuit bestiis consuetudinem qua domitæ & mansuetæ fiant. Quod pariter debet intelligi ratione habitus qui actuum exercitio acquiratur in sensu & appetitu brutorum. Probat autem eadem experientia, quia vlu & exercitio bruta assuescere solent ad certos actus, quos proinde expeditè & promptè perficere inueniuntur ex tali consuetudine: at hoc est vnicum signum huiusmodi habituum: igitur verè tales habitus inueniuntur in brutis. Nec sufficet sola immutatio specierum, sicut non sufficit in sensu interno & intellectu hominis. Nec obstare debet naturalis determinatio brutorum ad operandum. Nam etiam in homine, potentiæ sensitiuæ quantum est de se, sunt pariter determinatæ, & intellectus quoque non est per se liber. Si ergo in his potentijs sunt adhuc habitus in hominibus, esse etiam debent in potentijs brutorum. Quod enim hæ potentiæ in hominibus subdantur dominio libero voluntatis, ad summum taceret, vt in ipsa voluntate sint habitus ad dirigendas eas alias potètiæ.

Ita-

Itaque hinc ruit fundamentum partis aduersæ: quia habitus non ponuntur solum in illis naturis & potentijs quæ habent modum simpliciter indifferentem & liberum, sed etiam in ijs quæ habent multiformem operandi modum secundum notabilem varietatem & copiam actuum circa varia obiecta, & sic apte sunt inclinari magis, ac reddi propensiores ad certos actus. Et huiusmodi sunt potentia sensitiva, tam in brutis, quam in hominibus. Vnde duplex distingui potest indifferentia, vna quæ importat libertatem & altera quæ solum importat varietatem & copiam dictam actuum. Non ergo requiritur prima indifferentia, sed hæc secunda sufficit ad capacitatem habituum.

Rursus, præcipue quidem comparantur habitus in brutis, quatenus humana arte et industria assuescunt, quia sic adiguntur vt certos actus repetere frequentius assuescant. Sed tamen, potest quoque naturaliter contingere, vt bruta per exercitationem quorundam actuum acquirant quoque habitus, etiam inquam habitus firmos & stabiles, qui dicuntur difficilè mobiles è subiecto. Neque verò de communi ratione habituum simpliciter est, vt subdantur imperio libero voluntatis, sed id solum est de ratione habituum humanorum seu moralium, de quibus eo tractatu agebat D. Thom. & de nostris habitibus intelligitur, quòd ijs utimur cum volumus.

Sunt habitus in intellectu.
In intellectu ulterius, negare videtur peculiare habitus distinctos à speciebus, D. Thomas 1. 2. q. 67. art. 2., & 3. par. q. 12. art. 2., & clariùs q. 10. de Verit. art. 2. & q. 24. art. 4. ad 9. & alibi, docere solet, habitum in intellectu esse coordinationem specierum intelligibilium. Et in hanc sententiam inclinat Soncin. 6. Metaph. q. 9., licet adhuc eligat

oppositam. Absolutè etiam defendit Hurtad. disp. 16. de Anim. sect. 2. Fundamentum est, quia intellectus per species ordinatus est simpliciter determinatus ad actum: vnde non videtur capax alterius distincti habitus. Riccard. verò in 3. d. 23. art. 1. q. 2. negare videtur in intellectu habitum ad res certas & euidentes, relinquens solum ad conclusiones probabiles & obscuras. Quia nimirum ad illas res intellectus est per se determinatus, ad alias autem indiget noua determinatione. Durand. in 1. d. 24. q. 1. num. 4. & in 3. d. 33. q. 1. num. 7. Palatius d. 23. q. 1. Sotus lib. 1. de Iust. & iure q. 4. art. 1. Et Valent. q. 3. de Habitib. pun. 1. negant peculiarem habitum à potentia distinctum circa prima principia per se nota: voluntque, habitum qui vocatur intellectus, non esse aliud quam ipsam potentiam per se promptissimam ad assensum eorum principiorum. Ex aduerso circa res probabiles & obscuras, negare videtur habitum Sotus in Prædicam. qualit., dicens opinionem non esse propriè habitum. Et consentit Valent. q. 1. de Habitib. pun. 1. Quia scilicet opinio non habet firmam causam qua tenaciter adhæreat subiecto.

Dicendum tamen est, in intellectu esse veros habitus, distinctos tam à speciebus quam ab ipsa potentia; darique circa omnes res quæ sub illius cognitionem cadunt. Hæc est communis sententia ac doctrina. Et D. Thomas ex professo affirmat, in intellectu esse habitus, qui acquirantur exercitio actuum, atque adeo distinctos à speciebus. Sic docet 1. 2. q. 50. art. 4. & q. 54. art. 4. & alibi frequenter. Vnde Capreol. in Prol. sent. q. 3. concl. 1. ait, D. Thom. in hac re aliquando fuisse dubium, vt patet 2. cont. Gent. cap. 56., aliquando verò inclinare in vnam, & aliquando in alteram sententiam, sed

magis inclinare in sententiam negativam. At Ferr. eod. cap. cont. Gent. explicat D. Thomam. Et quidem, dum dixit, habitum intellectus esse coordinationem specierum, vel amplè sumpsit nomen habitus completendo ipsas quoque species: vel coordinationem specierum sumpsit pro qualitate ipsis superaddita, quoniam reuera acquisitio habitus præsupponit species, easque veluti perficit. Arist. item expresse constituit habitum intellectus, lib. 9. Metaph. & lib. 1., 2., & 6. Ethic., habitum inquam qui acquiritur per actus: & præsertim 6. Ethic. distinguit habitum scientiæ circa conclusiones evidentes, habitum qui dicitur intellectus circa prima principia, quem constituit etiam 2. Poster. cap. ultimo, & habitum opinionis circa res probabiles.

Constat autem hæc assertio ex ea lem experientia, quæ simpliciter indicant habitus. Nam per usum & exercitationem redditur intellectus magis promptus & propensus ad similes actus repetendos. Neque verò sufficit sola coordinatio specierum intelligibilium, imò nec apparet quæ coordinatio esse possit absque noua qualitate. Sed præstat omnino fateri, acquiri peculiarem qualitatem in intellectu, quam dicimus habitum.

Differt. Confirmatur magis: quia longè diuersum est munus speciei intelligibilis, atque habitus. Species enim habet vnire obiectum potentæ, rebus in- præsentare in actu primo obiectum, telligi- requiritur simpliciter ad eliciendum bilibus. cognitionis actum, est imago & similitudo obiecti, reperitur etiam in sensibus externis: quæ omnia circa ipsas species postea ostendemus. Habitus verò est qui tribuit facilitatem & promptitudinem potentæ ad eliciendos actus, conuenit etiam potentæ appetitiuæ in qua non in-

uenitur species, estque planè diuersa rationis à natura dicta speciei. Rursus, species se tenet ex parte obiecti, & substituitur loco obiecti; habitus se tenet ex parte potentæ, inclinans eam ad operandum. Species præcedit omnem actum, habitus acquiritur per actus & augetur per actus. Demum fieri potest, ut cum paribus speciebus, vnus intellectus determinetur ad assensum, & alias ad dissensum eiusdem propositionis, & sic hi duo intellectus acquirant habitus oppositos. Et postquàm intellectus possidet vnum habitum, fieri potest, ut per actus contrarios destruat in se priorem habitum, & acquirat oppositum: non tamen per vllum actum destruitur species impressa. Omnino igitur habitus in intellectu sunt qualitates distinctæ à speciebus, nec per solam coordinationem specierum saluari possunt.

Itaque, etiam ad veritates certas & evidentes, siue sint conclusiones, siue prima principia, debent concedi in intellectu sui habitus. Quod plenius ostendetur soluendo oppositum fundamentum. Et quidem, idem fundamentum erat generale ad negandos omnes habitus, & speciale ad negandos habitus evidentes, sumptum ex naturali determinatione intellectus. Plurima autem excogitata sunt pro solutione eius fundamenti. Aut dicendo, habitum conferre intellectui, ut sine nouo discursu inclinetur ad assensum. Aut, conferre ut intellectus promptè colligat & inspiciat ea quæ ipsum inducant ad assensum. Aut conferre ad superandam difficultatem quæ in assentiendo possit occurrere. Aut, conferre ad firmadum intellectum contra omnem formidinem de parte opposita. Aut, conferre ut intellectus cum leuiori apprehensione terminorum præbeat assensum. Aut tandem dicendo, quamuis intelle-

Dantur habitus in intellectu circa res evidentes.

Quis sit de se determinatus, tamen adhuc subesse domino voluntatis, saltem quoad exercitiū actus, etiam in rebus eidentibus: & sic esse capacem habitus: S. Thomas enim 1. 2. q. 50. hac regula duci videtur, constituendo habitus in voluntate, & in alijs potentijs quaterus voluntate reguntur. Verum, hæc & similia, nec necessaria nec vtilia sunt ad defendendos habitus, & quædam sunt falsa, ac tandem non attingunt veram habitus rationem, quæ est præbere facilitatem ad actus.

Dicendum ergo est, licet intellectus sit de se determinatus, tamen adhuc posse velut impelli & vrgeri magis ad eliciendum actum, & sic illi conuenire habitum. Si enim considerentur duo intellectus, vnus tamen cum habitu, hic propensius & validius prorumpet in actum, etiam circa veritatem eidentem siue per discursum, siue per simplicem assensum. Sicut si sit vnus intellectus intrinsecè perfectior altero, vtique perfectiorem modum operandi habet: hanc ergo perfectionem potest pariter assequi per habitum superadditum. Ac præsertim intellectus cum habitu multo facilius ac promptius eliciet actum intensiorem & vehementiorem, quàm sine habitu: & hæc differentia non minùs in actibus eidentibus circa conclusiones scientificas primumque principia; quàm in alijs actibus inuenitur. Sic demum, quamuis omnis lapis sit per se determinatus ad descensum, tamen lapis grauior, & lapis cui addatur maior aliquis impulsus à proijciente, vtique promptius ac velocius descendit.

Dantur circa res probabiles & obcuras, per frequentem iterationem assensus, acquiritur habitus in intellectu, qui dicitur habitus opinionis, & fidei acquisitæ. Hæc enim res non ita determinant et

rapiunt intellectum, sicut res eidentibus. Et in his magis constat experientia, eos qui assueti sint alicui opinioni, solere valde firmiter in hære, ita vt difficulter trahi possint ad partem oppositam. Itaque non solum in hoc genere datur verè huiusmodi qualitas inclinans intellectum, quam nunc communi nomine dicimus habitum: sed etiam debet propriè & in rigore appellari habitus, secundum illam quoque conditionem, qua dicitur difficile mobilis è subiecto. Sicut in genere moris vocantur habitus in voluntate, ipsa vitia, quamuis non solum careant firma causa in natura rationali, sed potiùs illi repugnent, sintque cōtra naturalem inclinationem. Et sic tandem patet, tam ad illud fundamentum contra habitum opinionis, quàm ad omne fundamentum contra quoscumque habitus intellectus.

In voluntate tandem, Ocham. *Sunt habitus in voluntate.* Quodl. 3. q. 17. videtur in dubium reuocare an sint habitus: quia ad illam inclinationem quam experimur in exercitatione voluntatis, videri potest sufficere habitus in intellectu, cuius ductum sequitur voluntas. Addi potest, conferre etiam habitum appetitus, qui nimis frequenter solet trahere voluntatem. D. Thom. verò 1. par. q. 40. art. 5. ad argumenta, admittit, non requiri habitum in voluntate circa bonum in communi absolutè sumptum: quia est per se ad illud determinata. Sed sine dubio constituendi maxime sunt habitus in voluntate. Et quidem omnes qui agnoscunt habitus, maxime eos tribuunt voluntati: & re ipsa consentit idem Ochamus. In hoc sanè actuum genere, clarissima & frequentissima est experientia, qua vsu & exercitio actuum comparamus magnam facilitatem & propensionem voluntatis ad similes actus re-

petendos, & consequenter difficultatem ad oppositos. In hoc genere, habitus valet roborare & confortare potentiam ad superanda impedimenta sæpè occurrentia, & ad amplectenda opera alioqui ardua & molesta. Valet inclinare & urgere in vnam vel aliam partem indifferentiam voluntatis. In hoc demum genere extant virtutes & vitia morum. Et sine dubio cum æquali statu intellectus & appetitus sensitui, potest voluntas taliter affici. Nullatenus ergo pro voluntate sufficiebāt habitus intellectus & appetitus. Sed longè maiori ratione constituendi sunt habitus in voluntate, quàm in alijs potentijs. Et concedi quoque illi debet habitus ad bonum incommuni, vt propentius adhuc in illud tendat. Imò, licet voluntas sit determinata ad tale obiectum quoad specificationem, est adhuc indifferens & libera quoad exercitium. Ponuntur autem habitus in alijs potentijs, quæ de se sunt prorsus determinatæ: adhuc ergo maiori ratione debet tribui talis habitus voluntati. Sed de hac tota re plura in Moralibus.

Ex his habitibus intellectus, & voluntatis, concludi potest, reperiri non solum in hominibus, sed etiam in Angelis. Verùm, quia non includuntur Angeli inter hæc viuentia de quibus modò agimus: de ijs in proprio tractatu res pertractanda erit.

SECTIO TERTIA.

Vtrum Habitus omnes acquirantur per actus, an aliqui sint inditi à natura.

NON loquimur hic de habitibus qui supra naturæ ordinem inveniuntur à Deo, sed de ijs solum

qui naturaliter conueniunt animæ. Et compertum quidem satis est ex dictis iam de existentia habituum, ordinarium & consuetum modum esse, quo habitus acquiruntur per actus. Sed dubitatur, num etiam antecederent innascentur habitus, & ab ipsa natura potentijs inserantur.

Arist. 6. Ethic. cap. 11. constituit se videtur quosdam innatos habitus, *teles in-* spectantes ad partem anime cogno- *dicat,* scitiuam. Recenset enim habitus *dari ha-* quos vocat, sententiam, perspicaciam, prudentiam, & intellectum: *ditos à* Aitquè, *Esse hæc etiam naturalia vi-* *natura.* *dentur, ac sapiens quidem natura* nemo est, sed sententiam habet, & perspicaciam, & intellectum. Et probat etiam, quia hæc ætate ipsa perficiuntur, *Quasi causa,* inquit, *ex natura fit.* Deinde cap. 13. patenter videtur constituere habitus innatos, spectantes ad partem appetitiuam, & veluti morales virtutes. *Nam et iusti, & temperantes, & fortes sumus, & cætera statim ab ipso ortu habemus.* Et rursus perspicuè addit: *Pueris & bestijs naturales insunt habitus.* Et distinguit virtutem naturalem ac virtutem propriè dictam. Insuper 1. Metaph. cap. 2. & lib. 1. ac 9. de Histor. animal. brutis tribuit quandam prudentiam naturalem.

D. Thomas item 1. 2. q. 50. art. 4. ad 3. & ex presefso q. 51. art. 1. & q. 63. art. 1. & quest. 6 §. art. 1. & alibi frequenter, constituit quosdam habitus naturales, tum in potentijs apprehensiujs, tum in appetitiuis: vult tamen, non esse perfectos & completos, sed ait esse secundum quandam inchoationem. Et specialiter constituit habitum intellectus speculatiuum, ac synderesis practicum, in intellectu, distinctum ab ipsa potentia, 1. par. q. 78. art. 1. 2. & in 2. d. 24. q. 2. art. 3. & alibi. Lauent quoque D. Aug. super Psalm. 57. & lib.

Idem indicat D. Thomas.

lib. 2. de liber. arbitr. cap. 12. Hieronym. epist. 8. et plures alij Patres, dicentes, naturaliter fuisse animæ nostræ inditam notitiam primorum principiorum moralium. Imò hoc ex Scriptura ipsa colligitur ad Rom. 2. et 7. unde hæc notitia dicitur lex quædam naturalis.

**Aliqui consti-
tunt
habitu
qui di-
citur in-
tellectus** Hinc aliqui Thomistæ affirmant, dari habitum intellectus, & synderesis ab initio inditum à natura omnibus hominibus. Sic defendunt Bagn. 1. par. q. 1. art. 6. Medina 1. 2. circa ea loca D. Thomæ, & Contrad. q. 94. art. 1. Item Viguerius in Instit. cap. 3. §. 8. vers. 1. & ferè Salas 1. 2. tract. 10. disp. 2. sect. 4. & quidam alij. Specialiter noster Guevara lib. 2. de Inter. sensu tract. 5. cap. 1. constituit peculiare quosdā habitus innatos in parte sensitiua, inclinantes ad varios actus.

**Alij nul-
lū agno-
scunt
habitu
a natu-
ra.** Ex aduerso, Alij magis communiter negare solēt omnem habitum inditum à natura, ac specialiter dictum habitum intellectus ac synderesis. Ita Scotus in 3. d. 33. q. 1. Almain. d. 23. Henr. Quodl. 5. q. 18. alijquē Theologis ac etiam ex Thomistis Caiet. 1. 2. q. 51. art. 1. & Ferrar. 2. cont. Gent. cap. 78. Item Buridan. 6. Ethic. q. 11. Fons. 9. Metaph. cap. 5. q. 2. Suarez disp. 44. sect. 4. alijquē Philosophi.

**Nullus
datur
natura-
lis habi-
tus, com-
munis
in tota
specie.** Dico primò. Nullum esse constituendum habitum innatum, distinctum à potentia, vniuersalem in tota specie: atque adeo non esse nobis inditum à natura peculiarem habitum intellectus vel synderesis. Hæc assertio sumitur ex Arist. 2. Poster. in fine, vbi expressè docuit, habitum intellectus acquiri exercitio & inductioe, opera sensuum. Ratione verò probatur: quia omnis inclinatio innata, quæ inuenitur vniuersaliter in anima, ad certos actus exercendos, siue ad assentiendū primis principijs, non debet di-

stingui ab ipsa substantia & potentia animæ: sed anima ipsa secundum suam naturam cum sua potentia, dici debet per se taliter inclinata: igitur non debet ex hac parte distingui alius habitus: nullum enim signum, nulla ratio, talis distinctionis apparet. Et sicut natura rationalis de se est inclinata ad bonum honestum, imò voluntas est naturaliter determinata quoad specificationem ad bonum in communi, siue ad bonum quatenus bonum; neque tamen propterea Auctores illi ponunt habitum quendam peculiarem inditum voluntati: ita non debet propter inclinationem illam natiuam intellectus ad assentiendum primis principijs, distingui in illo alius peculiaris habitus præter ipsam potentiam.

Itaque, vltro fatemur reperiri in nobis illam inclinationem naturalem, ob quam cogitatus est habitus ille intellectus inditus à natura: sed dicimus, eam inclinationem haberi per ipsam naturam animæ cum sua intellectiua potentia absque alia habituali qualitate distincta. Admittimus tamen, vltu & exercitio actuum comparari alium peculiarem habitum, adhuc magis inclinantem, qui proinde non est communis omnibus, sed proprius ijs qui in talibus actibus se exercent, iuxta ea quæ diximus sect. præcedenti. De huiusmodi autem inclinatione ipsius naturæ, debet intelligi, quicquid ex Script. & ex Patribus pro naturali illa notitia & lege adducebatur. Et de eadem quoque explicari solent Aristoteles ac D. Thomas, quasi magis amplè eo habitus nomine vsi sint. Sed tamen potius loquuti videntur de alijs habitibus varijs pro varia conditione humana, iuxta conclusionem sequentem.

Dico secundò. Benè posse constitui habitus quosdam naturaliter contingentes peculiare ac differen-

*Dari
videtur
quidem*

peculia- res ha- bitus in varijs indiui- duis. res in varijs indiuiduis, habentibus inter se diuersas habilitates & inclinationes. Hæc conclusio videtur satis apertè de mente Aristotelis & D. Thomæ locis allegatis. Nam planè constituunt habitus quosdam peculiare præter potentias, ac differentes & varios in diuersis hominibus. Nec intelligunt solas corporeas qualitates, quibus organa corporis certo modo disponuntur, sed propriè qualitates quasdam potentialium animæ, per se afficientes ipsas potentias.

Ratione probatur assertio: quia satis compertum est, varios homines ex sua naturali constitutione, habere valde diuersas habilitates & inclinationes, tum in parte apprehensiuâ, tum in parte appetitiuâ. Quoad partem enim apprehensiuâ alij sunt ingenio acuti, alij hebetes: alij versuti, alij simplices: alij perspicaces, alij velut stolidi. Item alij sunt valde habiles ad certa quedam studia & exercitationes, alij valde duri & serè inepti. Et varij homines ad varias artes ac studia prompti & idonei sunt, alij ad Musicam, alij ad Picturam, alij ad Poësim, alij ad Oratoriam, alij ad Mathematica studia, alij ad Philosophicâ. Et sic passim homines varias ingenij habilitates & inclinationes secū deferunt à natura. Quoad partem quoque appetitiuam, alij nascuntur propensi ad iram, alij ad timorem, alij ad audaciam, alij ad amorem: ac præsertim circa varia objecta, alij sunt à natura nimis propensi ad delicias & voluptates, alij ad pugnas & vindictas: alij sunt prompti & faciles ad labores; alij desides & otiosi: & aliarum quam plurimarum sunt huiusmodi differentiarum. Atque hæc naturales habilitates & inclinationes, multum sanè conferunt ad directionem humanæ vitæ, & compositionem morum. Unde fit, ut varij ho-

mines sint magis inclinati ad vitia aut virtutes, magis ad quædam vitia aut quædam virtutes. Et ideo peculiari Dei beneficio ducitur, melior inclinatio naturalis: de qua Sapient 8 dictum est, *Puer eram ingeniosus, & sortitus sum animam bonam*. Non quod vlla inclinatio naturalis cogat vel cum necessitate rapiat nostram voluntatem, sed quia allicit & attrahit, salua semper libertate ad quæcumque moralia opera.

Hanc verò differentiam naturalem in hominibus inuentam, aliqui tribuerunt substantiali diuersitati ipsius animæ, non quidem specificæ, sed individuali: dicentes, vnius hominis animam singularem, posse & solere esse secundum suam substantiam, inæqualis perfectionis & diuersæ conditionis ab alijs. Verum, non oportet, nec expedit, talem ac tantam diuersitatem in substantiam animæ inducere, quæ diuersitas in rigore conuinceretur esse, non solum individualis, sed verè specifica: & ita ostendemus postea circa ipsam animam rationalem. Unde præstabit omnino, hanc differentiam saluare potius per diuersas qualitates accidentales, quas dicimus habitus.

Alij autem, eam totam differentiam tribuere solent soli diuersæ complexioni ac dispositioni corporis, secundum varios humores & qualitates corporeas: V.g. homines in quibus magis abundat bilis, & qui sunt complexionis calidæ & siccæ, consequenter sunt magis iracundi; & sic singuli diuersimodè afficiuntur. Verum, fatendum quidem est, ex diuersa temperie & complexionem corporis, oriri diuersam affectionem & inclinationem hominis quoad opera animaticæ: tamen hoc pacto videtur oriri, quod ex tali temperie & complexionem consequatur certa

Non enim sunt substantia- liter inæquales ipsæ animæ.

Nec sufficere videtur sola dispositiones corporis.

certa qualitas in sensu interao aut appetitu sensitivo, taliter inclinans ipsam potentiam. Nam appetitus v.g. propensus ad iram & vindictā, immediatē moueri videtur per quādam qualitatem, sibi insidentem, inclinātem ad iram & vindictam; nec alio jui satis apparet, qualiter complexio corporis afferat talem inclinationem. Sicut itaque ex vlu & exercitio actuum efficitur talis qualitas in potentia, eam inclinans: ita pariter ex complexione corporis fieri videtur. Rursus, contingere fortasse potest, vt etiam cum æ quali seu consimili temperamento corporis, diuersæ sint quorundam inclinationes, quæ in tali casu ex alijs causis externis proueniant, præsertim ex certis quibusdam astris cælestibus: in potentijs inquam nostris sensitivis, quas supponimus esse corporeas, & in organis corporeis residere. Et ad hanc fortasse causam reduci poterit magna sæpè diuersitas inter homines inuenta, diuersa quæ habilitas & inclinatio ad varia studia & exercitia: cum alioqui difficile appareat, in solam complexionē & temperiem corporis talem diuersitatem reducere. Conferunt quidem multum dictæ causæ externæ ad ipsam corporis temperaturam: sed præter hunc modum, videntur alio etiam dicto modo valere.

Et præterea, non solum ab initio ex huiusmodi dispositionibus internis & causis externis videntur innati habitus: sed etiam postea ætatis progressu ex dispositionibus & causis nouiter emergentibus, præsertim valde notabilibus videntur quoque quidam habitus exoriri. Interdum enim homo incurrit amentiam & fatuitatem, phrenesim & delirium, qui sunt prauis affectus in sensu interno, & quandoque consistunt in firma quadam & erronea existimatione de aliqua re. Hos esse habi-

tus quosdam impressos sensui interno, explicat Gueuara tract. 1. cit. cap. 5. Et experientia confirmat: quia non solum corporeis medicamentis, sed etiam perturbatione & verberibus, aliqui vel ex toto vel ex parte sanantur, quasi scilicet sic superetur vis illius habitus, qui sensum internum adigebat ad erroneam illam existimationem. Similiter in appetitu sensitivo, ex varijs accidentibus, notabiles quædam mutationes contingere deprehenduntur, quæ indicant quoque habitus.

Possuntque in hoc genere distinguui duo qualitatum gradus: aliæ qualitates sint de sua cōsuetudine stables ac permanentes, quæ in toto rigore dicuntur habitus: Aliæ verò quædam sint flexiles ac transitorie, quæ ex temporaneis quibusdam dispositionibus & causis ita in conseruari dependeant, vt breui tractu simul cum illis transeant: & hæ dicuntur in rigore dispositiones, quatenus nempe in prima qualitatis specie distinctè habitus & dispositio nominantur. Vno autem communi nomine, omnes hæ qualitates dicuntur habitus naturales, ad differentiam habituum acquisitorum.

Rursus, habitus hi naturales permanentes, dici poterunt, vel esse eiusdē rationis cum acquisitis, ita vt idem habitus ab initio innatus, postea actuum exercitio augeatur et intendatur: vel esse diuersæ essentialiter rationis, ita vt non constituatur vnus totalis habitus ex parte innata et parte acquisita, sed sint simpliciter duæ discretæ qualitates.

Postremò ex dictis non habetur, nisi tales naturales habitus conuenire potentijs sensitivis: neque oportebit, similes collocare in potentijs rationalibus, intellectu & voluntate, sicut in ijs verè acquiruntur sui habitus: nisi placeat opinari, ob connexionem & ordinem harū po-

Comparantur habitus naturales cum acquisitis.

Possunt ætatis progressu accedere naturaliter noui habitus.

randum, statim in subiecto apto incipit operari: sed actus habet virtutem afferendi habitum in potentia: ergo statim primus actus incipit producere qualitatem habituales in potentia. Neque enim requirebatur alia prævia dispositio, quæ sanè gratis & absque necessitate fingitur. Nam indifferentia potentia, non per hoc requirit præviā dispositionem: Sed in potentia indifferenti ad opposita, optimè statim poterit ac debebit illa causa quæ applicatur, producere suam formam, si non adsit aliud impedimentum. Sic agens luminoso statim illuminat aerem, de se indifferentem ad lumen & tenebras: & ignis statim induceret calorem in subiecto indifferente ac non repugnante. Imò adhuc si requireretur prævia dispositio, agens naturale, dum non inueniret positivam resistantiam, statim induceret simul dispositionem & formam.

Nō præsumitur alia prævia dispositio ad talem acquisitionem.

Tertiò ulterius. Explicari & assignari non potest, quæ aut qualis sit vlla prævia dispositio, quæ à qualitate habituali differat. Non enim dici potest quædam alia qualitas positiua. Sine causa enim tot qualitates distinguerentur. Et, quæ facilitate, ab initio in potentia indifferenti inciperet produci talis qualitas disponens, optimè potuisset qualitas ipsa habitualis. Non potest dici negatiua aliqua impedimentorum remotio. Non enim apparent, quænam impedimenta præcedant quæ debeant remoueri. Et, si præcederent, deberet per positivam aliquam formam depelli. Non demum potest dici sola ipsa exercitatio priorum actuum esse idonea dispositio. Nisi enim relinquunt aliquem effectum in potentia, nihil conferre poterunt. Et, alioqui diceret quis, per solam ipsam exercitationem actuum, absque vilo alio habitu, potentiam

reddi promptam & inclinatum ad amplius operandum: quod tamen non poterat admitti.

Quartò. Retorqueri potest illud ipsum exemplum de guttis aquæ excavantibus lapidem. Lapis enim præinuenitur densus ac durus, non indifferens, sed resistens: vnde opus est, prius lapidem paulatim humectari & mollescere, ut deinde incipiat excavari: hanc ergo dispositionem introducunt priores aquæ guttæ, donec sequentes guttæ opus perficiant. At nihil tale potest in actibus & potentia vitali cogitari ante acquisitionem habitus. Imò potius supposebatur potentia indifferens. Quod si supponatur potentia prius affecta alio contrario habitu, ut sæpe contingit: tunc eò magis non potest auferri tale impedimentum, nisi per alium novum contrarium habitum, sicut expellitur frigus per calorem. Igitur primus actus superueniens, vel nihil facit, vel incipit producere suam qualitatem habituales, qua depellat aliquid de contraria. Benè autem contingere potest, tam intensum inueniri habitum contrarium, & tam exiguum esse novum actum, ut nihil tunc efficiatur: sed opus sit alio validiori actu incipere: Fortasse etiam, quamvis nullus inueniatur habitus contrarius in potentia, potest esse primus actus tam debilis, ut non sufficiat inchoare productionem habitus. Addit quoque Medina 1.2.q.50. art.3., per primum motum indeliberatum voluntatis nō produci in illa habitum: quia voluntas non nisi per liberam deliberationem assuescere debet.

Dico secundò. Plurimi habitus *Plurimi sunt, qui non statim cum incipiunt produci, accipiunt statum perfectum non statim sed hunc statum acquirunt per usum & frequentationem accipiunt statum probatur assertio. Habitus in rigore*

re dicitur, qui est difficili è mobilis à subiecto, & sic à dispositione distinguitur intra primam speciem qualitatis: potestque eadem qualitas ab initio habere statum imperfectum dispositionis, potest autem perfici ad statum habitus. Plurimi ergo sunt huiusmodi habitus, qui licet per primum actum incipiant produci, tamen non acquirunt statum perfectum habitus, nisi per exercitium & frequentationem plurimorum actuum. Huiusmodi planè sunt habitus voluntatis circa objecta ad quæ voluntas est libera & indifferens. Nam ratione suæ indifferentiæ voluntas non statim ab initio ita firmiter inclinatur in vnam partem, ut non possit facile flecti in oppositam: vsu tamen & consuetudine actuum acquirat talem inclinationem in vnâ partem, ut difficulter postea flectatur in oppositam. Similiter habitus opinionatiui in intellectu, non statim per primum actum acquiruntur firmiter inhaerentes, sed bene per iterationem plurimorum actuum. Atque hoc totum experientia ipsa satis constat. Non esset autem impossibile vnum actum ab initio esse ita validum & intensum, ut æquivaleret plurimis actibus, & sic sufficienter ab initio gigneret habitum in statu habitus. Sed regulariter non ita contingit.

Sed præcedunt aliqui actus disponere potentiam, antea in statu dispositionis. Hoc pacto dici possunt priores aliqui actus disponere potentiam, usque dum tandem acquiratur habitus. Disponunt inquam producendo ipsam qualitatem habitalem in statu imperfecto, donec tandem perficiatur. Quæ proinde dicitur dispositio intrinseca, & eiusdem rationis cum tota forma: sicut si caler ut vnum dicatur dispositio ad calorem ut duo. Atque hoc voluisse videtur S. Thom. q. 1. de Virt. art. 9. ad 9. dicens: *Primus actus facit aliquam dispositionem, secundus actus inueniens materiam dispositam, ad-*

huc magis disponit, & tertius adhuc amplius, & sic ultimus actus agens in virtute omnium precedentium complet generationem virtutis. Vbi clare affirmat, prioribus actibus aliquid verè effici in potentia: ultimo autem actu compleri & contumari habitum, hoc est non totaliter de nouo produci. Clariùs in tertio dist. 23. q. 1. art. 1. ait, *Cum qualitas in potentia existens est imperfecta, dicitur dispositio: cum autem iam consummata est, & in naturam versa, nominatur habitus.* Eodem modo hanc rem explicant Duran. Gabr. & alij frequenter. Sic tandem debet intelligi, quod Arist. in Moralibus sæpè docet, virtutes acquiri consuetudine, & frequentatione actuum, acquiri scilicet secundum statum perfectum habitus & virtutis: & ideo 2. Ethic. cap. 1. ait: *Iusta agendo iusti, temperantia temperantes, fortia fortes, euadimus.*

Dico tertio. Quidam habitus sunt, qui statim ab initio per primum actum accipiunt statum perfectum habitus: specialiter nempe habitus evidentes in intellectu. Fundamentum huius assertionis est: Quia potentia intellectiva est ita determinata ad obiectum evidens, ut semel posita sufficienti apprehensione eius cum omnibus requisitis, necessariò præbeat assensum. Vnde qualitas quæ tali actu in intellectu acquiritur, iam ex natura sua ita firmiter potentia adhærebit, ut facile dimoueri non possit, imò simpliciter non possit. Quamuis enim hanc firmitatem talis habitus tunc non possideat vi magnæ intentionis suæ, tamen possidet ex ipsa natura sua & determinatione potentia. Imò, quantumvis intentus sit habitus aliquis opinionis in intellectu, adhuc firmitus intellectui intidebit exiguus habitus scientia, quàm habitus ille opinionis: & poterit quidem intellectus flecti in opi-

Quidam habitus statim per primum actum acquiruntur in statu habitus.

opinionem oppositam, non tamen in errorem oppositum illi scientiæ. Insuper, quia non oportet, ut quilibet actus producat qualitatem habituales in tota sua intentione; dici poterit in maiori intentione producere actus scientiæ, quàm actus opinionis, ob evidentiam ipsius actus, & determinationem potentie.

Est de mente Aristotelis & D. Thomæ.

Hoc totum indicavit aperte Arist. in Prædicam. qualit. ubi cum dixisset, scientiam esse habitum, subdit: *Scientia enim videtur esse permanentium & diuturnorum, etiam si quis vel mediocriter sumat scientiam.* Hoc ipsum planè voluit S. Thom., dum proposuit discrimen, illud scientiæ & opinionis. Et expressè in 1. d. 17. q. 2. art. 3. ad 4. sic ait: *Omnis habitus de ratione sua habet ut sit difficile mobilis, idest habet firmitatem quandam: unde quando una actio anime habet firmitatē, inducit habitum, sicut una demonstratio propter sui firmitatē & certitudinem facit habitum scientiæ: quando autem unus actus non habet firmitatem, non sufficit unus, sed requiruntur plures: unde ex uno argumento dialectico non generatur opinio, sed ex pluribus congregatis.* Et eodem illo loco de Virtut. *Quanto actio agentis est efficacior, tanto velocius inducit formam: & ideo videmus in intellectualibus, per unam demonstrationem qua est efficax causari in nobis scientiam, opinio autem requirit multos syllogismos dialecticos propter eorum debilitatem.*

Habitus scientiæ primo actu acquiruntur.

In contrarium probat Vassq., eandem esse rationem de habitu scientiæ ac opinionis, & non ab initio acquiri scientiam sub perfectò statu habitus. Iudicium scientificum non est aliud quam apprehensio extremorum cum sua unione, & non est aliquis distinctus actus & assensus consequens ad hanc apprehensionem: ergo non per unum actum ab

initio acquiritur perfectus habitus scientiæ. Accedit, quòd Arist. 2. Ethic. cap. 1. & alibi, docet, scientias & artes doctrina & consuetudine comparari: sicut idem docet de virtutibus voluntatis.

Sed assumptum est planè falsum, ut patet ex ijs quæ diximus in logica circa actus intellectus eorumque distinctionem. At præsertim, non oportet hic alias repetere quaestiones, satis est, intellectum ita se habere ad scientiam, ut statim firmiter adhæreat conclusioni evidenti; non sic verò ad opinionem. Inde enim convincitur, scientiam ab initio habere statum habitus, ad differentiā opinionis. Aristoteles autem dixit, artes & scientias eo modo comparari: tum quia reuera per frequentationem actuum semper magis perficiuntur, & in suo augmento acquiruntur: tum quia una ars & scientia totalis, complectitur plurimas partes, quas necesse est successivè addiscere.

SECTIO QUINTA.

Quonam pacto Habitus acquirantur & efficiantur per actus.

DVrand. in 3. d. 33. q. 2. num. 10. & 11. opinatus est, habitus non acquiri per actus in genere causæ effectivæ, sed solum in genere causæ materialis & dispositivæ: quòd scilicet actus sit dispositio materialis & passiva potentie, ad recipiendum habitum. Burid. 2. Ethic. cap. 3. opinatus est, habitum acquiri per actum effectivè, tanquam terminum per suam actionem: vel tanquam terminum intrinsecum, sicut calor per calefactionem: vel tanquam terminum extrinsecum, sicut forma substantialis per præparatorem.

Auctorum placita.

Possunt clusio: quia dispositio necessaria ad productionem formæ, requiritur etiam ad conseruationem eius in subiecto quamdiu permanet: sed actus utique non requiritur ad conseruandum habitum, permanet enim habitus post actum: ergo actus non concurrere in genere causæ effectiue. Hæc tamen ratio non persuadet. Non enim probat assumptum. Imò ostendi potest, illud esse falsum: quia bene potest dispositio requiri ad primam introductionem formæ, & non vterius ad conseruationem eius. Mollitudo ceræ, inquit Durandus, est dispositio necessaria ad impressionem figuræ, sed non amplius ad conseruationem eius. Item, ad introductionem formæ substantialis, v. g. aquæ, requiritur dispositio frigiditatis & humiditatis saltem prope summum: & tamen etiam aqua calida retinet formam aquæ. Et alia sunt huiusmodi exempla. Neque valet quod dicunt, tunc requiri dispositionem pro sola introductione formæ, quando debent remoueri impedimenta: & sic requiri molitudinem in cera, vt repellat duritiem: actus verò non utique requiritur ad introductionem habitus per modum dispositionis remouentis impedimentum. Hoc inquam non valet: quia bene potest intelligi dispositio per se & positiue requiri ad introductionem formæ, & non ad conseruationem. Et certè in alio exemplo aquæ, dispositiones illæ per se & positiue requiruntur ad formam aquæ, etiam præciso ordine oppositionis ad qualitates contrarias.

Habit- Dico secundò. Habitus non efficitur per actum tanquam terminus efficiuntur per actionem, sed potiùs tanquam tur per principium actionis. Hæc alseruatio non est communis & certa. Sumitur

ex Arist. 9. Met. tex. 15 & 1. Ethic. quæ per cap. 1., docet enim, non produci actionem, quid per actiones immanentes vitales. Et saltem intellexit, non produci terminum aliquem qui permaneat post actionem: si non prorsus negauit omnem terminum. Probat manifestè. Tum quia actus v. g. cognitionis aut amoris intelligitur optimè secundum totam essentiam suam absque ordine ad habitum: adeo vt, etiam si nulli essent habitus, & nulla acquireretur facilitas ad similes actus repetendos, utique adhuc optimè intelligeretur tota essentia talis actus: quod autem de facto actus relinquunt talem facilitatem in anima, planè se habet extrinsecè ad essentiam ipsius actus. At verò actio dicit essentialiter & formaliter ordinem ad terminum, imò non est aliud quàm formalis productio termini. Igitur habitus non efficitur per actum tanquam terminus per actionem. Tum etiam, potest saltem Deus facere, vt eliciatur actus, & ex illo non acquiratur habitus. Imò de facto, si actus valde debilis inueniat habitum contrarium valde intentum, aut habitum suum valde intentum, non inducit habitum in potentia. At verò prorsus repugnat, exercere actionem sine suo termino. Tum demum, actus vitales sensuum externorum nullum produciunt habitum: sicut ergo saluatur essentia horum actuum, & non per modum actionis erga habitum: ita per se saluari debet essentia actuum internorum, secluso ordine ad habitum.

Quòd si dicatur habitus fieri per actum, tanquam terminus extrinsecus, sicut dicebatur forma substantialis fieri per alterationem præuiam. Iam sic agnoscenda erit alia actio propria, qua intrinsecè fiat habitus: & respectu huius actionis actus vitalis planè se habebit per modum

principij. Sicut forma substantialis fit intrinsecè per generationem substantialem, cuius actionis sunt in suo genere principium qualitates quæ fiunt per alterationem. Sed neque ita habitus dici debet terminus extrinsecus actus vitalis, sicut forma dicitur alterationis. Alteratio enim per se ordinatur ad formam substantialem: sed non actus per se ordinatur ad habitum: quinimò habitus potius ordinatur ad actus similes repetendos, & ad hunc finem relinquitur ex prioribus actibus.

*Habit-
us sit p
actū ta-
quam a
princi-
pali cau-
sa.*

Dico tertio. Habitus videtur effici per actum, tanquam à sua causa propria & principali. Hæc assertio videtur de mente S. Thomæ & aliorum, qui absolute & absque limitatione docuerunt, habitum acquiri & effici per actus. Suadetur: quia tota difficultas in hac re esse potest, si actus essentialiter non sit inferior, sed potius excellentior ipso habitu. Cum enim sit diuersæ ab illo speciei, non poterit esse æqualis perfectionis, non erit causa vniuoca: sed debet esse causa æquinoca, & superioris perfectionis. Augetur verò difficultas: quia ex alia parte, habitus est principium aliorum sequentium actuum, qui sunt essentialiter conformes prioribus: & hinc videtur potius è conuerso, habitus esse causa æquinoca actus, esse superioris perfectionis. Hæc tota autem difficultas euaditur, si dicatur actus se habere solum vt instrumentum potentiae, & potentiam esse causam principalem habitus: aut si dicatur actus se habere solum per modum conditionis siue rationis agendi: ita videlicet, vt potentia ipsa per concomitantiam actus, immediatè ac directè efficiat in se ipsa habitum.

Sed tamen benè defendi potest, actum esse causam propriam et principalem sui habitus, & sic potius sentiendum erit, si non aliter per-

suadeatur oppositum. Et in primis, non repugnat, duas species differentes, esse inter se æqualis perfectionis essentialis; atque adeo non repugnabit, inter se mutuo penes varia individua, effectiuam causalitatem exercere. Ita in Vniuersum tractauimus q. 11. Logicæ sect. 5. vbi in fine commemorauimus hanc mutuum causalitatem actuum & habituum.

Deinde, simpliciter comparando actum & habitum, videtur potius actus essentialiter excellentior habitu, & non habitus actu. Ita indicat D. Thom. 1. 2. q. 51. art. 2. ad 3. & q. 71. art. 3. in corp. & ad argumenta, licet hoc secundo loco loquatur potius in genere moris. Sed Caiet. & plures alij Thomistæ intelligunt etià absolute. Idem docent Scot. locis antea citatis, Capreol. in 4. d. 49. q. 1. art. 3. ad 2. Scoti cont. 1. concl. Maior, in 3. d. 23. q. 4. ad 3. Fonseca q. Met. cap. 5. q. 4. sect. 4. Conimb. dist. 3. Ethic. q. 3. Suarez & Vasq. antea allegati, alijquæ vt plurimum. Sumitur quoque ex Arist. qui hac ratione docet, summam hominis felicitatem consistere potius in actu quàm in habitu, quia actus est vltima & suprema perfectio. Sic docet 1. Ethic. cap. 8. & sequentibus, lib. 10. cap. 9. & passim in libris moralibus: item 9. Metaph. cap. 7. lib. 12. cap. 4. & 6. & alibi.

Suadetur verò rationibus. Tum *Actus* quia ex natura rei maior apparet *enim est* perfectio actus, siue cognitionis in *præstan-* intellectu, siue appetitionis in *vo-*luntate, siue quicumque alius, quàm *tior ha-*bitus. sit perfectio habitus, qui non est aliud quàm facilitas quedam & promptitudo potentiae ad actum. Tum præterea, habitus essentialiter ex natura sua ordinatur ad actus, estquæ propter actus; non verò actus propter habitus. Tum etiam, optabilius esset habere actus sine habitibus, quàm habitus sine actibus. Tum *de-*

demum, nobilior est actus cognitionis, quam species intentionalis illi inferuiens, quamvis species sit simpliciter necessaria ad actum, & semper ordine causalitatis præcedat actum: ergo eò magis actus est nobilior habitu, qui solum confert ad facilitatem operandi, & realiter acquiritur per ipsos actus. Vnde ex aduerso non obstat, quòd habitus est forma magis permanens & durans. Nam, etiam species in sensu interno & intellectu, est forma diu permanens. Et rectè notauit D. Thom. ibi q. 71. art. 3. ad 1., habitum esse pot'orem secundum quid, in quantum est diuturnior actus; sed simpliciter esse inferiorem.

Itaque concludendum est, benè posse actum esse causam principalem effectiuiam habitus. Cumquè ex vna parte habitus acquiratur per actus, ex altera parte inclinet & còcurrat ad actus: pot'us censendum est, habitum effici per actum tanquam à sua causa principali: quia non oportebit, habitum deinde esse causam principalem actuum sequentium: sed omnes actus semper per se efficiuntur à potentia & habitus se habebit solum concomitanter, adiuuando & inclinando potentiam, vt postea tractabimus.

*Repro-
bantur
quædam
alia ra-
tiones.*

Arguit præterea Scotus disp. 6. §. *Ad quæst.* Si non ipse actus, sed potentia, efficeret principaliter habitum; sic voluntas pro sua libertate posset illum efficere & non efficere: quod planè est contra experientiam, quia posito actu sequitur necessariò habitus; ipse autem actus non est rursus causa libera. Addunt alij: Non potest eadem potentia, recipere & efficere eandem formam: sed potentia recipit in se habitum: ergo dici non potest illum efficere. Hæ tamen rationes, friuolæ sunt. Voluntas enim est libera vt eliciat vel non eliciat actum: sed non pro-

pterea deberet esse libera, vt posito actu efficeret vel non efficeret habitum. Rursus optimè potest eadem potentia efficere ac recipere formam: & sic vtique elicit & recipit actum.

SECTIO SEXTA.

*An & per quos actus augmen-
tur & intendantur
Habitus.*

DVplex augmentum habituum in hac re distinguitur, nempe intensiuum quo habitus circa idem prorsus obiectum magis roboretur ac perficiatur in potentia, & extensiuum quo habitus veluti ampliatur & extendatur ad aliquod aliud obiectum. Sed intensiuum propriè est augmentum, sicut aliæ qualitates augentur intensiue: de extensione autem habitus inquiremus lect. sequenti.

Circa augmentum intensiuum, dubitarunt aliqui, num habitus verè intendantur. Specialiter de habitibus cognoscitiuis, Ioannes de Salas 1. 2. tract. 10. disp. 4. lect. 1. probabilius putat, non suscipere intensiorem. Et fundamentum eius est: quia actus cognitionis non est magis aut minùs intensus: ergo neque habitus. Assumptum probat, quia vel cognitio est apprehensio, vel iudicium. Sed potentia non apprehendit magis aut minùs intensè obiectum, sed benè magis aut minùs attentè vel expretsè: attentio autem & expressio non est intentio. Item non iudicat magis aut minus intensè, sed cum maiori claritate vel certitudine: at etiam claritas & certitudo non est intentio actus.

Sed supposito quòd habitus verè intendatur per actus, D. Thomas 1. 2. q. 52. art. 3. indicat, non per omnes actus,

*Aucto-
rū pla-
cia.*

actus, quamvis intentiores habitu, intendi habitum; sed vel intendi, vel disponi potentiam ad hoc ut postea intendatur habitus: Iuxta quod, aliqui ex ijs qui volebant per primos actus non acquiri habitum, sed disponi potentiam usque ad certum actum: ita pariter post acquisitionem sentiunt de augmento; per quosdam actus prius disponi potentiam, & postea per certum actum induci novum intensiōis gradum. A fortiori negat D. Thomas, habitum augeri per actus remissiores. Et hoc defendunt, Caietanus, Conradus, Medina, & alij eodem loco, Suarez disp. 44 Met. sect. 10. ab ijs tractantes de habitibus. Imò addit D. Thomas, actus remissiores nec etiam disponere ad augmentum habitus, imò disponere ad diminutionem.

Ex aduerso, habitum augeri per omnes actus, etiam remissiores, affirmant, Scotus in 1. d. 17. q. 3. Durand. q. 8. Riccard. art. 2. q. 3. Gabr. in 3. d. 23. q. 1. art. 3. dub. 4. Henric. Quodl. 5. q. 16. Vasq. 1. 2. disp. 80. Salas disput. cit. sect. 2. & alij in eadem materia.

*Omnis
habitus
augetur
& intē-
ditur p
actus.*

Dico primò. Omnis habitus, tam cognoscitiuus, quam appetitiuus verè & proprie est capax intensiōis, ac reuera augetur & intenditur per actus. Hæc assertio est clarissimè Arist. & omnium qui agnoscunt habitus. Et est ita certa, sicut simpliciter dari habitus. Pariter enim eadem experientia constat; nempe per iterationem & frequentationem actuum, potentiam reddi semper magis ac magis promptam & inclinatum ad repetendos similes actus. Neque enim experimur, semel tantum in nobis insurgere novam quandam facilitatem ad operandum, sed temporis progressu experimur semper maiorem: imò non aliter experimur, nisi paulatim & per partes hanc facilitatem

in nobis accrescere. Hoc autem totum, ita prorsus verificatur in habitibus cognoscitiuis, sicut in appetitiuis. Omnino ergo omnes ij habitus suscipiunt incrementum, ac verè intenduntur per actus. Quòd si quis eludere tentaret talem experientiam sine vero incremento & intensiōe habituum: iam eadem via negari deberet augmentum in habitibus appetitiuis atque cognoscitiuis: imò negari deberent prorsus omnes habitus, si alique ijs consistere posset facilitas quam in nobis experimur.

Secundò, Ratione suadetur assertio: quia planè ex natura ipsa facilitatis, potest ac debet intelligi, hæc facilitas & inclinatio maior & maior: potest enim potentia fieri, non solum simpliciter prompta, & inclinata, sed magis ac magis prompta & inclinata: igitur verè habitus, qui est forma præbens talem promptitudinem & inclinationem, in se suscipit intensiōis augmentum.

Tertiò. Etiam si actus singuli essent indiuisibiles sine intensiōe, adhuc habitus posset esse diuisibilis in intensiōe, suscipiens magis & minus; reddens nempe potentiam magis aut minus propensam ad tales actus. Et hoc tandem admittit Salas, ut ipse quoque defendat intensiōem habituum.

Quartò præcipuè. Nostri actus sunt omnino diuisibiles in intensiōe, & suscipiunt magis & minus, tam inquā actus cognoscitiui quā appetitiui, tam actus intellectus quā voluntatis. Ita enim omnes supponunt. Et ex natura rei patet, quia possunt sine dubio omnes ij actus esse magis aut minus perfecti circa idem prorsus obiectum, & singuli intra eandem suam speciem: hæc autem est perfectio intensiua. Et prorsus eo pacto quo actus voluntatis dicuntur posse & solere esse

*Ipsiquè
actus
habent
suā in-
tensiōē.*

intensiores & perfectiores, ita pariter actus intellectus. Demum hæc res est theologicè certa in actibus meritorijs ac supernaturalibus. Nam actus virtutum omnium possunt esse magis ac magis intensi. Ac specialiter in intellectu, actus visionis beatificæ in Patria, est admodum inæqualis in diuersis Beatis: actus etiam fidei in via, potest & solet esse magis magisque perfectus. Vnde tandem omnes habitus insuli, his actibus correspondentes, suscipiunt intensiōis augmentum. Et in specie de ipsa fide dictum est Lucæ 17. *Adauge nobis fidem*. Igitur concludendum omnino est, actus quoque naturales esse in intensiōe diuilibiles & suscipere magis & minus: non enim illa est conditio peculiaris ac propria actuum supernaturalium, sed communis omnium actuum nostrarum potentiarum. Et sic tandem habitus quoque acquisitos verè suscipere intensiōis augmentum, ac realiter intendi per ipsos actus.

*Tam a-
ctus co-
gnoscendi
ui quàm
appeti-
tini.*

Et hinc patet ad fundamentum oppositum. Actus enim apprehensionis potest esse magis intensus, non ratione attentionis aut expressionis, sed ratione suæ entitatis & perfectionis: similiter actus iudicij, non ratione claritatis aut certitudinis, sed ratione suæ entitatiuæ perfectionis: sicut inquam se habet intensio in alijs qualitibus. Vnde id quod de habitibus in hac materia quæri solet, num habitus intendatur per additionem gradus ad gradum, & an gradus sint eiusdem rationis, est res communis ad omnes qualitates, & iam circa qualitatem in communi id totum examinauimus. Et quod ibi dictum est, intelligi & h.c. debet de intensiōe habituum.

*Habit-
us au-*

Dico secundò. Habitus augetur & intenditur per omnes actus se in-

teniores. Hæc assertio est valde communis. Et probatur: quia nihil planè deest quominus actus intensiores. Hæc assertio est valde *getur p*
actus in-
tensiores.
tensior habitu augeat & intendat habitum. Neque intelligi potest, quæ præuia dispositio imprimi possit per priores quosdam actus, ut tandem per alium actum perficiatur augmentum. Sicut ergo ab initio diximus, primum actum statim incipere producere qualitatem habituales, non expectata alia dispositione diuersa: ita nunc sciendum est de progressu & augmento habitus. Imò maiori ratione: quia dum inuenitur iam habitus in potentia, nulla maior dispositio cogitari potest ad augmentum eius, quàm illemet gradus qui in potentia supponitur. Potest quoque explicari S. Thomas. Ait enim, actus intensiores vel æquales, augere habitum aut ad augmentum disponere. Quod potest cum distributione accipi, actus intensiores augere, æquales verò ad augmentum disponere.

At verò necesse non est, quemlibet actum augere habitum secundum totam intensiōem suam, sicut nec etiam ab initio producere æqualem sibi in intensiōe. Non enim verisimile est, nec experientie consonat, statim per actum v. g. ut quatuor, fieri habitum ut quatuor. Quinimò experimur potius, opus esse pluribus ac repetitis actibus ut notabilem facilitatem ac promptitudinem deinceps sentiamus. Et quanto magis etiam continuatur ac durat idem actus, eò maiorem facilitatem relinquit: itaque pro toto eo tempore videtur insistere ad augendum habitum: & quando denuò repetitur, iterum aliquantum auget, donec prouehatur habitus ad æqualem saltem intensiōem. Prouenire autem potest hæc retardatio augmenti, vel ex resistantia habitus contrarij præiuenti in subiecto, vel ex in-

Nō statim secundum totā intensiōem cuiuslibet actus.

differentia ipsius potentie, quæ proinde non statim se limit vehemētiū inclinari ad vnam partem; vel ex facultate & habilitate ipsius potentie, quæ cū intra suam amplitudinem plura respiciat, augetur quodammodo per habitum plus ad vnum quā ad alia: vel etiam simpliciter ex tali intrinseca imbecillitate actus, siue ex tali natura huius operationis, vt actus non valeat statim efficere habitum cum æquali sibi intensiōe, sed potius non nisi modicam intensiōem tribuat, vt sic paulatim & successiue augeatur habitus.

Nō augetur habitus per actus remissiores ipso habitu. Dico tertio. Habitū non videtur augeri & intēdi per actus seipso remissiores, aut etiam sibi æquales. Probatur hæc assertio: quia in vniuersum non potest vna qualitas producere aliam supra suam intensiōem, vt in communi de qualitate ostendimus. Quod non solum debet intelligi de actione vniuoca, quæ vna qualitas producit aliam eiusdem speciei: sed etiam de actione æquiuoca, quæ vna qualitas producit aliā diuersæ speciei. Nam si lux v. g. habeat vim producendi calorem, vtique non poterit producere supra suam intensiōem: & sic pariter omnis alia qualitas habēs vim producendi aliam: actus ergo habens vim gignendi habitum, non poterit producere ultra suam intensiōem: atque adeo actus remissior vel æqualis cum ipso habitu, non poterit eum ultra augere. Confirmatur: quia alioqui actus sumptus in certa intensiōe, valeret augere habitum magis ac magis in infinitum: si enim potest augere ultra suam intensiōem, nullus erit terminus vbi sistere debeat: quia si aliquis tandem terminus præfigendus sit, non poterat commodiū designari, quā vt que ad intensiōem ipsius actus.

Imò, non solum supponendo

actum esse causam principalem & directam habitus, sed etiam si esset merum instrumentum, vel ratio agendi, pariter non posset per actum remissum augeri habitus in maiori intensiōe: quia adhuc instrumentum & ratio agendi debet habere suam proportionem cum effectu. Vnde propinquitās localis, licet sit mera conditio, tamen maior propinquitās admodum cōfert ad producendum maiorem effectum.

Sed in contrarium Obijcies primo. Si actus remissior aut etiam æqualis habitui, non augeat habitum: sequitur, post elicitum actum certæ intensiōis, omnes alios actus se-
Benè potest augeri per actus remissiores ad huiusmodi.

quentes, si non sint illo intensiores, nihil conferre ad augendum habitum: quod planè est contra experientiam, quia plures actus augent facilitatem in potentia, neque nobis constat, semper actum sequentem esse omnibus prioribus intētiorem.

Respondetur. Actus sequentes, licet minus intentos, posse adhuc multum conferre, & augere habitum: quia, vt dicebamus conclusionē præcedenti, non statim actus augeat habitum secundum totam intensiōem, imò vnus actus videtur valde modicam intensiōem habitui tribuere. Quocirca, alius actus sequens, licet æqualis aut etiam remissior actu præcedenti, potest adhuc inuenire habitum in statu remissiori, cui possit aliquod augmentum addere. Quando tamen habitus assecutus fuerit tantam intensiōem, quantam habebant singuli actus præcedentes, tunc nouus actus debet esse intensior tam prioribus actibus, quā ipso habitu, vt valeat augere talem habitum.

Obijcies secundo. Quando inuenitur habitus contrarius in potentia, augetur omnes actus oppositi, licet remissi, vnus habitus, expellunt aliquid de habitu contrario, minuant enim propensionem expelli-
Quando augetur vnus habitus, expellitur po.

enr op. possins. potentia ad illam partem: ergo & omnes augent habitum suum, per quem expellunt contrarium, & sic in progressu augebunt supra suam intentionem.

Respondetur. Ad hoc aliqui admittunt, per novos actus expelli semper aliquid de habitu contrario, quamvis nihil producat de alio habitu opposito. Sed hoc non est necessarium, nec admittendum. Agens enim non expellit unam formam à subiecto: nisi introducendo formam oppositam. Tamdiu ergo, novi actus expellunt aliquid de habitu contrario, quamdiu augent habitum suum. Augent autem, etiam si huiusmodi actus sint inter se æquales: quia, ut dictum est, non statim ab initio quilibet actus auget habitum secundum totam intentionem.

Habitus præbet facilitatem ad actus quoque intensiores.

Obijcies tertio. Actus qui augent habitum, eo ipso augent facilitatem potentia ad producendos actus intensiores, quia potentia cum maiori promptitudine facilius eliciet actum intensiorem: igitur illi actus efficiunt habitum seipsum intensiorem.

Respondetur. Hoc argumentum probaret, quolibet actu semper gigni siue augeri habitum intensiorem ipso actu: quod tamen nullus asserit. Dicendum ergo est, habitum, licet remissiorem, præbere facilitatem potentia ad eliciendum ulterius actum intensiorem: quia nimirum, semper ipsa potentia erat per se causa actuum, neque in se est limitata ad certam intentionem actus: unde addito sibi habitu, facilius iam poterit actum intensiorem elicere.

Actus remissiores habent, nihil operantur in potentia. Obijcies quarto. Actus remissiores habitu, debent aliquid operari in potentia: sed apud nos non possunt relinquere dispositionem ad augmentum perficiendum per alios intensiores actus, cum non agnoscamus dispositionem aliam distinctam

ab habitu: ergo debent efficere aliquem gradum ipsius habitus.

Respondetur. Non esse necessarium, ut tales actus efficiant & relinquunt aliquid in potentia, neque scilicet aliquem gradum habitus, neque dispositionem ad maiorem gradum habitus: sicut omnis causa naturalis, nihil amplius efficit in subiecto in quo iam inuenit totum id quod efficere poterat. Imò D. Thom. dicebat, eos actus disponere potius ad imminutionem sui habitus: quod tamen procedit in sententia interite, habitum deperdi per cessionem ab operando: de qua re postea disceremus.

Obijcies quinto. Habitus supernaturales infusi dici debent augeri per omnes actus meritorios, etiam si sint remissiores ipsis habitibus, omnis enim actus meritorius auget gratiam habituales & concomitantes alios habitus: igitur habitus passim acquiriti augentur per omnes actus, quamvis remissiores.

Ad hanc rem, plerique Theologi, contendunt potius in oppositum, habitus quoque infusos actualiter non augeri nisi per actus intensiores, ipsamque gratiam habituales, imò & gradum gloriæ pro cælesti patria, non augeri nisi per actus intensiores: et mouentur exemplo habituum acquiritorum. Sed certè augmentum habituum infusorum, non debet ex habitibus acquisitis regulari ac mensurari: nec è conuerso. Habitus enim infusi augentur per actus, solum secundum rationem meriti & causalitatis moralis, non autem per modum causæ physicae: habitus verè acquisiti, physice & realiter efficiuntur per actus. Igitur habitus acquisiti non possunt augeri per actus remissiores: sed bene poterunt habitus infusi augeri per quoscunque actus meritorios, de qua tamen re in proprio tractatu theologico agendum erit.

SECTIO SEPTIMA.

*An etiam extendatur vel po-
tius multiplicetur Habi-
tus per varios actus
circa diversa
obiecta,*

Multorum sententia est, vnum quempiam habitum speciali- ter in intellectu, absq; distinctione et multiplicatione noui habitus, extēdi ad plura & plura obiecta intra cer- tum aliquod genus. Et sic præfer- tim, quamlibet scientiam totalem esse vnum simplicem habitum, se ex- tendentem ad omnes conclusiones talis scientiæ: esseque vnum v.g. ha- bitum totius Geometriæ, alium ha- bitum Physiæ. Atque ab initio qui- dem, in adducenda qualibet scien- tia, acquiri totum habitum secun- dum substantiam, deinde per alios novos actus quibus nouæ conclu- siones addiscuntur, extendi illum eundem habitum ad omnes has alias conclusiones. Ita indicat D. Thomas 1. 2. q. 54. ar. 4. & ibi defen- dunt Caiet. Medina & alij, Valent. item quæst. sua 6. puncto 3. Vass. disp. 78. cap. 2. & disp. 80. cap. 3. & sequentibus, Salas tract. 10. disp. 5. sect. 1. Item Capreol. in Prologo sententiar. q. 3. Ferrar. 1. cont. Gent. cap. 16. Sotus quæst. proemial. Lo- gicæ art. 2. & alij plures. Indicant etiam Henricus Quodl. 9. q. 4. Ric- card. q. 3. Prologi, & quidam alij Scholastici circa eundem locum. Eo- demq. pacto Vass. hanc extensio- nem tribuit quoque habitibus vo- luntatis & appetitus, omnibusque virtutibus acquisitis. Ex aduerso aliqui volunt, in omnibus potentijs, tam appetitiuis, quam cognosciti- uis, realiter distingui ac multiplica-

ri habitus, iuxta quaecumque di- stinctionem ac multiplicatē obie- ctorum. Ita volunt Conimb. disp. 7. Ethic. q. 3. art. 2. & Hurtad. disp. 16. de Anima sect. 4.

Dico tamen primò. In intelle- ctu, & sic pariter in interno sensu, non extendi vnum & eundem habi- tum ad plura obiecta, sed potius multiplicari distinctos habitus, iuxta distinctionem & varietatem lingu- lorum obiectorum, ad quæ deter- minatè ipsi habitus inclinant. Hæc assertio est Scoti in Prologo sen- tent. q. 2. laterali, Aureoli, & Gre- gor. q. 3. Durand. q. 4. Balthol. q. 6. Maior. & Toletani q. 7. Ocham & Gabr. q. 8. Palat. q. 9. & aliorum plurium in eodem Prologo. Item Conrad. 1. 2. q. 54. art. 4. Lorca de habitib. d. 2. Soncin. 6. Metaph. q. 9. Suesfani eod. lib. disp. 4. Fons. 5. Me- taph. cap. 7. q. 5. sect. 2. & lib. 6. cap. 1. q. 2. Suarez disp. 44. sect. 11. To- lecti q. 3. Proemiali Logicæ, & alio- rum frequenter. Hi omnes volunt, scientiam totalem non esse vnum simplicem habitum, sed esse conge- riem tot habituum quot conclusiones continet, & hoc vocant habitus par- tiales respectu totius scientiæ. Ac- cedit satis expressè D. Thomas 1. 2. q. 52. art. 5. q. 65. art. 1. ad 2., & q. 8. de Verit. art. 16. ad 4., & alijs in lo- cis quæ Capreol. pro hac parte ad- ducit. Quando verò dixit, per actus sequentes non produci nouum ha- bitum, sed præcedentem perfici: in- telligi potest, non produci alium ha- bitum totalem, quasi nouam scien- tiam, sed benè produci alium habitum partialem, quo perficiatur præcedēs in ordine ad constituendam vnā totalem scientiam. Quod autem di- citur de habitibus intellectus, pari- ter accipiendum sine dubio est de habitibus interni sensus, atque ita de omnibus habitibus cognoscitiuis.

Probatur conclusio primò: quia cum

*Non ex-
tendi-
tur vnus
habitus,
sed mul-
tiplican-
tur plu-
res ha-
bitus in
cogno-
scendo.*

Acquiritur vnus habitus an te aliū. cū quis exercet actum aliquem scientiæ per demonstrationem certæ conclusionis, aut exercet actum opinionis circa probabilem aliquam conclusionem, acquirit sanè promptitudinem & inclinationem ad assentiendum deinceps eidem conclusioni, non verò ad alias varias conclusiones: sed per actus circa has alias acquireret postea parem facilitatem ad illas: igitur plures ac distincti habitus multiplicantur, & non sufficit vnus habitus ad omnes, non extenditur idem ipse habitus ad plura; & impossibile planè est, vt per actum circa vnā, quampiam conclusionem, acquiratur per se habitualis inclinatio ad aliam conclusionem diuersam. Constat enim, per quoscumque actus non acquiri facilitatem nisi ad actus similes repetendos, vt docuit Aristoteles. Incredibile est, statim atque aliquis incipit aggredi vnā scientiā, & discit primam aliquam conclusionem, illicò acquirere habitum ad omnes alias conclusiones, et ad totam doctrinā eius scientiæ. Fatendum ergo est, plures ac distinctos debere acquiri habitus, circa singulas partes & conclusiones, licet omnes sint vnus adæquatæ scientiæ totalis.

Acquiritur vnus habitus si ne alio. Secundò. Experitur vtique quilibet de nouo scientiam aliquam arripens, acquirere se notabilem facilitatem ad cōclusiones quas addiscit, non verò hanc facilitatem pariter se habere ad alias partes scientiæ quas deinceps prosequitur addiscere, sed difficultatem patitur, & opus habet, nouis ac nouis actibus repetitis acquirere similem facilitatem ad nouas conclusiones. Imò potest contingere, vt habens quis verum habitum scientificum vnus conclusionis, postea per actum erroris acquirat habitum erroneum circa aliam conclusionem. Et præsertim frequentissimè euenit, vt duo possidentes

aliquam facultatem, conueniant quidem in aliqua & pluribus conclusionibus probabilibus, in alijs tamen dissentiant, atque ita habeant oppositos habitus. Manifestè igitur, habitus qui primò acquiritur circa vnā conclusionem, non idem ipse extenditur ad alias varias conclusiones, sed potius distinguuntur plures ac varij habitus. Potestquè acquiri vnus sine alijs. Potest vnus & idem habitus circa vnā conclusionem, coniungi cum alterutro ex duobus oppositis circa aliam conclusionem. Poterit quoque deperdi vnus habitus, permanentibus alijs: dum nempe quis mutet opinionem circa vnā conclusionem, & retineat circa aliam. Sic denique potest augeri vel minui vnus, immutatis alijs.

Tertiò. Non sufficit quod quidā Thomistæ dicunt, ideo per notitiam vnus conclusionis non perfici facilitatem ad alias, quia defunt species intelligibiles: & rursus per mutationem specierum posse contingere alias variationes adductas. Non inquam potest hoc saluari per solas species. Tum quia statim atque audiet quis nouam conclusionem, acquireret eius speciem, sed neque tunc assequitur facilitatem quam habebat ad alias notas conclusiones, imò adhuc indiget pluribus ac repetitis actibus ad parem facilitatē assequendam. Tum etiam, cum eadem specie intelligibili possunt elici actus oppositi, & sic acquiri habitus oppositi: neque enim hæc diuersitas & oppositio est inter ipsas species. Vnde etiam per mutationem opinionis non mutatur species, sed benè mutatur habitus. Igitur omnino agnoscendi sunt habitus distincti.

Quartò vterius. Ex ipsarum specierum paritate duci potest argumentum ad habitus. Sicut enim species distinguuntur ac multiplican-

Non solum sūe multa species intentionales, sed multi quoque habitus.

tur pro distinctione obiectorum, nec vna species extenditur ad plura, non species vnius obiecti extenditur ad aliud obiectum, sed semper additur noua ac distincta species: ita pariter sentiendum est de habitibus. Ideo enim debent multiplicari tot species, quia singulæ producuntur ex certis suis obiectis, vnde non habent representare nisi singulæ suæ obiecta, & efficere solum actus circa talia obiecta. Ergo ita pariter, habitus acquisitus per certos actus circa quoddam determinatum obiectum, præstare non potest facilitatē nisi ad eiusmodi actus circa idem obiectum: & sic circa varia ac distincta obiecta distincti debent habitus agnoscī.

*Non extenditur
vnus habitus ad
plura obiecta.*

Quintò. Cūm dicitur vnus & idē habitus per nouos actus extendi ad alia obiecta. Vel intelligitur extendi absque vlla prorsus additione, vel per additionem alicuius noui modi. Primum dici prorsus nō potest: quia planē intellectus post extensionem experitur in se nouam promptitudinem ad nouos actus, quam antea non habebat: hæc ergo promptitudo est aliquid de nouo realiter additum. Et alioqui, si absque vlla additione saluari tentetur hæc noua promptitudo, pariter ab initio saluari poterit tota promptitudo absque vlla acquisitione reali vllius qualitatis in potentia: & sic deberent aboleri habitus. Secundum etiam non rectē dicitur. Tum quia considerari debent plura obiecta inter se diuersa: sic sanē inclinatio ad vnū obiectum, non potest esse modus additus inclinationi præcedenti ad aliud obiectum, sed qualibet debet per se afficere potentiam in ordine ad suum obiectum. Tum etiam fieri potest, vt quis primo loco addiscat vnā vel aliā conclusionem alicuius scientiæ & facultatis: ergo potest per se primò acquirere habitum

circa vnā vel aliā conclusionem: igitur quandocumque addiscet tales conclusiones, semper pro singulis peculiare earum habitus acquirere. Item fieri potest, vt in addiscendo aliquā scientiam, vnus primo loco addiscat quādam conclusionem, & alij alios. Neque certē putandum erit, in singulis acquiri verum habitum circa illā solum primā conclusionem quā addiscit, & circa alias acquirere solum nouos quosdā modos: sed omnino latendum est, omnes acquirere veros ac peculiare habitus circa singulas conclusiones. Tum præterea, si vnus habitus circa vnā conclusionem per nouos modos extenditur ad alias, sequitur, quòd si is amittat habitum circa primā conclusionem, vel per actus contrarios, vel per obliuionem; pariter simul amittet ad omnes alias conclusiones; sed tamen satis constat posse & solere contingere talem mutationem circa vnā conclusionem absque vllō detrimento aliarū quæ non ex illa dependent. Igitur non est vnus habitus, qui per modos superadditos extendatur ad omnes, sed omnino sunt tot distincti habitus circa distinctas conclusiones.

Sextò. In qualibet scientia totali, *Non est vnus habitus pro vna sciētia.* alia sunt conclusiones inter se prorsus disparatæ, vt in Phisica alia conclusio de incorruptibilitate cælorum & alia de cōtinuatione alterationis: ita. quædam verò sunt propositiones inter se connexæ & subordinatæ, vt omnis conclusio ad suas præmissas. Circa conclusiones disparatas, non potest prorsus vnus habitus constitui, cum quocumque modo extensionis. Circa propositiones verò connexas & subordinatas, tolerabilius esset constituere vnum habitum, qui ex antecedenti extendatur ad consequens. Sed tamen hoc pacto, iam non esset distinctus habitus scientiæ subalternatæ à subalternante, quam-

quamuis inueniantur scientiæ totales distinctæ cum hoc ordine subalternationis. Rursus non distinguetur habitus discursiuus per tertia operatione intellectus, ab habitu iudicatio pro secunda operatione. Nō distingueretur habitus scientiæ circa conclusiones, ab habitu q. vocatur intellectus circa principia. At Arist. 6. Ethic. cap. 3. maximè inter habitus distinguit intellectum & scientiam, similiter D. Thomas & alij omnes.

Septimò: Sustineri non potest quod dicebatur pro qualibet scientia totali vnum esse habitum cum sua extensione, & sic pro varijs scientijs totalibus esse distinctos habitus. Nā partitio scientiarum totalium, est valde perplexa, & plerumque nimis debilis. Quinimò quædam scientiæ valde inter se communicant & frequenter eadem quæstiones & tractationes ad varias facultates reducuntur: vt maximè patet inter Physicam & Metaphysicam in consueta partitione: item inter Logicam & Philosophiam, inter Philosophiam moralem & naturalem, inter Phylicam & Medicinam, & alias huiusmodi. Nunquam ergo satis poterit determinari de qualibet re ad quem præcisè habitum pertineat. Et in vniuersum, tanta non est discretio scientiarum totalium, & vnitas omnium rerum quæ in singulis scientijs totalibus continentur, vt vnus realis habitus esse debeat pro qualibet totali scientia, & distincti habitus sint pro singulis.

Habitus distincti distinguuntur specie penes obiecta.

Octauò. Concludendū est, omnes huiusmodi habitus, qui in eodem intellectu distinguuntur penes obiecta verè & in rigore distingui specie. Solo enim numero distinguuntur vnus & alius habitus circa idem obiectum: at circa distincta obiecta in rigore distinguuntur specie. Idquè patet, tum ex natura ipsa huius rei, tum ex dictis antea circa specifica-

tionem ac distinctionē actuum penes obiecta, ealem enim prorsus ratio est de habitibus, dum singuli determinatè respiciunt distincta obiecta. Item concludendum est, ex tot distinctis habitibus, licet sint partes vnius scientiæ totalis, nō constituit totum quid per se vnum; sed potius vnitatem scientiæ totalis habitualis, esse vnitatem per accidens & per aggregationem, esse vnitatem convenientiæ, & ordinis, quatenus tot distincti habitus ordinatè adunantur circa quoddam totale obiectum. Et hoc solum pacto scientia totalis intelligi debet esse vna: sicut dicitur vnus exercitus ex tot hominibus, vna domus ex tot lapidibus & lignis. Ipsi enim distincti habitus, non sunt tanquam tot gradus intensiui, constituentes vnā intensiōnem: neque propriè sunt partes extentiæ, quasi constituant vnum quid in extensione: hoc enim propriè conuenit quantitati continuæ: at ij habitus non habent inter se talem proportionem, nec alia vniō in ijs intercedit nisi coadunatio in vno communi subiecto. Sicut ergo tot actus distincti non cōficiunt totum quid per se vnum, etiam si coadunentur simul in potentia; ita pariter habitus. Nec plus vna est scientia totalis habitualis compacta ex tot habitibus, quàm actualis compacta ex tot actibus, nisi quod multò plures habitus ac diutius simul permanent in potentia. Vnde, quando nominatur augmentum extentiū habituum, nequaquam debet accipi, quasi propriè augmentū vnius formæ, sicut augmentum extensiuum quantitatis: sed debet potius accipi tanquam augmentum discretum multitudinis per additionem vnitatum. Sic planè D. Thomas 1. 2. q. 52. art. 2. explicat augmentum extensiuum scientiæ per additionem plurium habituum, & in hoc discernit ab augmen-

mento intensiuo : & q. 65. art. 1. ad 2. hoc exemplo vtitur ad explicandum, qualiter vni virtuti accrescat alia virtus ei annexa. Idem supponit 2. 2. q. 24. art. 5. in corp. & ad 1. & alibi.

Non extenduntur, nec multiplicatur tot habitus in appetendo.

Dico secundò. In voluntate & appetitu sensitivo non de nouo extendi vnum quempiam habitum ad noua objecta, sed tamen nec debere distinguì & multiplicari plures habitus circa quæcumque materialia objecta, quinimò potius vnum esse habitum qui per se æquè primò inclinètur ad omnia objecta materialia communicantia in vna formali ratione motina ipsius volūtatis & appetitus. Hæc assertio, est tam eorum Auctorum quos pro superiori allegauimus, quàm etiam Auctorum prioris sententiæ, qui tribuebant quidem extensionem habitibus intellectus, sed tam extensionem quàm multiplicationem negant in habitibus volūtatis pro materialibus objectis. Et ita expressè Caiet. alijquæ Thomistæ, cum D. Thoma, qui sæpè, & præsertim 1. 2. q. 66. art. 1. negat eam extensionem seu multiplicationem virtutibus voluntatis, quam tribuit habitibus intellectus.

Explicatur & probatur assertio. Distincta objecta materialia sub vna ratione formali, sunt v. g. varij cibi & potus, qui omnes spectant ad gulam: vna autè est virtus abstinentiæ inclinans ad eos omnes moderandos. Qui ergo prius assuescit regulatè abstinere ab ijs cibis & potibus qui ei offeruntur, acquirit habitum abstinentiæ. Si autem ei postea offeruntur alij cibi & potus, eadem illa virtus abstinentiæ per se & primariò inclinatur ad moderantiã in ijs seruandam. Neque per hoc ille prior habitus accipit vllam nouã extensionem, neque acquiritur alius nouus distinctus habitus, sed potius augetur intentionè idem ipse habitus

tanquam per eosdem priores actus. Ratio autem huius rei est, quia dum quis assuescit abstinere ab illis cibis & potibus sibi oblati, monetur formaliter ex ratione honestatis in tali moderamine inuenta: vnde vbicumque adsit eadem ratio honestatis, eadem prorsus vnitatem per se inclinabitur voluntas: nec extendetur prior habitus, aut alius de nouo acquiratur. Sic non distinguuntur vtiq; tot habitus abstinentiæ, quot sunt species ciborum & potuum. Et sic in omni alia morali materia. Et hæc est etiã disparitas ab habitibus intellectus: quia in cognoscendo, quælibet propositio habet suam peculiarem rationem veritatis quæ moueat intellectum ad assensum: neque inuenitur quædam ratio communis, quæ pariter mouere debeat, ad varias propositiones, & conclusiones. Vnde etiam in sententia non distinguente plures habitus, saltem addebatur noua extensio: at in voluntate constituitur vnus simpliciter habitus pro qualibet morali materia absque alia extensione. Atque hoc totum denique ab ipsa experientia sumptum est. Et quod attinet ad habitus morales in morali parte Theologiæ hæc res vberius pertractanda erit.

Contra priorem conclusionem *Aristo-* Obijcies primò Arist. 6. Ethic. cap. *les expli-* 7. dixit, sapientiam esse scientiam *catur.* & intellectum: sed sapientia est vnus quidam habitus: ergo scientia & intellectus sunt quoque vnus habitus: & sic vnus in vniuersum erit habitus circa conclusiones atque præmissas.

Respondetur Arist. ibi designasse genera habituum intellectualium, quæ vtiq; sub se continent varios habitus specie distinctos: & sic sine dubio sub genere scientiæ, artis, & aliorum habituum, variz species distinguuntur. Sapientiam ergo non de-

designauit tanquam vnum singularem habitum : sed bene sapienti potest plures habitus includere . Et quia versari potest tam circa conclusiones , quam circa prin- cipia de rebus præstantissimis : ideo dixit esse tanquam scientiam & intellectum .

Potētia est vna, sed habitus nō est vnus. Obijcies secundo Fundamentum sumptum ex D. Thoma 1. 2. q. 54. art. 4. Vna est potentia intellectiua, se extendens ad omnes res cognoscibiles : ergo vnus debet esse habitus , saltem vniuscuiusque scientiæ totalis , se extendens ad omnes res scibiles eius scientiæ . Confirmatur quia habitus est quid medium inter potentiam & actum : ergo nec debet habere tantam vnitatem quam

tam habet potētia , nec tantam multiplicitatem quam habent actus . Respondetur . Potentiam esse inditam à natura pro omnibus rebus cognoscibilibus , & ideo meritò esse vnā . At habitus acquiruntur per actus , & possunt mille modis variari pro diuersitate actuum & obiectorum : vnde debent in se distinguī iuxta hanc diuersitatem . Ad confirmationem verò dicendum , adhuc habitus non habere tantam multiplicitatem quam habent actus : quia vnus & idem habitus , est principium plurimorum actuum cōsimilium , qui circa idem obiectum exercentur .

Habitus infusus est vnus, sed non habitus acquisitus. Obijcies tertio . Vnus est habitus fidei infusæ circa omnes veritates reuelatas , vt Theologi docent : vnus , vna quoque dicitur esse virtus prudētiæ pro omni morali materia : ergo pariter vnus poterit ac debet esse habitus intellectiualis acquisitus , saltem pro qualibet vna totali scientiā .

Respondetur . Habitum infusum optimè esse vnum , quia de se æquè respicit omnes suas veritates , neque partibiliter acquiritur per actus , non datur vel augetur plus circa vnā

quam alias veritates , non deperditur vel minuitur circa aliquā partem obiecti , sed omni. nō æqualiter se habet erga totum suum obiectum , ac denique se habet ad instar potentæ . Vnde patet , quā diuersa sit ratio de habitibus acquisitis . Prudentia autem acquisita qualiter se habeat , in morali eius tractatu inter virtutes , examinandum erit .

Obijcies quarto . Quilibet scientia totalis per se ponitur tanquam *Sciētia totalis* species quædam in prædicamento *est vna* qualitatis sub genere habitus : ergo *per ag-* non est cōgeries quædam habituum *grega-* aggregata per accidens , sed dici *tionem* debet vnus simplex habitus .

Respondetur . In prædicamento reponitur etiam adæquatè habitua- lis scientia : ergo omnis scientia deberet esse vnus simplex habitus . Item in suo prædicamento reponitur quoque scientia actualis : ergo deberet esse vnus simplex actus . Patet itaque , hæc omnia non sequi : quia non collocatur immediatè in prædicamento ipsa congeries plurimorum indiuiduorum vel specierum , sed collocatur species siue genus , continens sub se ea indiuidua siue species . Videlicet , sumitur Geometria pro genere habitus geometrici , sub quo continentur omnes peculiare distincti habitus : & sic de qualibet alia totali scientia .

Obijcies quinto . Si distinguitur habitus circa conclusionem ab habitu circa principia , poterit remanere sine illo , quod est absurdum .

Respondetur . Neque probatur , hoc esse absurdum . Neque sequitur quia licet sit distinctus habitus , potest ex alio priori pendere : sicut vtrique actus distinguitur ab actu , sed non potest esse sine illo , quia ab illo dependet .

Obijcies demum sexto contra *Habi-* secundam conclusionem . Contin- *tus appe-* gere potest & solet , vt possideat *titius* quis

est unus quis facilitatem ad vnum & non ad pro una aliud obiectum materiale intra eandem virtutem & rationem formalem, v. g. ad abstinendum ab vno genere cibi aut potus, & nō ab alio: igitur distinguendi sunt etiam habitus appetitiui sicut cognoscitiui.

Respondetur. Benè posse per accidens etiam diuersitatem contingere: nempe vel ob maiorem difficultatem obiecti, quando scilicet vnus cibus plus delectat quàm alius: vel ob certam complexionem corporis, aut etiam dispositionem corporalem ex ipsorum actuum exercitio comparatam: vel ob recentem memoriam & efficaciorē repræsentationem diuersorum actuum. Non ergo oportet distinguere habitus appetitiuos, sicut cognoscitiuos.

SECTIO OCTAUA.

Quonam pacto Habitus iuuat potentiam & concurrat ad actum.

Finis ob quem habitus à natura instituti sunt, & per actus comparantur, est, vt, iuuent potentiam & concurrant ad actum: videndum ergo iam est, qualiter iuuent atque concurrant.

Prima sententia.

Scotus in 1. d. 17. q. 2. §. *Concedo igitur*, et §. *Qui vellet*, refert, & probabilem reputat, sententiam asserentem, habitum iuuare potentiam, & concurrere ad actum, in genere causæ subiectiuæ & passiuæ, ita scilicet vt habitus sit dispositio potentia ad recipiendum in se actum. Hurtad. disp. 16. de Anima sect. 7. vult, habitum iuuare atque concurrere in genere causæ formalis, afficiendo nempe & actuando potentiam. Alij omnes asserunt, habitum iuuare & concurrere in genere cau-

sæ effectiue: & hanc quoque sententiam Scotus ibi defendit. Sed adhuc controuersum est, qualiter habitus effectiue concurrat.

Plerique volunt, habitum per se simul cum potentia propriè ac directè efficere ipsum actum secundum totam eius entitatem & substantiam, quasi scilicet concausam partialem potentia adiunctam. Ita defendunt Medina 1. 2. q. 49. art. 3. Valent. q. 1. de Habitib. pun. 2. Salas tract. 10. disp. 1. sect. 2. Fons 9. Met. cap. 5. q. 4. Suarez disp. 44. Metaph. sect. 5. & 6., & alij. Referunt hi Auctores pro eadem sententia D. Thomam & alios ex Antiquis: qui tamen vel vagè loquuti sunt de concursu effectiue, non determinantes eius modum: vel indicarunt alium ex sequentibus dicendi modis. Scot. autem loc. cit., ad hunc modum accedit.

Alij ergo explicarunt, habitum efficere solùm modum quendam in actu, non verò actum ipsum quoad substantiam. Hunc modum Gufredus Quodl. 5. q. 4. assignauit intensionem actus. Pro eodem modo Vasq. 1. 2. disp. 83. num. 4. refert Scotum vbi supra. Sed Scotus expressè hunc modum reprobat, recipit autem duas alias sententias, nempe illam de concursu materiali, & aliam de concursu effectiue ad substantiam actus. Vasq. ea disp. cap. 2. assignat modum quendam facilitatis & delectationis in actu: quia habitus hoc propriè confert vt potentia facile ac delectabiliter operetur: hinc distinguit in actu substantiam eius & modum facilitatis: atque substantiam actus effici à potentia, modum ab habitu.

Denique alij asserunt, habitum non per se & directè efficere quaquam, sed tantum esse rationem, quandam agendi, vt potentia ipsa promptè & placriter operetur. Ita præsertim sentire videntur Durandus

Secunda sententia.

Tertia sententia.

Quarta sententia.

dus in 3. d. 23. q. 4. Paludan. q. 2. Gu-
 lielm. de Rubione q. 1. art. 3. Expres-
 sius ita docet Baconus in 2. d. 28.
 q. 1. art. 3. Et Capreol. in 1. d. 17. q. 1.
 ad argumenta Aureoli cont. 1. concl.
 paulò ante finem, dicens, quòd ha-
 bitus non agit tanquam aliud præci-
 sum agens, sed vt ratio totaliter agē-
 di agentis principalis, ideoquē reduci
 ad idem genus causæ: & habitum
 non esse propriè causam partialem,
 sed rationem agendi, & magis se
 habere vt quo quàm vt quod agit.
 Idem repetit in 3. d. 23. q. 1. ad 2.
 Durand. 3. loco cont. 1. concl. Hoc
 idem voluisse videtur D. Thomas in
 3. d. 23. q. 1. art. 1. & in 4. d. 49. q. 1.
 art. 2. quæstion. 1. ad 2. vt explicat
 Capreol. loc. cit. in 3. ad 3. Durand.
 Idem fortasse voluit Scotus in di-
 sputationib. d. sp. 6., vbi negat habi-
 tum esse principium effectiuū actus,
 siue quoad substantiā, siue quoad mo-
 dū; negat quoq; inclinare potentiā ad
 patiendū & recipiendū: sed conclu-
 dit, se habere vt formam priorem ad
 formam posteriorem. Idem quoque
 voluisse videntur alij qui dicebant,
 habitum esse dispositionem, vt refe-
 rebat Scot. licet enim vterentur no-
 mine dispositionis, quod solet refer-
 ri ad patiendum, tamen intellexisse
 potius videntur, esse dispositionem
 siue auxilium ad efficiendum actū.
 Idem denique intelligi potest per
 concursum in genere causæ forma-
 lis: habitus enim formaliter afficit
 potentiam, sed vtiue inclinatur ad
 efficiendum actum.

Habi- Dico primò, *Habitus* iuuat po-
tus non tentiam & concurrat ad actum, non
iuuat et in genere causæ subiectiuæ per mo-
concur- dum dispositionis ad recipiendum:
rit di- sed propriè iuuat & concurrat in ge-
spostiuè nere causæ actiuæ ad eliciendum
ad reci- actum. Hæc assertio est planè certa.
piendum, Habetur ex D. Thoma 1. 2. q. 49.
sed acti- art. 3. & in 3. d. 23. q. 1. art. 1. & alibi,
uè ad & ex alijs omnibus Theologis ac

Philosophis, dicentibus habitus iu-
 uare ad operandum, ad exercendos
 actus. Item sumitur ex D. August. lib. de Bono coniugali cap. 21. *Habitus est quo aliquid agitur.* Et aper-
 tē ex Arist. partim, ac specialiter 2.
 Ethic. cap. 1. habitum reddere ope-
 rationē, sicut per quas genitus est:
 & cap. 6. omnem virtutem reddere
 hominem benè affectum & efficere
 opus rectum; sicut potentia visiva
 oculum benè afficit, & bonum effi-
 cit actum videndi.

Ratione probatur: quia facilitas
 & promptitudo potentia ad suos
 actus, non est per se in recipiendo,
 sed in eliciendo vt scilicet potentia
 expeditè & alacriter exerceat suos
 actus: sicut è contra potentia non
 patitur difficultatem ad recipiendum
 sed ad eliciendum actus: Ita quòd
 si vna potētia efficeret actum in alia,
 illa potentia quæ reciperet actum,
 nec facilitatem nec difficultatem
 subiret, sed benè illa potentia quæ
 eliceret actum. *Habitus* ergo qui
 formaliter habet tribuere potentia
 facilitatem, & remouere difficulta-
 tatem, non iuuat potentiam, non
 concurrat ad actum, per modum di-
 spositionis passiuæ, ad hoc vt poten-
 tia recipiat actum: sed iuuat et con-
 currat per modum auxiliij in agendo
 ad eliciendum actum.

Confirmatur magis. *Voluntas* no-
 stra, quæ est libera, non exercet vltimū
 libertatis, in quantum potentia passi-
 ua et receptiua sui actus immanen-
 tis, sed in quantum potentia effecti-
 ua et elicitiva actus: non enim est
 libera vt recipiat aut non recipiat
 actum sed vt exerceat aut non exer-
 ceat, vt eliciat hunc vel illum actum:
 et alioquin non potest non recipere
 quemcumque actum eliciat. Sed ha-
 bitus ex sui ratione habet aliquo pa-
 cto veluti determinare seu inclinare
 ad vnā partem, potentiam alioquin
 indifferentem: ergo habitus conue-
 nit

nit voluntati quatenus potentia acti-
uæ, & in hoc genere illam iuuat.
Item voluntas in eo est capax faci-
litas aut difficultatis, in quo exercet
vsum libertatis: ergo in eliciendis
actibus: igitur habitus adduntur vo-
luntati quatenus elicituæ actum, vt
inuent ad eos exercendos. Et huc
pertinet illud proloquium ex Auero-
ro 3. de anim. comen. 18. *Habitu-
bus utimur cum volumus.* Vfus enim
liber habituum, non est vtique in-
recipiendis, sed in eliciendis acti-
bus.

*Habi-
tus non
efficit
directè
actum
quoad
eius sub-
stantiam.* Dico secundò. Habitus non con-
currit ad actum propriè & directè
illum efficiendo quoad eius substan-
tiam & entitatem. Probatur con-
clusio primò ad hominem contra
eos qui è conuerso volunt actum ef-
fectiuè producere habitum, ex Scoto
disput. 6. citata. Cùm actus & ha-
bitus distinguantur essentialiter,
vnum non est causa alterius vniuo-
ca, licet calor caloris; sed æquiuo-
ca, sicut dicitur lux caloris: causa autem
æquiuo- ca semper supponitur essen-
tialiter perfectior suo effectui apud
eosdem Auctores. Si ergo ex vna
parte actus efficit habitum, est sim-
pliciter illo perfectior: ergo deinde
habitus non potest efficere actum.
Iuxta hoc concludit ibi Scotus, non
posse dari talem circulum inter cau-
sas æquiucas, inter actum & habi-
tum.

Nec satisfacit Medina loco citato
ad 3. dicens, actum & habitum se-
cundùm diuersas rationes esse alte-
rum altero perfectiorem. Nam hic
excessus nõ poterit esse ex vna parte
nisi secundùm quid: vnum autem
determinatè debet esse simpliciter
perfectius alio, & hoc non poterit
produci ab eo quod est minus per-
fectum. Nec satisfacit Suar. sect. 8.,
concedens actum esse simpliciter per-
fectiorem habitu, & idè dicens,
habitum habere se vt causam instru-

mentalem aut partialem. Nam dif-
ficile adhuc est, effectum excedere
suam causam licet partialem nisi vel
in ipso effectui inueniatur peculiaris
ratio proportionata tali causæ, vel
causa partialis sit instrumentum al-
terius causæ nobilioris. Item diffi-
cile est, habitum concurrere instru-
mentaliter: non enim apparet cuius
causæ principalis sit instrumentum,
nisi dicatur eiusdem potentia. At ip-
sa potentia omnino per se & imme-
diatè efficit actum: certè enim dici
non potest efficere solùm mediante
habitu veluti suo instrumento. Cau-
sa autem principalis non concurrat
immediatè simul cum suo instru-
mento, vt circa causam instrumen-
tem suo loco generali tractauimus.
Potius igitur concludendum est, po-
tentiam per se esse ex hac parte ade-
quatum principium sui actus, non
simul habitu directè concurrente ad
efficiendum actum, sed alio modo
iuuante vt nos explicabimus.

Secundò absolutè probatur: quia *Sed po-*
potentia adæquatè habet sufficientè *tenia*
ac totalem vim producendi actum: *adequa-*
ergo etiam posito habitu, eadem ip- *tè efficit*
sa potètia est causa totalis sui actus, *actum.*
neque habitus per se coëfficiet actum.
Antecedens est notum: nam etiam
ante habitum, potentia de se opera-
ri valebat: & habitus acquisiti dant
solùm faciliter operari, nec requi-
runtur ad simpliciter operandum:
& in hoc differunt ab habitibus in-
fufis, qui simpliciter dant posse re-
spectu actuum supernaturalium. Cõ-
sequentia deinde probatur: quia
cùm potentia ex natura sua sit causa
integra & totalis, non postulat na-
turaliter aliud comprincipium par-
tiale, cū quo iam ipsa potètia nõ sit
amplius causa totalis, sed partialis.
Itè, ū potètia per se sufficienter pos-
sit elicere actum, frustra superaddi-
tur alia concausa naturalis, quæ pa-
riter coëfficiat actum; cū præter-
tum

tim alio modo sine tali efficientia bene saluari possit iuuamen habitus. Addit quoque Scot. in 1. d. 17. q. 2. §. *Qui vellet*, nulli debet attribui causalitas ex natura rei, nisi constet: nulliquè causæ debet negari perfecta causalitas, nisi in ea imperfectio causalitatis appareat: at nulla occurrit necessitas, vt tribuatur habitui causalitas, & auferatur potētæ perfecta causalitas, cū aliter omnia satis saluari possint: ergo dici non debet habitus per se ac directè simul cum potentia efficere actum.

*Alia
Auxilia
conferunt
ad ope-
rādum.*

Tertiò. Hac ratione probari solet, inter plures actus, assensum antecedentis non esse directè principium effectiuum assensus consequentis, & actum intellectus actus voluntatis: quia nimirum ipsa potentia est per se sufficiens causa & adequatum principium sui actus, quamuis in ijs actibus necessarius sit vnus actus ad alium. Maiori ergo ratione, habitus qui non est simpliciter necessarius ad actum, dici non debet directè efficere simul cum potentia actum.

Quartò. Inueniuntur intra primam speciem qualitatis sub nomine habitus, quædam etiam dispositiones iuuant subiectum ad recipiendum: quia sub prima & secunda specie qualitatis, reponuntur illæ qualitates quæ sunt principium vel auxilium agendi & patiendi. Sed certè habitus siue dispositiones iuuant subiectum ad recipiendum, non in se directè recipiunt formam ad quam disponunt, sed solum efficiunt ipsum subiectum, in quo immediatè ac totaliter recipiatur forma. Ita ergo, habitus iuuant potentiam ad agendum, non oportet vt directè efficiat actum, sed satis erit si alio pacto adiuet potentiam.

Habi- Dico tertiò. Habitus non concurrat ad actum efficiendo in actu
efficit in modum aliquem præter substantiam

actus. Probat: quia vel hic modus esset intentio, vel facilitas. Modus enim moralitatis aut bonitatis, qui a quibusdā olim cogitatus erat, non facit ad propositum, & multo minus posset per se effici ab habitu: ac in vniuersum bene reijcitur à Scoto in 4. d. 49. q. 2. §. *Ad secundam confirmationem*.

Primo ergo. Habitus non efficit modum intentionis: quia, vt nunc supponimus, intentio non est modus quidam distinctus à forma, sed est eadem entitas formæ secundum plures gradus: non aliter ergo potest effici intentio alicuius formæ, quam efficiendo aliquem gradum eius: sic ergo habitus efficeret verè actum secundum suam substantiam. Sed etiam si intentio esset modus quidam radicationis in subiecto, adhuc illa ipsa causa quæ producit formam, debet producere talem modum. Et præterea adhuc vrget illud argumentum: quia potentia est per se causa sufficiens actus, tam quoad intentionem, quam quoad substantiam. Plura addit Duran. in 3. d. 23. q. 2. ad probandum, habitum non per se facere ad intentionem actus, quasi scilicet habitus daret potētæ vim eliciendi intensiorem actum. Et quidem putandum est, potentiam ipsam per se habere vim producendi actum secundum quamcumque intentionem, & solum accipere ab habitu maiorem promptitudinem & facilitatem operandi.

Secundò. Habitus non efficit in actu modum vllum facilitatis. Hæc enim in operando facilitas, non est modus aliquis ex parte actus, im-
actu ali-
quæ mo-
dum.
Nō mo-
dum in-
teſionis,
Nō mo-
dū faci-
litas.
preſſus ipsi actui: sed potius se tenet ex parte modi operandi, seu ex parte operantis; quatenus nempe potentia eundē actum potest promptius & facilius exercere. Atque hoc pacto, facilitatem se tenere ex parte operantis, non verò actus, notaui

tauit optimè Caietan. 1. 2. q. 49. art. 3. in fine; & Capreol. in 3. d. 23. q. 1. ad 2. Durand. 2. loco cont. 1. concl.; dicens *Habitus non facit actum facilem in se, sed facit ut fiat faciliter & promptè*. Idem ostendit Durand. eadem dist. q. 4.

Alia est Tertio. Tunc facilitas est in opere, cum v. g. quis eleuat pondus non opor-
tas te multum graue; cui opposita difficultas est, cum pondus est nimis graue: facilitas verò ex parte operantis est, cum vnus homo robustior altero, facilius eleuat vnum & idem pondus. Hoc pacto, actus minus intensus, est ex parte sua faciliior quàm actus magis intensus; actus simplicis complacentiæ, quàm actus efficax circa idem obiectum. Quod autem potentia magis aut minus promptè eliciat eundem actum, hæc facilitas se tenet ex parte operantis. Atque hæc est facilitas quam habitus tribuit: igitur hæc non est modus in actu, sed solum est quædam conditio potentie elicientis actum.

*Habit-
tus dat
facilita-
tem ope-
ranti.* Quarto. Arguit amplius Durand. Docent Theologi (& sic specialiter ad hoc ipsum propositum D. Thomas in 3. d. 23. q. 1. art. 1. ad 4.) facilitatem ex parte operis diminuerè meritum, ex parte operantis augere meritum; et e conuerso difficultatem ex parte operis augere, ex parte operantis minuerè meritum. Sed docent etiam, habitum augere, non verò minuerè meritum: ergo facilitas quæ præbet actus, non est in actu, sed solum in operante.

Quinto vltimò. Cum quis inuenitur cum habitu opposito, v. g. superbix, difficulter elicit actum humilitatis: Sed certè hæc difficultas non est modus aliquis impressus ipsi actui, productus ab habitu: non enim habitus contrarius dici potest quicquam positiuè operari in actu opposito. Ergo pariter habitus proprius non efficit modum vllum faci-

litis in actu, neque hæc facilitas est modus in actu.

Demum, satis potest saluari huiusmodi facilitas quam ex habitu experimur, absque tali modo addito actui: ergo frustra ponitur. Nam

*Hæc facilitas
non inest
actus.*

Vasq. non alio medio tuetur talem modum, nisi quia non aliter possit saluari auxilium & concursus habitus. Imò num. 14. fatetur, se non posse explicare talem modum, sed tamen esse ponendum, nisi placeat funditus abolere habitus. Durandus verò loco cit. explicat facilitatem per remotionem difficultatis prouenientis ex aliquo impedimento extrinseco, siue spiritali, siue corporal: aut per hoc quod actus vel obiectum apprehendatur magis cõforme aut delectabile. Sed id in meritò quidem Vasq. impugnat. Quia si difficultas est quid positum, etiam facilitas debet esse quid positum. Neque semper præiungitur difficultas & impedimentum, dum habitus inclinat & iuuat ad operandum. Rursus, per intellectum quidem proponitur obiectum voluntati magis conueniens aut delectabile: sed non per habitum proponitur obiectum potentie, non per habitus intellectuales ipsi intellectui, non per habitus morales voluntati: & tamen hi habitus tribuunt facilitatem suæ potentie. Aliter ergo explicandum est beneficium habitus in operando.

Dico quarto. Habitus iuuat potentiam & concurrat ad actum, tanquam ratio quædam agendi. Explicatur & suadetur assertio. Ratio agendi est, quæ non directè influat in effectum actionemq; exercet, sed quæ est ratio ut vera causa agat & operetur. Inuenitur huiusmodi ratio quæ sit simpliciter necessaria ad agendum, ut vnus actus ad alium actum, actus cognitionis ad actum appetitionis. Sic ergo inueniri potest

*Habit-
tus iu-
uat &
concur-
rit tan-
quàm ra-
tio agē-
di.*

test ratio agendi, quæ non sit per se necessaria, sed tamen inclinet potentiam ad operandum; ita ut potentia affecta tali inclinatione, sit magis propensa et proclius ad operandum, vnde dicatur facilius & promptius operari. Hoc ergo pacto, habitus concurrat tanquam ratio promptius operandi. Et rursus inuenitur quoque in anima inter ipsos actus, ratio agendi, non solum necessaria, sed etiam ulterius inclinans & alliciens ad operandum: dum, nempe præter cognitionem necessariam ad mouendum appetitum, additur vehementior & efficacior apprehensio obiecti, siue alterius motiui inducentis ad operandum; tunc enim appetitus alacrius & promptius fertur in obiectum, quamuis omnis præuia apprehensio non efficiat directè actum, vel quicquam in actu. Si etiam sint aliæ dispositiones corporeæ, inclinantes magis potentias sensitivas, nempe sensum & appetitum; non utique aliter concurrunt, nisi pariter hoc pacto per modum rationis agendi. Et sic tandem appetitus quoque sensitivus inclinat & allicit voluntatem ex natu ali harum potentiarum connectione.

Aliter concur-
runt ha-
bitus ac-
quisiti a
specie-
bus intē-
tionali-
bus &
habiti-
bus in-
fusis.
In contrarium Obijciēs primò ad probandum, habitum per se ac directè concurrere efficiendo actum. Species intentionalis impressa potentia, directè concurrat simul cum potentia efficiendo actum, ut tam circa species sensibiles, quam intelligibiles, postea dicemus. Sic etiam concurrat habitus intusus ad actum supernaturalem, ut ex vera Theologia supponendum est. Igitur sic etiam poterit concurrere habitus acquisitus, iam enim potentia non est se sola totalis & adæquata causa actus & sic poterit admittere consortium talis habitus.

Respondetur. Esse longè dispa-

rem rationem in exemplis allatis. Species enim est simpliciter necessaria ad actum, & habitus infusus ad actum supernaturalem: non sic habitus acquisitus ad suos actus. Species ad actum cognitionis supplet vicem & munus obiecti, à quo debet per se effici actus repræsentativus sui, habitus intusus supplet officium supernaturalis agentis, à quo debet per se effici supernaturalis effectus: at habitus acquisitus se tenet solum ex parte potentia, quæ iam est per se sufficiens in ratione potentia, vnde solum habebit illam inclinare magis, non autem simul cum illa cooperari directè. Species respicit in actu rationem propriam ac peculiarem ipsi correspondentem, nempe rationem similitudinis & repræsentationis; similiter habitus infusus rationem supernaturalitatis in actu meritorio: at habitus acquisitus nullam talem rationem respicit in actu, sed tantum habet velut urgere potentiam ad eundem ipsum actum, quem potentia de se apta erat elicere. Itaque potentia sola, non est causa integra & totalis excludendo obiectum huc speciem quoad actum cognitionis, & excludendo agens siue auxilium superius quoad actus supernaturales: sed est integra & totalis in gradu principij proximi ex parte animæ, & in gradu principij naturalis: vnde non admittit consortium habitus acquisiti ad sibi cooperandum, sed inclinatur ab ipso habitu ad operandum. Et ita hæc exempla confirmant potius nostram sententiam.

Obijciēs secundò. Vnus motor qui potest se solo eleuare aliquod pondus, sed cum difficultate; si accedat alius motor, facilius eleuabit, utique per concursum actiuum alterius motoris: ergo sic debet intelligi, potentiam, quamuis alioqui simpliciter sufficientem ad elicendum actum, *Aliter concur-*
runt po-
tentia et
habitus,
quæ duo
motores.

est per suam gravitatem descende-
re, tamen ipso suo motu acquirit in
progressu maiorem semper impe-
tum, & sic semper celerius fertur;
vbi utique impetus additus gravita-
ti, simul coëfficit velociorem motu.

Respondetur. Quando plures
causæ, singulæ per se possunt quali-
tatem certæ intensiōis efficere, &
tunc si coniungantur simul, maio-
rem intensiōem efficient: sed non
sic se habent potentia & habitus, ut
antea ostendimus. Verè autem, po-
tentia cum habitu solet intensiorem
actum elicere quàm sine habitu: non
tamen quasi habitus pariter cum po-
tentia operetur: sed quia ipsa po-
tentia affecta habitu, validius & ve-
hementius operatur. At neque hoc
ita contingit, quasi potentia de se
non posset intensiorem actum eli-
cere, ut cōtendit Salas disp. 1. sect. 2.
Sed solum, quia facilius potest cum
habitu: & ideo ita solet euenire,
quod intensiores actus eliciantur
cum habitu. Demum in exemplo
illo lapidis descendētis, impetus
qui additur, est per se noua quædam
virtus motiua, apta ex se perficere
motum, ut patet dum lapis projici-
tur sursum: & ideo cum gravitate
accelerat motum magis quàm sola
gravitatis vi perfici posset.

SECTIO NONA.

*An & quo pacto Habitus iuuet
& concurrat ad alienos
quoque actus.*

PRæter actus proprios cuiusque
habitus in sua materia, occur-
runt alij actus, tum elicti ab eadem
potentia in diuersa materia, tum eli-
cti ab alia distincta potentia. Ali-
qui ergo sunt qui affirmant, posse &
solere habitum vnius potentia, ita
per se concurrere ad exercendum

actum alterius potentia, sicut ad a-
ctus proprios suæ potentia: quando
nimirum alia potentia est subordi-
nata illi in qua residet habitus, &
quando actus huius alterius poten-
tia sunt pariter subordinati illi po-
tentia. Voluntati namque subor-
dinantur alia potentia cum suis acti-
bus, exequendo quicquid voluntas
inserit: intellectui quoque alia ra-
tione subordinatur ipsa voluntas, &
alia etiam potentia, perficiendo
suos actus & opera iuxta directio-
nem & regulationem intellectus.
Alij ex aduerso negant, posse vllum
habitu iuare seu concurrere ad
alienos actus, tam suæmet potentia,
quàm aliarum potentiarum. Sumunt
ex Arist. qui 2. Ethic. cap. 1. expres-
sit, habitum reddere operationes si-
miles ijs quibus genitus est, & cap.
3. & alibi idem repetit.

Dico primò. Potest & solet ali-
quis habitus per concomitantiam
iuare, & concurrere immediatè ad
actus aliquos alienos, eiusdem ta-
men potentia. Explicatur & pro-
batur assertio ab experientia. Pri-
mò in parte appetitiua. Dum quis
assuescit in exercitio alicuius virtu-
tis, exercens eius actus, & acquirens
habitu; per hoc deinde experitur
in se facilitatem aliquam etiam ad
actus alterius virtutis, scilicet similis
& connexæ cum illa. Sic utique, ac-
quirens quis habitum abstinentia à
cibis, eo ipso inuenit se promptio-
rem ad recusandas alias quoque vo-
luptates, & moderandam passionem
concupiscentia circa illas. Assuescit
enim absolutè amare bonum hone-
stum in toto hoc genere: & sic ex
vna materia acquirit facilitatem in
alia. Imò etiam aliquo pacto per
quacumque virtutē redditur prom-
ptior ad alias virtutes, ob amorem
boni honesti simpliciter in commu-
ni. Similiter, assuescens quis è con-
tra vni vitio, eo ipso fit magis pro-

*Habi-
tus iu-
uat &
concurrit
immediatè ad
actus a-
lienose-
iusdē po-
tentia.*

clius ad alia contumelia vitia, aut etiam aliquo pacto ad quæcumque vitia: quia assuecit absolutè spernere honestatem virtutis, ac superare recta dictamina rationis, & sectari ea quæ parvi sensitiuæ placent. Atque hoc totum procedit, tum in voluntate, tum in appetitu sensitiuo.

Secundò. Idem potest obseruari in parte apprehensiuâ. Qui enim studio & exercitatione incipit vacare alicui facultati & disciplinæ ac tandem illam acquirit, promptiorem se deinde ac expeditiorem sentit ad aliam & aliam disciplinam: eoquæ magis inter disciplinas inter se affines atque coniunctas. Habitus ergo apprehensiuus, in vna materia acquisitus, concomitanter iuuat quoque ad exercendos alios actus in alia materia, ad quos deinde acquireretur alius habitus proprius, per se ac primariò ad eos inclinans. Et hoc totum pariter contingit, tum in intellectu, tum in sensu interno.

Iuxta Tertio. Ratio huius rei est in om-
conexio. nibus dictis habitibus, conuenientia
ne actiuu aliqua & connexio inter varios a-
& habi- ctus eiusdem potentia, & commu-
nitatem. nicatio in genere saltem obiecti. Inde enim fit, vt potentia, reddita per se ac primariò prompta & inclinata ad quosdam actus circa certum obiectum, concomitanter & secundariò de eadem facilitate participet ad alios actus in suo gradu conuenientes cum illis prioribus, & attingentes aliud simile obiectum. Vnde, quò maior conuenientia & communicatio fuerit inter varios actus, & maior propinquitas inter vnum & aliud obiectum: eò magis vnus habitus conferet ad alios actus circa tale aliud obiectum. Et quia tandem, ad hos alios actus & obiectum, datur quoque proprius ac peculiaris habitus; sic ipsi habitus mutuò se adiuuant in eadem potentia.

Quartò. Hoc totum perficitur

optimè iuxta nostram sententiam de còcursu habituum ad actus. Alioqui enim, si habitus deberet per se ac directè efficere actum vel aliquid in actu, non posset vnus habitus ita efficere alienum actum. Sed, cum habitus adiuuet solum & concurrat tanquam ratio agendi, quia habitu insidente in potentia, ipsa potentia promptè & alacriter operatur: sic optimè potest vnus habitus suo modo conferre ad alienos actus in eadem potentia.

Dico secundò. Habitus vnus *Iuuat* potentia, non quidem immediatè, *quoque* sed benè mediante suo actu, iuuat & *con-* & concurrat ad actus quoque alte- *currit* rius distinctæ potentia, iuxta con- *mediatè* nexionem & subordinationem ipsa- *ad actus* rum potentiarum. Explicatur & *aliarum* probatur conclusio. Quia de se sa- *potètia-* tis apparet, ex habitu existente in *rum.*

vna potentia, sed nihil operante, nullatenus affici aut inclinari aliam distinctam potentiam ad exercendum suum actum: ex habitu solo existente in intellectu, nihil vtique mouetur voluntas nec ex habitu existente in voluntate mouetur intellectus, aut appetitus sensitiuus, & sic de singulis potentijs. Sed quia verè ex actu vnus potentia inducitur & mouetur alia potentia ad operandum: sic planè habitus existens in vna potentia, multum confert mediante suo actu, ad operationes alterius potentia. Magna què sanè est in hoc genere, connexio & subordinatio potentiarum. Potentia enim apprehensiuæ inter se, sensus scilicet & intellectus, ita connectuntur, vt ex actu vnus suborietur actus alterius: & quidem mutuò ex vtraque parte quoad varios actus. Sic etiam connexæ sunt potentia appetitiuæ, voluntas & appetitus sensitiuus. Item potentia apprehensiuæ cum appetitiuis, intellectus cum voluntate, sensus cum appetitu: & pariter mutuò

ex vtraque parte, vna potentia mouetur ab alia quoad varios actus voluntas ab intellectu, intellectus à voluntate, & sic de alijs.

Ac etiā Concurrit etiā hoc pacto habitus, mediante suo actu, ad alium actus quoque actum eiusdem suæ potentia. Sic vtiq; in intellectu, habitus circa principia, mediante actuali assensu, concurrunt ad actuale quoque assensum circa conclusionem. Et in voluntate, habitus circa finem, mediante actuali intentione finis, concurrunt ad electionem mediorum. Et alia plura hoc pacto contingunt. In vniuersum enim, quando vnus actus mouet ad alium actum, siue in diuersa, siue in eadem potentia, planè habitus qui est causa vel ratio illius prioris actus, consequenter & mediātè dicetur suo modo causare alium posteriorem & alienū actum, dependētem ex illo priori actu proprio eius habitus.

*Iuuat et
concurr.
ad actus
quos re-
spicit p
suo obic-
cto.*

Demum, in hoc genere inuenitur præcipuè subordinatio & dependentia obiectiua quorūdam actuum ab alijs actibus & habitibus: ita scilicet, vt quidam actus & habitus habeant pro suo obiecto alios actus perficiendos, & hi consequenter fiant ex instinctu illorum actuum & habituum. Sic vtiq; appetitus & voluntas suis actibus determinat fieri alios actus, qui deinde ex hac determinatione efficiuntur, & hi actus vocantur actus imperati & actus externi: vnde duo genera actuum sub voluntate distinguuntur, actus elicitus & actus imperati, siue actus interni & actus externi: & in genere moris pro varijs virtutibus ac vitijs hi actus distinguuntur. Item sensus internus & intellectus suis actibus apprehēdit & proponit alios actus perficiendos, qui consequenter ex hac directione & regulatione exercentur. Et hinc tales actus intellectus dicuntur practici, & alij

actus qui fiunt ex directione intellectus dicuntur praxis. Et sicut dantur actus in intellectu & voluntate, habētes pro suo obiecto alios actus quarumcumque potentiarum, ita pro illis omnibus actibus dantur quoque habitus: ac proinde hi habitus dicuntur quoque pro obiecto suo respicere eos alios actus quarumcumque potentiarum. Planè ergo tales habitus, iuuant atque concurrunt ad omnes alios actus, imperatos à voluntate, & regulatos ab intellectu.

Non tamen secundum se immediātè concurrunt, sed solū mediātibus actibus proprijs suarum potentiarum quibus insident. Non enim habitus voluntatis immediātè mouet potentiam executiuam ad ambulandum, sed mouet voluntatem ad hoc vt determinet ambulationem. Nec habitus intellectus mouet immediātè potentiam executiuam ad saltandum, sed mouet ipsum intellectum vt recogitet & attendat ad regulas saltandi: vnde fit vt perficiatur regulata saltatio. Hoc pacto, tales habitus voluntatis dicuntur sub se continere duos ordines actuum: alij dicuntur actus interni & elicitus, alij actus externi & imperati: vnde in singulis virtutibus & vitijs ambo hi ordines actuum designantur. Similiter habitus intellectus dicuntur continere alios actus internos & elicitos, alios externos ac regulatos. Et huiusmodi sunt omnes scientiæ practice, omnes artes, atque prudentia. Atque penes diuersas operationes regulandas ac dirigendas, Aristoteles diuisit scientias practicas & habitus practicos, in actiuos & factiuos, in ordine inquam ad actus alienos subditos ipsis habitibus.

Ceterum, quando Arist. docuit, habitum reddere, imiles actus cum ijs quibus genitus est, planè loquitur

tus est de actibus proprijs & elicitis pro vno quoque habitu. Neque negare cogitavit, habitus iuvare etiam, & concurrere ad alienos actus, tam suæmet potentia, quàm aliarum potentiarum, ea ratione qua his duabus conclusionibus explicavimus.

SECTIO DECIMA.

De duratione ac desitione Habituum.

Sententia affirmans habitum desinere per cessationem suorum actuum.

IN primis, habitum ad sui durationem indigere actuum repetitione, quasi ab ijs in conservari dependeat, atque adeo per meram cessationem ab actibus habitum diminui ac deficere, affirmant Ocham. in 4. q. 12. ad 1. Gaor. in 3. d. 23. q. 1. art. 3. dub. 6. Argent. ead. dist. q. 1. art. 1. ad 6. Almain. tract. 1. Moral. cap. 18. in fine, & inclinatur Salas 1. 2. tract. 10. disp. 6. lect. 3. Favet D. Thomas 1. 2. q. 52. art. 3. in fine, dum ait, actus remissiones habitu disponere ad diminutionem eius: quasi scilicet per actus debiles remittatur habitus, & per totalem cessationem ab actibus penitus deleatur. Favet insuper Arist. qui 2. Ethic. cap. 3. in fine ait: *Virtutem ab iisdem à quibus fit, augeri & corrumpi, cum scilicet non eodem modo existunt: augeri nempe per continuationem actuum & corrumpi per cessationem.* Et lib. 8. cap. 5. distinguens, operationem amicitia, & amicitiam quæ est habitus ait: *Loci diuisa, non amicitiam absolute, sed operationem dissolvunt: siquæ diuturna absentia fuerit, amicitia quoque videtur obliuionem inducere: unde dictum est, multas tam amicitias dissoluit ineffabilitas.* Planè ergo docet, habitum deleri per cessationem actuum. Rursus lib. de Long. & breuit. vitæ cap. 2. notauit, scientiam & nouitiam re-

rum amitti solere per obliuionem: at certè obliuio contingit per cessationem actuum.

Atque hinc sumptum est huius sententia fundamentum ab experientia. Nam constat, temporis progressu valde debilitari ac tandem penitus amitti, notitiam antea acquisitam rerum, & è memoria excidere res antea benè notas; & ea quæ pueri memoriter addiscunt, ac tunc benè retinent, in ætate proecta non amplius recordantur: hoc inquam totum contingit quâdo non iterantur actus de ijs rebus, non identidem in memoria repetuntur. Per meram ergo cessationem ab actibus, delentur habitus etiâ si scilicet nulli succedat contrarij actus & habitus. Duplex autem via defendunt Auctores huius sententia. Vel ut ait Ocham., quia fortasse, per actus producit ac renouatur quædam qualitas corporalis per se necessaria ad conservationem habitus: & cessantibus actibus destruitur talis qualitas per varias alterationes & immutationes corporis ab externis agentibus. Vel potius, quia per se talis sit natura habitus, ut non quidem statim cessante actu, sed diu vacante potentia à nouis actibus subtrahi debeat concursus conseruationis à Deo, & sic deficiat habitus: sicut virtus motiua impressa ex natura sua talis est, ut à motore decita, paulatim declinare, ac breui spatio tota euanescere debeat: longè tamen diutius perseveret habitus.

Putandum tamen non est habitum per meram cessationem actuum debere imminui ac deficere: sed potius omnis habitus perpetuè duraret, donec alia ratione deficiat. Ita docet D. Thomas 1. 2. q. 53. art. 3. & alibi, ubi Caiet., Medina, Valent., Vasq., alij quæ communiter. Item Henric. Quodl. 5. q. 18. Maior & alij in 3. d. 23. Angell. cap. 5. Moral.

Fundamentum sumptum ab experientia.

Habit

cus non desinit per meram cessationem actuum.

ral. cap. 3. Suarez disp. 44. Metaph. sect. 12. Hurtad. disp. 16. de Anima sect. 5., & alij terè omnes.

Ratione probatur. Quia vel statim cessante actu, incipit paulatim demerere habitus, donec totaliter evanescat, sicut in exemplo virtutis motuæ: et hoc pacto non sanè tantum duraret habitus, sed ad summum paucorum dierum spatio penitus interiret, quod est contra experientiam. Vel pro mutabili tempore duraret totus habitus, sed postea tandem desineret: Et hoc planè apparet incredibile. Nullumquè exemplum simile in rebus omnibus invenitur. Nec naturaliter definiri posset tempus quo duraret habitus. Et præterea, vel tunc statim desineret totus habitus, vel inciperet deficere, & hæc desirio continuaretur per tempus sequens, vel tunc pro quadam solum parte deficeret, & rursus post aliud tempus pro alia parte, & sic deinceps per plura temporis interstitia. Sed hæc, aut sunt contra experientiam, aut de se incredibilia. Constat enim, post multum temporis sentiri imminutum habitum, penes minorem promptitudinem ad operandum, non tamen penitus deletum: & rursus multo alio tempore post, sentiri adhuc magis imminutum, nec propterea totaliter deletum: igitur, nec statim totus habitus corrumpitur, nec dum incipit declinare, continuato deinceps interitu ad totale exitiū devenit. Credi autem non potest, per vices & tempora cum interpolatione illa per saltus deficere, si non alia ratio pro habitus extinctione succedat. Demum, non oportet, habitum sola actuum cellatione deficere: quia nihil est quod ad id dicendum cogat, ut mox sequitur explicandum.

art. 3. explicat, cellationem actuum esse causam per accidens corruptionis habituum, quia cessantibus actibus proprijs, succedunt actus contrarij per quos positivè expellitur prior habitus. Et hoc quoque voluerat ipse S. Doctor, cum antea dixerat, actus remissiores disponere ad imminutionem habitus, quia nimirum ijs incipiunt succedere actus aduersi. Sed hoc sanè non sufficit. Quia specialiter quoad habitus partis apprehensivæ, dum obliuione delentur, nulli videntur succedere actus & habitus contrarij: & dum è mente excidunt, ea quæ nota erant, & promptè in memoria tenebantur, vique non per actus & habitus contrarios excluduntur. Et expressè Arist. eo loco de Longit. & breuit. vitæ, notauit, scientiam non solum deperdi per contrarium errorem, sed etiam per simplicem obliuionem.

Ideo addunt Suarez, Vasq., & plures alij, etiam si nulli contrarij actus exerceantur, tamen per alios actus diuersos ac disparatos, veluti obrui & consopiri priorem habitum, unde non tam promptè & expeditè proterat postea suos actus, & sic videri imminutum. Cuius rei signū esse potest, quia per leuem aliquam excitationem facilè prior habitus veluti reuiuiscit, dum res in memoriam reuocantur. Sed neque hoc sufficit. Tum quia non satis apparet, quæ & qualis sit hæc obrutio prioris habitus. Tum quia, plerumque ita res è memoria excidunt, ut postea penitus nouæ videantur, ac si nunquam notæ fuissent, etiam si antea quoad verba quoque memoriter tenerentur: & ita homo postea difficultatem patitur in ijs denuò addiscendis, vel memoriz imprimendis, sicut antea, & sicut in alijs penitus nouis rebus: tunc ergo videtur penitus deletus fuisse habi-

tus.

Exami- natur
natu Ad experientiam ergo prius ad-
opposita ductam, Aristotelis quoque auctori-
experie. tate sussultam, D. Thomas ibi q. 53.
tia.

tus. Concludendum ergo est, posse quoque amitti habitum, aliter quam per contrarios actus. At non propterea amitti per solam cessationem suorum actuum, sed alia potius ratione ex ijs quas determinabimus pro definitione habituum.

*Habit-
us vi-
detur
desinere
p. actus
& habi-
tus di-
spara-
tos.* Secundò itaque Valent. 1. 2. q. 5. de Habitib. punct. 2. concedit, habitum posse ac tolerare imminui & desinere per actus & habitus disparatos in potentia succedentes: quia nimium potentia est ita finita & limitata, ut non possit simul retinere tantam facilitatem & promptitudinem ad tot ac tam varias operationes, & ideo per novos ac recentes habitus quos presentibus actibus acquirit, non valeat in pristino vigore retinere alios antiquos habitus, qui non amplius novis actibus foveantur ac reparantur. Et hoc quidem potest benè defendi, ac insuper suaderi: quia potentia, ob sui limitationem, non potest simul plures actus disparatos exercere, non potest simul ad plura obiecta disparata attendere & conari: benè autem existit simul in potentia virtus innata ad omnes actus, non solum varios ac disparatos, sed etiam contrarios: at habitus mediāt inter potentiam & actus, & sic merito se habebunt medio quodā modo: id est, non erunt quidem ita impossibiles plures habitus, sicut plures actus: sed neque ita poterūt multiplicari simul tot habitus, sicut simul consistit virtus potentæ ad omnes actus: sed saltem non benè poterunt congeri simul tam multi habitus in magna copia & notabili intentione: atque ita per aduentum & augmentum novorum habituum imminuantur ac tandem deleantur alij priores habitus, quando inquam non amplius exercitio suorum actuum foveantur ac reparantur. Confirmatur magis: quia habitus est maior

quædam propensio et inclinatio potentæ in obiectum, ultra virtutem innatam: & sic non ita se compatiuntur plurimæ inclinationes vrgentes ad varia obiecta, sicut absque ulla difficultate consistit simul simplex virtus ad omnia ea obiecta. Vnde experientia ipsa constat, non tolerare eundem hominem simul esse vehementer inclinatum & propensum ad varia opera & obiecta: sed potius quando incipit & alius scit vehementius inclinari de nouo ad aliquid, in alia priori inclinatione tepescit. Verisimile ergo est, per novos habitus disparatos, quò magis multiplicentur ac intenduntur, debilitari ac deperdi antiquiores habitus suorum actuum subsidio destitutos, ac veluti ab operante neglectos.

Neque obstat quod opponit Suarez num. 10. ab exemplo specierum intelligibilium, quæ quantumvis disparatæ, simul in potentia conservantur; nec novæ aduenientes excludunt antiquas. Est enim longè diuersa ratio de speciebus & habitibus. Species præuenit actum, est simpliciter necessaria ad operandum, & ita se habet tanquam virtus operatiua: vnde sicut optimè stat tota simul virtus potentæ ad quæcumque & quocumque obiecta, ita possunt simul stare species. Habitus verò acquiritur per actus, inuat solum ad faciliter operandum, estq. peculiaris quædam propensio & inclinatio ad certos actus & certum obiectum: vnde debet participare magis de conditione actuum, nec ita poterunt tam multæ & vehementes inclinationes ad plura disparata simul in eadem potentia excellere. Imò tanti est hæc differentia, ut benè quidem possint consistere simul species obiectorum contrariorum, sicut simul adest virtus potentæ ad contraria: sed non vique se compatiuntur simul habitus ad contraria.

*Differt
à specie-
bus in-
telligi-
bilibus*

Habit- Tertiò ulterius . D. Thomas 1. 2.
us assi- q 53. art. 1. docuit & explicauit, ha-
bit per bitus posse etiam ac solere corrumpi
subira per accidens ex defectu subiecti :
Et ionem id què limitauit ad eos habitus quo-
subiecti. rum subiectum est delectibile, cuius-
modi sunt habitus qui in potentijs
corporeis subiectatur. Hoc rursus Sua-
rez dis. 44. lect. 12. restringit ad solas
species sensibiles, quæ utique multū
pendent ex dispositione organi cui
insunt, vnde ex alteratione & immu-
tatione organi deperdi poterunt ac
deleri.

Verum, duobus modis defendi
potest & explari, veros ac pro-
prios habitus imminui quoque ac de-
perdi ex defectu subiecti. Primò
enim in animali, partes corporis suc-
cessiuè permutantur : aliæ enim de-
perduntur, & aliæ acquiruntur : po-
tentia autem vitales corporeæ in ip-
sis partibus & organis corporis resi-
dent, & in potentijs species atque
habitus conseruantur. Dum ergo
subtrahuntur quædam corporis par-
tes, necessariò simul deperdunt om-
nes qualitates accidentales quæ illis
inerant. Dum rursus loco illarum
reficiuntur aliæ partes, reficiuntur
quoque simul potentia, quæ per se
ab animæ natura promanant : sed
non ijs partibus reparantur species
& habitus, vtpote ab extrinseco adue-
niètes, nisi inquam per novos & ite-
ratos actus in alijs nouis partibus
acquirantur. Rursus quilibet spe-
cies & habitus, non in toto organo
necessariò diffunditur, sed sufficien-
ter in certa parte organi cōseruatur,
vt iterum circa species sensibiles pe-
culiariter aduertemus. Vnde con-
tingere potest, vt deperdatur plus
aut minus de illa parte in qua certus
habitus inuenitur. Hac ergo ratione
possunt ac solent diminui habitus
quoad extensionem, ac tandem diu-
turno temporis decursu deleri tota-
liter. Ac interim dum sic imminuun-

tur, debiliùs etiam iuuant potètiā,
quia extensio quoque habitus con-
fert ad eius effectum. Hoc autem
detrimentum utique refarcitur, si in-
terim noui actus identidem repetan-
tur, quia sic in nouis quoque parti-
bus reponunt habitum.

Secundò præterea, stante eodem
toto organo quoad substantiam, va-
riantur utique frequenter dispositio-
nes in illo accidentales : hæ autem
non solum conferunt ad species sen-
sibiles, sed etiam ad habitus, tam in
appetitu, quàm in sensu. Et eò ma-
gis iuxta ea quæ diximus sect. 3., ex
varia dispositione corporis immuta-
ri quoque inclinationes animæ. Vnde
ex experientia compertum est, per
notatiles quasdam corporis immu-
tationes, inueniri potest valde sedat-
as pristinas passionēs & habituales
consuetudines, interdum etiam de-
perditas : aut valde lasas, peculiare
quasdam habilitates ingenij, aut na-
tiuas, aut studio & exercitio com-
paratas. Neque hoc referendum est
ad solam specierum iacturam, sed
pariter etiam habituum. Imò species
quidè statim postea recuperari po-
terunt : sed non propterea statim re-
surgit pristina promptitudo : quini-
mò opus erit, diuturno labore &
exercitio eam iterum comparare.
Sic ergo per immutationem corpo-
ralem organi, possunt diminui ac
deleri habitus. Si tamen interim ad-
huc se exerceret quis in ijsdem acti-
bus, horum ope impediret seu refar-
ciret tale detrimentum. Patet verò,
hoc pacto deficere posse solum ha-
bitus in potentijs corporeis resi-
dentes : nisi dicantur, consequenter &
per connexionem potentiarum, de-
ficere quoque in potentijs animæ
nostræ spiritualibus alios correspon-
dentes habitus, in intellectu nempe
per connexionem cum interno sen-
su, & in voluntate per connexionem
cum appetitu sensitivo. Sed tamen
quoad

Itē per
indispo-
sitionem
subiecti.

quoad habitus, ut pariter quoad species intentionales, hoc non constat. Quinimò, cum tandem anima separabitur à corpore, per se remanere censentur iidem habitus & species quæ tunc inueniuntur in potentijs spiritualibus animæ. Saltem tamen quoad usum suspenduntur species et habitus potentiæ superiorum, deficiente consortio inferiorum, donec anima est in corpore: in hoc enim statu pendet in operando à corpore.

Cæterum ex his omnibus modis, quibus deficere possunt habitus abque actibus contrarijs, abundè patet ad experientiam & auctoritates, quibus probari videbatur, habitus per solam cessationem actuum posse desinere. Non enim per se desinunt ex vi solius huius cessationis: sed benè per accidens, quatenus interim non impeditur nec reparatur iactura habituum, alijs dictis rationibus contingens.

Præcipue destruitur habitus per actus contrarios. Postremò. Satis compertum & notum est, habitum destrui & corrumpi per actus contrarios, videlicet habitum scientiæ per actus erroris, habitum temperantiæ per actus intemperantiæ, & sic per singulos habitus, tam in parte apprehensiuâ, quàm in appetitiuâ. Ita passim supponit ac docet Arist. Et est apud omnes certum. Atque communi experientia exploratum. Non tamen totus habitus statim expellitur per unum actum contrarium: nisi fortè habitus sit adeo exiguus, & actus tam validus, ut statim unus actus exterminet totum contrarium habitum. Sed tamen regulariter opus est pluribus ac repetitis actibus. Item necesse non est, ut statim per quemcumque actum incipiat diminui habitus oppositus. Sic notauit Scotus in 3. d. 23. q. 1. & Gregor. in 1. d. 17. q. 1. art. 2. Sed contradicit Medina 1. 2. q. 53. art. 1. dub. 2. Sæpe de-

tur tamen: quia potest inueniri habitus tam intensus, & ei actus contrarius tam remissus, ut hic actus nihil præualeat contra talem habitum. At verò sæpe per primum actum contrarium incipiet diminui ac deleri habitus oppositus.

Rursus, Gregor. eodem loco, & plures alij volunt, per novos actus expelli contrarium habitum, non tunc inducendo suum habitum priori oppositum: sed prius deleri debere totum unum habitum, & postea incipere introduci alium oppositum: quia nempe supponunt, non posse qualitates contrarias coniungi simul, nec etiam in gradibus remissis. Aliqui verò, licet id admittant in alijs qualitatibus contrarijs negant in habitibus. Eo quod in alijs qualitatibus determinatur latitudo octo graduum in subiecto, quæ non potest excedi, & sic octauus gradus unius qualitatis expellit primum alterius, septimus secundum, & sic de singulis gradibus: at hæc determinatio non habet locum in habitibus.

Communior tamen sententia est, habitum non aliter expelli per contrarios actus, nisi dum hi actus inducunt suum habitum alteri oppositum. Nam actus per se non expellit formaliter habitum tanquam forma opposita impossibilis: unus enim actus est formaliter contrarius alteri actui, & habitus habitui, non verò actus habitui, & habitus actui. Expellit autem actus habitum effective: sed nullum agens per se operatur ad destructionem vllius rei, & non nisi per introductionem nouæ formæ oppositæ in subiecto expellit aliam ibi inuentam. Igitur actus non expellunt habitum, nisi inducendo alium habitum suum illi oppositum.

Supponimus autem, benè posse qualitates contrarias coexistere simul in gradibus remissis, donec unus adeo

Quia per tales actus inducitur alius habitus.

Possunt habitus contrarij

in gradibus remissis coexistere, simul. adeo augeatur, ut nihil de contrariis secum admittat: & iam generaliter ostendimus q. 39. de contrariis qualitatibus. Specialiter verò in habitibus, vel sciendum est, similiter cum alijs qualitatibus, esse ex natura sua determinatam certam latitudinem intensiuam, videlicet octo graduum, intra quam eadem regula cum alijs qualitatibus contrariis exerceatur: ita ut per primum gradum noui habitus expellatur octauus prioris habitus contrarij, & per secundum septimus, & sic deinceps. Vnde si in potentia inueniatur vnus habitus v. g. intensus ut quatuor, nullus eius gradus expellatur per alios quatuor contrarij habitus, sed per quintum expellatur quartus. Et quia statim per exer-

citium nouorum actuum minùs iam sentitur propensio & inclinatio de priori habitu ad pristina opera; dicitur id non contingere adhuc ex reali imminutione prioris habitus, sed solùm positiuè ex noua inclinatione alterius habitus, veluti compensante aliam inclinationem oppositam. Vel tandem censendum erit, aliam esse peculiarem regulam in habitibus, ut absque ea determinatione certæ latitudinis, semper ex introductione cuiuscumque gradus vnus habitus contrarij, tantundem de altero opposito expellatur: idquè contingere ob specialem conditionem & oppositionem ipsorum habituum, in introductione vnus ac desitione alterius.

QVAESTIO QVINQVAGESIMA.

De Anima Vegetatiua.

V *Egetatiua anima*, inquit Aristoteles 2. de Anima 34, & alijs inest prima, & maximè communis est, secundum quam inest ipsum viuere omnibus: ideoq; priùs de anima vegetatiua in speciali tractare aggreditur. Eadem ratione & nos, in hac distincta consideratione de singulis generibus animæ, vegetatiuam animam primo loco præmittimus. Dupliciter autem sumi potest anima vegetatiua, ut patet ex communi diuisione animæ antea tradita: vel pro gradu communi ad omnem animam, etiam sensitiuam & rationalem; vel determinatè & specificè pro anima vegetatiua tantùm, idest pro anima plantarum. Præcipuè ergo agendum de illa est priori illo modo in communi, complectendo potentias & operationes eius in omnibus viuentibus. Alioqui sumendo animam vegetatiuam posteriori modo, eius propria ratio per negationem & exclusionem sensus ac rationis explicanda erit. Benè tamen de plantis, præsertim in specie, plurima enarrari possent, quæ tamen vel magis historica sunt, vel ad rem medicam spectant, vel ex doctrina generali satis colligi poterunt.

SECTIO PRIMA.

Quid sit Anima Vegetatiua, & quas potentias & operationes vitales habeat.

Hanc quam dicimus animam vegetatiuam, esse verè animam, esse formam vitæ, negasse referuntur Stoici; qui propterea dicebant, plantas non esse animatas, quia solum vegetant & non sentiunt: & ut refert Valles. cap. 4. de sacra Philosophia, sola animalia vocabant videntia, quæ sentiunt & mouentur. Cum his conuenire videntur quidam alij Veteres in negando, animam vegetatiuam secundum hanc præcisè rationem esse formam vitalem, sed longè discrepant in constituendo naturam plantarum: dixerunt enim, plantas viuere per sensum & appetitum. Sic refert Arist. alijsuè Auctor lib. 1. de Plantis cap. 1. *Anaxagoras & Empedocles desiderio eas duci aiunt, sentire item ac tristitia voluptateque affici affirmant. Eodem modo Plato quoque, appetitum solum illas duci.* Sed infert Arist., si appetitu polleant, etiam sensu præditas esse debere: & vltius somno refici & vigilia excitari. Insuper, rationem quoque plantis tribuisse videntur: Sic enim subdit Arist. *Anaxagoras, Democritus, & Empedocles, mentem quoque & cognitionem eis inesse affirmarunt.* In hoc errore adeo desipuerunt postea Manichei, tribuentes arboribus & fructibus animam rationalem, ut arborescens lædere, aut fructus excerpere, pro homicidio condemnarent. Sic refert D. August. lib. de Hæresib. ad Quodulsteum, hæresi 46. & lib. 2. de Moribus Manich. cap. 17. Nuper demum Cardan. apud Scalig. Exercit. 138. affirmavit, plantas senti-

re, amoreque & odio affici.

Certum tamen est, formam vegetatiuam secundum hanc præcisè rationem esse verè animam formamque vitalem, & plantas solam vegetationem viuere, & prorsus sensu menteque carere. Ita Arist. & alij omnes asserunt vel supponunt. Patet manifestè: quia vegetare, est se se mouere, est intrinsecè & immanenter operari: ergo verè est viuere. Omne id quod vegetat, habet operari in se immanenter, cum constitutum sit in statu connaturali sibi debito ex origine: ergo verè viuit. Illud enim dicitur vegetare, quod in se ipso nutritur, & crescit, & ex se ipso aliud simile sibi generat: itaque verè in se immanenter operatur: & sic habet veram vitæ rationem, iuxta discrimen antea traditum in diuisione mixtorum inter viuentia & non viuentia. Igitur tandem forma vegetatiua est verè anima, anima vegetatiua est verè forma vitæ. Sentire quidem, & ratione uti, est longè perfectius viuere, estque magis intrinsecè & immanenter operari: ut etiam nutrire & crescere, est in suo gradu viuere & immanenter operari, & sic ab omnibus appellatur. Cogitaturque genus commune vitæ & animæ, complectens tam vegetare quam sentire & intelligere: igitur etiam forma vegetatiua est anima & substantia viuens.

Plantæ igitur per animam vegetatiuam verè viuunt. Non utique sensu nec ratione polleant. Quod de ratione quidem est certum secundum fidem. Et de sensu probat id optimè Arist. quia nullum organum sentiendi, nullum sensus indicium in ijs apparet, & omnia plantarum opera per totam vegetatiuam animam exercentur. Vnde merito D. August. lib. de Quantit. animæ cap. 33. tam inscitie quam impietatis oppositam sententiā damnat. Et Arist.

initio lib. de Plantis, considerans qualiter plantæ deficiant à perfectiori exercitio vitæ quod cognitione perficitur, rectè incepit: *Vita & in animalibus & in plantis esse deprehensa est; in animalibus quidem patens & manifesta, in plantis verò occultior nec adeo evidens.* Quoniam scilicet, sola vegetatio est obscurior & imperfectior ratio vitæ. Et infra, post relatas eorum sententias, qui plantis tribuebant statum & appetitum, cognitionem & mentem, concludit: *At nos talia tanquam falsa repudiantes, sano insistamus sermone.*

*Tres
habet
potētiās
& ope-
ratio-
nes.*

Anima iam vegetatiua, tres has potentias & operationes vitales habet, iuxta assignationem Aristotelis & omnium aliorum, potentiam & actum nutritionis, augmentationis, & generationis. Rationem sufficientiæ reddit S. Thom. 1. par. q. 78. art. 2. quia vel viuens operatur ad semetipsum conseruandum, & hæc est nutritio, iuxta quod Arist. 2. de Anim. 48. ait, potentiam nutritiuam esse ordinatam vt conseruet habens ipsam; vel viuens operatur vt acquirat maiorem molem & amplitudinem quàm ab initio acceperit, & hæc est augmentatio: vel demum viuens operatur vt faciat vitaliter aliud sibi simile, & hæc est generatio vitalis per quam vnum viuens primò accipit suum esse ab alio. Vnde quod ait D. Thom., vnam operationem animæ vegetatiuæ esse per quam viuens acquirat esse, non est vtiq; intelligendum quasi potentia generatiua & generatio in viuente sit respectu ipsiusmet viuētis: sed quia sit respectu alterius viuētis, quod à suo generante accipiat suum esse & vitam.

*Quæ sūt
in omni-
bus vi-
uētibz* Reddit etiam S. Doctor rationem necessitatis, quare hæc potentia & operationes communiter in viuētibz requirantur. Quia scilicet viuens

indiget abundanti calore & humore; at humidum patitur & absumitur, tum actione eiusdem caloris interni, tum actione externarum causarum & inde debilitatur ipsemet calor natiuus, qui eodem humido fouetur: hinc oportuit, viuenti inesse facultatem reparandi humidum & restaurandi calorem, conuertendo alimentum in propriam substantiam: & sic est ei necessaria nutritio. Hoc autem explicabimus magis circa ipsam nutritiōem. Quia vltius, viuens, cum ab initio generatur, non potest accipere totam magnitudinem & molem suo statui congruentem, idè simul cum virtute nutritiua conuenire debuit viuēti virtus, qua posset etiam se augere & ad iustam magnitudinem promouere: & sic erat necessaria augmentatio. Quia tandem debebat ipsum viuens ab intrinseco interire, non solum inquam eo modo quo possunt corpora inanimata actione contrariorum corrumpi; sed etiam secluso omni contrario, actione eiusdem caloris interni consumētis humidum, viuens tendit ad interitum: idè viuēti attribui debebat virtus generatiua vitalis, qua posset aliud sibi simile generare ob conseruationem speciei.

Verum, non oportet accipere tantam necessitatem in omnibus viuētibz, vt omnes prorsus dictæ potentia & operationes debeant in singulis reperiri. Nam, saltem potentia generatiua non in omnibus reperitur. Extant enim de genere animalium quædam, quæ non valent alia sibi similia generare: & de genere plantarum plurimæ sunt herbe sponte enascentes, & fecunditate terræ, & valore causarum calefactum, quæ non ab alijs similibus propagantur. Aliqui tamen Recentiores contendunt, hunc generatiōis defectum non tam oriri ex natura.

*Excepta
generatiua.*

tura talis animæ vegetatiuæ in certis viuētibz, quàm potius ex aliquo impedimento. Sed certè, illa viuētia quæ in tota sua specie talem defectum habent, ex natura talis suæ animæ habere videntur, et non ex alieno impedimento. Neque hoc est difficile: quia cum talia viuētia possint absque propagatione à similibus, per putrefactionem gigni, non erat necessaria in eorum specie potentia generatiua vitalis. Item, non oportet, vt omnis anima vegetatiua in cunctis viuētibz secum afferat omnes vegetatiuas potentias. Nam et anima sensitiua non omnes eadem potētiās habet in omnibus animalibus, sed quædam animalia sunt adeò imperfecta, vt non omnes sensus habeant: qui defectus ijs non oritur ab aliquo extraneo impedimento, sed ex natura talis animæ in specie.

Deinde, non adhuc nunc determinamus, qualiter hæ potētiæ et operationes inter se distinctæ sint, sed hoc circa singulas inquiramus. Item, non determinamus, quantumlibet ex dictis potētijs et operationibus esse simplicem et vnicam; quin potius bene poterunt ad vnā plures reduci. V.g. ad virtutem nutritiuam spectabit virtus attractiua alimentis; virtus digestiua, virtus expulsiua excrementorum, et quæcumque aliarum similis deferuiens ad conseruationem viuētis: & pariter ad actum nutritionis spectabit omnis actus ad eundem finem ordinatus.

Potentia & operationes vegetatiuæ sunt vere vitales. In contrarium, Obijcies primò ad probandum, dictas facultates & operationes non esse vitales, atque adeò formam vegetatiuam non esse veram animam. Arist., Plato, Galenus, & alij tam Medici quàm Philosophi, prædictas facultates vegetatiuas appellant naturales, easque in nobis distinguunt ab alijs virtuti-

bus quas appellant vitales & animales: illæ igitur non sunt vitales.

Respondetur. Verè diuidi solere tria illa genera facultatum in nobis, nempe naturales, vitales, & animales: & per naturales intelliguntur dictæ vegetatiuæ; per vitales illæ quæ exercent actum localem ministerio spirituum qui appellantur quoque vitales; per animales demum intelliguntur vires sensitiuæ, quibus tribuuntur quoque spiritus qui dicuntur pariter animales. Sed eo pacto diuiduntur determinatè virtutes omnes animatiuæ corporeæ, quibus exercetur vita: tantum abest, vt excludantur virtutes vegetatiuæ. Itaque, in secundo genere, virtutes vitales non sumuntur adæquatè, sed solum per appropriationem quandam, nam utique virtutes animales etiam sunt vitales. Et in primo genere, virtutes naturales non dicuntur quasi non animatiuæ & vitales; imò dicuntur animatiuæ & vitales naturales: & similiter dicuntur naturales per quandam appropriationem. Cuius duas rationes reddit S. Thomas 1. par. q. 78. art. 2. ad 1. Quia nempe facultates vegetatiuæ habent effectum similem naturæ: natura enim similiter dat esse per generationem, quantitatem per quoddam augmentum, & conseruationem per actionem: tamen virtutes illæ vegetatiuæ perfectiori modo operantur, modo verè vitales. Rursus, quia vires vegetatiuæ operantur vltimo & ministerio qualitatum elementarium, præsertim caloris: & sic assimilantur magis agentibus naturalibus. Demum addi potest, quia anima vegetatiua est in infimo gradu vitæ, & proximè accedit ad res naturales non viuētes; ideo vires vegetatiuas, communicato tibi nomine, vocatas fuisse naturales.

Obijcies secundò. Reuera illæ *Non sunt operationes sunt communes agentibus*

corperi- bus purè naturalibus: nam ignis v.g.
bus ina- conuertit alia in suam substantiam,
nimatis- & sic nutritur, & augeſcit, generat-
què alium ignem ſibi ſimilem; ergo
illæ operationes non ſunt vitales, &
vegetare per ſe non eſt viuere, &
vegetatiua non eſt anima.

Reſpondetur. Longè alio modo
fieri tales operationes in non viuen-
tibus ac in viuentibus: in illis enim
ſunt extrinſecæ & tranſeuntes, in vi-
uentibus ſunt intrinſecæ & imma-
nentes. Ignis enim v. g. addit ſibi
ignem per iuxtaſitionem, & ſic
videtur nutriri & augeri in ſe, aut
generat alium ignem à ſe diſcretum:
ſed viuens nutritur & augetur ab in-
trinſeco per intus ſuſceptionem ali-
menti quo in ſe alitur & augetur, et
per aliquam veluti partem ſui aliud
ſimile gignit. Ignis conuertit in
ignem aliam materiam per ſimplicè
actionem naturalem ad extra: ſed
viuens in ſe operatur per varias im-
mutationes alimenti, factas certis
organis vitalibus interno modo.
Ignis benè conſeruari videtur et au-
geri per additionē ignis ad aliquod
latus, imò per ſucceſſionem ignis ad
ignem, ſicut aquæ ad aquam in flu-
uio: at viuens nutritur et augetur
per communicationem et distribu-
tionem alimenti ad totum corpus et
omnia membra in intimis partibus.
Ignis æquè benè conſeruatur et au-
getur, ſi ignis antea præexiſtens,
vel aliunde genitus ab alia externa
cauſa ei addatur vel ſuccedat; et na-
turaliter poteſt ignis ab alia et alia
cauſa addi, ac per accidens eſt quòd
ab illo priori igne gignatur. At vi-
uens debet omnino de nouo conuer-
tere alimentum in ſuam ſubſtantiā;
et non niſi per ſe ſua virtute intrin-
ſeca poteſt conſeruari et augeri,
conuertendo alimentum in ſuam
ſubſtantiā: nullaquè alia naturalis
et externa cauſa eſt ad hanc func-
tionem et viuētis conſeruatiōem.

idonea; neque viuens poteſt ſub-
ſtantiā aut præexiſtente aut aliun-
de aduenientem accipere. Ignis rur-
ſus qui additur alteri igni, eſt ita ſibi
ſufficiens, vt benè poſſit ab alio ſe-
parari, benè etiam potuiſſet ſepa-
ratim gigni, vnde per accidens illi
eſt aggregari alteri igni: at quòd per
nutritionem & accretionem de no-
uo additur in viuente, vtiq; non
poteſt ſeparatum conſeruari, nec
potuiſſet ſeparatim gigni, ſed per
ſe ſpectat intrinſecè integraliter ad
ſuum totum. Ignis vlteriùs ob ta-
lem modum extrinſecum ſuæ acqui-
ſitionis & additionis, poteſt in in-
finitum extendi; at ob diuerſum &
internū modū, quo vegetatiua nu-
truntur & creſcunt, habent terminū
determinatū magnitudinis; ſicq; no-
tauit Ariſt. 2. de Anima 41. Ignis de-
mum ſolus inter omnia inanimata
corpora videtur indigere pabulo
quo veluti nutriatur: ſed tamen hoc
ipſum illi contingit ab extrinſeco, eo-
quòd in alieno loco inuenitur, ex
quo ſemper euolet ſurſum; vnde nō
poteſt hic detineri niſi per ſucceſſio-
nem noui ſemper ignis, qui ex noua
materia debet gigni: at omnia vi-
uentia ab intrinſeco indigent pabu-
lo ob ſuam actionem internam, &
alioqui citò tabeſcunt & intereunt,
ac ſic ab intrinſeco nutriuntur. Hinc
ergo rectè Ariſt. 2. de Anima 46. &
49. docuit, nutritionem eſſe in ri-
gore propriam viuētiū: ſed ta-
men per quandam ſimilitudinem
ſolet attribui igni.

Obijcies tertio. Operationes im-
manentes debent recipi in eodem *Sunt in*
principio à quo emanant: ſed ope- *ſuo ordi-*
rationes illæ vegetatiuæ non reci- *ne im-*
piuntur in eodem principio: ergo *manen-*
non ſunt immanentes, atque adeo *tes*.
non ſunt vitales, & ſic vegetare non
eſt viuere. Probatur manifeſtè mi-
nor: quia nutritio emanat à potētia
nutritiua, quæ eſt in viuente, quòd

in se præexistit: habet autem pro suo termino formam substantialem inducendam in alia parte materiæ quæ additur, atque adeo in hac alia parte recipitur ipsa nutritio. Similiter se habet augmentatio: Multò magis generatio transit ad extra, ad gignendum aliud viuens totaliter à generante distinctum.

Respondetur. Vtrò fatendum esse, operationes vegetatiuas non esse ita propriè & perfectè immanentes, ut idem prorsus habeant principium ac subiectum. Sed tamen esse & dici debere in suo gradu immanentes respectu totius: quia, nempe idem viuens est nutritionis principium, & in se ipso intrinsecè nutritur: & partes intrinsecæ viuentis sunt illæ quæ in ratione principij operantur: partes etiam eiusdem viuentis sunt illæ in quibus fit operatio, ita nempe quod per eandem operationem fiant partes ipsius viuentis. Itaque hæc operatio non est immanens ab eadem parte in eadem parte, sed benè ab eodem toto in eodem toto. Similiter se habet augmentatio. Generatio verò fit per quandam veluti partem intrinsecam eiusdem viuentis, ut explicauimus q. 43. sect. 8. & q. 45. sect. 4. vnde fatemur tandem, vitam vegetatiuam valde deficere à perfectiori vita sensitua & rationali. Adhuc tamen vita & anima in communi, tam amplè accipitur ut benè sub se vegetatiuam, etiam complectatur.

Sunt vtræ tres potentie & operationes, Obijcies quartò. Non esse tot potentias & operationes vegetatiuas, quot numeramus. Arist. 2. de Anima 34. duas tantum videtur assignare potentias & operationes animæ vegetatiuæ, dicens: *Cuius sunt opera generare & alimento vti.* Insuper tex. 42. ait, *Eadem potentia anima est vegetatiua & generatiua:* ubi vel etiam duas tantum consti-

tuit potentias, vel solum vnā.

Respondetur. In priori loco, per alimento vti, intelligi tam augmentationem quàm nutritionem: vtrumque enim opus fit per alimentum quoad substantiam & quantitatem toti viuenti adiunctam. Licet autem virtus quoque generatiua vtatur alimento ex quo semen efformat: tamen non vtitur pro ipsomet viuente, & ideo sic distinctè nominauit. In altero item loco per potentiam vegetatiuam, intelligit idem quod prius alimento vti, eadem ratione, quia viuens dum nutritur & augeatur, vegetat in seipso. Idem autem Arist. tex. 47. et alibi passim, nutritionem acretionemquè distinguit. Dixit verò, eandem potentiam esse vegetatiuam et generatiuam. Vel, ut exponit Auerr., quia hæc potentia eodem vtuntur alimento. Vel ut exponunt alij, quia sumplit potentiam animæ pro ipsa anima, seu pro specie animæ, quæ est vegetatiua.

Obijcies quintò. Plures esse potentias et operationes quàm dictæ sint. Arist. 2. de Anim. 37. addit diminutionem, oppositam augmentationi, & propriam viuentium. Adipariter potest deperditio substantiæ, opposita nutritioni. Et hæc sunt quoque operationes vitales, quæ sunt interna virtute animæ.

Respondetur. Has operationes non esse per se intentas ab anima et à viuente: ut pote quæ non sunt de perfectione viuentis, sed potius tendunt ad eius destructionem: ideoquè non debuisse distinctè numerari inter alios vitales actus. Attamen sub nutritione et augmentatione intelligi ad easquè reduci: non quidem velut earum species: sed, tum quia ex ijs oritur necessitas nutritionis quam comitatur augmentatio, tum quia oppositorum eadem est ratio, sicut proinde mors quoque ad vitam reducitur.

SECTIO SECVNDA.

De Potentia Nutritiua.

Refert Arist. 2. de Anima 40., quosdam putasse, ignem simpliciter esse nutritionis et augmentationis causam, eo quòd ipse videtur solus elementorum alii: *Vnde & in plantis & in animalibus putabiturque quis, hunc esse id quod operatur.* Iuxta hoc opinati sunt aliqui, potentiam nutritiuam in viuentibus non esse aliam quàm calorem natuum, cuius valore volunt cibum cōcoqui, per omnia membra diffundi, & in substantiam tandem viuentis conuerti. Consonat consuetus & familiaris loquendi modus, quo transmutatio alimenti solet adscribi calori, & hinc calor in viuentibus dicitur calor vitalis. Vnde rursus aliqui opinati sunt, calorem hunc in viuentibus esse diuersæ essentialiter rationis à calore elementari, & naturali. Et Albert. lib. 20. de Animalib. tract. 2. cap. 4. plures differentias adducit inter calorem ignis & viuētis: quia calor ignisurit & dissoluit partes, consumitque humidum; calor autem viuentis, temperat humidum frigido & sicco, & commiscet continetque partes: aliaque similes differentias congerit.

Potentia nutritiua est peculiaris virtus vitalis. Dicendum tamen primò est, potentiam nutritiuam formaliter esse peculiarem quandam facultatem, animæ à calore distinctam, multum tamen uti calore ad disponendum alimentum ut in substantiam aliti conuertatur. Ita planè docuit Arist. 2. de Anima 41. dicens: *Ignis causa quidem quodammodo est, non tamen simpliciter causa, sed magis anima: id est animam esse propriè nutritionis principium per suam nutritiuam virtutem; at calorem con-*

currere & deferuire ad ipsam operationem animæ, disponendo scilicet alimentum. Eadem est communis sententia aliorum. Et primò quidem facile constat, calorem multum deferuire ad hoc opus animæ: viuens enim calore fouetur, & calore deficiente languescit, & calor maximè valet ad concoquendum cibum, sicut videmus calore ipso ignis cibos decoqui. Abundantior autem calor requiritur in animalibus quàm in plantis, ut vel ipso tactu constat. At etiam in plantis suus proportionatus calor requiritur: vnde calidiori anni tēpore, nempe verni & æstiuo, virescunt, & folia, flores, ac fructus proferunt; frigido autem & hierno tempore languescunt.

Secundò. Non potest sufficere solus calor ad nutritionem perficiendam. Debet enim conuerti alimentum in substantiam aliti, & debet per plures alias mutationes intermedias transire, ut sc&. sequenti attingemus; debet ab vna parte ad alias transmitti, siue à singulis ipsis partibus attrahi: debent excrementa pelli. Neque solus calor tua vi aptus est ad hæc omnia perficienda & præfertim ad inducendam formam substantialem viuentis in partibus quæ de nouo acquiruntur. Neque calor in viuentibus est diuersæ rationis à calore elementari & naturali, ut iam ostendimus q. 41. sc&. 9. imò Arist. sub eodem ignis nomine illum appellat. Dicitur autem in nobis calor vitalis, per concomitantiam vitæ, ad cuius opera calor deferuit. Diuersitas verò operationum inter calorem ignis & calorem viuētium, provenit ex inæqualitate graduum eiusdem caloris, & ex concomitantia aliarum virtutum animæ. Neque demum idem ipse calor dici potest, tanquam instrumentum animæ, perficere in viuente ea opera quæ non perficit in alijs obiectis. Instru-

A natiuo calore distincta.

mentum enim ipsum debet esse proportionatum. Vel oportebit fateri, animam ipsam adhibere alium influxum, præter vim caloris, & sic habere aliam virtutem operandi præter calorem, quæ erit propria virtus nutritiua.

Tertiò itaque concludendum est, potentiam nutritiuam esse peculiarem quandam facultatem animæ, ex suo genere vitalem: & hanc potentiam esse, quæ per se ac directè exerceat actum nutritionis: calorem verò illi deferuire disponendo materiam. Eritquæ hæc potentia nutritiua diuersæ rationis in varijs viuendum speciebus, iuxta diuersitatem ipsius animæ. Nam virtus nutritiua v. g. hominis, determinata est ad conuertendum alimentum in substantiam hominis, siue ad inducendam formam humanam in materiam alimenti: & sic se habet virtus nutritiua in omni alio viuente. Calor autem erit eiusdem essentialiter rationis in omnibus, tam viuentibus, quam non viuentibus, differens solum in intensiōe graduum, & consortio aliarum qualitatum.

*Principali-
ter est vir-
tus con-
uersiua
alimenti
in sub-
stantiam
viventis.* Dicendum vlteriùs secundò est, Virtutem nutritiuam principaliter esse virtutem conuersiuam alimenti in substantiam alii, essequæ diffusam per totum corpus, & in omnibus & singulis animatis partibus residere: sed præterea in ordine ad hanc, plures alias esse virtutes ei inservientes, vel pariter diffusas per totum corpus, vel in certis partibus residentes; item vel communes omnibus viuentibus, vel proprias quibusdam, præsertim animalibus perfectis. Hæc conclusio videtur etiam certa.

Et primò quidem, id quod per se facit ad conseruationem viuentis, & quod per totum nutritionis opus intenditur, planè est conuersio alimenti in substantiam alii: adeo vt,

si viuens quascumque alias operationes exerceret, & non hanc, neuiquam nutrietur: si autem hanc solum, & nullam aliam exerceret, verè nutriretur: virtus ergo conuersiua, est directè & principaliter virtus nutritiua. Apparet autem in toto corpore hæc operatio: omnia enim membra & omnes partes nutriuntur, & indigent reparari, atque adeo conuertunt alimentum in suam substantiam: & sicut partes ipsæ sunt variz ac differentes secundum suas dispositiones, ita certè conuertunt singulæ in se alimentum sub iisdem dispositionibus; hoc est caro in carnem, os in ossem, & sic de singulis. In toto ergo corpore & in omnibus partibus diffusa est virtus nutritiua.

Secundò vlteriùs. Plur. s. aliz virtutes huic inservientes constituendæ sunt. Nam & exercentur aliz operationes in viuentibus ad nutritionem ordinatæ, & propter quasdam operationes peculiaria quædam membra & organa sunt naturaliter instituta. Hæ virtutes enumerantur præsertim à Galeno lib. 5. de Locis affectis cap. 7 & ab Auicenna lib. 6. Natur. par. 1. cap. 5. licet non omnes fortasse realiter distinctæ sint, & præsertim in animalibus perfectis, ac specialiter in homine, obseruatæ sunt.

Tertiò ergo, Quædam est virtus attractiua, omnium quidem partium, vt ad se trahant alimentum necessarium: specialiter autem quarundam partium, quæ debent præparare, immittere, aut deferre alimentum. Radices in plantis attrahunt succum, ventriculus in animali attrahit cibum vt concoquat & conuertat in chylum, hepar attrahit chylum vt conuertat in sanguinem quem ad omnia membra transmittat, venæ attrahunt sanguinem vt per totum corpus deferant, carnes è venis sanguinem su-

*Alia
sunt vir-
tutes illi
inserv-
ientes.*

*Virtus
attra-
ctiua.*

ſugunt vt tandem conuertant in carnem, & ſic aliz partes in ſuam ſubſtantiam ſecundum ſuas diſpoſitiones.

Virtus retentiu.

Quartò. Quædam eſt virtus retentiu, qua rursus omnes quidem partes retinent alimentum ſibi proportionatum, vt in ſe conuertant: quædam verò partes ſpecialiter vt diſponant, eadem nempe partes quæ modò enumeratz ſunt. Et præterea quædam partes retinent humores aut excrementa ad certum vſum: vt cor retinet ſanguinem donec efformet ſpiritus vitales, ſimiliter cerebrum donec efformet ſpiritus animales: Item lien retinet atram bilem, veſicula fellis affixa iecori ſluam bilem, vt ad cibi concoctionem deſeruiant: aliaque vafa retinent excrementa donec expelli debeant.

Virtus appetitiua.

Quintò. Additur à Galeno lib. 1. de Cauſis ſymptomatum, virtus appetens, eodem ſcilicet modo, vniuerſaliter in toto corpore ad ſuum alimentum & ſpecialiter in certis partibus ad peculiarem aliquam functionem. Sicut enim membra dum habent in ſe alimentum, illud retinent, & dum poſſunt, attrahunt: ita dum illo carent, appetunt; venæ & carnes appetunt ſanguinem, ventriculus cibum, & ſic de ſingulis partibus.

Virtus expulſiua.

Sextò. Alia eſt virtus expulſiua, qua partes à ſe reiſciunt noxium & inutile alimenti, ne putreſcat, corpusque lædat. Item qua ventriculus cibum decoctum ſeu chilum transmittit ad hepar, qua hepar ſanguinem fundit ad membra, qua cor immittit ſpiritus vitales, & cerebrum animales.

Virtus ſecretiua.

Septimò. Additur ab Auerr. lib. 2. Colliget cap. 7. & lib. 3. cap. 16. & à Galeno in Commēt. ad lib. 2. Aphoriſm. cap. 13. virtus ſecretiua ſeu ſeparatiua, qua ſcilicet ſecernuntur

partes diſtinctiles alimenti, nempe id quod inutile eſt & tanquam excrementum debet repellī, & id quod vtile eſt ac debet aſſumi in ſubſidiū corporis. Item qua in iecore ſecernuntur quatuor humores inter ſe, & certis ſedibus deputantur: qua etiam ſingulæ partes veluti eligunt illam portionem alimenti quæ ſibi magis accomodata eſt, & aliam portionem relinquunt pro alijs partibus: aliam enim portionem accipiunt carnes, aliam oſſa, & ſingulæ partes.

Octauò tandem. Aliz ſunt virtutes peculiare ac determinatz quorundam membrorum ad præparandum alimentum: vt virtus concoctiua cibi & effectiua chylī in ventriculo: virtus concoctiua chylī & effectiua ſanguinis in hepate. Et quoniam ſanguis eſt proximum deinde alimentum partium, ibi peculiari quadam ratione dicitur reſidere virtus nutritiua, vbi elaboratur ſanguis. Ariſtoteles verò putariſſe videtur, virtutem perfectiua ſanguinis reſidere in corde: idque aliqui Peripatetici ſequuti ſunt. Comuniſ ſententia eſt, Platonis, Galeni, & aliorum, diligentioribus obſervationibus explorata, reſidere in iecore. Quod pluribus indiſcijs comprobatur: quia in iecore, non in corde, originem habent venæ, quæ tanquam canales ſanguinem hauriunt, ac per totum corpus deferunt: ad hepar, non ad cor, ducitur vena qua chylus è ventriculo funditur, vt in ipſo iecore vertatur in ſanguinem: iecur natia ſua diſpoſitione eſt ſanguini ſimillimus, ita vt videatur tanquam maſſa cōcreti ſanguinis: & aliz plures obſervationes pro iecore faciūt. Quod rursus apriori loco inter actus nutritionis ſect. 3. determinabimus. Excusari autem ſolet Ariſt., quòd eius tempore nondum erat bene perſpecta corporis ſtructura per anatomicas ſectiões.

SECTIO TERTIA.

De Nutrimeto.

*Nutri-
mentum
debet ef-
se pro-
portio-
natum.*

*Nutri-
mentum
proxi-
mum.*

Nutrimetum, quod alimentum frequentius appellatur, est illud ex quo fit nutritio: quod Arist. vocauit potentia nutritiua & nutritionis obiectum. Non sic dicitur augmentum respectu augmentationis, sed vel sumitur formaliter pro eadem ipsa augmentatione, vel pro termino eius. Quia autem alimentum sic ad nutritionem attinet, notauit merito Arist. 2. de Anima 33., debere in hoc tractatu considerari.

Dicendum quæ vniuersaliter est, alimentum debere esse aptum & proportionatum singulis viuensibus & eorum partibus ad hoc vt in eorum substantiam conuertatur. Conclusio in hac generalitate est satis nota. Sed explicanda magis est hæc proportio. Et duplex alimentum distinguendum est, nempe proximum & remotum. Proximum est illud quod ex sua substantia debet conuerti in substantiam alim. Hoc in plantis erit succus quidam qui funditur per corpus plantæ. In animalibus iuxta communem sententiam est sanguis: Pro quo etiam supponimus, ipsum sanguinem non esse formaliter animarum. Sed alij etiam tres humores, saltem in aliqua modica parte, & simul cum sanguine, putantur posse in alimentum cedere, & in substantiam viuens conuerti. Imò quædam peculiaria membra in quibus quidam humores vel succi resident, ex ijs abundantius nutriuntur: vt lien ex atra bili: fortasse etiam ventriculus ex ipso chilo. Rursus, bene stat, vt ipsemet sanguis debeat adhuc accidentaliter alterari & immutari, prius quam conuertatur verè in substantiam viuens: & quidem

diuersimodè iuxta diuersitatem partium quæ debent nutriri. Ossa enim nutriuntur ex medulla quæ est sanguis taliter affectus, vt docuit Arist. lib. 2. de Partib. animal. cap. 6. Concreuit etiam sanguis in adipem & sebum, & hæc possunt transire in substantiam viuens. De alimento quoque neruorum, sic ait Arist. lib. 3. de Histor. animal. cap. 5. *Humor circa nervos, mucori similis, albidus, glutinosusque consistit, quo ipsos nervos & nasci & aliter certum est.* Et sic alia similes varietates possunt in animalis nutritione reperiri. Absolutè autem notauit Arist. 2. de Partib. animal. cap. 3. *Sanguinem esse animalibus sanguineis vltimum alimentum, exanguibus autem id esse quod vice sanguinis habeatur proportionale.*

Alimentum deinde remotum est, *Nutri-
mentum
remotum.* illud quod in cibum assumitur, & quod ab extra intra viuens corpus primò trahitur. Huiusmodi alimentum in magna copia & varietate abundat, vt notum est. Debet quæ esse ipsis viuens proportionatum, & potest esse varium pro var. js. viuens: nec enim iisdem alimentis omnia viuens nutriuntur. Imò quædam quæ quibusdam sunt venena, alijs sunt commoda pabula: & Struthio ferro pascitur, quo non utique alia viuens: testudines marinæ, & alia crustacea, lapidibus quoque vescuntur, vt asserit Arist. lib. 8. de Histor. animal. cap. 2. Debent itaque hæc alimenta esse ita proportionata, vt aptè disponi possint, ac tandem in propriam substantiam conuerti, à viuente per suam naturam virtutem operante. Imò & in cibis ipsis qui pro alimento proportionato assumuntur, maior portio est, quæ inepta & inutilis inuenitur, ac proinde in excrementa abit: & aliqua solum pars est ad nutritionem idonea.

In

*An ele-
mentum
simplex
possit
nutrire.*

In hoc autem genere dubitatur, num simplex aliquod elementum nutrire possit. Aliqui absolute negant. Et sic defendunt Bonamicus lib. 3. de Alimento cap. 3. Dandinus lib. 2. de Anima digest. 25. & Aresius 1. de Gener. q. 52. & alij qui pariter negant, aquam conuertere in vinum. Sumunt ex Arist. lib. 2. de Gener. tex. 50. vbi ex eo probat, mixta constare ex pluribus elementis, quia ex pluribus nutriuntur, & affert exemplum plantarum: & lib. de Sensu & sensilibus cap. 5. vbi contra Pythagoricos quosdam docet, nullum animal nutrirī odore, & nullum viuens nutriri simplici elemento, sed omnia ex cibo composito, in quo superfluant excrementa: ac specialiter notat, nec aquam nec aerem nutrire: & 4. Meteor. tex. 37. docet, aquam non crassescere. Similiter Galen. lib. 3. de Ratione victus cap. 17. & alibi negat, aquam nutrire.

Dicendum tamen est, quædam viuētia nutriri posse & solere ex simplicibus elementis, qualia apud nos reperiuntur, & præcipue ex pluribus simul sumptis. Dico, qualia apud nos reperiuntur, scilicet alienis quibusdam qualitatibus affecta & alienis quoque vaporibus aut succis immixta: nec enim apud nos inueniuntur elementa in sua naturali sinceritate & puritate.

*Mixta
ra terre
& aqua
possit
nutrire.*

Patet hæc assertio: quia generaliter plantæ nutriuntur ex terra & aqua: id quæ affirmat Arist. iisdem illis locis, & inde confirmat, plantas non vno solo sed plurium mixtura nutriri: at hæc est talis mixtura, quæ verè retinet substantiam vtriusque elementi, & non est corpus quoddam substantialiter mixtum. Quædam insuper animalia de genere quadruplium, limo & luto vescuntur, quæ vtrique est terræ & aquæ mixtura. Sic de capitonibus Arist. 8. de Histor. animal. cap. 2. *Pascuntur li-*

mo omnes capiones, quo sunt ut grænes & sordidi sint. De crustaceis etiam & anguillis docet, inter alia sua alimenta velci limo.

Insuper, ex simplici aqua plantas posse sumere nutrimentum, affirmat Theophrastus lib. 2. de Causis plantar. cap. 7. Nam plantæ est terra diuulsa, & in aqua detentæ, aliquandiu viuunt. Testacea etiam in mari, dulci aqua ex ipso mari inter saltas aquas hausta ali, testatur Arist. 8. de Histor. animal. cap. 2. probatque, dulcem humorem contineri in mari, indeque transmitti & percolari, experimento cerei valis quod per mare ductum impletur dulci aqua. Rursus infra non solum docet, anguillas vesci aqua, sed et melius quod aqua purior fuerit. *Plurima dulci humore viuunt: idque qui viuarijs anguillarjs dant operam, seruant, ut quam maximè pura sinceramque sit aqua affluens semper & effluens per ripas vbi viuaria exiruunt: nam nisi aqua sit clara, breui strangulata intereunt.* Et in Problem. lect. 1. q. 13. affirmavit, aquam esse alimentum ad differentiam aeris.

Rursus constat, serpentes terra vesci: idque habetur ex Sacra Script. *potest Genes. 3. Terram comedere cunctis nutrire. diebus vite tua.* Item talpas terra pasci, testatur Plinius lib. 10. Natural. histor. cap. 72. Imò & lupos interdum, cum eluriunt, terram comedere, refert Arist. 8. de Histor. animal. cap. 5.

Præterea Chamaleontem aere nutriri, peruulgata opinio est. Imò Plinius lib. 8. cap. 33. affirmat, solo aere & nullo alio alimento viuere. Quod verò refert Scaliger Exercit. 196. visum esse Chamaleontem muscam capere; ad summum persuadere poterit, non solo aere vesci. Sed certè, cum id pro casu singulari narretur, potius confirmat, Chamaleontem regulariter solere aere

*Aqua
possit
nutrire.*

*Aer po-
test nu-
trire.*

nutriri: quia alioquin alijs alimentis indigeret, videri debuisset semper, sicut & alia animalia, hæc alimenta sumere. De quibusdam alijs etiam animalibus narratur, solo aere viuere. Imo Plinius lib. 7. cap. 2. & Strabo lib. 15. Geograph. idem affirmant de quibusdam hominibus in quadam Indiæ Prouincia, addito etiam florum & pomorum odore, idest vaporibus odorosis inde exhalantibus. Plura etiam narrantur exempla hominum quorundam qui pluribus diebus, aut mensibus, aut etiam annis, sine cibo vixerint. Vnde Theophrast. lib. 2. de Causis Plantar. cap. 8. admittit, aerem interdum potuisse alere. Denique Galen. ib. 12. Methodi cap. 5. affirmat, aere quoque aliæque resici spiritus vitales & animales.

Ignis Denum, igne quoque nutriri
potest quædam animalia, sumitur ex eo
nutrire. quod narrat Arist. lib. 5. de Histor. animal. cap. 19. *In Cypro insula, ararijs fornacibus, ubi chalcites lapidis ingestus compluribus diebus crematur, bestiola in medio igne nascuntur pennata, paulò muscis grandibus maiores, quæ per ignem saliant atque ambulant: Emoritur hoc genus, cum ab igne dimoritur est.* Idem attestatur Plinius lib. 11. cap. 36.

Possunt Solent ad hæc exempla responde-
elementa etiam re aduersæ partis Auctores, in nullo
pura nutrire. ex ijs calibus esse elementum sincerum & purum, sed semper esse aliquatenus è suo statu naturali alteratum. At planè iam à sua sententia recedunt. Nam ab initio velle videbantur, absolute non posse elementum substantialiter sumptum alere vllum viuens: imò expressè loquebantur de elementis qualia apud nos de facto inueniuntur, ut de hoc nostro aere, de aqua ad potum usitata, & de hac nostra terra: & ideo attrebant loca illa Arist. de necessitate aquæ eiusque mixtura cum ter-

ra ad alimentum plantarum: ideo dicebant, hanc nostram aquam non posse conuerteri in viam. Et vniuersaliter, cum apud nos non inueniatur elementa pura, ab experientijs & observationibus naturalibus non orta est quæstio nisi de elementis qualia apud nos inueniuntur.

Sed vltèriùs addendum est, cogitari posse, quod parua quædam particula alicuius elementi quantumvis puri, si alicui viuenti applicaretur, cederet in alimentum eius. Nam posset adhuc disponi, & sic ad proportionatam temperiem reduci, ut in aliam substantiam verteretur: Sicut Struthio habet vim consumendi ferrum, & in suam substantiam conuertendi. In omnibus autem viuentibus & alimentis attendenda est certa proportio: quia non quicquid est alimentum vni, erit etiam alijs. Non enim homines nutriri possent mixtura terræ & aquæ, sicut plantæ. Et inter viuètia quoque eiusdem speciei poterit esse aliquod indiuiduum, ex certo suo temperamento habens peculiarem aliquam vim præ alijs indiuiduis. Sicut passim inter homines plurimas differentias inuenimus, ut quæ alimenta alijs sunt salubria aut grata, alijs sint noxia aut ingrata, & aliæ sunt similes differentie.

Loca illa Arist. in contrariū præmissa, iam explicauimus q. 44. lect. 2. circa conuersionem elementorum in mixta. Absolute autem verum est, quoad Arist. contra Pythagoricos adnotauit, odorem non nutrire. Neque enim odor se habet sicut elementum. Sed odor est accidens, elementum est substantia. Rursus, si sumatur odor pro vapore odoroso, quod verè est substantiale corpus: rectè etiam arguit Arist. Odor ut sic non transit in locum nutritioni aptum, quo cibum capimus & coquimus, nempe in ventriculum; sed potius caput subit. Itaque ad summum

odor potest & solet hac ratione aliquatenus inuare & corroborare virtutem capitis, ad instar cuiusdam medicamenti: sed propriè nutritionem perficere nequit. Licet nuper Ioannes Brauus lib. de Saporum & odorum differentiis cap. 14., defendat atque contendat, homines nutrir quoque odoribus, idest halitibus odorotis, quos inspirando & olfaciendo attrahunt: dicens, intra poros partium insinuari, ibique natua virtute actuari, & non solum in tenues spiritus conuerti, sed etiam in partes solidas.

SECTIO QUARTA.

De Principali actu Nutritionis.

Magister sententiarum in 2. dist. 30. in fine, voluit, nutritionem non esse conuersionem alimenti in veram substantiam corporis humani: sed potius quidquid est de substantia humani corporis, descendere à primo parente per propagationem, & in se adauctum ac multiplicatum esse, nulla exteriori materia addita. Quia autem manifesta est necessitas alimenti, addit, cibos esse tanquam fomentum humanæ substantiæ, sed non conuerti in ipsam humanam substantiam. Tandem adimitit, cibos transire in carnem & sanguinem, sed ait non in veritate humanæ naturæ quæ trahitur à primis parentibus: vnde postea in resurrectione solam illam substantiam pro tota integritate omnium humanorum corporum relinquendam, quæ per propagationem deducta fuerit ex primis parentibus; reliquam autem carnem in quam cibi transierint, fore tanquam superfluum dimittendam. Item Alexander apud Auerr. 1. de Generat. com.

38. voluit, eam specialiter materiam ad viuens substantiam pertinere, quæ primò ab anima informata fuerit: & hanc semper eundem permanere, licet concedat, alimenta de nouo accedere & priori materiæ adherere.

Dicendum tamen primò est, nutritionem essentialiter esse veram conuersionem alimenti in substantiam aliam. Conclusio est communis & certa, D. Thom. 1. par. q. 119. art. 1. Bonau. in 2. d. 30. q. 2. Alenf. 2. par. q. 8. memb. 2. Albert. in 4. d. 44. art. 7. Scoti ibidem q. 1. Durandi in 2. d. 30. q. 4. & aliorum Theologorum communiter, atque Philosophorum omnium in hoc tractatu. Probatur primò auctoritate; quia sic expressè docet Aristot. dum de nutritione tractat. Item Plato in conuiuio, D. August. lib. 2. de Genesi ad litter. Damasc. cap. 7. Physicæ, Nyssen. lib. de Opificio hominis cap. 2. Nemes. lib. de Natura homin. cap. 23. Lactant. lib. de Opificio Dei cap. 11. & plures alij Ecclesiæ Patres.

Probatur secundò ratione. Viuens ab initio suæ originis est valde exigux magnitudinis, ac postea in multò amplorem molem excrescit; atque ad hunc effectum alimenta assumit, vt hæc in eius substantiam conuertantur, & sic totum viuens conseruetur & augeat: verè ergo alimenta in viuens substantiam conuertuntur. Probatur amplius consequentia. Quia vel viuens fit maius, eo quòd eadem substantia prior, non per additionem nouæ substantiæ, sed secundum se ipsam fit maior: & hæc esset rarefactio non augmentatio: illud enim rarefit quod absque noua materia fit maius magisque extenditur. Sed certè viuens non fit maius per rarefactionem, sed per augmentationem, & alimentorū additionem. Alioqui corpus viuens aucti, esset tenuius & leuius corpore

Nutritio essentialiter est conuersio alimenti in substantiam viuens.

pore viuentis parui : quod tamen non solum non ita se habet, sed potius totum oppositum. Vel addita est noua substantia, prout necessario dici debet, nempe caro, os & cæter. & vtrique hæc substantia non aliter potuit aduenire nisi quod viuens in se suamque substantiam alimenta conuertat : & hæc planè informatur eadem viuentis anima, habens easdem functiones vitales cum alia simili priori substantia. Nec vlatenus possibile est, quod idem Magister dixit in 2. d. 18. cap. 5., posse aliquod corpus sine additione materiæ, & sine rarefactione, fieri maius. Nam hoc planè repugnat in terminis : rarum enim est, quod habet parum materiæ sub magna quantitate. Et præterea Magister ad summum voluit, id fieri posse per Dei potentiam, non autem naturaliter : at omnia viuentia, tam homo, quam alia quæcumque, ex natura sua ab intrinseco nutriuntur & crescunt : ergo necessario concedenda est additio nouæ substantiæ. Et maxime incredibile est, ex tam parua particula quæ ex Adamo decisa fuit in generatione vnius filij, formata deinceps esse tot innumerabilia hominum corpora, quæ tandem in sua mole ex illa sola concrelescant.

Tertiò : Hæc est vis potentie nutritiue vniuscuiusque viuentis, ita hominis, sicut aliorum hominum, posse taliter immutare cibum, ut conuertat in substantiam viuens : sicut virtus generatiua hæc est, ut vnum viuens possit aliud integrum de nouo generare : imò & ignis habet vim conuertendi aliam materiam in suam substantiam, ac gignendi substantialiter ignem : concedenda ergo est tanta vis nutritiue potentie, ut gignere valeat nouam substantiam in eodem viutente quod nutritur. Alias rationes contra illam Magistri sententiam affert D. Thom. 1. par. q.

119. art. 1. eamque irrationabilem vocat.

Quartò : Iuxta hoc nutritio est vera quædam generatio substantialis : & inter species motus & mutationis, sub generationis nomine continetur. Est tamen generatio partialis : quoniam non ponit in rerum natura aliud nouum viuens, totaliter à priori distinctum : sed solum in eodem viutente addit nouas substantiales partes. Et ideo ad differentiam generationis totalis, rectè vocari solet adgeneratio, quasi generatio partitis ad totum.

Dico hinc secundò. Pariter in viutente, pro totius vitæ progressu, deperditur aliquid de priori substantia, & hæc est partialis quædam corruptio substantialis : & hæc deperditio non contingit solam ex impugnatione agentium externorum, sed præcipue ab intrinseco, actione natui caloris, humidum consumentis : atque ex hac deperditione oritur necessitas nutritionis in viuentibus, ut nempe reparetur id quod deperditur. Hæc conclusio est pariter communis. Et primò patet ad experientiam : quia dum quis pro aliquo tempore non assumat alimenta, vel assumat valde modica, macie extabescit, eiusque carnes sensibilibiter consumuntur : igitur planè per vitæ progressum deperditur & consumitur de substantia viuens.

Secundo patet ex necessitate nutritionis : quia vtrique non est alia ratio quare viuens indigeat alimento, nisi quia reparare ac restaurare in se debet, id quod de eius substantia successiue deperditur. Vnde quando non tandundem de nouo restituitur quantum deperditur, tunc viuens paulatim deficit & declinat, ac inde tandem in interitum ruit, mortemque incurrit. Autamen necesse sane non est, ut quicquid in viutente deperditur, debeat esse de eius anima

Sic est partialis quædam generatio substantialis.

Deperditur etiam in viutente aliquid de eius substantia.

Et inde est necessaria nutritio.

mata substantia; quinimò multò plus est id quod deperditur de sanguine, & spiritibus qui sunt substantialiter sanguis; facilius enim attingitur & resolvitur sanguis, ac in magna copia effluunt spiritus, præsertim per exercitationem corporis & vitam sensuum. Sanguis autem, animatus non est, ut supponimus: sed admodum deservit ad omnia opera vitæ & animalicas functiones, ac præsertim ope spirituum exercetur motus corporis & omnis operatio sensuum. Debet itaque ex alimento reparari id quod de sanguine & spiritibus deperditur, & ample loquendo, hoc totum dicitur esse de viventis substantia.

Hac de perditio fit vi caloris interni.

Tertio. Hæc substantiæ deperditio præcipue fit vi & actione caloris interni in omni vivente. Ita omnes loquuntur & sentiunt, diciturque calor agere in humidum, consumere humidum. Et patet manifestè, quia nò vique afflatu externi aeris, alioque incurfu alterius externi agentis, fundatur necessitas nutritionis, ac deperditio substantiæ in viventibus. Sed potius, remoto & secluso quocumque agente externo, id totum oritur ab intrinseco in ipso vivente: ex vi nempe caloris interni. Atque temporis progressu apparet viuos exiccare, & membra durescunt, quia nempe caloris vi consumitur humidum.

Quarto. Hinc explicandum est, qualis sit hæc actio, & qualiter fiat. Non potest intelligi, quasi calor agat in suo subiecto producendo maiorem calorem, & sic humiditatem imminuat & consumat. Nam nulla qualitas potest uniuocè agere in suo subiecto, nisi a potest se ipsam intendere; non calor calorem, & sic de singulis alijs. Insuper, calor producendo calorem non destrueret humiditatem, sed frigiditatem: non enim calor cum humiditate re-

pugnat: sed vna contrarietas est caloris & frigoris, alia humiditatis & siccitatis.

Quinto. Solet propterea hæc actio explicari inter diversas partes viventis. Cum enim vivens constet partibus heterogeneis, habet partes calidiores & partes humidiores. Hinc dicunt, partes calidiores agere in partes humidiores, & sic illas consumere; & hoc pacto calidum agere in humidum. Ex aliqui insuper ad elementa recurrunt, quæ volunt formam in mixto manere: & dicunt, partes igneas agere in alias partes, illasque consumere. Verum, hoc totum non satisfacit. Tum quia necesse non est, alias esse partes calidiores & humidiores, sed contingit esse eandem. Tum quia quando dicitur calor naturalis sustentari humidum, & pasci humido, & agere in humidum, maximè intelligitur coniunctivè de calore existente in iisdem partibus humidis. Tum præterea, partes ipsæ calidiores sine dubio consumuntur, & vique non per actionem aliarum partium calidiorum, sed per propriam suam actionem. Tum etiam calidum per se agit adversus frigidum, non autem adversus humidum: nec explicatur qualiter consumat substantiam. Tum demum, falsum est quod supponitur de elementis in mixto manentibus. Si autem verum id esset, non esset proprium viventibus, sed commune omnibus mixtis, in quibus tamen non contingit talis deperditio propriæ substantiæ ab intrinseco.

Sexto ergo concludendum est, *Et fit in nò solum quasdam partes in vivere iisdem agere in alias, nempe calidiores in partibus humidiores, sed in iisdemmet partibus calorem agere in suo subiecto: calor non quidem calefaciendo magis, inest. sed rarefaciendo & attenuando, ita ut tandem in vaporem resolvat partem. Hanc actionem optimè perficit*

cit calor in eodem suo subiecto, quia est actio æquiuoca. Per hanc actionem dicitur calor agere in humidum, & consumere humidum; quia nempe magis attenuat & resoluit partes humidiores, quæ facilius abeunt in halitum & vaporem: non sic autem partes sicciore ac duriores: Consumendo sic humidum, debilitatur etiam ipse calor in viuentem, quia scilicet partes ipsæ calidiores abeunt & exhalant. Dicitur quæ calor substantiari & ali humidum, quia magis conseruatur & viget calor in partibus ipsis humidis: vnde simul deperditur calidum cum humido. Hac tandem ratione deperditur & consumitur alia & alia pars de viuentis substantia, vt patet: ac proinde debet hæc iactura acquisitione nouarum partium refarciri.

Qualiter mutetur substantia in viuentibus.

Ceterum. Cum viuentis substantia constet materia & forma, videndum est qualiter acquiratur ac deperdat. Albertus tract. 1. de Nutrit. cap. 3. Philop. 1. de Gener. cap. 5., Burle, tract. de Intens. cap. 3., Pomponat. in lib. de Augment., Zabar. in lib. de Accretione cap. 15. & 16. Item Henricus Quodl. 2. q. 10. Durand. in 2. d. 30. q. 4. num. 9., & alij tam Theologi, quam Philosophi, opinati sunt, totam hanc mutationem fieri secundum materiam, non verò secundum formam: id est, novas partes materię addi, & priores resolui: non autem partes formę: sed eandem formam secundum omnes partes perpetuò permanere; ita nempe quòd eadem formę particula transeat de illa parte materię quæ abiicitur ad aliam nouam partem quæ acquiritur. Hoc inquam asserunt in omnibus viuentibus, etiam ijs quæ anima diuisibili consistere supponunt. Et Zabar. pronunciat, nihil vanius esse, quam dicere partes animæ cum partibus materię fluere & auenire. Dicunt quæ, non esse

absurdum, animam transire de vna ad aliam partem, quia est migratio partialis non totalis; & quia non fit per motum localem, sed per simplicem cessationem formę ab vna parte materię, & exhibitionem in alia parte. Fundamentum præcipuum huius sententię est, dictum quoddam Arist. 1. de Generat. tex. 35. vnde sumunt, viuens augeri per aduentum nouę materię, non autem nouę formę; & formam semper esse eandem, materiã vero permutari. Et sic semper esse idem viuens in toto vitę progressu, quia identitas attenditur potissimum penes formam: & alioqui non videtur, quomodo saluari possit permanere semper idem viuens.

Dico tamen tertio. Acquisitio ac deperditio substantię in viuentibus, fit non solum per mutationem materię, sed etiam formę; ita vt vbi anima est diuisibilis mutantur alia & alia partes formę; vbi verò est indiuisibilis, qualem in solo homine esse putamus, mutantur solum partes vnionis eiusdem animæ in materia. Ita asserunt ac defendunt Scotus in 4. d. 44. q. 1. Capreol. in 2. d. 15. q. 1. art. 3. Battol. d. 30. art. 3. alij quæ Theologi. Item Albert. de Saxon. 1. de Gener. q. 10. Martil. q. 12. Tolet. q. 9. Conimb. 1. q. 12. Arctius q. 33. Dandinus 1. de Anima circa tex. 47. digress. sua 27. alij quæ Philosophi circa eadem loca.

Probatur primò: quia sicut impossibile esse supponitur, vnum & eundem accidens, vnā & eandem formam à subiecto dependentem, transire migrare de vno ad aliud subiectum: de vna ita impossibile naturaliter erit, transire de vna ad aliam partem eiusdem subiecti continui: planè enim eadem est ratio, nec quicquam iuuat talis continuatio partium subiecti ad hunc effectum. Sic in omni alia forma non potest eadem forma, vel eadem pars formę, transire de vna ad aliam partem

Fit per veram mutationem formę, nempe animæ.

Non potest eadem anima transire de vna ad aliam partem eiusdem materiae.

tem subiecti; idque notauit ipse Zabarella, & alij pro indubitato supponunt: ergo ita etiam se habet anima: nam ea lem quoque est ratio, & omnis anima corruptibilis, non minus quam alia forma, à subiecto dependet.

Secundò rursus. Hic transitus non fieret sine motu locali: nam dum permutantur partes materiae, fit etiam localis aliqua variatio partium, per varias nempe compressiones partium, & apertiones pororum inter partes: itaque, si eadem pars formae transiret de vna ad aliam partem materiae, per se etiam transiret de loco ad locum. At aduersarij pro absurdo reputant, hunc transitum fieri per motum localem. Vbi praeterea mirandum est, illis inconuenientem visum esse transitum de loco ad locum, non autem de subiecto ad subiectum: cum tamen forma utique à subiecto non à loco dependeat.

Tertiò præcipue. Quando viuens augetur, additur illi maior materiae copia quam defluat, & comparari debet magna aliqua arbor ad maximum prouecta incrementum, cum seipsa quando primùm exorta est. Cogitari certè non poterit, eandem animam diuisibilem, quae ab initio, in exguo eius plantae corpusculo residebat, postea absque vlla accessione sui extensam fuisse in tantam molem. E contrà, quando viuens postea declinat atque decrescit, non tanta materia illi additur quanta ex alia parte detrahitur. Vbi similiter cogitari non poterit, partem animae quae erat in parte materiae quae amittitur, contrahi aut veluti congeminari in alia parte materiae.

Quartò. Adequatè in toto vitae progressu, non utique simul & in eodem instanti vel tempore semper, dum defluit vna pars corporis accedit alia pars: sed hae mutationes di-

sceretz sunt: & priùs v. g. per deperditionem alicuius particulæ relinquitur porus in carne, hic deinde repletur sanguine, & sanguis tandem conuertitur in nouam carnem. Non ergo ita res se habet, vt statim pars animae transeat de vna ad aliam partem materiae. Sed vel pro illo medio tempore ea pars animae remanebit per se sine subiecto, expectans nouam materiae portionem in quam se refundere debeat: vel reduplicatur pro tunc super materiam remanentem, donec restituatur alteri nouae materiae illi corpori accessura; quae planè absurda & ridicula sunt. Concludendum ergo est; quandoque in viuente acquiritur noua pars materiae, in illa de nouo substantialiter gigni nouam quoque partem animae; quando verò defluit pars materiae, corrumpi partem animae: & sic per totum vitae progressum, tam partes animae, quam materiae, permutteri: in omnibus inquam viuentibus quorum anima est diuisibilis.

Quintò. Vbi Anima est indiuisibilis non habens partes, non potest alia mutatio fieri; nisi quòd in parte materiae quae acquiritur, vnitur nouo tota anima; & in parte quae defluit, definit esse vnita. Hoc autem fit per productionem & corruptionem partium vnionis: quia vnio debet esse diuisibilis & coextensa materiae, etiam si anima sit indiuisibilis, vt iam suo loco statuimus. Sola autem anima rationalis est hoc pacto indiuisibilis, & hae indiuisibilitas comitatur incorruptibilitatem animae: quia anima quae in essendo non dependet à subiecto, potest què existere separata; poterit quoque hanc subire mutationem, vt desinat esse in aliquo subiecto & incipiat esse in nouo subiecto: sed forma corruptibilis non poterit hunc transitum exercere, sed debet gigni & cor-

*Vbi ani-
ma est
indiuisi-
bilis,
ut mu-
tatio v-
nionis.*

corrumpi: & huiusmodi est omnis alia anima præter rationalem.

Aristoteles explicatur. Ad locum illum Arist. pro fundamento oppositæ sententiæ præmissum, videri potest in primis, Arist. totum oppositum docuisse, nempe mutationem fieri secundum partes formæ, & non materiæ. Sic enim ait: *Quaecumque igitur partem augmentari, adueniente aliquo secundum formam quidem est possibile, secundum materiam autem non est.* Et rursus tex. 37. ait, carnem secundum aliquid augeri, & secundum aliquid non: *Secundum formam enim cuiuscumque accessit, secundum materiam verò non.* Et hoc rectè dici potuit, quia in accretione verè de nouo gignitur forma, sed non gignitur materia quæ potius ex alimento additur. Deinde, dato quòd Arist. dicat, mutationem fieri secundum materiam, non secundum formam, quia docere volebat, viuens manere semper idem secundum formam, licet non secundum materiam; plures expositiones excogitatæ sunt. Sed duæ sunt præcipuæ. Una Auerrois, quam sequitur et confirmat Aresius, per formam intelligi figuram, per materiam verò totam substantiam: & sensum esse, mutari partes substantiæ, sed semper manere sub eadem figura totius corporis & singulorum membrorum, etiam si corpus in magnitudine augeatur. Altera est D. Thomæ 1. par. q. 119. art. 1. ad 2. quem plures alij sequuntur, per formam intelligi speciem, per materiam individuum: & sensum esse, mutari partes in individuo, sed semper manere formaliter sub eadem specie: *Sicut patet, inquit, in igne fornacis, cuius forma manet, sed materia paulatim consumitur & alia in locum eius substituitur.*

Idem. Sic etiam saluari debet, esse totum viuentem: idem viuens: idem nempe specie: idem figura. Rursus

est idem continuatione; quia semper pars quæ additur, continuatur cum toto corpore. Et, si consideretur id quod additur vel detrahitur respectu corporis cui proximè fit additio vel detractio, adeo exiguum est id quod mutatur, respectu totius substantiæ quæ eadem permanet, vt tere totum sit prorsus idem: quamuis comparando vnum & aliud statum viuentis interpolito longo vitæ spatio, magna mutatio intercedat. Denique putandum est, partes quasdam solidiores & duriores viuentis, quas ab initio habet, permanere semper easdem & non resolui: & ita secundum tales saltem partes, viuens manere semper idem: licet hæc portio substantiæ, si comparetur ad magnam molem quam postea viuens acquirit, sit pariter valde modica.

SECTIO QUINTA.

De Alijs actibus inserviientibus Nutritioni.

Alij sunt plures actus nutritioni inserviientes, præparando videlicet alimentum donec tandem in viuentis substantiam conuertatur. Cum enim magna distantia sit inter substantiam alimenti & viuentis, per plures dispositiones & mutationes debet alimentum fieri nutritioni idoneum. Debentque designari omnes illi actus qui correspondant virtutibus ad nutritionem ordinatis, quas sect. 2. enumerauimus. Nempe actus attractionis, retentionis, appetitionis, expulsionis, secretionis, concoctionis, donec perficiatur actus conuersionis. Hi actus sunt communes omnibus viuentium generibus, etiam plantis. Sed specialiter aliqui magis excellunt in animalibus perfectis, vbi peculiariter examine & discussionem digni sunt.

Actus

*Actus
appeti-
tionis.*

Actus appetitionis qui ad assumē-
dum alimentum ordinatur in viuē-
tibus sensu & cognitione experti-
bus, non potest esse aliud quam in-
clinatio ipsa natura ad conseruationem
sui cum indigentia alimenti. At
in viuētibz sensu et cognitione
præditis est quidam actus qui dicitur
fames et sitis, maiorique explicatio-
ne indiget. *Fames & sitis*, definit
Arist. 2. de Anima 28., *est appetitus,*
fames quidem calidi & sicci, sitis
vero frigidi & humidii. Plato autem
lib. 4. de Repub. *Fames est appeten-*
tia cibi, Sitis appetentia potus.

Fames.

Galenus verò lib. 1. de Causis
Symptom. cap. 7. & lib. 4. de Viti
part. cap. 6. magis rem explicat: præ-
cipue quia ventriculus indigens ali-
mento, eiusque inopia factus inanis,
constringitur & corrugitur, unde
contrahit sensum quendam doloris
& molestiæ; & præsertim in ipso
ore ventriculi, ubi maior fit constri-
ctio, & acrior sensus viget. Insuper
omnia membra quæ indigent alimen-
to, conatur quoddammodo aliquid
attrahere ad sui subsidium, præser-
tim ex iecore & ventriculo: unde
deficiente alimento quod attraha-
tur, fit quædam vellicatio in ipso ven-
triculo, & sensus quidam doloris ac
molestiæ. Præterea ex inopia ali-
menti deficiunt spiritus in toto cor-
pore, dum non reparantur, qui spi-
ritus subministrant corpori vires:
unde ex hoc defectu oritur imbecil-
litas & lassitudo quædam membro-
rum, inferens quoque quendam mo-
lestiæ sensum. Hoc totum autem
reparatur postea per assumptionem
cibi & alimenti: ideo animal appe-
tit alimentum; & hoc pacto contin-
git fames.

Sitis.

Rursus, indiget corpus animalis,
ac specialiter ipse ventriculus, hu-
more & liquore, tum ad decoquen-
dum alimentum, quia decoquit per
modum elixationis, tum ad hoc ut

ex alimento faciat succum ita liqui-
dum qui commodè transmitti possit
per corpus: indigent quoque & alia
membra humida et liquido succo.
Deficiente ergo huiusmodi liquore,
ventriculus et alia membra patiuntur
ariditatem et liccitatem quandam:
unde similiter oritur quidam mole-
stiæ sensus, qui maximè quidem de-
prehenditur in ventriculo, non so-
lùm ob eius propriam indigentiam
et ariditatem, sed quia ex illo velut
ex communi dispensatore, reliquum
corpus veluti conatur attrahere
quod sibi deest. Deprehenditur
quoque specialiter in faucibus, quia
hæc magis inarescunt, et habent pro
hac re viuaciorem sensum. Hoc to-
tum reparatur postea per potum:
ideo appetitur potus, et hoc pacto
contingit sitis.

Proprie autem nomine famis et
sitis intelligitur sensus ipse doloris
et molestiæ qui oritur ex prædictis
causis. Ex ipso autem sensu doloris
& molestiæ fit, ut animal per appe-
titum sensituum desideret cibum &
potum, illumque sibi procuret. Ita-
que elicitur & exercetur verus actus
desiderij ab appetitu sensituo. Non
tamen hic actus est proprie famis
& sitis, sed potius est effectus famis
& sitis. Itaque, dum Arist. & Plato
definiebant famem et sitim per ap-
petitum et appetentiam: vel minùs
proprie acceperunt pro dicto actu
desiderij consequente: vel acce-
perunt minùs proprie nomen ap-
petitus pro dicto sensu doloris et
molestiæ in quo formaliter consistit
fames et sitis: vel, sumendo appe-
tentiam pro actu desiderij, et fa-
mem et sitim pro sensu dicto dolo-
ris, definierunt causam per effectum:
quasi dicendo, Fames est affectus
siue sensus quidam gignens appe-
tentiam cibi, Sitis gignens appeten-
tiam potus. Cibum autem Arist.
vocauit calidum et siccum, potum

*Fames
& sitis
proprie
est qui-
dam sen-
sus do-
loris.*

frigi.

frigidum et humidum : nimirum secundum accommodationem et comparisonem quandam: quia pro cibo sumere solemus calidiora et sicciora, pro potu frigidiora et humidiora : cibi solent esse solidiores, potus verò sunt liquores. Sed in rigore, si res respicit alimentum quod debet nutrire, sitis respicit humorem qui adiuvat concoctionem & distributionem alimenti.

Primus. Alij deinde actus qui in animalibus perfectis exercentur nutritioni inserviientes, sic breuiter enumerari mali, et ordinari possunt, quo tota nutritionis historia enarretur. Primus actus est, quo cibus durus in ore conuertitur in ore. præparatur aptusque redditur, ut à ventriculo decoquatur. Vnde hæc cibi in ore contritio non est propriè concoctio, sed ad concoctionem præparatio: ut notauit Arist. lib. 2. de Part. animal. cap. 3. *Prima administratio perspicua est, cum per os partesque ore contentas perficiantur animalibus, quorum cibus sectionem desiderat: sed hæc nullius causa est concoctionis, sed facilitatem concoquendi potius præstat: cibi enim illa minutatim diuisio facit, ut calor facilius conficiendo expediat.*

Secundus. Secundus actus est, quo linguae ministerio quæ velut manus ventriculi est, et gutturis attractu tanquam canalus cuiusdam, cibus traiecitur in ventriculum: ventriculus autem, superiori suo orificio ad hunc finem aperto, intra se cibum excipit, exceptum concludit, et per totum circuitum arctè constringit.

Tertius. Tertius principalis actus est; quo ventriculus, ope caloris sibi inditi, et vberius etiam à vicinis membris calidioribus iecore et corde communicati, ac vi facultatis peculiaris vitalis, concoquit cibos et immutat, conuertitque in quandam massam liquidam siue succum, qui nomina-

tur Chilus: et hæc est prima concoctio cibi.

Quartus. Idem ventriculus chilum demittit per quoddam aliud inferius orificium superiori oppositum, vocatum, Ianitorem, eo quod tandiu dum cibus concoquitur illum detinet, et postea laxatur ut chylum prolabi sinat. Chilus autem proximè defluit in quædam intestina subiecta. Vbi vltèr us segregantur partes terrestriores & crassiores ineptæ ad nutriendum: et hæc demittuntur in alia inferiora intestina, suntque fæces et excrementa eijcienda. Quod verò utile est chilo, per quasdam venas vocatas Meseraicas, deferitur ad iecur, in quem infunditur per quandam venam in introitu ad iecorem peramplam, quæ vocatur Porta.

Quintus. Quinto iam in iecore perficitur alius actus siue secunda concoctio. Iecur enim validiori suo calore, ac peculiari virtute vitali, magis denuò cōcoquit chilum, & in quatuor humores conuertit atque distinguit, ac præsertim sanguinem efformat. Segregat flauam bilem, cui deputata est vesicula fellis eidem iecori alligata. Longius oblegat atram bilem, nempe ad lienem à iecore separatam. Conficit præsertim sanguinem, & simul cum sanguine pituitam. Sanguis non recluditur in vno aliquo membro, cum proximè debeat ad omnium membrorum alimoniam inservire. Et pituita est illi ubique permixta, iuuans ad conseruandam liquiditatem sanguinis, eumque per corpus vehendum, ad humectandas etiam corporis partes: cumque opus fuerit, conuertitur etiam in sanguinem, & cedit in alimentum, si quando deficiat sufficiens copia noui alimenti: & Galen. lib. 3. de Natural. facult. vocauit, *Velus ex dimidio coctum nutrimentum*. Totus huius concoctionis quæ fit in iecore aptum exemplum asserit Galen. lib. 2. de

Quartus delatio ad iecorem.

Quintus formatio sanguinis cum alijs humoribus.

Natural. facultat. cap. 9. vini ebullientus : in quo aliz partes subtiliores, quæ dicuntur flos vini, eleuantur & supernant : aliz grauiores, quæ sunt tex vini, subsident : datur ipsa vini substantia, permixta humore quodam aqueo, qui processu temporis aptus est in purum vinum conuertri : propter quod vina recentia adhuc subcruda & austera sentiuntur, antiquiora autem magis suauia. Ita in corpore animalis segregantur quatuor illi humores : flauibilis tanquam ignea, veluti flos vini; atrabilis tanquam terrea, veluti fex; pituita tanquam aquea, velut humor ille vini; sanguis demum, veluti ipsum vinum. Præterea, in iecore secerantur quidam alius humor aqueus, qui deferuierat ad vehendum chilum per intestina & venas meseraicas ad iecorem; & cum iam suo munere functus fuerit, tanquam excrementitius expellitur per quasdam alias venas dictas emulgentes, quarum ductu per renes in vesicam illabitur.

Sextus. Sexto viterius, sanguis in iecore *diffusio* excoctus & expurgatus assumpta à *sanguinis* iecore portione necessaria, dimittitur per quendam aliam venam in *torum* exitu iecoris per amplam, quæ ap- *corpus,* pellatur caua, & postea passim distributa est in alias venas, quasdam *& vltima con-* maiores, & quasdam minores, quæ *colle.* ad omnes tandem partes corporis sanguinem deferunt ac diffundunt : sic omnes partes sanguine irrigantur, eumque attrahunt & ebibunt, & magis ac magis alterant ac disponunt : quæ est tertia concoctio, & vltimus actus nutritioni deferuiens, donec perficiatur conuersio alimenti in substantiam viuientis, in qua nutritio tota completur.

Num sanguis perficitur in iecore Attamen in hac re circa formationem sanguinis grauis est controversia, inter Arist. & Peripateticos ex vna parte, Galenum & Medicos ex altera. Nam Galenus quidem &

Medici volunt, sanguinem in iecore *vel in* perfici, & ex iecore venas ortum ducere : idque ex Anathome comprobant. Arist. autem lib. 3. de part. animal. cap. 4. & 5., & alibi sæpè, docuit, sanguinem in corde perfici, & venas ex corde deduci : quod nuper Augustinus Buccius in disp. de Partium corporis principatu, & Dandinus lib. 3. de Corpore animato cap. 17. pariter ex anathome confirmant : quia in corde apparct initium venæ causæ, quæ quidem per medium quoque iecoris continuata pertransit.

Sed certè non potest in dubium *Perfici-* reuocari, chilum proxime in iecore *tur in* immutari & in sanguinem verti. Ad *iecore.* summum dubitari poterit, num ex iecore transeat ad cor, ibique magis adhuc perfici debeat. Sed de hoc etiam satis constat, sanguinem nutritmentalem, immediate ex iecore per omnia membra diffundi, & non prius debere transire per cor. Nam vena caua ex iecore per varios ramos in totum corpus distribuitur, & quidem per quendam ramum destitit in cor : sed non rursus ex corde in alia membra deducitur : fundit quidem in ipsum cor copiosum sanguinem, qui verè in corde magis magisque perficitur : in spiritus enim vitales elaboratur. Et ex ipso corde ortum ducunt arteriæ, quæ pariter per alia membra digrediuntur, & spiritus vitales deferunt, qui propterea dicuntur etiam sanguis arterialis. Sed alius est sanguis nutritmentalis qui per venas copiose in omnia membra funditur. Sanguis ergo quo corpus nutritur perficitur in iecore, non in corde, ex iecore non ex corde funditur.

Propter hoc, Buccius & Dandinus pro Arist. respondent, sanguinem ex corde *de vi in* immutari ad omnia membra, in ipsis rursus membris perfici, *substan-* & actuari magis, virtute sanguinis *ut aliis* arte-

conuer- arterialis à corde immittit, vt tandem
tatur. in corporis substantiam conuertatur. Sed an hoc sufficiat de mente Aristotelis nescio. Scio quidem, Galenum non negasse per sanguinem arterialem alia membra vigere, & præter innatum calorem ex corde ipso copiosorem calorem haurire: & sic tandem sanguinem verti in substantiam corporis. Non ergo sanguis in corde perficitur: non ex corde, venæ sanguinem hauriunt: non ex corde originem trahunt, vt inde per reliquum corpus distribuuntur. Sed sanguinem ex iecore per venas inde deductas haustum membra corporis adiuta spiritibus vitalibus per arterias ex corde diffusis, in suam substantiam conuertunt. Atque si non aliud voluit Aristoteles, cum Galeno concordat.

Planta- Cæterum, notauit optimè Arist.
rū sim- 2. de par. animal. cap. 3. Quaher in
plexier plantis sine tot mutationibus nutritio perficiatur, & proijs terra ipsa sit veluti ventriculus, ex quo per radices planta alimentum sugit: vt è contra ventriculus in animalibus sit veluti terra pro plantis. *Stirpes*, inquit, *sive plante suis radicibus alimentum iam confectum ex terra hauriunt, quo circa ne excrementum quidem contrahi in stirpibus solet, terra enim calorequè eius perinde ac venire viuunt. At animalium genus omne ferè, sed apertè quæ incedunt, quasi terram in se continent sinum ventris, ex quo vt illæ radicibus, ita hæc aliquo intercedente cibum assumere debent, donec finem sequentis concoctionis faciant.*

SECTIO SEXTA.

De Potentia Augmentatiua.

Certum quidem & notum est, viuentia hac virtute pollere,

qua successiue vsque ad certam magnitudinem augeantur. Sed dubium est, num hæc potentia sit à nutritiua distincta: item quæ sit propria & essentialis ratio augmentatiuæ potentia & quem terminum propriè respiciat & attingat.

Durand. in 1. dist. 3. par. 2. q. 2. *Aucto-*
num. 19. asserit, potentiam augmen- *rum sē-*
tatiuam non esse aliud quàm poten- *tentia.*
tiam nutritiuam: eiusquè rationem & vim consistere pariter in productione substantiæ viuentis, atque adeò ad eandem substantiam terminari. Ita videlicet vt eadem virtus animæ, quatenus conuertit alimentum ad reparandum id quod perditum erat, dicatur nutritiua: quatenus verò conuertit plus quàm perditum erat, dicatur augmentatiua. Sic etiam rem explicat Marculus 1. de Generat. q. 10.

Conimb. lib. 2. de Ani. cap. 4. q. vnica art. 2. asserunt, potentiam augmentatiuam non distingui realiter à nutritiua; volunt tamen distingui formaliter: propriamquè rationem augmentatiuæ potentia constituant in ordine ad quantitatem viuentis, quæ de nouo acquiritur; ita vt eadem potentia eliciat duos actus, aliū nutritionis, quatenus acquirit substantiam; aliū augmentationis, quatenus quantitatem acquirit: idem sentit Dandinus lib. 2. de Anim. a d. gress. 27. Vallerius verò 7. Phys. cap. 2. & controuersia 29. & lib. 2. controuersiarum medicarum cap. 20. negat etiam hos actus esse distinctos, volens eodem ipso actu acquiri substantiam & quantitatem. Similiter Tolet. 2. de Anim. q. 10. concl. 3. ait, vnā realiter esse potentiam nutritiuam & augmentatiuam, vnāquè operationem esse nutritionem & accretionem, sed ratione & definitione differre. Suarez lib. 2. de Anima cap. 9. vult neque formaliter differre.

Com-

Communior sententia est, potentiam augmentatiuam realiter à nutritiua distingui, eo pacto quo alia virtutes animæ solent: & propriam rationem potentia augmentatiuæ consistere in acquisitione quantitatis & hunc esse terminum eius. Ita asserunt D. Thom. 1. par. q. 78. art. 2., Albert. 2. de Anima tract. 2. cap. 5. Iandun. eodem lib. q. 13. Apollinar. q. 9. Iauell. q. 18. Paulus Venet. circa textum 50. & alij plures.

*Potētia
augmē-
tatiua
pōt uno
modo cū
nutriti-
ua con-
fundi.*

Dico primò. Potest ita accipi potentia augmentatiua & augmentatio, vt intelligatur terminari ad acquirendam maiorem viuētis substantiam: & hoc modo non distinguitur à potentia nutritiua & nutritione, nisi per quandam denominationem. Explicatur & probatur assertio: quia certè, si attendamus communem & familiare nō concipiendi ac loquendi modum, cum dicitur viuens esse auctum, factumque esse maius, id maxime intelligitur quoad substantiam, quia scilicet habet maiorem substantiam. Et clariss, cum dicimus hominem v. g. vsque ad certum annorum spatium augeri, ac postea non amplius crescere, vtique non negamus in tempore sequenti accedere corpori nouam quantitatem simul cum substantia: sed solum negamus acquirere maiorem substantiam quam antea haberet. In hac ergo acceptione, potentia augmentatiua & augmentatio, non est aliud quam potentia nutritiua & nutritio: addendo tamen & connotando plus substantia ac iuri: quod est differre solum per quandam denominationem, vt dicebamus.

Dico secundò. Sumitur alio modo potentia augmentatiua, vt distincta à nutritiua, habens pro suo actu acquisitionem quantitatis, & pro termino quantitatem: & in hoc seu-

tu recensetur potentia augmentatiua præter nutritiuam inter potentias vegetatiuas: videturque ab illa essentialiter realiterque distingu. Probatur primò ex Arist. qui hac ratione 2. de Anima 47. ait, alimentum secundum quod quantum est esse augmentatiuum, quoad substantiam verò esse substantiale nutrimentum: et 1. de Generat. 25. *Quæ circa substantiam, generatio est: quæ circa magnitudinem, augmentatio: & passim ab eodem Arist. alijsq; Philosophis sic assignatur augmentatio tanquam peculiaris species motus, habens pro termino quantitatem.*

Secundò. Sicut viuenti accedit noua substantia, ita noua quantitas, & sicut viuens operatur vitaliter cōuertendo in suam substantiam, ita pariter aggregando sibi quantitatem: hæ ergo sunt operationes & potentia aliquo modo distinctæ: & sic habetur potentia augmentatiua, quæ præter nutrimentum inter vegetatiuas potentias numeratur.

Tertiò. Potentiam augmentatiuam essentialiter & realiter à nutritiua distingui, probari solet: quia viuens toto tempore suæ vitæ nutritur, sed non nisi vsque ad certum tempus augetur: ergo potentia nutritiua semper permanet, augmentatiua aliquando amittitur: igitur realiter distinguuntur. Hæc tamen ratio inualida est: Deficit enim post certum tempus augmentatio, quatenus sumpta pro acquisitione & reparatione abundantioris substantia, & concomitanter quantitatis, iuxta sensum præcedentis conclusionis, in quo sensu diximus, augmentatiuam non à nutritiua distingui. Itaque illo tempore quo viuens amplius non augetur, non tollitur potentia augmentatiua, sed quodammodo debilitatur ipsamet potentia nutritiua, vt non valeat plus reparare quam deperditur. Aut non ex solo defectu

*Semper
quidem
cum illa
coniun-
gitur.*

*Alio
modo p
priè di-
stingui-
tur.*

potentiæ, sed ex eo quòd viuens iustam magnitudinem acquisierit, non potest illa potentia progredi ultra eum terminum. At sumpta augmentatio pro acquisitione quantitatis simpliciter, certè toto tempore quo viuens acquirit aliquid substantiæ, nempe pro tota vita, simul acquirit aliquid quantitatis: durat ergo semper augmentatio & potentia augmentatiua. Quia autem ratio augmenti consistit in hoc ut corpus quod augetur fiat maius: idè ut saluetur vera augmenti ratio, etià tunc quando viuens non amplius crescit; considerandum est, viuens dum per alimentum nouam substantiam & quantitatem acquirit, posse comparari vel ad eum statum quem habebat antequam tantundem perderet, vel ad alium statum in quo proximè erat post iacturam ante acquisitionem. Comparatione prioris status, corpus non fit maius, quia non acquirit plus quàm habuisset ante depeditionem: & in hoc sensu negatur viuens augeri. Sed comparatione alterius status, verè tunc acquirit plus quàm haberet ante acquisitionem & post depeditionem: atque in hoc sensu verè dici poterit viuens fieri maius & augeri.

Sed verè ab illa distinctione Quartò ergo, aliter probanda est harum potentiarum distinctio, ex diuersitate obiectorum & terminorum quos respiciunt: potentia enim nutritiua respicit substantiam, augmentatiua quantitatem. Item ex diuersitate actuum: nutritio enim est generatio substantialis, augmentatio est motus accidentalis: per nutritionem gignitur forma substantialis in materia, per augmentationem continuatur noua pars integralis cum toto corpore. Vnde sine dubio sunt distinctæ actiones. Et debebunt etià esse distinctæ potentie.

Quintò. Non obstat quod Co-

nimb. & Tolet. pro se adducunt, nutritionem & augmentationem esse actus necessariò coniunctos, quorum alter alteri subordinatur. Si enim per quamcumque coniunctionem & subordinationem actuum, potentie confundantur, eadem potentia dicenda erit, intellectus & voluntas in anima rationali, sensus internus & appetitus in anima sensitua: quia vna operatio subordinatur alteri ad eamquè consequitur. Quoniam verò solèt quoque eidem potentie plures operationes connexæ & subordinatæ subesse, tradenda est regula, quando sufficiat vna vel debeat esse multiplex potentia. Nempe, quando actus conueniunt sub aliqua ratione communi, & respiciunt obiectum secundum rationem communem, ad quam communem actus & obiecti rationem potentia adæquate feratur: tunc potest & debet esse vna simplex potentia ad omnes tales actus circa tale obiectum: sic conueniunt tres operationes intellectus sub communi ratione intellectionis circa obiectum intelligibile: at non sic conueniunt actus cognitionis & appetitionis ut patet. Hoc pacto actus nutritionis & augmentationis sunt disparati, non communicantes in aliqua adæquata ratione vel obiecto, cui debeat vnica adæquata potentia assignari.

Sextò. Dum ij Auctores admittunt distinctionem formalem inter has potentias, concedere potius debent distinctionem realem: supposito nempe, quòd priùs in vniuersum potentie animæ ab eius essentia & inter se dicebantur distingui realiter: retinenda namquè erit distinctio realis, & non in formalem, commutanda: sicut aliæ potentie dicuntur distingui realiter & non formaliter.

Denique non obstat quod Arist. 1. de Generat. tex. 41. ait: *Differunt*

Aristoteles ex-
nu.

*plica-
tur.*

*nutrimentum & augmentatio ratio-
ne*: ac rursus subdit, *Nutrimentum
augmentationi idem quidem est.* Sol-
lū enim docere voluit, non assumi
aliam materiam aliumuē cibum pro
augmentatione ac pro nutritione,
sed simpliciter idem alimentum de-
seruire ad vtrumque. Vocatquē dif-
ferre ratione, illa quæ in eodem sub-
iecto realiter coniunguntur, & sunt
diuersæ rationes & formæ in eodem
subiecto: & sic ait, differre in eo-
dem alimento, substantiam pro nu-
tritione, & quantitatem pro aug-
mentatione. Idquē totum satis cla-
rè patet ex textu.

SECTIO SEPTIMA.

De Actu Augmentationis.

Actus augmentationis propriè
sumi debet prout à nutritione
distinctus, & prout est formaliter
acquisitio quantitatis, iuxta secun-
dam conclusionem sectionis supe-
rioris. Eius autem ratio, adeò dif-
ficultis reputata est, vt Pomponat.
hac de re scribens, dixerit, non so-
lū se non inuenire in quo acquie-
sceret; sed nullum mortalium esse
qui possit asserere sibi esse plenè sa-
tisfactum: & similiter loquitur Za-
bar. de Accretione cap. 1. Sed nec
res desperanda est nec tam difficultis
esse videtur. Ad maioremquē di-
stinctionem, in plura dubia rem to-
tam resoluemus.

*Quali-
ter aug-
mentatio
sit ac-
quisitio
quanti-
tatis,*

Dubitatur primò, quænam sit in
viuente hæc acquisitio quantitatis.
Et ratio dubitandi est: quia, dum
uiuens augetur, additur ei alimen-
tum quantum, & non producitur no-
ua quantitas, sicut alioqui per nutri-
tionem producitur substantialiter
forma in materia alimenti. Propter
hoc, aliqui præter conuersionem,
alimenti quanti in substantiam vi-

uentis, addunt rarefactionem quan-
dam cōsequentem omnium partium
viuentis: quia dicunt, dum aggrega-
tur alimentum corpori, receptum,
intra poros partium, omnes partes
magis constipantur & constringun-
tur, vnde postea debent dilatari ac
rarefieri: & hanc rarefactionem es-
se formaliter augmentationem. Ita
explicat Iandun. 4. Phys. q. 10. &
lib. 8. q. 7. Adhæret Zabbar. lib. de
Accret. cap. 9. & Arsius 1. de Ge-
nerat. q. 30. eademquē sententia tri-
buitur Scoto, Caletano, Augidio,
& alijs.

Dicendum tamen est, augmenta-
tionem formaliter non esse dilata-
tionem & rarefactionem partium, *Non est
rarefa-
tio quæ
sitatis
vel mai-
oria.*
sed esse acquisitionem eius quanti-
tatis quæ erat in alimento ac de no-
uo vnitur corpori quod augetur.
Hæc est communior sententia, pro
qua copiosè scripsit Pomponat. lib.
1. de Augment. Probatur primò ex
Arist. qui 1. de Gener. 33. docet, cum
ex aqua fit aer, vbi materia maximè
rarefit, hanc non esse augmentatio-
nem: non solū quia aqua corrup-
pitur & aer generatur, id verò quod
augetur debet idem permanere: sed
specialiter quia rarefactio non est
augmentatio, & augmentatio pro-
prie fit adueniente alioquo. Alioqui
inquit, *continget nullo adueniente
neque permanente augeri, & nullo
recedente diminui*: quod infert tan-
quam absurdum. Vnde, dum Arist.
4. Phys. 63. augmentationem voca-
uit, tam eam quæ fit per rarefactio-
nem, quàm quæ fit per ingressum &
additionem alterius, non accepit
augmentationem propriè, sed amplè
pro quacumque mutatione qua cor-
pus videtur fieri maius, prout tunc
ad eius propositum pertinebat.

Secundò. Alij quoque Philoso-
phi communiter supponunt, aug-
mentationem esse motum a rarefa-
ctione distinctum, ex eo quòd in ra-

refactione idem subiectum magis extenditur, sed in augmentatione, additur nouum subiectum cum sua quantitate. Et vel dicunt, rarefactionem fieri solum per variationem, cuiusdam modi de genere qualitatis, quo eadem ipsa quantitas magis extendatur, & sic toto genere ab augmentatione quæ est motus ad quantitatem distinguui. Vel, si velint rarefactionem fieri per additionem & mutationem quantitatis in eadem materia & substantia, adhuc ab augmentatione distinguunt, quam dicunt fieri per additionem nouæ materiæ & substantiæ quantæ. Itaque, etiam si duo illi actus in viuente corpore distinguantur, nempe additio alimenti, & postea rarefactio corporis, augmentatio formaliter consistet potius in illa additione.

Tertiò. Si augmentatio formaliter in rarefactione consisteret, sequeretur, posse in rigore viuens augeri, etiam sine alimento assumpto, si nempe secundum eandem suam substantiam rarefiat: & similiter, dum corpus animalis morbo aliquo intumescit, pariter hæc esset augmentatio. Sed tamen exploratum est, augmentationem non fieri nisi per assumptionem alimenti. Imò per rarefactionem corpus redditur tenuius ac debilius: at per augmentationem corpus viuente redditur potius durius & solidius. Et siue rarefactio sumatur pro dilatatione partium, relinquendo intra se poros, vt sumplit Zabari; siue propriè pro ampliatione quantitatis, vt sumit Aresius: neuter modus est aptus ad rationem accretionis explicandam.

Est additio quantitat. is cum materia.

Quartò deinde. Arist. 2. de Anima 47. expressè ait, sicut alimentum quoad substantiam est nutritium, quia scilicet transit in substantiam viuente: ita quatenus quantum, id est quoad suam quantitatem, esse aug-

mentatum, quia scilicet additur quantitati totius viuente. Idè apertè dixerat 1. de Gener. 41., carnem quatenus carnem nutrire: quatenus quantam augere: & antea tex. 31. *Augmentatio est existentis magnitudinis additamentum: & tex. 32. Adueniente aliquo augmentari, & recedente diminui.*

Quintò. Reuera dum alimentum conuertitur in viuente substantiam, additur quantitas alimenti ipsi toti corpori: per additionem autem nouæ quantitatis cum materia augetur tota quantitas. Nec expectandum est, vt alia quantitas de nouo producat, sicut producit forma substantialis in materia alimenti: quia eadem quantitas potest & debet esse communis vtrique substantiæ. In hac igitur acquisitione & additione quantitatis, consistit formaliter augmentatio. Sicut è contra, diminutio erit scissio & ablatio quantitatis cum aliqua parte materiæ.

Sextò. Hinc patet, actum augmentationis in rigore esse actionem qua vnitur quantitas alimenti cum quantitate viuente, siue qua producit vnio continuatiua vnus quantitatis cum alia: quænam autem sit hæc vnio, est res communis ad omnem continuationem quantitatis, de qua egimus in tuo generali tractatu. Atque sub nomine quantitatis intelligitur quoque vnio integralis & continuatiua ipsius substantiæ, & omnium quæ simul in vnum colligantur: quoniam hæc tota vnio dicitur quantitatiua. Quamuis autem hæc continuatio sit communis in omnibus alijs corporibus: tamen est actus vitalis in viuente, quatenus exercetur ab intrinseco per intus susceptionem alimenti, & simul cum substantiali conuersione.

Dubatur vterius secundò, quoniam pacto fiat hæc additio quantitatis seu alimenti quanti. Non enim

Est continuatio noua partis cum toto corpore.

Qualiter fiat additio

*Fit in-
tra po-
ros cor-
poris.* fit in eadem priori viuentis materia, sed additur simul cum noua materia. Vnde non potest addi continuatē per totum corpus, aut per vllam partem corporis: quia non potest penetrari: imō si penetraretur, non faceret maius augmentum in extensionem. Ad summum potest addi intra poros corporis, quare implebit solū ipsos poros: at non per hoc ipsum corpus in maiorem molem exercebit, sed fiet in se magis compactum & dissipatum. Imō Arist. 4. Phys. 63. probat contra, quosdam Antiquos, augmentationem non fieri per vacuitates: quia vel deberet totum corpus esse vacuum, vt totum augeatur; vel non totum augeri, si non totum est vacuum. Eadem verō difficultas procedit, si augmentatio fiat per poros, licet prius alio humore repletos.

Dicendum tamen est, iuxta communem Philosophorum sensum, in corpore viuente esse multos ac frequentes poros per omnes partes, quos præsertim efficit calor naturalis consumendo humidum, & sunt maximæ commoditatis ac necessitatis, specialiter ad præsens propositum, vt intra eos tugatur & ebibatur sanguis, aliusue succus, in viuentis substantiam conuertendus. Vnde caro de recenti abscissa, inuenitur tota pertusa sanguine, intra poros scilicet admodum frequentes imbibito. Intra hos ergo poros per totum corpus conuertitur alimentum in substantiam viuentis, & additur quantitas quantitati. Benè autem potest intra poros addi maior copia substantiæ & quantitatis, quàm fuerit deperdita: quia iidem pori possunt magis dilatari, tum per ingressum alimenti, tum actione caloris naturalis. Et per hanc additionem, partes corporis magis attolluntur, ita vt non fiant solū magis confertæ & dissipatæ ad intra, sed

abeant ad extra versus omnem dimensionem, vt viuens quoquo versum augeat. Magis tamen secundū longitudinem, ex virtute facultatis vitalis, & natui caloris, taliter alimentum distribuentis: licet ab initio virtus formatiua effingat corpus viuentis in figuram oblongam.

Quod si intra poros, tantundem reparatur, quantum deperditū erat: hic est status viuentis, in quo corpus neque crescit neque decrescit: & hunc statum obit viuens in medio vitæ cursu, post adeptum totum suum augmentum. Aut tandem minus reparabitur quàm deperdatur: & tunc corpus diminuitur ac decrescit: iidemq; pori constringuntur, non recipientes tantundem quàm amiserant. Et consequenter partes ipsæ corporis, præsertim carnes, in se contrahuntur: & ideo in senibus corrugatur cutis, quia scilicet non tanta carnis copia intus adest, quanta requiritur ad implendam totam capacitatem cutis, quæ fuerat antea magis extensa.

Ad locum verō illum Arist. dicendum est cum D. Thoma & alijs explicationibus ibi, Philosophum voluisse probare, nihil inuare potuisse vacuum ad saluandam augmentationem, sicut Veteres illi tentabant. Et ideo affert dubitationem, quam ipsemet vocat communem, id est in omnium sententia circa augmentationem urgentem. Atque, Veteres non inde potuisse probare vacuum, nec per vacuum potuisse ad illam dubitationem satisfacere. Quia scilicet nec referebat, poros tu se antea vacuos; nec obstabat, poros fuisse antea alio humore repletos. Imō hoc erat necessarium ad hoc vt humor intra poros imbibitus conuerteretur in eandem substantiam, & sic totum corpus augeat. *Dubitationem inquit, communem voluit soluere, sed non vacuum demonstrare.*

Sicut etiam dicebat, ad constipationem corporis, non reperiri aut iuuare vacuitates, sed satis esse alia, quæ inerant elabi, nullo sic præmisso vacuo.

Quali- Dubitatur adhuc tertio, an & quo
ter qua- pacto omnis pars corporis augeatur.
libet Arist. enim affirmat, omnem
pars cor- partem augeri: 1. de Gener. 3 2. ait,
poris au- *Videtur eius quod augetur qualibet*
geatur *pars aucta esse*. Apparet tamen res
difficilis: quia ad summum illa pars
quæ habet intra se porum, verè augetur: at sine dubio intra vnum & alium porum mediat pars non habens alium porum, vnde hæc non dicitur augeri.

Auert. 1. de Gener. com. 38. respondet, quamlibet partem viuientis minimam habere suum porum, & sic omnem augeri: partem minimam vocat in ea acceptione, qua dicitur minimum naturale, quod non potest naturaliter esse minus. Verum, non oportet designare hæc minima naturalia, quæ per se minora esse non possunt, vt tractauimus quæst. 38. lect. 1. Ijs autem admissis, incertum est, & sine fundamento dicitur, quamlibet partem minimam habere suum porum. Imò constat, ita in ipsis viuentibus, sicut in alijs, vnum corpus esse magis porosum quàm aliud; & idem corpus habere solere plures aut pauciores poros, in iuuentute plures & grandiores, in senectute pauciores & angustiores. Rursus, admissis etiam poris in partibus minimis: vtique adhuc inter vnum & alium porum mediat quoque pars minima, & hæc iam non habet intra se porum: vnde adhuc urget difficultas. Aresius 1. de Gener. q. 33. explicat, quamlibet partem augeri, quia cum velit accretionem fieri per extensionem, & rarefactionem partium, asserit, omnes partes extendi & rarefieri. Sed falsum supponitur. Et præterea sup-

positione admissa, adhuc non sequitur, omnes partes extendi & rarefieri.

Dupliciter ergo potest rectè explicari, quamlibet partem viuientis augeri. Primò de omnibus & singulis partibus æterogeneis: augentur enim ossa, carnes, nerui, venæ, & sic aliæ omnes: augentur omnia & singula membra, caput, pectus, brachia, manus, pedes: & in plantis truncus, rami, radices: & sic de singulis.

Secundò etiam de partibus homogeneis, quamlibet augetur, vel quòd intra se porum habeat, in quo assumit elementum: vel quòd habeat iuxta se, ita quòd si consideretur quatenus continuata cum alijs partibus propinquis existentibus circa porum, sic vtique tota pars continua habet intra se porum, & quamlibet particula eius partis sita est iuxta & circa porum: vnde tandem, si non partialiter per se, saltem totaliter ratione totius eius partis dicitur sugere alimentum per intus susceptionem, in poro nempe incluso in parte maiori, cuius illa est particula quædam.

Dubitatur demum quartò, num augmentatio sit motus continuus, & successiuus; vel discretus et momentaneus. Esse discretum per varia momenta affirmat Auert. 3. Phyl. com. 8. Albert. 8. Phyl. circa tex. 23. Ferrar. q. 6. Soncinas 8. Metaph. q. 22. Pomponat. lib. 1. de Nutrit. et augment. cap. 9. Tolet. lib. 1. de Generat. q. 11. et alij. Sumitur ex Arist. 8. Phyl. 23. vbi ait: *Neque augeri neque minui possibile est continue, sed est & medium*. Assertur quoque ratio, quia non potest forma incipere infra minimum naturale: igitur tota simul incipit in ipso minimo, & sic etiam augmentatio perficitur instanti. Ex aduerso, esse motum successiuum & continuum, affirmant

Augentur omnis pars æterogenea.

Augentur etiam omnis pars homogenea.

An augmentatio sit continua.

Burleus 3. Phys. circa tex. 6. Caietan-
nus Thiennensis 5. Physic. q. 3. So-
tus item q. 3. Iandun. lib. 8. q. 7. Al-
bert. de Saxon. 1. de Gener. q. 13.
Martil. q. 14. Bagn. q. 10. Conimb.
cap. 5. q. 16. & alij. Sumitur hoc
etiam ex Arist. qui in Physicis aug-
mentationem inter species motus
connumeravit, & simul docuit, mo-
tum esse continuum & successiuum.
Affertur item ratio: quia augmen-
tatio consequitur alterationem qua
disponitur materia alimenti: hæc
autem non potest fieri nisi successi-
uè inter contrarias qualitates.

*Non est
continua per
totum
corpus
& per
totam
vitam.*

Dicendum breuiter est, augmen-
tationem non esse totaliter conti-
nuam extensiuè per totum corpus
viventis, nec esse totaliter continuam
successiuè per totum tempus vitæ,
sed bene posse partialiter quoad
partem aliquam corporis & tempo-
ris esse continuam. Explicatur &
suadetur assertio per singulas par-
tes. Augmentatio fit per additio-
nem alimenti infra poros, vbi con-
uertitur in substantiam alij: igitur
non est continua extensiuè per to-
tum corpus. Rursus, tunc fit aug-
mentatio, quando alimentum con-
uertitur in substantiam, & cum to-
to corpore vnitur: sed certè necesse
non est, vt continuè per totam vitam
hæc cōuersio & continuatio actua-
liter exerceatur: sed potius faciliè
apparet, interpolatè fieri per vices
& tempora. Qua ratione nec etiam
nutritionis actus, sumptus pro con-
uersione alimenti in substantiam,
est continuus per totam vitam, sed
similiter est interpolatus. Quam-
uis inter tot alios actus nutritioni in-
feruientes, faciliè contingat, semper
vnum vel alium actualiter exerceri.

*Est con-
tinua p
partes.*

Deinde considerando augmenta-
tionem prout partialiter fit per ag-
gregationem alimenti intra vnum
aliquem porum; bene intelligi po-
test dupliciter exerceri. Vno modo

simul & in instanti, si nempe ali-
mentum ita totum simul disponi
compleatur, vt & recipere possit
formam viuentis, & toti corpori
quantitatiuè vniri: & sic tam aug-
mentatio, quàm nutritio, in ea par-
te perficietur simul in instanti. Alio
modo fieri potest, vt alimentum nō
totum simul ad perfectam disposi-
tionem perducatur, sed successiuè
prius in vna particula quàm in alia:
& hoc pacto augmentatio erit motus
continuus & successiuus: & sic etiā
nutritio successiuè perficietur. Sicut
si igni applicetur materia combu-
stibilis, v.g. puluis sulphureus longo
tramite deductus, vtiq. ignis conti-
nua quadam successione illam mate-
riam in se conuertet, sibiq. aggrega-
bit.

Iuxta hæc debent intelligi loca *Aristo-*
illa & dicta Arist. quæ videbantur *teles ex-*
opposita. Ex vna parte enim, doce- *plicatur.*
re voluit, augmentationem non cō-
tinuari totaliter per totam vitam, &
sic idem ibi dixit de alteratione. Ex
alia parte, bene saluatur, augmen-
tationem partialiter in certa parte es-
se motum pro aliqua portione tem-
poris successiuè continuum. Ad prio-
rem verò rationem dicendum est,
posse formam incipere in qualibet
minori parte, dum consequenter
continuat. Et præterea posset es-
se pars alimenti maior illo quod di-
citur minimum, & sic licet forma
inciperet in minimo, continuaretur
postea successiuè. Ad posteriorem
rationem dicendum est, posse quo-
que alimentum intra porum, simul
per totum circuitum disponi, atque
adeo in vltimo dispositionis instanti
continuari: etiam si velut in profun-
ditatem eius dicatur produci disposi-
tio ac forma cum aliqua successione.
Neque verò per ipsam profundita-
tem esset necessaria noua & succes-
sua continuatio quantitatis.

Cæterum, huic augmentationis
actui

Augmē- tationē comita- tur ali- quis mo- tus loca- lis. actui annectuntur pariter alij actus quos antea nutritioni diximus inseruire: nam illi pariter ad augmenta- tionem disponunt. Præterea, aug- mentationem comitatur motus qui- dam localis quo nempe corpus ad maiorem locum occupandum exten- ditur. Ita notauit Arist. 1. de Ge- nerat. 25. vbi propterea ait, id quod alteratur, non transmutari necessa- riò secundam locum: sed quod aug- mentatur mutare locum, non quasi transeat de vno loco ad alium prorsus diuersum, neque quasi voluatur ad modum spheræ intra eundem lo- cum, sed solum acquirendo maiore locum; sicut etiam id quod rarefit extenditur in loco, & è contra id quod diminuitur contrahitur in mi- norem locum. Qua eadem ratione Arist. 2. Phys. 32. distinguebat mo- tum localem, in lationem quæ erat simplex mutatio loci; & in aug- mentum aut decrementum, quæ erat quædam ampliatio aut restri- ctio loci.

SECTIO OCTAUA.

De Potentia Generatiua.

Potētia genera- tiua Aristoteles 2. de Anima 35. sic huius potentie in viuentibus nec. sitatem expressit: *Quoniam com- qualiter unificare non possunt ipso semper & sit in vi- diuino continuantur, propterea quod uentibus nihil contingit corruptibilem idem necessa- & unum numero permanere: secun- ria. dum quod potest participare unum- quodque, sic communicat: & perma- net non ipsum, sed quale ipsum, nu- mero, quidem non unum, specie au- tem unum.* Hæc tamen ratio non probat absolutam necessitatem in omnibus viuentibus: quia alio mo- do potest species conseruari, si ab alijs causis superioribus & æquiuo- cis noua individua reparentur. Vn-

de simpliciter necesse nō est, vt om- nia viuentia habeant facultatem, alia sibi similia generandi: Probat ta- men hanc necessitatem in ijs viuen- tibus quæ non nisi propagatione gi- gnuntur, quæ non ab alijs causis æquiuocis naturalibus procedere possunt.

Et huiusmodi sunt plurimæ plan- *Anima- ta, quæ non nisi ex femininis aliarū lia per- plantarum similium enascuntur. Ac fella nō præcipuè omnia animalia quæ di- nisi à cuntur perfecta, ad differentiam co- suis si- rum quæ solent ex putri materia pul- milibus lulare, & propterea imperfecta di- generā- cuntur. Hæc autem viuentia quæ tur.* non ab alijs similibus propagantur, potentiam suam generatiuam agno- scere debent in causis superioribus, nempe celestibus, vt in suo tractatu de celis 9. 35. examinauimus. Quæ verò ab alijs similibus propagantur, habent pariter virtutem alia rursus similia progignendi. Prima tamen harum specierum individua, debue- runt immediatè à Deo procreari: & ita nos expressum habemus in Sa- cris Litteris.

Sed Ethnici qui primam rerum crationem non agnouerunt, alijs imaginibus vel tabulis, tam homi- num ipsorum, quàm aliorum ani- malium originem, errantem sunt. Ac præsertim sic retet Arist. 1. & 10. Problematum 9. 15. *Qui de natura docent, primum animalium ortum, mutatione dimotione quæ mundi uni- uersique orbis ingenio differunt exten- disse.* Nec iple Arist. ibi hoc repro- bat, nec alibi suam de hac re senten- tiam explicauit. Refert item Dio- dorus Siculus lib. 1. cap. 2. opinionē asserentem primos homines sponte è terram Aegypto proditos fuisse. Idem specialiter de Germaniæ po- pulis asseruit Cornelius Tacitus lib. de Morib. German. in principio, quia non putauit verisimiles homi- nes ex alijs terræ provincijs proue-

Prima indi- uina de- buerunt creari à Deo.

Etos esse. *Germaniam informem terris asperam calo, cristens cultu aspectuque.* Refert etiam Michael Maierus lib. de Volucre Arborea, cap. 12. plures narrationes de quibusdam hominibus è terra editis. Attamen, hæ omnes, fabulæ sunt. Et satis constat, homines omnes per propagationem ex Adamo & Eva primum à Deo conditis descendisse: nec alia naturali via homines villos enatos esse. Cardanus demum apud Scalger. exercit. 97. opinatus est, posse simpliciter homines, sicut & alia quæuis animalia, ex putrefactione naturaliter gigni, absque vitali progenitorum concursu: Sed cum meritò reprehendit ibi Scaliger. Nec id est vllatenus admiendum.

Nullū animal perfectū gignitur per solas naturales causas.

De Brutis animalibus perfectis, aliqua suspicio orta est, propter ea quæ in insulis quoque longè à continente diuisis reperta sunt, nec apparet quomodo ex alijs terræ partibus illuc transire potuerint. Insuper Auicenna lib. de Diluuiō narrat, aliquando visum fuisse vitulum inter imbres è nubibus decidisse, ut etiam quandam ferri malsam pondo librarum centum. Et Cornelius Gemma lib. 1. de Diuinis Naturæ Characteribus cap. 8. narrat, in Saxonia piscibus & siliagine pluuisse, anno Domini 987. Plures sunt qui narrant de auibus Anserum forma spontè enascentibus apud Scotiam & Orcades insules, de quibus integrum librum scripsit Michael Maierus sub titulo de Volucre Arborea. Celeberrima demum est Phœnicis generatio: dicitur enim, ex cineribus vnus exulsa aliam renasci.

Verum, de animalibus, apud insulas repertis, rectè notauit D. Augusti. lib. 16. de Ciuit. cap. 7. vel sponte sua natando illuc transisse, præsertim ad insulas propinquiores: vel ab hominibus nauigio iussu de-

lata, etiam scilicet ferociore bestias, studio venationis aut ostentationis: vel demum Angelorum opera iuxta Diuinæ prouidentie dispositionem. Narratio Auicennæ de vitulo, fidè non facit. Aut potuit vitulus vento valido ex vno loco abreptus in aliū proijci: cum vita sint & saxa maioris ponderis vento ferri. Narratio Gemmæ de Piscibus, vel pari modo habere se potuit: vel verificari potest de piscibus ex putrefactione genitis, inter imperfecta animalia computandis; sicut tunc notum est quoddam pisces ita gigni. Narratio de illis auibus, pertinet debet, aues illas esse de genere imperfectorum animalium, quæ ex putrefactione gignantur: sicut testatur Maierus, gigni ex materia picea & vinctuola, nauium præsertim lignis adhærente. Narratio denique de generatione Phœnicis, iam pro fabulosa ferè habetur: & potius inueniri plures huius speciei aues ac per propagationem gigni censetur. Illa autem admitta, ad summum fiet, hanc speciem esse de genere imperfectorum animalium, quæ talem originem nacta sunt.

Cæterum quædam viuientia sunt, *Quædam viuientia* quæ in sua specie vtroque modo gignuntur, nempe per propagationem, *gignuntur tam* & ex putri materia. Constat enim, *per putrefactionem* prorsus similia animalia, tam vno, *quàm alio modo gigni.* Attamen Auerr. in Paraphrasi ad lib. 1. de Gener. animal. cap. 1. diuersæ speciei esse contendit illa quæ vno aut alio modo gignuntur, licet inter se similia appareant: sed præcipuè differre, quia quæ gignuntur ex putri non habent vim alia vterius progignendi & propagandi. Sumptum est hoc ex Arist. 1. de Gener. animal. cap. 1. & lib. 5. de Historia cap. 1. vbi explicat ea quoque animalia quæ gignuntur ex putri, sexu distingui, ac inter se cōmisceri; sed non gignere alia

ouaq; parere : sunt autem ijdem pisces quos Arist. nominauit. Quare, vel hoc est speciale in ijs piscibus, quasi magis accedant ad ea animalia quæ absque propagatione gignuntur. Vel fortasse singuli in ijs speciebus sunt utroque sexu præditi, ut dubitat Rondeletius ibi libro 6. cap. 9. Et sicut de leporibus tradidit Aelianus lib. 13. cap. 12. & confirmat Simon Maiolus tom. 1. Dierum Canicular. Colloq. 7. & de Hyena ac de Trocho tradiderunt alij : sed de his negat id Arist. lib. 6. de Histor. animal. cap. 32. & lib. 3. de Generat. animal. cap. 6.

Et am- Hinc ulterius, dubium valde est, **bo vidē-** quoniam pacto ambo progenitores **tur acti-** concurrant, & qualis in utroque sit **uē con-** generatiua potentia. Nam Arist. **currere.** passim docuit, foeminam concurrere solum præbendo materiam, marem verò actiue operari ac tandem introducere formam, atque ita in solo mare esse potentiam generatiuam actiuam. Vnde, quia semen est instrumentum generationis actiuum, negat foeminas conferre verum semen ad generationem, volens conferre solam materiam. Cum Arist. sentiunt Auicenna lib. 9. de Anima cap. 3. Auerr. 2. Colliget cap. 10. Albertus lib. 15. de Animalib. tract. 2. cap. 11. alijq; plures Philosophi item D. Thomas 3. par. q. 32. art. 4. Durand. in 3. d. 3. alijque plures Theologi circa eadem loca, tractantes de admirabili conceptione Christi in utero B. Virginis. At ex aduerso Hippocrates lib. de Genitura, Galenus lib. 6. de locis affectis cap. 5. alijque Medici communiter, itemque D. Bonau. Scotus & alij quamplures Theologi ac Philosophi affirmant, etiam foeminam actiue concurrere : ac Medici confirmant, verum semen fundere. Et hæc sententia est magis verisimilis : per quam melius saluatur, foeminam esse ve-

ram matrem ac genitricem, & verè generare filium : nam generatio est actio, & generare est agere.

Præterea, notissimum est, marem & foeminam eiusdem speciei, gignere filios eiusdem pariter speciei, ubique essentialiter similes : si verò coniungantur mas & foemina differentium specierum, gigni solere filium alterius tertix speciei, ut comperitum est. Sicq; ex Asino & Equo Mulus gignitur. Et ideo, quia in Aphrica magna est diuersitas animalium, quæ præsertim apud fontes conuenire solent, ibique contingit diuersæ speciei marem foeminamque coniungi, inde iuxta Proverbum, *Semper aliquid noui affert Aphrica.*

Postremo, ad assignandum, quæ & quid sit generatiua potentia, Durand. in 1. d. 3. parte 2. q. 2. Valles. lib. 2. controuersiarum cap. 19. & Conimb. 2. de Anima cap. 4. q. unica art. 2. volunt, non esse à potentia nutritiua distinctam. Tum quia, dicunt, tam generatiua, quam nutritiua, pariter respicit terminum substantialem ; altera totalem, & altera partialem : eiusdem autem rationis est totum & pars : eademque virtus est, qua ignis gignit alium ignem à se distinctum, & qua adgenerat sibi nouam partem ex materia sibi contigua. Tum quia virtus nutritiua est, quæ decoquit alimentum, & conuertit in sanguinem : semen autem quod est instrumentum huius generationis, est sanguis magis excoctus : non ergo videtur necessaria alia virtus generatiua præter nutritiuam. Tum etiam Arist. ipse 2. de Anima 41. perspicue ait : *Eadem potentia anima est vegetatiua & generatiua.*

Dici tamen potius debet, virtus generatiua verè à nutritiua distincta : & rursus duplex virtus generatiua distinguenda est, altera nempe in

An potentia generatiua sit à nutritiua distincta.

Debet dici distincta.

in ipso viuento, & altera in semine. Virtutem generatiuam à nutritiua distinguunt Albertus Magnus 1. de Anima tract. 2. cap. 6. Cater. eod. lib. circa cap. 4. Ferrar. q. 7. Tolet. q. 10. Iandun. q. 13. Fern. lib. 5. Physilog. c. 3. Aegid. Quodl. 3. q. 12. & 21j.

Probaturquè, Tum ratione communi: quia potentia generatiua respicit terminum à nutritiua diuersum, & absque præcisa subordinatione: nutritiua enim per se sistit in eodem viuento, generatiua tendit ad extra: munus nutritiua est reparare substantiam in eodem viuento, munus generatiua est producere aliud viuens, finis nutritiua est conseruatio indiuidui, generatiua conseruatio speciei: hæ ergo sunt duæ distinctæ potentia. *Nihil enim tale natura facit*, inquit Arist. 1. Polit. cap. 1. *quale statuarij delphicum gladium ad multos usus ob inopiam, sed facit vnum ad vnum, sic enim optime instrumenta proficiunt, si eorum singula non multis sed vni deseruiant.* Tum præterea, diuersi sunt modi operandi harum potentiarum: potentia enim nutritiua assumit ab extra & intromittit alimentum, & coniungit atque conuertit in substantiam viuents: generatiua verò auferit & transfert de substantia ipsius viuents ad generationem alterius. Tum quoque, aliqua viuents sunt quæ non habent potentiam generatiuam aliorum sibi similium, vt diximus sect. 1., & vtique habent potentiam nutritiuam. Ac fortasse intra eandem speciem contingit, aliquod indiuiduum, vel naturali vel artificiali defectu, carere potentia generatiua, quam alia indiuidua habent: sicut potest aliquod animal carere potentia vliua aut alia sensitua. Hæ igitur sunt distinctæ potentia. Et hoc confirmabitur adhuc magis ex dicendis.

Rursus, aliam virtutem in semine *Aliaq;* & aliam in ipso viuento, supponit *est vir-* D. Thomas 1. par. q. 78. art. 2. & q. *tus in* 118. art. 1. & alij communiter. Et *semine,* vtique patet: quia vtique in semine *alia in* est virtus proxima formatiua corporis & inductiua animæ: quæ virtus in illo existit, etiam deciso iam semine ex viuento, imò & mortuo patre à quo deciso est. Vnde manifestè hæc virtus est distincta à facultate nutritiua quæ non potest manere nisi in eodem viuento. Item, ipsum viuens quod aptum est generare, habet vtique & retinet in se virtutem conficiendi semen aptum ad generationem. Hæc virtus est potentia generatiua, non quasi habeat per se immediatè exercere actum generationis: sed solum tanquam formatiua seminis, imprimens semini aliam virtutem subordinatam, quæ tandem generationem perficit. Hæc ergo potentia generatiua residens in ipso viuento, est omnino distincta à nutritiua. Tum quia facultas nutritiua diffusa est per totum corpus: hæc autem generatiua affixa est in certa parte corporis, vbi nempe conficitur & efformatur semen; sicut potentia visua est in certa parte, & sic alia similes. Tum etiam potentia nutritiua est quæ per se valet conuertere alimentum in substantiam alii, & materiam alimenti viuificare: at virtus hæc generatiua tantum valet ad disponendum semen, eique virtutem aliam imprimendam per quam generatio exerceatur. Tum quoque, præter decoctionem perfectam sanguinis, alia vtique est virtus seminis, quæ non est talis decoctio, sed eam supponit pro sua dispositione: ergo in viuento, præter virtutem nutritiuam & calorem concoctiuum, agnoscenda est alia virtus generatiua distincta, habens imprimere dictam virtutem semini.

Nō de- bet vir- tus gene- rativa cum nu- tritiva cōjundi. Ex his facillè patet ad rationes in contrarium præmissas. Virtus nutritiva & generativa conveniunt in respiciendo termino substantiali; sed differunt, non in sola ratione totius & partis, nam eadem virtus est quæ efformat totum vivens ac partes eius: sed quia virtus nutritiva per se addit partem eidem viventi, virtus generativa per se tendit ad aliud totum distinctum; igni autem per accidens est, gignere alium ignem discretum vel sibi continuum, cum totus sit homogeneus. Insuper virtus nutritiva per se efficit terminum substantialem, sed virtus generativa viventis solum habet perficere semen. Patet etiam ex dictis, semen supra sanguinem addere peculiarem aliam virtutem formativam, quæ utique non est sola maior decoctio: igitur alia est virtus conficiendi semen, à virtute decoctiva sanguinis: sed benè illam supponit pro dispositione materiæ. Locum denique Arist. iam explicavimus sect. 1. ad 4.

SECTIONONA.

De Actu Generationis.

TRes gradus actuum possunt pro hac generatione distinguui. Primus est quo formatur & conficitur semen; ad quem actum præeunt varij nutritionis actus quos antea numeravimus: quia ex eodem alimento quod ad nutritionem assumitur, & ex eodem sanguine quo animalia nutriuntur, efficitur semen. Secundus gradus est, quo per virtutem seminis efformatur & organizatur, secundum varias dispositiones & partes, omniaque membra, corpus viventis. Tertius demum est, quo tandem vivificatur corpus, quo animatur fetus; quo substantialis forma inducitur quæ est anima. Ea quæ

ad priores actus pertinent, potissimum ex anothomicis administrationibus innotescere potuerunt; videlicet quonam ordine, quâto tempore, ex qua materia perficiatur fetus per singula membra, & alia similia: ideo hæc meliùs à Medicis transiguntur. Ultimus tandem & essentialis generationis actus, in omnibus quidem viventibus præter hominem, est substantialis productio formæ eiusque unio in materia: in homine autem anima quidem creatur à Deo, unio autem animæ cum corpore efficitur per naturalem vim generativam, iuxta ea quæ de hac re iam diximus communiter circa causas. Dignum nunc examinare superest definitionem vitalis generationis, quæ maximè à Theologis à Mysterio Trinitatis, occasione Divinæ generationis filij à Patre, constituitur.

Definit generationem vitalem. *Vitalis* D. Thomas 1. par. q. 27. art. 2. & hanc generationem alij Theologi ac Philosophi receperunt: *Est origo viventis à vivente, à principio vitæ conjuncto, in similitudinem naturæ.* Dicitur primò, *Origo*, hoc est processio seu productio. In hac ratione, tanquam generica, hæc generatio convenit cum omni alia productione. Et pro rebus creatis potest intelligi generatio illa substantialis quæ erat communis substantialibus corporibus. Dicitur secundò, *Viventis à vivente*: quia sine dubio vivens est id quod producit per generationem vitalem: vivens etiam esse, debet principium à quo productio principaliter exercetur. Per hanc particulam excluditur, non solum productio quæ terminatur ad omnem aliam substantiam non viventem: sed etiam si producat aliquam substantiam viventem à principio non vivente. Vnde, si plantæ & animalia quæ naturaliter ex terra gignuntur,

dicantur effici à corporibus calectibus tanquam causis principali us : hæc particula sufficit ad excludendam talem productionem ex ordine generationis vitalis.

Requisitum cō. consuetudo. Dicitur tertio, *A principio vita* *in iunctio* *inter ge* *nerantē* *& geni-* *tum.* Quia nempe debet intercedere substantialis coniunctio inter principium & terminum, ita ut actio sit in suo gradu immanens & interna. Et alioqui, Angeli viuentes, facti sunt à Deo viuente, & primi homines facti sunt à Deo, ac similiter prima indiuia aliarum specierum viuentium, & sic pariter omnia fieri possent ab ipso Deo : neque tamen hæc est generatio & productio vitalis. Necessaria ergo est coniunctio principij vitalis, taliter ut hoc principium dici possit intrinsecè atque adeo vitaliter operari. Neque verò sufficit qualiscumque coniunctio, v.g. localis. Nam Deus est utique intimè præsens omnibus rebus creatis. Sed oportet, ut viuens quod generat aliud, operetur aliquo pacto in se ipso : hoc enim propriè est intrinsece & vitaliter operari : & ita coniunctionem hanc explicat D. Thomas 4. cont. Gent. cap. 11. Neque tamen requiritur omnimoda & perfecta coniunctio, ita ut agens totam actionem in se ipso perficiat : pater enim, in omnibus viuentibus creatis generat filium, non totaliter in se ipso, quasi vel in se nouam formam inducat, vel filium in se includat. Sed satis ad hanc rem est, quòd viuens in se quodammodo inchoet generationem in aliqua veluti parte sui, quam postea loco sui substituat, ut prosequatur & perficiat actum generationis. Quod totum optimè fit ministerio seminis, tam in plantis, quam in animalibus, ut explicat D. Thomas eodem loco cont. Gent. Et ratione huius coniunctionis, veluti per propriæ substantiæ largitionem, ait Arist. 8. Ethic. cap. 12. *Pa-*

rētes amant liberos, quasi ex se quidādam sint. liberi autem parentes, quasi ex illis quippiam sint. Et rursus intra, *Parentes filios ut se ipsos amant : qui enim ex ipsis oriuntur, sunt quasi alteri ipsi, dum separati sunt.* In eodemq; scitu Damasc. lib. 1. Fidei cap. 8. generationem viuentis definit, *Qua ex substantia gignentis profertur quod gignitur simile secundum substantiam.* Hoc autem verificatur, quamuis semen non sit in se formaliter animatum, nec viuat anima totius : sed sufficit, quòd se habeat veluti pars sumpta ex ipso corpore, ut circa corpus animatum antea explicauimus. Demum ex hac coniunctione fit, ut pulli qui enascuntur ex ouis, sint verè filij eorum parentum qui genuerunt oua, non autem aliorum animalium quæ aliena oua fouent ut sæpè contingit.

Dicitur quarto, *In similitudinem Requiratur si-* *natura.* Per hanc tandem similitudinem adequatè completur ratio generationis vitalis. Ac propriè intelligitur similitudo in natura specifica.

ca : sicut homo generat hominem, equus equum, & sic de alijs. Per hoc D. Thomas 1. par. q. 27. art. 2. excludit generationem capillorum & vermium, qui in corporibus animalium enascuntur ex humoribus & excrementis corporis, aut etiam ex ipsis carnibus : quia scilicet hæc non conueniunt in eadem natura specifica cum illo ex quo fiunt. Hæc autem exclusionis ratio, necessaria est si supponantur huiusmodi esse verè distincta quædam viuentia & effectiue procedere ab illo corpore ex quo fiunt. Alioqui, si capilli dicantur, aut non viuere, aut animari eadem forma totius : & vermes dicantur potius effici ab alijs causis externis, quarum virtute fiunt alia, quæ ex putrefactione gignuntur, ut sanè videtur; sic iam per priores particulas hæc omnia erant exclusa.

Cæterum, hæc tota definitio, tam communis est generationi plantarum, quam animalium. At alio modo, magis adhuc præse, vitalis generatio sumitur, secundum quam dicuntur pater & filius: quo pacto non in plantis, sed in animalibus inuenitur: nec enim vna planta dicitur pater aut mater alterius, nec illa quæ gignitur dicitur filia. Notauitque D. Thomas 3. par. q. 32. art. 3. & super caput 3 ad Ephes. lect. 4., denominationes has conuenire solum uiuentibus. cognitione & amore saltem sensitiuo præditis: ita ut includantur quidem omnia animalia tales operationes participantia: excludantur verò plantæ, & illa quæ sunt veluti media inter plantas & animalia, dicunturq; Plantanimalia. Itaque ad complendam definitionem generationis hoc modo sumptæ, addi debet: est origo uiuentis cognitione & amore præditi ab alio simili uiuente: vel est origo uiuentis à uiuente à principio uitæ coniuncto in similitudinem naturæ cognoscitiuæ & amatiuæ. Hanc verò conditionem indicat ipsummet nomen filij; Græcè enim amicitia dicitur *φιλία*, & *ἐκ τῆς* qui est in amicitia.

Ex hac definitione probat Theologus, processionem Verbi in Diuinis esse veram generationem vitalem filij à Patre: est enim origo uiuentis à uiuente à principio coniuncto, in similitudinem naturæ cognoscitiuæ & amatiuæ. Imò cum ratio generationis in hac re potissimum constitutatur per coniunctionem & similitudinem dictam: eò perfectius Verbum diuinum est filius genitus à Patre, quò maximè est illi coniunctus: ipsaque generatio diuina, est operatio intellectuæ, quæ præ alijs operationibus vitalibus est maximè immanens & intrinseca, ut aduertit D. Thomas 4. cont. Gent. cap. 11. Et insuper Filius in Diuinis est magis

similis Patri, quàm in natura specifica; nam conuenit cum illo in eadem singulari natura, in quo longè superat omnem similitudinem inter uiuentia creata.

Ad maiorem tandem huius rei explicationem, duæ difficultates enodandæ supersunt, præsertim circa similitudinem dictam. Prima est; quia Eua facta fuit ex Adamo, uiuens ex uiuente, ex principio coniuncto, nempe ex costa Adami, in similitudinem eiusdem humanæ naturæ, & nihilominus Eua non dicitur genita ab Adamo, non uique fuit filia Adami, ut notauit S. Thomas 1. par. q. 92. art. 2. ad 3. Propter hoc, ad maiorem rigorem dictæ similitudinis, addi solet, ut uiuens procedat simile alteri ex vi eiusdemmet processionis; ita ut non sufficiat, si aliunde euadat simile. Sed cum Eua facta fuerit à Deo ex costa Adami, æquè benè potuisset Deus ex illa costa, quodcumque aliud substantiale compositum efformare. Itaque, non ex vi talis processionis, sed ex voluntate Dei, facta est mulier in natura specifica similis viro. Attamen alia prior ratio est, quia Eua simpliciter non fuit facta ab Adamo tanquam principio effectiuo, sed solum ex costa Adami tanquam ex materia; nullatenus ergo fuit genita ab Adamo. Si autem fuisset facta ab eodem Adamo tanquam principio effectiuo, adhuc ob eam aliam rationem, Eua non debuisset dici filia genita ab Adamo. Similis ratio solet à Theologis reddi in mysterio Trinitatis, quare Spiritus sanctus non sit filius, eiusque processio non sit generatio, quamuis reuera procedat in similitudinem eiusdem naturæ: quia nempe Spiritus sanctus, non ex vi talis suæ processionis procedit similis: procedit enim per voluntatem quæ ex vi sua non habet assimilare. Verbum autem procedit per intelle-

*Debet
genitum
assimilari
generanti
ex vi
processionis.*

Etum, cuius per se est assimilare, ac producere terminum per modum imaginis & similitudinis: & ita formaliter ex vi talis suæ processionis procedit similis.

Potest Secunda difficultas ex aduerso est: **sufficere** quia dum à duobus animalibus di- **simili-** uersæ speciei gignitur aliud alterius **tudo in** speciei, vt scēt. præcedenti notauimus; adhuc dicitur hæc vera genera- **aliquo** tio vitalis, fundans denominationes illas patris & filij. Ad hoc dici **genere** potest pr. mod. satis esse, quod ex in- **proxi-** tento naturæ gigni debebat animal **mo.** simile generati, licet ex impedimento occurrente, nimirum ex consortio alterius differentis speciei contingat prolem degenerare in aliam tertiam speciem, sic Arist. 7. Metaph. 28. notauit, genitum esse simile genitori, *Nisi quid præter naturam contingat, ut equus mulum.* Secundò dici solet, filium debere gigni similem in omni generatione, naturali quæ fit iuxta debitum ordinem: licet in quibusdam generationibus monstruosis non perficiatur talis similitudo. Et aliqui admittunt, in tali casu non verificari definitionem illam traditam: sed tantum per quandam ampliationem extendi quoque nomina illa generationis, & Patris, ac filij. Tertiò dicendum est ex eodem Arist. ibidem, dari quoddam propinquissimum genus, in quo diuersæ illæ species conueniant, licet tale genus sit innominatum; v.g. genus quoddam in quo conueniant equus, asinus, & mulus. Consonatque similitudo multarum proprietatum & accidentium, in quibus talia animalia communicant, vt notum est. Vnde, quod supra dicebamus cum D. Thoma, requiri similitudinem in natura specifica, ampliandum nunc est ad genus quoddam, proximum, & peculiare, ad generans & genitum: ita scilicet quod non sufficeret similitudo in solo genere

remoto & communi ad varias alias species, quale est ipsum genus animalis: sed similitudo in quodam alio genere proximo & peculiari, se habeat tanquam in natura specifica. Addiquè potest ex eodem D. Thoma 3. par. q. 32. art. 3., perfectam filiationem esse, vbi sit similitudo perfecta; minùs perfectam esse, vbi sit minor similitudo.

SECTIO DECIMA.

De Affectionibus quibusdam Animatorum vegetabilium: nempe Iuuentute & Senectute, Sanitate & Morbo, Vita & Morte.

Affectiones hæc, rationes animæ vegetatiuæ, communes sunt omnibus viuentibus, non solum scilicet animalibus, sed etiam plantis: magis tamen propriè & consuetè hæc nomina dicuntur de animalibus. De ijs affectionibus agit Aristoteles inter Parua naturalia.

De iuuentute & senectute libellum *Iuuentus* scripsit, sed simul cum vita & morte *& senectus.* ac respiratione: & vix parum quid cap. 14. attingit de iuuentute & senectute. Communiter autem iuuentus & senectus sunt ætates quædam vitæ: ætasque est notabile quoddam vitæ spatium, designatum secundum naturalem quandam mutationem. Potest itaque in primis vita distribui in duo spatia, primum quo viuēs veluti proficiat, secundum quo deinceps deficiat ac declinet: primasque ætas dicetur iuuentus, secunda senectus. Hoc habetur ex Arist. 2. de Gener. tex. 57. & 58. iuxta expositionem ibi Auerrois. Et inde etiam sumitur, æquale esse vtrumque spatium. Sed Auer. notat, id intelligi naturaliter: *Quoniam multis, inquit,*

quit, accidit quod sit minus, tempus senectutis, tempore crementis, aut propter naturam complexionum, aut propter diuersitatem dispositionum causa agentis. Additque ex sententia Medcorum, hoc pacto in hominibus iuuentutem protendi ad trigelimumquintum annum, & senectutem postea ad septuagesimum: quia saltem ut plurimum non exceduntur hæc spatia.

Plures
totius
vitæ
ætates,

Commodior, deinde diuisio est eiusdem Aristotelis eo lib. de Iuuent. cap. 14., totius vitæ in tres ætates, iuuentutem, statum, & senectutem. Nam primò quidem viuens augeatur, & tam viribus quam mole proficit: deinde in medio quodam statu permanet: nec proficiens nec deficiens, saltem notabiliter: tandem deficit ac in deterius prolabitur. Desiniri autem solent hæc tria spatia in homine, iuuentus ad vigesimumquintum annum, status ad quadragessimum, senectus usque ad finem.

Præterea Hippocrates lib. 1. Aphor. 13. & lib. 3. Aphor. 18. & Galen. circa eadem loca, quatuor in humanâ vita distinguunt ætates, pueritiam, adolescentiam, iuuentutem & senectutem. Cicero lib. de Senect. quidque distinguit ætates. Alij sunt qui distinguunt sex. Sed satis nota & consuetâ diuisio est in septem ætates: nempe infantiam usque ad sextum circiter annum; pueritiam ad decimumquintum; adolescentiam ad vigesimumprimum; iuuentutem ad trigelimumquintum; virilitatem ad quinquagesimum; senectutem ad sexagesimumquintum; & ætatem tandem decrepitam usque ad finem vitæ. His enim periodis notabiles quedam mutationes in humana vita succedunt. Infans nascitur, puer incipit ratione uti, adolescens fit generationi aptus, iuuenis ætate floret, vir est solidus & robustus, senex corpore deficit sed mente viget, de-

crepus ad interitum properat. Addunt Astrologi, singulis ijs ætatibus dominari singulos ex septem Planetis, eodem ordine quo illes disponunt in cælis, infantia Lunam, pueritia Mercurium, adolescentia Venerem, iuuentuti Solem, virilitati Martem, senectuti Iouem, decrepitæ ætati Saturnum. Sed hæc distributio Planetarum ad ætates, magis ad arbitrium, & secundum quandam accommodationem excogitata est: quia Luna dicitur humiditatem influere, Mercurius sermonem & discursum, Venus hilaritatem, Sol floriditatem, Mars vigorem & robur, Iuppiter grauitatem et præminentiam, Saturnus frigiditatem et siccitatem: Hæc tamen ut plurimum incerta et vana sunt.

De sanitate et morbo scribere cepit Aristoteles quendam librum. Sed vix breue quoddam eius exordium extat. In quo notauit, tractationem hanc ita esse in cōfinio Philosophiæ ac Medicinæ, ut attingi debeat à Philosopho, perfici à Medico. Et quidem ad Philosophum spectat, per modum speculationis considerare has tanquam affectiones viuentium: ad Medicum verò per modum directonis et operationis spectat, prosequi, qualiter sanitas conseruanda et recuperanda sit, morbusque præcauendus ac repellendus.

Attingit breuiter Arist. 7. Phys. 17. quæ sit ratio sanitatis: *Sanitas*, inquit, *calidorum & frigidorum quædam commensuratio est.* Et in Problem. sect. 1. q. 3. *Secunda valetudo, mediocritas quedam est.* Ex opposito rationem morbi indicauit ibidem. *Huiusmodi qualitatum excessus morbos committit:* Loquebaturque de calore & frigore, humiditate & siccitate. quærit autem 1. cum excessu defectum conuincit: *Excessu vel defectu morbum consistere.*

Sanitas
& mor-
bus.

Similiter Hippocrates lib. de Homi-
nis natura, sanitatem definiuit: *Esse
elementorum & humorum mediocri-
tatem*. Addidit rectè Galenus or-
dinem ad vitales operationes lib. de
Symptom. different. cap. 1. sic de-
finiens sanitatem & morbum. *San-
itas est secundum naturam affectio
functionis effectrix: Morbus est af-
fectus præter naturam, qui actionem
impedit*. Hæc autem omnia in idem
planè redeunt.

Itaque constat, sanitatem esse ap-
tam temperiem ac dispositionem,
earum rerum quibus corpus viuen-
tis constat, in eo statu qui sit conue-
niens ac debitus ipsi viuenti. Quæ
dispositio importat aptam consti-
tutionem partium, proportionem hu-
morum, intensionem qualitatum,
integritatem potentiarum et virium.
Cõstat item, morbum esse recessum
ab hac dispositione & statu: siue sit
per excessum, siue per defectum, siue
per quamcumque læsionem. Sanitas
inducit perfectas & integras opera-
tiones connaturales ipsi viuenti, mor-
bus impedit aut frangit aliquam vi-
uentis operationem. Ipsa autem per-
fectio aut imperfectio actionum, nõ
est formaliter sanitas aut morbus,
sed effectus eius. Sanitas absolutè
est vna, morbi autem sunt quamplu-
rimi: quia nimirum sanitas absolu-
tè requirit omnes suas partes, & per
quemcumque defectum contingit
morbus; iuxta illud: *Bonum ex in-
tegra causa, malum ex quocunque
defectu*.

Hinc rursus patet, sanitatem non
esse quandam simplicem qualitatem
& perfectionem corporis, distin-
ctam ab alijs; sed solum esse cõjun-
ctionem & veluti harmoniam tot
variarum qualitatum ac dispositio-
num pertinentium ad corpus. Arist.
verò ibi 7. Phys. indicauit, esse de
genere ad aliquid, ideoque ad sani-
tatem non dari per se motum. Sed

certè, non potest intelligi, sanita-
tem esse de prædicamento relatio-
nis. Solum ergo docere voluit, sa-
nitatem importare proportionem
& commensurationem plurium par-
tium inter se conuenientium, secun-
dum debitam similitudinem aut dis-
similitudinem, æqualitatem vel inæ-
qualitatem: & sic ad sanitatem non
dari per se motum: præter illum qui
datur ad certam quandam qualita-
tem vel dispositionem, per cuius in-
temperiem soluta erat illa harmonia
& proportio, in qua consistebat sa-
nitas.

Præter sanitatem & morbum Ga-
len. lib. de Arte medic. cap. 3. & ali-
bi, assignauit statum quendam me-
dium inter vtrumque. Imò Auicenna
Can. 1. Fer. 2. doctr. 1. cap. 2. tres
status medios distinxit pueritiam,
senium, & conualescentiam. At ex
aduerso, Arist. in Post prædicam. cap.
de oppositis, apertè docuit, inter sa-
nitatem & ægritudinem, nihil esse
medium in corpore animalis, sicut
inter par & impar in numero: & ne-
cessariò alteram ex his affectionibus
conuenire suo subiecto. Hæc tamen
ita conciliari & explicari possunt.
Si sanitas sumatur pro exactissima
temperie, & morbus pro quocunque
recessu ab hac temperie: sic vtrique
nullum admittunt inter se medium.
Si autem sanitas sumatur pro dicta
temperie, morbus verò pro notabi-
li recessu ab illa: sic admittunt in-
ter se statum medium, nempe per
modicum aliquem recessum ab illa
temperie. Sed sumi etiam solet sa-
nitas pro conuenienti quadam tem-
perie, habente latitudinem, exclu-
dente solum, notabilem ab illa re-
cessum. Et ideo iuxta varias accep-
tiones, & comparationes, contin-
git, eundem aliquem statum appel-
lari, vel morbosum, vel medium, vel
sanum. Sic interdum dicitur sen-
ectus ipsa esse morbus: interdum se-
nex

Statu
medius.

nex dicitur nec sanus nec aeger, sed medio modo se habens: interdum senex absolutè dicitur sanus, dum non alio positiuo morbo laborat.

Vita & Mors.

De vita demum & morte scripsit Arist. tum in eodem illo libro de Iuuent. & Senect. tum etiam alium librum habemus de longitudine & breuitate vitæ. Atque in hoc sensu nominamus vitam inter affectiones viuientium, non quidem pro ipsa substantiali vita, sed pro duratione vitæ, quæ longa aut brevis contingere nescitur.

Omnia viuētia naturalis necessitas mortis subsacēt

Omnia utique viuētia, definitum naturaliter vitæ cursum habent, ut ex necessitate intrinseca suæ naturæ mortem tandem incurrere debeant, ita ut, etiam seculis quibuscunque causis extrinsecis aduersantibus, ex ipsa sua actione interna debeant interire. Ita notauit Arist. 2. de Gener. 57. & alibi. Ac præsertim lib. de Iuuent. &c. cap. 14. *Est*, inquit, *omnibus animalibus commune generatio & mors*. Ac statim duplicem mortis modum & causam distinguit: *Mors est, hæc quidem violenta, illa autem secundum naturam: violenta quidem, quando principium extrinsecus facit: secundum naturam autem, quando in ipso, & non aduentitia aliqua passio*. Idem cum Aristotele omnes Philosophi sentiunt. Similiter Galen. lib. de Sanit. tuenda cap. 12. & alibi, & omnes Medici fatentur, omnia viuētia debere necessariò ab intrinseco interire. Theologi quoque ac Sacri Doctores idem pro comperto supponunt.

Ratio autem huius necessitatis, eadem originaliter est, ac quam antea pro nutritionis necessitate adduximus: quia nempe natiuus calor assiduè consumit ac resoluit humidum vitale, id est partes quasdam corporis, & ideo debet ex alimento illas reficere: at quod ex alimento re-

ficatur, temporis progressu successiuè deficit ac declinat à statu perfectiori illius substantiæ quæ deperdita erat: unde consequenter calor quoque ipse debilitatur, omnesque vires languescunt: sic animalia aetatis decursu senescunt, & plantæ arefcunt: ac tandem ad tantam humidi & calidi inopiam deueniunt, succedente liccitate & frigiditate, adeoque vires omnes contabescunt, ut mutata dispositione corporis, extinguatur vita & recedat anima, succedatque forma cadaueris.

Difficultatem tamen in hac re facit, quod ex Sacra Script. constat, hominem incurrisse mortem in pœnam peccati: sic enim Genes. 2. dixit Deus Adamo: *In quocunque die comederis ex eo, morte morieris*: Et Apostolus ad Roman. 5. *Per peccatum mors, & ita in omnes homines mors pertransiit, in quo omnes peccauerunt*. Mors igitur non erat per se naturalis homini, nec oriebatur ex necessitate naturæ. Imò sic definitum est in Concil. Mileuit. cap. 1. *Qui dixerit, Adam mortalem factum; ita ut sine peccato sine non peccaret, moreretur in corpore, non peccati merito, sed necessitate naturæ, anathema sit*. Sed ad hoc rectè Theologi notant, humanam naturam de se quidem fuisse ab intrinseco morti subiectam, tamen ex diuino privilegio concessam illi fuisse immortalitatem in statu innocentie, si nempe seruasset diuinum præceptum: & sic in pœnam suæ transgressionis amississe hoc privilegium & immortalitatem sibi promissam, relictamque fuisse naturam in sua mortalitate quæ illi ab intrinseco inerat. Peccatum ergo fuit mortis causa, tanquam remouens impedimētum, dum abstulit diuinum privilegium quo mors impediabatur. Et hoc voluit Concil. ibi contra Pelagium, qui negabat originale peccatum, & di-

Adhuc mors homini est pœna peccati.

cebat, mortem de facto esse purum naturæ defectum, non culpæ supplicium.

*Diversū
vitæ spa-
riū va-
ria vi-
uentia
sortiun-
tur.*

Ita verò omnia viuentia sunt obnoxia morti quòd tamen inter se valde inæqualem sortiantur vitæ periodum, & alia longiorem alia breuiorem, alia tardiùs alia citiùs in interitum ruunt. Et hæc differentia inuenitur, tum inter varia genera variorumque species viuens, quibus proinde ab intrinseco ex propria constitutione & natura, longa aut brevis vita conuenit: tum etiam inuenitur inter indiuidua eiusdem speciei, quibus ob inæqualem dispositionem accidentalem, aut ob alias accidentales causas, inæqualis cursus vitæ contingit. Sic notauit Arist. lib. de longit. & breuit. cap. 1. *Sunt autem habentia differentiam hanc, tota ad tota genera, & eorum quæ sub una specie alia ad alia.* Secundum genus & speciem suam, quædam plantæ diutissimè viuunt, quædam citissimè intereunt: & inter animalia, maxima quoque differentia inuenitur. Intra eandem verò speciem, notissimum præsertim est in humana specie, quanta vitæ inæqualitas inter varios homines contingat. Et præter complexionem indiuidualem cuiusque, variaz sunt aliaz causæ quæ vitam protrahere aut contrahere valent: causæ cælestes, regiones terrestres, ratio victus, exercitationis, & similes. Pluraquæ in speciali de viuentibus inæqualem vitæ durationem nactis prosequitur Aristoteles in eodem libro.

*Nullò
naturalis
medis
potest de
facto vi-
ta pro-
trahi in
æternū.*

Cæterum dubitatur, num aliquod naturale nutrimentum vel remedium sit possibile, quod vitam in perpetuum protrahere & conseruare valeret, atque ab interitu præseruare. Et satis quidem constat, de facto nihil tale inueniri. Ac merito Aristoteles 3. Metaph. tex. 15. spernit fabulas illorum Veterum, qui dixerūt,

Deos redditos esse immortales, eo quòd gustarunt nectâr & ambrosiâ. Non defuerunt quoque alijs temporibus, qui promiserint talia remedia & alimenta, & tale elixir vitæ, quo homines in florida iuuentute perpetuò conseruarent, aut etiam senes reiuuescere facerēt. Sed ab euentu suam vanitatem prodiderūt. Nullus sanè inuentus est qui talem effectum præstiterit: nullus ex principibus & summis viris, qui à mortis & senectutis necessitate quibusuis artificijs & expensis potuerit eximi.

Sed dubitari adhuc potest, num intra naturalia remedia & alimenta fuisset possibile aliquod quod vi sua valeret vitam in perpetuum propagare: ac de facto dubitatur, num lignum vitæ, plantatum ab initio in horto volu. tatis, fuerit huiusmodi: expulit enim Deus hominem post peccatum ex felici illo loco, dicens: *Ne fortè rostrat manum suam, & sumat etiam de ligno vitæ, & comedat, & viuat in æternum.*

Rupertus lib. 3. de Genes. ad litter. cap. 30. affirmat, fructum ligni vitæ, licet semel tantum gustatum, vim habuisse conseruandi vitam in perpetuum. Colligit ex Script. quia id significat modus ille loquendi, ne fortè mittat, &umat etiam: sicut scilicet semel sumendo de ligno sciëntiæ factus erat homo reus mortis: Sed certè, non potest vllum subsidium naturale, tale esse, vt semel sumptum, valeat in perpetuum conseruare vitam: Vnde alij sacri Doctores communiter sentiunt, debuisset hominem frequenti vtu illius arboris conseruari. Et in hoc sensu Arist. ibi reputat impossibile, per vllum cibum ab initio sumptum acquiram fuisse immortalitatem: *Quomodo, inquit, essent sempiterni, cum alimento indigerent?* Et ratio est clara: quia ad summum, naturale remedium posset redintegrare vires

*An po-
tuisset
protrahi
præser-
tim per
lignum
vitæ.*

*Non po-
terat per
unicam
come-
stionem
de illo
ligno.*

res in tota perfectione nativæ : sed ex tota hac perfectione homo temporis successu declinat : igitur non poterat per unam solam vilius cibi et remedij sumptionem, in perpetuum conservari. Verba illa Scripturæ tantum denotant potuisse hominem per vim illius cibi conservari, non determinando unicam vel repetitam sumptionem.

Poterat per frequentem eius usum naturaliter prorogare vitam.

Bonavent. in 2. d. 19. dub. 4. circa litter. & art. 3. q. 1. putavit, virtutem ligni vitæ ad conservandam vitam fuisse supernaturalem, non autem naturalem : quia non videtur tanta vis naturaliter vili cibo posse inesse. Adhærent Caiet. 1. par. q. 97. art. 4. & Arretinus in cap. 2. Genes. tract. de Ligno vitæ q. 5. qui & affert quædam Augustini loca. Sed ex doctrina ipsa Script. colligitur vim illius arboris ad prorogandam vitam, fuisse naturalem. Nam permanebat etiam post peccatum Adami, ideoque Deus Adamum expulit e Paradiso : at si fuisset vis supernaturalis, attributa illi arbori à Deo ad conservandam vitam in statu innocentie, debuisset potius tunc auferri post lapsum Adami, sicut Deus illi abstulit alia dona supernaturalia quæ ei contulerat. Vel vis ipsa arboris non fuisset nisi adtribuendum effectum hominibus innocentibus iuxta institutionem divinam : sicut vis supernaturalis Sacramentorum determinata est ad conferendum effectum hominibus bene dispositis. Deinde ex natura rei difficile non erat, talem vim naturalem inesse illi arbori ad prorogandam vitam, ut mox ostendemus. D. August. verò solum voluit ex peculiari ordinatione divina fuisse illud lignum in terra plantarum, supra debitum humanæ naturæ.

Poterat prorogari in æternum. Scotus in 2. d. 19. q. unica, voluit, lignum vitæ habuisse naturalem quidem vim, non tamen ad conservandam perpetuam vitam, sed solum ad

illam in longiora tempora protrahendam : quia scilicet necesse erat, corpus ipsum humanum aliquantum repati & alterari ab illo cibo & sic homo non poterat in æternum vivere, sed saltem post diuturnum spatium adhuc mortem incurrere. Hunc dicendi modum sequuntur etiam Caiet. & Arretin. ubi supra & Zumel ibidem cum Caietano : qui propterea exponunt verbum illud Script. in æternum pro longissimo ævo. Faciet D. Th. 2. q. 164. art. 2. ad 6. Adhæret quoque Cornel. à lapide super Genes. 2. Ait tamen, quod si arbor vitæ semper in eodem vigore durasset, potuisset hominem in perpetuum conservare : sed quia ipsa quoque arbor debuisset senescere ac paulatim deficere, ideo solum potuisse ad longum tempus vitam hominis prorogare.

Communior sententia est, lignum vitæ, in usu habitum, fuisse talis virtutis, ut simpliciter hominem in æternum conservare potuisset, & à naturali morte præservare. Ita planè sentit D. Thomas 1. par. q. 97. art. 4. & in 2. d. 19. q. 2. art. 4. ad 5. Et sequuntur Bagnes ac Raphael Ripa eodem loco primæ partis : Molina de opere sex dierum disp. 28. Suar. lib. 3. de eodem opere cap. 15. & alij circa eundem locum. Idem affirmavit Magister in 2. d. 19. ubi Durand. q. 2. & alij eadem dist. Item Abulenti. in cap. 13. Genes. q. 167. Perer. lib. 3. in Genes. disp. de Arbore vitæ q. 4. Et alij quamplures Sacri Expositores circa initium Genes. Sic etiam docuerunt Strabus & Vgo in Genes. Chrysost. homil. 18. in Genes. Ac planè August. lib. 23. de Civit. cap. 23. ubi ait : *Ligno vitæ à mortis necessitate prohibebatur, atque iuvenentis flore tenebatur homo.* Et similiter idem August. antequam Auctor lib. 99. Veteris & novi Testamenti q. 19.

*Colligi-
tur ex
Script.*

Colligitur ex Script. quia ly : *In eternum*, magis propriè significat durationem sine fine, quàm solam diuturnitatem longi temporis. Confirmat Abulensis : quia ait Henoch tandiu cōseruari in vita, nempe iam per plusquam annorū quinque milia, per virtutem illius arboris, & semper in eodem vigore & statu : vnde putandum erit quòd sic posset in perpetuum cōseruari. Neque rectè Caiet. & Arretin. cogitarunt, lignum vitæ habuisse vnā virtutē naturalem ad prorogandam vitam per longum tempus, & alteram supernaturalem ad cōseruandam vitam in perpetuum. Nam frustra & sine fundamento has duas virtutes distinguunt.

*Suade-
tur ra-
tione.*

Demum, ex natura rei non est difficile, posse inueniri tale alimentum & remedium, quod ex vi sua posset hominem semper in eodem vigore cōseruare, & sic à senectute et morte præseruare : nempe reparando substantiam semper in eadem perfectione, imò roborando ac refarciendo vires naturæ. Ita vt, non solum non oporteret, hominem alterari ac repati cum aliquo suo de-

trimento, sed potiùs iuuari ac refici. Nec etiam oportebat, ipsum lignum vitæ senescere ac deficere in totum : quia esto vna singularis arbor non potuisset semper in eodem statu durare : tamen ex semine vnus bene poterat exurgere alia equalis semper vigoris et roboris. Neque id erat de mente Scoti : sed Scotus volebat, fructum eius arboris secundum totam suam perfectionem non potuisse in perpetuum cōseruare vitam, imò debuisset adhuc aliquam alterationem et passionem delectiuam inducere.

Fatendum tamen est, per naturale alimentum & remedium, ac de facto per lignum vitæ potuisse solum impediri mortem, quæ alioqui debet naturaliter ab intrinseco provenire : non autem quæ posset violenter ex causis externis accidere, vt ex abscissione capitis, ex incendio ignis, aliaue simili causa. Vnde in statu innocentia, per lignum quidem vitæ præseruabatur homo à morte naturalis : sed à morte violenta præseruari debebat vel per aliam qualitatem velut impassibilitatis, vel per Dei protectionem externam.

QVAESTIO QVINQVAGESIMAPRIMA.

De Anima Sensitiua.

Obrerum copiam, & potentiarum atque actuum apparatus huic animæ conuenientium, in plures quæstiones hæc tractatio diuidenda est. Agit de Anima sensitiua Aristi per maximam partem secundi libri, à tex. 51. vsque ad finem. Quia verò anima sensitiua potest sumi, in comuni complectendo etiam rationalem, vel præcisè pro pura sensitiua & irrationali quæ est brutorum propria ; nos amplè quidem agemus de anima sensitiua in tota sua communitate. Quæ verò sunt propria animæ sensitiua brutorum, seu iplis brutis, scripsit copiosè Aristi. in varijs de animalibus libris, & nuper Vlysses Aldoruanus in suis operibus. Hæc autem magis historica sunt, ideoq. à nobis prætermittenda.

SECTIO PRIMA.

*Quid sit anima sensitiva: & quas
potentias & operatio-
nes habeat.*

*Anima
sensitiva
constituit
animal.*

Haec anima est, quæ in com-
muni sumpta constituit ani-
ma: pariter in communi: animal
enim non est quodcumq. corpus
animatum, sed solum sensitivum,
brutis hominiquæ commune. Ita Arist.
cap. 1. de Iu. nt.: *Non necessario
omne quod vivit est animal, planta
enim vivunt & non habent sensum,
per sentire autem animal: a non ani-
mali determinamus.* Anima ergo
sensitiva, est forma substantialis tri-
buens huic determinatum gradum
intra genus substantiæ corporeæ:
eiusque propria differentia assignan-
da est per ordinem ad potentias &
operationes, nempe sensus & sen-
sationes, à quibus & nomen accep-
pit.

Anima autem sensitiva brutorum
determinatur per esse sensitivum tan-
tum, seu per esse irrationale, ut no-
tauimus q. 46. sect. 4. Sed huiusmodi
animam purè sensitivam irrationa-
lem in brutis consequenter negarunt
ij qui putarunt bruta non esse exper-
tia rationis. Ita refert Arist. 2.
Phys. 30. quoddam propter admira-
biles operationes quæ interdum exer-
centur à brutis dubitare, an operen-
tur intellectu: & Porphyrius lib. 3.
de abstinentia ab esu carnium, opi-
natus est, bruta vii ratione; & Ga-
lenus in oratione exhortatoria ad
artes cap. 1. & alibi significavit, bruta
esse rationalia: refert quoque Val-
lesius cap. 35. de sacra Philosophia,
Strabonem physicum præscripsisse
quendam libellum: *Quod sensus sine
ratione esse non possit.* Ipseque ex par-
te consentit, tribuens brutis rationē

aliquam imperfectam, pluraq; discer-
mina congerens inter rationem bru-
torum & hominis: alij demum ex
Veteribus Philosophis pro eadem,
sententia referuntur.

Certum tamen est, brutorum ani-
mam esse purè sensitivam & irratio-
nalem, brutaq. esse penitus expertia
rationis. Sic Arist. loco citato no-
tauit, bruta, neque arte, neque in-
quirendo, neque deliberando, hoc
est line ratione operari; & passim
vbique idem pro comperto suppo-
nit. Sic etiam consonum est nostre
fidei, ut patebit ratione sequenti.
Si bruta rationem participarent, vii-
que deliberarent; haberentq. in suis
operibus libertatem: unde vltius
benè vel malè mereretur, essentq. di-
gna premio vel pœna: deberent præ-
terea brutales animæ esse immorta-
les: quæ omnia sunt falsissima: Vnde
Arist. 3. de Ani. 57. *Imaginatio, in-
quit, sensitiva inest animalibus irra-
tionalibus, deliberativa autem tan-
tum rationalibus; utrum enim agat
hoc an hoc, iam rationis est opus.*

Deinde, ipsi animæ sensitivæ in
vniuersum tria potentiarum genera
assignantur; nempe potentia sensi-
tiva cognoscitiva, potentia appeti-
tiva, & potentia loco motiva. Hæc
rursus in alias species diuiduntur.
Potentia sensitiva in plures sensus
externos & internos. Appetitus in
partem irascibilem & concupiscibilem.
Potentia motiva in imperfectā,
qua mouetur anima secundum aliquā
partem intra suum locum, & perfe-
ctā qua mouetur totaliter de loco
ad locum. Orania hæc potentiarum
genera conueniunt singulis anima-
lium speciebus: non tamen omnes
species eorum generum sunt omni-
bus animalibus communes.

Debet in primis aliquis sensus
omni animali conuenire: alioqui id
non esset sensitivum, non esset præ-
ditum anima sensitiva, non esset ani-
ma.

*Anima
brutorū
est purè
sensiti-
ua, &
irratio-
nalis.*

*Tres
gradus
potentia-
rū ani-
mæ sen-
sitivæ.*

*Sensus
aliquis
omnibus
animæ*

libus cō- animal. Sic Arist. 3. de Anima tex.
uenit. 60 *Sensum autem non est necesse in
omnibus uiuentibus, animal autem
necesse est sensum habere.* At non
omnes sensus debent æqualiter in
omnibus animalibus inueniri. Sic
notauit Arist. lib. 9. de Histor. ani-
mal. cap. 8. & lib. 12. cap. 1. Et notū
est experientia. Animalibus enim
perfectis conueniunt omnes sensus
ex eod. Arist. 2. de Anima 131. Qui-
buldam verò imperfectis, non in-
sunt omnes. Sed hoc post distin-
ctionem singulorum sensuum, de-
terminabimus infra sect. 4.

Simili- Rursus Arist. lib. 3. tex. 57. & lib.
ter appe- 2. tex. 27. tribuit omnibus animalibus
titus, & aliquem appetitum & cupidita-
aliqua tem obiecti conuenientis, videlicet
virtus cibi & alimenti. Demum de poten-
motiua. tia motiua lib. 3. tex. 45. ait, *Multa
sunt animalium, quæ sensum quidem
habent, manentia autem & immobi-
lia sunt assidue.* At animalia perfe-
cta, quæ habent debita ac propor-
tionata membra quibus possint ad-
ministrare motum, possunt moueri
& progredi de loco ad locum, quod
Arist. ibidem supponit. Animalia
autem illa imperfecta, adhuc parti-
cipant aliquem imperfectum motū,
utpote dilatationis & cōstrictionis,
ut planè in illis conspiciamus. Et de
hoc motu potest fortasse accipi
quod postea tex. 56. Arist. ait: *Om-
nino igitur, in quantum animal ap-
petituum est, sic sui ipsius motuum
est.* Priori autem loco solū nega-
uit ijs animalibus motum totalem &
progressiuum.

Cæterum, ex potentijs assignatis
planè constat quas operationes ha-
beat anima sensitiua, vel in omni-
bus, vel in aliquibus animalibus.

Potentia Postremò. Cū dicimus animam
sensitiue sensitiuam habere suas potentias,
non in- necesse non est, has potentias inesse
sunt an- subiectiue ipsi animæ. Quinimò
ma, nec constitui potius debet in certis or-

ganis corporeis, ut in vniuersum de *spiriti-*
potentijs organicis ostendimus q. *bus, sed*
47. sect. 3. At verò, Aliqui faculta- *organis*
tes sensuum collocarunt in spiritibus *corporis.*
animalibus confluentibus ad organa
corporis. Sic in vniuersum suppo-
nit Augustinus Buccius in disp. de
Spiritus vitalis animat. cap. 3. & de
sensibus externis indicat Galenus
lib. 6. de Placitis Hippocr. & Plato-
nis, ac de sensibus internis indicant
Damasc. 2. fidei cap. 19. & Nemes.
lib. de Nat. hominis cap. 6. Certum
tamen esse debet, facultates sensiti-
uas inesse organis corporis, fixis ac
permanentibus, v.g. facultatem vi-
suum in oculo, & sic de singulis.
Spiritus enim animales sunt in con-
tinuo fluxu, & alij deperduntur, alij
de nouo fiunt: supponimus etiam,
non esse in se animatos. Non de-
bent igitur ipsæ potentæ vitales in
spiritibus collocari. Multum tamen
deseruiunt, ac verè necessarij sunt
tales spiritus ad functiones sensuum
obeundas. Vnde intercluso eorum
fluxu & aditu, impediuntur quoque
opera sensuum. Sed non ideo id
contingit, quia in ijs spiritibus in-
ueniatur vitalis potentia: sed qui-
requiruntur ad hoc ut potentia quæ
fixa ac stabilis inueniebatur in suo
organo, valeat actualiter suam ope-
rationem exercere. Propter quod,
si dicantur spiritus in sua officina
recipere peculiarem quandam virtu-
tem ab anima, requisitam ad ope-
rationes aliarum potenciarum, talis
virtus non erit propriè potentia vi-
talis, quia potentia vitalis debet sine
dubio esse coniuncta animæ in eodē
subiecto. Ipsa ergo anima sensiti-
ua habet, si non in se subiectiue, sal-
tem cum se in iisdem organis cor-
poreis, omnes suas potentias &
operationes vitales.

SECTIO SECVNDA:

Quid sint Potentie & operationes Anima sensitiva in generali.

PRO ratione potentiae sensitivae, quae expeditiori nomine vocatur sensus, quæritur ac disputatur, num sensus sit potentia activa vel passiva respectu sui actus, an actum suum eliciat vel recipiat. Sed hoc pariter spectabit ad rationem ipsius actus, num sentire sit agere vel pati.

Auct. nū placita. Græci Auctores putasse videntur, sensum esse potentiam purè activā, & elicere quidem, non autem in se recipere suum sensationis actum, sed hunc recipere tantum in organo corporeo, non autem in eadem potentia sensitiva. Sic ex Philopono & Simplic. referunt Conimb. 2. de Anima cap. 6. q. 1. art. 2. Et de Plotino ac Simplicio refert Tolet. eod. lib. q. 12. Rursus alij ex Antiquis negabant, sensum pati quicquam ab objecto & volebant potius agere in objectum, & hanc esse sensationem.

Ex aduerso alij sunt qui docuerunt, sensum esse potentiam purè passivā, & non ex se elicere, sed tantum in se recipere sensationem. In plures tamen dicendi modos hæc sententia diuisa est, ad assignandum à quam causa activa eliciatur sensationis actus. Quidam quos refert Theophilus 2. de Anima circa tex. 52. dixerunt, actum sensationis produci à substantia quadam separata & produci in ipso sensu, & sic potentiam reddere sentientem. Et pro hoc dicendi modo refertur quoque Averroes. Aliter Albert. in sum. de Homine par. 2. tract. de sensib. & quidam alij asserunt, sensationem effici

à specie recepta in sensu: supponunt enim imitti species ab objecto in sensum: & sic potentiam non nisi passivè concurrere, tam recipiendo actum quàm speciem. Alij plures, nempe Aegidius tract. de cognit. Angel. q. 1. Paulus Venetus in sum. de Anima cap. 10. Suetan. lib. de sensu agēte, Thiennef. 2. de Anim. com. 6. & Tolet. 2. de Anima q. 12. volunt, actum sensationis non esse aliud quàm ipsam immissionem speciei ab objecto, eiusque unionem cum potentia, nullo alio interueniente actu: atque ita actum sensationis effici ab ipso objecto sensibili in potentia sensitiva.

Inter has duas extremas sententias, aliqui vtramque iungentes, distinxerunt in vno sensu duas potentias, vnam ad agendum, alteram ad patiendum, vnde illā vocarunt sensum agentem, alteram sensum patientē: ab illaque dixerunt effici sensationis actum, in altera recipi. Ita Landunus lib. 2. de Anima q. 16. Apollinaris q. 3. & quidam alij.

Dico primò. Potentias sensitivas esse verè passivas, & non esse purè activas, ac verè in se recipere sensationis actum. Hæc assertio est satis communis. Et probatur 1. ex Arist. qui 2. de Anima tex. 37., 51., 52., 118., & alibi passim, docet & confirmat, sensum esse potentiam passivam, moveri ab objecto: & sentire esse quoddam pati. Secundò ratione probatur: quia illud est subiectum sensationis, quod sentire denominatur; hæc enim est denominatio immanens & interna: sed vtiq; sensus ipse est qui maxime denominatur sentire: ergo sensus est subiectum recipiēs in se sensationis actum. Tertiò: Actus sensationis non potest vtiq; recipi in subiecto separato à sensu, videlicet in eodē objecto sensibili: non enim oculus emit tit visionis actum ad cælum quod in-

Potentia sensitiva sunt passiva, & non purè activa.

intuetur; & sic de singulis alijs sensibus. Neque potest recipi in organo corporeo seclusa ipsa potentia sensitiua; quia sic oporteret addere aliam potentiam passiuam in organo; quod esset distinguere sensum patientem ab agente iuxta tertiam sententiam. Quartò demum, sensum pati ab obiecto, recipiendo ab illo species, constabit postea de ipsis speciebus. Atque respectu speciei ipse sensus est purè passiuus, quia non efficit, sed recipit speciem. Sed non in hac receptione speciei consistit formaliter actus sensationis, vt mox ostendemus.

*Sunt æ-
terna, &
non purè
passiue.*

Dico secundò. Potentias sensitiuas esse verè actiuas ad eliciendum actum sensationis, ac de facto illum efficere quâdocunque exercetur talis actus. Hæc assertio est magis communis, Scoti in 3. d. 14. q. 4. art. 2. Capr. q. 1. art. 3. Gregor. in 1. d. 3. q. 1. Caiet 1. par. q. 74. art. 2. Philop. 2. de Anim. com. 221. Ferr. q. 8. Conimb. cap. 6. q. 1. art. 2. Dandini digressionem 31. Idem indicant. Alexand. 1. de Anima cap. 12. & 19. Themist. cap. 25. Simplic. com. 75. Auerr. & alij passim circa loca Arist. quæ mox afferemus. Probatur 1. ex Arist. qui expressè 2. de Anima 36. docet, animam esse causam finalem, formalem, & effectiuam: hanc efficientiam tex. sequenti explicat esse ad motum localem, alterationem, et augmentationem, vbi nomine alterationis complectitur sensationem. Et tex. 127. ait, odorare esse aliquid præter pati, esse què sentire, quia scilicet est agere. Et apertè 9. Metaph. 16. docet, visionem fieri à visu, eam què propterea recenset inter actiones immanentes, quas ait fieri & recipi in eodem operante. Et lib. de somno & vigil. cap. 1. sensum dici vt actionem & esse motum quendam animæ per corpus. Et 2. Topic. loco 10. sentire est iudicare; at

vtique iudicare est quoddam agere. Tandem de sensu & sensibili cap. 2. ait, *Sensibile facit agere sensum*: planè e go supponit, sensum agere dum sentit.

Probatur secundò ratione. Omnis potentia vitalis instituta est ad vitaliter operandum: est enim quæ anima seu viuens potest proximè suas operationes exercere. Item, omnis actus vitalis elicitur à principio vitali intrinsecè operante. Sed potentia sensitiua est maximè potentia vitalis, & sensatio est actus vitalis: omnino ergo sensus est potentia actiua eliciens actum vitalem. Item, ad denominationem vitalem requiritur elicere ac recipere actum, vt iam statuimus circa ipsos actus vitales, vnde dicebamus non posse tales actus effici ab vlla causa externa, dum denominaret suum subiectum. Omnino igitur idem ille sensus qui denominatur sentire, oculus videre, &c. verè & realiter efficit sensationis actum.

*Eliciunt
vitaliter
suas opera-
tiones*

Tertiò. Potentiæ vegetatiuæ omnes sunt actiuæ suasquè operationes exercent: ergo pariter potentiæ sensitiuæ: Imò hæc potentiæ sunt in ratione vitæ nobiliores & excellentiores, sicut ipsa anima sensitiua est longè superior vegetatiua: igitur multò magis potentiæ sensitiuæ sunt vitaliter operatiuæ. Imò rursus, etiam formæ naturales non vitales, agunt & suas operationes exercent: quantò magis ergo anima sensitiua per suas potentias dici debet agere suosquè actus elicere.

Quartò. Actus sensationis non est pura impressio seu receptio speciei in sensu. Nam Arist. cap. 2. de sensu & sensibili, reprehendit Democritum qui dixerat, visionem esse imaginem obiecti receptam in oculo. Et arguit, quia sic etiam aer & speculum in quo recipitur quocunquè talis imago videret. Et simile quid

*Opera-
tiones
sensiti-
uæ non
sunt for-
maliter
receptio
speciei
in sensu.*

circum

circa odorem notauit 4. de Anima
tex. 127. Neque satisfaciunt Aduer-
sarij, speciem recipi in speculo so-
lùm vt accidens quoddam est, in
oculo autem recipi prout intention-
aliter representat obiectum. Certè
enim, vbiunque est species, non
solùm habet rationem accidentis,
sed talis accidentis quod est repre-
sentatiuum obiecti. Si autem in solo
oculo representat: ergo alius est
actus representationis ab ipsa spe-
cie. Imò contingit, etiam in senso-
rio recipi speciem, & non fieri sen-
sationem: vt cum species tenuis per-
uenit ad aurem dormientis, & spe-
cies obiecti visibilis ad oculos eorū
qui dormiunt apertis oculis. Et, vt
aduertit Arist. cap. 8. de sensu & sen-
sili, quando nimium attenti sumus
ad aliam operationem, præsertim
aliquam contemplationem internā,
contingit nos non audire nec videre
obiecta, quorum tamen species re-
cipiuntur in sensu: alius est igitur
actus sensationis, præter receptionē
specierum. Quod autem respondet
Aduersarij, ad sensationem requiri
aduertentiam animæ, verum quidem
est: sed hoc ipsum conuincit inten-
tum. Si enim sensatio esset sola re-
ceptio speciei, impossibile esset, re-
cepta specie obiectum non sentiri;
sed idē necessaria est aduertentia,
quia præter speciem alius debet elici
sensationis actus. Denique in sen-
sibus internis & in intellectu semper
permanent species, etiam quan-
do actu non operamur: opus
est ergo, alios distinctos elicere
actus; & sic pariter in sensibus ex-
ternis.

*Sunt a-
ctus eli-
citi a
sensu.*

Quintò tandem, supposito quòd
requiratur actus à specie distinctus,
hic actus dici non potest effici ab
alia causa externa & substantia sepa-
rata: hoc enim prorsus irrationabi-
le est, & manifestè falsum. Nec di-
ci debet effici ab ipsa sola specie: sed

ad summum satis erit, si species cō-
currat partialiter simul cum poten-
tia, vt postea dicemus de concursu
speciei ad actum: ergo verè et rea-
liter ipsa potentia efficit actum.

Dico tertio. Non esse distinguē-
dam aliam potentiam sensitivā acti-
uam & aliam passiuam, siue sensum
agentem et patientem; sed vnā ean-
demque potentiam esse, quæ elicit,
& quæ recipit, tam eundem actum,
quàm speciem obiecti sensibilibis. Hęc
est item communis. Et probatur
primò, quia nulla est necessitas
distinguendi duas potentias. Secū-
dò, absurdum est, tot potentias sen-
sitivas fingere: Sic enim essent de-
cem sensus externi, quinque actiui,
& quinque passivi. Tertiò, actus
sensationis perfectè immanens, &
denominatio sentientis importat re-
cipere & elicere actum: igitur eadē
simplex potentia est, quæ elicit ac
recipit actum. Quartò demum, ea-
dem ipsa potentia debet actuari &
determinari specie ab obiecto rece-
pta, & cum consortio speciei elicere
actum: ex potentia enim & specie
consurgit causa adæquata actus, ea-
dem igitur potentia, recipit in se spe-
ciem, & consequenter elicit actum,
ad in se recipit eundem actum.

*Eadem
potentia
sensitiva
est acti-
ua & pas-
siua
simul;*

Ceterū, hæc quæ dicta sunt de
potentijs sensitivis sub nomine sen-
suum, eodem prorsus pacto intelli-
gi debent de appetitu sensitivo, nem-
pe hanc potentiam esse simul passi-
uam & actiuam, recipere in se ac eli-
cere ex se appetitionis actum. Po-
tentia autem loco motiua, per se
quidem est actiua ad exercendum
motum. Sed necesse non est, vt ea-
dem ipsa in se motum recipiat. Mo-
tus enim localis, non est ita intrinse-
cè & essentialiter vitalis atque im-
manens, sicut alij dicti actus. Sed
potius hic motus recipitur in eodem
proximo subiecto, in quo cōmuniter
pro omnibus corporibus constitui-
tur

tur præsentia localis : idem enim est subiectum præsentia permanentis ac successivæ : eiusdemquæ conditionis est localis præsentia & motus, tam si fiat ab intrinseco, quàm ab extrinseco; tam in viventibus, quàm in alijs quibuscunque.

Eadem operatio sensu i-na elicitur à sensu et recipitur in sensu. Postremo. Ex his quæ modò dicta sunt directè de potentijs, simul constat quid sint & qualiter se habeant operationes sensitivæ, quo pacto recipiantur atque eliciantur ab ipsidem potentijs. Videnturquæ ita essentialiter pendere à suis potentijs, ut sine illis prorsus fieri non possint, & non indigeant actione quadam distincta qua efficiantur, nec in ijs distingui debeat actio & terminus ut in communi de huiusmodi actibus vitalibus tractavimus q. 48. sect. 1. & iterum in speciali circa actus animæ intellectivæ postea repetemus.

Aristoteles explicatur. Obijcies primò ex Auctoribus secundæ sententiæ contra 2. concl., auctoritatem Arist. qui in locis pro prima conclusione adductis, ita simpliciter facit sensum potentiam passivam, ut nullam activitatem ei videatur relinquere. Et specialiter 2. de Anima 29. assimilat vivens præditum potentia sensitiva, illi qui possidet habitum scientiæ ad speculandum, qui scilicet est proximè expeditus ad operationem: quia sic nempe ille qui habet potentiam sentiendi est proximè expeditus ut recipiendò speciem ab objecto fiat actu sentiens: & alioqui potius per ipsam speciem constitueretur in potentia proxima & actu primo, si debet elicere alium distinctum actum. Clarius tex. 138. & tribus sequentibus, docet & explicat, eundem esse actum objecti sensibilis & sensus, ac recipi in eodem sensu, essequæ simul actionem & passionem, passionem quatenus in sensu recipitur, actionem quatenus ab objecto dimanat, hoc

autem non potest intelligi, nisi de speciei productione ab objecto, & receptione in sensu. Sensus igitur non est potentia activa, & sentatio non est aliud quàm receptio speciei. Similiter D. August. lib. 11. de Trinit. cap. 2. ait, formam ab objecto impressam sensui, esse visionem.

Respondetur Arist. rectè docuisse, sensum esse potentiam passivam, sed non negasse esse quoque activam. Magis autem inculcasse videtur munus patiendi: Tum quia sensus magis patitur quàm agit, patitur enim recipiendo speciem & actum, agit solùm eliciendo actum. Tum quia, prius sensus patitur recipiendo speciem, quàm agit eliciendo actum, & ideo agit quia patitur: unde dicebatur objectum tacere ut sensus agat. Tum præsertim, quia Arist. loquebatur contra Veteres, qui volebant sensationem non fieri per receptionem speciei in sensu ab objecto, sed per immisionem aliquam sensus in objectum: ideo in hac comparatione sensus ad objectum merito docuit, sensum esse potentiam passivam. Comparavit verò potentiam habitui, quia sicut habitus est principium elicendi actum, ita quoque potentia: sed tamen potentia indiget etiam specie ut eliciat actum. Ad aliud, tandem difficiliorem locum, vel dicendum est cum Conimbr., eundem actum sensationis dici actum potentia & objecti, quoniam efficitur ab objecto mediante specie. Vel cum D. Thoma, & magis ad mætem Philosophi, dici vnum actum, non identitate rei, sed communitate subiecti: quia scilicet uterque actus recipitur in eodem subiecto: tam enim species quàm sentatio recipitur in eodem ipso sensu, quo pacto non raro Arist. solet ea quæ verè distincta sunt, appellare vnum subiecto. Imò tex. 140. expressè ait, actum visus esse visionem, actum verò coloris esse

esse innominatum, ubi planè distinguit actum sensationis ab impressione speciei. Similiter D. August. se perspicuè explicauit, & apertè distinxit actum elicitum & speciem impressam, aitquè, *Corporis formam qua uidemus, & formam qua ab illa in sensu uidentis fit per eundem sensum, non discernimus, quoniam tanta coniunctio est, ut non pateat discernendi locus; sed ratione colligimus, non potuisse sentire, nisi fieret in sensu nostre aliqua similitudo conspectus corporis.* Et rursus cap. 3. repetit, tam in sensu interno quàm externo verè distingui sensationem à specie, quamuis sit valde coniuncta. Itaque solum voluit, ob nimiam coniunctionem solere per modum vnius accipi, actum elicitum à sensu, & speciem receptam in sensu.

*Distin-
gui de-
bet op-
ratio sē
suiua ab
impressi-
one
speciei.*

Obijcies secundò. Dum recipitur in sensu species quæ est imago obiecti, hoc ipso obiectum repræsentatur sensui & constituitur illi præsens, & hoc ipsum esse videtur, obiectum percipi à sensu: igitur non opus est alio actu, & sensatio non erit aliud, quam receptio speciei in sensu.

Respondetur. Hinc etiam probaretur, speculum & aerem imbutum specie obiecti, sentire & percipere obiectum: non ergo per solam receptionem speciei formaliter sentitur obiectum. Per speciem itaque repræsentatur obiectum sensui, virtualiter, non formaliter: id est, species est virtus obiecti, immissa ad hoc ut sensus informatus specie eliciat actum sensationis, qui actus est formalis et expressa repræsentatio obiecti: Vnde non hoc ipso formaliter quòd sensus recipit speciem, percipit obiectum: sed cum consortio speciei elicit actum sensationis, quo formaliter percipit obiectum.

*Sensus
non est*

Obijcies tertio. Hoc est discrimen inter potentias vegetatiuas, &

sensum, & intellectum, ex D. Thoma 1. par. q. 79. art. 3. ad 1. quòd *purè passiuus.* illæ sunt solum actiue, sensus solum passiuus, intellectus actiuus & passiuus simul, siquidem dicitur agens & patiens.

Respondetur. Potentiæ vegetatiuæ solum agunt, immutando & conuertendo alimentum quod respiciunt veluti obiectum: sensus solum patitur comparatione obiecti, recipiendo ab illo speciem, ut explicauit idem S. Doctor q. 16. de Verit. art. 1. ad 13. intellectus autem simul agit efficiendo speciem intelligibilem ut suo loco videbimus, & patitur recipiendo eandem speciem. At respectu actus, tam sensus, quàm intellectus, verè simul agunt & patiuntur.

Obijcies quartò. Distinguitur intellectus agens à patiente: ergo similiter distingui debet sensus agens à patiente. Et ratio utrique communis est, quia non potest eadem potentia esse actiua & passiuua simul: nam ex Arist. 5. Metaph. 17. potentia actiua est principium transmutandi aliud, passiuua transmutandi ab alio: ergo non potest potentia agere in se, nec pati à se. Hinc D. Thomas 2. de Anima in textum 149. notauit, omnem potentiam sensitiuam esse passiuam, nec posse simul esse actiuam.

Respondetur. Ipse Arist. qui distinxit intellectum agentem à patiente, nusquam distinxit duplicem sensum, agentem & patientem. Neque vero ratio distinctionis in intellectu est illa quæ affertur in argumento: Sed vera ratio est, quia ad intelligendum requiritur species spiritualis, & hæc debet effici virtute potentiæ spiritualis, & hæc potentia est intellectus agens: at in sensu species producit ab obiecto, vltro fatentibus ipsis aduersarijs: non ergo potest ad hoc fingi alius sensus agens,

*Non de-
bet dis-
tingui
sensus
agens à
patiente.*

agens, à patiente distinctus. Imò in intellectu, eadem omnino potentia est, quæ recipit speciem, & quæ elicit & recipit actum, & dicitur intellectus patiens: similiter ergo vna est potentia in quolibet sensu. Arist. verò, quando definiuit eo modo potentiam actiuam & passiuam, planè loquebatur de potentia in ordine ad motum & transmutationem physicam transeuntem, non includendo potentias vitales immanenter operantes. Denique D. Thomas solum voluit, omnem potetiam sensitiuam esse passiuam in recipièdo speciem, & nò esse simul actiuam in efficiendo speciem: sed non negauit esse actiuam in eliciendo actum.

SECTIO TERTIA.

Quor & qualine Potentie sensitivæ in speciali.

*Alij sũt
sensus
externi
alij in-
terni.*

PRæsupposita iam illa distinctione potentiarum & operationum animæ sensitivæ per tres gradus, nempe sensum, appetitum, & virtutem motiuam. Sensus vlteriùs diuiditur in externum & internum. Externus est qui reperitur affixus organo corporeo externo & apparenti, vt visus, tactus, & alij huius generis. Internus est qui latet occultus, & residere solet in interiori aliqua corporis parte. Sensus internus videtur esse externo nobilior: magis enim in materia eleuatur, est magis propinquus intellectui potentie nobilissimæ, & suo modo præsidet in sensum externum.

*Quin-
que sũt
sensus
externi.* Plures deinde sunt sensus externi. Et in vniuersum, ex communi tam Sapientum quàm vulgarium hominum consensu, quinque esse noscuntur, Visus, Auditus, Odoratus, Gustus, & Tactus. Numerus hic sensuum nouissimus est ex re ipsa.

In nobis enim hos & non alios externos sensus deprehendimus, ac similiter in alijs animalibus.

Sed conatur præterea Aristoteles 2. de Anima à tex. 128. eundem numerum veluti à priori per quasdam sufficientias comprobare. Et aliqui ex textu tres colligunt rationes, primam ex diuersitate obiectorum, secundam organorum, tertiam mediorum per quæ fit sensatio. Alij verò vnicam rationem ex toto eius discursu conficiunt. Et sanè tota vis huius discursus in hoc breuiter consistit: Homines qui sunt perfectissima animalia, non habent nisi dictos quinque sensus: ergo & cætera animalia quantumuis perfecta non habent alios quàm eoldem quinque sensus. Probat antecedens simul cum consequentia: quia homo percipit omne obiectum sensibile, vnde sine dubio habet omnem sensum: & vltèrius cum nullum relinquatur obiectum sensibile, nullus alius addi poterit sensus in alijs animalibus. Probat, hominem percipere omne sensibile, ex vno sensu interendo de reliquis. Per tactum enim homo tangere valet quidquid est tangibile & percipit omnes differentias tangibilium qualitatum, vt patet inductione: ergo similiter per alios sensus percipit omne aliud sensibile. Hæc ratio ostendit, non distingui plures sensus eiusdem rationis, videlicet plures tactus, plures visus, si enim vnus tactus complectitur omnia tangibilia, addi non potest alius tactus. Deinde probare prosequitur, nec dari alium sensum diuersæ rationis: quia si nobis deesset aliquis sensus, vtique deesset organum & instrumentum eius: sed nullum sensitivum organum nobis deest. Quod vel Arist. supponit vt notum, quia nullum potest assignari, quo careamus: vel probat sequenti ratione, quia scilicet nullum deest nobis

*Affer-
tur ra-
tio hu-
ius nu-
meri ex
Aristo-
tele.*

his medium aptum per quod debeat sentiri obiectum. Aut enim sensatio fit immediate per cōiunctionem obiecti cum sensu, quo pacto tangimus & gustamus, & hoc vocatur medium internum, scilicet caro ipsa quæ est pars corporis: aut intercedit aliud medium externum ab obiecto ad sensum, nempe aer, aut aqua: atque etiam per aerem & aquam nos sentimus: nullum ergo nobis deest medium sentiendi.

*Affer-
tur alia
ex D.
Thoma.*

Rursus, aliam sufficientia rationem tradit D. Tho. 1. par. quæst. 78. art. 3. sumptam ex varia & multiplici immutatione sensuum ab obiecto: duplicemq; immutationem distinguit, aliam naturalem, aliam spirituales: naturalem intelligit per productionem qualitatis realis, nempe caloris, frigoris, & similibus, spirituales per productionem speciei intentionalis: subdit tamen, hanc immutationem spirituales in omni sensu requiri. Hinc diuidit, in aliquo sensu reperiri immutationem spirituales tantum, ut in visu in alijs verò etiam immutationem naturalem. Deinde hanc immutationem naturalem, vel reperiri ex parte obiecti tantum, vel etiam ex parte organi. Ex parte obiecti inuenitur transmutatio naturalis secundum locum in sono, qui nempe fit ex percussione corporum, & est obiectum auditus: inuenitur secundum alterationem in odore, qui est obiectum olfactus, quia oportet alterari corpus per calorem, ut spiret odorem. Ex parte demum organi est immutatio naturalis in tactu & gustu, diuerso tamen modo: manus enim tangens corpus calidum calefit, lingua verò humectatur per humiditatem: ideoq; addit, hos duos sensus percipere obiectum coniunctum, à quo & ipsa organa immutantur: sed alios tres sensus operari per medium externum. Hæ tamen rationes, non

sunt accipiendæ quasi demonstratiue, sed solum tanquam probabiles congruentia.

Potissima autem ratio hæc potest afferri: quia adæquatè quinque sunt genera sensibilibus, ut inductione constare potest, quæ inter se habent valde diuersam rationem; eorumque sensationes etiam valde differunt. Ut color & sonus, videre & audire, & sic de alijs. Ipsi; sensus requirunt organa diuersa, & diuerso modo disposita; ut sunt oculi, aures, & ceteri. Itaque, omnino debebant esse quinque sensus distincti, qui non poterant in minorem numerum cōfundi. Deinde, omne genus horum sensibilibus secundum se totum eodem modo percipitur quoad omnes suas species; omnis color eodem modo inspicitur, omnis sapor eodem modo gustatur, & sic de reliquis: non ergo debebant plures sensus quàm quinque distingui; & sic tandem quinque adæquatè sunt sensus externi. Ex dictis autem satis patet, has potentias sensitiuas, earumque operationes, inter se realiter & essentialiter, esse distinctas: esseque etiam subiecto discretas, hoc est in diuersis corporis partibus residere, singulas nempe in suis organis. Sed, an sit duplex numero potentia sensitiua, quæ in duobus organis geminari videtur, ut visus in duobus oculis, auditus in duabus auribus, dicemus postea de his sensibus in speciali tractantes.

*Affer-
tur alia
ex indu-
ctione
sensibi-
lium.*

Ex his colligitur, quæ sit distincti-
nis ratio, quare cum vnus sit intellectus ad omne obiectum intelligibile, & vnus quoque sensus communis internus ad omne sensibile, vnus sit tamē plures sint sensus externi. Tum quia, ut notauit D. Thom. q. 25. de Verit. art. 3. quod potentia est superior, eò est magis vna & indiuisa, communis ad omne obiectum proportionatum, quia respicit obiectum inter-

*Quare
sint plu-
res sen-
sus ex-
terni, cum
vnus sit
intellectus,
&
vnus se-
nsus com-
munis
inter-
nus.*

secundum rationem magis vniuersalem : potentia autem inferiores respiciunt obiecta secundum rationes speciales, & huiusmodi sunt sensus externi, qui & varijs modis mutantur à suis obiectis. Tum etiam, intellectus est potentia spiritualis, non dependens in operando ab ullo organo, vel certa parte corporis certo modo disposita : ideo optimè est vna potentia, se extendens ad omne obiectum intelligibile, eodemque modo cuncta intelligens. At sensus externi operantur per organa corporis, requiruntque diuersa organa varijs modis disposita, iuxta diuersitatem obiectorum : distingui ergo debuerunt potentia sensitiva externa. Tum demum, sensus communis internus eodem simplici modo percipit omnia sensibilia ; unde non requirit diuersitatem organorum, sed adæquatè in aliqua certa parte residet: debebat ergo esse vnus communis ad omne sensibile obiectum.

Numerari solent plures sensus interni.

Pures quoque solent numerari sensus interni. Et ad summum quinque. Primò sensus communis, cuius munus sit immittere spiritus animales ad sensus externos, vt possint suas functiones exercere: unde si impediuntur nervi per quos hi spiritus deferuntur, sensus externi nequeunt suos actus elicere, sicut accidit in somno, in quo dicti nervi vaporum copia occupantur. Item ab omnibus sensibus externis è contra remittuntur species obiectorum ad eundem sensum communem. Hic tandem sensus communis recipiens has species, dignoscere, discernere, ac veluti diiudicare valeat inter obiecta omnium sensuum. Cum enim vnus sensus externus non percipiat obiectum alterius, non potest suum obiectum cum alio conferre atque discernere: ideo constitutus est sensus communis, qui omnium sensuum species recipiens, omnia eorum ob-

iecta complectens, potest benè conferre atque discernere. Et amplius, cum nullus sensus externus possit, supra seipsum seu operationem suam reflectens, cognoscere suam sensationem: non enim oculus videt aut percipit se videre, nec auditus audit vel percipit se audire: hoc quoque erit munus sensus interni communis, percipere & cognoscere actus sensuum externorum.

Secundò ponitur quedam alia potentia, quæ retineat species sensibiles internas etiam absente obiecto, & tunc deinceps operetur repræsentando obiecta prius percepta sensibus externis: hæc potentia dicitur imaginatiua, dicitur imaginatio, de qua dixit August. lib. 12. de Genes. ad litter. esse visionem quandam veluti spirituales, mediam inter visionem corpoream externam, & mentalem intellectualem.

Tertiò ponitur quedam potentia, quæ eliciat species non sensatas, ex sensatis, & similiter obiecta non sensata percipiat. Quia v. g. cum agnus conspicit lupum, apprehendit inimicitiam, unde fugit: quam certè inimicitiam non vidit, nulloque sensu externo percepit. Cum verò conspicit ouem matrem, apprehendit amicitiam, ad eamque accedit. Hæc potentia appellatur æstimatua in brutis, cogitativa in homine.

Quartò additur alia potentia, quæ varias species inter se coniungat, vel omnes sensatas, vel omnes non sensatas, vel sensatas cum non sensatis. Sic, quamvis nullus conspexerit montem aureum, tamen hunc interiùs effingit, quia coniungit speciem auri & montis. Similiter agnus apprehendit lupum vt inimicum, ouem matrem, vt amicam. Hæc potentia vocatur phantasia. Huiusque coniunctionis meminit D. August. lib. 11. de Trinit. cap. 10. afferens exempla: *Quis vidit cygnum nigrum?*

Sensus communis.

Æstimatua seu cogitativa.

Phantasia.

grum? cogitare tamen quis non potest? facile est enim, illam figuram quam videndo cognouimus, nigro colore perfundere quem in alijs corporibus vidimus: nec auem quadrupedem vidi, sed phantasiam talem facillimè inuenior, dum alicui formæ volatili quam vidi, adiungo alios duos pedes quales eidem vidi.

Memoria.

Quintò tandem ponitur alia potentia, quæ retinet & conseruet species nō sensatas vt deinceps animal recordetur: & hæc vocatur memoria. At verò iidem Auctores qui hos sensus internos assignant, non propterea docent, omnes esse potentias realiter distinctas: sed sic quidem, designant veluti munera sensationis internæ. Aliqui autem distinguunt realiter omnes quinque potentias, alij quatuor, alij tres, alij duas, alij unicam solam faciunt potentiam. Quod totum postea inquiremus.

Distribuitur appetitus in duas partes, concupiscibile & irascibile.

Postremò. Appetitus ex D. Thoma 1. par. q. 81. art. 2. alijsq; cōmuniter, diuiditur in partes, quas D. Tho. vocat specie differentes, scilicet in partem concupiscibilem, & partem irascibilem. Vtriusque discrimen, & munera sic proponit & explicat D. Thom. *Necesse est, quòd in parte sensitiva sint due appetitiue potentie: una per quam anima simpliciter inclinatur ad presequendum ea que sunt conuenientia secundum sensum & ad refugiendum nocina, & hac dicitur concupiscibilis: alia verò per quam anima resistit impugnantibus, qua impugnant conuenientia & inferunt nocimenta, & hac vis vocatur irascibilis; unde dicitur quòd eius obiectum est arduum, quia tendit ad hoc vt superet contraria.* Iuxta hoc distinguit præterea D. Thom. 1. 2. q. 23. art. 4., & de Verit. q. 26. art. 5. operationes viriusque partis appetitus, sub duobus capitibus generalibus, nempe prosecutionem boni & fugam mali: quæ rursus in alios

magis speciales effectus, qui vocantur passionēs animæ, distribuuntur. *Virtus autem motiua distribuitur quæ poterit iuxta varios motus corporis, vt motum progressiuum, vt motum aliorum membrorum, motum respiracionis, pulsus arteriarum, vt motus, de se constat.*

SECTIO QVARTA.

Quinam Sensus quibus animalibus conueniant.

CUm sensus tam multi sint, specialiter ac distinctè inquirendum ac determinandum est, qui & quibus animalibus conueniant.

In primis, sensus tactus est maximè vniuersalis, & omnibus animalibus communis. Ita notauit Arist. lib. 2. de Anima tex. 27. *Animalia omnia habent unum ex sensibus, tactum.* Et lib. 3. tex. 60. *Neque sine tactu possibile est ullum esse animal.* Idem alij omnes docent. Patet quæ experientia: omnia enim animalia, quantumuis imperfecta, etiam inquam ea quæ adherent marinis scopolis, & vocantur ambiguae naturæ inter plantas & animalia, & composito vno nomine Plantanimalia, si incidantur aut pungantur, aut solum leuiter tangantur, se contrahunt aut contorquent; utique quia tactu percipiunt. Imò ex hoc signoprehendimus, illa esse animalia, ac differre à plantis, quia in ijs sic inuenimus sensum tactus. Ratio verò huius rei est: quia hic sensus est maximè necessarius ad statum & conseruationem animalis.

Tactus inest omnibus animalibus.

Deinde, sensum etiā gustus omnibus animalibus inesse, indicat Arist. iisdem locis, lib. 2. tex. 28. & lib. 3. tex. 63. & 64., & expressè lib. de Sensu & sensili cap. 1. *Proprie tactus & gustus insequitur omnia animalia*

Fortas. se gustus non inest omnibus.

necessario : tactus quidem propter causam dictam in ijs qua de Anima, gustus verò propter alimētum. Vnde quando simpliciter dicebat, tactum inesse omnibus animalibus, nomine tactus subintelligebat etiam gustum. At lib. de Somno & vigil. cap. 2. videtur in dubium reuocare, si præter tactum insit quoque gustus omnibus animalibus, dicens : *Tactum & gustum omnia habent, nisi si quod animal imperfectum*; idest nisi forte aliquod animal adeo imperfectum, quod solo tactu polleat, & gustu careat. Et satis clarè 2. de Anima, tex. 17. & 23. & lib. 3. tex. 66. ait, solum vnum sensum tactus esse necessarium in omnibus animalibus. Et iuxta hoc Auerr. 2. de Anima, com. 31. D. Thom. lect. 5. Themist. ac Philopon. 2. de Anim. circa tex. 131. & Suarez 3. de Anima cap. 28. opinantur, quædam animalia non habere alium sensum nisi tactum, absque gustu. Et quidem huiusmodi videri possunt pleraque marina, Zoophita, vt verticæ scopulis infixæ, spongiæ, & similia, de quibus latè Aldoruanus lib. de Zoophitis, quæ nempe per suas radices adherent scopulis, & nutriuntur ad instar plantarum. Vnde, si hoc ita censeatur, explicari debet Arist. in alijs locis, ferè omnia animalia simul cum tactu habere gustum, etiam scilicet illa quæ alioqui carent alijs sensibus : & excipi posse quædam adeo imperfecta, quæ gustu quoque careant. Et sic etiam, cum ab initio incipit viuere fœtus in utero sub nomine embrionis, incipit inquam solo tactu polleat, licet gustare non possit. Demum pro hoc genere, terrestrem quandam arborem commemorant Scaliger exercit. 181. num. 28. & Ioannes Magirus lib. 5. Physiolog. cap. 6. quam dicunt per accessum hominis aut animalis colligere & contrahere ramos, & ideo

ab incolis vocari pudicam. Aitque Scaliger, quodam tactus sensu percipere afflatum hominis, vel compressionem in radicibus, & ideo se constringere, sicut Zoophita marina.

Uterius : Omnia ea animalia, quæ non mouentur de loco ad locum, sed affixa certis locis innascuntur, ac ex natura sua semper adherent, nullum alium ex tribus sensibus externis habere videntur. Nullum enim in ijs eorum organum, nulla operatio apparet. Inter illa autem animalia quæ motu progressu feruntur & transeunt de loco ad locum, aliqua adhuc sunt quæ ijs sensibus carere dicantur, vt plerique vermes, & limaces : suomet enim corpore, & præsertim limaces cornibus, viam tentare inueniuntur, dum gradiuntur ; nec aliud in ijs signum visus, & sic etiam auditus & odoratus apparet. Sed aliqui suspicantur, in ijs animalibus inueniri quoque latenter aliquem debilem visum & odoratum. Nam limaces noctu egrediuntur, vnde videntur discernere differentiam lucis & tenebrarum. Repunt etiam ad certa alimenta ipsis proportionata, vnde videntur odoratu duci. Et sic alij vermes, qui alioqui ijs sensibus carere videbantur.

Præsertim autem dubitatur de Talpa, an visu polleat. Arist. lib. 1. de Histor. animal. cap. 9. & lib. 4. cap. 8. notauit, talpam habere quidem oculos, non tamen completos & ad visum aptos, atque ita visu carere. Idemque docent Galen. lib. 14. de Visu part. cap. 6. Pinius lib. 11. cap. 37. Et vt plurimū Peripatetici, Auerr., Themist., Philopon. S. Thom., & alij 2. de Anima circa tex. 131. Qui explicant, non frustra & inutiliter naturam inchoasse oculos in hac specie animalis, licet non perfecit : vel quia id conuenienter

Alij ex-terni sensus non insunt omnibus.

An Talpa visu habeat.

ordinare potuit ad ornatum : vel quia satis est in genere talium animalium vigere sensum visus , quamuis deficiat in aliqua specie . Sicut in alio exemplo constat , mulis naturaliter inesse consueta generationis organa , licet in tali specie non perficiatur ab ijs generatio . Reddunt etiam plures rationes , quare natura visum huic animali non dederit : quia nimirum , cum sub terra degat , non indigebat visu , nec inoffensos , oculos gerere potuisset . Compensasse autem hunc defectum , sufficienti odoratu , & valido auditu , quem Plinius lib. 10. cap. 69. illi tribuit acutissimum .

Ex aduerso Arist. lib. 2. de Anima 131. simpliciter oculos & visum huic animali videtur tribuere , dum ait : *Omnes sensus habentur à non imperfectis neque mutilatis , videtur enim & talpa sub pelle habere oculos* : ubi planè talpam inter perfectà animalia recenset , quibus omnes sensus conueniant . Et ita quidem ibi opinantur Simpliç. Albert. Dandinus , & quidam alij , & Cardan. lib. 10. de Subtilit. Dicuntquè oculos talpæ ita contegi pelle , ut hæc pelliculis sit aliquantum perspicua , & sic aliquem aditum luci & visui præbeat , saltem debilem . Et merito eius oculos fuisse pelle contextos , ne terra læderentur intra quam hoc animal degit : & ne etiam nimia luce offenderentur , quando interdum hoc animal supra terram egreditur , cum habeat oculos nimis debiles . Vnde sicut sunt quædam animalia , quæ nunquam claudunt oculos , carentquè palpebris , ut pisces in aqua , ita sit quiddam animal , nunquam aperiens oculos , continuata pelle contextos , nempe talpa in terra . Explicant quoque alia Arist. loca , talpam non habere visum conspicuum & patentem , non habere oculos completos & manifestos . At-

que hoc totum satis probabile apparet .

Dubitauit etiam de Formica Cardanus lib. 9. de Subtilit. an visum habeat , quia potius cornibus suis exilibus tentare solet viam , sicut limaces . Verùm formica tales ac tam ordinatas operationes exercet , ut satis demonstret se visu pollere . Imò in grandioribus formicis non obscure conspiciuntur oculi .

Præterea dubitatur specialiter de Ape , num audiat . Arist. enim 1. Metaph. cap. 1. aperte negauit apes audire . Et ita sequitur ibi D. Thom. , & alij : Adhæretquè Vlysses Aldoruanus lib. 1. de Insectis , tract. de Ape , pag. 52. Dicunt autem , hunc defectum in ijs compensari acutissimo odoratu , quo præsertim mellis odorem etiam è longinquo percipiunt . Verùm idem Arist. lib. 9. de Histor. animal. cap. 40. satis aperte affirmat , apes audire : ait enim , voce apud eas signum migrationis fieri : *Cum migrandum est , vox solitaria & peculiaris quedam aliquibus diebus ante intus mittitur* . At rursum , voce signum vigandi ac dormiendi apud eas fieri . *Tempore matutino omnes silent , donec una gemino aut triplici bombo exister omnes ; cumque redierint , una circumuolitando susurras , quasi dormiendum precipiat* . Testatur quoque , sonitu congregari : *Gaudere sonitu atque plausu apes videntur , quapropter cinnieu aeris aut fistilis conuocari eas in aluum aiunt* . Sed adhuc addit : *Quamquam incertum est an audiant* . Item Plinius lib. 11. cap. 20. Virgilius lib. 1. Georgicor. Albert. & alij ut plurimum circa locum illum Metaph. ex ijs omnibus signis affirmant , apes audire . Et merito : quia vanum & incredibile est quod aliqui respondent , apes tactu potius percipere motum & impulsu aeris , in experientijs allatis . Priorem verò Aristot-

An formica videat .

An Apis audiat .

telis locum, Albertus explicat, apes non audire, ut percipere possint significationem humani sermonis, sint quæ disciplinæ capaces, sicut audiunt & percipiunt quædam alia animalia, ut canes, elephanti, psittaci: de hac enim re loquebatur ibi Philosophus. Attamen, cum dicat, apes non audire, & si quod aliud animalium genus simile est, videtur intellexisse simpliciter de auditu: quia alioquin nimis patenter tot animalia sunt, quæ non sunt disciplinæ capaces. Potius ergo adduxisse videtur apes in exemplum, iuxta aliorum eodem tempore existimationem: propter quod dixit etiam eo loco de Histor. incertum esse si apes audiant.

Magis autem dubitari potest, de pluribus alijs animalculis, an audiant, etiam si constet videre, & odorare: ut de formicis, pulicibus, muscis, & similibus, in quibus nullum deprehenditur certum signum auditus. At de omnibus grandioribus animalibus satis certum & exploratum est, omnibus quinque externis sensibus adæquatè pollere.

Sensus communis - Iam ex internis sensibus, sensus communis inest sine dubio omnibus animalibus: omnia enim interno sensu percipiunt ac discernunt obiecta sensibilia, saltem in præsentia, dum ea actualiter sensu aliquo externo attingunt: & hoc est officium sensus communis. Ea tamen animalia quæ non possident omnes sensus externos, nec consequenter habet sensum communem, adæquatè omnia externa sensibilia completentem: sed tamen habent saltem circa ea sensibilia quorum habent sensum externum.

Imaginatio quoque videtur inesse omnibus. De imaginatione, quæ habet percipere eadem obiecta in eorum absentiâ, Arist. 2. de Anima 29. dixit, nondum esse manifestum, si omnibus animalibus inest. Textu 3. determinat, quibusdam non inesse imagina-

tionem: & tex. 1. 56. ait non inesse omnibus, non inesse formicæ, api, & vermi. Item 2. Poster. tex. 103. *In alijs quidam animalibus fit permanens sensus, in alijs vero non fit: in quocumque igitur non fit, non est his cognitio extra ipsum sentire.* Vbi Auerr. ait hæc esse animalia quibus non inest imaginatio. Sed ex aduerso Arist. 2. de Anim. tex. 20. affirmasse videbatur, omnia animalia quæ habent sensum, habere imaginationem, sicut & appetitum. Et rursus lib. 3. tex. 56. & 57. concludit sensitivam imaginationem omnibus animalibus inesse. Dicendum autem est cum communiori sententia, omnia quidem animalia habere imaginationem aliquam, qua percipere valeat obiectum non actu præsens: tamen quædam habere valde imperfectam ac limitatam. Sic conciliantur omnia loca Arist. & ipsemet indicat ibi 3. de Anima. Et ratione probatur: quia si omne animal percipit interno sensu obiectum, quando est præsens, & quando actualiter sentiat per tactum aut gustum, facile erit, ut postea quoque percipiat & apprehendat idem obiectum. Ac de facto, experientia constat, etiam testacea illa quæ marinis scopulis adherent, & sunt imperfectissima ac mutila animalia, non habentia nisi tactum et gustum, solent aperire conchos ut alimentum accipiant: quod est manifestum signum, illa apprehendere alimentum quo indigent, & quod non tunc actu gustant. Igitur aliquam imaginationem habent. Habeat autem valde debilem ac limitatam: multumquæ deficiunt à perfectioribus animalibus, quæ longè excellentiori imaginatione pollent. Quod quidem de se notum est. Attamen inter animalia quæ imperfectam imaginationem habent, non debent computari formicæ & apes: quoniam ex operibus valde ordinatis &

veluti artificiosis quæ perficiunt, manifestè ostendunt, se inter omnia bruta valde excellentem imaginationem habere. Vnde Albertus circa eum locum Arist., suspicatur textum esse corruptum. Et aliqui, pro formica & ape, legunt ostrea- cea. Auerr. autem ibi notat, non requiri veritatem in exemplis.

*Simili-
ter asti-
matua
as phan-
tasia.*

Pariter addi debet, omnia anima- lia habere æstimationem aliquam qua percipiant aliquid non sensatum ex- terius: & ita similiter phantasiam qua coniungatur vnum cum alio. Nam, si omne animal habet appeti- tum sensitivum, vt docuit Aristote- les: hæc appetitus non mouetur nisi ex apprehensione conuenientiæ in obiecto. Et rursus si habet sensum internum, quo percipiat obiectum quod sentitur exterius simul quoque percipit ipsam sensationem externā, quæ non erat sensata exterius: At- que ita hæc omnia simul iungit, siue coniunctim percipit. Constabit ma- gis hoc totum de omnibus animalib. dum postea communiter age- mus de obiecto sensibili.

*Etiā
memo-
ria.*

Denique, memoriam non omni- bus animalibus conuenire, docuit Arist. 1. Metaph. cap. 1. *Quibusdam animalibus à sensu non innascitur memoria, quibusdā verò innascitur: Et ob hoc, alia prudentia, alia disci- plinarum capaciora sunt quā illa quæ memorare non possunt.* Et Al- bertus ibi determinat, non solum ca- rere memoria illa quæ non inueniū- tur certa loca repetere: sed ait, ne- que omnia illa animalia quæ loco mouentur, & quæ eadem loca repe- tunt, habere memoriam. Ac spe- cialiter notat, muscas carere me- moria; eo quod sæpius depulsa, ad- huc redeunt. Hoc verò aliqui refe- runt ex Arist. Sed Albertus, non Aristoteles, id dixit. Affert aliud exemplum Auerr. 2. Post. com. 107. papilionis sæpius redeuntis ad lu-

cernam. Rursus Bahl. homil. 8. Exa- mer. videtur piscibus omnibus ne- gare memoriam. Alij plures deter- minant, omnia animalia quæ loco mouentur, solentque certa quædam loca repetere, pollere memoria: illa verò quæ aut loco non mouentur, vt pleraque in mari, aut licet mouean- tur, non repetunt certa loca, vt ver- mes, carere memoria. Sic defen- dunt Conimb. in lib. de Memor. & reminisc. cap. 4. Sed vterius D. Tho- mas ibi concedit memoriam omni- bus animalibus quæ locum mutant, & denegat solum ijs quæ immobili- ter natiuis locis adhærent.

Attamē omnibus simpliciter ani- malibus aliqua memoria tribuenda videtur. Nam si omnia habent ima- ginationem vt iam diximus, qua vi- delicet percipiunt obiectum non præsens, dici debebunt percipere obiectum præteritum quatenus antea ab ijs sensatum. Et ita quidem, dum imperfecta illa animalia appetunt & quærunt alimentum, videntur habere notitiam & memoriam alimenti quod antea perceperunt. Dumque punguntur & se retrahunt, videntur postea habere quoque notitiam & memoriam talis læsionis. Atque ex natura rei facile apparet, aliquandiu in interiori organo & potentia sen- sitiva retineri & conseruari species intentionales aliquando impressas: nec enim statim deleri debuerunt, sicut in sensibus externis actualiter ab obiecto in conseruari depēdent. Sed in omnibus animalibus, cum ha- beant sensum internum, immanetur ab initio proportionata species obiectorum: deinceps ergo pote- runt hæc animalia per eandem spe- cies imaginari & recordari res antea sensatas.

Rursus distinctè loquendo de va- rijs illis gradibus animalium supra
Non so-
lum ijs
quæ cer-
ta loca

repetiunt, repetunt planè habent memoriam : sed etià nam recordantur & recognoscunt *his quæ* ipsa loca , & filios , cibos , aliaquæ *locis non* quæ in ijs reposuerunt ac reliquerunt . *migrant*. Vnde etiam musca , dum statim redeunt ad eadem loca ex quibus pelluntur , ostendunt potiùs se habere memoriam . Nec debet inferri , eas non amplius meminisse ictus quo pulsæ sunt : sed potiùs prævalente cupiditate alimenti iterum trahi . Pisces quoque sine dubio habent memoriam . Sic docuit August. lib. 3. de Genesi ad litter. cap. 8. Et patet manifestè , quia solent certa loca repetere , tum ad capiendum cibum , tum ad latendum ac quiescendum . Imò refert Plinius lib. 10. cap. 70. in piscina Cæsaris singulos suis nominibus aduocatos egredi didicisse & consueuisse . Ea verò animalia quæ non solent eadem loca repetere , vel prorsus locum non mutant , saltem solent repetere certas quasi actiones , ad sui conseruationem & custodiam , nempe in quærendis , & capiendis alimentis , in se contrahendis & contegendis : vnde de his rebus habebunt notitiam & memoriam .

*Arist. et
Basil.
explicatur.*

Ad Arist. verò dicendum est , quædam animalia non habere memoriã ita capacem & ita bellem , sicut alia habent : & præsertim non habere ad capiendum & addiscendum , sicut habent alia quæ sunt disciplinæ capacia : de qua re ibi Arist. loquebatur . Imò pro eodem ibi videtur coniungere imaginationem cum memoria : ait enim , quædam animalia carere memoria , cætera imaginationibus ac memorijs viuere ; quasi illa velit etià imaginatione carere . Sicut ergo diximus , et Aristotelem ipsum explicauimus , quædam non habere imaginationem ita perfectam , qualem habent alia : ita pariter de memoria debet intelligi . Sic etiam expressit clarè Batinius : ait enim de

piscibus : *Memoriam ferè nullam in illis esse , neque imaginationem , neque consuetudinis aut familiaritatis ullam cognitionem* . Dum ait , ferè nullam , utique concedit aliquam : et pari regula memoriam cum imaginatione coniungit .

Postremò . Comparando inter se animalia : in ijsdem sensibus communicantia , et præsertim hominem cum brutis : satis quidem manifestum est , hominem in sensibus internis longè excedere omnia bruta , qui sensus in homine proximè ministrat intellectui . In sensibus verò externis , Aristoteles 2. de Anima tex. 94. docet hominem excellere omnibus alijs animalibus in sensu tactus et gustus , in reliquis verò sensibus à multis alijs animalibus superari : & specialiter tex. 92. dixerat , hominem habere olfactum hebetiorem & obtusior-em quamplurimis animalibus . Item lib. de Sensu & sensibili cap. 4. ait : *Pessimum habemus aliorum animalium odoratum , & ipsorum sensum qui in nobis : tactum verò certissimum aliorum animalium , gustus verò tactus quidam est* . Hoc locum confirmat ac defendunt Interpretes eodem loco de Anima . Et satis patet ab experientia . Ratio autem quare homo excedat in tactu , est : quia valor & perfectio huius sensus maximè defluuntur ex temperie primarum qualitatum , quæ temperies in homine est magis exquisita . Item , carnes molliores , & tenuiores , acriori vigent sensu tactus : huiusmodi autem sunt humanae carnes . Confirmat à signo Arist. quia inter ipsos homines , ex solo sensu tactus dignoscimus præstantiam ingenij : *Duri enim carne , inepti mente : molles autem carne , bene apti* . Quia nimirum penes temperiem primarum qualitatum , tam excellentia tactus , quàm interiorum sensuum , mensuratur .

In homine an in brutis sine perfectiores sensus.

In alijs autē sensibus, necesse non est, vt homo à cunctis alijs animalibus eodē sensus participantibus superetur. Quinimò sine dubio pleraque superat, non solum in visu & auditu, sed etiam in odoratu. Nam Arist. ipse eo textu 92., tantum dixit: *Hunc sensum habemus priorem multis animalibus*. Imò vltius respectu eorundem animalium à quibus homo in ijs sensibus superatur, adhuc homo ex aliqua alia parte excellit: quia videlicet, aut plures sensibilia differentias discernit, aut ex sua sensatione magis afficitur. Sic enim quoad ipsum olfactum, notant Auerr. Simplicius, & alij, hominem percipere ac discernere plures odorū differentias, quā bruta: quamuis etiam verum sit, bruta quædam percipere tenuissimos quosdā odores quos homo non assequitur. Item notant Arist. ipse lib. de Sensu & sensili cap. 3., Alexand. lib. de Sensu & sensili com. 47., Albert. in sum. de Homine tract. de Olfactu, Theophrast. lib. 6. de Causis plantar. cap. 2. & alij plures, solum hominem delectari suauibus odoribus, & molestari contrarijs. Quod si etiam quædam bruta videantur ollectari certis odoribus, & alijs molestari: vel id contingit quoad eos odores, qui eis indicant suauia, aut noxia alimenta.

Vel saltem non ita validē, nec tot odorū differentijs, sicut ipsi homines, per se oblectantur.

Non oportet autem, ex hac parte essentialiter distinguere sensus hominis & brutorum, sicut nec ipsorum brutorum inter se. Nam varijs gradus perfectionis sufficienter prouenire possunt ex varia dispositione corporis & organorum. Sicut etiam non oportet ex eadem parte essentialiter distinguere potentias vegetatiuas diuersorum viuentium. An autem ex alia parte distingui essentialiter debeant huiusmodi potentię in suis diuersis subiectis potest esse dubium. Negauit absolutē Victoria in Relect. de Perueniente ad vsū rationis parte 2. num. 4. Sed tamen bene potest ex parte animę redundare distinctio essentialis in ipsas quoque potentias. Nam potentię vnius animę sunt ex natura sua illi in specie addictę & alligatę: vnde sicut animę differunt essentialiter inter se, ita consequenter ipsę potentię, etiam si alioqui in communitate obiecti & perfectione operandi sint æquales. Potentię animę vegetatiuę respicientes substantiam, nempe nutritiua & generatiua, differunt etiam ex parte sui termini substantialis.

An sensus distinguantur specie in diuersis animalibus.

QVAESTIO QVINQVAGESIMASECVNDA.

De Obiecto Sensibili.

Obiect. m est illud in quod tendit potentia per suum actum. Omnes sensus feruntur in aliquod obiectum: & semper dum sentimus per quemcumque sensum tam externum quā internum, vtique aliquod obiectū sentimus, vt est notissimū. Appetitus quoque sensitius tendit in obiectum. Sed respectu sensuum obiectum dicitur sensibile, respectu appetitus

tus dicitur appetibile. Atamen, quia appetitus non potest ferri in aliud obiectum nisi quod ei fuerit repræsentatū per sensum, & quia hic etiam appetitus communi nomine dicitur potentia sensitiva; ideo absolutè & adæquatè obiectum sensibile appellamus.

SECTIO PRIMA.

Quid sit obiectum sensibile.

*Obiectū
sensibile
debet es-
se reale.*

IN primis quoad entitatem obiecti sensibilis asserendū est, obiectum sensibile debere esse reale, corporeum, singulare, accidentale. Patet asseritio per singulas partes. Sensus non fingit, non attingit entia rationis, ut circa ipsum ens rationis ostenditur us q. 5. Logi. sect. 4. igitur omnino obiectum sensibile debet esse reale. Item sensus, saltem externi, non percipiunt actu positivo negationes: oculi non vident tenebras, aures non audiunt silentium; sed potius per negationem actus dicuntur percipi tenebræ, silentium, & alia negationes. Sensu tamen interno videntur positivo actu percipi posse negationes, ut dicemus in speciali de obiecto ipsius sensus interni. Rursus sensus est potentia corporea & materialis affixa organo corporeo: unde non potest ferri nisi in obiectum materiale. Inestque sensus omnibus animalibus, etiam brutis, quæ utique sua cognitione attingere nequeunt res spirituales. Itaque bene quidē potest vis intellectiva, quæ spiritualis est, & cōuenit tam substantijs superioribus quàm animæ nostræ, attingere tam res corporeas quàm spirituales: sed non potest ē cōuerso vis sensitiva, quæ corporea est, eleuari ultra res corporeas, & spirituales quoque attingere. Præterea, vniuersale, etiam in rebus corporeis, dicit quandam elevationem, & abstractionem à materia; sensus verò est omnino concretus & immortus materiæ: unde non re-

*Corpo-
reum.*

Singulare.

spicit nisi obiectum singulare prorsus in materia concreta. Sic notauit Arist. 2. de Anima 60. *Scientia est vniuersaliū, sensus est singulariū.* Denique, substantia latet sub accidentibus, & hæc sunt quæ se offerunt sensibus: proprium ergo obiectum sensuum non est nisi accidens: substantia verò non per se sentitur, sed ad summum quatenus substat accidentibus denominatur sentiri, quatenus dicimus hominem conspici, lapidem conspici, non nisi tamen per colores & lucem. Vnde in Sacramento altaris, vbi nulla est substantia panis & vini, eodem modo conspiciamus accidentia Sacramentalia, nec sensu discernimus delectum ibi substantiæ. Inter genera autem accidentium, qualitates præsertim, ac specialiter illæ quæ sunt tertij generis, dicunturq. passio & passivitas qualitas, obijciuntur sensibus. Sed etiam quædam alia accidentia, ut quantitas, locus, & similia, possunt percipi sensibus, ut in sequentibus ostendemus.

*Accidē-
tale.*

Deinde assignandum est, quid sit formaliter ipsa sensibilitas, per quid formaliter obiectum dicatur sensibile. Vnus dicendi modus est, sensibilitatem esse ordinem essentialē obiecti ad sensum: ita videlicet sensus refertur essentialiter ad obiectum, pariter obiectum sensibile ex sua natura essentialiter ordinatur ad sensum. Ita videtur indicare Arist. 2. de Anima 66. *Color secundum se est visibilis; non ratione, quoniam in seipso habet causam ut sit talis.* Auerr. autem ibi, & D. Thom. lect. sua 14. & Caiet., ita hoc exponunt, colorem esse per se visibilem, id est ex natura sua: sed non ratione, hoc est quasi

*Quid sit
formali-
ter sibi
bilis.*

visibilitas sit eius prima differentia essentialis: sed quia in se habet causam ut sit visibilis, hoc est quia visibilitas convenit illi tamquam passio ab eius essentia manans. Unde dicunt, hanc propositionem, color est visibilis non esse de primo modo dicendi per se, sed in secundo modo, quo scilicet predicatur passio de subiecto.

Alius dicendi modus est, obiectum sensibile esse in sua natura simpliciter absolutum, nec dicere ordinem ad sensum: sed denominari sensibile ab eo sem ipso sensu, & sic sensibilitatem esse meram denominationem extrinsecam, aut relationem rationis. Ita indicat Thomae in eundem locum Arist. *Visibile obnoxium visui est, ad quem refertur color inpromiscua & absoluta res est.* Et alij sunt qui id expellunt asserunt.

Primo modo. Ambos hi dicendi modi conciliari possunt. Considerari enim debet obiectum sensibile, uno modo quatenus potest producere & imprimere speciem suam in sensu ut sentiat: & hoc pacto omne sensibile sine dubio ex natura sua habet vim & facultatem producendi speciem: sicut omnis causa activa, ex sua natura & per virtutem intrinsecam est activa. Quia rursus species ordinatur ad sensum subiectum, & ad actum sensationis effectivum: instituta enim est species ut per eam sensus percipiat obiectum: hinc inquam mediante specie obiectum dicitur intrinsecè respicere sensum: & sic per suam essentiam esse sensibile: atque adeo sensibilitatem originaliter acceptam, esse verè essentialem obiecto. Si autem distinguatur potentia media peculiaris qua obiectum sit aptum producere speciem, hæc potentia, ac proinde sensibilitas sumpta pro tali potentia, erit passio manans ab essentia obiecti. Rursus,

quia in speciali vnumquodque sensibile aptum est producere speciem debitam tali certo sensui, v.g. color speciem visivam, sonus auditivam: ideo singillatim dicemus, colorem ex natura sua esse visibilem, sonum audibilem: quia autem obiectum non producit immediate speciem in sensu interno, sicut nec in intellectu sed solum virtute specierum impressarum sensibus externis demandatur species ulterius ad sensum internum & ad intellectum: ideo mediatè adhuc & remotè obiectum dicitur referri ad potentias internas, scilicet quatenus productivam speciei talis à qua possit ulterius derivari species ad alias potentias. At tandem, ultimum dicitur respicere appetitum, quatenus mediante cognitione illum excitat ad appetendum.

Alio modo potest & debet considerari obiectum sensibile, quatenus *modo est terminativum sensus & sensationis: ita quod etiam si non esset productivum speciei, ut potè secundum eorum sententiam qui negant omnino species, vel volunt ab alia extranea causa produci; adhuc tamen obiectum est verè sensibile, verè terminaret potentiam & operationem sensitivam. Hoc modo non videtur necessarium, ponere in obiecto essentialem ordinem & peculiare potentiam, ad hoc ut constitutur & dicatur sensibile. Sed satis esse videtur ordo essentialis ipsius sensus ad obiectum. Ita ut obiectum, quantum est de se, sit hac ratione simpliciter absolutum, ad quod tamen sensus ipse refertur. Vnde obiectum denominetur sensibile per denominationem extrinsecam à potentia sensitiva & actu sensationis possibili.*

Hoc totum suadet: quia obiectum secundum hanc considerationem, neque agit in sensum, neque patitur à sensu, sed solum terminat: ipso

iple verò sensus ex vi sua tendit in obiectum : ergo necesse non est, obiectum ex natura sua dicere ordinem vel potentiam ad sensum, sed satis est terminare sensum. Alia enim potentia, vel sunt actiua ad agendum, vel passiua ad recipiendum, nullaquæ inuenitur potentia terminatiua : quia nempe id quod agit, debet habere virtutem agendi : quod patitur patiendi : sed quod terminat, satis est si terminet potentiam ordinatam ad se, absque alia potentia ex parte eius ad terminandum.

Confirmatur. Actui sentiri, non est actus quispiam obiecti, non est quicquam in obiecto ; sed est sola terminatio & denominatio extrinseca ab actu reali potentia sensitiva : ita quoque posse sentiri, non erit aliud quàm terminatio & denominatio extrinseca à potentia sensitiva. Rursus, sic se habet obiectum intelligibile respectu intellectus, & appetibile respectu voluntatis & appetitus. Neque enim datur peculiaris potètia & ordo essentialis omnium rerum in ordine ad intellectum & voluntatem ; sed omnia se habent merè terminatiue ad has potentias earumquæ actus.

Denique hæc denominatio extrinseca per terminationem, potest assignari tanquàm passio obiecti sumpti quoad suam entitatem absolutam : quatenus ipsum obiectum tale est ut potentia terminetur ad ipsum, ipsumquæ denominet. Non enim qualibet potentia sensitiva potest indifferenter attingere quodcumque obiectum, sed præsupponit utique obiectum ex natura sua proportionatum. Et sic in specie, visibilitas dicetur passio coloris, audibilitas soni, & similis denominatio singulorum obiectorum sensibilibus respectu suorum sensuum.

Et iuxta hæc explicari poterit lo-

cus ille Arist. initio allatus. Sed eius intentum propriè ibi erat, colorem esse per se visibilem, hoc est se ipso terminare visionem : & non ratione alterius, hoc est quali in se recipiat aliud quod sentiatur, sicut subiectum sentitur per accidentia : sed in se habere causam, hoc est essentiam talem ut ipsummet formaliter terminet visionem, simul tamen cum luce. Et ita tex. 68. subdit, perspicuum, hoc est corpus diaphanum, esse quidem visibile, non autem ratione sui, sed ratione externi coloris.

*Aristo:
tales ex-
plicamur.*

SECTIO SECUNDA:

Quotuplex sit obiectum sensibile.

Aristoteles 2. de Anim. tex 63. diuidit sensibile, in aliud per se, & aliud per accidens. Hæc tex. 65. sic explicat. Sensibile per se est illud, quod verè sentitur & terminat cognitionem sensus, ut color cernitur, sonus auditur. Sensibile per accidens est illud, quod contingit inueniri coniunctum cum sensibili per se : *Ut si albus sit Diaris filius, secundum accidens enim hoc sentit, quoniam accidit albo.* Oculi itaque per se videt album, non autem videt filiationem hominis albi : album ergo est per se obiectum visus, filius verò huius vel illius, est obiectum per accidens. Nam dicimus quidem oculis cerni filium Diaris : solum tamen cernitur quatenus albus, non quatenus filius : ut iterum notauit Arist. tex. 134. *Ut Cleonis, non quia Cleonis filius est, sed quia albus, huic autem accidit ut filius Cleonis sit.*

*Sensibi-
le per se
& per
accidens.*

Rursus, sensibile per accidens, diuiditur aliud est, quod ita merè accidentatur sensibili-
tur sensibile
liter se habet, ut nullatenus requiratur vel conferat ad sensationem, sicut per accidens.

ad eam qualitatem quæ per se sentitur : vt in exemplo posito merè per accidens se habet filiatio ad albedinem : nihil enim ad albedinem confert. Aliud est quod, licet per se non terminet sensationem, tamen ex natura rei confert & requiritur ad eam qualitatem quæ per se sentitur : vt substantia est primum subiectum omnium accidentium : ac ex natura rei requiritur ad existentiam sensibilium qualitatum : sed adhuc actus sensationis non attingit ipsam substantiam, vt notum est. At omisso iam obiecto per accidens, considerandum maximè est obiectum per se sensibile.

Diuidi. Aristoteles eodem tex. 63. diuiditur sensibile per se, in proprium, & bile per commune. Proprium explicat, quod se in p- vno solo sensu percipitur : & hoc priu & pacto iuxta numerum quinquè sensuum externorum totidem sensibilia propria designat. *Dico*, inquit, *proprium quidem, quod non contingit alio sensu sentiri: vt visus coloris, & auditus soni, & gustus saporis, tactus autem plures habet differentias.* Supplerique debet olfactus odoris. Sub nomine autem coloris pro obiecto visus intelligitur etiam lux. De obiecto autem tactus specialiter dixit, continere sub se plures differentias. Quamuis enim etià quoad alios sensus plures sint differentes specificæ qualitates ab illis sensibiles, vt tot varietates colorum, saporum, &c. Tamen maior & copiosior est differentia inter tangibiles qualitates : nam tactu percipiuntur, tum primæ quatuor qualitates, tum aliæ plurimæ de genere secundarum qualitatum. Et præterea, non extat vnum nomen simplex pro omnibus qualitatibus quæ tactu percipi possunt, sicut extat pro sensibilibus aliorum sensuum : sed tantum, nomine sumpto ab eodem tactus sensu, appellatur qualitas tangibilis.

Sensibile commune ab Arist. dicitur esse quod potest percipi ab omnibus sensibus, vt quantitas & magnitudo obiecti potest cerni oculis & tangi manibus. Attamen non est intelligendum, quodcumque sensibile comune posse percipi ab omnibus sensibus, vt notant communiter Interpretes: tum quia id non potest vniuersaliter verificari: tum quia sensibile commune contradistinguitur à proprio, vnde satis est si possit à pluribus quàm vno, videlicet à duobus sensibus percipi. Intelligendum ergo est cum D. Thom. Auerr. Simplic. & alijs expeditoribus, non quidem quodcumque sensibile commune in specie pertinere ad omnes sensus : sed generaliter sensibilia communia pertinere ad omnes sensus ; quia aliquod sensibile commune pertinet ad plures, aliquod verò pertinet ad omnes. Vel, vt ait Simplic., Arist. per ly omnibus sensibus intellexit pluribus : & sic indicauit ipse Arist. lib. de Sensu & sensili cap. 4. *Magnitudo & figura, asperum & lene, acutum & obtusum, sunt communia sensuum, se non omnium, saltem visus & tactus.* Neque oppositum docuit Themist., vt ei tribuit Auerr. com. 64. Nam Themistius planè ait, sensibilia communia esse quæ pertinent ad plures sensus; motum autem, & fortasse numerum, & quietem, percipi ab omnibus sensibus: magnitudinem tamen & figuram visui & tactui esse præcipua. Atque hoc ipsum totum asserit idem Auerr. Refert autem Hieronymus Prouenzalis par. 1. de Sensibus cap. 9., quosdam explicasse, sensibilia communia esse quæ percipiantur interno sensu communi. Attamen satis constat, non hinc dicta esse sensibilia communia. Quinimò sensus communis percipit absolute omnia sensibilia externorum sensuum. Sed omnino sensibilia

Sensibilia communia pluribus externis sensibus percipiuntur.

communis esse, quæ percipiuntur vel omnibus, vel saltem pluribus externis sensibus.

Quinque in vniuersum sensibilia
que sensibilia communia recenset Arist. tex. 64. his verbis: *Communia autem, motus, quies, numerus, figura, magnitudo: huiusmodi enim nullius sunt propria, sed communia omnibus, etenim & tactu motus aliquis sensibilis & visu.* In primis ergo, magnitudo est sensibile commune: percipitur enim tam visu quam tactu, ut notum est. Ad magnitudinem reducit distantia: sensu enim percipimus rem magis minusve distare: vel distare à nobis, vel vnā rem distare ab alia. Secundò, figura est sensibile commune, quæ iisdem duobus sensibus percipitur. Et ad figuram pertinent lenē & asperum, dentum & rarum, & si quæ sint aliæ similes quantitatis affectiones, quæ pluribus sensibus perceptibiles sint. Tertiò, motus localis, quem iisdem quoque sensibus percipimus; & aliquo modo etiam alijs; audimus enim, si sonus, siue corpus sonans, magis ad nos accedat vel recedat; similiter de odore, siue corpore odoroso: & de cibo sapido, si per linguam ab vna ad aliam partem deducatur. Non ita tamen sensus percipit motum, quasi formaliter conferat partes præteritas & futuras, simulque cognoscat omnes: sed tantum materialiter percipit successiue transitum & fluxum mobilis, prout cernimus hominem ambulare, lapidem descendere. Ad motum pertinent velocitas & tarditas, item tempus, quod est successio & duratio motus. Quartò, simili modo se habet quies, oppositorum enim eadem est ratio. Si autem quies non positiue sentitur, dicitur percipi veluti priuatiue, quatenus scilicet percipitur res in eodem statu sine motu. Quintò demum, numerus ab omnibus sensibus

percipitur: non formaliter, quasi sensibus numeremus: sed materialiter, cernimus tot corpora colorata, audimus tot sonos, & sic de alijs sensibus. Hunc verò determinatum numerum sensibilium communium, prolixius defendunt Conimb. lib. 2. cap. 6. q. 4. & Toletus q. 15.

Ceterum, præter omnia dicta, præter obiecta sensuum externorum, quæ sensibilia proinde sensibus quoque internis percipiuntur; alius gradus obiecti est, quarundam rerum, quæ non percipiuntur sensibus externis, percipiuntur tamen internis. Vnde & quidam sensus internus est, qui dicitur abstrahere species non sensatas ex sensatis: id est ex speciebus illarum rerum quæ perceptæ sunt sensibus externis, desumit notitiā aliarum quarundam quæ non erant ab illis perceptæ. Ut agnus videns lupum, apprehendit ut inimicum, & ideo fugit; videns ovem matrem, apprehendit ut amicam, & ad illam occurrit: huiusmodi amicitiam & inimicitiam, non utique oculis viderat sub aspectu lupi & ovis, bene tamen interiùs apprehendit. Et insuper sensus internus dicitur diiudicare ac discernere actus ipsos sensuum, nullus tamen sensus externus percipit suum actum. Hoc totum igitur est quoddam genus obiecti, quod non est sensibile per sensus externos, sed solum per sensus internos: ut specialiter circa hos sensus postea plenius ostendemus.

SECTIO TERTIA.

Qualiter se habeant sensus ad obiecta sensibilia propria & communia.

Aristoteles 2. de Anima tex. 63. & alibi docuit, sensum circa sensibile proprium non percipi vel

vel errare, sed omni sensui repræ-
tari suum sensibile proprium sincere
ita ut est in se; posse autem decipi
& errare circa sensibilia communia.
Visum v.g. non decipi circa colores;
percipiendo nigrum quod est albu;
sed bene decipi circa magnitudinē
& figuram, percipiendo paruum,
quod est magnum, cuius quod est
rectum. Et sic de alijs sensibilibus
& sensibus.

Circa hoc in primis dubitarunt
aliqui; quia in vniuersum sensui nō
videtur veritas & falsitas conuenire;
vnde frustra dicitur sensus non de-
cipi, non falli circa sensibile pro-
prium, & non recte dicitur errare
ac decipi circa sensibilia communia.
Ad hoc Conimb. 2. de Anima cap. 6.
q. 6. art. 2. & quia dñi alij respon-
derunt, sensui tribui falsitatem & errorem
non secundum se, sed respectu intel-
lectus, quatenus est causa falsi iudi-
cij in intellectu. Sed tamen bene
potest ac debet ipsi sensui secun-
dum se tribui veritas & falsitas. Ita
notauius in Logica q. 3. sect. 3. &
q. 23. & sect. 4. Et plane habetur ex
Arist. qui nequaquam loquutus est
de sensu in ordine ad intellectum,
sed de sensu secundum se attingen-
te obiectū sicuti est vel aliter quā
est. Et patet quidem manifeste, sen-
sum vel percipere obiectum cum
conformitate ad verum statum ip-
sius obiecti, ut album id quod est
album, paruum id quod est paruum;
vel interdum percipere aliter quā
est; ut videmus Solem tanquam pe-
dalem, qui est in se adeo magnus;
videmus remum tanquam fl. xum in
aqua, qui est in se rectus. Recte er-
go sensui tribuitur vera & falsa co-
gnitio: & recte sensus dicitur capax
erroris ac deceptionis.

Secunda dubitatio est, quam mo-
uebat olim Epicurus, qui volebat,
sensem semper verum attingere, &
nunquam falli; et res omnes ita re-

uera se habere, sicut sensui obijciun-
tur. Alioquin, cum omnis nostra co-
gnitio ortum ducat à sensibus, nulla
esset in nobis certa scientia. Ex ad-
uerso Arcesilas voluit, sensum aut
semper aut plerumque falli, et sic
nunquam esse fidendum sensibus,
nullamque haberi posse firmam re-
rum notitiam. Attamen, satis con-
stat, sensu in plurimis quidem recte
attingere res sicuti sunt, in quibus-
dam autem deficere et errare. Est
res notissima. Nam alijs observa-
tionibus et ratiocinijs deprehendi-
mus, quando sensus errant, eosque
corrigimus: et sic de plurimis rebus
habemus certam ac firmam noti-
tiam.

Tertia præcipua dubitatio est,
qualiter sensus dicatur non decipi
circa sensibile proprium, sed solum
circa sensibilia communia. Nam
potius experientia constare videtur,
sensem decipi quoque circa sensibi-
le proprium: videmus enim à longē
id quod est album tanquam nigrum,
videmus colores apparentes qui re-
uera non sunt, & ita notauit ipse
Arist. 3. Meteor. sum. 2. cap. 3. Ap-
paret sæpè amarum gustui id quod
est dulce, & alijs similes errores so-
lent contingere in sensibus.

Ad hanc difficultatem plures solu-
tiones, & expositiones excogitatae
sunt. Primò Albertus & alij quidam
explicant, sensum errare quidem
posse in suo materiali obiecto: sed
non in obiecto formali: obiectum
formale vocant, prout ipsi repræsen-
tatur per speciem: omnis enim sen-
sus percipit obiectum, sicut illi spe-
cies repræsentat. Verum hoc non
est peculiare circa sensibile propriū:
sed est vniuersale circa omne sensi-
bile, etiam commune.

Secundò. Toletus 2. de Anima
q. 13. Conimb. cap. 2. q. 6. & plures
alij, explicant, nullum sensum de-
cipi circa sensibile proprium, quasi
acci-

Quomo-
do dicā-
tur falli
solum
circa
sensibi-
lia com-
munia.

Sensus
partici-
pant ve-
ritatem
& falsi-
tatem in
repræse-
tando
obiecto.

Nec se-
per verū
cogno-
scunt,

accipiendo sensibile alienum pro suo proprio: sic nunquam oculus videt sonum pro colore, aut colorem tanquam sonum. Sed si non adsit verum sensibile proprium, nullatenus is sensus in obiectum tendet. Vnde rursus nunquam sensus decipietur circa genus sui obiecti sensibilis: nunquam oculus decipietur in iudicando id quod videt esse colorem, sumendo nomen coloris ut commune etiam luci; non decipietur auditus in iudicando id quod percipit esse sonum, & sic de singulis sensibus. Hoc indicauit ipse Arist. eo textu 63. *Dico autem proprium quidem quod non contingit alio sensu sentiri, & circa quod non contingit decipi; ut visus coloris, & auditus soni, & gustus saporis: sed unusquisque iudicat de his & non decipitur quod color sit, neque quod sonus &c.* Attamen, hoc non obstante, decipi adhuc potest sensus in accipiendo vnam speciem qualitatis sensibilis pro alia, & in applicando vnam vel aliam speciem qualitatis sensibilis alicui subiecto, semper tamen intra proprium genus adequatum. Sic ergo potest & solet apparere album tanquam nigrum, lux tanquam color: & apparet rubrum id quod cōspicitur per vitrum rubrum, alijque similes errores intra latitudinem sui obiecti possunt sensui contingere. At verò circa sensibilia communia, potest præterea sensus decipi in accipiendo vnum pro alio; sic accipitur quies pro motu, dum ea quæ mouentur apparent quiescere: nam Sol & alia astra in se velocissimè mouentur, & tamen sensui videntur quiescere: è conuerso, nauiganti secus litus, apparet litus moueri, cum tamen prorsus quiescat. Non tamen opus est, ut inter sensibilia communia, omnia prorsus inter se sic commutari possint: si datus est, si aliqua. Et per hoc constituitur discrimen inter

sensibilia propria & communia.

Tertio. Auerr. & alij plures explicant, sensum saltem regulariter et ut plurimum, siue pro maiori parte, non decipi circa sensibile proprium, licet adhuc interdum erret: at verò facilius & frequentius decipi circa sensibile commune. Ita apertè propositionem illam vniuersalem corripit ipse Arist. tex. 161. *Sensus quidem propriorum est verus, aut quam paucissimum habens falsum.* Adiditque, falli in applicatione qualitatis sensibilis ad vnum vel aliud subiectum: *Quod enim album sit, non est falsus; si autem album hoc aut aliud quiddam, falsus est:* videlicet, rectè interdum aspiciet oculus an quid album, & non rectè discernet an sit nix aut lapis, aut alii quidpiam: quod est errare seu deficere circa sensibile per accidens. Demum subdit: *Circa communia maximè iam est decipi secundum sensum.* Hoc totum autem obseruari potest experientia. Plerumque enim sensus rectè percipiens obiectum secundum sensibile proprium, deficit secundum sensibilia communia. Rectè videmus, astra esse lucida, quæ lux est proprium sensibile visus. Erramus autem in magnitudine, quia apparent parua & sunt magna: in figura, quia videntur plana & sunt rotunda: in motu & quiete, quia videntur quiescere & mouentur: in numero, quia simplici intuitu videntur & radicantur innumerabilia, et tamen non inveniuntur in magno numero. Item videmus è litore nauigia procul posita, & videmus quidem obscura & nigra sicut sunt: sed non discernimus magnitudinem, figuram, motum, numerum. Et sic in alijs passim contingit.

Quarto demum. Themistius, Simplicius, Philoponus, et alij circa textum, ac D. Thomas 1. par. q. 17. art. 2., explicant, sensum non decipi

Verè falluntur etiā circa sensibilia propria:

Falluntur ob aliquod

pi circa sensibile proprium, si adfint debitz conditiones, & nullum obstat impedimentum: at bene potest & solere decipi ob aliquod obstaculum impediens sensationem. Hoc Toletus q. cit. in fine ita intelligit in rigore circa sensibile proprium, ut non perinde valeat circa commune. Verum, in vniuersum sic esse videtur, tam circa sensibile commune, quam proprium, sensum non decipi, nisi ob aliquem defectum & impedimentum: alioqui enim si omnia sint ritè disposita, non errabit sensus, sed omnia percipiet sicut reuera sunt. Frequentius tamen & facilius occurrunt impedimenta in percipiendis sensibilibus comunibus: & ideo magis circa hæc sensibus tribuitur error. Ad tria autem capita reducuntur impedimenta quæ causant errorem in sensu, nempe ex parte organi sensitui, ex parte mediij interiacentis, & ex parte obiecti sensibilis.

Vel ex parte organi. Primum impedimentum ex parte organi est, si inueniatur affectum aliqua dispositione contraria. Hinc quandoque infirmis apparêt amara, etiam illa quæ alioqui dulcia sunt: quia nempe organum gustus inuenitur imbutum humore bilioso amaro, qui proinde inficit alios cibos, ac vehementius mouet sensum; unde omnia apparere facit amara. Item qui prægustauit vehementem aliquem saporem, ita ut tali succo sapido remaneat imbuta lingua, alium cibum proximè sentiet veluti eiusdem saporis. Sic notauit Arist. 2. de Anima 104. *Ut cum quis prægustauerit fortem saporem, gustet alterum, & ut agrotantibus amara omnia videntur, propterea quod per linguam plenam huiusmodi humi ditate sentiunt.* Hac etiam ratione, qui secus litus mouetur, dum nauigio velociter præteruehitur, videt veluti litus moueri. Sic notauit Arist. lib. de In-

somnijs cap. 2. dicens, hanc esse causam qua fallimur, non solum quando sensibile mouetur, sed etiam dum sensus ipse mouetur.

Secundum impedimentum est ex parte mediij, quod potest esse taliter obiectum, ut per illud repræsentetur obiectum aliter quam est. Ideo per interpositionem vaporum sæpè nobis astra apparent rubra & præsertim per vitra colorata simili colore affecta cernuntur alia corpora: Et ratio est, quia cum vniantur simul in sensu species plurium obiectorum, contingit, ut species vnius obiecti, præsertim validioris aut propinquioris, veluti transfundat suam apparentiam in aliud coniunctum obiectum. Similiter ex densitate & crassitie mediij fieri solet, ut res varient magnitudinem, figuram, & locum, quoad apparentiam: fiuntque variaz refractiones & diuersiones visus.

Tertium impedimentum est ex parte obiecti, si nempe sit nimis distans, & ideo bene discerni non possit. Sic fieri potest, ut quod est album appareat fuscum: & passim quod est magnum, appareat paruum; & quod est quadratum appareat rotundum, eo quod prominentiæ angulorum effugiant nostrum aspectum. Item ex certo respectu ad lucem resultant colores apparentes, ut in iride, in collo columbæ, & similibus. Unde denique patet, non esse difficile aduertere, quando ex aliquo huiusmodi impedimento decipiatur sensus, ne talis error admittatur in mente, sed potius per rationem corrigatur apparentia sensus. Seclulis autem impedimentis, acquiescendum prorsus est iudicio sensuum, quia sensus repræsentant obiecta sensibilia sicut reuera sunt.

SECTIO QUARTA.

*Qualiter se habeant sensibilia
propria & communia ad
ipsos sensus.*

Objecta sensibilia debent immittere species sui representatiuas in sensus, vt ab ijs percipiantur. Hoc nunc supponimus, sed quæst. sequenti determinabimus, vbi ex professo de speciebus sensibilibus inquiramus. Modò autem, comparando sensibilia propria & communia, dubitatur, an sensibilia communia immittant per se proprias ac distinctas species à sensibilibus proprijs, vel per solas species priorum sensibilibum à quolibet sensu percipiantur, vel quomodo per vnā speciem adæquatam tam sensibile commune quam proprium percipiatur à sensu.

An sensibilia communia immittant species distinctas à proprijs.

Auicenna lib. 6. Naturalium cap. de tactu, Scot. in 4. d. 12. q. 3. Aegidius 2. de Anima cap. 6. Iandunus eodem libro q. 18. & Lucillus Philaltæus in digress. circa tex. 55. volunt, omne sensibile commune immittere in sensum speciem propriam ac peculiarem, distinctam à specie sensibilis proprij, videlicet aliam esse speciem magnitudinis, figure, motus, &c., à specie coloris, respectu visus. Caiet. verò 2. de Anima cap. 6. & Iauell eod. lib. q. 24. volunt, aliqua saltem sensibilia communia imprimere propriam speciem. Insuper Auicenna vult, esse distinctum actum sensationis respectu vtriusque obiecti. Et Philaltæus vult, posse per se percipi sensibile commune, etiam nihil percipiendo de sensibili proprio. Alij verò vtrò supponunt, non posse separari speciem sensibilis communis à specie sensibilis proprij, & sensationem vnius à sensatione alterius.

Communis sententia est, sensibile commune nequaquam immittere speciem peculiarem, distinctam à specie sensibilis proprij. Ita D. Thomas 1. par. q. 78. art. 3. & 2. de Anima lect. 13. & alij Thomistæ Theologi eodem loco 1. par. vbi Bagnes latè dubio 9. Alexand. Simplic. Themist. Philop. & alij 2. de Anima circa cap. 6. Ferrariensis item eodem libro q. 11. Toletus q. 14. Conimb. cap. 6. q. 5. Hurtad. disp. 12. de Anima sect. 6. & alij frequenter. Nonnulli autem absolute dicunt, sensibile commune percipi per eandem speciem sensibilis proprij, nulla mutatione vel additione facta. Sed D. Thomas & alij magis communiter, affirmant, speciem sensibilis proprij certo modo determinari ac modificari, vt representet simul sensibile commune: & Toletus magis explicat, addi quendam modum distinctum supra simplicem speciem sensibilis proprij.

Pro resolutione, Dicendum est, *Nō im-* sensibilia communia simul cum proprijs immittere in sensum vnā *mittunt* speciem adæquatam representatiuam *species* eorum. Explicatur & probatur *distinctas* conclusio. Primò enim sensibile commune non immittit speciem *parabiles* quantam suam, separabilem à specie sensibilis proprij: quia experientia constat, à sensu non percipi vllum commune sensibile absque proprio: non vtique cernitur magnitudo, figura, motus, vilius corporis, absque propria qualitate visibili: & sic de alijs sensibus ac sensibilibus: signum ergo est, non immitti speciem à sensibili communi sine specie sensibilis proprij. Si enim immitteretur species, perciperetur obiectum.

Secundò, non immittit prorsus *Nec distinctas* speciem distinctam: quia, cum nunquam detur, nec dari possit in sensu *coniunctas* externo, species sensibilis communis absque specie alicuius sensibilis *pro-*

proprijs, non debent distingui plures species: sed bene sufficere poterit vna species pro utroque obiecto simul, & sic vna debet censeri species. Et sine dubio, eodem ipso actu quo videtur corpus coloratum & lucidum, videtur sub tanta magnitudine, & sub certa figura, videtur in motu aut quiete, videtur vnum aut multiplex; nec cogitari potest distingui vnus actus quo videatur magnitudo aut figura corporis, distinctus ab alio actu quo videtur eius color: ergo sic pariter non potest distingui vna quædam species representans magnitudinem aut figuram, distincta ab alia representante colorem.

licet, species quædam realis sit, quæ per se præcisè attingat sensibile proprium, v. g. albedinem respectu visus; & huic speciei addatur quidam alius distinctus modus ad attingendam magnitudinem aut figuram, & hic modus sit in eadem specie variabilis, iuxta variationem possibilem in magnitudine & figura obiecti. Nam hoc pacto in rigore distinguitur vna species ab alia, sed diceretur se habere solum tanquam modus illius. Non certè sic se habet actus visionis, quasi primus quidam actus realis attingat albedinem, & alius modus distinctus huius actus attingat magnitudinem vt figuram obiecti: neque sic ergo se habebit species.

*difciant
species
proprio-
rum.*

*Nō sola
sensibilia
propria
immit-
tunt spe-
cies.* Tertiò deinde. Non est ita assignanda sola species sensibilis proprijs, quæ absque vlla sui immutatione representet obiectum, nulla habita ratione ad sensibilia communia, & ad varietatem quæ in ijs contingere potest. Nam certè, species verè ac per se representat quodcumque sensibile commune secundum suam conditionem & statum: igitur per se refertur etiam ad sensibilia communia quæ representat. Nec utique potest esse eadem species inuariata, quæ absque vlla prorsus sui mutatione representet corpus coloratum, siue sit magnum siue paruum, siue sit vnus siue alterius figure, siue moueatur siue quiescat. Quinimò, quodcumque contingat, aliquam ex his affectionibus variari, omnino etiam aliqua immutatio in specie, sensibili admienda est. Nam sine dubio variatur quoque aliquo pacto actus elicitus visionis, iuxta talem varietatem obiecti: vnde similis variatio in specie impressa est necessaria.

Quintò igitur concludendum est, vnam esse speciem adæquatam sensibiliū communium cum proprijs, simul representatiuam omnium, quæ coniunctim ab ijs pariter immittatur in sensum. Quod vlteriùs suadetur: quia per se dari debet species adæquata representatiua omnium quæ in obiecto sensibili percipiuntur: cum ergo verè & per se percipiantur à sensu affectiones sensibiles communes cum proprijs, debet dari species, representatiua omnium harum affectionum quæ in vno obiecto coniungantur. Cumque non sint distinguendæ plures species, aut species & modus, erit simpliciter vna species omnia representans: videlicet species representans obiectum cum tali colore, in tanta magnitudine, tali figura, &c. Sic utique vnus adæquatè est actus visionis, attingens obiectum secundum has omnes affectiones: sicut autem se habet actus, ita pariter censendum est de specie. Et hoc indicauit S. Thomas 1. par. q. 17. art. 2. dicens: *In visu est similitudo, figura, vel magnitudinis, & aliorum communium sensibilibus.* Ait autem, per se quidem

*Sensibi-
lia com-
munia
cum pro-
prijs a-
dæquatè
immit-
tunt cas-
dem spe-
cies.*

*Sensibi-
lia com-
munia
non mo-* Quartò. Non videtur distingui debere quædam alia determinatio & modificatio pro sensibili communi, in specie sensibilis proprijs: quasi sci-

temas 1. par. q. 17. art. 2. dicens: *In visu est similitudo, figura, vel magnitudinis, & aliorum communium sensibilibus.* Ait autem, per se quidem

dem inesse sensui similitudinem tam communium quam propriorum sensibilium, sed primò propriorum, nò primò communium : quia nimirum intantum sensibilia communia concurrunt ad imprimendam speciem in tali sensu, inquantum coniunguntur cum sensibili proprio talis sensus. Ad repræsentandum tamen numerum, quod est vnum è sensibilibus communibus, non est vna simplex species, sed sunt tot species earundem rerum quarum est numerus.

Per variationem Sextò tandem hinc sequitur *variatio* cum que varietur aliqua affectio sensibilis in obiecto, tam si sit communis, quam si sit propria, semper variari totam speciem. Cum enim sit vna simplex species, attingens tam commune quam proprium sensibile, non potest vtiue variari per vllam partem. Cumquè species conformetur obiecto, non potest vtiue eadem inuariata species repræsentare obiectum in aliqua affectione sensibili variatum. Quinimò, si species permaneret eadem, absque vlla sui variatione, semper repræsentaret obiectum eodem modo, etiam si obiectum mille modis in ipsisque proprijs sensibilibus variaretur, imò etiam si penitus auferretur. Quod totum denique vberius constabit ex ratione ipsa specierum, quam quæstione proxima prosequemur.

In mente In contrarium Obij i solet *distinctione* primò ad probandum, sensibilia communia debere immittere suam distinctam speciem. Tum quia, in mente reperiuntur species peculiariores, res talium sensibilium, distinctè à quæ non speciebus aliorum : cogitamus enim de quantitate tum continua tum diguntur creta, de motu, &c., abstrahendo in sensu à qualitatibus sensibilibus : imò sub his ex hac abstracta one instituta sunt scientiis. Geometria de magnitudine, & Arithmetica de multitudine. Sed species in mente acquiruntur per spe-

cies in sensu : ergo exterius quoque in sensu hæc species distinguuntur. Tum etiam, nisi dentur suæ species sensibilium communium, hæc sensibilia se habebunt sicut illa quæ dicuntur per accidens, nec per se obijcerentur sensibus, sed nihil plus haberent quam reperiri coniuncta sensibilibus proprijs repræsentatis sensui. Tum præterea, si per eandem speciem repræsentatur sensibile commune cum proprio, non plus deciperetur sensus circa commune quam proprium, quia species se haberet pariter ad vtrumque.

Respondetur ad primam rationem. Posse in mente distingui ac secerni plures species earum rerum quæ sensui externo per vnam speciem repræsentantur : posse etiam distinctè ac præcisè cogitari de vna re abstrahendo ab alia re quæ per eandem speciem repræsentetur. Imò in mente acquiritur species, & exercetur cogitatio, earum quoque rerum quæ nullatenus obuiauerunt sensui. Acquiruntur autem species & cogitationes in mente ex speciebus in sensu, non quia omnes eodem modo habere se debeant, sed benè possunt aliz species & cogitationes, magis distinctæ, & abstractæ, & reconditæ, ex speciebus exterioribus eleuari. Ad secundam rationem, patet manifestè, longè aliter se habere sensibilia communia à sensibilibus per accidens : nam sensibilia per accidens neque concurrunt ad immitte- tendam speciem, neque per illam repræsentantur, neque terminant actum sensationis : at sensibilia communia, hæc omnia præstant. Ad tertiam rationem, quamvis sit vna simplex species, benè potest repræsentare qualitatem sensibilem propriam sicuti est, & aliam affectionem de genere sensibilium communium aliter quam est : ut aspectui repræsentatur corpus distans cum

suo colore, sed non sub tanta magnitudine & tali figura quam reuera habet.

Nūquā Obijcit secundò Philaltæus ad *visu per-* probandum, percipi quoque actuali
cipitur sensatione aliquod commune sensi-
obiectū bile absque villo proprio. Noctū &
absque in tenebris percipimus adhuc ampli-
qualita tudinem vaulæ, altitudinem turris,
tibus p. longitudinem spatij. Imò & equi
prijs vi- in stabulo pariter percipiunt distan-
sibili- tiam vnius loci ab alio, & in via fi-
bus. guram accliuem aut planam.

Respondetur. Vel hic Auctor intelligit de perceptione sensus interioris siue imaginationis. Et sic ad rem non loquitur, dum quærimus de specie & sensatione oculorum. Imò, sicut imaginatio apprehendit quantitatem & figuram, ita quoque apprehendit colores & quæcumque alia sensibilia. Nec oportebat asserere tempus nocturnum & tenebrosum. Vel intelligit de perceptione & sensatione visiva oculorum. Et sic nescio, an ipse, & equi eius, quæquam vnquam viderint in meris tenebris absque villo prorsus lumine, supra morem omnium aliorum. Sanè exploratum est, nihil prorsus posse oculis terni absque aliquo lumine: at lumen, est sensibile maxime proprium oculorum. Itaque, vel nocturno tempore oculis ipsis videtur obiectum, si adsit aliquod saltem debile lumen sufficiens ad visionem: vel, excluso prorsus omni lumine, sola imaginatione apprehenditur obiectum.

An per- Obijci solet tertio ad idem probandum. Si quis subueheretur ad
cipiatu cælum, ibique manum admoueret
tactu cælo, tangeret planè cælum & sen-
absque tiret resistantiam, quia supponimus
proprijs cælum solidum & impermeabile: at
tangibi- in cælo nullæ sunt qualitates tangi-
libus. biles, neque calor, neque frigus, nec alia huius generis: igitur tactu perciperetur sola magnitudo quæ est

sensibile commune. Sed difficilior est: si deus expoliaret corpus aliquod ijs omnibus qualitatibus relinquens in illo magnitudinem & figuram: utique is qui manu comprehenderet tale corpus, v. g. pilam rotundam, aut lapidem quadratum, tactu sentiret quantum sit tale corpus, qua figura præditum, item an durum vel molle, an asperum vel lene; sentiret quoque si moueretur in manu: quæ omnia sunt sensibilia communia. Imò de facto, has affectiones tactu sentimus in corporibus quæ contrectamus, etiam si tactus non afficiatur ab eodem obiecto, calore vel frigore, alianè propria tangibili qualitate.

Respondetur. Ad casum illum de manu adnota cælo magis communiter dici solet, tunc non sentiendum fore cælum per veram sensationem tactus: sed benè quidem ibi interuenire tactum quætitatiuum, qualis est inter quæcumque duo corpora contigua: per sensum autem interioriorem percipi & cognosci resistantiam illam & impedimentum corporis obliuentis: Et ita pro defendenda immunitate cælorum à tangibilibus qualitatibus communem hanc responsionem adduximus q. 34. sect. 3. Verùm, hoc difficile apparet: quia sanè manus ipsa per sensum tactus videretur percipere ac deprehendere corpus solidum resistens. Et præsertim in alio casu addito, sine dubio manus deprehenderet figuram rotundam vel angularem, & asperitatem vel lenitatem corporis, quod contrectaret.

Aliter ergo possent fortasse excipi ex conclusione posita huiusmodi sensibilia communia specialiter respectu tactus: ita videlicet, ut etiam absque alijs qualitatibus tangibilibus proprijs, immitterent suam speciem, ac sentirentur per tactum: & ita eodem loco de Cælo indicaui
Ecc 3 mus.

mus. Nam aliter viderentur se habere circa tale corpus, tactus ac visus: visus enim non potest quicquam percipere sine lumine, tamen tactus posset adhuc illud contrectare & obseruare, ac deprehenderet molem, figuram, motum talis corporis. De facto verò, hæc sensibilia communia non immittunt speciem distinctam, sed bene concurrunt ad unam speciem adæquatam, quæ omnes affectiones sensibiles tam communes quam proprias repræsentet. Ablatis autem sensibilibus proprijs, tunc illa communia per se dicuntur sufficere ad imprimendam speciem determinatam pro sua sensatione.

Demum considerandum est, præter illas elementares qualitates primas, calorem & frigus, humidita-

tem & siccitatem, alias quoque esse qualitates tangibiles intra genus obiecti proprii tactus. Quamvis ergo corpus aliquod sit denudatum illis primis qualitatibus, poterit per alias tangibiles percipi sensu tactus. Inter has autem qualitates, sunt, solidum & fluidum, durum & molle: quæ non per se percipiuntur visu, nisi quod consequenter ex visione solent mente colligi: at per se percipiuntur tactu. Homo ergo tangens cælum, sentiret illud solidum: & sic sentiret omne aliud simile corpus: sentiret quoque durum & molle. Cum his autem affectibus sensibilibus proprijs, tactus perciperet etiam communes, quantitatis, figuræ, & similes.

QVAESTIO QVINQVAGESIMATERTIA.

De Speciebus Sensibilibus.

Speciei nomen in hac re dicitur pro imagine quadam repræsentatiua obiecti sensibilis. Et hoc nomine intelligitur qualitas quædam immixta & impressa ab obiecto in sensum, ad hoc ut sensus percipiat ipsum obiectum. Vocaturque species sensibilis, non quasi ipsa sit quæ percipi & sentiri debeat, ut nomen sonare videtur: sed quia pertinet ad sensum, & est potius principium sentiendi: unde melius fortasse potuisset appellari species sensitiva: sed retinendum tamen est consuetum nomen. Dicitur quoque species intentionalis, eo quod est principium cognitionis, quæ dicitur intentio, quia tendit in obiectum: unde est quidem verè realis, prout ens reale à rationis ente distinguitur; sed ea ratione dicitur intentionalis.

SECTIO PRIMA.

*Utrum requirantur ac rep-
riantur species in sensibus
ad percipiendum
obiectum.*

Sententia **S**pecies has prorsus negasse videntur Porphyrius lib. de Sensu, ut

refert Nemes. lib. 4. Philos. cap. 2., Plotinus Enneade 4. lib. 5. Galen. lib. 7. de Hipp. & Platonis decretis. Item ex nostris Durand. in 2. d. 3. q. 6. Gabr. q. 2. Ocham. in 2. q. 14. & 17. Attamen Durandus, cui hæc sententia simpliciter attribui solet, probare quidem nititur in 2. d. 3. q. 6., speciem non ita repræsentare obiectum, quasi sensus in ipsa specie libi ob-

oblata intueatur obiectum. Ac præsertim num. 11. admittit, imprimi speciem coloris in medio & in oculo: & num. 24. concedit in spiritibus corporeis remanere species & impressiones sensibiles abeuntibus sensibilibus, atque eas obijci sensibus. Denique nuper species omnes sensibiles negant Hieronymus Provençalus lib. de Sentib. par. 1. cap. 7. Thomas Gianninus in disp. de Lumine & speciebus cap. 27. & sequentibus Dandinus 2. de Anima digress. 31., qui hanc sententiam tribuit Græcis Peripateticis: & alij quoque Recentiores eandem sequuti sunt.

Rursus, specialiter pro sensu visus, species negasse reteruntur Plato & Platonici alijque Veteres, qui volebant, visionem fieri per extramissionem, idest ab oculis emitti quosdam radios visuales, qui peruenientes ad obiectum, illud visibile redderent. Et Arist. ipse aliquando pro hac parte stetit videtur. Ac nuper defendit Sebastianus Bassonus lib. de Visu Intent. 2. Et similiter Thomas de Garbo in sua summa lib. 1. q. 63. negavit species visibiles. Consequenter hi omnes in uniuersum, nullas species sensibiles agnouisse videntur, quia si dentur, maximè in sensu visus supponi deberent. Verum, illi qui voluerunt visionem fieri per extramissionem radiorum, vtrò potius supponebant requiri species ab obiecto, licet non vterentur nomine specierum. Nam volebant, radios delatos ad obiectum, ab illo affici & immutari, ac rursus inde resiliere ac redire ad oculos, tecumque veluti deferre ac oculis tribuere representationem: huiusmodi immutatio & representatio, apud nos dicitur species: atque ita illi Veteres, radios ab oculis requirebant, vt haurirent speciem visibilem ab obiecto, & ad sensum auherent.

Alij quoque ex nostris, non in-

omnibus sensibus, sed tamen in quibusdam, constituunt species. Gregor. in 1. d. 3. q. 1. & in 2. d. 7. q. 3. concedit in solis sensibus internis, negat in omnibus externis. Aliqui apud Zabar. lib. de Sensu agente cap. 4. tribuerunt inter sensus externos soli visui. Hurtad. disp. 12. de Anima sect. 1. concedit solum visui & auditui. Tolet. 3. de Anima q. 2. concl. 4. addebat quoque olfactui, negans species tactui & gustui, eo quod illis immediatè ac per se applicatur obiectum. Ideoque Hurtad., quia sic etiam videtur applicari olfactui suum obiectum, nempe vapores & halitus odorosi, nega ait quoque species huic sensui.

Communis tamen, non solum Philosophorum, sed & Theologorum sententia est, requiri ac de facto reperiri species representatiuas obiecti, esseque necessarias ad percipiendum ipsum obiectum. Ponuntur autem species in omni genere potentie cognoscitiue, nempe non tantum in sensibus, sed etiam in intellectu, de quo tamen postea agemus. Et vt plurimum poni solent in omnibus sensibus, non tantum internis, sed etiam externis, & in omnibus ipsis externis. Ita docent Philosophi cum Arist. in hac materia: & supponunt Theologi, dum agunt de visione beatifica, de cognitione angelica, & in alijs materijs; supponunt etiam SS. Patres, easdem materias attingentes.

Dico primò. Requiruntur ac reperiuntur absolute loquendo species sensibiles ad hoc vt per sensum percipiatur obiectum. Hæc assertio est nunc indefinita, non determinans pro omnibus sensibus: & ad eius veritatem satis esset vel in vno solo sensu demonstrare species.

Probatu primò ex Arist., qui passim species sensibiles supponere & constituere solet. Pluribus in locis

*Sententia
communis
affirmans*

*Conclu.
sio affirmans.*

supra q. 51. sect. 2. relatis, dicebat, sensum esse potentiam passivā comparatione obiecti, & sentire esse pati, utique eo quod sensus recipiat speciem ab obiecto. Præsertim 7. Phys. 12. *Ipsi sensus alterantur: patiuntur enim, actus enim ipsorum, motus est per corpus, patiente aliquid sensu.* Quod totum sine dubio dixit ratione speciei quam sensus debet recipere à corporeo obiecto. Et 2. de Anima 52. hanc reddit rationem quare sensus non percipiat seipsum, quia ait debere pati aliquid à sensibili: & sicut combustibile non comburitur per se sine combustivo, ita sensus debet immutari à sensibili externo ad hoc ut sentiat: & tex. 59. ait, activa quæ immutant sensum ad operandum, esse extra sensum, ut visibile, audibile, & reliqua sensibilia. Rursus tex. 62., attingens quoque naturam speciei, quæ dicitur imago quædam & similitudo obiecti, ait, sensum de se non existentem similem obiecto, pati ab illo, & sic fieri tale quale ipsum, id est fieri simile in representando, ratione utique speciei. Textu 71. ait, colores ab obiecto diffundi per medium, ideo quod medium debere carere omni colore proprio: diffundi scilicet in esse intentionali & representatione per species. Textu 74. contra Democritum dicentem, per vacuum perspicuum exquisitè fore quodcumque obiectum etiam formicam in celo; docet, per vacuum nihil omnino fore videndum, quia sensus debet pati aliquid ab obiecto per medium. Clarissime tex. 121. ait, *Sensus est id quod est susceptivum formarum sine materia:* & explicat, sicut cera recipit in se figuram annuli aurei vel ferrei, non tamen substantiam terri vel auri: sic nempe voluit, sensum recipere imaginem & similitudinem obiecti. Et iterum tex. 138. *Unum quodque sensorium susceptivum est*

sensibilis sine materia, unde absentibus sensibilibus insunt sensus & imaginationes in ipsis sensorijs. Demum lib. de Memoria & reminisc. cap. 2. asserit: *Manifestum est, factam esse per sensum in anima, & in parte corporis habente ipsam passionem, velut picturam quandam: factus enim motus imprimit veluti figuram quandam, sensibilis sicut sigillantis annuli.*

Secundò probatur conclusio clara ex-
 ris experientijs. Præcipua est ex re-
 flexione in speculo ad sensum vitus: *Ab ex-
 perien-
 tia.*
 propter quam Durand. num. 9. dixit, *Species originaliter videri introdu-
 ctas ratione visus & sensibilibus eius,
 quia color videtur facere speciem sui
 in medio & in organo, sicut sensibili-
 ter apparet in refractione qua fit in
 speculo: nisi enim, inquit, istud fuisset,
 nunquam forisasse fuisset facta
 mentio de speciebus ad cognitionem
 requisitis.* Constat itaque, nos vi-
 dere in speculo ea quæ verè ibi non
 sunt, tamen ibi repræsentantur &
 conspiciuntur. Hoc autem non ali-
 ter fieri potest, nisi quia ab obiecto
 immittitur species per totum mediū,
 & in ipsum speculum, & ex speculo
 reflectitur ad oculum vidētis, & ideo
 is virtute speciei intuetur obiectum
 in speculo. Alia experientia est: ij
 qui oculorum debilitate laborant,
 valde iuvantur inspicillis ad hoc in-
 stitutis, ita ut clarè ac distinctè vi-
 deant ea quæ alioqui prorsus confu-
 sè viderent aut nullo modo viderēt.
 Hoc etiam non aliter cōtingere po-
 test, nisi quia ob densitatem & cer-
 tam figuram vitri, vigoratur & ro-
 boratur species, quæ proinde vali-
 dius immutat sensum, & sic movet
 ad videndum. Eademquè ratione
 nummus positus in fundo valis, si
 vas impleatur aqua; conspicietur ex
 certo loco & distantia, ex qua alio-
 qui non conspiciebatur in vase sine
 aqua, impediēte nimirum latere
 valis: quia scilicet per aquam spe-
 cies

cies refrangitur & traicitur ad oculum. Rursus, id quod iacet intra aquam, apparet maioris molis, quia nempe per aquam veluti addensatur species. Ideo etiam apparet propinquius: unde baculus secundum medietatem immersus in aqua, apparet veluti fractus, quia videlicet pars immersa apparet propinquior quam appareret per aerem.

Alias duas experientias affert D. August. lib. 21. de Trinit. cap. 2. quibus confidit tardioribus etiam ingenijs persuadere species, quibus alioqui difficiles videntur. Vna est: Cum diutius inspexerimus aliqua luminaria, vel cancellos luce perfusos, ac deinde auertamus vel claudamus oculos; adhuc in conspectu versantur quidam lucidi colores, sese commutantes, ac sensim deficientes donec evanescent. Hoc, inquit August. fit per reliquias illius formæ & imaginis quæ impressa fuerat in sensu. Altera experientia est: Cum diuaticatis oculis intuemur lucernam, gemina flamma conspicitur: nisi autem fieret in sensu imago simillima rei quæ cōspicitur, non secundum oculorum numerum flammæ species geminaretur. Alioqui, si vnum oculum claudamus, & alterum quomodolibet deducamus, aut detorqueamus, adhuc obiectum conspicitur simplex & vnum. Aliæ præterea varietates & observationes in hac re considerari possunt, in visione contingentes, quæ satis clarè species requisitas ostendunt.

*Ratio-
nibus à
posteriori.* Tertiò vterius. Nisi requiratur species in sensu, v.g. in oculo ad videndum, sequeretur, quòd etiam per medium vacuum & inane conspiceretur obiectum: item quòd etiam si interponatur obstaculum aliquod densum & opacum deberet adhuc conspici obiectum; rursus posse percipi & videri in quantacumq; distantia: posse etiam æquè benè &

exquisitè videri in maiori ac minori distantia. Quæ omnia sunt manifestè absurda, & contra experientiam. Ratio autem quare hæc non contingant, non potest esse alia, nisi quia requiritur species ab obiecto diffusa, quæ proinde debet transire per medium aptum, & peruenit ad certam distantiam, & validior est in propinquo quàm in remoto, sicut manifestum est in productione lucis. Cōfirmatur hoc totum: quia idcirco sensus internus & intellectus potest cogitare de obiecto in quavis distantia, & sine vlla limitatione loci & mediij, quia nō indiget specie actualiter defluente ab obiecto, sed illam semper in se retinet: si ergo sensus externus nulla indigeret specie, posset pariter ac deberet, sine ope mediij, et in omni distantia, percipere suum obiectum.

Quartò denum. Ratio à priori *Ratione
a priori.* quare species sit necessaria, hæc solet afferri, quia potentia est de se indeterminata et indifferens ad quodcumque obiectum sibi proportionatum, v.g. visus ad omne visibile, unde debet determinari ad certum obiectum, determinaturque per speciem quæ est imago repræsentatiua obiecti. Hæc tamen ratio non videtur sufficiens: quia contendet quis, satis determinari potentiam per præsentiam ac debitam applicationem obiecti. Addendum ergo amplius est, Cum cognitio ex natura sua sit imago & repræsentatio expressa obiecti cogniti, non potest à sola potentia hanc suam rationem accipere, sed debet potius ab eodem obiecto cuius est similitudo & repræsentatio. At verò non potest obiectum per se & immediatè concurrere ad actum in sensu, quia vel est remotum, vel non est idoneum: ideo loco sui immitit speciem tanquam imaginem & similitudinem impressam, quæ aptè concurrat ad eliciendum cognitionem;

nem. Vnde species appellatur obiecti vicaria, appellatur semen obiecti. Iuxta quod D. August. lib. 11. de Trinit. cap. 5. *Visionis, inquit, quasi sit in sensu cernentis, quasi parens est species corporis ex qua fit: sed parēs non propriè & verè, unde nec ista vera proles est, sed quasi proles.* Idem interius applicat sensui interno. Propterea, quando obiectum est satis per se coniunctum & idoneum ad talem concursum, non requiritur alia distincta species. Sic dicuntur Angeli cognoscere seipsos per suammet essentiam, & Beati dicuntur intueri Deum per eandem essentiam diuinam, eorum menti coniunctam, & immediatè concurrentem ad eliciendum visionis actum.

Constituuntur species in omnibus sensibus.

Dico secundò. Requiritur ac reperiuntur species in omnibus sensibus ad percipiendum suum obiectum. Hæc assertio quoad sensus internos est communis omnium qui admittunt species. Patet expressè ex Arist. præsertim 2. de anima tex. 138. & de Memor. et reminisc. cap. 2. Probaturquè ratione ex illo deprompta: quæ repræsentantur nobis interius sensibilia, etiam quando realiter non sunt præsentia; recordamur enim et recogitamus quæ aliquando percepimus, ac etiam in brutis nuenitur sensus interior operans circa obiecta absentia. Hæc autem interior cogitatio sensitiva, non aliter exerceri potest, nisi quòd impressa remaneat in sensu interno species & imago repræsentatiua obiecti, cuius virtute idem sensus internus apprehendat ac percipiat obiectum cuius est illa species. Et ideo illas tantum res interior sensus apprehendere potest, quarum per sensus externos acquisiuit species.

Quoad sensus externos res est etiam clara de sensu visus ex conclus. præcedenti. In hoc enim specialiter exercentur experientiæ quas

adduximus. Et ratio est in promptu, quia visus percipit obiectum distans atque remotum. Neque verò debet aut potest fieri visio per extramissionem. Vel enim illi radij exeuntes ab oculo essent accidentia, vel essent corpuscula quædam. Si accidentia, non possent redire ad oculum. Si corpuscula quædam, deberent esse in tanta copia quæ totum mundum replerent, & pertingerent usque ad suprema sidera, nec utique possent in momento deduci ab oculo ad obiectum, & reduci ab obiecto ad oculum. Deinde in sensu auditus requireretur quoque species, quia pariter percipit sonum qui fit in loco distanti. Eademquè ratio erit de sensu olfactus apud eos qui volunt sentiri odorem etiam si non perueniat realiter ad ipsum sensorium. Apud eos verò qui volunt debere realiter peruenire, erit eadem ratio ac de gustu & tactu.

Etiam ergo in gustu & tactu requiri species, habetur ex Arist. 2. de Anima 121. ubi vniuersaliter dixit, oportere omnem sensum esse susceptiuum formarum sine materia, idest specierum. Ratione probat S. Thomas 1. par. q. 78. art. 3. quia alioqui si sola immutatio naturalis sufficeret absque alia immutatione spiritali seu intentionali; sic corpora quæuis naturalia sentirent dum alterantur ac naturaliter immutantur. Sed planè hæc ratio non probat intentionem. Nam etiam immutatio intentionalis fit in corporibus naturalibus, ut species vitibiles diffunduntur in aere & in speculo; nec propterea hæc corpora sentiunt. Requiritur ergo præter immutationem ex parte obiecti, potentia vitalis & sensitiva ex parte subiecti, & ideo non nisi animalia sentiunt.

Alia itaque ratione probatur assertio: quia obiectum tangibile & gustabile, non ita potentia iungitur,

Etiam in tactu et gustu.

tur, ut illi insit, vel intimè uniatur, sed tantum fit loco propinquum & contiguum: at omnis potentia cognoscitiva solet suum actum elicere, vel quia per se afficiatur forma determinante, vel quia illi fit intimè unitum obiectum, ut patet in exemplis antea adductis. Sed ulterius, etiam si qualitas sensibilis inhæreat eidem organo sensitivo, adhuc non videtur per se sufficere: quia, omnis actus cognitionis est quodammodo à materia eleuatus, adeo ut Arist. dixerit fieri per formas sine materia, & D. Thomas immutationem per species vocauit spirituale: at obiectum secundum se est maxime materiale: non ergo videtur per se idoneum ad eliciendum actum sensationis: præstabit què ponere speciem sensibilem quæ erit idonea & proportionata. Imò hæc ratio reddi solet, quare sensibile positum supra sensum non sentiatur, & sumitur ex Arist. 2. de Anima 75. & 98., & manifestè verificatur de visu, & ab alijs applicatur etiam auditui & olfactui, & in quibusdam extenditur quoque ad gustum & tactum. Ratio inquam redditur: quia species prope obiectum, non est ita attenuata, sicut requiritur ad sensationem. Et hinc demum sunt qui v. liot, gustum & tactum neutiquam percipere obiectum immediatum, sed vel sensationem fieri in solis nervis intra carnem reconditis, vel vnâ organi partem sentire qualitatem existentem in alia parte. Aut, etiam si dicatur organum percipere obiectum sibi immediatum, adhuc conueniens erit addere speciem, quæ simul cum potentia sit sensationis principium.

Species Contra omnes species Obijcit non re. primò Durand. omne illud per quod præsen. tanquam repræsentatiuum potentia rat obie. cognoscitiva fertur in obiectum, est Effectiue sed primò cognitum: sed species colo-

ris in oculo non est primò visa, & effectiue. idem est de omni alia specie in omni alia potentia cognoscitiva: ergo non per speciem tanquam repræsentatiuum fertur potentia in obiectum. Maiorè probat: quia omne id quod se habet obiectiue ad potentiam, utique ab illa cognoscitur: sed omne quod repræsentat, se habet obiectiue; supplet enim vicem rei repræsentatæ, quæ si esset præsens haberet se obiectiue ad potentiam: ergo omne repræsentatiuum erit primò cognitum à potentia.

Respondetur. Aliud est quod repræsentat obiectiue, sicut statua Cæsaræ repræsentat Cæsarem, & hoc debet esse primò cognitum: aliud est quod repræsentat effectiue, id est est principium effectiui actus quo cognoscitur obiectum, & hoc nequaquam debet cognosci ab eadem potentia: huiusmodi est species impressa. Rursus duplex est munus obiecti erga cognitionem; nempe terminare, & efficere: species impressa non ponitur ad supplendum primum munus obiecti, quasi debeat terminare cognitionem vice obiecti, sicut statua Cæsaræ cernitur loco Cæsaræ, sed ponitur ad supplendum aliud munus effectiui, quod non potest exercere obiectum per se, sed debet mediante specie: vnde etiam si obiectum sit præsens, adhuc requiritur species.

Obijcit secundò. Si species duceret in cognitionem obiecti, utique id faceret in quantum similitudo & imago: sed imago ducens in cognitionem rei, utique est primò cognita: & intelligi non potest, potentiam duci in cognitionem alterius rei per aliquid sibi incognitum: igitur species deberet primò percipi à sensu: verè ergo nulla datur species.

Respondetur cum eadem distinctione. Alia est imago expressa & forma.

Non ut imago expressa, sed impressa.

formalis, obiectiue repræsentans; & hæc debet per se cognosci, qualis est statua Cæsaris: alia est imago impressa & virtualis, repræsentans effectiue: & huiusmodi est species quâ dicimus requiri in sensu: non ergo debet cognosci, & percipi ab eodem sensu: sed ipsa incognita ducit effectiue in cognitionem idest sensationem obiecti.

Visio Obijcies deinde tertio specialiter non fit p circa visum. Arist. 3. Meteor. cap. extra 3. & alibi significat, visionem fieri missionem per extramissionem radiorum ab oculi radiorum lo. Idem ab experientia probat Bassonius, quia ideo tam validè iuuatur oculus inspiciens per tubum opaticum nuper inuentum, quia intra tubum colliguntur radij, & ideo longius protenduntur: ideo etiam existens quis in fundo putei, conspicit interdum stellas, quia pariter colliguntur radij; & non propter obscuritatem loci, non enim conspicit existens in cubiculo tenebroso.

Respondetur. Extramissio radiorum ab oculo, non auferret, sed deferret potius species ab obiecto, vt ab initio notauimus. Sed simpliciter non est necessaria. Arist. verò interdum loquutus est ex hypoteli illius sententiæ tunc celebris, cum nondum determinauerat qualiter fieret visio. Ad illas experientias latius esset dicere, iuuari visum quia colliguntur species, non quia radij. Sed reuera tubus non iuuat quia tubus, sed vltra in extremis tubi enim certa proportione & distantia sunt quæ iuuant, ac perinde iuuarent ablato tubo. Ex fundo putei conspiciuntur stellæ, quia obscuritas illius spatij iuuat visum: in cubiculo autem vel impeditur aditus inter obiectum & oculum, vel admittitur lumen: & alioqui si cubiculum sit ita oblongum vt in intimo recessu non recipiat lumen, sed in primo ingressu relinquat aditum visus, pariter ex illo

conspiciuntur stellæ.

Aliæ demum difficultates occurrunt circa species, ac præsertim visibiles. Sed quia attingunt naturam & conditionem specierum, iam deinceps expediendæ sunt.

SECTIO SECVNDA:

Quid sint Species sensibiles: An sint qualitates diuersæ rationis ab ijs quas representant.

Q Vidam Veteres putasse videntur, species esse corpuscula quædam substantialia, dissimilia ab obiecto, & peruenientia vtiq; ad sensum, in quo facerent sensationem. Sic referuntur Epicurus, Democritus, & alij qui naturalia corpora ex atomis constituebant. Imò refert D. August. epist. 56. longè post medium, *Nescio quem suis temporibus magnum putatum, qui Deos esse arbitraretur imagines quæ de solidis corporibus fluere.* Ex nostris verò Auctoribus, Durand. in 2. d. 3. q. 6. num. 17. & sequentibus, & in 4. d. 49. q. 2., Vallet. lib. 2. controuers. cap. 26. & Celsus Mancinius lib. de Synaugia Platonica cap. 5., volunt, species esse eiusdem rationis cum qualitatibus sensibilibus quarum sūt representatiuæ: speciem lucis esse lucem, albedinis albedinem, & sic de alijs.

Dico primò. Species sunt accidentia quædam verè in hærentia subiecto, & propriè sunt qualitates vel primæ vel secundæ speciei. Est communis. Et primò probatur, species non posse esse corpuscula per se existentia: quia nec possent diffundi per medium, nec recipi in sensum: nam in toto medio deberent penetrari cum ipso medio, v. g. acre, aliouè corpore: deberet etiam penetrari in-

Species non sunt corpuscula substantialia.

ter tot varia corpuscula rerum sensibilium : quoniam in quolibet puncto medij reperiuntur species omnium rerum circumstantium : ex quolibet enim puncto intra debitam propinquitatem percipi possunt res sensibus expositæ . Item nec possent recipi in organo corporeo sensitivo quia pariter deberent penetrari cum illo ; quia penetratio inter substantias corporeas est naturaliter impossibilis . Insuper non possent talia corpuscula indefinenter de nouo produci ab obiecto : nec possent esse particulæ eiusdem obiecti , ab eo decitæ & immixtæ , quia sic totum obiectum breui consumeretur & resolveretur in corpuscula . Multo magis verò desipiebant illi qui eas imagines vocabant Deos .

*Sunt
acciden-
tia .*

Secundò . Hinc sequitur species esse accidentia quædam , realiter inherencia subiecto , nempe toti medio per quod diffunduntur , & organo corporeo in quo recipiuntur : ita ut sicut agens luminosum , aut calidum producit lumen , aut calorem per totum medium usque ad extremum suæ spheræ , sic obiectum visibile producit speciem sui per totum medium , inhaerentem realiter ipsi medio , & receptam in organo sensitivo . Species ergo est verè accidens quoddam realiter subiecto inhaerens .

*Sunt
qualita-
tes .*

Tertiò . Facile patet speciem esse potius qualitatem inter omnia genera accidentium . Neque enim species dici potest quantitas , vel relatio , aut actio , vel ubi , & sic de reliquis generibus accidentium ; sed in toto rigore species participat essentialem rationem qualitatis .

Quartò . Si species consideretur quatenus adiuvat potentiam sensitivam ad eliciendum actum sensationis , est veluti habitus aut dispositio , quæ est prima species qualitatis . Si consideretur quatenus ex parte obic-

ti primario concurrat ad actum veluti semen obiecti , sic se habet tanquam potentia quæ est secunda species qualitatis : ita ut sicut visus v. g. est potentia ex parte animæ , ita sit species ex parte coloris .

Dico secundò . Species sunt qualitates diuersæ rationis à qualitatibus sensibilibus , quarum sunt representationes . Hæc pariter est communis . Et indicatur ab August. 11. de Trin. cap. 2. Probatur primò : quia idcirco ponuntur species loco obiecti , quia non potest ipsummet obiectum per se coniungi potentia & concurrere ad sui cognitionem , ut dicebamus : species ergo est qualitas alterius rationis à qualitate , quæ sentitur .

*Sunt di-
uerse
rationis
a quali-
tibus
quas re-
presen-
tant .*

Secundò . Certè nullus color producit ab obiecto colorato in ære , vel in speculo , vel in oculo , vel in sensu interno : non producit albedo ab albedine , & sic de singulis alijs coloribus : producuntur tamen species , quæ dicuntur visibiles : plane ergo hæ species sunt diuersæ rationis à suis qualitatibus quas representant .

Tertiò . Diuersæ qualitates plerumque sunt inter se contrariæ , ut in genere colorum albedo & nigredo : attamen in eodem subiecto recipiuntur species contrariarum qualitatum , nempe albedinis & nigredinis , dum videlicet vnum subiectum album & aliud nigrum simul exposita sunt . Ergo species harum qualitatum non sunt essentialiter albedo & nigredo , sed sunt prorsus diuersæ rationis , & non sunt inter se contrariæ .

Quartò . Species non solum representat sensibile proprium talis sensus , sed etiam sensibilia communia , quæ cum illo reperiuntur , utpotè quantitatem & alia : sed certè quantitas non potest representari formaliter per colorem , nec dici potest producere aliam similem quantitatem .

titatem repræsentatiuam sui: species ergo est aliud quid diuersæ rationis à toto obiecto sensibili.

Quintò demum. Actus cognitionis nō est eiusdē rationis cum obiecto, licet sit imago & similitudo expressa eius. Item species intelligibilis in intellectu, non est vtique eiusdem rationis cum obiecto intelligibili: ergo species quoque impressa sensibilis, dici debet diuersæ rationis à suo obiecto, repræsentatiua tamen eius.

Hinc fit manifestum, friuolam esse rationem qua Durand. loco cit. in 4. probat, & alij quidam vtuntur, non posse dari speciem impressam repræsentatiuam Dei ad eliciendum actum visionis beatificæ: quia inquit, species debet esse eiusdem naturæ cum obiecto: dari autem non potest vlla res creata eiusdem naturæ cum Deo. Iam enim patet, non debere nec posse speciem esse eiusdem naturæ cum obiecto. Et alioqui simili ratione probaret quis, non esse possibilem actum visionis, quia deberet esse eiusdem naturæ cum obiecto viso, cum sit species expressa eius. An autem alia ratione repugnet species impressa Dei; in suo tractatu theologico videndum erit.

*Species
ac nomi-
nat sum
subie-
ctum.*

Obijcies primò ad probandum speciem non esse accidens: Omne accidens denominat subiectum, vt albedo album, color calidum: sed species non videtur denominare vllum subiectum, ergo non est accidens. Insuper experientia constat, læso cerebro excidere è memoria res antea notas, atque adeo amissas esse species talium rerum: quod non aliter fieri potuit, nisi quia species sint corpuscula quædam quæ tunc effluerint.

Respondetur. Species denominare omne subiectum in quo sunt, ad modum aliorum accidentium: denominatur autem subiectum, ha-

bens speciem, licet non adsit nomen quoddam simplex concretum ad hanc denominationem proferendam, sicut ab albedine album. Amittuntur autem species internæ læso cerebro, non quia tanquam corpuscula effluant, sed quia tanquam qualitates inhærentes aboleantur & euanescent, vel subtracto subiecto, vel ablata debita ac requisita dispositione subiecti.

Obijcies secundò ex Durando, *Produ-* ad probandum speciem esse eiusdem *citur a-* rationis cum sua qualitate sensibili. *quinocè* Ita se habet color obiecti ad spe- *a suo* ciem quam efficit in medio, sicut lu- *obiecto?* men obiecti ad lumen medij: sed omne hoc lumen est eiusdem rationis, solumquē differunt penes magis & minus perfectum: ergo ita etiā color obiecti & species medij.

Respondetur. Negatur maior. Patet enim, eas differentias quas adduximus inter colorem & speciem, non reperiri inter lumen & lumen. Facienda autem est comparatio cum lumine & specie luminis: & hæc species est diuersæ rationis à lumine, sicut species coloris à colore.

Obijcies tertio ex eodem. Actio omnium aliorum sensibilibum in sensum, est taliter vniuoca, quod calor vt sentitur producit calorem in medio et in organo tactus, & sic alia sensibilia: ergo ita etiam existimandum est in sensu visus.

Respondetur. Negatur antecedens & consequentia. Nam non omnis qualitas sensibilis est productiua sui similis: odorē nō producit odorem, licet ex corpore odoroso expiret aliqua exhalatio deferens eundem odorem. Agit autem calor, & aliæ primæ qualitates, quæ sunt sui similitum productiue: sed non propterea omnes aliæ qualitates debent eadem actiuitate pollere. Deinde, calor non sentitur formaliter per calorem, per speciem sui quam

quam simul cum calore producit: itaque etiam si omnis qualitas sensibilis esset sui similis productiva, non sequeretur, colorem debere sentiri per similem colorem à se productum.

Est si- militudo obiecti in re- presentando. Obijcies quarto ex eodem. Species est similitudo obiecti: sed non est similitudo earum quæ differunt essentialiter: ergo species non differt essentialiter ab obiecto.

Respondetur. Alia est similitudo in essendo, & hæc potest etiam intercedere secundum naturam genericam inter ea quæ differunt specificè: alia est similitudo in representando, quæ scilicet representat aliam rem: & hæc optimè potest esse diuersæ rationis essentialiter in essendo: Sic utique se habet actus ipsæ cognitionis respectu obiecti cogniti: non ergo oportet, speciem impressam esse eiusdem rationis essentialiter cum obiecto quod representat.

SECTIO TERTIA.

An & quo pacto species sensibiles sint corporea, & diuisibiles in essendo, indiuisibiles in representando.

ARISTOTELES vocauit species, formas sine materia, hoc est immateriales: & S. THOMAS vocauit formas spirituales: & sic pariter eas appellauit D. AUGUSTINUS lib. 12. de Genesi ad litt. cap. 16. & AUERR. 2. de Anima comm. 97. & 101. Videtur què necessarium, ut species sint in extensione indiuisibiles, quia in modicissima pupilla, & in quolibet puncto totius mediij, colligitur species representatiua totius magni obiecti, ut, in omni, aut alterius huiusmodi.

Dico tamen primò. Species sensibiles sunt corporeæ & extensæ ac diuisibiles in essendo. Hæc conclusio est communis & certa. Explicatur & probatur: quia species recipitur in subiecto corporeo & extenso, ac sine dubio cum illo pariter coextenditur: non enim illa eadem species quæ est in vna parte subiecti, est simul in omni alia parte, ad eum modum quo Angelus est in loco, & anima rationalis in corpore: sed omnino, sicut alia accidentia recepta in subiecto corporeo coextenduntur cum illo secundum diuersas partes, tales quoquæ sunt species. Non solum enim omnia accidentia, sed etiam omnes formæ substantiales corporeæ, quæ à materia dependent, sunt integraliter diuisibiles & coextenduntur ipsi materiæ, ut iam ostendimus circa animam in communi. Et præterea species sensibilis efficitur ab obiecto corporeo, ordinatur ad eliciendum actum sensationis corporeæ, deseruit potentia sensitivæ & organo corporeo: ergo est prorsus corporea & materialis & non spiritualis: vnde participat extensionem corpoream & quantitatiuam, & sic est diuisibilis per partes extra partes.

Dico secundò. Species sensibiles sunt indiuisibiles in representando. Hæc assertio pariter est communis. Explicatur & probatur: quia species non ita se habet quasi variæ partes eius representent varias partes obiecti. Si enim species esset sic per partes extensa, utique non posset tota species representatiua magni obiecti, restringi in tam exigua pupilla & in qualibet exigua parte mediij. Sed necesse est, speciem ita se habere, quod quamuis sit extensa per totum medium, tamen qualibet pars eius ubicumque signetur, sit representatiua totius obiecti. Atque adeò, dum species obiecti vltibilis diffunditur

Sunt corporea, & diuisibiles in essendo.
Sunt indiuisibiles in representando.

ditur per totum aerem, non distribuitur per partes in representando, quasi in vna parte aeris recipiatur species representatiua vnius partis obiecti, & in alia alterius partis: sed potius ubicumque signetur, ibi inuenitur species representatiua totius obiecti. Itaque, species per totam suam extensionem, omnesque partes extensiuas, est prorsus homogenea & vniformis, representans totum obiectum. Eademque simplex species, quæ representat vnâ partem obiecti, representat quoque omnes alias partes, totumque ipsum obiectum. Atque hoc pacto species est indiuisibilis in representando, quamuis sit diuisibilis in essendo.

Hac etiam ratione, species in organo sensus ita recipitur, vt coextendatur per totum organum: eius tamen quælibet pars in quauis minima parte organi representat totum obiectum. Pariter atque actus sensationis, v. g. visionis, coextenditur per totum organum, totam nempe pupillam oculi: tamen in qualibet particula organi inuenitur visio representans totum obiectum: & sic est diuisibilis in essendo, indiuisibilis in representando.

Hac verò indiuisibilitas speciei manifestè colligitur ex eo quod totum obiectum conspicitur ex quouis puncto medij. Si enim alioqui species constaret diuersis partibus representatiuis diuersarum partium obiecti, & secundum has suas partes extenderetur per medium; vtique ex vna parte medij. solum vna pars obiecti conspici posset, & non totum obiectum. Neque cogitari potest, in quolibet puncto medij recipi speciem secundum diuersas partes representantem partes obiecti. Sed cum species non extendatur per subiectum secundum diuersas partes in representando; certè non debet in vno & eodem puncto

constitui ex tot partibus representatiuis quot sunt partes obiecti: quauis oppositum affirmant Suarez 3. de Anima cap. 2. Hurtad. disp. 12. de Anima sect. 5. & quidam alij Recentiores, contra quos specialiter distremus sect. 5. circa productionem speciei ab obiecto. Eadem igitur simplex species in quolibet puncto medij representat totum obiectum. Iuxta hoc Perspectiuum docent, visionem, seu productionem speciei, fieri ad modum pyramidis, cuius batis sit in superficie obiecti visi, vertex autem in quouis puncto medij, seu in centro oculi in quouis puncto spatij constituto: quia nempe à toto obiecto visibili ad quoduis punctum spatij terminatur species representatiua totius, & à quouis puncto duci potest visio terminata ad totum obiectum. Propter quod dum intuemur aliquod magnum obiectum; si paruum aliquod obstaculum interponatur prope oculum, penitus impedit visionem; si autem ponatur prope obiectum, modicam eius partem occultabit: quia nempe pyramis, quò magis accedit ad verticem, eò magis attenuatur, & sic minori obstaculo tota potest excidi.

Ex hac assertionem sequitur, specie esse imaginem obiecti, non quasi formalem qualis est imago depicta vel sculpta: sed solum esse imaginem virtualem, hoc est quæ adiuuat potentiam ad eliciendum actum cognitionis qui representat obiectum: & ex virtute ipsius speciei tanquam seminis obiecti, actus cognitionis habet similitudinem & contortitatem cum obiecto representato. Vnde ipsa species nec representat formaliter obiectum, sed tantum virtualiter, quatenus est principium cognitionis quæ est formalis representatio. Aristoteles autem cap. 2. de Memor. & Reminisc. species appellauit veluti picture, quia scilicet ha-

*Sunt
virtua-
liter
imago
obiecti:*

habent rationem imaginis, licet longè diuerso modo, quoniam pictura est imago formalis seu obiectiua, species virtualis seu effectiua.

*Quali-
ter di-
cantur
imma-
teriales et
spiritua-
les.*

Ceterum, ex his debent explicari authoritates illarum initio adductarum. Dicebantur enim species, veluti immateriales & spirituales, eo quod imitantur huiusmodi res, dum sunt indiuisibiles in representando. Et præterea Aristoteles intellexit, species esse formas sine materia, id est sine materia obiecti representati. Species enim coloris in oculo, est forma sine colore, & sic de alijs: iuxta exemplum ab eodem Aristotele allatum, sicut ceræ imprimitur figura annuli, non autem materia annuli. Patet etiam, quo pacto species simul sit diuisibilis in essendo ac indiuisibilis in representando. Atque, quod dictum est de extensione, applicandum pariter est in intensione: nempe speciem esse quidem diuisibilem in intensione, & constare ex pluribus gradibus; tamen quemlibet gradum, & quamcumque minimam partem intensiuam, representare totum obiectum.

*Quali-
ter re-
presen-
tes obie-
ctum sim-
plex in
speculo.*

Obijcies præterea primò. Si species est indiuisibilis in representando, sequitur in reflexione ex speculo resilire speciem representatiuam totius obiecti ex quolibet puncto speculi; vnde vltèrius deberet obiectum totum cerni in singulis partibus & punctis speculi velut infinities replicatum. Potius ergo putandum videtur, speciem esse diuisibilem in representando, & sic diuisibiliter per partes resilire ex speculo.

Respondetur. Verè ex quouis puncto speculi reflecti speciem æquè representatiuam totius obiecti: sed tamen non congeminantur & multiplicantur tot species in oculo ex infinitis partibus speculi, sed vna simplex species producit à toto

speculo: vnde debet obiectum ita simplex apparere in speculo per reflexionem, sicut quando directè cernitur in seipso: quia obiectum apparet vnum vel multiplex iuxta rationem speciei, & per vnam speciem non nisi vnum conspicitur obiectum: Ideo què per inspicilla quædam multis quadrulis seu arcibus distincta, per quas plures species eiusdem obiecti congeminantur in oculo, obiectum apparet valde multiplex.

Obijcies secundò. Si species est indiuisibilis in representando, non posset obiectum apparere diuisibiliter in speculo per partes ipsius speculi: ex qualibet enim parte speculi resultaret species representatiua totius, vnde deberet pariter totum obiectum in vna parte apparere, nec esset maior ratio cur hæc pars obiecti conspiceretur in hac parte speculi & alia pars in alia parte.

Respondetur. Obiectum debere, apparere diuisibiliter in speculo: quia apparet sicut est in se, & ideo apparet distinctè per partes speculi. Itaque non in vna qualibet parte speculi apparet totum obiectum, sed in toto speculo simul distinctè per suas partes apparet obiectum vnum. Qualibet autem pars obiecti apparet in illa parte speculi cui directè opponitur, habito respectu obiecti ad speculum, & speculi ad oculum. Ideo qui se collocat ante speculum, cernit dexteram suam in sinistra speculi, & sinistram suam in dextera speculi: quia nempe sic hæc partes se directè respiciunt, sicut cum duo homines facie ad faciem tibi mutuo conuersi sunt. Ideo rursus in speculo concauo obiectum apparet inuersum, videlicet homo apparet cum pedibus supra, capite infra: quia videlicet, ob concauitatem speculi, pars superior hominis directè est ad partem inferiorem speculi. Ideo similiter qui se conspiciunt in aqua ia-

*Quali-
ter re-
presen-
tat exte-
rius di-
uisibili-
ter per
partes.*

cente intra vas super terram, videt sui pedes supra, caput infra: quia nempe sic dirigitur obiectum ad aquam: & quia præterea, eò profundius conspicitur obiectum veluti ultra speculum, quò magis obiectum ante speculum distat à speculo, eò quòd species repræsentat nò solùm obiectum, sed distantiam quoque obiecti: quia ergo in illo situ caput hominis magis distat superius ab aqua recente, ideo profundius velut intra aquam conspicitur: non quia alia sit species repræsentans pedes cum minori distantia, alia repræsentans caput cum maiori: sed quia eadem species repræsentat omnes & singulas partes prout sunt cum suis affectionibus, & inter eas cum diuersa proportionem distantia.

Quomodo una simplex species repræsentet diuersas partes obiecti.

Obijcies tertio. Solet obiectum constare ex partibus valde diuersis, non solùm figura & situ, sed etiam coloribus, ut manifestum est: sed certè differre debent species quæ diuersa obiecta repræsentant, nec eadem species repræsentat v. g. album & nigrum: ergo non potest esse vna indiuisibilis species totius obiecti.

Respondetur. Esse vtiq; diuersas species quæ repræsentent distincta obiecta totalia, quarum singulæ determinatæ sint ad suum obiectum. Quando tamen obiectum est vnum totale, constans ex partibus dissimilibus; vna est species indiuisibilis, repræsentans ipsum quatenus vnum totum. Tunc enim non datur vna species determinata ad hanc, & alia ad illam partem, vel ad vnum & aliud colorem: sed tota species adæquatè complectitur totum obiectum, determinatur enim ad obiectum totale. Sicut pariter, quamuis diuersa sit visio qua intuemur album per se, & alia qua per se cernimus nigrum; tamen eadem simplex visio est, qua intuemur vnum totum obiectum

partim album partim nigrum.

Obijcies quarto. Si eò solùm species dicitur imago obiecti, quia concurrat ad eliciendum actum cognitionis, non minùs potentia sentitiua dici deberet imago obiecti, quod tamen est fallum. Rursus, actus cognitionis dicebatur recipere similitudinem cum obiecto à specie impressa: ergo species debet præsupponi similis tanquam imago formalis, & non potest denominari similis ab eadem ipsa cognitione.

Respondetur. Speciem dici imaginem obiecti, quia concurrat ad actum ex parte ipsius obiecti, geritque vicem obiecti, estque determinata respectu talis obiecti: potentia verò se tenet ex parte animæ, & est indifferens ad omnia obiecta: vnde non dicitur imago obiecti. Atque in genere causæ effectiue species tribuit actui rationem similitudinis cum obiecto, non quia supponatur in se formaliter similis, sed quia est virtualiter similis.

SECTIO QUARTA.

In quo subiecto recipiantur species sensibiles.

DVrand. in 2. dist. 3. q. 6. num. 14. pro sensibus internis asseruit, remanere in spiritibus corporeis species sensibiles seu impressiones obiecti abeuntis. Ita etiam indicauit S. Thomas 1. par. q. 111. art. 3. ex Arist., dicens, impressiones relictas ex notionibus sensibilibus conseruari in spiritibus sensualibus, hoc est animalibus. Item Hugo de Sancto Victore lib. Sent. cap. de Vniõne corporis & spiritus, Auic. lib. 6. Natural. par. 3. cap. 8. Auerr. lib. de Sensu & sensili. Sic etiam defendunt Riccar. in 2. d. 8. q. 3. Capreol. q. unica art. 2. Hispalen. q. 2. art. 4.

art. 4. Aegid. Quodlib. 6. q. 16. Fracastor. lib. 1. de Intellect. & quidam alij.

Huius sententiz fundamentum est: quia, cum retineamus pro sensibus internis species multarum rerum, non semper de ijs omnibus actualiter cogitamus, sed veluti repente excitantur in nobis variz cogitationes: quod non aliunde provenire posse videtur, quam ex commotione & excursu spirituum deferentium species. Ac præsertim sic in somno fiunt somnia, quia spiritus diuagantes occurrunt in sensum internum: ut indicavit Arist. lib. de Somn. j. cap. 3. Atque amentes & phreneuci, ideo videntur res disparatas cogitare ac mente reuoluere, quia spiritus malè infecti rerum simulacris, eorū sensum perturbant & rapiunt. Intusper, non alio modo possunt Dæmones excitare in nobis varias cogitationes, quam commouendo spiritus. Si autem species inhæreant organo vel potentiz sensitivæ, non apparet quomodo magis excitari possit vna species quam alia. Fortasse demum eadem ratione sensus externi non operantur in somno, quia obstructæ sunt viæ à cerebro, per quas debent confluere spiritus, qui deberent recipere species.

Species recipiuntur in ipsis sensibus.

Dico tamen primò. Species omnium sensuum quæ debent concurrere ad actus eorum, propriè inhærent iisdem sensibus, hoc est non solum iisdem organis sensuum, sed ipsiusmodi potentijs sensitivis. Hæc conclusio videtur communis & certa. Probatur primò ex Aristotele, qui in tot locis antea allegatis docebat, sensum pati ab obiecto, potentiam sensitivam esse passivam, & alia similia: quæ manifestè supponunt, in ipsis sensibus, in organis & potentijs sensitivis, imprimi species ab obiecto.

Secundò ratione probatur, quia

ad hoc ponuntur species, ut actuent potentiam cognoscitivam, quæ informata speciebus eliciat actum cognitionis formaliter representativum obiecti. Cumquè hic actus sit immanens in potentia, eidem potentiz supponi debet inesse species impressa. Et alioqui species à sensu remota, non sufficit per se concurrere ad actum sensationis. Sic quoque species intelligibilis recipi debet in eadem potentia intellectiva: ergo & species sensibilis in potentia sensitiva.

Tertio. Non sufficit species inesse spiritibus animalibus: hi enim spiritus facillimè effluunt, species autem diutissimè conservantur in sensibus internis. Et præsertim supponimus, spiritus non esse animatos, non in ipsis spiritibus relidere potentias sensitivas, ut in superioribus probatum est: igitur species quæ concurrere debent cum potentia ad eliciendum actum, non sunt constituendæ in ijs spiritibus, sed prorsus in ipsis sensibus: Et proximè quidem in potentijs sensitivis, mediaturibus autem potentijs in organis corporeis, quæ sunt potentiarum subiectum.

Dico secundò. Species fortasse recipiuntur etiam in spiritibus, non tamen principaliter & per se, sed in quo pacto ad ipsos sensus: nempe ad hoc ut spiritus à sensibus externis deterant species ad internos. Quò pacto in ipsis quoque spiritibus ad sensus externos confluentibus, imprimuntur species: & hi spiritus redeunt postea ad internas potentias, immediate imprimunt species sensibus internis, producendo scilicet species illis proportionatas. Et poterunt iisdem spiritus aliquandiu retinere in se species sibi impressas post dictam productionem. Itaque spiritus se habent, sicut se habet medium ab obiecto ad sensum, in quo

recipiuntur quoque species, tamen ut per medium transmittantur in sensum. Imò propinquiùs adhuc se habent spiritus quàm medium.

Atque hoc solùm voluisse videntur authores initio relati: qui sanè non negarunt species inesse sensibus & potentijs sensitivis in organis corporeis: sed affirmabant, in spiritibus relinqui impressiones factas à sensibilibus priùs perceptis & postea ablatiis. Et per hoc ex parte satisfieri quoque potest ad fundamentum pro eadem sententia allatū.

Sensus cū suis speciebus excitatur per spiritus. Sed addendum ulterius est, quod, licet spiritus sint specierum expertes, tamen per suum concursum excitare possunt sensus existentes in cerebro cum suis speciebus ad operandum: quia sine dubio, ope spirituum animalium fiunt omnes sensationes. Excitatur autem vna vel alia cogitatio de vna vel alia re, aut ex virtute animæ se applicantis ad certam rem considerandam, aut ex occurrentia alicuius rei similis & connexæ, ad cuius cognitionem per cōcomitantiam exurgat cogitatio de alia re: aut ex passione & dispositione aliqua corporis: sicut notavit Arist. lib. de Somnijs cap. 2. dicens: *Facile decipimur circa sensus, cū in passionibus existimus, veluti trepidus in timore, & qui amat in amore, ita ut videatur à modica similitudine ille quidem hostes videre, hic verò dilectum: eodem modo & in ira & in omnibus concupiscentijs, facile decipiuntur omnes, & magis quantò in passionibus magis fuerint.* Similiter ex condicione alicuius humoris corporei afficientis etiam ipsos spiritus, excitatur cogitatio certi generis: qua ratione melancholici solent cogitare & somnare tristitia, ut mortes, luctus, tenebras, pericula: colerici rixas, vulnera, seditiones, bellas: flegmatici aquas, maria, flumina, pluvias: sanguinei prata, campos,

dignitates, voluptates. Vnde & Medici observant ægrorum somnia ad eorum morbos meliùs dignoscendos.

Insuper, non oportet species omnium rerum esse adæquatè diffusas per totum cerebrum seu totum organum interni sensus: sed potiùs contingit, varias species in diuersis partibus recipi, ad quas scilicet spiritus has vel illas species deferentes confluerint. Propter quod, admodum iuuare videtur conueniens magnitudo cerebri: quia scilicet cerebrum maius est magis distinctè capax variarum specierum: quod indicauit Plato in Thæteteto ex persona Socratis: *Si animi simulachra inuicem congesta sint, ob sedis ipsius angustiam, siquidem exigua sit anima, obscuriora quoque illis simulachra fient.* Et ex condicione tua homo habet caput & cerebrum maius, pro sui corporis proportionem præ alijs animalibus, ut notauit Arist. lib. 2. de Part. animal. cap. 7., quia scilicet debebat habere organum magis capax multarum specierum. Hoc supposito, ex incurso spirituum in vnā vel aliam partem interioris organi, excitatur vna vel alia species, ad cogitandum certum obiectum. Vnde interdum fiunt somnia disparata, dum res diuersæ coniunguntur: quia nempe vel spiritus excurrunt ad diuersas partes: vel tortasse in eadem parte, aut in partibus propinquis, contingit inueniri illas species disparatas. Ac propterea, cū substantia cerebri sit mollis, possunt eius partes agitari & commoueri. In amentibus verò & phreneticis, vel spiritus in se retinent easdem species, vel semper voluntur in ea parte in qua certæ species resident. His quoque modis Dæmones suggerunt varias cogitationes.

Denum, non ideo sensus externi indi-

Et sensus internus determinatur ad certas cogitationes

Sensus indiget spiritibus. indigent spiritibus, quasi in ijs solis debeant recipere species: sed quia spiritibus iuuantur, ut suos actus eliciant, per species tamen in seipsis receptas. Constat enim, eos qui oculis apertis dormiunt, recipere adhuc in oculo species obiectorum; nam & ex ijs reflectuntur tanquam ex speculo: attamen adhuc, ij non cernunt obiecta, deficientibus spiritibus qui deberent confluere & essent ad visionem necessarij. Non ergo spiritus requiruntur ut in ijs debeant recipi species pro operatione ipsius sensus, sed alia peculiari ratione requiruntur etiam si species recipiatur in sensu. Quare autem requirantur spiritus iam diximus quæst. 51. sect. 1.

Species educuntur de potentia subiecti. Ceterum, dubitant aliqui concedere, species educi de potentia subiecti, eo quod fiunt in instanti, & sine prævia alteratione subiecti, & sine expulsionem contrarij. At certe,eductio formaliter consistit in productione formæ dependenter à subiecto, non requirit alias insinuatæ conditiones: verè ergo species de subiecti potentia educuntur.

SECTIO QUINTA.

A quoniam agente, & quo modo efficiantur species.

A Vicenna apud D. Thom. q. 10. de Verit. art. 6. voluit, species sensibiles non gigni in materia nisi ex influentia Intelligentiæ agentis, quam ponebat à corporibus separatam. Auerr. 2. de Anima comm. 60. vult, ponendum esse quendam motorem extrinsecum in sensibus animalium, diuersum à sensibilibus, cuius munus sit producere species in sensibus: sicut idem asserit de intellectu. Buccaferr. apud Zabarell. lib. de Sensu agente cap. 3. affirmat, præ-

ter obiectum esse necessarium aliud externum agens ad producendas species, & hoc agens assignauit eælum operans per virtutem Intelligentiæ. Sueff. apud eundem Zabarell., concedens species effici ab obiecto, addit non effici principaliter, sed instrumentaliter: & à Deo effici principaliter, ita ut obiectum agat in producenda specie tanquam instrumentum Dei. Fauet D. Thom. q. 5. de pot. art. 8., distinguens duplicem actionem corporis, aliam secundum proprietatem corporis, aliam secundum quod attingit ordinem substantiarum separatarum, quasi participans aliquid de modo ipsarum: & in hoc ordine ponit productionem speciei quæ recipitur in sensu vel intellectu. Rursus aliqui voluisse videntur, species effici à quodam principio interno in ipsis sensibus nempe à sensu agente. Et hoc fortasse volebant illi qui constituebant sensum agentem, ut retulimus quæst. 51. sect. 2. Ac specialiter de speciebus sensuum interiorum, Suarez lib. 3. de Anima cap. 9. probabilius existimat, tales species effici à quodam sensu interno agente. Communis demum sententia est, species effici ab obiectis. Ita D. Thom. 1. 2. par. q. 111. art. 4. & 1. cont. gent. cap. 65. Albert. apud Zabarell. qui eandem sequitur, & alij peripatetici communiter.

Sed adhuc inter Recentiores est aliqua controuersia de modo quo producuntur species. Nam ij qui supra sect. 3. volebant, speciem esse ita diuisibilem, ut distincta sit in tot partes correspondentes totidem partibus obiecti quod representant; maximè volunt, speciem diuisibiliter ab obiecto produci, al as scilicet & alias partes speciei ab alijs & alijs partibus obiecti, ita ut quælibet pars obiecti producat determinatè speciem sui ipsius. Alij magis

communiter afferunt vel supponūt, speciem indiuisibiliter & absque paruum discretionem à toto obiecto produci.

Species sensuum externorum efficiuntur proximè ab obiecto. Dico primò. Species sensuum externorum proximè & immediatè efficiuntur à proprijs obiectis sensibilibus, tanquam à sua causa principali. Probatur primò ex Arist., qui dum ait sensum pati, declarat pati ab obiecto, & docet obiectum mouere sensum: & ubique planè supponit, ab obiecto effici impressionem in sensu.

Secundò. Illæ ipsæ experientiz & rationes quæ ostendebant dari species, simul probant produci & immitti ab obiecto, ut consideranti patebit.

Tertiò. Vanum est fingere aliam causam separatam productiuam specierum siue Intelligentiam, siue corpus caeleste, siue aliam quamcumque. Deus quidem tanquā causa prima concurrat ad hanc actionem. Sed adhuc obiectum ipsum dici debet causa principalis, sicut dicuntur aliæ causæ creatæ ad suos proportionatos effectus: species enim est effectus proportionatus suo obiecto. Dixit autem D. Thom., causas corporeas in productione specierum accedere ad modum operandi causarum separatarum: quia, ut ipso explicat, operantur sine transmutatione materiæ de vno contrario ad aliud.

Efficiuntur ab obiecto tanquam causa principalis. Quartò. Si qua esset ratio, quare obiectum non sufficeret principaliter producere speciem suam, esset: quia species videtur excedere naturam obiecti, cum magis supra materiam eleuetur, & sit quodammodo spiritalis: quo fundamento moti sunt authores antea allegati. Sed hæc ratio falsum assumit. Prorsus enim præstantius est obiectum representatum quam species representans, color quàm species coloris. Et re-

uera species non eleuatur à materia, non est spiritalis: sed sic appellatur, quatenus se habet indiuisibiliter in representando, ut antea dicebamus: quod nullatenus reddit speciem excellentiorem suo obiecto.

Quintò demum. Si vlla esset ratio inducens sensum agentem ad producendam speciem, esset exemplum intellectus agentis. Sed ex hoc potius deducitur oppositum. Ideo enim datur intellectus agens, quia debet producere species intelligibiles essentialiter spirituales, quæ proinde non poterant à solo corporeo agente produci: cum ergo species sensibiles sint essentialiter corporeæ, inferendum est hac ratione non indigere sensu agente.

Dico secundò. Huiusmodi species ab obiecto indiuisibiliter produciuntur: ita videlicet quod tota efficiatur à toto obiecto, & tota à singulis partibus obiecti; & quælibet pars obiecti producat speciem, non solum representatiuam sui, sed totius obiecti & omnium aliarum partium. Hæc assertio primò sequitur ex dictis sect. 3., speciem esse ita indiuisibilem in representando, ut nō distinguatur pluribus partibus ad proportionem obiecti, sed potius secundum eandem simplicem entitatem representet totum obiectum quoad omnes eius partes: ergo omnino tota species indiuisibiliter à toto obiecto produciuntur. Præterea, quandocumque operatio aliqua exercetur ab agente per suas partes extenso, eadem indiuisibiliter actio egreditur ab omnibus partibus, & totus effectus ab ijs singulis efficiuntur: Sic præsertim procedit lumen ab agente luminoso: & sic centeri debet procedere species ab obiecto sensibili.

Secundò idem ostenditur ex ipso actu sensationis. Visio enim in oculo, est vnus simplex actus quo con-

Non datur sensus agens producens eas species.

Efficiuntur indiuisibiliter à toto obiecto.

specitur totum obiectum : neque dantur diuersæ partes visionis, vel heterogeneæ quæ respiciant diuersas partes obiecti, sed potius indiuisibiliter idem ipse visionis actus attingit omnes partes obiecti : ergo similiter est vna simplex species indiuisibiliter à toto obiecto & omnibus eius partibus immissa quæ sit principium talis actus.

Tertiò vlteriùs confirmatur ex hac experientia : Conspicitur obiectum aliquod totum in certa distantia constitutum, in qua non conspicerentur per se partes talis obiecti singillatim sumptæ. Huius rei non potest esse alia ratio : nisi quia omnes partes obiecti simul concurrunt ad producendam indiuisibiliter eandem speciem totius : & ideo quò obiectum est maius, eò validiorem speciem immittit, in maioremquè distantiam effundit. At si qualibet pars obiecti per se diuisibiliter suam speciem immitteret, semper ex se promeretur speciem eiusdem intentionis, nihil conferentibus alijs partibus, & sic semper deberet conspici ex eadem certa distantia. Vnde non accideret talis varietas dicta.

Quartò. Qualitas sensibilis in obiecto, præter partes extensiuas, potest & solet habere etiam intensiuas, vt potè albedo intensa diffusa per parietem : Vnde querendum est, num eadem species repræsentet omnes gradus intensiuos albedinis : & tunc idem dicendum erat de partibus extensiuis. Vel rursus diuersi sunt quoque gradus in specie, repræsentantes gradus qualitatis sensibilis : & tunc sequitur, in vno puncto subiecti dari non solum tot species partiales, quot sunt partes extensiuæ albedinis : sed, cum in qualibet parte extensiuæ sint multi gradus intentionis, pro qualibet parte extensiuæ obiecti erunt amplius tot species partiales, quot gradus com-

ponentes intensionem in illa parte obiecti. Et quia rursus, ad obiectum repræsentandum species potest esse magis ac magis intensa; sequitur adhuc, ad quicumque partem intensionem qualitatis repræsentandam, multos esse gradus in intentione speciei: quæ tanta multiplicatio partium manifestè apparet superflua & absurda.

Quintò demum. Vel pro distinctis partibus obiecti, siue intensiuis, siue extensiuis, ab ijs producuntur species inter se discretæ, vel producuntur veluti plures partes inter se continuatæ, constituentes vnā speciem totalem. Primum dici non potest : quia prorsus repugnat cogitare multitudinem rerum discretarum, quæ adæquata sit multitudinī partium continuarum vllius quantitatis, vt ex tractatu de quātitate supponimus: inde enim interretur, quātitatem constare ex partibus indiuisibilibus. Secundum etiam dici non potest ; quia non apparet, quænam esset illa ratio partium, & compositio totius in ipsa specie. Non enim illæ essent partes extensiuæ: siquidem essent omnes in vno puncto subiecti. Non essent partes intensiuæ: quia non vtique ponuntur vt faciant speciem intensiorem, sed vt species repræsentaret diuersas partes obiecti : & præterea habet species suam intensionem pro qualibet parte obiecti. Nec alia superest ratio partium & compositionis, quæ ad hanc rem speciei attribui possit.

Dico tertiò. Species sensuum internorum videntur proximè & immediate effici ab actibus sensuum externorum. Probatur conclusio : quia in primis non possunt hæ species ab externis obiectis immediate traheri vsque ad sensus internos : sed planè actio horum obiectorum trahit ad sensus externos : nec aliquid vltra faciunt hæ obiecta quàm im-

Species interna efficiuntur ab actu sensuum externi.

Tota species efficitur à singulis partibus rationis intensiuæ quæ extensiuæ obiecti.

primere species in sensibus externis. Vnde rectè notauit D. August. lib. 10. Confess. cap. 8. nonnisi per sensus externos, introduci in memoriam internam, rerum sensibilibus imagines.

Non ab aliquo interno sensu agente.

Secundò. Dici non debent produci ab aliquo interno sensu agente, sicut dicuntur species intelligibiles effici ab intellectu agente. Nam vel dicentur fieri ab ipso solo sensu interno, vel simul ab illo & ab actu seu specie sensus externi. Primum indicatur à Suarez: quia inquit, fieri potest per naturalem subordinationem potentiarum, ut sensu externo operante circa obiectum, sensus internus, inde recipiat suam speciem. Sed non rectè dicitur. Tum quia nec intellectus ipse agens se solo haurit & producit species intelligibiles: sed non nisi operando simul cum speciebus sensibilibus: igitur non poterit sensus internus se solo accipere suas species internas, absque actione externarum. Tum etiam, non rectè diceretur sensus ipse externus se solo ad præsentiam obiecti efficere in se speciem sibi proportionatam: ergo rectè diceretur sensus internus sic efficere sibi speciem suam, ad præsentiam speciei & operationis in sensu externo. Tum præsertim, cum species sit imago & similitudo obiecti, debet omnino effici, vel ab ipso obiecto, vel ab aliqua alia imagine & similitudine obiecti. Secundum etiam non rectè diceretur, quia potius sufficeret species ipsa vel actus sensus externi ad refundendam speciem in sensum internum. Cum enim species interna sit adhuc materialis & corporea, non urget in illa ea necessitas, quæ cogit speciem intelligibilem spirituales fieri à potentia spirituali: sed optimè poterit ac debet tota productio illius speciei reduci ad causam inuentam in sensu externo, atque originali-

ter ad obiectum ipsum sensibile.

Tertiò. Potius actus sensationis elicitus in sensu externo, quam species in illo impressa, videtur immittere speciem in sensum internum. Tum quia experientia constat, nunquam transire speciem ad sensum internum, nisi ex actu elicitio sensus externi, etiam si alioqui imprimatur species in sensu externo: ita ut, quando contingit, imprimi quidem speciem in sensu externo, tamen ex defectu attentionis, vel alio, non elici actum, nequaquã transmittatur species ad sensum internum. Constat insuper, quò melius & perfectius percipitur actu sensationis elicitio obiectum ad extra, eò validiorem & perfectiorem speciem transfundi in sensum internum. Tum etiam ratione. Actus elicitus in sensu externo, propinquior est ad sensum internum: & hic erit optimus ordo, ab obiecto imprimi speciem in sensu externo, ex hac specie elici actum, ex hoc actu refundi speciem in sensum internum, ex hac specie ibi elici actum, & ex hoc tandem actu desumi speciem intelligibilem. Actus insuper sensus externi, est magis proportionatus ad talem effectum. Nam ipse actus est essentialiter præstantior ac nobilior sua specie: ac rursus species sensus interni est plane superior specie sensus externi: igitur maiorem proportionem cum illa habebit actus quam species sensus externi. Et licet species externa diceretur tanquam instrumentum obiecti producere speciem internam: tamen adhuc magis proportionatus est actus sensus externi.

Quartò ad assignandum modum quo species perducatur ad sensum internum. Cum organum sensus interni aliquantum distet à sensibus externis, vel hæc actio fiat immediate in distans, ob unitatem totius corporis & intimam subordinationem

Non à specie impressa externa.

Produciuntur per communicationem nervorum & spirituum.

nem potentiarum eiusdem animæ in tali corpore. Vel imprimi proximè speciem in spiritibus animalibus repertis in sensu externo: atque hi spiritus intrò regredientes deferant huiusmodi speciem, ac tandem imprimunt in organo sensus interni. Vtroque autem modo, tam scilicet per nervos, quàm per spiritus, hanc communicationem specierum fieri, confirmat noster Guevara lib. 1. de Inter. sensu tract. 3. cap. 3.

*Quo pa-
cto singu-
la par-
tes obie-
cti pro-
ducant
speciem
totius.* Sed contra productionem specierum exteriorum indiuisibiliter ab obiectione, Obijcies primò. Non potest vniueque vnum obiectum producere speciem representationem alterius, sed solum speciem sui: igitur non poterit vna pars obiecti producere speciem representationem aliarum partium, sed solum speciem sui: igitur non potest vna simplex species indiuisibiliter produci ab omnibus partibus obiecti. Et, licet si obiectum diuidatur in duas medietates, quælibet producat suam peculiarem speciem, sic pariter dum erant vnitæ: quia nihil conferre videtur earum vniue vel diuisio.

Respondetur. Non posse vnum obiectum discretum ab alio, producere speciem illius: sed bene posse ac debere quamlibet partem vnius obiecti totalis producere speciem quandam representationem, non solum sui, sed etiam aliarum partium: quia nimirum non sola ipsa operatur, sed cooperatur simul cum omnibus alijs partibus: & sic omnes concurrunt ad producendam vnã speciem communem omnibus. Itaque, vna pars, & realiter quidem producit speciem representationem aliarum; sed formaliter ratio quare producit talem speciem, est quia hæc representat ipsam partem: & sic valebit dicere de singulis partibus. Medietates autem obiecti inter se diuisæ, producunt species distinctas ac

discretas. Neque certè eodem modo se habent vnitæ ac diuisæ: quia sic deberent esse tot species discretæ in quolibet puncto medijs, quot sunt partes còtinuæ in obiecti: quod in omnium sententia prorsus repugnat. Aliter ergo se habent plura obiecta totalia, ac plures partes vnius obiecti totalis.

Obijcies secundò. Potest & solet fieri, vt auferatur vel abscondatur vna pars obiecti: tunc autem auferatur vel impeditur actio eius tantum partis, & aliæ partes adhuc efficiunt & conseruant suam speciem. Insuper fieri potest, vt successiue abscondatur obiectum per partem post partem, & semper remanere debet actio partis quæ non absconditur. Fieri etiam potest, vt interponatur tegumentum, non contiguum, ante obiectum, sed aliquantum distans, & abscondens aliquam partem obiecti: & tunc pars non contacta dici debet continuare eandem suam actionem & speciem per totum spatium, cum tamen actio & species partis contactæ non extendatur vltra obstaculum: igitur non est vna indiuisibilis actio totius obiecti.

Respondetur quodcumque auferatur vel abscondatur vna pars obiecti, non tolli actionem eius tantum, sed adæquatè tolli totam actionem omnium partium, quæ quoad hoc vna simplex & indiuisibilis est: aliãque actionem totam de nouo succedere, egredientem ab illis partibus quæ remanent detectæ, & sic etiam nouam speciem. Atque, dum obiectum contingitur successiue per partes, successiue quoque variatur tota actio ac tota species. Et in illo demum casu, non eadem vniformis est actio partis non contactæ per totum suum spatium: sed alia est eius actio usque ad illum terminum quo communicat cum coniunctis partibus, & alia vltra illum terminum. Hæc ta-

*Quo pa-
cto va-
riatis
partibus
obiecti
varie-
tur spe-
cies.*

men secunda actio ita est subordinata alteri, ut si illa impediretur in propinquiori parte mediij, nec posset exerceri alia in remotiori parte. Hoc autem totum, commune pariter est ad actionem agentis luminosi per suas partes indiuisibiliter operantis: & suo modo etiam ad actum sensationis indiuisibiliter elicatum circa totum obiectum.

*Quo pacto
cognitio
externa
producat
speciem
internam.*

Obijcies tertio contra productionem specierum internarum ab actu sensus interni, ex Suarez. Tum quia cognitio per se non est causa productiua alterius effectus. Tum quia si species interna fit ab actu sensus externi, deberet ab illo pendere etiam in conservari. Tum demum; reperiuntur similes consensiones inter alias potentias animae, ut una operante operetur & alia: & sic specialiter operante phantasia, intellectus agens efficit speciem intelligibilem: igitur sic censendum erit, operante sensu externo, quendam sensum internum agentem efficere suam speciem.

Respondetur. Optimè posse cognitionem esse productiuam alicuius alterius effectus, sibi proportionati. Neque verò species interna debet pendere etiam in conservari ab actu sensus externi, ut dicemus sect. sequenti. Reperitur autem illa consensio inter quasdam potentias animae, quando nempe necessitas non est, unam per se influere in aliam; quo modo se habent potentia cognoscitiua & appetitiua. Non igitur men solus intellectus agens per se efficit speciem intelligibilem. Sed, tam in sensu, quam in intellectu, oportet, unam speciem per se effici ab alia specie siue cognitione: quia imago & similitudo obiecti, debet omnino vel immediate prodire ab ipso obiecto, vel saltè originaliter, ita ut immediate procedat ab alia imagine & similitudine, quae tan-

dem originem duxerit ab obiecto.

Obijcies praeterea quartò. Ea quae spectant ad sensus internos, praestantiora sunt ijs quae inveniuntur in sensibus externis: igitur nec actus nec species sensus externi poterit producere speciem sensus interni. Insuper, dicuntur à quodam sensu interno abstrahi species non sensatae ex sensatis: igitur pro his saltem speciebus reperitur sensus internus agens: qui consequenter dici poterit sua virtute accipere omnes internas species.

Respondetur. Comparisonem inter sensum internum & externum sic esse faciendam, quòd species est excellentior specie, & actus actu: sed non oportet, speciem quoque internam esse excellentiorem actu externo. Et praeterea actus externus dici poterit agere tanquam instrumentum obiecti, cuius est expressa similitudo, & à quo tanquam causa principali mediante specie dependet: maioremque proportionem habet quàm species impressa externa ad producendam speciem impressam internam. Deinde, concedendum non est, virtute sensus interni producti species vllas, nec inquam species dictas non sensatas. Imò, nec simpliciter dari tales species praeter illas quae immediate ex ipsis externis sensibus hauriuntur, tractabimus postea circa obiectum sensus interni.

SECTIO SEXTA.

*An & quo pacto species sensibiles, etiam in conservari
à suo agente dependant.*

Nicolaus Leonicius libi de Somnijs part. 3. Celsus Mancianus lib.

lib. de Somnijs & Synefi per fomnia
cap. 4. & Gabriel. Valq. 1. par. disp.
38. num. 9., & disp. 208. num. 9.,
& 1. 2. disp. 81. num. 17., conce-
dunt, species sensuum externorum
aliquandiu permanere remoto obie-
cto, atque adeo non ita dependere
ab illo in conseruari, vt statim eo
ablato dolere debeant: sed tamen de
se paulatim deficere donec penitus
evanescant. Item Fons. 5. Met. cap.
28. q. 6. sect. 2. concedit, species ali-
quantis conseruari in sensu, remoto
obiecto, tamen addit, tunc non
fieri veram sensationem obiecti, sed
deceptionem & illusionem sensus,
quibus sensus nihil reuera percipit, sed
percipientis more se habet. Immo
Arist. ipse docere videtur, in ab-
sentia obiecti permanere speciem,
ac fieri sensationem, lib. de Insom-
nijs & 2. de Anim. tex. 438. vbi
ait: *Abvntibus sensibilibus consue-*
sensus et imaginationes in ipsis sen-
sorij. Fuit item D. August. lib. 12.
de Trin. cap. 2. in q. 12. q. 13. q. 14.
Sua detur hæc sententia quibusdā
experientijs: Prima & præcipua
est, quam affert ibi D. August. Cū
quis subito obuit Solem aspexit, vel
aliquod simile obiectum vehemens,
vt fenestras cancellos luce perfusus,
postea licet oculos diuertat, vel
claudat, adhuc pro aliquo tempore
innotat ante se idem obiectum, &
volunt retinet ante oculos obiectum
lucidum, siue cancellos luce perfu-
sus: quod manifestè demonstrare
videtur, permanere in oculis ali-
quantis speciem obiecti licet ablati.
Multo tamen imperfectius oculis
repræsentatur obiectum eo tempore
sequenti: ex quo inferitur, valde
imbecilliorē remanere obiecti
speciem. Secunda experientia
sit, quam affert Aristot. eo lib.
de Insomnijs cap. 2. Si ad validum
quendam colorem firmiter pro ali-
quo tempore aspiciamus, vt album,

vel viridem; dum postea oculis ad alia objecta conuertimus, apparent vului eodem illo colore imbuti: quod pariter non alia ratione videtur accidere, nisi quia aliquandiu permaneat species præcedens in oculis. Tertia experientia est. Si virga in vno extremo accensa velociter voluitur in gyrum, intuemur velut continuatum quendam gyrum ignis: quod etiam dici debet prononise ex eo quod species repræsentata illius ignis ex quacunque parte gyri aliquandiu permaneat.

Dico primò. Species sensum in- Species
ternorum non dependent per se in sensuum
conservari ab objecto, siue à suo interno-
agente à quo primum productæ sunt. rum nō
Hæc assertio est communis & certa. pendens
Satis enim experientia notum est, in con-
has species diu in mente retineri, servari
etiam post penitus ablata objecta, à suo
& deletis iam speciebus atque tran- agente.

factis actibus sensuum externorum :
virtute enim specierum internarum
sæpius deinceps multoque tempore
post primam sensationem, eadem
objecta recogitamus.

Attamen solemus quoque post *Sed alijs*
longiora spatia temporis obliuisci *ratione*
que antea noueramus: in quo casu *bus de-*
videntur deletæ esse species internæ *leri pos-*
antea acquisite. Sed non per hoc *sunt &*
tales species per se dependebant in *solens.*

conferuari ab illa causa à qua priùs productæ fuerant . Alijs tamen rationibus delentur . Vel quia amittitur ac deperditur actione natui caloris illa pars organi in qua certa spec es residebat : si quidem per actionem caloris naturalis confumuntur ac deperduntur aliquæ partes substantiæ in viuentibus , & nouæ aliæ per nutritionem reficiuntur . Vel quia permanente eodem organo secundùm suam substantiam, inducitur aliqua accidentalis dispositio minùs apta ad retetionem prioris speciei: & sic p subtractione dis-

positionis debitz, et introductionē dispositionis repugnantis, deletur species. Vel fortasse demum, per aduentum nouarum specierum in maiori copia, deletur prior aliqua species, eò quòd organum in eadem parte non sit capax simul tot specierum. Vnde experimur, ex nouarum notitia & mentis applicatione ad nouas res, solere excidere ē memoria ea quæ antea nota erant. Verum per repetitionē & frequētionē actū cogitationis circa eadē rē, constat quoque species obfirmari magis in mente, ne res antea notas obliuiscamur. Vbi videtur, per novos actus iuari ac veluti refici antiqua species. Et hoc pacto quodammodo conseruantur etiam species internæ per intentionalem obiecti præsentiam, pænes recogitationem eius. Hoc adnotauit Arist. lib. de Memoria & Reminiscētia cap. 2. in fine. *Meditationes autem memoriam conseruant reminiscendo.*

Species sensuum externorum dependent semper in conseruari ab obiecto à quo produciuntur.

Dico secundò. Species sensuum externorum ita in conseruari à suo agente nempe ab obiecto dependēt, vt sine actuali influxu obiecti permanere non possint, atque adeò statim hoc influxu cessante deficient. Hæc assertio est communis, Comēbric. 2. de Anima cap. 6. q. 2. art. 3. & aliorum in hac materia. Zabarell. lib. de Sensu agente cap. 3. Gabr. in 2. dist. 7. q. 4. Maior. dist. 3. q. 9. Suarez. lib. 3. de Anima cap. 12. A nobis autem intelligitur de ferè omnibus externis sensibus: quia an faciēda sit aliqua exceptio peculiaris de speciebus soni spectantibus ad auditum, proprio loco videbimus.

Probatu primò ex Arist. qui 2. de Anima 52. planè supponit, sensum externum non sentire actu nisi cum adsit præsens obiectum sensibile à quo accipit speciem; sicut combustibile non comburitur sine com-

bastiuo præsentī. Et rursus tex. 59. hoc discrimen constituit sensus externi ab intellectu, quòd sensus indiget obiecto externo agente in ipsum, non verò intellectus; & non loquitur solū de prima motionē potentia ab obiecto, sed de continuata actione, quamdiu actu percipiatur obiectum. Item ex D. August. qui 11. de Trinit. cap. 2. planè supponit ac docet, speciem in sensu externo non durare nisi præsentē & influente obiecto: sicut imago sigilli in aqua non durat nisi quamdiu sigillum detinetur in aqua. Benè autem in sensu interiori speciem durare etiam ablato obiecto, sicut relinquitur imago sigilli in cera etiam ablato sigillo.

Secundò probatur experientia. Constat enim statim ablato obiecto, vel conuersis aut clausis oculis non amplius cerni à nobis obiectū; non ergo permanet amplius species, sed ita dependebat in conseruari ab obiecto, vt statim cessante influxu obiecti penitus deficiat: sicut dependet lumen ab agente luminoso.

Tertiò vltimò. Si species aliquis *Nulla* ius obiecti, v.g. Solis, esset talis nature, vt aliquandiu posset permanere sine influxu obiecti; pariter *potest* conseruari alia species visibilis deberet esse huiusmodi: siquidem omnes sunt sensu quoad hoc eiusdem nature. Sed *externo,* stat, species obiectorum communiter occurrentium nullatenus permanere absque actuali influxu obiecti; ergo vniuersaliter putandum est, nullius obiecti speciem permanere. Rursus: si species vllius obiecti pro aliquo tempore remaneret in oculo, pariter deberet permanere in medio vel in speculo: vnde quando exponitur speculum radijs Solis, vt inde lux & species reflectatur, etiam postea interpolito obstaculo deberet aliquandiu saltem debilis species permanere in speculo: sicut dice-
batur

batur permanere in oculo : quare si quis tunc ex loco apto intenderet oculos in speculum , deberet ibi aliquatenus perspicere Solem : quod est planè contra experientiam .

Quartò . Satis manifestum est , remoto obiecto , vel auersis oculis ab obiecto , non conseruari speciem ita validam & perfectam , sicut antea habebamus : cum certè postquam auertimus oculos à Sole , non ita clarè ac perfectè Solem inspicimus , sicut antea : ergo planè species illa prior intensa ita depēdebat ab obiecto , vt statim cessante influxu eius perire debuerit : Sed certè eiusdem naturæ & rationis est tota species repræsentatiua obiecti , tam in infimo quàm in summo gradu : ergo statim tota species in omni suo gradu deletur .

Quintò . Si species esset talis naturæ , vt non statim sicut lumen cessante sui agentis influxu periret , sed potiùs sicut virtus motiua impressa paulatim intra aliquod tēporis spatium diminui ac tandem in totum deficere deberet : sic inquam , sicut virtus impressa , cessante actione , proijcientis , adhuc circa initium motus est ita valida vt velociter deferat mobile , non minùs quàm ab eodem proijciente actu impelleretur : ita pariter circa illud initium quo obiectum ab oculis remouetur , deberet species ita valida remanere qualis antea erat : quod est prorsus contra experientiam .

Nō alio modo Sextò . Ipse Vasquez loco citato . 1.2. disp. 81. in vniuersum negat , qualitatem in subiecto posse per se deficere ac deleri & in speciali negat , impetum mobili impressum , cuiuāscēre ex natura sua : vultquē , expelli debere per quandam contrariam qualitatem , quapropter totum orbem terrarum commouebat . Consequenter ergo putare non potest .

rat , speciem ex natura sua remoto obiecto paulatim deficere ac deleri .

Quocirca num. 17. addit , imprimi in oculo ex vehementia luminis seu obiecti qualitatem aliquam physicam , qua experimur oculum ladi & alterari , & quam Arist. lib. de insomnijs cap. 2. vocauit commotionem . Hinc ait ab hęc qualitate cōseruari speciem in oculo , imperfectè tamen , quia non tanquam à causa primaria . Hanc verò qualitatem paulatim deinceps corrumpi virtute animæ reducētis oculum ad naturalem statum ac temperiem . Sed certè etiam admittit ea qualitate , non potest illi tribui conseruatio speciei : priùs enim omnis speciei gradus , tam primus quàm vltimus conseruabatur ab obiecto : ergo ablato obiecto , sicut non remanet superior & intentior gradus speciei , ita nec remanet inferior & remissior . Tum , præterea , species visibilis non potest produci nisi ab obiecto visibili : ergo sic nec poterit ab alia causa conseruari . Tum vlteriùs , ex vehementi luce non apparet quæ alia qualitas producat in oculo , nisi dicatur nimius calor , vel rarefactio aut disgregatio quædam . Hęc autem commotio vtique apta non est ad conseruandam speciem .

Ad auctōritates & experientias ex opposito præmissas , Dandinus 2. de Anima circa tex. 138. vult , remanere debilem quandam sensationem in oculo absque specie : referens pro hac parte Simplicium , Theophrastum , & Philoponum . Verùm hic Auctōr negabat in vniuersū species . Attamen adhuc non satisfacit difficultati , quia in eius sententiā pro specie requirebatur prorsus præsentia obiecti . Neque alij Auctōres quos refert , dixerunt remanere sensationem sine specie . Et sine dubio præsuppositis speciebus , impossibile

Nunquam remanet visio in oculo absque specie .

libile omnino erit, remanere sensationem sine specie.

Potest fieri, ut per imaginationem videatur res oculis apparere.

Communis ergo responsio est, sensationem illam & apparentiam non fieri in sensu externo: sed ob vehementiam sensibilis relinqui tantam impressionem ac tam firmam imaginationem in sensu interno, ut videamur obiectum quod solum interiorius imaginamur, exteriorius intueri, donec paulatim imaginatio corrigatur, & omnis sensus ad rectum statum reducatur. Quod explicatur exemplo dormientium & delirantium, quibus ob vehementem apprehensionem internam apparent sensibilia quasi exteriorius conspecta. Et ita notavit D. August. 11. de Trinit. cap. 4, quandoque taliter quidpiam interiorius cogitari, ut nec ipsa ratio discernere sinatur, an foris obiectum videatur, an intus tale aliquid cogitetur: unde interdum homines nimia cogitatione vel territi vel illecti, repente huiusmodi voces ediderunt, quasi reuera in medijs istis actionibus vel passionibus versarentur: & ad hoc reducit somnia & cogitationes furentium, ac diuinantium, & prophetantium. Idem habet 12. de Genesi ad litt. cap. 12. Hoc verò non ita intelligitur, quasi sensus internus percipiat impressionem ipsam factam in sensu externo, ut refert Vasquez ex Gregorio & Maiore: sed qui percipiat idem ipsum obiectum quod antea oculis conspectum erat. Nec obstat, quod idem Vasquez opponit; quia si ex sola imaginatione sic appareret obiectum, posset voluntate nostra talis apparentia impediri, diuertendo imaginationem. Nam experimur, potius sapere nos non posse imaginationem ab aliquo obiecto divertere, licet velimus atque conemur.

Vel potest fieri, ut ex

Vel aliter dici potest, supponendo imprimi in spiritibus animalibus species debitas pro sensibus inter-

nis, ut ad ipsos sensus deferantur hæc species enim species permanent utique in absentia obiecti. Tum ab his speciebus per modum causæ æquiuocæ produci possit species quædam in organo & potentia sensus externi, qualis sit illi proportionata: species tamen quædam exilis & imperfecta, ad differentiam eius quæ immediate producit ab obiecto. Hæc secundaria species, non permanebit in organo victorio, nisi quandiu conseruatur ab illis spiritibus in eo commorantibus. Quando autem obiectum visibile est valde vehemens, tunc maior copia spirituum accurrit ad sensum externum: & sic aliquandiu remanebunt cum impressione sibi tacta aliqui spiritus in organo externo, & interim efficiens in illo aliam impressionem dictam, donec tandem totaliter ab illo abscedant. Hoc pacto defendi posse videtur, in apparatus illa oculorum esse vera sensationem & visionem in oculis, obiecti antea visi: & tamen speciem sensus externi dependere prorsus in conseruari a suo agente. Imò Auer. in suo tract. de Somn. & Vigil. affirmat, nos in somno sentire interdum per sensus externos sensibilia absentia; quia spiritus commorantes in sensibus internis, ac retinentes species, excurrant usque ad sensus externos.

Ceterum, hæc omnia quæ dicimus de productione & conseruatione specierum, intelligenda sunt naturaliter. Alioqui potest sua virtute Deus producere & conseruare in sensu speciem obiecti absentis, in tota inquam perfectione possibili speciei. Et tunc oculus v. g. cerneret exquisitè obiectum, quale sibi representatur per speciem, nihil minus per quam si obiectum esset reuera præsens. Vnde hæc esset quoque notitia intuitiua, sicut de facto est quando obiectum est præsens. Nec mirum est, in tali casu sensum percipere

Possunt à Deo conseruari species in absentia obiecti.

pere debere obiectum non præsens : præsentia enim obiecti requiritur ad hoc vt imprimat speciem: data ergo specie, quamuis non præsentem obiecto, fieret eodem modo sensatio: sicut vtque intellectus & sensus interni, dum retinent in se species, semper valent eodem modo obiectum attingere.

SECTIO SEPTIMA.

Virum species sensibilis concurrat obiectiue ad actum sensationis,

Sententia affirmans.

DVrandus in 2. d. 3. q. 6. Greg. dist. 7. q. 3. art. 1. & Maior. dist. 3. q. 9. asserunt, speciem representare obiectum, ad cuiusque sensationem concurrere, per modum obiecti immediati; ita scilicet vt sensus percipiat & cognoscat ipsam speciem tãquam imaginem, in qua percipiat obiectum principale. Fauet D. August. lib. 11. de Trinit. cap. 2. pro sensibus externis, dicens, Cum diuinaricatis oculis, geminum representatur obiectum, conspici species representatiuas obiecti. Et cap. 4. pro sensibus internis, *Quod est ad corporis sensum aliquod corpus in loco, hoc est ad animi actum similitudo corporis in memoria: & quod est aspicientis visio ad eam speciem corporis ex qua sensus formatur, hoc est visio cogitantis ad imaginem corporis in memoria consistentem.* Fauet quoque Arist. 3. Meteor. summa 2. cap. 3. quoad sensus externos, referens de quodam homine, *Accidit cuiusdam passio debilitate & non acute videnti; semper enim simulacrum videbatur præcedere ambulante ipsum ex opposito respiciens ad ipsum:* hoc simulacrum certe non erat nisi species sensibilis. Et cap. 2. de Memoria & Reminisc. quoad sensus internos,

ubi docere videtur, Cum cogitamus & recordamur interiùs, perspicere phantasmata tanquam imagines & picturas rerum.

Specialiter in reflexione quando obiectum cernitur in speculo, tunc saltem cerni speciem ipsam tãquam obiectum, docent Auerr. lib. de Sensu & Sentili cap. 1. Iandun. eod. lib. q. 9. D. Thomas q. 8. de Verit. art. 5. & 15. Scot. in 2. d. 13. q. 1. Capreol. in 1. d. 35. q. 2. art. 1. Caiet. 1. par. q. 56. art. 3. & quidam alij. Ac fauet rursus D. August. lib. 15. de Trinit. cap. 8.

Dicendum tamen est, nunquam speciem sensibilem concurrere obiectiue ad sensationem, quasi ipsa met percipiat a sensu: quinimò simpliciter ipsam speciem non posse sentiri ab illo sensu. Hæc conclusio est magis communis, non solum quoad directam sensationem obiecti in se, sed etiam quoad visionem in speculo per reflexionem speciei. Ita enim pro certo supponunt in communi ac directa sensatione omnes qui agnoscunt species sensibiles. Ac etiam pro visione rerum per reflexionem in speculo, docent Riccard. in 4. d. 11. q. 1. Palat. in 2. d. 3. dist. 5. Apollinar. 2. de Anima q. 17. Tolet. q. 34. Conimb. cap. 7. q. 8. Valtq. 1. par. dist. 38. cap. 4. & alij tam Theologi quàm Philosophi.

Probatur primò: quia ad hoc ab obiecto immititur species in sensum, vt ipsum obiectum percipi debeat a sensu informato similitudine sui. Et alioqui si species deberet obijci sensui loco obiecti, iam non ipsum obiectum esset sensibile, neque per speciem sentiretur obiectum, sed pro obiecto acciperetur imago, & deluderetur sensus.

Secundò. Colores certè cum luce sunt visibiles ab oculo; soni sunt audibiles, calor & frigus sunt tactibiles, & hæc eadem sunt obiecta

Conclusio negans.

Nō species sunt visibiles ab oculo; soni sunt audibiles, calor & frigus sunt tactibiles, & hæc eadem sunt obiecta

repræ- obiecta sensuum interiorum : sed
sensan- species coloris non est color, spe-
tur sen- cies toni non est sonus. Imò, cum
sibus. species sit forma quædam indiuisi-
 biliter repræsentans obiectum, tali-
 ter vt in quouis puncto medijs & or-
 gani recipiatur species repræsentati-
 ua totius obiecti; manifestum effici-
 tur; non speciem coloris posse cer-
 ni aut cogitari pro colore, speciem
 caloris tangi pro calore, & sic de
 alijs.

Non so- Tertio in speciali. Quâdo directè
lum ex- sensu externo percipimus obiectum
ternis. in seipso, v.g. intuemur parietem al-
 bum, clarissimum est, nos non intue-
 ri speciem existètem in nostro oculo,
 vel in aere medio; sed verè inspi-
 cere ipsum obiectum in suo loco
 existens, quod immittit speciem.

Sed etiã Quarto. Sicut species sensuum
internis. exteriorum, non ideo ponuntur vt
 eas sentiamus loco obiecti, sed vt
 per eas sentiamus obiectum; ita pa-
 riter non ideo in sensu interno as-
 seruamus species & simulachra re-
 rum, vt eadem simulachra intueamur
 interiùs, sed vt per has species men-
 te cogitemus illud ipsum obiectum
 quod externo sensu percipimus. Ete-
 nim de ijs sensibilibus cogitamus
 interiùs, quæ exteriùs nostro sensu
 deprehendimus antea, & quæ sic
 per externum sensum traiecerunt sui
 species ad sensus internos. Itaque,
 dum imaginamur aliquod obiectum
 quod aliquando perspeximus, non
 intuemur in mente simulachrum ta-
 lis obiecti interiùs asseruatum, sed
 verè cogitamus idem ipsum obiectum,
 vt tamen speciei informantis
 sensum.

Sic etiã Quinto. Sic intellectus in cogni-
intelle- scendo, intelligit certè ipsum obiectum
ctui. repræsentatum per speciem; neque
 directè hoc actu attingit & cognoscit
 ipsam speciem: per aliam tamen
 cognitionem reflexam & per
 discursum intellectus discit dari re-

rum species: sed hæc ipsa reflexio
 & cognitio non conuenit sensui. Species
 igitur in sensu non concurr-
 rit obiectiue, quasi circa illam de-
 beat vertari sentatio.

Sexto deinde. Ex his inferitur ne-
 que per reflexionem in speculo cer-
 ni imaginem obiecti, sed adhuc ve-
 rè cerni ipsum obiectum. Quod
 præterea comprobatur. Tum quia
 in speculo paruo cernimus magnum
 montem: cum certè species in spe-
 culo non possit esse maior ipso spe-
 culo. Tum quia videmus obiectum
 velut in profundo speculi, quasi
 esset ultra speculum: at species
 recipitur in prima superficie spe-
 culi. Ideo autem obiectum cer-
 nitur velut ultra speculum: quia re-
 præsentatur etiam secundùm distan-
 tiam quam habet à speculo: ea au-
 tem distantia quam obiectum habet
 ante speculum, repræsentatur per
 rectam lineam velut ultra speculum.
 Et ideo quò magis obiectum an-
 teriùs distat à speculo, eò veluti
 profundius cernitur ultra specu-
 lum.

Denique. Iam antea diximus,
 speciem non esse imaginem forma-
 lem qualis est statua Cæsar, sed ef-
 se qualitatem quandam in quouis
 puncto indiuisibiliter repræsentantò
 totum obiectum, eodemq. modo
 excellentem in quouis puncto spe-
 culi: ergo id quod ab oculo cernitur
 in speculo, non est imago obiecti
 tot partibus distincta, sed est idem
 ipsum obiectum quale est in seipso:
 cernitur tamen in speculo, eò quod
 inde reflectitur ac deducitur species
 ad oculum.

Ad auctoritatem D. Augustini
 initio præmissam dicendum est, tan-
 tum voluisse oculos per species in se
 existentes conspiciere obiectum. Et
 ita se habere speciem internam ad
 sensum internum, sicut corpus ad
 sensum externum: quia sicut corpus

In spe-
culo
queque
cernitur
obiectum
non spe-
cies.

Expli-
cantur
quædam
Augu-
stini lo-
ca.

ad extra mouet sensum ad se percipiendum, ita species ad intra mouet sensum internum ad percipiendum obiectum : conueniunt ergo in mouendo sensum, non in terminando sensationem.

Quadā Aristotelis. Ad auctoritatem Aristotelis dicendum est, Hominem illum solitū fuisse aspicere veluti simulachrum sui ante se : quia vel radij egredientes ab ipso tanquam obiecto secundum Platonicos, vel species secundum veram doctrinam, reflectebantur ab aere proximo in eius oculum : & sic aer fiebat ei veluti speculum. Sed non per hoc is videbat realiter ipsam speciem, sed videbat seipsum per speciem, putabatque se gerere simulachrum sui ante se. Hanc verò rationem D. Thomas circa eundem locum ait ab Aristotele fuisse allatam ex communi opinione veterum Mathematicorum. Sed re vera aliam fuisse rationem eius illusionis : vel quia aliquis humor existens in oculo referebat tanquam hominis simulachrum, sicut alij videntur sibi gerere ante oculos telas aranearum, muscas volantes, & similia : vel potius eam fuisse deceptionem imaginationis, sicut in illis qui phrenesim aut delirium patiuntur. In libro verò de Memoria, tantum docere voluit speciem impressam esse causam, ut interiorius intueamur obiectum tanquam præsens vel præteritum : & in hoc assimilauit ipsam speciem picturæ : non verò quoad modum representandi.

Explicatur locus qui dicitur Apostoli. Obijcies præterea primò. Apostolus 1. Cor. 3. assimilauit cognitionem quam in hac vita habemus de Deo ex creaturis, visioni qua intuemur res in speculo : *Videmus nunc per speculum in enigmate.* Sed certè, creaturæ sunt nobis obiectum & veluti imago representans nobis Deum : igitur, quando videtur res in speculo, cernitur eius imago re-

præsentans obiectum.

Respondetur Apostolum assimilare tantum voluisse in hoc, quod sicut ex speculo acquirimus cognitionem obiecti quod intuemur in speculo, ita ex creaturis acquirimus cognitionem Dei : non autem, quod in speculo intueri debeamus imaginem obiecti.

Obijcies secundò. Species sensuum appellantur sensibiles, dicique solent sentiri : ac specialiter per singulos sensus, species visus dicuntur visibiles, dicuntur videri, & sic de alijs sensibus. Igitur species, obiectiue se habent ad sensum, representando obiectum principale.

Respondetur. Appellatas fuisse species sensibiles, quia spectant ad sensum, & quia sunt sensationis causa : quasi conuersum fuerit nomen actiuum in passiuum, sicut dicuntur species intelligibiles, non quia intelliguntur, sed quia sunt intellectus principium : & homo dicitur risibilis, non quia ridetur, sed quia ridet. Vnde in rigore melius dictæ fuissent species sensitivæ, ut ab initio questionis notauimus. Eodem pacto species interdum dicuntur sentiri, pro eo quod sunt sensationis principium. Et idem valet distinctè de singulis sensibus.

Obijcies tertio. Species substituitur loco obiecti ut eius vicem, suppleat : sed obiectum est quod debet cognosci per sensum, igitur species obiectiue cognoscetur loco obiecti.

Respondetur. Duplex esse munus obiecti, nempe terminare obiectum uè cognitionem, & mouere effectiue ad eliciendum actum. Species substituitur loco obiecti, non ad primum, sed ad hoc secundum munus obiecti : vnde non debet concurrere obiectiue terminando in se cognitionem.

Obijcies quarto. Sensus requirit

Quare species vocata sunt sensibiles.

Qua ratione gerant vicem obiecti,

Non re- obiecti praesentiam: sed sensui in-
praesen- terno non est praesens obiectum,
tantur imò ab illo cognoscitur etiam si rea-
sensui liter non sit: ergo saltem respectu
vice ob- sensus interni species obiectivè se
iecti. habet loco obiecti non praesentis.

Respondetur. Omnem sensum
 externum, non autem internum, re-
 quirere obiecti praesentiam: quia
 nimirum sensus externus debet actua-
 liter accipere speciem ab obiecto.
 Unde, si in sensu externo daretur
 species obiecti absentis, pariter fie-
 ret in illo sensatio. Et benè obie-
 ctum ipsum absens, imò & penitus
 non existens, terminat cognitionem
 sui.

Species, Obijcies quindò. Quando intue-
non ob- mur obiectum in speculo, non tam
sectivè, videmus illud prout est in se, quam
sed effe- potius iuxta dispositionem speculi:
ctivè im- nempe vel magnum vel parvum: itè
mutat multiplex in diversis partibus specu-
visionè li fractis: insuper eo colore imbutum,
obiecti quo fortè vitrum speculi inveniatur
in spe- affectum: & in speculo concavo ap-
culo. paret obiectum inверsum. Igitur in
 speculo imago potius obiecti est
 quæ cernitur.

Respondetur. Etiam quando in-
 tuemur obiectum directè in se, in-
 tervenire solere huiusmodi varieta-
 tes, aut ex distantia obiecti, aut ex
 habitudine medijs, aut ex disposi-
 tione organi: quia nempe ipsa spe-
 cies aliquo modo variatur: non qui-
 dem quasi ipsa sic variata terminet
 visionem: sed quia cõcurrit ad taliter
 efficiendam visionem, ut sic appa-
 reat ipsum obiectum. Itaq; ex

varia dispositione specu-
 li, diversimodè appa-
 ret obiectum per
 speciem,
 non
 species ipsa in
 speculo.

SECTIO OCTAVA.

An & quò pacto species concurrat effectivè ad actum sensationis.

Henricus Quodl. 4. q. 7. Jauell.
 3. de Anima q. 4. Tolet. 2. de
 Anima q. 12. concl. 2. & 4. & Buri-
 dana apud Thien. q. de habitu agen-
 te, volunt, speciem concurrere so-
 lum veluti materialiter aut formaliter,
 determinando potentiam, quæ
 potentia se sola immediatè ac tota-
 liter eliciat actum. Aliqui ex ad-
 verso volunt, speciem solum im-
 mediatè & proximè sensationem,
 efficere, potentiam verò remotè &
 principaliter operari per speciem.
 Hunc dicendi modum Toletus tri-
 buit S. Thomæ, qui 1. par. q. 56. art.
 1. hoc exemplo declarat concursum
 speciei: sicut calor in igne est prin-
 cipium calefactionis, ita species in
 oculo est principium visionis. Ita
 quæ sicut calor est totum immedi-
 atum principium calefactionis, ignis
 verò remotum: sic species erit ad-
 quatum principium proximum vi-
 sionis, oculus verò principium re-
 motum. Eandem sententiam refert
 & impugnat Scot. in 2. dist. 3. q. 8.

Dicendum tamen est, speciem
 effectivè simul cum sensu concurre-
 re ad cognitionem obiecti, ita ut
 hæc duæ sint concurrentes partiales si-
 mul elicientes actum sensationis,
 quem neutra per se sola elicere pos-
 set. Hæc est communior sententia
 D. Thom. 1. par. q. 56. art. 1. Albert.
 2. par. summæ de hom. tract. de sen-
 sib. Scot. in 1. d. 3. q. 7. Capr. d. 35.
 q. 1. art. 1. Vasq. 1. par. disp. 38. & 43.
 Suar. disp. 6. met. sect. 6. et disp. 18.
 sect. 7. Conimb. 2. de Anim. cap. 6.
 q. 2. art. 3. & aliorum hoc loco. At-
 que expressè D. August. lib. 9. de
 Trin.

*Species
 concur-
 rit effe-
 ctivè cõ-
 quam
 causa
 partia-
 lis.*

Trin. cap. 12. vbi ait: *Liquido tenendum est, quod omnis res quamcumque cognoscimus, congenerat in nobis notitiam sui: ab utroque enim notitia paritur, à cognoscente & cognito: itaque mens cum seipsam cognoscit, sola parens est notitia sua, & cognitum enim & cognitor ipsa est.* Et rursus lib. 11. cap. 2. *Gignitur ex re visibili visio, sed non ex sola, nisi adsit & videns, quocirca ex visibili & vidente gignitur visio.*

Offendi. Probatur primò ex naturali institutione speciei, ab initio proposita: scilicet, cum actus cognitionis sit expressa similitudo obiecti, debebat accipere hanc similitudinis rationem ab eodem obiecto, vel à specie substituta loco obiecti: hoc autem nullo meliori modo saluari & concipi potest, quam si species ad actum effectiue concurrat. Cum verò cognitio sit actus vitalis, dependens ab anima mediante potentia, omnino sensus ipse ex parte animæ tanquam potentia proxima, debet actum elicere: sic ergo hæc duæ coniunctum erunt concausæ partiales, species ex parte obiecti, potentia ex parte animæ, ad efficiendum actum.

Et ex ratione cognitionis. Secundò. Vniuersaliter effectus fit similis suæ causæ, & specialiter actus cognitionis elicitur similis speciei & obiecto, adeò vt species dicatur quasi semen obiecti: ergo species dici debet concurrere, non solum materialiter vel formaliter determinando potentiam; sed præcipue efficiendo actum cognitionis, tanquam causa partialis, potentia sensitiva cooperans.

Tertio. Tunc maximè dici debet causa aliqua effectiue concurrere ad producendum effectum, quando in ipso effectui inuenitur peculiaris ratio tali causæ attribuenda: propter quod, habitus supernaturales verè effectiue concurrunt ad eliciendos actus pariter supernaturales. Sed

certè in actu cognitionis inuenitur peculiaris ratio, nempe similitudinis cum obiecto, adscribenda ipsi speciei: ergo, si vnquam in similibus casibus conceditur concursus causæ partialis ad producendum effectum, maximè concedi debet in præsentī casu, asserendo speciem effectiue cooperari simul cum potentia ad eliciendum actum.

Quartò tandem. Non debet sola species dici causa proxima effectiua actus, sed ad summum dicenda est causa partialis, cooperans cum potentia. Tum quia ad hoc ponuntur potentia emanantes ab essentia animæ, vt immediatè eliciant actus: & alioqui si sola species esset immediatum principium, non fuisset necessaria alia potentia animæ. Tum præcipue, actus vitalis, qualis est sensatio, necessariò debet immediatè pendere à principio vitali: vel ab essentia animæ vt quidam volunt, vel omnino à potentia vitali animæ. Tum etiam, sicut anima non est tanquam instrumentum obiecti ad eliciendam cognitionem, ita obiectum nō est tanquam instrumentum animæ: sed ambæ sunt duæ concausæ: potētia autem se tenet ex parte animæ, species ex parte obiecti: ergo sicut potentia non est instrumentum speciei, ita nec species potentia: sed ambæ dicendæ sunt duæ concausæ proximæ partiales: tamen velut instrumentales, quatenus produciunt effectum debitum animæ & obiecto pro quibus operantur. Tum denique à posteriori, non semper existente specie in potentia elicitur actus, sed requiritur aduertentia & conatus animæ aduertentis. Vnde aliqui requirebant immediatum influxum animæ per suam essentiam ad actum cognitionis: sed saltem requiri debet immediatus influxus potentia.

Neque verò docuit oppositum S.

Thomas loco illo quem Toleus assererebat. Imò S. Doctor ibi actiuitatem obiecti coniungit cum actiuitate potentie. Sed ex parte obiecti ait, speciem se habere ut calorem ignis ad calefaciendum, quia scilicet obiectum concurret mediante specie: nullatenus excludens immediatum concursum potentie.

Species efficiendo actum repræsentat obiectum. Obijcies propterea primò. Munus speciei est repræsentare & vnire obiectum potentie: sed hoc totum benè saluari videtur per inhesionem speciei in potentia, absque alia efficientia respectu actus. Etenim sic intellectus per cognitionem proponit & repræsentat obiectum voluntati, nec aliter concurret ad actum voluntatis. Et quando obiectum est intimè præsens potentie cognoscitiue, necessaria non est alia species, ut docere solent Theologi in visione Dei, & in cognitione Angeli de se ipso.

Respondetur. Munus speciei esse, repræsentare obiectum effectiue, eliciendo actum cognitionis & repræsentationis. Intellectus autem per cognitionem proponit obiectum voluntati per modum finis. Et præterea species tribuit similitudinem actui: nihil tamen peculiare apparet in actu voluntatis, quod accipere debeat ab intellectu. Item species vnit obiectum potentie, non tanquam medium quid, sed tanquam extremum substitutum loco obiecti, dum obiectum non potest se ipso vniri sicut opus est. Ideoque quando obiectum est sufficienter præsens, ipsum immediatè efficiendo concurret ad actum cognitionis.

Actus vitalis benè effici. Obijcies secundò. Cognitionis secundum omnem rationem est actus essentialiter vitalis: ergo secundum nullam rationem potest effici à spe-

cie siue ab obiecto, quod non est *specie* *non vitali* *ficatur à principio vitali*.

Respondetur. Actum vitalem non posse totaliter elici ab aliquo principio non vitali: tamen partialiter benè posse ab aliquo principio non vitali simul cum alio vitali: ita ut realiter totus ipse actus efficiatur à principio vitali. Et alioqui, neque habitus supernaturales possent concurrere ad eliciendos actus vitales. Satis ergo est, speciem & potentiam simul cooperari ad eliciendum actum cognitionis.

Obijcies tertio. Ex duabus causis partialibus concurrentibus ad eundem communem effectum, vna quæque per se potest saltem aliquid ipsius effectus producere. Sic extensio duobus luminosis, quodlibet per se potest producere aliquem gradum luminis. Sed neque potentia sola, neque species sola, potest quidquam cognitionis elicere: ergo non se habent tanquam duæ concausæ partiales ad eliciendum actum.

Respondetur. Quamuis causæ partiales, vniocè operantes, possint singulæ aliquem gradum suæ qualitatis producere, ut in eo exemplo luminis. Tamen causæ æquiocæ, quæ producunt effectum quendam entitatiue indiuisibilem, cuius scilicet non possit quidquam produci nisi totus producat, qualis est actus cognitionis, singulæ per se nihil efficere poterunt. Non potest vtrique effici actus cognitionis, qui sit vitalis, & non sit similis obiecto: nec item potest produci, qui sit similis obiecto, & non sit vitalis. Ergo non potest, nec à sola potentia, nec à sola specie effici actus cognitionis secundum vllum gradum vel partem.

QVAESTIO QVINQVAGESIMAQVARTA.

De Sensibus externis.

Aristoteles lib. 2. de Anima, postquam in communi tractasset de potentia sensitiva cum omnibus pertinentibus ad eam, à textu 66. de singulis sensibus in speciali tractare prosequitur: prius quidem de sensibus externis, postea de internis. Et de externis, primò de visu, secundò de auditu, tertio de odoratu, quartò de gustu, quintò de tactu. Eundem Aristotelis progressum nos imitabimur, breuiter tamen expedientes quæ faciliora sunt. Merito sanè præponuntur sensus externi, ut potè magis obuij & manifesti, prioresquè in operando. Inter ipsos verò sensus externos, dignitatis ordo seruatur, ut ab Aristotele dispositus est, & approbatur à D. Thoma 1. par. q. 78. art. 3. Qui hunc ordinem deducit ex varijs immutationis gradibus quibus distinguebat sensus: illum faciens nobiliorem sensum, qui minorem immutationem patitur. Visus omnium minimè immutatur: solum quòpe spiritualiter seu intentionaliter. Post hunc auditus connotat immutationem naturalem ex parte obiecti, non organi; mutationem scilicet penes motum localem quo sensus efficitur. Tertio odoratus connotat immutationem solius quoque obiecti, tamen per alterationem. Gustus tandem & tactus naturaliter immutantur ex parte ipsius organi: minus autem gustus, cuius organum debet solum humectari: organum verò tactus subijcitur tot varijs mutationibus, iuxta multas tangibiles qualitates. Plures denique excellentias visus supra ceteros sensus, colligere solent Expositores circa caput septimum. Illa est præcipua, quam expressit Arist. 1. Meta. cap. 1., dicens, visum præ omnibus sensibus maxime valere ad hoc ut rerum notitiam assequamur, ideoquè esse nobis præ alijs cariorem. Tactus verò sicut dicitur nobilitate infimus ita necessitate & communitate primus, conueniens non solum omnibus animalibus, sed & omnibus ferè partibus animalis, ut sumitur ex Aristotele 3. de Anima 60., 66., & 67. Iam verò, præsuppositis ijs quæ communia sunt ad omnes sensus, specialiter circa singulos hæc præcipuè inquiremus, organum siue subiectum, obiectum, & medium, ac modum.

SECTIO PRIMA.

De Organo & subiecto Visus.

Organum visus est oculus.

Manifestum est, oculum esse proprium instrumentum visus. Oculi fabrica præclara & admirabilis saue est, quam describunt in hac materia Philosophi, & copiosius Medici anathomistæ. Nos

rem breuiter attingemus, quatenus opus est ad proprium subiectum visus potentia delignandum.

Componitur oculus ex plurimis partibus dissimilibus. Primò ex tribus humoribus, vno intra alium collocato. Primus ac præcipuus est, qui in medio oculi retidet, & appellatur chrySTALLINUS vel GLACIALIS, estquè pupilla oculi. Secundus est, qui tam ex parte interna oculi, quàm

Oculus componitur ex tribus humoribus.

in circuitu ad orbem oculi, proximè circumdat humorem chryſtallinum, diſcoōpertam tamen relinquens anteriorem partem dictæ pupillæ, qua dirigi debet ad obiecta videnda: & hic humor appellatur vitreus. Tertiū alius eſt, qui circa hunc ſequitur, ſimilique modo dictum humorem vitreum circumdat: & hic appellatur humor aqueus.

*Item
quinque
tunicis*

Secundò, ad oculi ſtructuram inferunt quinque tunicę eoſdem humores diuerſimodè ambientes. Prima dicitur ſpecularis & aranea, quæ proximè ambit & cōtinet pupillam. Secunda dicitur reticularis, & ambit humorem vitreum: ita tamen ut ſicut humor vitreus non contegit ex parte externa pupillam, ita etiam hæc tunica detectam relinquit. Tertia dicitur vvea, eundem humorem vitreum circumdās, eodemque modo pupillam in parte anteriori diſcoōpertam relinquens. Hæc tunica dicitur eſſe varijs affecta coloribus, iuxta quòd in hominibus cernitur humor vitreus diuerſimodè coloratus. Quarta dicitur cornea & ambit totum oculum, eſtque perfectè transparent ex parte externa oculi. Quinta demum dicitur ad nata vel adhærens, eſtque extrema toti oculo, illum in propria ſede continens affixum capiti.

*Oculi
inferi
iuncti
duo ner-
ui, &
ſeptem
muſculi.*

Tertiò præterea, ad oculos concurrunt duo nerui, dicti viſorij, & græco nomine optici; à cerebro ducentes originem, alter à parte dextera, alter à ſiniſtra: qui aliquantum progreſſi, coeunt in vnum, ac inde rursus diuiduntur, ad duosque oculos terminantur. Per hos neruos deſcendunt ſpiritus animales à cerebro ad oculos, & deferuntur ſpecies ſenſibiles ab oculis ad cerebrū. Quod ad motum oculi verſus diuerſas partes deferunt ſeptem muſculi: ſicut alia animalis membra his inſtrumentis motum exercent.

Quintò demum ad oculos quoque pertinent palpebræ & ſupercilia, quæ in eorum tutelam inſtituta ſunt.

Non conueniunt autem Philoſophi in quanam parte ex omnibus numeratis, vitus præciſè reſideat. Auicenna & quidam alij ex Perſpectiuis, viſum collocant; non in parte vlla conſpicua oculi, ſed interiùs vbi coire diximus neruos opticos. Fundamentum eorum fuit: quia, alioqui ſi in iſtis oculis reſideret potentia; cū duo ſint oculi, duplex eſſet facultas viſiua, duo eſſent actus viſionis per duas ſpecies: vnde neceſſariò obiectum apparere deberet duplicatum. Dicendo autem viſum reſidere in illo congreſſu neruorum opti-
corum, efficitur ut obiectum conſpiciatur ſimplex ſicut eſt. Alij verò in varijs externis oculi partibus viſum collocarunt, ut reſert Tolet. 2. de Anima q. 26. Ipſeque opinatur, potentiam viſiuam reſidere potiùs in tunica aranea quæ contegit humorem chryſtallinum, quàm in ipſo humore. Et fundamentum eius eſt: quia humor non ſentit, nec habet vitam ſenſitiuam.

*In qua
præciſè
parte re-
ſideat
viſus.*

Communis & vera ſententia eſt, viſum reſidere in humore chryſtallino, quæ eſt pupilla oculi, & in hoc præciſè ſubiecto exerceri actum viſionis. Ita docet Ariſt. lib. 1. de Generat. animal. cap. 5. & 1. de Hiſt. animal. cap. 9. item Galen. lib. 8. de vſu partium cap. 6. & lib. 10. cap. 1., qui bene notat, reliquas oculi partes inſtitutas eſſe propter dictam pupillam. Conſentiunt alij Philoſophi & Medici communiter. Probatu-
r facile primò: quia hic humor eſt maxime apertus ad recipiendum ſpeciem obiecti viſibilis: imò qui in alterius oculos intuetur, id ſe conſpicit velut in ſpeculo, inde nempe reſiliente ſpecie. Is humor eſt in medio oculi inſitus, tanquam prin-

*Reſidet
in hu-
more
chryſtal-
lino qui
dicitur
pupilla.*

cipal-

cipante à natura institutus ad visionem. Experientia quoque constat, laesa pupilla laedi visum: & detecta pupilla, etiam si totus reliquus oculus maneat expositus, non conspici obiectum: & è contra si sola pupilla detecta sit, optimè videmus obiectum.

Nō verò in ali- **qua tunica.** Secundò, visum esse potius collocandum in ipso humore, quàm in tunica eum circumdante, pateti quia huiusmodi tunicae datae sunt à natura in varijs partibus corporis propter consistentiam & defensionem earum: nec institutae sunt partes propter tunicas, sed tunicae propter partes neque operationes aliarum partium exercentur in tunicis: sicut specialiter sensus interni non resident in tunicis quibus indutum est cerebrum, sed in ipsa medulla cerebri. Visus ergo verè in humore cristallino non in tunica residet. Quod autem assumebat Toletus humorem carere potentia & vita sensitiva, verum est quidem de illis quatuor humoribus toti corpori interuentibus. Sed longè alius est humor oculi, vix analogia quadam nominis habens communem humoris appellationem. Humor ergo oculi est maximè animatus, viuetque anima sensitiva: sic in eo optimè potest ac debet residere potentia sensitiva.

Nec in nervis. Tertiò, visionem non debere fieri in congressu nervi optici probatur. Tum quia alij sensus non resident in nervis, sed in proprijs membris & organis ad quae nervi diriguntur, ut vehant illius spiritus, & inde reportent species. Tum praecipuè, contra fundamentum illius sententiae, refert Vesalius lib. 4. de Fabrica corporis humani cap. 4., quendam à se Patavij dilectum inuentum fuisse cum nervis opticiis à cerebro ad oculos separatim deductis & nullibi coeuntibus: cui tamen obiecta, non

duplicata, sed adhuc simplicia apparebant. Rursus in alijs sensibus, praesertim in sensu auditus, licet duo sint aures, & duo nervi, tamen quilibet sonus, non duplex, sed simplex sentitur, prout est. Alia ergo erit ratio, quare per duos oculos adhuc simplex conspiciatur obiectum.

Et quidem fatendum est, in duobus oculis inesse quoque duplicem potentiam, recipi duplicem speciem, & elici duplicem visionis actum. Sed ideo obiectum apparet simplex, & non geminatur: quia linea recta visionis quae consideratur ab vno oculo ad obiectum, incidit uniformiter in idem punctum, non solum obiecti, sed etiam loci, in quod incidit linea alterius oculi: quam lineam Perspectivi appellat axem visionis. Dum ergo obiectum in vno loco apparet, vnum conspicitur sicut est. Propter hoc, si alter oculus comprimatur vel attollatur, tunc obiectum duplicatur, quia disjunguntur axes oculorum, & terminantur ad diversa puncta loci, licet ad idem punctum obiecti: & sic obiectum apparet veluti dimotum à suo loco, & ideo in duplici loco apparet duplicatum. Quod si quis instet, dum pupilla oculi detorquetur ad aliam loci partem, non posse inde recipere speciem ab obiecto ibi non existente: dicendum est, adhuc pupillam recipere speciem ab obiecto, quia non tantopere dimouetur ut obiectum nequeat in illam transmittere speciem; & praesertim quia cū pupilla sit rotunda, adhuc in illa dirigi potest species ab obiecto. Linea tamen ducta à centro pupillae, per quam lineam fit visio, non incidit in eundem locum obiecti, sed paulò supra vel infra, et ideo obiectum apparet in alio loco quàm reuera sit. Propter eandem suam rotunditatem, pupilla, licet tam parua, recipit speciem magnorum corporum & montium.

*Quidā
locus
Arist.
explica-
tur.*

Sed adhuc obstare videtur Aristoteles qui lib. de Sensu & Sensibili cap. 2., ut probet lumen non solum recipi exterius, sed interius quoque in oculo, ait: *Non enim in ultimo oculi anima, aut anima sensorium est, sed manifestum quod interius.* Et præterea id confirmat experientia: *Iam enim quibusdam vulneratis in bello iuxta tempora, ita ut abscissi essent meatus oculi, accidit fieri tenebras, sicut lucerna extincta.* Supponere ergo videtur, visum residere interius, & non in externa pupilla oculi.

Respondetur cum D. Thoma super eundem locum lect. 5., per extremum oculi intelligi ultimam externam superficiem, per internum verò profunditatem pupillæ: atque in hac parte interiori debere recipi lumen, quia potentia sensitiva est in ipsa tota pupilla. Et insuper, principium visionis esse adhuc magis intra, nempe iuxta cerebrum: & ideo in illo casu, incisis nervis, amissum fuisse visum. Et hinc dixit Aristoteles, *Abscissum fuit perspicuum & vocata pupilla*: quia scilicet præcisa fuit via à cerebro ad pupillam oculi: vnde potius supposebat, visionem fieri in ipsa pupilla.

SECTIO SECUNDA.

De Obiecto visus, lumine, & colore.

*Obiectū
visus est
lumen
per se,
& color
cum lu-
mine.*

O Biectum visus adæquatè sumptum, non habet unum simplex nomen, ut notavit Arist. 2. de Anima 66. Sed omne quod formaliter sub visum cadit, est lumen & color. Cum hac tamen differentia, quòd lumen per se cerni potest etiam sine colore: ut patet, quia videmus atra cælestia, & alia corpora lucida, licet nullo colore imbuta. Co-

lorem autem non videmus nisi cum lumine: vnde in tenebris nihil proprius videmus. Et ita Aristoteles 2. de Anima 67. ait: *Non est visibilis color sine lumine, sed omnis cuiusque color in lumine visibilis est.* Quòd verò tex. 72. videtur ex aduerso docere: *Quadam in lumine non videntur, in tenebris autem faciunt sensum, ut qua ignea videntur & lucetia, fungus, cornu, capita piscium, & squamæ, & oculi*; addens præterea, nullam harum rerum videri secundum proprium colorem: Sic intellexit, quòd huiusmodi corpora de se habent exiguam quandam lucem, quæ ab externo maiori lumine occupatur ut per se non tulleat; in tenebris autem, hoc est absque alieno lumine, propria illa luce splendean, & sic videantur: sed tamen tunc non videntur secundum suum proprium colorem, sub quo tamen in alieno lumine conspiciuntur, ut satis experientia notum est. Iam verò explicanda hoc loco est natura luminis & coloris. Sed rem breviter expediemus.

Circa naturam lucis dubitatur primò, an lux sit corpus vel forma inherens corpori. Empedocles enim apud Arist. 2. de Anima 70. & Lucretius lib. 4. de Rerum natura, affirmarunt, lumen esse corpus. Adhæret Simplic. 2. Cæli comm. 79. Idem indicavi: Plato in Timæo. Imò & Arist. sect. 11. problemate 33., ubi hanc reddit rationem, cur nox quàm dies sit ad audiendum aptior: *Quia per inanitas facultas audiendi amplior quàm per plenius datur: est autem aer interdum densus, ut qui luce radiisque referens sit, noctu autem rarior, quod ex eo ignis & radii decesserunt, que corpora esse dixeris.* Ac nuper Sebastianus Bassonus lib. 2. de Cælo intentione 2. contendit, lumen esse corpus, esseque particulas inmutatas à corpore lucido, & in-

*Quid sit
lux.*

termixtis aeri alijsque corporibus illuminatis. Idque confirmat experientia: quia radij Solis incidentes in aditum camini quo fumus egredi deberet, notabiliter impediunt egressum fumi. Insuper inter corpora lumen esse ignem, indicant Arist. 5. Topic. cap. 3. D. August. lib. 6. de Genes. ad lit. & lib. 3. de Liber. arbit. cap. 5. & Damasc. 2. fid. cap. 7.

Lux nō est corpus, sed forma inhaerens corpori. Ita planē docuit passim Arist. & praesertim 2. de Anima tex. 69. Lumen est actus perspicui corporū. &c. Neque ignis est, neque omnino corpus, neque defluxus corporis vilius. Et alij omnes, tam Philosophi, quam Theologi, in hoc consentiunt. Patet manifestē. Tum ratione eiusdem Aristotelis, quia vnū corpus non potest esse simul cum alio in eodem loco. Nec dici potest lumen intermisceri per alia corpora: quia constat lumen continuari per omnia corpora lucida. Tum etiam fieri non potest, vt ē corpore luminoso tanta copia eius substantiae egrediatur, quae tam magnū spatium repleat. Tum, fieri non posset, vt tam citō à corpore lucido illuminaretur subiectum in tantam distantiam. Tum demum, non illico recedente luminoso exstingueretur lumen in toto subiecto. Et ridiculum erat, quod dicebat Empedocles, abscondi tempore nocturno lumen diffusum per totum nostrum emisphaerium ob velocitatem motus.

Aristoteles verò in eo loco Problematum, nequaquam affirmando eam rationem attulit, sed solum dubitatiue proponens. Aliam autem conuenientem eius quaeriti rationem statim ibi subiungit. In 5. Topic. nomē ipsum lucis accepit pro igne: & sic etiam illi Patres qui eodem modo locuti sunt. Ad experientiam illam dicendum potius est radios

Solis ferre simul aliquem calorem, quo rarefaciunt aliquanto aerem, eumque sic veluti impellunt in eam partem ad quam diriguntur: & inde impediri seu retardari egressum fumi in camino.

Dubitatur secundò, an lux sit forma substantialis vel accidentalis. Augustinus Buccius in disp. 4. de Anima cap. 3. negat vtrumque dicens, lucem nec esse substantiam neque accidens, sed aliquid minus substantia, & maius accidente. Aliqui apud D. Thomam 1. par. q. 67. art. 3. dixerunt, esse formam substantialem, quia non habet contrarium, sicut solent habere qualitates, idemque indicat Philopon. lib. de aeternit. mund. cap. 5. & 6. Insuper Priscianus lydus in Theophrast. de Ani. cap. 19. cum Iamblico ait, lumen non esse accidentalem corporis formam, supponens quoque non esse corpus. Praeterea Dandin. 2. de Ani. digest. 37. cum eodem Prisciano, & Alexand. Themistio, Simplic. & Philopono, explicat, lumen esse talem formam, quae non de subiecti potentia educatur, ab eoque dependeat, siue de nouo fiat dependenter à subiecto: sed quae potius transmittatur & effundatur à primo corpore lucido, tanquam prius in illo praexistens. Adhuc tamen Dandinus, lucem vult esse accidentalem formam, esseque qualitatem.

Certum tamen est, lucem non esse substantialem, sed esse accidentalem formam, educique de potentia subiecti. Patet: quia producit in aere alijsque corporibus: non potest autem noua forma substantialis induci in materia simul cum alia priori forma. Nec verò potest lux quae est forma accidentalis in his corporibus, esse substantialis in alijs per se lucidis, v. g. igne, Sole, & similibus. Quae enim forma est essentialiter accidentalis, in nullo sub-

Non est forma substantialis, sed accidentalis.

iecto potest esse substantialis. Sed ad summum lux in corporibus per se lucidis dicetur intrinsecè promanare ex eorum substantiali forma. Quamuis autem lux non habeat contrarium, non per hoc est forma substantialis; quia etiam inter accidentia, & inter qualitates, inveniuntur quæ non habent contrarium.

*Fitque
omnino
depen-
denter à
subiecto.*

Dum autem lux est corporis forma, & est accidentis quoddam, dici omnino debet educi de potentia corporis in quo recipitur, fierique dependenter ab ipso subiecto. Nam sine dubio in suo esse dependet à subiecto, ab eoquæ sustentatur illiq. inhæret: igitur sic etiam fit dependenter à subiecto. Nec vllatenus dici potest, lux tanquam antea actualiter præexistens, transmitti à primo corpore lucido, & sic transfundi de subiecto in subiectum. Nam hoc est prorsus contra naturalem conditionem omnis formæ dependentis à subiecto. Et præterea, corpus lucidum, non habet in se actualiter nisi lucem suam quam semper in se retinet: neque pariter actu in se habet aliam lucem quam transfundat in alia corpora quæ illuminat. Et quando corpus lucidum desinit illuminare aliud subiectum ob impedimentum interpositum, non utique transfert eandem numero lucem in aliud subiectum, non ad se retrahit: sed prorsus illa lux extinguitur, & semper lux de nouo in subiecto illuminato producit. Demum, si lux eo pacto diffunderetur à corpore lucido, planè emitteretur per motum localem: vnde non posset extendi in instanti, sed necessariò indigeret successione temporis. Et tamen Dandinis eo motu inter alia in eam suam cogitationem inductus est, quia lux diffunditur in instanti. Et alia demum quæ pro illo dicendi modo congerit, vel sunt prorsus friuola, vel etiam falsa, vel tandem ipsimet repugnant.

Dubitatur tertio, de quo accidentium genere lux sit. Hieronymus Prouenzalis in lib. de Sensibus par. 2. cap. 10. vult, lumen esse solam præsentiam corporis luminosi, idquæ asserit eum Alexandro: & sumit ex Arist. 2. de Anima 69. ubi ait: *Lumen est præsentia ignis aut huiusmodi alicuius in perspicuo*. Philopon. apud eundem Prouenz. voluit, lumen esse operationem agentis luminosi. Thomas Gianninus in disp. de Lumine & speciebus. cap. 8. resoluit, lumen esse simul de genere qualitatis, & actionis, & passionis. Franciscus Piccolomineus lib. de Sensu Vitæ cap. 8. vult, lumen esse actionem: simulquæ ait esse qualitatem representantem lucem quæ est qualitas principalis corporis lucidi. Certum tamen est, lumen esse de genere qualitatis, essequæ veram qualitatem de tertia specie quæ dicitur passio & passibilis qualitas. Patet, quia ad nullum aliud accidentis genus potest reuocari, sed omnino participat essentialem qualitatis rationem. Cumquæ sit sensibilis, per se spectat ad tertiam illam qualitatis speciem, quæ propriè per ordinem ad sensum designatur. Neque verò sufficit sola præsentia luminosi: nam non solum in ipso luminoso supponitur lux esse interna qualitas: sed etiam in toto medio quod illuminatur sine dubio recipitur quædam realis qualitas, producta tamen ex præsentia luminosi. Et hoc planè ibi voluit Aristoteles, qui negare intendebat, lumen esse aliquod aliud corpus diffusum per medium illuminatum. Nec item lumen dici debet actio vel passio, sed absolute qualitas, quæ ab agente producat, & in subiecto recipiatur. Neque certè potest subdiuersis illis prædicamentis & generibus essentialiter contineri.

*Est omnino
qualitas*

Dubitatur rursus quarto, cuius ordinis qualitas sit ipsa lux. Scotus lucem enim

Est qua-

*realis
corpo-
rea.*

enim in 2. dist. 13. Aegid. 2. de Anima circa tex. 76. Thien. circa tex. 71. Buridan. q. 17. volunt, lumen diffusum in medio esse qualitatem intentionalem. Sic etiam appellatur S. Thom. in 4. dist. 1. q. 1. & alibi. Et expressè in 2. d. 12. q. 1. art. 3. dixit, valde probabile esse lucem esse qualitatem intentionalem & spirituales, sicut speciem coloris: probabilius tamen esse oppositum. Caiet. verò 1. par. q. 67. art. 3. ait, esse eminenter intentionalem & realem. Piccolominus ubi supra, ait, esse qualitatem spirituales: & cap. 9. hoc esse spirituale explicat per imitationem & representationem lucidi principalis: & concludit lumen posse dici, ens non ens, in medio non in medio, qualitatem non qualitatem, actionem non actionem. Certum tamen esse debet, lucem esse qualitatem realem corpoream. Patet, quia realiter oculis ipsis cernitur: non solum inquam cernitur lux quæ est in primo lucido, ut Sole & igne: sed etiam quæ communicatur alijs corporibus: cernuntur enim omnia quæ lumen accipiunt. Rursus lux recipitur in subiecto corporeo, & per suas partes coextenditur in subiecto. Igitur verè est qualitas realis & corporea. Neque oppositum intelligere poterunt Auctores allegati. Sed vocarunt qualitatem intentionalem, aut spirituales: quia absque subiecti resistentia in instanti producitur, & absque expulsionem illius contrariæ qualitatis. Vel ita vocarunt, putantes, eandem ipsam lucem in oculo esse speciem visivam ad conspiciendum obiectum. Sed tamen hoc verum non est: quia diversæ omnino rationis est species elicitive visionis, à qualitate terminativa visionis, ut iam ostendimus q. præced. sect. 2. Et patet denuò manifestè in luce: quia diffunditur lux Solis v. g. per varias reflexiones & communicationes in

totum aerem: & tamen non pariter diffunditur species Solis, cum non ex omni loco participante lucem Solis conspiciamus Solem. Neque ergo hoc modo lux dici debet qualitas intentionalis vel spiritualis.

Dubitatur quintò, an lux producat successivè in tempore, vel simul in instanti. Scaliger exercitatione 298. art. 2. dubitat, produci in tempore, & non in instanti: quia per accessum Solis mundus successivè illuminatur. Et constare non potest, an aliquantum ante quàm ad nos lumen pertingat, surrexerit Sol aliudve corpus lucidum. Item Bassonus lib. 2. de Cælo intent. 2. docet & probat, lumen non in instanti diffundi, quia cum putet lumen esse corpus quoddam, non potest motus localis fieri in instanti.

*Per se
produ-
citur in
instanti.*

Sed certum est, lumen per se in instanti diffundi. Ita supponit Arist. 2. de Anima 70. & omnes alij Philosophi docent: item Ambros. lib. 1. Exameron. cap. 9. Basil. homil. 2. Examer. Et alij sacri Doctores. Patet, quia sic apparet experientia: cumque nulla ratio in contrarium cogat hanc apparentiam corrigere, ita putandum est. Patet etiam ratione: quia cum lumen non inveniatur qualitatem positivam contrariam sibi quæ resistentem in subiecto, non indiget mora temporis, atque adeò debet in instanti diffundi. Neque verò lumen est corpus, quod per motum localem debeat ex vno ad aliud terminum pertransire, ut iam ostendimus: Bene autem per accidens fieri potest, ut lux successivè fundatur & augeatur, per successum nempe motum localem corporis lucidi: & ideo per successum accessum solis successivè illuminatur mundus.

Dubitatur sextò, an lumen alias operationes perficiat. Et quidem non alias satis communiter dici solet lux esse causa caloris. Et aliqui ulterius opinati exer-

*Ex se
alias
opera-
tiones
exercet.*

nati sunt, omnes celestium causarum effectus fieri mediante lumine. Sed tamen, incredibile est, tam varios & multiplices calorum effectus fieri virtute luminis. Et necessarium non esse asserere, lumen calefacere. Itam tractauimus circa calorum operationes quæst. 35. scilicet. 7. Bene tamen lux est alterius lucis productiua, ut est notissimum.

Nam omnis lux sit eiusdem rationis essentialiter.

Dubitatur demum septimò, nam omnis lux sit eiusdem essentialiter rationis. Aliqui in hoc genere quatuor species distinguunt, quas & peculiaribus nominibus designant, lucem, lumen, radium, & splendorem. Quorum nominum significatione, sic enarrat D. Tho. in 2. dist. 13. q. 1. art. 3. *Lux dicitur secundum quod est in aliquo corpore lucido à quo alia illuminantur, ut in Sole: lumen secundum quod est receptum in corpore diaphano illuminato: radius dicitur illuminatio secundum directam lineam: splendor est ex reflexione radij ad aliquod corpus tersum & politum, sicut ad aquam & argentum.* Alb. Magn. 2. par. summæ q. de lumine, tres luminis species essentialiter distinguit, nempe corporum beatorum, celestium, & inferiorum. Aliqui rursus, inter ipsa corpora celestia plures lucis species distinxerunt, pro varijs siderum operationibus. Aliqui etiam in his corporibus inferioribus, pro varia eorum conditione & apparentia, in illis scilicet quæ per se ab intrinseco lucent. Ex aduerso D. Tho. in 4. dist. 44. q. 2. art. 4. & alij magis communiter, affirmant, omnem lucem esse eiusdem essentialiter rationis, esse infimam quandam speciem, sub qua plures distingui non possunt. Et fundamentum est, quia omnis lux eodem modo apparet atque conspicitur.

Potest in natura

Dicendum tamen est, posse quidem aliquam essentialem differen-

tiam cogitari, qua plures lucis species distinguantur: tamen non constare, talem differentiam de facto inueniri. Explicatur prima assertionis pars. Si cogitetur quædam lux, quæ non indigeat continuo actuali influxu causæ naturalis ad sui conseruationem, utique hæc differt specie à luce quæ indiget tali continuo influxu. Et sic potest cogitari differre specie lux eorum corporum quæ de se ab intrinseco lucent, ut Sol, & ignis, & alia huiusmodi, à luce quæ in a ijs corporibus ab his primis lucidis communicatur, ac semper actuali influxu ab ijs indiget conseruari. Item, si esset quædam lux quæ non esset alterius lucis productiua, sed se haberet sicut color in suo subiecto, non producens alium similem colorem in aere alijs uel corporibus: hæc utique lux specie differret ab illa quæ est alterius lucis productiua. Et fortassè aliz plures differentiz cogitari possunt.

Suadetur deinde secunda assertionis pars: quia nulla est ratio quæ ostendat, de facto differre plures lucis species: quinimò omnia bene saluari possunt absque vlla lucis specifica differentia. Non oportet distinguere, lucem, lumen, radium, & splendorem: quia illa sunt solum distincta nomina secundum peculiare quædam considerationes, ut explicauit D. Tho. Imò solent quoque, illa ipsa nomina pro eodem conlundi. Et sic nos pro eodem indifferenter sumimus lucem ac lumen. Non oportet distinguere lucem corporum beatorum, celestium, & inferiorum: quia lux corporum beatorum est adhuc essentialiter naturalis, sicut nostra lux: lux corporum celestium, licet sit in diuerso subiecto à nostra materia, non per hoc debet essentialiter distingui à nostra luce. Multò minùs oportet distinguere plures lucis species ce-

lucis cogitari aliqua specifica differentia.

Sed non oportet distinguere plures lucis species.

lestium syderum, aut inferiorum corporum. Non enim sydera per lucem suas varias operationes exercent, ut supponimus. Nec varia apparentia interiorum corporum lucidorum, persuadet in ijs, lucis specificam differentiam. Nec demum oportet distinguere lucem primariam & secundariam, siue lucem corporum per se lucentium, & lumen aliorum corporum illuminatorum: quia potius omnis huiusmodi actio lucis videtur vniuoca. Lumen autem diffusum in corporibus illuminatis dependet quidem in conseruari à luce corporis illuminantis: lux verò corporis per se lucidi dici debet eadem necessitate semper actuali influxu conseruari debere ab ipsa substantia corporis lucidi: alioqui enim, si non indigeret tali influxu, hac ratione necessarò distingueretur essentialiter à lumine quod semper in conseruari dependet.

*Quid
sint co-
lores.*

Circa naturam deinde coloris, Pythagorici apud Arist. lib. de sensu & sensili cap. 3. dicebant, colorem esse ipsam corporis superficiem: & nuper Pronen. par. 2. de sensili cap. 12. & Celsus Mancinius lib. de Synagia Platonica cap. 23. defendunt, esse superficiem corporis perspicui terminati. Rursus Sebastianus Bassonus lib. de Visu intent. 6. asserit, colorem esse repercussionem radiorum & ignium egredientium ab oculis, & incidentium in obiecto, atque occurrentium alijs ignibus obiecti & luminis, & tandem redeuntium ad oculos. Sed his manifestis absurditatibus omissis, Plato in Timæo, Auempace & Alpharab. apud Auerr. 2. de Anima comm. 65. item Auic. lib. 6. Natural. par. 3. cap. 1. Alber. in summa de Homine q. de substantia coloris, Andrazas Casalpini lib. 5. Peripateticarum questionum q. 7. Et quidam alij recentiores opinati sunt, colorem non

esse aliam qualitatem à luce distinctam, sed esse eandem lucem diuersimodè in corporibus receptam, & sic diuersos apparere colores. Adhærent Capreol. in 2. dist. 14. q. 1. ad 1. cont. 2. concl. & idem Alber. lib. de Sensu & Sensili trac. 2. cap. 1. & quidam alij dicentes, lucem esse saltem formam siue causam formalem colorum. Item Scaliger exercit. 325. art. 5. dicens, colorem esse qualitatem conflatam ex elementorum qualitate & luce quatenus lux est. Similiter Vidus Antonius Scarmilionus lib. 1. de Coloribus cap. 6. dicens constare ex luce & opacitate, esseque lucem opacam. Fauet quoque Arist. 2. de Anima 73. vbi colorem definit: *Esse motuum perspicui secundum actum, actus autem perspicui lumen est.* Sed idem esse videtur motuum et actus perspicui igitur vult, colorem esse formaliter ipsum lumen. Et iterum lib. de Sensu et Sensili cap. 3. colorem definit: *Est extremitas perspicui in corpore determinato.* Vbi vult colorem esse tantum in extrema superficie corporis opaci: quia scilicet in illa sola recipitur lumen.

Fundamentum præterea ad constituendam naturam coloris per lucem, duplex est. Primum, quia in tenebris nulli conspiciuntur colores, & ita simul cum luce deleti videntur, iuxta illud Poetæ Aeneidos. 6. *Rebus nox abstulit atra colores.* Alterum est, quia constat per incidentiam lucis & certam habitudinem eius solere in rebus apparere colores, ut in ipsis astris celestibus, in aereis nubibus, in Iride, & apud nos in collo columbæ, in cauda pavonis, & similibus.

Communis tamen & vera sententia est, duos colorum ordines distinguens. Alij colores sunt qui non permanent in corporibus insunt, sed solum in ijs contingenter apparent

*Alij in
appare-
tes, alij
verè.*

ex certa incidentia lucis, ut in exemplis modò adductis. Alij colores sunt, qui stabiliter in rebus permanent, quales nempe inveniuntur in corporibus apud nos coloratis. Illi dicuntur colores apparentes, hi autem veri colores. Colores apparentes consistunt quidem in certa incidentia lucis in corporibus taliter dispositis.

Verus spositis. Veri autem colores sunt *color est* qualitates prorsus à luce distinctæ, *qualitas* indigentes tamen luce ut cerni possint. *à luce* Sic clarissimè docet Arist. 2. *distin-* de Anima in tract. de Visu, & lib. de *cta.* Sensu & sensili cap. 3. & ubicumque hac de re meminit. Et fundamentum huius rei est ipsamet experientia: colores enim apparentes ita se habent, ut variato aspectu lucis vel oculorum, non appareant sicut antea. Veri autem colores semper eodem modo conspiciuntur in suis rebus, quocumque modo lux se habeat aut varietur, & ex quocumque situ dirigatur aspectus. Itaque recedente luce non tolluntur hi colores, sed exaltantur & absconduntur, donec redeunte luce iterum in conspectu redeant: ut notavit D. Thom. 1. par. q. 105. art. 5. dicens, Solem esse causam manifestationis colorum, in quantum dat lumen quo manifestantur. Sic etiam dicitur non per tenebras auferre colores, autem scilicet ab aspectu, auferre aspectum colorum. Vnde optimè dicitur in quodam Hymno: *Non*

atra rerum coniegit terra colores omnium. Atque id solum voluisse videntur aliqui ex ijs qui lucem ipsam dicebant esse colorem vel formam coloris.

Verus Aristoteles verò, quando dixit *color re-* lumen esse motuum perspicui, *peritur* ponebat perspicuum debere esse actum per lumen, & tunc colorem *et in-* mouere perspicuum, id est medium *rerum* diaphanum, immittendo suam speciem *conspici-* tur etiam: supposebat itaque distinctio-

nem coloris à lumine. Quando iterum dixit, colorem esse extremitatem perspicui, ad summum voluit colorem videri in sola extremitate corporis illuminati terminantis visum. Quod quidem Conimb. 2. de Anima cap. 7. q. 2. in fine, cum tanto rigore intelligunt, ut nunquam conspiciatur color in profunditate corporis colorati; etiam si hoc sit diaphanum, v.g. vitrum coloratum. Sed tamen in tali casu videtur potius color etiam in profundo: quoniam verè visus penetrat in profunditatem talis corporis, ibique inspicit, si quis alius color in interioribus seu posterioribus partibus adsit. Satis ergo erit, dictum Aristotelis intelligere regulariter, de corporibus scilicet opacis, quæ licet verè habeant in tota sua profunditate colorem, tamen non videntur nisi secundum extremam superficiem: Quia nimirum lumen non penetrat in profundum, & color non videtur sine lumine. Et ex his tandem patet ad utrumque etiam fundamentum prioris sententiæ.

Imò ulterius, etiam in eo genere colorum qui dicuntur apparentes, & non existunt sine luce, interdum contingere videtur aliquis color, qui adhuc sit quædam qualitas à luce distincta, dependens tamen in conservari à luce: quando nempe radij Solis transeuntes per vitrum coloratum, simili colore apparenter tingunt parietem in quem incidunt: tunc enim videtur in pariete produci talis color, diversa tamen rationis specificæ à colore stabili & permanenti ipsius vitri. Non enim sufficit quod ait Suarez lib. 3. de Anim. cap. 15. ex pariete reflecti ad oculum speciem illius vitri colorati, & sic in pariete videri licet confuso modo, idem vitrum cum suo colore. Nam certè non reflectitur species ullius obiecti ex pariete, sicut ex speculo:

in profundo.

Interdum color apparentes videtur etiam non una qualitas præter lucem.

cu'o : si quidem ne Solis quidem species ex pariete reflectitur. Et rursus, si ea visio coningeret per reflexionem speciei, non conspiceretur ille color in pariete, nisi ex tali situ, ad quem fieret æqualis angulus reflexionis cum angulo incidentiæ, sicut semper experimur in speculo : attamen experimur, ex quocumque situ & loco eodem modo cerni illum colorem in pariete in quem incidunt Solares radij transeuntes per vitrum illud coloratum.

*Colores
sunt mul-
ti et va-
rij.*

Cæterum, rerum colores sunt multi & varij in magna copia, ut est notissimum. Inter eos autem, color albus & niger censentur extremi, reliqui verò medij : ut habetur ex Arist. de Sensu & Sensili cap. 3., & ex communi omnium loquendi modo. Dicuntur quoque colores medij constare ex illis extremis. Et Auerr. 1. Physic. com. 56. & in Paraph. de Sensu & Sensili, significat, ipsos colores extremos secundum varios gradus coniungi simul in quodam statu medio. Sed sanè non est id ita intelligendum propriè & formaliter. Quinimò singuli colores censiendi sunt ex hac parte simplices, atque omnes inter se essentialiter differentes. Per quandam verò appropriationem dicuntur constare ex illis extremis, quasi per similitudinem quandam participant de utroque. Solent autem pictores per mixturem diuersorum colorum efficere quosdam colores medios. Sed tamen non videntur hoc pacto conficere nouum quendam colorem in toto subiecto extensum. Sed potius per coniunctionem diuersorum liquorum aut puluerum habentium diuersos colores, efficiunt ut appareant veluti noui diuersi colores. De varietate autem & multitudine colorum, omnibus què eorum notis speciebus distinctè satis loquuntur Scaliger exercit. 325., & Scarmilio-

nus lib. 2. de coloribus. Septem autem principales species solent communiter constitui : duo nempe extrema, album & nigrum : tertium viride & què medium inter ea extrema : quartum paniceum seu croceum, magis accedens ad album : quintum caruleum seu citrinum, magis accedens ad viride : sextum purpureum magis accedens ad nigrum : septimum rubrum magis accedens ad viride.

Postremò, dicuntur colores oriri ex temperamento primarum quatuor qualitatum, atque adeò varij colores ex varijs temperamentis : Et ita iam attigimus quæst. 43. sect. 6. in vniuersum circa qualitates mixtorum. Solentquè designari certa temperamenta, ex quibus unus vel alius color oriatur. Attamen in hac distributione non apparet aliqua satis tuta & inoffensa regula : quinimò non videtur posse constare, vnde præcisè singuli colores oriuntur. Nam sæpè cum diuersis valde temperamentis inuenitur coniungi idem aut valde consimilis color : & è contra cum eodem aut valde consimili temperamento inueniuntur valde diuersi colores, ut præsertim apparet in pilis bestiarum, & pennis auium. Itaque, adeò obscura est origo variorum colorum, ut vix quicquam de illa constare possit. Dandinus autem 2. de Anima digress. 35. absolute docet, colores non oriri ex primis quatuor qualitibus, sed oriri ex permixtione lucidi, opaci, et perspicui, ac ex varia permixtione oriri varios colores. Sed neque hæc regula substat. Imò, si intelligatur lucidum permanere intrinsicè in corporibus mixtis, ut sanè indicat Dandinus, id est planè falsum. Præstat ergo, ignoram fateri colorum originem.

*Origine
colorum
est du-
bia &
obscura.*

SECTIO TERTIA.

De Medio & modo Visus.

Requi-
ritur
omnino
medium
inter ob-
iectū &
oculum.

Necessarium esse medium interiacens ab obiecto ad oculum, & alioqui visibile positum supra sensum non sentiri, docet Arist. 2. de Anima 73. Et probat experientia: quia si ponatur super oculum corpus coloratum, non cernitur: sed color quidem debet mouere medium perspicuum, puta aerem; ab hoc autem continuo existente, idest per hoc tanquam per medium, mouetur sensorium. Huius rei duplex reddi solet ratio. Vna est: quia species visibilis, vt sit proportionata sensui, debet esse aliquatenus attenuata, & non valde crassa: at dum obiectum imponitur supra sensum, species est crassa. Altera ratio est: quia per impositionem obiecti supra sensum, obumbratur vtrumque, & impeditur lux quæ est necessaria visioni.

Quo pa-
cto vi-
deatur
quidam
fulgor
intra o-
culum.

Sed aduersus hanc assertionem obstat videtur quædam experientia. Si ex vno latere comprimamus oculum, licet in tenebris, interius in oculo conspiciamus fulgorem quendam non sine varietate colorum. Sunt etiam nonnulli, qui ob humorem quempiam in oculo existentem videre sibi videntur telas aranearum, muscas volantes, & similia. Potest ergo cerni obiectum positum supra sensum, absque medio & lumine.

Ad hoc respondendum est, fulgorem illum, qui in compressione oculi conspicitur, inesse tunice dictæ corneæ, quæ non est immediata pupillæ in qua fit visio, in ò inter eam & pupillam mediant duo alij humores, vitreus & aqueus. Hic itaque fulgor, dum oculus comprimitur, proportionata quadam directione aut reflexione disponitur ad partes

quæ sunt circa oculum, & sic conspicitur cum illis apparentibus coloribus. Cernitur ergo per aliquod medium, & non sine lumine. Ita colligitur ex Arist. cap. 2. de Sensu & Sentili. Similiter, cum illæ aliæ apparentiæ ante oculos contingunt, non quidem cernitur crassus humor, affixus eidem pupillæ, sed potius aliquantum distans per alias partes oculi.

Deinde, ad assignandum quod. *Non po-* nam & quale medium requiratur, *test vi-* Democritus quæ reprehendit Arist. *deri ob-* lib. 2. tex. 72., dicebat, vacuum esse *iectū per* aptissimum medium, aded vt si spa- *medium* tium inter cælum & terram esset va- *vacuū,* cuum, exquisitè conspiciendam fore *nec per* à nobis etiam formicam in cælo. *opacum.* Hoc tamen prorsus falsum est, & rectè ab Aristotele improbat: quia per vacuum non daretur actio, nec transmitterentur species, vnde nulla omnino fieret visio. Aliqui verò affirmarunt, per quodcumque mediū, etiam opacum, videri posse obiectum. Imò aliqui protelsi sunt, aquas sub terra excurrentes, & metalla latentia inspicere: ac de factis singulares quidem casus in hoc genere narrantur. Sed, experientia, ipsa satis constat, non posse quidquam videri per medium prorsus opacum. Et quæcumque ex aduerso dicantur, fabulosa censenda sunt. Aut ex quibusdam manifestis indicij, aquæ vel metalla sub terra deprehendi potuerunt, non autem directè oculis inspicere.

Medium itaque proportionatum *Debet* visui, est corpus perspicuum, quod *videri* dicitur diaphanum, hoc est transpa- *per me-*rens, per quod trajecti possit lumen *diū per-* & species: qualia sunt, aer, aqua, *spiciū.* ignis, vitrum, chrysellum, cæli, & similia, vt notauit Arist. tex. 67. & sequentibus.

Textu 68. definit Aristoteles per- *Defini-* spicuum, quod est visibile, non se- *tur ab* cundum se, sed propter externum *Aristot.*

perspicuum. **colorem.** Hoc Conimbric. cap. 7. q. 1. sic intelligunt, perspicuum esse, quod de se non habet lumen, sed ab alio illuminatur. Quia tamen ignis est perspicuus, per se autem lucet; addunt hoc esse aliud genus perspicui, non comprehensum sub ea definitione. Verum, Aristoteles intendebat adæquatè definire perspicuū, per quod fit visio. Parumquē refert, si perspicuum habeat lumen à se vel ab alio. Et præterea huiusmodi definitio, quòd corpus sit visibile, non ex interno, sed externo & aduētio lumine, conuenit alijs omnibus corporibus opacis, quæ in prima superficie illuminata conspiciuntur. Melior ergo sensus definitionis erit, per colorem intelligendo verè colorem, atque dicendo, perspicuum non esse per se visibile, quali in se sistat & terminet visionem, sed esse visibile propter externum colorem, hoc est colorem eius corporis, quod adest post perspicuum, & ipsum terminat, & sic propriè sistit in se visionem. Hoc perspicuum, planè est diaphanum & transparens. Iuxta quod idē Arist. cap. 4. de Sensu & Sensili definit colorem, qui est terminus perspicui in corpore determinato.

Defenditur definitio. Neque vero contra definitionem sic intellectam obstabit, quòd aqua, vitrum & similia quædam corpora, sunt quidem perspicua, & adhuc per seipsa conspiciuntur, imò possunt quoque in se habere colorem, vt præsertim patet in vitro colorato. Hoc inquam non obstat: quia benè potest esse, vt realiter quidem idem aliquod corpus simul sit transparens per quod alia conspiciantur, & sit etiam per se visibile: Tamen formaliter & reduplicatiuè, non quatenus diaphanum & perspicuum, est per se visibile, sed vt sic solum est aptum præbere transitum visioni alterius corporis. Et iuxta hanc reduplicationem debet formaliter intelligi definitio.

Perspicuum. Docet vltèrius Aristoteles tex. 69., perspicuum ita constitui in actu per lumen, sicut coloratum per colorem: quia sicut coloratum redditur visibile per colorem, hoc est aptum terminare in se visionem; ita perspicuum redditur per lucem aptum trajcere speciem visibilem & visionem. Vnde definit lumen, quod est actus perspicui quatenus perspicui; & tex. 63. definierat colorem, qui est motuus: eius quod est actu perspicuum, hoc est medijs iam illuminati, vt clariùs repetit tex. 73. quocirca si perspicuum non sit de se lucidum, debet illuminari & fieri actu perspicuum ab alio agente luminoso, vt dicitur tex. 69.

An requiratur lumen in obiecto et medio. Hinc Auerr. indicauit, lumen requiri tantum ex parte medijs, & non ex parte obiecti. Et idem asserit Tole. q. 17. concl. 2. Ex aduerso autem Auic. lib. 6. Natur. par. 3. cap. 1. negauit, requiri lumen in medio perspicuo ad visionem. Idem tenet Hurtad. disp. 17. de Anima sect. 2. Et consentit Suar. lib. 3. de Anima cap. 16. dicens, intantum requiri solere lumen in medio, in quantum illuminari debet obiectum, ad quod lumen debet transire per medium, vel à quo ex cōsequenti illuminatur medium. Et quidem nō semper requiri lumen in medio, quibusdam experientijs suadetur. Noctu enim in tenebris conspiciamus corpora quædam per se lucida, quorum meminit Aristoteles, vt quosdam fungos, capita piscium, & similia: cū tunc nullum videatur dari lumen in aere medio, nec in oculo. Rursus, interdū ē profundissimis puteis cōspiciuntur stellæ, vt testatur Gal. lib. 10. de Vsu part., dum scilicet ad fundum putei non pertingit lumen. Insuper constat, dum quis existat in loco minus lucido, eò melius conspiciere obiectum lucens: & ē contra dum quis existit in loco valde lucido, & obiectum sit

in loco minùs lucido, agrè conspici obiectum, aut prorsus non conspici: ut patet dum quis existens in platea, intuetur in cubiculum per fenestrâ. Lumen ergo requiritur solùm ex parte obiecti, non ex parte mediij vel oculi. Has duas aduersas sententias commemorat S. Thom. 1. par. q. 79. art. 3. ad 2.

*Est ne-
cessariū
in obie-
cto, &
consequen-
tium in
medio.* Communior sententia est, lumen requiri simul ex parte obiecti & mediij. Et cum medio intelligitur vti-que organum quoque sensitivum, in quo maximè debet recipi species. Et sic notavit Zab. lib. de Visu cap. 11. Requiritur ex parte obiecti, visu ipso constat: nunquam enim obiectum vltimè ab ipse luce conspicitur: nulla què experientia adest in contrariū. Requiritur autè lumen ex parte obiecti, ad hoc ut obiectum immittere possit speciem sui: taliter enim color est visibilis, quòd non valeat exerce- re actum immittendi speciem nisi cum consortio lucis. Requirit lumen ex parte mediij, suadetur quoque experientia. Non enim conspici- mus obiectum, quando interpositum sit aliquod corpus opacum quod nō est capax luminis, neque per tale corpus transmittitur species: non conspiciamus ea quæ post parietem latent, et sic post quodcumque aliud tale corpus opacum incapax lumi- nis. Ex quo manifestum efficitur, non requiri lumen in medio per ac- cidens, ad hoc ut per medium illu- minetur obiectum, sicut dicebat Sua- rez. Nam ea quæ post parietem existunt, quantumvis luceant, tamen per intermedium parietem nullatenus conspiciuntur.

Attamen adhuc ad hanc experien- tiam dici posset, sicut corpus opacū est incapax luminis, ita ratione eius- dem opacitatis esse immediatè in- capax speciei visibilis: ita ut si alio- qui sit corpus de se non opacum, sed tamen omni lumine destitutum,

benè sit capax speciei, quamvis sine actuali lumine. Imò obseruari po- test, per aliquod medium non tran- sire speciem, etiam si transeat lumen: ut per nubes transit ad nos lumen Solis, non tamen videmus ipsum So- lem: & per fenestras cartaceas in- greditur lumen in cubiculum, non tamen è cubiculo conspiciuntur ea quæ sunt extra: insuper ex pariete in quem incidunt radij Solis, reflectitur vti-que lumen, non tamen species. Itaque in his omnibus casibus, non ex defectu luminis, sed per se ex in- capacitate talis subiecti, non trans- mittitur species. Nulla ergo appa- ret efficax ratio, qua probetur requiri lumen in medio.

Sed satis esse poterit, si defendat- tur requiri, respondendo ad opposi- tas experientias. Ad quas comuni- ter dici solet, semper inueniri ali- quod exiguum lumen in medio, & in oculo, quandocumque conspici- tur obiectum, licet ob nimiam exi- guitatem tale lumen in medio non discernatur. Si quis verò contendat, nullum esse tale lumen in medio, quod nec sensu deprehenditur, nec ra- tione cōvincitur, is putabit, lumen in medio non requiri: sed saltem regu- lariter verum est, lumen in medio inueniri: & sic saluabitur doctrina Aristotelis medium debere, idest solere, esse perspicuum actu per lu- men. Certum tandem est, multò ma- gis requiri & conferre lumen ex par- te obiecti, quàm mediij & oculi: ut euidenti experientia demonstratur. Quinimò ex loco vmbroso optimè conspiciamus obiectum illuminatum: non tamen ex illo loco ubi est lu- men, conspiceremus obiectum in loco illo vmbroso.

Postremò. Circa modum quo perficiatur visio rerum, fuit illa ve- tus sententia, visionem fieri per ex- transmissionem radiorum ab oculo. Sed Peripatetica & vera sententia est,

est, visionē fieri per intus susceptionem specierum in oculo, absque illa emissionē radiorum. Sed quia hoc multum faciebat ad ostendendum generaliter dari species sensibiles, iam satis de hoc diximus in communi de speciebus.

SECTIO QUARTA.

De Organo & subiecto Auditus.

Huius organi structura de scribitur.

Notum est, aures ordinari ad audiendum. Aurium hæc est structura, quam describit Arist. 1. de Histor. animal. cap. 11. Extrinsecus sunt auriculæ, quas cernimus cartilagineæ, & commodè consistentes, ut patet. Institutz sunt ad defendendum ac protegendum verum sensorium intus latens. Non in omnibus animalibus reperiuntur, ut obleruat Arist. ibidem. Ab his deinde interiùs deductæ sunt cavitates quædam, non rectæ, sed obliquis flexibus procedentes: nimirum ne externus aer commotus nimio impetu sensum laderet, sed gyris illis & anfractibus frangeretur. Quod notauit optimè Themistius in tex. 83. *Natura auriculas animalibus vertiginosas & inortas fabricata est, ut non simplex directumque, sed anfractuosum & flexuosum iter haberent, ne humor aut flatus in interiores partes facile posset illabi.*

In hoc harum cavitatum, adsunt quædam quæ vocantur tympana, ex memoratis cōstructa, & intus continentia humorem siue auram similem aeri, & propterea appellatum aerem innatum. Hoc tympanum sustinetur tribus ossiculis circumpositis aptèq; collocatis. Ad idem tympanum terminatur neruus à cerebro protensus, duplex ad duas aures: per

quem neruum mittuntur spiritus à cerebro ad sensum; & reuehuntur species sensibiles ab ipso sensu auditus ad sensum internum.

Ex his omnibus quæ ad hoc totum ædificium coadunata sunt, Vescalius lib. 1. de Fabrica corporis humani cap. 8. auditum collocat in illis ossiculis, quibus tympanum stabilitur. Themistius apud Conimb. cap. 8. 3. 4. collocat in spiritibus. Vescalius & communis sententia est cum Arist. 2. de Anim. cap. 8., auditum propriè residere in aere illo innato, intra tympanū incluso, siquidem hic à natura talis conditionis institutus est, cum quo aer externus sonos deferens similitudinem habet. Et huiusmodi tympanum est aptissimum instrumentum, ut interius in sensu veluti definens sonus extrinsecè factus, sensibilibiter audiatur.

Proinde hic aer innatus, non nisi similitudine quadam vocatur aer: reuera autem valde differt ab aere externo elementari: & verè est animata quædam pars intrinseca animalis, nō minus quàm humor chrySTALLINUS seu pupilla oculi: & sic indicauit Arist. tex. 82. & 83.

SECTIO QUINTA.

De Obiecto Auditus, nempe Sono.

Notissimum est, sonum esse adæquatum obiectum auditus. Sonum esse essentialiter motum corporum se percutientium vel collidentium, insinuare videtur Arist. tex. 78., sonum vocans ictum & percussionem, & clariùs tex. 85. & lib. de sensu & sensili, dicens, sonum esse motum vel motionem eius quod potest moueri. Pro hac sententia Tolet. q. 19. affert Themist. & alios Græcos interpretes, ipseque ait non

Desi- gnatur pars, cui propriè inest auditus.

esse improbabilem. Nec detunt rationes quibus suadeatur. Constat, sonum non fieri nec durare sine motu. Sonus non est vlla ex primis qualitatibus, non est secunda oriens ex mixtione primarum. Nulla alteratio recensetur quæ habeat pro termino sonum tanquam qualitatem. Sonus ergo non videtur esse aliud præter motum. Addit Hieronym. Prouenzalis par. 2. de Sensib. cap. 31., sonum esse actionem consequentem ex motu.

*Sonus
est qualitas.*

Verè tamen, sonus est qualitas realis à motu distincta, licet non fiat nisi ex motu. Ita omnes docent vel supponunt. Et patet; quia motus localis est solum acquisitio certi loci & vbi: sonus verò est obiectum sensibile & audibile. Dum auditus percipit sonum, certè non percipit nec cognoscit motum corporum, sed solum audit sonum: adeò ut, nisi aliunde deprehenderemus, scilicet per sensum visus, motum corporum sonantium; non vique ex sola auditione soni dignoscereimus corpora moueri. Et passim etiam solemus audire sonos, nullo pacto percipiendo motum, licet per discursum inferamus, sonum tactum esse per aliquem motum. Sicut ergo per motum localem producit calor, qui est qualitas ab illo distincta: ita sonus per motum producit, sed à motu distinguitur. Possit què fieri motus sine sono, & sonus sine motu, per Dei potentiam.

Deinde, quomodo sonus sit de genere secundarum qualitatum, aliquatenus à primis qualitatibus dependens, explicauimus q. 43. licet Tolet. q. citata ad 2: dicat, sonum esse qualitatem primam, sed non ex illis quatuor elementaribus, quæ enumerari solent, & propriè sunt tangibiles. Datur quoque peculiaris actio qua sonus efficitur: quæ quidem non est alteratio corruptiua,

seu disponens ad mutationem substantialem, vt frequenter nomen alterationis accipitur; sed est alteratio, amplè sumendo nomen alterationis pro omni productione qualitatis. Cæterum dum Arist. & alij Auctores sonum vocant motum, non loquuntur in sensu formali sed causali; id est sonum causari per motum: sicut eclipsis definiri solet interpositio terræ inter Solem & Lunam, id est obumbratio Lunæ ex hac interpositione proueniens.

Uterius, ad efficiendum sonum, non sufficit motus vnus corporis quod in loco moueatur, sed requiritur ictus & percussio plurium corporum. Ita est experientia motum. Extraditur ab Arist. tex. 78. *Fit autem secundum actum sonus semper alicuius ad aliquid & in aliquo percussio enim est quæ facit vnde & impossibile est, cum sit vnum, fieri sonum, aliud enim est quod verberat & quod verberatur: quare sonans, ad aliquid sonat, ictus autem non fit sine latatione.* Addit insuper Arist. non quæcumque corpora efficere sonum: *Nullum enim sonum faciunt lane etiam si percutiantur, sed as, & quæcumque lenia & concava sunt.* Recentet autem Aucrr. com. 85. tres condiciones ad hoc vt corpora percussione sonent, nempe vt sint lenia, dura, & lata.

Rursus Arist. tex 79. significat, ad sonum requiri percussione trium corporum concurrentium, nempe ictum duorum corporum solidorum veluti extremorum, & alterius intermedij, nempe aeris vel aquæ. Ait enim: *Non est sons auctor, aer nec aqua; sed oportet percussione solidorum fieri adinuicem & ad aerem.* Hinc aliqui Expolitores contendunt prorsus hæc tria requiri ad efficiendum sonum, & defendit Prouenzalis cap. 28. Conimb. autem cap. 7. q. 1. art. 1. prop. 3. id affirmant de sono

Efficitur per ictum et percussione corporum.

Sufficit percussio duorum corporum.

sono perfecto, de eoq; intelligunt Aristotelem. Verum simpliciter & absolute ad efficiendum sonum sufficere potest concursus & percussio duorum corporum. Patet enim, per virgam in aere velociter agitatum effici sonum, ubi non datur alius motus nisi percussio virgæ cum aere: & intus sub terra ante terremotum audiuntur quidam subterranei boatus, ut refert Arist. 2. Meteor. cap. 8. ubi similiter non datur alius motus, nisi aeris concutientis terram. Item, cum scinditur pannus nouus, stridet & crepitat; ubi non interuenit aliud quam elisio aeris per scissionem panni. Et manifestè vox animalis non efficitur ex percussione vnius corporis solidi in aliud, dissiliante aere: sed instrumenta vocis impellunt & percutiunt aerem, & sic vocem efformant. Similiter in tibijs, fistulis, alijsque similibus instrumentis, sonus editur per solam collisionem & percussione aëris. Hic autem sonus est planè perfectus, & potest ac solet esse valde vehemens, & potest ac solet variè inflecti ac dearticulati. Et frustra laborant alij, ut in ipso aere distinguat vnam partem pro corpore percusso vel percutiente, & aliam pro medio. Non enim id per se requiritur aut confert ad sonum. Neque verò Arist. voluit oppositum. D. Thom. enim exponit, aerem non habere ex natura sua certum sonum quia debet esse indifferens ad quocumque sonum. Addendum amplius est, aerem non esse actorem soni, hoc est non posse se solo efficere sonum; sed debere interuenire percussione corporum solidorum, saltem ad sonum perfectum: vel scilicet percussione duorum solidorum inter se intercepto aere, vel percussione corporum solidorum siue alicuius corporis solidi ad ipsum aerem: ita ut Arist. assignare voluerit duplicem

modum percussione, quo utroque perficiatur sonus.

Imò vterius, ad sonum efficiendum simpliciter non requiritur corpus solidum. Patet enim, ex magno impetu venti in aere effici quendam sonum: item ex percussione aquæ cum aqua sonus efficitur, ut cum effunditur vna aqua in aliam, & dum se collidunt marini fluctus. Et præsertim, ex impetu halitus accensi percutientis nubem, efficitur tam vehemens sonus, & dicitur tonitruum.

Verè autem, quando duo corpora solida sese percutientia sonum efficiunt, interuenit tertium corpus intermedium fluidum, nempe aer ut experientia & inductione in omnibus constat. Atque hinc reddi solet ratio, cur cæli suo motu sonum non faciunt, quia in eorum medio non intercipitur huiusmodi corpus fluidum. Sed in hac re, alia est præcipua ratio, quia cæli ob summam æquabilitatem partium nullatenus se percutiunt. Idem probant Conimb. propol. 3. quia duo ligna, licet vehementius collisa, adhuc minorem sonum reddunt, quam malleus leuiter campanam percutiens, eo quod inquitur, per ictum mallei magis transigitur aer. Sed certè, ubi maior est collisio corporum & impetus percussione, eò magis aer frangi videtur. Potius ergo ratio huius varietatis referenda est in conditionem ipsam maioremque aptitudinem metalli quam ligni ad sonandum.

Hoc verò corpus intermedium, constat præcipuè esse aerem. Sed plerique expositores addunt posse etiam esse aquam: sumuntque ex Arist. tex. 79. ubi idem confirmat D. Thom., constituens sonum in aere & in aqua, sed minus in aqua. Aliqui tamen id negant. Et explicant locum Arist., equam non deservire ad gignendum sonum, sed solum ad transmittendam speciem

Etiā si nullum ad se corpus solidum.

In percussione corporum solidorum interuenit aer mediū, vel aqua.

intentionalem soni ad auditum.

Causa Ex his autem omnibus quæ ad generationem soni concurrunt, pro soni, est præcausa effectiva soni, vel sunt ipse percussio corpora se percutientia, motu se corporum, habente tanquam conditione seu ratione agendi: vel immediate est ipse motus corporum, siue principaliter, siue tanquam instrumentum, corporum. Pariter verò simul concurrere utrumque corpus, tam percussum quam percutiens, notavit Arist. tex. 85. Illud quidem videtur censendum, quando sonus fit ex percussione duorum corporum solidorum aere intercepto, motum quo sonus efficitur, non tam esse fractionem & dissolutionem aeris, quam potius ictum ipsum & percussorem corporum solidorum. Etenim si quis magno impetu admoveat malleum, & sistat in maxima propinquitate ad campanam, eam tamen non tangit; certe hoc modo frangitur & late dissolvitur aer commotus, sed non fit sonus campanæ: solumque sonus fiet dum malleus campanam tanget atque percutiet. Imò in momento percussione & contactus, tunc inter partes se tangentes non mediat aer, sed tunc proprie gignitur sonus. Sonus ergo potius fit ex percussione & contactu corporum, quam ex fractione aeris.

Subiectum Ex istis quoque omnibus ad sonum sonum concurrentibus, assignandum sunt ea, est subiectum in quo recipitur sonus. Averr. Philopon. Albert. Simpliciæ & Thomas, Caiet. & alij frequenter circa tex. 76. ac deinceps, Conimbricenses. cap. 8. q. 2. art. 1. Tolet. q. 20. Suarez lib. 3. cap. 19., asserunt, sonum recipi in corpore intercepto inter duo corpora se percutientia, nempe in aere. Vnde insuper omnem soni varietatem referunt ad eundem aerem, iuxta modum quo eliditur & expellitur. Sed potius videtur sonum recipi in ipsis corporibus se per-

cutientibus. Et tunc quidem quando unum ex his corporibus, est ipse aer, sonus recipitur in aere, non iam tanquam in medio intercepto, sed tanquam in corpore percusso vel percutiente. Quando verò duo corpora solida se percutiunt & elidunt aerem medium, tunc sonus ex tali percussione genitus videtur recipi in istis corporibus. Tum quia ab Arist. & alijs communiter, corpora quæ se percutiunt sonare dicuntur: quod non solum videtur intelligi ætively ut sonum efficiant, sed etiam passively quod sonum habeant: eo modo quo corpus coloratum habet colorem, lapidum habet saporem. Tum etiam ex iam dictis, ad sonum non semper requiritur corpus medium interceptum: sed cum percutimus aerem, in ipso aere fit sonus tanquam in corpore percusso: ergo etiam quando unum corpus solidum percutit aliud, in ipsis corporibus sonus recipitur. Tum amplius, sonus efficitur in momento percussione & contactus corporum, sed ut dicebamus, tunc non datur aer in medio corporum interceptus, nec certe sonus recipitur in aere circumfuso: sonus ergo recipi debet in ipsis corporibus solidis sonantibus.

Tum præterea, experientia constat, postquam per ictum mallei pulsata est campana, remanere aliquandiu sonum aliquem, quem sensu ipso in eadem campana percipimus: ac iam tunc non frangitur aut retilit aer à campana. Imò si manu tunc campana tangatur, amittit statim illud sonum. Tum etiam univ ersaliter quando ex percussione corporum solidorum sonus gignitur, sensu ipso sonus auditur in eodem loco percussione, non autem in aere circumfuso, etiam si ad aures usque perveniat: ergo sonus qui auditur, verè est in ipsis corporibus sonantibus non in aere. Et alioqui, si quis per

Nō oportet esse aerē inter medium.

per fistulam oblongam loquatur ad aurem alterius, hic audit vocem per aerem intra fistulam, quali vox proximè ad aurem suam prolata esset, quia nimirum aer in hoc casu est soni subiectum, cum sit corpus percussum. Tum demum, sonorum varietas provenire non potest ex varia elisione aeris, sed omnino provenit ex varia conditione corporum se percutientium, prout hæc sunt magis minusve apta ad sonandum, hoc est non solum ad efficiendum, sed etiam ad recipiendum sonum. Benè tamen hanc varietatem corporum comitari potest varia commotio aeris: & hæc confert quoque ad sonum.

Sonus habet idē subiectū & agens. Nullaque ratio vel impedimentum in contrarium obstat, quominus in corporibus solidis recipiatur sonus. Non obstat ratio Conimb. quod sicut sonus immediatè resultat ex fractione aeris, ita debet recipi in eodem: & alioqui etiam in vacuo corpora se percutientia, imò & de facto cæli, sonarent. Nam potius iam probauimus, sonum propriè effici ex percussione ipsorum corporum, non ex fractione aeris: hinc ergo interendum erit, sonum recipi in iisdem corporibus. Esto autem corpora se percutientia in vacuo sonarent, id non probatur esse absurdum. Nec sequitur, cælos de facto sonare: supra enim notauimus, non se percutere. Vel si corpus medium omnino requiratur ad sonum, non oportet esse subiectum soni, sed latis erit, si debeat coadiuvare ad ortum soni.

Sonus inest ambobus corporibus se percutientibus. Nec item obstat alia ratio Tole-
ti: quod cum duo sint corpora se percutientia, sonus non potest recipi in utroque, cum non possit idem accidens inesse duplici subiecto; nec potest recipi in altero tantum, cum nulla subsit determinationis ratio. Dicendum namque est, duplicem

effici sonum, qui in duplici corpore recipiatur, maioremque sonum effici in corpore magis idoneo ad sonandum. Sic sonus recipitur magis in campana quàm in malleo. Et in loquendo magis recipitur vox in aere qui varijs modis modulatur & frangitur, quàm in instrumentis carneis vocalibus. Et in pulsando citharam, sonus magis recipitur in fidibus quàm in digitis. Licet autem duplex sit sonus in duplici corpore sonante, tamen auditur ut vnus simplex, quia vterque confunditur sicut in alijs distinctis sonis pariter coniunctis passim experimur. Quamuis etiam dissimilis sit sonus in vno ac in alio corpore se percutientibus, ut in malleo & campana, adhuc auditur quoque ut vnus sonus confusus ex utroque: Vnde obseruandum est, ex eodem corpore percussio diuersum prodire sonum, si vno vel alio differenti corpore percutiatur, cum tamen aer eodem modo frangi & elidi videatur: quare diuersitas solum erit ex parte percutientis, ratione cuius diuersus redditur sonus totalis ex utroque corpore sonante resultans.

Postquam sonus genitus est, illi-
cò transit, ut notum est. In quibus-
dam corporibus valde sonoris, ad-
huc post ictum aliquandiu exauditur sonus, non validus ut in ipso ictu, sed saltem debilis, ut patet in campana & in fidibus cymbali. Porro cum certum sit, sonum non expelli ab alia qualitate contraria, nec decidere ex defectu subiecti, relinquitur dici debere desinere, vel ex defectu causæ conseruantis, vel ex natura sua exigente subitam desitionem post generationem. Ab experientia, etuaderi videtur, sonum desinere ex defectu causæ conseruantis, & huiusmodi causam esse motum ipsum & percussione corporum. Cum enim sonus cum motu transeat,

Sonus statim transit.

ostendit se ita pendere à motu, ut sine eo conservari nō possit. Quando autem permanet aliquandiu debilis sonus in corpore sonante, observari debet, permanere quoque in tali corpore motum quendam, quasi tremorem partium, relictum ex ictu percussione: & per hunc motum conservatur debilis ille sonus. Ideoque languescente paulatim motu, pariter minuitur ac evanescit sonus. Ideo etiam si manu detineamus corpus resonans, sicque impediamus illum motum, illico simul sonum extinguimus. Ideo insuper, cum per fistulam quis ad aurem alterius loquitur, aer emissus ab ore loquentis, retinet sonum usque dum perveniat ad aurem alterius, conservato scilicet sono per motum: videtur enim in tali casu sonus ipse realis pervenire ad aurem, cum sensibiliter percipiatur in ipsa aure.

*Sonorum
plures
sunt dif-
ferentia
& spe-
cies.*

Postremo, sonus in communi, plures sub se continet differentias: planè enim extant diverſi soni. Differunt autem, tum iuxta diversitatem corporum sonantium, tum iuxta diversum ictum & percussione. Arist. autem tex. 86. specialiter distinguit sonum grauem & acutum.

Verum sonos omnes non distinguere specie, contendit Franciscus Murcia 2. de Anima disp. 7. q. 1., dicens, graue & acutum distinguere solum per inaequalem intentionem soni: sonos quoque diversorum corporum, nō propterea distinguere specie, quia distinctio solum inuenitur inter ipsa subiecta, sicut eiusdem speciei est impulsus in quocumque corpore impetitus. Sed alij communiter supponere solent, varios sonos differre specie. Et quidem, sensu ipso tanta sonorum differentia percipitur, ut dicenda sit differentia specifica: non enim per solam inaequalitatem intentionis, aliamque accidentalem diversitatem, saluari pos-

se videtur. Et sicut in alijs qualitatibus sensibilibus inveniuntur tot species differentes, nempe colores, sapores, & cætera: ita pariter in genere soni distinguere poterunt ac debent variae species. Praesertim, differentia soni grauis & acuti, non in intentionis inaequalitate consistit. Potest namque idem sonus acutus intendi & remitti, ac similiter idem sonus grauis. Potestque homo in eodem tono vocis loquens aut canens, varijs modis intendere & remittere vocem, semper in eodem tono: cum verò mutat tonum, tunc format vocem magis grauem vel acutam. Quando item ex diuersis corporibus varius ac diuersus auditur sonus, tunc vnus sonus verè differt ab alio, accipiunt tamen diuersitatem ab ipsis corporibus sonantibus. Neque certè est idem species, sonus in omni corpore, sicut est idem impulsus: omnis enim impulsus respicit motum localem: idem autem est essentialiter motus, siue velox siue tardus: at Arist. eo tex. 86. expressè notauit, acutum non esse formaliter sonum velocem, & grauem tardum; sed solum velocitatem & tarditatem comitari sonum acutum vel grauem. Attingit tandem Arist. de illo speciali sono qui ab animalibus efformatur & dicitur vox. Sed de voce, loco magis proprio inter alias similes animalium affectiones agemus q. 56.

SECTIO SEXTA.

De Medio & Modo Auditis.

AD audiendum non est simpliciter necessarium medium, cum aliqua distantia inter sonum & auditum. Imò nec est necessaria distantia corporis sonantis ab organo audiente, sed bene potest audi-
*Andi-
tur son-
us sine
medio
in eodẽ
organo
sẽssine.*

diri sonus factus in p̄lo tympani & aere congenito quo audimus. Ita expressit Arist. tex. 84. dicens: *Signum audiendi aut non, est sonare autem semper, sicut cornu: semper enim quodam proprio motu mouetur aer qui in auribus est, sed sonus extraneus & non proprius est.* In hoc tamen loco ex licando, non exigua orta est difficultas, præsertim an huiusmodi lignum sit bonæ vel prauæ dispositionis in audiendo. Et præterea, quia Arist. tex 83. præcedenti dixerat, aerem innatum esse immobilem adhuc ut sentiat omnes differentias motus & soni.

Conmbricantes explicant, ab Arist. hoc asserri signum non audienti: quia si auris quodam veluti bombo perlonet ad instar cornu, sic moto & agitato interno aere, minimè audimus sonos externos. Similiter D. Thom. lect. sua 17. explicat, signum non boni auditus esse huiusmodi sonum in aure, causatum ex motu congenito aeris. Ex aduerso Auerroes intelligit, & ex Medicorū approbatione confirmat, lignū auditus esse, quod semper percipiatur tinnitus quiddam in auribus, cuius causam esse ait motum quo aer innatus semper agitur. Similiter exponit Themistius dicens: *Aer internus per se motu quodam perplacido et infrequenti et raturbam & sollicitudinem agitur, ut auris de hac agitatiuncula perstrepat: hac ratione si auribus manus admoneris, percipies strepitum, qui propius & intimius agatur in auribus sicut in cornu: estque argumentum incolumis auditus, cum aures insonant tinnitumque.*

Sonus Quodquid autem sit, an hic sonus internus in aure ex motu aeris innati, sit signū bonæ vel malæ dispositionis in sensu sit su auditus: iam sine dissensione sententur omnes, posse audiri sonum in boni vel eodem aure audiente progenitum. In

ea autem contrarietate, utraque pars praua vera est: est enim in infirmitatem auditus, pati vehementiorem sonum in aure, quo nonnulli laborant, & qui ferè impediatur auditionem: alterius externi soni: hic enim sonus in aere innato tunc efficitur ex vehementi concitatione facta ab aliquo humore vel vapore noxio. Etse ex alia parte naturalem dispositionē eiusdem sensus, in eo semper audire perpetuum quendam lenem sonum: siquidem experientia constat, præsertim cum manu aurem occludimus, interius nos audire sonum, quasi cornu vel tympani: & hic sonus causatur ex aliquo motu exercito circa aerem innatum. Asserit autem Themistius; hunc motum esse connaturalem omni aeri: hic enim aer externus semper deprehenditur agitari. Hoc tamen falsum esse, ostendimus q. 43. Aliter ergo dicendum, specialiter aerem innatum agitari, vel ex proprio instituto naturæ ad commodiorem conseruationem illius, vel ex continuo defluxu spirituum & vaporum iuxta eundem aerem. Ideoque dictum sonum potius percipimus, dum manu occludimus aurem, quia impeditur appulsus externi aeris, qui potest perturbare eum sonum; & quia præcludendo viam ne hilitus & spiritus interni exterius effluant, commorantur circa aerem internum, eumque agitant.

Quod verò dixerat Arist., aerem innatum esse immobilem, exponit *Quali-* ter aer Themistius, non esse omnino motus expertem, sed dici immobilem, *inna-* in quantum non diffunditur & dissib- *tus anri-* bus, sit patitur, sed tenaciter suo panniculo *bus,* affidet, & capiti congenitus innexus *immobi-* lis. *lis.* què est. Aliter exponit Auerroes, esse immobilem motu illo qui conuenit aeri externo, qui fit per corporum ictum, causatque sonum externum: & sic esse expertem omnis soni

ni qui fit per motum aeris externi appellentis ad aures & ideo posse auditum percipere omnem exteriorum sonorum differentiam. Quod fortasse indicare voluit Arist. illis verbis, sonus est externus & non proprius vel internus. Addi etiam potest, quod tunc cum eo modo quo diximus observamus sonum internum, non bene percipimus sonos externos: cum verò hos a pertis auribus observamus, tunc vel nihil vel vix aliquid soni interioris auditur.

Ad sonos externos medium est, non solum aer, sed etiam aqua.

Ad sonos ergo externos audientes interuenire medium, patet experientia, qua sonos distantes audimus. Hoc medium ab Antiquis assignatum fuisse vacuum, refert & approbat Arist. tex. 81. Sed explicat, per vacuum intelligi aerem continuatum ab obiecto ad sensum. Medium itaque auditus communiter assignatur aer. Additur etiam aqua ex Arist. tex. 79. Sed negat Hurtad. disp. 17. de Anima sect. 3. At experientia demonstrat, etiam per aquam transire sonum, et exerceri auditum. Nam natantes sub aqua audiunt vehementes sonos superius editos. Et pisces terrentur auditis vocibus et aufugiunt, unde piscatoribus indicitur silentium. Et Plinius lib. 10. Natural. Histor. cap. 70. narrat, pisces quandoque ad certum sonum solitos congregari ad capiendum cibum: imò in piscina Cæsaris proprijs nominibus vocatos venire consueuisse. Rursus per ignem quoque intermediū audiri posse sonum, est res facilis: quia ignis in tennitate est similis aeri. Solum ergo excludenda sunt corpora solida et dura: hæc enim non permittunt transitum soni, et auditum impediunt.

Non verò corpora dura & solida.

Neque verò obstant quædam experientie. Existens quis intra cubiculum diligenter observatum, adhuc audit sonos externos. Audimus quoque boatus aeris intra terram in-

clusi, præcedentes terremotum. Audimus sonum lapidis agitari intra vas undique conclusū. Talia sub terra videntur audire. Hæc inquam non obstant. Quia in cubiculo facile perviæ sunt simulæ quædam per quas detur aditus aeri, quo mediante transeat sonus: quod si nullus pateret aditus, non audiretur sonus. Similiter sonus qui ex commotione aeris intra terram auditur, vel transmittitur per exiguos meatus intra terram latentes, qui tamen non sufficiant ad totius aeris exitum. Vel sonus ille realiter in ipsa terra concussa recipitur, & sic à terra per superiorem aerem ad nos diffunditur. Quo sanè pacto lapis intra vas sonans, efficit sonum in ipsomet vase. Sic demum talpa intra terram sonum audit, vel sonum receptum in ipsa terra, vel alium externum sonum per communicationem aeris permixti terræ.

Circa modum deinde, quo sonus per medium diffunditur, atque à sensu auditur, plures difficultates occurrunt. Prima est, an sonus realiter secundum se, vel solum intentionaliter per speciem sui pertingat ad sensum. Avicenna, Simplicius, Alexander, & Albertus apud Tolet q. 21. affirmant, sonum realiter diffundi per aerem usque ad sensum ut audiat. Idemque videtur asserere Provençalus par. 2. de Sensib. cap. 31. & defendit Dandinus 2. de Anima digest. 43. cum Plotino & Philopono licet ipse magis inclinet ad dicendum sonum audiri, etiam si nec realiter nec intentionaliter perveniat ad auditum. Rursus D. Thomas & Caiet. apud eundem Tolet, volunt, sonum diffundi realiter per aliquod spatium, non tamen per totum aerem usque ad auditum, sed dari species intentionales quibus audiat sonus. Idem asserunt Conimbr. cap. 7. q. 2. art. 2. Sed absolute dicendum est; non oportere, nec solere, sonum diffundi reali-

Sonus deducitur ad auditum per speciem intentionalem.

ter ultra corpora sonantia : sed audiri debere semperq. audiri, per speciem sui. Sequitur ex antea dictis. Quando enim corpora solida sonant, sonus existit realiter in ipsis corporibus, nec debet realiter in aere produci : sed bene in loco distanti percipitur. Item cum in ipso aere percussio sonus efficitur, non diffunditur realiter idem sonus per totum aerem usque ad auditum. Verè tamen quando quis per fistulam loquitur ad aurem alterius, sonus ipse realis pervenit ad auditum, quia nempe idem ille aer, à loquente percussus, & sic voce formatus, mittitur directè usque ad aurem alterius. At que hinc sumi potest signum, quod alio qui non perveniat sonus realis ad auditum : in hoc enim casu auditur sonus tamquam factus in aure, aliis verò auditur tamquam remotus & distans. Semper tamen, etiam quando sonus realis pervenit ad organum sentiendi, imò etiam si fiat in ipso organo, putandum est, dari speciem intentionalem, cuius ope eliciatur à sensu auditionis actus : prout circa species sensibiles generaliter dicebamus.

Secunda difficultas est, an sonus, siue realiter siue intentionaliter per medium diffundatur, requirat motum localem aeris ad sui diffusionem. Arist. enim lib. de sensu & sensibili cap. 7. affirmare videtur, & 2. de Anima tex. 82. ait, aerem continuate quadam usque ad auditum moveri. Et sic præsertim affirmant ij qui volunt, sonum diffundi realiter ad auditum : ipse enim sonus nec fit nec permanet sine motu. Sed iam supponendo sonum non diffundi realiter sed intentionaliter, non est simpliciter necessarius motus medij. Sic advertunt Conimbr. Tolet. & alij : & consentit quoque Prouenzalis cap. 31. Probatur, tum quia verisimile non est, levi percussione

ictu commoveri aerem ad tantam distantiam, in quantam potest sonus audiri. Tum præsertim, quamvis valido vento flante in contrarium, & illuc pellente aerem, adhuc auditur sonus. Tum apertè, dum homines & pisces intra aquam audiunt voces superius insonantes, utique ad summum movetur aer usque ad aquam, non verò ipsa aqua, sed hæc immota transmittit speciem soni ad auditum. Arist. verò intellexit potius de motu intentionali per speciem non de motu reali, quippe cum eo tex. 82. dicat, etiam aerem innatum in quo fit sensus moveri ut audiat, moveri utique intentionaliter. In lib. autem de sensu, voluit quoque diffusionem soni fieri successivè per tempus ut iam dicemus.

Tertio difficultas est, quo pacto, *Quomodo.* & qua ratione, sonus, seu species *de diffusionis,* diffundatur per totum medium *fundamentum* usque ad auditum, non in instanti, *tur cum* sed successivè cum aliqua mora *mora temporis.* Notum enim est, cum in loco distanti fit percussio et sonus non audiri sonum nisi aliquo tempore, postquam conspicitur ictus : et prius notabiliter videmus flammam è tormento bellico erumpentem, quam audiamus strepitum : et prius similiter videmus fulgur corruscare, quam audiamus tonitruum. Qui autem propinquior est ad locum soni, citius sonum audit, quam alius in loco remotiori existens. Difficile ergo valdè est, quomodo durare et produci queat species soni, non existente amplius ipso sono, qui utique statim cum ictu transit : quomodo possit audiri sonus tunc non existens. Vel, si potest dari species soni post transactum sonum, hæc species durare deberet multo tempore post in aere & in aure : & sic sonus semel factus, semper deinceps audiri deberet. Vel, si species immititur ad aurem dum fluctuat & accurrit ad

Non requirit ad sui diffusionem motum medij.

aurem aer deferens speciem : certè adhuc per aliquod spatium temporis aer confluit ad aurem , præsertim quando ex vehementi percussione multus aer commotus est : ergo saltem pro hoc toto tempore deberet audiri sonus . Quod totum tamen est manifestè falsum & contra experientiam .

Ad hanc difficultatem , ij qui ad effusionem speciei requirunt motum aeris , rationem reddunt tarditatis & successionis , quia motus localis non fit nisi in tempore . Verùm , per hanc rationem non saluant omnes partes difficultatis . Imo eo magis urget illa pars , quod donec aer prosequitur ad aurem appellere , species duraret , atque adeò auditio soni continuari deberet . Præterea , iam supra diximus , non semper intervenire huiusmodi motum : Quinimo bene posset diffundi speciem soni per medium immotum . Aliter Conimbr. q. 1. art. 2. prope finem , rationem reddunt , quare species soni non diffundantur , in instanti , sicut species visibiles , quia species soni sunt magis materiales . Sed certè , nec satis assignatur , quæ sit hæc maior materialitas : nec satis fit ad alias partes difficultatis , quæ ex ea mora temporanea oriebantur .

Diffunditur per communem naturam partium . Alia ergo via querenda est ad hanc totam difficultatem enodandam . Dicendumq. videtur , sonum realem ex natura sua non posse per se immediate producere speciem in tota sua sphaera , sed solum producere in propinquiori quadam parte mediij intra certam mensuram : ab hac deinde speciem produci in quadam parte sequenti , & ab hac successivè in alia parte , & sic per totam distantiam ad quam sonus pervenit : atque hæc modus sit proprius diffusioni huius speciei . Præterea , non ita dependere speciem à sono , ut statim desinente illo deficiat : sed potius vna-

quæq. species aliquantum durare valeat , donec producat speciem in parte sequenti , & statim postea desinat : sicquæ species successivè effundatur per partes aeris , cessando in partibus præcedentibus , & incipiendo in partibus consequentibus . Hoc inquam modo saluatur , quo pacto transacto iam sono , species per totum medium protendatur non sine causa producente , & absque sono conservante . Atque id persuadetur eadem ipsa experientia , quæ constat , sonum audiri prius in parte spatij propinquiori ad corpus sonans , quàm in parte remotiori . Vnde concedendum quoque est , cum audimus sonum à loco remoto , audiri sonum , qui tunc realiter non est , sed paulò ante erat , est tamen intentionaliter in sua specie : nam etiam oculis videremus obiectum non existens , si daretur tunc species in oculo . Hæc item ratione saluatur , quare aere excurrente per aliquod spatium versus aurem audientis , non per totum illud tempus perseveret auditus soni : quia nimirum in aere consequenti post productam speciem in aere quæ antecessit , iam inuenitur delitescere species quæ præerat . Saluatur item , quare flante vento in contrarium , minus benè audiatur sonus : quia scilicet ventus pellit & dirigit aerem in quo species soni reperitur , ad illam partem oppositam ; & sic debilius effundetur species versus aliam partem .

Hinc denum reddenda est ratio , quare non in eodem percussione instanti diffundatur species per totum medium , ut statim ex quacunque distantia audiatur sonus , sed potius mora temporis intercedat : quia nimirum species non tota simul immediate ab obiecto , scilicet sono , produciuntur : sed paulatim & successivè per partes post partes , ita ut successionem extensionis in subiecto , luc-

cessio quoque productionis in tempore comiteretur. Hæc autem omnia in talem peculiarem naturam soni & speciei eius referenda sunt.

Quomodo diffundatur per totum.

Quarta difficultas est, quo pacto & qua ratione, sonus, siue soni species, non solum in directum extendatur per rectam lineam, sed quocumque in circuitu diffundatur, ad differentiam speciei visibilis & visus, non tendentis nisi per rectam lineam. Ij qui volebant sonum in aere de ferri per motum, explicant, per ictum percussoris commoueri aerem propinquum, & per hunc in circuitu agitari alium aerem, & sic deinceps: unde non solum per rectas lineas, sed quoque versum agitato aere dederatur sonus. Sicut cum in aquam, licet ex quassapillis iniicitur, sunt in gyro multa circumfusions versus omnem loci differentiam, vna parte a parte commouente aliam. Sed certe non minus bene latet in hoc totum potest, etiam sine motu, iuxta modum quo dicebamus, per partes aeris communicari speciem soni: ab vno enim aere communicatur species in alium propinquum, & sic in omnem loci differentiam, etiam inquam in illa loca, quæ non sunt directe aperta versus corpora sonantia. Sicut planè, lumen ex corpore lani nostro egrellum, consequenter communicatur per varia loca, licet non directè exposita primo agenti lumine; quia nimirum lux in vna parte aeris habet vim communicandi similem lucem in alia parte propinqua.

Quomodo reflectatur in Echo.

Quinta demum difficultas sit, quo pacto sonus delatus per aerem intermedium, & deductus ad aliquod obstaculum, præsertim ad aliquam cauitatem, inde resiliat ac reflectatur, itaque fiat Echo. Auicenna lib. 6. natural. par. 2. cap. 6. opinatus est, eundem singularem aerem qui defert sonum, perungere ad obstacu-

lum, & inde resiliare, sicut reflectitur pila à pariete. Imò hoc ipsum docuisse videtur Arist. 2. de Anima tex. 80. *Echo autem fit, quando ab aere uno facto propter vas quod terminauit & prohibuit frangi, iterum aer repellitur quemadmodum pila.* Sed certe, hoc est impossibile, quia non potest idem aer in totam illud spatium in quo Echo auditur expandi: præter alias rationes quæ contra hunc dicendi modum ex superioribus sumi possunt. Auerroes, D. Thom. & alij plures circa eum locum Arist., aliterunt, communicari sonum per partes aeris ab vna in aliam partem mediante motu: & sic quando aer impeditur promouere ulterius alium sequentem aerem, retorquere motum in eundem anteriorem aerem, & sic denuò repetere in illo sonum. Sicut dum lapidis iniecto agitur in circulos aqua, si hec impingat in parietem piscine, reducit in eandem partem è qua propulsa fuerat. Verùm, iam diximus, non requiri necessariò huiusmodi motum ad diffusionem soni.

Facile ergo dicendum est, sicut sonus extendebatur in directum per communicationem partis ad partem, ita ubi hæc directæ communicatio impeditur, reflecti & retorqueri in aere versus anteriorem partem: eo pacto quo actio illuminationis pertingens ad obstaculum, extra illud reflectitur. Cum eo tamen discrimine sit reflexio soni ac luminis, quæ facta erat actio directæ. Sic Arist. eodem loco reflexionem soni comparat cum reflexione luminis. Et iuxta hoc debet intelligi aliud exemplum pilæ: nimirum quòd si pila reflectitur, ita actio diffusiva soni in aere reflectatur ab obstaculo: & sic rectè exponit Prouenzalis par. 2. de sensibus cap. 32.

Hinc reddenda est ratio, cur solùm vltimum verbum vel vltima ver-

bi syllaba per talem reflexionem audiat. Omisissis enim alijs inutilibus rationibus quæ pro hac re adduci solent, dicendum est, totam quidem locutionem reflecti, sed quia post unum verbum profertur aliud, non clarè exauditur repetitio prioris verbi è longinquo rediens, dum interim in proximo validiùs personat sequens verbum: sed tandem quando non aliud verbum profertur, tunc illud quod fuit vltimum, nullo impedimèto perturbatur, quominus clarè audiat. Idcò etiam, quanto magis distat locus ex quo fit reflexio, longior vocis tractus, siue maior verbi pars exauditur, quia maius temporis spatium intercedit, vt redeat vox.

Denique fieri potest, vt ex varijs partibus & cauitatibus in quas sonus de vna in aliam incurrat, pluries reflectatur eadem vox, & sic multiplex Echo resonet. In qua re sic testatur Plinius lib. 36. Natural. histor. cap. 15. *Cizici iuxta portam qua Thracia vocatur, turres septem, acceptas voces, numerosiore percussu multiplicant. Olimpia nunc in porticu, quam ob id heptaphonon appellant, septies eadem vox redditur.* Similiter cecinit Lucretius lib. 4. de Rerum natura: *Sex etiam aut septem loca vidi reddere voces, unam cum iaceres, ita colles collibus ipsis verba repulsantes, iterabant dicta referre.* Multò maius est, quod se expertum esse testatur Dandinus 2. de Anima Digressione 44., in villa quadam Mediolanensis agri ex magnifico quodam palatio, vsque ad vigelies repeti vocem.

SECTIO SEPTIMA.

De Organo & subiecto Odoratus.

Odoratus insruire nasum ijs animalibus quæ respirant co-

quæ prædita sunt, satis patet, & traditur ab Arist. lib. 1. de Hist. animal. cap. 11., & lib. 5. de Generat. animal. cap. 2. Ea tamen animalia quæ non respirant & carent naribus, alia sui corporis parte odorare, allerit idem Arist. lib. 2. de part. animal. cap. 16. Compositio autem nasi hæc est. Constitat carne Cartilaginosa. Distinguitur duobus foraminibus quæ sunt nares, interposita quadam cartilagine, quæ ab Arist. 1. de Hist. animal. cap. 11. vocatur interseptum. Ij meatus ex vna parte ad cerebrum vsque ducuntur, siue ex cerebro originem trahunt. Et ex alia parte, intra faciem, ad finem palatus flexuoso circuitu exeunt. Hæc foramina, cum à cerebro deducantur, deferuiunt ad emittenda & emūgenda eius excrementa. Item, cum ad palatum & inde ad guttur deuisent, deferuiunt respirationi. Sed pro sensu odoratus sunt patens via ad proprium sensorium, vt odores ad illum deferant.

In summo itaque nasi, prope oculorum concava, reperitur os quoddam spongiosum & foraminosum, in quo simul coniunguntur dictæ foraminum viæ, ad cerebrum, ad palatum, & ad nares. Iuxta hoc os reperiuntur ex utroque latere duæ quæ dicuntur carunculae papillares, seu mammillares, eo quòd similes sint mammillis. Hæ rursus vestiuntur quadam tunica continuata & porrecta per dicta foramina, etiam vsque ad palatum & guttur. Denique sicut in alijs sensibus, ita in hoc adsunt nerui à cerebro ad dictas carunculas, quibus spiritus & species transuehantur. Addit præterea Arist. lib. 2. tex. 100. & lib. de Sentu & sensili cap. 5. in animalibus quæ respirant, & præsertim in homine, supra eas carunculas inueniri quoddam operculum, eas cooperiens, quod debeat eleuari vt sentiantur odores; & ideo ad odorandum oportere respi-

*Deferui-
bitur
organū
odoratus.*

spirare, seu potius inspirare. Vnde si existentes in loco in quo spirant odores aliquantum inhibeamus inspirationem, eos non sentimus. Alij autem negāt huiusmodi operculum, quod ab Anathomistis non observatur. Et præsertim Galenus lib. de Olfactu, hac de re Aristotelem reprehendit. Sed Conimb. cap. 9. q. 4. art. 2. expli. ant, hoc operculum non intelligi distinctum quid ab omnibus ante dictis, sed esse eandem nasi membranam decidens supra carunculas, quæ appulsu aeris attracti debeat elevari ut nares pateant ad hauriendos odores.

Deter- Ex his omnibus partibus enu-
minatur meratis, Averroes odoratu determinat
pars in te collocavit in membrana narium,
qua resi- ut referunt Conimb. lib. 2. cap. 9. q.
det odo- 4. vel in nervis, ut refert Tol. tus q.
ratus. 26 Galenus lib. 8. de Usu partium
cap. 6. & in lib. de Olfactu, relictis
omnibus partibus enumeratis, odoratum
constituit in anterioribus cerebri
partibus. Sed Toletus refert Galenum
pro communi sententia. Communis &
vera sententia asserit, odoratum proprie
residere in dictis carunculis. Et probatur
manifeste; quia discurrendo per omnes
partes enumeratas, hæc sine dubio
apparet aptissima sedes & proportionatum
subiectum odoratus: ita se habens
ad odorandum, sicut tympanum aurium
ad audiendam, & pupilla oculorum
ad videndum. Præterea, sicut non in ipso
cerebro collocantur alij sensus externi
ita neque hic est in cerebro coll. candus.
Sed idoneum subiectum erunt ipsæ
caruncule, quæ sunt quidem cerebro
similes, tamen sunt distinctum quoddam
organum ab illo, & habent quoque
diversam dispositionem. Membrana
autem narium extenditur per totum
nasum; nec tamen in toto eo sentimus,
sed solum intra nares ubi caruncule
resident. Nervus denique est medium

quo deferuntur spiritus necessarii ad
sensationem: non verò est organum
& subiectum proprium potētiae
sensitivæ. Addit denique Prouenzalis
par. 2. de Sentib. cap. 39., illam
partem esse minutis foraminibus
traiectam, & intra hæc foramina
existere vaporem quendam crassum,
& hoc esse proprium sensorium,
sicut est aer congenitus in auribus.
Sed tamen putandum potius est,
totam substantiam eius partis
esse adæquatum sensorium
odoratus. Alioquin enim hic
sensus non se haberet ad
modum variis continui penes
suum subiectum.

SECTIO OCTAVA.

De Obiecto Odoratus nempe Odore.

Odores esse adæquatum huius
sensus obiectum, est vel ipso
homine manifestum.

Odores, quidam antiqui, quorū
sententiam refert & impugnat Arist. lib. de Sensu & sensib. cap. 5., voluerunt,
esse exhalationem quandam, seu evaporationem ex corpore odoroso. Imò Arist. ipse eodem lib. cap. 2. dixerat, odorem esse fumosam evaporationem: & idcirco odorem attribuit igni, quia fumosa evaporation est ab igne. Et lib. Problem. sect. 13. q. 5. docuit, odorem esse vaporem quendam; ideoq. corpora magis odorare dum calent, quam dum frigent; quia calor facit exhalare vaporem, frigus verò continet & constringit. Rursus hanc eandem rem suadere videntur quidam reales effectus, qui in animali ab odore proveniunt; ut confortare vel offendere cerebrum, fovere ac reficere spiritus, exhilarare eor., & similia.

Propter hæc, concedendum quidem est, ex corpore odoroso elevari
sole.

*Odor
fumi so.
let pro
halitu
odoroso.*

solere halitus seu vapores odore affectos, qui proinde realiter per aera diffundantur, & qui possunt quoque realiter alterare. Imò possunt & solent hi vapores alienis etiam corporibus adherere: compertum enim est, manus antea cōtēctas chirotecis odorosis, retinere postea odorem, pannos etiam aliquandiu seruatos simul cū corporibus odorosis, inde odorem concipere, ac deinceps retinere.

Realiter est qualitas accidentalis.

Attamen, certum esse debet, odorem formaliter non esse substantiam exhalationis & vaporis, sed esse qualitatem accidentalem, realiter inherētem corpori odoroso, siue hoc sit corpus solidum, siue tenuis halitus. Patet: tūm quia obiectum omnis alterius sensus, est qualitas sensibilis ei proportionata, vt dictum est de luce & colore pro visu, sono pro auditu, & similiter dicemus de alijs. Tūm etiam potest sine dubio conseruari corpus odorosum quoad substantiam deperdito odore: & interdum quidem hoc naturaliter contingit, in omnibus verò corporibus potest saltem à Deo præstari. Item potest ab ipso Deo conseruari odor absque corpore, absque substantia: vt de facto in speciebus sacramentalibus, simul cum alijs sensibilibus accidentibus, remanet odor panis, odor vini. Oritur autem qualitas hæc, sicut & aliæ secundæ qualitates, ex certo temperamento primarum, & præsertim ex prædominio caloris & siccitatis, vt habetur ex Arist. lib. de Sēn & sensili cap. 5. Et alijs communiter approbant, & ab experientia ducitur.

Tām in corpore solido quam in halieu tenui.

Inuenitur autem qualitas hæc realis, non solum in vapore exhalante, sed vtiq̃ue in ipso corpore solido odoroso, cuius tamen pars aliqua magis tenuis ac rara resoluitur in vaporem, retinens ac deferens realem qualitatem odoris. Hic autem

vapor perficit eos reales effectus qui odorem comitantur. Et de hoc loquutus est Arist. quando dixit, odorem esse halitum seu vaporem. Non enim docere voluit, esse formaliter ipsam substantiam vaporis, sed solum materialiter & subiectiue vapore deferri: sicut similiter dixit sect. 11. q. 45., vocem esse aerem, quendam, idest aere deferri. An verò necessaria sit huiusmodi exhalatio pertingens ad sensum, dicemus sect. sequenti.

Plurimæ demum ac variæ sunt odorū species, vt notissimum est. Notauitque Arist. tex 95., ob modicam & obscuram notitiam quam habemus odorum, atque adeo ob defectum propriorum nominum, appellari translatitijs saporum nominibus: nempe odorem dulcem & amarum, acrem, acerbum, pinguem. Non quod semper in iisdem rebus se comitentur sapor dulcis & odor dulcis, & sic de reliquis: sed interdum quidem ita coniunguntur: interdum verò opposito modo se habent, videlicet sapor amarus & odor suauis, & sic alijs varijs modis. Denominatur enim odor suauis, eo quod per se delectet: & sic alijs alijs nominibus prout per se afficiunt odoratum. Extant demum præter odores simplices ac naturales, qui sunt per se quædam specificæ qualitates; alijs compositi & artificiales, qui nempe cōficiuntur mixtura plurium odorum diuersarum rerum, quales fiunt à Pigmētarijs, siue in vnguentis, siue in alijs compositionibus. Porro, occultum valde est, ex quam primarum qualitatum proportionē, singulæ odorū species oriatur, vt etiam de saporibus, & obscurum quoque erat de coloribus. Et in vniuersum hæc res valde perplexa est; quia satis frequenter, pleraque sunt similia in colore & valde dissimilia in odore, aut saporitem

Odorū species.

simi-

similia in odore, & dissimilia in sapore: & è conuerso. Vnde prorsus definiri non potest, ex qua proportionem primarum qualitatum, & quo pacto, hæc aliæ qualitates sensibiles enascantur.

SECTIO NONA.

De Medio & Modo Odoratus.

Necessarium esse medium ad odoratum, significat Arist. 2. de Anim. 98., dicens, corpus odorosum positum intra nasum non sentiri, & hoc esse commune omnibus animalibus. Hoc tamen intelligendum est de corpore solido odoroso, si impediatur halitus expirare, ipsumque de se ineptum sit ad imprimendam aptam speciem sui immediate in sensorio. Alioqui dum ipsa exhalatio pertingit ad sensum, non est negandum, nec Arist. negare voluisse videtur, posse immediate sentiri.

Medium odoratus est aer & aqua.

Medium aptum per quod transmittatur odor ad sensum, est aer & aqua, ut docuit Arist. tex. 97. & lib. 4. de Hist. animal. cap. 8. & est experientia manifestum. Omnia enim animalia quæ degunt in aere, per aerem olfaciunt; & similiter pisces in aqua. Animalia autem quæ respirant, & inspirationis ope odores percipiunt, in aqua odorem non sentiunt, ut experiuntur homines nantes sub aquis. Et ratio est clara; quia in aquis non respirant. Corpora verò densa & solida, non sunt aptum medium per quod transeat odor. Non enim sentimus odorem positum post parietem, nisi fortè iuxta parietem pateat aditus aeri, per quem gyrando possit ad nos odoris species peruenire, simili modo quo diximus de sono respectu audi-

tus, cui quoad hoc odor assimilatur.

Circa modum quo per medium *Quoniam modo diffundatur odor* diffundantur odores, Prouenzalis par. 2. cap. 41. vult, odorem nec debere diffundi realiter, nec intentionaliter, sed diuerso quodam modo actuare ac perficere potentiam medij delatiuam odorum. Sed certè nullus potest esse modus diuersus à reali & intentionali. Sic ergo debet odor diffundi. Plerique opinati sūt, debere diffundi realiter & perueniret ad sensum, & alioqui non posse sentiri. Quæ realis diffusio tribus modis potest intelligi: Primus est, si ex corpore solido educi debeat exhalatio odorosa, quæ realiter sensum attingat. Sic odorem diffundi volunt Auicenna lib. 6. Natural. par. 2. cap. 5. Galen. lib. 4. de Simplic. Medicam. facult. cap. 21. Fernel. lib. 6. Physiolog., & quidam alij. Adhæret ex parte Dandinus 2. de Anima digest. 51. Sed tamen concludit, non esse necessarium, ut halitus perueniat semper vsque ad sensum. Negat quoque speciem intentionalem odoris. Secundus modus est, si odor realis existens in suo subiecto producat similem qualitatem odoris in toto medio vsque ad sensum, sicut lux lucem. Sic odorem effundi affirmat Aegidius apud Tolet. q. 27. & approbant Conimb. cap. 9. q. 3. art. 1. conclus. 3. referentes Alexandrum, Ammonium, Boetium, & Garbium: dicunt enim, odorem esse realiter productiuum odoris, & sic esse diffusiuum sui; tamen id non esse simpliciter necessarium ut sentiat odor, sed ad hoc sufficere transmissionem speciei intentionalis. Tertius modus est, si odor ex primo suo subiecto in quo præest, transeat in aliud subiectum illi propinquum. Hunc modum Ammonio & Boetio Toletus attribuit.

His tamen omnibus omisis, verus & adæquatus modus, quo odor

perducatur ad sensum ab eoq; percipiat, est per speciem intentionalem: quia scilicet odor realis in quocumque subiecto existens, producit speciem sui, & immittit usque ad sensum; cuius speciei virtute sensus percipit obiectum. Potest tamen odor realiter quoque diffundi, non quidem transendo de subiecto in subiectum, nec efficiendo alium similem odorem, sed quia exhalatio corporis odorosi per aerem spargitur. Et hæc realis diffusio verè plurimum confert ad odoratum. Hæc omnia singillatim probantur faciliè.

Diffunditur per speciem intentionalem.

Primò. Sicut omnis alia qualitas sensibilis immittit speciem sui ut sentiatur, ita omnino & odor debet: adeò ut, etiam si odor realis, siue halitus odorosus, realiter pertingat ad sensum; adhuc necessaria sit species intentionalis odoris: Sicut generaliter probauimus circa species. Eoque magis oportet constituere speciem odoris: quia etiam si non perueniat odor realis ad sensum, adhuc percipitur. Etenim verisimile & probabile non est, in omni parte loci ex qua odor percipitur, adesse exhalationem corporis odorosi: quia sic oporteret, notabile spatium in circuitu esse prorsus plenum halitu odoroso: &, si perflante vento istius halitus depellantur, statim rursus succedere novos halitus implentes totum idem spatium. Hoc enim pacto corpus odorosum breui temporis tractu totum solueretur in halitus. Hoc argumentum tetigit Arist. sect. 12. problem. 10., ubi, cum quaerisset, num odor sit fumus aut vapor vel aer, respondet, si à corporibus odorantibus semper aliquid huiusmodi delibaretur, inueniretur semper diminui, nunc autem quæ odorosissima sunt, potissimum eadem videmus durare. Accedit alia experientia. Pisces sub aqua sentiunt supernos odores: unde hac ar-

te piscatores vtuntur ad quosdam pisces capiendos: & præsertim ad odorem carniū Crocodili ex aquis emergunt. Sed certè non peruatit aquas exhalatio corporis odorosi, non utique descendit sub aquas, quinimò potius ex aquis emergeret. Sicut Arist. lib. de Sensu & Sensibili cap. 5. probat, animalia sub aquis degentia non odorare per aerem intra aquas inclusum, quia potius aer exurgit & euolat, si sub aqua gignatur. Concludendum ergo est, necessariam esse diffusionem intentionalem per species ad sensationem odoris.

Secundò. Odorem non diffundi materialiter transigendo de subiecto in subiectum, patet ex communi omnium accidentium natura. Itaque ad seminum potest exhalatio odorosa ab vno corpore transferri ad aliud eique adherere: ut contingit, dum ex contactu alicuius corporis odorosi, alia corpora talem odorem attrahunt.

Odor non transit de uno in aliud subiectum.

Tertio. Odorem non diffundi effectiue, probatur ex communi ratione secundarum qualitatum, quæ à Philosophis dicuntur non esse actiue productiue: sicut color non producit colorem, sapor saporem; nec odor erit productiue odoris: præsertim cum nullum urgeat lignum quo oppositum appareat. Quod enim attulerunt Conimbr., quia Arist. tex. 127. ait, aerem pati ab odore, sicut à sono, ita ut oleat tanquam passus aliquid, fiatque sensibilis: ex quo loco, præter auctoritatem Aristotelis, Conimbr. vim faciunt in paritate soni, quod sicut sonus est productiue soni, ita odor erit odoris. Hoc inquam non urget. Tum quia Arist. planè loquitur dubitat uè in utramque partem, si aer patiat aliquid vel non: & prius probauerat non pati. Tum etiam, eilo concedat aerem pati, id intelli-

Odor non efficitur consimile odori.

gendum est intentionaliter. Dum verò ait, aerem olere & fieri sensibilem, explicandum est cum D. Tho., non realiter ad modum obiecti, sed intentionaliter tanquam medium, quatenus scilicet est medium olfactus. Imò addit S. Thom., *ly olet, seu foetet*, in alia littera dici, *feret*, hoc est, aer intentionaliter defert odorem. Vel tandem aer patitur ab odore, quatenus permiscetur exhalationibus odoriferis, & sic videtur odoribus redolere. Illa deinde paritas soni, apud nos confirmat potius quod asserimus. Nam antea diximus, sonum non efficere alium sonum, sed omnem effici ex motu corporum se percutientium.

Ad sensum odoris multum confert exhalatio odorosa. Quarto denique. Odorem realiter diffundi per exhalationem, constat ex iam dictis. Id verò maxime confert ad odorem: quia utique quod magis sensibile appropinquat sensui intra debitam proportionem, eò melius sentitur, & quo longius effundetur exhalatio, eò ex longiori distantia sentietur odor. Et cum odor oriatur ex prædominio calidi & sicci, exhalatio quæ est magis calida, & tenuis, erit magis apta ad immutandum & excitandum sensum. Atque per hanc diffusionem exhalationum salvandæ sunt quædam experientia, & explicandæ quædam difficultates, circa odoris diffusionem occurrentes.

Ideo inuat attractare aerem. Ad odorandum inspirando attrahimus aerem. Item propè nares admouemus corpus odorosum, & vehementius trahimus aerem; quia nempe inspiratio non confert solum ad eleuandum opertulum, sed ad attrahendam exhalationem aeri permixtam. Hac etiam ratione observauit Arist. lib. 3. de Generat. animal. cap. 2., ea animalia, quorum nares porrectæ sunt longius, ut castellorum laconicorum, magis valere olfactu, eò quod exhalationes

odorosas magis vaitè & copiosè hauriunt.

Rursum. Non statim atque alicubi applicatur corpus odorosum, sentimus odorem, sed post aliquam temporis moram; ut aduertit Arist. cap. 7. de Sensu & sensili, in hoc coniungens odorem & sonum. Item flante vento in aduersum, minus sentimus odorem. Sed tamen non propterea putandum est, debere omnino exhalationem cum odore reali deduci usque ad sensum. Sed persuadetur ex his, plurimum conferre exhalationes ad sensum odoris. Quia nimirum, odor realis in suo subiecto existens, non potest ad magnam distantiam trajcere speciem sui: ut patet, quia florum aliorumque similibus corporum odores non sentimus, nisi ijs propriis ad nares admotis, cum tamen auditu & visu ad longè maiorem distantiam percipiamus. Sic observauit Lucretius lib. 4. de Rerum natura, dicens: *Hic odor ipse igitur naves quicumque lacerat, est alio vi possit permitti longius alter. Sed tamen haud quisquam tam longè feritur eorum, quam sonitus, quam vox; mitto iam dicere, quam res que feriunt oculorum acies visumque lacerant.* Errabundus enim tardè venit, ac perit ante, paulatim facilis distractus in aeris nubes. Ad hoc ergo maxime confert exhalationum exspiratio, quæ deferentes odorem realem, magis sensui appropinquant, validiusque sensum immutant. Quia autem ad transitum exhalationis requiritur mora temporis, ideo hæc mora intercedit ad sentiendum odorem: nisi addatur, esse de natura speciei intentionalis odorum, diffundi successiuè per partes medijs. Eadem denique ratione ventus flans in aduersum, ac proinde exhalationes depellens, impedit sensationem odoris.

Ideo cū mora tēporis diffunditur ac sentitur odor.

SECTIO DECIMA.

De Organo & subiecto
Gustus.Descri-
bitur
organū
gustus.

Manifestum est, gustui inferuire os. Ad oris structuram, ex Arist. 1. de Hist. animal. cap. 11, hæc concurrunt. Duplex maxilla, altera superior, altera inferior. Ex his duabus maxillis, omne animal mouet inferiorem, solus Crocodilus fluuiialis mouet superiorem, ut attestatur Arist. ibidem. Hæ duæ maxillæ, in extremitate, ubi ad os coeunt, labijs terminantur. Labia constant carne molli & mobili: dataq; sunt tanquam ostium oris, & operculum dentium. Intra maxillas clauditur concavitas oris, ad instar fornicis: Cuius pars superior est palatum, benè compactum & durum, aliquatenus asperum, simile asperæ arteriæ per quam respiramus. Pars inferior, vel tota, vel saltem secundum extremitatem qua declinat in guttur, appellatur nomine faucium. Constat ex carne molliori simili linguae. Ad latera oris circum circa sunt gingivæ carnes, quasi fundamentum & munimentum dentium. Eodem ordine ad latera oris dispositi sunt dentes, gingivis stabiliter infixi & radicati. Anteriores sunt magis acuti, ad scindendum cibum: posteriores magis lati, ad conterendum. In medio oris hæret lingua, implens cauitatem oris. In diversis animalibus lingua varijs modis figurata est ad commoditatem vocis efformandæ & efferendæ. Constat carne laxa, rara, & fungosa, ut humores fugat, & sic melius saporem gustet, ad radicem circa fauces osse valido sustentatur. Ex parte sui inferiore, est faucibus illigata & quasi vinculo refrænata, ut melius

cohereat, & ne se nimis efferat. Ipsaque tota lingua circumdatur quadam tenui tunica, quæ per reliquas oris partes continuata protenditur. Distinguitur lingua novem musculis, motui inferuentibus, quorum ministerio, tum ad efformandum sermonem, tum ad conuehendum cibum, magna facilitate flexitur. Hi musculi ex quodâ nervo ad motum ordinato ducuntur. Præter hunc nervum, adest alius nervus propriè gustui inferuiens. Extant demum ad radices linguae duæ glandulæ carnes, vocatæ tonillæ: quarum munus est, ex humoribus generare salivam deservientem ad humectandam linguam: quod plurimum confert ad sapes percipiendos ac degustandos.

Ex his omnibus quæ varijs modis tum ad loquendum, tum ad gustandum inferuiunt, ipsum gustum propriè residere in lingua, communis est sententia. Et patet experientia: certè enim lingua gustamus. At etiam in palato constat sentiri sapes, atque adeò residere gustum. Et sic notarunt D. August. lib. 2. de Verbis Domini, Damasc. lib. 2. Fidei cap. 18., Nemescius lib. de Natur. hominis cap. 9., & Plinius lib. 11. cap. 37. Imò Arist. lib. 4. de Partib. animal. cap. 11. etiam in gula videtur constituere gustum. Hoc tamen intelligendum est solum de initio gulæ ad radices linguae. Cæterum, in palato, gustus specialiter invenitur in fine eius in profundo oris, ubi nimirum molliori & humidiori carne constat. In lingua verò gustus magis viget in extremitate eius, ut notavit Arist. 1. de Hist. animal. cap. 11. dicens: *Lingua præcipue obtinet vim sentiendi parte sua prima; nam si interiore tangat, minus sentiet.* Ratio est eadem, quia ea pars linguae est mollior & tenuior. Lib. autem 4. de Partib. animal. cap. 11. excipit

Desi-
gnatur
propriū
subiectū
gustus.

capit potum, dicens, acrius interiori linguæ parte sentiri. Denique, an propriè & immediatè gustus intus deat toti linguæ, vel tantum nervo, commune est cum tactu, quod ibi examinabimus.

SECTIO VNDECIMA.

De Obiecto Gustus, nempe Sapore.

Sapor est qualitas oriens ex temperamento primarum.

Sapor est obiectum formale & adequatum gustus. Est qualitas realis inhaerens cibis & corporibus lapidis. Oritur ex temperie primarum qualitatum: & præcipuè, ut colligitur ex Arist. cap. 4. de Sensu & sensili, ex siccitate terrea, humiditate aquea, & calore decoquente: magis autem ex humiditate prædominante siccitati. Vnde penes hoc constitui solet differentia odoris & saporis, quod odor nascitur ex prædominio siccitatis, sapor humiditatis. Cui differentia consonat, quod odor magis sentitur per exhalationem corporis odorosi, sapor magis sentitur per expressionem succi humidi, ut dicemus sect. sequenti.

Varia saporum species.

Deinde ex varia temperie earundem primarum qualitatum, variae saporum species distinguuntur. Quas Conimb. cap. 10. q. 1., alijs opin. omnibus reiectis, ad octo ex Arist. reducunt. Primus est sapor dulcis qualis reperitur in melle. Secundus amarus, qualis est in absinthio. Qui duo apud Arist. tex. 115. & cap. 4. de Sensu & sensili sunt extremi & contrarij. Tertius est sapor pinguis, qualis est in butyro alijsq; rebus vntuosjs, & hic accedit ad dulcem. Quartus est salus, qualis est in sale, & hic accedit ad amarum. Quintus est acer, qualis est in pipere. Sextus est acerosus, qualis est in fructibus immaturis. Septimus est aci-

us, qualis est in olea. Octavus est acutus, qualis est in aceto. Sed tanè multò plures varietates & differentia in his ipsis speciebus inveniuntur. Notavit autem rectè Dandinus digress. 54., tam saporis medios quàm extremos esse quasdam simplices qualitates, nisi quod illi saporis qui per artem fiunt ex mixtura plurium rerum, sunt conflati ex pluribus: sicut se habent colores artificiosi qui à Pictoribus mixtione perficiuntur. Multò copiosius de varijs saporibus, ac de singulis distinctè agit Ioannes Brauus in peculiari libro de saporum & odorum differentijs.

SECTIO DVODECIMA.

De Medio & Modo Gustus: deque distinctione eius à tactu.

AN ad gustandum intercedat aliquod medium, dicemus postea simul cum tactu.

Modus quo gustus immutari debet à sapore, est quidem intentionalis per speciem, ut generaliter circa omnes sensus antea ostendimus. Sed immutatur quoque gustus realiter ab ijs quæ gustantur, præsertim penes humiditatem. Hanc mutationem expressit Arist. tex. 104., explicans contingere per humectationem. Fit autem, dum id quod gustatur fundit ex se aliquem succum quo lingua imbibitur: ac etiam si cibus sit durus, tamen conteritur & comminuitur, saluaquæ permixta mollescitur. Sic cecinit Lucretius lib. 4. de Rerum natura: *Principio succum sentimus in ore, cibum cum mandendo, exprimimus, seu plenam spongiam aqua si quis fore manu premere exsiccareque cepit. Inde quod exprimimus, per causas omne palati diditur, & raris per plexa foramina*

pro medio. Sed certè, hoc fundamento æquè probaretur, neque nervum ipsum denudatum carne sentire: quod tamen est contra experientiam. Respondet Fernelius lib. de Facult. animæ cap. 6, nervum posse sentire, quia cingitur duabus tunicis deductis à duabus meningibus cerebri, eaque mediare inter obiectum & substantiam nervi. Sed hoc non rectè dicitur. Tum quia, etiam perforata utraque tunica nervi, cum vltimus pungitur vel secatur ipsa nervi substantia, non minùs sentimus dolorem: ubi iam nullum est medium inter obiectum & sensum. Tum præterea, sic pariter dici posset caro sentire, quia inter eam & obiectum mediat cutis qua caro cingitur. Respondent alij, non ipsam partem laesam sentire, sed alias propinquas. At sic pari modo tueri poterant carnem sentire, taliter ut pars propinqua parti laesæ vel alteratæ, sentiret passionem illius.

Suade- Tertio à priori probatur assertio.
tur 74. Tàm caro quàm nervus habent con-
sione. convenientem dispositionem & aptitudinem ad sentiendum, nec apparet quid eis detit: nam spiritus animales facillè per nervos communicantur ad carnes, sicut in organis aliorum sensuum: ergo tàm carnes quàm nervi sentiunt. Imò ad percipiendas qualitates alterativas aliasque tangibiles corporum externorum, aptior est caro quàm nervus: siquidem nervus est magis terrestris, frigidus & liccus, similis ossibus quæ sensu carere censentur. Vnde Arist. 1. de Anim. 79, coniungens simul nervos cum ossibus & pilis, docet eos nihil videri sentire. Fortasse enim nervi, aut nullo modo, aut nõ ita ut à nobis discerni queat, sentiunt huiusmodi qualitates. Ad percipiendum tamen dolorem, ipsi videntur nervi. Vnde & in partibus nervosis maximum patimur dolorem ex læsione ibi facta.

Quarto tandem, concedendum est, nervum esse veluti principium sentiendi, ut potè quo deferuntur & communicantur spiritus necessarii ad sentiendum. Et fortasse id solùm voluerunt plerique ex ijs qui determinabant nervum esse proprium organum sentiendi. Per id etiam conciliari poterunt varia Arist. loca, in quibus alioqui videtur opposita docuisse. Nam 1. de Hist. animal. cap. 2., & 2. de Part. animal. cap. 1. & 5. docet, carnem, aut aliquid simile ei proportionè respondens, esse sensorium tactus: At 2. de Anima tex. 109. & sequentibus, docere videtur, carnem non esse propriè organum & subiectum tactus, sed esse medium, tamen coniunctum, per quod percipitur qualitas tangibilis à sensu: & assimilat carnem aeri si esset circumpositus & adnatus nobis. Et manifestè tex. 116. ait, carnem & linguam ita se habere ad sensum tactus & gustus, sicut se habent aer & aqua ad visum, auditum, & olfactum: & concludit, sensorium tactus intus latere, scilicet sub carne.

Propter hæc, Auerr. 2. de Anim. commento 108. ait, verè Aristotelem in lib. de Anima docuisse oppositum eius quod dixerat in libris de Animalibus: cõ quòd tunc non adhuc agnouerat nervos sub carne latere, & ideo dixisse, carnem esse sensorium tactus: sed postea per Anathomiam didicisse texturam nervorum, & sic docuisse nervos esse sensorium tactus. Ex aduerso Tolet. q. 30., concedens Aristotelem mutasse sententiam, ait præferenda esse illa loca de Animalibus, quæ sunt tria, huic vni in libro de Anima. Et certe mirandum est, quod Auerroes ait, Aristotelem in libris de Animalibus non agnovisse nervos: cum in ijs non solum sapissimè meminerit, sed ex professo tractauerit de nervis, enarrans eorum originem & pro-

*Aristoteles ex-
plicatur.*

progressum per totum corpus, ac ministerium ad totius corporis functiones.

Sed fortasse inquam sic poterunt hæc loca conciliari: quod in libris de Animal. docuerit, tactum proximè & realiter inesse carni, non tamen soli carni, quasi excludendo nervos: deinde lib. de Anim. magis assignare voluerit principium & subiectum primarium tactus, quod est aliquid sub carne latens, scilicet nervus, inter quem & obiectum caro mediat: ideoque caro est medium, non externum, sed internum: hoc est in quo ipso inest sensus, & exercetur sensatio, sed non ita primariò sicut in nervo. Dum autem assimilât carnem atri & aquæ quæ sunt media aliorum sentium, non intendit, carnem esse purum medium ad instar illorum, sed solum esse simpliciter medium. Ita aduertit Simplicius in eodem loco. Et similiter Themistius, qui in hoc sequitur ac defendit sententiam Arist., tamen cap. suo 40. sic explicat à se & ab Arist. non negari, ipsam carnem sentire, & ab Arist. dici animal non carne, sed simul cum carne sentire. Et præterea addit, Aristotelem voluisse sensum tactus tribuere cordi, respectu cuius caro sit medium: reuera enim Arist. non meminit nervorum. Intelligi autem debet sensum tactus reduci ad cor, iuxta illam Arist. doctrinam, qua originem sensuum collocabat in corde. Tandem quomodo accipiendum sit quod Arist.

dicebat, sentibile positum

supra

sensum non sentiri, postea explicabimus.

SECT. DECIMA QUARTA.

De Obiecto Tactus, nempe de Tangibilibus qualitatibus.

O Biectum tactus, non habet et unum simplex & commune nomen, sicut habebat obiectum aliorum trium superiorum sensuum: sed per denominationem ab eodem tactu nominatur tangibilis qualitas. Censendum tamen est, dari rationem & conceptum communem, sufficientem ad specificandum ipsum sensum tactus, sicut datur in obiecto singulorum, aliorum sensuum. Et sic etiam quoad sensum visus, licet obiectum visibile commune colori & luci, non habeat unum simplex commune nomen, tamen habet unum commune conceptum, quo specificat visum. Sic pariter Arist. 2. de Anima tex. 68. notavit, cum multa sint corpora diaphana ac transparentia, cogitari debere unam quãdam naturam ijs omnibus communem, ratione cuius in eadem perspicuitatis affectione communcent.

Adhuc tamen ob magnam varietatem tangibilium qualitatium, opinati sunt aliqui, sensum tactus non esse unum simplicem, sed potius esse distinctum in plures potentias sensitivas, circa diuersa genera tangibilium qualitatium. Voluntque, esse sententiam Arist. 2. de Anim. tex. 107. Sic asserunt Themist. 2. de Anim. cap. 39. Auerr. com. 108. Albert. tract. 3. Avicen. lib. 6. Natural. cap. de Tactu, & alij plures. Attamen putandum potius est, sensum tactus esse unum simplicem circa omnes tangibiles qualitates, ob convenientiam nempe omnium harum qualitatium in suo communi genere. Ita docet & explicat S. Thom. 1. par. q. 78.

Obiectum tactus est unum in genere.

Idco videtur simpliciter esse tactus.

solere halitus seu vapores odore affectos, qui proinde realiter per aera diffundantur, & qui possunt quoque realiter alterare. Imò possunt & solent hi vapores alienis etiam corporibus adhærere: compertum enim est, manus antea cōtēctas chirotecis odorosis, retinere postea odorem, pannos etiam aliquandiu servatos simul cū corporibus odorosis, inde odorem concipere, ac deinceps retinere.

Realiter est qualitas accidentalis.

Attamen, certum esse debet, odorem formaliter non esse substantiam exhalationis & vaporis, sed esse qualitatem accidentalem, realiter inhærentem corpori odoroso, siue hoc sit corpus solidum, siue tenuis halitus. Patet: tūm quia obiectum omnis alterius sensus, est qualitas sensibilis ei proportionata, ut dictum est de luce & colore pro visu, sono pro auditu, & similiter dicemus de alijs. Tūm etiam potest sine dubio conservari corpus odorosum quoad substantiam deperdito odore: & interdum quidem hoc naturaliter contingit, in omnibus verò corporibus potest saltem à Deo præstari. Item potest ab ipso Deo conservari odor absque corpore, absque substantia: ut de facto in speciebus sacramentalibus, simul cum alijs sensibilibus accidentibus, remanet odor panis, odor vini. Oritur autem qualitas hæc, sicut & aliæ secundæ qualitates, ex certo temperamento primarum, & præsertim ex prædominio caloris & siccitatis, ut habetur ex Arist. lib. de Sētu & sensib. cap. 5. Et alijs communiter approbant, & ab experientia ducitur.

Tam in corpore solido quam in halitu tenui.

Invenitur autem qualitas hæc realis, non solum in vapore exhalante, sed utique in ipso corpore solido odoroso, cuius tamen pars aliqua magis tenuis ac rara resoluitur in vaporem, retinens ac deferens realem qualitatem odoris. Hic autem

vapor perficit eos reales effectus qui odorem comitantur. Et de hoc loquutus est Arist. quando dixit, odorem esse halitum seu vaporem. Non enim docere voluit, esse formaliter ipsam substantiam vaporis, sed solum materialiter & subiectivè vapore deferri: sicut similiter dixit sect. 11. q. 45., vocem esse aerem, quendam, idest aere deferri. An verò necessaria sit huiusmodi exhalatio pertingens ad sensum, dicemus sect. sequenti.

Plurimæ demum ac variaz sunt odorum species, ut notissimum est. Notavitque Arist. tex 95., obmodicam & obscuram notitiam quam habemus odorum, atque adeo ob defectum propriorum nominum, appellari translatitijs saporum nominibus: nempe odorem dulcem & amarum, acrem, acerbum, pinguem. Non quod semper in iisdem rebus se comitentur sapor dulcis & odor dulcis, & sic de reliquis: sed interdum quidem ita coniunguntur: interdum verò opposito modo se habent, videlicet sapor amarus & odor suavis, & sic alijs varijs modis. Denominatur enim odor suavis, eo quod per se delectet: & sic alijs alijs nominibus prout per se afficiunt odoratum. Extant demum præter odores simplices ac naturales, qui sunt per se quædam specificæ qualitates; alijs compositi & artificiales, qui nempe cōficiuntur mixtura plurium odorum diversarum rerum, quales fiunt à Pigmentarijs, siue in vnguentis, siue in alijs compositionibus. Porro, occultum valde est, ex quam primarum qualitatum proportionem, singulæ odorum species oriatur, ut etiam de saporibus, & obscurum quoque erat de coloribus. Et in univ ersum hæc res valde perplexa est; quia satis frequenter, pleraque sunt similia in colore & valde dissimilia in odore, aut saporibus item

Odorū species.

simi-

similia in odore, & dissimilia in sapore: & è conuerso. Vnde prorsus definiri non potest, ex qua proportionè primarum qualitatum, & quo pacto, hæ aliæ qualitates sensibiles enascantur.

SECTIO NONA.

De Medio & Modo Odoratus.

Necessarium esse medium ad odoratum, significat Arist. 2. de Anim. 98., dicens, corpus odorolum positum intra nasum non sentiri, & hoc esse commune omnibus animalibus. Hoc tamen intelligendum est de corpore solido odoroso, si impediatur halitus expirare, ipsumque de se ineptum sit ad imprimendam aptam speciem sui immediate in sensorio. Alioqui dum ipsa exhalatio pertingit ad sensum, non est negandum, nec Arist. negare voluisse videtur, posse immediate sentiri.

Medium odoratus est aer & aqua.

Medium aptum per quod transmittatur odor ad sensum, est aer & aqua, vt docuit Arist. tex. 97. & lib. 4. de Hist. animal. cap. 8. & est experientia manifestum. Omnia enim animalia quæ degunt in aere, per aerem olfaciunt; & similiter pisces in aqua. Animalia autem quæ respirant, & inspirationis ope odores percipiunt, in aqua odorem non sentiunt, vt experiuntur homines nantes sub aquis. Et ratio est clara; quia in aquis non respirant. Corpora verò densa & solida, non sunt aptum medium per quod transeat odor. Non enim sentimus odorem positum post parietem, nisi fortè iuxta parietem pateat aditus aeri, per quem gyrado possit ad nos odoris species peruenire, simili modo quo diximus de sono respectu audi-

tus, cui quoad hoc odor assimilatur.

Circa modum quo per medium diffundantur odores, Prouenzalis par. 2. cap. 41. vult, odorem nec debere diffundi realiter, nec intentionaliter, sed diuerso quodam modo actuare ac perficere potentiam mediij delatiuam odorum. Sed certè nullus potest esse modus diuersus à reali & intentionali. Sic ergo debet odor diffundi. Plerique opinati sūt, debere diffundi realiter & perueniret ad sensum, & alioqui non posse sentiri. Quæ realis diffusio tribus modis potest intelligi. Primus est, si ex corpore solido educi debeat exhalatio odorosa, quæ realiter sensum attingat. Sic odorem diffundi volunt Auicenna lib. 6. Natural. par. 2. cap. 5. Galen. lib. 4. de Simplic. Medicam. facult. cap. 21. Fernel. lib. 6. Physiolog., & quidam alij. Adhæret ex parte Dandinus 2. de Anima digress. 51. Sed tamen concludit, non esse necessarium, vt halitus perueniat semper vsque ad sensum. Negat quoque speciem intentionalem odoris. Secundus modus est, si odor realis existens in suo subiecto producat similem qualitatem odoris in toto medio vsque ad sensum, sicut lux lucem. Sic odorem effundi affirmat Aegidius apud Tolet. q. 27. & approbant Conimb. cap. 9. q. 3. art. 1. conclus. 3. referentes Alexandrum, Ammonium, Boetiũ, & Garbium: dicunt enim, odorem esse realiter productiuum odoris, & sic esse diffusiuum sui; tamen id non esse simpliciter necessarium vt sentiat odor, sed ad hoc sufficere transmissionem speciei intentionalis. Tertius modus est, si odor ex primo suo subiecto in quo præest, transeat in aliud subiectum illi propinquum. Hunc modum Ammonio & Boetio Toletus attribuit.

His tamen omnibus omissis, verus & adequatus modus, quo odor

perducatur ad sensum ab eoq; percipitur, est per speciem intentionalem: quia scilicet odor realis in quocumque subiecto existens, producit speciem sui, & immittit usque ad sensum; cuius speciei virtute sensus percipit obiectum. Potest tamen odor realiter quoque diffundi, non quidem transeundo de subiecto in subiectum, nec efficiendo alium similem odorem, sed quia exhalatio corporis odorosi per aerem spargitur. Et hæc realis diffusio verè plurimum confert ad odoratum. Hæc omnia singillatim probantur facillè.

Diffunditur per speciem intentionalem.

Primò. Sicut omnis alia qualitas sensibilis immittit speciem sui ut sentiatur, ita omnino & odor debet: adeò ut, etiam si odor realis, siue halitus odorosus, realiter pertingat ad sensum; adhuc necessaria sit species intentionalis odoris: Sicut generaliter probauimus circa species. Eoque magis oportet constituere speciem odoris: quia etiam si non perueniat odor realis ad sensum, adhuc percipitur. Etenim verisimile & probabile non est, in omni parte, loci ex qua odor percipitur, adesse exhalationem corporis odorosi: quia sic oporteret, notabile spatium in circuitu esse prorsus plenum halitu odoroso: & si perflante vento istius halitus depellantur, statim rursus succedere novos halitus implentes totum idem spatium. Hoc enim patet corpus odorosum breui temporis tractu totum solueretur in halitus. Hoc argumentum tetigit Arist. sect. 12. problem. 10., ubi, eum quaesisset, num odor sit fumus aut vapor vel aer, respondet, si à corporibus odorantibus semper aliquid huiusmodi delibaretur, inueniretur semper diminui, nunc autem quæ odorosissima sunt, potissimum eadem videmus durare. Accedit alia experientia. Pisces sub aqua sentiunt supernos odores: unde hac ar-

te piscatores vtuntur ad quosdam pisces capiendos: & præsertim ad odorem carniū Crocodili ex aquis emergunt. Sed certè non peruatit aquas exhalatio corporis odorosi, non utique descendit sub aquas, quinimò potius ex aquis emergeret. Sicut Arist. lib. de Sensu & Sentili cap. 5. probat, animalia sub aquis degentia non odorare per aerem intra aquas inclusum, quia potius aer exurgit & euolat, si sub aqua gignatur. Concludendum ergo est, necessariam esse diffusionem intentionalem per species ad sensationem odoris.

Secundò. Odorem non diffundi materialiter transmigrando de subiecto in subiectum, patet ex communi omnium accidentium natura. Itaque ad summum potest exhalatio odorosa ab vno corpore translati ad aliud eique adherere: ut contingit, dum ex contactu alicuius corporis odorosi, alia corpora talem odorem attrahunt.

Odor non transit de vno in aliud subiectum.

Tertiò. Odorem non diffundi effectiue, probatur ex communi ratione secundarum qualitatum, quæ à Philosophis dicuntur non esse actiue. Etiam si quæ similia productiua: rem. si ergo color non producit colorem, sapor saporem; nec odor erit productiua odoris: præsertim cum nullum vrgeat signum quo oppositum appareat. Quod enim afferunt Conimb., quia Arist. tex. 127. ait, aerem pati ab odore, sicut à sono, ita ut oleat tanquam passus aliquid, fiatque sensibilis: ex quo loco, præter auctoritatem Aristotelis, Conimbr. vim faciunt in paritate soni, quod sicut sonus est productiua soni, ita odor erit odoris. Hoc inquam non vrget. Tum quia Arist. planè loquitur dubitat uè in vtramq; partem, si aer patiatur aliquid vel non; & prius probauerat non pati. Tum etiam, eilo concedat aerem pati, id intelli-

Odor non efficit effectum.

gendum est intentionaliter. Dum verò ait, aerem olere & fieri sensibilem, explicandum est cum D. Tho., non realiter ad modum obiecti, sed intentionaliter tanquam medium, quatenus scilicet est medium olfactus. Imò addit S. Thom., *ly olet, seu facit*, in alia littera dici, *feret*, hoc est, aer intentionaliter deferret odorem. Vel tandem aer patitur ab odore, quatenus permiscetur exhalationibus odoriferis, & sic videtur odoribus redolere. Illa deinde paritas soni, apud nos confirmat potius quod asserimus. Nam antea diximus, sonum non efficere alium sonum, sed omnem effici ex motu corporum se percutientium.

Ad sensum odoris multum confert exhalatio odorosa. Quartò denique. Odorem realiter diffundi per exhalationem, constat ex iam dictis. Id verò maxime confert ad odorem: quia utique quò magis sensibile appropinquat sensui intra debitam proportionem, eò melius sentitur, & quo longius effundetur exhalatio, eò ex longiori distantia sentietur odor. Et cum odor oriatur ex prædominio calidi & sicci, exhalatio quæ est magis calida, & tenuis, erit magis apta ad immutandum & excitandum sensum. Atque per hanc diffusionem exhalationum saluandæ sunt quædam experientia, & explicandæ quædam difficultates, circa odoris diffusionem occurrentes.

Ideo iuvat attractare aerem. Ad odorandum inspirando attrahimus aerem. Item propè nares admouemus corpus odorosum, & vehementius trahimus aerem; quia nempe inspiratio non confert solum ad eleuandum operculum, sed ad attrahendam exhalationem aeri permixtam. Hac etiam ratione obseruant Arist. lib. 5. de Generat. animal. cap. 2., ea animalia, quorum nares porrectæ sunt longius, ut castellorum laconicorum, magis valere olfactu, eò quòd exhalationes

odorosas magis vult & copiosè hauriunt.

Rursum. Non statim atque alicubi applicatur corpus odorosum, sentimus odorem, sed post aliquam temporis moram; ut aduertit Arist. cap. 7. de Sensu & Sensibili, in hoc coniungens odorem & sonum. Item flante vento in aduersum, minus sentimus odorem. Sed tamen non propterea putandum est, debere omnino exhalationem cum odore reali deduci usque ad sensum. Sed persuadetur ex his, plurimum conferre exhalationes ad sensum odoris. Quia nimirum, odor realis in suo subiecto existens, non potest ad magnam distantiam trajicere speciem sui: ut patet, quia florum aliorumque similitum corporum odores non sentimus, nisi ijs proprius ad nares admotis, cum tamen auditu & visu ad longè maiorem distantiam percipiamus. Sic obseruauit Lucretius lib. 4. de Rerum natura, dicens: *Hic odor ipse igitur naves quicunque lacerat, est alio ut possit permitti longius alter. Sed tamen haud quisquam tam longè feritur eorum, quam sonitus, quam vox; mitto iam dicere, quam res que ferunt oculorum acies visumque lacerant. Errabundus enim tardè venit, ac peris ante, paulatim facilis distractus in aeris auras.* Ad hoc ergo maxime confert exhalationum exspiratio, quæ deferentes odorem realem, magis sensui appropinquant, validiusque sensum immutant. Quia autem ad transitum exhalationis requiritur mora temporis, ideo hæc mora intercedit ad sentiendum odorem: nisi addatur, esse de natura speciei intentionalis odorum, diffundi successiue per partes mediæ. Eadem denique ratione ventus flans in aduersum, ac proinde exhalationes depellens, impedit sensationem odoris.

Ideo cum mora temporis diffunditur ac sentitur odor.

SECTIO DECIMA.

De Organo & subiecto
Gustus.Descri-
bitur
organū
gustus.

Manifestum est, gustui inferuire os. Ad oris structuram, ex Arist. 1. de Hist. animal. cap. 11, hæc concurrunt. Duplex maxilla, altera superior, altera inferior. Ex his duabus maxillis, omne animal mouet inferiorem, solus Crocodilus fluuiialis mouet superiorem, vt attestatur Arist. ibidem. Hæ duæ maxillæ, in extremitate, vbi ad os coeunt, labijs terminantur. Labia consistant carne molli & mobili: dataq; sunt tanquam ostium oris, & operculum dentium. Intra maxillas clauditur cavitatis oris, ad intra fornicis: Cuius pars superior est palatum, benè compactum & durum, aliquatenus asperum, simile asperæ arteriæ per quam respiramus. Pars inferior, vel tota, vel saltem secundum extremitatem qua declinat in guttur, appellatur nomine faucium. Constat ex carne molliori simili linguae. Ad latera oris circum circa sunt gingivæ carnes, quasi fundamentum & munimentum dentium. Eodem ordine ad latera oris dispositi sunt dentes, gingivis stabiliter infixi & radicati. Anteriores sunt magis acuti, ad scindendum cibum: posteriores magis lati, ad conterendum. In medio oris hæret lingua, implens cavitatem oris. In diuersis animalibus lingua varijs modis figurata est ad commoditatem vocis efformandæ & efferendæ. Constat carne laxa, rara, & fungola, vt humores sugat, & sic melius saporem gustet, ad radicem circa fauces osse valido sustentatur. Ex parte, sui inferiore, est faucibus illigata & quasi vinculo refrænata, vt melius

cohereat, & ne se nimis efferat. Ipsaque tota lingua circumdatur quadam tenui tunica, quæ per reliquas oris partes continuata protenditur. Distinguitur lingua nouem musculis, motui inferuentibus, quorum ministerio, tum ad efformandum sermonem, tum ad conuehendum cibum, magna facilitate flexitur. Hi musculi ex quodâ neruo ad motum ordinato ducuntur. Præter hunc neruum, adest alius neruus propriè gustui inferuiens. Extant demum ad radices linguae duæ glandulæ carnes, vocatæ tonillæ: quarum munus est, ex humoribus generare saliuam deservientem ad humectandam linguam: quod plurimum confert ad sapes percipiendos ac degustandos.

Ex his omnibus quæ varijs modis tum ad loquendum, tum ad gustandum inferuiunt, ipsum gustum propriè relidere in lingua, communis est sententia. Et patet experientia: certè enim lingua gustamus. At etiam in palato constat sentiri sapes, atque adeò relidere gustum. Et sic notarunt D. August. lib. 2. de Verbis Domini, Damasc. lib. 2. Fidei cap. 18., Nemescius lib. de Natur. hominis cap. 9., & Plinius lib. 11. cap. 37. Imò Arist. lib. 4. de Partib. animal. cap. 11. eum, in gula videtur constituere gustum. Hoc tamen intelligendum est solum de initio gulæ ad radices linguae. Cæterum, in palato, gustus specialiter inuenitur in fine eius in profundo oris, vbi nimirum molliori & humidiori carne constat. In lingua verò gustus magis viget in extremitate eius, vt notauit Arist. 1. de Hist. animal. cap. 11. dicens: *Lingua præcipuè obtinet vim sentiendi parte sua prima; nam si interiore tangat, minus sentiet.* Ratio est eadem, quia ea pars linguae est mollior & tenuior. Lib. autem 4. de Partib. animal. cap. 11. ex-

Desi-
gnatur
propriu
subiectū
gustus.

cipit

cipit potum, dicens, acrius interiori linguae parte sentiri. Denique, an propriè & immediatè gustus insideat toti linguae, vel tantùm nervo, commune est cum tactu, quod ibi examinabimus.

SECTIO VNDECIMA.

De Obiecto Gustus, nempe Sapore.

Sapor est qualitas oriens ex temperamento primarium.

Sapor est obiectum formale & adequatum gustus. Est qualitas realis inhaerens cibis & corporibus lapidis. Oritur ex temperie primarum qualitatum: & præcipuè, ut colligitur ex Arist. cap. 4. de Sensu & sensili, ex siccitate terrea, humiditate aquea, & calore decoquente: magis autem ex humiditate prædominante siccitati. Vnde penès hoc constitui solet differentia odoris & saporis, quod odor nascitur ex prædominio siccitatis, sapor humiditatis. Cui differentiae consonat, quod odor magis sentitur per exhalationem corporis odorosi, sapor magis sentitur per expressionem succi humidi, ut dicemus sect. sequenti.

Varia Saporum species.

Deinde ex varia temperie earundem primarum qualitatum, variae saporum species distinguuntur. Quas Conimb. cap. 10 q. 1., alijs opin. omnibus reiectis, ad octo ex Arist. reducunt. Primus est sapor dulcis qualis reperitur in melle. Secundus amarus, qualis est in absinthio. Qui duo apud Arist. tex. 115. & cap. 4. de Sensu & sensili sunt extremi & contrarij. Tertius est sapor pinguis, qualis est in butyro alijsq; rebus vntuosis, & hic accedit ad dulcem. Quartus est salus, qualis est in sale, & hic accedit ad amarum. Quintus est acer, qualis est in pipere. Sextus est acerous, qualis est in fructibus immaturis. Septimus est aci-

us, qualis est in olea. Octauus est acutus, qualis est in aceto. Sed tanè multò plures varietates & differentiae in his ipsis speciebus inveniuntur. Notauit autem rectè Dandinus digress. 54., tam sapores medios quàm extremos esse quasdam simplices qualitates, nisi quod illi sapores qui per artem fiunt ex mixtura plurium rerum, sunt constati ex pluribus: sicut se habent colores artificiosi qui à Pictoribus mixtione perficiuntur. Multò copiosius de varijs saporibus, ac de singulis distinctè agit Ioannes Brauus in peculiari libro de saporum & odorum differentijs.

SECTIO DVODECIMA.

De Medio & Modo Gustus: deque distinctione eius à tactu.

AN ad gustandum intercedat aliquod medium, dicemus postea simul cum tactu.

Modus quo gustus immutari debet à sapore, est quidem intentionalis per speciem, ut generaliter circa omnes sensus antea ostendimus. Sed immutatur quoque gustus realiter ab ijs quæ gustantur, præsertim penes humiditatem. Hanc mutationem expressit Arist. tex. 104., ex licans cōtingere per humectationem. Fit autem, dum id quod gustatur fundit ex se aliquem succum quo lingua imbibitur: ac etiam si cibus sit durus, tamen conteritur & comminuitur, saluaquè permixta mollescitur. Sic cecinit Lucretius lib. 4. de Rerum natura: *Principio succum sentimus in ore, cibum cum mandendo, exprimimus, cum plenam spongiam aqua si quis foret manu premere exficcareque cœpit. Inde quod exprimimus, per causas omne palati didicitur, & rara per plexa foramina*

pro medio. Sed certè, hoc fundamento æquè probaretur, neque nervum ipsum denudatum carne sentire: quod tamen est contra experientiam. Respondet Fernelius lib. de Facult. animæ cap. 6., nervum posse sentire, quia cingitur duabus tunicis deductis à duabus meningibus cerebri, eaque mediare inter obiectum & substantiam nervi. Sed hoc non rectè dicitur. Tum quia, etiam perforata utraque tunica nervi, cum ulterius pungitur vel secatur ipsa nervi substantia, non minùs sentimus dolorem: ubi iam nullum est medium inter obiectum & sensum. Tum præterea, sic pariter dici posset caro sentire, quia inter eam & obiectum mediat cutis quæ eam cingitur. Respondent alij, non ipsam partem læsam sentire, sed alias propinquas. At sic pari modo tueri poterant carnem sentire, taliter ut pars propinqua parti læsæ vel alteratæ, sentiret passionem illius.

Suadetur ratio. Tertiò à priori probatur assertio. Tàm caro quàm nervus habent convenientem dispositionem & aptitudinem ad sentiendum, nec apparet quid eis defit: nam spiritus animales facillè per nervos communicantur ad carnes, sicut in organis aliorum sensuum: ergo tàm carnes quàm nervi sentiunt. Imò ad percipiendas qualitates alterarietas aliasque tangibiles corporum externorum, aptior est caro quàm nervus: siquidem nervus est magis terrestris, trigidus & siccus, similis ossibus quæ sensu carere censentur. Vnde Arist. 1. de Anim. 79, coniungens simul nervos cum ossibus & pilis, docet eos nihil videri sentire. Fortasse enim nervi, aut nullo modo, aut nõ ita ut à nobis discerni queat, sentiunt huiusmodi qualitates. Ad percipiendum tamen dolorem, ipsi videntur nervi. Vnde & in partibus nervosis maximum patimur dolorem ex læsione ipsæ facta.

Quartò tandem, concedendum est, nervum esse veluti principium sentiendi, ut potè quo deferuntur & communicantur spiritus necessarii ad sentiendum. Et fortasse id solum voluerunt plerique ex ijs qui determinabant nervum esse proprium organum sentiendi. Per id etiam conciliari poterunt varia Arist. loca, in quibus alioqui videtur opposita docuisse. Nam 1. de Hist. animal. cap. 2., & 2. de Part. animal. cap. 1. & 5. docet, carnem, aut aliquid simile ei proportionè respondens, esse sensorium tactus: At 2. de Anima text. 109. & sequentibus, docere videtur, carnem non esse propriè organum & subiectum tactus, sed esse medium, tamen coniunctum, per quod percipitur qualitas tangibilis à sensu: & assimilat carnem aeri si esset circumpositus & adnatus nobis. Et manifestè text. 116. ait, carnem & linguam ita se habere ad sensum tactus & gustus, sicut se habent aer & aqua ad visum, auditum, & olfactum: & concludit, sensorium tactus intus latere, scilicet sub carne.

Propter hæc, Averr. 2. de Anim. commento 108. ait, verè Aristotelem in lib. de Anima docuisse oppositum eius quod dixerat in libris de Animalibus: cõ quòd tunc non adhuc agnouerat nervos sub carne latere, & ideo dixisse, carnem esse sensorium tactus: sed postea per Anathomiam didicisse texturam nervorum, & sic docuisse nervos esse sensorium tactus. Ex aduerso Tolet. q. 30., concedens Aristotelem mutasse sententiam, ait præferenda esse illa loca de Animalibus, quæ sunt tria, huic vni in libro de Anima. Et certe mirandum est, quod Averroes ait, Aristotelem in libris de Animalibus non agnovisse nervos: cum in ijs non solum sapissimè meminerit, sed ex professo tractauerit de nervis, enarrans eorum originem &

*Aristoteles ex-
plicatur.*

pro-

progressum per totum corpus, ac ministerium ad totius corporis functiones.

Sed fortassè inquam sic poterunt hæc loca conciliari: quod in libris de Animal. docuerit, tactum proximè & realiter inesse carni, non tamen soli carni, quasi excludendo nervos: deinde lib. de Anim. magis assignare voluerit principium & subiectum primarium tactus, quod est aliquid in carne latens, scilicet nervus, inter quem & obiectum caro mediat: ideoquè caro est medium, non externum, sed internum: hoc est in quo ipso inest sensus, & exercetur sensatio, sed non ita primariò sicut in nervo. Dum autem assimilât carnem atri & aquæ quæ sunt media aliorum sensuum, non intendit, carnem esse purum medium ad instar illorum, sed solum esse simpliciter medium. Ita aduertit Simplicius in eodem loco. Et similiter Themistius, qui in hoc sequitur ac defendit sententiam Arist., tamen cap. suo 401 sic explicat à se & ab Arist. non negari, ipsam carnem sentire, & ab Arist. dici animal non carne, sed simul cum carne sentire. Et præterea addit, Aristotelem voluisse sensum tactus tribuere cordi, respectu cuius caro sit medium: reuera enim Arist. non meminit nervorum. Intelligi autem debet sensum tactus reduci ad cor, iuxta illam Arist. doctrinam, qua originem sensuum collocabat in corde. Tan-

dem quomodo accipien-
dum sit quod Arist.

dicebat, sentibi-

le positum

supra

sensum non sentiri,

postea expli-

cabimus.

SECT. DECIMA QUARTA.

*De Obiecto Tactus, nempe
de Tangibilibus qua-
litatibus.*

O Biectum tactus, non habet unum simplex & commune nomen, sicut habebat obiectum aliorum trium superiorum sensuum: sed per denominationem ab eodem tactu nominatur tangibilis qualitas. Censendum tamen est, dari rationem & conceptum communem, sufficientem ad specificandum ipsum sensum tactus, sicut datur in obiecto singulorum aliorum sensuum. Et sic etiam quoad sensum visus, licet obiectum visibile commune colori & luci, non habeat unum simplex commune nomen, tamen habet unum commune conceptum, quo specificat visum. Sic pariter Arist. 2. de Anima tex. 68. notavit, cum multa sint corpora diaphana ac transparentia, cogitari debere unam quâdam naturam ijs omnibus communem, ratione cuius in eadem perspicuitatis affectione communiceant.

Adhuc tamen ob magnam varietatem tangibilium qualitatatum, opinati sunt aliqui, sensum tactus non esse unum simplicem, sed potius esse distinctum in plures potentias sensitivas, circa diuersa genera tangibilium qualitatatum. Voluntquè, esse sententiam Arist. 2. de Anim. tex. 107. Sic asserunt Themist. 2. de Anim. cap. 39. Auerr. com. 108. Albert. tract. 3. Avicenn. lib. 6. Natural. cap. de Tactu, & alij plures. Attamen putandum potius est, sensum tactus esse unum simplicem circa omnes tangibiles qualitates, ob convenientiam nempe omnium harum qualitatatum in suo communi genere. Ita docet & explicat S. Thom. 1. par.

*Obiectum
tactus
est unum
in gene-
re.*

*Ideo vi-
tatem tangibilium qualitatatum, opi-
nati sunt aliqui, sensum tactus non
simpliciter
est ta-
ctus.*

q. 78 art. 3. ad 3. item Simplic. Philopon. Alexand. Conimb. Dandinus, & alij, 2. de Anima circa cap. 11. Fernelius lib. 5. Physiolog. cap. 7. Prouenzalis par. 2. de Sensib. cap. 50. Suarez lib. 3. de Anima c. 28. Et cōfirmatur magis: quia alioqui nulla certa regula esset qua determinari posset, quot sensus & potentie distinguere deberent: unde illi Auctores varijs modis plures aut pauciores pro suo arbitrio distinxerunt. Affertur demum pro hac parte Arist. tex. 107. Sed tamen Philosophus eo capite dubitativè solum in utramque partem loquutus est: at cum postea determinat quinque esse sensus externos, & tactum pro vno ex ijs quinque designat; planè videtur supponere, hunc esse vnum simplicem sensum, vnam potentiam.

Enumerantur tangibiles qualitates. Ut verò specialiter ac distinctè assignemus omnes tangibiles qualitates, Arist. lib. 2. de Gener. tex. 8., septem contrarietates qualitatum tangibilium enumeravit. Duæ primæ sunt, calidum & frigidum, humidum & siccum. Hæ sunt primæ quatuor qualitates elementares, quæ planè sunt principale obiectum tactus. Tertia deinde contrarietas est, grave & leve. Hæc sentimus, cum corpora gravia aut levia sustinere & continere conamur, & aliquis impulsus ab ijs nobis imprimitur: alioqui si lapidem iacentem in terra tangamus, non per hoc percipimus eius gravitatem. Quarta est, durum & molle. Hæc sentimus comprimendo corpora dura & mollia, dum nos aliquem impulsus ijs conamur imprimere. Quinta est, lubricum & aridum. Lubricum est super quod non bene consistimus, vel quod non bene manibus continemus: ut glacies super quam facile effluimus, & pisces qui e manibus facile elabuntur. Aridum est huic oppositum quod bene sustinet vel continetur. Sexta

est, asperum & lene. Asperum est, quod partibus inæqualibus compactum est, et quibusdam prominet, quibusdam deprimitur; ut pumex. Lene est, quod secundum suas partes æqualiter disponitur, ut tabula plana. Septima denique est, crassum & tenue. Crassum est, quod sese continet & in se consistit: tenue est subtile & repletium, quod facile sese insinuat in aliud corpus.

Ex his omnibus contrarietatibus assignatis, subdit Arist., grave & leve non esse activa. Non quod existimet, omnia alia esse activa. Sed peculiariter hoc expressit, quia hæc sunt qualitates motuum elementorum, in ijs conspicuæ simul cum primis quatuor qualitatibus quæ activæ sunt. Reuera autem præter primas quatuor qualitates, reliquæ omnes non sunt inter se activæ, & sui similium productivæ. Prosequitur ulterius Arist., qualiter ex primis illis qualitatibus reliquæ oriuntur: ut antea, quoque attigimus circa elementares qualitates q. 41. sect. 4. Et humiditati tribuit, molle, lubricum, & tenue: siccitati, durum, aridum, & crassum. De aspero & leni non meminit; quia, ait D. Thom. lect. sua 2., manifestum erat, reduci ad easdem primas qualitates, lene ad humidum, asperum ad siccum. Et præterea, asperum & lene sunt sensibilia communia etiam visui, sub genere figuræ, quod est vnum ex sensibilibus communibus. Atque cum his pariter intelligenda sunt quæcumque affectiones importantes dispositionem &figurationem quantitatis, sensibiles per tactum.

Præter hæc, videntur esse alię qualitates quæ percipiuntur à tactu, existentes intrinsecè in eodem ipso subiecto & organo sensitivo, nempe voluntas & voluptas, ad quas reducuntur fames & sitis, pruritus & titillatio.

Attamen, aliqui volunt, has verè non esse affectiones ipsius tactus, sed spectare potius ad appetitum sensitivum. Ita existimant Simon Porcius lib. de Dolorè cap. 10. Suarez lib. 5. de Anima cap. 5. Theophilus Raynaudus in Theolog. naturali dist. 8. num. 237. & Conimb. 2. de Anim. cap. 11. q. 2. art. 2. et 1. de Generat. cap. 1. q. 5. art. 2. vbi pro se referunt Capreolum, Scotum, et D. Thom. Dicunt itaque, externo sensu tactus percipi quidem passionem illam ex qua oritur dolor aut voluptas, nempe excessum al cuius qualitatis, vel divisionem continuum, confluentem spirituum, aliaue huiusmodi: sed appetitum deinde sensitivum, dolere aut delectari de huiusmodi passione apprehensa ut mala vel bona, disconuenienti vel conuenienti.

Verè Certum tamen esse debet dolorè et voluptatem verè inueniri in ipso sensu externo tactus. Ita planè docuit D. Thom. in 3. distin. 15. q. 2. art. 3. et q. 26. de verit. art. 4. ad 4.; et expressè etiam 1. 2. q. 35. art. 1. et 7., vbi distinguit dolorè exteriorè corporis, què ait oriri ex malo coniuncto corpori, sequentem apprehensionem tactus, à dolore interiori, quem ait nasci ex malo coniuncto appetitui, sequentem ex interiori apprehensione seu imaginatione. Similiter Scotus in 3. d. 13. q. 7. Durand. q. 3. Gabriel. q. 1. Paludan. q. 2., et alij quos infra referemus. Itè D. Augustin. lib. 14. de Ciuit. cap. 7., et in Plat. 42. super illa verba, *Quare tristis es anima mea*, distinguit tristitiam et dolorè: tristitiam ait pertinere ad animam, seu ad partem interiorem; dolorè verò ad corpus, seu ad sensum exteriorè. Unde, dum eodem lib. de Ciuit. cap. 15. ait, dolorè corporis ad animam pertinere; intelligit, in quantum corpus non nisi informatum anima patitur, sentitq. dolorè, et in quantum

ipse sensus tangendi est potentia animæ.

Probatur hæc assertio ab experientia: quia manifestè in ipsa corporis parte læsa sentimus dolorè, ut cuique notissimum est: appetitus autem sensitivus non residet in toto corpore sed solum in corde. Nec rectè Riccard. in 3. d. 15. art. 4. q. 1. cogitauit, appetitum secundariò extendi per totum corpus. Rursus, actus appetitus sensitivi, non est cognoscere et sentire, sed est amare conuenientia, abhorrere disconuenientia: sed nos in carne verè percipimus et sentimus dolorè: ergo hic non est actus appetitus sensitivi, sed est actus sensus externi percipientis dolorè. Insuper appetitus nō mouetur nisi mediante apprehensione sensus interni, et ex apprehensione boni mouetur ad actum delectationis, ex apprehensione mali ad actum tristitiæ: sed certè, prius est, corpus extra pati et sentire dolorè, quàm sensum internum apprehendere et proponere ut malum; et ideo sensus internus apprehendit percussione ut malum, quia infert dolorè, et hinc tandem appetitus sensitivus auersatur et euitare conatur talem ictum atque dolorè: actus ergo dolendi ex percussione prius est in sensu tactus, et deinde consequitur alius actus tristitiæ et displicentiæ in appetitu. Demum apprehendere solemus dolorè quem aliquando in corpore passi sumus, et tunc de illo trittamur in appetitu sensitivo: sed tamen non per hoc tunc sentimus dolorè in corpore sicut cum actu percutimur: igitur actus et sensus doloris, quem in corpore patimur, non est qui in appetitu sensitivo reperitur, sed quid verè pertinens ad externum sensum tactus.

Sicut verò inuenitur dolor & voluptas in sensu tactus, ita pariter inuenitur in sensu gustus. Nam gustando gustus.

Et similiter in sensu gustus.

stando saporibus delectabiles & gratos, efficitur quædam voluptas in ipso gustu: & gustando saporibus contrarios, efficitur quædam molestia in eodem gustu. Hinc autem oritur complacentia vel displicentia in appetitu, quæ fit, ut queramus, vel respiciamus ea quæ gustui suauia sunt vel molesta.

Non aut. Addunt præterea aliqui, in omnibus in sensu inueniri suam voluptatem & visu & dolorem. Ita asserit Nicander Iosandrus. sius lib. de Volupt. & dolore cap. 2. sumitque ex Arist. lib. 10. Ethic. cap. 4. ubi aperte ait: *In vnoquoque sensu voluptatem fieri perspicuum est: quippe cum & visiones & auditiones esse incundas dicamus.* Attamen, non videtur dolor & voluptas inueniri in ipsis externis sensibus, visu, & auditu: sed bene ex perceptionibus horum sensuum suboriri complacentiam aut displicentiam in interno appetitu. Sic certè, dum oculis contemplamur obiectum aliquod pulchrum & gratum, non in ipsa pupilla oculi sentimus voluptatem, sed bene animus delectatur interiori obiecto contemplando. E contra dum intuemur obiectum aliquod turpe aut horridum, non in ipsa pupilla patimur vel sentimus molestiam, sed animus est qui ad eum intuitum horret, refugit, ac tristatur. Similiter non in ipso sensorio auditus afficimur voluptate aut dolore, audiendo sonos suauis, vel molestos: sed animus ipse delectatur aut conturbatur. Secus experimur in tactu & gustu: nam ipsomet sensu percipimus voluptatem & molestiam. Sensus autem odoratus videtur pari modo cum his se habere: in ipso enim sensorio afficimur voluptate ex suauis odore molestia ex tetro foetidoque odore. Arist. verò eo loco solum voluit, per omnes sensus capi à nobis varias voluptates.

Rursus in ipso sensu externo ta-

ctus, docent aliqui, dolorem & voluptatem non esse aliud quam sensationem ipsam de obiecto disconuenienti aut conuenienti. Ita item explicant Valles. contr. 4. cap. 4. & Dandinus 2. de Anim. digress. 60. Et indicat Galenus 2. de Locis affectis cap. 2. Et fauet D. August. lib. 3. de Libero arbitrio cap. 14. ubi dolorem definit: *Est sensus incisionis vel corruptionis impatiens.* Sed tamen videtur potius dolor & voluptas in sensu, alia affectio diuersa à sensatione obiecti, ex quo oritur. Ita videntur ut plurimum supponere ij qui dolorem constituebant in ipso sensu tactus. Imò præterea, ex ijs qui constituebant in appetitu, aliqui agnoscunt aliam peculiarem qualitatem in ipso sensu tactus. Sic nempe affirmant Portius & Suarez. Et patet: quia dum in carne patimur excisionem doloris, planè hic dolor non est sensatio ipsa incisionis. Quinimò potest & interdum solet sentiri incisio absque dolore. Rursus interdum sentimus vehementem dolorem in aliqua corporis parte ex morbo aliquo, ut qui articulis vel renalibus doloribus laborant; & tamen nullum aliud obiectum ipso tactu sensu percipimus, non incisionem aut alterationem inconuenientem, ex cuius sensatione doleamus. Item in maxima tactus voluptate, vix percipit quis cõfluxum spirituum, aliud uè simile, ex cuius sensatione delectatur. Dolor ergo & voluptas in tactu, est aliqua affectio à dicta sensatione distincta. Similiter in sensu gustus. Eadem enim est ratio. Imò de eodem sapore frequenter alius delectatur, & alius molestat, pro diuersa nempe organi temperie: ut obseruat Lucretius lib. 4. de Rer. natur. *Nunc alijs alijs cur sit citius ut videamus expeditum, quod alijs quod triste & amarum est. hoc tamen esse alijs possit præcise videri.* Eadem-

Dolor et voluptas in sensu tactus non est. sola sensatio obiecti externi.

demquē diuersitas in odoratu con-
tingit. Sentitur autem à diuersis
idem ipse sapor vel odor, qui tamen
alijs voluptatem, alijs molestiam
affert. Hæc ergo voluptas & mole-
stia, distincta est à sensatione talis
obiecti.

*Sed est
peculia-
ris qua-
dā qua-
litas in
sensu.*

Itaque voluptas & dolor in sensu
externo, est peculiaris quædam qua-
litas in sensu resultans: quæ quidem
sæpè consequi solet ex antecedenti
sensatione: & ideo causaliter expli-
catur interdum per talem sensatio-
nem. Hæc autem qualitas, vel rur-
sus sentitur & à sensu percipitur alio
distincto sensationis actu: ita quod
posset à Deo fieri, vt existeret qua-
litas doloris in sensorio, & tamen
non ab illo perciperetur, si nempe
Deus suspenderet distinctum illum
sensationis actum. Vel talis quali-
tas per seipsam sentitur & à sensu
percipitur, siue est affectio quædam
sensus, non indigens alio distincto
sensationis actu: quo pacto fieri nō
posset, vt existeret in sensorio, &
perciperetur, siue non sensibiliter
afficeret tactum.

*Ex qua
causa
proue-
niat do-
lor in
tactu.*

Denique dubitatur, ex qua nam
causa in vniuersum proueniat dolor
in tactu. Arist. 6. Topic. cap. 3. &
Galen. lib. 4. de Simplic. medicam.
facult. cap. 2. & lib. 2. de Locis affe-
ctis cap. 10. indicant, adzquarē oriri
ex diuisione continui: idquē defen-
dunt Simon Portius lib. de Dolor
cap. 3. & 4. & Argent. lib. de Causis
Sympromat. c. 15. et quidā alij. Auer.
autem 2. Colliget cap. 21. Concilia-
tor Differen. 72. Valles. lib. 4. con-
trouers. cap. 5. & alij plures, volunt,
dolorem oriri potiùs ex intemperie
qualitatū per excessum alicuius qua-
litis ultra debitam mensuram. Co-
nimbr. 2. de Anima cap. 11. q. 2. art. 2.
Dandinus eodem libro digressionē
60. & alij plures, volunt, dolorem
oriri posse & solere ex vtraque cau-
sa, vel scilicet ex diuisione continui

vel ex intemperie qualitatū. In-
dicant Plato in Timæo & Philebo,
Arist. lib. Problem. sect. 11. q. 3. &
sect. 5. p. 26. & Galenus quoque lib.
12. Methodi cap. 7.

Sed addendum est, dolorem pos-
se & solere oriri non solum ex his, *Prone-*
sed etiam ex alijs præterea causis, *diuisio-*
corpus animalis lædentibus. Ita re- *ne con i.*
ctè notant Nicander Iossius lib. de *nni, ex*
Volup. & dolore cap. 6. Notum sa- *altera-*
nè est, dolorem oriri ex diuisione *tione*
continui, vt patet in vuneribus. Vbi *subiecti.*
sanè recurrendum nō est ad intem-
periem qualitatū: nec enim talis
ac tantus excessus fit alicuius quali-
tatis in vulnere, vt talem ac tantum
dolorem ingerat: Sed omnino per
se, ipsa diuisio continui cum dolore
intert. Rursus ex intemperie & ex-
cessu alicuius qualitatis, vt caloris
aut frigoris, dolorem incurrimus.
Vbi pariter recurrendum non est ad
diuisionem continui, quasi per rare-
factionem ex calore, & condensa-
tionem ex frigore, suboriatu aliqua
carnis scissio, consequenter dolorem
inferens. Non enim talis ac tanta
fit rarefactio vel condensatio, vt car-
nem diuidat, & hac ratione dolorem
ingerat. Sed per se sanè ipse quali-
tatis excessus habet vim inferendi
dolorem.

Amplius, præter diuisionem & in-
temperiem dictam, efficitur sæpè do-
lor ex compressione & percussione
vt notissimum est. Vbi similiter re-
currendum nō est ad scissionē con-
tinui, vel intemperiem qualitatū:
non apparet talis ac tanta alteratio
vel diuisio, quæ talem dolorem infe-
rat quem ex percussione sentimus.
Item patimur vehementes dolores
ex humore aliquo noxio molestante
partem aliquam corporis: quod to-
tum pariter fit citra notabilem in-
temperiem qualitatū vel diuisionē
continui. Affert quoque Nicander
alia exempla. Nerus denudatus, si
leuif-

*Et ex
alijs
quoq.
causis.*

leuissimè tangatur, vehementer dolet: similiter recens caro vulneris non contacta cute: item piper in lingua quendam dolorem infert: & alia sunt huiusmodi. Verè ergo ex his omnibus varijs causis potest & solet causari dolor. Vnde sub vno genere causa doloris dicetur, læsio corporis apta ad hunc effectum inducendum,

Ad do- Ad dolorem denique reducuntur
lorē re- fames & sitis: percipiuntur enim co-
ducuntur dem sensu tactus: & inter species
fames doloris enumerantur à Galeno lib.
& sitis, de Inæquali temperamento. Sunt
pruritus inquam dolor quidam causatus ex
& titil- vacuitate & constrictione, vel ex sic-
latio. citate & ariditate ventriculi. Ex quo dolore consequitur in appetitu desiderium cibi & potus: & sic per appetitum Arist. 2. de Anima tex. 28. definiuit famem & sitim, tanquam per effectum. Reducitur quoque ad dolorem pruritus: est enim molestia quædam quam pars aliqua corporis patitur, vel ex defluxu & commotione humoris seu vaporis sub cute, vel ex alia quauis causa. Reducitur demum titillatio, quæ est quidam molestia quædam, habet tamen & aliquid voluptatis admixtum, ratione cuius & risum excitat, vt meminit Arist. 3. de Partibus animal. cap. 10. Simpliciter tamen eam horremus ac refugimus. Fit autem maior titillatio in quibusdam locis, in quibus maior arteriarum copia coadunatur ac desinit, per quas vitales spiritus defluunt: Ex confluxu enim plurimorum spirituum talis affectio in corpore excitatur.

SECT. DECIMA QUINTA.

De Medio & Modo Tactus.

IN primis Auerr. 2. de Anim. com. men. 113. & duobus sequentibus,

quam sequitur Iandunus q. 28, affirmat, inter obiectum & sensum tactus requiri ac semper inueniri medium aliquod externum, idest corpus aliquod extraneum, medians inter obiectum quod tangitur & sensum qui tangit. S. Thom. circa tex. 113. Sueffanus & vterque Gaetanus ibidem, Albertus eodem libro tractatu 3. cap. 32. limitant & explicant, saltem inter corpora dura & solida requiri ac semper interuenire medium, nempe vel aerē vel aquam. Imò videtur hæc expressa sententia Arist. tex. 113. & sequen. vbi id experientia quoque confirmat: Quando duo corpora solida intra aquam se tangunt, dum postea extrahuntur, inueniuntur in superficiebus quibus se tangebant, vda, hoc est humectata per aquā: mediabat ergo aqua inter illa. Inde intert, mediare pariter aerem inter corpora se tangentia in aere, licet id non appareat propter aeris tenuitatem. Concludit denique Arist., omnes sensus sentire per medium, etiam scilicet gustum & tactum, quamuis id in ijs lateat.

Dicendum tamen omnino est, nō requiri huiusmodi medium externum ad sensum tactus. Ita asserunt Auicenna 6. Met. cap. 3. Conciliator Differen. 42. Scot. 2. de Anim. q. 3. Apollin. q. 31. Tolet. q. 31. Conimbr. cap. 11. q. 1. Philop. Simplic. Themist. & alij circa textum 113. Dandinus digressionē 56. Provenzalis par. 2. de Sensib. cap. 51. & alij communiter.

Patet manifestè, contra Auerroē, non semper inueniri & requiri tale medium: quia certè inter aerem vel aquam & corpora existentia in aere vel in aqua, nihil mediat: & sic etiam si quis existeret intra ignem: & tamen adhuc per sentam tactus percipiuntur qualitates in ijs elementis. Vidit difficultatem Auerr., & respondet

Non requiritur medium externum in sensu tactus.

det commento 115., animal existens in suo elemento tanquam loco naturali, nō pati quicquam ab eo, cū locus sit similis locato : & ita ait nec etiam sentire quicquam. Si autem elementum alteretur de sua naturali dispositione, id fiet per commistionem aliorum corporum alterantium, & tūc ab his corporibus ipsum quoque animal patietur, eaque mediātē tangendo sentiet. Sed in hac responsione est multiplex error, vt vtar verbis D. Thom. l. 2. c. 23. Error est, animal non pati ab elemento in quo locatur : etenim vnum elementum est quoque locus alterius : & cū elementa sunt in naturali dispositione, maximē inter se agunt, vbi se contingunt. Error est, locum debere esse similem locato, si hoc intelligatur quoad qualitates actiuas alterantinas. Error est, elementum si esset in sua naturali dispositione non inferre passionem locato : quinimō potius si elementum esset in sua sinceritate, maximē ageret in corpora contenta & contigua, nimirum per suas qualitates valde intensas. Error est, aquam & aerem non alterari nisi per admixtionem extranei : nam solet vtrique subiectum alterari ab agente propinquo, vel etiam remoto, intercedente medio : ynde aer etiam a corporibus celestibus alteratur. Error est, animal non pati nisi a corporibus permixtis inter elementa : nam vtrique etiam elementa ipsa alterata agere debebunt in corpus animalis, & sic ab animali sentirentur per tactum. Error demum est, quod Auerr. non considerauit, posse animal intrudi in elemento sibi non naturali, vt si quis iniiciatur in ignem, vel dum homo natat sub aquis, aut pisces extrahuntur in aerem : in quibus casibus certē corpus animalis patitur ab elemento in quo ponitur, & sic animal sensu tactus percipit eius qualitates absque vllō extraneo medio.

Deinde patet etiam, neque ad tangenda corpora dura & solida necessarium esse medium, quantum est ex vi & ex natura ipsius tactus. Sed ratendum erit, saltem ex hypothesi, si quis immediatē manum admoueat alicui corpori solido, posse & debere illud sentire tactu. Probatur etiam absolutē, posse reuera immediatē tangere, nō intercedente vllō medio extraneo : quia licet corpora dura, ob inæqualitatem partium, non soleant adæquatē secundum omnes partes sese tangere, sed inter partes depressiores mediet aliud corpus tenue : tamen negari non potest, secundum aliquas saltem partes immediatē se tangere. Sic cum duo corpora se percurrunt, & sonum edunt, certē se tangunt : & cū ense caro diuiditur, certē ensis sine aere medio tangit & diuidit carnem : cū pila atramento in tincta iacitur in parietem, eumque insit, immediatē vtrique parietem tangit : & cū corpus ponderosum iacet super terram, certē non sustinetur aere medio, sed immediatē ipsa terra. Quando autem duo corpora se tangunt in aqua, si validē constringantur simul, pariter immediatē se tangent. Quia autem aqua ob suam crassitiem faciliē adherescit, ideo corpora vda se tangentia non possunt omnem aquæ humorem exprimere. Quare facilius sanē expelli potest aer, qui tenuior est, non tam haerescens. Aristoteles verò locutus non est assertiuē, sed solum dubitatiuē, vt ipse et proponit dicens ; *Dubitabit autem aliquis : quem loquendi modum ipse quoque Auerr. obseruauit.* Et ita ibi declarat Themist. Simplic. & alij. Quamuis Philoponus velit, Arist. assertiuē sic docuisse : sed tamen ait, eius dictum esse falsum. Addi potest quod Arist. ipse tex. 129. diuidens sensus, eorumque sufficiētiā assignans, do-

Nec ēt ad tangenda corpora solida.

lingua. Hæc, ubi lenia sunt manantibus corpora succi, suauiter attingunt & suauiter omnia trahant. Non videtur tamen simpliciter necessaria hæc succi perfusio, ut sapor sentiat, sed ut melius & perfectius gustetur. Videtur tamen simpliciter necessaria aliqua humectatio cibi: experimur enim, non statim atque corpus lapidum, licet acerrimi saporis, quale est piper, linguae imponitur, sentiri saporem; sed intercedere exiguum temporis moram, quæ non videtur requiri propter aliud, quam ut cibus sapidus aliquantum humectetur: nimirum sicut color ad hoc ut immittat speciem sui requirit lumen.

Gustus Cæterum, gustum non esse distinctum quendam sensum à tactu, sed esse speciem quandam siue partem tactus, contendunt aliqui, ducti auctoritate Arist. qui tex. 101., incipiens tractare de gustu, his verbis inchoat: *Gustabile est tangibile quoddam.* Et ideo addit, gustum non indigere medio inter obiectum & sensum, qui est tactus quidam, tactui autem non tribuitur medium. Et clarius lib. 3. tex. 64. asserit, gustum esse tactum quendam, quia respicit obiectum tangibile & nutritium. Et cap. 2. de Sensu & sensibili propè finem, ait, gustum esse speciem tactus.

Communis tamen & vera sententia docet, gustum esse distinctum, prorsus sensum à tactu. Ita asserunt Auerr. Themist., Simplic., Philoponus, S. Thomas, alijque communiter. Et aperte Arist. tex. 112. ubi infert tanquam absurdum, si tactus & gustus essent unus sensus, affirmatque esse duos. Et sic in diuisione sensuum, Arist. alijque omnes, tanquam distinctos enumerant, non minus quàm visum, auditum, & reliquos. Ratione probatur: quia diuersitas sensuum non aliunde petenda est, quam ex

diuersitate obiectorum, & subiectorum: sed certè valde diuersum est obiectum gustus ab obiecto tactus, ut notissimum est, nempe sapor à qualitatibus tangibilibus. Itemque diuersum est subiectum: nam organum tactus est ferè totum corpus, organum verò gustus est certum ac designatum, ut vidimus. Si ergo in alijs partibus datur tactus sine gustu, imò etiam in lingua potest permanere incolumis tactus vitiatu gustu: planè sequitur gustum esse realiter & essentialiter à tactu distinctum.

Nec quicquam refert, in eodem organo simul, nempe in lingua, inueniri tactum & gustum. Nam etiam in alijs sensorijs inuenitur quoque tactus simul cum potentia propria sensitiva: & tamen illi omnes sunt distincti sensus. Pro explicatione autem illius dicti Arist. quod in contrarium allatum erat, addendum est. Tactum posse sumi dupliciter, vel propriè & in rigore, quatenus est sensus contradistinctus ab alijs omnibus: & sic certè neque gustus est tactus, neque obiectum gustabile formaliter est tangibile. Vel tactum sumi communiter pro sensu percipiente obiectum immediate contiguum: sic sanè gustus se habet ut tactus, & sic ab Arist. dictum est, gustabile esse quoddam tangibile, id est, quod non sentitur nisi tangatur: & gustum esse quendam tactum, siue quendam speciem tactus, id est, qui non sentit nisi tangendo. Ideoque quicquid spectat ad gustum quatenus sic convenientem cum tactui iam simul cum tactu iungemus.

SECTIO DECIMATERTIA.

De Organo & subiecto Tactus.

Tactus non relidet in certa & præcisa aliqua parte corporis ad *Tactus in 1010*

*corpore
exiēdi-
tur.*

ad instar reliquorum sensuum, sed per totum corpus expanditur: non quod omnis penitus pars animata, sentiat: ossa enim non sentire dicuntur, & si quæ sint aliæ huiusmodi partes: sed satis est, in omnibus corporis membris, idest in capite, manibus, pedibus, &c., inueniri sensum tactus.

Ad structuram autem totius corporis & singulorum membrorum, præter carnes, quo nomine hic intelliguntur cutis, membrana, cartilago, & similia; adsunt præsertim, nervi in magna copia, quibus totius corporis compago contextitur, qui à cerebro tanquam à propria origine ducuntur, ac deferunt spiritus animales per totum corpus & ad omnes sensus. Vnde sicut ad reliquos sensus in suis organis existētes confluunt spiritus à cerebro per nervos; ita propter sensum tactus, per nervos toto corpore propagatos, ad omnia membra iidem spiritus conuehuntur.

*Residet
tam in
carne
quàm in
nervo.* Hoc supposito, præcipua quædam sententia est, proprium subiectum tactus esse nervos in toto corpore, intextos. Ita Galen. lib. 1. de Usu part. cap. 16. Albert. 2. de Anima, tract. 3. cap. 31. D. Thomas lect. 32. & alij circa cap. 11. item Conciliator differ. 42. Fernel. lib. de Animæ facult. cap. 6. & alij plures. Opposita sententia est, proprium subiectum tactus esse carnem, & in ipsa carne præcisè fieri sensationem. Ita Auerr. lib. de Sensu & sensibili, Prouenzalis par. 2. de Sensib. cap. 51. Alexand. Philopon. & alij 2. de Anima. Vera autem sententia est, tactum cōmuniter residere in carne & nervo, ita ut tam caro quàm nervus verè sentiat: idemq; intelligendum est de sensu gustus. Ita docent Nyssen. lib. 4. Philos. cap. 4. Avicen. lib. 6. Natural. cap. de Tactu, Suarez lib. 3. de Anim. cap. 27. Zimara, Conimbr.

Dandinus, & alij, 2. de Anima circa cap. 11. Et indicat Galen. lib. 3. de Temperam. cap. 9. & lib. 9. de Placit. Hippocr. & Platon. cap. 2.

Probatur primò manifesta experientia; patet in his omnibus partibus nos sentire tactu. Vnde sicut scimus, visum residere in oculo, auditum in auribus; ita pari experientia in illis partibus agnoscendus est sensus tangendi, in quibus verè sentimus. Sed certè carne sentimus: cum enim manu tangimus obiectum calidum aut frigidum, sentimus calorem aut frigus: dum caro pungitur vel diuiditur, sentimus dolorem: cum tamen non sentiamus dolorem in ossibus. Similiter nervus dum pungitur aut diuiditur, sentit dolorem. Ergo verè omnes hæ partes sentiunt.

Respondet ij qui negant carnem sentire, non fieri sensum in ipsa carne, sed in nervo propinquo, caro autem sit medium sentiendi. Sed hoc non rectè dicitur. Tum quia eadem experientia constat, ibi nos propriè sentire dolorem, ubi caro pungitur, non in nervo aliquantum distanti: ergo verè in ipsa carne inuenitur sensus tangendi: nisi negetur ipse sensus & experientia, & existimetur oppositum eius quod ipso met tactu percipimus. Tum insuper sentimus dolorem in quibusdam partibus non nervosis, & à quibus longius distant nervi & in iecore, corde, pericranio capitis, & alijs: sensus ergo tangendi non residet in solo nervo, sed per se etiam in his alijs partibus.

Secundò principaliter. Eo præsertim fundamento Auctores illi inducunt ad negandum carnem sentire: quia existimant, sensibile positum immediatè supra sensum non sentiri; & idcirco dicunt, non ipsam carnem sentire sed nervum sub carne latentem, ipsa carne se habente

SECTIO DECIMA.

De Organo & subiecto
Gustus.

Descri-
bitur
organū
gustus.

Manifestum est, gustui inseruire os. Ad oris structuram, ex Arist. 1. de Hist. animal. cap. 11, hæc concurrunt. Duplex maxilla, altera superior, altera inferior. Ex his duabus maxillis, omne animal mouet inferiorem, solus Crocodilus fluuiialis mouet superiorem, ut attestatur Arist. ibidem. Hæ duæ maxillæ, in extremitate, ubi ad os coeunt, labijs terminantur. Labia constant carne molli & mobili: damq; sunt tanquam ostium oris, & operculum dentium. Intra maxillas clauditur concavitas oris, ad instar fornicis: Cuius pars superior est palatum, benè compactum & durum, aliquatenus asperum, simile asperæ arteriæ per quam respiramus. Pars inferior, vel tota, vel saltem secundum extremitatem qua declinat in guttur, appellatur nomine faucium. Constat ex carne molliori simili linguæ. Ad latera oris circum circa sunt gingivæ carnes, quasi fundamentum & munimentum dentium. Eodem ordine ad latera oris dispositi sunt dentes, gingivis stabiliter infixi & radicaui. Anteriores sunt magis acuti, ad sciendendum cibum: posteriores magis lati, ad conterendum. In medio oris hæret lingua, implens cauitatem oris. In diuersis animalibus lingua varijs modis figurata est ad commoditatem vocis efformandæ & efferendæ. Constat carne laxa, rara, & fungosa, ut humores fugat, & sic melius saporē gustet, ad radicem circa fauces osse valido sustentatur. Ex parte sui inferiore, est faucibus illigata & quasi vinculo refrænata, ut melius

cohereat, & ne se nimis efferat. Ipsaque tota lingua circumdatur quadam tenui tunica, quæ per reliquas oris partes continuata protenditur. Distinguitur lingua nouem musculis, motui inseruientibus, quorum ministerio, tum ad efformandum sermonem, tum ad conuehendum cibum, magna facilitate flexitur. Hi musculi ex quodam nervo ad motum ordinato ducuntur. Præter hunc nervum, adest alius nervus propriè gustui inseruiens. Extant demum ad radices linguæ duæ glandulæ carneæ, vocatæ tonsillæ: quarum munus est, ex humoribus generare saliuam deservientem ad humectandam linguam: quod plurimum confert ad saporē percipiendos ac degustandos.

Ex his omnibus quæ varijs modis tum ad loquendum, tum ad gustandum inseruiunt, ipsum gustum propriè residere in lingua, communis est sententia. Et patet experientia: certè enim lingua gustamus. At etiam in palato constat sentiri saporē, atque adeò residere gustum. Et sic notarunt D. August. lib. 2. de Verbis Domini, Damasc. lib. 2. Fidei cap. 18., Nemesius lib. de Natur. hominis cap. 9., & Plinius lib. 11. cap. 37. Imò Arist. lib. 4. de Partib. animal. cap. 11. etiam, in gula videtur constituere gustum. Hoc tamen intelligendum est solum de initio gulæ ad radices linguæ. Caterum, in palato, gustus specialiter inuenitur in fine eius in profundo oris, ubi nimirum molliori & humidiori carne constat. In lingua verò gustus magis viget in extremitate eius, ut notauit Arist. 1. de Hist. animal. cap. 11. dicens: *Lingua præcipuè obtinet vim sentiendi parte sua prima; nam si interiore tangat, minus sentiet.* Ratio est eadem, quia ea pars linguæ est mollior & tenuior. Lib. autem 4. de Partib. animal. cap. 11. excipit

Desi-
gnatur
proprium
subiectū
gustus.

cipit potum, dicens, acrius interiori linguae parte sentiri. Denique, an proprie & immediatè gustus insideat toti linguae, vel tantum nervo, commune est cum tactu, quod ibi examinabimus.

SECTIO VNDECIMA.

De Obiecto Gustus, nempe Sapore.

Sapor est obiectum formale & adequatum gustus. Est qualitas realis inhaerens cibis & corporibus lapidis. Oritur ex temperie primarum qualitatum: & praecipue, ut colligitur ex Arist. cap. 4. de Sensu & sensili, ex siccitate terrea, humiditate aquea, & calore decoquente: magis autem ex humiditate praedominante siccitati. Vnde penes hoc constitui solet differentia odoris & saporis, quod odor nascitur ex praedominio siccitatis, sapor humiditatis. Cui differentiae consonat, quod odor magis sentitur per exhalationem corporis odorosi, sapor magis sentitur per expressionem succi humidi, ut dicemus sect. sequenti.

Varia
saporum
species.
Deinde ex varia temperie earundem primarum qualitatum, variae saporum species distinguuntur. Quas Conimb. cap. 10 q. 1., alijs opinionibus reiectis, ad octo ex Arist. reducunt. Primus est sapor dulcis qualis reperitur in melle. Secundus amarus, qualis est in absinthio. Qui duo apud Arist. tex. 115. & cap. 4. de Sensu & sensili sunt extremi & contrarii. Tertius est sapor pinguis, qualis est in butyro alijsq; rebus vntuosis, & hic accedit ad dulcem. Quartus est salus, qualis est in sale, & hic accedit ad amarum. Quintus est acer, qualis est in pipere. Sextus est acerbus, qualis est in fructibus immaturis. Septimus est aci-

us, qualis est in olea. Octavus est acutus, qualis est in aceto. Sed tanè multò plures varietates & differentiae in his ipsis speciebus inveniuntur. Notant autem rectè Dandinus digress. 54., tam sapores medios quàm extremos esse quasdam simplices qualitates, nisi quod illi sapores qui per artem fiunt ex mixtura plurium rerum, sunt conflati ex pluribus: sicut se habent colores artificiosi qui à Pictoribus mixtione perficiuntur. Multò copiosius de varijs saporibus, ac de singulis distinctè agit Ioannes Brauns in peculiari libro de saporum & odorum differentiis.

SECTIO DVODECIMA.

De Medio & Modo Gustus: deque distinctione eius à tactu.

AN ad gustandum intercedat aliquod medium, dicemus postea simul cum tactu.

Modus quo gustus immutari debet à sapore, est quidem intentionalis per speciem, ut generaliter circa omnes sensus antea ostendimus. Sed immutatur quoque gustus realiter ab ijs quae gustantur, praesertim penes humiditatem. Hanc mutationem expressit Arist. tex. 104., ex licans contingere per humectationem. Fit autem, dum id quod gustatur fundit ex se aliquem succum quo lingua imbibitur: ac etiam si cibus sit durus, tamen conteritur & comminuitur, saluaque permixta mollicatur. Sic cecinit Iucretius lib. 4. de Rerum natura: *Principio succum sentimus in ore, cibum cum mandendo, exprimimus, ceu plenam spongiam aqua si quis fore manu premere exsiccareque cepit. Inde quod exprimimus, per cunctas omne palati diditur, & raris per plexa foramina*

lingua. Hæc, ubi lenia sunt manantia corpora succi, suauiter attingunt & suauiter omnia tractant. Non videtur tamen simpliciter necessaria hæc succi perfusio, ut sapor sentiantur, sed ut melius & perfectius gustetur. Videtur tamen simpliciter necessaria aliqua humectatio cibi: experimur enim, non statim atque corpus lapidum, licet acerrimi saporis, quale est piper, linguæ imponitur, sentiri saporem; sed intercedere exiguam temporis moram, quæ non videtur requiri propter aliud, quam ut cibus sapidus aliquantum humectetur: nimirum sicut color ad hoc ut immittat speciem sui requirit lumen.

Gustus Ceterum, gustum non esse distinctum quendam sensum à tactu, sed *est sensus a tactu* esse speciem quandam siue partem tactus, contendunt aliqui, ducti auctoritate Arist. qui tex. 101., incipiens tractare de gustu, his verbis inchoat: *Gustabile est tangibile quoddam.* Et ideo addit, gustum non indigere medio inter obiectum & sensum, qui est tactus quidam, tactui autem non tribuitur medium. Et clarius lib. 3. tex. 64. asserit, gustum esse tactum quendam, quia respicit obiectum tangibile & nutritium. Et cap. 2. de Sensu & sensibili propè finem, ait, gustum esse speciem tactus.

Communis tamen & vera sententia docet, gustum esse distinctum, prorsus sensum à tactu. Ita asserunt Auerr. Themist., Simplic., Philoponus, S. Thomas, alijque communiter. Et aperte Arist. tex. 112. ubi intert tanquam absurdum, si tactus & gustus essent vnus sensus, affirmatque esse duos. Et sic in diuisione sensuum, Arist. alijque omnes, tanquam distinctos enumerant, non minus quam visum, auditum, & reliquos. Ratione probatur: quia diuersitas sensuum non aliunde petenda est, quam ex

diuersitate obiectorum, & subiectorum: sed certè valde diuersum est obiectum gustus ab obiecto tactus, ut notissimum est, nempe sapor à qualitatibus tangibilibus. Itemque diuersum est subiectum: nam organum tactus est ferè totum corpus, organum verò gustus est certum ac designatum, ut vidimus. Si ergo in alijs partibus datur tactus sine gustu, imò etiam in lingua potest permanere incolumis tactus vitiatu gustu: planè sequitur gustum esse realiter & essentialiter à tactu distinctum.

Nec quicquam refert, in eodem organo simul, nempe in lingua, inueniri tactum & gustum. Nam etiam in alijs sensorijs inuenitur quoque tactus simul cum potentia propria sensitiva: & tamen illi omnes sunt distincti sensus. Pro explicatione autem illius dicti Arist. quod in contrarium allatum erat, addendum est. Tactum posse sumi dupliciter, vel propriè & in rigore, quatenus est sensus contradistinctus ab alijs omnibus: & sic certè neque gustus est tactus, neque obiectum gustabile formaliter est tangibile. Vel tactum sumi communiter pro sensu percipiente obiectum immediate contiguum: sic sanè gustus se habet ut tactus, & sic ab Arist. dictum est, gustabile esse quoddam tangibile, idest, quod non sentitur nisi tangatur: & gustum esse quendam tactum, siue quendam speciem tactus, idest, qui non sentit nisi tangendo. Ideoque quicquid spectat ad gustum quatenus sic conuenientem cum tactu iam simul cum tactu iungemus.

SECTIO DECIMATERTIA.

De Organo & subiecto Tactus.

Tactus non residet in certa & præcisa aliqua parte corporis *Tactus in toto*
ad

*corpore
extendi-
tur.*

ad instar reliquorum sensuum, sed per totum corpus expanditur: non quòd omnis penitus pars animata sentiat: ossa enim non sentire dicuntur, & si quæ sint aliæ huiusmodi partes: sed satis est, in omnibus corporis membris, idest in capite, manibus, pedibus, &c., inueniri sensum tactus.

Ad structuram autem totius corporis & singulorum membrorum, præter carnes, quo nomine hic intelliguntur cutis, membrana, cartilago, & similia, adsunt præsertim, nervi in magna copia, quibus totius corporis compago contextitur, qui à cerebro tanquam à propria origine ducuntur, ac deferunt spiritus animales per totum corpus & ad omnes sensus. Vnde sicut ad reliquos sensus in suis organis existētes confluunt spiritus à cerebro per nervos, ita propter sensum tactus, per nervos toto corpore propagatos, ad omnia membra iisdem spiritus conuehuntur.

Residet tam in carne quam in nervo. Hoc supposito, præcipua quædam sententia est, proprium subiectum tactus esse nervos in toto corpore, in textis. Ita Galen. lib. 1. de Usu part. cap. 16. Albert. 2. de Anima, tract. 3. cap. 31. D. Thomas lect. 32. & alij circa cap. 11. item Conciliator differ. 42. Fernel. lib. de Animæ facult. cap. 6. & alij plures. Opposita sententia est, proprium subiectum tactus esse carnem, & in ipsa carne præcisè fieri sensationem. Ita Auerr. lib. de Sensu & sensibili, Provenzalis par. 2. de Sensib. cap. 51. Alexand. Philopon. & alij 2. de Anima. Vera autem sententia est, tactum cōmuniter residere in carne & nervo, ita ut tam caro quam nervus verè sentiat: idemq; intelligendum est de sensu gustus. Ita docent Nyssen. lib. 4. Philos. cap. 4. Avicen. lib. 6. Natural. cap. de Tactu, Suarez lib. 3. de Anim. cap. 27. Zimara, Conimbr.

Dandinus, & alij, 2. de Anima circa cap. 11. Et indicat Galen. lib. 3. de Temperam. cap. 9. & lib. 9. de Placit. Hippocr. & Platon. cap. 2.

Probatur primò manifesta experientia; patet in his omnibus partibus nos sentire tactu. Vnde sicut scimus, visum residere in oculo, auditum in auribus; ita pari experientia in illis partibus agnoscendus est sensus tangendi, in quibus verè sentimus. Sed certè carne sentimus: cum enim manu tangimus obiectum calidum aut frigidum, sentimus calorem aut frigus: dum caro pungitur vel diuiditur, sentimus dolorem: cum tamen non sentiamus dolorem in ossibus. Similiter nervus dum pungitur aut diuiditur, sentit dolorem. Ergo verè omnes hæ partes sentiunt.

Respondet ij qui negant carnem sentire, non fieri sensum in ipsa carne, sed in nervo propinquo, caro autem sit medium sentiendi. Sed hoc non rectè dicitur. Tum quia eadem experientia constat, ibi nos propriè sentire dolorem, ubi caro pungitur, non in nervo aliquantum distanti: ergo verè in ipsa carne inuenitur sensus tangendi: nisi negetur ipse sensus & experientia, & existimetur oppositum eius quod ipsomet tactu percipimus. Tum insuper sentimus dolorem in quibusdam partibus non nervosis, & à quibus longius distant nervi & in iecore, corde, pericranio capitis, & alijs: sensus ergo tangendi non residet in solo nervo, sed per se etiam in his alijs partibus.

Secundò principaliter. Eo præsertim fundamento Auctores illi inducti sunt ad negandum carnem sentire: quia existimant, sensibile possumus immediatè supra sensum non sentiri; & idcirco dicunt, non ipsam carnem sentire sed nervum sub carne latentem, ipsa carne se habente

pro medio. Sed certè, hoc fundamento æquè probaretur, neque nervum ipsum denudatum carne sentire: quod tamen est contra experientiam. Respondet Fernelius lib. de Facult. animæ cap. 6, nervum posse sentire, quia cingitur duabus tunicis deductis à duabus meningibus cerebri, eaque mediare inter obiectum & substantiam nervi. Sed hoc non rectè dicitur. Tum quia, etiam perforata utraque tunica nervi, cum vlietius pungitur vel secatur ipsa nervi substantia, non minùs sentimus dolorem: vbi iam nullum est medium inter obiectum & sensum. Tum præterea, sic pariter dici posset caro sentire, quia inter eam & obiectum mediat cutis qua caro cingitur. Respondent alij, non ipsam partem læsam sentire, sed alias propinquas. At sic pari modo tueri poterant carnem sentire, taliter ut pars propinqua parti læsæ vel alteræ, sentiret passionem illius.

Suadetur ratio. Tertiò à priori probatur assertio. Tàm caro quàm nervus habent convenientem dispositionem & aptitudinem ad sentiendum, nec apparet quid eis defit: nam spiritus animales facile per nervos communicantur ad carnes, sicut in organis aliorum sensuum: ergo tàm carnes quàm nervi sentiunt. Imò ad percipiendas qualitates alterativas aliasque tangibiles corporum externorum, aptior est caro quàm nervus: siquidem nervus est magis terrestris, frigidus & liccus, similis ossibus quæ sensu carere censentur. Vnde Arist. 1. de Anim. 79, coniungens simul nervos cū ossibus & pilis, docet eos nihil videri sentire. Fortasse enim nervi, aut nullo modo, aut nō ita ut à nobis discerni queat, sentiunt huiusmodi qualitates. Ad percipiendum tamen dolorem, ipse videtur nervus. Vnde & in partibus nervis maximum patimur dolorem ex læsione ibi facta.

Quartò tandem, concedendum est, nervum esse veluti principium sentiendi, ut potè quo deferuntur & communicantur spiritus necessarij ad sentiendum. Et fortasse id solum voluerunt plerique ex ijs qui determinabant nervum esse proprium organum sentiendi. Per id etiam conciliari poterunt varia Arist. loca, in quibus alioqui videtur opposita docuisse. Nam 1. de Hist. animal. cap. 2., & 2. de Part. animal. cap. 1. & 5. docet, carnem, aut aliquid simile ei proportionè respondens, esse sensorium tactus: At 2. de Anima tex. 109. & sequentibus, docere videtur, carnem non esse propriè organum & subiectum tactus, sed esse medium, tamen coniunctum, per quod percipitur qualitas tangibilis à sensu: & assimilari carnem aeri si esset circumpositus & adnatus nobis. Et manifestè tex. 116. ait, carnem & linguam ita se habere ad sensum tactus & gustus, sicut se habent aer & aqua ad visum, auditum, & olfactum: & concludit, sensorium tactus intus latere, scilicet sub carne.

Propter hæc, Auerr. 2. de Anim. commento 108. ait, verè Aristotelem in lib. de Anima docuisse oppositum eius quod dixerat in libris de Animalibus: cō quòd tunc non adhuc agnouerat nervos sub carne latere, & ideo dixisse, carnem esse sensorium tactus: sed postea per Anathomiam didicisse texturam nervorum, & sic docuisse nervos esse sensorium tactus. Ex aduerso Tolet. q. 30., concedens Aristotelem mutasse sententiam, ait præferenda esse illa loca de Animalibus, quæ sunt tria, huic vni in libro de Anima. Et certe mirandum est, quod Averroes ait, Aristotelem in libris de Animalibus non agnouisse nervos: cū in ijs non solum sapissimè meminerit, sed ex professo tractauerit de nervis, enarrans eorum originem & pro-

Aristoteles explicatur.

progressum per totum corpus, ac ministerium ad totius corporis functiones.

Sed fortassè inquam sic poterunt hæc loca conedari: quod in libris de Animal. docuerit, tactum proximè & realiter melle carni, non tamen soli carni, quasi excludendo nervos: deinde hinc de Anim. magis assignare voluerit principium & subiectum primarium tactus, quod est aliquid sub carne latens, scilicet nervus, inter quem & obiectum caro mediat: ideoquè caro est medium, non externum, sed internum: hoc est in quo ipso inest sensus, & exercetur sensatio, sed non ita primariò sicut in nervo. Dum autem assimilat carnem aeri & aquæ quæ sunt media aliorum sensuum, non intendit, carnem esse purum medium ad instar illorum, sed solum esse simpliciter medium. Ita aduertit Simplicius in eodem loco. Et similiter Themistius, qui in hoc sequitur ac defendit sententiam Arist., tamen cap. suo 40. sic explicat à se & ab Arist. non negari, ipsam carnem sentire, & ab Arist. dici animal non carne, sed simul cum carne sentire. Et præterea addit, Aristotelem voluisse sensum tactus tribuere cordi, respectu cuius caro sit medium: reuera enim Arist. non meminit nervorum. Intelligi autem debet sensum tactus reduci ad cor, iuxta illam Arist. doctrinam, qua originem sensuum collocabat in corde. Tandem quomodo accipendum sit quod Arist.

dicebat, sentibile positum
supra
sensum non sentiri,
postea explicabimus.

SECT. DECIMAQUARTA.

*De Obiecto Tactus, nempe
de Tangibilibus qualitatibus.*

O Biectum tactus, non habet et vnum simplex & commune nomen, sicut habebat obiectum aliorum trium superiorum sensuum: sed per denominationem ab eodem tactu nominatur tangibilis qualitas. Censendum tamen est, dari rationem & conceptum communem, sufficientem ad specificandum ipsum sensum tactus, sicut datur in obiecto singulorum aliorum sensuum. Et sic etiam quoad sensum visus, licet obiectum visibile commune colori & luci, non habeat vnum simplex commune nomen, tamen habet vnum commune conceptum, quo specificat visum. Sic pariter Arist. 2. de Anima tex. 68. notauit, cum multa sint corpora diaphana ac transparentia, cogitari debere vnam quãdam naturam ijs omnibus communem, ratione cuius in eadem perspicuitatis affectione communiceant.

Adhuc tamen ob magnam varietatem tangibilium qualitatum, opinati sunt aliqui, sensum tactus non esse vnum simplicem, sed potius esse distinctum in plures potentias sensitivas, circa diuersa genera tangibilium qualitatum. Voluntquè, esse sententiam Arist. 2. de Anim. tex. 107. Sic asserunt Themist. 2. de Anim. cap. 39. Auerr. com. 108. Albert. tract. 3. Auicenn. lib. 6. Natural. cap. de Tactu, & alij plures. Attamen putandum potius est, sensum tactus esse vnum simplicem circa omnes tangibiles qualitates, ob convenientiam nempe omnium harum qualitatum in suo communi genere. Ita docet & explicat S. Thom. 1. par.

*Obiectum
tactus
est vnum
in genere.*

*Ideo vnum
simpliciter
est tactus.*

q. 78 art. 3. ad 3. item Simplic. Philosophon. Alexand. Conimb. Dandinus, & alij, 2. de Anima circa cap. 11. Fernelius lib. 5. Physiolog. cap. 7. Prouenzalis par. 2. de Sensib. cap. 50. Suarez lib. 3. de Anima c. 28. Et confirmatur magis: quia alioqui nulla certa regula esset qua determinari posset, quot sensus & potentia distinguere deberent: unde illi Auctores varijs modis plures aut pauciores pro suo arbitrio distinxerunt. Affertur demum pro hac parte Arist. tex. 107. Sed tamen Philosophus eo capite dubitatiue solum in utramque partem loquutus est: at cum postea determinat quinque esse sensus externos, & tactum pro vno ex ijs quinque designat; planè videtur supponere, hunc esse vnum simplicem sensum, vnâ potentiam.

Enumerantur tangibiles qualitates. Ut verò specialiter ac distinctè assignemus omnes tangibiles qualitates, Arist. lib. 2. de Gener. tex. 8., septem contrarietates qualitatum tangibilium enumerauit. Duæ primæ sunt, calidum & frigidum, humidum & siccum. Hæc sunt primæ quatuor qualitates elementares, quæ planè sunt principale obiectum tactus. Tertia deinde contrarietas est, graue & leue. Hæc sentimus, cum corpora grauiâ aut leuiâ sustinere & continere conamur, & aliquis impulsus ab ijs nobis imprimitur: alioqui si lapidem iacentem in terra tangamus, non per hoc percipimus eius grauitatem. Quarta est, durum & molle. Hæc sentimus comprimendo corpora dura & mollia, dum nos aliquem impulsum ijs conamur imprimere. Quinta est, lubricum & aridum. Lubricum est super quod non benè consistimus, vel quod non benè manibus continemus: vt glacies super quam facillè effluimus, & piscis qui è manibus facillè elabitur. Aridum est huic oppositum quod benè sustinet vel continetur. Sexta

est, asperum & lene. Asperum est, quod partibus inæqualibus compactum est, et quibusdam prominet, quibusdam deprimitur; vt pumex. Lene est, quod secundum suas partes æqualiter disponitur, vt tabula plana. Septima denique est, crassum & tenue. Crassum est, quod sese continet & in se consistit: tenue est subtile & repletium, quod facillè sese insinuat in aliud corpus.

Ex his omnibus contrarietatibus assignatis, subdit Arist., graue & leue non esse actiua. Non quòd existimet, omnia alia esse actiua. Sed peculiariter hoc expressit, quia hæc sunt qualitates motiue elementorum, in ijs conspicuæ simul cum primis quatuor qualitatibus quæ actiue sunt. Reuera autem præter primas quatuor qualitates, reliquæ omnes non sunt inter se actiue, & sui similium productiue. Prosequitur vterius Arist., qualiter ex primis illis qualitatibus reliquæ oriuntur: vt antea quoque attingimus circa elementares qualitates q. 41. sect. 4. Et humiditati tribuit, molle, lubricum, & tenue: siccitati, durum, aridum, & crassum. De aspero & leni non meminit; quia, ait D. Thom. lect. sua 2., manifestum erat, reduci ad easdem primas qualitates, lene ad humidum, asperum ad siccum. Et præterea, asperum & lene sunt sensibilia communia etiam visui, sub genere figuræ, quod est vnum ex sensibilibus communibus. Atque cum his pariter intelligendæ sunt quæcumque affectiones importantes dispositionem & figurationem quantitatis, sensibiles per tactum.

Præter hæc, videntur esse aliæ qualitates quæ percipiuntur à tactu, existentes intrinsecè in eodem ipso subiecto & organo sensitivo, nempe voluptas & dolor & volubitas. Præter hæc, videntur esse aliæ qualitates quæ percipiuntur à tactu, existentes intrinsecè in eodem ipso subiecto & organo sensitivo, nempe voluptas & dolor & volubitas. Præter hæc, videntur esse aliæ qualitates quæ percipiuntur à tactu, existentes intrinsecè in eodem ipso subiecto & organo sensitivo, nempe voluptas & dolor & volubitas. Præter hæc, videntur esse aliæ qualitates quæ percipiuntur à tactu, existentes intrinsecè in eodem ipso subiecto & organo sensitivo, nempe voluptas & dolor & volubitas.

Attamen, aliqui volunt, has verè non esse affectiones ipsius tactus, sed spectare potius ad appetitum sensitivum. Ita existimant Simon Porcius lib. de Dolor cap. 10. Suarez lib. 5. de Anima cap. 5. Theophilus Raynaudus in Theolog. naturali dist. 8. num. 237. & Conimb. 2. de Anim. cap. 11. q. 2. art. 2. et 1. de Generat cap. 1. q. 5. art. 2. vbi pro se refert Capreolum, Scotum, et D. Thom. Dicunt itaque, externo sensu tactus percipi quidem passionem illam ex qua oritur dolor aut voluptas, nempe excessum al cuius qualitatis, vel divisionem continuam, confluentem spirituum, aliaque huiusmodi: sed appetitum deinde sensitivum, dolere aut delectari de huiusmodi passione apprehensa ut mala vel bona, disconuenienti vel conuenienti.

Verè Certum tamen esse debet dolorē et voluptatem verè inueniri in ipso sensu externo tactus. Ita planè docuit D. Thom. in 3. distin. 75. q. 2. art. 3. et q. 26. de verit. art. 4. ad 4.; et expressè etiam 1. 2. q. 35. art. 1. et 7., vbi distinguit dolorem exteriorē corporis, quē ait oriri ex malo coniuncto corpori, sequentem apprehensionem tactus, à dolore interiori, quem ait nasci ex malo coniuncto appetitui, sequentem ex interiori apprehensione seu imaginatione. Similiter Scotus in 3. d. 13. q. 7. Durand. q. 3. Gabriel. q. 1. Paludan. q. 2., et alij quos infra referemus. Itē D. Augustin. lib. 14. de Ciuit. cap. 7., et in Plat. 42. super illa verba, *Quare tristis es anima mea*, distinguit tristitiam et dolorem: tristitiam ait pertinere ad animam, seu ad partem interiorem; dolorem verò ad corpus, seu ad sensum exteriorē. Vnde, dum eodem lib. de Ciuit. cap. 15. ait, dolorem corporis ad animam pertinere; intelligit, in quantum corpus non nisi informatum anima patitur, sentitq. dolorem, et in quantum

ipse sensus tangendi est potentia animæ.

Probatur hæc assertio ab experientia: quia manifestè in ipsa corporis parte læsa sentimus dolorem, ut cuique notissimum est: appetitus autem sensitivus non residet in toto corpore sed solum in corde. Nec rectè Riccard. in 3. d. 15. art. 4. q. 1. cogitavit, appetitum secundariò extendi per totum corpus. Rursus, actus appetitus sensitivi, non est cognoscere et sentire, sed est amare conuenientia, abhorreere disconuenientia: sed nos in carne verè percipimus et sentimus dolorem: ergo hic non est actus appetitus sensitivi, sed est actus sensus externi percipientis dolorem. Insuper appetitus nō mouetur nisi mediante apprehensione sensus interni, et ex apprehensione boni mouetur ad actum delectationis, ex apprehensione mali ad actum tristitiæ: sed certè, prius est, corpus extra pati et sentire dolorem, quàm sensum internum apprehendere et proponere ut malum; et ideo sensus internus apprehendit percussione ut malam, quia infert dolorem, et hinc tan lem appetitus sensitivus auersatur et evitare conatur talem ictum atque dolorem: actus ergo dolendi ex percussione prius est in sensu tactus, et deinde consequitur alius actus tristitiæ et displicentiæ in appetitu. Demum apprehendere solemus dolorem quem aliquādo in corpore passi sumus, et tunc de illo tristemur in appetitu sensitivo: sed tamen non per hoc tunc sentimus dolorem in corpore sicut cum actu percutimur: igitur actus et sensus doloris, quem in corpore patimur, non est qui in appetitu sensitivo reperitur, sed quid verè pertinens ad externum sensum tactus.

Sicut verò inuenitur dolor & voluptas in sensu tactus, ita pariter inuenitur in sensu gustus. Nam gustando gustus.

Et similiter in sensu gustus.

stando saporibus delectabiles & gratos, efficitur quædam voluptas in ipso gustu: & gustando saporibus contrarios, efficitur quædam molestia in eodem gustu. Hinc autem oritur complacentia vel displicentia in appetitu, qua fit, ut quæramus, vel respiciamus ea quæ gustui suavia sunt vel molesta.

Non autem. Addunt præterea aliqui, in omnem in sensu inueniri suam voluptatem & visum & dolorem. Ita asserit Nicander Iosandius. sius lib. de Volupt. & dolore cap. 2. sumitquæ ex Arist. lib. 10. Ethic. cap. 4. ubi aperte ait: *In unoquoque sensu voluptatem fieri perspicuum est: quippe cum & visiones & auditiones esse incundas dicamus.* Attamen, non videtur dolor & voluptas inueniri in ipsis externis sensibus, visus, & auditus: sed benè ex perceptionibus horum sensuum suboriri complacentiam aut displicentiam in interno appetitu. Sic certè, dum oculis contemplamur obiectum aliquod pulchrum & gratum, non in ipsa pupilla oculi sentimus voluptatem, sed benè animus delectatur interiori obiecto contemplando. E contra dum intuemur obiectum aliquod turpe aut horridum, non in ipsa pupilla patimur vel sentimus molestiam, sed animus est qui ad eum intuitum horret, refugit, ac tristatur. Similiter non in ipso sensorio auditus afficimur voluptate aut dolore, audiendo sonos suaves, vel molestos: sed animus ipse delectatur aut conturbatur. Secus experimur in tactu & gustu: nam ipsomet sensu percipimus voluptatem & molestiam. Sensus autem odoratus videtur pari modo cum his se habere: in ipso enim sensorio afficimur voluptate ex suavi odore molestia ex tetro fetidoque odore. Arist. verò eo loco solum voluit, per omnes sensus capi à nobis varias voluptates.

Rursus in ipso sensu externo ta-

ctus, docent aliqui, dolorem & voluptatem non esse aliud quam sensationem ipsam de obiecto disconuenienti aut conuenienti. Ita item explicant Valles. contr. 4. cap. 4. & Dandinus 2. de Anim. digress. 60. Et indicat Galenus 2. de Locis affectis cap. 2. Et fauet D. August. lib. 3. de Libero arbitrio cap. 14. ubi dolorem definit: *Est sensus incisionis vel corruptionis impatiens.* Sed tamen videtur potius dolor & voluptas in sensu, alia affectio diuersa à sensatione obiecti, ex quo oritur. Ita videntur ut plurimum supponere ij qui dolorem constituebant in ipso sensu tactus. Imò præterea, ex ijs qui constituebant in appetitu, aliqui agnoscunt aliam peculiarem qualitatem in ipso sensu tactus. Sic nempe affirmant Portius & Suarez. Et patet: quia dum in carne patimur excisionem doloris, planè hic dolor non est sensatio ipsa incisionis. Quinimò potest & interdum solet sentiri incisio absque dolore. Rursus interdum sentimus vehementem dolorem in aliqua corporis parte ex morbo aliquo, ut qui articularibus vel renalibus doloribus laborant; & tamen nullum aliud obiectum ipso tactus sensu percipimus, non incisionem aut alterationem inconuenientem, ex cuius sensatione doleamus. Item in maxima tactus voluptate, vix percipit quis cõfluxum spirituum, aliud uel simile, ex cuius sensatione delectatur. Dolor ergo & voluptas in tactu, est aliqua affectio à dicta sensatione distincta. Similiter in sensu gustus. Eadem enim est ratio. Imò de eodem sapore frequenter alius delectatur, & alius molestat, pro diuersa nempe organi temperie: ut obseruat Lucretius lib. 4. de Rerû natura: *Nunc alijs alius cur sit cibus ut videamus expediam, quærens alijs quod erisse & amaram est. hoc tamen esse alijs possit præcinctis videri.* Eadem.

Dolor et voluptas in sensu tactus non est. sola sensatio obiecti excerni.

demquē diuersitas in odoratu contingit. Sentitur autem à diuersis idem ipse sapor vel odor, qui tamen alijs voluptatem, alijs molestiam affert. Hæc ergo voluptas & molestia, distincta est à sensatione talis obiecti.

Sed est peculiaris quædam qualitas in sensu. Itaque voluptas & dolor in sensu externo, est peculiaris quædam qualitas in sensu resultans: quæ quidem sæpè consequi solet ex antecedenti sensatione: & ideo causaliter explicatur interdum per talem sensationem. Hæc autem qualitas, vel rursus sentitur & à sensu percipitur alio distincto sensationis actu: ita quod posset à Deo fieri, vt existeret qualitas doloris in sensorio, & tamen non ab illo perciperetur, si nempe Deus suspenderet distinctum illum sensationis actum. Vel talis qualitas per seipsam sentitur & à sensu percipitur, siue est affectio quædam sensus, non indigens alio distincto sensationis actu: quo pacto fieri nō posset, vt existeret in sensorio, & perciperetur, siue non sensibilibiter afficeret tactum.

Ex qua causa proueniat dolor in tactu. Denique dubitatur, ex qua nam causa in vniuersum proueniat dolor in tactu. Arist. 6. Topic. cap. 3. & Galen. lib. 4. de Simplic. medicam. facult. cap. 2. & lib. 2. de Locis affectis cap. 10. indicant, adæquarē oriri ex diuisione continui: idquē defendunt Simon Portius lib. de Dolor cap. 3. & 4. & Argent. lib. de Cautis Symptomatum c. 15. et quidā alij. Auer. autem 2. Colliget cap. 21. Conciliator Differen. 72. Valles. lib. 4. controuers. cap. 5. & alij plures, volunt, dolorem oriri potius ex intemperie qualitatum per excessum alicuius qualitatis vltra debitam mensuram. Cornibr. 2. de Anima cap. 11. q. 2. art. 2. Dandinus eodem libro digressionē 60. & alij plures, volunt, dolorem oriri posse & solere ex vtraque causa, vel scilicet ex diuisione continui

vel ex intemperie qualitatum. Indicant Plato in Timæo & Philebo, Arist. lib. Problem. sect. 11. q. 3. & sect. 5. p. 26. & Galenus quoque lib. 12. Methodi cap. 7.

Sed addendum est, dolorem posse & solere oriri non solum ex his, *Prone* sed etiam ex alijs præterea causis, *diuisione* corpus animalis lædentibus. Ita re *ne con i.* cte notant Nicander Iossius lib. de *nui, ex* Volup. & dolore cap. 6. Notum sa- *altera-* nè est, dolorem oriri ex diuisione *tione* continui, vt patet in vulneribus. Vbi *subiecti.* sanè recurrendum nō est ad intemperiem qualitatum: nec enim talis ac tantus excessus fit alicuius qualitatis in vulnere, vt talem ac tantum dolorem ingerat: Sed omnino per se, ipsa diuisio continui cum dolore intert. Rursus ex intemperie & excessu alicuius qualitatis, vt caloris aut frigoris, dolorem incurrimus. Vbi pariter recurrendum non est ad diuisionem continui, quasi per rarefactionem ex calore, & condensationem ex frigore, suboriatur aliqua carnis scissio, consequenter dolorem inferens. Non enim talis ac tanta fit rarefactio vel condensatio, vt carnem diuidat, & hac ratione dolorem ingerat. Sed per se sanè ipse qualitatis excessus habet vim inferendi dolorem.

Amplius, præter diuisionem & intemperiem dictam, efficitur sæpè dolor ex compressione & percussione vt notissimum est. Vbi similiter recurrendum nō est ad scissionem continui, vel intemperiem qualitatum: non apparet talis ac tanta alteratio vel diuisio, quæ talem dolorem inferat quem ex percussione sentimus. Item patimur vehementes dolores ex humore aliquo noxio molestante partem aliquam corporis: quod totum pariter fit citra notabilem intemperiem qualitatum vel diuisionem continui. Affert quoque Nicander alia exempla. Nerus denudatus, si leuif-

Et ex alijs quoque causis?

leuissimè tangatur, vehementer dolet: similiter recens caro vulneris non contexta cute: item piper in lingua quendam dolorem infert: & alia sunt huiusmodi. Verè ergo ex his omnibus varijs causis potest & solet causari dolor. Vnde sub vno genere causa doloris dicetur, latio corporis apta ad hunc effectum inducendum.

Ad do- Ad dolorem denique reducuntur
lorè re. fames & sitis: percipiuntur enim co-
ducuntur dem sensu tactus: & inter species
fames doloris enumerantur à Galeno lib.
& sitis, de Inæquali temperamento. Sunt
pruritus inquam dolor quidam causatus ex
& titil- vacuitate & constrictione, vel ex sic-
latio. citate & ariditate ventriculi. Ex quo dolore consequitur in appetitu desiderium cibi & potus: & sic per appetitum Arist. 2. de Anima tex. 28. definiuit famem & sitim, tanquam per effectum. Reducitur quoque ad dolorem pruritus: est enim molestia quædam quam pars aliqua corporis patitur, vel ex defluxu & commotione humoris seu vaporis sub cute, vel ex alia quavis causa. Reducitur demum titillatio, quæ est quidam molestia quædam, habet tamen & aliquid voluptatis admixtum, ratione cuius & risum excitat, ut meminit Arist. 3. de Partibus animal. cap. 10. Simpliciter tamen eam horremus ac refugimus. Fit autem maior titillatio in quibusdam locis, in quibus maior arteriarum copia coadunatur ac definit, per quas vitales spiritus defluunt: Ex confluxu enim plurimorum spirituum talis affectio in corpore excitatur.

SECT. DECIMA QVINTA.

De Medio & Modo Tactus.

IN primis Auerr. 2. de Anim. com. men. 113. & duobus sequentibus,

quam sequitur Iandunus q. 28, affirmat, inter obiectum & sensum tactus requiri ac semper inueniri medium aliquod externum, idest corpus aliquod extraneum, medians inter obiectum quod tangitur & sensum qui tangit. S. Thom. circa tex. 113. Sueffanus & vterque Caietanus ibidem, Albertus eodem libro tractatu 3. cap. 32. limitant & explicant, saltem inter corpora dura & solida requiri ac semper interuenire medium, nempe vel aerè vel aquam. Imò videtur hæc expressa sententia Arist. tex. 113. & sequen. vbi id experientia quoque confirmat: Quando duo corpora solida intra aquam se tangunt, dum postea extrahuntur, inueniuntur in superficiebus quibus se tangebant, vda, hoc est humectata per aquam: mediabat ergo aqua inter illa. Inde infert, mediare pariter aerem inter corpora se tangentia in aere, licet id non appareat propter aeris tenuitatem. Concludit denique Arist., omnes sensus sentire per medium, etiam scilicet gustum & tactum, quamuis id in ijs lateat.

Dicendum tamen omnino est, nõ requiri huiusmodi medium externum ad sensum tactus. Ita asserunt Auicenna 6. Met. cap. 3. Conciliator Differen. 42. Scot. 2. de Anim. q. 3. Apollin. q. 31. Tolet. q. 31. Cornimbr. cap. 11. q. 1. Philop. Simplic. Themist. & alij circa textum 113. Dandinus digressionem 56. Pronenzalis par. 2. de Sensib. cap. 51. & alij communiter.

Patet manifestè, contra Auerroè, non semper inueniri & requiri tale medium: quia certè inter aerem vel aquam & corpora existentia in aere vel in aqua, nihil mediat: & sic etiam si quis existeret intra ignem: & tamen adhuc per sensum tactus percipiuntur qualitates in ijs elementis. Vidit difficultatem Auerr., & respon-

Non requiritur medium externum in sensu tactus.

det commento 115., animal existens
 in suo elemento tanquam loco na-
 turali, nō pati quicquam ab eo, cum
 locus sit similis locato : & ita ait nec
 etiam sentire quicquam. Si autem
 elementum alteretur de sua naturali
 dispositione, id fiet per commixtio-
 nem aliorum corporum alterantium,
 & tūc ab his corporibus ipsum quo-
 que animal patietur, eaque mediātē
 tangendo sentiet. Sed in hac respon-
 sione est multiplex error, ut utar ver-
 bis D. Thom. l. 2. c. 23. Error est, ani-
 mal non pati ab elemento in quo lo-
 catur : etenim vnum elementum est
 quoque locus alterius : & cum ele-
 menta sunt in naturali dispositione,
 maximē inter se agunt, ubi se con-
 tingunt. Error est, locum debere
 esse similem locato, si hoc intelliga-
 tur quoad qualitates actiue altera-
 tivas. Error est, elementum si esset
 in sua naturali dispositione non in-
 ferre passionem locato : quinimō
 potius si elementum esset in sua sin-
 ceritate, maximē ageret in corpora
 contenta & contigua, nimirum per
 suas qualitates valde intensas. Er-
 ror est, aquam & aerem non altera-
 ri nisi per admixtionem extranei :
 nam solet utique subiectum alterari
 ab agente propinquo, vel etiam re-
 moto, intercedente medio : vnde aer
 etiam a corporibus celestibus alte-
 ratur. Error est, animal non pati
 nisi a corporibus permixtis inter ele-
 menta : nam utique etiam elementa
 ipsa alterata agere debebunt in cor-
 pus animalis, & sic ab animali senti-
 rentur per tactum. Error demum
 est, quod Auerr. non considerauit,
 posse animal intrudi in elemento si-
 bi non naturali, ut si quis iniiciatur
 in ignem, vel dum homo natat sub
 aquis, aut pisces extrahuntur in ae-
 rem : in quibus casibus certē corpus
 animalis patitur ab elemento in quo
 ponitur, & sic animal sensu tactus
 percipit eius qualitates absque vllō
 extraneo medio.

Deinde patet etiam, neque ad *Nec ēt*
 tangenda corpora dura & solida *ad tan-*
 necessarium esse medium, quantum *genda*
 est ex vi & ex natura ipsius tactus. *corpora*
 Sed ratendum erit, saltem ex hypo- *solida.*
 thesi, si quis immediatē manum ad-
 moueat alicui corpori solido, posse
 & debere illud sentire tactu. Pro-
 batur etiam absolutē, posse reuera
 immediatē tangere, nō interceden-
 te vllō medio extraneo : quia licet
 corpora dura, ob inæqualitatem par-
 tium, non soleant adæquatē secun-
 dū omnes partes sese tangere,
 sed inter partes depressiores mediet
 aliud corpus tenue : tamen negari
 non potest, secundū aliquas sal-
 tem partes immediatē se tangere.
 Sic cum duo corpora se percurrunt,
 & sonum edunt, certē se tangunt :
 & cum ens caro diuiditur, certē
 ensis sine aere medio tangit & diui-
 dit carnem ; cum pila atramento in-
 tincta iacitur in parietem, eumque
 inficit, immediatē utique parietem
 tangit : & cum corpus ponderosum
 iacet super terram, certē non susti-
 netur aere medio, sed immediatē ip-
 sa terra. Quando autem duo corpo-
 ra se tangunt in aqua, si validē con-
 stringantur simul, pariter immēdi-
 atē se tangunt. Quia autem aqua ob
 suam crassitiem faciliē adherescit,
 ideo corpora vda se tangentia non
 possunt omnem aquæ humorem ex-
 primere. Quare facilius tanē expel-
 li potest aer, qui tenuior est, non
 tahter adherescens. Aristoteles ve-
 rō locutus non est assertiue, sed so-
 lūm dubitatiue, ut ipse et proponit
 dicens ; *Dubitabit autem aliquis :*
 quem loquendi modum ipse quoque
 Auerr. obseruauit. Et ita ibi decla-
 rat Themist. Simplic. & alij. Quam-
 uis Philoponus velit, Arist. assertiue
 sic docuisse : sed tamen ait, eius di-
 ctum esse falsum. Addi potest quod
 Arist. ipse tex. 129. diuidens sensus,
 eorumque sufficientiam assignans,
 do-

docet, quaedam sensibilia à quibusdam sensibus percipi per medium aeris & aquae, tangibilia verò percipi immediate suo sensu tactus. Insuper, si Arist. rursus voluit, carnem non esse sensorium tactus, sed solum esse medium ut indicauit tex. 116., frustra requisisset medium quoque externum. Et sanè irrationabiliter philosophatus est Auerr., requirens utrumque medium: nam sic plus requirit mediare debere inter sensum tactus & obiectum, quam inter alios sensus & sua obiecta: cum tamen vel ipsum tactus nomen satis ostendat, hunc sensum non indigere medio.

Potest tamen interuenire aliquod medium. Addendum tamen est, posse simpliciter interuenire aliquod medium inter hunc sensum & obiectum tangibile. Patet experientia, quam ad hoc probandum affert Arist. tex. 109. & 114. Si quis extendat circa manum, tenuem aliquam pelliculam, & sic contrectet aliquod corpus, utique sentiet illud per intermediam pelliculam, & sic contrectet aliquod corpus, utique sentiet illud per intermediam pelliculam. Praeterea cum admoveamus manum propè ignem, non solum sentimus calorem existentem in proxima superficie aeris contigui, sed sentimus calorem usque ad ignem: ut patet, quia si remoueat ignis, & remaneat aer cum eodem calore priori, non amplius sentimus tam vehementem calorem. Item, non sola prima superficies carnis percipit obiectum tangibile, sed etiam pars aliqua in profundo, ad quam nempe peruenit immutatio necessaria. Affert tamen Arist. dupliciter discriminem inter medium tactus aliorumque sensuum. Primum est, quia alij sensus percipiunt obiectum eminens, hoc est etiam si adsit notabilis distantia: tactus verò cominus, id est non nisi ad exiguam distantiam. Secundum discriminem est: quia

obiecta aliorum sensuum, prius mouent medium, & consequenter per medium mouent sensum; obiectum verò tangibile simul cum medio mouet sensum. Hoc non est intelligendum ordine temporis: ut rectè probant Auerroes & S. Thom. Neque ordine causalitatis; ut iidem exponunt: & patet, quia in hoc, eodem modo se habent omnia naturalia agentia. Neque intelligendum est eo modo quo exponit Tolet. q. 31. conclus. 3. medium in alijs sensibus se tenere ex parte potentiae, in tactu verò ex parte obiecti, quia sentiuntur simul cum obiecto. Nam etiam in sensu visus cernimus quoque ipsum medium, praesertim vitrum & aquam. Et ex opposito, cum tangimus per pelliculam intermediam, non eam percipimus. Vel ergo intelligendum est, quod alij sensus sentiunt per medium, hoc est percipiunt dari medium & distantiam inter se & obiectum: tactus autem sentit simul cum medio, ac si medium non adesset. Vel aliter, quod in alijs sensibus solet medium esse necessarium, sed in tactu nequaquam: & ideo non tam sentimus per medium, quam simul cum medio veluti per accidens comitante, ut indicat S. Thom. Neque verò sic tangere cum medio, est contra rationem tactus, qui immediatam contiguitatem importare videtur: concedendus enim est actus tangendi per exiguum medium, ut in casu posito.

Secundò. Excluso iam externo *Neque* medio, alij sunt qui ad tangendum requirunt medium internum: illi sunt nempe qui propterea sensum tactus, dum in non in carne, sed in neruo potius cernunt in collocabant. Alij etiam ex ijs qui sensum in carne collocant, dicentes *Etus*. non eandem partem carnis sentire obiectum tangibile sibi immediatè, sed aliam partem carnis propinquam: & similiter in gustu ab una parte

linguæ sentiri saporem infusum alteri parti. Ita defendunt Conimbr. cap. 11. q. 3. eo quòd commune Peripateticorum dictum sit, non sentiri sensibile immediatè positum supra sensum: quod Auerr. commen. 116. ait oriri ex communi ratione sensus quatenus sensus: sumptumque est ex Arist. tex. 116.; & superius tex. 98. & 73.

Verum, in sensu tactus & gustus simpliciter non esse necessarium medium, asseruit Alexander apud Auerr. commen. 116., alijque plures confirmant, & tanquam probabilius defendunt iidem Conimbr. Imò Scotus 2. de Ani. q. 4. docuit, nunquam esse necessarium medium, nisi in sensu visus specialiter ad conspiciendum obiectum opacum: & Tolet. 3. de Ani. q. 3. pariter docet, simpliciter in nullo sensu esse necessarium medium. Et sanè nulla experientia vel ratione apparet necessitas medij in omnibus sensibus. Quin potius ferè de omnibus sensibus experientia demonstrat oppositum. Et præsertim, gustum & tactum iam probauimus residere in carne cui obiectum immediatè coniungitur. Gratis autem & irrationabiliter cogitata est distractio illa & distributio partium, ut quælibet pars non percipiat obiectum sibi proximum, sed vna pars percipiat mediante alia parte intermedia. In sensu item auditus, antea diximus cum ipso Arist. percipi sonum factum in eodè aere congenito audiente. Similiter in sensu olfactus, nihil prohibet percipi odorem exhalationis contingentis ipsum sensorium. Quod autem oculi non videant obiectum sibi superpositum, ut adduxit Arist. 173. & 116., prouenit ex peculiari necessitate visus, qui nempe indiget lumine, & ob quandam veluti immaterialitatem requirit tenuiorem speciem. Quæ necessitas non reperi-

tur in alijs sensibus, unde non est ducendum argumentum ex visu ad alios sensus.

Aristoteles autem, quem quidem Alexand. Tolet. & Conimbr. absque expositione relinquunt, in tex. 73. loquutus est specialiter de sensu visus, dicens, obiectum super positum oculis non videri ex defectu luminis. In tex. 98. loquutus est specialiter de sensu odoratus quoad corpus solidum odoratum. Tex. denique 116., sicut antea explicauimus, non negasse simpliciter carnem esse sensorium tactus, quod alibi sæpius affirmauit; sed negasse carnem esse primum & principale, & sic docuisse respectu sensorij principalis esse medium internum: ita pariter voluit, quod sicut in alijs tribus sensibus non solent percipi sensibilia posita supra sensum, sic in sensu tactus non solent sentiri sensibilia posita super sensorium principale quod latet sub carne, sed posita super carnem, quæ proinde est medium inter obiectum & sensorium principale.

Tertio vltèrius examinandum est, An pernum possit vel debeat senti si qualitas capiatur tangibilis subiectinè inhaerens ipsi qualitat organo tactus (quæ coniunctio in in eodè hæsiua est multò magis intima, quàm sensorio coniunctio localis per propinquitatem). Aliqui vniuersaliter negant, posse talem qualitatem sentiri, & sic defendit Suar. lib. 3. cap. 26. Aliqui ex aduerso affirmant, tactu non percipi nisi qualitatem receptam realiter in organo, impressam ab obiecto. Pro vtraque parte difficultas non levis est. Quia si tactus potest percipere qualitatem in proprio organo existentem perpetuò sentiret plures qualitates contrarias simul. Ex aduerso experitur, nos tangendo non sentire qualitatem obiecti, nisi quatenus excedit qualitatem cōsimilem organi tangentis, atque ita imprimit maiorem qualitatem in or-

Aristoteles explicat.

gano. Imò, quando obiectum non est valdè vehemens, requiritur aliqua mora temporis ad sensationem, donec videlicet obiectum producat in organo suum gradum qualitatis: itaque non videtur percipi nisi qualitas quæ realiter in organo producitur.

Quadā Pro resolutione distinguendum est de triplici ordine qualitatum, *qualitates per-* tangibilium, quas superius assigna-
tes per- cipimus. Aliæ sunt quæ non possunt
capitur percipi nisi existentes in eodem or-
solum in gano sensitivo, nempe dolor & vo-
eodem luptas: quantumvis enim tangat quis
sensorio. vulnus alterius, in quo ille acrem patitur dolorem, nullatenus is qui tangit, sentit talem dolorem. Aliæ sunt

Quadā qualitates secundæ non actiue, nempe asperitas & lenitas, & similes: & has certè non potest caro sentire in se ipsa existentes, sed non sentit nisi palpan-
solum in do & contrectando alia corpora aspera & lenia.
externa
subiecto.

Quadā Aliæ sunt qualitates primæ, quæ
in visio- sunt præcipuum tactus obiectum. Et
que. hæc quidem simpliciter sentiri possunt existentes in externo subiecto: cum enim tangimus ignem, sentimus maximum calorem, cum tamen modicus calor pro eo tunc producat in manu: & dum remouetur manus ab igne, durat aliquid quandiu calor in ea productus, sed tamen non sentitur ingens ille calor; constat ergo euidenter, calorem qui sentiebatur, non esse præcisè calorem in manu productum, sed maximè esse calorem existentem in igne.

An verò simpliciter possit tactus percipere qualitatem in eodem sensorio existentem, distinguendum rursus est. Quando caro habet in se temperiem qualitatum sibi connaturalem, non sentit tales qualitates: quod patet experientia, quia nisi calor aut frigus excedat, non sentimus calorem aut frigus. Cuius rei rationem à priori aliqui reddunt: quia

qualitas inherens carni, non potest ei imprimere speciem sui intentionalem, cum species subitaneatur ad supplendam obiecti præsentiam. Hæc tamen ratio est planè inutilis. Tum quia procedit de dolore & voluptate. Tum quia obiectum subrogat speciem, ut loco sui ad sensationem concurrat: vnde si obiectum ipsum aptum est per se concurrere, non indigebit specie, sed tamen verè sentietur: si non potest per se concurrere, iam debet imprimere speciem quæ pro se concurrat, quamvis ipsum sit præsens. Aliæ ergo rationes reddi potest ex fine ad quem hic sensus institutus est à natura, scilicet, non ad sentiendam dispositionem sibi met connaturalem, sed vel ad tangenda alia corpora, vel ad sentiendam dispositionem præter naturam eius: hoc enim erat conueniens & opportunum ad tuendam vitam animalis.

Quando autem organum tactus alteratur ac dimouetur à dispositione sua naturali, & excedit in aliqua qualitate, tunc tactus videtur sentire excedentem qualitatem. Ita patet experientia. Dum nimis in aliqua parte frigesimus, ibi verè sentimus frigus, & caro quæ patitur frigus sentit frigus, vti quæ illud ipsum quod in se habet. Et qui nimium calorem patiuntur, vti qui febri laborant, sentiunt per totum corpus magnum calorem. Et qui prope Solem incallescunt, sentiret calorem in se impressum, & non in alio medio. Nec admitti potest quod ait Suar. si quis tangeret Solem, sentiret calidum ob calorem virtualem Solis, quia Sol imprimeret speciem intentionalem caloris: sicut conspiciuntur visu colores apparentes ubi non sunt. Nam certè calor virtualis Solis per se non est sensibilis: nec de se producit speciem intentionalem caloris, sed tantum ipsum realem & formalem ca-
lo-

lorem. Itaque, licet tactus non percipiat qualitates in suo organo subtemperie debita commensuratas, tamen sentit qualitatem notabiliter excedentem. Et quidem conuenienter in ordine ad finem vitæ tuendæ, ad quem tactus tanquam necessarius est principaliter institutus. Si enim iuuat percipere excessum qualitatis alienæ, vt quod noxium est decline- mus: vtique non minùs iuuabit per- cipere excessum qualitatis internæ, vt curemus ope alterius causæ, talem excessum temperare.

*Quali-
tates a-
ctiua p
cipiuntur
solum
dum ex-
cedunt.* Atque in hoc proportionatur sen-
satio qualitatis existentis in subiecto
externo, cum sensatione qualitatis
internæ. Simili namque modo ta-
ctus non percipit qualitates subiecti
externi, remissiones vel æquæ inten-
sas cum qualitatibus suis, sed solum
sentit qualitatem excedentem. Ita
expressit Arist. tex. 118. dicens, nos
non sentire qualitates simpliciter,
sed exuperantias, hoc est excessus
earum. Et patet manifesta experien-
tia. Non enim sentimus frigus ali-
cuius subiecti, nisi quando organum
tactus patitur ab illo, & similiter in
calore: sed non patimur nisi à qua-
litate excedente: ergo qualitas quæ
sentitur debet excedere qualitatem
organici sentientis. Et propter hoc
aqua eadem tepida, manu calidiori
sentitur frigida, frigidiori sentitur
calida. Et ratio ex Arist. est: quia
sensus respectu sensibilis externi de-
bet supponi in potentia, & suo mo-
do denudatum qualitate quæ debet
sentiri: non ergo sensorium tactus
percipiet qualitatem nisi magis in-
tensam, quàm habeat in se. Et hoc
est discrimen tactus ab alijs sensi-
bus, vt explicant ibidem Auerr. &
S. Thom. Quod pupilla v. g. est pe-
nitius denudata toto genere colorû,
ideo potest percipere quemcumque
remittum colorem: sed tactus, ad
cuius constitutionem quatuor qua-

litates elementares temperatæ con-
currunt, non poterit discernere nisi
excessum earum. Vnde hoc intelli-
gendum est solum de his primis qua-
litatibus actiuis, non de alijs. Dum
verò Aristoteles tex. 118. simul cum
calido & frigido nominat durum &
molle, non desunt, qui eum non re-
cte dixisse condemnent. Sed ex eo-
dem textu potest commodè expli-
cari. Nam antea assignauit diffe-
rentias tangibiles, calidum & frigi-
dum, humidum & siccum; & de ijs-
dem loquitur dum ait, non percipi
nisi exuperantiam: & iterum repe-
tit, calidum & frigidum, durum &
molle. Vnde planè per durum &
molle intellexit siccum & humidum.

Ex his demum facile patet ad ra-
tiones dubitandi initio præmissas.
Jam enim diximus, quo pacto tactus
non possit perpetuò percipere qua-
litates in sensorio sub debita dispo-
sitione cōtemperatas. Diximus quo-
que, tactum non percipere in subie-
cto externo nisi qualitatem exce-
dentem: & ideo ad summum sequi-
tur, qualitatem subiecti externi non
sentiri, nec imprimere speciem sui,
nisi coniunctim cum aliqua altera-
tione reali facta in eodem organo
tactus.

Quartò tandem, hic est modus,
quo tactus immutari debet ab obie-
cto vt ipsum percipiat. Quando in-
quam percipitur qualitas subiecti ex-
terni actiua, concurrens immutatio
realis, ad summum tanquam condi-
tio quædam. Non tamen requiritur
tanta auctio qualitatis in organo ta-
ctus, quanta intensio debet percipi
in obiecto. Imò si esset æqualis, po-
tius sentiri non posset. Et experien-
tia patet, multò acriorem calorem
percipi in igne dum eum tangimus,
quàm sit calor tunc in manu produ-
ctus. Quando verò percipitur qua-
litas in eodem sensorio existens, vel
qualitas secunda subiecti externi non

*Tactus
quædoq;
immuta-
tatur
modo
reali,
semper
interio-
nali.*

act u; manifestum est, non esse necessariam, nec possibilem, ullam aliam immutationem realem. Necessario autem in his omnibus concedenda est immutatio intensionalis per speciem representatiuam obiecti: ut

uniuersaliter circa species sensibiles quoad omnes sensus, & specialiter quoque dum percipitur obiectum immediatum sensui, ut percipitur à tactu q. 53. ostendimus.

QVAESTIO QVINQVAGESIMAQVINTA.

De Sensibus internis.

Nominamus & proponimus sub plurali nomine sensus internos: non quòd supponamus, esse reuera plures ac distinctas huiusmodi potentias sensitivas internas; sed ut seruemus consuetum loquendi modum: & quia sine dubio sunt saltem plures operationes sensitivæ internæ, & plura munera sentiendi, quæ interiùs exercentur. Erit autem præcipuum quid in hac tractatione inquirendum, si sint distinctæ potentia in vno animali, vel vna sola plures operationes exercens. Agit de hac materia Arist. lib. 2. de Anim. à textu 36. usque ad finem libri. Pro comperto autem supponimus, dari verè sensus internos, imò & omne animal prædictum esse aliquo interno sensu, vti iam præmiimus q. 51. sect. 1.

SECTIO PRIMA.

De Organo & Subiecto Sensuum internorum.

*Aristoteles vo-
lunt, esse
cor.* **A**ristoteles lib. de Iuuent. & senect. cap. 2., lib. 2. de Part. animal. cap. 1., 7., & 10., lib. 2. de Generat. animal. cap. 4., & alibi sæpè, assignat cor tanquam primum principium sentiendi, quod distendat virtutem in sensus externos, & proinde in se possideat sensum communem omnemque sensum internum. Et sic vult, ipsum cor esse nervorum originem; per nervos autem subministrantur spiritus animales ad omnes sensus externos, ut suas functiones exercent; & cor esse talium spirituum officinam, ex qua ad sensuum organa dispensentur. Cerebrum autem vult deservire tantum ad hoc ut sua moderata frigiditate

temperet nimium cordis calorem, in quantum expedit ad eius functiones. Sic, cum fecerit etiam cor sanguinis officinam ad opera nutritionis, omni ex parte inter membra animati corporis cordi tribuit principatum. Similiter olim Stoici, & Plato in Theæteto cum Homero, in corde collocasse videtur sensus internos. Eidem sententiæ postea plures Peripatetici adhererunt, Averr. cod. loc. de Part. animal. Themist. in lib. de Memor. & reminisc. Alexad. 1. de Anim. in fine, Apollinar. lib. 2. q. 27. Conciliator differ. 38. & 41. ac nuper Augustinus Buccius in disp. de Partium corporis principatu cap. 7. & Hieronymus Prouenzalis parte 1. de Sensib. cap. 3. & parte 3. cap. 4. & ex parte Dandinus lib. 3. de Corpore animato cap. 28. ubi sentiendi principium statuit cor cum Arist., sed nervorum originem fatetur cerebrum cum Galeno, recedens in hoc ab Arist.

Ex

*Sed ut-
re est ce-
rebrum.* Ex aduerso igitur, cerebrum, non
cor, esse proprium subiectum & or-
ganum sensuum interiorum, esse
quoque fontem & originem sensa-
tionis omnis pro externis sensibus,
esse neruorum radicem, esse spiri-
tum animalium officinam ex qua
per neruos ad membra & organa
reliqua dispendentur, ex professo af-
firmant ac docent Hippocrates lib.
de Natura ossium, & lib. 2. de Popu-
larib. morbis, Galen. lib. 7., 8., 9. &
16. de Vsu partium, & lib. 1. ac 7. de
Decretis Hippocr. & Platonis, ac
lib. de Neruor. dissect. & alibi pas-
sim: Et cum his alij Medici commu-
niter. Item quamplures Philosophi
ac Peripatetici, Albertus magnus lib.
1. de Anima tract. 4. cap. 11. Tolet.
lib. 3. q. 5. Conimb. cap. 2. q. 2. & 1.
de Genet. cap. 5. q. 1. Petrus Marti-
nez 2. de Anima cap. 14. & 15. Hur-
rad. disp. 17. de Anima sect. 9. & co-
piose noster Guevara lib. 2. de Inter-
iori sensu tract. 1. cap. 2. alijque
frequenter. Communiter etiam
Theologi, D. Thomas 3. par. q. 8.
art. 1. & q. 66. art. 7. Caiet. & alij
circa eadem loca, & Suar. lib. 3. de
Anima cap. 13. Bonauent. Durand.
Richar. & alij Scholastici in 3. d. 13.
Consonat consuetus loquendi mo-
dus, tam vulgariū, quam sapien-
tium, qui ita supponunt, cerebrum
esse sedem sensus interni, vt inde
homines ingeniosos & acutos di-
cant polleere cerebro, hebetes vero
& obtusos careere cerebro. Ac ferè
etiam ij qui cum Aristotele pro cor-
de stare professi sunt, in hanc tan-
dem sententiam reuidunt, præsertim
Recentiores. Atque ita sine dubio
sensendum est, verum subiectum &
organum sensuum interiorum, in
omnibus animalibus cerebro prædi-
tis, esse cerebrum.

*Suade-
tur au-
torita-
tibus.* Probari potest primò auctoritate
ipius Arist., qui pluries in locis si-
gnificat, principium sensuum esse in

capite, nempe in cerebro, & ibi esse
interiorem sensum: ita indicat lib.
2. de Part. animal. cap. 7. & 10. lib. 3.
cap. 7. & lib. 4. cap. 10. Item sect. 3.
problem. q. 3. & 4. lib. de Somno &
vigilia cap. 2. & 4. & alibi.

Probari potest secundo sacris au-
toritatibus. Danielis 2. Somnia &
visiones & cogitationes tribuuntur
capiti: quod, vtique intelligitur ra-
tione sensuum interiorum. Sic etiam
has cogitationes residere in capite,
supponant frequenter Sancti Patres,
Chrysost. in cap. 4. ad Ephes. Am-
brus. lib. 6. Exam. cap. 9. August. in
Psalm. 49. Greg. in cap. 9. Job. Lactan-
tius lib. 6. Diuinar. institut. cap. 9.
Nyssen. lib. 4. Philosoph. cap. 16. alij-
que plures.

Probatum præcipue tertio plurimis
obseruationibus & experiētijs. Vbi
ipso constat, nimis cogitationibus
& assidua attentione interna defati-
gari & languescere caput. Per som-
num impediuntur seu perturbantur
cogitationes internæ, quia tumuli
vapores capiti obducent, & cerebrum
agitant. Ideo quoque per somnum
impediuntur functiones sensuum ex-
teriorum, quia iisdem fumis & va-
poribus obstruuntur viæ à cerebro
ad organa sensuum exteriorum.
Rursus, facta lætione in cerebro,
perturbata quoque sunt operationes
sentitiuæ internæ. Ex offensione
cerebri oritur obliuio, delirium, phre-
nesis, insania: & pro his morbis ca-
piti remedia adhibentur. Præsertim
ex Anathomie deprehensum est, ner-
uos oriri ex cerebro, & ex cerebro
deduci in organa sensuum extero-
rum, atque distribui per omnia mē-
bra corporis: constat autem per hos
neruos fluere spiritus animales ad
organum exteriorum sensuum: vnde
impedito neruorum transitu, amitti-
tur vltus sensuum exteriorum. Atque
hæc omnia non contingunt circa
cor. Omnia igitur, cerebrum est

*Demon-
stratur
pluri-
mis ob-
serua-
tionibus
& expe-
riētijs.*

verum organum & subiectum omnis interioris sensus, est principium omnis sensationis externæ, est origo nervorum, est fons spirituum animalium ad omnes sensus inferuentium.

*In ijs
quæ ca-
rent ce-
rebro
subiectū
est ali-
quid p-
prio-
nale ce-
rebro.*

Quartò. Hoc totum intelligitur de ijs animalibus quæ cerebro prædita sunt. Quædam tamen animalia adeò imperfecta sunt, quæ cerebro carent. In his subiectum sensus interni erit pars aliqua proportionalis cerebro: ut colligitur ex Arist. lib. 4. de partib. animal. cap. 5. Aut in quibusdam subiectum esse videtur totum animalis corpus: in illis nempe, quorum quælibet pars etiam abscessisse vivit s. s. q; movet. Nam hic motus fit ex virtute appetitus sensitivi: appetitus autem movetur ab interno sensu unde in toto corpore residere videtur hic sensus cum appetitu.

Quintò rursus, quia in cerebro plures partes distinguuntur, determinandum est, in quam propriè parte sensus interni resideant. Extat enim ipsa massa cerebri quæ dicitur medulla: Extant circa cerebrum duæ membranz illud in circuitu obvolventes, quæ dicuntur meninges: altera contingens cerebrum, quæ est magis tenuis ac lenis, ideoquæ dicitur pia mater: altera exterior, proximè contingens Cranium capitis intra quod cerebrum continetur, quæ est magis dura & solida, ideoquæ dicitur dura mater. Extant rursus intra cerebrum, sinus quidam, & veluti cellulae, ac ventriculi, idest cavitates in cerebro incluse, & ad summum solent distingui quatuor, sed à quibusdam ad pauciores adhuc reducuntur. Institutæ sunt autem hæc cavitates, tum ad excipiendâ ac subinde emittendâ excrementa quædam cerebri, ut notavit Fernel. lib. de Parv. corpor. cap. 9. tum præcipuè ad excipiendos spiritus vitales ex cor-

de, eosq; ibi temperandos, & efformandos in animales, qui spiritus animales deseruiant ad omnem sensum & motum ex cerebro dependentem.

Aliqui ergo sensum internum collocarunt in illis meningibus, eo quod constat in illis vigere sensum tactus, non autem in medulla cerebri. Et hunc dicendi modum, probabilem reputat Dandinus lib. 3. de Anima digress. 15. Plures alij, internos sensus collocarunt in sensibus internis cerebri: illi nempe qui distinguentes realiter plures potentias sensitivas internas, eas etiam ex parte subiecti secernunt, quos sect. 4. referemus. Sed potius intelligere videntur in substantia cerebri circa eos sinus.

Certum tamen esse debet, proprium organum & subiectum omnis sensus interni esse medullam ipsam & substantiam cerebri. Hæc est planè communis sententia. Et probatur manifestè. Tum quia, ut testatur Galenus lib. 7. de Decretis Hippocr. & Platonis cap. 3., incisis membranis cerebri, nullum detrimentum fit in sentiendò, sed maximum fit si lædatur ipsa medulla cerebri. Imò hinc ait Galenus, quod si cerebrum denudaretur penitus ijs membranis, non per hoc amittendum fore sensum eiusquæ usum: nisi in quantum deinceps cerebrum, ijs tegumentis & prælidijs destitutum, ab externis causis alteraretur. Tum præterea, ex ipsa re apparet, eas meninges esse à natura institutas ad contegendum & contuendum cerebrum: igitur non in ipsis, sed in medulla cerebri, sensus residet. Nec refert, quod in ijs viget sensus tactus, & nō in medulla. Imò hoc potius confirmat intentum: quia conveniens erat, subiectum sensus interni qui complecti debebat obiecta omnium sensuum externorum alio superiori

modo, esse expeditum ab omni sensu externo. Tum deinde, sensus internus non habitat in illis cavitatibus & sinibus, quasi per se existens, et non inhærens subiecto; aut quasi ibi sit anima per se existens absque subiecto: sed omnino debet inesse alicui parti corporis. Replentur autem illæ cavitates, vel vaporibus, vel cerebri excrementis, vel præsertim spiritibus animalibus qui inibi elaborantur. At nullum ex his est aptum subiectum potentie vitalis. Spiritus enim, de quibus dubitari posset, non sunt animati, ut supponimus: non sunt firmi et constantes, sed fluxiles et assidue mutabiles. Tum demum, ipsa medulla cerebri, est planè valde apta ut sit verum organum & subiectum sensus interni, ut in se recipiat ac retineat species impressas. Pro qua re notavit insuper Fernellius lib. 5. de Animæ facultatib. cap. 10. commodam esse cerebri substantiam, quæ aliquantum fluida est, & sic apta agitari & fluitare per partes: quod confert ad varijs modis excitandas, coniungendas, & ordinandas species propter varias sensationes.

A quibusdam Aristoteles explicatur.

Iam verò ad Arist. qui in contrarium docebat, cor esse principium sentiendi & subiectum sensus interni; conatur illum explicare Guevara, cor esse principium remotum, quia ex corde funduntur spiritus vitales, qui deinde fiunt animales, ac deferuntur ad opera sensuum. Quòd si Arist. plus voluerit cordi tribuere, non est in hoc audiendus. Et ita, quamplures Peripat. supponunt, Arist. contrarium docuisse: sed adhuc ipsi, experientia & ratione ducti, in veritate persistunt.

Quo pacto cogitationes interdum adscri-

In contrarium Obijcies primò. Sapientum ac vulgarium quoque usu, homines considerati & cauti, dicuntur cordati; hebetes verò & ignavi, dicuntur excordes & recordes: si-

gnum ergo est, interiorum sensuum relidere in corde. Imò & in S. Script. cogitationes attribuuntur cordi, Sapient. 1. Matth. 9. & 15. & alibi.

Respondetur. Multò frequentius & familiarius pro hac re homines dici pollere aut deficere cerebro. Sed interdum etiam ex corde denominationes illæ sumuntur: tum ob connexionem harum partium; tum quia nomine cordis sæpè appellati solent viscera & interiora corporis; tum etiam nomen cordis analogicè assumi solet pro ipsa mente & animo; tum demum, quia in corde relidet appetitus, ut postea dicemus, ipsi cordi merito tribuuntur affectus appetitus; atque nomine cogitationum sæpè intelliguntur hi affectus aut saltem ipsæ cogitationes quatenus cum his affectibus coniunctæ sunt, ac tandem eo nomine intelliguntur affectus ipsi nostræ voluntatis, & sic sine dubio intelliguntur, quando ijs tribuitur bonitas & malitia; ut in illis Script. locis. *Ut quid cogitatis mala in cordibus vestris.* Et, *De corde exeunt cogitationes mala, homicidia, adulteria, &c.* idest voluntates prave de rebus illicitis.

Cerebrum est aptum subiectum sensuum internorum.

Obijcies, secundo. Cerebrum appellatur medulla medulla autem non est animata, sed est veluti pinguedo & sanguis. Insuper cerebrum dicitur non esse continuum sed tantum contiguum cum propinquis partibus corporis: certè autem totum corpus animatum secundum omnes partes intrinsecas, est continuum. Præterea cerebrum dicitur carere sensu; sed duas alias membranas quæ cerebrum circumvolunt esse illas in quibus contigit doloris sensus.

Respondetur. Cerebrum dici medullam, non sicut medulla ossium, quæ animata non est; sed quia osse capitis continetur, ita tamen ut sit verissime animatum. Sic notauimus q. 45. sect. 4. Rursus cerebrum est verè

continuum cum reliquo corpore, ut eadem q. sect. 3. notauimus. Demum, esto cerebrum careat sensu tactus, adhuc est animatum, sicut sunt & ossa. Atque optimè potest esse præditum sensibus internis, quamuis careat sensu tactus.

Quod sit membrum stat, cor esse totius vitæ principium, ita vltimo corde statim animal debeat in beat interire: sed præcipua ipsius corporis animalis vita, est vita sensitua: ergo principium omnium sensationum, atque adeo organum sensuum internorum, est cor. Insuper vnum esse debet in toto animali membrum principale, quia non bene ordinata Republica vnus debet esse princeps: sed sine dubio quoad plurimas functiones, & maxime quoad illas quæ proprio nomine vocatæ sunt vitales, cordi conuenit corporis principatus: igitur etiam quoad functiones sensitivas, quæ sunt in animali præcipuæ. Qua ratione Arist. volebat, cor esse etiam sanguinis officinam & fontem ad opera nutritionis.

Respondetur, cor esse principium, proximè quidem quarundam operationum, remotum verò aliarum: & ideo læso corde, statim debet animal interire. Est ergo cor principium remotum sentiendi: quia nimirum conficit spiritus vitales, qui deinde formantur in animales, dum nempe transcunt ad cerebrum: non itaque ipsum cor est subiectum & organum sensuum internorum. Neque verò oportet, vnum esse membrum principale in corpore, quod sit proximè seu adæquatum principium omnium vitalium functionum. Sed pro vno totius veluti animatæ Republicæ in viuenti corpore principe, est ipsa anima, quæ tamen diuersis membris tanquam ministris vitur ad varias functiones. Et quidem tria sunt præcipua membra in corpore animalis. Hæc ad conficiendum san-

guinem propter nutritionem: Cor

ad conficiendos spiritus dictos vitales, qui per arterias funduntur in corpore: Cerebrum denique ad conficiendos spiritus animales, qui per nervos ad sensuum organa immittuntur: & sic cerebrum est proximè principium externorum, & est subiectum ac sedes sensuum internorum. Vnde, quia operationes sensitivæ præstantiores sunt in animali, merito cerebrum in capite, tanquam in supremæ corporis arte, collocatum est.

Obijcies quartò. Appetitus sensitivus residet in corde: ergo etiam sensus internus: nam appetitus proximè mouetur ex apprehensione huius sensus.

Respondetur. De sede appetitus sensitivi q. sequenti differemus: ubi constabit, bene potuisse appetitum in diuerso organo ab eo in quo sensus residet, collocari.

SECTIO SECVNDA.

De Obiecto Sensuum internorum.

IN cōfesso apud omnes est, quicquid sentitur exterius per sensus externos, percipi quoque interius per internos: atque adeo omnia sensibilia, tam communia, quam propria, quæ obijciuntur cuicumque sensui externo, obijci quoque interno. Præter hæc, solet internis sensibus attribui aliquod aliud obiectum, ad quod non pertingunt sensus externi: quod propterea vocatur obiectum non sensatum, idest non sensatum per sensus externos. Et in hoc genere duo rursus rerum ordines distinguuntur: nempe quædam affectiones inuentæ quidem in ipsis obiectis externis, non tamen perceptæ à sensibus externis, ut amicitia et

nimicitia, siue conuenientia & disconuenientia: & præterea actus ipsi sensuum, & appetitus sensitui; qui omnes utique non percipiuntur per sensus externos, sed dicuntur percipi per internos.

Sententia negans, Recentiores tamen aliqui contendunt, nihil ulterius percipi per sensus internos, quod non fuerit directe sentiri antea cognitum per externos. Ita defendit Hurtad. disp. 17. de Anima sect. 8. ubi non solum negat, per sensus internos percipi affectiones ullas externorum obiectorum, quæ non fuerint sensatæ per sensum aliquem externum; sed negat etiam percipi actus ipsos sensuum. Aliqui verò cum distinctione volunt, non percipi per sensus internos affectiones ullas non sensatas obiectorum exteriorum, percipi tamen actus ipsos sensuum. Sic defendit Guevara lib. 1. de Interiori sensu, qui tract. 1. & 3. supponit, sensu interno percipi visionem oculorum, aliosque tales actus sensuum, actus quoque appetitus sensitui; tract. verò 2. cap. 4. specialiter negat, sensu interno percipi rationem boni & mali in obiecto, conuenientis & disconuenientis, ad quam spectat ratio amicitiae & inimicitiae ut vocari solet. Ex aduerso aliqui concedunt, sensu interno percipi affectiones aliquas non sensatas in obiectis externis: negant percipi ullas sensuum operationes. Fauet Simplic. 2. de Anima circa tex. 136. volens, solum homini conuenire, suorum sensuum percipere functiones. Rursus inter sensuum functiones plerique volunt, percipi ab interno sensu solas externorum sensuum functiones, non autem actus ullos sensituius internos. Aliqui concedunt percipi etiam actus appetitus sensitui, non autem ipsiusmet sensus interni.

Uterius, ij qui supponunt, sensu interno percipi huiusmodi quæ sen-

su externo percepta non sint, dubitant, an hæc percipiantur per species proprias ac distinctas, vel solum per easdem species rerum sensatarum. Ut plurimum putare videntur, percipi per distinctas species: nam dicuntur in sensu interno abstrahi species non sensatæ ex sensatis. Sed aliqui volunt, potius, percipi per easdem species, quæ nimium habeant vim representandi interius, etiam tales rerum affectiones, & ipsorum sensuum operationes circa obiecta sensibilia, quæ non representabantur sensibus externis. Et sic Suarez lib. 3. de Anima cap. 9. negat distinguere species non sensatas à sensatis: & cap. 11. docet omnem actum sensus externi percipi per eandem speciem sui obiecti, tamen modificatam. Item Guevara lib. 1. tract. 3. cap. 4. defendit, per eandem speciem qua interno sensui representatur obiectum sensibile, v.g. obiectum aliquod album, representari quoque actum visionis quo tale coloratum fuit oculis inspectum: & sic de singulis quibusque obiectis & actibus sensuum. Sed tamen actus appetitus sensitui vult representari sensui interno per proprias, ac peculiare species quas in illum immitrant.

Dico primò. Præter omnia sensibilia quæ percipiuntur sensibus externis, obijciuntur quoque sensui interno affectiones quædam obiectorum externorum, quæ non erant sensibiles per sensus externos, sed benè percipiuntur per sensum internum. Hæc assertio est satis communis. Pro qua D. Thomas 1. par. q. 78. art. 4. inquit, *Necessarium est sensata animali, quod percipiat huiusmodi affectiones quas non percipit sensus exterior.* Et alij communiter in designandis sensibus internis, vnum ex ijs constituent, qui percipiat tales obiectorum affectiones, quæ non percipiuntur

Verè sensu interno percipiuntur affectiones quædam rerum non

tur sensibus externis, siue, ut dicunt, quæ abstrahat res & species non sensatas ex rebus & speciebus sensatis.

Probatum autem primò ab experientia: quia bruta operationes quasdam exercent, utique ex impulsu sui appetitus sensitivi, atque adeo ex prævia cognitione sensus interni mouente appetitum; tales inquam operationes, quas non deberent exercere ex sola apprehensione obiecti sensu externo percepti, sed bene ad eas inducuntur ex apprehensione alicuius alterius affectionis latentis in obiecto, quæ non percipiebatur sensu externo, sed percipitur solùm interno. Exemplum vulgatum est: Ovis videt lupo & fugit: fugit utique ex impulsu appetitus sensitivi. Non deberet autem appetitus concipere talem actum auersionis & fugæ ex sola apprehensione illius coloris & figuræ quam videt in lupo: sed potius talis fuga demonstrat apprehensionem cuiusdam inimicitie & inconuenientie: sic enim ovis, apprehendens lupo tanquam inimicum, inducitur ad auersionem & fugam. Hanc verò rationem inimicitie non utique oculis vidit, sed solùm sensu interno percipit. Rursus, avis colligit terram, aquam, & paleas, ad ædificandum nidum: & utique id totum agit impulsu appetitus prosequentis tale obiectum. At sola apparentia coloris & figuræ quæ oculis obijciuntur, planè non sufficit attrahere appetitum ad concupiscendas tales res: sed non potest sic allici appetitus; nisi eo quod tales res apprehendantur conuenientes & utiles ad ædificandum nidum, & nidus ad educandam prolem: quod totum percipitur sensu interno, non autem externo. Et aliæ sunt innumere huiusmodi brutorum operationes, quæ eandem rem demonstrant. Vt etiam notum est; bruta solere percipere significationes quasdam

nominum & rerum. Sentiunt se vocari suis nominibus; equi sentiunt se sono tympani incitari ad bellum; canes instrumentis venatorijs ad insequendas feras: & alia huius generis passim obuia sunt. Fatendum est igitur, sub cognitionem sensus interni cadere affectiones quasdam obiectorum, quæ non erant perceptæ sensibus externis.

Secundò. Non sufficit dicere appetitum internum moueri sola apprehensione obiecti externi sensati, ex eius non peculiari quodam instinctu naturæ, siue antipathia quadam aut sympathia innata tali animali, qua videlicet rebus ouis videns & apprehendens lupo, exterius inducatur ad auersionem & fugam: sensatis. sicut alioqui, in rebus merè naturalibus constat, miras quasdam operationes fieri ex solo instinctu naturæ absque vlla prorsus cognitione, ut magnetis trahentis ferrum; respicientis polum, & alias huiusmodi. Hoc inquam non sufficit. Quia appetitus qui cognitione ducitur, ita institutus est, ut inducatur ad prosecutionem obiecti ex apprehensione boni & conuenientis, ad fugam ex apprehensione mali & inconuenientis: non ergo moueri potest ex sola apprehensione obiecti externi. Sicut etiam voluntas rationalis prorsus aliter moueri non potest, nisi ex propositione boni & mali. Et alioqui diceret quis appetitum posse moueri absque vlla prævia cognitione sensus interni. Sicut ergo dici non potest, quia de natura appetitus est, moueri ex prævia cognitione obiecti: ita dici non poterit moueri ex qualicumque apprehensione obiecti; quia de eius natura est, moueri ad prosequendum ex apprehensione obiecti boni & conuenientis, ad fugendum ex apprehensione mali & inconuenientis. Dici ergo potius debet, ex instinctu naturæ fieri, ut sensus apprehendat tales conditio-

des obiecti, quàm ut appetitus tendat in obiectum absque præiudicio propositione talium conditionum . Habet quoque appetitus varios illos affectus qui passiones nuncupantur, nempe amoris & odij, delectationis & tristitiæ, spei & timoris, & reliquos: ad quos sanè moueri non poterit nisi ex præiudicio apprehensione boni & mali . Atque in hoc prorsus differt modus operandi ex cognitione & appetitu, à modo operandi rerum naturalium ex mero instinctu naturæ . Sed vel operationes fiunt ex mero instinctu absque vlla cognitione, vel fiunt ex appetitu inducto apprehensione boni & mali .

Tertio . Nec iuuabit dicere, simul cum obiecto, quod externo sensu, actualiter percipitur, apprehendi vltèrius sensu interno aliquod aliud coniunctum obiectum, aptum quidem ex genere suo exterius quoque sentiri, sed non tunc actu sensatum . Videlicet, ouem videntem lupum, apprehendere statim, incurSIONem, morsus, dilaniationem, & inde induci ad fugam . Neque hoc inquam iuuat: quia esto id cogitari posset, quando ouis aliàs experta fuisset vel vidisset talia opera lupi: tamen etiam agnus qui nunquam talia vidit, statim viso lupo mouetur ad fugam . Quòd si agnus possit interiùs apprehendere talia quæ adhuc extra non vidit: iam conceditur sensu interno percipi posse obiecta quæ sensu externo percepta non sint . At multò magis præstabit fateri, posse in ipso obiecto externo viso apprehendi affectionem quandam non visam, nempe rationem conuenientis: quod per se ac proximè facit ad mouendum appetitum .

Quarto præterea videtur sensus internus actu quoque positino percipere negationem & absentiã sensibilibus externorum, quam tamen negationem sensus externi non per-

cipiunt . Assumptum patet: quia v.g. in loco tenebroso & tempore nocturno, exoritur in appetitu horror quidam & timor, utque ex apprehensione interna tenebrarum & silentij . Ac præcipuè videmus, feras non inuenientes filios, magno dolore gemere & eiulare atque irasci: utique ex cognitione positiva de tali obiecto negatiuo . Certè enim moueri non potest appetitus ad tales affectus ex sola negatione actus in sensu interno . Sed fatendum omnino est, ex negatione actus in sensu externo oriri cognitionem positivam in sensu interno, qua apprehendatur defectus rei ablatæ .

Quinto demum ratione à priori suadetur, quia non excedit conditionem sensus, talis vis apprehendendi affectionem aliquam exterius non sensatam, coniunctam tamen & insistentem obiecto sensato: adhuc enim sensus longè sistit infra intellectum, qui vltèrius se extendit ad omnes prorsus res, etiam vniuersales ac spirituales . Insuper, ut indicauit D. Thomas, necessaria est ad vitam animalis, talis via apprehendendi affectiones aliquas non sensatas, stante scilicet modo eius operandi per cognitionem & appetitum: igitur hæc vis sensui interno attribuenda est .

Dico secundò . Sensui interno obijciuntur etiam ab eoquè percipiuntur, actus sensuum externorum, quòque aliter non percipiuntur ab ipsis sensibus externis . Hæc assertio est quod valde communis, in dè magis quàm præcedens . Probari solet primum, in dè experientia & ratione ducta ex ipsis hominibus . Vnuiquisque enim experitur, se cognoscere & apprehendere, colorem esse à se visum, sonum esse auditum, & sic per omnes alios externos sensus: sed homo id non percipit per intellectum, quia intellectus non versatur circa singularia:

Talis perceptio non excedit conditionem sensus interni.

Percipiuntur quoque actus ipsi sensuum externorum.

laria : aut saltem non percipit per solum intellectum, quia intellectus non versatur circa corporalia nisi concomitanter cum sensu: ergo verè sensus internus attingit actus sensuum externorum. Attamen, non potest ex hac parte sufficiens huius rei experientia sumi: cum enim homo sit intellectu præditus, non potest ex hac parte conuincitalem cognitionem competere interno sensui. Potius enim cognoscit omnino intellectus ipsa quoque singularia: & sine dubio pleraque de rebus corporalibus penetrat, ad quæ profusus non pertingit sensus. Certumque est, hominem intellectu ipso cognoscere suas quælibet actiones, tam sensuum, quam alias quascunque.

Secundò probari solet ex natura sensus interni: quia sensus internus habet diiudicare ac discernere inter sensus externos eorumque objecta, & ob hoc inunus constitutus & appellatus est sensus communis: ad hoc autem oportet, ut talis sensus communis percipiat omnes actus sensuum externorum. Verùm, nec satis apparet, nec ostenditur, sensum internum debere diiudicare ac discernere inter actus ipsos sensuum externorum, ut propterea necesse illi sit eos cognoscere.

Constat Tertiò ergo, probanda hæc res **experi-** est experientia sumpta ex brutis, in **tia.** quibus non est alia potentia sensu superior. Constat, bruti solere redire ad eadem loca in quibus res aliquas sibi commodas viderint, aut alio sensu deprehenderint, redire, inquam ad quærendas tales res. Constat item, magna interdum aviditate repetere, ea quæ antea gustarunt delectabilia & iucunda. Interno ergo sensu cognoscat, se videri, se gustasse, aliouè sensu deprehendisse obiectum: atque adeò percipiunt actus sensuum externorum, non solum quando actualiter exercentur.

les actus circa res sensibiles præsentés, sed etiam postea in absentia rerum, & transactis iam ijs actibus. Hinc Arist. lib. de Memor. & reminisc. cap. 1. cum docuisset, animalibus inesse memoriam, subdit: *Semper, cum agit memoria, quod vidit hos, aut audiuit, aut didicit, simul sentit.* Constat item, animalia sæpè externis conari, atque adeò interiorius appetere, ut exercent externorum sensuum functiones. Videmus conari, oculos expedire ad videndum, si quando impediuntur, aures arrigere ad audiendum, nares admoveere ad odorandum, linguam ad gustandum. Verè ergo interno sensu percipiunt sensationes externas sibi convenientes & commodas. Alia quoque experientia occurrit ex ipso homine, quam pro actibus tam internis quam externis afferemus con-
clusionem sequenti.

Quartò ratione à priori suadetur: quia hoc totum, non solum non transcendit conditionem sensus interni, sed potius est illi valde conforme. Cum enim sensus internus percipiat objecta externa sensata, percipit quatenus sensata, colores visos, sonos auditos, &c. & hoc pacto res exterius sensata, transeunt usque ad sensum internum. Idque magis adhuc confirmabitur ex con-
clusionem quarta.

*Suadetur
ratione.*

Cæterum, satis notum & exploratum est, actus sensuum externorum non percipi à suis sensibus. Non enim oculus videt se videre, non videtur suam visionem: & sic omnes alij ab ipsis sensibus externis. At Hieronymus Pro-sensibus uenzalis par. 3. de Sensib. cap. 2. affirmat, actus sensuum externorum non percipi etiam ab ipsis sensibus, & non solum à sensu interno. Sed planè id est contra experientiam & rationem, & omnium estimationem. Constat enim, oculis non videri nisi colorem & lumen, auribus non au-
diri

diri nisi sonum: ipsa autem visio, & auditio, non cernitur, non auditur, non est obiectum, sed est solum actus sui sensus. Vnde dum Arist. 2. de Anima tex. 136. & duobus sequentibus disputavit, num animal sentiat se sentire, docere voluit, non sentire eodem sensu externo, sed bene interno. Et sic perspicue expressit lib. de Somno & vigilia cap. 2. *Non visu vides se videre, sed quadam communi particula omnium sensoriorum.*

Sensus internus Dico tertio. Videtur sensus internus percipere etiam actus ipsos internos, tam sui ipsius, quam appetitus sensitivi. Hæc assertio quoad actus ipsius sensus videtur præter communem sententiam, qua vniuersaliter dici solet nulla potentia corporea reflectere supra se ipsam suosque actus. Indicatur tamen à Scoto in 4. d. 45. q. 3. Probatur primo ex alia communi sententia, qua brutis conceditur memoria & recordatio: at memoria definitur, quædam repetita cogitatio rei antea cognitæ quatenus cognitæ: quia scilicet non sola cogitatio rei præteritæ dicitur memoria, imò hæc comprehenditur potius sub nomine imaginationis: sed recogitatio rei quatenus antea cognitæ, rememorando nempe rem fuisse prius cognitam, dicitur memoria. Et intelligitur, quatenus res erat antea interiori cognitæ: nec enim sufficit, quatenus erat cognita sensu aliquo externo: & alioqui omnis actus sensus interni esset memoria, cum semper attingat obiectum quatenus sensatum erat exteriori. Igitur verè per sensum internum percipitur & apprehenditur alius actus eius. Neque refert quod dicunt Conimb. lib. de Memor. & reminisc. cap. 7. sensum internum non cognoscere abstractè & per se suum actum, sed solum attingere quatenus affixum & concretum obiecto prius cognito.

Nam nos non plus volumus. Et hoc sanè sufficit: quia sic sensus internus eodem modo percipit actus suos, quo actus sensuum externorum. Nō enim hos percipit abstractè & separatim, sed solum concretè & coniunctim cum obiectis sensatis.

Secundò. Si qui specialiter affirmant, sensum internum cognoscere actus appetitus sensitivi, id probant, quia sensus internus sua cognitione mouet appetitum ad prosequendum vel fugiendum obiectum. Sed hoc sanè non persuadet: quia ad mouendum appetitum necesse non est apprehendere actus eiusdem appetitus: sed satis est apprehendere & proponere obiectum in quod debet tendere appetitus, proponere inquam tanquam bonum ad actum prosecutionis, & tanquam malum ad actum fugæ. Potius potest hinc ad hominem probari, sensum internum cognoscere suos quoque actus: quia si affirmant cognoscere actus internos appetitus sensitivi, non plus erit cognoscere suos quoque actus. Imò actus interni sensus & appetitus, sūt adeo inter se connexi, vt facile appareat, posse ac debere ab eadem potentia cognosci.

Tertio præcipue probatur assertio: quia appetitus ipse sensitivus versatur tam circa actus sensus quam circa suosmet actus: ergo & ipse sensus internus versatur circa hos omnes actus. Assumptum videtur manifestum ab experientia in ipso homine. Nam appetitus sensitivus concupiscit in se ipso gaudere & delectari, abhorret dolere & tristiari. Item inclinat hominem ad cogitanda ea quæ delectant, concupiscens vtrique talem cogitationem. Imò quædam peccata sunt, quæ committuntur cogitatione sensus & delectatione ipsius appetitus, & ad hæc peccata idem ipse appetitus inducit, concupiscens tales cogitationes ac delectationes.

Appetitus ipse attingit eosdem actus.

delectationes. Igitur verè appetitus circa hos actus versatur. Hinc probatur manifestè consequentia de sensu interno; non solum ex paritate, quia eadem ratione & facilitate poterit ac debet sensus ad omnia eadem obiecta extendi; sed præcipuè quia appetitus non potest ferri in aliquod obiectum, quod non sit ei propositum ac repræsentatum per sensum, sicut non potest voluntas ferri nisi in id quod sibi ab intellectu proponitur. Igitur omnino sensus internus cognoscit quoque actus appetitus sensitivi, & sui ipsius actus. Atque hoc non erit proprium soli homini, sed absolutè ratione animæ sensitivæ erit commune etiam brutis.

Quartò. Non alia ratione à priori hoc totum probandum est: quia non apparet id excedere virtutem & limitationem sensus interni: neque magnum quid est, super suos actus reflectere: non transcendit conditionem facultatis corporeæ, non transit in partem potentiae spirituales, non requirit aut secum festi discursum: quod totum in obiectionum solutione constabit; igitur non est cur id interno sensui denegetur.

Affectiones non sensatas percipiuntur ipsæ speciebus rerum sensatarum.

Dico quartò. Ad percipiendas affectiones non sensatas obiectorum exteriorum sufficere videtur eadem species quæ repræsentat ipsum obiectum ad percipiendos quoque actus sensuum exteriorum sufficere videtur eadem species quæ repræsentat obiectum ipsorum actuum: ad percipiendos verò actus internos requiri videtur saltem nova modificatio prioris speciei. Hæc assertio tres habet partes. Explicatur & suadetur per singulas. Dum sensus externus percipit aliquod obiectum non potest per se transmittre aliam speciem sensui interno, nisi de eodem obiecto sensato secundum easdem condiciones sensatas. Ex hac verò speciei non poterit nec debet sensus

internus haurire ullam aliam speciem. Sed benè per eandem speciem, addito instinctu quodam naturæ apprehendere valebit in eo obiecto sensato affectionem aliquam non sensatam. Sic ovīs per speciem lupi, cum quo naturalem antipathiam habet, apprehendet lupum ut inimicum: Avis per speciem palearum, ex naturali sua inclinatione ad nidificandum, apprehendet paleas ut utiles ad conficiendum nidum. Et ideo ubi non sit ille naturalis instinctus in animali, non apprehendetur talis affectio non sensata. Quod verò dicitur sensus internus abstrahere species non sensatas ex sensatis, debet verificari potius quoad obiectum: quia scilicet sensus internus apprehendit affectiones non sensatas sub sensatis.

Item, dum sensus externus percipiendo obiectum, transmittit eius speciem ad sensum internum, eo ipso refundit speciem talis obiecti quatenus à se percepti, & sic talis species repræsentat sensui interno non solum obiectum externum, sed etiam actum sensus externi. Imò tanta est huius rei connexio, quod sensus internus non percipit obiectum externum, nisi quatenus, aut visum per oculos, aut alio sensu perceptum. Et è converso, non apprehendit actum ullum sensus externi, nisi determinatè quatenus affixum obiecto. Itaque optimè per eandem speciem percipit utrumque simul. Accedit, quod per ipsum actum sensationis externæ intronititur species proportionata ad sensum internum: & sic optimè hæc eadem species repræsentat eundem actum cum obiecto. Ac præterea, per speciem actus & obiecti positivi, apprehendet quoque sensus internus quando deest talis actus & obiectum: sic enim negationes cognoscuntur per species rerum.

Certè, autem primus actus sensus in-

Actus sensuum exteriorum percipiuntur ipsæ speciebus obiectorum.

Actus interni, non attingit seipsum alium-
interni uè actum eiusdem sensus interni cir-
perci- ca tale obiectum, aut actum appeti-
piuntur tus sensitui: sed deinceps alius se-
quodam quens actus sensus interni, bene po-
noua terit attingere alium actum primum
modifi- tam ipsius sensus, quam appetitus.
catione Itaque non per primam illam solam
specie- speciem percipit hos actus internos.
rum. Sed oportet, ex illis actibus rebus qui
nouum quandam impressionem in
sensu interno, ad hoc ut ab illo per-
cipi possint. Hæc autem impressio,
vel debet esse noua simpliciter spe-
cies representans illos actus, vel
saltem debet esse veluti quædam mo-
dificatio prioris speciei, quæ nempe
representetur illud idem obiectum
simul cum alio actu sensus interni, &
actu appetitus; & hæc modificatio
intelligetur fieri per additionem cu-
iusdam modi ad priorem speciem.
Cæterum hæc res est communis in-
tellectui, quo scilicet pacto intel-
lectus cognoscat suos actus, & actus
voluntatis circa quodcumque obie-
ctum.

Valde Sed contra doctrinam traditam.
deficit Obijcies primo. Intellectus non
sensus cognoscit quicquam, nisi quod ac-
ab in- cipit à sensibus externis: ergo multò
tellectu. minùs sensus internus potest attingere
quicquam quod non sit depre-
hensum per sensus externos. Aut
saltem, si intellectus penetrat ea quæ
sensata non sunt, id poterit ex sua
superiori virtute, & præcipue per
discursum: ergo non idem poterit
sensus internus. Et præsertim vrget
Hurtad. sensus non per se habet spe-
cies de rebus insensatis, quasi innatas
vel infusas. Nec potest eas acqui-
rere: quandoquidem intellectus nõ
eas acquirit nisi per discursum:
sensus verò non discurret: vnde si
acquireret absque discursu, esset præ-
stantior ipso intellectu.

Respondetur cum D. Thoma 1.
par. 9. 78. art. 4. ad 4. *Licet intelle-*

*ctus operatio oriatur à sensu: tamen
in re apprehensa per sensum, intel-
lectus multa cognoscit, quæ sensus
percipere non potest. Et similiter
affirmatiua, licet inferiori modo. Et
quidem notissimum est, intellectum
ex rebus sensatis accipere notitiam
de tot rebus non sensatis. Sensus
autem sua inferiori virtute poterit
tantum de quibusdam, nempe quate-
nus necessarium est ad vitam & ope-
rationes debitas animalium. Non
quidem per discursum, sed modo si-
bi proportionato, quem iam propo-
sumus. Et eo modo quo diximus,
acquirat species talium rerum non
sensatarum, modo scilicet valde in-
feriori quam intellectus.*

Obijcies secundò. Bonitas obie-
cti importat rationem finis, & boni-
tas vilitatis, est bonitas mediorum,
ac refertur ad finem. Item impor-
tat respectum ad aliud, & dicit ordi-
nem ad terminum. Sed sensus attingit
rationem finis & mediorum: non
refert & confert vnum ad aliud. Igi-
tur non potest cognoscere rationem
bonitatis in obiecto.

Respondetur. Sensum non attingere
rationem finis & mediorum,
cognoscendo quid sit finis, quid me-
dia, quomodo media se habeant ad
finem: non inquirere & consultare
circa media ad finem: item non re-
ferre & conferre cognoscendo quid
sit respectus, quomodo se habeat in-
ter relatiuas: & alia plurima sunt, quæ
sensus in hac re non attingitur. At
materialiter & suo modo, omnino
sensus cognoscit bonum quod est
commodum & iucundum seu dele-
ctabile, & hoc habet rationem finis:
cognoscit etiam quod est vtile ad
aliud in suis operationibus, & hoc
habet rationem medij. Atque adeo
in hoc genere cognoscit quoque ani-
mal, id quod ad se refertur tãquàm sibi
conueniens & commodum, & id quod
refertur ad aliud tãquàm vtile ad illud.

Obij.

*Sensus
inter-
nus per-
cipit bo-
nitatem
obiecti.*

Refle- Obijcit tertio Hurtad. ex Arist.
Etie lib. de Memor. & reminisc., vbi ne-
per gat brutis reminiscenciam, eo quod
actus. illis non cōuenit reflexio supra suos
 actus, quæ reflexio importatur no-
 mine reminiscenciæ.

Respondetur. Aristoteles cap. 4.
 eius libri distinguit reminiscenciam
 à memoria, eo quod sit inquisitio
 quædam, qua conatur quis in memo-
 riam reuocare aliquid quod antea
 nouerat: & ideo ait, esse veluti syl-
 logismum & consultationem. Et
 hanc rectè denegat brutis. Sic ex-
 plicat ibi S. Thomas, & Antonius
 Scaynus, & patet ex textu. At verò
 ipsa memoria importat simplicem
 reflexionem, qua recognoscitur ob-
 iectum prout antea cognitum: &
 hanc Aristoteles vtrò concedit bru-
 tis.

Huic
reflexio-
ni non
obstat e-
ius cor-
porea
extensio.

Obijcit quarto Dandinus lib. 3.
 de Anima digress. 5., vbi probare
 vult, nullum sensum posse reflectere
 super se suumque actum. Omnis sen-
 sus est potètia corporea, atque adeo
 particeps quantitatis: sed quantitas
 essentialiter dicit extensionem par-
 tium extra partes: vnde nullum cor-
 poreum poterit se cōuertere & con-
 trahere in seipsum. Igitur nullus sen-
 sus potest in se suosque actus refle-
 ctere. Addit Suarez lib. 3. de Anima
 cap. 11. Omnis potentia corporea
 habet obiectum limitatum, extra
 quod non potest ferri: sed intra
 suum obiectum non complectitur
 suos actus, sicut nec se ipsam, suasque
 species: ergo non potest cognosce-
 re suos actus.

Respondetur. Satis apertum esse
 quanta æquiuocatio sit in argumen-
 to Dandini. Nullum utique corpo-
 reum & extensum, potest partes suas
 quantitativas retrahere in seipsum,
 reducendo suas partes in punctum.
 At non prohibet utique corporeæ
 quantitas, quominus potentia co-
 gnoscitiua possit per actum quen-

dam suū reflectere super se aliumque
 suum actum per viam cognitionis
 Nulla autem potentia potest ferri
 extra obiectum suum: sed sensus in-
 ternus complectitur intra suum ob-
 iectum actus suos: licet non scriptam
 suasque species, nisi in quantum per-
 cipit se sentire: & hoc ipsum valde
 imperfecto modo cognoscit.

Obijcies demum quinto. Sensus
 internus videtur interdum percipere
 actum sensus externi absque vlllo
 obiecto. Percipit enim sæpè dolo-
 rem aut voluptatem in sensu tactus,
 non percipiens vlllum obiectum tan-
 gibile: vt, cum quis molestatur do-
 lore alicuius membri ex humore ali-
 quo noxio & absque alteratione ca-
 loris & frigoris aut alterius qualita-
 tis tangibilis. Neque sanè sufficere
 dicere, in tali casu excurrere humo-
 rem noxium per partem affectam,
 & hunc motum esse obiectum de
 genere tangibilem. Nam neque ne-
 cesse est, humorem reali motu ex-
 currere ad inferendum dolorem.
 Neque, si excurrit, sentitur hic mo-
 tus. Neque si sentitur motus, hac
 sensatione dolemus. Exurgit etiam
 dolor ex incisione aut percussione
 antea facta in corpore: neque tunc
 amplius percipitur vlllum obiectum
 sensibile. Verum ergo non est, a-
 ctum sensus externi percipi eodem
 actu ac specie cum obiecto externo.

Respondetur. Hoc argumentum
 probaret, in ipso sensu externo ta-
 ctus, fieri sensationem absque obie-
 cto. Quod si hoc ita esset, nil am-
 plius mirum, si sensus internus per-
 ciperet talem actum sensus externi
 absque alio obiecto. Sed tamen cir-
 ca ipsum sēsem tactus iam vidimus,
 in omni passione doloris aut volup-
 tatis inueniri obiectum quod sensu
 percipiatur: ipsumque dolorem ac
 voluptatem, esse qualitates de gene-
 re tangibilem, quæ ipso sensu per-
 cipiantur.

Nūquā
percipie
actū sine
obiecto.

SECTIO TERTIA.

**De Potentia sensitiva interna,
An sit multiplex, vel re-
solvatur in una.**

*Sciētia
distin-
guens
quinque
potēti-
as sensi-
vas in-
ternas.*

Satis frequens sententia est, quæ plures potentias sensitivas internas in eodem animali distinguit, & sic in toto rigore plures ac distinctos sensus internos assignat. Sed adhuc magna varietas est inter Auctores huius sententiæ in determinando numero, ordine, & officio, horum sensuum. Albertus magnus lib. 2. de Anima tract. 4. cap. 7. laudat. eod. lib. q. 37. & alij plures, quinque illos sensus assignant, eo ordine & officio, ut prænotauimus q. 51. sect. 3. nempe sensum communem, Imaginationem, Aestimatiuam, Phantasiam, & Memoriam. Auicenna lib. 6. Natural. par. 4. cap. 2. eod. pariter quinque sensus constituit: sed imaginationē quarto loco recenset: cuiusquē officium facit solum retinere & conseruare species sensus communis. Auerr. 3. de Anima comm. 6. & in lib. de Sensu & sensato, & alibi, D. Thomas 1. par. q. 78. art. 4. & cum eo Thomistæ communiter, nō distinguunt Phantasiam quæ habet coniungere inter se species, ab imaginatiua & aestimatiua: vnde quatuor retinent sensus, Sensus communem, Imaginatiuam, Aestimatiuam, & Memoratiuam. Galen. in lib. de Different. Symptom. cap. 3. ut explicat Valles. lib. 2. Controu. distinguit, primo loco sensum communem, extremo loco memoriam, medio loco aliam potentiam quam vocat iudicatiuam, cui attribuit illos actus qui pluribus illis potentijs attribuuntur ab alijs. Tres item sensus distinguunt Nemescius lib. 4. Philosoph.

*Sciētia
distin-
guens
quatuor*

*Sciētia
distin-
guens
tres.*

cap. 6. Fernel lib. 5. Physiologi cap. 4. Piccolomineus lib. 1. de Sensib. internis cap. 7. Toletus etiam 5. de Anima q. 6. eundem ternarium numerum retinet: putatque esse de mente Arist. & Græcorum omnium. Et medium illum sensum vocat omnibus illis nominibus, imaginatiuam, aestimatiuam, phantasiam. Sed probabilior etiam putat, quatuor distinguere sensus. Contra lib. 1. de Anima cap. 3. q. 1. art. 2. probabilior sententia distinctionem quatuor sensuum cum D. Thoma, & non minus probabilior distinctionem trium tantum sensuum, quam ponebat Toletus. Sed art. 3. aliam assignationem præferunt: nempe duos esse sensus, sensum communem, & alium sensum, cui omnes alias functiones adscribunt, eumquē vocant Phantasiam. Idem tenuit Fonseca 5. Metaph. cap. 28. q. 7. sect. 4. Item Marcellus lib. 4. de Anima cap. 20 Petrus Martinez 2. de Anima in dubitat. circa tex. 162. Foroliuiens. lib. 2. Artis paræ cap. 16. & Prouenzalis par. 2. de Sensib. Imò hunc binarium numerum designasse videtur Aristoteles 3. de Anima a tex. 55. Quod si addatur alius sensus ex lib. de Memor. & reminisc., nempe memoria; sic Toletus tres efficiebat sensus.

Præterea, inter hos qui plures distinguunt sensus internos, aliqui in distinctis quoque cerebri partibus eos collocarunt. Distinguntur enim in cerebro plures veluti ventriculi seu sinus, duo in parte anteriori capitis, vnus in medio, & alius in postrema parte. Sed quia patet aditus & coniunctio inter hos sinus, aliqui non distinguunt postremum à medio, vel medium à primis, vel ipsos primos inter se. Auerr. ergo 3. de Anima com. 6. & lib. 1. Cantic. com. 84., quatuor sensus quos distinxit, in ijs quatuor sinibus cerebri attribuit, licet ipse appellet tres sinus.

*Sciētia
distin-
guens
duas.*

*Senten-
tia con-
stituens
has po-
tēti-
as in
distin-
ctis par-
tibus
subiecti.*

Galenus, distinguendo tres sensus, primum collocasse videtur in anterioribus sinibus, secundum in medio, tertium in postremo: ita ut lædi quoque possit vnus sensus, illæsi alijs, si nempe in vno vel alio sensu cerebrum offendatur. Sed Valles. explicat, Galenum voluisse solum, in vno vel alio sinu cerebri magis vigere vnā vel aliam operationem. Expresse autem Toletus in ijs tribus sedibus, tres suos sensus distribuit. Refertque, Auicennam rursus in vno ex illis duobus sinibus anterioribus collocasse in vnum, in alio alium sensum: & Albertum in vna medietate sinus medij ponere vnum, & alia alium sensum. Fonseca demum & Conimb., iuxta distinctionem duorum sensuum, primum collocant in parte anteriori cerebri, secundum in parte posteriori. At Vallesius vbi supra, & Fernelius lib. de Naturalib. facult. cap. 10., retenta distinctione interiorum sensuum, cōtendunt non in distinctis cerebri partibus, sed omnes simul in toto cerebro residere. Notatque Fernelius, distributionem sensuum in partibus cerebri temerè ab Arabibus fuisse cōfictam, communicationem verò in toto cerebro esse de mente Aristotelis, & Peripateticorum, & Græcorum Medicorum.

Sciētia faciens vnā potentiam sensitiuam internam. Ex aduerso prorsus, non plures ac distinctas esse potentias sensitiuas internas, sed esse realiter vnā, quæ omnes debitas functiones exerceat, docuit Alensis 2. par. q. 7. memb. 2. & indicant Galenus lib. 2. de Musculor. motu, vbi eos sensus quos alibi distinxerat, vnā potentiam realiter esse significat: vnde alias distinxisse potius videtur operationes, non autem potentias. Indicant quoque Alexand. 1. de Anima cap. 39. Philop. lib. 2. circa tex. 144. Simplicius circa tex. 153. Themist. lib. de Memor. & reminisc. cap. 6. & 10.

& alij ex veteribus Peripateticis. Nuper verò huic sententiæ adherent eamque constanter defendunt plerique Recentiores, Dandinius lib. 3. de Ani. digress. 15. Ruuius lib. 3. de Ani. cap. 3. tract. de Sensib. internis q. 1. Hurtad. disp. 17. de Anima sect. 7. & 8. Suarez lib. 3. de Anima cap. 30. & copiosè noster Gueuara lib. 1. de Interiori sensu tract. 7. & ferè Lucill. Philaltæus lib. 3. de Anima in digress. circa tex. 10. Hanc sententiam nos quoque verā putamus, & Aristoteli conformem, ac præsertim rationibus solide fundatā. Quia autem, plures sunt potentia quæ iuxta superiores sententias distinguebantur, per partes omnis ea distinctio excludenda est, & sic omnis interior sensitiua potentia ad unitatem reducenda.

Dico primò. Non esse distinguendam aliam potentiam sensitiuam ad retinendas & conseruandas species, ab ea potentia quæ eas recipit, ipsæque ad cognoscendum videntur; atque absolutè non esse distinguendam memoriā ab ætlimatiua & phantasia, nec imaginationem à sensu cōmuni, quatenus imaginatio dicebatur retinere species ipsius sensus cōmunis. Probatur primò ex Arist. qui lib. de Memor. & reminisc. cap. 1. ait, memoriā, seu actum recordationis, esse passionem seu actum imaginationis, aut phantasia, siue sensus communis, quem ibi vocat primum sensitiuum: ait, earum rerum dari memoriā, quarum est imaginatio, ita ut recordari sit cogitare aliquid quatenus tactum, & præteritum, ac antea cognitū. Sicq; cap. 2. memoriā explicat ac definit. Confundit ergo realiter Arist. memoriā cum sensu cōmuni & imaginatione seu phantasia: solumq; distinguit quoad operationes.

Secundò. Semper & in omnibus alijs accidentibus idem subiectum est, *Nec ad retinend.*

Nō debet distinguere potentia memoria ab alijs.

das spe- est, quod recipit in se formam, eam-
cies. que postea retinet, quandiu permanet: & in vniuersum, certè non potest vnum accidens, prius in vno subiecto recipi, & postea in alio retineri. Omnino ergo eadem sensitiua potentia est, quæ primò recipit in se speciem sensibilem, ac deinceps retinet. Item forma quæ conseruatur in aliquo subiecto, vtiue debet esse in eo recepta ac producta: & quæ primò producit in aliquo subiecto, in eodem permanet quandiu non corrumpitur: non enim eadem forma transit de subiecto in subiectum. Igitur species quæ in memoria retinentur, in eadem fuerunt productæ: siue quæ productæ sunt in sensu communi, in eodem deinceps conseruantur. Vna ergo simplex est huiusmodi potentia, quæ hoc totum exercet. Nec vllatenus debebant, imò prorsus non poterant, pro hac re plures distingui potentia.

Nec p- Tertiò. In ordine ad actum co-
pter a- gnitionis qui per speciem elicitur,
ctum co- vtiue in illa potentia debet reponi
gnitio- species, à qua eliciendus est actus:
nis. potentia enim cognoscitiua informari debet specie repræsentatiua obiecti. Non ergo debet nec potest distingui alia potentia quæ retineat species, ab ea quæ vtitur specie & elicit cognitionis actum. Sed illamet potentia quæ primò recipit speciem, pariter elicit actum: ac deinceps retinebit speciem, & eliciet actus. Non enim vna potentia eliciet actum ope speciei existentis in alia potentia: nec ad eliciendum actum accipiet ac in se transferet speciem ab alia potentia: nec post elicitum actum reddet & ablegabit à se speciem ad aliam potentiam.

Nec p- Quartò. In ordine ad obiectum
pter ob- cognitum, non debet nec potest di-
sectu co- stingui vna potentia quæ percipiat
gnitum. obiectum quatenus præteritum, ab

alia potentia simpliciter percipiente tale obiectum. Sicut vtiue nec distinguitur alia quæ percipiat obiectum quatenus futurum. Conis enim videns eleuari baculum, aufugit timens, vtiue apprehendens percussionem futuram seu imminentem. Item non debet distingui potentia quæ percipiat obiectum quatenus antea cognitum: hoc enim apprehenditur cōcretè per modum vnius in ipso obiecto: nullaquæ est huius distinctionis ratio. Nullo ergo modo distingui debet potentia quædam memoratiua ab alio sensu simpliciter cognoscitiuo: & sic memoria non est quidam sensus realiter distinctus ex parte potentia.

Quintò demum. Hoc totum confirmatur exemplo memoriz intellectiua, quæ non est distincta potentia, nec ad retinendas species intelligibiles, nec ad cognoscendum obiectum quatenus præteritum, aut quatenus antea cognitum; sed est eadem potentia cum intellectu, vt postea ostendemus. Idem ergo prorsus censendum est de memoria sensitiua cum sensu interno.

Dico secundò. Non debere di- *Nō de-*
stingui vnā potentiam quæ ob- *bet di-*
iectum præsens simul cum sensibus *stingui*
externis actu percipiat, & aliam quæ *potentia*
idem obiectum absens recolere va- *imagi-*
leat: & sic non debere imaginatio- *natiua*
nem à cōmuni sensu distingui. P. o- *a sensu*
batur primò ex Arist. qui eo loco de *cōmuni*
Memor. & reminisc., pariter confundit memoriam cum imaginatione ac sensu communi: ergo supponebat pariter, imaginationem cum sensu communi vnā esse potentiā. Adhuc aliqui alium locum 2. de Anim. 161., vbi imaginatio definitur *Mors à sensu secundum actum falso*: & antea dixerat, imaginationem moueri à sensu & non fieri sine sensu: itaque videtur imaginationem confundere cum sensu communi.

ni, tanquam actum quendam eius. Verum, Arist. per sensum non tam intelligit sensum internum, quam potius sensus externos ex quibus acquiritur species, & sic actuatur & mouetur imaginatio interior. Magis facit alius locus, 3. de Anima 56. & 57. ubi indicat, omnibus animalibus imaginationem inesse: at 2. de Anima tex. 156. docuerat, imaginationem non inesse omnibus bestiis. Videtur ergo in 3. de Anima nomine imaginationis intellexisse eadem potentiam quæ est sensus communis, in 2. autem operationem quæ exercetur circa obiectum absens: & sic imaginationem à sensu communi distinguit, solum tanquam peculiarem operationem, non tanquam aliam potentiam. Item 2. de Anima tex. 32. ait, quædam animalia sola imaginatione viuere: sed utique sensum commune omnibus tribuit animalibus: imaginationem ergo cum communi sensu confundit. Et lib. tandem de Insomnijs cap. 1. ait, idem esse imaginatiuum & sensituum.

Secundo ratione probatur. Quia in hac re non inuenitur diuersitas ex parte obiecti, nec ex parte actuum, nec ex parte modi cognoscendi, vnde desumi possit potentiarum distinctio. Imò multò melius & facilius apparet, ab eadem potentia cognosci obiectum, siue præsens, siue absens. Certe enim, nihil prohibere potest imaginatiuam potentiam, quominus operetur quoque circa obiecta præsentia, dum actualiter percipiuntur sensibus externis. Imò id est necessarium: quia tunc quoque circa idem obiectum operantur aliæ potentie quæ ponuntur superiores, nempe æstimatoria apprehendens affectiones non sensatas, siquidem agnus cernens lupum statim apprehendit ut inimicum: & tunc quoque deducitur cognitio usque ad intellectum & formantur in intellectu species

intelligibiles. Igitur omnino eadem potentia imaginatiua tunc operatur: & quatenus quidem attingit obiectum præsens, dicitur sensus communis; quatenus deinceps idem obiectum absens, dicitur propriè imaginatio.

Tertiò. Idem utique intellectus apprehendit obiectum absens ac præsens: ergo pariter sensus internus. Imò & idem ipse sensus externus, dummodo possideat in se speciem obiecti, optimè illud percipit, siue sit præsens, siue non adsit: ergo multò magis sensus internus.

Dico tertiò. Non esse distinguendam aliam potentiam elicientem species non sensatas, siue apprehenden- *bet di-*
tem obiecta non sensata, ab ea quæ *stingu-*
per species sensatas obiecta sensata *astima-*
cognoscit; & sic non distinguenda *tina ab*
imaginatiuam seu cogitatiuam ab imagi- *imagi-*
natione & sensu communi. Proba- *natina.*
tur primò ex Arist. qui 3. de Anima tex. 48. expressè docuit, appetitum sensituum imaginatione moueri, sicut intellectu voluntatem: at appetitus sensituius non mouetur nisi ex apprehensione conuenientis & inconuenientis, quæ sunt obiecti affectiones non sensatæ, ac proinde spectant ad æstimatoriam: ergo Arist. supponebat, eandem esse potentiam imaginatiuam & æstimatoriam. Plura quoque ex Arist. afferemus conclusionem sequenti.

Secundo ratione probatur: quia æstimatoria non aliter elicit species non sensatas, & cognoscit obiecta non sensata, nisi viuendo iisdem speciebus sensatis, & cognoscendo eadem obiecta sensata, in istisquæ apprehendendo affectiones quasdam non exterius sensatas: igitur una simplex potentia esse debet, quæ in se habeat omnes has species, & percipiat omnia hæc obiecta. Ac eo magis, quòd nos supponimus, non distinguenda reuera species non sensatas à sen-

à sensatis, sed per easdem species cognosci affectiones non sentatas: igitur omnino eadem est potentia quæ per has species omnia hæc objecta attingit.

Tertiò. Datur utique vnus quidam actus simul coniungens objectum non sentatum cum sensato, ut cum agnus apprehendit lupum ut inimicum: imò non aliter apprehenditur per sensum affectio quævis nō sentata, nisi simul cum objecto sensato, eiquè affixa. Non debet ergo nec potest distinguī alia potentia, apprehendens objecta non sentata, ab ea quæ apprehendit objecta sentata. Nec satisfaciunt Conimbr. art. 2. dicentes, polse virtutem superiorem exercere aliqua ex parte munera virtutis inferioris, nec propterea virtutem inferiorem esse superflua: & sic polse æstimatiuam objecta quoque sensata attingere, nec proinde imaginationem esse superflua. Nam eo solū in hac re plures potentia distinguendæ essent, in quantum ob diuerſitatem operationum & munerum non posset eadem potentia omnia perficere: licet ideo exterius visus ab auditu distinguitur, quia nec auris vllō modo videre, nec oculus potest audire. Si ergo potest vna interna potentia plura munera obire, & operationes exercere, sine dicatur melius, potest omnia ea objecta, omnesque eorum rationes sensu perceptibiles, sua virtute complecti; nullatenus distinguendæ sunt plures potentia.

Nec debet distinguī phantasia.

Dico quartò. Nec esse denique distinguendam aliam potentia, quæ varias species inter se coniungat, ac simpliciter non debere distinguī phantasia ab æstimatiua, imaginatione, & sensu communi. Probatur primò ex Arist. apud quem ne nomen quidem phantasia ab imaginatione ſecernitur, sed vbi græcè dicitur phantasia, latinè redditur

imaginatio: itaque ex mero abusu nominum hæc duo pro distinctis accepta sunt. Rursus quoad rem ipsam, Arist. quantumvis exactè tractans de omni sensu externo & interno, nullatenus constituit nec indicat talem peculiarem potentiam, quæ ab alijs designata ac distincta est sub nomine phantasia: sicut nec etiam indicat aliam peculiarem potentiam, quæ ab alijs dicta est æstimatiua. Sed in toto lib. 2. ac 3. de Anima, omnem sensum internum, sub nomine sensus communis, ac imaginationis, græcè autem phantasia, adæquatè concludit: & sine dubio ipsi imaginationi attribuit omnem cognitionem omnis objecti, quæ ab alijs distracta est ad alias potentias, quas vocarūt æstimatiuam, & phantasia. Atque statim post sensum communem proposuit imaginationem, & post imaginationem proposuit intellectum. Sed neque imaginationem à communi sensu realiter discreuit ex parte potentia, ut iterum ad obiectiones dicemus.

Secundò ratione probatur: quia facile eadem ipsa potentia quæ valet separatim cognoscere varia objecta, poterit quoque illa coniungere, & coniunctim apprehendere. Itē illa potentia quæ potest plura coniungere, poterit sine dubio eadem per se ac separatim attingere. Igitur nullatenus quoad hoc distinguendæ sunt plures potentia.

Tertiò. Hæc potentia coniunctiua, deberet in se habere species omnium earum rerum quas coniungere potest, potentia item quæ potest separatim easdem res attingere, debet habere earundem rerum species: sed non sunt frustra repetendæ ac multiplicandæ tot species: igitur non sunt distinguendæ hæc plures potentia.

Quartò. Non solum idem intellectus potest tam coniunctim quàm

separatim plura cognoscere. Sed etiam idem sensus externus, v.g. visus, potest complecti simul plura quando ei coniunctim se offerunt, ac sigillatim quando vnum sine alio inuenitur: ergo sine dubio idem sensus internus qui separatim plura potest attingere, potest quoque coniungere. Denique D. Thomas 1. par. q. 78. art. 4. non concedit brutis hanc virtutem coniungendi, sicut homini, v.g. vniendi speciem montis. & auri, & concipiendi montem aureum: in homine autem hanc vim imaginationi attribuit, & ita non distinxit hanc potentiam. Sed pariter quicumque vis coniungendi concedenda videatur brutis, poterit quoque ac debet imaginationi attribui. Igitur prorsus non erat alia potentia distinguenda.

*Unica
est potē-
tia sen-
sitiva
interna.*

Dico tandem 5. Unicam esse realiter potentiam sensitivam internam, exercentem omnes operationes & munera, quæ sub nomine interiorum sensuum recensentur, eamque varijs nominibus pro varietate operationum seu obiectorum nuncupari: ac proinde, non in distinctis organi partibus discretam, sed simpliciter in toto cerebro residere, licet pro aliqua accidentali varietate dispositionis in organo, magis in vna quam in alia parte secundum certam functionem vigeat. Hæc assertio est conformis ad mentem Arist., iuxta ea loca quæ in superioribus assertionibus allata sunt. Est etiam de mente D. August. lib. 2. de Liber. arb. c. 3. & 4., & D. Gregor. 1. lib. 11. Moral. cap. 4., qui sensum internum pro vna facultate omnia interiora sentiendi munera exercente accipiunt: Ratione quoque satis probata manet ex dictis hæc assertio, utpote exclusâ iam omni potentiarum distinctione ab alijs inuenta: nec vlla præterea potest rationabiliter cogitari.

Sed iudicetur viternis & explicitur primò. Benè potest vna & eadem potentia, plura munera exercere, & obiecta attingere, quæ sint inter se sufficienter connexa vel subordinata, ut patet in singulis quibusque potentijs. Sed sanè recipere, ac retinere species, ex ijs actum cognitionis elicere, cogitare res præsentis, vel præteritas, vel absentes, apprehendere affectiones quasdam non sensatas in obiectis sensatis, coniungere simul plura in cognoscendo; omnes hæc inquam & similes functiones, planè sunt inter se ita colligata & consequentes, ut non solum optimè possint sub vnam cadere potentiam, sed ut non possint distrahi in plures potentias.

Secundò. Adhuc cum hac unitate retineri & saluari potest consuetus loquendi modus, quo sensus interni pluraliter nominantur, nimirum ob eas functiones, licet ab eadem potentia exercitas: ita ut intelligantur plures sensus, non quidem formaliter & realiter, sed virtualiter & effectivè, per habitudinem ad varias functiones. Sicut in parte quoque rationali solent tres potentiae designari, intellectus, memoria, & voluntas. Sed certè memoria intellectiva non est potentia ab intellectu distincta. Vnde notavit D. Tho. q. 10. de Verit. art. 3., memoriam distinguere ab intellectu, non tanquam potentiam à potentia, sed tanquam eandem potentiam cum habitudine ad diversa.

Tertio. Singillatim percurrento omnes sensus internos qui nominari solent. Hæc vna potentia sensitiva interna, versatur circa obiecta omnia sensuum exteriorum in cō- rum præsentia, recipit ab illis species, immittit ad illos vitales spiritus: & ut sic denominatur sensus communis. Concipit quoque eadem obiecta postquam percepta sunt sensibus

*Hæc
vna po-
tentia
omnes
varias
functio-
nes ex-
erces.*

*Denomina-
tur
sensus
commu-
nis, ima-
ginatio,
astima-
tiva,
phanta-
sia, &
memo-
ria.*

bus externis, etiam si amplius presentia non sint: & ut sic dicitur imaginatio. Apprehendit insuper in ipsis obiectis sensatis affectiones quasdam exterius non sensatas: & ut sic dicitur estimativa, & à D. Thoma attributa ulterius est huic estimativæ in homine vis quædam discurrendi, & ut sic dicta est cogitativa. Sed hoc examinabimus sect. sequenti. Coniungit etiam internus sensus plura simul, vel sensata, vel non sensata cum sensatis; & sic interdum fabricat ea quæ exterius visa non sunt, ut montem aureum, hircoceruum. Et hæc dicta est phantasia, licet per abulum nominis, ut antea notavimus. Denique hæc potentia retinet species acquisitas, ipsæque sapius vitur repetendo & recogitando res præteritas, & recolendo quoque quatenus antea cognitæ: & ut sic dicitur memoria. Et sub hoc nomine intelligitur, non solum quatenus conservat species non sensatas propter estimativam, ut non recte Recentiores aliqui voluerunt: sed absolute prout conservat omnes species. Sic enim plane Arist., Galen., D. Aug., & alij antiquiores, pro omnibus rebus nomen memoriæ assumpserunt. Ac præclare D. August. lib. 10. Confess. cap. 8. elegantissime describit, vim, capacitatem, firmitatem, usum, & officia memoriæ.

Memoria additur reminiscencia, prudentia, & disciplinabilitas. Præterea ipsi memoriæ addit Arist. reminiscenciam, in libro quæ scripsit de memoria & reminiscencia. Reminiscenciam designat, inquisitionem quandam rerum quas recordari conamur, eamque constituit per modum syllogismi & discursus. Hanc tamen reminiscenciam, soli homini tribuit, negatque brutis. Et similiter D. Thomas 1. par. q. 78. art. 4. Non ergo assignata ab ullo est reminiscencia, tamquam peculiaris quidam sensus internus, sed solum tamquam

actus quidam eiusdem memoriæ in homine: sicut estimativa in homine dicta ulterius est cogitativa. Et hoc ipsum de discursu potentiæ memoriæ, examinabimus sect. sequenti. Addit denique eidem memoriæ prudentiam ac disciplinabilitatem 1. metaph. cap. 1. ac tribuit etiam brutis, dicens, illa quæ habent memoriæ, habere quoque naturaliter prudentiam: & si auditu polleant, esse quoque disciplinæ capacia. Prudentiam Expolitores ibi recte explicant pro apprehensione rerum quatenus futurarum seu imminuentium: & D. Thom. addit, ex præteritorum memoria providere de futuris. Unde æquivoce seu analogicè sumitur hoc nomen pro hac prudentia sensitiva, ac pro vera prudentia intellectuali virtute. Rursus, disciplinabilitatem explicant pro aptitudine quadam ad percipienda ac retinenda ea quæ ex humana industria animalibus proponuntur, ut de canibus, elephantis, psittacis, & alijs pluribus animalibus compertum est. Ob has autem functiones non sunt distinctè designati sensus interni. Et hoc ipsum satis indicat, pro omnibus quoque alijs functionibus unicam esse potentiam sensitivam cognoscitivam.

Hæc una potentia sensitiva est in toto cerebro. Quarto demum. Hæc potentia simpliciter est in toto organo, nempe in toto cerebro, absque distinctione plurium internorum sensuum in distinctis organi partibus. Et hæc denuo confirmatur unitas huius potentiæ: quia totum cerebrum est una forme, absque distinctione organorum: sensus enim externi qui distincti sunt, habent organa tam diversa, ut notum est. Neque verò distincti sunt sensus interni in sinibus illis cerebri: non enim in illis, sed in substantia ipsa cerebri resident, ut sect. 1. docuimus. Nec etiam inter eos sinus talis invenitur diversitas, quæ

quæ ad distinctos sensus internos esset idonea: sed longè alius est usus illorum, ut ibi indicauimus. Attamen in ipsa substantia cerebri obseruata est aliqua accidentalis diuersitas: pars enim anterior est aliquantò humidior magisque fluida, pars posterior est aliquantò siccior magisque solida. Hinc statim ab initio facilius imprimuntur species in parte anteriori, sed deinceps firmitus retinetur in parte posteriori. Et hoc pacto dicitur memoria magis in posteriori parte cerebri residere: ut est communis existimatio: & notarunt Damasc. lib. 2. Fidei cap. 20, Nemescius lib. de Nat. hominis cap. 13. & alij.

*Quædã
loca A.
rismetis
explicatur.*

Sed contra resolutionem traditam Obijcies primò. Arist. in 2. libro de Anima, post sensus externos quos singillatim considerat, agit de interno sensu communi, & post sensum comunem distinctè de imaginatione pertractat: & expressè tex. 156. præmittit ac probat, imaginationem non esse sensum: ad minus ergo distinguit has duas potentias. Rursus lib. de Memor. & reminisc. cap. 1. a. signat memoriã de qua ait: *Est igitur memoria neque sensus, neque existimatio*: distinguit ergo hanc tertiam potentiam ab illis duabus. Et præterea lib. de Intomnijs c. 1. expressè ait: *Esse autem sensitiuo & imaginatione aliud*: & repetit definitionem imaginationis, quòd sit motus tactus à sensu. Supponere ergo videtur, aliam esse potentiam imaginatiuam à sensitiua communi.

Respondetur, Arist. distinctè tractasse de imaginatione post sensum comunem, non tanquam de distincta potentia, sed tanquam de alia functione eiusdem potentie. Considerauit enim antea sensum comunem, prout percipit obiecta præsentia: postea considerare prosequitur, quatenus deinceps quoque percipit obiecta non præsentia. Idem

indicauit illa definitione imaginationis quam ibi tradidit, esse motum seu actum factum à sensu: planè enim distinxit tanquam alium actum, non tanquam aliam potentiam: & sic obseruauit Themistius. Idem verò dixit, imaginationem non esse sensum, vel solùm intellexit quoad operationes dictas, vel potius non esse sensum externum, ut patet ibi in textu. Deinde eo loco de Memor. & reminisc. satis expressè docuit, memoriã non esse distinctam potentiam: subdit enim: *Sed est horum alicuius aut habitus, aut passio, cum factum fuerit tempus*: idest memoria, non est sensus communis seu imaginatio, quatenus primò operans: sed est actus quidam aut habitus huius potentie, quatenus hæc post aliquod tempus recogitabit rem quatenus præteritam & præcognitam. Item in alio loco de Insomn. expressè ait: *Est idem sensitiuo imaginatiuum*. Itaque planè docere voluit, esse eandem potentiam: operationes verò & functiones esse discretas: siue ipsam potentiam esse valentem ad plures functiones.

Obijcies secundò fundamentum multorum, quo præsertim vitur Tolerus. Inueniuntur sinus illi & veluti cellulae in cerebro. Nec apparet ad quid debuerint à natura distingui, nisi tanquam plura organa sensuum internorum, sicut plura sunt sensuum externorum. Igitur verè discreti sunt plures sensus interni.

*Nō sunt
distincti
plures
sinus in
cerebro
ob distinctos
sensus.*

Respondetur. Neque satis constantem esse discretionem illam finium: alij enim distinguunt, alij confundunt. Neque institutam esse pro distinctione sensuum, imò nec pro sede sensuum: quia non illi sinus, sed substantia cerebri est organum sensituum internum, ut statuimus sect. prima. Longè alius est ergo usus illorū sinuū, præsertim ad elaborandos spiritus animales: ad quod opificium

ficiū iuuare putandum est dispositionem & ordinem totius illius cavitatis in cerebro. Sicut etiam in cordis medio inueniuntur duo sinus ad fabricandos spiritus vitales: virtus autem vitalis residet sine dubio in substantia cordis.

Non requiritur diuersū temperamētū ob distīctos sensus.

Obiicies tertio fundamentū multorum, sumptum ex D. Thoma 1. par. q. 78. art. 4. ad distinguendam memoriā retinentem species, à sensu recipiente. Diuersum temperamentum confert ad retinendum ac ad recipiendum species: sed non potest hæc diuersitas in eadem parte subiecti coniungi: ergo distinguendæ erunt potentia in distinctis partibus organi sensitiui. Probatur maior: quia ad recipiendam figuram & imaginem confert humiditas & mollities, ad retinendam verò siccitas & durities. Quod patet exemplis. In aqua illicò imprimitur figura sigilli, sed àlito sigillo non permanet in marmore difficili limē figura inculpitur, sed inculpta firmissimē perseverat. In cera molliori facilē imprimitur, & facilē deletur figura sigilli: in cera duriori difficilē imprimitur, & difficilē deletur. Atque huic impressioni comparat impressionem specierū Arist. de Memor. & reminisc. cap. 2.

Respondetur primò, non satis probari maiorem. Materialis enim figura & imago, quæ imprimitur in corpore per certam dispositionem & dimotionem partium, dependet maximē ex ijs subiecti conditionibus: vnde non idem sequitur de impressione speciei intentionalis, quæ secundum se totam indiuisibiliter in representando imprimitur: idquē patet in ipsis speciebus & sensibus externis. Secundò vterius, in impressione speciei intentionalis, non potest utique verificari, speciem in vna parte recipi, & in alia retineri: quia omnino in qua parte retinetur debet esse aliquando recepta. Sed

ad summum potest verificari de faciliiori vel difficiliori receptione ac retentione in partibus cerebri, vt dicebamus: quod non solum non arguit distinctionem, sed potius supponit vnitatem potentia in toto cerebro. Tertio demum, repetitur præcipuē huiusmodi temperamenti varietas in diuersis indiuiduis: vnde alij sunt magis idonei ad primò percipiendas res per receptionem specierum, alij magis ad rememorandas res per retentionem. Et hoc adnotauit Arist. de Memor. & reminisc. cap. 2. vbi ait: *Multum veloces, & multum tardi, neutri sunt memores: illi enim humidiores sunt quam opportunum sit, hi verò duriores: in illis igitur non manet phantasma, hos verò non tanget.* Et Plato in Thæteteto ex persona Socratis: *Cum in alicuius animo effigies profunda & multa inculpta est, diuturna sit; hominesquē sic instituti, dociles sunt, & acuti, & memores, nec simulacra sensuum commutantur: Quando autem densum est alicuius cor vel stultum, vel molle nimis, vel durum, non recte se habet. Nam mollis nimium cera, celeres quidem ad percipiendum efficit, sed obliuiosos, dura verò è contra, diu memores, sed ineptos tardosquē ad percipiendum. Qui durum habent, obscura simulacra continent, profunditas quippe non adest. Obscura præterea qui molliorem, nam ex confusione facile euanescent.*

Obiicies quartò. Potest reperiri vnus sensus internus sine alio: quædam enim animalia carent memoria ex Arist. 1. Metaph. cap. 1. quædam rationis carent etiam imaginatione ex eodē Arist. 2. de Anima tex. 156. Ergo omnino distinctæ sunt plures potentia sensitivæ internæ.

Respondetur. Admisso assumpto solum sequi, differentes esse potentias sensitivas in ijs animalibus in-

qui-

Non debet esse eiusdem sensus in varijs animalibus.

quibus talis differentia inuenitur: ita scilicet, ut si sensus internus quorundam animalium sit ita imperfectus, quod non valeat omnes eas functiones exercere quas exercet sensus aliorum animalium perfectiorum: non habeat vim retinendi species & rememorandi res præteritas, non habeat vim percipiendi obiecta nisi præsentia. Adhuc autem in vnoquoque animali vnica debet dici potentia exercens omnes sensitivas functiones in cognoscendo, quæ in eo inueniuntur. Attamen, in quolibet potius animali inueniri omnes sensus internos, siue omnem illam varietatem functionem, etiam si non in omni inueniantur omnes sensus externi, ostendimus q. 51. sect. 4., vbi & ea loca Aristotelis explicauimus.

Non se- paratur sensus interni in eodẽ animali Obijcies demum quintò. In vno eodemque animali contingit morbo aut percussione lædi vnum sensum internum illaeso alio: ut attestatur Galenus lib. de Sympt. differ. cap. 3., vbi refert, quendam Theophilum medicum ægrotantem, ac phrenesi laborantem, putasse se inueneri in angulo domus tibicines perstreperes, iussisseque eos ei rei; alii verò ægrotum arripuisse vasa & e fenestra eiecisse: in primo illo læsa erat imaginatio, sed non æstimatiua qua rectè iudicabat tibicines esse molestos: in secundo integra erat imaginatio, læsa verò æstimatiua qua non discernebat vtilitatem & vilitatem vasorum. Item interdum evenit, ut quispiam percussio capite, amiserit rerum memoriam, non tamen alios sensus internos. Sequitur ergo, sensus internos non solum esse inter se distinctos, sed partibus quoque subiecti distinctos.

Respondetur. Facile fieri posse ut eadem potentia in eadem parte subiecti lædatur quoad vnã, & nõ quoad aliam functionem: vnde nul-

latus oportebit, distinguere ac separare potentias. Et præsertim cõpertum est, solere contingere, ut per insaniam, delirium, & phrenesim, in vna vel alia re internus sensus aberraret, pro varietate specierum quæ perturbantur, aut prauæ dispositionis vitiantis organum sensitivum: & passim quoque transiliat sensus & cogitatio de vna in aliam rem, deuiando & aberrando. Atque hoc pacto contingit quoque, ut vnus aberraret circa existentiam alicuius rei, alius circa convenientiam: & pariter vnus & idem homo mox transiliat de errore circa existentiam in errorem circa convenientiam, & e contra. Et hoc totum passim in amentibus, & phreneticis, ac deliris, potest ab omnibus obseruari. Imò hoc ipsum cuilibet dormienti contingit, penes varia & vana somnia, quæ ab interno sensu formantur. Patet ergo manifestè, non debere nec posse distingui tot potentias, in diuersis partibus organi residentes: atque adeo non esse distinguendam æstimatiuam ab imaginatiua. Non enim læditur vna potentia illaesa alia: sed vna simplex potentia in vna vel alia operatione, circa vnum vel aliud obiectum, penes vnã vel aliam speciem aut prauam dispositionem, perturbatur. Contingit denique quempiam percussio capite amittere rerum præteritarum memoriam amittendo species quas habebat: sed non propterea is amittet potentiam retinendi alias species quas acquireret, & rememorandi alias res quas addidisset. Poteritq. etiam hæc operatio magis debilitari quàm alia, si alteretur temperamentum magis aptum ad retinendum, aut si lædatur illa pars cerebri quæ erat magis apta ad retinendum.

SECTIO QUARTA.

De Actibus sensitivis
internis.

Non solum supponenda hic est communis ratio horum actuum cum actibus externis, quam determinavimus q. 51. sect. 2. Sed hactenus in hac quaestione satis enarrauimus omnem varietatem actuum, pro varietate rerum & obiectorum in interno sensu inuentam. Aliqua nunc inquit superest circa modum, quo sensus internus suos actus in cognoscendo exerceat, & attingat obiectum. Vbi rursus supponi debet ratio illorum trium actuum, qui in intellectu designantur, nempe apprehensio, iudicium, & discursus, de quibus in Logica copiose tractauimus. Et sub hoc ordine actuum examinandum est, an sensus internus, apprehendat, iudicet, ac discurrat.

Nonnulli meram solum apprehensionem interno sensui attribunt, ad instar simplicis apprehensionis primaeque operationis in nostro intellectu, absque vlla determinatione iudicij. Ex aduerso alij sunt, qui non solum simplex iudicium, sed etiam discursum quo per plures iudicij actus inferitur vnum ex alio, consequens ex antecedenti, interno sensui tribunt. Et ij quidem quos commemorauimus q. 51. sect. 1. vniuersaliter asserunt, animalia, etiam scilicet ipsa bruta, suo interno sensu discurrere, nec esse prorsus expertia rationis, sed ratione aliqua uti: vnde animam sensitivam brutorum, faciebant vel simpliciter vel aliqua ex parte rationalem. Sed ijs relictis, plerique ex probatis Philosophis ac Peripateticis sunt, qui asserunt, interiorum hominis sensum, specialiter estimatiuum, ex contortio & pro-

pinquitate intellectus ac rationis, participare quodammodo eius cognoscendi modum, & exercere iudicium ac formare propositiones componendo & diuidendo, discurrere item & interre vnam propositionem ex alia. Ita Auicenna lib. 6. Natural. par. 4. cap. 2. Auerro. 2. de Anim. com. 62. Ferr. 3. de Anim. q. 9. Conimb. cap. 3. q. 2. Praecipue D. Th. 1. par. q. 78. art. 4. ad 5. & 2. 2. q. 47. art. 3 & alibi, & Caiet. alijque Thomistae, & alij plures Theologi. Imò praeterea Arist. lib. de Memor. & reminisc. cap. 2., & 1. Metaph. cap. 1., & 2. Poster. cap. ultimo, huiusmodi memor. & attribuit ratiocinationem quandam per syllogismum & discursum, quam denegat brutis, eamque vocat reminisceniam.

Dico primò. Actus sensationis et cognitionis internae constituitur, non se habet solum per modum apprehensionis, sed se habet et per modum determinati iudicij, vnde tamen imperfectiori modo quam in intellectu, & absque distinctione primae & secundae operationis, absque compositione & diuisione, sicut in intellectu. Haec assertio videtur communis. Explicatur & probatur per singulas partes.

Primò. Aristoteles aperte docuit, sensum iudicare, vtiue determinate cognoscendo rem sensibilem esse. Sic 2. Poster. tex. 103. *Omnia, inquit, animalia habent congenitam potentiam iudicatiuam, quam vocat sensum.* Item 2. Topicor. loco 10. *Sensire quidem iudicare est:* & inde docet, in cognitione sensitiua reperiri rectitudinem & peccatum, id est veritatem & falsitatem. Quod rursus docuit in libris de Anima, determinans, qualiter sensus decipiat, aut verum attingat. Haec autem deceptio ac falsitas, & veritas iam opposita, non inuenitur nisi in cognitione determinata iudicatiua. Simi-

*Actus
sensiti-
uus est
iudica-
tiua co-
gnitio.*

liter D. August. lib. de Vera relig. cap. 32. & 33. supponit dari iudiciū sensitivum. Et sic frequenter alij loqui solent. Addi potest quod dicitur Iob. 12. *Nonne auris verba dijudicat, & fauces comedentis saporem?* Et idem repetitur cap. 34.

*Deter-
minatē
attingēs
rem esse.*

Secundò. Sensus utique determinatē cognoscit, obiectum esse, esse lucem & colorem qui conspiciuntur, esse sonū qui auditur, & sic de quolibet sensibili: nec se habet ita simpliciter & indeterminatē, sicut intellectus, quando apprehendit colorem, non iudicando determinatē colorem esse: imò ex determinata cognitione sensus, ipse quoque intellectus addiscit determinatē rem esse. Insuper ex cognitione & representatione sensus interni movetur appetitus: sed appetitus non movetur nisi ex determinato iudicio quòd res sit talis: non movetur ad appetendum aliquid, nisi ex determinata representatione quòd sit v.g. cibus, siue quòd sit commodum seu iucundum: non movetur ad fugiendum quicquam, nisi ex determinata cognitione quòd sit molestum seu iniucundum. Igitur cognitio sensitiva verè se habet per modum determinati iudicij.

*Deficit
tamen
ab in-
tellectua-
li indi-
cio.*

Tertiò. Non potest utique sensus assequi perfectionem intellectus in iudicando. Non solū quia intellectus circa multò plura ac nobiliora versatur, quæ sensus nullo pacto potest attingere: sed etiam circa ea quæ cadunt sub iudiciū sensus, longè imperfectiori modo sensus iudicat, materiali nempe modo, & absque formali collocatione prædicati cum subiecto, ut satis de se constat, & vberius explicat Guevara lib. 1. de Inter. sensu cap. 11. Vnde etiam, repetitur quidem iudicio sensitivo veritas ac falsitas determinata, quæ sibi et consistit in representatione determinata rei prout est, vel

aliter ac est. Sed hæc ipsa veritas & falsitas in sensu, deficit à veritate & falsitate in intellectu, ut in Logicis explicavimus.

Quartò. Non distinguitur in sensu, duplex actus, unus præius per modum apprehensionis, & alius consequens per modum determinati iudicij, sicut in intellectu prima & secunda operatio distinguuntur. Nā per apprehensionē cōcipitur quid res sit, per iudiciū determinatur an sit: per apprehensionē cōcipitur absolute significatum propositionis, per iudiciū adhibetur assensus propositioni. Hæc autem distinctio non repetitur in sensu: quia sensus non habet tam explicitam & exactam rerum notitiam, sed simplici quodam & materiali modo fertur in obiectū. Itaque, hoc totum provenit ex imperfectione ipsius sensus infra intellectum. Quod addo: quia alioqui intellectus angelicus cognoscit omne obiectum absque indigentia illorum actuum distinctorum, sed vno simplici actu: tamen exactè attingens & comprehendens, quicquid intellectus noster distinctis illis actibus assequitur. Vnde intellectus angelicus, ob sui maiorem perfectionem, sensus verò ob sui imperfectionem, non cognoscit per distinctionem apprehensionis & iudicij, sicut intellectus humanus. Vocari autem solet apprehensio sensus, vel ob imperfectionem dictam iudicij, vel potius quia nomen apprehensionis solet generaliter accipi pro omni cognitione: vnde nominatur pars animæ apprehensiva, & secernitur à parte appetitiva, intelligendo absolute potentiam cognoscitivam.

Quintò. Hinc sequitur, iudiciū sensus perfici absque compositione & divisione, quæ in intellectuali nostro iudicio reperitur. Hæc enim compositio & divisio, potissimum consistit in distinctione plurium actuum, nam.

*Non di-
stingui-
tur in
sensu ab
appre-
hensione.*

*Nō per-
ficiatur
per com-
positio-
nem &
divisio-
nem.*

actum, ac præsertim iudicij & apprehensionis, vt tractauimus q. 24. Logicæ lect. 2. in sensu ergo nullatenus huiusmodi compositio & diuisione inuenitur. Idquæ ex eius imperfectione prouenit, ad differentiam intellectus angelici, qui ob superiorem suam perfectionem exactissime iudicat absquæ tali compositione & diuisione. Et iuxta hoc accipi poterit, quod Arist. 3. de Anima tex. 22., specialiter intellectui attribuit, componere plura. Rursus, iudicium sensitiuum, non videtur se habere, aliud per modum affirmationis, & aliud per modum negationis: sed potius omne per modum affirmationis. Sensus enim cognoscit rem taliter se habere. Et vel nullum prorsus actum elicit circa negationem. Vel si actu quopiam aliquam negationem attingit, vt lect. 2. notauimus, videtur adhuc attingere per modum affirmationis: sicut nempe intellectus quoque solet tali modo cognoscere, dum affirmat prædicatum negatiuum de subiecto, negatione nempe se tenente ex parte prædicati, non ex parte copulæ: sic inquam internus sensus videtur iudicare, aërem esse tenebrosum, canis percipit abesse baculum quem antea viderat ac timuerat, & ideo tunc accedit, & sic in alijs casibus.

Denique considerari potest in sensu quoddam iudicium veluti speculatiuum, quoddam veluti practicum: speculatiuum nempe quod non proponit opus faciendum seu amplectendum appetitui, practicum verò quod proponit opus. Videlicet, illud iudicium quo attingitur conuenientia aut inconuenientia, commoditas vel molestia obiecti, atque ita proponitur obiectum tanquam amplectendum vel fugiendum, dicitur veluti practicum: de reliquo autem veluti speculatiuum.

Dico secundò. Non inuenitur in

sensu, nec bruti, nec etiam hominis, actus discursiuus, quo proprie inferatur vnum ex alio, sicut nos intellectu discurremus. Hæc assertio, quod attinet ad omnia bruta, est communis & certa. Et patet iam ex dictis q. 51. lect. 1. vbi ostendimus, animam brutorum non esse rationalem, non esse discursiuam, sed discursum esse proprium animæ intellectiue quæ est forma hominis, & ab anima rationali contradistingui animam purè sensitiuam, quæ brutis conuenit, & non est particeps rationis siue discursus. Et alioqui si bruta discurrerent, consequenter consultarent, ac deliberarent, & participarent libertatem in operando, deberentquæ attingere propositiones vniuersales ex quibus deberet inferri conclusio: quæ omnia longè absunt à brutis.

Ad saluandum verò, quo pacto bruta exerceant miras quasdam operationes absque discursu, communiter dici solet, bruta moueri ex instinctu naturæ, quò etiam instinctu constat, causas merè naturales perficere insignes quasdam operationes. Verum, non potest intelligi, bruta operari ex mero instinctu naturæ, quali absque cognitione, sicut lapis descendit, non quia cognoscat, sed quia naturaliter appetit centrum. Intelligendum ergo est, bruta moueri & operari ex cognitione, directa tamen quodam instinctu & inclinatione naturæ absque discursu. Quod hoc modo explicandum est. Ovis, viso lupo, cognoscit esse inimicum, & esse fugiendum: ex hac cognitione per appetitum sensitiuum determinat fugere, & per potentiam motiuam fugam exequitur. Non autem cognoscit ovis tanquam vnā præmissam, lupo esse inimicum, & aliā præmissam, inimicum esse fugiendum, & ex his inferat conclusionem, lupum esse fugiendum: hoc enim pacto discursus

Cognitio sensitiua non est discursiua.

scurreret. Sed potius materiali modo, quis statim visum lupum ex vi naturalis suæ inclinationis & cuiusdam antipathia cognoscit esse inimicum, & pariter immediatè ex vi naturalis inclinationis ad suam conseruationem cognoscit conueniens esse fugere à lupo: itaque non cognoscit inferendo vnum ex alio, consequens ex antecedenti, ac discernendo vim antecedentis ad inferendum consequens, & sequelam huius ex antecedenti: sed solùm materialiter ex vi naturalis instinctus cognoscit quod ei proficit, absque discursu.

Nec est in sensu humano Deinde, si potentia sensitiva de se non est particeps discursus, nec etiam in homine habebit per se vim discurrendi. Neque rursus potest per intellectus consortium eleuari ad id quod absolutè est supra eius facultatem. Nullaque ratio cogere potest, vt ipsi sensui in homine tribuatur discursus ultra intellectum: sed totus discursus perficietur optimè in intellectu. Nec enim intellectus discurret tantùm circa vniuersalia, relinquens sensui discursum circa singularia. Quinimò intellectus ipse per se attingit tam singularia, quàm vniuersalia. Et vtique intellectus angelicus, & intellectus animæ separatae, hæc omnia complectitur: igitur & intellectus animæ coniunctæ. Imò plerumque discursus fit ex vniuersalibus ad singularia: vnde omnino perfici debet in vna eademque potentia, pariter omnia complectente. Discursui autem intellectui coniungitur proportionata cognitio sensus interni, & præsertim cognitio sensus solet trahere intellectum ad discursum. Quod solùm voluisse videntur aliqui ex ijs

qui humano sensui tribuebant discursum per consortium intellectus. Sicut iidem Auctores docent, appetitum sensitium in homine participare aliquam libertatem ex consortio voluntatis. Sed tamen putandum non est, in ipso appetitu formaliter exerceri vsum libertatis, sed solùm appetitum comitari voluntatem liberè operantem.

Demum, neque memoria sensitiva per se discurret in homine, sed solùm intellectus cui conuenit memoria intellectiua, ipse tamen intellectus secum trahit memoriam sensitiuam ad recogitandas & rememorandas res præteritas. Itaque intellectus ipse inquit & inuestigat res, & in hac inquisitione ratiocinatur atque discurret, & sic deducit pariter memoriam sensitiuam in recordationem rerum. Vnde reminiscencia non est actus puræ memoriæ sensitivæ in homine: sed vel est simpliciter actus memoriæ intellectivæ, vel est actus memoriæ sensitivæ quatenus ex inquisitione & ratiocinatione intellectus deductæ ad actualem rerum recordationem. Et hoc pacto debet intelligi Aristoteles, dum reminiscencia, idest inquisitionem & ratiocinationem, humanæ memoriæ tribuebat. Eo autem lib. de Memor. & reminisc. cap. 4. determinat, reminiscencia esse passionem corpoream: & probat ex defatigatione & perturbatione, quam patitur quis, dum conatur reminisci. Hoc ipsum inquam intelligitur, quia intellectus mouet & veluti exagitat partem corpoream sensitiuam. Sic planè Arist. ibi ait: *Reminiscens & inuestigans, corporeum aliquid mouet, in quo passio est.*

Nec in memoria sensitiva.

QVAESTIO QVINQVAGESIMASEXTA.

De Appetitu Sensituo,

Potentia Motiua, & alijs Affectionibus

Animalium.

Sensum internum sequitur appetitus, appetitum potentia motiua, ad potentias denique sensitivas consequuntur quædam animalium affectiones, de quibus magna ex parte agit Arist. inter ea Opuscula quæ parua naturalia nuncupantur, & quasdam alias nos addemus. Hæc autem omnia breuiter modò expedienda sunt: ideoquè simul hac vna quæstione coniungimus.

SECTIO PRIMA.

De Appetitu Sensituo.

Circa hunc appetitum eadem quæ circa sensum internum querenda sunt.

Appetitus sensitivus non residet in cerebro, sed in corde. Primò, quod sit eius organum & subiectum. Hurtad. disp. 17. de Anima sect. 12. contēdit, esse cerebrum, sicut hoc est subiectum sensus interni. Atquè, hanc esse sententiam, eorum qui fecerūt idem principium cognitionis & affectus. Verūm, hi non sunt alij quàm illi qui absque potentiarum distinctione fecerunt essentiam animæ immediatum principium operandi. Sed tamen adhuc dicebant, eandem animam in diuersis partibus & organis corporis varias functiones exercere, ut patet in sensibus externis. Itaque nescio, an ullus alius posuerit hunc appetitum in cerebro: sed ille Auctor videtur singularis in ea sententia.

Certum autem & exploratum est, appetitum in animalibus perfectis, corde prædix, residere in corde.

(alioqui in animalibus imperfectis corde carentibus, inuenitur aliquid proportionale cordi, quod sit sedes appetitus). Ita habetur ex Arist. 3. de Partib. animal. cap. 4., & alij communiter pro comperto supponunt. Patetquè ipso sensu & experientia. Nam affectus sensitivos, & præsertim quando vehementes sunt, planè percipimus ac deprehendimus in nostro corde: sicut ex alia parte, nimis cogitationibus inuenimus affici & fatigari caput: unde meritò sensum collocauimus in cerebro, & appetitum collocamus in corde. Imò per diuersos affectus, sensibilibiter apparet diuersis modis affici ipsum cor. Per affectum lætitiæ dilatatur cor & quæ sunt circa cor: per affectum tristiæ constringitur & comprimitur: per iram effervesceat: per metum velociter palpitat: & sic de singulis varijs affectibus. Manifestum ergo est, appetitum sensitivum residere in corde. Et iuxta hoc intelligi poterit doctrina Platonis, qui in Timeo, & lib. 2. de Repub., veluti plures animas distinxisse videtur, cognoscitivam in capite, appetitivam in

in corde, nutritivam in hepate. Quâ distributionem imitatus quoque est Galenus lib. 7. de Decret. Hippocr. & Platonis, & in lib. *Quod animi mores corporis temperaturam sequantur*. At rectè Arist. lib. 1. de Anima in fine, animarum quidem distinctionem refellit: cumq; imitatus est S. Thomas 1. par. q. 76. art. 3. Sed tamen hoc totum reduci potest ad distinctionem potentiarum eiusdem animæ, & sic verificatur optimè. Iuxta hoc demum, in communi modo loquendi, ac in sacris ipsis literis, cordi solent attribui affectus animæ.

Bene se habent sensus in cerebro & appetitus in corde. Præcipua autem in hac re difficultas est, qui fieri possit, ut sensus internus resideat in cerebro, appetitus verò in corde, cum ipse sensus sua representatione debeat mouere appetitum. Ad hoc volunt aliqui, ex cerebro immitti ad cor spiritus animales deferentes speciem & cognitionem obiecti representati, & sic moueri appetitum. Sed cerè actus cognitionis non recipitur in spiritibus, quos supponimus non esse animatos. Species autem impressa, esto inueniatur in spiritibus, tamen non sufficit mouere appetitum. Quidam alij volunt, ex cognitione elicita à sensu in cerebro protendi qualitatem quandam usque ad cor, quæ proximè moueatur appetitus. Sed planè de se apparet fictitia talis qualitas, nulli rationi vel necessitati innixa. Dicunt rursus alij, actum sensationis in cerebro, posse immediate efficere actum appetitionis in corde, operando per se in diutans absque medio. Sed tamen, non per se & directè actus cogitationis efficit actum appetitionis, ut circa intellectum & voluntatem ostendimus. Dicendum ergo facile est, ex cognitione sensitiva in cerebro consequi actum appetitionis in corde per naturalem subordinationem & sympathiam,

potentiarum, & ob coniunctionem in eadem anima: ipsa enim anima quæ per vnâ potentiam apprehendit obiectum, per aliam appetit: ad quod nihil refert, si in eodem vel in duplici organo corporis hæc duplex facultas resideat. Plura adhuc circa subiectum appetitus dicemus infra pro vnitatem appetitus.

Secundò. Quod sit obiectum huius appetitus, facile assignatur, id quod per sensum supponitur esse cognitum tanquam bonum & conueniens quoad affectum prosecutionis, tanquam malum & disconueniens quoad affectum auersionis & fugæ. Bonum inquam sensibile, materiale, & singulare, vel delectabile, vel vtile. Dico sensibile materiale & singulare: quia ytique appetitus sensitivus non potest ultra se extendere. Dico delectabile vel vtile: quia triplex illud genus boni distinguitur, quorum primum est honestum: appetitus autem sensitivus nō potest attingere bonum honestum, sed solus appetitus rationalis potest in illud ferri, prosequendo & amplectendo id quod est rectæ rationi conforme. Appetitus ergo sensitivus versatur circa bonum delectabile, quod dicitur quoque iucundum & commodum. Atque consequenter versatur circa bonum vtile quod ad huiusmodi commodum confert: sicut notauit S. Thomas 1. par. q. 78. art. 4. *Anis colligit paleam, non quia delectet sensum, sed quia est utilis ad masticandum*. Quod verò dicitur de bono quoad prosecutionem, pariter intelligitur de malo quoad fugam: quia enim fuga mali provenit ex prosecutione boni, ideo absolute & simpliciter nominatur & consideratur bonum.

Tertiò. Circa potentiam appetitivam, ac præcipue an sit vna vel multiplex. Hurtad. disp. 17. de Anim. sect. 10. ait, supposita distinctione plur-

Appetitus sensitivus

versatur circa bonum sensibile

Non est multiplex appetitus

*iuxta
numerū
sensuum.* plurium sensuum internorum, debere quoque distingui plures potentias appetitivas, singulis sensibus correspondētes: & sic ex D. Thom. 1. par. q. 80. art. 2. distingui quatuor appetitus, primum pro sensu communi, secundum pro imaginatiua, tertium pro aestimatiua, quartum pro memoratiua. Addit insuper ipse Hurtad. sect. 11. debere amplius distingui alios quinque appetitus particulares, pro singulis sensibus externis, relidentes in iisdem organis sensuum externorum.

Sed vana prorsus & fictitia est hæc tota distinctio, ab hoc Auctore inutiliter ac temerè cogitata. D. Thomas in eo art. distinguit solum appetitum rationalem & sensitivum: nec vnquam tot appetitus sicut sensus distinxit: ad summum distinguit appetitum concupiscibilem & irascibilem, vt mox afferemus. Itaque, si pro singulis sensibus distinguerentur sui appetitus, deberet vterius reduplicari hic numerus, quia rursus in singulis distingui deberet concupiscibilis & irascibilis. Ex ipsa autem natura rei satis apparet, non debere distingui alium appetitum circa res præsentēs pro sensu communi, & alium circa absentes pro imaginatiua, & sic de alijs. Imò absolute non mouetur appetitus, nisi ex representatione obiecti conuenientis aut inconuenientis, quod propriè spectat ad aestimatiuam. Neque verò ex distinctione sensuum debet trahi distinctio appetituum: sed potius è conuerso, ex vnitāte appetitus quæ supponitur etiam apud eos qui distinguunt sensus internos, præstabit sumere argumentum contra distinctionem illam sensuum. Rursus, multo minus possunt addi & distingui alij appetitus pro singulis sensibus externis: quod est contra omnem experientiam & rationem. Satisquè constat, non esse alium ap-

petitum animale qui actu elicitō teratur in obiectum, nisi qui mouetur ex cognitione sensitiua interna. Alia tamen satis frequens & consuetudine distinctio appetitus est, in duas illas partes, concupiscibilem, & irascibilem, vt præmittimus q. 51. sect. 3., in quarum prima dicitur ferri in bonū absolute sumptum, secunda in bonū arduum. Atque ita diuidunt appetitum tam Theologi quam Philosophi, D. Aug. lib. de Spiritu & anima, Hieron. super cap. 13. Matt. Damasc. lib. 2. Fidei. cap. 12. D. Thomas 1. par. q. 81. art. 2. Nyssien. lib. 4. Philosoph. cap. 8. Item Pythagoras & Plato apud Plutarch. lib. 4. de Placitis cap. 4. Galenus lib. 6. de Vsu partium cap. 18. alijque communiter. Ac præsertim Arist. ipse 3. de Anima tex. 46. supponit hanc distinctionem. Imò Plato, has duas appetitivas potentias, etiam subiecto separasse videtur, collocans concupiscibilem in hepate, & irascibilem in corde: & Arist. quoque ibi ait, circa obiectum sensibile moueri cor, sed circa delectabile aliquam aliam partem quam non determinat. Porro Thomistæ defendunt, has duas potentias realiter esse distinctas, nequæ Tolet. 3. de Anima q. 26. conclus. 3. alijquæ frequenter. Fundamentum est ex D. Thoma ibi q. 81. art. 3. quia hæ partes videntur oppositi, & inclinare ad obiecta velut oppositas, ac exercere actus velut oppositos: vnde affectus vnius partis minuit affectus alterius. Concupiscibilis enim fertur in id quod delectat, irascibilis in id quod est arduum atque adeo molestum: ira amorem minuit, & amor iram.

Verum, non apparet necessarium aut conueniens, distinguere eas duas potentias: sed potius sufficit vna potentia, valens attingere tum obiectum absolute spectatum sub ratione boni, tum etiam bonum arduum ac

*Distri-
buitur
appeti-
tus in
concupi-
scibilem
& iras-
cibilem.*

*Non tamen hæ sunt potentie realiter distin-
ctæ.*

difficile. Sumitur planè ex Arist. 3. de Anima tex. 52. ubi distinguens partes idest potentias animæ, subdit: *Hæc enim plus differunt ab invicem quam concupiscitivum & irascitivum; quia utique aliæ potentia verè & realiter distinguuntur, sed non concupiscitivum & irascitivum in appetitu. Et ita quamplures alij sentiunt.*

Ratione probatur: quia optimè potest ac debet esse una & eadem potentia, quæ tendat in obiectum bonum, non solum dum absolute spectatur, sed etiam dum repræsentatur cum labore & difficultate; siue quæ resistat contrariis impediens tale bonum. Sic idem ipse appetitus innatus ac naturalis est, qui tendit in id quod est conveniens naturæ, et inclinat ad superandas difficultates, atque ad resistendum contrariis; ut tateatur ipse S. Thom. ergo sic etiam unus et idem est appetitus vitalis qui per actum elicitum tendit in obiectum. Item unus est appetitus rationalis, idest una voluntas, tendens tam in bonum arduum, quam in bonum simpliciter: & simul denominatur in tuo genere concupiscibilis atque irascibilis, ut habetur ex eodem D. Thom. 1. par. q. 82. art. 5. ergo idem pariter censendum est de appetitu sensitivo. Nec iuvat dissimilitudo quam affert D. Tho. dicens, appetitum rationalem ferri in bonum sub communi ratione boni, & ideo esse unum, sed appetitum sensitivum non ferri in rationem communem boni, quia sensus non apprehendit univertale, & ideo secundum diversas rationes particularium bonorum diversificari partes huius appetitus: sicut propterea in intellectu non distinguuntur plures potentia, sed benè distinguuntur in sensu. Non inquam iuvat. Tum quia sine dubio debet adhuc assignari bonum sensibile in communi, quod sit adæquatum obiectum appetitus

sensitivi. Licet enim sensus non exerceat actum suum nisi circa aliquod singulare, tamen illi adæquate assignatur totum obiectum secundum commune genus: & hoc est manifestum in externis quoque sensibus. Tum præterea, si appetitus sensitivus deberet multiplicari iuxta diversitatem particularium bonorum, multo plures imò innumeri appetitus distinguere deberent: præstat igitur retinere unum simplicem appetitum. Tum demum, appetitus sensitivus non debet comparari cum sensibus externis, sed cum sensu interno, quæ nos supponimus esse unum, sicut unus est intellectus. Quod si multiplex fiat sensus internus, non utique distinguerebatur circa obiectum simpliciter & obiectum arduum. Et ex alia parte non distinguuntur plures appetitus eo pacto quo distinguebantur plures sensus. Igitur nullo pacto debet scindi appetitus in plures potentias.

Ad auctoritates verò in initio præmissas dicendum est, distinctas olim fuisse illas partes, non tanquam plures potentias, sed tanquam functiones eiusdem potentia. Specialiter ad Arist. D. Thomas ipse super eum locum asserit illum non ex propria mente discernere voluisse appetitum in diversis partibus corporis: sed sic loquutum fuisse sub conditione & distinctione, si appetitus constitueretur in corde vel in quavis alia parte: nimirum propter Platonem, quæ videbatur concupiscibilem in hepate collocasse. Sed rursus ipse S. Thom. 1. par. q. 76. art. 3. refert, Platonem quoque concupiscibilem in corde. Et, si quando aliter Plato loquutus est, fortasse solum voluit concupiscibilem quodammodo radicaliter referre ad hepar pro virtute nutritiva quatenus notabilis quædam pars boni sensibilis ac delectabilis consistit in ijs quæ nutritioni inserviunt.

*Explicatur
auctoritates.*

*Bene po-
test una
potentia
exerce-
re utras-
que fun-
ctiones.*

Ad fundamentum denique eiusdem sententiæ dicendum est, bene posse unam potentiam attingere obiecta contraria, exercere actus contrarios, & complecti affectus repugnantes, quorum vnus imminuat alium. Sic patet non solum in voluntate, & intellectu, & sensu interno: sed etiam eidem appetitui concupiscibili tribuuntur, amor & odiū, læticia & tristitia, desiderium & fuga: eidemquē irascibili, spes, desperatio, timor, audacia. Imò hinc potius debet inferri vnitas potentiæ: quia in distinctis potentijs possent simul esse actus repugnantes absque imminutione: dum ergo vnus affectus in eodem homine tollit vel minuit alium oppositum, signum est, omnes esse actus eiusdem potentiæ. Sed præterea, irascibilis & concupiscibilis non attingunt propriè contraria: non enim irascibilis prosequitur obiectum arduum formaliter quatenus arduum & molestum: sed semper prosequitur quatenus cōmodum vel vtile: quando tamen contingit, idem obiectum simul esse arduum & molestum, non sinit se vinci ex tali difficultate & molestia, non retrahitur ob talem molestiam, sed ea non obstante tendit in obiectum: tantum ergo abest quod irascibilis repugnet concupiscibili, vt potius roboret & adiuuet, & vt ait D. Thomas, est eius propugnatrix: optimè ergo potest ac debet esse vna eademquē potentia.

*In appe-
ritu di-
stinguū-
tur plu-
res ope-
rationes
& pas-
siones.*

Quartò tandem. Circa operationes appetitus sensitivi, illi attribuuntur plures affectus, qui nominantur quoque passionēs, vt adnotauit D. Thom. 1. 2. q. 22. art. 2., eo quod coniungantur cum aliqua corporali commotione & transmutatione, sicut inter qualitates vocatur passio & passibilis qualitas, quæ est sensibilis. Aliqua autem huius commotionis exempla, adduximus antea, proban-

do appetitum residere in corde. Possunt verò & solent sumi hæ passionēs, non solum in actu secundo propriis affectibus & actibus elicitis appetitus: sed etiam in actu primo proprio appetitu quatenus apto vel inclinato ad tales affectus. Assignantur quoque similes & proportionati affectus in appetitu rationali, idest voluntate, vbi per ampliationem vocabuli appellantur pariter passionēs: sic notauit S. Thomas 1. par. q. 20. art. 1. ad 1. & 1. 2. q. 22.

Cæterum generaliter duo omnium harum passionum capita delignantur, nempe prolequutio boni & fuga mali: & ambo inueniuntur, tam in parte irascibili, quam in concupiscibili. Adæquatè autem, vndecim in vniuersum passionēs recensentur, sex in concupiscibili, & quinque in irascibili: quas omnes breuiter enumerare sufficiet.

Passiones concupiscibilis sunt, amor circa bonum, & odium circa malum: quæ duæ passionēs abstrahunt à præsentia vel absentia obiecti. Rursus desiderium circa bonum absens, auersio circa malum absens; quæ auersio, appropriato sibi generali nomine, vocari solet fuga. Item delectatio, siue complacentia, gaudium, læticia, circa bonum præsens, siue bonum possessum; dolor, siue displicentia, tristitia, circa malum præsens, siue præteritum. Quis omnes passionēs ita ordinat S. Thomas 1. 2. q. 25. Amor se habet tanquam inclinatio & propensio naturalis, ac proinde constituitur prima omnium passionum: desiderium se habet tanquam motus ac tendentia ad acquirendum terminum: delectatio tanquam quies & possessio termini. Sicquē ex aduerso se habent aliæ tres passionēs oppositæ.

Passiones irascibilis sunt, spes circa bonum arduum absens, quod tamen apprehenditur possibile ad ob-

*Sex pro
concupi-
scibili.*

*Quin-
que pro
irasci-
bili.*

tinendum: desperatio de bono adeo difficili quod apprehenditur impossibile: audacia ad aggredendum aliquid quod arduum & molestum: timor recessus à malo quod potest evenire: ac denique ira exurgens ob malum præsens illatum vel bonum ablatum: cui non est alia passio opposita circa bonum præsens, ut notavit S. Thomas 1. 2. q. 25. art. 3. quia irascibilis non fertur circa bonum præsens, si quidem hoc non amplius habet rationem ardui ac difficultis: sed de bono possessio appetitus concupiscibilis fruitur ac delectatur.

Præter hæc, copiosius adhuc de appetitu sensitivo eiusque affectibus & passionibus, Moralis scientia tractat, ob magnam connexionem ipsius appetitus cum voluntate, & ob utilitatem talis considerationis ad directionem morum. Et prolixè S. Thom. in 1. 2. à q. 12. ad 49. Ideo hæc breuiter attigisse sufficet. Plura in parte morali Theologiæ prosequemur.

SECTIO SECUNDA.

De Potentia Motiva & Motu locali animalium.

Duplex **O**Mnia pariter animalia prædita sunt aliqua potentia motiva et aliquo motu, vel ad simpliciter progrediendum de loco ad locum, vel saltem ad motum aliquem dilatationis & contractionis in eodem suo nativo loco, ut iam in distinctione potentiarum ab initio prenotauimus. Et rursus duplex distinguitur motus in animalibus: vnus qui dicitur naturalis seu purè vitalis, & alius qui dicitur animalis. Primus est qui non exercetur ex directione cognitionis & determinatione appetitus, sed naturaliter consequitur ex virtute vitali, ut motus cordis seu pulmonum,

& pulsus arteriarum. Secundus est qui exercetur ex directione cognitionis & determinatione appetitus: qualis est non solum motus progressiuus, sed etiam motus aliorum membrorum, ut de se notum est.

Aristoteles 3. de Anima à tex. 44. ac deinceps, docet & explicat, motum in animalibus, tum progressiuum & totalem, tum alium imperfectum & partialem, fieri ex cognitione & appetitu: in omnibus quidem animalibus ex cognitione & appetitu sensitivo, in homine verò etiam ex rationali, ex intellectu & voluntate. Hinc aliqui opinati sunt, nullam aliam inesse animalibus distinctam facultatem motiuam præter sensum & appetitum: sed præsertim eundem ipsum appetitum esse qui proximè exerceat & exequatur motum in corpore. Item aliqui volunt, inesse quidem in membris corporis mobilibus, potentiam quandam ad motum, ab appetitu distinctam: tamen hanc esse potentiam passiuam, sub ratione scilicet dispositionis, ad hoc ut membra moueantur: & non esse potentiam actiuam, quæ efficiat motum: sed motum effici proximè ab appetitu. Ita indicauit D. Thomas 1. par. q. 75. art. 3. ad 3. Et 2. cont. Gent. cap. 82. Et sequuntur Ferrar. eodem loco, & Capreolus in 2. dist. 1. q. 2. ad argum. Aureoli, & alij quidam.

Asserendum tamen est, dari peculiarem potentiam motiuam in animali, ab appetitu distinctam, verè actiuam ac proximè effectiuam motus, quæ tamen suum actum exerceat ex directione cognitionis & determinatione appetitus quoad omnem motum dictum animale. Hæc est communior sententia. Indicatur à D. Thoma 1. par. q. 78. art. 1. ad 4. & Opuscul. 43. cap. 5. Est Henrici Quodl. 1. q. 6. Goffredi Quodl. 1. q. 4. Thomist. 3. de Anima circa tex.

*Secundum
negans
potentiam
motiuam
ab appetitu
distinctam.*

*Datur
in animalibus
potentia
motiva
ab appetitu
distincta.*

54. Conimb. cap. 13. q. 5. Suarez lib. suo 3. cap. 10. & aliorum frequenter. Sumitur quoque ex Arist. 2. de Anima tex. 27. & lib. 3. tex. 54. primario enim inter potentias animæ distinguit, sensitivam, appetitivam, & loco motivam. Itaque, quando appetitum fecit principium motus, solum voluisse videtur, appetitum determinare & applicare potentiam ad exercendum motum, ut infra dicemus.

Et primo quidem, satis manifestum est, quoad motum illum qui vocabatur naturalis seu pure vitalis, potentiam motivam esse ab appetitu distinctam. Ille enim motus exercetur independentem ab appetitu, absque eius determinatione, & absque cognitionis directione.

Secundo. Etiam quoad motum animale, potentia motiva dici debet ab appetitu distincta, & verè effectiva ipsius motus. Hæc enim potentia relidet in toto corpore seu in omnibus membris mobilibus: appetitus autem alligatus est in certo corporis organo. Rursus, sicut distinguuntur aliæ potentie quoad alios actus, & specialiter potentia appetitiva à potentia cognoscitiva; omnique potentia est verè effectiva sui actus, cum sit potentia vitalis, atque adeo operans immanenter: ita prorsus distingui debet potentia motiva ab alijs potentijs, & specialiter ab appetitiva; eritque per se effectiva motus tanquam sui proprii actus.

Tertio. Hæc potentia motiva in toto corpore omnibusque membris, determinatè relidet in quibusdam ligamentis partium, quæ ligamenta ex nervis & carne compacta sunt, et proprio nomine appellantur musculi. Sic enarrat Galenus lib. 12. de Usu partium. Et est res nota. Patetque ex Anothomia. Vnde in singulis membris, pro varietate motuum quibus ipsa membra inflecti possunt,

plures musculi distinguuntur, ut ex parte circa organa exteriorum sensuum antea adnotavimus. Præterea, notabili artificio, corporis membra ab ipsa natura formata sunt, ut apta & expedita sint ad motum: quod copiose & satis facillè enarrat Arist. lib. de Incessu animal., & lib. de Animal. motu.

Quarto. Virtutem motivam originalem derivari ex corde, docuit Arist. iuxta eam sententiam qua originem sensuum collocabat in corde. Et præter eos qui consentiebant quoad originem sensuum, adhaeret quoque quoad originem motus Suarez lib. 5. de Anim. cap. 10., licet quoad sensus approbaverat potius eorum originem esse cerebrum. Sed omnino eodem modo in hac recensendum est de origine motus ac sensuum, nempe proximè inveniri in cerebro: & ita communiter Philosophi docent. Patet: quia hic motus administratur per nervos & spiritus animales qui oriuntur ex cerebro. Atque compertum est, læso cerebro, aut ligato vel præve affecto nervo tendente in aliquam corporis partem, consequenter impediri aut vitari motum animale, vel in toto corpore, vel in certa parte. Igitur virtus motiva animalis proximè derivatur ex cerebro. Attamen saltem remotè dependet ex corde, in quo perficiuntur spiritus vitales ex quibus tandem fiunt animales.

Quinto. Potentia hæc motiva suum actum exequitur ex determinatione appetitus. Non enim vnum animal progreditur, nec membrum aliquod per hanc virtutem inflectit, nisi ex determinatione appetitus. Fitque hæc determinatio per actum elicitum, et hic actus dicitur imperium, unde ipse motus denominatur actus imperatus. Quia verò appetitus non nisi ex cognitione prævia inclinatur, pariter omnis hu-

*Deriva-
tur à ce-
rebro.*

*Agit ex
deter-
mina-
tione ap-
petitus.*

*Hæc po-
tentia re-
sides in
muscu-
lis.*

iustmodi motus ex cognitionis directione dependet. Nec alioqui fieri potest immediatè ex sola cognitione dirigente, non mediante appetitu imperante. Sicut autem dicimus, potentiam motiuam non operari sine determinatione appetitus: ita certum est omnino operari stante tali determinatione, nisi adsit aliquod impedimentum ex parte corporis vel membrorum. Non tamen appetitus est per se causa efficiens motum simul cum potentia motiva: sed solum est causa imperans, ita scilicet, ut ex determinatione appetitus, ipsa potentia motiva ob naturalem subordinationem et connexionem exequatur motum.

In homine ex determinatione voluntatis.

Sextò Jemum. Potentia motiva in homine subditur maximè appetitui rationali, idest voluntati, atque adeò directioni cognitionis intellectivæ. Est res clara: nam ex eo quod liberè volumus aut nolumus, exercemus corporis motus. Imò mediante huiusmodi motu, subduntur nostræ libertati aliæ quoque potentia corporis cum suis actibus. Non enim habemus libertatem, a patris oculis videndi aut non videndi, sed habemus libertatem aperiendi aut claudendi oculos. Quia verò in homine uterque appetitus inuenitur, nempe rationalis & sensitivus, D. Thom. 1. par. q. 80. art. 2. ad 3. ait, voluntatem determinare membra corporis ad motum mediante appetitu sensitivo. Conimb. q. cit. art. 4. concedunt, posse & solere fieri motum corporis in homine ex sola determinatione appetitus sensitivi, & ita contingere in actibus indeliberatis passim occurrentibus, & in quibusdam etiam actibus qui interdum fiunt in somno: non tamen posse sola vi appetitus tales actus exerceri, repugnante & positivo actu renuente voluntate. Negant autem, posse è conuerso motum vltimum fieri immediatè ex solo imperio

voluntatis absque interuentu appetitus sensitivi mediantis. Suarez deum cap. 10. cit. concedit vtrumque, posse scilicet exerceri motum ex solo imperio appetitus, & posse ex solo imperio voluntatis.

Verum, constat quidem, in nobis exerceri motum ex imperio voluntatis. Non constat autem, debere interuenire & mediare imperium appetitus. Itaque, non solum in casu aliquo extraordinario & singulari, sed per se & naturaliter videtur voluntas habere plenum et immediatè dominium imperandi motum, et applicandi potentiam motiuam ad exequendum. Imò, iterumque id totum perficit repugnante ac renitente appetitu. Rursus, ex alia parte non constat, posse in homine perfici motum ex solo imperio appetitus. Et certissimum quidem est, non posse perfici repugnante et nolente voluntate. Videtur quoque non posse absolute exerceri absque determinatione et imperio voluntatis. In actibus enim indeliberatis, ipsamet voluntas prorumpit in actum non liberum, qui dicitur primus motus, ut notum est in moralibus: itaque non exercetur motus ex solo imperio appetitus absque imperio voluntatis, sed benè ex indeliberato & non libero impulsu voluntatis. Item in somno operatur non solum sensus internus, sed etiam intellectus, atque adeo non solum appetitus sensitivus, sed etiam voluntas, naturali tamen modo & absque usu libertatis; ut iam attingemus sect. sequenti, & fatentur iidem Conimbricenses. Quare, actus illi exteriores qui à quibusdam dormientibus fieri solent, non per hoc fiunt ex solo imperio appetitus, sed adhuc fiunt ex determinatione non libera voluntatis. Itaque potentia motiva in homine adæquatè ac totaliter subditur imperio voluntatis.

SECTIO TERTIA.

De Somno & Vigilia.

Somnus est affectio quædam sensuum in animalibus. Est quies & cessatio sensuum à suis functionibus. Est ligamentum quoddam sensuum quo operari impediuntur. Et, cum sensibus intelligitur quoque potentia motiva animalis, quæ pariter in somno quiescit, & ab operando ligatur. Vigilia è contra est expeditio sensuum ad operandum. Ipsaque experientia notissimum est, animalia per temporum vices dormire ac vigilare.

Omnia animalia interdum dormiunt

Somnus convenit omnibus prorsus animalibus: omnia enim suo modo dormiunt. Ita Arist. lib. de Somno et vigil. cap. 2. & lib. 4. de Histor. animal. cap. 10. et est notum non solum in animalibus terrestribus, sed etiam volatilibus & aquatilibus. Vnde etiam imperfectissimis illis animalibus quæ non omnibus sensibus prædita sunt, adhuc suo modo cèseri debet competere somnus. Dubitat tamen Celsus Mancinius lib. de Somnijs ac Synesi per somnia, num hæc animalia imperfecta dormiant. Sed sanè, eo pacto quo eis convenit sensus, potest quoque & debet convenire somnus. Dubitarunt rursus aliqui, num homines in statu innocentie somno eguissent, dormire què debuissent. Sed rectè D. Thomas affirmat 1. par. q. 93. art. 3. & q. 94. art. 4. & sic alij Theologi communiter. Sumitur què ex sacra Scriptura Genes. 2. vbi ante peccatū. *Immisit Dominus Deus soporem in Adam, cumquè obdormisset &c.* suadet idem ratione: quia somnus est quædam affectio naturalis, nec repugnabat illi felici statui innocentie: sed ita se habebat sicut comestio &

indigentia cibi: sicut ergo homo in statu innocentie eguisset cibo, ac debuisset comedere; ita eguisset somno, ac debuisset dormire.

Institutus est à natura somnus & animalibus attributus; præsertim quæ cum ad opera sensuum magna spirituum copia infumatur, tempore somni, vacantibus sensibus copiosè denuò reparantur ac reficiuntur spiritus, ut iterum abundant pro functionibus sensitivis in vigilia obcundis. Ideo somnus restaurat quoque lassas vires, & renouat ad labores, concoctionem alimenti iuvat et conversionem in substantiam aliti. Debet esse moderatus iuxta naturæ indigentiam: quia alioqui nimius alia nocumenta affert. Diversa autem animalium genera inæquali spatio temporis indigent quo dormiant. Vbi notabile præsertim est quòd Glires per plures menses hyeme dormiunt. Et intra eandem quoque speciem, ut patet apud homines, alius alio diuturniori somno indiget. Notavit quoque Arist. lib. 5. de Generat. animal. cap. 1. priorem esse somnum quàm vigiliam, dum animalia primò generantur: aut potius illum esse plus quàm somnum, similem statui plantarum. *Queritur, inquit, de prima generatione, utrum vigilia precedat an somnus. Quòd enim proficiscente ætate magis expergisci videntur, contrarium, id est somnum, principio generationis inesse, probabile est. Tum etiam transitio de non esse in esse per mediū fieri solet: somnus autem talis sua natura esse videtur, ut vivendi & non vivendi intermedium sit.* Deinde addit, illam primam dispositionem esse plus quàm somnum, qualis est status plantarum. Quia nimirum tunc animal non est in propinqua habilitate ut operetur per sensus euigilans. Aliqui verò contendunt, simpliciter priorè esse vigiliam. Sic volunt Dandinus

Somnus ordinatur ad reparandos spiritus.

lib. 3. de Anim. digress. 8. & Ioan. Argent. lib. 1. de Somno & vigil. cap. 29. Sed sanè auctoritas & rationes Arist. prævalent, ut somnus potius præcedere censeatur.

In somno desinuntur spiritus per obstructionem viarum & per quietem animæ.

Fit somnus, dum spiritus animales continentur interiùs, nec effluunt ad organa sensuum, in quibus necessarii sunt ad animales functiones, sicquè ipsi sensus cessant ab operando. Quo pacto autem & qua ratione fiat hæc continentia spirituum, sic explicant Galenus lib. 1. de Causis Symp. cap. ult. Auerr. 2. Colliget cap. 21. & quidam alij: quia anima ipsa habet per se talem vim & facultatem colligendi & continendi ad intra spiritus, ob eorum reparationem & corporis quietem: Arist. verò lib. de Somno & vigil. ca. 3. & lib. 2. de Part. animal. cap. 7. docet, somnum fieri per obstructionem meatuum quibus spiritus defluere deberent: obstrui autem tumis & vaporibus ex alimento exhalantibus. Dicendum videtur, ex utraque causa contineri spiritus, ac fieri somnum. Ita confirmat Fracast. lib. 2. de Intellectione. Et suadetur, quia ex vna parte constat, multum valere ad ingerendum somnum vapores petentes capus, atque adeo obstruentes vias nervorum à cerebro ad organa sensuum: & ideo post cibum & potum, & magis ex quibusdam tumores alimentis, conciliatur somnus, ex alia parte, datur utique virtus retentiva, sicut & expulsiva in corpore animalis, & in varijs membris, iuxta officium singulorum. Sic ventriculus retinet cibum donec convertat in chylum, & postea dimittit hepar retinet chylum donec convertat in sanguinem, & postea fundit. Ita ergo, cerebrum quod est officina spirituum animalium, habebit vim pro naturæ subsidio retinendi identidem spiritus, ac rursus pro exercitio sensuum dimittendi. Hoc ergo pa-

cto dicetur anima colligere & continere spiritus, unde sequatur somnus. Addit Io. Argenter. lib. 1. de Somno & vigil. cap. 11. plures alias causas. Nempe refrigerationem quandam spirituum: ideoquè opio, cicuta, mandragora, vehementem induci somnum, & quibusdam etiam externis lotionibus refrigerantibus. Item defectum & penuriam spirituum: ideoquè labore, inedia, emissionem sanguinis, induci somnum. Et sic alias similes causas affert. Non rectè autem Nicander Iosius lib. de Somno & vigil. cap. 6. & sequentibus, negare tentavit, somnum fieri per interclusionem spirituum, dicens fieri solum per quietem & vacationem sensus interni, qui debet operari per sensus externos. Nam certè non aliter fit hæc vacatio & quies, quàm per interclusionem spirituum, quorum ope ipsi sensus externi immediatè operari deberent, dependenter tamen ab interno.

Non est de ratione somni, ligare prorsus omnes sensus, & omnes eorum operationes penitus impedire. Interdum quidem ligat somnus omnes sensus, tam internos quàm externos: ita ut nec vlla exterior sensatio, nec vlla interior exerceatur. Plerumque non ligat penitus sensus internos, quinimò sinit illos interiùs operari: & ita contingunt somni, ut notissimum est. Saltem verò perturbat sensus internos, ita ut non sinat illos rectè & ordinatè circa sua objecta versari sicut in vigilia. Vnde Arist. cap. 2. de Somno & vigilia, somnum primariò constituit in interno sensu communi. At verò simul cum cognitione sensitiva, exercetur etiam intellectiva, exercentur quoque affectus partis appetitivæ, tum in appetitu sensitivo, tum in voluntate. Attamen ita confusè & perturbatè, ut nevisquam adhibeatur somno deliberatio, sufficiens ad liber-

Somnus non ligat omnes sensus.

bertatem, non remanet in intellectu expeditus vsus rationis, non in voluntate vsus libertatis: et sic actus contingentes in somno non sunt de se boni aut mali formaliter, meritorij vel demeritorij.

Interdum aliquis ex-ter-nus sen-sus operatur in somno. Regulariter verò et communiter ligat somnus omnes sensus externos, ut notum est: nec enim homo dormiens est expeditus ad quicquam percipiendum vilo externo sensu, durante somno. Interdum autem in aliquo non ligat omnes sensus. Et præsertim non rarò relinquit potentiam motiuamabilem ad motum aliquem exercendum. Non solum inquam potentiam naturalem ad motum respirationis, quam vique semper expeditam relinquit. Sed dico potentiam motiuam animalem. Nam plerunque fiunt aliqui motus inter dormiendum. Specialiter inveniuntur ij qui dormientes clamant et loquuntur, rident aut flent. Quandoque etiam quibusdam contingit inter dormiendum surgere; sequè suis vestibus induere, arma sumere, domo egredi, & iter aliquod conficere. Ita notauit Arist. lib. 5. de Generat. animal. cap. 1. & est res nota. Rursus, relinquitur etiam aliquis alius sensus expeditus ad operandum. Ut ij qui dormientes surgunt & ambulant, sine dubio sensu tactus vtuntur. Insuper aliqui sunt qui ad interrogata respondent: vnde planè audiunt, Addit quoque Arist. interdum videre: *Sunt enim qui dormientes resurgant & ambulent, videntes eo modo quo vigilantes.* Hoc autem totum facile contingit, quia remanere potest expedita via pro effluxu spirituum ad vnum sensum, & non ad alios: existente interim semper tali perturbatione sensus interni, quæ plenum operandi dominium & vsus libertatis impediat. Facilius autem & frequentius expedita relinquitur potentia motiua, & tum illa sensus ta-

ctus: quia amplior est via, quæ à cerebro ad membra corporis animales spiritus diffunduntur, quàm ad organa aliorum sensuum. Notauit quoque Arist. lib. de Somnijs cap. 3., interdum remanere debiles quasdam & languidas sensationes in sensibus externis, quæ succedente vigilia vigorantur.

Euigilat demum animal à somno, *Quomodo vel naturaliter discusso somno, quo pacto dicitur proprie expergisci: vel giles externa aliqua causa interrupto somno, quo pacto dicitur excitari. Ex-à somno.* plicat Arist. lib. de Somno & vigil. cap. 6., animal expergisci dum consumpta fuerit illa crassa & fumosa materia quæ causabat obstructionem viarum deferentium spiritus animales. Addendum est, dum pariter interna facultas non amplius indigeat continere spiritus, sed eos iam ad externos sensus fundere debeat. Excitatur ab extrinseco animal, dum valido aliquo obiecto sensibili euocatur ad sentiendum, ut passim fit clamore, vocis. Sed fieri id etiam potest obiecto spectante ad alios sensus. Si enim quis pungatur aut agitur, facile euigilat. Item, si lumen aliquod, inferatur quod oculos teriat. Et ita demum per alios quoque sensus fieri posse videtur. Ratio autem, quare hoc pacto excitetur animal, est: quia ob vehemens obiectum sensibile facultas interna dimittit spiritus ad organum sensus externi, & inde fit ut animal excitetur. Sonus validus percutit organum auditus, & sic euocat illum spiritus: Similiter dolor illatus tactui. Lumen etiam oblatum oculis, quia palpebræ sunt aliquantum transparentes, & transitum aliquem luci præbent: vnde si in tenebris claudamus oculos, & tunc inferatur lucerna accensa, statim deprehendimus illatum lumen: sic ergo lumen tangens sensorium visus, euocat ad visum spiritus. Et similiter tandem in

in alijs sensibus contingere poterit. Dum autem profundior est somnus, tunc requiritur validior excitatio per oblationem vehementioris obiecti sensibilis, ut per maiorem clamorē, & sic quoad alios sensus. Est verò profundior somnus, tum in quibusdam dormientibus præ alijs, tum in vnoquoque circa initium quam circa finem, tum pro conditione valetudinis, aut alimentorum, aut ex alia contingenti causa. Estque profundior somnus, vel quia angustiores sunt in quibusdam viæ spirituum, & ita firmitus obstruuntur, vel quia copiosioribus & crassioribus vaporibus abundant, vel quia tenaciori virtute ad continendos spiritus præditi sunt.

SECTIO QUARTA.

De Somnijs.

Non solum homines, sed etiam bruta somniant.

Non solum homines somniant, ut omnibus compertum est: sed etiam plurima saltem bruta somniant, docuit & probavit Arist. lib. 4. de Histor. animal. cap. 10. *Somniant non solum homines, sed etiam equos, & canes, & boves, palam est, atque etiam oues & capras, denique genus omne quadrupedum, idemque animalia fecunda. Declarant id canes suo latratu quem per quietem agunt.* Idem confirmat Plinius lib. 10. cap. 75. De alijs animalibus, & specialiter de ijs quæ oua pariunt, ait Aristoteles, incertum esse an somnient, licet certum sit quod dormiunt. Inter homines verò refert Arist. ibidem quosdam diu non somniasse, & postea contingente somnio periisse vel ægratasse. *Produntur & viri & mulieres qui nunquam quicquam somniant, quorum nonnulli in processu ætatis accidunt, ut viso somnio, mutentur habitus sui corporis, vel in moriē,*

vel in morbum. Idem confirmat quoque Plinius. Item Plutarchus lib. de Oraculis attestatur, Cleonem & Thrassimedem nunquam somniasse: Imò Herodotus lib. 4., Plinius lib. 5., & Rodiginus lib. 27. cap. 16. referunt, populos Atlanticos non somniasse. Addit denique Arist. *Aeditis nuper in lucē & infantibus, adhuc nullum penitus contrahitur somnium, sed plurimis anno circiter quarto aut quinto ætatis visa incipiunt.* Et ratio reddenda est: quia non nisi pro eo tempore incipiunt tenacius imprimi species in interno sensu, & incipit agilior ac promptior fieri ipse sensus internus. Reddit quoque communem rationem Arist. lib. de Somnijs cap. 3. in fine, tam pro adultis, quam pro pueris non somniantibus, & communiter pro omnibus qui statim post cibum dormientes, non statim somniant: *Quia nimis copiosa in ijs ascendit euaporatio ad superiorum partem, quæ proinde nullum finit eis apparere phantasma.* Sed sanè non oportet, ijs omnia auferre somnia: sed ad summum firmiora somnia, quæ memoria retineantur.

Somnium est representatio quædam et apparitio, facta interiori sensui in ijs qui dormiunt, de rebus quæ non tunc exterius sentiuntur, tanquam si exterius sentirentur. Ita habetur ex Arist. cap. 1. de Somnijs. Et ab experientia ipsa res est clara. Licet autem huiusmodi representationes et apparitiones in homine fiant etiam intellectui inter dormiendū: tamen Arist. non vult, cogitationes intellectus appellari somnia, eo quod nomen somnij propriè sensitivam passionem importet. Addit Auerr. in Paraph. lib. de Somnijs cap. 3., etiam ad sensus ipsos externos deduci somnia ex interno. Sed id non est admittendum.

Distinguendo autem plures sensus *In quo* internos, vel quoad potentias, vel *internos*

Somniū fit in interno sensu.

sensu saltem quoad actuales functiones et
fiat som- operationes, Aliqui explicat, somnia
nium. fieri in sensu communi, et sumunt ex
Arist. lib. de Somnijs cap. 3. Alij vo-
lunt, fieri in imaginatione, et sumunt
ex Arist. eodem lib. cap. 1. vbi ex-
pressè quærit, an somnium contin-
gat in sensu communi vel in imagi-
natione, et concludit in imaginatio-
ne contingere: *Manifestum est quod*
sensitui quidem est somniare, huius
autem quatenus imaginatiuum. Ad-
dunt alij, fieri item somnia in æsti-
matiua et phantasia, quæ in homine
dicitur cogitativa: ita scilicet, vt res
sensatæ quidem appareant imagina-
tioni, res autem insensatæ appareant
æstimatori, et complicationes plu-
rium rerum appareant phantasia: ai-
mirum iuxta distinctionem horum
sensuum, quam supponit: vel vno
nomine æstimatoriam et phantasiam
in homine appellando cogitativam
iuxta doctrinam D. Thomæ. Sed
aliqui volunt potius, somnia hæc
quæ æstimatori et cogitatori tribu-
tur, perfici in memoria sensitiva, eo
quod in illa asseruantur species in-
sensatæ, et in illa perfici poterit usus
earum. Et sic pariter quoad res sen-
satas, imaginationem esse quæ asser-
uat species sensus communis, et quoad
eas in illa perfici somnia: Sic phi-
losophantur Conimb. lib. de Som-
nijs cap. 2.

Verum, non est hæc res peculiaris
quoad somnia, sed planè communis
quoad omnes internas sensationes,
tam in vigilia quam in somno exer-
citas. Nam eiusdem rationis semper
sunt: & pro ratione obiectorum ac
diuersarum rerum, sub distinctis illis
nominibus internorum sensuum de-
nominantur. Et pro omni tempore
ac statu, tam somni, quam vigiliæ,
semper ostendetur vna esse potentia
sensitiva interna, omnes huiusmodi
functiones circa omnia obiecta exer-
cens. Itaq; eadem ipsa potentia con-

seruat rerum species, & exercet actû
repræsentationis formalis: atq; inquã-
tû somniat circa res sensatas, exercet
functionem imaginationis: dico imagi-
nationis, & non sensus communis,
quia imaginatio denominatur circa
res absentes quæ non simul actu per-
cipiuntur exteriùs. Et hoc totum,
planè est de mente Arist. qui sensum
communem & imaginationem non
nisi penes operationes distinguit: &
ideo dixit: *Sensitui quidem est so-*
mnare, huius autem quatenus ima-
ginatiuum. Circa res verò insensa-
tas dicentur somnia fieri in æsti-
matiua: & circa complicationes plu-
rium rerum in phantasia: vel hæc
omnia sub vno nomine in cogitati-
ua. Quatenus autem somniat quis
circa res formaliter prout præteritas
& præcognitas sub hac expressa re-
presentatione, dicentur talia somnia
fieri in memoria. Neq; verò omnes
cogitationes rerum in somno, dici
debent formaliter ad memoriam,
pertinere, si non etiam dicuntur in
vigilia: sed si in vigilia tribuuntur
cogitatori & phantasia; pariter tri-
bui debent in somno.

Circa modum quo somnia fiunt, *Quonã*
Aliqui, supponentes distinctionem *modo*
plurium sensuum internorum, atque *fiat som-*
diuisionem in distinctis organi par- *nium.*
tibus; ita rem explicant: quod ab illo
sensu in quo conseruantur species,
reducantur in somno ad alium sen-
sum in quo actuales rerum repræsen-
tationes perfici debeant: reduci au-
tem vel per modum quendam refle-
xionis, sicut exteriùs species visibiles
reflektuntur ex speculo; vel per trans-
uersionem spirituum animalium,
qui veluti desumant species ex illo
sensu & loco in quo conseruantur,
& deferant ad alium sensum & lo-
cum in quo fiat repræsentatio. Sic
volunt, reduci species à memoria ad
cogitativam, & ab imaginatione ad
sensum, communem: & in cogita-
tiua

tiua atque sensu communi perfici somnia. Atque hoc volunt esse de mente Arist. cap. 3. de Somnijs, saltem quoad reuersionem specierum ab imaginatione ad sensum communem. Insuper Nicolaus Leonicus in lib. de Somnijs partic. 3. ait, in sensibus ipsis externis remanere quasdam reliquias specierum sensibilium easque inter dormiendum introduci in sensum internum, & sic asserre somnia. Celsus Mancinius lib. de Somnijs ac synesi per somnia, affirmat, tum hoc modo, tum per reuersionem specierum internarum ex memoria ad sensum communem, fieri somnia.

Verum, hæc quoque res non est peculiaris pro somnijs quæ in dormiendo contingunt, sed est communis pro omnibus internis cogitationibus etiam in vigilia, quo nempe pacto renouentur ac repetantur idētidem cogitationes de rebus antea cognitis. Et quidem nec in somno nec in vigilia insurgunt cogitationes per reflexionem illam specierum. Reflectitur enim qualitas, dum actio incurrit in aliquod obstaculum, et inde resilit ac duplicatur citra obstaculum: sed nihil tale interuenit in productione specierum interna. Nec ulla erat specialis ratio cur in somno fieret talis reflexio. Item, non insurgunt cogitationes per transuersionem specierum in spiritibus. Neque enim spiritus rapiunt illas ipsas species quæ erant in subiecto, ac deferunt ad alium locum et sensum. Neque excipiunt alias species numero distinctas ab illis, easque postea refundunt in alium locum et sensum. Non item relinquuntur species in sensibus externis. Neque certè fiunt somnia solum de ijs rebus quæ proximè sint externis sensibus deprehensæ. Nec expectatur somnus, ut species ex externis sensibus transeant ad internos. Denique non insurgunt

cogitationes per vllum transitum specierum de vna potentia ad aliam: quia omnino in eadem potentia in qua residet species, fieri debet representatio per speciem. Vnde hoc demonstrat, non posse esse distinctas potentias ad recipiendas seu retinendas species, et ad eliciendum sensationis actum.

Dicendum ergo tandem est, eodē pariter modo quo insurgunt in vigilia variæ cogitationes de rebus antea notis, insurgere quoque in somno, & hæc esse somnia. Insurgunt autem cogitationes de rebus absentibus per commotionem & agitationem spirituum animalium intra varias partes cerebri in quibus dispersæ sunt rerum species. Per agitationem quoque & commotionem humorum: ut ex humore melancholico excitantur cogitationes tristes & somnia tristia, & sic per varios humores variæ cogitationes & somnia. Excitantur item per connexionem ipsarum specierum & rerum inter se: inde enim fit, ut ex vna cogitatione excitetur alia, & sic per varios progressus. Discrimen autem inter somnum & vigiliam est. Tum quia in vigilia excitantur maximè cogitationes per occurrentiam rerum externarum quæ sensibus offeruntur: in somno autem potius per commotionem internam. Tum præsertim in vigilia cum anima sit sui corpus habes dominium suorum actuum, bene potest regulare & moderari cogitationes, ut in nobis experimur. Sed in somno non exercet talem facultatem, unde fit, ut soleant somnia, tam varia, tam disparata, tam inconnexa, tam monstruosa, contingere: prout nempe spiritus animales in varias partes organi incurrunt, aut in eadem parte inveniunt species disparatas, aut varij humores in corpore commouentur. Quod idem euenit in amētibus & phreneticis, ac deli-

Fit similimodo quo cogitationes in vigilia.

deliris . Non tamen in his dicuntur
somnia , quia hæc propriè sunt quæ
contingunt in somno . Atque de hac
agitatione spirituum & humorum po-
test ac debet intelligi Aristot. qui
nequaquam proposuit dimotionem
& transitum specierum , neque per
reflexionem , neque per transuersionem .

*Ingerū-
tur quo-
que som-
nia ex
causis
exter-
nis .*

Possunt denique & solent ingeri
quædam somnia à causis externis &
superioribus , nempe à Deo , & An-
gelis , & à Dæmonibus . Imminē
somnia à Deo siue ab Angelis , con-
stat ex testimonio ipso Dei , Num.
12. *Si quis fuerit inter vos Prophetæ
Domini , per somnium aut in visione
loquar ad eum .* Pluribus item sacre
Scripturæ exemplis , in quibus hu-
iusmodi somnia narrantur : somnium
Iacob Genes. 28. Ioseph cap. 37. Pha-
raonis cap. 41. Salomonis 3. Reg. 3.
Nabuchodonosor Daniel. 2. & Ioseph
sponsi b. Virginis Matth. 1. &
2. Immitti quoque à Dæmonibus ,
compertum est ex varijs illusionibus
contingentibus in somno , & ex su-
perstitionibus Ethnicorum somnia
obseruantium . Procurantur autem
somnia ab his causis externis per eā-
dem agitationem spirituum & hu-
morum qua naturaliter euenire so-
lent , vt notauit D. Tho. 1. par. quæst.
111. art. 3. Nisi quod causæ hæc in-
tellectuales probè dignoscunt quæ
commotio apta sit ad certa somnia
ingerenda : & ita suo artificio faciūt ,
ac determinant , vt talia somnia ordi-
natè & opportunè , absque perturba-
tione & confusione naturaliter con-
sueuta proueniant . Potest præterea
Deus immittere somnia , infunden-
do & applicando nouas species , vt
de se constat . Potest quoque largi-
ri in somno vsum libertatis cum per-
fecto vfu rationis . Quo pacto D.
Thom. 1. 2. q. 113. art. 3. ad 2. ait ,
Salomonem accepisse à Deo vsum li-
bertatis , quando in somno , oblata

sibi optione postulandi quod vellet ,
elegit sapientiam postulare : & hæc
petitio fuit adeo grata Deo , exau-
diriq; digna : & ita fuisse solita im-
mitti à Deo somnia Prophetis per
modum vaticinijs & visionis , con-
cesso simul ijs in somno vfu liber-
tatis .

* SECTIO QUINTA.

De Diuinatione per Somnia .

Ethnici olim magnam fidem ha-
bebant somnijs , magnaque so-
licitudine somnia obseruabant , vt ex
ijs occultorum & futurorum diuina-
tionem aucuparentur . Extabantque
ij , qui ex instituto hanc diuinato-
riam artem ex somnijs profiteban-
tur , tanquam somniorum interpre-
tes . Inter Philosophos quoque ,
Stoici , omnia somnia aliquid verè
denotare ac prælagire iactabant .
Scripseruntque pro hac parte , ex ve-
teribus , Artemidorus Daldianus li-
brum de Interpretat. somniorum : &
Apomafar librum inscriptum Apo-
teletinata , idest de significatis &
euentis somniorum : qui Auctores
omnem varietatem somniorum enar-
rant , & omnibus suam significatio-
nem determinant . Ex aduerso Epi-
curus , Zenofanes , & Cicero in lib.
de Diuinit , & alij plures ex antiquis
sapientibus , omnem fidem somnijs
abrogarunt , spernentes omnia som-
nia tanquam vana & inutilia , nul-
liusq; valoris ad occulta & futura ,
quæpiam indicanda . Media via Ari-
stoteles lib. de Diuinat. per somn.
docet , neque omnem , neque nullam
fidem esse adhibendam somnijs : sed
tres facit ordines somniorum , quæ-
dam somnia ait esse signa rerum ,
quædam causas , quædam casualia &
fortuita , neque significantia , neque

*Aucto-
rum pla-
cita .*

iuuantia quicquam. Somnia autem quæ veros euentus significant, negat prorsus immitti à Deo, vultque solum naturaliter euenire. Alij quoque Philosophi conati sunt, vera somnia ad causam aliquam creatam referre. Democritus & Synelius Platonius, voluerunt, vera somnia fieri per idola & simulachra etfluentia ex rebus ipsis, & permanere in aere etiam de rebus præteritis, & ex naturalibus causis antecederet provenire etiam de rebus futuris. Porphy. & Psell. lib. de Dæmonibus, & Plutarch. lib. de Dæmonio Socrat. dixerunt, vera somnia immitti à Dæmonibus propitijs. Avicen. lib. 9. Suffic. cap. 4. immitti ab illa substantia separata, quam vocavit Cholcodæam & datricem formarum. Auerr. in paraph. in lib. de Diuinat. immitti ab Intelligentia omnibus hominibus communi, quam vocabat intellectum agentem. Artemidorus & Iamblicus dixerunt, vera somnia provenire ex virtute ipsius animæ veluti solutæ in somno ex commercio corporis. Celsus Mancinius lib. de somnijs & Syneli per somnia cap. 18. contendit, provenire ex ipso naturali statu corporis, & præcipuè ex humore melancholico tribuente diuinationem. S. Thomas demum 2. 2. q. 95. art. 6. alijque Theologi ac Morales Doctores, inquirentes quatenus licita sit diuination per somnia, docent, plurima quidem somnia esse vana & inutilia: quædam tamen esse naturalia somnia quæ statum ac dispositionem corporis sæpè demonstrant: quædam etiam quæ naturales aliquos futuros euentus non ineptè præsignant: quædam esse somnia supernaturalia quæ à Deo vel per se, vel bonorum Angelorum ministerio, immittuntur, & hæc esse prorsus tuta ac vera: quædam denique esse dæmoniaca, quibus nullatenus esse fidendum, & illicium ac superstitiosum esse ijs cre-

dere cauè captare. Ac tandem absolute periculosum esse, & errori valde obnoxium, fidem somnijs adhibere.

In hac re, certum in primis est ex Sacra doctrina, quædam esse somnia quæ Diuina dispositione ac providentia, siue bonorum Angelorum ministerio, immittuntur, quæ proinde prorsus vera præfagiant. Patet ex locis scripturæ sctæ. præcedenti allatis. Ratione verò non alia id suaderi potest aut debet: nisi quia nullum inconueniens apparet, quominus somnia immittantur à Deo: si autem immittuntur, prorsus vera ac fidelia erunt. Nullumquæ apparet inconueniens: quia non vrgent quæ Arist. affert. Ait enim, si Deus unquam immitteret somnia, deberet immittere sapientibus potius et probis viris: sed somnia quæ interdum verificantur, solent quibuslibet euenire, & infimis quibusque hominibus, nec sapientia nec probitate præstantibus. Insuper, tales veraces cogitationes Deus immitteret potius in die & vigilantibus, non autem noctu ac dormientibus. Hæc inquam non vrgent: quia optima suæ providentiæ ratione Deus potest immittere somnia cuiuscumque status hominibus, prout viderit expedire. Conuenienter etiam non solum in die & vigilantibus, sed nocte quoque & dormientibus sua arcana reuelat. Conatus demum est Alexander Carerius lib. de Somnijs de quæ diuinat. per somn. explicare Arist. quod solum voluerit somnia non immitti à Deo immediatè, sed benè per nexum & ordinem naturalium causarum. Sed certè neque id sufficit ad mentem Arist., neque ad veritatem rei.

Attamen, non temerè & facilè debet quispiam accipere somnia tanquam à Deo siue ab Angelis immissa. Quinimò hæc valde rara sunt. Sed vel ex speciali instinctu diuino de-

*Diuinā
vi possunt
occulta
per somnia
supernaturalia*

debet ipsimet homini somnianti consistere, somnium esse à Deo, vel ex interpretatione alterius qui edoceatur à Deo: ut de facto adimpletum est in ijs somnijs, quæ in sacra Scriptura approbata & confirmata sunt.

Postunt quoque & solent somnia in hominibus opera Dæmonum excitari, quibus ipsi Dæmones quædam futura manifestant. Attamen illicitum prorsus est, talia somnia rerum, quæ diuinationem à Dæmone expectare: hoc enim fieret per pactum expressum vel tacitum, & per commercium cum Dæmone: quod impium planè est, ut D. Thomas ibi, & omnes Theologi docent. Ac præterea, cum Dæmon sit mendacissimus, nulla fides à viris prudentibus est somnijs dæmoniacis adhibenda.

Diuina. Deinde admitti solet, quædam, **ri possunt** naturalia somnia esse quæ probabili- **quædam** liter & per coniecturam soleant na- **per som-** turales aliquos futuros euentus vel **naturalia.** occultos affectus corporis denotare. Explicatur ex Aristotele & D. Thomas: quia fieri potest, ut eadem causæ naturales, præsertim celestes, quæ per immutationem aeris & elementorum inducunt certos effectus in rebus naturalibus, v. g. ventos, pluias, & similes, pariter inducant certam quandam dispositionem in corpore alicuius, quæ dormiens somniet talem aeris ac temporis immutationem. Nec mirum, si hoc magis in somno quàm in vigilia contingat: quia somni quies, & vacatio sensuum exteriorum, est magis idonea & expedita ad excipiendas tales impressiones & cogitationes: cum alioqui in vigilia, occurrentia rerum exteriorum quæ externis sensibus offeruntur, perturbet tenues alias impressiones ex causis occultis, & ab ijs cogitationibus animum vigilantis auertat. Sic ergo potest somnium naturales aliquos futuros euentus aliquammodo prælagire.

Rursus, solent certa somnia ex certis humoribus corporis exoriri: ut ex humore melancholico somnia tristitia de rebus horribilibus & luctuosis, & sic de alijs. Per talia ergo somnia dignoscetur quanam humor prædominetur in corpore. Et ideo notauit Aristoteles: *Dieunt & Medicorum elegantes, quod oportet valde intendere somnijs.* Solent enim Medici ægrotorum somnia obseruare ad conijciendam rationem humorum in corpore. Item affert quædam alia exempla Aristoteles: *Arbitramur fulgura cadere, ac tonitrua fieri, cum paruus sonus in auribus fit: & melle & dulcibus saporibus perfrui, minima picuita defluente: & ambulare per ignem & calefieri vehementer, cum paruus calor circa quædam partes fit.* Sic ergo de occultis his affectibus corporis, sicut & de futuris illis euentibus naturæ, admittitur aliqua diuinatione per somnia.

Attamen satendum est, hanc di- **Sed ratio** uinationem seu coniectationem esse **et** se adeo debilem & fallacem, ut ferè inuili- **pro nihilo** pro nihilo æstimanda sit. Nam, ut **ter.** notauit Arist. facillimè contingit, ut naturalis illa causa, siue celestis influentia, quæ de aliqua temporis immutatione somnium ingerit, & de se apta erat talem immutationem asferre, tamen ab alia causa impediatur ab executione talis immutationis. Insuper potest utique & solet idem somnium contingere ex sola commotione interna spirituum aut humorum, velut fortuna & casuali, sicut alia somnia contingunt: atque adeo non ex influentia superioris causæ, ex qua debeat deduci verus euentus illius immutationis. Præterea, hac ratione, si ex influentia superioris causæ tale certum somnium contingat, deberet, si non in omnibus, saltem in quamplurimis hominibus simul occurrere: quod tamen non

non consonat experientiz. Demum, ita passim & regulariter contingunt somnia de immutatione temporum, quæ vana & fallacia inueniantur, sicut de alijs quibusquæ rebus & humanis euentibus. Imò coniectores qui venantur somnia, plus attendunt ad alios quoscumque humanos euentus diuinandos, quàm ad tales immutationes temporum, naturaliter prouenientes ex superioribus causis. Nullam ergo somniatorum gratiam imbunt Philosophi, talem diuinationis partem admittentes.

Rursus, quoad naturales corporis affectus seu corporeos humores di-
gnoscendos, non nisi ex quadam frequentia contumilium somniorum potest prudens coniectura desumi de humore prædominante in corpore: alioqui enim rara somnia in aliquo genere, ita casu & fortuito eueniunt, sicut in alijs rerum generibus, nullamquæ coniecturam faciunt. At verò in ijs hominibus in quibus frequenter talia somnia contingunt, v. g. tristitia, aut læta, multò clariora signa & opera talis corporeæ complexionis abundant, quibus longè certius & firmitus innotescit, vt quoad hanc quoque partem, diuination per somnia, ferè inutilis & contemnenda euadat.

*Communi-
niter ni-
hil potest
per som-
nia di-
uinari.* Denique certum est, regulariter & communiter, somnia temerè ac fortuitò euenire, absque vlla ordinatione & connexionem ad veros rerum euentus: atque adeò nihil posse ex ijs somnijs diuinari. Et si quando somniauerit quis futurum quidpiam quod postea reuera eueniat: Id casu accidit, sicut notauit Aristoteles: quia mirum non est, si in tanta multitudine & varietate somniorum, aliquod temerè in verum euentum incurrat. Et ideo ait, melancholicos solere quandoque diuinare: Quia: quorumcumque quæstio loquax natura est, & melancholicus, multi-

modas visiones vident: eo verò quòd secundum plura & multisariam mouentur assequuntur. Aut quandoque nobis inscijs, veracia somnia accidunt ex motione spiritualium causarum, vel bonorum Angelorum, vel Dæmonum. Quia autem nimis facile est, vt Dæmones in hac re se immisceant ad illudendos ac decipiendos homines: ideo in vniuersum periculosum est intendere somnijs, ijsuè fidem adhibere: & superstitiosum est desiderare præuisionem rerum in somno. Artem diuinandi per somnia damnauit Ius Ciuile lege *Si excepta C. de Maleficijs*: & Ius Canonicum cap. *Non obseruetis* 26. q. 7. Imò Ius ipsum Diuinum Leuitici 8. & Deuter. 18.

SECTIO SEXTA.

De Respiratione & Pulsa.

Agit de respiratione Aristoteles in eodem vno libro cum iuuentute & senectute, vita & morte. Sed quia hæc aliarum affectionum, communes erant animæ vegetatiuæ omnibusque viuentibus, de ijs iam antea egimus sub anima vegetatiua. Respirationem autem est propria animalium. Et sic notauit Arist. cap. 3. Quia, licet omnia viuentia ad conseruationem sui natui caloris indigeant aliqua refrigeratione: tamen plantis sufficit refrigeratio, quæ in illis fit per assumptionem alimenti, & per temperiem aeris ambientis. Animalia verò, licet sic quoque refrigerentur, nam ideo statim post cibum assumptum fit quædam refrigeratio, & ex aduerso ieiunia calefaciunt ac stimulant: tamen ob maiorem caloris copiam, non id eis sufficit, sed indigent magis valdè & assidue refrigerari per respirationem.

Respirant ergo animalia & respi-

Prima ratio ob qua est anima libus necessaria. ratione indigent pluribus rationibus quæ ad hanc rem solent afferri. Prima est quam Aristot. proponit & explicat: quia potest & solet calor exingui, non solum per extinctionem quæ accidit à contrarijs, vt dum ignis obruitur aqua: sed etiam per marcorem, quo ipsemet calor sibi per accidens exitum affert: quoniam scilicet citò consumit materiam qua ali & foueri debebat, vnde consequenter deficit: hoc autem debet intelligi iuxta modum quo antea de nutritione dicebamus. Iuuabit ergo & requireretur ad conseruationem caloris, refrigeratio quædam apta ad illum temperandum ac moderandum, vt sic diutius perseueret. Hoc supposito, cor in animali est membrum calidissimum; & requirebat quidem tam vberem calorem, ad vitales spiritus elaborandos, atque obeunda munia vitæ. Rectè ergo ex alia parte natura prouidit, vt per respirationem attraheretur frigidus aer, qui nimium cordis calorem identidem temperaret.

Secunda ratio. Secunda ratio est, quam aliqui velut ex aduerso addunt. Indiget cor copioso calore, quem in se collectum & validum debet assidue continere: & calor, nisi impediatur, facile effluit ac diffunditur, per resolutionem scilicet & emissionem partium calidiorum: per respirationem autem attrahitur frigidus aer circa cor, & sic impedit & obsistit nè calor cordis effluat & exhalet, atque ita continetur ac persistat in corde.

Tertia ratio. Tertia ratio est: quia cor nimio suo calore, assidue resoluit plurimas humorum partes in halitus & vapores, qui tamen in sua recenti resolutione sunt crassi & fuliginosi: vnde si immorarentur circa cor, illud suffocarent & obruerent, sicut constat, cor nimis angì quando ex reliquo corpore crassis halibus subeuntibus tangitur: per respirationem autem

attrahitur aer, qui proinde secum, facile assumit & inuoluit crassos illos fumos & fuligines, eosque dum emittitur foras defert: & ita cor ab illis prægrauantibus vaporibus liberatur.

Quarta ratio est, quam indicat Hippocrates in lib. de Alimento, & prosequitur Galenus lib. 7. de Vlu partium cap. 7. & 9. & Medici communiter approbant, & indicat quoque Arist. in lib. de Spiritu: quia in corde debet assidue magna copia spirituum vitalium generari, vt inde in totum corpus distribuatur: at non videtur sufficere solus sanguis ad tantam spirituum copiam subministrandam: vnde affluit quoque aer, vt ex illo pariter vitales spiritus efformentur. Imò, cum spiritus sint admodum tenues ac subtiles, ac propè sint naturæ aeræ, promptius & expeditius ex ipso aere poterunt ij spiritus abundare. Vel potius, cum sanguis per se sit valde crassus, aer autem valde tenuis; per commissionem aeris cum sanguine in cordis sinu videtur suppeditari apta & proportionata materia, ex qua facilius vitales spiritus efformentur. Notauit verò Galenus, aerem prius in pulmone imbibit, ibique actuari ac disponi, deinde transire in cordis sinum, ibique simul cum puriori sanguine, in spiritus verti. Alias rationes ex Veteribus refert Arist. quas copiose refellit.

Omnia animalia respirare, etiam Nō omnes pisces, imò & ostrea, affirmarunt olim Democritus, Anaxagoras, & Diogenes, apud Arist. cap. 5. Consentunt Plinius lib. 9. cap. 7. Rondeletius lib. 4. de Piscib. cap. 9. Indicauit item Hippocrat. lib. de Flatibus, ac defendit Hieronym. Mercurialis super eundem librum. Idemque affirmant Cardanus apud Scaliger. exercit. 273. Sed rectè Aristoteles cap. 4. & 5. docet ac probat,

non omnia animalia, sed omnia ac sola ea quæ pulmonem habent, respirare. Hæc enim omnia & sola habent respirationis instrumentum. Et hæc ipsa tam copioso cordis calore abundant, ut respiratione indigeant. Neque: verò necesse erat, omnia animalia tanto calore interiorius abundare, ut respiratione indigerent.

Pisces Pisces autem carent pulmone, & non re-
spirant. verè non respirant. Quod Aristoteles ulterius confirmat. Tum quia pisces proximè infra os habent ventriculum quo cibū excipiunt & concoquunt. Tum quia intra aquam non habent aerem qui m attrahant & emittant: neque egrediuntur ex aqua ad respirandum. Tum quia, si intra aquam respirarent aere, deberent quoque vivere dum extra aquam educuntur ac detinentur in aere. Tum quia, si pisces intra aquam habent aerem quo respirent, etiam terrestria animalia possēt intra aquam respirare, & sic non deberent in aqua suffocari. Tum etiam, non apparet, in piscibus dimoueri et agitari partem aliquam corporis pro respiratione, sicut constat in omnibus animalibus quæ respirant. Tum demum, si pisces intra se continerent aerem, deberent cum emoriuntur sub aquis emitte re flatum aliquem aeris quo eleuaretur bulla quædam in summo aquæ, sicut videmus quando suffocatur intra aquam quodcumque aliud animal respirans. Concludendum ergo est, pisces non respirare. Notauit autem Aristoteles, pisces quoque pro aliquali sua interna refrigeratione, ore et brachijs attrahere aquam, iuxta suæ naturæ conditionem. Vnde cap. 11. observauit, nullum esse simul pulmone et brachijs præditum: sed alterutrum ex his instrumentis unicuique ad refrigerationem sufficere.

Cæterum, non solum pisces carent pulmone et respiratione, sed etiam quædam terrestria animalia. Ita obseruat et probat Aristoteles cap. 5. de ijs animalibus quæ in partes dissecta viuunt: *Videntur, inquit, multa decisa vivere, non solum in duas partes, sed & in plures, ut quæ vocantur scolopendra: quæ qualiter aut in quonam contingis respirare?* Ex alia parte, non omnia aquatilia carent pulmone et respiratione. Sed ut notauit Arist. cap. 4. quædam habent pulmonem, tamen exanguem et lauum: itaque respirant quidem, tamen non tam frequenti indigent respiratione, nimirum ob modicam caliditatem. Vnde possunt et solent aliquandiu manere sub aquis non respirando: sed tamen per vices indigent egredi ex aqua et respirare in aere, ac possunt pariter aliquandiu commorari in aere absque detrimento. Si autem vi nimis diu detineantur sub aquis, respirationis defectu suffocantur. Huiusmodi sunt ranarum genus, mures aquatiles, ac testudines: item delphini, balenæ, vituli marini, crocodili, et quæcumque sint similia. Demum Beatos in corporibus gloriosis non respirare, supponit S. Tho. in 2. d. 2. q. 2. art. 2. ad 5. Sicut nimirum tunc nec indigent cibo et potu et somno. Vnde pariter similis ratio quoad hoc erit de Damnatīs in suis corporibus. Sed id totum superiori diuina prouidentia fiet.

Respiratio duplicem cōinet partem, nempe inspirationem quæ est attractio aeris, et expirationem quæ est emissio aeris. Hoc pacto est essentialiter motus localis, veluti duplici contrario motu constans. Incipit autem initio vitæ prius ab inspiratione: prius enim animalia attrahunt aerem, ac deinde emittunt. Desinit postea in fine vitæ in expiratione, deficiente tandem virtute

Quædam animalia terrestria non re-
spirant

Quædam aquatilia re-
spirant.

Quid est qualis sit respirationis ratio.

vitali. Minor mora intercedit ab inspiratione ad expirationem, quàm ab expiratione ad sequentem inspirationem: vt cuique propria experientia patet: citius enim post attractum aerem aer expellitur, quàm post expulsum vnum aerem attrahitur alius. Nec necesse est, vt idem ipse aer qui attrahitur, statim expellatur, sed post attractionem vnius aeris expelletur alius qui antea erat attractus. Est respiratio frequentior et vehementior in vno quàm in alio, et in eodem quoque homine pro varia ætate, aut valetudine, aut corporis exercitatione, aut plenitudine, aut organorum expeditione: nimirum ob maiorem vel minorem indigentiam refrigerationis, iuxta gradum caloris interni, siue ob maiorem vel minorem aptitudinem naturalem et facultatem vitalem.

Respirationem esse motum voluntarium affirmat Galenus lib. 2. de Motu musculorum. Esse purè naturalem, non autem voluntarium, indicat Arist. lib. de Animal. motu cap. 8. Vtrunque conciliatur et verificatur, dicendo, esse motum naturalem, non voluntarium, quatenus fit ex sola vi naturæ, secluso omni imperio appetitus. Non enim ex aduertentia cognitionis ac determinatione appetitus assidue respiramus: sed etiam nihil de hoc cogitantes, ac tam in somno quàm in vigilia respiramus. Alia ratione esse voluntarium, non merè naturalem, quatenus voluntariè possumus aliquo pacto hunc motum regere, vel accelerando, vel retardando respirationem. Imò, vt assert Galenus, potest etiam penitus respiratio cohiberi: sicut narrat, quendam respiratione cohibita semet voluntariè enecasse.

Fit respiratio hoc modo, & his instrumentis. Attrahitur aer externus ore & naribus, vel alterutro ex

his duobus aditibus. Demittitur per *qua in-* asperam arteriã in pulmones. *Aspe-* *strumẽ-* ra arteria est canalis quidam semper *ta.* apertus, quibusdam veluti annulis satis consistentibus contextus. Incipit ex faucibus, desinit in pulmones, ibiquè finditur in duos canales pro duabus pulmonis alis, ac rursus per plurimos minutos riuos in toto pulmone spargitur. Pulmo constat carne valde laxa & porosa veluti ad instar spongiæ: Sic ebibit aerem, inflatur aere. Hinc ex pulmone exprimitur aer in medium sinum cordis per arteriam venosam, quæ ex pulmone pluribus ramis ducitur, ac vno tandem ductu in sinum cordis exit. Sic fit inspiratio. Rursus aer calefactus ex corde emittitur, ac iterum excipitur in pulmone, & per compressionem pulmonis expellitur, eademquè via qua ingressus fuerat, foras mittitur. Sicquè fit expiratio.

Præter hæc, adest iuxta pulmonem, musculus quidam carneus, cõpetentis magnitudinis, græcè vocatur Diaphragma, quasi medium, & latinè septum transversum: quia scilicet veluti paries quidam medius ac sepimentum, separat viscera spiritalia à naturalibus, idest cor & pulmonē à iecore & liene. Hoc diaphragma multum valet ad perficiendam respirationem. Imò Galenus lib. 5. de Vsu part. cap. 15. & lib. de Cautis respirat. & alij plures, volunt, eius sola vi moueri & agitari pulmones, dum se dilatando excipiunt aerem, & se constringendo exprimunt aerem. Compertum enim est, laeso & impedito diaphragmate, statim quoque à suo motu cessare pulmones. Atque Galen. motu ipsius diaphragmatis eleuari ac deprimi thoracem, & in eleuatione thoracis pulmones inflari aere, ad euitandum vacuum. Arist. verò lib. 3. de Part. animal. cap. 10. nullum officium diaphragmati tribuit ad respirandum, solum com-

Quomodo fiat & per

memorans officium illud separatum. Sed cap. 6. nec etiam ipsi pulmones, sed potius cordi, vim eius motuam attribuit. Sed præstat dicere cum Auerr. 2. Colliget cap. 59., pulmones ad respirationem moueri, & agitari, tum propria vi ipsis insita, tum virtute diaphragmatis. Motu quidem diaphragmatis fit eleuatio thoracis: at propria vi sua ipsi pulmones dilatantur & attrahunt aerem. Originaliter verò totus hic motus à corde dependet, licet non perficiatur proximè per virtutem ipsius cordis, quasi ipsum cor distendat contrahatque pulmones.

*Respirationi
rationi
additur
alius
cordis et
arteriarum
motus.*

Respirationi demum valde affinis est, alius peculiaris cordis motus, de quo agit Arist. cap. 15. quo motu ipsum cor per se agitur, se dilatans & contrahens, estque similis ebullitioni, ait Aristoteles. Hic motus dicitur pulsus. Est in animali continuus. Et apparet in ipso pectore, quia cor hoc suo motu pullat pectus. Est crebrior quam motus respirationis & vni enim respirationis actui, plures pulsationes cordis interim correspondent. Hunc cordis motum pariter & uniformiter comitatur similis arteriarum motus per totum corpus: arteriæ quippe originem & radicem habent in corde, eodemque cordis motu vibrantur, se eleuando & comprimendo. Sed adhuc in seipsis habent talem virtutem motuam, quæ dependenter à corde eius motum comitentur. Hæc autem dilatatio & contractio cordis, non fit per modum rarefactionis & condensationis: sed dum cor dilatatur, se porrigit in latum abbreviando longitudinem: dum verò contrahitur, se restringit in latitudine, & porrigit in longitudine. Sic ex Medicorum sententia approbat Dandini. 2. de Anima digress. 29. Vbi insuper notat, dum cor dilatatur, deprimi arterias; dum verò cor contrahitur, ar-

terias eleuari. Maxime autem hic arteriarum pulsus deprehenditur circa membrorum extrema, vbi sunt magis expositæ. Huiusmodi cordis & arteriarum pulsus, suscipit quoque plures varietates, tum velocitatis & tarditatis, tum inconstantis & inæqualitatis, aliasuè similes. Et præsertim euariatur per morbos & febres, quæ proinde ex arteriarum pulsu à Medicis dignoscuntur. Commemorat quoque Arist. alium cordis motum, quem vocat saltum, qui contingit dum quis timore terretur, & in morbo qui dicitur palpitationis. Atque, prouenire ex frigore, siue ex frigido excrementis inuadentibus ipsum cor: vnde per collectionem caloris in corde, ex fuga contrarij, palpitat ipsum cor.

Porro, pulsus ille naturalis & ordinarius cordis, præter alios vsus, deseruit specialiter ad hoc vt cor attrahat aerem ex pulmonibus, eumque rursus excutiat, & similiter vt à se depellat vapores excrementitios & fuliginosos. Item arteriarum vibratio deseruit, vt arteriæ dum se eleuant & velut inflantur, impleantur ex ipso cordis fonte sanguine ac spiritibus, vt ebibant quoque per poros et externa orificia aerem ad moderandum calorem totius corporis & arterialis sanguinis quem continent; vt hauriant quoque ex corde sulgines noxias: dum verò deprimuntur & coarctantur, influant in cor recentem aerem, foras exprimant caletactum aerem, depellantque huiusmodi cordis & arteriarum motus, quoad hos effectus, ad eundem finem institutus à natura est cum respiratione.

SECTIO SEPTIMA.

De Voce & Loquutione.

A Trigit de voce Aristotiles lib. 2. de Anima cap. 8., tanquam de quadam specie soni, quod erat obiectum auditus. Sed certè per se vox, quatenus affectio quædam & operatio animalis, considerari debet: & proximè respirationem sequitur.

*Vox est anima-
liū pro-
pria.* Vox est animalium propria. Alijs enim corporibus tribuitur genericè sonus, sed non specialiter vox. Per quandam tamen similitudinem vocatur etiam vox in quibusdam imitantibus nostram vocem. Sic expressit Arist. tex. 87. *Vox sonus quidam est animati: inanimatorū enim nullum vocem edis: sed secundum similitudinem dicuntur vocem edere, ut tibia, & lyra, & quæcumque alia melodiam habent & loquutionem.*

*Non est
omnibus
anima-
libus cō-
munis.* Rursus, vox non est communis omnibus animalibus, sed ijs solis propria est, quæ aerem trahunt & respirant, quæ sunt pulmone prædita. Vnde animalia exanguia, atque inter sanguine quoque prædita pisces, sicut non respirant, ita nec vocem formant. Sic Arist. ibidem: vbi propterea aduertit: *Pisces, qui dicuntur vocem edere, ut qui sunt in Acheloo, sonans branchys, aut quodam alio huiusmodi.* Inter animalia quoque terrestria, in genere eorum quæ sanguine carent, pleraque sunt, quæ sonum edunt, non autem propriè vocem. Notauitque Arist. lib. de Iuuent. & c. cap. 11. hæc animalia formare sonum eadem corporis parte, qua refrigerationem aliquam capiunt, licet non respirent: ut apes, vespe, scarabæi, & cicadæ. Et sic describit modum quo sonum faciunt.

Attritione ad membranam faciunt

bombum, qualem per arundines perforatas priori, quando superposuerunt membranam tenuem: propter hoc enim cicadarum canentes canunt. Rursus hoc totum confirmat Arist. lib. 3. de Histor. animal. cap. 9.

Omnia autem animalia quæ respirant, videntur vocem edere. Vnde in genere aquatiliū, illa quæ respirant, pariter vocem formant, ut ranæ, delphini, vituli marini, & similia. Notauitque Aristoteles 2. de Anima tex. 88, attractionem aeris omnibus ijs animalibus datam esse, à natura ob vtrumque finem & officium, nempe refrigerationis & vocis. Notauit quoque Galen. lib. 6. de Vsu partium, propterea etiam ijs animalibus datos esse pulmones qui excipiant aerem, ut plus aeris haurire & continere possint, ad hoc ut validiùs ac diutiùs voce sonare queant.

Vox propriè sumpta, definitur ab Arist. tex. 90. *Est percussio respirati finitur, aeris ab anima que est in his partibus ad vocatam arteriam, cum imaginatione aliqua.* Hinc solet hæc definitio aliter construi: *Vox est sonus, ore animalis prolatus, formatus per idonea instrumenta, ordinatus ad significandum.* Dum Aristoteles dixit, vocem esse percussionem, loquutus est in sensu causali, quia vox fit ex percussione, atque formaliter dicere voluit, vocem esse sonum factum ex percussione respirati aeris. Dum dixit, in his partibus ad vocatam arteriam, denotauit pulmones & alia idonea vocis instrumenta: quia nimirum potest aliter efformari sonus ab animali, ac etiam ore ipso, ut v. g. percussione dentium, qui tamen sonus non est propriè vox: & sic sonus ille qui fit à piscibus vsu branchiarum, & à cicadis, ac similibus, modo antea dicto, non est propriè vox. Dum denique Arist. dixit, cum imaginatione aliqua, ipsemet

*Omnia
que re-
spirant,
vocem
edunt.*

rationem reddit: significatiuus enim quidam sonus est vox: itaque docere voluit, vocem proferri ex imaginatione & representatione interius facta, & sic habere ordinem ad significandum. Ideo ait, tussim non esse propriè vocem, quia nō ex imaginatione profertur, non ordinatur ad significandum.

Sub voce loquutio continetur. Sub voce communiter sumpta, continetur specialiter loquutio: Hæc est vox articulata ac modulata per syllabas & verba: de qua Arist. lib. 4. de Histor. animal. cap. 9. : ac per se quidem conuenit hominibus: per humanam autem artem communicatur quodammodo quibusdam animalibus, vt maximè Pittacis, dum edocentur humana verba proterre. Designatquæ Arist. ibi, quibus specialiter animalibus & qua ratione conueniat loquutio dicens: *Genus autem vocem mittere potest: usque præcipuè facultas conficiendæ loquutionis, quibus lingua mediocriter lata vel tenuis.* Atamen magis adhuc propriè loquutio sumitur, prout est expressiua & significatiua conceptuum mentis, dum nempe homo, intellectus concipiens, utitur varijs vocibus ad eas significandas & manifestandas. Sic loquutio est proprius hominibus propria. Extenditur quoque demum loquutionis nomen, ad omnem manifestationem interiorum mentis conceptuum, etiam si absque voce fiat, imò prout fieri potest hæc manifestatio puro spirituali modo, sicut fit inter Angelos; unde Angeli quoque inter se loqui dicuntur.

Quomodo et per quæ instrumenta fiat vox & loquutio. Ceterum, cum vox & vocalis loquutio fiat per idonea instrumenta, enarrandum tandem est, quo pacto & per quæ instrumenta fiat. Pulmones excipiunt aerem eo pacto quod dictum est in respiratione. Tum per quædam compressionem pulmonum exprimitur ex ijs aer ac deducitur

per asperam arteriam. Comprimuntur autem pulmones ac pellitur aer virtute thoracis per plures musculos ad hoc officium à natura interconstas intra pectus contextos: virtutem enim motiuam animalem iam antea diximus maximè in musculis residere, & per eos exercere motum. In summitate asperæ arteriæ inuenitur quædam amplior cavitatis, quæ & ad extra aliquantum prominet, ac in deglutiendo rapitur sursum: hæc appellatur larynx. Laryngis ostium contegit mobilis quædam membrana, oblonga ad instar linguae, vnde & lingula dicitur, ac græco nomine epiglottis: hæc veluti ianua aperitur, dum aerem trahimus vel emittimus. Epiglotti rursus accedit caruncula, quædam ex fundo palati pendens: appellatur gurgulio: appellatur etiā columella ex figura quam refert: & appellatur vuvla, quia interdum fluxione humoris ad instar vuvæ inflatur. Aer itaque per asperam arteriam extrusus, atque ad laryngem prouectus, in epiglottem & gurgulionem incurrit & frangitur, & sic tandem in ore sonat: & hic sonus est vox, atque hoc pacto & his instrumentis vox simpliciter perficitur.

In cavitatis demum oris adest lingua, ad sunt dentes, & pro oris ostio ad sunt labia. His instrumentis articulamus vocem, ac per litteras & syllabas modulamus: & sic tandem perficitur loquutio. Per varias autem linguæ & labiorum cum dentibus flexiones formantur variae litteræ: & præsertim notauit Arist. ibi 4. de Histor. cap. 9. *Vocales litteræ, & vocis & gutturis: consonantes, lingua & labijs proferuntur.* Vnde apud Hebræos & alios consimilis loquutionis populos, vocales non per se inter litteras computantur, sed vocantur potius litterarum motiones. Varijs demum litteris conficiuntur variae syllabæ, syllabis vocabula, vo-

cabulis orationes. Sicquē tota perficitur loquutio. Habet tandem humana loquutio tantam aptitudinem & vim ad significandum, & ad exprimendos mentis conceptus, ut hac potissimum communicatione constet humana societas. De qua vōtum significatione, quia proximē spectabat ad intellectuam cognitionem eiusquē directionem, copiosē egimus q.6. Logicæ.

SECTIO OCTAVA.

De Rifu.

Rifus est confiderandus. **D**E risu nullo certo loco Arist. per se tractasse inuenitur: nisi quod sparsim quippiam hac de re attingit. Attamen, res est sanē consideratione digna, de qua aliqui libros integros conscripserunt: & rectē in hunc locum cadit.

Est homini proprius. Risus, in primis, est soli homini proprius: nequaquam enim bruta rident. Vnde pro familiarissimo exemplo passionis propriæ proponitur risibilitas in homine. Communis autem est omnibus hominibus aptitudo ridendi. Sed necesse non est, ut in omnibus deducatur ad actum: Solent verō pueri incipere ridere à quadragesimo natiuitatis die, ut attestatur Plinius lib. 7. in Præmio.

Rifus est motus & vox. Risus, in quantum exteriùs apparet, est motus quidam corporis, ac præcipuē faciei, & oris. Est etiam sonus quidam seu vox: & hic præcipuē validus risus dicitur cachinnus. Fit itaque risus proximē per virtutem potentiæ motiue, & per musculos tanquam instrumenta motus. Et maximē hic motus inchoari videtur ex musculo illo dicto diaphragmate, & consequenter perfici per musculos alios intercostales pectoris, et in facie ac in ore per mu-

sculos cum carne intextos. Explicauit autem copiosē Antonius Laurentinus Politianus lib. 1. de Risu, qualiter totum corpus omniaquē ferē membra in risu dimoueantur atque concutiantur. Fit item risus per virtutem potentiæ vocalis, quam habemus ad efferendam vocem, quam satis iam sect. superiori descripsimus.

Aliqui verō contendunt, motum hunc inchoari potiùs in corde, & ex corde deriuari proximē in diaphragma. Ita volunt Nicander Iosius lib. de Risu cap. 7. & Celsus Mancinius lib. de Risu et ridiculis cap. 10. Quod quidem potest verificari, quatenus in corde concipitur internus affectus qui risum mouet, ut infra dicemus: & præterea per hunc affectum cor in se ipso dilatatur, & effundit quoque vitales spiritus. Attamen formaliter ipse motus agitationis & vibrationis, quo corpus ridendo concutitur, exercetur vtique in musculis & per musculos, atque inter musculos incipit in diaphragmate. Vnde benē fieri potest, & passim contingit, ut adsit affectus lætitiæ, & motus dilatationis in corde, nec tamen sequatur risus: & è contra, exerceri potest risus per motum diaphragmatis, etiā sine affectu lætitiæ & motu dilatationis in corde ut in exemplo quod refert Hippocrates lib. 5. de Popularib. morbis, Miles à cacapulta percussus est in pectus, & paulò post risus erat circa ipsum tumensufus; videbatur autem mihi, Medicus eximens lignum, reliquisse aliquid de spiculo in seipso transverso.

Sub risu exteriùs apparente, inuenitur interiùs affectus quidam hilaritatis & iucunditatis, ex quo prouenit exterior motio corporis. Hic autem affectus, non est qualecumque gaudium seu complacētia. Quinimò compertum est; plerumque

Denotat affectu interiùs.

homines vehementer interiùs latari & delectari, nec per talem affectum ad risum induci. Valles. 5. controu. cap. 9. Fracastor. lib. de Sympat. & Antipat. cap. 20. & Suar. 5. de Anim. cap. 5. volunt, hunc affectum esse ex admiratione & læticia mixtum. Sed tamen necessaria non est admiratio, vt circa obiectum intra dicemus. Nec aliter potest hic affectus determinari, nisi quod risum constituit certus quidam interioris iucunditatis affectus, qui capitur ex rebus aptis ciere risum, vt inferiùs inquiremus. Rursus hic iucunditatis affectus formaliter quidem est in appetitu, sed excitatur ex representatione et consideratione talis obiecti apti mouere risum.

Alius est risus proueniens morè ab extrinseco, alius ab intrinseco.

Addendum tamen est, dupliciter posse moueri risum. Vno modo sic ab intrinseco ex interno affectu lætitiæ excitato per representationem obiecti ridiculi. Alio modo posse et solere risum quendam moueri proximè ab extrinseco per dimotionem quandam et agitationem corporis. Sic in primis ex iustillatione mouetur risus. Vbi sanè, is qui iustillatione patitur, nò vtiq; prouocatur ad risum ex representatione & consideratione obiecta alicuius iucundi & ridiculi, & ex affectu iocunde excitato, licet iam dicebamus: sed solum ex agitatione ipsa corporis prouocatur ad risum. Narrat insuper, præter Hippocratem supra, Aristoteles lib. 3. de Part. animal. cap. 10. ex vulneribus interdum ortum fuisse risum: *Idem etiam oratiella præcordia in prælysi risum attulisse, proditum est.* Idquè tanquàm fide dignum recipit, respuens aliqui quod de alijs narrabatur abscissum caput loquutum fuisse. Reddit quoque Aristoteles rationem, cur ex iustillatione soleat moueri risus, & interdum ex vulnere factus sit risus, communicationem scilicet quandam caloris vsque ad eam partem in-

qua perficitur risus. Narrat præterea Dioscorides lib. 6. cap. 14. inueniri in Sardinia herbam quandam de genere Ranunculi, dicique Sardoniam, quæ in cibum assumpta risum indeficientem moueat, & cum risu tandem mortem afferat: vnde vocatus est risus Sardonius. Narrat Plinius lib. 24. cap. 17. similem herbam inueniri apud Bactros, dictam Gelotophillidam, quæ cum myrra in vino epota, risum sine fine moueat. Narrat Strabo lib. 11. ante medium, inueniri in Cambyseis ataneas quasdam, quæ eos quos mordent, risu enecant. Imò inter varios effectus, quos suo morfu noti apud nos aranei seti phalangij in Apulia operantur, in quibusdam risum prouocant. Deum potest & solet homo, non ex animo lætus, tamen risum fingere, exercendo scilicet dimotionem corporis, & prolationem vocis, quasi rideret ex animo.

Itaque dicendum erit, motum illu musculorum quo formatur risus, posse prouenire tum ex interno affectu iucunditatis, per representationem obiecti ridiculi: tum ex quodam alia externa agitatione seu lætione corporis, quæ pariter talem motum inducat, & sic risum prouocet, aut communicando blanditiæ quendam calorem, vt dicebat Aristoteles: aut per se communicando talem motum mediantibus arterijs alijsque corporis musculis: aut prouocando copiam spirituum vitalium: aut immittendo tale venenum, quod ad diaphragma deductum, inducat talem motum qui risum perficiat.

Planè autem legitimus & perfectus risus est, qui ex conuenienti representatione & hilaritate interna prouocatur. Cùm autem in homine sint potentia sensitiva & rationales, & ex parte in vtraque parte exerceatur representatio & hilaritas; Aliqui volunt, risum per se & proximè ex parte rationali li.

Risus ab interno, proueniat ex parte sensitiua, vel rationali.

ionali-manare : quia solus intellectus est qui ridicula percipit ac discernit : & ideo solus homo ridet, & huic sententiæ adhæret Elpidius Berrettarius lib. de Rifu cap. 5. Ex aduerso aliqui contendunt, ritum ex sola affectione & operatione partis sensitiuæ moneri. Sumuntque ex Ar. st. ibi 3. de Partib. cap. 10. vbi indicat, ritum esse quandâ dilatationem sensus : & sc. 15. q. 6. & 8. supponere item videtur, ritum esse passionem partis sensitiuæ. Rationibus quoque confirmant. Tum quia omnia objecta ridicula sunt sensibilia. Tum quia ex varia corporis temperatura, atque adeo ex inclinatione sensitiua, alij sunt magis alij minùs proni ad ritum. Tum quia infantes quoque rident, quibus nondum est vñs intellectus. Tum quia, cum ex sola titillatione oriatur ritus, eo magis poterit sufficenter, oriri ex operatione partis sensitiuæ, absque alio concursu partis rationalis. Defendunt verò adhuc, ritum esse hominis proprium, eo quòd homo habeat membra ipsa corporis apta & idonea ad exercendum ritum, non autè alia animalia : & eo quòd homo habet sensum internũ, multò magis expeditum &abilem ad apprehendendum, vnde, Arist. 3. de Anima 48. & 56. & 57. sensum in homine vocauit intellectum quandam.

Pronit ex utraq.

Sed dicendum videtur ritum adquatè oriri ex vtraque parte simul. Ita defendit Nicander Iosius lib. de Rifu cap. 4. Et suadetur : quia sine dubio affectus ille iucunditatis & latitiæ, qui proximè ritum affert, est affectus appetitus sensitiui, sicut sunt alia similes passionis in homine : appetitus autem non moueri nisi ex apprehensione sensus, & alioqui nõ valet intellectus mouere immediatè appetitum absque apprehensione sensus. Concurrat autem intellectus ad excitandum & applicandum sen-

sum. Vnde communiter risibilitas in homine, tanquam passio consequens rationalitatem, ab omnibus assignatur. Et præsertim concursus hic requiri videtur ad representationem & considerationem obiecti secundum tales rationes & circumstantias, quibus insurgat in appetitu talis determinatus affectus, qui tandem ritum ingerit. Itaque ritus ex vtriusque partis operatione consequitur.

Atque hoc pacto satisfiet ad rationes quoque vtriusque partis allatas. Debet enim interuenire operatio intellectus, sed non excludit, imo secum adducit operationem sensus : & ideo ritus est soli homini proprius, nec brutis communis. Deinde, Arist. ad summum voluit, ritum verè pendere ex affectione partis sensitiuæ, sed non per hoc excludit concursum partis rationalis. Ob affectionem verò partis sensitiuæ, omnia objecta ridicula sunt sensibilia, & ex temperatura corporis, determinatur promptitudo ad ritum. Infantes autem rident, vel ex motione extrinseca, vt v. g. ex titillatione : vel quando incipiunt ridere ex motione intrinseca, non sine imperfecto aliquo intellectu vñs ridenti : hic ritus ab intrinseco non potest perfici absque operatione intellectus, licet alius ritus ex sola extrinseca causa possit oriri. Non sufficit demum sola peculiaris constitutio corporis, & habilitas sensus in homine, ad hoc vt ritus sit illi proprius : sed maximè ex eo quòd solus homo est rationalis, propriissima eius passio est risibilitas.

Postremò vidèdũ superest, quodnam sit ritus obiectum, siue materia, siue obiectum, quæ sint res ad ritum prouocantes. Aliqui absolutè designant, esse obiectum latificum & iucundum. Polianus lib. 2. de Rifu addit, esse iucundum excellens, citò pulsans animum, & prouocans vitales spiritus. Alij addunt, esse iucundum nouum & asferens

Quod sit obiectum seu materia risus.

ferens admirationem quandam. Aliqui addunt esse ludicrum. Aliqui esse facetum. Fracastor. lib. de Sympat. & Antipat. cap. 20. Conimb. 3. de Anima cap. 13. q. 1. art. 6. Suarez lib. 5. cap. 5. & alij frequenter, has omnes ferè cōditiones simul coniungentes, designant esse res iucundas, nouas, repentinas, leues, ludicras, habentes argutiam quandam & concinnitatem. Nicander Iosius lib. de Risu cap. 6. & Celsus Mancinius lib. de Risu & ridiculis cap. 5. determinant, obiectum risus esse, turpe representatum absque dolore. Imò sic planè Aristoteles docuit in Poetica cap. 2. *Ridiculum à turpi proficiscitur: ridiculum enim aliquo pacto peccatum est, & turpitudine sine dolore, minimeque noxia: perinde ac ridicula statim appareat deformis facies distorta sine dolore.* Idem planè docuit Cicero lib. de Oratore, *Hac videntur, vel sola, vel maxime, que notant & designant turpitudinem aliquam non turpiter.* Elpidius denique Berrettarius cap. 8. de Risu, non vnum certum genus assignat, nisi sub nomine ipso ridiculi, quia plura & varia sunt quæ risum ciere valent. Faut quoque Arist. lib. 4. Ethic. cap. 8. ubi ait: *Ridiculum admodum redundat, & infra: An hoc quoque nullam certam definitionem admittit, aliud enim aliq & odiosum et incundum esse consuevit.*

Est turpe sine dolore.

Pro resolutione dicendum, nullum videri genus magis commodum & adequatum pro ijs rebus quæ risum mouent, quàm turpe sine dolore: & hoc posse sufficienter assignari. Priores enim dicendi modi, minùs sufficientes sunt: eosque refellit Iosius cap. 5. Nam nec omne lætificum, licet addatur, excellens, aut nouum, aut admirationem afferens, aut ludicrum, aut facetum, aut hæ omnes conditiones simul, inuenitur prouocare risum: nec è conuerso omne ri-

diculum est facetum, ludicrum, admirationem afferens, nouum, aut excellens. Benè autem inuenietur, turpe sine dolore esse quod risum prouocat, eo modo quo docuit Arist. in Poetica. Turpe autem intelligitur, quod sit aliquo pacto indecens seu incoueniens alicui. Atque pluribus varijsq; modis contingit. Vel quòd sit turpe ex parte subiecti, vt in exemplo illo Arist., vel ex parte temporis, vel loci, vel alterius circumstantiæ, vel ex parte eius in quem aliquid fit aut dicitur. Et quidem, in ijs quæ passim occurrunt, facile obseruari potest, saltem regulariter huiusmodi esse ea quæ risum prouocant. Dicitur autem turpe sine dolore: quia alioqui, turpe quod contristat & dolorem infert, excitat potius ad fletum quàm ad risum: vt in exemplo illo Aristotelis, si facies amici deformata sit ex vulnere.

Addendum quoque est, circumstantias quasdam multum valere in obiecto huiusmodi turpi, ad augendum ridiculum, vt præsertim nouitatem, et alias huiusmodi: vnde inter ridicula sunt multi et inæquales gradus: et sic pariter magna varietas et inæqualitas in ipso risu contingit. Insuper videmus, idem aliquod obiectum, ab aliquo apprehendi tanquam turpe sine dolore¹, ab aliquo verò non tanquam turpe, & ab aliquo non² sine dolore: imo et ab eodem diuersimodè apprehendi in diuersis temporibus; et pariter quoad circumstantias, alicui occurrere de nouo, alicui esse antiquatum. et sic accidere plurimas in hac re varietates. Vnde ex eodem obiecto, alius prouocatur, et alius non prouocatur ad risum, alius magis, et alius minus.

Præter hæc verò quæ dicuntur tur. ¹ *Occurrit etiam aliquod purè iucunda, quæ ad risum prouocant, et ad hanc rem afferuntur à Ber-* ² *cundū.*

Berrettario ubi supra: nempe repentinus aspectus amici, aut filij, alteriusve coniuncti, repentinus nuncius de victoria litis, aut alterius euentus concupiti & expectati. Afferitur etiam titillatio. Verum risus ex titillatione, aliam extrinsecam originem habet, ut antea praemissimus. Propter ea autem quae tanquam pure iucunda risum afferunt, non ita determinamus, sola turpia mouere ad risum, ut hoc sit obiectum prorsus vniuersale & adequatum: sed saltem turpe sine dolore, est ordinarium obiectum quod regulariter & in quotidiana consuetudine mouet ad risum, & est id quo vtuntur ij qui ex industria student alios concitare ad risum, de qua re loquebatur Arist. in Poetica, loquens de fine & arte Comediae: & ideo cum ea limitatione dicebamus, nullum videri genus magis adequatum, quam turpe sine dolore, & hoc posse sufficienter assignari.

*Sed ad- aquatè
ipsum
turpe
videretur
prouoca-
re risu.* Sed praeterea obseruandum est, ut notauit Nicander, repentinum occursum amicis: nuncium de victoria, aliudue simile pure iucundum, excitare quidem vehementem letitiam, non autem in risum soluere, sed potius solum afferre rictum quendam oris velut in speciem risus, in signum scilicet hilaritatis internae. Itaque adhuc, illud quod ad completum risum prouocat, & concitat ad perficiendum risum, non erit nisi obiectum aliquo pacto turpe. Et ita remanet, hoc posse & debere sufficienter assignari pro obiecto adequato: ut necesse non sit obiectum risus facere vagum & distractum, non vno nomine comprehensum. Nec Arist. in Ethicis negauit hanc unitatem generis pro ridiculo: sed solum docere voluit, valde ample patere, & admodum multa ac varia esse quae risum prouocant, nec vnius tantum ordinis in genere rerum: non ergo nega-

uit omnia ridicula in hoc conuenire quod sunt turpia sine dolore. In vniuersum denique, ridicula duobus externis sensibus comprehendi videntur, nempe visu, & auditu: videndo enim & audiendo, aut recolendo ea quae vidimus vel audimus, prouocamur ad risum. Non autem ex odorando, vel gustando, vel tangendo, inuenitur excitari in nobis risus, nisi in tactu ex titillatione, sed hoc spectabat iam ad aliud genus. Itaque per eos duos sensus specialiter representatur ea turpitudine sine dolore, quae prouocat ad risum.

SECTIO NONA.

De Fletu.

Fletus risus e regione opponitur. Putarunt aliqui, non esse proprium homini, sed vel esse communem omnibus prorsus animalibus quae respirant & vocem edunt, vel saltem quibusdam perfectioribus animalibus. Nam, laesa eiulant ac strident, & quaedam narrantur interdum lacrymas effudisse. Sed, licet brutae quoque voce ostendunt signa doloris, tamen eorum non est proprie fletus, dicitur solum gemitus & eiulatus. Ita satis patet ex communi modo loquendi, & recte docuit Nicander Iosius lib. de fletu. Nec pro vero recipiendum est, vllum vnquam brutum ex dolore lacrymas profudisse: sed vel fabulosum est, si quid tale narretur: vel alius corporis humor, veluti excrementum, aut sanies, exitum ex oculo sibi parauit, non ex vi doloris lacrymas elicientis, sed ex virtute corporis expulsiua. Incipit autem homo flere statim ex sui ortus initio, nascitur enim plorans. Vnde auctatur Salomon Sapient. 7. *Primam vocem simile omnibus emisit plorans.* Attamen eiulatum seu vagitum

*Fletus
est pro-
prius
homini.*

gitum illum infantium ad certum tempus, non esse propriè & completè fletum, asserit Iossius vbi supra: vsque dum scilicet infantes incipiāt, ex animi dolore fundere lachrymas.

Importat motum & vocem & lachrymas.

Fletus ergo importat motum quēdam & agitationem corporis, praesertim in pectore & in facie, ac notabiliter in ipso ore. Importat etiam vocem quae emittitur. Vnde in hac generalitate conuenit cum risu. Sed longè diuersus est motus qui fit in risu & qui in fletu, vt aspectu ipso patet. Motus in risu est per modum saltus & dilatationis: motus in fletu est per modum contractionis, & in facie est similis illi gustui vultus quē format quis comedens aliquid acerbum aut amarum. Vnde satis manifestè in ipsa diuersa apparentia, alius motus indicat iucunditatem & lætitiā animi, alius angustiam & incorem. Item, taliter diuersa est vox in risu & fletu, vt altera gaudium, altera dolorem manifestè prodat. Praeter motum & vocem, fletus importat profusionem lachrymarum, atque in hoc actu praecipuè consistit. Possunt autem hi actus separati contingere, vt vnus sine alijs eueniat: quod satis ab experientia notum est.

Motus & vox fiunt sicut in risu.

Motus qui exercetur in fletu, fit proximè ex eadem virtute, & per eadem instrumenta, quibus motus in risu: nempe ex affectu cordis causatur quēdam agitatio in diaphragmate, & inde communicatur per alios musculos, ac tandem completur in facie: similiter ex eodem affectu per instrumenta vocalia promittitur vox. Ex diuersitate autem & contrarietate inter affectus iucunditatis & maestitiae, fit talis diuersitas motus, diuersaque vox, prout apparet in risu & fletu. Quare specialiter Arist. lib. Probl. sect. 11. q. 13. & 23. cur qui sunt reddunt vocem acutiorē, qui silent grauiorē. Redatque de plura rationem. Vna est quia flentes,

veluti vigorantur, vnde velocius pellunt aerem; qui verò rident, resoluuntur ac debilitantur, vnde tardius pellunt aerem: ex velociori autem aeris impulsu fit acutior sonus, ex tardiori grauior. Altera est: quia flentes, contrahendo os & comprimendo pectus vocem emittunt; ridentes verò magis ore hiscent & corpus remittunt: per angustiorē autem transitum, cum maiori velocitate & in minori copia mittitur aer: aer verò subtilior & velocior acutiorē refert sonum.

Lachrymae quae funduntur in fletu sunt humor quidam aqueus, qui sanguinem comitatur, estque veluti serum sanguinis, tanquam liquidarium & vehiculum eius, sine quo sanguis concresecit & indurescit. Huius or hic rursus ex sanguine spargitur per corpus, humectans & irrigans molles corporis partes, quae sic irrigatae, melius conseruantur & expeditius suas functiones exercent: & hic humor est, qui per calefactionem & exercitationem corporis, soluitur in sudorem. Ac praesertim abundat magis hic humor in partibus mollioribus et mobilioribus. Vnde circa cor intra membranam quae vocatur pericardium inuenitur copiosus humor ad instar aquae: & cor continetur velut intra vesicā quādam plenā tali humore. Abundat item talis humor in cerebro & in interioribus oculorum: indigent enim hae partes tali humiditate.

Potest & solet hic humor ex oculis fluere, pluribus de causis. Et in firmitate & morbo capitis, veluti se purgantis, & superflua excrementa emittentis per oculos. De his lachrymis notauit Arist. sect. 31. q. 24. esse frigidas; cum alioqui lachrymae quae ex dolore funduntur, sint calidae. Ee rationem reddit: quia in ijs qui modo oculis laborant, humor ille est incoctus & crudus, et ideo est frigidus.

Lachryma sunt humor aqueus.

Possunt et solent varijs ex causis fundi.

gidus, sicut etiam morbosus su or
est frigidus: Funduntur etiā lachry-
mæ ex confractione oculorum. Sic
notauit Arist. eadem sect. q. 1. *Lachrymæ enim oculus perfricatus
emittit.* Quia nimirum per illam
compressionem & incalesfactionem
oculi, euocatur internus humor. Si-
mili ratione funduntur lachrymæ,
dum oculi effunduntur fumo: quia
fumus ingrediens per cavitatem cir-
ca oculos, aliquantum calefacit inte-
riora oculorum, mordicat etiam &
pungit, & sic illum humorem prouo-
cat. Etenim quoque caparum, aliarum-
uē similibus rerum acris fortissimè sa-
poris, prouocantur ex oculis lachry-
mæ: quia mordax ille succus, & va-
porum acer caput petens, lachry-
mas soluit. Risu insuper valde fun-
duntur lachrymæ: quia videlicet agi-
tatione siliæ, & concussione corporis
humoris, exprimitur & effluit idem hu-
mor. Gaudio quoque ipso & lætitia
animi, citra risum, inueniuntur lachry-
mæ, præsertim ex conspectu
sensibilis tenerique amoris. Sic pa-
rentes post diuturnam absentiam vi-
dentes & amplectentes filios, jellu-
untur in lachrymas. Cujus rei exē-
pla habentur in sacra Scriptura: ut
Genesi 43. cum Ioseph vidisset Be-
niamin fratrem suum, *Erumpebant
lachrymæ & introiit in cubiculum
flevit.* Et ratio huius effusionis est:
quia per gaudium & amorem dila-
tatur cor, unde redundat dictus hu-
mor, ac per oculos effluit. Ex dolo-
re demum ac tristitia passim fundun-
tur lachrymæ: quia dolor comprimit
& constringit: unde sicut per
compressionem spong. emadidæ ex-
primitur aqua imbibita, ita ex dolo-
re per compressionem partium quæ
perfusæ erant tali humore, exprimi-
tur lachrymæ, ac per oculos tandem
funduntur, & sic fletus perficitur.

Vnde & quomodo. Non tamen necesse est, ut ex af-
fectu residente in corde immediate

fundatur humor qui existerat in *do fun-*
corde & circa cor. Quinimò non *dantur.*
apparent patentes v. æ, per quas talis
humor ex corde fluat ad oculos. Sed
per communicationem & conexio-
nem partium ex affectu cordis ef-
fluit proxime ex oculis ille humor,
qui in oculorum interioribus serua-
batur, succedente alio humore ex
partibus remotioribus, iplis nempe
partibus veluti sugētibz humorem:
& sic ex iptomat corde velut ex fon-
te potest originaliter deripari lachry-
malis hum. pr.

Et hunc contingit, quosdam esse
promptiores & faciliores ad fletum:
vel si facilius vehementiorem affec-
tum in corde concipiant: vel si ma-
iori humoris copia abundant: vel si
laxioribus & mollioribus carnibus
contineantur, quæ abundantiori humore
irrigantur, & facilius humorem sug-
gant. Hinc præsertim, fœminæ &
pueri sunt valde proniores ad fletum,
quàm provec. ætatis viri. Rursus,
magis durare solet fletus quàm risus:
quia affectus excitans fletum, est
magis serius ac severus, atque adeo
tenacius insiguit animo: affectus
verò excitans risum, est inanis quæ-
dam & vana iucunditas de re leui &
nullius momenti, ideoquæ de facili
transiens. Atque enim crebrius & fa-
miliarius prorumpit homo in risum
quàm fletum: quia frequentius oc-
currunt ea quæ risum prouocant, &
longè leuior affectus lætitiæ sufficit
ad excitandum risum, quàm affectus
doloris vel etiam amoris & gaudij
ad excitandum fletum. Vnde magis
censetur dedecere viros graues &
maturus fletus quàm risus: quia
adeo promptè & faciliè unusquisque
prouocatur ad risum; sed non pro-
rumpit quis in fletum nisi ex vehe-
menti affectu, cui interiùs succum-
bat & cedat. Sed hoc ostendit so-
lùm dedecere fletum de rebus leui-
bus & parui ponderis. De rebus au-
tem

tem grauibus & magnæ æstimationis, decet sanè fletus cum debita moderatione, plusquam risus de rebus leuibus & friuolis.

Ex cu. Cæterùm, sicut de risu diximus; *ius par.* ita pariter affectio ex qua prouenit *sis affe.* fletus, tangit vtramque partem in *Elu, et de* homine, nempe sensituiam & ratio- *quo ob-* nalem: sensituiam tanquam proxi- *secto fle-* mè inductiuam fletus, rationalem *ens ob-* tanquam motiuam partis sensituiæ. *ueniat.* In infantibus autem, vel nō est propriè & in rigore fletus, vel operationem sensituiam qualis in ijs est, comitatur quoque aliqua partis rationalis operatio, licèt expers penitus libertatis. Obiectum verò seu materia fletus ex dolore procedentis, potest & solet esse, quodcumque aptum sit notabilem doloremingere, cuiuscumque generis sit res de qua talis affectus in animo concipitur.

SECTIO DECIMA.

*De Virtute Virium interiorum
animalis ad impressiones
quasdam exteriores
in corpore.*

Fiunt **I**N prima ipsa constitutione ani- *impres-* malis, ex natua eius complexio- *siones in* ne ac temperie, fiunt in corpore ex- *corpore,* teriores quasdam impressiones, sen- *que in-* sibiles & conspicuæ, quæ propterea *dicant* vim habent indicandi ac denotandi *vires* statum interiorum virium, quæ per *interio-* se non cadunt sub aliorum conspe- *res per* ctum. Hæ impressiones consistunt, *Physio-* in magnitudine corporis & mem- *gnomiæ.* brorum, in figura, in colore, in duritie vel molitudine partium, & alijs huiusmodi externis apparentijs. Sic manifestum est, pro diuersitate generum & specierum in animalibus has affectiones esse valde diuersas. Præsertim verò intra eandem huma-

nam speciem notabilis huiusmodi impressionum in corpore diuersitas inuenitur apud singulos homines. Hinc peculiaris quedam facultas extat, quæ dicta est Physiognomia, ab his nempe exterioribus signis in corpore, diiudicans interiores animalis vires. Extat liber Aristotelis de hac facultate, vbi in principio hæc omnia determinat. Scripserunt de eadem re, Polemon, & Adamantius, & copiosè nuper Ioānes Baptista Porta in sua Physiognomia, ac nouissimè Scipio Claramontius in lib. de Coniectandis animi moribus.

Præter impressiones in toto corpore, inueniuntur quoque in homi- *Deli-* ne variæ delineationes in parte in- *neatio-* teriori manus, et quasdam etiam in *nes ma-* fronte. Ex his delineationibus auli *nus &* sunt aliqui interiores hominis vires *frontis* diiudicare ac pronunciare. Et ex li- *non sunt* neis manuum vocata est Chyromā- *idonea* tia, ex lineis frontis Metoposcopia. *ad indi-* Referunt præcipuè varias deline- *cādum.* ationes ad astra caelestia: et ita ex illis decernunt non solum natiuas hominis inclinationes, sed etiam futuros euentus. Verùm, hæc tota ars, vana prorsus & inutilis est, imò superstitiosa & illicita: vnde meritò simul cum diuinatrice Astrologia damnata est ab Ecclesia. Imò non solum deficit ex omnibus ijs capitibus, quibus diuinatio ex astris damnata est: sed præterea, tales delineationes non sequuntur impressionem astrorum, sed potius fortuito in humano corpore variantur. Plura autem circa hanc rem prosequuntur Theologi ac Morales Auctores contra diuinationem.

Rursus, ex varijs affectibus ani- *Fiunt ex* me pro tempore transeuntibus, fiunt *affecti-* quoque trāscentes quasdam impres- *bus ani-* siones in corpore. Ita notum est, *ma aliæ* ex timore oriri pallorem & tremo- *impres-* siones *trāscentes* rem, ex ira & verecundia ruborem, *res in* & similia. Ac ratio est: quia pro *va-* corpore.

varietate affectuum partis sensitiuæ, immutatur quoque ipsum corpus. Ut, in timore concurrit sanguis ad succurrendum cordi, unde deserit exteriora membra, & inde oritur pallor & tremor. In iracundia effructescit sanguis circa cor, unde postea spargitur in membra corporis, & inducit ruborem. In verecundia, sicut homo ipse libenter se absconderet ut fugeret ignominiam, ita ipsa natura ex eodem affectu quasi ad contegendum vultum, immitit sanguinem, & sic inducit ruborem in facie. Ac tandem a ijs similibus rationibus contingunt alię impressiones in corpore ex varijs affectibus animæ.

Præsertim denique, ex vehementi aliqua imaginatione aut affectu animæ fiunt interdum notabiles quædam impressiones in corpore, non tunc pariter transientes, sed deinceps permanentes, ac fixæ & stabiles in corpore: in. ò non solû in corpore proprio, sed etiam in alieno.

Fiunt impres- siones in corpore proprio. Circa corpus proprium, Arist. lib. de Animal. motu cap. 5. indicare videtur, interiori apprehensione animæ effici posse in corpore quæcumque alterationem & motionem, quæ alioqui per causas & qualitates naturales fieri soleat, quali scilicet ipsa apprehensio habeat eandem vim cû ijsdem causis & virtutibus. *Alterant, inquit, imaginationes, & sensus, & intellectiones: sensus enim statim sũt alterationes quadam, imaginatio vero & intellectio, rerum habent virtutem: aliquo enim modo forma intellecta, calidi, aut frigidi, aut inuendi, aut terribilis, talis quidem est, qualis & rerum unaquæque.* Et rursus cap. 8. *Intellectio enim & imaginatio, ut dictum est prius, falsas passionum afferunt, species enim falsarum afferunt.* Similiter D. Thomas 3. par. q. 13. art. 3. affirmat, ex imaginatione effici motum localem in corpore, ut calum ex tra-

be in alio posita, & alterationem secundum calorem & frigus aliasque passiones. Et 3. cont. Gent. cap. 99. docet, ex vehementi imaginatione immutari corpus quoad ægritudinẽ vel sanitatem, idest causari morbum vel sanitatem in corpore. Et videtur communis hominum existimatio: unde dici solet, *Imaginatio facit casum.* Unde iuxta hoc plures sunt qui docent, formam intentionalem imaginationis habere per se vim imprimendi formam realem in corpore: Auicen. lib. de Ani. parte 4. cap. 4. Marsil. Ficinus lib. 13. de Animi immortal. cap. 1. Conciliator differ. 15. Valles. de Sacra Philos. cap. 11. Conimbric 1. de Generat. cap. 9. q. 1. art. 2. et alij. Atque ad id pertuadendum plurima extant exempla, quæ copiose affert Thom. Fienus lib. de Viribus imaginationis q. 8., 10., & 11.

Atamen asserendum est, non posse per se & directè ex apprehensione & affectu animæ immutari corpus, sed benè posse per accidens & indirectè causari aliquas impressiones in corpore. Explicatur & probatur quia planè experientia ipsa, constat, regulariter & communiter apprehensionem & affectum animæ non habere talem ac tantam vim, ut ea quæ apprehendit quis aut cupit, quantumvis vehementer afficiatur, eo ipso in suo corpore efficiat. Certè non sic possunt homines se calefacere aut refrigerare, morbis grauari, aut à morbis sanare, aliatuẽ similes impressiones in se efficere. Et non solum id non possunt homines communiter: sed nullus simpliciter inuenitur qui talem vim habeat, quali ex peculiari sua constitutione & perfectione, tali polleat facultate. Et ita docent D. Thomas 1. par. q. 67. art. 3. & 3. cont. Gent. cap. 103. & in 2. d. 13. q. 1. art. 3. Themist. 2. de Anima cap. 42. Scalig. exercit. 75. Francisc.

cito. Piccolomin. lib. de Facult. motu cap. 22. Christoph. Vega lib. 2. Artis med. sect. 6. Fienus locis citatis, & alij vt plurimum.

*Sed indirectè
mediam
te com-
matione
humorū.*

Benè autem per accidens & indirectè possunt fieri & interdum fiunt determinatæ quædam impressiones in corpore ex vehementi imaginatione & affectu animæ; quia scilicet conuoluentur humores in corpore, qui consequenter apti sunt alios effectus inferre. Nempe ex vehemēti apprehensione ac timore alicuius mali resultat frigiditas in corpore, quia recedit sanguis ex membris externis: ex vehemēti iracundia aut verecundia resultat calor in corpore, quia accenditur sanguis circa cor, & effluit in partes externas. Item ex vehemēti apprehensione & horrore periculi, stans quis super excelsum trabem, tremore concutitur, ac debilitatur in membris, & occurrente magna spirituum & vaporum copia in caput, aliquam vertiginem incurrit, & sic ex ea altitudine decidit. Fiunt quoque morbi ex imaginatione & ex affectibus animæ: vt ex nimia cogitatione, aut amore, vel tristitia, aliaue passione, incurritur insania, delirium, epilepsia, ac etiam febris: quia nimirum reuolantur vapores nimij in cor et caput, agitantur humores, impediuntur vel debilitantur aliz virtutes et operationes, vnde oriuntur putredines et aliz morbosæ commotiones. Ex aduerso potest imaginatio placida et pæcata cum hilaritatis affectu, conducere ad elincedā aliquā ægri- tudinem, et recuperandam sanitatē. Iuxta hoc debet intelligi Aristu. Non enim voluit, apprehensionem et speciem intentionalem habere per se eandem vim cum causā naturali et qualitatē reali: quod esset prorsus contra veram experientiam. Sed solum voluit, per concomitantiam, aliarum potentiarum et humorum

corporis posse reales impressiones in corpore effici: non quidem indifferenter quascunque et quandocunque; sed certas ac determinatas, et quando inueniuntur concurrere debitz conditiones. Idem solum voluit D. Thomas, et ita exponunt ibi Caiet. et Ferrar. Alibi enim S. D. satis expressit, imaginationem non habere vim ad tales effectus nisi per accidens. Et sic solum verificatur, quod imaginatio facit calum. Ad exempla autem quæ referuntur, et plus probare videntur rectè ostendit idem Thomas Fienus, quædam esse fabulosa et fide indigna: quædam fuisse casualia et fortuita, eo quod casu acciderit simul coniungi effectum realem in corpore et imaginationem in anima: quædam fuisse conuerso causalia, eo quod ex effectū reali in corpore orta fuerit imaginatio in anima: quædam fuisse opera magica et dæmoniaca, non verò naturalia: quæ denique exempla vera sunt de effectibus naturalibus imaginationis in corpore, non plus probare quam causalitatem dictam per accidens et indirectè.

Circa corpus alienum, Auitenna lib. 6. Natural. sect. 4. cap. 4. et Algazel. 5. Phisic. cap. 9. opinati sunt, posse per meram imaginationem alienius, mira opera fieri in alio extraneo ac etiam remoto subiecto, vt morbum aut sanitatem inferri, pluias excitari, et alia huiusmodi. Hanc autem vim non omnibus inest, sed solum quibusdam paucis, qui nempe sub certis syderibus oriuntur, et ex istis syderibus talem vim accipiunt. Afferunt autē pro hac re omnia exempla operum mirabilium, quæ à quibusdam hominibus varijs temporibus facta sunt. Et præsertim familiare est exemplum eorum, qui odioso animo alium quempiam intuentes, vehementer illum ledunt et fascinant.

*Nō sūt
impressio-
nes
ex ima-
ginatione
in
corpore
alieno.*

Certum tamen est, imaginatio-
nem non habere talem ac tantam
vim circa corpora aliena & externa.
Sic notauit S. Thom. 1. par. q. 117.
art. 3. ad 2. & 3. cont. Gent. cap. 103.
& alij omnes recte sentientes. Nam
nec ex communi natura sua, nec ex
peculiari constitutione vilius singu-
laris hominis, nec ex vlla vi syde-
rum, imaginatio talem vim habere
potest. Opera autem mirabilia, quae
a varijs hominibus facta sunt, vel fa-
cta sunt virtute Diuina, & sunt
cula: vel virtute Demoniacae, & sunt
opera magica. Fascinatio uero fie-
ri censetur mediantibus uaporibus
et spiritibus venenosis per oculos
fascinantis effluentibus, et aliena
corpora attingentibus atq; iunicien-
tibus.

Fiunt Præterea, inter corpus proprium
impre- et alienum, medius quidam status
fiones ex est proles ex parentibus concepta:
imagi- Proles enim euadit quidem corpus
natione alienum ac discretum à parentibus,
& affe- tamen concipitur de substantia pa-
ctus pa- rentum, et ab initio procedit ex prin-
rentis in cipio coniuncto, et ulterius per ali-
corpore quod tempus permanet in utero ma-
prolis. tris. Magna ergo et mirabilis ob-

seruata est vis imaginationis in pa-
rentibus, ac præsertim in matre, ad
efficiendas varias impressiones in
prole. Nempe ex vehementi ima-
ginatione alicuius obiecti inter con-
cipiendum representari, euadit pro-
les similis tali obiecto. Ac rursus
deinceps, dum foemina gestat pro-
lem in utero, ex vehementibus qui-
busdam imaginationibus & affecti-
bus eius, signatur proles certa im-
pressionem rei, de qua talis imaginatio
& affectus habetur.

Hanc vim in imaginatione agnouerunt
Aristoteles lib. 7. de Histor. animal.
cap. 4. & in libro Problem. sect.
19. q. 12. Hesiodus lib. 2. de Operibus
& dieb. Hippocrat. lib. de Superfecundatione,
Galenus lib. de Theriaca.

cap. 14. Empedocles apud Pluta. chû
lib. 5. de Placitis cap. 12. Plinius lib. 7.
cap. 12. Cicero lib. 1. Tuscul. D. Aug.
lib. 3. de Trinit. cap. 12. & lib.
11. cap. 2. & lib. 12. de Ciuit. cap. 25.
& lib. 18. cap. 5. D. Hieronimus lib.
de Traditionib. hebraicis, Isidor. lib.
12. Ethimolog. cap. 1. & alij gra-
uissimi Auctores. Idemquæ pro cer-
to supponunt communiter, Medici,
Philosophi, ac Theologi. Patet autem
frequentibus experientijs & exem-
plis, quæ quidem passim occurrunt,
dum matres ex vehementi concu-
piscencia alicuius cibi quem non obti-
neant, prolem signatam figura talis
cibi in certa parte corporis edunt.
Quamplura autem & varia huius rei
exempla de vi imaginationis tum in-
ter concipiendum, tum tempore ge-
stationis in utero, copiosè refert
Thomas Fienus lib. de Viribus Ima-
ginationis q. 13. Vnum autem pro
omnibus sufficere potest, ex sacra
Script. Genes. 30. Vbi Iacob virgas
ex parte decorticatas, atque ita di-
uerficoloras, ante oues exposuit, quæ
in eo conspectu concipientes, agnos
similiter coloribus variatos progi-
gnebant. Quænam autem potissi-
mum imaginatio & affectio animi,
& cum quibus circumstantijs, & ex
quibus parentibus, & quo tempore,
quas impressiones in foetu, et in
quibus partibus corporis, et sub qui-
bus varietatibus inducere soleat, co-
piosè prosequitur Thomas Fienus à
q. 16. per plures sequentes.

Difficile uero valde est, quoniam
modo imaginatio parentis has im-
pressiones in prole perficiat. Galenus tur modi
et Plinius, D. August. et Isidorus, quibus
inducant, formam ipsam intentiona-
lem diuersantem in animo, per se
efficere et imprimere talem figuram
et colorem in prole. Et ita docent
Aucenna lib. 5. de Animalibus. Mar-
fil. Ficinus lib. 13. de Immortal. ani-
marum cap. 1. Conciliator differ. 135.

Ta aret. lib. de Anima art. penult. Valles. lib. de Sacra Philosoph. cap. 11. Conimbric. 1. de Generat. cap. 4. q. 30. art. 2. & cap. 9. q. 1. art. 2. Iacob. Forliuient. lib. 3. Artis parvæ q. 11. Thomas à Vega cap. 49. Artis parvæ, & alij. Quorum plerique magis explicant, per vim imaginationis tortiter imprimi imaginem obiecti imaginati in spiritibus animalibus, & hos spiritus destinare ad locum conceptionis, seminique immistos imprimere talem formam realem in prolem similem formæ intentionali quæ versabatur in animo. Aliter D. Thomas 1. par. q. 117. art. 3. ad 2. & alibi, significat, imaginationem non aliter efficere quicquam quam per commotionem & agitationem humorum, excitando animi passionem. Noster Guazara lib. 2. de Interiori sensu tract. 7. cap. 3. explicat, imaginationem efficere tales impressiones in prole, mediante immutatione primarum qualitatum: quod scilicet ex vehementi apprehensione obiecti inducatur talis temperies primarum qualitatum in sanguine & semine, ex qua talis figura, aut color, aut quæcumque certa impressio, apta sit provenire. Thomas Fienus q. 14. concludit, imaginationem inducere tales impressiones, dirigendo facultatem conformatricem ad eas efficiendas: & q. 15. explicat, dirigere in genere causæ exemplaris, & dirigere imitando atque communicando species intentionales coniunctate quadam per totum patris sanguinem & spiritus, vique ad illam materiam ex qua formatur foetus.

Refellū Hitamen dicendi modi non faciunt quædā satisfaciunt. Non enim forma intentionalis, siue sit species impressa, siue imago & representatio expressa, habet talem vim per se producendi formam realem sibi similem: ut extra hanc rem erat novissimum: neque

pro hac re necesse est immutare specierum naturam & virtutem, quia alio modo poterit res saluari. Rursus, non est verisimile, per solam commotionem humorum ex imaginatione fieri tales actum mirabiles impressiones in foetu. Quæ enim commotio humorum potest rationabiliter cogitari ex vehemēti apprehensione et appetitione alicuius cibi, ut figura talis cibi in certa parte corporis in foetu signetur? & sic in alijs varijs impressionibus. Bene quidē fieri potest, ut per commotionem humorum afferratur aliquis morbus, vel aliqua monstruositas in prole: autamen, ut afferatur determinatē certa quædam figura cum certis circumstantijs, non potest planē referri in solam commotionem humorum. Item minus est verisimile, his impressiones fieri per immutationem & temperiem primarum qualitatum. Non enim per vehementem appetitum alicuius cibi effici debet in sanguine patris talis determinata temperies caloris & frigoris, humiditatis & siccitatis, quæ ex virtute sua imprimat tale stigma in corpore prolis neque ex vlla harum qualitatum temperie singulares quædā impressiones possunt oriri: ut dum mater vultu vulneris alicuius, gignit prolem vulneris cicatrice signatam in eadē corporis parte, & sic in alijs innumeris exemplis. Non potest demum virtus motiva dirigi ex imaginatione in genere causæ exemplaris. Nam causæ exemplaris refertur ad agens cognoscitivum, quod representans sibi exemplar, efficit opus illi simile. At virtus formativa nihil prorsus cognoscit. Et dum ait Fienus, non habere veram & propriam cognitionem, sed cognoscere per instinctū, ex quadam sua divinitate, quæ & alia admiranda facultati potius simplici ter debet, nullatenus cognoscere exemplar: sed sine cognitione efficere opus

opus ex naturali suæ virtute, vt nos
mox dicemus.

*Affer-
tur ve-
risimi-
lior mo-
dus.* Non videtur ergo aliter dici pos-
se, nili quod ex naturali quadâ sub-
ordinatione, sympathia, & conne-
xione harum potentiarum, quæ sub-
ordinatio ex ipso effectui innotescit,
virtus formatiua determinetur ad
certo modo figurandum & signan-
dum fœtum iuxta vehemētē illam
apprehensionem & affectum animi
circa rem aliquam repræsentatam.
Et suadetur, quia per huiusmodi sub-
ordinationem plurimæ aliæ opera-
tiones fiunt in viuente, dum ex mo-
tione vnius potentia dirigitur alia
ad certam suam actionem, absque
eo quod prior illa potentia directè
agat, aliouè modo per se concurrat
ad operationem alterius potentia.
Cum ergo constet, ex imaginatione
& affectione animi signari fœtum,
dicetur potentia formatiua ita esse
illi subordinata, vt talem figuram
imprimat: præsertim, cum non ap-
pareat, quo alio conuenienti modo
concurrere valeat: & hic modus suf-
ficere videatur. Non autem requi-
ritur, vt forma intentionalis realiter
deducatur vsque ad locum concep-
tionis, & attingat materiam fœtus:
neque id naturaliter fieri potest: sed
naturalis subordinatio talis est, vt ex
forma intentionalis existente in suo
organo signetur proles in vtero.

Neque cōtra hunc modum quic-
quam obstat quæ Fienus opponit.
Primò: quia potentia subordinata
alteri, debet esse virtus eiusdem ani-
mæ: at potentia formatiua, non est
facultas eiusdem animæ parentum,
cum vel sit in semine deciso & sepa-
rato, vel potius sit facultas eiusdem
animæ fœtus sibi domicilium fabri-
cantis. Secundò: quia ad summum
ratione Sympathia imaginatio pos-
set excitare virtutem formatiuam ad
exercendum suum actum, sicut sub-

ordinantur aliæ potentia anime; non
autem posset illam determinare ad
speciem actus. Tertiò: quia poten-
tia quæ dirigit ac specificat actum
alterius ratione solius sympathia, nō
specificat nili certo determinato
modo, cum naturales sympathia sint
determinata ad vnum: sed ex ima-
ginatione variantur impressiones et
signatura in fœtu infinitis modis:
ergo id non contingit per solā sym-
pathiam. Quartò: Cum impressio-
nes in fœtu fiant pro similitudine
rerum apprehensarum, non nisi spe-
cies ipsæ repræsentatarum rerum pos-
sunt sic determinare virtutem for-
matricem: nec possunt determinare
nisi exemplariter dirigendo.

Ad hæc omnia facilè responde-
tur. Ad 1. Virtus formatiua, nequa-
quam est eiusdem animæ fœtus qui
formatur: prius enim formatur cor-
pus quàm inducatur anima: neque
ab initio proles format se ipsam, sed
omnino formatur à parentibus. Est
ergo verè virtus parentum: et licet
proximè resideat in semine, tamen
semen, licet deciso, est instrumen-
tum parentis. Et quia fœtus forma-
tur intra vterum matris, ideo specia-
liter signatur ex imaginatione ma-
tris. Ad secundum. Optimè potest
imaginatio ratione sympathia de-
terminare virtutem formatiuam ad
speciem actus, in figuranda et si-
gnanda prole. Ad tertium. Hæc est
vis imaginationis, vt pro infinita
varietate obiectorum, infinitis quo-
que modis dirigere possit virtutem
formatricem, et variare impressio-
nes in fœtu: siquidem, non præcisè
ratione sui, sed ratione suarum ap-
prehensionum id totum præstat. Ad
quartum. Species ipsæ rerum in ima-
ginatione determinat virtutem for-
matricem: non tamen per modum
causæ exemplaris, sed per subordi-
nationem potentiarum et actuum.

De Anima Rationali.

Non alia infra Dei contemplationem est hominis magis debita & conueniens, quàm suæ rationalis animæ, sui què ipsius consideratio. Hinc D. August. lib. 2. de Ordine cap. 18. ex vniuersa Philosophia has duas solas quæstiones eligit & assumit, vnā de anima nostra, alteram de Deo: illam qua nos ipsos nouerimus, alteram qua originem nostram: illam nobis dulciorem, alteram altiore: illam qua beatitudinē digni, alteram qua beati reddamur. Imò ex omnium rerum cognitione anima nostra sui ipsius notitiam deducere habet. Vnde notauit Vgo de S. Victore lib. 1. Didascalon cap. 2. *Anima nostra in orbes geminos morum glomerat, quia sive per sensus ad sensibilia exeat, sive per intelligentiam ad inuisibilia ascendat, ad se ipsam rerum similitudines trahens regyrat.*

Sed meritò hæc rationalis animæ contemplatio, post omnes res corporeas iam exiatis, & ante substantias separatas postea proponendas, hoc loco medio collocatur. Anima enim nostra est veluti medium vtriusque generis: obtinet supremum gradum substantiarum materialium, & infimum spirituum. Hæc est namque mirabilis connexio rerum, quam ad hoc propositum obseruat D. Thomas 2 cont. Gent. cap. 68 infimum superioris generis attingere supremum gradum inferioris. Et D. Dionys. cap. 7. de Diuinis nominib., Diuinam sapientiam fines superiorum principijs inferiorum coniunxisse, testatur. Quocirca, anima rationalis, vt refert D. Thomas ibidem, quasi Ordo quidam corporearum & incorporearum rerum esse censetur: quatenus enim forma corporis, inter corporea continetur: quatenus à corpore separabilis & in se spiritualis, ad incorporea refertur. Vnde apud eos qui Phyticam de rebus corporeis & Metaphysicam de rebus incorporeis distinguebant, dubitatum est, ad quā potius animæ rationalis tractatio pertineret? Sed, ea distinctione, ac proinde hac dubitatione sublata, in communi hac Philosophia hunc sibi medium locum aptè determinat.

SECTIO PRIMA.

Quid sit Anima Rationalis.

Non facillè anima rationalis se ipsam suamquè naturam cognitione allequitur: imò ex parte difficiliorem sui ipsius quàm aliarum rerum notitiam experitur. Vnde, querens Philo Iudæus lib. 1. Allegor., cur primus homo alias omnes res proprijs nominibus insignierit,

non autem sibi nomen imposuit: respondet: *Quia mens humana cetera potest comprehendere, se ipsam nosse non potest: sicut oculus alia videt, & se non videt.* Stando autem in hac similitudine, sicut oculus intuetur seipsum per reflexionem in speculo, ita anima rationalis veluti per reflexionem ex alijs rebus externis sui ipsius notitiam captare & allequi debet. Desipere plerique in constituenda rationalis animæ natura & quidditate: & duo extrema in hac

insipientia extant. Alij enim naturam animæ nimis extollere studuerunt: alij nimis deprimere maluerunt.

Aucto- rum pla- cita. Plutarchus lib. de Quæstionibus Platonicis, Iosephus Hebræus lib. 3. de Bello Iudaico cap. 14. Philo Iudæus in lib. *Quod deterius potiori insidetur*, & ex Hæreticis Carpocrates apud Irenæum lib. 1. aduersus Hæreses cap. 24. & Cerdon apud Theodoret. lib. de Diuinis præcept. Gnostici, Manichæi, & Priscillianistæ, apud D. August. lib. de Hæresib. cap. 46. & 70., affirmarunt, animam humanam esse particulam quandam diuinæ substantiæ, quasi ex Deo ipso decisam, & humano corpori communicatam, ad ipsum viuificandum, hominemq; constituendum.

Georgius Venetus in Harmonia Mundi cantico 3. tono 3. cap. 2. supponens, animam nostram esse substantiam quandam creatam, Deo inferiorem; contendit tamen, esse ex natura sua nobiliorem ac superiorem alijs substantijs separatis, nempe Intelligentijs: atque adeo eam facit tanquam mediam inter Deum & Angelos.

Origenes lib. 1. Periarchon cap. 5. & 8. voluit, animam nostram esse æqualem in natura cum Angelis, esse eiusdem substantiæ & naturæ, eiusdem speciei essentialis quasi scilicet Angeli ipsi intrudantur humanis corporibus, eaq; viuificent, & ex hac anima cum suo corpore constituatur homo.

Ex aduerso Galenus lib. 3. de Locis affectis cap. 6. significauit, ita animam rationalem, sicut omneq; aliam animam & formam, esse aggregatum quoddam accidentale, esse temperiem primarum qualitatum in corpore. Idemque postea opinati sunt plures Hæretici apud Theodoret. lib. de Diuinis decretis.

Rursus alij contra quos disputat

Aristot. lib. 1. de Anima, Anaxagor. apud Plutar. lib. 4. de Placitis cap. 3. & Stoici apud Euseb. lib. 15. de Præpar. euang. cap. 19. & Lucret. lib. 1. de Rerum nat. Tertullianus lib. de Anima cap. 6. & Faustus Regiens. in epist. ad Paulinum, supponentes, animam esse veram substantiam, eam fecerunt corpoream & materialem. Et aliqui simpliciter appellarunt corpus. Nonnulli verò ex nostris Philosophis, licet supponerent esse spirituale, adhuc putarunt esse diuisibilem & coextensam corpori. Ita indicauit Gerard. apud Argent. in 1. d. 8. q. 2. art. 1. & alij apud Sixtum Senens. lib. 1. Bibliot. Annotat. 8. Itē Zabar. lib. de Partit. animæ cap. 11. & Iandun. ac Pomponat. apud Tolet. 2. de Anima q. 5. dicunt, animam rationalem secundum Philosophiam esse diuisibilem, sed secundum fidem esse indiuisibilem.

Quidam denique apud D. Thomam 1. par. q. 92. art. 2. ad 1. supponentes, animam nostram esse verè spirituale & indiuisibilem; voluerunt tamen, esse ex materia formaque compositam: materia quidem, non corporea, qualis est ea ex qua ipsa corpora constant; sed materia quadam spiritali, vt ita anima tota sit spiritalis. Fauere videtur D. August. lib. 7. de Genesi ad litter cap. 6. dicens: *Sicut caro habuit materiam, scilicet terram, ex qua fieret; sic formasse potuit & anima antequam fieret supponere aliquam materiam pro suo genere spiritualem, que nondum esset anima.*

Dico primò. Anima rationalis *Anima* essentialiter est ens quoddam factū *rationa-* & creatum à Deo, diuersæ prorsus *lis est* rationis à substantia Dei, sicut sunt *ens q.* omnia alia entia creata. Hæc asser- *dam fa-* tio est certa, tam secundum fidem, *ctum à* quam secundum rationem. Opposi- *Deo.* tam sententiam antea relata, pro hæretica damnauit Concil. Brach-

rense primum cap. 5. Et Leo Primus epist. 91. cap. 5. Deus est simplicissimus: eius substantia non constat ex partibus, quæ decidi possint. Est actus purissimus, non potest in compositionem alterius naturæ descendere. Est immutabilis, & omnis variationis expertus & incapax. Rursus, anima rationalis, pro bonis vel malis actibus præmium aut supplicium expectat: & in omnibus alijs attributis prorsus recedit à Deo. Manifestissimum ergo est, animam rationalem non esse particulam diuinæ substantiæ, sed esse ens quoddam longè differens à diuina natura, esse de genere rerum creatarum quæ fiunt & emanant à Deo. Est tamen anima rationalis quædam imago Dei, quæ effluxit à Deo iuxta illud, *Faciamus hominem ad imaginem & similitudinem nostram*. Et hoc fortasse solum voluerunt Veteres quidam Philosophi: ut interpretatur Eugubinus lib. 9. de Perenni Philos. cap. 8. Et sic expressit Trismegistus, in Asclepio: *Mens non est abscissa de substantia Dei, sed procedit velut lumen à Sole*.

Est di- Dico secundò. Anima rationalis **uerfa &** est essentialiter diuersa & inferioris **inferio-** naturæ ab Intelligentijs separatis. **vis va-** Hæc assertio est etiam certa, non **tionis** solum secundum rationem, sed etiam **ab An-** secundum fidem. Colligitur ex Script. **gelis.** Apost. ad Hebræos 2. *Nusquam Angelos apprehendit, sed semen Abraham apprehendit*: utque supponens, diuersæ prorsus rationis esse humanam naturam & animam ab Angelis. Et alibi passim ita discretè Script. loquitur de Angelis & hominibus seu humanis animabus, ut planè supponat esse prorsus diuersæ naturæ, nec Angelos ipsos fieri corporum hominumque animas. Item Propheta Psalm. 8. *Minus es cum paulò minus ab Angelis*: ubi significat, totam humanam naturam, atque adeo ani-

mam nostram, esse naturali ordine Angelis inferiorem. Anima rationalis est essentialiter forma corporis, ex natura sua ordinata ad constituendum compositum, vnde in se est substantia incompleta & partialis, ut ostendemus sect. sequenti: omnis verò Angelus est per se totalis & completa substantia, nullatenus dicens ordinem ad informandum corpus: igitur anima rationalis est omnino diuersa atque inferioris rationis ab omnibus Intelligentijs.

Dubitari autem potest, num potentia quoque animæ, nempe intellectus & voluntas, per se quoque differant essentialiter à similibus potentijs Intelligentiarum. S. Thom. 1. par. q. 79. art. 8. ad 3. & q. disputata de Anima art. 15. ad 10. significat, non differre essentialiter secundum se. Sed potius, dici debent verè differre: sic expressè docuit ipse S. Th. 1. par. q. 75. art. 7. & idem voluisse videtur Scotus in 2. d. 1. q. 6. dicens, non differre ex parte obiecti, sed bene ex parte subiecti. Videtur quoque communis sententia aliorum. Et suadetur: tum quia potentia animæ rationalis, sunt per se ei addictæ ac determinatæ: tum præsertim, quia habent diuersum modum operandi, ut manifestum est de intellectu angelico & humano: quæ diuersitas bene potest esse intrinseca ipsis potentijs. Et sic potentia animæ rationalis sunt per se inferiores in sua natura potentijs Intelligentiarum.

Dico deinde tertò. Anima rationalis est vera substantia, estque spiri- **Est vera**
tualis & indiuisibilis & simplex. **substan-**
Est substantia, non solum ratione **tia.**
communi qua de omni forma substantiali docuimus iam circa materiam & formam: & rursus ratione generica ipsius animæ, ut supra ostendimus circa animam in communi, ubi confirmauimus, animam non esse temperiem qualitatum: sed præ-

cipuè insuper ratione speciali et propria ipsius animæ rationalis, quæ est in se immortalis, & à corpore separabilis, ac de facto per se permanens separata post hominis obitum, ut postea distinctè tractabimus: unde planè in toto rigore anima rationalis est vera substantia. Et Galenum quoque ab opposita sententia plerique excusare conantur.

Est spiritualis.

Est rursus spiritualis. Ita constat, tum ex fide, tum ratione. Nam in Sacra Scrip. passim appellatur spiritus, quod in hoc sensu sacri Doctores intelligunt. Et in Concil. Later. cap. *Firmiter de summa Trinit.* dicitur Deus ab initio condidisse creaturam corpoream & spiritualem, atque hominem ex utraque constantem, utique ex materia corporea & anima spirituali. Ratione vero constat: quia operatio intelligendi est ex natura sua abstracta à mole corporea, unde est connaturalis Intelligentiis purè spiritualibus: anima ergo nostra, quæ rationalis & intellectiva est, omnino est in sua substantia spiritualis: nec ullatenus potuisset forma corporea esse ratione & intellectu prædita. Idem rursus loquitur ex eo quod anima nostra est indivisibilis, ut mox ostendemus: nam non nisi forma spiritualis potest esse hoc pacto indivisibilis, ut de anima in communi ostendimus q. 46. Plures rationes adducit atque confirmat Suar. lib. de Anima cap. 9.

Est indivisibilis.

Est utique anima nostra indivisibilis, tam secundum veram Philosophiam, quam secundum Fidem: quod quidem omnino fateri debent omnes qui agnoscunt, esse spirituum: satis enim exploratum & notum est, rem spiritualem esse integraliter indivisibilem, & non per partes extra partes extensam. Idem ulterius perspicuè demonstratur ex immortalitate animæ. Nam, si anima esset divisibilis, divideretur utique

abscisso brachio, scinderetur, ac proinde periret pars illa animæ quæ erat in brachio. Nec enim dici potest permanere separata in brachio, vel per se extra subiectum: nam sic extarent per divisionem plures animæ eiusdem hominis: & anima quæ erat in brachio deberet iam tunc deputari ad supplicium vel præmium: imo si tunc homo erat in statu peccati, & postea constituitur in gratia, illa anima deportata erit ad supplicium, & alia assumetur ad gloriâ. Neque dici potest pars illa animæ contrahere se ad reliquum corpus: non enim potest transire forma de uno ad aliud subiectum: & in reliquo corpore non posset congeminari forma. Denique, si anima esset divisibilis & coextensa corpori pariter in statu separationis remaneret adhuc divisibilis & extensa, atque adeo distincta iisdem organis & membris: quod prorsus cogitari non potest. Arist. quoque 2. de Anima tex. 21., cum antea dixisset, alias animas esse divisibiles in partes, subdit, animam intellectivam esse aliud genus animæ, quæ tota possit à corpore separari, sicut perpetuum à corruptibili: simul indicans, esse indivisibilem & immortalem.

Est tandem anima simplex, non *Est simplex.*

composita ex materia & forma. Ipsa enim anima est forma totius, est forma hominis: est quæ in se substantia incompleta & partialis. Et præterea, cum sit spiritualis, non potest in se admittere compositionem ex materia & forma, nullaquæ spiritualis materia inuenitur, ex qua alia spiritualis substantia componatur. Participat tamen anima compositionem ex genere & differentia, ex natura & substantia, ex essentia & existentia, eo inquam pacto quo alia substantiæ simplices, & ipsi Angeli. Sic expressit D. Thomas q. unica de spiritualibus. creatur. art. 1. ubi in hoc sensu,

su, essentiam vocauit materiam, & existentiam formam: Neque verò D. August. affirmare voluit, animam verè fuisse ex vlla materia constitutam. Sed, vt aduertit D. Thomas art. cit. ad 13., non loquebatur asserendo, sed inquirendozimo potius illam compositionem & constitutionem animæ ex materia, ibi ex sua sententia reprobauit.

Alia argumenta, quæ contra assertiones positas, pro sententijs antea relatis, possent afferri, adeo friuola sunt, vt ex dictis facillimè dissoluantur.

SECTIO SECVNDA.

Verum Anima Rationalis sit vera forma corporis.

*Sicetia
negans.*

Plato in Alibiade primo, & non solum Platonici, sed etiam insignes quidam Peripatetici, Auerr. 3. de Anima com. 5. Themist. lib. 2. cap. 27. Simplic. lib. 1. tex. 7. & Philopon, tex. 113, quidam insuper Hæretici, opinati sunt, animam nostram non esse veram corporis formam, sed solum assistere humano corpori, illum què sua virtute regere & gubernare, sicut se habet nauta in naui, auriga in curru, Intelligentia in cælo. Dubitasse etiam de hac re videtur Arist. 2. de Anima tex. 11. Imo 1. de Part. animal. cap. 1. in hoc sensu negasse videtur, animam rationalem esse naturam: Fundamentum huius existimationis fuisse videtur, tanta dissimilitudo ac diuersitas, quanta inuenitur inter animam & corpus, cum anima sic substantia spiritalis, per se existens, & apta per se existere extra corpus: materia autem & forma habent esse partes inter se proportionatas, & ad inuicem ordinatas, vt substantialiter vari possint, & vnum totale substantiale compositum

constituere. Præterea Caiet. 1. par. q. 76. art. 1. ad 1. significauit: animam rationalem non esse corporis formam secundum gradum ipsum rationalitatis, quatenus nempe est intellectiua: sed solum esse formam secundum gradum formæ vegetatiuæ & sensitiuæ. Et fundamentum est: quia operatio intelligendi per se abstrahit à corpore, & ita conuenit animæ separatæ sicut coniunctæ: operationes autem sentiendi & vegetandi sunt affixæ corpori.

Certum tamen esse debet, animam rationalem esse veram corporis formam, & reuera informare materiam, & ita simul cum illa constituere hominem tanquam substantiale compositum per se & simpliciter vnum. Ita planè supponit Arist., dum animam in communi definit actum & formam corporis, & dum specialiter de anima rationali pertractat. Et idem sentiunt omnes alij probati Philosophi. Item D. Thomas 1. par. q. 76. art. 1. & omnes alij Theologi.

Patet ex fide. Sic enim expressè definitum est in Concil. Viennensi sub Clemente V. & habetur in Clementina, *Ad nostrum, de Sum. Trinit. & fide Cathol.* ac rursus in Concil. Lateran. sub Leone X. sess. 8. & apertè colligitur ex Script. Genes. 2. vbi describitur formatio & viuificatio hominis per animam. Patet etiam ratione: quia homo est vnum quid, essentialiter constitutum tam ex anima quàm ex corpore, ad instar cuiuscunque alterius animalis & compositi naturalis: ita vt posita vel ablata vniione corporis & animæ, gignatur vel moriatur homo. Rursus homo est verè viuens, formaliter accipiens esse substantiale & vitale ab ipsa anima. Anima ergo est vera forma informans, & per vniionem substantialem cum corpore constituit hominem. Nec se habet tanquam

*Conclu.
sio affir-
mans.*

quam nauta in naui, & intelligentia in calo.

Et non solum quatenus vegetatiua & sensitiva, sed verè etiam quatenus rationalis & intellectiva, anima humana est vera corporis forma. Nam homo essentialiter est compositum quoddam substantiale differens ab alijs viventibus, à brutis & plantis : & vtiq; differt per gradum rationalitatis igitur per animam quatenus rationalem in suo esse specifico formaliter constituitur. Et anima ipsa humana, est ex natura sua forma quædam specifica, differens ab alijs formis, & ab omni alia anima, ab anima brutorum atque plantarum : specificatur autem ac differt ab his alijs animabus per suum gradum rationalitatis : igitur verè etiam secundum hunc gradum est hominis forma. Vnde homo ipse non solum dicitur vegetare & sentire, sed etiam ratiocinari ac intelligere per suam animam : quod nullatenus diceretur, nisi homo haberet pro sua forma animam etiam quoad hunc gradum.

*Solutur
tur op.
posita
fundamēta.*

Ad loca Arist. in aduersum præmissa dicendum est, Arist. priori loco solum voluisse nondum à se determinatum fuisse, si anima rationalis esset vera forma : sed postea id ab eo determinatum esse. Alium locum explicauimus q. 9. sect. 6. circa rationem naturæ. Item ad fundamētum prioris erroris dicendum est, licet anima sit in se spiritualis ac per se existens, tamen in ratione formæ esse maxime aptam & proportionatam ut vnatur corpori : est enim in sua natura pars quædam substantialis, siue substantia partialis & incompleta, essentialiter ordinata ad informandam materiam & constituendum compositum. Hæc enim informatio non perficitur per dependentiam & sustentationem ipsius animæ à corpore, sicut in alijs formis corporeis

& corruptibilibus : sed solum per simplicem vnionem substantialem, qua anima substantialiter coniungitur corpori & viuificat corpus.

Quamuis autem homo constet ex vna parte corporea & altera spiritali, tamen absolutè loquendo appellatur substantia corporea, & non spiritalis : atque in diuisione substantiæ in corpoream & spiritualement, continetur sub genere substantiæ corporeæ, & non spiritalis. Tum quia substantia corporea, seu corpus substantiale, dicitur compositum ex materia & formæ : homo autem verè ex materia & formæ componitur. Vnde ab ipsamet anima habet, ut sit hoc modo vnum per se compositum. Tum etiam anima ipsa est quidem substantia spiritalis, sed appellatur forma corporea, id est informans corpus, & essentialiter respiciens corpus. Tum præterea vnio inter animam & corpus in homine est simpliciter & realiter corporea, ut antea ostendimus q. 19. sect. 7. Tum demum in ordine ad quantitatem, licet anima secundum se sit indiuisibilis & inextensa, tamen ipse homo simpliciter dicitur quantitate præditus & extensus : constat enim partibus distinctis, & occupat spatium diuisibile per partes extra partes. Vnde, est quidem eadem tota anima in capite & in pede : sed verè alia hominis pars est caput, & alia pes. Benè ergo homo simul ex corpore & anima constat.

Ad aliud fundamentum dicendum est. Quamuis operatio intelligendi secundum se abstrahat à corpore : tamen talis gradus intelligendi, qui conuenit substantiæ euidam partiali & communicabili, eo ipso est gradus quidam substantialis formalis, intrinsecè concurrens ad constituendum quoddam totale compositum, quod per talem gradum constituatur intelligens : & ita anima etiam quatenus intellectiva est vera forma.

Imò

Imò vlteriùs; anima rationalis talē habet ex natura sua modum intelligendi vt acquirere debeat sensuum ministerio & ope corporis species intentionales quibus intelligat, vnde in operando dependet suo modo à corpore. Igitur, hac etiam ratione, quatenus intellectiua, benè est corporis forma.

SECTIO TERTIA.

An & quo pacto Anima rationalis à Deo creetur & corpori infundatur.

Auctorum placita.

Philosophi ij qui non agnouerūt rerum creationem à Deo consequenter negare debebant, animam rationalem creari à Deo. Rursus quicumque negarunt animæ nostræ immortalitatem, sicut animam naturaliter in morte perire putarunt, ita eam per naturales causas ad instar aliarum corruptibilium formarū produci, & de potentia materiæ educi existimarunt. Insuper, inter eos qui & rerum creationem à Deo, & immortalitatem animæ agnouerunt, adhuc aliqui opinati sunt, animam cuiusque hominis ex parentibus propagari, & semine ipso gigni, sicut animæ brutorum & plantarum, quæ à suis similibus mediāte semine propagantur. Ita de Tertulliano & Apollinari refert D. August. lib. de Hæresib. cap. 86.

Anicenna verò, qui constituit quādam intelligentiam separatam, huic mundo præidentem, quam vocauit datricem formarum; consequenter asseruit, animam rationalem ab hac Intelligentia creari & infundi corpori, non autem immediatè à Deo. Eundem errorem sequuti sunt quidam Hæretici, vt refertur lib. 7. Histor. tripart. cap. 11.

Plato demum in Timæo voluit,

omnes hominum animas fuisse simul ab initio creatas à Deo in cælo, & postea temporis decursu quo humana corpora efformantur, in corporibus intrudi, intrudi scilicet tanquam in carcere ad supplicium, eo quod in priori illo separationis statu, spretis cælestibus rebus, terrenas concupierint. Eundem errorem sequutus est Origines lib. Periarchon. Specialiter de anima primi hominis dubitauit Augustinus lib. 7. de Genesi ad litter. cap. 24. fuisse simul cum Angelis in cælo antequam infunderetur corpori procreatam.

Certum tamen prorsus, est omnē animam rationalem immediatè creari à Deo, tunc cum suo corpori infunditur. Ita omnes probati Philosophi ac Theologi docent. Et primo quidē pro comperto supponimus, creationem esse possibilem, ac de facto creatas esse res à Deo. Supponimus etiam quod ostendemus seqt. sequenti, animam nostram esse immortalem, per se aptam existere extra corpus, atque adeo non dependentem in suo esse à subiecto, sed semper per se existentem: vnde omnino debet anima fieri per creationem, sicut facta est materia prima, & sicut facti sunt Angeli; ac neutiquam sit per educationē de potentia materiæ, id est dependentem in essendo à materia.

Secundò. Cum anima nostra sit spiritualis, produci non potest per virtutem vllius causæ corporeæ, & per ministerium instrumenti corporei: non ergo semine propagatur, sed omnino ab alia superiori causa effici debet. Et ita definitum est cap. Moyse, 32. q. 2., & oppositum, damnat D. August. loco citato, & D. Thomas 1. par. q. 118. art. 2. Item, id satis expressè docuit etiam Arist. lib. 2. de Generat. animal. cap. 3. vbi affirmat, alias quidem animas semine propagari, & educi de potentia materiæ, de anima verò rationali

Anima rationalis debet fieri per creationem.

Non semine propagatur.

ait: *Restat igitur, ut mens sola extrinsecus accedat, eaque sola divina sit.* Vnde apud Peripateticos inuauit, animam rationalem de foris aduenire, & non educi de potentia materiæ, non propagari semine.

A solo Deo creatur. Tertiò. Nec ab vlla causa corporea, nec ab vlla Intelligentia separata infra Deum nec prorsus ab vlla causa creata, produci potest et creari anima rationalis. Nulla enim causa creata habet vim creandi, sed virtus creatiua est propria Dei, nullaquæ alia causa intra Deum potest operari nisi dependenter à subiecto, educendo formam de potentia subiecti. Ac præterea Intelligentiæ creatæ nõ habent per se facultatem producendi substantiales effectus. Vnde nullatenus creatio animæ rationalis poterat ijs Intell. gñijs adscribi. Restat ergo vt à solo Deo anima rationalis immediate creari possit ac debeat.

Tunc primò creatur cum infunditur corpori. Quartò. Animas non fuisse antea creatas, sed tunc singulas creari, cum corporibus infunduntur, atque adeo creari realiter in ipsis corporibus, definitum est à Leone Papa in epist. ad Turibium, et in Concil. Bracar. primo cap. 6. Atque non fuisse antea vllius culpæ reas, habetur expressè ex sacra Script. ad Rom. 1. *Per unum hominem peccatū in hunc mundum intravit.* Et cap. 9. *Cum nondum quicquā boni aut mali egissent.* Et ratione patet, non solum quia gratis omnino conficta est illa antecessio animarum: sed repugnat etiam experientiæ, agnoscere enim et recordari postea deberet anima priorem illum suum statum. Repugnat quoque naturæ ipsius animæ: anima enim de se est forma corporis, naturaliter ordinata et inclinata ad viuificandum corpus et constituendum hominem: vnde ab initio connaturaliter creari debet in corpore, et non tanto tempore an-

tecedenter separata à corpore: neque detruduntur animæ in corpus tanquam in carcerem ad supplicium, sed iuxta exigentiam suam, intrinsecam infundantur corpori, et sic constituuntur in statu sibi maxime naturali. Repugnat id demum naturæ & dignitati hominis: homo enim per se & principaliter conditus est, ex corpore & anima constitutus: ac non veluti per accidens exortus, eo quòd animæ deliquerint, & ad supplicium fuerint corporeis carceribus mancipatæ. Tàm verò anima primi hominis, quàm cuiusquæ alterius, dici debet tunc primùm fuisse creata, cum fuit infusa corpori.

Quintò demum. Necessè non est, vt pariter à Deo ipso efficiatur vnio animæ cum corpore. Quini: ò putandum est, dum homo à suis progenitoribus naturaliter generatur, vnio nem animæ cum corpore realiter effici & produci ab ijsdem progenitoribus; & sic verè hominem, quatenus compositum quoddam ex corpore & anima, à suis parentibus generari. Atque ita circa causam efficientem proba uimus q. 14. sect. 3. Semper tamen cointelligitur concursus Dei tanquam causæ primæ, sicut ad omnem alium effectū cuiuscunque causæ creatæ. Dum ergo dicitur Deus infundere animā corpori, hoc non debet accipi, quali Deus se solo efficiat quoque vnionem animæ cum corpore: sed quia reuera Deus non creat animam extra corpus, sed intra corpus: & quia simul suo vniuersali concursu efficit, & facit quoque vt parentes ipsi efficiant vnionem animæ cum corpore.

Cæterum, omnia argumenta quæ contra veram doctrinam traditam ex Auctoribus priorum sententiarum occurrunt, nimis friuola sunt, & de se facillimè resolvuntur.

Vnitur corpori actione parentū.

SECTIO QUARTA.

*Vtrum anima rationalis sit ve-
rè immortalis.*

Veterū *I*nter Ethicos olim Epicurus eiusq.
quorum- *I*sectatores docere non dubitarūt,
dā error animam nostram in morte extingui,
sicut aliæ omnes formæ corruptibi-
les in dissolutione suorum composi-
torum destruuntur. Inter Epicureos
tamen sub dubio cecinit id Lucret.
lib. 1. de Rer. nat. *Ignoratur enim
que sit natura animæ: Nata sit, an
contra nascentibus insinuetur: An
simul inereat nobiscū morte direm-
pta: An tenebras orci visat vastasque
lacunas.* Eidem sententiæ tenaciter
adhæsit Plinius lib. 7. cap. 55. & ex
Peripateticis Alexand. in lib. de Ani-
ma. Dubius videtur fuisse Galenus,
qui lib. *Quod animi mores &c.* ani-
mam facit mortalem, sed alibi signi-
ficat immortalem. Suspectus etiam
vehementer de eadem sententia est
Arist. Sed eius mentem separata se-
ctione examinabimus. Præterea Ze-
no apud Isidor. lib. 1. de Doctr. &
dogm. cap. 15. & alij Stoici apud Ci-
cero. lib. 1. Tuscul. & apud Euseb. lib.
15. de Præpar. cap. 19. voluerunt,
animam nostram durare quidem ali-
quandiu post hominis obitum, sed
tamen postea extingui.

Rursus inter Iudæos, Saducei qui
negabant mortuorum resurrectionē,
vt commemoratur in Euangelio, ne-
gasse etiam videntur immortalitatem
animæ. Inter Christiani nominis
professores non defuerunt Hæretici,
vt refert Damasc. lib. de Hæresib.,
qui dixerint, animam penitus in
morte extingui. Arabici quidam,
apud Isidor. loc. cit. & apud Aug.
lib. de Hæresib. cap. 83. dixerunt,
animam nostram in morte quidem
timui cum homine ipso perire, tamē

fore postea reparandam, & corpori
reddendam, & sic homines resurre-
cturos fore. Præterea inter catholi-
cos aliqui opinati sunt, immortalitatem
animæ fide quidem constare,
non tamen secundum Philosophiam
naturali lumine demonstrari. Ita
Sentus in 4. d. 43. q. 2. Caiet. in cap.
3. Ecclesiastes, & in cap. 9. ad Ro-
man. Et Scalig. exercit. 307.

Veritas autem certissima est, non
solum secundum fidem, sed etiam
iuxta rationem, animam rationalem
esse ita immortalem, vt nec in obitu
hominis, nec vnquam postea extin-
guatur, sed ex natura sua debere in
perpetuum viuere ac permanere non
minùs quam Angeli. Ita iuxta fidem
docent atque confirmant omnes
Theologi, & Sancti Patres, & Eccle-
siæ Doctores. Ita quoque Iudæi in
veteri Testamento, & alij fideles in
lege naturæ agnouerunt. Ita huic ve-
ritati etiam adhæserunt ferè omnes
Pagani in suis sectis. Rursus sic iux-
ta rationem nō solum docent nostri
Philosophi; sed etiam olim omnes
ferè veteres Philosophi, & Poetæ,
atque vocati Theologi, & cuiuscum-
que nominis sapientes, vt attestantur
Tertullian. lib. de Anima cap. 54.
& Clemens Alexandrin. lib. 4. Stro-
matum cap. 7. & copiosè referunt
Eugubin. lib. 9. de Perenni Philo-
soph. Nicolaus Fauentinus lib. 1. de
Immortal. animæ, & alij Recentio-
res. Tandem in hanc veritatem
conspirasse videntur omnes populi
& nationes omni tempore. Vn-
de Chrysost. hom. 4. de Prouid. Dei,
& August. lib. 43. de Trinit. cap. 9.
pronunciarunt, ita non posse in du-
bium caderere si anima sit immorta-
lis, sicut si in meridie sit dies.

Probatum primò quam plurimis & *Offendi-*
apertissimis sacræ Scripturæ testi- *tur ex*
monijs, tam in veteri quàm in nouo *Scripte.*
Testamento. Genes. 37. Iacob dice- *vetereis*
bat, se descensurum ad inferos, sci- *testa-*
licet *menti.*

*Veritas
certissi-
ma de
immor-
talitate
anima
rationali-
lis.*

licet secundum animam suam super-
stitem post mortem. 1. Reg. 28. nar-
ratur apparitio Samuelis post mor-
tem. Iob 21. dicuntur ij qui moriun-
tur, ad inferna descendere. Ecclesia-
stes 12. *Reuertatur pulvis in terram
suam unde erat, & spiritus redeat
ad Deum qui dedit illum.* Sapien-
tia 2. 3. 4. & 5. clarissima sunt quæ
de immo- talitate animæ, & præmio
bonorum ac supplicio malorum post
mortem dicuntur. 2. Machab. 6. & 7.
Eleazarus & septem fratres, cogita-
tione status futuri post mortem, for-
titer pro lege patria vitam et sangui-
nem profuderunt. Et cap. 12. Iudas
misit pecuniam pro sacrificijs in-
subsidiu mortuorum, *Quia consi-
derabat, quod ij qui cum pietate dor-
mitionem acceperant, opusnam ha-
berent repositam gratiam.* Et cap. 15.
Jeremias & Onias defuncti appa-
ruisse Iudæ narrantur, & pro populo
orare dicuntur. Et alia sunt huius-
modi loca in veteri Testamento.

Deinde innumera sunt quæ ex no-
uo Testamento hanc veritatē osten-
dunt. Passim enim supponitur sta-
tus animæ post mortem, et resurre-
ctio hominum in fine mundi, et præ-
mium bonorum, ac supplicium im-
piorum statim post mortem per to-
tam deinceps æternitatem. Alia que-
dam specialia loca sunt. Matth. 10.
*Nolite timere eos qui occidunt cor-
pus, animam autem non possunt occi-
dere.* Lucæ 12. narratur casus illius
cui dictum fuit, *Stulte hac nocte ani-
mam tuam repetens a te.* Et cap. 16.
narratur status diuitis & pauperis
post mortem cap. 23. Christus Do-
minus latroni dixit, *Hodie mecum
eris in Paradiso.* Apost. ad Rom. 4.
& alibi passim supponit statum ani-
marum post mortem, etiam ante re-
surrectionem finalem: præter ea quæ
sepe de resurrectione inculcat: nam
vtrique in resurrectione ac deinceps
in perpetuum anima cum toto ho-

mine vivet, sed eo quoque interme-
dio tempore ab hominis morte ad
resurrectionem semper immortalis
ipsa anima perseverat.

Secundò. Idem probatur ex de-
finitionibus Ecclesiæ. Nam in sym-
bolis sub articulo resurrectionis sup-
ponitur immortalitas animæ. Et præ-
terea expressè hæc veritas de immor-
talitate definita est in Cōcilio Vien-
nensi sub Clemente V., & refertur
in Clementina de Sum. Trinit. Item
in Concil. Lateran. sub Leone X. sess.
8. Constitutione quæ incipit, *Apo-
stolici regiminis.*

Tertio deinde naturali ratione
immortalitas animæ comprobatur: *natura-*
posse enim ac debere rationis lumi-
ne sciri, colligitur quoque ex ipsa
Script. Sapient. 3. vbi im, ij vocabunt
se insensatos, qui hanc veritatem nō
agnoverint: & patet ex communi
Sapientum, qui absque vera fide, ad-
huc immortalitatem animæ agnove-
runt. Ratio ergo physica pro im-
mortalitate animæ rationalis, sumi-
tur ex eius operatione & facultate
intelligendi. Nam, ut antea quoque
pro spiritualitate animæ assumpsi-
mus, intellectio ex natura sua abstra-
hit à corpore, atque adeo potest &
debet exerceri extra corpus: igitur
anima quæ est intellectiva, pariter ex
natura sua apta est permanere & exi-
stere extra corpus: ergo per disces-
sum à corpore non corrumpitur, sed
separata permanet immortalis. Item,
cum ex eadem intellectiois ratione
ostensum sit, animam nostram esse
spiritualem: inde rursus sequitur, nō
ita dependere à corpore, ut ab illo
avulsa debeat perire: quinimò po-
tius ita vnitur corpori, ut adhuc in-
essendo per se existat independentem
à corpore, ac tandem apta sit sepa-
rata quoque existere extra corpus.
Vnde iam erit in perpetuum immor-
talis: quia si in prima separatione à
corpore non corrumpitur, planè non

*Ex do-
ctrina
Eccle-
stias.*

*Ratione
naturalis.*

*Ex no-
uo Te-
stamen-
to.*

poterit ampliùs naturaliter desinere, cum nec abire possit in nihilum, nec dissolui queat per aliam separationem partium, quibus nimirum in se non constat. Igitur ita erit immortalis anima nostra, sicut sunt alię substantię separatę, nempe Intelligentię.

*Ratione
morals.*

Quartò rursus morali ratione probatur: quia sine dubio cēsendum est, repositam esse remunerationem & præmium pro virtutibus & bonis operibus, supplicium & pœnam pro vitij et peccatis: hoc enim prorsus conuenit prouidentię ac iustitię Dei, qui est summus rector et auctor humanę Republicę. Sed hæc distributio præmij et pœnæ non in hac vita perficitur: quinimò videmus potiùs valde frequenter improbos et iniquos frui bonis & commodis huius vitę, & è contra probos & virtuosos in hac vita ærumnis & afflictionibus vexari. Ergo omnino putandum est, alium superesse statum post hanc vitam, in quo iusta retributio fiat: statum nempe animę separatę quę permaneat immortalis, cui tandem additur vltteriùs status resurrectionis, dum animę reddetur corpus & corpori anima. Hac ratione ad hanc veritatem demonstrandam, tãquam satis euidenti, vti sunt Plato in Phædone, Socrates, apud Ciceron. 1. Tuscul., & alij Philosophi apud Eugub. lib. 9. de Perenni Philosoph. cap. 11. Item D. Petrus Apostolus apud Clementem lib. 3. Recognit. Origenes in Cantica, Chrysost. homil. 4. de Prouid. Nazianze, in carmin. Lactant. lib. 3. Diuinar. institut. cap. 19. & plures alij Patres. Inò hac eadem ratione satis clarè David in Psal. 36. & 72. & Iob cap. 21. & Habacuc cap. 1. & alij Prophetę, proponunt ac defendunt iustitiam Dei, ne offendamur de prosperitatibus improborum & aduersitatibus iustorum in hac vita: quia scilicet

iusta ac debita distributio re seruata est in futuram vitam post hominis obitum.

Quinò Eadem veritas alijs quoque rationibus comprobatur. Tum quia experimur in nobis vehementem appetitum perpetuitatis: vnde quia nò potest homo semper in corpore viuere, saltem conatur vel in posteritate filiorum, vel in memoria hominum, siue in celebritate famę, aut egregijs tactis & monumentis, sui vestigium relinquere: vnde hic appetitus arguit, ipsam hominis animam esse immortalem. Tum etiam experimur in nobis vehementem, beatitudinis & felicitatis appetitum, vnusquisque enim ex innata & intima inclinatione appetit se esse beatum. Item, non solùm ipsi humanę naturę, sed euam Diuinę prouidentię, conueniens prorsus erat, instituere beatitudinem quandam, quam homo pro suo vltimo fine respiceret, ad quem vltimum finem suam vitam & opera dirigere debeat. Sed satis compertum est non inueniri in præsentis vitę cursu talem beatum ac felicem statum, quem vnusquisque assequi valeat: quinimò præsens vita innumeris curis & molestiis assiduè agitur, vt potiùs sit status miserię quàm felicitatis. Igitur omnino agnoscendus est alius status post præsentis vitę decursum, in quo statu tranquilla quadam beatitudine homo perfrui valeat, & in suo vltimo fine quiescere. Tum pariter experimur, nulla esse bona in hac vitę quę appetitum nostrum expleat ac desiderium satiare queant, non potest appetitus noster in quibuscumque huius vitę commodis conquiescere: quinimò ea ipsa quę prtùs auicè quis appetebat, statim cum assequutus fuerit, vana & leuia æstimat, nec ijs vnquam expletur. Signum ergo perspicuum est, alium esse statum post hanc vitam, alia esse

*Alijs
rationi-
bus.*

se bona, quæ ex ætenda sunt: ut
ita animam nostram esse immorta-
lem. Tum deinde, ij qui animam
mortalem fecerunt, eo ipso via-
aperuerunt ad omnia fligia & im-
probates, ad contemptam virtutem,
ad contemptum diuini cultus, deni-
que ad Atheismum, vt præclare de-
scribitur in libro sapientiæ, & ex ip-
sa experientia satis exploratum est.
Vnde merito Epicuri doctrina, pro
intam, sordida, vituperabili, & ex-
cranda, ab omnibus rectè sentienti-
bus exstimata est.

Quadã Sed contra hanc veritatem Obij-
Scriptu- cies 1. Ecclesiastes cap. 7. significat
ra loca nihil amplius superesse homini de
explicã- laboribus suis post mortem. Et cap. 3.
tur. parem esse hominum et iumento-
rum interitum. Et Sapient. 2. *Ex ni-*
bilo nati sumus, & post hoc erimus
tanquam non fuerimus. Et alia plura
in ijs libris habentur, quæ supponere
videntur, animam esse mortalem; &
in hominis obitu pariter extingui.

Respondetur cum Sacris exposi-
toribus circa eadem loca, pleraque
ibi afferri ex persona stultorum &
impiorum, qui sic loqui inducuntur,
vt eorum dicta explodantur & con-
fundantur. Quædam autem dici ob
solam mortem hominis & extinctio-
nem præsentis vitæ, dum corpus de-
finit viuere. Sic nihil superest homi-
ni de labore suo post mortem, idest
nulla temporalis commoditas & iu-
cunditas. Similis est hominum &
iumentorum interitus quoad statum
corporis post mortem. Erimus tan-
quam non fuerimus quoad vitam
corporalem, qua viuificabatur cor-
pus per animam. Sed tamen hæc ip-
sa vita corporalis, erit iterum in re-
surrectione reparanda. Et alioqui ex
ijsdem libris & alijs scripturæ locis,
ad hoc perspicuè constat immortali-
tatem animæ, & resurrectionem futura, vt
illa verba nullam prorsus dubitatio-
nem iniicere possint.

Obijcies 2. quod saltem anima *Quadã*
non sit ex natura sua & ab intrinse- *auctore-*
co immortalis, licet diuino beneficio *tas Con-*
præseruetur à morte. Apostol. 1. ad *cilij ex-*
Timot. 6. in hoc sensu de Deo inquit, *plicatur.*
Qui solus habet immortalitatem. Et
expressè in sexta synodo generali
act. 11. tam de animabus nostris
quàm de Angelis inquit Sophronius
in quadam epistola. *Intellectualia*
nullatenus quidem moriuntur: non
tamen sunt immortalia per naturam:
sed gratiam eis Deus largitus est, à
corruptione ea & à morte coeuen-
tem: sic hominum anima immorta-
les perseuerant. Et hæc epistola ap-
probata est act. 13. in eo Concilio.
Itaque sicut totus homo in statu in-
nocentiæ fuisset ex diuino privilegio
immunis à morte, licet ex natura sua
sit mortalis: ita videtur quoque se ha-
bere anima.

Respondetur cum Theologis com-
muniter circa immortalitatem An-
gelorum, tam animas nostras quàm
Angelos posse per diuinam poten-
tiam absolutam destrui & annihila-
ri. Et in hoc sensu solus Deus est
immortalis. Et animæ cum Angelis
diuino beneplacito conseruantur, &
hæc conseruatio vocatur gratia, sicut
appellatur quoque gratia creationis.
Attamen, respectu omnium natura-
lium causarum, siue omnium causa-
rum possibilium infra Deum, animæ
nostræ, sicut Angeli nullatenus des-
trui aut interiri possunt & hoc pa-
cto sunt ex natura sua & ab intrin-
seco immortales. Atque etiam ipsa
diuina conseruatio, est eis naturaliter
consentanea in perpetuum: ita quod
si Deus vllam ex his creaturis anni-
hilaret, id esset præter intrinsecum
rerum ordinem ex mera sua potentia
absoluta & libertate suprema.

Obijcies deinde tertio ex eadem *Indepẽ-*
ratione intellectiõis qua probau- *dentia*
mus immortalitatem animæ. Anima *anima à*
nostra ad intelligendum indiget con- *corpore*
sortio

*explican-
tur.*

sortio corporis & ministerio sensuū, remotè quidem sensuū externorum, proximè verò sensuum internorum: vnde percipit illud ex Arist. de sompno 3. de Anim. 39. *Intelligentem oportet phantasmata speculari.* Igitur anima nostra non habet operationem abstrahentem à corpore: vnde nec poterit existere à corpore separata, sed debet in morte hominis pariter interire.

Respondetur cum communi Philosophorum doctrina, Animam nostram uti ministerio corporis & sensuum, ad comparandas species intentionales quibus intelligere valeat res quæ sibi per species representari debent. Et quia dum est in corpore operatur tanquam forma corporis, adiuuatur etiam in intelligendo cōsortio sensus interni. Atamen satis constat, operationem intelligendi absolutè ex ratione sua abstrahere à corpore, & posse exerceri extra corpus, prout de facto inuenitur in Angelis: vnde in nobis ipsis non exercetur per se vilius corporei organi vsu, sicut exercentur aliæ operationes vegetatiuæ & sensitiuæ, sed exercetur virtute spiritalis potentia non affixæ vlli organo corporeo. Anima ergo nostra quæ intellectiua est, optimè poterit, adeptis iam speciebus requisitis, independentè à corpore; & separata extra corpus operationem intelligendi exercere. Ex natura ergo sua debet semper existere, etiam à corpore separata: & sic in perpetuum permanet immortalis.

Alia quædam argumenta congeri solent: quæ tamen de se facillimè resoluentur. Illud est notatione dignum, quod pro hac re declarauit Concil. Lateran. ibi sess. 8., articulum immortalitatis animæ non solum esse fide tenendum, sed etiam non esse contra Philosophiam & Philosophicæ argumenta: & Philosophicæ mag. Aris præcipit, *Ut omni studio*

teneantur huiusmodi Philosophorum argumenta, cum omnia solubilia existant, pro viribus excludere acque resolvere.

SECTIO QVINTA.

Verum Aristoteles immortalitatem animæ rationalis agnouerit.

NON ad præsidium veritatis, quæ utique hoc nouo fulcimento non indiget, sed ad famam tanti Philosophi, dignum est mentem eius exquirere. Est quæ res obscura & controuersa.

Plerique, tam Theologi, & Ecclesiæ Patres, quam Philosophi, volunt, Arist. in hac re lapsum fuisse, & immortalitatem animæ ignorasse, eamque potius mortalem fecisse ad instar aliarum formarum corruptibilium. Sic sentiunt Iustinus Martyr. in Orat. parenet. ad Gentes, Origenes in Philosophomeno, Theodoret. lib. 5. de Curandis græcanic. affection., Nazian. in disp. cont. Eunom. Nemesius lib. de Natura homin. cap. 2. Nissem. lib. de Anima: item Galen. in Histor. Philos. Plutar. lib. 5. de Placitis cap. 1. Actius et Porphyry. apud Euseb. lib. 15. de Præparat. Euang. cap. 8. et seq. Alexand. lib. 3. de Anima, Caiet. eod. lib. cap. 2. Pomponat. lib. de Immortalit. animæ, Simon Portius lib. de Mente humana, et alij. Adhærent Scotus in 4. d. 43. q. 2. Heruzus in 2. d. 1. q. 1 et Suessan. lib. de Immortal. animæ cap. 1., dicentes, Aristotelē in yranque parte fluctuasse, et vel penitus dubitasse, vel ex industria noluisse suam sententiam aperire.

Alij ex aduerso affirmant, Aristotelem reuera immortalitatem animæ agnouisse ac docuisse. Sic sentiunt plurimum Peripatetici, Theophrastus

Qui velint, ignorent.

Qui velint agnoscere.

stus, qui fuit præcipuus ipsius Philosophi diuturno tempore auditor, Themist., Simplic., Philopon., Ammonius, Olympiodorus, præcipue quoque Auerroes, Albert. magnus, Aegidius, & alij communiter in lib. de Anima. Item D. Thomas tum in lib. de Anima, tum 8. Phyl. lect. 12., & 12. Metaph. lect. 3., tum 2. cont. Gent. cap. 78. & 79. & Quodl. 10. art. 6., & alibi. Durand. in 2. d. 18. q. 3. Ferrar. eo loco cont. Gent. rursus Eugub. lib. 9. de Perenni Philosoph. Conimb. tract. de Anima separata disp. 1. art. 2. Suarez lib. 1. de Ani. cap. 11. Petrus Martinez ad lib. de Ani. tract. de Immortal. animæ, Dandinus lib. 3. digress. 23. Thomas Gianninus in disput. Aristotelica de Mentis humanæ statu post hominis obitum, Franciscus Piccolomin. lib. 2. de Humana mente, Iulius Cæsar Lagalla integro & copioso opere de Immortal. animorum ex Arist. sententia, Fortunius Licetus in suo item opere de Anim. immortal. Leonard. Lessius lib. de Numinis Prouid. Lelius Vincent. lib. de Animæ immortal. Hieronym. Pontan. libris 7. de Immortal. animæ, Antonius Brunus in Entelechia, Ioan. Francisc. Picus in digressio. de Immortal. animæ, Antonius Gratarol. lib. de Immortal. animæ, Andreas Camutius libris 4. de Humano intell. Petrus Duodus in disp. de Anima, Ambros. Lemosensis lib. de Animor. immortal. Petrus Nicolaus Fauentinus lib. de Immortal. animorum, Iacobus Antonius Marta in Apolog. de Immortal. animæ, Bartolomæus de Spina lib. de Immortalit. animæ, Annibal Guaschus in quæst. disputata de Anima, & alij plures. Ac præsertim rectè Philopon. 1. de Anim. circa tex. 65. & 66., calumniatores Aristotelis atque dementes vocauit eos qui suspicantur, illum fecisse animam mortalem. Et ita sanè de hac re sentien-

dum est, quòd verè Aristoteles animam fecerit immortalem. Quod ex plurimis eius locis satis efficaciter comprobatur.

Primo de Anima tex. 13. Si, inquit, est aliqua animæ operatio aut ex passionum propria, continget utique libro primo ipsam separari: id est si animæ conuenit operatio ita ipsi propria, quod per eius virtutem exerceri possit absque organo corporis, utique anima poterit separari & existere separata. Conuenire autem ipsi animæ talem operationem, postea clarissime determinauit, ut in sequentibus afferemus. Textu 65. Intellectus, inquit, videtur innasci, substantia quadam existens, & non corrumpi: & explicare prosequitur, nec etiam debilitari per se loquendo, utique eo quòd non sit potètia & forma dependens à corpore. Et tex. 66. Ipsum igitur intelligere & speculari marcescit, alio quodam interius corrupto, ipsum autem impassibile est: quia scilicet dum anima est coniuncta corpori, adiuuatur potentijs sensituijs corporeis quæ deficiunt & languescunt: at anima intellectiua secundum se pati ac deficere non potest. Et rursus, Intellectus autem fortassis diuinum quid & impassibile est. Textu 92. negat intellectum esse affixum ulli parti corporis, siue ulli organo corporeo.

Rursus lib. 2. tex. 11. perspicue docet, quandam animæ speciem esse quæ separabilis è corpore est, eo quòd non sit actus corporis, tãquam scilicet in essendo dependens à corpore: quod utique docuit propter animam rationalem. Et clariùs tex. 21. & 22. De intellectu autem & speculatiua potentia nihil adhuc manifestum est, sed videtur genus aliud animæ esse, & hoc solum posse separari sicut perpetuum à corruptibili, reliqua autem species animæ manifestum ex his quod separabiles non

*Suade-
tur ex
libro pri-
mo de
Anima.*

*Ex li-
bro secū-
do &
tercio.*

sunt. It m lib. 3. tex. 4. Necessè est, quoniam omnia intelligit, immixtum esse: id est animam intellectuam non esse corpoream, non dependere à corpore, sed esse formam abstractam, quæ proinde possit à materia separari. Et tex. 6. repetit, intellectum non esse mixtum corpori, non esse affixum instrumento corporeo ad instar sensus. Et tex. 7. explicare prosequitur huiusmodi differentiam inter intellectum & sensum, dicens, sensum laedi ex vehementi sensibili, sed intellectum potius perfici ex sublimiori intelligibili: & concludit, Sensitivum enim non sine corpore est, hic autem separabilis est. Iterum tex. 19. Et hic intellectus separabilis est, & immixtus, & impassibilis. Et tex. 20. Et hoc solum immortale est & perpetuum.

Ex alijs libris & locis.

Præterea lib. 1. de Partib. animal. cap. 1. & lib. 2. cap. 10. animam rationalem facit immaterialem, vocatque divinam, ac divinitatis participem. Et similiter lib. 10. Ethicor. cap. 8. & lib. 9. cap. 8. homini attribuit superiorem quandam & divinam vitam, ob quam corporalia bona & ipsa quoque temporalis vita, contemni debeant. Unde planè videtur immortalitatem animæ præsupponere. Satis etiam perspicuum est illud testimonium lib. 2. de Generat. animal. cap. 3. quod adduximus scet. 3. ubi docuit, animam rationalem extrinsecus advenire, id est non educi de potentia materiz: eamque etiam vocat divinam: & probat, Quia nihil cum eius actione communicat actio corporalis: id est actio eius non est de genere corporalis actionis, sed est aliud genus abstractans à materia corporali. Denique lib. 12. Metaph. cap. 7. agnoscit, aliquam formam esse quæ post dissolutionem sui componenti adhuc in suo esse permaneat: & huiusmodi esse animam non tamen omnem,

sed solum intellectuam.

Conati quidem sunt, ij qui oppositam sententiam Aristoteli tribuunt, hæc loca in alium sensum trahere. Sed in quibusdam præsertim locis violenter verba detorquent. Et sine dubio laudabilius est, hanc industriam potius impedire in locis oppositis explicandis, ne opinio adeo infamis & execranda tanto Philosopho tribuatur, fiatque socius immundissimi & stultissimi Epicuri. Loca ergo quæ pro parte opposita afferuntur, hæc præcipue sunt, quæ explicanda sequuntur.

Primò. Lib. 1. de Anima tex. 12. & 13. docet, animam esse separabilem, si sit aliqua eius operatio propria, id est non communis corpori, alioqui verò non esse separabilem. Addit, plurimas operationes manifestè non esse proprias, sed exerceri per corpus: sed opus intellectus videri maximè posse proprium. Concludit, Si autem est, & hoc imaginatio quadam, aut non sine imaginatione, non continget utique hoc sine corpore esse. Deinde lib. 3. tex. 39. determinat, intellectum non exerceri sine consortio imaginationis. Igitur Arist. putavit, animam rationalem non esse separabilem à corpore, atque adeo non esse immortalem.

Alexander quidem ex hoc præsertim loco putavit, Aristotelem fecisse animam mortalem, & sic etiam Caietanus. Sed Averroes eodem loco reprobatur sententiam Alexandri: & sic alij ut plurimum in recto sensu exponunt dicta Philosophi. Et duplex potest expositio adhiberi. Una est, ad primum dictum Philosophi: si anima habet aliquam operationem propriam non communem corpori, id est non exercendam per organum corporeum, esse separabilem: si intellectio sit imaginatio vel cum imaginatione tanquam per ideam

*Expli-
catur
quidam
locus ex
1. de
Anima.*

organum corporeum, sic non esse separabilem. Sed postea neutiquam docuit Arist. intellectiōem sic exerceri per imaginationem: sed solum concomitanter se habere cum imaginatione. Secunda expositio est ad secundum dictū Philosophi: Intellectiōem, dum anima est in corpore, coniungi cum imaginatione: sed non propterea ex natura sua absolute sumpta requirere imaginationis cōsortium, imò potius sine imaginatione cōtingere: & sic animam rationalem verè esse separabilem. Atque hoc totum ex alijs locis pro immortalitate adductis satis apertè colligitur.

Alius ex libro tertio. Secundò. Lib. 3. de Anima tex. 20. distinguēs intellectum agentem & patientem, agentem nempe qui abstrahit & assumit species intelligibiles, patientem verò qui recipit species & percipit obiectum; docet, intellectum quidem agentem esse perpetuum & immortalem, sed de patiente expressè inquit, *Passiuius verò intellectus corruptibilis est.* Vnde videtur voluisse, intellectum agētem esse causam quandam superiore m. assistētem hominibus, & sic immortalem; sed animam intellectiuam internam esse mortalem: & ita contendit Alexander.

At rectè Auerr., D. Thomas, & alij frequenter, exponunt, per intellectum passiuium qui dicitur corruptibilis, Aristotelem accepisse sensum internum in homine, specialiter prout dicitur cogitativa & memoria. Nam Arist. ibi reddit rationem, quare interdum non reminiscamur, quia inquit intellectus est corruptibilis, quod prorsus quadrat in sensum internum quo mediante recordamur. Et alibi etiam imaginationem vocat intellectum, præsertim eod. lib. 3. tex. 48. Itaque potius sub intellectu agēte Arist. ibi docuit, simpliciter animā intellectiuam esse perpetuam & immortalem.

Tertiò. Lib. 1. Ethic. cap. 10. si. *Alia lo.* gnificat, hominem post mortem, *ea ex* non esse beatum, eo quòd beatitudo *Ethicis.* in operatione consistit: & explicare conatur dictum Solonis, *Qui solummodo dixit, hominem tunc tunc beatum appellari posse, quippe qui extra omnia mala & infortunia tunc collocatus sit.* Et rursus lib. 3. cap. 6. docet, post hanc vitam nec boni nec mali quicquam superesse. Item 12. Metaph. tex. 39. ait, beatitudinem quam in contemplatione constituit, breui tempore nobis cōuenire, Deo autem esse sempiternam.

Sed planè Aristoteles in ijs locis loquebatur determinatè de statu totius hominis ex corpore & anima constantis, & de felicitate quæ illi ut sic contingit: nihil verò ibi attingit de beatitudine animæ separatæ, quia fatendum est, nihil de statu felicitatis futuræ perspectum specialiter habuisse.

Quartò. Lib. 1. de Cælo cap. 12. *Alia ex* docuit & probauit, quicquid aliquā- *alys li.* do incepit & initium habuit, debere *bris.* aliquando desinere & habere finem: cū ergo anima rationalis incipiat & initium habeat, dum corpori infunditur, ut indicauit idem Arist. 12. Metaph. tex. 16., sequitur, debere aliquando interire, atque adeo non esse immortalem.

Sed iam quæst. 37. explicauimus, doctrinam illam ad summum intelligi de ijs quæ per generationem & educationē à materia facta sunt, suntque generabilia & corruptibilia: unde nullatenus ad animam rationalem extenditur.

Quintò. Arist. non agnouit creationem rerum ex nihilo; quinimò vbique voluit, ex nihilo nihil fieri, ideoque mundum posuit ab æterno, non creatum à Deo: sed si anima sit immortalis, atque adeo per se existens independenter à corpore, non potuit fieri per educationem de po-

sentia materiæ, sed debuit fieri per creationem à Deo: ergo Aristoteles non potuit immortalitatem animæ sustinere, nisi putasset omnes animas fuisse per se ab æterno increatas & improductas, ac de nouo in progressu temporis infundi corporibus.

Attamen agnouit potiùs Aristoteles creationem earum rerum quæ à materia non dependent: & ita, licet posuerit mundum ab æterno, videtur potuisse ab æterno creatum à Deo: dixit autem, ex nihilo nihil fieri, de ordinarijs effectibus, qui per virtutem causarum naturalium producuntur. Ita iam q. 3. sect. 6. circa productionem mundi tractauimus. Quod si Philosophus veram creationem prorsus non agnouisset, putasset potiùs, animas omnes fuisse per se ab æterno, vt earum immortalitatem retineret, sicut videtur putasse de Intelligentijs separatis.

Sextò demum. Si anima nostra sit immortalis, stâte alia positione Aristotelis de æternitate mundi, atque adeo de rerum generationibus per totam æternitatem exercitis, planè sequebatur, simul extare animas hominum infinitas: nisi putaret, vnicam esse omnium animam, vt ostendit Auerroes cogitauit, aut easdem animas inter plura corpora transmutare, vt olim Pythagoras: quæ tamen sunt à mente Philosophi aliena, vt sect. sequenti dicemus. At Aristoteles constanter negauit, dari infinitum actu in rebus, & magno conatu id probare studuit, præsertim 3. Phyl. Ergo non potuit animarum immortalitati consentire.

Verùm, non solum ex immortalitate animæ nostræ, sed in vniuersum ex successione rerum per totam mundi æternitatem in sententia Aristotelis, oritur hæc difficultas, quomodo posuerit mundum ab æterno, & negauerit infinitum: nam perin-

de se habet multitudo rerum, siue simul existētium, siue successiue transeuntium. Ideo circa ipsum infinitum q. 24. sect. 3. varios dicendi modos, vel ad reprehensionem, vel ad excusationem Aristotelis, recitauimus. Et sanè quicquid aliud erit tolerabilius, quàm tam execrandum errorem de mortalitate animæ tanto Philosopho attribuere. Minorisquæ iniuriæ erit, si dicatur, non coherenter philosophatum esse, ponendo æternitatem mundi, & negando infinitatem rerum: aut ignorasse qualiter ad hæc satisfaceret, & ideo hanc difficultatem dissimulasse: aut permissurum potiùs fuisse repetitionem earundem rerum & transmigrationem animarum: aut excessisse in denegando infinito, dum vniuersaliter in omnibus rebus & omnem multitudinem infin. tam impugnasse videbatur: dummodo immortalitas nostræ animæ in sententia ipsius Aristotelis teneatur.

SECTIO SEXTA.

Vtrum Anima rationalis sit multiplex & distincta in singulis hominibus.

Auerroes 3. de Anima comm. 5. & alibi, existimauit, vnicam esse realiter animam intellectualem pro omnibus hominibus, seu vt ipse loquutus est, vnicum intellectum agentem in se subsistentem, non esse verò formam informantem, sed potiùs assistentem, essequæ immortalē. Distinguit autem vterius in singulis hominibus alias particulares & proprias animas seu intellectus, tamen mortales, & in obitu hominis pereuntes. Atque, vnumquemque hominem actualiter intelligere per intellectum illum assistentem, seu per coniunctionem & applica-

*Senten-
tia qua
voluit,
esse vni-
cam in
omni-
bus.*

tionem eius ad ipsum singularem hominem. Similiter quidam alij veteres Peripatetici, vnam rationalem animam, quæ sit æterna & immortalis, fecisse videntur, vt de Theophrasto ac Themistio refert idem Auerroes. Rursus, Recentiores aliqui Peripatetici, fatentes secundum veram fidem, animas multiplicari esseque distinctas in singulis hominibus; tamen volunt, iuxta Philosophiam & doctrinam Aristotelis, vnicam deberi dici animam immortalem omnium. Sic sentiunt Iandunus, Vicomermatus, Zimara, & quidam alij circa eundem locum cum Auerro. item Achillin. lib. de Intelligētijs, Mirandulan. lib. 32. de Euerthione lect. 1. & lib. 33. lect. 2. similiter Bessario Cardinalis lib. 3. contra Calumnias. Platonis cap. 21. Aliqui autem ex his volunt adhuc, talem animam intellectuam esse de mente Aristotelis formam informantem.

Sententia qua voluit, easdem animas in plura corpora transmutare.

Alia vetustior sententia fuerat Pythagoræ, Platonis, Empedoclis, & aliorum ex antiquis Philosophis, easdem animas quæ prius fuerunt quorundam hominum, temporis successu post mortem illorum hominum, transire denuo in alia corpora hominum deinceps enascentium: & sic reuera quidem extare multas distinctas animas in magna copia, & semper esse inter se distinctas omnes animas quorumcunque hominum simul eodem tempore coniuētium; tamen esse easdem animas hominū præteritorum, ac præsentium, & rursus futurorum. Insuper hanc metemphicosim, id est animarum transmigrationem, non solum inter humana corpora posuerunt, sed etiam inter humana & bruta: dicentes, easdem animas de corporibus humanis solere in belluina transire, & ex belluinis in humana. Hunc Pythagorici ab omnium vsu carniū abstinēbant, ne forte manducaret quis-

piam de carne animalis, in quo inuenta esset anima alicuius ex suis progenitoribus, & sic pietatis iura violaret. Dicebant quoque, pro varietate operum & meritorum quæ singulæ animæ in prioribus corporibus exercuerant atque contraxerant, postea distribui in varia digniora vel indigniora corpora. Eundem errorem de transmigratione animarū excitauit iterum Manichæi, vt refert D. August. lib. de Heresib. cap. 46. & Albanenses & Albigenses, vt refert Castro, verbo Anima, hæretici 8.

Dico primò. Non est vnica anima intellectiua, non vnus intellectus pro omnibus hominibus, sed necessarii sunt plures ac distinctæ animæ in singulis hominibus existentibus. Est res certissima, non solum apud Ecclesiæ Patres & Theologos, sed etiam apud omnes probatos Philosophos.

Multiplex & distincta est anima in singulis hominibus.

Patet primò hæc assertio ex doctrina fidei. Nam pro varietate bonorum & malorum operum, animæ vnus præmiū, & anima alterius supplicium sortietur: pro inæqualitate etiam operum, vniuscuiusque anima certum gradum præmiij aut supplicij consequetur. Singulorum animæ fuerunt à Deo ad varios status, siue gloriæ, siue perditionis, deputatæ. Qui bona egerunt, ibunt in vitam æternam; qui verò mala, in ignem æternum. Et in finali iudicio singuli homines cum suis corporibus & animabus ad certum suum statum determinari debebunt. Vnde meritò in Concilio Lateranensi Lex X. in constit. quæ incipit, *Apostolici regiminis*, oppositum errorem, pariter atque alium de mortalitate animæ, condemnauit, ac veritatem catholicam de rationali anima definiuit: *Est immortalis, & præ corporum quibus infunditur multitudine singulariter multiplicabilis,*

Est res de fide.

lentia materiæ, sed debuit fieri per creationem à Deo: ergo Aristoteles non potuit immortalitatem animæ sustinere, nisi putasset omnes animas fuisse per se ab æterno increatas & improductas, ac de nouo in progressu temporis infundi corporibus.

Attamen agnouit potius Aristoteles creationem earum rerum quæ à materia non dependent: & ita, licet posuerit mundum ab æterno, videtur potuisse ab æterno creatum à Deo: dixit autem, ex nihilo nihil fieri, de ordinarijs effectibus, qui per virtutem causarum naturalium producuntur. Ita iam q. 3. 1. sect. 6. circa productionem mundi tractauimus. Quod si Philosophus veram creationem prorsus non agnouisset, putasset potius, animas omnes fuisse per se ab æterno, vt earum immortalitatem retineret, sicut videtur putasse de Intelligentijs separatis.

Sextò demum. Si anima nostra sit immortalis, stâte alia positione Aristotelis de æternitate mundi, atque adeo de rerum generationibus per totam æternitatem exercitis, planè sequebatur, simul extare animas hominum infinitas: nisi putaret, vnicam esse omnium animam, vt ostendit Auerroes cogitauit, aut easdem animas inter plura corpora transmigrare, vt olim Pythagoras: quæ tamen sunt à mente Philosophi aliena, vt sect. sequenti dicemus. At Aristoteles constanter negauit, dari infinitum actu in rebus, & magno conatu id probare studuit, præsertim 3. Phyl. Ergo non potuit animarum immortalitati consentire.

Verùm, non solum ex immortalitate animæ nostræ, sed in vniuersum ex successione rerum per totam mundi æternitatem in sententia Aristotelis, oritur hæc difficultas, quomodo posuerit mundum ab æterno, & negauerit infinitum: nam perin-

de se habet multitudo rerum, siue simul existētium, siue successiue transcurrentium. Ideo circa ipsum infinitum q. 24. sect. 3. varios dicendi modos, vel ad reprehensionem, vel ad excusationem Aristotelis, recitauimus. Et sanè quicquid aliud erit tolerabilius, quàm tam execrandum errorem de mortalitate animæ tanto Philosopho attribuere. Minorisquæ iniuriæ erit, si dicatur, non coherenter philosophatum esse, ponendo æternitatem mundi, & negando infinitatem rerum: aut ignorasse qualiter ad hæc satisfaceret, & ideo hanc difficultatem dissimulasse: aut permissurum potius fuisse repetitionem earundem rerum & transmigrationem animarum: aut excessisse in denegando infinito, dum, vniuersaliter in omnibus rebus & omnem multitudinem infinitam impugnasse videbatur: dummodo immortalitas nostræ animæ in sententia ipsius Aristotelis teneatur.

SECTIO SEXTA.

Vtrum Anima rationalis sit multiplex & distincta in singulis hominibus.

Auerroes 3. de Anima comm. 5. & alibi, existimauit, vnicam esse realiter animam intellectuam pro omnibus hominibus, seu vt ipse loquutus est, vnicum intellectum agentem in se subsistentem, non esse verò formam informantem, sed potius assistentem, eisque immortalē. Distinguit autem vterius in singulis hominibus alias particulares & proprias animas seu intellectus, tamen mortales, & in obitu hominis pereuntes. Atque, vnumquemque hominem actualiter intelligere per intellectum illum assistentem, seu per coniunctionem & applica-

*Senten-
tia qua
voluit,
esse vni-
cam in
omni-
bus.*

tionem eius ad ipsum singularem hominem. Similiter quidam alij veteres Peripatetici, vnam rationalem animam, quæ sit æterna & immortalis, fecisse videntur, vt de Theophrasto ac Themistio refert idem Auerroes. Rursus, Recentiores aliqui Peripatetici, fatentes secundum veram fidem, animas multiplicari essequæ distinctas in singulis hominibus; tamen volunt, iuxta Philosophiam & doctrinam Aristotelis, vnicam deberi dici animam immortalem omnium. Sic sentiunt Iandunus, Vicomermatus, Zimara, & quidam alij circa eundem locum cum Auerr. item Achillin. lib. de Intelligētijs, Mirandulan. lib. 32. de Euerione lect. 1. & lib. 33. lect. 2. similiter Bessario Cardinalis lib. 3. contra Calumniam. Platonis cap. 21. Aliqui autem ex his volunt adhuc, talem animam intellectuam esse de mente Aristotelis formam informantem.

Sententia qua voluit, easdem animas in plura corpora transmutare.

Alia vetustior sententia fuerat Pythagoræ, Platonis, Empedoclis, & aliorum ex antiquis Philosophis, easdem animas quæ prius fuerunt quorundam hominum, temporis successu post mortem illorum hominum, transire denuò in alia corpora hominum deinceps enascentium: & sic reuera quidem extare multas distinctas animas in magna copia, & semper esse inter se distinctas omnes animas quorumcunque hominum simul eodem tempore coniuētium; tamen esse easdem animas hominū præteritorum, ac præsentium, & rursus futurorum. Insuper hanc metempsychosim, id est animarum transmigrationem, non solum inter humana corpora posuerunt, sed etiam inter humana & bruta: dicentes, easdem animas de corporibus humanis solere in belluina transire, & ex belluinis in humana. Hunc Pythagorici ab omnium vsu carniū abstinebant, ne fortè manducaret quis-

piam de carne animalis, in quo inuenta esset anima alicuius ex suis progenitoribus, & sic pietatis iura violaret. Dicebant quoque, pro varietate operum & meritorum quæ singulæ animæ in prioribus corporibus exercuerant atque contraxerant, postea distribui in varia digniora vel indigniora corpora. Eundem errorem de transmigratione animarū excitauit iterum Manichæi, vt refert D. August. lib. de Heresib. cap. 46. & Albanenses & Albigenes, vt refert Castro, verbo Anima, hæretici 8.

Dico primò. Non est vnica anima intellectiua, non vnus intellectus pro omnibus hominibus, sed necessarii sunt plures ac distinctæ animæ in singulis hominibus existentibus. Est res certissima, non solum apud Ecclesiæ Patres & Theologos, sed etiam apud omnes probatos Philosophos.

Multiplex & distincta est anima in singulis hominibus.

Patet primò hæc assertio ex doctrina fidei. Nam pro varietate bonorum & malorum operum, anima vnus præmium, & anima alterius supplicium sortietur: pro inæqualitate etiam operum, vniuscuiusque anima certum gradum præmij aut supplicij consequetur. Singulorum animæ fuerunt à Deo ad varios statum, siue gloriæ, siue perditionis, deputatæ. Qui bona egerunt, ibunt in vitam æternam; qui verò mala, in ignem æternum. Et in finali iudicio singuli homines cum suis corporibus & animabus ad certum suum statum determinari debebunt. Vnde merito in Concilio Lateranensi Leo X. in constit. quæ incipit, *Apostolici regiminis*, oppositum errorem, pariter atque alium de mortalitate animæ, condemnauit, ac veritatem catholicam de rationali anima definiuit: *Est immortalis, & præ corporum quibus infunditur multiplicitudine singulariter multiplicabilis,*

Est res de fide.

& multiplicata, & multiplicanda.

*Est de
mente
Aristo-
telis.*

Secundò. Est etiam planè de mente Arist. Nam prorsus voluit, animam rationalem esse formā hominis, vt antea vidimus: certè autem non putauit, vnā esse singularem formam pro omnibus hominibus: & expresse 12. Metaph. tex. 40. declarauit, formam multiplicari in materia pro singularibus compositis, & specialiter principium formale, id est animam, in humana specie, esse quidem vnū specie, sed multiplex numero. Et rursus antea in eodem lib. tex. 16. vniuersaliter notauerat formam non præcedere ante compositum. Ac demum prorsus abhorret à doctrina Aristotelis abstractio illa & communitas vnus animæ intellectiue, seu vnus intellectus, & modus ille intelligendi per conjunctionem & applicationem ad singulos homines.

*Rationi-
bus de-
monstra-
tur.*

Tertiò. Ratione probatur. Vel vna illa anima intellectiua in vno certo loco existeret, & inde absque præsentia locali singulis hominibus assisteret, in singulos influens: vel esset continuatè diffusa per totum vniuersum, & sic præsens omnibus hominibus, & omnibus alijs pariter corporibus: vel esset replicata loco per solos & omnes homines. Quicquid ex his dicatur, satis patet quàm sit absurdum & incredibile, & contra omnem rationem.

Quartò. Intelligere est operari vitaliter & intrinsecè, vt per se patet: neutiquam ergo potest homo intelligere per animam siue intellectum assistentem, sed omnino intelligit per animam quæ intrinsecè constituitur, & per intellectum quæ sit potentia interna talis animæ: igitur nihil valere potest anima & intellectus assistens ad constituendum hominem intelligentem. Nec etiam iuuare potest talis intellectus assistens ad abstrahendas & absumendas species

intelligibiles. Nam sufficientissimè per eandem suam animā quæ intrinsecè intelligit, & per potentiā quandam eiusdem animæ, potest ac debet homo suas species intelligibiles cōparare. Igitur anima illa & intellectus assistens, est merum figmentum.

Quintò. Cū quilibet homo debeat in se intrinsecè constitui ac viuere per internam suam animam, quæ omnino debet esse discreta ac multiplex in singulis hominibus: hæc vtique anima est in se anima rationalis & intellectiua, est anima humana, qua homo differt ab alijs viuentibus, ac specialiter à brutis sola anima, sentiuiua constitutis. Vnde rursus hæc rationalis anima est immortalis, in suo esse non dependens à corpore, sed informans & viuificans corpus. Igitur distinctæ ac multiplicatæ sunt animæ pro singulis hominibus, quæ omnes sunt immortales, ac in morte hominum separantur à corpore, & in se permanent separatæ: nullaquæ alia vna communis anima superaddenda est.

Sextò. Constat, diuersos homines passim habere in cognoscendo & intelligendo diuersas & contrarias opiniones: quod enim aliqui affirmant, alij negant. Item habere diuersos & contrarios voluntatis affectus: quod enim aliqui cupiunt, alij respuunt; quod aliqui amant, alij detestantur. Non est igitur vna communis omnium anima, tam diuersos & contrarios actus in hominibus exercens: non est vna communis anima, per quam varij homines, tam diuersimodè operentur. Sed omnino singuli homines habent suas peculiare animas, & proprias potentias, quibus suas operationes exercent, exclusa prorsus vna alia communi omnium anima.

Dico secundò. Nulla eadem anima transit de vno ad aliud corpus, sed *transit* omni-

Non

*eadem
anima
de uno
in aliud
corpus.*

omnium prorsus hominum distinctę sunt animę. Hęc pariter assertio certissima est. Patet primò ex fide. Quęlibet enim anima post obitum hominis deputatur ad certum statum pro qualitate suorum in corpore meritum: in fine autem mundi per vniuersalem resurrectionem redibit ad idem corpus quod antea informauerat: sed hoc perficitur diuina potestate, non viribus naturę.

Secundò, patet etiam ex Aristotele, qui 1. de Anima tex. 53. eam Pythagoricam transmigrationem animarum irridet, & fabulosam appellat: *Tanquam possibile sit secundum Pythagoricas fabulas, quamlibet animam quodlibet corpus ingredi.* Et alijs in locis omnino supponit, distinctas esse semper formas pro distinctione materię.

Tertiò demum ratione patet. Tum quia ex natura rei pro diuersis cõpositis diuersę debent esse formę, & sic singulorum hominum distinctę animę. Et sicut naturaliter non reparatur idem indiuiduum quod aliquādo corruptum sit, non reproducitur eadem forma corruptibilis quę aliquando in materia fuerat: ita, quamuis anima rationalis in se permaneant, tamen postquam semel ẽ corpore abiit, non redit naturaliter iterum in corpus. Sed, cùm animę rationales creentur à Deo, facillimum utique est Diuinę potentię, semper nouas animas procreare, sicut semper noui homines succedunt. Tum præterea, si anima vnius hominis fuisset prius in alio corpore, deberet utique aliquam noticiam & recordationem habere de priori illo statu: quod vnicuique patet non ita esse. Dicebat quidem Pythagoras, animam suam fuisse prius Euphorbi cuiusdam qui occisus fuerat in bello Troiano. Sed cur non omnes similiter homines recognoscunt, quorũ aliorum suę animę fuerint? Nisi er-

go Pythagoras in eo dicto desipuit, iocari voluit. Tum denique eo magis repugnat, transmigrationem animarum fieri inter homines & bruta. Toto enim genere differunt: anima hominis est rationalis, anima bruti purè sensitiua expers rationis. Vnde ita repugnat, animam hominis transire ad constituendum brutum, vel ẽ conuerso, sicut formam ignis transire ad constituendam aquam, vel ẽ conuerso.

Contra primam conclusionem asserunt hęc loca ex Arist. ij qui oppositam sententiam illi tribuunt. In 2. de Generat. animal. cap. 3., dum dixit mentem extrinsecus aduenire, voluisse videtur, animam intellectiuam esse exteriorem quandam substantiam quę præsto sit pro singulis hominibus, vt actum intelligendi exerceant. In libris de Anima, dum docere solet, intellectum esse impermixtum materię, esse separatum, pariter voluisse videtur, esse externam quandam substantiam, & sic esse vnā pro omnibus, Ac specialiter lib. 3. tex. 18. assignat quendam intellectum, qui se habet sicut lumen: eo quòd sicut lumen facit res actu visibiles, ita ille facit res actu intelligibiles, sicut ergo lumen est vnus & extrinsecus, ita intellectus ille agens est vnus & assistens omnibus.

Sed certè Arist. in primo loco tantum voluit, animam rationalem non educi de potentia materię, sed alia superiori virtute induci in materiā, idest creari et infundi à causa prima. In alijs locis voluit, animā intellectiuam esse spiritualem, & non dependentem à materia in suo esse. Comparauitquẽ intellectum agentem lumen, quia sicut et lumen res visibiles immittunt species ad oculum, ita per intellectum agentem acquiruntur species intelligibiles, sed non propterea intellectus agens debet esse vna quædam externa substantia,

*Quadā
loca A-
ristotelis
explicā-
tur.*

sed est potius interna quædam potentia animæ, peculiaris in quolibet homine. Hostili sanè animo in Aristotelem fuisse videntur, ij qui tam absurdum paradoxum illi impingere non dubitarunt, ob hæc loca, quæ potius tam rectum sensum præseferunt. Imò ne ex hostibus quidem fuisset hæc calumnia toleranda, quæ tamen apud amicos & Peripateticos Aristoteles nactus est.

Quædam rationes solvuntur. Afferuntur item hæ rationes pro Averrois sententia. Distinctio & multitudo numerica formarum sumitur ex materia: ergo cum anima rationalis non dependeat à materia; non potest esse nisi una numero: sicut & in qualibet specie Angelorum una tantum singularis Intelligentia esse putatur. Rursus experientia constat, omnes homines convenire in assensu primorum principiorum: igitur unus est omnium intellectus, qui omnibus communicatur. Præterea, cum intellectio sit operatio abstrahens à materia, non poterit perfici nisi virtute quadam externa & separata, quæ proinde una erit pro omnibus hominibus.

Mirandum sanè est, ob has aliasuè similes rationes quemquam nisi insanum in tam absurdam cogitatione de unitate animæ adduci potuisse. Ad primam ergo rationem, neque verum est, distinctionem numericam ex materia debere adæquatè desumi, ut satis tractauimus q. 9. Logicæ, unde etiam in qualibet specie angelica possunt plura individua multiplicari. Nec etiam, illa suppositione admissa, tollitur distinctio animarum: quia, licet animæ rationalis non dependeat à materia, tamen dicit essentialiter ordinem ad materiam, quod satis superque erit ad numericam distinctionem. Neque demum, si id non sufficeret, sequeretur, unam esse singularem animam in omnibus, sed potius distingui specie in singulis, sicut

plerique voluit distingui omnes Angelos, eo quod non dicunt ordinem essentialem ad materiam. Ad secundam, considerari debebat, longè maiorem & in pluribus rebus esse humanorum ingeniorum discordiam, quæ distinctionem animarum in singulis debebat ostendere. Concordia autem in primis principiis, non ex unitate animæ & intellectus, sed ex tanta illorum euidencia oritur, quæ omnem intellectum tam in Angelis quam hominibus trahit ad assensum. Ad tertiam, intellectio perficitur virtute & potentia spiritali animæ, quæ est quidem in corpore & informat corpus, tamen in essendo non dependet à corpore, sed bene potest existere separata.

Contra secundam & primam si. *Quædam philosophica dogmata conciliantur.* mul conclusionem solet urgeri: quia simul stare non possunt æternitas mundi, immortalitas animæ, impossibilitas infiniti, & distinctio animarum pro omnibus hominibus: ergo, suppositis prius illis assertis, vel dici debet vnica anima pro omnibus hominibus, vel easdem animas repeti in hominibus decursu temporis succedentibus, saltem iuxta doctrinam Aristotelis.

Sed pro veritate quidem, supponimus, mundum non fuisse æternum, & sic nulla remanet difficultas. In doctrina autem Aristotelis, sequebatur potius, esse possibile infinitum, sicut sanè euidenter constat in ipsis individuis, inter se succedentibus. Et tolerabilius erit dicere, Aristotelem excessisse in reprobando vniuersaliter omni infinito: nisi dicatur negare solam voluisse infinitum in rebus corporeis simul coexistentibus.

55555555
55555

SECTIO SEPTIMA.

*Vtrū Anima rationalis sit eius-
dem speciei & aequalis per-
fectionis in omni-
bus homini-
bus.*

*Ratio
dubitā-
di de v-
nitate
specifica*

D Vbitarunt alij, quī, diuersitatem aliquam specificam inter animas rationales, atque adeo inter ipsos homines inueniri. Nimirum ob magnum varietatem inter plerūque naturaliter inuentam. Non solum scilicet in facultatibus, inclinationibus, & operationibus occultis, quae nempe nō per se sub sensum cadunt, & in effectibus atque operationibus externis apparent, verū etiam in externa forma & habitudine corporis secundū magnam & notabilem differentiam, quae proinde videtur pariter indicare differentiam animarū. Alij enim sunt homines iustē magnitudinis, alij ex sua pgenie exigui qui dicuntur Pigmei; alij vastae molis qui dicuntur Gigantes: Itē alij colore albi, alij nigri. Insuper in remotis quibusdam prouincijs inueniuntur quidam valde enormis & diuersae figurarū, qui ex sua progenie tales sunt, similes suis progenitoribus enascētes. Sic refert Plinius lib. 6. cap. 30. *Ferūt ab Orientis parte intima gentes esse sine naribus aequali totius oris planitie, alias superiore labro orbas, alias sine linguis &c.* Et infra *Cynamolgi caninis capitibus.* Item referuntur inueniri alij cum vno oculo, alij cum vno pede, alij sine capite cum facie in pectore, & alij aliarum valde deformium figurarum, vt copiose describit Ioannes Boterus in additione ad quartam partem suarū Relationum.

Ex aduerso, supponi communiter

solet omnem animam rationalem, atque adeo omnem hominem esse vnius infimae speciei: non solum de facto pro omnibus ijs qui actu sunt & vnquam fuerunt: sed etiam idem videtur supponi de possibili, idest omnem animam rationalem & hominem possibilem omnino esse eiusdem speciei: nec posse in hac natura distingui plures species infimas sub quodam communi genere. Vnde in praedicamento substantiae, & inter praedicabilia, pro vltimo gradu vniuersali, & pro exemplo infimae speciei non habētus sub se alias species, constituitur homo.

Deinde, plerique volunt, animam rationalem, licet vnius infimae speciei, tamen intra sua individua solo numero differentia, admittere inaequalitatem quandā perfectionis entitativam & intrinsecam, quae nempe vnius hominis anima sit secundū substantiam suam ac differentiam indiuidualem intrinsecē perfectior alia, & sic varios & innumeros perfectionis gradus inter singulares animas condistingui. Ita asserunt Albert. magnus, Capreol., Hispalens., Aegidius, Riccard., Maior. in 2. d. 32. Lychet. in 1. d. 3. q. 1. Caiet. 1. par. q. 85. art. 7. Ferrar. 1. cont. Gent. cap. 3. Abulens. in c. 15. Math. q. 656. Iauell. 8. Metaph. q. 6. Gueuara lib. 1. de Interiori sensu tract. 7. cap. 5. Idē indicat D. Thomas in 1. d. 8. q. 5. art. 2. ad 6., & in 2. d. 21. q. 2. art. 1. ad 2., & dist. 32. q. 2. art. 3. in corpore, & 1. par. q. 85. art. 7.

Ex aduerso alij docent, omnes animas rationales in cunctis hominibus esse aequalis prorsus perfectio- nis intrinsecae ex sua entitate, esse autem inaequale & varium temperamētum corporis in ipsis hominibus, & inde oriri varietatem quae in ijs reperitur. Ita Henricus Quodl. 3. q. 5. Durand. Argentin. & alij in 2. d. 32. item Sencinas 8. Metaph. q. 26. Zimara

*Senten-
tia fa-
ciēs ani-
mas in-
aequalis
perfe-
ctionis*

*Senten-
tia fa-
ciēs
omnes
aequalis
perfe-
ctionis*

mara Theorem. 54. Sotus in prædicam. subst. q. 2. C. 1. m. b. 2. de Anima cap. 1. q. 5. & alij frequenter. Idē indicat quoque D. Thomas 1. par. q. 93. art. 3. ad 3. & Quodl. 3. art. 6. ad argumenta, loquens vniuersaliter de omni specie rerum eiusque indiuiduis.

Non videtur impossibile, dari diuersitatem aliquam specificam inter animas rationales, atque adeo inter homines absolute possibiles: de facto tamen admittenda non est talis diuersitas inter animas & homines quocumque tempore existentes. Suadetur prima pars: quia cogitari sanè potest latitudo & differentia aliqua intrinseca in hoc genere: nempe, sicut inter Intelligentias inueniuntur variae species, quarum diuersitas explicatur penes perfectionem in operando, ita pariter similis diuersitas cogitari potest in genere animarum rationalis. Nec apparet impossibile, ut quædam anima rationalis ex natura & essentia sua esset validior ad intelligendum aliasque operationes exercendas: item ut esset apta ad informandum corpus longè maioris amplitudinis quam alia anima, alijsuè varijs modis. Et possibile vltèrius esset, in quolibet intrinseco gradu plures singulares animas conuenire quæ sub illo creati possent à Deo. Vnde ille gradus planè esset vniuersalis & communis ad plura indiuidua, essetque ijs essentialis, atque adeo planè esset natura quædam specifica. Et sic plures ac varij huiusmodi gradus, essent species quædam inter se differentes. Ac tandem anima rationalis in communi, eos omnes gradus sub se complectens, esset verum quoddam genus, commune pluribus speciebus.

De factis. Probatur denique secunda pars: quia de facto omnes homines descendunt à duobus illis primis progeni-

toribus Adamo & Eua: sine dubio autem eiusdem speciei sunt homines qui generant & qui generantur: hæc enim est generatio vniuoca secundum conuenientiam causæ & effectus in eadem prorsus infima specie. Quare quantumcumque differat inter se homines penes varias facultates & inclinationes, hæc diuersitas non est essentialis & specifica in ipsis animabus, seu in substantia humanæ naturæ, sed alio modo explicanda erit. Item illi homines qui forma & habitudine corporis notabiliter differunt ab hominibus ordinarijs, adhuc sunt eiusdem essentialiter speciei, & citra specificam diuersitatem animæ, tali modo differunt in corpore: sicut vtrique inter ordinarios homines tam notabiliter differunt mares & fœminæ, & tamen non per hoc differunt essentialiter & specificè quoad animam. Constat vltèrius à fortiori hæc res ex assertionem sequenti.

Dico secundò. Omnes animæ rationales quæ sunt eiusdem essentialiter speciei, sunt pariter æqualis perfectionis inter se quoad suam intrinsecam entitatem: atque adeo de facto anima vnius hominis secundum naturam suam non est magis vel minus perfecta anima alterius. Hæc assertio est cõformis doctrinæ à nobis generaliter traditæ q. 9. Logica sect. 14. pro æqualitate indiuiduorum intra quamcumque infimam speciē: ibique in vniuersum probauimus, nō posse inter indiuidua eiusdem infimæ speciei quæ sit verè infima species, inueniri entitatiuam inæqualitatem intrinsecam penes differentias indiuiduales: sed vbiq̃ue inueniatur talis intrinseca inæqualitas, eam esse veram differentiam specificam. Nam rursus quilibet gradus certæ perfectionis, esset communicabilis pluribus indiuiduis conuenientibus in illo gradu. Non enim esset impos-

*et hoc
sunt ani-
mae.*

*Omnes
animæ
sunt æ-
qualis
perfectionis.*

*Suadetur
ratione
generalis.*

pos-

possibile, in quolibet certo gradu inueniri plura indiuidua in illo communicantia: nec talis gradus esset limitatus ac determinatus ad vnicum solum indiuiduum: nec esset necessarium, omnia prorsus indiuidua esse inter se intrinsecè inæqualia, quasi in nullo gradu essent possibilia plura, quædam indiuidua communicantia & æqualia. Stante autem hac communitate, planè omnis certus gradus perfectiōis, est gradus qui iam specificus & vniuersalis, utpotè prædicabilis intrinsecè de pluribus numero differentibus: vnde planè constitueret diuersitatem specificam, non autem numericam. Et frustra diceretur inæqualitas inueniri in sola differentia indiuiduali huius vel illius singularis: quia reuera talis differentia secundum conceptum communem pluribus indiuiduis possibilibus sub illo certo ac determinato perfectionis gradu, iam est differentia specifica & non numerica. Itaque hæc tota diuersitas, est planè illa quæ conclusionem superiori diximus esse quidem possibilem, non tamen inueniri de factō inter animas rationales quocumque tempore existentes.

*Ex ratione
speciali.*

Præter hanc generalem rationem, alia rursus peculiari ratione hæc animarum æqualitas comprobatur. Quia magna sanè varietas in vno & eodem homine temporis decursu contingit. Patet enim, quantum quoad naturales facultates & inclinationes differat puer, iuuenis, & senex: item quàm magna variatio contingat ex quibusdam morbis aut remedijs: non solum inquam quoad vires corporis; sed maximè quoad operationes ipsius animæ intellectuæ in intelligendo & discurrendo. Hoc autem totum vtiq; non fit per variationem & inæqualitatem ipsius animæ in vno & alio statu, sed semper in eodem homine & in eodem corpore permanet eadem anima.

Totaquæ hæc varietas contingit per variam temperiem corporis & organorum. Igitur sic pariter varietas & inæqualitas quæ inter alios & alios homines reperitur, non in entitatiuam inæqualitatem ipsarum animarum secundum suas intrinsecas differentias referenda est, sed solum in variam & inæqualem dispositionem ac temperaturam corporis. Quod iam vberius ex obiectionum solutione constabit.

Obijcies primò ad probandum, Quædam animas rationales, vel specie differentes, vel esse inæquales perfectione. *loci Aristoteles 2. de Anima tex. 94. notis explicantur.* Aristoteles 2. de Anima tex. 94. notauit, quosdam homines esse ingeniosos, quosdam non ingeniosos. Et in Problemat. sect. 30. q. 1. supponit, varios homines in varijs habilitatibus secundum animam excellere: & similiter in Phyllognomia. Præterea, inter articulos Parisienses pro errore damnatur, facere omnes animas æquales, quia sic anima Christi esset æqualis cum anima Iudæita referunt Henricus, Durandus, & alij.

Respondetur. Aristotelem ipsum indicasse, diuersitatem & inæqualitatem illam oriri ex diuerso & inæquali temperamento corporis. In primo enim loco ait, ingenio magis pollere eos qui sunt carne molliores. In secundo loco, ait, excellentiores in illis habilitatibus quas ibi numerat, humore melancholico abundasse. Et in Phyllognomia ideo ex signis externis in corpore diiudicat habilitates & inclinationes internas animæ, quia hæc penès dispositionem corporis variantur. In articulis Parisiensibus non reperitur alia auctoritas, nisi priuata illorum Doctorum à quibus conditi fuere. Verè autem error esset, facere omnes animas æquales, non solum quoad naturam, sed etiam quoad alias perfectiones superadditas. At quoad solam naturam non est error: imò est ratio-

nabilis conclusio philosophica.

Quadã Obijcies secundò. Differentia illa quæ in tota aliqua progenie hominum inuenitur, non utique veluti canes su contingit, sed per se & ab intrinsecis non sunt seculo oritur, dum videlicet Pigmei generant Pigmeos, Monoculi Monoculos, & sic in alijs similibus differentiis: igitur id totum prouenit virtute substantialis formæ, nempe talis animæ, quæ nempe ex natura sua exigat corpus tantæ magnitudinis, talis structura, &c. Sicut certè in genere animæ sentit inter tot brutorum species, ex intrinseca virtute & exigentia animæ prouenit tanta diuersitas quæ in eorum corporibus inuenitur.

Respondetur. Differentiam illam in quauis hominum progenie, incepisse ex externo aliquo accidẽti corpus vitante: ita quòd ex hominibus iustæ magnitudinis & conuenientis structuræ fuerit genitus aliquis corpore vitatus, sicut notum est frequenter cõtingere partus monstruosos. Cum enim tota hominum generatio ex duobus primis parentibus deducatur, ita necessariò fatendum est. Vnde planè sequitur, non ex distinctione specifica siue intrinseca animæ, sed ex quibũsdam corporum accidentibus, tales differentias dimanasse. Rursus, is qui ab initio contraxit vitium aliquod corporis, potest esse vt remaneat ita affectus in sua corporea facultate, quòd similem structuram transmittat in suum prolem: sicut frequenter etiam apud nos experimur, certas quasdam corporis maculas, aut signaturas, vel ægitudines, solere à parentibus in filios propagari. Non ergo id prouenit ex differentia substantiali ipsius animæ in tali hominũ progenie. Cõterre etiam admodum potest conditio loci & regionis. Vnde dicuntur Pigmei in regionibus frigidissimis propagari, & notum est, homines in regionibus calidissimis colorari pigros. Quare,

dum aliqui huiusmodi ad alias temperatas regiones transferuntur, paulatim & post plures saltem generationes, eorum descendentes ad incolarum similitudinem prouehuntur. Pleraque demum, quæ de enormibus figuris in remotis prouincijs de certa hominum progenie referuntur, fabulosa sunt. Et fortasse aliqua ex ijs animantibus non sunt homines, non rationali anima constant, sed sunt potius bruta quædam imitantia humanam figuram: sicut enim quidam huiusmodi pices referuntur in aquis, ita & quædam tales bestię inueniri possunt in terra.

Obijcies tertio. Cum intellectio sit operatio spiritualis non dependens à corpore, non poterit ex varia dispositione corporis adeo immutari: sed potius dicendum erit, ex differentia intrinseca ipsius animæ tot varios perfectionis gradus in intelligendo exoriri, sicut inter Angelos hæc varietas & inæqualitas ex eorum differentia specifica inuenitur: & ita etiam in animabus separatis eadem varietas & inæqualitas permanebit.

Respondetur. Satis compertum esse operationem intelligendi, dum anima est vnita corpori, adeo iuari ex consortio sensus interni, vt pro varia dispositione & habilitate ipsius sensus, notabilem quoque in se varietatem sortiat: & ita notissimum est in quolibet vno homine pro ætatis progressu. Non ergo oportet, vt ex intrinseca differentia & substantiali inæqualitate ipsarum animarum hæc varietas oriatur. In Angelis autem qui sunt prorsus à corpore absoluti, non nisi ex eorummet natura potest illa inæqualitas exoriri. Imò hinc rursus patet, quòd sicut hæc differentia in Angelis est specifica, ita etiam esset in animabus. Animæ verò separatae, non retinebunt amplius eam inæqualitatem, quam in hac vita, ex actuali consortio sensus interni;

Inæqualitas in intellectu gendo prouenit ex variabilitate sensus interni.

sed benè ex vario apparatu specierum & habituum, vel antea acquisitionum, vel postea infusorum, poterunt adhuc maiori vel minori perfectione & habilitate pollere ad operandum.

Et varia habilitas sensus interni ex varia dispositione organi corpori.

Obijcies quartò. Saltem ipse sensus internus, idest ipsa potentia sensitiva secundum se, est inæqualis perfectionis in varijs hominibus: omnes autem potentie radicaliter oriuntur ex ipsius animæ essentia: igitur saltem ex hac parte ipsæ quoque animæ sunt inæqualis perfectionis in sua entitate.

Respondetur. Vel potentiam sensitivam secundum se esse in omnibus æqualem & uniformem, sed perfectius operari per organum melius dispositum. Vel ex eadem ipsæ dispositione organi esse perfectionem in vno quàm in alio: quia ex eadem ipsa anima in subiecto melius disposito excellentior potentia oritur. Vel præter potentiam innatam & perfici aliam qualitatem adiutricem potentie, ut dicebamus q. 49.

Obijcies demum quintò. Si cor-

pora hominum sunt inter se inæqualiter disposita, pariter ipsæ animæ quæ sunt corporum formæ, erunt inter se inæquales, quia perfectior erit anima quæ corpus melius dispositum habet: quolibet enim anima determinata ex se est ad tale corpus.

Respondetur. Non esse secundum se perfectiorem illam animam quæ informat corpus melius dispositum: sed cum omnes animæ sint æquales, quibusdam contingit habere corpus melius dispositum. Admittunt verò Conimbricenses art. 3. ad 3. singulas animas ex se determinatè respicere certa corpora: sed respondent, non per hoc respicere determinatè certas dispositiones, sed solum esse determinatas quoad materiam. Sed nos negamus etiam, ullam animam ex se determinatè respicere certum corpus, & univèrsaliter ullam formam respicere determinatè certam materiam singularem: ut iam tractauimus antea circa omnes causas q. 16. sect. 3. & 4. & circa principium individuationis in Logica q. 9. sect. 6.

Qualibet anima est per se indifferens ad omne corpus.

QVAESTIO QVINQVAGESIMA OCTAVA.

De Potentijs & operationibus

Animæ rationalis.

PRæsuppositis iam omnibus potentijs & operationibus vegetatiuis & sensitivis, quæ eidem animæ rationali, cum sit quoque vegetatiua & sensitiva, conueniunt: consideranda solum hoc loco sunt potentie & operationes rationales, quæ propriæ huius animæ sunt quatenus rationalis est.

SECTIO PRIMA.

Quot & quæ sint potentia & operationes Anima rationalis.

Sciētia distinguens tres potentias. Solent vulgariter tres potentia animæ rationalis nominari, Memoria, Intellectus, & Voluntas. Imò ita supponit D. August. lib. 10. de Trinit. cap. 11. ubi expressit quoque, ita intelligentiam ex memoria dependere, sicut voluntas ab intellectu dirigitur. Eandem distinctionem ex August. recepit Magister sentent. in 1. d. 3., quem alij Scholastici imitati sunt: & clarè Riccard. in 2. d. 14. q. 2. circa 2. principale, ita distinguit à memoria intellectum, sicut ab intellectu voluntatem. Solent etiam communiter Theologi hinc describere imaginem summæ Trinitatis in anima rationali; quod sicut in anima est vna essentia & tres potentia, ita in Deo est vna natura & tres sublimitia.

Sententia non distinguens intellectum & voluntatem. Ex opposito Durandus in 1. d. 3. par. 2. q. 3. & 4. non solum negat distinguere intellectum à memoria, sed etiam voluntatem ab intellectu: atque contendit, vnum & idem esse principium proximum intelligendi & volendi, siue sit eadem essentia animæ absque alia media potentia, siue sit quædam alia potentia distincta ab essentia animæ. Similiter Fracastor. lib. 2. de Intellect. non longè ab initio, asserit, vnā & eandem realiter esse potentiam intellectus ac voluntatis, & non nisi ratione distinguere.

Nō sunt realiter tres potentia: nō enim memo. Dico primò. Non sunt realiter distinguendæ omnes illæ tres potentia animæ rationalis, sed prorsus vna & eadem potentia est memoria & intellectus. Hæc reuera est communis sententia, etiam eorum qui alio-

qui memoriam sensitivam, pro peculiari quadam potentia distinguebant. Et ita præsertim docet D. Thom. 1. par. q. 79. art. 7. Probatur facillè: quia vel memoria deberet ab intellectu distinguere ad conservandas & retinendas species intelligibiles intellectui inservientes, vel ad elicendum actum recordationis de rebus præteritis quatenus antea præcognitis: sed ex neutro capite debet distinguere, imò potius ex utroque debet esse eadem simplex potentia cum intellectu. Nam quoad retentionem specierum, expressè Arist. 3. de Anima tex. 6., eundem ipsum intellectum qui res percipit & cognoscit, facit locum & receptaculum specierum. Et ex natura rei patet, eandem ipsam potentiam quæ debet elicere actum cognitionis, debere habere in se speciem repræsentativam obiecti: & eo magis intellectus qui est potentia perfectissima inter omnes alias cognoscitivæ, erit sibi ipsi sufficiens, ut retineat species & eliciat actus. Quoad actum verò recordationis, rectè arguit ibi D. Thom. obiectum adæquatum intellectus est ens simpliciter, quod quidem penes essentiam abstrahit ab omni differentia temporis, penes existentiam complectitur tam præteritum, quàm præsens & futurum: eadem ergo potentia intellectiva est quæ recordatur de præteritis, & omnia percipit secundum quamcumque rationem. Item, idem utique intellectus habet reflectere supra suum actum, & ita cognoscit se cognovisse: recogitat ergo res quatenus antea præcognitas, quod est formaliter de rebus præteritis & præcognitis recordari. Idem denique intellectus inquit & investigat res antea notas, ut de ijs recordetur, quod est formaliter reminisci. Nulla ergo alia potentia memorativa præter intellectivam potest distinguere. Faciunt præterea à for-

fortiori pro hac conclusione ea quæ antea contra distinctionem memoriz sententiæ adduximus circa sensus internos.

An in-
uentur pro-
prie me-
moria
in parte
intelle-
ctiua.

Cæterum, prætermittendum hic non est, quod D. Thomas docuit 1. par. q. 79. art. 4. & 2. cont. Gent. cap. 74. memoriam acceptam pro potentia conseruatiua specierum, reperiri quidem in anima intellectiua, id acceptam pro potentia cognoscitiua præteriti quatenus præteriti, non reperiri in parte intellectiua, sed tantum in parte sensitiua. Fundamentum eius est: quia præteritum quatenus tale, est singulare, sensibile, non abstrahens à tempore: sed intellectus non attingit huiusmodi obiectum, solumque respicit vniuersale, abstrahens à conditionibus & circumstantijs particularibus. Ad id tamen eodem loco 1. par. ad 2, quod intellectus verè percipit suum intelligere, qui est singularis actus, vel in præterito, vel in futuro, vel in præteriti existens: & sic saluari memoriam in intellectu respectu præteritorum, quatenus intellectus percipit se intellexisse, non autem quali intelligat præteritum prout est hic & nunc. Vbi Caiet. explicat, per intellectum cognosci præteritum in actu signato, non autem in actu exercito: & videtur velle, ab intellectu percipi rationem præteriti in abstracto, se licet quid sit esse præteritum, quid sit actum intelligendi præteritum: non autem concretè cognosci hoc singulare tali tempore fuisse & præteritum. Eandem denique sententiam amplectuntur Albert. in sum. de Homine tract. de Memoria, Ferrar. in eundem locum cont. Gent., alijque Thomistæ frequenter.

Verè &
proprie
inueni-
tur.

Assertum tamen simpliciter est, in parte intellectiua inueniri verè & propriè memoriam, ita nempe ut intellectus directè percipiat singulare quatenus præteritum & à se prius

præcognitum. Ita affirmat Scotus in 4. d. 45. q. 3. & alij plurimi. Fundamentum à priori est: quia intellectus verè se extendit per se ac directè ad singularia, ut dicemus sect. sequenti. Aliud fundamentum à posteriori est: quia anima separata, perfectè recordabitur singularium præteritorum. Sic diues ille Lucæ 16. recogitabat suos fratres, & dicebat: *Rogo te, ut mietas cum in domum patris mei, habui enim quinque fratres.* Imò Abraham ille dixit: *Recordare, quia recepisti bona in vitam tuam, & Lazarus mala.* Et vniuersaliter animæ separatae recognoscunt & recordantur opera quæ fecerunt in corpore cum suis circumstantijs loci & temporis: de qua re dubitari non potest. At anima separata non habebit vique memoriam sensitiuam quæ affixa est organo corporeo: sed sola virtute intellectiua cognoscat. In parte igitur intellectiua inuenitur perfectè & completè memoria.

Nec vllatenus satisfacit Caietanus, respondens, rationem præteriti reperiri in memoria animæ separatae, tanquam cognitam & memoratam, non verò tanquam immutantem ad memorandum, sicut alioqui solemus nos immutari à rebus dum recordamur. Non inquam satisfacit. Tum quia ratio memoriæ perfectè saluatur in recordatione illa quæ iam conceditur animæ separatae: & eo perfectior ac purior memoria est, si absque alia immutatione suum recordationis munus perficiat. Neque memoria desinebatur, quæ immutatur ab obiecto, sed quæ recognoscit præteritum præcognitum. Tum etiam de facto in nobis ad memorandum non experimur aliam actualem immutationem: sed benè supponitur prius facta impressio speciei, quæ species iam inuenitur in anima separata.

Nec etiam satisfacit, quod asser-

*Anima
separata
habet
memo-
riam, s.
cut con-
iuncta.*

uit S. Thomas 1. par. q. 89. , animæ separatæ infundi species repræsentatiuas singularium, quasi participatas quasdam similitudines Diuinæ essentia. Tum quia ad rationem memoriæ sufficit actus recordationis: nec quicquam refert, an vno vel alio modo, vna vel alia specie eliciatur. Tum etiam, infuso illa specierum cogitata est pro animabus iustis & corpore abscedentibus, quæ vident diuinam essentiam, & sic per similitudinem participatam percipiunt pariter creaturas. At etiam animæ damnatæ recognoscunt & recordantur facta, præterita. Tum præterea, sicut dicitur anima extra corpus recipere species rerum singularium per infusionem à Deo, istudque vti ad cognoscendum; pariter in corpore ministerio sensuum eas poterat accipere.

*Dua sũt
distin-
ctæ
potētiæ:
Intel-
lectus, &
Volun-
tas,*

Dico secundo. Anima rationalis prædita est duabus potentijs, nempe intellectu & voluntate, inter se reuera distinctis, sicut alia potentia animasticæ distinguuntur. Hæc est planè communis sententia, apud eos qui in vniuersum potentias animæ ab eius essentia & inter se condistingunt. Sumitur ex Arist. qui lib. 3. de Anima apertè distinguit appetitum à sensu & intellectu, appetitum scilicet sensitivum à sensu, & rationalem ab intellectu. Id notissimum quidem est, animam rationalem ambas has operationes exercere, scilicet intelligere & velle, atque adeo realiter habere intellectum & voluntatem, & realiter ipsas operationes esse distinctas. Sed probandum est, potentias quoque verè & realiter inter se distingui.

Probari solet ex diuersitate obiecti: quia intellectus habet pro obiecto verum, voluntas bonum: verum autem & bonum sunt duo transcendens & superius prædicata, quæ non habent aliquid commune ge-

nus. Attamen verum & bonum realiter in toto ente coincidunt, & ipsum ens realiter est intellectus et voluntatis obiectum, vt in communi circa verum et bonum suo loco notauimus

Probari ergo debet assertio ex diuerso modo quo vtraque potentia respicit et attingit suum obiectum. Intellectus enim, vt communiter dicitur, trahit ad se obiectum, non quidem realiter, sed intentionaliter, ratione speciei impressæ et similitudinis expressæ: propter quod dictum est ab Arist., animam intelligentem fieri quodammodo omnia: voluntas autem trahitur ab obiecto, et fertur in obiectum. Intellectus indiget specie impressa repræsentatiua obiecti, voluntas non indiget tali specie, sed indiget præuia cognitione qua ei proponatur obiectum. Voluntas est libera et indifferens in operando, intellectus est de se determinatus ad instar aliarum potentiarum. Præsertim valde inter se differunt actus intellectus et voluntatis, cognoscere et amare: ergo debent potentia quoque esse distinctæ.

Accedit exemplum aliarum potentiarum animæ. Loquimur enim nunc ex suppositione distinctionis. Si ergo alia potentia quæ in operando differunt, sunt inter se distinctæ: sic debent quoque intellectus et voluntas distingui. Ac specialiter distinguuntur appetitus et sensus in anima sensitua: et ita pariter debent distingui intellectus et voluntas in anima rationali. Denique Theologi in Deo ipso saltem ratione distinguunt intellectum et voluntatem: operationes autem et potentia quæ in Deo distinguuntur ratione, supponuntur re ipsa distingui in substantijs creatis, in quibus facillimè hæc distinctio non solum inter operationes, sed etiam inter potentias, reperiri potest et exerceri.

*Sumitur
hæc di-
stin-
ctio
ex modo
operando.*

*Ex pa-
ritate
aliarum
potētiarum.*

Quo iō. Obſtare videtur primò contra primam conclufionem auctoritas illa D. Auguſt. et comparatio trium perſonarum diuinarum cum tribus potentijs animæ noſtræ.

**ſu me-
moriam
intel-
lus &
volūtas
ſoleant
designa-
ri.** Reſpondetur cum D. Thoma ibi 1. par. q. 79. art. 7. ad 1. et q. 93. art. 7. Diuum Auguſt. non accepiffe memoriam, intellectum, et voluntatem, quantum ad potentias, ſed potius quantum ad actus: et per memoriam intellexit retentionem ſpecierum in anima, & per intellectum & voluntatem actus intelligendi & amandi. In hoc etiam ſaluatur ſimilitudo cū Trinitatis myſterio: quòd ſicut ex memoria ratione ſpecierum depro- mitur actualis cognitio & repræſentatio obiecti quæ dicitur verbū men- tis, & ad cognitionem rurfus ſequi- tur amor: ita in Diuinis, ex memo- ria fecunda Patris, ideſt ex ipſo in- tellectu diuino & eſſentia tanquam ſpecie intelligibili, producit Ver- bum: ac rurfus ex Patre & Verbo per voluntatem procedit Amor qui eſt Spiritus ſanctus, ex quo nullate- nus deducitur, potentiam memora- tiuam eſſe in nobis à potentia intel- lectiua diſtinctam. Addit autem S. Thomas, ex hac diſtinctione a- ctuum poſſe deriuari diſtinctionem aliquam in potentijs, ſi non in om- nibus realem, ſaltem rationis per re- ſpectum ad diuerſa munera: & ita memoria & intellectus ſunt realiter vna potentia, quatenus retinens ſpe- cies, & quatenus eliciens actum:

**Qua ra-
tione po-
tētia ap-
petitiua
a cogno-
ſcitiua
diſtin-
guatur.** Obijcit 2. Durandus contra ſe- cundam concl. Sicut appetitus natu- ralis ſequitur ex eadem rei natura; ita appetitus animalis, ſiue ſit ſenſi- tiuus, ſiue rationalis, ſequitur ex vir- tute cognoſcitiua: ſed ille non di- ſtinguitur ab ipſa rei natura; appeti- tus enim materiæ non diſtinguitur à materia, & appetitus grauitatis ad deſcendendum ab ipſa grauitate: er- go nec appetitus animalis à virtute

cognoſcitiua diſtinguitur.

Reſpondetur: Appetitum natura- lem, ſumptum pro eſſentiali & radi- cali inclinatione rei, non diſtingui à rei natura: ſumptum verò pro po- tentia proxima, verè diſtingui, ſicut diſtinguitur ipſa potentia. Ita ergo pariter, appetitus animalis, radica- liter quidem eſt eadem eſſentia ani- mæ cum principio radicali intelli- gendi: ſed potentiæ proximæ di- ſtinguuntur. Verum eſt autem, ap- petitum & potentiam materiæ ad formas ſubſtantiales non diſtingui ab eius eſſentia, ob peculiarem ra- tionem quam ſuo loco reddidimus: ſed aliæ potentiæ à ſuarum rerum eſ- ſentia diſtinguuntur, vt nunc ſuppo- nimus. Verum eſt etiam, appetitum grauitatis non diſtingui ab eadem grauitate, quia nimirum ipſa graui- tas eſt potentia, & ipſa diſtinguitur à ſubſtantia corporis gravis.

Obijcit 3. Actus volendi ſubordi- natur actui intelligendi, dependet enim ab illo: ergo ambo debent ab vna potentia reali prodire.

Reſpondetur ex dictis in commu- ni q. 47. de potentijs. Quando actus ſunt ſubordinati ſub vna comuni ratione, & ſub vno modo operandi, & cum alijs conditionibus ad vnitatem potentiæ requiſitis, tunc coniun- gi ſub vna potentia. Hæc autem ſe- cus ſe habent in intellectu & volun- tate. Et eo magis, quia non neces- ſariò ex actu intellectus ſequitur a- ctus voluntatis, ſed adhuc voluntas per ſe libera eſt.

Obijcit 4. Omnis potentia non Volūtas cognoſcens, eſt determinata, & non non eſt libera in operando, vt patet indu per ſe ctione: at omnis potentia libera de- cogno- bet eſſe iudicatiua ſui actus: ergo ſcitiua voluntas ipſa debet eſſe cognoſciti- ſed ad- ua. Nec ſufficit, inquit, ſimul con- huc eſt iungi in eodem ſuppoſito cum po- libera. tentia cognoſcitiua: quia ſic omnes aliæ potentiæ quæ ſunt in homine, ac

*Quo pa-
do illi
ſubordi-
natur.*

specialiter potentia motiua, essent, libera.

Respondetur: Omnis potentia, quæ non dirigitur cognitione, non est libera: & omnis potentia libera dirigitur per iudicium præuium: non tamen oportet, cognitionem exerceri in eadem potentia libera, sed in alia potentia eius directiua: quia nimirum, eadem anima, per vnā potentiam cognoscens obiectum, per aliam appetit. Itaque verè ad libertatem non sufficit quæcunque coniunctio vnus potentia cum alia potentia cognoscitiua: sed requiritur talis coniunctio proximè directiua: imo vltèrius requiritur talis natura ipsius potentia libera: vnde appetitus sensitivus, licet proximè dirigatur cognitione sensus interni, non per hoc est potentia libera.

*Non pot
exerce-
re actus
volendi
absq; p-
nia actus
intelli-
gendi.*

Obijcit 5. Si voluntas esset distincta potètia ab intellectu, posset Deus efficiere actum volendi in voluntate, absq; præuiō actu cognitionis in intellectu: quod tamen est impossibile. Sequelam probat: quia supposita distinctione potentiarum, intellectio non aliter concurreret ad actum voluntatis quàm effectiuè: sed Deus potest supplere genus causæ efficiētis: ergo. Ipse autem Durandus, docens intellectum & voluntatem esse vnā potentiam, explicat, cognitionem se habere tanquam dispositionem ex parte subiecti: dispositionem, quam inquit à Deo suppleri non potest.

Sed certè, cognitionem se habere directiuè ac velut effectiuè, non verò dispositionè & subiectiuè, in contesto est apud omnes. Præterea potest Deus supplere dispositionem ex parte subiecti, idest imponere & conservare formam aliquam in subiecto absque præuia dispositione connaturali & conueta. Ad argumentum ergo, Coniml. 3. de Anima cap. 13. q. 3. ad 3. admittunt, posse per Dei

potentiam elici & conservari actum voluntatis absque præuiō actu intellectus. Sed neganda potius est illa sequela: quia hæc est specialis dependentia & connexio actuum virtutum cum suis potentijs & inter se. Neque distinctio potentiarum facit, vt possit actus vnus dari sine præuiō actu alterius connaturaliter requisito. Ac præsertim voluntas, & sic etiam appetitus sensitivus, non potest ferri in obiectum incognitum, non potest amare nisi quod illi offertur sub ratione boni.

Obijcit 6. Fracastorius Si voluntas ponitur ab intellectu distincta, vel ipsa quoque voluntas intelligit, vel non. Si non intelligit: ego, inquit, non video, quæ illi operatio tribuenda sit. Si verò intelligit, ergo non est ab intellectu distincta.

Respondetur. Voluntatem ipsam non intelligere, sed supponere intellectum intelligentem. Oportebat autem videre actum volendi ab actu intelligendi distinctum, quem in voluntate omnes agnoscunt.

Obijcies demum 7. Arisi. 6. Ethic. cap. 2. ait, electionem esse intellectum appetituum, vel appetitum intellectuum: Quo loquendi modo videtur planè intellectum & voluntatem in vnā potentiam confundere. D. August. lib. 4. de Trinit. cap. 10. & lib. 12. cap. 3. simul confundit, memoriam, intellectum, & voluntatem, docens, esse vnā mentem, & vnā animæ naturam.

Respondetur. Arist. ibi non loqui formaliter, sed causaliter, in eo sensu quo ibidem docet, electionem esse ab appetitu per directionem rationis, seu per cognitionem intellectus: & ita concludit, electionem esse, vel intellectum appetituum, idest ab intellectu dirigente appetitum; vel appetitum intellectuum, idest ab appetitu directo per intellectum: prout alterutrum ex his modis

Intellectus & voluntas simul in anima coniunguntur.

dis loqui libuerit. D. August. etiam loquutus est in sensu identico subiectiue & effectiue: quatenus nempe potentie rationales in vna mente, conueniunt, ab eadem essentia animæ manantes, & in eadem residentes.

SECTIO SECVNDA.

De Intellectu res cognoscente.

Intellectus nomine absolute loquendo intelligitur potentia cognoscitiua, percipiens res intelligibiles. Sed tamen extensum præterea est hoc nomen ad potentiam effectiuam specierum intelligibilium, quæ dicitur intellectus agens. Modò ergo proponimus de intellectu simpliciter dicto nempe res cognoscente.

In primis Homerus & Empedocles apud Arist. 2. de Anima tex. 150. putasse videntur, intellectum non esse à sensu & imaginatione, distinctum, dicentes, idem esse sapere seu intelligere, ac sentire. Eundem dicendi modum refert & impugnat D. Thomas 2. cont. Gent. cap. 66. & 67.

Intellectus à sensu distinctus.

Satis tamen perspicuum et certum est, potentiam intellectiuam esse ab omni potentia sensitiva distinctam, & sapere seu intelligere à sentire. Nam sic anima nostra est, non solum sensitiva sicut anima aliorum animalium, sed est specialiter intellectiua: & facultatem atque exercitium intelligendi retinet in statu separationis à corpore, absque vlla facultate & exercitio sensationis, quæ utique suo organo corporeo affixa est. Atque ad illustrandam magis intellectus naturam, plures rationes differentie à sensu, ex Arist. colligendæ & recensendæ sunt.

Primò. Sensus & imaginatio inest omnibus animalibus, intellectus solis rationalibus, nempe hominibus. Consonat illud Iob 35. *Qui docet nos super iumenta terra, & super volucres cali erudit nos*, Secundò. Sensus non attingit nisi singularia, intellectus etiam vniuersalia. Tertio. Sensus non percipit nisi materialia & corporea, ac specialiter qualitates sensibiles: intellectus etiam spiritualia & abstracta, tam substantias, quam accidentia. Quarto. Sensus non solet cognoscere seipsum suumque actum, ut oculus non videt se videre: intellectus super seipsum suumque actum reflectit. Quintò. Sensus læditur & corrumpitur ab excellenti sensibili: intellectus non solum non læditur, sed potius perficitur excellentia sui obiecti. Sextò præcipue. Sensus est potentia corporalis, affixa organo corporeo: intellectus est potentia spiritualis, est abstractus & eleuatus à materia, non dependens à subiecto corporeo. Septimò tandem. Sensus omnes in morte hominis & separatione animæ à corpore, extinguuntur: intellectus, semper cum substantia animæ, tam separata, quam coniuncta, incorruptibilis perseverat.

Deinde. Certum est, intellectum in præsentis statu dependere à sensibus in cognoscendo: non solum ab omnibus sensibus, tum externis, tum internis, quoad acquisitionem specierum, ut postea tractabimus: sed etiam post acquisitionem species dependere adhuc à sensibus internis in operando. Ita enim satis patet ab experientia. Et ratio à priori est, subordinatio & connexio potentiarum animæ, atque ita ut ipse coniunctionis, quo anima vnita corpori operatur tanquam forma corporis. Et hoc est quod communi modo loquendi dicitur anima intelligere per conuersionem ad phantasmatum, id est

In cognoscendo tamē à sensu dependet.

cum dependentia & consortio phantasiae siue imaginationis & sensus interni. Dubium autem est, num in omni sua operatione & cognitione intellectus ab operatione & cognitione sensus interni aliquo modo dependeat. Et ratio dubitandi est: quia intellectus se extendit ad res quoque in vniuersali abstractas, & ad res spirituales, ad quas omnes non pertingit sensus.

Auicenna in tract. de Ani., Albert. lib. 3. tract. 2. cap. 19. Auerr. Simplic. Themist. Philopon. Thiennensis, & quidam alij 3. de Ani. circa tex. 30. & 39. volunt, intellectum in cognoscendis rebus spiritualibus & vniuersalibus non pendere ab actuali operatione sensus. Aliqui admittunt solum in aliqua sublimi & eleuatissima cognitione intellectum absolui ab omni consortio cognitionis sensitiuæ, ut dum anima in ecstasi rapitur. Adhærent huic parti Abulensis in Genesim cap. 13. q. 400. & Paradoxo 3. cap. 46. item Conimb. 3. de Anima cap. 8. q. 8. Aliqui insuper concedunt animæ, non solum in statu corporis gloriosi, sed etiam in statu innocentie, virtutem se eleuandi in intelligendo ab omni ministerio & operatione sensus interni. Ita significauit Scotus in 4. d. 45. q. 2.

In omni sua cognitione dependet. Afferendum tamen est, intellectum nostrum in omni sua cognitione & operatione, dum est coniunctus corpori secundum statum naturalem, indigere consortio sensus interni simul operantis cogitando obiectum sibi proportionatum. Ita habetur aperte ex Arist. 3. de Anima tex. 30. *Nunquam sine phantasmate intelligit anima.* Et rursus tex. 39. *Chm speculatur, necesse est simul phantasma aliquod speculari:* siue ut habetur in textu Græco, *simul cum phantasmate speculari.* Et est communis serè sententia aliorum, non solum Philosophorum, sed etiam Theolo-

gorum, D. Thom. 1. par. q. 84. art. 7. Caiet. & aliorum expolitorum ibi, Ferr. 2. cont. Gent. cap. 73. Suar. lib. 4. de Anima cap. 7. & expositorum frequenter circa loca Arist. allegata. Fauent quoque Dionys. de Diuin. nominib. cap. 7. & de Celest. Hierarch. cap. 10. Nazianz. orat. 2. de Theolog. August. lib. 4. de Genes. ad littor. cap. 7. & quidam alij Patres.

Patet præcipuè hæc assertio ab experientia, quam asserti S. Thomas. Nam dum sensus internus ligatur vel perturbatur, pariter intellectus remanet impeditus circa quæcumque obiecta, tam circa spiritualia & vniuersalia, quam circa corporea, singularia. Ita constat in dormientibus, in phreneticis, & amentibus. Manifestum ergo est, in omni sua cognitione circa quodcumque obiectum, intellectum pendere ex consortio sensus interni simul secum operantis. Constat etiam, quodcumque nos mente operamur & aliquid consideramus, obuersari interius aliquod sensibile obiectum, etiam si res spirituales et vniuersales contemplemur, imò veluti per simulachra sensibilia res alioqui reuera non sensibiles cogitamus, & nobis interius figuramus: quia scilicet debet semper intellectus operationi simul associari operatio sensus interni. Itaque, verè quidem, non est necessarium, imò nec possibile, ut internus sensus attingat totum obiectum quod ab intellectu comprehenditur: non enim sensus potest attingere res à materia abstractas. Sed necesse est, ut sensus diuersetur saltem circa obiectum aliquod sibi proportionatum, connexum superiori obiecto quod cadit sub considerationem intellectus, nempe ex quo intellectus desumit & abstrahit suam considerationem, siue ad instar cuius considerat res abstractas.

Atque hinc sumenda est ratio à prioribus.

Patet ab experientia.

Ex qua reddi- tur ratio à priori. priori huius dependentiæ: quia scilicet, intellectus noster, dum anima est vnita corpori, cum rerum notitiam acquirat ministerio sensuum, licet possit se amplius eleuare ad res abstractas & superiores speculandas, tamen adhuc earum notitiam desumit ex rebus sensibilibus circa quas versatur sensus. Vnde non solum in acquisitione specierum dependet ex speciebus sensibilibus, sed etiam in actuali vsu specierum & actuali exercitio suæ operationis dependet quoque ex operatione & cogitatione sensitua.

Referuntur ac reijciuntur alie rationes Alias quasdam rationes adducunt Scotus, D. Thomas, & alij. Scotus ait, ex peccato originali ortam esse hanc dependentiam intellectus à phantasia pro statu præsentis naturæ lapsæ. Oriri etiam ex connexionione potentiæ, vt vna operante debeât quoque aliæ operari: quam secundam rationem approbant Conimb; Verum, hic modus intelligendi animæ nostræ coniunctæ, est per se illi connaturalis: vnde illi omnino conuenit ex natura rei, neque in hoc est recurrendum ad meritum culpæ. Connexio verò illa potentiæ, solum faceret, vt consequenter ex operatione intellectus deberet excitari sensus: sed tamen constat, intellectum ita pendere à sensu in operando, vt impedimentum & perturbatio sensus refundatur in intellectum.

D. Thomas ait: quia intellectus coniunctus corpori respicit pro suo obiecto proprio quidditatem materiale & corporalem, quæ proinde in aliquo individuo existere debet, & sic concreta in materia corporali: sensus autem est qui circa singularia versatur: & ideo intellectus non poterit quicquam intelligere in abstracto absque consortio phantasiæ seu sensus interni. Verum, intellectus in nullo statu determinat sibi specialiter illud obiectum, sed adæ-

quatè respicit omne intelligibile. Rursus, licet quidditas materialis realiter non possit esse nisi in aliquo singulari, tamen potest mentaliter cogitari in abstracto. Præterea, etiâ si debeat considerari in aliquo singulari, adhuc intellectus ipse, & non solum sensus, attingit talia singularia, vt infra dicemus.

Suarez aliam rationem affert: quia intellectus non recipit species, nisi dum phantasia actu operatur: et ideo semper in operando & cognoscendo actualiter ab illa depêdet: & dum phantasia læditur, secum pariter trahit intellectum. Insuper aliqui volunt, non alias esse species quibus utatur intellectus, nisi easdem species & actus phantasiæ, & ideo penitus ex eius operatione pendere. Verum, supponendum est, distinctas esse species intelligibiles à speciebus & actibus sensitiuis, vt postea ostendemus. Ab initio autem verè quidem intellectus non acquirit has suas species nisi actu operante phantasia: sed tamen deinceps illas retinet cessante iam phantasia: nō enim semper actu in conseruari ab illius operatione dependent: Et ita confirmat ipse Suarez cap. 10. Præter ergo acquisitionem & receptionem specierum, intellectus quoad actualem vsu postea dependet à phantasia: ita scilicet quod actualis vsus specierum intelligibilium pendeat ex actuali vsu sensibilibus in phantasia, illiquè debeat naturaliter conformati. Idquè prouenit ex natura ipsius animæ pro suo statu coniunctionis in corpore.

Itaque naturaliter in nullo casu continget, intellectum operari absque consortio phantasiæ. Neque constat, in ecstasi cessare omnem operationem sensus interni, & exerceri solam intellectus operationem: sed bene quidem cessant operationes sensuum externorum: imò per

In nullo casu, naturaliter operatur intellectus absque phantasia.

nimiam attentionem ipsius sensus interni videtur suspendi omnis functio sensuum externorum. Et præsertim, si quis vnquam naturaliter passus sit ecstasim, vt de seipso refert Mercurius in Pimandro, & de Socrate Plato in Conuiuio, & de Restituto Presbytero D. August. 14. de Cuit. cap. 24., putandum inquam est, vel etiam intellectum ipsum simul cum sensu ab omni operatione cessasse, vel in operando non fuisse sensus consortio destitutum. In Ecstasi autem contingente in sanctis hominibus diuina virtute, potest vtique eadem virtute fieri, vt intellectus absque vilo sensus consortio, quasi esset penitus absolutus à corpore, operetur: sed non propterea naturaliter id contingere potest.

Et in nullo statu naturali.

Item in nullo naturali statu, anima coniuncta corpori valet intelligere independentem à consortio sensus. Vnde, etiam seclusa culpa, & in statu innocentie, intellectus eodem modo indigebat consortio sensus, quantum est ex natura rei. Et sic notauit D. Thom. 1. par. q. 94. art. 2., & q. 18. de Verit. art. 2. & 5. Neque putandum est, ex speciali priuilegio Dei intellectum in eo statu fuisse ex tali dependetia absolutum. Nihil enim est, quod id tueatur. Bene tamen in statu corporis gloriosi, anima habebit supernaturalem concessionem talem facultatem, vt operari possit per intellectum absque consortio sensus: quia id erit conueniens ad sublimem illum ordinem Glorie. Atque etiã in statu huius vite mortalis, anima Christi Domini coniuncta corpori, cum esset verè beata, non dependebat à sensu in intelligendo: non solum quoad scientiam beatam: sed etiã quoad scientiam infusam, vt docuit D. Thomas 3. par. q. 11. art. 2. ibique alij communiter, licet oppositum docuerit Durandus in 3. d. 14. q. 3. num. 7.

Concedit autem D. Thomas eo art. ad 2. & art. 4. in corp., potuisse animam Christi pro suo arbitrio vti scientia infusa cum conuersione ad phantasmata, idest cum consortio sensus circa obiecta sensibilia. Sed hoc totum in propria materia theologica examinandum erit. Patet verò ex dictis, quid respondendum sit ad fundamentum prioris sententiae de intellectione rerum spiritualium & vniuersalium, & ad quatuor alias rationes quæ pro ea parte possent afferri.

Tertiò vterius, naturam intellectus inuestigando, Gottfredus Quodl. 6. q. 7. Iandun. 3. de Anima q. 13. & 24. Venetus in summa de Anima cap. 3. volunt, intellectum se habere solum passiuè ad actum cognitionis & intellectionis, in se recipiendo talem actum: non autem ab eodem ipso intellectu effectiuè elici suum actum: sed hunc actum effici, vel à solis speciebus impressis, vel ab alia potentia quæ dicitur intellectus agens. Sumpserunt hoc ex Aristotele, qui distinxit intellectum agentem & possibilem, siue melius dicitur, passibilem, patibilem, patientem: & hic intellectus est qui res cognoscit & intelligit, & est absolute & simpliciter intellectus, nempe intelligens & cognoscens. Hic ergo intellectus dicitur patiens, & ab agente distinguitur: itaque videtur solum passiuè ad intellectionis actum se habere illum in se recipiendo. Et præterea, expressè Arist. lib. 3. tex. 2. ait: *Si igitur est ipsum intelligere, sicut sentire, aut pati aliquid, utique erit ab ipso intelligibili, aut aliquod aliud tale*: idest vel à specie gerente vicem obiecti, vel ab intellectu agente.

Intellectus non solum recipit, sed verè elicit cognitionis actum.

Certum tamen est, intellectum, qui res intelligit & cognoscit, non solum in se passiuè recipere, sed etiã actiuè elicere actum intellectionis.

Ita

Ita alij omnes docent, aut supponunt. Patet iam ex dictis antea circa actus vitales in communi, & rursus specialiter circa sensum. Nā potētia vitalis quę denominatur vitaliter ab actu, verē elicit ipsum actum : & cognoscere obiectum, est verē elicere cognitionis actum. Sic sensus ipse qui percipit obiectum, elicit actum suę sensationis. Sic omnino intellectus qui cognoscit & intelligit, verē elicit suum intellectiōnis actum quem pariter in se recipit. Et neque sufficit sola species ad eliciendum actum cognitionis: sed ad summum concurrit actuē simul cum potentia. Neque fieri poterat, ut ab vna potentia eliceretur actus cognitionis, & in alia reciperetur. Neq; sola potētia recipiens diceretur cognoscens: imō magis potentia eliciens actū dici debet cognoscere obiectū.

Vocatur autem intellectus patiens, respectu speciei intelligibilis: hanc enim in se recipit, non autem efficit. Et sic ab intellectu agente discernitur. Et intellectus agens denominatur, non respectu actus intelligendi, quasi efficiens & eliciens hunc actum: sed respectu speciei intelligibilis, hanc enim efficit, ut postea discutiemus. Et hoc solum plane voluit Aristoteles. Eo autem loco loquebatur dubitando & inquirendo, ut patet in textu. Sed verē etiam, intelligere est quoddam pati, quia est actus receptus in intellectu, & efficitur quoque ab obiecto intelligibili mediante specie. Hoc tamen non excludit, quominus simul sit quoddam agere, quia est actus elicitus ab intellectu cognoscente, & potentia intellectiva est verē activa eliciendo suum actuum.

Intellectus est unica potētia.

Quartō. Arist. 3. de Anima tex. 52. enumerans partes seu potentias animę, ait: *Multa sunt, nutritiū, sensitivum, intellectivum, deliberativum, appetitivum:* & explicat, plus

differre, quā concupiscitium & irascitium. Vbi per deliberativum videtur intelligere intellectum practicum; & per intellectivum, speculativum: itaque videtur intellectum distinguere in duas potentias, scilicet speculativam & practicam. Eodem modo loquutus est 6. Ethic. cap. 1., & 1. Magnor. Moral. cap. 35. Et videtur etiam distinguere potentiam opinativam circa res contingentes, & scientificam circa res necessarias.

Certum tamen est, vnum esse simpliciter intellectum, vnam potētiā intellectivam circa omne & quodcumque obiectum, & quoad omnem intellectiōnis actum. Ita omnes docent. Et patet quia nulla est ratio distinctionis: sed optimē potest & debet vna esse potentia se extendens ad omnia intelligibilia. Atque intellectus, cū sit suprema potentia cognoscitiva, debet vna virtute complecti, quę alioqui sub plures potentias cognoscitivas inferiores, nempe sensitivas, dispersa sunt. Colliguntur enim in superioribus, quę in inferioribus distracta erant. Et specialiter tanta utique non est distinctio rerum operabilium & non operabilium, aut contingentium & necessariorum, ut per se requirat duas distinctas potentias: imō magnam habent inter se connexionē. Et alioqui, si ex hac parte distinguerentur duę potētię, deberent ulterius multo plures distingui ob alias multiplices rerum distinctiones: & non solum in intellectu, sed etiam in voluntate, & in alijs quoque potentijs, quę de facto simplices reputantur.

Aristoteles verō illis locis, vel loquutus est, ut plerique exponunt, & sequitur Tolet. q. 2., de habitibus, licet eos inter potentias connumeraverit. Vel, ut alij volunt, per deliberativum intellexit voluntatem, per appetitivum solum appetitum

sensitivum, & per intellectivum ipsum totum intellectum, tam practicum quam speculativum.

SECTIO TERTIA.

De Actu Intellectionis & Verbo mentis.

AVreolus in 1. d. 35. q. 1. Godef. Quodl. 4. Aegid. Quodl. 3. q. 12. & 13. Sueffan. lib. 5. de Intellectu cap. 9. & quidam alij significant, actum intellectionis non esse aliud quam speciem quæ dicitur intelligibilis, receptam in intellectu: sicut alij volebant, actum sensationis non esse aliud quam speciem sensibilem receptam in sensu. Et fundamentum est: quia species representat obiectum: representatio autem obiecti, est intellectio.

Actus intellectionis est distinctus à specie impressa, elicitus ab intellectu. Satis tamen certum & notum est, intellectionem esse actum quandam distinctum à specie, elicitem ab intellectu. Patet ex dictis lect. præcedenti de activitate & actione intellectus cognoscentis. Patet ex dictis antea de actu sensationis, prorsus distincto à specie sensibili, & elicito à sensu. Patet ex ratione speciei & intellectionis. Species enim provenit ab obiecto, & recipitur in potentia cognoscitiva, inunctaque est ad hoc ut simul cum potètia sit principium cognitionis: intellectio autem est operatio potentie circa obiectum, est actus elicitus ex determinatione & consortio speciei. Species permanet habitualiter in potentia, etiam nihil actualiter cogitante: sed intellectio est præcisè ipsa actualis cogitatio. Intellectio pro certo supponitur dari & exerceri: de specie autem dubitatur, an sit, & qualiter requiratur: de eaque postea inquiremus.

Hoc supposito, notabile & cele-

bre dubium est de natura intellectionis, non solum pro sua consideratione philosophica, sed pro alijs etiam materijs theologicis: An intellectio sit formaliter actio quædã, habens suum terminum qui per eam formaliter producat; vel sit qualitas quædã & ipse terminus qui per quædã actionem ab intellectu producat; vel quomodo verè se habeat. Comune quidem est hoc dubium ad omnem alium cognitionis actum, imò & ad actus voluntatis atque appetitus: sed specialiter circa intellectionem discutitur, & inde pariter constabit quid sit de alijs actibus sentiendum.

Vna sententia est, quæ affirmat, intellectionem esse formaliter actionem productivam cuiusdam termini distincti, quem terminum vocant verbum mentis, imaginem & similitudinem expressam obiecti, ad differentiationem speciei impressæ: & sic intellectionem habere duplicem respectum nempe ad obiectum cognitionis, & ad terminum productum: respectu obiecti esse cognitionem, respectu termini esse productionem: & ut sic, cum huiusmodi terminus vocetur verbum mentis, ipsam intellectionem vocant, dictionem et loquutionem mentalem, nempe prolationem internam talis verbi. Ita indicat S. Thomàs 1. par. quæst. 27. art. 1. & q. 34. art. 1. & q. 8. de Potent. art. 1. & alibi. Sequuntur Catet. & Bagnes, alijque Theologi frequenter circa eadem loca 1. partis, Ferrar. 4. cont. Gent. cap. 11. Item Conimb. 3. de Anim. cap. 8. q. 3.

Divisi autem rursus sunt Auctores huius sententiæ. Nam aliqui volunt, verbum in omni intellectione esse necessarium, ac debere produci alij verò non in omni, sed solum quando obiectum non sit per se præsens. Aliqui volunt, verbum ipsum mentis de-

Sententia affirmans intellectionem esse actionem qua producat verbum mentis.

debere eodem intellectionis actu cognosci, eoquē mediante cognosci obiectum: alij verò volunt, solum produci, & negant cognosci. Alij qui similem terminum ponūt in alijs quoque actibus: alij verò solum in intellectione.

Sententia affirmans, intellectiōnem esse qualitatem, esse quē verbum mentis, & sua actione produci. Altera sententia est, quæ docet, intellectionem esse potius qualitatem quæ ab intellectu producit, esse quē ipsum formaliter verbum mentis, esse imaginem & similitudinem expressam obiecti: effici autem ab intellectu distincta quadam actione habente pro suo termino ipsam intellectionem. Pro hac etiam parte dubitavit D. Thomas in 1. d. 27. q. 2. art. 2. vbi sub distinctione ait, intellectionem vel esse actionem productivam verbi, vel esse verbum actione productum. Sed absolute ita affirmant Scotus in 1. d. 3. q. 6. Durand. d. 27. q. 4. Ocham. & Gabr. q. 2. Capreol. in 2. d. 1. q. 2. art. 3. ad 12. Heruzus Quodl. 2. q. 8. Henricus Quodl. 11. q. 3. Aegid. lib. de Mēsurā Angelor. q. 10. Vasq. 1. p. disp. 38. c. 2., & disp. 112. cap. 4. & disp. 141. c. 4. & quidam alij circa illa loca S. Thomæ. Item Soncin. 9. Metaph. q. 2. 1. Iauell. q. 7. Suarez disp. 48. Metaph. sec. 2. & 1. par. tract. 1. lib. 2. cap. 11. & 13. & lib. 3. de Anima cap. 5.

Intellectio non est actio qua producat aliud distinctū verbum. Dico primò. Intellectio non est actio per quam distinctus terminus producat, nempe verbum mentis, imò nullum est aliud verbum mentis præter ipsam intellectionem, sed bene ipsa intellectio est & dici debet imago & similitudo expressa obiecti, atque verbum mentis. Hæc assertio non aliter probanda est: nisi quia ad nihil deseruit aliud mentis verbum ab intellectione distinctum; neque concipi potest, quid sit, quid supra intellectionem addat: sed quicquid occurrit propter quod poni deberet tale verbum, adæquatè & com-

pletè saluatur per ipsam intellectionem. Hoc totum ostendetur afferendo ac refellendo omnes rationes quibus tale distinctum verbum excogitatum est.

Prima ratio sit, quæ communiter solet asserri, & quam vberius explicat ac defendunt Conimb. Intellectio est assimilatio quadam inter intellectum & obiectum cognitum. Ratione cuius assimilationis, Arist. 3. de Ani. tex. 16., 37., & 38. ait, intellectum in actu, & sensum quoque, fieri ipsam rem cognitam, non certè in esse reali, sed in esse intentionali per assimilationem. Et D. August. 14. de Trinit. cap. 17. ait, per visionem Dei intellectum Beati perfectè assimilari Deo, iuxta illud 2. Ioan. 3. *Cū apparueris similes ei erimus, quia videbimus eum sicuti est.* Sed certe hæc assimilatio consistit in exprimenda et representanda re cognita: talis autem expressio fit per verbum mentis, quod non est aliud quàm species et similitudo expressa obiecti. Per omnem ergo intellectionem producit verbum.

Sed hæc ratio nullatenus probat, dari verbum ab intellectione distinctum. Primò enim non alia est, nec esse potest, assimilatio cognoscentis ad obiectum cognitum, quàm per ipsam formalem cognitionem & representationem obiecti, cuius species impressa dicitur imago virtualis, quatenus apta causare actualem cognitionem. Per ipsam ergo intellectionem, per quam denominatur intellectus cognoscere obiectum, constituitur formaliter similis in esse intentionali & representatiuo ad obiectum. Neque præter ipsam intellectionem potest concipi alius assimilationis modus qui vterius tribuatur alteri distincto verbo mentis. Et, si saltem per impossibile cogitemus dari solum intellectionem in mente, sensationem in sensu, absque alio di-

Non requiritur distinctū verbum propter similitudinem ad obiectum.

distincto verbo, aut termino producto; adhuc planè ob rationem cognitionis inuenietur tota similitudo & representatio quæ possit quæri erga obiectum. Prorsus igitur addendum non est aliud distinctum verbum propter similitudinis rationem.

Secundò præterea. Iuxta hanc rationem non deberet poni alius terminus distinctus in actu voluntatis: non enim voluntas pariter dicitur assimilari obiecto, neque tendit in obiectum secundum dictam rationem similitudinis. At ij qui ponunt verbum in intellectione, pariter ponere solent quendam alium terminum in volitione, quem vocant amorem, impulsu, affectionem, & inclinationem voluntatis. Ipsique Conimb. in fine quæst. cū D. Thoma & Thomistis, hunc alium terminum in voluntatis actu designant.

Tertiò insuper. Iuxta eandem rationem non deberet in omni intellectione produci verbum. Si enim ideo intellectus producit verbum, quia debet habere in se similitudinem obiecti: iam quando habebit sibi intimè identificatum vel coniunctum, idem obiectum, non debebit in se producere aliud verbum: sicut pariter in tali casu negant speciem impressam in intellectu ad eliciendum actum cognitionis. Itaque Beati videntes Deum, & Angeli intuentes se ipsos non deberent producere verbum. Sed tamen iidem Auctores ut plurimum, ac præsertim Conimb. cum Ferrar. Siluestro & Capreolo, etiam in tali casu volunt produci verbum.

Quartò demum. Dum Aristot. dixit, intellectum & sensum fieri rem ipsam cognitam, planè voluit, fieri per assimilationem consistētem formaliter in ipsamet cognitione. Et D. August. 9. de Trinit. cap. 10. et 11. expressit, cognitionem ipsam esse similitudinem ad obiectum. Item An-

selm. in Monolog. cap. 13. Cum mōs rationalis se ipsam cogitando intelligit, imaginem ipsius nasci in sua cogitatione, imo ipsam cogitationem fuisse imaginem, ad sui similitudinem tanquam ex eius impressione formatam.

Secunda ratio fit, quam afferunt Caiet. 1. p. q. 27. art. 1. Canariens. eod. art. disp. 8. par. 1. Capreol. in 4. d. 49. q. 5. art. 3. Ferrar. 1. cont. Gent. cap. 53. et lib. 4. cap. 11. et alij: nempe ad hoc ut verbum exhibeat obiectum præsens intellectui & intellectioni, si non realiter, saltem intentionaliter. Ait enim Caiet., obiectum dupliciter esse præsens intellectui: vno modo tanquam principium intelligendi, et sic fieri præsens per speciem impressam: alio modo formaliter tanquam obiectum, seu tanquam terminum intellectionis: et hoc modo debere fieri præsens per verbum seu speciem expressam: et alioqui non posse dici obiectum actualiter præsens intellectui cognoscenti. Addit ad hanc præsentiam non sufficere solum ipsum actum intelligendi: quia hic actus non potest esse obiectum nisi alterius intellectionis reflexæ: in ipsa ergo prima intellectione, aliquid aliud esse debet, quod suppleat obiecti præsentiam: et hoc est verbum mentis. Afferit quoque pro hac ratione Caietanus plura loca S. Thomæ. Ex ea autem sequitur, quando obiectum est per se ipsum realiter præsens cognoscenti, non debere produci verbum, & ita de facto Caiet. negat, in Beatis videntibus Deum, & Angelis intuentibus seipsos produci verbum. Item D. Thomas 1. par. q. 85. art. 2. ad 3. & Heruzus tract. de Verbo q. 2. & alij quidam, negant, in actibus sensuum externorum produci veluti verbum, affirmare videntur in actibus sensuum internorum.

Hæc etiam ratio est insufficiens.

Pri-

Nec p.
per ob-
iecti præ-
sentiam.

Primò : quia non alia præsens obiecti in mente requiritur, quàm intentionalis & obiectiva : quòd scilicet obiectum repræsenteretur et obijciatur intellectui cognoscenti. Sed hoc totum prorsus perficitur p ipsũ cognitionis actum : ergo non requiritur aliud verbum ad faciendum obiectũ præsens intellectui ; Imò ne percipi quidem potest, qualiter per verbum fiat obiectum præsens intellectui, nisi ipsum verbum sit formalis ipsa cognitio obiecti. Et, si saltem per impossibile cogitetur actus cognitionis exerceri sine alio verbo: utique dum talis actus cognoscendo repræsenterat obiectum, iam exhibet obiectum, præsens intentionaliter. Nec quicquam aliud addi potest pro ratione præsentiæ.

Secundò. Ideo requiritur præsens obiecti per speciem impressam in ratione principij productivi, quia species debet efficienter cooperari simul cum intellectu ad elicendum actum, vnde debet omnino illi esse coniuncta. At obiectum quatenus terminus, non debet alio modo esse præsens, nisi quatenus cognoscitur: sed hoc sufficienter repræsenteratur, hoc est exhibetur præsens per actum cognitionis: ergo non est addendum aliud verbum. Extruolum sanè est, quod Caietanus addebat, quia ipsa cognitio non est obiectum sui ipsius. Non enim requiritur, vt ipsa cognitio per quam repræsenteratur res, cognoscatur quoque tanquàm obiectũ: sed cognitio est qua repræsenteratur & cognoscitur ipsa res quæ est obiectũ. Et vt sic cognitio est præsens intellectui subiectiuè, non obiectiuè: res verò cognita est præsens obiectiuè.

Tertiò. Alij Auctores præter Caiet. & quosdam alios Thomistas, parum coherentem philosophantur. In omni enim cognitione ponunt verbum, etiam quando obiectum est se-

ipso intimè præsens. Sic enim iam non ponunt verbum ad supplendam obiecti præsens. Caietanus verò patitur aliam difficultatem: quia si intellectio inuenitur esse actio productiva termini, semper & in omni casu deberet habere talem terminũ. Nec posset excipi: quando intellectio versatur circa obiectum seipso præsens.

Quartò. Potest Deus in sensu nostro externo conseruare speciem impressam sublato obiecto, & tunc sensus adhuc exerceret suum actum, non minùs quàm si realiter adesset obiectum. In hoc ergo casu, vel per actum sensationis produceretur terminus: & talis actus ex natura sua erit productio termini: vnde etiam de facto deberet habere terminum. Vel nec in eo casu produceretur terminus; & sic iam non est necessarius huiusmodi terminus ad supplendam obiecti præsens. Et præterea, de facto sensus externi percipiunt obiecta, non sibi proximè coniuncta, sed aliquantum remota, imò conspiciamus astra caelestia adeo à nobis distantia: solumq. talis præsens obiecti requiritur, qua possit sui speciem imprimere sensui. Sed pari modo obiectum intellectus potest esse præsens intelligenti, imò semper supponitur esse iam intentionaliter præsens per speciem sui. Ergo, neque in sensu, neque in intellectu, requiritur vllus alius terminus à cognitionis actu distinctus, ad constituendum obiectum præsens cognoscenti.

Tertia ratio fit, quæ Caiet. Ferrar. & Capreol. addunt ad hoc vt in ipso verbo tanquam in imagine expressa ipse intellectus intueatur obiectum, ita vt actus cognitionis immediate attingat verbum, & mediante verbo obiectum. Explicant verò, dupliciter cognosci posse verbum: vel vt qualitatem absolutè in se spectatam, & sic

*Nec p^a
per ex-
ercitiũ
cogni-
tionis.*

& sic non cognosci nisi per alium actum reflexum: vel ut imaginem, relatè ad obiectum, & sic attingi directè per eandem cognitionem obiecti. Voluntquè, hanc esse sententiam S. Thomæ, qui præsertim ita indicat 1. cont. Gent. cap. 53. & lib. 4. cap. 11. Additquè Vasq. 1. par. disp. 39. cap. 2., D. Thomam eodem modo putasse de sensibus externis; ita ut oculus v. g. videndo producat in se imaginem rei visæ, & immediatè conspiciat talem imaginem, eaque mediante obiectum. Imò eandem sententiam tribuit Aristoteli lib. de Insomnijs cap. ultimo, & lib. de Memor. & reminisc. cap. 2. Verùm, D. Thomas non aliud de tali re docuit, nisi quòd mentis verbum vocavit intentionem intellectam. Sed hoc sanè non ostendit, eam esse eius sententiam. Nam etiam species impressa vocatur intelligibilis, non quia intelligatur, sed quia est principium intellectationis: & ita verbum vocavit intentionem intellectam, quia producit per intellectationem in actu. Vnde, ipsemet ibi 4. cont. Gent. cap. 11. videns æquivocationem, explicat, *Dico intentionem intellectam, id quod intellectus in se ipso concipit*: hoc est efficit & producit de re intellecta. Non enim sumit concipere pro apprehendere, sed pro gignere intra se. Et ex professo probare prosequitur, hanc intentionem non esse rem intellectam, & non intelligi nisi per actum reflexum. Arist. autem loquutus potius est de specie impressa: & proinde ea loca explicavimus circa species sensibiles.

Neque hæc ratio potest admitti. Primò enim non cognosci cognitionis terminum eodem ipso actu, patet ab experientia. Quia dum consideramus & contemplamur aliquod obiectum, constat nos non percipere aliud quàm illud ipsum de quo cogitamus, nullamquè se nobis offer-

re imaginem mediantem. Quòd si intueremur vllam imaginem realiter ab obiecto distinctam, id nos non lateret, & sine dubio euidenter discernere nos intueri talem imaginem, sicut euidenter discernimus quicquid aliud ex parte obiecti cogitemus.

Secundò. Non oportet, prius in mente attingi imaginem, eaque mediante obiectum. Nam, obiectum secundum se habet omnia requisita ut cognitionem terminet: nullaquè est ratio necessitatis, nec commoditatis, ob quam in cognoscendo debeat alia imago mediare. Præterea, de facto omnes fatentur, Deum videri à Beatis immediatè in se absque alia imagine obiectivè visa: ergo, si semel exercetur actus cognitionis, nō attingens imaginem & verbum mentis; semper poterit ac debebit sic exerceri cognitio.

Tertiò. Prius utique est, rem existere in se, quàm existentem conspici: & sic prius esse deberet, verbū cognitione produci & in se existere, quàm cognosci, & in eo consequenter cognosci obiectum. At ex alia parte non produceretur verbum, nisi per cognitionem obiecti: nulloquè modo prius esse potest, produci & existere verbum, quàm cognosci obiectum. Fieri ergo non potest, ut intellectus eodem actu producat verbum, & cognoscat verbum, & in verbo cognoscat obiectum.

Quartò. In sensibus, præsertim externis, nullatenus dici potest, sensum per suum actum cognoscere prius vllum terminum sui actus, siue imaginem obiecti, & mediatè tandem attingere obiectum. Sensus enim externus non potest sentire suum actum, & sic neque vllum intrinsecum terminum sui actus. Et præsertim euidentissimum est, oculum intuentem rem visibilem, non videre

videre prius ullam imaginem in se-
efformatam, non in imagine intueri
obiectum: & sic de alijs sensibus.
Et immerito Vasquez oppositam,
sententiam, tam falsam & absurdam,
imposuit 11. Thomæ, detorquens
eius verba à specie impressa quæ est
principium sensationis, ad speciem
expressam quæ sit sensationis obie-
ctum.

*Nec p-
pter ter-
minandã
actionẽ.* Quarta tandem ratio sit, in qua
Recentiores plerique vim faciunt.
Nulla potest dari actio sine termi-
no, nulla productio qua non produ-
catur aliquid: sed intellectio est actio
& operatio: ergo debet assignari
terminus per eam productus, qui nõ
potest esse alius quam verbum. Et
hæc ratio est vniuersalis in omnibus
huiusmodi actibus, etiam in actibus
sensuum tam externorum quam in-
ternorum, & in actibus quoque ap-
petitus ac voluntatis.

Sed neque hæc ratio recipienda
est. Primò enim ex aduerso Arist. 9.
Metaph. tex. 16. negauit potius, ope-
rationes has immanentes terminari
ad vllum opus præter ipsas. Et ex-
pressè inquit, *Quorum non est aliud
opus præter actionem, in ipsismet a-
ctio est, ut visio in vidente, & specu-
latio in speculante, & vita in anima.*
Idem significat 1. Ethic. cap. 1. &
lib. 6. cap. 5. Et non solum ait, per
has operationes vitales non produci
opus externum, vt aliqui conantur
exponere: sed absolutè nullum pro-
duci opus. Cum enim discrimen
constituere intendat inter operatio-
nes immanentes & transeuntes, di-
cere alioqui debuisset, per transeun-
tes produci opus externum, per im-
manentes verò internum. Hac ta-
men Philosophi auctoritate nõ rectè
vtuntur Auctores secundæ sententiæ
relatæ, qui etiam volunt per quan-
dam actionem produci actum ipsum
intelligendi. Quinimò pariter con-
tra ipsos vrgetur quia Aristoteles vni-

uersaliter negauit, actiones has im-
manentes habere terminum à se di-
stinctum.

Secundò. Rem ipsam conside-
rando, licet verbum ponatur tanquã
terminus actionis, explicandum erit,
quid ipsum sit, quomodo denomi-
net intellectum, qualiter ad intelli-
gendum conferat. Et alioqui inepte
ponitur solum tanquam terminus
qui producat, absque alia eius fun-
ctione & ratione. Sed ex dictis, ver-
bum ab intellectione distinctum, nõ
potest esse similitudo obiecti, neque
præsentia obiectiua eius, nec aliud
illi munus assignari potest: ergo est
vanum & fictum.

Tertiò. Non est vtiq; ponendus
terminus propter actionem, sed actio
propter terminum: non enim quic-
quam est ad hoc vt producat, sed
productio exercetur ad hoc vt res
producta ponatur. Non bene ergo,
supposita iam intellectione, quæ di-
citur esse cognitio obiecti, ponitur
verbum propter illam, tanquam ter-
minus propter actionem: sed potius,
si intellectio esset actio productiua
verbi, deberet ipsa esse & exerceri
propter verbum. Cum ergo princi-
paliter & per se constet, dari intelle-
ctionem quæ est cognitio obiecti,
sentendum potius esset, ipsam intel-
lectionem fieri per aliam actionem,
quam intellectionem esse actionem
per quam fiat alius terminus.

Quartò. Semper terminus est no-
biliores & præstantior actione, vt ha-
betur ex Arist. 1. Ethic. cap. 1., & ex
re ipsa notum est. Sed certè intelle-
ctio qua anima constituitur forma-
liter cognoscens & comprehendens
obiectum, non potest dici nobilitate
inferior alio verbo quod tanquam
terminus eius inducitur. Et Arist. 10.
Ethic. cap. 7. & 8. docuit, felicitatem
debere esse præstantissimam,
perfectionem in anima, & simul de-
terminauit esse contemplationem
idest

id est intellectiōnem. Non ergo potest addi aliud verbum quod sit terminus intellectiōnis. Et planè repugnat, quod aliqui ex Aduersarijs respondent, in actibus immanentibus actionem esse præstantiorem termino, & terminum esse propter actionem. Id enim manifestè est contra rationem & ordinem intrinsecum actionis & termini.

*Intellectio non produci-
tur per
aliam actionem
distinctam.*

Dico vlteriùs secundo. Non oportet distinguere aliam actionem per quam ipsa intellectio tanquam terminus producat, sed potiùs ipse simplex intellectiōnis actus per se immediatè ab intellectu procedit, & simul est verbum seu imago & similitudo expressa obiecti, atque dictio ipsius intellectus. Hæc assertio videtur de mente Arist. non solum 9. Metaph. 16. vt supra adduximus: sed etiam 3. de Anima tex. 28. vbi ait, sentire, dicere, & intelligere, non esse motum, sicut motum definierat 3. Phys. actum imperfecti, sed potiùs esse actum perfecti. Actus imperfecti erat motus qui importabat actionem distinctam à termino, & sic nõ per se perficiebat subiectum: actus autem perfecti erit, qui per se vltimò perficit subiectum, eo quòd non sit quædam actio distincta à termino. Videtur etiam de mente D. August. qui pluribus in locis relatis à Durando in 1. d. 27. q. 2. num. 26. affirmavit, verbum esse ipsam notitiam rei, & hanc esse imaginem expressam obiecti: neque D. August. aliam actionem distinxit. Et similiter Anselmus in verbis antea recitatis.

Probatür ampliùs primo. Intellectio ab omnibus concipitur & nominatur tanquam operatio quedam, non tanquam opus factum per operationem: sed ad operationem non est rursus cogitanda alia actio: ergo non debet intellectio effici & produci per distinctam aliam actionem. Et sic etiam omnes alie similes ope-

rationes vitales. Sanè ipsum intelligere est quoddam agere & operari, sic etiam velle, sentire, videre, &c. Intellectus eo ipso quo intelligit, agit & operatur, & sic de alijs huiusmodi actibus. Igitur non est distinguenda alia actio præter ipsum actum quo formaliter denominatur potentia vitalis tendere in obiectum.

Secundo. Illud solet esse indicium ad quæpiam realiter vel modaliter distinguenda, quando potest intercedere separatio. Et specialiter, absq; actu tunc debet distinguì actio à termino, quando potest existere & conservari terminus absque actione. Et ex alia parte, benè esse potest, vt res aliqua prorsus esse non possit absque actuali emanatione à sua causa, ac immediatè per suam essentiam dependeat à causa, hæcquè dependentia non sit alius modus ab effectu distinctus. Ita iam in generali notauimus circa actionem q. 26. sect. 3. Extantq; aliarum rerum exempla, in quibus non videtur distinguì actio à re quæ sit, vt præsertim in rebus quæ fiunt per creationem à Deo, imò in omnibus rebus prout etsèualiter dependent à Deo. Sed in casu nostro, nullum indicium apparet quo dari possit intellectio absque actuali emanatione ab intellectu: imò ex natura rei potiùs apparet oppositum: neque concipi potest dari intellectio quæ non actualiter à sua potentia eliciatur. Et sic pariter se habent alij huiusmodi actus vitales, vt iam q. 48. de ijs in communi notauimus. Igitur non debet nec potest distinguì alia actio per quam intellectio alijquæ similes actus vitales à suis potentijs eliciantur.

Tertiò. Hoc modo saluantur optimè omnia quæ intellectiōni conueniunt, eiquè attribui debent. Nam intellectio ex vna parte dici debet expressa imago & representatio obiecti,

Non potest esse intellectualis actio actuali emanatione ab intellectu.

iecti, ex altera parte est vitalis operatio potentiarum. Hoc totum saluatur optimè, dum ipsa intellectio dicitur esse verbum absque alio termino distinctio, & dicitur per se elici à potentia absque alia actione distinctio.

Quomodo in Divinis se habeant intellectus & verbum.

Quartò. Quia aliqui ex Aduersarijs afferunt exemplum ex Divina intellectione, per quam à Patre generatur Verbum, ad probandum in nobis quoque per intellectione[m] produci verbum tanquam terminum per actionem distinctam, eoquē magis quòd D. August. & alij Patres per hoc declarant in nostro intellectu quandam similitudinem Divinæ generationis: idcirco nobis etiam pro nostra conclusione ex Divina intellectuone argumētari licebit, quo præcipuè ostendimus, illud exemplum non facere contra nos. In Divinis ergo Filius & Spiritus Sanctus verissimè intelligunt, & tamen non producunt aliud verbum. Imò Deus absolutè sumptus, quatenus abstrahens à personis, & ratione nostra prior illis, verè essentialiter intelligit, & tamen non per hoc præcisè producit verbum: sed ut sic intellectio divina est quædam simplex perfectio absque distinctione producentis productionis & producti. Patet igitur non esse de ratione intellectione in communi, ut producat verbum per actionem distinctam. Unde iam optimè poterit in intellectu creato saluari intellectio itaquam simplex forma absque distinctione actionis & termini. Cum hoc tamen discrimine ab intellectuone divina, quòd nostrum intelligere verè est aliquod factum ab intellectu, & ab ipso distinctum: at intelligere divinum est realiter ipsamet essentia Dei.

In hoc autem potest saluari similitudo in intellectu nostro cum generatione Verbi divinæ quia sicut in nobis dum intelligimus, procedit

verbum, quod tamen asserimus esse ipsam intellectione[m], & sic expressam similitudinem & imaginem obiecti: ita Pater æternus intelligendo generat Verbum, cui quidem communicat idem ipsum suum intelligere essentialē. Unde Verbum est quidem terminus quidam à Patre distinctus: tamen eadem prorsus intellectio essentialis est utrique communis. Neque verò ex communi ratione intellectione, sed potius ex peculiari ac singulari fecunditate naturæ divinæ provenit, ut sic per intellectione[m] divinam generatur Verbum à Patre. Et neque in ipso Deo distinguitur actio seu productio, quasi medians inter Patrem & Verbum: sed ex parte Verbi ponitur productio passiva illi identificata, ex parte Patris productio activa illi pariter identificata: eo quòd Filius per suammet personalem entitatem generatur, & Pater per suam generat. At in intellectuone nostra, tota productio consideratur præcisè in ipso effectu: quia intellectus nō per suam formaliter entitatem actualiter elicit intellectione[m]: sed per eandem emanationem intellectione ab anima, denominatur actus intelligendi produci, & intellectus producere actum.

Quintò tandem patet, actum intelligendi in nobis verè esse ac denominari debere verbum & dictionem, licet absque distinctione. Nam ratio verbi est, ut procedat ab intellectu, sitque imago & representatio expressa obiecti, & quasi proles intellectus fecundari in actu primo specie impressa obiecti. Et quamvis dubitari soleat, an potius in respectu ad intelligētem, vel ad obiectum consistat ratio formalis verbi: reuera consistit adæquatè in utroque. Hæc autem omnia optimè quadrant in actum nostrum intelligendi, licet non producat per aliam actionem di-

Intellectus noster non sit simplex est verbum et distinctio.

distinctam. Item, dicere, non est aliud quàm mente loqui, & proferre seu producere verbum repræsentativum obiecti. Quod pariter verificatur optimè de actu intelligendi, licet non tendat ad producendum alium terminum à se distinctum.

Cæterùm, hinc planè sequitur, intellectionem & alios huiusmodi actus vitales, esse veras qualitates, & non esse de prædicamento actionis. Dum nempe intellectio sistit in se, & non tendit ad ulteriorem terminum. Ipsaque dependentia essentialis, qua intellectio per se emanat ab intellectu, non spectat ad prædicamentum actionis, sed simpliciter est de eadem prædicamento qualitatibus, & de eodem essentiali specie cum intellectione. Collocari autem debet huiusmodi actus in genere qualitatibus, vel sub prima specie sub nomine actionis, vel sub quarta sub nomine formæ. Sed hæc iam satis in iisdem Prædicamentis qualitatibus & actionis determinauimus.

Quadā loca Arist. explicatur. In contrarium Obijci solet primò. Arist. 3. de Anima tex. 4., & 12. Metaph. tex. 13., connumerat intellectionem inter actiones. Et reuera intellectio est quædam actio, intelligere est quoddam agere, intellectus dum intelligit agit. Sed certè omnis actio debet habere terminum; igitur intellectioni debet attribui verbum tanquam terminus per illam productus. Insuper 10. Ethic. cap. 3. Arist. expressè ait, virtutis operationes, & felicitatem quam contemplationem intellectualem esse determinat, non esse qualitates: igitur intellectio, & sic omnis alius huiusmodi actus vitalis, non est qualitas, vt dicebamus.

Respondetur. In prioribus locis nihil tale apud Aristotelem haberi. Sed vtrò admittimus nos ac recipimus illum loquendi morem. Non tamen intellectio dicitur actio, quasi productio alterius termini, sed solum

tanquam operatio quæ à suo principio exercetur, & est propter seipsam non ordinata ad ulteriorem terminum: & sic is qui intelligit, verè agit & operatur. Idcirco quicumque negant per intellectionem produci aliud verbum, explicare ac dicere solent, intellectionem esse actionem grammaticalem, id est quæ nominatur ad instar actionis: & sic etiam alios actus vitales. In alio loco Arist. soluere volebat quædam dubitationem, quòd voluptas non sit bonum quid, quia non est qualitas: & affert eam instantiam, quòd operationes quoque virtutis & felicitas non sint qualitates, & tamen sunt vera bona. Itaque non ipse determinauit, eas omnes non esse qualitates: sed respondere voluit negando illam sequelam negatiuam bonitatis. Ac vtiliter attulit illam instantiam, veluti ex hypotesi & ad hominem: quia si voluptas non erat qualitas, nec etiam illæ aliæ erant qualitates. Sed quamuis absolute dixisset, non esse qualitates, ad summum voluisset, non esse qualitates stables ac permanentes, cum per solam cessationem operantis desinant: & ideo de ijs poterat suboriri dubitatio an essent bonæ: & adhuc rectè determinauit, voluptatem esse quoddam bonum, ac supposuit illas alias operationes esse bonas.

Obijcies secundò. Ab Arist. & Ratio ab omnibus Philosophis distinguitur duplex genus actionis, nempe immanens, & immanentis, & utrunque collocatur in prædicamento actionis: sed certè actiones immanentes sunt actus vitales, inter quos est intellectio: ergo agnoscenda est actio distincta à termino, quæ sic in suo prædicamento reponatur.

Respondetur. Iam in ipso actionis prædicamento q. 21. Logicæ sect. 2. notauimus, eatenus actiones immanentes in eo prædicamento reponi,

ni, quatenus à suis terminis distinguuntur, & alioqui non in illo collocari. Intellectio ergo & alij huiusmodi actus vitales, non in illo collocantur. Non desunt tamen aliæ actiones immanentes distinctæ à suis terminis : vt dum corpora naturalia reparant in se suas qualitates : & in genere actuum vitalium, actus partis vegetatiuæ : ac etiam in anima sensitua & rationali productio habituum & specierum intentionalium, ad intra.

*Produ-
ctio a-
ctuum
vitalium
explica-
tur.*

Obijcies tertio. Intellectio & omnes actus vitales non efficiuntur improprie per resultantiam, sed proprie per veram efficientiam : ea autem quæ sic fiunt, produciuntur per actionem distinctam. Et licet hoc pacto fiunt communiter aliæ res, ita dici debent fieri actus vitales, quia non debet ijs tribui singularis, modus productionis.

Respondetur. Vel resultantia sumitur pro naturali sequela passionis ab essentia : & sic actus vitales non fiunt per resultantiam, sed per veram efficientiam, quæ tamen non per hoc fit actio distincta. Vel sumitur pro dependentia effectus à sua causa absque media actione distincta : & sic actus vitales dici debebunt fieri per resultantiam. Neque verò desunt aliæ res, quæ pariter tali modo fiunt absque actione media. Adest quoque specialis ratio, quare talis productionis modus actibus vitalibus tribuatur, qui sunt essentialiter vitales, & nec esse nec concipi possunt absque actuali emanatione à sua causa.

*Non po-
test va-
riari a-
ctio in
eodem
actu vi-
tali.*

Obijcies quarto. Licet non possit actus vitalis dari absque actuali influxu à sua causa, tamen variari potest hic influxus in eodem actu, quia variari potest aliquod eius principium ex ijs quæ adiuuare solent potentiam, & sine dubio ex vario principio exit varius influxus, varia actio. Ostenditur assumptum : quia

poterit actus procedere à potentia cum habitu vel sine habitu, cum vna vel alia specie impressa, ex vno vel alio auxilio Dei, sicut Theologi docent, posse Deum per se immediatè supplere influxum luminis gloriæ ad visionem beatificam, & aliorum habituum infusorum ad actus supernaturales.

Respondetur. Variari quidē actionem ex vario principio per se influente : tamen ita pariter variari ipsum actum. Itaque sicut supponitur non esse eadem singularis actio quæ ab vno vel alio principio exeat : ita, prorsus non erit idem actus, sed alius distinctus erit prodiens ab vno ac ab alio principio. Nisi quis dicat actum vitalem à potentia quidem vitali procedere formaliter per suam essentiam, ab alijs autem concausis adiuuantibus potentiam procedere per aliam actionem distinctam : & sic variari hanc actionem Inuariato actu, et inuariata dependentia actus à vitali potentia. Sed reuera nullum est incommodum, eam varietatem quæ iam supponebatur in actione, deducere pariter ad actum.

Præter hæc quæ sunt de natura intellectio in communi, diuiditur *De di-
intellectio in plures actus, & specia-
ne act. u
liter in illos tres, Apprehensionem, intel-
lectus
Iudicium, & Discursum, quæ dicun-
tus
tur tres operationes nostri intelle-
ctus. Sed quia horum actuum di-
in Logi-
stinctio proximè fundabat directio-
ca.
nem practicam intellectiuæ cognitionis, propter quam instituta erat Logica : ideo iam in Logica præmissimus quæcumque ad distinctionem & naturam eorum actuum specialiter pertinebant : nec quicquam amplius hoc loco repetere vel addere opus est.*

SECTIO QUARTA.

De Obiecto intelligibili.

Obiectum adequatum intellectus, est ens & verum.

Solet obiectum adequatum intellectus in communi assignari verum, solet assignari ens. Et quidem satis notum est, intellectum circa omne ens sua cognitione versari: imò reducendo etiam ad ens entia rationis & negationes, ut notauimus q. 3. Logicæ sect. 1. Non debet autem verum, sumptum pro passione entis, seu aliquo pacto ab ente distinctum, designari pro obiecto adequato intellectus: sed bene sumi potest & solet verum pro eodem ipso ente, & hoc pacto rectè constituitur intellectus obiectum; quod sic, tam verum, quam ens, poterit nominari. Et ita antea circa passionem entis q. 6. sect. 7. pro veritate tractauimus. Vtius sub hoc obiecto ita generaliter accepto, plura quædam peculiariter occurrunt, de quibus dubitatum est, atque adeo discutiendum & explicandum est, quonam modo sub intellectus cognitionem cadant.

Intellectus cognoscit etiam res spirituales quas materiales.

Primò. D. Thomas 1. par. q. 12. art. 4., q. 84. art. 7., q. 85. art. 1., & alibi, docuit, obiectum proprium intellectus nostri, dum anima est coniuncta corpori, esse res corporeas & materiales. Quia nimirum, obiectum debet esse proportionatum cognoscenti: sed anima nostra in hoc statu est forma corporis: ergo obiectum illi conueniens & proportionatum propriè erunt res materiales & corporeæ. Hanc doctrinam sequuntur atque defendunt Caiet. ijsdem locis, alijque Thomistæ.

Satis tamen certum & notum est, intellectum nostrum, etiam dum anima est coniuncta corpori, attingere non solum res materiales, sed etiam spirituales. Nam anima no-

stra cogitat de se ipsa, de Intelligentijs, de Deo: & cognoscit hoc ipsum quod hæ sunt substantiæ incorporeæ & spirituales. Neque de hoc vllatenus dubitari potest. D. Thomas autem solum voluit, intellectum nostrum in hoc statu non assequi primariò & directè notitiam rerum spiritualium, sed tantum mediantibus rebus materialibus. Vnde expressè ait: *Intellectus humani qui est coniunctus corpori, proprium obiectum est quidditas sue naturæ in materia corporali existens: & per huiusmodi naturas visibiles rerum etiam in invisibiles aliquam cognitionem ascendit.* Et ratio huius rei est clara: quia intellectus noster rerum notitiam acquirit ministerio sensuum, atque adeo primariò de rebus quæ cadunt sub sensum: & ita non nisi ex his ratiocinando ac discurrendo rerum spiritualium notitiam assequi potest. At absolute loquendo, dici prorsus debet, obiectum adequatum nostri intellectus esse ens in tota latitudine acceptum, complectens etiam res spirituales: quia sanè differentia illa est tantum in modo cognoscendi non in rebus ipsis cognitis.

Itaque, supponendo, dari ac requiri ad intelligendum species impressas, vocatas intelligibiles, de quibus differemus sect. sequenti; res spirituales cognoscuntur ab intellectu nostro in hoc statu, non per suas proprias species, sed per species alienas, nempe per species rerum corporearum: neque acquiruntur vel abstrahuntur in intellectu nostro aliæ distinctæ species pro rebus spiritualibus, ab his quas habemus de rebus corporeis. Et ideo non nisi imperfectè, ac per varias inquisitiones & discursus, assequimur in hoc statu rerum spiritualium notitiam. Vnde plerique Theologi docent, nos non habere in hac vita conceptum quidditatis.

Cognoscit spirituales per species materiales.

ditatium de substantijs separatis.

Atque inter res spirituales, etiam animam ipsam nostram, ipsumque intellectum, & alia quæ sunt in anima, non nisi hoc modo per species alienas discursu & inquisitione cognoscimus. Non enim anima nostra in hoc statu cognoscit se immediate ex virtute suæ essentiae, sicut se cognoscunt substantiæ separatae. Sed donec anima est immersa corpori, operatur tanquam forma corporis, & sic per species quas acquirit ministerio corporis. Unde pariter per alienas species & ab effectibus discurrendo ac inquirendo atlequitur notitiam sui ipsius, sicut de alijs rebus occultis. Et hoc totum satis patet ab ipsa experientia. Ideoque tam difficilis nobis est cognitio animæ nostræ, & tot quæstiones ac dubitationes de illa extant, sicut de quibuscunque alijs rebus externis & occultis.

Cogno- Secundò. Aliqui pariter indica-
scit tam runt, obiectum proprium intellectus
substan- nostri in hoc statu esse accidentia,
tiã quã substantiarum materialium: eo quòd
acciden- sola accidentia cadunt sub sensu
ria, sed quorum ministerio intellectus quo-
per spe- que cognoscit. Sed certum similiter
cis ac- & notum est, intellectum nostrum
eidẽm, attingere quoque substantiam. Pa-
tet manifestè: quia de substantia cogitamus, discurremus, philosophamur. Verè tamen non nisi per accidentia assequimur cognitionem substantiæ: cum nimirum accidentia per se cadant sub sensum: & inde ex accidentibus ratiocinando ac discurrendo peruenimus ad rerum substantiam latentem sub accidentibus. Suarez verò lib. 4. cap. 4. affirmat, ab initio quidem cognosci substantiam per species accidentium: sed iam ex hac ipsa cognitione relinquì in intellectu aliam distinctam ac propriam speciem substantiæ & per hanc deinceps cognosci eandem

substantiam: Idq; suadet à priori: quia intellectus est capax talis speciei: & cum tunc eam non habeat, acquireret per actum ipsum cognitionis. Amplius à posteriori: quia postea facilius eam substantiam cognoscimus: quod est signum, fuisse in intellectu speciem eius propriam relictam. Sed tamen hoc non est necessarium. Tum quia, semper sufficiet eadem prior species aliena. Tum quia semper eodem modo concipi-mus tale obiectum, & sic semper per eandem speciem: alioqui longè aliter concipimus ea quorum habemus species proprias ab ijs quæ concipimus per species alienas. Tum præterea, non per cognitionem acquirimus speciem quam non habemus, sed per speciem quam habemus elicimus actum cognitionis. Tum demum, sicut non acquirimus distinctas ac proprias species rerum spiritualium, ita nec aliarum huiusmodi rerum quæ non cadunt per se sub sensum, sed ex rebus sensibilibus cognoscuntur. Quamvis itaque intellectus sit de se capax talium quoque specierum: tamen in hoc statu non nisi ex speciebus sensibilibus potest haurire similes species intelligibiles, quibus tamen sua discursiva virtute utatur ad assequendam notitiam aliarum connexarum rerum. Acquirat autem intellectus maiorem facilitatem, non per novam speciem, sed per habitum. Nam per sequentes quoque repetitos actus, semper deinceps experitur maiorem facilitatem, utique per augmentum habitus. Non ergo per speciem propriam substantiæ, sed simpliciter per species accidentium cognoscit substantiam.

Adhuc autem dubitatum est, priusne substantiam vel accidentia intellectu nostro cognoscamus. Et alij voluerunt prius cognosci accidentia, alij verò prius substantiam. Sed hoc

iam determinauimus in Logica q. 30. sect. 5., specialiter inquirentes hunc ordinem cognoscendi. Vbi diximus, in confuso quidem, necessariò priùs cognosci ea quæ in re sunt accidentia, quæ per se sensibus offeruntur, & ex quibus desumimus cognitionem substantiæ: sed tamen, explicitè ac distinctè discernendo rationem accidentis ac substantiæ, quatenus accidens dependet à substantia, sic priùs quodammodo attingi substantiam, ut ibi plenius explicauimus.

An & quomodo cognoscatur singularia materialia.

Tertiò. D. Thomas iisdem locis antea relatis, significauit, obiectum proprium nostri intellectus inter res materiales esse vniuersalia abstracta à singularibus, ipsa verò singularia cognosci per sensum internum, quem in nobis vocauit potentiam cogitativam. Idem, præter Thomistas sequitur Mirandulan. in suo opere de Euerfione singular. certam. lib. 23. sect. 4. ac deinceps. Idem docuerant Alexand. & Philopon. 3. de Anima. cap. 8. Auerr. com. 9. Thomist. cap. 20. Aureol. in 1. d. 35. q. 4. art. 1. Sed rem explicauit magis D. Thomas 1. par. q. 86. art. 1., Q. 101. 12. q. 8., 2. cont. Gent. cap. 100., q. disput. de Anima art. 20., & alibi, ab intellectu nostro directè quidè cognosci vniuersalia, sed indirectè & per quandam reflexionem cognosci singularia. Sic etiam Thomistæ defendunt. Et adhærent Conimb. 3. de Anima cap. 5. q. 4. ubi tanquam probabilius defendunt, intellectum nostrum nō habere species proprias singularium, sed ea tantum percipere per species vniuersalium; quamuis postea cap. 8. q. 5. determinare affirmant, intellectum nostrum habere proprium & adequatum conceptum ipsorum singularium.

Sumpta est hæc sententia ex Arist. qui 1. Phys. tex. 42. & 5. Metaph. cap. 9. cum distributione dixit, sensum

esse singulare, intellectum esse vniuersale. Rursus 3. de Anima tex. 9. potentiam quidem sensitivam indicare per se singularia; sed aliam potentiam, nempe intellectivam, per se attingere vniuersalia, singularia verò veluti per reflexionem. Fundatur quoque ab eius Auctoribus ratione. Tum quia singulare materiale non est proportionatum intellectui: sed cum intellectus noster veluti mediet inter sensum & intellectum separatum, obiectum proportionatum sensui est singulare materiale, intellectus separati est ens spirituale, intellectus nostri erit vniuersale materiale. Tum præterea, cum singularia materialia cognoscantur per sensum, frustra essent in nobis duæ potentia cognoscitiua tendentes in idem obiectum. Tum præsertim, ideo in anima nostra ponitur intellectus qui dicitur agens, ut abstrahat species intelligibiles à materia: sed species rerum materialium non aliter potest abstrahere, quam à materia singulari & conditionibus indiuiduantibus, ut ita repræsentent rerum naturas in abstracto & in vniuersali. Et sic Arist. 3. de Anima tex. 16. docuit, res materiales fieri intelligibiles per abstractionem à materia.

Dicendum tamen est, proprio ac directo conceptu cognosci ab intellectu nostro singularia materialia, ac per proprias suas species. Ita affirmant Scotus in 4. d. 45. q. 3. Riccard. in 2. d. 24. q. 4. Durand. d. 3. q. 7. Gregor. in 1. d. 3. q. 1. art. 1. Burlæus, Thionnens., & alij circa locum illum 1. Phys. Iandun. 3. de Anima q. 11. Apollinar. q. 12. Suarez lib. 4. de Anima cap. 3., & alij circa loca Aristotelis allegata.

Probatur absolutè, ab intellectu nostro cognosci singularia materialia. Tum quia discurremus circa hæc singularia: discursus autem est proprius

Verè cognoscit.

prius nostri intellectus . Tum quia formamus propositiones de singularibus , in quibus etiam prædicata abstracta & vniuersalia de ijs affirmamus : & sine dubio eadem ipsa potentia , suo actu iudicij , ac etiam apprehensionis , attingit tam subiectum quàm prædicatum propositionis , & coniunctionem vtriusque . Tum etiam comparamus singularia cum vniuersalibus , ac diiudicamus eorum conuenientiam ac differentiam : atque ex ipsis singularibus abstrahimus vniuersalia , & ex præmissis singularibus deducimus conclusionem vniuersalem , & è conuerso : vnde prorsus debet eadem potentia vtraque complecti . Tum quoque intellectui conuenit prudentia & ars : at hæ facultates versantur circa singularia . Imò & fides diuina circa pleraque singularia versatur . Tum præterea , per partem animæ rationalem regulamus ac dirigimus nostras operationes singulares & circa singularia , & in ijs exercemus maximè nostram libertatem : atque regulamus & dirigimus ipsos quoque affectus & cogitationes partis sensitivæ circa singularia . Igitur omnino per voluntatem & intellectum , verè attingimus singularia . Tum insuper , anima nostra separata verè percipit singularia , & non utique per potentiam sensitivam : Intelligentiæ ac Deus ipse exactissimè comprehendunt eadem singularia : igitur absolutè materialitas horum singularium non ea extrahit ex virtute & ambitu potentæ spiritualis : & maximè hæc singularia cadere debent sub cognitionem intellectus nostri in hoc statu . Tum demum , hinc patet ratio à priori : quia optimè potest ac debet potentia superior sub sua virtute complecti inferiora , & quæ cadunt sub potentia inferiori : & intellectus debet complecti quicquid cadit sub cognitionem sensitivam .

Potentia tamen inferior non potest eleuari ad superiora , & sensus non potest attingere omnia ad quæ se extendit intellectus .

Probatur quoque iisdem rationibus , hæc singularia ab intellectu cognosci proprio ac directo conceptu , & non indirecto ac reflexo . Nam patet , ita per se & adæquatè singularia sicut vniuersalia spectare ad cognitionem nostri intellectus . Imò neque apparet , qualiter dicatur conceptus indirectus seu reflexus respectu singularium , loquendo ex parte obiecti & quoad modum attingendi obiectum . Sed potius ex ipsis singularibus accipimus & abstrahimus conceptum vniuersalium .

Cognoscit dignè per proprio conceptu .

Probatur denique , etiam quoad species impressas , hæc singularia cognosci ab intellectu per proprias species , dariquè in nostro intellectu species ipsorum singularium , eorum repræsentatiuas : quia per solam speciem naturæ vniuersalis non posset repræsentari intellectui determinatè vllum singulare : igitur , cum intellectus determinatè cognoscat hæc vel illa singularia , habet species eorum proprias . Neque verò species communis satis determinari posset per speciem sensibilem existentem in phantasia . Nam principium intellectiōis debet adæquatè reperiri in ipso intellectu : vnde sicut non sufficit sola species sensibilis pro eliciendo actu intellectus , & ideo ponuntur species intelligibiles , ut sect. sequenti tractabimus ; ita nec sufficit ad determinandum intellectum , siue speciem intelligibilem , pro hoc vel illo singulari . Ac rursus in anima separata & Intelligentijs , determinatur utique cognitio ad certa singularia per proprias ipsas species intelligibiles , absque ope sensibilibum . Debet tandem ex specie sensibili acquiri species in intellectu , quæ adæquet ipsam speciem sensibilem , ac

Cognoscit per proprias species .

repræsentet totum eius obiectum: unde proprie & adæquate repræsentat idem ipsum singulare, quod per speciem sensibilem repræsentatur phantasiæ. Siquè datur species expressa & conceptus mentis de singulari corporeo; nulla difficultas esse poterit, quominus detur quoque species impressa, principium talis actus.

Et per species singularem cognoscit vniuersalia, Imò, cum intellectus noster in hoc statu non nisi ministerio sentium acquirat rerum species, per se ac primariò dici debet acquirere species singularem circa quæ sensus ipsi versantur. Ex speciebus enim sensibilibus in phantasia repræsentantibus singularia, directè refunduntur in intellectum aliæ species similes repræsentantes pariter ipsa singularia. Consequenter per has species singularem, intellectus formabit conceptum naturæ vniuersalis, concipièdo scilicet naturam abstractè absque cōditionibus indiuiduantibus, & rursus eam referendo ad singularia. Itaque potius vniuersalia cognoscuntur à nobis per species singularem, non singularia per species vniuersalium. Addit verò Suarez lib. 4. cap. 3. dub. 1., fortasse per conceptionem ipsam vniuersalis de nouo produci aliam distinctam speciem propriam eius. Sed neque id est necessarium, iuxta ea quæ in similibus casibus supra dicta sunt.

Cæterum, quonam ordine singularia cum vniuersalibus cognoscamus, & inferiora cum superioribus, quidnam prius vel posterius, satis tractauimus q. 30. Logicæ sect. 3. & 4.

Quadā loca Arist. explicatur. Ad loca Arist. pro aduersa parte præmissa dicendum est, in prioribus locis tantum voluisse, sensum esse præcisè singularem, intellectum vero esse non solum singularem, sed etiam vniuersalium. In alio loco solet exponi, potentiam eandem intel-

lectiuam attingere tam singularia quam vniuersalia, licet eadem est linea siue recta siue inflexa, ut patet in textu. Quod si vis fiat in hac diuersitate rectitudinis & inflexionis: potius videtur voluisse, vniuersalia præter singularia cognosci per reflexionem. Sed tamen Arist. ibi potius comparauit accidentia cum substantia: & docuit, per potentiam sentitiuam percipi accidentia, per aliam autem potentiam superiorem cognosci substantiam, veluti quadam reflexione, idest inquisitione & discursu. Sic enim ait: *Sensitiuum igitur calidum & frigidum indicat, & quorum ratio quadam, idest subiectum, ipsa caro: alio autem, aut separabili, aut ut circumflexa se habet ad se ipsam cum extensa fuerit, carnis esse, idest substantiam, discernit.*

Ad rationes quoque dicendum, *Rationes aduersæ soluntur.* singulare materiale nihilo minus quam vniuersale esse proportionatum nostro intellectui in ratione obiecti intelligibilis: imò & est proportionatum omni intellectui prorsus separato & abstracto. Neque sanè vniuersalitas quicquam cōfert, neque singularitas quicquam detrahit de proportionem debita ad intellectum, tam in obiectis materialibus quam spiritualibus. In eo autem mediat intellectus noster inter sensum & intellectum separatum: quod valet attingere non solum sensibilia, sed etiam alia superiora, & in hoc superat sensum: debet tamen acquirere species per sensum, & in hoc deficit à puritate intellectus separati. Neque verò frustra sūt in nobis duæ potentie attingentes eadem obiecta singularia: quia intellectus multò plura & longè perfectiori modo circa ipsa singularia comprehendit. Nec frustra inueniuntur in nobis sensus particulares & sensus communis circa eadem obiecta sensibilia. Intel-

lectus denique agens nequaquam institutus est propter abstractionem vniuersalium à singularibus, quasi ipsa singularia non essent per se intelligibilia: sed propter abstractionem specierum spiritualium ex speciebus materialibus, ut deinceps tractabimus: quæ species spirituales habent representare intellectui tam singularia quam vniuersalia, quantumuis in suo esse materialia.

Cognoscit etiam contingentia. Quartò vterius. D. Thomas 1. par. q. 85. art. 3. insistenti eidem doctrinæ de cognitione singularium materialium docuit, contingentia à nobis cognosci directè per sensum, non autem directè, sed indirectè & reflexè per intellectum, quatenus contingentia sunt. Quia inquit, contingentia oritur ex parte materiæ, cum contingens sit quod potest esse & non esse, potentia autem pertinet ad materiam: si ergo intellectus noster non percipit directè singularia materialia, non percipiet directè contingentia. Similiter art. 4. docet, intellectum non cognoscere directè, sed tantum per reflexionem, futura prout cadunt sub tempore, quia ut sic sunt singularia. Absolutè autem notat, futura cognosci posse ab intellectu creato in suis causis, sed in se ipsis non cognosci nisi ab intellectu diuino.

Verum, præter ea quæ dicta sunt de cognitione singularium materialium, certè effectus contingentes non minùs inveniuntur in rebus spiritualibus quam corporeis, imo principaliter sunt actus liberi voluntatis. Contingentia ergo non oritur ex materia, sed ex conditione rerum quæ possunt esse & non esse. Non enim hæc est potentia quæ pertinet ad materiam, sed potentia materiæ est potentia passiva receptiva formarum. Siquè consideretur potentia ad formas & actus accidentales, hæc reperitur quoque in substantijs spiritua-

libus. Igitur omni ratione intellectus noster valet cognoscere contingentia. Cognoscit inquam, si sint præsentia & præterita quæ ei deueniant in notitiam.

Futura autem naturalia, quæ ex *Nō præcaulis* necessarijs dependent, quilibet sanè cognoscere potest, qui per *nosce p. propria vir-* se etiam habeat naturam & vim cau- *tute, fa-* sam. Contingentia verò quæ ex *tura.* libera voluntate dependent, nullus intellectus creatus per se prænoscere potest, nec etiam scilicet Intelligentiæ creatæ, ut in suo tractatu Theologi docent. Sed hæc notitia est propria Dei, & inde dicta est diuination. Vnde Isai. 41. *Annunciare quæ ventura sunt nobis, & sciemus quia Deus estis.* Ratio autem huius rei, non utique est eo quòd futura sint singularia aut materialia: sed quia simpliciter virtus intellectus creati non se extendit ex natura sua ad prænosceda futura: & specialiter intellectus humanus non potest ex rebus quas sensu percipit acquirere notitiam talium futurorum. Per coniecturas autem aliquas possunt probabiliter quædam futura dignosci, & per reuelationem diuinam possunt certò cognosci. Alia quoque sunt, quæ intellectus creatus, & eo magis intellectus humanus, non potest sua virtute assequi, sed benè potest diuina illustratione cognoscere: nempe cogitationes & affectus occultos aliorum, mysteria supernaturalia, varias res possibles, & quæcunque quorum nō habet naturaliter principium sufficiens ea cognoscendi.

Quintò denique. D. Thomas 1. par. q. 85. art. 4. docuit, non posse ab intellectu nostro, simul percipi plura ut plura sunt, sed bene prout quodammodo subeant rationem vnius. Idemq; antea docuerat, tam de intellectu angelico, quam humano, q. 58. art. 2. Sequuntur Caiet. Bagn. & alij iisdem locis, Siluester q. 12. art.

*Quo pa-
tiosimul
plura
cognos-
cat.*

10. Capreol. in 2. d. 3. q. 2. Heruzus Quodl. 7. q. 16. Ferr. 1. cont. Gent. cap. 55. & 3. de Anima q. 14. Idem docuerunt Alens. 4. par. q. 98. memb. 2. Albert. in 3. d. 30. q. 4. Durand. in Prologo q. 1. & alij quidam. Explicat magis D. Thomas, cognosci ut plura ea quæ per plures species representantur; ut unum verò, ea quæ per unam speciem. Hinc probat, non posse simul cognosci plura ut plura: quia impossibile est, idem subiectum simul perfici distinctis formis eiusdem generis, ut non potest idem corpus simul affici diuersis coloribus vel figuris: ergo non potest idem intellectus simul perfici diuersis speciebus ad intelligendum actum plura. Addunt alij, bene posse simul consistere plures species secundum se, quia se habent in actu imperfecto: sed non posse simul secundum plures suos actus, quia sic se habent in actu perfecto. Faut Arist. 2. Topic. cap. 4. dicens, plura sciri, unum intelligi; id est sciri habitualiter, intelligi actualiter.

Ex aduerso posse intelligi simul plura ut plura, affirmant Scotus in 1. d. 3. q. 6. Lychet. q. 3. Mayron. & Marfil. q. 11. Gregor. d. 7. q. 1. art. 3. Gabr. q. 1. concl. 6. Barg. q. 4. Ocham. in 2. d. 20. landun. 3. de Anima q. 33. Conimb. cap. 8. q. 6., alijque plures.

Non cognoscit plura ut plura vno actu.

Pro resolutione dicendum est, non posse simul intelligi plura ut plura, per eundem simplicem actum, sed bene posse plura ut unum. Pater facilius quia unusquisque actus determinatus & limitatus est ad quoddam suum adequatum obiectum, & inde sumit unitatem: ergo non potest discretè ac disparatè attingere plura. At plura per modum unius, se habebunt veluti partes unius obiecti totalis, ratione scilicet cuiusdam coniunctionis & copulationis; & sic optimè possunt cadere sub vno actu. Hinc

diximus q. 23. Logicæ sect. 1. & q. 24. sect. 1. & 2., vno actu apprehenderem compositam, terminum complexum, ac integram propositionem, & vno quoque actu ferri iudicium, etiam negatiuum, quia propositio etiam negatiua se habet per modum unius obiecti.

Deinde per plures ac distinctos actus perque distinctas species possunt sanè cognosci aliqua plura ut distincta, non tamen in magna copia. Non potest sanè negari, inueniri solere simul in intellectu plures distinctos actus, saltem cum aliqua subordinatione. Sic utique simul iungitur actus iudicii cum actu apprehensionis, & assensus consequentis cum assensu antecedentis, atque adeo assensus duarum premissarum in antecedenti. Atque ita de mente eiusdem S. Thom. pluribus in locis, notauimus q. 25. Logicæ sect. 2. Præterea sine hac subordinatione, sæpè contingit, quempiam simul cogitare plura inter se varia ac disparata, simul attendere ad plures actiones, vel ad aliquid speculandum, & ad aliquid agendum: inuètiq; sunt, qui simul plures epistolas de rebus alienissimis dictare valerent. Et pariter per sensus externos, simul oculis cernimus obiecta discreta, ut notissimum est. Eadem autem experientia constat, non posse simul plura in magna copia cogitari. Sed quoad hoc talis diuersitas inter varios homines inuenitur, ut vnus validiori ingenio prædius possit plura quam alius cogitare. Contingit etiam, ut per distractionem mentis ad plura, languescat attentio circa singula. Hoc verò totum prouenit ex tali limitatione nostri intellectus, aliarumque potentiarum intellectui subseruentium.

Hinc sequitur, intellectum cognoscere simul plura per plures species. *Et distinctis* Nam sine dubio ea quæ disparata sunt, per distinctas species representantur.

tan-

cantur. Ac etiam actus inter se subordinati possunt elici ex distinctis speciebus. Imo & vnus simplex actus, v.g. complectens subiectum & predicatum simul, elicietur ex distinctis speciebus quæ præterant de subiecto & predicato. Et dum, non solum intellectus, sed etiam sensus, componit plura diuersa, vt dum concipit montem aureum, elicit vnum actum ex pluribus speciebus. Itaque, ad hanc rem de cognitione plurium, non videtur per se referre pluralitas vel vnitas speciei: sed potius res determinanda est ex ratione ipsorum actuum & obiectorum. Potest quæ contra contingere, vnam speciem, adeo multa complecti, vt nõ possit intellectus ea simul distinctè cogitare: nihil ad id iuuante vnitate speciei. Sic præsertim in intellectu angelico ponuntur species vniuersales, quarum quælibet plura complectatur. Et in intellectu nostro, Thomistæ qui negant species proprias singularium, ponunt vnam vniuersalem pro omnibus: nec tamen admittent, posse simul concipi tot singularia.

Hinc demum patet ad fundamentum oppositum, interdum posse, interdum nõ posse plures formas eiusdem generis simul iungi in eodem subiecto, iuxta suam & subiecti conditionem. Neque verò actus cognitionis, siue species cum suis actibus, se habent sicut diuersi colores, vel diuersæ figuræ: colores enim inter se opponuntur: & figuræ distrahunt partes corporis ad diuersas partes loci. Aristoteles verò solum docere voluit, non simul actu intelligi quæcunque sciuntur habitu: sed ex multis quæ habitualiter sciuntur, solere vnum aliquid cogitari.

SECTIO QUINTA.

De Speciebus intelligibilibus.

Species intelligibiles vocantur, quæ sint principium intelligendi, sicut in sensibus vocabantur species sensibiles. Species has intelligibiles negarunt, non solum ij qui negabāt species sensibiles, atque adeo vniuersaliter omnes species: sed præterea suppositis speciebus sensibilibus, aliqui opinati sunt, in nobis non dari nec requiri alias species intelligibiles, sed sufficere easdem ipsas sensibiles, vt per earum participationem intellectus res cognoscere valeat, sic quæ animam dum est in corpore, intelligere per phantasmata quæ sunt in sensu. Quidam autem Veteres ipsasmet res intelligibiles in constitutione animæ realiter inuenerunt, ad hoc vt anima cunctas res per easdem ipsas res intelligeret. Sic de Empedocle refert Arist. 1. de Anima tex. 25. *Empedocles quidem ex elementis omnibus, scilicet animam constituebat, esse autem & unumquodque horum animam, sic dicens, Terra quidem terram cognoscimus, aqua autem aquam, aere vero aera diuin, sed ignis ignem manifestum, concordiam autem concordia, discordiam vero discordia tristi.* Et de Platone tex. 26. sequenti: *Eodem modo & Plato in Timæo animam facit ex elementis: cognosci enim simile simili.* Rursus Plato in Menone, & Phædro, & lib. 10. de Repub. voluit, animas nostras antequam corporibus infunderentur habuisse, vel sibi innatas, vel a Deo inditas, rerum omnium species, quæ postea in coniunctione animæ ad corpus veluti obrutæ fuerint, ac deinceps non de nouo acquirantur, sed sensuum stimulis excitentur, vt in actum prodeant.

Austorum placita.

*Dantur
verè spe-
cies in-
telligi-
biles.*

Dicendum tamen est, verè in intellectu nostro requiri species intelligibiles, à sensibilibus distinctas, & prorsus diuersas à rebus ipsis, ac de nouo à nobis acquiri sensuum ministerio, & concurrere ad actum intelligendi effectiuè cooperando simul cum intellectu. Hæc assertio est, non solum Philosophorum, sed etiam Theologorum communis. quæ ex professo traditur ab Aristotele.

Et primò quidem, indigere simpliciter intellectum quibusdam speciebus quibus cognoscat res intelligibiles, satis probatum remanet ex necessitate & existentia specierum sensibilibus pro sensibus q. 53. sect. 1. Inde enim vniuersaliter constat, omnem potentiam cognoscitiuam non posse se sola suum actum exercere & quicquam percipere, sed indigere consortio eiusdem obiecti cognoscibilis, quod si non immediatè per se, omnino per speciem quandam, loco sui substitutam concurrat ad actum cognitionis. Rursus constat, non posse nos quicquam intelligere & concipere, nisi ministerio sensuum assequamur notitiam rerum: utique quia indigentus haurire per sensus rerum species, quæ deducantur usque ad intellectum, quas cum deinceps mète retineamus, possumus ulterius de rebus cogitare antea nobis prorsus ignotis, quæ alioqui nunquam nobis in mentem cadere potuissent.

Vergeri etiam magis solet pro intellectu illa ratio à priori: quia potentia intellectiua est de se indifferens ad tot varia obiecta concipienda, & ideo debet determinari per speciem. Sed in rigore hæc ratio nõ sufficit. Quia adhuc datis speciebus, intellectus habens in se magnam copiam specierum, debet utique ulterius determinari ad certum obiectum: nec tamen determinatur absolutè per speciem, cum tot varias species in se æqualiter possideat. Imò Theologi

in intellectu angelico constituunt species vniuersales in representando, id est quamlibet speciem completentem plura obiecta: unde adhuc ipsa species determinari debet. Itaque hæc determinatio in nobis perficitur potiùs per varias occasionem excitantes vnam vel aliam cogitationem, prout experientia ipsa constat. Vera ergo ratio à priori est illa vniuersalis: quia omnis actus cognitionis, cum sit representatio & similitudo expressa obiecti, debet prodire ab eodem obiecto, vel per se, vel mediante quadam qualitate, quæ à nobis vocatur species intentionalis impressa. Non possunt autem cum intellectu nostro immediatè concurrere res ipsæ intelligibiles, ut per se patet: ergo necessariae illi sunt rerum species.

Secundò deinde probatur faciliè, non sufficere intellectui easdem species sensibiles, sed requiri distinctas species quas vocamus intelligibiles. Tum à priori: quia species debent insidere eidem potentie cognoscenti, debent esse proportionatæ ipsi potentie & actibus eius: sed non sic certè se habent species sensibiles, quæ materiales & corporeæ sunt. Tum etiam, ut arguit Scotus in 1. d. 3. q. 6., magna esset imperfectio intellectus, si non in se, sed in alieno subiecto, & præsertim in organo corporeo, repositas haberet species suas: sic enim prorsus ab externa sibi virtute actualem suam operationem emendicare deberet. Tum præterea, in anima separata inueniuntur utique species intelligibiles, & non species sensibiles: igitur distinctæ prorsus sunt species intelligibiles à sensibilibus. Tum demum, vel intellectus vteretur speciebus sensibilibus per modum principij ad eliciendū actū, vel per modum obiecti seu medij in quo inspiceret obiectum representatum, ut significant ij qui solas species

*Quæ sũt
à sensibilibus
distinctæ.*

cies sensibiles intellectui tribuebant. Primum dici non potest: cum species sensibiles sint corporeæ, & non resideant in eodem intellectu. Neque secundum: cum iam antea ostensum sit, opus & officium speciei non esse repræsentare per modum obiecti & mediij, sed solum per modum principij.

*Sunt diversa à rebus ipsi-
s intelligibili-
bus.* Tertiò satis notum est, non inueniri realiter in anima res ipsas cognoscibiles, animam non esse realiter compactam & constitutam ex omnibus rebus. Id enim est penitus impossibile & incognabile. Neque hoc pacto anima fuisse apta & idonea ad omnia intelligentia: sed fuisset potius quædam confusio & congeries, inepta ad omnia. Anima ergo est quædam substantia & forma simplex, quæ cum non sit realiter quicquam ex alijs rebus, apta tamen est intelligere omnes res. Actuari autem debet rerum speciebus in se receptis: quæ species sunt prorsus diuersæ à rebus ipsis: & ideo dicuntur intentionales, id est non reales ipsæ formæ repræsentatæ, sed aliæ quædam formæ repræsentantes potentia cognoscitiuæ ut tendat in ipsas res. Iuxta hoc notauit optimè Arist. 3. de Anima tex. 5. & 6., intellectum de se non esse quicquam actu eorum quæ cognoscere potest, sed esse in potentia ut recipiat formas & species quibus cognoscat omnia. Et rursus tex. 36. & 37., animam intelligendo fieri quoddammodo omnia, non esse scilicet antecedenter & realiter omnia, sed fieri intentionaliter ac repræsentatiuè omnia, intelligendo res per suas species. Ac tandem tex. 38. *Necesse est, aut ipsas res, aut formas esse in anima: ipsas igitur non, non enim lapis in animam, sed forma: quare intellectus forma formarum est* iuxta hoc etiam Vgo de S. Victore lib. 1. Didascalon cap. 2. explicat illo-
rum sententiam,

qui dicebant, animam esse omnia, esse scilicet intentionaliter & in repræsentando per cognitionem & species rerum.

Quartò. Animam non deferre secum species dum vnitur corpori, sed debere eas deinceps acquirere ministerio corporis ope sensuum, est res satis certa. Sic expressit Arist. tex. 5. & 14. ubi propterea, intellectum in sua origine ait esse sicut tabulam rasam in qua nihil adhuc est scriptum vel depictum, sed scribi & pingi possunt omnia. Et patet ab experientia: quoniam omnia prorsus ignota sunt, donec exercitatione et industria ea addiscamus: addiscimus autem acquirendo rerum species & notitiā ope sensuum. Omniaquæ quæ primò addiscimus, noua prorsus nobis apparent, quæ nunquam antea nouerimus. Quod si anima nostra haberet iam rerum species, & habuisset olim rerum notitiā; omnino per consequentem excitationem specierum redirent nobis res in mentem, tanquam antea notæ, & recogitaremus eas tanquam antea præcognitas sicut cum recordamur ac reminiscimur: sic enim Plato volebat, non acquiri in nobis de nouo scientiam, sed surgere per reminiscentiam. Sed hoc inquam, planè est contra experientiam. Patet idem ratione: quia ad hoc utique anima intellectiua vnitur corpori, & ex natura sua habet aptitudinem & inclinationē ad corpus, eiq. vnitur tanquam vera conaturalis forma: quia indiget ope corporis ad exercendum suum intellectonis opus: quia nempe debet per sensuum aditus haurire rerum species, ut res intelligat. Et alioqui esse debuisset, sicut sunt Intelligentiæ separatæ, absque ordinē ad materiam. Non ergo anima nostra affert secum ad corpus rerum species, sibi innatas, vel à Deo inditas. Neque vlla anima fuit creata prius

*Acquiruntur
ministerio
sensuum.*

antequam infunderetur corpori, in quo priori statu rerum species ac notitiam habuerit: ut ex fide & ratione quæst. superiori ostendimus.

Concurrunt effectivè ad actum. Quintò demum. Species intelligibilis vniuscuiusque rei concurrat effectivè ad actum intelligendi, cooperando simul cum intellectu, ita ut potentia simul & species constituent integrum principium & adequatam causam effectivam actus intellectus. Quod eodem prorsus modo confirmandum & explicandum est, quo iam antea de speciebus sensibilibus ad actum sensationis dicebamus. In percipiendis autem mysterijs supernaturalibus, & ad eliciendos actus supernaturales, siue fidei diuine, siue alterius superioris cognitionis, indiget præterea intellectus auxilio & concursu supernaturali, ut Theologi tractant.

Nō sunt obiectū sed principium cognitionis. Contra species intelligibiles Obijcit primò Durand. in 2. d. 3. q. 6. Si hæ species darentur, deberent primò cognosci, ut ijs mediantibus intelligeremus res. Et alioqui, si species repræsentat solum obiectum satis erit obiectum repræsentari intellectui per actum sensus cooperantis in cognoscendo: sicut in alijs casibus satis est, obiectum repræsentari potentia superiori per actum potentia inferioris, ut voluntati per intellectum, appetitui per sensum. Vel saltem per reflexionem intellectus certò & experimentaliter cognosceret omnem speciem sibi insidentem, sicut cognoscit suum actum & alia quæ in se possidet.

Respondetur. Speciem intelligibilem non debere primò cognosci: quia repræsentat obiectum solum effectivè, non obiectivè. Neque species proponit obiectum potentia, sicut intellectus voluntati, & sensus appetitui. Vnde satis non est, quòd sensus proponat obiectum intellectui. Sed species requiritur tanquam

principium coniunctum potentia cognoscitivæ, simul coëfficiens actum. Non cognoscit autem intellectus certò & experimentaliter suas species: nisi quatenus discurrendo & ratiocinando eas deprehendit, sicut iam rationibus probauimus dari species; & ex cognitione quarumcumque rerum intellectus deducet se habere species talium rerum. Et sane non alio modo intellectus cognoscit habitus in se existentes, imò & seipsum, inquirendo an sit potentia distincta ab anima, qualiter sit potentia spiritalis, &c. Actus verò suos experimentaliter cognoscit esse, quia consistunt in actuali exercitio operandi: sed nec etiam cognoscit quid sint & quales sint, nisi inquirendo ac discurrendo.

Obijcit secundò. Pleraque nos intelligimus quorum non habemus species: ergo omnium rerum species tanquam superflua reiicienda sunt. Probat antecedens: quia intelligimus res spirituales, & vniuersales, & substantiales, quarum vti que non dantur species sensibiles: sed intellectus non potest habere alias species, nisi quas accipit à sensibus: ergo non habet species illarum rerum, atque adeo nullarum rerum habebit. Addit rursus: Intellectus noster cognoscit discurrendo: species non est discursiva: ergo non cognoscit per species.

Respondetur. Eo modo quo intellectus res cognoscit, eo pariter habet in se rerum species. Si nempe directè & immediatè cognoscit res prout sunt in seipsis, habet proprias earum species. Rerum autem quas cognoscit mediantibus alijs rebus, ex quibus deducit illarum notitiam, non habet alias proprias ac distinctas species: sed tamen eas ipsas cognoscit per species earum rerum ex quibus desumit notitiam aliarum. Itaque per species rerum sensibiliū

cognoscit etiam res quæ non cadunt sub sensum : ut iam sect. præcedenti notauimus .

*Non sunt
nobis in-
dita ab
initio, =
sed suc-
cessiue
compa-
rantur .*

Obijcies deinde tertio, quod species intelligibiles debeant esse indita animæ nostræ ab initio. Intelligentiæ ex natura sua debuerunt in ipsa sua creatione accipere à Deo, ac de facto acceperunt suas species intelligibiles, ut fatetur omnes qui agnoscunt species : ergo similiter anima nostra intellectiua .

Respondetur . Manifestum esse discrimen : quia Intelligentiæ separata, cum non informet corpora, nec sensibus operentur, non poterant per se acquirere species, & ideo illis connaturaliter debebantur ab initio species infusa. Sed anima nostra, cum sit forma corporis, & operetur per sensus, poterat sensuum ministerio acquirere rerum species; & ideo non debebat eas accipere ab initio . Et in hoc sanè deficit intellectus noster à perfectione & sublimitate intellectus angelici, tam in possidendis speciebus ab initio, quam in excellentia quoque ipsarum specierum, & puritate intelligendi. Iuxta hoc obseruauit D. Thomas 1. par. q. 79. art. 1. notabile discrimen inter intellectum diuinum, angelicum, & humanum. Omnis enim intellectus, in quantum intelligit, in quantum supponitur esse in actu . Intellectus ergo diuinus, se ipso est purus actus, ad omne intelligibile se habet sicut actus totius entis, & non est in potentia ad quicquam, non debet accipere species ullas à se distinctas; sed essentia ipsa diuina eminenter continens omnia, exactissime omnia diuino intellectui repræsentat. Intellectus angelicus de se quidem est in potentia, hoc est non habet ab intrinseco rerum species; sed tamen se ipsa semper est in actu, quia ab initio accepit species, ac semper eas retinet: sicut materia celestis ab ini-

tio & semper est in actu per suam formam. Intellectus denique humanus, qui est infimus inter omnes intellectus, est ita in potentia respectu intelligibilium, quod ab initio est sicut tabula rasa in qua nihil est scriptum, & postea successiue progreditur & proficit de potentia in actum, acquirendo rerum species .

Postremo, aliz difficultates sunt circa virtutem & modum assumendi species intelligibiles ex sensibilibus. Sed quia ad hunc effectum propriè institutus est is qui vocatur intellectus agens, de hoc iam consequenter superest inquirendum.

SECTIO SEXTA.

De Intellectu agente .

Non solum illi qui species intelligibiles denegarunt, negare consequenter debuerunt intellectum agentem propter tales species institutum : & præsertim Durand. in 1. d. 3. par. 2. q. 5. prolixè disputat contra intellectum agentem . Sed præterea, suppositis speciebus intelligibilibus, opinati sunt aliqui, solas species sensibiles sufficere ad refundendas intelligibiles in intellectu, & sic non requiri nec dari alium intellectum agentem . Scaliger quoque exercit. 307. num. 18. & noster Guevara lib. 2. de Interiori sensu tract. 7. cap. 4. visi sunt negare intellectum agentem . Attamen reuera eius vim & officium non negarunt : sed Scaliger solum voluit, non esse ab intellectu patiente & cognoscere distinctum : Guevara, non esse alium ab essentia ipsa & substantia animæ : quæ omnia infra examinabimus .

Statuendum nunc est, dari simpliciter esse; necessarium nobis intellectum agentem . Sic Arist. 3. de Anima, & alij Philosophi ac Theologi

*Datur
verè in-
tellectus
agens .*

logi qui agnoscunt species intelligibiles, constituerunt quoddam principium ad abstrahēdas tales species, & vocarunt intellectum agentem. Et ratio huius necessitatis est: quia species sensibiles sunt materiales & corporeæ, unde per se nō sufficiunt producere species intelligibiles, quæ sūt spirituales, sed omnino requiritur quoddam aliud spirituale principium ad talem effectum, & hic est intellectus agens. Iuxta hoc debet accipi ratio Aristot. tex. 17. & 18. vbi ait, in anima esse debere non solum subiectum receptiuum, sed etiam principium effectiuum: scilicet non solum intellectum cognoscentem qui recipit rerum species vt res cognoscat, sed etiam intellectum agentem qui efficiat tales species. Hinc verò patet, quare non erat pariter necessarius sensus agens: quia nempe obiectum externum erat sufficiens imprimere species in sensibus externis, & species atque actus sensuum externorum sufficiebāt refundere alias species in sensum internum. Item patet, non debere in nobis similiter poni voluntatem agētem: quia nempe voluntas non requirit aliud principium in se ad instar speciei in intellectu. Patet insuper, non debere in Angelis poni intellectum agentem, vt rectè docuit D. Thomas 1. par. q. 54. art. 4. quia nempe Angeli non accipiunt species à rebus. Patet denique, nullum futurum vsum intellectus agentis in anima nostra separata: quia nimirum tunc non accipiet amplius species à rebus, non acquireret species ope sensuum.

*An sit
quedam
substan-
tia sepa-
rata.*

Sic supposito intellectu agente, mirum est, quàm variz & absurdæ opiniones apud Peripateticos extiterint de eius ratione. Quidam voluerunt, intellectum agentem esse principium quoddam externum & separatum, esse superiorem quādam substantiam, ex quo huiusmodi in-

telligibiles species prouenirent. Alexander 1. & 2. de Anima, docuit, esse ipsum Deum: imitatus in hoc Platonem, qui rerum species ab ipso Deo fuisse animæ nostræ inditas asseruerat. Idem sequutus est Priscianus Lydus lib. de Phantas. & intellectu; ac inter Recentiores defendit Zabara lib. de Mente agente. Rursus Marinus quidam apud Philoponum 3. de Anima com. 17. voluit, intellectum agentem esse Intelligentiam quandam mediam inter Deum & homines. Algazel lib. 2. de Anima tract. 5. cap. 2. voluit, esse vltimam Intelligentiarum quæ orbes cælestes mouent, quæ scilicet reuoluit cælum Lunæ. Auicenna 9. Metaph. cap. 4. & lib. 6. Natural. tract. 5. cap. 5. voluit, intellectum agentem esse Intelligentiam illam quam ipse cōstituit mundo elementari præidentem, & vocauit datricem formarum: ab eaque tam formas intentionales quàm reales putauit effluere. Auerr. 3. de Anima in digress. circa tex. 5., & in Epitome Metaph. tract. 4., & lib. de Beatitud. animæ cap. 5. voluit, intellectum agentem esse substantiam quandam siue Intelligentiam separatam, omnibus hominibus specialiter præidentem & assistentem; & hoc pacto fecit vnum intellectum communem omnibus hominibus. Simplicius 3. de Anima com. 20. & Sueffan. lib. de triplici intellectu, triplicem intellectum agentem constituerunt: primum illuminantem, nempe Deum: secundum lumen medium, nempe aliam quandam Intelligentiam: tertium illuminatum, qui sit internus in homine & multiplicetur in singulis hominibus. Inducti sunt hi Philosophi ad sic opinandum: Tum quia arbitrati sunt, talem esse sententiam Aristotelis: Tum quia putarunt, non posse in eadem anima intrinsecè cōiungi principium agendi & patiendi: cum ergo anima recipiat in se

spe-

Est omnino internum quid in anima.

species, cogitarunt, aliud esse externum principium à quo effluerent.

Certum tamen est, intellectum agentem esse internum animæ nostræ, & nequaquam esse principium quoddam externum. Ita alij omnes Peripatetici docent. Et sine dubio hæc est sententia Aristotelis, qui planè posuit intellectum agentem tanquam vim & facultatem ipsius animæ. Et sic ex professo ostendit D. Thomas 2. cont. Gent. cap. 78. Dum verò Arist. intellectum agentem vocavit separatum & impermixtum, materiæ, nihil aliud voluit, quam animam ipsam intellectivam esse spirituales ac separabilem à materia. Ratione probatur assertio: quia anima ipsa est, quæ ministerio sensuum accipit species à rebus, abstrahendo species intelligibiles ex sensibilibus: & hoc est opus ac munus ei proportionatum ac debitum, non excedens virtutem eius. Nullaque difficultas est in eo quòd eadem anima sit subiectum receptivum ac principium effectivum specierum. Quinimò hoc est commune in omnibus actibus immanentibus: ac specialiter eadem anima elicit ac in se recipit actum ipsum intelligendi. Patetque manifestè, tot fragmenta fuisse ab illis Philosophis excogitata absque causa.

An sit potentia quadam anima.

Rursus, supponendo intellectum agentem esse internum animæ, alia adhuc opiniones de eius ratione supersunt. Iandun. lib. 3. de Anima q. 6. voluit, intellectum agentem esse peculiarem quandam formam, substantialem: distinxit enim animam nostram in duplicem partem substantialem, scilicet intellectum passibilem & agentem: determinavitque, passibilem esse veluti materiam, & agentem veluti formam. Alij quidam voluerunt, intellectum agentem esse eandem ipsam substantiam animæ nostræ, abstrahentem

species intelligibiles pro suo intellectu. Alij plures volunt, esse realiter eandem ipsam potentiam intellectivam, quæ habeat utrumque munus, nempe abstrahere species intelligibiles, & elicere actum intellectus: sicque esse eundem realiter intellectum, passibilem & agentem. Ita Maior in 2. d. 16. q. 1. Abulens. in cap. 23. Exodi q. 70. Suarez lib. 4. de Anima cap. 8. Fortunius Licetus lib. 5. de intellectu agente cap. 20. & pluribus sequentibus, & alij ex Peripateticis: qui, inquam, intellectum agentem vocant in ordine ad species intelligibiles, & sic ex Arist. accipiunt. Sed alij præterea sunt, qui volunt, intellectum agentem apud Arist. esse realiter eundem ipsum intellectum passibilem, sumptum tamen prout elicit & efficit actum ipsum intellectus. Ita indicavit Philopon. 3. de Anima com. 17. & sequentibus. Ita etiam explicant Dandinus lib. 3. de Anima digress. 29. & Franciscus Piccolomineus lib. 1. de Humana mente, & alij ex ijs qui negarunt species intelligibiles. Guevara etiam ubi supra, reducens productionem specierum intelligibilium ad essentiam animæ, non mediante alia potentia. Similiter quidam veteres peripatetici apud Themist. 3. de Anima cap. 31. & apud Albert. par. 2. de Homine q. de Intell. agente, dixerunt intellectum agentem esse eundem intellectum passibilem, quatenus cognoscentem prima principia.

Asserendum tamen est, intellectum agentem esse potentiam & facultatem animæ nostræ, sicut sunt aliæ potentia: & fortasse etiam re ipsa ab intellectu patiente & cognoscente distinguui. Ita affirmant D. Thom. 1. par. q. 54. art. 1. ad 1. & q. 79. art. 7. & 10. Albert. magn. in ea q. de intellectu agente, Conimb. 3. de Anima cap. 5. q. 1. & alij frequenter. Patet mani-

Est verè potentia quadam anima.

mani-

manifestè, intellectum agentem non esse aliam substantiam siue substantialem formam ab ipsa anima quæ intelligit & cognoscit. Non enim requirebantur duæ distinctæ substantiæ, ad cognoscendum, & ad abstrahendas species. Nec poterant duæ distinctæ substantiæ in vna anima, siue duæ veluti animæ in vno homine copulari. Debet autem intellectus agens distingui ab essentia animæ, tanquam potentia quædam & facultas proxima de genere qualitatis: supposito inquam quòd simpliciter recipiatur distinctio potentiarum ab essentia animæ. Alioquin enim intelligentia non distinguente potentias ab essentia, non solum non debet, sed non poterit intellectus agens distingui. At, admissa distinctione aliarum potentiarum, debet eadem communi ratione distingui intellectus agens: quoniam anima non proximè per suam essentiam, sed potius mediante distincta quadam potentia dici debet exercere hanc operationem abstrahendi & producendi species intelligibiles: sicut dicitur sic elicere actum ipsum intellectus agens aliaque suas functiones perficere.

*Videtur
ab intellectu
cognoscente
distinctum
gum.*

Videtur quoque distingui intellectus agens à patiente & cognoscente, tanquam vna potentia ab alia. Ita videtur magis de mente Arist. Solet id probari: eo quòd non possit esse, idem principium, saltem proximè, tam agendi quam patiendi, respectu eiusdem effectus & formæ. Hæc tamen ratio, invalida prorsus est, & falsum assumit. Quinimò verè eadē ipsa intellectiva potentia sufficit & in se recipit eundem intellectus agens actum: & sic alia potentia vitales quæ in se intrinsecè operantur. Itaque ex hac parte optimè posset eadem simplex potentia efficere ac in se recipere species. Alia ergo sufficienti ratione potest hæc distinctio fundari:

quia valde diuersæ operationes sunt, cognoscere obiectum eliciendo actum intellectus agens, atque abstrahere & producere species intelligibiles: neque hæ duæ operationes vniuntur in quodam communi operationis genere, quod sit vni potentia adæquatam: igitur conuenienter pro ijs duæ potentia distinguuntur: sicut distinguuntur alia potentia pro diuersis operationibus. Accedit, quòd species intelligibilis additur intellectui tanquam comprincipium ad eliciendum actum cognitionis: vnde non videtur, quòd idem ipse intellectus agens producat aliud suum comprincipium, vt ambo simul deinde eliciant actum: sed conuenientius erit agnoscere aliam potentiam distinctam, cuius officium sit producere speciem intelligibilem: & sic intellectus agens ab intellectu cognoscente distinguetur. Multò minus potest explicari intellectus agens pro eodem intellectu cognoscente, quatenus elicit actum ipsum intellectus agens. Nam satis clarè Arist. assignauit intellectum agentem ad hoc vt antecederet reddat res intelligibiles ab intellectu cognoscente, vti que per abstractionem specierum: eumque propterea comparauit luminari, quia sicut lumen reddit colores proximè visibiles ab oculo, ita intellectus agens reddit res proximè intelligibiles ab intellectu cognoscenti. Rursus ea ratione, non minus daretur voluntas agens, & sensus agens, quam intellectus agens: sed certè intellectus agens vocatus & constitutus est tanquam peculiaris virtus speciali ratione requisita ad intelligendum. Et per quandam analogiam appellatus est intellectus, scilicet non quia intelligat, sed quia efficit species intelligibiles.

Neque verò contra hanc assertionem obstant, quæ copiosè congerit Licetus libro 2. de Intell. agente cap.

26. & lib. 5. per plura capita, ad probandum, in doctrina Aristotelis non distingui intellectum agentem à cognoscente. Nam quædam generaliter faciunt contra distinctionem potentiarum ab essentia animæ: ad quæ iam suo loco satisfacimus: & modò supponimus illam distinctionem. Alia quæ sunt propria de intellectu agente, ostendunt quidem, apud Arist. eandem realiter esse substantiam, eandem animam, quæ habeat vim intellectus agentis, & intellectus cognoscentis: sed nequaquam tollunt distinctionem harum potentiarum in eadem anima.

Vnica est eius operatio, efficere species intelligibiles.

Iam circa officium & operationem intellectus agentis, plures quoque & variæ functiones illi fuerunt à Philosophis attributæ. Vsq; ad viginti quatuor recenset & examinat Licetus lib. 2. Verùm ex parte fundantur in ijs opinionibus quæ intellectum agentem faciebant substantiam separatam. Et ex alia quoque parte supponente, intellectum agentem esse facultatem internam animæ, inutiliter excogitatæ sunt plures & variæ functiones, quæ nec sufficiens fundamentum habent, nec veræ sunt, & ex dictis perspicuè refelluntur.

Vnica ergo & simplex est operatio intellectus agentis, nempe producere species intelligibiles requisitas ad cognoscendum. Nam certè hoc erat vnicum fundamentum quo constitui debuit intellectus agens. Hoc sufficit ad hoc ut intellectus rerum cognoscitivus, intelligere & cognoscere valeat res omnes. Nihilquè amplius ex parte intellectus agentis exquiri potest.

Per hoc dicitur facere res intelligibiles, &

Atque ad hanc operationem reduci prorsus debent quædam quæ ab Arist. indicantur: siue de hac operatione intelligi debent quidam loquendi modi qui ex Arist. colliguntur de officio intellectus agentis. Di-

citur enim facere res intelligibiles, sicut intellectus cognosceus dicitur facere actu intellectas: Facit autem res intelligibiles, non utique operando quicquam in ipsis rebus, sed solum efficiendo species impressas quibus res intelligantur. Dicitur illustrare phantasmata: & Arist. comparat intellectum agentem lumini. Sed Arist. sanè potius loquutus est in ordine ad obiectum, quasi intellectus agens illustret obiectum: & hoc in idem recidit quod dicebatur facere res intelligibiles: At in ordine etiam ad phantasmata, ita id verificatur: quia sicut colores per se non sufficiunt transmittere species visibiles ad oculum, quas postea simul cū lumine transmittunt; ita phantasmata per se non sufficiunt refundere species intelligibiles in intellectum, sed simul cum intellectu agente refundunt.

Dicitur quoque intellectus agens abstrahere & eleuare species, & à materia denudare: item abstrahere ipsas res à materia, ut sic eas faciat proportionatas intellectui cognoscenti qui est potentia spiritualis. Hoc Thomistæ explicant, quia volunt intellectum agentem abstrahere species & res à materia singulari & conditionibus indiuiduantibus. Sed tamen id non est necessarium, nec utile. Sensus ergo solum est: quia intellectus agens efficit species verè immateriales & spirituales, sicquè abstrahit, eleuat, ac denudat species à materia. Et per hoc ipsum dicitur abstrahere res ipsas à materia, hoc est species representatiuas rerum, substitutas loco rerum, & gerentes vicem rerum. Itaque non abstrahit res quatenus se habent in ratione, obiecti terminatiui: quinimo verè cognoscuntur à nobis res materiales quatenus materiales & singulares, & optimè possunt terminare actum cognitionis quantumuis excellæ & spi-

illustrare phantasmata.

Dicitur abstrahere species & res à materia

ritualis, sed dumtaxat abstrahit res quatenus se habent in ratione principij effectiui respectu cognitionis. Res enim materialis non potest efficere actum spirituale, quamvis possit terminare: ideoque ad supplendum defectum ipsarum rerum efficiuntur species spirituales, & sic res in suis speciebus abstrahuntur penitus à materia: non solum inquam à materia singulari, sed simpliciter à materia: idest efficiuntur species prorsus immateriales & spirituales.

Quonā modo efficiat species intelligibiles. Vtteriùs, circa modum quo intellectus agens efficiat species intelligibiles, variae adhuc sententiae extant: quia nimirum intellectus agens, non utique se solo, sed omnino simul cum speciebus sensibilibus sensu phantasmatis, hanc suam functionem exequitur: hinc ergo dubitatur, quonam modo intellectus agens simul cum phantasmatis operetur. Refert Durandus in 2. d. 3. par. 2. q. 5., intellectum agentem directè operari in ipsa phantasmata, vel imprimendo aliquid, vel detrahendo. Quidam verò dixerunt, intellectum agentem esse causam totalem & proximam effectiuam specierum, cum praesentia tamen & assistentia phantasmatis in sensu interno. Alij voluerunt, sola phantasmata esse causam proximam effectiuam specierum, esse tamen causam instrumentalem, & sic intellectum agentem esse causam remotam principalem.

Efficat utraque causa partialis simul cum phantasmatis. Communior & verior sententia est, intellectum agentem simul cum phantasmatis, tanquam duas concausas partiales, proximè & adaequatè efficere species intelligibiles. Hoc planè consonat cum eo modo quo diximus, ad actum ipsum cognitionis simul ita concurrere potentiam vitalem & speciem intentionalem: & pariter suadet: quia in specie intelligibili duplex formaliter ratio

consideranda est: est enim in sua natura spiritualis, & est in representando similitudo impressa obiecti: penes priorem rationem est proportionata intellectui agentis tanquam potentiae spirituali: penes alteram rationem est proportionata phantasmati representanti obiectum. Itaque nec solus intellectus agens, nec solum phantasma, est causa sufficiens ad producendum talem formam, sed ambae simul esse debent concausae partiales integrantes causam totalem & adaequatam: & ambae immediatè concurrent, ac singulae pro sua ratione dicuntur causae principales, prout inveniunt in effectui rationem sibi correspondentem & proportionatam. Neque intellectus agens debet aut potest quicquam influere in ipsa phantasmata. Neque potest per solam assistentiam phantasmatis producere species intelligibiles: sed verè debent ipsa quoque phantasmata directè concurrere. Neque intellectus agens debet solum remotè tanquam causa principalis mediante phantasmate denominari agere: sed debet per se immediatè efficere speciem intelligibilem. Neque phantasma dici debet se habere tanquam instrumentum intellectus agentis: sed, quatenus inuenit in effectui rationem sibi proportionatam, dicetur pariter pro sua parte causa principalis, siue instrumentum obiecti in suo gradu principaliter se habentis.

Dum verò dicuntur phantasmata Phantasma cooperari cum intellectu agente, si ut dicantur species sensibiles, videntur potius accipi pro actibus sensus interni, qui etiam vocantur phantasmata & species expressae. Nam hi actus propinqui accedunt ad intellectum, quam species impressae ex quibus depromuntur, & sunt ultima seu suprema forma & perfectio in genere sensitivo. Sic etiam circa species impressas sensus interni di-

cebamus, eas proximè effici potius ab actibus sensuum externorū, quàm ab alijs eorum speciebus impressis. Neque apud nos locum habet alia, controuersia, num ex omnibus sensibus internis, vel tantum ex certo aliquo, desumantur species pro intellectu. Supponimus enim, vnicum esse sensum internum. At benè ex omnibus actibus eius, tum circa obiectum præsens, tum circa absens, tum circa obiectum non sensatum ad extrā, tum circa præteritum, prout nominabantur sensus interni, verè ac realiter species intelligibiles desumuntur. Ad eosquè omnes actus, phantasmatum nomen extenditur: sicut & vno phantasia nomine solet sensus internus adæquatè & simpliciter nuncupari.

*Solus
intellectus
agens
efficit
species
intelligibiles.*

Dum denique dicitur intellectus agens efficere species intelligibiles, debet id ita propriè & adæquatè illi attribui, vt non etiam intellectus qui dicitur patiens, & qui actum cognitionis exercet, efficiat vllas species intelligibiles. Non enim confundi debent operationes & vires potentialium distinctarum. Si ergo intellectus agens & patiens supponuntur esse distinctæ potentie, aut etiam si eadem realiter potentia dicatur denominari intellectus agens quatenus efficit species, non poterit tribui intellectui patienti vlla productio talium specierum. Sicut & è conuerso non potest intellectui agenti adscribi vllus intellectus actus. Et sic se habent quæcumque aliæ distinctæ potentie. Itaque non rectè Cominibz, de Anima cap. 5. q. 5. art. 2. intellectui patienti tribuunt productionem specierum representantium rerum genera, & aliquando etiam naturas específicas infimas. Nec rectè quidam alij tribuunt productionem specierum representantium per se res substantiales, aut quarumcumque aliarum specierum quas di-

cunt de nouo acquiri ex actibus ipsis intellectus, præter priores species antea ex phantasmatibus acquisite. Quinimò, vel non amplius dantur nec acquiruntur tales aliæ distinctæ species: vt nos dicebamus. Vel etiam si darentur, dici adhuc deberent effici virtute intellectus agentis, habentis talem vim, vt pariter ex actibus intellectus eliceret alias species pro alijs sequentibus actibus intellectus.

SECTIO SEPTIMA.

De Voluntate.

IN primis ij qui supra secl. 2. videbantur non distinguere intellectum à sensu & imaginatione, consequenter hic non agnoscerent voluntatem ab appetitu sensitivo distinctam. Certum tamen prorsus est, tum ex doctrina nostræ Fidei, tum ex Philosophia, dari in anima nostra rationali voluntatem ab appetitu sensitivo distinctam. Habetur apertè ex sacra Scriptura. Genes. 4. *Subterit appetitus tuus, & tu dominaberis illius*: idest appetitus noster sensitivus subditur nobis ratione voluntatis, & per voluntatem illi dominamur. Item Ecclesiast. 18. *Post concupiscentias tuas ne eas*: idest ne voluntate consentias inordinatis affectibus appetitus sensitivi. Rursus, Matt. 26. *Spiritus quidem promptus est, caro autem infirma*: & ad Galat. 5. *Caro concupiscit aduersus spiritum, spiritus autem aduersus carnem, hac enim inuicem aduersantur*. Planè enim nomine spiritus & carnis denotantur voluntas & appetitus sensitivus, cum quadam discordia inter se in eodem homine. Et similiter ad Rom. 7. *Videam aliam legem in membris meis, repugnantem legi mentis mee*. Et passim apud sacros Doctores.

res hæc distinctio ac repugnantia inter voluntatem & appetitum sensitivum supponitur.

Saus etiam patet ab experientia, qua quisque in se huiusmodi veluti pugnam observat: dum ex vna parte percipit in se desiderium aliumve affectum circa obiectum aliquod sensibile; ex alia parte renuit & abhorret idem ipsum obiectum, illumque desiderij affectum reprimere studet, nec illi acquiescit. Ratione quoque idem ostenditur ex spiritualitate & immortalitate animæ, ac ex distinctione supposita intellectus à sensu. Anima enim, dum est spiritualis, & immortalis, atque intellectiva; debet omnino habere appetitum spirituales, qui in separationis statu permanent, correspondentem intellectui: atque adeo prorsus distinctum ab appetitu sensitivo, qui est corporeus, in anima separata non permanens, consequens sensum. Sicut itaque Intelligentiæ habent cum intellectu voluntatem purè spirituales: ita omnino anima nostra rationalis, habet simul cum intellectu voluntatem, præter sensum & appetitum sensitivum.

Distin- Hæc autem omnia, perspicue quidem demonstrant distinctos actus
guirur voluntatis & appetitus sensitivi, sed
tamquo. putandum quoque est, potentias ipsas esse distinctas, tum ab essentia
ad potē. animæ, tum inter se, iuxta doctrinam
tiā quā generalem de distinctione potentiarum antea traditam. Potentia
quoad voluntatis est verè activa & elicitiva
actus. suorum actuum, simulque est eorum receptiva: sic enim in se ipsa intrinsecè operatur. Estque vna simplex potentia, absque reali distinctione virtutis concupiscibilis & irascibilis: ut à fortiori patet ex dictis antea de appetitu sensitivo. Actus voluntatis dici debent de genere qualitatis: non enim sunt actio quædam alterius termini productiva, nec ad ipsos actus requiri videtur alia distincta actio.

Sed ita de actibus voluntatis philosophandum ac sentiendum est, sicut sect. 4. de intellectus actibus pertractavimus. Varij sunt autem voluntatis actus, Et quidam inter se contrarij. Duoque præsertim sunt capita generalia; prosequutio & fuga: sub quibus rursus plures species distinguuntur. Omnisque tandem illa varietas actuum quæ in appetitu sensitivo inveniatur, invenitur quoque in voluntate.

Secundò ulterius. Voluntatis obiectum amplè patet in tota latitudine entis, sicut & obiectum intellectus: siue inquam in rebus sensibilibus, siue insensibilibus: siue in rebus corporeis, siue spiritualibus: siue in rebus sumptis in vniuersali, siue in singulari. Quod totum satis perspicuum est & exploratum. Sed præsertim formale: voluntatis obiectum in omnibus rebus communiter assignatur bonum quatenus bonum. Idque intelligitur quoad actum amoris & prosequutionis, ita ut voluntas nō amet & prosequatur nisi bonum. Consequenter obiectum voluntatis quoad actum odij & fugæ erit malum, quatenus malum, ita ut voluntas non detestetur & fugiat nisi malum. At, quia ideo detestamur malum eo quòd amplectimur & amamus bonum: propterea inquam absolute loquendo obiectum voluntatis assignatur bonum.

Scotus tamen in 1. d. 1. q. 4. dubitavit, & Ocham. in 3. q. 13. dub. 3. affirmavit, voluntatem posse etiam amare malum & odire bonum: quia interdum ita reipsa videtur contingere. Sed rectè alij communiter norant, voluntatem non amare malum nisi quatenus stat sub aliqua ratione boni: eo quòd illud quod est vna ratione malum, potest esse alia ratione bonum, & formaliter amabitur quatenus offeratur ut bonum. Similiter non odire bonum, nisi quatenus

*Habet
pro obic-
to bo-
num.*

nus flet sub aliqua ratione mali retrahentis voluntatem. Et hoc ipsum patet ab experientia. Satis autem est, si bonum aut malum repræsentetur voluntati per intellectum, etiam si reuera non sit tale. Voluntas enim ducitur ab intellectu in id quod ab eo sibi proponitur. Itaque bonum, siue reale, siue apparens, est obiectum amoris: & malum, siue reale, siue apparens, est obiectum odij.

Mouet alias potentias ad operandum. Tertiò. Voluntas habet vim mouendi alias quoque hominis potentias ad operandum. Dum enim volumus ambulare, aut loqui, aut aliud quippiam agere, consequenter ex imperio voluntatis tales actus exercemus. Et ipse quidem actus volendi, est actus proprius internus & elicitus voluntatis: alij autem actus qui ex vi illius exercentur, dicuntur actus externi & imperati voluntatis. Hanc autem voluntatis vim, ratione & exemplis explicat D. Thomas 1. par. q. 82. art. 4. *In omnibus potentijs actiuis ordinatis, illa potentia quæ respicit finem vniuersalẽ, mouet potentias quæ respiciunt fines particulares. Et hoc apparet tam in naturalibus, quàm in politicis. Calum enim quod agit ad vniuersalem conseruationem generabilium & corruptibilium, mouet omnia inferiora corpora, quorum vnumquodque agit ad cõseruationem propriae speciei, vel etiam individui. Rex etiam, quia intendit bonum commune totius regni, mouet per suum imperium singulos Præpositos ciuitatũ, qui singulis ciuitatibus curam regiminis impendunt. Obiectum autem voluntatis est bonum & finis in communi: qualibet autem potentia comparatur ad aliquod bonum proprium sibi conueniens, sicut visus ad perceptionem coloris, intellectus ad cognitionem veri. Et ideo voluntas per modum agentis mouet omnes animæ potentias ad suos actus. Excipit autem D. Thomas vires & operatio-*

nes naturales partis vegetatiuæ. Sed hæc etiam saltem per accidens & remotè subduntur motioni voluntatis, vt mox explicabimus.

Diuerso ergo modo voluntas habet vim mouendi varias hominis potentias. Quasdam enim mouet per se & proximè, quasdam per accidens & remotè. Per se & proximè imperat potètiæ loco motiuæ, illi inquam potètiæ quæ voluntarios motus exercet, qualis est potentia progressiua, & membrorum inflexiua: alioqui datur motus aliquis naturalis, vt pulmonis, cordis, & arteriarum, qui non sic subditur voluntati. Item per se & proximè imperat viribus internis, tum sensitiuis, tum etiam intellectus. Per accidens & remotè verò imperat sensibus externis, mediante scilicet virtute motiua & motu locali. Sic enim in facultate nostra est, aperire vel claudere oculos, non autem cernere aut non cernere apertis oculis: & sic in alijs singulis sensibus. Sic etiam aliquo pacto voluntas regere potest vires & operationes vegetatiuas: quatenus videlicet, in facultate nostra est assumere aut relinquere cibum, quo vegetatiua opera circa talem materiam exercentur.

Rursus, circa ipsas potentias & operationes quibus voluntas immediate imperat, duplici adhuc diuerso modo se habet. Quod exemplo humani principatus ac dominiij, sic optimè ex Arist. explicat D. Thomas 1. par. q. 81. art. 3. ad 2. *Est in homine contemplari & despoticum principatum & politicum. Anima quidem corpori dominatur despotico principatu, ratio autem appetitus politico & regali. Dicitur despoticus principatus, quo aliquis dominatur seruis, qui non habent facultatem in aliquo resistendi imperio præcipientis, quia nihil sui habent. Principatus autem politicus & regalis dicitur,*

Vel immediate vel mediate.

Vel despotice vel politice.

tur, quo aliquis principatur liberis, qui eisi subdatur regimini præsidentis, tamen habent aliquid proprium ex quo possunt veniti præcipientis imperio. Sic igitur anima dominatur corpori despotico principatu, quia corporis membra in nullo resistere possunt imperio anime, sed statim ad appetitum anime movetur manus, & pes, & quodlibet membrum quod natum est moveri voluntario motu. Ratio autem dicitur principari irascibili & concupiscibili politico principatu, quia appetitus sensibilis habet aliquid proprium, unde potest veniti imperio rationis.

Depen- Quartò. Voluntas in omni suo
det ab actu dependet ex cognitione prævia
intelle- intellectus: nihil enim volitum quin
ctu. præcognitum: & ideo voluntas dicitur potentia cæca, quæ scilicet duci ac regi debet ab intellectu. Non oportet autem, ut intellectus præcogitet actum ipsum qui debet elici à voluntate, sed ut cognoscat & proponat obiectum in quod suo actu elicitò debet ferri voluntas. Vnde, quia omnes actus imperati à voluntate determinantur per actum eius elicitum, & sunt verè obiectum volitum: ideo actus quidem qui debeat imperari à voluntate, debent esse, præcogniti ab intellectu. Est verò adeo necessaria prævia cognitio intellectus ad omnem actum voluntatis, ut ne de potentia quidem absoluta fieri posse videatur, ut voluntas feratur in obiectum aliquod non cognitum, non cogitatum: sicut antea diximus, fieri non posse actum ultimum huius generis vitalem absque actu influxu suæ potentie vitalis: ita inquam actus voluntatis elici non potest nisi ex prævia cogitatione intellectus.

Neque verò hæc prævia cogitatio dici debet per se ac directè agere & influere in ipsum actum voluntatis: non enim id apparet necessarium.

Sed requiritur tanquam necessaria, quædam conditio, siue ratio volendi. Et ex parte quidem voluntatis, se habet tanquam conditio in genere causæ actiue: ex parte autem obiecti se habet tanquam conditio in genere causæ finalis, in quantum obiectum est causa finalis respectu voluntatis: & hac ratione D. Thomas 1. par. q. 82. art. 4. ait, intellectum mouere voluntatem per modum finis, idest proponendo obiectum, quod habet causalitatem finis.

Iuxta hæc, debet intellectus per suam præuiam cogitationem proponere voluntati obiectum tanquam bonum, ad hoc ut voluntas illud prosequatur & amplectatur; & tanquam malum, ad hoc ut voluntas illud detestetur & fugiat. Siquidem diximus, obiectum voluntatis in prosecutione esse bonum, in fuga esse malum: bonum inquam & malum, ei propositum ab intellectu. Non sufficiet autem sola simplex apprehensio intellectus de bonitate aut malitia obiecti, sed requiritur determinatum iudicium, quo intellectus affirmet obiectum esse bonum aut malum. Nam cum sola simplici apprehensione bonitatis in obiecto posset stare tam negatio quam affirmatio: sed, si intellectus neget obiectum esse bonum, iudicet non esse bonum, utique non mouebitur voluntas ad amandum tale obiectum: requiritur ergo determinatum iudiciū quo intellectus affirmet esse bonum, ad hoc ut voluntas illud prosequatur amore: Et ita planè habetur ex Arist. 2. de Anima tex. 154. & lib. 3. tex. 30.

Ad aliquos verò voluntatis actus sufficit iudicium speculatiuum, ad aliquos requiritur iudicium practicum. Nempe, ut voluntas amet obiectum aliquod non operabile, videlicet gaudendo de bono alicuius, sufficit iudicium speculatiuum de bono

talis obiecti. Neque enim ex hoc præcisè quod intellectiua cognitio moueat voluntatem ad amorem, dicetur practica, sed non est cognitio practica nisi vertetur circa obiectum ipsum operabile. Vt autem voluntas amet & amplectatur obiectum, aliquod operabile, idest velit ac determinet quicquam operari, ad hoc sanè requiritur iudicium practicum, quo nempe intellectus proponat, conueniens ac bonum esse sic operari, esse sic operandum: hæc enim cognitio est propriè practica, directiua & effectiua operis quod habet pro suo obiecto. Itaque, quando actus elicitæ voluntatis ita in se ac circa suum obiectum sistant, vt non per se imperent alios actus exercendos, tunc præuium iudicium intellectus est speculatiuum. Quando verò actus elicitæ voluntatis imperant alios actus exercendos, habentquæ pro suo obiecto actus imperatos, tunc præuium iudiciū intellectus est practicum, vtpotè attingens idem obiectum operabile, & proponens voluntati quatenus operabile.

Est in operando libera.

Quintò præterea. Notabile admodum est, quod voluntas in operando est indifferens & libera, idest potest operari aut non operari, velle aut nolle, operari & velle hoc aut illud. In qua libertate singulariter excellit omnibus alijs cautis & potentijs naturalibus. Hæc libertas nostræ voluntatis est nota & certa secundum fidem, ex quamplurimis sacrae Scripturae locis, Eccl. 15. *Deus ab initio constituit hominem, & reliquit eum in manu consilij sui,* & alibi passim: itemquæ ex pluribus Conciliorum decretis ac definitionibus Ecclesiae, ex doctrina Sanctorum & estimatione fidei. Est etiam nota & certa secundum rationem. Ita agnouit Arist. 9. Metaph., 3. Ethic., & alibi: item Plato in Gorgia, & lib. 10. de Repub., alij.

quæ Philosophi: inter quos Cicero negare maluit Deo præscientiam, quam homini libertatem; & vt homines faceret in se liberos, fecit in Deum Sacrilegos.

Patet nobis nostra libertas ab experientia. In nostris enim actibus obseruamus, in potestate nostra situm esse operari aut non operari, velle aut nolle, operari & velle hoc aut illud. Patet ratione à priori: quia per intellectum cognoscimus bonum & malum, cognoscimus & comparamus inter se plura, cognoscimus in eodem ipso obiecto aliquam rationem boni & aliquam mali: hinc ergo voluntas est indifferens ac libera inter plura ad eligendum vnum vel aliud, est libera ad volendum aut nolendum idem obiectum, ad prosequendum aut iugiendum, ad exercendum aut omit-tendum actum. Patet item experientia & ratione morali. Exhortationes enim, preces, & iussiones, planè supponunt atque demonstrant, homines esse liberos, quiquæ proinde his medijs solent induci & inclinari ad certam electionem. Supplicia, quoque et præmia, quæ pro iniquis aut rectis operationibus decernuntur ac retribuuntur planè supponunt atque demonstrant homines esse liberos, qui propterea verè digni sunt poena aut præmio, iuxta illud Eccles. 31. *Beatus qui potuit transgredi & non est transgressus, facere mala & non fecit, ideo stabilita sunt bona illius in Domino.*

Postremò. Comparando voluntatem cum intellectu ordine dignitatis et perfectionis, dubium est, num voluntas sit perfectior intellectu, vel intellectus voluntate. Scotus in 4. d. 49. q. 4. determinat, voluntatem esse simpliciter perfectiorem intellectu. Idquæ Scotistæ defendunt. Et idem affirmant Alens. 3. par. q. 80. memb. 1. Henr. Quodl. 1. q. 14. Albert. in 1. d. 1. q. 14. Bonau. in 4. d. 49. et alij plu.

plures circa eundem locum. Ex aduerso D. Thomas 1. par. q. 32. art. 3. & 1.2. d. 3. art. 4. præfert intellectum voluntati. Defendunt Thomistæ ibidem, & sequuntur Durand. in 5. dist. 49. q. 4. & alij ead. d. item Paulus Venetus 3. de Anima circa tex. 58. Suarez lib. 5. de Anima cap. 9. Conimb. lib. 3. cap. 13. q. 2. alijquæ frequenter.

Pugnant pro vtraque parte suæ rationes. Pro parte voluntatis: Voluntas est libera: mouet alias omnes potentias, ipsæque imperat: habet pro objecto suo bonum absolutè & adæquatè sumptum perfectissimus actus & habitus esse videtur voluntatis, nempe actus & habitus Charitatis, quo Deum amamus; cuius oppositum est pessimum, nempe odium Dei: inter ordines Angelorum supremo ordini, nempe Seraïm, tribuitur excellentia amoris: & alia huiusmodi considerationes pro voluntate faciunt. Ex aduerso pro intellectu: Intellectus regit ac dirigit voluntatem, cum voluntas de se sit potentia cæca, ducique debeat lumine intellectus: et quoad modum operandi intellectus trahit res ad se, voluntas vero rapitur extra se, tendens in ipsas res: intellectus habet pro objecto verum, quod est magis abstractum quam bonum, abstrahit enim ab existentia: item perfectissimus esse videtur actus & habitus intellectus, nempe actus visionis Dei, & habitus luminis gloriæ, atque huius actus priuatio est summa miseria.

Propter has oppositas rationes, omnes quidem fatentur, intellectum & voluntatem ita inter se comparari, ut secundum varias considerationes voluntas præstet intellectui, & intellectus maturè voluntati. Sed tamen Scotus & qui cum eo sentiunt,

contendunt, voluntatem præcellere simpliciter, intellectum verò secundum quid. Ex aduerso D. Thomas & qui cum eo sentiunt, excellentiam simpliciter tribuunt intellectui secundum quid voluntati.

Verum, non satis apparet, quænam rationes dici debeant simpliciter præuallere, & quæ potius dicatur excellentia simpliciter, quæ potentia dici debeat simpliciter alteri præcellere. Atque in vniuersum, non apparet necessarium, ut ex quibuscunque rebus & speciebus vna debeat esse simpliciter excellentior alia, nec possint aliquæ aut secundum omnimodam paritatem, aut secundum mutuum excellentiam, inter se simpliciter cœquari: ita notauimus, q. 11. Logicæ lect. 5. ubi hoc ipsum exemplum intellectus & voluntatis adduximus. Itaque, sic dici poterunt intellectus & voluntas taliter secundum varias considerationes mutuo se excedere, ut simpliciter tanquam æquales debeant reputari. Atque ita D. August. lib. 10. de Trinit. cap. 11. affirmavit, memoriam, intellectum, & voluntatem, inter se esse æquales.

Ceterum, hæc breuiter hoc loco de voluntate attigimus. At plenius & prolixius in morali parte Theologiæ, in ordine ad moralem directionem, de voluntate tractatur. Vbi non solum ea quæ purè moralia sunt, sed etiam hæc quæ verè sunt naturalia simul considerantur, eo quod proximè ad moralem doctrinam accedunt & conferunt: sicut contingit in alijs practicis disciplinis. Hac ratione nos quoque de his & alijs ad voluntatem spectantibus in prima secunda sacre Theologiæ copiosius differemus.

QVAESTIO QVINQVAGESIMANONA.

De Statu separationis

Animæ rationalis.

EX immortalitate animæ rationalis antea constituta, & multiplicatione animarum in singulis hominibus, exclusa quoque transmigratione eiusdem animæ de vno ad aliud corpus, certum perspicuumque remanet, animam rationalem post mortem hominis permanere à corpore separatam. De hoc statu separationis distinctè modò agendum sequitur: quoniam quæ hæcenus pertractauimus, vel communia erant ad vtrumque statum animæ, tam coniunctionis quàm separationis, vel ad statum coniunctionis peculiaris.

SECTIO PRIMA.

Quo pacto in se existat anima separata.

An acquirat alium positium modum essendi.

DVbitatur primò, num anima in statu separationis acquirat novum aliquem modum essendi positivum, oppositum modo vnionis quo coniuncta existebat in corpore, vel solum ex stat separata per amissionem & carentiam vnionis quam habebat antea cum materia. Aliqui enim affirmant, animam separatam acquirere peculiarem modum essendi per se, modum scilicet substantiæ quem prius non habuerit in corpore, imò oppositum modo vnionis quem antea habebat. Opponuntur enim modus essendi per se et in alio: anima ergo coniuncta, est in alio, nempe in corpore: separata vero est per se, & hic est modus substantiæ. Rursus anima coniuncta, est communicata corpori: datur verò modus positivus substantiæ, reddens naturam sub ipso modo incommunicabilem: hunc ergo modum acqui-

ret anima separata. Præterea accidens quod à subiecto separatur, redditur per se existens quodam positivo modo, vt nunc supponimus: ergo similiter anima.

Item aliqui volunt, dum anima est vnita corpori, vnicam & simplicem esse substantiam totius compositi, cōmunem vtrique parti, eamque deleri in separatione partium ac dissolutione totius, aliamque de nouo resultare in anima separata, propriam ipsius animæ. Imò, quia per substantiam constituitur suppositum & persona, addit Caietanus 3. par. q. 6. art. 3., animam separatam esse semisuppositum, semipersonam, eo quod per se quidem terminatur & completur sua propria substantia, sed non est natura totalis. Addit quoque, animam tandem in statu resurrectionis remansuram semper cum tali suo modo substantiæ, quo adhuc sit semipersona.

Attamen, absolutè dicendum est, *Nō acquirat animam in statu separationis non requirere nec acquirere vllum alium novum modum positivum essendi, sed solum amittere modum positivum vnionis.*

nis quem coniuncta habebat in corpore. Probatur: quia anima nō debet acquirere nouum modum essendi per se independenter à subiecto, oppositum modo essendi in alio dependenter à subiecto. Nam etiam, dum anima erat in corpore, non dependebat in essendo à corpore: sed in hoc sensu semper ac necessario per se existit, siue in corpore, siue extra corpus: & hoc pacto per se existere, non est modus ullus distinctus à natura, sed est entitas ipsa substantialis naturæ. Nec anima, dum separatur, debet acquirere aliū peculiarem modum positium oppositum modo vnionis. Non enim apparet, qualis esset & ad quid deserviat talis modus. Sicut, si materia separaretur à forma, non per hoc acquireret modum ullum positium oppositum vnioni. Neque demum anima separata acquirit modum aliū subsistentiæ constitutum suppositi & personæ. Quia o, etiam dum est in corpore, habet suum subsistentiæ modum, distinctum ab alio modo partiali materiæ: ex utroque enim modo coalescit subsistentia completa & adæquata totius compositi: & ita iam circa materiam & formam statuimus q. 20. sect. 9. Vnde non magis est persona, siue semipersona, anima separata, quàm coniuncta. Sed sanè in neutro statu debet sic appellari: quia persona non dicitur nisi substantia completa atque totalis: & hæc significatio personæ, ac pariter suppositi, consistit in indiuisibili, nec dimidiatur, vnde non recipitur aliud illud nomen semipersonæ, semisuppositi. Eodē denique pacto se habet anima in statu resurrectionis ac in statu præsentis coniunctionis, & sic etiam in statu separationis, quoad suum modum essendi: & eundem illum modum quem habet separata, & habebit in resurrectione, iam habebat quoque in statu

primæ coniunctionis.

Ex his facile patet ad rationes pro parte aduersa indicatas. Modus essendi in alio per vnionem, & per se sine vnione, non opponuntur tanquam duo modi positui, sed tanquam modus posituius & priuatiuus: vnde ex hac parte separatio animæ est solum priuatio vnionis, non autem, alius modus posituius. Modus verò posituius subsistentiæ reddit naturam incommunicabilem alieno supposito: & hoc pacto anima est incommunicabilis, tam in corpore, quàm extra corpus: quia communicatur corpori tanquam forma materiæ, non autem communicatur alieno supposito. Accidens demum quod à subiecto separatur, indiget quodam nouo modo posituiuo, quia prius existebat in subiecto dependenter & in hæsiuē: debetquē postea hæc dependentia suppleri alio posituiuo modo essendi per se. At sic esse per se, inuincē conuenit ipsi animæ, tam in corpore, quàm extra corpus.

Dubitatur secundo, num status *An sta-* separationis sit violentus, vel connaturalis, vel indifferens & naturalis *tus separ-* ipsi animæ: an sit contra eius naturā, *rationis* sit naturā, vel iuxta naturā, vel præter naturam. *vel natur-* *alis,* Plato qui voluit, animas fuisse ante *vel vio-* corpora procreatas, et ad supplicium *lentus,* fuisse postea detrusas in corpora, *vel neu-* *tralis* supponebat, statum separationis esse *anima.* ita determinatē connaturalem animæ, ut status coniunctionis esset ei violentus. Auicenna etiam 9. Metaph. cap. 1., quamuis supponat, animam ab initio infundi corpori; adhuc vult, proprium eius statum connaturalem esse statum separationis: atquē statum coniunctionis conuenire animæ tanquam ordinatum ad alium dictum statum; sicut in ipso homine status pueritiæ est per se imperfectus, ordinatus ad solidiorem & perfectiorem statum. In d. Seneca epist. 102. comparat statum con-

iunctionis ad statum separationis, sicut statum quo manet fetus in utero ad statum hominis nati suamque vitam in aperto aere traduentis. Rursus Scotus in 4. d. 46. q. 2. affirmat, utrumque statum quidem esse anime connaturalem, sed magis statum separationis quam coniunctionis. Fundamentum pro statu separationis est: quia anima separata ponitur liberiori & expeditiori intelligendi modo independentem à phantasmatibus, accedens magis ad modum intellectus angelici: unde hic status erit ei simpliciter connaturalis, aut saltem minus quam status coniunctionis. Et præterea, iuxta naturalem ordinem, quo non contingeret resurrectio, anima maneret in perpetuum separata, cum modico tantum tempore fuisset coniuncta: unde etiam status separationis dici debet magis illi connaturalis.

Ex aduerso D. Thomas 1. par. q. 118. art. 3. & 4. cont. Gent. cap. 79., supponens statum coniunctionis esse simpliciter connaturalem anime, docet statum separationis esse contra naturam anime. Et ita Ferrar. 2. cont. Gent. cap. 83. defendit, statum separationis esse violentum anime. Quidam alij volunt, statum separationis, nec esse naturalem nec violentum anime, nec iuxta nec contra eius naturam: sed esse indifferentem, esse præter naturam. Ita explicant Conimbricenses de Anima separ. disp. 2. art. 2., & in eundem sensum trahunt modum loquendi D. Thomæ. Addit Hurtad. disp. 18. de Anima sect. 3., nec esse præter naturalem, nec supernaturalem. Alij demum volunt, utrumque statum esse connaturalem anime, sed magis ei connaturalem esse statum coniunctionis, atque adeo minus illi consentaneum esse statum separationis. Sic affirmat Suarez lib. 6. de Anima cap. 9. Commune autem fundamentum

contra statum separationis est: quia cum anima sit vera forma, status naturalis formæ est ut sit unita materiæ, non verò ut maneat separata.

Sed pro resolutione distingui potest, considerando animam secundum varias rationes, & explicando acceptionem status naturalis, aut violenti, aut indifferentis. Sic enim videtur, status separationis quadam ratione dici posse naturalis, quadam violentus, quadam indifferentis. Considerari namque debet anima, una ratione quatenus ex natura sua independentem à materia et apta per se existere. Hoc pacto status separationis est utique naturalis anime: cum nempe ex natura sua, & per virtutem suam, atque consueto ordine naturæ, anima existat à corpore separata. Et in hoc planè differt à quacunque forma corruptibili, quæ non ex natura sua, sed per superiorem Dei potentiam potest à materia separari. Inò quatenus anima naturaliter adeò diutius existeret separata quam coniuncta, & rursus quatenus in statu separationis est magis expedita ad intelligendum, ut sic dici etiam potest hic status magis ei naturalis, idest magis idoneus ad exercendam naturalem suam virtutem intelligendi, quam status coniunctionis.

Considerari alia ratione debet anima, quatenus vera forma corporis, apta constituere compositum, quatenus in se est quædam substantia incompleta, & sic ordinata tanquam pars ad constituendam substantiam completam totalem, item quatenus principium sentiendi ac vegetandi. Hoc pacto status separationis est ei quodammodo violentus, & contra inclinationem ac propensionem eius. Nam forma exigit esse unita materiæ, & constituere compositum, pars incompleta exigit consortium alterius partis & complementum totius, forma sensitiva ac vegetativa exigit

*Quadā
ratione
est natu-
ralis.*

*Quadā
violenta
est.*

facultates & organa sentiendi ac vegetandi. Igitur contra hanc naturalem exigentiam animæ contingit, ut à corpore separetur: & hac ratione status separationis se habet tanquam violentus ad animam. Nec rectè Coniimb. assumunt, violentum esse tantum contra virtutem & inclinationem actiuam naturæ: unde inferunt, separationem non esse violentam animæ, quia anima non habet virtutem & influentiam actiuam ad vnionem sui cum corpore. Non rectè, inquam, quia potius violentum est vniuersaliter contra quamcumque inclinationem, ut iam statimus q. 9. sect. 8. Status ergo separationis erit violentus contra inclinationem formalem animæ. Et præterea, licet anima non exerceat influxum actiuum ad vnionem, vtique exercet ad sentiendum ac vegetandum.

Quadā Considerari demum potest anima simpliciter & absolute quatenus substantia quædam intellectiua. Et hoc modo se habet indifferenter tam ad statum separationis quam coniunctionis: quia in utroque apta est intelligere, ac reuera intelligit: neque secundum eam præcisè rationem vnum aut alium statum sibi determinat. In hoc ergo sensu status separationis est ei indifferens: id est neque contra eius naturam, quasi impediens exercitium intelligendi: neque debitus naturæ, quasi necessarius ad intelligendum.

Ex his demum omnibus, absolute loquendo, meritò dicetur magis conaturalis animæ status coniunctionis quam separationis. Quia nimirum in statu coniunctionis, anima exercet officium informandi, item officium operandi secundum omnes virtutes & facultates suas, & adhuc in corpore potitur modo per se existendi independeret à materia, dum reuera non sustentatur in materia. Ex his quoque patet manifestè ad

fundamenta vtriusque oppositæ sententiæ: distinguendo nempe eas considerationes in anima, & sic varias denominationes admittendo.

Dubitatur rursus tertio, num anima separata naturaliter appetat vnionem ad corpus, appetitu scilicet innato: quia alioqui appetitu elicitō, vel ex libertate voluntatis, vel ex commodis aut incommodis cognitōis & apprehensis in coniunctione ad corpus, facile fieri potest, ut anima desideret vel abhorreat vnionem ad corpus: quod totum per accidens se habebit. Si qui putarunt, statum separationis esse simpliciter naturalem & conuenientem animæ, statum verò coniunctionis esse ei violentum, consequenter existimarunt, animam potius coniunctam appetere separationem, quam separatam appetere coniunctionem. Scotus item absolute negauit, animam separatam appetere coniunctionem ad corpus. Tum quia non ipsa anima perficitur in corpore, sed perficit quidem corpus: unde de facto non vnitur propter bonum suum, sed propter bonum corporis. Tum etiam, post separationem animæ, non est amplius possibilis naturaliter reductio eiusdem animæ ad corpus, & resurrectio non est opus naturale, sed supernaturale: igitur non appetit naturaliter anima reunionem ad corpus.

Alij tamen magis communiter docent, animam separatam appetere naturaliter appetitu innato coniunctionem ad corpus. Et sic notauit D. Thomas 1. par. q. 76. art. 1. ad 6. *Sicut corpus leue, cum fuerit à loco proprio separatum, manet cum aptitudine & inclinatione ad proprium locum, ita anima humana manet in suo esse, cum fuerit à corpore separata, habens aptitudinem & inclinationem naturalem ad corporis unionem.* Idè satis apertè indicant D. August. lib. 12. de Genesi ad litter. cap. 35.

Di-

*Verè ap-
petis ap-
petitum
innato.*

Dicendum ergo est, iuxta distinctionem antea traditam, animā quatenus est essentialiter forma & substantia partialis, verè appetere appetitu innato unionem ad corpus. Appetitus enim innatus, nō est aliud quā aptitudo & inclinatio naturæ ad suam perfectionem, siue ad statum sibi consentaneum: sed sine dubio perfectio & status consentaneus substantiæ partialis est, vñiri cum alia parte, & constituere totum: perfectio & status consentaneus forme est, actuare materiam, ac specialiter animæ viuificare corpus: igitur anima separata verè habet appetitum naturalem innatum ad unionem cū corpore. Et hinc patet ad rationes aduersas. Nam ipsa quoque anima perficitur in corpore: quia perfectio partis est componere totum, & perfectio formæ est actuare materiam: itaque eadem ipsa vnio qua anima perficit corpus, est quoque in suo gradu perfectio animæ: & ita iam diximus suo loco generaliter de vnione inter formam & materiam. Quare, anima de facto vnitur corpori, non solum propter bonum corporis, sed etiam propter bonum ipsiusmet animæ. Imò Arist. 2. Phys. 23. adnotauit, materiam esse propter formam, non formam propter materiam. Denique, licet reuñio eiusdem animæ ad corpus non sit possibilis per causas naturales, tamen secundum substantiam suam est verè naturalis, estquē eiusdem rationis cum prima vnione: vnde resurrectio est opus supernaturale quoad modū, non quoad substantiam. Et sic benè datur in anima separata appetitus naturalis ad unionem. Sicut vñique in cæco remanet adhuc appetitus naturalis ad videndum, licet nō possit amplius per vires naturæ recuperare visum.

SECTIO SECVNDA.

De Loco & motu locali Anima separata.

Spectat hoc ad modum existendi animæ separata, ideo proximè de loco & motu eius inquirimus. Sic D. Thomas 1. parte tractans de Angelis, statim post eorum substantiam, locum & motum considerauit.

Dubitatur primò, an & quo pacto anima separata sit in loco. Hoc dubium est commune ad alias quoque substantias separatas, nempe ad Angelos. Itaque, si qui negarunt Angelos esse in loco, & illi qui voluerunt esse in loco per operationem, pariter de anima separata putare debuerunt. At reuera, tam anima separata, quā omnis alia huiusmodi spiritalis substantia, necessariò debet esse in loco, & debet esse per veram præsentiam suæ substantiæ, etiam secluta quauis operatione. Est autem in loco indiuisibiliter & incircumscriptè, scilicet tota in toto, & tota in qualibet parte loci. Hæc assertio exactè ostendetur circa Angelos in suo tractatu. Nunc suadetur facilè de anima: quia sine dubio quicquid realiter existit, debet alicubi existere, sicut & in aliquo tempore existere: debet ergo esse in aliquo loco. In qua re ample sumimus locum pro spatio. Alioqui sumendo locum, physicè pro superficie corporis continentis: sic substantiæ spirituales non sunt in loco, quasi claudantur et ambiantur tali superficie, excludendo corpus intermedium. Sumendo verò locum absolutè pro corpore: sic non est quidem simpliciter necessarium vt sint in loco, quia benè possunt esse in spatio merè inani absque omni corpore: attamen de facto,

*Anima
separa-
ta neces-
sariò es-
se debet
in loco.*

Et, cum extet mundus corporeus, verè tam animæ separatæ, quàm aliæ substantiæ spirituales, inveniuntur in aliquo loco corporeo, idest in aliqua parte huius vniuersi, coexistentes in eodem spatio simul cum aliquo corpore.

Rursus, anima separata debet esse in loco per veram præsentiam suæ substantiæ, idest ipsa spiritualis substantia animæ debet esse alicubi præsens, quæ præsentia dicitur Vbi. Est inquam præsens, etiam seclusa quavis operatione: quia etsi nihil penitus operetur, adhuc debet secundùm suam substantiam esse præsens loco seu spatio. Omnis autem substantia spiritualis non potest esse in loco circumscriptiuè per partes extra partes, sed debet esse indiuisibiliter, quamuis sit in loco diuisibili, tota, scilicet in qualibet parte & puncto loci, debebitq; certum ac definitum spatium occupare, quod quidem excedere nequeat, sed benè intra illud se contrahere possit, etiam vsque ad indiuisibile punctum si detur. Quæ omnia vberius constant ex dictis q. 27. in communi de loco, & constabunt ex dicendis in sua tractatione de Angelis.

Est tamen ab intrinseco indifferens ad omnia loca.

Si autem quærat locus determinatus, in quo veluti habitare debeant animæ separatæ: sanè non est ex natura rei illis determinatus ullus certus locus: quia nimirum, cum non sint tunc affixæ corporibus, non sibi determinant ullum potius quàm aliud locum corporeum, imò nec absolute locum corporeum: Itaque indifferenter esse possent in quolibet loco. Attamen de facto ex doctrina nostræ fidei notum nobis est, animas beatas possidere pro suo habitaculo Cælum, damnatas Infernum, eas quæ purgantur alium locum designatum à Deo sub nomine Purgatorij, & animas Sanctorum Patrum ante aduentum Christi habuisse alium suum

locum vocatum Limbum. Sed quia hoc totum, sic dispositum de facto est ex supernaturali ordinatione Dei, stante eleuatione hominis ad finem & statum supernaturalem: addendum est, quod seclusa hac ordinatione, saltem ad naturalem Dei prouidentiam spectasset deputare loca conuenientia animabus, iuxta earum conditionem & statum.

Dubitatur secundò, num anima separata possit moueri localiter transendo de loco ad locum. Videtur enim in doctrina Arist. non posse vlla virtute moueri: quia apud ipsum indiuisibile non potest moueri, 6. Phys. 32. & 86. & lib. 8. tex. 40. Unde substantias separatas fecit immobiles, & motum solis rebus corporeis attribuit. Certum tamen esse debet, animam separatam simpliciter posse mutari loco, supposito quòd realiter sit in loco: nam ex nullo capite posset fingi talis necessitas essendi in quodam determinato loco, ut nulla virtute posset mutari in aliud locum: sed hæc immobilitas est propria Dei, qui ratione suæ immentitatis necessariò semper actu est in omni loco. Patet etiam ex doctrina fidei: nam animæ beatæ deferuntur ad cælum, animæ damnatæ in infernum: & anima Christi, in triduo quo fuit à corpore separata, descendit ad inferos. Et malè Durand. in 3. d. 22. q. 3. explicare tentauit, animam Christi, non reali præsentia suæ substantiæ, sed solùm operatione & influxu, dici descendisse ad inferos. Verè ergo secundùm suam substantiam anima separata mouetur, transcendendo vno ad alium locum. Nec quicquam obstat indiuisibilitas animæ: quia verè indiuisibile potest moueri. Ad Aristotelem verò Thomas Gianninus lib. de Mètis humanæ statu post hominis obitum, respondet, indiuisibile non posse moueri motu continuo, sed

Anima separata potest moueri localiter.

benè

benè motu discreto : & hoc pacto ipse ex, licat, Angelos & animam separatam posse moueri. Sed tamen etiam motu continuo Angeli mouetur, vt Theologi probant : & sic etiâ sine dubio potest moueri anima separata. Aristoteles ergo, dum dixit indiuidibile non posse moueri, videtur specialiter loquutus esse de puncto quantitatis. A tamen, etiâ punctum quantitatis, si admittatur, posset moueri, vt ostendimus q. 26. sect. 7. Dum verò Aristoteles fecit Intelligentias separatas immobiles, de ijs specialiter loquebatur, quas faciebat etiam simpliciter immutabiles, æternas, & increatas, sicut Deum ipsū. Vnde non propterea negauit motū animæ separatæ. Imò dum motum attribuit rebus corporeis, iam extendit ad animam quæ est forma corporis : & sicut corpori coniuncta mouetur, ita quoque separata potest moueri.

An habeat virtutē intrinsecam ad se mouēdam.

Dubitatur tertio, num anima separata possit ab intrinseco propria sua virtute moueri. Videtur enim, non posse nisi per virtutem alicuius motoris extrinseci. Tum quia, Luca 16. anima Lazari dicitur ab Angelis delata fuisse in sinum Abraham : & communiter apud Fideles, animæ e corporibus egredientes dicuntur ab Angelis suscipi & ad cælum deferri, vel à Dæmonibus ad infernum trahi & de animabus iustis ita supponitur in quibusdam ecclesiasticis præcibus. Tum etiam, anima dum est in corpore, non habet aliam virtutem motiuam, nisi affixam organis corporis : vnde ijs lætis vel debilitatis, ægu. scit ac deficit motus. Quare sicut anima separata non retinet virtutes sensitiuas & vegetatiuas quæ erant affixæ organis corporeis, ita non retinet virtutem motiuam quā administrabat in corpore. Tum demum, si anima præter hanc virtutem corpoream, haberet aliam spiritua-

lem qua se ipsam mouere posset, hæc haberet etiam dum est in corpore : & sic posset pro suo arbitrio ea vti, & e corpore egredi ac rursus regredi : quod patet non ita esse. Aut saltem posset, manens in corpore, se extendere quoque extra corpus, intra spheram tamen sibi adæquatam.

Affirmandum tamen est, animam separatam habere innatam virtutem ab intrinseco qua se mouere valeat de loco ad locum. Hæc est communis tam Theologorum quàm Philosophorum sententia. Et suadetur facile. Tum quia anima separata, viuit ad instar Angelorum : sed Angeli habent virtutem intrinsecam se mouendi, vt supponimus : ergo pariter anima separata. Tum etiam, quæcumque viuientia cognitione prædita, habent aliquam virtutem motiuam intrinsecam : non debet ergo anima separata tali virtute destitui. Tum præterea, cum anima non tibi determinet ex natura sua certum locum, sitque substantia viuens, libera quoque in operando, debet ex natura sua habere virtutem, qua indifferenter ad varia loca de vno ad alium transire valeat. Tum demum, per se satis incredibile & inuerisimile apparet animam separatam in vno loco sepositam, debere ibi semper in perpetuum permanere, nisi ab alio motore extrinseco transferatur. Iam, verò, supposita hac motione animæ, plura sunt quæ inquiri possunt, & explicari debent, quo pacto anima moueatur in tempore vel instanti, quo pacto motu continuo vel discreto, quo pacto transeundo per medium, vel sine medio, & alia huiusmodi quæ de motu Angelorum à Theologis pertractantur. Sed quia res est communis, communem quoque resolutionem habet, in tractatu de Angelis tradendam.

Ad ea quæ in contrarium afferbantur, dicendum est. Ad 1. sicut homo

Verè habet in se talem virtutē.

homo habet vtique suam virtutem motiuam, tamen potest quoque & solet extrinseca virtute ab externo motore deferri: ita quamuis animæ possint ac soleant ab Angelis deferri ad loca ipsis conuenientia, non per hoc est inferendum, eas non habere in se propriam virtutem motiuam qua ab intrinseco quoque se mouere possint. Dicitur etiam possunt deferri, quasi duci ac dirigi in eum locum in quem suamet virtute moueantur: sicut apud nos vnus ducit ac dirigit alium per certam viam. Ad 2. Anima verè habet duplicem virtutem motiuam, vnā in se spiritualem, alterā affixam organis corporeis. Dum ergo est in corpore, habet quoque virtutem sui motiuam non affixam organis corporeis: sed tamen pro eo statu hanc exercere non valet, quia non operatur nisi vi forma corporis. Exercet autem solum alteram virtutem affixam organis corporeis: hanc verò non retinet in statu separationis. Et hinc patet ad 3. animā dum est in corpore nō posse pro suo arbitrio egredi, quia non potest soluere vnionem quæ eam corpori alligatam tenet: sicut & anima separata non potest sua virtute iterum renouare vnionem ac denuò informare corpus. Et similiter donec anima est vnita corpori, nequaquam se potest extendere extra corpus: & ita dum est in corpore pueri, non potest se ampliare ad totum spatium, quod in prouecto corpore possidebit: & dum absconditur membrum aliquod à corpore, non potest amplius remanere in eo spatio vbi erat in illo membro.

*Nota-
mē eam
de facto
exercet
in corpo-
re.*

Henricus verò Quodl. 11. q. 4. affirmat, animam dum est in corpore, exercere suam virtutem motiuā quā habet mouendi se ipsam, & ita per hanc virtutem primariò se mouere, & cōsequenter per motum sui ipsius mouere secum corpus, sicut nempe

Angelus in corpore assumpto, mouet se ipsum, & consequenter secum deferret corpus assumptum: sed animam necessariò debere simul secum mouere corpus, quia non potest illud sua sponte deferre, sicut potest Angelus ad libitum dimittere corpus assumptum. Hoc tamen admittendum non est: quia sanè virtus quam habet anima mouendi se ipsam, est versus quamcumque partem: at anima existens in corpore non potest v.g. sursum tendere non potest in directum sine progressionē & ambulatione migrare, sicut potest Angelus in corpore assumpto. Imo nō potest anima in homine alium exercere motum, nisi iuxta flexiones membrorum: & ita prorsus se habet sicut anima purè sensitiua in motu sui cōpositi. Verè ergo anima rationalis, dum est in corpore, non exercet aliā virtutem motiuam, nisi affixam organis corporeis: per quam sine dubio primariò mouet ipsa membra corporis, & per membra totum corpus, atque consequenter ad motum corporis mouetur quoque ipsa anima cum corpore.

Aliqui rursus opinati sunt, saltem in aliquo casu animam exercere suā spiritualem virtutem motiuam, cum videlicet per eximiam cōtemplationem, & in excessu mentis, corpus ipsum in sublime eleuatum esse narratur. Atta men, hoc putandum est, virtute potius diuina euenisse in eximijis sanctis, non autem virtute naturali ipsius animæ: quia sanè non apparet, qualiter per vim cōtemplationis anima acquirat vsum illius suæ virtutis motiuæ, qua corpus quoque in sublime attollat.

Dubitatur quartò, num anima separata valeat quoque mouere aliena corpora. Negant D. Thomas 1. par. quæst. 117. art. 4., & q. 16. de Malo art. 10. ad 2. Caiet. & alij eodem loco 1. par. Capreol. in 4. d. 50. q. 2.

*Anima
separata
potest
quoque
mouere
aliena
corpora.*

Palat.

Palat. dist. 10. disp. 2. Sotus d. 45. q. 1. art. 3. Suarez disp. 35. Metaph. scilicet 6. & lib. 6. de Anima cap. 2. Et fundamentum est: quia dum anima est in corpore, non potest mouere nisi idem ipsum corpus quod informat: adeo ut si aliquod membrum destituatur vita, ut aliquo morbo contingit, non potest amplius moueri ab anima. Per membra autem & instrumenta sui corporis potest & solet anima impellere quoque ac dimouere alia externa corpora: quod amplius non poterit in statu separationis, quando iam corporis organis caret. Sed melius affirmare videntur Scotus in 4. d. 49. q. 14. Bassolis d. 49. q. 2. art. 1. Maior. q. 8. Henricus Quodl. 11. q. 14. Aegid. Quodl. 4. q. 7. Abulens. in cap. 8. Matth. q. 124. Conimb. disp. 6. de Anima separata art. 1. & alij plures. Nam sicut anima separata habet virtutem intrinsicam sese mouendi, ut diximus, ita concedi debet habere virtutem ad mouenda corpora. Vnde aliqui tribuunt Diuo Thomae sententiam negantem animae virtutem etiam mouendi se ipsam. Item sicut Angeli habent facultatem mouendi corpora, eodem pacto talis facultas concedenda erit animabus separatis. Eo magis quod nihil obstat oppositum fundamentum: quia satis constat, alium operandi modum conuenire animae separatae atque coniunctae: quamuis ergo anima coniuncta non possit per se mouere nisi corpus suum, eoquod mediante alia corpora, bene poterit separata mouere per se alia corpora, sicut mouent Angeli. Nam pariter anima coniuncta non potest per se mouere se ipsam, sed etiam mediante corpore; at separata potest per se ac primario mouere se ipsam.

De facto verò credendum quodque est, animas separatas non solum utcumque mouere aliena cor-

pore; sed assumere etiam interdum corpora, non quidem per informationem, sed per assistentiam, & sic hominibus viuentibus apparere, licet plerumque Angeli faciunt. Ita colligitur ex sacra Script. Matth. 17. apparuit Moyses in transfiguratione Christi. Vbi plerique Patres & expositores, itemque D. Thomas 3. par. q. 54. art. 3. ad 2., alijque Theologi notant, animam Moysis assumpsisse sibi corpus, & sic apparuisse. Fortasse sic etiam apparuit Samuel, id est, anima Samuelis in corpore assumpto, 1. Reg. 28., ut plerique etiam sacri Doctores affirmant, & satis aperte colligitur ex Ecclesiastic. 46., & commemorat D. Thomas 1. par. q. 89. art. 8. ad 2. Narrat etiam D. Gregor. lib. 4. Dialogor. plurimas animarum apparitiones in corporibus assumptis. Sed D. Thomas iisdem locis vult, tales apparitiones ex diuina dispositione & miraculo factas esse. Attamen, verum quidem est, non nisi ex diuina concessione & ordinatione animas separatas interdum in assumptis corporibus apparere; sicut & ipsi quoque Angeli, siue boni, siue mali, non nisi iuxta Diuinæ providentiæ dispositionem apparent. Necesse autem non est, ut speciali miraculo Dei dicantur formari corpora & fieri tales apparitiones. Sed bene admitti potest, ita animas, sicut Angelos, tante concessione diuina, totumque sibi suam virtutem corpora, & in ipsis apparere.

Addiderunt aliqui, interdum animas separatas ingredi viuentium corpora, in ipsisque loqui eaquē agitare atque vexare, sicut Demones faciunt. Sed tamen, hoc recipiendum non est, ut tractat Abulens. in cap. 8. Matth. q. 124.

Dubitatur demum quintò, quanam sit virtus motiua in anima, an sit distincta quadam facultas ab intellectu & voluntate, vel non sit alia po-

apparere
in assumptis
pro corpore.

Virtus
a. ime
motiua
ab in-

Intellectu
& vo-
luntate
distincti-
guantur.

1018 Quæst. LIX. De statu separati. Animæ ration.
tentia præter intellectum & volunta-
tem. Sed sicut iam diximus q. 56.
sect. 2., potentiam motiuam in ani-
malibus esse ab alijs potentijs con-
distinctam; ita pariter potentia mo-
tiuam quam tribuimus animæ separa-
tæ, videtur esse distincta quædam fa-
cultas præter intellectum & volunta-
tem. Habet enim sufficientem di-
stinctionis rationem, diuersitatem
nempe ipsam operationis, & subor-
dinationem in modo operandi: quia
nempe intellectus cognoscendo di-
rigit, voluntas decernit, ac tandem
potentia motiua exequitur. Suppo-
nita ergo distinctio aliarum po-
tentiarum, nempe intellectus & vo-
luntatis, tam inter se, quam ab es-
sentia animæ, pariter potentia mo-
tiuam ab ijs debet censeri distincta.
Et similiter de Angelis in suo tracta-
tu dicemus.

SECTIO TERTIA.

De Cognitione Anima Separata.

*Num anima separata verè co-
gnoscat.*
Num D Vbitatur primò, num anima
separata verè ex natura sua
cognoscendi virtutē habeat & exer-
ceat. Videri enim potest, non ha-
bere: quia non cognoscit sine mi-
nisterio corporis: & in ipso coniun-
ctionis statu non intelligit nisi depen-
denter à sensu, adeo vt impedito sen-
su nihil iam intelligere valeat: dum
ergo erit penitus corporis subsidio
destituta, & corporeis sensibus de-
nudata, non poterit amplius ex na-
tura sua cognitionem vllam & intel-
lectionem exercere. Accedit aucto-
ritas Arist. qui 1. de Anima 66. do-
cuit, corrumpi ipsum intelligere per
lesionem alicuius organi interni.
Item alia auctoritas S. Script. Eccle-
siastes 9. *Mortui verò nihil nouerūt.
Nec opus, nec ratio nec sapientia, nec*

scientia erunt apud inferos.

Certum tamē esse debet, animā se-
paratā verè ex natura sua cognitione
pollere, non quidem sensitui, quæ
nimirum non nisi per corporea or-
gana exercetur, sed purè intellectu-
ua. Ita statuit D. Thomas 1. par. q.
79. art. 1. Et quidem simpliciter &
absolutè animas separatas hac co-
gnitione pollere, constat de fide ex
frequenti doctrina Scripturæ. Nam
animæ beatæ Deū videbunt, & alias
res perspicient: animæ damnatæ suā
perditionem cognoscent, & in vo-
luntate summa tristitia cruciabuntur.
Narratio quoque illa Lucæ 17. de
diuite & paupere & Abrahamo, idē
manifestè demonstrat. Deinde, ani-
mam separatam ex natura ipsa
sua cognitione pollere, patet ex A-
rist. qui 1. de Anima tex. 13. suppo-
nebat, si anima non posset habere
operationem extra corpus, nec posse
existere extra corpus: sed reuera ha-
bere operationē extra corpus, nem-
pe intellectionem. Patet hinc etiam
ratione: quia hac maximè via im-
mortalitas animæ demonstratur, quo-
niam intellectio est operatio abstra-
hens à corpore, quam optimè po-
test anima separata à corpore exer-
cere, & sic immortalis extra corpus
persistere debet.

Hinc etiam ad rationem dubitan-
di dicendum est, animam dum est subsidio
quidem in corpore, non operari, sensuum
etiam quoad intellectuam cognitio-
nem, nisi dependenter à sensu, co-
gnoscit. Quod in hoc statu operatur tamquā
forma corporis: sed tamen, cum
fuerit separata & vinculis corporeis
exoluta, erit per se expedita ad in-
telligendum absque vllō corporis
ministerio & sensuum subsidio: cum
nimirum exercitium intelligendi,
quantum est ex natura sua, abstra-
hat à corpore & à sensibus. Ad lo-
cum Arist. res est clara, cum esse lo-
quuntur pro præsentī statu, dum ani-
ma

Verè im-
tellecti-
na co-
gnitione
poller.

Licet sit
subsidio
sensuum
desistit

ma est coniuncta corpori. Ad locum illum Scripturæ, variaz sunt expositiones. Vel sermonem illum, introduci ex persona stulti & impij, sicut alia plura huiusmodi in eo libro inducuntur. Vel Salomonem ipsum sic loqui veluti ironicè, irridendo eos qui ita existimantes, voluptates huius vitæ cum iactura æternæ vitæ sectantur. Vel reuera & seriò docere, animas separatas non scire ex virtute sua ea quæ deinceps apud viuentes geruntur. Dico, virtute sua: quia alioqui, ex illustratione diuina & doctrina Angelorum, ad hæc quoque suam cognitionem extendunt. Vel tandem specialiter docere de animabus perditis, nihil amplius in inferno noscere aut cogitare posse, quod ijs ad salutem proficere valeat.

*Qui cō-
gnitio-
nis mo-
dus ani-
mæ sepa-
rata cō-
ueniat.*

Dubitatur secundo, quemnam cognitionis modum anima separata, exerceat, an eundem quem coniuncta, vel diuersum alium & similem intellectiōni angelicæ. D. Thomas 3. cont. Gent. cap. 48., & q. 24. de Verit. art. 11. absolutè docuit, animam separatam intelligere modo angelico. Hinc Caiet. 1. par. q. 89. art. 5. vult, animam separatam intelligere simplici actu & intuitu, absque discursu & absque compositione. Aegid. verò Quodl. 4. q. 6. vult, intelligere quidem absque discursu, sed non absque compositione. Ex aduerso Ocham. in 4. quæst. 12. art. 2. & Abulens. in cap. 25. Matth. q. 580. animæ separatæ tribuit eundem modum intellectiōnis, tam cum discursu, quam cum compositione, quem habebat coniuncta. Contra ibi disp. 4. de anima separata art. 2. opinantur, animam separatam valere, utroque modo intelligere, tam absque discursu, quam cum discursu.

*Perfe-
ctior
quæ*

Pro resolutione, absolutè quidem dicendum est, animam separatam expeditiorē ac nobiliori modo intel-

ligendi pollere quàm coniunctam, *conian-
tia.* non tamen simpliciter æquali cum modo angelico, sed adhuc diuerso & inferiori. Sicut enim anima separata habet puriorem & sublimiorem essendi modum, sed semper est essentialiter inferior Angelis: ita pariter se habebit in modo cognoscendi. Et ex parte colligi potest ex sacra Script. *Corpus quod corrumpitur aggrauat animam, & terrena inhabitatio deprimit sensum multa cogitantem.* Explicatur autem magis distinctè ac specialiter hæc comparatio. Anima separata intelligit absque dependētia à sensu, absque conuerſione ad phantasmata: cum in eo statu sit prorsus absoluta à sensibus & phantasmaibus. Hic verò est nobilior & sublimior intelligendi modus: cum sit prorsus à materia eleuatus, & independens à qualitatibus & actibus corporeis, ac similis modo intelligendi angelico.

Ad D. Thom. 1. par. q. 79. art. 1. ait, *Absq̃
conuer-
sione ad
phātaf-
mata.* simpliciter quidem nobiliorem esse modum intelligendi absque conuerſione ad phantasmata, sed tamen prout exercebitur ab anima separata esse imperfectiorem, eo quod sit minùs illi proportionatus: quia intellectus inferior eo minùs perfectè intelliget, si trahatur ad modum intellectus superioris, si ei tribuantur species sublimiores quàm debeatur. Sed nihilominus simpliciter dicendum est, modum intelligendi absque conuerſione ad phantasmata, etiam in anima, esse perfectiorem. Et patet manifestè ex pluribus capitulis. Dum anima in statu coniunctiōnis intelligit per conuerſionem ad phantasmata, tam sæpè impeditur & suspenditur ab intelligendo per ligamentum sensus interni, ut patet in somno: sæpè perturbatur & contunditur, ut in morbis alijsue accidentibus: sæpè debilitatur ac languescit, ut in fatigatione ac lassitudi-

ne capitis : & alia incommoda patitur : à quibus est utique immunis anima separata intelligens independenter à sensu . Vtcrius, anima separata & à phantasmatibus expedita, longè promptius plura ac sublimiora cognoscit . Ita notauit ipse D. Thomas ea q. art. 2. ad 1. *Quodammodo est liberior ad intelligendum, in quantum per grauedinem & occupationem corporis à puritate intelligentia impeditur* . Item anima separata, dum non est alligata sensui, intelligit per species magis sinceras ac proprias rerum, nempe sibi infusas à Deo, vt idem D. Thomas art. 1. ad 3. affirmat . Demum, modus intelligendi independenter à sensu perficietur cum maiori simplicitate & celeritate actuum, vt mox dicemus . Igitur in ipsa anima separata perfectior erit modus intelligendi absque conuersione ad phantasmatum . Nec obstat illa ratio in contrarium : quia h. c. modus intelligendi non erit minùs proportionatus animæ : sicut & ipse modus essendi non erit minùs connaturalis animæ quatenus intellectiua . Et intellectus animæ separatæ, dum à phantasmatibus absoluitur, non trahitur ad modum intelligendi superiorem quàm ei debeat : quinimò ducitur ad modum intelligendi pro eo statu ipsi adæquatum & debitum .

Absq̃ tanta multiplicitate actuum. Deinde, anima separata non indigebit tam laborioso discursu, tantæque multiplicitate actuum, ac tantæ compositione conceptuum, rebus exactè contemplandis & comprehendendis : quia sine dubio erit magis expedita & prompta ad intelligendum . Sed tamen non per hoc esse debet penitus libera à discursu & compositione : cum hic modus intelligendi sit ei ab intrinseco connaturalis, & non prouenit solùm ex concomitantia sensuum ac phantasmatum . Itaque simpliciter quidem

adhuc habebit modum intelligendi per discursum et compositionem, tamen magis expeditum & facilem . Sicut & apud nos, alij sunt alijs expeditiores, velociores ac promptiores ad intelligendum, paucioribusque actibus ac breuiori discursu plura assequuntur : & interdum quædam quæ ab vno non sine discursu per plures actus percipiuntur, tamen ab alio, ac etiam ab eodem post maiorem capacitatem & exercitationem, absque discursu & cum maiori simplicitate percipiuntur . Multò magis ergo hæc differentia inuenietur inter animam separatam & coniunctam . Et sic modus intelligendi animæ separatæ erit sublimior & perfectior quam animæ coniunctæ . Sed adhuc erit inferior modo intelligendi Angelorum, qui absolutè natura sua dicuntur intelligere absque discursu & compositione :

SECTIO QUARTA.

De Obiecto cognitionis Animæ separatæ.

DVbitatur primò, Num anima separata deinceps cognoscat omnia quæ antea nouerat . Dicendum què est, cognoscere omnes res quas in hac vita nouerat, tam in singulari, quàm in vniuersali . Colligitur ex Script. Lucæ 16. diues in inferno dicebat, *Habeo quinque fratres : & Abraham ad illum, Recordare quia recepisti bona in vita tua* . Et in vniuersum animæ recognoscet sua facta præterita, & sic sine dubio omnes res quas antea nouerant . Neque id fit per supernaturalem Dei operationem, sed per naturalem virtutem animæ cum naturali prouidentia & generali concursu Dei .

At verò D. Thomas 1. par. q. 89. art. 4. & quæst. disp. de Anima art.

Anima separata cognoscat cuncta quæ antea nouerat.

20. supponens, animam in hac vita non habere species proprias singularium, sed ea cognoscere tantum indirectè ope phantasmatum; explicare conatus est, quo pacto ea in separationis statu cognoscat, quando iam erit omnibus phantasmatibus destituta: docetque, non cognoscere per priores species, sed per alias nouiter ei infusas à Deo, quæ determinari adhuc debeant, vel per præcedentem cognitionem, vel per aliquam affectionem, vel per naturalem habitudinem, vel per diuinam ordinationem. Verum, supponendo, animam in hac vita habere species proprias singularium, iam non oportet pro hac parte recurrere ad infusionem aliarum specierum: sed optimè poterit ac debet anima separata per easdem priores species cognoscere singularia. Et confirmatur magis: quia vel nouæ illæ species infusæ, essent per se ac directè representatiuæ singularium; vel per se quidem vniuersalium, & per determinationem quandam etiam singularium. Si dicatur primum. Iam frustra addebatur alia determinatio. Et præsertim si animæ separatae tribuuntur species propriæ singularium, debent etiam tribui animæ coniunctæ. Si dicatur secundum. Tunc eo pacto quo nouæ illæ species determinari dicuntur ad certa quædam singularia representanda, pariter dici possent determinari priores species.

Non cognoscat omnia quæ deinceps geruntur. Dicendumque est cum D. Thoma 1. par. quest. 89. art. 8., non debere ex natura sua hæc omnia cognoscere. Colligitur ex Script. Job 14. Sine fuerint filij eius nobiles, siue ignobiles, non intelliget. Traditur à sanctis Patribus, præsertim August. lib. de Cura pro mortuis cap. 13.

& Gregor. lib. 12. Moral. cap. 15. Ratione suadetur. Quia anima non hinc defert species quæ deinceps representare valeant ea quæ successiue geruntur. Non eas acquireret ex rebus ipsis; non enim credibile est, omnium rerum quæ quocumque loco geruntur species derivari in intellectum omnis animæ separatae. Neque omnes tales species erunt naturaliter debita à Deo. Neque demum Angelis ipsis naturale est, ut cognoscere debeant omnia quæ in vniuerso geruntur.

Benè tamen animæ separatae poterunt cognoscere ac de facto cognoscent quædam ex ijs quæ in vniuerso geruntur, non solum ex manifestatione diuina, quo pacto animæ beatæ plurima sanè cognoscunt: sed etiam naturali communicatione & commercio ex relatione aliarum, animarum hinc abeuntium, & Angelorum ac Dæmonum. Sic ex D. August. notauit D. Thom. eo art. ad 1. Possunt facta viuècium cognoscere, vel per animas eorum qui hinc ad eas accedunt, vel per Angelos seu Dæmones, vel etiam spiritu Dei reuelante. Fortasse tandem ex rebus ipsis præsentibus possunt animæ separatae notitiam earum capere, ut infra circa species attingemus.

Dubitat tertio, num anima separata cognoscat omnes res naturales, quoad earum naturam & proprietates, num habeat omnes rerum scientias, etiam si in hac vita non acquiritur. D. Thomas 1. par. q. 89. art. 3. affirmat, animam separatam habere cognitionem omnium rerum naturalium, per species in eo statu ei connaturaliter infusas à Deo: habere tamen cognitionem imperfectam, scilicet incommuni & confusam, & imperfectiorem quàm in hac vita: unde ad 4. ait, cognitionem quæ hic per studiū acquiritur esse propriam & perfectam, ideoque non esse inutile

An cognoscat omnes res naturales quoad earum rationem.

nile nostrum studium addiscendi, etiam pro futuro statu separationis. Argid. verò Quodl. 5. quæst. ult. Conimb. disp. 5. de Anima separata art. 1. Suarez lib. 6. de Anima cap. 7. affirmant, habere cognitionem distinctam, magisque perfectam quam in hac vita habeamus.

Probant animam separatam debere omnes res naturales absolute cognoscere: quia ex natura sua habet facultatem omnes cognoscendi, & tunc nullo impedimento detinebitur quominus omnes cognoscat: igitur connaturalis ac debita erit animæ separatæ talis notitia: ita ut si anima non aliter de se habeat rerum species, erunt ei naturaliter debitæ ut infundantur à Deo, idque spectabit ad Dei providentiam naturalem: sicut ex eadem providentia dicuntur naturali ordine fuisse infusæ Angelis ab initio omnes species rerum naturalium. Probat verò S. Thomas, talem notitiam in anima separata, esse confusam & imperfectam, ex eodem illo fundamento quod præmiserat art. 1. quia tales species infusæ aliquatenus excedunt proportionem animæ humanæ, cum propriè sint proportionatæ & adæquatæ Angelis. Probant ex aduerso alij, talem notitiam esse potius distinctam, ac perfectiorem quam in anima coniuncta. Quia talis potius notitia erit connaturalis ac debita animæ, iuxta naturalem eius inclinationem & appetitum sciendi. Et quia anima separata eo ipso est magis expedita & prompta ad intelligendum. Et, si ei infundantur species à Deo, dici debebāt illi prorsus proportionatæ, & nullatenus excedentes capacitatem animæ, alioqui non essent ei connaturales, non essent naturaliter debitæ. Et dicentur esse adhuc inferiores speciebus angelicis, licet aliquantum sublimiores speciebus quas in hac vita acquirimus,

aut fortasse eiusdem rationis ac si in hac vita acquirat fuisent.

Dicendum tamen videtur, non *Non debet* deberi naturaliter animæ pro statu *beatis co.* separationis rerum omnium natura- *gnoscere* lium notitiam omnesque scientias, *omnia*, sed tamen bene animam in eo statu *sed bene* posse & solere plura assequi quam *poterit* in hac vita. Suadetur prima asser- *addisce-* tionis pars. Tum quia non apparet *re plu-* talis necessitas ac tale debitum natu- *ra.* rale. Nam anima habet ex parte sua facultatem cognoscendi res omnes etiam in singulari et quoad actualem existentiam, sed non per hoc ei debetur naturaliter talis notitia per species infusas. Sed cum anima sit ex natura sua forma corporis, satis est illi esse constitutum modum quo in corpore acquirat rerum notitiam ac species quantum assequi possit. Angelis verò qui non habent alium modum acquirendi species verè debebantur naturaliter species ab initio. Vnde in hoc quoque erit inferior anima ipsis Angelis: quod Angeli quidem omnia cognoscant, anima verò eo plura vel pauciora prout in corpore assequi possit. Tum præterea, notitia omnium rerum naturalium in anima separata, non debet dici communis & confusa: id enim satis probant rationes oppositæ aliorum. Non potest dici distincta & perfecta. Quia vel dicetur talis notitia infundi animæ solum de ijs rebus quas antea non didicerat, Et sic melioris conditionis esset in statu separationis anima quæ minus in hac vita didicisset, quia de pluribus rebus acciperet clariorem perfectioremque notitiam. Vel de omnibus prorsus rebus etiā antea notis. Et sic superfluum ac inutile pro eo statu redditur addiscendi studiū in hac vita. Nec sanè verilimile est, æqualiter doctos & eruditos fore omnes iuxta naturalem ordinem in futura vita, quantumvis fuerint inæquales in hac vita.

Sua-

Suadetur deinde secunda assertionis pars. Tm quia per easdem rerum species antea comparatas, & per priorem rerum notitiam, poterit anima separata plura tunc assequi, cum sit magis expedita & libera ad contemplandum: sicut videmus etiã in hac vita, vnum per easdem species sensibus haustas plura & altiora assequi, quàm alium, vel ob præstantiam ingenij, vel ob maiorem industriam & attentionem. Tum etiam anima separata poterit pleraque addiscere, tum ab alijs animabus magis instructis & sapientibus, tum etiam ab Angelis. Naturaliter enim cogtanda est huiusmodi societas & coniunctio inter substantias separatas. Itaque hac via etiam animæ infantium quæ hinc decesserint, poterunt in statu separationis instrui ad res cognoscendas, ac temporis & doctrinæ successu plura semper addiscere.

Quo pacto cognoscet seipsam & alias substantias separatas.

Dubitatur rursus quartò, quo pacto anima separata cognoscat tunc seipsam aliasque spirituales substantias. D. Thomas 1. par. q. 89. art. 2. docet, animam separatam cognoscere se per se ipsam, idest absque alia specie. Sed hoc in dubium reuocat Suarez lib. 6. cap. 5. Rursus docet D. Thom., animam separatam cognoscere alias substantias spirituales ad instar sui, quia omnia intelligit secundum modum suæ substantiæ: ideoque de alijs quidem animabus, vtpotè sibi similibus, habere cognitionem perfectam: de Angelis autem imperfectam ac deficientem. Hinc dixerunt aliqui, animam separatam non per aliam speciem quàm per suammet propriam substantiam cognoscere quoque alias spirituales substantias. At S. Thomas in solut. ad 2. ait: *Anima separata intelligit Angelos per similitudines diuinitus impressas, quæ tamen deficiunt à perfecta representatione*

eorum, propter hoc quòd anime natura est inferior quam Angeli. Addunt verò Conimb. disp. 5. de Animæ separ. art. 1. Suarez lib. 6. cap. 6. & alij, animam separatam per huiusmodi species habere distinctam & perfectam cognitionem de Angelis.

Pro resolutione dicendum videtur, animam separatam perfectè seipsam cognoscere per semetipsam. Sic enim vnaquæque Intelligentia dicitur cognoscere seipsam. Et ratio communis est: quia species substituitur vice obiecti, quando est in se improporcionatum, vel remotum: sed natura spiritualis est per se maximè proportionata, & est intimè præsens suo intellectui: igitur absque alia specie potest ac debet esse principium cognitionis suæ. Neque obstat dubitatio quam Suarez adducit, quia sic etiam in statu coniunctionis deberet anima eodem modo seipsam cognoscere. Nam satis patet, animam coniunctam operari vt formam corporis per species ministerio corporis acquiras: itaque alio modo cognoscit separata atque coniuncta. Vnde similiter, dum est in corpore, non vtitur suis speciebus intelligibilibus absque consortio sensibilium: sed separata intelligit puro spiritali modo, non indigens phantasmatis.

Deinde dicendum est, animam separatam imperfecto quidem modo cognoscere alias spirituales substantias per seipsam, sed alio perfectè ac distincto modo cognoscere, vel per easdem ipsas substantias spirituales intellectui eius adstantes, vel per proprias earum species sibi inherentes. Suadetur & explicatur assertio: quia bene quidem potest anima ex seipsa deducere nouitiam aliquam aliarum spiritalium substantiarum, penès conuenientiam ac disconuenientiam sui cum illis, sicut passim nos ex vna re solemus deducere co-

gnitionem alterius. Atque hoc pacto melius cognoscet anima alias animas separatas quàm Angelos, nimirum ratione maioris conformitatis & similitudinis. At præter hoc, fatendum omnino est, posse animam separatam perfectè ac distinctè cognoscere has alias substantias, proprio ac determinato conceptu. Habet enim cum illis proportionem, habebit cum illis societatem & commercium, nullumq; habebit impedimentum. Nec obstabit inæqualitas animæ intra Angelos. Nam adhuc Angeli interiores proprio ac distincto conceptu cognoscunt superiores. Et ad summum sequitur, intra latitudinem proprii ac distincti conceptus, animam exactius comprehendere alias animas eiusdem secum rationis, quàm Angelos superioris sibi rationis. Itaque ita se habebit anima in cognoscendis alijs animabus & Angelis, sicut se habent ipsi Angeli inter se.

Vel per earum substantiam, vel per alias intentionales species. Duplex autem modus cogitatur quo una substantia separata cognoscat aliam: Vel quòd illa quæ cognosci debet, adsit præsens, & immediatè per se ipsam concurrat in ratione obiecti cum intellectu alterius cognoscentis: Vel per speciem intentionalem, repræsentativam illius substantiæ quæ cognosci debet, & inhzrentem intellectui eius quæ cognoscere debet; & sic etiam inter distantes talis cognitio exerceri possit. Quæ tota res non est peculiaris in animabus, sed communis in Angelis. Et quod dicitur de cognitione substantiarum, suo modo accipiendum est etiam quoad accidentia, nempe potentias, actus, & habitus in ijs existentes: nisi quòd certum est, non posse naturaliter cogitationes & affectus unius cognosci ab alio, nisi eo manifestate ac enarrantes per mentalem locutionem, quæ eodem prorsus modo inter ani-

mas separatas centeri debet exerceri, quo inter Angelos suo loco definitur. Ac denique hoc totum procedit de cognoscendis substantijs creatis. Quia alioqui, Deum ipsum, nec animæ separatae nec Angeli possunt naturaliter cognoscere, vel immediatè per substantiam ipsam Dei, vel per speciem intentionalem propriam eius: sed tantum cognoscere possunt ex ipsis rebus creatis: supernaturali autem elevatione & illustratione, tam Angelis quàm animabus beatis, communicatur clara & intuitiva visio Dei.

SECTIO QUINTA.

De Speciebus intelligibilibus & habitibus Animæ separatae.

Dubitatur primò, num in anima separata remaneant eadè species intelligibiles quas in statu conjunctionis habebat. Eademquè pariter dubitatio procedit de habitibus in eodem statu acquisitis, quos supponimus à speciebus esse distinctos. Species & habitus remanere in anima separata negarunt quidam apud D. Thom. 1. par. q. 89. art. 5. eo quòd putarent, non in ipso intellectu, sed potius in viribus sensitivis sedem antea habuisse. Aliqui autem negasse videntur, admittentes quidem proprias species & habitus in intellectu, sed dicentes essentialiter ex speciebus & habitibus partis sensitivæ pendere. Idemq; defendit Ochamus in 4. q. 1. art. 1., licet defendat quoque oppositum.

Fundari potest hæc sententia negativa in auctoritate Arist. qui in Prædicam. qualis docuit, scientiam longa ægritudine deleri atque corrupti: multò igitur magis per mortem ubi totaliter anima corporis sub-

Nū remaneant præstina species & habitus in intellectu. An anima separata.

subsidio destituitur. Insuper in auctoritate Apostoli, qui 1. Corin. 13. loquens de statu futuræ vitæ ait, *Scientia destruetur*. Hinc suadetur quoque experientia & ratione. De facto per lationem organi sensitivi & amissionem specierum sensibilium, videtur quoque intellectus suis speciebus & habitibus spoliari, cum ijs amplius non utatur: ergo vel species & habitus intellectus non distinguuntur à speciebus & habitibus sensus, vel ab ijs in conservari dependent: & sic recedente anima à corpore, non in ea amplius remanent. Insuper, animabus separatis convenient species & habitus altius rationis, nempe iuxta conditionem illius status, per infusionem à Deo & similes angelicis: igitur non debent in ijs remanere priores species & habitus huius vitæ.

Verè remanent.

Affermandum tamen est, in anima separata remanere easdem species & habitus intellectuales, quibus in statu conjunctionis prædita erat, remanere inquam iuxta naturalem ordinem, nisi aliter per divinam providentiam disponatur. Hæc assertio est D. Thomæ & aliorum communis. Et quidem, certum est, absolute loquendo, animam separatam habere notitiam, atque adeo principium cognoscendi ea quæ antea in hac vita novit, ut scilicet præcedenti statuimus. Et hoc solum expressit Hieron. in epist. ad Paul. *Discamus in terra, quorum scientia nobis perferretur in celo*. Sed tamen non hinc certum efficitur, remanere easdem, propterea species & habitus. Quinimo, si quis diceret, non remanere easdem, sed priores aboleri eo quod ex natura sua à phantasmatibus dependere, aliasque æquivalentes, id est earundem rerum repræsentativas, de novo tribui intellectui, non iam à phantasmatibus dependentes; is non poterit erroris convinci: potest

serquæ explicare, ex divina providentia naturali deberi animæ dum separatur species & habitus earundem rerum quas antea novit: sicut ab initio ex naturali providentia Dei dicuntur intus Angelis species repræsentativæ rerum ab ijs naturalium cognoscibilium.

Probari autem ulterius solet, easdem ipsas species priores in anima separata remanere: quia anima, non solum vicinque cognoscet res antea notas, sed verè & propriè de ijs recordabitur: sed recordatio debet fieri per idem profus principium cognoscendi per quod res antea cognita fuit, cum recordatio sit quasi eadem repetita cognitio: igitur dici debent easdem priores species in anima simpliciter remanere. Hæc tamen ratio est invalida: quia recordatio propriè non est aliud quam iterata cognitio eiusdem rei quatenus antea quoque cognita, ita ut res cogitet quis de antea idem cognovisse: hoc autem optimè fieri potest per distinctas species, quæ tamen repræsentent totum id quod priores referebant, etiam inquam præcedentem illam cognitionem. Non alia ergo ratione potest ac debet probari, remanere easdem species & habitus: quia cum iam constet, remanere notitiam priorum rerum, nihil ob stare videtur, quominus remaneant easdem priores species: nullaque apparet necessitas, ut illæ deleantur, & alæ circa easdem res æquivalentes intundi. Hoc autem ostenditur, diluendo probationes aduersas.

Ad locum Arist. rectè respondet *Quedam* D. Thomas art. c. 1. ad 4. *Quod pro oppositis de corruptione scientie quantiones cum ad id quod se tenet ex parte sensus diluuntur*. An locum Apostoli respondet D. Thomas ad 1. *Quod Apostolus non loquitur ibi de scientia quantum ad habitum, sed quantum*

quantum ad cognitionis actum. At, tunc quoad actum, tunc quoad habitum, Apostolus ibi non loquitur de omni scientia, non de naturalibus scientijs: sed specialiter de dono scientiæ quod inter septem dona, spiritus Sancti cōnumeratur, & propriè adiungitur fidei: vnde sicut fides non remanet in Gloria, ita ait, Sine Prophetia enacnabuntur, sine lingua cessabunt, sine sciētia destruentur: Nunc cognosco ex parte, tunc autem cognoscam sicut & cognitus sum.

Ad experientiam illam dicendum est, per amissionem specierum sensibilium non debere realiter deperdi species quoque intelligibiles, earum tamen vsum & exercitium vitari & impediri, ob connexionem in operando in hoc statu coniunctionis, quæ non erit in statu separationis. Vel, etiam si durante statu coniunctionis simul conferuentur aut deperdantur ob talem connexionem, tamen dum anima à corpore separatur, poterunt deinceps permanere species intelligibiles absque sensibilibus.

Ad ultimam rationem, admittit D. Thomas ad 3. in statu separationis haberi aliam scientiam per infusionem à Deo: sed ait, simul remanere scientiam antea acquisitam, quia sunt inter se diuersæ rationis. Verùm, si animæ infundatur scientia ordinis naturalis de ijsdem rebus antea notis, erit realiter eiusdem rationis in se, solùmque diuersus erit modus productionis: talitque scientia esset, sicut dici solet, de suo genere acquisita, sed per accidens infusa, sicut si Deus alicui in hac vita infundat illam scientiam quam alius sua exercitatione acquirit. Vnde planè superflua esset talis multiplicatio; nec dici debent tales species & habitus geminari. Itaque potius negandum est, à Deo infundi animæ sepa-

rata species & habitus ordinis naturalis circa easdem res antea notas. Dico ordinis naturalis; quia alioqui scientia ordinis supernaturalis verè non excludit aliam naturalem inuentam in anima: nec illa infunditur animæ iuxta naturalem rerum cursum & ex debito naturæ, prout nunc loquimur.

Dixi denique in conclusione, remanere iuxta naturalem ordinem. Quia certè iuxta ordinem supernaturalem non relinquet Deus in anima beata habitus erroneos, incertos, & obscuros, qui in tali anima inueniebantur: dedecent enim absolutissimum illum Beatitudinis statum. Et hinc docere solent Theologi, non remansurum in Beatis habitum Theologiæ quem in hac vita acquisierint: quia Theologia nostra est obscura, utpote fundata in fide: sed tamen loco eius infundendam à Deo altam euidentem Theologiam. Non verò pariter oportet, ut ex aduerso Deus auferat habitus scientificos in animabus damnatis inuētos: nam etiam in Dæmonibus reliquit species & habitus naturales in cognoscēdo. Rursus per alios novos actus nouamque rerum notitiam, poterit utique anima separata depellere priores habitus, sicut in hac vita per contrarios actus immutantur habitus.

Dubitat secundò, num anima *Adden-* separata alias quoque in eo statu *tur quo-* species assequatur præter eas quas *que alia* ex hac vita detulit. Negant aliqui, *noue spe-* etiam si admittatur, animam separa- *cies in* tam de nouo cognoscere alia quæ *anima* coniuncta non nouerat, dicentes, *separa-* posse per easdē priores species alias *ta.* de nouo cognoscere. Affirmandum tamen est. Et ita communiter supponi solet. Sequitur ex eo quod dictum est scēt. præcedenti, animam separatam plura de nouo in eo statu addiscere & cognoscere, non solum in quantum per easdem priores spe-

species poterit ob expeditiorem conditionem illius status ad plura exploranda se extendere : sed etiam in quantum alia prorsus de nouo assequetur : quæ nouis speciebus indigebunt . Et comprobatur magis , Tum quia alij quæ animæ ex hac vita recedunt ante quam vllas species acquisierint , & aliquæ cum vix paucissimas quasdam comparauerint : & adhuc hæ animæ in statu separationis pleraque cognoscenti igitur omnino tunc species accipient . Tum præterea , illæ quæ ex hac vita plurimas species asportabunt , non poterunt per easdem solas species cognoscere tot alia quæ tunc de nouo dignoscenti : nempe ea quæ deinceps geruntur , pro ea parte qua in earum notitiam deuenient , ea quæ ex narratione aliarum animarum & Angelorum addiscent , ea quæ ad scientiam aliquam rerum naturalium illis nouam , vel ad nouam partem scientiæ attinebunt : non poterunt per priores solas species cognoscere , proprio ac distincto conceptu siue intuitiue dispicere alias substantias separatas . Omnino ergo nouis speciebus indigebunt , easque reuera in eo statu assequentur .

*Nō qui-
de fluen-
tes ab
ipsa es-
sentia
anima.*

Dubitatur hinc tertio , quoniam pacto anima separata nouas species assequetur . Aliqui suspicati sunt , fore , vt ex natura ipsa animæ , tanquam passionibus ab essentia profluat , sicut ab initio manant potentia ab essentia . Et ita indicauit Fonseca 2. Met. cap. 1. q. 2. sect. 7. ad 6. Et fauent quidam alij qui sic de Angelis opinati sunt : eadem enim videtur ratio de animabus separatis ac de Angelis . Certum tamen esse debet , non sic profluere species ex ipsa natura cognoscitiua . Ita omnes ferè docent circa Angelos . Et patet facile : quia natura cognoscitiua non est de se determinata ad vlla obiecta , non continet eminenter & vir-

tualiter alias res : & alioqui non indigeret speciebus , sed potius immediate ex ipsa natura sua actus ipsos cognitionis eliceret . Omnino ergo indiget natura cognoscitiua , creata , externa motione & impressione per speciem intentionalem , quam ab extrinseco accipere debet , non ex se promere potest .

Scotus in 4. d. 45. q. 2. docuit animam separatam adhuc accipere & acquirere species ab ipsis rebus , licet materialibus , virtute scilicet & actione intellectus agentis . Idem defendunt Conimb. disp. 3. de Ani. separ. art. 5. fauent alij Theologi qui sicut Scotus affirmant , Angelos ipsos accipere suas species ab obiectis . Suaderiq; potest de anima , quia sicut , dum est in corpore , abstrahit species intelligibiles ex sensibilibus quæ materiales sunt : eodem pacto , dum est separata , poterit abstrahere ex ipsis rebus licet materialibus , vtens suo intellectu agente . Ex aduerso D. Thom. 1. par. q. 89. planè supponit , animam separatam non accipere species à rebus , cum velit recipere per infusionem à Deo , & loquitur vniuersaliter de omnibus speciebus . Similiter in tractatu de Angelis negat prorsus eos accipere species à rebus , & sic vt plurimum alij Theologi sentiunt .

*An ac-
quirantur ex
obiectis.*

Dicendum tamen videtur , animam separatam , sicut & Angelos , non posse quidem accipere species à rebus & obiectis materialibus , sed bene à spiritualibus . Suadetur prima pars : quia res ipse materiales sunt nimis remotæ & improporzionatæ vt immediate valeant ope intellectus agentis imprimere species intelligibiles . Vnde , ideo anima rationalis , quod attinet ad intelligendum , vnitur corpori , vt medianibus speciebus sensibilibus & actibus sensuum abstrahat species intelligibiles . Imò nec species & actus sen-

*Non ac-
quirantur ex
obiectis
materialibus , sed
bene ex
spiritualibus.*

sumt externorum sunt per se ad hoc officium sufficientes, sed mediare vltius debent species & actus sensus interni. Non ergo potest anima separata accipere species immediate à rebus externis materialibus. Suadetur deinde secunda pars: quia res spirituales sunt plane proportionatae ad similes species imprimendas: dicuntur quæ per se intelligibiles, ad differentiam rerum materialium quæ dicuntur fieri intelligibiles ab intellectu agente: & absolute ita videntur se habere res spirituales respectu intellectus ad imprimendas species intelligibiles, sicut se habent res materiales respectu sensuum ad imprimendas species sensibiles. Et ipsa anima separata, non habebit ex se impedimentum ad excipiendam talem impressionem, sicut coniuncta habet impedimentum corporis, sed se habebit ad modum Angelorum. Itaque in hoc opus non erit intellectu agenti aliud actus virtute ex parte eius naturæ quæ debet recipere species. Sed animæ separata recipietur de species ab alijs missis & impletasque alijs animabus & ab Angelis, tum ad repræsentandam eorum substantiam & proprietates, tum ad repræsentandos actus occultos & liberos, quando eos manifestare voluerint: per quem modum aptè explicabitur spiritualis locutio tam inter animas separatas quam inter Angelos.

An infundetur à Deo. Denique D. Thomas voluit, animabus separatis species infundi à Deo, & intelligit infundi in primo separationis instanti, sicut Angelis in primo creationis. Idquæ frequenter alij approbant. Sed tamen ex præcedenti assertionem sequitur, non oportere, ut ijs ab initio infundantur à Deo species obiectorum spiritualium, quas diximus posse ab ipsis obiectis accipere. Et præsertim dici non debet ijs infundi species re-


præsentatiuæ actuum alienorum, quos non nisi temporis progressu voluntaria aliorum spirituum manifestatione cognoscunt. Sed dici possunt ab initio ijs infundi species repræsentatiuæ aliorum spirituum quoad substantiam, ut statim eos cognoscere valeant, nec expectare cogantur accipere tales species ab illis. Ac rursus per species actuum spiritualium poterit anima separata cognoscere etiam pleraque de rebus materialibus. Nam dum unus spiritus loquitur ad alium de ijs rebus, imprimet in intellectu illius speciem repræsentatiuam sui conceptus; & per hanc speciem, spiritus eam excipiens, cognoscat res materiales, quas spiritus loquens iam cognoscebat, illas tunc manifestat.

Species autem proprias obiectorum materialium non poterit anima separata attingere nisi per infusionem à Deo: quia nullo alio modo eas potest acquirere. Sed tamen scilicet præsentato diximus, non oportere quatenus antiquo ordinem, ut anima separata per infusionem à Deo accipiat notitiam scientiam rerum naturalium, siue quas antea nouerat, siue quas non nouerat: & ita non est naturaliter debitum, tales species ei à Deo infundi. Diximus etiam, animam separatam non debere naturaliter cognoscere ea quæ deinceps in vniuerso geruntur sub quavis distantia, nisi ab alijs spiritibus qui ea cognouerint audiat & adducat: unde nec etiam habere debet species proprias talium rerum, sed satis erunt species conceptuum, quæ ab alijs ei communicentur. Si autem anima separata ex se cognoscere debeat, ea quæ ubi ipsa sit præsens in aliqua huius vniuersi parte gerantur, tales iam species huiusmodi rerum debent illi infundi à Deo, idquæ ad naturalem Dei providentiam pertinebit, dum anima

non

non potest amplius opè sensuum acquirere species rerum præsentium, sicut faciebat in corpore. Constat tamen nobis non potest, quatenus ratione huius potentia, siue in quanta propinquitate, & cum quibus circumstantiis, huiusmodi rerum cognitio animæ naturaliter debeatur. Tales autem species non debebunt infundi animæ ab in uio separationis, sed potius pro successu temporis quando res ipsæ geruntur, sicut dum propria exercitatione acquiruntur ab anima. Si demum animæ separata naturaliter debeantur species propriæ earum rerum materialium quas antea per alienas species cognoscebat, v. g. cognoscebat substantias per species accidentium, si tunc inquam ei debeantur species propriæ substantiarum, eas iam recipiet per infusionem à Deo: & hæc ei infundentur in ipso separationis instanti, siquidem ei debentur ex suppositione illarum specierum quas tunc anima ex hac vita desert.

Præter hæc quæ ad cognitionem ab anima separata exercendam spectant, non occurrit quicquam peculiare quod de voluntate animæ separata dicatur: naturaliter enim voluntas habebit tunc eundem modum operandi, idemque obiectum, eandemque dependentiam à cognitione, prout habebat in hac vita. Erit tamen magis expedita, quatenus non amplius sentiui appetitus affectibus rapietur. De habitibus autem voluntatis sufficienter patet ex dictis de habitibus intellectus, quatenus naturali ordine permancant in anima separata. Sed spectando Diuinam providentiam prout de facto statum animæ separata disponet iuxta ordinem supernaturalem, & considerando quoque virtutes infusas quæ in hac vita animæ tribuuntur, agit de duratione virtutum post hanc vitam D. Thom. 1. 2. q. 67. & res est planè theologica, sicut & alia omnia quæ spectant ad statum beatitudinis vel damnationis animæ separata.



De Substantijs spiritualibus

DEO & Intelligentijs.

Spirituales Summus Philosophiz apex, harum substantiarum contemplatio est. Dubitasse videbatur Arist. 3. de Anima tex. 36. si noster intellectus separatas substantias posset attingere. Sed non tam dubitavit, quam potius affirmatiua huius rei declarationem in alium remisit locum: *Verum contingat aliquid separatorum intelligere, ipsum existentem non separatim à magnitudine, an non, considerandum est posterius.* At in Metaphysica determinauit, id pluries quoque repetens, verè à nobis substantias separatas posse cognosci. Idem attestatur Sacra Scriptura, specialiter edocens, potuisse Deum ab hominibus naturali lumine & ratione ex creaturis ipsis cognosci. Sapient. 13. *A magnitudine speciei & creatura cognoscibiliter poterit creator horum videri.* Et ad Rom. 1. *Inuisibilia ipsius à creatura mundi per ea que facta sunt intellecta conspiciuntur.*

Et hac Hinc inde dubio ad Philosophiam spectat, has sublimes substantias contemplari. Atque ita præstitit Arist. lib. 7. & 8. Phys. ac lib. 12. Metaph. **speculatur.** Unde ulterius, ratione dignitatis & excellentiæ harum substantiarum, nobilissima procius Philosophiæ pars erit, quæ has substantias speculatur. Imò & iucundissima, ut Arist. adnotauit 1. de Partib. animal. cap. 5. *Res illas superiores, tametsi leuiter attingere possumus, tamen ob eius cognoscendi generis excellentiam, amplius oblectamur, quam cum hac nobis iuncta omnia tenemus.* Quia ve-

ro huiusmodi res adeo reconditas ac remotas, non nisi ex corporeis sensibilibusq; rebus inuestigare & assequi possumus, meritò in hoc postremo quidem sed supremo Philosophiæ loco reponi debebant.

Attamen nostra cognitio de his substantijs, admodum debilis & imperfecta remanet, si intra solos naturalis luminis terminos contineatur. Sic expressit Aristoteles eodem loco de Partib. animal. & rationem reddidit. *Partem illam æternam, nobilè, rali lucis diuinam, minus contemplari propterea possumus, quòd admodum pauca illius modo sensibus patens: non enim effectus sensibus deprehendimus, ex quibus ad excelsas illas substantias intellectu assurgimus.* Et de ijsdem loquens 2. Metaph. tex. 1. familiari adhibito exemplo idem expressit: *Sicut vespertilionum oculi ad lumen diei se habent, ita & intellectus animæ nostræ ad ea que manifestissima omnium sunt.* Manifestissima vocauit, quia in se sunt maximè intelligibilia, sicut in corporalibus lux Solis est maximè visibilis: sed ob debilitatem nostri intellectus aliaq; impedimenta, à perfectà illarum subtilium rerum cognitione deficiamus.

Sed præter naturale rationis lumen inditum animæ nostræ, communicauit præterea Deus supernaturale aliud lumen, longè excellentius, nempe lumen fidei, & dona Spiritus sancti spectantia ad intellectum: pleaque revelans & manifestans sum-

Sed valde debilis est notitia que de his naturalibus lucis diuinæ parte minus potest haberi.

Perfectior, & sublimior nomen habetur per superna.

*naturali
lumen
fidei.*


ma cum certitudine de seipso & Angelis: non solum inquam quæ alioqui solo naturæ ductu nunquam intellectus noster assequi potuisset: sed etiam suo testimonio comprobans, & summa infallibilitate confirmans, ea quæ alioqui naturali lumine debiliter noscebantur. Hoc ergo beneficio nostra cognitio admodum adiuvatur atque perficitur.

*Ideo hæc
tota tractatio in
Theologia cō-
modius,
reservatur.*

Hæc autem sublimior notitia, fidei lumine innixa, in sacra Theologia traditur, ac per suos tractatus ordinatè disponitur: philosophica autem tractatio de eadem materia, eodem quoque Theologiæ nomine nūcupatur, diciturq; naturalis Theologia. Iam verò communi Theologorum usu, ad maiorem commoditatem & facilitatem, ipsa quoque experientia comprobata, factum est, ut eadem sacra Theologia totam hanc considerationem ad se traxe-

rit: simul inquirens atque pertractans quæcumque naturali lumine de Deo & Intelligentijs innotescunt: simul etiam naturalibus medijs roborans & confirmans, ea quæ non solum fide reuelâte, sed & ratione demonstrante, comprobari possunt: ac tandem ad omnia obiecta respondens, cum verè munus ipsius Theologiæ sit, mysteria fidei ab omnibus oppositionibus contueri. Igitur & nos, ne hanc dignissimam materiam abrumparamus, inter Philosophiam ac Theologiam eam dissecantes, & quia iam in proximo ipsam Theologiam, ac signatè primam partem in qua propriè de Deo & Angelis pertractatur, in lucem, Diuina aspirante gratia, proferemus; ideo totam de ijs spiritualibus substantijs tractationem, in sacram Theologiam ex integro reservamus. Et interim huic Philosophiæ finem imponimus.

Ad Laudem Dei Beatæque Virginis.



The first of these is the fact that the
 system is not a simple one. It is a
 complex one, and it is not possible to
 understand it without a knowledge of the
 principles of the system. The second
 fact is that the system is not a
 simple one. It is a complex one, and
 it is not possible to understand it
 without a knowledge of the principles
 of the system. The third fact is that
 the system is not a simple one. It is
 a complex one, and it is not possible
 to understand it without a knowledge
 of the principles of the system.

1907-1908

[Faint handwritten text at the bottom of the page]

INDEX RERVM.



A



ABSTRACTIO perfecta & imperfecta. tomol. 1. pagina 99. columna 2.

Accidēs imperfectē pręscindit. 1. 119. 1.

Accidens non quodlibet indiget distincto modo inherendi. 1. 524. 1.

Accidens est ens inherens subiecto. 1. 647. 2.

Aliquod potest per se conservari sine subiecto. 649. 1. Aliquod non potest per se conservari. 650. 1. Essentialiter dicit aliquam inherentiam. 653. 1. Accidens inseparabile a subiecto essentialiter dicit actualem inherentiam. col. 2. Separabile a subiecto essentialiter dicit inherentiam aptitudinalem. 654. 1. Accidens in communi essentialiter dicit inherentiam in communi. col. 2. Non potest concipi sine inherencia. 655. 1. Dicitur de varijs generibus accidentium. 656. 2.

Accidens potest per se conservari per aliquod positivum. 1. 664. 1. Et ita de facto, ibid.

Nec potest aliter conservari. col. 2. Hoc positivum vel est peculiaris modus ad substantiam. 665. 2. Vel modus absolutus per se existendi. 666. 2. Conservatur per modum, qui est supernaturalis. ibid. An sit violentus accidenti. 667. 1. Quo pacto possit habere quid positivum per quod conservatur. col. 2. Hoc positivum quo pacto sit modus. 668. 1.

Accidens quo pacto conservetur in subiecto et extra subiectum per eandem actionem. 1. 668. 2.

Idem est quod dependet a substantia, & a quo aliud accidens dependet. 672. 2. Idem est forma sui subiecti & subiectum alterius. ibid.

Accidens debet esse distinctum a substantia. 1. 691. 1. Aut realiter, aut modaliter. col. 2. Habet propriam existentiam. 692. 1. Est posterius substantia ordine definitionis & cognitionis. col. 2. Quo pacto sit posterius ordine temporis. 693. 1.

Accidens potest varijs modis dividi. 1. 694. 2.

Eius optima divisio est per genera predicamentalia. 695. 2. Eius genera quo loco & ordine debeant considerari. 696. 2.

Accidens vnum primum in Eucharistia est aliorum subiectum. 1. 670. 1.

Accidentia differunt a formis substantialibus 1. 609. 2. Dantur a substantijs distincta. pag.

647. Quę sunt res, possunt per se conservari, non quę sunt modi. 650. 1. Respectu non possunt per se conservari. col. 2.

Nec omnia absoluta ibid. Non illa quę sunt affixa certo subiecto. 651. 1. Non possunt vagę in vno vel alio subiecto collocari col. 2. Ipsi non convenit definitio nature. 1. 317. 2.

Accidentia aliqua immediate debent inherere substantiis. 1. 669. 2. Aliqua alijs accidentibus. 670. 1.

Accidentia inherencia accidentibus non immediate inherent substantijs. 1. 671. 1. Quędam dependent principaliter, quędam instrumentaliter, ab ijs quibus insunt, col. 2. Non necessario debent inherere quantitati. 673. 2. Accidentia variabilia insunt cuidam invariabili. 675. 1.

Accidentia extenduntur per quantitatem 1. 677. 2. Non possunt immediate inherere toti composito 680. 1. Aliqua inherent soli formę. 681. 1. Plura soli materię, ibid. Quę insunt parti denominant compositum. 682. 2.

Accidentia quędam sunt ab alijs accidentibus. 1. 685. 2. Quędam sunt immediate a substantia. 685. 1. Accidentia externa sunt ab alijs accidentibus. col. 2. Interna variabilia sunt ab alijs accidentibus. invariabilia immediate a substantia. 687. 1. Hęc dicuntur fieri per resultantiam. col. 2. Accidentia quę sunt ab alijs accidentibus, non simul sunt immediate a substantia, ibid. Quędam sunt principaliter quędam instrumentaliter a substantia. 689. 1.

Accidentia cuius Agentis principalis sunt instrumenta. 2. 323. 2. Non omnia transmutantur in mutataque substantia, sed multa permanent. 326. 1. & seq.

Accidentis definitio explicatur 1. 651. 2. Eius discrimen a substantia. 652. 1. Accidentis respectui & absoluti convenientia. col. 2.

Actio transiens quo pacto sit naturalis. 1. 314. 2.

Actio est actus, quo Agens agit. 1. 437. 2. Præter

V u u

ter

Index Rerum.

- ter ipsum non est alius actus cauſandi. *ibid.*
 Eſt cauſalitas etiam in conſeruari. 438. 1. Eſt
 cauſalitas etiam cauſæ per accidens, *ibid.*
 Eſt cauſalitas omnis effectus, etiã eorum qui
 dicuntur reſultare. col. 2.
Actio quomodo ſit effectus Agētis. 1. 439. 1. Quo
 modo dicatur eſſe res in fieri, 440. 1. Quo
 modo denominet cauſam & effectum. *ibid.*
Actio eadem eſt productio & conſeruatio.
 1890. 2.
Actio quilibet vera eſt actus realis. 1. 891. 2.
 Non conſtituitur per ordinem actuum ad
 obiectum. *ibid.*
Actio eſt actus ab Agente diſtinctus. 1. 892. 1.
 Etiam Actio Dei. 895. 1. Non omnis debet
 ab effectū diſtingui. col. 2. Plerunque ab effe-
 ctū diſtinguitur. 896. 1. Dicitur diſtingui mo-
 daliter. 897. 1. Quare non poſſit identiſicari
 cum Agente col. 2. Quomodo poſſit identi-
 ficari cum effectū. 898. 1. Quare debeat ple-
 runque diſtingui. col. 2.
Actio non debet in eſſe Agenti. 1. 899. 1. Non
 poſſet in eſſe effectui. 900. 1. In eſt ſubiecto.
 901. 2. Quo pacto ſit accidens Agēis 902.
 1. Quo pacto denominet Agens, *ibid.* Quo
 pacto ſit actus & perfectio Agēis. 903. 1.
 Quo pacto ſit in opere quod ſit, *ibid.* Quo
 pacto cum paſſione ſit in paſſione. col. 2.
Actio in quibuſdam, eadem eſt, qua produci-
 tur effectus, & qua producitur in ſubiecto. 1.
 904. 1. In quibuſdam eſt diſtincta, col. 2. In
 quibuſdam res eſt dubia, *ibid.* Eſt diſtincta
 ex parte primæ cauſæ. 905. 2. Eſt diſtincta
 ex parte Agēis creati, ſi actio in eſſet
 effectui 906. 2. Abſolute eſt eadem. 907. 1.
Actio diſtinditur ſucceſſiue per ſubiectum in-
 tra ſphæram Agēis. 1. 391. 2.
ACTUALITAS quo ſenſu dicatur eſſe a for-
 ma. 1. 629. 1.
Actus naturæ conformes ſunt maximè natura-
 les. 1. 328. 1. Actus non naturales tribus mo-
 dis, Supra naturam, Contra naturam, &
 Pter naturam. col. 2.
Actus Supra naturam. 328. 2. Non includuntur
 in definitione Naturæ. 329. 1.
Actus cōtra naturam dicuntur Violenti. 329. 2.
 An ſint contra inclinationem actiuam, vel
 paſſiuam. Naturæ. 330. 1. Poſſunt ueroque
 modo. *ibid.* Non includuntur formaliter in
 definitione Naturæ. col. 2. Vide Violentum.
Actus pter Naturā, qui dicuntur indiſſerētes,
 quomodo, & reſpectu cuius dētur. 1. 334.
Actus Vitalis per ordinem ad Obiectum non
 eſt vera actio, 892. 1.
Actus Vitales & non vitales diſtinguntur. 2.
 588. 1. Circa actus vitales, vide Anima.
Actus Senſuum externorum percipiuntur ſpe-
 ciebus Obiectorum. 2. 890. 2.
Actus interni percipiuntur quadam noua mo-
 dificatione ſpecierum. 2. 891. 1.
Actus ſenſitiuus internus eſt indicatiua cogni-
 tio. 2. 903. 2. Determinatè attingit rem eſſe.
 904. 1. Deſicit ab intellectuali iudicio, *ibid.*
 Non diſtinguitur in ſenſu ab apprehenſione.
 col. 2. Nō perficitur per Compositionem &
 Diuiſionem, *ibid.* Non eſt cognitio diſcurſi-
 ua 905. 2. Nec etiam in ſenſu humano. 906. 1.
 Nec in memoria ſenſitiua. col. 2. Vide Ani-
 ma. Senſus.
Actus idem quomodo poſſit eſſe generatio &
 corruptio. 2. 313. 1. Quomodo ſemel cor-
 ruptus Poſſit reparari. 350. 1.
Actuum naturalium diuerſi gradus. 1. 335. 1.
ADEPS non eſt animatum. 2. 631. 2.
AER elementum datur. 2. 265. 2. In tres regio-
 nes diſtribuitur. 266. 1. Addi poſſet quarta
 regio col. 2.
Aer quantus. 2. 291. 1. Non debet dici valde
 exiguus col. 2. Fortaſſe eſt maior igne. 291.
 2. Plus in conuexo quam in coacauo habet
 circularem figuram. 295. 2.
Aer eſt calidus & humidus. 2. 495. 2. Videtur
 in ſummo humidus, ſed non calidus. 500. 2.
Aeris media regio eſt notabiliter frigida. 2.
 522. 1. Non per diſtantiā à Cælo. col. 2.
 Sed per vapores & halius aqueos & terre-
 ſtres, Vel per influxum alicuius aſtri. 523. 2.
ÆSTIMATIO. 2. 782. 2. Videtur in eſſe omni-
 bus animalibus. 2. 783. 1.
ÆTERNITAS Durationis ſpecies. 1046. 2. Ex-
 plicatur. 1047. Eſt propria Dei. *ibid.*
ÆVVM Durationis ſpecies. 1. 1046. 2. Expli-
 catur. 1047. Conuenit Angelis. *ibid.*
ÆFFECTIO quilibet de nouo contingens in
 vno loco, naturaliter non fieret in alio. 1.
 987. 2.
Affectiones aliæ reſpicientes locum, aliæ ab-
 ſolutæ independentes à loco. 1. 982. 1. Quæ
 reſpiciunt locum debent eſſe diuerſæ in di-
 uerſis locis. 983. 2. Etiam ſi ſint eiufdē ſubiec-
 ti, *ibid.* Quæ non dependent à loco poſ-
 ſunt replicari in eodem ſubiecto replicato
 in diuerſis locis. 984. 2. Plurimæ debent eſſe
 diuerſæ in diuerſis locis. 986. 1. Affectiones
 contrarię poſſunt conuenire eidem ſubiecto
 in diuerſis locis. 987. 2.
AGENS Vniuocum omnino requirit ſubiectū
 diſtinctum. 1. 442. 1. Agens æquiuocum po-
 teſt

Index Retum.

rest agere in se ipsum. col. 2.
Agens omne quomodo necessario sit quodammodo Vniuocum. 1. 431. 2.
Agens idem sine distinctione partium potest agere in se ipsum. 1. 445. 1. Non solum instrumentaliter, sed maxime principaliter. col. 2.
Agens requirit subiectum dissimile. 1. 448. 2. Etiam quando agit in seipsum. 449. 1. Præsertim in actione vniuoca, col. 2. Non requirit sed potest inuenire contrarietatem in subiecto. 450. 2.
Agens Creatum ex sui limitatione non indiget præsentia locali ad operandum. 1. 456. 1.
Agens potest producere formam in solo extremo, quando inuenit in medio. 1. 467. 1. Operatur validius in propinquum, quam in remotum, ibid. An interdum operetur validius in remotum. col. 2. & seq.
Agens nou potest agere supra suam intensiōnem. 2. 400. 2. Non potest agere in simile, ibid. Non continet qualitatem supra suam intensiōnem. 401. 1. Non potest excedere intensiōnem naturaliter consuetam. col. 2. Non potest producere contrarias qualitates simul in eodem subiecto, ibid. Non possunt duo sese mutuo in eadem qualitate intendere, ibid. Non potest vnum per suas partes eandem qualitatem intendere. 402. 1.
Agens non debet necessario in prima superficie suæ sphaeræ communicare totam suam intensiōnem. 2. 406. 1. Neque necessario in alia parte determinata, neque necessario debet communicare minorem intensiōnem, sed potest omnibus his modis inchoare. col. 2.
Agens diffundit per suam sphaeram actionem vniiformiter difformem. 2. 407. 1. Et hoc in omnibus qualitatibus ibid. Non obstante generatione substantialis formæ, col. 2. Quo pacto terminat actionem in sphaera. 408. 1. & seq. Quo pacto exerceat actionem in distans. 414. 2. Quare intensiorem qualitatem producat prope obstaculi. 415. 1. Quo pacto opereatur in reflexione obliqua. col. 2. Quare cum ipso non cōcurrat obstaculum, ibid. Vide Causa effectiua.
Agentia intellectuālia operantur, propriè propter finem 1. 411. 2. Item agentia naturalia. 413. 2. Intrinsece ex sua inclinatione. 414. 1. Imperfectioni tamen modo quam agentia intellectuālia. 415. 1. Vide Finis.
Agentia quædam requirunt præsentiam ad operandum. 1. 461. 1. Præcipue Agentia cor-

porea inferiora. col. 2. & seq. Quæ requirunt præsentiam, prius agunt in medium, quam in distans. 465. 1.
Agentia plura quo pacto possunt, quod singula non possunt. 2. 403. 1. Agentia partialia quo pacto possint attingere effectum se nobiliorem. col. 2.
Agentia luminosa quare non excedant suam intensiōnem. 2. 404. 2.
ALIQUID, Ens, & Res, quomodo conueniant vel differant. 1. 89. Aliquid quot modis sumatur. 90. 1.
ALTERATIO designatur. 2. 387. 2. In plures species diuiditur. 388. 1. A substantiali generatione secernitur, ibid. Est motus successiuus & continuus. 389. 1. Non interrumpitur in suo tempore. col. 2. Exercetur ab Agente determinato ad operandum continue, ibid. Fit successiuè tam in extensione subiecti, quam in intensiōne qualitatis. 390. 2. Per ipsam qualitas incipit successiuè. 391. 1. Non augetur in infinitum. ibid.
Alterationes contrariæ possunt simul exerceri. 2. 395. 1. Quomodo possint exerceri. 399. 2.
ANIMA omnis, etiam rationalis, est verè natura. 1. 322. Dat esse corporeum. 1. 496. 2. Quomodo anima rationalis, cum sit spiritualis det esse corporeum. 599. 2.
Anima residet in toto Corpore. 2. 627. 1. Magis principaliter est in vna parte quam in alijs. 628. 1. Definitur. 639. 1.
Anima est actus. 2. 639. 1. Est actus corporis. 640. 2. Est actus corporis physici idest naturalis. 641. 1. Est actus corporis organici idest instrumentalis, ibid. Est actus Corporis potentia vitam habentis. col. 2. Eius definitio conuenit solum Animæ inferiorum Corporum. 642. 2. Conuenit omni Animæ inferiorum Corporum. 643. 1. Conuenit vniuoce. col. 2. Et essentialiter. 644. 1. Eius alia definitio. 645. 2. col. 2.
Anima non ex communi ratione est immortalis. 2. 645. 1. Quo pacto dans vitam Corpori possit extinguì. col. 2. Quo pacto dans motum possit deficere. 646. 1.
Anima non ex communi ratione est indiuisibilis. 2. 646. 2. Omnis præter rationalem sequitur conditionem materiæ. 648. 2. Eius communis ratio sine indiuisibilitate defenditur. 649. 1.
Anima diuiditur in Vegetatiuam, Sensitiuam, & Rationalem. 2. 650. 2. Anima Sensitiua vegetat. & Rationalis sentit. 651. 2. Vnica in eodè Viuente sufficit. 653. 1. Vide Viuens.

Index Rerum.

Anima potest sine potentijs conseruari, non potentia sine Anima. 2. 659. 2. Eius potentia ab Animæ substantia distinguuntur. 656. 2. Et ab Anima promanant. 662. 1. Vide Potentia.

Anima est causa principalis Potentiarum. 2. 662. 2. Ab ipsa promanant omnes potentia, sed cum aliquo ordine. 663. 1. Dependunt formaliter per essentiam. 664. 1. An earum emanatio sit vitalis. 665. 1.

Animæ potentia organica subiectantur in Corpore. 2. 665. 1. Non subiectantur in toto composito. 667. 1. Nec in Anima. 668. 1.

Animæ potentia sunt plures ac distinctæ. 2. 668. 2. Specificantur, & distinguuntur per actus, 669. 1. Differunt ab actibus. col. 2. Animæ eadem potentia potest comprehendere plures ac varios actus. 670. 1.

Animæ actus vitales quidam non sunt essentialiter vitales. 2. 672. 1. Hi sunt, motus locales, & actus vegetatiui. col. 1. & 2. Alij sunt essentialiter vitales. 673. 1. Hi non possunt fieri à solo Deo. col. 2. Et dependent immediate per essentiam suam ab anima. 674. 2. Et variantur si variatur actio. 675. 1.

Animæ actus vitales non procedunt immediate ab essentia Animæ sed mediante potentia. 2. 675. 2. Eius attentio ad producendos actus adhibetur mediante potentia. 677. 1. Ex actu vnius potentia excitatur alia potentia. col. 2.

Animæ actus vitales intimè depèdunt ab Anima mediante potentia. 2. 677. 2. Alij habent terminum, alij obiectum. 678. 1. Qui habent terminum distinguuntur a termino, qui habent obiectum ab obiecto. col. 2.

Animæ actus diuersarum potentiarum distinguuntur. 2. 679. 1. Etiam distinguuntur actus eiusdem potentia, ibid. Et circa idem obiectum distinguuntur plures actus. col. 2. Animæ actus, ac per actus potentia, non solum ex obiecto, sed per se specificantur & distinguuntur. 680. 2.

Animæ Habitus, Vide Habitus.

Anima Vegetatiua est verè Anima, & Forma vitalis. 2. 730. 2. Habet tres Potentias et Operationes 731. 1. Hæ sunt in omnibus Viuentibus necessarie excepta generatiua. col. 2. Sunt verè Vitales. 732. 1. Non sunt communes corporibus inanimatis 733. 1. Sunt in suo ordine immanentes. col. 2. Sunt verè tres potentia & operationes 734. 1. Ad has alia reducuntur. col. 2. Vide Potentia, Nutritio, Augmentatio, Generatio.

Anima sensitiua cōstituit animal. 2. 773. 1. Ipsi conueniunt tres gradus potentiarum. col. 2. Vide Potentia Sensitiua, Sensus.

Anima Brutorum est purè sensitiua 2. 773. 2. Est irrationalis ibidem.

Anima Rationalis est ens factum à Deo. 2. 945. 2. Est diuersa & inferioris rationis ab Angelis. 946. 1. Est substantia. col. 2. Est spiritualis. 947. 1. Est indiuisibilis, ibidem. Est simplex. col. 2.

Anima Rationalis est vera Corporis forma. 2. 948. 2. Debet fieri per Creationem. 950. 2. Non propagatur semine, ibid. A solo Deo creatur. 951. 1. Tunc primò cum infunditur corpori. ibid. Vnitur corpori actione parentum. col. 2.

Anima Rationalis est immortalis. 952. 2. Circa hoc mēs Aristotelis examinatur. 956. & seq.

Anima Rationalis est multiplex & distincta in singulis hominibus. 1. 957. 2. & seq. Non transit eadem de vno in aliud Corpus. 959. 1. Animas rationales differre specie, est possibile. 961. 1. De facto conueniunt in specie. ibid. Et sunt æqualis perfectionis in omnibus. col. 2.

Animæ rationalis potentia & operationes. Vide Potentia, Intellectus, Memoria, Voluntas.

Anima rationalis separata nō indiget nouo modo essendi per se. 2. 1009. 2. Non acquirit aliū modum posituum essendi. 2. 1009. 2. Status separationis est illi quadam ratione naturalis. 1010. 2. Quadam violentus, & quadam neutralis. col. 2. Appetit naturaliter unionem ad corpus. 1013. 1.

Anima separata, necessariò debet esse in aliquo loco. 2. 1013. 2. Debet esse per veram presentiam. 1014. 1. Non determinat sibi ab intrinseco certū locum, sed per Dei prouidentiam deputatur ad certum locum, ibid. Potest moueri de loco ad locum. col. 2.

Potest propria virtute moueri. 1015. 1. & 2. Non exercet eandem virtutem in corpore. 1016. 1. Potest quoque aliena corpora dimouere, col. 2. Potest apparere in corpore assumpto. 1017. 2. Virtus animæ motiua ab intellectu & voluntate distinguitur. col. 2.

Anima separata verè cognoscet, licet absque ope sensuum. 2. 1018. 2. Cognoscet perfectiori modo quàm coniuncta, sed adhuc imperfectiori quàm Angeli, & absque conuersione ad phantasmata. 1019. 1. & 2. Non indigebit tanta multiplicitate actuum & conceptuum, sed adhuc vteretur discursu & com-

Index Rerum;

positione. 1020. 1. Cognoscet cuncta, quæ antea nouerat, etiam singularia. col. 2. Cognoscet aliqua sed non omnia quæ deinceps in Vniuerso contingunt. 1021. 1. Cognoscet seipsum per suam substantiam. col. 2. Cognoscet perfecte alias substantias separatas. 1023. 1. Vel per earum substantiam, vel per distinctas species, ibidem & col. 2.

Anima separata retinebit easdem intellectuales species & habitus priores. 2. 1025. 1. Recordabitur rerum præteritarum, col. 2. In statu beatitudinis non retinebit habitus erroneos, incertos, & obscuros, non habitum fidei & theologiæ. 1026. 2. Accipiet alias nouas species, col. 2. Quæ non fluent ab essentia animæ. 1027. 1. Sed acquirètur ex obiectis spiritualibus, non ex materialibus. col. 2. Aliquæ infundentur a Deo. 1028. 1. & 2.

ANIMALIUM imperfectorum partes decidæ qua ratione uiuant. 2. 647. 1.

Animalia perfecta non nisi a suis similibus generantur. 2. 758. 1. Prima vice debuerunt creari a Deo, ibidem. Eorum nullum gignitur per solas naturales causas. 759. 1.

Animalia quædam gignuntur & per propagationem, & per putrefactionem. 2. 759. 2. Et quocumque modo gignantur sunt eiusdem rationis. 760. 1.

Animalibus omnibus inest aliquis sensus. 2. 773. 2. Et appetitus, & aliqua Virtus motiua. 774. 1.

ANTIPERISTASIS quid. 2. 417. 1. Verè augget intensiue sæpe qualitatem, ibid. Vide Qualitas.

APIS an audiat. 2. 785. 2. Vide Mel.

APPELIBILITAS est attributum entis. 1. 235. 1. Tum respectu appetitus innati, tum eliciti. ibid. Potest explicari, vel per denominationem realem, vel per relationem rationis. col. 2. Potest & debet sub nomine bonitatis intelligi, ibidem. In quodam sensu consequitur ex bonitate priori. 236. 1. In alio sensu per se primò conuenit enti. ibidem Vide Res.

Appetitus Philosophiæ est naturalis. 1. 42. 1. Appetitio alimenti. 2. 747. 1. Appetitus concupiscibilis, & irascibilis. 2. 783. 1.

Appetitus sensitiuus non mouetur ex solis rebus externis sensatis. 2. 886. 2. Attingit actus internos. 889. 2.

Appetitus residet in Corde 2. 907. 1. Versatur

circa bonum sensibile. 908. 2. Non est multiplex iuxta numerum sensuum. ibid. Distribuitur in Concupiscibilem, & Irascibilem: quæ nõ sunt potentia realiter distinctæ 909. 2. Dicit plures operationes & passionēs, nempe sex pro concupiscibili, & quinque pro irascibili. 911.

AQVA deberet existere circa terram, sed a Deo fuit segregata. 2. 267. 1. Conficit cum terra vnum globum. 268. 1. Est figura circularis. 296. 1. Vide globus.

Aqua cur & quando se sub terram immittat. 2. 432. 2. Est frigida & humida. 493. 2. Videtur esse in summo frigida, sed non humida. 501. 1.

Aqua conuertitur in vinum. 2. 595. 2. & seq. Quomodo possit separari a vino. 599. 1. Quare congelatur, & non aer. 403. 2.

Aquæ ex terra & Cælo varias qualitates assumunt. 2. 550. 2.

ARISTOTELIS mens examinatur circa immortalitatem Animæ. 2. 956. 1. & seq.

ARS imitatur naturam 1. 326. 2. Perficit naturam. 327. 1. An efficiat quæ natura. ibid.

ASTRA dantur. 2. 50. 2. Alia fixa, alia errantia. 52. 1. Fixa sunt mille. & viginti duo. col. 2. Sunt alia minùs visibilia. 53. 1. Quo pacto videantur & dicantur innumerabilia. 54. 1.

Astra errantia, siue Planetæ, sunt septem. 2. 54. 2. Vide Stellæ, Planetæ.

Astra, alia superiora, alia inferiora. 2. 58. 2. Astra fixa sunt errantibus superiora. col. 2. Incertum est, an astra fixa in eodem plano moueantur. ibid.

Astrorum errantium ordo statuitur. 2. 59. & seq.

Astra non sunt ignea. 2. 95. 1. Eorum vis non est ignea. 98. 1. Inter se differunt specie. 141. 2. A Cælis differunt specie. 142. 1.

Astra non oportet fuisse facta de eadem materia Cæli. 2. 149. 2. Pomerunt fieri de nouo etiam quoad materiam. 150. 1.

Astra alia præter Solem & Lunam an sint diaphana vel opaca est dubium. 2. 162. 2. In sua luce scintillant. 163. 1. Non propter distantiam. col. 2. Non propter agitationem Cæli. 164. 1. Sed fortasse propter motum singulorum astrorum in se, ibid. Vel propter lucem internam ipsorum astrorum. 165. 1.

Astra illuminant Cælos. 2. 269. 2. Non oportet, omnia illuminari a Sole. 269. 2. Nec dici debet, nulla illuminari a Sole. 270. 1. Efficiunt lumen, & alias qualitates non per motum

Index Rerum.

motum 223. 1. Efficiunt quoque calorem, non per motum. col. 2.
 Astra qualiter per lumen & alias virtutes operentur. 2. 229. 2. Differunt in suis virtutibus & influentijs. 233. 2. Aggrent per illas etiam sublato motu. ib. Non propterea sunt causa rerum. 234. 1. Possunt esse causa propriae & singulares. col. 2. Quomodo agunt in tanta distantia. ibid. Habent virtutes ex sua natura & perfectione, ut hae inferiora gubernent. 235. 1.
 Astrorum motus quomodo debeant recte mensurari. 2. 27. 2.
 Astrorum magnitudo quo pacto explorata sit. 2. 154. 1. Quanta sit. 155. 1. Astrorum figura est spherica. 157. 1. Est perfecte rotunda. col. 2.
 Astrorum locus. 2. 169. 1.
 Astrorum effectus remanent recedentibus astris 2. 242. 2. Vide caelum.
ATTRIBUTA aliqua Entis consistunt in peculiari expressione entis. 1. 140. 2. Attributa plura entis numerari possunt. 144. 1. Attributa plura per modum Negationis, Denominationis, & Relationis rationis, distingui possunt in ente. 145. 1.
AVDITVS organi structura. 2. 847. 1. Auditus in qua parte insit. col. 2. Eius Obiectum. ibid. Vide Sonus.
AVGMENTATIO an ipsa sola sit motus ad quantitatem. 2. 337. 2.
 Augmentatio qualiter sit acquisitio quantitatis. 2. 753. 1. Non est rarefactio quantitatis vel materiae. col. 2. Est additio quantitatis cum materia. 754. 1. Est continuatio novae partis cum toto corpore col. 2. Haec continuatio fit intra poros. 756. 1.
 Augmentatio qualiter fiat in qualibet parte Corporis. 2. 756. 1. Non est continua per totum Corpus, & per totam vitam 757. 1. Est continua per partes ib. Ipsam commutatur aliquis motus localis. 758. 1.
AVRIBVS aer innatus qualiter sit immobilis, 2. 853. 2. Vide Auditus, Sonus.

B

BONITAS passio entis quomodo cum alijs passionibus se habeat, Vide Vnitatis, Veritas.
 Bonitas debet vno modo explicari pro perfectione rei in se. tomo 1. pag. 227. col. 2. Potest explicari etiam alijs modis. 230. 1.
 Bonitas debet pro convenientia assignari. 1.

231. 2. Dicitur de omnibus rebus 232. 1. Dicitur per ordinem ad omnes res, sed precipue ad Deum, ibid. Potest explicari per connotationem realem, vel per relationem rationis, ibidem. Est adequata enti reali, 233. 1. Opponitur malitiae, ibid. Potest multiplicari in eadem re, col. 2. Dicitur rationem perfectionis respectu, ibid. Est in ipsis rebus. 234. 1. Mouet appetitum, ibid.
 Bonitas transcendens, & moralis 1. 238. 2. Bonitas moralis non est species transcendens. ib.
 Bonitas habet diuersos inaequales gradus. 1. 237. 1.
 Bonitatis discrimen ab vnitatis, & veritate. 1. 224. 2.
 Bonum & Verum non dant sed sumunt distinctionem a Voluntate, & Intellectu. 1. 149. 2.
 Bonum omne est ens. 1. 219. 2. Quomodo dicatur etiam de negationibus & entibus rationis. 222. 2.
 Bonum quomodo dicatur rationem finis. 1. 237. 2. Diuiditur in Honestum, Delectabile, & Vtile. 239. 1. Bonum honestum, est magis bonum, quam alia. 241. 1. Vide Ens. Perfectum.
BRUTA. Vide anima Brutorum.

C

CÆLI nomen explicatur. 2. 49. 1.
 Cæli dantur. tomo 2. pag. 50. 2. Ultra stellatum Veteres non agnouerunt. 63. 2. Alij addiderunt primum mobile. 64. 1. Alij Chrystallinum, ibid. Theologi Empireum. col. 2. Supra sydereum non necessarium est addere alios mobiles. 65. 1.
 Cælum Empireum omnino datur. 2. 66. 1. Ratione naturali non probatur. col. 2. Colligitur ex Scriptura. 69. 2. Quare non videatur a nobis. 70. 1.
 Cælum an sit vnum, vel multiplex, ex Scriptura non conuincitur. 2. 79. 1. Non est vnum canalibus perforatum. col. 2. Non vnum cum quo se penetrent Astra. 80. Est vere solidum. 81. Est vnum, intra quod distinguuntur Planetarum Zonae. 84. 2. Eius structura per Zonas. 85.
 Cælum non est elementaris, sed superioris naturae. 2. 94. 1. & 2. Habet perfectiones Elementorum. 78. 1. Non habet accidentia propria Elementorum. 95. 2.
 Cæli soliditas non est terrea. 2. 96. 1. Eius formatio non fuit ex aqua, ibid. Supra ipsum non sunt verae aquae elementares 97. 1. Eius perspicuitas non aerea. col. 2.
 Cæli

Cæli sunt incorruptibiles. 2. 99. 1. Quomodo
sunt etiam ingenerabiles. 100. 1.
**Cæli possunt esse compositi ex materia & for-
ma.** 2. 123. 1. Possunt esse simplices absque
tali compositione. col. 2. De facto videntur
compositi ex materia & forma. 126. 2. Cæ-
lum empiricum fortasse est corpus simplex
absque compositione materiae & formæ.
128. 1.
**Cæli habent materiam diuersæ rationis a ma-
teria elementari.** 2. 129. 2. sunt incorrupti-
biles ex parte Materiae & Formæ. 131. Non
sunt animati 134. 1. & seq. Eorū forma com-
paratur cum formis inferioribus. 137. 2.
**Cælorum aliqua corpora in sua substantia spe-
cificè distinguuntur.** 2. 140. 2. Rectè inter
ipsa ponitur essentialis distinctio. 143. 2.
Comparatur in perfectione essentiali. 143. 1.
Cæli inter se non differunt specie. 2. 141. 2.
**Cælorum Corpora non differre in Materia est
possibile.** 2. 146. 1. Eorū incorruptibilitas
adhuc saluatur. col. 1. Possibile erat differre
in materia. 148. 1. Vtrum de facto differant
in Materia est incertum. 149. 1.
**Cæli quantitatem, non constat esse eiusdem
rationis cum quantitate inferiorum.** 2. 151. 3.
2. Non constat, esse diuersæ rationis. 152. 1.
Eorum magnitudo inquiritur. 153. 2. Quo
pacto explorari sit. 154. 2. Quamā censea-
tur. 155. 1.
Cælis Raritas, & Densitas potest conuenire.
2. 158. 2. Non oportet de facto differentiam
raritatis & densitatis in ipsis inueniri. 159. 1.
Sufficit differentia Opacitatis, & Diapha-
nitatis. ib. Cæli sunt perfecte diaphani. ib.
Cæli perspicui habent lucem. 2. 163. 1. Non
habent qualitates elementares. 165. 2. Nec
habent qualitates primas. 166. 1. Non ha-
bent qualitates tangibiles. col. 2. Non ha-
bent veros colores. 167. 1. Suo motu nullū
edunt sonum. 168. 1.
Cæli exigunt supremum in Vniuerso locum.
2. 169. 1. An sint leuitate præditi. col. 2. An
eorum pars abscessa rediret ad Cælum. 170.
1. An habeant positiones locales. ibid.
**Cælum supremum non habet pro suo loco
suam superficiem.** 1. 965. 1. Nec Cælum sibi
inferius. col. 2. Non est in loco ratione par-
cium, ibid. Non est in loco ratione centri.
966. 2. Non est in loco physico. col. 2.
Cælum est perfecte sphericum. 2. 15. 1. Etiam
Empiricum. col. 2.
**Cælum Empiricum, licet esset quadratum, non
infert Vacuum.** 999. 1.

Cælo conuenit aliquis motus. 2. 173. 1. Ipsi
conuenit verè & realiter omnis apparens
mutatio localis. col. 2. Vide Motus.
**Cælum non solum habet motum, sed etiam,
quietem.** 2. 105. 1. ipsi conuenit ratio Naturæ
in respectu principij passivi tū actiui. 321. 2.
**Cælum mouetur non ab intrinseco, sed ab
extrinseco, nempe ab Intelligentia.** 2. 186.
2. Nō potuisset moueri ab intrinseco. 182. 2.
Cælestia corpora in hæc Inferiora operantur.
2. 213. 1. Qualiter sibi illa assimulent. 214. 2.
Qualiter sint illis coniuncta & proportio-
nata. 215. 1. Qualiter relinquunt effectuum
contingentiam. 216. 2. 217. 1. 218. 1. ibid.
**Cæli operantur quosdam effectus immediatè
in distans.** 1. 457. 2.
**Cæli præter Astra non videntur operari in in-
feriora.** 2. 216. 2. Nec etiam Cæli mobiles
superiores 217. 1. Nec Cælum Christallinū
ibid. Nec Cælum primum mobile. col. 2. An
Cælum Empiricum 218. 2. & seq.
**Cæli motus non est causa motus & transmuta-
tionis Inferiorum.** 2. 225. 1. Quomodo sit
primus, & non sit causa aliorum motuum.
227. 2. Quomodo sine ipso fierent alij mo-
tus. 228. 1. Non immittunt Cæli radios cor-
poreos, & particulas de sua substantia. 225.
2. Agere etiam cessante motu. 226. 1.
**Cæli operantur per alias virtutes præter lu-
minem.** 2. 229. 2. & 231. 2. & seq. Operantur
plurimos accidentales effectus. 235. 1. Non
efficiunt omnem inferiorem substantiam.
236. 2. Non omnem substantialem formam.
ibid. Sed benè quasdam substantiales formas.
ibid. An efficiant substantias viuentes. 237.
2. Concurrunt diuerso modo a Genitoribus.
ibid. Non debent proprio, & positiuo influ-
xu conseruare Inferiora. 241. 2. Non debent
conseruare effectus quos non producunt,
nec quos producunt. 242. 1. 2.
**Cælorum ablato influxu non statim res desi-
nerent.** 2. 242. 2. Cæli verè conseruant ali-
quos effectus. 243. 1. Aduuant ad conser-
uandos alios effectus. 244. 1. 2. ibid.
**Cælorū Corpora non debent verè & propriè
concurrere ad operationes inferiorum, sed
concomitanter adiuuant ad operandum.** 2.
243. 2. & 244. 2. Quo pacto Cælū dicatur
causa vniuersalis 245. 2. Quo pacto dicatur
primum Agens. ibid.
**Cælorum corpora non operantur directè in
Animam Hominis.** 2. 247. 2. Non impellunt
Voluntatem ad suos actus. 248. 1. Nō de-
terminant sed inclinant ad quosdā actus. col.
2. Non

2. Non indicant per modum signi humanos euentus. 249. 1. Ex ipsis non possunt præfagiri humani euentus. col. 2. Possent præfagiri effectus corporei. 250. 2. De facto non possunt. 251. 1. Nisi fortè rarò. col. 2. Ipsorum quædam vera præfagia examinantur. 252. Vide Astra.
- CALORIS** productio non debet adscribi luci. 2. 229. 2. Calor non sufficit ad omnes Cælorum effectus. 232. 1.
- Calor** definitur & definitio explicatur. 2. 484. 2. Definitio oppugnatur & defenditur. 487. Vide Elementa. Qualitas.
- CASVS** spectat ad causam effectiuam. 1. 383. 2. Explicatur. 479. 3. Reperitur in solis causis creatis. 480. 1. Non suit prima rerum causa. 2. 232. 1. col. 2.
- CAVSA** efficiens & finalis quomodo sint causa extrinseca, vel intrinseca. 1. 312. 1. Causa extrinseca non dicitur Natura rei. 313. 2. Causa non a sola Metaphysica, vel à sola Physica consideratur. 1. 370. Sed à Philosophia. 372. Definitur. 372. col. 1. Quomodo differat à Principio. 374. 2. Dicitur tum in fieri tum in facto esse. 375. 1. Ipsi coniungitur effectus. col. 2.
- Causa** habet virtutem causandi. 1. 377. 2. Habet conditiones. 378. 1. Debet supponi existens. col. 2. ipsius quatuor genera. 379. 2. Hæc inter se distinguuntur. 381. 1.
- Causa Materialis** definitur. 1. 384. 1. Quæ sint, quæ habent rationem huius Causæ. col. 2. Quæ sint quæ reducuntur ad hanc causam. 385. 1.
- Causa Formalis** definitur. 1. 385. 2. Quæ sint, quæ habent rationem huius causæ. ibid.
- Causæ Materialis & Formalis** primarius effectus est Compositum. 1. 386. 1. Causæ materialis effectus. 387. 1. Causæ formalis effectus. 387. 2. col. 2.
- Causæ Materialis & Formalis** necessaria conditio, quæ nec à Deo potest suppleri, est localis præsentia. 1. 394. Alia conditio est apta dispositio. 395. 1. Hæc potest suppleri à Deo. col. 2. Alia conditio est proportio inter subiectum & formam. ibid. Vide Materia, Forma.
- Causa finalis** non datur respectu actuum Voluntatis diuinæ, sed datur Ratio volendi. 1. 412. Datur tamè talis causa finalis respectu actuum externorum Dei. ibid. Vide Finis ubi fuit de pertinentibus ad Causam finalem.
- Causa effectiua** definitur & explicatur. 1. 426. & seq. Est duplex, creata & increata. 427. 2. Causa Creata vere agit cum concursu tamè immediato Caput primæ. 428. & seq.
- Causa effectiua Physica & Moralis.** 1. 429. 2. Per se & per accidens. ibid.
- Causa per accidens** multiplex. 1. 429. 2. Nempe Moralis ibid. Dans alteri formam. 430. 1. Applicans. ibid. Remouens prohibens. ibid. Non impediens. ibid. Assistens. ibid. Dirigens. col. 2. Item alio modo est multiplex, nempe Perficiens, Præparans, Adiuuans, Consilians. ibid.
- Causa Effectiua Principalis, & Instrumentalis.** 1. 430. 2. Item Vniuoca, & Aequiuoca. 431. 1. Causa Vniuoca est æqualis cum effectui. Aequiuoca non potest esse inferior nec necessariò debet esse perfectior. ibid.
- Causa effectiua Prima** sola potest producere effectum sine subiecto. 1. 433. 1.
- Causa Effectiua** verè producit Formam, & Compositum. 1. 433. 2. Non requirit ex communi sua ratione, & modo operandi localem præsentiam ut operetur. 451. 2. Potest fieri ut operetur in distans. 452. 1. Vide Agens.
- Causa** est ordine prior quam effectus. 1. 484. 1. Sunt simul quatenus Correlatiua. ibid. Quomodo tempore sit prior vel simul cum Effectui. 485. 1. col. 2.
- Causa formaliter** est dignior effectui. 1. 485. 2. Causæ intrinsecæ sunt minus perfectæ quam effectus. 486. 1. Causa Finalis potest esse magis aut minus perfecta quam effectus. 487. 1. Causa effectiua comparatur in perfectione cum effectui. 488. 1. ibid.
- Causa omnis** Creata determinatur ad certum genus effectuum. 1. 487. 2. Non est necessariò determinata ad vnā certam speciem. 488. 1. Vnde determinetur ad effectum in certa specie col. 2. Eadem potest attingere contrarios effectus. 489. 1. Determinatur ad certos effectus in Individuo ex voluntate diuina. 491. 1. & seq. Ad aliquos effectus potest dici ex se determinata aliqua causa. 492. 2.
- Causæ totales** intrinsecæ eiusdem generis respectu vnius compositi nō possunt esse plures. 1. 501. 1. Causæ materiales eiusdem formæ non possunt esse plures naturaliter, sed per Dei potentiam. ibid. Causæ formales quomodo possunt esse plures in eadem Materia. col. 2. Causæ Finales totales possunt esse plures eiusdem operis. 501. 1. Causæ effectiue partiales possunt esse plures eiusdem effectus. ibid. Plures etiā subordinatæ col. 2. Plures etiam totales per Dei potentiam. ib. & seq. Sed non naturaliter. 505.
- Causæ** diuersis modis sunt inter se priores & po-

Index Rerum.

- posteriores.** 1. 506. 2. Sunt sibi inuicem causa. 507. 2. Non in eodem genere Causæ, nec omnes Causæ. ibid. Aliquæ possunt secundum diuersam, sed non secundum eandem rationem se mutuo causare. 508. 2.
- Causa** in quibusdam casibus & causis in causando potest procedere in infinitum in potentia. 1. 510. 2. Sed non in omnibus causis. 511. 1. In nullo genere datur actu processus in infinitum, col. 2. Debet dari prima. ibid. Item & vltima. 512. 2.
- Causæ inferiores** operantur absque actuali influxu Cælorum. 2. 244. 1. Vide Agens.
- CAUSALITAS** datur. 1. 376. 1. Distinguitur à Causa. ibid. Et ab effectu. 377. 1. Non est pura Relatio, sed actus realis. ibid. Vna est ex parte Causæ & effectus, ibid. Non indiget alia causalitate, quæ dependet. col. 2.
- Causalitas Materiæ** eadem est erga Formam & Compositum. 1. 390. 1. Vnica est erga quamlibet Formam, col. 2. Diuersa est erga Animam rationalem, ac erga alias Formas. 391. 1. Eadem est erga Formam in fieri. 392. 1. Causalitas Formæ eadem est erga compositum, & subiectum. 392. 2. Vna est erga Materiam. 393. 1. Eadem est realiter ac Causalitas Materiæ. col. 2.
- Causalitas Agentis** per se non postulat præsentiam. 1. 453. 2.
- Causalitas actualis** non est prior tempore, quam effectus. 1. 485. 1.
- Causalitas omnis** est determinata ad suam certam Causam. 1. 494. 2. Vide Actio.
- CENTRUM** non est locus Cæli. 1. 967. 1.
- Centrum Gravitatis & Magnitudinis.** 2. 274. 2.
- Centrum Magnitudinis** datur in terra & terrestri globo. 275. 2. Centrum Magnitudinis totius Globi potius quam solius Terræ accedit ad Centrum Mundi. 276. 1.
- CEREBRUM** est aptum Subiectum Sensuum interiorum. 2. 881. 1. Est membrum principale. 884. 1. Non dicit plures sinus distinctos ob distinctos sensus. 906. 2. Non requirit diuersum temperamentum ob diuersos sensus. ibid. Vide Sensus.
- COGNITIO** Generis in vno sensu est perfectior Cognitione Speciei. 1. 412. 2.
- Cognitio** reuinet duplicem veritatem. 1. 208. 1. Vide Sensus, Intellectus.
- COLO** R. ceruleus apparet potius in Aere quam in Cælo. 2. 167. 2.
- Colores** Quid sint. 841. 1. Alij apparentes, alij veri. col. 2. Color verus est qualitas à luce distincta. 842. 1. Reperiuntur & interdum conspiciuntur etiam in profundo. col. 2. Color apprensus videtur interdum noua qualitate præter lucem. 842. 2.
- Colores** sunt multi & varij. 2. 844. 1. Eorum origo est dubia & obscura. col. 1. Vide Sensus, V. sus.
- COMETAE** non sunt plures stellæ errantes simul. 2. 56. 2. Non sunt aliæ singulares stellæ errantes. ibid. Non exsunt nec gignuntur in Cælo. 112. & seq.
- Cometarum descriptio.** 2. 513. 2. Historia 514. 1. Natura, & Ratio. col. 2. Eorum Cauda non videtur ignita accensio. 515. 1. Eorum Locus & Altitudo 516. 1. Effectus, & Præsentia. 517. 1.
- COMPOSITO** non conuenit definitio Naturæ. 1. 319. 1.
- Compositum** est primarius effectus Causæ Materialis & Formalis. 1. 386. 1. Causatur quia constat ex partibus. col. 2.
- Compositum substantiale** per se & directe in sua quidditate includit Materiam simul cum Formâ. 1. 65. 2. Eius essentia est per se vna. 568. 1. Est cuique propria. ibid. Requirit unionem inter Materiam & Formam 549. 1.
- Compositum accidentale** includit subiectum. 1. 568. 2.
- Compositum** est quod distinctum à partibus singularibus sumptis. 1. 580. 2. Non est distinctum à partibus vniuersis, nec dicit tertiam entitatem. 581. & seq. Est Materia & Forma vnice. 582. 2.
- Compositum** constat ex Materia & sua Forma specifica. 1. 597. 1. Non potest habere vnâ simplicem substantiam. 631. 2. Requirit Substantiam tam Materiæ quam Formæ. 633. 1.
- Compositum** generatur ex alio, & quodlibet potest conuertere in aliud. 2. 322. 2. Dum conuerteretur conuerteretur secundum omnes gradus essentialis. 333. 1.
- CONFORMITAS**, & Veritas non est perfectio realis superaddita rebus. 1. 196. 2. Vide Veritas.
- Conformitatis triplex** modus. 1. 200. 2. Conformitas rerum quatenus diriguntur ab intellectu potest dici Veritas. 1. 201. 1. Non conuenit omni enti. ibid. Nec est illa passio, quæ dicitur Veritas col. 2.
- Conformitas rerum**, quatenus causant veram sui nouitiam potest dici Veritas. 1. 201. 2. Sed non est adequata passio Eius. 202. 1.
- Conformitas rerum** quatenus terminant Cognitionem est propriissime Veritas transcendens

- dens Passio entis. 1.202.2. Conformitas sic terminatiua quomodo se habeat per respectum. 203.2.
- Conformitas, quæ est Veritas, dicitur adæquate per ordinem ad Intellectum in communi. 1.204.1. Specialiter per ordinem ad Intellectum creatum. col.2. Et præcipue per ordinem ad Intellectum diuinum. 205.1.
- CONTIGVA sine indiuisibilibus definiuntur. 1.730.1.
- CONTINUVM non potest diuidi in omnem sui partem. 1.716.1. In ipso non potest fieri diuisio alteri immediata. col.2. Ipsius non potest assignari prima & vltima pars. ibid.
- Continua sine indiuisibilibus definiuntur. 1.730.1.
- Continui partes distinguuntur actu. 1.738. & seq. Sumuntur varijs modis 744.1. Eius partes determinatæ sunt simpliciter finitæ. 745.1. Partes indeterminatæ, proportionales, & communicantes, sunt aliquo modo infinitæ. col.2. Constituunt magnitudinem finitam 746.1. Sunt infinitæ in minus non in maius. col.2.
- Continuum constans ex partibus infinitis potest bene pertransiri per motum. 1.647.1.
- Continui maioris & minoris partes comparantur. 1.648.1. Eius partes determinatæ & indeterminatæ quomodo sumantur. col.2.
- Continui partes non possunt esse actu diuise infinitæ. 1.650.1. Partes indeterminatæ non possunt esse separatæ. 651.1. Partes proportionales sunt semper diuisibiles. ibid. Actu diuise habent primam & vltimam, et omnes numerari possunt. col.2.
- Continui partes non sunt infinitæ cathegorematicæ, sed syncathegorematicæ. 1.752.1. Non dantur minimæ, sed semper minores. col.2. Semper plures, non simplicitat infinitæ. 753.1. Nec in mente Dei sunt simpliciter infinitæ. 755.1. Nec possunt separari infinitæ. ibid. Nec omnes proportionales possunt expleri. col.2. Si essent omnes diuise, essent finitæ & infinitæ. 756.2.
- CONTRADICTIONA non possunt simul verificari. 1.367.2.
- Contraria quomodo possint mutuò inter se agere. 2.426.1.
- Contrariæ actiones quomodo possint per eam medium transmitti. 2.427.2.
- Conuenientia inter Substantiam & Accidens, Deum & Creaturas, Ens reale & rationis explicatur. 1.122.1.
- CORDI quo pacto interdum adscribantur cogitationes. 2.883.2. Vide Appetitus, Sanguis, Sensus.
- CORPVS Christi non est simul cum pane in instanti Transubstantiationis. 1.368.1.
- Corpora omnia corruptibilia constant ex materia & forma. 1.559.1.
- Corpus in communi constituitur per formam in communi, non per formam Corporeitatis. 1.596.2.
- Corpora inferiora diuiduntur in Elementa & Mixta. 1.254.1.
- Corpora inferiora sunt naturaliter mutabilia. 2.299.1. Generabilia & Corruptibilia. col.2. Adhuc sunt Obiectum veræ scientiæ. 300.2. Non creantur ex nihilo. ibid. Eorum formæ, licet prius simpliciter non essent, postea sunt dependenter a Subiecto. 301.1. Sunt veræ substantiæ ex materia & substantiali forma compositæ. 302.1. Vide Generatio.
- Corpora Viuentia determinant sibi terminos quantitates. 2.353.2. Diuersorum Corporum diuersi sunt termini. 355.1.
- Corpora non viuentia non determinant sibi terminos magnitudinis. 2.355.1. Nec paruitatis. col.2. Habent utrunque terminum ab extrinseco. 356.1. Adhuc habent determinatam naturam substantialem. 357.2.
- Corpora viuentia determinant sibi terminos intrinsecos. 2.359.2. Tam in generatione, quam in conseruatione. 360.1. Tam per se, quam per accidens. ibid.
- Corpora rarescunt, & addensantur. 2.361.2. Secundum eandem suam substantiam. 363.1. Non per vacuitates interpositas. ibid. Non per intrusionem alterius Corporis. col.2. Non formaliter per mutationem substantiæ. 364.1. Non per educationem, & penetrationem partium. col.2.
- Corpora possunt dilatari & constringi sine rarefactione & addensatione. 2.365.2. Non possunt addensari & rareferi in infinitum. ibid. Non rarescunt & addensantur per additionem & deductionem quantitatis. 368.1. Vide Raritas.
- Corpus Christi in Sacramento an habeat partes raras & densas. 2.375.2. Quomodo se habeat in Sacramento. 1.711.2. Quomodo habeat quantitatem. ibid.
- Corpora an omnia sint in Loco. 1.965.1. Corpora gloriosa quo pacto sint in loco. 968.1.
- Corpora non possunt naturaliter penetrari. 1.969.2. Possunt seculis quantitate. 970.1. Vnum corpus expellit aliud formaliter, & efficit.

Index Rerum.

effectiue. col. 2. Corpora possunt se penetrare per Dei potentiam. ibid. Quo pacto penetrantur retenta quantitate. 975. 2. Quo pacto eiusdem Corporis plures partes penetrantur. 974. 1. Corpora quomodo constringantur dilatentur & misceantur sine Vacuo. 1.997. 2. Corpus non motum quomodo possit mouere. 2.228. 2. Corpora quædam petunt locum superiorem, quædam inferiorem. 2.430. 2. Quædam petunt loca extrema, & quædam media. 431. 2. Corpora inferiora mouentur seipulis sua virtute motiua. 2.439. 1. Eorum virtus ad ascendendum est leuitas, ad descendendum grauitas. col. 2. Vtcrius datur virtus media inter hæc extrema. ibid. Hæc virtutes sunt distinctæ species. 441. 6. Corpora graui & leuia in suis locis quiescunt. 2445. 2. Quo pacto violenter moueantur ad alienum locum. 451. 2. Corpora animata dicuntur posse mouere se ipsa, inanimata quæ non possunt. 2.583. 1. Inanimata dicuntur moueri à Generatæ & quomodo. 586. Inanimata non se mouent nisi fuerint in statu violento. 587. 1. Animata mouent se ipsa in statu naturali. 588. 1. Vide Mixta. Corpus animatum constat ex corpore vt parte materiali, & Anima vt parte formali. 2.648. 1. Non ex corpore tanquam genere, & Anima tanquam forma. ibid. Constituitur verà compositione reali col. 2. Ex vtraque parte permanente. 619. 1. Vide Viuens. Corpus organicum non constituitur per substantialem formam. 2.622. 1. & seq. Disponitur per Accidentia ad receptionem Animæ. 623. 2. Corporis nomine non debet intelligi substantialis forma. 626. 2. Eius partes animatæ omnes sunt inter se continuæ. 629. 1. Corporis humores non sunt animati. 2.630. 1. Corporeum omne est diuisibile in partes. 2.647. 2. Hæcquæ est differentia eius a Re spirituali. 648. 1. CORRUPTIO rei exercetur in instanti definitionis extrinseco non intrinseco. 1.1068. 2. Corruptio explicatur, & definitur. 2.311. 1. Eius duplex modus. col. 2. Non est per se peculiaris actus positius. 312. 1. Est idem actus ac Generatio alterius termini positiui. ibid. Vel est cessatio influxus, quo res conseruabatur. 313. 1. Quod corrumpitur supponitur naturaliter genitum. 337. 1.

CREATURÆ nullum habent esse antequam fiant à Deo. 1.248. 1. Non possunt ante existentiam habere esse essentie productum à Deo. col. 1. Nec improductum. ibid. Nec possunt habere esse distinctum à Deo. 250. 1. Non esse æternum. 251. 2. col. 2. Creatura quo pacto ex non ente fiat ens. 1.251. 2. Quo pacto habeat potentiam ad existendum. 252. 1. Quo pacto habeat esse possibile independenter à Deo. col. 2.

D

DELINEATIONES manus & frontis non sunt idoneæ ad indicandum. como. 2. pag. 938. 2.

DENOMINATIONES extrinsecæ quomodo possint considerari circa ens. 1.141. 17.

DENSITAS & moles non est virtus agendi. 2.401. 1. Quomodo conferat in agente ad intentionem qualitatis in passio. 401. 2. Vide Raritas.

DENTES sunt animati. 2.636. 1. Sunt veræ partes animati corporis. 637. 2.

DESINENDI modi. Vide Incipiendi modi.

DEVS solus est prima Causa in genere Causæ effectiue. 1.513. 1. In genere causæ finalis est vltimus finis omnium. ibid. In genere causæ Materialis & Formalis non est prima Causa in eodem genere concurrens. col. 2. Effectiue concurret cum materia & forma, & non potest in eodem genere supplere causalitatem earum, sed tantum effectiue causando. 514. 1.

Deus quo pacto sit Causa prima, cui omnes alia subordinantur. 1.514. 2. Cum omni causa dat esse effectui. 515. 1. Subiit sibi omnem Causam. ibid. Non solum in essendo, sed etiam in causando. ibid. Non exercet causalitatem materiæ & formæ, sed supplet in alio genere vicem earum. col. 2.

Deus potest semper plus & amplius facere in infinitum absque vltimo termino. 1.806. 1. Non potest simul facere quicquid potest. 838. 1. Non potest facere quæ repugnant. 839. 1.

Dei potest dari scientia. 1.69. 1.

Deus creat solam Animam rationalem ex se, non alias formas. 2.320. 2.

DIFFERENTIAE entium verè sunt entia. 1.96. 1. Habent passiones entis. 97. 1. Non bene distinguuntur vltimè & non vltimè. col. 2. Quomodo conueniant & differant inter se. 98. 2. Quomodo se habeant cum ente. Vide Ens.

Index Rerum.

- Differentia Entium realiū sunt reales. 1. 858.2.
DISCONVENIENTIA potest explicari negatiuē, & positiuē. 1. 242.2.
DISTINCTIO a parte rei multiplex. 1. 183.1. Potest confundi cum distinctione reali. ibid. Formalis a parte rei non datur. 1. 184.2. Alia realis, alia modalis. col. 2. Distinctionum plura genera subdistinguuntur. 186. 2. Vide Diuisio.
Distinctio rationis. 1. 187. 1. Quotuplex sit. ibid.
DIVINARI possunt occulta per somnia supernaturalia. 2. 922. 2. Diuinare per somnia demoniaca illicitum est. 923. 1. Diuinari possunt quædam per somnia naturalia. ibid. Sed rarò & inutiliter. col. 2. Diuinari nihil potest per somnia communiter. 924.1.
DIVISIO sumi potest negatiuē & positiuē. 1. 162.2. Eius triplex acceptio. 164.1. Diuisio & distinctio quid. 182.1. Quotuplex ibid. Vide Distinctio.
DOLOR. 2. 872.1. Reperitur in sensu externo Tactus. ib. Similiter in Gustu. ibid. Nō in Visu & Auditu. ibid. Benè in Odoratu. 873.1. Non est sola sensatio obiecti externi. ibid. Est peculiaris quædam qualitas in Sensu. ibid. Ex qua causa proueniat in tactu. ibid. Prouenit ex abscissione continui & ex alteratione subiecti. col. 2. Ex alijs quoque causis. ibid. Ad dolorem reducuntur Fames, Situs, Pruritus, Titillatio. 874.1.
DVRATIO. 1. 1030. Non est præcisè existentia rei. col. 1. Potest rectè sumi pro coexistentia & præsentia ad tempus col. 2. Potest etiam sumi pro perseverantia rei in existendo. 1031. 1. Sic conuenit omnibus rebus. col. 2.
Duratio diuiditur in Permanentem & Successiuam. 1. 1032.2. Hæc diuisio est essentialis. 1033. 1. Duratio permanens non est forma distincta a rebus. 1036. 2. Non est forma in se inuariabilis. 1037. 1. Non est forma successiuē variabilis. col. 2. Est positiuē existentia rei. 1038. 1. Connotat tempus. ibid.
Duratio quomodo sit quædā extensio. 1. 1039. 1. Quomodo dicat præteritum & futurum, prius & posterius. col. 2. Quomodo non sit modus præsentia in tempore. 1040.2.
Duratio successiua specialiter attribuitur motui. 1. 1041.1. An sit forma a motu distincta. col. 2. Eius duplex acceptio. 1042. 1. Eius disparitas cum duratione permanente. 1045. 2. Dicit coexistentiam ad tempus extrinsecum. 1046. 1. Proprie est continua. ibid. Vi-
 de Successio. Motus, Tempus, Quando.
Duratio diuiditur in Aeternitatem, Æuum, & Tempus. 1. 1046. 2. Huius diuisionis explicatio. ibid. & seq.
Duratio quænam mensuret & mensuretur. 1. 1058. 1. Duratio successiua per aliam mensuratur. ibid. Permanens potest mensurari alia. 1059. 2. Non datur prima duratio permanens, quæ sit mensura aliarum. 1060.1.
Duratio successiua aliquo modo potest mensurari duratione permanenti. 1060.1.2. Duratio permanens mensuratur successiua præcipuē in corruptibilibus. 1061. 1. Aliquo modo etiam in rebus incorruptibilibus. col. 2. Vide Mensura, Quando.
EFFECTVS quidam æquiuoci & quidam vniuoci conseruantur a suis causis. 1060. 3. pag. 889. col. 2. Omnes per actionem, quoad suum esse dependent ab Agente ibid. Effectus comparatur cum Causa. Vide Causa. Effectus idem in specie potest prouenire a differentibus Causis. 1. 493.2.
 Effectus idem in indiuiduo potest prouenire a differentibus Causis. 1. 496.1.
 Effectus, qui componitur intrinsecè ex causis, determinat sibi certas causas. 495. 2. Sic item effectus, qui per essentiam suam dependet a causa. 496. 1. Alij effectus indifferenter ab vna vel alia causa possunt prouenire. col. 2.
 Effectus idem potest ab vna vel alia Causa dependere. 498. 2. Effectus determinatus quomodo sit a causa determinata. 499. 1. Quomodo non fiat a Causa per accidens. col. 2. Quomodo idem possit fieri per varias causalitates. ibid. Quomodo idem non possit producere seipsum, aut causam sui. ibid.
 Effectus aliquis immediatè dependet per suam essentiam a Causa. 1. 896.1.
 Efficiens. Vide Causa efficiua.
ELAMENTA in fine mundi perficientur. 2. 46. 2. Eorum actiones, & rerum generationes cessabunt. 47.1.
 Elementa sunt quatuor, Ignis, Aer, Aqua, & Terra. 2. 254.1. Habent circularem figuram. 293.2. Elementaris mundi structura perficitur per circularem figuram. 297.1.
 Elementa superiora non sunt decuplo maiora inferioribus. 287.1.
 Elementa in suis locis non grauitant. 2. 446. 1. Neque partes eiusdem Elementi inter se grauitant. 447.2.
 Etc.

Index Rerum.

Elementa omnia inueniuntur pura secundum substantiam Elementi. 1. 465. 1. Eorum substantia non mutatur per accidentalem alterationem. col. 2. Hoc verificatur in omnibus Elementis. ibid. Magna ex parte inueniuntur accidentaliter impura. 467. 1. Aliqua ex parte sunt simpliciter pura. col. 2.

Elementum ample sumptum definitur & definitio explicatur. 2. 469. 1. & 2. Specialiter sumptum definitur. 470. 1. Non recte explicatur per ordinem ad mixta. col. 2. Non recte dicitur esse in mixto. 471. 1. Debet definiri & explicari secundum se. 472. 1. Potest explicari penes convenientiam Vniuersi, & primam productionem Corporum. col. 2. Penes etiam compositionem suam ex partibus integralibus. 473. 1. Melius penes suas qualitates. col. 2.

Elementorum formæ non sunt qualitates. 2. 474. 2. Habent eandem substantiæ rationem cum alijs formis. 477. 2. Non sunt vitales. 478. 1. Explicandæ sunt per qualitates. col. 2. Quomodo naturaliter corrumpantur. 480. 1. Quomodo ad Mixtum se habeant. 481. 1.

Elementorum quatuor præcipuæ qualitates, Calor, Frigus, Humiditas, Siccitas. 2. 481. 1. Aliæ qualitates præter ipsas. col. 2.

Elementis non insunt qualitates virtuales respectu subiecti externi. 2. 481. 1. Sed bene respectu sui intrinsecè. ibid.

Elementorum primæ qualitates sunt illæ quatuor, Calor, Frigus, &c. 2. 482. 1. Hæ non proueniunt ex alijs, nec ex alterutris. ibid. Ex ipsis proueniunt aliæ qualitates. col. 2.

Elementorum contrariæ qualitates comparantur. 2. 488. 1. Comparantur qualitates non contrariæ. 489. 1. Comparantur omnes, & singulæ. 490. 1. Inter eas constituitur aliquis Actiuitatis & Resistentiæ ordo. 491. 1. Quæ magis actiuæ minus resistentiæ. 492. 1.

Elementis singulis binæ conueniunt qualitates. 3. 492. 2. Quædam conueniunt in summo, quædam infra summum. 500. 1. Non admiscetur contraria qualitas ab intrinseco. 502. 2.

Elementorum qualitates symbolæ sunt inter se eiusdem speciei. 2. 504. 1. Sic etiam in alijs corporibus. 505. 1.

Elementū quodlibet potest in quodlibet transmutari. 2. 509. 1. Per vnius vel plurium actionem potest diuersum aliud generari. 500. 2. Inter symbola est facilior transmutatio. 511.

Elementa non debent secundum substantiam conuenire ad generationem Mixtorum. 2. 560. 2. Non omnia quatuor oportet conue-

nire. ibid. Non tria. ibid. Non duo. 561. 2. Nec vnum. col. 2. Non debent in Mixtis realiter permanere. ibid. Non debent de nouo produci propter Mixtum. ibid. Qualiter interdum ad Mixtionem conueniant 562. 1. Vide Mixtum.

Elementa non possunt esse diffusa per totum Mixtum, nec per particulas iuxta positas. 2. 565. 2. Ipsorum formæ non possunt manere integræ nec fractæ in mixtis 566. 1. Nec possunt dimidiari. col. 2. Nec sunt vtilis & necessariæ. 567. 1.

Elementa varia qualiter in varijs mixtis prædominari dicantur. 2. 572. 1. Elementorum qualitates formaliter in mixto manent. pag. 573. 1.

Elementorum qualitates tam actiuæ quàm passiuæ concurrunt ad mixtorum generationem. 2. 580. 2. Omnes sunt actiuæ. 581. 1. Singulæ agunt aduersus suas contrarias. col. 2. Per se concurrunt. ibid. Omnes generationem mixti perficiunt. ibid.

Elementa quomodo putrescant. 2. 584. 1.

ENS mobile & naturale quomodo dicatur obiectum Physicæ. Vide Obiectum.

Ens materiale habet suam quidditatem & proprias passiones. 2. 583. 2.

Entis Increati datur scientia. 1. 69. 1. Entis item creati. col. 2. Item & de Ente vtrique communi. 70. 1. De ente Increato, Creato, & de communi vtrique eadem est scientia. col. 2.

Ens rationis non consideratur directè à scientia. 1. 76. 1. Neque consideratur directè ens per accidens, sed ambo considerantur indirectè & reductiuè. ibid. Vide Obiectum.

Entis nomine absolute non potest intelligi ens abstrahens à materia. 2. 77. 2.

Ens immateriale & in communi non potest vni separatæ scientiæ obijci. 1. 77. 2. Ens abstrahens à materia non consideratur per modum vnius. 2. 78. 2.

Ens est vnum obiectum vnius scientiæ. 1. 81. 2. Quomodo habeat principia & passiones. 82. 2. Minus latè patet, quam obiectum Intellectus. 83. 1. Intelligitur per se vnum, & reale. col. 2.

Ens explicatur. 1. 84. 1. Eius duplex significatio & quænam pertineat ad Philosophiam. ibid. Sumitur communiter ad ens creatum & increatum. 85. 1. Ad substantiam & Accidens. ibid. An sumatur tantum pro rebus existentibus. ibid. Significat essentiam rerum. 86. 2. Propria & philosophica significatio. ibid.

Ens

Ens quomodo dicatur non esse essenziale, nec
poni in definitionibus. 1. 87. 1. Quomodo di-
catur non dici essentialiter de Creaturis.
col. 2.

Ens ut sumitur in Philosophia non est verbum,
sed nomen. 1. 87. 2. Quomodo consideretur
quoad essentiam, & existentiam. 88. 1.

Ens Res & Aliquid quomodo sint idem. 1. 89.
1. Possunt aliquo pacto distingui, sed debet
sumi eodem modo. ibidem. Quomodo hæc
tria numerentur in transcendentibus 90. 1.

Ens non est vnicum, sed commune multis. 1.
91. 1. Quoad essentiam est commune essen-
tialiter, quoad existentiam contingenter.
col. 2. Dicitur de rebus etiã in abstracto. 92.
1. Quomodo sit vnũ & sint multa entia. ibid.

Quomodo sub ente communi entia differ-
rant. col. 2. Ens exiens quomodo dicatur
contingenter. 93. 1. Ens concretum quomo-
do dicatur de abstractis. 93. 1.

Ens est essentialiter commune etiam Modis. 1.
93. 2. Est commune etiam omnibus Diffe-
rentijs entium. 96. 1. Non facit compositio-
nem cum Differentijs. 98. 1.

Ens non distinguitur a parte rei in inferioribus
entibus. 1. 100. 1. Non præscindit per ratio-
nem perfecte ab Inferioribus. ibid. Ens es-
sentialiter est quicquid est in rebus. col. 2.

Non habet rationes distinctas, a quibus præ-
scindat, & per quas contrahatur. 101. 1. Ad
eius perfectam præcisionem non sufficit di-
stinctio conceptus impliciti & expliciti. col. 2.

Nec sufficit dicere. Differentias entis esse
super se simplices. 102. 1. Non potest dici Ens
præscindens a Differentijs, & Differentias
non ab Ente. col. 2. Ex ente & Differentijs
non fit compositio. 103. 2. Ens cum Diffe-
rentijs non se habet vt puncta cum partibus.

104. 1. Ens nec imperfecte præscindit ab ente reali &
ratione. 1. 104. 2. Nisi quoad denominationem.
105. 1. Ens reale imperfecte præscindit
a suis differentijs. col. 2. Non solum vt Ana-
logum Proportionalitatis, sed etiam Attri-
butionis. 106. 1.

Ens sicut præscindit ita contrahitur. 1. 106. 2.
Includit inferiora entia. 107. 1. Non coniun-
ctiue, col. 2. Nec disiunctiue. ibid. Nec at-
tributiue. 108. 1. Sed absolute. col. 2. Non
explicite, sed implicite. ibid. Non solum
prima genera, sed immediate omnia entia.

109. 1. Ens dicit Conceptum aliquo modo vnum. 1.
109. 2. Et aliquo modo distinctũ ab inferiori-

ribus. 110. 1. Significat immediate inferiora.
ibid. Vere & recte de inferioribus prædicatur.
col. 2. Quomodo in prædicationibus
reduplicationem admittat. 111. 1.

Ens terminat Conceptum formalem. 1. 112. 1.
Differt ab Equiuocis & a plurimis Analogis.
col. 2.

Ens prout est in vna re, quomodo diuidatur ab
alia. 1. 113. 1. In entis ratione quomodo En-
tia conueniant & differant. col. 2. De ente
quomodo possit esse conceptus certus, &
incertus de tali ente. 114. 1. Per vnum ens
quomodo possit cognosci aliud. col. 2.

Ens in communi quomodo sit vnum. 1. 115. 1.
In ipso quomodo entia conueniant. ibid.
Quomodo de singulis entibus prædicetur.
col. 2. In ipso quomodo includantur Diffe-
rentiæ. 116. 1.

Ens Completum an debeat assignari perfecte
Differentijs præscindens. 1. 116. 2. & seq.
Ens non est pure Equiuocum. 1. 120. 2. Non
est purum nomen commune. 121. 1. Dicit
conuenientiam, & habitudinem entium in-
ter se. ibid. Dicit conceptum vnum commu-
nem. ibid. Dicitur etiam de Ente rationis
secundum aliquam habitudinem. col. 2.

Ens non est Vniuocum perfecte præscindens. 1.
121. 1. Est vniuocum dicens vnum quendam
conceptum sub vno nomine. ibid. Non est
vniuocum æque primo descendens ad sua
inferiora. col. 2. Non est vniuocum vige-
ntius prædicamentale. ibid. Est vniuocum
in quo sensu negatur ab Aristotele. 124. 2.

In quo sensu affirmatur. 125. 1. Habet plu-
rimas Vniuocorum conditiones. col. 2. 1.
Eius comparatio extenditur ad omnes Spe-
cies & Individua. 1. 124. 1.

Ens est Analogum. 1. 126. 2. Tum analogia in-
æqualitatis. ibid. Tum attributionis. 127. 1.
Tum proportionalitatis. col. 2. Non solum
per denominationem extrinsecam sed per
intrinsecam conuenientiam. ibid. In ente
quænam Analogia sit prior. 128. 2.

Entis Passiones dantur. 1. 136. 1. De ente de-
monstratur. 137. 1. Non possunt esse rationes
positiue & reales superaddite enti. 138. 1.
Et ab ente distingui a parte rei. col. 2. Non
includunt ens & aliam rationem superaddi-
tam. 139. 2. Sunt formæ adiacentes. 140. 1.

Constitunt in negatione, aut habitudine ra-
tionis. 142. 1. Quomodo enti inesse dicantur.
143. 1.

Entis aliqua attributa consistunt in particulari
expressione eius. 1. 140. 2.

Ens

Ens quomodo prædicetur de suis Passionibus.

1. 143. 1. Quomodo de eute passionibus prædicentur. col. 2.

Ens omne appetit esse, & conservari. 1. 144. 2.

Appetit suam perfectionem. ibid. Quiescit in sua perfectione. ibid. Habet aliquod munus quod exercet. ibid.

Entis præcipuæ passionibus sunt Unitas, Veritas, Bonitas. 1. 145. 2. Sūt propriæ ipsi. 146. 1.

Quædam distinguuntur solum in modo concipiendi. col. 3. Quædam positivè & realiter. 147. 1. Quædam plusquam realiter. ibid.

Quomodo de se invicem prædicentur. col. 2. Varijs modis ordinantur. 148. 1.

Ens omne est Vnum. 1. 150. 1. Ens quomodo

diuidatur in Vnum, & Multa. col. 2. Hæc diuisio rejicitur. 151. 2.

Ens quomodo sit adæquatum Obiectum Intel-

lectus. 1. 213. 2. Ens omne est formaliter verum. 189. 1.

Ens omne est bonum. 1. 219. 1. Non omne est

bonum per essentiam ex parte bonitatis. 223. 2. Non omne est bonum per essentiam suam omni sua perfectione. 224. 1. Omne est

per suam essentiam entitativè bonum. 225. 1.

Ens creatum quomodo differat ab Increato. 1.

275. 2.

Ens potest magis immediatè diuidi, quam in

decem Prædicamenta. 1. 517. 1. Potest varijs modis diuidi. col. 2. Eius genera sunt ea in quæ diuiditur. 128. 1.

Eps solet primo diuidi in infinitum, & Finitum.

1. 118. 2. Solet diuidi in Vnum & Multa. 119. 1. Hæ diuisiones explicantur. ibid. Comparantur inter se. ibid. Diuiditur alijs modis. col. 2. Entis adæquata diuisio in Substantiam & Accidens. 520. 2.

Epiciclus Planetarum. 1. 587. 1.

Esse creatum quomodo sit esse receptum. 1. 276.

1. Quomodo sit finitum & limitatum. col. 2.

Esse reale & esse cognitum explicatur. 1. 422. 1.

ESSENTIA pluribus modis appellatur. 1. 245.

1. Dicitur Substantia. ib. Dicitur Natura. col. 2. Dicitur Quidditas. 246. 1. Dicitur Forma. 1. ibid. Eius ratio explicatur. ibid. Per essentiam unaquæque res constituitur in se & distinguitur ab alio. ibid. Et determinatur in certo gradu entis. col. 2. Et per ipsam prædicata essentialia affirmantur necessario & inuariabiliter. ibid. Per essentiam ex parte Obiecti res concipiuntur. 247. 1.

Essentia an habeat esse actuale, Vide Creatura.

Essentia rerum verè est ens reale. 1. 253. 2.

Non debet dici non ens & nihil. 254. 1. Secundum se nec est ens actuale, nec potentiale. col. 2. Contingenter habet statum actualitatis aut potentialitatis. 255. 2. Abstrahit a tempore, loco, & causalitate. ibid.

Essentia rerum dicuntur necessaria. 1. 257. 1.

Non sunt necessaria in esse actuali. col. 2.

Sunt necessaria in connexionione cum suis rebus. 1. 258. 1. ibid.

Essentia nec potentialiter sumpta distinguitur ab existentia. 1. 270. 2. Vide Existentia.

Essentia & existentia quomodo se habeant ad causam Effectiuam. 1. 277. 1.

Essentia quomodo sit indifferens ad existere et non existere. 1. 277. 1. Quomodo sit necessaria. ibid. Quomodo possit intelligi ut non existens. 278. 1.

Essentia & existentia distinguuntur aliquo modo ratione in rebus Creatis. 1. 279. 1. Non distinguuntur tanquam duæ actualitates vel formalitates. 280. 1. Sed in modo concipiendi. col. 2. Et hoc in omnibus Creaturis. 281. 1. Etiam in Modis. 282. 2. Essentia ut actu posita non distinguitur ab existentia. 283. 2.

Essentia & existentia in communi qualiter distinguantur. 1. 285. 1. ibid.

Essentia Dei differt ab essentia Creaturæ. 1. 285. 1. Non est potentialis sed summè actualis. ibid. Intimè includit existentiam & nec ratione distinguitur ab ea. col. 2.

Essentia omnis debet habere suam propriam existentiam. 1. 288. 2. Essentia & existentia separari non possunt. 289. 2. Essentia an sit perfectior existentia. ibid. Cum existentia rei est Causa aliorum effectum. 290. 1.

EXCREMENTA mera Animalis non sunt animata. 1. 263. 2. ibid.

EXISTENTIA est actualitas essendi. 1. 263. 2. Dicitur prima & vltima actualitas. ibid. Non est respectus ad causam producentem. 265. 1. Non est accidens, sed pertinet ad idem prædicamentum ad quod res quæ existunt. col. 2. Non aduenit enti in actu. 266. 1. Non conficitur cum essentia vnum per accidens. col. 2. Distribuitur per omnia Prædicamenta. 267. 1.

Existentia an sit idem cum Duratione. 1. 267. 2. Quomodo accadat essentia. 268. 1. Existentia substantiæ de quo genere substantiæ sit. 269. 1. col. 2.

Existentia non distinguitur a parte rei ab essentia. 269. 2. Non realiter. 271. 3. Non modaliter. col. 2. Nec formaliter. 273. 1.

Existentia est Attributum contingens rerum. 1.

145.

149. 1. Quomodo sit contingens. 1. 277. 2.
 Existencia Substantia quomodo sit per se, &
 Existencia Accidentis in alio. 1. 278. 1.
 Existencia non est de essentia Creaturae. 1. 279.
 2. Eius gradus, eodem modo ac gradus es-
 sentia multiplicatur. 280. 2.
 Existencia actualis non est de essentia modi. 1.
 283. 1.
 Existencia Dei includitur in conceptu essentia-
 li Dei. 1. 284. 2.
 Existencia & essentia non se habent ut Actus
 & Potentia realiter. 1. 287. 1. Sed aliquo
 modo per rationem. col. 2.
 Existencia est actus immediatus essentiae. 1. 289. 1.

F

FACILITAS alia operis, alia operantis,
 tome 2 pag. 718. col. 1.
FALSITAS an detur Veritati opposita. 1. 201. 1.
 Eius triplex modus. 213. 2. Primus modus,
 quando res aliter sunt quam cog. ascuntur.
 ibid. Hic modus quomodo conveniat re-
 bus. 216. 1. Quomodo res denominet. col. 2.
 Secundus modus, si Obiectum mouet intel-
 lectum ad falsam estimationem. 217. 1.
 Tertius modus, cum opus declinat a debita
 directione artis. col. 2. Hic modus quomo-
 do dicatur de rebus. 218. 1. De quibus rebus
 dicatur. ibid.
FAMES. 2. 747. 1. Est quidam sensus doloris.
 col. 1.
FATVM sumitur pro Causa. 1. 481. 3. A ple-
 risque dictum est vniuersalis & necessaria
 rerum. ibid. Ab Ecclesia & Patribus est ne-
 gatum. 482. 1. In vno senta potest admitti
 pro causis naturalibus. col. 1. In alio pro
 diuina prouidentia. ibid. In alio pro causis
 subditis prouidentiae. 483. 1. Est immobile,
 sed non affert necessitatem. col. 2.
FERRVM candens quare accendat stupam.
 1. 404. 1.
FIGURA quid. 1. 760. 1.
FINIS explicatur & definitur. 1. 397. 1. Non
 oportet ut sit realis. ibid. Est causa realis.
 398. 1. Eius causalitas est omnino realis. col.
 1. An referatur realiter ad effectum. 399. 1.
 Finis non realis an habeat virtutem causandi
 realem. col. 1. Quomodo sit vera causa. col.
 2. Non est tantum causa moralis sed realis.
 400. 1. Non intentionalis, sed realis. col. 2.
 Finis cuius & Finis Cui. 1. 401. 1. Vterque est
 causa finalis. col. 2. Finis Obiectiuus, & For-
 malis. ib. Finis Operis & operantis. 402. 1.

Finis vltimus, & Non vltimus. 403. 1. Hic ha-
 bet rationem causa finalis. ib. Vide Vultus.
 Finis omnium rerum quis. 1. 407. 1.
 Finis effectus sunt Media, & Actus circa Me-
 dia. col. 2. Finis amor quomodo concu-
 rat ad media, & ad actus circa media. 408.
 1. Finis effectus an etiam sint actus circa
 finem. 409. 1. Finis & Media se inuicem
 causant secundum eandem rationem. 509. 1.
 Finis Causalitas non est dare medijs bonitatem.
 1. 416. 1. Non est sola actio voluntatis inter-
 na. col. 2. Non adequatè assignatur per
 omnem actionem. 417. 1. Non est aliquid
 praeuium omni actioni. col. 2. Non assigna-
 tur sufficienter per esse propter aliud. 419. 1.
 Est ordinatio rerum ad finem. ibid. In qui-
 busdam rebus est ipsa essentia rerum. col. 2.
 Item est actio per quam res fiunt. ib. Potest
 dici alius modus distinctus a rebus. 420. 1.
 Praesertim in operibus liberis Dei. col. 2.
 Finis quomodo dicatur mouere Agens. 1. 418.
 1. Quomodo dicatur prior Causa effectus,
 & causare actionem Agentis. col. 2.
 Finis directe causat secundum suum esse reale.
 1. 422. 1. Esse reale vel possibile, vel prae-
 sens, vel futurum. col. 2. In ipso esse reali
 finis quiescit agens. 423. 1. Cum ipso esse
 finis intelligitur bonitas. col. 2. Finis cogni-
 tio se habet ut cōditio & ratio causandi. ib.
 Finis quo pacto causet secundum esse reale. 1.
 424. 1. Esse reale non habet ante media. col.
 1. Imo accipit per media. 425. 1. Et inter-
 dum penitus non habet. col. 1.
FLBIVS est proprius homini. 1. 935. 2. Im-
 portat motum, vocem, & lachrymas. 936.
 Ipse motus & vox fiunt sicut in risu. ibidem.
 Eius Causa, & Obiectum. 938. 1. Vide La-
 chrymaz.
FLVMINA. Vide Fontes.
FLVXVS & refluxus. Vide Mare.
FONTES & flumina possunt scaturire ex plu-
 uis. 1. 549. 1. Possunt generari ex aere. ib.
 Possunt prodire ex mari. col. 2.
FORMA quomodo sit Natura respectu gene-
 rationis per quam fit, aut per quam efficit
 aliam formam. 1. 303. 1. Cum materia non
 conficit vnum principium, aut vnam Cau-
 sam. 320. 2. Ipsi cōuenit ratio Naturae. ibid.
 Forma est Principium Compositorum. 1. 346.
 1. Quomodo sit principium necessariū. 349.
 2. Non est principium generationis sui sed
 tantum compositi. 360. 1.
 Forma quomodo expellat aliam. 1. 369. 2. Quo
 pacto Causet. 385. 2. Vide Causa formalis.
 For-

Index Rerum.

Forma est effectus Causæ materialis. 1. 387. 1.
Formæ expulsio an sit effectus formalis no-
uæ formæ. 388. 2. **Forma qualiter limitetur**
à Materia, & limitet Materiam. 389. 2.
Forma cum Materia comparatur. Vide Causa.
Forma est principalis pars essentis Compositi.
1. 567. 2. Quomodo se habeat ad essentiam
Compositi. ibid.
Formæ nomen 586. **Vide Materia.**
Formas substantiales dari ex pluribus demon-
stratur. 587. & seq.
Formæ quomodo corrumpantur. 1. 591. 1.
Forma specifica sola datur in corporibus. 1.
597. 1. Ipsa dat esse Corporeum, & tribuit
omnia essentialia prædicata. col. 2.
Forma corporeitatis non datur. 1. 598. 1. **For-**
ma communis non datur. ibid.
Formæ ratio explicatur. 1. 605. 2. **Forma omnis**
substantialis est vera res. 606. 1.
Forma corruptibilis dependet à materia. 1.
606. 2. Quo pacto habeat rationem sub-
stantiæ. 607. 1. **Est primarius actus materiæ.**
608. 1. Habet suam subsistentiam. col. 2.
Nulla substantialis ordinatur ad aliã. 609. 1.
Forma substantialis habet aliquo modo ratio-
nem essendi per se. 1. 610. 1. **Non potest**
inhærere per modum accidentis. col. 2. **Be-**
nè explicatur per materiam, & per ipsam
materia. ibid.
Formæ potentia informatiua est de essentia
eius. 1. 615. 2. **Differt à potentia materiæ.**
pag. 617. 2.
Formæ non latent actu in materia. 1. 618. 1.
Non habent aliquam sui partem in materia.
col. 2. Non supponunt aliquid loco sui. 619.
1. Continentur potentialiter in materia &
educuntur dum fiunt dependenter ab illa.
col. 2. Nō creantur, nec fiunt ex nihilo. 620. 1.
Vt educantur nō requiritur vt Materia tem-
pore præcedat. ibid. **Requiritur vt Materia**
præcedat ordine naturæ. 621. 1.
Formæeductio qualiter distincta sit à Creatio-
ne materiæ. 1. 621. 2. **Fit ex potentia naturali**
subiecti. 622. 2. **Formæ materiales, quæ hñt**
dependenter à subiecto, omnes verè edu-
cuntur. ibid.
Formæ Materiales habent suam subsistentiam.
1. 631. 2.
Formæ attributa. **Vide Materia, & forma.**
Forma quodammodo appetit Materiã. 1. 646. 2.
Forma non aduenit enti per accidens. 683. 1.
Extenditur per quantitatem quamuis quan-
titas insit materiæ. col. 2.
Forma non est motus. 1. 918. 1.

Forma certa aut incerta in subiecto quodam
certo aut incerto qualiter incipiat & desinat
1. 1077. 1.
Forma ideo expellitur, quia alia introducit.
2. 334. 2.
FORMICA an videat. 785. 2.
Fortuna tantum in rebus intellectualibus. 1. 480
1. Quæ bona, quæ mala. 481. 1.
Frigus definitur & definitio explicatur. 2. 484.
2. Definitio oppugnatur, & defenditur. 487. 1.
Fulgor intra oculum quo pacto videatur. 2.
844. 1.
Fulgura. 2. 518. 1.
Fulmina. 2. 518. 1.
Fumi sunt rariores hoc infimo aere. 2. 442. 1.

G

GENERABILITAS & Corruptibilitas est
essentialis ratio Corporum inferiorum.
2. 303. 1. & seq.
Generabile quodlibet est corruptibile, & à
conuerso. 2. 336. 1. **Potest esse aliquid natu-**
raliter generabile, & non naturaliter cor-
ruptibile. col. 2.
GENERATIO quoad nomen explicatur. 2.
305. 1. Definitur & definitio explicatur.
col. 2. Est productio. 306. 2. **Est mutatio &**
conuersio. 307. 1. **Est productio Compositi**
substantialis. col. 2. **Est productio vnionis,**
vel etiam formæ. 308. 1. **Exercetur depen-**
denter à subiecto. col. 2. **Exercetur per**
causas naturales. ibid. **Est peculiaris actio**
præter Alterationem. 309. 2. **Potest dici ter-**
minus alterationis. 310. 1.
Generatio Corporum & formarum substan-
tialium non debet referri ad solum Deum,
nec ad aliam Intelligentiam abstractam. 2.
316. 2. Nec ad solum Cælum. 317. 1. **Non**
ad Accidentia tanquam ad causam princi-
palem. col. 2. **Nec ad solam substantiam im-**
mediate & proxime. Sed ad substantiam
tanquam Causam principalem, ad Acci-
dentia tanquam Causam instrumentalem.
318. 1. & seq.
Generatio vnus & Corruptio alterius semper
coniunguntur. 2. 331. 1. **Hoc in compositis**
substantialibus, non semper in formis & ac-
cidentibus 332. 1. **Generatio vnus est causa**
Corruptionis alterius. 334. 1.
Generatio vitalis definitur. 2. 763. 2. **Requirit**
coniunctionem inter Generantem & Geni-
tum. 764. 1. **Requirit similitu finem naturæ.**
col. 2. Saltem in genere proximo. 766. 1.

Index Rerum.

Generatiua virtus alia in semine, alia in Viuente. 2.762. 2. Non debet cum nutritiua confundi. 761. 1. Vide Potentia Generatiua. **Genitores** debet esse duo ad propagationem. 2.760. 1. Ambo videntur concurrere actiue. 761. 1. **Genitum** solet corrumpi. 2. 337. 2. Non est id necessarium & vniuersale in omnibus. 338. 1. **GENVS** in communi & vna species eius non potest vnico tractatu comprehendere. 1. 78. 2. **Generis** cognitio in vno sensu est perfectior, in alio imperfectior cognitione speciei. 1.41. 2. **GLACIES.** 2.539. 1. **GLOBVS** terræ & aquæ consistit in medio Mundi. 274. 2. Eius centrū est Mundi & non centrum solius Terræ. 276. 2. Vide Centrum. **GRANDO.** 2.538. 2. **GRATIA** non est simul cum peccato in iustificatione. 1.367. 2. **GRAVITAS** est qualitas. 2. 443. 2. Cuius ex densitate. 441. 1. Eius plures species. 444. 2. Vide Corpora. **GVSTVS** fortasse inest omnibus Animalibus. 2. 783. 2. Eius organum. 864. 1. Eius proprium subiectum. col. 2. Immutatur intentionaliter & realiter. 865. 2. Est sensus à tactu distinctus. 866. 1.

H

HABITVS Prædicamentum non est distinctum genus entis. 1. 1026. 1. Expeditur eius distinctio ab Vbi & Loco. col. 2. Non pertinet ad prædicamentū Locī. 1027. 1. Distinguitur à Loco, non per diuersos respectus, sed per diuersum modum denominandi subiectum. 1028. 1. & seq. **Habitus** dantur in potentijs Animæ adiuuantes ad actus. 2.682. 2. Sunt qualitates. 683. 2. Quomodo dicantur relationes. 684. 1. Sunt qualitates adiuuantes potentias ad exercendos actus. col. 2. **Habitus** non sunt in potentijs Vegetatiuis, & in Plantis. 2. 684. 2. Non sunt in sensibus externis. 685. 1. Non sunt in potentia nutritiua. 686. 1. Sunt in sensibus internis. 687. 1. Sunt in appetitu sensitiuo. col. 2. Sunt tam in Brutis quam in Hominibus. 688. 1. Sunt in intellectu. 689. 1. Sunt in Voluntate. 691. 2. **Habitus** differunt à Speciebus intelligibilibus.

2.690. 1. Dantur etiam circa res euidentiores. col. 2. Dantur circa res probabiles. 691. 2. **Habitus** naturalis innatus communis in tota specie non datur. 2.693. 1. **Habitus** quidam particulares in varijs Indiuiduis dari videntur. 694. 1. **Habitus** naturaliter accedere possunt ætatis progressu. 695. 1. **Habitus** naturalis comparatur cum acquisitis. col. 2. **Habitualis** qualitas incipit per primum actum. 2.696. 2. Ad talem acquisitionem non præmittitur alia dispositio. 697. 1. **Habitus** plurimi non statim accipiunt statum habitus. col. 2. Sed præcedunt antea in statu dispositionis. 698. 1. **Habitus** quidam per primum actum acquiruntur in statu habitus. col. 2. **Habitus** scientiæ primo actu acquiruntur. 699. 1. **Habitus** acquiruntur per actus in genere Causæ effectiue. 2.700. 1. Ipsorum non inueniuntur Causæ effectiue sine actibus. col. 2. Possunt conseruari sine actibus. 701. 1. Non per actus efficiuntur tanquam per actionem, sed tanquam per principium. ibid. Fiunt per actus tanquā à principali Causa. 702. 1. **Habitus** omnis augetur & intenditur per actus. 2.704. 1. Augetur per actus intensiores. 705. 2. Non statim secundum totam intentionem cuiuslibet actus. ibid. Nō augetur per actus remissiores habitu. 706. 1. Potest augeri per actus remissiores alijs actibus. col. 2. Quando augetur vnus, expellitur alius oppositus. ibid. Præbet facilitatem ad actus quoque intensiores. 707. 1. **Habitus** infusi augētur per omnes actus meritorios. 2.707. 2. **Habitus** infusus, ad plura obiecta est vnus, sed non acquisitus. 713. 1. **Habitus** non idem extenditur sed multiplicatur ad plura obiecta. 2.708. 2. **Habitus** appetitiuus est vnus pro vna ratione formali Obiecti. 2.714. 1. Non multiplicatur in appetendo. 715. 1. **Habitus** non est vnus pro vna scientia totali. 2. 716. 2. Distinguantur habitus penes obiecta. 711. 1. **Habitus** non concurrunt dispositiue ad recipiendum, sed actiue ad eliciendum actum. 2. 715. 1. Non efficit directè actum quoad eius substantiam. 716. 1. Non efficit in actu aliquem modum. 717. 1. Dat facilitatem Operanti. 718. 1. Concurrunt tanquam ratio agendi. col. 2. **Habitus** acquisiti aliter concurrunt ac species intentionales & habitus infusi. 2.718. 1. Aliter concurrunt cum potentia ac duo motores

Index Rerum.

res. 700. 1. Stante habitu an possit suspendi
facilitas in operando. ibid.
Habitus per se non efficit intensiorem actus. 2.
720. 2. Concurrit immediate ad actus alie-
nos eiusdem potentie. 721. 2. Concurrit
etiā mediatē ad actus aliarum potentiarum.
722. 1. Concurrit etiā mediatē ad actus
alios eiusdem potentie. 723. 1. Concurrit
ad actus quos respicit pro suo obiecto. ibid.
Habitus non desinit per meram cessationem
actuum. 724. 2. Videtur desinere per actus
& habitus disparatos. 726. 1. Desinit per
subtractionem subiecti. 727. 1. Item per in-
dispositionem subiecti. col. 2. Præpuē de-
struitur per actus contrarios. 728. 1. Quate-
nus per tales actus producit habitus con-
trarius. col. 2.
Habitus contrarij in gradibus remissis possunt
existere simul. 2. 729. 1. & 2.
HOMO & humanitas, Concretum & Abstra-
ctum, quomodo differant. 1. 528. 2.
Homines alium statum habebunt. 2. 47. 2.
Hominum differentie sunt accidentales non
substantiales. 2. 964. 1. Tales differentie
explicantur. ibid. & sequenti.
HUMANITAS Christi non est in alio ut in
subiecto. 1. 524. 1. Non habet omnes modos
Naturæ. 1. 529. 2. Si dimitteretur a Verbo ac-
ciperet propriam subsistentiam. ibid.
HUMIDITAS definitur, & definitio explica-
tur. 2. 485. 2. Definitio defenditur. 488. 1.
Humido adiungitur molle. 2. 486. 2.
HYPOSTASIS est idem quod Suppositum. 1.
545. 1.

I

IDÆA potest reduci ad Causam finalem,
tomo 1. pag. 470. col. 1. Ad causam etiam
formalem. col. 2. Non est causa formalis
respectu Operis. 471. 1. Non constituit aliā
speciem causæ à forma. ibid. Proprie re-
ducitur ad causam efficiētiā. col. 2. Non
est proximum principium, sed regula Ope-
ris. 472. 1. Quomodo coniungatur formæ
& vocetur forma. col. 2.
Idæa explicatur. 1. 475. 1. Est necessaria in
Agente intellectuali. col. 2. An consistat in
actū cognitionis, vel in Obiecto cognito.
ibid. Potest sumi pro actū cognitionis 476.
1. Magis proprie sumitur pro Obiecto co-
gnito. col. 2. Solet esse, sed non necessario
debet esse distincta ab opere faciēdo. 478.
1. Nec necessario distincta a ratione. col. 2.

IDEM an simul possit esse in actū & in poten-
tia. 1. 447. 1. Quomodo possit contineri
virtualiter & formaliter eandem formam.
ibid. Quomodo possit referri realiter ad se-
ipsum. 448. 1. Idem opus potest esse Idæa
sui ipsius. 479. 1.
Idem semel corruptum non solet naturaliter
& vniuersaliter regenerari. 2. 341. 1. Et hoc
nec per artem, nec per naturam. 344. 1. Nec
per naturalem industriam. ibid. Non ex de-
fectu formæ operantis. 342. 2. Non ex de-
fectu potestatis in causa. ibid. Non ex defe-
ctu determinationis in effectu. 343. 1. Sed ex
sola determinatione Causæ primæ consen-
tanea rebus col. 2. Vide Individuum.
IGNIS magnum Elementum proximè sub Cæ-
lo datur. 2. 158. 1. Quare alia inferiora cor-
pora non consumat. 260. 1. Quare non lu-
ceas, non appareat. 262. 2. Quare non in-
digeat pabulo. 265. 2. In carbone & fer-
ro quare non ascendat. 264. 2. Quam
refractionem in aspectu aliorum efficiat
265. 1.
Ignis quantus. 2. 291. 1. Non debet dici valde
ingens. col. 2. Tam in concauo quam in
conuexo est perfecte circularis. 295. 1.
Ignis quando exurgat ex Speculo concauo
exposito Soli. 2. 405. 1. Constitutus in centro
per quam lineam ascenderet. 433. 1. Eius
forma impossibilis cum alijs formis.
466. 2.
Ignis est calidus & siccus. 2. 498. 1. Est summè
calidus, & videtur quoque summè siccus.
501. 1.
Ignes subterranei. 2. 519. 2.
IGNITAE impressiones varie in aeris regio-
nibus. 2. 513. 1.
IMAGINATIO. 2. 782. 2. Videtur esse in om-
nibus Animalibus. 785. 1.
Imagines quædam aeris prodigiosæ. 2. 534. 1.
IMPRESSIONES in Corpore, quæ indicant
vires interiores, apparent per Phisogno-
miam. 2. 938. 1. Impressiones quædam tran-
seuntes in corpore sunt ex affectibus Ani-
mæ. col. 2. Fiunt in corpore proprio 939. 1.
Fiunt ex imaginatione non per se & direc-
te. col. 2. Sed indirecte mediante commo-
tione humorum 940. 1. Non sunt ex ima-
ginatione in corpore alieno. col. 2. Fiunt
ex imaginatione & affectu parentum in
corpore prolis. 941. 1. Quomodo fiant.
col. 2.
INCEPTIO, & desitio quomodo fiantur ab-
latis instantibus. 1. 1074. 1.

Index Rerum.

- Incipiendi modi.** 1. 1067. 1. Datis instantibus sunt tantum duo. 1068. 1. Non datur tertius modus. 1069. 1. Et in nullo casu est necessarius. col. 2. Duo vel tres sunt modi absolute sublati instantibus. 1070. 1.
- INDIVIDVVM** antea corruptum in rebus permanentibus potest idem per Dei potentiam reproduci. 2. 346. 2. Potest hoc modo reproduci etiam indiuiduum in rebus successiuis. 347. 2. Cur à Deo, non à causa naturali. 348. 2. Cur à Deo agente libero, non à Causa necessaria. 349. 1. Qualiter esset idem productum & reproductum. col. 2. Quo pacto idem indiuiduus motus esset replicatus in diuerso tempore. 350. 1. Vide idem.
- INDIVISIBILIA** non possunt inter se aptè coniungi. 1. 713. 2. Non possunt conficere magnitudinem extensam. 714. 1. Etià si essent infinita. 715. 2. Fictitia sunt quæ consent ex paribus. 716. 1. Non possunt inueniri duo indiuisibilia immediate. 717. 2. Possent moueri per spatiū diuisibile. 718. 1. Indiuisibilia non dantur. 1. 719. 2. Sine ipsis variæ aliarum rerum resolutiones saluantur. 729. 2. Non sunt simpliciter possibilia. 734. 1. Sine ipsis partes continui vnjuntur. col. 2. Sine ipsis Totum continuum terminatur. 736. 1. Et alia munera exercet. 737. 1. Indiuisibilia infinita cōtinuatiua possent claudi inter extrema terminatiua. 1. 747. 2. Essent infinita syncategorematicè. 753. 2. Indiuisibilia quo pacto indiuisibilibus adæquantur. 2. 381. 1. Indiuisibilia non possunt dari nec moueri. 1. 916. 2.
- INFINITI** cathegorematicè & synchathegorematicè ratio & differentia quæ sit. 1. 756. 1.
- Infiniti nomen habet significatum posituum. 1. 795. 1. Habet plures acceptiones. col. 2. Eius definitio ab Antiquis tradita, & ab Aristotele impugnata. 796. 1. Vera definitio. 797. 1. Eius diuisiones variæ. col. 2. & seq.
- Infinitum non potest mensurari nec pertransiri. 1. 798. 2. Non potest numerari. 799. 2. Non potest totum successiue cognosci, sed bene simul 800. 1. Infinito continuo quæ infinitum est non potest quicquam addi aut detrahi. 801. 1. Infinito discreto potest addi aut detrahi. col. 2. Infinitum continuum non potest esse maius aut minus. 802. 1. Nec infinitum discretum. col. 2. Infinita diuersæ rationis dici possunt vnum minus aut maius alio. 803. 1. Quomodo infinitum possit pati additionem & detractionem, & non possit esse maius aut minus. ibid.
- Infinitum non datur de facto. 1. 804. 1. Fuit negatum ab Aristotele etiam si posuerit Mundum ab æterno. 805. 1.
- Infiniti, ac finiti in infinitum, diuersitas. 1. 809. Infinitum actu est impossibile, nec fieri potest à Deo per potentiam absolutam. 1. 810. 2. Si fieret esset determinatæ speciei. 811. 1. Caderet sub certam intentionē Agentis. col. 2. Non esset actus purus, nec æquale Deo. 812. 1. Nō deberet essentialiter in successione consistere ibid. Non deberet habere vltimum. col. 2. Nec certam partem infiniatē distantem ab alia. 813. 1.
- Infinitum Corpus non haberet superficiem terminantem. 1. 814. 2. Esset mobile secundū partes non secundū totum. ib. Non exigeret determinatam quantitatem. 815. 1. Non inferret posse dari minimam quantitatem. col. 2. Esset quantum, sed non tantum. 816. 1. Versus vnā partem factum, non posset extendi versus omnem aliam. col. 2.
- Infinita multitudo si fieret, non posset plura Deus in illo ordine creare. 1. 821. 2. Si posset fieri, possent fieri simul omnes res creabiles. 822. 1. Si esset vna, ex illa possent fieri plures. 823. 2. Id absolute repugnat. 824. 1.
- Infinita corpora, non possent poni extensa in spatio. 1. 824. 2. Simpliciter non possunt fieri. 825. 2.
- Infinita multitudo ex nullis partibus conisteret. 1. 826. 1. Deberet alteri adæquari post quamecunque variationem. col. 2. In ipsa essent plures & infinitæ infinitates. 827. 1. Et omnes essent per se & adæquatæ. col. 2.
- Infinitum deberet, sed non potest esse maius alio. 1. 829. 1. Quatenus totum non potest esse maius, aut minus. 831. 1.
- Infinita qualitas esset in summo intensiōis. 1. 831. 1. Determinatè cognosceretur à Deo. ib. Non esset æqualis vili perfectioni diuinæ. col. 2. Non posset augeri intensiue. 833. 1. Ad ipsam non deesset capacitas subiecti. 835. 1.
- Infinita virtus motiua non faceret infinitam velocitatem in motu. 1. 833. 2.
- Infinita gratia non inferret comprehensionem Dei. 1. 834. 1. Nec auferret meritum operum. col. 2.
- Infinita qualitas repugnat. 1. 835. 2.
- Infiniti ratio quo pacto repugnat. 1. 836. 2.
- Quomodo cognoscatur à Deo. 837. 2.
- Infinitum

Index Rerum;

Infinium non est ens reale. 1. 838 2. Nullum quantitatum reperitur de facto in rebus. 839. 2.

Infinium in perfectione essentiali an dari possit. 1. 840. 2. Vide Linea. Longitudo.

INHÆRENTIA Accidens supponitur ad operationes eius. 1. 554. 1.

Inhærentia actualis & aptitudinalis. 1. 654 2. Vide Accidens.

Inhærentia non est relatio prædicamentalis. 1. 654. 2. Inhærentia actualis non supponit sed constituit essentiam quorundam accidentium. 655. 2.

Inhærentia aptitudinalis non est de genere qualratis. 1. 656. 1.

Inhærentia actualis est modus ab accidente distinctus. 1. 657. 2. Non est de prædicamento Actionis, & Passionis. 658. 1. Nec relationis. ibid. Nec habitus. col. 2. Vagatur per plura prædicamenta. ibid. Proximè inest subiecto accidentis. ibid. Est quodammodo posterior accidente 659. 1. Efficitur a Causa accidentis. col. 2. Non constituit vnum quid cum accidenti. 660. 2.

Inhærentia quomodo benè distinguatur ab accidente. 1. 661. 1. Quomodo distribuatur in plura prædicamenta. ibid. Quomodo immediatè inest subiecto. col. 2. Quomodo sit posterior accidente. 662. 1. Quomodo efficiatur à Causa accidentis. ibid. Quomodo non faciat vnum cum Accidente. col. 2.

INSVLÆ terrestres. 2. 553. 2. Insulæ quædam fluctuantes in aqua. 554. 1.

INSERVIENTVM potest reduci ad varia genera Causarum. 1. 469. 2. Propriè reducit ad Causam effectiuam. 470. 1.

Instrumentum explicatur. 1. 473. 1. Agit in virtute principalis agentis. ibid. Quomodo debeat esse aptum ad producendum effectum. col. 2. Non debet necessariò habere aliam actionem prauam ad operationem principalis agentis. 474. 1. Potest esse coniunctum & separatum ab agente. col. 2. Debet esse immediatum principium actionis. 475. 1.

INTELLECTIONIS actus est distinctus a specie impressa. 2. 976. 1. Non est actio, qua producit distinctum Verbum. 977. 1. Vide Verbum mentis.

Intellectio non producit per actionem distinctam. 2. 982. 1. Non potest esse absque actuali emanatione ab intellectu. col. 2.

Intellectio & Verbum in diuinis. 2. 983. 1.

Intellectio nostra simul est Dictio & Verbum. 2. 983. 2.

INTELLECTVS quomodo habeat distinctum Obiectum à Voluntate. 2. 212. 1.

Intellectus distinguitur à sensu. 2. 971. 1. In cognoscendo dependet à sensu. col. 2. Dependet in omni sua cognitione. 972. 1. In nullo casu operatur absque phantasia. 973. 2. Non solum recipit, sed elicit actum cognitionis. 974. 2. Est vnica potentia. 975. 1.

Intellectus habet pro obiecto ens vt verum. 2. 986. 1. Cognoscit tam res spirituales quam materiales. ibid. Cognoscit Spirituales per species materialium. col. 2. Cognoscit Accidentia, & Substantiam per speciem Accidentium. 987. 1. Cognoscit singularia materialia. 988. 1. Cognoscit hæc singularia directè proprio conceptu. 989. 2. Per proprias species. ibid. Cognoscit Vniuersalia per species singularium 990. 1. Cognoscit etiam Contingentia. 991. 1. Non cognoscit futura propria virtute. col. 2. Non cognoscit plura vt plura vno actu. 992. 1. Cognoscit diuersis actibus. col. 2. Et distinctis speciebus. 993. 1. ibid.

Intellectus Agens datur. 2. 997. 1. Est internū quid in Anima. 999. 1. Est potentia quædam Animæ. col. 2. Videtur ab Intellectu cognoscente distingui. 1000. 2. Eius vnica operatio est efficere species intelligibiles. 1001. 1. Illustrare phantasmata. col. 2. Dicitur abstrahere species & res a materia. ibid. Efficit species intelligibiles tanquam cõcausa partialis cum phantasmatibus. 1003. 1. Sine intellectu patiente efficit species. 1003. 1.

Intellectus an perfectior voluntate. 2. 1007. 2.

INTELLIGENTIAE, Corporum celestium motrices, sunt plures. 2. 123. 1. Omnes sunt creatæ. col. 2. Omnes assistunt Cælis, qui mouentur. 184. 1.

INTENSIO qualitatis. Vide Qualitas.

INDRODVCTIO formæ, prior est expulsionem priuationis. 2. 363. 2.

IRIS est opus naturale. 2. 519. 2. Est apparentia certorum colorum in figura arcus. col. 2. Formatur in guttis aquæ decidentibus. 530. 1. Efficitur præsertim à Sole. col. 2. Affert quosdam effectus. 531. 2. Solet significare pluuiam. 532. 1. Significat securitatem à diluuiio. ibid.

LVVENTVS. 2. 766. 2.

L

LAC non est animatum. 2. 611. 2.

LAPIDES quomodo distinguantur a me-

Index Rerum .

- à metallis. 2. 590. 1. Eorum materia dicitur esse Terra & Aqua. 600. 1. An contineant plus de terra, quam de aqua incertum est. col. 2. Non constituunt formaliter ex terra & aqua. 601. 1. Fiunt per conuersionem substantialiorem aliorum corporum in lapides. col. 2. Fiunt interdum ex sola aqua. 601. 1. Interdum ex sola terra. 450. 2. Interdum ex varijs alijs mixtis. ibid. Frequenter ex terrâ & aquâ mixtura. col. 2.
- Lapidum** causa principalis est Cælum, Instrumentalis virtus immixta à Cælo quæ adiuuatur elementaribus qualitatibus. 2. 604. 1. Eorum differentia & species. 605. 2.
- LACHRIMÆ** sunt humor aqueus. 2. 936. 2. Possunt & solent varijs causis fundi. ibid. Vide & quomodo fundantur. 937. 1.
- LEVIA** petunt ex natura sua locum superiorem. 2. 430. 2. Vide Corpora.
- LEVITAS** est qualitas. 2. 439. 2. Oritur ex raritate. 441. 1. Eius plures species. 443. 1.
- LIGNVM** est rarius aqua. 2. 442. 2. Quare grauitat in aere non in aqua. 449. 1.
- LINEA** quomodo sit fluxus puncti. 1. 717. 1.
- Linea** grauita infinita in continuo quomodo sit infinita syncathogorematice. 1. 754. 1.
- Lineæ** duæ infinitæ facientes angulum interciperent distantiam finitam & infinitam. 1. 817. 1. Efficiuntur possibiles si infinitum esset possibile. ibid. Earum distantia non posset esse infinita & deberet esse infinita. col. 2. Et hoc tam in extensione in ordine ad se, quam in extensione in ordine ad locum 818. 2.
- Linea** infinita utrinque. 1. 719. 1. Deberet habere certum punctum medium. ibid. Non posset habere. col. 2.
- LOCALIS** extensio explicatur. 1. 710. 2.
- LOCVS** non est quicquam intrinsecum locato. 1. 950. 1. Non est materia vel forma. ibid. Non est quoddam accidens inhaerens locato. col. 2. Potest pluribus modis sumi. ibid. Sumitur pro superficie Corporis continentis. 951. 1. Pro ipatio. ibid. Pro subiecto operationis. col. 2.
- Locus** pro superficie sumptus definitur, Continentis terminus, primus immobilis. 951. 1. Quomodo dicatur Corporis continentis. col. 2. Quomodo dicatur primus & immobilis. 953. 2.
- Loci** continentia quæ sit. 1. 953. 1. Quid sit. col. 2.
- Locus** in quo prædicamento ponatur. 1. 954. 1.
- Locus** est immobilis. 1. 958. 1. Eius immobilitas explicatur. 959. 1. Debet esse aliquid locati. ibid. Est æqualis locato. col. 2. Describitur ab vnoquoque & est separabilis à locato. 960. 1. Habet differentias positionis. col. 2. Attrahit & conseruat locatum. 961. 1. Assimilatur omni causæ. 962. 1.
- Locus** an sit in loco. 1. 962. 2. In loco an sine accidentia, & substantia. 963. 1. Substantia spirituales & corporeæ. col. 2. Vide Spatium. Res.
- Locus** non spectat ad prædicamentum Habitus. 1. 1026. 2.
- LOCVTIO.** Vide Vox.
- LONGITVDO** infinita deberet habere palmos pluries infinitos. 1. 820. 1. Non potest habere. ibid.
- LUNA** est opaca. 2. 159. 2. Est perfecte opaca. 160. 1. In profunditate non est peruisa visui. 161. 1.
- Luna** macula est omnibus nota. 2. 185. 1. Non est illusio visus col. 2. Non est terrestris vapor. ibid. Non est imago terrestris globi. ibid. Non est vmbra aliorum Corporum. 186. 1. Non est pars aerea Lunæ. ibid. Non est pars terreæ, vel aquea Lunæ. col. 2. Non est aspectus Intelligentiæ in Luna. 187. 1. Dicitur esse pars densior, vel rarior Lunæ. col. 2. Sufficit dicere esse partem obscuriorem Lunæ. 188. 1. Quomodo semper eodem modo appareat. col. 2.
- Luna** illuminatur a Sole. 2. 204. 1. Ideoque tantopere variatur. ibid. Eius decrescentis & crescentis variatio. col. 2. Eius eclipses. 203. 1. Vnde nam luceat quoque eius pars auersa à Sole. 206. 1. Non illuminatur directe à Sole. ibid. Non à lumine, quod habeat Luna. ibid. Non à Venere. col. 2. Non à Terra. 207. 2. Illuminatur per reflexionem à Cæli partibus conuicinis. 208. 1.
- LUX** non debet putari productiua caloris. 2. 229. 2. Ad lucem non possunt referri alij Calorum effectus. 230. 2. Eadem simplex non potest varios effectus producere. 231. 1. Plures eius species non possunt distingui. ibid. Lux non potest per totum extendi. col. 2. Eius variatio quid cõferat in altris. 232. 2.
- Lux** quid. 2. 836. 2. Non est Corpus, sed forma quædam Corporum. 837. 1. Non est forma substantialis, sed accidentalis. col. 2. Fit dependenter a subiecto. 838. 1. Est omnino qualitas. col. 3. Est qualitas realis corporea. 839. 1. Per se producit in instanti. col. 2. Ex se non exercet alias operationes. ibid. An omnis sit eiusdem rationis essentialis. 840. 1. Vide Oculum.

M A L A an sit bona. 1. 219. 1.
Malitia non est adæquata passio entis
1. 243. 2.

Malum triplex, Inhonestum, Iniucundum,
Inutile. 1. 244. 1.

M A N N A. 2. 539. 2. & 613. 2.

M A R E rubrum vnde dicatur. 1. 245. 1.

Maris aqua vnde sit salis. 2. 541. 1. Est cras-
sior & densior aquis dulcibus. col. 2. Quo-
modo possit a sale purgari. 542. 1.

Mare mouetur ab Aquilone ad Austrum. 2.
542. 2. Mouetur ab Ortu in Occasum. 543.

1. Mouetur fluxu & refluxu. 543. 2.

Maris fluxus & refluxus non est purus motus
localis. 545. 1. Est quoddam incrementum
& decrementum aquæ. col. 1. Habet Cau-
sam celestem, præteritum Lunam. 546. 1.

M A T H E M A T I C A entia an sit bona.
1. 220. 1.

M A T E R I A quomodo sit bona. 1. 221. 1.

Materia cum forma non facit vnum Princi-
pium & Causam. 320. 1. Cum forma prin-
cipiat Compositum. 346. 2. Quomodo sit
principium necessarium. 339. 1. Est princi-
pium ipsius formæ. 360. 1.

Materia quo pacto sit Causa. 1. 382. 2. Vide
Causa materialis.

Materia qualiter limitet formam. 1. 389. 2.

Materia & forma inter se comparantur. 1. 486.
2. Quomodo se habeant ad essentiam Com-
positi. 597. 2. Simul cognoscuntur. 587. 1.
Simul dari debent. 588. 2. col. 2.

Materiæ nomen. 586. Materia debet dari quæ
sit Subiectum formæ. 588. 1. Est vna specie
in omnibus Corporibus. 592. 1. An sint
possibiles plures specie. col. 2. Est vna nu-
mero sub diuersis terminis mutationis. 593.
1. Multiplicatur numero in distinctis cor-
poribus. col. 2. Vna est singulorum Corpo-
rum. ibid. Quomodo dum est vna sit infinitæ
capacitatis. 595. 1. Quomodo eadem de-
vna ad aliam essentiam transire possit. ibid.
Quomodo sine forma haberet distinctio-
nem numericam. col. 2. Quomodo sine
eius diuersitate saluetur diuersitas partium
in toto. ibid.

Materia est ens, & substantia. 1. 600. 2. Est ens
factum, & creatum à Deo. 601. 1. Non est
aliquod elementum 602. 1. Non est Corpus.
col. 2. De se est expers omnis formæ cor-
poris. 603. 2. Est pars Corporis receptiua

formæ. 604. 1. Conuenit cum forma & dif-
fert a forma. col. 2. Explicatur eius vna de-
finitio. 605. 1. Explicatur altera definitio.
col. 1. Benè materia explicatur per for-
mam. 611. 2.

Materiæ potentia eadem est ad formam, &
Compositum. 1. 611. 2. Datur particularis &
accidentalis. ibid. Potentia adæquata & in-
nata est vna. col. 1. Est immutabilis. 612. 2.
Etiam quando forma corrumpitur. 613. 1.
Est de essentia materiæ. col. 2. Non potest
esse accidens, quo mediante vniatur mate-
ria formæ. 615. 1.

Materiæ potentia receptiua non distinguitur à
substantia. 1. 615. 1. Est substantialis. col.
2. Est vna ad omnes formas. ibid. Est essen-
tialiter relatiua. 616. 1. Non includitur inter
species qualitates. col. 2. Non requiritur di-
stincta respectu formarum. ibid. Etiam si
dicatur requiri distincta respectu acciden-
tum. 617. 1. Differt a potentia formæ.
col. 2.

Materia per se habet propriam entitatem &
existentiam. 1. 624. 1. Per se habet suam en-
titem essentia. col. 2. Habet suum actum
entitatum, estque pura potentia in ordine
ad actum formalem. 628. 2. Quo sensu dica-
tur non esse ens, aut esse ens in potentia.
col. 2. In actu quomodo faciat vnum cum
forma. 629. 1. Qualiter non sit mixtum ex
actu & potentia. col. 2. Quam rectè ipsi cō-
cedatur nomen actus. 630. 2.

Materia & forma habent suas proprias subsi-
stentias. 1. 631. 2. Cum sua substantia pos-
sunt separari. 633. 1. Quomodo ipsis de-
beantur propriæ substantiæ. 634. 2.

Materia in suo esse non dependet à forma. 1.
635. 2. Nec etiam tanquam a conditione.
636. 1. Non potest naturaliter esse abs-
que omni forma. col. 2. Potest sine forma
cōseruari à Deo. 637. 2. Et hoc sine speciali
concurso. 638. 1. Posset oppositum senti-
neri. ibid.

Materia potest dici dependere à forma in ge-
nere Causæ finalis. 1. 639. 1. Quomodo po-
test existere sine forma. col. 2. Et in tali sta-
tu adhuc esset determinatæ speciei ab. Nec
indigeret alio particulari influxu Dei con-
seruantis. 640. 1.

Materia retinet attributa communia entis. 1.
640. 1. Dicitur ingenerabilis & incorrupti-
bilis. 641. 1. Dicitur generabilis & corrupti-
bilis per accidentis. 642. 1. Dicitur causa ge-
nerationis & corruptionis. ibid. Dicitur so-

Index Rerum.

la esse passiu. col. 2. Dicitur omni actiuitate carere. 643. 1. Potest esse principium suarum proprietatum. col. 2. Appetit formas. ibid. Non solum in communi, sed in speciali. 644. 1. Quiescit in forma quam habet & appetit quas non habet. ibid. Etiam dum habet formā nobiliorem appetit alias. 645. 1. Appetit etiam formas quas amisit. 646. Talis appetitus est quodammodo materię essentialis, in alio sensu accidentalis. ibid.

Materia dicit potentiam ad formas accidentales. 1. 675. 2. Hęc potentia est subiectum aliorum accidentium. 676. 1. Vna est ad omnia accidentia. 677. 1. Materia prius disponitur per accidentia quam recipiat formam. 681. 2.

Materia non est æterna si Mundus non fuit ab æterno. 2. 29. 1.

Materia non necessariò est communis omnibus corporibus. 2. 132. 1. Est capax distinctionis specificę. col. 2. Est capax inæqualis perfectionis. 133. 1.

MEDICINA non est pars practica Physicę. 1. 24. 2. Quomodo contineatur in Physica. 25. 1. Continet aliquid speculationis physicę. ibid. Subalternatur Physicę. 45. 2.

MEDIVM quomodo se habeat ad actionem in extremum. 1. 466. 2.

MEDVLLA non est animata. 2. 631. 2.

MEL. 2. 539. 2. & 613. 1.

MEMORIA. 2. 783. 1. Videtur esse in omnibus animalibus. 797. 1. Ipsi additur Reminiscencia, Prudentia, Disciplinabilitas. 2. 899. 1.

Memoria rationalis non est distincta ab intellectu. 2. 966. 1. Inuenitur in parte intellectua. 967. 1. Inuenitur in Anima separata. col. 2.

MENSVRA explicatur. 1. 1056. 2. Qualiter conuenit Durationi & Tempori. 1057. 1. Quo pacto in tēpore sit homogenea. 1062. 1. Vide, Tempus, Duratio. Motus.

METALLA quomodo differant a lapidibus. 2. 590. 1.

Metalla sunt ex terrę & aquę mixtura. 2. 606. 2. Eorum causa effectiua est naturalis. 607. 2. Causa principalis est Cælum. 608. 2. Instrumentalis virtus immissa a Cælo, adiuta elementaribus qualitatibus. col. 2. Vera metalla non videtur impossibile fieri per artem. 609. 2. Sed est difficillimum & rarissimum. 610. 2. Eorum differentia & species. 611. 1. Inter se substantialiter distinguuntur. col. 2.

METAPHYSICÆ nomen. 1. 4. 2. Plures acceptiones. 5. 1.

Metaphysica sola est sapientia. 1. 19. 1. Est scientia, omnium rerum virtualiter. 20. 1. Est de rebus difficilioribus & a sensu remotioribus. col. 2. Est certior alijs scientijs. ibid. Est aptior ad docendum. 21. 1. Est maximè propter seipsam. ibid. Præest & imperat alijs scientijs. col. 2. Est speculatiua. 23. 2. Quomodo distinguatur a Physica ex Aristotele. 36. 2. Non subalternat sibi omnes alias scientias. 44. 1. Eius Obiectum. Vide Obiectum. Quomodo consideret passionem non reales. 142. 2.

MINERALIA quę gignuntur in terra. 2. 589. 2. Eorum tria genera. ibid. Sunt a lapidibus & metallis distincta. 591. 1. Sunt varia. 612. 1.

MIXTA sunt in magna copia & varietate. 2. 554. 1. Quę gignuntur in terra. 555. 2. Non constant substantialiter & formaliter ex Elementis absque alia forma. 564. 2. Nec simul cum alia forma. 565. 1. Constant virtualiter ex elementis ratione qualitatum. 2. 568. 2. Non necessariò realiter accipiunt qualitates ex Elementis. ibid. Nec exigunt per se ex illis accipere. 569. 1. In se colligunt qualitates in elementis dispersas. col. 2.

Mixta quo pacto participant quoque virtutem motiuam in quodā temperamento. 2. 574. 1. Habent alias plurimas qualitates. 577. 2. Hęc dicuntur qualitates secundę. 578. 1. Quę non omnimodè dependent a primis. 579. 1. Aliquę non proximè, sed remotè oriuntur a primis. 580. 1.

Mixta generantur ministerio elementarium. qualitatum. 2. 580. 2. Eorum generatio non habet pro Causa principali Elementa. 582. 1. Quędam gignuntur a Cælestibus corporibus, quędam ab alijs. col. 2. Solent naturaliter corrumpi per putrefactionem. 583. 1. Qualiter putrescant. col. 2. Corruptuntur etiam per violentiam. 584. 1.

Mixta inanimata quę gignuntur in terra. 2. 589. 2. & 612. 2. Quę in sublimi in aere. 592. 2. & 612. Quę arte parantur. 592. 2. Quę ex animatis proueniunt. 593. 1. & 614. 2. Quę sunt per recessum animę. 615. 2. Quę sunt per virtutem animę. 616. 2. Omnia sunt verè inanimata constantia sua propria substantiali forma. 593. 1. Ipsorum qualitates præcipuę sunt naturales quędam virtutes. 2. 594. 1. Hęc sunt formę accidentales.

- tales, ibid. Oriuntur ex substantialibus, col. 2.
- Mixta inanimata gignuntur naturali transmutatione. 2. 594. 2. Possunt conuertere in se elementa. 595. 1.
- Mixtio pluribus modis accipitur. 2. 557. 1. Definitur ex Aristotele. 558. 1. Ex ipsa cognoscitur Mixtum. col. 2. In ordine ad ipsam miscibilia. ibid. Eius ratio quomodo saluatur. 570. 1.
- MOBILE quodlibet fertur per lineam rectam ad locum suum. 2. 433. 1.
- Mobile quo pacto sit in potentia ad formam dum eam acquirit. 1. 920. 1. Non intelligitur fuisse antea in potentia. col. 2. Non intelligitur esse in potentia ratione partium in successione. ibidem. Non intelligitur esse in potentia ad formam in facto esse. 921. 1. Non intelligitur transire de potentia ad actum. col. 2. Intelligitur esse in actu simul & potentia. ibid. Intelligitur esse in actu quoad motum, & in potentia quoad formam. 922. 1.
- Mobilitas an sit ratio formalis Obiecti Physicæ. Vide Obiectum.
- MODI sunt essentialiter entia. 1. 94. 1. Et omnes sunt huiusmodi. col. 2. Quomodo simul sint modi & entia. ibid. Nulli possunt esse qui non sint entia. 95. 1. Et modi essendi sunt entia. col. 2.
- MOLLITIES & durities. 2. 578. 1.
- MONTIVM origo. 2. 551. 1. Altitudo. 552. 1. An mediam aeris regionem attingat 553. 1.
- MORBVS. 2. 767. 2.
- MORS. 2. 769. 1. Est homini poena peccati. col. 2.
- MOTIVA virtus distribuitur iuxta varios motus. 2. 783. 2. Vide Potentia.
- MOTVS & quies in definitione Naturæ non opponuntur. 304. 2.
- Motus in definitione Naturæ sumitur generaliter. 1. 301. 1.
- Motus omnes sunt naturales respectu materiæ & principij passivi. 1. 311. 1.
- Motus non datur secundum Aristotelem in substantijs separatis. 1. 49. 1. De facto datur præterquam in Deo. col. 2.
- Motus verè datur. 1. 914. 2. Eius sunt capaces omnes substantiæ creatæ. 915. 2. Etiam indiuisibilia si darentur. ibid.
- Motus est actus tamen imperfectus. 1. 917. 2. A quibusdam vocatur actus primus. 918. 1. Non est quid mixtum ex actu & potentia. col. 2. Est actus tum subiecti tum termini. ibid. Non est solius entis corporei. 919. 2. Est actus entis in potentia quatenus in potentia. ibid.
- Motus est successiuus. 1. 923. 2. Potest fieri simul in instanti saltem per diuinam potentiam. 924. 1. Quo pacto sit successiuus. ibid. Quo pacto sit transitus & fluxus ad terminum. 925. 1. Quo pacto sit via ad terminum. ibid. Quo pacto in ipso distinguantur mutata esse. col. 2.
- Motus in communi terminatur ad quatuor rerum genera, Substantiam, Quantitatem, Qualitatem, & Vbi. 1. 926. 2. Non ad Relationem. ibid. Non ad Actionem & Passionem. 927. 1. Non per se ad Sijum, Habitum, & Quando. ibidem. Potest explicari ut sit ad omnia rerum genera. 928. 1. Prout à mutatione distinguitur non est ad substantiam. col. 2.
- Motus ad quas rerum species terminetur. 1. 930. 1. Potest assignari ad omnes species qualitatis. 931. 1. Pluribus modis ab actione & passione distinguitur. 932. & seq. Potest constituere prædicamentum Actioni & Passioni commune. 934. 1. Non debet ad quædam alia prædicamenta reduci. col. 2. Non debet reduci ad varia prædicamenta terminorum. 935. 2. Continetur in prædicamentis Actionis & Passionis. 936. 1.
- Motus cum suis annexis specificatur penes terminum ad què. 1. 937. 1. Specificatur ex termino proximo. col. 2. Ipsi est essentialis ordo ad certum terminum. 938. 1. Non specificatur per terminum à quo. ibid. Non per medium distinctum a termino. col. 2. Specificatur etiam penes Agens & Passum. 939. 1. Quatenus est ad substantiam est generatio. 940. 1. Quatenus ad Quantitatem augmentatio & diminutio. ibid. Quatenus ad Qualitatem alteratio. ibid. Quatenus ad Vbi latitatio. col. 2.
- Motus & mutatio quando distinguantur specie. 1. 940. 2. Motus & annexorum Vnitas numerica sumitur ex termino subiecto & agente. 942. 2. Idem numero non potest attingere plures terminos. ibid. Nec exerceri in pluribus subiectis. 943. 1. Nec ab vno vel alio Agente. ibid. Potest in vno vel alio tempore. col. 2.
- Motus vnitas continuatiua, sumitur ex subiecto termino, & tempore. 1. 943. 2. Potest exerceri à pluribus agentibus successiuè. 944. Ad eius vnitatem requiritur vnitas mobilis. 947. 1. Non requiritur vnitas motoris. col. 2.

Index Rerum.

- Motus Localis fieret in Vacuo.** 1000. 1.
Motus successio non tota prouenit ex resistētia medij. 1. 1001. Successio necessaria prouenit ex distantia spatij. col. 2. Et ex impossibilitate presentie. ibid. Daretur etiam si medium non resistat. ibid. Imò aliquando medium adiuuat motum. 1002. 1.
Motus grauium & leuium non fieret in Vacuo. 1. 1002. 2. Nec in spatio penitus inani extra Vniuersum. 1003. 1. Nec in Vacuo intra Vniuersum. ibid.
Motus localis potest fieri sine loco physico. 1. 1005. 1. In vacuo quam proportionem haberet cum motu in pleno. 1005. 1. Quomodo fieret in minori tempore. col. 2. Eius successionis differentia prouenit ex medio sed non tota. 1005. 2. Quomodo cauetur a distantia spatij. 1006. 2. Talis successio est forma a motu distincta. 1043. 14
Motus idem sine successione potest realiter existere. 1. 1043. 1. Eius successio se habet ad motum sicut extensio ad substantiam. ibid. Est vera species quantitatis. col. 2. Non est distincta motus & temporis. ibid. Dicit velocitatem & tarditatem. 1044. 1. An in omni motu sit forma distincta. 1045. 1.
Motus quo pacto mēsuretur tēpore. 1. 1058. 2.
Motus solet definire intrinsecē per vltimū mutatum esse. 1. 1075. 2. Aliqui incipiunt intrinsecē per primum quoddam initium. 1076. 2. Motus localis non ita incipit. col. 2. Quo pacto nunquam incipiat aut definat intrinsecē. 1078. 2. Quo pacto definat in instanti. ibid. Quo pacto incipiat & definat intrinsecē vel extrinsecē. 1079. 1.
Motus quā ratione non possit conseruari, sed possit renouari. 2. 350. 2.
Motus violentus quadruplex. 2. 452. 3. Motus projectorum in progressu languescit. ibid. Non augetur ab initio per se ab intrinseco. 453. 1. Potest augeri ab extrinseco. col. 2. del. col. 1. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.
Motus violentus continuus. 3. 453. 2. Ad ipsū potest consequi motus reflexus ex directo. 454. 1. Talem motum non est necesse interrumpi per mediam quietem. 455. 1. Etiam quando graue solum proiectum per se redit deorsum. col. 2. Nec est necesse esse continuū. ibid. Adest aliqua interruptionis ratio. 456. 1. Non adest continuationis necessitas. col. 2.
Motus violentus causatur ab aliquo motore. 2. 457. 1. Per virtutem motiuam impressam mobili. col. 2. Non sufficit aer. 458. 1. Aer aliquantum adiuuat. 459. 1.
Motus & influentia Cæli cessabunt. 2. 47. 1.
Motus diurnus ab ortu in occasum. 1. 175. 1. Motus tardissimus ab occasu in ortum. ibid.
Motus trepidationis. col. 2. Præter hos motus non datur alius omnibus Cælis communis. 176. 1.
Motus proprius singulorum planetarum. 2. 176. 1. Eius variaz differentia. col. 2. Quomodo exerceatur. ibid.
Motus non est forma aut virtus per quam Cæli operantur. 223. 1. Non est conditio necessaria per quam Cæli simpliciter operentur. 224. 2. Est conditio per quam Corpora caelestia distribuunt suas operationes in his inferioribus. 226. 1.
Motus est tardus aut velox non per intrusionem partium. 2. 365. 1.
Motus naturalis fit in progressu velocior. 2. 434. 1. Tām in ascensu, quām in descensu. col. 2. Id non prouenit ex loco vnde discedit mobile. 435. 1. Nec ex loco ad quem accedit. ibid. Non ex virtute motiua, quæ augatur in mobili. col. 2. Nec ex motu impulsu quem sibi addat mobile. 436. 2. Sed ex medio, per quod mobile transit. ibid. Quatenus ipsum medium in progressu magis impellit. 438. 1.
Motus locales ascensus & descensus non sunt distinctæ species. 2. 444. 1.
Motus circularis non potuisset fieri ab ætere. 2. 35. 1.
MVLTIPLVDINIS gradus. 1. 744. 2. Vide infinitum.
MVNDI nomen. 2. 2. 1. Eius definitio. ibid. An de eius constitutione sint omnia & sola corpora. col. 1. Eius plures acceptiones. 3. 2. Eius anima secundum Platonem. ibid. Mundus non habet animam. 4. 1.
Mundi possent esse plures. 2. 8. 2. De facto est unus. 9. 1.
Mundus est finitus. 2. 17. 2. Eius quantitas ab Astronomis mensuratur. 12. 1. Extra ipsum datur spatium inane infinitum. col. 2. Est sphericus. 13. 2.
Mundus est perfectus. 2. 17. 3. Virum & quomodo potuisset esse perfectior. 18. 1. Non potuisset esse perfectior quod præsentis species. 20. 1. Nec quoad modum quo factus est. ibid. Nec quoad certas quasdam res. ibid. Nec quoad certas quasdam perfectiones. col. 2. Nec quoad certam quandam com-

Index Rerum.

comparationem. ibid. Nec quoad certum
quendam finem. 21. 1.
Mundus factus est à Deo. 2. 22. 2. Etiam de
mente Arist. 23. 2. Fuit creatus ex nihilo. 25.
1. A solo Deo immediatè. 26. 1. Incepit in
tempore. 27. 1. Vide Res.
Mundus potest conseruari in æternū, non po-
tuit creari ab æterno. 1. 42. 1. Aptus est in
æternum durare. 43. 2. Non potest naturali-
ter resolui in nihilum vel in puram mate-
riā. 44. 1. Non potest in vnum elementum
conuertri. ibid. Non potest Elementorum
contrarietate dissolui. col. 2. Non potest
ordinis confusione perueri. 45. 1. Non po-
telt rerum mutatione perire. ibid. Posset à
Deo reduci in nihilum. ibid. De facto con-
seruabitur in æternum. col. 2. Erit immu-
randus. 46. 2.
MUTATIO vno modo cum motu confundi-
tur. 1. 922. 2. Verè à motu distinguitur.
ibid. Interuenit aliquo modo in motu. 923.
1. Est tota simul. col. 2. Potest fieri successi-
ue. 924. 1.
Mutatio non solum terminatur ad substantiā,
sed potest terminari ad alia genera. 1. 924. 2.
Mutatum esse quo pacto sit terminus positi-
uus motus. 1. 1079. 2.

N

NATVRA vniuersalis non necessariò ab-
strahit ab existentia. 1. 281. 1.
Natura quoad nomen exponitur, & potest
significare entitatem omnium rerum. 1. 291.
Quomodo differat à nomine essentia. ibid.
Natura non potest demonstrari à priori ab in-
trinseco sed à posteriori ab effectibus. 1.
292. 2. Non solum à Metaphysico, sed etiā
à Physico. 293. 2. Sed non debet demon-
strari. ibidem. Si Physica probaret Naturā
esse, an probaret seipsam esse. 294. 2.
Natura est in omnibus rebus. 1. 294. 1. Est es-
sentiale principium affectionum & opera-
tionum rei. 1. 293. 1. Vide Principium.
Natura & essentia rerum quomodo sit relati-
ua. 1. 298. 1. Natura quomodo sit essentia
rerum. & ab ea distinguatur. 299. 1.
Natura est principium motus ad locum. 1.
301. 2. Ad qualitatem. ibid. Ad quantitatem
302. 1. Etiam respectu generationis sub-
stantialis, & quomodo. 303. 2.
Natura debet esse in eadem re, in qua est mo-
tus. 1. 305. 2. Debet esse causa per se, &

principalis. 306. 1. Et principium substan-
tiale. col. 2.
Natura potest esse principium in genere cau-
sæ, tum actiue, tum passiue. 1. 307. 1. Ma-
gis principaliter in genere causæ actiue.
308. 1. Dicitur vniuocè in eodem genere
causæ. col. 2. Potest esse principium in ge-
nere causæ formalis, & finalis. ibid. Debet
esse principium immanēs & causa interna.
312. 2. Differt à Causa externa. 315. 1.
Natura differt ab arte quæ est in opere. 1. 324.
1. Quæ est in opifice. 325. 1. Vera differen-
tiæ ratio assignatur. 326. 1.
Natura non ideo abhorret Vacuum, quia non
potest operari in distans. 1. 460. 1.
Natura substantialis necessariò debet termi-
nari aliqua substantia. 1. 530. 2. Debet
positiue esse per se vel in alio. ibid. Debet
esse terminata supposito. ibid. Non potest
existere sine substantia. 554. 1.
Naturale dicitur essentialiter & causaliter. 1.
327. 2. Vide Actus.
Naturalitas an sit ratio formalis Obiecti Phy-
sicæ. Vide Obiectum.
NEBVLA. 2. 536. 2.
NEGATIO consideratur in ea parte Phi-
losophiæ, in qua agitur de ente. 1. 129. 1.
Negatio quid sit. col. 2. Concipitur pura
sine subiecto. 135. 1. Non per propriam
speciem. col. 2.
NIX. 2. 537. 2.
NVBES in aquam soluitur. 2. 536. 1. In quo
differat à nebula. col. 2.
NVTRIMENTVM debet esse propor-
tionatum. 2. 738. 1. Nutrimentum proxi-
mum. ibid. Nutrimentum remotum. col. 2.
Nutrire an possit Elementum simplex. 2. 739.
1. & 2. An possit Mixtura terræ & aquæ. ib.
Nutrire potest aqua. ibid. Item terra. ibid.
Item aer. ibid. Item ignis. 740. 1. Item Ele-
menta etiam pura. col. 2.
Nutritio essentialiter est conuersio alimenti in
substantiam aliti. 2. 741. 2. Est particularis
quædam generatio substantialis. 742. 2.
Quare sit necessaria. ibid.
Nutritio primus actus inserviens, est contri-
tio cibi in ore. 2. 748. 1. Secundus traiectio
per guttur. ibid. Tertius concoctio in ven-
triculo. ibid. Quartus delatio ad iecorem.
col. 2. Quintus formatio sanguinis cum
alijs humoribus. ibid. Sextus diffusio san-
guinis per totum corpus. 2. 749. 1. Vltimus
conuersio. ibid.
Nutritio plantarum est simplicior. 1. 750. 1.

- O**BIECTVM Physicæ, si determinetur per motum, deberet esse ens mobile, prout comprehendit etiam motum Angelorum & immaterialium. 1. 46. 2. Non vero ens mobile prout comprehendit solum motum generabilem & corruptibilem, vel solum motum provenientem a Materia & Forma. 47. 2. Nec ens mobile prout comprehendit solum motum cognitum ex sensibilibus. 48. 1. Absolutè Obiectum Physicæ non est ens mobile. 50. 1.
- Obiectum Physicæ, si distingueretur a Metaphysica per abstractionem, esset Ens materiale. 1. 52. 2. & 63. 1. Sed absolutè non debet assignari separati a Metaphysica. 1. 55. 2.
- Obiectum posset esse in aliqua scientia Compositum substantiali & accidentali commune. 1. 58. 1. Vel Corpus substantiale. col. 2. Tunc melius appellaretur Obiectum, Compositum, vel Corpus, quam Ens mobile. 60. 1. Posset etiam esse Corpus solum, Corruptibile aut Mixtum. col. 2.
- Obiectum Physicæ de facto non est Corpus corruptibile aut Mixtum. 1. 61. 1. Neque Corpus substantiale. 62. 1. Neque compositum in communi. ibid.
- Obiecti Physicæ ratio formalis non est Generalitas & corruptibilitas. 1. 63. 2. Neque sensibilitas. 64. 1. Neque mobilitas sumpta pro passione. ibid. Nec etiā mobilitas sumpta pro principio essentiali. col. 2. Siue dicatur mobilitas subiectivè, siue terminativè. 65. 2. Siue principativè. 66. 1. Neque Naturalitas. col. 2. Non debet assignari determinata ratio particularis. 67. 2. Debet complecti Obiectum materiale in tota sua latitudine. ibid.
- Obiectum Metaphysicæ nō debet solum constitui Ens immateriale, aut substantia. 1. 73. 2. Non ens commune enti rationi & per accidens. 75. 2. Non ens reale in sola præcisione, aut in tota amplitudine sumptum. 76. 2. Nec ens abstrahens a materia, idest in communi & immateriale simul. 77. 2. Non est designandum per abstractionem a materia. ibid.
- Obiectum adæquatum Philosophiæ est Ens. 1. 80. 1. Eius ratio formalis est ratio Entis, ita ut Obiectum sit Ens quatenus Ens. col. 2.
- Obiectum Philosophiæ non exhaust penitus

- aliarum scientiarum Obiecta. 1. 80. 2.
- Obiectum potest probari a sua scientia. 1. 59. 2.
- Obiectum sciētiæ est quodammodo prius suis partibus subiectivis. 1. 82. 1. Habet principia & passionēs. col. 2.
- Obiectum Sapientiæ & Scientiæ est in vna Philosophia. 1. 83. 1.
- Obiectum intelligibile quomodo distinguatur a sensibili. 1. 213. 1. Quomodo respiciat Intellectum. ibid.
- Obiectum spectat ad Causam finalem. 1. 383. 2.
- Obiectum sensibile. Vide Sensibile.
- O**CULVS componitur tribus humoribus. 2. 833. 2. Componitur ex quinque tunicis. 834. 1. Item ipsi inserviunt duo nervi & septem musculi. ib. Quomodo per duos oculos cōspiciatur per se vnum obiectum. 835. 2.
- Oculus requirit distantiam obiecti & medium ut videat obiectum. 2. 844. 1. Hoc medium non potest esse Vacuum, aut Opacum, sed Perspicuum. col. 1. Requirit lumen, quod est necessarium in obiecto, & consuetum in medio. 846. 1.
- O**DOR. 2. 578. 2. Sumi solet pro halitu odoroso. 859. 2. Est realiter qualitas accidentalis. 860. 1. Invenitur in corpore solido, & in halitu. col. 2. Eius species. ibid.
- Odor diffunditur per species intentionales. 2. 862. 1. Non transit de vno in aliud subiectum. col. 2. Ad ipsius sensum multum confert exhalatio odorosa. 863. 1.
- Odoratus organum. 2. 858. 2.
- Odoratus sensus in qua parte resideat. 2. 859. 1.
- Odoratus medium est aer, & aqua. 2. 861. 1.
- O**LEVUM est rarius aqua. 2. 442. 2.
- O**PERATIONES in composito naturali sunt immanentes. 1. 316. 1.
- Operationes Dei quomodo inferant præsentiam eius. 1. 455. 2.
- Operationes corporeæ in Animali subiectantur in corpore. 2. 666. 1.
- O**RBEs cēlestes nō plures integri distinguendi pro Planetis. 2. 76. 1.
- O**RNAMENTA hominis ut pili, ungues, &c. 2. 634. 1. An sint animata est controuersum. ibid. Non videntur esse animata eadem anima totius. col. 1. Non videntur prorsus inanimata, & vitæ experta. 635. 1. Videntur esse animata sua peculiari animæ vegetatiua. col. 2. Inter hæc non computantur dentes. 636. 1. Quomodo hæc ornamenta non sint partes animatæ. col. 2. Quomodo vitæ participant. 637. 1. Quomodo propria viuunt animæ. col. 2.

PARALAXIS astrorum. tomo 2. pag. 60. col. 2. & seq.

PARELIA explicantur. 2. 533. 2.

PARS Philosophiæ supernaturalis est perfectior parte naturali. 1. 47. 1. Pars vniuersalis est perfectior naturali, imperfectior supernaturali. col. 2.

Partes non sunt a Quantitate. 1. 706. 2. Earum entitas realis & ratio formalis non est a Quantitate. 707. 1. Earum distinctio non est a Quantitate. col. 2. Vide Continuum, Quantitas.

Partes distinctæ inferunt sui multitudinem. 1. 744. 1.

Partes infinitæ non possunt diuidi tempore finito. 1. 752. 1. Vide Quantitas, Continuum.

Partium diuersitas in viuente non arguit diuersitatem formarum. 2. 624. 2.

Partes aliud sunt vt coniunctæ ac vt per se sumptæ. 1. 570. 2. Aliæ se habent separabiles ac inseparabiles. 571. 1.

Partes plures successiuæ an possint coniungi in eodem tempore. 1. 375. 1.

PASSIO non conuenit omnibus rebus, sed tantum ijs quæ sunt in subiecto. 1. 909. 2. Non consistit in facto esse, sed tantum in fieri seu etiam conseruari. 910. 1. Non seiungitur ab actione. 911. 1. Nec distinguitur ab actione ex natura rei. 912. 1. Distinguitur ratione. col. 2. Est idem cum illa actione, qua producit forma in subiecto. 913. 2.

Passiones entis. Vide Ens.

Passiones communes debent secundum eandem rationem conuenire generi, & speciebus. 1. 174. 2.

Passiones quomodo prædicentur necessario de suis rebus. 1. 263. 1.

Passum potest reagere aduersus agens. 1. 425. 2.

PERFECTVM est cui nihil deest. 1. 227. 2. Dicitur etiam de rebus simplicibus. ibid. Dicitur de quocumque ente in suo gradu. 228. 2. Dicitur necessario essentialiter sumptum. 229. 1. Potest explicari per negationem. ibid. Per relationem rationis. col. 2. Et per positiuam entitatem rei. ibid. Eius ratio accipitur pro excellentia rei. 230. 1. Non ipsa solum explicat bonitatem. ibid.

PERSONA est suppositum rationalis nature. 1. 545. 1. Eius dictum significatum. col. 2.

Personæ diuinæ in processibus non sunt causæ. 1. 373. 2.

PERSPICVVM definitur. 2. 844. 2. Constituitur in actu per lumen. 845. 2.

PHANTASIA. 2. 782. 2. Videtur esse in omnibus animalibus. 787. 1. Non debet distinguui ab alijs potentijs sensitiuis. 897. 2.

PHILOSOPHIA in rerum speculatione versatur. 1. 1. 1. Eius primum officium est de se ipsa differere. 2.

Philosophia est amor sapientiæ. 1. 2. 1. Est Sapientia ibid. Eius plures acceptiones. col. 2. Propriissime accepta, Physicam, Metaphysicamque complectitur. 3. 1.

Philosophia conuenientissime instituta est. 1. 6. 1. Est conueniens secundum seipsam. col. 2. Est utilis ad alias disciplinas. 7. 1. Est utilis ad bonos mores. col. 2. Est utilis ad temporalia lucra. 8. 1. Non est nimis ardua, & difficilis. col. 2. Non incerta. 9. 1. Non fallit. ibid. Non nocet. ibid. Quando & a quo sit exorta. col. 2. & seq.

Philosophia variè definitur. 1. 11. 1. Continet partes certas & firmas plurium rerum. 1. 12. 1. Continet probabiles & contingentes. col. 2. In vna acceptione continet solas notitias certas. 15. 1. In alia complectitur etiam Opiniones. col. 2.

Philosophia continet principia per se nota. 1. 16. 2. In vno sensu est notitia quæ dicitur Intellectus. 17. 1. Circa conclusiones est scientia. col. 2. Est partim scientia propter quid, partim scientia quia. ibid. Est Sapientia. 18. 2. Est huiusmodi in rigore solum, quoad partem quæ est Metaphysica. 19. 1.

Philosophia est penitus speculatiua. 1. 22. 2. Nullam includit partem practicam. 23. 2.

Philosophia vna est, Metaphysicam, Physicamque complectens. 1. 26. 2. Eius vnitas est vnitas collectionis. 33. 1. Hæc vnitas colligitur etiam ex Aristotele. col. 2.

Philosophia habet de omnibus speculari. 1. 36. 1.

Philosophia est suprema quædam perfectio humanæ naturæ. 1. 39. 1. Est perfectior scientijs practicis. col. 2. Est perfectior alijs speculatiuis. ibid. Perfectior est quoad partem supernaturalem. 41. 1.

PHYSICA est intellectio naturalium rerum. 1. 4. 1. Eius variæ acceptiones. ibid. Non est in rigore Sapientia. 19. 1. Est speculatiua. 24. 2. Non continet tanquam partem practicam Medicinam. ibid. Quomodo ipsam contineat. 25. 1.

Phyfi-

Index Rerum.

- Physica** quomodo distinguatur à Metaphysica ex Arist. 1.36.1.
- Physica** non subalternat sibi alias scientias. 1.44.2. Eius Obiectum. Vide Obiectum.
- Physica** considerat substantias immateriales. 1.50.1. Non probat dari Corpus mobile siue coniunctum corporis & mobilis. 59.1.
- PHYSIOGNOMIA**. 1.938.2.
- PILI**. Vide Ornamenta.
- PLANETÆ** quomodo moueantur circa terrā, aut circa Solem. 2.7.2. Sunt septem. 54.2. Vide Astra errantia.
- Planetarum** declinatio. 2.86.1. Eleuatio. ibid. Compositio. col.2. Epicycli. 87.1. Ordo cū Sole. col.2.
- Planetæ** omnes vidētur recipere lumen à Sole. 2.211.1. Omnes in hac interiora operantur. 215.2.
- PLANTARVM** succi non sunt animati. 2.632.1. Earum simplicior est nutritio ac aliorum viuentium. 750.1.
- PLUVIA** ex nube fluit. 2.535.2.
- POLI** Cælorum. 2.85.2.
- POTENTIA** remota vltra proximam an dicat ordinem ad operationem. 1.198.2.
- Potentia** pura quo pacto non detur. 1.630.1. Vide Materia.
- Potentia** quo pacto possit esse diuersi generis ab actu. 1.678.2.
- Potentia** non est motus. 1.918.1.
- Potentia & operationes vitales**. Vide Animæ potentia.
- Potentia nutritiua** est peculiaris virtus vitalis. 2.735.1. Est a natuo calore distincta. col.2. Est principaliter virtus cōuersiua alimēti in substantiam aliti. 636.1. Habet alias virtutes sibi inservientes. col.2. Vide Nutritio.
- Potentia Augmentatiua** vno modo potest cum Nutritiua confundi. 2.751.1. Alio modo propriè distinguitur. col.2. Semper cum illa coniungitur. ibid. Verè ab illa differt. 752.1. Vide Augmentatio.
- Potentia Generatiua** qualiter sit necessaria in viuentibus. 2.785.1. Debet esse à Nutritiua distincta. 761.2. Vide Generatio.
- Potentia sensitiua** est in organo corporeo. 2.774.2. Est passiuā & non purè actiua 775.2. Est etiam actiua. 776.1. Elicit vitaliter suas operationes. col.2. Eadem est actiua & passiuā simul. 777.2. Vide Sensus.
- Potentia memoratiua** non debet distinguī ab alijs potentijs sensitiuis. 2.894.2. Vide Memoria.
- Potentia imaginatiua** non debet distinguī à sensu communi. 2.895.2. Vide Imaginatio.
- Potentia æstimatiua** non debet distinguī ab imaginatiua. 2.896.2. Vide Æstimatio.
- Potentia sensitiua interna** vnica est. 2.898.1. Hac varias functiones exercet. col.2. Secundum varias functiones denominatur Sensus communis, Imaginatio, Æstimatiua, Phantasia, Memoria, ibid. Est in toto cerebro. 899.2.
- Potentia motiua in Animali** duplex. 2.912.1. Est ab appetitu distincta. col.2. Residet in musculis. 913.1. Deriuatur à cerebro. ibid. Agit ex determinatione appetitus. col.2. In homine ex determinatione Voluntatis. 914.1.
- Potentia Animæ rationalis** sunt tantum duæ Intellectus & Voluntas. 2.968.1. Quo sensu soleant definari, Memoria, Intellectus, & Voluntas. 969.1. Vide singulas suo loco.
- Potentia appetiua** qua ratione distinguatur à cognoscentiua. 2.969.1. Quo pacto illi subordinetur. col.2. Vide Appetitus.
- Potentia Animæ**. Vide Anima.
- PRÆCISIO**. Vide Abstractio.
- PRÆDICAMENTVM** totius entis non est vnum. 1.125.1. Prædicamenta decem. 1.694.1. Non omnia accidentalialia sunt vera genera Accidentis. 695.2.
- PRAEDICATA** alia essentialia vltra existentiā possunt enunciari de Deo. 1.1286.1.
- PRAESENTIAE** modus datur distinctus à re & loco. 1.1008.1. Hic dicitur fundare relationes. ibid. Constituit prædicamentum reale Vbi. col.2. Terminat motum localem. ibid.
- Præsentia** datur in rebus & dum mouentur, & dum quiescunt. 1.1010.1. Constituit rem formaliter in tali loco. ibid. Per ipsam saluantur omnia quæ spectant ad locum. 1011.1. Requiritur in omnibus rebus. col.2. Comparatur cum alijs formis & denominationibus. Vide Vbi.
- PRINCIPII** ratio est essentialis ratio Naturæ. 1.296.2. Est etiam essentialis rebus. 297.1. Debet sumi realiter in definitione Naturæ. 298.1. Principium, & Causa in definitione Naturæ sumuntur pro eodem. 300.1. Principium omne passiuum est Natura, sed non omne actiuum. 315.2.
- Principium actiuum** potest esse per se internum. 1.311.2.
- Principium cōmunissimè** sumptum definitur. 1.337.1. Principiorum in Physica definitio. col.2.

Index Rerum.

Principia non sunt ex alterutris non solum in eodem genere principiandi. 1. 338. 1. Nec solum abstracte sumpta. col. 2. Aut ex alterutris per modum subiecti. 339. 1. Sed non sunt ex alterutris tanquam partibus constituentibus. col. 2. Non sunt ex alijs. 340. 1. Ex ipsis omnia. col. 2.

Principiorum breuior definitio. 1. 341. 2. Aliæ principiorum definitiones & acceptiones. ibid.

Principia variè assignantur. 1. 342. 2. Possunt varijs modis assignari. 343. 2. Quo pacto assignentur tria, Materia, Forma, & Priuatio. 344. 1. Qua ratione. col. 2. Quæ alia possunt addi. 347. 2.

Principia oportet semper manere. 1. 348. 1. Id est debent semper in omni generatione interuenire. col. 2.

Principia dicuntur contraria. 1. 354. 1. Intrinseca rerum non sunt contraria. 355. 1. Principium, quod est terminus à quo, est per se contrarium principiato. ibid. Per concomitantiam est contrarium alijs principijs. 356. 1. Hæc cōtrarietas per se est priuatiua. col. 2. Per concomitantiam est etiam positiua. 357. 1.

Principia habent suum actum principiandi. 1. 358. 2. Referuntur ad suum principiatum. 359. 1. Diuerso modo concurrunt Materia & Forma, ac Priuatio. col. 2. Omnia principiant in actu generationis. 364. 2. Dantur in fieri & in facto esse. 375. 1.

PRIVATIO quid sit. 1. 129. 2. Consistit in negatione, & aptitudine. 130. 1. Distinguitur à subiecto. ibid. Non habet esse reale. 132. 2. Non habet esse aliquod priuatiuū. 132. 1. Nō fit mere per intellectum. col. 2. Datur & verificatur suo modo à parte rei. 133. 1. Concipitur cum re negata, sed per distinctum conceptum. 134. 2. Nō concipitur per propriam speciem. 135. 2. Quando fit violenta subiecto. 330. 2.

Priuatio quo pacto sit principium necessariū. 350. 1. In principiando concurren ratione Negationis, non aptitudinis. 361. 1. Concurrunt per suum esse quatenus tollitur. 362. 1. Non datur in actu generationis. 363. 1. Non potest inueniri simul cum forma. 366. 2. Nō datur quando principiat. 368. 2. Non est causa. 373. 2.

PRODIGNA quædam ex alto. 2. 540. 1.

PRODUCIBILE quod libet potest destrui, & è conuerso. 2. 337. 1.

Productio rei exercetur in instanti inceptio-

nis intrinseco, non in extrinseco. 1. 1068. 2.

PRVINA. 2. 538. 1.

PRVRITVS reduntur ad dolorem. 2. 874. 1.

PVTRIFICATIO quid sit. 2. 583. 1. Quæliter exerceatur in mixtis. col. 2. Etiam in elementis. 584. 1.

QVÆSTIO an est quomodo distinguitur à questione quid est. tomo. 1. pag. 275. col. 1.

QUALITAS est vera forma accidentalis. 1. 763. 2. Plurimæ distinguuntur realiter à subiecto. col. 2. Corporeæ possunt per Dei potentiam conservari sine quantitate. 764. 1. Et essent adhuc singulares. col. 2. Et essent inter se distinctæ. ibid. Et essent finitæ. ibid. Aliquæ possunt tantum modaliter à subiecto distingui. 765. 1.

Qualitatis ratio. 1. 765. 1. Intensio. col. 2. Hæc sumitur pro motu, & pro ipsa qualitate. ib. Sumitur absolute & comparative. 766. 1. Est de ratione qualitatis. Sed non omnis. col. 2. In omnibus tamen quatuor generibus reperitur. 767. 1. Ac etiam in qualitatibus spiritualibus & supernaturahbus. ibid. Primariò est propria qualitatis. col. 2. Eius ratio controuertitur. ibid.

Qualitates quædam possunt indiuisibiliter variari. 1. 772. 1.

Qualitatis intensio est latitudo diuisibilis qualitatis. 1. 768. 2. Quomodo qualitas ex remissa sit intensa. 772. 2. Quomodo eadem prius est remissa & postea intensa. 773. 2. Quomodo qualitas & intensio est finita. pag. 744. 1.

Qualitatis intensio est positiua, & non sola ablatio contrarij. 1. 774. 2. Non est radicatio in subiecto. 777. 1. Vide Radicatio in subiecto.

Qualitatis intensio est compositio eius integralis ex pluribus partibus colligatis simul in subiecto. 1. 780. 2. Eius compositio ex suis gradibus qualis sit. 781. 2. Est sicut compositio quantitatis ex suis partibus. 782. 1.

Qualitatis partes inter se distinguuntur. 1. 782. 1. Sunt diuisibiles in infinitum. ibid. Continuarètur per indiuisibilia si darentur. col. 2. Non uniuntur per solam coexistentiam in subiecto. ibid. Nec solum seipsis. 783. 1. Coniunguntur peculiari modo unionis. ibid. Et ita sicut partes quantitatis. col. 2.

Qualitatis gradus quo pacto distinguantur in eodem subiecto. 1. 784. 2.

Quali-

Index Rerum,

- Qualitas intensa quo pacto sit perfectior remissa.** 1. 785. 1. Eadem simplex non potest sine additione fieri maior. col. 2. Non potest eadem tribuere maiorem effectum formalem. ibid.
- Qualitatis gradus sunt homogenei & eiusdem rationis.** 1. 786. 2. Eius tota intensio fit ex partibus consimilibus. 785. 2.
- Qualitates quoque supernaturales constant gradibus homogeneis.** 1. 789. 1. Et omnes qualitates in intensione eodem modo se habent. col. 2.
- Qualitatis graduum ordo non est determinatus ex natura rei.** 1. 790. 1. Talium graduum non est inæqualis perfectio. col. 2.
- Qualitas non potest operari ultra suam intensiorem.** 1. 791. 1. Maior est una intensa, quam plures remissa. 792. 1. Contraria qualiter expellat alteram iuxta intensiōis gradus. col. 2. Extensa & intensa quælibet potest fieri minus extensa & magis intensa. ibid. Non potest fieri actu infinite intensa. pag. 793. 1.
- Qualitatis Causæ.** 1. 793. 2. Affectiones. 794. 1. Species. ibid.
- Qualitates corporum inferiorum.** 2. 383. 1. Habent quidditatem & intensiorem communem cum alijs. ibid. Non determinant sibi ab intrinseco summam intensiōem. col. 2. Habent determinationem ex facultate causarum. 384. 1. Earum summa intensio est octo graduum. col. 2. Non determinant sibi ab intrinseco infimam intensiōem. 385. 1. Determinantur penes exigentiam formæ, quoad generationem intrinsecè, quoad conservationem extrinsecè. col. 2. Comparantur cum quantitate. 386. 2.
- Qualitates contrariæ non possunt naturaliter coniungi in gradibus intensis.** 2. 393. 1. Possunt in gradibus remissis. ibid. Non per distinctas qualitates medias inter extremas. col. 2. Possunt in gradibus intensis per diuinam potentiam. 394. 1. Excipiuntur quædam qualitates. col. 2.
- Qualitates contrariæ in gradibus remissis quomodo pugnent inter se.** 2. 397. 1. Pugnant ex sua contrarietate. col. 2. Non repugnant nisi respectu subiecti. 398. 1. Quædam contrariæ habent alias medias. col. 2. Quomodo simul afficiant & denominent subiectum. 1. 399.
- Qualitates omnes per reflexionem produci & intendi possunt.** 2. 409. 2. Vide Reflexio.
- Qualitas in reflexione ab eodem primo agente** producit. 2. 411. 1. Non à medio. ibid. Non ab obstaculo. ibid. Nec etiam instrumentaliter vel partialiter. col. 2.
- Qualitas intenditur per Antiperistasis.** 2. 417. 1. Non eadem se ipsam intendit. col. 2. Non intenditur per suas species intentionales. 418. 1. Non per collectionem sui ipsius. col. 2. Sed per recessum subiecti contrarij, & accessum agentis similis validioris. 419. 1.
- Qualitates contrariæ plus valent ad agendum quam ad resistendum.** 2. 421. 1.
- Qualitates sensibiles oriuntur per se ex temperamento primarum qualitarum.** 2. 578. 1. Qualitates tangibiles & aliæ. ibid.
- Qualitates elementares.** Vide Elementa.
- QUANDO non constituitur per durationem sumptam pro rerum existentia.** 1. 1063. 2. Nec per durationem sumptam pro rerum perseverantia in essendo. ibid. Nec constituitur per durationem successiuam intrinsecam motus. 1064. 1. Nec per distinctum modum præsentis ad tempus. col. 2. Nec per vllum modum resultantem ex decursu temporis. ibid. Sed per durationem sumptam pro coexistentia ad tempus per denominationem extrinsecam. ibid. Conueniret etiam rebus instantaneis, si darentur. 1065. 1.
- QUANTITAS permanens datur à rebus quantis distincta.** 1. 698. 1. Una est in vnoquoque individuo. 699. 1. Separatur à substantia in Sacramento. col. 2. Quantitas etiā successiuæ datur à motu distincta 700. 1.
- Quantitas non tribuit, sed extendit partes substantiæ.** 1. 701. 1. Facit substantiam diuisibilem. col. 2. Eius extensio comparatur cum intensiōe qualitatis. 703. 2.
- Quantitatis essentia non est tribuere partes.** 1. 706. 1. Non consistit in extensiōe rerum in ordine ad se. 707. 2. Non consistit formaliter in ratione mensuræ. 709. 1. Nec in ratione diuisibilitatis. col. 2. Nec in ratione impenetrabilitatis. 710. 1. Consistit in locali extensiōe. 711. 1. ibid.
- Quantitas continua constat ex partibus diuisibilibus in infinitum.** 1. 713. 2. Diuerso modo se habet à discreta. 717. 1. Hæc diuersitas explicatur. 742. 2. Vide Continuum.
- Quantitas quomodo producat.** 1. 689. 1. Eius causæ. 757. 2.
- Quantitas non generatur & corrumpitur per mutationem substantialem.** 1. 759. 1. Non per augmentationem & diminutionem. ibid. An per rarefactionem & condensationem. col. 2.
- Quantitatis affectiones, Raritas, Densitas, Figura**

Index Rerum.

- Figura, & aliz.** 1. 759. 2. & seq. Eius species. 762.
Quantitas noua non potest cū antiqua in eadē coniungi materia. 1. 368. 2. Nec cum ipsa confundi. 369. 2. Nec vna eius pars detrahi remanente alia. 370. 1. Nec potest in rarefactione vilo modo mutari, si sit aliorum accidentium subiectum. ibid.
Quantitas tota mutatur in rarefactione & condensatione. 1. 371. 2. Est hoc modo naturaliter generabilis & corruptibilis. 373. 1. Successiue tota mutatur. 374. 2. Quomodo fiat maior. 380. 2. Quomodo eadem duplicetur. 381. 1. An ipsa, vel sola materia rarefiat. 382. 1. Vide Raritas.
QUIES in definitione Naturæ intelligitur pro termino morus. 1. 304. 1. Non est opposita motui. col. 1.
Quies quo pacto incipiat & desinat. 1. 1077. 2.

R

- RADICATIO** in subiecto non potest intelligi sine omni additione. 1. 777. 2. Non potest intelligi per variationem in entitate qualitatis. 778. 2. Nec per variationem modi antecedentis qualitatem. 779. 1. Nec per variationem modi consequentis qualitatem. col. 2. Vide Intensio. Qualitas.
RAREFACTIO & addensatio exerceri potest per mutationem totius quantitatis. 2. 371. 2. In ipsa mutatur extensio in ordine ad locum non in ordine ad se. 375. 2.
Raritas & densitas non sunt aliud præter quantitatem. 2. 372. 2. Sunt maior extensio, vel minor extensio. ibid.
Raritas & densitas possunt dici esse modi quantitatis. 2. 376. 3. Qui afficiant quantitatem immediate, & mediate omnem rem quantam. 377. 1. Non sunt formaliter modi præsentia localis. 378. 2. Nec modi Positionis. 379. 1. Nec modi relationis ibid. Sed potius vera qualitas, & de quarta specie. col. 2. Vide Quantitas. Corpora.
RATIO formalis Obiecti Physicæ & Metaphysicæ. Vide obiectum.
Ratio essendi ad aliud in relatione reali est realis. 1. 858. 1. Et hoc tam in diuinis quam in creatis. 859. 1. In relatione rationis est ficta. col. 2. Potest præscindere à reali & ficta, & quomodo. 859. 1. Quomodo se habeat ad rationem essendi in alio. col. 2.
Ratio essendi in alio potest esse rationis. 1. 858. 1.

- RATIONALE** omne sentit. 2. 652. 2.
REFLEXIO potest & solet fieri directe & oblique. 1. 410. 2. Quandonam fiat. 411. 1. Potest multiplicari. col. 2. Est ipsi similis quædam communicatio qualitatis. ibidem. Habet suā sphæram, initium, progressum, & terminum. 412. 1. Eius causa non variatur. 414. 1. Semper ab eodem Agente promanat. col. 2. Quare varietur ex variatione obstaculi. 415. 2. Vide Qualitas. Agens.
RELATIONES an sint bonæ. 1. 221. 1.
Relationes prædicamentales non sunt formæ quædam accidentales distinctæ à rebus realiter. 1. 843. 1. Nec modaliter alioque modo à parte rei. 844. 1. Talis distinctio non est necessaria. col. 2. Necessariò sunt in rebus quæ referuntur ibid. Nec possunt per intellectum abstrahi ab ipsis. 845. 1. Vel omnes vel nullæ deberent distingui. 846. 3. Nō possunt produci atque corrumpi. 847. 1. Vel sunt in omnibus, vel in nullis rebus. col. 2. Vel ad omnes, vel ad nullos terminos. 848. 1.
Relatio prædicamentalis non est vera forma, ratione à subiecto distincta. 1. 849. 2. Non est in subiecto, quando non est terminus. 850. 1. Neque incompletè. col. 2. Est solum denominatio desumpta à rebus. 851. 1. Est coexistentia duorum extremorum, col. 2. Variatur sine variatione intrinseca subiecti. ibid. Dicit in recto vnum extremum, aliud in obliquo. 852. 1. Hoc modo potest constituere Prædicamentum ad aliquid. col. 2. Non sunt possibiles aliz relationes huius prædicamenti distinctæ à subiecto. 855. 1.
Relationes ratione vnius extremi separantur & distinguuntur ab alio. 1. 855. 1. Benè consonant cum relationibus diuinis. 856. 1.
Relatio sumpta vt forma realis constituitur per rationem essendi ad aliud tanquam per propriam differentiam. 1. 857. 2. Vide Ratio essendi ad aliud.
Relatio vt relatio est realis. 1. 858. 2. Quomodo sumpta pro denominatione constituatur per rationem essendi ad aliud. 860. 1. Quomodo sit debilissimæ entitatis. 861. 2. Quomodo dicat rationē, in, & rationem, ad, ib.
Relationis subiectum debet esse existens. 1. 862. 2. Potest esse tam substantia, quam accidens. 863. 1. An etiam Deus. 864. 2. An etiam relationes ipsæ. 866. 2.
Relationes transcendentales tendunt ad non entia & ad res quæ non sunt. 1. 870. 1. Prædicamentales important terminum realem

Index Rerum.

- existentem. col. 2. Vna relatio non potest attingere plures terminos. 871. 1. Etiam si dicatur distingui à rebus. col. 2. Tunc incommode tot relationes multiplicarentur. 872. 1. Etiam si dicantur distingui ratione, & cōficere vnā relationem totalem. ibid.
- Relationes mutue non semper correspondēt in termino. 1. 873. 2. Correspondent in omni termino relationis prædicamentalis. 874. 1. Etiam si tales relationes distinguerentur à rebus. col. 2. Non dantur in illis extremis quibus non correspondent mutue interminis. ibid. Si darentur in vnis, darentur in alijs. 875. 1.
- Relationis terminus non potest referri per relationem alterius terminus. 876. 1. Denominatur solū terminare aut causare. col. 2. Denominatur referri per relationem rationis. ibid.
- Relationes non mutue non possunt respicere terminum secundū correspondentem relationem. 1. 878. 1. Mutue respiciunt terminum secundū entitatem absolutam. 879. 2.
- Relationum ordo explicatur. 1. 881. 2. Item relationum similitudo & connexio. 882. 1. Item relationum diuinarum status. col. 2. Item relationum essentialium ratio. 883. 1. Item relationum omnium ordo, & modus cognoscendi. ibid. Item relationis creaturarum terminatio ad Deum. col. 2.
- Relationis causa materialis. 1. 884. 1. Causa formalis ibidem. Causa finalis & effectiua. col. 2. Affectiones. ibid. Species. 885. 1.
- R E S, Ens, Aliquid quomodo conueniant, vel differant. 1. 886. 1. 887. 1.
- Res dicuntur vere formaliter, per ordinem ad omni intellectum. 1. 888. 2.
- Res quomodo dicantur conformes per respectum causalitatis. 1. 889. 2.
- Res sunt vere, non solū per ordinem ad intellectum diuinum, sed etiam per ordinem ad intellectum creatum. 1. 890. & seq. Debent dici vere per ordinem ad intellectum diuinum. 1. 891. 2.
- Res quomodo secundū essentiam sint bonæ simpliciter, vel secundū quid. 1. 892. 1. In actu, vel in potentia. col. 2.
- Res quomodo ideo dicatur appetibilis quia bona. 1. 893. 1.
- Res vna potest esse perfectior alia. 1. 894. 2. Conuenientior alia. ibid. Magis appetibilis quam alia. ibid.
- Res aliquæ nō sūt accidentaliter male imperfectæ. 1. 895. 1. Secundum quandam rationē alijs disconuenientes. col. 2. Sunt odibiles & & fuga dignæ. 244. 1.
- Res essentialiter est principium radicale suarum passionum. 1. 297. 2. Quomodo possit concipi non vt principium. 299. 1.
- Res quæ habet motum, an omnis habeat quietem. 1. 304. 2.
- Res in actu mutationis non potest simul esse & non esse. 1. 366. 2. Quando primò est, tunc vltimò non est. 367. 1.
- Res eadem potest exercere diuersos causandi modos. 1. 381. 1.
- Res non habent terminum certum & præfinitum, sed possunt semper à Deo fieri plures & plures. 1. 806. 2. Non possunt absolute fieri omnes. 823. 1.
- Res omnes fiunt per actionem. 1. 886. 1. Conseruantur à causa vniuersali. 887. 1. Nō omnes conseruantur à causis particularibus col. 2. Nō omnes nec semper mouentur. 915. 1.
- Res omnes sunt in loco sumpto pro spatio. 1. 963. 2. Solæ Corporeæ sunt in loco sumpto pro superficie. ibid. Solæ spirituales sunt in loco sumpto pro subiecto operationis. 964. 1. Diuerso modo sunt in loco res spirituales ac corporeæ. col. 2. Plures spirituales, ac res spirituales cum corporeis, possunt esse in eodem loco. 968. 1.
- Res naturaliter non potest esse in pluribus locis. 1. 976. 1. Potest virtute diuina. col. 2. Etiam si sit corporea, & per præsentiam circumscriptionem. ibid. De facto plures ita factum est. 978. 1. & 2. Quomodo posset replicari in infinitis locis. 979. 1. Quomodo posset moueri in pluribus locis. 980. 2. Quomodo replicaretur sine suis affectionibus. 983. 2. Quomodo esset idem corpus viuum in vno, mortuum in alio loco. 992. 1. Vide Affectio.
- Res nulla existit pro solo instanti indiuisibili. 1. 1032. 1.
- Res quæ permanenter existūt verè dantur. 1. 1033. 1. Hæc rerū permanentia est duratio. col. 2. Item res quæ successiue existunt dantur. 1034. 2. Hæc successio est duratio. 1035. 1.
- Res an possit existere & non durare. 1. 1038. 1.
- Res permanentes quo pacto possint mensurari tempore. 1. 1062. 2. Quo pacto possint mensurari res incorruptibiles. 1063. 1.
- Res quædam incipiant & desinant. 1. 1066. 1. Quæ dependent tantum in fieri à sua causa, debent omnino incipere intrinsece. 1071. 2. Quæ dependent etiam in conseruari, possunt incipere intrinsece & extrinsece. ibid.

Quæ-

Index Rerum.

Quædam debet definere intrinsecè. 1072. 1.
Quædam extrinsecè. ibid. Quædam possunt
definere utroque modo. col. 2. Res perma-
nentes incipiunt & desinunt per totum
suum esse simul. ibid.

Res permanentes quo pacto producantur &
conseruentur. 1. 1073. 1. Quo pacto possint
produci in tempore. col. 2. Quomodo in
ipsis corruptio exerceatur. ibid. Quo pacto
debeat designari. ibid.

Res successiuæ quoad ipsam successionem
debent incipere & definere extrinsecè.
1075. 1. An incipiant & definant intrinse-
cè quoad extrema indiuisibilia. col. 2. Ab-
solutè incipiunt, & desinunt per partes post
partes. 1077. 1.

Res finito tempore durans non potuit fieri ab
æterno. 2. 32. 1.

RESISTENTIA non est formaliter passio. 2.
422. 2. Non est actio. ibid. Non informa-
tio. 423. 1. Nec negatio. col. 2. Est perma-
nentia subiecti oppugnati in suo statu.
ibid.

Resistendi virtus est eadem entitas formæ. 2.
424. 2.

RESOLVTIO vsque ad materiam primam in
nullo casu datur. 2. 329. 1.

RESPIRATIO conuenit solis animalibus. 2.
924. 2. Quare sit necessaria ibid. Non est
necessaria omnibus animalibus. 925. 2. Quid
& qualis sit. 926. 1. Quomodo fiat, & per
quæ instrumenta. 927. 1. Ipsi additur alius
cordis & arteriarum motus. 928. col. 1. & 2.

RESVLTANTIA quæ sit. 1. 458. 1.

RISVS est dignus consideratione. 2. 931. 1.
Est homini proprius. ibidem. Est motus, &
vox. ibid. Denotat affectum internum. col.
2. Alius est ab extrinseco, alius ab intrinse-
co. 932. 1. Risus ab intrinseco prouenit ex
parte sensitiua & rationali. 933. 1. & 2. Quod-
nam sit obiectum eius. col. 2.

S

SACCHARVM quid, & quomodo fiat. 2.
614. 2.

SANGVIS est nutrimentum animalis, non pars
animata. 1. 630. 2. Non includitur per se sub
nomine Corporis. 631. 1.

Sanguinis & seminis operationes quædam ex-
plicantur. 2. 633. 1.

Sanguis perficitur in iecore. 2. 749. 2. Inuatur
ex corde ut in substantiam alii conuer-
tur. ibid.

SANITAS quid sit. 2. 767. 2.

SAPIENTIAE ratio explicatur. 1. 18. 2. Eius
variarum acceptiones. ibid. Eius variarum con-
ditiones. 19. 1.

SAPORES oriuntur ex primarum qualitatuum
temperie. 2. 865. 1. Sunt qualitates. ibid. Sa-
porum variarum species. ibid.

SCIENTIA potest probare suum obiectum
esse. 1. 59. 2. Potest insitui de solo corpore
corruptibili, aut mixto. 60. 2. Dari debet di-
rectè de Deo. 69. 1. Et de ente creato. col. 2.
Et de ente utriusque communi. 70. 1. Eadem
est de ente creato & increato & de com-
muni utriusque. col. 2.

Scientia totalis est una per aggregationem. 2.
713. 2.

SEMEN non est animatum. 2. 671. 2. Quid sit.
ibid.

SENECTVS quid sit. 2. 766. 2. Quinam status
sit etatis. 767. 1.

SENSIBILE obiectum debet esse reale. 2. 790.
1. Debet esse corporeum. ibid. Debet esse
singulare. ibid. Debet esse accidentale. col. 2.

Sensibile aliud per se aliud per accidens. 2. 792.

2. Sensibile per accidens diuiditur. ibid. Sen-
sibile per se diuiditur in proprium & com-
mune. 793. 1. Sensibilia communia perci-
piuntur pluribus externis sensibus. col. 2.
Sunt quinque. 794. 1.

Sensibilia communia simul cum proprijs immi-
tunt in sensum unam speciem adæquatam
repræsentatiuam eorum. 1. 798. 2. Non mo-
dicificant species sensibilibus proprijs.
799. 1.

Sensibilia propria non sola immittunt species.
2. 799. 1.

Sensibilia interna. 2. 794. 2.

Sensibilitas quid. 2. 790. 2. Vno modo est po-
tentia producendi species. 791. 1. Alio mo-
do est denominatio terminatiua potentiarum
sensitiuarum. col. 2.

Sensitiuarum operationes non sunt formaliter
receptio speciei in sensu. 2. 776. 2. Sunt actus
elicti a sensu. 777. 1. Eadem eliciuntur a
sensu & recipiuntur in ipso. 778. 1. Debent
distingui ab impressione speciei. 779. 1.

Sensitiuum omne vegetat. 2. 652. 2.

Sensus aliquis omnibus animalibus conuenit.
2. 773. 2.

Sensus non est purè passiuus. 2. 779. 2. Non
datur agens, distinctus a patiente. col. 2.
Agens nullo modo datur. 818. 2.

Sensus alij externi, alij interni. 780. Externi

Index Rerum.

- quinque, Visus, Auditus, Odoratus, Gustus, & Tactus. *ibid.* Sensus interni solent assignari plures, Sensus communis, Imaginatio, Estimatio, Phantasia, Memoria. 782.
- Sensus alij externi præter tactum & gustum non sunt omnibus animalibus. 2. 784. 2.
- Sensus communis inest omnibus animalibus. 2. 786. 1.
- Sensus an sint perfectiores in homine, an in brutis. 2. 788. 2. An differant specie in diuersis animalibus. 789. 2.
- Sensus participat veritatem & falsitatem in representatione obiecti. 2. 795. 1. Non semper cognoscit verum, nec semper fallitur. *col.* 2. Quomodo dicatur falli solum circa sensibilia communia. *ibidem.* Fallitur etiam circa sensibilia propria. 796. 2. Fallitur ob impedimentum. 797. 1. Vel ex parte organi. *ib.* Vel ex parte mediij. *col.* 2. Vel ex parte obiecti. *ibid.*
- Sensus interni cum suis speciebus excitantur per spiritus. 2. 816. 1. Et determinantur ad certas cogitationes. *col.* 2. Sensus externi indigent spiritibus ad eliciendos actus. 817. 1.
- Sensus interni resident in cerebro non in corde. 2. 881. 1. Vide Cerebrum, Cor.
- Sensus internus percipit affectiones quasdam non sensatas exterius. 2. 885. 2. Percipit actus ipsos sensuum externorum. 887. 2. Percipit suos actus & actus appetitus. 889. 1.
- Sensus externi non percipiunt suos actus. 2. 888. 2.
- Sensus deficit ab intellectu. 2. 891. 1.
- Sensus internus percipit bonitatem obiecti. 2. 891. 2. Reflectit super suos actus. 892. 1. Non percipit actum sine obiecto. *col.* 2.
- Sensus interni non debent esse eiusdem rationis in varijs animalibus. 2. 901. 2. Non separantur in eodem animali. 902. 1.
- SERIES** & successio plurium rerum & generationum inter se succedentium non potuit fieri ab æterno. 2. 312. 2.
- SEVVM** non est animatum. 2. 631. 2.
- SICCITAS** definitur. 2. 485. 2. Definitio defenditur. 488. 1.
- Siccio adiungitur durum. 2. 486. 2.
- SITIS** quid. 2. 747. 1. Est quidam sensus doloris. *col.* 2.
- SITVS** est certa quædam præsentia in loco secundum certam dispositionem partium corporis locati. 1. 1026. 1. Non est distinctum genus entis in rigore philosophico. *ibid.*
- SOL** non est in medio Mundi, sed in sublimi. 2. 6. 1. Non potuisset ab æterno moueri. 35. 2. Est totus diaphanus, & lucidus. 162. 2.
- SOL** deprehensus est cum maculis. 2. 189. 1. Hæ maculæ non sunt sicut maculæ Lunæ. *col.* 2. Sunt variabiles, irregulares, & mobiles. *ibid.* Non sunt ludibria visus, aut vitia vitri. 190. 2. Non sunt elementares vapores sub Cælo. 191. 1. Sunt impressiones cælestes. 192. 1. Non sunt elementares vapores in Cælo. *col.* 2. Non sunt cælestes vapores Solis. *ibid.* Non sunt partes opacæ inferiorum orbium. 194. 1. Videntur esse & moueri in ipso Sole. 195. 1. Vel sunt partes opacæ ipsius Solis. *col.* 2. Vel opacitates in partibus Solis. *ibid.*
- SOL** illuminat Lunam. 2. 204. 1. Vide Luna.
- SOMNIA** conueniunt non solum hominibus, sed etiam brutis. 2. 918. 1. Fiunt in interno sensu. *col.* 2. Quomodo fiant. 919. 2. Fiunt simili modo, quo cogitationes in vigilia. 920. 2. Ingeruntur quoque ex causis externis. 921. 1. Per somnia diuinari an possit. Vide Diuinari.
- SOMNVS** conuenit omnibus animalibus. 2. 915. 1. Ordinatur ad reparationem spirituum. *col.* 2. Fit dum interius continentur spiritus animales, nec effluunt ad organa sensuum. 916. 1. Non ligat omnes sensus. *col.* 2. A somno quomodo animal euigilet. 917. 2.
- SONVS** est qualitas à motu distincta. 2. 848. 1. Efficitur per percussionem plurium corporum. *col.* 2. Sufficit percussio duorum corporum ad efficiendum sonum. *ibid.* Etiam si non adsit corpus solidum. 849. 2. Quando corpora sese percutiunt sunt solida, interuenit aer medijs, vel aqua. *ib.* Ipsius soni causa vel est percussio corporum, vel ipsa corpora sese percutientia. 850. 1. Soni subiectum sunt eadem corpora sese percutientia. *ibid.* Idem est subiectum, & agens. 851. 1.
- Sonus statim transit. 2. 851. 2. Haber plures differentias & species. 852. 1.
- Sonus auditur sine medio in eodem organo sensitivo. 2. 852. 2. Quando est internus, potest esse signum prauum aut boni auditus. 853. 1.
- Soni medium non solum est aer, sed etiam aqua. 2. 854. 1. Non sunt medium corpora dura & solida. *ibid.*
- Sonus deducitur ad auditum per speciem intentionalem. 2. 854. 2. Non requirit ad sui diffusionem motum mediij. 855. 1. Diffunditur per communicationem partium. 856. 1.

Quo-

Index Rerum.

- Quomodo diffundantur per totum.** 857. 1. Refleſcitur in Echo. 858. 2. Ibid.
- SPATIVM** datur. 1. 955. 1. Est extra mundum in infinitum. 956. & 2. 12. 2. In ipſo est Mundus. 1. 955. 2. In ipſo est omne corpus. ibid. Remanet ablato omni corpore. ibid. In ipſo ſuccedunt plura corpora. ibid. In ipſo eſſet ſi quid fieret extra Mundum. 956. 1. Quare dicatur imaginarium. col. 2. Non eſt quid poſituum, & reale. ibid. Nō eſt ſubſtantia nec accidens. 957. 1. Non eſt improductum, nec productum. ibid. Est Capedo quædam rerum. ibid. Quomodo in ſpatio ſignari poſſunt variz differentiæ locales. 1019. 2. Vide Locus. Vbi.
- SPECIES** ſenſibiles dantur. 1. 803. 1. Conſtituuntur in omnibus ſenſibus. 806. 1. Non repræſentant obiectivè, ſed effectivè. 807. 1. Nō ut imago expreſſa ſed impreſſa. col. 2.
- Species** non ſunt corpuscula ſubſtantialia. 2. 808. 2. Sunt accidentia. 809. 1. Sunt qualitates. ibid. Sunt diverſæ rationis à qualitatibus quas repræſentant. col. 2. Denominant ſubjectum. 810. 1. Produciuntur ab obiecto æquivoce. col. 2. Sunt ſimilitudo obiecti in repræſentando. 811. 1. Non formaliter ſed virtualiter. 812. 2.
- Species ſenſibiles ſunt corporeæ & diſiſibiles** in eſſendo. 2. 811. 2. Sunt indiſiſibiles in repræſentando. ibid. Qualiter repræſentant obiectum ſimplex in ſpeculo. 814. 1. Qualiter repræſentant extenſum diſiſibiler per partes. ibid. Quomodo vna ſimplex ſpecies repræſentat differentes partes obiecti. 814. 1. Species recipiuntur in ſenſibus. 815. 1. Recipiuntur aliquo modo in ſpiritibus. col. 2. Educuntur de potentia ſubiecti. 817. 1.
- Species ſenſuum externorum efficiuntur proximè ab obiecto** tanquam à cauſa principali. 1. 819. 1. Efficiuntur indiſiſibiler à toto obiecto. col. 2. Dependunt in conſervari ab obiecto. 824. 1. Poſſunt conſervari à Deo in abſentia obiecti. 826. 2.
- Species internæ efficiuntur ab actu ſenſus externi.** 1. 819. 2. Non à ſenſu interno agente. 820. 1. Non à ſpecie expreſſa externa. col. 2. Produciuntur per communicationem neruorum & ſpirituum. ibid. Non dependent in conſervari a ſuo agente. 823. 2. Quo pacto deleantur. 824. 2. Ibid.
- Species ſenſibiles non concurrunt obiectivè ad ſenſationem.** 1. 827. 1. Quare vocantur ſenſibiles. 829. 2. Qua ratione gerant vicem obiecti. ib. Concurrunt effectivè tanquam cauſa partialis. 830. 1. Cum potentia ſunt cauſa adæquata. 831. 2.
- Speciebus rerum ſenſatarum percipiuntur affectiones non ſenſatæ.** 1. 890. 1.
- Species intelligibiles dantur.** 1. 994. 1. A ſenſibilibus diſtinguuntur. col. 2. Sunt diverſæ a rebus intelligibilibus. 995. 1. Acquiruntur miſterio ſenſuum. col. 2. Concurrunt effectivè ad actum. 996. 1. Concurrunt ad omnem noſtram cognitionem. col. 2. Succedunt comparantur. 997. 1. Efficiuntur ab intellectu agente. 1001. 1. Vide Intellectus. Senſus. Potentia.
- SPECVLVM** non repræſentat ſpeciem ſed obiectum. 828. 2.
- SPECVS** in aere quid. 2. 533. 2.
- SPHERICVM** perfectum dari poſteſt. 1. 731. 1. Non poſteſt tangere planum in parte indeterminata. col. 2. Non poſteſt tangere in puncto ſi non dantur puncta. 732. 1. Non poſteſt eſſe indiſtans negativè, ſi non tangit poſitivè. col. 2. Non poſteſt tangere, niſi in parte, vel in puncto. ibid. Abſolute non poſteſt tangere. ibid. Nec poſteſt eſſe contiguum plano. 733. 1.
- SPIRITVS** vitales & animales non ſunt animati. 2. 631. 1. Quid ſint. ibid.
- STELLÆ** circa Iovem & ſaturnum noviter obſervatæ. 2. 55. 1. Alij addunt Stellas circa Solem. col. 2. Vide Cometa.
- Stella Veneris** an vnquam habuerit mutationem. 2. 101. 1. An habuerint mutationem ſtella Pleiades. col. 2.
- Stella Evangelica**, quæ apparuit Magis, non eſt celeſtis. 2. 102. 1.
- Stella** non fuit aliqua de nouo cognita priſcis temporibus. 2. 102. 2. Apparuit noua in Caſſiopeia anno 1572. 103. 1. Aliæ novæ exortæ ſunt poſtea. col. 2. Hæ apparuerunt in Cælo. ibid. Fuerunt in Cælo. 104. 1. Non ſunt factæ viſibiles per denſitatem aeris. col. 2. Non ſunt factæ per denſiores partes inferiorum corporum. 105. 2. Nec per partes cæli cryſtallini. 107. 1. Nec per motum deductæ ſunt ad noſtrum conſpectum. col. 2. Nō fuerunt de nouo miraculoſe creatæ. 108. 2. Factæ ſunt de nouo per mutationem accidentalem opacitatis & lucis. 109. 1. & 2. Poſſunt collocari intra ſtellas fixas in regione Planetarum. 110. 2.
- Stellæ fixæ** non videntur accipere lumen à Sole. 2. 112. 1. In hæc inferiora operantur. 116. 1. Vide Aſtra. Cælum. Planetæ.
- Stellæ cadentes** vbi appareant, & quomodo fiant.

Index Rerum.

- stant. 2. 517. 2.
- STATVS** medius inter sanitatem & morbum. 2. 768. 2.
- SVBIECTVM** est effectus causæ formalis. 1. 387. 2. Eius denominatio est præcipue effectus formæ. 388. 1.
- Subiectum affectum contraria qualitate resistit ad introductionem alterius. 2. 420. 2. Saltem retardat actionem agentis. ibid.
- SVBSISTENDI** modus non fuit cognitus ab Aristotele. 1. 525. 1. Datur ultra naturam. 526. 1. Non fuit assumptus a Verbo. 527. 1. Est aliquid positivum. 528. 1. Distinguitur a natura. 529. 2. Etiam in substantijs spiritualibus. 561. 1. Et in substantijs purè corporeis. 562. 2. Atque in omni substantia creata possibili. 563. 1. Vide Natura substantialis.
- Subsistentia est modus distinctus ab existentia naturæ. 1. 532. 1. Supponit existentiam naturæ. 533. 2. Potest concipi sine existentia. ibid. Differt ab accidentibus & conditionibus individuantibus. 535. 1. Supponit singularitatem naturæ, & præcedit omnia accidentia. col. 2.
- Subsistentia est modus. 1. 537. 1. Seipsa unitur naturæ sine alia vnione. col. 2. Est modus substantialis. 538. 1. Afficit naturam. col. 2. Reddit eam incommunicabilem. 539. 1. Est purus terminus, non causa naturæ. col. 2. Dependet in essendo à natura. ibid. Non inhaeret naturæ. 540. 1. Simul cum natura constituit suppositum. ibid. Cum ipsa intrinsecè includitur in supposito. 541. 1. Et componit suppositum. ibid. Non ut pars. col. 2.
- Subsistentiæ causa immediata, non est natura, sed causa externa. 1. 546. 2. Subsistentia supponitur ad omnem operationem naturæ. 547. 1. Se habet sicut existentia. col. 2. Non potest resultare à natura. 548. 1. Fit per distinctam actionem ab actione qua fit natura. col. 2. Fit per actionem à se distinctam. 549. 1.
- Subsistentia concurret causaliter ad operationes. 553. 1. Siue sit propria, siue aliena. col. 2. Non concurret ut principium, sed ut conditio. 554. 1.
- Subsistentia Verbi in Christo non est principium operandi. 554. 2. Nec subsistentia personalis in Deo. 555. 1.
- Subsistentia partium quomodo non repugnat cum earum communicabilitate, nec faciat illas esse supposita. 564. 2.
- SVBSTANTIA** in tota sua latitudine accepta imperfectè præscindit. 1. 113. 1. Substantijs solis conuenit definitio naturæ. 1. 317. 2. Et omnibus etiam spiritualibus. 319. 1. Non tamen substantiæ totali compositi. col. 2. Conuenit substantiæ celesti, tum ratione principij passiuum tum actiuum. 321. 1.
- Substantia explicatur. 1. 522. 1. Non potest inhaerere subiecto. 523. 2. Vide Subsistentia.
- Substantia Creata & Increata, Viuens & Non Viuens. 1. 556. 1. Item Spiritualis & Corporea. col. 2. Simplex & Composita ex materia & forma. 557. 1. Substantia spiritualis quid. ibid. Corporea quid. col. 2. Simplex quid. 558. 1. Composita quid. ibid. Substantia omnis spiritualis est simplex. col. 2.
- Substantia sola est subiectum primum. 1. 672. 1. Dicit potentiam cui alia accidentia insunt. 674. 2. Requirit potentiam accidentalem ad recipienda alia accidentia. 677. 2.
- Substantia corporea potest à Deo conseruari sine quantitate. 1. 701. 1. Tunc non esset extensa in loco. 702. 1. Nec remaneret definitiue in toto loco priori. 703. 1. Totā reduceretur ad vnum punctum, vel ad aliquam quandam partem. ibid.
- Substantia corporea de se habet partes. 1. 706. 2. 1. Eius partes recipiunt partes quantitatis. col. 2. Remanent partes ablata quantitate. ibid.
- Substantia spiritualis indiuisibiliter existit in spatio diuisibili. 1. 719. 1.
- Substantia efficit sua accidentia in seipsa. 1. 686. 1. Semper denominatur producere accidentia. 689. 2.
- Substantia non concurret immediate simul cum accidentibus ad productionem substantiæ. 2. 319. 1. Potest immediate producere accidens. 322. 1. Coniungitur cum accidenti, tanquam causa principalis cum instrumentum. 324. 2.
- SVPPOSITVM** est substantia singularis completa incommunicabilis. 1. 542. 1. Est idem quod prima substantia. 543. 1. Sumi potest in vniuersali. col. 2. Eius directum significatum. 545. 2.
- Suppositum fit vnica totali productione. 1. 550. 1. Est principium quod denominatur operari. 551. 2. Est totum etiam quando subsistentia est aliena. 552. 2.
- SYMPATHIA** & Antipathia. 1. 463. 2.

Index Rerum:

T

TACTVS inest omnibus animalibus.
 como 2. pag. 783. 2. An ipso percipia-
 tur obiectum absque proprijs tangibilibus.
 2. 801. 1.

Tactus in toto corpore extenditur. 2. 866. 2.
 Residet tam in carne, quam in nervo. 867.
 1. Eius obiectum est vnum in genere, nem-
 pe tangibilis qualitas. 869. 2.

Tactus sensus non requirit medium externum.
 2. 874. 2. Nec etiam ad tangenda corpora
 solida. 875. 2. Potest interuenire aliquod
 medium. 876. 1. Nec est necessarium me-
 dium internum. col. 2.

Tactus quandoque mutatur modo reali &
 semper intentionali. 879. 2.

TALPA an habeat visum. 2. 784. 2.

TANGIBILES qualitates quæ. 2. 869. 1.
 Quædam percipiuntur in eodem sensorio
 tactus, quædã in externo subiecto. 2. 878. 1.
 Quædam in vtroque ibid. Quæ sunt actiue
 percipiuntur solum dum excedunt. 879. 1.

TEMPERAMENTVM est collectio
 elementarium qualitatum. 2. 573. 1. Eius
 nouem genera. 574. 2. Octo inueniuntur
 penes inæqualitatem. 575. 1. Temperamen-
 tum æquale an naturaliter inueniatur. col. 2.

TEMPVS in motu constituit quantitatem
 successiuam. 1. 1044. 1.

Tempus intrinsecum & extrinsecum. 1. 1051.
 1. Tempus extrinsecum imaginarium &
 reale. col. 2. Tempus reale præcipue con-
 sideratur in motu Cæli. 1052. 1.

Tempus definitur. 1. 1053. 1. Est numerus &
 mensura, & quomodo. ibid. & seq. Est nu-
 merus & mensura motus. 1055. 1. Dicitur
 secundum prius & posterius. ibid. Est reale
 & completur per intellectum. col. 2. Quo-
 modo mensureretur motu. 1058. 2. Quo pa-
 cto desinat in instanti. 1078. 2.

Tempus quo pacto possit aut non possit reuo-
 uari. 2. 351. 1. Ad tempus præteritum quo
 pacto non detur potentia. col. 2.

TERRA est in medio mundi. 2. 5. 2. Non
 est perfecte spherica & æqualis. 15. 1. Quo-
 modo pendeat suspensa. 16. 2. Quomodo
 sustineat habitatores in circuitu. 17. 1. Eius
 magnitudo quo pacto explorata sit. 153. 2.
 Quanta censeatur. 154. 1.

Terræ potuisset aliquis motus tribui, de facto
 nullus conuenit. 2. 173. 1.

Terra est aliquo modo altior aqua. 2. 270. 2.

Haber centrum grauitatis. 275. 2. Si esset
 per se separata, eius centrum attingeret
 centrum mundi. 276. 2. Qualiter sit ali-
 quantum dimota à loco suo. 278. 1. Vide
 Centrum.

Terræ globus non mouetur motu recto. 2.
 282. 1. Non mouetur motu circulari. col. 2.
 An moueatur motu agitationis. 283. 2. In
 rigore mathematico aliquatenus dimoue-
 tur. 285. 1. Physicè & sensibilibus non mo-
 uetur. col. 2.

Terræ globus quantus sit. 2. 285. 2. Quo pacto
 respectu Cæli sit instar puncti. ibid. De fa-
 cto est maior aqua. 289. 1. Est circularis.
 296. 2. Quare sensu non discernatur eius
 rotunditas. col. 2. Vide Globus.

Terra ex natura sua est frigida & sicca. 2. 493.
 1. Est in summo sicca. 500. 2. Videtur etiam
 in summo frigida. ibid.

TERREMOTVS quid sit & quomodo
 fiat. 2. 554. 2.

TERMINVS à quo, principiat quando
 non est. 370. 2.

Termini ex parte magnitudinis & paruitatis
 solent distingui in intrinsecos & extrinse-
 cos. 2. 358. 2. Vide Corpora.

TIRILLATIO reducitur ad dolorem.
 2. 874. 1.

TONITRVA quid & quomodo fiat. 2. 518. 2.

TOTVM integrale non distinguitur à suis
 partibus unitis. 1. 583. 1. Nec totum meta-
 physicum. col. 2. Nec totum physicum. 584.
 1. Nec etiam ratione, totum distinguitur à
 partibus, nisi in modo concipiendi. ibid.

Totum siue tertie entitate est simpliciter vnu.
 585. 2. Componitur & causatur ex parti-
 bus. ibid. Generatur & corrumpitur ratio-
 ne unionis. col. 2. Ipsi conueniunt opera-
 tiones & passionibus ratione partium. ibid.

TRANSMTATIO de vno termino ad
 alium quomodo fiat in mutatione. 1. 369. 1.

TVBVS opticus plures stellas detexit. 2.
 53. 2. A quo fuerit inuentus. 54. 2.

V

VACVVM est locus priuatus corpore. 1.
 993. 1. De facto non datur, nec natura-
 liter dari potest. 994. 1. Abhorretur à cor-
 poribus non ob sui conseruationem. 995. 1.
 Nec ob cælestium causarum operationem.
 ibid. Sed ob vniuersi perfectionem. col. 2.
 Ad replendum ipsum mouentur corpora,
 non à solis causis superioribus. ibid. Sed
 vnum

Index Rerum.

- unum corpus mouetur ab alio, & a seipso. 996. 1.
- Vacuum dari potest virtute diuina. 1. 936. 2. Virtute etiam alicuius causæ creatæ possibilis. *ibid.* Fortasse etiam de facto virtute angelica. 997. 1. In ipso reperiretur distantia. 995. 2.
- VAPORES sunt rariores hoc infimo aere. 2. 442. 2. Ascendunt in mediam aeris regionem, & ibi sistant. *ibid.*
- VAS immissum in aquam, quare frigescat supra aquam. 2. 404. 1.
- VBI datur. 1. 1008. 1. Est formalis actus essendi in loco. 1013. 1. Per se respicit & constituit rem in spatio. 1014. 1. Concomitanter attingit locum physicum ambientem. 1015. 1. Dicitur præsentia localis. *ib.* Non requirit distinctum modum ad constituendam rem in loco physico. 1016. 1. Vide Præsentia localis.
- Vbi successuum, & permanens. 1. 1016. 2. Vbi successuum non potest esse nisi per partes post partes in tempore. *ibid.* Et permanens & successuum est terminus motus localis. 1017. 1. Vbi successuum est in eodē genere & prædicamento cum permanente. col. 2.
- Vbi circumscriptum & incircumscriptum. 1. 1018. 1. Definitum & indefinitum. col. 2. Distinguitur secundum varias positiones & comparationes locales. 1019. 2. Ut sic differt solum accidentaliter. *ibid.* Distinguitur secundum omnes partes spatij. 1020. 2. Ut sic differt essentialiter. 1021. 1.
- Vbi vnicum est in vno subiecto. 1. 1022. 2. Non est vnum simplex et inuariatum in vno supposito. 1023. 1. Sed vel est compositum ex pluribus pro qualibet forma, vel simplex variabile secundum additionem vel ablationem formæ. 1025. 1.
- VEGETATIVVM. Vide Anima vegetativa.
- VENTI distinguuntur pro varietate locorum. 2. 524. 2. Afficiuntur pro qualitate locorum. 525. 1. Possunt esse aer commotus, & ex vno ad alium locum agitatus. 527. 2. Possunt esse terrestres halitus. 528. 1. Possunt esse aquei vapores. *ibid.* Semper important commotionem aeris. col. 2. Præcipue fiunt a causis cælestibus per occultas virtutes. *ibid.*
- VERBUM diuinum assumpsit naturam, & non substantiam humanam. 1. 527. 1. Non poter. t. assumere omnem modum naturæ. 529. 4.
- Verbum mentis non est distinctum ab intellectione. 2. 977. 1. Verbum & Intellectio quomodo se habeant in diuinis. 983. 1. Vide Intellectio.
- VERITAS est quadam ratione prior, quadam posterior, quadam simul cum bonitate. 1. 149. 1.
- Veritas non solum dicitur de cognitione, sed etiam de rebus. 1. 189. 2. In quo differat à bonitate. 191. 1. Non dicitur per respectum mensurati ad mensuram. col. 2.
- Veritas rerum potest explicari per negationem entis apparentis. 1. 192. 2. Potius explicatur per conceptum positium. 193. 1. Potest explicari per entitatem ipsam rerum. col. 2. Debet explicari per conformitatem ad intellectum. 194. 1.
- Veritas non est perfectio realis superaddita rebus. 1. 196. 2. Non est perfectio absoluta. 197. 1. Non est realis relatio. *ibid.* Explicatur per denominationem extrinsecam. col. 2. Explicatur per relationem rationis. 198. 1.
- Veritas transcendens est distincta à repræsentatiua. 1. 207. 1. Etiam in ipsa cognitione. col. 2. Earum conuenientia est aliquo modo vniuoca. 208. 2. Veritas quoad nomen prius dicitur de repræsentatiua. 209. 1. Quoad rem se habent concomitanter. *ibid.*
- Veritas non est inæqualis ex parte cognoscibilitatis. 1. 214. 1. Nec ex parte conformitatis. col. 2. Sed ex parte entitatis. 215. 1.
- Verum ut passio entis non est proprium intellectus obiectum. 1. 211. 1. Eius ratio non percipitur in cognitione obiecti. *ibid.* Non est conditio antecedens requisita ad cognitionem. col. 2. Non complet intellectiōnem. *ibid.* Non perficit intellectum. *ibid.* Non causat cognitionem. 212. 1. Non est obiectum tanquam ratio consequens. *ibid.* Prout est ipsum ens, est adæquatum intellectus obiectum. *ibid.* Vide Cognitionis, Ens, Conformitas, Res.
- VIA lactea describitur. 2. 196. 1. Variæ de ipsa sententiæ. col. 2. Verè & simpliciter est cælestis. 198. 2. Est candor lucis, vel ex dispositione partium Cæli, vel ex aggregatione stellarum. 200. 2. Potius ex aggregatione stellarum. 201. 1.
- VINVM conuertitur in se aquam. 2. 195. 2.
- VIOLENTVM potest consistere in passione, & in actione. 1. 331. 2. Eius ratio explicatur. 333. 1. Vide Actus violenti.
- VIRGÆ, aeris imagines, quæ sint & quomodo

Index Rerum,

- modo fiant. 2. 333. 1.
- V I R T V S** media, est eadem ad ascensum & descensum. 2. 444. 2.
- Virtus impressa** est vna species, ad quemcumque locum dirigatur mobile. 2. 444. 2. Est qualitas diuersa à gravitate & leuitate. 460. 1. Producitur a motore proijciente mobile. col. 2. Non corrumpitur per nouam reparationem gratificatis in mobili. 461. 2. Nec per nouam virtutem priori contrariam. ibid. Nec per motum & impulsus terræ. 462. 1. Sed quia ex natura sua est fluxilis & caduca. 463. 1.
- Virtutes potentie nutritiue** sunt, **Virtus attractiua**. 2. 736. 2. **Virtus retentiua**. 737. 1. **Virtus appetitiua**. ibid. **Virtus expulsiua**. ibid. **Virtus secretiua**, & alie. ibid.
- Virtus motiua**. Vide Corpora.
- V I S I O** non fit per extramissionem radiorum ab oculo. 2. 808. 1. Non remanet in oculo absque specie. 823. 2.
- Visus** est in oculo. 2. 835. 1. Residet in humore chrySTALLINO, qui dicitur pupilla. 834. 2. Non in aliqua tunica. 835. 1. Non percipit obiectum absque qualitatibus proprijs visibilibus. 801. 1. Eius proprium obiectum est Color cum lumine, & lumen per se. 836. 2. Vide Oculum.
- V I T A** vt affectio Viuentis non sumitur pro substantiali vita, sed pro duratione vite. 2. 769. 1. Est definita in omnibus viuentibus. ibid. Nullo naturali medio potest in æternum protrahi. 770. 1. Non poterat per vnitatem comestionem de ligno vite. col. 2. Poterat per frequentem eius vsum prorogari in æternum. 771. 1.
- V I V E N T I A** quæ absque propagatione gignuntur, non fiunt à similibus. 2. 238. 1. Nō fiunt à forma seu Intelligentia separata. 239. 1. Non fiunt à Cælo tanquam instrumento Intelligentiæ assistentis. col. 2. Videntur fieri à Cælo tanquam à Causa principali. 240. 2. Fiunt per specialem virtutem productiuam. ibid. Vide Corpora.
- Viuentia** constare ex corpore & anima, idem est ac constare ex materia & forma. 1. 619. 2. Aliud est, ipsa esse corpus animatum, ac constare ex corpore & anima. 620. 1. Essentialiter includit vtique partem. col. 2.
- Viuentia** diuiduntur in Plantam, Brutum, & Hominem. 2. 631. 1. Viuentis tria sunt genera Animarum. 632. 1. In vnoquoque sufficit vnica anima. 633. 1. Vide Anima. Corpus. Viuentia deperdunt successu temporis aliquid de eorum substantia. 2. 742. 2. Deperdunt vi caloris. 743. 1. Deperdunt in iisdem partibus, in quibus est calor. col. 2. Reacquirunt per nutritionem. 742. 1. Reacquirunt cum mutatione materiæ & formæ vbi anima est diuisibilis. 744. 2. Vbi est indiuisibilis cum mutatione vniōis. 745. 1. Et adhuc saluatur Viuentis identitas. 746. 1.
- Viuentia** omnia naturali necessitate morti subiacent. 2. 769. 1. Varia varium vite spatium fortuntur. 770. 1.
- V N G V E S**. Vide Ornamenta.
- V N I O** formæ cum subiecto fit ab agente extrinseco. 1. 434. 1. Eius productio est productio compositi. ibid. Non refutat ab ipsa forma. col. 2. In homine vniō animæ & corporis fit à generante. 435. 1. In alijs compositis à producētibz formam. 436. 1.
- Vniō** inter materiam & formam est necessaria ad constituendum compositum. 1. 569. 1. Non indiget alia vniōe, vt ipsa vniatur. 571. 2. Coniungit immediatē partes. 571. 1. Vnica est inter materiam & formam. col. 2. Et sic in alijs rebus vnitis. ibid. Non est in vtraque parte. 573. 2. Est in materia & terminatur ad formam. 574. 1. Diffat à modo vniōis Verbi diuini. 576. 1.
- Vniō** inter materiam & formam est modus realis. 1. 576. 2. Est substantialis. ibid. Essentialiter relatiuus. 577. 1. Et terminus actionis. ibid. Est corporeus & extensus etiam in homine. 578. 1. Coextenditur cum materia. 579. 1. Est de intrinseca ratione compositi. ibid. Non vt pars sed vt nexus partium. col. 2.
- Vniō** quomodo se habeat ad partes continui. 2. 735. 1.
- V N I T A S** Philosophiæ, est vnitās collectionis. 1. 33. 1.
- Vnitās**, est quadam ratione prior, quadam posterior, quadam ratione simul cum alijs duabus passionibus entis. 1. 148. 1. Absolutē præfertur alijs. 149. 2.
- Vnitās** est negatio. 1. 153. 1. Non est forma accidentalis ab ente distincta. col. 2. Non est formalitas positiua. ibid. Non dicit conceptum positiuum ab ente distinctum. 154. 1. Non est relatio rationis. col. 2. Habet positiuum fundamentum. 156. 1.
- Vnitās** est negatio, non includens, sed supponens ens. 1. 158. 2. In quodam sensu potest dici priuatio. 159. 1. In alio est pura negatio. col. 2. Est priuatio in rebus vniuersalibus. 160. 1. Quodammodo etiam in compositis

Index Rerum.

positis quantitatis. ibid. Dicitur realis. col. 1. Non dicitur vniuocè de ente rationis. ibid. Est vera proprietas entis realis. 161. 1. Opponitur multitudini negativè. col. 2.

Unitas est negatio diuisionis & multitudinis. 1. 162. 1. Potest dici negatio negationis. 163. 1. Dicitur negatio rerum diuisarum. 164. 1.

Unitas nō est indiuisio entis cū se. 1. 164. 1. Nō indiuisio entis à se. col. 2. Est indiuisio entis in se. 165. 2. Non est indiuisio entis in partes. ibid. Non est solū indiuisio entis in plura seipsa. 166. 1. Est indiuisio entis in plura entia totalia & completa. ibid. Constituit multitudinem. ibid. Est prior & secundū conceptum nostrum posterior diuisione. 167. 1.

Unitas Absoluta & Comparatiua. 1. 168. 2. Per se & per accidens. 169. 1. Unitas per se est multiplex, Simpliciter & compositionis. 170. 2. Unitas Compositionis triplex, Integralis, Physica, & Metaphysica. ibid.

Unitas per accidens multiplex. 171. 2. Quānam unitas sit maior aut minor. ibid. Quānam sit transcendēialis & adēquata passio entis. 172. 1.

Unitas transcendēialis non est sola unitas vniuersalis. 1. 174. 1. Non unitas vniuersali & singulari communis. ibid. Sed unitas singularis. col. 2. Hæc secundū eandem rationem conuenit omni enti in genere & in particulari. 175. 1. Consideratur in communi, sicut entitas in communi. ibid. Conuenit non solū singularitati, sed etiam naturæ. col. 2. Explicatur quō pāto sit adēquata passio entis. ibid.

Unitas numeralis potest sumi, vt communis omnibus entibus. 1. 178. 1. Debet distingui ab unitate transcendētali. col. 2. Non est forma realis accidentalis in singulis rebus. 179. 1. Est adēquata passio entis distincta ab unitate transcendētali. col. 2.

Unitas numeralis potest sumi vt propria rebus quantis. 1. 179. 2. Explicatur per rationem mensuræ. 180. 2. Explicatur per rationem continuationis. ibid. Explicatur per comparisonem quantitatis, ad subiectum. 181. 1.

V N V M omne est ens & è contra. 1. 150. 2.

Vnum & multa quomodo dicantur contraria. 1. 155. 1. Vnū quomodo dicatur opponi relationalitè cum multitudine. col. 2.

Vnum in concreto potest sumi includendo ens. 1. 158. 1.

Vnum per se debet constare ex rebus eiusdem prædicamenti. 1. 169. 2. An debeat constare ex actu & potentia. ibid. Non sufficit quod habeat omnia ad sui constitutionem requisita. 170. 1. Vel est simplex, vel compositum ex partibus proportionatis. col. 2.

VOLUNTAS animæ rationalis potentia. 2. 968. 1. Non est per se cognoscitiua. 969. 2. Est ab appetitu sensitivo distincta. 2. 1003. 2. Habet pro obiecto bonum. 1004. 2. Mouet alias potentias ad operandum, vel immediatè, vel mediatè. 1005. 1. & 2. Vel despoticè, vel politicè. ibid. Dependet ab intellectu. 1006. 1. Requirit præuium iudicium. col. 2. Est in operando libera. 1007. 1. Contendit cum intellectu de primatu. col. 2.

VOLVPTAS reperitur in sensu externo 12. 870. 2. Similiter in sensu gustus. 871. 2. Non in visu, & auditu. 872. 1. Est in odoratu. ibid. Non est sola sensatio obiecti externi. col. 2. Est peculiaris qualitas in sensu. 873. 1.


OX est animalium propria. 2. 929. 1. Non est omnibus animalibus communis. ibidem. Editur ab omnibus quæ respirant. col. 2. Definitur. ibid. Quo modo, & per quæ instrumenta fiat. 930. 1.

V T E R inflatus aere an magis ponderet quam inanis. 1. 449. 1.

Z

ZODIACVS constat duodecim signis. 1. 85. 1. Constato 2. pag. 2. col. 1.

ZONARVM caelestium situs. 1. 85. 1. Constitutio. ibid. Ipsarum poli. col. 2. Declinatio. 86. 1. Eleuatio. ibid. Diuisio in exteriorem & interiorem. 86. 2. Epicyclus. 87. 1. Zonæ non plures distinguendæ pro stellis fixis. 1. 89. 1. Vide Cæl. Planetæ.



F I N I S.



ERRATA SIC CORRIGENDA.

Pag.	Col.	Lin.	Errata.	Corrigenda.	Pag.	Col.	Lin.	Errata.	Corrigenda.
19	2	20	vniciusque	vniciusque	590	1	9	es	z
49	14	14	via	via	592	1	11	illas	illa
51	1	26	vique	vique ad	596	2	1	colligatas	colligatos
57	2	10	solem in cetro	solem immobilem in	620	1	17	api	api
			mudi. & tam	centro mundi. &	612	2	9	adiuncta	adiuncta
			teram immo-	tam terram quam	616	2	2	ipsomet	ipsomet
			bilem quam				34	varia	varia
58	1	13	infra ipsos	inter ipsos	618	1	38	ac	ac
208	2	13	Luna	Lunam			40	anima	animam
		15	aez	aez	614	2	1	quzdam	quidam
217	1	24	qua	quas	621	1	3	appetitum	appetitum
221	1	13	hac	hac	665	1	44	debetur	debet
233	2	53	varij	varij	671	2	2	effici	effici
264	1	21	fies	fies	674	2	20	utilitatem	utilitatem
		23	Hac	Hac	707	2	42	verè	verò
265	2	11	periculosum	periculosum	708	1	28	adducenda	adducenda
266	2	13	fic	fic	727	1	17	deperdunt	deperdunt
268	1	32	& ita	descendit, per	721	1	12	scrum	scrum
				aquam; licet aqua	741	1	4	eundem	eandem
				est grauior aere	748	2	30	oblegat	oblegat
269	1	10	marium	marinum	756	2	17	elementum	elementum
278	1	33	sphericum	sphericum	760	1	49	contipere	concurrere
282	1	10	modus	modum	760	2	28	siue	sine
333	2	18	differentia	differentiam	767	2	48	conuincit	coniungit
345	2	21	quod corruptum	quod corruptum	786	2	35	solent conchos	solent conchas
			ptum		789	1	8	prorem	prorem
351	1	15	esse	esse	797	2	7	obiectum	obiectum
384	2	1	gradum	gradum	801	2	17	opatum	opatum
385	2	49	adue	vel intrinsecè			38	vltra	vltra
391	1	39	fit	fit	809	1	2	inter	inter se
404	2		marg. non	non			10	quia	quæ
			aquem	aquem	812	2	49	pictures	picturas
420	2	5	nullum	nullus	817	1	17	non	nec
430	1		marg. nisi	nisi	820	1	30	ergo	ergo nec
431	2		marg. ai	ita	822	1	14	exteriorum	externarum
432	1	43	duplicandum	dijudicandum			5	obiecti	obiecto
454	1	31	restitit	restitit			32	obiecto	obiecti
459	1	24	magnetæ	magnetæ	840	2	12	nam	num
483	2	16	Aristotelis	Aristoteles	853	2	15	adhuc	adhuc
507	1	36	factum	factum	859	2	16	homine	nomine
508	2	7	conuersa	conuersio	861	2	12	peruenire	peruenire
513	1	28	flumina	fulmina	883	2	30	allicio	allicio
		33	materna	meteoræ	901	2	7	reperitur	reperitur
517	1	1	exercitium	exercitum	917	2	26	vi	vi
527	1	8	admittere	admittens	931	1	36	Proemio	Proemio
		2	captis	captis	932	1		Alius	Alius
530	1	48	plura	pura				more	mere
532	2	23	flauos	fauos			32	obiecta	obiecti
534	1	35	alijs	alij	933	1	44	moueri	mouetur
		35	marmorum	armorum	935	2	22	risul	risul
536	2	45	leniorem	leniorem	936	1	17	gustui	gestui
543	2	48	Vetibus	addo referuntur, ma-	939	1	10	effunduntur	offunduntur
				gis fabulas	939	2	11	alio	alio
544	2	20	Sydere	Sydere	941	1	44	vim	vim
		24	agitas	agitat	947	1	30	loquitur	sequitur
545	2	7	intus	intus	952	1	2	Ethicos	Ethicos
553	1	44	illa	in illa	958	2	8	impedire	impedire
555	2	39	omnibus	amnis	967	2	13	ille	illi
559	2	43	corpora	addo miscantur, &	968	1	9	infuso	infuso
				hac	983	1	41	secundari	secundari
565	1	43	disperata	disparata	1016	1	39	absconditur	absconditur
571	1	10	magis	magnis	1025	2	7	naturalium	naturaliter
583	1	1	fit	fit	1226	2	42	alias	alia
		28	q. 2.	sect. 2.	1029	1	5	potentia	presentia


REGESTVM:

† A B C D E F G H I K L M N O P Q R S T V X Y Z.

Aa Bb Cc Dd Ee Ff Gg Hh Ii Kk Ll Mm Nn
Oo Pp Qq Rr Ss Tt Vv Xx Yy Zz.

Aaa Bbb Ccc Ddd Eee Fff Ggg Hhh Iii Kkk
Lll Mmm Nnn Ooo Ppp Qqq Rrr Sss Ttt
Vuu Xxx Yyy Zzz Aaaa.

Omnes sunt Quaterniones, præter Mm, & Aaaa Ternio-
nes, & Vuu Xxx Yyy Zzz. Duerniones.



B O N O N I Æ,

Ex Typographia Iacobi Montij. MDCL:

SVPERIORVM PERMISSV.

